






Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.580









Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.5.580


2. 6. 580.

2 S. 6



XL  
MALD.  
in Evang.  
L







IOANNIS  
**MALDONATI**  
ANDALVSII  
SOCIETATIS IESV  
THEOLOGI:  
**COMMENTARII**  
In Quattuor Euangelistas

In duos Tomus diuisi .

*Quorum prior eos, qui in MATTHAEVM, & MARCVM;  
posterior eos, qui in LVCAM, & IOANNEM,  
complectitur.*

Hac postrema editione ab innumeris quibus antea scatebant  
erroribus, expurgati, & pristino nitore suo restituti.



**VENETIIS,** Apud Sessas. **M D CVI.**  
40



IOHANNIS

MALDONATI

ANDALVSI

SOCIETATIS IESV

THEOLOG

COMMENTARI

In quos Tomus quintus

in quos Tomus quintus

in quos Tomus quintus

in quos Tomus quintus



VENETIS. Apud Sess. M. D. C. L.



VENERANDO DOMINO  
GERVASIO ALDO

CÆNOBII AMBROSIIANI MAIORIS  
ARCHIMANDRITAE.

PETRVS MARTYR. S. D. P.



VM multa sint in vita, Antistes vene-  
rande, quæ aditum nobis ad gloriã  
patefaciunt: tum nulla est certior;  
nec tutior via, nulla ratio illustran-  
di nominis homine christiano di-  
gnior: quam eorum, qui se ad com-  
munem humanæ societatis vtilitatem natos arbitrati,  
omne studium, operam, diligentiam, omnes denique  
cogitationes ad iuuandam remp conferunt. Neque  
verò prisci illi rudes & inculti homines, alios pro dijs  
coluerunt: quàm eos, à quibus magnum aliquod bene-  
ficium sibi accepisse viderentur. Sed de tam multis,  
qui boni publici promouendi auditate inflammari,  
totos se augendis humanæ vitæ commodis addixe-  
runt, eos in primis immortalitate dignos iudicavi: qui  
in studijs litterarum promouendis (quod humanita-  
tis maximè proprium est) tempus, & operam præci-  
puè consumpserint. In his autem principatum nemo  
non stultissimus negauerit: qui facias literas, qui-  
bus religionis nostræ mysteria continentur, expla-  
nandas sibi proposuerunt. Aliorum scriptorum primi  
nominis opera, qui suis commentarijs doctè, accuratè,

a z per-



perspicue explanarunt, egregiam sanè laudem, suo iure consecuti sunt: sed qui sacrorum autorum obscuris locis lumen, & splendorem attulerunt, maiore multis partibus beneficio sibi deinxerunt temp. christianā. In hoc genere, ex societate Iesu quam plurimi excelluerunt (est enim totus ille ordo cum optimis artium, & pietatis studijs deditus, tum reipub. Christianæ utilitati mancipatus) sed, si verum fateri volumus, ita se gessit Ioannes Maldonatus, ut κατ' ἀντίρροπον hoc illi nomē inditum esse videri possit. Hunc non benevolentiam modo eximiam, sed operam etiam studiosis omnibus vtilissimam nauasse, vel hoc argumento est maximo: quod de tot exemplaribus commentariorum, quos edidit in euangelia, vix vllum venale reperias in officinis bibliopolarum, & si qua sunt, magna mercede ex remotissima regione arcessenda sunt. Qua de re cum sepe audirem querelas multorum: qui tam docti, tamque exacti & diligentis scriptoris iniquissimè ferrent libros iam editos, magnò studiosorum detrimento, ad tantam paucitatem, & penuriam redactos esse; providendum, & consulendum putavi honestis eorum desiderijs; & eosdem curavi denuò excudendos. Cum verò iam in promptu essent operę typographica, & ad operis perfectionem paratæ: &, quod facere plerique omnes solent, ut sua opera in medium proditura magni alicuius viri nomine, & autoritate præmuniant, non negligendum existimarem: tu vnus occurristi dignissimus, qui vestibulum operis sanctissimi splendore nominis, & integritatis tuæ exornares. Tam pio, & christiano operi, præluce æquum est nomen viri, & doctrinæ



Arinæ laude, & religionis ardore, & sanctimonia vitæ  
clarissimi. Me vero in eam mentem duo potissimum  
impulerunt: vnum, quod, tibi quem in hoc genere præ  
ponerem, non habebam: alterum verò, quod iam dudum  
cupiebam extare aliquod meæ erga te beneuolentiæ  
& obseruantia testimonium. Accipies igitur hoc ab  
amico homine, & tibi deditissimo munusculum læta  
& placida fronte, & quod datur ex animo satis ma  
gnum, nec te indignum iudicabis.

AD EVNDEM DOMINVM GERVASIVM

Aldum Cœnobiarcham Nicolai Sturmij sub persona  
Petri martyris.



Iliribus gladios largitus, aratra colonis,  
Munera personæ congrua cuique dedit.  
Sed tibi, quem doctrina facit, pietasque decorum,  
Et vitiorum expers, ac sine labe decus,  
Qui dare digna solet dignis moderator olympi,  
Reddere pro meritis præmia digna potest.  
Nos tenues, quamuis cupiamus, grandia magnis  
Mittere nam sortis dextra maligna vetat.  
Accipies tamen hunc porrecta fronte libellum:  
Exiguum nihil est, quod dat amica manus.

AD IOANNEM MALDONATVM THEO  
logum ex societate Iesu eiusdem Sturmij.



Va tenerum te lacte parens Hispania fouit,  
Leta tuis sacras fontibus haurit aquas.  
Artibus & que te tantis donauit, Alumno  
Non minus est felix Gallia nostra suo.  
Celta d'is aut potior habet, & peritæ laudat Iberus:  
Queis tua cælestes penna dat, osque cibos.  
Nec tantum hic aut ille tuo iam nectare vinit:  
Pascitur hoc, Christi dogmata quisquis amat.  
Tot bona cum dones, tot sint tibi ab æthere dona,  
Nunc Benedonati nomina iusta feres.





# MVSSIPONTANI THEOLOGI SOCIETATIS IESV LECTORIS.



NONNULLA sunt, Lector optime, quæ te nescius ne sis, monēdū duximus. Primum est, vt ne penitus huius operis auctorem ignotum habeas, Ioannē Maldonatum patria fuisse Beticum, genere nobilem, professione Theologum vitæ statu Societatis nostræ Sacerdotem. Is primam ætatem in Academia Salmaticensi exegit doctissimis, et celeberrimis vsus præceptoribus præcipuè Dominico à Soto Ordinis S. Dominici, & Fracisco Toletò tunc sæculari, postmodum Societatis nostræ Theologo, nunc S. R. E. Cardinali. Posteaquā se absolutis studijs Societati nostræ addixit, Romā profectus aliquot menses Theologiam docuit: sed dum Collegij nostri Parisiensis scholæ primū aperirentur, singulari Dei cōsilio, & instinctu Luteriam est missus, vbi primus ē nostris Theologiam docuit totos annos decem magna laude, & celebritate, ingentique frequentissimorum auditorum concursu, qui nimirum quotidie duabus, tribusue horis, antequā scholam ingrederetur, subsellia certatim implerent. Quia uerò se in ijs docere animaduertebat, vbi hæreses vigerent plurimū, variique errores in dies increbrescerent, priscos illos, sanctosque Patres imitatus, qui ad refellendos potissimum ætatis suæ hæreticos studia sua omnia referebant, in id maximè docendo incubuit, vt Lutheri, Zuinglij, Caluini, aliorumque hæreticorum huius sæculi nefariam, & sceleratam doctrinam conuelleret veramque, & orthodoxam fidem corroboraret. In quo sanè profecit plurimum. Nam ex eius schola prodierunt uiri eruditi quamplurimi, Episcopi, Doctores, Cōcionatores, Parochi, & vix postea fuit quisquā in Gallia, qui cum eius auditor esse nō potuisset, quæ in schola dictauerat, sibi descripta dominiō haberet. Vir sanè fuit multis, magnisque à Deo donis cumulatus, ingenij subtilis, iudicij admirabilis, memoriæ excellentis, diligentia incredibilis, indefessi studij, laboris supra corporis vires assidui, quæ cum initio firmæ essent paulatim tamē lectione, scriptiōneque cōtinua exhausta sunt. Legendis enim libris cōtinuò vacabat; sic vt nullū probatum in Theologia Græcū, Latinumve auctore prætermiserit, quin totū peruoluit, legeritque diligenter, ac notarit. Et hæc, quæ plurimis nota erāt, laudabantur palam, immò prædicabantur à multis. Sed alia sine dubitatione maiora, laudeque digniora, quæ minus oculis paterent, accipe. Virtus in eo plane fuit eximia, sanctitas potius appellanda. Testes aliqui sumus, qui cum eo familiariter viximus. Magna in eo rerum humanarum despiciētia; magna laudis, & auræ popularis contemptio; humilitas, & modestia incredibilis, vt tam doctus ductum se nesciret, tam in ore hominum positis homines sperneret, tam apud Principes, Præsules, primarios viros carus, & honoratus, maiorem in modum eorum aditum, conspectūque declinaret; vt id etiam à nonnullis morositati tribueretur, dum ne inuitatus quidem ad eos accederet; ardens, & iuge orationis, ac meditationis diuinarum rerū studium; summa in cibo, potuque parci-



paucitas; Paupertatis Evangelicę rigida observatio; ut qui præter cæteros nihil quidquam haberet, retineretue, cum ex vno loco in alium abiret, nisi vestem, quam humeris gestaret vilem potius, quam simplicem, & aliqua eorum, quę legisset, observassetue, manu sua exarata Aduersaria. In summa, ut multa paucis complectamur, vir fuit mundo, sibi que crucifixus. Atque hoc esto verum ipsius elogium, & præcipuum quasi Epitaphij præconium. Excessit è vita ætatis suę vix dum quinquagesimo ineunte anno M.D.LXXXIII. Romę, quod fuerat è Gallia à Gregorio XIII. euocatus ad editionem Græcam septuaginta interpretum, quę post eius obitum in vulgus exijt.

Secundum est, Ioannem Maldonatum plurimum ætatis suę in schola docēdo, disputandoque posuisse; exiguum in cubiculo, & secessu scribendo. Docuit ille multos annos Lutetię; cumque primum totam Theologiam quattuor annis per Compendium tradidisset, iterum eandem vberius tradere erat aggressus, iamque longè prouectus erat, & post tractatas de Deo, Deique attributis, Trinitate, prouidentia, prædestinatione, Angelis, homine, hominisque creatione, peccato originali, libero arbitrio, iustificatione, meritis operum quæstiones, & disputationes, ad eam se demum partem, quę de Christo est, eiusque incarnatione, & generis humani redemptione, transferebat, cum ecce alienissimo sanè tempore, certè magno multorum damno à nonnullis Lutetię zelo partim præposito, partim non secundum scientiam hæresis arcessitus est. Res acta est vtrinque grauitè, tandem quę auctoritate summi Pontificis Gregorij XIII. ab æquissimo, & integerrimo Iudice Illustriss. D. Petro Gondio tunc Parisiensi Episcopo, nunc insuper S.R.E. Cardinali amplissimo secundum eum sententia lata est, quę ne quem lateat, ne ue apud posteros litis illius exitum ignorantes tanti viri nomini, famęque labes aliqua aspergi possit, tota hic à nobis, ut typis fuit excusa, publicęque propoſita ad verbum subiijciatur,

PETRVS GONDIVS Dei, & sanctę Sedis Apostolica gratia Parisiensis Episcopus, vniuersis presentes litteras inspectis Salutem in Domino. Notum facimus, quod cum nuper vir venerabilis, & discretus Magister Ioannes Maldonatus, Presbyter Societatis nominis IESV, Theologię professor in Collegio Claromontensi in Academia Parisiensi fundato apud nos delatus fuisset, quod in suis prælectionibus aliquid aduersus fidem Christianam dixisset, & suis auditoribus distasset, ac de ea re à quodam declamatum diceretur: Nos super eo testes per Promotorem Curia nostre audiri ac informationem fieri mandauimus; & subinde eundem Maldonatum coram nobis accitum, & comparentem interrogauimus, & audiuimus. Denique postquam nobis iusi sumus de ea re satis instructi, ac cum doctis, & peritis viris negotio communicato: Die data præsentium sententiam nostram in hunc, & sequentem modum protulimus, & pronunciauimus. CHRISTI NOMINE INVOCATO, visis informationibus per Promotorem Curia nostra Episcopalis Parisiensis de ordinatione nostra factis super his, quę contra venerabilem virum Magistrum Ioannem Maldonatum Doctorem Collegij Societatis nominis IESV publicè dicta, & declamata sunt, quod hæretice docuisset, & superbis audito eodem Maldonato, adhibitoque virorum proborum, & peritorum consilio: Nos dictum Maldonatum nihil hæreticum, nec à fide, & Religione Catholica alienum docuisse dicimus, & pronunciamus. In cuius rei fidem, & testimonium præsentis litteras per Magistrum Ludouicum Ioyſel dictę Curia nostre actuarium, & scribam iuratum fieri, & signari, sigillique eiusdem Curia iussimus, & fecimus appensione communi. Datum Parisiis anno Domini millesimo quingentesimo septuagesimo quinto, die decima septima mensis Ianuarij.

Verum enimuero etsi hac sententia satis eius innocentia, & fides probata, testataque esset, satius tamen fore putauit, si, præsertim ingrauescente etate, paucorum emulationi cederet, lucemque illam hominum fugeret; nihilo enim minus posteritati seruatum, si animum adscribendum appelleret, & silente lingua calamo loqueretur. Ita quippe non vni Prouincię solùm, sed pluribus; non huic tantum sæculo, sed consequentibus profuturum. Qnamobrem in Collegio



gio nostro Biturigenſi abditus hoſ primũ commentarios edidit, alioſque in Prophetas maiores, quorum duos, qui ad manus noſtras peruenerunt, propediem ſumus edituri. Cogitabat, & omnes Scripturę libros commentarijs illuſtrare, & Idiotiſmos, Phraſes, Hebraiſmos, aliaque iſtiusmodi edere ad intelligendam ſacram Scripturam peropportuna; ſed cogitationes mortalium timida, & incertę prouidentię noſtrę. Romam enim accerſitus, ibique non multum temporis verſatus, laborum ſuorum à Deo præmia conſequutus ad meliorem vitam commigravit.

Tertium eſt, hoc opus Ioannem Maldonatum ad annum M. D. LXXVIII. perfeciſſe quidem, ſed non limaiſſe, ipſum enim iterum illud incudi redditurum, & perfectius, limatiuſque editurum fuiſſe, ſi ſuperſtes diutius extitiſſet: quam ob cauſam nonnulla ſuppleuimus. Nam in pleriſque Scripturę, & auctorum veterum locis nec liber, nec caput adſcribebatur, quod ſine dubio erat facturus; nos ad marginem adſcripſimus. Annotatiunculas etiam paſſim adieciſimus, quę ſummam rerum tractatarum, & illuſtriores locos, digreſſione ſue indicarent. Indicem pariter texuimus vtriuſque tomi duplicem, ipſumque opus in duos Tomos diſtribuimus, vt citius per partes prodiret.

Quartum eſt, quibuſdam in locis textum Euangelij ab eo diſſentire, quem in commentarijs habet. Tunc enim, cum opus hoc ſcriberet, non exaſtabat hæc vltima vulgata editio auctoritate S. D. noſtri Clementis VIII. nouiſſimè edita; quare Plantiniana, quę tunc erat vulgatioꝝ, perpetuò eſt uſus. Nos verò decernente Summo Pontifice, vt hæc vltima editio in omnibus retineatur, eam prætermittre maius incommodum duximus, quàm ſi inter Euangelij, & commentariorum textum aliquid cerneretur diſcriminis, quod tamen infrequens admodum eſt.

Quintum eſt, horum Commētariorum editionem deberi in primis R. P. Claudio Aquauieuſi Societatis noſtrę Generali Prępoſito, qui eos ſibi ab auctore paulo ante deceſſum oblatos tanquam magni pretij depositum curauit diligenter ſeruari, recognoſci, à mendis ſcripturę repurgari, & hic tandem excudi. Multum etiam ad id operę cōtulit Ioannes Porcellerus à Malliana Balliuſ Metenſis. vir nobilis, pius iuxta & eruditus, ſupra Theologum mile, ſupra militem Theologus, qui et Romę nomine Illuſtriſſ. Cardinalis à Lotharingia, & ſuo magnopere inſtitit, ut ederentur, & hic ad Typographiæ ſumptum mutuam pecuniam liberaliter contulit. Nos denique non diſitemur aliquid ad hoc ipſum attuliſſe opis, & adiumenti, dum præter ſuperiora, quę à nobis narrata indicauimus, & manu ſcriptum exemplar paſſim vitiouſum emendamus, quòd cum antographo Romę remanente propter itinerum pericula conferri non poſſet, & operas vrgemus, earumque negligentiam noſtra diligētia ſupplemus. Tu Lector optime his omnibus habeto gratiam; & hoc erit nouę gratiæ, & beneficij prouocatio. Sic nullus præteribit annus, quin tibi is aliquid à nobis nouum afferat, quod ex uſu tuo fiet. Vale.







I N D E X  
LOCORVM SCRIPTVRAE  
QVAE IN COMMENTARIIS  
IN MATTHAEVM, ET MAR-  
cum exponuntur.

GENESIS.

1. v. 28. Crescite, & multiplicamini. 297  
2. 24. Relinquet patrem, & matrem, & adhaerebit uxori. 379  
Eterunt duo in carne vna. 379  
2. 22. Aedificauit Dominus coelam, quam tulerat. 379  
4. 24. Septuplum ultio dabitur de Cain. 373  
21. 12. In Isaac vocabitur tibi semen. 104  
22. 17. & 24. 60. Possidebit semen tuum portas. 329  
32. 10. In baculo meo transiui Iordanem. 277  
48. 16. Angelus qui eruit me de cunctis malis. 364  
49. 10. Non auferetur sceptrum de Iuda. 42

EXODI.

23. 4. Si occurreris boni inimici tui. 113  
30. 13. Dabit omnis, qui transit ad nomen, dimidium sili. 355

NUMEROR.

11. 29. Quis tribuat, ut omnis populus propheteret. 767 d  
14. 22. Tentauerunt me iam per decem vices. 492  
24. 17. Orietur stella ex Iacob. 48

DEUTERONOM.

5. 11. Non assumes nomen Dei tui. 122  
24. 1. Si acceperit homo uxorem. 380.

32. 8. Constituit terminos populorum. 393

IUDIC.

6. 23. Pax tecum, ne timeas. 218  
13. 7. Erit enim puer Nazareus Dei. 60

I. REGVM.

2. 2. Pueris meis condixi in illum locum. 248  
25. 32. Benedictus dominus Deus Israel. 292

II. REGVM.

7. 14. Ego ero illi in patrem. 80  
16. 10. Quid mihi, & vobis filij Saruiz. 70

III. REGVM.

18. 10. Non est gens, aut regnum, quod non miserit. 633

IIII. REGVM.

5. 11. Putabam, quod egrederetur ad me. 750

IOB.

15. 6. Condemnabit te os tuum, & non ego. 259  
39. 33. Vbiunque cadauer fuerit, statim adest. 482

PSALMOR.

2. 6. Ego autem constitutus sum Rex ab eo. 610  
8. 3. Perfecisti laudem propter inimicos. 409  
14. 3. Qui non egit dolum in lingua sua. 198  
16. 15. Satiabor, cum apparuerit gloria tua. 446  
17. 46. Filij alieni mentiti sunt mihi. b 266.



# INDEX LOCORVM SCRIPTVRAE.

266. 757			
21. 1. Longè à salute mea verba delicto-		24. 16. Septies in die cadet iustus.	159
rum.	634	30. 19. Tria sunt difficilia mihi.	372
21. 8. Et mouerunt caput.	623	ECCLESIASTÆ.	37
22. 5. Paraſti in conſpectu meo men-		10. 2. Cor ſapientis in dextera eius.	506
ſam.	531	CANT. CANTICORVM.	
23. 4. Qui non accepit in vano animam.		2. 10. Columba mea, formoſa mea.	79
122.		SAPIENTIAE.	
26. 4. Vnam petij à Domino, hanc re-		4. 13. Conſummatus in breui expleuit	
quiram.	442	tempora.	410
33. 11. Inquirentes Dominum non mi-		10. 13. Venditum iuſtum non dereli-	
nuentur.	152	quit.	684
34. 13. Et oratio mea in ſinu meo conuer-		ECCLESIASTICI.	
ſetur.	218	48. 10. Qui inſcriptus eſt in indicijs,	
40. 1. Beatus qui intelligit ſuper ege-		349	
num.	274	I S A I A E.	
50. 6. Tibi ſoli peccaui.	366	1. 26. Vocaberis ciuitas iuſti.	37
62. 7. In matutinis meditabor in te.		6. 9. Audite audientes, & nolite intelli-	
698		gere.	272
68. 22. Dederunt in eſcam meam fel.		6. 10. Excaeca cor populi huius, & aures	
620		aggraua.	272
70. 20. Et conuerſus viuificasti me.	338	7. 9. Niſi credideritis, non intelligetis.	
76. 8. Non apponet, vt complacitior ſit.		ſecundum LXX.	727
81		7. 10. Pete tibi ſignum à Domino.	37
77. 17. Conuerſi ſunt ſint in arcum pra-		7. 14. Vocabitur nomen eius Emma-	
num.	263	nuel	37
79. 9. Vineâ de Aegypto tranſtulisti.	438	9. 6. Admirabilis, conſiliarius, Deus	
84. 7. Deus tu conuerſus viuificabis nos.		fortis.	37
338		11. 1. Egredietur uirga de radice Ieſſe.	
88. 49. Et non videbit mortem.	341	60	
102. 18. Miſericordia Domini ab æter-		13. 9. Ecce dies Domini ueniet crudelis.	
no.	131	483	
103. 30. Emitte ſpiritum tuum, & crea-		22. 22. Et dabo clauem domus David ſu-	
buntur.	33	per humerum.	332
103. 3. Qui ponis nubem aſcenſum tuum.		24. 23. Erubeſcet luna, & confundetur	
346		ſol.	483
109. 1. Dixit Dominus domino meo.		29. 13. Populus hic labijs me honorat.	
461. 802		55. & 309	
109. 9. Donec ponam inimicos tuos ſca-		33. 3. Præparata eſt ab heri Thopher.	
bellum.	679. 685	117	
111. 9. Iuſtitia eius manet in ſæculum.		40. 3. Vxor clamantis in deſerto	63
131		40. 9. Super montem excelsum aſcende.	
117. 22. Lapidem, quem reprobauerunt.		97.	
440		42. 3. Arandinem quaſſatam non con-	
122. 1. Qui habitas in coelis.	138	fringer.	250
125. 1. In conuertendo Dominus capti-		53. 4. Ipſe infirmitates noſtras accepit.	
uitatem.	316	192	
143. 7. Et de manu filiorum alienorum.		55. 11. Verbum meum non reuertetur ad	
757		me.	218
148. 14. Populo appropinquanti ſibi.		61. 1. Ad annuntiandum pauperibus mi-	
311		ſit me.	229
PROVERB.		62. 11. Dicite filiæ Sion, ecce Saluator.	
21. 22. Circulus aureus in naribus		428	



# INDEX LOCORVM SCRIPTVRAE.

- 46.24. Vermis eorum non moritur. 769  
**HIEREMIAE.**  
 2. 18. Quid tibi vis in vijs Aegypti. 214  
 7. 4. Templum Domini est. 784  
 7. 13. Locutus sum ad vos mane confurgens. 413  
 12. 7. Reliqui domum meam. 470  
 22. 30. Scribe virum istum sterilem 21  
 23. 6. Vocabunt eum, Dominus iustus noster. 37  
**EZECHIELIS.**  
 15. 2. Quid fiet de ligno vitis ex omnibus. 105  
 29. 21. Tibi dabo apertum os in medio. 98  
**DANIELIS.**  
 7. 14. Dedit ei potestatem, & honorem 679  
 9. 27. Et erit in templo abominatio desolationis. 478  
 10. 8. Et non remansit in me fortitudo 664  
**OSEAE.**  
 6. 6. Misericordiam volui, & non sacrificium. 197. 465  
 11. 1. Ex Aegypto vocavi filium meum. 55  
**IOELIS.**  
 1. 10. A facie eius contremuit terra. 449  
**MICHAE.**  
 5. 2. Et tu Bethlehem terra Iuda. 50  
 6. 8. Facere iudicium, & diligere misericordiam. 465  
**ZACHARIAE.**  
 9. 9. Euxtra satis filia Sion. 428  
 11. 12. Et appenderunt mercedem meam 30. argenteos. 608  
 12. 10. Aspicient ad me, quem confixerunt. 645  
 13. 7. Percute pastorem, & dispergetur oves. 575  
**MALACHIAE.**  
 3. 1. Ecce ego mitto angelum meum, qui praeparabit. 229. 690  
 4. 1. Ecce dies veniet succensa quasi calaminus. 769  
 4. 5. Ecce ego mittam vobis Eliam prophetam. 236. 349  
**MATTHAEI.**  
 20. 10. Non estis vos qui loquimini. 197  
 20. 27. Quod dico in tenebris, dicite in lumine. 158  
 21. 12. Qui enim habet, dabitur ei. 728  
 21. 25. Baptismus Ioannis ex celo erat. 74  
 26. 41. Orate ne intretis in tentationem. 144  
**MARCI.**  
 9. 28. Hoc genus daemoniorum non eicitur. 208  
 16. 16. Qui crediderit, & baptizatus fuerit. 148  
**LVCAE.**  
 1. 6. Et erant iusti ambo ante Deum. 198  
 11. 28. Quinimo beati qui audiunt verbum Dei. 265  
 12. 59. Donec reddas nouissimum minutum. 150  
 13. 6. Arborem fici habebat quidam. 436  
 18. 1. Oportet semper orare. 135  
 18. 34. Et ipsi nihil horum intellexerunt. 416  
 23. 42. Memento mei, cum veneris in regnum. 65  
**IOANNIS.**  
 3. 18. Qui non credit, iam iudicatus est. 505  
 4. 13. Omnis, qui bibit ex hac aqua, sitiet. 553  
 5. 45. Est qui accusat vos Moyses. 404  
 6. 51. Panis, quem ego dabo, caro mea est. 553  
 7. 16. Doctrina mea non est mea. 197  
 9. 4. Venit nox, quando nemo potest operari. 411  
 9. 42. Si caeci essetis non haberetis peccatum. 198  
 10. 34. Ego dixi, dii estis vos; filios dixit Deos. 336  
 11. 9. Nonne 12. sunt horae diei. 412  
**ACT. APOSTOLORVM.**  
 4. 11. Hic est lapis, qui reprobatus est. 441  
 7. 9. Et erat Deus cum eo. 684  
 13. 46. Ecce conuertimur ad gentes. 159  
 15. 10. Quid tentatis Deum imponere iugum. 243  
 19. 3. In quo ergo baptizati estis? in Ioannis bap. 73  
**AD ROMANOS.**  
 5. 19. Sicut per inobedientiam vnus hominis. 415  
 7. 3. Vocabitur adultera, si fuerit cum alio. 385  
 9. 16. Non volentis, neque currentis. 197



# INDEX LOCORVM SCRIPTVRÆ.

13. 8. Qui diligit proximum, legem impleuit. 161

13. 9. Non adulterabis, non occides. 395

## I. AD CORINTHIOS.

3. 8. Secundum suum laborem propria mercedem. 226

3. 11. Fundamentum aliud nemo potest. 170

10. 1. Nolo enim vos ignorare fratres. 565

10. 16. Calix benedictionis, cui benedicimus. 297

11. 20. Iam non est dominicam coenam. 546

11. 27. Itaque quicumque manducauerit panem hunc. 560

12. 3. Nemo potest dicere Iesus, nisi in spiritu. 169

13. 2. Si habuero omnem fidem, ita ut montes. 353

14. 16. Si benedixeris spiritu. 548

15. 10. Et gratia eius in me vacua non fuit. 497

15. 50. Caro & sanguis regnum Dei non possidebant. 325

## II. AD CORINTHIOS.

3. 18. Cuius laus est in Euangelio. 3

9. 10. Incrementa frugum iustitiae. 131

## AD PHILIPPENSES.

1. 18. Siue per occasionem, siue per veritatem. 767

II. AD THESSALONICENSES.

2. 11. Mittet illis operationem erroris. 479

## I. AD TIMOTHEVM.

5. 3. Viduas honora, quae verè viduae sunt. 306

## AD HEBRAEOS.

12. 8. Adulteri & non filii estis. 757

## IACOBI.

5. 12. Nolite iurare neque per coelum. 122

5. 12. Sit sermo vester, est, est, non, non. 122

5. 14. Infirmatur quis in vobis? inducat presb. 744

## I. PETRI.

4. 8. Caritas operit multitudinem peccatorum. 198

## II. PETRI.

2. 22. Canis reuersus ad vomitum. 158

## I. IOANNIS.

2. 18. Nouissima hora est. 494

3. 22. Quicquid petierimus, accipiemus ab eo. 160

## APOCALYPS.

19. 16. Et in femore suo scriptum, Rex Regnum. 610

21. 14. Murus ciuitatis habens fundamenta. 12328.

## INDEX



# I N D E X

## E O R V M . Q V A E I N

### C O M M E N T A R I I S

#### I N M A T T H A E V M , E T M A R C V M

#### N O T A T V D I G N I O R A S V N T ,

Questiones ver o controuersas subiectae his vocibus notae indicabunt *Beza, Caluinus, Caluiniſta, Lutherus, Lutherani, &c.*

<b>A</b>	
<b>A</b> bra pater, cur dictum sit	581
Abel inter prophetas numeratur	467
Abnegare semetipsum quid sit	340
Abominatio desolationis quid sit	478
Abraha filius cur Christus dicatur	11. fi.
Abel ex lapidibus suscitare 70. Deus cur dicatur 454. sinus paradisi 628. similis Petrus 327. cum Abraham recumbere beati cur dicantur 179. R. Abraham citatur	523
Abur dare, maiorem esse	111
Accipere, pro tollere	225
Acetum Christo porrectum 636. crucifixis cur datum	636
Adam si non peccasset, Christus non venisset	199
Adiuvare per Deum quid	591
Admiratio quomodo in Christo 177. cum timore	196
Admiramur etiam quae non probamus	737
Adorans id est inclinans se 417. adorabat leprosus Christum. 173. adorant Christum ut Deum Magi 492. an in praesepi	52
Aduentus filij hominis iudicium 222. aduentus Christi secundi signa	474
Aduersarius quis sit, cui consentire oportet	118
Adultera, id est degenerans 259. & peccatrix 757. adultera quae parricida in veteri lege 121. adulteram retinere an viro liceat 33. dimittere qui liceat	382
Aedificare, id est docere	441
Aegri an curati sunt à Christo animo, ut corpore	194
Aegyptus Iudaorum confugium in aduersis 52. schola filiorum Dei ibid. in Aegypto quot annos manserit Christus 54. nisa eclipsis passionis	632
Aes pecuniam omnem significat	216
Aetas doctoris apud Iudeos	62
Aeterna sunt inferni poene	509
Aetius rem Veneream necessitate dixit	388
Ad agnatos deducuntur furiosi	720
Ager figuli emitur	606
Agnosce haeretici	486
Agnus Pasch. quando occidendus esset	515.
Comedendus inter uesperas 539. agnum stantes comedant 539. quo die Christus comederit	522
Alabastrum unguenti quid sit	529
Albis uestibus beatorum gloria significatur	345
Alexandri Seueri de Christianis dictum	162
Alieni filij qui dicantur	215. 757
Amalechita delendi	469
Ambiguis verbis utitur Christus	205. 573.
ambiguitate uerbi ludit 340. 428. deludit Phariseos	260
Ambitionem Apostolorum quam reprehendat Christus	361
Ambrosius in plerisque Graecos sequitur	37.
non est auctor commentariorum in epistola ad Roma. 237. ad Corinth. 382. ad Galatas 326. memoria lapsus 343. de passione caute legendus	636
Ambulat supra mare Christus	300.

b 3 Ambu-



# INDEX.

<i>Ambulatio uita actiones significat</i>	252	<i>uersus Caluinistas defensi</i>	348. an cum
<i>Amen quid significat</i>	109. 565	<i>Iuda murmurauerint</i>	531. vn montes tran-
<i>Amicos qui diligit mercedem habebit</i>	128	<i>stulerint</i>	354. an multa reliquerint
<i>Amor diuini non potest</i>	147	<i>agros ungunt oleo</i>	742. bona pauperibus da-
<i>Anabaptista intrare non licere putant</i>	122. re-	<i>derunt</i>	401. clauis an habuerint
<i>futantur</i>	680	<i>contra</i>	Caluinum defenduntur
<i>Anabaptistas conuincere nequeunt Caluinista</i>	391	<i>tra hereticos defensi</i>	265. cur non plures
<i>Andreas quando vocatus</i>	92. Petro prior ad	<i>quam</i>	211. Ecclesia lapides & fundamen-
<i>Domini</i>	213	<i>ta</i>	328. fere omnes Galilai
<i>Angariare unde ductum uerbum</i>	127	<i>Apost. id</i>	est missi
<i>Angelica uirtus castitas</i>	454	<i>211. 718. in transfiguratione diui-</i>	nitatem an uiderint
<i>Angelus quomodo Ioannes</i>	230	<i>343. Iudeos &amp; alios</i>	homines iudicabunt
<i>Angeli duo hominibus dati</i>	118. duo cur ap-	<i>108. Patres credentium</i>	211. Propheta &
<i>paruerint</i>	662. hominum habitu apparent	<i>Scribe dicuntur</i>	467. quando sic appellari
<i>658. cur iuuenili forma</i>	659. cum Christo	<i>211. quomodo iudicabunt</i>	403. quomodo li-
<i>ad iudicium</i>	504	<i>garint &amp; soluerint</i>	334. quomodo Moysen
<i>Angelis Dei comparati beati</i>	453	<i>agnouerint</i>	346
<i>Angelum malum an singuli habeant</i>	364	<i>Apostolorum obedientia</i>	717. officium alij
<i>Angelorum apparitio timorem affert</i>	665. mi-	<i>non debent usurpare</i>	207. importuni accu-
<i>nisterio uti noluit Christus</i>	695	<i>satores Caluinista</i>	406. paupertas
<i>Angelos custodes regna habent</i>	363. singuli ho-	<i>296. se-</i>	des in iudicio quales
<i>mines habent</i>	364. mittere proprium Dei	<i>91</i>	
<i>485. mittit Christus Deus ibid.</i>		<i>Apostolis insensu Caluinista</i>	295. Apostolos
<i>Angli exules, ne fidem amitterent</i>	100	<i>Caluinus stultos &amp; impios appellat</i>	387.
<i>Angularis lapis Christus</i>	441	<i>item stultos &amp; ignaros</i>	300. 588. ex disci-
<i>Angulus secretum locum significat</i>	134	<i>pulis elegit Christus</i>	717. superbos & inui-
<i>Angustam per portam intrandum</i>	162	<i>dos heretici dicunt</i>	767. quomodo elegerit
<i>Anima cuiusque sponsa Christi</i>	447. pro uita	<i>Christus</i>	718. Apostolica traditio
<i>ponitur</i>	58. 148. 225. plus est quam esca	<i>communicare</i>	547
<i>148</i>		<i>Apparitio Christi ultima</i>	677. Apparitiones
<i>Anima compensatio, id est uita</i>	340	<i>Christi post resurrectionem</i>	676
<i>Animam suam inuenire</i>	225	<i>Approbationis iudicium</i>	505
<i>Animarum salus precipue concionatoribus que-</i>		<i>Appropinquare Deo Deum colere</i>	309
<i>renda</i>	705. transmigratio Carpocratiano-	<i>Aqua baptismi materia necessaria</i>	680. aqua
<i>rum</i>	118. Pharisaei	<i>&amp; sanguis de latere Christus</i>	644. aqua ma-
<i>Annas, &amp; Caiphas non eodem anno Pontifi-</i>		<i>nus ablueri qua ceremonia</i>	615. aqua an
<i>ces</i>	590. ad Annam cur ductus Iesus	<i>solidata sint</i>	Christi miraculo
<i>Antequam, quomodo in Scriptura accipiat</i>	38	<i>300. aqua</i>	calix mercedem meretur
<i>Anticipasse Christum in Paschate falsum</i>	115	<i>226. nū solidata sub pedibus Chri-</i>	sti
<i>Per anticipationem loquitur Lucas</i>	661	<i>300. aquam benedictam in cœmeterijs</i>	spargere
<i>Antichristus in templo Dei sessurus</i>	498. Anti-	<i>Aquila ad cadauera</i>	482. aquile quinam si-
<i>christi satellites Caluinista</i>	481. Antichri-	<i>miles sint</i>	482
<i>sti tempore qua accidunt</i>	476	<i>Arabia Palestina ad Meridiem, &amp; Orientem</i>	45
<i>Antipas Herodes Magni filius</i>	288. filijs car-	<i>Arbitrij libertas asseritur</i>	141. 166. 717. arbi-
<i>trium liberum negant Lutherani</i>	623	<i>Arbor bona bonos fructus</i>	258. Christo in
<i>Aperiri oculos quid sit</i>	207	<i>Aegypto acclinata</i>	55. qua bona, qua mala
<i>Aperuisse eos Christum quid sit</i>	97	<i>164</i>	
<i>απὸ cum uerbis passus pro ὁπρὸ</i>	675	<i>Archelaus Herodis filius</i>	58. in exilium missus
<i>Apocryphus Ieremia liber</i>	607	<i>685. Rex nunquam fuit</i>	288
<i>Apostata omnium pessimi</i>	263	<i>Archisynagogi domus in qua urbe</i>	739. soli
<i>Apostoli ad pradicandum mittuntur</i>	742. ad	<i>Iudeos</i>	



I N D E X.

<i>Iudeos excommunicabant</i>	357	<i>Aurora, dies appellatur</i>	904
<i>Areopagita ubi eclipsium viderit</i>	631	<i>Aurum Apostolis interdictum</i> 215. <i>Magorū</i>	
<i>Arete regis filia uxor Herodis</i>	289	<i>qua in re expenderit Beata Virgo</i> 53. <i>aurum templi quid</i>	464
<i>Argenteus idem quod silius</i> 535. <i>argenteos</i>		<i>Austri regina</i>	262
<i>Iudas proiecit</i>	605	<i>De Azyma pane contra Gracos</i> 515. <i>Azymi</i>	
<i>Argumentum commune</i>	457	<i>panes an comeduntur à mundis</i> 517. <i>an Pascha dicerentur</i> 517. <i>Azymorum dies primus Pascha</i> 520. <i>Azymorum dies prima quæ</i>	520
<i>Arianis contriunguntur</i> 591. <i>insidiores demonibus</i> 716. <i>refutatur de Christi Deitate</i> 303. 392. <i>Arianorum argumentum soluitur</i> 678. <i>error de filij deitate</i> 561. <i>impietas refutatur</i>	716	<b>B</b>	
<i>Arianizant Caluinus</i> 394. <i>Et Beza</i>	177	<i>Bætica melle sylvestris abundat</i>	67
<i>Aridam manum habens sanatur</i>	714	<i>Balaam posteriori Magi</i>	48
<i>Arimathæa Iudæorum ciuitas</i>	646	<i>Baptismata calicum Et uincerum</i>	749
<i>Aristobul filia Herodias fuit</i>	290	<i>Baptismus Ioannis non idem quæ Christi</i> 69. 72. <i>an fuerit sacramentum</i> 76. <i>fuit omne eius institutum</i> 437. <i>eum diuinum probat Christus</i>	437
<i>Aristoteli minus credendum, quam Christo</i>	484	<i>Baptismus pro doctrina nusquam accipitur.</i>	
<i>Arnobius in Psalmos liber falsò ascriptus</i> 423		<i>74. duplex apud Cyrillum</i> 645. <i>parvulorū</i> 680. <i>Marcionistarum reiectus</i> 681. <i>Paulianistarum damnatus</i> 681. <i>in nomine Christi</i>	682
<i>Ars nihil credendi</i>	551	<i>Baptismi materia necessaria aqua</i> 680. <i>forma Et materia ex traditione</i> 681. <i>uerba quauis lingua ualent</i> 752. <i>necessitas</i> 799	
<i>Arundo hominem leuem denotat</i> 230. <i>pro sepe pro Christo data</i> 616. <i>arundinem quassatam confringere</i>	252	<i>Baptista cur Ioannes cognominatus</i> 62. <i>baptizandos esse infantes non probant Caluini-</i>	
<i>Ascendere Hebræis idem quod ire</i>	416	<i>stia</i> 391. <i>baptizare, hæreticis docere uerbum dei</i> 67. <i>an bene possit malis</i> 166. <i>in nocte patris, qd sit</i> 681. <i>baptizari cur uoluerit Christus</i> 76. <i>baptizatus qd nō est, sordidus est</i> 749	
<i>Asina Et puillus quid designarent</i> 427. <i>asini sepultura digni hæretici</i> 292. <i>asino uetus cur Christus urbem intret</i> 428. <i>asino uetus est solo Christus non asino</i> 427. 429		<i>Bar-Iona, filius Ioannis</i>	25
<i>Assumere id est loqui incipere</i> 337. <i>assumere nomen Dei in vanum quid</i> 121. <i>assumpsit, id est segregauit</i>	416	<i>Barnabæ epistola magna auctoritatis</i>	363
<i>Ex astris natum esse hominem sciri nequit</i>	48	<i>Beata Virgo concepta sine peccato</i> 199. <i>contra hæreticos defenditur</i> 265. <i>omnium beatissima</i> 266. <i>à Zacharia defensa</i> 468. <i>Beata Virginis inuocatione demonium electum</i> 208. <i>soror Maria Cleopha</i> 264. <i>Beata Virgini apparuit Christus post resurrectionem</i> 676. <i>Beata Virginis maior non fuit Ioannes</i>	234
<i>Athanasio falsò ascriptæ quæstiones</i> 282. 411		<i>Beata uita saturitate designatur</i> 102. <i>est regnum cælorum</i> 167. <i>cur merces nocetur</i> 226. <i>per conuiuium etiam designatur</i> 447. <i>cur hæreditas dicatur</i> 508. <i>propter laborem datur</i> 507. <i>beati in cælis stant, non sedent</i>	801
<i>Atheismus nascitur ex Caluinismo</i>	551	<i>Beatitudo dicitur regnum patris</i> 73. <i>in Christo cum tristitia</i> 578. <i>beatitudines alij et</i>	
<i>Autor imperfecti operis in Matth. Arianus</i>		<i>Et, alij quattuor</i>	96
<i>176. 421. loci de diuinitates Christi uitati</i>	242	<i>Beati angeli comparati</i> 453. <i>pares erunt, Et</i>	
<i>Autoris ipsius uerbis uti conciliat auctoritatem</i> 752. <i>auctores quid sentiant scire, pars eruditionis</i> 256. <i>auctoritas Christi in docendo</i>	697	<b>b</b>	4
<i>Audire Hebræis est obedire</i>	348	<i>imparet</i>	
<i>Auditiones bellorum rumores</i>	415		
<i>Auditorum turba missus</i>	208		
<i>Auditus, id est fama, Hebraismus</i>	703		
<i>Aues demones in parabola</i>	275		
<i>Augusti, quo anno Christus natus</i>	62		
<i>Augustinus in Donatistis Caluinistas refutat</i> 283. <i>memoria lapsus</i> 344. <i>Augustini locus de consilij Euangelicis</i> 398. <i>sententia de prædeterminatione</i>	270		
<i>Aures audiendi</i> 238. <i>in aures suas misit digitos Christus</i>	751		



# I N D E X.

- imparet 112. supplicia damnatorum vide-  
bunt 769. beati oculi qui Christum vide-  
runt 273
- Beatorum gloria albis vestibus significatur  
344. gloria non erit aequalis 409. merces  
inaequalis erit 225. premia inaequalia  
275
- Beelzebub idolum Accaronitarum 224
- Bellum quale miserit Christus 224
- Benedicere an idem sit, quod gratias agere.  
297. idem quod beneficijs afficere 506. E-  
uangelistis gratias agere, 548. de verbo be-  
nedicere contra Calvinistas 547
- Benedictio calicis, in Eucharistia 297. ma-  
nuum impositione, apud Hebraeos 390. pro  
consecratione sumitur 548
- Benedictionis parvis formula Hebraeorum 550.  
benedictionem accipiendi ab Episcopis mos  
391
- Benedicti Patris, id est, à Patre dilecti 506.  
benedictus, qui uenit in nomine Domini  
470
- Benedicuntur à Christo paruuli 391. bene-  
dixit cibum ter Christus 550
- Berengarius auctor haresis de Eucharistia  
562
- Bethania ubi sita 427. in eam secedebat Chri-  
stus 778
- Bethlehē quotuplex in scriptura 42. & 51. in  
ea natus Dauid 41
- Bethphage quantum ab Ierosolymis dista-  
ret 427
- Bethsabee cur non nominata à Matthaeo 17
- Bethsaida ciuitas Galilae 239. in Galilea  
Herodi subdita 294. ubi sita 755. uicini-  
tiam dicitur 756
- Bethsaidite increduli 757
- Beza Arianizatus 177. refutatur cap. 1. Mat.  
31. 34. reprehenditur circa dogmata 177
- Beza reprehenditur de primatu Petri 313. de  
descensu Christi ad inferos 162. de asina  
pullo 429. in versione scripturae 89. 279.  
344 in expositione 203. 436. 347. 368
- Blasphemare quid sit 593. blasphematur no-  
men Dei 139
- Blasphemia audita scissa vestes 593. Calui-  
ni de Christo 634. Spiritus non remittetur  
255. in uerbis contumeliosis 255
- Caiaphas, & Annas non eodem anno Pontifi-  
ces 589
- Boanerges filijs Zebedaei 718. boni bona loqui  
solent 258. non solum in Ecclesia 275. bonis  
nocet daemones, cum corporibus nequeunt 188.  
à bonitate non se excludit Christus 392
- Bonorum operum merita 399
- Breuiarium Euangelij oratio Dominica 137
- Breuis uita quae sunt cum saeculo collocata 152
- C
- Cadaveri seipsum comparat Christus  
482
- Cadere in faciem non semper est adorare 347
- Casarea duplex fuit 324
- Caiphanit pro adda 239
- Caiphas & Annas non eodem anno Pontifi-  
ces 589
- Calceamenta prohibita Apostolis 216. porta-  
re vile ministerium 73
- Calcei ar. diuersi à sandalijs 217. calceos po-  
nunt Iudaei templi ingressuri 72. calix a-  
que mercede meretur 768
- Calix aqua frigida 226. calicis quod de foris  
est 465
- Caluaria nomen unde 618
- Caluarianizatus 394. Apostolorum crimina-  
tor 619. damnat quem Christus absoluit  
766. Apostolos infestat 767. in Apo-  
stolos blasphemus 387. contumeliosus in Apo-  
stolos 301. Apostolos impudenter accusat  
ibid. stultos appellat 588. refutatur de Sa-  
lome 27. de magis 45. 50. de Philippo Ter-  
trarcha 59
- Caluini diabolica planctus expositio 391. petu-  
lantia in Petri. 302. procacia in pios. 303.  
inepta argutia de ieiunio 302. in Chryso-  
stomo procacia 508
- Caluini errores in dogmatibus, de Dei manda-  
tis 457. de praedestinatione 270. 409. 544.  
de Christo super aquas ambulante 301. de  
Christo in cruce 634. moriente 620. de tra-  
ditione Iudaei 544. de primatu Petri 327.  
de natalitijs Sanctorum 291. de reliquijs  
294 303. de ornatu templorum 532. de ba-  
ptismo Ioannis 72. de elauibus 330. de pec-  
catorum remissione 370. de iustificatione  
167. 260. de merito 396. de ciborum dele-  
ctu 311. de ieiunio 86. 319. de dono conti-  
nentiae 380. de consilijs 396
- Caluini errores in uersione Scripturae 344.  
461. 488. in expositione Scripturae 368.  
372. 374. 387. 394. 396. 539. 636. 766.  
in Graecis historia et alijs eiusmodi 59. 152.  
205. 290. 498
- Caluinista castus monstrum inauditum  
388. Calvinistae maximè uitandi 360.
- Apostolorum criminales 296. 348. 408.  
maxi-



# INDEX.

maximè heretici 277. sensu omni carent excepto gustu 319. contradictionis argum- tur 389. Antichristi metatores 481. di- cunt ecce hic est Christus 481. hostes cili- cij 67. probare non possunt baptismum par- vulorum 392. sola fide demones ejci di- cunt 354. hypocrita sunt 322. scriptura ad- versatur 340. mandata Dei impossibilia dicunt 162. Sadduceis similes 68. 452. Montanistis 334. Novatianis 196. Iuda proditori 531. Deo tribuunt officia diabo- li 83. falsi propheta 164. in Petrum inso- lentes 338. polygamiam introducunt 378. non missi docent 680. Eliam venturum non credunt 349. agni nati lupi moriun- tur 165	capere potest ibid. capiunt hoc uerbum non omnes 387
Calvinistarum argumenta contra Eucharis- tiam solvuntur 565. de coniugis lex fœ- da 389. fatuitas reprehenditur 481. erro- res refutantur de iustificatione 170. 193. ieiunia preludia bellorum 312. Evangelii quomodo fulgari simile 482	Capharnaum sedes Evangelij 698. cur ciui- tas Christi 101. ad infernum descendet 241
Calvinistarum errores refelluntur, de poten- tia Dei 581. de permissione Dei 382. de pre- destinatione 544. de prodicione Iuda 535. de Christi aduentu 316. de Angelis custo- diis 465. de baptismo Ioannis 72. de con- silijs Evangelicis 396. de castitate 388. de Primatu Petri 317. de Eucharistia 452. 551. 552. 595. de ornatu templorum 532. de Purgatorio 259. de reliquijs Sanctor. 205. 292. de baptisimi necessitate 797. de clauibus 330. de missione Doctorum 680. de diuortijs 382. de deserto Ioannis 63. de Ecclesia immunitate 358. de libero arbitr. 166. de remissione peccatorum 196. de me- ritis operum 275. 396. 406. de operibus su- pererogationis 397. de ciborū delectu 399. de Quadragesima 84. 202. an iusti sint ul- li 198. de premijs Sanctorum 275. 409. de traditionibus 311	Capitalium poenarum genera 117. capita mo- uentur ab iridentib. 623. per caput nostrū non iurandum 124. caput suum ungat ie- tunans 146
Calvinistis licet miracula facerent non cre- dendum 481	Cardines cœli in scriptura quid 484
Calvinistas in Donatistis refutat Augusti- nus 284	Carioth in tribu Iude 215
Camelus per foramen acus 401. prore maxi- ma ponitur 475	Caritas omnia communia facit 406. caritas inter fidem & opera 177. ordinem suum habet 128. refrigescet 496. caro apud He- braeos pro toto homine 380. caro & sanguis homines carnales 325. caro una quomodo uir, & mulier 380. caro Christi salutife- ra, & uiuifica 174
Cananæus Simon unde 515	Carpocratianorum μετεμύχως 119
Canes dicti Gentiles 318. canibus sanctum nō dandum 158	Castalio reprehenditur 368
Cantus Ecclesiastici exemplar hymnus à Chri- sto dictus 574	Castitas uirtus angelica 453. cordis puritas 103. castitatis donum, dñus offertur 187 contra hereticos asseritur 388. quid sit 377
Capere id est intelligere 387. 391. capiat qui	Casuum reseruatorum fundamentum 332
	Catelli de micis comedunt 318
	Cathedra Moysi quid sit 460
	Catholicos solos rudes heretici dicunt 648
	Causa naturales à moralibus quid differant 167
	Cecinimus & non saltastis 238
	Centuplum id est plura & meliora 406
	Centurio Gentilis fuit 175. 178. regnum cœ- lorum rapuit 236
	Chaldaei à leonibus deuorati 215
	Chaldaea Iudeis Septentrionalis 45
	Chaldaicam uocem cur retinuerit Euangeli- sta 752
	Chananea mulier Syrophœnissa 315. regnum cœlorum rapuit 236
	Chiliasce refutantur 406
	Christus natus quo anno Augusti 54. 62. an cognitus à demonibus 186. lapis dicitur 441. 442. etiam, ut homo peccata remittit 196. ut homo tributū debuit 357. cur A- brabam filius dicatur 11. cur Davidis ibi. f. cur diuinitatem suam celaret 337. pro so- lis predestinatis nō uenit 316. piscis dictus à Sibylla 93. an die iudicij ignorarit 484. humano more loquitur 205. p. p. quos iustos uenerit 198. ut homo an diem iudicij igno- ret 486. habit. Deus ab Apostolis 393. non uenisset si Adā nō peccasset 200. cur bap- tismi uoluerit 76. Dei filius naturalis 326. omnem



# INDEX.

omnem potestatem habet ut Deus 678.	Cælum suspicit Christus miracula edicturus 297
Nazareus cur dictus 60. cur filius hominis 182. conceptus de Spiritu sancto dicitur per attributionem 32. habitus faber 285. Leuitica ex tribu non fuit 27. primo genitus Maria cur dictus 40. Christus nomen officij IESVS persona 37. Sanctus Dei à demonibus dicitur 701. Emmanuel quomodo uocatur 37. an asina infederit 429. Ierosolymam quo die ingressus sit 514. 777. an preuenerit Pascha Iudeorum 522. Pascha quo die comederit 521. se & à patre traditus 523. an rex temporalis fuerit 610. qua hora crucifixus 628. cur inter duos latrones crucifixus 622. passus est feruor 6602. sponte mortuus est 588. pro solis prædestinatis mortuus non est 620. Christi diuinitas probatur 174. 486. ostenditur 435. defenditur contra Arrianos 716. an uisa in transfiguratione 344. Christi consilia non semper imitanda 160. fratres, cõsobrini eius 264. patria Nazareth. 284. ca ro salutifera & uiuifica 174. corporis partes salutifera 750. Christi, & Christi figura unū regē se dicit 602. imitari arrogātia uerbum significat 49. qui se dicit Christū, nō est 85. in Christo uolūtates due 581. admiratio quomodo 265. tristitia quomodo 577. Christiani lux mundi 106. pisces sūt in aqua nati 93. cladem Ierosolymitanam effugerunt 279. dicuntur Nazarai 60. Christianorum cum Christo collatio 33. Christianis omnia communia facit caritas 406. Chrysostomi nō sunt homilia in Marcum 716. locus de Eucharistia expositus 563. Chrysostomum philosophum Caluinus appellat 508	Cælum Dei thronus est 124. ante Christi mortem nemo ingressus 65. 297. Dei sedes 139. cæli an aperti re uera sint 78. celorum regnum paruulorum est 391. reg. cœ. Ecclesiā 361. conuiuio significatur 179. cælorum uirtutes que sint 484
Eibos an possit certos prohibere Ecclesia 312	Cœna nomen Eucharistie non tribuendum 547. cœna apud ueteres dictum prandium 445. cœnam Eucharistiam appellant heretici 546
Cilicium pœnitentia habitus 241. Luther & Caluinianis inusitatum 67. eo usus Ioannes Baptista 67. Ethnici. 241	Cogitationes solus Deus nouit 194. uidet Christus 361. ad cognatos deducti insani 720. cognoscere affectum & approbationem significat 170. cognoscere de re uxoria dicitur in scriptura 40
Cinis & cilicium apud Ethnicos 241	Congregare in nomine Christi quid sit 372
Circumcisionis nomine tota lex intelligitur 435	Coloni vinea qui sint 439
Cistartium quid 216	Columbe simplicitas 220. columba corpus in baptismo an uerum fuerit 74
Ciuitas sancta Ierusalem 642. ciuitates filia appellantur 429. maritima uirgini dedita 241. tres Christi dicuntur 191	Commentariorum in epistolam ad Corinthios Remigius auctor 383
Cito, qui ueniunt, cito abeunt 275	Commiserationis iudicium motio capitis 623
Clamor Christi in cruce qualis 634	Commune dicitur quod mundum nō est 348
Clauem scientia Scriba tulerunt 462. clauis regni cælorum quid 330. in scriptura principatum significant 333	Commissura uestimenti quid sit 203
Cæci duces hæretici 313	Comparisonis iudicio Niniuita iudicabunt 262. comparatiuum pro superlatiue Greci 161. comparisonis iudicium 404
	Conceptio B. Virginis sine peccato 199
	Conciliorum Prouincialium auctoritas 372. uerum quodnam sit 371. Concilio reum esse quid sit 117. Conciliorum auctoritas quanta 372. Conc. nomine quid intelligendum 220. 371.
	Concionator bona quæ fecerit Deo accepta ferat 745. concionatores non frequentiam ciuitatū, sed salutē indigentū predicatione querāt 741. fructū nō plausū grant 705. cõcionatorib. illiterati plerq; tribuūt 349
	Condemnaberis ex uerbis tuis 260. condemnare quando liceat 155. 156
	Conditionum affirmantium & negantium discrimen 143
	Conducendi uerbum meritum probat 409
	Confessio peccatorum 333. coram Ioanne 68. ante baptismum olim 69. Confessionis preceptum dedit Christus 338. auricularis assertio. 337
	Confirmationis sacramentum 301
	Confiteor 1. gratias ago 241. confiteri. gloriam do profiteri 223
	Confusio



# I N D E X.

Confundi Christum quid sit 757. confu- re aliquem quid sit ibid. congregari in nomi- ne Christi quid sit	372
Coniugum fructus trigessimus	275
Conscientia libertas non permitenda	277
Consilium paupertatis Evangelicum 397. con- silia Evangelica metu non omittenda	500
Consobrini Christi fratres eius	264
Consolatio afflictorum	105
Consuetudo poenam peccati non leuat consuetudinem exprimit repetitio	117 167
Consummare ciuitates quid	222
Continentia domum contra Caluinum	389
Contractus rescinditur ei qui condiciones non seruat	121
Contra me est qui non est mecum 255. contra etiam rescinditur qui condiciones non seruat	121
Conuenire quid significat	31
Conuersio iterationem significat	338
Conuiuia ad cenam potius, quam ad prandiu 181. conuiuio regnum coelorum significatur 179. conuiujs celebrata nuptia	200
Cophini duodecim super fuerunt	299
Corbana gazophylacium	605. 781
Cor maris medium maris 262. cor terra sepul- crum 262. infernus ibid. cordis puritas ca- stitas 103. de corde exeunt que coinquinant 314. corde tuo diligere quid sit 456. Deus quomodo diligatur	114
Corosia in ciuitas Galilea	239
Corpus Christi quot modis accipitur 560. quomodo panis 553. corporis sordes Phari- sai lauant non anima 466. corp. cura que prohibita 148. corpora damnatorum depo- nere non licet	646
Correctio fraternitatis quibus adhibenda quando non adhibenda	368 158
Corporum pulli deserti à matre	150
Cosmas Græcus auctor citatur ex ms.	72
Crastinum pro futuro acceptum	153
Creatura pro homine sumpta	796
Creaturis qui honor debeatur	124
Credendi nihil ars quadam 551. non creden- tes in se curat turale est	724
Crescente uti oratione naturalis est	716
Cur Christi titulo distincta 621. signum filij hominis 486. titulus ubi affixus 621. & supplicium usitatum apud Romanos 523. crucis in cœmeterijs unde 187. crucem ac- cipere quid sit 225. Christus cur gestarit 616. in cruce fuit horas sex Christus 631. crucifixus qua hora fuit Christus 628.	

crucifigere Iudæis non licebat 609. crura franguntur crucifixis	644
In cubiculo orare quid sit	134
Cubitum addere corpori quid sit	150
Culicem excolare quid sit	465
Culpa sine poena remittitur 259. culpa remis- sa non poena 628. à culpa & à poena ab- soluunt sacerdotes	336
Curat non credentes in se Christus	704
Curiostas in alienis uetita	155
Cyrene urbs in Syria	616
Cyrenæus Simon an Gentilis fuerit	616
Cyrelli locus insignis de Eucharistia	565

## D

Dæmon eiectus Biturigibus	208
Dæmon lunaticos cur facias	351
Dæmones an Christum cognouerint 186. 701 an torquantur ante iudicij diem 88. an iudi- cij diem nouerint ibid. nocent bonis, cum ne- queunt corporis 188. quidam ieiunio expel- luntur 355. an eorum confessio coacta fue- rit ibid. cur eos tacere inbeant Christus ibid. quomodo Christo prociderent 716. eos non soli Apostoli eiciebant 765. cur olim plu- res eijcerent 766. eijcere etiā mali possunt ibid. Magi an edocti per dæmones	48
Dæmonium mutum 208. non sinebat Chri- stus loqui dæmonia 704. Apostolis data po- testas eijciendi dæmonia	718
Dæmoniaci cur in sepulchris 186. dæmonia- cus appellatur Ioannes	239
Damasceus uel auctor hist. Barlaam	492
Damnatorum inæquales pæne	220
Damnatorum corpora non licet deponere	645
Damnnum repetitur iniuria remissa	145
Dare sanctum canibus 158. dare gloriam Deo uerum fateri	642
Dauid cur rex nominetur 16. ubi natus 42 Dauid aut is qui Psalmos collegit 98. in- fantem se dicit 435. uocat Christum domi- num 460. an officiose mentitus sit	249
Dauidis filius Christus aur dictus	12
De pro ex usurpat interpret uulgata	34
Debitum minimum quadrans uel minutum 119. cur peccata dicantur debita	143
Decapolita uicini Gentilibus 715. semigenti- les erant 736. dæmoniacus Decapolita sa- natur	736
Decem uirginibus cur comparatum regnum coelorum 491. decem tribus à captiuitate non redierunt	215

Decurio



I N D E X.

Decurio nobilis Ioseph	646	Dies pro tempore sumuntur Heb. 43. 62. 201.	
Demoliri facies	147	dies est sollicitus sibi ipsi 153. dies à Iudeis	
Denarius operariorum merces 414. quid significat	413	in 4. diuisus partes 412. dies unde inciperent Iudei 515. diei in 12. horas diuisio 412. die iudicii an nouerint demones 188. Et eum quomodo ignoret Christus 487. die naturalem quomodo Hebraei designent. 262	
Denarius diurnus debetur operarijs 411. Denarii Romani valor 452. apud Iudeos eius valor 374. Denarii 175. quot aureos efficiant	295	Diffamare in bonam partem acceptum 701. diffamauerunt id est, diuulgauerunt 201	
Denarius numerus vniuersitatem significat	492	Digitum mouere 461. digitos misit in aures surdi à Christus	751
Desertum Ioannis quale fuerit 63. locus effertationi aptus 83. ex deserto quod exit, venerandum est 84. in deserto viuentem supra homines esse 64. deserta multa in scriptura memorantur	65	Dilatare phylacteria quid	461
Desolationis abominatio quid	478	Dilecti filij vnigeniti	80
Desperationem Christo tribuit Caluinus	634	Dilectionis Dei gradus varij	114
Deus anima mundi Platoni 33. non oculis sed corde uidetur 103. quomodo toto corde diligitur 114. quomodo tentet 145. Deus futurus erat Christus 112. non est Deus mortuorum 455. cur dicatur Deus Abraham 454. cur dicatur Deus uiuus 325. nō est auctor maledictionis 159. malignis voluntatem solam allegat 410. plura potest, quam uult	581. 589	Deligendus proximus quomodo 460. diligare toto corde quia fit	460
Dei proprium cogitationes nosse 194. Dei mandata non sunt impossibilia 459. Dei filium, & Deum esse, idem 303. Dei gloria mirandam gloria 355. Dei filius idem, & Deus	591	Dimissa uxorē nubere non licet	385
Deo & Mammona seruire	548	Dimittere Mariam qui uoluerit Ioseph	34
Deum in omnibus rebus inuenire possumus	50.	Dimitti peccata quid sit	142
Deum magis diligit, qui proximum Deum potius dicit patrem Christus quam dominum	736	Dionysius ubi eclypsen uiderit	632
Dextra uirtutis Dei, & esse à dextris uirtutis Dei	593. 802	Discipulis demon, id est uexauit	702
Diabolus aliquando spiritus dicitur 82. diabolus, id est, calumniator 83. 84. 87. regna dare non potest 90. diabolus auctor temere iurandi 124. cur Beelzebub dictus 224. ei paratus ignis inferni 509. quando diuinitatem Christi cognouerit	614	Discipuli Ioannis ad Christum 200. iidē ieiunabant 199. de Christo dubitant 229. Christi discipuli à Phariseis cur accusati	748
Diabolicos interpres Caluinus 391. diabolicum an fuerit somnium uxoris Pilati	614	Discipulus super magistrum	123
Dic, id est, iube, Hebraismus	418	Discussionis iudicium	505
Dicere, idem quod inuere 177. 715. dicere intra se, & in corde suo, cogitare 194. 720. dicitur id est, cognominatur	214	Dines difficile in regnum cœlorum intrat 662. diuites cur panem à Deo petant 141. diuitibus omnem dant 270. iisdem accessus ad iudices patet 645. diuitia maxime reuocant à regia cœlorum	401
Didachcha soluit Christus 355. quid sit didrachmum, & drachma ibid.		Diuidetur seruus malus	488
		Diuinitas Christi probatur 461. eam Christus ipse probat 435. 337. tandem Christus celauit 704. an ea sit uisa in Transfiguratione 344. diuinitas Christi contra Arrianos 392. quando eam cognouerit diabolus 614. 716. diuinitatem suam Christus aperiri uoluit	701
		Diuortium apud Christianos qui licitum	382
		de diuortijs ampla disputatio	383
		Docendi potestas à clauibus diuersa	330
		Doctores ad scholam mittit Christus	198.
		Doctores Ecclesie per seruos designati	497
		Doctrina nusquam baptizmus dicitur	74
		Dominica oratio an semel tantum edita.	136
		Dominica cœna que apud Paulum	546
		Dominica dies prima sabbati	684
		Dominicus non pater in ueteri Testamento Deus	138.
		Dominus est res, cui nimis dediti sumus 149. dominum potius quam Deum se	
		Christi	



I N D E X.

Christus dicit 736. super dominum non est  
servus 223  
Domine, domine, dicent falsi propheta 167  
Dominis duobus servire 148  
Domum an habuerit Petrus 182  
Dona Dei auferuntur ijs, qui abutuntur 503.  
non dantur aequaliter omnibus 499  
Donatistarum error de baptismo 166. in Do-  
natistis Caluiniſtas reſiſtunt Auguſtinus  
284  
Donec in ſcriptura quo ſenſu dicatur 39. item  
quo modo accipitur 685  
Dormientes, id eſt mortui 205. dormire quan-  
do dicatur Chriſtus 687  
Drachma Attica æquale pondus, & denarij.  
452  
Dus tunicas ne ferant Apoſtoli 216. duo-  
bus dominis ſervire 148  
De dubijs iudicandum non eſt 156  
Duode caſſylo numero fundata teſtamenta  
211  
Duodecim tantum numero Apoſtoli 211. duo  
decim cophini ſuper fuerunt 299. 12. tri-  
bus iudicabuntur 405  
Duodenarij numeri commendatio 211. perfe-  
ctionem ſignificat 405  
Dux militum templi 646. Duces Χηλιαρχοι  
mille hominibus præ erant 52

**E**

**E**cce propinquum tempus indicat 470  
Eccleſia an poſſit uetare cibos quosdam  
312. auctoritatem ſcripturæ aſſert 55. Chri-  
ſti ſponſa 447. 491. initio exigua 279. Lu-  
cæ ſimilis ibi regnum Dei 442. militās, in  
parabola uirgæ 409. mortuos ſuffragijs iu-  
uat 337. non congregatio tantum, ſed & tē-  
plum 93. nunc nō eſt in republica 280. nuſ-  
quam dicitur ſynagoga 268. per orbem eſt,  
heræſis in angulo 279. poteſtatem habet in  
mortuos 336. regnum Dei in parabola 729.  
ſuper ſucceſſores Petri fundata 334. uſibi-  
lis eſt 368  
Eccleſiæ doctrina mediā inter errores duos  
622. ſinis qui, & orbis terra 679. funda-  
mentum Petrus 327. immunitas à tributo  
338. lapis Chriſtus 441. Eccleſiæ nomine  
quid intelligendum 368. theſaurus ex ſan-  
ctorum meritis 495. utilitas ſpectanda in  
fuga 222. Eccleſiæ tradita poteſtas ex com-  
municandis 370. Eccleſiam non uident  
Caluiniſta caci 279

Extra Eccleſiam non intelliguntur ſcriptura  
453. Eccleſiaſtica traditiones humane non  
ſunt 310. Eccleſiaſtici immunes à tribu-  
tis 357  
Eclipſis paſſionis Chriſti 631  
Edit Chriſtus poſt reſurrectionem 207  
Efficaces res igni comparantur 354  
ΕΤΥΑΣΜΟΙ Pythones 43  
Electi in errore mori nequeunt 482. pauci  
ſunt 416. electos à ſe Deus dignos facit  
717  
Eleemoſyna per oleum deſignatur 493. elee-  
moſynam qui dat theſaurum congregat.  
399. eleemoſyna in ſcriptura iuſtitia dici-  
tur 132. eleemoſynam neſcit ſiniſtra 133  
Elegantia, quoque noſtre prouidet Deus 151  
Elegit Apoſtolos Chriſtus quomodo 717  
Emblemata parabolarum 373. partes quadam  
parabolarum 277  
Emmanuel quomodo Chriſtus uocatus 37  
Ephphetha uocem cur retinuerit Euangelista  
752. quid ſignificet 752  
ΕΠΙΟΥΣΙΟΣ panis quis ſit 141  
Epiphonema in fine parabolarum 314  
Erasmus reprehenditur 203. 279. 488  
Ergo non illatina, ſed inceptina coniunctio  
148  
Erit pro ſit, uel fiat, Hebraiſmus 793  
Eſdra lib. 3. uidit Euthymius Græcæ, qui &  
uinc extat 19  
Eſt, eſt, non, non 125. eſt non idem quod ſigni-  
ficat 556  
Eſurientes quinam beati 101. eſuriſt Chri-  
ſtus ſponte 436  
Et pro, ut Hebraiſmus 157. comparatiua par-  
ticula 772  
Euangelica conſilia non ſunt negligenda 500  
Euangelica gratia filiorum panis 318. Eu-  
angelica perfectio in quo poſita 398. Eu-  
angelica paupertatis gradus varij 100. Eu-  
angelicus doctor ſcriba dicitur 284  
Euangelista quis dicatur 4. Euangelista unus  
parte vnâ, alter alterâ explicat 528. Eu-  
angeliste an memoria lapſi 50. 607. nō iſſe  
uerbis, ſed eade ſententiâ utuntur 446. non  
uerba ſed ſenſum uerborum Chriſti expri-  
mit 693. ordinem tēporis nō ſeruat. 155  
159. 446. cur ſcripſerint? 8. qua lingua? 7.  
quot ſint? 5. cur non plures quattuor? 25.  
Euangelistarum auctoritas quanta 3. quat-  
tuor animalia figure 6. Euāgelii abſcondi-  
tum ſapientibus 241. an olim toto orbe præ-  
dicatum 497. 796. Hebraicum ſuſpectum



# INDEX.

253. lege lenius 244. non predicandū indi-  
gnis 158. pro Evangelica historia 533. quā  
do predicari caperit 696. quanta auctori-  
tatis 7. 146. quid sit 4. quot modis acci-  
piatur 3. similes fulguri 482. verbum regni  
274  
Evangelij dignitas 234. Doctor Prophetā di-  
citur 225. in toto orbe predicatio quomodo  
signum finis mundi 497. predicatorum; vo-  
cari debent 498. prima vox penitentia  
742. spiritus qualis sit 244  
Evangelizare in scriptura quid significet 2. eua-  
gelizari pauperes quid sit 231  
Eudoxia Eudoxe in scriptura quid 80  
Eucharistia à ieiunio sumenda 547. εὐχαρι-  
στία τῶν ποσῶν 461. manibus accepta olim  
550. morbos curat 304. quomodo panis ap-  
pellatur 553. Eucharistia veritas contra  
Lutheranos & Calvinistas defenditur 551.  
ex alij mysterijs probatur 561. per incar-  
nationem probata 563. Eucharistiam cœ-  
nam Calvinista & Lutherani appellant  
546. 547. in Eucharistiam ridicula argu-  
menta Calvinistarum 452. alia argumen-  
ta hæreticorum 551  
Euchita hæretici cur habiti 136  
Eunomiani divinitatem Spiritus sancti nega-  
bant 256  
Euntes dicite, Hebraismus 198  
Eunuchus Candacis Regine 453. Eunuchi ca-  
straverant &c. 389. Eunuchorum tria ge-  
nera 389  
Eustathianorum error de matrimonio 397.  
Euthymius diligens in verborum proprie-  
tatibus observandis 351. Euthymij locus  
notatur 200  
Excidium Ierusalem sub Tito 617. cum fine  
mundi coniunctum putatur 475  
Excipiendi quidam dum generaliter loquimur  
179  
Excolare culicem 466  
Excommunicabant Iudæos Archisynagogi so-  
li 368. excommunicandi potestas Ecclesia  
tradita 370. excommunicati vitandi sunt  
368  
Excutere pulverem pedum 218  
Exemplis maxime docetur 698  
Exomologesis apud Tertullianum 333  
Exorcista Iudæorum quinam 253. demones  
eiciebant 703  
Exterminare facies quid sit 147  
Extraordinaria potestas Christi remittendi  
peccata 338

De extrema unctione disputatio 742  
Ezechiel filius hominis cur dictus 184

## F

Faber habitus Christus 285. faber qualis  
fuerit Ioseph 285  
Facies Dei splendor essentie divina 366. in  
faciem cadere non semper est adorare 347.  
faciem videre Dei, propinquū illi esse 365.  
facies exterminare quid sit 147. facierum  
panes qui 249  
Facio Pascha, id est facere decreui 538  
Facta cum verbis coniungebat Christus 378  
Fallacia diuinarum Heb phrasin 275  
Falsi propheta fugiendi 163  
Fames Christi voluntaria 436  
Famem sequitur pestis 476  
Familiares sponsi, filij sponsi 200  
Fatue virgines quinque 492  
Fello mixtum vinum Christo datum 619  
Feria quarta ol m ieiunium 533  
Feria sexta passus est Christus 513  
Fermentum in bonam, & in malam, partem  
280  
Fermentum Phariseorum heretica doctrina  
322  
Festum omne sabbatum dicitur 247. festum  
Pentecostes sabbatum secundo primum 247  
festa duo continua num celebrent Iudæi  
247. 521  
Ficum Christus curare fecerit 435. ficu ex ar-  
bore Iudas pependit 610. à ficu parabola  
489  
Fides aliquando sola causa iustificationis di-  
citur 394. fides bona, mala opera 165. Cha-  
nanæ magnam 316 fides credere quod non  
vides 207. fides Gentilium Iudaica maior  
319. hæreticorum triplex 192. fides mensu-  
ra qua remittitur Deus 727. minima cum  
grano sinapis collata 353. miraculis quo-  
modo confirmetur 169. fides miraculorum  
que 192. Calvinistica 352. paralytica ma-  
gna 193. Petri ambulat super aquas 229.  
precedens miracula plus meretur 196. por-  
lampades denotatur 492. quasi Dei ma-  
nus est 355. seruanda humana 465. sine  
caritate non est 192. sine operibus non ua-  
let ad salutem 493. languet 493. non est  
vera 103. sola non sufficit ad salutem 283.  
797 fides unius alteri prodest 181. 192  
Fides fructus bona opera 275. fidem bonam  
qui habet, eius mala opera 166. Petrus non  
auisit



I N D E X.

amistit negredo 579. fide aliena peccata remittuntur 195. fide an iustificemur .	
193	
Fide sola num demones eijciantur	354
Fidulos caci esse debent	207
Fiduli ager quis esset	606
Figuram Christi & Christum unum verbum significat	80
Per figuram interpretari est aliquando incedulorum	181
Filia dicitur, & neptis ab Hebrais 18. filia principis synagoga 203 filia appellantur ciuitates	429
Filius ad vineam missus 439. David, id est Messias 253. Dei naturalis, Christus non adoptiuus 326. hominis, Christus cur dictus 182. pacis, quis	218
Filij hominis signum	484
Filij nomen Hebr. conformationem significat	104. 129
Filium Dei esse, & Deum idem	303
Filium Dei se esse cur celauit Christus	337
Filium Dei Christum fatentur demones	716
In filium hominis peccatum	256
Filium hominis humiliter se dicit Christus.	325
Filij alieni qui dicantur 752. Dei adoptiuu Christiani 138. Iudaorum imitatione .	
468. regni qui dicantur. 179. 200. sapientia, qui sint. 239. sponsi, siue thalami. 200. viperarum, id est uipera 79. Zebedi, quid petant	418
Filiorum duorum in vineam missorum parabola	436
Filios suscitare quid sit	71
Fimbriam vestis Christi tangit mulier 205. alij tangere volebant 303. fimbrias magnificare quid sit	461
Finalis impotentia num peccatum in Spiritum	256
Finis mundi, & finis templi coniuncti	474
Finis mundi figura Hierosolymitana vastatio	489
Finitus numerus pro infinito	406
Flagella Dei sunt morbi plerique	716
Flagellatus quibus uirginis Christus	615
Flaminis scorti rogatu hominem occidit	291
Fluxus sanguinis in muliere	205
Fœderis nomen multa significat	568
Fœmina uiris curiosiores, & religiosiores	299
Fœmina non numerantur apud Iudeos	299
Fœmini num genus Heb pro neutro	442
Fœno collata, qua uilia, & breuius uita	352
Folia sunt simulatio, fructus opera	184
Forma, & materia Baptismi	181
Formula libelli repudiij apud Iudeos	382
Formula uiuendi	309
Fornicationis nomine quid significetur .	120
Ob fornicationem Iudai uxorem dimittebant	380
Fortis, non dubitantis, sed affirmantis	244
Fortis siue Gigas, Diabellus	255
Forum in parabola quid notet	413
Frangere panem Iudei dicunt pro dno	550
Frater omnis Christianus. 42. fratres Christi qui fuerint 263. fratres cur appellati à Christo discipuli 674. fratri reconciliari debemus ante sacrificium: 117. fraterna correctio quomodo adhibenda	368
Fraudem serui non probat Deus sed industriã	503
Fructus fidei opera bona 273. fructus non plausus Concionatoribus querendus. 705. fructus poenitentia digni qui. 71. fructus expert synagoga. 436. fructum aliud centesimum, aliud &c. 275. fructuum tempus semper fuit. 441. fructus bonos arbor bona. 165. A fructibus cognoscuntur falsi propheta.	163
Fruges iustitia elemosyna	132
Fuga in hyeme molesta	480
Fuga in persecutione exemplum	714
Fugit Christus qua de causa 251. fugit Herodem Christus 293. fugere insidias parvudentia 221. fugienda quomodo sit perfectio. 222. fugiendum a ciuitate in ciuitatem	222
Fulguri simile Euangelium	482
Fumera cum tibicinibus	205
Furiosum an uerè putarint Christum cognati	720. ut uincere cur uelint cognati
Futuro in saculo peccata remissa	259
	G
Gadarambs	188
Gadareus lacus	189
Galilea duplex in nouo testamento. 91. in eam transfiguratus dominus 355. in eam bus fugit Christus 696. eam petit Christus 695	
Galilai fere omnes Apostoli	229
Galilai lingua designabantur	597
Galli cantus in scriptura quid 576 qua hora	562. ut gallina congregat. 469. gallus negans Petro caritatis.
	597



# INDEX.

Yafa. cy nubere & uxorem ducere	453	Gomorrhai tolerabilius erit	219
Gazophylacium quid esset	781	Gorgonia Eucharistia tactu sanatur	304
Gebennensis urbis statuta	389	Græca lectioni antefertur Latina	215. Græci
Gehenna ignis, & frigoris	181	comparatiuis pro superlatiuis usi	278. Græci
Gehenna nomen unde deductum	117	dominica orationi addiderunt	145. Græci
Geminare uerba solet affectus	167	libris emendatione Latini	344. Græcorum
In genealogia Christi an peccatores prætermis-	17	sum opinio de anticipatione Pasche	513.
In genealogijs genitiuus ad ultimum refertur	13	Gracus Matthæi interpret citat	LXX.
Generatio ad partum, an ad conceptum refe-			
ratur 29. generatio hæc id est, totus mun-			
dus 484. generatio, id est, genus 469. gene-			
rationis nomine qua significantur	11		
Generalis sententia maioris efficacitatis est.			
251			
Generales sententia quomodo intelligenda	799		
Generali caritate complectendi inimici	128		
Generaliter loquentes excipiendos quosdam			
intelligimus	179		
Generis loco una species ponitur	508	Gratia accessionem meremur	491
Genesar terra ultra lacum	304	Gratia affluentia per conuiuium designatur	
Genesareth lacus mare dicitur	384	447	
Genesareth stagnum ubi situm	299. 737	Gratiam qui habet, certus non est se habere	
Gennadius auctor libri de Ecclesiasticis dog-		391	
matibus	398	Gratiarum actio Iudeorum quibus uerbis	
Genimen uitis quid appellet Christus	571.	574	
573		Gratias agere num idem & benedicere	547.
Gentes omnes in iudicio congreganda	505. re-	297	
motæ insularum nomine intelliguntur	293.	Gratis accepta danda gratis	215
gentibus dabitur regnum Dei	436. quare	Gratua onera Scribarum	461
traditus Christus	416	Gregorius Thaumaturgus montes transiit	
Gentiles canes 317. Gentiles, omnes Græci di-		354	
cti 316. Gentiles natura legem non seruau-			
runt 437. Gentiles per alterum filium desi-			
gnati 436. Gentiles spiritus Dei filij	138.		
gentiles urbes Tyrus & Sidon	314. Gentili-		
um ciuitates an adierit Christus	749.		
514. Gentilium fides maior quam Iudeo-			
rum	319. obiectio refellitur		
158. in uiam			
ire uetat	215. uocatio		
70			
Genus seminiuum pro neutro Hebrais	442		
Genus flexo orabant Iudæi	134		
Geneserorum regio ultra lacum	92		
Gerthemani uellis pinguis	577		
Gignere in scriptura dicuntur xui nepotes	79		
Gladium mittere uenit Christus	223		
Gladio peribunt, qui gladium accipiunt	587		
Gloria celestis per conuiuium designatur	447.		
gloria Dei, miraculorum gloria	355. gloria		
Dei, regula fuga	22. gloria sedes		
504. glori-			
am da Deo, id est uerum fatere.	642		
Golgotha Caluaria locus	618		



# INDEX.

propheta 164. legentes Patres musci simili- les 265. non missi docent 680. Nec cum ue- ra dicunt audiendi 323	Honorare idem quid alere 307
Haeretici omnium maxime Lutherani, & Cal- uinista 277. pro arbitrio scripturas admit- tunt 4. paupertatis hostes 181. ita sunt docti, ut iusti 194. suos ministros Ioanne maiores dicunt 234. Sadducaei similes. 68. de Ioanne Baptista male sentiunt. 232	Honor Dei regula utilitatis nostra 137. ho- nor religionis alijs prater Deum 124. ho- nor sepultura Christi exhibitus 646
Haeticorum alchymia noua 67. concordia in Ecclesiam 453. interpretatio refutatur de domo Petri 182. pessimi apostata 263. puerilis error 91. haeticos puniendos esse 277. cum haeticis quomodo conuersan- dum 173	Hora nona prandium ueterum 533. hora no- uissima finis mundi 413. hora qua crucifi- xus Christus 628. horam hebraei breuissi- mum spatium temporis 582. hora diei duo- decim aequales apud Iudaeos 412. horas duo decim dies habet 412. horis sex fuit in cru- ce Christus 631
Hebraice an Syriace scripserit Matthaeus 253. Hebraicum Euangelium à Munifero edi- tum 7. 146. Nuperum suspectum 253. He- braicas voces interpretes cur aliquando non verant 117	Hosanna quid significet 431
Herbam producere semen quid significet 731	Hospitium non mutandum 219
Hermia haereticus de baptismo 681	Humana fides seruanda 465. humano more loquitur Christus 205. humana non sunt ecclesiastica traditiones 311
Herodes Antipas filius eius, qui Innocentes oc- cidit 88. Herodes M. quot annos regna- uit 54. quando infantes occiderit 57. quot liberos suscepit 58. Herodes Politicorum princeps 324. 452. serius audiuit de Chri- sto 288. Tetrarcha Rex dictus 45. heredes tres in nouo testamento 43. Herodem cur fugerit Christus 294	Humilis corde Christus 243
Herodias Areta filia non fuit 290. cuius u- xor fuerit 260. Herodias filia Saleme. 292	Humilitas Deo quantum placeat 764. humi- litate docet Christus 361. humilitate ma- ior sit, qui auferitatem 764
Herudiani, & alia, secta Iudaorum contra Christum conueniunt 453. quinam essent 451. quam sectam constituerint 323	Hyeme ne fuga fiat 480
Hieronymus noui testamenti editionem corre- xit 234. Hieronymi non est opus in Marcu 530. nec in epistolam 364. Hieronymo falso ascriptus liber de ortu B. Virginis 24	Hyperbole in prouerbis 401. hyperbolicae sunt locutiones prouerbiales 544
Hierosolyma ciuitas magni regis 24. Hiero- solymitana uassatio figura finis mundi. 481. Hierusalem cur sancta 642. Hierusa- lem uassatio. & finis mundi simul 474	Hypocrita Pharisei 452. cur ita dicti 309
Hilarius in plerisque Graecis imitatur 264.	Caluinista sunt hypocrita 322
Hilarij locus de passione caute legendus 348	Hysopus animum reddit exanimatis 638
Haedi, & hirci cur malos designent. 506	Hysopus pro minima herba 637
Homo rex id est rex quidam 373	
Homines dicunt i uulgus 325. homines, id est uulgus 186. 105. homines i mandani 222. homines omnes nati mulierum 234. homi- num gloria quomodo sectanda 107	

## I

Iacob primogenituram qua ratione obtinue- rit 15	
Iacobus maior Zebedai filius 215. in transfigu- ratione 344	
Iacobo, & Ioanni uiticie praepositus Iulianus 213	
Idumaei hostes Iudaorum 715	
Iechonias cur sterilis dictus à Ieremia 22. Ie- chonias fratres cur nominentur 20	
Ieiunabant Ioannis discipuli, non Christi. 710.	
ieiunans caput quomodo ungat 146	
Ieiunium quadragesimae defenditur 84. Iu- daorum quale fuerit 84. olim feria quarta 533. nuptij non conuenit 200. ieiunia di- scipulorum Ioannis uoluntaria 202. ieiu- nia Caluinistarum praeludia belli 312. iei- unium an sigillum sit Euangelij 86. ieiu- nio demones quidam expelluntur 355. ieiu- num edicare traditio apostolica 547	
Ieremias an Zacharia loco citatus 607. Iere- mia liber apocryphus 607. Ieremia lamen- tationes qua occasione 18	
Ierosolymitanu excidium qua praecedent 476.	
	Ierosol-



# INDEX.

Ierofolymitani scri' a arrogantissimi	306.	Intelligere, curare fouere	274
Ierusalem sancta cur dicta	642. in edito loco sita 416. Ierusalem excidium sub Tito	Interpres Matthei Gracus sequitur	LXX.
Iesus seruatore sonat 11. De nomine Iesu, & eius etymologia	36	Interpretationes neminum in scriptura an auctore	7
Ignis spiritus sanctus 76. ignis inferni verus non metaphoricus 509. diaboloparatus 509 lucidus non est 181. non extinguitur 769. igni que res soleant comparari	353	Intueri, & videre diuersa sunt	322
Illucescit sabbatum, id est appropinquat	653	Inuenire animam suam	226
De imaginum ueneratione	560	Inuidiam declinat Pharisaeorum Christus	736
Imitari Christum arrogantia non est	85	Ioannes cur in deserto 63. ad 30. annos 65. an Christum cognouerit ante baptismum 76. à Christo baptizatus fuit 77. an de Christo dubitet 228. Ioannis uestis cilicium 67. discipuli cur ieiunarent 201. ieiunabant 710. de Christo dubitant 228. officium erat à lege renocare 697. baptismus an diuersus à Christi baptismo 72. mors vindicta bellis, & cladibus 290. quando acciderit 288. eum qui nunciarent Christo 745. Ioannes quomodo maior inter natos mulierum 232. quomodo propheta 231. quomodo Elias sit 237. inter sanctos veteris testamenti 236. lamentatus est, Christus cecinit	238
Immortalitas animarum, & resurrectio coniuncta	455	Ioannes Euangelista quando scripserit Euangelium 7. cur scripserit 8. an mortuus sit	341
Immundi spiritus damones	213	Iob amici reges appellati	44
Imperatium uerbum pro futuro	218. 271	Iona propheta signum	260
Imperare, & increpare cominari significat	351	Trans Iordanem regio qua dicatur 715. terra que sit	91
Imperatores principum humeris gestari	504	Ioseph decurio nobilis 646. Iosephus Gorionis f. fabulosus 325. Ioseph quot argenteis uenditus 536. Ioseph Iacob an Heli filius naturalis 24. Ioseph appellabatur Iacobi frater 644. Ioseph, & Maria ex eadem tribu 22. ad Ioseph, non ad Mariam Dei mandata mittuntur 205. cur genealogia Christi deducta 23. Ioseph dormienti cur angelus apparuerit 36. de crastino sollicitus 153. faber lignarius 285. Iosephus saepe obliuione labitur 290. Iosephi lapsus de Herodinde	290
Imperfecti operis auctor Avianus	137	Iota littera minima	110
Imperfectum pro perfecto Graca phrasi	724	Iouinianus Caluini parens	391
Impleri prophetiam quid sit	55	Ira Dei terra motu significatur 641. Ira uentura damnatio est aeterna 71. ira Dei signum solis obscuratio 632. iram quamnam uetuerit Christus 115. irati sunt, & uiri sancti	116
Implere mensuram patrum	466	Isaie uerba que nec Hebraice, nec apud LXX.	251
Implicita fides apud hereticos nulla	193	Isariotes Iudas cur dicatur	215. 534
In pro cum Hebr. 341. pro per 270. pro propter 136. in ianuis est, id est ante pedes 484. in Iudam intrasse Satanam quid sit 534. in spiritu immundo homo, id est habens spiritum 740. in doctrina mirari, pro, doctrinam mirari	699		
Increduli factis conuincendi	230		
Incredulitate sapientiam metiuntur Caluinista	322		
Indignis Euangelium non pradicandum	158		
indignos miraculis priuabat Christus	740		
Inducere in tentationem quid sit	144		
De infantia Saluatoris liber apocryphus.	55		
Infantes non baptizati ad sinistra erunt 506. infantes baptizandos improbant Caluinista	392		
Infernus quibus uocibus designetur 117. cor terra 262. inferni poena aeterna sunt 374. in aequales 220. inferi porte potentia diaboli	329		
Infideles an miracula faciant 169. canes in scriptura	158		
Innocentes uerè martyres 59. Innocentes quando occiderit Herodes	57		
Inimici quomodo diligendi	128		
Inimicitas immortales mortales ne gerant. 146 iniuria quales remittenda 144. iniuria quomodo remittenda 374. iniuria remissa damnum repetitur	144		
Insula id est gentes remotae	253		



# INDEX.

<i>Ita adhibuit in repetitionibus</i>	243	<i>Ius suum persequi licet apud iudicem</i>	126
<i>Iter sabbati mille passus</i>	427	<i>An iustificemur ex operibus</i>	167
<i>Iudaea qua regio dicta 774. eius fines ultra</i>		<i>Iustificaberis ex uerbis tuis</i>	260
<i>Jordanem 43. provincia Romanorum 603.</i>		<i>Iustificare hominem quam difficile</i>	195
<i>quid eius nomine intelligatur, &amp; quid Iu-</i>		<i>Iustificari hominem operibus</i>	254
<i>da</i>	42	<i>Iustificata à filiis sapientia</i>	239
<i>Iudaeus fuit Simon Cyrenaeus</i>	616	<i>De iustificatione contra Caluinistas agitur</i>	170
<i>Iudaei oues, Gentiles canes 317. filij sapientia</i>		<i>Iustificatus à peccato, id est liberatus</i>	239
<i>239. duos continuos festos dies non habue-</i>		<i>Iustificati omnes per fidem in Christum</i>	198
<i>runt 522. viros solos numerant 299. quo</i>		<i>Iustitia pro elemosyna in scriptura</i>	132.
<i>die Pascha comederint 516. unde dies inci-</i>		<i>quicquid iusti officio conuenit 78. iustitia</i>	
<i>perent 515. templum ingressuri calceos po-</i>		<i>Dei querenda 152. iustitia observatio mō-</i>	
<i>nunt 72. inuitati venire noluerunt 447.</i>		<i>datorum 112. iustitia imputatiua Calui-</i>	
<i>448. Iudaorum lotiones frequētes 307. tra-</i>		<i>nistarum refellitur 167. 198. 260. iustitia</i>	
<i>ditiones 748. Iudaorum ieiunium quale</i>		<i>uia quid 438. iustitiam esuriant quinam</i>	102
<i>fuerit 84. gratiarum actio post cibum 574</i>		<i>Iusti an ulli sint homines 198. iusti merces</i>	
<i>Iudaicis tribunalia fuerunt tria 115. lex qd</i>		<i>qua 225. iustos an ullos Christus inuene-</i>	198
<i>profuerit 72. pro Iudaicis solis se uenisse ait</i>		<i>rit</i>	
<i>Christus 316. Iudeis an licuerit reos neca-</i>		<i>Iuuenius citatur</i>	57
<i>re 603. Iudaicis naturalis cognitio ablata.</i>		<i>Iuuenium Specie cur appareant angeli</i>	658
<i>271. quomodo permissum uxores dimitte-</i>			
<i>re 381. Iudaos accusabit Moyses</i>	405		
<i>Iudas trinominus 235. Thaddeus</i>	215		
<i>Iudas auarissimus, &amp; fur 528. Iudas utri ue-</i>			
<i>teri similis 263. miracula fecit 169. an Eu-</i>			
<i>charistiam perceperit 540. an proditor à</i>			
<i>Deo factus 545. ex qua suspensus arbore</i>			
<i>605. an Christum tradendo peccarit 544.</i>			
<i>quomodo iudicatus à Christo 542. ad mor-</i>			
<i>tem Christum non tradidit 604. Iuda tra-</i>			
<i>ditio opus Dei Caluinistis 535. poeniten-</i>			
<i>tia qualis 604. Iuda traditionem Caluini-</i>			
<i>sta Deo attribuit 544. prodicionem qui</i>			
<i>laudabant 363. Iuda quando tradita sit</i>			
<i>buccella 541. cur corpus suum Christus de-</i>			
<i>derit 160. melius fuisset natum non esse</i>			
<i>543. à Iuda uenditio quando facta</i>	533		
<i>Iudicium comparationis</i>	182. 421		
<i>Iudices ordinarij apud Iudaos</i>	443		
<i>Iudicium potestas defenditur</i>	488		
<i>Iudicij dies an demoni notus</i>	188		
<i>Iudicij diem an Christus ignoraret</i>	484		
<i>Iudicium exercebant in synagogis Iudei</i>	372		
<i>Iudicio comparationis Ninivite iudicati</i>	262		
<i>Iudicio reum esse quid sit</i>	115. 116		
<i>Iugum Domini suauis</i>	243		
<i>Iulianus apostata Iudaicis concedit, ut templū</i>			
<i>instauraret 473. refutatur</i>	55		
<i>Iurandum non est sine necessitate</i>	122		
<i>Iurare in templo quid sit 464. Christianis an</i>			
<i>liceat</i>	122		
<i>Iurata contra fides seruabant Iudaei</i>	291		
<i>Iuramentum summa apud Iudaos religio</i>	291		
		<i>Lacus maria appellantur</i>	184
		<i>Laicorum communio sub una specie</i>	567
		<i>λαμπάδων apud Septuaginta pro λαμπάδων</i>	183
		<i>Lamentauimus, &amp; non planxistis</i>	237
		<i>Lampas est fides 492. lampades suas ornant</i>	
		<i>uirgines</i>	494
		<i>Lapis angularis, &amp; offensionis 442. cur dica-</i>	
		<i>tur Christus 441. duplex in monumento</i>	
		<i>661. pretiosus 442. sepulcri obsignatus</i>	
		<i>649. lapidem quem reprobauerunt, He-</i>	
		<i>braismus 441. super lapidem cadere quid</i>	
		<i>sit 442. 443. lapides multi in Ecclesia 320</i>	
		<i>lapidabatur, qui blasphemabat</i>	593
		<i>Latina editio corrigenda 133. 414. Graeca an</i>	
		<i>refertur</i>	215. 344
		<i>Latro uterque an maledixerit 624. latroni</i>	
		<i>paradisum promittit Christus 627. latro-</i>	
		<i>num uestes an diuise sint 621. latronibus</i>	
		<i>an positi sint tituli 621. latrones inter duos</i>	
		<i>cur Christus</i>	622
		<i>Lauantur Pharisei crebrius inter pranden-</i>	
		<i>dum</i>	748
		<i>Laudem fugere docet Christus</i>	704
		<i>Laurentij ad Praesidem uerba</i>	126
		<i>Leptos quosnam lauarent Iudaei</i>	749
		<i>Leones Samaritani dum timent, Deum co-</i>	
		<i>lunt</i>	215
		<i>Leontij locus ex M. S. Vatie.</i>	300



# INDEX.

Leprosus Christum adorabat 174. munda- tus ostendit se sacerdoti 174. Simo à Chri- sto curatus 528	gere non possunt filij sponsi 200. pro ieiunare positum ibidem lugentes quinam beati sunt 101
Leuitica tribus Deo data 404	Lumen tuum tenebrae sunt 148. in lumine id est in publico 224
Lex concupiscentiam prohibebat 112. lex & propheta id est uerus testamentum 192. 236. lex grauiabat potius; quam leuabat 242. Iudaeis quid profuerit 72. nomine circumcisionis designatur 435. noua praestantior ueteri 235. paedagogus Iudeorum 112 post Christi aduentum, & iubet, & inuat 108. quando fuerit abrogata 109. uetus utres ueteres 201. usque ad Ioannem Baptistam 235. lex talionis naturalis 125	Luna uerene obscuranda in die iudicii 483 lunaticos cur faciat demon 351
Legis ceremonias an abrogauit Christus 460. Doctores Scribae apud Iudeos 467. quattuor partes 109. ueteris ieiunia 202	Lutetig uir robustus sanguinem sudat. 579
Legisperiti apud Iudeos qui 49	Lutheri turpe dictum contra castitatem. 389
Legislatoris personae Patri tribuitur. 68	Lutheranus castus monstrum 388. Lutherani, & Calvinista in Ecclesiam conspirant 322. cilicium oderunt 67. sunt maxime heretici 281. Sadduceis similes 68. caenam appellant Eucharistiam 546
Legem an soluerit Christus 108. Christus correxit 112. nouam condidit Christus. 114	Lutheranorum errores, de Eucharistia 552 de clauibus 331. de diuortio 382. de castitate 388. de Purgatorio 258. de meritis operum 275. an iusti sint ulli 198. uide & Calvinistarum errores cum istis communes.
Lege est leuius Euangelium 243. à lege sensim auellat Ioannes 697	Lux mundi Apostoli sunt 105
Legalia quanam dicantur 394	Lyrani sententia de fidei pretio 356
Leui cognomen Matthaei 198	M
Liber de infantia Saluatoris apocryphus. 55	Machabeorum libros rejiciunt Calvinista 455
Libellus repudij permissus à Moyse 379. eius formula apud Iudeos 382	Machabuntinae in arce Ioannes casus. 292
Libertas conscientia non permittenda. 277	Magdalena una tantum fuit 655. an sepius unxerit Christum 527. Magdalena an plures, siue quae Christum unxerint. 525
Liberum arbitrium Calvinista tollunt 166. libero arbitrio probatur. 146. 166. 718	Magi Pharaonis an miracula fecerint. 169. qui fuerint 42. an fuerint reges 44. quot fuerint 44. unde uenerint 44. quando uenerint 46
Ligat Paulus Satana tradendo 332. ligandi potestas in quo sita 334	Magis melior phrasim inusitatior 251
Lignarius faber Ioseph 185	Magister bonus Christus dicitur 392. magistri nomen auctoritatem Christi indicat 538. magistros uocare an liceat. 462
Lilia agri, & hortensia 150	Magnus ualde, Hebraismus, id est maximus 52
Linguarum in specie cur Spiritus sanctus 80	Maldonatus litteralem sensum, non allegorias querit 587. eius commentarii in Ieremiam 56. in Ezechielem 182. sententia de Conceptione B.V. 199
Litteralem sensum querit, non allegoricum Maldonatus 587	Maledictionis Deus auctor non est 158
Locum primum in regno Dei quis obtinebit 764	Male loqui de Christo quid sit 767
Locusta quod animalium genus 67	Malitia diei sufficit 153
Lotiones Iudeorum frequentes 307	Malum
Lucas praeter ceteris ordinem seruat 162	
Lucerna sub modio 107. 724	
Lucrum turpe à templo repellitur 606	
Ludit ambiguitate Christus 340	
Lugentur mortui adhibito ieiunio 202. lu-	



# I N D E X.

<i>Malum qui petit, iniuriam Deo facit</i> 160.	<i>Media nocte venit sponsa</i> 494
<i>malum resistendum non est</i> 126. <i>malus est</i>	<i>Medico sani non indigent</i> 710
<i>diabolus, à quo liberari primus</i> 145. <i>ma-</i>	<i>Melle sylvestri vescitur Ioannes</i> 67
<i>lus id est diabolus</i> 124. <i>malus, malignus</i>	<i>Memoria an sint lapsi Euangelista</i> 50 607.
<i>diabolus</i> 274. <i>malos male perdet</i> 441	<i>memoria lapsi veteres multis</i> 392
<i>Mammilla quid sit</i> 148	<i>Mendacium emant Scriba</i> 672. <i>militum coar-</i>
<i>Mandata Dei seruanda</i> 394. <i>non impossibi-</i>	<i>guit Sedulius. ibid. mendestimonium uert-</i>
<i>lia</i> 162. 456. <i>prime &amp; secunda tabula</i> 396	<i>tati dicere Christus non uult</i> 704
<i>parentum &amp; magistratuū, seruanda</i> 394	<i>Mensa publicanorum</i> 196. <i>mensa assederit ue,</i>
<i>Manichaei homines natura bonos, aut malos</i>	<i>an recubant Christus</i> 539
<i>dicunt</i> 164. <i>liberum arbitriū negant</i> 623.	<i>Mensura eadem remetitur Deus</i> 158. 727.
<i>refelluntur</i> 295. 303. <i>eorum error de ma-</i>	<i>qua remetitur nobis Deus, fides</i> 727. <i>men-</i>
<i>trimonio</i> 388	<i>suram patrum implere</i> 467
<i>Manus dextra qua scandalizet</i> 119. <i>cum ma-</i>	<i>Merces beatorum inaequalis</i> 225. <i>eterna non</i>
<i>xus impositione oratio iungebatur</i> 392. <i>ma-</i>	<i>tempore, sed labori respondet</i> 411. <i>merces</i>
<i>nu tenet, quam suscitatur Christus</i> 207. <i>ma-</i>	<i>proprie uita aeterna</i> 507. <i>mercedis nomen</i>
<i>xus imponebat pueris Christus</i> 390. <i>impo-</i>	<i>merita operum confirmat</i> 225. <i>mercedi pro</i>
<i>nunt uiri sancti</i> 750. <i>manibus impositis cu-</i>	<i>pheta accipere quid</i> 225
<i>rat Christus</i> 741. 750. <i>illotis manducant</i>	<i>Meretrices precedunt Phariseos</i> 437
<i>discipuli</i> 747. <i>manus aqua ablueret Iudeis</i>	<i>Meritum de cōgruo</i> 396. <i>merita bonorum ope-</i>
<i>cerecmonia</i> 615	<i>rum</i> 394. <i>defenduntur</i> 275. <i>ex mercedis no-</i>
<i>Marcionis baptisimus damnatus</i> 681. <i>Marcio</i>	<i>mine</i> 226. <i>non semper in operibus</i> 506. <i>me-</i>
<i>nita refutantur</i> 303	<i>rita Sanctorū 2 uilia mortuis</i> 495. <i>de meri-</i>
<i>Marcus Alexandrinus Episcopus</i> 689. <i>an pol-</i>	<i>to contra Caluinum</i> 507. <i>de meritis operū</i>
<i>licem sibi absceiderit ibi alicuius filius fue-</i>	<i>406. de meritorum, &amp; pramiorum inaequali-</i>
<i>rit</i> 688. <i>Petri comes</i> 689. <i>redegit Matthaeū</i>	<i>tate</i> 409. <i>doctrina confirmatur</i> 271
<i>in compendium</i> 688. <i>non seruat ordinem</i>	<i>Meri tori est calibat? cōtra Caluinistas</i> 394
<i>narrationis</i> 689. <i>quo tempore mortuus</i> 766	<i>Meroe Saba meredionalis</i> 262
<i>Margaritas ne porcis obijciamus</i> 159. <i>quarit</i>	<i>Messias, id est uictus</i> 11
<i>negotiator</i> 632	<i>Messis multa, operarij pauci</i> 208. <i>messis domi-</i>
<i>Ad mare cur tendat Christus</i> 709. <i>cur doce-</i>	<i>nus quis ibi. me tere in festo non licet</i> 247.
<i>ret Christus</i> 723	<i>metis uita non seminasti</i> 502
<i>MARIA uirgo concepta sine peccato</i> 198.	<i>Metaphoricus non est ignis inferni</i> 509
<i>omniū beatissima</i> 256. <i>uirgo, uide &amp; Bea-</i>	<i>ta uirgo eius uirginitas à Zacharia defen-</i>
<i>sa</i> 467. <i>Maria, &amp; Ioseph ex eadem tribu</i>	<i>22. cognata Elisa beth quomodo</i> 23. <i>nupta</i>
<i>an fuerit Ioseph, an desponsata tantum</i>	<i>30. cur desponsata fuerit</i> 31. <i>Mariae ma-</i>
<i>tri apparuit Christus</i> 675	<i>Maria Cleopha qmā</i> 644. <i>seror B. Virg.</i> 264
<i>Maria Cleopha qmā</i> 644. <i>seror B. Virg.</i> 264	<i>Maria mater Iacobi, &amp; Ioseph</i> 644 647
<i>Maria mater Iacobi, &amp; Ioseph</i> 644 647	<i>Maria seror Lazari qua fuerit</i> 527
<i>Maria seror Lazari qua fuerit</i> 527	<i>Maria omnes aquarum congregationes</i> 91
<i>Maria omnes aquarum congregationes</i> 91	<i>Martyrum fructus centesimus</i> 449. <i>Marty-</i>
<i>Martyrum fructus centesimus</i> 449. <i>Marty-</i>	<i>res fuerunt innocentes</i> 59
<i>res fuerunt innocentes</i> 59	<i>Mattheus an Syriacē scripserit</i> 200. 693.
<i>Mattheus an Syriacē scripserit</i> 200. 693.	<i>quando</i> 7. <i>prior Luca scripsit</i> 25. <i>Thoma</i>
<i>quando</i> 7. <i>prior Luca scripsit</i> 25. <i>Thoma</i>	<i>se postponit</i> 213. <i>Matthai locus transposi-</i>
<i>se postponit</i> 213. <i>Matthai locus transposi-</i>	<i>tus</i> 100. <i>eius domus à telonio diuersa</i> 709
<i>tus</i> 100. <i>eius domus à telonio diuersa</i> 709	<i>Matres etiam nomina filijs imponunt</i> 39
<i>Matres etiam nomina filijs imponunt</i> 39	<i>Matrimonium ex lege diuina, &amp; natura</i> 380
<i>Matrimonium ex lege diuina, &amp; natura</i> 380	<i>Maxillam percutienti sedendum</i> 126



# INDEX.

precedens fides plus meretur 296. Caluini	et Sadducei recipiant solum 455
se suum appellant 301. miraculorum fe-	Mulier sanguinis fluxum passa 205. mulieres
des laudata 191. potestas data Christianis	maxime afflicte in exilio Ierusalem 617.
que 800. occasiones pmitit Christus 435.	mulieres praeforunt se Doctores. apud Cal-
fides Calvinistica 352. ad miracula qua	vinistas 454. mulieribus Christus cur ap-
requirantur 740. miraculis quomodo fides	paruerit 673
confirmetur 169. miraculis rificani ma-	Multi, id est omnes in scriptura 273. 416.
gis moti 215	multi uocati. pauci electi 273
Miserordia Magna peccatores ad peniten-	Multiplicatio panum ubi facta 297
tiam uocare 198. elemosinam significat	Mundi finem quo praefutura sint 476. mundi
132. sacrificio antefertur 198. misericor-	pax, & Christi diuersa 224
des beati sunt 103	Mundi corde beati 103
Missae integra audienda 574	Munus, id est, Deo consecratum 307. non sine
Mitis Christus, & humilis corde 243. mites	munere Reges Persarum adiri 46
quidam sunt 100	Murmur operariorum quid significet 414
Mittere, in scriptura non expressa personae mis-	Murmuratio nulla in sanctis ibid.
sa 57. mittere debent Doctores, & Pastores	Muscarum Deus quis esset 224. Myagrum
680	Deum muscarum qui innocens ibid.
pnus & uerus quid significet 31	Mutum demonium 208. muti demones an
propheta & agere loquens 753	sint ibid.
Modio lucerna cur occultetur 107	Myrrhatum uinum quale fuerit 619
Mechari, species totum genus indicat 119	N
Moloch Saturnus Iudeis 100	Nardus piscica qua sit 529
Monachus bonus clericus bonus 65	Nardus spicata 530
Mons ex quo ascendit. Dominus 677. Mons oliueti	Narrationis sermo non seruat Matthaeus 180
quo spatio distaret ab urbe 574. montem	Natalitia Sanctorum reiecit Calvinus 291
ascendit Christus, cum turbam fugit 98. mon-	Naturalis ratio talentum an sit 498. natura
tem cur ascenderit in transfiguratione 344.	lia Iudeis ablata sunt dona 271. natura
orandi causa ascendit 716. montes; Pro-	lium & moralium causarum discrimen 167
phetas, & Apostolos significant. 107	Nature habitus spectata in electione Apo-
Montanis quadragesima post Petecoste 201	stolorum 717. natura legem non seruauerunt
In monumentis quomodo demoniaci 186	Gentiles 436. eius rationem habet Deus do-
Moralium causarum, & naturalium diseri-	na distribuens sua 491
men 167	Natus mulieres, & ex muliere 233
Moras non patitur Spiritus sanctus 693	Nauiam sibi deseruire uult Christus 715
Morbi corporis peccati pena 182. 192. plerique	In nauim cur ascendit Christus 721
Dei flagella sunt 716. per demones immissi	Nazareus Christus unde dictus 60. Nazarei
185. morbos ob contagiosos uxor dimissa 382	dicti ab Hebraeis Christiani ibid. Nazare-
Mores puerorum amat Deus 763	num demon Christi accipit primus 700.
Mortis Christi mysterium ignotum demoni	Nazarenorum Euangelium 468
186. mortem gustare, & uidere 341	Nazareth Christi patria dicitur 741. Cali-
Mortalis peccati infinita pena debetur 119	lea ciuitas cur, dicta 693. patria Christi
Mortui an sint, qui resurrexerunt cum Chri-	284. in Nazareth quot annos fuerit Chri-
sto 642. Deo uiuunt 455. dormientes dicti	stus 693
206. cum uiuunt 202. mortui meta pho-	Necessaria negligunt Pharisei 466. necessaria
nice qui 184. mortuorum Deus non est 455.	non delicias Deus suppeditat 299
Mortuorum corpora unguuntur 532. mortuos	Necesse est, ut scandala ueniant 363
Ecclesia suffragiis innuat 337. mortuos suos	Necessitas metuetes Apostolos excusat 247. ne-
quos appellant quidam 184	cessitatem rem uentura dixit Aetius 389.
Moyse accusabit Iudeos 405. an uenturus	Negant Hebraei, quod postponunt alteri 198.
ante iudicium 350. cur legis nuntius dicere	negantes promissiones absolute intelligenda
mur 113. Moyse cur in transfiguratione	143. negarit Christum Petrus quoties? 576.
346. libellum repudij permiser 380. libros	595. negauit Christum Petrus 598

Nego-



# INDEX.

Negotiator celestis gratia 399. negotiatoris- militare regnum celorum 273	incunt 200
Negotium totum in parabolis spectandum 239	Nutrientibus va demumciatur 480
Nemo nouit patrem nisi filius 243. nemo po- test duobus seruire 148. nec simul sorbere, et siare 148. nec sine peccato uiuit 143. ne mini, ut diceret, praecepit Christus quibus- dam, quos sanauit 336	O
Neque oculus uisus 148	Oblationes templis facta defensa 782
Nescio vos: scientia approbationis 496. Nescio rianorum error de Trinitate 623. Niniui- ta Iona crediderunt 260. nitimur in ueti- tum semper 271	Obmutescere daemones cur iubeat Chri- stus 701
Nobe ciuitas sacerdotum 249	Occasione calumniae dicitur Christus 192. occa- siones miraculorum permittit Christus 435
Nolle, id est non posse 196	Occulta culpa occulte coarguitur 764
Nomen Dei non assumendum in uanum 122. nomen Dei sanctificetur 139. in nomina Christi quid sit 372. nomine Patris bapti- zare quid sit 682. nomina Apostolorum cur expressa 213. nomina filijs non soli pa- tres imponunt 36	Octauus dies eodem ritu quo primus 246
Non nubent, neque nubentur 453	Oculus abscindendus, qui scandalizet. 119. pro oculo reddendus 125. si nequam fuerit 147. oculum pro oculo exigunt Christiani iudices 126. oculi aperti sunt 207. beati qui Christum viderunt 272. oculis non vi- detur Deus, at corde 103
Nona hora prandebant olim 445	Officium Apostolorum miracula Christi pra- dicare 207
Nonaginta nouem oues relicta 199	Oleum in misericordiam significat 493. oleo a- gro ungunt Apostoli 742
Nostri non patrem cur appellemus Deum 137	Omnes Dei uiuit 455. fieri saluos uult Deus 271. omnes gentes an congreganda in iudi- cio 505. omnia Christo tradita 142
Novatiani poenitentiam negabant 256. eorum error de clauibus 333. eorumdem error re- fellitur 196	Onera grauias Scriba alligant 461
Notissimi erunt primi 406	Operarij in uineam mittuntur 408. pauci, multa messis 208. operariorum merces de- paratus 413
Nouit filium solus pater 243	Opera bona accessionem gratiae merentur 491 fructus fidei 274. opera festis diebus licita 249. fructus arboris 164. infidelium omnia peccata non sunt 165. super erogationis 77- 397. operum bonorum merita 394. 406. premium merito maius 501. operibus an iustificetur homo 166. 192. bonis augenda gratia 497. iustificari hominem 166. illis uacua fides languet 493
Nouitas est gratia 201	Opertum nihil, quod non reuelatur 223
Nouum apud Hebraeos quod iucundum 572. te- stamentum. nouum Lat. correctum ab Hierony. 134. testamentum noui ubi constituit Chri- stus 569. noui Testamenti sanguis 568	Oportet, posito Dei decreto 476
Nox in 4. uigiliis diuisa 300. 412. nox luce- scere quomodo dicatur 653. noctis uigilia quattuor 300. nocte Hebraei uesperam ap- pellant 652. nocte ebrii sunt, qui ebrii 180 nocte media uenit sponsus 494. noctibus quot fuerit in sepulcro Christus 161	Oratio prolixa an prohibita 134. orationis Dominica laudes 136. orationis efficacia 370. orationi Dominica quid Graeci addant 145. orationem praemittit maioribus rebus Christus 344. oratione daemones expellun- tur 354. orat dominus propter exemplum. 704. miracula facturum 751. orabant genu flexo Iudei 134. orandi causam monte ascen- dit Christus 716. orandum an sit in publi- co 134. orantis affectu exoratur Deus 135 oraturus fugit Christus 300
Nubere, id est uxorem ducere 386	Ordo dignitatis in nominibus Apostolorum 212. ordo in caritate seruandus 127. ordi- nem narrationis non seruat Marcus 769. nec temporis 72. nec rerum seruauit Euan- geliste
Nubes Christi et Apostolorum sedes 403. Chri- sti in iudicio 505. in nube Dei maiestas ostenditur 346	
Numeralia ordinalia pro distributinis 274	
Numerant solos uiros Iudaei 298	
Numerus ad sententiam non pertinet in parabo- lis 235. certus pro incerto 403. finitus pro infinito 405. perfectus poni solet in scriptura 298. numero certo cur electi Apostoli 212.	
Nuptia Christi quando celebrata 447. cum coniugij celebrata 454. nuptias beati non	



# INDEX.

geliffa 663. nec temporis 87. 155. 158  
**O**rdinaria remedia peccatorum Sacramenta 337  
 Orientales littera Ph. delectantur 315. un-  
 guentis in conuiujs ufi 531. in oriente an  
 apparuerit stella 48  
 Origenes damnatus quod se exsecuerit 110.  
 uidetur putare nullo modo iurando 122.  
 eius audax coniectura 395. error de Ange-  
 lis custodibus 365  
 Origenistarum error de animabus 544. de in-  
 ferno 509  
 Originale peccatum cur Pelagiani tollant 170  
 eo caruit B. Virgo 198  
 Ornamentate plorum repudiāt Caluiniste 531  
 Ornament sepulchra Pharisaei 466  
 Ornatus nostri cura est Deo 151  
 Osanna quid sonet 430  
 Os aperuisse Christum quid fit 197. os Apo-  
 stolorum Petrus 327. in o quod intrat, non  
 coquinat 311  
 Osculi consuetudo apud Iudaos, & Christia-  
 nos 386  
 Osee permissū filios fornicationū suscipere 381  
 Otiosum uerbum quodnam sit 259  
 Oues à dextris erūt 506. nonaginta nouē reli-  
 ctæ 199. sicut oues occisionis 129. oues popu-  
 lus Dei peculiaris Iudeorum 215. ut oues  
 quod inermes, & infirmi 219. ouium in ue-  
 stimentis lupi 163. ouinis pellibus pastores  
 uestiti 163

## P

**P**acifici Christum imitantur 104. quinam  
 beati 103  
 Pax Apostolis commendata 104. Christi, &  
 mundi diuersa 223. huic domui 718. pacē  
 facere Dei proprium 104  
 Pedagogus Iudaorum lex fuit 112  
 In Palestina messis quando 247. Palestine  
 domus plana tecta habuerunt 88  
 Palestini unguentis utuntur sepe 146  
 Panis benedicitur à Christo 297. Eucharis-  
 tia dicitur in scriptura 553. Hebreis om-  
 nis cibus 86. pro omni cibo sumptus 718.  
 quotidianus Eucharistia 140. eius nomine  
 cibus omnis 140. eum frangebant non scin-  
 debant Iudæi 550. quomodo fregerit Chri-  
 stus 549. panes azymi Pasche dicebantur  
 517. facierum 248. propositionis quales  
 248. ubi multiplicati sunt 297. panes mun-  
 ducare quid sit 748  
 Pannus rudis in parabola quid 201  
 Parabola, & enigma idem 732. operariorum,  
 & innee 408. parabole membra ab accide

ribus distinguenda 447. in parabola par-  
 tes, & emblemata 373. 411. parabole au-  
 ues sententiæ 280. Grecis similitudines 269.  
 partes earum quedam non necessarie 276.  
 729. quomodo applicandæ 238. per parabo-  
 las Iudeis quomodo sepe loqueretur Chri-  
 stus 732. parabolis cur usus sit Christus  
 271. 732. in parabolis uerisimilia narra-  
 tur 491  
 Paradisi nomine quid intelligendum 627  
 Paratus est diabolo ignis inferni 509  
 Paradosis tractatior, traducere, diuulgare 34  
 Paralyticus tollere iubetur 196  
 Paropside cœnat 465  
 Parasceue Græcè προεσθιατορ 518. Pascha  
 quid sit 518. solius est sabbati 518  
 Parentes à filiis iuuandi 309. in elemosyna  
 preferendi alijs 128  
 Pares, & impares erunt beati 111  
 Participium pro infinitiuo Hebraicè 227  
 Participia actiua pro uerbis sumpta 441.  
 709  
 Paruulis hac reuelasti 241. quomodo similes  
 esse debeamus 361  
 Parturientis dolores maximè 476  
 Pascha dies primus æ ymorum 520. diceban-  
 tur, & æ ymi panes 517. Iudæi quando  
 transferrent 523. num anticipauerit Chri-  
 stus 515. quo die Christus comederit 522.  
 Pascere populum id est regere 61  
 Passio Christi patientia exemplum 336. pas-  
 sionis Christi eclipfis 631. passionem suam  
 quando primum indicarit Christus 336.  
 passiones in Christo non fuerunt, sed pro  
 passiones 577. passionum Christi, & nostra-  
 rum discrimen 578  
 Patria Christi Nazareth 284. Christi triplex  
 739. in patria miracula facere non potest  
 Christus 740  
 Patris à nomine cur exor diamar 136. est pra-  
 mia dare 224. regnum quid sit 572. patrē  
 sepelire uocante Christo an liceat 184. pa-  
 tres credentium Apostoli 211. patrum ope-  
 ribus consentiunt Pharisæi 466. patres uo-  
 care an liceat 462  
 Paulus ius suum persecutus est 126  
 Pauli Burgenfis lib. de uotis 308  
 Paulianista cur damnati in Niceno conc. 681  
 Paupertas Apostolorum 295. paupertatis con-  
 silium contra Caluini 396. Euangeli-  
 ca, gradus uarij 99  
 Pauperes Apostoli 181. Euangelizari quid  
 sit 230. quomodo beati sint 98. pauperibus  
 etiam



# I N D E X.

etiam necessaria largienda 296. omnia simul dare melius 398	ris in Christum 337. à Calvinistis defensio 337. domus in qua urbe 775. fides ambulando super aquas 329. negationes tres in domo Caipha 589. primatus 358. primatus contra Calvinum 327. penitentia insigni 598. successores, Romani Pontifices 334. successores fundamenta Ecclesia 333. successoribus data claves 333. eidem data claves regni coelorum 330. suprema potestas per claves concessa 333
Peccatum in filium hominis 256. in Spiritum sanctum 255. qui remittatur 256. nō quicquid contra voluntatem Dei 581. nullum à Deo remitti non potest 256. omne ueniā non meretur 256. peccati originalis expers B. Virgo 198. peccato nemo caret 142	Petrus Canisius laudatur 62
Peccata aliena fide remissa 194. an sola caritate remittantur 192. cur debita dicantur 142. dimitti qd sit 142. post mortē remissa 604. quomodo per claves remissa 332. remittuntur in futuro saeculo 258. remissa nō redeunt 374. peccata cur remittat Christus agris 192. remittit Christus etiam, ut homo 196. remittunt homines contra Calvinist. 196. remittere quāvis difficile 286	Ph prop qua nationes usurpent 315
Peccans publicè arguendus 366	Phantasticum corpus non habuit Christus 302
Peccatores publici publicani 128. peccatorum opera bona nūm peccata sint 166. poena, sunt morbi 192	Phantasma quid sit 301
Pedum puluerem excutere 218	Phariseus an fuerit Simon leprosus 525
Pelagiani cur peccatum originale tollāt 165. iurandum nullo modo putant 122. eorum error de peccato. 142. & de paupertate 396	Pharisei cum Sadducais contra Christum 321
Pentecoste sabbatum secundo primum 247	in Galilaam calumniandi causa ueniunt 747. non multo ante Christi tempora 113. per tribus dispersi 306. quidam Scriba erāt 456. quodnam hominum genus 68. eorum à fermento abstinentium 322. declinat inuidiam Christus 736. resurrectio Pythagorica 228. quanta auctoritas apud omnes 778. cur timebant ibid. ipsis parere iubet Christus 460
Peregrinorum sepultura 606	Philippus cur fuerit à Christo interrogatus 294
Perfectionem non omnibus Christus proponebat 96	Philippus Galilae Tetrarcha Caluino uiuente Herodias Herodem sequens 290
Peritium uetustum est 121	Philosophicè non loquitur Christus sed populariter 314. Philosophicè non loquimur in prouerbijs 279
Permittitur aliquid 4. modis 381. permittere Deum probatur contra Calvinist. 380	ex Philosophia in sacris litteris quid assumendum 29
Persecutio quomodo fugienda 221	Phlegon meminit eclipsis passionis 634
à Perside ad Hierusalem quot leuca 46. ex Perside Magi an uenerint 45	Philactoria Scribarum 461
Personarum acceptio in elemosyna 127. mores in parabolis exprimuntur 413. trium diuersitas in Trinitate 682	Pilatus quam Iudae partem reget. 603. uexilla Romanorum Hierusale intulit 478. eius uxor salua 614. eius somnium 187. Pilato cur traditus sit Christus 602
Pestilentia post famem 476	Pinnaculum templi quid sit 88
Petamus, & accipiamus qua conditione 159. qui petit malum, iniuriam Deo facit 160	Piscari homines Apostolorum proprium 93
Petra ipse Christus 326. super quam Ecclesia, Petrus 326	Piscis dictus Christus à Sibylla 93. pisces sunt Christiani 93. ex piscibus an superfuerit ali quid in miraculo 298
Petrus Apostolorum princeps 325. an domū habuerit 181. aduersus hereticos defenditur 509. contra Calvinū defenditur 302. 346. contra Calvinistas defensio 301. est petra super quam Ecclesia 326. fidem non amisit negando 575. 598. ianitor cali 328. es Apostolorum 325. primo loco positus 212. quando sic appellatus 325. quoties Christum negarit 576. 595. ubique ardentissima fidei 301. 313. eius amor singula	Pistica nardus qua esset 529
	Placitum ante te, tibi uisum 242
	Plagula in ueste quid sit 242
	Planta qua bona, qua mala 312
	Platoniorum sententia de mortuis 185
	Plenitudo uestis quid 203
	Pœna remissa, culpa non remissa 628. sine poena



# INDEX

pena remittitur culpa 257. pena damna-	Primitiuorum festum quando	247
torum inaequales	219	
Penitentia Iuda qualis 604. Petri insignis.	Primogenitus filius qui dicitur	39
598. predicationis materia. 742. prima	Princeps demoniorum. 208. synagoge quis	203
vox Evangelij 742. penitentia sacramen-	Principes sacerdotum qui dicantur	49
to remissa peccata 332. penitentia vestis	Principes hereticos punire debent. 277. sero	287
cilicium	res pias discunt	287
Penitentium actiones olim 332. habitus, cili-	Pricillianista quid de Magis	48
cium	Promissiones negantes, & affirmantes quomo-	143. 160
Politici qui nunc vocentur 189. Politicorum	do intelligenda sint	143. 160
magister Herodes	Propheta doctor Evangelij. 225. nomen san-	231.
Polygamiam introducunt Calvinista	titatis 230. quomodo esset Ioannes. 231.	
Pontificis Romani primatus 333. Pontifices	Propheta mercedem accipere 225. Prophe-	
Romani Petri successores	tiam impleri quid sit 54. Propheta falsi ca-	
Pontificatus Iudaeorum annuus	nem di 163. qui dignoscendi 167. rebus edo-	
Populariter loquitur Christus, non philoso-	cent 762. uoluerunt uidere qua uidetis.	
phice	273. usque ad Ioan. Baptisiam	236
Porci apud Iudeos 188. porcis cur immissi Da-	Prophetarum genera tria 59. horum fuit do-	
mones 196. margarita non danda	cere populum	163
158	Prophetia ad similem si accen. modatur. 182	
Portare calceamenta vile ministerium	Propheta Calvinus inepte exponit docere	168
72		
Portam per angustum intrandum 162. porta	Propinquitas carnalis negligenda	265
inferi Diaboli potentia	Propinquis pauperibus dandum	402
329	Propitius tibi sis, absit	338
Positivus pro superlativo Hebr.	Proprius sensus precipue retinendus	180
456	Propter quod unumquodque tale etc.	465
Possesse in scriptura pro velle 706. non posse in	προσαρπάσσειν quid sit aliquando	338
scriptura vrayis modis accipitur	in proverbijs vulgariter loquimur	279
740	Prouerbiales locutiones hyperbolicae sunt	544
Post dies id est post multos dies 708. post tres	Prouidentia Patris esse dicitur	421
dies id est intra tres dies	Proximus quis dicatur 27. quis sit 460. pro-	
647	ximum diligere facilius quam Deum	395
Posteriora peiora prioribus	Prudentes sicut serpentes	220
263	Publicani precedunt Phariseos in regno	437
Potestatem omnem habet Christus	per alterum filium in parabola designati.	
678	437. pro publicis peccatoribus habiti 368.	
Præcepta à consilio distinguuntur 397. care-	quinam essent	129
monialia, & iudicialia non seruantur 110	Publicanorum mensa telonium	188
Dei seruari possunt 397. Deus cur dei non	Puer exemplum humilitatis 763. puer meus.	
observaturis	id est seruus meus 270. puero nihil simpli-	
753	eius 764. Puerorum ludus apud Iudeos 237.	
Prædestinatio Patris esse dicitur 421. præde-	pueris quomodo similes esse debeamus	362
stinationis certitudo 482. de prædestinatio-	Puerilis error Caluini	289
nis quaestione	Puella a Damonico liberata a Biturig.	208
240	Pulverem pedum excutere	218
Prædestinationum error refutatur	Funica lingua Hebraea affinis	315
422	Purgatorium confirmatur 626. contra here-	
Pro prædestinatis solis mortuus non est Chri-	ticos defenditur. 628. defenditur contra	
stus 620. nec ob eos solos uenit	Caluinistas 257. per tenebras exteriores.	
316	179	
Predicandum est indignis	Purpura regum indumentum	616
158	Pythagorica μετεμύχως Phariseorum	288
Pregnantibus va denuntiatur	Pythones εὐτασιμῶσι	
480		
Premium bonorum operum maius quam ma-		
ritum 501. premiorum inaequalitas in uita		
æterna		
275. 409		
in praesepe Christus an adoratus à Magis		
52		
Præses Iudæis quo die uinctum dimiserit. 521.		
602		
Præsidi cur traditus sit Christus		
192		
Præteritum pro praesenti Hebr.		
615		
Prætorium Pilati quis locus		
445		
Prandium cæna dicitur		
Primus in regno Dei quis erit 764. primum		
esse uelle in calo ambitio non est 361. primi		
erunt nouissimi		
406		

Quadr.



**Q**uadragesimus numerus mysticus 84  
 Quadragesima ieiunium contra he-  
 reses 84. 20. 311  
 Montanistis post Pascha 201  
 Quadragesima diebus ieiunauerunt quidam 85  
 Quadrans pro minima moneta 118. 279. 765  
 Quadrantis pars dimidia minuti 118. 150  
 Quartus decimus dies criticus 29  
 Quattuor Apostoli, familiarissimi omnium  
 474  
 Quattuor Euangelistae 4. anni tempora 212  
 Quattuor Euangelistae tantum cur 5  
 Quattuor millia 7. panibus pascuntur 7. 323  
 Quattuor suppliciorum genera apud Iudaeos  
 117. 488  
 Quattuor somniorum genera 613  
 Quattuor vigilia noctis 300  
 Quaternionibus ex tribus duodenarius 211  
 Querite primum regnum Dei 151  
 Quendam suppresso nomine dicunt Hebr. 536  
 Quid nobis, & tibi, quid sit 700  
 Quinquagenos iubet discumbere 296  
 Quinque millia hominum refecta 298  
 Quinque sensus virginibus designati 492  
 Quinque virgines fatuae 492  
 Quotidianus panis Eucharistia 140

R

**R**abbi vocari nolite 461  
 Raca quid significet 116  
 Rachelis nomine duae tribus intellig. 56  
 Rahab meretrix fuerit 14  
 Rama quid significet 57  
 Rami arborum Hofanna 430  
 Rationem non reddit malignus Deus 410  
 Recumbens Christus an comederit 539  
 Reconciliare homines Deo Christi propriū 104  
 Regeneratio extremum iudicium 411  
 Rex temporalis an sit Christus 610. Regē se  
 dicit qui se Christum dicit. 602. Reges non  
 viderunt que videtis 273. An fuerint ma-  
 gi. 43. à quibus tribus accipiunt. 357. di-  
 cuntur in Euangelio Tetrarchae. 58. Regum  
 habitus purpura 616  
 Regiam dignitate recusat Christus 299  
 Regina Austri 262  
 Regnum caelorum quando Ecclesiam, vel vi-  
 tam aeternam significet. 167. caelum ipsum  
 64. Ecclesia 36. 233. claudunt Scribae 462  
 ex paruo magnum fore. 279. iudicij tem-

pus  
 Regnum Dei aduentus Christi 253 adueniat  
 petimus. 138. primum quere ndum 151. ge-  
 tibus dandum 442. Patris, quid dicatur.  
 572. regnum Christi quid sit 341. non ter-  
 renum sed spirituale 610. 679. regnum lu-  
 dae an Christi esset 682. regni filij qui sine  
 179. regna dare Dei est solius 89  
 Relativum abundat ex Hebraismo. 348. ex  
 Hebraismo repetendum 385  
 Religiones actus est iurare. 123. honor alteri  
 quam Deo. 123  
 Reliquiarum cultus defenditur 304  
 Remittenda fratribus offense. 372. remittere  
 peccata cuius sit 195  
 Repetitio consuetudinem indicat 167. & ex-  
 primit 167. in Hebraeorum idiomate fre-  
 quens 466  
 Reprobationis auctor non est Deus. 408. cau-  
 sa haereticis Dei voluntas 242. reprobatis  
 lapidem quid sit 441  
 Repudiij libellus quomodo Iudaeis concessus.  
 120. repudiij libelli ceremonie 381. cum  
 permisit Moyses 380  
 Respondet per alteram interrogationem Chri-  
 stus. 436. Respondens id est verba facere  
 orsus. 241. 401. Respondere. i. aggredi ad  
 loquendum 765  
 Respublica nunc est in Ecclesia 279. non euer-  
 tit eam lex Christi 126  
 Restringerenda non est scriptura sententia 498  
 Resurrectio Iesu suscitati confirmatur. 207. im-  
 mortalitas animarum cum ea coniuncta.  
 455. negant Sadduceae 452. quam credebant  
 Pharisei 288. in resurrectione. i. post resur-  
 rectionem 453. qui resurrexerant cum Chri-  
 sto an iterum mortui sint 642  
 Retributio in lege non in Euangelio 125  
 Reuelatur parvulis Euangelium 241  
 Reum esse iudicio quid sit 115  
 Romani Pontificis primatus 333. defenso in  
 haereticos 339  
 Romani Pontifices Petri successores 333  
 Romani quod tributū imperarent Iudaeis 452  
 Romanorum exercitus abominatio desolatio-  
 nis 478  
 Rabor vespertinus serenitatis signum 321  
 Rudis pannus quid in parabola 201  
 Rusini apud Eusebium lapsus 295  
 Rupertus antiqua eruditionis auctor 121  
 S  
 Sabbatum cur institutum fuerit. 711. illu-  
 cescebat id est appropinquabat. 653. omne  
 festum



# INDEX.

festum dicitur. 247. propter hominem factum 711. pro tota hebdomada 654. secundum primum quendam 246. sabbati die synagoga congregabatur 249. qua non licerent. 525. sabbati dominus. filius hominis 249. 711. iter quid sit 427. solius erat parasceue 510. Sabbatum violant sacerdotes 249. sabbato curare an licent 75. ne fiat fuga. 480. non licet ante occasum solis laborare 703. sepelire 509. sabbata dicuntur dies hebdomada 698. sabbatis in synagoga conveniebant Iudei 713	di 554. eius super res sit 467. Et aqua de latere Christi 644. novi testamenti cur dictus 569. sanguinis fluxum patiens mulier 204. sanguinis pretium, id est mortis 610. sanguinem quemodo sudavit Christus 580
Saba meridionalis Iudais 262	Sapientia iustificatur a filiis 238. sapientiam incredulitate motiuntur Calvinista 321
Sabellianorum error de Trinitate 623. error refutatur 682. 697	Sapientibus absconditi, non parvulis 241
Sacerdotes an a peccata tantum, non a culpa absoluant 335. an pro arbitrio possint solvere 334. in templo sabbatum violant 711	Satan apud Hebraeos adversarius 83. 86. quomodo in Iuda 534. Satanam Petrum Christus dixit 339
Sacerdotis quando fugere liceat 310	Satum quod mensura genus 280
Sacramentum rei presentis est 566. sacramenta instituit solius est Christi 610. num sigilla sint 560. peccatorum remedia ordinaria 336. sacramentis non alligata est gratia 766	Saturitas vitam beatam denotat 102
Sacramentalis loquutio quam 566	Scandalum acceptum vitat Christus 357. scandala ut veniant, necesse est 363
Sacrificium non interrompendum 117	Scandalizari, cadere, fidem deferere 274. in Christo quid sit 230. peccatum est 363. proprie impingere 285
Sadducei cum Phariseis in Christum 321	Scandalizare, iniuria afficere 362
nihil supra naturam credebant 412. quinam essent 68. quos libros reciperent 455. eis similis Calvinista 452	Schola subtilitas non convenit cum locutionibus scriptura 544
Sagena missa in mare simile regnum 282	Scientia experimentalis in Christo 177
Salis proprietates duae 104. salienda est victima 780	Sciendi verbum non cognitionem, sed affectum denotat 496
Saliva cacum sanat Christus 756. curavit agrotos 751. cur mutum curavit 751	Scindebant vestem Iudei 593
Salome filia Herodiadis 291. uxor Zebedai 416	Scriba dicitur doctor Evangelij 283. Scriba Iudaorum quinam essent 49. legis doctores Iudaorum 467. per tribus dispersi 306. quidam erat Pharisei 456
Salomon opulentissimus, et sapientissimus 151. adiecta sunt ei divitiae 152	Scriptura adimpleri quando dicatur 55. scriptura num sit contraria 50. vulgariter non subtiliter loquitur 150
Salutatio Hebraeorum 218	Scriptura auctoritas ab Ecclesia 4. extra Ecclesiam intelligi nequit 453. locus de una persona ad aliam accommodatur 43. locutiones ad scholam subtilitatem non reuocanda 544. notitiam iactant Calvinista 455. sententia non restringenda 498. Scriptura Christus non ad verbum sed ad sensum citat 90. Scripturas haeretici pro arbitrio abmittunt 3. legunt, nec intelligunt Calvinista 453
Samaritani neque Iudaeis neque Gentilibus 215. Samaritanorum urbes non adeunda 215	Sebastianus Castilio reprehenditur 368
Samuel quomodo Dauidem cognouit 76	Seculo in futuro peccata remissa 258
Sancta cur dicta Hierusalem 642	Securis ad radicem posita quid 71
Sanctificare Heb celebrare 138	Sedes Apostolorum duodecim 403. Apostolorum in iudicio quales 402
Sancti in iudicio non iuuabunt 495. Sanctorum fide an maior ea Centurionis 178. inuocatio 316. merita mortuis utilia 495. reliqua veneranda 304	Sedere in iudicio iudicis est 262. eorum qui docent 97
Sanctum canibus non dandum 157	Seductores Catholicos haeretici vocant 647
Sanctus Dei Christus dicitur 701	Sensus in Eucharistia non sequendus 562
Sandalia an diuersa a calceis 216	Sepelire sabbato non licebat 518
Sanguis Christi cur pro multis dicatur effun-	

Sepes



# INDEX.

<i>Seper in parabola quid denotet</i>	438	<i>Sollicitudo corporis qua prohibita</i> 148. <i>de cras-</i>	
<i>Septem pro multis Heb.</i>	263	<i>sino qua prohibita</i> 153. <i>seculi, quid</i> 274.	
<i>Septenarius numerus pro infinito</i>	372	<i>Solitudinē petit Christus post miracula</i> 697.	
<i>Septuaginta absurditate sententia tollunt</i> 251.		<i>704. ex solitudine Euangelium affert</i> 83	
<i>cur Hebraicas voces non uertant</i> 116. <i>de-</i>		<i>Solacismi apud Septuaginta</i>	278
<i>monstratiua pro reciprocis sumunt</i> 79. <i>co-</i>		<i>Somnium uxoris Pilati</i> 187. 613. <i>somniorum</i>	
<i>rum locus uitiōsus</i> 252. <i>iudices Iudaorum</i>		<i>quat tuor genera</i>	613
<i>114. eorundem non Hebraam lectionem</i>		<i>Somnus Christi voluntarius</i>	185
<i>Euangelista citant</i> 428. <i>sepulchrum Chri-</i>		<i>Sordes corporis non anima Pharisai lauant</i>	
<i>sti describitur</i> 661. <i>in sepulchro tribus no-</i>		465	
<i>tibus Christus</i> 261. <i>sepulchra olim cauer-</i>		<i>Sorte sola tunica Christi obuenit</i>	620
<i>na</i> 185. <i>sepulchra aedificant Pharisai</i> 466.		<i>Species una pro toto genere</i>	505
<i>sepulchrorum honor apud Iudeos</i>	466	<i>Spicata nardus</i>	530
<i>Sepultura mos apud Iudeos</i> 606. <i>sepultura a-</i>		<i>Spicas uellent Apostoli accusati</i>	247
<i>sini digni haeretic</i>	292	<i>Spinās Scriba in uestimentis gerant</i>	461
<i>Serenitatis signum uespertinus rubor</i>	321	<i>Spiritus pro uoluntate sumitur</i>	99
<i>Sermo, &amp; uerbum Hebrais pro re quauis</i>		<i>Spiritus sanctus cur in Christum</i> 79. <i>dispen-</i>	
705		<i>sator</i> 414. <i>in specie columba</i> 79. <i>moras nō</i>	
<i>Serum, tempus inclinatum ad uesperam</i> 645		<i>patitur</i> 693. <i>num pater Christi</i> 32. <i>in Spiri-</i>	
<i>sero improuidi opera bona sibi comparant</i>		<i>tum sanctum</i>	255
496. <i>sero sabbati id est transacto sabbato</i>		<i>Spiritum immundorum potestas</i>	212
642		<i>Sponsa Christi Ecclesia, uel anima cuiusque</i>	
<i>Seruare duob. dominis</i> 147. <i>seruus Dei Chri-</i>		447. <i>sponsus est Christus</i>	200. 493.
<i>stus, ut homo</i> 250. <i>seruus datur mensura</i>		<i>Stare, id est adesse</i> 341. 662. <i>stantes agnum</i>	
<i>tritici</i>	488	<i>comedebant</i> 539. <i>stantes Iudai in synago-</i>	
<i>Siclus argenteus appellatur</i> 535. <i>Hebraorum</i>		<i>ga docent</i> 460. <i>stant beati</i>	801
<i>terradrachmus</i>	355	<i>Stateris valor</i>	358
<i>Sicut aequalitatem non similitudinem decla-</i>		<i>Statim non momentum, sed breue temporis in-</i>	
<i>rat</i> 129. <i>sicut te ipsum quid sit</i>	460	<i>teruallum significat</i>	694
<i>Sidon ciuitas Gentilis</i> 240. <i>Sidonij audiunt</i>		<i>Stella Magorum an uera fuerit</i> 47. <i>an come-</i>	
<i>Christum</i>	715	<i>ta aut Angelus</i> 47. <i>quando apparuerit</i>	47
<i>Signum filij hominis quid</i> 484. <i>Iona prophe-</i>		<i>Stella uerere de caelo cadunt</i>	483
<i>ta</i> 260. <i>signum rei praesentis est</i>	566	<i>Subtilitas in superuacaneis uitanda</i>	415
<i>Similitudines aliquando fingimus</i> 256. <i>accu-</i>		<i>συνέδριον apud Iudeos</i>	114
<i>mulat Christus, ut rem unam indicet.</i>		<i>Super eam id est contra eam</i> 384. <i>super me id</i>	
106		<i>est propter me</i>	617
<i>Simon Cyrenaeus an Gentilis fuerit</i> 616. <i>Ca-</i>		<i>Supererogationis opus</i>	77. 397
<i>nanaeus</i> 214. <i>leprosus an idem apud Lucam</i>		<i>Superstitiosos Caluinus eos, qui fimbriam Chri-</i>	
525		<i>sti tangebant, dicit</i>	303
<i>Simplicitas Apostolis commendata</i>	103	<i>Super substantialis panis</i>	141
<i>Simulatio diu durat nequit</i>	165	<i>Surgere accusatoris est in iudicio</i>	262
<i>Sinapi grani parabola</i> 278. <i>grano qua com-</i>		<i>Suscitare filios Hebraismus</i>	71
<i>parantur</i> 351. <i>sinapi in Hispania crescit</i>		<i>Sustinete hic, id est manete</i>	580
179		<i>Syllapsis scripturae familiari</i> 313. 429. 473.	
<i>Sion mons in quo regia</i>	428	531. 624. 662. 720. 795	
<i>Sinus Abrabae paradysus</i>	627	<i>Synagoga die sabbati congregabatur</i> 249. <i>Ec-</i>	
<i>Sitis uehemens desiderium in scriptura</i>		<i>clesia non dicitur</i> 368. <i>dicitur, &amp; congre-</i>	
101		<i>gatio, &amp; templum</i> 93. <i>ficui aresacta simi-</i>	
<i>Sol an vere obscurandus in die iudicij</i> 483		<i>lis</i> 436. <i>synagoga princeps quis</i> 203. <i>an sy-</i>	
<i>cur obscuratus in passione</i> 632. <i>solis eclipsis</i>		<i>goga templa Iudaeis</i>	132
<i>in passione Christi</i> 631. <i>obscuratio, ira Dei</i>		<i>Syriacē an scripserit Matthaeus</i>	252
<i>signum</i>	632	<i>Syrophoenices qui</i>	315
<i>Solemnis dies, id est dies Pascha</i>	612		

Taber-



# INDEX

## T

**T**abernaculum cur facere nolit Petrus 346  
 Tabernaculum in ciuitate Nobe 213  
 Tabula secunda mandata 395  
 Talentum defodere quid sit 500. talēta Christi-  
 anis omnibus data 497. talentorum de-  
 cem millia quantum ualeant 374  
 Tangit Christum qui fide accedit 204. tange-  
 bat Christus quos sanabat 755. tangi cur  
 noluerit Christus à mulieribus 673. tan-  
 gendo cur Christus sanauit 173  
 Tecta plana in Palaestina 83. 480. super tecta  
 Iudai coenabant 480. super tecta predicare  
 223  
 Telonium publicanorum quid 196  
 Tempestas occasio miraculi 435  
 Tempestates immittuntur à Deo 185  
 Templum in monte Moria fuit 88. tertium ab  
 Herode structum 473. readificant Iudai  
 consensu Iuliani 473. templi destructione  
 loqui periculosum 124. in templo iurare  
 quid 464. templorum ornamenta Caluini-  
 sta reijciunt 531. 782  
 Temporis ordo non seruatus in Euāgelio 155.  
 191. temporis non habetur ratio sed labo-  
 ris 410  
 Tenebra quanta erunt si lumen &c. 147. exte-  
 riores quam am sint 179. an per uniuersam  
 terram in passione 633  
 Tentare uixia significat 83. tentare quomo-  
 do dicatur Deus 144. tentari cur noluerit  
 Christus 84  
 Tentatio quid sit 244. tentationes maiores fe-  
 runt prohi 702  
 Tentator nomen diaboli 86  
 Ter solum Petram negauit Christum 595  
 Per terram iurandum non est 124. terra ui-  
 uentium cælum 100. terra pro hominibus  
 qui eam incoluit 104. terra motus signum  
 ira Dei 641  
 Terrena etiam pollicetur Christus 100  
 Tertullianus licet hareticus citatur. 176.  
 quid de columba senserit 79. Tertulliani  
 sententia de fuga fugienda est 222. eius er-  
 ror de prophetia Ioannis 228  
 Tertullianistarum error de mortuis 185  
 In tessera decades genealogia cur diuisa 28  
 Testamentum Diaboli potius quā fœdus 567  
 Testamentum nouum ubi constituerit Chri-  
 stus 589  
 Testes falsi in Christum 591

Testes adhibendi in correctione 389  
 Testimonium demonum repudiat Christus.  
 702. in testimonium aliquid agebant Iu-  
 dai 319. in testimonium contingit 220  
 Tetrarcha reges appellantur 288  
 Tetrarcha quid sit 287  
 Thadæus Iudas 214  
 Themistiani haretici 404  
 Thesaurus pro penu 283. thesaurus est ubi cor  
 prouerb. 147. thesaurus cur dicatur uita  
 aterna 398  
 Thopheth locus poenarum 117  
 Tiberiadis mare unde dictum 91  
 Tibicines in funeribus 205  
 Timere, & admirari idem aliquando 196. ti-  
 mere Deum colere 310  
 Timor Dei pro omni cultu eius 90. ex reueren-  
 tia ortus 196  
 Tinguere uertit Tertullianus πατιζεν 680  
 Tituli librorum scriptura unde sint 10. tituli  
 an latronib. appositifint 621. tituli Chri-  
 sti uerba qua fuerint 621  
 Tonitruus filij Boanerges 718  
 Torcular quid sit in parabola 439  
 Totum pro maiori parte dicit scriptura 89  
 Traditio Apostolica ieiunium communicare  
 547. traditionis Iuda auctor Deus secun-  
 dum Caluinistas 535. 544. traditiones se-  
 niorum 306. Catholica defenduntur 310.  
 traditionum generat tria 310. hostes Saddu-  
 cai & Caluinista 69  
 Traditus fuit à se, & à Patre Christus 523  
 Traducere quid significet 34  
 Transfigurandi uerbum Latinum est 344.  
 transfiguratio regnum Christi 341. trans-  
 figuratus cur fuerit Christus 344. transfi-  
 guratus est in Galilæa Christus 355  
 Transformandi uerbum num melius quam  
 transfigurandi 344  
 Trans Hebraicè tam citra, quam ultra 91.  
 trans Iordanem regio quadam 714. trans  
 Iordanem terra qua dicatur 91. 93. 293  
 Transire idem ualet quod perire 109  
 Trans substantiatio exemplis probata 563. de  
 ea Patrum testimonia 562  
 Tribunalia apud Iudaos tria 114  
 Tribus diebus, & tribus noctibus 261  
 Tribus Israel omnes homines denotant 404  
 Tribus decem à captiuitate non redierunt 215  
 Tributum quodnā Iudai soluerunt 355. 452.  
 Christiani soluere debent 357  
 Triginta anni ætas doctoris 62  
 Triginta Francis Gallicis nenditus Chri-  
 stus



# INDEX.

<i>stus</i>	535	<i>sint</i>	720
Trinitatis opera externa personis communia.		Via veritatis difficilis 162. uiam maris. i. uer-	
32		sus 91. in uiam gentium ire 214. in uia iu-	
Trinitatis mysterium probatur	682	stitia id est per modum iustitia	438
Tristitia somnum gignit 582. in Christo quo-		Vicarius Christi Petrus	327
modo fuerit	578	Victima sale salietur 770. uictima dicuntur.	
Trutici mensura datur seruis	488	qui punitur	771
Triumphum ne ante victoriam	417	Videre. & intueri diuersa sunt	322
Triumvirum tribunal Iudaicum	114	Videre mulierem id est oculos inijcere in eam	
Tuba regia maiestatis indicium 487. tuba		119	
verane an metaphorica in iudicio ibid. tu-		Videri uelle benefacere culpa non est	133
ba populus conuocatur Iudaeus 132. tuba		Viduorum fructus centesimus.	275
elangor ad terrendum	483	Vigilia noctis quatuor apud Iudeos 124. 412	
Tunc non proximum tempus significat	481	Vilissima etiam curat Deus 151. cum socio com-	
Tunc non idem punctum temporis significat.		parantur	151
55		Vinea plantata quid significet 438. uinea co-	
Tunica Christi sorte obuenerit	620	loni qui sint 439. in uineam mittuntur ope-	
Tunicas duas ferre prohibentur Apostoli.		rarij	407
216		Vinum genimen uitis	662
Turbam quot modis fugiat Christus	97	Vinum myrrhatum Christo datum	619
Turca templum ingressuri calceos ponunt	72	Viperarum progenies Pharisei	69
Turpe lucrum arcetur a templo	606	Virga Apostolis prohibita	217
Turris in parabola quid denotet	438	Virgis quibusdam casus Christus	615
Tyrij auditum Christum veniunt	715	Virginitas summa uirtus	491
Tyris ciuitas Gentilis	240	Virginitatis domum omnibus datur	387
		Virgines fatuae oleo carent	493
		Virginum fructus centesimus	276
		Viri. & uxoris par causa	121
		Viri soli numerantur a Iudaeis	498
		Virtutes cur dicantur miracula	740
		Virtutibus suis nemo confidat	492
		Vita aeterna thesaurus qua dicatur 398. uita	
		austera imbecillis non conuenit 201. ui-	
		ta communis Christi uita 200. ad uitam	
		aeternam necessaria mandata Dei	394
		Vitij uia facilis	162
		Viuus Deus cur dicatur	325
		Vltio non quarendi	125
		Vnam petij id est unum	442
		Vngunt agros Apostoli	742. 744
		Vngebantur corpora mortuorum	532
		Vngi quam partes corporis solerent	527
		Vngi se cur permisit Christus	533
		Vngi solebant Orientales in conuiuijs	531
		Vngendum caput ieiunanti 146. unguenta-	
		labastrum quid sit 529. effusio charitatem	
		indicauit	529
		Vnigeniti dicti etiam primogeniti	40
		Vnigeniti filij dilecti	80
		Vnus apud Hebreos pro primo	148. 654
		Vocari debent Ecclesia Doctores	498. uocari
		in scriptura idem quod esse	104. 111
		Vocati sunt multi	415
		Voca-	

## V

Vade Hebraei finis est concedentis	181
Vasa id est suppellectilem diripit	254
Vasa fictilia humana corpora	493
Venite post me Hebraei finis	93
Ventre dicitur Christus cum opitulatur	222
Verbum sine supposito Hebraeorum more	208
731. 733. 742. 755	
Verbum Dei per se fructum profert 730. ver-	
bum prore. apud Hebraeos 705. otio sum	
quodnam sit 259. verbum non actionem	
sed consuetudinem significans 356. verba	
sape non effectum. sed affectum significant	
765. verba Christi sanandi vim habebant	
752. verbis ipsis auctoris uti auctoritatem	
conciliat 752. ex uerbis tuis iustificaberis	
259	
Vermis non moritur damnatorum	769
Vespera diei finem mundi 414. vespere sabba-	
ti quid sit 652. vespere Hebraei totam no-	
ctem appellant ibid. inter duas vespere	
quid sit 515. inter eas agnus comedendus	
539	
Vesperinus rubor serenitatem	321
Vestem quando scinderent Iudaei 593. vestes	
Christi diuise 720. latronum an diuise	



I N D E X.

Vocationes Apostolorum varia	92	par causa in Euangelio 121. uxori adhære	121
Volatilia celi respicite	149	re quid sit 379. dimissa nubere non licet	379
Voluntas Dei permittens, & absoluta	380	384. an liceat plures viros habere 378. uxorem an liceat dimittere 377. Iudeis qui licuerit 120. 380. uxorem inuenire non posse bonum est 383. alienigenas ducebant 154	378
Voluntas Dei, ut fiat petimus 139. voluntatem solum Deus malignis allegat	410	154	
Voluntates in Christo duæ	581	120. dimittendo an peccarent Iudei 381	381
Vouendi formula Iudaica	308	plures Calvinista permittit	378
Vox de celo in Christi baptismo	80		
Vsq; quomodo intelligatur in scriptura	39		
685			
Vsura in parabola quid significet	503	Z	
Vsuram non probat Deus	502		
Vi, non causam sed euentum aliquando	54	Zacharias filius Barachia	468
107		Zacharia loco an citatus sit Hieremias	
In utero habere Græcia phœas	32	607	
Viri veteri Iudas comparatus	28	Zebedai filij Boanerges 718. Zebedia filiorum mater soror B. Virg. 417. Zebedei filiorum petrii 416. Zebedai Iacobi sub filius 213. Zebedai uxor Salome	764
Vires veteres quid denotent	201	Zelare non licet Christiano 416. Zelotes Simon unde dictus 214. Zelota seditionis duces	479
Vulgata editio defeditur 203. 208. 344. 486 corrigenda	414	Zifaniorum parabola	275
Vulgariter non subtiliter loquitur Scriptura		Zina Iohannis pellicæ	66
150			
Vult eum, id est amat eum	624		
Vxor heretica dimittenda 120. pro Christo quomodo derelinquenda 405. uxor, & vir quomodo una caro 379. uxoris, & viri			

F I N I S.







I O A N N I S  
M A L D O N A T I  
S O C I E T A T I S I E S V  
T H E O L O G I.  
C O M M E N T A R I I I N Q V A T T V O R  
E V A N G E L I S T A S.

P R A E F A T I O.



QVAE de quattuor communiter Euan-  
gelistis queri posse uideo, antequam  
ad singulorum explanationem aggre-  
diar, breuiter exponam. Ea autem  
omnia ad sex capita referuntur Euaa-  
gelij & Euangelistæ nomen declaret.  
Quantam Euangelistæ, & unde au-  
toritatem habeant. Quot; & quam  
ob rem non plures quattuor, non  
pauciores sint. Quo quisque tempore scripserit. Qua lingua.  
Quo consilio.

CAP. I.  
Euangelij  
varix signi-  
ficationes.



EΥΑΓΓΕΛΙΟΝ fau-  
stum iucundumq. nun-  
tium significare: &  
εὐαγγελίζεσθαι, aut, qđ  
frequētius usurpatur,  
εὐαγγελίζεισθαι, eius-  
modi afferre nuntium: adeo iam uul-  
gò notum est, ut non tam dicendum  
fuerit, quàm non prætermittendum.  
Illud minus uulgare, hæc duo uerba,  
etsi apud profanos etiam auctores ali-

quādo reperiuntur: propriè tamē esse  
Ecclesiastica. Auctoribus. n. septuagin-  
ta interpretibus Ecclesia, quasi ciuita-  
te, donata sunt. Nam alij quidem Gre-  
ci etiam in faustissimis nuntijs, cōmū-  
ni potius nūtiandi uerbo, εὐαγγέλιον  
proprio εὐαγγελίζεσθαι uti solent. He-  
braei uero summa religione in rebus  
lætis uerbi בשרא prophetatē seruant,  
in alijs uerbis communibus utuntur  
מאן משרא, & si quæ sunt alia. Eorum  
A verbo-







## Præfatio in Quattuor Euang.

3

Vide Oecumenium.  
Act. 1. 1.

2. Co. 3. 18.

Euangelij  
denotio.

Euangelista  
quis dica-  
tur.

nuntiatur, vt Matth. 4. 23. & Matth. 9. 35. & Mar. 1. 14. Secundo pro doctrina Christi, Matth. 24. 14. & Matth. 26. 12. Mar. 1. 15. & 8. 35. & 10. 29. Tertio pro predicatione, quæ significatio apud D. Paulum est frequentissima. Rom. 1. 1. & 16. 25. & 1. Cor. 4. 15. & 9. 24. & Gal. 2. 1. Quarto pro historia, qua Euangelium, id est Christi ad nos aduentus, & vita narratur. Marc. 1. 1. ac nescio, an alibi vsquam in hac significatione reperitur. Nam quod ait D. Paulus de Luca loquens, *Cuius laus est in Euangelio*: licet multi, & in ijs grauis auctor Hiero. de uiris illust. in Luca, de Euangelio a Luca scripto interpretentur, & alij putent, quoties D. Paulus Euangelium suum nominat, quod saepe facit, de Iucg Euangelio intelligendum: in terpretatio non constat: & est probabilis D. Paulum, laborem in predicatione Lucae magnum, diuturnum, & cum multis coniunctum periculis: quam scribendi nec ita magnum, & perbreuem, periculum expertem commendare. Hoc igitur sensu hæc quattuor, de quibus agimus, Euangelia uocantur: vt definire Euangelium liceat, historiam Christi ad nos aduentum, acta quæ continentem, Ecclesie Catholice auctoritate, tanquam dictatam ab Spiritu sancto, approbatam. Nec enim omnis de Christi historia, etiam uera, est Euangelium, nisi illi Ecclesie auctoritas accedat, ut secundo præfationis capite dicemus.

Euangelista autem & si ab Euangelio nomen habent; tamen, quantum nunc quidem meminisse uoco, nusquam dicuntur in scripturis sacris, qui Euangelicam historiam scribunt: sed qui predicant Euangelium. Isa. 41. 29. quanquam eū locum Sept. Græc. non vertunt, & Act. 21. 8. Eph. 4. 11. 2. Tim. 4. 5. vsus tamen ecclesiasticus obrinuit, vt qui in sacris literis Euangelistæ uocantur, ij uulgo nunquam, & qui in sacris litteris nunquam, ij uulgo semper Euangelistæ uocentur. Nec ideo contemnendus matris nostræ sermo est, sed imitandus. Nam & in ciuitate ij optimè loqui censentur, qui eo sermone utuntur, quem a matre uel a nutri-

ce, modo non rustica, sed urbana beneque instituta didicerunt: quod illis clarissimis Romanorū oratoribus conrigisse legimus. Et ut in ciuitate uerbis uti non ciuilibus olet barbariem; ita in Ecclesia uerbis uti non ecclesiasticis olet hæresim. Euangelista, igitur nobis sit, qui Euangelicam Spiritu sancto dictante scripsit historiam, & ab Ecclesia Catholica, ut eiusmodi, probatus est.



Quantam autem auctoritatem Euangelistæ habeant, mirabitur a nobis queri, quisquis ecclesiasticam non legit historiam; quisquis autem legit, recordabitur multos olim hereticos exstitisse, qui ipsis etiam quattuor Euangelistis, de quorum nefas esse uideretur auctoritate querere, auctoritatem detraxerint: intelligetque nos minime dubitantes, ne alij dubitent, pro alijs dubitare. Ebionæi solum ex omnibus Euangelistis Matthæum recipiebant, quod unus, dum in humana Christi natura fere totus occupatur, minus aduersari ipsorum impietati uideretur. Auctor Irenæus lib. 1. c. 16. Alij solum Marcum, quos non nominatos idem Irenæus lib. 3. c. 17. reprehendit. Alij solum Lucam, ut Marcionista, & Cerdoniani, quemadmodum Tertul. lib. de præscript. & lib. a. contra Mar. Iren. lib. 3. cap. 11. Philast. c. 45. & Epiph. hæresi 42. scribunt. Alij solum Ioannem, ut Manichæi, sicut indicat August. Alogiani Arianorum genus omnes, præter Ioannem, nec enim illud cæleste tonitru audire poterant, quo penitus ipsorum hæresis, quasi de celo iacta, dissiciebatur: *In principio erat uerbum, & uerbum erat apud Deum, & Deus erat uerbum*. Testis est Epiphanius hæresi 51. Neque uero illos ipsos, quos recipiebant, totos integrosque, sed mutilatos, & ut Irenæus loquitur, circumcisos recipiebant. Nempe similes alienigenis illis mulieribus diuinos nos putabant Euangelistas, quas captas in bello aliter quam tōso capillo, resectis unguibus, lex antiqua duci prohibebat. Dispiciebant enim diligenter,

Ecclesiasticis uerbis utendum.

CAP. II.  
Auctoritas  
Euangelistarum.

Heretici scilicet pluræ pro arbitrio admittunt.

A 2 equid



ecquid esset, quod sua aduersari hæ-  
 resi videretur, idque non erat Euange-  
 lium, & delentes, quasi correcturi, cor-  
 rumpebant. Itaque coargui à Catholi-  
 cis non poterant, nisi ex ijs locis, quos  
 aut obliuione, aut inconsiderantia,  
 aut confidentia non deleuissent. Rí-  
 det Tertullianus lib. 5. contra Marc.  
 Marcionis spongiã, quod non satis  
 diligenter omnia, ex quibus Marcion  
 reuinci poterat, induxisset. Alij ne im-  
 pij, sed religiosi viderentur, Euangeli-  
 stas ab hæreticis corruptos fuisse quæ-  
 rebantur; & ne omnino mentirentur,  
 per religiosam speciem emendandi  
 ipsi corrumpebant, fictaque librorum  
 corruptio materia illis erat verã cor-  
 ruptionis. *Humane temeritatis* (inquit  
 Tertullianus lib. contra Marcionem.  
 4.) *nō diuinæ auctoritatis est hæres, quæ  
 sic semper emendat Evangelia, cum vi-  
 ziat.* In quo impudentia genere cum  
 omnes hæretici verati sunt, tum ma-  
 ximè Manichæi excelluerunt. Itaque  
 vix poterat Augustinus epistola 19.  
 contra illos disputans stare, & in vilo  
 scripturæ loco pedem figere, quin lo-  
 cus ipse subraçtus à Manichæis pedẽ  
 falleret. Antiquum hæreticorum arti-  
 ficium; Nam & illis primis Apostolo-  
 rum temporibus, vt ait Ignatius 1.  
 epistola ad Philad. nonnulli erant, qui  
 adeo suspecta haberent omnia, vt ne-  
 garent se Evangelia, nisi in Ecclesiæ  
 archiujs inuenirent, credituros. Ma-  
 nichæi alia non minore impietate ne-  
 gabant hæc, quæ habemus, Evangelia  
 ab eis auctoribus scripta, quorum no-  
 mina præ se ferunt: sed ab alijs longè  
 posterioribus scripta dicebant, qui  
 nec vidissent ea, quæ narrarent, nec  
 ab ijs, qui viderant, acceperant. Sic  
 apud August. lib. contra Faustum 33.  
 c. 3. Faustus ipse Manichæorum prin-  
 ceptis loquitur, & tamen habebant Ma-  
 nichæi suum purum & incorruptum  
 Euangelium, quod Manichæo Spiri-  
 tus sanctus tradidisset. Mos nimirum  
 omnium hæreticorum scripturas non  
 admittere, sed facere: Euangelium nō  
 recipere, sed dare. Nam & hodie, nisi  
 Caluino placuisset, quattuor Euange-  
 lia nō haberemus. Potuit. n. eadẽ te-

meritate, qua alios ab Ecclesia proba-  
 tos libros reiecit, ista reiecere. Habent  
 ergo quattuor Euangelistæ tantam au-  
 thoritatem, quantam habet Spiritus  
 sanctus, cuius in scribendo tantũ fue-  
 runt amanuentes. Nec enim litteræ  
 nostræ auctoritatem habent, quia à  
 seruo scriptæ; sed quia à nobis dicta-  
 tæ sunt.

Offendi solent hæretici, & quasi au-  
 dita impietate cohorrere, cum di-  
 cimus Euangelistas & ceteros scripto-  
 res sacros ab Ecclesia auctoritatem ha-  
 bere, quasi Deo Ecclesiam antepona-  
 mus. Nec. n. intelligunt homines val-  
 de, vt sibi videntur, acuti nos ita dicere  
 Ecclesiã scripturis auctoritatem dare:  
 quod à Deo datam declarat: & eas ab  
 ipso dictatas esse confirmet. Cur eos  
 non reprehendunt, qui vulgo dicunt  
 litteras regias à Nomophylace, qui si-  
 gillum adhibuit, auctoritatem habere,  
 quasi Domino seruum præponant: &  
 Dei sigillum Ecclesia profecto, nō Ca-  
 lvinus habet, illum ipsum spiritũ, qui  
 nō Caluino, sed Ecclesiæ promissus ac  
 datus est, vt cum illa maneret in ater-  
 nũ, quique suam manũ scripturamq;  
 haud paullo sane melius, quam Calu-  
 nus recognoscit. Hic est, qui quattuor  
 Evangelia primũ dictauit: deinde no-  
 bis ea à se dictata fuisse per Ecclesiam  
 declarauit: nosque idem docet spiritũ  
 istum Caluini, quo hæc scripturas præ-  
 bat, illas improbat, hæreticum esse.  
 Cum ergo omnes scriptores sacri tan-  
 tam habeant auctoritatem, quantam  
 possunt habere maximam, tamẽ qua-  
 tuor Euangelistæ (si maxima maior es-  
 se potest) maiorem habent maximam.  
 Nemo enim Christianus est, quin du-  
 ctu quodam religionis, cum omnibus  
 sacris auctoribus, quantum potest, tri-  
 buat, quattuor Euangelistis plus quam  
 aliis tribuere videatur, & quia ij ipsi  
 dicta factaque Christi commemorant,  
 vt eum eos legimus Christum ipsum  
 intueri, audireque videamur, vt D. Ba-  
 silius homi. in Euang. Ioannis. *In prin-  
 cipio erat verbum* adnotauit, & quia  
 Evangelia finis sunt veterum scriptu-  
 rarum, nouarum fons, omnium, vt  
 Origenes tom. 1. in Ioann. vocat,  
 primi.

Scriptura  
 auctoritas  
 quò ab Ec-  
 clesia.



## Præfatio in Quattuor Euang.

5

CAP. III.  
Quot Euan-  
gelistæ,

primitiæ. & quia eadem a quattuor te-  
stibus dicta, quæ testium multitudo et  
si fidei non est necessaria, humana ta-  
men fragilitati est utilis.

**P**L V R E S etiam Euan-  
gelium scripsisse unus  
ex his quattuor, qui in-  
dubitata fide me-  
ruerunt, D. Lucas cap.  
1. indicat, & ex antiquis  
scriptoribus clarius distinctiusque co-  
gnoscimus. Nam apud Clementem A-  
lex. l. 2. & 3. Strom. Origenem Tract. 8.  
in Matth. Irenæum lib. 1. c. 35. Athana-  
sum in Synopsi, Epiphanius her. 26.  
& 46. Chrysostomum, & Hieronymum  
in prol. in Matth. Ambrosium libro 1.  
in Luc. c. 1. Euangelium Hebræorum,  
Ægyptiorum, Nazaræorum, Ebioni-  
tarum, Iacobi, Philippi, Bartholo-  
mai, Thomæ, Matthiæ, Iudæ etiam  
traditoris, & duodecim Apostolo-  
rum legimus. Scripserunt & multi hæ-  
retici, aut fixerunt Euangelia. Apel-  
les & Basilides apud Epiphanius. Ex  
tam multis solos quattuor mystico,  
ut creditur, numero Ecclesia proba-  
uit. Hæretici quattuor ueris repudia-  
tis multa receperunt falsa, ut recte ele-  
ganterque Origenes & Ambrosius ibi  
dem dixerint. *Ecclesia cum quattuor  
tantum Euangelij libros habeat per uni-  
uersum mundum, Euangelistis redundat,  
hæreses cum multis habeant, unum non  
habent.*

Cur quat-  
tuor tan-  
tum Euan-  
gelistæ.

Cur autem plures, cum tam scripse-  
rint, Ecclesia non receperit, iam olim  
quaeritur. Sed in promptu ratio est,  
quia non plures inuenit diuino scri-  
pisse spiritu, quod ipsum eodem spiri-  
tu auctore factum creditur: Eiusque rei  
multa a nonnullis causæ afferuntur.  
Mihi illa maxime placet, quæ uetustissi-  
mi illi auctores reddiderunt, Irenæus  
lib. 3. c. 11. Anastasius q. 65. in scriptu-  
ram, Hieronymus in prologo in Matth.  
& Augustinus lib. 1. de consensu Euangeli-  
starum ca. 2. quod quattuor sint orbis  
terrarum plagæ, per quas deferendum  
esset Euangelium. Habere enim Deus  
in Ecclesia sua administranda ratio-  
nem huius numeri, ut accommodatè  
ad hominum consuetudinem, & rerum

naturam agat atque loquatur. Sic uide-  
mus Christum, Matth. 24. 3. dicere tū  
cum finiendum erit Euangelium, &  
eius, ut ipse uocat, messis colligenda,  
missurum se Angelos (ut opinor quat-  
tuor) in quattuor uentos terræ, ut ubi  
seminatum est, ibi metatur, & quadri-  
partito æqualiter agro per merentium  
atque seminantium numerus sit. Sic in  
Apoc. ca. 7. 1. quattuor angelos quat-  
tuor uentos cohibere. Sic apud Eze-  
chielem 1. & Ioannem Apocal. 4. 6. il-  
lustrem illum currum, cui diuina insi-  
det maiestas, a quattuor animalibus  
trahi. Et Euangelium currus Dei est,  
in quo diuina maiestas maxime lu-  
cet. *Virtus enim Dei est*, ut loquitur D.  
Paulus, *in salutem omni credenti*, a quat-  
tuor igitur animalibus trahendum  
erat. Itaque cum multis in ueteri testa-  
mento figuris quattuor Euangelistas  
significatos fuisse ueteres auctores  
dixerint, quattuor Paradisi flumi-  
nibus, quattuor annulis, quibus arca  
Domini gestabatur, ut Hieronymus  
in prol. in Marcum scribit, quattuor  
illis animalibus Ezechielis: reliquæ fi-  
guræ, & eleganter adoptatæ mihi ui-  
dentur, & esse probabiles, hæc non  
probabilis modo, sed certa etiam ac  
necessaria, in hoc ipsum a Spiritu san-  
cto instituta, ut quattuor futuros Eua-  
gelistas præmonstraret. Nec enim du-  
bium est, quin quattuor animalia idē  
in Ezechiele, & in Apocalypsi signi-  
ficet; in Apocalypsi autem, cum uigin-  
ti quattuor seniores, qui thronum cir-  
cunstant, uiginti quattuor illas colum-  
nas Ecclesiarum, duodecim Patriarchas,  
totidēque Apostolos significare mani-  
festum sit, quis dubitet quattuor, q. throno  
nū gestat, animalia quattuor Euangeli-  
stas declarare? Itaque nec sine causa,  
nec sine diuino, ut arbitror, afflatu fa-  
ctum est, ut, cum ueteres Theologi alij  
alias quattuor Euangelistarum figu-  
ras inuenerint, in hac cuncti Iren. lib.  
3. c. 11. Hiero. in prol. in Matth. Anast.  
q. 65. Eucherius q. 1. in nou. Testam.  
conenserint. Raro autē solent sine spi-  
ritu Dei humana consentire ingenia.

Cur autē illis quattuor animalibus ho-  
mini, boui, leoni, & aquilæ potius,  
Figura E-  
uangelista-  
quàm

A 3



rum 4. ani-  
malia,

quam alijs Deus infideat, & in com-  
mentarijs in Ezechielem aliquot cau-  
sas attulimus, & hic illam unam attin-  
gere satis est, quam ijsdem illi Theolo-  
gi ueteres attulerunt, quod hæc anima-  
lium formæ ad exprimendos quat-  
tuor Euangelistarum mores aptissi-  
mæ uiderentur. Nam Ioannes primo  
statim impetu usque ad Christi diui-  
nitatem uolans similis est aquilæ. Lu-  
cas ab officio sacerdotis exorsus si-  
milis boui animali sacrificijs apto.  
Marcus a uoce clamantis in deserto  
initium sumens rugientem in monti-  
bus leonem refert. Matthæus ab huma-  
na Christi generatione incipiens se  
ipse unâ cum Christo quodammodo  
hominem facit. Ita ferè omnes aucto-  
res quattuor animalium figuras ad  
quattuor Euangelistas accommoda-  
runt. Nonnulli paullo aliter. Nam om-  
nium antiquissimus Irenæus Ioannē  
leonem, Marcum aquilam facit, quod  
Ioannes fortiter & efficaciter aggre-  
diatur. *In principio erat uerbum, & om-  
nia per ipsum facta sunt;* & Marcus Spi-  
ritu prophetico sublatus sic ordiatur,  
*Vox clamantis in deserto.* Sed hæc uarie-  
tas fidem figuræ non detrahit. Sedu-  
lius poeta Christianus quattuor Euan-  
gelistarum numero uniuersitatem tē-  
porum significari putat. Nam duode-  
cim Apostolos duodecim anni men-  
ses, quattuor Euangelistas, quattuor  
anni tempora, per quæ sol Euangelij  
decurrat, designare ait.

CAP. III.  
Quo tempo-  
re Euangeli-  
stæ scripse-  
runt,



E tempore autē quo  
suum quisque scripse-  
rit Euangelium, in  
eo omnes prorsus  
auctores conuenire  
uideo; eo ordine tē-  
poris scripsisse eos, quo ordine inter se  
collocati sunt. Nam, ut in publicis con-  
silijs fieri solet, sua cuique ætas locū  
dedit. Itaque dubium non est, quin pri-  
mus Matthæus, secundus Marcus, ter-  
tius Lucas, postremus Ioannes scripse-  
rit. Scio nostro tempore hæreticum  
quendam affirmasse, Lucam primum  
omnium scripsisse, idque ex eius præfa-  
tione probare uoluisse. Sed si hæreti-  
cis crederemus, nihil in ipsa etiam reli-

Beza in Lu-  
cam.

gione certum, stabileque haberemus.  
Quo autem quisque præcisè tempore,  
& quo loco scripserit, incertum. Mat-  
thæum plerique tradunt anno tertio  
Caligulae, id est octo post Christi ascen-  
sionem annis, Romæ Petro, & Paulo  
(ut bona cum uenia dicamus hæreti-  
corum) Euangelium prædicantibus,  
in Iudæa suis, potissimum populari-  
bus scripsisse. Sic ferè Irenæus lib. 3. ca.  
1. etsi tempus Caligulae non notat, sic  
Athanasius in Synop. sic Eusebius lib.  
5. hist. Eccles. c. 8. & in Chron. sic Chry-  
sostomus, sic Augustinus lib. 1. de con-  
sens. Euang. ca. 2. & Theophylactus in  
procemio comment. in Matth. quasi  
ex maiorum traditione docuerunt.  
Etsi ex illis nonnulli dicunt, Petrum  
etiam tum Antiochiæ fuisse, ut Eu-  
sebius, & Athanas. Theophylactus  
affirmat Marcum decem post annis.  
Lucam quindecim, Ioannem trigin-  
ta duobus suum Euangelium edidisse.  
Vindicet auctor suam fidem. Ioan-  
nem Euangelium in Pathmo insula  
scripsisse Theophylact. in eius prolo-  
go, Nicephorus lib. 2. c. 42. Prochorus  
in uita Ioannis ca. 36. Dorotheus, Si-  
meon Metaphrastes. Ephesi scripsisse  
post reditum ab exilio Irenæus lib. 3.  
c. 1. Eusebius lib. 5. c. 8. Augustinus, aut  
quisquis auctor est prologi eius in Io-  
an. Hierony. Isidorus, Gregorius Tu-  
ron. in lib. de gloria martyrum cap. 3.  
Isidorus in lib. de sanctis noui Testa-  
ment. Beda, Euthymius, Theophylact.  
item & Nicephorus scripsisse ante ex-  
cidium Hierosoly. anno post ascensio-  
nem Christi trigesimo secundo, aut  
tertio; idemque, necesse est senserint au-  
ctores illi, qui in Pathmo insula scrip-  
sisse putauerunt. Hieronymus, & alij  
post excidium annis post ascensio-  
nem 68. & Beda 65.



Constantissima autem a-  
pud omnes ueteres au-  
ctores fuit opinio care-  
tos quidem Græcè, quæ  
tunc lingua, ut paullo  
ante Cicero dixerat,  
*Latissimè p omnes seve gētes audiebatur.*  
Matthæum uerò Hebraico scripsisse ser-  
mone. Quod & illi scriptores, quos  
paullo

CAP. V.  
Qua lingua  
Euangelistæ  
scripserunt  
pro Archia  
Poeta,



paullo ante nominavi, & præterea Origenes, & Papias vetustissimus auctor apud Eusebium lib. 3. hist. c. 39. & Epiphanius hæres. 30. & Chrysost. hom. 1. in Matthæum, & Hieronymus lib. de viris illust. & in prologo in Matthæum, & quicumque de hac questione mentionem fecerunt, tradunt. Quis autem ex Hebraico in Græcum sermonem verterit, pauci dicunt, & qui dicunt inter se non cōsonant. Nam Athanasius Iacobum fratrem Domini, Theophylactus Ioannem transtulisse scribit. Augustinus incertū putat, cuius ego sententiam credo esse certissimam. Hieronymus Hebraicè se vidisse testatur, hoc dieq; inter Iudæos reperitur, prodijtque ante non multos annos typis excusum, quod an illud idem sit, quod Hieronymus viderat, constare nō potest: mihi valde suspectū est, quod per Iudaicas primum manus, deinde per hæreticas acceptum est, utraque mini me sanè fideles. Negare autem Matthæum Hebraicè Euangelium edidisse, quod quidam non indocti nostro tempore fecerunt, nescio an aliquam temeritatis notam mereatur. Ego quidem certè non negaui. Plus enim apud me perperua antiquitatis opinio omnium veterum scriptorum auctoritas, quam istorum quamvis subtiles rationes valent. Nam quod dicunt non potuisse Matthæum Hebraicè scribere, cum nomina Hebraica sæpe interpretetur, ut Emanuel, id est nobiscum Deus, Eli, Eli lammasababthani, id est Deus meus, Deus meus quare non dereliquisti? non tanti est, ut confirmatam tot seculorum antiquitatis sententiam deferere debeamus. Minus etiam illud, Cur potius hæc duo nomina Hebraica, quam alia omnia interpretabatur, si omnia scripta erant Hebraicè? Et qua lingua interpretabatur? Hebraica? non opus erat: alia? Non poterat, cum alia non scriberet lingua. Isto enim modo probare possent, nec vetus testamentum Hebraicè, neque Græcè novum scriptum esse. Nam & in veteri aliquando Hebraica Græcè, sæpe vero Latine; & in nouo Latine Græca interpretata legimus. reg. c. 7. 12. את שפת אבן חקע.

אֶת שֵׁפֶט אֶבֶן חֲקַע. Et vocavit nomen eius Ebenazer. Septuaginta verterunt addentes nominis proprii interpretationem καὶ ἐκὰς λέγει τὸ ὄνομα αὐτοῦ ἐβενέζερ, ὁ σιμαίνο λίθος τοῦ βοηδοῦ, & Gen. 31. 48. appellatum est nomen eius ῤῥῦβῆν. Latinus addidit, Id est rumulus testis. Et Gen. 35. 18. Et vocavit nomen eius ῤῥῶν בן בעוני, Latinus addit, id est filius doloris mei, & rursū, Pater vero vocavit eum ῤῥῶבֶן Beniamin, addit Latinus, id est filius dextera mea. Exodi 16. 15. 31. vocavit nomen eius מַנְחֵם Manhu. Latinus adiecit, quod significat. Quid est hoc. Et in Apocalypsis cap. 9. 11. ὄνομα αὐτοῦ ἐβδων, ἡ βασις θάνατο, ἐν τῇ ἐκκλυστῇ ὄνομα ἐστὶ ἀπολλύων. Nomen illi Hebraicè Abaddon, & Græcè nomen habet Apollyon. Addit latinus interpres, & Latine habens nomen Exterminans. Si Moyses Hebraicè scribebat, quomodo Hebraica, si Ioannes Græcè, quomodo Græca nomina Latine interpretabatur? Ista igitur interpretationes non auctoris, sed interpretis sunt. Adde quod non est absurdum Hebraica verba Hebraicè scribentem alijs. Hebraicis verbis interpretari. Id enim cum aliquod compositum verbum est, aut minus vstitutum, etiam vernacula loquentes lingua facere solemus. Quale erat nomen ἡλὶ εὐλὶ quod etiam Hebraicè non solum exponi potest, sed etiam opus est ἡλὶ εὐλὶ aut ἡλὶ εὐλὶ, & Eli Eli lammasababthani quod cum Syriacum sit, Hebraicè verti poterat. Quanquam in eo Euangelio, quod nunc extat Hebraicè, non additur eorum nominum interpretatio: nec hoc dico, quod factū; sed quod fieri potuisse credam. Probabilius enim esse arbitror huiusmodi etymologias, & explicationes nominum interpretem adhibuisse. Nec id quicquam de scripturæ auctoritate minuit.



Vo autem consilio, & quibus causis Euangelista ad scribendum adducti fuerint, partim ipsi indicant, partim nos ex veterum auctorum lectione cognoscere, partim cōiectura cōsequi possumus. Lucas c. 1. 1. si-

CAP. VI.  
Cur Euange-  
lista scripse-  
runt.



gnificat se ad scribendum impulsus, quod videret conatos esse multos Euangelium scribere, qui parum fideliter id præstissent. Quod postremum etsi aperte non dicit, velle tamen videtur intelligi. Cum enim dicit se à principio assecutus diligenter omnia ad scribendum accedere, obscure indicat eos, de quibus loquebatur, nondum satis veritatem assecutos aggressos scribere. Sed uir nimirum sanctus maioris esse modestie indicauit diligentiam, fidemq; suam ad scribendam historiam necessariam profiteri, quam alienam negligentiam, infidelitatemq; reprehendere. Illo etiam verbo, quo utitur initio *ἐπεὶ ἐψησάμην* conati sunt; significat eos, quos tacite subaccusat, conatos quidem fuisse; sed, quod conati essent, minimè perfecisse, vt ueteres auctores Origenes hom. 1. in Luc. Ambr. in Luc. c. 1. & Aug. lib. 4. de consen. Euang. c. 8. adnotauerunt. Eandem etiam causam ceteros Euangelistas, vt scriberet, impulsisse, quamuis non dicant, ex Luca, qui dicit, intelligendum est. Aliam causam Ioannes asserit, quam etsi alij non asserunt, tamen quia eadem omnium erat mens, cor unum & anima vna, eadem sanctitas, credendum est omnibus fuisse communem. Hæc, inquit Io. 20. 31. *scripta sunt vt credatis, quia Iesus Christus est filius Dei, & vt credentes vitam habeatis in nomine eius.* Tertia causa uidetur fuisse, vt auditores, quibus Euangelium prædicauerat, scripto haberet, quæ viua voce loquentes Apostolos audierant, ne aut obliuiscerentur, aut secus interpretarentur, quam dicta fuerant. Nam hanc etiam causam reddit Luc. c. 1. 4. *Vt cognoscas eorum verborum, de quibus eruditus es, veritatem.* Quod expressius græcè dixit

ἐκ τῆς ἀληθείας τῶν λόγων αὐτῶν, quæ viua voce audiisti. Quarta, ut quod præsentibus prædicauerant, absentibus quoque per scripturam prædicarent. Hoc enim modo, *In omnem terram exiit sonus eorum, & in fines orbis terræ verba eorum* vt D. Paulus interpretatur, Rom. 10. 18. quum eorum vox brevissimo terræ spatio terminaretur. Quinta, ut non solum ijs hominibus, qui tunc erant, sed ijs etiam omnibus, qui futuri aliquando erant; ipsi non solum viui, sed etiam mortui Euangelium annuntiarent. Vt quemadmodum mortuis prædicatum erat (dabit enim nobis hanc ueniam hæreticus interpret) ita etiam per mortuos prædicaretur. Adeo etiam cognitio erat necessaria, vt omnibus in locis, omnibus temporibus, omnibus hominibus, & per omne hominum genus esset annuntiandum. Hæ communes sunt causæ: potuerunt tamen singuli alias præterea habere priuatas. Nam Ioannem omnes ueteres auctores tradunt hæreticorum causa compulsus scribere. Cum enim Ebionæi, Cerinthiani, & Nicolaitæ diuinitatem Christi iam negarent, videretq; ceteros Euangelistas minus in ea confirmanda operæ posuisse, ad eam potissimum probandam Euangelium scribendum sibi esse iudicasse. Ita Hiero. lib. de uir. Illust. in Ioanne, Epiph. heres. 51. August. in procem. in Ioan. Quod quidem consilium præterquam quod prædicti scriptores docent, non solum ex initio, sed ex toto etiam opere manifestum apparet. Vbiq; enim Christi diuinitatem sequitur. Et alios Euangelistas suas etiam proprias scribendi causas habuisse existimat, & exponit Epiphanius heres. 51. & Eusebius lib. 3. Eccles. hist. c. 24.



# IESV CHRISTI EVANGELIVM

## SECVNDVM MATTHAEVM.

### CAPVT PRIMVM.



**I**ber generationis Iesu Christi filij David, filij Abraham. 2. Abraham genuit Isaac. Isaac autem genuit Jacob. Jacob autem genuit Iudā, & fratres eius. 3. Iudas autem genuit Phares, & Zaram de Thamar. Phares autem genuit Esron. Esron autem genuit Aram. 4. Arā autem genuit Aminadab. Aminadab autem genuit Naasson. Naasson autem genuit Salmon. 5. Salmon autem genuit Booz de Rahab. Booz autem genuit Obed ex Ruth. Obed autem genuit Iesse. Iesse autem genuit David regem. 6. David autem rex genuit Salomonē ex ea, quā fuit Uriē. 7. Salomon autem genuit Roboam. Roboam autem genuit Abiam. Abias autem genuit Asā. 8. Asā autem genuit Iosaphat. Iosaphat autem genuit Iorā. Ioram autem genuit Ozias. 9. Ozias autem genuit Ioatham. Ioatham autem genuit Achaz. Achaz autem genuit Ezechiam. 10. Ezechias autem genuit Manassē. Manassēs autem genuit Amon. Amon autem genuit Iosiam. 11. Iosias autem genuit Iechoniā & fratres eius in transmigratione Babylonis. 12. Et post transmigrationē Babylonis, Iechonias genuit Salathiel. Salathiel autem genuit Zorobabel. 13. Zorobabel autem genuit Abiud. Abiud autem genuit Eliacim. Eliacim autem genuit Azor. 14. Azor autem genuit Sadoc. Sadoc autem genuit Achim. Achim autem genuit Eliud. 15. Eliud autem genuit Eleazar. Eleazar autem genuit Mathan. Mathan autem genuit Iacob. 16. Iacob autem genuit Ioseph virū Marię, de qua natus est Iesus, qui vocatur Christus. 17. Omnes itaque generationes ab Abraham usque ad David, generationes quattuordecim. & a David usque ad transmigrationem Babylonis, generationes quattuordecim. & a transmigratione Babylonis usque ad Christum, generationes quattuordecim. 18. Christi autem generatio sic erat: Cum esset desponsata Mater eius Maria Ioseph antequam convenirent, inventa est in utero habens de Spiritu Sancto. 19. Ioseph autem vir eius cum esset iustus, & nollet eam traduce: voluit occultē dimittere eam. 20. Hęc autem eo

Luc. 3. c. 31

Gen. 21. a. 32

Gen. 25. d.

26.

Genes. 29.

d. 35.

Genes. 38.

g. 29.

1. Par. 2. a. 57

Ruth. 4.

d. 28.

Num. 7.

d. 12.

1. Reg. 16.

Ruth. 4.

d. Reg. 12.

f. 24.

3. Reg. 11.

g. 43.

3. Reg. 14.

g. 31.

3. Reg. 15.

b. 9.

2. Par. 26.

d. 23.

2. Par. 27.

d. 9.

2. Par. 28.

d. 27.

2. Par. 32.

g. 33.

2. Par. 33. d.

20. &amp; 25.

2. Par. 36.

a. 1. 2.

Luc. 7. c. 27.

cogitant



Luc. 1. c. 31.  
Act. 4. b. 12.  
M. 7. c. 14.

cogitante ecce Angelus Domini apparuit in somnis ei, dicēs: Ioseph fili David, noli timere accipere Mariam coniugē tuā: quod enim in ea natum est, de Spiritu sancto est 21. pariet autē filium: & vocabis nomen eius IESVM: ipse enim saluum faciet populum suum a peccatis eorum. 22. Hoc autem totum factum est, ut adimpleretur quod dictū est a Domino per Prophetam dicentem. 23. Ecce virgo in utero habebit, & pariet filium: & vocabunt nomen eius Emmanuel, quod est interpretatum Nobiscum Deus. 24. Exurgens autem Ioseph a somno, fecit sicut praecepit ei Angelus Domini, & accepit coniugem suam. 25. Et non cognoscebat eam, donec peperit filium suum primogenitum: & uocavit nomen eius Iesum.

## IN CAPVT PRIMVM.

Euangelio-  
rum tituli,



*Euangelium secundum Mattheum.* Hic idem titulus, mutato tantū Euangelistae nomine, omnibus praefigitur Euangelis. Sunt, qui ab ipsis Euangelistis appositum putent, ut libro auctoritatem conciliarent. Et quidem Tertul. lib. 4. contra Marcionem reprehendit, quod Iucæ Euangelio, quod solum recipiebat, titulum non apponeret, Marcionem (inquit) *Euangelio scilicet suo nullum adscribit auctorem. Quasi non licuerit illi titulum quoque asserere, cui nefas non fuit ipsum corpus euertere. Et possem hic iam gradum figere, non agnoscendum contēdens opus, quod non erigat frontem, quod nullam constantiam praeferat; nullā fidem repromittat de plenitudine tituli, & professione debita auctoris.* Ex quo perspicuum est semper hunc titulum omnia Euangelia habuisse. Additum autem fuisse ab Euangelistis, apud nullum veterem auctorem inuenio. quia Tertullianus superiore loco indicat apponi solitum ab Ecclesia, cum Marcionem reprehendit, quod non apponat; Et non est sacrorum scriptorum consuetudo, ut ante initium librorum titulos ponant, sed ut vel omittant, vel prima libri verba titulum faciant, Ut, *Visio Isaiae Prophetae, Apocalypsis Iesu Christi.* Et titulos illos omnes, qui extra libros sunt, Genesis, Exodus, Leviticus, Numeri, Deuteronomium, Libri Re-

gum, Psalmi David, & quicunque sunt similes, omnes consentuntur non a librorum auctoribus positos, sed a scriptoribus additos. Quod idem credibile est in quattuor Euangeliorum libris accidisse. Certē si Marcus praeposuisse hunc titulum, *Euangelium secundum Marcum*, non adiecisset statim aliud, *Initium Euangelij Iesu Christi.* Nam hic etiā titulus est. Ipsa quoque titulorum similitudo indicat non ab Euangelistis: sed ab Ecclesia appositos fuisse. Nam si ipsi adhibuissent, non iisdem omnino verbis uti fuissent, *Euangelium secundum N.* quemadmodum in aliis etiam, cum idem narrant, non iisdem utuntur verbis. Indicat etiam Graecorum, & Latinorum titulorum dissimilitudo. Nam Graece hic titulus est *εὐαγγέλιον κατὰ Ν.* Latini vero in plerisque codicibus *Sacrosanctum Iesu Christi Euangelium secundum N.* quod Graecum titulum Graeca; Latinum Latina adiecerit Ecclesia. Nec propterea libri minus habent auctoritatis, quam si titulos ipsi Euangelistae posuissent. Nam ne ipsis quidem affirmantibus se hos scripsisse libros crederemus, nisi nos Ecclesiae commoveret auctoritas. Adiuncti autem tituli sunt non solum ad adhibendam libris auctoritatem ex auctorum nominibus: sed etiam, ad discernenda ipsa inter se Euangelia. Hoc enim est κατὰ ματθαῖον secundum Mattheum, id est, prout scriptum est a Mattheo.

Quare



Quare significatur, & alios scripsisse, & non eodem modo. Itaq. illud κατὰ non diuersam doctrinam atque sententiam, ut cum Græci philolophi dicunt κατ' ἑσπερίαν, & κατὰ πλάτωνα, sed diuersos tantum auctores, & modum scribendi diuersos declarat.

1. *Liber generationis.*) Quidam putant non esse hunc totius libri titulum: sed initium solius genealogiæ Christi, quæ sequitur. βίβλος enim librum interpretatur narrationē, ut Hebraice ספר Gen. 5. 1. ספר דברי הימים hic est *liber generationum Adam*, id est, hæc est narratio genealogiæ ductæ ab Adam, sicut dicitur ספר *Liber iustorum, liber Dei*, in quo iustorum nomina notantur, factaque recensentur. Exodi 32. 33. Iosue 10. 13. 2. Reg. 1. 18. Alii existimant titulum esse libri, sed sumptum ex eo, quod initio narratur, id est ex Christi genealogia, sicut librum Genesim: id est generationis omnium rerum appellemus, cum solo primo capite agatur de rerum generatione. Hæc interpretatio plures ac meliores auctores habet, in quibus Augustinus lib. 2. contra Faust. 6. 6. Alii & titulum esse dicunt, & non unam tantum partem, sed totum libri argumentum declarare. Esse enim Hebraicum, quo nomen לדהוה Græcè γενεσις significat nō solum generationem, sed totum etiam uitæ cursum, & ut Hebræi dicunt יסודו quicquid homini accidit in uita, quæ admodū Genes. 6. 9. Noe dicitur *perfectus in omnibus generationibus suis*, id est omnibus partibus uitæ suæ. Ut penitus sit. *Liber generationis Iesu Christi*, ac si diceret, liber de uita Christi. Quæ interpretatio ideo mihi magis placet, quod & Hebraismo consentanea est, & plenior. Faustus uero Manichæus, qui hoc Euangelium esse negabat, quod non Euangelium, sed *Liber generationis* inscriberetur non solum impius, sed etiam imperitus erat, non intelligens totam Christi uitam generationem appellari. Cur autem generationis, non generationum dixerit, a nonnullis queritur: quorum alii respondent causam esse, quod cum duas Christus

generationes diuinam & humanam habeat, de sola humana ageret Euangelista. Nam de diuina sciebat dictum esse Isa. 53. 8. *Generationē eius quæ enarrabitur*: sed hoc subtile est. Melius Hieronymus, quod quantis multis Euangelista generationes numerare uellet, unā tamen quereretur Christi. Adde quod nomē γενεσεως, singulari numero sæpe sumitur pro plurali γενεσεων septuaginta interpretum more. Nam Genes. 5. 1. ubi Hebræus dixit לדהוה ספר *Liber generationum*, Septuaginta uenerunt βίβλος γενεσεως eodem prorsus modo, quo Matthæus hic dicit, & quod Matthæus hic dicit βίβλος γενεσεως, Hebræus quisquis fuit, dixit לדהוה ספר *Liber generationum*.

I E S U C H R I S T I.) Etsi nomen & cognomen proprium hoc sit Christi, tamen uideri potest initio positum vim habere nominis appellatiui, quo excitentur auditorum animi. Nam cum Iesus seruatorem, & Christus unctum, id est Messiam illum significet, quem tanto Iudæi expectabant desiderio, uidetur eorum animos erigere, & attentionem beneuolentiamque conciliare, dicens se illius tam optati seruatoris, tamque expectati Messia texere historiam, ut apparet ex conclusionē. ver. 16. & c. 2. 4. & 16. 16. 20. & 27. 17. 22. & Lucæ 3. 15. & 4. 41. & 22. 67. & 23. 2. 35. 39.

Filij David, filij Abraham.) Tres hic quæstiones sunt. Prima, cur hos potissimum duos ex tā longa parentū Christi serie Euangelista nominauerit? Secunda, cur Dauidem Abrahamo, iuniorē seniori anteposuerit? Tertia, ad quem referatur secundus genitiuus Filij, ad Christum, an ad Dauidem?

Ad primam omnes auctores respondent causam fuisse, quod his potissimum duobus promissio nascituri ex ipsis Christi facta esset. Abrahamo Genes. 11. 13. & 22. 18. *In semine tuo benedicentur omnes gentes.* Quod D. Paulus de Christo intelligendum esse docet Gal. 3. 17. Dauidi uero 2. Reg. 7. 12. 1. Paral. 17. 11. Psalm. 88. 4. & Psalm.



131. 11. *Iuravit dominus David veritatem, & non frustrabitur eum, de fructu p̄ris tui ponam super sedem tuam. Nā cōditio, quæ sequitur. Si custodierint filij tui testamentum meum, & testimonia mea, quæ docebo eos.* non pertinet ad Christum, quasi Christus regnaturus non esset, si filij David Dei mandata nō seruarent; Sed sensus est, si custodierint testimonia eius, fore ut si regnēt, ut euentus interpretatur. Nam, quia non seruauerunt, regnum scisum est 3. Reg. 12. 20. & in maiore parte, id est decem tribubus Ieroboam regnare coepit. Quo minus autem totum regnum à familia Davidis alienaretur, nasciturus impediuit Christus, Ne in ferretur sceptrum de tribu Iuda, & dux de femore eius, donec ueniret qui mittendus erat. Gen. 49. 10. Et radix Jesse penitus exscinderetur, de qua flos, ille pullulaturus erat, qui merito Nazareus vocaretur Iia. 11. 1. Et uirga illa, quæ ex Sion mittenda erat, ut dominaretur in medio inimicorum suorum. Psal. 109. 2. 3. Reg. 1. 36. & 5. 4. 1. Cor. 1. 20. Et ne parua illa lucerna Davidis extingueretur, ex qua iustitiæ solem accendi oportebat. Verè omnes promissiones in Christo sunt Amen, inuersusq; est ordo nature, & non radix rami, sed ramus radicem portauit. Nominati igitur sunt in iño David, & Abraham, quibus Iudæi sciebant factas de Messia promissiones, quas volebat Matthæus docere in Christo cōpletas esse; hoc enim erat Euangelium, id est bonum nuntium, quod illis afferebat. Sic Iren. lib. 8. c. 18. & Ambr. lib. 3. com. in Luc. 6. 3. & Chrys. hom. 2. in Matth. & Hieron. in hunc locum.

Ad secundam, verò quæstionem, non eandem omnes rationem afferunt. Nam alii causam fuisse dixerunt quod cum Euangelista Christum nominasset, vellent, ad primum fontem Abrahamum ascendere, Dauidem tanquam fontem alterū, Vnde Christus aqua uiua manasset, ascendendo necessario nominauit. Quam opinionē Chrysost. hom. in Matth. recitat, ac refellit, quod ista ratione eodem mo-

de Matthæus atq; Lucas Christi generationem ascendendo narraſſe, cum constet contrariam eum rationem tenere uoluissē. Sed nescio quā merito. Nam Lucas à Christo usq; ad Deū ascendit: non ut rursus descenderet; sed ut ibi ſtaret. Matthæus à Christo ad Dauidem, & à Dauidē ad Abrahamum non numeratis gradibus, sed duobus veluti salubus ascendit, ut inde rursus ad Christum non saltando, sed gradiendo descenderet. Contra quā Moſes, qui cum de celo in terram, quasi saltu vno descendisset dicens, *In principio creauit Deus Cælum & terram*, rursus à terra in cælum per singularum rerum generationem ascendit, *Terra autem erat inanis & uacua*, &c. Hieronymus ideo factum esse dicit, ne si prius Abrahamum quā Dauidem nominaret, ei rursus nominandus esset Abrahamus, ab eo generationis series duceretur, & iterum à Dauidē ad Abrahamum, & ab Abrahamo rursus ad Dauidē redire cogeretur, Filij Abraham, Filij David. Abraham autem genuit, &c. Hac ratio multis placuit, nec mihi quidem displicet. Sic enim Habreos loqui solere ſcio, ut cum res multas numerant, eam, unde uolunt incipere, ultimo loco ponant, ut Gen. 1. 1. *In principio creauit Deus Cælum & terram, terra autem.* Sed alia ab aliis auctoribus melior affertur, in primis quæ à Chrysostomo, Theophylacto & Euthymio, quod etiam si utriq; promissio facta esset; promissio tamen Davidis, & recentior, & specialior, & honorificentior esset, ideoq; Iudeis grauior, magisq; omnium ore celebrata. Promissa enim erat Abrahamo filiorum multitudo, quā consequuti iam Iudæi contemnere uidebantur: Dauidi perpetuum regnum, in quod uolenda die rex ille regum succederet, & dominus dominantium, qui saluum faceret populum suum: gentes autem reget in uirga ferrea, & tanquam uas figuli confringeret, quod in eorum animis tenacher habebat. Itaq; omnes etiā uulgo sciebant Messiam filiū Davidis esse oportere. Matth.

Christus  
cur filius  
David,



22. 42. Interrogati à Christo Phari-  
saei, Quid vobis videatur de Christo, cuius  
filius est? incunctanter respondent;  
David. Turba ipsa popularis visis ad-  
mirabilibus Christi factis dicebat:  
Nunquid hic est filius David Matth. 12.  
23. Et eo Ierosolymitanam urbem in-  
eunte acclamavit, *Osanna filio David.*  
Populares etiam homines erant, qui  
dicebant: *Nōne scriptura dicit, quia de  
semine David, & de Bethlehem castello,  
ubi erat David, veniet Christus?* Illud  
etiā animaduertit, omnes, qui à Chri-  
sto beneficia petebant, solitos eum  
prius Davidis filium appellare; ut si-  
gnificaret eum illum esse Messiam, qui  
populum suum beneficiis esset cumu-  
laturus. Hoc illi spectabant voces;  
*Miserere mei fili David.* Matth. 9. 27. &  
13. 22. & 20. 30. 31. & Mar. 10. 47. 48. &  
Luc. 18. 38. 39. Haec eadē causa est, cur  
quoties Deus promittit se non peni-  
tus populum suum deleturū, non pro-  
pter Davidem, sed propter Abraham-  
um, qui radix erat populi, cui per-  
petuum germen promissum erat, id  
se facturum dicat, ut Isā. 51. 2. Cum au-  
tem regnum se non extincturum di-  
cit, non propter Abrahamum: sed pro-  
pter Davidem facturum testatur. 3.  
Reg. 11. 12. 13. 32. 34. & 15. 4. & 4. Reg.  
8. 19. 34. & 20. 6. Vocauerat ergo  
Euangelista Iesum Christum, subiecit  
statim, filium David, ut ostenderet se  
non de quouis Christo, sed illo vnico  
tam expectato agere, qui & filius & suc-  
cessor in perpetuum regnum Davidis  
futurus erat.

Ad tertiam quaestionem pleriq; re-  
spondent, secundum gentium, *Filij*,  
ad Christum referri, quemadmodum  
si Matthaeus diceret, *liber generatio-  
nis Iesu Christi, qui fuit filius David  
& Abraham.* Et quidem ita Hierony-  
mus intellexit, ut ex eius ad superio-  
rem quaestionem responsione colligi-  
tur. Sed quo minus assentiar, Hebraeo-  
rum obsistat consuetudo, quam, dubij  
non est, Matthaeum hoc loco imitari  
voluisse. Solent enim illi in recensē-  
dis genealogijs vltimum genitium  
filij ad proximum referre. Cuius rei  
docti exemplis non egent. Alii legant

exemplar. Reg. 1. 1. & i. Para. 4. 37. & 5. 7.  
8. 14. & 6. 34. vsque ad verbum. 30. At  
quorsum Davidem Abrahami filium  
esse diceret, cum non Davidis, sed  
Christi generatio quaereretur? Respo-  
deo, factum id esse necessario, quia  
cum à Dauide ad Abrahamum vellet  
ascendere, non potuit non dicere Da-  
uidem Abrahami fuisse filium, ne ex-  
tra viam ascendere videretur.

2. *Abraham autē genuit Isaac.* Nec  
Ismaelis filii item Abraham, nec Esau  
filii Isaac factam esse mentionem id-  
circo nonnulli arbitrantur, quod pra-  
uis fuerint moribus: quos merito  
Chrysostomus homil. 3. in Mattheum  
reprehendit, cum in eadem genealo-  
gia etiam adulterarum & meretricum  
mentionem fieri videamus. Præter-  
missi igitur sunt, ut idem Chrysost.  
& Theophylact. ait, quia Christus ab  
illis non descendit. Cur igitur statim  
inter filios Iacob, non solum Iudas,  
à quo Christus genus duxit, sed om-  
nes etiam eius fratres: & inter filios  
Iudæ non solum Phares, sed etiam Za-  
ram nominati sunt? Summa vtrum-  
que ratione factum est. Nam fratres  
Iudæ ideo nominandi fuerunt, quia  
patriarchæ suæ quisque fuerunt tri-  
bus, & quasi duodecim populi Iudaici  
& regni Christi columnæ. Itaque  
in Apocalypsi throno eius adsunt.  
Nominantur ergo non tanquam  
Christi parentes, sed tanquam regni  
eius & Reipub. conditores. Ideoque  
non nominati, ut Iudas, sed gene-  
raliter & quasi Iudæ comites no-  
minantur, ut Chrysostomus. homil.  
3. in Matth. adnotauit. Zaram au-  
tem ideo cum Phares numeratum  
fuisse putat Ambrosius, ut secundi-  
tatis Iudaici populi mysterium signi-  
ficaretur; quia Phares & Zaram vno  
partu editi sunt. Genes. 38. 27. At  
ista ratione etiam Esau cum Iacob  
fuerat connumerandus. Chrysosto-  
mus, Euthymius, & Theophylactus,  
propter mysterium duorum popu-  
rum Iudaici atque Gentilis, aut  
sub duplici lege Mosaiica, & E-  
uangelica viuentis factum putant.  
Sed eadem ratio in Iacob, &  
Esau



Esau locum habuisset, eo etiam magis quod hoc mysterium fuisse scriptura declarat. Genes. 25. 22. 23. Illud autem non declarat. Veram igitur arbitror fuisse causam, quod in partu Thamar prior Zaram extra uterum manum protulit, qua retracta Phares prior exijt. Contendere enim iam iam in utero gemelli infantes uidebatur, uter primogenitus, & Christi parens futurus esset, ut dubium fuisse uideatur, uter primogenitus habendus esset. Itaque uoluit Euangelista honorem illis quodam modo partiri, ita Phares in Christi genealogia numerans, ut Zaram non penitus excluderet: sed suum illi, quod habuisset uidebatur ius, quo uno poterat modo, declarando reseruaret. Magna enim laus fuit, quin parens esset Christi, tam parum abfuisse. Accidit in Iacob & Esau simile quiddam. Nam & Iacob in utero matris plantam Esau exeuntis tenuit, quasi prior nasci conaretur, sed non uicit: sicut Phares: Nec aut natura iure, aut uiribus suis: sed matris industria, Dei gratia, fratris culpa primogenituram obtinuit. Accedit alia ratio, cur potius Zaram, quam Esau fuerit nominandus, quod Esau non solum, quod ad Christi genealogiam ius habebat; temere uendiderit: sed etiam se a corpore Christi, quod erat Ecclesia, magis temere se iunxerit, & alium populum a populo Dei, quasi aliam Ecclesiam, haereticorum more constituerit.

De Thamar) ex Thamar. Obseruauit Hieronymus in tota Christi genealogia, excepta sanctissima eius matre, quae necessario fuerat nominanda, nullam sanctarum assumi mulierum: sed eas solum, quas scriptura reprehendit, nominari, Thamar, quae se Iudae habitu meretricis exposuit, Rahab, quam scriptura ipsa meretricem appellat, Ruth, quae ante legitimas nuptias Booz ambiuit amplexum, Bersabee, quae cum Dauide adulterium admisit. Cuius rei causam Hieronymus, Ambrosius, Chrysostomus, Euthymius fuisse putant; ut apparet uoluisse Christum, qui propter peccata

ueniebat, de peccatoribus nasci. Quod quomodo conueniat cum eo, quod paullo infra uer. 8. idem Hieronymus, & alij omnes auctores docent, non uideo, Ideo Euangelistam tres Reges Ochozam, Ioam, & Amasiam silentio praeteriisse, quod impietatem Iezabel secuti essent. Quare aliam ego rationem fuisse arbitror, quod ceterae mulieres, & Iudae, & legitima uxores fuerint, ideoque opus non fuerit eas nominari; quia nemo dubitare poterat filios, quos Euangelista recensebat, ex illis fuisse procreatos. De Rahab autem dubitari poterat, quia fuerat meretrix, & alienigena, de Bersabee, quia adultera: de Ruth, quia Moabitris, de Thamar, quia extra legitimum coniugium conceperat. Praeteriit igitur Euangelista, quod ordinarium erat, quodque per se intelligi poterat, quod autem singulare ac dubium erat, exposuit, quod aliis quoque locis ab eo factum animaduertimus, ut infra uer. 25.

5. Salmon autem genuit Booz de Rahab.) An haec fuerit Rahab illa Ierichontina, quae Hebraeorum excepit exploratores Iosue 2. 1. 2. an alia nominis eiusdem. Auctor operis imperfecti, qui falso Chrysostomus dicitur, non audet affirmare, & Theophylactus dubitat. Alij omnes, quos legimus, illam eandem fuisse affirmant: nec ego ullo modo dubito. Nec enim nominata fuisset, nisi quia alienigena, quia meretrix, quia de populo Dei bene merita. An autem fuerit meretrix: ueterum Auctorum nemo, quod sciam, dubitauit, quia constanter omnes meretricem, & appellant, & reuera fuisse docent. Nonnulli tamen Hebraei ut R. Silon. Ios. 2. non meretricem, sed hospitam fuisse dicunt, quae cauponariam faceret, ideoque ad eam exploratores diuertisse. Id enim nomen *raim* etiam significare. Itaque Chaldaum uertisse *רַחֵם* quod hospitam declarat. Quam sententiam Iyrānus doctus sancte, & laboriosus interpretis pio, ut arbitror, studio secutus est, utinamque nostri temporis uatores eodem animo secuti essent.

Nos,

Rahab an  
meretrix  
fuerit.



Nos, quid de ea res sentiremus, copiosius eo loco diximus. Nunc hoc tantum, me nullo prorsus modo dubitare, quin uere fuerit meretrix, & quia nomen *זממה* id semper significat, nunquam uero hospitam. Non enim citatur, nisi hic locus, & alter Joel. 3. ubi pro hospita accipi uideatur. Dotissimi uero inter Hebræos existimant, resque ipsa declarat, etiam duobus illis locis meretricem significari. Et quia Septuaginta nusquam nisi *πορνή* meretricem uocant, & quia ita D. Paulus Heb. 11. 31. & Iacobus. c. 2. 25. etiā appellant, & quia Chaldaus paraphrastes, cuius isti auctores uersionem sequuntur, non reddit hospitam, sed meretricem. nam apud illum *זממה*, quemadmodum adnotauit R. David, meretricem significat, ut Iud. 11. 1. & 16. 1. & 3. Regum 3. 16. & quia ut sæpe iam diximus una ex causis, cur hic fuerit appellata, fuit, quod fuisset meretrix. At quis credat exploratores ad publicum scortum potius quam ad hospitam diuertisse? Responder. Kimhi, hospitas meretrices esse solere. Certe meretrices recipiebant hospitio. Sed alia hinc nascitur quaestio, quomodo Salmon unus, ut creditur, e principibus populi sui Rahab & alienigenam, & meretricem duxit? utrumque lege prohibitum, Exo. 34. 16. Deut. 7. 3. 3. Reg. 1. 2. Deu. 23. 17. Recte ab alijs responsum est fuisse quidem meretricem, sed esse desisse. Alienigenas autem non fuisse lege prohibitum uxores ducere, quod alienigenae essent, sed quod idololatrae, hæc enim legis ratio redditur. Exo. 34. 16. *ne postquam ipse fuerint fornicati, fornicari faciant & filios suos in Deos suos.* Quia sublati causa alienigenas uxores ducere licebat. Nam & Dauidem virum sanctum Maacham filiam Regis Gessur, sine ulla scripturae reprehensione duxisse legimus. 2. Reg. 3. 3. quia etsi scriptura non dicit, tamen non gentilem adhuc, sed factam prius religione Hebræam duxisse credendum est. Multo uero magis credendum Rahab relicto prius falsæ religionis errore a Salomone ductam fuisse, cum

id scriptura non obscure significet. Hæc enim est confessio conuerse Rahab Ios. 2. 11. *Dominus Deus uester, ipse est Deus in celo sursum, & in terra deorsum.* Est autem uero simillimum, mulierem quamuis prius meretricem, benetamen meritam de populo Dei principis uiri coniugio honoratam fuisse. Quodque de Rahab Ierichontina diximus, id etiam de Ruth Moabitide, & ipsa alienigena intelligendum est, quam etiam scriptura piā fuisse docet. Sic enim respondet Socru. *Populus tuus, populus meus, & Deus tuus, Deus meus.* Ruth. 1. 16.

*Obed autem genuit Iesse.* Hic est pater Dauidis. Itaque merito est a quibusdam dubitatum, quomodo inter Salmonem & Dauidem non nisi tres viri Booz, Obed, & Iesse numerentur, cum consueti trescentos sexaginta sex annos intercessissent. Templum enim ceptum est edificari, quadringentesimo octogesimo anno postquam populus excesserat ex Aegypto, quanto uero anno regni Salomonis. 3. Reg. 6. 1. Deme quatuor annos, quos iam Salomon post Dauidis mortem regnauerat. 1. Reg. 2. 10. & septuaginta, quos Dauid uixerat. 2. Reg. 5. 4. & quadraginta annos, quos populus antequam caperet Ierico in deserto uersatus fuerat. (Nam statim ut Iordanem traiecit, Ierichontem cepit Iosu. 6. 1.) inuenies reliquos trescentos sexaginta sex annos. Lyranus, ut hunc nodum solueret, tres Booz eiusdem nominis alium continenter post alium fuisse dixit, merito ab alijs reprehensus, non solum quia ex scriptura non probat, uerum etiam quia contrarium scriptura probatur. Nam Ruth. 4. 18. genealogia a Phares usque ad Dauidem textitur, at unus tantum Booz, sicut hoc loco, numeratur. Idem fit. 1. paral. 11. 12. præterquam quod si tres fuissent nomine Booz, non iam quatuordecim in hac tessaradecade, sed sexdecim fuissent generationes. Itaque melius alij respondent, non esse incredibile quatuor homines, eius præsertim temporis, quo humana uita, siue natura, siue temperantia longius tendere.

Alienigenas quomodo Iudæi dicebant.



tendebatur; trecentorum sexaginta sex annorum numerum æquasse. Nā si Salmonem numeres, quem uero simile est, cum Rahab uxorem duxit, fuisse adolescentem, inuenies singulos infra centum uixisse annos; cum illo eodem tempore centum uiginti immensis licet laboribus exercitus Moses uixerit, Deut. 34.7.

6. *Iesse autem genuit.*) Humilis conditionis fuisse Iesse constat. Nam Saul opprobrij causa Dauidem filium Iesse solebat appellare. 1. Reg. 20. 27. 30. 31. & 22. 7. 8. 9. 12. & 25. 10. Electus tamen est, ut esset radix regni Christi. Exiturus enim erat flos de radice Iesse. Isa. 11. 1.

*Dauid regem.*) Dauid, cum multi alij reges numerentur, solus rex cognominatur, quia primus, & quia perpetui regni promissio illi facta est. 1. Regum 7. 12. & 1. Paral. 17. 11. & Psal. 88. 4. & 131. 11. Nam etsi Saul ante regnauerat, tamen nec ad Christi genus pertinebat, neque diuina uoluntate, sed intemperanti populi studio electus est: ut non regni Dei, sed Iudeorum rex fuisse uideatur, quasi ad tempus a Deo concessus, dum Dauid adolefceret, quem Dominus sciebat secundum cor suum futurum fuisse, & ut Iudæi sibi met ipsi, non ipsis Deus regis iugum imposuisse uideretur.

*Ex ea, quæ fuit Vria.*) Mirum statim legenti uidetur, cur Bethsabee Euangelista suo nomine non appellauerit, sed circumlocutione descripserit. Quod quidam ideo factum fuisse dicunt, quod Bethsabee notior ex marito, quam ex nomine suo esset. Quod non ita est nam Vrias in scriptura raro, Bethsabee sæpe nominatur. Præterquam quod non poterat regis uxor priuato milite non esse celebrior. Alij quod conscia fuerit homicidij mariti sui, ut Remigius. Quod neque credibile est, & ea potius de causa fuisset nominata. Alij refricare uoluisse putant Euangelistam memoriam adulterij Dauid, sicut supra meretrices nominauit. Veram causam fuisse existimo, quod uoluerit Euangelista rem, ueterat, fideliter narrare, Salomonem

susceptum ex Bethsabee, quæ quamuis uxor ante fuisset Vrie, tamen non erat tum, sed legitima Dauidis uxor, cum ex ea Salomon procreatus est. Ne quis Salomonem ex adulterio natum putaret. Itaque ἐκ τῆς τοῦ οὐπὶς clarius quidam uertendum existimant, ex ea, quæ fuerat (uor) Vrie. Quanquam, quod noster dixit interpretes, idem significat. Nam si dixisset, ex ea, quæ erat Vria, indicasset, eam uxorem fuisse Vria tum, cum ex ea Salomon conceptus est. Cum uero dixerit, ex ea quæ fuit: satis ostendit fuisse quidem ante, sed non fuisse tunc, cum Salomonem concepit. Itaque non uideo cur fuerit a quibusdam uetus interpretes reprehendendus. Etsi, ut ante dixi, non diffiteor clarius esse, Fuerat.

8. *Ioram autem genuit Oziam.*) Iorā non Oziam, sed Ochoziam; Ochoziā autem, Ioram, Ioram Amasiam; Amasiam demum Oziam genuisse eū, qui hoc loco a Ioram genitus fuisse dicitur, ex historia regum manifestum est. 4. Reg. 8. 24. & 11. 2. & 12. 11. & 14. 21. & 1. Par. 3. 11. & 2. Par. 26. 1. Ozias autem alio nomine Azarias uocabatur. 4. Reg. 14. 21. & 1. Par. 3. 11. Par. 26. 1. Itaque dure hinc difficiles questiones existunt. una, cur Euangelista tres reges Ochoziam, Ioram, Amasiam in recta genealogiæ linea prætermiserit? altera quomodo dicat Ioram Oziam genuisse, cum Ozias non a Ioram, sed ab Amasia genitus fuerit? Ad priorem questionem aliqui respondent, ideo hos tres reges prætermisissos, quia propositum erat Euangelistæ tribus tessaradecadibus Ioram Christi genealogiam comprehendere. Quod si eos numerasset, in hac secunda tessaradecade, non quatuordecim, sed septemdecim fuissent generationes. Hos autem potius, quam alios prætermisissos, quod peccatores fuerint, quippe qui semini Achab regium Iudæ sanguinem miscuissent. Hac primum Hilarij & Hieronymi, deinde multorum sententia est. Quæ utinam mihi ita probari posset, ut opus non esset meliorem querere. Sed uix mihi persuadere possum, Euangelistam tantum myste-



numeri mysterio ( si quod est tam-  
men mysterium) tribuisse, ut obeam  
causam tres reges præterire debuif-  
set. Nam isto quidem modo non  
tribus solum resaradecadibus, sed  
tribus etiam decadibus, ac minore  
etiam numero comprehendere to-  
tam genealogiam potuisset, nec enim  
peccatores defuissent, quos merito  
prætermisisset, videretur. Præterquam  
quod nec isti tam mali fuerunt, ut  
præteriri, nec alii tam boni ut recen-  
seri mererentur. Nam Ioas & Ama-  
sias inter bonos reges in scriptura  
numerantur, qui rectum fecerint co-  
ram Domino. 4. Reg. 12. 2. & 14. 3. &  
Salomon multo peiora fecit, & ido-  
latriam non solum, ut isti non de-  
leuit, sed primus inuexit. 3. Reg. 11. 6.  
7. & 4. Regum. 23. 13. Quod autem isti  
cum domo Achab coniugia copula-  
uerint, male fecerunt; peius tamen fe-  
cisse Salomonem faciendum est, qui  
non ex familia Achab, qui etsi ma-  
lus, tamen eiusdem erat populi, &  
peccati penitentiam egit. 3. Regum.  
21. 29. sed ex alienigenis idololatriis,  
non vnam ut isti, sed multas uxores  
duxerit, quarum est impietatem imi-  
tatus. 3. Regum. 11. 2. Neque uerum est  
istos tres reges ex domo Achab uxores  
duxisse. Nam Ochozias duxit uxorem  
ex Bersabee, ex qua genuit Ioan.  
4. Reg. 12. 1. Ioas autem uxorem ha-  
buit Ierosolimitanam. 4. Reg. 14. 2.  
Amasias similiter ex Ierusalem uxorem  
habuisse dicitur. 4. Reg. 15. 2. Ita-  
que si ob affinitatem coniunctam cum  
domo Achab aliquis à genealogia  
excludendus erat: Iosaphat potius  
erat excludendus, qui primus om-  
nium Achab affinitate dicitur fuisse  
coniunctus. 2. Par. 18. 1. & eius filius  
Ioram, qui filiam Achab uxorem acce-  
pit. 4. Reg. 8. 18. Malim ergo idcirco  
exclusos dicere, quod nati essent ex  
femine Achab. Nā Iorā ex filia Achab  
Ochoziam: Ochozias deinde Ioan;  
Ioas uero Oziā genuit. Itaq. nō pro-  
pter sua, nec propter patrum suorum,  
sed propter Achab peccata ex catalo-  
go parentum Christi deleri sunt. Et  
ut dicam melius, non tam propter

impietatem Achab, quam propter  
promissionem Dei, qui per Eliam  
Prophetam comminatus illi fuerat  
se omnem eius posteritatem penitus  
deleturum. 3. Reg. 21. 21. quod usque  
ad quartam generationem intelli-  
gendum erat, quæ in Amasia ter-  
minata est. Nam uxor Ioram filia  
Achab: prima erat generatio: Ocho-  
zias, secunda: Ioas, tertia: Amasias,  
quarta. Quemadmodum è contrario  
Iehu, quamuis malo etiam regi, quia  
tamen iussu Domini Achab posteri-  
tatem deleuit, Deus posteritatem  
promisit, quæ usque ad quartam pro  
eo generationem regnaret. 4. Reg.  
10. 30. & 15. 12. Non ergo sunt tres  
isti reges numerati, quia etsi uiuerunt,  
atque regnarunt, tamen capite minu-  
tierant, & diuina sententia condem-  
nati, quodam modo ciuilitate mor-  
tui. Sic ego interpretor, hac conten-  
tus interpretatione, dum meliorem  
inuenio. Vnum tantum in ea nodum  
uideo: quem nemo, quod sciam, hoc  
loco attingit, nedum soluit: Quod O-  
chozias non dicatur in scriptura fi-  
lius filie Achab, sed Athalie filie Am-  
ri regis Israel. 4. Reg. 8. 26. & 11. 1. &  
2. Par. 22. 2. 10. Quod si ita est neq.  
Ochozias, neq. qui post eum consecuti  
sunt, Ioas, & Amasias ex Achab ge-  
nus duxerūt, itaq. non propterea fue-  
rant de catalogo regum expungendi.  
Respondeo me existimare Athalias  
matrem Ochozias, quamuis filia Am-  
ri scriptura uocet, non fuisse eius pro-  
pria filiam, sed Achab: uocari autem fi-  
liā Amri, id est neptem, Hebræorum  
non ignorata cōsuetudine. Nā Achab  
filius erat Amri. 3. Reg. 16. 29. Vt autē  
ita sentiam, his rationibus adducor.  
Primum, quod scriptura disertis uer-  
bis dicat Ioram accepisse in uxorem  
filiam Achab 4. Regum. 8. 18. nec  
legamus illum aliam uxorem ha-  
buisse, ex qua Ochoziam suscipe-  
re potuerit. Deinde, quod Iehu dum  
Domini mandato extinguit poste-  
ros Achab, inter eos Ochoziam  
regem Iudæ etiam occiderit. 4. Re-  
gum. 9. 27. minime profecto oc-  
cideret, nisi nepos fuisset Achab,

B cum



cum nullas cum illo gereret inimicitias. Noluit autem fortasse scriptura Athaliah filiam Achab, sed Amri potius appellare propter execratam memoriam Achab, & ne sibi contradicere uideretur, cum diceret omnem eius posteritatem fuisse deletam. Deleti enim erant omnes, qui erant in Samaria. Athalia autem, quæ erat in Ierusalem, per Iehu deleti non potuit. Quæ tamen ipsa sententiam Dei non effugit: nam paulo post, cum Ioas eius filius regnum inisset, occisa est. 4. Reg. 11. 16. Vt ut sit, mea certe sententiæ Hebræos, diligentes harum rerum inuestigatores, suffragatores habeo R. Dauid, & R. Leui. B. G. 4. Reg. 8. 26. Vnus adhuc hoc loco scrupulus reliquus est: Quomodo dicatur Ioram Oziam genuisse, cum non ipse, sed Amasias eum genuerit? Respondeo uerbum gignendi hoc in loco non esse proprie & physice: sed uulgariter accipiendum. Vulgo autem ita loquimur, Adam genuit omnes homines, quamuis non ignoremus non ipsum per sese, sed per filios, & posteros suos genuisse.

11. *Iosias autem genuit Iechoniam & fratres eius.* Maior est obscuritas huius loci, ut mihi quidem uidetur, quam multis uideri solet. Fidem aduersarii nostri faciunt. Nec enim sine causa Porphyrius olim christianis hunc locum, tanquam inextricabilem, obieciebat: ut Hieronymus scribit Dan. 1. Iosias rex ille fuit, qui 4. Regum. cap. 22. & 23. & 2. Paralip. cap. 34. & 35. tantopere laudatur, ut dicatur fecisse, quod placitum erat coram Domino, ambulasseque in omnibus uisus Davidis patris sui, non declinasse neque ad dexteram, neque ad sinistram. 4. Regum. 22. & 2. Paral. 34. 2. qui templum Domini restaurauit. 2. Paralip. 35. 20. legitimum Dei cultum restituit, idololatriam aboleuit, librum legis negligentia superiorum regum perditum per Helciam Pontificem inuenit. 4. Regum. 22. 8. & 2. Paralip. 34. 14. Ob cuius mortem tradunt Hebræi lamentationes à

Ieremia fuisse compositas, ut eo loco diximus. Huic ergo quattuor fuerunt filij. 1. Par. 3. 15. Iohanan, qui & Ioachaz appellabatur. 4. Regum. 23. 30. 31. Ioacim, Sedecias, qui ante Mathanias dicebatur. 4. Regum. 24. 17. Sellum. Vnde nascitur prima quaestio, quomodo dicatur hoc loco Iechoniam genuisse: cum nemo fuerit inter eius filios, qui Iechonias appellaretur. Multi, iique graues auctores, Ambrosius lib. 3. comment. in Lucam; Epiphanius lib. 1. de hæres. in secta Epicuræorum; Augustinus libro 2. de cons. Euang. cap. 4. Euthymus hoc loco existimant Ioacim filium Iosiae secundum alio nomine uocatum fuisse Iechoniam: eamque sententiam omnes, quos me legisse memini nostri temporis interpretes & Catholici, & hæretici secuti sunt, quibus facile assentior, si probassent. At in canonicis scripturis non legimus Ioacim Iosiae filium uocatum unquam fuisse Iechoniam. Vocabatur quidem ante Eliacim. 4. Regum. 23. 34. Sed Nechao rex Aegypti occiso prius Iosia eius patre, deinde uincto Ioachaz fratre primogenito, & in Aegyptum ducto, Eliacim regem Iudæ constituit, nomenque illi mutauit Ioacim. Hic filium habuit eiusdem nominis Ioachin, nisi quod nomen patris scribebatur per ק & יוהויקים & יוהויכין Ioacim, nomē filij per ב & יוהויכין 4. Regum. 24. 6. Atque hic uocatus est alio nomine Iechonias. 1. Par. 3. 16. Ierem. 22. 24. 28. & 24. 1. & 27. 20. & 28. 4. & 29. 2. & 31. 1. sed fratres nullos habuit. Nam propterea Nabuchodonosor rex Babylonis, cum eum Babylonem transfuisset, constituit regem Iudæ patrum eius Mathaniam, uocans alio nomine Sedeciam. 4. Regum. 24. 17. aliquem potius eius fratrem constituturus, si quem habuisset. Quæ duæ res non solum persuadent, sed etiam impellunt, ut credam, legendum esse hoc loco, *Iosias autem genuit Ioacim & fratres eius.* Nam cum plerique confiteantur corruptum



ptum esse locum, unamque, ut post dicemus generationem desiderari: prudentiæ simul & religionis esse arbitror nomina ad corrigendum locum non fingere, sed ea ex sacris litteris accipere. Fateor libro tertio Esdræ capitulo primo, 34. Ioacim Iosæ filium etiam Iechoniam appellari. Nam & eo loco Euthymius usus est: ex quo constat eum librum illum Græcè, quo nos caremus, habuisse; nisi fortasse homo Græcis latina legit, sicut nos aliquando Latini legimus Græca. Sed nec liber ecclesiasticam habet auctoritatem, & in omnibus codicibus uiosè scribitur Iechonias pro Iechonias. Nam si dilatandum nomen fuit, sicut ex Ioachim factus est Iechonias, ita ex Ioacim Iechonias, aut potius Iechonias faciendus erat. Et ut hoc uitiū nominis irrepsit: ita illud potuit irrepere, ut pro Ioacim Iechonias scriberetur. Omnia igitur rectè conuenient, si legamus, *Iosias autem genuit Ioacim, & fratres eius.* Quod ex secundæ quæstionis explicatione, quæ hinc oboritur, magis manifestum erit. Merito igitur omnes auctores mirantur, quin factum sit, ut cum Euangelista uer. 17. dicat se ter quattuordecim, id est quadraginta duas ab Abraham usque ad Christum generationes recensuisse, non nisi quadraginta una reperiantur.

Itaque secundæ quæstio est, an aliqua desit generatio. Sunt qui nullam deesse putant: quod non omnes eodem modo probant. Alij enim existimant Dauidem bis repetendum, ut sit finis primæ tessaradecadis, & principium tertiæ: itemque Iosiam finem secundæ, initium tertiæ: quod si fiat, & Christus non numeretur, nulla deerit generatio. Euangelistam enim non. 42. personas, sed. 42. generationes numerasse. Alij Christum numerant, sed Iechoniam bis numerandum dicunt, patrem, qui finis est secundæ, & filium, qui principium est tertiæ tessaradecadis, ut August. lib. 2. de consensu Euang. capit. 4. Idemque Hieronymus uidetur significare Dan. 1.

Alij ipsam captiuitatem pro una persona numerandam esse putauerunt, ut refert Theophylactus, itaque nullam deesse. Itaque magis mihi Epiphaniij, Ambrosij, Euthymij, & aliorum auctorum ingenuitas placet, qui unam deesse generationem liberè confitentur. Sed quia in prima tessaradecade, quæ ab Abrahamo usque ad Dauidem textur, certum est non deesse, & iacturam eius, quæ deest generationis in angulo, quo secunda tertiæque conæctuntur, factam esse constat.

Tertiæ quæstio est, utrinam, secundæ desit, an tertiæ. Nam si secundam tessaradecadem a Salomone usque ad Iechoniam illum numeremus, qui hoc loco pater fuisse dicitur Salathielis, tertiæ tessaradecadi una deerit generatio: si uero Iechoniam patrem Salathielis in tertia tessaradecade numeremus, deerit secundæ. Plerique igitur interpretes in tertia tessaradecade generationem illam unam deesse putant. Quod eo uideretur probabilius, quod manifestum sit Euangelistam tribus tessaradecadibus, triplicem populi statum, sub iudicibus, sub regibus, sub ducibus comprehendere: Iechonias autem pater Salathielis sub regibus, & rex ipse fuit: ad secundam ergo, non ad tertiā tessaradecadem pertinet. Alia uero ex parte, si Iechonias in secunda tessaradecade ponatur, non iam quattuordecim, sed quindecim in ea (si Ioacim, & fratres eius numeremus) generationes erunt, & Iechoniam patrem Salathielis in tertia numerandum pater. Quare alij non in tertia, sed in secunda tessaradecade generationem illam unam desiderant. Nam etsi Iechonias rex fuit, tamen post Ioacim patrem, aut potius post Iosiam auum eius tres reges Ioacim, Iechonias, & Sedecias ita regnarunt, ut non reges, sed captiui, & serui regis Babylonis esse uiderentur. Et non est necesse ut omnes, qui in prima tessaradecade, sua iudicibus: & omnes, qui in secunda sub regibus: & qui in tertia numerantur, sub ducibus fuerint. Nam tempore Abraham, Isaac, Iacob, & Iuda iudi-



ces nondum erant; & ad primam tessaradecadem in primis pertinent. Placet mihi media sententia; nec in secunda, nec in tertia, sed in vtriusque confinio deesse. Nam si à Salomone vsque ad Iechoniam, aut potius Ioacim & fratres eius numeras quattuordecim et si a Iechonia patre Salathielis vsque ad Christum alias quattuordecim generationes inuenies, sed inter vtramque tessaradecadem desunt hæc verba.

*Ioacim autem genuit Iechoniam*, quæ ideo ad neutram tessaradecadem pertinent, quia iam Ioacim (aut Iechonias) in secunda numeratus fuerat; & Iechonias statim in tertia numeratur.

Hinc quarta oritur quæstio, quæ ratione desit ista generatio: an de industria ab Euangelista prætermittenda, an similitudine nominis insinuata, an mysterio; an vitio scribentium præterita? Quot enim quæstionis membra feci, tot opiniones inuenio. Nam aliquid scienter putant Ioacim ab Euangelista prætermittum; quod non à populo, sed à Nechao rege Egypti regnum accepisset 4. Reg. 23. 34. & 2. Par. 36. 4. Ita Pseudochrysostomus hom. 1. in Matth. Alij ideo fuisse prætermittum, quod cum Iechonias & pater, & filius vocaretur, bis erat a lektore idem nomen repetendum. Itaque etsi non apparent, tamen duo homines pater & filius sub vno latent nomine Iechoniae. Sic Aug. lib. 2. de cõf. Euang. c. 4. Addit commodè id quasi in angulo secundæ & tertiæ tessaradecadis factum esse: cum enim alicuius ædificij lapides numeremus, cum ad angulum peruenimus eum lapidẽ qui angulum facit, bis solemus numerare. Hoc nonnullis placuit, & mihi tanti auctoris nomine commendatum non displicet. Tertiam interpretationem idem August. affert, mysterium in ea re fuisse, vt Iechonias bis numeraretur. significari enim per Iechoniam factam esse quasi in angulo quandam veluti ad extraneas gentes deflexionem. Epiphani. in secta Epiturotorum, quem recentiores interpretes fere sequuntur, scriptorum vi-

tio & ignoratione factum affirmat, vt post hæc verba, *Iechoniam & fratres eius in transmigratione Babylonis*, hæc interciderint, *Iechonias autem genuit Iechoniam*. Cum enim Iechoniae nomen quater repeteretur, scriptores ignorantes patrem & filium vocari Iechoniam, putantesque redundare, prætermiserunt. Epiphanius in hoc assentior, vt exilime scriptorum vitio aliqua verba interciderint, quibus significetur, Ioacim filium Iosia genuisse Iechoniam. In eo non assentior quod non existimo deesse hæc, *Iechonias autem genuit Iechoniam*. Sed hæc, *Ioacim autem genuit Iechoniam*. Nam, vt supra probauimus, Ioacim filius Iosia nunquam in scripturis canonicis vocatur Iechonias. Itaque totum locum sic restituendum puto. *Iosias autem genuit Ioacim, & fratres eius in transmigratione Babylonis* (quem admodum Stapulensis affirmat se in antiquo quodam Græcò codice legisse) *Ioacim autem genuit Iechoniam*.

*Et fratres eius.*) Fratres eius nominat, quia etsi non ex illis propagatus est Christus, tamen omnes fere Christi regnum tenuerunt. Nam Ioachas, quem & Iohanam paullo ante vocatum fuisse diximus, tres regnavit menses. 4. Reg. 23. 30. 31. & 2. Par. 36. 1. 2. Et Mathanias, cui & Sedecia nomen fuit, regnavit vndecim. 4. Reg. 24. 17. 18. & 2. Par. 36. 11. Solus non regnavit Sellum, quia antequam regnare posset, regnum defuit. 4. Reg. 23. 7. & Iere. 52. 11. Adde quod & Sellum regnasse indicat Iere. c. 12. 11. vt in cõmentarijs eius loci a notauimus.

*In transmigratione Babylonis*) Instate transmigratione Babylonica. Nam cum Iosias genuit Ioacim & fratres eius, nondum populus Dei Babylonem migrauerat. Transmigratione facta est tertio mense regni Iechoniae filij Ioacim. 4. Reg. 24. 12. & 2. Par. 36. 10. Itaque inter natalem diem Ioacim & transmigrationem triginta sex anni & tres menses interfuerunt. Nam viginti quinque annorum erat Ioacim cum regnare cepisset, & vnde



undecim annos regnavit. 4. reg. 23. 36. & 2. Par. 36. 5. Sed totum hoc spatium vocatur tempus transmigrationis, siue quia comparatione regni breue est, siue quia regnum Iuda nondum conciderat; nutabat tamen: atque hoc apprie, ut arbitror, est ἐπὶ τῆς μετακίσεως sub transmigratione, id est paullo ante. Itaque qui hoc loco uertunt; *In exilio Babylonico*, ut fere omnes haeretici faciunt; non solum tantam nouitatis amatores; sed tanquam mali etiam interpretes reprehendendi mihi videntur. Exilium enim tempus illud significat, quo quis exulat. Itaque in exilio Babylonico Ioachim genitum esse, est genitum esse, dum Iudaei exularent; cum Euangelista non tempus exilij, sed ante exilium uoluerit designare, quod multo profecto melius nomine transmigrationis intelligitur, quod solum, ut ita dicam, transmigrationi actum significat; & apud bonos Latinitatis auctores: Liuium & Traquillum reperitur. Illum etiam etsi leue est, non tamen praetermittendum non dixisse Euangelistam ἐπὶ τῆς αἰχμαλωσίας in captiuitate, sed ἐπὶ τῆς μετακίσεως in transmigratione. Quia cum bis duae tribus, ex quibus regnum Iuda constabat, in exilium Babylonicum translatae fuerint, primum sub Iechonia. 4. Reg. 24. 12. & 2. Par. 36. 10. Deinde sub Sedecia. 4. Reg. 25. 8. & Iere. 39. 7. & 52. 4. prior proprie dicitur Hebraice חֲלִי, Graece μετακίση, Latine transmigrationis, non בָּבֶל non αἰχμαλωσία non captiuitas. Secunda uero dicitur בָּבֶל αἰχμαλωσία captiuitas, Quia in priore Iechonias cum toto populo sponte se dedit suasu Ieremiae Prophetae, & Babylonem abiit. 4. Reg. 24. 12. In posteriore uero, in qua regnum penitus deletum est: non sponte dediti Iudaei, sed ui capti Babyloni ducti sunt. 4. Reg. 25. 8. & Ierem. 39. 7. quemadmodum Ierem. 29. 1. & Ezech. 1. 1. adnotaui. Quamquam hoc discrimen non semper obseruatur. Nam Esdrae. 2. 1. utrumque coniungitur ἀπὸ τῆς αἰχμαλωσίας τῆς ἀποκίσεως, quia tamē Euangelista seruare ui-

detur uoluisse, non debuit haereticus interpretes deportationem uertere.

12. *Et post transmigrationem Babylonis*, Tempore exilij in ipsa captiuitate facta iam populi transmigratione.

Iechonias genuit Salathiel. 1. par. 3. 17. 18. Iechonia octo filij numerantur, quorum natus secundus dicitur Salathiel. Alijs quoque multis locis Salathiel Ieremiae filius appellatur. Agg. 1. 1. 2. 1. 4. & 2. 3. 24. & li. 1. Esd. 3. 2. 12. 1. Scrupulum tamen iniicit, quod legimus apud Iere. c. 22. 30. *Hæc dicit Dominus, Scribe uirum istum sterilem*, (loquitur autem de Iechonia) *Virum qui in diebus suis non prosperabitur. Nec n. erit de semine eius uir, qui sedeat super solium David, & potestatem habeat uliræ in Iuda*. Sed iam eo loco respondimus, non uocari Iechoniam sterilem, propterea quod nullos liberos habuerit, cum ex eodem Ieremiae capite uer. 28. filios habuisse constet, sed quia nemo ex eis regnavit, quod attinet ad regni successionem, perinde fuit, ac fuisset sterilis. Alius restat scrupulus, quomodo potuerit Iechonias in ipsa captiuitate filios procreare, cum in carcere uinctus fuerit. Respondeo Euilmerodach filium Nabuchodonosoris mortuo patre eduxisse e carcere Iechoniam, & regio habitu habuisse. 4. reg. 25. 27. 28. & Iere. 52. 31. trigesimo septimo anno transmigrationis, quo tempore liberos genuit qui ideo in terram, quam ignorabant, proiecti fuisset dicuntur Ierem. 22. 28. quia in ea captiui nati sunt. Nam tempore transmigrationis, etsi Iechonias uxorem habebat. 4. reg. 24. 15. tamen credibile est nondum filios habuisse. Alioqui Nabuchodonosor non Mathaniam eius patruum, sed aliquem potius ex eius filijs regem pro ipso constituisset. 4. reg. 24. 17. & 2. par. 6. 10. Hac etiam ratione fieri potuit, ut eius nepos Zorobabel filius Salathielis usque ad templi restorationem uixerit, & rediens ab exilio princeps fuerit. 1. Esdrae. 3. 2. & 5. 2. & lib. 2. 12. 1. Ita omnis benè constat historia.

16. *Iacob autem genuit Ioseph uirum Mariæ.*

B 3 In

Beza in  
Matth. ann.  
1559.



Cur ad Iosephum genealogia deducatur.

In hunc locum totam de Christi genealogia disputationem, & quæ de concordia Iduorum Euangelistarum Matthæi & Lucæ dici solent, reseruauimus. Cuius summa nos difficultas, si paullo longiores fuerimus, excusabit. Hoc enim consilio solemus res faciles aut præterire, aut leuiter attingere, ut liceat nobis in difficilibus esse longiores. Premebant olim hoc loco Christianos non tantum Iudæi, verum etiam gentiles, qui aliquam sacrarum litterarum cognitionem delibauerant, Celsus apud Origenem lib. 2. Iulianus Augustus apud Cyrillum Alex. lib. aduersus illum 8. Prima quæstio, quæ sese statim lectori offert, est illa, quæ ab illis Ecclesiæ hostibus obijciebatur. Si Christus non fuit filius Ioseph, (ut re uera non fuit) quid attinet ad illum Iosephi genealogia iam inde ab Abrahamo & Dauid deducta? non enim Ioseph, sed Christi genealogia quærebatur. Omnes ueteres theologi vno ore respondent Ioseph & Mariam Christi matrem eiusdem fuisse tribus atque familiaritque dum Euangelistæ Matthæus & Lucas Ioseph genealogiam recensent, Mariæ quoque ac proinde Christi recensent. Ita Iren. lib. 3. ca. 18. Tertul. libro contra Iudæos; Athanas. in epist. ad Epictetum aduersus hæreticos, Ambr. lib. 2. de poenit. cap. 8. & lib. 3. comment. in Lucam, August. in qq. in lib. Iud. q. 47. & in qq. ex nouo test. q. 86. & lib. 2. 3. contra Faustum. ca. 3. & 4. Hieron. hoc loco, Greg. Nyss. in oratione de sancta Christi natiuitate, Iuuenius poeta, Eucherius in qq. in nouum test. Damas. 4. lib. de fide c. 15. Id aduersarij Iudæi, Iulianus, Celsus, Porphyrius, Faustus negabant, rationemque afferebant, quod Mariæ Dei matrem ex tribu Leui fuisse constet. Erat enim cognata Elisabeth uxor Zachariæ, Lucæ. 1. 36. quæ erat ex filiabus Aaron. Luc. 1. 5. non ergo erat ex tribu Iudæ, multoque minus ex familia Dauidis, ex qua erat Ioseph.

B. Maria ex tribu Dauid.

Nostri contra certissimis testimonijs B. Mariam Christi matrem ex familia Dauidis, exque tribu Iudæ esse de-

monstrabant. Ipse enim Euangelistæ Matthæus, qui cap. 1. 18. 20. docet Mariam non ex Ioseph, sed ex Spiritu sancto Christum concepisse, uer. 25. Ioseph eam non cognouisse, uer. 1. uocat eum filium Dauidis; *Liber generationis Iesu Christi, filij Dauid*, non poterat autem filius esse Dauidis, nisi per matrem, cum patrem hominem non haberet; erat ergo mater ex domo Dauid. Præterea Lucas. c. 1. uer. 35. dicit Christum ex uirgine Maria sine viro ex Spiritu sancto conceptum, & cap. 3. 23. putatum fuisse, id est non fuisse filium Ioseph, uersu uero. 32. eiusdem. cap. dicit idem angelus, *Et dabit illi Dominus sedem Dauid patris sui*. Et uer. 69. Zacharias canit, *Et erexit cornu salutis nobis in domo Dauid pueri sui*. Et ca. 2. 4. scribit Ioseph & Mariam ascendisse ex Galilæa in Iudæam in ciuitatem Dauid, quæ uocatur Bethlehæm, ut ibi describerentur, quod essent ex familia Dauid. In cæteris uero libris noui testamenti passim non a turba populari, sed ab Apostolis dicitur filius esse Dauidis. Rom. 1. 3. 2. Tim. 2. 8. Apoc. 22. 16. Quo ergo modo Maria cognata erat Elisabeth: ex filiabus Aaron? recte responder August. q. 47. in lib. Iud. aliquem ex tribu Iudæ & familia Dauidis, aliquam ex tribu Leui uxorem duxisse, unde B. Virgo Maria originem traxerit. Nam ne illi quidem ipsi, qui B. Virginem non ex tribu Dauid, sed ex tribu Leui fuisse dicunt, negare possunt illam nupsisse Ioseph, quem ex tribu Dauid fuisse non negant. Quo autem modo fieri potuerit, ut inter diuersas tribus coniugia miscerentur, paullo post dicam. Hactenus constet Euangelistas, dum Ioseph genealogiam narrant, etiam Mariæ genealogiam recensere.

Itaque restat secunda quæstio, cur non potius ad Mariam, quàm ad Ioseph genealogiam deduxerint, cum id fuisset nihilo difficilius, & ad genus Christi intelligendum multo clarius. Qui respondent, Euangelistas multorum opinioni seruire uoluisse, qui ut ait Lucas. c. 3. 2. Christum filium Ioseph esse arbitrabantur, & iniuriam Euange-

Cur non ad Mariam potius quàm ad Ioseph genealogia deducta.



Euangelistae faciunt, & nō vident non debuisse eum ista ratione de Spiritu sancto non ex Ioseph conceptum dicere. ver. 18. 20. 25. Veteres ergo illi cuius rei duas rationes reddiderunt. Alteram, quod non fuerit Hebræorum consuetudo genealogias per mulieres ducere. Quod ut est certum, ita ad soluendam quæstionem non satis est. Poterat enim genealogia vsque ad Mariam per viros de more duci: Maria vero sola, quia præter consuetudinem ex Spiritu sancto conceperat, præter consuetudinem numerari. Itaque hanc rationem, quæ sola non sufficiebat, altera ratione corroborabant, legē fuisse Num. 36. 6. 7. ut ex sua quisque tribu uxorem duceret, ne hereditates ab una tribu in aliam auerterentur, quam legem à Ioseph, cum vir esset iustus, fuisse seruata. Sic Hiero. Ambr. Augu. Eucherius, Damasc. ijs locis, quos supra designauimus. Iudæi tamen, & qui hoc tempore, quo maxime incredulitas regnat, ingenij magnitudinem incredulitate merentur, in hac ratione non acquiescunt. Eam enim legem ne à iustissimis quidem huminibus seruatam fuisse. Nam parentes Mariæ sanctissimæ Christi matris iusti erant, tamen cum ipsi essent ex tribu Iuda, cum tribu Leui conubia iunxerunt, & Iud. 21. 1. vndecim tribus iurant se tribui Benjamin filias suas nuptui non daturas propter insigne facinus, quasi & tunc inter se, & antea illi publicè alij darent. Iustus etiam erat Dauid, tamen cum ipse ex tribu esset Iuda, & Saul ex tribu Benjamin. 1. Reg. 9. 1. Michol filiam eius duxit. 1. Reg. 18. 27. Iustus Ioiada sacerdos ex tribu Leui, filiam tamen Ioram regis ex tribu Iuda in matrimonium accepit. 2. Paral. 22. 11. Adde quod ea lex non intelligebatur, nisi de mulieribus, quæ cum fratres non haberent, in hereditatem succedebant, ut Ambr. etiam interpretatur lib. 3. in Luc. runc enim non licebat illis alterius tribus viro nubere, ne paterna hereditas in aliam tribum traduceretur. Hac enim ratio redditur legis. Quare non satis

est legem allegare, & Ioseph ac Mariæ parentes probare iustos, sed necessarium præterea est docere Mariam Virginem heredem fuisse, ut non potuerit extra tribum suam nubere. Quod ex sacris quidem litteris non constat: si constaret, tamen non satis esset, ut ea in qua versamur, quæstio solueretur. Quid enim? sit B. Mariæ ex eadem tribu; an propterea sequitur ex eadem esse familia? quod tamen video multos interpretes non animaduertere. Itaque respōdeo, legem illam eiusque interpretationem veram esse, ideoque coniugia illa, quæ proferuntur ab aduersarijs, inter diuersas tribus fuisse copulata, quod in illis ratio legis locum non haberet, sed adeo notum vulgo fuisse Ioseph & Mariam non ex eadem modo tribu, sed ex eadem prorsus esse familia, ut Euangelistæ non dixerint. Illud etiam addo, existimare me B. Virginem Ioseph, tanquam maxime omnium propinquo, non solum sponte, verum etiam necessitate legis traditam fuisse. Credo enim legem illa Num. 36. 6. 7. non solum de eadem tribu, sed etiam de eadem familia intelligi debere; ut, cum mulier aliqua paternæ hereditatis sola hæres esset, non posset nisi eiusdem familiae viro, & quidem propinquissimo nubere. Adducor autem ratione legis; quæ propterea prohibebat extra propriam tribum nubere, ne hereditates, quæ Dei arbitrio inter eas tribus æqualiter fuerant distributæ, Ios. 18. perturbarentur. At eadem ratio in singulis familijs locum habebat, quæ in eadem quoque tribu æquales terræ portiones acceperant. Hoc enim est, quod tam sæpe dicitur Ios. 19. per cognationes suas. Certe Hilcan. in Matt. 1. Mariam ex lege Ioseph nupsisse affirmat, & Eucher. 9. 2. in Matth. & Theophyl. & Euthym. in comment. legem non de eadem tantum familia interpretantur. Sed quid opus est coniecturis, aut testibus, cum scriptura ipsa virumque doceat? Sic enim est Hebraicè תורה וכל בת ישראעל לאחד משפחת חת משה אביו איש נחלת אבותיו נחלה משפחות בני ישראל



וְיִשְׂרָאֵל *Omnis familia heredis ex tribus filiorum Israel, vni ex familia tribus patris sui erit in uxorem, vt possideant filij Israel vnusquisque hereditatem patrum suorum.* Nullos enim eam fratres habuisse, nō ex traditione tantum; sed ex sacris etiam litteris manifestum est, quæ eius, si quos habuisset, fratres non tacerent. Hec igitur omnia fecerunt, vt Evangelistæ contenti fuerint Ioseph genealogiam demonstrasse, quam certum ac notum erat eadem esse Mariæ. Atque in hac re Matthæus Lucasque consentiunt. Veniamus nunc ad ea, in quibus videntur dissentire. Quæ multa sunt. Primum, quod Matthæus Ioseph filiū Iacob, Lucas Heli fuisse dicat. Secundū, qd̄ a Ioseph vsq; ad Zorobabel Lucas diuersos prorsus Christi parentes numerat atque Matthæus. Tertiū, qd̄ Matthæus a Ioseph vsque ad Zorobabel non numerat, nisi nouē, Lucas vero duodeciginti. Quartum, qd̄ Matthæus dicat Salathiele filium fuisse Iechoniæ; Lucas Neri. Quintum qd̄ a Salathiele vsque ad Dauid alios rursus Lucas, quā Matthæus recēseat: & Matthæus per Salomouem, Lucas per Nathā ad Dauidem perueniat. Sextū, qd̄ Matthæus consistat in Abrahā; Lucas ad Adam & ad Deum vsque perueniat. Octauum, quod Matthæus a parentibus ad filios descendendo: Lucas a filiis ad parentes ascendendo progrediatur. Quod ad primum discrimen attingit, Augusti. libr. 2. qq. Euang. q. 5. & libr. 2. de consensu Euang. c. 2. & 3. tribus modis responderi putat posse: primo, Heli apud Lucam patrem dici Ioseph, non quod pater, sed quod socer esset, paterque B. Virginis, idem qui Ioachim alio nomine vocari soleat: Iacob autem, quod verè pater esset. Que responsio nec Augustino displicet, & nonnullis alijs valde placuit, vt auctori libelli de ortu B. Virginis falsò inscripti Hieronymo, & recentioribus ualde multis. Mihi quoque placeret, nisi uiderem Evangelistas uerum Iosephi genus describere uoluisset. Illam subtilitatem probare non queo, quia uir quidam ætatis nostræ fa-

nè perquam eruditus scribit, cum Lucas dicit de Christo: *Filius; vt putabatur Ioseph, qui fuit Heli: relatiuum, qui, non ad Ioseph, sed ad Christum referendum: ut sit sensus, qui Christus fuit filius, idest nepos Heli.* Quod si verum esset, nullus questioni locus relinqueretur: sed quis nō uidet esse coactum. Secunda igitur Augustini responsio est, Ioseph unius quidem natura, alterius autem adoptione filium fuisse, quemadmodum Ephraim & Manasses cum natura filij essent Ioseph illius patriarche: adoptione tamen filij fuerunt Iacob, ideoque suam quisque tribum, sicut ceteri eius filij effecerunt. Gen. 48. 56. Probabile hoc est, proque uero teneri potest, si aliud repertum non esset probabilius. Tertia est, Ioseph filium fuisse alterius naturalē: alterius legalem: Iacob. n. & Heli fuisse fratres, quorum alter ducta uxore sine liberis decessisset: alter, ut lex iubebar, Deut. 25. 5. ex ducta uidua Iosephum suscepit: qui propterea nunc illius, qui uerè ipsum genuit: nunc illius, ex cuius uxore genitus est, filius appellatur. Hæc interpretatio ab ipsis, ut ait Africanus, Christi cognatis accepta, & ab eodem Africano in epistola ad Aristidem exposita summo ab omni antiquitate consensu probata est, à Iustino. q. ad orthodox. 66. ab Eusebio libr. 1. hist. Ecclesiast. c. 7. ab Hieronymo in commenta. in hunc locum, ab Ambr. libr. 3. in Lucam, ab Eucher. q. 3. in Matthæum, à Damasceno libr. 4. de fide. c. 15. à Beda in Lucam. ca. 10. à Theophylacto in Lucam capitu. 3. quo magis mirum est uni non fuisse probatam Augustino libr. 2. qq. Euang. q. 5. Quanquam is ipse eam quoque sub finem uite doctior probauerit libr. 2. retract. c. 7. Nemoque de ea postea dubitauerit, donec Evangelistæ nostri inuenerunt, qui omnia, quæ in Euangelio essent, quasi altioris ingenii homines in dubium reuocarent. Eorum enim quidam hanc totius antiquitatis opinionem somniū, delirium, monstrum appellat. Iegem enim illam non nisi de fratribus eodem patre natis, simulque habi-

tanti



tantibus intelligendam; Jacob autem & Heli diuersos constat patres habuisse; Jacob enim patrem habuit Mathā, Matthæi 1.15. Heli verò Nathar Luc. 3.24. Non solere legales filios legalium parentum, sed naturalium filios appellari, debuisse, qui ea lege ex fratre natus esset, demortui fratris nomen gerere. At nos scripturæ credimus, quæ & verbis, & exemplis docet legales filios legalium parentum nomine censeri. Quid enim Deuteronomij lege clarius? *Quando habitauerint fratres simul, & vnus ex eis absque liberis mortuus fuerit, vxor defuncti non nubet alteri; sed accipiet eam frater eius, & suscitabit semen fratri suo, & primogenitum ex ea filium nomine illius appellabit, vt non deleatur nomen eius ex Israël.* Quid illo manifestius exemplo Gen. 38.9. *Onan autem sciens non nasci sibi filios inuolens ad vxorem fratris sui semen fundebat in terram, ne liberi fratris nomine nascerentur.* Quid quod ipsi quoque Saducei septē, id est quotquot essent fratres eandem vxorem ducere debere intelligebant, quoad primogenito liberos procrearent? Matth. 22.22. Quid quod Booz non frater, sed cognatus, diues & senex, nec simul habitans, tamen vt legem seruet, Ruth mulierem alienigenam, & pœnē mendicam uxorem ducit? Ruth 4.10. & qui inde natus est filius non Booz, non Ruth, sed Noemi matri defunctæ is natus esse dicitur? Ex quo vno exemplo intelligimus, neque necessarium fuisse, vt fratres eodē patre nati essent, nec ut omnino proprieque fratres essent: sed fratrum nomen ad cognatos omnes extendi, qui ad defuncti hæreditatem ius aliquod haberent: quam adire nisi eius uxore ducta non poterant. Ruth 4.5. Intelligimus etiam non fuisse necessarium, vt simul, id est in eadem domo, aut eodem etiam oppido habitarent; primus enim maritus Ruth lōge a patria uxorem duxerat, ac mortuus erat: sed ut hæreditates ad eandem familiam pertinerent: non debuisse natum filium legalis patris nomen gerere, quod Augustinum aliquando fecellit; nec enim fi-

lius Ruth Cheliō ut legalis, nec Booz vt naturalis pater: sed Obed, vt neuter appellatus est: sed iubetur frater primogenitum filium demortui fratris nomine nuncupare, id est non suum, sed fratris sui censere filium: quod tandem animaduertit Augustinus in lib. questionum in Deuteronom. q. 46. & lib. 2. retract. cap. 7. Quisquis ergo tot tantorumque auctorum non contentus sententia aliam querit, videat ne peiorem inueniat. Nos quidem in ea penitus cōquiescimus. Quæri autem solet vter nam Jacob an Heli Iosephi fuerit naturalis pater. Nonnulli Heli naturalē, Jacob legalem patrem fuisse dicunt, vt inter veteres Ambrosius, & alij, quorū Aug. meminit. in qq. nou. test. q. 56. inter posteriores multi: sed maiorem partem hæretici, qui a via regia libenter defleunt. Omnes alij ijs locis, quos paullo ante demonstrauimus, Iacobū naturalem, Heli legalem patrem fuisse putant. Nathan enim qui apud Matthæū pater Jacob, & Matthar, qui apud Lucam pater Heli fuisse dicitur, eandē vxorem habuisse, quam uno mortuo viduam, aut ab eo adhuc viuente repudiata alter duxerit: ex qua Nathan Iacob, Matthar Heli suscepit. Itaque Iacob & Heli fratres eadem matre (quā Hestam vocatam tradunt) non eodem patre natos fuisse; Heli ducta uxore sine liberis mortuum, Iacob ex lege ex vidua Iosephum genuisse. Quam ego sententiam, & quia plures, & putameliore auctores habet, & quia firmitioribus rationibus nititur, longē probabiliorē duco. Manifestū enim est uoluisse Matthæum facta statim in exordio mentione Dauidis continuationem regij generis vsque ad Christum demonstrare. Quod multo melius probabitur, si Iacob naturalis, quā si legalis pater sit. Deinde, quia vt Africanus, & Augustinus adnotauerunt, Matthæus de industria gignendi uerbo vsus: Lucas de industria videtur abstinnisse. Quod etsi necessarium non est argumentum, probabile tamen est; quia Matthæus prior scripsit, neget li-  
Beza in an-  
cet hæreticus interpret; & credibile est, not,  
qui prior scripserit, naturalem patrem;



rem, qui vero posterior legalem naturali iam nominato nominare voluisse.

Secundi autem inter duos Euangelistas discriminis tres rationes afferri solent. Nam alij propterea Lucam à Ioseph usque ad Zorobabel diuersos quam Matthæum Christi parentes nominasse videri putant, quod binomij fuerint: & unum Matthæus nomen: Lucas alterum expiesset: quod & Philonis auctoritate confirmant. Ego, ut non negauerim multos fuisse binomios, ita omnes fuisse ægrè, repugnanteque iudicio concesserim: quod tamen concedat necesse est, quisquis Euangelistas vult ista ratione conciliare, cum non pauci aliquot, omnes diuersi nominentur. Alij respondet ideo diuersos à diuersis Euangelistis recenseri: quod Matthæus regale Christi genus, Lucas sacerdotale narret. Sic existimat Augustinus libro 83. qq. quæst. 61. & libro primo, de consensu Euangelistarum capitulo secundo, & Ambrosio libro tertio in Lucam, & Iulianus Pomerius libro aduersus Iudæos 3. multique hodie. Quorum mihi sententia ideo non probatur, quia non constat Christum ex tribu Leui sacerdotis aliquid generis habuisse, quin uiri nonnulli insigniter docti atque Catholici id nostro tempore præcisè negauerunt: quod D. etià Paulus toto septimo capite epistolæ ad Hebræos negare uideatur. Quod autem dicitur Luc. 1. 36. B. Virginem cognatam fuisse Elisabethæ, quæ erat ex genere Aaron uer. 5. facile probabiliterque interpretantur patrem aut auum aliquem Elisabethæ sacerdotem ex tribu Leui uxorem aliquando duxisse ex tribu Iuda, & familia Dauid, ex quo cōiugio nata fuerit Elisabetha cognata B. Virgini ea ex parte, qua ex familia Dauid: non ea, qua ex tribu Leui genus ducebat, & quidem Ambrosius non alia ratione Elisabetham Mariæ cognatam fuisse interpretatur lib. 3. in Luc. quam quod ex tribu Iuda utraque esset. Deinde quia ex omnibus iis, quos Lucas parentes enumerat, neminem sacerdotem fuisse legimus. Quod si sa-

Elisabetha  
quo modo  
cognata B.  
Virginis.

cerdotale genus recenserebat: sacerdotes in primis debuit nominare. Alij ergo propterea diuersos parentes numerari putant, quod unus Euangelista naturalem, alter legalem Christi originem, enarret. Quorum etsi genere una uidetur esse sententia, specie tamen & explicatione est tripartita. Nam ex illis alij dicunt, Matthæum naturalem, Lucam legalem originem exponere, quod ille eam per Salomonem naturalem Dauidis filium: hic per Nathan adoptiuum ducat. Quam opinionem unde I. yranus hauserit non intelligo. Nam scriptura Nathan non legalem, sed maxime naturalem filium Dauidis facit. 2. Reg. 5. 14. & 1. Par. 3. 5. Nec monerem Nathan illum, cuius Lucas mentionem facit, non illum fuisse Prophetam, a quo Dauid ob patrum adulterium, & homicidium correptus est. 2. Reg. 12. 2. nisi scirem ita locutum aliquando Augustinum l. 83. qq. quæstio. 59. & l. 2. de consens. Euangel. cap. 4. ut eundem hominem fuisse colligere ex eo quis possit: quod tamē alio loco idem admonuit, nempe l. 1. Retract. cap. 26. & l. 2. cap. 16. Alij contra Lucam naturales, Matthæum legales patres numerare putant, ideoque pauciores apud Matthæum esse, quam apud Lucam, quod legale pauciores semper, quam naturales esse soleant. Legales autem parentes, quos Matthæus commemorat, dici uolūt, quod successio Salomonis in Ochozia rege defecerit 4. Reg. 9. 27. Ioas enim, qui post eum regnauit 4. Regum 11. 12. & 2. Paralip. 23. 11. quamuis filius dicatur Ochoziæ, non fuisse tamen eius filium, uerum quia ex genere Dauid per Nathan originem trahebat, & Ochoziam proximo attingebat gradu, eius uocari filium: In Hebræorum commentariis memoriæ proditum esse Dauidem, quasi testamentum, constituisse, ut si quando Salomonis soboles extingueretur: ad posteros Nathan regnum deuolueretur. Ita hæreticorum sentit magister absurdamque sententiam absurdioribus probat argumentis: Probabile esse, Athaliam mulierem dominandi cupidam

Calvinus in  
Harmonia.



pidam ideo regno Iudæ occupasse, ne in ordinem redacta in alienam domum translata uideret, quod si Ioas filius fuisset Ochoziæ, id est nepos Athalia, libenter eam eo prætextu vsuram fuisse, ut regnum nepotis nomine gubernaret. *Ecquis* (inquit) *mediocri iudicio prædictus credat naturalē regis filium potuisse à sacerdote Ioia da abscondi, ut non magis sollicitè eū auia quæreret?* Hæc, ut dixi, sententia non solum, quia minimè bonos habet auctores, uerum multò magis quia facris litteris repugnat, absurda mihi semper uisa est. Si enim Ioas semel tantum filius regis appellaretur, possemus interpretari filium regis appellari, quòd ex regio Dauidis genere originem duceret; ac ius haberet ad regnum: nunc autem cum tam sepe non regis, sed ipsius Ochoziæ appellatur. 4. Reg. 11. 2. & 13. 1. & 14. 13. & 2. Par. 22. 11. quis non credat filium fuisse Ochoziæ, nisi Caluinus? Quid quod 1. Par. 3. 11. ubi posteri Dauidis per Salomonem recensentur, Ioram genuisse dicitur Ochoziā, ex quo ortus est Ioas? Quod ergo dicit *Athalia dominacionis cupidam propterea heredes regni extinxisse, ne in ordinem redacta regnum in alienam domum translata uideret*, falsum omnino est. Tanta enim ambitionis, & credulitatis eam fuisse scriptura significat, ut proprios Ochoziæ filios, id est nepotes suos trucidauerit, non ne in ordinem redigeretur, sed ut regnaret. Nec enim nepotis nomine contenta fuit ambiciosa mulier Iezabelis filia regnum administrare, sed suo ipsa nomine regnare uoluit. *At quis credat regis filium à sacerdote Ioia da occultari potuisse?* Respondeo, quis credat heredem regni, cum Athalia omne semen regiū deleuerit, occultari potuisse? Nam scriptura certè Ioam eiusdem generis & gradus facit cū ceteris, qui occisi sunt. 4. Reg. 11. 1. & 2. Par. 22. 10. *Tollens aut Ioab filia regis Ioram soror Ochoziæ Ioas filium Ochoziæ furata est eum de medio filiorum regis, qui interficiebantur, & nutricem eius de triclinio, & abscondit eum à facie Athaliae, ne interfice-*

*retur.* Fingamus eos, qui occisi sunt, non Ochoziæ filios, sed tamen heredes regni. Quomodo eos Athalia occidit: Ioas uero, qui eodem erat gradu, non occidit, nisi quia aut falso rumore nuntio cum aliis occisum putauit, aut quia quantumuis magna quærens diligentia inuenire non potuit? Quis credat infantem Moysen crudelissimi Pharaonis edictum matris occultatione effugere potuisse? At Moyses priuatus erat. Quis credat Christum regni heredem, & futurum Magorum prædictione regem Herode retinendi regni causa omnes infantes trucidante latere potuisse? At id diuina factū est prouidentia. Quasi uero Dauidis regnū sine diuina prouidentia, ac non potius Dei fide & ueluti tutela conseruatum sit. 3. Reg. 11. 12. & 13. 30. 34. & 13. 4. & 4. Reg. 8. 19. & 18. 34. & 20. 6. Sed isti, ut opinor profanis scriptoribus Remum & Romulum primos Romani imperii conditores, & Cyrum Persarum atq. Medorum futuram regem latuisse usq. ad multam ætatem affirmantibus credunt: scripturæ uero filium regis latuisse dicenti non credunt. Reliqua igitur est tertia sententia, quæ mihi maximè probatur: Matthæum naturales: Iucam legales patres recensere non quod omnes, quos Lucas commemorat, legales sint. Id enim absurdū profecto mihi uidetur, sed quod Matthæus Iacob, qui naturalis: Lucas Heli, qui legalis Iosephi pater erat, maiores numeret.

Tertium inter Euangelistas discrimen variè etiam à diuersis aucteribus explicatur. Illi quos paullo ante refutauimus facile respondent, ideo pauciores à Matthæo, plures à Iuca progenitores Christi numerari, quod Iucas naturales, Matthæus legales numeret, qui pauciores quàm naturales esse soleant. Sed hæc solutio quamuis facilis sit, quia falsò nititur fundamento stare nō pōt. Multo melius Amb. li. 3. com. in Lucā, & Aug. li. 1. q. in Gen. q. 121. credibile esse eos, quos Matthæus quàm eos, quos Lucas enumerat, longioris fuisse uitæ. Præterquā qd̄ Matth.



th. tres reges ver. 8. consilio permittit.

Quartum discrimen à paucis admodum interpretibus attingitur. Eorum uerò, qui attingunt, ut Lyrani, communis interpretandi ratio est; Salathielem lechoniam natura: Neri uero adoptione fuisse filium. Malim credere lechoniam, quamuis scriptura non declaret, filiam Neri, qui ex Dauide per Nathan genus ducebat, uxorem habuisse, ex qua Salathielem procreauerit, qui lechoniam propriè filius, quia ab eo genitus, Neri uero minus propriè, quia filia eius erat, filius appellatur, quemadmodum ver. 8. Athaliah docuimus filiam Amri, quia neptis eius erat, appellari: Lucas ergo cum Matthæum uidisset Christi originem à Dauide per Salomonem ductam diligenter explicasse, uoluit eiusdem originem per Nathan ipse deducere, ut probaret modis omnibus filium esse Dauidis, utrumque regni eius successorem. Cum autem uenisset ad Salathiel, qui materno tantum genere ex Nathan ortum trahebat, noluit eius matrem propter scripturarum consuetudinem, de qua paullo supra diximus, sed eius auum patris loco numerare. Ad quintum discrimen eodem modo, quo ad secundum. Ad sextum uero eodem, quo ad tertium responderi debet. Cur autem Matthæus consistat in Abraham, Lucas autem usque ad Adamum, Deumque progrediatur: quod erat septimum, aliqui respondent uoluisse Lucam ostendere Christum non alium habuisse patrem, nisi Deum, ideoque ad Deum usque peruenisse. Matthæum uerò rationem habuisse promissionum, quæ Dauidi & Abrahamo factæ fuerant, ut diximus ver. 1. Ambros. lib. 1. in Lucam, & Theophylact. in hunc locum. Aliæ præterea tres mihi occurrunt causæ. Prima, uoluisse Lucam in scribenda historia diligentiam simul & fidem suam probare. Nam & diligentia fuit singularis Christi originem ab ipsa mundi origine deducere, & ea ipsa diligentia fidem auget historiae. Secunda, respexisse primam promissionem de uenturo Christo factam.

*Ipsæ conerit caput tuum.* Ge. 3. 15. uoluisseque ad Adamum peruenire, qui primam causam aduentus Christi peccando præbuerat, quique antithesi quadam Christo respondebat. *Primus enim homo de terra terrenus, secundus homo de celo celestis.* 1. Cor. 15. 47. & ut ait Epiphanius hæres. 51. ut ostenderet, quem Christus nascendo perditum quærebat. Nescio an modum etiam generationis utriusque respexerit, ut non malis placet auctoribus. Adam enim ex uirgine formatus terra, Christus ex uirgine Maria, solum uterq. Deum patrem habuit. Tertia, uoluisse Christi aduentum non ad causas naturales, sed ad æternam Dei prædestinationem reuocare.

Hoc est, *Qui fuit Dei.* Prædestinatus enim ab omni æternitate erat filius Dei Rom. 1. 4. & ab origine mundi agnus occidebatur Apocal. 13. 8. In octauo discrimine non existimo magnopere esse laborandum, ut alias quæramus causas, cum sciamus consuetudinem esse Hebræorum, ut in recensendis huiusmodi genealogiis ab eo incipiant, quod postremum in ore fuit. Exempli sunt multa, sed vnum caput quintum lib. 1. Paral. v. triusque generis exemplum suppeditabit. Matthæus ergo cum Abraham obeas causas, quas ver. 1. exposuimus ultimo loco nominasset, ab eo usque ad Christum processit. Lucas uero cum dixisset, *Ipsæ Iesus erat incipiens quasi annorum triginta*, ab eo exorsus: *Filius, ut putabatur Ioseph, qui fuit Heli, &c.* usque ad Deum ascendendo progressus est.

17. *Omnes itaque generationes.* Duo sunt hoc loco explicanda, ut mens Euangelistæ intelligatur. Alterum, cur diuiserit omnes generationes in tres tessaradecades. Alterum, cur id admonuerit, cum cuius lector facile posset animaduertere numerando. Diuisionis una ab omnibus, deinde alia ab aliis causæ afferuntur. Ab omnibus illa, quod uoluerit Matthæus triplicem populi statum, sub iudicibus, sub regibus, sub ducibus, & facer-

do.



deus designare, simplex & minime  
 quesita ratio, eoque probabilior, quod  
 tam diuersa in eam incurrerint inge-  
 nia. Sed alia contemnenda non sunt,  
 quas diuersas diuersi auctores reperi-  
 runt. Augustinus mysterium esse pu-  
 tat, quo totum vite nostre tempus  
 quadragenario numero significatur.  
 Nam si Christus non numeretur: &  
 Iechonias (quoniam his eundem nume-  
 rari putat) semel tantum numeretur,  
 quadraginta persona reperientur.  
 Vero aliquanto similis Origenes ho-  
 milia 27. in Numer. & Hieronymus  
 in epistola ad Fabiolam has quadra-  
 ginta duas generationes quadraginta  
 duabus mansionibus, quibus filij Is-  
 rael ex Aegypto usque ad terram pro-  
 missionis perueniunt, respondere.  
 Totidem enim generationibus, quasi  
 gradibus filij Abraham usque ad Chri-  
 stum promissum salutis portum per-  
 uenerunt. Proximè autem ad simili-  
 tudinem veritatis mihi videtur Chry-  
 sostomus accedere homilia in Mat-  
 theum 4. Euangelistam significare  
 voluisse Deum, antequam filium  
 suum mitteret, omnes tentasse vias,  
 ut populum suum per homines gu-  
 bernaret, & in officio contineret;  
 per iudices, per reges, per duces,  
 & sacerdotes; cumque nihil profecis-  
 set, misisse filium suum. Conuenit  
 Euangelica parabola Matth. 21. 33.  
 & Luc. 20. 9. ubi Dominus ille vineæ  
 triplices ad repetendum fructum mi-  
 sit seruos, qui cum nihil effecissent,  
 misit ad extremum filium suum. Non  
 amo in sacris litteris philosophari, col-  
 ligo tamē si quid ex philosophia spo-  
 re cadat. Medici quatuordecimum  
 diem, citicum vocant, & omnium in  
 morbis periculosissimum esse dicunt.  
 Videtur igitur Deus congruenter na-  
 tura decimoquarto quoque seculo po-  
 puli sui statum mutare voluisse, ut  
 una Republ. quodammodo mortua,  
 alia nasceretur melior. Cui autem  
 Euangelista generationum summam  
 expresserit, duas potissimum causas  
 fuisse arbitror; Alteram, ut intelli-  
 gemus aliquid in ea re subesse myste-  
 rij, nec inconsiderantes prætereire-

mus; Alteram, ne quis existimaret  
 se errore, aut obliuione tres illos re-  
 ges vers. 8. prætermisisse. Voluit  
 quoque fortasse cauere, ne quis pos-  
 set generationis Christi seriem aut  
 minuendo, aut augendo numero cor-  
 rumperet.

18. *Christi autem generatio sic erat.*  
 In multis Græcis codicibus *in 500* *χρ*  
 500 Iesu Christi. Sed neque noster in-  
 terpres legit nomen Iesu, neque Græ-  
 ci auctores Chrysostomus & Theo-  
 phylactus, quamuis Euthymius legat.  
 Læctionem autem nostri interpretis  
 magis probo; & quia antiquior est, &  
 quia, ut quidam ante me notauit, pro-  
 ximè præcesserat, *A transmigratione*  
*Babylonis, usque ad Christum generatio-*  
*nes quatuordecim*; & est vero similis  
 Euangelistam nomen Christi in pro-  
 ximo repetiuisse. *Christi autem genera-*  
*tio*. Quidam verò natiuitatem, quam  
 generationem reddere maluerunt, quod  
 generationis nomen non ad partum,  
 sed ad conceptum pertinere videatur,  
 quibus ego minime assentior. Manife-  
 stum enim est voluisse Euangelistam  
 eandem rem, quā noster interpres ge-  
 nerationē uocat, tribus nominibus ab  
 eadem origine paululū deflexis appel-  
 lare *γενεσιν* ver. 1. *γενεσιν* ver. 17. &  
*γενεσιν* in hoc loco. Itaque cum isti ipsi  
 verterint. ver. 1. *Liber generationis Iesu*  
*Christi*, & ver. 17. *ab Abraham usque ad*  
*Dauid generationes quatuordecim*, &c.  
 similiter hoc loco vertere debebant,  
*Christi autem generatio sic erat*. Præter-  
 quam quod hoc loco nō solum de partu,  
 sed multò magis etiam de cōceptu agi-  
 tur, de quo potius quā de partu po-  
 terat dubitari. *οὗτος δὲ* præteritum  
 imperfectum pro perfecto ex linguae  
 proprietate, quod & Latine accidit ali-  
 quando; *adhuc modum se habuit*. Quā-  
 remigius existimauit posse hæc ver-  
 ba ad præcedentia pertinere, quasi sen-  
 sus sit, Hactenus autem de Christi ge-  
 neratione, prorsus alienum puto. Cur  
 autem hoc addiderit Euangelista, con-  
 iectura est facilis; Quia generationem  
 Christi cum aliorum generationibus  
 connumerauerat: ne quis existimaret  
 eodem modo, atque alios, genitum  
 fuisse,



fuisse, modum, quo genitus est, singularem explicauit. *Sic erat*, id est non sicut aliorum generationes, *sed cum esset desponsata mater eius*. Eodem pertinet, quod matrem eius uocat, significans patrem non habuisse, eadem prorsus cautione, qua dixerat ver. 16. *Iacob autem genuit Ioseph virum Mariae, de qua natus est Iesus, qui uocatur Christus*.

B. Virgo an  
vera uxor  
Ioseph,

Cum esset desponsata.) *μνησευθείσας* γὰρ, noster interpres non legit γὰρ causalem particulam, nec ego legendam arbitror, quod sensum non iuuat, & impediatur. Nonnulli haerentes in proprietate uerbi *μνησευθείσας* existimant Beatam Virginem cum Christo concepit, nondum fuisse nuptam, sed desponsam. Eodem enim modo differre apud Graecos *μνησευθείσας*, & *γαμήν*, quo apud Latinos desponderi, & nubere. Itaque nondum illa Iosephum domum duxisset; Atque hoc esse, quod paullo post uer. 20. dicitur, *Noli timere accipere Mariam coniugem tuam*, quasi nondum accepisset, id est duxisset; in qua sententia magnos etiam auctores Origenem hom. 1. in diuersos Euangelistas, Hilarium hoc loco, Basilium in homil. de humana Christi generatione, & Epiphanium haer. 78. fuisse uideō. Sed pluribus auctoribus Chrysostomo homil. 4. in Mattheum, Auctori operis imperfecti homil. 1. Ambrosio lib. 2. in Lucam, Theophylacto in commentarijs, & omnibus fere Theologis subscribo, verē iam tum fuisse nuptam. Praecipua enim causa, cur Spiritus sanctus uoluerit Christum ex nupta nasci, haec ab omnibus fuisse creditur, ut virginis honori consuleretur; atqui non est consultum, si desponsata tantum, nondum nupta concepit, & ver. 19. Ioseph uocatur ἀνὴρ αὐτῆς uir eius, non νυμφίος sponsus, & ver. 20. uocatur γυναῖς uxor Ioseph, *Noli timere accipere Mariam coniugem tuam*.

Beza in an-  
not.

Nam quod haereticus interpres exponit εἰς τὸ εἶναι γυναῖκα σου ut sit uxor tua, aut quae desponsa tibi est pro uxore, coactum est. Nam si Hebraismum, ut ille putat, imitari uoluisset; dixisset μὴ φοβηθῆς περὶ λαβῆναι τὴν μαρτὶν

εἰς γυναῖκα σου, aut potius σοι. Ne timas accipere Mariam in coniugem tibi, & exemplum quod profert Marc. 12. 23. illi aduersat maxime οἱ γὰρ ἐπὶ τὸ ἐσθλὸν ἀντὶ τῆς γυναῖκα, septem enim habuerunt eam uxorem. Non enim significat eam futuram fuisse; sed fuisse reuera uxorem. Quod autem dicit eam esse vim uerbi *μνησευθείσας* non ignoramus; sed scimus etiam non semper obseruari. Nam Lucas capitulo 2. 3. eandem Mariam iam domum ductam a Iosepho uocat *μεμνησευμένην*. uocat ergo Mattheus Mariam *μνησευθείσαν* sponfam, non quod ducta non esset; sed quod non magis a viro cognita, quam sponse, quae nondum nuptae sunt, ut rectissime Chrysostomus adnotauit. Nolo tamen eiusdem Chrysostomi, & Bernardi in homilia in illa uerba Lucae 1. 26. *Misus est*, uti suffragiis, qui consuetudinem Hebraeorum fuisse dicunt, ut generi etiam ante nuptias in sponfarum domibus habitaret. Nam generos Loth, quorum utuntur exemplo, scriptura docet in domo Loth non habitasse, Genes. 19. 14. Teneamus ergo, quod aut omnes, aut optimi Theologi tenent, verum fuisse iam tum, cum Christus conceptus fuit, inter Iosephum & Mariam matrimonium, quod aduersus Iulianum Pelagianum, qui concubitu matrimonium definiebat, probat August. libro quinto, capit. 9. & libro 1. de nuptijs, & concupiscentia cap. 11. Cur autem ex nupta Christus nasci uoluerit, praeter alias, quas facile per se quisque excogitare potest; quinque causas ueteres Theologi tradiderunt. Ignatius in epistola ad Philadelph. Origenes homil. 1. in diuersos Euangelistas, Hilarius can. 1. in Matth. Chrysostomus homil. 4. Basilii in homil. de humana Christi generatione, Ambrosius libro 2. in Lucam, & in lib. de institut. uirg. c. 6. Theophylactus hoc loco, Bernardus homil. in illa uerba *Misus est Angelus*. Prima est, ne Maria si innupta peperisset, stupri rea putaretur; maluit enim Christus filius Ioseph, quam impudicae feminae uideri. Et, ut scire ait Ambrosius;

Cur Christ⁹  
ex nupta na-  
tus.



brofius, maluit aliquos de fua generatio-  
ne, quam de matris pudore dubitare, nec  
putauit hortus fui fidem matris iniurijs  
afh uendam. Secunda, ne ipfe fpiritus  
uideretur, ideoque tãquam uerus Mel-  
fias non reciperetur à Iudæis. Nam  
fi, cum ex legitimo matrimonio pro-  
creatum putarent, tamen ideo con-  
temperunt, quod fabri filium eſſe cre-  
derent Matth. 13. 55. & Mar. 6. 3. quid  
facturicant, fi fpirium dicere po-  
tuiſſent? Tertia, ut Joſeph & Mariã, &  
infanti adiumento eſſet atque custo-  
dia. Itaque cum aliquid agendum eſt,  
non ad Mariã, ſed ad Joſeph Dei man-  
data mittuntur Matth. 2. 13. Ecce An-  
gelus Domini apparuit in ſomnis Joſeph  
dicens; Surge, & accipe puerum, & ma-  
trem eius, & fuge in Aegyptum, & eſto i-  
bi, uſque dum dicam tibi, & ver. 19. Ecce  
Angelus Domini apparuit in ſomnis Jo-  
ſeph dicens; Surge, accipe puerum, & ma-  
trem eius, & uade in terram Iſrael. Cum  
que puer perditur, quaeritur a Joſeph  
Luc. 2. 48. Quarta, ut Joſeph teſtis eſſet  
uirginitatis Mariæ. Nemo enim in e-  
ius aſſerenda caſtitate tam dignus eſſe  
poterat fide, quam qui cuſtos illius e-  
rat, qui maximè & ſcire debuit, & po-  
tuit: quemque credibilius erat natura-  
li maritorum zelotypia impudicitia  
crimen, ubi non eſſet, ſuſpicaturum,  
quam ubi eſſet deſenſurum fuiſſe.  
Quia Bernardi uerba imitari non poſ-  
ſum, recitabo. Sicut, inquit, Thomas du-  
bitando, palpando, conſantiſſimus fa-  
ctus eſt Dominicæ conſeſſor reſurrectio-  
nis, ita & Joſeph Mariam ſibi deſponſan-  
do, eiſque conuerſationem tempore cu-  
ſtodie ſtudioſius comprobando factus eſt  
pudicitia fideliffimus teſtis. Pulchra u-  
triuſque rei conuenientia, & dubitatio  
Thomæ & deſponſatio Mariæ. Poterant  
quidem ſimilis erroris laqueum nobis i-  
nſinere, fidei uidelicet in illo, caſtitatis in  
illa ueritatem in ſuſpicionem adducere.  
Sed ualde prudenter & piè factum eſt  
per contrarium, ut unde metuebatur ſu-  
ſpicio, firma ſit certitudo. Nam & de fi-  
lii reſurrectione citius quidem ego (qui in-  
firmus ſum) crediderim Thomæ dubitan-  
ti & palpan- ti, quam Cephe audienti &  
credenti: & de matris continentia faci-

lius ſponſo eiſ cuſtodienti & experien-  
ti, quam ipſi quoque uirgini de ſola ſua  
conſcientia ſe defendenti. Additur ſetè  
ab omnibus quinta, ut hac ratione in-  
ſterium nati Chriſti diabolo celaretur,  
ne infanti ſtrueret inſidias; quam ma-  
lo liberè fateri me non intelligere,  
quàm temerè reprehendere. Non, in-  
quàm intelligo, quo modo Diabolus  
Mariæ uirginitatem, ſi modo animadu-  
uertit, potuerit ignorare, cum inte-  
grum & incorruptum corpus, quam-  
uis nuptæ uidere poſſet.

*Antequam conuenirent.* ) Hoc loco  
Hilarij interpretatio eſt, *antequam*  
*tranſiret in coniugis nomen*; quali con-  
uenire ſignificet ſimul habitare: quam  
interpretationem, non quia uerã, ſed,  
ut opinor, quia noua uidebatur, non  
nulli nouitatem ſectatores hæretici  
ſecuti ſunt, neſcio an ſecuturi, ſi Hila-  
rij fuiſſe cognouiſſent. Sed iam ante  
probauimus, iam tum ueram fuiſſe  
coniugem, & ex conſequentibus ma-  
niſeſtum eſt conuenire ſi hoc loco ſi-  
gnificare rem matrimonij, ut Hiero-  
nymus loquitur, exercere, eſſeque ut  
Græci uocat *κοινωνία*, quo res in  
honeſta honeſto declaratur uerbo.  
Voluit enim Euangelifta rationem  
reddere, cur uoluerit Joſeph occultè  
Mariam dimittere, quia inuenta eſt  
in utero habens antequam conueni-  
rent, id eſt, cum eam non cognouiſ-  
ſet, ut loquitur uer. 25. Nemini non  
ſtatim occurrit obiectio: Ergo poſt-  
ea conueniunt. Hoc enim potiſſimū  
argumento nonnulli quondam hæ-  
retici, ut Antidicomarianiſtæ apud  
Epipha. har. 78. Iouinianus apud Au-  
guſtinum in libr. de hæreſib. Helui-  
dus apud Hieronymum in libro ad-  
uerſus Heluidium adducti ſunt, ut  
poſt Chriſti partum Mariam a Joſeph  
cognitam fuiſſe crederent, ex eoque  
coniugio natos fuiſſe eos, qui in ſcri-  
pturis Domini fratres appellantur  
Matth. 12. 46. 47. & 13. 55. Mar. 13. 31.  
33. Lucæ 8. 19. 20. A quorum impietate  
nonnulli ex noſtris hæreticis non  
procul abſtulerunt. Sed hunc errorem  
& ſcripturis & exemplis ita Hieron-  
fregit, ut ſi quis refutare uelit, actum  
agat.

Mariæ uirgini-  
tatis poſt  
partum.



Ifalm. 6.6,

agat, & nos non disputationes nunc scribimus, sed commentarios. Summa rei est, non quoties dicitur aliquid non ante factum esse, significari factum esse postea. Cum enim dicimus haereticos non acturos poenitentiam, priusquam moriantur (ut Hieronymi utar exemplo) non significamus eos poenitentiam post mortem acturos: sed tacemus, quod est certum, dicimus quod est dubium. Certum est post mortem neminem posse agere poenitentiam; Quia *in inferno quis confitebitur tibi?* sed dubium est an ante mortem acturus sit. Certum quoque erat post Christi partum Ioseph Mariam non cognovisse, cum non alium, quam Christum filium habuisset. Certe de eo non erat quaestio. An autem Christus ex Ioseph, an ex Spiritu sancto conceptus esset, & dubitari poterat, & necessario erat explicandum. Hoc ergo explicavit Evangelista, quod dubium, quodque necessarium erat, illud praetermisit, quod neque quaerebatur, neque dictum erat necessarium. Quo autem modo fratres Christi qui dam sint appellati, dicemus Matth. 12.46.

*Inventa est*) Origenes hom. 1. in diversos Evangelistas, & Hieronymus in commentariis multa ex illo mutuatus, a Ioseph inventam esse dicunt, qui penes licentia maritali futurae uxoris omnia noverat, quod nisi meritorum auctorum reverentia retineret, minus reverenter dictum dicerem, satis habeo illis non assentiri. Nam *εὐρησεν* Graece non significat quaerendo, scrutandoque, sed potius non quaerendo, non cogitando, praeter opinionem expectationemque aliquid inuenire, ut Chrysost. idoneus Graci sermo nis testis adnotavit. Non ergo Ioseph uestigando, sed non quaerendo, nec tactu, sed visu, eoque purissimo, minimeque curioso Mariam praegnantem inuenit. Nec significatur ab eo potius, quam ab alio inventam fuisse: sed vis verbi *εὐρήσθην* est eam subito & inopinato ita tumido apparuisse vtero, ut quivis, qui modo oculos adijceret, videre posset eam fuisse gravidam.

*In utero habens*) praegnas, gravidam, vterum gerens. Illa enim a Graeca, haec Latina est phrasus.

*De spiritu sancto.*) Sunt qui haec verba cum superioribus ita iungant, ut haec sit sententia, Ioseph non solum praegnantem Mariam deprehendisse, sed etiam eam de Spiritu sancto concepisse, ut Basiliius in hom. de humana Christi generatione, ut Theophylactus in commentariis, idemque videntur Origenes hom. 1. in diversos Evangelistas, & Bernardus hom. in illa verba *Missus est*, immo etiam Hieronymus in hunc locum existimare. Auctor autem operis imperfecti non in certo cognovisse, sed dubitasse ait, an divinitus concepisset. Sed ex consequentibus manifestum est, cum ignorasse unde uirgo sacra concepisset, propterea enim voluit dimittere ver. 19. propterea ab angelo docetur ver. 20. *Noli timere accipere Mariam conjugem tuam, quod enim in ea natum est de Spiritu sancto est.* Atque ita omnes alij auctores interpretantur.

*De spiritu sancto*) non quod Spiritus sanctus pater fuerit Christi, quem admodum ait Hieronymus nonnullos olim existimasse, sed quod Spiritus sancti uirtute factum sit, ut sine viro uirgo conciperet. Nec enim Spiritus sanctus ad modum uiri cum Maria concubuit, ut quendam nostrum tempore dicere non puduit: sed quod uirile semen facturum erat, ipse sine semine multo perfectius fecit, sicut Adamum olim Deus fecerat, nisi quod Adamum ex limo terrae, qui quasi terrae semen est, Christum ex sanguine Mariae. Neque de Spiritu sancto conceptus dicitur Christus, quod solus Spiritus, non etiam pater, & ipse, qui gignebatur filius, eius generationem effecerint. Vera enim illa regula est ab omnibus antiquis Theologis tradita, & ab Scholasticis retenta: Omnia opera Trinitatis extra ipsam omnibus personis esse communia. Sed dicitur Christus ex Spiritu sancto conceptus per illam usitatum in sacris litteris attributionem, quae quod tribus personis commune est, pro-

Christus  
quomodo  
de spiritu  
sancto con-  
ceptus,



Jo. 6. 63.  
1. Cor. 10. 30.

propter officium, aut proprietatem vni tribuitur, ut quod potentie est & gubernationis, patri, quod sapientie, filio, quod benignitatis, beneficii, liberalitatis, fecunditatis, Spiritui sancto. Duabus ergo de causis Christi conceptio Spiritui sancto tribuitur, & quia summum fuit erga homines beneficium, omniumque beneficiorum caput, & quia fecunditatis ac viuificationis opus fuit. Est enim Spiritus quasi diuinum quoddam semen, quo omnia fecundantur, quemadmodum illud Genes. 1. 2. interpretati sunt multi: *Spiritus domini ferebatur super aquas*, & quasi anima, qua animantur, & viuificantur omnia. *Spiritus enim est, qui uiuificat*. & *Emitte spiritum tuum & creabuntur*, & *renouabis faciem terrae*. Quod Plato aliique Philosophi, & alii secuti poetæ, tanquam in tenebris allucinantes Deum animam mundi esse dixerunt. Per quam elegans est inter Christum, & christianos, id est inter caput & membra comparatio: quam omnes fere auctores ueteres Ambrosius, Augustinus, & eo obseruauerunt. Christus ex Maria uirgine natus est, Christiani ex uirgine Ecclesia nascuntur. Ecclesia uirgo & mater sine macula & ruga, ut Maria, Ephes. 5. 27. fons baptismi uerus: aqua semen Ecclesie, quæ producit animam uiuentem. Spiritus sanctus supplet semen uiri. Itaque ut Christus ex semine uirginis & Spiritu sancto natus est, sic Christianus, id est membrum Christi oportet, ex aqua & Spiritu sancto renascatur Ioanis. 3. 5. *De Spiritu sancto* ἐκ πνεύματος ἁγίου, ex Spiritu sancto. Animaduerto nostrum interpretem particula, De, cum possit dicere, Ex, misericordie delectari, ut supra ver. 3. 5. 16. & infra. ver. 20. & c. 19. 11. Nec ignoramus clarius fuisse, Ex, quod, De, materiam uideatur significare, sed explicanda fuit uersio, non euerrenda.

19. *Ioseph autem uir eius.* Vir eius appellat, non quia co-pore, sed quia uero illi coniunctus erat matrimonio.

*Cum esset iustus* (δικαίος εἶναι, & Græca & Latina uerba duplicem intel-

lectum admittunt, uel quamuis esset iustus, uel quia erat iustus. Hæreticus interpretis aduersariū accipiendum putat: quasi sensus sit, quamuis Ioseph uir esset iustus, tamen sinistra aduersus beatam uirginem suspicione non caruisse. Clarius, si ausus esset, dixisset, Ioseph merito de sanctissima uirginis castitate dubitasse. At quis non uidet non aduersariū, sed casualiter Græcum participium accipiendum? Causa enim redditur eorum, quæ sequuntur. Vtrius autem causa reddatur, cum duo sequantur, alterum, quod noluerit eam traducere; alterum, quod uoluerit occulte dimittere, de eo poterat merito dubitari. Aliqui ergo existimauerunt, secundum membri causam reddi, ut Chrysostomus homil. in Matth. 4. Propterea enim uoluisset dimittere, quod iustus esset, nolletque, quam adulteram suspicabatur, retinere. Fuit enim Chrysostomus. Hieronymus, & nonnulli alii graues auctores in ea sententia, ut putauerint non licere uiro adulteram uxorem retinere. Id quæ ne fieret, fuit aliquando ecclesiasticis decretis constitutum. Alii causam prioris membri reddi dicunt, ut Hieronymus, Ambrosius lib. 2. in Lucam, Theophylactus, quod ego multo probabilius esse arbitror. Videntur enim hæc uerba. *Et nollet eam traducere* appositæ esse ἐκζητῶντες expositionis loco, quasi dicat, qui erat uir iustus, ideoque nolebat eam traducere, cepit aliam dimittendi rationem honorabiliorem cogitare. Et illa Chrysostomi sententia non solum à Theologis, sed a tota etiam Ecclesia deserta est. Lex enim adulteram dimittere permittebat, non iubebat, Christo etiam interprete. Matth. 19. 8. Mar. 10. 5. Dicit aliquis, si lex permittebat, licebat ergo adulteram accusare, quare & Ioseph, quamlibet iustus, salua iustitia id facere potuit. Respondeo Ioseph uocari iustum, non quod iustitia una ex quattuor uirtutibus moralibus præditus esset, sed quod omni uirtutum genere cumularatus, ut Chrysostomus adnotauit. Eiusmodi

Beza;

C di



1 Cor. 10.  
22.

di autem quisquis est, D. Paulum imitatus dicit: *Omnia mihi licent, sed non omnia expediunt*. Itaque potuit quidē traducere, sed non debuit, quia maioris fuit caritatis occultē dimittere. Quia ergo uir erat iustus, id est magna praeclara caritate, in qua, ut ait August. omnis Christiana iustitia consistit, noluit facere, quod iustitia una priuata uirtus permittit, sed quod caritas omnium uirtutum regina postulabat.

Quid traducere in scriptura.

*Traducere περὶ ἀρτυροῦ τῶν πῦλιν* publico exēplo puniendam curare, ignominiose accusare, ad uerbum, exemplare, ut alicubi Augustin. Epistolas 59. uerit. Quamquam idem alias uertere solet, divulgare, ut epistola 54. & serm. 16. de uerbis Domini. Id autem Ioseph fecisset, si in iudicium uocasset, & omnium oculis, tanquam adulterii ream, proposuisset. Visus est eodem uerbo D. Paulus ad Hebraeos. 6.6. *Iterum crucifigentes filium Dei, καὶ περὶ ἀρτυροῦ τῶν πῦλιν*, & publica ignominie exponētes, ubi noster interpret uertit, *ostentui habentes*. Quod Hispani significantissimo uerbo dicerent, *Sasado oira reza la uerguenza*, qua phrasi non sola Christi crucifixio, sed tota eius passio probris plena significatur. Simili prorsus significatione idem uerbum septuaginta interpretes usurparunt. Nam. 25. 4. & Esai. 14. 8.

*Voluit occultē dimittere eam.* Quare? Nonnulli existimarunt ideo dimittere uoluisse, quod uideret eam de Spiritu sancto concepisse, sequē eius consortio indignum iudicaret. Eodem prorsus modo, quo Petrus dixit Christo. *Exi a me Domine, quia homo peccator sum*. Luc. 9. 8. & Centurio ille, *Domine non sum dignus, ut intres sub tectum meum*. Matth. 8. 8. Sic Origenes homil. 11. in diuersos Euangelistas, & Bernardus homilia in illa uerba, *Missus est Angelus*, & si bene intelligo, Hieronymus in commentariis interpretantur. Quae interpretatio, etsi loco non conuenit, eorū tñ auctorū pietati maximē conuenit. Alii prorsus contrariam sequuntur

opinionem, ideo dimittere uoluisse, quod adulteratam suspicaretur, ut Chrysostom. hoc loco, & in homilia de sancta Susanna, & Augustinus Epistola 54. & serm. 16. de uerbis Domini, & serm. 18. de tempore, si tamen illius est Theophylactus, & Euthymius in commentariis. Quorum sententiam sequentia uerba confirmant: *Noli timere accipere Mariam coningem tuam, quod enim in ea natum est, de spiritu sancto est*, quasi Ioseph non de Spiritu sancto, sed de adulterio natum putaret, ideoque timeret accipere, ne probare adulterium uideretur, aut quia factam, ut putabat, sibi ferre nolebat iniuriam. Sententia Pseudochrysostomi media inter has duas nec à ueritate, nec à pietate discedit non iudicasse Ioseph ex adulterio uirginem concepisse, sed unde aut quomodo concepisset, dubitasse, & quia non ex se concepisse certo sciebat, dimittere uoluisse. Quae autem fuerit illa ratio, quam cogitabat, occultē eam dimittendi, incertum est, & quod Abulensis dicit cogitasse illi occultē dare libellum repudii, mihi non uidetur conuenire. Nam quamuis occultē dedisset, omnis scriptura natura sua publica est. Præterquam quod non poterat diuortium infamiaque latere: si, cum in eadem domo coepissent habitare, fuissent priuato iudicio separati, eo præsertim tempore, quo Mariæ uterus apparebat. Itaque credibilis, quos alii dicunt, esse arbitror, uoluntarium in aliam regionem secessum cogitasse, ut per speciem peregrinationis ita dimitteret, ut nouitio aliquo repudiasset; sed necessitate deferuisse uideretur. Hoc mihi uidetur non solum aduerbio *λάβῃ* occultē: sed ipso etiam uerbo *παύσαι* significari, quod Gallicè diceretur, *l'en deffaire*, eodem omnino sensu, quo ille dixit amicitias non disrumpendas esse: sed disrumpendas.

*Hæc eo cogitante;* Quo modo eam occultē dimitteret, antequam aut consilium inueniret, aut inuentum exequere.

Cic. de amicis.



exequeret? Videtur enim Euangelista significare voluisse, Deum expectasse opportunum temporis articulum, ut angelum mitteret. Si enim ante misisset, quam Ioseph gravidam Mariam animaduertisset; fortasse Ioseph angelo, sicut Zacharias non credidisset. Hanc enim Chrysostomus, & Auctor imperfecti rationem reddunt, si postquam ab ea discessisset, nimis sero misisset. Mittit ergo Deus ad agrotum medicum, nec ante quam incipiat, nec postquam mortuus, desinat agrotare. Aliam iidem auctores rationem reddunt, quod Ioseph minus idoneus virginis Mariæ fuisset testis, si, antequam de illa dimittenda cogitaret, ab angelo fuisset admonitus. Quis enim marito non credat de sponse integritate testanti? & illi marito, qui eo usque processerit, ut suspicatus sit adulterium, & de diuortio cogitauerit? Diuina est providentia; quæ agrotare unum permittit hominem, ut multis ex eius morbo medicinam faciat. Ea fuit, quæ Petrum & Thomam permisit circa fidem cadere, ne nos caderemus. Ea expectauit, donec Ioseph de Mariæ virginitate dubitaret, ne ipsi dubitarem, ut ver. 19. ex verbis Bernardi recitauimus. Cur ergo ad Mariam, antequam concipiat, angelus mittitur? Luc. 1. 26. Causa, ut opinor, fuit quod a Maria, ut esset sponsa Spiritus sancti, ex eoque conciperet, consensus requirendus fuit. Deinde, quod non decebat ignorare virginem, quem in utero gereret, & unde concepisset. Prius enim, ut Augustinus lib. de sancta virgin. & Leo sermo. de Natali Domini dixerunt, Christum fide, quam carne concepit, quam non admonita habere non poterat. Illud etiam a quibusdam queri solet, cur Mariæ vigilant, Iosepho dormienti missus sit angelus. Cur Mariæ uigilanti, ex iis quæ paullo ante diximus, apparet, erat enim ab ea fides, consensuque requirendus. Cur autem Iosepho dormienti, difficilior est dictu. Probabiliter tamen

mihi videtur homilia quarta Chrysostomus respondere, quod Ioseph uir iustus, & fidelis fuerit, quem satis erat dormientem admonere. Deinde, quod iam uerum viderat, & unde impletus fuisset, dubitabat, itaque paullo momento inclinari poterat, ut ab Spiritu sancto impletum crederet. Nam facilius, quæ facta sunt, diuinitus, & præter naturæ leges fieri potuisse; quam, quæ faciendæ, fieri posse credimus. Mirum etiam uideri potest; cur sanctissima uirgo, quid sibi angelus de Christo concipiendo nuntiasset; sponso suo non dixerit, ut & se infamiae periculo, & illum sinistra suspitione liberaret. Verum similiter etiam ad hoc idem Chrysostomus respondit, Iosephum maritum de sponse castitate sollicitum, uirgini quamuis sanctæ pro se loquenti non fuisse crediturum. Et uerò quis maritus nisi a Deo monitus credidisset?

*Noli timere.* *μη φοβηθῃς*, ne timeas, ne dubites accipere, acceptam retinere, ut probauimus ver. 18.

*Quod enim in ea natum est* conceptum, genitum.

*De spiritu sancto est.* non, ut suspicaris, ex adulterio. vide ver. 19. Omnia eo pertinent, ut tristem Ioseph, & incertum consilij consoletur: & ut persuadeat non doloris, sed lætitiæ eum materiam habere: quod ex eius sponsa Messias ille tam diu expectatus e uirgine nasciturus sit: propterea uocat filium David, non solum quia honorificus erat titulus, sed etiam, ut significet eum, qui ex uirgine eiusdem familiæ conceptus erat, illum esse Messiam, qui filius David futurus erat. Vide uer. 1. Propterea dicit, De Spiritu sancto est, ut reuocet illi in memoriam Isaïæ testimonium, quod paullo post sequitur, *Ecce uirgo concipiet, & pariet filium*, ut credat, & gaudeat id in sua sponsa fuisse perfectum. c. 7. 14.

21. *Pariet autem filium.* *Τέξεται* & uidetur poni pro *γεννησει* enim, ut Matthe. 23. 5. & alias sepe. Videtur enim affertur hoc ab angelo tanquam certum

C 2 signum



c. 7. 24.

c. 7. 14.

signum, & argumentum ad faciendam eius, quod dixerat, fidem. Eodem modo, quo dixerat Isaias: *Ecce virgo concipiet, & pariet filium, & uocabis nomen eius Emmanuel*. Perinde ac si diceret: sponsa enim tua non est adultera, sed uirgo illa integerrima, de qua Isaias dixit: *Ecce virgo concipiet, & pariet filium*. Pariet enim filium, non filiam: quod cum videbis, non dubitabis, quin ex Spiritu sancto conceperit. Cum enim uideris, quæ futura prædixi, vera esse credes, quæ dixi, præterita vera fuisse.

*Et uocabis nomen eius Iesum.*) Eodē hoc pertinet, tribuit enim illi hunc honorem, ut infanti non ex se, sed ex Spiritu sancto nato, tanquam proprio filio, nomen imponat. Adnotarunt quidam, non matres, sed patres solitos fuisse filijs nomen imponere. Quod etsi credibile est usitatum fuisse: constat tamen non fuisse perpetuum. N. & Rachel uocauit filium suum *Benoni*. Gen. 35. 18. & Labes non pater, sed mater nomen dedit, quod maximo eum cum dolore peperisset. 1. par. 4. 9. & quemadmodum hoc loco Iosepho, ita Luc. 1. 32. Mariæ dicitur.

De nomine  
IESU.

*Et uocabis nomen eius Iesum.*) Hoc est certum uoluisse angelum Iosephū officio patris honorare, simulque probare, quod dixerat, de cælo conceptum, cui de cælo nomen imponeretur. Obseruamus enim diuinitus conceptus nomen quoque, antequam nascantur, diuinitus dari: Isaac Gen. 17. 19. Ioanni Luc. 1. 13. & ex nomine ipso doceri, qualis sit, qui conceptus est infans, ille nimirum Missus, qui populum suū à peccatis liberaturus erat. Hoc enim est Iesus *uerm* seruator. De quo nomine ut multa omittam, quæ a quibusdam obseruata sunt, certum est illud nomen *incoûs*, Iesus à Grecis Latinos, ab Hebræis Græcos accepisse. Nam ubicunque fere est in ueteri testamento *uerm* nomen proprium. Septuaginta uenerunt, *incoûs*, Hebraicum uocabulum ad Græcam, ut potuerunt, aut ut sciuerunt, formam reducentes. 1. tamen par. c. 7. 27. uertunt *incoûs*. Significat autem id nomen sa-

lutem, aut seruatorem. Quo etsi multos appellatos fuisse legimus, ut Iesum filium Naue, Iosue 1. 1. & filium Ioseph sacerdotem Agg. 1. 1. 12. 14. illis tamen casu, Christo consilio, eoque non humano, sed diuino hoc datum est nomen, & illi non erant, quod hoc nomine significabatur, uerè Seruatores: Christus plus est, quàm hoc nomine significatur. Itaque aliis nomen erat quodammodo commune, & certe uulgare: Christo proprium, & ut propheta prædixerat, nouum & singulare: quia eo modo, quo de Christo dicitur, nemini præterea conuenit, quia non est in aliquo alio salus. Quod autem recentiores Iudei non *uerm* sed *uerm* uocare soleant, partim ex sono uulgarium linguarum, quem illi solum audiunt: partim irrisione, & malignitate faciunt, significantes Christum non esse *uerm* seruatorem, sed Iesu, quod illis nihil nisi uulgarem aliquem hominem significare uideatur. Sed bene est, quod non tam facile possunt suam Christo diuinitatem detrahere: quam facile eius nomini syllabas detrahunt. Hoc ergo proprium Christi nomen est, quo & eius diuina simul humanaque natura, & præstantissimum redemptoris officium declaratur. Hoc datum illi est nomen super omne nomen, ut in nomine Iesu omne genu flectatur terrestrium, & celestium, & infernorum. Itaque rectè a quibusdam adnotatum est: Euangelistas, cum Seruatorem nostrum proprio nomine appellare uolunt, non Christum, sed Iesum appellare, ut hoc loco, & capitulo secundo, 2. 2. & Luc. 1. 31. & 3. 23. & 4. 1. Christus enim nomen est officij, Iesus naturæ atque personæ. Dubitabit autem aliquis, quo modo angelus Iesum uocari iubeat: cum Isaias dixerit uocandum Emmanuel. Id nobis Iudæi, ut probent illam in Christum prophetiam non conuenire, solent obijcere. Sed satis copiose pro nobis iam diu neteres auctores responderunt, Iustinus. q. ad orthodoxos. 131. Tertullianus aduersus Iudaos, & libro tertio contra Marcionem, Lactantius lib.

Phil. 2. 10.  
10.



lib. 4. de uera sap. ca. 12. Chrysostomus lib. de incarn. cap. 2. Prophetam, non qui uocandus Christus, sed qui futurus; Euangelistam, qui uocandus & qui futurus esset, declarare uoluisse. Noluit enim dicere Propheta, fore, ut proprium Christi nomen esset, Emmanuel, sed ut res eo nomine significata illi conueniret, ideoque merito Emmanueli uocari posse. Quem admodum idem Isaias. ca. 1. 26. prädixerat de Ierusalem, *Posthac uocaberis ciuitas in stis fidelis*: non quod eo unquam nomine uocanda esset, sed quod talis futura, ut ita merito uocari posset. Eodem ratione dixit. cap. 6c. 14. *Vocabunt te ciuitatem Domini Sion sancti Israel*, cum nunquam tamen eo nomine uocata sit. Similia exempla sunt Ier. 3. 17. Et Zachar. 3. 3. & de Christo ipso idem Isaias dixit. cap. 9. 6. fore, ut uocaretur nomen eius, *Admirabilis, Consiliarius, Deus, fortis, Pater futuri seculi, Princeps pacis*, non quod tot nomina, sed quod tot res habiturus esset. Et Ieremias. cap. 23. 6. *Hoc est nomen, quod uocabunt eum, Dominus iustus noster*. Verè enim Christus dominus iustus noster fuit. Verè quoque Emmanuel, quod est, nobiscum Deus. Ita Euangelistam locum Isaiæ intellexisse ex eo manifestum est, quod cū dixisset, *Vocabis nomen eius Iesum*, quasi ut probaret ita uocari debuisse, Isaiæ locum induxit. Et uocabitur nomen eius Emmanuel. Idem ergo est Iesus & Emmanuel, non sono, ut ait Terullianus, sed sensu. Esse enim Deum nobiscum, quod Emmanuelis, est Deum seruatores esse nostrum, quod nomine Iesu significatur.

22. Hoc autem totum Chrysostomus hom. 5. Theophyl. & Euthym. in commentarijs hæc uerba adhuc loquentis angeli esse putant, sed non dubium est, quin sint Euangelistæ uolentis ijs, quæ narrauerat ex prophetæ testimonio fidem adhiberi.

Totum) quod uirgo conceperit, quod Iesus infans nondum natus appelleretur. Auctor imperfecti.

23. Ecce uirgo) Huius uersus explicatio ex commentarijs in capit. Isa. 7.

peti potest. Transferam inde in hunc locum, quæ necessaria esse uidebuntur. Iudæi autem quinque potissimum argumentum hunc nobis locum e manibus eripere conantur. Primum est, quod apud Isaiam non בְּתוּלָה, quæ proprie uirgo est, sed מַעְלָמָה legatur, quod non uirginem, sed puellam, non conditionem, sed ætatem significat: cui argumento nemo potest melius, quam Hieronymus in traditionibus Hebraicis in Genesim, & libr. 1. contra Iovinianum, & in commentarijs in 7. cap. Isaiæ respondere מַעְלָמָה apud Hebræos non solum uirginem, sed plus etiam quam uirginem, id est puellam absconditam & diligenter custoditam significare, quæ ne uiro quidem oculis pateat, quæque non solum corpore, sed etiam aspectu casta sit. Idque nominis originem indicare, dictam enim esse מַעְלָמָה a מַעַל quod est abscondere, quasi inclutam & reconditam uirginem, nec in scripturis uispiam, nisi pro uirgine poni, ut Genes. 24. 16. Rebecca uirgo pulcherrima & incognita uiro, uers. 43. vocatur מַעְלָמָה, itemque Maria soror Moysi. Exodi. 2. 8. linhua quoque Punica, quæ ex Hebraica originem habet uirginem מַעְלָמָה vocari. Itaque בְּתוּלָה solam uirginitatem, מַעְלָמָה & ætatem & uirginitatem simul coniunctam significare. Atque hunc esse Prophetæ sensum, ut uadicam ἐμπατικώτερον, uirginem adhuc teneram, & ne uiro quidem oculos expertam concepturam esse. Addunt quidam nomini מַעְלָמָה eo loci adiunctam esse π emphaticam apud Hebræos particulam, qualis apud Græcos est articulus ἡ, quod & Chrysostomus ad eum locum adnotauit, quasi uirgo non vulgaris, sed præstantissima & maxime uirgo significetur. Vnum nobis Iudæi locum obijciunt. Prouerb. 3c. 19. *Tria sunt difficilia mihi, & quartum penitus ignoro. Via aquila in celo, uia colubri super petram, uia nauis in medio mari, & uia uiri in adolescentula* מַעְלָמָה ubi non tantum Hebræi, uerumetiam Christiani nonnulli, idque nostro iam

C 3 tempo-



tempore contendunt, nomen *ἄβυ* pro muliere corrupta possum esse. Id enim loci circumstantiam postulare. Ego uero ex eo maxime loco probari posse existimo, nomen *ἄβυ* nunquam nisi uirginem significare. Nam ut alias, quas alienas iudico, interpretationes omitam, manifestum est Salomonem dicere uoluisset, difficilius esse cognoscere, an femina, quæ quod recondita semper fuerit, maxime uirgo putatur, uirgo sit, quam cognoscere, an aquila per aera, coluber super petram, nauis per mare transierit. Hoc enim est, & quantum penitus ignoro. Hoc autem ut significaret per *ἄβυ* usus est nomine *ἄβυ*, quod & ætatem, & conditionem perfectissimæ uirginitatis declarat. Secundum argumentum est, non esse sensum, fore, ut uirgo, manens uirgo, sed ut quæ ante uirgo erat, postea uiro nupta ex eo concipiat. Hoc non modò, ut falsum, sed etiam, ut absurdum atque ridiculum ueteres auctores reiecerunt, nullum hoc esse miraculum, nullum signum: Prophetam autem signum, id que inauditum, & maxime admirabile præbere uoluisset, uer. 10. *Pete tibi signum à Domino Deo tuo in profundum inferni, siue in excelsum supra.* Et uer. 14. *Propter hoc dabit Dominus ipse uobis signum: Ecce uirgo concipiet.* Sic Iustinus contra Tryph. Tertull. aduersus Iudæos & libr. aduersus Marcionem. 3. Basilii in homilia de humana Christi generatione, Epiphanius aduersus Ebionitas, Cyrillus Alexand. & Chrysostomus in 7. cap. Isaiæ responderunt. Tertium erat, quod Isaias dicat uocandum esse nomen nascituri filij Emmanuel, quod nomē Christus non habuerit, quomodo antiqui auctores responderint, diximus uer. 21. Quantum ergo erat, ex loci circumstantijs apparere dictum hoc esse de uxore Regis Achaz, & de filio Ezechia, quem erat paritura. Quod multo magis Epiphanius & Hieronymus merito ridet. Editam enim est hac prophetia regnante iam Achaz: ad eum enim, tanquam regem, dirigebatur. Fingamus primo anno re-

gni eius editam fuisse, iam Ezechiam nouem ut minimum annos natum fuisse constat. Regnauit enim Achaz sexdecim annos. 4. regum. 16. 2. & 2. par. 28. 1. quo mortuo statim regnauit eius filius Ezechias. 4. reg. 16. 26. erat autem uiginti quinque iam annorum cum regnare cepit. 4. reg. 18. 2. & 2. par. 29. 1. Nihil plus coloris habet, quod alij dicebant id esse de uxore Isaiæ intelligendum. Nam neque uirgo erat, neque filium ullum peperisse constat, qui Emmanuel aut fuerit, aut uocatus sit. Quintum recentiores Iudæi nobis obijciunt, quod & prisca scriptores uix attigerunt, & maiorem habet speciem difficultatis, non potuisse dari signum Achaz, quod uidere ipse non posset, quippe quod non nisi octingentis post annis esset euenturum. Quomodo respondendum sit, Chrysostomus in commentarijs ad eum locum uidetur indicare, signum non dari Achaz, sed domui David, quæ non solum usque ad Christum permanens, sed ipsum quoque Christum paritura erat. Principio quidem propheta regi Achaz petendi quodcumque uellet, signi conditionem obulerat, ex quo intelligeret Deum sibi contra regem Assyriorum affuturum. uer. 11. *Pete tibi signum à Domino Deo tuo.* Quod quia contemnens petere noluit, commutata oratione propheta aliud maius signum, quam quod petere non auderet, maiores liberationis argumentum Deum non iam Achaz, sed domui Davidis darum prædicit. uer. 13. 14. *Audite domus David, numquid parum uobis est molestos esse hominibus, quia molesti essis & Deo meo? Propterea ecce Dominus ipse dabit uobis signum q. d. quia uos petere negligitis, ipse ultro dabit, non iam quale regi obtuli, fore, ut Deus populum suum a rege Assyriorum liberet, sed longe maius fore, ut liberet à peccatis & diaboli tyrannide. Itaque à maiore probat minus.*

*Et uocabunt.*) Quod quidam mirantur apud Isaiam esse uocabis, & Euangelistā dixisse *καλέσσι*, uocabūt, nullam



Iam admirationis habet causam, quia, ut ait Hieronymus, sæpe Euangelistæ sententiam, non uerba citare solent: sed & nihil hoc loco, quomodo Euangelista diceret, καλέσεις, ut Septuaginta uerterit: an καλέσεις, ut Chaldeus: an καλέσῃς, referrebat.

Quod est interpretatum Emmanuel nobiscum Deus. Quo autē modo Deus nobiscum esse per hoc nomen significetur, quæri solere uideo. Quorumdam non probo sententiam, qui spiritualiter tantum interpretantur Deum esse nobiscum, id est nobis reconciliatum. Col. 1. 20. Quod antē iniquitates nostræ nos ab illo disungerent Isaïe 59. 2. Melius Chrysostomus, & alij nonnulli patres, ipsam filij Dei incarnationē declarari putant. Est enim Deus nobiscum, non solum, quia auxilium præstat, & peccata remittit: quo modo etiā cum antiquis illis Iudæis erat: sed quia uerbum caro factum est, & habitauit in nobis, Ioan. 1. 14. quia in terris uisus est, & cum hominibus conuersatus, Baruch 3. 38. quia communicauit carni, & sanguini, Hebræorum 2. 14. Quod autem ex hoc loco quidam colligunt Matthæum Hebræicē non scripissē, refellimus in præfatione. c. 5.

25. Et non cognoscebat eam. ) Hilarius cognoscere, interpretatur pro uxore habere, nam ante, inquit, sponsa erat: postea in nomē transiuit uxoris, non quod marito cōiuncta fuerit, sed quod pepererit, ut faciunt uxores. Epiphanius uero aduersus Ebionæos prius dicit non cognouisse, post partum uerō cognouisse non eius quidē corpus: sed animum, uirtutem, sanctitatem. At iam monitus ab Angelo, non poterat eius ignorare uirtutem, quā sciret de Spiritu sancto concepisse, & nemo nō uidet Hebræicam esse phrasim, qua honestē usus matrimonij significatur, ut Gen. 4. & 19. 8. Num. 31. 35. & 3. reg. 1. 4. Illud uerō, quod quidam adnotarunt hoc uerbum nō dici, nisi cum primum uirgo defloratur, falsum esse constat Gene. 4. 25. & 38. 26. & 1. reg. 1. 19. Arripiebant hic Iouinianus, Heluidius, Ebionistæ, & ut ait Auctor imperfecti, Eunomiani ansam de B. Mariæ

post partum uirginitate male sentiendi, uide uer. 18. tantum admonendum est, quemadmodum has particulas (Antequam) & priusquam; ita has donec & usque, & si quæ sunt aliæ similes, non semper affirmationem post tempus, quod notatur, si negatio præcessit: nec semper negationem, cum præcessit affirmatio, significare, ut Hieronymus aduersus Heluidium, & Chrysostomus hoc loco multis exemplis demonstrarunt Matth. 28. 20. Ecce ego uobiscum sum usque ad consummationem sæculi; non indicat postea cum illis non futurum, sed multo magis futurum 2. reg. 6. 26. Michal filie Saul non est natus filius usque in diem mortis sue; non significat eam post mortem peperisse. Psal. 109. Sede a dextris meis, donec ponam inimicos tuos scabellum pedum tuorum non significat postea non sessurum. Matth. 5. 19. Donec transeat cælum, & terra, iota unum, aut unum apex non præterit a lege; non indicat fore, ut postea prætereat. Ergo in his omnibus locutionibus, id dicitur quod est dubium, id tacetur, quod est certum.

Filium suum primogenitum. ) Hoc uisus nō aliud erat hæreticorum argumentum, nisi primo- qui de Mariæ uirginitate male sentiebant, quod Christum Euangelista Mariæ primogenitum appellet, quasi post eum alios genuerit: ubi enim secundo genitus nullus est: ibi nec primogenitum esse posse. Epiphanius uidetur uim argumēti declinasse. Negat enim hæref. 78. Christum Mariæ primogenitum appellatum. Nec enim Euangelistam dixisse, donec peperit filium primogenitum suum: sed filium suum primogenitum, ut significaret filium esse Mariæ, primogenitum autem Dei. Ipse namque est primogenitus omnis creature, Colo. 1. 15. & primogenitus ex mortuis uer. 8. & Rom. 8. 29. primogenitus in multis fratribus. Melius, & fortius Hieronymus aduersus Heluidium, primogenitum Mariæ Christum dici, nō quod post eum alius: sed quod ante eum nemo genitus sit. Hunc enim scripturarum esse usum, ut unigeniti etiā primogeniti dicantur, quia qui unige-

Donec, usque, ante quam, quomodo accipienda in scriptura.

nis primo-



natus est, necessario ante omnes alios, id est, nemo antequam genitus est; quod esse primogenitum, Exod. 4. 22. Deus vocat populum Israel primogenitum suum, cum alium non haberet. Et cap. 12. 29. dicitur percussisse omnia primogenita terrae Aegypti; inter quos non dubium, quin aliqui vngenti fuerint, & cap. 13. 2. & 23. 29. iubet omnem primogenitum sibi sanctificari; consuetudo autem legis, interpretatur etiam vngentos docet intelligendos; alioqui expectandum erat, donec alij posterius geniti nascerentur. Deriam Paulus Hebraeor. 1. 6. primogenitum Dei, pro vngento Christum appellauit. Cur ergo Euangelista addidit epithetum, *Primogenitum* & ideo,

ut opinor, ut significaret Mariam non solum concepisse virgineum, sed etiam peperisse. Nam de conceptu dixerat, ver. 18. *Antequam conuenirent, inuenta est habens in utero de Spiritu sancto.* De partu nunc dicit, *Non cognoscebat eam, donec peperit filium suum primogenitum*; id est cum eam non cognouisset, peperit filium suum; qui ideo solus maxime propriè primogenitus dicitur, quia cum primogenitus diceretur, qui vuluam aperiebat, Exod. 13. 2. & 34. 19. solus ille aperuit, qui solus clausam inuenit, ut Tertullianus docuerat. Aperuisse autem interpretor, non verè aperiendo, sed quemadmodum si aperuisset, verè nascendo.

## C A P V T I I.

Luc. 2. 3. 7. 1



Mich. 5. 2.  
Io. 7. f. 42.

Psal. 71.  
b. 10.

Vm ergo natus esset Iesus in Bethlehem Iudae in diebus Herodis regis, ecce Magi ab Oriente venerunt Ierosolymam, 2. dicentes: Vbi est, qui natus est rex Iudeorum? vidimus enim stellam eius in Oriete, & venimus adorare eum. 3. Audiens autem Herodes rex, turbatus est, & omnis Ierosolyma cum illo. 4. Et congregans omnes principes sacerdotum, & Scribas populi, sciscitabatur ab eis, ubi Christus nasceretur. 5. At illi dixerunt ei: In Bethlehẽ Iudae: Sic n. scriptum est per Prophetam, 6. Et tu Bethlehem terra Iuda, nequaquam minima es in principibus Iuda: ex te. n. exiet dux, qui regat populum meum Israel. 7. Tunc Herodes clam vocatis Magis diligenter didicit ab eis tempus stellae quae apparuit eis, 8. & mittens illos in Bethlehẽ, dixit: Ite, & interrogate diligenter de puero: & cum inueneritis, renuntiate mihi, ut & ego veniens adorẽ eum. 9. Qui cum audissent regem, abierunt, & ecce stella, quam viderant in Oriete, antecedebat eos, usque dum veniens staret supra, ubi erat puer. 10. Videntes autem stellam gaussi sunt gaudio magno valde. 11. Et intrantes domum, inuenerunt puerum cum Maria matre eius, & procidentes adorauerunt eum: & apertis thesauris suis obtulerunt ei munera, aurum, thus, & myrrham. 12. Et responso accepto in somnis ne redirent ad Herodem, per aliam viam reuersi sunt in regionem suam. 13. Qui cum recessissent, ecce angelus Domini apparuit in somnis Ioseph, dicens: Surge, & accipe



Osee 11.  
a. 2.Jer. 31. 1.  
d. 5.

cipe puerum, & matrem eius, & fuge in Aegyptum, & esto ibi, usque dum dicam tibi: Futurum est enim, ut Herodes quærat puerum ad perdendum eum. 14. Qui consurgens accepit puerum, & matrem eius nocte, & secessit in Aegyptum, 15 & erat ibi usque ad obitum Herodis: ut adimpleretur quod dictum est a Domino per Prophetam dicentem: Ex Aegypto vocavi filium meum. 16. Tunc Herodes videns, quoniam illulus esset a Magis, iratus est valde, & mittens occidit omnes pueros, qui erant in Bethlehem, & in omnibus finibus eius a bimatu & infra secundum tempus, quod exquisierat a Magis. 17. Tunc adimpletum est quod dictum est per Jeremiam Prophetam dicentem, 18. Vox in Rama audita est, ploratus, & ululatus multus, Rachel plorans filios suos, & noluit consolari, quia non sunt. 19. Defuncto autem Herode, ecce Angelus Domini apparuit in somnis Ioseph in Aegypto, 20. dicens: Surge, & accipe puerum, & matrem eius, & Vade in terram Israel: defuncti sunt enim, qui quærebant animam pueri. 21. Qui consurgens, accepit puerum, & matrem eius, & venit in terram Israel, 22. Audiens autem quod Archelaus regnaret in Iudæa pro Herode patre suo, timuit illud ire: & admonitus in somnis, secessit in partes Galilææ, 23. Et veniens habitavit in ciuitate, quæ vocatur Nazaret: ut adimpleretur quod dictum est per Prophetas: Quoniam Nazaræus vocabitur.

## IN CAPVT II.



*¶* *U*m ergo.) τοῦ δὲ ἰησοῦ γεννηθέντος, δὲ rectè venit noster interpres, ergo, quia magis conuenit huic loco, ut continuatiua sententia, ut

Grammatici vocant, quam ut aduersatiua sit.

*Cut Christ  
in Bethlehē  
natus,*

*In Bethlehem.)* Seruans Euangelista leges historiæ locum, tempus, euentum, que describit. Locum, *in Bethlehem*, tempus, *in diebus Herodis*, euentum, *Ecce Magi ab Oriente venerunt*. Cur autem natus sit in Bethlehem, ratio est facilis; primū quod Micheas Propheta prædixisset. c. 5. 2. & oportebat eum etiam ex natali solo probare se eum esse ducem, de quo Propheta loqueretur. Deinde, quia eodem loco natus erat Dauid 1. Reg. 17. 1. & 17. 12. Cuius ipse successor, & restaurator regni ve-

niebat: oportebatque inde de radice Iesse florem ascendere, ubi erat radix. Itaque uix dum natus, ex loco natalis sui aduersarios suos principes sacerdotum, & Scribas populi conuincit, si nō ut se Christum esse credāt, ut quedam modo profiteantur ver. 5. Itaque cum Ioseph, & Maria non in Bethlehem: sed in Nazareth habitarent, occasione imperati ab Augusto census veniunt in Bethlehem, Luca 2. 4. quasi non alia de causa totus describeretur orbis, quam ut ne totius orbis dominus extra patriam suam nasceretur; coegit Deus Imperatoris edictum prophetiæ veritati seruire.

*Iuda.)* Plerique codices habent τῆς ἰουδαίας, Iudææ, atq; ita videtur Chrysostomus, & Euthymius legisse: multique ita legendum censent, consensio ne, ut opinor, plurium codicum adducti.



ducti. Ego Hieronymo potius assentior, qui & hoc loco, & in commentarijs in c. Mich. 5. Iudææ pro Iuda vitio sè legi contendit. Iudæam enim totam terram duodecim tribuum, Iuda verò solam sortem tribus Iudæ appellari. Cum autem constet duas fuisse Bethlehems; alteram in tribu Iuda, vbi Dānid & Christus natus est; alteram in tribu Zabulon, Iosue 19. 15. & Iud. 12. 8. manifestum esse voluisse Euangelistam, eam, quæ in tribu Iuda, ab ea, quæ in tribu erat Zabulon explicatione tribus separare. A qua minime separasset, si dixisset, *In Bethlehem Iudææ*, cum in Iudæa, sed non in Iuda utraque esset. Neque, quod quidam a Hieronymo dissentientes respondēt, mihi probatur, etiam terram tribus Iuda, & Benjamin (simul enim habitabant) Iudæam appellari, vt infra ver. 22. Nam etsi id verum est, tamen ita appellari cepta non est, nisi postquam a Romanis factum est regnum, qui Latina forma a Iudæis Iudæam uocauerunt. ita que nunquam, nisi cum de regno agitur, ita vocatur. Nobis autem non Romanorum; sed scripturarum sequendus est vsus, quæ cum hanc Bethlehē ab illa distinguunt, nunquam Bethlehē Iudææ, semper Iudæ vocare solent Iud. 19. 1. Mich. 5. 1.

*In diebus.* Hebraismus בְּיָמָיו. Hebrei fere semper dicunt, *In diebus*, pro tempore, præsertim in historia 4. Reg. 23. 29. & 24. 1. Herodis non illius Tetrarchæ Galilææ. Lucæ 1. 3. qui Antipas cognomento vocabatur, qui Ioānem Baptistam interemit, Christum irrisit, nec illius, qui Iacobum occidit, Petrū vinxit: sed patris illius, & aui huius, qui Herodes primus, Magnus, A scalonita, Antipatri dictus est, cui primo populus Romanus regis Iudææ titulum dedit, Iosephus lib. 14. ant. c. 18. Hege-sippus l. b. 1. c. 30. Euseb. lib. 1. c. 6. Conceptum iam erat tum annos per Cæsares numerare, quod & Lucas fecit. c. 3. 1. & Act. 11. 28. sed Matthæus, quia de regno Herodis agebat, cuius verum successorem natum dixerat, eius potius, quam Cæsaris mentionem fecit.

*Regis*) vt distinguat a Tetrarcha, de

quo. c. 14. 1. Videtur autem Euangelista indicare voluisse tempus fuisse maturum, ut Christus nasceretur. Cum enim prædictum esset *non auferendum sceptrum de tribu Iuda, donec veniret, qui mittendus erat*, Gen. 49. 10. dum dicit Herodem hominem alienigenam regnasse, indicat sceptrum de tribu Iuda defuisse, exactumque fuisse tempus, quo ex prophetia Iacob Christus venturus erat. Genes. 49. 10. vt Chrysostomus, & Theophylactus adnotauit.

*Ecce.*) Hæc particula duplicem hoc loco uim habet. Significat enim statim nato Christo venisse Magos, ut paullo post exponemus, & inopinatò venisse, quod ciuitatis tumultuatione declaratur. ver. 3.

*Magi ab Oriente venerunt.*) Quatuor de Magis quæstiones esse possunt: Qui fuerint? quot? vnde venerint? quo tempore profecti? Nam de stella qualis fuerit, & quo modo ex ea Christum natum cognouerint, postea dicemus. Prima quæstio ex altera pendere mihi videtur; Num Hebraice an Græcè Matthæus scripserit. Nam si hebraice, significatio nominis מַגִּים sequenda erit; si Græcè, nominis μάγος. Hebraice autem scripsisse diximus in præfationis capite quinto. Videndum ergo, qui sint, qui Hebraice uocantur

מַגִּים quod hoc loco legimus. מַגִּים igitur uocant Hebrei, quos Latini præstigiatores, ut apud Plautum legimus, id est, qui incantationibus, aut alia, qua arte rerum species immutant, ut alia sint, alia uideantur, ut ait R. Abraham. Quales illos Pharaonis fuisse legimus, qui diabolica arte diuinam Moysis artem in transformandis rebus imitabantur. Exod. 7. 12. 22. & 8. 7. At istos nec noster interpres, nec Septuaginta Magos solent uertere: sed ille ubique maleficos; hi *σαππανοὶς* aut *σαππανῆς* ut Exod. 7. 11. & 22. 18. Deuter. 18. 10. & 2. Par. 33. 6. Iere. 27. 9. Daniel. 2. 2. Malac. 3. 5. Magos uero & noster interpres, & Septuaginta eos uocare solent, quos Hebrai מַגִּים, id est, qui in spectione siderum futura prædicunt, sagacitate naturæ somnia interpretantur,

1. quæst. de  
Magis.

Magi He-  
braice qui  
vocari.  
in Aulula-  
ria.

Magi He-  
braice qui  
vocari.  
in Aulula-  
ria.



tur, ut Dan. 1. 10. & 2. 2. 10. 27. & 4. 4. & 5. 7. 11. 15. Vertit etiam Magos vetus interpres, quos Hebraei uocant מַכְשִׁיִּים Pythones, Septuaginta uero solent edere μάγοι ut Leuit. 19. 31. & 20. 6. & 1. Reg. 28. 3. 9. Hes autem, de quibus Matthæus loquitur, credibile uix est fuisse מכשפים præstigiatores, nomen apud omnes gentes infame, cum eos Euāgelista Magos honoris causa nominare uideatur. Unde me suspicio aliqua subit, aut totum Euāgelium, quod Hebraicè nunc habemus, aut hoc cerre uerbum non à Matthæo, sed à Mustero scriptum esse, qui scripturæ consuetudine parum animaduersa, quos מַכְשִׁיִּים Magos uocare oportebat מכשפים præstigiatores appellauerit. Itaque quia Hebraica fides fefellit nos, Græcam sequamur μάγοι. Magos ergo tribus modis appellatos inuenio. Nam, & qui nefariis magiæ non naturalis, sed diabolice artibus utebantur, Magi dicti sunt Leu. 19. 1. & 20. 6. & Act. 8. 9. & 13. 6. & apud Herodotum lib. 3. & Strabonem. 15. non artis, aut conditionis, sed nationis nomen est: inter quinque enim gentes, quæ Mediæ incolebant, Magos connumerat, quod idem facit Epiphanius in Epitome fidei Catholice, nisi quod aliam illis originem, & regionem aliam assignat. Scribit enim filios fuisse Abrahami ex Cethura concubina, qui cum eiectione à patre essent, in Magodiam Arabiæ regionem uenerint, ibique sedes fixerint, unde & nomen, ut uidetur, putat accepisse. Magis uero usitata huius nominis significatio est, ut Magi apud Perias patrio sermone sapientes appellentur, ut apud Græcos Philosophi, apud Italos Hetruria aruspices atque Pontifices, apud Indos Brachmanes, aut Gymnosophistæ, apud Babylonios Chaldaei, apud Aegyptios Hierophantæ, apud Gallos Druidæ uocabantur, ut Cicero lib. 1. de diuinat. & Strabo lib. 16. tradiderunt, & noster Tertullianus lib. aduersus Marcionem. 1. quo sensu & uero simile est, creditum a plerisque Magos hoc loco nominari, & quia ab Oriente

uenerunt, ubi celebre Magorum nomen erat, & quia stella sunt ducti, quasi homines, qui omnem uitæ cursum stellarum obseruatione gubernarent, in qua omnis tunc Magorum sapientia uersabatur, & quia Euāgelista honoris causa uidetur Magos appellasse.

Illud minus est certum, an fuerint reges. Ridet Ecclesiam Catholicam hæreticus interpres, quod Reges fuisse credat, quasi locum Psal. 71. 10. male de illis interpretetur, Reges Tharsis, & insule munera offerent, & ex Meridie, & Occidente Orientem fecerit. Rideat ergo Tertullianum in lib. contra Iudæos, & lib. contra Marcionem tertio: Rideat Cyprianum in sermone de baptismo Christi; Rideat Chrysostomum hom. 6. in Matthæ. Rideat Hilarium lib. 4. de Trin. Rideat Basil. hom. de hum. Christi. gener. Rideat Idacium ad Varim. Rideat Hieronymum aut Hieronymo æqualem ætate auctorem, Ps. 21. Rideat Augustinum, aut uerustum certe, qui quis est, auctorem lib. 3. de mirabilibus sacre scripturæ. Rideat Isidorum, Bedam, & Strabum, ut alios non nominem, quos liberiore fortasse impudètia ridebit. Hi enim omnes reges fuisse credunt, & illo psalmi loco fidem faciunt. Non quod credant reges fuisse Tharsis, sed quod reges Tharsis pro quibusuis Gentilium regibus, quasi exempli loco à Davide positos putent, ut Tertullianus exemplis etiam scripturarum docet, eodemque sensu Ecclesia in festo Epiphaniæ illum psalmi locum usurpat. Solet enim sæpe, quæ de una persona dicta sunt, ad aliam propter similitudinem non ignoranter, sed prudenter accommodare. Nec enim ignorat, quod scriptum est. Luc. 10. 42. *Mariam optimam partem elegit.* non de Maria Christi matre: sed de Maria Lazari sorore dictum esse, tamen ad Christi matrem in eius festo prudenter accommodat, quia & ipsa Maria est, & uerè optimam partem elegit. Præterquam quod Ecclesia Magos fuisse reges non certa, & Catholica fide,

Magi an reges.  
Beza in annotatione.

Magi à  
Matthæo  
cur appella  
ti.



Mātuanus  
in Fastis.

sed probabili opinione credit. Licuit enim Christiano poetæ patrum nostrorum memoria salua religione dicere: *Nec reges ut opinor erant*. Licuit multis nostro tempore Catholicis, & eruditis Theologis idem scribere, suamque opinionem, non ut ille risu, sed magnis argumentis confirmare; non fuisse Euangelistam silentio nomen regum, si reges fuissent, præteriturum, cum id ad honorem adorandi Christi magnopere pertineret, maiore apparatu excipiendos ab Herode reges à rege. Ista nos non ignoramus, & malum tamen credere fuisse reges, non illos quidem Persarum nobilissimos, sed tamen principes, qui regum aut regulorum nomē mererentur, sicut ille Ioan. 4. 46. 49. & sicut amici Iob, qui ad consolandum eum venerant, Tob. 2. 15. reges appellantur, & ut Marcus c. 6. 14. Herodem magni Herodis filium regem appellauit, cum non rex, sed Terrarcha esset Galilæe Matth. 14. 1. & Luc. 3. 1. Certe poeta Iuuenus primores gentis suæ, & proceres appellat. Coniectura sunt, quod ab Oriente usque veniant, unde priuati profecto philosophi tam longo suscepto itinere non uenissent, quod regem natum adoraturi, quod facere soli principes solent, quod thesauros habuerint. ver. 11. quod ab Herode simul, ut uenerunt, comprehensi non sint, & in crucem acti: quod ipse Herodes dicat se quoque adorandi causa, cum, ubi sit, intellexerint, iturum esse, Simulatè, quis neget? tamen ueritatem certè simulabat, quas omnes reges deberent Magorum exemplo nouum regem adorare, quod priuati homines nunquam ausi fuissent coram tyranno profiteri, legitimum Iudæorum regem natum esse. At cur Euangelista reges non appellauit? Cur auctor libri Iob amicos eius reges non appellat? Si alius Euangelista illam eandem scripsisset historiam, quam Ioannes c. 4. 46. scripsit illum formasse, quem Ioannes regulum uocat, alio nomine uocauisset. Neq. ratio quærenti omni-

no deerit, cur Matthæus Magos potius, quam reges, cum utrumque essent, appellauerit. Voluit enim tacite rationem reddere, cur ex stella Christum natum esse cognouissent. Hoc enim Magorum non regum fuit.

De numero minus constat, Hic etiam rider nos hæreticorum interpretes, quod tres fuisse credamus, inde in errorem ducti, quod tria fuerint munera, Quasi singuli singula, non cuncti cuncta communiter obtulerint. Ipse quattuordecim fuisse nescio apud quem auctorem legerit, certè non nisi apud Catholicos legitur, unde potuit facile cognoscere nos non certò fuisse tres, sed probabiliter credere. Auctor operis imperfecti ex apocrypha quadam scriptura, quam suo tempore nomine Seth extitisse dicit, duodecim fuisse tradit. Strabus plures tantum fuisse ex modo loquendi Euangelistæ colligit. Cōmunis non solum uulgi, sed ueterum etiam auctorum opinio est fuisse tres, Augustini serm. 29. & 33. de tempore. Leo. ser. 1. 4. 5. 6. 7. 8. de Epiphania, Rupertus in commentariis, eaque multo est cæteris probabilior. Illud enim certum est plures fuisse, cum Euangelista numero tēper multitudinis Magos appellet, & probabile est plures fuisse duobus, quia non duali, ut vocant, sed plurali usus est numero. Fuisse autem tres, etsi non certa, tamen probabili coniectura ex donorum numero colligitur. Credibilius enim est diuersa, quam eadem omnes munera dedisse, quod id magis sit uti ratum, & gratius recipientibus, honorificentius danibus esse soleat. Certè hæc opinio aliqua, alia nulla ratione probari possunt.

Vnde autem uenerint, quæ tertia erat quæstio, etsi magna ex parte Euangelista declarauit, relictus tamen est diuersis opinionibus locus. Multi n. ueteres auctores ex Arabia uenisse putant. Iustinus in Tryphone, Tertullianus aduersus Iudæos, & lib. 3. contra Marcionem, Cyprianus in ser. de stella & Magis, Epiphanius in Epitome. Nec tamen ex Occidente ut hæreticus

2. quæstio.  
quot fuerint  
Magi.  
Caluinus in  
Harm.

3. quæstio.  
Vnde magi  
uenierint.

Calu. in  
Harm.



retius putat, Orientem fecerunt. Est enim Arabia ad Palestinam inter Orientem & Meridiem, & solent regiones medice nunc Orientales, nunc Meridionales appellari, sicut Regina Saba Regina Austri, id est, Meridionalis dicta est Matth. 12. 42. & Luc. 11. 31. Moti sunt non immerito hi auctores Prophetia Davidis. Psal. 7. 10. Reges Arabum & Saba dona adducent. Ipsa quoque munera patriam producit. Nam Arabiam totam auro, & Sabaorum regionem thure odoribusque abundare adeo certum est, ut his ipsis rebus ex regiones apud poetas celebrentur. Alij Chaldaeos fuisse dicunt, quod aliquando Chrysostomo placuit. Scribit enim, quod mirum est, a Septentrione uenisse. Idemque Strabus auctor Glossæ, quam uocant, ordinaria, & nonnulli nostro tempore uiri sanè eruditi senserunt, quorum potissimum est argumentum, quod neque ex Perside, neque ex Arabia tredecim dierum spatio uenire potuissent. Horum ego minime assentior opinio. Nam etsi Chaldaam mediam inter Septentriones & Orientem esse scio: tamen consuetudo scripturæ est, ut Septentrionalis appelletur. Notæ sunt illæ prophetarum uoces, Chaldaam significantes, *Ab aquilone pandetur os meum* Iere. 1. 4. & 4. 6. & 25. 9. Cōmunis mihi placet opinio ex Perside uenisse, & quia plures habet auctores Chrysostomū hom. 7. Auct. operis imperfecti, hom. 1. Cyrillum Alex. lib. 4. in Isaiam, Inuencum poetam, Theophylactum, & omnes fere posteriores, & quia nomen ipsum Magorum Persicum est, & quia Euangelista dicit ab Oriente uenisse, & quia Persicos, præ se mores ferunt. Reges. n. adorare, & non sine munere adire Persica lex erat, ut omnes eius gentis scriptores tradunt. Quo autem modo tredecim diebus uenire poterint, paullo post explicabimus.

4. Quæstio,  
quando Ma-  
gi uenerūt.

Quarta superest quæstio, quando nam uenerint, & quando profecti sint, duas enim has partes quæstio habet. Epiphanius duobus post natum Christum annis uenisse affirmat, &

omni ope contendit hæc. 30. & 31. propter illa uerba vers. 16. *Occidit omnes pueros a bimatu, & infra secundum tempus quod exquisierat a Magis.* Idemque ante eum Eusebium Cæsariensem sensisse ex eius apparer Chronico. Multo ueriores Ecclesiæ sententia decimo tertio die post natum Christum uenisse, quod ueteres etiam auctores tradiderunt, Augustinus ser. 1. 2. & 3. de Epiphania, Leo octo sermonibus. Certe illud constat, non multis post diebus aduenisse. Hoc. n. Euangelista significat, cum dicit, *Cum natus esset Iesus, ecce Magi uenerunt.* Nam, & conuexio uerborum, & particula illa, ecce, indicat post Christi natalem statim Magorum aduentum secutum fuisse, ut Gen. 19. 9. *Adhuc loquebantur & ecce Rachel ueniebat cum ouibus patris sui.* Et Gene. 24. 15. *Nequid intra se uerba cōpleuerat, et ecce Rebecca egrediebatur,* & quia certum est, Ioseph & Mariam non mansisse in Bethlehem supra quadraginta dies purificationis, qui ex lege præscripti erant, Ieuit. 12. 2. Statim enim uenerunt in Ierusalem, ut sisterent eum Domino I. uac. 2. 22. & statim reuerterunt in Galileam ver. 39. Magi autem Christum in Bethlehem inuenerunt Matth. 2. 9. ergo ante quadagesimum a natali diem Magi uenerunt. Quod enim Epiphanius ait Ioseph & Mariam singulis annis eo die ex Ægypto in Bethlehem uenire consueuisse, cumque post duos annos rediissent, Magos eos inuenisse: mirum uideri potest tam erudito uiro in mentem uenire potuisse: quis. n. credat Ioseph & contra naturalem caritatem & contra mandatum Dei Matth. 2. 13. infantem in illum ipsum locum, ubi a tyranno quæri sciebat, reductum fuisse: cum etiam mortuo, & a Deo admonitus, ut reuerteretur, ausus non fuerit in Iudæam redire, sed in Galilæam diuertit uer. 22. Aliquod etiam est argumentum, quod Ioseph & Maria adeo incommode in Bethlehem habitati fuerint, ut credibile non sit diu iacente in pœpi Christo eos manere uoluisse. Quædo ergo ex patria profecti sunt? Quidā duobus ante natalē Christi annis profecti



profectos putant iisdem impulsu ver-  
bis ver. 16. *à bimatu, & infra secundum  
tempus, quod exquisierat a Magis.* Ad  
quam sententiam Auctor operis im-  
perfecti hom. 2. Augustinus ser. 7.  
de Epiphania accedere videntur. Mi-  
hi vero incredibile videtur, Magos  
duos integros annos in itinere po-  
fuisse, etiam si totum terrarum or-  
bem pedibus peragrascent. Nam no-  
stra ætate Magallanius duobus annis  
multis superatis impedimentis, in  
multis diu locis commoratus vna  
naui totum circum orbem terræ na-  
uigauit. Aiunt quidam stellam qui-  
dem ante duos annos Magis appa-  
ruisse: non tamen statim profectos  
fuisse eos, prius disputandum fuisse  
diu, quid stella portenderet, re vero  
explorata adornandam profectio-  
nem. Hoc etiam postea, cum de stella  
agemus, refutabimus. Fingamus ta-  
men ita esse, nimis adhuc longum erit  
tempus. Mihi Augustini sententia val-  
de placet ser. 32. de tempore eos non  
nisi nato iam Christo ex patria di-  
cessisse. Hæc enim vim habet, *Vidimus  
stellam eius in Oriente*, id est, quæ natū  
significabat. Cum autem decimo ter-  
tio post die credantur adorasse, reli-  
quum est non vltra octo aut nouem  
dies in itinere potuisse. Nec enim eo-  
dem die, quo stellam viderunt, disces-  
sisse credendum est, & Ierosolymis  
Herodes eos interrogat, dum Scri-  
bas & sacerdotes consulit, duos vi-  
minimum mansisse dies valde est ve-  
ro simile. Quo magis mirum est eos  
tantillo tempore ex Perside vsque ve-  
nire potuisse. Duæ tamen res admi-  
rationem tollent, altera quod credibi-  
le sit eos non ex vltimis, sed ex proxi-  
mis Persarum finibus venisse, qui ab  
Ierusalem vix vltra ducentas leucas  
distare reperiuntur. Altera, quod ve-  
rosimile sit camelis vsos esse, qui  
quamuis onerati quadraginta quoti-  
die leucas conficere dicuntur. Nam  
quod Remigius vult diuina id factum  
virtute, vi fieri potuisse credendam  
est, ita factum fuisse non est necessa-  
rium, nisi probetur.

Cur Magi.

*Ierosolymam.* Mirum cur Ierosoly-

mam uenerint, cum in Bethlehem ab  
stella ducerentur. Sunt, qui putent stel-  
lam prope Ierosolymam disparuisse,  
ut Magi natum regem in urbe regia  
nuntiarent, ne Iudæi ignorare pos-  
sent, quod Gentilium testimonio di-  
dicissent. In qua sententia Ambro-  
sius est lib. 2. in Lucam c. 2. & August.  
ser. 30. 31. & 35. de tempore, & Chry-  
sostomus hom. 7. in Matth. Basil. in  
hom. de hum. Christi gen. Theophy-  
laët. Bern. in sentent. Quod eo est pro-  
babilius, quod Ierosolymitani stellam  
non uiderint. nec enim Evangelista  
uidetur prætermisurus fuisse. Quod  
si non disparuisset, omnes ubique eam  
uidissent. Id etiam in dicat Euangeli-  
sta uer. 9. *Qui cum audissent regem, abie-  
runt, & ecce stella, quam viderant in O-  
riente, antecedebat eos, usque dum ve-  
niens staret supra, ubi erat puer.* Quasi  
dum fuissent Ierosolymæ, non uidis-  
sent, & simul atque inde discessissent,  
iterum uidere cœpissent. Bernardus exi-  
stimat prius Magos Ierosolymam ue-  
nire uoluisse, ut de nato interrogarent  
rege, ideoque stellam sese occultasse, ut  
qui humanum querebant consilium,  
diuinum amitterent ducem. Mihi nō  
tam eorum curiositate, quam diuino  
consilio factum uidetur, ut Ierosoly-  
mam uenerint: partim ut Iudæi in ex-  
cusabiles essent, ut Hieronymus ait:  
partim ut prius à gentibus, quam à  
Iudæis Christus rex natus annuntiaretur,  
ne Iudæorum de suo rege testimo-  
nium suspectum haberetur, ut Basiliius  
hom. de humana Christi generatio-  
ne. Humana etiam postulabat ratio, ut  
qui natum querebant regem, in re-  
giam urbem uenirent.

2. *Qui natus est.* Notanda Magorū  
asseruatio, non enim dubitantes in-  
terrogant, an natus sit, sed certi tan-  
quam a Deo docti, natum esse asseue-  
rant. Videntur etiam ita loqui, quasi  
omnes natum esse sciant. Et uerò quis  
crederet Iudæorum natum regem Per-  
sas scire, ignorare Iudæos? Credi-  
bile etiam est eos de nouo rege in-  
terrogasse, de quo cum nihil cognos-  
cere potuerint, Ierosolymam uene-  
runt, quasi in urbe regia scituri, quod  
in

Ierosolymā  
venerunt,



in alijs scire non potuissent.

Rex Iudeorum.) Duobus modis hæc verba iungi possunt, uel Rex Iudeorum, qui natus est, uel qui natus est, Rex Iudeorum, utique sensus probabilis, secundus tamen mihi uidetur probabilior, quia *ἐμπερικότερος*. Nec enim ignorare Magi poterant Herodem legitimum & naturalem non esse regem, sed factitium, & a populo Romano datum. Factitio ergo regi naturalem opponunt.

*Vidimus enim stellam eius.*) indicem natalis eius. Quinq; de hac stella quæri possunt: qualis fuerit? quando primum uisa? Vbi quomodo ex ea Magi cognouerint natum esse Christum? Cur per eam potius, quam alia ratione docti fuerint? Veram fuisse stellam vnam de numero cæterarum, quæ ad præstandum Magis obsequium descenderit, Gregorius Nyssenus existimat in homilia de Christi incar. Alij fere omnes non ueram stellam, sed stelke similitudinem fuisse putant, Chrysost. hom. in Matth. 6. Basilius hom. de humana Christi generatione, Ambrosius lib. 1. in Lucam cap. 1. Augustinus ser. 30. de tempore, Fulgentius in homilia de Epiphania, Auctor librorum de mirabilibus sacre scripture, qui nomine Augustini circumscribuntur, lib. 3. ca. 4. Quod multis probant argumentis: quod nunquam antea uisa, quod nunquam post, quod non fuerit in cælo, alioqui viam monstrare non potuisset, quod ab Oriente in Occidentem contra naturalem cursum uenerit, quod non solum noctu, sed etiam interdiu luxerit, quod se se aliquando occultauerit, ut diximus ver. 1. quod steterit supra domum, ubi erat puer. Quæ omnia probabilia, non necessaria argumenta sunt. Nam qui fecerat aliquando, ut sol staret, aliquando ut retrorsum reuerneretur, facere potuit, ut uera stella statione naturali relicta isthac præter naturam suam officia præstaret. sed, quia miracula Deus sine necessitate facere non solet, nec à nobis, nisi probentur, pro miraculis habenda sunt, credibilis est ueram non fuisse stellam,

cum stelke similitudo esse potuerit, & ad docendos docendosque Magos satis esset, stellam apparentem Euangelista propter similitudinem, non propter ueritatem appellauit, sicut nos cometam stellam uocamus. Quid autem fuerit, magna inter scriptores dissensio est. Nonnulli Spiritum sanctum fuisse putant, qui, ut post baptismum specie columbe, ita nunc specie stellæ ad demonstrandum Christum descenderit. Ita auctor ille librorum de mirabilibus sacre scripture lib. 3. cap. 4. Alij fuisse Angelam, qui stelke speciem inducit. Nam & Angelos stellas appellari Apoc. 1. 20. hanc opinionem auctor ille, quem paullo ante nominauimus, probabilem, Theophylactus ueram existimat. Plerique alij cometam fuisse dicunt. Ego, aut cometam, aut Angelum dixerim.

Quando autem sit uisa, non conuenit. Quidam duobus annis, antequam Christus nasceretur uisam dixerunt propter illa uerba uer. 16. *A bimatu & infra, secundum tempus, quod exquisierat à Magis*, ut refert Euthymius. Et quidem Auctor operis imperf. hom. 2. ita sentit, & Nicephorus li. 1. 13. Idemque aliquando sentit Augustinus, ut apparet ex ser. 36. de tempore: quam sententiam postea corripit. Alij uno ante anno, ut idem refert Euthymius. Alij aliquanto ante, ut Chrysost. Euthymius & Theophylactus. Alij eo ipso die, quo natus est Christus, ut Augustinus ser. 4. de Epiphania, quod ego probabilissimum puto. Hanc enim uim in illis uerbis animaduerto, *Vidimus stellam eius in Oriente*, id est, quæ eum natum significabat, & in illis, *Vbi est, qui natus est?* quasi ex stella non nasciturum Christum, sed iam natum certò cognouissent. Cur ergo Herodes à bimatu, & infra pueros occidit, secundum tempus, quod exquisierat à Magis? uer. 26. dicemus.

Vbi uiderint, non constat. Hæc enim uerba ambigua sunt, *Vidimus stellam eius in Oriente*. Sensus enim duplex esse potest, aut eos cum in Oriente essent, stellam in Occidente uidisse, aut uidisse

2. Quæstio, quando stella apparuit.

3. Quæstio, ubi stella apparuit.

1. Quæstio, de stella Magorum an uera fuerit.



uidisse stellam, quæ apparuerit in Oriente, ut 2. Reg. 11. 2. *Viditq. mulierẽ ex aduerso se saluantem super solarium suum*. Dubium enim est, an uiderit mulierem, quæ super solarium suum lauabat, an ipse ex solarium suo eam uiderit. Nonnulli ergo non in Oriente, sed in Occidente stellam apparuisse putant, quod auctor lib. de mirab. fac. scripturæ lib. 3. c. 4. affirmat. Strabus in medio relinquit. Sed non uidetur mihi dubitandum, quin in ipso illis Oriente primum apparuerit, & uir dux fuerit. Cum enim dicunt, *Vidimus stellam eius in Oriente*; non tamen unde, quam qua ratione moti uenerint, dicere uolunt, quod stellam nimirum eius uiderint. Sensus ergo est eam in Oriente apparuisse, quia non agebatur, ubi ipsi essent, sed ubi eam uidissent. Deinde si in Occidente, id est, in Iudæa apparuisset, utique uisa fuisset a Iudæis, quod Euangelista non tacuisset. Præterea quamuis Euangelista non dicat stellam per totam uiam Magos antecessisse, tamen quia dicit ver. 9. antecessisse eos, postquam exierunt ex Ierusalem, usque dum ueniens staret supra ubi erat puer, credendum est idem eam ante officium ab Oriente usque in Occidentem præstitisse.

1. questio,  
quæ ex stel  
la Magi  
Christi co  
gnouerunt.

Quo autem modo Magi uisa stella Christum natum esse cognouerint, difficile dictum est. Auctor operis imperfecti historiam apocrypham recitat in stella similitudinem pueri fuisse, qui Magos allocutus Christum natum docuerit, & ut eum adoraturi proficiscerentur, imperauit. Alij naturali astrorum scientia eos coniecisse, quod uidentur Priscillianistæ existimasse, saepe de hac re ab Augustino, Chrysostomo, Leone, & Gregorio reprehensi. Enim uero certum est naturali scientia non solum Deum, sed ne hominem quidem ullum natum esse cognosci posse. Reliquum ergo est, ut reuelatione cognouerint. Quo autem modo, aut quando ea facta sit, de eo dubitatur. Hieron. in caput. Isaie 19. per demones factam putat. Idemque scripsit libro 1. contra Celsum uidetur Origenes, qui sicut

alia, sic etiam hoc adiurati Magos docuerint, quid stella significaret. Nec improbabile omnino est uoluisset Deum filij sui ortum per demones declarari, cum uideamus eos Christum negantibus Iudæis confiteri Matth. 8. 29. & consentaneum uidebatur, ut pastores, qui cælum perpetuo contuebantur, per Angelos à cælo; Magi, qui ab inferno scientiam hauriebant, ab inferno per demones docerentur. Alij per angelos factam malunt, ut August. ser. de Epiph. Alij intrinsecus a Deo hoc mysterium eorum animis inspirando, ut 1. eo serm. 1. de Epiph. quod & Augustinus uidetur approbare ser. 34. de tempore. Constantissima uero omnium ferè ueterum auctorum opinio est Magos ex Prophetia Balaam iam diu cognouisse Christo nascente stellam orituram Num. 24. 17. *Orietur stella ex Iacob*. Magos enim aut posteros fuisse Balaam, aut ex eius posteris, qui uicini fuerint, eam Prophetiam traditionemque acceperisse, Origenes hom. 13. in Num. Ambro. lib. 2. in Iucam ca. 2. Chrysost. hom. 11. in uarios Euangelistas, Epiphanius in epitome, Basiliius hom. de humana Christi generat. Auctor imperfecti hom. 1. Hieronym. hoc loco. Quod ego, & propter tot tantorumque testium auctoritatem, & propter uerisimilitudinem ualde probabile iudico. Videnturque Magi, cum dicunt, *Vidimus stellam eius in Oriente*; ita loqui quasi de re, quæ Iudæis nota esset, existimantes Iudæos eam prophetiam, quam ipsi Gentiles scient, ignorare non posse. Non enim dicunt, *Vidimus stellam quandam in oriente*, sed *uidimus stellam eius*, quia de illa loquebantur, quam omnes sciebant nascente Christo apparituram, quemadmodum si quis nunc diceret, Antichristus uenit, & ut Andreas Petro fratri suo dixit, *Inuenimus Messiam*, Ioann. 1. 45. Aug. et probabiliter, quod Herodes crediderit per eam stellam natum significari Christum, quasi id vulgo notum esset. Nec enim rogat principes sacerdotum, an Christo nascente stella apparitura sit,



sit, sed ubi Christus sit nasciturus. Quod autem quidam obiciunt in illa prophetia Balaam stellam Christum ipsum appellari, cum ex Iacob dicatur oritura, non nego. Sed nouum non est, ut unum verbum praesertim in prophetiis, & Christum, & Christi figuram significet, ut infra ver. 15. Ex Aegypto uocauissimum meum. Illud certum esse arbitror, Magos praeter stellam, aliquam suae per hanc prophetiam, siue aliunde, diuinam reuelationem habuisse, asseueranter enim, & tanquam à Deo docti loquuntur; *Vbi est, qui natus est rex Iudeorum?*

5. Quaestio, cur per stellam Magos Deus docuit.

Postrema quaestio erat: Cur Deus Magos per stellam docuerit? Non est difficilis coniectura, & Gregorius docuit uoluisse Deum accommodatè ad eorum scientiam eos erudire: ut, qui in stellarum observatione uersabantur, ex stellis Christum cognoscerent. Omnibus in rebus, & querere, & inuenire possumus Deum.

Caluin. in Harmon.

Et uenimus adorare eum.) Qui hoc loco non aliam quàm urbanitatis adorationem intelligunt, nimis mihi videntur urbani. Curenim tot alios Iudeorum natos reges nemò peregre adoraturus uenit, ut Athanasius in libro de incarnatione argumentatur? Quo modo in stabulo, & in praesepe iacentem adorant, si nihil nisi hominem cogitant? Quomodo Herodes se quoque adoraturum dicit? Frustra profecto Deus tam inuisitato eos miraculo docuisset, ut solum hominem non etiam Deum adorarent. 29.

4. Et congregans omnes principes) Vnum tantum fuisse principem sacerdotum ex multis locis perspicuum est. Matthaeus. 26. 59. 61. usque ad ver. 65. Marcus. 1. 44. & 2. 26. Lucae 22. 50. 54. Act. 4. 6. & 5. 17. 21. 27. & 7. 1. & 9. 1. & 22. 5. & 23. 2. & 24. 1. Itaque merito quaeritur, quo sensu, quasi multi fuerint, principes sacerdotum appellentur. Quod non hoc tantum loco, sed multis etiam alijs fieri animaduertimus, ut Matth.

Qui principes sacerdotum.

16. 21. & 20. 18. & 21. 15. 23. 45. Sunt, qui dicant principes sacerdotum appellari omnes, qui summi aliquando fuissent sacerdotes: erant enim annui, & venales, Ioan. 11. 49. & 18. 13. ex quo Pompeius urbem expugnauerat, & uestem sacerdotalem in suam, populiq; Romani potestatem redegerat, ut Iosephus scribit lib. 18. ant. c. 6. & Eusebius lib. 1. hist. eccles. c. 6. Ita Chrysost. & Euthym. infra. cap. 26. 5. & Theophylact. interpretantur; Marc. 14. quorum opinio inde refellitur, quod antequam annui essent summi sacerdotes, cum ea dignitas non ante finem vitae finiretur, plures tamen principes sacerdotum dictos legimus 2. Par. 36. 14. Vnus ergo erat, & multi. Vnus summus, qui absolute principes sacerdotum, aut Pontifex uocabatur. Multi, qui erant כהנים capita familiarum sacerdotum, ut apparet 1. par. 15. ver. 6. usque ad 12. & capitulo. 24. 6. Vocat ergo Herodes sacerdotes, quia eorum erat officium de lege respondere Malac. 2. 7. non omnes, quia infinitus fuisset numerus, sed principes, qui, & pauciores, & doctiores erant, & quia erant ex numero sanctorum ordinariorum iudicum; & quasi consiliarij, ut intelligitur 1. par. 23. 4. Matth. 26. 3. Marc. 11. 18. Act. 4. 26. & multis alijs locis, ubi sine principibus sacerdotum nullum concilium cogitur.

Et scribas populi.) Scribae שריבין proprie erant publici notarii, quorum officium erat non solum publica instrumenta conficere, sed etiam sacras scripturas incorruptas seruare, earumque sensum interpretari, ut constat 4. Regum. 22. 8. 9. 10. & 1. Esdrae. 7. 10. 11. & Matth. 7. 29. & 17. 10. & 23. 2. & 1. Corinth. 1. 20. Itaque iidem *νομικοι*, id est legis periti uocabantur Lucae 7. 30. & 11. 46. Non item *νομοθέται* legislatores, ut quidam putant. Horum enim maior erat dignitas. Quemadmodum apud Graecos Grammatici primum dicti sunt, qui litteras nouerant. i. legere, & scribere, deinde qui auctores

Quinam scribae.

D corri.



corrigebant, & interpretabantur: qui in omnibus quæstionibus, quæ de historiis, fabulis, auctorum sensu incidebant, iudices erant. Theophylactus: Ideo ab Herode etiam uocantur, & quia pars magna Cœcilii erant Marc. 14. 53. & 15. 1. Luca 21. 66.

*Vbi christus nasceretur*) Hebraismus, id est, ubi nasciturus esset, 777.

6. *Et tu Bethlehem.*) Hunc locum dissensio, quæ prima specie magna uidetur esse inter Euangelistam atque Prophetam, difficile facit. Quattuor autem rebus uidentur dissidere. Quod Euangelista dicat, *Et tu Bethlehem terra Iudæ*; Prophetam uero, *Et tu Bethlehem Ephrata*; Quod Euangelista, *Nequaquam minima es*, Prophetam in *777* minima es, ut sis: Quod Euangelista ex te exiet dux: Prophetam ducem non nominet. Quod Euangelista dicat, *Qui regat*, aut, *777* *777*, qui pascat: Prophetam *777*, qui dominetur. Deniq. Euangelista, ut Hieronymus ait, neque cum Prophetam, neq. cum Sept. ullo modo uidetur conuenire. Quidam nimis facile respondet Euangelistas memoria sæpe lapsos testimonio scripturarum non aliis tantum, uerbis, sed alio etiam, contrarioque sensu recitare. Cuius sententiæ magnum auctoritatem in epistola ad Pâmachium Hieronymum citant. Euangelistas contrario sensu scripturas citare dictum impij iudico, neq. id usquam Hierony. dixit. Nam quod ait in epistola ad Pâmachium de hoc ipso loco agens sensum esse contrarium, non significat totius loci Euangelistæ sensum totius loci Prophetæ sensui, sed unius uerbi Euangelistæ sensum unius uerbi Prophetæ sensui, si per se consideretur, contrarium esse. Nam, *minima es*, & *non minima es*, per se considerat, contraria profecto sunt, ut ante ab Euangelista, & Prophetam dicuntur, non contraria, sed idem sunt, ut paullo post exponemus. Memorie autem lapsus qui Euangelistis tribuitur, quorum ore spiritus sanctus loquebatur, eisi rem, quasi humanum sit, extenuant: uideant, an in Euangelistis excusetur, quod in se si quis excu-

saret, rideri se putarent. Ego id, aut impium etiam esse, aut prope ab impietate abesse arbitror. Cautior Hieronymus, qui sacerdotes potius, & Scribas, quam Euangelistam accusare maluit. Putat enim in commentariis in cap. 5. Michæ Euangelistam, non quid propheta dixerit, sed quid sacerdotes, & Scribæ responderint narrare uoluisse, ut scripturarum in illis ignorantiam notaret. Sed neque credibile est sacerdotes, quantumuis indoctos, Prophetæ uerba infideliter recitasse, præsertim cum uerò simile sit in re tam seria librum ipsum in medium protulisse, & Euangelista potius laudandi, quam reprehendendi causa uidetur eorum responsum recitasse, ut ex aduersariorum etiam sententia probaret Christum in Bethlehem fuisse nasciturum. Alii interrogatiue locum Prophetæ legendum putant, ut idem sit, *An minima es?* apud Prophetam, & *nequaquam minima es* apud Euangelistam, quod non esset incredibile, si probaretur. Alii *777* apud Prophetam neutro genere positum dicunt, ut sit sensus, parum est, ut sis in millibus Iudæ, id est, maxima es, ut sis inter principes Iudæ, quod Euangelista dixit, *Nequaquam minima es*. Hæc interpretatio cum mihi ipsi, sicut, & illa superior, ante quàm apud ullum auctorem legerem, uenisset in mentem, uix inuenta displicuit quod Hebræi non soleant eo sensu dicere, *777*, sed *777*, ut Gene. 30. 15. Isa. 7. 13. Credo ego huius rei explanationem ex alia questione pendere, an hæc uerba sint sacerdotum, & Scribarum, an Euangelistæ. Nonnulli enim interpretes Euangelistæ esse putant, qui haud scio, quo modo explicare questionem possent, sed eos connecto, contextusque uerborum uidetur redarguere. Sunt ergo sacerdotum uerba ab Euangelista fideliter recitata. Quare sic existimo Euangelistam non uerba prophetæ, sed sacerdotum Scribarumque interpretationem recitare uoluisse: quæ eiusmodi fuit. *Et tu Bethlehem Ephrata*, id est, terra Iudæ. Hæc enim Bethlehem olim Ephra-



Ephratha vocata fuerat. Gene. 35. 16. 19. & 48. 7. Quia ergo alia erat Bethlehem in tribu Zabulon Iosue. 19. 15. & Iud. 18. 8. quæ Ephratha non cognominabatur, addidit Propheta hoc epithetum, ut hanc Bethlehem, ab illa distingueret: sacerdotes vero epithetum prophetæ, alio clariore epitheto explicare voluerunt. *Et tu Bethlehem Ephratha*, id est, quæ es terra Iuda, non Zabulon, ut doceant sensum Prophetæ esse, non in ea Bethlehem, quæ erat in tribu Zabulon, sed in ea, quæ in tribu erat Iudæ, Christum nasciturum. Id enim Herodes magnopere putabat sua interesse, ut sciret. Quod autem sequitur, *Minima es, ut sis*, sic exposuerunt, quasi Prophetæ ironice locutus fuisset, Minima quidem videris, si murorum tuorum spectetur ambitus, at nequaquam minima es: *Ex te enim exiet dux, &c.* In millibus *מִלְּבָנִים* interpretati sunt, in ducibus, id est, inter duces, aut proventu ducum. Nomen enim *מִלְּבָנִים* utrumque significat, & duces, & mille, quia duces mille plerumque hominibus præerant, inde *χιλίαρχοι* à Græcis appellati, fuisse autem populum in chiliadas distributum, & nemo nescit, & Exod. 18. 25. & 1. Par. 23. 4. manifestum est. Quod idem in veteri Græcorum Rep. factum fuisse apud Aristotelem, & Platonem legimus. Dubium autem non est, quin Prophetæ non solum ad ortum futurum Christi prospexerit, sed etiam ad præteritum Davidis alluserit, significans paruum oppidum unum iam præstantissimum ducem Davidem protulisse, alterum uero longè præstantiorem Christum prolaturum: & quia de Christi ducis ortu agebatur, appositè sacerdotes interpretati sunt *בְּלֵילֵי הַדָּוִד* in ducibus Iudæ. Quod autem pro *הָשָׁב* dominetur, interpretati sunt *πομανεῖ* pascet, regendi modum declarare voluerunt, futurum significantes, ut Christus non in uirga ferrea, ut gentes, sed in pedo benigni pastoris, cuius oves essent propriæ, populum suum regeret, simulque, ut opinor, ad Davidem

Christi figuram alludunt, qui à pascendis ouibus ad pascendum populum Dei traductus est. Nam de gregibus ouium assumpsit eum, de post fatantes accepit eum pascere Iacob seruum suum, & Israel hereditatem suam, Psa. 77. 76. 77 sicut Petrus, & Andreas allusione ad præteritum officium piscatores hominum facti dicuntur Matth. 4. 19. Melius tamen mihi noster interpres ueritasse videtur, reget, quàm alii nonnulli uertunt, *pascet*; quia non uocauerant Christum *ποιμὲνα* pastorem, sicut reges Homerus uocare solet, sed *ἡγεμόνα* ducem, cum quo melius regēdi, quàm pascendi coheret uerbum. Chrysost. & Auctor operis imperfecti sacerdotes reprehendunt, quod non integrum Prophetæ testimoniū produxerint. Sequebatur enim: *Et egresus eius a diebus æternitatis*, quod illi tacuerunt, sed non tam malignitate, quàm prudentia mihi uidentur tacuisse, quod ad quæstionem ab Herode propositam, *Ubi Christus nasciturus esset*, nihil attinebat.

7. *Clam uocatis magis.*) Clam uocat, quia Christo insidias parat.

*Tempus stelle* τὸν χρόνον τοῦ φαίνεσθαι τῆς ἀστέρος, tempus, quo apparuerat stella, id est, quo illis tempore primum cœpisset apparere.

10. *Videntes autem stellam.*) Qui hinc colligunt stellam non fuisse Magis torius ducem viæ, quod quasi nouo nunc eius officio latentur, non uidentur animaduertere, eadem ratione probari posse, ne uisam quidem illis antea fuisse, quod ita nunc, quasi ante non uidissent, eam uisa latentur. Quod absurdum profecto est. Iam enim dixerant: *Vidimus stellam eius in Oriente* uer. 2. Non id ergo, sed illud potius colligitur, eam ad tempus, cum Magi Ierosolymis essent, disparuisse, ut uer. 1. Ambrosium, Chrysostomum, Basilium, Augustinum, Bernardum, Theophylactum diximus docuisse. Neque mihi uidentur horum uerborum sensum penitus intelligere. Nec enim significat, ut ego quidem arbitror, Euangelistæ Magos aspectu stellæ, quæ paullo ante

D 2 cuā.



cuanuisse uidebatur, letos fuisse. Id enim si dicere uoluisset, non hoc loco, sed ante dixisset. *Et ecce stella, quam uiderant in Oriente, antecedebat eos, & gauisi sunt gaudio magno valde:* sed significat eos gauisos fuisse uidentes stellam (sicut proxime dixerat) stantem supra, ubi erat puer. Latantur enim, non quod stellam uiderint, quam saepe iam uiderant, sed quod Christum, quem querebant, inuenerint.

*Gaudio magno valde* גדולה מאד, id est, maximo. Notus, & frequens Hebraismus, Ierem. 24. 3. *ficus bonas bonas valde*, id est, optimas, *Et ficus malas malas valde*, id est, pessimas.

11. *Et intrantes domum.*) Quia domum, non stabulum intrasse dicuntur Magi, nata quaestio est, an adhuc in praesepe iacentem Christum inuenerint. Epiphanius haeresi 31. hinc argumentatur Magos duobus post Christum natum annis uenisse, quod non in stabulo, ubi natus fuerat, sed in domo eum dicantur inuenisse, idemque Theophylactus affirmat. Alij fere omnes in praesepe a Magis inuentum, & adoratum fuisse tradunt. Iustinus in Tryph. Chrysostom. hom. in Matth. 7. Auctor imper. homilia secunda, August. sermo. primo, & secundo de Epiphania. Immo uero Euthymius dubitat, utri prius Magi, an pastores adorauerint, pariterque utrumque putat esse probabile. Quamquam ego de eo non existimo dubitandum, cum eadem nocte, qua Christus natus est, pastores constet adorasse, Luc. 2. 11. 16. Magos autem, etsi tertio decimo uenerunt die, non iam in praesepe, sed honestiore loco Christum inuenisse mihi probabile uidetur. Quod enim in praesepe repositus fuerit, partim mysterio, partim necessitate factum est, quia confluentibus undique in Bethlechem descriptionis causa, qui ex familia Dauidis genus ducebant, non erat locus in diuertorio, Luc. 2. 7. Mysterio iam erat satisfactum. Necessitatem cessasse credendum est; & Mariam, aut Ioseph omni diligentia commodio-

rem locum quassuisse suadet ipsorum pietas. Auctores uero illi superiores concionando fortasse, magis quam interpretando in praesepe adoratum dixerunt, quod id, & mysterium, & admirationem, & Magorum fidem augere uideretur, sed quia illa superior fere communis est Parrum sententia, non facile est reiicienda.

*Cum Maria matre eius.*) Quod Iosephi mentio non fiat, aut casu, quod forte domi tunc non esset: aut mysterio factum est, ut Ioseph a Magis non inueniretur, ne forte Christi patrem putarent. Nam pastores puerum cum Ioseph, & Maria dicuntur inuenisse, Luc. 2. 16.

*Obtulerunt ei munera aurum, thus, & myrrham.*) Quibus Orientales abundant, quamquam nolim mysterium excludere, quod omnes hic ueteres auctores tanto consensu cognouerunt, ut Regi aurum, Deo thus, homini myrrha data sint. Minus enim mysterij esse uidebatur, quod mulier illa unguento Christum perfudisset, quod nihilo minus erat apud Orientales usitatum: tamen Christus ad significandam suam sepulturam, de qua nihil fortasse mulier cogitabat, factum dixit Matth. 26. 12. Huius autem mysterij etsi non Christum, quia nihil eum de Magis locutum legimus: tamen omnes ueteres auctores interpretes habemus, Irenaeum libro tertio, capit. 10. Cyprian. serm. de stella, & Magis, Origen. libro primo contra Celsum, Basil. homil. de hum. Christi generatione, Gregorium Nyssensem. hom. de Christi natiuitate, Chrysostom. homil. 1. in uarios Euangelistas, Ambros. libro primo de fide cap. 2. August. serm. 1. de Epiphania. & serm. 37. Hieronym. in commentar. Iuuenicum, & Sedulium, quorum nota sunt carmina. Solus in sententijs Bernardus eum totus alias mysticus esse solet, & hoc ipsum mysterio tribuat serm. secundo, & tertio de Epiphania, nullum hic mysterium agnoscat: sed aurum paupertati, myrrham consolidandis infantilibus membris, thus loci fectori mirigando datum putat. An autem singuli sin-

Munerum  
Magorum  
significa-  
tio,



Quo expen-  
derit B. Ma-  
ria Mago-  
cum autu.

li singula, an cuncti communiter cun-  
cta obrulerint dona, quod Strabus in  
certum relinquit, diximus ver. 5. Aliā  
hic nonnulli questionem mouent,  
quam ut curiosam, praterissem, nisi  
aliquam ad explicandum aliam scri-  
pturam locum lucem afferre posse iudi-  
casset: Qua in re tantum thesaurum  
Ioseph, & Maria consumpserint? Nec  
enim vero simile est reges, qui ex O-  
rientis usque uenisse, & thesauros ape-  
ruisse dicuntur, parum quiddam obiu-  
lisse auri, & uidemus tamen Mariam  
Purificationis die agnum, ut prateri-  
ptum in lege erat, emere non potuisse,  
ideoque par turturum, aut duos pul-  
los columbinos obiuilisse. Luc. 2. 24.  
Respondeo non constare ex eo loco,  
utrum Mariam agnum, an par turtu-  
rum, uel duos pullos columbarum ob-  
tulerit: tamen, quia probabiliter inde  
colligitur, & ita omnes sentiunt, pla-  
cet mihi, quod a quibusdam dictum  
est, thesaurum illum Deo fuisse ab illis  
consecratum. Nam quod alij dicunt ad  
peregrinationem Egypti seruatum  
fuisse, ideo minus credo, quod & aua-  
ritiam redolet, & quando puer prae-  
sentatus in templo est, nihil dum de  
ea peregrinatione Iosephus cogitauit,  
quo tempore thesaurum contum-  
ptum iam fuisse probauimus.

12. Surge & Accipe) *ἐγείρεται & ἄρ-  
ξα, & accipe*, expergefactus accipe id est exper-  
giscere statim, & accipe, ut effectus in-  
terpretatur.

14. Qui consurgens) *ὁ δὲ ἐγείρεται*, il-  
le uero expergefactus, id est, cum sta-  
tim post uisum euigilasset, accipit pue-  
rum, & de nocte fugit. Credibile est  
prope fuisse carnifices, qui puerum  
querebant, quando in tempesta nocte  
fugere iuberunt. Fugerunt autem non  
ex Berthelem, nec ex Ierusalem, sed  
ex Nazareth, quae erat in Galilaea, ut  
perspicuum est ex Luc. c. 2. 39. Cur au-  
tem in Egyptum, prompta est causa,  
ut essent extra Herodis imperium. A-  
liam Euangelista reddit, ut impletur  
quod dictum fuerat per Prophetam, Ex

Osce. 11. 1. *Aegyptio uocaui filium meum*, quamquā  
ibi non tam causa, quam euentus signi-  
ficatur. Erat Aegyptus in rebus aduer-

sis Iudeorum confugium. Nam fame  
olim impulsus in Aegyptum confuge-  
runt. Gene. 46. 6. bello longe post a  
Chaldaeis uexati, qui ex calamitate re-  
liquerant, eodem sese contulerunt. 4.  
Reg. 25. 26. Videtur Aegyptus schola  
esse filiorum Dei, qui adolefcere non  
possunt, nisi uexentur.

*Et erat ibi usque ad obitum Herodis.*

Quamdiu Christus manserit in Aegy-  
pto, aut quo loco, quid ibi egerit,  
nec expressit Euangelista, nec aliunde  
certo constare posse arbitror. Qui se-  
ptem annos fuisse dicunt, autorem  
secuti eum, qui scholasticam, ut no-  
cant, scripsit historiam, non probant.  
Neque qui tres, ut Nicephorus lib. 2.  
c. 14. Omnium fere sententia est duos  
fuisse annos, quod Epiphanius har.  
51. uidetur approbare. Res fortasse  
non ita magni refert, sed si uolumus,  
quod in ea est probatissimum, perue-  
ligere, ita nobis principia sequenda  
sunt, quae ex Euangelista facile proban-  
tur. Vnum est, hanc fugam eodem an-  
no contigisse, quo Christus a Magis  
adoratus est, & quidem non multo post  
adorationem. Hoc. n. uerba illa signifi-  
cant: *Tunc Herodes uidens, quod illusus  
esset a Magis, & haec ver. 13. Qui cum  
recessissent, ecce Angelus Domini appa-  
ruit in somnis Ioseph, quae quamuis, ut  
diximus, non significant statim, tamē  
certe significant non multo post Ma-  
gorum abitum, & Ioseph, ut fugeret,  
admonitum, & Herodem pueros occi-  
dere cepisse. Alium est, eodem anno,  
quo Herodes mortuus est, Christum  
ab Aegypto reuertisse. Hoc. n. illa indi-  
cant uerba, ver. 19. 20. Defuncto autem  
Herode ecce Angelus Domini apparuit  
in somnis Ioseph, dicens, Surge & accipe  
puerum, & matrem eius, & rade in ter-  
ram Israel. Tertium est, Magos paucis  
post natalem Christi diebus aduenis-  
se, ut ver. 1. a nobis probatum est. Qui-  
bus tribus principiis, etsi alia duo ex  
profanis addamus historiis, quot an-  
nos Herodes regnauerit, & quoto re-  
gni eius anno Christus natus sit, fa-  
cile spatium temporis, quo moratus fue-  
rit in Aegypto, reperiemus. Ex his er-  
go duobus postremis, principiis al-*

Quamdiu  
Christus in  
Aegypto  
manuit.



terum est certum, Herodem triginta septem regnasse annos, Iosepho libr. 1. de bello Iud. capit. 21. & Eusebio in Chronico certissimis testibus. De altero duobus annis inter se auctores dissentiunt. Nam alij anno quadragesimo primo Imperatoris Augusti Christum natum scribunt, ut Irenaeus libr. 3. cap. 2. & Tertullian. aduersus Iudaeos; alij quadragesimo secundo, ut Eusebius libr. 1. hist. Eccles. cap. 3. & in Chronico, & Epiphanius har. 31. Rursus autem quis annus Augusti in quem Herodis annus incidit, altero dissident anno. Nam alij quadragesimum primum Augusti, trigessimum primum Herodis, ut Eusebius; alij tricesimum secundum, ut Epiphanius, fuisse dicunt. Si ergo Irenaei, & Tertulliani sententiam in eo sequamur, ut dicamus Christum quadragesimo primo Augusti anno natum fuisse: Eusebij vero in eo, ut cum annuntiat tricesimum primum Herodis fuisse credamus, necesse erit Christum in Aegypto sex integros mansisse annos, aut etiam septem, si illum ipsum quo fugit, id est, tricesimum primum Herodis numeremus. Quae est illa prima, & ut apparet, uetus opinio. Si uero Irenaeum, & Tertullianum in Augusti, Epiphanius in Herodis sequamur annis, restabunt anni quinque, aut si primum numeremus, sex, quos fuerit Christus in Aegypto: totidemque secundum Eusebij computationem erunt anni, si cum solum, & in Augusti, & in Herodis annis sequamur. Sin autem Eusebio in annis Augusti; Epiphanius in annis Herodis credimus; Christus fuit in Aegypto, ut plurimum quinque, si primum numeremus, ut minimum quattuor, si primum non numeremus, annos. Imque hoc tantum certum est, neque plures septem, neque pauciores quattuor in Aegypto annos commorari potuisse. Quare opinio illa vulgaris, per duos, & altera illa Nicephori per tres in Aegypto fuisse annos, nihil habet prorsus probabilitatis, nisi dicamus Magos duobus annis natum Christum adorasse, quod uers. 1. refutauimus.

In qua autem urbe Aegypti manserit, quidne ibi egerit, monendum leuorem iudico, ut non solum in inquirendo minime curiosus, sed etiam in credendo, si quid inueniret, cautus sit. Multa, n. de Christi in Aegypto miraculis obscuris uulgo auctoribus circumferri uideo, quae haud scio, an ex Alcorano Mahumeti, manauerint, ubi eadem inter fabulas lego, & non decet Christianos a Mahumeto spurcissimo, & mendacissimo auctoritate Christi discere miracula. Euangelistam habemus Ioannem, qui Christum affirmat primum in Cana Galilaeae conuersa in uinum aqua miraculum edidisse ca. 2. 11. Quod etsi scio adea, quae post reditum ab Aegypto fecit, posse restringi, tamen cum nihil sit, quod restringi cogar, multo est probabilius uniuerse intelligendum esse, quod uniuerse dictum est. Nec nolo, cum haec dico, bonis auctoribus fidem abrogare, qui Christo in Aegyptum ingrediente idola corruisse tradunt, ut Hieronymus in c. 19. refert, nec reijcet, quodque tam multi dixerunt, ut merito traditio uideri possit, Palladius in Lausica histori. Credatur sane Sozomeno libr. 3. ca. 20. ueterem famam referenti, Christo infanti Hermopolim Aegypti urbem ingredienti praecelsam arborem acclinatam, Mahumeto tamen, & nescio cui de infantia Saluatoris libro toties ab Hieronymo aliisque Patribus repudiato, ne credatur.

15. *Vt adimpleretur.* Vt, hoc loco non uidetur mihi causam, sed euentum significare, quod Chrysost. & Damasc. multis locis fieri obtruncuerunt, ut infra ca. 3. 16. Ioan. 9. 29. 1. Cor. 11. 19. Nec n. propterea fugit in Aegyptum, ut prophetia adimpleretur, sed cum uitandi Herodis causa eo fugisset, factum est ut prophetia proprie impleri uideretur. Quae phrasis, quia frequentissime occurrit, explicanda semel est. *ἵνα πληρωθῇ*, impleri prophetia est fieri, quod per Prophetam praedictum est, phrasi propterea quidem scripturarum, sed minime, ut quidam putat, barbara. Nam, & Cicero implere, quod professus sis, dicit, & promissa comple-

In Aegypto  
Christus, an  
miracula fecit.

Vt, quō in  
scriptura  
accipitur.

Impleri pro  
phetia quō  
in scriptura  
dicitur.



Pro Chriſt.  
de Inuent.

Cap. 7. 14.

re, & compleri rem, ad exitumque per-  
duci. Quæ omnia eodem ſenſu, quo  
in ſacris litteris prophetias impleri,  
manifeſtum eſt dici. Dicitur autem  
prophetia, quantum equidem obſerua-  
re potui, quatuor modis impleri. Pri-  
mum, quum id ipſum ſit, de quo pro-  
priè, & literaliter, ut dicitur, ſenſu intelli-  
gebatur, ſicut cap. 1. 22. Matth. dixit im-  
pletam in Maria Iſaiæ prophetiā fuiſ-  
ſe, *Ecce virgo concipiet, & pariet filium.*  
Secundo, cum ſit non id, de quo pro-  
priè intelligebatur prophetia, ſed id,  
quod per illud ſignificabatur, ut 2. Re-  
7. 14. *Ego ero illi in patrem, & ille erit  
mibi in filium,* quod propriè de Salo-  
mone dictum eſſe perſpicuum eſt, D.  
tamen Paulus de Chriſto, cuius Salo-  
mon figura erat, interpretatur Hebr.  
1. 6. quali in eo impletum eſſet, & quod  
Exod. 12. 46. dictum eſt, *Os non commi-  
nietis ex eo,* certum eſt intelligi de agno-  
tamen Ioã. c. 9. 36. in Chriſto, qui per  
agnum ſignificabatur, impletum dicit.  
Tertiò, cum nec id ſit, de quo propriè  
intelligitur prophetia, nec id quod per  
illud ſignificatur: ſed quod illi ſimile  
eſt, & omnino eiufmodi, ut prophetia  
non minus apud deo, quam de quo  
dicta eſt, dici potuiſſe videatur. Nam  
*Populus hic labijs me honorat;* de Iu-  
deis, qui tempore Iſaiæ erant, Deus di-  
xerat Iſa. 29. 13. Chriſtus autem in ijs,  
qui ſuo erant tempore, impletum ſigni-  
ficat Matth. 15. 7. 8. Simile eſt exemplum  
Matth. 13. 14. & Act. 28. 26. Quarto cum  
id ipſum, quod per prophetiā, aut ſcri-  
pturam dictum erat, quamvis iam fa-  
ctum fuerit, tamen magis ac magis ſit.  
Tunc enim ſcriptura impleri dicitur,  
id eſt, quod per eam dictum erat, cumu-  
latiſſimè fieri. Obſervamus enim in ſcri-  
pturis ſepe fieri dici non ſolum, quod  
fieri incipit, ſed quod magis ac magis  
ſit, ſicut Ioan. 2. 1. dicuntur diſcipuli  
Chriſti viſo miraculo aque in vinum  
converſæ credidiſſe, quia magis ac ma-  
gis crediderunt: nam iam certè ante  
crediderant. Quemadmodum locum  
difficiliſſimum Iaco. 2. 27. ſumus Deo  
volente explicaturi. Illa ergo Oſee  
prophetia *ex Aegypto vocavi filium  
meum,* propriè de populo Iſrael, quem

Deus filium primogenitum ſuum ap-  
pellare ſolet, Exod. 4. 22. intelligeba-  
tur, ut ex verbis prophete maniſeſtum  
eſt, *Quia puer Iſrael, & dilexi eum, &  
ex Aegypto vocavi filium meum.* Dicitur  
autem nunc impleta ſecundo ac ter-  
tio modo. Nam & populus ille in Agy-  
pto exulans Chriſti ibidem exulanti  
figura dici poteſt, ſicut nunc corpus  
myſticum Eccleſiæ corporis naturalis  
Chriſti figura eſt, & Chriſtus populo  
in eo eſt ſimilis, quod uterque Dei fi-  
lius appellatur. Significat autem Evan-  
gelista illam prophetiā propriè ac  
perfectè in populo, qui propriè filius  
non erat, impleri non potuiſſe: in Chri-  
ſto autem, qui propriè, & naturaliter  
filius erat, perfectiſſimè impletam eſ-  
ſe, quemadmodum ſi quis diceret illa  
verba, *Ego ero illi in patrem, & ille  
erit mibi in filium,* propriè de Salomo-  
ne, qui propriè non erat filius, dicta  
non eſſe, de Chriſto autem proprio, &  
naturali filio, propriè dicta eſſe. *Ex  
Aegypto vocavi filium meum;* Septua-  
ginta verterunt, *Et ex Aegypto  
filios eius,* aut quia pro filium meum  
legerunt filios eius unius adiectio-  
ne litteræ: aut, quia ſenſum magis con-  
ſentaneum eſſe iudicaverunt, ſi ita le-  
gerent, ſicut re vera fuiſſet, niſi conſta-  
ret Evangelista legiſſe filium  
meum. Itaque imperitè Iulianus hunc  
Chriſtianiſ locum obiciebat, quaſi  
Evangelista mala fide Prophetæ testi-  
monium retuliſſet, non animadvertens  
Evangelista non Græcam Septua-  
ginta verſionem, ſed Hebraicam prophe-  
tæ verba ſecutum fuiſſe, Hieronymus  
in c. Oſee 11.

16. *Tunc Herodes.* Tunc, hoc loco  
non exiſtimo punctum temporis ſigni-  
ficare, quaſi ſtatim, ut Magi diſceſſerunt,  
infantes occiderit. Nam inter Magorum  
diſceſſum, & puerorum cædem aliquan-  
tum interceſſiſſe temporis neceſſe eſt,  
& quia a viceſimo ſepimo poſt adora-  
tionem die, Chriſtus eſt in templo Je-  
roſolymæ repræſentatus, Iud. 2. 22. &  
quia poſt aliquandiu manſit in Naza-  
reth, Luc. 2. 39. & quia credibile eſt He-  
rodem quamvis cruetum, & crudellem  
tyrannum, prius tēſſe, an Chriſtum

D 4 inue-



inuenire posset, ut solum occideret, quā omnes infantes trucidaret: quod se sine magno totius populi in se odio facere non posse non ignorabat; cum ex Iosepho intelligamus eum omnibus modis gratiam populi venari solitum, ne tāquam peregrinus de regno deturbaretur. Quasito igitur prius Christo, nec intento, ne unus euaderet, omnes inuadit, quod sine aliquanto tempore fieri non potuit.

*Et mittens.*) Hebraismus *חָשַׁד* & solent Hebraei uti uerbo *חָשַׁד* & Graeci *ἀποσέλλειν* absolute non expressā, sed intellecta persona patiente, quod Latini, aut nunquam, aut raro admodum faciunt. Ea phrasi usus est hoc loco Euangelista, *Mittens* sub carnifices, ut infra cap. 14. 10. *Misitque, & decollauit Ioannem in carcere.* sicut Hispani simili phrasi dicunt. *Embiso acortar la cabeza.* & cap. 27. 19. *Misit ad eum uxor eius dicens, nihil tibi, & in isto illi,* Psal. 56. 4. *Misit de caelo, & liberauit me,* sub. Angelos, & Psal. 104. 19. *Misit rex, & soluit eum princeps populorum, & dimisit eum.* Similia sunt exempla Marc. 3. 31. & 6. 17.

Cur Herodes binos infantes occidit,

*A bimatu, & infra.*) Locus propter obscuritatem historiae, & propter opinionum varietatem difficilis. Quidam dixerant duobus post Christi natalem annis venisse Magos, ideoque Herodē bimos infantes occidisse. Alij vno anno, aut circiter altero post, Magos venisse. Qui omnes, si vera de stella, & Magorum aduentu eorum essent opinionones, facillimē sese expediret ex hoc loco: sed eas ver. 1. & 2. refutauimus. Alij non statim Herodem post Magorum discessum, sed duobus annis post, infantes occidisse: eo enim tempore vocatum fuisse Romam, ut de morte filiorum causam diceret. Sed ij etiā, & contextu uerborū Euangelistae, quā non tam longum patiuntur spatium, & historia refelluntur. Apparet enim ex Chronico Eusebij, eum ante quinque annos filios suos occidisse. Nobis vero, qui neque stellam ante natalem Christi apparuisse, nec Magos multis post diebus venisse credimus, non licet istis fugere diuerticulis. Valde mi-

mi Strabi, & Euthymij placet interpretatio, quā & nonnullis nostro tempore uiris doctis placuisse gaudeo. Herodem ad illud tempus, quod exquisierat a Magis, duos praeterea adieciisse annos. Itaque illa uerba, *Secundum tempus, quod exquisierat a magis*, non significant occisos esse omnes pueros, qui nati essent duobus annis postquā stella Magis apparuisset: sed eos, qui nati essent duobus antequam appareret annis. Dices, cur duobus annis ante, non duobus post? Respondeo primum, quia non erant duo anni post: sed pauci admodum dies, ut uer. 1. ac 2. probatum est. Deinde, quia Magi, ut ver. 2. diximus, non nasciturum: sed iam natum esse Christum affirmauerant: at quanto ante tempore natus esset, neque affirmauerant, neque fortasse sciebant. Stella enim iam natum, non quando natus esset, significabat. Voluit ergo Herodes cautionis, & securitatis causa omnes, quē duobus annis ante quā stella apparuisset, nati essent, occidere: sicut non solum eos, qui in Bethlehē ubi Christum sacerdotes nasciturum dixerant, sed etiam omnes, qui in omnibus finibus eius nati essent, occidit, & non solum loco, sed etiam tempore plusquam necesse erat, crudelitatem extendit, & ne forte erraret, errorem auxit.

17. *Tunc adimpletum est*) Eodē modo haec prophetia tunc impleta fuisse dicitur, quo illa Osē ver. 15.

18. *Vox in Rama audita est.*) Hunc locum in commentariis in Ieremiam copiosius tractauimus, summam huc transferemus. Hebraei de abductione duarum tribuum Iudae, & Beniamin interpretantur 4. Reg. 24. 10. & 25. 4. Nec dubium est ex circumstantiis Ieremiae, quin de illis intelligatur, & per Rachelem tota regio duarum tribuum significetur duplici metonymia: altera, qua per personam locus: altera qua per unam urbem tota regio intelligitur. Rachelem in Bethlehē fuisse sepultam. Gen. 35. 19. scriptum est. Vnde factum, ut per Rachelem Bethlehē intelligatur. Cur autem

Cap. 11. 15.



autem non simpliciter dixerit Bethle-  
hem plorans filios suos: sed Rache-  
lem, quæ iam mortua erat, maluerit  
appellare, cum mortui plorare non  
soleant? causam esse arbitror, quod  
Rachel femina fuerit, feminarum  
autem est in eiusmodi plorare cala-  
mitatibus. Nescio etiam an Prophe-  
ta ad eius partum alluserit. Maximo  
enim cum dolore Benjamin peperis-  
se dicitur Genes. 35. 18. & solent ma-  
tres eos filios amissos magis flere,  
quos maiore cum dolore pepere-  
runt. Illud etiam, quod admirabile  
videri potest, Rachelem iam mor-  
tuam plorantem induci, non solum  
elegans: sed magni quoque affectus,  
& significationis plenum est. Indi-  
cat enim, nisi me coniectura fallit,  
ealre Prophetam tantam futuram ca-  
lunitatem, ut ne vna quidem mu-  
lier superstes sit, quæ plorare possit,  
& necesse sit ad plorandum ipsos  
quoque mortuos excitare. Videmus  
in tragædiis simile quiddam fieri,  
cum mortuorum manes, aut euer-  
sarum urbium umbræ lamentantes in-  
ducuntur. At cur per fletum Rache-  
lis Iudaici regni casus significatur,  
cum Rachel non Iudæ, sed Benjamin  
Genes. 35. 18. mater fuerit. Quia re-  
gni caput erat Ierusalem dicta prius  
Iebus, quæ in tribu erat Benjamin  
Iosue 18. 18. Paralip. 11. 4. Quod er-  
go tunc propheta de captivitate di-  
xit, Matthæus ad eadem infantum  
accommodavit indicans illam pro-  
phetiam, quamvis de infantibus di-  
cta non fuerit, multo tamen aptius  
de illis, quam de captivis Iudæis di-  
ci potuisse. Et quia illi uiri, hi infan-  
tes: illi meriti, hi inmerentes inno-  
centesque: illi capti, hi crudeliter tru-  
cidati sunt: illi Iudæi, hi propriè Beth-  
lehemitæ erant, ut merito Rache-  
lid est Bethlehem magis hos, quam il-  
los plorare debeat. Ploratus autem  
vehemens & gravis significatur. &  
& accumulatione uerborum *δελῖος*,  
*καὶ κλαυθμός ὁ δὲ ὑπὸς* lamentatio &  
ploratus, & eiulatio. Quanquam no-  
ster interpres duo tantum legit, me-  
lius, ut opinor, quia apud prophe-

tam duo tantum sunt *בכי ברי*, nisi di-  
camus Euangelistam hoc loco Sep-  
tuaginta interpretes secutum esse,  
qui duo Hebraica nomina his tri-  
bus, quæ recitauimus, Græcis reddi-  
derunt: & epitheti additione *πολύς*  
multus. i. magnus, quod Hebraicè est  
*רבה* amari. Sensus tamen est idè.  
Nam & Latine dicimus amare, id  
est multum, flere; & loco, ubi flebilis  
clamor auditus sit, *In Rama*, in cuius  
explicatione nominis, putant aliqui  
nomen appellationis esse, non pro-  
prium, quod Hebraicè excelsum si-  
gnificat, quasi dicat uocem usque ad  
celos peruenisse, & ut Iuuenius Chri-  
stianus poeta dixit.

*Horrendis graniter calum pulsa se que-  
relis*, Ipse quoque apud Ieremiam Hie-  
ronymus ita uertit. Sed multis mi-  
hi rationibus persuadeo nomen ef-  
se proprium, primum quod potius  
propheta Hebraicè dixisset *בְּרֵיחַ* aut  
*בְּרֵיחַ* quàm *בְּרֵיחַ*, ut Isaias in si-  
mili sententia dixit ca. 58. 4. & David  
Psalm. 91. 4. Deinde quia & Chal-  
dæus paraphrastes, & Septuaginta in-  
terpretes nomen proprium fecerunt.  
Postremò quia quisquis Euangelium  
Matthæi ex Hebræo in Græcum ser-  
monem uertit: itemque Latinus no-  
ster interpres, si nomen proprium esse  
non existimassent, non ipsum Hebræi  
cum nomen integrum reliqui sènt:  
sed uterque sua lingua resoluisset, ille  
*ἐν τοῖς ὑψίστοις*, aut *ἐν τῷ ὑψίστῳ*, hic  
in excelsis, ut Mat. 11. 10. Nemo negat  
Rama nomen esse urbis, sed quia nec  
est in tribu Iudæ, nec propè Bethlehè,  
sed in tribu Benjamin, & iuxta Ga-  
baon Iosue 18. 25. & Iud. 4. 5. & 19. 13.  
non putarunt interpretes de ea lo-  
qui posse Prophetam. Ego uero pro-  
perea existimo Prophetam eam ur-  
bem nominasse, quod non in tribu Iu-  
dæ: sed in tribu esset Benjamin, uo-  
luit enim, significare luctum utrique  
tribui commune futurum fuisse, quia  
utraque tribus in captiuitatem ducta  
erat, ideoque una urbem Bethle-  
hem ex Iudæ: alteram ex Benjamin  
Rama nominauit. Quod autè obijci-  
tur Rama Bethlehem longè distare,  
ut



ut fingamus ita esse: tamen coelum longius certe distabat, & tamen omnes interpretantur ploratum Rachelis ad coelum usque peruenisse. Præterquam quod Rama non ita longe à Bethlehem distare potuit; cum constet Bethlehem à Ierusalem non longe distare, & Rama adeo uicina Ierosolymæ fuerit, ut vir ille Leuita asinis & vxore impeditus potuerit à Ierosolyma occidente pene sole profectus Rama ante noctem peruenire Iud. 19. 10. 3. Immo non alia opus est coniectura, quam quod idem illi adeo impeditus & bene pransus inclinatio iam ad vespertinum die profectus ex Bethlehem Rama potuerit peruenire, ut ex eodem loco constat ver. 1. 9. 13. Cur ergo Propheta Rama potius quam aliam urbem nominauit? quia, ut ex eodem loco perspicuum est, Rama in confinio tribus Benjamin & Iudæ erat, & uoluit Propheeta significare plañctum Iudæ adeo futurum magnum, ut usque ad tribum Benjamin exaudiretur. Nescio etiam, an Propheta situs & nominis eius urbis rationem habuerit. Credibile tamen est eam in excessu fuisse loco, unde & nomen fortassis acceperat.

*Quia non sunt* Hic etiam Euangelista, aut eius Græcus interpres non Hebraica prophetae uerba, sed Septuaginta uersionem secutus est. Propheeta enim dixerat *וְיָמֵי רָמָה* quia non est, id est quia nemo eorum remaneret, omnibus aut occisis, aut in captiuitatem ductis. Septuaginta uero, quia plurali numero filios suos Propheeta dixerat, obscuritatem fugientes plurali etiam numero uenerunt *ὅτι οὐκ ἔστι*. quod multis alijs locis eos fecisse animaduertimus. Est autem Hebraismus, quo significatur eos, qui antea fuerint, penitus ac subito mortuos, ut euanuissè de repente uideantur. ut Gen. 5. 14. de Enoch dictum est, *וְיָמָיו* & non fuit, id est non apparuit ultra, quia transiit eum Dominus, & Pl. 36. 36. *Vidi impium super exaltatum & eleuatum sicut cedros Libani, & transiit* (aut potius transiit) & ecce non erat. *וְיָמָיו* significatur ergo hoc lo-

co Iudæos Babylonem, infantes in sinum Abrahamæ translatos esse. Incredibili enim consensu omnes ueteres auctores hos infantes uerè martyres faciunt. Nam etsi nec baptizati, nec sponte liberaque uoluntate pro Christo mortui sunt: suo tamen fuisse sanguine baptizatos, & quod in infantium baptismo aliena fides facit, hoc in his peruersam tyranni uoluntatem pro Christo eos occidentis effecisse, quantumque ipsi obfuit, tantum illis Herodis crudelitatem profuisse, Iren. lib. 3. c. 8. Iustinus q. 13. ad Orthodoxos. Cyprian. lib. 4. epist. 6. Origen. hom. in Matth. Hilarius in commen. Chrysost. hom. 2. in uarios Euangelist. Eusebius Emislen. August. lib. 3. de expositione symb. c. 4. & lib. 13. de ciuitate c. 7. Prudentius in hymno de Epiphania, Fulgentius de Epiph. & lib. 1. de fide ad Petrum c. 3. & 39. Leo sermo. 1. de Epiphania, Bernardus in serm. de Innocentibus, & homil. in cantica. 66.

19. *Defuncto autem Herode.* Quo morbo extinctus fuerit, scribit Iosephus lib. 17. ant. ca. 8. & lib. 1. de bello Iud. c. 21. & Hegesippus lib. 1. ca. 45. & Eusebius lib. 1. hist. eccl. 1. 8. qui & ille addit ob nefariam eadem infantum tam infami genere morbi fuisse confectum.

20. *Surge & accipe.* Vide ver. 13.

*Defuncti sunt enim* Syllepsis est, qua de uno loquens utitur numero plurium. Vnus Herodes mortuus erat sed multi carnifices eius iussu quarebant animam pueri. Animam ab Hebræis pro uita poni, notius est, quam ut quisquam possit ignorare.

22. *Audiens autem quod Archelaus regnaret.* Nouem Herodes uxores habuit. Ex duabus, altera consobrina, altera fratris filia nullos suscepit filios. Ex alijs nouem filios procreauit, Alexandrum, Aristobulum, Antipatrum, Herodem, Antipam, qui & ipse postea Herodis cognomen accepit, Archelaum, Herodem alterum, Philippum, Phasellum, filias tres, Roxanem, Salomen, & Olympiadem, Iosephus lib. 7. ant. c. 1. & lib. 18. c. 7.

Innocentes  
uere marty-  
res.

Herodis ma-  
gni liberi.

Colin  
in Hatt  
na,



& lib. 1. de bello Iudaico cap. 18. Ex filiis duos primos strangulauerat libro 16. ant. c. 17. & lib. 1. de bello Iudaico c. 17. Tertium Antipatrum quinque ante mortem suam diebus occidit. lib. 17. ant. c. 9. Alij mortui erant. Tres patris Herodi superstities fuerunt Archelaus, Antipas, & Philippus. Duo autem testamenta Herodes fecerat. In priore Antipam regni heredem scripserat: in posteriore mutata subito uoluntate Archelaum Iudae regem, Antipam Galilae & Perae Terrarcham: Philippum Terrarcham Trachonitidis, Gaulonitidis, Batanae, & Paneadis regionis. Ea tamen conditione, ut nec Archelaus regis nomen assumeret, nec quicquam quod testamento mandasset, nisi approbasse Caesar, ratum esset, Ioseph. lib. 17. ant. c. 10. & lib. 1. de bello Iud. capit. 2. Quamuis autem Caesar Archelao regis nomen dare noluerit, sed Terrarcham eum Iudae, Idumae, & Samariae fecerit lib. 17. ant. capit. 13. tamen quia regia utebatur potestate, & milites cum statim post mortem patris regem conclamarunt lib. 17. ant. capit. 10. rex uulgo dicebatur, quam appellationem hoc loco Euangelista usurpauit. Mirum autem uideri potest, cui Ioseph tanquam rem nouam existimauerit, quod audierit Archelaum regnare, ideoque timuerit in Iudaeam venire: cum audita Herodis morte facile credere debuisset aliquem eius in regnum filium successisse. Respondeo esse credibile Ioseph existimasse, aut neminem fuisse successurum, cum regnum nullo ab Herode iure fuisse occupatum, aut Antipam successurum, quem priore testamento regem pater designauerat, quemque minoris esse sciebat ingenii. Nam hac una potest esse causa, cur in Galilaeam, ubi ille dominabatur, ab Angelo diuertire iuberetur. Esi altera est certior, quod cum de rege Iudaeorum Christo ageretur, plus ab Archelao rege, quam ab Antipa Terrarcha timendum erat. Haereticus interpret Philippum placidissimi hominem ingenii Galilae Terrarcham imperito

errore facit. Sed cui licet facere Ministros, cur Terrarchas facere non liceat?

23. *Ut adimpletur.* Hoc testimonium nusquam in sacris litteris iisdem uerbis reperitur. Quae res occasionem interpretibus praebet quarendi interpretationes praedixit. Chrysostomus homil. 9. Theophylact. & Euthymius nullum ex iis, qui nunc extant, sed aliquem ex iis, qui perierint prophetam citari dicunt, qualis fuit Nathan & Esdrae Prophetia, & aliorum, quorum scripta, & Chrysostomus, & Athanasius in Synopsi, & res ipsa periisse docent. At difficile creditu est prophetas, quae non extant, Euangelistam sine ulla, ut uidentur, necessitate citasse, quamuis à Iuda prophetam Enoch, quae non extet, alia prorsus occasione citari uideamus. Alii putant Euangelistam proferre testimonium ex prophetis, quae extaret quidem tunc, sed in canone ecclesiastico non essent, ut Auctor operis imperit. Alii citari Prophetas, id est Prophetarum interpretes, qui ex canonicis prophetis, licet expressum non esset, hunc tamen sensum elicerent, fore, ut Christus Nazaraeus appellaretur, tria Prophetarum fuisse genera, alios quibus semper Spiritus sanctus adesset, quales maiores fuerint, alios quibus non semper quidem, sed saepe tanquam adesset, quales minores: alios qui Prophetas dicerentur, non quod futura praedicerent, sed quod, quae à Prophetis dicta essent, Spiritu Dei interpretarentur, qui in uetere testamento filii Prophetarum 3. reg. 20. 35. & 4. reg. 2. 3. 5. 17. 18. & 4. 38. & 5. 22. & 6. 1. & 9. in nouo Prophetas etiam appellantur 1. Cor. 12. 28. & 14. 29. 32. 37. Quae in hac sententia de triplici Prophetarum genere dicuntur, nunc in questionem adhibere non uacat. Illud tamen dico mihi hos interpretes non probare Euangelistam de huiusmodi tertianis Prophetis loqui, quorum testimonium nemo unquam produxerit Apostolorum. Alij librum Iudaeum cap. 13. 7. citari putant ubi dicitur,



tur. *Erit enim puer Nazarenus Dei ab infanzia sua*, quod quamvis de Sanctone dictum sit, tamē in Christo, cuius Sanson figura erat, Euangelista impletum esse dicat, sicut ceteras prophetias ver. 13. 7. 18. ideoq. non dixisse per Prophetam, sed per Prophetas, q. liber ille non ab uno, sed à multis sibi aliis post alios succedentibus Prophetis scriptus sit. Repugnat huic interpretationi, quod Christus non sit dictus נָאֶזָרִי Nazareus, ut Sanson, sed נָאֶזָרִי Nazareus, aut נָאֶזָרִי Nazareus, ut & ex crucis titulo, & ex ueteri Hebraeorum commentariis apparet. Alii ad Isaiam referunt c. 11. 1. *Egredietur uirga de radi. e. Jesse, & flos de radice eius ascendet* Heb. נָאֶזָרִי germen, furculus, unde nomen נָאֶזָרִי Nazareus dictum sit. Quam sententiam Hieronymus, & Auctor operis imperfecti probabilem putant. Alii nullum ex uno, sed vnum ex omnibus Prophetis testimonium afferri: omnes enim Prophetas Christum sanctum, immo sanctū sanctorum appellare Daniel. 9. 24. quod nomen נָאֶזָרִי Nazareus, id est separatus, Deoq. consecratus significat. In qua tandem sententia Hieronymus conuincitur. Ego, si quid tamen meum ualeat iudicium, sic existimo, uoluisse Euangelistam odium huius nominis in honorem conuertere, & unde Christus ridebatur, inde probare uerum illum esse Messiam uocabatur Christus a Iudæis per contemptum Nazareus, sicut olim omnes Christianos à Gentilibus eodem contemptu uocatos fuisse constat; sicut & hodie נָאֶזָרִי ab Hebræis appellantur, idque multos impudiebat, quo minus eum Messiam esse crederent, *Nūquid à Nazareth potest aliquid boni esse?* Ioan. 1. 46 *Et nūquid à Galilæa uenit Christus?* Nonne scriptura dicit, quia ex semine David et de Bethlehem castello, ubi erat David? Ioan. 7. 41. 42 & rursum. *Nūquid & in Calilæa exseruare scripturas, & uide, quia à Galilæa Propheta nō surgit*, ibide uer. 52. ergo uoluit docere Euangelista id impedimento esse non debere, quo minus Christus Messias crederetur. Nam etsi scriptura non ex

Vnde Christus Nazareus appellatus,

Nazareth Galilæa: sed ex Bethlehem Iudæa uenturum testatur, Christum tamen non uocari Nazareum, qd. in Nazareth natus esset, sed quod in ea habitauerit, natum enim fuisse, ut antea dixerat, in Bethlehem Iudæa: quin potius nomen Nazarei argumento esse eum esse Messiam, cum eum Isaias Propheta נָאֶזָרִי id est Nazareum appellauerit. Tres contra hanc interpretationem obiectiones occurrunt. Prima, quod alio sensu Christus apud Prophetam נָאֶזָרִי germen, aut flos: alio à Iudæis נָאֶזָרִי Nazareus ab urbe Nazareth uocatus sit. Respondeo id Euangelistam non ignorasse, sed contentum fuisse docere illud ipsum nomen, quod Christo à Iudæis per contemptum tribui solebat, à Propheta illi honoris causa tributum fuisse, & eorum in ipsos calumniam retorquere. Secunda est, q. Nazareth non per נָאֶזָרִי sed per נָאֶזָרִי id est non per נָאֶזָרִי sed per נָאֶזָרִי litteram scribit. נָאֶזָרִי autem id est Nazareus apud Isaiam, per נָאֶזָרִי scriptum sit. Respondeo Græcos in נָאֶזָרִי facile mutare. Deinde nomen huius urbis in ueteri testamento scriptum non reperiri, ut inde iudicare liceat, quibus Hebraicis litteris scribi debeat. Postremo ex titulo crucis, & ex Hebræorum scriptis manifestum esse hanc urbem ab Hebræis נָאֶזָרִי Nazareth uocari fuisse, cum inde Christum נָאֶזָרִי Nazareum appellarent, Græcos uero & Latinos aspernitatem litteræ fugientes Nazareth & Nazarenum appellasse. Tertia est, quod Euangelista non dicat dictum esse per prophetam, sed per prophetas, quasi fixum, ut ait Hieronymus, de scripturis testimonium non proferens. Respondeo nō esse nouum, ut, cum unius tantū Prophetæ testimonium producit, per Prophetas scriptum dicatur. Cuius rei exempla sunt apud hunc ipsum Euangelistam ca. 26. 36. & Ioan. 6. 45. & Act. 13. 40. & 15. 15. Similemque syllepsum paullo ante obseruauimus uer. sic. 20. ubi defuncti esse dicuntur, qui querebant animam pueri, cum solus Harodes defunctus significetur.

CAPVT



## CAPV T III.

Mat. 1. a. 4.  
Luc. 3. a. 3.  
Ila. 40. a. 3.



Mat. 1. a. 3.  
Luc. 3. a. 6.

Io. 8. c. 39.

Mat. 1. a. 8.  
Luc. 3. d. 16.  
Io. 1. d. 26.  
Act. 1. b. 5.  
Mat. 1. b. 9.  
Luc. 3. c. 21.

Luc. 9. e. 35  
2. Fe. 1. d. 17

**I**N diebus autem illis venit Ioānes Baptista prädicans in deserto Iudææ, 2. & dicens: Pœnitentiam agite; appropinquavit. n. regnum celorum, 3. Hic est. n. qui dictus est per Iſaiam Prophetam dicentem: Vox clamantis in deserto: Parate viam Domini: rectas facite semitas eius, 4. Ipse autem Ioannes habebat vestimentum de pilis camelorum, & zonam pelliceam circa lumbos suos: esca autem eius erat locustæ, & mel sylvestre, 5. Tunc exibat ad eum Ierusalem, & omnis Iudæa, & omnis regio circa Iordanem, 6. & baptizabantur ab eo in Iordane, confitentes peccata sua, 7. Videns autem multos Phariseorum, & sadduceorū venientes ad baptismum suum, dixit eis: Progenies viperarū, quis demonstravit vobis fugere a vêtura ira? 8. Facite ergo fructum dignum pœnitentiæ, 9. Et ne velitis dicere intra vos: Patrē habemus Abraham. dico enim vobis, quoniam potens est Deus de lapidibus istis suscitare filios Abraham, 10. Iam enim securis ad radicem arborum posita est. Omnis ergo arbor, quæ non facit fructum bonum, excidetur, & in ignē mittetur, 11. Ego quidem baptizo vos in aqua in pœnitentiam: qui autem post me venturus est, is fortior me est, cuius non sum dignus calceamenta portare: ipse vos baptizabit in Spiritu sancto, & igni, 12. Cuius ventilabrum in manu sua: & permundabit aream suam: & congregabit triticum suum in horreum, paleas autem comburet igni inextinguibili, 13. Tunc venit Iesus a Galilæa in Iordanem ad Ioannem, vt baptizaretur ab eo, 14. Ioannes autem prohibebat eum, dicens: Ego a te debeo baptizari, & tu venis ad me? 15. Respondens autem Iesus, dixit ei: Sine modo: sic enim decet nos implere omnem iustitiam. Tunc dimisit eum, 16. Baptizatus autem Iesus, confestim ascendit de aqua & ecce aperti sunt ei cœli: & vidit spiritum Dei descendentem sicut columbam, & venientem super se, 17. Et ecce vox de cœlis dicens: Hic est filius meus dilectus, in quo mihi complacui.

## IN CAPV T III.



**I**N diebus autem illis venit. Totos uiginti tres, & amplius annos, quibus Christus in Nazareth creditur habitasse Matthæus, Marcus, & Ioānes, prætermittunt, quia totū illud

silentio ferè tranſegit expectans, dum triginta annorum, quæ doctoris ætas erat, accederet. Sol<sup>o</sup> Lucas de eius pueritia pauca quædam attigit. c. 2. 40. 42. In diebus. Manifestum est triginta post aut circiter annorum tempus significari, ut colligitur ex Luca ca. 3. 1. qui



qui hoc anno quinto decimo Tyberij Cæsaris factum scribit. Certum autem est Christum quadragesimo primo, aut quadragesimo secundo Augusti anno natum fuisse, ut uer. 13. cap. 1. docuimus, & constat ex omnibus historiis Augustum sex, & quinquaginta annos imperasse. Itaque merito aliquis quaerat, cur Matthæus dicat *In diebus illis*. *Diebus* apud Hebræos accipi pro anno perspicuum est Gen. 24. 35. Exod. 13. 10. I. euit. 23. 29. Iud. 19. 2. 1. reg. 1. 3. Amos 4. 4. Itemque pro tempore quamlibet etiam longo, Iud. 18. 1. Ezech. 38. 17. Itaque idem ualeat hoc loco, *In diebus illis*, acsi diceret, post aliquot annos, aut aliquanto post tempore, quod Chrysostomus hom. 10. & Strabus videntur indicare: aut, ut ait Theophylactus aliud seculum significatur, quam in quo hæc scribebat Euangelista: vel, quod mihi magis placet, significatur tempus, quo adhuc in Nazareth Christus habitabat. Sic enim melius Euangelistæ uerba coherent. Dixerat namque c. 2. 25. *Et ueniens habitauit in ciuitate, quæ uocatur Nazareth*, & addit, *in diebus illis*, id est eo ibi habitante.

Aetas doctoris apud Iudæos.

*Venit.*) Cur non ante uenit? quia nōdum triginta natus erat annos, ante quam aetatem nemini sacerdotis, doctoris, aut Prophetæ officium fungi licebat, ut & Hebræi tradunt, & ex 1. par. capit. 23. 3. colligitur. Hæc enim eadem ratio fuit, cur Christus ipse ante tricesimum ætatis annum docere non cæperit. Neque uerò significat Euangelista tunc primum Ioannem in desertum uenisse: sed tunc primum in deserto sese ostendisse, penitentiamque cepisse predicare, ut paullo post docebimus.

Cur Ioannes appellatur Baptista.

*Ioannes Baptista.*) Risi, cum in hæreticorum legerem cōmentariis Ioannem ideo Baptistam cognominatum, quò per eius ministerium sacramentum baptismi Deus instituisset, quasi alius, quam Christus, aut per alium, quam per se ipsum sacramenta nobis instituerit. Verum istum, & impium & absurdissimum errorem. ver. 11. refutabimus. Sciamus nunc Baptistæ co-

gnomentum, vel quòd primus baptizare cæperit, vel quòd Christum baptizauerit illi datum esse. Apparet autem cum honoris causa ita uocatum: omnibus enim persuasum erat, eum, qui baptizaret, virum esse sanctissimū. Ideo illi inferunt *quid ergo baptizans, si tu non es Christus, nec Elias, neque Prophe-* ta? Ioan. 1. 25.

*Prædicans in deserto.*) Multò uerò magis ridicula est eorundem in hunc locum hæreticorū interpretatio, Ioannem non in loco prorsus solo desertoque habitasse, sed in ciuitatibus, quæ erant in deserto iuxta Iordanem, quod nō ideo desertum appellabatur, quòd nullo modo: sed quòd minus frequenter habitaretur: quemadmodum si hodie Hercyniam syluam aut Vogesos montes desertum appellemus, & ut Heluetiam olim terram non inculatam nonnulli scriptores Heluetiorum eremum uocauere, sicut Ioab *in deserto* mortuus esse dicitur, cum domus sua mortuus sit. 3. reg. 2. 34. Et ut Idumæa *desertum* uocatur 4. reg. 3. 8. & Psalm. 62. 1. & ut Iosue 14. 61. tribui Iudæ sex ciuitates cum suis uillis in *deserto* assignatæ fuisse dicuntur. Sic Beata Virgo concepto Christo in montana ad domum Zachariæ abiisse dicitur Luc. 1. 39. Denique si istis credimus interpretibus, Ioannis desertum paterna domus fuit, quæ in montana erat ciuitate. Valde scilicet de Ioannis honore solliciti id unum uel repugnantibus scripturis agunt, ne Baptista monachus fuisse uideatur, & tamen fuerunt iidem isti aliquando monachi. Sed ne uiolata religionis rei esse uideantur, nolunt fuisse Ioannem, quod ipsi esse noluerunt. Falsas eorum, & absurdas de hac re sententias uir nostro tempore eruditus, & non eadem modo fide, sed iisdem etiam uitæ rationibus mihi coniunctus iusto opere doctè, copioseque refutauit. Nos commentarios scribimus, quibus satis erit ostendere istos Euangelicos interpretes neque hunc locum, neque eos, unde hic pendet, intelligere. Fontem primum petamus. Manifestum est

Desertum Ioannis quæle fuerit. Beza in annotation. Bucerus in Matth.

Petrus Canisius de corruptelis uerbi Dei.



est Euangelistam alludere ad locum Isaie. c. 40. 3. quem paulo post uer. 3. producit, *Vox clamantis in deserto*, Itaque necesse est, ut nomen deserti eodem modo hic, & apud Isaiam accipiat. At apud Isaiam quisquis dicit desertum locum minus frequenter habitatum significare, propheta sensum penitus ignorat. Agebat enim de reditu filiorum Israel ex Babylonica captiuitate, in quam pracedente capite ducendos praxiderat; alludensque ad exitum ex Aegypto, unde eos Deus per inuiam solitudinem infinitis difficultatibus superatis eduxit, & in Palaestinam intulit, uiam illis per Iordanem, per desertum, per mare faciens, significat Deum eodem modo, quo eos ex Aegypto in terram Israel induxit, ex Babylone reducturum, nihil Deo, quominus id faciat impedimento esse posse. Eum enim populo suo per inaccessas solitudines, per montes, per rupes planissimam straturum uiam, & ut de Annibale Alpes transiuro poeta quidam dixit, *Est calo qui pandat iter*. Hic literalis sensus est. Mysticus ille, quo populus sub Diaboli tyrannide constitutus populo sub rege Babylonis captiuo comparatur, Christus cum Cyro, qui populum ad libertatem inuitat 2. par. 36. 22. 23. & 1. Esdrae. 1. 1. 2. 1. 2. 1. 4. 4. 28. & 45. 1. Ioannes cum praenibus Cyri, qui Iudaeos ad reditum in patriam inuitant, & omnia necessaria ad superandas omnes uiae difficultates pollicentur. Hoc est *parare uiam Domino & rectas facere semitas eius*. Hoc est, erunt praua in directis & aspera in uias planas, ut & plana & recta uia Deus cum populo suo transeat. Desertum autem, in quo Ioannes fuisse dicitur, deserto de quo Isaias loquitur, responder. Isaias autem non de Heluetia aut de Hercynia loquitur sylua; sed de aspera & inaccessa penitus solitudine, quo magis miraculum, & Dei erga populum suum beneficium eluceat. In simili igitur solitudine, non in paternis aedibus Ioannes habitabat. Quod Lucas cap. 1. 80. declarat. *Puer, inquit, crescebat, &*

*confortabatur spiritu, & erat in desertis usque ad diem offensionis suae ad Israel*. Indicat enim ideo in desertis locis ab omni hominum conuictu remotum habitasse, ut una cum erate spiritu cresceret, qui in hominum frequentia raro augetur, saepe minuitur, & c. 3. 1. 2. 3. *uerbum Domini ad eum in deserto factum fuisse* dicit, indeque praedicandae poenitentiae & baptizandi causa in omnem circa Iordanem regionem uenisse. Atqui isti ciuiles interpretes illam ipsam circa Iordanem regionem desertum, ubi Ioannes habitauerit, fuisse dicunt. Non enim ceci uident Euangelistam disertis uerbis dicere eum ex deserto, id est ex intima solitudine in hanc regionem prodijisse. Quod si nihil ullus Euangelista significasset, ipse uictus arque uestitus istos, si quid iudicii habuissent, docere potuit, in quo deserto Ioannes habitasset. Quid enim? an sacerdotis filius, isque unicus, a parentibus tot expetitus uotis, in paterna id est nobili, & locuplete domo non alio uestitu, quam pilis camelorum, non alio cibo, quam locustis, & melle syluestri usus fuisset? Ipsa epitheta uestis & cibi locum habitationis indicant. Cur enim camelorum potius, quam ouium pellibus, nisi quia in loco, ubi cameli, non oues erant, id est longe ab urbibus habitabat? Cur locustis, nisi quia in locis maxime desertis maxime uersantur? Cur cum dixisset mel, addidit syluestre, nisi quia domi non erat, ubi domestico melle uti posset, sed in solitudine, ubi non alium haberet cibum, quam mel, quod apes in rupibus, & truncis arborum confecissent, quale illud erat, quod inter petrarum fissuras Ionathas inuenit. 1. reg. 14. 27. Neque rationem isti intelligunt, cur in deserto Ioannes habitauerit, ideoque nec quale desertum fuerit, possunt intelligere. Data lex Moyfi fuerat in deserto, & quidem in monte prorsus inaccesso totos dies quadraginta ieiunanti. Mori quodammodo in deserto eandem oportebat, & nouum dari. Veniebat Ioannes in spiritu & uirtute Eliae

Cur Ioannes  
in deserto  
vixit.



Eliae Matth. 11. 4. Luc. 1. 17. oportebat exemplo Eliae in deserto uersari. 3. reg. 19. 4. Veniebat ut tantam prae se sanctitatem ferret, ut Messias uideri posset, quo facilius crederetur neganti se, affirmanti Christum esse Meliā, oportebat ab oculis hominum remotum uiuere: oportebat & cibo, & potu, & uestitu, & habitationis loco, qualis esset, ostendere (nam & ille philosophus eos, qui in solitudine uiuerent, supra homines posuit) oportebat monachum esse. Nam & quidam istorum inde monachorum institutum natum scribit, quod uoluerint homines externis rebus opinionem de se sanctitatis excitare. Successit euentus. Inde enim factum est, ut integrae ciuitates, simul atque sese cepit ostendere, ad eum tanquam ad montanum aliquem Deum uisendum confluerentur. *Quid exiis in desertum uidere? arundinem uento agitatam?* Matth. 11. 7. Luc. 7. 24. Hic etiam arundo desertum ostendit. Cur enim arundinem cum deserto coniunxit, nisi quia in desertis locis, non domi nasci solet? Hinc factum, ut Christus, aut certe Elias putaretur Ioannes. 1. 21. Hinc, ut illud Christi mereretur testimonium, *Internatos mulierum non surrexit maior Ioanne Baptista* Matth. 11. 11. Oportebat, antequam ad docendos populos accederet, ipse se se in solitudine, ueluti in monasterio, doceret. Notum enim est antiquum apud Augustinum prouerbum, *Qui non fuit bonus monachus, non erit bonus clericus.* Nam & Christus ipse, ut Hieronymus obseruauit, antequam doceat, sese in deserto modo quodam exercet. Matth. 4. 1. & multo ergo melius ueteres illi, quam noui isti interpretes scripturam intellexerunt. Omnes enim docent Ioannem totam a prima pueritia usque ad tricesimum annum aratem in remota solitudine transgisse, Origenes hom. 11. & 15. in Lucam. Euseb. libr. 9. de demonstrat. cap. 5. Chrysost. homil. 10. & 39. in Matth. & hom. 15. in Ioan. & in hom. de natiuitate Ioannis Bapt. Cyrill. lib. 2. thesaur. cap. 4. Hieron.

Arist. 7.  
Pol. 3.

Epist. 76.  
ad Aure-  
lium,

contra Lucifer. & in epistola ad Rusticum Monachum, Prudentius in hymno ieiunantium.

*In deserto Iudae.* Multa deserta in scripturis legimus. Desertum Ziph. 1. reg. 23. 15. quod erat inter Occidentem & Meridiem longè a Ierusalem. Desertum Maon illi uicinum. 1. reg. 23. 24. Desertum Engaddi. 1. regum. 24. 2. Desertum Pharan. 1. reg. 25. 1. Desertum Idumae ad Meridiem. 4. reg. 3. 8. Cum autem absolute desertum nominatur, desertum Iudae intelligitur, ut Matth. 4. 1. & 11. 7. & 15. 33. Mar. 1. 3. 4. 12. 13. Luc. 1. 80. & 3. 2. nisi ex circumstantiis aliud intelligatur, ut Ioann. 3. 14. Addidit tamen Matth. epitheton Iudae, ut ab alijs discerneret. Erat autem hoc inter Orientem & Septentrionem citra Iordanem secundum fluiuium. In extrema parte erat Annon & Salim, ubi Ioannes baptizare solitus dicitur, Ioann. 3. 23.

Luc. 3. 4.

2. *Penitentiam agite.* Hoc est parate uias Domini, rectas facite semitas eius. Relinquitte errores, & sequimini ueritatem, discedite a malo, & facite bonum.

*Appropinquauit enim regnum caelorum* Quidam hoc loco regnum caelorum gratiam, fidem, reuocationemque spiritus interpretantur, quod inter nos ipsos esse dicitur Luc. 17. 21. Quod etsi non reprehendo, illud tamen magis probo, ut caelum ipsum significetur, ut Matth. 25. 34. & Luc. 13. 28. 29. & 23. 42. Est enim, ut mihi quidem uidetur, tacita quadam allusio & antithesis ad exitum filiorum Israel ex Aegypto, & reditum ex Babylonica captiuitate in terram Chanaan, quae illis promissa fuerat, quaque non dubium est caeli figuram fuisse. Perinde ergo est, ac si dicat, parate uos per penitentiam, id est nolite Pharaoni, & Regi Babylonis, hoc est Diabolo seruire, nolite libertati seruitutem, regno captiuitatem antepone, quod quidam olim igna uos & degeneres Iudaeos fecisse legimus. 1. Esdr. 1. 5. Appropinquauit enim iam tempus, quo in caelum, qui uolent,



Ante mortem Christi nemo celum ingressus.

uolent, ingrediantur. Simili oratione Iosue ad populum usus est, cum in terram Chanaan post longam peregrinationem ingressurus esset. Sanctificamini, inquit, cras enim faciet Dominus inter uos mirabilia. Iosue. 3. 5. Appropinquare autem regnum celorum, dicitur, quia cum ante clausum fuisset, paulo post per mortem Christi erat aperiendum. Credimus enim, licet haeretic negent, neminem ante mortem Christi in celum ingressum; quod non ueteres solum auctores: sed & etiam Paulus tam perspicue docet, Hebr. 9. 8. & 11. 39. 40. ut mirer istos aut tam esse cecos, ut non uideant: aut tam obtusos, ut non intelligant: aut tam impudentes, ut uidentes, intelligentesque negare audeant. Quia Christus ipse docet. Cum enim dicit. Non bibam de hoc genere uitis donec bibam illud uobiscum nouum in regno patris mei Matth. 26. 29. & Luca. 22. 18. quid aliud significat, quam regnum Dei sua morte resurrectioneque patefactum? Latro melius, quam isti Euangelici homines intellexit. Memento, inquit, mei cum ueneris in regnum tuum. Luc. 23. 42. quasi nondum utique uenisset, neque ante eum quisquam ingredi posset. Nempe crux Christi arca fuit testamenti, qua Iordanis vnde diuise sunt, & ad promissam terram aditus patefactus Ios. 3. 16. Nam & nos per Iordanem, id est per baptismum in celum ingrediamur. Cur autem regnum celorum potius, quam patriam aut celestem Ierusalem, ut D. Paulus, appellauerit, facilis ratio; uoluit enim ad Iudaeorum de futuro Christi regno expectationem alludere, uolensque eam superare, addit celorum, quasi dicat, uos terrenum expectatis regnum: ego caeleste appropinquare confirmo.

3. Hic est.) Euthymius hac uerba Ioannis esse putat. Esse autem Euangelistae uolentis Isaiae prophetiam more suo ad Ioannem accommodare constat ex Marc. 1. 1. & ex Luca. 3. 4. Vox clamantis, hominis,

aut uox clamans Hebraismo. Nam κηρυξ hyperiam Hebraice ambiguum est. Intelligitur, audietur. Non solum Matthaeus, Marcus, & Lucas hoc Isaiae testimonium ad Ioannem accommodarunt, sed ipse quoque Ioannes testatur uocem esse clamantis in deserto, Ioann. 1. 23. Quem locum & in commentariis ad Isaiam, & supra uer. 1. explicauimus. Nunc non explicandus, sed ad rem propositam applicandus est. Quod apud Isaiam dicitur de uia in deserto paranda; hic dicitur de Iudaeorum animis, qui cum inculti, & lapidei essent, iubentur eos poenitentia colere, & emollire, humilitate explanare, fide dirigere, ut Christus per eos transeat, & secum in celeste regnum ducat.

4. Ipse autem Ioannes habebat uestimentum de pilis camelorum.) Miro studio tres Euangelistae Matthaeus, Marcus, & Lucas Ioannis personam exprimunt, partim opinor, ut uiri sanctitatem commendent, partim ut rationem tacite reddant, cur tantam de se Iudaeorum opinionem concitauerit, ut ad eum uisendum omnes undique confluerent, uer. 5.

De pilis camelorum.) Haereticis, hominibus scilicet elegantibus, omnia in Ioanne fuerent, locus, uestitus, uictus. Ideoque omnia in illo permittant, ut olim in Ioseph Pharaonem fecisse traditur, ut dignus sit, qui in ipsorum conspectu appareat. Ex eius solitudine urbes fabricantur: ex pilis camelorum pretiosam illi uestem contextunt; locustas in marinos caneros conuertunt. reperi enim inter illos sunt, qui uestem ex pilis camelorum scutulatam, undulatamque uestem interpretarentur, qua reges olim ufos legimus. Diuino factum consilio, ut omnes cognoscerent, quantum isti, qui sibi uidentur sapere, haberent cerebri. Qui paulo inter eos prudentiores sunt, ueste ex crudis camelorum pellibus confectam fuisse dicunt, minime tamen singularem, quali monachi & eremite uti soleant, sed uulgarem & usitatam, eum enim fuisse

E paupere

uestimentum l. anis quale fuit.



pauperum eius regionis communem habitum qui sapientissimi, singularem fuisse uestem negare non audent, ridere quippe nolunt, docent tamen Ioannem ea ueste; non ulla religione, sed sola necessitate utum fuisse. Omnes istorum interpretationes minime obscuris Euangelistarum uerbis consensuque refelluntur. Cur enim omnes Ioannis habitum describunt, nisi quia singularis, quia nunquam uisus, nunquam auditus erat? Cur nisi, ut uiri sanctitatem commendaret? Cur populi ad eum confluunt, nisi ut & uirum & sanctum audiant, & monstruosum habitum uideant, suo nimirum concursu istorum stultitiam refutantes? Cur signatè dicunt, Euangelistæ uestem ex pilis camelorum, zonam autem pelliceam fuisse, nisi quia uestis pellicea non erat? Erat quidem zona singularis, sed minus singularis minusque aspera & horrida, quam uestis, nam etsi ex cruda, & pilosa pelle fuisse credendum est: tamen non numerat Eliam similem aliquando gestasse 4. regum 1. 8. & consuetudini congruebat, ut paulo melior esset zona, quam uestis. Omnes enim homines pretiosiore, zona, quam ueste uti solent. Zona igitur cum ex cruda pilosaque pelle fuerit: qualem fuisse uestem credendum est, nisi horridum, acculeatumque cilicium? Quem habitum semper poenitentia fuisse scimus. Gene. 37. 34. 2. regum 21. 10. 3. reg. 21. 27. 4. regum 6. 30. 1. Par. 21. 16. Iudith. 4. 9. Psalm. 34. 13. Ier. 4. 8. & 6. 26. & 48. 37. & 49. 3. postea in Ecclesia tanquam arma, ut ait Hieronymus, poenitentia usurpatum. Isti quid sit non intelligunt. Sponsionem enim fecerim neminem unquam neque Lutheranum, neque Calvinianum, ex quo à Domino illuminati sunt, cilicio usum fuisse. Multi certè & graues auctores uestem Ioannis cilicium interpretantur, Emissenus homilia 1. de Ioanne Baptista, & Anselmus in hunc locum, ratioque ipsa persuadet. Conueniebat enim, ut qui poenitentiam predicabat, pro ueste poeniten-

tia habitu uteretur.

*Esca autem eius erat locustæ.* Græcè *ἀνψίδες*, quæ locustæ Latine proprie dicuntur, genus notum insecti, humiliter plerumque & saluando uolians, unde & Gallicè nomen habet. Nonnulli, ut dixi, hæreticorum marinos caneros interpretantur, quos captos cum aliis piscibus piscatores ad Iordanis ripam eicerent, quod, quia lege immundi erant Leuit. 11. vendere non possent, Ioannes uero colligeret, eisque, quamuis repugnante lege, uteretur, ut Euangelicam iam tum libertatem doceret, quæ nullum ciborum discrimen admitteret. Quis enim dubitat Ioannem Baptistam Lutheranum aut Calvinianum fuisse? Miror equidem tam ingeniosos homines non Phasianos potius ex locustis aues, quam marinos fecisse caneros: cum eadem utrumque facilitate, eademque impudentie arte fieri potuisset. Et uerò nomē Græcum *ἀνψίδες* non magis caneros, quam perdices, aut Phasianos significare potest, & illis uescens Ioannes, neque legem uiolasset, & minus eremita esse uideretur, quod isti solum uolunt. Illud etiam miror homines impudentes, qui tantopere quadragesimam nostram exhorrescunt, non timuisse, ne pro una quadragesima duas, alteram ex Christi ieiunio, alteram ex Ioannis caneris faceremus. At non omnes Catholici locustas insectum animal interpretantur, fateor: sed quia non malo, ut isti scripserunt animo, ut Ioannis sanctitatem extenuarent: sed quod cibum nobis inusitatum & horrendum esse scirent, digni sunt excusatione. Nec enim ignoro quosdam iam olim auctores herbas, nescio quales, interpretatos Euthymio & Theophylacto referentibus: alios pyra syluestria: alios arborum frondumque summam partem, quæ *ἀπὸ τοῦ ἀνψος εἶναι*, quod extrema sint *ἀνψίδες* appellantur, ut Nicephorus placuit lib. 1. c. 14. Sed hi ipsi, si legisent locustas animalia insecta apud Orientales uilissimo quidem, sed ta-

Quales locustæ quibus Ioannes uesceretur, Saulterelle uide Canisū loco cit.

Ioannes cilicio usus.

Lutherani & Calvinianæ hoies cilicium.



in Acharn,

men esui fuisse, quod Plinius libro 11. ca. 29. & Plutarchus in symp. scribunt, & ex Aristophane poeta colligitur; de illis hunc locum exposuissent. Certe si in cibo non fuissent, non eas Moses Leuit. 11. 22. inter munda animalia, quibus vesci licebat, numerasset. Nos quia non vidimus, abhorremus, æquè profecto, si non vidissemus, ab esu limacum, fucorum, & fornicarum abhorre remus. Et tamen alicubi uix alium in hospitio cibum, quàm limaces, inuenias. Et facis qui vescerentur, saepe ego uidi, & apud Indos formicas in delicijs esse, & Plinius scribit, & ex nostrorum, qui illic sunt, literis intelligimus. Atque ita hunc locum omnes ferè veteres auctores sunt interpretati, Origenes homilia 11. in 1. ucam, Hilari. can. 2. Ambros. libro 2. in Luc. cap. 3. Chrysost. homil. 2. in Mar. Auctor imperfecti hom. 3. August. lib. 10. confesse. 31.

Quale mel  
Ioannis,

*Mel syluestre.* In regionibus calidioribus tanta apum copia esse solet, ut cum aluearibus capi non possint, in sylvas auolent, & aut in arborum truncis, aut in rupium fissuris mellificent. Vidi ego in Batia homines pauperes, qui hoc ex syluis colligendo, vendendoque melle quæstum facerent. Id in Palestina multum fuisse credendum est, & quia calida, & fertilis erat regio, & quia Deus saepe vocat terram lacte, & melle manantem, Exod. 3. 8. 17. & 13. 5. & 33. 3. & Leuit. 2. 24. Numer. 13. 28. & 14. 8. & Deuter. 6. 3. & 11. 9. & 26. 9. 15. & 27. 3. & 31. 20. Ios. 5. 6. & quia ex factis Ionathæ 1. Reg. 14. 27. manifestum est mel è rupibus re uera fluxisse. Quod autem quidam boni etiam auctores tradiderunt mel fuisse amarum, & ori in suaue, expertus non credo. sapit quidem plerumque naturam florum, quibus apes pascuntur, & arborum, in quarum truncis confectum est, semper tamen est mel, id est dulce. Minus etiam probabile est, quod Suidas, & alij nonnulli auctores putauerunt hoc non mel, sed nescio quem rorem fuisse, quo Ioannes, sicut olim in deserto populus, alitus sit.

Caluin. in  
harm. & alij

6. Et baptizabantur ab eo in Ior-

dane.) Absurdissima hoc loco est hæreticorum interpretatio, baptizabantur, id est docebantur: prædicabat enim (inquiunt) baptismum poenitentiae, Marc. 1. 4. Luc. 3. 3. Baptizare enim illis est docere uerbum Dei, poenæ oblitus sum addere, purum putum. Sic isti boni doctores septem sacramenta in duo, duo in uerbum, uerbum in fidem, fidem in hæresim, hæresim in atheismum, id est in nihil resoluunt. Fallor, nisi propterea in Iordane, & in Enon ubi aquæ multæ erant, Ioannes baptizabat, quia loqui sine aqua non poterat. Et propterea D. Paulus dicit se non esse missum ad baptizandum, sed ad euangelizandum, quia baptizare, & euangelizare idem est, & tamen istos asinos mundus hodie audit, & admiratur. Alij aqua quidem baptizasse concedunt, & quidem ita, ut uerum baptismi sacramentum instituerit, nulla re a Christi baptismo distinctum. Rectè Tertullianus dixit semper Christum inter duos hæreticos, id est inter duos hæreticos crucifigi. Nesciunt hæretici tenere medium. Sed hunc posteriore errorem uers. 11. refutabimus 4.

*Confitentes peccata sua.* Hic non refutandi, sed deridendi hæretici sunt, qui longissimis hoc loco commentariis in Ecclesiasticam confessionem inuehantur, quasi ex hoc a nobis potissimum loco probetur. Fortes sine aduersario uiri, & Andabatarum more irriti in tenebris istu uires farigantes. Quis enim unquam Catholicus tam fuit indoctus, ut ex hoc loco Confessionis probaret sacramentum? Illud affirmamus eos, qui ad baptismum Ioannis ueniebant, non generaliter solum, ut isti putant, sese peccatores esse confessos fuisse. Quis enim se peccatorem non confiteretur? sed specie etiam suamque peccata, ut ueniam & remedium peterent, declarasse. Hoc enim est confiteri peccata sua. Quod Euangelistæ, non tanquam rem usitaram, quæ ab omnibus fieret se peccatores

Noua hære-  
ticorum al-  
chymia.

1. Cor. 1. 17

Hæresis in-  
ter duos ve-  
tates.Qualis erat  
confessio pec-  
cator apud  
Ioannē Ba-  
ptistam.

E 2 esse



esse dicentibus, sed tanquam nouam, singularem, & admirabilem narrant. Verè namque nouum, & admirabile fuit, ut homines arrogantes non solum sese peccatores: sed tales etiam, aut tales peccatores esse confiterentur. Quod si vellemus istorum in interpretandis scripturis licentiam imitari: multo profecto melius ex hoc loco confessionem nos, quam illi sacramentum baptismi probaremus. Nam si Ioannis, & Christi baptismus idem est, necesse est, ut qui Christi baptismum accipiunt, confessionem etiam adiungant. Sanè quidem, inquit illi: sed ante baptismum, quemadmodum in uetere Ecclesia factum accipimus. Nam qui a Ioanne baptizabantur, non post, sed ante baptismum confitebantur. Nos quidem id credimus, sed nos boni viri non probatis, & si vellemus capere verba, contrarium ex verborum contextu probaremus. Nam & hoc loco, & apud Marc. capitulo primo, 5. prius est, *Baptizabantur*, deinde, *Confitentes peccata sua*. Nec est *ἑξομολογούμενοι*, confitētes, cum ante confessi essent: sed *ἑξομολογούμενοι* confitentes, quasi post baptismum confiterentur. Sed malumus fideles, & simplices, quam subriles, & contentiosi videri interpretes.

Qui & vnde dicti Pharisæi, & Sadducæi,

7. *Videns autem multos Phariseorum, & Sadducæorum.*) Duo hominum genera, qui plurimum apud Iudæos gratia, & auctoritate ualebant. Quibuscum perpetuum Christo bellum fuisse animaduertimus, simulque cum Scribis infra cap. 5. 20. & 16. 11. & 22. 23. & 23. 13. De his nihil in ueteri testamento legimus. Genus enim erat non officij, & potestatis, quales sacerdotes, & Scribæ: sed hæresis non multo ante Christi tempora introductæ, ut ex Iosepho illo antiquo, & ex illo altero Ben-Gorionis colligitur; quales hodie sunt Ministri, & Superuigilantiij, & similia nomina nuper inuenta eorum, qui nulla uocati auctoritate docendi, regendique populi officium usurparunt. Vtrosque inter alias Iudæorum sectas Iosephus describit libro 13. ant. cap. 9. & 23. libro 17. c. 1.

& 18. capitulo 2. & libro primo de bello Iudaico cap. 7. & Epiphanius libro primo, Panar. Phariseos quidam quasi expositos oculis hominum, id est conspicuos, & illustres dictos putat, quod phylacteria sua dilatarent Matth. 23. 5. & amarent salutationes in foro, ibidem ver. 7. & Luc. 20. 46. Nam פרוש *פרוש* exponere, explicare, expandere significat. Alij quasi תורה *תורה* פרוש *פרוש* exponentes legem, quod ex Iosepho colligunt, qui eos scripturarum interpretatione nobiles fuisse tradit. Meliusque possent ex altero Iosepho Ben. Gor. colligere libro quarto, capit. 6. sed hos Grammatica refellit, non enim uocatur ab Hebræis פרוש *פרוש* expositores: sed פרוש *פרוש* expositi, aut separati. Itaque Hebræis potius credo, qui, ut ait Baal Harue, homines docent Phariseos dictos esse, quasi a cæteris hominibus ob insignem eruditionem, & sanctitatem separatos. Hoc enim significat etiam פרוש *פרוש* sicut Nazaræi olim אפר *אפר* quod est, separare, dicti fuerant. Et a Latinis, qui aliqua re insignes, & nobiles sunt, uiri egregij, eximij, & singulares appellantur. Sadducæos a צדק *צדק* iustitia, quasi homines iustos, Epiphanius hæres. 14. & Hieronymus in comment. in capit. 23. Matthæi dictos putant. Pharisei quasi Catholici a Iudæis habebantur. Itaque publice docendi munus, & auctoritatem habebant Christi etiam testimonio confirmatam. *Super cathedram Moysis sederunt Scribæ, & Pharisei* Mat. 23. 2. Obseruo semper Scribas Phariseis anteponi, fortasse quod antiquiores, & diuinæ institutionis essent. Nam Pharisei humano instituto introducti fuerant. Sadducæos, tanquam hæreticos, Iudæi habebant, ut Act. 23. 6. manifestum est, eosque Iosephus Lutheranis, & Calvinistis simillimos facit, superbos, seditiosos, principum gratiam captantes, incredulos. Nam neque resurrectionem, neque animorum immortalitatem, neque spiritum credebant. Neque aliud quidpiam, quod non sensu, aut ratione manifesta comprehenderent, Marc. 12. 18. Act. 3. 17. & les.

23. 8.

Lutherani, & Calvinistæ Sadducæis similes,



Cur Ioānes  
in Phari-  
sæis inue-  
nitur.

23.8. In eo etiam similes, quod nul-  
las admitterent non scriptas tradi-  
tiones, & ex sacris ipsis libris, quos  
vellent, approbarent, quos uellent,  
reijcerent. Itaque solum Moſis Pen-  
tateuchum, tanquam a Deo dicta-  
tum, recipiebant, ceteros homines  
fuisse, errareque potuisse. Quæ cau-  
sa fuisse crediatur, cur eos Christus  
de resurrectione disputans, non a-  
lijs testimonijs, quam Pentateuchi,  
cum alia clariora essent, coarguerit  
Matth. 22.31.32. Qualescunque ta-  
men & Pharisei & Sadducei fuerint,  
mirum uideri potest tam asperis a  
Ioanne exceptos uerbis, ut proge-  
nies uiperarum appellauerit. Ra-  
tio, quæ a nonnullis afferitur, quod  
uoluerit Ioannes eorum mores po-  
pulo audiente grauitè reprehende-  
re, ut Christum potius, quam il-  
los minime bonos magistros seque-  
retur, mihi non placet. Aliud enim tem-  
pore id erat agendum, non tum,  
cum ut ab eo baptizarentur consi-  
tentes peccata sua supplices uenie-  
bant. Melius Origenes tom. 6. in Ioan-  
nem, Chrysostom. homil. 11. Auctor  
imperf. homil. & Theophylactus in  
commentarijs respondent cognouisse  
Ioannem eos non sincero, sed fi-  
cto, simulatoque animo uenisse.  
Quod & eorum moribus ualde con-  
gruit, qui etiam a Ioanne reprehen-  
si simulare ubique & tentandi causa  
Christum interrogant, ut infra. cap.  
16.1. & 19.3. & 22.15.18.35. Mar. 7.5.  
& 10.2. & Lucæ 20.26.21.23. Ioann.  
8.6. & ex hoc loco facile quoque col-  
ligitur. Addit enim, *Facite ergo fru-  
ctum dignum penitentiae*, quasi dicat,  
ostendit rebus ipsis uos non simula-  
te, sed simpliciter huc accedere. Cur  
ergo accedebant, si simulatè? Respon-  
det Origenes tomo. 6. in Ioannem,  
ne impij & ueluti hæretici a populo  
haberentur, cuius magna de Ioanne  
erat opinio. Id confirmatur ex capit.  
24.26. Vbi propterea non audent di-  
cere baptismum Ioannis ex homini-  
bus esse, quia timebant turbam. Omnes  
enim sicut prophetam habebant Ioannē,  
Eodem prorsus metu, quo nonnulli

Hæreticorū  
in religione  
simulatio.

hodie, maxime hæretici Catholicam  
frequentant Ecclesiam, ne, quod sunt,  
esse uideantur.

*Progenies uiperarum.*) Ambros. lib. 2. in Lucam cap. 3. non tam repren-  
sionem, quam laudem hanc esse pu-  
tat, quasi laudet, quod cum uipera-  
rum filij sint, parentes tamen suos  
non imitentur, sed ad penitentiam  
ueniant. Sed & ex uerbis, & ex mo-  
do dicendi, & ex simili phrasi, qua  
Christus cap. 23.33. non laudando, sed  
reprehendendo usus est, perspicui po-  
test non laudem, sed reprehensio-  
nem esse eamque grauissimam. Est  
autem Hebraismus *צאצאי היורה* *fili  
uiperarum*, id est uiperæ. quia enim fi-  
lij parentibus plerumque similes  
sunt, ut uiperas appellat, filios uipe-  
rarum uocat, Et uos, inquit Christus,  
*implete mensuram patrum uestrorum*.  
Matth. 23. 32. Alienum esse arbi-  
tror multa hoc loco de uipera philo-  
sophari, cum sensus appareat. Vipe-  
ram omnium bestiarum uenenosissi-  
mam esse certum est. Act. 28.4.6.  
Nam cum Paulus extremo digito a  
vipera morsus, non statim inflatus  
concidisset, pro Deo ab incolis ha-  
bitus est. Summam ergo Phariseo-  
rum, Sadduceorumque malitiam  
nocentissimo animali comparat, eam  
praesertim, quæ in calumniandis, &  
quasi mordendis sanctis uiris consi-  
stit, quæ Phariseis & Sadduceis tam  
propria, quam uiperæ uenenum e-  
rat, quemadmodum Hieronymus in  
30. capit. Isaie, & Gregorius homilia  
20. in Euangel. interpretantur. Quam  
quam Ambrosius, & alij ad pruden-  
tiam referunt. Nunc hæretici sunt ui-  
peræ.

*Quis demonstrauit uos fugere a uen-  
ra ira?*) Quis docuit uos huc uenire,  
ut remedium ad fugiendam futuram  
iram quaereretis, cum uiperæ potius,  
quam homines sitis, q. d. id non ex  
uobis, sed ex diuina gratia prouiden-  
tiaque profectum est, ut Chrysost. &  
Ambrosius interpretantur, uel, quis,  
demonstrauit uos fugere a futura  
ira, nisi conscientia ipsa uestra, quæ  
uos intus damnat, & cogit remedium.

E 3 quare-

Cur Phari-  
sæi cum ui-  
peris com-  
parati.



querere, quis enim docere uos potuit, qui omnes docetis, a nemine docemini? sicut Adamo Deus dixit, *Quis indicauit tibi, quod esses nudus?* Genes. 3. 11. Aliqui tamen codices legunt, *Quis demonstrabit?* quæ lectio si Græcorum codicum auctoritate confirmari posset, ualde mihi quidem placeret. Quia & sensus esset melior, quasi diceret, Militibus quidem, & publicanis, & turbis salutis a me remedium simpliciter petentibus, ostendi. Luc. 3. 11. 12. 14. uobis autem hypocritis, qui simulato animo petitis, quis demonstrare poterit? Nemo. Nec enim qui morbum celat, curari a medico potest? & quia Christus. ca. 23. 33. eadem usus sententia, per futurum loquitur, *Quo modo fugietis?* Et quamuis nihil exillimem temere corrigendum, tamen *ὁ καὶ δεῖξεν* pro *ὁ καὶ εἰσέειπεν* facile legi, aut scribi potuit.

*A uentura ira?* Bernardus ser. 10. in Psal. & ser. in c. Matt. 19. per iram penitentiam uidetur intelligere, quasi sensus sit: Quis docuit uos penitentiam refugere. Alij excidium Ierosolymitanum intelligunt. Sed non dubito, quin æternam damnationem futuram iram appellet. Et quia saluti & regno cælorum, quod appropinquare dixerat, opponitur, & quia quod hic Matthæus uenturam iram uocat, Christus cap. 23. 33. iudicium gehennæ appellat.

8. *Facite ergo fructum dignum penitentiae.* Græca constructio *καρπὸν ἀξίον τῆς μετανοίας* id est ostendit uos non simulate uenire. Fructus penitentiae dignos appellat omnia externa signa, ex quibus uera animi penitentia cognosci potest, quales sunt lacrymæ, præteritorum peccatorum detestatio, bona opera præcedentibus contraria.

9. *Et ne uelitis dicere intra uos.* Facilius est hoc loco sensum interpretari, quam uerba. Nam sensum quidem hunc esse constat. Nolite contenti & securi esse, quod filij sitis Abraham, quasi id satis uobis ad salutem futurum sit. Operibus uobis opus est. Et si filij Abraham estis, operæ Abraham facite. Ioann. 8. 39. Verba au-

tem Græca sunt obscura *μὴ δεῖν τε λέγειν ἐν ἑαυτοῖς*, Ne existimaueritis dicere, aut ne uisi fueritis dicere in uobis ipsis. Quod inusitatum dicendi genus est, & de medio, ut opinor sumptum sicut & illud Luc. 3. 8. *ἀφ' ἑνὸς λέγειν, ne cæperitis dicere*, quod idem ualeat, ac si diceret, desinite dicere: sicut Gallicè, *ne uous mettez point a dire*, &, *laissez de dire*. & Hispanice, *Dexaos de dezir*. Creandum est autem, idem hoc loco Matthæum alio uerbo dicere uoluisse, Ne uideamini dicere, id est, ne ostendatis uos dicere, filij Abraham sumus, Ne ostendatis uos contentos esse, quod uos filios Abraham dicere possitis, Ne sitis contenti nomine, sed digna nomine opera factaque adhibete. *Si filij Abraham estis, opera Abraham facite.* Hanc uim habent tria illa uerba magno, ut mihi uidetur, defectu ab Euangelista usurpata, *δοκεῖν* uideri, *λέγειν* dicere: utrumque enim uerbum opponitur ueritati, & *ἐν ἑαυτοῖς* in uobismet ipsis, id est non rebus & factis, sed opinione & uerbis docentes uos filios esse Abraham. Eodem sensu D. Paulus uidetur uerbum *δοκεῖν* usurpasse ad Heb. 4. 1.

*Potens est Deus de lapidibus.* Veros significat lapides, ex quibus non minus potest Deus filios Abraham suscitare, quam potuit Adam ex terra, Heuam ex latere Adam Genes. 2. 22. filij Abraham Isaac ex mortua iam uulua Saræ Gene. 15. 4. 5. & Rom. 4. 19. Eo enim Euangelista uidetur alludere. Simul tamen spectat ad uocationem gentium, ex quibus Deus, quasi ex rudibus & impolitis lapidibus filios Abraham, id est fideles facturus erat, ut Hieronymus, & omnes ueteres auctores interpretantur. Nihil magis distat a uita & ratione, quam lapis. Nihil difficilius, quam ex lapidibus homines, aut simile quidpiam facere. Vfus ergo est in exemplum re omnium difficillima, ut doceret, nihil Deo esse difficile, ut ca. 4. 3. *Si filius Dei es, dic ut, lapides isti panes fiant*, Et Iu. 19. 40. *si hi tacuerint, lapides clamabunt*, Et Deut. 32. 13. *ut suggeres mel de petra, oleumque de saxo durissimo.* Quod autem



autem Remigius refert dixisse quosdam Ioannem hac dicentem eos demonstrasse lapides, quos olim Hebraei Iordanem traicientes in serpiterum monumentum erexerunt Iosue 47. non est creditu necessarium, & nimis sententiam restringit. Illud malim observari, suscitare filios, Hebraicam esse locutionem בני קים que plusquam gignere significat, nempe gignere, unde videntur gigni non posse. Sic frater viuus fratri mortuo semen suscitare dicebatur, quod mortuus quodam modo gignere videretur Genes. 38. 8. Deuteron. 25. 5. 7. Ruth. 4. 10.

10. *Iam enim securis ad radicem arboris posita est.* Quinque hoc loco sunt uerba translata, ideoque difficilia. Securis, radix, arbor, excindi, in ignem mitti. Arborem hominem significare manifestum est, ut infra. ca. 12. 33. *aut facile arborem bonam, & fructus eius bonos, aut arborem malam, & fructus eius malos,* & Lucae. 13. 6. quid cetera significant, non ita est facile. Nam securim quidam verbum Dei, & virtutem Euangelij, radicem vniuersiusque fidem interpretantur, ut Iren. libr. 5. cap. 17. & Hieronym. in comment. Alij securim mortem, radicem uitam, ut Athan. q. 43. & alij, quorum Euthymius meminit. Alij securim Christum, ut Greg. homi. 20. in Euangelia. Mihi facilis uidetur esse sensus. Securim vocat diuinum iudicium, quod omnia ad uitium refecit, ut ex circumstantijs apparet, *Omnis arbor, quae non facit fructum bonum, excindetur, & in ignem mittetur.* Securis ergo uocatur terribilis & praecisa illa sententia, *Ite maledicti in ignem aeternum.* cap. 25. 41. Arbor hoc loco est Iudaeus: de illis enim loquitur; radix est Abraham, ex qua omnes Iudaei, tanquam propagati. Probat enim Ioannes non debere eos contentos esse, quod filij essent Abrahæ, neque in radice sua confidere, quæ paulo post excindenda sit. Confidant in Christo & bonis operibus, quæ excindi non possunt. Hac aptè

ad hunc locum haerent. Atque ad hunc ferme modum Hilarius, Chrysostomus, & Theophylactus intelligunt. Illud tamen uidetur esse difficile, quomodo Abraham excindendus esse significetur. Respondeo Ioannem non dicere ipsam radicem excindendam esse, sed arborem, quæ non fecerit fructum bonum. Cur ergo securis ad radicem ponitur? non ut ipsa radice, sed ut ab radice, hoc est radicibus arbores praecidantur, quo sensu ipsa radix quodam modo praecinditur. Dicuntur autem Iudaei ab Abrahamo, quasi à radice sua, praecindi, quando diuina sententia declarantur non esse uerè filij Abrahæ, quod non eius fidem, operaque fuerint imitari. Non enim, qui semen sunt Abrahæ, omnes filij, sed in Isaac vocabitur tibi semē, id est, non qui filij carnis: ij filij Dei, sed qui filij sunt promissionis Rom. 9. 7. 8. & Gal. 4. 28. Cur igitur nunc securis ad radicem posita dicitur, quasi ante non esset? Nam & ante, qui fidem & opera Abrahæ non imitabantur, non minus quàm nunc excindebantur. Testes sunt Dathan & Abiron Numer. 16. 31. testes tot millia in deserto prostrata. Numer. 26. 65. 1. Corin. 10. 5. Respondeo propterea nunc excindi, non ante, quoniam ante aliquid iuuabat Iudaeos esse filios Abrahæ secundum carnem, quia propterea lex illis data est, quæ aliis gentibus non est data, & poterant facilius per legem, quàm sine lege salui esse, ut docet D. Paulus Rom. 3. 1. 2. Quid ego amplius Iudæo est, aut quæ utilitas circumcisionis? Multum per omnem modum. Primum, quia credita sunt illis eloquia Dei. Post Christi autem aduentum nihil prorsus iuuat, quia Euangelium non magis illis, quàm ceteris gentibus praedicatur. Lex & Prophetae usque ad Ioannem Baptistam: post Ioannem autem Baptistam regnum celorum vim patitur, & violenti rapiunt illud ca. 11. 12. Itaque si Abrahamum non imitentur, excinduntur à radice, & in ignem mittuntur. id est non magis filij Abrahæ, quam gentes iudicantur. Gentes autem excin-

E 4 di



di non dicuntur, quia nunquam in radice fuerunt: id est nunquam filij Abrahæ secundum carnem.

11. *Ego quidem baptizo vos in aqua.*) Ego, qui homo tantum sum, aqua vos tantum baptizo, & corpora solum lauo.

*In penitentiam.*) Vt penitentiam agatis, per eamque preparati eum recipiatis, qui post me venturus est. Monet enim vos baptismus meus, ut quem admodum aqua corpus abluit, ita vos cunctis animis vestros a peccatorum maculis abluere.

*Qui autem post me venturus est.*) δὲ ἑρχόμενος, qui post me venit: significat enim iam natum esse, propeque aduentare, id est Christus.

*Fortior me est.*) ἰσχυρότερος potentior, maiorisque virtutis est, ita prorsus, ut dignus ego non sum eius calcamenta portare, id est vel uilissima in re illi seruire. Eandem sententiam alij Euangelistæ Mar. c. 1. 7 Luc. c. 3. 16. & Ioan. c. 1. 26. 27. diuersa phrasi expresserunt: nec enim ipsa Ioannis uerba, sed sensum recitare uoluerunt. sensus autem idem est, quia utraque phrasi abiectionem declaratur ministerium; quemadmodum si Gallicè quis diceret, non sum dignus portare tibi librum, alius uero, non sum dignus ingredi in scholam tuam uterque diuersa phrasi idem significaret, se non esse dignum, qui discipulus eius sit. Ea phrasis, qua Matthæus utitur portare calcamenta, aut *καὶ ὑμῶν* sandalia, aut soleas, sumpta est ex Hebræorum consuetudine, qui sacratoriẽm locum ingressuri calceos ponebant, quod nunc Turcæ & Africani faciunt, ut Exod. 3. 5. & Iosue 5. 13. perspicuum est. Qui ergo illustriores erant, puerum habebant, qui calceos, cum posuissent, portaret, quemadmodum nunc apud nos post uiros paullo nobiliores vilissimus puer crepidas portat. Ad eam consuetudinem Matthæus alludit. Alij uero Euangelistæ ad formam calciatus: nam in calidioribus regionibus calcei soleis tantum infernè constabant, superne ligebantur & uiculis, quæ à Græcis *ὑποδήματα*

*τὰ* à Latinis crepidæ dicebantur. Itaque soluendæ erant, antequam extrahi possent. Ex parte igitur totum significatur, id est ex vinculorum solutione tota excalceatio: sicut Galli dicunt, non sum dignus illum excalceare. Itaque quod Cosmas Græcus auctor scribit, quemadmodum in Græca Catena citatum inuenio, corrigiam illam, quam Ioannes se soluere non posse dicit, coniunctionem humanæ diuinæque in Christo naturæ esse, quam nemo soluere, nemo enodare, nemo explicare possit: generationem enim eius quem posse enarrare? magis mysticum, quam literale est. Hic ergo tanto me fortior ac maior, quia non homo tantum, sed etiam Deus est, baptizabit vos Spiritu sancto & igne, id est non solum corpora, ut ego aqua; uerum animos etiam vestros effuso Spiritu sancto purgabit, diuinoque inflammabit igne. Hic huius loci uerus & simplex sensus est, quemadmodum, ut postea dicemus, omnes auctores ueteres explicarunt. Neque longiore opus fuisset commentario, nisi noui hæretici, sicut alia multa, ita etiam hunc locum peruersissima interpretatione deprauassent, Ioannes, inquit, baptismi sacramentum instituit, à Christi baptismo nulla re diuersum, nisi quod alia dabatur manu, uterque ex aqua, uterque ex Deo, uterque in penitentiam, uterque in remissionem peccatorum, uterque in nomine Christi, uterque eandem fidei confessionem requirebat, uterque eadem doctrina tradebatur, neque à Ioanne Christus alium baptismum, quam suum recipere uoluisset. Utinam possent tam breues esse, quàm cupimus, sed cum de fide agitur genus quoddam perfidiæ est, aut hæreticis parere, aut nimis esse breuem. Si certi essemus fore, ut breui tempore scholas Theologicas in laudem crederemus, ad eas lectorem mitteremus, ubi iam diu satis, ut arbitror copiose, hunc errorem refutauimus. Qui eundem Ioannis & Christi baptismum fuisse putant, neque quid hoc loquo Ioannes dicat, neque cur dicat ullo

De Ioannis is  
baptismo  
contra hæ-  
reticos,

Non idem  
Christi, &  
Ioanni ba-  
ptismus,



ullo modo videntur intelligere, Quod sum enim de baptismo Christi mentionem inferret, nisi, ut ex diuersa baptismi conditione diuersam personam suae, & Christi conditionem probaret? Persuasum habebant Iudaei fore, ut Christus cum veniret, baptizaret. Ioan. 1. 25. videbant baptizare Ioannem, incipiebant dubitare, an esset Christus. Propterea mittunt ad eum sacerdotes, & Leuitas, ut interrogent, *Tu quis es?* & de baptismo cum eo disputent Ioan. 1. 19. 25. *Exissimante autem populo (inquit Lucas) & cogitantibus omnibus in corde suo de Ioanne, ne forte ipse esset christus, respondit Ioannes dicens omnibus, ego quidem aqua baptizo: veniet autem fortior me, cuius non sum dignus soluere corrigiam calceamentorum eius, ille vos baptizabit Spiritu sancto, & igne. cap. 3. 15. 16.* Probat utique ex effectu baptismi se non esse Christum, quod ipse sola aqua, Christus Spiritu sancto, ipse corpora, Christus animos lauet. Non loquitur, inquit haeretici, de Christi in aqua baptismo, sed de effusione Spiritus sancti die Pentecostes. Est de illa loquatur, negari tamen, nisi impudenter, non potest de Christi quoque in aqua baptismo loqui, de quo Christus ipse dicit, *Nisi quis renatus fuerit ex aqua, & Spiritu sancto, non potest introire in regnum Dei, Io. 3. 5.* Nam quod istorum quidam negant eo loco agi de baptismo, tam est absurdum, ut refutari non debeat. Baptismus Christi ex aqua, & Spiritu sancto, sicut homo ex corpore, & animo constat. Ioannis baptismus ex sola aqua constat, neque enim, ut ipse testatur, confert Spiritum sanctum, non igitur idem est. Præterea cum Ioannes dicit, *Ille vos baptizabit Spiritu sancto, & igni*, manifestum est ex Ioannis cap. 3. 5. intelligendum esse, non tantum aqua, q. d. Ille vos baptizabit non tantum aqua; sed etiam Spiritu, & igne: ergo è contrario cum dicit, *ego baptizo vos aqua*, eadem particula, tantum, intelligenda est. Quod si ita est, baptismum suum Christi baptismo longe inferiore facit. Hanc etiam vim habet illud epithetum *ιωαν-*

*πότερος μὲν, fortior ac potentior me*, cui enim potentior potius, quam meliorem, sanctiorem, maiorem appellauit: nisi quia probare volebat se non posse per baptismum suum facere, quod ille facturus erat. Præterea Ioannes dicit se baptizare in poenitentiam Marc. 1. 4. Luc. 3. 3. Act. 19. 4. ideoque baptismos poenitentiae vocatus est, quod de Christi baptismo nusquam legimus. Quia nimirum baptismus Ioannis non iam acta, sed ut ageretur: baptismus Christi non, ut ageretur, sed iam acta poenitentia conferebatur. Ioannes non dicitur prædicare poenitentiam, & baptismum, sed baptismum, & poenitentiam, aut, quod idem est, baptismum poenitentiae, quia baptismus præcedebat, poenitentia sequebatur, de Christi autem baptismo Petrus non dicit, baptizetur unusquisque vestrum, & poenitentiam agat: sed, *poenitentiam agite, & baptizetur unusquisque vestrum*, Act. 2. 38. quia baptismus sequebatur, poenitentia præcedebat. Non idem igitur erat. Quod autem clarius potest testimonium esse, quam quod ij, qui Ioannis baptismum acceperant, iubentur iterum a Paulo baptizari. Act. 19. 5. Negant nonnulli ex istis bonis interpretibus Ephesios, quos Paulus denuò baptizari iubet, Ioan. baptismum accepisse. At illi affirmant. Vtris magis credemus? Interrogati enim a Paulo, *In quo ergo baptizati estis?* Respondent, *In Ioannis baptismo.* Interpretantur homines acriter baptizatos fuisse baptismum Ioannis, id est doctrina Ioannis imbutos, baptizari. n. est illis dicere. Primum quidem ab illis exigimus, ut aliquo exemplo doceant baptismum accipi pro doctrina; nec. n. illis, tantis. si sectatoribus verbi Dei, nisi verbo Dei nouam istam Græmaticam probantibus uolumus credere, quod haecenus non fecerunt. Petrus sent a nobis unum illis locum obtulisse, quæ si animaduertissent, magna nobis confidentia iam diu obiecissent. Interrogat Christus principes sacerdotum Mat. 21. 25. 26. *Baptismus Ioannis unde erat, ex caelo, an hominibus? At illi cogitabant inter se dicentes, si dixerimus è caelo dices*

Baptismus in sacris literis nusquam pro doctrina positus.



dicet verbis quare ergo non credidistis illis? De baptismo interrogati, quasi baptisimus, & quidem ille Ioannis, de quo disputamus, & doctrina idem essent, de doctrina respondent. At homines cauti non quid Christus interrogaret, sed quorsum intenderet, considerant. Sciebant enim doctrinam non quidem eandem, sed coniunctam cum baptismo esse oportuisse. Nam cum intelligeret neminem, nisi a Deo missum baptizare potuisse, esseque baptismum diuinum doctrinae testimonium, videbant se baptismum probare non posse, doctrinam repudiare. Baptismum in sacris litteris pro igne, pro morte, pro afflictione positum legimus, pro doctrina non legimus. Si Ambrosium legissemus magnum se auctorem sententiae suae habere existimarent. Sic enim libro 2. de Spiritu sancto cap. 3. loquitur, ergo isti (Ephesij) qui a nec in Christi nomine, nec cum fide Spiritus sancti baptizati fuerant; non potuerant accipere baptismatis sacramentum. Baptizati sunt itaque in nomine Iesu Christi, nec iteratum est in his baptismum, sed nouatum. At Ambrosius non negat illos fuisse baptismum Ioannis baptizatos, sed baptismi Sacramentum accepisse, quod iterari non potest. Vnde potius sequitur Ioannis baptismum, quem accepisse illos confitetur, cum Sacramentum non fuerit, a Christi baptismo, quod Sacramentum erat, fuisse diuersum, ut paulo post ex eodem Ambrosio demonstrabimus. Alij baptizatos baptismum Ioannis concedunt: iterum vero baptizatos negant. Quos non minus quam altero: Lucæ verba redarguunt. His (inquit Act. 19. 5.) auditis baptizati sunt in nomine Domini Iesu. Iam dixerant se Ioannis baptismate baptizatos. His autem auditis non in nomine Ioannis, sed in nomine Iesu, id est, non Ioannis, sed Christi baptismum recipiunt. Quid clarius dici potuit? quid vero est, His auditis? cum audissent ex Paulo alium esse Ioannis, alium Christi baptismum, nec baptismum Ioannis homines Christianos, sed penitentes, & catechumenos fieri, Ioannes (inquit ver. 4.)

baptizauit baptismum penitentiae populum dicens, in eum, qui venturus esset post ipsum, ut crederent, hoc est in Iesum. His auditis baptizati sunt in nomine Iesu. Interpretatur haereticus baptizatos in nomine Iesu, id est, Christi doctrina instructos fuisse. Sed iam probauimus baptismum nunquam accipi pro doctrina, & ex ipsorum opinione, atque ex hoc ipso loco manifestum est. Si enim baptizari fuit doceri, non potuerunt Ioannis baptismum sine baptismum Christi recipere, quia, ut isti dicunt, baptismus Ioannis, & Christi ideo idem erat, quia eadem in utroque doctrina tradebatur. Deinde si idem fuisset doceri, ac baptizari, non dixisset Lucas, his auditis baptizati sunt. Audire enim fuit doceri, & si doceri fuit baptizari, perinde est, ac si dixisset, baptizati baptizati sunt, ridicula prorsus *ταυτολογία*. Deinde si doceri fuit baptizari, ergo cum illi Ephesij secundo baptizati dicuntur, a Paulo sunt baptizati. Nam ab illo docti sunt, at Lucas manifeste indicat non fuisse a Paulo baptizatos. His auditis baptizati sunt, & cum imposuisset illis manus Paulus, venit Spiritus sanctus super eos. Si a Paulo baptizati fuissent, non dixisset, Baptizati sunt, & cum imposuisset illis manus Paulus: sed cum illos Paulus baptizasset, & manibus eis imposuisset. Denique cum eodem loco bis baptizati fuisse dicantur, primum Ioannis baptismate, dein in nomine Iesu, cuius est iudicii idem uerbum in eodem loco positum diuersa significatione interpretari? Error sua ipse arguitur nouitate. Nam antequam noui isti Euangelistae uenirent, nemini in mentem venerat dicere Ioannis, & Christi eundem fuisse baptismum: contra verò non interrogati, non ulla coacti disputatione omnes, quotquot fuere, veteres auctores negauerunt, Iustinus q. ad Orthod. 37. Tertullianus in libro de bapt. Origen. lib. 5. in epist. ad Romanos ca. 6. & tom. 6. in Ioan. Optatus libro 5. aduersus Pamenianum, Chrysost. hom. 10. in Matth. & hom. 1. in Mar. Auctor imperfecti homil. 3. Ambr. libro 2. in Luc. ca. 3. &

in



in præfat. in Psal. 37. & ser. 16. in Psal. 118. Athan. q. 134. Gregor. Nazian. in oratione in sancta lumin. Basil. in exhortatione ad baptismum, & in oratione de baptismo Ioannis, Hieron. aduersus Luciferianos, Cyrill. Alex. lib. 2. in Ioan. c. 57. August. sexcentis pene locis illustriores indicabo, lib. 2. contra litteras Petiliani c. 37. & lib. 3. c. 56. lib. 5. de bapt. contra Donat. c. 9. 10. 15. in Enchir. c. 49. epistola 48. Gregor. hom. 20. in Euang. ut posteriores Bedam, Theophylact. Oecumenium, Anselmum prætermittam. Poetas nobis Prudentium, & Iuuenium aliquis obiciat, qui uterque baptismum Ioannis Christi baptismum uidentur equiparare. Peccata enim remisit, sic dicunt. Possem respondere non subtiliter, sed poetice locutos: sed non opus est poetæ sententiam excusare, cum possimus in bonam partem interpretari. Multi enim veteres auctores eodem modo locuti sunt, qui iidem tamen negant eundem Christi atque Ioannis fuisse baptismum, in quibus Basilius in hom. de baptismo Ioannis, Chrysost. hom. 1. in Matth. Aug. lib. 5. de bapt. contra Donat. c. 10. Grego. hom. 20. in Euang. Beda in 3. c. Luc. Theophylact. hoc loco. Dicunt enim baptismum Ioannis datum fuisse in poenitentiam in remissionem peccatorum Luc. 3. 3. non quod per illud peccata remitterentur: sed quod ad poenitentiam excitaret; per poenitentiam uero, aut tunc, aut post Christi accedente baptismo remitterentur. propterea non legimus Ioannis baptismum remissionis peccatorum, sed baptismum poenitentiae in remissionem peccatorum appellatum, quia non per illum, sed per sublequentem, aut præcedentem poenitentiam peccata remittebantur. Nec opus est ceteris hæreticorum argumentis respondere, & quia non scholas, sed comenariarios scribimus, & quia adeo infirma sunt, ut ipsa per se confirmata ueritate concidant. Eodemque consilio illas quoque questiones, quæ a Theologorum potius scholis pericula sunt, prætermittimus, Num Ioannis ba-

pismus fuerit Sacramentum, num certa uerborum forma datus, num ad ueterem, an ad Euangelicam legem pertineret, & si quæ sunt similes.

*Et igni.*) Sunt qui ignem hoc loco purgatorium interpretentur, quo homines post mortem quodammodo baptizantur, id est, à peccatorum maculis, si quas adhuc habent, abluuntur, ut Origen. tract. 9. in Matth. & hom. 24. in 1. uc. & Hilar. & Hierony. hoc loco. Sed dubium non est, quin per ignem Spiritus sanctus significetur. Coniunctio enim, & hic non est coniunctiua, sed explicatiua. Addita autem est explicatio, ut non qualiscunque Spiritus sancti communicatio, sed illa illustrissima, quæ die Pentecostes specie ignis facta est, significaretur Argumentum est, quod cum Christus de solo baptismo aquæ agit Ioan. 3. 5. hanc explicationem non addit.

13. *Tum uenit Iesus à Galilea in Iordanem.*) Cur Christus, à Ioanne, dominus à seruo baptizari uoluerit, unam ipse ver. 15. rationem declararet, ut iustitiam omnem impleret: alias ualde probabiles antiqui Theologi traderunt. Primam, ut hac ratione testimonium Christo de cælo præberetur, ut Hieronymus ait. Hac enim potissimum de causa Ioannes iussus est baptizare, ut confluentibus undique ad eum populis Christum illis ostenderet. Secundam, ut Ioannis baptismum auctoritatem daret. Tertiam, ut eare ad suum baptismum homines alliceret, & ut ait Augustinus, ne homines grauarentur ad baptismum Domini venire, cum non grauaretur Dominus uenire ad baptismum serui. Quartam, ut aquas suscipiendo baptismum sanctificaret, Epiphanius in Anchor. Addere possumus uoluisset Christum, antequam doceret, quodammodo initiari, & (ut ita dicam) se ipsum Christum docturus, Christianus fieri, si quo modo Ioannis baptismus facere Christianum poterat, quia uia ad Christum præmonstrabat. Illud certum, non necessitate ulla agenda poenitentiae poenitentiae baptismum accepisse eum, qui peccatum non fecit, neque

Cur Christus à Ioanne baptizari uoluit.



neque inuentus est dolus in ore eius; sed potius, ut peccata nostra in deferum, sicut olim hircus, deportaretur, in pœnitentiæ, & peccatorum baptismo peccatoris personam indueret.

13. *Ioannes autem prohibebat eum.*

Prohibebat, quia sciebat eum baptismo non indigere, & quia, si non indigens baptizari uellet, se tamen, ut illum, baptizaret, merito indignum iudicabat. Hoc est, ego à te debeo baptizari, & tu uenis ad me? ex quo perspicuum est Ioannem Christum, quis esset, cognouisse. Quod manifestius ex Ioanne est. c. 1. 29. 30. *Altera die uidit Ioannes Iesum uenientem ad se, & ait, ecce Agnus Dei, ecce qui tollis peccata mundi.*

Ioannes  
Christum  
ante baptis-  
mū agno-  
uit.

*Hic est, de quo dixi, post me uenit uir, qui ante me factus est.* Vnde nascitur quæstio, quomodo idem Ioannes ver. 33. dicat. *Et ego nesciebam eum, sed qui misit me baptizare, ille mihi dixit, super quem uideris spiritum descendentem, et manentem super eum, ille est, qui baptizat in Spiritu Sancto, & igni.* Nostri hæretici pœne hæreticum D. Ioannem faciunt, quasi antequam descensu Spiritus sancti doceretur, non satis firmam de Christo opinionem habuerit. Augustinum Strabus, & Tyrannus secuti sunt cognouisse quidem ante esse Christum: sed non cognouisse eum sibi potestatem in igne baptizandi soli reservatum, donec spiritum super eum uidit descendentem. At iam dixerat, *Ille uos baptizabit Spiritu sancto et igni.* Itaque melius, ut mihi uidetur, Chrysostomus. hom. 16. in Ioannem, Euthymus & Theophylactus, Ioan. 1. 33. semper eum redemptorem, Deumque & quidquid erat cognouisse, cum ad eius aduentum in utero etiam matris exultasset, sed de facie non cognouisse, antequam ad baptismum ueniret, cum Christus in Nazareth, & in Aegypto, ipse in solitudine totam ante uitam transegeret. Simul autem atque uidit, diuino afflatu cognouit illum ipsum esse, quem natum sciebat, quem post se uenturum, & spiritu, & igne baptizaturum predicauerat, quemadmodum olim Samuel, ut ait Rupertus auctor meliore sanè dignus tempore, certo sciebat inter filios Isai

unum esse, qui in regem ungendus erat, cum neminem eorum de facie cognouisset, & simul atque Dauidem uidit Deo inspirante eum esse cognouit 1. Reg. 16. 12. nam eorum non probos sententiam, qui columbam super Christum, antequam baptizaretur, uenisse dicunt, Euangelistarum, ut mihi uidetur, uerbis repugnantibus. Quorsum ergo Ioanni à Deo dictum est, *Super quem uideris Spiritum descendentem ipse est?* Respondet Hilarius lib. 6. de Trinit. id non Ioanni propter ipsum, sed propter adstantem populum dictum esse, ut diuino testimonio illum Christum esse doceret, quem antequam cognouisset, predicauerat, ne quis, ut ait Chrysostomus, existimaret solius Ioannis testimonium diuino testimonio non confirmatum, aut cognitioni, aut familiaritati, & gratia datum esse. Quid ergo Ioannes ex descensu Spiritus sancti, & ex uoce cœli audita cognouit? nihil noui, sed ea cognitio, quam ante habebat, & perfecta, & confirmata est, ut ait Beda, & Rupertus in 1. cap. Ioannis.

*Ego à te debeo baptizari.* Mihi opus est à te baptizari. Nam quod quidam proprius ad uerba uerterunt, necesse habeo, plus quiddam mihi uidetur significare colligunt nonnulli auctores ex hoc loco Ioannem postea à Christo baptizatum fuisse, tum ex illis etiam, quæ sequuntur, *Sine modo*, Chrysostomus. Hieron. Augustinus. imperfect. hoc. 4. Euthymus & Theophyl. hoc loco.

Ioannes à  
Christo ba-  
ptizatus.

15. *Sine modo.* Modo, cum nondum sum descensu Spiritus sancti, & uoce de cœlo missa Christus declaratus, non tanquam Christus, sed tanquam unus de ceterorum hominum numero homo priuatus accedo, ideoque non debes recusare mihi, quod maior te sum, baptismum sicut ceteris, impendere, Chrysostomus. Euthymus. Theophylactus. quod uero Auctor imperfecti 4. interpretatur. Sic, id est, prius faciendo, quam docendo cepit enim facere, & docere, Act. 17. subtile. Ego accomodate ad personas, & rem subiectam inter.



Interpretor Sic, id est, dū maior a minore, dum dominus a seruo baptizatur.

Decet.) Quamuis non necessarium sit, tamen conuenit. Opera, ut uocant, supererogationis.

Nos.) Quidam exponunt, nos, id est, omnes homines, qui docendi munus suscipimus. Malim sic, Nos, id est, me suscipiendo, te dando baptismo.

Implere.) Nihil pratermittendo, non solum ex iis, quae necessaria: sed etiam ex iis, quae factu utilia, & decora sunt. Haec enim uis est uerbi.

Omnem iustitiam.) Sunt, qui legis iustitiam interpretentur, quae in uariis, ut loquitur D. Paulus baptismatibus, & caeremonijs externis consistebat, Hebr. 9. 10. quam Christus implere uoluerit, sicut circumcidi uoluit, quia non uenit soluere legem, sed adimplere, Matth. 5. 17. ut Hierony. & Euthym. quibus necesse est dicere, baptismum Ioannis ueteris legis Sacramentum fuisse, quod multi de schola Theologi magistrum secuti suum, docuerunt. Melius D. Thomas, qui unus instar est omnium, neque Sacramentum fuisse, neque caeremoniam legis, sed mediam inter legem, & Euangelium, a Deo quidem, sed ad breue tempus institutam, ut Christus eiusque baptismus introduceretur, sicut Ioannes ipse inter legem, Euangelium, inter Prophetas, & Christum medius fuit. Nomen ergo iustitiae hoc in loco, nec ullam partem ueteris legis, neque uirtutem ullam in pracepto positam, quamque obseruare necesse esset, significare arbitror: sed quicquid sancti uiri uirtuti, & officio consentaneum est, etiam si non facere sine peccato liceat. Hoc enim omnia indicant uerbo, dixerat Ioannes, Ego a te deo baptizari, quasi dicat, tu a me non debes, id est, non indiges, οὐ γέγραπται Responder Christus, etsi non oportet, tamen decet me abs te baptizari, ut impleamus omnem iustitiam, id est, ut non solum, quae praecpta, sed etiam, quae honesta, & sanctitati consentanea sunt, faciamus. Cur autem decuerit baptizari Christum diximus

uer. 13.

16. Et baptizatus Iesus confestim ascendit de aqua.) A uerbis confestim non temere, sed significanter additum esse constat ex Mar. c. 1. 10. qui & ipse addidit. Quod Euthym. scribit ideo, Euangelistam dixisse Christum statim ab aqua ascendisse, ut inter Christum, & Ioannem alios homines, quid interesset, significaret: solum quippe fuisse Ioannem ceteros in Jordane collo, tenus immerfos manu capiti imposita detinere, donec peccata sua confiterentur; Christum uero, quia peccatum, quod confiteretur, non habebat, statim ascendisse, ab eo creditum ac dictum miror. Quod autem ait Chrysostomus: ideo statim ascendisse, ut significaret eos, qui baptizantur statim a peccatis, quasi in nouam uitam, ascendere, morale est, & nos litteralem quaerimus sensum. Existimo igitur traiectionem esse. quales multas in nouo praesertim testamento animaduertimus. Et illud statim, aut confestim, non ad uerbum, ascendit, sed ad id, quod sequitur, referendum, & ecce aperti sunt ei caeli, aut sic esse uerba copulanda, statim ut baptizatus est, ita ut uix de flumine ascendisset, aperti sunt ei caeli. Hunc esse sensum apparet ex Marco, & statim, inquit, ascendens ex aqua, uidit caelos apertos, id est, statim, ut ascendit, uidit. Ratio quoque docet hunc esse sensum. Nam, ut diceretur Christus statim post acceptum baptismum a flumine ascendisse, nulla causa erat. Quis enim dubitasset? aut quid iam baptizatus Christus in flumine fecisset? ut autem diceretur statim post baptismum, & exensionem e flumine apertos uidisse caelos, non solum utilis: sed etiam necessaria causa erat. Voluit enim Euangelista docere coeleste illud diuinumque testimonium ita cum baptismo nulla interposita mora fuisse coniunctum ut nihil aliud expectasse uideatur Deus, ut testimonium de Christo suo exhiberet, nisi ut baptismus, & Ioannis praecederet testimonium. Debit enim hominis Deus, non Dei homo testimonium confirmare. Qui autem

Cap. I. 10.

Ioannis baptismus non fuit sacramentum ueteris legis.



quarunt, cur Euangelistæ ascenden-  
di potius, quam exeundi verbo vfi  
fuerint, ignorare videntur terram al-  
tiorē esse, quā flumina. Lucas orā-  
te Christo celos apertos, & colum-  
bam descendisse narrat: itaque creden-  
dum est eum simul atque in terram  
euasit sese in genua prouoluisse, vt re-  
uerenter patris testimonium excipe-  
ret. Nam, & filij bene instituti, dum  
iplos parentes alloquuntur, caput ape-  
riunt.

*Et ecce aperti sunt ei celi.* Ei, id est,  
Christo, vt ex huius loci contextu, &  
ex Mar. c. 1. 10. manifestum est. Creden-  
dum est omnibus, qui adstabant, aper-  
tos fuisse, id est, ab omnibus, tāquam  
apertos visos fuisse, cum propterea  
vero simile sit apertos fuisse, ut om-  
nes intelligerent, & spiritum san-  
ctum, & vocem de celo descendisse.  
Sed Christo tantum aperti dicuntur,  
quia propter eum aperti sunt. An au-  
tem re ipsa, an sola specie aperti fue-  
rint, magni non refert, sed quia qua-  
ri solet, dici debet. Chrysostomus de  
celis vbiq; non aliter, quā de cæ-  
teris corporibus sentiens, indicare  
videtur, apertos re ipsa fuisse. Auctor  
vero operis imperfecti hom. 4. & Hie-  
rony. hoc loco, & in c. 1. Ezech. non  
re vera, sed visu, quorum est senten-  
tia probabilior, & quia ad id, quod  
agebatur, efficiendum nihil referebat,  
vtrum re ipsa, an sola specie aperiren-  
tur, & quia non est credibile celorum  
soliditatem fuisse non necessario vio-  
latam, & quia similiter alijs locis a-  
periti fuisse dicuntur, vbi re ipsa aper-  
tos non fuisse constat. Gene. 7. 11. &  
Act. 7. 56. vbi si re vera aperti fuissent,  
non solus Stephanus, sed omnes, qui  
aderant, apertos vidissent, cum solus  
Stephanus vidisse referatur: & quia,  
vbi e contrario claudi dicuntur: non  
re vera clauduntur, cum aperte ante  
non essent, ut Deut. 11. 17. 3. Reg. 8. 35.  
2. Par. 6. 26. & 7. 13.

*Et vidit.* Pleriq; referunt ad Ioan-  
nem, quia Ioan. 1. 33. dicit, & ego nescie-  
bam eum: sed qui misit me baptizare in  
aqua: ille mihi dixit, super quem viderit  
spiritum descendentem, & manentem su-

per eum, ille est, &c. quod ualde mihi  
coactum uidetur, cum post initium  
ver. 14. Ioannes non fuerit nomina-  
tus, & omnia, quæ præcedunt, verba  
ad Christum referantur: & Marcus  
Matthæi interpretes c. 1. 10. dicat, & sta-  
tim ascendens de aqua vidit celos aper-  
tos, & spiritum, tamquam columbam de-  
scendentem super ipsum. Quod autem di-  
citur Ioan. 1. 3. non est contrarium,  
quia, ut paullo ante diximus, non so-  
lum Christus, & Ioannes: sed omnes  
etiam qui aderant, apertos celos, &  
spiritum descendentem uiderunt:  
Christus, quia propter ipsum: Ioan-  
nes, quia hoc illi à Deo datum erat si-  
gnum; alij, ut eo signo Ioanni crede-  
rent. Sed nimirum non omnes Euan-  
gelistæ omnia dicere voluerunt. Mat-  
thæus, & Marcus, quia de Christo age-  
bant, dixerunt eum spiritum descen-  
dentem vidisse: Ioannes de Ioanne  
agens Ioannem vidisse dixit. Turbam  
quæ aderat, uidisse nemo dixit, quia de  
illa agebat nemo.

*Sicut columbam.* Tertullianus lib.  
de carne Christi, veram putat fuisse  
columbam, idemque D. Augustinum  
sensisse in lib. de agone Christiano c.  
22. plerique existimant, quod ideo nō  
credo, quia nec eo loco quicquam  
aliud Augustinus probat, quā verū  
fuisse corpus, quod longe aliud est,  
quā ueram esse columbam, & mul-  
tis alijs locis non ueram columbam,  
sed columbæ speciem fuisse docet,  
quemadmodum omnes alij aucto-  
res, quos legere memini, docuerunt,  
Ambr. in præf. lib. 3. de spiritu san-  
cto, Aug. aut quisquis est, lib. 3. de mi-  
rabilibus sacre scripturæ c. 5. Quod  
eō est probabilius, quod omnes Euan-  
gelistas, quasi de industria, particula  
similitudinis usos esse uideamus, &  
quod ad id, quod agebatur, necessa-  
rium non fuerit ueram esse colum-  
bam. Vtrum autem uerum fuerit cor-  
pus columbæ speciem præ se ferens,  
an ne corpus quidem re ipsa fuerit,  
sed quasi corpus esset, ita ab astanti-  
bus usum: diuersa est quaestio. In qua  
Augustini probō sententiam, uerum  
fuisse corpus, quia, si uerum non fuis-  
set,

An vera fue-  
rit columba  
in baptismo  
Christi.



Tertulliani  
error de Spi-  
ritu sancto  
cum co-lūba  
hypostaticē  
unito.  
Cur Spi-ri-  
tus sanctus  
specie colū-  
bæ appa-  
ruit.

set; aut non ab omnibus visum esset, aut tot fuissent facta miracula, quot homines fuerint, cum miraculum non in columbæ corpore, sed in oculis hominum fieret, quod non est temere concedendum. Illud tamen cavendum, quod D. Augustinus admonuit, ne existimemus sic Spiritum sanctum cum corpore columbæ, sicut filium Dei cum natura humana hypostaticē unitum fuisse, quod videtur Tertullianus existimasse: sed sicut Angelos, ut ab hominibus viderentur, humana sepe corpora sumpsisse legimus. Non sine causa a nonnullis quaesitum est, cur hoc loco Spiritus sanctus specie columbæ descendat, die autem Pentecostes specie ignis atque linguarum. Act. 2. 3. facilis ratio. Nunc in Christum descendit, non ut ascendat, quia ipse Deus, erat Deus autem ignis consumens est, non ut loqui doceat, quia diffusa erat gratia in labijs eius sed ut testimonium de illo perhibeat, Qui autem testimonium perhibet, debet personæ, de qua loquitur, naturam, proprietatesque declarare. Dictū erat de Christo, *arundinem quassatum non confringet, & lino sumigans non exstinguet, & quidem eo loco dictum erat, ubi de descensu in eum Spiritus sancti agebatur. Isa. 42. 1. 2. 3. Dedi Spiritum meum super eum, iudicium gentibus proferet. Non clamabit, nec accipiet personam, nec audietur vox eius foris. Calamum quassatum non conteret, & lino sumigans non exstinguet.* Dicit ipse de se Christus. Discite a me quia mitis sum, & humilis corde Matth. 11. 29. Columba mitissimum est animal, &c., ut ait Cyprianus, sine felle amarum, sine moribus seuum. Credo etiam specie columbæ naturam, &c., ut ita dicam, habitum Spiritus sancti declaratum, omnium largitor gratiarum Spiritus est, *diuideas singulis, prout vult. 1. Cor. 12. 11. Columba* gratiam, mansuetudinemque significat, amorem quoque patris in Christum declarari suspicor vi columbæ species, uoxque audiri cōsentiant, *Hic est filius meus dilectus.* Est enim columba amantissimum animal, carmen semper amatorum im-

muturans. Itaque sponsa illa Dei amantissima columba sepe, quasi dilecta, appellatur. *Columba mea, formosa mea, Cant. 2. 10. 14. Soror mea, columba mea, Cant. 5. 2. Una est columba mea, Cant. 6. 8.* Apostolis uerò datus est Spiritus sanctus, quia indigebant, ut eos caritate inflammaret, & uarijs linguis loqui doceret, ideo specie ignis atque linguarum datus est.

*Et uenientem super ipsum* Christum *ἐπ' αὐτόν* super ipsum, pro *ἐφ' αὐτόν* super se. Solent enim aliquando Graeci, sepe uerò Septuaginta, & Latinus interpretes pronomina demonstratiua pro reciprocis ponere, quia eadem apud Hebræos uox *יְהוָה* utrumque significat. Vide. 1. Reg. 17. 39. & 25. 6.

Cur Spiritus sanctus super Christum recens baptizatum descenderit, diffilis non est coniectura, & ueteres Theologi Irenæus lib. 1. c. 19. Iustinus in Tryphon. Ambrosius in præfatione lib. 3. de Spiritu sancto, & Hieronymus. quæst. 2. Algasiam scriptum re-

Cur i Christi-  
sum bap-  
tizatum spi-  
ritus san-  
ctus descen-  
dit.

liquerunt. Dixerat Isa. ca. 11. 12. *Egre-  
ditur uirga de radice Iesse, & flos de ra-  
dice eius ascendet, & requiescet super eum  
spiritus Domini, spiritus sapientia, & in-  
tellektus.* Dixerat. c. 42. 1. *Dedi super eum  
spiritum meum, iudicium gentibus profe-  
ret.* Dixerat. c. 61. 1. *Spiritus Domini su-  
per me, eo quod unxerit me, ad annuntiā-  
dum mansueti: misit me, ut mederer con-  
tritiis corde, ut predicarem captiuis indul-  
gentiam, & clausis apertionem.* Debue-  
runt impleri Prophetia. Debuìt Spi-  
ritus sanctus super Christum uenire,  
& ut ait Ioannes ca. 1. 33. super ipsum  
manere, hoc est requiescere, & quidem  
tunc, cum, ut annuntiaret mansuetis,  
& mederetur contritiis corde, prædi-  
cassetque captiuis indulgentiam, &  
clausis apertionem, baptismo, quasi  
magisterio quodam initiabatur, ut  
omnes eum esse Christum intelligen-  
rent, de quo fuisset Isaias tam longo  
ante tempore uaticinatus. Itaque  
ipse Christus cum secundum il-  
lum Isaiæ locum in Synagoga legis-  
set, addit. *Hodie impleta est hæc scriptu-  
ra in auribus uestris, Luc. 4. 21.* Aliam  
rationem Hieronymus, Chrystosto-



mus, Euthymius, & Theophylactus afferunt, ut inde intelligeremus etiam nobis Spiritum sanctum, quamvis minime uideamus baptizari dari. Sed hæc ratio minus conuenit, quia nos non per Ioannis, sed per Christi baptismum Spiritum sanctum recipimus. Certe altera melior, qua illud præcessit, hoc secutum est.

17. *Hic est filius meus dilectus.* Mar. c. 1. 11. & Luc. c. 3. 22. dicunt, *Tu es filius meus.* Quæ ideo contraria non sunt, quia credendum est alios Euangelistas uerba, alios sensum retulisse. Vtri autem uerba, incertum, uero simile tamen est Marcum, & Lucam uerba recitasse, & quia plures sunt, & quia contentaneum fuit, ut in quem Spiritus sanctus descendeat, ad eum vox dirigeretur. Sicut in transfiguratione, quia uox dirigebatur ad Apostolos, non dixit, *Tu es filius meus*: sed *hic est filius meus dilectus.* Lu. 9. 35. *ὁ υἱός ἐστιν ὃς ὁ υἱός μου ὁ ἀγαπητός.* Hic est filius ille meus, ille, inquam, carissimus. Ostendit enim gemino articulo se non de quouis, sed de naturali, de unico, de æterno, de sibi æquali filio loqui. Nam ceteri adoptione tantum filij sunt. *ἀγαπητός* dilectus, aut quod amplius est, carissimum Athanasius in oratione aduersus Arianos, quod Deus ex Deo sit uerbum, unigenitum interpretatur. Hoc enim epitheto non apud Homerum solum, sed etiam in sacris litteris unigenitos filios solitos appellari, Gen. 22. 2. *Tolle filium tuum unigenitum, quem diligis Isaac,* & uade in terram uisionis, sicut è contrario Ioan. ca. 3. 16. & 1. epistola 4. 9. *unigenitum* posuit pro carissimo, *Sic Deus dilexit mundum, ut filium suum unigenitum daret.*

Significatio  
verbi com-  
placeo, in  
scriptura.

In quo mihi bene complacui.) *ἐν ᾧ ἐν-  
δόκῃσα*, ad uerbū, In quo placui. Sed  
noster interpres explendæ sententiæ  
causā, dandi casum addidit. Verbum  
est ualde in sacris litteris usitatum,  
sicut, & nomen *ἐνδοκία*, inde deriu-  
atum. Noster interpres *ἐνδοκίῃ*, so-  
let uertere, sibi complacere, ut Matth.  
12. 18. & 17. 5. Marc. 1. 11. Luc. 3. 21. &  
12. 32. ad Colos. 1. 19. 2. Petr. 1. 17.

*ἐνδοκίῃ* autem beneplacitum, ut ad  
Eph. 1. 9. aliquando bonam uolunta-  
tem, ut Luc. 2. 14. De quibus duobus  
verbis multa ab interpretibus disputā-  
tur, quæ etsi uera sunt, tamen non ui-  
dentur eorum uim prorsus exprime-  
re, sensumque complere. Græcum uer-  
bum a Septuaginta interpretibus in-  
troducitur, qui ubicumque fe-  
rè Hebraicè erat *רצה* uerterunt  
*ἐνδοκίῃ* ut Psal. 39. 14. 43. 4. & 149. 4.  
nec memini eos uspiam aliter uerte-  
re, nisi Isa. 42. 1. Quare ex uerbo He-  
braico *רצה* Græci uerbi *ἐνδοκίῃ* vis  
intelligenda est. *רצה* autem Hebrai-  
cè cum multa significat, tum etiam ali-  
quando placari, reconciliari, in gratiā  
redire, ut Ps. 76. 8. *Quid in æternum  
projiciet Deus, & non apponet, ut compla-  
citur sit adhuc.* H. *רצה* ut ite-  
rum reconcilietur. G. *תוֹב עֲשֵׂה לְפָנַי*  
*וְרָצָה*, & Ps. 84. 1. *Benedixisti Domine ter-  
ram tuam, auertisti captiuitatem Iacob.*  
H. *רָצָה יְהוָה אֱרֶצְךָ* placatus es (aut re-  
conciliatus) terræ tuæ, id est populo  
tuo, ut Hebræi interpretantur, &  
quæ sequuntur, uerba confirmant,  
Auertisti captiuitatem Iacob. G. *עָשָׂה  
לְפָנַי כְּרִיפָה* *וְרָצָה*, ergo hoc  
loco *ἐν ᾧ ἐνδοκίῃσα*, in quo complacui,  
ut nostri interpretis uersionem reti-  
neam, non significat, quem unice ama-  
ui, neque quo ualde delector, neque in  
quo conquiesco, ut noui quidam uer-  
tunt interpretes, sed, in quo id est, per  
quem placatus ac reconciliatus sum  
mundo, hoc est, placari, & reconciliari  
decreui. In quem cum intueor, omnē  
iram, & offensionem pono. Voluit  
enim pater per uocem illam cœlitus  
missam declarare non tantum filium  
esse suum, sed quorsum etiam mitter-  
ret, ut libentius ab hominibus recipe-  
retur. Alludit autem ad prophetiam  
Is. 42. 1. *Ecce seruus meus suscipiam eum  
electum meum, complacuit sibi in eo anima  
mea* *רָצָה נַפְשִׁי*. Cur autem hæc uox  
cœlitus missa sit, non est difficile ra-  
tionem reddere. Columbe species  
res erat muta, quæ multa significare  
poterat, addita uox est, quæ symbolum  
declararet. Sicut *accedit uerbum* in-  
qt Aug. ad elementū, & sit sacramētū,  
quia

Cur uox  
missa in ba-  
ptismo Chri-  
sti.

Tract. 80.  
in Ioan.



quia quod elementis obscure, id aperte uerbis significatur. *Filius Dei*. ) inquit Hilar. can. 2. ) auditu cōspectuq. mōstratur. pleriq. infide. & prophetis inobediēti testimonium de Domino suo mittitur, & contemplationis, & uocis. Fide dignus es testis, qui & audiuit, & uidit. Simile quiddam in transfiguratione factum est Matth. 17. 5. & Luc. 9. 35. sed alia ratione, ut Apostolorum principes, qui ut ait D. Paulus, quasi Ecclesiæ columnæ futuri erant, stabilirentur. Omnes ueteres auctores, iij. ma-

ximè, qui aduersus Arianos disputarunt, aliam causam reddiderunt, ut Trinitatis mysterium declararetur, Patris loquentis, Filii testimonium recipientis, Spiritus sancti columbæ specie descendentis. Qualis aut quo modo facta uox, obscurum non est, potuit Deus, qui omnes humanas uoces aere in humano ore formare solet, humanam uocem eodem aere sine ore formare, ut Marcus. 9. 7. & Ioann. 12. 28. Exodi. 3. 4. Act. 1. 13. 15.

## CAP V T IIII.



**I**NC Iesus ductus est in desertum à Spiritu, ut tentaretur à diabolo 2. Et cum ieiunasset quadraginta diebus, & quadraginta noctibus postea esuriit. 3. Et accedens tentator dixit ei: Si filius Dei es, dic, ut lapides isti panes fiant 4. Qui respondens dixit: Scriptum est:

Non in solo pane uiuit homo, sed in omni uerbo, quod procedit de ore Dei. 5. Tunc assumpsit eum diabolus in sanctam ciuitatē, & statuit eum super pinnaculum templi, 6. & dixit ei: Si filius Dei es, mitte te deorsum Scriptum est enim: Quia angelis suis mandauit de te, & in manibus tollent te, ne forte offendas ad lapidem pedem tuum 7. Ait illi Iesus: Rursum scriptum est: Non tentabis Dominum Deum tuum 8. Iterum assumpsit eum diabolus in montem excelsum ualde, & ostendit ei omnia regna mundi, & gloriam eorum, 9. & dixit ei: Hæc omnia tibi dabo, si cadens adoraueris me. 10. Tunc dicit ei Iesus; Vade Satana: Scriptum est enim: Dominum Deum tuum adorabis, & illi soli seruiēs. 11. Tunc reliquit eum diabolus, & ecce angeli accesserunt, & ministrabāt ei. 12. Cum autem audisset Iesus, quod Ioannes traditus esset, secessit in Galileam: 13. & relicta ciuitate Nazareth, uenit, & habitauit in Capharnaum maritima, in finibus Zabulon, & Nephthalim; 14. Ut adimpleretur quod dictum est per Isaiam Prophetam. 15. Terra Zabulon, & terra Nephthalim, uia maris trans Iordanem, Galilæa gentium 16. populus, qui sedebat in tenebris, uidit lucē magnam, & sedentibus in regione umbræ mortis, lux orta est eis 17. Exinde ccepit Iesus prædicare, & dicere: Pœnitentiam agite: appropinquauit enim regnum cœlorum. 18. Ambulans autem Iesus iuxta mare Galilææ, uidit duos fratres, Simonem, qui uocatur Petrus & Andræ

F fratrem

Marc. i. b.

12.

Luc. 4. a. 14

Deu. 8. a. 3

Ps. 90. c. 11

Deut. 6.

Deut. 6. b.

13.

Marc. i. c.

14.

Lu. 4. c. 14.

Io. 1. f. 43.

Isa. 9. a. 1.

Marc. i. b.

15.

Marc. i. b.

16.

Luc. 5. a. 1.



fratrem eius mittentes rete in mare, (erāt enim piscatores.) 19. & ait illis: Venite post me & faciam uos fieri piscatores hominum. 20. At illi continuo relictis retibus secuti sunt eum. 21. Et procedens inde, uidit alios duos fratres, Iacobum Zebedæi & Ioannem fratrem eius in naui cum Zebedæo patre eorum, resicientes retia sua: & uocauit eos. 22. Illi autem statim relictis retibus & patre; secuti sunt eum. 23. Et circuibat Iesus totam Galilæam docens in synagogis eorum, & prædicans Euangelium regni, & sanans omnem languorem, & omnem infirmitatem in populo. 24. Et abiit opinio eius in totam Syriam, et obtulerunt ei omnes male habentes, uariis languoribus, et tormentis comprehensos, & qui dæmonia habebant, & lunaticos, et paralyticos & curauit eos: 25. & secutæ sunt eum turbae multæ de Galilæa, & Decapoli, et de Ierosolymis & de Iudæa, & de trans Iordanem.

Mar 3. a. 7.  
Lu. 6. c. 17.

## I N C A P V T IIII.



**D**UCTUS statim, ut expressit Marcus c. 1. 12. *Ductus est.* ) ἀνέχθη subductus, aut abreptus, Marcus τὸ πνεῦμα αὐτὸν ἐκέλευε expellit eum Spiritus. Credibile est nō per acra raptum, ut Habacuch, Daniel. 14. 35. & Philippū Act. 8. 39. quia id Euangelista non tacuissent, sed pedibus ductum, non coactum, sed libentem. Dicit tamen Matthæus subductum, Marcus expulsum: non ut uim illatā Christo, sed ut efficientiam, & impulsū Spiritus sancti significaret, sicut cum D. Paulus dicit, *Qui spiritu Dei aguntur, ij sunt filii Dei*, Rom. 8. 14. ut Hilarius, Hieron. & Auctor imperfecti obseruarunt. Nec significatur ante non fuisse actum ab Spiritu, sed tum maxime uim Spiritus apparuisse.

Laus uitæ  
solitariae.

*In desertum*) In locum tentationi, & singulari aptum certamini. *Vae enim soli quia cum ceciderit, nō habet sibi bleuantem se.* Eccles. 4. 10. Nec ideo damnandi, qui in solitudine uitam agunt. Quod genus uitæ, & Ioannes Baptista primus, & multi post uiri sanctissimi exemplo uirtutis singulari, & Chrysostomus, Basilus, Gregorius Nazianzenus, Hieronymus,

Theodorus homines experti, quā diuinum esset, integris uoluminibus testati sunt. Illis potius, quā hominibus, aut hæreticis, aut ambiosis, & delicatis credendum est. Cū illi ipsi, qui subleuare debent, deficiunt, præstat solum esse, & solum contra solum dæmonem, quā contra dæmones, hominesque pugnare. Solus non est, qui Deum sequitur ducem, cuius auxilium tanto magis in solitudine, quā in ciuitate: quanto minus ab hominibus impeditur: apparet. Desertum autem hoc loco Iudææ intelligendum est, ut diximus cap. 3. 1. illud idem, ubi Ioannes Baptista uitam egerat, & quia prope Iordanē erat, ut illic explicauimus, & quia absolute desertum appellatur. Ductus ergo est à Iordane in intimam solitudinem, ubi inter bestias agebat, ut ait Marcus. cap. 1. 13.

*A Spiritu.*) Paulo post uer. 5. & ver. 8. & apud Iucan. cap. 4. ver. 5. & 9. dicitur ductus à diabolo, qui, & ipse aliquando spiritus appellatur, ut infra capitulo 8. 16. & 10. 1. & 12. 43. sed hoc loco Spiritus sanctus intelligendus est, & quia in proximo de eo Euangelista locutus fuerat.

iat.

A quo spiritu Christus  
in desertū  
ductus.



rat cap. 3. & quia cum articulo, & quia absolute Spiritus dicitur. quod nunquam fit, nisi cum Spiritus sanctus significatur, ut Didymus, & Hierony. obseruauerunt.

Tentare varijs modis accipitur.

Deus quō tentat, & non tentat.

*Vt tentaretur.*) Tentare aliquando est ad peccandum incitare, ut Act. 5. 3. & 1. ad Corinth. 7. 5. & 1. Thes. 3. 5. Iacob. 1. 13. Apocal. 2. 10. Hoc modo Diabolus tentare dicitur. Inde nomen habens Satan, apud Hebræos aduersarius, diabolus apud Græcos calumniator, & insidiator, qui circuit querens, quem deuoret. Homines etiam tanquam diaboli ministri, sic alij alios tentare solent. Deus nequaquam. *Intentator enim malorum est.* Iacob. 1. 13. Quanquam Calviniani haretici hoc etiam modo Deum, & quidem in primis tentare dicunt, diaboli scilicet officium Deo tribuentes. Tentare etiam est cognoscendi causa inquirere, & explorare: quomodo, & diabolus, & homines, & Deus tentant. Aliter tamen Deus, aliter homines, & demones. Hi ut cognoscant, quod ignorent: ille, ut quod scit, scire etiam uideatur, quemadmodum si explorando experiendoque didicisset, aut non, ut ipse sed ut ij, quos tentat, sese cognoscant, ut D. Aug. interpretatur. Ita Gene. 22. 1. Exod. 16. 4. & Deut. 8. 2. & 13. 3. Sapient. 3. 5. Hebr. 4. 15. & 11. 17. 37. Apocal. 2. 2. Tentare etiam est ad iram prouocare, ut cum dicimur tentare Deum, quia eius potentiam experiri uolumus infra uer. 7. & Exod. 17. 2. 7. & Num. 14. 21. Psal. 77. 18. 41. & 94. 9. & 105. 14. Christus non poterat, nisi secundo, & tertio modo tentari, tamen credibile est, in desertum abiisse, ut se diabolo omnibus modis tentandum praberet: & ad peccandum etiam sollicitaretur, ut posset dicere, *venit princeps huius mundi, & in me non habet quicquam* Ioannis. 14. 30. Id ex facto diaboli manifestum est, qui illum, ut se præcipitem daret, seque adoraret, incitauit, quod utrumque grauissimum peccatum erat. Hac enim ratione, an

filius Dei esset, ut dicebatur, experiri uoluit. Sciebat enim, si ad peccandum trahi posset, filium Dei esse non posse.

*A diabolo.*) Nomen proprium, aut potius cognomen est Luciferi principis demoniorum, ex calumniandi, insidiandique excellentia desumptum, ut Matthæus. 23. 41. & Apocalip. 12. 9. & 10. 2. 10. Voluit enim Christus hominum princeps diabolum principem demoniorum ad singulare certamen prouocare, & ut suis parceretur militibus, & ut hostium primo conflictu uicto duce totus in fugam exercitus uerteretur. Atque hæc una causa ab Euangelistis reddita est, cur Christus in desertum abierit. Quia aduersarius agredi non audebat, obuiam illi procedit, & quomammodo irritat, quem scit non pugnaturum, nisi lacessitum, Hilar. cant. 3. Ambros. lib. 4. in Luc. cap. 2. Auctor imperf. hom. 5. Alias quoque fuisse causas, cur in desertum Christus secesserit, licet ab Euangelistis non exprimantur, incredibile non est. Moses antiquus legislator, antequam à Deo legem acciperet, quadraginta dies solus in monte uersatur. Ioannes, antequam ad prædicandum, & baptizandum prodeat, in eadem solitudine uitam agit. Quod enim ex solitudine proficiscitur, non ex hominibus, sed ex Deo profectum putatur, maioreque excipitur reuerentia. Voluit ergo Christus etiam ex solitudine Euangelium asferre. Voluit eum se esse ostendere, cuius Moses figura fuisset: cuius præcursor Ioannes, quem iisdem uestigijs per solitudinem sequeretur. Voluit nos exemplo docere, ut cum de uitæ rationibus, uel de re alia graui deliberamus, turbam relinquamus hominum, & nos in solitudinem colligamus nostra cum Deo consilia communicaturi, quæ frequentia hominum impediuntur, solitudine iuuantur. Nam, & Comicus ille dixit, Meditatus uenis alicunde ex solo loco. Cur autem tentari Christi

Diaboli nomen.

Cur Christus in desertum ire uoluit.

Cur Christus tentari uoluit.

F 2 flus



stus voluerit, multae ab interpretibus causa asseruntur. Prima illa est, quod oportuerit nouum militem in ipso inclarescere tyrocinio: & ad grauiorem pugnam leuioribus durari velitationibus. Secunda, ut tentatus ipse per omnia, ut ait D. Paulus, tentatis nobis maiore commiseratione opem ferret. *In eo enim, in quo passus est ipse, & tentatus potens est, & ijs, qui tentantur, auxiliari.* Heb. 2. 18. ut Pontificem haberemus, qui sciret compati infirmitatibus nostris. Hebr. 4. 15. Tertia, ut exemplo doceret nos, cum accedimus ad seruitutem Dei, preparare animas nostras ad tentationem Eccles. 2. 1. quam Hilar. & Chrys. indicauerunt. Quarta, ut deuictio statim hoste nos redderet securiores, *Confidite* (inquit) *ego uici mundum.* Io. 16. 33. Nam nisi ille cecisset, non mihi iste uicisset, ut ait Amb. li. 4. in I. u. c. 2. Quinta, ut nos quoque illo uincēte, uinceremus, Aug. in Psal. 60. *Agnosce te in illo tantum, & te in illo agnosce uincētem.* Petra erat Christus. Propterea petra illa, in qua edificati sumus, prior percussa est uentis flamine pluuia, quando Christus à diabolo tentabatur. Ecce in qua firmitate te uoluit stabilire. Et in Psal. 90. parte. 2. *Ideo tentatus est Christus, ne uinceretur à tentatore Christianus.*

Cor Christi.  
stus. 40 dies  
ieiunauit.

2. Et cum ieiunasset, quadraginta diebus, & quadraginta noctibus id est, quadraginta integros dies. Sic enim Hebraei loqui solent. Aut ideo diebus Euangelista noctes adiecit, ut indicaret eum non Iudaeorum more ieiunasse, qui per diem nihil cibi potusue sumentes noctu uescebantur, sed ita ut totos quadraginta dies, totidemque noctes nihil gustauerit. Quod Moysen ante Exod. 24. 18. & 34. 28. & Eliam. 3. reg. 19. 8. fecisse legimus. Obseruauerunt ueteres auctores mysticum hunc esse numerum, ut Basil. in homil. in quadraginta martyrum Ambro. serm. 34. de quadagesima, & lib. 4. in Luc. cap. 2. Hieronym. in 3. cap. Ionæ, August. lib. de Genes. ad litteram. cap. 169. & lib. 2. de consen. Euang. c. 4. Quod non ab illis excogitatum, sed à Deo declaratum fuisse multis sacrarum

litterarum exemplis perspicuum est. Nam non solum Christus, Moyses, & Elias, quasi numeratis ad calculum quadraginta diebus ieiunauerunt, quod ipsum, erat satis, ut aliquod inesse huic numero mysterium intelligeremus, sed multa etiam alia hoc numero uidemus facta, quae casu facta esse non possunt. Quadraginta dies ac noctes pluit, cum aquarum mundatione mundum Deus purgare uoluit, Gen. 7. 12. Quadraginta dies mortui aromaticis conditi asseruantur, antequam sepulturae mandentur, Genes. 50. 3. Quadraginta dies exploratores illi à Moysè Missi Chanaan promissam à Deo terram perlustrant Num. 13. 26. Quadraginta dies Goliath diabolum aduersarium nostrum significans, stat exprobrans contra populum Dei. 1. Reg. 17. 16. Quadraginta annos filij Israhel in deserto morantur Exod. 16. 34. Quadraginta dies Ezechiel iubetur in dextrum latus cubare, ut portet iniquitates domus Iuda Ezech. 4. 6. Quadraginta annos Aegyptus deserta cognitur quodammodo agere poenitentiam Ezech. 19. 1. 12. Quadraginta dies Christus post resurrectionem, antequam in caelum ascenderet, in terris uersatur. Non potest fortuito fieri, quod tam saepe fit. Quadragenarius ergo numerus totum, (ut ait Augustin.) praesentis uitae significat cursum, tempus poenitentiae, peccatorumque expiationi destinatum. Ieiunium autem pars est poenitentiae, Valde Calviniani uellent, aut quadraginta dies non ieiunasse Christum, aut id Euangelistas non commemorasse: aut Ecclesiam Christi exemplum in utilitatem Christianorum, usumque poenitentiae non conueruisse, uanam esse superstitionem, quia semel Christus hoc numero dierum ieiunauit, singulis annis totidem dies ieiunare, magnam arrogantiam Christi imitari uelle, intolerabile illi fieri iniuriā, quod in ordinem nobiscum redigatur, rescindi Euangelium, cuius Christi ieiunium sigillum fuit. Homines tam soliti de honore Christi, quem Iudas de pauperibus alendis, cum fuisset

Quadragenarius numerus  
mysterium.

De ieiunio  
Quadragenarius  
sing. contra  
haereticos.



Ioan. 12. 6.

esset, & oculos haberet. Si quadraginta dies ieiunare superstitionem putant, ieiunent quinquaginta. Si quod semel Christus fecit, non est a nobis singulis annis repetendum; ne celebrent octavo quoque die Dominicam resurrectionem. Christus enim non nisi semel resurrexit. Si arrogantia est Christum imitari, arrogans Paulus, qui se Christi imitatore uocat, & ea quidem in re, quæ illi fuit maxime propria, ut pro Ecclesia sua moretur, At *adimpleo inquit ea, quæ desunt*

Colof. 1. 24.

Matth. 5. 48.

Ioan. 17. 21

*passum Christi in carne mea pro corpore eius, quod est Ecclesia*; arrogantes nos Christus esse iubet, qui uult nos esse perfectos, sicut pater noster celestis perfectus est, qui uult esse unum, sicut ipse, & pater unum sunt. At in his rebus non ad æqualitatem, sed ad facultatem nostram imitatur. Nec in ieiunio, nam ille quadraginta dies, nec edidit, nec ebibat, nec esuriuit, aut sitiuuit, nos, & edimus, & bibimus, & tamen esurimus ac sitimus. Imitatur, quia sequimur, quamuis non æsequamur. Sequimur autem, quam proximè possumus, homines Deum. Nam satis est, ut eandem teneamus uiam. Non facimus illi iniuriam, quia non comitem, sed ducem facimus. Quid, quod non nullos Christianos legimus totos quadraginta dies sine ullo cibo, & potu ieiunasse, in quibus Deus singulari miraculo, & ipsorum in imitando Christo piūm probauit studiū, & istorum hæresim, insaniamque refutauit. Legant grauiissimum auctorem Theodoriū, exempla repicient. Et, si Christi ieiunium Euangelij sigillum est, utri rescindunt nos, qui seruamus, an illi, qui rident? ut nō disputemus, quam aptè acutus, ut si bi uideretur, hæresiarcha ieiunium Christi Euangelij sigillum appeller, quasi nondum scripto, neque uero predicato Euangelio sigillum Christus adhibuerit. Non ergo sigillum, sed exordium est Euangelij; quo se Christus parat, ut predicet, nos ut recipiamus, hoc, inquam, Euangelium Christi, quod ieiunio inchoatur, ieiunio finitur: non illud Cal-

uini, quod tantopere ieiunia reformidat. At Christus non præcepit, qui scitis? scriptum non est. Vbi scriptum est diei Dominicæ observationem præcepisse? Esto, non præcepit, certe fecit. Et facit mysterio, quod quadraginta, non plures, non pauciores dies ieiunauerit, ut hoc numero, quemadmodum Hieronymus scribit, quadragesimæ nobis ieiunium consécratione. Nec ille solus, sed omnes etiam illi antiquissimi, doctissimi, sanctissimi Ecclesiæ doctores, aut Christum, aut Apostolos Christi imitatores exemplum quadragesimæ ieiunium constituisse docuerunt, Ambros. serm. de quadragesima. 23. 24. 27. 36. 38. & Leo serm. 6. & 9. Hieronymus qui, quam uos superstitionem uocatis, Christi hereditatem uocat. Horum, qui scripta legunt, & cum uestis confert, si non uidet eorum spiritum esse Christianum, uelut diabolicum, & hæreticum, caueat.

*Postea esurit.* Indicat ante spatium quadraginta dierum non esurisse. De Moise, & Elia utrum, uel ante, uel post, uel nunquam esurierint, non dicitur, ideoque credendum est non esurisse, cum hoc de Christo, tantum singulariter dicatur. Eadem enim uirtus Dei, quæ conseruabat, satiabatur. Cur ergo Christus esurit? ut timido hosti, & quasi Deum aggredi non audenti, ostendens se hominem esse ad aggrediendum animum addat, & quia ad armatum accedere timebat, arma quodam modo diuinitatis ponit, & quasi nudus, & inermis homo contra luctatorum morem esuriens in arenam descendit, & aduersarium non uirtutis, ut fieri solet, iactatione, sed infirmitatis ostentatione prouocat, Iren. libr. 3. cap. 32. Chrysost. hom. 13. in Matth. Auctor imperf. hom. 5. Hieronym. in comment. Ambros. lib. 4. in Lucam. c. 2. Cuius acuta est, & scita sententia, *Fames Domini pia fraus est, ut in quo diabolus maiora metuens iam canebat, famis specie lactatus tentaret, ut hominem.*

3. Et accedens. Quomodo, aut qua

F 3 forma

Cur Christi  
us esurit  
p. 10. d. 10.  
ieiunij.

In histor.  
Theophyl.

Caluin. in  
harm.



Diabolus  
forma uifi-  
bili Chriſtū  
tentauit.

forma acceſſerit Euangeliftæ non di-  
cunt. Potuit, aut inuifiibiliter accedere,  
ſicut nos quodidie tentare ſolet, aut  
ſumpta aliqui uifiibili forma. Omnes  
auſtores forma corporea, eaque hu-  
mana acceſſiſſe putant, quod eſt ualde  
probabile, & quia cum Chriſto multa  
eſt collocutus, & quia ſe adorari uo-  
luit, & quia ſi alia acceſſiſſet forma, E-  
uangeliftæ non tacuiſſent. Nam cum  
Heuam ſpecie ſerpentis tentauit, quia  
minus uſitata forma erat, ſcriptura nō  
tacuit Gene. 3. 1.

Tentator.) *ὁ πειράζων*, ille, qui tenta-  
re ſolet, nomen officij omnium dæ-  
monum, ſed per attributionē propriū  
diaboli dæmoniorum principis. Nam  
quem modo diabolum appellauerat,  
nunc tentatorem appellat, quaſi dicat,  
acceſſit luctator, acceſſit pugnator, ut  
1. ad Theſſ. 3. 5. Ne forte tentauerit  
uos iſ, qui tentat, *ὁ πειράζων*, tentator.  
Notatio eſt Hebraici nominis *שָׂטָן* Sa-  
tan, & Graeci *διάβολος*, diabolus, ut in-  
fra uer. 10. capitulo 16. 23. & Luc. 22. 3.  
31. & Act. 5. 3. & 1. Corinth. 7. 5. & A-  
pocalip. 12. 9. & 10. 2. ubi ille ipſe dæ-  
moniorum princeps proprio nomi-  
ne Satan appellatur. Nefcio quid fue-  
rit in cauſa, cur noſter interpres in  
ueteri teſtamento, ſemper Satan, in  
nouo duabus adieciſſis litteris ſemper  
Satanam uocauerit, niſi forte quia ue-  
tus teſtamentū ex Hebraico ſermone  
uerit, in quo *שָׂטָן* Satan, nouum ex  
Graeco in quo placuit Septuaginta  
*σατανᾶν* Satanā potius, quam *σατάν*  
Satan appellare. Diabolus etiam eiuf-  
dem principis nomen eſt proprium  
Pſalm. 108. 6. Ephel. 6. 11. 1. Petri 5. 8.  
Apoc. 12. 9. & 20. 2.

*Si filius Dei eſt*) Audierat fortaſſe cœ-  
leſtem uocem, *Hic eſt filius meus dile-  
ctus*, aut ex Ioannis predicatione, uel  
fama cognouerat. Credibile autem  
eſt non per modum dubitantis, aut ne-  
gantis, aut inidentis hoc diabolum di-  
xiſſe, ſicut illi eius miniſtri dixerunt,  
*Si filius Dei eſt, deſcendat nunc de cruce*  
6. 26. 42. ſed per modum potius creden-  
tis, & affirmantis, & bene Chriſto con-  
ſulere uolentis, quaſi dicat, quando-  
quidem filius Dei eſ, ne famem patia-

re, ſed quia potes, & aliunde non ſup-  
petit cibus, dic, ut lapides iſti panes fi-  
ant. Hoc enim illius ſerpentis callidi-  
tati magis conueniebat ita tentare, ut  
non tentare, ſed bene conſulere uidere-  
tur.

Dic.) Eſi non ignoro, quod hære-  
tici interpretes adnotauerunt, dice-  
re apud Hebræos, idem ſæpe eſſe atque  
iubere, tamen in eo eorum leuitatem  
accuſo, iudiciumque deſidero, quod  
pro, *dic*, uerterint, *iube*, non intelligen-  
tes etiamſi idem utrumque uerbum ſi-  
gnificet, tamen maiorem habere uim  
dicere quam iubere; ideoque & He-  
bræos, & Euangeliftas ita loqui. Plus  
enim eſt, *Dixi, fiat lux, & facta eſt lux*,  
Gene. 1. 3. quam ſi dixiſſe, *iuſſit*, plus  
eſt, *Verbo Domini celi firmati ſunt* Pſal.  
32. 6. quam ſi dixiſſet *iuſſu*. Significat  
enim tantum os Deum aperuiſſe, om-  
niaque facta fuiſſe. Similiter hoc loco  
plus eſt, *Dic*, quam, *Iube*. loquitur e-  
nim de filio Dei, tanquam de eo uer-  
bo, quo mundum fabricatum fuiſſe  
ſciebat, qui eodem uerbo, quo cælum  
terramque ſeciſſet, poſſet, & ex lapidi-  
bus panes facere.

*Et lapides iſti*) Lapidēs potius quā  
terram, quam aerem, quam arbores  
oſtendit, & quia res erat ante pedes  
poſita, & quia diſſicilior, & quia ali-  
quam cum pane lapis habet ſimilitu-  
dinem, cum ſit panī maxime contra-  
rius, qua ratione Chriſtus dixit. *Quis  
eſt ex uobis homo, quem ſi petierit filius  
eius panē, nunquid lapidem porriget ei?*  
infra 6. 7. 9. 10. 23. 1. 10. 23. 1. 10. 23.

*Panes ſiant*) Quod Theophylaſt. &  
alii quidam diaboli curioſitate factum  
putant, ut panes, non panem dixerit,  
non alia de cauſa factum arbitror,  
quā quod pluraliter lapides dixe-  
rat: nam Lucas. c. 4. 3. ſingulari nume-  
ro dixit, *panis fiat*. Itaque non conſtat  
vtro modo diabolus dixerit, quia al-  
ter Euangelifta uerba, alter ſenſum re-  
citauit, uter uero hunc, uter illa, neſci-  
mus.

4. *Scriptum eſt*.) Quia diabolus ad  
ſcripturam Gene. 1. & 11. 32. 6. alluſiſ-  
ſe uidebatur, ſcriptura reſellit, quod  
in alijs quoque tentationibus facit

Non



*Non in solo pane.*) Panem usitatum vocat, sed Hebræorum more per panem omnis confectus cibus intelligitur.

*Viuir.*) *Ἰστέτω*, viuere, id est, viuere potest, modus, ut vocant Grammatici, potentialis apud Hebræos *יָכֹל*, ut Exod. 33. 20. *non videbit me homo, & viuere*, id est, nemo, qui me viderit, viuere poterit.

*Sed in omni verbo quod procedit de ore Dei.*) *אֵלֶּיךָ הָיָה כָּל דְּבַר עֲשֵׂה* in omni egrediente ore Dei, ad verbum, Deut. 8. 3. Septuaginta vero, & Latinus interpres sententiam magis, quam verba reddere volentes, nomen *verbi* addiderunt. Quod multis aliis fecisse locis in Idiomatibus adnotauimus. Id etiam siue imitatione, siue proprio consilio fecit Euangelista: sensus est Deum non indigere usitato cibo, ut seruos suos alari possent. n. vno verbo nouum formare cibum. Id enim de Manna dictum est, *Afflixit*, inquit, *te penuria, & dedit tibi cibum Manna, quod ignorabas tu, & pater tui, ut offenderet tibi, quod non in solo pane viuere homo, sed in omni verbo, quod egredietur de ore Domini.* Non respondet Christus se esse, aut non esse filium Dei, quia quamuis id maxime diabolus auebat scire, minime tamen interrogabat, quin se credere singebatur. Tantum uolebat videri dare consilium, *Dic ut, lapides isti panes fiant.* Christus ergo ad id respondet, quod dixerat, non ad id, quod tacuerat. Optima ratio eos deludendi, qui fallaciter consulunt.

De ordine  
tentationum  
Christi,

5. *Tunc*, id est, secundo; non enim significat id statim post primam tentationem factum esse. Credibile enim est aliquanto tempore quiescente. Cum verò dico, secundo, non certa, sed probabili opinione dico. Nam Lucas, capitulo quarto, 9. hanc tentationem non secundo, sed ultimo loco ponit; secundo uerò illam, quam Matthæus ultimo. Nec enim solent Euangelistæ: sicut nec ceteri scriptores sacri in narratione rerum ordinem seruare temporum. Probabile tamen est Lucam eo ordine, quo occurrerunt Matthæum eo quo accide-

runt tentationes Christi commemorasse, quia vero simillimum videtur esse, diabolum illis Christi verbis territum victumque discessisse *vade post me Satana*, hæc autem uerba non sunt a Christo dicta, nisi in monte, cum diabolus Christo dixisset, *Hæc omnia tibi dabo, si cædens adoraueris me*, & quia id narrat Euangelista, & quia diaboli postulario eam responsionem postulabat. Itaque Strabus nulla mihi videtur probabilitate contrarium affirmare. Sunt qui apud Lucam scriptorum negligentia tentationum ordinem mutatum putent, quod Ambrosius libro in Lucam 4. eodem ordine, quo Matthæus narrat, tentationes exponat. Sed potius colligendum erat, Ambrosium, quamuis Lucam interpretarentur; tamen tentationes non quo ordine à Luca narrabantur; sed quo ordine accidisse putabat, narrare voluisse. Quod meam quoque confirmat opinionem, Matthæum ordinem, quo acciderant, secutum esse. Et si alteruter corrigendus esset, Ambrosius potius quam Euangelista corrigendus esset. Et si scio esse, qui se vidisse Luce codices affirmant, ubi eodem ordine, quo apud Matthæum tentationes narrarentur.

*Assumpsit.*) *ὑπολάβηκεν* assumpt. Quomodo Christum diabolus assumpserit, Euangelistæ non exponunt, & potest varias in partes probabiliter disputari. Illud certum inuitum non assumpsisse. Nec enim cogere potuit, quem ne aggredi quidem, nisi volentem, seseque ingerentem potuisset. An autem uisibiliter, an inuisibiliter: & si uisibiliter an per aera raptum deportauerit, vel pedibus ingredientem duxerit, incertum. Cyprianus in sermone de ieiunio, & tentationibus Christi, quem alij nonnulli secuti sunt, omnes Christi tentationes putant inuisibiliter contigisse, quemadmodum ea, quæ de Prophetis legimus, ut Ezechielem raptum fuisse ex Chaldaea in Ierusalem, ut urbem metiretur, Ezech. 40. 1.

Quo diabolus  
Christum  
assumpsit,



& alia similia. Quibus ego, magnis licet auctoribus, ideo non assentior, quod dictu absurdum videatur diabolum Christo eodem modo, quo Prophetis Deum uisiones animo iniecit. Præterquam quod illa, quæ Prophetis acciderunt, non re ipsa, sed uisione accidisse Prophete ipsi declarant Ezech. 40. 1. etsi non declarassent ex eo ipso, quod Prophetæ erant intelligi poterat. At Euangelistæ non solum non declarant Christi tentationes per uisionem accidisse, sed etiam indicant accidisse re uera. Quo enim modo sese per uisionem præcipitasset, aut quomodo cum non re uera, sed falsa opinione præcipitatum angeli custodissent, & quod rem maxime continet, quomodo falsa opinio præcipitationis Christi animum subire potuisset? Alij uolentem per acra raptum existimant. Quod uidetur assumendi uerbum *παράλαβεν* significare, ut Hieronymus, Auctor operis imperfecti, Gregorius, & Strabus. Alij ductum pedibus, ut Euthymius in commentariis in 4. capit. Lucæ quibus ideo potius subscribo, quod parum mihi uideatur uero simile, tantum diabolo Christum erga se permisisse, ut ab eo deportaretur. Præterquam quod si id permittente Christo diabolus fecisset, nimium se, quis esset, declarasset, quod ille cum tentat facere non solet, potius transfigurat se in angelum lucis. 2. Cor. 11. 14. Accedit, quod Lucas non dixit *παράλαβεν*, sed *ἤγαγεν* duxit, & illud ipsum uerbum *παράλαβεν* non semper significat ita assumere, ut porres: sed aliquando ita, ut ducas supra, ca. 1. 20. 24. & cap. 2. 14. 20.

In sanctam ciuitatem.) in Ierusalē, quæ sancta dicebatur ciuitas, quod in ea Deus propter arcam, & templum, quod ibi erat, habitaret. 2. Par. 6. 2. 18. & 7. 16. Psal. 9. 12. & 21. 4. & 67. 17. & 73. 2. & 134. 21. Itaque sic uulgò uocabatur Matth. 27. 53. Apocal. 11. 2. & 21. 2. 10. & Daniel 3. 18. Prophetæ post Christi aduentum, & propter eius pietatem sentiam ita uocandam prædixerant, Isa. 52. 1. & 60. 14. & Zac. 8. 3.

Super pinnaculum templi.) *ἐπὶ τῷ πτερύτιον* super alam, aut super pinnam templi. Quidam fastigiatam, & acuminatam talem fuisse tradunt, in qua lamina esset ad uentorum mutationem uersatilis, quæ ob alæ similitudinem *πτερύτιον* uocaretur, quales nunc in templis nostris, & principum Basilicis uidemus. At nihil eiusmodi in templo Ierosolymitano fuisse legimus. Theophylactus locum *ἐπὶ τῷ πτερύτιον* fuisse dicit, id est fastigiatum tectum, ex cuius dorso utramque in partem pluuia deflueret, qualia sunt in Gallia adeo acuminata, ut duas habere alas uolareque domus uideantur. Sed sciimus neque templum, neque ceteras in Palæstina domus eiusmodi tecta habuisse, quin supernè planè erant, ut in illis cenandi, apicandi, ambulandi, confabulandi commodus locus esset, ut intelligitur Iosue 2. 6. & Iudic. 16. 27. & 1. Reg. 9. 25. 26. & 2. Reg. 1. 2. & 16. 22. & 4. Reg. 23. 12. Isa. 15. 3. Matth. 10. 27. & 24. 17. Mar. 13. 15. Luc. 12. 3. & 17. 31. Itaque melius sentiunt, qui pinnam templi uocari existimant peribolum, qui circum summum tectum erat, ne quis ibi ambulans caderet, qualem Deus omnibus in tectis fieri iusserat Deuteronom. 22. 8. Latini podium, ut opinor, appellant. Id *πτερύτιον* pinna uocatur, quia ab ædificiis extabat, & uelut in aere pendere, ut alæ similis uidebatur, quales sunt, quos Galli in turribus *creneaux* uocant. Cur autem eò Christum diabolus duxerit, in præputio est ratio, quia persuadere uolebat, ut se præcipitem mitteret, conueniebat eius consilio, ut in editissimum locum duceret. Erat autem Ierusalem in loco edito, templum autem in editissimo totius urbis in monte Moria. 2. Paralip. 3. 1. pinna autem locus erat totius templi altissimus. Nam quod Remigius, multiq; alij auctores tradiderunt, idcirco eum in tectum templi duxisse, quod ibi solerent Pharisæi, legisque doctores ad populum concionari, ut doctoris inflatus opinione facilius se præcipitem iaceret, mihi non probatur, qui huiusmodi legere memini in tecto templi docere legis



legis peritos confueuisse. Contra vero lego in porricu Salomonis, conciones habitas Ioan. 10. 23.

6. Si filius Dei es. ) Hoc diabolum virebat, ut sciret, an filius Dei esset. Credebile tamen est affirmando dixisse, sicut ante ver. 3.

Et in manibus tollent te. ) Quidam de industria illam partem testimonii a diabolo pratermissam putant, vt custodiant te in omnibus uis tuis, quod hæc verba diabolo aduersari viderentur. Vias enim interpretantur uiam, quam homo ire debet, non quam precipitem agi: & omnes actiones non impia temeritate, qualis erat sese precipitare: sed pio prudentique consilio suscepias. Quod si non est uerum, est argutum, & diaboli congruum ingenio. Illud dubium non est, diabolum si non uerba, certe tamen uerborum sententiam corrupisse. Nec enim uoluit Spiritus sanctus significare fore, ut, quidquid iustus, siue iure, siue iniuria aggrediretur, bene succederet: sed ut in iis, quæ ut iur iustus ageret, etiam si totus aduersaretur mundus, tam præiens tamen Dei experiretur auxilium, vt angelorum manibus gestari uideretur. Quod autem dixit, in manibus, potius quam in humeris, alludit ad consuetudinem, qua, quæ carissima nobis sunt, ne perdamus, neque quis furetur, in manibus gestamus, sicut Hispani dicunt, gestat illum supra palmas manuum suarum, id est ualde amat, diligentissimeque custodit.

Beza in annot.

que male mihi uenisse uiderat hæreticus interpres, in manus tollent te, ut detraha uerbis: quod autem illo Plalmo 90. de omni uiro iusto dictum erat, diabolus, quasi a minore ad maius argumentando, ad Christum, qui non ut modo iustus, uerum etiam filius Dei uocatus fuerat, accommodauit.

7. Rursum. ) Etiam scriptum est. Est enim hoc aduerbium cum sequentibus, non cum præcedentibus copulandum.

Non tentabis, Quid hoc loco significet tentare, vide uer. 1.

8. Iterum assumpsit. ) Vide uer. 5.

In montem. ) Quis hic fuerit mons, quia Euangeliste non dicunt, neque scire possumus, neque curiositatis uitio licet inquirere. Illud scimus Ierosolymam montibus fuisse circumdatam. Fundamenta. n. eius in montibus sanctis. Ps. 86. 1. & montes in circuitu eius Ps. 124. 2. Illud autem etsi nescimus, tamē valde simile uero est diabolus in aliquē propinquum Ierosolymæ montē dixisse. Quod uero Origenes, Ambrosius, Hieronymus & Theophylactus de superbia interpretantur, in quam diabolus homines ducit: non sensum, quem nos quarimus litteralem, sed allegoriam explicare uoluerunt.

Omnia regna mundi. ) Quomodo potuerit ex uno monte omnia mundi regna diabolus ostendere, queri inter interpretes solet. Sunt, qui id sola animi uisione factum uelint, ut Cyprianus & Strabus, quemadmodum uer. 5. docuimus, quod ibidē etiam refutauimus. Melius Auctor operis imperfecit, & Euthym. re ipsa ostendisse, non ita ut uiderit: sed ita ut cuiusque regni plagā digito designauerit. Adde quod non est necesse, ut singula prorsus ostenderit regna. Sæpe enim ita scriptura loquitur, ut totum dicat pro maiore parte Mat. 9. 26. & 27. 45.

Et gloriam eorum. ) Hebraismus, id est quæ quodque re maximē præstaret quod uerbis, non manu ostendisse credendum est.

9. Hæc omnia tibi dabo. ) I ucas c. 4. 6. scribit diabolus, addidisse, quia mihi tradita sunt. & cui uolo, do illa. Nempe quia a Christo, an filius Dei esset extorquere non potuit, fingit se filium esse Dei, qui solus uerē potuit dicere, Data est mihi omnis potestas in celo, & in terra. Dicitur quidem diabolus princeps huius mundi Ioan. 12. 31. & 14. 30. & 16. 11. non quod mundi, sed quod uitiorum, quæ propria sunt mundi, dominus sit. Itaque nec regna dare, nec auferre potest, quod proprium est Dei, Prouerb. 8. 15. Daniel. 2. 21. Nec regna solum, sed nec alia bona, nisi permissu Dei, aut ad re potest, aut eripere, argumentum

Mat. 28. 18.



tum est Iob. 1. 11. 12. nec illa ipsa uita, quibus maximè dominatur, nisi nobis uolentibus dare potest. *Funi- bus enim peccatorum suorum quisque confringitur* Proverb. 5. 22.

10. *Vade Satana.*) Multi Græci, Latini- que codices legunt, *Post me*, aut *Retro me* ὀπίσω μου, ut Matthæus 16. 23. & Mar. 8. 33. Satanam autem suo uocat nomine, quem Euangelista uer- 3. tentatorem uocauerat, ut ostendat se scire illum non esse filium Dei, quem se esse simulabat, sed diabolum, quem dissimulabat. Est hæc uox imperantis simul & incipientis.

*Dominum Deum tuum adorabis.*) Non erat Christus uerba, sed sentum. Non enim est *יהוה* adorabis, sed *יהוה* timebis. Sed apud Hebræos timere Dominum est illum adorare, & colere, & timor Domini significat omnem diuinum cultum, sicut homines religiosi, castique Deum co- lentes timentes Deum appellantur Iob. 1. 8. 9. & 2. 3. & Psal. 21. 24. 25. 26. & 24. 14. & 32. 8. 18. & 65. 16. & 113. 11. & 117. 4. & 127. 1. 4. & fere ubique de ijs dicitur, qui ad populum Dei per- tinebant. Nec est *illi soli seruias*, sed, *illi seruias*. Septuaginta tamen inter- pretes & Latinus addiderunt, *soli*, ut sententiam exprimerent. Cum enim Deus iubet adorare se sibi- que seruire, uetat alios adorare Deos, & seruire illis. Itaque idem est, *Dominum Deum tuum adorabis*, & *illi seruias*, ac si dixisset, Dominum Deum tuum so- lum adorabis; illique soli seruias.

Plurib\* mo-  
dis tentatus  
Christus à  
diabolo.

Has tantum tentationes Christi tres Euangelistæ exposuerunt, non est ta- men opinor existimandum his tan- tum tribus modis fuisse tentatum, cum ideo in desertum exisset, ut ten- taretur, & Marcus scribat cap. 1. 13. *Et erat in deserto quadraginta diebus*, & *quadraginta noctibus*, & *tentabatur à Satana*, quasi totos quadraginta dies tentatus esset. Certe Auctor operis im- perfecti hom. 4. & August. lib. 2. de cō- sensu Euangelistar. c. 4. Beda, & Remi- gius ita senserunt. Cur ergo Matth. di- xit uer. 3. *Accessit tentator*, quasi ante non accessisset? Interpretari possu-

mus, accessit, ut exploraret, an filius es- set Dei: aggressus est experio Marte, cum uideret se nihil per cuniculos ef- fecisse, & Euangelistæ noluerunt bel- lum, & singulas pugnas, sed prælia nar- rare. Hoc tamen non pro uero, sed pro simili uero haberi uolumus.

11. *Cum autem audisset.*) Hæc non statim post Christi tentationes acci- derunt. Aliquantum enim tempore, an- tequam in uincula Ioannes conijce- retur, Christum baptizasse, & Euange- lium prædicasse: Ioanne etiam bap- tizante atque predicante, & ita qui- dem, ut inter utriusque discipulos æ- mulatio aliqua nasceretur, manifestum est Ioan. 3. 22. 23. & 4. 1.

*Secessit in Galileam.*) Causa secessus Christi facile ex uerbis Euangelistæ colligitur, qui ideo indicat secessisse, quod Ioannes traditus esset, ne uide- licet & ipse traderetur. Quo autem modo in Galileam secesserit, cum Ioannes in Galilæa traditus fuerit, meritò potest non exercitatus in scripturis lector dubitare. Ioannem in Galilæa traditum fuisse certum est. Traditus enim est ab Herode infra. 14. 3. & Marc. 6. 17. Luc. 3. 19. Erat autè Herodes Galilææ Tetrarcha. Luc. 3. 1. Omnes hæreticorum interpretes hoc loco pueriliter errarunt existimantes eandem esse Galileam, in quam Chri- stus secessit, & ex qua prius uenerat, ut a Ioanne baptizaretur supra cap. 3. 13. ideoque, ἀπεχόμενος, uertunt, *redisse in Galileam*. Atqui Galilæa, unde ante uenerat, illa ipsa erat, in qua Ioan- nes traditus est. Venerat enim ex Na- zareth. Marc. 1. 9. Nazareth autem in ea fuisse Galilæa, ubi Tetrarcha erat Herodes, quis ignorat? Propterea enim iussus est Ioseph cum infante Christo eò diuertere supra. capit. 2. 22. Itaque Christus non fugisset pericu- lum in eam Galilæam secedens, sed in periculum coniecisset. Secessit er- go ex Galilæa Iudæorum, cuius Te- trarcha Herodes, quæ inferior dice- batur, in superiorem Galilæam, quæ extra Herodis iurisdictionem erat, & Galilæa gentium uocabatur, quod magna ex parte a gentibus habitare-

Error pueri-  
lis hæreti-  
corum,

tut:



tur. In ea enim Salomon Hiram Tyriorum regi uiginti vires, olim dederat. 2. 9. 11. quod non solum ex Strabone uulgari nostro auctore: sed ex ipso etiam Euangelista intelligere poterunt. Addit enim ver. 13. Christum discessisse ex Nazareth, quæ, ut diximus, erat in Herodis Galilæa, & uenisse, ut habitaret in Capharnaum, quam in finibus alterius Galilææ esse constat, & uer. 15. *Terra Zabulon, & terra Nephtalim uia maris trans Iordanem Galilææ gentium*, itaque melius noster interpret uertit, *Secessit*, quam isti noui, *redgit*, quauis uerbum utrumque significet. Et his perspicuum est non esse eandem historiam, quam hoc loco Matthæus, & quam Lucas, cap. 4. 14. commemorat: sed Lucam illic agere de reditu Christi statim post ieiunium, & tentationes in Galilæam Herodis; Matthæum uero hic de eius secessu ex Galilæa Herodis in Galilæam gentium, quod non alios solum minores auctores: sed magnum etiā Augustinum uidetur latuisse lib. 2. de consensu Euang. c. 18.

14. *Vt adimpleatur*. ) Prophetiam Isaiæ, quam de liberatione trium tribuum Zabulon, Nephtalim, & Aser, quæ eam partem incolebant, quidam interpretantur, suo more ad Christum accommodant, ut alias. c. 15. 18. & ca. 3. 3. Locus est apud Isaiam difficilis, quia Hebræi non solum alium sequuntur sensum, sed aliter etiam legunt, aliterque uerba coniungunt. Illic docuimus veram lectionem, veramque esse sententiam, quam & noster interpret. & Euangelista secutus est. Nec enim illam prophetiam ante Christi aduentum & predicationem proprie legimus impletam.

15. *Terra Zabulon & terra Nephtalim uia maris*. ) regio tribus Zabulon & tribus Nephtalim: hæ enim duæ tribus in superiore Galilæa sortem acceperant Isue 19. 10. 33. regio maritima. Erant enim tres ille tribus, uicinæ mari Phœnicio, ubi Tyrus dominabat. Graecus dixit *ὁ δὲν θαλάσσης* uiam maris accusativo aduerbiallyter posito, id est uersus mare, imita-

tione, ut opinor, Septuaginta, qui ita solent uerteie, quod Hebræi dicunt *דרך הים*, id est uersus, ut 2. par. 6. 38.

16. *Trans Iordanem*. ) Terram Zabulon & terram Nephtalim non esse trans, sed citra Iordanem respectu Ierosolymæ nemo ignorat. Quo maiorem hic locus difficultatem interpretibus peperit. Ego quod sentio, breuiter dicam, aliorum non aspernatus sententiam, sed breuitatem secutus. Solebant Hebræi ex Aegypto uenientes, antequam Iordanem traicerent, terram Chanaan, quæ ultra Iordanem erat, uocare *ארץ מעבר הירדן* terram trans Iordanem, Num. 32. 19. Deut. 3. 20. 25. & 11. 30. Quam consuetudinem etiam in Palestinam ingressi retinuerunt, ita loquentes, quemadmodum ante loquebantur, cum essent ultra Iordanem, sicut è contrario antequam Iordanem traicissent, regionem, quæ illis cis Iordanem erat, trans Iordanem appellabant, ita loquentes, quemadmodum si iam essent in terra Chanaan. Cuius utriusque rei in libro Io sue sunt exempla, quæ facilius lector reperire poterit, quam ego notare. Hoc si non placet breuius, ueriusque dici potest Hebraicaphrasis *דרך הים* tam citra, quam ultra significare, ut 2. par. 20. 2. *דרך הים* à regione, quæ est citra mare.

17. *Appropinquauit regnum celorum*. ) Quid sit regnum celorum appropinquare, diximus. c. 3. 2. Hic tantum notandum iisdem uerbis Christum & Ioannem Euangelii predicationem inchoare, ut intelligamus Ioannem legatum fuisse Christi, qui non suis, sed eius, à quo missus fuerat, uerbis usus fuerit, & exordium Euangelii esse penitentiam.

18. *Iuxta mare Galilææ*. ) Non erat mare, sed lacus, quem Iordanis in humiliorem locum incidens efficiebat. Vocatur autem mare Hebræorum more, qui, ut Hieronymus ait, omnem aquarum congregationem mare appellant Gen. 1. 10. Galilæa uero dicitur, quia in finibus utriusque Galilææ situs erat, olim Tarichea, ut auctor est Plinius, & mare Tiberiadis propter



De Aposto-  
lorum uoca-  
tione.

propter Tiberiadem urbem in eius ora sitam, quam non multo ante Herodes adificauerat, & ambitione gratia Imperatoris Tiberij de eius nomine uocauit, ut Iosephus scribit lib. 18. antiq. cap. 3. & stagnum Genesareth, quia tota regio, ut Hegefippus ait, Genesaris uocabatur. Tacum describunt Strabo lib. 16. Plinius lib. 5. c. 15. & Hegefippus lib. 3. c. 26. Petrum & Andream.) Petri, & Andreæ uocationem diuersis Euangelistæ diuersis modis narrant. Marcus c. 3. 13. & Lucas c. 6. 13. uidentur significare omnes Apostolos simul uocatos fuisse: Ioannes cap. 1. 40. 41. Andream prius, deinde Petrum uocatum. Præterea I. uca. c. 5. 1. 10. alia ratione Petrum uocatum scribit: non enim Christum prætereuntem, sed in Petri nauicula concionantem, & incredibili piscium multitudine capra obstupescentem Petrum uocauisse, nulla de Andream facta mentione. Prima illa dissensio facile explicatur, Marcum c. 3. 13. & I. uca. c. 6. 13. non agere de Apostolorum uocatione, ut Christum sequerentur, sed ut Apostoli fierent. Prius enim discipuli, deinde Apostoli ex discipulorum numero, id est magistri, ut alios docerent, electi sunt sicut nunc ex presbyterorum numero Episcopi eliguntur. Secunda questio paulo est difficilior, quam qui semel tantum Petrum & Andream uocatos fuisse contendunt: non uideo, qua ratione probabiliter explicare possint. Contendit autem hæreticus interpret uicens ipse apostata, ne Apostoli, si semel uocati, ad piscationis dicantur officium rediisse, apostate fuisse uideantur. Facile uero explicant, qui duas fuisse dicunt Petri & Andree uocationes, alteram, qua, non ut discipuli & comites, sed ut familiares auditores admissi sunt, de qua Ioannes c. 1. 40. 41. agat, alteram, qua uocati sunt ita, ut omnibus relictis rebus Christum perpetuo sequerentur, ut August. tract. in Ioan. 7. Chrysostomus homil. 14. in Matth. Euthymus, & Theophylactus interpretantur. Facilius, qui tres, primam, quam

Ioannes, secundam, quam Lucas, tertiam, quam hic Matthæus describit. Sed duas priores non ad perfectum discipulorum officium, sed ad familiaritatem, tertiam ad discipulorum & Apostolorum officium factam esse. In qua sententia I. uca. c. 5. 1. 10. quam ego vehementer probo, tantum aliter loqui uelim. Nec enim credibile mihi uidetur quemquam alia de causa à Christo uocatum fuisse, quam ut uerus esset discipulus, seque relictis omnibus sequeretur. Itaque duas priores nolum uocationes, sed admonitiones, & quasi futuræ uocationis præparationes appellare, ne duo maximi Apostoli parum obsecuti uocati Christo fuisse uideantur; cum ceteros Apostolos ad primum Christi se uocantis uerbum omnia reliquisset, ipsumque secutos legamus. Et quidem nemo Euangelistarum duas priores uocationes appellat. Nam apud Ioan. cap. 1. 42. tantum prædicit Christus Petro, quod futurum erat. Tu inquit uocaberis Cephas. I. uca. cap. 5. 1. non dicit à Christo uocatos fuisse, sed uiso miraculo captorum piscium subductis ad terram nauibus relictis omnibus secutos fuisse Christum, quod interpretari possumus non relictis id est abdicatis, quæ admodum, cum à Christo uocati sunt, abdicatis abiectisque omnibus rebus Christum secuti sunt, ut Petrus postea dixit Matth. 19. 27. Ecce nos reliquimus omnia, & secuti sumus te; sed relictis omnibus, id est desertis nauibus & retibus: sicut mulier illa Samaritana relicta hydra abiit in ciuitatem, dixitque popularibus suis, Venite & uidete hominem, qui dixit mihi omnia, quæcumque feci, nunquid ipse est Christus? Ioan. 4. 28. 29. Matthæus autem hic uocatos fuisse dicit, quia ueram narrat uocationem: quia omnibus abiectis rebus Christum secuti sunt. 19. Venite post me.) Hebraismus ידעו id est, sequimini me, ut Deuter. 6. 4. & 1. 28. & 1. reg. 7. 2. & 4. reg. 23. 3. Piscatores hominum.) Alludit ad præteritum



teritum officium, sicut in Dauide. Ps. 77. 70. 1. *Suscepit eum de gregibus omnium de post. secantes accepit eum. pascere laetob seruum suum, & Israel hereditatem suam.* Simulque Apostolorum describitur officium homines piscari, & ad Christum summum piscatorem trahere. Ille enim est, qui lagenam mittit in mare, ex omni genere piscium congregantem, infra ca. 13. 47. Illius verbo atque uirtute pisces capiuntur, sine eo frustra tota nocte laboratur Iuc. 5. 5. Christiani sunt pisces: nam propterea in baptismi aqua nascuntur. Propterea Christus a ueteribus illis *ἰχθύς* piscis appellabatur, cuius anagramma uetus erat, *ἰησοῦς χριστός θεοῦ υἱός σωτῆρ* Iesus Christus Dei filius Saluator, de qua re exiat carmen Erythrae Sibylla, Tertull. lib. de baptismo, Aug. lib. 18. c. 23. Prosper lib. de promissio, & praedict. par. 2. c. 39.

23. *Totam Galileam.* Galileā gentium, in quam secesserat, supra ver. 11. & 15.

In Synagoga. Hebraei a congregando locum ubi conaciones habentur uocant *סנין* congregationē, Graeci *συναγωγὴ*, synagogam, proprium uocabulum. Septuaginta interpretum Exodi 34. 31. & Num. 16. 2. & 31. 13. Psal. 7. 8.

& 31. 1. ex quibus Apostoli mutati sunt, cum Hebraeorum congregationem, aut congregationis locum significat. Nam Christianorum differentiae causa *ἐκκλῆσια* Ecclesiam appellant infra ca. 18. 7. quod nomen non solum congregationem, ut noui haeretici erecto supercilio dictitare solent, ridentes nos homines indoctos, quod templa Ecclesias appellemus: sed locum etiam ubi Ecclesia congregatur, quem admodum synagoga significat, non tantum apud Eusebium, & ceteros Theologos Graecos, sed etiam apud D. Paulum. 1. Cor. 11. 16. 18. & 14. 28. 34. 35. Erat autem apud Iudaeos synagoga, sicut apud nos Ecclesia locus ad docendum designatus Act. 15. 21.

*Euangelium regni.* Bonum nuntium, quo praedicabatur regnum celorum appropinquare ver. 17. Vide praefationem. c. 1. & supra c. 3. 2.

*Et trans Iordanem* repetenda est *ἐπὶ τοιοῦτο* praepositio, de *Et de omni regione, quae erat trans Iordanem*, id est citra, ut ver. 15. Quod ante distributū dixerat, dicit nunc uniuersē. Simili phrafi usus est Seneca libro quinto de beneficiis. capitulo 16. Trans Alpes accitus hostis, id est e regione, qua trans Alpes est.

## CAP V.



Veniens autem Iesus turbas, ascendit in montem, & cum sedisset, accesserunt ad eum discipuli eius, 2 & aperiens os suum docebat eos dicens, 3. Beati pauperes spiritu: quoniam ipsorum est regnum celorum, 4 Beati mites: quoniam ipsi possidebunt terram, 5. Beati qui lugent: quoniam ipsi consolabuntur, 6 Beati qui esuriunt, & sitiunt iustitiā: quoniam ipsi saturabuntur, 7 Beati misericordes: quoniam ipsi misericordiam consequentur, 8 Beati mundo corde: quoniam ipsi Deum videbunt, 9 Beati pacifici: quoniam filij Dei vocabuntur. 10 Beati, qui persecutionem patientur propter iustitiā: quoniam ipsorum est regnum celorum, 11. Beati estis cum maledixerint vobis, & persecuti vos fuerint, & dixerint omne malum aduersum vos, mentientes propter me, 12. gaudete,

Luc. 6. d. 20  
Ps. 36. a. 11.  
Isa. 61. a. 3.

Ps. 23. a. 4.

1. Pe. 2. d. 20  
& 3. c. 14. &  
4. d. 14.



gaudete, & exultate, quoniam merces vestra copiosa est in cœ-  
 lis. sic enim persecuti sunt prophetas, qui fuerunt ante vos, 13.  
 Vos estis sal terræ. Quod si sal euauerit, in quo salietur? ad ni-  
 hilum valet ultra, nisi ut mittatur foras & conculcetur ab homi-  
 nibus, 14. Vos estis lux mundi. Non potest euitas abscondi su-  
 pra montem posita, 15. neque accendunt lucernam, & ponunt  
 eam sub modio, sed super candelabrum, ut luceat omnibus, qui  
 in domo sunt, 16. Sic luceat lux vestra coram hominibus: ut vi-  
 deant opera vestra bona, & glorificent patrem vestrum, qui in  
 cœlis est, 17. Nolite putare quoniam veni soluere legem, aut  
 prophetas: non veni soluere, sed adimplere, 18. Amē quippe di-  
 co vobis, donec trāseat cœlum & terra, iota vnū, aut vnus apex,  
 non præteribit a lege, donec omnia fiant, 19. Qui ergo soluerit  
 vnum de mandatis istis minimis, & docuerit sic homines, mini-  
 mus vocabitur in regno cœlorū: qui autem fecerit & docuerit,  
 hic magnus vocabitur in regno cœlorum, 20. Dico enim vobis,  
 quia nisi abundauerit iustit a vestra plus quā Scribarum, &  
 Phariseorum, non intrabitis in regnum cœlorum, 21. Audistis,  
 quia dictum est antiquis: Nō occides: qui autem occiderit, reus  
 erit iudicio, 22. Ego autem dico vobis: quia omnis, qui irasci-  
 tur fratri suo, reus erit iudicio. Qui autem dixerit fratri suo, ra-  
 ca: reus erit concilio. Qui autem dixerit fatue: reus erit gehēne  
 ignis, 23. Si ergo offers munus tuum ad altare, & ibi recordatus  
 fueris, quia frater tuus habet aliquid aduersum te, 24. relinque  
 ibi munus tuum ante altare, & vade prius recōciliari fratri tuo:  
 & tunc veniens offeres munus tuū, 25. Esto consentiens aduer-  
 sario tuo cito, dum es in via cum eo: ne forte tradat te aduersa-  
 rius iudici, & iudex tradat te ministro: & in carcerem mittaris,  
 26. Amen dico tibi, non exies inde, donec reddas nouissimum  
 quadrantem, 27. Audistis quia dictum est antiquis: Non  
 mēchaberis, 28. Ego autē dico vobis: quia omnis, qui viderit mu-  
 lierem ad concupiscendū eam, iam mēchatus est eam in corde  
 suo, 29. Quod si oculus tuus dexter scandalizat te, erue eum, &  
 projice abs te: expedit. n. tibi, ut pereat vnum membrorum tuo-  
 rum, quā totum corpus tuum mittatur in gehennam, 30. Et si  
 dextera manus tua scandalizat te, abscinde eam, & projice abs  
 te: expedit. n. tibi, ut pereat vnum membrorum tuorum, quā  
 totum corpus tuum eat in gehennam, 31. Dictum est autem:  
 Quicunq; dimiserit vxorem suam, det ei libellum repudij, 32.  
 Ego autem dico vobis: Quia omnis qui dimiserit vxorem suā,  
 excepta fornicationis causa, facit eam mœcham: & qui dimis-  
 sam



fam duxerit, adulterat. 33 Iterum audistis, quia dictum est anti  
 quis: non periurabis: reddes autem Domino iuramenta tua. 34.  
 Ego autem dico vobis, non iurare omnino neque per cœlum  
 quia thronus Dei est: 35. neque per terram, quia scabellum est  
 pedum eius: neque per Ierosolymā, quia ciuitas est magni regis:  
 36. neque per caput tuum iuraueris, quia non potes unum capil  
 lum album facere, aut nigrum 37 Sit autem sermo uester, est,  
 est: nō, nō: qđ autem his abundantius est, a malo est 38 Audistis  
 quia dictum est: Oculum pro oculo & dentē pro dente. 39 Ego  
 autem dico vobis, non resistere malo: sed si quis te percusserit  
 in dexteram maxillam tuā, præbe illi & alteram: 40. & ei, qui  
 vult tecum iudicio contendere, & tunicam tuam tollere, dimit  
 te ei & pallium 41. & qui cunque te angariauerit mille passus,  
 uade cum illo & alia duo 42 Qui petit a te, da ei: & uolenti mu  
 tuari a te, ne auertaris 43. Audistis quia dictum est: Diliges pro  
 ximū tuum & odio habebis inimicum tuum. 44 Ego autem di  
 co vobis: Diligite inimicos uestros, benefacite his, qui oderunt  
 vos: & orate pro persequentibus, & calūniantibus uos; 45. ut si  
 tis filij patris uestri, qui in cœlis est: qui solem suum oriri facit su  
 per bonos, & malos: & pluit super iustos & iniustos. 46. Si n di  
 ligitis eos qui uos diligunt, q̄ mercedem habebitis? nonne &  
 pabli cani hoc faciunt? 47 Et si saluaueritis fratres uestros tantū,  
 quid amplius facitis? nonne & ethnici hoc faciunt? 48. Estote  
 ergo uos perfecti, sicut & pater uester cœlestis perfectus est.

Luc. 16. d.  
 18. 1. Cor. 7  
 b. 18.  
 Leuit. 19. b.  
 11.  
 Exo. 20. b. 7  
 Deut. 3. b.  
 11.  
 Iac. 5. c. 12.  
 Exo. 21. d.  
 24.  
 Deut. 19. d.  
 21.  
 Leuit. 24. d.  
 20.  
 Luc. 6. d. 29  
 1. Cor. 6. b.  
 7.  
 Deut. 15. b. 7  
 Leuit. 19.  
 d. 18.  
 Luc. 6. d. 27  
 Ro. 12. d. 20  
 Act. 7. g. 60.  
 Luc. 23. ca.  
 34.

## IN CAPVT V.



1 *Vnde* autem.) Nō potest benè hic locus intelligi, nisi prius intelli gatur, an eadem sit concio, q̄ hic à Matthæo, & à Luca. c. 6. 17. narra ur. Multis enim in rebus in eius narratione videtur Mat thæus, Lucasque dissidere. Matthæus si gnicat Christum concionandi causa in montem subijisse; Lucas ascendisse dicit, ut oraret, Matthæus nō dicit oras se; sed docuisse: Lucas dicit totā orādo noctem duxisse: Matthæus non dicit Christum post orationem discipu los uocasse, & ex ijs duodecim Apo stolos elegisse: quin eorum electio

nem, quasi longè post factam, narrat. c. 10. 2. Lucas dicit: Matthæus hanc à Christo concionem in monte habi tam scribit; Lucas in loco campestri, cum ex monte iam descendisset: Mat thæus octo, ut uocant, beatitudines ab eo explicatas tradit, Lucas non nisi quattuor. Quibus rebus magni auctores adducti sunt, ut existimarent non eandem hic a Matthæo, & illic a Luca concionem recenseri, sed Chri stum, ut tolet concionatoribus acci dere, eadem in diuersis concionibus, uel additis, uel detractis paucis repe tiuisse. In qua sententia fuit. Augusti nus lib. 2. de consensu Euangel. ca. 19. & Auctor imperfect. homil. 9. Chro matius in hunc locum, & Gregorius hom.



hom. 9. in Ezechiel. Alij eandem putant esse concionem, ut Tatianus in harmonia, Hieronymus in commentarijs, Chrysost. hom. 15. Origen. tracta. in Matth. 24. Euthymius & Theophylactus in commentarijs. Quorum propterea iudico probabilior esse sententiam, quia uterque Evangelista ita beatitudines a Christo explicatas narrat, non quasi pauca quadam præcepta ex aliqua superiore concione recepta, sed quasi totum concionis argumentum, in quo omnis eius consumpta sit oratio. Et ita quidem narrat, ut uterque a pauperie exordium sumpsisse dicat. Quod autem obijciatur multis eos rebus dissidere, non est tam difficile soluere, quam uidetur. Dicit quidem Lucas Christum orandi causa in montem ascendisse, Matthæus non dicit, at non negat, nec dicit, quia occasione ascenderit, sed quid ibi fecerit, nec quicquid fecit, sed quod ad suum pertinebat institutum, institutum autem eius erat agere de Christi doctrina, ideo orationem tacet, concionem exponit, eademque de causa Apostolorum electione prætermittit, de qua postea agit capitulo 10. 1. non seruato, ut sæpe admonuimus, ordine temporis. Ille difficilior est nodus, quod Matthæus in monte, Lucas in campo hanc concionem habitam dicat. Sed is etiā multis modis libr. 2. de consensu Evangelistarum. capit. 19. soluitur ab Augustino. Fieri enim potest, ut Christus ascenderit in montem, ut uterque Evangelista dicit, orandi causa, quod solus Lucas dicit, in ibique Apostolos elegerit, ut idem solus dicit, deinde descenderit, quod Matthæus tacet, Lucas dicit, & concionatus fuerit, ut uterque dicit, nisi quod Lucas campestem locum expressit, Matthæus suppressit. Quamquam hæc explicatio mihi parum uerisimilis uidetur, minus etiam altera quam affert, non descendisse penitus Christum de monte, sed ex summo montis fastigio in aliquem eiusdem montis planum locum, quem Matthæus montem, Lucas campum appeller, quia non uidetur hæc concio ad omnem, quæ Chri-

stum sequebatur turbam, sed ad solos discipulos habitam esse primum, quia materia ipsa postulat, ut ad solos discipulos habitam credatur. Nec enim omnibus Christus Euangelicam perfectionem proponebat, sed turbæ dicebat, *Pœnitentiam agite*. cap. 4. 17. & *nisi pœnitentiam egeritis, omnes simul peribitis*. Luc. 13. 3. 5. perfectis autem esse uolentibus perfecta proponebat, *si uis*, inquit, *perfectus esse, uade, uende uniuersa, quæ habes, & da pauperibus, & ueni, sequere me*, Matth. 19. 21. Deinde quia uterque Evangelista docet Christum ad solos discipulos orationem conuertisse, *Et cum sedisset*, inquit Matthæus, *accesserunt ad eum discipuli eius, & aperiens os suum docebat eos dicens, Beati pauperes spiritu*, Lucas uero, & *ipse eleuatis oculis in discipulos suos dicebat, Beati pauperes*. & quia Christus ver. 13. 14. solos discipulos alloquitur, *uos estis sal terræ, uos estis lux mundi*. Vnde perspicuum est, hanc concionem non in campo, sed in monte habitam esse, in quem soli discipuli relictæ turba cum Christo confecerunt, ut paullo post dicemus, nec esse ex Luca Matthæum, sed ex Matthæo Lucam interpretandum. Lucas ergo non de eadem in montem ascensione, de qua Matthæus agit, sed de alia, qua ideo ascenderit, ut oraret, & Apostolos elegerit. Quod autem addit, postquam descendisset, copiosam undique multitudinem hominum secutum eum fuisse, & ipsum eleuatis oculis in discipulos suos dixisse, *Beati pauperes*, non est intelligendum statim & in loco campestri factum esse, sed longè post, & alio loco, id est in monte, in quem iterum ascendit, ut Matthæus dicit, Lucas tacet, quia res, non loca, & tempora coniungit. Quod autem Matthæus octo, Lucas, quattuor tantum referat beatitudines leue est, nec enim propositum fuit Euangelistis omnia, sed summam omnium recensere. Itaque de hac ipsa concione, non solum Matthæus quadam narrat, quæ Lucas prætermittit, sed quadam etiam Matthæus prætermittit, quæ narrat Lucas,



cas, ut illa antitheta, *Vae vobis dicitur, vae vobis, qui rideis, vae vobis, qui saturati estis, vae cum benedixerint vobis homines.*

*Videns autem Iesus.* Iesus in Græcis exemplaribus non legitur, neque Theophylactus, & Euthym. legunt, & quidem adeo est oratio cum capit. 4. postremo, ubi de Christo agitur, copulata, ut frustra additum videri possit. Sed tamen Chrysostomus, Auctor imperfecti. Augustin. lib. 1. de serm. Domini in monte, & Bernardus sermone. 1. de omnibus sanctis legunt. Cū autem Euangelista dicit, *Videns autem Iesus turbas, ascendit in montem*, dubium non est causam, cur in montem ascenderit, significare voluisse, quod copiosam vidisset turbam. Cur autem propter turbam ascenderit, incertum. Potuit enim propter turbam ascendere, id est, ut eam in superiore doceret loco, ut Auctor operis imperfecti interpretatur, quasi dicat, videns tantam auditorum copiam, quæsiuit commodum ad concionandum locum. Potuit etiam propter turbam ascendere, id est, ut turbam fugeret, ut exponit Augustinus libro. 1. de sermone Domini in monte, & Chrysostom. homil. 15. Hieron. in commen. Euthym. Theophylactus, Leo in homil. de omnibus sanctis, & Remigius, qui & illud observauit triplex à turba effugium Christum solitum querere, desertum. cap. 4. 1. nauem Luc. 5. 3. montem hic, & infra. cap. 14. 23. & 15. 29. & 17. 1. & Mar. 3. 13. & 6. 46. & 9. 1. & Lucæ. 6. 12. & 9. 28. & 21. 37. & Ioan. 6. 3. 15. & 8. 1. Atque hunc arbitror verum esse sensum, quia, ut paullo ante diximus, hanc concionem non ad turbam, sed ad discipulos habitam fuisse constat, & quia non solet Christus, cū turbam querit, sed cū fugit, in montem exscendere, ut ex Ioanne. capitul. 6. 3. 15. & 8. 1. manifestum est. Auctor imperfecti & Chromatius aliam reddunt causam, ut Itaiæ prophetiam impleteret. capit. 40. 9. *Super montem excelsum ascende tu, qui euangelizas*

*Sion, exalta in fortitudine vocem tuam tu, qui euangelizas Ierusalem.* Sed nec Euangelista eam causam, si veram existimasset, silentio præterisset, qui tam diligens in quærendis, & accomodandis ad Christum prophetiis esse solet; & alius est prophetae sensus; non enim iubet, ut in monte re vera contendat: sed ut ita loquatur, ut longè lateque Euangelii prædicatio exaudiri possit, ut eorum uox, qui de summis montium cacuminibus clamant. Quis autem mons fuerit, in quem tunc Christus ascenderit, scire non possumus. Refert Hieronymus Christianos aliquos simplices existimasse fuisse montem oliuarum, non animaduertentes Christum tunc in superiore fuisse Galileæ montem autem oliuarum Ierosolymæ vicinum esse. Ipse Hieronymus probabile putat fuisse Thabor.

*Et cum sedisset* Hieronymi & aliorum interpretationes, quia allegorice sunt, prætermitto. Quod autem Augustinus lib. 1. de sermone Domini in monte adnotauit, sedere ad magistratus pertinere dignitatem, quodque alii hoc loco tradiderunt morem fuisse sedendo docendi Matth. 26. 55. Luc. 4. 20. & Ioan. 8. 2. dubium non est; nescio tamen an propterea hoc loco sederit Christus, cum prius sedisse dicatur, quàm ad eum discipuli accessissent. Neque vero simile est semper Christum sedendo docuisse. Nam cum in medio campo concionatus est, non, ut opinor, sedebat.

*2. Et aperiens os suum.* Præterisset tanquam facilem hunc locum, nisi omnes fere interpretes obseruassent, quod Christus os suum dicitur aperuisse, non solum non pleonasmum, sed aliquid etiam esse mysterii. Mysterium autem quod sit, non omnes consentiunt. Augustin. libro 1. de sermon. domini in monte, & Gregor. libro tertio in Job. capit. 5. significari putant Christum, qui prius prophetarum aperiebat ora, nunc tandem os suum aperuisse, id est ipsum per se locutum esse, ut ait D. Paulus Hebræor. 11. Alii os quodam modo

Quid sit  
Christū a-  
peruisse os  
suum,



modo manibus, id est uerba factis opponi putant, ut indicet Euangelista Christum antea exemplo, tum etiam uerbis docuisse. *Capit enim prius facere deinde docere.* Act. 1. 1. Ita Chrysostom. Euthymius & Theophylactus exponunt. Alij longum fuisse sermonem indicari oris apertione dicunt, quod etiam Augustinus probat. Alij res magnas dixisse atque diuinas, sic enim dictum esse *aperuit os suum*, ut si dixisset Euangelista, aperuit abyssum omnis scientiae, & sapientiae suae. Sic Hilar. & Strabus. Alii simplicem esse putant Hebraismum. q. d. exorsus est loqui. Hebraeis enim aperire os est loqui incipere. Ego aliquam hoc loco maiorem uim arbitror inesse. Igitur, ut multa alia praetermittam, quae apud Hebraeos haec phrasis significat, tantum dicam, quae ad rem maxime uidentur pertinere. Os aperire est aliquando liberè & clara uoce loqui Ezechiel. 29. 21. *In die illo pullulabit cornu Domini Israel, & tibi dabo apertum os in medio eorum, & scient, quia ego Dominus.* Ecclesiast. 15. 5. *In medio Ecclesiae aperiet os eius*, id est, coram omnibus liberè loquetur, loquetur in conspectu regum & non confundetur, Psal. 118. 46. Hoc modo Christum os aperuisse verum est: sed satis non est. Quis enim dubitabit eum liberè locutum, nisi significare Euangelista uoluerit, non Scribarum & Phariseorum more, sed liberè & tanquam potestatem habentem docuisse, ut infra. cap. 7. 29. sed hic sensus melius conueniret, si Christus hanc concionem non ad solos discipulos, sed ad promiscuam multitudinem habuisset. Aliquando aperire os est post longum, diuturnumque silentium in uerba prorumpere, ut Job. 3. 1. *Post haec aperuit Iob os suum & maledixit diei suo, et locutus est, pereat dies.* Antea enim dictum fuerat. *In omnibus his non peccauit Iob labijs suis, neque stultum quid contra Deum locutus est.* c. 1. 22. Sic mihi uidetur Christus hoc loco os suum aperuisse, non quod ante locutus, aut etiam concionatus non esset: sed quod nunquam ante su-

blimem illam de Euangelica perfectione doctrinam propoluisset. Tunc ergo aperuit os suum, id est diuina mysteria, ut ait Hilarius, quae ante tacerat, patefacit; sicut magnus ille apud Ciceronem Orator Brutus, cum multa de Oratore perfectio disputasset, uictus ad extremum precibus, & auditores nactus idoneos, dicam, inquit, *quod semper tacui, semperque taceendum putavi. Mihi quique optime dicunt, quique id facillime facere possunt, nisi initio dicendi contremiscam, parè impudentes uidentur.*

3. *Beati.*) Exorditur Christus ab eo, quod omnes expetunt, sicut Dauid, aut is, qui eius in unum uolumentum Psalmos colligauit: *Beatus uir qui non abiit in consilio impiorum.* Psal. 1. 1. Beatitudinem enim non solum nemo non appetit: sed nemo quicquam, nisi propter eam appetit. Beatos uero Christus in hac tota concione uocat non eos, qui re iam ipsa, sed qui spe beati sunt, & qui per gradus, quibus ad beatitudinem iur, ascendunt. Nec beati dicuntur, quod certi sint ad beatitudinem se peruenturos, sed quod recta ad eam incedant uia, & nisi quod uitium impediatur, peruenturi sint. Vno uerbo beati pauperes appellantur, quantum ex parte paupertatis est, quia ad currendum ad beatitudinem, ut ait Gregorius, leues & expediti sunt, potest tamen morbus, potest aliquod peccatum currentes impedire. Nec desiderare in interprete prudens debet lector, ut plura hoc loco de beatitudine disputet, sumat ab schola.

*Pauperes spiritu.*) Pauperes spiritu maior pars auctorum humiles interpretatur, Hilarius. can. 4. Chrysostom. hom. in Matth. 15. Auctor imperfect. homil. 9. Ambros. lib. 5. in Incam. August. libr. 1. de serm. Domini in monte, Gregorius Nyssenus lib. de beatitudinibus, Epiphani. haes. 66. I eo in homil. de omnibus sanctis, Gregorius magnus lib. 36. in Iob. capitul. 20. Itaque quamuis facultatibus diuites, modo humiles sint, pauperes spiritu uocari putant. Alii pauperes spiritu

Qui pauperes spiritu,



spiritu esse dicunt eos, qui siue pauperes, siue diuites sint, non habent tamē diuitijs additum animum, nec ibi cor ipsorum, ubi thesaurus ipsorum est, ut saepe etiam Augustinus exponit. Alij re uera pauperes, qui opes non habent, significari sentiunt, ut Tertullianus libro aduersus Marcionem 4. Cyprian. lib. de duodecim abusionibus, Hieronym. in commentarijs. Nec mihi dubium est, quin uerē pauperes significetur, & quia nomen *πτωχοι*, quo utitur Euangelista, non solum pauperes, sed quod amplius quidam est, mēdicos significat, quemadmodum Tertullianus uertendum putauit, & quia de humilibus paulo infra uer. 4. dicit, *Beati mites*; & quia illis regnum cœlorum, quasi pauperibus opes promittuntur, & quia Lucas ueros illis diuites, non superbos opponit, *Pa*, inquit, *uobis diuitibus*. capitulo 6. 24. Cur autem addat spiritu, uaria opinio. Qui humiles intelligunt, ideo additum putant, ut non uera paupertas, sed humilitas, quæ paupertas spiritus est, significetur. Alij, ut non qualibet etiam uera paupertas, sed uoluntaria paupertas declaretur. Paupertas enim coacta, uirtus non est, sed miseria. Hanc ego ueram arbitror esse sententiam. Spiritum enim sepe pro uoluntate poni animaduertio, ut Matthæ. 26. 41. & Marc. 14. 38. *spiritus quidem promptus est, caro autem infirma*. Roman. 1. 9. *Cui serui in spiritu meo*, id est ex animo, 1. Corinth. 7. 34. uult Paulus uirginem esse sanctam, non solum corpore: sed etiam *spiritu*, id est castam, & factam, & uoluntatem. Ephesios monet. capitulo 4. 3. *Ut solliciti sint seruare unitatem spiritus in vinculo pacis*, id est, uoluntatum, animorumque consensionem. Nec omnem uoluntariam paupertatem significari putandum est: sed eam, quæ propter regnum cœlorum, aut sponte suscipitur, aut patienter toleratur. Itaque Basilius in breuioribus regulis interrog. 205. *Pauperes spiritus*, id est propter spiritum interpretatur. Pauper spiritu est, qui vendit omnia, quæ habet, & dat pauperibus, ut pauper

ac nudus, pauperem ac nudum sequatur Christum. Atque hic primus Euangelicæ paupertatis est gradus. Secundus eorum qui non quidem uēdiderunt, sed ne Christum amitterent, amiserunt. Tertius eorum, qui bona sua non prorsus amiserunt, sed ut Christum Ecclesiamque Catholicam sequerentur; deseruerunt. Quales multos nunc habet Anglia peregrinis regionibus exulantes, & pauperem trahentes uitam, quia signum bestię accipere noluerunt. Quartus eorum, qui cum diuites malis artibus esse possint, timorem tamen Dei perituris opibus antepponentes pauperes esse malunt, & illud dicunt, Tob. 4. 23. *pauperem quidem uitam gerimus: sed multa bona habebimus, si timuerimus Deum, & recesserimus ab omni peccato, & fecerimus bene*. Quintus eorum, qui nec sunt, nec possunt, nec uolunt diuites esse panem a Deo petentes quotidianum, & habentes uictum, & uestitum his contenti sunt. Sextus eorum, qui uellent, si possent, sine cuiusquam iniuria diuites fieri, sed, cum non possint, æquo propter Christum animo paupertatem ferunt. Quærit Ambrosius libro in Lucam 6. cur Christus pauperes beatos appellet, cum & paupertas, & diuitiæ res sint indifferentes, quæ natura sua nec bonæ, nec male sint. Responsio est, Christum non de paupertate natura sua considerata, sed de paupertate spiritus, quam declarauimus disputare. At cur ab ea excusatus est Christus, cum aut per se uirtus non sit, aut non maxima certè uirtutum? Nolo de uirtutum comparatione differere, & cum aliarum inuidia paupertatem extollere. Tantum dico uoluisse Christum rectissimam, & expeditissimam ad cælum uiam ostendere. Nihil autem esse, quod magis, quàm diuitiæ euntem impediat. Impossibile enim est diuitem intrare in regnum cœlorum; propterea Christum paupertatem primo loco posuisse.

*Quoniam ipsorum est regnum cœlorum.* Qui regnum cœlorum hic pro Euangelij prædicatione sumunt, quod

Paupertatis  
Euangelicæ  
uarij gradus

Apocal. 16.  
2. & 19. 20.

G 2 paupe-



pauperibus potissimum Euangelium prædicetur, ut Christus ait Matt. 11. 5. *Pauperes euangelizantur*, & Isa. 61. 1. ut Hebræi legunt, *Euangelizare pauperibus misit me*, non animaduertunt regnum celorum, tanquam paupertati diuitias opponi, sicut in sequentibus semper contraria contrariis opponuntur. *Beati qui lugent, quoniam ipsi consolabuntur; Beati qui esuriunt, quoniam ipsi saturabuntur.*

4. *Beati mites.* Hic est apud Græcos versus quintus, quæ autem uersu quinto dicitur, *Beati qui lugent*, ponuntur hoc loco. Et quidem Leo Auctor Latinus hom. de omnibus sanctis Græcorum more legit, ut non temere uideri possit uerba in Latinis codicibus per amanuenses fuisse transposita. Mites dicuntur, qui humiles sunt, & mansueti, Christoque similes Matt. 11. 29. *Discite a me, quia mitis sum, & humilis corde*: itaque non possunt non esse beati, Basilius in regulis breuior. inter. 191. *Qui non reddunt malum pro malo, sed vincunt in bono malum*, Roman. 12. 17. 21.

*Quoniam ipsi possidebunt terram.* G. κληρονομήσουσι. hereditate possidebunt. Quam autem terram intelligat non satis constat. Alij istam, in qua uiuimus, terram interpretantur, ut Chrysostom. homil. in Matth. 15. Augustin. libro 1. de serm. Domini in monte, Euthym. & Theophylactus. Solere enim Christum non modò celestia, & futura, sed etiam terrena, & præsentia bona polliceri, ut Matth. 6. 33. *Querite primum regnum Dei, & iustitiam eius, & hæc omnia adicientur uobis*, & Marc. 10. 19. 30. *Amen dico uobis, nemo est, qui reliquerit domum, aut fratres, aut sorores, aut patrem, aut matrem, aut filios, aut agros, propter me, & propter Euangelium, qui non accipiat centies tantum nunc, in tempore hoc, domos, & fratres, & sorores, & matres, & agros cum persecutionibus, & in seculo futuro uitam æternam.*

Alij per terram celum intelligunt, quæ terra uiuentium uocari solet Psal. 26. 13. & 141. 6. Sic Origen. homil. 26. in Numer. Basilius in comment. in Ps. 33.

Cyrillus in cap. Isaie 58. Auctor sapient. homilia 9. Gregor. Nyssen. in lib. de Beatitudinibus, Hieronym. in hunc locum. Quorum ego sententiæ magis accedo, & quia in tam feria concione uero simile non est eam Christum promississe terram, quam despiciendam docebat, & quia in alijs beatitudinibus nihil eum terreni uidemus polliceri, & quia sententia uera non esset: nec enim solent mites terram hanc possidere: sed de eius potius possessione deturbari. At neque domos, & agros possidere solent, qui propter Euangelium domos agrosque reliquerunt, & tamen Christus illis Marc. 10. 30. etiam in hoc mundo pollicetur. Respondeo illic Christum non domos, & agros: sed spiritualia dona, quæ domibus, & agris meliora sunt, polliceri. Cur ergo domos, & agros appellat? ut domibus, & agris sponte relictis opponeret. Quod hoc loco, cum terram ante non nominauerit, dici non potest. Cur igitur terram potius quam celum appellauit? Primum uarietatis causa, quia iam prius celum appellauerat, *Beati pauperes spiritu, quoniam ipsorum est regnum celorum*. Deinde, ut terrenæ, ut ita dicam, terræ celestem opponeret, doceretque mites, qui huius terræ possessione excludi solent, aliam meliorem possessuros terram, sicut D. Paulus, & Apostolus Ioannes celum Ierusalem appellare solent, ut terrenæ Ierusalem opponant, cuius habitatione Iudæi maxime gloriabantur, Gal. 4. 26. Hebræor. 12. 22. Apocalip. 3. 12. & 21. 2. 10. Nescio etiam, an ad terram Chanaan Christus alludere uoluerit, in quam cum omnes contenderent Hebræi, non nisi pauci mites, & patientes ingressi.

5. *Beati qui lugent.* Non omnes, qui lugent, beatos esse manifestum est. Itaque merito queri potest, quos lugentes beatos appellet. Quidam eos dicunt, qui peccata sua lugent, ut Chrysostom. homilia 15. Ambrosius lib. 6. in Lucam, & Cyrillus libro quinto in Isaiam, & Hilarius can. 4. Alij, qui vel sua, uel aliena, sicut Christus lu-

xit



xit Ierusalem Luca. 19. 41. & ut Samuel luxit Saul. 1. reg. 16. 1. Auctor imperfecti homil. 9. Hieron. in commen. & Leo in homil. de omnibus Sanctis. Alij qui earum rerum amissione lugent, August. libr. 1. de serm. Domini in monte, & Gregor. Nyssen. in lib. de beat. Poteſt ſenſus eſſe, vt lugentes Chriſtus appeller eos, qui propter regnum celorum oppreſſi lugent, quod alijs uerbis dicit uer. 10. *Beati, qui perſecutionem patiuntur propter iuſtiam.* Omnes enim, qui pie uolunt uiuere in Chriſto, perſecutionem patiuntur. 2. ad Tim. 3. 12. uos, inquit Chriſtus, plorabit & flebitis, mundus autem gaudebit. Et ruruſum, *In mundo preſſuram habebitis*, Ioan. 16. 33. *Gloriamur*, ait D. Paulus, *in tribulationibus, ſcientes, quod tribulatio patientia operatur; patientia autem probatio; probatio autem ſpes, ſpes autem non confundit.* Rom. 5. 4. Huc autem eſſe ſenſum intelligitur ex Luca cap. 6. 25. ubi lugentibus ridentes, quaſi oppreſſis oppreſſores, uictis uictiores opponit. *Vae*, inquit, *uobis, qui ridetis nunc, quia lugebitis & flebitis.*

*Quia ipſi conſolabuntur.* Gaudebunt, ridebunt. *Γαλαλλαιαν* conſolationem accipient, ut Auguſt. aliquando uertit. Noſter interpres, ut uerbum unum Graecum uno altero Latino redderet, praeter Latini ſermonis conſuetudinem locutus eſt. Hoc eſt, quod Chriſtus dixit Ioan. 16. 20. *Plorabit & flebitis uos, mundus autem gaudebit, ſed iuſtitia ueſtra uertetur in gaudium*, & Ioan. in Apocalip. ca. 7. 17. *Abſterget Deus omnem lachrymam ab oculis eorum, & mors ultra non erit, neque luctus, neque dolor erit ultra.*

6. *Beati qui eſuriunt & ſitiunt iuſtiam.* Lucas cap. 6. 21. abſolute dicit, *Beati, qui nunc eſuritis, quia ſaturabimini.* Matthaeus iuſtiam, addens, ſententiam, non, ut plerique putant, explicauit, ſed longe difficiliorem reddidit. Ex hoc enim uerbo anſam omnes interpretes acceperunt, ut hunc locum de ſiti, id eſt ardenti deſiderio conſequentiae iuſtitiae intelligendum putarent. Ambroſ. libro 6. in Lucam. Hiero. in comment. Chryſoſt.

hom. 15. Auctor imperfecti. hom. 9. Auguſt. lib. 1. de ſerm. Domini in monte, Hilarius cano. 4. Leo ho. de omnibus Sanctis, Greg. Nyſſ. lib. de beat. Caſarius Arelat. hom. 22. Bernard. ſerm. 1. de omnibus Sanctis, Euthym. & Theophyl. in commen. uidenturque eorum ſauere ſcriptura ſententiae, quae per ſitum uehemens ſolet deſiderium ſignificare, Plalm. 41. 1. 2. 3. *Quemadmodum deſiderat ceruus ad fontes aquarum, ita deſiderat anima mea ad te Deus.* *Sitit anima mea ad Deum fontem uitae, & Plalm. 62. 2. Sitit in te anima mea.* Eccl. 24. 29. *Quis bibunt me, adhuc ſitient.* Iſa. 55. 1. *Omnes ſitientes uenite ad aquas.* Hos auctores tot ac tantos & honeſtum & tutum eſt ſequi, ſed mihi ſi liceat ſecundum eos meam dicere ſententiam, fateor probabilius uideri Chriſtum non de metaphorica, ſed de uera fame, ſitque loqui, & quia etſi uehemens deſiderium ſitis in ſacris litteris appelletur, fames tamen, quantum equidem memini, niſpam appellatur. Hic autem non ſolum, qui ſitiunt, ſed etiam qui eſuriunt, beatos Chriſtus pronunciat; deinde quia Chriſtus hoc loco non agit, niſi de certis quibuſdam, & priuatis uirtutibus, quae maius, quam uidentur, adiuuentum ad beatitudinem habent, qualis eſt paupertas, humilitas, patientia. Deſiderare autem & appetere iuſtiam, non ſpecialis, ſed generalis eſt uirtus, nihilque noui aut magni dixiſſe uideretur Chriſtus, ſi eos, qui iuſti eſſe uolent, beatos appellaret. Praeterea, quia manifeſtum eſt uoluſſe in tota hac concione Chriſtum mundi opinionem coarguere iſs extollendis rebus, quas ille maxime contemnit, propterea paupertatem, propterea humilitatem, propterea patientiam tantopere commendat, at uelle iuſtum eſſe mundus non damnat, ſed laudat, quamuis iniuſtus, famem autem, & ſitim ueram maxime refugit, eamque tolerare putat inſaniam: de ea igitur loquitur Chriſtus. Poſtremo Lucas eſurientibus, ac ſitientibus ſaturos opponit. *Vae* inquit *uobis qui ſaturati eſtis.* Saturos autem non uocat eos, qui iuſtitia



fatia sunt: non enim eos miseros, sed beatos appellaret, ergo necessitantes & sitiientes dicuntur ij, qui iustitiam desiderant. Propius uidetur mihi Rupertus ad sensum accessisse, ut esurire, & sitire iustitiam dicantur, quibus iustitia non administratur, quales sunt pauperes, uiduae, & pupilli, quorum iudicium a Deo tam sepe, tamque diligenter commendatur, Psal. 9. 18. *Iudicate pupillo, & humili, ut non opponat amplius magnificare se homo super terram*, & Psal. 81. 3. *Iudicate egeno & pupillo humilem & pauperem iustificare*. Itai. 1. 23. *Pupillo non iudicant, & caussa uiduae non ingreditur ad eos*, Ierem. 5. 28. *Causam uiduae non iudicauerunt, causam pupilli non dixerunt, iudicium pauperum non iudicauerunt*. Hic ergo dicuntur esurire & sitire iustitiam, quia cum iustitia, id est iuris administratione indigeant, eamque petant, nemo tamen illis praebeat. Sicut panem esuriunt, qui cum petant, nemo illis porrigit. Nihil esset, quod in hac interpretatione desiderarem, si Lucae uerba cum ea conuenirent. Sed quia uidetur Lucas de fame panis & siti aquae loqui; aliter explicari potest, *Beati qui esuriunt & sitiunt iustitiam*, id est, qui propterea esuriunt & sitiunt, quod ius illis suum non tribuatur, quales sunt, qui iniuste damnati bona sua perdiderunt, aut qui quod suum est, quia pauperes sunt, recuperare non possunt, aut quia iusti sunt. Ut, *iustitiam, δικαιοσύνην*, dictum sit, pro, *propter iustitiam, διὰ τὴν δικαιοσύνην*, & propter iustitiam intelligamus, quia illis iustitia non iudicatur, aut ut iustitiam sequantur. Sic enim Matthaeus, Lucasque conuenient. Sed Lucas solam famem, Matthaeus autem & famem, & causam famis exposuit. An non quicumque ita etiam esuriunt & sitiunt, beati sunt, sed qui id propter regnum caelorum patiuntur: multi enim fame moriuntur, quia ius illis non administratur, qui non idcirco beati sunt. Beati autem erant illi (ad quos haec uerba diriguntur) qui dicebant, *Vsque in hanc*

*horam, & esurimus, & scimus, & nudi sumus, & colaphis cedimur, & instabiles sumus*. 1. Cor. 4. 11. & in labore & aerumna & uigiliis multis, in fame, & siti, in ieiunijs multis, in frigore & nuditate. 2. Cor. 11. 27. & egētes, angustiiati, afflicti: quibus dignus non erat mundus, Hebraeor. 11. 37. 48.

Quoniam ipsi saturabuntur.) Satiabor cum apparuerit gloria tua. Psal. 16. 15. *Beatus qui manducabit panem in regno Dei*. 1. u. 14. 15. Et ego dispono uobis, sicut disposuit mihi pater regnum, ut edatis & bibatis super mensam meam in regno meo. Luc. 12. 29. 30. His enim in rebus accommodatē ad hominum opinionem, qui cibum, & potum magnā felicitatem putant, uita beata & regnum caelorum significatur, quod D. Paulus escam & potum esse negat. Similis sententia 1. Cor. 9. 10. *Non esurient, neque sitient, nec percutiet eos sol, quia miserator eorum reget eos, et ad fontes aquarum potabit eos*, & Isa. 65. 13. *Ecce serui mei comedent, & uos esurietis. Ecce serui mei bibent, & uos sitietis*. Et Apocal. 7. 17. *Agnus, qui in medio throni est, regit illos, et deducit illos ad uita fontes aquarum. Qui ex ea bibit aqua, non sitiet in aeternum* Ioan. 4. 13. 14.

7. Beati Misericordes.) Hoc de omni misericordiae genere potest intelligi, ut Hieronym. Chrysost. Auctor imperfecit. & Theophylact. existimant, exemplum est Euangelica parabola Matth. 18. 28. 32. 33. *Serue nequam omne debitum dimisi tibi, quoniam rogasti me; nonne ergo oportuit & te misereri conferui mihi, sicut & ego tui miserus sum* & Gregorius tamen Nyssenus in libro de beat. August. libr. 1. de serm. Domini in monte, & Leo in homil. de omnibus sanctis propriē de eleemosyna intelligendum putant, ea enim homines uerē beatos facit. Matth. 25. 34. 35. *Venite benedicti patris mei, percipite regnum, quod uobis paratum est a constitutione mundi, quia esurini, & dedistis mihi manducare: sitiui & dedistis mihi bibere*, Luc. 16. 9. *Facite uobis amicos de Mammona iniquitatis, ut, cum defeceritis, recipiant uos in aeterna tabernacula*, Psal. 40. 1. *Beatus uir, qui intelligit super egenum,*



*ezenum, & pauperem, in die mala libera-  
bit eum Dominus, Psalm. 111. 5. Beatus  
uir, qui miseretur, & commodat, disponet  
sermone suos in iudicio, quia in eternu  
non commovebitur, Prouerb. 14. 21. qui  
miseretur pauperis beatus erit, Prou. 19.  
17. generatur Domino, qui miseretur pau-  
peris, vicissitudinem suam reddet ei.  
Iob. 4. 7. Matth. 7. 2. Iacob. 2. 13. Mihi,  
quia hæc Apostolis dicta sunt, mise-  
ricordes propriè videntur appellari  
non solum, qui in dandis eleemosy-  
nis liberales sunt, quas Apostoli re-  
lictis omnibus dare non poterant;  
sed multo magis, qui iniurias facile  
condonant, quas Apostoli sæpe erant  
accepturi, ut per illam parabolam  
Matt. 18. 28. significatur.*

8. *Beati mundo corde, οἱ καθαροὶ τῇ  
καρδίᾳ mundi corde, aut, ut Augusti-  
nus & alij ueteres Latini sæpe loquun-  
tur, mundicordes, uel puricordes. Qui  
dam mundos corde uocari putant,  
qui pura sunt conscientia, quos nul-  
lius peccati conscientia redarguit,  
ut Hilar. can. 4. Basil. in regul. breuior-  
rib. inter. 280. Gregor. Nyssen. libr. de  
beat. Hter. in commen. Auctor operis  
imperfecti homi. 9. Leo hom. de festo  
omni sanctorum, Bernardus in ser-  
mo. de conuer. c. 25. & in serm. de om-  
nibus sanctis. Hoc licet a multis &  
magnis dictum auctoribus difficulta-  
te non caret, quia nemo est; quæ con-  
scientia non accuset: *Quis enim gloria  
bitur mundum se habere cor, & purum  
esse a peccato?* Prouerb. 20. 9. Deinde,  
quia ea non est priuata, sed generalis  
uirtus, & ut iam diximus, Christus  
hic de priuatis agit uirtutibus. Alij  
per puritatem cordis simplicitatem  
intelligunt, ut August. lib. 1. de ser. Do-  
mini; quod ideo mihi magis placet,  
quæ ea uirtus minimè in mundo est uisi-  
tata, qui totus in maligno positus est. 1.  
Ioan. 5. 19. & quia Apostolis erat ma-  
ximè necessaria, qui mundum in sa-  
pientia sua non astutia, sed simplici-  
tate capturi erant. Ideoque cum eos  
Christus ad prædicandum mitteret,  
simplicitatem illis in primis cõmenda-  
uit, *Effore prudentes sicut serpentes, &  
simplices sicut columbæ.* Matt. 10. 16. Si*

oculus, inquit, tuus fuerit simplex, totu  
corpus tuum lucidum erit. Mat. 6. 22. sæ-  
pe autem monuimus agi hic de virtu-  
tibus, quas, maxime mundus despicit,  
quæque Apostolis maxime erant ne-  
cessariæ. Laudat Deus simplicitatem  
Iob 1. 1. 8. Et erat uir ille simplex, & re-  
ctus. Vxor tamen eius, id est mundus,  
& sapientia carnis irridet, *Adhuc tu  
permanes in simplicitate tua.* Iob 2. 9.  
Accedit, quod mundis corde uisionem  
Dei Christus promittit, quemadmo-  
dum si cæcis lumen, ignorantibus  
scientiam, eamque beatissimam pro-  
mittat. Mundus enim simplices cæ-  
cos, & ignorantes appellat. Interpre-  
ratio tamen Chrysostomi, Euthy-  
mii, & Theophylacti mihi non displicet,  
qui per cordis puritatem castita-  
tem intelligunt: nam & eam uirtutem  
mundus uix nouit: Christus a suis di-  
scipulis maxime requirit, *sunt Eunuchi,*  
inquit, *qui se ipsos castrauerunt pro-  
pter regnum calorum,* Matt. 19. 12.

*Quoniam ipsi Deum uidebunt.* Ac-  
commodata redditio. Nam ut, qui  
purioribus sunt oculis, melius colo-  
res uident: ita qui puriore sunt cor-  
de, melius Deum uidebunt. Vnde se-  
quitur Deum non oculis, sed corde  
à nobis esse uidendum, ut August. ar-  
gumentatur.

9. *Beati pacifici.* Pacificos plerique  
intelligunt, qui dissensionum aucto-  
res non sunt. Alij, qui iniurias faci-  
le condonant, ut Hilarius in com-  
menta. Alij, qui in seipsis pacem ha-  
bent, id est nullis conscientia flucti-  
bus agitantur, ut Augustinus. Alij,  
quod affine est, qui nullas cum Deo  
gerunt inimicitias, ut Leo. Alij, qui  
& ipsi quiescent, & pacati sunt & alios,  
quantum in ipsis est, reconciliant, &  
ut uno dicam uerbo, qui paci student,  
ut Chrysostomus, Auctor imperfecti  
Euthymius, & Theophylactus. Hæc  
mihi interpretatio magis placet, &  
quia Græcum uerbum *εἰρηνόποιοι* eos  
propriè significat, qui pacem concil-  
liant, & quia alia interpretationes  
nimis sunt generales. Nam habere  
uel in se, uel cum Deo pacem com-  
munis est uirtus, & quia mundus plu-



ris facere eos solet, qui fortiter, & prudenter bella gerunt, quàm qui pacem componunt, & quia hæc virtus maxime erat Apostolis commendanda, qui non armis, sed mansuetudine mundum erant expugnaturi. In quacunque, inquit, domum intraveritis, primum dicite, pax huic domui, Luc. 10. 5. & quia sequitur. Quia filij Dei vocabuntur, id est, quia similes Deo erunt, duplici Hebraismo, altero in uerbo, Filij, quod apud Hebræos conformationem, similitudinemque significat, ut infra. ver. 44. & 45. Diligite inimicos vestros, benefacite illis, qui oderunt vos, orate pro persequentibus, & calumniantibus vos, ut suis filij (id est similes) patris vestri, qui in celis est, qui solem suum oriri facit super bonos, & malos, & pluit super iustos, & iniustos, altero in verbo, vocabuntur, id est erunt Gen. 21. 12. In Isaac vocabitur tibi semen, quod D. Paulus per verbum substantiuum interpretatur Rom. 9. 7. 8. Non, qui filij carnis, sed filij Dei: sed qui filij sunt promissionis æstimantur in semine, & quod Itaias dixerat. c. 56. 7. Domus mea domus orationis vocabitur, Lucas. c. 19. 46. dicit domus orationis est. Plus etiam quiddam mihi videtur, vocari, quàm, esse, significare: nempe ita aliquid esse, ut appareat, ut omnium ore celebretur: itaque beati pacifici, quia non solum filij Dei erunt, sed ita erunt, ut mundus ipse, qui eos ante stultos reputabat, filios Dei confiteri cogatur, & appellare, Hi sunt, quos aliquando habuimus in derisum, & in similitudinem improperij: nos insensati vitam illorum æstimabamus insaniam, & finem illorum sint honore; ecce quomodo computati sunt inter filios Dei. Sapient. 5. 3. 4. Proprium autem est Dei pacem facere. Non enim est Deus dissensionis: sed pacis. 1. Corin. 14. 33. ideoque Deus pacis appellari solet, Roman. 15. 33. & 16. 20. & 2. Cor. 13. 11. ad Philip. 4. 9. 1. ad Thes. 5. 23. 2. ad Thes. 3. 16. ad Hebræos. 13. 20. Chrysostomi autem, Euthymij, & Theophylacti interpretatio bona est, propterea pacificos filios Dei appellari, quod Christum filium eius naturalem imitentur, cuius

officium est homines Deo reconciliare Rom. 5. 10. 2. Cor. 5. 18. ad Colos. 1. 20. ad Ephes. 2. 14. quique pacem in terram attulit Luc. 2. 14. Ioan. 14. 27. quam mundus dare non poterat.

10. Propter iustitiam.) Propterea quod iusti, propterea quod iustitiam sequuntur, & Christiani sint Act. 5. 41. Ibant Apostoli gaudentes a conspectu concilij, quoniam digni habiti sunt pro nomine IESU contumeliam pati, & 1. Pet. 4. 15. 16. Nemo vestrum patietur, ut homicida, aut fur, aut maledicus, aut alienorum appetitor. Si autem, ut Christianus, non erubescat, glorificet autem in isto nomine, & 1. Pet. 2. 20. 21. Quæ enim est gratia, si peccantes, & colaphizati suffertis? sed si benefacientes patienter suffertis, hæc est gratia apud Deum. In hoc enim vocati estis, quia et Christus passus est pro vobis, vobis relinquens exemplum, ut sequamini uestigia eius, qui peccatum non fecit, nec inuenit est dolus in ore eius, & c. 3. 14. Sed etsi quid patimini propter iustitiam, beati.

Ipsum est enim regnum celorum.) Propter iustitiam patientibus, tanquam pugnantibus, regnum ipsum, pro quo pugnant, pollicetur. Communis in scripturis consolatio Ierem. 31. 16. Quiescat vox tua a ploratu, & oculi tui a lacrymis, quia est merces operi tuo. 2. ad Tim. 4. 8. Bonum certamen certavi, cursum consummaui, de reliquo reposita est mihi corona iustitiæ. 1. Cor. 15. 58. Itaque fratres mei stabiles estote, & immobiles abundantes in opere bono semper, scientes quod labor vester non est inanis in Domino.

13. Vos estis sal terræ.) Salis duas esse proprietates, & saporem rebus insipidis dare, & eas conservare, ne corrumpantur, notum est. Quod est in cibis sal, est in hominibus ab eodem uerbo dicta sapientia: quod in rebus aliis conservatio, est in hominibus in bonis moribus confirmatio, quam diuinæ litteræ ædificatione uocant. Apostoli ergo sal terræ vocantur, quia homines, & sua sapientia docere debent, & suis moribus ædificare. Quare autem hoc dicat, causam August. reddit lib. de serm. Domini. Ex citauerat Christus Apostolos paullo ante ad summam uitæ perfectionem,

Beati



Beati pauperes spiritu, &c. Vult nunc probare eos tales esse oportere, quia sal terra futuri sunt. Per terram autem homines intelligi & D. August. adnotauit, & certum est, & in scripturis visitatum. Illud magis necessarium, quod Chrysost. & Theophylact. obseruauerunt, propterea Apostolos sal terrae dictos esse, ut non unius, aut paucorum hominum, sed totius orbis terrae magistrum futuri intelligerentur, Marci. 16. 15. *Itē in mundum uniuersum & predicate Euāgelium omni creaturae.* Marc. 9. 30. & Luc. 14. 34. alia occasione narrant Christum hanc similitudinem vtriusque. Sed facilis est, & probabilis solutio, credendum esse non semel tantum Christum, sed saepe, prout res postulabat, eadem similitudine vsum fuisse, quod nobis etiā saepe docentibus vsum venit.

Quod si sal euannērit G. *μωρανθῆναι* infatuatum fuerit, ad verbum, id est, saporem, & acrimoniam amiserit. Infatuantur autem doctores, cum aut male docent, aut male aedificant.

In quo salietur? Ipsum sal. Mar. 9. 50. Non enim sal salis est, si doctor male docuerit, a quo doctor ipse docebitur? si male vixerit, a quo corrigitur? non enim doctor doctorum est, non quod doctor, & doceri, & emendari non possit, sed quod fieri non soleat, aut difficile possit.

Nisi ut projiciatur foras, & conculcetur ab hominibus. ab hominibus praeferuntur sicut, quae in publicam viam eiciuntur, conculcari solent. Hebraeus: dicunt enim Hebraei *וַיִּשְׁלַח* vi rum, aut hominem, id est, quem libet. Itaque Septuaginta, ubi Hebraice est *וַיִּשְׁלַח*, aliquando uertunt *ἐκαστος* unusquisque, ut Iud. 21. 25. Latini dicerēt, ut uulgo conculcetur. Significat alias res, etiam si naturalem vsum amittant, ad aliquid tamen viles esse. Fractus est nummus aureus: non erit nummus, sed erit aurum: non seruiet commercio, sed seruiet aurifici. Corruptus est cibus, non dabitur homini: sed dabitur cani. Trita est uestis, in sterquilinum mittetur: hominem fouere non potest, terram fouebit, i.

sal, si a natura sua degenerauerit, ne in sterquilinum quidem aliquid valet, terram non fecundat: sed sterilem reddit. Posuit, inquit David, *terram fructiferam & saluginem a malitia inhabitantium in ea*, Psal. 106. 34. Hoc Lucas explicauit c. 14. 35. *Nec enim in terram, nec in sterquilinum uile est, sed foras mittitur.* Solent, quae utilissima sunt, cum natura sua discedunt, inutilissima fieri. Samentum ad fructum ferendum utilissimum, si aruerit, nihil inutilius. Ezech. 15. 2. 3. 4. *Quid fiet de ligno uitae ex omnibus lignis nemorum, quae sunt inter ligna sylvarum? Nihil quid colligitur de ea lignum, ut fiat opus, aut fabricabitur de ea paxillus, ut dependeat ex eo quodcumque vas. Ecce igni datum est in escam.* Quod illic de uite, hic de sale dicitur. Vtriusque sententiae summa est, degeneres doctores, quales imprimis haeretici sunt, ad nihilum ultra quicquam valere, nisi ut poenas lauant, nisi ut conculcentur, nisi ut crementur. Peiores etiam quā sal infatuatum, quāque aridum samentum, haeretici cimicibus, ut ait Augustinus, similes sunt. Vni mordent, mortui foetent.

Haeretici sal  
li infatuato  
& cimicibus  
similes.

14. Vos estis lux mundi. Qui vniuersum mundum doctrina, & exemplo debetis illuminare. Nullos bonos praeter vos mundus habet magistros. Quā vim hīc diximus superiore versu nomē terrae, eam hoc loco mūdi nomen hēre, ut iidem auctores Chry. & Theop. obseruauerūt. Quod autem Auctor opis imperfecti adnotauit Apostolos salī comparari respectu Iudaeorū: luci uero respectu gentilium, quod Iudaeos ueritatem iam cognoscentes in eodem statu conseruare deberent, quod proprium est salis: Gentiles autem docere, quod proprium est lucis, vereor ne & nimis argutum sit, & non satis uerū. Probabilius, voluisse Christum tribus similitudinibus salis. ducis, & ciuitatis rem unam eandemque declarare. Hanc enim Syrorum, quorum utebatur lingua, consuetudinem fuisse alibi Hieronymus admonuit. Itaque non hoc tantum loco, sed multis quodque aliis uidemus Christum, ut eandem rem exprimat, multas similitudines

In c. 12.  
Matth.



dines alias super alias accumulare, cuius rei exempla unum caput Matth. 13. multa suppeditabit. Illud obseruandū solum Christum ueram esse lucē, quæ illuminat omnem hominem uenientem in hūc mundū, Io. 1. 9. & Io. 3. 19. *Lux venit in mundum, & dilexerunt homines magis tenebras, quā lucem*, & Io. 8. 12. *Ego sum lux mundi: qui sequitur me, non ambulat in tenebris*, & cap. 9. 5. *Quamdiu sum in mundo, lux sum mundi*, & cap. 12. 35. *Ambulate, dum lucem habetis*, & uer. 36. *Dum lucem habetis, credite in lucem*. Lux autem uera dicitur Christus, quia summam, & ex seipso lucem habet: cum quo, si non modo Apostoli, caterique viri sancti atque doctores: sed ille quoque Baptista Ioānes, quo inter natos mulierum maior non surrexit, comparatur: verē alter Ioannes dicit, *Non erat ille lux, sed ut testimonium perhiberet de lumine*. Et tamen de eodem illo Ioanne ille idem Ioannes scribit. ca. 5. 35. *Ille erat lucerna ardens, & lucens*: sicut hoc loco Apostoli lux appellantur. Omnes etiam Christiani lux uocari solent, Philip. 2. 15. *ut sitis sine querela, & simplices filij Dei, sine reprehensione in medio nationis prauæ, & peruersæ, inter quos lucetis, sicut luminaria in mundo*, & Ephes. 5. 8. *Eratis enim aliquando tenebræ, nunc autem lux in Domino; sicut filij lucis ambulate*, & 1. Thes. 5. 5. *Omnes autem vos filij lucis estis, et filij diei, non sumus noctis, neque tenebrarum*. Christus lux natura sua: alij eius beneficio, quia ab eo illuminati sunt: Christus, quia nō solum extrinsecus doctrina, exemploq; illuminat omnem hominem uenientem in hunc mūdum: sed etiam per gratiā intrinsecus: Apostoli, quia extrinsecus non solum exemplo, sed etiā doctrina: Christiani, quia exemplo alijs lucent.

*Non potest ciuitas abscondi.* ) Deest prima pars similitudinis, vos estis ciuitas, aut similes ciuitati supra montem positæ. Per montes solere Prophetas, & Apostolos significari multis Hieronymus locis obseruauit, quia edito in Ecclesia loco, positi ab omnibus conspiciuntur. Significantur etiam per

turres, ut ait Auctor operis imperfecti, *Fiat pax in uirtute tua, & abundantia in turribus tuis*, Psal. 121. 7. Quāquā hic sensus mysticus est, litteralis alius. Eadem ratione hic ciuitati, aut potius urbi comparantur.

*Non potest.* ) Illa non potest: vos non debetis. Non enim monet eos, ut bene uiuāt, ne quem offendant, quod eorum exemplum, quasi urbs supra montem sita latere non possit: sed exhortatur, ne lateant, ut paullo post apparebit.

16. *Neque accendunt lucernam, & ponunt eam sub modio.* ) Quid uerba significant, manifestum est: quorsum dicta difficile. Hieronymus propterea Christum dixisse putat, ut Apostolis fiduciam ad liberè prædicandum Euangelium, & animum adderet; quemadmodum si pugilem exhortaret, uti strenuè, & fortiter pugnet: omnium enim oculos in eum esse conuersos. Alij monere eos uoluissent, ut cautè uiuerent: ne quid facerent, quod quemquam posset offendere; non enim urbem supra montem sitam latere posse; nec eos similes esse lucernæ sub modio, sed supra candelabrum positæ (nec enim sub modio poni solet) quæ non possit non ab omnibus uideri; quemadmodum Philippenses D. Paulus admonuit ca. 2. 15. *Ut essent sine querela, & reprehensione in medio nationis primæ atq; peruersæ, inter quos lucerent sicut luminaria in mundo*, & Petrus 1. epist. c. 3. 16. *cum modestia, & timore conscientiam habentes bonam, ut in eo, quod detrahunt uobis, confundantur, qui calumniantur uestram bonam in Christo conuersationem*. Ad hunc modū Chrysostomus, & Theophylactus exponunt. Vera mihi ratio, cur hoc Christus dixerit, uidetur esse: ut Apostolos exhortaretur, uti gnauius, & uerbis, & exemplo lucerent, ne labori parcerent. Propterea se eos, tanquam lucernam, accendisse, id est, Apostolos constituisse: propterea supra alios, tanquam urbem supra montem, posuisse, ut appareant, ut luceant, ut doceant non ut lateant. Nec enim urbs supra montem ædificatur, ut non uideatur, sed



sed ut non uideri non possit; nec accenditur lucerna, ut sub modio abscondatur, sed ut supra candelabrum posita, & luceat omnibus, & cernatur ab omnibus, eadem prorsus sententia, qua alibi Christus dici: *Ignem ueni mittere in terrā, & quid uolo, nisi ut accendatur?* Lucā. 12. 49. & qua D. Paulus Timotheum exhortatus. 2. Tim. 4. 2. *Predica uerbum, insula opportune, importune argue, obsecra, increpa in omni patientia, & doctrina.* Confirmant hanc rationem uerba, quae sequuntur, *Sic luceat lux uestra coram hominibus.* Quod autem dicit, & ponunt eam sub modio, non ob aliam causam sub modio potius, quam sub alia re dixisse arbitror, nisi quia modius res erat apta, ut sub eo lucerna conderetur. Itaque Lucas capitul. 8. 16. paulo aliter dixit, *ne mo autem lucernam accendens operit eam uase, aut subius lectum ponit.* Vnde satis apparet Hilarij, & Augustini interpretationes, qui in modio aliquid putant esse mysterij, quasi Apostoli largiter, & sine mensura suam deberent doctrinam impertiri, mysticas esse, non litterales.

17. *Sic luceat lux uestra coram hominibus, ut uideant opera uestra bona.* Contrarium uidetur Christus alibi docere infra. c. 6. 1. 2. 5. *Attendite ne iustitiam uestram faciatis coram hominibus, & alia in hanc sententiam eodem loco multa.* Facilis solutio, ut, hoc loco non causam, sed consequentiam significare, ut Ioan. 9. 39. & 1. Cor. 11. 19. Chrysost. hom. 10. in epistolam ad Rom. & hom. 27. in 1. ad Cor. & hom. in illud Pauli dictum *oportet haerese esse, & Damascenus, alijque Graeci Theologi solent dicere non esse αἰτιατικόν, sed ἐκ πατρίδων.* Non enim iubet eos propterea bene agere, ut ab hominibus uideantur: quod. ca. 6. fieri uetat; sed ita uiuere, ut, quisquis eorum actiones considerauerit, glorificet non ipsos sed patrem, qui in caelis est: cuius est gratia, ut bene uiuant, quod cap. 6. fieri non uetat. Quid ergo, an non licet aliquid aliquando boni agere, ut ab hominibus uideare, quod facturus alioqui non esses? licet, si modo

Quo coram hominibus opera bona facienda.

non propter te, sed propter Deum uideri uelis. Licet eo fine, sed non ultimo bene agere. Licet eo peruenire: sed non ibi stare. Ad gloriam Dei tendendus est animus, qui ante quam ad Deum perueniat, stetit, non stetit, sed cecidit. Qui ab hominibus bene agens uideri uult, non ut ipse, sed ut pater, qui in caelis est, glorificetur: non se, sed Deum uideri uult. Nemo enim, ut uideatur, sed, ut uisus aliquid consequatur gloriae, uideri cupit. Si autem gloriam non quaerit, aut non sibi, sed Deo quaerit, etiam si uideri cupiat, uideri non cupit. Hoc sensu Petrus 1. epist. c. 2. 12. Christianos bene uiuentes uult à Gentilibus uelle uideri, *conuersationem uestram inter gentes habentes bonam ut in eo, quod detrectat de uobis, tanquam de malefactoribus, ex bonis operibus uos considerantes glorificent Deum in die uisitationis.* Hoc sensu uidetur etiam mihi dixisse Christus, *Sic luceat lux uestra coram hominibus, ut uideant opera uestra bona;* quo loco, ut, non solum euentum, & consequentiam, sed finem etiam, causamque significat. Lucerna enim Apostolos comparauit. Lucerna autem eo animo accenditur, ut uideatur. Sed ut diximus, non ibi Christus insistit, porro progreditur, ut *glorificent patrem uestrum, qui in caelis est.*

18. *Nolite putare, quoniam ueni soluere legem.* Primum uidendum, quorsum hoc nunc Christus dicat: aut quomodo cum superioribus ista sententia cohaereat. Plerique putant ideo hoc Christum addidisse, quod iam tum à Iudaeis accusaretur, quasi legem solueret, aut quod se certe accusatum iri sciret: quod uidemus. Matth. 7. 29. & 15. 9. & Ioan. 9. 16. euenisse. Alii: quia ad perfectiorem legis interpretationem transitionem faciebat: monere uoluisset, ut uel ex eo intelligerent se non uenisse, ut legem solueret, sed ut impleret, id est, ut magis astringeret, & magis ad mentem legislatoris interpretaretur, *Audistis, inquit, quia dictum est antiquis: ego autem dico uobis.* Ita Chrysostomus, & Theophylactus. ueram mihi uidetur causam, quisquis fuit



Matth. 5.  
20.

fuit Auctor operis imperfecti, hom. 10. tetigisse. Dixerat Apostolis Christus, *Vos estis lux mundi*, & *Sic luceat lux vestra coram hominibus*, quod de uita simul, & de doctrina intelligendum esse diximus; docet nunc eos suo exemplo, quomodo uiuere, & docere debeant; debere eos legem melius seruare, quam hactenus seruata esset: melius interpretari, quam Scribæ, & Pharisei interpretarentur, ne existimarent licere sibi, quod Christi, id est, ipsius legislatoris discipuli essent, legem uiolare: sicut solent, qui ex familia principis sunt, omnibus poene legibus soluti esse. Ego ipse, qui legem condidi, non ueni ut soluerem legem, sed adimplerem, & *nisi abundauerit iustitia uestra plusquam scribarum et Phariseorum, non intrabitis in regnum celorum*. Sic sententiam sententia confirmatur. Nunc de uerborum sensu disputandum. Quomodo Christus dicit se non uenisse, ut legem solueret, sed ut adimpleret, cum re ipsa soluerit, & abrogauerit? Nam *lex & Prophecie usque ad Ioannem Baptistam* Matth. 11. 13. *& translatio sacerdotio necessarii fuit & legis translationem fieri* Heb. 7. 12. Adeoque legi contrarius est Christus, ut legem seruantibus Christus nihil proferat, Galat. 3. 2. Qui respondent ideo dixisse Christum se non uenisse, ut legem solueret, quia etiam si solutus erat, non per se, sed per Apostolos post reditum in celum suum solutus erat, quemadmodum dixit se non uenisse, nisi ad omnes, quæ perierant domus Israel Matth. 15. 24. non quod non propter alias etiam uenisset, sed quod alias non per se, sed per Apostolos suos ad fidem adducturus esset: ii, inquam, non uidentur animaduertere, quorsum Christus hoc dixerit. Voluit enim, ut paullo ante diximus, Apostolos exhortari, ut legem perfecte seruarent; quemadmodum ipse non uenerat, ut legem solueret, sed, ut adimpleret. Eodem ergo modo, quo ipse seruauit, Apostolos seruare noluit, eo modo quo abrogare uoluit, non per Apostolos: sed per se ipsum abrogauit. Verus igitur sensus

est Christum uenisse, non ut legem solueret, sed adimpleret. Primum, quia quamdiu lex uiuere debuit, impleam, licet nulla Deus lege teneretur, diligentissime seruauit, & ut Apostoli seruarent, curam habuit; & ipse, & Apostoli circumcisi sunt, ascendunt quotannis ad diem festum Ioan. 7. 8. Pascha celebrant. Marc. 14. 12. Quod enim accusatur, quod sabbata non seruet, quod eius discipuli in sabbato spicas uellant. Matth. 12. 1. 2. quod manus pransuri non lauent. Matth. 15. 2. calumnia erat Phariseorum, legem non ad legislatoris mentem, sed ad suam uoluntatem, & traditiones interpretantium, ut iisdem locis Christus coarguit. Secundo legem dicitur non soluisset, sed adimplere, quia bene interpretando perfecit. Cum enim dixisset, *Nō ueni legem solueri, sed adimplere*, quali declarare uolens, quomodo impleisset, addidit seueriores illas legis interpretationes, *Audistis, quia dictum est antiquis, ego autē dico uobis*. Ita Gregorius Nyssenus aduersus Iudeos, & Euthymius, & Theophylactus in commentarijs. Tercio legem impleuit, quia gratiam, per quam impleri posset, nobis, attulit. Prius enim, ut solet Augustinus dicere, iubeat, sed non iuuabat. Post Christi aduentum, & iuber, & iuuat. Antē corpus erat graue sine anima pondus, Christus gratiam, & Spiritum quasi animam indidit, qua mouetur, & agit. *Lex enim per Moysen data est, gratia autem per Iesum Christum facta est*. Ioan. 1. 17. Sic Augustinus lib. 17. contra Faustum. c. 5. & lib. 19. c. 7. & Chrysostom. hom. 16. Quamto, quia, quæ in lege promissa erant, exhibuit, quæ ceremonijs, & figuris adumbrata representauit, quemadmodum omnes ferē ueteres auctores interpretati sunt, Irenæus lib. 4. c. 27. & 67. & Tertullianus in libro de patientia, Hilarius cap. 4. Athanasius in serm. contra omnes hæreses, Cyrillus libro de adoratione in spiritu, & ueritate, Augustinus in quæst. noui testamenti quæst. 69. Conuenit, quod Christus dicit, Luc. 24. 44. *Hæc sunt uerba, quæ locutus sum ad*

Legem quō  
Christus im  
pleuit,

Lex quō  
per abro  
gat.

meos obo  
adimplere  
adimplere

Spiritus



ad vos, cum adhuc essem uobiscum, quoniam necesse est impleri omnia, quae scripta sunt in lege Moysi, & Prophetis, & Psalms de me. Hoc est, quod tam saepe solent Euangelistae, maximeque Matthaeus dicere, *Ut adimpleretur, quod dictum est per Prophetas*. Sunt, qui addant quoniam etiam alio modo legem implevit se Christum, quia pro temporalibus suppliciis, & praemiis, quae lex proponebat, aeterna proposuit. Itaque cum in lege, & Prophetis quattuor essent partes, promissa, & vaticina: praeccepta decalogi: ceremonialia, iudicialia, Christus omnia complevit. Promissa, & vaticinia, exhibendo, quae promissa quaque praedicta erant, praeccepta decalogi moralia, melius interpretando, ceremonialia, quae per ceremonias significabantur exhibendo ut pro circumcisione carnis baptismum & circumcisionem cordis, iudicialia, quia praemia, & supplicia corporea, & temporalia in spiritualia, & aeterna commutauit. Quo ergo modo legem abrogauit? non soluendo, sed implendo: non uiolando, sed perficiendo: sicut pictor (vt Theophylactus ait) inchoatae, & extremis tantum lineamentis adumbratae imagini dum extremam apponit manum, & colores adhibet, priorem imaginem abolet, nouam inducit. Abolet autem non dissoluendo, sed absolueno: non delendo, sed perficiendo. Quo autem sensu dicatur lex usque ad Ioannem tantum Baptistam durauisse, alia est quaestio, non hoc loco, sed infra cap. 11. 13. explicanda. Nunc satis est scire legem usque ad Ioannem tantum Baptistam durauisse, non quia per Ioannem abrogata, aut statim, vt ille praedicare, coepit, mortua est: sed quia agrotare tunc coepit, non multo post Christi mortem moritura. Abrogata lex est, quia per Euangelium perfecta eodem tempore abrogari coepit, quo Euangelium praedicari coepit, quo Euangelium uigebat: quoniam magis illa languebat: cum Euangelium est penitus praedicatum, illa est penitus abrogata.

Christus  
quomodo  
legem abro-  
gauit,

Lex quo te-  
pore abro-  
gata,

Significa-

18. Amen.) *אמן* Hebraice veritatem

Isa. 65. 16. Itaque Amen dico vobis, idem est, atque, In veritate dico vobis, vt Luc. 4. 2 s. Ioan. 16. 7. Duplicem habet usum: alterum, vt sit confirmatio eorum, quae a nobis, vel ab alio ante dicta sunt, vt Num. 5. 22. Deut. 27. 26. 1. Cor. 14. 16. alterum, ut sit affirmatio eorum, quae dicturi sumus, ut hoc loco, & alijs poene innumerabilibus. Prior usus in uetere testamento frequentissimus, in nouo rarus: Posterior frequentissimus in nouo: aut nullus, aut rarissimus in veteri. Causam esse arbitror, quod ueteris testamenti scriptores Hebraice loquerentur, noui Syriacae. Hebraice autem *אמן* potius confirmantis, quam affirmantis: Syriacae potius affirmantis, quam confirmantis sit. Graeci, Latineque interpretes Hebraicam dictionem usu notam retinuerunt. Quamquam Aquila *περισσώμενος*, Septuaginta *γένοιτο* aliquando venterunt, vt Hier. in epist. ad Sophronium, & in secunda ad Marcellam scribit.

Donec trāseat.) Donec pereat Psal. 101. donec dissoluatur. 2. Pet. 3. 10. id est, donec immutetur. Hebraismus *אין* saepe etiam in nouo testamento usurpatus G. *παρὰ χρόνον* Mat. 24. 3 s. & 26 39. 42. Marci 13. 31. Luc. 21. 33. sicut *παρὰ χρόνον* transferre pro *hihpael* *אין* Mar. 14. 36. Luc. 22. 42. & *μετα-τὸ χρόνον* ad Hebr. 7. 12.

(Caelum & terra.) Totus mundus, qui firmissimis fundamentis creditur stare. Hilarius, Caelum quidem & terram maximam, vt arbitramur, elementa esse soluenda, ceterum ne minimum quidem posse esse de mandatis legis insectum. Soluta scriptura similibus vti comparationibus. Psal. 71. 5. *permanebit cum sole, & ante lunam in generatione & generationem.* & uer. 7. *Orietur in diebus eius iustitia, & abundantia pacis, donec auferatur luna, & Psal. 88. 38. Thronus eius, sicut sol in conspectu meo, & sicut luna perfecta in aeternum, & testis in caelo fidelis Iere. 33. 20. 21, si irritum potest fieri pactum meum cum die, & pactum meum cum nocte ut non sit dies, & non sit nox in tempore suo, & pactum meum irritum esse poterit cum Dauid seruo meo.*

Idem



*Iota unum uel unus apex.*) Quidam interpretantur, Iota minimam esse litterarum, apicem minimam eius particulam in capite eius expressam, quasi dicat, ne minima quidem legis mandata, aut minimam minimi mandati partem solutum iri. Sed hæc interpretatio in Græca, & Hebraica lingua, qua Euangelium hoc scriptum est, itemque in Syriaca, qua Christus loquebatur, locum non habet, quia supra *Iota* apex non inscribitur. Apicem ergo vocat minimam litterarum partem, ut caput, aut caudam ipsius *iod.* rem scilicet minutissimam. Nam puncta tunc apud Hebræos, & Syros non fuisse nemo nescit. Genuit ex hoc loco littera *Iota*, licet omnium minima, maximam hæresim apud Irenæum lib. 1. c. 1. lege.

19. *De mandatis istis minimis.*) Quidam veteres auctores per minima mandata mortem uolunt & crucem Christi intelligi: quod mors & crux res abiecta contemptaque uideatur. quam tamen qui erubescit, saluus esse non possit. Ad hunc modum Hilarius, & alij, quorum Theophylactus meminit. De Cruce hic non agi manifestum est, quæ autem mandata Christus minima uocat, dubium. Quidam enim ad præcedentia referunt, ut August. lib. 1. de sermone Domini in monte, quasi dicat, qui soluerit unum de mandatis istis minimis, quæ ego ueni non soluere, sed adimplere. Videtur enim pronomen, *Istis*, illa, de quibus Christus locutus fuerat, demonstrare. Alij ad sequentia, ut Chrysostomus hom. 16. Auctor imperf. hom. 10. & Theophylactus, quod est probabilius, quia minima legis ueteris mandata erant ceremonialia, & iudicialia, quæ nolebat Christus post Euangelii prædicationem seruari, sed aboleri, & quia sequitur, *nisi abudauerit iustitia uestra plus quam Scribarum & Phariseorum, & audistis, quia dictum est antiquis ego autem dico uobis*. Ergo pronomen illud, *istis*, non eadem, de quibus locutus Christus erat, demonstrat: sed similia: similia autem, quia utraque minima uidebantur. Minima uero man-

data, de quibus dicturus est, vocat, non quod re uera, sed quod Phariseorum opinione minima, aut potius nulla essent, qui, ut ab oculis hominum tori pendebant, homicidium, quod oculis uidebatur, peccatum putabant: homicidij patrandi uoluntatem, quæ non uidebatur, forte non putabant.

*Et docuerit sic homines.*) Sic una est syllaba, sed magnam continet difficultatem, in eaque tota huius loci sententia uersatur. Hieronymus, & nonnulli interpretes noui exponunt, & *docuerit sic*, id est, quemadmodum ego dico, atque præcipio, quasi dicat, qui unum ex mandatis hisce minimis non seruauerit, quamuis doceat alios ea esse seruanda, tamen minimum futurum in regno cælorum. Cum qua interpretatione conuenit, quod idem Christus dicit. c. 23. 2. 3. *Super cathedram Moysi sederunt Scribæ & Pharisei: omnia ergo, quæcunque dixerint uobis, seruate & facite, secundum autem opera eorum nolite facere: dicunt enim, & non faciunt*. Eisdem enim hic Scribas, & Phariseos notare uoluit. Sed ideo hic sensus uidetur minus proprius, quia hoc loco Christus non solum Phariseorum vitam, sed etiam doctrinam reprehendit, *Audistis, quia dictum est antiquis, ego autem dico uobis*. Itaque melius omnes alij interpretes, ut Chrysostomus hom. in Matth. 16. & Auctor imperf. hom. 10. & Augustinus lib. 1. de ser. Domini & Gregorius lib. 19. in Job. c. 5. exponunt, *Sic*, id est, quemadmodum ipse facit, qui nec ipse seruat, & alios docet non esse seruanda.

*Minimus uocabitur.*) Minimum non nulli nullum interpretantur, ut Chrysostomus, & Theophylactus, ut opinor, quod absurdum iudicarent eum, qui hæc Christi mandata non obseruasset, aliquem in regno cælorum locum habere. Alii non nullum, sed minimum in regno cælorum futurum dicunt, quia non magna, sed minima mandata uiolauit, quorum transgressio ueniale peccatum est, Quæ interpretatio inde refutatur, quod quæ Christus Phariseorum opinione uocat

cat



cat minima, re ipsa maxima sunt. Nam qui homicidium non fecit, uoluit tamen facere, & qui adulterium non admisit, uidit tamen mulierem ad concupiscendum eam, quia eius iustitia non abundat plus quam Scribarum, & Phariseorum, in regnum celorum non intrabit. Tota sententia ex eo pender, quod uocetur hic regnum celorum, quod paullo post sumus explicaturi. Interim minimum ultimum, non nullum interpretor, ne emphasis huius nominis pereat, quam de industria uidetur Christus adhibuisse, qui ideo non nullum, sed minimum fore dixit, quia minima violauit mandata, utens elegante paronomasia. *Vocabitur* autem dixit pro, erit, ut supra ver. 9. nisi malimus interpretari, *vocabitur*, id est, pronuntiabitur, iudicis Christi sententia declarabitur, qua quantus quisque sit, apparebit.

In regno celorum.) Augustinus libr. 1. de serm. Domini, & Gregorius libr. 19. moral. cap. 5. & alij fere omnes regnum celorum hoc loco Ecclesiam vocari dicunt, ne, si uerum regnum celorum accipiat, illud sequatur absurdum, ut qui aliquod ex his uiolauerit mandatis, aliquo in regno celorum loco sit, cum paullo post dicat, *Nisi abundaueris iustitia uestra plus quam Scribarum, & Phariseorum, non intrabitis in regnum celorum.* Melius ut mihi quidem uidetur, Chrysostomus & Theophylactus regnum celorum resurrectionis, & ultimi iudicii tempus uocari putant. Tunc ergo, qui unum de mandatis istis minimis non seruauerit, minimus uocabitur, id est sententia iudicis declarabitur. Nec erit nullo loco, quia, & ipse resurget, & iudicabitur, sed erit ultimo, quia ei jectur in tenebras exteriores. Queritur a quibusdam, cur de ijs, qui magna mandata, nec faciunt, nec docent, & de ijs, qui docent, sed non faciunt, & de ijs, qui faciunt, sed non docent, & de ijs, qui minima docent, & non faciunt, aut faciunt, & non docent, Christus mentionem non faciat. Respondeo causam eius rei fuisse, quod

de solis Phariseis quaestio esset, qui ista, quae minima putabant, nec faciebant, & sic homines docebant. Si ergo, qui unum ex mandatis istis minimis non seruauerit, ultimo loco erit, id est, minimus uocabitur, qui non seruauerit maiora, ubi erit? & ipse ultimo loco. Erunt igitur pares, & impares: pares, quia uterque minimus, uterque ultimo loco. i. in inferno: impares, quia in illo ultimo loco, sicut & in primo, quod est caelum, mansiones multae sunt, & alij maioribus, quam alij supplicij afficiuntur, sicut qui in primo loco, id est, in caelo erunt, omnes erunt pares, quia eundem omnes denarium accepturi sunt. Matth. 20. 10. & impares, quia in domo patris mei mansiones multae sunt. Ioann. 14. 2. & quia alia claritas solis, alia claritas lune, alia claritas stellarum, et stella ab stella differet in claritate. 1. Cor. 15. 41. 42. pares honoris genere, impares specie, sicut omnes reges pares dignitate, & impares opibus, atque potentia.

20. Dico enim uobis.) Reddit causam cur dixerit, qui soluerit unum de mandatis istis minimis, quasi idem sit seruare, & non abundare eius iustitiam, plus quam Scribarum & Phariseorum.

*Nisi abundaueris.*) Nisi maior fuerit. Graecismus ἐὼν μὴ ᾤσιος & ὁσιος, aut Hebraismus רב לא רב

*Iustitia uestra.)* Legis obseruatio, quam Christus ipse iustitiam appellat, quia obseruatione mandatorum Dei iustificamur.

*Quam Scribarum, & Phariseorum.)* Qui ista minima esse dicunt. Nominat Scribas, & Phariseos, quia & doctores erant, & ceteris multo sanctiores habebantur, uide. c. 3. 7.

21. Audistis.) Quae sequuntur usque ad finem capituli intelligi non possunt, nisi illud prius intelligatur, de quo magna hoc loco inter interpretes uertitur quaestio: num Christus ueteri legi, an Phariseorum tantum interpretationi aliquid addat, cum dicit, *ego autem dico uobis.* Omnes haereticorum interpretes pro comperto habent (Spiritus enim sanctus illi opinor an Phariseorum inter-

Christus an  
ueteri legi,  
an Phariseo-  
rum inter-  
scri-



pretationi  
quippiam  
hic addat.

Scribarum, & Phariseorum traditio-  
nes, interpretationesque corrigere;  
eaeque de re impudenter ueteres aucto-  
res, quod aliter fenserint, reprehен-  
dunt. Idem scilicet olim alij haeretici  
Pelagiani docuerunt, ut libr. aduersus  
illos primo Hieronymus scribit, Ca-  
tholicus nescio an quisquam praeter  
Strabum, & nostro tempore nonnul-  
los, qui minore, quam Catholicos decet,  
cautione haeticorum legerunt  
commentarios. Nec inficior aliqua  
esse argumenta huius sententiae, quae  
aut minus doctum, aut minus con-  
stantem lectorem mouere possint.  
Primum ponderant illud in singulis  
mandatis repetitum uerbum, *dictum  
est*, quasi ideo dictum, non autem scri-  
ptum dixerit, quia non de lege, sed  
de Phariseorum traditione, explica-  
tioneque loquebatur. Deinde quod  
se illis Christus opponat, quasi per-  
uersis interpretibus bonum legislato-  
rem ueteri legislatori nequaquam op-  
positurus, siue ipse, siue Pater fuerit,  
qui Mosi ueterem legem dedit. Praete-  
rea, quod haec, quae hoc loco Christus  
addit, uetere lege continebantur. Non  
enim solum adulterium, sed etiam con-  
cupiscentia prohibebatur, *Non concu-  
piscas*, inquit, *uxorem proximi tui*. Exo-  
di. 20. 17. Testis D. Paulus, *Concupiscen-  
tia inquit nesciebatur, nisi lex diceret, non con-  
cupiscas*. Ro. 7. 7. non ergo Christus le-  
gi quicquam, sed interpretationi Pha-  
riseorum suam interpretationem ad-  
dit. Praeterea lex non iubebat odio  
inimicos habere, sed potius amare  
Exo. 23. 4. *Si occurreris boni inimici tui,  
aut a seruo erranti, reduc ad eum. Si uide-  
ris asinum odientis reiacere sub onere, non  
pertransibis, sed subleuabis eum*. Praete-  
rea cum Christus ab adolescente illo  
interrogatur, *quid faciendo uitam aeter-  
nam possidebo*? nihil aliud respondet,  
quam, *serua mandata* Lu. 18. 18. nihil  
ergo quod Christus adijceret, in le-  
gis mandatis desiderabatur. Denique  
nulla in Euangelio perfectio maior  
est, neque uero potest excogitari, quam  
diligere Deum ex toto corde, ex tota  
mente, ex tota anima, ex totis uiri-  
bus, atque id ipsum lex praecipiebat

Deut. 6. 5. Accedit, quod Christus di-  
cit uer. 20. *Nisi abundauerit iustitia ue-  
stra plus quam Scribarum, et Phariseo-  
rum, non intrabitis in regnum caelorum*,  
quasi indicans se non legem, sed Pha-  
riseorum interpretationem uelle cor-  
rigere. Multa etiam Christus dicit di-  
cta fuisse antiquis, quae in lege non re-  
periuntur, ut illud uer. 21. *Reus eris iu-  
dicio*, & illud uer. 33. *non peierabis*, & il-  
lud uer. 43. *Odio habebis inimicum tuum*.  
Viderant ista, ut opinor, ueteres au-  
ctores, incredibili tamen omnes con-  
sensu docuerunt Christum legem ipsam  
ueterem coequisse adiunctis ijs,  
quae ad perfectionem Euangelicam de-  
siderabantur, non quod lex in suo ge-  
nere perfecta non fuerit, sed quod mi-  
nus perfecta, quam Euangelium; pade-  
agogum enim fuisse Iudaeis, tanquam  
pueris rediret erudiendis adhibitum,  
donec melior magister Christus fir-  
mioribus iam ingenijs perfectiora  
proponeret. Atque ad hunc modum  
praeter alios, de quibus uerf. 18. dixi-  
mus Christum legem implexisse, quia  
addidit, quae in illa desiderabantur.  
Sic Irenaeus lib. 4. ca. 27. Tertull. libr. de  
patientia, Clemens Alexandrinus lib.  
6. Strom. Hilarius, can. in Matth. 4.  
Epiphani. aduersus Ptolomaitas haer.  
33. Basil. hom. in Psal. 14. Chrysostom.  
16. in Matth. Auctor imperfect. hom.  
11. Ambros. ser. 5. in Psal. 118. Hieron.  
in epistola ad Gerontium de mono-  
gamia, Chromatius, Theophylactus,  
& Euthymius in commentarijs ad  
hunc locum. Quorum sententiam non  
solum eorum fractus auctoritate, sed  
maioribus etiam in hanc partem ar-  
gumentis impulsus uerissimam iudi-  
co. Primum ut haeretici expendunt  
uerbum illud, *dictum est*, ego contra  
expendo, quod sequitur, *antiquis*, id  
est illis, quibus Moses legem dedit,  
quasi Moisaicis, & legalibus homini-  
bus Christianos, Euangelicos op-  
ponat, ego autem dico uobis. Enim uero  
si de solis Phariseorum traditioni-  
bus, interpretationibusque loqueretur,  
non diceret, *audistis, quia dictum  
est*, quasi ipsi ab eo, qui dixit non au-  
diuerint, sed ab alijs, qui audierant,  
acceperunt.



acceperint. Sed dixisset simpliciter, *Audistis, non occides*, aut, dictum uobis est, non occides, qui aut occiderit reus erit iudicio. Nec nemini Scribarum, & Phariseorum eos reprehendens percussit, sed disertè dixisset, audistis, a Scribis, & Phariseis. Hac. n. libertate semper vsus uidemus Christum. *caute* (inquit) *firmè*, id est doctrina Phariseorum, & Sadduceorum, Matth. 16. 6. 11. 12. Nec antiquos uocare potest eos, qui paullo ante fuerant: nec. n. Pharisei multo ante Christi tempora, ut ex Iosepho colligitur, exierunt. Deinde, quia multa Christus corrigi hoc loco, quæ constat non à Phariseis introducta: sed in lege expressa esse, quale est illud uer. 31. *Quicumq. dimiserit uxorem suam, det illi libellum repudij.* Deut. 24. 1. quid, quæsc, hic Pharisei corrumperant? Christus tñ corrigit, *ego aut dico uobis*, & illud uer. 33. *non perieritis.* Lex. n. dicit Leuit. 19. 12. nec id Pharisei corrumpebant. Nam q̄ dicunt solitos docere Phariseos non peccare, qui per cælum, aut terram iurarent, uer. 33. refutabimus. Quod autem Christus Matth. 23. 16. Phariseos reprehendit, q̄ dicerent, *qui iurat in templo, nihil est, qui aut iurat in auro templi, tenetur*, diuersum est. Nec. n. Christus falsam in illis legis interpretationem reprehendit, quod si facere uoluisset, non illo, sed hoc loco utiq. dixisset. Nec. n. lex per templum iurare prohibebat: Christus primus prohibuit, sed reprehendit auaritiam, a qua, qui per templum iurabant, absoluebant: qui per aurum, dānabant, quasi magis auro, q̄ Dei honore tangerentur. Præterea, ubi lex dicebat, ut, si quis te in unam maxillam percuteret, illi alteram uerteres, aut quæ Phariseorum culpa erat, quod non ita, cum lex non diceret, interpretarentur: cum nunc Christo ipso docente uix capere possumus? ubi scriptum erat, ut tollenti nobis tunicam, & pallium dimitteremus? Non ergo legem tantum interpretatur Christus, sed nouam cōdit legē, nouam affert doctrinā. Præterea illud, *Diligite inimicos uestros*, ubi lex dicit? Nam quod affertur ex Exod.

23. 4. *Si occurreris boui inimici tui, nihil est, loquitur. n. de Iudæo, cum quo Iudeus inimicitias gerere prohibebatur.* Itaq. , qui illic inimicus dī, Deut. 22. 1. frater appellatur, *non uidebis bouē fratris tui, aut ouem errantem, & præteribis, sed reduces.* Cum aut de ueris loquitur inimicis, non solū odio habere, uerū etiam delere iubet, *Delebis nomen eius sub cælo, & aue ne obliuiscaris*, Deut. 25. 19. In Euangelio neminē oīno odisse licet, neminem priuata auctoritate delere. Deniq. uidemus Christum hoc loco præmia, suppliciaq. ueteris legis amplificasse. Quam ob rem, nisi quia perfectionem legis auxit? Ex ijs, quæ diximus, qui aliquo sunt ingenio, quo modo contrariis argumentis rñdere oporteat, non difficulter colligent, non pigebit tñ rudioribus rñdendi modū ostendere. Quot obiicitur primo loco nō dixisse Christum scriptum est, sed *dictum est*, nimium est leue. Nā aut nihil in eo uerbo mysteriū est, cum videamus Euangelistas his duobus uerbis sine discrimine uti, *sicut dictum est per Prophetas*, & *sicut scriptū est*, aut siquid est in eo uerbo mysteriū, non id est, quod hæretici putant, sed quod Chryl. & Theophy. adnotauerunt, ne si patrem, a quo id dictū erat, nominaret, se illi, aut opponere, aut etiam antepone uideretur, si se, qui etiam ueterem legē dederat, inuidiam in se auditorum concitaret: aut, ut ego suspicor, non se sibi, aut patri, sed Mosi tacitè opponit. Nam etsi lex uetus a Deo data erat, tñ quia populus non à Deo, sed à Mose eam acceperat, eius auctor Moses uidebat. Lex, inquit, *per Moysen data est* Io. 1. 17. & *nonne Moyses dedit uobis legem, et nemo ex uobis facit legem?* Io. 7. 19. Deniq. Lex Mosi appellatur Luc. 2. 22. & 24. 44. & Ioan. 7. 23. Act. 13. 38. & 15. 5. & 28. 23. & quæ in lege scripta atque præcepta erant, Moyses scripsisse, ac præcepisse dicitur Io. 8. 5. & 1. 45. Se igitur Christus tacitè opponit Mosi, cum dicit, *ego aut dico uobis*, sed noluit cum ad uiuandam inuidiam nominare. Atq. hac ratione non solum primum, sed secundum etiam argumentum facitè soluitur.

H Testum



Tertium sic, non dubium, quin concupiscentia in ueteri lege prohiberetur; sed multò minus expressè atque præcisè quàm à Christo hoc loco prohibetur. Lex quippe tm̄ dicebat, non concupisces uxorem proximi tui, sed non dicebat eum, qui impudicis oculis aspiceret, adulteri teneri. Quartum paullo ante aliud agentes obiter soluimus. Docuimus. n. legem præcepisse quosdam publicos non solum odisse hostes, sed penitus etiam abolere. Atq. eò hoc loco Christus alludit, cum dicit, *ego aut̄ dico uobis, diligite inimicos uestros, benefacite ijs, qui oderunt uos*, ver. 44. In quinto, solum probatur non omnia, quæ ad legem Christus adiecit, esse præcepta, quod negandū nō est, pleriq; enim, ut suo dicemus loco, consilia sunt Euangelica, ideoq. Christus ab illo adolescente tantum exigit, ut mandata seruet, si tamen Euangelicam perfectionē sequi uelit, uendat uniuersa, quæ habet, & det pauperibus, seq. sequatur, hoc est, quod hoc loco dicit, pallium etiam dimittere, ut nudum Christum, nudus sequere. At quæ maior perfectio, quàm Deum ex toto corde diligere? respondeo magis ex toto corde diligere. Nam qui sic diligit, ut nullius rei amor, Dei præponat amorem, ex toto corde Deum diligit: qui propterea relinquit omnia, quæ habet, & Christum sequitur, quemadmodum Apostolos fecisse legimus, magis ex toto corde diligit. Vno dicam uerbo, diligere Deum ex toto corde est eum ita diligere, ut non etiā idola, non aliud quidpiam ei contrarium diligamus, ut Deut. 6. 5. & exposuimus, & probauimus. Hanc perfectionem Deus ab Abrahamo requirebat, cum dicebat, *Ambula coram me, & esto perfectus* Gen. 17. 1. Quod autem Christus dicit, *Nisi abundaueris in iustitia uestra plusquàm Scribarū & Phariseorū, non intrabitis in regnum celorū*: non ideo dicit, ut eorum doctrinam, sed ut eorum uitam reprehendant, cum alio loco dicat, *super cathedrā Moysi sederunt Scribæ, et Pharisei, uñ a ergo, quacūq. dixerit uobis, seruare & facite: secundū aut̄ opera*

*eorū nolite facere, dicunt enim & non faciunt*. Matth. 23. 2. Ideo etiam dicit, quia Pharisei adeo se legi addictos esse profitebantur, ut si quid melius atq. perfectius Christus doceret, longè reijcerent. Neq. verò nego Scribas, & Phariseos multis in rebus male interpretatos fuisse legē. Scio enim monuisse discipulos suos alibi Christum, ut ab eorum fermento, id est, doctrina, cauere. Matth. 16. 12. Tantū dico Christum hoc loco non id agere, ut Phariseorum traditiones, aut interpretationes reprehendar, sed, ut additis partim præceptis, partim consiliis Euāgelicis legē perficiat. Quod postremo loco obiectum est, multa hic, quasi antiquis dicta, à Christo recitari, quæ in lege non reperiuntur. ver. 21. 33. & 43. refutabimus.

*Reus eris iudicio*) Adnotarunt quidam ex Talmudicis traditionibus tria fuisse apud Hebræos tribunaia. Primum Triumuirum, in quo de minutissimis disceptaretur causis. Secundum, in quo uiginti tres iudices de causis maioribus, itemq. capitalibus cognoscebant. Tertium, in quo unus, & septuaginta lecta uiri de rebus grauiissimis, maximeq. publicis, ut de pace, de bello, de falso propheta, de summo sacerdote iudicabant. Primum uocatum fuisse פסוקא, iudicium: secundum, סדרה סופה ספיון cōfessum uoce à Græcis usurpata: tertium magnum cōfessum, sicut Galli magnū regis consilium appellant. Verum id quidem, quod de triplici tribunali tradunt: quod autem de nomine, & causarum cognitione; non omnino verum. Nam perspicuum ex hoc loco est capitalium causarum cognitionem ad iudicium pertinuisse, cum homicida reus dicatur esse iudicij. Itaque alterutrum necesse est, aut in primo tribunali etiam capitales causas fuisse tractatas; aut quod est uero similis, primum & secundum tribunal iudicium, tertium סדרה סופה ספיון Syndrium appellatum. Confirmat hanc opinionem, quod postquam Christus Syndrium nominasset, quasi id est apud Iudæos ultimum tribunal, non

Tria apud  
Iudæos tri-  
bunaia.



non habens aliud, quod præterea nominaret, Gehennam ignis nominavit. Quid autem sit reum esse iudicii, interpretes non consentiunt. Quidam idem esse putant, quod dignum esse, ut in iudicio eius exploretur causa, ut Aug. lib. 1. de serm. Domini in monte, & Gregorius lib. 21. in Job c. 4. Alii melius, ut Euthym. & poeta Iuuenus reum esse poenæ capitalis, quæ contra homicidas in iudicio decernebatur. Hanc interpretationem ideo priori præfero, quia capitalis homicidæ poena non iudicium decernebatur arbitrio, sed iure constituta erat, quam iudices mutare non poterant Levit. 24. 21. & Num. 35. 16. 17. 30. Et quia uidetur Christus significare uoluisse eum, qui in Euangelio sola occidit uoluntate, non minore dignum esse poenâ; quam qui re ipsa occidebat in lege, leuissimamque Euangelii poenâ gratissimâ, id est capitali poenâ legis æqualem esse. Vbi scriptum erat in lege, *Reus eris iudicio*? Respondeo Christum non legis uerba: sed sensum recitare. Scriptum autem erat, ut paulo ante indicauimus, ut homicida moreretur.

21. *Qui irascitur.*) Constat non omnem iram esse peccatum, nam non modo alii uiri sancti, verum etiam D. Paulus Act. 23. 3. & Petrus Act. 8. 26. & Christus ipse Matth. 15. 7. & 22. 18. & 23. 1. 13. 14. 15. 23. 29. fuisse uidentur irati. Quæ res effecit, ut interpretes uarias huius sententiæ explicationes quærent. Quidam Græci codices legunt *ἐν ᾧ*, temerè sine causâ, quam lectionem, qui secuti sunt, facile responderunt, non omnem iram, sed eam, quæ iustitia, quæ causâ, quæ ratione caret esse peccatum; Christum uero, & Apostolos iratos quidem fuisse, sed non sine causâ. Sequuntur autem Irenæus lib. 4. cap. 27. Iustinus in epistola ad Zenam, & Serenum de uita Christiana, Chrysostomus. hom. 17. Auctor imperfecti. homil. 2. Aug. lib. 1. de serm. Domini, Theophy. Euthym. in comment. Sed eam lectionem neque nosster interpres secutus est, & meri-

tò mihi uidetur Hieronymus reprehendere. Primum, quia non esset uera sententia. Sicut enim nemini iusta etiam de causâ priuata auctoritate licet occidere, ita nemini, quamuis iusta de causâ, licet irasci. Deinde quia, etiam si sententia fuisset uera, Christus tamen hoc loco non dixisset. Nec enim locus erat aptus moderandæ hac adiectione sententiæ, ubi maximè uolebat iræ culpam exaggerare. Deinde quia, si quæ erat adhibenda moderatio, potius ad illud uerbum superioris uersus *non occider*, adhibenda erat, quàm ad uerbum irascendi, quia grauius peccatum est sine causâ occidere, quàm sine causâ irasci. Alij sicut respondent, cum ratione irasci nullum; sine ratione, ueniale peccatum esse. At Christus dicit eum, qui sic irascitur, reum esse iudicii, id est capitalis poenæ, quam certè non meretur ueniale peccatum. Res ita expediui potest. loquitur Christus accommodatè ad homicidium, de quo agebatur, & iram uocat non omnem appetitionem uindictæ, quæ admodum a philosophis diffinitur: sed eam propriè, quæ tendit ad homicidium. Voluit enim dicere non solum eum, qui re ipsa, sed eum etiam qui sola occidisset uoluntate, reum esse iudicii: sicut uer. 27. & 28. dicit non solum eum, qui re ipsa adulterium patrauit: sed etiam, qui patrare uoluit, adulterum esse. Voluntatem igitur occidendi iram uocat, quæ siue cum causâ, siue sine causâ sit, in priuata persona sine grauissima nunquam est culpa. Neque hoc modo Christus, aut Apostoli unquam irati sunt. Nam quòd Petrus uidetur Saphiram iratus occidisse Act. 5. 9. non ira, sed religione, non ut priuatum hominem, sed ut Dei ministrum fecisse credendum est.

*Reus eris iudicio.*) mortis æternæ quam iudicium uocat, ut conuenienter loquatur Iudæorum consuetudini, qui *ὁ δὲ θῶς* dignum, aut reum iudicii appellabant eum, qui morte dignus erat: sed illi de corporis, Christus de animæ morte loquebatur.

H 2 sup.



Augēt enim Christus peccatorum supplicia non augendo: sed delatando. Nec propterea Euāgelicum iugum legis iugo grauius. Quia nec peccata magis augēt: sed maiora, quam in lege putabantur, esse declarat, nec minoribus peccatis maiores minatur pœnas: sed peccatorum exposita grauitate grauiores, quam apparebant, pœnas exposuit. Quin multò leuius, quia etsi peccata magis indicat, tamen indicata curat; Lex minus indicabat, nullo modo curabat Rom. 8. 3.

*Qui autem dixerit fratri suo raca.)* Ignoratio linguæ variâ hoc loco interpretationes peperit. Quidam graues etiam auctores Chrysostomus, & Theophylactus docent *raca* Syriacâ linguâ idem esse, quod *Tu*, nihilque aliud hic significari, quam parum honorificam, & asperam locutionem, ut cum seruo dicimus, *Abi tu*. Idem Euthymius dicit, nisi quod non Syriacâ, sed Hebraicâ dictionem facit. Hoc nec in Græcis auctoribus, qui ab Hebraica, & Syriacâ linguâ fuerunt alienissimi, mirandum est: nec imprudenter credendum. Scimus enim necque Hebraicè, neque Syriacè eiusmodi esse pronomen. Nihilò uero similis, quod August. lib. 2. de serm. Domini scribit nonnullos docuisse *raca* vocem esse Græcam, hominemque pauperem & pannosum significare. *pânos* enim Græcis pannum esse Matth. 9. 10. Probabilius, quod idem eodem loco dicit Augustinus se ab Hebræo quodam, quem ea de re consuluerat, accepisse non nomen, sed irascentis interiectionem esse, qualem apud Latinos, *Hem*, quodque Gregorius lib. in Job. 21. c. 4. & Rupertus in cometa. probauerunt, quodque, & Græcus, & Latinus interpres videntur existimasse, quia ut Augustinus adnotauit, propterea credibile est eos ipsam dictionem integram reliquisse, quasi nihil aliud, quam naturalem uocem ira commoti hominis significantem. Hoc, inquam, probabile; sed illud, quod alij tra-

dunt, meo iudicio probabilius *אקא* Chaldaicâ, aut Syriacâ esse uocem, quæ ab Hebraicâ tantum linguâ manauerit. *אקא* enim Hebræi leuem, & inconstantem hominem appellant Iudic. 17. 3. 2. Reg. 6. 25. 2. Paral. 13. 7. Vnde factum, ut *אקא* homo minimè iudicij a Thalmudicis, ut quidam obseruauerunt, vocari soleat; quod propriè quidem hominem uacuum, & inanem significat, qui quamuis idem esse atque stultus multis uideatur: tantum ab illo distat, quantum Latine, leuis. Ita sententia bene coheret. Certum enim est Christum peccatorum, & pœnarum gradus tres distinguere uoluisse: quorum primo secundus: secundo tertius maior esset. Primus est ira in uerba non erumpens: secundus contumeliosum uerbum ex ira proficiens, quo frater leuis: tertius magis contumeliosum, quo fatuus, aut stultus appellatur. Quod autem interpretes Syriacâ dictionem non conuerterint, non ideo factum esse existimo, quod interiectio sit. Nam & interiectiones solent uertere, ut *אמן* a. a. a. Ierem. 1. 6, & 14. 13. Ezech. 4. 14. & 20. 49. & Ios. 1. 15. sed, aut quod locutio esset uulgo tunc adeò vsitata, ut, si uerteretur, uim & gratiam amitteret: quemadmodum si uertissent, Amen, aut quod non satis certis de eius significatione noluerint præiudicium lectoribus afferre. Quod sexaginta sepe interpretes Latini aliquando fecisse in eorum Idiomatis adnotamus.

*Reus eris concilio.)* *רעו סודו פלד* tertio tribunali, quod concilium, aut consilium potest appellari: ad uerbum autem confessus: per concilium autem capitalem pœnam, quæ in eo statui solebat, intelligit, ut uer. 22. per ciuilem in autem capitis pœnam sempiternam animæ mortem intelligit, sed, ut antè monuimus, loquitur accommodatè ad consuetudinem iuris. Dubitabit aliquis, quomodo per iudicium, & per cōciliū capitalem pœnā intelligat, cum manifestū sit tres pœnâ-



Quattuor  
pœnarū ca-  
pitalium ge-  
nera apud  
Hebræos.

pœnarum gradus uelle distinguere. Respondeo gradus quidem distingue-  
re, non genus. Nam utrobique capita-  
lem, sed in iudicio leuiorem, in concilio  
grauiore iudices pœnam consti-  
tuebant, quemadmodum grauiore ad  
consilium, quam ad iudicium causæ de-  
ferebantur. Scitum est quattuor apud  
Iudæos capitalium pœnarum fuisse ge-  
nera, triangulationem, gladium, lapi-  
dationem, combustionem, ut in libro;  
ספדסס notatū est. Sic etiam Christus  
& eum, qui irascitur, & eum, qui fratrem  
suum leuem, & eum, qui stultum appel-  
lat, eadem inferni pœna, non eadem  
pœnæ grauitate dignum docet. Miran-  
tur, ut ait Chrysost. multi hominem,  
qui fratrem leuem, aut fratrem appella-  
uerit, sempiternæ mortis cōdemnari,  
cū tertio quoque uerbo alij alijs id  
dicere soleamus. Primum non debet  
consuetudo peccandi pœnæ admiratio-  
nem afferre. Nam & eos, qui temere iu-  
rant, damnari non miramur. Quid au-  
tem tam usitatum? Augere, non leuare  
consuetudo peccandi pœnam debet:  
quæ auget non leuat culpam. Deinde  
non omnis, qui irascitur, & qui fratrem  
suum leuem, aut stultum appellat, cōtinuò  
dānatur, sed qui ita irascitur, & appel-  
lat, ut his ueluti gradibus ad homici-  
dium ascendat. De ijs, n. non tanq̃ de  
affectu & uerbis, sed tanq̃ de inijs ho-  
miciij loquitur Christus, *Audistis,*  
*quia dictū est antiquis, non occides, ego*  
*autē dico uobis.* Non ergo qui ioco, non  
qui subita animi cōmōtione sine cōdis  
appetitione, & sine uolūtate grauē in-  
ferendi contumeliā fratrem stultū appel-  
lat, cōtinuò æternæ mortis tenet reus.

Vnde nomē  
gehenæ.

*Reus eris gehennæ ignis.* Gehennon  
id est uallis Ennō, ut Ben-Ennon, filij  
Ennom, locus erat amœnus, & fontis  
Siloe aquis irriguus iuxta Ierosolymā  
ad radicem montis Moria, ut Hieron.  
scribit, & constat Ios. 14. 8. & 18. 16. uo-  
cabatur autē גהנון uallis Hennom a  
possessore. Eo loco, uel quia amœnus  
erat, uel quia impius habebat dñm, fa-  
ctus est locus ad colendū Moloch no-  
bile Ammonitarū idolum, quē non-  
nulli Saturnū fuisse putant; caprumq;  
infantes crudeli impietate cremare.

4. Reg. 16. 3. & 17. 17. 31. & 23. 10. & 2.  
Par. 28. 3. & 31. 6. Vocatus est post ea  
locus Theophrasti. 4. Reg. 23. 10. Is. 30.  
33. Ier. 7. 31. 32. & 19. 6. 11. 12. 13. à ri-  
tu, ut quidam putant sacrificandi, q̃ in-  
tigrum dum infantes cremabūtur, tym-  
pana pulsarentur, ne parentes eorum  
audientes uagitus dolore tangeren-  
tur. Tympanum. n. Hebraicè תוף appel-  
lari. Inde factum creditur, ut infernus  
gehenna uocaretur, quod ignibus in  
ea sempiternis damnati cremantur.  
Credibile iam Christi ætate usitatum  
fuisse, ut ita uocaretur, utitur. n. Chri-  
stus eo nomine, tanq̃ vulgò noto, et-  
si, ut Hieron. in c. Matth. 10. obserua-  
uit, neminem in sacris litteris aucto-  
rem ante Christū usum legimus. Ad-  
didit autem epithetum ignis, & ut pœ-  
narum qualiterem declararet, & ut  
grauissimā omnium, quæ apud Iudæos  
esse diximus, pœnarum cremandi ho-  
mines, alludere, cum alias gehennam  
simpliciter uocare soleat, ut infra. uer.  
30. & c. 10. 28. & 23. 15. 33. & Marc. 9.  
43. & Luc. 12. 5.

23. Si ergo offers munus tuum ad altā-  
re) Rem Deo maximè gratam inchoa-  
tam iubet relinquere, ut fratri reconci-  
lietur, quia misericordiam Deus uult  
non sacrificium Ose. 6. 6. Matth. 9. 13.  
& dilectioni quodam modo sui proxi-  
mi dilectionem anteponit.

*Et ibi recordatur fueris.* Magnam  
Emphasim habet ibi, Ibi in ipsa ara. I-  
bi stans coram Deo. Non solum inter  
Iudæos, sed etiam inter ceteras gen-  
tes imperfectum relinquere sacrifi-  
cium magnum piaculum habebatur  
adolefcentem nescio quem Valerius  
laudat, quod, cū sacrificanti Alexan-  
dro acerram teneret, brachium sibi  
exuri passus sit, ne interrupti sacrificij  
reus esset.

Lib. 3. ca. 3.

*Habet aliquid aduersum te.* Senten-  
tia postulare uidebatur, ut diceret:  
Et ibi recordatus fueris, quod ha-  
bes aliquid contra fratrem tuum. Si  
enim frater meus habet aliquid ad-  
uersum me, id est, si me odit, non ego  
illi, sed ille mihi reconciliari debet.  
Nonnulli hæc uerba uicissitudinem  
significare putant, Quemadmo-

H 3 dum



dum si diceret, & ibi recordatus fueris, quod frater tuus habet aliquid aduersum te, & tu aduersus illum, Euthym. Alij maiorem perfectiorem prescribi, uelleque Christum, ut non solum, cum alios laesimus, sed etiam cum ab illis laesi sumus, relicto sacrificio priores reconciliationem quaeramus. Melius Chrysostomus hom. 17. & Auctor imperf. August. & Hieronym. fratrem habere aliquid aduersum nos esse habere iustam contra nos querelam, quod a nobis iniuriam aliquam acceperit, quemadmodum in Apocalypsi Ioannes loqui solet. c. 2. 4. Iubet ergo prius iniuriae satisfacere, deinde sacrificium offerre, & Deum placato prius fratre placare. Refertur enim haec de ea, quae paulo ante dixerat, *Qui dixeris fratri tuo raca, & qui dixeris fatue*, quasi dicat, si ibi recordatus fueris, quod dixeris fratri tuo raca, aut fatue, aut aliquam aliam feceris iniuriam; relinq. ibi munus tuum ante altare, & uade, reconciliare prius fratri tuo: quod, ut Augustinus ait, non ita intelligendum est, quasi semper ad fratrem ire debeamus. Sanctum id quidem consilium, & cum caritas efflagitat, praecipuum etiam necessarium: plerumque tamen affectibus potius, aut effectibus, quam pedibus ire debemus. Affectu, iniuriam, si quam nos ab illo accepimus, condonantes odiumque remittentes: effectu, iniuriae, si quam ille a nobis accepit, satisfacientes. Hoc est praecipuum, illud consilium. Loquitur autem Christus de ueteribus Iudaeorum sacrificijs, quae tunc etiam uigebant, sed quod de illis dictum est, multo magis, de Eucharistiae sacrificio intelligendum; quod & unionem cum fratribus significat, & reconciliationem cum Deo facit. Vnum enim corpus multi sumus, quicunque de uno pane participamus. 1. Cor. 10. 17.

25. *Esse consensiens.* (ἐὐνοῶν, beneuolus. Tertullianus in lib. de patientia, beneuolentiam habeto, Hilarius. can. 4. beneuolentia reconciliare.

*Aduersario tuo.*) Quis hic aduersarius intelligatur, multas Hieronym.

in commentarijs opiniones recitat; nec omnes tamen enumerauit. Carpocratiani hinc suam *αὐτεμύχουσι*, id est animarum in idem corpus remigrationem probabant. Carcerem enim corpus aduersarium bonum Angelum interpretabantur, qui in hoc officium a Deo creatus esset, ut animas, quae officio suo in corpore bene non essent functae, in corpus reuocaret, quoad omnes officijs paries expleant. Auctor Tertullianus libro de anima, & Epiphanius. har. 27. Haec somnia opus non est refutare. Alij malum angelum intelligunt, duos enim cuiusque datos homini, bonum alterum, qui ad bene, alterum malum, qui ad male agendum solliciti. Origenes homilia in Lucam, 35. Alij carnem, quae repugnat aduersus spiritum, Athanasius. q. 62. & Luuencius poeta, quod & Hieronymus uidetur approbare. Alij conscientiam, quae nos tanquam grauissimus aduersarius accusat, Athanasius eodem loco. Alij diabolum, ut Tertullianus in libro de anima. Alij Deum, aut eius legem, quae nos apud eum accusat, ut Augustinus lib. 1. de ser. Domini & in quaest. noui testamenti q. 7. & Nouatus in lib. de humilitate, & patientia. Alii eum, qui conatur nobis aliquid adimere, quia sequitur, *dimittite ei & pallium*, Basilii in regul. breuioribus. int. 22. Alij eum, de quo paulo ante dixerat, *uade prius reconciliari fratri tuo.* (Hilar. can. 4. Ambros. lib. 7. in Lucam. c. 12. Auctor imperfecti homil. 11. Hier. in comment. Atq; hic uerus est sensus, id enim postulat consequentia sententiae, ut aduersarius appelletur is, qui habet aliquid aduersum nos, Aduersarius igitur noster est ille, quem laesimus, quem raca, aut stultum appellauimus, qui actionem apud Deum contra nos habet. Via est huius uitae tps, iudex Christus, qui dicturus est, *qd uni ex his minimis meis fecistis, mihi fecistis*: minister daemon malus, qui in torquendis damnatis Deo ministrum praebet, carcer infernus, quadrans minima culpa. Erat .n. quadrans minimus nummus, duo continens minuta; itaque ad ultimum quadrantem soluere.

Matth. 25.  
40.



soluere, pro summo iure puniri, pro uerbo dicebatur. Poterit aliquis dubitare, quomodo frater a nobis laesus, sit nos iudici traditurus, cum & ipse sit iudicandus. Hec una ratio mouit Augustinum, quod minus hanc interpretationem sequeretur, sed non debuit meo iudicio mouere. Loquitur enim Christus accommodatè ad hominum morem, & forensem consuetudinem, ubi, qui iniuriam accepit aduersarium coram iudice sistit; non quod nos affectus iniuria frater apud Christum sit accusaturus. Tradet etiā nos iudici, quia eius causa trademur; tradet non ipse, sed pro illo diabolus, qui etiam condonata nobis a fratre refricabit iniuriam. Quod autem dicit nos inde non exituros, donec ultimum quadrante persoluamus; nō significat, ut ait Augustinus, exituros postea; sed nunquam exituros, quia, qui in inferno sunt, cū semper debitas penas soluant, quia pro quolibet mortali peccato infinitas penas debent, nunquam persolunt. Itaque eodem sensu hoc loco dictio illa, donec, accipienda est, quo supra. c. 1.2.5. Luc. c. 12. 59. pro quadrante minutum dixit, quæ quadrantis media pars erat; sed sententia eadem est, utraque enim phrasi minimum debitum significatur. Cetera etiam paullo aliter narrat, sed facilis solutio: non eadem erat concio.

28. *Qui uiderit* ) ὁ βλέπων, qui aspiciat: non enim significatur, qui casu in mulieris vultum oculis incurrit, sed qui impudico in eam animo oculos iniecit.

*Mulierem*) uxorem alterius, quia sequitur ἐμνηστεύειν, mæchatus est, quod non simplicem, ut uocant, fornicationem: sed adulterium propriè significat. Quanquam per vnā speciem totum genus intelligit.

*Iam mæchatus est.* ) Iam adulteriū commisit, minus tamē peccauit, quā si rem ipsā patrauisset.

29. 30. *Si oculus tuus dexter.* ) Quia si oculus, & manus propriè sumantur, & absurda, & crudelis uidetur esse sententiā, plerique ueteres interpretes me-

taphoricè sumpserunt. Quid autē per oculum dextrum, quid per sinistrum, quid item per manum dextram, quid per sinistram intelligatur, ipsis inter se non conuenit. Alij oculum dextrū mentē, sinistrum corporis sensum: manum dextram uoluntatem, sinistrā carnis appetitum interpretantur. Nō solum igitur corporis sētum, appetitūq; refrēnandum, sed superiores quoque animæ partes mentem, & uoluntatem, si rectæ non sint, quodam modo refecandas, & a nobis abiiciendas esse, Auditor imperf. hom. 12. Alij per oculum dextrum, & manum dexteram idem significari, mulierem amicam; quia paullo antè dictum est, *qui uiderit mulierem ad concupiscendum eam*, Chryf. hom. 17. Alij oculum dextrum dilectū amicum, manum dexteram coadiutorem, & necessarium ministrum, Aug. lib. 1. de ser. Domini, & Euthy. in hūc locum. Alij tā per oculum, quā per manum dexteram eos omnes intelligunt, qui nos arctissima, aut cognationis, aut familiaritatis cōiunctione contingunt, quos debemus, si nos a Deo alienār, a nobis repellere, Hilar. can. 4. Athan. q. 70. Pacianus epist. 3. aduersus Nouatianos, Cyrillus lib. 12. in Io. c. 28. Anast. q. 73. Saluianus. li. 3. de p. uidentia, Theophyl. hoc loco. Probat Pacianus ex simili sententia, quæ legitur Deut. 1. 3. 6. 7. 8. *Si tibi uolueris persuadere frater tuus filius matris tuæ, aut filius tuus vel filia, siue uxor quæ est in sinu tuo, aut amicus, quem diligis, ut animam tuam, clam dicens, eamus et seruiamus dñs alienis, quos ignoras tu, & patres tui, ne acquiescas ei, nec audias, nec parcat ei oculus tuus, ut miseraris, & occultes eū, sed statim interficies, sit primum manus tua super eum.* Alij animæ affectus intelligi uolunt, quos D. Paulus ad Col. 3. 5. quæ ex corpore proficiuntur, membra corporis appellat, mortificate, in it, membra uestra, quæ sunt super terram, fornicationem, immunditiam, libidinem, auaritiā, Hiero. in cōment. Mihi perire uidetur sensus, & energia, gratiaq; locutionis si aliud, quā uerum oculum, uerāq; manum intelligamus. Est. n. elegans



exaggeratio, a chirurgorū arte desumpta, qui, cum per unum membrum totum periclitatur corpus, ut corpus cōferuent, membrum excindunt. Propterea duas partes corporis, & nobis carissimas, & maximē necessarias oculos, & manus, & ex ijs dexterā potius, quā sinistram, quā magis amamus, quāq; magis indigemus, Christus nominavit. Nec absurda sententia est. Non. n. vult, vt manus ipsi nobis amputemus, aut oculos euamur: sed, vt in exaggerationib. fieri solet, intelligatur exceptio si fieri posset, aut liceret; Quemadmodum dixit D. Paulus ad Gal. 4. 15. *Testimonium. n. perhibeo vobis, quoniam si fieri potuisset, oculus vestros eruissetis, & dedissetis mihi.* Potuit. n. vtrique, sed non licuit. Significat ergo Christus quoduis potius damnum debere nos subire, quā culpam. Eo quidem usque, vt uel oculum dextrū, dextramq; nobis manū rescindamus, si aliter peccatum effugere non possumus: sed quia semper possumus, nefas est aliquā nobis corporis partem amputare. Origenem, & alios, qui se se seruandae castitatis causa exsecuerunt, ab Ecclesia damnatos legimus.

31. *Quicunq; dimiserit.* Quod apud Theologos disputatur, num in ueteri lege uxorem, quā gratia non esset uiro, dimittere, praeceptum, an priuilegium fuerit, ex his paucis uerbis finiri potest. Non enim dicit dimittat uxorem: sed, si dimiserit, det illi libellum repudij: ne ipsa libertatis causa maritum fugisse videatur, & ut alteri sine ignominia possit nubere. An autem repudium, tanquam bonum, concessum, an tanquam minus malum, ad uitandum maius permissum fuerit c. 19. 8. commodiorem dicemus locū. Libelli autem repudij exemplum Deut. 24. 1. ex Hebraeorum traditionibus expressimus, & multi hoc loco ponunt.

32. *Excepta fornicationis causa.* Nō concedit Christus etiam fornicationis causa libellum repudij dare, quemadmodum, & uerba ipsa, & perpetuus Ecclesiae usus declarat. Nam neque Christus dicit det illi libellū repudij, pri⁹ q̃ fornicationis causa dimittit, q̃ impi-

mis dicendum fuerat, vt repudiandi licentiam frenaret: si quidem uoluisset, fornicationis causa dimissam nubere posse, vt noui docent haereticī: cū lex, quae in concedendis diuortiis multo erat liberior, hoc in ipsum licentiae signum iniiceret, ut multi graues auctores adnotauerunt. Et Ecclesia libellum repudij non nouit: ut quae de Iudaeis audiuit, *ad duriciem cordis concessit hoc uobis Moyses.* Sed hunc Lutheranorū, & Calvinistarum errorem. c. 19. 9. refutabimus. Illud hoc loco disputandum, num sola fornicationis causa uxorem dimittere Christianis liceat: Quidam ob omnia peccata, quae in scripturis fornicatio uocari solent, licere putant, ut sentire vt Origenes tract. in Matt. 7. & Aug. lib. 1. de ser. Domini, & Strabus hoc loco. Sed istud est nimis dilatare sententiam, q̃ uideamus Christum maximē restringere uoluisse, & maiorem penē Christianis dimittere dārū uxorū, q̃ Iudeis dare licentia: oīa. n. ferē peccata fornicatio uocatur, q̃a per ea a Creatoris auerimur amore, & ad creaturarum amorē conuertimur. Quare & ipse Aug. li. 1. retract. c. 19. hoc retractat: se uisus est, saltē de eo dubitasse. Quid ergo? nōne multae sunt causae, quib. iustius, q̃ ob adulterium uxor dimittat? sūt planē, peius n. est haereticā, aut paricidā, q̃ adulterā esse. Id ē D. Paulō haud obscure colligitur: cum. n. iubet, ut, si mulier infidelis consentit habitare cū marito fidei, retineat. 1. Cor. 7. 12. vult etiam, vt, si non consentit, ciuiatur. Non consentit autem, quae nō vult cum marito salua religione habitare. Tunc igitur erucendus oculus, tūc dextrā manus rescindenda, proculq; reicienda, ut Pācianus interpretatur. sed ne liberum cuique esset causas fingere dimissionis, tres potissimum Ecclesia diffiniuit: primam, si uxor Sodomitica esset. capit. maritus. de adulter. secundam, si haeretica, capit. quāsiuit. de diuortiis. tertiam, si maritum ad aliud quod graue peccatum trahere conetur. eodem capitulo. Cur ergo Christus solam excepit fornicationem? Tribus, vt opinor, de causis, prima, quod propter solam fornicationem absolu-

Ob quas causas uxor a Christiano dimitti potest

te,



te, & in perpetuum vxor dimittatur, ita ut etiam si sese dimissa correxerit: maritus si nolit, resumere non debeat. Nō enim dimittitur, ne faciat: sed quia fecit iniuriā: non ut culpam corrigat, sed ut toto vitæ tempore culpe penam luat. Cum autem alijs de causis dimittitur, non absolute non in perpetuum: sed ad tempus dimittitur: dum se dimissa, & afflicta corrigit: dum insipiens resipiscit, ut ad maritum redeat, si ad mentem redierit. Secunda, quia adulteram volentem etiam cum marito manere, seseque corrigere, dimittere tamen maritus potest: quia, ut diximus, in pœnam violatæ conjugalis fidei, non in correctionem dimittitur: alijs verò vitijs deditam, emendari tamen volentem; marito dimittere non licet, id antiquæ eruditionis auctor Rupertus animaduertit. Tertia, quod alia dimittendæ uxoris causæ propriæ non sint matrimonij, sed omnes communes consortij. Nam siue uxor, siue familiaris, siue cognata, siue foror, siue mater sit: si auctor nobis peccandi est, longè est à nobis remouenda: adulterium causa est uxori dimittendæ propriâ matrimonij; quia conjugalem fidem uiolat, quæ basis quodam modo matrimonij est, itaq; quia contractus civilis est, matrimonium soluit. Ius enim est maxime naturale: ut ei, qui contractus conditiones non seruat, contractus rescindatur. Restat, ut ait Augu. sacramenti maius uinculum, quod non adulterium: sed sola mors soluit. Quid, ergo dicit aliquis, Christus hoc loco addidit legi? Multa omnino. Primum, quod in lege propter adulterium uxor non dimittebatur: sed aut comburebatur ueteri exemplo Genes. 38. 24. aut lapidabatur Leuit. 24. 10. Ioan. 8. 5. certe tollebatur à medio Dan. 13. 42. Hoc Christus iustulit; ueterem. n. abrogans legem non iussit adulteram mori: sed dimitti permisit. In quo Calvinistæ, dum se seueros impudiciæ uindices uolūt ostendere: & se hereticos, & uxores suas sæpe adulteras ostendūt. Addidit præterea, quod noluit etiam adulterij causâ dimissa libellum repudiij da-

ri, quo segriores in dimittendis uxoribus essent uiri, si scirent nec sibi, nec uxori licere alias tentare nuptias: sed solis, dum uterque uiueret, esse uiuentum. Addidit, quod innumerabiles causas, quibus in lege uxorem dimittere licebat, rescuit. nam quacunque fere de causa uxor uiro non placuisset, dimittere licebat Deut. 24. 1. solam quæ fornicationem exceperat. Addidit, quod cum in lege semel dimissam uir reuocare non posset: in Euangelio reuocari non quidem iussit: sed optauit. *Maneat, inquit, Paulus innupta, aut uiro suo reconcilietur. 1. Cor. 7. 11.* Addidit, quod cum in lege uxorem uiro, non uirum uxori dimittere liceret: in Euangelio parem uiri, & uxoris causam esse uoluit. Quod etsi ipse hoc loco non expressit, expressit tamen pto illo D. Paulus. 1. Cor. 7. 10. 11.

25. *Non perjurabis.*) Frustrâ a nonnullis laboratur, ut rationem inueniant, cur à præceptis secundæ tabulæ ad præcepta primæ reuertatur: nec enim ordinem in dicendo seruare uoluit: sed res dicere, ut occurrerent. Quærent hæreticorum interpretes, ubi hoc in lege scriptum sit, quod cum codicem scriptum uerbis non inueniunt, Phariseorum interpretationē, non legis sententiam fuisse dicunt. Sic licet non animaduertunt Christum non uerba, sed sensum legis recitare. Quod enim quidam hæc ipsa uerba *non perjurabis* ex Leuit. c. 19. 2. sumpta esse putant: nec ipsi animaduertunt Hebraicè non esse *לא תשבע שקר* non perjurabis: sed *את שם יהוה אלהיך לא תשבע* nō iurabis in uanum, ut Exo. 20. 7. & Deut. 5. 11. dicitur non assumes nomen Dei in uanum: assumere autem nomen Dei in uanum est peccare, quia *שם* apud Hebræos, sicut uanum apud Latinos utrumque significat, & quod non necessarium, & quod falsum est. Atque ita non solum R. Abraham Exo. 20. 7. sed etiam noster interpres Leuit. 19. 12. & Christus hoc loco interpretatur.

*Raddes autē Domino iuramēta tua.)* Hanc etiā putant heretici additionem esse



esse Phariseorum: sed uerba ipsa præferunt sententiam esse legis: quia tanquam antithetum præcedentium verborum legis recitantur, & in Numer. cap. 30. 3. eodem sensu, quamuis pluribus verbis scriptum est, *Si quis virorum uotum Domino uenerit, aut se constrinxerit iuramento, non faciet irrum uerbum suum, sed omne, quod promissum sit, implebit.* Hoc est illud Psalm. 23. 4. *Qui non accepit in vanum animam suam* (eius, Dei, id est, qui falsum per Deum uiuentem non iurauit) *non iurauit in dolo proximo suo.* Cum autem due sint iuramentorum species, altera qua præterita confirmamus, altera qua futura promittimus, vnā pro toto genere posuit speciem, ut versu etiam. 29. adnotauimus.

An liceat  
aliquando  
iurare,

34. *Non iurare omnino.* Multos hæc uerba non intellecta fecerunt, ut existimarent nunquam omnino Christiano licere iurare, ut hodie Anabaptistæ docent, & patrum nostrorum memoria Viclefistæ docuerunt. Error antiquus. Nam & Hilarius Syracusanus ille in epistola ad Augustinum, quæ inter Augustini epistolas 88. est, narrat quosdam Syracusis in ea hæresi fuisse, ut nunquam per Deū iurandum uirarent; Pelagianorum genus fuisse, & ex alijs ipsorum erroribus, quæ simul in ea epistola recitantur: & ex Augustini responsione epistola. 89. q. 5. colligitur. Quin & Origenes tract. in Matth. 35. prope ab eo errore uidetur abesse. Errandi causa fuit, quod non animaduertierint illud aduerbium *omnino*, nō genus, sed formam significare. Non enim prohibet vlllo tempore, aut vlllo casu: sed vlllo modo ullaque forma iurare, neque per Deum, neque per cælum, neque per terram, neque per sanctam ciuitatem, neque per caput nostrum iurare, ut statim addidit explicans, quod dixerat, *omnino*. Eodemque modo Iacobus c. 5. 12. exponit. *Ante omnia, fratres mei, nolite iurare, neque per cælum, neque per terrā, neque aliud quodcunque iuramentum.* Aliam quoque uim habet, *omnino*, quam paulo infra explanabimus. Licere autem Christia-

nis, ubi, quando, & qua ratione oportet iurare, & perpetuus Ecclesia usus, & sanctorum docent exempla. Iurauit enim Paulus Rom. 1. 9. 2. Corin. 1. 23. Philippen. 1. 8. 1. Thessal. 2. 5. 10. iurat angelus Apocal. 10. 6. Quod enim Pelagiani illi dicebant non iurasse Paulum, quia nō dixit per Deū; sed coram Deo, aut testis est mihi Deus, quem ipsi, ut putabant, imitantes omnibus modis Dei nomen polluebant, maximeque iurantes non iurabant, modo ab una syllaba, per, linguam abstinere: ridendum potius est, quàm refutandum. Quid ergo Christus addidit legi? Quidam id, quod hic dicitur addidisse, crediderunt, ut per Deum quidem, cum ratio, æquitasque postulat: per creaturas, per quas Iudæis, ne per Deum iurarent, iurare licuisset, nullo modo, nullo tempore iurarem, Hilarius. can. 4. Cyrillus lib. 5. in Isai. cap. 65. Chrysostom. homi. 17. Hieronym. & Theophylactus in commentarijs. At non probatur id Iudæis licuisse. Itaque multi recentiores interpretes, non lege, sed Phariseorum opinione, interpretationeque licitum fuisse dicunt. Quod & ipsi nihilo magis probant: & nos uer. 21. confutauimus. Credibilius non licitum, sed consuetum Iudæis fuisse per cælum, per terram, per sanctam ciuitatem, per templum iurare, ut colligitur ex c. 23. 16. Qui autem per templum iurauerit, nihil est. Nihil igitur hoc loco aliud Christus legi addidit, nisi quod expressit, quæ in lege expressa non erāt. In lege enim tantum dictum erat. *Non assumes nomen Dei tui in vanum,* Christus addit, non solum nomen Dei: sed neque nomen cæli & terræ, aut alterius creature in uanum assumes. Addidit etiam, quod, cum illis legis uerbis, *Non assumes nomen Dei tui in vanum,* solum prohiberetur per iurium; ipse nō solum periurium, sed uerum etiam, non tamen necessarium prohibuit iuramentum. Cur autem prohibuerit sine necessitate, licet uerè, iurare: non prætermittenda hoc loco quæstio est. Plerique ueteres auctores

Deut. 5. 11

Deut. 5. 11

Christus etiam  
omnino iurare prohibuit,



Atores uidentur in ea fuisse sententia, ut existimauerint non propterea precipue prohibuisse, quodd sine necessitate uerum iurare peccatum sit; sed ne sepe iurando uerum, aliquando falsum iurarem, ut ait Sapiens Eccl. 2. 3. 9. *Iurationi non assuecat os tuum; multus enim casus in illa*, & ver. 12. *Vir multum iurans replebitur iniquitate, & non discedat a domo eius plaga.* Sicut prohibetur garrulitas & multiloquium, quia in multiloquio non deest peccatum. Prouerb. 10. 19. Sic Clemens Alexandrinus. 7. Strō. Chrysosto. homil. in Matth. 17. Auctor imperfecti. homil. 12. Basil. hom. in Psalm. 14. Ambros. serm. 14. in Psalm. 118. August. lib. 1. de sermone Domini & in Psalm. 88. & 109. Hieron. Zachar. 8. uideturque ea sententia ex uerbis Iacobi. c. 5. 12. confirmari. *Sit sermo uester est, est, non non: ne sub iudicio decidatis.* G. *ἵνα μὴ ὑποπίσιν πρὸς τὴν*, ne in iudiciū id est cōdemnationē incidatis: quasi dicat, ne sepe iurando, aliquando peieritis, & in peccatum, quo condemnemini, incidatis: verum enim verō contrarius est sensus Ecclesie, & ex hoc ipso loco manifestum est Christum non ad uitandum maioris peccati periculum, sed quia ipsum per se peccatum est iuramentum non necessarium, uetuisse: curenim neq; per cælum, neque per terram iurare nos uelit, rationem reddit; non, ne frequenter iurando aliquando peieremus; sed quia ille thronus Dei est: hoc scabellum pedum eius; & irreuerentiæ culpa est ponere in cælum os nostrum, & linguam nostram transire per terram, ut, quod Psalm. 72. 9. alio sensu dictum esse non ignoramus, in hanc sententiam accommodemus. Atque hæc mihi uidetur esse uis illius aduerbi, *omnino*, quasi dicat, *Audistis, quia dictum est antiquis, non periurabis*, id est, non iurabis falsum: Ego autem dico uobis, *non iurare omnino*, id est, ne uerum quidem iurare; intelligitur autem sine necessitate, quia alludit ad alteram significationem uerbi *אין* in uanum, id est frustra, sine causa, sine necessitate.

*Neque per cælum, quia Thronus Dei est.* Colligitur ex hac ratione Christi, etiam creaturis, quatenus ad Deū referuntur, aliquem non solum uerba nitatis, ut noui dicunt hæretici, sed etiam religionis honorem deberi. Nam sicut iurare per aliquem, quando, & quomodo non oportet, actus est religioni contrarius: ita quando oportet, & quomodo oportet iurare, actus est religionis. Propterea iussit Deus non per nomina falsorum Deorum, sed per nomen suum iurare Deut. 6. 13. propterea *Laudabuntur, qui iurant in eo* Psal. 62. 12. Si ergo per cælum, & terram iurare religio est, quia illud thronus, hæc scabellum pedum Dei est, quanto magis per Petrum, per Paulum, perque ceteros sanctos, & beatos uiros, qui templū Dei sunt? Quod si hic illis religionis debetur honos, & ceteri eiusdem generis debentur, ut eos ueneremur, ut in fra Deum, ut Dei seruos, templumque colamus; nam neque cælo & terræ religionis honorem tribuimus, quod Deus, sed quod aliquid Dei sint. Impius igitur & imperitus Lutherano- rum, & Caluinistarum error est, nulum, nisi Deo religionis honorem tribuentium.

35. *Neque per Ierosolymam, quia ciuitas est magni regis.* Dei, qui est rex regum, & Dominus dominantium. 1. Tim. 6. 14. Apocal. 19. 16. vocat autem regē potius, quā Dominum aut Deum, quia alludit ad regem Iudæ, qui Ierosolyma regiā habebat. Addit *magni*, ut ab eo distinguat. q. d. quia ciuitas sancta est, ut supra. c. 4. 5.

36. *Neque per caput tuum iuraueris, quia non potes unum capillum album facere, aut nigrum.* Quia de cælo dixerat, *quia thronus Dei est*, de terra, *quia scabellum est pedum eius*, de Ierosolyma, *quia ciuitas est magni regis*; ne putaremus saltem per caput nostrum iurare licere, quia nostrum est: addidit, *neque per caput tuum iuraueris*. Reddit autem aliam, quam in ceteris rationem. Nam per alia iurare prohibuit, quia aliquid habent ex ministerio, quod Deo exhibent, sanctitatis: per caput,



caput, quia quamuis nostrum sit, nostrum non est: nostrum, quia à Deo quasi utendum accepimus, & ad tempus possidemus, non nostrum, quia non solum ipsum non fecimus: sed ne unum quidem eius capillum aut albam, aut nigrum facere possumus.

Alio etiam sensu per caput, quam per cœlum & terram iurare uetat. Nam cum per cœlum & terram iuramus, tanquam per res aliquas sanctitatem habentes iuramus: cum per caput nostrum iuramus, non propriè iuramus, sed tanquam rem nostram deuouemus. Hoc ipsum Christus prohibet, quia quod nostrum esse putamus, minime est nostrum, cum nequaquã in nostra sit potestate, & iniquum omnino est rem alienam deuouere. Est uero simile Iudæos per caput suum iurare ex Græcis & Latinis, quibus cum uersabantur, didicisse. Nam apud illos illa iurandi forma usitata erat *ἐν τῷ κεφαλῇ*: apud hos, Per caput hoc iuro, ut ille apud poetam ait. Christiani nunc, O impietatem, non per suum, sed per Dei caput, perque omnia eius membra iurare solent. Scilicet capiti suo parcent, Dei capiti non parcent.

37. *Sit autem sermo uester Est, Est, Non, Non, uel, uel, &c.* Etiam, Etiam, Non, Non, Quod quidam noui dixerunt interpretes per interrogationem & responsum legendum esse, ut sentus sit, cum aliquis interrogauerit uos, sit ne aliquid, nihil aliud respondeatis, quàm, Est. Cum interrogauerit, an non sit, nihil aliud quàm non hoc, inquam, ego nullo prorsus modo probare possum. Quid enim si id, de quo interrogor, an sit, non sit? an mentiens respondebo, Est: D. August. in Enchiridio, c. 7. & 21. *Sensum inquit esse dicamus, id est, ut semper uera loquamur.* Alii quod promiseritis uos facturos facite, quod non facturos ne facite, ut loquitur D. Paulus. 2. Corin. 1. 17. 18. *nunquid leuitate usus sum, aut quæ cogito, secundum carnem cogito, ut sit apud me Est, & Non: fidelis autem Deus; quia sermo noster, qui fuit apud uos, non est in uilo, Est, &*

*Non.* Sed hæc duæ interpretationes ex materia sermonis refutantur. Non enim id hoc loco Christus agebat, ut aut uera semper loqueremur, aut constantes in promissis præstandis essemus, sed illud, ut ab omni iuramenti specie abstineremus. Itaque necesse est, ut hæc uerba *Est, Est, Non, Non*, iuramento, non mendacio, aut leuitati opponantur. Sensus ergo est, cum dicendum erit, *Est*, id est affirmandum, ne affirmetis iuramento, sed simplici affirmatione dicentes, ita est. Cum aliquid negandum, ne iuretis non ita esse, sed simpliciter dicite, *non* id est non ita esse. Ita Chrysostom. in hunc locum, & Hieronymus in epistola ad Celantiam de institutione matris familias, & Rabanus apud D. Thom.

*Quod amplius est, à malo est.* Quid hic appellet malum, magna etiam est interpretum dissensio. Alii à malo est, id est ab eo proficitur, qui simpliciter affirmanti non credit, itaque incredulitatis eius uitium à loquente iuramentum extorquet, Augustin. lib. 1. de sermon. Domini in monte. Alii à malo, id est ab infirmitate Iudæorum, quibus, ne per Deum iurarent, per creaturas iurare concessum erat, Chrysostom. Hanc opinionem, ver. 34. confutauimus. Alii à malo, id est à Diabolo, qui iurandi consuetudinem induxit, Theophylact. Atque hic mihi uidetur germanus esse sentus, & quia non dicit *ἐκ τοῦ κακοῦ*, sed *ἐκ τοῦ πονηροῦ* à maligno, quo nomine diabolus uocari solet, ut infra. c. 6. 13. & cap. 13. 19. & quia addidit articulum, quasi dicat, quod amplius est, à maligno illo introductum est, & quia tacita inter se, & diabolum uitiur antithesi. Dixerat, *ego autem dico uobis, non iurare omnino*, sed simplici uti sermone, *Est, Non.* *Quod enim amplius est*, id est iuramentum, quod ad simplicem affirmationem, uel negationem adiungitur; non ego dico, non ego doceo adiungere, diabolus est, qui docet, quique ad iurandum instigat, eius hoc est inuentum iam sæpe, tamque temere iurandi.

Virg. 9.  
Aeneid.

Don. 14.  
Rom. 12.  
Lec. tal.  
ma. Co.  
the. fuit.



38. *Oculum pro oculo.*) Reddat, qui alterius oculum eruit. Ipsa verba sunt legis Exodi 21.24. Leuit. 24.20. Deut. 19.21. Sed non recitat, nisi legis initium, quod cetera nota essent, quod & hodie iuris periti faciunt. Erat autem lex talionis maximè, ut Philosophi docent, naturalis, & omnium gentium opinione iustissima, ut quod quisque fecisset, idem pateretur. Itaque inter leges illas duodecim tabularum, quæ quasi natura erant documenta, una huic erat similis his concepta uerbis, *Si membrum rupit meum, ex parte talis esto.* Extat de hac re apud Aristotelem 5. de moribus ad Nicomachum libro, & apud Gellium libr. 20. inter Sextum Cæcilium Iureconsultum, & Phaurinum Philosophum subtilis, & bene longa disputatio. Hic etiam hæretici falluntur, quod existiment Scribas, & Phariseos docuisse licere unicuique suarum priuatim iniuriarum apud iudicem ultionem persequi, cum hæc talionis lex non priuatis hominibus, sed magistratibus, ne pœnæ modum aut excederent, aut non attingerent, quasi regula data esset. Nam priuatis quidem hominibus contra dictum esse Leuit. 19. 18. *non quaras ultionem, nec memor eris iniuriæ ciuium tuorum.* At neque probari potest hoc Phariseos docuisse: nec, si docuissent, non licuisse priuatis hominibus ius suum apud iudicem persequi. Si enim ius erat, iustum erat, & unicuique licet, quod iustum est, iuris ordine apud iudicem postulare. Nam & in Euangelio licet. Nec lex illa talionis solis iudicibus, ut regula: sed multo magis priuatis hominibus, ut pœna, qua ab homicidio, & cæde detererentur, data erat, ut rectè Chrysostomus, & Augustinus adnotarunt. Quid ergo Leuit. 19. prohibetur? non ius, sed ultionem quærere. *Mihi enim vindicta, & ego retribuam.* Quid igitur Christus adiecit legi? primum hoc ipsam, quod talionem sustulit, quæ hominem solo pœnæ metu continebat, ne aliis manus inferret, ut Hilarius, Chrysostomus hom. 8. Auctor imperfecti, hom. 12,

Euthymius, & Theophylactus obseruarunt. uoluit enim nos non metu, tanquam seruos, sed amore, tanquam filios, bene agere. *Non enim accepimus spiritum seruitutis iterum in timore, sed accepimus spiritum adoptionis filiorum Dei.* Roman. 8. 15. Lex namque iram operabatur, Rom. 4. 15. Euangelium gratiam, quia gratia per Iesum Christum facta est, Ioan. 1. 17. Præterea addidit, quod non solum docuit nos non expetere uindictam: uerum etiam patienter iniurias tolerare: nec tolerare modo, sed optare, sed illis gloriari: denique percuidenti nos in una maxilla, alteram obuertere: uolenti tunicam nobis tollere, & pallium relinquare. *Non solum,* inquit D. Paulus, *sed & gloriamur in tribulationibus nostris,* Roman. 5. 3. ut obseruauit Hilarius. Addidit, quod cum lex tantum ramos, ipse uitiorum etiam radices excidit. *In lege* (inquit Hieronymus) *retributio est, in Euangelio gratia. Ibi culpa emendatur, hic peccatorum auferuntur exordia.*

39. *Non resistere malo.*) Hoc etiam loco Chrysostomus homilia 18. Theophylactus, & Euthymius per malum diabolum intelligunt, puto quod & eodem utatur nomine, *πονηρόν*, & τὸν articulum adiungat. Quid ergo? docet ne nos non resistere diabolo, cui Iacobus cap. 4. 7. & Petrus. 1. epistola. capit. 5. 9. iubent, ut fortes in fide resistamus? Respondent resistendum quidem, sed non hoc modo; non ultionem quærendo; hoc enim non est resistere, sed manus illi dare. *Ignis,* inquit, *non igne extinguitur, sed augeatur.* Alij interpretantur malo, id est iniuriam facienti. Alij putant malum non personam, sed rem malam significare. Et ex ijs alij sextum esse casum, quasi dicat, ne malum pro malo reddamus: sed uincamus in bono malum Rom. 2. 17. 21. & 1. Pet. 3. 9. Alij tertium, quod ego iudico probabilius. Malum enim uocat iniuriam, quæ nobis infertur, cui iubet non resistere, sed nos potius illi excipiendæ paratos exhibere: & cum in una maxilla plagam, aut colaphum accipimus, alteram uertere.

Deut. 32. 35  
Rom. 12. 29  
Lex talionis a Christo sublata.



vertere. Disputat Augustinus libro 2. de sermone Domini in monte, neque Christum, neque quamvis perfectos Apostolos hoc seruasse. Nam neque Christus unam percutienti coram iudice maxillam, alteram uertit: sed si non manu, lingua tamen restitit. *Si bene locutus sum, quid me cedis? si autem male, testimonium perhibe de malo*, Ioan. 18. 23. & Paulus etiam iussu iudicis percussus non solum alteram maxillam non praeuit: sed, quantum potuit, utique restitit, & iniuriam insuper addidit, *Percutiet te Deus paries dealbate*, Act. 23. 3. Cæsus autem virgis, & in uincula coniectus ius suum minaciter persecutus est, Act. 16. 37. *Cæsos nos publice indemnatos homines Romanos miserunt in carcerem, & nunc oculis nos eiciunt: non ita, sed veniant, & ipsi nos eiciant*. His exemplis intelligimus, aut, quod hoc loco Christus docet, non esse præceptum, aut non esse ita, ut uerba sonant, intelligendum. Nam si, aut præceptum esset, aut ad uerbum intelligendum, & Christus, & Paulus ad uerbum utique seruassent. Partim ergo præcepti, partim consilij est. Præcepti hæc sunt; primum, ut uindictam non queramus. Deinde, ut potius alteram maxillam re ipsa ueriamus, id est, alteram accipiamus iniuriam, quam acceptam ulciscamur. Præterea, ut animo parati simus ad remittendum de iure nostro, quandoque id caritas, & Dei gloria videbitur postulare. Consilij autem est, ut quamuis neque caritas, neque Dei gloria id a nobis exigat: mortificationis tamen nostræ causa ad uerbum hæc omnia faciamus: non quidem irritantes aduersarium ad inferendam iniuriam, sed nos ipsos ad excipiendam inuitantes. Sic Laurentium dixisse traditur, *asatum est iam, uersa, & manduca*.

Ambr. l. 1.  
Offic. c. 41.

*Sed si quis te percusserit in dexteram.*) Quod dexteram potius maxillam, quam sinistram nominauerit, cum colaphus in sinistram prius, quæ ad dexteram cedentis manum est, quam in dexteram impingi soleat, ut disputat Augustinus, nullum videtur aliud

esse mysterium, quam quod cum uellet dicere, si quis te percusserit in una maxilla, uerte illi, & alteram: pro una, & altera, dextram, & sinistram expresso manus nomine dicere maluit, & quia prius dextram, quam sinistram solemus nominare: non cadendi, sed loquendi consuetudinem secutus est. Sicut scriptura loqui solet, *Non declinabis ad dexteram, neque ad sinistram*, Num. 20. 17. & 22. 26. Deuter. 2. 27. & 5. 32. & 17. 11. & 28. 14. Neque uspiam legimus, ad sinistram, & dexteram. Itaque Lucas. cap. 6. 29. simpliciter dixit, *& qui te percusserit in maxilla, præbe ei, & alteram*. Notanda autem est Christiana, & elegans antithesis: legem talionis, oculum pro oculo: patientiæ, ut ita dicam, talionem opponit, ut pro accepta iniuria iniuriam alteram accipiamus. *Ego autem dico uobis, si quis te percusserit in dexteram maxillam, præbe illi, & alteram*. Hoc scilicet erat, quod Ethnici olim non intelligentes dictitabant hanc legem Christi omnem Rempublicam euertere: impunitatem enim perditis hominibus peccandi dari, ut Marcellinus ad Augustinum scribit epistola 4. Quasi uero Respublica non firmiter stet patientia, quam ui: uirtute, quam legibus. Præterquam quod Christus non ligat hoc loco iudici manus, quo minus in homicidas, & ceteros sceleratos homines animaduertat: nec ita legem illam abrogat, ut ea iudex uti non possit: sed ut non cogatur. Nam & Christiani iudices oculum pro oculo, dentem pro dente exigunt, cum homicidas mori cogunt. Sed priuatis hominibus uelut manicas iniicit: ne, dum sua manu iniuriam repellere conantur, duplicent iniuriam: nec puniendi potestatem tollit, sed peccandi occasio nem præcidit.

41. *Et quicumque te angariauerit.*) *ἀγγαρεύσει*, neque hoc Græcum, neque illud Latinum genere suo uerbum est, utrumque a Persis, ut nonnulli adnotauerunt, originem traxit, apud quos publici nuntij, aut cursores angari uocabantur. Ijs publica potestate quoscumque homines ad ferenda

onera



onera, cogere, quosuis equos, quasuis naues licebat usurpare. Vnde factum, ut & Greci & Latini angariare dicerent, id est aliquem cogere soluta mercede, uel ad onera portanda; uel ad uiam pramonstrandam, quemadmodum Simonem illum Cyrenæum ad gestandam Christi crucem angariatum legimus cap. 27. 32. Itaque merito id Christus numerat, aut inter beneficia, quæ alijs prestamus, si sponte facimus, aut inter iniurias, quas ab illis accipimus, si coacti.

*Vade cum illo & alia duo.* ) ὁ παρὰ μετ' αὐτοῦ δύο, abi cum eo duo, sub. millia passuum. Noster interpres fortasse legit, ἀλλὰ δύο, alia duo, quæ efficiunt tria millia. Nisi, ut nonnulli suspiciantur, aut ipse aut alius quispiam addidit postea illud alia. Melius sententia constabit, si non legatur; manifestum enim est Christum dicere voluisse duplicem accipiendam iniuriam, ut cum dixit, *Si quis te percusserit in dexteram maxillam, præbe illi & alteram.*

42. *Quis autem petiit a te, da ei.* ) Id est, quisquis sit, qui petiit a te, da ei, ut apparet ex Luca. 6. 30. *Omni petenti te tribue.* Quibus uerbis non iubemur nullum inter pauperes habere discrimen; præferendi enim sunt, qui magis egent. Neque bona nostra in omnes, qui quacunque ratione petierint, effundere, neque facultatum nostrarum rationem non ducere, nec amicos inimicis, cognatos alienis pares facere. Habet caritas ordinem suum, qui postulat, ut parentibus potius, quam alienis, ut amicis, quam ignotis subueniamus. Quem ordinem perficere haud dubie uoluit Christus, non euertere. Tantum ergo prohibetur *προσωποληψία* personarum, ut uocatur, acceptio, quæ iustitiæ, non caritati contraria est. Occurrit pater, & ignotus homo æqualiter egens, non possum utrique dare; dabo patri, altero præterito. Id enim a me caritas exigit. Occurrit diues notus, & pauper ignotus, idem a me petentes, ille, ut ludat, hic ut uiuat; uetat Christus diuiti dare, negare pauperi. Id il-

la parabola declaratur, quæ apud Lucam est. c. 4. 12. *Cum facis prandium, aut cenam, noli uocare amicos tuos, neque fratres tuos neque cognatos, neque uicinos diuites, ne forte ipsi te reuincent; & fiat tibi retributio: uoca pauperes, cæcos, claudos, & debiles.* Summa est, non personarum sed paupertatis, sed caritatis habendam esse rationem. Habetur autem, ut Theologi docent, personarum ratio, cum in danda eleemosyna consideratur aliqua personæ qualitas, quæ aut eleemosynæ contraria est, ut cum do, quia diues est, quia potest mihi reddere, aut certe non propria, ut cum do, quia Græcus natione, aut Latinus est. Non enim nationi, sed paupertati eleemosyna datur.

43. *Audistis.* ) Vbi hoc dictum fuerit, uer. 21. disputauimus. *Proximum tuum* ὁ πλησίον σου, id enim Hebraicum uerbum propriè significat, *πλησίον σου*, qui te aliqua, aut sanguinis, aut amicitiae necessitudine attingit. Is etiam, non, ut multi putant, barbarè, sed Latine proximus dicitur, sicut enim non alij solum auctores bene Latini, sed ipse etiam Cicero sæpe loquitur. Sentius ergo illius præcepti in lege erat, *Dilige proximum tuum*, id est amicum tuum, ut ex ui uerbi ἀγαπήσεις, & ex antithesi, qua Christus utitur, manifestum est. Amicus autem in lege uocabatur non solum, qui erat, sed qui debebat esse: esse uero debebat is, qui Iudæus erat. Itaque quod a quibusdam obijciunt, præsertim hæreticis, etiam Iudæis in lege præceptum fuisse, ut inimicos diligerent, quod Exod. 23. 4. scriptum sit, *Si occurreris boui inimici tui: aut asino erranti, reduc ad eum. Si uideris asinum odientis te iacere sub onere, non præteribis, sed subleuabis cum eo:* hoc inquam, alienum abs te est. Ille enim ipse, qui illic inimicus uocatur, amicus erat. Amicus, quia Iudæus, inimicus, quia priuato odio alterum prosequabatur. Itaque idem ille Deute. 22. 1. frater appellatur. Illud difficilius, quod Christus apud Lucam. cap. 10. 29. aliter uideatur, quis proximus esset, interpretari. Sed illa interpretatio non legalis,

In eleemosyna danda cauenda personarum acceptio.



legalis, sed Evangelica est, qua uoluit Christus disrupta iam maceria discrimen tollere nationum, quia in illo neque Iudæus, neque Græcus est, sed noua creatura, neque Iudæorum populus illi iam peculiaris, sed erit vnum ouile, & unus pastor. Præterquam quod si subtiliter uellemus de illa Christi parabola disputare, inde potius probaremus Phariseos in eius præcepti interpretatione non errasse, & nomine proximi solos amicos, & eos, qui bene de nobis merentur, intelligendos. Nam legis ille peritus idem, ut opinor, Scriba, uel Phariseus, aut Scribarum certè, & Phariseorum opinionibus imbutus, rectè a Christo dicitur iudicasse, quod non sacerdotem, & Leuitam, sed Samaritanum, qui amici erga illum, qui in latrones inciderat, functus erat Officio, proximum appellauerit. Sed sciimus aliò intendisse Christum. Hoc tantum tenere uolumus, ex eo loco probari non posse proximum in illo legis præcepto quemlibet hominem appellari.

44. *Diligite inimicos uestros.*) Hoc, ut omnes auctores antiqui tradiderunt, & nos uer. 21. & 43. probauimus, proprium est Euangelij. In quo, sicut in cæteris, quæ legi Christus adiecit, quædam præcepti, quædam consilij sunt. Præcepti hæc, ne odio habentes nos odio habeamus: ne reddamus malum pro malo: ne quid illis optemus mali, ut eos generali, ut Theologi docent, charitate complectamur, ut communibus orationibus, eleemosynis, beneficijs, quæ in omnes fiunt, non excludamus. Consilij, ut eis etiam non ad extremam necessitatem indigentibus, beneficiamus, ut eos nominatim salutemus, ut familiariter alloquamur. Sed hæc a Theologis copiosè disputantur, a nobis propter huius explanationem loci attingenda modo fuerunt. Verba autem illa, quæ in Græcis nunc leguntur codicibus, *ἐὐλογεῖτε τοὺς καταραζομένους ὑμᾶς* benedicite ijs, qui maledicunt uobis, noster non legit interpret, nec sunt ad implendam

loci sententiam necessaria: conueniunt tamen, & eo quidam magis, quod B. Paulus huc uideri possit alluisse. *Maledicimur, & benedicimus.* I. Corinth. 4. 12.

45. *Et scitis filij.*) Plerique sic interpretantur. *ut scitis*, id est uos esse filios declaretis. Quod ut non improbo, sic illud magis probo, ut Hebraïsinus sit, quo, qui alteri similis est, eius filius esse dicitur, sicut Hispani sua lingua solent dicere, uidetur illum genuisse, id est adeo illi similis est, ut eius filius esse uideatur. Hic sensus multo magis conuenit, quia dicere esse filios patris sui, tautologia est, dicere autem esse similes, usitata locutio, quia statim declaratur, quomodo patris sui filij, id est similes, si bene omnibus fecerint, erunt; quia Deus solem suum oriri facit super bonos & malos, & pluit super iustos & iniustos, & quia uer. 48. dicitur, *Estote ergo uos perfecti, sicut pater uester qui in cælis est, perfectus est.* Vbi non quomodo filij sed quomodo similes esse possumus, declaratur. Non nego tamen datam esse potestatem filios Dei fieri ijs, qui credunt in nomine Christi, qui non ex sanguinibus, nec ex uoluntate carnis, nec ex uoluntate uiri, sed ex Deo nati sunt. Sed quis huius loci sit sensus, expono.

46. *Quam mercedem habebitis.*) Non negat mercedem habituros quicumque amicos diligunt, cum amicos diligere caritatis sit. Sed negat mercedem habituros, si, ut publicani, tantum id faciant, id est, si non propter Deum, sed aut propter naturalem in amicos propensionem, aut propter utilitatem suam faciant. Quisquis autem inimicos non diligit, tatis declarat se amicos non propter Deum, sed propter se diligere. Si enim propter Deum diligeret, etiam diligeret inimicos, qui non minus, quam amici imago Dei sunt. Qui ergo amicos non inimicos diligit, quia non propter Deum diligit, ut ab amicis mercedem naturalis amicitiae habeat: à Deo caritatis mercedem non habet. Qui non solum amicos, sed etiam inimi-



Inimicos diligit, non solum caritatis erga inimicos; sed etiam erga amicos suae mercedem habebit; quia Deus non naturam, sed gratiam remuneratur.

Qui publi-  
cani,

*Nonne & publicani hoc faciunt.*) Publicani à Latinis, τελωναι à Graecis, τωωνες ab Hebraeis dicebantur, qui publica pro principe uestigalia colligebant, avarum hominum genus, & omni odiosum populo, eo praesertim tempore, quo Christus ista dicebat, eum Iudaei non suae gentis regi, sed Romano Imperatori tributa pendere cogebantur. Inde enim illa nata est, quaestio, an liceret tributum Caesari dare Mar. 12. 14. Luc. 20. 22. Publicanos pro publicis & perditis peccatoribus habitos fuisse constat Matth. 9. 10. 11. & 11. 19. & 18. 17. & 21. 31. 32. & Luc. 3. 12. 13. Cui opinioni congruenter loquitur Christus. Fuit & noster Matthaeus aliquando publicanus; & in telonio sedit. cap. 9. sed ex publicano filium Dei, Apostolum,

Euangelistam gratia Dei fecit.

48. *Estote ergo uos perfecti, sicut pater uester.*) Sicut, non aequalitatem, sed qualitatem, similitudinemque declarat; & eam quidem similitudinem, quae inter Deum, & hominem, non, quae inter hominem & hominem esse potest. Sicut Christus orat Ioā. 17. 21. *vi. simus vnum*, sicut ipse cum patre unum est; nec enim illam, quae inter patrem & filium est, naturalem unitatem aequare possumus; sed possumus tamen imitari. Proponit nobis Christus signum ad collimandum, quod scit nos peruenire non posse, ut, quod possumus, perueniamus. Non uult nos eodem usque progredi, sed non stare. Vult autem nos omnibus in rebus quam simillimos esse patri, sed in ea maxime, quae illi est maxime propria, misericordia. Itaque quod Matthaeus dicit, *Estote perfecti*, Lucas. cap. 6. 6. dicit, *Estote misericordes, sicut & pater uester misericors est.*

## CAPUT VI.



**A**TENDITE ne iustitiam uestram faciatis coram hominibus, ut ideamini ab eis: alioquin mercedem non habebitis apud patrem uestrum, qui in caelis est. Cum ergo facis eleemosynam, noli tuba canere ante te, sicut hypocritae faciunt in synagogis, & in uicis, ut honorificentur ab hominibus: Amen dico uobis, receperunt mercedem suam. Te autem faciente eleemosynam, nesciat sinistra tua, quid faciat dextera tua: 4. ut sit eleemosyna tua in abscondito, & pater tuus, qui uidet in abscondito, reddet tibi. 5. Et cum oratis, non eritis sicut hypocritae, qui amant in synagogis, & in angulis platearum stare orare, ut uideantur ab hominibus: amen dico uobis, receperunt mercedem suam. 6. Tu autem cum oraueris, intra in cubiculum tuum, & clauso ostio, ora patrem tuum in abscondito: & pater tuus, qui uidet in abscondito, reddet tibi. 7. Orantes autem, nolite multum loqui, sic ut ethnici. Putant enim quod in multiloquio suo exaudiantur. 8. Nolite ergo assimilari eis: scit enim pater uester, quid opus sit uobis, antequam petatis eum. 9. Sic ergo uos orabit: Pater noster, qui es in caelis: sanctificetur nomen tuum. 10. Adueniat regnum tuum. Fiat uoluntas tua, sicut in caelo, & in terra. 11. Pa-

Luc. 11. a. 23

I nem



nem nostrum substantialem da nobis hodie. 12. Et dimitte nobis debita nostra, sicut & nos dimittimus debitoribus nostris. 13. Et ne nos inducas in tentationem. Sed libera nos a malo. Amen. 14. Si n. dimiseritis hoibus peccata eorū: dimittet & uobis pater uester cœlestis delicta uestra. 15. Si autē non dimiseritis hoibus: nec pater uester dimittet uobis peccata uestra. 16. Cū autē ieiunatis, nolite fieri sicut hypocritæ tristes: exterminant n. facies suas, ut appareant hoibus ieiunantes. Amen dico uobis, quia receperunt mercedē suam, 17. Tu autē, cū ieiunas, unge caput tuum, & faciem tuam laua, 18. ne uidearis hominibus ieiunans, sed patri tuo, qui est in abscondito: & pater tuus, qui uidet in abscondito, reddet tibi 19. Nolite thesaurizare uobis thesauros in terra: ubi erugo, & tinea demolitur: & ubi fures effodiūt, & furantur. 20. Thesaurizate autem uobis thesauros in cœlo: ubi neque ærugo, neque tinea demolitur, & ubi fures non effodiunt, nec furantur. 21. Vbi enim est thesaurus tuus, ibi est & cor tuum. 22. Lucerna corporis tui est oculus tuus. Si oculus tuus fuerit simplex: totum corpus tuum lucidum erit. 23. Si autem oculus tuus fuerit nequā: totum corpus tuum tenebrosū erit. Si ergo lumen, quod in te est, tenebræ sunt: ipsæ tenebræ quantæ erunt? 24. Nemo potest duobus dominis seruire: aut enim unum odio habebit, & alterum diliget: aut unum sustinebit, & alterum contemnet. Non potestis Deo seruire, et māmōnæ 25. Ideo dico uobis, ne solliciti sitis animæ uestre quid manducetis, neque corpori uestro quid induamini. Nonne anima plus est quā esca: et corpus plus quā uestimentum? 26. Respiciate uolatilia cœli, quoniam non serunt, neque metunt, neque congregant in horrea: et pater uester cœlestis pascit illa. Nonne uos magis pluris estis illis? 27. Quis autem uestrum cogitans potest adiciere ad staturam suam cubitum unum? 28. Et de uestimento quid solliciti estis? Considerate lilia agri quomodo crescunt, non laborant, neque nent. 29. Dico autem uobis, quoniam nec Salomon in omni gloria sua coopertus est, sicut unum ex istis. 30. Si autem scœnum agri, quod hodie est, et cras in clibanum mittitur, Deus sic uestit: quāto magis uos modicæ fidei? 31. Nolite ergo solliciti esse, dicentes: Quid manducabimus, aut quid bibemus, aut quo operiemur? 32. hæc enim omnia gentes inquirunt. Sic n. pater uester, quia his omnibus indigetis. 33. Quærite ergo primū regnum Dei, & iustitia eius: & hæc omnia adiciētur uobis. 34. Nolite ergo solliciti esse ī crastinū. Crastinus n. dies sollicitus erit sibi ipsi. sufficit diei malitia sua.

IN

Inf. 13.  
d. 33.  
Mat. 11.  
c. 25.  
Eccl. 28.  
a. 3. 4. 5.

Luc. 12.  
c. 33.  
1. Tim. 6.  
d. 19.

Luc. 12.  
c. 34.

Luc. 16.  
c. 13.  
Luc. 12.  
c. 22.  
1. Pet. 5.  
b. 7.  
Psalm. 54.  
d. 25.  
Phil. 4. b. 6.  
1. Tim. b. 7.



## IN CAPVT VI.



Attendite.) Cauete. Dubitari potest, an hæc eadem sit con- cio, quã Christus in monte habuit, quamque Euange-

lista superiore capite inchoatam, nũc prosequatur. Eandem enim esse con- textus orationis: non eandem, argu- menti dissimilitudo arguit. Hoc pro- babilius, quia illa superioris capitis ad solos, ut probauimus, Apostolos in monte dirigeatur: hæc ad omnes in campo. Illic de Euangelista tantũ perfectione Apostolis, hic de commu- nium fuga uitiorum agitur omnibus necessaria: ita prorsus, ut si propius utramque intueamur, ipsa oratio, ora- tionisq; materia de monte in uallem descendisse videatur.

*Ne iustitiam.*) Omnes Græci codi- ces pro iustitia ἐλεημοσύνην, eleemo- synam legunt, quemadmodum Chry- sostom. homil. 19. Auctor imperfecti, hom. 13. Theophylactus, & Euthymi<sup>9</sup> legit. Latini Auctores omnes iustitiã, Hilarius, Hieronymus, Augustinus, tract. 6. in epistolam Ioan. & ser. 59. de de tempore, & lib. 2. de ser. Domini, & Gregor. lib. 8. in Iob c. 30. & in pastor. 3. p. admonit. 36. & poeta Iuuenus. Etiam inter Græcos Origenes hom. 2. in Exod. Credibile est Græcum aliquẽ non intelligentem, quid hoc loco iu- stitiæ nomen significaret, legentemq; proximo uersu ὅταν οὖν ποιῇς ἐλεη- μοσύνην, Cum ergo facis eleemosynam, mendum putasse, & pro iustitia eleemo- synam posuisse. Ego nostram lectionẽ multo magis probo, & quia noster in- terpres, & veteres illi auctores Latini, qui eius uersione non utebantur, ita legunt, & quia, ut pro eleemosyna scri- ptorum ignoracione iustitia poneretur, nulla fuit ratio: ut autem pro iusti- tia poneretur eleemosyna, potuit esse ea quam diximus, & quia uis dicendi postulat, ut primo loco generalis iusti- tia, deinde specialis eleemosyna pona- tur, & quia iustitiæ nomen δικαιοσύνη apud

Hæbræos sæpe pro misericordia, & eleemosyna usurpatur, Psalm. 102. 18. *Misericordia autem Domini ab æterno, & usque in æternum super timentes eum, & iustitia eius in filios filiorum is, qui seruant testamentum eius.* Repe- titiõnem enim eiusdem esse sententię perspicuum est, & quod priori loco חסד misericordia dicitur, posteriori דִּיקְוָה iustitiam appellari, & Pl. 111. 9. *Dispersit dedit pauperibus, iustitia eius manet in seculum seculi, cornu eius exal- tabitur in gloria.* Dispergere enim, & dare pauperibus, hoc est eleemosy- nam, vocat דִּיקְוָה iustitiam eius, quẽ Hebraisum etiam D. Paulus imita- tus est. 2. Corinth. 9. 10. *Qui autem administrat semen seminanti, & pa- nem ad manducandum prestabit, & au- gebis incrementa frugum iustitiæ re- fræ.* Fruges enim iustitiæ uocat elec- mosynas, de quibus agebat, quia sicut fruges in arua, sic illæ in pauperes se- minatæ multiplicantur. Sic enim ex- ponit, *dispersit, & dedit pauperibus*, id est seminauit in pauperes. Hinc factũ, ut Septuaginta interpretes nõ solum ubi Hebraicè est דִּיקְוָה iustitia pro elec- mosyna ἐλεημοσύνην, id est iustitiam conuerterint: sed sæpe etiam, ubi est חסד misericordia, perinde ac si no- men דִּיקְוָה iustitiæ communi usu mi- sericordiam, & eleemosynam signifi- catet, ut Gen. 20. 13. & 21. 23. & Deut. 24. 13. Sic & hoc loco ἐλεημοσύνη iu- stitia pro eleemosyna ponitur: ut sta- tim explicatur. *Cum ergo facis eleemo- synam, noli tuba canere ante te.* Quo- modo hæc sententia conueniat cum illa, *Sic luceat lux uestra coram homini- bus, ut videant opera uestra bona*, ca. 5. 16. differuimus.

*Alioquin mercedem non habebitis apud patrem uestrum.*) Quasi dicat, ha- bebitis quidem apud homines, quorũ respectu facitis, sicut infra dicit ver. 2. & 3. receperunt mercedem suam. i. ina- nem gloriam apud hoĩes, quã quere- bant: apud patrem autem uestrũ non habebitis, cuius causa non facitis, quia

¶ 2 æquum

Iustitia pro  
eleemosy-  
na in scri-  
ptura.



æquum est, ut cui quisque laborat, ab eo mercedem accipiat: & ut vnius laboris non duplex, sed vna sit merces.

2. *Noli tuba canere.*) Quod Euthymius refert dixisse quosdam, quod que Strabus probabile, Lyranus uerū putat, consuetudinem aut communiter Iudeorum, aut priuatim Phariseorum fuisse, ut cum elemosynas daturi erant, tuba pauperes conuocarent: nullo mihi testimonio, nullo probāt exemplo, & uanos quidem fuisse scio, tam liberales fuisse nescio. Contra certē Chrysostomus homilia 19. Auditor imperfect. hom. 13. & Theophylactus in commentarijs sentit. Potius credo ad consuetudinem congregandi tuba populum, cum aliquid publice, aut faciendum, aut edicendum erat, Christum allusisse, ut Ioel 2. 15. *Canite tuba in Sion, sanctificate ieiunium vocate cœtum, congregate populum, coadunate senes, congregate paruulos surgentes ybera:* aut ad tragœdiarum, & comœdiarum morem, quam initio tubis canitur, ut populus admoneatur histrionem exire, oculoque, & aures attendat. Nam & hoc loco, quasi tragœdiam, aut comœdiam aliquam Phariseorum Christus inducit. Primum nomen ipsum *ὑποκριτής* hypocrita, quo utitur, histrionem propriè significat, qui, alia persona cum sit, aliam agit: ut D. etiam Augustinus adnotauit. Deinde verbum quo superiore versu usus est *πρὸς τὸ θεαθῆναι*, ut spectemini, theatrale est: nam & theatrum ipsum ab eodem dictum est uerbo, & tuba canere proprium est etiam theatri. Significat igitur nihil in hypocritis esse ueræ, solidæque virtutis, quicquid agunt, simulationem, laruam, tragœdiam, & comœdiam esse, ideoque spectari uelle: nos solidam debere sequi uirtutem, nec alios spectatores, quàm Deū desiderare.

*In Synagoga.*) vide cap. 4. 23. Hæreticorum interpretes fere omnes conuenticula, aut conciliabula hoc loco reddunt, nimis eleuata exaggeratione sententia. Voluit enim Christus si-

gnificare solere hypocritas loca quærere maximè frequentia, ut a pluribus videantur, qualis erat Synagoga, in quâ, sicut nunc ad templa nostra, omnis populus conueniebat. Sensum minuit quisquis de Synagoga conciliabulum aut conuenticulum facit, quod minus esse, quàm Synagogā, vel ipsa vocabulorum indicat diminutio.

3. *Nesciat sinistra tua.*) Quia sinistra nec scire potest, nec ignorare, dū metaphoram interpretes quarunt, incredibilem interpretationum varietatem pepererunt. Nonnulli dexteram intentionem seruandi præcepta diuina: sinistram delectationem humanæ laudis intelligunt, ut Augustinus libro secundo de sermone Domini, & sermone de tempore 60. & Gregor. 3. par. past. capitulo 21. Alii dexteram superiorem uoluntatem: sinistram inferiorem appetitū, Auditor imperfecti homilia 13. Alii dexteram populum Christianum: sinistram Gentilem, quemadmodum idem Auditor scribit fuisse in quodam Apostolorum canone declaratum. Alii dexteram te ipsum, sinistram uxorem tuam: quantum etiam interpretationem August. memorat. Alii dexteram nos ipsos, sinistram coniunctissimum quemque, & familiarissimum amicum, Ambrosius libro primo de officiis. capit. 30. & Euthymius in hunc locum. Rem mihi Chrysostomus homil. 19. & Theophylactus acu videntur tetigisse, non metaphoram, sed hyperbolicam esse locutionem, qualem illam superior n. c. 5. 29. 30. esse diximus, si oculus tuus scandalizat te, &c. sensus ergo est, adeo debere nos iustitia nostræ testes effugere, ut si sinistra manus nostra oculos haberet, videre tamen non posset quid dextera boni faceret. Quod autem contra consuetudinem, quam capitulo 5. 39. explicauimus, prius sinistram quàm dexteram nominauit, & dextere actionem, sinistra cognitionem tribuit: ideo factum est, quod elemosynam, de qua loquebatur, nō sinistra, sed dextera porrigere soleamus, & cetera opera, quæ manu sunt, dextera faciat: sinistra illi tanquam adiut.



adiutrix assistat, ita ut si oculos haberet, quidquid dextera faceret, ignorare non posset. Eleemosynam ergo Christus ita vult fieri, ut ne sinistra quidem manus, quæ omnium operum dextera non modo conscia, sed adiutrix etiam esse solet, scire possit. Quod cum in omnibus recte factis intelligendum est, tum in danda eleemosyna idem potissimum commendatur, quod nec ulla magis in re gloriam homines querere soleant, nec in ulla minus querere debeant. Eleemosyna, quamvis parua magnum beneficium est pauperi, maius, si lateat: si nemo, nisi qui accipit, nouit. Qui laudem hominum intuentens dedit, sibi, non pauperi dedit. Aut si quid dedit, uendit, non donauit. Non potuit pauper pretium soluere, sed pro illo alij soluunt, cum dantem laudant, cum tantum spectant. Pretium est illi uideri. Apud Ecclesiasticum. capit. 29. 15. similis est omnino sententia, *Conclude eleemosynam in sinu pauperis, & illa exorabit pro te ab omni malo.* Non est culpa benefacientes uideri, sed uelle uideri. Nec omnino uideri uelle, sed propter colligendam humanam laudem uideri uelle: hoc tantum hoc loco Christus prohibet. Nam uelle propter Deum uideri, non prohibet, sed iubet, *Sic luceat lux uestra coram hominibus, ut uideant uestra bona opera, et glorificent patrem uestrum, qui in celis est.* c. 6. 16.

4. In abscondito.) Deo, & tibi soli cognita.

Reddet tibi.) Græci codices addunt *ἐν τῷ φανερό* in aperto, in ppatulo. contrario tempore Augustini Latini codices legebant, Græci non legebant, ut ille lib. 2. de sermon. Domini scribit. Itaque suspicio mihi est primos illos codices Græcos, ex quibus translatio Latina, qua Ecclesia ante Hieronymum utebatur, facta fuerat, hæc uerba legisse post scriptorum uitio in Græcis abolita, in Latinis conseruata. Hieronymum uero, cum iam ipsius tempore in Græcis non legerentur, quia ad Græcorum, ut ipse ait, codicum ueritatem Latinam editionem corrigebat, ex-

punxisse de Latina, quod non inuenit in Græca. Nam legenda quidem esse ipsa indicat antithesis: In abscondito & in propatulo, & quod Lucas. c. 14. 14. pro *ἐν τῷ φανερό* in propatulo dicat, in resurrectione, id est in ultimo iudicio, coram omnibus hominibus, qui sunt, qui fuerunt, qui futuri sunt. Postulat etiam aequitas, atque sententia, ut hoc credamus dixisse Christum nos multo maiorem etiam apud homines gloriam habituros, si clam eleemosynam faceremus, quam qui non alia de causa faciunt, quam ut gloriam apud homines habeant, quia illi non nisi in paucorum hominum conspectu facere possunt, quorum gloria in iudicio coram omnibus hominibus maxima erit ignominia. Nos, qui cum facimus, a nemine uideri uolumus, etiam si nolumus, ab omnibus tunc uidebimur, ab omnibus laudabimur. Soler se, & alios ita consolari D. Paulus, ut ad Philippenfes. 2. 16. *Verbum uitæ continentes ad gloriam meam in die Christi, quia non in uacuum cucurri, nec in uacuum laboraui, & 1. ad Timotheum. 1. 12. 18. Sed nō confundor, scio enim cui credidi, & certus sum, quia potens est depositum meum seruare in illum diem, & c. 4. 8. De reliquo reposita est mihi corona iustitiæ, quam reddet mihi Deus in illa die iustus iudex.*

5. Qui amant.) *ὅτι φιλοῦσιν*, quia amant. Itaque aut noster interpres pro *ὅτι* legit *οἱ*, aut aliquis in eius uersione pro *quia* scripsit *qui*. Facilius fuit ex *quia* facere *qui*, quam ex *ὅτι οἱ*. Itaque hoc quidem loco nostram potius, quam Græcam uersionem iudico corrigendam: *φιλοῦσιν* autem secuti, uertunt *solent*. Melius noster interpres, quia non solam consuetudinem, quæ sine affectatione nata esse poterat, sed multo magis studium gloriæ Christus reprehendit, ut capit. 23. 6. *Amant autem primos recubitus in cenis, & primas cathedras in synagogis, & salutationes in foro, & uocari ab hominibus Rabbi.*

In Synagogis.) Vide ver. 2.



*Et in angulis.*) Non significat hoc loco angulus abditum & secretum locum, ut solet plerumque significare, quemadmodum cum dicimus, abdere se in angulum, ut Act. 26. 26. *Scit enim de his rex, ad quem & constanter loquor: latere enim cum nihil horum arbitror, nec enim in angulo quicquam horum gestum est;* sed potius significat locum maximè publicum, maximè conspicuum. maximè frequentem propter adiunctum, quod sequitur, *platearum*. Plateas enim uocat uicos, & publicas urbis uias, angulos, biuia, & triuia, ubi maior hominum concursus diuersis uenientium uijs esse solet, sicut Thamar, cum se meretricem esse fingeret, quæ à quamplurimis inueniri uelle uideretur, sedit in biuio. Gen. 38. 14.

*Stantes.*) Sunt, qui putant Iudæorum morem fuisse, ut stantes orarent, quod pluribus in locis, qui orant, dicantur stare Mar. 11. 25. *Et cum stabitis ad orandum, dimittite, si quid habetis aduersus aliquem* Luc. 18. 11. *Phariseus stans, hæc apud se orabat.* Non asfentior, quia ex alijs locis perspicuum est consuetudinem fuisse flexis genibus orandi, Act. 9. 40. *Petrus autem ponens genus orauit dicens, Tabitha surge,* Act. 20. 36. *& cum hæc dixisset* (Paulus) *positis genibus orauit cum omnibus illis.* & c. 11. 5. *& positis genibus in littore orauimus.* Christus etiam flexis genibus orasse dicitur Luc. 22. 41. Natura quoque ipsa flexo genu orare docet, nec est uero simile Phariseos, qui maxime uolebant uideri sancti, aliter orasse. Stantes igitur hoc loco interpretor, manentes, fixi, immobiles, quali homines animo in cælum rapti, ut infra. cap. 10. 3. 6. & Mar. 3. 31. & 11. 25. & Luc. 18. 11.

*Mercedem suam*) qua sola dignerant, aut quam querebant, Hieronymus & Augustinus.

6. *In ra in cubiculum tuum.*) Multas interpretationes, quas Augustinus, & Hieronymus, alijque multi auctores afferunt, quia allegorica sunt, præmitto, & per cubiculum uerū cubiculum intelligo cum Chrysostomo.

hom. 9. in 1. epistolam ad Timotheum. & Thophylact. in hunc locum. At non iubet nos ingredi re uera in cubiculum, & ostium claudere, sed tantum inanem hominum laudem fugere. Itaque, qui in publico orat, nolens ab alio quam a Deo audiri, aut uideri, aut si ab hominibus audiri, & uideri uult, non propter suam, sed propter Dei laudem uult, is in cubiculo clauso ostio orat, quia non magis laudem suam querit, quam si in cubiculo solus oraret. Contra, qui in cubiculo clauso ostio solus orat, uolens tamen, ut homines id sciant, is in plateis orat, & tuba ante se canit: & quo se magis abdit, magis prodit. Auctor imperfecti. Non abrogat ergo Christus morem in publico orandi laudabili & Iudæorum, & Christianorum usu firmatum. 3. regum. 8. 29. Act. 1. 24. & 3. 1. & 4. 24. & 6. 6. & 12. 12. Tantum intentionem animi corrigit. D. Paulus uult in omni loco nos orare leuantes puras nianus. 1. Timoth. 2. 8. Nostri factum est negligentia, ut oratio, quæ in publico fit, humanam laudem uenari possit. Si enim omnes, & ubique oraremus, singulare esset in publico quemquam orare, nec ex eo, quod ab omnibus fieret, laus ulla quæreretur, maioreffque oratio haberet uires, nec humanæ expectatione laudis impedita, & simul orantium precibus adiuta. *Quasi facta manu,* inquit Tertullianus in Apol. *oramus, hæc uis Deo grata est.* De qua re Origenes hom. 7. in Iosue, & Chrysost. hom. 3. de incomprehensibili Dei natura disputarunt.

7. *Nolite multum loqui.* μη βαττολογησθε, ne nimium loquamini, ne uiamini superuacaneis repetitionibus. Verbum est, aut à Batio quodam poeta, qui ineptis repetitionibus uisus dicitur quibusdam, aut a Batio nescio quo homine balbo, ut alijs placet, deriuatum. Illud probabilius. Non enim loquendi, in orando balbutiem, & celeritatem Christus reprehendit, quamuis ea etiam merito sit reprehendenda, sed superuacaneam, & inanem studio affectatam uerborum

Oratio in publico laudabilis.



Oratio pro  
lixa an pro  
hibita.

rum copiam; ut constat ex sequenti-  
bus verbis, *Putant enim, quod in mul-  
tiloquio suo exaudiantur*, quod & Gre-  
gor. Nyssen. in libro de oratione ad-  
notauit. Nec prohibet longas Chri-  
stus orationes, qui alibi perpetuas im-  
perauit, Luc. 18. 1. sicut & D. Paulus, 1.  
ad Thes. 5. 17. & ad Colos. 4. 2. neque  
loqui, cum oramus: neque repetitioni  
bus vti, cum & ipse orando locutus  
sit, & ter eundem sermonem repeti-  
uerit in fra. ca. 26. 44. & Mar. 14. 39. sed  
prohibet eo animo multum loqui,  
ut hominibus bene orare videamur,  
de hoc enim agebat, & existimantes fa-  
cilis Deum multa, quam pauca audi-  
turum uerba, ut statim exponit: *Putant  
enim, quod in multiloquio suo exau-  
diantur*. Nec Euchitæ propterea hæ-  
retici habiti sunt, quod multum ora-  
rent apud Epiphanium. hæref. 80. &  
apud Augustin. in libro ad Quod  
uult. cap. 57. sed quod existimarent ne-  
minem, nisi continenter oraret, saluū  
esse posse, non intelligentes, quod Lu-  
ca 18. 1. Christus dicit, *oportet semper  
orare, & nunquam deficere*; quod non  
significat debere nos perpetuo, & sine  
ulla intermissione orare, quod sciebat  
Christus a nobis fieri non posse; sed  
cum semel aliquid a Deo postulau-  
imus, nec obtrinuimus, non debere  
propterea fatigari, aut fiduciam abij-  
cere, iterum atque iterum nullo defi-  
nito modo idem orandum: hac enim  
ratione fore, ut tandem, quod peti-  
mus, obtineamus. Hoc illa, quæ se-  
quitur, parabola significatur, *Iudex  
quidam erat in quadam ciuitate, qui  
Deum non timebat, & hominem non re-  
uerbatur, &c.*

*Ethnici.*) Errorum Ethnicorum fuisse,  
ut existimarent, quod plura, clariore-  
que uoce loqueretur, facilius se a Deo  
exaudiri, ex 3. reg. 18. 27. colligitur, ubi  
Elias alludens ad Ethnicorum ritum,  
quem decem tribus Israel imitaban-  
tur, *Clamare*, inquit, *uocem maiorem*, *Deus  
enim est, & forsitan loquitur, aut in di-  
uersorio est, aut in itinere, aut certe dor-  
mit, ut excitetur.*

*In multiloquio.*) Hebraismus. In pro-  
prietate, & pro *diu*, ut Mar. 9. 33.

9. *Sic ergo vos orabitis.*) Incertum  
utrum bis, an semel tantum Domini-  
cam orationem Christus docuerit.  
Dubitandi causa est, quod Lucas. c. 11.  
1. 2. scribat eum a discipulis rogatum,  
*Domine doce nos orare, sicut Ioannes  
docuit discipulos suos*, respondisse;  
*cum oratis dicite, Pater sanctificetur  
nomen tuum, &c.* Matthæus autem  
hoc loco non rogatum, sed sponte si-  
gnificare videatur eum concionan-  
tem hanc orationem tradidisse. Vix  
quisquam ueterum auctorum hanc  
questionem attigit: & qui attigit, Ru-  
pertus bis putat Christum eandem  
orandi formam diuersa occasione do-  
cuisse. Contrarium tamen mihi vi-  
detur probabilius. Quotum enim  
eosdem discipulos bis eandem oratio-  
nem docuisset? Nisi forte dicamus,  
quod mihi omnino non displicet,  
apud Lucam solos discipulos, a qui-  
bus rogatus fuerat: hic omnem tur-  
bam auditorum, quæ eam orationem  
nondum audiuerat, docuisse. Si semel  
tantum traditam dicamus, dicendum  
erit Matthæum non unam solū Chri-  
sti concionem recitare: sed quæ ille  
diuersis temporibus, multisque con-  
cionibus docuisset, in unum locum  
conijcere uoluisse, ut omnem fere  
eius doctrinam sub unum poneret  
aspectum.

*Sic ergo vos.*) vos, qui laudem apud  
Deum, non apud homines, ut illi, que-  
rere debetis. Vos, qui melius docti a  
me estis, Deum non multitudine ver-  
borum, sed magno orantis affectu, ni-  
hil nisi iusta, & ad eius gloriam con-  
ducentia petentis exorari.

*Sic.*) Non his necessariò uerbis:  
sed hæc aut simili sententia Augusti-  
nus libro de magistro cap. 1. & in epi-  
stola ad Probam 121. cap. 12. & Beda  
in hunc locum. Nam nec Apostolos  
orando his ipsis uerbis usos fuisse le-  
gimus; alijs legimus Act. 1. 24. *Tu do-  
mine, qui corda nostri omnium ostende,  
quem elegeris ex his duobus unum*. Sed  
dum id ad propagandum Euangelium,  
& gloriam Dei illustrandam faciunt,  
si non uerbis, re tamen ipsa dicunt,  
*Sanctificetur nomen tuum*. Et cum



Dei uoluntatem electionemque uolunt cognoscere, quid aliud dicunt, quam *fiat uoluntas tua*? neque Christus his vnquam uerbis orasse dicitur, in eandem tamen sententiam orauit: *Pater, si possibile est, transeat a me calix iste, ueruntamen non sicut ego uolo; sed sicut tu uis*, Matt. 26. 39. Luc. 22. 42. Sed tamen paucis uerbis omnia, quæ in hac oratione docuerat, dicit, exceptis ijs, quæ dicere non poterat. Nam & ipse patrem appellat, sicut nos appellare docuit: &, ut eius nomen sanctificetur, petit, cum eius quærit gloriam, *si possibile inquit est*, id est, si salua gloria tua fieri potest: absolute namque fieri posse nō ignorabat, & ut eius uoluntas fiat, *ueruntamen non sicut ego uolo, sed sicut tu uis*, & panem suum quotidianum petit, eum uitam petit. Solum non petit, ut debita sibi remittantur, quia peccatum non fecit, nec inuentus est dolus in ore eius, &, ut in tentationem non inducatur, qui cadere non poterat, &, ut à malo liberaretur, quem singulari certamine iam uicerat. cap. 4. 1. Neque uoluit Christus, ut quotiescunque oramus, ista omnia, quæ hac oratione continentur, peteremus, sed ut omnia, aut aliqua, aut nihil certe his contrarium peteremus. Ipse pro crucifigentibus se orauit; non erat unum ex ijs: sed consentaneum uni ex ijs, ut Dei nomen etiam in inimicorum salute sanctificaretur. Merito tamen Ecclesia tamen huic orationi tribuit, ut non solum sententia, sed ipsis etiā Christi uerbis uteretur. *Amica* (inquit Cyprian. in libro de oratio.) *& familiaris est oratio, Deum de suo rogare, ad aures eius ascendere* (Christi orationem. Agnoscat pater filij sui uerba, cum qui habitat intus in pectore, ipse sit & in uoce. Merito illi inter omnes, & priuatas, & publicas preces primum locum dedit. Dixerat Christus paulo ante, nolite multum loqui; præscribit nunc breuissimam, qua utamur, orationis formam. Tamen breuitas ista (ait Tertullianus in libr. de oratione) *magnæ ac beatæ interpretationis substantia fulsa est, quantumque*

*substringitur uerbis, tantum diffunditur sensibus. Qualia sunt* (inquit Cyprianus) *fratres dilectissimi, orationis Dominicæ sacramenta, quàm multa, quàm magna breuiter in sermone collecta: sed in uirtute spiritualiter copiosa, ut nihil omnino prætermisissim sit. quod non in precibus, atque orationibus nostris cælestis doctrine compendio comprehendatur*. Itaque rectè Tertullianus hanc orationem Euangelij breuiarium appellauit D. August. libr. 2. de ser. Domini in monte, & hunc omnes deinceps Theologi secuti septem petitiones continere docuerunt; Primam, *Sanctificetur nomen tuum*; secundam, *Adueniat regnum tuum*; tertiam, *fiat uoluntas tua*, quartam, *panem nostrum quotidianum da nobis hodie*; quintam, *dimitte nobis debita nostra, sicut & nos dimittimus debitoribus nostris*; sextam, *& ne nos inducas in tentationem*; septimam, *sed libera nos a malo*. Recentiores quidam sex tantum: nam ex duabus ultimis unam faciunt. De qua re non est operæ pretium disceptare. Illud non prætermittendum, quod a multis indicatum est, tres primas petitiones ad honorem Dei, reliquas ad utilitatē nostram pertinere; quemadmodum decalogi præcepta in duas diuisa sunt tabulas: in priore erant, quæ ad Deum: in altera, quæ ad proximū pertinebant. Hoc est quod uer. 33. dicitur, *Quarite ergo primum regnum Dei*. Non uult Deus nostram utilitatem ab honore suo esse disunctam, quia nec utile nobis esse potest, quod ipsi honorificum non est. Ideoque honorem suum utilitatis nostræ regulam facit, quam nec, qui sequitur, errare potest; nec, qui non sequitur, non errare.

*Pater.*) Quod a nomine patris exordiri iubet: non ideo tantum facit, ut fiduciam nobis Deum alloquendi, præbeat; quemadmodum Tertullianus, Cyprianus, Chrysost. homil. 20. alijque multi interpretes uoluerunt: sed multò magis, ut blando nomine Dei beneuolentiam captaremus, & ad concedendum, quod postulamus, patris eum appellatione moueremus, ut

Septem petitiones orationis Dominicæ.

Augu-



Augustino lib. 2. de ser. Domini placuit. Habet oratio Dominica Rhetoricam suam. Huc spectat, quod c. 7. 11. Christus dicit, *Si ergo vos, cum sitis malis, noctis bona dare filiis uestris, quanto magis pater uester celestis dabit bona petentibus se?* Nomen ipsum patris pro nobis orat, quia patris est filius necessaria providere, patris est filius ignorare. Eodem exordio, perditus ille adolescens ad se rediens usus est, *Pater peccavi in calum.* & coram te, Luca. 15. 18. Adnotauit Tertullianus in lib. de oratione, & Augustinus, lib. 2. de sermon. Domini Deum in ueteri testamento non patrem, sed Dominum uocari uoluisse: quia illi serui erant, nos filius sumus, nec enim accepimus spiritum seruitutis iterum in timore, sed accepimus spiritum adoptionis filiorum Dei, in quo clamamus *Abba pater*, Roman. 8. 15. An autem hoc loco solam primam Trinitatis personam, an totam ipsam Trinitatem patrem appellemus: in utramque partem disputari potest. Plerique ad solum patrem hæc uerba dirigi putant, ut Cyprianus, Chrysostomus, & Rupertus sensisse uidentur. Argumento est, quod Christus eundem suum, atque nostrum patrem, quamuis non eodem modo uocare soleat: *Ascendo*, inquit, *ad patrem meum*, & *patrem uestrum*, Ioann. 20. 17. Magis aliorum probo sententiam, qui totam hic Trinitatem patrem à nobis uocari dicunt. Cur enim Deum patrem appellamus? primum, quia creauit: at non solus pater, sed tota nos Trinitas creauit. Deinde, quia conseruat; at non solus pater, sed tota Trinitas conseruat. Tertiò, quia redemit: at non solus pater, sed tota redemit Trinitas: tota Trinitas agendo: solus filius patiando. Itaque respectu quidem redemptionis solus potius filius, quam solus pater. pater nobis est appellandus. Quartò, quia per gratiam regenerauit: at tota Trinitas regenerauit.

*Noster.*) Vt non suum quisque

priuatim, sed nostrum communiter patrem appellaremus, Christus ideo iubet, quia non priuata, sed publica totius Ecclesiae oratio est, & cum Deum oramus tanquam unum Ecclesiae membrum oramus. Qui aliter orat, orare fortasse potest: exorare certe non potest. Hoc non a me primum, sed à Cypriano lib. de oratione Dominica, ab Ambrosio lib. 5. de sacramentis. cap. 4. ab Auctore operis imperfecti. homil. 14. ab Augustino lib. 2. de sermon. Domini, a Theophylacto, & Euthymio notatum est. Illud etiam à nonnullis illorum notatur indicari his uerbis differentiam, quæ est inter nos & Christum: nos Deum non patrem meum, sed nostrum: Christum non patrem nostrum, sed meum appellare, quia eo modo, quo pater noster est: omnium communiter pater est: omnes enim creauit, omnes conseruat, omnes nutrit, omnes, quantum in ipso quidem fuit, etiam redemit. Eo autem modo, quo Christi pater est, non alterius est pater. Pater enim illius, non quia creauit, sed quia ex sua substantia genuit: ideo patrem peculiariter (inquit Ambrosius lib. 5. de sacramen. cap. 4.) suum appellat: nos uerò patrem communiter nostrum appellamus: quia illum genuit, nos creauit. Alia magis propria uidetur esse ratio, cur & Deum patrem, & nostrum appellemus, quod illi regenerati per Christum simus. Manifestum enim est eos, qui nec baptizati sunt, nec in Christum crediderunt, hanc orationem pronuntiare non posse, & tamen à Deo creati & tamen conseruari, & tamen redempti sunt. Non ergo hoc loco ideo Deum patrem appellamus, quia tantum nos creauit, quia conseruat, quia redemit: sed etiam quia per fidem, & gratiam baptismi regenerauit, *Dedit enim potestatem filios Dei fieri ijs, qui credunt in nomine eius* 10. i. 12. alijs ergo non dedit: ab alijs pater uocari non potest. Hoc etiam Tertullian. & Cyprianus in lib. de oratione Dominica obseruauerunt. Quare cum dicimus



dicimus nostrum, non solum a Christo, sed etiam ab infidelibus hoc verbo distinguimur, & Deum patrem nostrum, id est, credentium, non infidelium appellamus. Quidam non est pater omnium; est enim uero, Ephe. 4. 6. sed eorum peculiari ratione, qui in Christum credentes unum cum illo corpus facti sunt. Nos igitur inter Christum, & infideles medij sumus, Christus naturalis Dei filius, infideles quodam modo spurij, quia ab eo creati, quia ad eius imaginem facti sunt, ex natura, quasi ex ancilla, non ex gratia, quasi ex libera geniti: sicut Ismael naturali uirtute, non sicut Isaac supernaturali gratia. Nos filii, nec naturales, ut Christus, nec spurij, ut infideles, sed tamen adoptiui, sed tamen legitimi, alioqui heredes non essemus Dei, & coheredes Christi, Rom. 8. 17.

*Qui es in celis.* Quod multi heretici, celestis, uno uerbo, dicere maluerunt, minime probo; non solum, quia mali sunt auctores, & quia non tam breuitatis, quam nouitatis studio facere videntur, sed etiam quia ueram horum uerborum sententiam corrumpunt. Primum quidem, si Græca uerba, ut noster interpres, secuti fuissent, ut *ὁ ἐν τοῖς ἐπουρανίοις* uerterent, *qui es in celis*, errare non potuissent; & celestis dicitur non solum, qui in celo habitat: sed qui ex celo originem ducit, aut qui de celo venit, ut Christus, 1. Cor. 15. 48. 49. & qui celesti constant materia, celestes globos appellamus. Hic autem certum est Dei habitatio nem significari, qui ideo in celis habitare dicitur, quod quamuis ubique sit, ibi tamen eius gloria potissimum eluceat, quia in sole posuit tabernaculum suum, Psal. 18. 6. Sic Psal. 2. 4. *Qui habitat in celis, iridebit eos*, & Psal. 112.

1. de celo  
c. 3.

5. *Quia sicut Dominus Deus noster, qui in altis habitat*, & 122. 1. *Ad te leuani oculos meos, qui habitas in celis*. Scribit Aristoteles omnium gentium quasi à natura insita opinionem fuisse, Deum in celo habitare, unde illud tam frequens apud Græcos poetas natum sit, *ὁ ἐν ὑπερτάτοις δυνάμεσι βασιλεύς*, superiq;

Hesiod. in  
Operibus.

*habitor Olympi*. Ambrosius, & Augustinus celos, sanctos interpretantur, in quibus Deus peculiariter dicitur habitare, sed iste allegoricus, non literalis sensus est.

*Sanctificetur nomen tuum*) Nomen Dei dicitur, non hoc solum Deus; quo eum appellamus sed hominum de illo existimatio, & quidquid ad illum quoquo modo pertinet, quod tunc ab hominibus sanctificari dicitur, cum ab illis timetur, amatur, colitur, cum eius augetur gloria, cum bonitas, cum sanctitas, cum maiestas celebratur. Hebraei enim *קדש* sanctificare dicere solent, id est celebrare; ut sanctificare sabbatum Ezech. 44. 24. sanctificare ieiunium, Joel. 1. 14. Aut sanctificari Dei nomen dicitur, cum tanquam sanctum colitur, & honoratur: sicut è contrario blasphemari dicitur, cum sine debita ab hominibus reuerentia tractatur, Isa. 52. 5. & ad Ro. 2. 24. & polui, cum tanquam vile & sordidum habetur. Ezech. 20. 19. & 22. 26. & 36. 20. & 39. 7. & 43. 8. & Hier. 7. 30. Atque ad hunc sensum Hieron. in commentarijs, & Augustinus, lib. 2. de ser. Domini interpretantur. *Non sic petitur*, inquit Aug. *Sanctificetur nomen tuum. quasi non sit sanctum nomen Dei, sed ut sanctum habeatur ab hominibus, id est, ita illis innotescat Deus, ut non existimet aliquid sanctum, quod magis offendere timeant*. In eadem fere sententia Gregorius Nyssenus in lib. de oratione Dominica, Chrysost. hom. 20. Auctor imperfecti ho. 14. Theophy. & Euthy. Paulo longius a sensu Amb. discedit lib. 5. de sacra. c. 4. *Sanctificator*, inquit nos dicit in nomine Domine Iesu Christi, & in spiritu Dei nostri. *hec sanctificatio ut in nobis permaneat, oramus*. Cum autem non dicimus, a quibus Dei nomen sanctificari velimus: ab omnibus sanctificari uelle significamus. Ideo, inquit Tertullianus in lib. de oratione *suspensa enuntiatione, non dicentes sanctificetur in nobis: in omnibus dicimus*.

10. *Adueniat regnum tuum*. Quid hoc loco regnum Dei appelleretur, & quid sit aduenire, variae sententiae.

Non.



Nonnulli regnum illud intelligunt, quo Deus in iustorum cordibus regnare dicitur, sicut è contrario in corpore iniustorum peccatū dī regnare, Rom. 6. 12. & sicut dicitur, *regnum Dei intra uos est* Lucæ 17. 21. Ad hunc modum Ambrosius libr. 5. de sacramentis. cap. 4. Auctor imperfecti hom. 14. Hieron. in commentariis, & libr. contra Pelagianos. 3. Gregorius Nyssen. in lib. de orat. Dominica, & Euthymius. Alii de illo regno accipiendum putant, quo in beatis regnat: quasi petamus illud, quod iam aliis beatis aduenit, nobis etiam aduenire: quasi petamus illud, *esse cum christo*, Philippi. 1. 23. sicut dicuntur fideles diligere aduentum Christi. 2. ad Tim. 4. 8. & ad Tit. 2. 13. & sicut animæ illæ, quæ subius altare sunt, petunt, ut uideatur sanguis fratrum suorum, & corporibus suis iterum induta regno fruamur, Apocal. 6. 9. 10. Ita Tertullianus, & Cyprianus in lib. de orat. Chrysost. hom. 20. Auctor etiam imperfecti hom. 4. & Aug. in epist. ad Probam 121. Alij *Regnum tuum adueniat*, id est gloria tua manifestetur hominibus, ut idem August. lib. 2. de term. Domini. Verus sensus mihi uidetur esse, quæ Theophylactus, & Rupertus breuiter indicant, ut regnum Dei uocetur illud, quo Deus positus omnibus inimicis suis in scabellum pedum suorum, ubique regnaturus est, & ut loquitur D. Paulus, *erit omnia in omnibus* 1. Cor. 15. 28. Nam etsi nunc etiā ubique regnat, tamen quia non pacifice & sine hoste, ac bello regnat, & quia multi illi quasi rebelles resistunt, regnare non dicitur. Tunc autem subiugatis hostibus, & amicis liberatis, inimicis damnatis plenè regnare dicitur. Hunc esse sensum ex illo loco D. Pauli, quem notauimus, non obscure colligitur etiam ex hoc ipso. Manifestum enim est nos hic non nostrum, sed Dei regnum postulare. Nā tres primæ, ut diximus, petitiones ad Deum; reliquæ ad nos pertinent. Non est ergo sensus, ut Deus regnet in cordibus nostris: aut ut nos cum beatis regnemus, hoc enim ad nos

maximè pertinet, sed ut Deus absolute, & sine aduersario regnet. Sic. n. dicimus, *Adueniat regnum tuum*, quemadmodum si filij patri regni pacificum regnum, & uictoriam contra hostes precaremur: non ut nos, sed ut ille regnet. Aduenire autem optamus, sicut illi diligunt aduentum Christi. 2. Tim. 4. 8. & ad Tit. 2. 13. & animæ illæ Apoc. 6. 9. 10.

*Fiat uoluntas tua.*) Alias Cyprianus, Augustini, & Gregorii interpretationes, quia allegorice sunt, prætermittendas puto. Inter literales illa communis est, ut petamus fieri Dei uoluntatem in terra, sicut in cælo, id est, ut ita illi homines obediant, sicut angeli obediunt, Hiero. Chrysost. hom. 20. Auctor imperfecti hom. 14. Aug. li. 2. de ser. Domini, Theophyl. & Euthy. Alii paullo aliter, *Fiat uoluntas tua in terra, sicut in cælo*, id est pacificetur terra, sicut olim cælum pacificatum est. Nam, ut aliquando in cælo inter bonos & malos angelos bellum fuisse dicitur Apocal. 12. 7. deiecitq. in terram diabolo pax in cælo consecuta est, ita nunc in terra inter diabolum & hominem bellum est, petimusque, ut uictus à terra in abyssum deiiciatur, & ut ait Christus, ut eiiciatur foras, Ioan. 12. 31. unde illa consequatur pax, quam angeli nato Christo hominibus annunciarunt, Luc. 2. 14. Sic Ambros. lib. 5. de sacram. c. 4. Tertullianus uero promptum in nobis, & paratum animum significari putat, ut quidquid calamitatis, quicquid boni, uel mali Deus nobis immitat, parienter feramus, sicut Iob dicebat. *Dominus dedit, Dominus abstulit, sicut domino placuit, ita factum est, si nomē Domini benedictum*, 1. 21. Verum non uidetur restringenda esse generalis sententia, quod ita omnes interpretationes faciunt. Nam de sola præceptorum obseruatione, aut de sola pace, uel patientia interpretari parum est. Ex omnibus si una confletur, equalis erit. Petimus ergo, ut omnibus in rebus uoluntas Dei fiat, non solum à nobis, sed etiam in nobis, sicut Christus, cum peccare non posset, dicebat,

tamen



*tamen nō mea, sed tua uolūtas fiat, Lu. 22.42. utique non tantum à se, sed etiam in se.*

*Sicut in celo.) Vbi nihil est, quod Deo resistat nihil, quod non ad nutū obediat: Psal. 102.20.21. Benedicite Domino omnes Angeli eius potētes uirtute, qui faciis uerbum eius, ad audiendā uocem sermonem eius, Benedicite Domino omnes uirtutes eius, ministri eius, qui faciis uoluntatem eius.*

*1. Panem nostrum quotidianum.)* Fructuosus locus; agitur enim de pane nostro, sed & uerborum obscuritate difficilis, & interpretationum uarietate implicatus. Plerique veteres auctores piē & religiosē, atque ad Ecclesie usum accommodatē dixerunt panem nostrum quotidianum Christus corpus appellari. Nam & uerus panis est, qui de cælo descendit, & quotidianus, quia aut à singulis, aut à tota quotidie sumitur Ecclesia, Tertullianus lib. de oratione, Cyprianus de oratione Dominica, Ambr. lib. 5. de sacram. c. 4. Marius Victorinus lib. 3. aduersus Arium, Athanas. in libr. de incar. Iuencus, Hieronymus in comment. & libr. 3. aduersus Pelagianos. Est in hanc sententiam nō minimum argumentum, quod uero simile esse uideatur Christum in tam perfecta diuinæ oratione nihil nos terrenum, nihil non diuinum petere docuisse. Obstat tamen, quod sequitur, *da nobis hodie*, quasi in crastinum petere prohibeamur, ut uer. 34. explicatur. Obstat, quod tanquam rem quotidie singulis nobis necessariam postulare uideamur, corpus autem Christi quotidie sumere perquam utile est, non est tamen necessarium, nec, ut ait Augustinus, ab Orientalibus Christianis eius tempore sumebatur. Quæ res eundem impulit Augustinum libr. 2. de ser. Domini, ut panem quotidianum nostrum Dei uoluntatem interpretaretur, sicut Christus dicebat Ioan. 4. 34. *Meus cibus est, ut faciam uoluntatem patris mei, & Io. 6. 27. Operamini non cibum, qui perit, sed qui permanet in uitam æternam. Quam in interpretationem & Origenes hom. in*

Ezech. 14. ante illum adhibuerat. At istum cibum non in hodiernum tantum diem: sed in omnem omnino uitam petere Christus docuissent, sicut illi dixerunt, *semper da nobis hunc panem* Ioan. 6. 3. 4. & illa, *da mihi hanc aquam, ut non sitiam neq; ueniam huc haurire.* Ioan. 4. 15. Itaque probabilius est, quod idem Augustinus lib. 1. locut. in Gene. c. 39. & epist. ad Probam. 121. c. 12. Basilii in regul. breu. inter. 252. Chrys. hom. 20. Auctor imperf. hom. 14. Grego. Nyssen. in lib. de oratione, & Theodorus in comment. in ca. 4. epistolæ ad Philippenses dixerunt, panem hoc loco nostrum & quotidianum omnem necessarium cibum appellari: panis autem appellatione omnia ad sustentandam uitam necessaria intelligi debere, id est ex omnibus huius loci circumstantiis manifestum est. Nam & quod nostrum, id est nobis necessarium, & quod quotidianum, id est non superuacaneum, & quod in hodiernum, non in futurum petimus, & quod uer. 34. eodem sensu prohibemur in crastinum esse soliti, omnia indicant de cibo corporis agi. At non est uerosimile (dicunt quidam) Christum in tam cœlesti præcatione quidquam terrenum postulare docuisse. Respondeo non fuisse Christi consilium, ut panem resque necessarias querere iuberet, quod terrenum est, quodq. idem Christus uer. 25. facere prohibet, & ad quod satis sumus natura nostra procliuēs: sed ut doceret unde, & quatenus querere deberemus. Non enim à terra, ut pecudes, sed à Deo, ut homines; non in omne tempus, sed in præsentem tantum diem petere docet. Hoc autem cœleste præceptum non terrenum est. Eo quidem usq; ut etiam Christo docente pauci admodum faciant. Illud magis mouere potest credibile non uideri Christum, quantumuis moderatam corporis curam animæ curæ præposuisset. Id autem fecit, si inter ea, quæ nobis ipsis petimus, primo loco panem, secundo remissionem peccatorum: tertio liberationem à tentatione petere docuit. Respondeo Christum



Christum non tam ordinem dignitatis rerum; quam naturæ, & infirmitatis nostræ sequi uoluissē. Natura prius uult uiuere, deinde bene uiuere. Huius rei Christus rationem habuit. Adde quod cum panem docet petere, nō tam corporis, quam animæ curam habet. Exscindit. n. maximum & uehemētissimum affectum, ex quo maior peccatorum pars proficiuntur: & ut dicam breuiter, hac petitione cauē, ne peccata fiant, sequente. quomodo facta remittantur.

*Notrum*) Qui panē, Christi corpus intelligunt, ij nostrum. i. fidelium, nō infidelium interpretantur, ut Cypr. Alij nostrum, id est, qui nobis à te dārisolent: Greg. lib. 3. moral. c. 5. Ecce & nostrum dicimus & tamen ut deus oramus: noster quippe fit, cū accipitur, qui tamen Dei est, cum ab illo datur. Et Dei ergo est ex munere, & noster fit ueraciter per acceptionem. Alij nostrum, id est hominum, nō pecudum. Alij uolunt nostrum nocari illū etiam ipsum, quē iam habemus: quem nihilominus à Deo petere iubemur, quia cū Dei potius, quā noster re uera sit, non debemus eo prius uti, quā utendi à Deo petamus facultatem. Sic Auctor imperfecti: quod uerum quidem & piū, sed alienum esse arbitror. Vult enim Christus prauam hominum consuetudinem corrigere, qui nullum auaritiæ suæ modum ponunt, ut ex uer. 19. & sequentibus perspicuum est. Non solent autem homines, quæ habent, aut industria sua quærere, si mali, aut à Deo petere, si boni sunt: cum igitur panem petimus, quem non habemus, cur qui diuites sunt, petunt? Mouit quæstionem, idemque explicauit Aug. pauperes petere, ut habeant diuites, ut non amittant. Et quid eget (inquit) diues? audeo dicere ipso panē quotidiano eget diues, quare enim abundat illi omnia? unde ē nisi quia Deus dedit? Quid habebit, si Deus subtrahat manum suam? nōne multi dormierunt diuites, & surrexerunt pauperes? Sic igitur interpretari possumus, ut noster dicatur panis, qui nobis est necessarius. Hoc enim cum Christi consilio bene conuenit,

qui tantum nobis uult potestatem facere in præsentem diem necessaria.

*Quotidianum*. ) Græcum uerbum τὸν ἐπιείκειον magnam difficultatem peperit. Vetus interpres quotidianum reddidit, ut ex Hieronymo in hunc locum manifestum est. Atque ita omnes ueteres auctores Latini legunt. Hieronymus supersubstantialē uertit, quanquam in eo ueterem uersionem noluit corrigere. Itaque incautē quidam nostro tempore in uulgata editione pro quotidiano supersubstantialē posuerunt: quod corporis cibo, quem a nobis peti probauimus, minimē conuenit. Alii consubstantialē, id est eiusdem nobiscum substantiæ reddiderunt, ut inde ἐμοῦσιν, de quo tantopere aduersus Arianos disputabatur, confirmarent, ut Marius Victorinus libro 3. aduersus Arium. Hieronymus scribit se in Hebræorum Euangelio pro ἐπιείκειος legisse τὸν crastinum, quasi inter crastinum, & hodie antithesis quædam sit: & hodie in diem crastinum necessarium petamus panem. Et quidem uerborum antithesis recte congruit: sententia uerō non congruit: non enim docet, sed prohibet Christus in crastinum esse sollicitos. uer. 34. Alii exponunt ἐπιείκειον substantiæ nostræ alendæ accommodatum, id est panem cibarium, non delicatum, non superuacuum: quod non prorsus male conuenit. Sed nihil æquē mihi uidetur conuenire, atque ut noster uertit interpres, *quotidianum*; ut intelligitur ex eo, quod sequitur, *da nobis hodie*. Non enim est uerborum antithesis, quam quidam, ubi non est, quærunt: sed cognatio, similitudoque sententiæ, quemadmodum si coniugatis etiam dixisset uerbis, panem nostrum hodiernum, id est, nobis in hodiernum diem necessarium, da nobis hodie. Sed uocauit potius quotidianum, quā hodiernum, ut generalior esset sententia, significaretque Deū singulis diebus seruis suis necessariū cibū dare solere. Diarium Latini uocant.



vocant. Petimus ergo à Deo, ut ne patiat<sup>ur</sup> diarium nostrum nobis hodie deesse. Loquimur enim tanquam filiol<sup>i</sup>, qui mane in scholam proficiscen<sup>tes</sup> primo loco eius diei statutam panis portionem postulant. Consonat huic sententiæ Syriaca translatio, quæ p<sup>ro</sup> pane quotidiano legit *ܡܢ ܝܐܡܪܝܢ ܡܢ ܝܐܡܪܝܢ* panem indigentiae nostrae. Vnus adhuc angere potest scrupulus, quod *ἐπιείκεια* nō à participio *ἐπίσκειν*, sed à nomine *ἐπίεϊα*, sicut *ἐπιείκεια*, & *ἐπιείκεια* Græcæ linguæ cōsuetudine cadere debeat. Quod si ira est, non præsens diei cibum, sed substantialem, aut supersubstantialem, aut ad substantiam denique, quæ *ἐπίεϊα* dicitur, pertinentem significare potest. Respondeo Euangelistam, aut Euangelistæ interpretem nouo uocabulo. aut ueteri nouæ significatione uti potuisse, quemadmodum sæpe Apostoli uti solent. Deinde nisi me coniectura fallit, Hebraismum sapere. Dicunt enim Hebræi *חֵן עֲלֵי* substantiam diei huius, pro hunc ipsum diē. ut Gene. 7. 13. & Leuit. 23. 14. Sic ergo uocare potuit Euangelista *ἐπιείκεια* panem, qui ad substantiam præsens diei pertineret, id est, portionem panis nostris. quæ præsenti diei responderet. Nolo tamen meam ualere coniecturam: nisi, qui doctiores sunt, approbauerint.

12. *Et dimitte nobis debita nostra.*

Peccata nostra debita uocamus, quia illi tanquam are alieno obstricti tenemur Deo. Id constat ex Luca. c. 11. 4. qui pro debitis peccata dixit: & ex parabola, quæ est infra. c. 18. 27. quid autem sit peccata remitti, ad Roma. 4. 8. disputauimus: nunc sine disputatione, ne forte lector erret, admonemus dimitti esse non solum non imputari, non solum dissimulari, non solum regi, non solum non puniri, ut noui hæretici fabulantur, sed penitus etiam tolli, penitus deleri, & in profundum mare proijci, ut scriptura loquitur. Ioan. 1. 9. Isa. 43. 25. Mich. 7. 19. Probarunt ex hoc loco ueteres Ca-

Nemo sine tholici aduersus Pelagianos neminē peccato, in hac uita sine peccato esse, quando

omnes dicere iubemur, *Dimitte nobis debita nostra*. Hieronymus lib. 3. aduersus Pelagianos, Augustinus lib. 2. contra ep. Parm. c. 10. & lib. 3. contra duas ep. Pelag. c. 5. & lib. 3. de peccator. mer. c. 13. & epist. 89. & hom. 42. Duobus modis Pelagiani respondebant: primum uiros sanctos, cum hæc dicunt uerba, non pro se, sed pro alijs orare, August. lib. 2. de peccator. mer. c. 10. Deinde non ex ueritate, sed ex modestia, & humilitate dicere. Aug. lib. 2. contra duas ep. Parm. c. 10. quibus iisdem locis responderet.

*Sicut & nos dimittimus debitoribus nostris.* Periculosa nobis uideatur Christi regulam tradere. Male enim omnino nobiscum agetur, si non aliter nobis Deus, quam nostris eos debitoribus peccata dimittat. At non est regula, sed conditio. Non esse regulam manifestum est: quia Deus nobis & multo plura, & multo maiora, & multo liberalius, & multo minus merentibus remittat; quam nos debitoribus nostris, aut remittere soleamus, aut etiam possimus. Itaque si regula esset, non salutem, sed damnationem potius nostram à Deo petere mus. Hoc per illam, quam diximus, parabolam c. 18. 24. 28. significatur, ubi Dominus seruo decem millia talenta remisit; seruus conseruo centum denarios noluit condonare: nec Dominus propterea dimisit, quod seruus debitori suo prius dimisisset, quasi eius exemplo prouocatus: sed prius Dominus dimisit, postea seruus dimittere noluit. Denique regula est, quam imitatur: non autem Deus nos, sed nos Deum in remittendis peccatis imitatur, non ergo nos illi sed ille nobis regula est. Nos illi conditio sumus, quia si nos debitoribus nostris non remittamus, neque nobis ille remittit, ut supra c. 5. 23. 24. significatur. Si offers munus tuum ad altare, & ibi recordatus fueris quod frater tuus habet aliquid aduersus te; relinquere ibi munus tuum ante altare, & uade recōciliari prius fratri tuo; & tunc ueniēs offeres munus tuum, & Marc. 11. 25. cum stabis ad orandum, dimittite, si quid habetis

Quid int<sup>er</sup> affirmant<sup>es</sup> & negant<sup>es</sup> conditione in scriptura iurata.



beis aduersus aliquē, ut et pater uester, qui in calis est, dimittat nobis peccata uestra. Et Lucas. c. 11. 4. non dixit, dimittite nobis debita nostra, sicut et nos dimittimus debitoribus nostris, sed siquidem nos dimittimus omni debenti nobis. Cur ergo Christus hanc non iam regulam, sed conditionem adiecit, cum potius impedire rei, quam petimus impetrationem, quā iuuare uideatur? Respondeo, duabus de causis appositam fuisse, & ad corrigendam orationem nostrā, ne nobis à Deo peteremus, quod alijs ipsi nollemus dare, & ad commonefaciendos nos, ut quod a Deo petimus, ut nos alijs concedamus. Reliquum est, ut uideamus, quo modo sit intelligenda. Nescio qui olim haeretici ita intelligebant, quasi quantumcunque homines peccarent, & quacunque ratione uiuerent, modo acceptas iniurias condonarent, certi essent fore, ut peccata sibi à Deo remitterentur, ut scribit Augustinus lib. 2. 1. de ciuitat. ca. 22. & 27. quibus respondet, non ut fiant, sed quia sunt peccata, ideo dicitur, dimittite nobis debita nostra, sicut & nos dimittimus debitoribus nostris. Non ergo est sensus fore, ut hac sola conditione nobis Deus debita nostra dimittat, si nos debitoribus nostris dimittamus, sed, ut nisi dimiserimus alijs, nec ille nobis dimittat, ut ver. 15. Si non dimiseritis hominibus, nec pater uester dimittet uobis peccata uestra, quare quod paullo ante ver. 14. dictum est, si enim dimiseritis hominibus peccata eorum, dimittet uobis pater uester delicta uestra, non absolute, ut Augustinus admonuit, intelligendum est, sed si cetera accedant, quae sunt necessaria, si nos peccasse poeniteat, si animus sit non iterum peccandi, & si quid est aliud, quod ad peccatorum remissionem requiratur. Nam, ut semel dicam, hoc inter negantes, & affirmantes promissiones, aut conditiones differt: quod negantes absolute, & sine alia superaddita conditione, affirmantes nunquam absolute, sed cum exceptione, nisi quid aliud impediatur, intelliguntur. Vnus & idem locus Mar.

Quid inter  
affirmantes  
& negantes  
conditiones  
in scriptura  
interest,

16. 16. illustre utriusque regulae praebet exemplum. Qui, inquit, non crediderit, condemnabitur. Haec enim promissio, quia negans est, absolute, & sine ulla conditione est intelligenda, fore, ut quisquis non crediderit, quantumuis bene uiuat, & quidquid aliud faciat, condemnetur. Quod autem ibidem dicitur, qui crediderit, & baptizatus fuerit, saluus erit; quia affirmatio est, non absolute, & sine exceptione intelligendum, sed si cetera habeat necessaria. Sic hoc loco, quod dicitur ver. 15. quia per negationem pronuntiat, absolute, quod uero uer. 14. quia per affirmationem, non absolute, sed cum exceptione intelligendum est. Alteram huius conditionis explanationem, nimis tamen angustam Augustinus affert, ut nostris debitoribus debita remittamus, id à nobis petentibus, sicut nos a Deo petimus, ut nobis nostra dimittat, & sicut seruus ille seruum suum rogabat, *patietiam habe in me*, Matth. 18. 29. Haec, inquam, interpretatio, & sensum nimis stringit, & conscientiam nimis laxat. Iubemur enim Marc. 11. 25. non solum rogati, sed nostra etiam sponte, cum stamus ad orandum dimittere, si quid aduersus aliquem habemus quamquam & generaliter ac sine restrictione de omnibus intellexisse uidetur ipse August. lib. 2. de serm. Domini in monte. Illa difficilior est quaestio, quatenus debitoribus nostris remittere debeamus, ut nobis Deus debita nostra dimittat. De ea re copiose Theologi disputant: ad eorum scholam audiam lectorem mittimus. Nos hieca tantum, quae ad huius explanationem loci necessaria iudicamus, dicturi sumus. Hoc ergo non de omnibus debitis, sed de priuatis iniurijs intelligendum. Mille aureos nummos mihi debes, an, nisi condonauero, Deus mihi peccata mea non condonabit? nequaquam ita est. Si enim condono, beneficium confero: si non condono, peccatum non admitto. Nec illa obstat parabola Matth. 18. 24. quod de pecuniae debito loquatur. Nam per pecuniam peccata sunt significata.

Quales iniurie remittendae, & quomodo.



gnificata. Patrem meum occidisti, an necesse est, ut nihil a te exigam, si uolo, ut nihil à me exigat Deus? minime. Honorem mihi falsa criminatione detraxisti, an mihi repetere coram iudice non licebit? licebit. Quid ergo? iniuriam, non damnum remittamus necesse est, si uolumus, ut nostra in Deum iniuria ab eo nobis remittatur. Iniuriam enim a damno subtiliter Theologi distinguunt. Cum patrem meum occidisti, & fecisti iniuriam, & damnum attulisti. Iniuriam, quia offendisti animum meum, quia contempsisti me; damnum, quia eum mihi eripuisti, qui me alebat, qui docebat, qui tuebatur, damnum repetere possum, iniuriam condonare debeo, ita ut nihil propterea uelim mali, ut nullas tecum geram inimicitias, & uindictam non quaeram. Idem in alijs exemplis intelligendum.

13. *Et ne nos inducas in tentationem.*) Duo hic explicanda sunt uerba, quid sit tentatio, & quid in tentationem inducere. Pelagiani hoc loco non peccatorum contra nos pugnam, quam tentationem scriptura solet appellare, sed humanos casus, quos ipsi per nos, nisi Deus auerteret, effugere non possumus, intelligebant. Auctor Augustinus epist. 94. Nempe, quia in eo errore uersabantur, ut existimarēt nostra esse potestate, ut nulla Dei adiuti gratia omnia peccata uitaremus, & a Catholicis hoc loco premebantur, quod a Deo petamus ne nos in tentationem indicat, quasi non possimus sine eius auxilio superare, ut Hieronymus libro aduersus eos. 3. & Augustinus multis locis argumentatur, hanc interpretationem, tanquam diuerticulum, qua euaderent, quasiueverunt. Sed ex proximo uerbo facile refelluntur; *sed libera nos à malo*, ubi per malum, ut paullo post docebimus non potest, nisi diabolus intelligi, tum etiam ex c. 26. 41. *Vigilate, & orate, ut nō intretis in tentationem: Spiritus enim promptus est, caro autem infirma*, ubi certum est de peccatorum tentatione agi: quod ergo illic iubet exercere, hic docuerat. Quomodo autem nos

Deus in tentationem inducat, facile Caluinistæ enim responderet, quia nos ad peccandum impellit. Facile enim est hæreticum esse. Sed stat Iacobi sententia, quam nulla poterit hæres aboleri, *Nemo, cum tentatur dicat, quoniam à Deo tentatur; Deus enim intentator malorum est, sed unusquisque tentatur à concupiscentia sua abstractus, et illecebrus.* c. 1. 13. 14. Vera ac firma oīum semper Catholicorum sententia fuit, Deū, cū de peccatis agitur, non impellendo, non incitando, sed permittendo tentare, ut Tertull. & Cyprianus in libr. de orat. Dominica, & August. ser. 124. de tempore, & sæpe alias interpretatur. Hoc constat. Quid autem sit Deum non permittere, ut in tentationem inducamur, id non constat. Nam nonnulli interpretantur, non ne in tentationem incidamus, quod dum carnem circumferimus, fieri non putant posse, sed ne, cū inciderimus, ab illa superemur, ut August. lib. 2. de sermone Domini, & epist. 121. & Theophylactus in commentarijs in hunc locum. Melius, ut mihi uidetur, idem D. Augustinus in lib. de bono perseverantia cap. 6. Tertullianus, Cyprianus de orat. Dominica, Chryso. hom. 26. Auctor imperf. 14. & Euthymius in hunc locum putant nos rogare, ut non incidamus in tentationem nostræ enim infirmitatis memores, non solum, ut uincamus, petimus, sed etiam ne in certamen descendamus, ne forte uincamur. Hūc sensum Christus c. 26. 41. prorsus expressit, *Vigilate, inquit, & orate, ne intretis in tentationem: spiritus promptus est, caro autem infirma.* Pugnam ergo, sicut Christus, detrectamus, sed nos cum diabolo, ille cum morte, *Pater si possibile est transeat à me calix iste.*

*Sed libera nos à malo.*) Cyprianus omne generaliter malum intelligit, siue peccatū, siue quiduis aliud, quod detrimentum nobis afferat. Alij ad tentationem referunt, quasi sensus sit, ne nos inducas in tentationem, sed libera nos ab illa, ut August. lib. 2. de peccatorum meritis. cap. 4. & lib. 2. de sermon. Domini in monte, & Auctor imperf.

Deus quomodo tentat,

Matth. 26  
39.



imperfecti hom. 14. quod cum altera Augustini opinione, de qua ver 9. diximus, qui septem esse putat orationis Dominicæ petitiones, non satis bene consistit. Idem enim esset, ne nos inducas in tentationem, & libera nos à malo, nisi forte in priore rogamus, ne in tentationem incurramus: in posteriore, ut si incurrerimus, ab ea liberemur, quod perexiguum, & subtile discrimen est. Magis mihi Tertulliani placet interpretatio, ut per malum diabolus intelligatur. Ipse (inquit libr. de orat.) à diabolo tentatus præsidem, & artificem tentationis demonstravit, quod & Chrysostomo homil. 20. & Chrysostomi sectatoribus Euthymio, & Theophylacto placuisse uideo. Iuuat nomē τὸν πρὸς, quo diabolus uocari solet, ut supra. cap. 5. 37. & infra. capit. 13. 19. & additus articulus, quasi malignum illum digito demonstrans. Adnotauit Augustinus lib. 2. de peccatorum merit. cap. 4. quod ante eum Tertullianus indicauerat, eo artificio has petitiones esse dispositas; ut prima rogemus, præteritis nobis dimitti peccata; in secunda, ut ne in futurorum irritamenta prolabamur; in tertia, ut à presentibus, quibuscum conflictamur, liberemur. Adiecit (inquit Tertull.) ad plenitudinem tam expeditæ orationis, ut non de remittendis tantum, sed etiam de auertendis in totum delictis supplicarem.

Quia tuum est regnum.) Hæc uerba i Græcis codicibus adduntur ὅτι σοῦ ἐστὶν ἡ βασιλεία, καὶ ἡ δυνάμις, καὶ ἡ δόξα εἰς τοὺς αἰῶνας ἀμήν, quia tuū est regnum, & potestas, & gloria in secula amen; quæ, quia in nostra versione nō legimus, nec in precibus dicere solemus: clamant hæretici, & nobis partim ignorantiam, partim falsi crimen obiciunt, quasi alias de nostro commenti Dominicam mutilauerimus orationem. Sed ut alii ante monuerunt; non nos hæc uerba detrauximus, sed Græci solemnī precationi addiderunt; unde credibile est, in Euangelistæ contextum fuisse translata, quemadmodum angelicæ saluta-

tionī addiderūt ὅτι σὺ ἔτεκες τὸν σῶτῆρα ἡμῶν, quia tu peperisti seruatore nostrum, & Psalmis, Gloria patri, & filio, & Spiritui sancto. Estque id Græcorum ingenio & moribus ualde consentaneum, qui ad finem concionum solent adiungere, ὅτι σοὶ ἐστὶ κράτος, καὶ δόξα, καὶ βασιλεία, aut aliquid simile, ut apud Chrysostomum, & alios Græcos concionatores sæpe legimus. Confirmat coniecturam, quod uetustissimi auctores non legant. Et solebant tamen Tertullianus & Cyprianus Græcis potius uti exemplaribus, quàm Latinis, maximeque cum Græca Latinaque dissidebant, & Hieronymus Latinam editionem ad Græcam corrigens veritatem, tamen nec vertit, nec in commentariis exponit. Nec uero simile est Christum in tam breui, præcisâque oratione non necessaria addidisse uerba. Fateor Græcos auctores Chrysostomum, Auctorem imperfecti, Theophylactum, & Euthymium legere; fateor & in Hebraico, & in Syriaco Euangelio reperiri. Sed Græci legunt ex consuetudine Ecclesiæ suæ. Hebræus, quia Græcè legit: quantum enim auctoritatis Hebraicum illud habeat Euangelium, in præfatione diximus. Syrus uerò, quia credibile est eum ex Græco Euangelium transulisse; nisi forte & Syri ex Simili precandi consuetudine addiderunt.

14. 15. Si enim dimiseritis hominibus.) Quidquid est in his duobus uerbis difficultatis supra ver. 12. explicauimus. Nunc antithesis tantum inter homines & Deum noranda est, Si, inquit, dimiseritis hominibus, id est æqualibus uestris, conseruis uestris, ut in parabola debitorum c. 18. 28. 29. Magis enim debet homo homini, seruo conseruo, quàm homini Deus, seruo dominus iniurias condonare, quia mortalis cum sit, non debet immortales gerere inimicitias, & quia minus æqualis ab æquali, quàm ab inferiore superior, præferim ab infimo summus offenditur. Iubemur ergo facere, quod est minus, ut obrineamus, quod est maius, & centū cōseruis nostris

K



nostris denarios remittere; ut decem millia nobis talenta à domino remittantur. Hanc uim habet, *hominibus*. Similis sententia Eccle. 28. 1. 2. 3. 4. 5. *Qui uindictam uult, à Domino inueniet uindictam; & peccata illius seruans seruabit. Relinque proximo tuo nocenti te, & tunc deprecanti tibi peccata soluentur. Homo homini reſeruat iram, & à Deo queris medelam? In hominem similem sibi non habet misericordiam, & de peccatis suis deprecatur? Ipse dū caro sit reſeruat iram, & propitiationem petit à Deo: quis exorabit pro delictis illius?*

16. Sicut hypocrite.) De hoc nomine diximus ver. 2.

Tristes.) *τρυφεῖν*, qui tristi sunt uultu, quod non de uera tristitia, sed de seueritatis sanctitatisq;, ut ait Hieronymus, simulatione est intelligendum.

Exterminant.) *ἀπαλειψέτω*, sic uertit, non Hieronymus, sed uetus ante illum interpres, ut ex Hilario can. 5. & Augustino lib. 2. de sermone Domini perspicuum est. Nam Hieronymus, demoliantur, reddendum putat, ueterem subreprehendens interpretem, quod nec ipsum est propriū. Melius Hilarius, conficiunt, & Chrysostomus, *ἀπαλειψέτω* corrumpunt, propius alij, obſcurant. Sensus est, hypocritas, ut icinnare uideantur, natium, & uergetum colorem, aut tristitiæ simulatione, aut alicuius medicamenti artificio in pallidum terribiliumque conuertere: contra quā mulieres faciunt, ut pulchriores appareant.

Mercedem suam.) quam quærunt, ut ver. 1. 2. 3.

Tu autem.) mutatio numeri, ut uer. 21. ex Hebraeorum consuetudine. 4. Reg. 17. 29. Solebant Palæſtini, ut ait Hieronymus hoc loco, diebus festis ungi. Nec solum Palæſtini, sed omnes Orientales in lætitia, & rebus prosperis ungebantur, ut ex his locis intelligimus Ruth. 3. 3. 2. Regum. 12. 20. & 14. 2. & 4. Regum. 4. 2. & Iudith. 10. 3. & 16. 10. & Ester. 2. 12. Quomodo autem intelligendum sit, quod Christus iubet

caput ungere, cum ieiunamus, Chrysost. hom. 21. & Auctor imperfecti homil. 15. Hieronymus, Theophylactus, Euthymius: Rupertus recte exposuerunt; non iubere, ut reuera caput ungamus, sed ieiunii fugiamus ostentationem, & hilaritatem potius atque lætitiā, quemadmodum qui caput ungunt, quā tristitiā praeferamus sicut intelligitur, quod supra dictum est ver. 3. *nesciat sinistra tua, qd faciat dextra tua, & uer. 6. intra in cubiculum tuum.* Alia interpretationes, quas partim iidem auctores, partim Origenes, Hilarius, Basilus, Augustinus, & Beda afferunt, allegoricae sunt.

19. Nolite thesaurizare.) *μὴ θησαυρίζετε ὑμῖν*, ne thesaurizetis uobis, ut hoc utamur uerbo. Vetus interpres in huiusmodi imperandi modis, qui per negationem dicuntur, addere solet uerbum, *nolite*, sententiam exprimens, non uerba, ut infra ver. 34. & c. 7. 1. 6. Quod autem quidam Augustinum traducunt, quod ex similibus locis in lib. de gratia & lib. arb. liberum hominis arbitrium confirmat, parum benigne faciunt. Nam & in nonnullis locis est *μὴ θησαυρίζετε*, & si nō esset, & nihilo minus ex illis liberum probaretur arbitrium, quia nemo, prater haereticos, tam est insanus, ut Deum nobis præcipere dicat, quæ facere non possumus. Et multo perfectior illi magis ridiculus, & imperitior ex alijs locis ad tollendam, quā Augustinus ex iis ad afferendam libertatem arbitrii, argumentantur. Quod Christus per thesaurum intelligat, non satis compertum est. Hilarius humanam laudem intelligi putat, quam uer. 2. 5. & 16. mercedem appellauit, quam qui confectantur, ij thesaurum non in cælo apud Deum, sed in terra apud homines ponunt. Melius alij omnes auctores, quos legisse memini, de terrenis opibus interpretantur. Quod ex ver. 24. confirmatur, *non potestis Deo seruire, & mammonæ.*

21. *Thesaurus tuus.*) *Γρατὴ ὑμῶν* uester, sicut paullo infra *καρδία ὑμῶν*

Liberi arbitrii assertio.

cor



cor uestrum. Melius mihi videtur legisse noster interpres: nam & Chrysost. & Auctor imperf. Græci scriptores ita legunt: & hæc numeri mutatio in concione maiorem habet vim, ut supra ver. 17. Apparet autem hoc fuisse proverbium sumptum de medio; qualia multa & in hoc, & in sequente capite reperiuntur, ut illud ver. 24. *nemo potest duobus dominis servire.*

22. *Lucerna corporis tui.*) Græci non legunt, tui. Quod quidam maiorem vim habere putant. Ego contra eo pronomine vehementius auditorem ferri arbitror, præterquam quod versu præcedenti iam coeperat sequendam alloqui personam, & uersu hunc proximè sequente addit, *ἐὰν ὁ ὀφθαλμὸς σου πονηρὸς ᾖ, ὁ σὺν αὐτῷ οὐ φαίνεται.* Atque ita legit Hilarius, & Ambrosius in lib. de dignit. sacerdotali ca. 6. & Augustinus lib. 2. de sermon. Domini, & inter Græcos Auctor operis imperfecti. Dubitare autem aliquis poterit, quorsum hæc uerba pertineant, & qua consequentia superioribus adhæreant. Chrysost. & Auctor imperf. ita coniungunt. Dixerat paullo ante, *ubi est thesaurus tuus, ibi est cor tuum*; cor est in animo, quod oculus in corpore: declarat ergo ex similitudine oculi corporis non posse se animum bene habere, cum cor est in thesaurum intentum & auaritia obæcatum.

*Si ergo.*) *ἔγὼ* ergo hoc loco non est, ut grammatici loquuntur, illatiua coniunctio, sed inceptiua, aut continuatiua sententiæ.

*Oculus tuus fuerit simplex.*) Purus, mundus, non prauis infectus humoribus.

*Totum corpus tuum lincidum erit.*) Erit ueluti oculatum. Nam oculus per exiguus orbiculus ita toti corpori necessarium lumen præbet, ut cum oculus purus est, totum omnino corpus oculus esse uideatur: omnia enim membra ad fungendas actiones suas per oculum uident.

23. *Si autem oculus tuus fuerit nequam.*) *πονηρὸς*, male affectus, uitia-

rus, immundus. Opponit enim simplici, id est mundo. Si ergo *ὁ ὕψ* pro *ἁπ* enim: redditur enim causa.

*Lumen, quod in te est, tenebræ sunt.*) Quomodo lumen tenebræ esse possunt? aut tenebræ sunt, quomodo lumen uocat? non quia est, sed quia esse debuit, ut, *filij autem regni eiciantur foras*, Matth. 8. 12. id est, qui filij regni esse debuerunt. Et, *iustificata est sapientia à filiis suis*. id est ab ijs, quos filios sapientia esse oportebat, Luc. 7. 35.

*Ipsæ tenebræ quæ erunt?*) Reliqua corporis membra, quæ natura sua tenebræ sunt, quia nullum nisi ex oculis lumen habent.

24. *Nō potestis duobus dominis seruire.*) Quorsum hoc? Respondet Chrysost. hom. 22. & Auctor imperf. 16. quia dixerat uer. 19. *nolite thesaurizare uobis thesauros in terra*, quod probat non esse faciendum, quia nō possumus Deo seruire, & mammonæ. Probabile est, ut ante diximus, vulgare hoc fuisse proverbium, quale illud apud Arianos est, *nemo potest simul sorbere, & stare*. Quo autem modo intelligendum sit, Chrysost. hom. 22. & Theophyl. exponunt, neminem posse duobus dominis seruire contraria præcipientibus, quales Deus & mammona esse solent quod etsi verum est, tamen aliā Christus rationem affert. *Aut enim unum odio habebit, alterum diligit: aut unum sustinebit, et alterum contemnet*, quibus uerbis significat neminē duobus Dominis non solum contraria, sed etiam diuersa præcipientibus seruire posse, quia natura ipsa prohibet, ut amor serui in diuersos distrahatur dominos, quemadmodum si dixisset nullā mulierem duos maritos habere posse, non modo, quia contraria præcipiunt, sed quia coniugalis amor natura sua eiusmodi est, ut nō nisi unius esse possit. Sic unus dominus multos seruos habere potest, unus seruus multos dominos habere non potest, quia dominus est seruum non amare, sed regere, serui dominum non regere, sed amare, & imperium diuidi potest, amor non potest. Itaque indicat Christus diuitias non solum, cum iniquè

K 2 paran.



parantur, & iniuste dispensantur: sed etiam cum non iniuste, non iniuste: si tamen amantur, ab amore Dei hominem auocare, quia nemo potest duos amare dominos, sicut alibi dixit, *Impossibile est diuiti intrare in regnum celorum*, c. 19. 26. Obseruauit Auctor imperf. hom. 16. non diuise, nemo potest duos dominos habere, sed *nemo potest duobus dominis seruire*. Dominum autem uocat omnem rem, cui nimis dediti sumus, cui quodammodo seruimus, ut Rom. 6. 16. *nescitis, quia cui exhibetis uos seruis ad obediendum, seruis eius cui obeditis, siue peccati ad mortem, siue obediuntis ad iustitiam*, & 2. Petri. 2. 19. a quo enim quis superatus est, huius & seruus est. Sic Basilii in moralibus regulis 2. c. 1.

*Aut enim unum odio habebit.* Cum sententia sit facilis, locus est difficilis: uidetur enim opponere vnum vni, alterum alteri, & cum dicit in secunda parte, *aut unum sustinebit, & alterum condemnet*, incipere a posteriore membro prioris patris, & vnum dicere, quem ante alterum dixerat: hoc videtur oratio, & consuetudo loquendi postulare. Quod si ita est, apparet inanem esse repetitionem, quemadmodum si diceret, aut Petrum odio habebit, & Paulum diligit, aut Paulum sustinebit, & Petrum contemnet, & ita plerique acceperunt: quod cum alii absurdum esse animaduertent, dixerunt, unum non certum, sed unam aliquam, quam designare uelis, personam demonstrare, alterum alteram. Mihi facilis huius rei explicatio videtur esse, adeo ut pigeat alias interpretationes sine operæ pretio recitare. Vnus enim hoc loco accipitur pro primo, alter pro secundo, notissimo omnibus etiam, qui Hebraice nesciunt Hebraismo. Itaque nomina duos, quos uelis, dominos, Petrum & Paulum, aut unum, idest primum Petrum odio habebit, & alterum id est secundum Paulum diligit: aut vnum id est primum Petrum sustinebit: & alterum, idest, secundum Paulum contemnet. Vno dicam uerbo non opponit personam personæ, sed odium perso-

næ eiusdem amori. Similis est locutio apud Lucam. c. 16. 13.

*Non potestis Deo seruire & mammonæ.* Mammon Chaldaice, mammona Syriacè diuitiæ dicuntur, ut Hieronymus hoc loco, & Elias in Thesb. docent. Consonat Punica lingua, quæ Hebraicæ affinis atque Chaldaicæ, lucrum mammon appellat, ut August. lib. 2. be serm. Domini. & ser. 35. de uerbis Domini secundum Lucam adnotauit.

25. *Animæ uesire.* Animam hoc loco pro altera hominis parte positam esse ex alterius partis oppositione manifestum est: *nec corpori uestro, quid induamini*: sed quia ea parte uiuimus, anima pro uita ponitur Hebræorum consuetudine, ut etiam Augustinus admonuit, ut infra capit. 10. 39. & 16. 25. Ioan. 10. 11. & 12. 25. & 13. 37. 38. & 15. 13. & aliis locis pœnæ innumeris.

*Neque corpori uestro.* Nominaui duas res homini charissimas, & de quibus maximè solet esse sollicitus, quia tota in illis uita consistit, uetatque etiam de illis sollicitudinem habere. Non autem omnem prohibet sollicitudinem, sed eam, quæ ex diffidentia erga Deum proficiscitur, ut apparet ex uer. 26. 28. & 30. & eam quæ a Dei seruitute hominem distrahit, ut constat ex uer. 24. *non potestis Deo seruire, & mammonæ.* Denique non omnem imprecatur sollicitudinem, sed eam, quam seruus erga Dominum habet, loquitur enim conuenienter iis, quæ uer. 24. dixerat, *nomen potest duobus dominis seruire.*

*Nonne anima plus est, quàm esca?* Merito dubitari potest, quorsum spectet hæc ratio. Hieronymus, Augustinus libro 2. de sermone Domini, Chrysostomus homilia 22. Auctor imperfecti. 16. Ecclæ, Theophylactus, Euthymius, & Strabus huiusmodi argumentum esse putant, *nonne anima plus est quàm esca, & corpus plus quàm uestimentum?* Quis uobis animam, & corpus dedit, nisi Deus? qui ergo, quod maius est, dedit, & quod minus est, dabit. Sic uult Petrus,



Petrus, ut omnem in illum nostram sollicitudinem proiciamus, certi nos illi curæ esse, epistola 1. capitul. 5. 7. Confirmatur hæc ratio vers. 26. 27. 28. 29. 30. Quod autem nonnulli quondam monachi hoc loco ad otium, & desidiam abutebantur, ideo non laborantes, ut uitium quærent, quod Dominum omnem corporis sollicitudinem prohibuisse dicerent, ex ijs, quæ paullo ante docuimus, non omnem sollicitudinem prohiberi, refutari potest, & Diuus Augustinus integro lib. de opere monachorum copiosius refutauit.

26. *Respicite uolantilia.* ) Quidam olim per uolantilia angelos intellexerunt, ut in commentarijs refert Hieronymus. Contra Hilarius, immundos spiritus intelligit, fortasse allegoricè. Sed perspicuum est aues intelligi debere, nisi uelimus non solum uim argumenti, sed omnem etiam sententiam prorsus perire. Cur autem aues potius, quam alia animalia nominauerit, tres potissimum causas fuisse arbitror. Primam, quod uoluerit in toto quodammodo mundo exempla nobis diuinæ prouidentiae proponere. Incipit ergo a cælo, *respicite uolantilia celi*, & desinit in terram uer. 28. *considerate lilia agri*. Secundam, quod cum in sublimi aere uersentur, longius a cibo absunt, & tamen Deus pascit illa. Tertiam, quod terrestria animalia plus in quærendo, & recondendo cibo habere soleant industriæ; itaque Salomon, ut prouidi, & laboriosi esse discamus, mittit nos ad formicam. Prouerb. 6. 6. & 30. 25. *formica*, inquit, *populus infirmus, qui præparat in messe cibum sibi.*

*Celi.* Eodem hoc epithetum pertinet, sunt enim, & domesticæ aues, quæ hominum aluntur prouidentia, cælestes autem solus Deus alit. Lucas capit. 1. 24. coruos nominatim dixit, ideo, ut quidam putant, quod coruorum pulli simul, ut exclusi sunt, à patre & matre deserantur, ita ut ex Dei sola pendeant pro-

uidentia, ideo de corui nominatim dictum esse, *quis præparat coruo escam suam, quando pulli eius clamant ad Deum uagantes eo quod non habeant cibos* Job. 39. 3. & *qui dat iumentis escam ipsorum, & pullis coruorum inuocantibus eum*, Psalm. 146. 9.

*Ei pater uester celestis pascit illa.* )

Non dicit pater eorum, sed pater uester, quasi dicat, si Deus illa, cum & uilissima sint animalia, & eorum ipse pater non sit, tamen prouidentissimè pascit, quanto magis pascet vos, qui & homines, & eius filij estis? Poterat, inquit, Chrysostomus homilia 22. in Moïse, in Elia, & Ioanne diuinæ prouidentiae exempla proponere, quorum Moïses quadraginta dies a Deo sine cibo sustentatus est, Exodi. 24. 18. Elias & per coruum alius auium uoracissimam, & quæ maximè cibo eget. 2. Regum 17. 4. 6. Ioannes in solitudine sine ulla uictus & uestitus solitudine uitam egit, supra. capit. 4. Sed uoluit ostendere diuinam prouidentiam ad minimas quasque atque uilissimas etiam res pertinere, nec, ut stulti illi dicebant, cælo claudit, Job. 22. 4.

*Nonne uos magis pluris estis illis?* ) Maluit noster interpretes a Latini sermonis consuetudine, quam a Græcis uerbis discedere, *οὐχ ὅτι μὲν πολλὸν διαφέρει ἀπὸ τῶν, nomine uos longè illis antecellitis?* Aut, nonne uos longè illis estis præstantiores?

27. *Quis autem uestrum cogitans.* ) Quantumuis intendat nervos ingenij, quantumuis sese cogitando discruciet *μεριμνῶν.*

*Cubitum unum.* ) Quorsum hoc dicat, non facile dictu est. Hieronymus, Augustinus lib. 2. de sermon. Domini; Beda & Strabus in commentarijs existimant, sicut paullo ante probauit animam pluris esse, quam escam, ita nunc probare uelle corpus pluris esse, quam uestimentum, & Deum, qui istam nobis corporis staturam dedit, conueniens illi uestimentum daturum esse, nos, qui staturam facere non possumus, nec uestimentum illi accommodatum, nisi Deo concedere.

K 3 te,



re reperire posse. At id non hoc loco, sed uer. sequenti facit. *Et de uestimento quid solliciti estis* & quasi nondum cœpisset de uestimento disputare. Chrysostomus, Euthymius, Theophylactus. Si non potestis, quantum uis edatis, & bibatis, ad staturam corporis uestri, uel unum cubitum adijcere, nisi Deus augeat, quid de cibo, & potu solliciti estis? *neque enim qui plantat, neque qui rigat, est aliquid, sed qui incrementum dat Deus.* 1. Cor. 3. 7. Hunc non esse sensum constat ex Luca. capit. 12. 26. *si ergo quod minimum est, non potestis, quid de ceteris solliciti estis?* Ex quo loco necesse est, ut hunc, si rectè uolumus intelligere, interpretemur. Ex Luca autem manifestum est, uoluisse Christum ab eo, quod erat minus, ad id, quod maius erat, argumentari. Vocat ergo minimum, cubitum unum ad staturam corporis adijcere, non comparatione indumenti, aut cibi, aut potus. Nec enim dubium est, quin maius sit, atque difficilius, non dico unum cubitum, sed uel unum pilum corpori nostro addere, quàm uictum, & uestitum inuenire. Sed uocat minimum comparatione totius corporis, & animæ, ut rectè Auctor imperfecti animaduertit. Probat igitur Christus his uerbis minorem superioris argumentationis propositionem, quam suppresserat. Sic enim argumentatus fuerat: Anima plus est quàm esca, & corpus, quàm uestimentum. sub. sed animam & corpus non uos, sed Deus facit: ergo escam, & uestimētum non uos debetis querere, sed Deus. Illam autem partem minoris propositionis, animam & corpus uos facere non potestis, nunc probat. Non potestis unum cubitum facere, ergo multo minus totum. Quod autem quidam Euthymium secuti putant, idēd potius cubitum, quàm palmum, aliam uel menturam nominasse, quod cubitus propria humani corporis mensura sit, uniuscuiusque enim hominis corpus quattuor eiusdem hominis constare cubitis, iudicent alij. Ego hoc tantum compertum habeo

Christum, cum minimam corporis partem, ut argumentationis uis requireret, dicere uellet, cubitum appellasse, non quod non alia mensura minor sit, sed quod ea una sit ex minimis. In his enim rebus non subtiliter, sed vulgariter loqui consueuimus: quemadmodum qui dicit se ne unum quidem assē habere, ut significet nullam se prorsus habere pecuniam, non ideo assē nominat, quod minima pecunia, sed quod ex minimis una sit. Itaque qui Gallicè dicit, ne unum quidem assē habeo, & qui dicit, ne unum quidem denarium habeo, quamuis assē, denarius minor sit, idem tamen dicit. Simile exemplum supra notauimus capit. 5. 26. Nam quod Matthæus dixit, *non exies inde, donec soluas nouissimum quadrantis*, Lucas. c. 12. 59. dicit, *donec soluas nouissimum minutum*, quod quadrantis media pars erat, idem tamen dicunt, id est donec omne prorsus debitum soluas. Sic quod hoc loco Matthæus dicit, *quis uestrum cogitans potest adijcere ad staturam suam cubitum unum*, id est, uel minimam partem, supra. cap. 5. 36. dissimili argumento, simili sententia dixit, *non potes unum pilum album facere, aut nigrum*. Quod autem Hilarius ad staturam corporis Christi hoc retulit, de qua loquitur D. Paulus. Ephe. 4. 13. satis apparet non esse literale.

28. *Lilia agri.*) Eadem ratione, quæ paullo ante non dixit, uolatilia tantum, sed uolatilia cœli, nunc non tantum dicit respicite lilia, sed lilia agri, ut ab hortensibus distinguat, quæ hominum cura, & plantantur, & aluntur. Videtur autem Christus hoc exemplo docere uoluisse Deum non solum necessitatis, sed etiam elegantiae, & pulchritudinis nostræ curam habere, ut ne eius quidem causa sollicitos nos esse oporteat. Quemadmodum patres non solum prouidens, ne quid liberis suis ad uitam, & studia, sed etiam ne quid ad usitaram elegantiam, & honestam recreationem desit. Huc spectat, quod dicit,



dicat, nec Salomon in omni gloria sua cooperatus est, sicut vnum ex istis. Porro quod hic uerbis docet, iam olim re ipsa docuerat. Hebræos enim per quadraginta annos in solitudine vestiuit Deut. 8. 4. *Vestimentum tuum, quo operiebaris, nequaquam vetustate defecit, & pes tuus non est subruitus, en quadragessimus annus est.*

29. *Nec Salomon.*) Proposuit Salomonis potius, quam alterius regis exemplum, quia & opibus, & potentia, & sapientia omnibus, qui ante, quiq; post ipsum fuerunt, antecelluit. 3. Reg. 3. 13. quibus rebus, & excogitari, & parari solent ea, quæ ad ornamenta corporis pertinent.

*In omni gloria sua.*) Quod quidam noui interpretes uertunt ἐν πᾶσι τῇ δόξῃ αὐτοῦ cum omni gloria sua, ut ἐν pro σὺν, sicut ὁ apud Hebræos, accipiat, probare non possum, quia & a propria uerborum significatione nulla coacti necessitate discedunt, & vim sententiæ non exprimunt. Non enim est sensus, ne Salomonem quidem, quantumuis inclutus, & gloriosus fuerit, tam eleganter uestiri potuisse: ut isti videntur existimare: sed ne Salomonem quidem, etiam tum, cum in summo fastigio gloriæ suæ erat, ita potuisse uestiri. Est enim δόξα, quia ex regibus maximum nominat Salomonem: ex Salomonis uero temporibus, illud, quo eius gloriæ atque potentia maximè vigeat. Itaque melius noster uertit interpret.

30. *Si autem fanum.*) Duo oportuit contraria in lilijs exaggerare, summam pulchritudinem, & infimam utilitatem. Pulchritudinem, ut eam Salomonis anteponeret elegantiae utilitatem, ut ostenderet nihil tam uile, nihil tam abiectum esse cuius Deus summam non habeat curam. Cum de pulchritudine agebat, lilia cum de utilitate γόφρον scænum appellauit. Solum scriptura, quæ utilissima, & breuissimæ uitæ sunt, scæno comparare Ps. 36. 2. & 71. 6. & 91. 8. & 101. 5. 12. & 102. 15. & 128. 6. & Eccl. 14. 18. Isa. 37. 27. & 40. 6.

33. *Quærite.*) Solliciti estote de regno Dei: sicut dixerat uer. 23. nolite solliciti esse animæ vestre, quid manducetis, nec corpori vestro, quid induamini, & uer. 28. & de vestimento quid solliciti essetis? & 31. nolite ergo solliciti esse. Illi enim sollicitudini hanc opponit: super uacante necessariam, malè bonam. Ergo. G. d. autem id est, quærite non illa, sed regnum Dei.

*Primum.*) Non uidetur dicendum fuisse primum, sed, tantum: non enim significat illa secundo loco querenda, cum paullo ante omnino queri prohibuerit. Scio quosdam aliter respondere, ego tamen ita respondeo: Christum non omnino uetuisse cetera querere: sed ita querere, ut eorum sollicitudo a Dei regno querendo nos auertat: ita querere, ut illis seruire uideamur: non enim possumus duobus dominis seruire, uer. 24. Querere autem secundo loco, id est, propter regnum Dei, non uetuit, sed docuit. Nam in oratione Domini ca, postquæ præcepit dicere, *adueniat regnum tuum*, præcepit etiam, ut diceremus, *panem nostrum quotidianum da nobis hodie*, quasi re ipsa ostendens, quid esset, quod hoc loco dicit, *primum quærite regnum Dei*, ut Chrysostom. hom. 23. & Euthym. obseruauerunt. Obijcitur, quod statim sequitur, *hec omnia adijciuntur uobis*, quasi non querentibus, quasi non sollicitis, quasi non petentibus. Respondeo adiici, quia nō primo loco queruntur: quod autem non primo loco, ac propter se sed secundo, & propter Deum queritur, queri non uidetur, quia non ipsum, sed Deus in ipso queritur. Tum etiam, quod hæc sæpe etiam a Deo non querentibus, neque cogitantibus adijciuntur, ut paullo infra dicemus.

*Regnum Dei.*) Quidam illud regnum intelligent, de quo uer. 10. dixit, *adueniat regnum tuum*, ut Chrysostom. & Euthymius quod perbellè quidem conueniret, nisi constaret hic non agi de iis, quæ Deo, sed de iis, quæ nobis ipsis petimus, & nisi sequeretur statim, *et iustitiam eius*,

K 4 quam



quam certum est, nobis quærere debe-  
re, non Deo. Alij beatam vitam inter-  
pretatur, quasi dicat, studere primum  
ad regnum Dei peruenire, ut Auctor  
imperf. homil. 16. & Beda, idemq; Eu-  
thymius in commentariis. Possumus  
etiam regnum Dei Dei gratiam acci-  
pere, quam in primis tanquam anima-  
rum nostrarum vitam quærere debe-  
mus, sicut Luc. 17. 21. dicitur, *regnum*  
*calorum intra uos est.*

Regnum  
enim gēcē  
est feminini  
generis, &  
αὐτοῦ ma-  
sculini,

*Ex iustitiam eius* ) αὐτοῦ Dei, quod  
hæreticorum patriarcha Caluinus nō  
animaduertens, scripsit hunc geniti-  
um, vel ad Deum, vel ad regnum re-  
ferri posse, quod, etsi puerilis erroris  
est, cacetè præterissem, sciens eiusmo-  
di potius inconsiderantiam, quā igno-  
rationem in uiros quamuis doctos ca-  
dere posse: nisi certus essem illum, si  
quis id dixisset Catholicorum, insolē-  
ter more suo fuisse risurum. Vocatur  
autem Dei iustitia, quam Deus nobis  
prescripsit, quasi dicat, curate in primis  
Dei facere uoluntatem: curate eius ob-  
seruare mādāta, sicut Zacharias, & Eli-  
sabeth dicuntur in omnibus iustifica-  
tionibus, id est mandatis Dei ambulaf-  
se, Luc. 1. 6. Possumus etiam intelligen-  
re ipsum regnum Dei, per expositio-  
nem *iustitiam eius appellari*; sicut ait  
D. Paulus Rom. 4. 17. *non est regnum*  
*Dei esca, & porus, sed iustitia, gaudium,*  
*& pax in Spiritu sancto.*

*Hæc omnia adijciuntur uobis.* ) vide-  
tur mihi metaphora esse sumpta a re-  
bus vilibus, quæ in rerum pretiosarū  
emptione, non computantur in pre-  
tium: sed dantur pro corollariis. Illu-  
stre Salomonis exemplum est, qui cū  
non opes, non gloriam, non poten-  
tiam: sed sapientiam ad regendum po-  
pulum Dei, id est solum Dei regnum  
quæsiuisset: cetera etiam illi, quæ non  
petiuit, data sunt, 3. Reg. 3. 13. Similes  
sententiæ sæpe in Psalmis occurrunt  
Ps. 33. 11. *inquiretes autem Dominum,*  
*non minuentur omni bono,* & 110. 5.  
*escam dedit timentibus se.*

34. *Nolite ergo.* ) Hanc uim habet,  
volatilia cæli, & lilia agri sollicita non  
sunt, & tamē Deus pascit, ac uestit ea:  
non ergo uos, qui eius estis filij, debe-

tis esse solliciti: aut, cū hæc, de quibus  
vos maxime estis solliciti, etiam de illis  
non sollicitis, sed tantum regnum Dei  
quærentibus adiciantur, nolite pro il-  
lis esse solliciti, nolite uos sine ulla ne-  
cessitate sollicitudine cruciare, parcite  
uobis ipsis. *Sufficit enim diei malitia*  
*sua.*

*In crastinum.* ) Indicat in hodiernū  
aliquam nos sollicitudinē habere pos-  
se: sed petendi potius a Deo, quā in-  
dustria nostra quærendi: uidetur enim  
alludere ad illud, quod ver. 11. docuit  
petere, *panem nostrum quotidianum*  
*da nobis hodie.* Luc. cap. 12. 29. dixit  
μὴ μετρωπίζεσθε, ne sitis longa futu-  
ri sollicitudine suspensi, ne philosophæ  
mini apud uos de rebus longè remo-  
tis, sicut Mathematici cū de cælo di-  
sputant: ut illi, qui apud Iacobum cap.  
4. 13. dicunt, *hodie, aut in crastino ibi-*  
*mus in illam ciuitatem, & faciemus ibi*  
*quidem annum, & mercabimur, & lu-*  
*crum faciemus.* Crastinum pro futu-  
ro accipi ex Hebræorum consuetudi-  
ne Hilarius, & Hieronymus admo-  
nuerunt, ut Gen. 30. 33. & respondebit  
mihi cras iustitia mea.

*Crastinus enim dies sollicitus erit sibi*  
*ipsi.* ) μεριμνήσει τὰ ἑαυτοῦ, sollicitus  
erit de ijs, quæ ad ipsum pertinent, id  
est satis uobis sollicitudinis afferet ad  
quærenda ea, quæ, cū uenerint, erūt  
in ipso necessaria: loquitur, ut ait  
Chrysostomus hom. 23. de diē re ina-  
nimata per prosopopœiam, quasi soli-  
citus esse posset, aut, ut ego arbitror,  
eadem metonymia, qua mors dicitur  
pallida, quia hominēs pallidos facit.  
Sic enim dies dicitur pro rebus suis ef-  
se sollicitus, quia nos pro illis sollicitos  
reddit.

*Malitia sua.* ) Sollicitudo, de quā  
agebat, quam κακία, id est malitiam,  
id est afflictionem, & uexationem ap-  
pellat, ut Tertul. li. 2. contra Marcion.  
Hieron. in commentariis, Chrysost.  
hom. 23. Aug. li. 2. de scr. Domini, Eu-  
thymius, & Theoph. exponūt κακία  
autem dixisse pro κακασί Hierony.  
monuit. Superest quaestio de uerita-  
te sententiæ, quomodo nos in crasti-  
num sollicitos esse prohibeat, cū  
Christus

Quæ crasti-  
ni sollicitu-  
do prohibe-  
tur,



Christus ipse loculos habens Ioan. 12. 6. & 13. 29. utique non solum in crastinum, sed in plures etiam dies sollicitus fuisse uideatur. Certè Ioseph Evangelicæ vir sanctitatis in septennium magna etiam laude prudentiæ sollicitus fuit Genes. 41. 3. 48. & Apostoli ad futuram famem annonam parandam curauerunt Act. 11. 29. & Salomon nos, ut discamus de futuro solliciti esse, ad formicam mittit pro uerbis. 6. 6. & 30. 25. & si in crastinum sollicitos esse non licet: neque planta re, neque ferere licebit, quæ non nisi sollicitudine futuri fiunt. Respondet Aug. per crastinum bona temporalia intelligenda, quæ querere non debeamus; at de bonis temporalibus nos sollicitos esse posse, aliquando etiam debere, superioribus probatur exemplis. Auctor imperfecti in crastinum esse, sollicitum interpretatur pro rebus non necessarijs, sollicitudinem gerere. At etiam loquitur Christus de necessarijs, de victu, atque vestitu,

respiciat uolantia celi, ver. 16. & de uersamento quid solici estis? ver. 28. & nolite solliciti esse dicentes, quid manducabimus, aut quid bibemus, aut quo operiemur? ver. 31. &, scit enim pater uester, quia his omnibus indigemus, ibidem. E superioribus ergo eliciendus est sensus. Non omnem in futurum sollicitudinem prohiberi superiora docent exempla: quæ autem prohibeatur, ex his quæ toto capite dicta sunt, colligendum est. Primum ea prohibetur, quæ impedit, quominus queramus regnum Dei, ver. 33. Deinde ea, quæ nascitur ex dissidentia aduersus Deum; si autem fanum agri, quod hodie est, & cras in cibarium mittitur, Deus sic reficit, quanto magis vos modice fidei, ver. 34. postremo ea, quæ non sequitur, sed præcedit sollicitudinem regni Dei, quod primo loco querere debemus: & quæ tanta est, ut illi seruiamus, quia duobus dominis seruire non possumus, ver. 24.

## CAP. VII.



**N**olite iudicare, ut nō iudicemini. 2 In quo enim iudicio iudicaueritis, iudicabimini: & in qua mensura mensi fueritis, remetietur uobis, 3. Quid autem vides festucam in oculo fratris tui; & trabē in oculo tuo nō vides? 4. Aut quomodo dicis fratri tuo Sine eijciam festucam de oculo tuo: & ecce trabs est in oculo tuo? 5. Hypocrita, eijce primum trabem de oculo tuo, & tunc uidebis eijcere festucam de oculo fratris tui. 6. Nolite dare sanctum canibus; neque mittatis margaritas vestras ante porcos, ne forte conculcent eas pedibus suis, & conuersi dirumpant vos. 7. Petite & dabitur vobis: quærite, & inuenietis: pulsate, & aperietur vobis. 8. Omnis enim, qui petit, accipit: & qui querit, inuenit: & pulsanti aperietur. 9. Aut quis est ex vobis homo, quem si petierit filius suus panem, nunquid lapidē porriget ei? 10. Aut si piscem petierit, numquid serpentem porriget ei? 11. Si ergo uos, cum sitis mali, nostis bona data dare filijs vestris: quanto magis pater uester, qui in cælis est, dabit bona petentibus se? 12. Omnia ergo quæcumque vultis, ut faciant vobis homines,

Luc. 6. f. 37.  
Rom. 2. a. 1.  
Mat. 4. c. 24.

Inf. 21. c. 32.  
Mar. 11. c. 24.  
Luc. 11. b. 6.  
Io. 14. b. 13.  
Iac. 1. a. 6.  
Luc. 6. c. 31.



Tob. 4. c. 16  
Lu. 13. c. 24  
Luc. 6. g. 44  
Sup. 3. c. 10.  
Inf. 25. a. 1.  
Act. 19. c. 13  
Psal. 6. c. 9.  
Inf. 25. d. 41  
Luc. 13. f. 27  
Luc. 6. g. 48  
Ro. 2. c. 13.  
Iac. 1. d. 22.  
Mar. 1. c. 22  
Luc. 4. c. 32

mines. & uos facite illis. Hæc est enim lex, & Prophetæ. 13. Intrate per angustam portam: quia lata porta, & spatiosa uia est, quæ ducit ad perditionem, & multi sunt, qui intrant per eam. 14. Quam angusta porta, & arcta uia est, quæ ducit ad uitam: & pauci sunt, qui inueniunt eam. 15. Attendite à falsis prophetis, qui veniunt ad vos in vestimentis ouium, intrinsecus autem sunt lupi rapaces: 16. à fructibus eorum cognoscetis eos. Nunquid colligunt de spinis uvas, aut de tribulis ficus? 17. Sic omnis arbor bona fructus bonos facit. 18. mala autem arbor malos fructus facit. Nō potest arbor bona malos fructus facere: neque arbor mala bonos fructus facere: 19. Omnis arbor, quæ non facit fructum bonum, excidetur, & in ignem mittetur. 20. Igitur ex fructibus eorum cognoscetis eos. 21. Non omnis, qui dicit mihi, Domine, Domine, intrabit in regnum cælorum: sed qui facit uoluntatem Patris mei, qui in cælis est; ipse intrabit in regnum cælorum. 22. Multi dicent mihi in illa die: Domine, Domine, nōne in nomine tuo prophetauimus, & in nomine tuo demonia eiecimus, & in nomine tuo virtutes multas fecimus? 23. Et tunc confitebor illis: Quia nunquā noui vos: discedite a me, qui operamini iniquitatem. 24. Omnis ergo, qui audit uerba mea hæc, & facit ea, assimilabitur viro sapienti, qui ædificauit domum suam supra petram, 25. & descendit pluuia, & uenerunt flumina, & flauerunt venti, & irruerunt in domum illam, & non cecidit: fundata enim erat super petram. 26. Et omnis, qui audit uerba mea hæc, & nō facit ea, similis erit uiro stulto, qui ædificauit domum suam super arenam: 27. & descendit pluuia, & uenerunt flumina, & flauerunt venti, & irruerunt in domum illam, & cecidit, & fuit ruina illius magna. 28. Et factum est: cum consummasset Iesus uerba hæc, admirabantur turbæ super doctrinam eius. 29. Erat enim docens eos sicut potestatem habens, & non sicut Scribæ eorum, & Pharisei.

## IN CAPVT VII.

**I**olite. Primū hoc loco quærendum, quo vinculo hæc cum superioribus coeuiunt. Augustinus lib. 2. de sermon. Domini existimat, propterea quod superiore capite temporalium rerum sollicitudinem Christus prohibuerat: nunc eos, qui eas non quærent, commonefacere: ne male de quærentibus

iudicent, cum bene & male quæri possint: & existimare debeant eos, qui quærent, bono animo quærere: sicut D. Paulus cum idolothytis uesci prohibebat. 1. Cor. 8. tamen non uult, ut qui illis non uescuntur, de uescentibus male iudicent; quia possunt, aut per ignorantiam, aut bono animo uesci. Qui inquit non manducat, manducat ne iudicet Rom. 14. 3. Auctor imperfecti uult cum oratione Domi-

nica



nica iungi. Dixerat enim capit. 6. 12. *dimitte nobis debita nostra, sicut & nos dimittimus debitoribus nostris*, & uer. 14. *Si enim dimiseritis hominibus peccata eorum, dimittet uobis pater uester caelestis peccata uestra, nolite ergo iudicare, & non iudicabimini*. Ego iam monui non esse anxie querendam in Euangelistis sententiarum connexionem, quia res non eo ordine scribere uoluerunt, quo factae à Christo, uel dictae sunt. Quod praecipue in eius concionibus obseruatur, in quibus nec omnia, quae dixit, nec eo, quo dixit, ordine recensent, contenti praecipua eius doctrinae capita commemorare. Quod si quam nobis licet ex argumenti similitudine coniecturam ducere, credibile est haec uerba non in communi ad populum concione, sed in illa ad Apostolos priuata, quam Matthaeus. 5. ca. recitauit, dicta fuisse, esseque cum ver. 4. 8. capit. quinti iungenda, *Esote ergo perfecti, sicut pater uester caelestis perfectus est*, & quia hoc modo sententia sententiae; uerba uerbis bene cohaerent, & quia Lucas. c. 6. 36. 37. ita coniungit.

*Iudicare.*) Interpretatio est Hilarij can. 5. Ambrosij lib. de paradiso c. 5. nolite iudicare de iudiciis & promissis Dei, ne ab eo iudicemini; sicut Iacobus. c. 4. 1. ait *qui detrahit fratrem, iudicat legem; si autem iudicas legem, non es factor legis, sed iudex*. Alii interpretantur, *nolite iudicare*, id est seueri esse in proximos, & iniurias ab illis acceptas animo conseruare, ut Auctor imi perfecti. hom. 17. Alii *iudicare*, pro condemnare accipiunt, ut Euthymius, & Theophylactus. Alij non condemnationem tantum aliorum, sed etiam iudicium prohiberi putant, Augusti. lib. 2. de sermone Domini, & sermo. 202. de tempore, Basilij in reg. breu. 164. Hieronymi in commentar. Chrysostom. hom. 24. Anastas. q. 83. Beda, & Rupertus. Quod ego etiam uerum puto; credo tamen non solum iudicium, sed etiam curiositatem in alienos mores inquirendi prohiberi, quia sic condemnationi iudicium, sicut sententiae iudiciali inquisitionem

anteponit. Nam quod sequitur, *nolite condemnare, & non condemnabimini*, ut paullo post docturi sumus; non eiusdem, ut multi existimant, expositio sententiae, sed alia sententia est. Quae rit Hieronymus, Chrysostomus, Anastasius, Augusti. Beda, & Euthymius, quomodo Christus de aliis iudicare prohibeat, cum aliquando adeo manifesta eorum peccata sint, ut non possumus de illis non male iudicare. Video patrantem cadem, uideo alienam uxorem contrectantem, an non iudicabo peccare? Legimus etiam D. Paulum non iudicasse modò, uerum etiam Corinthium illum condemnasse. 1. Corinth. 5. 3. legimus quosdam alios Satanam tradidisse, ut discerent non blasphemare. 1. ad Timoth. 1. 20. Legimus Petrum Ananiam & Saphiram interemisse. Act. 5. 1. Legimus Christum Apostolis iudicandi de peccatis tradidisse potestatem infra. cap. 16. 19. & c. 18. 18. 10. 20. 23. & 21. 15. Legimus nobis omnibus praecipisse, ut rectum iudicium iudicemus, Ioan. 7. 24. Argumentatur etiam Hilarius, si omnino iudicandum non est, quomodo dicit, *in quo iudicio iudicaueritis, iudicabimini*? Rectè Hieronymus respondet: non prohibuit Christus iudicare, sed docuit. Primum certum est non prohibuisse eos, qui non solum publicam potestatem, sed publicam etiam habet obligationem de aliis iudicandi: quales sunt iudices, & magistratus, cuiusmodi & Apostoli fuerunt. Illud etiam certum, non prohibuisse de apertis iudicare, de quibus D. Paulus dicit, *quorundam peccata manifesta sunt praecedentia ad iudicium*. 1. Timot. 5. 24. Praeterea neque de dubiis, modo non ultra, quam, quò nos ducunt indicia, iudicemus. Quae omnia rectè sunt à Theologis diffinita. De aliis, quae bene & male interpretari possumus, male iudicare prohibuit: id enim à nobis caritas exigit, quae *non cogitat malum*, 1. Cor. 13. 5. Sic Basilij, Augusti. & Beda iis locis, quos paullo ante designauimus: nisi quod August. nimium uideatur sensum restringere, hoc, inquit, lo-

Quomodo  
de aliis iudi  
care liceat.



conihil aliud nobis præcipi existimo, nisi ut ea facta, quæ dubium est, quo animo fiant in meliorem partem interpretemur. Non enim de animo solum alterius, sed etiam de rebus ipsis dubiis iudicare prohibemur. Ro. 14. 4. 10. 13. & 1. Cor. 4. 5. Jacob. 4. 11. 12. Illud autem maximè uetat Christus, ne cum ipsi iisdem aut maioribus fortè peccatis obstricti simus, curiosè de aliorum minoribus iudicemus. Hoc enim sequitur ver. 3. *quid autem uides festucam in oculo fratris tui, & irabem in oculo tuo non uides?* Et Rom. 2. 1. *Propter quod, o homo, inexcusabilis es, omnis qui iudicas in quo enim alterum iudicas, teipsum condemnas: ead. enim agis, quæ iudicas,* ut Basilii, Chrysostomi, Auctor operis imperfecti, & Euthym. monuerunt. Multò uerò magis, ne de aliis detrahendo iudicemus: duplicem enim illi, de quo detrahimus, facimus iniuriam, & quòd ipsi bonam de illo, ut caritas postulat, opinionem non habemus, & quòd quam alii habent, de nigramus, Iacob. c. 1. 11. *Qui detrahitis fratri, aut qui iudicat fratrem suum, detrahitis legi*

*Et nō iudicabimini. Iuxta quod Christus dicit, ut non iudicemini. Noster interpret uidetur legisse quod non iudicemini de eodē sensu, sed Hebraicè quod non iramini, & futuro tempore indicatiui pro præsentis coniunctiui. Quidam, & non iudicemini, ad homines referunt, quæ si dicat, si uultis, ut alii de uobis non iudicent, ne iudicetis de illis, sicut dicit uer. 2. *Omnia quæcunque uultis, ut faciāt uobis homines, ita & uos facite illis,* & c. 26. 52. *conuertere gladium tuum in locum suum. Omnes enim, qui acceperint gladium, gladio peribunt,* & illa 3. 1. *ut qui prædatis, nonne & ipse prædaberis? ut qui spernis, nōne & ipse sperneris?* Videtur hunc sententiam confirmare verbum hoc loco, & apud Iucam cap. 6. 38. sine certa persona positum, *qua mensura mēsi fueritis, remeietur uobis.* Alii melius, ut mihi uidetur, ad Deū, ut Chrysostom. hom. 14. & Auctor imperfecti 17. August. lib. 2. de serm. Domini, Beda, & Euthymius. Credibile enim est Christum iudicium potius*

Dei, quàm hominum iis, qui de aliis temerè iudicant, comminari uoluisse, multo enim est terribilius. Hoc ipsum postulat antithesis, nolite de hominibus iudicare, ne à Deo iudicemini. Adde quòd ut docuimus, hæc sententia cum fine quinti capitis hæret. *Estote ergo misericordes, sicut pater uester celestis misericors est;* Ibi autè ver. 7. dictum erat, *Beati misericordes, quoniam ipsi misericordiam consequentur,* non dubium, quin à Deo; aut, ut alii putant, cum c. 6. ver. 15. *si autem non dimiseritis hominibus, nec pater uester dimittet uobis peccata uestra,* ubi non hominum, sed Dei iudicium nobis proponitur.

*Nolite condemnare, & nō condemnabimini.* Hæc uerba nunc Græci non legunt, nec uidentur ueteres Latini legisse. Tertullianus lib. de patientia, Hilarius in commentarijs, Ambrosius in lib. de paradiso. c. 11. August. lib. de serm. Domini. 2. Beda, Strabus, Rupertus, Chrysostomus. certè homi. 24. Auctor imperfecti. 17. Euthymius & Theophylactus non legunt, & putant recentiores interpretes ex margine, ubi forte aliquis, ut illa uerba, *nolite iudicare,* exponeret, scripserat, *nolite condemnare:* in contextum fuisse translata. Ego mihi legenda esse certò persuadeo, nosterque mihi interpres instar omnium auctorum est. Magnum etiā argumentum, quod apud Iucam. ca. 6. 37. eadem uerba legantur, & credibile non sit idem utroque loco uitiū accidisse. Accedit, quod singuli uersus singulis constant sententijs, & ferè pares sunt, si autem hæc uerba tollantur, mutilus remanebit uersus, & tam breuis, quàm nescio, an ullus alius in toto nouo testamento reperiatur. Condemnare autem alios nō idem est hoc loco, quod iudicare, ut Theophylactus & Euthymius existimant: sed iudicando condemnare. Hoc enim sententiæ gradus postulat, quæ ex communi consuetudine sumpta est, quæ iudicium condemnationem antecedit. At quomodo possumus nos, dicit aliquis, cum publicam non habeamus auctoritatem, alios



alios condemnare? Respondeo, so-  
le re nos quantum in nobis est, damna-  
re alios, id est eterna aut temporali pe-  
na dignos iudicare, quod Christus ue-  
tat facere. Sic Simo ille Phariseus mu-  
liera illam peccatricem damnauit,  
Luc. 7. 39. Christus absoluit, *remittun-  
tur tibi peccata tua*, uer. 48. Sic Phari-  
saei publicanos damnabant, & extra  
omnem spem salutis ponebant, Mat-  
thae. 9. 11. Christus autem ex illis Apo-  
stolos fecit uer. 9. Denique prohibe-  
mur his uerbis Dei, q. solus uerus est  
iudex, officiu occupare, ut 1. Cor. 4. 5.  
*Nolite ante tempus iudicare, donec ve-  
niat Dominus, qui & illuminabit ab-  
scoudita tenebrarum, & manifestabit  
consilia cordium.*

2. In quo enim iudicio. Hebraismus  
במשפט אלהים pro במשפט secun-  
dum iudicium, quo de aliis iudicaue-  
ritis, de uobis iudicabitur. Quod Hi-  
larius argumentatur, quomodo in  
quo iudicio iudicabimus, iudicabitur  
de nobis, si omnino non licet nobis  
iudicare? explicari potest: non enim  
omnino, sed male iudicare prohibe-  
mur. Quod si fecerimus, male quo-  
que, id est seuerè de nobis iudicabi-  
tur. Illud difficilius quod multis locis  
Augustinus quaerit, ut libro 2. de ser-  
mone Domini, & epistola 49. q. 4. & li-  
bro 2. qq. Euang. cap. 8. & Beda, Chry-  
sostomus, & Euthymius in hec uerba.  
quomodo, in quo iudicio iudicabi-  
mus, de nobis iudicabitur? an si nos  
de aliis temere, iniusteque iudicaue-  
rimus, temere de nobis Deus, iniuste-  
que iudicabit? Augustinus, & Beda  
respondent sensum esse, non Deum,  
sed iudicium ipsum nostrum temera-  
rium, & iniustum de nobis iudicatu-  
rum, id est causam finitum, ut de no-  
bis iudicetur. Respondendum potius  
uidetur non spectari hic omnes iudi-  
cii qualitates, sed solam curiositatem,  
seueritatemque iudicandi. Qua enim  
curiositate atque seueritate de aliis iu-  
dicauerimus: eadem de nobis Deus iu-  
dicabit. Cum autem eadem dico, non  
re, sed proportionem eandem intelligo:  
nam eius misericordia, & bonitas in-  
finitis semper partibus maior est no-

stra: sed tamen proportionem quadam,  
quo nos erga alios seueriores fueri-  
mus, hoc etiam erga nos seuerior il-  
le erit.

*Et in qua mensura mensi fueritis.)*

Videtur Lucas. c. 6. 39. significare, nō  
eadem nobis, qua mensi fuerimus,  
sed maiore mensura remetiendum.

*Mensuram, inquit, bonam, & confertā,  
& coagitatam, & superfluentem da-  
bunt in sinum vestrum,* Vtrumque ue-  
rum est, & eadem, & maiore mensura  
nobis remetiendum. Eadem, si propor-  
tione: maiore, si rem datam conside-  
res. Quomodo proportionem eadem,  
iam exposuimus: quomodo re maio-  
re, facile intelligitur. Nam siue futu-  
ram gloriam, siue poenam, quam no-  
bis Deus adiudicat, spectemus, multo  
maior est, quā qua nos alios con-  
demnando dignos iudicamus. Non  
enim sunt condigne passionis huius  
temporis ad futuram gloriam, quae re-  
uelabitur in nobis Rom. 8. 18. & quod  
in praesenti est momentaneum, & leue  
tribulationis nostrae, aeternum gloriae  
pondus operatur in nobis, 2. Corinth.  
4. 17. Eodem modo Gentilium obie-  
ctioni respondendum est, qui hanc  
olim sententiam calūniabantur, quasi  
non eadem mensura futura esset, cum  
altera esset aeterna, altera temporalis,  
ut scribit Augustinus epistola 48. &  
49. & libro 21. de ciuitate, cap. 11. quā-  
quam aliter Augustinus illis respon-  
det. Et hanc, & plerasque alias ex iis,  
quae sequuntur, prouerbiales fuisse  
sententias opus non est lectorem ad-  
monere, quia & ipsum per se manife-  
stum est, & multi iam interpretes mo-  
nuerunt.

6. *Nolite dare sanctum canibus.)*

Quorsum hoc? Auctor imperfecti ho-  
mil. 17. refert ad cap. 5. uertum 44. 45,  
ubi Christus dixerat, *diligite inimicos  
uestros, & benefacite iis, qui oderunt uos,  
ut sitis filij patris uestri, qui in caelis est,  
qui solem suum oriri facit super bonos, et  
malos, & pluit super iustos, & iniustos;*  
adhibere nunc eius sententiae mode-  
rationem, ne ita diligant, ut sine iudi-  
cio, & discrimine dent canibus san-  
ctum, & margaritas proiciant. Alii,  
quia



quia proximo uersu quinto de aliorū correctione mentionem fecerat: *eijce prius trabem de oculo tuo, & tunc uidebis eijcere festucam de oculo fratris tui*: admonere nunc ne dent sanctum canibus, porcisque margaritas, id est ne ubi nulla proficiēdi spes est, correctio nem adhibeant, quā nunc Theologo rum regula est: sic Strabus. Alij quia cap. 6. 2. simplicitatem docuerat, *Si oculus fuerit simplex, totum corpus tuū lucidum erit*; nūc prudentiam docere, nolite sanctum dare canibus, nec projiciatis margaritas ante porcos, sicut alio loco dicit, *Estote prudentes sicut serpentes, & simplices sicut columbæ*, cap. 10. 16. sic Augustinus libro 2. de sermone Domini. Ego partem sermonis in monte ad Apostolos habiti esse arbitror, quia ad eos propriè pertinet, qui alios docturi sunt: sed, ut sæpe diximus, Euangelista Christi sententias non quo ordine ab illo dictæ fuērant, sed quo sibi in mentem ueniebant, recitauit. Quid uocet sanctum, quid margaritas, quos canes, quos porcos appeller, difficile non est: non conuenit tamen omnibus. Quidam sanctum baptismum, Eucharistiam, cæteraque sacramenta, margaritas Euangelicæ prædicationis mysteria uocari putant: nam indignis nec Ecclesiastica sacramenta conferēda, nec fidei nostræ mysteria patefacienda sunt, Auditor imperfecti homin. 18. Hinc consuetudinem natam esse, ut ijs qui baptizati non essent, nec uidere, nec audire corpus, & sanguinem Christi, cū nominabatur, licitè reputarentur, ut multis locis Chrysostomus, & Augustinus indicare solent. Canes etiam, & porcos plerique distinguunt. Nam quidam, ut hoc loco Hieronymus scribit, porcos infideles, canes Christianos, qui post receptam fidem ad vomitum reuertissent, dixerunt appellari. Contra Chrysostomus, & Euthymius canes infideles, porcos carnales Christianos intelligunt. Nam & Christus infideles canes uocat, cum dicit, *non est bonum sumere panem filiorum, & mittere canibus*, cap. 15. 26. Mihi Augustini placet opinio, idem per san-

ctum, & margaritas, per canes, & porcos significari: sicut apud Petrum epistola 2. capit. 2. 22. idem duplici metaphorico prouerbio altero canis, altero porci significatur, *tanquam canis reuersus ad uomitum suum, & tanquam sus lota in volutabro luti*. Aut si quid est differentia; per sanctum omne mysterium, per margaritas, quæ inter mysteria maxima, & quasi pretiosissima sunt, intelligi oportere. Per canes autem, & porcos duo hominum siue fidelium, siue infidelium genera notari, quibus tradenda mysteria nō sunt; eos, qui tantum contemnunt, ut canes nihil inter sanctum, & profanū discernentes: & eos, qui non solum contemnunt, sed in super irritantur, & magis nocent, ut porci. Cur autem illi per canes, hi per porcos significentur, postea docebimus. Quærit Chrysostomus homil. 24. & Augustinus libro 2. de sermone Domini, quomodo ueter Christus diuina mysteria indignos docere, cum aliis locis omnes sine discrimine doceri iubeat, ut ca. 10. 27. *quod dico uobis in tenebris, dicite in lumine, & quod in aure auditis, prædicate super ierusalem*. Et Marci 16. 15. *prædicate Euangelium omni creature*. Respondent in hanc sententiam, illic agi de Euangelio ipso per se, quod cum omnibus ad salutem sit necessarium, omnibus est sine personarum exceptione prædicandum: hic autem de idoneis auditoribus, & prudentia Euangelii cum illis communicandi: quod si aut nulla spes utilitatis, aut timor etiam certus damni sit, prædicandum illis non est, ne non solum operæpretium, sed ipsa etiam opera perdat. Sic Christus Apostolis dicit Ioan. 16. 12. multa habeo uobis dicere, sed nō potestis portare modo. Sic Paulus, 1. Corinth. 3. 1. 2. quæritur se non potuisse Corinthiis tanquam spiritalibus, sed tanquam carnalibus loqui, & ut paruulis in Christo lac, non solidum dedisse cibum. Sic ad Hebræos. 5. 12. scribit, *Cum deberetis magistri esse propter tempus rursus indigetis, ut doceamini, quæ sint elementa sermonum Dei, & facti estis, quibus lacte*  
opus

Euangelium  
indignis nō  
prædicandū,



opus sit, non solido cibo. Sic Paulus & Timotheus prohibentur a Spiritu sancto loqui uerbum Dei in Asia, quia non erant auditores recepturi Actum. 16. 6. Sic Iudeis Antiochenis, quia non modo uerbum Dei non recipiebant, sed pedibus etiam conculcabant, id est conuitijs afficiebant, & conuersi Apostolos discerpere conabantur, id est mortis illis periculum concitato populo creabant, Paulus & Barnabas dicunt, *uobis quidem oportebat primum loqui uerbum Dei, sed quia repellitis illud, et indignos uos iudicatis eternæ uitæ, ecce conuertimur ad gentes.* Act. 13. 46. Sic Hymenæum & Alexandrū, qui uerbum Dei conculcabant, idem Paulus Satanæ tradidit, ut discerent non blasphemare. 1. Tim. 1. 20. Sic eos fugiendos, non docendos monet, qui quemadmodum Ioannes & Mambres resisterunt Moysi, ita ipsi ueritati resistebant 2. Tim. 3. 8. Sic Alexandrū ararium uitare iubet, quia ualde ipsius uerbis contradicebat. 2. Timot. 1. 15. Sic Ioannes Diotrephem 3. Ioann. 9. & 10. Denique non uult Christus canibus & porcis sua proijci mysteria, id est animalibus hominibus, qui non percipiunt ea, quæ sunt spiritus Dei. 1. Cor. 2. 14. Obijci potest Iudas, cui quamuis indigno, quamuis cani ac porco, corpus & sanguinem suum omnium mysteriorum maximum Christus tradidit, ut maior ueterum auctorum pars existimauerunt. Sed primum, Christi consilia, quia eorum nos sepe latent causæ, non semper nobis imitanda sunt. Deinde, Iudas peccator quidem erat, sed occultus, nec negato singulariter sacramento indicandus, ne mors Christi omnium mysteriorum caput impediretur. Cur sanctum, non margaritas canibus, margaritas, non sanctum porcis dari uetuerit, quaestio est, quæ non omnino caret operæ pretio. Puto cum sanctum dicit, ad uetera respicere sacrificia, quorum carnes sanctæ erant, nec licebat canibus dare, aut in alium, quàm in Dei, & sacerdotum, eorumque, qui sacrificium obtulerant usum conuerti. Carnes autem non solent

porcis, sed canibus dari, qui inter sanctas & profanas minimè discernunt. Propterea dicit *nolite dare sanctum canibus.* In porcis & margaritis contraria est ratio, non enim propterea dicit, *nolite proijcere margaritas ante porcos*, quòd porcis margaritæ proijci soleant, sed quòd minimè soleant, nihilque porco foeditissima, & spurcissima pecudi minus, quàm margaritæ pretiosissimæ conueniat ornatus. *Circulus, inquit, aureus in auribus suis mulier pulchra, & fatua.* Prouer. 11. 22. Nisi forte alludit ad consuetudinem glandes porcis proijciendi, quemadmodum in calidioribus sit regionibus, & respicit similitudinem, quæ inter glandes, & margaritas uidetur esse, quasi dicat, uidete ne porcis pro glandibus margaritas proijciatis, sicut uer. 9. & 10. dicit, *Quis est ex uobis homo, quem si petierit filius eius panem, nunquid lapidem porrigit ei? aut si piscem petierit, nunquid serpentem porrigit ei?* Iapis enim pani, serpens pisci similis est. Alia superest dubitatio, cur de porcis dixit, & conuersi disrumpant uos, de canibus non dixit? cum non porci soleant disrumpere, sed canes. Respondedo ingratam porcorum stoliditatem notare uoluissè, qui in eum, qui cibum porrigit, impetum solent facere, & nisi iaciat, disrumpere. Fideliores canes, qui non mordendo, sed blandiendo, non dentibus, sed cauda cibum petunt. Porcis ergo stupidi quidam homines similes sunt, qui conculcata uera doctrina falsam ui armorum exigunt.

7. *Petite & dabitur.*) Sæpe monuimus, cum Euangelistæ Christi conciones reciant, non esse laborandum, quo modo inter se sententia cohaereant. Sed non sunt bonorum auctorum interpretationes contemnendæ. Hilarius. can. 6. Chrysostom. hom. 24. Auctor imperfect. 18. Euthymius & Theophylactus existimant propterea nunc Christum hac dicere, quia supra ualde difficilia docuerat, ut ostendat, quæ ratione teneri possint. Alij hunc sensum esse putant, Si feceritis, quæ hactenus dixi, petite, & accipie-



cipietis, quemadmodum Ioannes ait 1. epistola. c. 3. 21. Si cor nostrum non reprehenderit nos, fiduciam habemus ad Deum & quidquid petierimus, accipiemus ab eo; quam sententiam idem Auditor operis imperfecti, refert ac probat. Augustinus autem libr. 2. de sermone Domini sic, Potuit auditor suae ignorantiae conscius dicere, quid sanctum me dare canibus uetas, cum adhuc ea me habere non uideam; ideo opportune subiecit, petite, & accipietis. Ego cum oratione Dominica coniungendum hoc membrum existimo: & quia de oratione agitur, & credibile est Christum tum, cum Apostolos orare doceret, ista dixisse, & quia Lucas. cap. 11. 9. cum illa coniungit. De sensu nunc disputandum. Quo modo olim haeretici ad probanda sua, ut ipsi putabant, mysteria, ut res erat, deliria, hoc loco abusi fuerint, scribit Irenaeus libr. 2. ca. 18. & 26. & 53. Augustinus haec tria petere, querere, pulsare, non idem putauit significare libr. 2. de sermone Domini, sed libr. 1. retract. cap. 19. sententiam doctior correxit. Exaggeratio igitur est, quae fit accumulatione uerborum. Maior quaestio est, quo modo sententia uera sit, cum experientia quotidiana doceat multa nos, quae petimus, non accipere. Capit. 6. 12. docuimus affirmantes promissiones nunquam esse simpliciter, & sine exceptione intelligendas, ad eam regulam hic locus explicandus est. Non enim omnis, qui petit, accipit, sed qui ita petit, ut debet. Primum non accipimus, cum mala, id est non petenda petimus. Iniuriam enim Deo facit, qui ab eo, quod malum est, petit, quasi mali eum auctorem faciat. Deinde non accipimus, cum non mala, tamen in malum finem petimus Iacob. 4. 3. petitis, & non accipitis, eo quod male petatis, ut in concupiscentiis uestris insumatis. Non accipimus, cum ipsi, qui petimus, mali, indignique sumus; Deus enim peccatores non audit, Ioann. 9. 31. Non accipimus, cum aut nulla, aut infirma, & uacillante fide petimus Iacob. 1. 5. 6. 7. Si quis uestrum indiget sapientia, postulet à Deo, qui dat omni-

bus affluenter, & non impropere, & dabitur ei. Postulet autem in fide nihil hastitans; qui enim hastitat similis est fluctui maris, qui à uento mouetur, & circumfertur: non ergo existimet homo ille, quod accipiat aliquid à Domino. Non accipimus, cum id quod petimus, quamuis aut non malum, aut etiam bonum sit, tamen quia maius impedit bonum, salua Dei gloria fieri non potest. Non accipimus aliquando, quia uult Deus, ut sepe petamus, ut duabus illis parabolis, altera importuni amici panes intempesta nocte ab amico mutuo petentis, Lucæ 11. 8. altera iudicis & uiduae Lucæ 18. 3. declaratur. Augustinus serm. 5. de uerbis Domini secundum Matth. Cum aliquando (inquit) tardius dat, commendat dona, non negat. Diu desiderata dulcius obtinentur, cito autem data uilescunt: pete, quare, infra, petendo, & querendo crescis, ut capias. Seruat tibi Deus quod non uult cito dare, ut tu discas magna magnè desiderare. Non accipimus aliquando, ut meliora, quam petimus, accipiamus. Augustinus libr. 2. de sermone Domini, & epistola 34. ad Paulinum, Bonus autem Dominus, qui non tribuit sepe, quod uolumus, ut quædam malle-

mus, attribuat. 9. Aut quis est.) G. si an quisquam est? ex uobis homo, id est non Deus, ut pater uester coelestis: opponit enim hominem Deo, & ex uobis, qui maligni estis.

Quem si petieris &c. nunquid.) Durities orationis Latinis auribus insolens, Hebraeis usitata. Filio panem petenti dicit patrem lapidem non porrecturum, quia una ex parte nihil panis lapide magis est simile: altera nihil dissimilius. Nihil dissimilius colore & forma, nihil dissimilius natura & usu, sicut. cap. 4. 3. Diabolus dixit, dic, ut lapides istius panes fiant. Eadem ratione pisci serpentem opposuit. Dubitari potest, quam ob rem Christus hoc dicat, plus enim uidetur respondisse, quam opus erat. Ita omnino est; non enim solum probat Deum nobis petentibus opem laturum esse; sed bona etiam daturum, panem non lapidem, piscem non serpentem porrecturum.

Cur nō semper impetramus, quod à Deo petimus



Aurum Chrysostomus homil. 24. Auditor imperfect. 18. & Theophylactus.

11. Si ego vos cum sitis mali.) Non natura, sed Dei comparatione Hier. Chrysostomus. Euthy. uel naturali procliuitate Genes. 8. 21. Sensus enim, & cogitatio humani cordis in malum prona sunt ab adolescentia sua, ut idem etiā Hieronymus interpretatur, aut quod ego magis credo, non solum comparatione Dei, quod nihil esset dicere, cum & in angelis suis reperiat prauitatem, & stellæ non sint mundæ in conspectu eius: nec sola naturali propensione, sed uoluntate etiam, & moribus malos appellat; quia uidetur eos obiter perstringere uoluisset.

Nescitis. Id est consueuistis, ut, sol co gnouit occasum suum Psal. 103. 19.

Quanto magis pater uester.) Comparat patrem patri: celestem terreno, Deum homini, bonitatem nequitia, ut à minori ad maius argumentetur. Nō ab simile illud ē, Isa. 49. 15. nūquid obliuisci poteris mulier infansem suū, ut non misereatur filio uteri sui? & si illa oblita fueris, ego tamen nō obliuiscar tuū.

12. Omnia ergo.) Eadem hoc loco, quæ in multis superioribus, questio est, quorsum ista pertineant. Chrysostomus hom. 24. Euthymius, & Theophylactus compendium, & quasi epilogum omnium, quæ tribus hisce capitibus dicta sunt, esse existimat. Alii referunt ad uer. 1. nolite iudicare, quasi cætera parenthesi dicta sint, ut Auditor imperfect. hom. 18. non omnino male. Alii ad uer. 7. petite & accipietis, quasi modum doceat, quæ petimus, impetrandi, si alius fecerimus, quod nobis ab illis fieri uelimus, ut August. lib. 2. de serm. Domini. Alii ad c. 6. 22. Lucerna corporis tui ē oculus tuus, quasi doceat eadem erga alios simplicitate uti, quæ erga nos alios uti uolumus, ut idem quoque Augustinus exponit. Ego hæc uerba post illa capitis quinti uer. 42. Christum dixisse arbitror, qui petit à te, da ei, & uolenti à te mutare, ne auertaris, & quia cum illis bene ista coherent, Et omnia, quæ uultis, ut faciant uobis homines, ita & nos facite illis, & quia Lucas. c. 6. 31. cū illis

ista coniungit. Lucam ergo dictorum Christi in hac ordine seruasse: Mattheum uerò non seruasse, & quæ apud illum est, coherrentia, & quæ apud hunc, indicat dissonantia.

Hæc est lex & prophetæ.) Id est hoc principio summa omnium, quæ in lege & prophetis præcepta sunt, continentur, legem autem, & prophetas totum uetus testamentum appellat, legem quinque libros Moysis, prophetas reliquos omnes, Hebræorum more, qui etiam libros regum paralipomenon, & Psalmos, prophetarum nō mine uocare solent, ut infra. 11. 13. & 22. 40. & Luc. 16. 16. & Act. 24. 14. & 28. 23. Querit Aug. lib. 2. de sermo. Domini, & lib. 8. de Trinitate. c. 7. & Euthymius in commentariis, quo modo dicatur hæc esse lex, & prophetæ, cum ca. 21. 40. non in hoc uno, sed in duobus illis præceptis consistere dicatur, Diliges Dominum Deum tuū ex toto corde tuo, & proximum tuum sicut te ipsum. August. lib. 2. de sermone. Domini respondet hic non dici totam legem, sed legem in hoc principio sitam esse, illic autem dici hanc totam esse legem, quasi hic ubi de solo diligendo proximo agebatur, alteri mandato de diligendo Deo locus sit seruatus. Melius lib. 8. de Trinitate etiam hic, quamuis non dicatur, totam legem intelligi, quia qui diligit proximum, non potest non ipsam diligere dilectionem, dilectio autem est Deus, quia Deus caritas est. 1. Io. 4. 6. Facilius dixerimus non de quacunque proximi dilectione hoc loco agi, sed de ea, quæ proximum nec propter nos, nec propter illum, sed propter Deum diligimus. Sic enim præceptum de diligendo proximo intelligitur. Qui autem propter Deum proximum diligit, Deum magis diligit. Nam & Aristotelica illa regula scripturæ seruit. Quapropter D. Paulus unico præcepto de proximo diligendo totam dicit legem contineri, Roma. 13. 8. Qui diligit proximum legem implet, & plenitudo legis est dilectio ibid. uer. 10. loquitur autem de proximi dilectione. Et ad Gala. 3. 12. Omnis lex

Propter quod unūquodque et cap. 1. poster. Anal. c. 2.

L in



in uno sermone impletur, Diliges proximum tuum, sicut te ipsum, & ad Gal. 6. 2. alter alterius onera portare, & sic ad implebitis legem Christi. Simile quiddam est apud Tobiam ca. 4. 16. quæ ab alio oderis fieri tibi, uide ne tu aliquando alteri facias. Merito philosophi hoc primum naturæ, & moralis philosophiæ principum esse putauerunt. Legō in Romanorum historiis Alexandrum Seuerum Imperatorem, qui animo ad Christianam religionem propensus fuisse creditur, solitum dicere, ideo Christianos sibi placere, quia quæ sibi fieri uellent, aliis id ipsi facerent. Non dixisset fortasse, si nostra uiuisset ætate: neque mores nostros, sed legem laudare potuisset.

13. *Intrate per angustam portam.*) Illi ipsi auctores, quos superiore versu nominauimus, uariè istam cum præcedentibus nectunt. Videat qui uolet. Me enim iam piget in re non magnopere necessaria tot opinionibus recitandis immorari. Ego hæc post illa, quæ capite quinto de beatitudinibus tradita sunt, dicta esse suspicor. Ea enim angusta est porta; aut certe non concionando: sed cum à quodam admirante præceptorum ipsius seneritatem interrogatus fuisset Christus, Domine si pauci sunt, qui saluantur, respondens dixit, contendi te intrare per angustam portam, sic enim Lucas narrat. c. 13. 23. 24. qui in recensendis Christi sententijs plus ordinis seruare solet. Querunt Chrysostomus & Euthymius, quo modo præceptorum suorum uiam arctam & portam angustam esse dicat, cum. c. 11. 30. iugum suum suauem esse doceat, & onus suum leue. Calvinista facile ista conciliabunt, qui suauem & leuem importabile, & ut ipsorum etiam uerbo, impossibile interpretantur. Sed nos, qui iam subtiles non sumus artifices scripturas interpretandi, aliam querere debemus explicationem. Respondet igitur Chrysostomus, & Euthymius iugum Christi durum esse carnalibus & terrena quærentibus; suauem & leuem spiritualibus, & prospectibus in futura. Non .n. sunt con-

digne passionem huius temporis ad futuram gloriam, quæ reuelabitur in nobis, Ro. 8. 18. Et quod in presenti est momentaneum, & leue tribulationis nostre, æternæ gloriæ pondus operatur in nobis, 2. Corin. 4. 17. Sic D. Paulus illa, quæ ueteres illi sancti perpeffi sunt, gladios, ignes, & cetera, quæ narrat eiusmodi, quamuis per se grauiora, leuia tamen illis fuisse dicit, quia aspiciunt, inquit, in remunerationem Hebr. 11. 26. Sic ipsemet cum plus ceteris Apostolis laborasset, in carceribus abundanti, in plagis supra modum, in mortibus frequenter. 2. Cor. 11. 13. omnia tamen propter Christum leuissima duxit, quia, quæ retro erant oblitus, in anteriora sese exten debat Philip. 3. 13. Angustam ergo Christus portam, & arctam uiam uocat, parum quia natura sua difficilior uirtutis quam uitæ uia est; illa. n. ardua, hæc pronas; illa una, hæc multiplex: illa uix ullis & notabilibus, hæc multis & altè impressis calcata uestigijs, τῆς δ' ἀρετῆς ἡ πόρτα θεοῦ προπαρασκευάζονται, dixit Græcus ille poeta: parum etiam quia nostra cæcitas tenebras difficiliorē reddit. Nihil enim est non conatibus facile.

14. *Quam angusta.* Γ. ὅτι στενή, quoniam angusta est, ut suspicio esse possit in nostra uersione pro, quam, quoniam esse legendum, aut quod quidam putant nostrum interpretem ὡς pro ὅτι legisse. Neutrum credo. Potius legisse τὴν στενήν, quemadmodum Euthymius & Theophylactus legunt, illud et monētes τὴν accipi pro ὡς quam, ut noster uertit interpretes. Est autem, ut ego qui de opinor, Hebraismus, quod idem significat τὴν quid, & ὡς quam ut Psal. 81. 10. quam admirabile est nomen tuum. Psal. 30. 20. Quam magna multitudo dulcedinis tuæ Domine. Psal. 83. 1. Quam dilecta tabernacula tua Dñe uirtutum. Psal. 77. 1. Quæri potest, an idem per angustam portam, & per arctam uiam intelligat. Ita Chrysostomus existimat. Sed uero similis mihi uisus esse, ut uiam præcepta, portam præceptorum finem, id est ingressum in regnum celorum intelligam. Est. n. porta finis uicæ.

15. *Attendite à falsis prophetis.* Quidam hæc referunt ad ca. 6. 1. Attendite,

Hesiod.

Mandata  
Dei nō im  
possibilia.



ne iustitiā vestram faciatis corā hominibus, ut videamini ab eis, quasi hypocritas illos, qui iustitiā suam corā hominibus faciunt, falsos nunc prophetas appeller, ut fugiendos esse doceat. Au-  
ctor imperf. homi. 19. maiore uerborum, quam sententiæ similitudine in hāc opinionem inductus. Melius Augustinus lib. 2. de ser. Dñi, cum proximo copulat versu. Dixerat arctam esse viā, quæ ducit ad vitā: solemus autem, cum arcta & obscura uia est, qui monstret, aut ducem, aut indicem querere; monet Christus, ne omni duci, ne oī indicī fidem habeamus: multos esse falsos prophetas, qui fallēdi causā duces sese, aut indices præbeant, vestimentis ouium, quasi uiatorum induti habitu.

*A falsis prophetis.* Falsos prophetas non omnes hypocritas, ut nonnulli putant, sed falsos tantum doctores, id est omnes hereticos intelligit, quos ideo prophetas uocat, quia prophetarum apud Iudæos officium fuit non tantum futura prædicere, sed etiam ex lege Dei populum docere, & salutis illi uiam indicare. Agitur enim de arcta uia monstranda. Quamquam & prophetas etiam veros possumus intelligere: veros inquam, quia vera prædicunt, qualis fuisse traditur Balaam: falsos tamen, quia nec à Deo missi sunt, & quia vera prædicendo falsa suadent. Nam ver. 22. de huiusmodi prophetis agitur, multi dicent mihi in illa die, Domine, Domine nonne in nomine tuo prophetauimus? Qui ueniunt ad vos sponse sua, non missi à Deo, quales illi apud Ieremiam 23. 21. *Ipsi currebant, & ego non mittebam eos.*

*In vestimentis ouium.* Sensus est facilis: vestimenta vocat quidquid extrinsecus apparet, verba, & opera, eleemosynas, omniaque officia caritatis, ut ait Auctor imperf. homi. 19. Cur autem dicat ouium, incertum, utrum velit dicere eos habitu ouium venire, id est veras se oues esse fingentes, quo minus timeantur, quæadmodum lupum aliquando se ouina indutum pelle veram esse ouē simulasse traditum est fabulis, siue habitu pastorum, quod mihi magis placet, agitur. n. de

populo docendo, quod Ecclesiastici pastoris officium est, & solet Christus illos, qui docent, pastores appellare, *Pasce, inquit, oues meas, Et ego sum pastor bonus.* Ideo autem dicit in vestimentis ouium venire, quia solent pastores ouinis vestiri pellibus. Falsi prophetae sunt omnes heretici, omnium verò maximè Calvinistæ. Primum, quia non missi venerunt. Deinde quia ouina induti pelle; nihil. n. in eorum erat ore, nisi Dominus, nisi Pater noster cælestis, nisi Christus, nisi fides, iuramentum inauditum: nihil in eorum factis apparebat, nisi eleemosynæ, nisi temperantia, nisi modestia. Quo habitu pastores emittunt magnam in grege Domini fecerunt stragem: fecissentque multo maiorem: nisi homines eos ex ipsorum tandem fructibus cognouissent, viderentque istam non nativam, sed appositam fuisse pellem.

*16. A fructibus eorum.* Quia dixerat à falsis prophetis esse cauendum, necesse fuit tradere ad eos dignoscendos aliquod indicium. Certum tradere non potuit, quia magna esse solet eorum simulatio, & solus Deus humani scrutator est cordis: tradidit ergo probabile, quod quæ ad humanum ingenium accommodatū est, quod non potest, nisi ex fructibus homines nescire, & plerumque verum esse solet. *A fructibus, inquit, eorum cognoscetis eos.*

Lucas c. 6. 43. in alium sensum, & alio loco dictum hoc fuisse, uidetur significare. Coniungit enim cum illa sententia, quam uer. 5. Matthæus commemorauit. *Hypocrita eijce prius trabē de oculo tuo, & tunc videbis eijcere festucā de oculo fratris tui: non est enim arbor bona, quæ facit fructus malos: quasi sēsus sit, hypocrita, quid uis arborem te bonam simulare, cum facias fructus malos? quantumcunque enim malitiam tuam dissimules, ex fructibus cognosceris, quia non est arbor bona, quæ facit fructus malos, & omnis arbor ex fructu suo cognoscitur. Quo etiam sentu Matthæus cap. 12. 33. eandem à Christo similitudinem usurparā scribit, *Aut facite arborem bonam, & fructus eius bonus, aut facite arborem malam, & fructus eius malus.**

10. 21. 17. &  
10. 14.

Caluinistæ  
falsi prophetae.



*lam, & fructum eius malum: ex fru-*  
*ctu enim arbor cognoscitur:* quasi dicat,  
 si vultis boni videri, ne simuletis bo-  
 na, sed facite. Simulatio folia sunt,  
 opera fructus, non ex folijs, sed ex fru-  
 ctibus arbor cognoscitur. Quare ma-  
 nifestum est Christum non semel hac  
 similitudine vsum fuisse. Itaque Lucas  
 aut nō eandem, quam hic Matthæus,  
 recitat, aut dictorum ordinem, con-  
 nexionemque non seruat. Nam apud  
 Matthæum quidem tam aptè adhae-  
 ret proximæ sententiæ, ut diuelli ab  
 illa non possit, nisi altera, aut vtraque  
 rumpatur. Videndum nunc, quid ar-  
 bore, quid fructus appellet. Tertul-  
 lianus libr. 1. cōtra Marcionem fidem  
 putat arborem appellare. Quod eare-  
 nus bene conuenit, quia de dignoscē-  
 da uera & falsa agitur fide. Augusti-  
 nus verò in Enchirid. cap. 15. & libr. 1.  
 contra Iulian. c. 3. & Beda in hunc lo-  
 cum arborem humanam voluntatem,  
 terram hominem faciunt, Nam, ut ex  
 eadem terra bona & mala arbor na-  
 sci potest, ex eadem autem arbore bo-  
 nus & malus fructus nasci non potest:  
 sed bonus ex bona, malus ex mala; sic  
 ex eodem homine nunc bona, nunc  
 mala uoluntas gigni potest: ex eadem  
 autem uoluntate bona & mala ope-  
 ra proficisci non possunt. Impulit in  
 hanc sententiam Augustinum studiū  
 Manichæos refutandi. Timuit enim,  
 ne si diceret hominem arborem esse,  
 quemadmodum dicebant Mani-  
 chæi, primum eorum loqui more,  
 deinde eorum errorem confirmare  
 uideretur, alios esse homines natura  
 bonos, qui male; alios natura malos,  
 qui bene agere non possent. Has  
 duas, alteram Tertulliani, alteram  
 Augustini sententias illud refellit,  
 quod ver. 19. sequitur, *omnis arbor, quæ*  
*non facit fructum bonum, excidetur, &*  
*in ignem mittetur.* Non enim fides aut  
 uoluntas mala, sed homo malus est,  
 qui mittitur in ignem. Idem Augusti-  
 nus libr. 1. de gratia Christi c. 18. & 19.  
 Auctor imperfecti hom. 19. Chrysost.  
 hom. 24. Theophylactus & Irianus,  
 hominem bonam habentem uolun-  
 tatem arborem bonam; malam ha-

bentem malam esse dicunt. Quorū  
 sententiā per se uera huic loco conuē-  
 nit, si non de uera fide, sed bonā uo-  
 luntate cognoscendā ageretur; at de  
 fide agitur. *Cauete, inquit, a falsis pro-*  
*phetis.* Arborem ergo hominem bon-  
 nam aut malam fidem habentem ap-  
 pellat, arborem quidem bonā, si bo-  
 nam, malam, si malam fidem habet.  
 Obijci potest, sepe qui bonam habet  
 fidem, malos fructus facere; id est ma-  
 le uiuere. Non nego, & qui negant,  
 hæreticos puto; sed Christus non di-  
 cit, quid aliquando; sed quid plerun-  
 que: neque quid hominum peruersi-  
 sitate, sed quid natura fidei soleat acci-  
 dere. Fides autem natura sua neque  
 mala bonos, neque bonā malos gene-  
 rat fructus. Fructus uerò nostri tem-  
 poris hæretici non solum opera, sed  
 etiam doctrinam intelligunt: ita, ut  
 opinor, doctrina confidentes suā, ut  
 ex ea fidem probari uelint: nihil e-  
 nim nisi purum, & ut ipsi solent dice-  
 re putum, ut ego, putidum uerbum  
 Dei docent: sic Ioannem admonere,  
 ne omni spiritui credamus, sed ut pro-  
 bebamus spiritus utrum ex Deo sint 1.  
 Ioan. 4. 1. At hic de fide, id est de ipsa  
 falsorum prophetarum doctrina co-  
 gnoscendā agitur: & absurdum dictū  
 est, doctrinam ex doctrina probari.  
 Omnes igitur ueteres auctores per fru-  
 ctus opera intelligūt, quæ doctrinam  
 natura sua malam mala, bonam bonā  
 consequuntur.

18. *Non potest.* Quia uidetur his  
 uerbis experientia quotidiana repu-  
 gnare; dum multos ex malis bonos,  
 aut ex bonis malos fieri uidemus, mul-  
 tæ quæstio sunt in hunc locum inter-  
 pretationes. Quidā sic exposuerunt, ar-  
 bore bonā dum bona est, non posse  
 malos; & arbore malā, dum est malā,  
 non posse bonos fructus facere, ut Au-  
 gustinus, Chrysostomus, Auctor im-  
 perfecti, & Beda ijs locis, quos paullo an-  
 te notauimus. Alij uiderunt nō satis  
 hac ratione ueritati, experientiaque  
 satisfieri. Nam etsi bona arbor, id est  
 homo iustus, manens bona non pos-  
 set malos fructus facere: tamen malā  
 manens mala bonos aliquos fructus  
 facere



facere potest. Nec enim sequenda illa opinio est, quam Tridentinum Concilium nuper meritò dānauit, omnia peccatorum, aut etiam infidelium opera esse peccata, quauis maximū auctorem D. Augustinum lib. 4. cōtra Iulianum. c. 3. & lib. 3. cōtra duas epistolas Pelagium. ca. 5. & Prosperum sentent. 106. habuisse videatur, & ex Catholicis aliquādo Theologis suos habuerit defensores: ideoq; dixerunt nō posse arborem bonā, quatenus bona est, malos; nec arborem malam quatenus mala est, bonos fructus facere, quod & ego aliquā approbaui ac docui. Sed postea animaduerti nō posse hac ratione arborem bonam, malamque cognosci, quod hic in primis agitur. Quomodo ergo nō potest arbor bona malos; neque mala bonos fructus facere? Ego quid sentiant, priuātīm dicam; quid probabilius sit doctioribus iudicandum relinquam. Non solum arbor mala potest aliquos bonos; sed & arbor bona & manens bona potest aliquos malos fructus facere. Arbor enim bona hoc loco, vt ante probauimus, non est uir bonus, sed uir fidelis, id est nō qui bonam uoluntatem, sed qui ueram fidem habet: posse autem, qui bonam habet fidem, mala habere opera, non est huius loci probare, sed & experientia, & ipsa de se fides docet. Non ergo dicitur arbor bona malos, aut mala bonos fructus facere non posse, quod omnino non possit, sed quod natura sua non possit, & quod non semper bona malos; aut mala bonos facere soleat; sicut. capitulo. 12. 34. cum paullo ante Christus dixisset, aut facite arborem bonam, & fructum eius bonum; aut arborem malam & fructum eius malum; addidit; quomodo potestis bona loqui, cum sitis mali? Non enim significat omnino non posse. Nam Scribæ & Pharisei, de quibus dicit capitulo. 23. 2. 3. super cathedram Moysi sederunt Scribæ, & Pharisei, omnia ergo, quæcunque dixerint nobis, facite, secundum autem opera eorum nolite facere, certè malierant, quia mala faciebant, & bona loquebantur, quia quæ

dicebant, facienda erant; sed tū significat contra naturam fieri, & fieri non solere. Natura enim sua ex abundantia cordis os loquitur, Matthæi. 12. 24. & bonus homo de bono thesauro profert bona, ver. 35. Obijciat aliquis: si & bona arbor malos, & mala bonos fructus facere potest, quomodo docemur ex fructibus arborem dignoscere? Obijciam & ego idem, si Pharisei, cum malos fructus facerent, bona tamen arbor, id est non falsi propheta, sed veri doctores erant, quomodo ex fructibus cognosci potuerunt? Nam si auditores hanc Christi secuti regulam ex eorum moribus de doctrina iudicassent, tanquam falsam reiecissent. Ergo respondeo Christum hoc loco non certum indicium, sed probabile tantum signum tradere uoluisse, docereque non posse falsos prophetas, qui simulatione sanctitatis falsam doctrinam probant, diu se ita ouina pelle tegere, quin aliquando, qui sub ea latet lupus, appareat. Non enim potest diu simulatio ueritatem imitari. Hoc in Caluinistis sumus experti, agni nati sunt, lupi moriuntur. Mirum, quā multi errores ex hac bona & mala arbore nati sunt. Primum ille absurdissimus Manichæorum, alios homines natura bonos, qui nunquam mali: alios natura malos esse, qui nūquam boni esse possint, quem Hieronymus in commentariis ad hunc locum, & Augustinus libro 1. contra Iulianum capitulo. 3. & in disputatione secunda contra Fortunatum, & libr. 1. contra aduersar. leg. & prophet. capitulo. 22. multis sacrarum litterarum exemplis refutarunt. Dein de ille Pelagianorum, qui ideo peccatum tollebant originale, quod dicerent coniugium, quæ bona utique arbor est, non posse malos fructus facere, id est peccatum originale generare, vt scribit Augustinus lib. 2. de nuptiis, & concup. c. 26. & ille alter eorū dē, liberum arbitrium quasi radicem quādam in nobis esse, quæ possit ipsa per se, aut arborem bonam, id est bonā uoluntatem, aut arborem malā, id

L 3 est



est malam uoluntatem generare. Auditor August. lib. 1. de gratia Christi ca. 18. Quartus quorundam etiam ex Pelagianis, quamquam Donatistarum potius heresi conueniebat, neque bonum sacerdotem male, neque malum bene baptizare posse, sed similem esse baptizatori baptismum, quia non potest arbor bona malos, neque mala bonos fructus facere, ut refert Augustinus lib. 3. contra lit. Petilian. c. 44. Noluerunt minus ingenio si uideri Caluinistæ: nam & ipsi hinc cum Manichæis liberum tollunt arbitrium. Hoc etiam subtilius, quod illi in utramque pariter partem, hi in bonum, non in malum tollunt, non videntes homines errore suo cæci non solum malam arborem bonos, sed nec bonam malos fructus facere posse. Itaque si ad bonum, cum mali sumus, liberum propterea non habemus arbitrium, quia mala sumus arbor, & non potest arbor mala bonos fructus facere, neque ad malum, cum simus boni, liberum possumus arbitrium habere, quia bona sumus arbor, & non potest arbor bona malos fructus facere, neque illud confiderantes, quod idem Christus dicit cap. 12. 34. *aut facite arborem bonam, & fructum eius bonum: aut facite arborem malam, & fructum eius malum*, quasi in nostra utique sit potestate uel bonam, uel malam arborem facere. Nec ergo tantum hinc colligitur, quantum Pelagianis, nec tam parum, quam Caluinistæ colligi uolunt. Nam non solum in malum, sed etiam in bonum liberum habemus arbitrium, contra quam Caluinistæ, & non æqualiter in utrumque, sed in malum satis fortè, in bonum, nisi Dei gratia adiuuetur, infirmum, contra quam Pelagianis sentiebant. Alterum hinc Caluiniani non minus absurdum errorem hauserunt, non posse operibus hominem iustificari, sed iustum declarari, atque cognosci, quia non fit arbor bona, quia facit fructus bonos, sed quia bona est, bonos fructus facit. Nam ut arborem fructu, ita bo-

nam arborem bono fructu priorem esse necesse est. Nec arbor bona ex fructu bona fit, sed bona esse cognoscitur. Valde sibi illi, cum hoc dicunt, placere solent, ualde ego, cum audio, ridere soleo, & argumentum in illos, qui irritò contorserunt impetu, efficaci retorquere. Si iustis operibus non efficitur iusti, sed declaramur, quia arbor bona non fit ex fructu bono bona, sed bona esse cognoscitur, ergo iniustis operibus non efficitur iniusti, quia arbor mala non fit ex fructu malo mala, sed mala esse cognoscitur. Ita efficitur istorum argumentatione Adamum, qui bona a Deo arbor factus erat, peccare non potuisse, quia non potuit arbor bona malos fructus facere, & si peccauit, non fuisse tamen iniuste agendo factum iniustum: quia arbor ex malo fructu mala esse cognosci potest, mala fieri non potest. Ita homines improvidi foderunt ante faciem nostram foueam, & inciderunt in eam. Nec intelligunt imperiti, quod in nostris scholis etiam pueri docent, quid inter naturales & morales causas inter sit. Naturales enim non ex bono uel malo effectu bonæ, uel malæ fiunt, sed quia bonæ uel malæ sunt, bonum uel malum effectu habent. Morales uero non solum quia bonæ, uel malæ sunt, bene uel male agunt: sed etiā, quia bene, uel male agunt, bonæ uel malæ fiunt. Nec enim tantum, quia temperantes sumus, uiuimus temperanter: sed etiam temperanter uiuendo, temperantes efficitur. Arbor causa naturalis est, propterea, nec ex bono fructu bona, nec ex malo mala fit: sed quia bona uel mala est, bonum uel malum gignit fructum: homo moralis, propterea non solum, quia bonus uel malus est, bene uel male agit, sed etiam quia bene uel male agit, bonus uel malus fit. Neque requirendum est, ut omnibus in rebus arboris similitudo homini conueniat, sed in ea tantum, qua de agebatur, & arborem ex fructu, & hominem ex moribus iudicari.

21. *Non omnis, qui dicit mihi.* Qui-  
dam hæc omnibus à Christo dicta  
fuisse

Contra Cal-  
uin as li-  
berum arbi-  
trium tol-  
leates.

Contra Cal-  
uinistarum  
imputati-  
onem iusti-  
tiam,

Naturaliū  
& mortaliū  
causarum  
discrimen.



fuisse putant, quia Lucas ca. 6. 46. post illa uerba, *Hypocrita eijce prius trabem de oculo tuo, & non est arbor bona, quæ facit fructum malum: & bonus homo de bono thesauro profert bona, & malus homo de malo thesauro profert mala*, hæc adiungit, *quid autem uocatis me, Domine dñe, & non facitis, quæ dico?* Melius Hieronimus, & Hieronymus in commentariis, & auctor imperfecti homil. 19. & Augustinus libro 2. de sermon. Domini ad solos falsos prophetas referri dicunt, quia & generalis sententia est, & in omnibus malis Christianis locum habet; tamen hic de solis falsis prophetis intenoſcendis agebatur, qui non ex uerbis, quamuis nomen Domini semper in ore habeant, sed ex factis iudicandi sunt: quasi dicat, nolite credere omnibus, qui dicunt mihi Domine, Domine, multi enim mihi dicunt, qui non intrabunt in regnum celorum, quia falsi prophetae sunt. Lucas ergo quid, non quibus, aut qua ratione Christus dixisset, commemorauit, & quia concionem narra-  
*bar, concionatorum more per secundam personam loquentem inducit, quid uocatis me Domine, Domine?* Fieri etiam potest ut bis, aut saepius diuersis personis, & in diuersam sententiam idem dixerit, & Matthæus; quod de falsis prophetis, Lucas, quod de praesentibus auditoribus dixerat, recensuerit.

*Domine Domine.* Hanc repetitionem non solum ex linguae Hebraicae, ut quidam volunt, consuetudine adiectam puto, ut illam apud Ieremiæ 7. 4. *templum Domini, templum Domini*, sed multo magis ad significandam consuetudinem, quasi dicat, non omnis, qui dicere solet, non omnis qui dicitur mihi Domine, Domine, intrabit in regnum celorum. Nam & apud Ieremiam geminatio illa *templum Domini, templum Domini*, frequenter loquendi apud Iudæos consuetudinem exprimit. Post etiam hoc loco simulatum falsorum prophetarum in loquendo, vel orando affectum declarare. Solet enim vehemens affectus erumpentia uerba geminare, ut infra

capitulo 25. 11. *Domine, Domine aperi nobis.* Quod autem dicunt falsi prophetae, *Domine, Domine*, plerique ad preces referunt, quod orantes Christum Dominum uocare soleant. Alii ad fidem, quasi idem sit uocare Christum Dominum, & credere, uelutque significare, non omnes, qui fidem habent. saluos futuros, ut Hieronymus, Euthymius, & Theophylactus interpretantur. Alij ad uerba, & consuetudinem eorum loquendi, quod de Christo ita loquantur, ut quasi in illum credant, Dominum appellent, ut auctor imperfecti. Hoc probabilius. Iam enim docuimus agi hic de falsis prophetis, qui ueram non habent, sed habere se simulant, fidem. Et quidem cum hæc scriberem, quidam ad me ex Caluinistis falsus propheta uenit, qui nunquam aliter Christum interloquendum, quam Christum Dominum nostrum appellabat, fecitque; ut melius hunc locum intelligerem.

*In regnum celorum.* Multi hæreticorum interpretes errant existimantes Ecclesiam hoc loco regnum celorum appellari, quasi dicat, non omnis qui dicit mihi Domine, Domine in mea Ecclesia censendus est, neque meus discipulus habendus. Multo prudentius omnes ueteres auctores de beata uita intelligendum putauerunt. Nam quamuis Ecclesia regnum aliquando celorum appellatur, tamen cum dicitur, *intrare in regnum celorum*, nunquam Ecclesia, sed uita semper beata significatur. Et hoc loco manifestum est agi de premio, quod non in Ecclesia, sed in celo datur; quasi dicat, non itur ad celum, uerbis, sed factis. Et ex uersu sequenti de ultimo iudicio agi constat, cum alij in celum admittendi, alij ab eo excludendi sunt. *Multi dicent mihi in illa die, Domine, Domine nonne in nomine tuo prophetauimus?*

*Sed qui facis uoluntatem patris mei?* Videtur dicere debuisse, sed qui facit uoluntatem meam, ipsum enim non patrem Dominum appellabant, & eius uoluntatem facere debebant, quæ

I. 4 domi-



dominum suum confitebantur, sicut dicit apud Lucam c. 6. 46. *quid vocatis me Domine, Domine, & non facitis, quae dico?* Respondet Chryso. & Theoph. hinc colligi eandem esse patris, & filij voluntatem, cum filius, ubi suam dicere debuit pro sua, patris sui dixerit voluntatem. At si eadem erat utriusque, cur patris potius, quam suam dixit? Respondent, quod id auditoribus gratius futurum esset, & minus sibi constaturum invidiae. Aliam ego rationem adiungo, quod patri ubique legislatoris personam tribuat, ipse vero se, quasi eius legatum, gerat, ideoque sese in ijs numeret, qui patris sui voluntatem faciunt, ut cap. 26. 42. Ioan. 4. 34. & 5. 30. & 6. 38. propterea semper solet dicere voluntatem patris mei, non meam, ut infra c. 12. 50. (22. In illa die.) terribili, & celeberrima, hanc enim vim habet pronomen demonstrativum illa, quasi de die non alijs simili, sed certa, & singulari, & futuri iudicis fama, metuque insigni sermo sit, ut infra c. 24. 36. & Mar. 13. 32. Luc. 21. 34. 1. ad Thes. 5. 4. 2. ad Timo. 1. 12. 18. & 4. 8. Nominat autem illam diem, quia in igne reuelabitur, & unus cuiusque opus, quale sit, ignis probabit. 1. Cor. 3. 13. & quia tunc illuminabuntur abscondita tenebrarum, & manifestabuntur consilia cordium 1. Cor. 4. 5.

Caluini reprehensio.

Prophet auimus.) Ineptè Calvinus interpretatur, prophet auimus, id est docuimus. Nam ut demus id aliquando hoc verbum significare, sicut ver. 15. falsos doctores, falsos prophetas appellauit, tamen debuit animaduertere hic falsos illos prophetas allegare miracula, nonne in nomine tuo prophet auimus, & in nomine tuo demonia eiecimus, & in nomine tuo virtutes multas fecimus? Prophetare igitur non est docere, sed futura praedicere. Hoc enim miraculum est, illud non est, Atque hanc vim habet illud, In nomine tuo, id est, virtute tua, Non enim in nomine Christi, sed Christum docere dicimur: prophetare autem non Christum, sed in nomine Christi.

Virtutes multas.) Miracula multis generis, aut saepe. Quod n. ante per

partes, & distributè dixerat, nunc in genere concludit, quemadmodum si diceret, nonne in nomine tuo prophetauimus, & demonia eiecimus, & alia multa fecimus miracula? Existit ex hoc loco de miraculis quod, non etiam per malos fieri possint. Illud certum, cum duo miraculorum, alia vera, alia falsa, genera sint, falsa etiam per malos fieri posse. Nam Antichristum falsa editurum esse prodigia testatur 2. Thes. 2. 9. D. Paulus. Et Magos illos Pharaonis, quauis verane an falsa miracula fecerint, disputetur, tamen manifestum est, saltem falsa fecisse. De veris igitur, an per malos fieri possint, quaestio est. Hic etiam adhibenda distinctio. Nam vera miracula per malos, aut cum mali sunt, aut antequam incipiant, aut postquam desinunt mali esse, fieri possunt. Ante, vel post fieri posse dubium non est. Nam Saulem ante quam malus fieret, cum filius vnus anni esset, prophetaffe legimus 1. Reg. 10. 10. 11. & Matthaeus publicanus noster, postquam publicanus, id est publicus peccator esse desijt, multa, ut ceteri Apostoli, fecit miracula. De ijs, qui mali sunt, quamdiu mali sunt, magis est dubium. Alia rursus adhibenda distinctio. Nam aut de malis, & infidelibus: aut de malis, & infidelibus queri potest. De malis, qui fidem habent, scriptura docet, uera eos miracula fecisse. Prophetauit enim Caiphas homo iniquus, quia Pontifex erat anni illius. Fecit Iudas miracula, dum in Christum credebat: nam & potestatem cum alijs Apostolis accepit, Matth. 10. 1. & cum alijs gloriatus est, quod sibi demonia subijcerentur, Luc. 10. 17. & tamen fur erat, & loculos habebat, Ioan. 12. 6. Saul postquam ab eo Dominus discesserat, in cuneo prophetarum medius, ut ceteri prophetauit 1. reg. 19. 24. De ijs, qui fidem non habent, propterea quod miracula fide potissimum sunt: non, an faciant, quia id scriptura testatur: sed, an vera faciant miracula, dubitari potest. Chrys. ho. 25. Hiero. Euthym. & Theophyla. multis probant exemplis etiam per homines infideles uera miracula fa-

82



ita esse. Nā Balaā falsus alioquin, & in fidelis propheta vera p̄dixit Num. 24. 17. & ex hoc ipso loco facile colligit, falsos istos prophetas, de quibus loquitur Christus, vera miracula facturos, verē prophetasse, verē demonia eiecisse: nec enim r̄ndet Christus mentiri eos, sed se eos, quos ista fecerint, non nosse, & sententia postulat, ut Christus significet vera eos miracula facturos; non. n. mirū esset, si illis, q̄ non vera, sed falsa miracula fecissent, r̄nderet se nō nosse eos: valde autē mirū, ut iis, q̄ vera fecerūt miracula, ita r̄ndeat. Nec magnum esset, si moneret nos, ne falsa facientibus miracula crederemus, magnum oīno, & admirabile, q̄ moneat, ne falsis prophetis credamus vera ēt miracula facientibus, nec ex solis miraculis, sed ēt ex fructibus. i. ex moribus ipsorum veros falsosq; prophetas discernamus. Nullum ergo, dicit aliquis, ad probandam veram doctrinam ex veris miraculis argumentum sumi pōt. Nō sequit oīno nullum, sed non oīno necessarium sumi posse. Scimus. n. Christū ad confirmandam doctrinam suam potestatem faciendi miracula a patribus tradidisse. Scimus vi miraculorum totum p̄ene terrarum orbem ad fidem fuisse pertractum. Quod qui negant, ut disputat aduersus Gentiles Augustinus, maius ipsi miracula tollendo miraculorum faciunt. Incredibilis. n. miraculū est totum orbē terrarū. i. tot Philosophos, tot sapientes viros, tam paucis Apostolis, tam imperitis, tam incredibilia humanæ rationi predicantibus, sine vllis miraculis credidisse, q̄ illa ipsa miracula, quæ per eos facta narrantur. Probabile igitur fidei argumentum est, qd̄ ex miraculis sumitur, quia per fidem sapere, sine fide rarō admodum fieri solent. Et cum fiunt, non ad probandam eorum, qui faciūt: sed eorum, qui veram fidem habent, fieri solent. Nec enim Balaam futura prædicendo suam ipsius: sed populi potius Dei, aduersus quem conducturus fuerat, fidem confirmaui: & ferē omnia miracula, quæ per hæreticos facta fuisse legimus, quæ paucissima sunt, huiusmodi esse constat: qualia ea,

quæ in ecclesiasticis historijs, & apud Anastasium in quæstionibus scripture recensentur. Est etiam argumentum a miraculis ductum, si non omni, vna saltem, aut duabus etiam ex partibus necessarium. Nam etsi non necessariō sequitur, eum, qui miracula faciat, verā habere fidem: tamen necessariō sequitur, eam, in qua frequentia, & quasi ordinaria miracula fiant, veram esse Ecclesiam: quia etsi aliquando Deus per priuatos extra Ecclesiam suam homines miracula fieri permittat, sicut & per asinam fecit Balaam, quæ in Ecclesia certē non erat: tamen nulli generaliter hominū societari, nisi Ecclesie suæ ordinariam faciendi miracula concessit potestatem. Magis etiam necessarium est, quod altera ex parte per negationem ducitur, in qua miracula nulla fiant, eam veram Ecclesiam esse non posse, quia scimus Christum Ecclesie suæ potestatem ad facienda miracula dedisse. Itaque rectē hinc probare possumus Calvinistarum, Lutheranorum, Anabaptistarum, & ceteras eorum, qui hodie regnant, hæreticorum congregationes non veras Ecclesias, sed synagogas esse Satanae, quia in nullarum vllum vnquam miraculum visum est. Obijciunt hoc loco Hieron. & Aug. neminem posse dicere *Iesus, nisi in Spiritu sancto* 1. Cor. 12. 3. Quomodo ergo possunt non solum dicere *Domine, Domine*, sed etiam nomine Christi miracula facere, qui Spiritum sanctum non habent? Respondent dicere Iesus eo in loco nō significare verbis dicere: sed factis, id est Christum nō solum fide confiteri, sed moribus etiam exprimere, quod manifestum est neminem sine Spiritu sancto facere posse.

23. Et tunc. ) In illa die, de qua dixerat versu præcedenti, coram omnibus hominibus, quando reuelabuntur abscondita tenebrarum, quasi dicat vsque ad illam diem patiar, ac dissimulabo, & quasi paleas granis in arena mixtas relinquam: tunc discernam, tunc ventilabo. Hiero. auctor imperf.

& Beda.

(*confusebor.*) Auctor imperfecti ho.

19. pro

Hæretici non  
sua ætatis si  
ue miraculis

Quo per mi  
racula fides  
confirmatur  
& vera Ec  
clesia proba  
tur,



19. pro ὁμολογήσω, confitebor vide-  
tur legisse ὁμολογῶ iurabo, quod bene  
admodum congruit. Iurare autem  
intelligit dicere, *Amen, Amen dico vo-  
bis nescio uos.* vt c. 25. 12. Alij interpre-  
tantur, *confitebor*, id est publice profi-  
tebor me eos non nosse, vt Hiero. Vi-  
detur autem simulatē eorum confes-  
sioni ueram suam confessionem oppo-  
nere, quasi dicat, illi me coram ho-  
minibus fidei confessi sunt: ego eos  
coram patre meo verē confitebor,  
sed me eos minime cognoscere, sicut  
ē contrario de iis, qui verē cum, sin-  
cereq. confitentur, dicit c. 10. 32. *Qui  
me confessus fuerit coram hominibus, cō-  
fitebor, & ego eum coram patre meo.*

*Nunquam noui uos.*) Theophy. ne-  
tū quidē, cum miracula faceretis. Om-  
nes veteres auctores obseruauerunt,  
in primisq. Origenes in c. 8. ad Rom.  
cognoscēdi uerbum hoc loco, alijsq.  
similibus non cognitionem, sed affe-  
ctum, approbationemq. significare,  
vt, *ego cognosco oues meas* Ioan. 10. 14.  
& *Cognouit Dominus, qui sunt eius* 2.  
Tim. 1. 19. & *nescio uos.* Matth. 25. 12.  
& Luc. 13. 25. Oēs enim Deus cogno-  
scit, sed non omnes pro suis appro-  
bat. Sensus ergo multiplex huius loci  
esse potest, aut, *nūquam noui uos*, id est  
nunquā uos pro meis habui, nunquā  
in prędestinatorum numero posui  
aut, nunquam pro ueris habui Pro-  
phetis, quales uos esse simulabatis,  
quod uidetur ad hunc locum, ubi de  
dignoscendis falsis Prophetis agitur,  
magis accommodatum.

24. *Omnis ergo.*) Disputauerat pro-  
prie de falsis Prophetis, concludit ge-  
neraliter de omnibus hominibus.

*Qui audit uerba hæc*) Quidā ad ea  
referunt, quę supra tribus capitibus  
dicta sunt, vt auctor imperf. Certius  
est generaliter de omnibus Christi  
verbis intelligere, itaq. interpretor  
*uerba hæc*, id est huiusmodi, hæc & si-  
milia, aut hæc, id est mea, quia illa, quę  
ante dixerat, ipsius erant uerba, & so-  
let ex vno aliquando indiuiduo to-  
tum genus significari.

*Qui edificat.*) Edificare est in Chri-

stum credere 1. Cor. 3. 10. Huius ædifi-  
cij duplex esse dicit fundamentum,  
arenam, & petram. Arenam uocat so-  
lam fidem operibus vacuam, uer. 26.  
& *omnis, qui audit uerba hæc, et non fa-  
cit ea similis erit uiro stulto, qui ædifica-  
uit domum suam super arenam.* Petram  
uocat bona opera uer. 24. *Omnis ergo,  
qui audit uerba hæc, et facit ea, assimila-  
bitur uiro sapienti, qui edificauit domū  
suam super petram.* Vnde duo contra  
duos Caluinistarum errores colligū-  
tur. Alterum, solam fidem ad salutem  
non satis esse; alterum, bona opera,  
quę adiuncta sunt fidei, non solum iu-  
stificare, & ad salutem plurimum ua-  
lere, sed firmissimum etiam salutis  
nostrę esse fundamentum. Neq. huic  
sententię illa contraria est 1. Cor. 3.  
11. *Fundamentum aliud nemo potest po-  
nere præter id, quod positum est, quod est  
Christus Iesus.* Multi enim in eodem  
fundamento lapides sunt, summus  
& primus solus est Christus, & præ-  
ter illud fundamentum aliud nemo  
potest ponere. Super illū autem alia  
etiam sunt; quę eo nituntur funda-  
menta: nam & Apostoli & Prophete  
fundamentum appellantur, sed *ipso sum-  
mo angulari lapide, Christo Iesu.* Ephes.  
2. 20. & Apoc. 21. 14. Sic etiam fides &  
opera duo sunt fundamenta, utrūq.  
primo ac firmissimo fundamēto niti-  
tur Christo. Sed sola fides arena su-  
per petram posita est, quę quamuis  
stante, quamuis inconcussa petra, fa-  
cile per se ipsa dilabitur, & quidquid  
superædificatum est, in ruinam tra-  
hit, opera petra super petram, quę nul-  
la pluuia, nullo uento, nullius impe-  
tu fluminis labefactatur. Pluiam au-  
tem, uentum, & flumen, nonnulli ita  
distingunt, quasi tribus rebus tres  
res alię significantur. Probabilius  
Christum tribus rebus, quibus potis-  
simum edificia labefactari solent ean-  
dem diem iudicii, quasi terribilem  
quandam tēpestatē describere uoluit  
se, vt Psal. 49. 3. *Deus manifestē ueniet,  
Deus noster et non silebit; ignis in conspe-  
ctu eius exardescet & in circuitu eius tē-  
pestas valida.* Docet ergo Christus  
eos,

De infir-  
matione con-  
tra Galui-  
nistas.



eos, qui bona habuerint opera, sumi-  
ter, in iudicio staturos esse, alios quam  
tumcunque fidem habuerint, causa  
cafuros. Non enim resurgent impij

in iudicio Hebr. <sup>וְהַיִּם</sup> non stabunt  
sicut orator ille Latinus loquitur,  
cum in Senatu pulcherrime stare-  
mus.

## C A P V T V I I I.



VM autem descendisset de monte, sequuta  
sunt eum turbae multae: 2. & ecce leprosus  
veniens, adorabat eum, dicens: Domine, si  
vis, potes me mundare. 3. Et extendens Je-  
sus manum, tetigit eum, dicens: Volo, Mun-  
dare. Et confestim mundata est lepra eius.

Marc. 1. d. 40

Lu. 5. c. 1. 24

4. E ait illi Iesus: Vide, nemini dixeris: sed vade, ostende te sa-  
cerdoti, & offer munus, quod praecipit Moyses in testimonium  
illis 5. Cum autem introisset Capharnaum, accessit ad eum Ce-  
turio rogans eum 6 & dicens: Domine, puer meus iacet in do-  
mo paralyticus, & male torquetur. 7. Et ait illi Iesus: Ego ve-  
niam, & curabo eum. 8. Et respondens Centurio, ait: Domine  
non sum dignus, ut intres sub tectum meum: sed tantum dic  
verbo, & sanabitur puer meus. 9. Nam & ego homo sum sub  
potestate constitutus, habes sub me milites, & dico huic: Vade,  
& vadit: & alij, Veni, & venit. & seruo meo, Fac hoc, & facit.  
10. Audiens autem Iesus miratus est, & sequentibus se dixit:  
Amen dico vobis, non inueni tantam fidem in Israel. 11. Dico  
autem vobis, quod multi ab Oriente, & Occidente venient, &  
recumbent cum Abraham, & Isaac, & Jacob in regno celorum.  
12. filij autem regni eiicientur in tenebras exteriores: ibi erit  
fletus, & stridor dentium. 13 & dixit Iesus Centurioni: Vade,  
& sicut credidisti, fiat tibi. Et sanatus est puer in illa hora. 14. Et  
cum uenisset Iesus in domum Petri, vidit socrum eius iacentem,  
& febricitantem: 15. & tetigit manum eius, & dimisit eam fe-  
bris, & surrexit, & ministrabat eis. 16. Vespere autem facto,  
obtulerunt ei multos daemones habentes: & eiiciebat spiritus  
verbo: & omnes male habentes curauit: 17. ut adimpleretur  
quod dictum est per Isaiam Prophetam, dicentem: Ipse infirmi-  
tates nostras accepit: & agrotationes nostras portauit. 18. Vi-  
dens autem Iesus turbas multas circum se, iussit ire trans fretum.  
19. Et accedens vnus scriba, ait illi: Magister, sequar te, quocum-  
que ieris. 20. Et dicit ei Iesus: Vulpes foueas habent, & uolu-  
cres caeli nidos: filius autem hominis non habet, vbi caput reclinet.  
21. Alius autem de discipulis eius ait illi: Domine, permit-  
te me primum ire, & sepelire patrem meum, 22. Iesus autem

Leu. 14. a. 2.

Luc. 7. a. 1.

Luc. 7. a. 5.

Mal. 1. c. 1.

Mar. 1. d. 32

1. c. 3. a. 4.

1. Pet. 2. d.

24.

Lu. 9. g. 54.

ait



ait illi: Sequere me, & dimitte mortuos sepelire mortuos suos.  
 23. Et ascendente eo in nauiculam, secuti sunt eum discipuli  
 eius. 24 & ecce motus magnus factus est in mari, ita ut nauicu-  
 la operiretur fluctibus, ipse uero dormiebat. 25 Et accesserunt  
 ad eum discipuli eius, & suscitauerunt eum, dicentes: Domine:  
 salua nos, perimus. 26. Et dicit eis Iesus: Quid timidi estis mo-  
 dica fidei? Tunc surgens imperauit ventis, & mari, & facta est  
 tranquillitas magna. 27. Porro homines mirati sunt, dicentes:  
 Qualis est hic, quia venti, & mare obediunt ei? 28. Et cum ue-  
 nissent trans fretum in regionem Gerasenorum, occurrerunt ei  
 duo habentes dæmonia, de monumentis exeuntes, sæui nimis,  
 ita ut nemo posset transire per uiam illam. 29. Et ecce clamaue-  
 runt, dicentes: Quid nobis, & tibi, Iesu fili Dei? Venisti huc an-  
 te tempus torquere nos? 30. Erat autem non longe ab illis grex  
 multorum porcorum pascens. 31. Dæmones autem rogabant  
 eum, dicentes: Si eijsis nos hinc, mitte nos in gregem porco-  
 rum. 32. Et ait illis: Ite. At illi exeuntes abierunt in porcos, &  
 ecce impetu abiit totus grex per præceptum in mare, & mortui  
 sunt in aquis. 33. Pastores autem fugerunt: & uenientes in ci-  
 uitatem nunciauerunt omnia, & de eis, qui dæmonia habue-  
 rant. 34. Et ecce tota ciuitas exiit obuiam Iesu, & uiso eo roga-  
 bant, ut transiret a finibus eorum.

## IN CAPVT VIII.



*C*um autem descendisset. Hiero. Chrysost. hom. 26. auctor imperfecti 21. ita hoc interpretatur, quasi oia, q̄ trib. supiorib. capitibus dicta sunt in monte a Christo tradita fuerint. Id non ita esse c. 6. 1. probauimus. Dicit ergo Matthæus, cum descendisset de monte, non quod omnia superiora in monte dixisset, sed quod cum c. 5. 1. scripsisset, eum, ut turbam hominum fugeret, in monte ascendisse, ibiq; ad Apostolos, concionem habuisse, eiusq; concionis occasione alias quoque eius conciones recitasset, uolens nunc exponere, quid postea sequentibus iterum fecisset turbis, necesse habuit dicere eum de monte descendisse. Nec. n. eum turbæ, nisi in

cāpo, sequi poterant. Dicit aliquis, car-  
 tū cū c. 6. & 7. eas conciones retulit, quas  
 ad easdē turbas Christus habuerat, nō  
 dixit Euangelista de monte descendisse,  
 neque turbas eū secutas esse. Respō  
 deo nō fuisse necessarium dicere eū de  
 monte descendisse, nisi ut reddere-  
 tur causa, cur eum turbæ secutæ essent,  
 nec dicere turbas eū concionantem se-  
 cutas esse, quia non referebat, quos au-  
 ditores, aut doctrinæ suæ testes, cum  
 concionaretur, habuisset: Referebat au-  
 tem scire, q̄ habuisset miraculorū suo-  
 rum testes, ne quis suppressere, aut ob-  
 scurare uellet. Propterea cū Euangeli-  
 sta, posteaquā de eius egisset doctri-  
 na, cuius etiam, ut ait Hieronymus,  
 facta narrare uellet, dixit, secuta sunt  
 eum turbæ. Quia in re aliū Matthæus,  
 quā ceteri Euangelistæ, secutus est  
 ordinem.



ordinem. Nam alij prius Christi miracula, quam doctrinam exposuerunt, quasi ex miraculis, doctrinam facituri fidem.

2. Et ecce leprosus.) Marc. cap. 1. & Lucas 5. alia quaedam miracula prius narrant. Itaque incertum est, utrum hoc post illa, an post hoc illa facta sint. Nisi quod Matthaeus dicens, *Et ecce leprosus*, videtur significare hoc statim, ut Christus de monte descendit, factum esse. Hanc enim vim habet illud, & ecce, ut capit. 2. exposuimus. Commodè autem Leonius monet ideo, dum in monte esset, agrotos illi oblatos non fuisse, ne eius conciones, quas in monte habebat, impederentur.

Adorabat.) *προσκύνησεν*, flectebat genua, & voluebat se ad eius pedes. Mar. 1. 40. *προσκύνησεν αὐτῷ*, ut si Gallie dixeret, *lui faisaient tout plain de révérences*, Lucas 5. 12. *προσκύνησεν αὐτῷ ἐν τῷ ποσὶ*, cadens in faciem Hebraismi securus, *προσκύνησεν*, quod multi urbanitatem Christo, tanquam Prophetae, aut viro sancto exhibitam, interpretantur. Ego verò religionē fuisse puto, quia ideo videntur omnes Euangelistae tanto studio hanc circūstantiam exprimere voluisse, ut eius leprosi fidem declararet, quae minima profectò fuisset, si Christum nihil supra quā Prophetā, aut uirum sanctum credidisset. Deum ergo credidit, neque alij, quā Deo dicere potuit, *Si vis, potes me mundare*. Non enim dixit, si patrem oraueris, sed si vis, significans aequalem ipsum cum patre habere potestatem, ut Chrysost. homil. 26. Theophylactus, & Euthymius obseruauerunt. Magna omnino fides, & ratio orandi singularis, quae nihil perit, sed necessitatem ostendit, fidem praecendit.

Orandi ratio singularis.

Cur Christus leprosum tegerit.

3. Et extendens Iesus manum.) Quid opus erat extendere, praesertim ad tangendum leprosum, cuius contactus in ueteri lege immundus habebatur? Non tarunt ex hoc loco, & aliis similibus ueteres auctores, quibus Cyrillus Alexandrinus, ideo Christum contactu carnis suae aliquos agrotos curare voluisse, ut ostenderet eum carnem suā

propter coniunctionem cum diuinitate uim salutaris, & uiuificam habere. Ambrosius libro quinto in Lucam aliam rationem affert, ut humanae naturae, quam habebat, probaret ueritatem. Alij, ut ostenderet se ueteri lege non teneri, quae lepram tangere prohibebat. Leuit. 14. 46. sed tanquam legislatorem superiorem esse legem. Chrysost. homil. 26. in Matth. & homil. 17. ex uariis locis Matthaei. Auctor imperf. hom. 2. 1. idem quoque Ambrosius eodem loco, Euthym. & Theophylactus. Alij, ut ostenderet se esse non aliū qui curauisset, cum ipse non alius tetigisset, quod apud D. Thomā ex Chrysostomo citatum lego. Alij, ut doceret legem, quae leprae contactum prohibebat, ne contingens contaminaretur, in se non habere locum, qui nec contaminari poterat, & leprosum non contaminandi, sed curandi causa tetigisset, ut Tertullianus ait libro aduersus Marcionem 4. Eodem modo hunc Evangelicam, & Ecclesiasticam lex intelligenda, quae cum haereticis agere prohibetur. 2. Tim. 3. 5. & 2. Ioā. 10. Non enim prohibemur cum illis agere, ut eos conuertamus: sed ne nos ipsi peruertamur, quia malitia eorum, sicut cancer serpit. Ergo qui Christus est, qui nec perueri potest, & conuertere potest, & Ecclesiae doctores, qui Christi personam gerunt, haereticos tangant, considerantes tamen seipsos, ne & ipsi tententur: ceteri quā longissime fugiant, maxime uerò Calvinistas, quorum & perniciosissimus, & maxime contagiosus est morbus.

Quibus, & quo conuer sandum cū haereticis.

*Volo, mundare.*) Respondet iisdem duobus uerbis, quibus leprosus usus fuerat, ut eius fidem effectu confirmet, Ambros. lib. 5. in Lucam. Chrysost. hom. 17. ex uariis locis Matth.

*Mundare.*) Non esse infinitum, sed imperandi modū Hieron. & Chrysostomus monuerunt. Quod Hieronymum hominem Latinum fecisse non miror, quia Latinum uerbum utriusque modi esse poterat, Chrysostomū Graecum fecisse miror, cum Graecum uerbum *καθαρίσθαι* nō nisi imperandi



Christi diuinitas,

di modi esse possit. Quæ res facit, ut suspicer id Chrysostomi interpretem addidisse. Rectè ex hoc loco ueteres auctores Christi diuinitatem probauerunt, quod quasi propria non aliena usus potestate uolendo, imperandoq; curauerit, Iustinus in expositione fidei. Tertullianus libro 4. contra Marcionem, Athanasius in libro de communi essentia. p. & f. & Spiritus sancti. Idacius Clarius libro 3. contra Varimadum, Ambrosius lib. 5. in Lucam, Chrysostomus homil. 26. & quidam diuinitatem simul, & humanitatem probauerunt, ut Tertullianus, Cyrillus, & Ambrosius, cuius hæc uerba sunt, *Volo ergo dicit propter Photinum; imperat propter Arium: tangit propter Manicheum.*

4. *Nemini dixeris.*) Dignum est queri, cur Christus tantum beneficii prædicare uetet, & quodammodo eum, qui accepit, ingratum esse iubeat. Respondet Hilarius can. 7. ut salus hæc non offerretur, sed quaereretur, id est, ne ideo hoc miraculum, quasi iussu Christi, iactari uideretur, ut alii etiam agroti ad quaerendam uenirent curationem, & fidei meritum amitterent, si non sponte, sed miraculo impulsu uenirent, quam etiam rationem indicauit Ambrosius. Hieronym. ideo prohibuisse, quia necessarium non erat, ut sermone iactaret, quod toto corpore præferebat. Alij, ne gloriam suam quaerere uideretur, Ambrosius lib. 5. in Lucam, Chrysostomus homil. 26. Beda, Euthymius, Theophylactus. Mihi sententia Auctoris operis imperfecti ualde placet, non omnino uetuisse Christum, ne quid unquam diceret, sed ne diceret, antequam se sacerdotibus ostenderet, ne si sacerdotes uulgata fama factum cognouissent, calumniarentur non esse uerè mundatum, cuius mundities sicut lex Leuit. 14. præcipiebat, non esset ipsorum iudicin comprobata. Propterea dicit statim, *ostende te sacerdoti.* Quod cur præceperit, etiam inter interpretes disputatur. Plerique respondent ideo præcepisse, ut ostenderet se legem seruare, ut Tertullianus libro 4. contra

Marcionem, Chrysostomus hom. 26. Hieron. & Euthym. Alij, ne, si se sacerdoti non ostendisset, extra ciuitatem secundum legem manere cogeretur, nec accepto beneficio frueretur, quia curatis a lepra redire non licebat in ciuitatem, priusquam a summo sacerdote de eorum esset curatione iudicatum, Theophylactus. Alias præterea rationes duas Hieronymus offert: alteram, ut humilitatem suam doceret; alteram, quam & Beda probasse uideo, & ego omnium maximè probo, ut inexcusabiles essent sacerdotes, si in ipsum non crederent, cuius miracula probassent. Hoc enim est, quod statim addit, *in testimonium illis*, quod, ut paullo post dicam, non solum ad oblationem muneris: sed etiam ad ostensionem spectat.

*In testimonium illis.*) Quidam hoc referunt ad uerbum, *præcepit*, ut sit sensus, & offer munus tuum, quod præcepit Moses, ut esset in testimonium illis curationem non ex sacerdotibus, aut omnino ex hominibus, sed ex Deo profectam esse, ad quem fere modum Hilarius interpretatur. Nonnulli ad uerbum, *offer*, ut Auctor imperf. hom. 21. & Theophylactus, quasi dicat, offer illis munus, ne, si non obtuleris, curationem tuam calumnientur, & ut muneris acceptio perpetuum contra illos ueræ curationis tuæ testimonium sit. Nec enim dicere poterunt non uerè fuisse curatum, pro cuius cognita, approbataq; curatione munus acceperint. Alii ad utrumque, & ad uerbum, *ostende*, & ad uerbum *offer*, ut Tertul. Chrysost. & Ambrosius locis, quos ante designauimus, quod ego uerissimum iudico. Reddit enim rationem non solum, cur munus illum offerre iubeat: sed etiam cur ad sacerdotes mittat, & cur quicquam prius dicere prohibeat. Sensus ergo est, *nemini quicquam dixeris, sed ostende te sacerdoti.* & offer munus tuum quod præcepit Moses, ut illi ipsi, qui maximè mihi aduersantur, primi meorum miraculorum testes sint, & proprio ipsorum testimonio eorum incredulitas arguatur. Quale autem munus offerendum



dum esset, scribitur Leuit. 14. 4.  
 5. *Accessit ad eum Centurio.* Homi-  
 nem fuisse gentilem uel ex ipso no-  
 mine manifestum est, nec enim tum  
 cum Iudæi Romani imperij tyranni-  
 de premebantur, Centuriones ex ip-  
 sis factos fuisse credendum est, ut Chry-  
 sostomus, & Augustinus admonue-  
 runt: & ex uer. 10. & Luca. 7. 3. colligi-  
 tur. Disputant autem interpretes an  
 idem hic Centurio sit, & ille, de quo  
 Lucas scribit. Dubitandi multis cau-  
 sam attulit, quod magna uideatur  
 inter Matthæum, & Lucam in eius hi-  
 storiarum narratione esse discordia. Mat-  
 thæus dicit Centurionem ad Chri-  
 stum accessisse, Lucas misisse ad eum  
 primum seniores Iudæorum, deinde  
 amicos suos, excusasseque, quod ad  
 eum ipse non uenisset, nec enim se, ut  
 ueniret, dignum iudicasse. Matthæus  
 dicit Centurionem rogasse Christum,  
 in domum suam ueniret, nec enim  
 se dignum esse, Lucas rogasse, ut ue-  
 niret. Quibus rationibus adducti non-  
 nulli fuerunt, ut diuersam historiam  
 esse dicerent, ut Chrysostomus hom.  
 27. & Euthymius meminerunt. Sed  
 omnes ueteres interpretes eandem  
 esse putant. Et uerò quis credat duo  
 miracula tam similia esse potuisse,  
 utrumque in Capharnaum, utrumque  
 eodem tempore, utrumque in seruo pa-  
 ralytico, utrumque Centurionem di-  
 xisse, *non sum dignus, ut intres sub tectum  
 meum*. Illi ergo, qui contra sentiunt,  
 inconsiderate faciunt, quod dissimi-  
 lia, non similia considerent. Quod autem  
 Matthæus Centurionem accessisse  
 se, Lucas seniores Iudæorum misisse  
 dicat, quidam respondent, utrumque  
 fecisse, & principio seniores Iudæo-  
 rum, & postea amicos suos, cum audi-  
 uisset Christum aduentare, ad eum  
 misisse, quod Lucas, & ad extremum  
 ingrauescente morbo ipsum etiam  
 accessisse, quod Matthæus exposuit, ut  
 Chrysostomus hom. 27. Theophyla-  
 ctus, & Euthymius. Alij per alios tan-  
 tum non per se accessisse, accedere  
 enim dicitur non solum, qui per se,  
 sed etiam qui per alios accedit, ut com-

parere coram iudice, non solum qui  
 per se, sed & qui per procuratorem  
 compareret. Sic Augustinus lib. 2. de con-  
 sensu Euangelistarum ca. 20. & lib. 33.  
 cont. Faustum. capit. 7. & 8. & Beda, &  
 Leontius hoc in loco. Nec obstat,  
 quod Matthæus dicit uerf. 8. Centu-  
 rionem respondisse, *Domine non sum  
 dignus*, & uer. 9. *Nam & ego homo sum*.  
 Nam quemadmodum qui per alium  
 accedit, accessisse, ita qui per alium  
 responderet, respondisse dicitur. Illud  
 maius est argumentum, quod uerò  
 simile esse non uideatur seniores Iu-  
 dæorum, qui apud Lucam rogant, ut  
 ueniat, hic rogare ne ueniat. Sed fa-  
 cile responderi potest id apud Lucam  
 seniores Iudæorum de suo addidisse.  
 Nam Centurionem non dixisse il-  
 lis, ut rogarent Christum ad se ueni-  
 re, ex eodem Luca perspicuum est, uerf.  
 6. 7. *Domine noli uexari, non enim sum di-  
 gnus, ut sub tectum meum intres, propter  
 quod & me ipsum non sum dignum arbi-  
 tratus, ut ad te uenirem, sed dic uerbo, &  
 sanabitur puer meus*. Ergo seniores Iu-  
 dæorum minus quam Centurio fidei  
 plus uerò habentes uanitatis non sunt  
 functi fideliter legatione, sed partim  
 non credentes posse Christum solo  
 verbo absentem curare paralyticum,  
 partim, ut ait Chrysostomus, ostende-  
 re uolentes tantum se auctoritate  
 valere, ut possent Christum adducere  
 contra quam in mandatis habebant,  
 rogant, ut ueniret. Sicut & illud de  
 suo abdiderunt, *Dignus enim est cui hoc  
 præstes, diligit enim gentem nostram, &  
 Synagogam ipse ædificauit nobis*. Non  
 enim Centurio illis mandauerat, ut  
 se dignum esse dicerent, sed potius  
 indignum. Vnus igitur Euangelista,  
 quid Centurio mandasset, alter, quid  
 Iudæi dixissent, exposuit. Illud ego  
 credo, ea uerba, quæ uerf. 8. & 9. sequun-  
 tur, a Iudæis dicta non fuisse, nec  
 enim tantum habeant fidei, ut tam  
 plenius fidei uerbis uti possent, præfer-  
 tim cum, ut ex Luca constat, ante ro-  
 gassent, ut ueniret, sed dicta fuisse  
 ab amicis Centurionis, quos, ut ait  
 Lucas, cum audisset aduentare Chri-  
 stum, ad eum misit, quosque credibi-

le



le est Gentiles fuisse, quia eos Euangelista non Iudaeos, ut priores, sed amicos uocat. Eos ergo tanquam magis familiares, uidens priores infideliter mandata sua peregrisse, melius instruit, ut se hominem esse dicant sub potestate constitutum, tamen dicere huic militi uade, & uadere; alteri fac hoc, & facere, quod, ut erant fideliores, iidem, quibus acceperant uerbis, recitauerunt. Fuerunt & qui dicerent hunc Centurionem illum fuisse regulum, de quo Ioannes scribit ca. 4. 46. & miraculum, quod hoc & illo loco narratur idem. Leontius hic, & apud Ioannem, itemque apud eundem Ioannem Chrysostomus, Theophylactus, Euthymius referunt, eorumque opinionem merito refellunt, nosque illic refutauimus. Itaque abs te est, quod ad marginem huius loci locus notatur Ioannis, quasi eadem sit historia.

6. *Puer meus.*) Seruus meus, ut constat ex Luca c. 7. 3.

8. *Non sum dignus.*) ἰκανός sufficiens, id est dignus, ut supra ca. 3. 11. & I. Cor. 15. 9. & ad Colos. 1. 12.

*Ut intres sub tectum meum.*) Non probo, quod quidam dicunt propterea se Centurionem indignum appellasse, quod Gentilis esset, & non liceret Iudaeis in Gentilium domo ingredi. Id enim non minus facile dixisset, & non solum dicit se indignum, ut in domum suam intret, sed etiam ut ipse ad eum adeat Luc. 7. 7. Non ergo, quia Gentilem, sed quia peccatorem se esse sciebat, non superstitione, sed fide dixit se indignum esse, ut sub tectum suum intraret, sicut Petrus Luc. 5. 8. *Exi a me Domine, quia homo peccator sum.* Beda.

*Sed tantum dic uerbo.*) Hebraismus, *חֵן דִּבְרָה*, id est iube, uerbo, unico uerbo, non enim solum opponit uerbum factum, sed longo etiam sermone, ut cum dicit, *uerbo Domini cali firmati sunt*, id est unico ac breuissimo uerbo, *Fiant, & facti sunt.* Plal. 3. 6. Credibile est audiuisse Centurionem, quomodo Christus leprosum, non multo antè unico uerbo curauisset, *uolo, mundare*, indeq;

tantam concepisse fidem, ut idem in suo sermo facere posse non dubitaret. Refert Leontius dixisse quosdam propterea Centurionem seruum ad Christum non adduxisse, quia iam agebat animam, itaque timuisse, ne in uia agitur moreretur, quod ille Centurionis fide indignum putat. Quenim credidit solo uerbo morientem sanare potuisse, & illud existimandum est credidisse posse Christum efficere, ne per uiam moreretur.

9. *Nam & ego homo sum.*) Theodorus Caluinistarum interpres pro ἡμεῖς ἐξ ἡσίων, sub potestate, legendum putat ἐγὼ ἐξ ἡσίων, in potestate, sensu profus contrario, quasi ita Centurio argumentatur, non opus est, ut uenias, nā & ego homo sum sicut tu, quamuis minore, in aliqua tamen potestate constitutus, & solo imperio facio, quare uolo: duabusque in hanc opinionem ductus est coniecturis, altera, quod non dicat, ἐγὼ γὰρ, ego enim homo sum, indicans Christum plus esse quam hominem, sed καὶ γὰρ ἐγὼ nam & ego homo sum quasi dicat, ut tu. Altera, quod statim adjiciat, & habeo sub me milites, quasi uolens explicare, quod dixerat se esse in potestate constitutum. Nolo, testis mihi mea conscientia est, aduersarium inuidia grauare, sed lectorem moneo eam fuisse Arianorum interpretationem, sic enim Auctor operis imperfecti, homo, ut ex multis locis commentariorum ipsius manifestum est, Arianus. Quo consilio non solemus eum, ut multi faciunt, Chrysostomi nomine citare, ne sanctissimi & eruditissimi uiri auctoritatem spurij & haeretici operis attributione polluamus, nec omnino citaremus, nisi hanc illi, & antiquitas, & eruditio, & subtilitas interpretandi auctoritatem tribuisset, ut etiam haeticus a Catholicis citari posset, sicut Tertullianum, & alios nonnullos, quos haeticos fuisse scimus, saepe citamus. Sensus igitur est omnino contrarius. Non enim a pari, sed a minori ad maius argumentatur. Si ego homo cum sim sub alterius potestate, id est sub Chiliarcho, & sub

Impera-

In edit.  
1559,

Beza Ariā  
nizat,



Imperatore constitutus, tamen quia sub me milites habeo, dico huic vade, & vadit, & alteri venit, & venit; quanto magis tu, qui sub nullius es potestate, poteris solo tuo imperio seruum meum curare? id est per alios facere, quod per te facere potes, ut omnes veteres auctores Catholici exposuerunt, Augustinus ser. 6. de verb. Domini secundum Matth. Chrysost. hom. 27. Be da, Strabus in commentarijs; omnium autem optimè Leontius ὑπὸ βασιλέα interpretans ὑπὸ βασιλέα sub rege, cuius interpretationis, si aliud non haberemus argumentum, quàm quòd hic sensus vberior est, & illa tanta Centurionis fide magis dignus: hoc vnum satis esse magnum existimare debemus. Quis enim non videt, non esse tantæ illi Centurionis fidei consentaneum, ut se & natura, & officio quodam modo aquaret Christo, quod etiam si fingamus eum verè facere potuisse, tamen profecto non fecisset. Mali omnino fuisset oratoris se illi, à quo beneficium peteret, aquare. Porius se, quamuis superiorem duceret, inferiorem diceret. Et contrariæ coniecturæ non modo leues, sed etiam falsæ sunt. Nec enim est Græcè ὅτι ἡ αὐτῶν, nam & ego, ut esse oportebat, ut ille, quem isti putant, esset sensus, sed καὶ γὰρ ἐγὼ, etenim ego quod sensum habet omnino contrarium. Etenim ego, cum non sim Deus, ut tu, sed homo ut ceteri, quibus impero, tamen quia sub me milites habeo, dico huic vade, & vadit, & alteri veni, & venit. Quod autem dicit se milites habere, non ideo dicit, ut probet se in potestate esse constitutum, sed ut reddat causam, quamobrem dicit huic vade, & vadat, illi veni & veniat, lego quidem apud Danie le c. 3. 2. τοὺς ὑπὸ ἐξουσίαν genus quodam militarium præfectorum in Theodotionis editione nominari, qui καὶ ἡ Caldæicè vocantur, sed illos ipsos a potestate, sub qua, non in qua essent, sic appellatos puto, tanquam si subpræfectos dicas.

10 Miratus est.) Admirationem nemo ignorat ex antegressa ignora-

tione, & consecuta cognitione proficisci. Admiramur enim, quæ videmus, aut audimus, aliave ratione cognoscimus, cum ante non solum ignoraremus, sed nec cogitaremus quidē. Itaque hoc ipsum admiratum fuisse Christum, cum nihil ignoraret, multo uero minus illam ipsam Centurionis fidem, quam mirabatur, cum, ut ait Augustinus, ipse eam fecisset; meritò miraremur. Quod quidam respondent, miratum, ut hominem, non probo, quia ne homo quidem fidem illam ignorabat. Nihilò probabilius, quod alij dicunt, non propter nouam cognitionem, sed propter nouam experientiam fuisse miratum. Ponunt enim Theologi scientiam quandam in Christo, quam experimentalem uocant, quamque illum nouis rebus acquirere posse dicunt, quemadmodum ait D. Paulus, didicit ex ijs, quæ passus est obedientiam Hebræo. 5. 8. Ceterum experientia non potest admirationem asserere ijs, qui quicquid experiuntur, animo præsumpserunt, cuiusmodi Christum fuisse certum est. Multo probabilius Aug. nō fuisse re uera miratū, sed ut nos miraremur, quasi admirando dixisse, non inueni tantam fidem in Israel, li. 1. cōtra aduer. leg. & pph. c. 7. Quisquis (ingit) miratur, secundum consuetudinem, qua homines loquuntur, inopinatum atque improuisum sibi esse significat, quod miratur. Sed Iesus, qui omnia præsciebat, quod mirandum alijs commēdabat, mirando laudabat, & li. 1. de Genes. contra Manich. c. 8. Quis autem in illis fecerat ipsam fidem, nisi ipse qui eam mirabatur? quod si & alius eam fecisset, ut quid miraretur, qui præscius erat? qd mirabatur Dominus noster nobis mirandū esse significat, quib. adhuc est opus sic moueri. Omnes igitur tales motus eius nō perturbati animi sunt signa, sed docentis magistri. Credo ego ita Christum mirari dici, sicut irasci dicitur Deus, non quòd re uera irascatur, sed quòd puniat, quod homines irati facere solent. Sic Christus miratus dicitur, non quòd miratus, sed quòd ad modum mirantis hominis locutus sit, O mul-

Admiratio  
quomodo  
in Christo.

Deus quo  
sensu irasci  
dicitur.

M  
lier



*lier, magna est fides tua. cap. 15. 28.*

*Non inueni tantam fidem in Israel.*  
*Γεν δὲ ἐν τῷ Ἰσραὴλ* ne in Israel qui-  
 dem tantam fidem inueni. Quidam, vt  
 ait Chrysostom. hom. 27. ex hoc loco,  
 & ex illo Luc. c. 7. 5. & *synagoga* ipse  
*adificauit nobis*, collegerunt hunc Cen-  
 turionem. Israelitam, non Gentilem  
 fuisse. Ex quo utroque loco. *Centurionem*  
 colligere debuerunt. Nam & hic cum  
 dicit Christus se ne in Israel quidem,  
 ubi plus fidei esse oportebat, quoddam  
 filius esset Abrahami, qui pater fuit om-  
 nium credentium, tantam inuenisse fi-  
 dem, non obscure significat Centurio-  
 nem fuisse Gentilem, & apud Lucam  
 eò magis seniores Iudaeorum eum cõ-  
 mendant, quoddam cum Iudaeis non es-  
 set, Iudaeos tamen amaret, & Synago-  
 gam illis edificasset. Quo autem mo-  
 do dicat Christus se ne in Israel qui-  
 dem tantam fidem inuenisse, cum in  
 Prophetis & Apostolis, certè in B. Vir-  
 gine credendum sit fuisse maiorem,  
 meritò queritur. Quidam Patriar-  
 chas, & prophetas excludunt, ut Hiero-  
 nymus, & Beda, quia non dicit non  
 fuit, sed *non inueni*, id est non sum ex-  
 pertus in Israel, ex quo homo factus  
 sum. Sed quid de Apostolis, & de Bea-  
 tae Virgine dicemus? Putat etiam Hiero-  
 nymus, non unius Centurionis cum  
 singulorum Israelitarum, sed Eccle-  
 siae Gentilium, quae per vnum Centu-  
 rionem significatur, fidem cum totius  
 Ecclesiae Iudaeorum fide comparari,  
 illique praeferrì. Sed vt hic tentus ana-  
 gogicus sit, non est certe literalis:  
 nam ipsius etiam Centurionis fidem  
 Christus miratur. Auctor imperfecti  
 homil. 22. duas interpretationes non  
 incommodas affert. Alteram, re vera  
 maiorem in Centurione, quam in  
 Apostolis fuisse fidem. Nec id existi-  
 mandum absurdum, cum Christus  
 Centurionis fidem tantopere laudet,  
 Apostolorum incredulitatem tanto-  
 pere saepe reprehendat, infra uer. 26.  
 & capitul. 14. 31. & 16. 8. & 17. 20. &  
 Marc. 16. 14. Alteram, non simpliciter,  
 sed proportionem personae fidem  
 Centurionis Apostolorum fide ma-

iozem fuisse, quia Apostoli Iudaei.  
 Centurio Gentilis erat. Itaque ma-  
 ior erat in illo mediocris, quam in  
 Apostolis summa fides, sicut homi-  
 nem rusticum, si quid ex philosophia  
 delibauerit, magnum dicimus esse phi-  
 losophum, & Aristotelibus, atque  
 Platonibus antepponimus. Memini le-  
 gere Traianum Imperatorem ma-  
 gnum habitum fuisse pictorem, quia  
 quantuscunque pictor esset, magnus  
 tamen Imperator magnus pictor es-  
 se non debuit. Sic homines sumus,  
 vt quidquid prae debuit & opi-  
 nionem accedit, pro magno ha-  
 beamus. Duobus ergo modis inter-  
 pretor, altero, ut Christus non com-  
 parat Centurionis fidem cum singu-  
 lorum etiam Apostolorum, sed cum  
 populi fide, sic enim solemus aliquan-  
 do generaliter loqui, vt eos, de quibus  
 dubium non est, excipiendo intelli-  
 gamus. Dicimus aliquando coram  
 doctissimo uiro, illum, uel illum om-  
 nium, quos unquam nouerimus, do-  
 ctissimum esse, nimirum eo excepto,  
 quo cum loquimur, cum quo inui-  
 diosum, & inurbanum esset alterum  
 comparare. Dicit rex illum, aut il-  
 lum esse hominem totius regni sui  
 potentissimum, haud dubie se ipsum  
 excipiens, quem longè scit esse poten-  
 tiorum. Dicit Christus inter na-  
 tos mulierum non surrexisse maio-  
 rem Ioanne Baptista infra cap. 11. 11.  
 non comprehendens se ipsum, qui  
 & ex muliere natus, & longè ma-  
 ior erat. Sic hoc loco, cum dicit se  
 in Israel tantam fidem non inuenisse,  
 familiam suam, id est Beatam  
 Virginem, & Apostolos non com-  
 prehendit. Altero modo sic, vt non  
 de ipsa fide, sed de externis signis fi-  
 dei Christus loquatur, quasi dicat  
 non inueni, qui ita mihi responde-  
 rit, qui tantam prae se fidem ferret.  
 Priorem tamen interpretationem ma-  
 gis probo.

11. *Ab Oriente & ab Occidente.* à  
 toto orbe terrarum extra regnum  
 Iudae, posuit enim duas remotissi-  
 mas partes pro omnibus, Augustinus  
 scilicet.

An maior  
 Centurionis  
 fides quam  
 aliorum sa-  
 ctorum.



Sermō. 6. de verbis Domin. secundum Matth. venient autem uocati: loquitur enim de gentium uocatione, de qua Isaias capitul. 43. 5. 6. 7. 8. 9. varicinus fuerat, de qua tota epistola ad Romanos, maxime uero undecimo capite late disputat Diuus Paulus.

*Et recumbent.* ) ad mensam, metaphorā sumpta de cōuiuio: solet enim regnum cœlorum per conuiuium significari, quia satiabimur, cum apparuerit gloria eius, Psalm. 16. 15. ut Lucæ 14. 15. *Beatus, qui manducabit panem in regno Dei*, & Lucæ 22. 29. 30. *Ego dispono uobis, ut disposuit mihi pater regnum, ut edatis, & bibatis super mensam meam in regno meo*; & Apocal. 19. 9. *Beati, qui ad cœnam nuptiarum agni uocati sunt*. Hoc ipsum per illam parabolam de nuptijs, & inuitatis significatur Matth. 22. 2. Luc. 14. 16. Non solebant Gentiles, nec licebat illis prius cum Iudæis ad mensam discumbere, docet Christus in Cœlo cū ipsis Iudeorum Patriarchis Abraham, Isaac, & Iacob discubituos, & Iudeis ipsis anteposendos.

*Cum Abraham, Isaac, & Iacob.* ) Cur hos tres potissimum nominauerit, multas causas interpretes afferunt. Prima est, quod Deus eorum Deus vocabatur, Exod. 3. 6. 15. 16. Hierony. Secunda quod illis promissio terræ Chanaan, per quam regnum cœlorum significabatur, facta esset, Genesi. 12. 7. & 15. 13. Theophylact. Tertia propter fidem, quæ in illis maxime eluxit, cuiusque imitatione gentes in bonam oliuam insertæ seruantur, quam etiam Hieronymus indicat. Mihi uidentur hi tres tanquam Reipublicæ Iudæorum fundatores ex nominari, qui ueluti in capite mensæ sessuri sint, ut significetur gentes cum illis, id est proxime illos sessuras esse, Iudeisque præferendas, sicut illius Centurionis fides, cuius occasione hæc dicta sunt, propius a fide Abraham, Isaac, & Iacob, quam Iudæorum fides accessit, sicut sinus Abraham uocatus est, illud ueluti conclaue, ubi Abraham cœlestium deliciarum gustu

quodam expectatione fruebatur, Lucæ 16. 22.

*12. Filij autem regni.* ) Filios regni, quasi filios regis, id est Dei, & proinde hæredes nonnulli uocari putant. Non approbo, cur. n. nō potius filios regis appellasset? Alij, in quibus Deus ante regnauerat. *Notus enim in India Deus*, Psalm. 75. 1. Hieronym. & Beda. Alij, quod mihi magis placet, quibus regnum cœlorum promissum erat, & qui in eius quodammodo erāt possessione, propterea enim dicuntur eiici foras, quasi iam prius intus fuissent, ut ille, qui in cenaculo sine veste nuptiali inuentus est, caput. 22. 12. sic ferè Theophylactus. Dicuntur ergo filij regni Hebraismo, quia ad regnum nati destinatique erant, sicut filius mortis, qui ad mortem est destinatus, aut filius mortificationis. Psalm. 78. 11. *וְיִשְׁלַח יְהוָה אֶת־בְּנֵי־יִשְׂרָאֵל מִן־הָאֶרֶץ* quos in oster interpretes reddit *filios mortificationum*. Non displicet tamen, quod nonnulli dicunt, filios regni uocati, quod in regno Iudæorum nati essent, quod ueluti umbra quadam, & exordium erat regni cœlestis, ut opponantur Iudæi gentibus, quasi indigenæ alienigenis, & ut Galli dicunt, naturales subiecti externis, & quod alij, filios regni appellari, non quod essent, nec enim foras eieci essent, sed quod esse debuerunt, suaque non fuerunt culpa, quemadmodum filij sapientiæ uocati sunt, non quia erant, sed quia maxime debebant esse sapientes, Luc. 7. 35. *instructa est sapientia a filiis suis*.

*In tenebras exteriores.* ) Infernum significari dubium non est, etsi Origenes tractatu in Matthæ. 23. Purgatorium, quod extra infernum sit, interpretatur. Dubium tamen, cur tenebræ, & cur exteriores appellentur, cum & ignis illic sit, & maxime interna, & abdita esse uideantur. Certum enim est ita Christum de inferno, sicut de carcere aliquo loqui, qui ut tenebrosus sit, tamen tenebræ internæ sunt, non externæ; & eo quidem magis interna, quo maiores sunt. Cur tenebræ uocentur, multi rationem alij aliam

Purgatoriū.

Infernus per tenebras exteriores in scriptura cur designetur.

M 2 reddi-



reddiderunt, cur exteriores, admodum pauci. Hieronymus in commentarijs, & August. epistola ad Honoratum 120. c. 22. & Ambrosius lib. 7. in Lucam propterea damnatos in tenebras mitti dicunt, quod à Deo vero lumine discedant. Nescio an hoc, etsi verum est, potius sit allegoricum. Sicut & illa altera interpretatio, quam affert Augustinus in commentarijs in Psal. 6. exteriores tenebras extremam, & quæ ultra sanari non possit, cecitatem appellari; in quam omnes damnati mittuntur, quia nullam in inferno agere possunt poenitentiam. Alij tenebras quidem dici, quod locus ille inferni luce careat, ut ait Iudas ver. 6. *angelos verò, qui non seruauerunt suum principatum, sed reliquerunt suum domicilium ad iudicium magnæ diei vinculis æternis sub caligine reseruauit.*

Nā etsi in inferno verus est ignis, tamen, ut Basilii & Damasc. docent, calidus est, lucidus non est, quia non solo calore dānatos, sed etiam obscuritate torquet, exteriores autem appellari non oēs, quæ in inferno sunt, sed eas, in quas dñr eiiciendi esse Iudæi. Multos. n. illic esse poenarum gradus, omnium grauiissimas tenebras exteriores nominari, ita Theophylactus. Quod eò videtur magis conuenire, quod plenior est inter Gētiles, & Iudæos antithesis, ut quemadmodum dixerat Gentiles cum Abraham, Isaac, & Iacob, id est primo loco in cælo discubituros, ita nunc dicat Iudæos vltimo in inferno loco futuros esse. Sed aliter tamen interpretari possumus; cum enim agatur de regno cælorum, ex quo, qui excluduntur, in tenebras exteriores eiici dicantur, ratio postulat, ut inde causā petatur, quare locus in quem mittuntur, & tenebræ, & exteriores appellentur. Agitur autem hoc loco, sicut multis alijs, de regno cælorum sub figura & similitudine conuiuii; nec prandij, sed cœnæ, quia antiquus mos est, ut conuiuium ad cœnam potius, quàm ad prandium celebrentur, quia positis tunc negotiorum curis longius in noctem, quàm in diē trahi possunt. Ita-

que rectè dixit D. Paulus, *qui ebrii sunt, nocte ebrii sunt.* 1. Thessal. 5. 7. Quam ob rem ip̄s uidemus cœnam, nunquam prandium appellari Matth. 22. 2. Luc. 14. 16. Apocal. 19. 9. solent autē conuiuiales cœnæ, quia de nocte sunt, copioso tēdarū lumine celebrari, quod non solum ad necessitatem, & vsum, sed etiam ad celebritatem, & ambitionem adhibetur. Itaque qui in cœnaculo sunt, in magno sunt lumine; qui extra, in magnis versantur tenebris. Ideo, qui ex regno cælorum extruduntur, in tenebras exteriores eiici dicuntur, quia quidquid tunc extra regnum cælorum erit, si cum eo comparēt, tenebræ erit. Nam qui in eo erunt, non egebunt lumine solis, neq; lumine lucernæ, quoniā Dominus Deus illuminabit eos, & regnabit in æternū, Apoc. 22. 5.

*Ibi erit fletus & stridor dentium.* Qui dam hæc duo ita distinguunt, ut duo suppliciorum genera, alterum ignis, alterum frigoris significantur, ut apud Iob. 24. 19. *ad nimum calorem transeat ab aquis nivium, & usq; ad inferos peccatum illius.* Beda hoc loco, & Hieronymus aut, si quis alius est auctor, in commentarijs in c. 24. Iob. Duplicem enim esse Gehennam, alteram caloris, alteram frigoris, ideoq; solere aliquando addito epitheto *Gehennam ignis* appellari, quasi ut ab altera, quæ niuis est, distinguatur, Matth. 5. 22. & 18. 9. Non disputo, an duplex Gehenna sit, nec quo modo locus ille Iob intelligatur, quia huius loci non est. Tantum dico eam opinionem non esse aliorum auctorum approbatione receptam, & Christum hoc loco, & alijs similibus, non ideo fletum & stridorem dentium nominasse, ut duo suppliciorum genera notaret, quasi fletum calor, & fumus: stridorem frigus effecturum sit: sed unam & eandem rem, id est maximam tormentorum vim fletu, & stridore dentium significasse, quia vtrumque, qui vehementissime torquentur, facere solent, & flet, & dentibus strident. An autem & fletus, & stridor dentium verus futurus sit, an per hæc duo, quæ apud

In inferno  
cur fletus,  
& stridor  
dentium.

In scriptura  
ita vita æterni  
na cur potius  
cœna  
quàm prandium,



apud nos in supplicijs fieri solent, maxima illa inferni supplicia per metaphoram declarentur, nihil ausim in unam, uel alteram partem affirmare; malim tamen uerum, sletum, & stridorem, quam metaphoricum, & quia ita Hieronymus sentit, hinc futuram corporum resurrectionem probans; & quia quod propriè interpretari possumus, per figuram interpretari incredulorum hominum est, & quasi fidei diuertacula querenti.

13. *Vade.*) Hebraismus est hominis concedentis, quod rogabatur, ut Iudit. 11. 38. & 1. Regum. 17. 37. & 2. Regum. 14. 8. & Marc. 5. 34. Luc. 7. 50. & 8. 48. & Ioan. 4. 50. *Vade filius tuus uiuit;* quemadmodum Galli dicunt, ut significent se, quod petitur, liberaliter, & hilarè concedere, *alles vos laures.* Collegerunt uetores auctores, & hoc ex alijs consimilibus locis ut infra. cap. 9. 2. & Marc. 2. 5. & Luc. 5. 20. fidem unius alteri prodesse. Nam seruus Centurionis, aut fidem nō habebat, aut si habebat, nec enim constat, non propter suam, sed propter Centurionis fidem sanatus est. Ita Cyrillus Hierosolymitanus catechisi. 5. Chrysostomus. hom. 28. Ambrosius. lib. 5. in Lucam.

14. *Cum uenisset.*) Accedit hoc simul atque Christus in synagoga Capharnaui cōcionem illam habuisset, propter quam miratæ sunt turbæ, ca. 7. 28. & ut constat ex Marc. 1. 22. & ex Luca 4. 32. & postquam demonium illud eiecisset, de quo Marc. 1. 24. & Luc. 4. 34. scripserunt, de quo Matthæus mentionem non fecit. Describitur autem tota hæc historia distinctius à Marco, ut Chrysostomus. hom. 28. & Augustinus. lib. 2. de consensu Euang. ca. 21. admonuerunt. narrat enim quatuor tantum Apostolos Petrum, Andream, Iacobum, Ioannem fuisse cū Christo, cum uenit in domum Petri, eorūque iudicio monitū fuisse Petri socrum ægrotare, rogatūque curasse.

*In domum Petri.*) Duplex ex vno uerbo oritur quæstio, altera quomodo tūc Petrus domum haberet, cum

omnia iam reliquisset, capitu. 19. 27. Hæreticorum interpretes respondere solent, non omnino Apostolos omnia sua reliquisse, sed curam administrationemque suorum bonorum, quam Christum sequentes, & Euangelio seruientes, gerere non poterāt; solitos tamen ad sua redire, cum Euangelij prædicatio non impediebat. Vellent, ut opinor, boni isti uiri Apostoli uideri, sed quia similes Apostolis fieri nolunt, uolunt sibi Apostolos similes facere. Nonnullos miror Catholicos interpretes, dum eorum commentarios minus caute legunt, in eundem errorem abductos. Respondeo ergo Petrum domū non habuisse; nec enim mentitus dixit, *Ecce nos reliquimus omnia, & secuti sumus te.* ca. 19. 27. Nec interpretari possumus reliquisse curam; quia dubium non est eo modo dicere uoluisse se & ceteros Apostolos omnia reliquisse, quo Christus paullo ante illi adolescenti dixerat uer. 21. *Si uis perfectus esse, uade, uende uniuersa que habes, & da pauperibus, & ueni sequere me.* Ad hæc enim uerba Christi alludens Petrus dicit, *Ecce nos reliquimus omnia, & secuti sumus te; quid ergo eris nobis?* Domus ergo Petri uocatur, non quia tunc erat, sed quia aliquando Petri fuerat, quam credibile est, quia pauperes erant, uxori, & socii sue reliquisse, nisi ipsarum fortasse erat, & Petri uocabatur, quia Petrus in ea, ante quam Apostolus esset, habitabat. Sed quia Marc. 1. 29. dicit fuisse domum Simonis & Andree, credibile est neutius fuisse; sed patris eorum, quæ eorum dicitur, sicut domus parentum dicitur etiam filiorum. Altera quæstio est, quomodo Petrus in Capharnaum domum haberet, cum Bethsaidæ ciuis esset, Ioan. 1. 44. Nam hæc in Capharnaum facta esse constat Mar. 1. 21. Luc. 4. 31. Hæretici interpretes fingunt eum duplicem habuisse domum, alteram Bethsaidæ, ubi natus erat, alteram in Capharnaum, ubi propter piscationis commoditatem habitabat. Erat enim Capharnaum

Hæretici  
paupertatis  
Apostolorū  
hostes,

Petrus an  
domū posse  
deut,

Fides unius  
alteri pro-  
deit.

M 3 ad



ad oram Genesarethici lacus piscatione nobilissimi; aut certe, quia Christus in Capharnaum solebat habitare, eo domum suam transtulisse; scilicet non errore vno cōtenti, quod Petrum bona sua negassent reliquisse, errorem alterum addiderunt, ut Petrum iam sanctum Apostolum altero tanto, quam unquam priuatus piscator fuerat, locupletionem faceret. Catholicos sanè laudare non possum, quod hac in re hæreticorum, quam Catholicorum interpretationem sequi maluerunt, quasi nō esset Deus in Israhel, & viri docti, atque Catholici ad hanc questionē multo ante melius respondissent hanc domum Petri non fuisse in Capharnaum, sed Bethsaida, quæ vicinissima erat, ita ut Christus exiēs ex synagoga Capharnaïtarum Bethsaidam pransum, aut canatum ire potuerit.

15. *Et tetigit.* ut apprehenderet manum eius, ac leuaret, ut exponit Marcus c. 1. 31.

17. *Ut adimpleretur.* vide c. 7. 15.

*Ipsē infirmitates nostras accepit.* ἀνέλαβε, accepit, dixit, pro, ἡνεγκεν, tulit, portauit, ut est apud Isaiam 53. 4. Hieronymus vertit ad verbum, infirmitates nostras ipse portauit. Septuaginta sententiam non uerba reddiderunt, οὗτος τὰς ἀμαρτίας ἡμῶν φέρει ipse peccata nostra portat, more Septuag. qui λαμβάνειν accipere solēt dicere pro φέρειν portare, ut Leui. 17. 16. & 22. 9. Quod à Propheta de peccatis dictum erat, Euangelista ad morbos corporis accommodat, siue quia Christus corporis morbos, non nisi propter morbos animi curabat: siue, ut ait hom. 28. Chrysost. quia morbi corporis peccati pœna sunt, & plerūque ex morbis animi nascuntur: siue quia ira solet Matthæus prophetias non ad eundem, sed ad similem sensum accommodare, ut c. 2. 15. 18.

18. *Videns autem turbas.* Reddit tacite cām, cur stagnum traiecerit, ne pe ut fugeret multitudinem ut c. 5. 14. *Vidēs autem Iesus turbas ascendit in montem,* Marcus c. 1. 35. diluculo valde

*surgens,* Lucas ca. 4. 42. *Et die facta,* id est prima luce, uterq. significat Christum clam subfugere voluisse, ne se hominū turba sequeretur, ut Ioseph. c. 2. 14. *Qui consurgens accepit puerum & matrem eius nocte, & secessit in Aegyptum.* D. Augustinus li. 2. de cōsensu Euangelistarum c. 21. putat non accidisse hoc postridie, quam concionē illam c. 7. habuisset, & socrum Petri curauisset, quia Marcus, & Lucas scribunt eum tunc in desertum secessisse. Sed intelligendum est secessisse in desertum traiecto lacu: nam ultra lacum desertum, & montes fuisse constat ex Marco 5. 11. & ex Luca cap. 8. 32.

20. *Et dicit ei Iesus.* Cur Christus istum Scribam uolentem eius esse discipulum tam asperè reiecerit, mirum videri potest. Sed ex circumstantia personæ, & ex Christi responso non est difficilis coniectura cognouisse Christum eum non tam perfectionis, quam lucri, aut gloriæ causa venire, ideoque proposita paupertate tenuisse, sicut filios Zebedæi, qui honoris eum causā sequi volebant, exposita Crucis ignominia deterret, potestis bibere calicem, quem ego bibiturus sum infra cap. 20. 22. & illum, qui factis sibi bonus esse uidebatur, paupertatis proposita profecione: si vis perfectus esse, uade, & vende universa, quæ habes, & da pauperibus, & ueni sequere me, Chrysost. hom. 28. Hilarius, Hieronym. in comment. Aug. serm. 7. de uerbis Domini secundum Matthæum Theophylactus, & Euthym. in hunc locum.

*Filius hoīs.* ο υ γος του ανθρωπου. Hinc olim Gentiles probare conabantur Christum nūlli semine natū fuisse, quod non ο υ γος τής ανθρωπου, id est filius hominis scemine, sed ο υ γος του ανθρωπου id est filius hominis maris diceretur, auctor Iustinus, quæst. 66. ad Orthodoxos. Quorum ille argumento, non tam responderet, quam ex alijs scripturæ locis probat Christum ex uiri semine natum non fuisse. Sed non est difficilis responsio, filium hominis Hebræorum idio-

mate

Cur Christus filius hominis appellatus,



mate nihil aliud, quàm hominē significare. Nam cum omnes filios hominum generaliter scriptura nominat, Adamum etiam primum hominem comprehendit, qui neque hominis maris, neque foeminae filius fuit; sed tamen, quia homo fuit, filius hominis appellatur. Nisi si quis malit dicere vocari filium hominis eo modo, quo eum filium Abraham, & filium Dauid scriptura vocat. Illa maior & difficilior est quaestio, cur solus Christus in nouo, solus Ezechiel in ueteri testamento ita uocetur. Nec enim meminimus alium, quem praeter hos duos, aut certe tam frequenter, & proprie ita uocari, licet communiter, & in genere omnes homines filij hominum appellantur. Nam quod Daniel ca. 7. 13. dicit, *et ecce in nubibus cali quasi filius hominis ueniebat*, omnes de Christo interpretantur, nec dubium est, quin de illo sit intelligendum. Cur Ezechiel ita uocatus sit, diximus in eius commentarijs c. 2. 1. cur Christus, hic dicendum. Deliria veterum haereticorum praetermitto, quae, si quae scire iuuat, Irenaeum legat li. i. c. 7. aliorum tantum opiniones recitabo. Quidam ergo sic appellari uoluisse dicunt, ut ostenderet se eum esse, quem prophetae humanam naturam sumpturum praedixerant, quemque filium etiam hominis appellauerant, Daniel. 7. 13. Haec est Epiphanijs sententia aduersus Noetianos haeres. 57. & Theodoretus in comment. in c. 7. Danielis. Alij filium hominis quasi Adami uocari putant, ut ostendat se patrem hominem non habere, sed per uirginem ex Adamo usque genus traxisse. Haec Gregorij Nazian. orat. 4. de Theolog. Alij, ut ipso nomine incarnationis suae magnum erga nos beneficium declararet, August. lib. 2. de consensu Euangel. c. 1. *Commendans*. (inquit) *nobis, quia misericorditer dignatus sit esse pro nobis*. Aliam alij locis rationem affert, quia erat etiam filius Dei, uoluisse humanam naturam ea appellatione à diuina distinguere, ut indicat epistola 174. & tract. 25. in Ioannem.

Alij simpliciter dicunt uoluisse se uerum esse hominem significare, ut Tertullianus in lib. de carne Christi. Mihi uera ratio, cur sese ita uocauerit, duabus ex rebus petenda esse uidetur; altera, quod solus ipse & Ezechiel ita uocetur, ut Irenaeus lib. 3. cap. 18. notauit; altera, quod solus ipse se ita uocet. Nam alij in nouo testamento nunquam eum filium hominis appellant. Ex priore re intelligimus posse eadem, aut simili de causa, qua Ezechielem filium hominis appellari. Cur autem Ezechiel ita uocatus sit, cum multas illic opiniones recensuerimus, illam R. Abraham maximè probauimus, vocari eum filium hominis, quia semper cum angelis loquebatur, qui eum, ut à se, qui homines non erant, sed uidebantur, distinguerent, filium hominis appellabant. Nec enim ipse se, sed eum angeli ita uocant. Simili fortasse ratione Christus, quia Deus erat, & filius Dei, quasi antithesi quadam cum de se, ut homine, loquitur, filium hominis uocat; non quod alius, sed quod aliter filius Dei, quia Deus, & filius hominis, quia homo esset, quemadmodum Augustinus indicauit. Ex posteriore probabilem coniecturam ducimus eum se non honoris, sed abiectionis causa ita uocare, sicut apud prophetam vermem, & opprobrium hominum appellat Psalm. 21. 7. Nisi enim abiectionis nomen esset, alij et eum aliquando eodem modo uocauissent. Sed obseruamus Ezechielem nunquam à se, sed ab alijs; Christum nunquam ab alijs, sed à se filium hominis appellari. Ideo ergo se filium hominis appellat, ut significet se, cum in forma Dei esset, nec rapinam arbitrareretur se esse aequalem Deo, exinanuisse tamen semetipsum, formamque serui accepisse, & habitu inuentum, ut hominem Philip. 2. 6. 7.

21. *Alius autem*) Prius Christus illi dixerat *sequere me*, quod Matthaeus tacet, Luc. dicit capit. 9. 59. ideo petit à Christo facultatem patrem prius sepe liendi.

*Permitte me primum uirē; & sepelire patrem*

M 4

Cur Ezechiel filius hominis appellatus.



*patrem meum.*) Sunt qui putent nōdū fuisse mortuum; sed sensum esse per-  
mitte me ire, & adesse patri meo iam  
seni, donec moriatur; eo mortuo & se-  
pulto te sequar, quemadmodum, &  
Tyranus interpretatur. Multo magis  
opinionem probo veterum interpre-  
tum Chrys. hom. 28. Basil. in li. de con-  
sti. monastic. cap. 21. Theophylacti, &  
Euthymij, iā eius patrem fuisse mor-  
tuū. Mortuum. n. fuisse nomine sepul-  
tura declaratur, mortuum autem nō  
fuisse, non declaratur. Et uerisimile  
non est eum, quem Christus cogno-  
scens uocabat, tā longi, tamq; incerti  
tēporis inducias petiuisse. Nec miran-  
dum esset Christū illi respondisse, *si-  
ne mortuos sepelire mortuos suos*, quia  
merito reprehendendus erat, si tā lon-  
go à Christo tēpe iam uocatus abesse  
uoluisset. Mirādū autem, qd Christus  
eum ne ad sepeliendū quidē iā mor-  
tuum patrem ire permiserit, & mani-  
festum est Christum, cum ita respon-  
dit, rem maximē mirabilem, & pter  
humanam opinionem dicere uoluis-  
se. Itaq; qui hac utuntur rōne, ut pro-  
bent nōdū illius patrem fuisse mor-  
tuum, qd uero simile nō putent tā eru-  
delē fuisse Christum, ut tā uillū tem-  
poris ad sepeliendum iam mortuum  
patrē cōcedere noluerit, non mihi ui-  
dētur satis Christi cōsiliū intellige-  
re, qui p̄tōculdubio docere uoluit, cū  
ab eo uocamur, ne unius quidē diei,  
aut horae moram ēt pietatis causā, &  
ad sepeliendum iam mortuum patrē  
interponere debere, quominus ē ue-  
stigio uocantem sequamur. Nullam  
maiorē esse posse pietatē, quā ip-  
sum sequi; eum ne patrem quidē nisi  
p̄tōpter ipsum, sepelire debeamus.

22. *Sine mortuos*) Manifestum est  
Christū eleganti eiusdē nominis am-  
biguitate uti uoluisset. Cum. n. bis no-  
minet mortuos, dubium nō est, quin  
eodem utrobq; modo non accipia-  
tur. Aut. n. utrobique mortuos, aut  
utrobq; uiuos, sed metaphoricē mor-  
tuos appellaret. Quod utriūque fieri  
non potest, quia neque mortui mor-  
tuos, neq; uiui uiuos sepelire possunt.

Mortuos ergo priore loco quidā infi-  
deles uocari putāt, ut Hilarius, Chry-  
sost. hom. 28. Hierony. Ambrosius in  
Psal. 48. Alij, quibus magis assentior,  
omnes peccatores, qui non de Chri-  
sto, sed de huius mundi rebus cogi-  
tant, ut Aug. lib. 4. de Trinitate c. 3.  
& lib. 20. de ciuitate c. 6. & q. 6. in Mat-  
thæum, ut ad Ephe. 2. 1. *Et uos conui-  
uiscamini cum essetis mortui delictis et  
peccatis uestris*, in quibus aliquando  
ambulaſtis; & ad Ephe. 5. 14. *Surge,  
qui dormis, & exurge à mortuis, & illu-  
minabit te Christus*, & 1. Tim. 5. 6. *nam  
quæ in delicijs est, uiuens mortua est*.

*Mortuos suos.*) Hic uocat mortuos,  
qui uerē mortui sunt. Cur autem uo-  
cet suos, quēstione nō uacat. Hilarius,  
Chrysostomus, & Euthymius colli-  
gūt hinc patrē eius, quē Christus uo-  
cauerat, Gentilem fuisse, ideoque suū  
appellare, quāsi dicat, sine Gentiles se-  
pelire Gentiles suos, sed credibile nō  
est Christum hominē, qui Iudeus nō  
esset, ad pradicandum Euangeliū uo-  
cariſse, cum etiam ad pradicandum  
gentibus non Gentilem, sed Iudæum  
uocauerit D. Paulum. *Suos* ergo uo-  
cat, qui sicut illi mortui sunt, *suos* id  
est sibi similes, quia utriūque, quamuis  
non eodem modo mortui sunt. Aut  
*suos*, id est suum quemque patrē, suū  
filium, suā uxorem, ut loquitur Abra-  
ham Gen. 23. 4. *date mihi ius sepulchri  
robiscum, ut sepeliā mortuum meum*,  
& uer. 13. *dabo pecuniam pro agro, su-  
cipe eam, & sic sepeliā mortuū meū*.

24. *Et ecce motus magnus factus est  
in mari.*) In lacu Genēsareth. Itaque  
Lucas c. 8. 22. stagnum appellat. Ne-  
mo enim nescit, & illum, & Asphali-  
tem lacum mare propter magnitudi-  
nem uocari. Tria autem uidentur hic  
non casu, neque naturā, sed consilio,  
& prouidentia Christi facta esse. Pri-  
mum, quōd Christus solus cum disci-  
pulis nauim unam conscenderit, ut  
explicatur à Luca c. 8. 22. ut posset li-  
berius eorum reprehendere diffiden-  
tiam, *quid timideſtis modica fidei*; uer.  
26. Secundum ut tempeſtas exorta  
ſit, excitat enim nobis ipse aliquando

Deus



Deus tempestates, ut prober, sicut ex-  
citauit Iob. Tertium, ut Christus dor-  
miret, quem etsi verum & naturalem,  
non simulatum, ut quidam putant,  
somnia fuisse putandum est, tamē  
est credibile fuisse etiam uoluntariū,  
& procuratū, ut tēpestas eo dormie-  
te, & quasi sine eius consilio oriretur.

26. *Imperauit.* Forte legendum in-  
crepauit, ē *περιπαύειν*, ut Mar. 4. 39. &  
Luc. 4. 39. & 8. 24. Sic enim alijs lo-  
cis solet uertere, & propius abest à  
Græco. Loquitur autem Christus vē-  
tis, tempestati, & morbis, alijsque re-  
bus similibus, perinde atque si malis  
spiritibus loqueretur. Neque enim res  
naturales, sed rationales increpamus,  
ut infra cap. 17. 18. & Luc. 4. 35. 41. &  
9. 42. Ideo, ut opinor, quia morbi, &  
tempestates sepe per malos spiritus  
immittuntur, ut ait Dauid, immissio-  
nes per angelos malos, Psalm. 77. 49.  
& sicut Satan immisit uentum valim-  
dum à regione deserti, & concussit  
quattuor angulos domus, ubi filij, si-  
licetque Iob conuiuantur, ita ut eos  
domus obruerit, Iob. 1. 19.

27. Porro homines mirati sunt. Qui  
homines? Hieronymus Apostolos in-  
telligit. Beda alios, qui in eadem erāt  
nauis. Sed nec Apostolos miratos fuisse  
credendum est tot iam Christi mi-  
raculis assuetos: & alios in nauis non  
fuisse uer. 24. probatum à nobis est.  
Quare reliquum est, ut alios homi-  
nes intelligamus, qui in alijs erāt na-  
uibus. Nec enim tam clam Christus  
potuit discedere, quin multi etiam cō-  
secris nauibus sequerentur, ut scri-  
bit Marcus ca. 4. 36. Est autem, ut ego  
arbitror, Hebraïsmus, quo nomine  
hominum uulgus significatur, ut su-  
pra c. 5. 13. *Ad nihilum ualeat ultra, ni-  
si ut conculcetur ab hominibus.* id est, ut  
Galli loquuntur, ab omnibus præter-  
euntibus. Et infra ca. 16. 13. *quem di-  
cunt homines esse filium hominis?* id  
est, quem uulgo dicunt.

28. *Duo habentes demonia.* Marcus  
c. 5. 2. & Lucas c. 8. 27. vnus tantū  
meminerunt. Eadem tamen historia.  
Sed Matthæus de duobus mentionē

fecit, quia duo erant? Marcus & Lu-  
cas de uno tm, siue quia persona erat  
nobilior, ut Augu. lib. 2. de consensu  
Euangelistar. c. 24. & Beda, & Strabus  
in commentarijs existimant, siue, qd  
magis credo, qd alter scruior esset, mul-  
toque magis vexaretur, quippe qui  
ab integra legione demonum obfi-  
deretur, Marc. 5. 9. & Luc. 8. 30. ut  
Chrysostomus, Euthymius, & Theo-  
phylactus arbitrantur. Voluerunt enim  
Marcus, & Lucas miraculum illud de  
integra legione demonum, quod sin-  
gulare erat, singulariter plegui, ideo-  
que alterum in hoc occupati silentio  
pretereunt de hoc autem multa recē-  
sent, quæ Matthæus prætermisit.

*De monumentis exeuntes.* Quia in  
monumentis habitabant, ut declarat  
Marcus capit. 5. 3. & Lucas cap. 8. 27.  
Quo autem modo potuerint in mo-  
numentis, id est in sepulchris habita-  
re, facile ex forma veterum sepulchro-  
rum intelligitur. Erant enim sepul-  
chra cadernæ aut in rupibus excise,  
aut lapideo, uel lateritio opere came-  
rate, quales nunc sunt celle uinarie,  
ut ex Christi sepulchro manifestum  
est, quod excisum erat in petra ca. 27.  
60. & in quod Ioannes, & Petrus in-  
trarunt Ioann. 20. 6. & tres illæ mu-  
lieres portantes aromata ingressæ  
sunt Luc. 24. 3. Queri propter hunc  
locum solet, quare demoniaci illi in  
sepulchris habitarent. Chrysosto-  
mus homil. 28. Euthymius & Theo-  
phylactus id à demonibus factum  
fuisse dicunt, ut homines in eum er-  
rorem inducerent, quem Chrysosto-  
mus indicat suo tempore uiguisse, mor-  
tuorum animas in demones commu-  
tari. Eam Platoniorum fuisse sen-  
tentiam D. Augustin. lib. 9. de ciuita-  
te c. 11. auctor est. Eandemque Tertul-  
lianistarum scribit in libr. de hæres.  
ad Quodou. c. 86. Alij putant demo-  
nes eos, quos torquebant, ideo in se-  
pulchris habitare coegisse, ut magis  
horrore loci, fortoreque uexarent. Alij  
libenter in sepulchris uersari demo-  
nes, ut odio generis humani mortuo-  
rum corporibus illudant. Nam & de  
Mosis



Mosis corpore Michaellem Archangelum cum diabolo contendisse legimus in epist. Iud. 9. Vnde, vt opinor, laudabilis Ecclesiae consuetudo nata est in sepulchris ponendi cruces, & sacramentis exorcismis aquam aspergendi. Veram causam mihi uidetur obfcurare Lucas c. 8. 27. indicasse, neque uel flimento, inquit, induebatur, neque in domo manebat, sed in monumentis. Quod ideo dicit, ut probet fauorem admodum fuisse demonium: unde colligimus idcirco in domo non habitasse, quod nemo demoniacum propter fauorem domo recipere auderet, exclusus autem communi hominum habitatione in sepulchra, quia, ut diximus, quasi camerae erant, se se recipiebat.

29. *Quid nobis & tibi.* Ante quā hoc daemones dicerent, iusserat eos Christus exire, ut ait Marcus cap. 5. 8. dicebat enim illi. *Exi immunde spiritus ab hōe isto,* & Luc. c. 8. 29. *praeceperat enim spiritui immundo, ut exiret ab homine.* Ideo Christum deprecabantur. Matthaeus factum narrat, facti causam tacet.

*Quid nobis & tibi.* Non uidetur mihi esse sensus, quid nobis tecum cōe est, ut plerique interpretantur. Hoc. n. fuisset iniuria potius Christum afficere, quā exorare, quasi negarent se seruos, illū dominum esse, sicut Israelitae dixerunt, cū se à regno Dauidis eximerent, *quae nobis pars in Dauid?* 3. Reg. 12. 16. sed sensus potius est, quid tibi mali facimus, quā obrem nos eijcias? Alios praetereuntes lacerare soleamus, te non attingimus, non inuadimus, sed ueneramur, sed adoramus, sed Dñm confitemur, ut 2. reg. 16. 18. *quid mihi, & uobis est filij Sariae?* id est quid feci uobis, cur me huius tentationis Dei fructu priueris? Nec. n. negat sibi quidquam cum illis esse cōmune, cū eorū rex & dominus esset, & 2. par. 35. 21. *Quid mihi & tibi est rex Iudae,* ait rex Aegypti, aliquid. n. illis erat, cum prius amici essent: sed quid tibi feci mali, quam occasionem dedi, ut contra me in praelium exires?

An daemo- An daemones isti, & alij Christum co-

gnouerint à Theologis quaeritur. Venerunt quorundam opinionem, qui existimabant daemones cognouisse, diabolum uero demoniorum principem ignorasse merito in cōmentarijs Hieronymus refellit. Hieron. uero ipse & August. li. 9. de ciuita. c. 21. Remigius apud D. Thomam, & plerique ex posterioribus Theologis, non certa quidē scientia, sed probabili coniectura, & suspitione cognouisse dicunt. Si enim certo cognouissent, conati utique essent eius mortē impedire. Atqui non impediuerunt, sed procurarunt. Miserunt enim in cor Iudae, ut eum traderet Io. 13. 2. sicut paullo post cum cognouissent, per uxorem Pilati impedire uoluerunt infra c. 27. 19. *Nihil tibi & iusto illi: multa enim passa sum hodie per risum propter eum.* Quid ex literis sacris colligatur in Theologicis scholis explicauimus. Primum antequam praedicare inciperet, non fuisse à demonibus cognitū, an filius Dei, & uerus Messias esset, quia si cognouissent, non tentassent, & quia in hoc tentarunt, ut id explorare cognoscerent, *Si filius Dei es, dic, ut lapides isti panes fiant, & si filius Dei es, mitte te deorsum* supra c. 4. 3. 6. Post tentationem uero certo cognouisse daemones illum uerum filium Dei, uerumque Messiam esse, & ex hoc loco non obfcurē colligitur, & ex alijs etiam perspicuum est Mar. 1. 34. *Et non sinebat ea loqui, quoniam sciebat eum,* & Luc. 4. 41. *Exibant autem daemonia à multis clamantia, & dicentia, quia tu es Christus filius Dei, & increpans non sinebat ea loqui, quia sciebant eum esse Christum.* Mysterium tñ mortis eius, quod ea ratione homines esset ab ipsorum tyrannide liberaturus, credibile est non benè cognouisse, quia si cognouissent, nunquam Iudam ad proditionem incitassent. Somnia tamen uxoris Pilati, utrum à demonibus, uel ab angelis, uel à natura profecta fuerint, incertum. Illud credendum, quod insignis Theologus D. Thom. admonuit, diuinitus impeditum fuisse daemone, quò minus multa de Christo

nes Christi  
cognouit,

At  
non  
Iudi  
qua

Cur da  
mones  
ne in  
dum m  
ant,



Christo cognosceret, quæ non impeditus natura sua facile cognouisset.

*Venisti huc ante tempus torquere nos.* Dubium, quæ quib. sint uerba iugenda. Quidam. n. illud, *ante tempus*, cum verbo, *venisti*, coniungunt, quasi querantur demones Christum ante tempus in hunc mundum *venisse*. Quorum sententiam nullo modo probare possum, nec etiam demones ignorare poterant tps aduentus Christi à Prophetis designatū iā fuisse transactū, cū id hos mediocriter docti sciret. Nec aduerbiū illud *ante huc*, mundū, sed regionē illā Gerasenorū, in q̄ Christus tūc venerat, & ubi antea demones liberi, & veluti impune grassabatur, significare arbitror. Illud ergo,

An demones ante diē iudicii torquantur.

*ante tempus*, cū sequentib. copulandū est, quid uenisti torquere nos, antequam tempus sit, ut torqueamur. Cur autem ante tempus se torqueri dicat, maior est quæstio. Mirum quanto cōsensu plerique veteres auctores, quorum nomina in Theologicis scholis recitamus, & hic recensere & longum esset, & non necessariū; docuerint demones ante diē iudicii nō torqueri, quod Petrus scribat epistola 2. c. 2. 4. *Si angelis peccantibus non peperit, sed rudentibus inferni detractos in tartarum tradidit cruciandos in iudicium reseruari*, & Iudas ver. 6. *Angelos, qui nō seruauerunt suum principatū, sed dereliquerunt suum domicilium, in iudiciū magnæ diē vinculis æternis sub caligine reseruauit*. Sic ergo interpretatur,

Cur demones timent, ne in infernum mittantur.

queri demones *ante tempus*, id est ante diem iudicii se torqueri, quemadmodum cap. 8. Hilarius exponit. Sed tenenda opinio, quæ in Ecclesia iam inualuit, etiam nunc torqueri demones, & quocunque eant, ut scribit Strabus in ca. 3. epistolæ ad Philippenſes, sua secum supplicia circumferre; minus tñ puniri nunc, quia & vagandi per mundum hūc, & hominibus nocendi potestatem habet, quā nō sunt post iudicii diem habituri. Atque ita fortasse, antiquorum illorum sententiam interpretari possumus. Illud non dubito sensum huius loci esse *ante tem-*

*pus*, id est ante diem iudicii, quia Lucas 8. 31. scribit rogasse demones Christū, ne sibi imperaret, ut in abyſsum irēt, quasi eodē modo, quo post iudicii diem, ante tempus excruciatū. Ex hac quæstione alia suboritur, an diem iudicii nouerint? Si enim non nouerunt, quomodo dicere potuerūt *ante tempus*, id est ante iudicii diem se torqueri. Augustinus in ea sententia est, ut existimet, putasse demones, cum Christum uiderent, iudicii diē, quem nondum expectabant, instare. Sic enim interpretatur *ante tempus*, id est antequam putabamus. Quam interpretationē plerique secuti sunt. Sed Demones diem iudicii ignorare dubium esse non debet, cū & angeli, qui in cœlis sunt, eum ignorent ca. 24. 36. sciebant tamen tunc nondum uenisse, ideo conquerantur *ante tempus* se torqueri. At quomodo torquebantur? quia inuiti ex ijs, quos obsidebant, expellebantur; & incredibile non est, aliquem illis cruciatum, ut exirent, Christum addidisse.

*Et erat autem non longè.* (G. lū. dē μακρὰν, erat autem longè, sensu contrario. Græcam lectionem nonnulli magis probant, & Latina corrigunt, homines alioqui minime Græci. Non faciunt tamen sine argumentis, primum quod omnes Græci codices affirmationem, non negationem habeant. Deinde quod uero simile esse uideatur Christum demones quā longissimè ab eo loco, quem infestū habebant, pepulisse. Sed non dubito Latinam lectionem incorruptiorem esse, & quia omnes etiam veteres & noui Latini codices, & quia omnes antiqui interpretes præter Euthymium ita legunt, & quia Marcus c. 5. 11. & Lucas c. 8. 32. dicunt, *Erant autem ibi*, id est in eo loco, quod Matthæus dicit, *non longè*, & quia Lucas dicit *ἐν τῷ ὄρει in mōre*, Marcus *ἐν τῷ ὄρει* iuxta montes, quos prope lacū fuisse certum est, & quia, ut paullo infra dicturi sumus, propterea Christus concessit, ut in porcos irruerent, ut qui illic aderant, & qui curati fuerant,

Demones an diem iudicii nouerint.



xant, ex porcorum interitu cognoscerent, quam multi, & quam seui demones fuissent, quod neque cognovissent, si porcos non vidissent; nec vidissent, si procul fuissent. Queritur à quibusdam quomodo porci illic esse potuerint, quibus nefas esset vesci Iudaeos? Nonnulli putant Iudaeos eius regionis contra legem porcos habuisse, ideo quæ Christus eos, in qua re peccabant, in ea multare voluisse. Rupertus. Probabilis mihi alij dicere videntur Gadaram, & alias ibi vicinas civitates Græcæ fuisse religionis, ut Iosephus lib. 17. antiq. cap. 13. auctor est, ideoque porcos habuisse. Cur ergo Christus eo ibat, cum non venisset nisi ad oves, quæ perierant domus Israel? c. 13. 24. Responderi nō solum in Græcis, sed etiam in Latinis civitatibus multos tunc fuisse Iudæos, quorum causa Christus eo ibat. Præter quàm quòd Gadara proprie ad regnum Iudææ pertinebat, sed, ut ait Iosephus, à Cæsare fuerat Græcis ad habitandum attributa.

31. *Dæmones autem rogabant eum dicentes.* Duo dæmones petierunt, alterum ne in abyssum mitterentur, ut Lucas c. 8. 31. expressit; alterum, ut mitterentur in porcos. Cur rogaverint, ne mitterentur in abyssum ver. 29. declaravimus. Cur rogent, ut mitterentur in porcos; multas causas apud varios auctores lego. Chrysostomus homi. 29. Euthymius, & Theophylactus ideo petiisse suspicantur, ut homines eius civitatis porcorum affecti damno Christum non reciperent: quam conjecturam exitus videtur confirmare ver. 34. *Et rogabant eum, ut transiret à finibus suis.* Alij odio hominum id fecisse, quorum corporibus cum nocere non possunt, bonis, si possunt, nocent. Quam rationem magnus ille Hilarion, ut in eius vita Hieronymus scribit, cum ex ingenti quodam camelo dæmonem eiecisset, asseribat. Quod & ex hoc loco, & ex Iob exemplo probabat. Magis mirum, cur id Christus concesserit. Eius rei Hieronymus hanc rationem reddit,

ut ea vexatione eius civitatis homines ad salutem adducerentur. Rupertus vero, ut ante meminimus, ut ciues illos Iudæos, qui contra legem porcis utebantur, porcorum iactura puniret. Hilarion indicat Sadducæorum causa id factum esse, qui spiritus esse negabant, ut re ipsa uiderent spiritus esse. Chrysostomus, Theophylactus, & Euthymius tres rationes afferunt. Prima est: ut qui liberati fuerant, beneficii magnitudinē agnoscerent, videntes quanta multitudine demonum liberati essent. Secunda, ut sciremus ne in porcos quidem, nisi Deo permittente, dæmones habere potestatem. Tertia, ut liberati, quid ipsi passi fuissent, intelligerent, nisi à Deo servati essent, cum uideret porcos simul atque in eos dæmones ingressi essent, præcipitados in mare. Hilarion apud Hieronymum, ut apparet, quanta ex uno homine demonum multitudo eieccta esset, cum totum porcorum gregē impleverit. Quod autem idem Chrysostomus & Augustinus tractatu 6. in can. Ioan. dicunt Christum etiam ostendere voluisse dæmones in hominibus porcorum modo viventibus libenter habitare, verum, sed mysticum est. Quæri etiam à quibusdam solet, cur Christus tam mitis, ut arundinem quassatam non confingeret, & linum fumigans non exstingeret, tantum illis civibus damnum intulerit. Respondeo voluisse Christum, ut etiam porci gloriæ Dei, & hominum salutis servarent. Servierunt autem gloriæ Dei, quia sua præcipitatione Christi potestatem declararunt. Hominum autem salutis servissent, si ciues illi pro eo ac debuerunt, uiso miraculo Christum recepissent. Sed impediuit humana malitia divina consilia.

32. *In mare.* In lacum Genesareth, ut Hieronymus in locis Hebraicis interpretatur. Nam mare propter magnitudinem appellari diximus ver. 24. Quod autem quidam dicunt aliū quendam fuisse in montibus Gadarenum lacum, de quo Strabo mentio-

cos imau-  
fecit,

c. 1. 15.  
Cur Chri-  
stus dæmo-  
nes in por-



em fecerit, qui quæ postea ab incolis aggeratus modo non exierit, in eumque fuisse porcos precipitados, tam alienum est, ut refutare non liceat. Quid enim opus est, tam longè laqueum, qui non exeat, querere: cum tam prope mare, quod extat, habeamus?

34. *Regabant eum, ut transiret à finibus eorum.* Cur isti homines Gadareni Christum non admiserint, incertum. Hieronymus, & Beda putant eos id humilitate fecisse, sicut Petrus Luc. 5. 8. rogabat Christum, *Exi à me Domine, quia homo peccator sum.* Alii timore, ne alios etiam demones ab homi-

nibus eiectos in ipsorum greges immitteret, quod ex Mar. 5. 15. & Luca 8. 35. 37. confirmatur, qui scribunt eos valde timuisse. Ita Theophylactus, Euthymius, quod de hominibus Gadarenis, id est Græcorum consuetudine nimis sapientibus, quos nunc vulgo politicos appellamus, facilius est creditum. Nam & nunc multi sunt, qui Christum potius, id est eos, qui Christum sequuntur, quam porcos, atheos, hæreticos, & omnibus vitiis inquinatos homines simili specie humanæ prudentiæ ex suis ciuitatibus expellunt.

C A P V T IX.



**E**t ascendens in nauiculam, transfretauit, & venit in ciuitatem suam. 2. Et ecce offerebant ei paralyticum iacentem in lecto. Et videns Iesus fidem illorum, dixit paralytico: Confide fili, remittuntur tibi peccata tua. 3. Et ecce quidam de Scribis dixerunt intra se: Hic blasphematur. 4. Et cum vidisset Iesus cogitationes eorum, dixit: Ut quid cogitatis mala in cordibus vestris? 5. Quid est facilius dicere: Dimittuntur tibi peccata tua: an dicere: Surge, & ambula? 6. Ut autem sciatis, quia filius hominis habet potestatem in terra dimittendi peccata, tunc ait paralytico: Surge, tolle lectum tuum, & vade in domum tuam. 7. Et surrexit, & abiit in domum suam. 8. Videntes autem turbæ timerunt, & glorificauerunt Deum, qui dedit potestatem talem hominibus. 9. Et cum transiret inde Iesus, uidit hominem sedentem in telonio, Matthæum nomine. Et ait illi: Sequere me. Et surgens, secutus est eum. 10. Et factum est discumbente eo in domo, ecce multi publicani, & peccatores venientes discumbebant cum Iesu, & discipulis eius. 11. Et videntes Pharisei, dicebant discipulis eius: Quare cum publicanis, & peccatoribus manducat magister vester. 12. At Iesus audiens, ait: Non est opus ualētibus medicus, sed male habentibus. 13. Euntes autē discite quid est: Misericordiā uolo, & non sacrificium. Non enim ueni uocare iustos, sed peccatores. 14. Tunc accesserunt ad eū discipuli Ioannis, dicētes: Quare nos, & Pharisei ieiunamus frequenter: discipuli autem tui nō ieiunant? 15. Et ait illis Iesus: Numquid possunt filij sponsi lugere, quamdiu cum illis est spon-

Mar. 2. 2. 8.  
Luc. 5.  
d. 18,

Mar. 2. 2. 8.  
14.  
Luc. 5. f. 27.

Osee 6. c. 6.  
Inf. 12. a. 7.  
1. Tim. 1.  
c. 27.  
Marc. 2.  
c. 18.  
Luc. 5. f. 33.



sponsus? Venient autem dies, cum auferetur ab eis sponsus; & tunc ieiunabunt. 16. Nemo autem immittit commissuram pan-  
 ni rudis in vestimentum vetus: tollit enim plenitudinem eius a vestimento; & peior scissura fit. 17. Neque mittunt vinum nouum in vtres veteres, alioquin rumpuntur vtres, & vinum ef-  
 funditur, & vtres pereunt. Sed vinum nouum in vtres novos mittunt; & ambo conseruantur. 18. Hæc illo loquente ad eos, ecce princeps vnus accessit, & adorabat eum, dicens; Domi-  
 ne filia mea modo defuncta est: sed veni, impone manum tuam super eam, & viuet. 19. Et surgens Iesus, sequebatur eum, & discipuli eius. 20. Et ecce mulier, quæ sanguinis fluxum patie-  
 batur duodecim annis, accessit, retro, & tetigit fimbriam vesti-  
 menti eius. 21. Dicebat enim intra se: Si tetigero tantum ve-  
 stimentum eius: salua ero. 22. At Iesus conuersus, & videns eam, dixit: Confide filia, fides tua te saluam fecit. Et salua fa-  
 cta est mulier ex illa hora. 23. Et cum venisset Iesus in domum principis, & vidisset ribicines, & turbam tumultuantem, dice-  
 bat: 24. Recedite: non est enim mortua puella, sed dormit. Et deridebant eum. 25. Et cum eiecta esse turba, intrauit, & te-  
 nuit manum eius. Et surrexit puella. 26. Et exiit fama hæc in vniuersam terram illam. 27. Et transeunte inde Iesu, secuti sunt eum duo cæci, clamantes, & dicentes: Miserere nostri, fili Dauid. 28. Cum autem venisset domum, accesserunt ad eum cæci. Et dicite eis Iesus; Creditis quia hoc possum facere vobis? Dicunt ei: Vtique, Domine. 29. Tunc tetigit oculos eorum, dicens: Secundum fidem uestram fiat vobis. 30. Et aperti sunt oculi eorum: & comminatus est illis Iesus, dicens: Videte ne quis sciat. 31. Illi autem exeuntes, diffamauerunt eum in tota terra illa. 32. Egressis autem illis, ecce obtulerunt ei hominem mutum, dæmonium habentem. 33. Et eiecto dæmonio, locutus est mutus, & miratæ sunt turbae, dicentes: Nunquam apparuit sic in Israel. 34. Pharisei autem dicebant: In principe dæmonio-  
 rum eiicit dæmones. 35. Et circuibat Iesus omnes ciuitates, & castella, docens in synagogis eorum, & prædicans euange-  
 lium regni, & curans omnem languorem, & omnem infirmitatem. 36. Videns autem turbas, misertus est eis; quia erant ve-  
 xati, & iacentes, sicut oues non habentes pastorem. 37. Tunc dicit discipulis suis: Messis quidem multa, operarii autem pau-  
 ci. 38. Rogate ergo Dominum messis, ut mittat operarios in messem suam.



## IN CAPVT IX.

**E** *ascendens*) Marcus c. 2. 3. & Lucas cap. 5. 18. hæc prius narrant, quam quæ superiore capite à Matthæo dicta sunt. Sed ex ipsis illis patet ordinem eos non seruasse temporis.

*In ciuitatem suam*) Nonnulli Nazareth Christi ciuitatem uocari putant, vt Lucæ 2. 39. Hieronymus in comment. quod non improbat August. li. 2. de consensu Euangelistarum ca. 25. monet tamen, si hanc sequamur opinionem, dicendum esse Christum primum fuisse in Nazareth ciuitate suâ, deinde ex Nazareth rediisse ad Capharnaû, vbi hæc, quæ sequuntur, acciderunt. Alij, quæ longius à vero distat, Bethlechem intelligunt, vt Sedulius lib. 3. carm.

*Intrauit natale solum, quo corpore nasci.*

*Si voluit patriamq; sibi pater ipse dicauit.*

ibidemque paralyticum sanatum putat. Melius eodẽ loco idẽ Augustinus, & Chrysostom. Beda, Strabus, Hugo, Lyranus ciuitatẽ Christi vocari Capharnaû. Nã omnes tres Euangelistæ ita loquuntur, vt omnino significet recta eũ via uenisse, & statim ea, quæ de paralytico narrant, consecuta. Cur autem Capharnaû Christi ciuitas appelleretur, non omnibus cõuenit. Augustinus, Beda, Strabus, Hugo, & Lyranus existimant ideo eius uocari ciuitatẽ, quia Galilææ metropolis erat, cui subiecta erat Nazareth ciuitas Christi, sicut Romanus appellatur non solum, qui in ipsa urbe Roma, sed et qui in oppidis, quæ sub eius iurisdictione sunt, aut habitat, aut natus est. Chrysostomus verò, Theophylactus, & Euthymius, quod in ea urbe Christus frequenter habitaret. Tres. n. illum ciuitates habuisse, Bethlechem, in qua natus; Nazareth, in qua educatus; Capharnaum, in qua frequentius commoratus est. Hoc probabilius.

Tres Christi ciuitates.

2. *Et offerebant*) Tacuit Matthæus necessariã ad intelligendum hunc locum circumstantiã, quam Marcus c. 2. 3. & Lucas cap. 5. 19. expresserunt, tantum confluisse in domum, ubi Christus erat, multitudinem; vt nemo ingredi posset, ideoque in tectum eos, qui paralyticum gestabant, ascendisse, eoque a paralytico ante Christum demississe. Hanc. n. fidẽ uidens Christus dixit paralytico, *Confide fili remittuntur tibi peccata tua.*

*Fidem illorum.*) Quidam, & ad paralyticum, & ad eos, qui gestabant, referendum existimant, ut Euthymius. Si enim, inquit, paralyticus fidem non habuisset, neque se efforri passus esset in tectum, neque peccata illi Christus remisisset. Quo nullo prorsus modo probare possum. Nam etsi non dubito, quin magnam paralyticus fidem habuerit, tamen ira omnes Euangelistæ loquuntur, vt dubium non sit fidem tantum eorum, qui portabant, notare uoluisse, sicut omnes significarunt fidẽ Centurionis eius paralyticum seruum fuisse curatum supra ca. 8. 10. 13. & Lucæ 7. 9. Atque ira omnes boni auctores interpretantur. Cyrillus Hierosolymitanus Cateches. 5. Ambrosius lib. 5. in Lucam, Hieronymus, & Chrysost. Hom. 30.

*Confide fili.*) bono animo esto, plus enim, quam petis, impetrabis. Peris corporis, impetrabis etiam animi sanitatem. Quod autem, quẽ Matthæus & Marcus filium, Lucas c. 5. 20. hominem à Christo uocatum dicit, leue est. Nam, ut sæpe alias, alij uerba, alij sensum retulerunt. Magis autem conuenit benignitati Christi, ut filium, quam ut hominem appellauerit, ut infra hæmorrhoisæ, dicit, *Confide filia* ver. 22.

*Remittuntur tibi peccata tua.*) *ἀφένθησαν σοι τὰ ἁμαρτήματα σου* ad uerbum, remissa sunt. Sed melius noster interpres per præsens tempus, quẽ in noui quidam per præteritum, reddidit, quia & multa alia



De iustifica-  
tione per fi-  
dem,

Fides sine  
caritate nō  
iustificat.

alia Hebræorum more, & hoc ipsum iure quodā proprio pro presenti poni solet, ut ex uer. 5. & ex Luca c. 7. 47. 48. manifestum est. Merito quæri potest, cur Christus peccata illi remittat, cum nō peccatorū remissionem, sed corporis curationem quæreret. Respondent Hieronymus, Euthymius, & Theophylactus, morbi originem & indicare, & prius quā morbi ipsum, tollere uoluisse. Solēt enim plerūque morbi, & effecta, & pœnæ esse peccati. Probabile etiam est, quod homil. 30. Chrysost. putat Christum occasione Scribis calumniandi præbere uoluisse, ut ipse quoque ex eorum calumnia occasionem sumeret suam probandi diuinitatem. Fieri etiam potest, ut ea ratione docere noluerit, quid primo loco paralyticus petere debuisset. Iam enim dixerat, *Primum querite regnum Dei, & iustitiam eius, & hæc omnia adiicientur uobis* c. 6. 33. Colligunt ex hoc loco Calvinistæ sola fide peccata remitti. Non enim, inquit, dixit Euangelista, uidens opera eorum, aut laborem considerans, quod paralyticum in lectum extulissent, quod lecto disrupto eum demississent, sed, *uidens fidem eorum*. Quod multis similibus locis confirmare solent, ut infra ver. 22. *Confide filia, fides tua te saluam fecit*, & Mar. 5. 34. Luca 7. 50. & 8. 48. & 50. *Noli timere, crede tantum, & salua eris* & cap. 17. 19. *Surge, & uade, quia fides tua te saluum fecit*, & 18. 42. cæco dixit, *Respice, fides tua te saluum fecit*. Ideo Christum ab ijs, quos sanare uult, fidem exigere, ut infra ver. 28. 29. *Creditis, quia hoc possum facere uobis? secundum fidem uestram fiat uobis*, multaque alia nullo prorsus iudicio eiusdem generis accumulanti. Mirum enim, quā diligentes sint in testimonijs stultitiæ suæ colligendis. Quibus ne sæpe per singula loca cogamur respondere, semel hoc loco respondendum est. Ita tamen respondendum, ut non de tota de fide & iustificatione quæstione, sed de huius & similiarum locorum interpretatione disputemus. Possem dicere, quod non omnes ha-

tenus Catholici responderunt, non negare, sed docere primam iustificationem, de qua in omnibus locis agitur, propter opera non fieri. Eos tamen non continuo probare sola fieri fide, nam inter fidem & opera caritas est, quam Petrus affirmat peccatorum multitudinem operire 1. epistola. ca. 4. 8. & Christus, *remittuntur illi peccata multa, quia dilexit multum* Luc. 7. 47. nam istorū in eum locum interpretamentum, illic refutabimus. Itaque cū peccata non nominata caritate fide remitti dicuntur, caritate et remitti ex alijs locis intelligendum est, ubi dicuntur non nominata fide remitti caritate. Nam sicut ex illis, ubi fides non nominatur, colligi non potest sola caritate sine fide remitti, ita ex his, ubi non nominatur caritas, peruersè colligitur sola fide remitti sine caritate. Præsertim cū illi doceant, sicut caritas sine fide esse non potest, ita sine caritate esse non posse fidem; unus enim eorum error errore altero refutatur: Fides autem potius, quā caritas in iustificatione nominatur, non quia dignitate, aut efficacitate maior, sed quia ordine naturæ prior est. Possem, inquam, ita respondere, ut omnes Catholici respondent, & satis superque factum esset. Sed contentus non ero, nisi effecero, ut omnes, qui communi sensu non carent, istorum non solum ignorantiam, sed etiam stoliditatem, & stultitiam intelligant. Triplicem isti magni Theologi fidem faciunt, historicam, qua credimus omnia, quæ a Deo dicta sunt, vera esse, miraculorum, qua credimus nihil esse, quod a Deo fieri nō possit, iustificantem & Christianam, qua credimus meritis Christi remissa nobis esse peccata. Has tres in nobis fides (fides enim isti, tanquam in lyra, non tanquam in religione fide faciunt) tribus in Deo proprietatibus respondere, historicam ueritati; miraculorum, potentie; iustificantem bonitati, non omni, sed illi propriè, qua eum adhuc peccatores essemus, ut ait D. Paulus, *Christus pro nobis mor-*

Triplicem hæ-  
renicorū fi-  
des inanis.

Ro. ca. 5. 8.  
tuis







fide sua, sed Christi benignitate, qui nolebat arundinem quassatam confringere, sanatus est. Ceteros vero, qui fide curati sunt, non sola, sed eadem tamen fide, qua corpore sanati sunt, animo etiam credimus esse sanatos. Non ea, quam isti solam iustificante, & Christianam appellant, quaque fingunt Christi iustitiam apprehendere, sed illa, quæ Apostolorum symbolo continetur, quæ eadem & historica, & miraculorum, & iustificans est. Nam ista triplex fides, quam isti nuper inuenerunt, figmentum est, somnium est, portentum est, chimæra est, & si unam haberent fidem, omnem haberent: quia triplicem habent, nullam habent. Quomodo ergo propter alienam portantium fidem peccata paralytico remittuntur? Veteres, ut supra capitulo. 13. diximus, auctores absolute dixerunt, aliorum fide aliorum aliquando peccata remitti, quod huius loci exemplo potissimum probant. Quod quidem uerum est, sed ita tamen intelligendum: ut non solum aliena in adultis fide, sed etiam propria remitti credamus, dum propria ab aliena iuuatur. Nec enim credendum est iis, qui nullam fidem habent, aliorum fide peccata remitti, sed iis, qui tam imbecillam habent, ut nisi Deus in eorum, qui pro illis orant, fidem intueretur, non esset illis peccata remissurus. Quamquam hunc, de quo agitur, paralyticum non minorem, quam eos, a quibus gestabatur, id est satis magnam fidem habuisse uerosimile est: sed dicitur illi Christus propter gestantium fidem peccata remisisse, quia tantam fidei eorum rationem habuit, ut etiam si paralyticus minorem, quam necesse erat, habuisset: tamen illi eorum motus fide remisisset. Alio etiam modo aliorum fide aliis peccata remittuntur: dum aliorum orando fides, aliis aut nihil agentibus, aut male agentibus, certe non credentibus fidem impetrat, ut sæpe dicere Augustinum memini Stephanum Paulo fidem impetrauisse.

3. *Quidam de Scribis.* Qui fuerint

Scribæ, diximus cap. 2. 4.

*Intra se.* *ἐν ἑαυτοῖς* quidam interpretantur *Inter se*, quasi inter se alii cum aliis de Christi facto murmurarent. Sed ex uersu. 4. manifestum est se sum esse non inter se, sed intra se murmurasse, id est cogitasse Christum blasphemare. Non enim dicit Euangelista, cum audisset, aut cognouisset sermones eorum: sed cum uidisset cogitationes eorum. Et non dicit Christus, quid murmuratis, sed, quid cogitatis mala in cordibus uestris? Dicere. n. intra se Hebraica phrasis *בקר בך* dicere in medio sui, est cogitare, ut supra cap. 3. 9. & infra hoc capite, uersu. 21. & Lucæ. 7. 39. 49. & 16. 3. & 18. 4. q. simili phrasi dicunt, dicere in corde suo *בקר בלבו* Ps. 4. 5. & 10. secundum Hebræos 11. 13. & innumeris aliis locis, quod etiam D. August. lib. de Trin. 1. 5. c. 10. notauit.

*Hic blasphematur.* Blasphemare Christum dicunt, quia quod Dei proprium est, sibi attribuebat, remittere peccata: legerant enim, quod dixerat Isai. c. 43. 2. *ego sum, ego sum ipse, qui deleo iniquitates tuas*, sed non legerant, aut non intellexerant, quod idē dicit cap. 53. 6. *Posuit Dominus in eo iniquitatem omnium nostrum*. Nec meminerant, quod Ioannes dixerat, *Ecce agnus Dei, ecce qui tollis peccata mundi.* c. 1. 29. Alij Euangelistæ causam, quam asserabant blasphemix, expresserunt, *Quis potest dimittere peccata, nisi solus Deus.* Mar. 2. 7. & Lucas. 5. 21.

4. *Et cum uidisset Iesus cogitationes eorum.* Vtrumque magno consilio expressit Euangelista, & q. nō oblocuti sint, sed intra se tantum cogitauerint, & q. Christus eorum cogitationes non solū coniectura cognouerit, sed quasi oculis uiderit, ut Christi diuinitatem declararet. Expressit et Marc. cap. 28. *Quo statim cognito Iesus spiritu suo, quæ sic cogitaret intra se, dicit illis: quid ista cogitatis in cordibus uestris?* Solū Deū hominum corda, cogitationesque cognoscere tota scriptura testatur. 1. Par. 28. 9. & 2. Par. 6. 30. Ieremia. 17. 10. Rom. 8. 27. 1. Cor. 2. 10. Itaque recte ex hoc loco Christi diuinitatem ue-

teret

Christi diuinitas confirmatur,



eres Theologi probauerunt.

5. *Quid est facilius dicere.*) Sententia, meo quidem iudicio, nisi nimio inquirendi studio difficilis fiat, per se ipsa facilis est. *Dicere* hoc loco, nec pro solis verbis, nec pro solis rebus positum est. Nam si verba quidem solum spectes, æquè est facile dicere, *Remittuntur tibi peccata tua*, & dicere, *Surge, & ambula*. Si res, multò est difficilius peccata remittere, quàm dissoluta paralytici membra curare. Nam quod nonnulli dicunt interpretes corpus propria, non aliena auctoritate sanare æquè esse difficile, atque remittere peccata, ne audiendum quidem est. Vera enim est Augustini sententia tractat. in Ioan. 72. difficilius esse hominem iustificare, quàm cælum & terram creare. Sed ponitur pro verbis externa effectus probatione coniunctis. Hoc enim modo difficilius est dicere, *Surge, & ambula*, quàm *remittuntur tibi peccata tua*: quia an peccata verè remittantur, qui audiunt, videre non possunt; an autem paralyticus surgat, & ambulet, non videre non possunt. Itaque illic dicentis auctoritas, quia mendacij argui non potest, non periclitatur; hic quia oculis convinci potest, in periculum adducitur. Quem admodum si quis diceret sibi difficilius esse de rebus proximis atque recentibus quàm de remotissimis, & incognitis historiam scribere, aut de plantis, de terra, de animantibus, quàm de cælo, quàm de concentricis, & excentricis, de cyclis, & epicyclis philosophari: non quòd difficilius non sit hæc scire, quàm illa; sed quòd facilius hæc, quàm illa probare; vbi dicere auditori incredulo possumus, Non credis; ascende in cælum, vide, metire. Si ita non est, mendacij doctorem argue. Ad hunc sensum Hieronymus, Chrysostomus, Beda, & Theophylactus exponunt: & perdere mihi videntur operam non solum qui aliam querunt; sed etiam qui aliam inveniunt interpretationem. Quod autem Hilarius, & Ambrosius de resurrectione corporum interpretantur, quasi per hoc paralyticum mortui si-

gnificentur, & difficilius sit mortuos suscitare, quàm peccata remittere: ingeniosa, & elegans est allegoria; sed nos, vt saepe diximus, aliud quarimus. Illud quamuis magnis auctoribus non concedo difficilius esse mortuos suscitare, quàm peccata remittere, quia qui fecit te sine te, suscitabit te sine te: sed non iustificabit te sine te, vt loquitur Augustinus. Poterit autem aliquis merito dubitare, quomodo Christus, quod probandum erat, concludat. Nam si remittere peccata erat re vera difficilius, dum experientia curati paralytici docet se, quod re ipsa facilius est, posse facere; non bene probat posse, & se peccata remittere, quod erat difficilius. Respondeo, Christum tantum probare voluisse sibi esse credendum, quod bene probat ab eo, cuius probatio erat difficilior, quasi dicat, si non fallo, cum dico paralytico *Surge, & ambula*, vbi difficilius est probare me verum dicere; cur creditis me fallere, cum dico *remittuntur tibi peccata tua*? Denique ex re, quæ effectu probari potest, in re, quæ probari non potest, sibi fidem facit.

6. *Vt autem sciatis.*) Quidam hæc verba Euangelistæ esse putant. Quod ne simile quidem veri est, & quia sententia ipsa postulat, vt scribis Christus hoc dixerit, vt probaret se potestatem habere peccata remittendi; & quia omnes Euangelistæ, Marcus capitulo secundo, 10. & Lucas capitulo quinto, 24. eadem ponunt, quod profecto non fecissent, si ipsorum fuissent verba, non Christi. Plerique interpretes existimant Christum probare voluisse se esse Deum, ac propterea non blasphemare, cum dicit se remittere peccata. Ego nihil me, si cum illis conferat, iudicio, & auctoritate valere scio: sed tamen & singula verba, & totum argumentum perpendenti videtur probare Christum non solum Deum potestatem habere peccata remittendi. Credit-

Difficilius  
peccatoreni  
iustificare,  
quàm mor-  
tuum susci-  
tare.  
15. de verb.  
Apost.



Christus, et  
ut homo,  
peccata re-  
miserit,

Quemodo  
hoies pecca-  
ta remittat,

bile enim est contrarium eius, quod Scribæ putabant, probare voluisse. Putabant autem illi & solum Deum posse peccata remittere, & Christum utique non esse Deum. Christus probat & se Deum esse, & etiam, ut hominem, remittere peccata, non ut qualemque hominem, sed ut hominem Deum. Deum esse non tam argumentando probat: quàm experientia demonstrat, dum illis, quid cogitent, exponit: se, ut hominem, remittere peccata probat eo, quod ver. 5. explicauimus, argumento. Atque hanc vim hæc duo verba, *Filius hominis*, &, *super terram* habere mihi videntur. Non enim dixit, ut autem sciat filium Dei habere potestatem: sed *filium hominis*; & non dixit in celo: sed *super terram*, ut ostenderet se etiam, ut hominem, remittere peccata. Abutebantur hoc loco Nouatiani, ut probarent non posse sacerdotes remittere peccata: quemadmodum hodie eorum hæreses Caluiniani in eundem errorem abutuntur. Vtrisque D. Ambrosius duobus de poenitentia libris abundè respondit: & ex his, quæ modo diximus, facilis est responsio, quemadmodum potestas remittendi peccata cum natura etiam humana Christi à diuinitate communicata est: ita fuisse à Christo, tanquam à capite, cum quibus voluit membris, id est cum sacerdotibus communicatam. Quod & in potestate faciendi miracula factum videmus, quæ cum propria Dei sit; à diuinitate Christi cum humanitate: & à Christo cum Apostolis communicata est, nisi quod Christus sua, cæteri Christi vtrumque auctoritate faciunt.

*Surge, tolle, & vade.*) Hæc tria verba ad euidentem curationis probationem Christus adiecit. Nec enim videri poterat simulata, aut imperfecta curatio, quæ impotens membrorum paralyticus surrexisset, insuper lectum suum in humeros sustulisset, & in decimum suum portasset, ut Chrysostom. adnotauit.

7. *Timuerunt.*) ἐθαύμασαν admirati sunt, quidam ἐδάμνησαν timuerunt legendum putant, non intelligentes hæreticorum Scholiastem, quem sequi voluerunt. Nam ne ille quidem ita legendum existimat, sed id verbum significare, nostrumque interpretem parum proprie veris. Vti que errant: nam noster interpres sensum, non verba respexit. Et quamuis θαυμάζειν proprie sit admirari, tamen hoc loco positum est pro timere. Est enim admiratio quadam, quæ ex gaudio, alia quæ ex timore proficiscitur. Itaque Lucas capitulo quinto, 26. quod hic Martheus θαυμάσμων admirationem vocat, ἐκστασιν stuporem appellat, & vehementem timorem interpretatur. Et stupor (inquit) apprehendit omnes, & magnificabant Deum, & repleti sunt timore. Timor autem intelligendus est, non ille, qui ex odio, sed ille, qui ex magna alicuius opinione, & reuerentia nasci solet, cuius lib. 3. Reg. capitu. 3. 28. singulare exemplum est, ubi eum populus in illo iudicio inter duas meretrices Salomonis sapientiam perspexisset, timuisse dicitur Salomonem. Quæ admodum ergo illic, timere pro admirari; ita hic admirari pro timere positum est.

9. *Transiens inde.*) Rediens ad mare, ut explicat Marcus capitulo secundo, 13. De Apostolorum vocatione, quæ hoc loco dici poterant, diximus supra c. 5. 1.

*Ad telonium.*) Ad mensam publicanorum, ad quam publica Cæsaris vectigalia referebantur, ἀπὸ τοῦ τέλεος, quod vectigal significat, τελώνιον telonium dictum est, id est locus ubi vectigalia reponuntur. Sed quia plerumque vectigal pecunia erat, quæ super mensam numerari solet, mensa etiam appellabatur, ideoque ad telonium, id est ad mensam sedere dicitur. Sicut vsque ad hodiernum diem in Hispania vocatur. *La mesa maestral*, id est mensa magistralis, locus, ad quem vectigalia Magistri equitum D. Iacobi apportantur. Constat enim tributa olim non ostiatim colligi solita.

sed

Quid telonium,



Ad à subditis ipsis in certum locum referri. Sicut decimæ in Hispania non solum non extorquentur, sed ne petuntur quidem, at sponte ab ijs, à quibus debentur, afferuntur. Hanc mentem, ad quam sedebat Matthæus, credibile est non in ipsius fuisse domo, sed in loco aliquo publico iuxta mare, ut facilius mercium, quæ mari adducebantur, tributa in eum colligerentur. Nam Marcus c. 2. 15. & Lucas ca. 5. 29. significat inde Christum in Matthæi domum sese contulisse, ubi magnum illi Matthæus conuiuium apparauit.

*Matthæum nomine*) Marcus c. 2. 14 & Lucas c. 5. 27. 29. Matthæum nomine, id est cognomento Leui. Apparet autem honorificentius fuisse cognomen Leui, quam nomen Matthæi, quia animaduertimus nunquam se Leui, sed semper Matthæum modestæ, alios cum non solum Matthæum, sed etiam Leui honoris causa uocare, ut Hieronymus obseruauit.

10. *In domo.*) Eiusdem Matthæi, Marc. 2. 15. & Luc. 5. 29.

13. *Euntes.*) Hebraismus ואלוהי דיצו, dicite, ut Luc. 10. 14. *Ite, & inuocate Deos, quos elegistis, ipsi vos liberent in tempore angustie.* Eadem phrasi dicunt Galli, *Allez, appelez que c'est.*

*Dicite.*) Mittit ad scholam doctores legis, ut eius rei, cuius scientia maxime gloriabantur, maximam exprobraret ignorantiam, ut Euthymius adnotauit. Quod alijs quoque locis facere solet, ut cap. 12. 3. *non legistis, quid fecerit Dauid quando esuriit, & qui cum eo erant.* & ibidem ver. 5. *non legistis in lege, quia sabbatum sacerdotis in templo sabbatum uiolant, & sine crimine sunt?* & c. 19. 4. *non legistis, quia qui fecit hominem ab initio masculum, & feminam fecit eos.* similia ca. 21. 16. 42. & 22. 31. & Mar. 12. 10. 26. Phariseos legis doctores fuisse dixim⁹. c. 2. 4

*Misericordiam uolo.*) Primum querendum, quorsum Christus hoc dicat, nec enim hic de sacrificio, aut misericordia agebatur. Respondeo, magnam fuisse misericordiam peccatores ad poenitentiam uocare,

ut paullo post dicit, quam probat a maiori ad minus omnibus esse rebus preferendam. Si enim sacrificio, quod Deo offertur, teste Propheta, preferenda est, quibus non erit rebus anteponenda, sicut supra dixit cap. 5. 24. 25. *si offers munus tuum ad altare, et ibi recordatus fueris, quod frater tuus habet aliquid aduersum te, relinque ibi munus tuum ante altare, & uade prius reconciliari fratri tuo.* Ad huc ferme sensum Euthymius exponit.

*Et non sacrificium.*) Non negat se sacrificium uelle, cum ipse instituerit, sibi que iusserit offerri, sed dicit se misericordiam malle, quam sacrificium, id est sacrificium internum, quam externum, & si alterutrum de futurum est, malle externum, quod in carnalibus hostijs quam internū, quod in corde consistit, deesse sacrificium. Est enim Hebræorum idioma, quo solent illi, cum unum alteri preferunt, non illud magis, hoc minus affirmare, sed illud affirmare omnino, hoc omnino negare, ut, *doctrina mea, non est mea*, id est non tam mea, quam patris est, ab eo enim ego accipi, Ioan. 7. 16. *Non estis uos, qui loquimini, sed spiritus patris uestri, qui loquitur in uobis*, id est non tam uos, quam ille infra c. 10. 20. *Non uolentis neque currentis, sed miserentis est Dei*, id est, non tam uolentis hominis, quam miserentis est Dei Romanorum 9. 16. sic Chrysostomus explicat hom. 31. Itaque Ambrosius lib. de poenitentia cap. 2. ita legit, *misericordiam malo, quam sacrificium* Augustinus uero libr. 20. contra Faustum cap. 16. & libr. 2. de consensu Euangelist. cap. 27. *misericordiam uolo, quam sacrificium*, forma loquendi apud ueteres Theologos usque ad Gregorij tempora frequenter usurpata, & ut suspicor, ex ueteri nata editione, qua ante Hieronymum Latina utebatur Ecclesia, cuius auctorem credibile est Hebraicum imitatum solitum dicere ואלוהי דיצו hoc uolo, quam hoc, id est hoc malo. Idem August. lib. 10. de ciuit. cap. 5. & Cæcilius homil. 36. legunt, *misericordiam magis uolo, quam sacrificium*, ad sensum fortasse.

Scripturæ  
idionota  
nota  
bilo.



tasse, non ad uerba respicientes. Hunc autem esse sensum ex eodem loco Prophete, ex quo hæc sumpta sunt uerba, Osee. 6. 6. manifestum est, sequitur enim. *& scientiam Dei magis quam holo causta.* Per sacrificium autem, quia ex tunc erat cultus, omnis cultus externus, per misericordiam omnia caritatis opera intelligenda sunt.

*Nō ueni uocare iustos, sed peccatores)* Dux hoc loco quæstiones sunt, una, an aliquos, cum Christus uenit, iustos inuenerit: altera, an propter illos etiam, si qui erant, uenerit. Hæretici huius temporis Lutherani, & Calviniani non solum, cum Christus uenit, sed etiam post quemquam uerè iustum fuisse negant. Quem errorem et si alio loco copiosius sumus refutaturi, hic etiam obiter perstringemus. Certè Zacharias, & Elisabeth iusti erant, quocunque tandem modo iustos interpretentur. Propterea enim negant non solum esse quemquam, sed etiam esse posse iustum, quia nemo totam (inquiunt) legem seruare potest. De Zacharia autem & Elisabeth ca. 6. Lucas scribit, *Et erant iusti ambo ante Deum incedentes in omnibus mandatis, & iustificationibus Domini sine querela.* Iustos non reputatos, ut isti commentantur, sed fuisse dicit, & fuisse nō apud homines tantum, sed ante Deum, & non, quia peccata illis non imputabantur, sed quia peccata non habebant, id est, quia legem obseruabant, quod isti boni Euangelistæ, ut eorum etiam verbo utar, impossibile esse dicunt, *incedentes* (inquit) *in omnib. mandatis, & iustificationibus Domini sine querela* id est, ita ut nihil in eis desiderari posset. Si ergo talis Elisabeth, qualis Maria, de qua illa dicit, *Vnde hoc mihi, ut ueniat mater Domini mei ad me?* Lucæ. 1. 43. Alios quoque, de quibus scriptura mentionem non fecerit, iustos fuisse credendum est, quando ex his constat esse potuisse. Nam & Nathanael Christus uerum Israhelitam appellauit, in quo dolus non esset, Ioann. 1. 47. qua phrasi solet scriptura hominem perfectè iustum significare, ut Psal. 14. 3. *Qui non*

*egit dolum in lingua sua, & 31. 2. nec est in spiritu eius dolus.* Denique de Christo ipso ad magnam laudem dictum est, *qui peccatum non fecit, nec inuentus est dolus in ore eius.* Alia ex parte scriptura docet omnes fuisse peccatores Roman. 3. 22. 23. *iustitia autem Dei per fidem Iesu Christi in omnes, & super omnes, qui credunt in eum, nō enim est distinctio omnes enim peccauerunt, & egent gloria Dei, & 2. Cor. 5. 14. 15. si unus pro omnibus mortuus est, ergo omnes mortui sunt, & unus pro omnibus mortuus est Christus.* Ita etiam omnes ueteres auctores sentiunt, Christum cum uenit, neminem iustum reperisse: sed dixisse, *non ueni uocare iustos*, non quod aliqui iusti essent, sed quod se aliqui iustos esse reputarent, quales illi ipsi erant Pharisæi, quibus ista dicebat. Propter eos autem non uenisse, non quod propter omnes non uenerit, sed quod illi, qui se iustos putabant, ut, qui cum agroti sint, se sanos esse dicunt, medicum nō quærent. Sicut illis Christus dicit, Ioan. 9. 41. *si cæci essetis, non haberetis peccatū, nunc uerò dicitis, quia uidemus, peccatum uestrum manet.* Ita Hilarius & Chrysostomus hom. 31. Hieronym. Beda, Theophylactus. Euthym. quasi per ironiam iustos appellatos intelligunt. Scripturæ autem, quæ hac in re uidentur esse contrariæ, ad hunc modum conciliandæ sunt. Inuenit Christus ueniens, ut probatum a nobis est, aliquos iustos, & tamen neminem, ut aliæ scripturæ docent, iustum inuenit, aliquos, qui re uera iusti erant, neminem qui per se, id est sine ipso Christo iustus esset. Nam ipsi illi, qui ante quàm Christus ueniret, iusti unquam fuerunt, non nisi per eius gratiam & fidem, & ui futuri aduentus eius fuerunt iustificati, ut Petrus testatur Act. 15. 11. *per gratiam Domini Iesu Christi credimus saluari, quemadmodum & illi.* Illa ipsa Christi mater B. Virgo Maria omnium iustorum hominum iustissima, quam à peccato etiam originali præseruatam credimus, inter eos numeratur, qui gratia Dei indiguerunt,

1. Pet. 2. 22.

Quomodo  
Christus  
nullum iu-  
stum inue-  
nit.Error hære-  
ticorum re-  
futatur, ne-  
minem esse  
iustum.B. Virgo cō-  
cepta sine  
peccato,



Quo Chri-  
stus non ve-  
nit propter  
iustos,

runt, & propter quos etiam Christus uenit, quasi Christus non uenisset eius gratia praeferuata non fuisset. Superest, quaestio secunda, quomodo dicat Christus se non uenisse, ut iustos uocaret, cum nemo sine eius uocante gratia iustus fuerit. Quomodo ueteres auctores responderint, paullo ante commemorauimus: non uenisse, ut uocaret iustos, id est, qui se iustos esse existimabant, non quod ille uocare noller, sed quod illi etiam si uocaret, uenire nollent. Hoc probabilis est. Illud autem, quod Euthymius dicit, nisi aliqua benigniore interpretatione moliri possit, prorsus Pelagianum: Christum non uenisse propter iustos, quia iusti ipsi sibi ad salutem sufficiebant. Quamquam non auctorem, qui & Catholicus, & pius, & eruditus est, sed auctoris minus cauum loquendi modum damno. Ego, si quid tamen meum ualeat iudicium, sic intelligo Christum non uenisse, ut iustos, sed ut peccatores uocaret, quemadmodum nonaginta nouem oues, quae non errauerant, ut unam quareret errantem, in deserto dicitur reliquisse infra cap. 18. 12. Non enim significat, ut quidam interpretantur angelos reliquisse, ut hominem quareret; nec nonaginta nouem homines, qui non errauerant, ut unum quareret aberrantem, quasi non nisi nonagesimus nonus quisque homo iniustus esset. Omnes enim in viam suam declinauerunt, Isa. 56. 11. Omnes de clinauerunt, simul inutiles facti sunt. Pl. 13. 3. & 52. 4. sed significat se adeo esse bonum & misericordem, ut si non fuissent, nisi centum homines, nonaginta nouem iusti, & unus iniustus: nonaginta nouem iustos reliquisset, ut unum iniustum quareret, & se propter illum solum in hunc mundum uenturum, & mortem suscepturum fuisse. Similiter hoc loco non significat aliquos sine gratia aduentus sui iustos esse, ad quos uocandos non uenerit: sed se ita peccatores quærere, ut si aliqui fuissent iusti, non propter eos, sed propter peccatores uenturus fuisset. Hic, nisi ualde fallor, uerus est

sensus. Itaque illa quorundam Theologorum opinio, qui existimant, etiam si homines non peccassent, Christum fuisse uenturum, non solum huic loco, sed scripturae mihi uidetur esse contraria, & dum incertum Christi beneficium fingit: certum illud, quo maius esse non potuit, redemptionis nostrae extenuare. Et uero, nisi scirem etiam nonnullos Catholicos, & eruditos uiros in ea esse sententia, multo eam grauioribus notarem uerbis. Sed nolo, dum sententiam reprehendo, auctores quoque uideri uelle reprehendere. Tantum dico non posse me eos, qui eam etiamnum defensiunt, non mirari.

14. Tunc accesserunt.) Cum Pharisei in priore quaestione uicti fuissent.

Discipuli Ioannis.) Lucas ca. 5. 33. ipsos Phariseos accessisse dicit: quod D. August. libr. 2. de consens. Euangelist. ca. 27. ita conciliat, uirosque accessisse, sed Lucam solos Phariseos, Matthaeum solos discipulos Ioannis nominasse. Sed uidetur ita Matthaeus loqui, ut significare uelle uideatur Phariseos auctores non fuisse ad Christum accedere. Nam & paullo ante ver. 11. non Christo, sed eius discipulis dixisse ait, quare cum publicanis, & peccatoribus manducat magister uester? Quare probabilius est Ioannis discipulos a Phariseis summissos accessisse, quod eo illi libentius fortasse fecerunt, quod inter Ioannis, & Christi discipulos aliquam fuisse cōstet a mulatiunculam Ioan. 3. 26. Rabbi, qui erat tecum trans Iordanem, cui tu testimonium perhibuisti, ecce hic baptizat, & omnes veniunt ad eum. Propterea Lucas Phariseos accessisse dicit, quia Ioannis discipuli instigantibus Phariseis accesserunt.

Discipuli autem tui non ieiunant.) Lucas cap. 5. 33. dicit, discipuli autem tui edunt, & bibunt, quasi immoderatum cibi, & potus usum notare uoluerint: & quidem credibilis est, & Phariseorum ingenio magis consentaneum ita dixisse. Nam per haec uerba edunt, & bibunt, discipulorum intemperantiam, per discipulos autem magistrum ipsum Christum notare

N 4 uoluisse



voluisse Christus ad hunc locum alludens significat cap. 11. 18. 19. *venit Ioannes Baptista nec manducans nec bibens, & dicunt demonium habere; venit filius hominis manducans & bibens, & dicunt, ecce homo vorax, & potator vini, publicanorum, & peccatorum amicus.* Homines opinione sui inflati, & se laudant, quare nos ieiunamus, & ne se laudare videantur, discipulos Ioannis laudis socios assumunt: Christum autem, & eius discipulos non solum tantum parum religiosos, sed etiam tantum intemperantes, & ebriosos accusant. *Quare nos*, plus quam dicunt his verbis significant. Quare nos, & non tu? nisi quia nos sancti, ac iusti, & ex Deo sumus: tu peccator, & ex hominibus, cum interim, dum nos ieiunamus, tu peccatorum hominum commestrationibus delecteris?

15. *Nunquid possunt filij sponsi. 61* *τοὺς υἱοὺς τῶν θάλαμων* thalami, aut cubiculi nuptialis Marc. 2. 19. idem noster interpretes vertit nuptiarum. Qui autem dicantur filij sponsi, aut thalami, manifestum est; loquitur enim Christus de discipulis suis, de quibus obiecta illi quaestio fuerat. Cur vero ita vocentur, de eo interpretes dissident. Ambros. lib. 5. in Lucam, Hier. & Beda in comment. ideo filios vocari docent, quod ab eo spiritualiter nati essent. Ijs potius assentior, qui Hebraicum esse dicunt, quo filij thalami, aut nuptiarum appellantur, qui familiares sponsi sunt, qui eius varijs laetitiae argumentis celebrant nuptias, quod nunc corruptis apud nos moribus conuiujs, saltationibus, ludis fieri solet: tunc saltem conuiujs, ut ex nuptijs in Cana Galilaeae celebratis, Ioann. 2. 1. prespicuum est, ideoque dicit ieiunare non posse, quia repugnat nuptiarum celebrationi ieiunium. Quemadmodum enim filij regni uocati sunt c. 8. 12. qui sunt ex regno, ita filij nuptiarum, qui celebrant nuptias, quod significantius Galli dicunt, *ceux qui sont de la feste des nocces.* Amici sponsi, ut uocat se ipsum Ioannes Baptista, Ioann. 3. 29. sponsus autem est Christus, ut in illa parabola nu-

ptiarum adumbratur cap. 22. 2. & c. 25. 1. 5. 6. 10. & Apoc. 19. 7. 9. Cuius, ut ita dicam, sponsalia hic celebrantur, Matt. 22. 2. & 25. 1. nuptiae autem in caelo, ubi matrimonium quoddam modo cum Ecclesia eius sponsa consumatur, Apoc. 19. 7. 9. quia tunc eam in cubiculum suum, id est in celum introducet, ubi perpetuis eius fruetur amplexibus.

*Lugere* cur non dicit ieiunare, non enim de luctu, sed de ieiunio quarebatur. Ideo, ut opinor, ut in genere non solum ieiunium, sed omnes alias luctus species comprehendat, & plus quam ab aduersarijs interrogabatur, respondeat, & ut a negatione generis ad negationem speciei fortius argumentetur. Si enim animal esse non potest, quomodo homo esse poterit? Si filij sponsi lugere non possunt, quomodo ieiunare poterunt? Lugere enim hoc loco non significat lacrymas fundere, aut plangere, sed tristem esse, & ut Latini loquuntur, in luctu, sordibusque uersari: sicut dicuntur mortui certo tempore lugeri, non quod eos uiui perpetuo flectant, sed quod pro illis lugubrem vestem gerant. Quare hoc loco merito potest, si non possunt filij sponsi, quamdiu sponsus cum illis est, ieiunare, cur Ioannes Baptista, eiusque discipuli ieiunauerint: nam & ipse filius, id est amicus erat sponsi, qui uocem eius audiens gaudebat, Ioan. 3. 29. Respondeo id factum necessarium, ut omnibus modis ad salutem homines allicerentur, & singulari, qualis fuit Ioannis, & communi, qualis fuit Christi, more uiuendi; ut Christus c. 11. 18. 19. significat, *venit Ioannes nec manducans, nec bibens, & dicunt, demonium habere: venit filius hominis manducans, & bibens, & dicunt, ecce homo vorax, & potator vini, & iustificata est sapientia a filiis suis.* Praeterquam quod Ioannes, etsi amicus erat sponsi, filius tamen, id est discipulus proprie non erat; parabat enim viam, qua alii ad nuptias venient, ipse non venit. Qui ueniebant, aspera uenturi erant uia; cum uenissent, non asperam, sed hilarem, & iucundam, quamdiu cum sponso essent, acturi uitam, ut nuptiarum

Cur discipuli Ioannis ieiunarent non Christi,



tiarum festiua celebratio postulabat. At cur Christus saltem ipse, si non eius discipuli, non ieiunabat? Eadem ratione responderi posset, quia sponsus erat, & sponsalia sua celebrabat, sed ipse alia rationem reddit, quia *nemo immittit commissuram panni rudi in vestimentum vetus*, ver. 16.

*Venient autem dies.*) Dies pro tempore Hebraeorum more, quasi dicat, satis temporis ad ieiunandum habebunt, cum ablatus illis fuerit sponsus. Non dicit, cum ab illis discesserit, nec cum mortuus fuerit: sed cum ablatus fuerit, significans miserabiliter ab illis ipsis Phariseis, quibuscum loquebatur, de medio tollendum. *Tunc*, inquit, *ieiunabunt*, id est, tunc lugebunt. Nam, ut paulo ante lugere posuit pro ieiunare, genus pro specie: ita nunc ieiunare pro lugere, speciem pro genere posuit: quasi dicat, sicut nunc celebrant meas nuptias, ideoque non ieiunant, ita nunc meam lugebunt mortem, ideoque ieiunabunt. Alludit enim ad veterem morem lugendi mortuos adhibito ieiunio: solent enim, qui lugent, cibo abstinere. Euentus hanc Christi sententiam non probauit modo, sed etiam declarauit. Igitur enim quam assidui post ascensum in caelum Christi in ieiunijs, & orationibus Apostoli fuerint Act. 13. 2. 3. 2. Cor. 6. 5. in plagis, in carceribus, in seditionibus, in laboribus, in vigilijs multis in fame, & siti, & ieiunijs multis. Ineptus erat Montanus, Priscilla, & Maximilla, qui, ut ait hoc loco Hieronymus, huius occasione sententiae Quadragesimam post Pentecosten celebrabant. Imtemperantes Caluinistae, qui nullam omnino Quadragesimam amant, nosque, homines valde suo iudicio sapientes, irrident, quasi ex hoc loco Quadragesimam colligamus. Nos vero hinc non tam Quadragesimam colligimus, quam eorum argumentum refutamus: qui ideo Quadragesimam reiiciunt, quod Christus cum discipulis suis Quadragesimam non ieiunauerit: quibus idem, quod Christus hoc loco Phariseis, respondemus, non potuisse sponsum, neque

filios sponsi, quandiu cum ipsis sponsus erat, ieiunare: ablato autem sponso sapienter, & pie, & voluntari ac uerbis Christi congruenter Ecclesiam fecisse, quod ieiunium instituerit Quadragesimam.

16. *Nemo autem immittit.*) Hoc ideo dicit Christus, ut probet prudentem se facere, quod non cogat suos discipulos ieiunare, ut Hiero. Chrysost. hom. 31. & Remig. indicauerunt. Id autem duobus probat exemplis, altero panni rudis, & uestimenti ueteris: altero vini noui, & utris ueteris, quorum neutrum cum altero bene conueniunt. Sensus est facilis: uerborum, exemplorumque accommodatio difficilis. Nec enim dubium est, quin uelit Christus docere esse genus uiuendi ad discipulorum captum, consuetudinemque accommodandum: ne, si initio praeter consuetudinem cogantur ieiunare, institutum deterriti derelinquant. Itaque certum est discipulos suos uestimento, uiribusque ueteribus, genus autem uiuendi austerum, & asperum panno adhuc rudi, uinoque nouo comparari. Atque hanc esse sententiam, quemadmodum uestimento ueteri non adiicitur assumentum ex panno rudi, quia si adiiciatur, ueterem uestem magis dirumpit, neque uinum nouum mittitur in utres ueteres, quia si mittatur, utres iam attriti uetustate feruente crepant uino: ita non conuenire, ut discipulis faciliori uiuendi rationi assuetis genus uitae difficultus, prorsusque dissimile subito praescribatur, ne difficultati succumbant, & a bene cepto uitae instituto desistant. Ita Euthymius, & Theophylactus interpretantur: nec melior meo iudicio interpretario desiderari potest. Quamquam Tertullian. libro 3. & 4. contra Marc. ueterem uestem, & utres ueteres legem ueterem: pannum rudem, & uinum nouum Euangelium esse dicit, aut dicentibus Marcionistis ipse non negat Ambrosius uero lib. in I ucam 8. uestimentum uetus, & ueteres utres ieiunium. Hilarius, Hieronym. Chrysostom. & Beda Phariseos, Augustin. ser. de tempore 186. omnes homines car-

Quadragesima  
defensio contra  
Caluinistas



carnales, *Spiritalia*, inquit, non capit carnalis, carnalitas vetustas est, gratia nouitas est. Quæ omnia, quamuis acurè eruditeque dicta sint, tamen in prima, ut diximus, interpretatione standum est. Obijciat autem aliquis discipulos etiam Ioannis vetus uestimentum, & ut res ueteres fuisse: ieiunium tamen illis, & uitæ genus asperrimum Ioannem proposuisse. Iam uer. 15. respondimus id eum fecisse necessario, quia uiam ad Christum præparabat: quam asperam & difficilem, id est lacrymarum, ieiuniorum, & omnis penitentia generis plenam esse oportebat. Decebat autem Dominum mitiorem, humanioremque esse, quam feruum, & quodammodo ungere, quos ille uulnerauerat. Obijci propterea potest, discipulos Christi non adhuc fuisse, non ergo potuisse uestimento, utriusque ueteribus comparari. Respondeo aut propter infirmitatem, ut uult Euthymius: aut propter ueterem consuetudinem omnino dissimilem, ut ego potius credo, ueteres appellari. Adhuc enim sicut uestis attrita, & ueteres utres uetere uiuendi consuetudine nondum exuta imbecilles erant, nec uinum nouum capere poterant. *Multa*, inquit Christus, *habeo uobis dicere, sed non potestis portare modo.* Ioan. 16. 12. Potest adhuc occuri ieiunium rem fuisse ueterem, & usitatam: propterea Ioannis discipulos, & Phariseos Christo obijcere, quod nec ipse, nec eius discipuli ieiunent, quasi ueteres non seruent traditiones. Respondeo quædam fuisse in ueteri lege præcepta ieiunia, de quibus D. Lucas in Actis cap. 27. 9. mentionem facit: sed Phariseos non de illis loqui, quæ & uetera erant, & ab omnibus, sicut nunc Ecclesiastica ieiunia, seruabantur: sed de suis, & discipulorum Ioannis ieiunijs, quæ præcepta non erant, neque communia, sed uoluntaria, & illis propria, quibus se Phariseos, id est singulares, ceterisq; sanctiores esse gloriabatur: sicut Phariseus ille Iuæ 18. 11. 12. in templo orans dicebat, non sum sicut ceteri hominum, sicut etiam hic *publicanus*: ie-

luno bis in sabbato. Quod autem Marcion ex hoc loco suam hæresim confirmabat, quasi inter ueterem, & Euāgelicam legem tanta sit dissimilitudo, ut unus utriusque auctor esse non possit, ut Tertullianus lib. aduersus illum 3. & 4. & Epiphanius hæres. 42. tradiderunt, & ab illis est satis refutatum, & adeo futile est, ut operæ pretium facturus non sit, qui refutauerit. Similis Manichæorum error. contra quem Augustinus lib. 8. aduersus Faustum disputauit. Diximus de sententia, dicamus de uerbis, ubi plusculum est difficultatis.

*Commisuram.*) επιβλημα additamentum, ut quidam uertunt, aut potius, si Latinitas pateretur, adiectamentum. Quidam hæreticorum interpretes existimant non significari additamentum panni, quod ad farsciendam plagam ueteris uestis adijciatur, quam *pectam*, uulgò uocant: sed partem panni, quæ, quando ad conficiendam uestem satis panni ex ueteri non est, ex nouo in supplementum assumitur, sententia prorsus corrupta. Et quia id, cui adijciatur, uocat *ιμάτιον παλαιόν* uestem ueterem, significans iam fuisse confectam uestem, ante quam additamentum assumeretur: sed ueterem detritam, & plagas habentem: & quia dicit, *et peior scissura fit*, peior scilicet, quam ea, quæ ante facta fuerat. Iocquitur ergo de ueste iam facta, sed scissuras habente, ad quas refarciendas dicit non esse rudem pannum insuendum, ne peior scissura fiat. Tertullianus, & August. plagulam uocant.

*Tollit enim plenitudinem.*) ἀφαιρεί τὸ πλήρωμα ἀπὸ τοῦ ἱματίου, uerba sunt ambigua, quia τὸ πλήρωμα & nominandi, & accusandi casus esse potest. Si nominandi sit, sensus erit plenitudo eius, id est commisura illi: quæ ad implendum, quod decrat, adiecta est ueteri uestimento, tollit (aliquid) ab illo, id est arrodet, & lacerabit illud. Quem sensum Theodorus hæreticorum interpres, & in uertendo, & in exponendo secutus est, parum recto, ut mihi uidetur, iudicio. Si sit accusandi casus, duplex sensus esse potest, alter,

Beza reprehenditur, & Erasmus.



alter, ut suppositum verbi, *tollit*, repetatur ex verbo, *immittit*, quasi dicat, alioqui, quicunque id facit, tollit plenitudinem eius à vestimento. Quam interpretationem Erasmus inuenit, in eo prudētius q̄ Beza, q̄ τὸ πλῆρωμα non primum, sed quartum facit casum, in eo non benè, quòd verbum, *tollit*, referat ad eum, qui commissuram adiecit. Verum sensum nemo potest melius, quam noster interpres, exprimere. πλῆρωμα enim plenitudinem uocat Euāgelista eam partem vestis, quæ cum illi commissura immitteretur, adhuc integra erat; quam ipsam nō ille, qui commissuram adiecit, sed commissura ipsa panni rudis rigore suo tollit. Plenitudinē autē uocat Hebræorum more מלש, quod integrum & sanum est, quemadmodum in altero, quod sequitur exemplo, nō ille qui uinum nouū in utres ueteres immisit, sed uinum ipsum nouum, qui fortius est, quā, ut utres ferre possint, utres corrumpit, id est utrium plenitudinem tollit. Et, qui aliter interpretantur, & ueterem satisficientes uersionem nouam quasi uerunt, mihi nullo modo uidentur sententię vim proprietatemque persequisse, quæ in eo maxime obseruatur, ut si pannus rudis uesti ueteri assuatur, aut uinum nouum in ueteres mittatur utres, id quod uestem conseruare debuit, perdat, & uinum, quod, ut seruaretur, in utres missum est, efficiat utres rumpendo, ut seruari non possit. Sic enim nimis rigidum uitæ genus, si discipulis, ut meliores fiant, adhuc infirmis, & ueteribus assuetis moribus præscribatur illud ipsum, quod eos meliores facere debuit, deterrendo, auertendo, fugando peiores faciet. Et quod illis, ut conseruarent, exercerentque tanquam utribus uetustis uinum nouum committeretur, dum ferre non possent, eos desperatione quadam perderet, & ipsum quoque periret. Vium exempli Iudas præbuit, cui cum non satis idoneo Apostoli commissum esset officium, & quasi ueteri utri uinum nouum infusum, non solum moribus,

sed corpore etiam ipso, tanquam nimis inflatus uter crepuit medijs, & perditum est, id est, quodam modo ignominia affectum Apostolicum officium.

18. *Princeps vnus Synagoge.*) Nominē Iairus Mar. 5. 22. Lucæ 8. 41. Princeps autem Synagoge uocabatur, qui Synagoga præsidebat, quemadmodum in scholis, qui Decanus facultatis appellatur.

Quis Synagoge princeps,

*Modo defuncta est.*) magna inter Matthæum, & ceteros Euangelistas uidetur esse dissensio. Nam Marcus cap. 5. 23. non mortuam puellam, sed in extremis fuisse dicit. Lucas uero cap. 8. 42. et hæc moriebatur. Chrysostomus ho. 32. Beda, Euthym. & Theophy. ita conciliant Principem istum non ideo dixisse mortuam esse filiā suam, quòd uerè mortua esset, sed uel quòd adeo grauitur, cum ipse domo discessit, ægiotaret, ut iam mortuam esse coniceret; aut quòd orationem dolor exaggerauerit. Augustinus lib. 2. de consensu Euang. ca. 28. Matthæum non recitasse, quod princeps dixerat, sed quod cogitabat. Probabilius est, quod quidam putant, utrumque dixisse, & in extremis esse, & iā esse mortuam. Initio quidem dixisse eam in extremis esse, postea uenisse familiares, qui mortuam esse nuntiarent, ut Marc. 5. 35. & Luc. 8. 49. exposuerunt; tūc principem Christo dixisse, quod Matthæus narrat filiam suam iam esse mortuā. Illud ego mihi persuadeo non dixisse principem Synagoge simul, quæ Matthæus simul narrat, *filia mea modo defuncta est, sed ueni, impone manū tuam, & uiuet*, sed hæc uerba, *ueni, impone manū tuam super eam* dixisse, ante quam mortuam esse sciret. Morie autem audita potius rogasse Christum, aut rogare cogitasse, ne ueniret, cum mortua iam esset, & quia Marcus, & Lucas ita narrant, & quia accepto nuntio de morte Christus illi dixit, *noli timere, crede tantum & salua eris*, quasi iam timere coepisset, ne Christus, qui moribundam sanare poterat, mortuam suscitare non posset, & quia hominem Iudæum, eumque Syna-

Vulgata editio defenditur.



Synagogæ principem credibile non videtur tantam habuisse fidem, ut crederet posse Christum mortuam iam puellam tactu manus suscitare.

20. *Et ecce mulier.*) Cuius fuisse Cæsarea Philippi, quæ Christo statuum ante domum suam posuerit accepti beneficii monumentum scribit Eusebius lib. 7. c. 28. & Sozomen lib. 5. cap. 21. cuius & Theophylactus hoc loco mentionem facit. Itaque minus est probabile, quod in lib. de Salomone cap. 5. Ambrosius scribit fuisse Martham Lazari sororem.

*Quæ duodecim annis.*) Facit hoc ad miraculi probationem, sicut quod Mar. ca. 5. 26. & Lucas c. 8. 43. expresserunt, eam omnes suas facultates in medicos expendisse, nec profecisse quicquam. His enim circumstantiis docet non solum inueteratum, sed etiam incurabilem fuisse morbum, ut magis curationis miraculum appareat.

*Accersit retro.*) Non est ausa palam accedere, siue, ut quidam putant, humilitate, siue, ut Optatus lib. 5. contra Parmen. & Ambr. libro de Salomone capit. 5. pudore, quod turpi laboraret morbo, siue quod, ut alii dicunt, lege à confortio hominum arceretur. Leuit. 15. 24. Fluxum autem sanguinis, multi fluxum seminis fuisse putant, qui honestiore uocabulo fluxus sanguinis appelletur, ut Chrys. hom. 32. & Theophylactus in commentariis.

22. *At Iesus conuersus, & uidens.*) ἐπιστρέψας καὶ ἰδὼν, conuersus, & aspiciens, quasi ignoraret, & quæreret, quis esset, qui se tetigisset, ut aliiarrant Euangelistæ. Quod ideo fecit, ut mulier uidens se latere non posse, proderet se se, & miraculum non ex eius, qui contulerat, sed ex eius, quæ beneficium acceperat, ore cognosceretur. Quod autem Luc. capitulo. 8. 46. ait dixisse Christum *Tetigit me aliquis, nam ego non viri: de me exiisse.* humano locutus est more, quasi ita ex illo uirtus exiisset, quemadmodum solet ex corpore secta uena sanguis exire. Narrauit Lucas dixisse discipulos Christo *Turbæ comprimunt te, & dicis, quis me tetigit?* In quæ uerba D. Augu. multis

locis notare solet, non omnes, qui se, quuntur, & tangunt Christum, uerè tangere, sed potius comprimere: eos uerè tangere, qui fide ad Christum accedentes fructum percipiunt. *Fide*, inquit Ambrosius, *tangunt Christus*, lib. 6. in Iucan.

*Confide filia.*) Apparet mulierem, cum uideret quæri à Christo, quis se tetigisset, ualde timuisse, quasi sacrilegium patrasset, & clam sanitatem furata esset, ut Chrys. ait, poenasque temeritatis suæ datura esset, ut Mar. cap. 5. 33. & Luc. ca. 8. 47. declarant. *Mulier uerò timens, & tremens, sciens, quod factum esset in se, uenit, & prociuit ante eum, & dixit ei omnem ueritatem*, ideo iubetur confidere, id est non timere, bono esse animo, Quod autem Marcus mulierem, Matthæus filiam, à Christo uocatum dicit, leuis dissensio est, alter uerba, alter sententiam recitauit. Vter uerba? Matthæus opinor, quia magis conuenit benignitati, & consuetudini Christi, ut filiā, quā u mulierē appellauerit, pserim q̄ trementē ac pauidam blandioribus uerbis erigere uolebat, ut supra. uers. 2. *confide fili, remittuntur tibi peccata tua.* Quæruunt nonnulli, cur Christus noluerit miraculū latere. Respondet Chrys. & Theophy. ideo noluisse, ut & Dei gloria magis elucreret, & fides principis Synagogæ, qui Christum sequebatur, cōfirmaretur. Quæ somnia Valentiniani ex hoc loco cōtinuerint, scribit Irenæus lib. 2. c. 36. Caluinus ualde hoc loco sudat timens, ne hinc reliquiarū usum comprobemus, & quibus teneri se uidet, uincula, quia soluere non potest, rumpit. Primum hanc mulierem indiscreto zelo, ut eius utar uerbis, Christi simbriam tetigisse ait, & aliquid in ea fuisse superstitionis. Deinde, quamuis tactu simbriæ sanata sit, factum tamen fuisse singulare, quod ad exempli imitationem ualere non debeat, ut propterea ex reliquiis sanitatem petamus. O asinum, o caecos homines, qui non uident hunc non trīn hereticum, sed prorsus etiam diaboli eū esse spiritum. Euangelistæ oēs summa diligentia hanc circumstantiā expref-

Caluini impudentia reprehenditur circa reliquiarum u-



preſſerunt, quòd dixerit intra ſe, ſi  
*teigero tantum ſimbriã veſtimenti eius,*  
*ſaluus ero,* vt ſingularẽ eius fidẽ de-  
 clararent, atq; commẽdarent; iſte bo-  
 nus Euangelista indiſcretum zelũ vo-  
 cat. Chriſtus eius fidẽ non ſolum effe-  
 ctũ, ſed verbis etiam approbant, *fides*  
*tua te ſaluam fecit*, Caluinus ſuperſti-  
 tionem fuiſſe docet. Tales hodie ma-  
 giſtros mundus meretur.

23. *Tibicines*) Putat Theophylaſtus  
 propterea quòd innupia puella erat,  
 & vt Marcus, & Lucas ſcribunt, duode-  
 cim tantum annorum, tibias, quas in  
 nuptijs fuerat habitura, de more gen-  
 tis ad funus adhibitas. At eam fuiſſe  
 conſuetudinem aliũ auctorem non ha-  
 beo. Verius, quod lib. in Lucam. 8. Am-  
 br. ſcribit, morem fuiſſe Gentilium,  
 vt ad omnia funus lamentatrices, &  
 tibicines adhiberentur, qui lacrymas  
 audientibus cantatis nanijs elicerent,  
 eãq; conſuetudinem ad Iudeos quoq;  
 permanaſſe. Et de lamentatricibus qui-  
 dem Ierẽ. c. 9. 17. mentionem fecit: &  
 memini ego, cum etiam in nonnullis  
 Hiſpanie locis adhiberentur, nunc  
 res exoleuit: de tibijs Euangelista fá-  
 tis eſt teſtimonium: nec enim aliud in  
 ſacris litteris habemus, ſed profanus  
 potea dixit,

Ouid. 4. *Cantabant maſtis tibia funeribus*  
 ſa. Hæc omnia ideo narrat Euangeli-  
 ſta, vt miraculum augeat, probans ve-  
 rã iam mortuam fuiſſe adoleſcentulã  
 cum iam tibicines acciti fuiſſent, vt to-  
 ta planctu familia turbata tumultua-  
 retur. Eadem ratione Marcus & Lu-  
 cas notauerunt veniſſe nuntios, qui  
 affirmarent patri iam eſſe mortuam,  
 nec eſſe, cur Chriſtum vexaret.

*Recedite.*) Cur turbam iubeat rece-  
 dere, varias variĩ auctores aſſerunt  
 cauſas. Chryſo. hom. 32. Hila. & Theo-  
 phyl. quòd turba indigna eſſet, quã  
 miraculum uideret, quia tumultua-  
 batur, quia fidẽ non habebat, quia  
 Chriſtũ dicentem non eſſe mortuam,  
 ſed ſomno oppreſſam, deridebat. Alij  
 quidam, ne multitudinẽ miraculum  
 obſcuraretur, quod credibile non eſt;  
 non. n. ſolent miracula ſpectatorum  
 multitudinẽ obſcurari, ſed magis in-

clareſcere. Vera cauſa, vt mihi quidenũ  
 videtur, ex Marco c. 5. 43. & Luca 8.  
 56. facile colligitur. Vterq; .n. narrat  
 Chriſtum parentibus puellæ uehemen-  
 ter præcepiſſe, ne quis id ſcìret. Pro-  
 pterea ergo turbam excludit, quã con-  
 tinere ſecretum neſcit. Propterea illi  
 dixit, *non eſt mortua puella, ſed dormit*,  
 ut, cum poſtea ambulantem uideret,  
 non à morte ſuſcitata: ſed a ſomno  
 expergeſcã putaret. Deluſit. n. Chri-  
 ſtus turbam ambiguitate uerborum.  
 Quam autem ob rem noluerit Chri-  
 ſtus miraculum diuulgari uer. 24. di-  
 cemus. Marcus & Lucas ſcribunt quin-  
 que tantum teſtes Chriſtum admiſiſ-  
 ſe, Petrum, Iacobum, & Ioannem, &  
 patrem, & matrem puellæ. Nam quòd  
 Caluinus dicit etiam comites princi-  
 pis Synagogæ introductos fuiſſe, pu-  
 rilis eſt error hominis Grammaticum  
 nõ intelligentis. Putauit. n. homo ſuo  
 iudicio ualde acutus apud Marcum  
 c. 5. 40. cũ dicitur Chriſtus aſſumpſiſſe  
 patrem, & matrẽ puellæ, καὶ τοὺς μετ'  
 αὐτοῦ, & eos, qui cum ipſo erant, rela-  
 tiuum αὐτοῦ ad patrem referri, cũ  
 ut conſtat ex uer. 37. ad Chriſtum re-  
 feratur. Quòd ſi Caluinus ueterem in-  
 terpretem, quẽ tantopere contem-  
 nit, ſecutus fuiſſet, non erraſſet, quia  
 non uertit, qui cum eo, aut cum ipſo  
 erant: ſed qui ſecum erant.

24. *Nõ eſt mortua puella ſed dormit*)  
 Aug. lib. 2. de conſen. Euang. c. 28. non  
 puellã, ſed mulierem legit, aut errore  
 memoriæ. aut quòd magis credo, ex  
 antiqua uerſione. Queritur ab oĩbus  
 quo ſenſu dicat Chriſtus nõ eſſe mor-  
 tuam puellã, ſed dormire. Plerique pu-  
 tant ſcripturarum more loqui, quã  
 mortuos dormientes uocare ſolet,  
 quia omnia Deo uiuũt, ut Hier. Chry.  
 Theoph. hoc loco rãdent. At Chriſtus  
 nõ ſolũ dormire dicit, ſed mortuã eſſe  
 negat: ſcriptura autem etſi mortuos,  
 quia reſurrecturi aliquĩ ſũt, dormientes  
 appellat, mortuos tñ nõ negat eſſe, &  
 ut uer. 3. diximus, maniſtũ eſt Chri-  
 ſtũ turbã fallere uoluſſe, pſuadereq;  
 non eſſe mortuã. Nec, ut alij exiſtimãt  
 iõ dormire, nõ mortuã eẽ dicit, ut ſignifi-  
 cicer paullo poſt eſſe à ſe ſuſcitã tam. ſi.

Caluinus  
 riles error  
 in harmon.



cur de Lazaro dixit Io. 11. 11. 12. *Lazarus amicus noster dormit*. Nam Lazarus non negauit esse mortuum, sed potius significauit, cum dormire dixit: quod eum discipuli nondum intelligerent, aperte dixit, *Lazarus amicus noster mortuus est*, uer. 14. Hic autem & dicit, & credi vult puellam non esse mortuam, & non intelligentibus, sed potius deridentibus, non explicat, quo dormiat. Volui ergo significare uerè non esse mortuam, sed dormire, ut quemadmodum uer. precedenti diximus, turba expergefactam, non suscitaram putaret, & miraculum non diuulgaret, quod pro miraculo non haberet. Dicit autem non esse uerè mortuam, non quod uerè mortua non esset, sed quod non esset mortua eo modo, quo turba putabat, ita ut ad uitam reuocari non posset. Nam si turba sciuisset paullo post surrecturam, ut uerè surrexit, non mortuam fuisse, sed dormisse existimasset. Lequitur ergo Christus eorum opinione non, quam habebat (credebant. n. uerè fuisse mortuam,) sed quam eos habituros fuisse sciebat, si cognouissent paullo post fuisse surrecturam.

25. *Tenuit manum eius.*) Solo uerbo suscitare potuit, sed ideo manum tenuit, quia à patre rogatus fuerat, ut manum illi imponeret uer. 18. & ut ostenderet se non aliter mortuam, quam dormientem, ut paullo ante dixerat, prehensam manu suscitare. Solemus. n. eorum, quos dormientes, aut aegrotantes excitare, & leuare uolumus, manum apprehendere. Sicut idem Christus socrum Petri decumbentem apprehensa erexit manu c. 8. 15. Alias causas, cur Christus solitus sit aegrotos, aut mortuos manu tangere c. 8. 3. 15. exposuimus.

*Et dixit.*) Imperat animæ, ut redeat quia ipse habet clauem mortis, & inferni Apoc. 1. 8. ipse mortificat, & uiuificat, deducit ad inferos, & reducit 1. Reg. 2. 6. Lucas uer. 54. dicit clamasse: quod etiam in Lazari suscitatione Ioan. 11. 43. fecisse legimus, non quod uoce illi, aut magna, aut parua opus esset. sed ut more hominum loque-

retur, qui eos, qui longè distant, clamando uocant, quasi uolens significare non solum mortuam fuisse puellam, sed procul etiam eius animam abfuisse. Vbi? nescimus, sed tamen, si quid sciri potest, commodius apud Lucam c. 16. 22. inuestigabimus, ubi locus ipse & disputandi occasionem, & inueniendi argumenta suppeditabit, Scribunt Marcus, & Lucas Christum patri, & matri puellæ grauitè præcepisse, ne quis id sciret. Quod cur fecerit, ignoramus; scimus tamen Christum non sine summa ratione, & consilio fecisse: & quantum ego assequi coniectura possum, ad uitandam Phariseorum & Scribarum fecit inuidiam, qui si minora miracula ferre non poterant, quid facturi erant, si mortuus suscitatos audiuisent? Animaduertimus enim de solis mortuis suscitatis, & curatis cæcis Christum, ne id sciretur, ueruisse infra uer. 30. quia cæteri morbi curabiles uideri poterant; uitam, & uisum nemo ignorabat non posse ulla arte semel amissum reuocari. Nam leproso, quem mundaauerat c. 8. 4. non absolute dixit, ne cui id diceret, sed, ne antequam se sacerdotibus ostendisset. At sciebat utique Christus miraculum, quamuis ipse præciperet, non esse celandum, sciebat futurum, quod Euangelista factum narrat uer. 26. *Exijs fama hæc in uniuersam terram:* cur ergo præcipiebat: Ut faceret, quod in se erat. Sciebat Iudam fururum proditorem, cur elegit? sciebat homines mandata sua non facturos, cur dedit? sciebat peccaturum Adamum, cur fecit? sexcenta sunt eiusmodi. At si non expediebat, ut miraculum tunc diuulgaretur, & tamen diuulgandum sciebat, cur fecit? Quia non debuit Phariseorum inuidia credenti principi fraudi esse, quod minus eius filia suscitaretur.

26. *Exijs fama hæc.*) Ad probationem miraculi hoc dicit Euangelista, ne quis à se fictum putet: testis enim tota fuit regio. Hoc enim significat ελη γη εκεινη omnis terra illa, id est tota illa prouincia. Eodem consilio Marcus cap. 5. 72. dixit factum miraculo omnes obstupuisse, & uterque

Euan.

Cur Christus miracula sua vulgari noluit,



Euangelista Marcus & Lucas dixisse Christum, *date illi manducare*, ut eden do ostenderet se non esse phantasma, sed uerè suscitatam. Quemadmodum Christus ipse, ut se, suscitarum doceret, post resurrectionem cum discipulis edit, & bibit. Lucæ. 24. 41. 43. Ioan. 21. 5. Act. 10. 41. scio non esse necessarium argumentum, est tamen probabile, ut apud Lucam disputabimus.

28. *Cū autem uenisset domum*) Cur non in uia curauit? Respondet Chrysostomus, Euthymius, & Theophilactus, ut se cretius domi curaret, doceretur se gloriam non querere. Alij, quod probabilius uidetur esse, ut eorum fidem experiretur. Est etiam uero simile Christum initio cognouisse eorum fidem non satis esse perfectā, uoluisseque, ut tempore patientiaque maturet. Nec mirum. Cæci enim erant, & miracula, quæ Christus faciebat, audire tantum poterant, non uidere. Hæc autem uera fides est, & Gregorius, & Augustinus ait, *Credere, quod non uides. Beati enim, qui non uiderunt, & crediderunt.* Io. 20. 29. Qui uerè fideles esse uolunt, cæcos esse oportet, ante quàm credant, credentes uidebunt.

30. *Aperiti sunt oculi eorum.* Id est uiderunt, nam & ante aperti erant, sed clausi esse dicebantur, si spectes effectum, quia non magis uidebant, quàm si fuissent omnino clausi. Ita Hebræi loqui solent Isa. 35. 5. *Tunc aperientur oculi cæcorum, & aures surdorum patebunt, & 42. 6. 7. Dedit te in sedus populi, in lucē gentium, ut aperires oculos cæcorum.* Ita infra cap. 20. 33. & i. u. 24. 31. Io. 9. 10. 14. 21. 26. 30. 32. & 10. 11. Aliquando dicuntur aperti oculi, qui ante non modò non clausi, sed ne cæci quidem erant, quia non uidebant, quod uident postea, sicut primis parentibus dicuntur sumpto cibo illo uetito aperti fuisse oculi, quia nuditatē suā, quam ante nō cognoscebant, cognoscere ceperunt Gen. 3. 7. Eodem sensu aures dicuntur aperiri, Mar. 7. 35.

*Et comminatus est*) Male mihi uidetur Euthy. hoc factum interpretari

& secus omnino, quàm Christi, mansuetudinem deceat. *Interminatus*, inquit est, *austerè uidelicet inueniens, contra illis supercilij commoto capite*, quos ego gestus alienissimos à Christi moribus fuisse credo. Nā etsi uerbum *ἐνεσπρήσατο*, quo Græcè Euangelista usus est, interminationem cum increpatione, & uocis auctoritate, & ueluti fremitu coniunctam significat, tamen Christo non ex hoc uerbo, nisi quantum decet, tribuendum, cum serio & grauer accis præcepisse, ne cui quid dicerent. Cur autem præcepit, uerā nos causam paullo ante exposuimus ver. 25. Aliā hoc loco Hiero. & Beda. & Gregor. li. 19. moral. c. 14. rationem afferunt, modestiā, & humilitatē id Christum fecisse, Hilarius uerò, quod Christi miracula prædicare Apostolorum esset officium, quod alij non debebant usurpare.

31. *Illi autē exentes diffamauerunt.*) Famam Christi & facti miraculi diuulgauerunt, propria uerbi significatione, & uerbi Græci significatione ex æquo respondente. *διεφθίμυσαν*, quā apud Latinos auctores parum uisitata, apud quos non nemini legere, nisi in malam partem, idque peritior, fortasse, si plures haberemus auctores, etiam in bonam apud aliquem legeremus. Nostri interpretem constat in bonam partem posuisse. Queritur à nonnullis, num cæci isti peccauerint, qui contra Christi, ut uidetur, præceptum miraculum diuulgarunt. Valde eos hæreticus interpres reprehendit, quod uerbis Christi, quibus ipse credere non solet, nō obederint. Omnes tamen ueteres auctores merito uidentur excusare, quod non tā, ut non obediunt, quàm ut grati essent, id fecerint, Chrysost. 33. Hiero. Beda, Theophy. Est etiā uero simile credidisse eos Christum nō serio, sed modestiæ suæ causa, ne id dicerent, ueluisse. Nec mirum, cum tam multi postea tam docti uiri Hiero. Gregor. & Beda idem existimauerint.

22. *Ecce obtulerunt.*) Verbum sine supposito Hebræorum more, quia ex ipso uerbo solent desumere, *obtulerunt*, sub.

Caluinus  
in harmon.



sub. offerentes. Primum hoc loco dubitari potest, num hæc eadem sit historia, quæ a Luca narratur c. 11. 14. Non nulli, quia apud Lucam alio loco positam vident, diuersam putant. Sed multo est probabilius eandem, & vnam esse, quia utrobique demonium mutum erat, utrobique eiecto demonio turbæ dicuntur admiratæ, utrobique Pharisei dixerunt, *in principe demoniorum eijcitur demonia*; quæ omnia vix in diuersa miracula cõuenire potuerunt. Sed Lucas nimirum ordinem rei gestæ non seruauit. Nam hoc miraculū statim post curatos duos cæcos accidisse aperte Matthæus dicit, Lucas uerò non dicit, sed non negat.

*Mutum.* *ἰσὺν* quod nomen, ut hoc loco Hieronymus admonuit, magis surdum, quàm mutum significare solet, ut Mar. 7. 32. sed aliquando etiā mutum, ut hoc loco: sequitur enim *et locutus est mutus*, & c. 12. 22. & Luc. 11. 14. Quod quidam etiam ex ijs, qui nostram uersionem ex Græca corrigere uoluerunt, adnotarunt, mutum posse uel cum demonio, uel cum homine coniungi, ridiculum est, nec. n. Græcè ulla est ambiguitas *ἀνθρώπων κωρόν δαιμονίζεσθαι*. Quanquam apud Lucam c. 11. 14. demoniū ipsum mutum appellatur, καὶ ὡς ἐκβέλλων δαιμόνιον, καὶ αὐτὸ ὡς κωρόν & erat eijciens demonium, & illud erat mutū.

Quod Theologis occasionem præbuit disputandi, & qui daemones muti essent. Nam alios mutos, ut eo loco, alios *μογιάλους* semimutos uocatos infra c. 17. 15. & nos ipsi anno 1578. Anarici Bitunigum mutā puellam uidimus demonium habentem, quæ in uocatione nominis B. Mariæ Virginis eiecto demonio locuta est. Quæstio autem est, quo sensu quidam daemones muti uocentur, & an omnes cum uolunt muti sint. Quidam mutos dici uolunt, quia natura suā eiusmodi sint. Alij, quod in mutis hominibus habitent. Alij, quod probabilius uidetur, quod homines mutos efficiant. Credo tamē ego non omnes daemones mutos ali-

quando esse, sed quemadmodum alij libidine, alij auaritia, alij alijs modis homines uexandi delectantur, ita esse quosdam, qui ament homines, quos obsident mutos reddere, alios, qui, ut ait Hierony. lunæ mutationes obseruent, ut homines uexent, & Dei creaturam infament. Colligo hoc ex c. 17. 20. & Mar. 9. 28. *hoc genus, inquit Christus, demoniorum non eijcitur, nisi in oratione, & ieiunio*, quasi ipsorum naturæ hoc attribuens.

33. *Et eiecto demonio.*) Non exigit à demoniaco fidem ut à cæcis, quia mutus erat, & quia muti surdi esse solent, & tā surdus, ut nec audire, nec respondere posset, Chry. Euthy. Theoph.

34. *Pharisei autem.*) Turbis credentibus, & admirantibus Phariseos nō credentes, sed etiam murrurantes, & blasphemantes opponit, Chrysostomus hom. 33.

*In principe demoniorum.*) Tāquam vnus ex ipsis demonibus, tanquam diaboli minister, diabolica uirtute, Lucas c. 11. 15. *in Belzebub principe demoniorum*, sic. n. ex famoso idolo, ut illic exponemus, appellabant. Summa, ut notat Chrysostomus, cæcitas, solet enim inuidia sic homines obcaecare, ut quid dicant, non uideant. Quomodo enim poterat Satanas Satanam eijcere, ut illos Christus coarguit c. 12. 26. Mar. 3. 22. Luc. 11. 18.

37. *Messis quidem multa.*) Hoc est in multis antiquis libris, etiā apud Strabum, Hugonem, Iryanum decimi capitis initium. Et quidem non absurdè. hinc enim eius sententia dependet. Redditur enim hoc loco caussa missionis Apostolorum, de qua agitur c. 10. 1. nam propterea missi sunt, quia messis erat multa, operarij autē pauci. Messē uocat auditorum multitudinem uerbum Dei auentium audire. Exierat enim, qui seminat, id est Christus ipse seminare semen suum, creuerat feliciter semen, & seges maturata iam erat ad messē, propterea nō iā semē, nō segetē, sed messē uocat Luc. 10. 2. Io. 4. 35. 38. Chry. Euthy.

38. *Dominū messis.*) Chryf. & Euthy. dominum messis Christū ipsum intelli.

Vulgatæ editionis defensio,

Daemones qui muti, & quomodo.

Energumena Bitunigibus curata ann. 1578.



telligunt. Et est ille quidem uere Dominus, sed probabilius tamen est patrem suum dominum messis appellare, sicut alio loco dicit *pater meus agricola est*, Ioan. 15. 1. Vineæ quoque dominum non se, sed patrem facit, infra c. 21. 33. 38. Marcus 12. 1. Lucas 20. 9. se filium familias esse significat, qui pro patre, & sementem facit, & metit; quemque pater, cum multos misisset seruos, ut à uinitoribus fructus acciperent, aliumque contumeliis affectum dimisissent, alium lapidassent, ad extremum misit dicens, *ueretur forte filium meum.*

## CAPVT X.

**E**T conuocatis duodecim Discipulis suis, dedit illis potestatem spirituum immundorum, ut eiicerēt eos, & curarent omnem lāguorem, & omnem infirmitatē. 2. Duodecim aut Apostolorū nomina sunt hæc. Primus: Simon, qui dicitur Petrus, & Andreas frater eius, 3. Iacobus Zebedæi, & Ioannes frater eius, Philippus, & Bartholomæus, Thomas, & Matthæus publicanus, Iacobus Alphæi, & Thaddæus, 4. Simon Cananæus, & Iudas Iscariotes, qui & tradidit eum. 5. Hos duodecim misit Iesus: præcipiens eis, dicens: In uiam gentium ne abieritis, & in ciuitates Samaritanorum ne intraueritis: 6. sed potius ite ad oues, quæ perierunt domus Israel. 7. Euntes autem prædicate, dicentes; Quia appropinquauit regnum cælorum. 8. Infirmos curate, mortuos suscite, leprosos mundate, dæmones eiicite: gratis accepistis, gratis date. 9. Nolite possidere aurum, neque argentum, neque pecuniam in zonis uestris. 10. non perā in uia neque duas tunicas, neque calceamenta, neque virgam: dignus enim est operarius cibo suo. 11. In quamcumque autem ciuitatem, aut castellum intraueritis, interrogate, quis in eā dignus sit: & ibi manete, donec exeatis. 12. Intrantes autem in domum, salutate eam, dicentes; Pax huic domui. 13. Et si quidem fuerit domus illa digna, ueniet pax uestra super eam; si autem non fuerit digna, pax uestra reuertetur ad uos. 14. Et quicumque nō receperit uos, neque audierit sermones uestros; exeuntes foras de domo, vel ciuitate, excutite puluerem de pedibus uestris. 15. Amen dico uobis: Tolerabilius erit terræ Sodomorum, & Gomorrhæorum in die iudicii, quam illi ciuitati. 16. Ecce ego mitto uos sicut oues in medio luporum. Estote ergo prudentes, sicut serpentes, & simplices sicut columbæ. 17. Cauete autem ab hominibus. Tradent enim uos in concilijs, & in synagogis suis flagellabūt uos: 18. & ad præfides, & ad reges ducemini propter  
O me

Marc. 3. 14

13.

Luc. 6. b. 13.

&amp; 9. a. 1.

&amp; 10. a. 2.

Mar. 6. a. 32

Luc. 9. a. 3.

&amp; 10. a. 4.

Act. 13. 5.

45.

Lu. 10. a. 3.

Lu. 12. b. 11.



me in testimonium illis, & gentibus. 19. Cum autem tradent vos, nolite cogitare quomodo, aut quid loquamini: dabitur enim vobis in illa hora, quid loquamini. 20. non enim vos estis, qui loquimini, sed spiritus Patris vestri, qui loquitur in vobis. 21. Tradet autem frater fratrem in mortem, & pater filium, & insurgent filii in parentes, & morte eos afficient. 22. & eritis odio omnibus propter nomen meum, qui autem perseverauerit usque in finem, hic saluus erit. 23. Cum autem persequentur vos in ciuitate ista, fugite in aliam. Amen dico vobis, non consummabitis ciuitates Israel, donec veniat filius hominis. 24. Non est discipulus super magistrum, nec seruus super dominum suum. 25. sufficit discipulo, ut sit sicut magister eius, & seruo, sicut dominus eius. Si patrem familias Beelzebub uocauerunt: quanto magis domesticos eius? 26. Ne ergo timueritis eos: Nihil enim est opertum quod non reuelabitur: & occultum, quod non scietur. 27. Quod dico vobis in tenebris, dicite in lumine, & quod in aure auditis, praedicare super tecta. 28. Et nolite timere eos, qui occidunt corpus, animam autem non possunt occidere: sed potius timeate eum, qui potest & animam, & corpus perdere in gehennam. 29. Nonne duo passeret assae vaneunt, & vnus ex illis non cadet super terram sine patre vestro? 30. Vestri autem capilli capitis omnes numerati sunt. 31. Nolite ergo timere: multis passeribus meliores estis vos. 32. Omnis ergo, qui confitebitur me coram hominibus, confitebor, & ego eum coram Patre meo, qui in celis est: 33. qui autem negauerit me coram hominibus, negabo & ego eum coram Patre meo, qui in celis est. 34. Nolite arbitrari quia pacem venerim mittere in terram: non veni pacem mittere, sed gladium. 35. Veni enim separare hominem aduersus patrem suum, & filiam aduersus matrem suam, & nurum aduersus socrum suam: 36. & inimici hominis domestici eius. 37. Qui amat patrem, aut patrem plus quam me, non est me dignus, & qui amat filium, aut filiam super me non est me dignus. 38. Et qui non accipit Crucem suam, & sequitur me, non est me dignus. 39. Qui inuenit animam suam, perdet illam: & qui perdiderit animam suam propter me, inueniet eam. 40. Qui recipit uos, me recipit: & qui me recipit, recipit eum, qui me misit. 41. Qui recipit prophetam in nomine prophetæ, mercedem prophetæ accipiet, & qui recipit iustum in nomine iusti, mercedem iusti accipiet. 42. Et quicumque potum dederit vni ex minimis istis calicem aquæ frigidae tantum in nomine discipuli: amen dico vobis, non perdet mercedem suam.

IN

Lu. 6. f. 40.  
Io. 13. b. 16.  
& 15. c. 20.  
Marc. 4. ca.  
22.  
Lu. 8. c. 17.  
& 12. a. 2.

Act. 27. f.  
35.  
2. Reg. 14.  
c. 11.  
Marc. 8. d.  
38.  
Lu. 9. c. 26.  
& 12. b. 8.  
2. Timo. 2.  
b. 18.  
Lu. 12. f. 51.  
Mic. 7. b. 6.  
Lu. 14. f. 26.  
Marc. 8. d.  
30.  
Iust. 16. d.  
24.  
Lu. 9. c. 24.  
& 14. f. 26.  
& 26. g. 33.  
Io. 12. d. 25.  
Lu. 10. c. 16.  
Io. 13. c. 20.  
Marc. 9. f.  
31.





**E**t conuocatis duodecim discipulis suis.) Ante hoc tempus, discipuli, non Apostoli uocabantur. Qui, etsi multo plures Christus habebat, discipuli tamen absolute, duodecim dici solebant, quia & magis erant Christo familiares, & ad Apostolorum officium fuerant designati. Nunc eos Apostolos, id est missos mittendo misit, quasi ex discipulis magistros. Misit & alios Septuaginta duos, Luc. 10. 1. sed hos solos duodecim, quia generaliter postea in mundum uniuersum misit, cap. 28. 19. & Mar. 16. 13. Apostolos dicitur appellasse. Quamquam veteres auctores vim secuti nominis, etiam Septuaginta duos aliquando Apostolos vocant, ut Irenaeus libro secundo cap. 37. & Tertullianus libro quarto, aduersus Marcionem. Dixerat cap. 9. 37. *missi quidem multi, operarii autem pauci*, propterea mittit nunc operarios in messiem suam praedicatione paratam, & veluti naturam Ioan. 4. 35. commouerat enim praedicatione, & miraculis omnium hominum animos, ut leui momento trahi possent. Hoc est, quod dicit Ioan. 4. 38. *Ego misi vos metere, quod non laborastis, alij laborauerunt, & vos in labores eorum intreisistis*. Quod autem non plures, non pauciores, quam duodecim miserit, certum est non casu, sed consilio, & mysterio fecisse, & Act. 1. 16. quasi necessarium esset duodecim Apostolorum numerum esse completum, in locum Iudae proditoris Matthias electus est, & Apocal. 4. 4. ubi manifestum est per viginti quattuor seniores duodecim Patriarchas, & duodecim Apostolos intelligi. Hac ergo de causa duodecim Christus Apostolos esse voluit, ut duodecim Patriarcharum figuram impleteret; & quemadmodum ex duodecim Patriarchis totus Iudaicus populus carnaliter propagatus est, ita totus populus Christianorum spiritualiter ex duodecim Apostolis propagaretur: venerat enim

Cur Christus Apostolos duodecim numero elegit.

Christus, ut carnem in spiritum commutaret. Nam Apostolos patres fuisse eorum, qui per eos crediderunt, declarat illud Pauli 1. ad Cor. 4. 15. *nam in Christo Iesu per Euangelium ego vos genui*, & ad Philem. 10. *quem genui in vinculis*. Hoc numeri mysterium omnes veteres auctores agnouerunt, Iren. lib. 4. cap. 38. hinc etiam aduersus Marcionistas, & Valentinianos probat non alium noui, atque veteris testamenti auctorem fuisse, quando utrumque duodecastylo, id est duodecim columnarum numero fundatum sit. Alias huius numeri figuras multi auctores recensuerunt. Iustinus in libro de ueritate Christiana, Tertullianus libro aduersus Marcionem 4. Hieronymus in commentariis ad hunc locum, multisque alijs locis, Theodorus in qq. in cap. 1. Iosue, Theophylactus hoc loco. Qui omnes uolet collectas videre Rabanum apud D. Thomam in catena legat. Ego Tertulliani tantum verba ponam, *Cur*, inquit, *duodecim Apostolos elegit, & non alium quem libet numerum? Ne & ex hoc meum Christum interpretari possem non tantum uocibus prophetarum, sed argumentis rerum praedicatum*. Huius enim numeri figuras apud creatorem deprehendo, duodecim fontes in Elym, & duodecim lapides ab Iesu in Iordane electos, & in arca testamenti conditos. Totidem enim Apostoli porrendebantur, proinde ut fontes, & amnes rigantur aridum retrò, & desertum a uocibus orbem nationum, Aliae quoque huius numeri rationes ab alijs asseruntur, ut quod hic numerus perfectus sit, quo uniuersus mundus, in quem Apostoli mittebantur, significabatur. Ex tribus enim constare quaternicibus, quia in nomine Trinitatis per uniuersum mundum quattuor in partes diuisum Euangelium erat ab Apostolis praedicandum, Augustinus. Psalm. 59. & 103. Alij eleganter sane, & subtiliter duodecim Apostolos duodecim anni mensibus: quattuor uero Euangelistas

O 2 quat-



Libro 1.  
Carm.

quattuor anni temporibus compara-  
runt, vt Hieronym. in ca. 1. Ezechiel.  
& Sedulius,

*Quattuor hi procures vna te voce ca-  
nentes,*

*Tempora ceteris totidem latum spargun-  
tur in orbem,*

*Sic & Apostolici semper duodenus ho-  
noris*

*Fulget apex numero menses imitatus,  
& horas,*

*Omnibus vt rebus semper tibi militet  
annus.*

Idem Hieronymus hoc loco, & Augustinus libro primo, de actis cum Felice Manichæo cap. 4. ideo certo numero, & insigni Christum Apostolos dicunt elegisse, ne quisquam per fraudem in Apostolorum numerum irreperet. At nihil omnino est, quo hæretici non abutantur. Hinc etiam Valentiniani suorum æonū signenta probabant, vt lib. i. c. 1. & 15. scribit Irenæus.

*Et dedit eis potestatem spiritum immundorum.* Eijciendi spiritus immundos, vt statim declarat, vt eijceret eos. in nonnullis Græcis exemplaribus est, κατὰ τὸν ἀνευράτων ἀνευράτων cōtra spiritus immundos, quod suspicor ab aliquo primum Græco explanationis causa ad marginem appositum in contextum subijisse. Nam nostri certe interpretes ita non legunt. Immundos autem vocat, non quod ipsi per se immundi sint: sed quod rebus immundis delectentur, adeaque potissimum homines incidunt, vt infra c. 12. 43. & Mar. 1. 23. 26. 27. & 3. 11. 30. & 5. 2. 8. 13. & 6. 7. & 7. 25. & 9. 25. & ferè vbiq; ita vocantur. Instruxerat Christus Apostolos suos doctrina ca. 5. & 6. & 7. instruit nunc, cum mittendi sunt, potestate. Erat autem hæc in illis potestas in primis necessaria: quo enim modo homines doctrinæ rudes res tantas, tamque incredibiles sine miraculis persuadere potuissent? Et conueniebat, vt quemadmodum Moyses primus veteris legis doctor larga faciendi miracula potestate donatus fuerat: ita Apostoli Euāgelicæ, id est melioris legis doctores, eadem, aut potius maiore donarentur.

2. Duodecim autem discipulorum nomina sunt.) Eo consilio Euangelista Apostolorum ponit nomina, ne quis se pro Apostolo nobis vendiderit, vt Hieronymus, & Augustinus lib. i. de actis cum Felice Manichæo cap. 4. & Euthymius adnotarunt. Præterquam quod non decebat eorum nomina, per quos geniti essent, Christianos ignorare.

*Primus Petrus.* Valde vellent hæretici nunquam Euangelista primo loco Petrum posuisset: aut primum certè non appellasset. Et verò Theodorus non ille Atheus, sed iste hæreticus ab aliquo, qui Rom. Pontificis auctoritatem asserere voluerit, additum suspicatur. Scilicet hoc est, *in principe demoniorum ejicit demonia.* Quasi Græci qui maximè semper Romano Pontifici potestatem inuiderunt, Euangelium corruerint, vt eam auctoritatem, quam minuere cupiebant, magis augerent. Melius dixisset, quod omnes alij Calpiniiani dicunt, Euangelistam in recitandis Apostolorum nominibus dignitatis rationem non habuisse, sed Petrum primum vocasse, quia primus occurrit. Id enim non solum Chrysostomi homilia 34. sed multorum etiam nostri temporis Catholicorum interpretum testimonio probare potuisset, qui propterea docent non ex cuiusque dignitate Apostolos nominatos, quod in ijs connumerandis non eundem omnes Euangelistæ ordinem obseruauerint: Argumentum, vt illis videtur, indissolubile. Mihi verò non indissolubile: sed infirmum uideri solet, doleoque quosdam Catholicos tam leuibus hæreticorum argumentis superari. Ego à Romano Pontifice nihil vnquam habui, nihil me habiturum spero, nihil habere uolo: sed tamen etiam atque etiam asseuero Euangelistam in recensendis Apostolorum nominibus dignitatis ordinem tenere voluisse. Primum quid est, quod omnes Euangelistæ, Matthæus hoc loco, Marcus cap. 3. 16. Lucas cap. 6. 14. Petrum primo loco ponunt, quia primo, inquit, loco vocatus est.

Primatus  
Petri contra  
hæreticos,

At



Atcut nemo prius Andream fratrem eius nominat, qui eum ad Christum adduxerat, & prior Christum secutus est? Ioann. 1. 40. 41. Cur omnes Iudam proditorem ultimum numerat, nisi quia omnium indignissimus erat? Cur ergo in ultimo dicamus ordinem seruauisse, quem tamen ultimum non appellant, in Petro autem non dicamus, quem & primum numerant, & primum appellant? Deinde cur quemadmodum Petrum primum, non etiam reliquos secundum tertium, quartum, & deinceps appellarunt, nisi quia Petrum non ideo primum uocarunt, quod primo loco numerandus occurreret, sed quod dignitate, & auctoritate primus esset, & quod hoc nomen non numerum, sed primatum significaret? Si enim numerale nomen esset, cetera quoque numeralia nomina, quae post illud sequuntur, posita essent. Cur etiam in ceteris Apostolis numerandis eundem omnes Euangelistae ordinem tenent, paucis modo exceptis, quae ut statim dicturi sumus, necessario uariantur, ex quibus tamen ipsis maximè capitur argumentum, Euangelistas, quoad eius fieri potuit, dignitatis ordinem seruare uoluisse. Primum ergo isti interpretes obijciunt, quod, cum Matthaeus, & Lucas post Petrum Andream ponant, Marcus Iacobum, & Ioannem ante Andream numerauerit. Respondeo id fecisse Marcum necessario, quia simul dice-re uolebat, quibus Christus nomina mutauisset. Et imposuit, inquit, *Simoni nomen Petrus, & Iacobum Zebedaei, & Ioannem fratrem Iacobi, et imposuit eis nomina Boanerges, quod est filij tonitrui, & Andream*. Itaque Iacobum & Ioannem inter Petrum, & Andream per parenthesim posuit, Andream uero cum Petro finita parenthesi copulauit, indicans, quamuis quarto loco esset, secundum tamen ad eum locum pertinere. Atqui ita rem esse ex eo manifestum est, quod cum & Marcus, & ceteri Euangelistae omnes Apostolos ut missi fuerant, binos nominauerint, nisi Andreas cum Petro

coniungatur, uterque socio carebit. Secundo loco obijciunt, quod Matthaeus Philippum & Bartholomaeum Iacobo & Ioanni praeponat, alij post ponant. Respondeo etiam apud Matthaeum non solum in omnibus Graecis codicibus, sed etiam in omnibus antiquis & emendatis Latinis esse postpositum, ut apud Hieronymum, & Bedam, scribentium autem negligentia, aut fortasse haeticorum malitia factum esse, ut in quibusdam libris Hugonis, & Lyrani praepositi fuerint. Certè probabilius suspicari possumus hoc ab haeticis, qui semper Pontifici Romano iniqui fuerunt, factum esse, quam Theodorus à Catholicis epithetum *primus* Petro additum suspicatur. Et malignè Theodorus fecit, quod cum ignorare non posset & Hieronymum, & omnes alios Latinos codices aliter legere, utiosum exemplar uersioni suae opposuerit, ut suum inde errorem confirmaret. Tertio obijciunt, quod alij Euangelistae Matthaeum Thomae praeponent, ipse uero Matthaeus se illi postponat. Atqui hoc ego argumento maximè confirmo. Euangelistas dignitatis vniuscuiusque rationem habuisse. Cur n. se Matthaeus postposuit, alij anteposuerunt, nisi quia Matthaeus modestiae causa noluit se Thomae praepone-re? si non ex dignitate numerabantur, neque quicquam intererat, quo quisque loco nominaretur, nec modestia in Matthaeo fuit se Thomae postponere, nec in modestia uideri poterat, si se illi praeposuisset. At Paulus, inquit, ad Galat. 2. 9. Iacobum Petro antetulit. Respondeo Diuum Paulum non dignitatis, sed aetatis rationem habuisse, qua Iacobus Petrum antecedeat. Præterquam quod in ea epistola id D. Paulus agebat, ut se ceteris Apostolis aequalè probaret, nec erat opportunum, ut de cuiusquæ prerogatiua loqueretur. Quia ob rem non dixit, Iacobus & Cephas & Ioannes, qui columnae erant, cum id uerè dicere potuisset, uidemus. n. Christum eos tres Apostolos ceteris semper praetulisse, sed dixit, *qui uidebantur columna esse*.



*Qui dicitur Petrus.*) Simon cognomento Petrus, id enim Christus illi cognomen dederat cap. 16. 18. & Ioannis 1. 42. de quo illic differemus. Hoc autem loco ideo additum est, ut a Simone Cananeo distinguatur uer. 4.

Iacobus maior,

*Iacobus Zebedæi.*) intelligitur filius Hebraica phrasi, sicut & Hispanica Ioannes Martini, id est Ioannes filius Martini: Zebedæi autem filius dictus est, ut ab altero illo Iacobo distinguatur, qui Alphæi filius erat uer. 3. Hic dictus est Iacobus maior propter aetatem, occisusque est ab Herode Act. 12. 2.

Iacobus minor,

*3. Iacobus Alphaei.*) Filius, ut in superiore uersu. Hic dictus est minor, quia iunior erat Mar. 15. 40. & frater Domini ad Galat. 1. 19. quod filius esset Mariæ sororis Mariæ matris Domini, ut Hieronymus in eius uita sentit, & iustus propter singularem sanctitatem, auctor epistolæ Catholicæ, Iacob. 1. 1. primus Hierosolymorum Episcopus Hieron. de script. Eccles.

*Thomas.*) ille qui Christum resurrexisse non credebatur, quique dictus est Didymus Ioan. 20. 27.

*Et Thadæus.*) Hic, ut ait Hieron. trinomius fuit. Nam & Thadæus, ut hoc loco, uocatus est, & Iudas Iacobi frater, Iud. 1. & Lebbaeus, id est corculum vel, ut alij uolunt, leunculus. Sūt enim qui tradant morem Iudæorum fuisse, ut quicumque quattuor literas nominis Dei יהוה in suo haberent nomine, alio nomine uocarentur ut יהודה Iudas. Eos autem, quibus Iudas nomen esset, Leones appellatos, quod Iudas ille primus Patriarcha dictus sit leo, Gene. 49. 9. *Carulus leonis Iudas sicut leo accubuit.* Probenz auctores.

Simon eum Cananæus dictus,

*4. Simon Cananæus.*) quia ex Cana Galilææ erat, ut Hieronymus ait, quanquam quibusdam uidetur Cananæum potius uocandum fuisse, non enim Canan, sed Cana Galilææ oppidum appellabatur, Cananæum autem non ab oppido, sed à zelo, id est Zelotem dictum fuisse, sicut apud Lucam capitul. 6. 15. & Act. 1. 13. appellatur קנא. Cana enim Hebraice ze-

lum significat. Itaque Græcè πρόκαυαίτης legendum esse καυαίτης. Contra est, quod, si nomen zeli, & nō oppidi esset, non haberet Græcè gentilium nominum formam. Itaque potius credo propterea quod ex oppido Cana, aut Canan esset, aut Cananæum, aut Cananæum dictum esse, & quia idem rursus zelo feruebat, facta ad significationem nominis oppidi allusionem Zelotem appellatū. Quemadmodum si quis Simon Valentia natus, uir fortis esset, & Valentius gentili forma; & ualens a fortitudine, sed per allusionem ad nomen urbis suæ uocaretur.

*Iudas Iscariotes.*) Iscariotem plerique auctorem secuti Hieronymum à tribu sua Isachar, quasi Ischariotem dictum putant. Quibus illud repugnat, quod non Ischariotem, sed Isachariotem uocari oportebat. Alij quasi יוש קרית virum Carioth, id est, ex urbe Carioth dictum uolunt. Carioth enim urbs erat in tribu Iudæ Ios. 15. 25. Quod mihi non displicet.

Iudas eum Iscariotes dictus,

*5. In uiam gentium ne abieritis.*) Ad gentes, Hebraica phrasi בדרך הגוים, ut Iere. 2. 18. *Quid tibi uis in uis Aegyptii?* id est, quorsum tam frequenter is in Aegyptum? Vulgaris apud omnes quaestio est, cur Christus ad gentes Apostolos non ire iusserit, cum post iusserit cap. 28. 19. & Marc. 16. 15. Vulgaris etiam & uera responsio, quia Iudæi filij regni erant, supra c. 8. 12. & illos facta fuerat regni promissio Gene. 17. 1. & Rom. 15. 8. Et non venerat Christus, nisi ad oues, quæ perierant domus Israel, id est, ad eas imprimis cap. 15. 24. illis enim oportebat primum prædicari uerbum Dei. Act. 13. 46. Alias quoque alij auctores rationes afferunt, ne ullam Iudæi haberent excusationem, si Christum non recepissent, decentes eum ad gentiles & hostes suos Apostolos misisse, ut Hieronymus, Augustinus q. 77. ex ueteri, & nouo testamento. Beda, Strabus, & Theophylactus. Alij, ut ostenderet se iniuriarum, quas a Iudæis acceperat, non meminisse. Chrysostomus homil. 33. & Euth.

Cur Christus noluerit Apostolos gentiles docere, & samaritanos,

Et



**Samaritani** neque iudaei, neque Gentiles,  
*Et in ciuitate.)* G. καὶ εἰς πόλιν, in ciuitatem, id est in nullam ciuitatē Samaritanorum, quemadmodum Clemens Alexād. in 3. Strom. legit. Quamquam melius nostrum interpretem eis πόλιν in ciuitates legisse credo. Distinguit autem Samaritanos, & a Iudaeis, & a gentibus, quia proprii neque Iudaei, neque Gentiles erant. Decem enim tribus, quae in Chaldaam abductae fuerant, non redierant; duae tantum tribus Iudae, & Benjamin dicuntur rediisse, Esdræ 1. quibus solis reditus promissus fuerat, Ierem. 25. 12. Locum autem Samaritanorum, id est decem tribuum, rex Assyriorum misit Chaldaeorum colonias, qui terram illam desertam inhabitarent, quos cum leones deuorarent, iussit mitti ad eos Hebraeorum sacerdotem, qui eos Hebraeorum ritu Deum colere doceret, leonumque rabiem auerteret. Quod cum esset factum, & idola sua more patrio, & Deum Israel leonum metu colebant 4. Reg. 17. 24. 27. Itaque nec Iudaei erant, neque Gentiles, & tamen Israelitae videri uolebant, Ioan. 4. 9. propterea uerat Christus Apostolos ad eos ire.

*6. Ite potius ad oues.)* Oues uocat, quia erat populus Dei peculiaris, & eius uelut grex, quem ipse, & per se, & per reges, & prophetas pascere dicebatur, Psal. 37. 1. *Uti quid Deus repulisti in finem, iratus est furor tuus super oues pascuae tue?* & Psal. 76. 21. *deduxisti, sicut oues populum tuum in manu Moyse, & Aaron,* & Psal. 77. 52. *& abstulit sicut oues populum suum, & deduxit eos, sicut gregem in deserto,* & ver. 70. & 71. *& sustulit eum de gregibus ouium, de post fatantes accepit eum, pascere laeum seruum suum, & Israel haereditatem suam,* & Psal. 78. 13. *nos autem populus tuus, & oues pascuae tuae consitebimur tibi in seculum.* Et Psal. 79. 1. *Qui regis, qui pascis, Israel intende, qui deducis uelut ouem, Ioseph.*

*Quae perierunt.)* Quia omnes declinauerunt, simul inutiles facti sunt Psal. 13. 3. & 52. 4. & Isa. 53. 6. *Omnes nos quasi oues errauimus, unusquisque in uiam suam declinauit,* & Ezech. 34. 5. *& disperse*

*sunt oues meae, eo, quod non erat pastor, & factae sunt in deuorationem omnium bestiarum agri, & disperse sunt.*

*7. Quia appropinquauit.)* Vide quae diximus c. 3. 2.

*8. Infirmos curate.)* Docet, ut data sibi paullo ante potestate miracula faceret, liberaliter, & largiter utantur, sciens homines, ut ait Hieronymus, rusticanos maiorem miraculis fidem, quam uerbis facturos esse, quasi dicat, ne parcatis miraculis, facite quocumque; ad persuadendum aut necessarium, aut utile esse iudicabitur.

*Gratis accepistis, gratis date.)* Non solum mihi uidetur his uerbis iactantiae occasionem auferre uoluisse, ut Chrysost. Euthym. & Theophyl. putauerunt, & simoniacae, & auariciae, ut alii dicunt, uitium praecidere: sed etiam probare, quod proximis uerbis docuerat: debere eos miraculorum dono largiter uti. Solemus enim quaeque gratis accipimus, quaeque gratis damus, largiter & copiose dare.

*9. Nolite possidere aurum.)* Assentiri non possum iis, qui istam Christi prohibitionem uniuersalem esse uolunt, sed ad istam tantum primam Apostolorum missionem pertinere, quasi hoc ueluti praeludio, & ipsorum patientiam uoluerit experiri: & ut diuinam ipsi prouidentiam experirentur, non solum, quia haereticos malos omnino sequuntur auctores: sed quia interpretatio, & instituto Christi, & aliis huius loci circumstantiis, & omnibus antiquis, ac bonis repugnat auctoribus, qui hoc preceptum perpetuum esse putant: nec ad hanc solum missionem, sed ad omnes, & omnino ad totum Apostolorum officium pertinere, Hilar. Chrysostom. Homilia 33. Ambros. li. 9. in Lucam, Hieronymus, August. lib. 2. de consen. Euangelist. ca. 30. Primum, quis non uidet Christum propterea nolle Apostolos habere aurum, ne auri, & carerarum ad uitam necessariorum rerum sollicitudo Apostoli cum officio impediat? non enim bonum erat relinquere uerbum Dei, & ministrare mensis. Act. 6. 2. quanto minus de victu, uestituque querendo solliciti

**Præceptum**  
 Christi datum  
 Apostolis de pecunia non habenda, perpetuum.



cogitare? Atqui hæc ratio non minorem in secunda missione, quam in prima: sed aliquantò potius maiorem locum habuit. Nam hæc prima: velitatio tantum erat quadam, & in solam Iudæam excursio: illa, quasi iustum erat prælium, id quod ad debellandum vniuersum terrarum orbem omnes erant copie conferendæ, vbi magis expeditos milites esse oportebat. Quis etiam non videt voluisse Christum Apostolos in hac prima missione ad illam secundam exercere. Si in ludrica pugna auro vult abstinere, quanto magis in seria? *Eum*, inquit, *missi vos sine sacculo*, & *pera*, nunquid aliquid defuit vobis? Luc. 22. 36. Idem intelligitur ex antecedentibus, & sequentibus huius loci, ver. 8. *gratis accepistis, gratis date*, id est, ne vendatis prætextu victus, vestitusque querendi: nolo enim vos aurum, nec argentum habere. At illud, quod dixerat, *gratis accepistis, gratis date*, non solum ad primam, sed multò etiam magis ad secundam missionem pertinet, in qua plura, maioraque miracula facienda erant: & vbi inter gentes plus occasionis, & necessitatis, quàm inter Iudæos dona ista vendendi habituri erant. Præterea ratio, quæ redditur ver. 10. cur nec aurum nec argentum, nec aliud quicquam habere debeant, quia dignus est operarius cibo suo, non minus ad secundam, quàm ad primam missionem pertinet, ergo & id, quod ex ea probatur, vt nec aurum, nec argentum habeant. Immo, quod amplius est, id, quod dicit ver. 16. *Ecce ego mitto vos, sicut oves in medio luporum*, aut solum, aut potissimum de secunda missione dictum est. Nam in prima non sunt lupos experti, quin gloriantes redierunt, quod sibi in nomine Christi demonia subicerentur, Luc. 10. 17. Res est omnibus bonis perspicua iudicijs: sed nimium boni isti Apostoli vellēt Apostolos, & diuites, & coniuges, & elegantes, ac bene vestitos fuisse: ne monachis, quos ferre non possunt, similes fuisse viderentur. Idem argumentis eorum etiam sententia refutatur, qui interpretantur, nolite possidere, id est

preparare in viaticum, quod ex Mar. c. 6. 8. & Luc. c. 9. 3. confirmant, qui dicunt, & *precepit eis, ne quid tollerent in viam, non aurum, non argentum*. Respondeo per viam totam profectio-nem, totam peregrinationem, totam missionē intelligi; sicut ver. 5. *per viam gentium*, gentes intelliguntur.

*Necque pecuniam* *μὴ δὲ χαλκὸν*, nec es, id est nec ullam aliam pecuniā; omnis. n. pecunia, aut ex auro, aut ex argento, aut ex ære conficiebatur.

*In zonis vestris.* In crumenis, quæ in ipsis zonis olim erant.

10. *Non peram.* Ad ferendum panem, & ceteras escas, citarchium, aut ci-startium vocat Hieronymus. 1. reg. 9. 7. sportulam vocabat Romanus, de qua Tertullianus mentionem facit. Per peram intelligit res, quæ pera portabantur, per continens contentum.

*Nec duas tunicas.* Nō prohibet duabus simul, si necessitas, & frigus postulet, tunicis indui, sed plures habere tunicas, quàm in præsentem necessitatē requirantur, vt solent diuites, & homines istarum rerum solliciti habere vnā in præsentem usum, alteram in futurum, vt Hieronymus notat, sicut Luc. 11. *qui habet duas tunicas, det non habenti*. Nam & Christum duabus simul tunicis indutum fuisse ex Ioan. 19. 23. manifestum est. Eodemque modo intelligendum est, quod dicit Mar. c. 6. 9. *Ne induerentur duabus tunicis*, id est, ne duas tunicas haberent, quibus diuersis temporibus induerentur.

*Necque calceamenta.* Quid ergo voluit Apostolos nudis ire pedibus? Sunt, qui putent non omne genus calceatus, sed calceos tantum prohibuisse, qui totum pedem tegerent, quique propriè *ὑποδήματα* calcei vocantur. Nam Mar. c. 6. 9. dicit, *sed calceatos sandalijs*, quasi sandalia, quæ soleæ erant, solamque tegebant plantam, cōcesserit, calceos prohibuerit, vt videtur Hieronymus hoc loco, & Aug. lib. 2. de consen. Evangelist. c. 30. interpretari. Idq; videtur ex Luc. c. 22. 36. confirmari. *Quando*, inquit, *missi vos sine sacculo, & pera, & calceamentis, nunquid aliquid defuit vobis?* Sed uix ego mihi persua-

Quomodo  
duas tuni-  
cas Christus  
habere pro-  
hibuerit.

Calceamen-  
ta quō Apo-  
stolis probi-  
bita.



persuadeo tam subtiliter Christum inter calceos, & sandalia distinguere uoluisse. Nam quemadmodum Matthæus dicit Christum prohibuisse; ne virgam ferrent; Marcus autem dicit permisisse, de eadem, ut paullo post dicemus, loquens virga: ita cum dicit concessisse sandalia, vocat ea ipsa, quæ Matthæus *ὑποδήματα*, calceamenta, & ex Act. ca. 12. 8. apparet *ὑποδήματα* & *συνδάνια* idē fuisse. Quo ergo modo Matthæus prohibuisse, Marcus concessisse Christum dicit? Facile & bene nōui quidam interpretes respondent, cum dicit hoc loco Matthæus, neque calceamenta, intelligendum esse *ἑκάτερον* duo duo, sicut dixerat, neque duas tunicas, quemadmodum & Iuvenecum olim poetam interpretatum video, nec plantis tegmina bina. Itaque idem Matthæus, & Marcus contrariis in speciem verbis dicunt. Nam Matthæus significat prohibuisse Christum, ne Apostoli duo, aut plura calceorum paria, quasi de futuro solliciti, secum ferrent; & Marcus significat iussisse Christum, ut illa ipsa sandalia, quibus tunc calceati erant, non plura ferrent. Similis de virga quæstio est. Nam Matthæus dicit Christum uenisse, ne virgam ferrent: Marcus dicit concessisse. Vbi omnes interpretationes eō tendunt: ut non eadem de virga significatione uterque loquatur Euangelista: sed Matthæus quidem de propria, Marcus de metaphorica, siue pro potestate faciendi miracula, quam & Moſis uirga significabat, ut nonnulli volunt; siue accipiendi, quæ ad uitam necessaria essent ab ijs, quibus Euangelium prædicarent, ut putat Augustin. libro 2. de consen. Euangel. capitul. 20. Strabus, siue pro ipsa prædicandi potestate, ut Rupertus existimat. Alij utramque virgam metaphoricam faciunt; sed apud Matthæum pro potestate puniendi accipi, ut in Psal. 2. 9. Reges eos in virga ferrea, & apud D. Paulum, nunquid uultis in virga ueniam ad uos? apud Marcum autem pro virga auxilij & consola-

tionis, ut virga tua, & baculus tuus ipsa me consolata sunt. Ego animo comprehendere non possum uoluisse Christum inter aurum, argentum, pecuniam, zonas, calceos, peram propriè sumpta solam ponere virgam metaphoricè, quod si aliqua in alijs metaphora usus fuisset, tamen concedere non possem virgam metaphoricè posuisse. Perire enim mihi non solum vis, elegantiaque sententiæ, sed sententiæ ipsa uidetur, nisi apud utrumque Euangelistam & propriè, & eodem modo virga sumatur. Contrariis enim uerbis eandem uterque sententiā eleganter expressit. Uterque enim non Christi uerba, sed sensum exponens uoluit significare Christum Apostolis præcuisse, ne quid haberent, præter ea, quæ essent in præsentem uitam necessaria. Id Matthæus significauit dicens, ne virgam quidem; uirgam enim pauperimus quisque habet. Marcus significauit dicens, sed uirgam tantum. Nam qui uirgam tantum habet, nihil superfluum habet: sicut dixit Iacob. Genes. 32. 10. in baculo meo transiui Iordanem istum, id est pauper nihil habens, nisi baculum in manu more mendici, quemadmodum Gallice in re prorsus simili contrariis uerbis eadem sententiā significatur iter facere more pauperis, *S'en aller a beau pied sans lance, & s'en aller à pied avec un baston en la main.*

11. Interrogat quis in ea dignus sit. Hieronymus interpretatur, quis dignus sit hoc à uobis accipere beneficium, ut apud eum hospitium habeatis, quasi ea in re Apostoli darent, non acciperent beneficium. Alij, quis dignus sit, id est magis idoneus, ut illi Euangelium annuntietur. Alij, quis bonis sit moribus, & hospitalis. Quæ omnia in eundem fere redeunt sensum.

Et ibi manete donec exeatis. ) quamdiu in ea fueritis ciuitate, id est ne mutetis hospitium, ut Iucas clarius dixit ca. 10. 7. nolite transire de domo in domum. Cur autem id Christus præcepit, uulgaris est quæstio. Tres eius præ-

præ-

Lib. 2. hist.  
Euang.

Virga quā  
Apostolis  
prohibita.

1. Cor. 4. 21.  
Psal. 2. 4.



Cur Christi-  
us prohibet transire  
de domo in  
domum.

præcepti apud interpretes causas inuenio: primam, ne inconstantes, & leues esse uiderentur, apud Chryso. homi. 33. & Bedam. Secundam, ne delicti, qui ijs, quæ apoonerentur in primo hospitio non contenti, meliora quærent, apud eundem Chryso. Euthym. & Theophyl. Tertiam, ne priorem hospitem offenderent, quasi parum dignum, aut hospitalem relinquentes, apud eosdem auctores.

12. *Dicentes pax huic domui.*) Græcæ hæc uerba non leguntur, sed legenda esse constat ex uersu. 13. *Et si quidem fuerit domus digna, ueniet pax uestra super eam; si autem non fuerit digna, pax uestra reuertetur ad uos.* Leguntur etiā apud Lucam c. 10. 5. Leguntur ab Hilario, Chrysostom. Theophylact. Hier. in commentarijs, non in textu, ut ferenda non sit typographorum negligentia, qui, cum ex commentarijs textum corrigere deberent, contrarium commentarijs textum apposuerunt: quod multis alijs fecisse locis animaduerti. Euthymius tamen non legit. Est autem hebræis, ut ait Hieronymus, usitata salutatio שלום pax tecum. Ea aliquando significatur pacificus eius, qui uenit, & salu at, aduentus, ut Genes. 43. 23. *At ille respondit, pax uobiscum, nolite timere, & Iud. 6. 23. pax tecum, ne timeas, non morieris.* Aliquando his uerbis omnia his, quos saluant, bona precantur, ut 1. par. 12. 18. Vtrumque uero simile est uoluisse Christum Apostolos facere, & ut quocunque uenirent, pacem se, non bellum afferre significarent: & ut ijs, ad quos diuerterent, bona omnia precarentur, ut ex uer. 13. colligitur, *pax uestra reuertetur ad uos.*

13. *Et si quidem fuerit domus illa digna* ut pacem uestram recipiat. Lucas c. 10. 6. *Et si ibi fuerit filius pacis*, id est hospes pacis amator, aut pace dignus, ut filius mortis, id est dignus morte.

*Veniet pax uestra super eam.*) Euenient illi omnia bona, quæ illi pacis nomine precati estis.

*Si autem non fuerit digna, pax uestra reuertetur ad uos.*) *ὅτι ἐν σπῆρμῳ* re-

uertatur. Quod quidam sic interpretantur, quasi iubeat eos oblatam pacem, quantum in ipsis erit, reuocare, & aliò pergere, ut Euthymius. Quod ideo mihi non placet, quod benignitate Christi dignum non uideatur, ut Apostolos iubeat datam pacem resumere, quod tantum ualeat, ac si iterum precarentur, ne ea, quæ hospitibus benè precati fuerant, euenirent. Itaque melius alii ita interpretantur, ut ex Hebræorum idiomate imperandi modus pro futuro ponatur, quemadmodum constat ex Luca ca. 10. 6. qui futuro usus est: quare noster interpres negligens uerba, sensum secutus est. Sensus autem duplex esse potest, uel reuertetur ad uos, id est uobis eueniet, quod illi precati eratis, ut Psal. 34. 13. *Et oratio mea in sinum meum conuertetur*, id est, utinam mihi eueniat, quod inimicis meis precatum sum: è contrario futurum pro imperatui, sicut Hispani dicunt, *El mal, que le deseo, me venga*, ut Iuuenius poeta, & apud D. Thom. Remig. exponit, uel, quod magis credo, non significat hac phrasi ea, quæ precati fuerant, ipsis Apostolis euentura: sed illis, qui bus precati fuerant, non uentura. Sic enim loquuntur Hebræi, *Verbum meum non reuertetur ad me vacuum*, Isa. 55. 11. Itaque reuerti est effectum non habere. At quorsum hoc Christus dixisset? ut significaret Apostolos fecisse.

14. *Excute puluerem.*) Quare hoc iuber Christus, cum species impatentie, & indignationis esse uideatur? Multæ eius rei causæ ab interpretibus afferuntur, Chrysostomus, Hieronymus, Theophylactus, & Augustinus q. 2. in Matthæum propterea iussisse dicunt, ut ostenderent se nihil cum eis habere uelle, quando & puluerem ipsorum illis relinquant. Idem rursus auctores & Beda in commentarijs, ut ostenderent se frustra pro illis tam longum iter suscepisse: puluis enim pedum iter significat. Ambrosius lib. in Iucam 9. & Euthymius hoc loco, ut declararent etiam eorum puluerem esse inimicum,

Cur Apostoli iussi puluerem pedum excutere.



piam, ideoque nolle se leui habere. Hilarius indicat id iussos facere Apostolos in signum anathematis. Vera, nisi fallor causa est, quam idem Hilarius, & Origenes homilia in Genes. 18. significarunt, ut ostenderent illi ipsum pulcrem, quem ex itinere collegissent, in die iudicii testem contra eos futurum, qui se recipere nolissent. Solebant enim Iudaei aliquid notabile facere, ut testimonium esset rei factae, siue lapidem erigere, ut Iosue. 24. siue lapidum acerrum, ut Genes. 31. 47. siue altare, ut Iosue. 22. siue uestem abscindere. Matth. 26. 65. quemadmodum Romani in pangendis foederibus suam lapide feriebant: unde ferire & percutere foedus dictum est.

15. *Tolerabilis eris.*) Non quod non maiora fortasse Sodomae & Gomorae habuerint peccata, aut quod de peccato solum inhospitalitatis hiccagatur, ut Remigius apud D. Thomam, & Lyrano existimant: nec quod iam incendio partem aliquam poenae luisent, ut Anastasiusque. 17. in script. sed quia illis non fuerat Euangelium praedicatum, ut Hilarius, Hieronymus, Beda, & Theophyl. interpretantur, & ex c. 11. 23. 24. colligitur. Si in Sodomis factae fuissent virtutes, quae factae sunt tibi, forte mansissent usque in hanc diem, veruntamen dico vobis, quia terra Sodomorum remissus erit, in die iudicii, quae tibi. Duo ex hoc loco dogmata colliguntur. Alterum à Hieronymo, aequales non esse omnium damnatorum penas, alterum ab Anastasio, aliquos non solum in hac vita, sed etiam in altera puniri. Nam Sodomitae iam urbis incendio puniri erant, & tamen Christus adhuc in die iudicii puniendos significat.

16. *Ecce ego mitto vos.*) Premunit ad futura pericula. Qui putant haec à Christo in hac prima missione Apostolis dicta non fuisse, ex Luca capit. 10. 3. refelluntur, ubi eadem Septuaginta discipulis in prima missione dicta referuntur, quemadmodum & Chrysostomus adnotauit, & nos supra uersu. 9. docuimus haec etiam ad

primam missionem non omnia essent necessaria, tamen omnia in illa dicta fuisse, quia Apostoli non ad eam solum, sed ad omnes futuras docebantur. Cum dicit, *Ecce ego*, & uim uerbis, & discipulis animum addit, ut auctor imperfecti homilades. 24. Chrysostom. Euthym. & Theophylact. adnotarunt, quasi dicat, *Ecce ego mitto uos*, qui & liberare ex omnibus periculis possum, sicut Absalon dixit seruis suis, cum praeciperet, ut Amnon fratrem suum interficerent, *percutite eum & interficite, nolite timere; ego enim sum, qui praecipio uobis.* 2. reg. 13. 28. *Ego sum*, id est regis filius, qui uos facili defendam. Videtur Christus ad ueterem prophetarum missionem alludere, ego qui illos misi, mitto etiam uos, qui illos cum opus fuit, liberaui, & uos liberabo.

*Sicut oues.*) Oues mihi uidetur appellare, non solum quia innocentes, & serui Dei erant, ut plerique putant interpretes, sed multo maxime, quia inermes, quia ab omnibus humanis praediis imparati. Alludit enim, ut capinor, ad id, quod uersu. 9. praecipit, ne uirgam, aut peram secum ferret, ut Psal. 43. 22. *estimati sumus, sicut oues occisionis*, id est adeo infirmi, & iniuriis expositi sumus, ut, quicumque uelit, possit nos occidere.

*In medio.*) In mediū ἐν μέσσοις ut Luca. 10. 3. sicut Hebraice בְּקֶרֶב, בְּמִלְחָמָה in medio, id est inter lupos, quia phrasi significat lupos esse multos, oues paucas. Unus lupus inter multas oues magnam edit stragem, quid fiet cum lupi multo plures, quam oues erunt? Chrysost. homi. 34. Lupos autem uocat omnes homines, qui Euangelio repugnaturi erant, sicut cum uersu sequenti dicit, *caute ab hominibus.* non solum Scribas & Phariseos, quae admodum nimis restricta sententia Hieronymus exponit.

*Estote ergo prudentes.*) Ut caueatis eorum insidias, & fugiatis, ut explicat uers. 23.

*Et simplices sicut colubae.*) καὶ ἀκρίβειοι innocentes, sinceri, ne illis ullā uobis nocendi occasionem praebearis, uel

ne

Poenae inferni inaequales,



ne iniurias vliscamini, ut Chrys. homil. 34. & auctor imperfect. 24. interpretantur. Sic D. Paulus monet 1. Corin. 14. 20. nolite pueri effici sensibus, sed malitia paruuli estote, & ad Ephes. 5. 15. 16. Videte fratres quomodo caute ambuletis, non quasi insipientes, sed quasi sapientes, redimētes tempus, quoniam dies mali sunt, & ad Colos. 4. in sapientia ambulare ad eos, qui foris sunt, tempus redimētes. Cur serpentum prudentiā, & columbarum simplicitatem requirat, cum per se perpicuum sit, obscurius fiet, si multa philosophemur. Elegantes allegorias si quis amat, Hilarius, Chrysost. & Hieronymum hoc loco legat.

17. *Cauete autem.*) Sē videtur poni pro *et*, ergo, cauete ergo, ut c. 2. 1. non sicut vertit interpret.

*Ab hominibus.*) Explicat, quos paulo ante lupos appellauerit; homo. n. homini lupus. Hostes autē uocat non omnes, sed mundanos, ut infra. ca. 16. 13. quē dicunt homines esse filiū hominis.

*Tradent enim uos in concilijs.*) Quidem per concilia gentium tribunalia, per Synagogas Iudaeorum cētus intelligunt. Alij utrumque ad gentes pertinere putant, & Synagogas panegyres, id est populares earum conciones intelligi. Ego probabilius existimo, si ad Iudaeos utrumque referatur, qui & Synagogam, id est publicam totius populi concionem habebant, ubi qui flagris digni erant, flagellabantur, & συνέδριον id est concilium, ubi grauiores causae decernebantur, supra capitulo. 5. 23. Nam de Gentilium tribunalibus uer. sequenti agit, & ad praesides, & ad reges ducemini propter me. Atque ita Euthymius interpretatur, Exempla sunt Act. 4. 7. & 5. 27. & 6. 12. & 2. Cor. 11. 24.

18. *In testimonium.*) Nonnulli intelligunt, ut illis de me testimonium constanter fortiterque pariendo praebatis; intelligent enim non esse rem vanam, pro qua uos mori paratos uiderint. Vnde qui pro Christo, eiusque religione moriuntur, martyres, id est Christi testes appellantur Act. 22. 20. & Apocal. 17. 6. Alij, ut uobis ea res

aduersus illos testimonium sit in die iudicii, quod uos excuset, illos accuset. Quo sensu uidetur Lucas scribere ca. 21. 13. *Continget autem uobis in testimonium.* Atque ita Hilarius, auctor imperfecti, Beda, & Euthymius uidentur exponere.

*Illis, & gentibus.*) Iudaeis, & Gentilibus. De Iudeis enim locutus erat, cum dixit, *Tradent enim uos in concilijs, & in Synagogis suis flagellabunt uos, & de gentibus, cum dixit, ad praesides, & ad reges ducemini*, sub. a Iudaeis, Vtrisque ergo uestra patientia testimonium erit, & illis, id est Iudaeis, & Gentibus, ad quas illi uos ducunt. Hic est uerus sensus, quem solus Theophylactus, & Euthymius uidentur attigisse.

19. *Nolite cogitare.*) Non docet esse negligentes, atque uecordes: sed nimis timidos, & sollicitos esse prohibet. Quod Graecum uerbum declarat μεριμνήσητε, ut supra capitulo. 6. 25. 28. 31. 34. Eodemque modo intelligendum, quod Marcus dicit. c. 13. 11. *Et cum duxerint uos tradentes, nolite praecogitare, quid loquimini, sed quod datum uobis fuerit in illa hora, id loquimini, & quod Luc. c. 21. 14. ponite ergo in cordibus uestris non praemeditari, quemadmodum respondeatis.* Non enim omnem praecedentem meditationem uetat: sed eam, quae diffidentiam diuinae prouidentiae, & opis habeat, quaeque nimio metu ac solitudine liberam Euangelij praedicationem impediatur.

*Dabitur enim uobis.*) Luc. 12. 15. *Ego dabo uobis os, & sapientiam, cui non poterunt resistere, & contradicere omnes aduersarij uestri.* Euthymius.

20. *Non enim uos estis.*) Non tantum uos, quoniam spiritus patris uestri, quia non uestro, sed illius sensu, consilioque respondebitis, ut supra c. 9. 13. *mihi misericordiam uolo, non sacrificium*, id est non tam sacrificium, quam misericordiam. Vide, quae ad illum ascriptimus locum. Vis haec est sententia, non est uestra causa, sed mea, & patris uestri, qui in caelis est, quare paracletus, id est meus, patrisque aduocatus etiam uobis tacentibus respondebit, ut uidentur auctor imperfecti, &

Hieronymus.



Hieronymus interpretari.

23. Cum autem persequentur vos. Di-  
xerat vers. 16. *Estote prudentes*, docet  
nunc partem vnam prudentiæ, qua  
adversariorum fugiant insidias, &  
ab hominibus caueant, vt ver. 17. mo-  
nuerat. Non vult Christus milites  
suos pugnare, sed fugere. Duo hic ab  
interpretibus disputantur: alterum,  
an hæc in hac prima Apostolorum  
missione dicta sint: alterum, quomo-  
do fugere iubeat, cum apud Ioannem  
c. 10. 11. 12. 13. doceat bonum pastore  
animam suam ponere pro ouibus  
suis; mercenarium autem, cum videt  
lupum venientem, fugere. Hæc ad so-  
lam primam missionem pertinere  
multi, & graues volunt auctores, Ter-  
tullianus libr. de fuga in persecutio-  
ne, Hieronym. Chrysostom. hom. 35. Eu-  
thym. & Theophyl. Alij generaliter  
ad omnem missionem, totumq; Apo-  
stolorum officium extendunt, vt illa,  
qua ver. 9. dicta sunt, vt sentire vide-  
tur Origen. homi. 9. in lib. Iudic. &  
Athanasius in epistola ad orthodo-  
xos, & in epistola ad Marcum Ponti-  
ficem Romanum; & Gregor. Nazian.  
orat. 1. aduersus Iulianum. Quod mul-  
to mihi videtur esse probabilius. Nam  
in prima quidem missione nihil eius-  
modi Apostoli sunt experti, quam-  
obrem ab vna ciuitate in aliam fuge-  
re deberent, omnia illis ex voto suc-  
cesserunt, itaque lati gloriantesque  
redierunt, quod ipsa sibi demonia  
subijcerentur, Luc. 10. 17. Quod Chri-  
stus, ante quam fieret, ignorare non  
poterat. Sententia igitur est genera-  
lis, sed occasione, non necessitate pri-  
mæ missionis à Christo pronuntia-  
ta. Caterum priores illi auctores,  
quos nominauimus, non ad exitum  
rei, ex quo potissimum Christi prædi-  
catio erat intelligenda, sed ad illa so-  
la verba, quæ sequuntur, animum at-  
tenderunt, *non consummabitis ciuitates  
Israel, donec veniat filius hominis*. Alle-  
ra quaestio quomodo fugere Aposto-  
los Christus doceat, neque subtilius,  
neque copiosius, neque elegantius,  
quam ab Augustino epistola ad Ho-  
noratum 180. tractata est, disputari

Quomodo  
Christus  
Apostolos  
fugere perse-  
cutionem  
docuerit.

potest. Illud tamen non diffiniuit,  
an, quod Christus hoc loco tradit,  
præceptum sit, an consilium. Athana-  
sius quidem, & Gregorius Nazianze.  
præceptum vocant: sed vulgariter for-  
tasse loquuntur. Ego utrumque pro  
diuersis loci, temporis, personarum,  
& rerum circumstantijs esse arbitror:  
sed propriè à Christo propter primam  
potissimum missionem, & magnam  
partem secundæ, tanquam præceptum  
traditum; uoluit enim Apostolis præ-  
cipere, ut sese propagando latius E-  
uangelio reseruarent, nec se in pri-  
mo statim prælio obijcerent morti:  
nondum tempus illis esse moriendi,  
diu prius pugnandum esse, longè la-  
teque fines regni Dei proferendos.  
Miles, qui fugit, (ut Græco dicitur  
proverbio) iterum pugnabit. Hoc sen-  
su præceptum est. Hoc sensu Christus  
ipse saepe fugit, primum in Ægyptum  
infans supra c. 2. 14. deinde cum eum  
Nazarethani ipsius ciues præcipita-  
re uoluerunt Luc. 3. 30. *nondum enim  
uenerat hora eius*. Ioann. 7. 30. Simili  
in causa non ijs solum, qui tunc erant  
Apostolis, sed ijs etiam, qui postea fu-  
ri erant, nobisque omnino omni-  
bus præceptum est. Nam cum Euan-  
gelium ipsum, propter quod fugien-  
dum non est, postulat, ut fugiamus, fu-  
giendum est. Tunc fugere non metus,  
sed pietas: non fugere, non fortitudo,  
sed pertinacia est. Hæc de causa  
Act. 9. 25. & 2. Cori. 11. 33. D. Paulum  
fugisse legimus. Maior gloria Dei, &  
Ecclesiæ utilitas regula nobis esse de-  
bet: cum aut utraque, aut alterutra,  
ut fugiamus, a nobis exigit, non fu-  
gere peccatum est. Alijs casibus non  
debemus: an autem possimus; alia est  
quaestio, quam solum Augustinus ex-  
plicauit. Hæc eius sententiæ summa  
est. Primum fugere sacerdoti licere,  
quando ipse priuatim ab adversarijs  
quaeritur, & sunt alij, qui possint pro  
illo sacramenta populo ministrare.  
Secundo, quando omnes eius obes  
fuga dissipata sunt. Terriò, quando-  
cunque plus fugiendo, quam manen-  
do iuuare potest. Addit Chrysostom.  
fugere licere, & nescio, an oportere,  
cum

De fuga in  
persecutione,



Tertulliani  
error de fu-  
ga in perse-  
cutione.

cumeius, si manserit, fides periclitabitur, *Christum*, inquit, *fugiendo non negat, qui ideo fugit, ne neget*. Alias non licet, alias manendum est; & pro omnibus anima ponenda, quod mercenarius non facit, qui quodcumque uidet lupum uenientem, & relinquit oues, & fugit Ioan. 10. 12. 13. Tertulliani uero sententia, qui nunquam fugere licet ulli Christiano existimauit, merito damnata est. illiusque de fuga in persecutione librum aduersus Ecclesiam scriptam esse Hieronymus in eius uita dicere non dubitat.

*Non consummabitis*) Non potest hic locus intelligi, nisi prius, quorsum hac à Christo dicta sunt, intelligatur. Ideo autem dicta esse uidentur, ut significaret Christus non defuturas in Israel ciuitates, quæ nondum Euangelium audiissent, in quas possint Apostoli in aliis ciuitatibus non recepti confugere, & in illis maiore cum fructu prædicare. Quid autem sit, quod dicit, *non consummabitis*, non omnes intelligunt eodem modo. Hilarius consummare interpretatur ad fidei & Euangelicæ uirtutis perfectionem adducere. Chrysostom. homil. 35. Euthymius, & Theophylactus ciuitates prædicando perambulare. Ego Hilarij sententiam propter id, quod statim sequitur, magis probo; uoluit enim Christus, ut paullo post explicabimus, non solum ciuitatum multitudinem: sed etiam obiter Iudeorum incredulitatem notare, adeo scilicet eos futuros incredulos, ut satis in illis conuertendis Apostoli futuri sint occupati, donec filius hominis ueniat.

*Donec ueniat filius hominis.*) Plerique aduentum hoc loco filij hominis uocari putant eius auxilium, consolationemque. Dicitur enim ad nos Deus uenire, cum nobis opitulatur. Huius interpretationis Chrysostom. Theophylac. & Euthy. auctores sunt, quam ex Luca cap. 10. 1. confirmant. *Et misit illos binos ante faciem suam in omnem ciuitatem, & locum, quò erat ipse uenturus*; quasi dicat, ego uobis ade-

ro, & opem feram, antequam Euangelium in omnibus Iudææ ciuitatibus prædicetis. Alij, resurrectionem non consummabit, antequam filius hominis resurgat, ut Beda. Tunc enim dicitur uenisse Christus, quia uicto hoste regnare cœpit, *non bibam à modo de hoc genimine uitis, usque in diem illum, cum illud bibam uobiscum nouum in regno patris mei*, infra cap. 26. 29. &, *uado, & uenio ad uos*, Ioann. 14. 28. Alij aduentum ad iudicium, sed ciuitates Israel uocari putant omnes etiam Gentilium ciuitates, quæ antediem iudicij conuertendæ ad fidem sunt; sic Rupertus & Lyranus, nescio etiam an Augustinus; sed nullo prorsus modo illis assentior, quia dubium non est Christum de illis loqui ciuitatibus, ad quas Apostolos tunc mittebat: non autem mittebat, nisi ad ciuitates Iudææ uer. 5. & 6. *in uiam gentium abieritis*. Alij Iudeorum, ut supra attigimus, incredulitatem notari putant, significarique prius Gentiles, quam Iudæos ad fidem uenturos, ut in epistola ad Roman. c. 11. differit. D. Paulus. Ita Hilarius, cuius sententia hæc mihi magis placet, quod nihil in ea coactum esse uideo, & quod aduentus filij hominis nusquam, quod sciam, alius, quam supremus ille, quò ad iudicium uenturus est, appellari soleat. Quamquam Bedæ interpretatio non displicet. Quod subiicit, *Non est discipulus super magistrum, nec seruus super dominum suum*, tribus modis ueteres interpretes intelligunt, Primum, ut de omnibus discipulis, & de omnibus seruis accipiat: sed non dicitur, quòd semper, sed quòd plerumque fiat; plerumque enim magistrum discipulo, dominum seruo maiorem esse, atque meliorem, quamuis contra accidat aliquando. Sic Chrysostom. auctor imperfect. Euthym. Secundò, ut de omnibus quidem accipiat, sed non intelligitur uerum esse, nisi quamdiu discipulus discipulus, & seruus seruus est, tunc enim, nec discipulus magistro, nec seruus domino maior esse potest: cum maior est, iam nec ille discipulus, nec hic seruus est.



est, ita idem auctores Chrysostom. & auctor imperfecti. Theophyl. Theodorus Mopsuest. & Leontius. Tertio, ut de solis Christi discipulis dictum sit, qui nunquam magistrum æquare poterant, homines Deum, & qui etiam tunc, cum magistri facti sunt, & doctores Euangelij, discipuli Christi & uocabantur, & re ipsa erant, quia quid quid docebant, ab illo accipiebant, quemadmodum ille idem Leontius interpretatur. Mihi non tam docere uideatur Christus, quales discipuli, & serui esse soleant, quam quo modo se erga magistrum, atque dominum suum gerere debeant, nempe sic, ut non existiment se melioris, quam illum conditionis esse debere. Hoc enim ad rem maximè pertinebat, atque hoc eodem modo Hilarius uideri intellexisse.

25. *Si patrem familias.*) Me qui Ecclesiam guberno, qui eius dominus sum.

Origo nominis Beelzebub,

Beelzebub) Legendum esse Beelzebub, nemo, ut opinor, ignorat, idque Hebraica docet etymologia. Nobile erat Accaronitarum idolum 4. reg. 1. 2. 3. 6. 16. Beelzebub, id est dominus muscæ appellatus, siue ut plerique arbitrantur, quia propter victimarum sanguinem, quo erat aspersum, muscis plenum erat, siue, ut alij uolunt, & ego magis credo, quia aduersus muscarum pestem potissimum inuocabatur. Constat enim apud Græcos simile quoddam fuisse, quod eadem ratione, & simili, sed Græca etymologia *μυῖαρος*, quasi muscarum uenator, aut interemptor appellabatur. Auctor Plinius lib. 10. c. 28. *Inuocant*, inquit, *Ægyptij ibes suas contra serpentum aduentum, & Elæi myagrum Deum muscarum multitudine pestilentiam afferente*. Hin. factum, ut horrois, & abominationis causa diabolus a Iudæis Beelzebub appellaretur, sicut infernum Gehennam a loco, ubi infantes idolis immolabantur, simili ratione vocatum diximus capitu. 5. 22.

26. *Nihil est opertum quod non reuelabitur.*) *ὅ οὐκ ἀποκαλυφθήσεσθαι, qđ*

non sit reuelandum. Quando, Hilarius, Hieron. & Beda in die iudicij, qđ do illuminabuntur abscondita tenebrarum 1. Cor. 4. 5. Alij progressu temporis etiam in hac uita, ut Chrysost. homil. 35. auctor imperfecti. 25. Theophylact. & Euthym. quem ego arbitror uerum esse sensum. Voluit enim Christus etiam in hac uita, quia multa illis prædixerat terribilia consolationem adiungere, *Negitaueritis eos, nihil est enim occultum, quod non reuelabitur*, id est quamuis omnes uos initio persequantur, omnes Beelzebub, & seductores appellent, uestra tandem uirtus cognoscetur, & qui vos paullo ante iniurijs afficiebant, honorabunt.

27. *Quid dico uobis in tenebris.*)

Privatim.

*Dicite in lumine.*) In publico, sic etiam Latini loquuntur uersari in oculis, & luce hominum, id est in publico.

*Et quod in aurem audiitis. Secretò.*

*Predicate super tecta.*) Clara uoce, ut omnes audiant. Diximus ca. 4. 5. in Palestina tecta domorum fuisse plana, in illisque solitos Iudæos confabulari, sicut nunc in foro. Quæ autem illic dicebantur, minimè secreta erant, quia cum locus editus esset, ac patulus, facile a uicinis audiebantur. Horratur ergo discipulos, ut liberè, confidenter, fortiter, & clara uoce Euangelium prædicent, ut Ita. 40. 9. *Super montem excelsum ascende tu, qui euangelizas Sion, exalta in fortitudine vocem tuam, qui euangelizas Ierusalem, exalta, noli timere, dic ciuitatibus Iudæ, ecce Deus noster.*

32. *Omnis ergo, qui confitebitur me.*) *G. ἐν ἐμοί in me, ἐν pro* *Hebraico articulo accusatiui ex Septuag. interpretum imitatione, ut in Idiomaticis adnotamus 3. reg. 8. 16. & 4. reg. 17. 25. & 1. par. 21. 17. & 27. 24. & 29. 1. & 2. par. 6. 5. & 7. 12. & 9. 8. & 29. 11. Nisi forte alius est Hebraismus, & uerbum ὁμολογῆν possumus est pro Hebraico Hiphael הִתְחַלֵּף quod proprie significat non solum confiteri, sed etiam palam, & gloriando quodammodo confi-*



confiteri, ut si Latine dicas, quisquis in me gloriabitur coram hominibus. gloriabor & ego in eo coram patre meo, se uero hominibus aequat, homines Deo opponit. Propterea autem dicit *coram patre meo*, quia patris est premia sua cuique, & honoris locum dare. *Non est*, inquit, *memorandum nobis, sed quibus paratum est a patre meo* capiti. 2. c. 23. se, etsi iudex futurus est, quasi testem facit, quia non nisi ex patris uoluntate, & prædestinatione sententiam laturus est.

34. *Nglice arbitrari.*) Hæc cum superioribus hoc modo coherent, prædixerat multa aduersa prædicantibus Euangelium uentura; docet nunc ideo se quodammodo uenisse, ut ea euenirent, id est non sine sua providentia euenirent; quare non debere eos, cum ea uiderint, deserreri, ut Ioann. 16. 4. *Hæc locutus sum uobis, ut cui ueneritis hora, eorum reminiscamini, quia ego dixi uobis.* Duo ut hic locus intelligatur, notanda sunt. Primum Christum de pace & bello non ex sua, sed ex hominum opinione loqui, qui concordiam in rebus malis pacem ducunt, posse libere emere, libere uendere, posse comessari, posse omnibus uitis seruire pax mundi est. Qualis illa erat, qua superbi olim homines conspirauerunt, ut Babyloniam turrem adificarent. Genes. 11. 4. qualis illa, qua Herodes & Pilatus ad persequendum Christum, cum ante inimici essent, amici facti sunt Luc. 23. 12. qualis illa impiorum, quæ Psal. 2. 1. describitur. *Quare fremuerunt gentes, conspirauerunt, & populi meditati sunt inania?* Non hanc pacem Christus uenit mittere in terram, sed pacem illam Dei. *quæ exuperat omnem sensum,* Philip. 4. 7. Hanc prophetæ Christum allaturum prædixerant Isai. 9. 6. 7. & 11. 6. & 65. 25. Hanc angeli nato Christo hominibus annuntiant, *Gloria in altissimis Deo, & in terra pax hominibus,* Lucæ. 2. 14. Hanc se Christus, non illam dare dicit Ioann. 14. 27. *Pacem relinquo uobis, pacem meam do uobis, non quod mundus dat, ego do uobis.* Hanc Apostolos quocunque irent, precari docuit, *pax hu-*

domini supra uer. 12. Ita Hieronymus,  
Chrysostomus homil. 56. auctor im-  
perfect. 26. Gregorius 3. par. pastor. c.  
23. Beda & Theophylactus hoc loco.  
Alicum est, Christum non significa-  
re ideo se uenisse, ut bellum hoc in-  
ter parentes, & liberos, ceterasque ne-  
cessitudines exfuscitare, sed ita hæc  
ex eius aduentu consecuturâ, tanquã  
ea de causâ uenisset. ut Ioann. 3. 9.  
in iudicium ego in hunc mundum ueni.  
ut, qui non uident, uideant; & qui ui-  
dent, cæci fiant; & sicut a Simone in  
multorum ruinam positus dicitur Lu-  
cæ 2. 34.

*Sed gladium*) Plerique uerbum Dei interpretantur. Gladius enim est uerbum Dei Ephes. 6. 17. & *uiuus est sermo Dei, & efficax & penetrabilis omni gladio accipitur, ac pertransiens usque ad diuisionem animæ, & spiritus*, Hebræi. 4. 12. Sic Hilarius, Auctor imperfect. hom. 26. August. q. 3. in Matth. & Theophylact. Alij amorem Dei gladium uocari putant, cuius causâ filij a parentibus separantur, ut Euthym. Illud certò constat Euangelium significari. Gladium autem potius, quam bellum dixit, ut Chrysostomus adnotauit, ut vim adderet orationi. solet enim gladio caput a corpore separari. Lucas pro gladio, *separationem*, dixit capitu. 12. 31. & *ignem*. c. 12. 49.

35. *Hominem aduersus patrem.*) Nominat personas coniunctissimas, ut declaret nullum tam arctum esse vinculum, quod non disumpat Evangelium.

36. *Et inimici.*) Repetendum uerbū  
ex uer. 34. *veni & efficere*, ut inimici  
hominis sint domestici eius, id est  
implere prophetiam Micheæ, quam-  
uis in aliam sententiam ab illo pro-  
nuntiata. c. 7. 6.

*Hominis.*) Id est uniuscuiusque, Hebraismus.

38. *Et qui non accipit*, Qui non tol-  
lit in humeros suos, & portat crucem  
suam, posuit enim λαμβάνει accipit,  
προάγει tollit, sicut Hebraei dicunt  
קבל, accipere, pro נושא, tollere, porta-  
re, vide supra c. 8. 17. alludit enim, ni-  
si fallor, Christus ad crucem, quam  
ipse



Quid sit cruce-  
m suam  
portare,

ipse erat humeris suis, ut crucifigere-  
tur portaturus, Joann. 19. 17. Hoc  
est, suam, id est, ut ego meam. Idem  
dicit capit. 16. 24. & Marc. 8. 34. in eo-  
dem versatus argumento, & Luca 9.  
23. diuerso. Vnde perspicuum est;  
quàm saepe hoc nobis Christus com-  
mendauerit. Tollere autem crucem  
suam nihil aliud est, quàm paratum  
esse pro Christo non quoquo modo  
mori, sed etiam crucifigi, sicut Pe-  
trus dixit, *Domine tecum paratus sum*  
*& in carcerem, & in mortem ire* Luca  
22. 33. Chrysostomus homili. 36. Au-  
ctor imperfecti. 26. Theophylactus.  
Interpretatio autem Hilarij, & Eu-  
thymij, qui crucem illam vocari pu-  
tant, quæ mundo mortui esse debe-  
mus, sicut D. Paulus dixit, *mihimun-*  
*dus crucifixus est, & ego mundo ad Ga-*  
*lat. 6. 14.* & *qui carnem suam crucifi-*  
*xerunt cum uitijs, & concupiscentijs ca-*  
*piti. 5. 24.* magis moralis est, quam lit-  
teralis.

39. *Qui inuenit animam suam.* 1. O-  
quitur non ex ueritate, sed ex uulga-  
ri hominum opinione, qui se ani-  
mam suam muenisse putant, cum ex-  
cerio eam, & presenti mortis pericu-  
lo eripuerint, quasi iam perditam re-  
cuperauerint. Nomine autem ani-  
ma utitur ambiguum, quod in similibus  
ambiguis uocabulis non solum sine  
uitio, sed etiam cum elegantia & em-  
phasi fieri solet, ut supra notauimus  
capitulo 8. 22. *Dimitte mortuos sepeli-*  
*re mortuos suos.* In priore loco accipit  
animam pro uita ex Hebraeorum idio-  
mate: in posteriori pro anima, quæ  
aut in uitam æternam recipienda,  
aut in ignem æternum mittenda  
est.

40. *Qui recipit uos.* Nihil hoc lo-  
co difficile est, nisi intelligere, quor-  
um hoc Christus dicat. Hieronym.  
& Euthym. consolationem esse di-  
cunt, quæ ad uers. 9. referatur. Nam  
quia ibi dixerat,  *nolite possidere au-*  
*rum &c.* ne cognarent, quomodo ui-  
uere inter ignotos possent, aperit il-  
lis omnium domos, inquit Euthy-  
mius, dicens eos non minus libenter  
ab omnibus recipiendos, quam si ipse

met iret, quia *qui recipit uos, me recipit.*  
Rectè, si hæc non Apostolis sed illis,  
qui eos recepturi erant, dicta fuissent.  
Nunc autem Apostolis dicuntur. Cre-  
do ergo non alia de causa hæc Chri-  
stum dixisse, quàm ut Apostolis signi-  
ficarer, quantam eorum curam habi-  
turus esset, cum ipsius personam susti-  
nerent.

41. *In nomine prophetae.* Quia pro-  
pheta est, id est missus à me, non quia  
cognatus, non quia Iudæus, aut alio  
quouis nomine, Auctor imperfecti.  
Hieronymus. Chrysostomus. Beda, Theophy-  
lactus. Prophetam autem uocat Euan-  
gelij doctorem: de iis enim loque-  
batur.

*Mercedem prophetae.* Quidam mer-  
cedem, quam illi propheta dabit,  
quia docebit cum Euangelium, &  
*mercedem iusti,* id est quam iustus il-  
li impetrabit orando pro illo, aut  
quia eius causa Deus illi dabit, ut  
Luca 16. 9. *facite uobis amicos de mam-*  
*mona iniquitatis, ut cum defeceritis re-*  
*cipiant uos in æterna tabernacula.* Alij  
mercedem, quam ego illi dabo, qui  
propheta sum & iustus; prorsus uiol-  
entè. Alij mercedem propheta & iu-  
sti, id est, quæ recipientibus prophe-  
tias, & iustos à Deo constituta est. Pro-  
babilis quidem interpretatio, sed  
ego non dubito, quin sensus sit,  
*mercedem prophetae accipiet,* id est quæ  
ipse propheta accepturus est, quia  
dum prophetam, quia propheta est,  
recipit, perinde apud Deum est, ar-  
que si prophete officio fungeretur; si-  
cut Dauid dixit 1. reg. 30. 24. *equa*  
*pars erit descendenti in prælium, & re-*  
*manenti ad sarcinas,* & sicut e contra  
Rio Augustinus multis locis solet di-  
cere D. Paulum, dum lapidantium  
Stephanum uestimenta seruabat, om-  
nium manibus lapidasse, & ut saepe  
principes & rebelles, & eos, qui eos  
domo recipiunt, occultantive, ea-  
dem poena punire solent. Ita exi-  
stimo omnes ueteres interpretes in-  
tellexisse, sed quia facilem interpreta-  
tionem esse putarunt, non explicau-  
it: nos aliquando in scrupulo  
dum querimus. Certè non aliter in-  
tel-



tellexisse videtur Clemens, cum libro 4. Strom. ex hac sententia confirmat non aequalem omnium beatorum esse mercedem.

42. *Ex minimis istis calicem aquae frigidae.* Proponit personas abiectissimas, & rem vilissimam calicem aquae, & aquae non calide, quae sine impensa ignis calefieri non potest, sed frigida, qualis natura sua manat ex fonte.

*Mercedem suam.* Vbiunque noui haeretici hoc nomen inueniunt, miris modis efficere conantur, ut ne mercedem significare uideatur, nequis ex mercede merita colligat. Dicunt uitam eternam mercedem appellari, non quod propter opera, sed quod post opera detur, sicut merces post meritum, ac laborem dari solet. Quod valde acute probare sibi videntur, cum dicunt non posse eandem & mercedem, & hereditatem esse: hereditatem enim non labori, sed generi dari, atqui uitam aeternam passim hereditatem appellari. Quid si docuerimus non solum post opera, sed etiam propter opera nobis dari, concidat utique eorum error diruto fundamento necesse erit. Atqui id uel ex hoc ipso loco, ut longius non abeamus, manifestum est. Non enim obscure significat Christus, ut recte Clemens Alexandrinus adnotauit, non eandem eum, qui prophetam, & eum qui quemlibet hominem iustum exceperit, mercedem recepturum; sicut nec ipsi propheta &

iustus eandem recepturi sunt. Maiori ergo maior: minor minori merito respondet. Quid autem est propter merita dari, si hoc non est? Nam si sola posterioris, & prioris consequentia, ut haeretici uolunt, mercedis nomine significaretur, nec maiori labori maiori, nec minori minor, sed tantum priori prior, posteriori posterior redderetur. Quod cum D. Pauli sententia omnino pugnat. 1. Corinth. 3. 8. *Nusquisque secundum suum laborem propriam mercedem accipiet.* Quid est secundum suum laborem, nisi qui magis laborauit, maiorem: qui minus minorem recipiet? Quod alio loco dicit, *quae seminauerit homo, haec & metet: qui parce seminat, parce & metet.* 2. Corinth. 9. 6. & ad Galat. 6. 7. Quod autem obiciunt, mercedem esse non posse, quae eadem hereditas appelleretur, perquam imperite faciunt, non aliter de diuina, quam de humana hereditate iudicantes, quae non solum sine meritis, sed saepe etiam temere, sine iudicio, sine uoluntate parentum filiis obtingit. Non sic Deus suam temere hereditatem proicit; certo iudicio nobis dat, & quia filiis, & quia meritis. Quia filiis quidem, dat, quia meritis, magis meritis maiorem, minus meritis minorem dat. Quia filiis datur, hereditas; quia meritis filiis, merces appellatur.

## C A P V T XI.



Luc. 7. c. 18.

Isai. 35. a 5.  
& 61. a 1.

**I**T factum est, cum consummasset Iesus, praeicipiens duodecim discipulis suis, transiit inde, ut doceret, & praedicaret in ciuitatibus eorum. 2. Ioannes autem cum audisset in uinculis opera Christi, mittens duos de discipulis suis. 3. Ait illi: Tu es, qui uerturus es, an alium expectamus? 4. Et respondens Iesus ait illis; Euntes renunciate Ioanni, quae audistis & uidistis. 5. Caeci uident, claudi ambulant, leprosi mundantur, surdi audiunt, mortui resurgunt, pauperes euangelizantur; 6 & beatus est, qui non fuerit scandalizatus in me. 7. Illis autem abeuntibus, coepit Iesus dice-



dicere ad turbas de Ioanne: Quid existis in desertum videre? <sup>Luc. 8. c. 24.</sup>  
 arundinem uento agitatam? 8. Sed quid existis videre? homi-  
 nem mollibus uestitum? Ecce qui mollibus uestiuntur, in domi-  
 bus regum sunt. 9. Sed quid existis uidere? prophetam? Etiam  
 dico vobis, & plus quam prophetam. 16. Hic est enim, de quo  
 scriptum est: Ecce ego mitto angelum meum ante faciem  
 tuam, qui præparabit viam tuam ante te. 11. Amen dico vo-  
 bis, non surrexit inter natos mulierum maior Ioanne Baptista:  
 qui autem minor est in regno cælorum, maior est illo. 12. A die  
 bus autem Ioannis Baptiste vsque nunc, regnum cælorum uim  
 patitur, & uiolenti rapiunt illud. 13. Omnes enim prophete &  
 lex usque ad Ioannem prophetauerunt. 14. & si vultis recipe-  
 re ipse est Elias, qui venturus est. 15. Qui habet aures audien-  
 di, audiat. 16. Cui autem similem æstimabo generationem  
 istam? Similis est pueris sedentibus in foro: qui clamantes coæ-  
 qualibus 17. dicunt: Cecinimus uobis, & non saltastis: lamētaui-  
 mus, & non planxistis. 18. Venit enim Ioannes neq; māducans,  
 neque bibens, & dicunt: Demonium habet. 19. Venit filius ho-  
 minis manducans, & bibens, & dicunt: Ecce homo vorax, & po-  
 tator vini publicanorum, & peccatorū amicus. Et iustificata est  
 sapientia a filiis suis. 20. Tunc cepit exprobrare ciuitatibus, in  
 quibus factæ sunt plurimæ uirtutes eius, quia non egissent pœni-  
 tentiam. 21. Væ tibi Corozain, uæ tibi Bethsaida; quia, si in Ty-  
 ro, & Sidone factæ essent uirtutes, quæ factæ sunt in uobis, olim  
 in cilicio, & cinere pœnitentiam egissent. 22. Veruntamen dico  
 vobis Tyro, & Sydoni remissius erit in die iudicii, quam vobis.  
 23. Et tu Capharnaum nunquid vsq; in celum exaltaberis? vsq;  
 in infernum descendes. quia si in Sodomis factæ fuissent uirtu-  
 tes, quæ factæ sunt in te, forte mansissent usque in hanc diem. 24.  
 Veruntamen dico uobis, quia terræ Sodomorum remissius erit  
 in die iudicii, quam tibi. 25. In illo tempore respondens Iesus  
 dixit: Confiteor tibi, Pater Domine cæli & terre quia abscondi-  
 sti hæc a sapientibus, & prudentibus, & reuelasti ea paruulis.  
 26. Ita Pater: quoniam sic fuit placitum ante te. 27. Omnia  
 mihi tradita sunt a Patre meo. Et nemo nouit Filium, nisi Pa-  
 ter: neque Patrem quis nouit nisi Filius, & cui uoluerit Filius re-  
 uelare. 28. Venite ad me omnes, qui laboratis, & onerati es-  
 tis, & ego reficiam uos. 29. Tollite iugum meum super uos, &  
 discite a me, quia mitis sum, & humilis corde: & nuenieris re-  
 quem animabus uestris. 30. Iugum enim meum suauē est, &  
 onus meum leue. <sup>Mal. 3. a. b. 1. Mar. 1. a. 2 Luc. 7. d. 27 Mal. 4. b. 5. Luc. 10. d. 13. Ioan. 6. c. 46 & 7. d. 28 & 7. b. 19 & 10. c. 15. Ier. 6. d. 16 1. 19. 5. a. 3</sup>



## IN CAP. XI.



*Factum est.*) frequē-  
tissimus Hebraismus  
huius quod Septuagin-  
ta solent venire, καὶ  
ἐν τῷ 70. & fuit, aut  
factū est, accidit; sed  
hoc postremum huic loco non conue-  
nit, ne casu id factum videatur, quod  
summo consilio factum est. Septuagin-  
ta interpretes Evangelistę imitati sūt.  
Prætermisit Matthęus, quę Apostoli in  
sua missione fecerunt. Marcus c. 6. 12.  
13. & Luc. c. 9. 6. breuiter narrant.

*Cum consummasset Iesus præcipiens.*  
Præcipere, participium pro infinito  
ex Græco idiomate, Latini dixissent,  
cum præcipiendi finem fecisset. Non  
significantur necessariō ea præcepta,  
quę a consilijs apud Theologos di-  
stinguuntur; sed instructio illa par-  
tim præceptis, partim consilijs con-  
stans, quam Christus Apostolis tradi-  
dit. Hoc enim est *ἡ διαταγή*, ordina-  
re, disponere, ut 1. Cor. 11. 34.

*Transi inde.*) Dum Apostoli in sua  
missione versabantur, ne sua præsen-  
tia eorum auctoritatem minueret,  
claritatemque miraculorum obscu-  
raret. Quam ob rem Theophyla-  
ctus existimat nullum interim Chri-  
stum miraculum edidisse; ideoque  
non dixisse Evangelistam, ut miracu-  
la faceret, sed ut doceret. Tenuis con-  
iectura.

*In ciuitatibus eorum.*) Multi ciuita-  
tes discipulorum intelligunt: sed cur  
eorum appellantur? Nonnulli Ga-  
lilæe ciuitates significari putant.  
Erant enim Apostoli aut omnes, aut  
maxima parte Galilæi Act. 2. 7. *Non  
ne ecce omnes isti, qui loquuntur, Galilæi  
sunt*, ut Ethymius, & Hugon. Alii  
ciuitates, in quibus Apostoli prædi-  
cassent, ut Lucas ait c. 10. 1. *misi eos bi-  
nos in omnem ciuitatem, & locum, quod  
erat ipse venturus.* Quam interpreta-  
tionem ne probem, multis causis im-  
pedior, & quia hæreticorum est, nec  
vllum bonum, ac veterem auctorem  
haberi, & quia ciuitates Apostolorum

vocari eas, in quibus Apostoli mo-  
dò prædicassent, aut quas tantum o-  
bissent: durum mihi prorsus vide-  
tur, & quia Euangelista significat  
Christum & statim, ut Apostolos mi-  
sit, & in locum diuersum diuertisse.  
Misi ergo eos, ut ait Lucas in om-  
nem ciuitatem & locum, quò ipse  
non statim, sed longè post venturus  
erat. Scribit enim idem Lucas capit.  
10. 17. non Christum ad eos uenisse,  
sed eos ad Christum rediisse. Magis  
mihi placet Euthymij, & Bedę inter-  
pretatio, ciuitates Iudæorum signifi-  
cari, ut aut relatiuum sine anteceden-  
te positum sit, aut non ad proximum,  
sed ad remotum antecedens refera-  
tur c. 10. 6. *Ite positis ad omnes, quę perie-  
runt domus Israel*, aut ad uersic. 23. *non  
consummabitis ciuitates Israel, donec ue-  
niat filius hominis.* Vtrumque enim a-  
pud Hebræos vñatissimum est 4. Reg.  
17. 24. & 3. Reg. 5. 3.

3. *Tu es, qui venturus es.*) Locus  
ideo difficilis, quia statim lectoris a-  
nimus percutit dubitatio, quomo-  
do Ioannes de eo, quem, antequam  
miraculum fecisset vllum, agnum  
Dei confessus fuerat: post tot facta  
miracula dubitare uideatur. Iusti-  
nus quidem certè, aut quisquis ille  
fuit auctor quæst. 38. ad orthodoxos,  
& Tertullianus libr. aduersus Mar-  
cionem 4. dicere non dubitant ve-  
rè de Christo Ioannem dubitasse.  
Peius etiam quiddam Tertullianus  
adiungit, propterea dubitasse, quòd  
spiritus prophetiæ ab eo in Christum  
recessisset. Illa nimirum ætate non-  
dum satis culta Theologia huiusmo-  
di aliquando spinas proferebat. Alij,  
quia id absurdum esse animaduerte-  
runt, aliam quæsiuerunt interpretatio-  
nem, non dubitasse Ioannem, an Chri-  
stus agnus Dei, uerusque Messias esset,  
qualè idem ante testatus fuerat: sed an-  
moriturus esset, & ad inferos descen-  
surus. In quàm sententiam meliorem  
nondum inuenta, maxima pars ueteris  
auctorum concesserunt, Ambros. lib.

Tertullianus  
c. 108.

in



Dubitatio  
discipulorum  
Ioannis de  
Christo,

in Lucam 7. Eusebius Emislenus in homil. Iulianus Pomerius libro 3. contra Iudaeos. Venantius in expositione Symboli Apostolorum, Gregorius homil. 1. in Ezech. Cuius opinionis etiam Chrysostomus homil. 37. & Theophylactus in commentariis ad hunc locum mentionem fecit, eamque merito refutauit. Quo enim modo mortem Christi, & descensum ad inferos Ioannes ignorare poterat, quae nemo tunc propheta, nemo doctus, qui antiquorum prophetarum uaticinia legisset, ignorabat? Vera igitur est Hilarij, Chrysostomi, auctoris imperfecti, Cyrilli Alexand. lib. 2. thesauri capitu. 4. Euthymij, Theophylacti, Ruperti sententia, Ioannem nullo modo, eius uero discipulos aliquo modo de Christo dubitasse. Amabant enim nimium praepceptorem suum eò quidem usque, ut ne illi quidem Christum sibi longo intervallo antepONENTI, seque, ut corrigiam calcamenti eius solueret, indignum praedicanti satis crederent. Putabant fortasse modestia, non ueritate dicere, quoque se humiliorem, & Christo minorem faciebat, eò credebant illo esse maiorem. Vnde illa aduersus Christum ipsum amulatio nata est Ioan. 3. 26. *Rabbi, qui erat tecum trans Iordanem, cui tu testimonium perhibuisti, ecce hic baptizat, & omnes ueniunt ad illum.* Cum ergo Ioannes morti se proximum uideret, & miracula Christi, quae durissimum quemque ad credendum mouere possent, audiuiisset, discipulos suos ad illum misit, ut qui sibi non crediderant, Christi miraculis crederent. Misit autem, quasi ipse dubitaret, quia nunquam ausi fuissent suo Christum nomine interrogare. Sic enim optimus quisque medicus, ut agrotum curet, se etiam fingit agrotare. *Quis infirmatur, & ego non infirmor?* 2. Corinth. 11. 29. Hunc uerum esse sensum ex ratione, quae uer. 2. redditur, perspicuum est, *Cum, inquit, audisset Ioannes in uinculis opera Christi, misit duos de discipulis suis, Quae opera? miracula. An miracula*

Christi in dubitationem adduxissent eum, qui ante sine miraculis non solum crediderat, sed etiam praedicaue- rat? Discipulos ergo mittit, ut miracula uideant, & de Christo desinant dubitare. Hieronymus & Beda amplius quiddam dicunt, ne discipulos quidem Ioannis, an Christus uerus esset redemptor dubitasse, sed an mortem subiturus, & ad inferos descensurus esset, eamque ob rem ad eum missos fuisse, sed non congruit interpretatio. Quo enim modo ex miraculis, utrum Christus moriturus, & ad inferos descensurus esset, cognoscere potuissent?

4. *Renuntiate Ioanni.* Eusebius Christus eos non Ioanni, sed sibi interrogasse, noluit tamen significare, ne eos incredulitatis, & simulationis insimulare uideretur, ideo dicit, *Renuntiate Ioanni.* Aut forte putabit nuntij uere Ioannem non simulare dubitasse, nec enim id discipulis declarasse credendum est, quo Christum liberior interrogarent, & facilius credente postea praepceptore, & quasi mutante eo sententiam, ipsi quoque mutarent. Cum inuis ad uita, duces esse uolumus, ad uirtutem pudet nos ire sine duce.

*Quae audistis, & uidistis.* Miracula, quae a me facta esse ab ijs, qui uiderunt, audistis, & quae uos ipsi praesentes conspexistis. Scribit enim Lucas capit. 7. 21. multos coram illis Christum curasse caecos, multos varijs afflictos morbis sanauisse, multos a daemonibus liberauisse. At cur non discrete ad quaestionem respondit se esse Christum, cum mulieri Samaritanae etiam non interroganti, se esse dixerit? Ioan. 4. 26. Respondent Chrysostomus Rupertus homines incredulos non uerbis, sed factis persuadere, & conuincere uoluisset, ut Ioan. 5. 33. 36. *Posmissetis ad Ioannem, & testimonium perhibuit ueritati, ego autem habeo testimonium maius Ioannes: opera enim quae dedit mihi pater, ut perficerem ea, ipsa opera, quae ego facio, testimonium perhibet de me, quia pater misit me.* &c. 10. 37-38. *si non facio opera patris mei,*

P 3 mei,



mei, nolite credere, si aut facio, & si mihi non uultis credere, operibus credere, & c. 15. 24. Si opera non fecissem in eis, quod nemo alius fecit, peccatum non haberent, nunc autem et uiderunt & oderunt & me, & patrem meum. Cur ergo se Samaritanam Christum esse dixit? quia sciebat eam facile, ut uentus declarauit, uerbis credituram.

5. *Pauperes euangelizantur.* Εὐαγγελίζονται, quod Theoph. & Euthy. actiue interpretantur, quasi dicat, pauperes predicant Euangelium. Pauperes autem Apostolos uocari dicunt, quod uere pauperis, & humilis conditionis essent. Et quidem solet hoc uerbum, quemadmodum in communi ad quatuor Euangelistas praefatione monuimus, non solum passiuam uoce actionem significare, sed etiam aliquando passionem, ut ad Hebraeos 4. 2. & 1. Petri 1. 25. & 4. 5. quae significatio sola etiam potest in hunc locum conuenire. Numerat enim inter miracula, quod pauperes euangelizentur. Non erat autem miraculum, ut pauperes Euangelium annuntiarent. Solent enim homines abiectissimi magnarum saepe rerum esse nuntij. Ut autem pauperes euangelizarentur, id est Euangelium illis praedicaretur, valde mirum erat. Annuntiarum enim pauperibus Euangelium est regnum caelorum illis promitti, supra ca. 3. 2. & 4. 17. & 9. 35. Quid autem admirabilius, quam pauperem regem fieri? Propterea cum omnibus aequaliter. Euangelium praedicaretur, solos tamen pauperes nominauit, & quia id inter miracula ponendum erat, & ut ad Isaiae prophetiam alluderet, ostenderetque se illum esse Christum, de quo esset propheta uaticinatus ca. 6. 1. *Spiritus Domini super me, eo quod unxit me, ad annuntiandum pauperibus misit me.*

6. *Qui non fuerit scandalizatus in me.* Qui, unde uitam haurire debuit, mortis occasionem non acceperit, & qui ad credendum moueri miraculis, motus non fuerit ad accusandum, quod Scribis & Phariseis accidisse legimus, qui eum in principe daemoniorum daemonia eiicere dicebant. Erat e-

nim petra scandali, & lapis offensionis. Itala 8. 14. Roman. 9. 33. & positus in ruinam multorum Luc. 2. 34. sed non credentibus. Nam credentibus, quidem lapis erat tumulus, angularis, electus, ut D. Petrus interpretatur 1. epistola capitulo. 2. 6. 7. Putant Hieronymus, & Beda Christum his uerbis Ioannis discipulos qui non crederent, notare uoluisse.

7. *Illis autem abeuntibus.* Quare non ante? Respondent Chrysostomus, & Euthymius, ne Ioannem coram eius discipulis adulatorie laudare uideretur.

*Capitulum Iesus dicere.* Quare ne ipsi, qui aderant, & Ioannis legationem audierant, existimarent eum priorem sententiam, qua magnificum de Christo testimonium praeberat, mutauisse, aut de Christo certe cepisse dubitare, & ipsi quoque fide uacillarent, ut Hiero. Chryso. Cyrillus lib. 2. Theoph. 6. 4. Beda auctor imperfe. Theoph. & Euthy. adnotarunt; quod sequens arundo confirmat, quasi dicat non esse Ioannem hominem leuem, & similem arundini, qui sententiam temere mutauerit.

*Quid existis.* Cur non potius dixit qualem hominem Ioannem putatis? ut alludat ad illud, quod supra cap. 3. 5. dictum est, *tum exibat ad eum Iero solyma & omnis Iudaea, et omnis regio circa Iordanem*, & Luc. 3. 7. *dicebat ergo ad turbas, quae exibat, ut baptizarentur ab ipso*, quasi dicat, non est, quod uos poeniteat ad uidendum Ioannem quasi uirum singularem exiisse, quasi in peius mutatus sit, maior etiam est, quam tum cum ad eum exiretis, putabatis.

10. *Hic est enim.* Probat, quod paulo ante dixerat, Ioannem maiorem esse prophetam, quia quodammodo angelus est, & non angelus qualiscunque, sed ille nobilissimus, de quo apud Malachiam Deus praedixerat, *Ece ego mitto angelum meum ante faciem tuam*. Dicuntur quidem & alij prophetae, & sacerdotes angeli apud eundem prophetam cap. 2. 7. & Act. 7. 53. sed alio modo, quam Ioannes. Illi

quia

Ioannes  
quomodo  
angelus.



Ioannes Bap.  
quomodo p  
pheta, & nō  
propheta.

quia ad homines; Ioannes, quia ad Christum, id est ad Deum ipsum missus est. Et quidem ante faciem eius, id est, ut illum proximè præcederet, quod honoratissimorum amicorum est. cum alij serui non præcedere dominum, sed sequi soleant, quemadmodum Chrysostomus. & auctor imperfecti adnotarunt. Atque hoc eodem sensu intelligendum est, quod Ioannes ipse Ioan. 1. 21. prophetiam se esse negat, quia non aliorum more propheta erat, qui de longè post venturo Christo vaticinabantur. Non erat propheta, quia Christum non futurum prænunciabat, sed digito præsentem demonstrabat. Propheta autem erat, quia Christum nemine indicante diuino spiritu cognouit. Quanquam alio modo Christus eum, alio ipse se prophetam esse negat. Christus ut maiorem, ipse ut se minorem significaret. Vterque tamen eadem ratione, quia non aliorum more propheta erat. Quam autem ob rem plusquam propheta esse dicatur, difficile non est per se quemque cogitare. Illustrissima enim eius vita fuit, & cum miraculum nullum fecerit, perpetuum fuit ipse miraculum. Miraculo conceptus, miraculo clausus adhuc in utero venientem Dominum sentiens, & matri suæ demonstrans: miraculo circumcisi mutam patris sui linguam exoluens: miraculo inter feras vitam degens, ut quemadmodum auctor imperfecti scribit, non solum æquasse angelos, sed superasse etiam videatur, qui cum homo, non angelus esset, angelicam, non humanam vitam duxerit: ut non omnino sine causa multi eum Iudæi uerum etiam fuisse angelum existimauerint, ut Eusebius lib. 9. de demonstrat. Euangel. c. 5. auctor est.

*Ante faciem tuam.*) Apud Malachiam cap. 3. non legitur, *ante faciem tuam*: sed *ante faciem meam*. Sed sensus est idem. Nam illic Christus de se loquitur; hic pater de filio. Hinc etiam Christi diuinitas probari potest. Certum enim est apud prophetam Deum esse, qui loquitur: ex eo-

dem autem loco manifestum est fuisse Christum.

11. *Non surrexit.*) Hebraismus *נִפְּסָה*, Latini dicunt, non extitit, nisi quod surgere paullo maiore emphasim habet: significat enim non solum extitisse, sed præterea eminuisse.

*Inter natos mulierum non surrexit maior Ioanne Baptista,* Locus difficilis, quia non apparet, quomodo uera possit esse sententia, quæ ad eum Ioannem extollit, ut non solum alios omnes, verum Christum etiam ipsum deprimere videatur. Noui hæreticorum interpretes facili ad fugiendum hoc incommodum uiam reppererunt. Dicunt Ioannis officium, & dignitatem cum superiorum Prophetarum officio, dignitateque, non sanctitatem cum sanctitate comparari. Id ex Luca probatur, qui non abiecit dicit neminem Ioanne maiorem: sed neminem maiorem fuisse prophetam. Tum etiam ex hoc loco, ubi id agebatur, ut Ioannes plusquam Propheta esse probaretur. Verum enim uero hæc, quæ plana illis uisa est uia: periculosus error est, & a Christi sententia, & a pietate discedens. Nam & Christum plus quiddam de Ioanne dicere uoluisse paullo infra docebitur, & pietas ipsa suadet, ut plus de illo dictum credamus. Ceterum non ui hæretici, homines scilicet pii, quidquid pietatem attenuat, aut B. Virginis, Ioannis Baptiste, & Apostolorum sanctitatem minuit, nimis libenter amplecti solent. Primum quidem omnes ueteres auctores nemine, quod sciam, prorsus excepto de sanctitate, non de officio exposuerunt, Tertullianus lib. de Baptismo, Cyrillus Ierosolymitanus Cateches. 3. & alter Cyrillus Alexandrinus libro 2. thesauri capitulo 4. & libro 2. in Ioan. cap. 34. Ambrosius libro 6. in Iuc. Chrysostomus homil. in hunc locum 38. auctor imperfecti. homil. 27. Hieronymus Augustinus tract. 13. in Ioan. & libro 2. contra aduersarium leg. & proph. cap. 5. Hilarius cano. 11. Maximus in homil. de S. Ioanne, neque quisquam, ut dixi, aliter. Nec est profecto tam subtilis, & tēcondita hæreticorum interpretatio,

De Ioannis  
sanctitate  
contra hære-  
ticos.

Hæretici ad-  
uersarij B.  
Virginis S.  
Ioannis, &  
Apostolorum



vi nemo eam inter tot tam praestanti ingenio viros potuerit inuenire, sed tam falsa, ut nemo eam etiam sponte occurrentem uoluerit amplecti. Et vero si spectemus Christi propositum, uidebimus istam interpretationem ab eo, quod agere volebat, abhorri. Non lebat Christus probare Ioannem prophetiae muncie ornatum fuisse, eoque ceteris praestitisse. Id enim iam dixerat ver. 9. *etiam dico uobis, et plus quam prophetam*, & prorsus inepte ista cohererent, *plus est, quam propheta, quia nemo maior eo propheta surrexit*. Si enim plus quam propheta erat, quis dubitare poterat nullum eo maiorem fuisse prophetam? Sed uoluit auditoribus, ne propter auditam eius legationem, *Tu es, qui venturus es*, de cuius constantia, uirtuteque dubitarent, eius singularem sanctitatem praedicare. Quid hoc ad officium pertinebat, ubi de moribus agebatur? Certè cum dicit, *quid exisitis in desertum uidere?* non de officio, sed de moribus agit: quem hominem? quam religiosum? quam sanctum? Nam & illa, quae subijt, arundo, & molles vestes, non officio, sed moribus opponuntur; arundo constantiae, mollis uelut uita asperitati, atque rigori. Deinde cum addit, *qui autem minor in regno caelorum, maior est illo*, non dubium est, quin eodem modo iij, qui sunt in regno caelorum cum illo, quo ille cum ijs, qui in lege fuerant, comparentur. At alij cum illo non officij praestantia, sed morum sanctitate comparantur. Non enim est sensus minimum prophetam in regno caelorum maiorem prophetam esse, quam illum: sed quemlibet hominem beatiorem, quam illum esse, aut, si uelit, esse posse, ut paullo post explicaturi sumus. Non ergo Ioannes cum ijs, qui in uetere lege fuerant, officio, sed sanctitate confertur. Idem ex uersic. 12. colligitur, *a diebus Ioannis Baptistae regnum caelorum uim patitur, et uolenti rapiunt illud*, id est omnibus expositum est, quisquis contendere uoluerit, Ioanne Baptista maior erit, non prophetiae officio, quod gratis donatur, non la-

boribus redditur: sed sanctitate, quantum magis quisque contendit, maiorem obtinet. Denique, quod Christus hoc loco dicit, *non surrexit maior Ioanne Baptista*: angelus apud Lucam capitulo 1. 15. praedixerat, *erit enim magnus coram Domino*: angelus autem de moribus, non de officio loquebatur. Hoc enim est, *coram Domino*, coram quo nemo, nisi iustus, nisi sanctus, magnus est. Quod ergo ex alio loco Lucae capitulo 7. 28. ab istis obijcitur, *Propheta non fuit maior Ioanne Baptista*; alij ante nos Catholici interpretes explicauerunt. In primis Euthymius nomen ipsum prophetae apud Lucam non officium, sed sanctitatem declarare. Quia enim Prophetae sancti, & esse solebant, & habebantur: uiri sancti, etiam si prophetiae non essent, prophetae uocabantur. Quo sensu passim uidemus Christum a Iudeis prophetam appellari, non quod futura praediceret: sed quod suam miraculis sanctitatem declararet, Matth. 21. 11. Marc. 6. 4. 15. Luc. 7. 16. & 24. 19. Ioann. 4. 19. & 6. 14. & 7. 40. 52. & 9. 17. Quod si etiam apud Lucam nomen esset officij, nihil tamen efficere ex eo loco possent. Concedimus enim Ioannem cum solis prophetis ueteris testamenti comparari, quod unum ex Luca colligi potest, & auctor operis imperfect. homilia 27. & Augustin. libro secundo contra aduersar. leg. & prophet. sponte concedunt. An propterea sequitur cum prophetis in solo prophetae officio comparari? Illud auctores illi confitentur, hoc negant. Nam quia prophetae omnium sanctissimi habebantur, dum illis confertur, in sanctitate confertur; & dum illis antepositur, omnibus alijs sanctis, quamuis non nominentur, antepositur. Deiecta est haereticorum interpretatio: sed constat maior nobis quaestio. Quomodo inter natos mulierum nemo maior, id est sanctior Ioanne Baptista? An Christus illo non sanctior? Multi multis modis ab hac comparatione Christus excludunt. Alij per illud uerbum mulie-



mulierum, quod corruptas uideretur significare; cum Christus non ex corrupta, sed ex integerrima virgine natus sit, ut Ambros. libro 5. in Lucam, Hieronym. Beda, Theophylactus. Huc (inquit Ambrosius.) omnibus dico esse maiorem sed inter mulierum, non inter virginis natos. Maior enim fuit ihs, quibus equalis esse poterat sorte nascendi. Alij, quia non dixit, inter natos de mulieribus, quemadmodum Christus dicitur factus ex muliere ad Gala. 4.4. sed inter natos mulierum. Christum enim non esse natum mulieris, sed de muliere. Ita auctor imperfecti homil. 27. aliud est, inquit, esse natum mulieris, aliud, esse natum de muliere. Qui mulieris natus est, in muliere quidem natus est, & initium de muliere habet, & ante mulierem non fuit: qui autem de muliere natus est, neque in muliere natus est. Ecce enim Christus de muliere natus est. Alij in verbo γεννητός, hanc vim inesse putant, ut eos tantum significet, qui ex viro & muliere geniti sunt; hoc enim proprie esse γεννᾶν, generare. Quae observatio, ut vera sit, non est tamen, ut postea dicam, necessaria. Alij natos mulierum vocari dicunt, qui non ex Deo, sed ex voluntate viri, & ex voluntate carnis nati sunt; quibus opponantur, qui sunt nati ex Deo, id est diuino spiritu regenerati: inter quos, qui minimus est, maior est Ioanne Baptista. Ita Cyrillus libro 2. Thessal. cap. 4. Alij sequentibus verbis Christum excipi volunt, qui minor est in regno calorum, maior est illo, ut Chrysostomus, & Euthymius. Quae omnes opiniones, ut ueras eas esse dicamus, questionem tamen non solunt. Nam ponamus exclusam Christum, quid de sanctissima Christi matre dicemus? quam nemo vir pius negare potest eo Ioanne Baptista fuisse sanctiorem, quod proprius Christum mater, quam praecursor antinebat. Breuiter igitur, & facile respondet Ioannem (quemadmodum Hieronymus docet) non cum omnibus, sed cum solis sanctis veteris Testamenti comparari. At Christus, &

eius mater, omnesque Apostoli ad nouum pertinent Testamentum. Nec in illo verbo natos mulierum aliud mysterium, quam Hebraicum video, quo periphrasim omnes homines ילדי נשים nati mulierum appellant.

Qui autem minor est in regno celorum maior est illo.) Hic locus est multo, quam superior, meo quidem iudicio difficilior. Haeretici priorem secuti errorem, alterum adiungunt, qui vel minimum in Ecclesia officium habet, cum Ioanne Baptista esse maiorem. Apertius ut dicam, suos Missionarios, suos Superuigilantes, suos Diaconos, & si quos habent alios ex nostrorum monachorum foecibus collectos, si quos ob infame aliquando scelus ex Ecclesia fugiuos, Ioanne Baptista maiores esse volunt. Sed iam probauimus de officio non agi. Di. Augustinus lib. 2. contra aduersarium leg. & prophet. c. 5. regnum celorum, celum, eos qui in regno celorum sunt, angelos, qui in caelo sunt, interpretatur. At quod sum Christus angelos Ioanne Baptista maiores esse diceret? nec enim de angelis, sed de hominibus agebatur. Hieronymus, & Beda regnum celorum celum etiam intelligendum esse putant; eos autem, qui in regno celorum sunt, homines iam in caelo beatos, inter quos, qui minimus est, maior est Ioanne Baptista, quia aliud (inquit Hieronymus) est coronam victoriae possidere, aliud adhuc in acie pugnare. Multi de Christo ipso hoc dictum existimant, sed non omnes eodem modo; quidam sic, qui minor est in regno calorum, id est in Ecclesia, id est ego, qui omnium humillimus sum, maior sum illo, ut Rupertus. Alij, ego qui & aetate minor sum, & hominum opinione Ioanne minor habeor, maior illo sum, si eut Ioannes ipse dixit. Qui autem post me venturus est, cuius non sum dignus calceamenta portare, ille baptizabit nos, c. 11. Sic Hilar. Chrys. auctor imperfecti Euthym. & Theoph. quam etiam interpretationem approbat Aug. tract. 13. in Ioan. & lib. 2. contra aduers. leg. & prophet.



prophet. cap. 5. Memini & hanc interpretationem apud nescio quam auctorem legere, *qui minor est*, id est humilior Ioanne Baptista, *maior est illo*, quia qui se humiliat, exaltabitur. Habet ex multis opinionibus, quam eligat lector; sed si meam quoque sententiam auct audire, libere fatebor in nulla prorsus earum meum qualecunque iudicium acquiescere. Nec probare possum, ut regnum cœlorum pro cœlo ponatur, quia manifestum est Christum antithesi quidam inter vetus, & nouum Testamentum uti uoluisse, ut constat ex ver. 12. & 13. *à diebus Ioannis Baptiste vsq; nunc regnum cœlorum vim patitur, & omnes prophete, & lex vsq; ad Ioannem prophetauerunt*, nec ut Christus cum Ioanne conferatur, & quia ea comparatio ad rem non pertinebat, ubi Euangelium cum lege veteri conferebatur; & quia apertius dixisset se eo maiorem esse, ut c. 12. 41. *43. Ecce plusquam Ionas hic, & ecce plusquam Salomon hic*, & quia vis locutionis perit, nisi sententia generalis sit, & non ad unum definita, *qui minor est*, id est quisque minor est, aut minimus quisque in regnum cœlorum, *maior est illo*. Nam quod dubitat D. Augustus, an hæc verba in regno cœlorum, cū præcedentibus, an cum sequentibus iungi debeant, dubium esse non arbitror, quin sint præcedentibus copulanda, *qui in regno cœlorum minor est, maior est illo*. Ergo hic mihi uidetur esse sensus, de quo tamen nō solum Ecclesiæ, ut omnibus in rebus, sed alijs omnibus, qui me doctiores sunt, iudicium relinquo. Minimus quisque in Euangelio; id est eorum, qui Euangelium recipiunt, maior est illo. Sic. n. & antithesis inter Euangelium, & legem, qua Christum usum esse perspicuum est, & inter Euangelij, & legis personas aptissime conuenit, ut qui minimus est in Euangelio, eo qui in lege maximus fuit, maior esse dicatur. Notum est illud philosophorum axioma, *Minimum maximi maius est maximo minimi*. Superest magna, ut videtur difficultas, quomodo, qui minimus est in Euangelio, maior, id est

sanctior sit Ioanne Baptista. Duobus modis respondeo, primum Christum de Ioanne, & ijs qui Euangelium recipiunt, præcisè loqui, quatenus ille ad legem, hi ad Euangelium pertinet. Nam etsi dubium non est, quin Ioannes non solum multos, sed etiam plerosq; qui in Euangelio sunt, sanctitate longè præcesserit; tamen quidquid & ille, & alij sancti veteris Testamenti sanctitatis habuerunt, non ex lege, sed ex Euangelio habuerunt, cuius futura virtus ad eos vsque, quamuis longè adhuc remotos, porrigebatur; ideo qui minimus est in Euangelio eo, qui maximus fuit in lege, maior fuisse perhibetur, quia hic ueluti hæreditaria, & domi nata: ille aliena & quasi mutuo accepta uirtute factus est magnus. Sic enim D. Paulus de lege, & Euangelio loqui solet, ut doceat legem ex fide non esse, & fidem Euangelij propriam faciat, Rom. 3. 27. 28. 31. & ad Galat. 3. 12. cū Abraham, qui, ut idem D. Paulus ait, pater fuit omnium credentium, non in Euangelio, sed in lege, aut potius ante legē fuerit. Sed negat legem fidem habuisse, & iustificasse, quia non ex se, sed ex futuro Euangelio, quasi anticipatam fidem habebat, & mutuata ex eo gratia iustificabatur. Secundo loco respondeo eum, qui in Euangelio minimus est, eo, qui in lege fuit maximus, maiorem dici: non quod continuò reuera maior sit: sed quod ex Euangelij natura maior esse possit. Quid in lege? an non potuit quisque uoluit Ioanne Baptista maior esse & potuit fortasse, at non ex natura legis, quæ certis repagulis claudebatur. Quibus reuulsis, à diebus Ioannis Baptiste regnum cœlorum uim patitur & uolenti rapiunt illud, quod quisque uolentior est, eo sanctior. Ante prophetis, & cæteris sanctis, prout officium, aut ministerium siue prænuntiandi, siue præfigurandi uenturum Christum postulabat, maior, minorue dabatur gratia, ideoque Ioanni maxima data est, quia non modo prædicere: sed digno etiam debuit demonstrare, postea effusa est, & in medio posita, tantum quisque capit,



capit, quantum uirtute, & animo contendit. Hoc enim est, *regnum calorum uim patitur, & uolenti rapiunt illud.*

1. *Regnum calorum.*) Quidā Christum ipsum regnum calorum uocari putant, ut Ambro. serm. 15. de natali Domini. Alij uitam eternam, aut cœlum, ut Grego. hom. 20. in Euang. & Beda in hunc locum. Alii fidem, ut Chrysost. Euthy. & Theophyl. Alii Ecclesiam, aut Euangelium, ut multis alijs locis. His solis assentior, iam enim superiore uersu docuimus antithesi inter legem & Euangelium uti uoluisse.

*Vim patitur.*) Magno ad illud impetu curritur, quam interpretationem hæreticorum interpretes, & sine auctore (nec enim cuiusquam meminerunt) & sine iudicio secuti sunt. Nam, ut paulo post apparebit, non est ad rem. Pleriq; sic exponūt, *uim patitur*, id est mortificatione, poenitentia, ignominia, paupertate obtinetur, & ea ad illud iter uia, quam Ioannes & uerbis & factis demonstrauit, Basilii in oratione de abdicatione rerum, Chrys. Hiero. Augu. lib. 2. qq. Euang. q. 37. Grego. hom. 20. in Euang. Theophy. Euthym. & Beda in comment. & Bernar. in sent. c. 5. Ego vehementer Hilarii can. 11. & Ambrosii lib. in Lucam 6. & serm. 15. de natali Domini probo sententiam, propterea dici vim pati regnum calorum, & rapi a uolentis, quia non intra unum populū, ut in ueteri lege conclusum est, & quasi certis finibus custoditum; sed omnibus apertum, omnibus expositum, ut quicunq; uelit in illud irruat, & quia non iam hæreditati, ut Iudæis, sed uirtuti datur. *Multi enim ab Oriente, & Occidente uenient, & recumbent cum Abraham, Isaac, & Iacob, in regno calorum, filij autem regni eiciuntur in tenebras exteriores.* Hoc est rapere regnum Dei, hoc est uolentem esse non genere, & hæreditate: sed uirtute & perseuerantia, quasi bello & armis obtinere, & legitimos hæredes, quia ignari sunt, ab eo deturbare. Rapere enim dicimur, quod de alicuius manibus extorquamus, quemadmo-

dum multi ab Oriente, & Occidente uenientes de manibus Iudæorum, qui in possessione erant, extorserunt. Regnum calorum Iudæis rapuit ille Centurio, de quo Christus dixit, *me in Israel tantam fidem inueni*, quia Iudæis non credentibus, credidit c. 8. 6. Regnum calorum rapuit mulier illa Chananæa, quæ à Christo fide argumentando, & se plus quam Iudæos credere docendo, filie suæ sanitatem impetravit c. 15. 12. Hanc interpretationem eò magis probabit lector, si animaduertit, uerba hoc loco esse transposita. Nam hæc uerba debuerunt esse uer. 13. & ea, quæ uer. 13. sunt hoc loco poni, & quia id sententiarū series, & consequentia uidetur omnino postulare: probat enim Christus, qui minor est in regno cœlorū, Ioanne Baptista posse esse maiorem, quia nullis legis uinculis impeditur. Nam omnes prophete, & lex usque ad Ioannem prophetauerunt & quia Lucas c. 16. 16. ita narrat, *lex & prophete usque ad Ioannem; ex eo regnum euangelizatur & omnis in illud uim facit.* Sed Matthæus, ut in alijs multis locis, narrationis seriem nō seruauit. Illam uerò Ambrosii eodem loco interpretationem non probo, qui & legit, *regnum calorum cogitur, & exponit, densatur*, quia cum prius solis in eo essent Iudæi, ingredientibus gentilibus frequentia, & turba fit densior.

13. *Omnis enim.*) Si hæc uerba, ut paullo ante docuimus, cum uers. 11. coniungantur, nemo non perspiciet, cuius rei causa reddatur. Dixerat illic, *inter natos mulierū non surrexit maior Ioanne Baptista, sed, qui minor est in regno calorum maior est illo.* Reddit his uerbis rationem, quia prophete & lex usque ad Ioannem prophetauerunt, id est durauerunt, quasi dicat, ante homines erant quodammodo ligati lege, nec licebat unicuiq; in regnum calorum irumpere, at à diebus Ioannis Baptiste regnum calorum uim patitur, propterea nemo est, qui si uelit contendere, non possit illo esse maior. Hanc uim habet hoc loco, causalis enim, & uer. 12. aduersatiua, autem.

Prophe-

Matth. 8.  
21. 12.



*Propheta, & lex usq. ad Ioannē pro-*  
*phetauerūt.*) Innumerabiles interpre-  
 tationes, & quia piget me, & quia ni-  
 hil mihi habere uidentur probabilita-  
 tis, prætermitto. Eas tantum recita-  
 bo, quas uenerandos auctores habe-  
 re uideo, quibus hoc debemus, ut eo-  
 rum sententias, aut sequamur, aut ho-  
 norificè certè recitemus. Omnes fe-  
 re ueteres ita exponunt, ut legis um-  
 bris Euangelij claritas, & lumen op-  
 ponatur. Non enim de omnibus pro-  
 phetis agi putant, sed de ijs tantum,  
 qui Christum prædixerant esse uentu-  
 rum. Illi enim omnes, & obscurè so-  
 lo spiritu, & quasi longè adhuc remo-  
 tum præuiderunt, & obscurioribus  
 uerbis indicarunt: Ioannes & oculis  
 præsentem uidit, & digito demon-  
 strauit. In hanc sententiam Chryso-  
 stomus, Hieronymus, Beda, Euthym.  
 hunc locum edisserunt. Quæ quidem  
 uera sententia est, sed non satis apta,  
 ut mihi uideatur, interpretatio; Nec  
 enim Ioannes à Christo inter noui,  
 sed inter ueteris Testamenti propheta-  
 tas, sanctoſq. numeratur. His .n. con-  
 fertur, *inter natos mulierum non surre-*  
*xit maior Ioāne Baptista.* Illis opponi-  
 tur, *sed qui minor est in regno cælorum,*  
*maior est illo,* ut illic copiosè disputaui-  
 mus. Sensus ergo mihi uidetur esse, le-  
 gem, & prophetas usq. ad Ioannem  
 Baptistam prophetasse, id est uiguisse,  
 uim habuisse, officio suo functos esse.  
 Legem enim, & prophetas totum ue-  
 tus testamentum appellat, ut ca. 7. 12.  
 & 22. 40. & prophetare significat offi-  
 cio fungi prophetæ, sicut lib. 1. Esdr. c.  
 5. 1. dicuntur Aggeus, & Zacharias  
 prophetasse. Itaq. nihil aliud uoluit  
 Christus dicere, quam legem, & pro-  
 phetas usq. ad Ioannem Baptistā du-  
 rauisse, ut facile intelligitur ex anti-  
 theto, *A diebus autem Ioannis Baptiste*  
*regnum cælorum uim patitur.* Nam legi  
 & prophetis regnum cælorum, id  
 est ueteri testamento, nouum: & uer-  
 bo prophetandi, rapiendi, & uim pa-  
 tiendi uerbum opponit, quasi dicat,  
 usq. ad Ioannem lex uigebat, quæ so-  
 lis Iudæis data erat, nec homines in-  
 uabat, sed grauabat, ideo nemo in ea

surrexit maior Ioanne Baptista, ac  
 deinceps remoto legis impedi-  
 mento regnum cælorum uim patitur, &  
 qui in eo minor est, maior est illo.  
 Vnde apparet omnes illas quæſtiones  
 quæ à multis pluribus uerbis disputā-  
 tur, an in nouo Testamento propheta-  
 te fuerint, an de personis, uel de scri-  
 ptis prophetarum hoc, quod Christus  
 dicit, intelligatur, locum non habere.  
 Illud potiùs dicendum fuit, quomodo  
 lex usq. ad Ioannem tantum fuisse  
 dicatur, cum non statim abrogata  
 fuerit, ut Ioannes uenit, sed longo  
 post tempore durauerit. Respondeo  
 primum non esse sensum legem usq.  
 ad Ioannem; id est usq. ad Ioannis  
 natiuitatem, sed usq. ad Ioannem, id  
 est usq. ad Ioannis prædicationem  
 uiguisse. Deinde non significari tunc  
 fuisse statim momento temporis ex-  
 tinctam, sed nascente Euangelio, mo-  
 ri cœpiſſe, ut explicauimus c. 5. 17.

14. *Et si uultis recipere.*) Chryso-  
 stomus duas affert rationes, quam ob rē  
 non dixerit absolūtè, *ipse est Elias.* Al-  
 tera est, quia ad fidem nemo cogi de-  
 bet, quia nec fides est, si libera non est  
 ac uoluntaria. Altera, quam & Theo-  
 phylactus reddit, ut significet Ioan-  
 nem esse Eliā, uelint attendē utrius-  
 que officium, & similitudinem confi-  
 derare. Potius credo ideo ita loquu-  
 tum Christum, ut indicaret non esse  
 uerè Eliam, sed officio & effectu, quia  
 quod Elias in secundo eius aduentu  
 hominibus præstiturus est, hoc Ioan-  
 nes in primo præstabat: præstare au-  
 tem nisi uolentibus, recipientibusq.  
 non poterat. Ideo dicit, *si uultis recipere,*  
 quasi dicat, si uultis recipere, erit  
 uobis Elias, quia uos ad Deum con-  
 uertit, si non uultis, non erit.

*Ipse est Elias.*) Promiserat Deus se  
 Eliam missurum Malac. 4. 5. 6. *Ecce ego*  
*mitto uobis Eliam prophetam, antequā*  
*ueniat dies Domini magnus et horribilis,*  
*& conuertet cor patrum ad filios, & cor*  
*filiorū ad patres eorum,* quod de secun-  
 do Domini aduentu intelligendum  
 esse ex eodem loco perspicuum est.  
 Itaq. cōstantissima semper fuit Chri-  
 stianorum opinio Eliam ante diem  
 iudicii,



Elias ventu-  
rus ante die  
iudicii.

iudicii, qui terribilis, & magnus appeti-  
latur, re ipsa esse uenturum, ut disci-  
mus ex Hippolyto in libro de consum-  
mat. mundi, ex Tertullian. in libro de  
anima, ex Origen. tractat. 3. in Matth.  
ex Ambrosio, aut alio, quisquis est, au-  
ctore commentariorum in epistolam  
ad Romanos capit. 4. ex Chrysostomo  
hom. 4. in 2. epist. ad Thes. ex Augusti-  
no lib. 83. qq. 7. 38. & tract. 4. in Ioan-  
nem, & Hieronymo in 17. c. Matth. ex  
Theodorito in comment. in 4. ca. Ma-  
lach. ex Gregorio lib. 9. in Iob cap. 4. &  
lib. 11. c. 9. & lib. 20. c. 25. & lib. 35. c. 10.  
Quod non ex illo tantum Malachia  
sed ex aliis quoque scripture locis con-  
firmatur, Matth. 17. c. 11. Quid ergo  
Scribe dicunt, quod Eliam oporteat pri-  
mum venire? at ille respondens ait eis,  
Elias quidem uenturus est, & restituet  
omnia. Idem Marc. 9. 11. 12. Eam quo-  
que Iudeorum opinionem fuisse, etsi  
fortasse, quando uenturus esset, non in-  
telligebant, & ex iisdem duobus locis,  
& ex Matth. c. 16. 14. & ex Marc. c. 6. 5.  
fatis apparet. Dicit autem Christus  
Ioannem esse Eliam, non quod Elias  
esset, id enim Ioannes ipse negarat.  
Ioannis c. 1. 21. sed quod in spiritu, &  
uirtute Elia uenisset, ut angelus apud  
Lucam dixit cap. 1. 17. Ita nulla inter  
Christi, & Ioannis uerba est repugna-  
tia. Aug. tract. 4. in Ioan. & Gregorius  
hom. 7. in Euang.

Ioanes quo  
Elias.

15. Qui habet aures audiendi, audiat.  
Audire hoc loco significat intelligere,  
re, & obedire, ut Luc. 10. 16. Qui uos  
audit, me audit, & Matth. 18. 15. s. te au-  
dieris, lucratus eris fratrem tuum. &  
Mar. 8. 18. aures habentes non auditis.  
Itaque indicat non omnes, qui habent  
aures habere aures audiendi, id est do-  
ciles, & obedientes, ut c. 13. 13. videntes  
non uident, & audientes non audiunt,  
& Isa. 6. 9. Audire audientes, & nolite  
intelligere. Solet Christus hac uti phra-  
si, cum de re maxime seria, & qua ma-  
ximè auditores attingit, uerba facit, ut  
attentionem, & studium auditorum exci-  
tet, ut c. 13. 9. 43. & Mar. 4. 9. 23. & Lu-  
8. 9. Ideo & hoc loco usus est, quia plu-  
rimum auditorum intererat, quæ di-  
xerat, intelligere, legem & Prophetas

usque ad Ioannem, tantum uiguisse,  
postea regnum celorum uim pati, id  
est nullum illis salutis remedium su-  
peresse, si in lege confidant, si Ioan-  
nem, & quem Ioannes indicabat, Chri-  
stum non receperint. Eodem fere sen-  
su Chrysostomus, atque Euthymius  
exponunt.

16. Cui autem similem estimabo gene-  
rationem istam) istud hominum genus,  
Hebraismus דור דור, quos, & quare  
his uerbis Christus reprehendat appa-  
ret ex 1. uc. c. 7. 29. 30. 31. Et omnis popu-  
lus audiens (quæ de Ioanne Baptista  
Christus paulo ante dixit,) & publi-  
cani iustificauerunt. Deum baptizati ba-  
ptismo Ioannis; Pharisei autem, & legis  
periti consilium Dei spreuerunt in seme-  
ipsos. Ait autem Dominus: cui ergo simi-  
les dicam homines generationis huius?  
De Phariseis ergo, & iuris peritis, id  
est de Scribe loquitur.

Similis est pueris.) Quod nonnulli  
dicunt usitatum fuisse apud Iudeos  
puerorum ludum, ut in duos diuisi  
choros alii flecterent, alii rictibus canerent,  
utrique cecitarent, illi, Lamentauimus  
uobis, & non planxistis; hi, Cantauimus  
uobis, & non saltastis, quamuis Theo-  
phylactum in capitu. 7. Lucæ, & Lyra-  
num hoc loco auctorem habeant, quia  
aut Hebraum, aut magis antiquum  
non habent, uerisimile non uidetur  
esse. Nec necesse est, ut ex re usitata  
Christus similitudinem sumpsit; fa-  
tis est, ut ex re, quæ aut solet, aut  
posset fieri. Aliquando enim non  
transferimus, sed fingimus similitu-  
dines: quemadmodum si diceret, pe-  
rinde Scribe, & Pharisei sese habent,  
atque si pueri ludentes in foro di-  
cerent, lamentauimus uobis, & non  
planxistis. Multo maior est in simili-  
tudinis accommodatione difficultas.  
Videtur enim Scribe, & Phariseos  
pueris, qui lamentati sunt, & ceci-  
nerunt, comparasse, quique æqua-  
libus suis dicunt, Cecinimus uobis, &  
non saltastis, lamentauimus, & non  
planxistis; cum illis potius com-  
parare debuisset uideatur, qui aliis  
canentibus saltare: lamentantibus  
plangere noluerunt. Euthymius  
pueros



pueros Christum, & Ioānem propter innocentiam uocari putat, quibus Iudæi dicunt, *Cecinimus vobis, & non saltastis, lamentauimus vobis, & non planxistis*, sensu menti Christi prorsus contrario. Hieronymus, & ceteri omnes auctores Christum, & Ioannem esse pueros, qui cecinerunt, & lamentati sunt: nam Christus ab hilari, & communi hominum uita non abhorrens, canere, Ioannes cilicio indutus, & in solitudine durissimam uitam agens lamentari videbatur. Paullò propius sensum uidetur Hugo Cardinalis attigisse: scribit enim non personas personis: sed negotium negotio: nec partes partibus: sed totum toti comparari; sensum enim esse, perinde se Scribarum, & Phariseorum causam habere, atque si pueri dicant sodalibus suis, *cecimus vobis, &c.* Sic enim posse illis dici, Ioannes uobis lamentatus est, & non planxistis: filius hominis cecinit, & non saltastis. Hunc esse uerum sensum uer. 19. magis probabimus. Nunc satis est, ut moneamus ualde esse usitatum, ut in parabolis non personæ personis, non partes partibus: sed totum negotium toti negotio comparetur capitu. 24. 13. *Simile factum est regnum celorum homini, qui seminauit bonum semen in agro.* Non enim regnum celorum homini, sed potius semini, aut agro simile est. Itaque sensus est, idem accidit in regno celorum, atque si quis seminasset bonum semen in agro suo: & ibidem uer. 45. *simile est regnum celorum homini negotiatori quærenti bonas margaritas.* Non enim homini, sed potius margaritæ simile est: & idem accidit in regno celorum, atque si quis quærat bonas margaritas, inuenta autem una preciosa margarita uendat omnia, quæ habeat, & emat eam. Sexcenta sunt exempla generis eiusdem. Itaque frustra laborat, qui anxie quærit, quomodo personæ personis, partes partibus respondeant. Totum sententiæ corpus intuendum est, & integrum ex integra parabola trahendum: ne in partes diuisum peccat, atque dissoluatur.

18. *Neque manducans.*) Non man-

ducasse dicitur, aut quia nemo eū manducare uiderat: aut quia parçè admodum, & leuiter manducabat: aut quia non more aliorum hominum, sed ferarum potius cibus uiuebat.

*Demonium habet.*) Nihil uspiam alibi legimus aduersus Ioānem a Iudeis dictum esse, sed & ex hoc loco manifestum est a nonnullis pro demoniaco habitum fuisse: quemadmodum nunc, qui arctius uitæ institutum sectantur, non solum ab hæreticis, sed a plerisque etiam Catholicis pro stultis haberi solent, & experientia docet insignem uirtutem inuidia, & obtestatione carere non posse.

19. *Venit filius hominis.*) Cur Christus filius hominis appelletur, diximus c. 8. 20.

*Et iustificata est sapientia a filiis suis.*) Difficilis locus. Consistit autem tribus in rebus difficultas, primū, quid uocetur sapientia: deinde qui filij sapientiæ appellantur; postremò quid sit iustificari. Alij Christum ipsum, alij diuinam prouidentiam sapientiam uocari dicunt. Filios autem sapientiæ alij Christum, & Ioānem: alij Iudæos, qui eos receperunt: alij eos, qui non receperunt, appellari. Alij filios sapientiæ uocari negant, dicentes relatiuum *ἐν τοῖς*, non ad sapientiam, sed ad *γενεάν* generationem referendum, ut sit sensus, *iustificata est sapientia a filiis eius*, id est generationis huius. Sed isti, ut apparet, Græca sciiebant, Hebraica nesciebant. intellexissent enim Hebraismum esse, quo sapientes filij sapientiæ appellantur. Iustificari autem alij pro laudari, alij pro liberari, alij pro iustam apparere positum putant. Itaque nonnulli sic exponunt, *iustificata est*, id est liberata ab omni calumnia, & accusationis iusta causa, *sapientia*, id est diuina prouidentia, *a filiis suis*, id est a me, & a Ioanne, qui filij sapientiæ, id est sapientes sumus: liberata autem est, quia effecimus quidquid diuersis modis fieri poterat, ut homines ego canendo, ille lamentando ad salutem adduceremus: ita ut nemo possit diuinam erga homines sapientiam, prouidentiamque desiderare.

Parabola  
quomodo  
applicandæ.



rare. Huic interpretationi repugnat, quod Lucas dicit c. 7. 3. *ab omnibus filiis suis*, quod de solis Christo, & Ioanne dici non potuit. Alij *iustificata est*, id est cognita, laudata, & pro iusta habita diuina erga homines *sapientia à filiis suis*, id est ab ijs, qui uere sapientes erant, eamque amplexi sunt. Ita Hierony. Beda, & Euthymius. Alij *iustificata*, id est libera est, sicut qui mortuus est, iustificatus est a peccato, id est liberatus, ita iam peccare non possit Rom. 6. 7. *sapientia diuina prouidentia à filiis suis à Scribis, & Phariseis*, qui filij sapientiae, id est sapientes appellantur, non quod sint, sed quod sibi esse uidentur, aut quod esse debeant sapientes, ut infra uers. 2. ita ut non habeant, quod diuinam prouidentiam accusare possint. Sic Chrysost. Ego sapientiam, ut Chrysost. Hiero. Beda, & Euthy. diuinam prouidentiam uocari arbitror, filios autem sapientiae omnes Iudaeos, & eos, qui sapientiam receperunt, & eos qui receperunt, non quod sapientes aut essent, aut esse deberent, aut esse sibi uiderentur, sed quod essent quasi pueri & discipuli diuinæ prouidentiae quæ Iudaeos peculiariter, tanquam proprios filios gubernabat; propterea enim in pueris, non in uiris similitudinem proposuit. Iustificatam autem esse ab utrisque & bonis, & malis, id est iustam declaratam, dum canente Christo, & lamentante Ioanne alij saltauerunt, id est Christum; alij planxerunt, id est Ioannem secuti sunt, alij autem neque plangere, neque saltare uoluerunt, ij enim, qui saltauerunt, Christi exemplum securi dicere possunt Scribis & Phariseis, cecidimus uobis, & non saltastis, nam & illi canere dicuntur, quia canentem Christum imitati sunt, & alijs Iudæis ut saltarent, exemplum præbuerunt. Qui uero securi sunt Ioannem, lamentati cum illo sunt, & Scribas, ac Phariseos exemplo, ut idem facerent, prouocarunt, sed plangere noluerunt, solus autem Christus & Ioannes nominantur, quia ambo, ille canentium, hic lamentantium duces erant. Vtri-

que ergo, & qui crediderunt, & qui non crediderunt, diuinam sapientiam iustificauerunt, illi eam amplectendo, hi quia illis eam amplectentibus repudiauerunt, nam dum nec Christi canui, nec Ioannis lamentationi credere uoluerunt, satis ostenderunt se nullo modo uelle credere, & per se, non per diuinam stare sapientiam, quomodo conuerterentur. Vt ita exponam, mouet me primum sententia, quæ hoc modo plenior, grandior, & Christi maiestate dignior est, ut ipsimet filij sapientiae eam iustificarent, siue recipiant, siue non recipiant. Itaque præpositionem *ἀπὸ α* contra multorum opinionem personam agentem non materiam, significare arbitror. Infinitis enim locis pro *ὅτι* poni solere nemo mediocriter in lingua Græca uersatus ignorare potest. Deinde coniunctio *καὶ* &, quæ hanc uidetur habere uim, ut significet ipsomet filios sapientiae, id est discipulos magistrum alios discendo, alios non discendo iustificasse. Certè illam interpretationem quorundam admittere hæc particula non potest, qui exponunt sapientiam a filiis suis, id est ab ijs tantum, qui eam receperunt, iustificatam. Non enim dixisse *καὶ* &, sed *ἀλλὰ* ueruntamen. Nam etsi scio aliquando *καὶ* pro *ἀλλὰ*, ut Hebraice poni solere, tamen hoc loco id prorsus uiolentum uidetur, ubi omnia nos uerba in naturalem ducunt significationem.

20. *Tunc*) Cum discipulos ad prædicandum mitteret Euangelium, ut constat ex Luca c. 10. 13. Inde enim uidetur occasionem sumpsisse ea, quæ sequuntur, dicendi, quod Apostolos ideo ad remotas mitteret ciuitates, quia Corozain, Bethsaida, & Capernaum, in quibus diu non discipuli, sed magister ipse Christus prædicauerat, Euangelium recipere noluerunt.

21. *Præter ibi Corozain.*) Corozain, Bethsaida, & Capernaum Galilææ ciuitates erant prope lacum Genesareth, in quibus frequentissimè Christus cum suis discipulis Euangelium prædicans, & miracula faciens uersaba-



fabatur. Ideo illis exprobat incredulitatem.

*Si in Tiro & Sidone.*) Tribus de caufis has duas ciuitates duabus illis opponit, primum quod Gentiles essent, deinde quod uicina, postremo quod idololatria, delitij, auaritia, & omni vitiorum genere corruptissima, ut propheta Isaias, & Ezechiel sepe testantur, Isa. 23. 1. Ezech. 26. 2. 27. 3. & 28. 2. 12. Amos. 1. 9.

*Olim.*) Iamdiu, non expectassent tandem, quam uos, non tot exhortationes, non tot miracula desiderassent.

*In cilicio & cinere.*) Id est maximam egissent poenitentiam. Ille. n. grauissima poenitentia habitus erat, Isa. 58. 5. Iere. 6. 26. & 25. 34. Thren. 2. 10. Daniel. 9. 3. Quem ritum Gentiles quoque imitatos fuisse constat ex Ioan. 8. 6. Questionem de predestinatione, quam hoc loco nonnulli excitant, idcirco praetermitto, quia & maior est, quam ut in commentarios includi possit, & ad huius loci explicationem non necessaria.

Locus circa  
questionem  
predestina-  
tionis expli-  
catur.

Tantum dico, quod nonnulli ex hoc loco collegerunt, Deum ideo multis gratiam ad salutem necessariam non dare, quod predestinati non sint, meo iudicio colligi non posse. Nec enim hic de necessaria gratia, sed de superabundante, id est de miraculorum magnitudine, multitudineque agebatur. Deinde quia Gentiles, non Iudaei erant, qui poterant seruata lege naturae omnium confessione salui esse, lex autem naturae satis illis erat ab ipsa natura praedicata. Postremo quia Scribae & Pharisei, quorum Christus incredulitatem reprehendit, aut omnes, aut magna ex parte reprobat erant, & tamen illis Euangelium praedicatum, tamē illis multa magnaque miracula facta: non ergo Tyrijs, & Sydonijs ideo non praedicatum Euangelium, ideo non facta miracula, quod predestinati non essent. Cur ergo Christus, qui eos crediuiros sciebat, illis non praedicaui? in promptu est ratio, non erat missus, nisi ad oues, quae perierant domus Israel. Cuius rationis ratio etiam constat, quia cum Abrahamo pactum propter

eius singularem fidem inierat, & debuit fidem suam liberare. Postea & Tyrijs, & Sidonijs sicut alios omnibus gentibus, praedicatum est, & quicunque uoluere, crediderunt.

23. *Et tu Capharnaum.*) Nominat separatim, & ultimo loco, & per apostrophē Capharnaum, quia in ea frequentior fuerat, adeo, ut propter assiduam in ea commemorationem eius patria uocaretur, cap. 9. 1. & quia cum maior esset, atque maritima, credibile est pluribus uitijis abundasse, ut maritima, frequentesque ciuitates abundare solent.

*Nūquid usque in celum exaltaberis.*) ἢ ἐως τοῦ οὐρανοῦ ὑψωθήῃσα, quae uelut in celum exaltata es, ut 1. u. 10. 15. in eadem sententia legitur, & ut legunt Chryso. Euthym. & Theophy. & Hieron. admonet se in nonnullis legisse codicibus. Sensus non est diuersus, sed est magis perspicuus. Noster uero interpret uidetur pro ἢ legisse & pro ὑψωθήῃσα ὑψωθήσῃ.

*Vsque ad infernum descendes.*) κατὰ βῆλα θύσῃ, de primeris, non enim spōte descendet, sed ui detrudetur. Solet Deus hac phrasi superbis, ac gloriosis ciuitatibus interitum comminari, quia semper illud uerum est, qui se exaltauerit, humiliabitur, c. 13. 12. Iere. 49. 16. *Arrogantia tua decipit te, & superbia cordis tui, qui habitas in cauernis petrae, & apprehendere niteris altitudinem cali. Cū exaltaueris, quasi aquila, nidituum, inde deraham te, dicit dominus.* Abdix. 1. 4. Christus autem hoc loco non de urbis excidio, sed de aeterna ciuium damnatione loquitur, quod, non de omnibus, sed de pluribus, aut de praecipuis, quales erant Scribae, & Pharisei, est intelligendum.

*Si in Sodomis.*) Sodoma proponit, quia corruptissima fuerat, & singulari excidio nobilissima, ut supra ca. 10. 15. & Ezechiel. 16. 46. 48. 49.

*Forte mansissent.*) Forte hoc loco, non est dubitantis, sed affirmantis, ut supra uer. 21. quod idem interpret uidens non significare dubitationem, uertendum non putauit.

24. *Terrae Sodomorum.*) Vide, qd. diximus



ximus capit. 10. 15.

25. *In illo tempore.*) Postquam discipuli ad prædicandum missi redierunt, ut apparet, Luc. 10. 21. eorum enim gaudium & gloriatione, quod in nomine Christi etiam demonia sibi iubiicerentur, beneque omnia successissent, occasionem Christus accepit dicendi, quæ sequuntur, ut notauit Auctor imperfecti homil. 28.

*Respondens.*) Orsus. Hebraismus. Apud Hebræos *אמר* respondere, non solum significat interrogantibus, aut prius locutis reddere responsum, sed sæpe etiam exordiri loqui, ut Euthymius, tamen si auctor minime Hebræus obseruauit. Quanquam sunt, qui hoc loco suam proprietatem retinere putent, significareque responsum, quod Christus gloriantibus Apostolis reddidit. Sed Lucas capit. 10. 21. post responsum Christi ponit, & aperte ab illo distinguit.

Confiteor  
pro gratias  
ago in scri-  
ptura.

*Confiteor.*) Gratiarum ago, laudo te, alter Hebraismus *הודית*, quod & confiteri, & gratias agere, & laudare significat. Quod in psalmis passim occurrit, Psal. 6. 6. & 7. 18. & 9. 2. & 17. 50. Id Hicronymus. Chrysostomus. homil. 39. Augustinus. quæst. 9. in Matth. Beda, Theophylactus. Euthymius. & nemo non adnotauit.

*Tibi pater, Domine celi, & terre.* Obseruauit aduersus Arianos Athanasius in epistola ad Marcum Romanum Pontificem. & Cyrillus libro 5. Thesauri c. 5. interpunctionem inter nomen patris, & Domini à Christo studiosè, & significanter adhibitam, ne Deum non solum patrem, sed etiam dominum suum uocare uideretur. Patrem enim non celi ac terre, sed suum; dominum uero non suum, sed celi appellat, & terre.

*Quia abscondisti hæc.* Quæ mysteria regni celestis, quæ & ipso, & Apostolis prædicantibus, & miracula facientibus paruuli perceperunt, sapientes reiecerunt.

*A sapientibus, & prudentibus, & reuelasti ea paruulis.* Quidam sapientes Iudæos legis ornatos scientia, & par-

uulos Gentiles intelligunt, quia Dei, legisque non habebant cognitionem, ut auctor imperfecti & Theophylactus, sed nondum erat gentibus Euangelium prædicatum. Melius Chrysostomus, Hieronymus, Euthymius, & Beda sapientes Scribas & Phariseos, & eorum similes, paruulos Apostolos intelligunt. Quanquam mihi non uidetur paruulos tantum Apostolos, quam qui illis Christo-que prædicantibus crediderant, appellare: de fructu enim prædicationis, ut ex Luca constat, agebatur. Illos sapientes uocat, non quod essent, sed quod esse deberent; aut quod esse sibi uiderentur, ut ait Hilarius, uel quod sapientes reuera essent, non tamen secundum spiritum: sed secundum carnem, ut Chrysostomus. Ea enim sapientia *stultitia est apud Deum* 1. Corinth. 3. 19. ea *legi Dei non est subiecta* Roman. 8. 7. Eiusmodi sapientes non crediderunt, *Uidete uocationem uestram fratres, quia non multi sapientes secundum carnem, non multi potentes, non multi nobiles.* 1. Corinth. 1. 26. *Quare si quis uidetur inter uos sapiens esse in hoc saeculo, stultus fiat, ut sapiens sit.* 3. 18. Eos autem qui crediderant *uixit* infantes paruulos uocat, quia *malitia paruuli erat*, ut ait Diuus Paulus 1. Corinth. 14. 20. & *sicut modo geniti infantes.* 1. Petri 2. 2. Mirum uideri potest, quam ob rem Christus gratias patri agat, quod Euangelium à sapientibus absconderit, quasi ob eorum damnationem grauetur. Respondet Chrysostomus. Christum non agere gratias, quod sapientibus absconderit, sed quod cum illis absconderit, paruulis reuelauerit. At abscondit certe. Non propriè dicitur abscondisse. Nec enim abscondit propriè, qui ideo filium suum misit, ut Euangelium illis, sicut & ceteris omnibus Iudæis, reuelaueret: sed abscondisse dicitur, quia nolentibus recipere retraxit, quia noluit ui intrudere, quia noluit indignis dare, ut Chrysostomus & Theophylactus. Denique ita illis pater Euangelium abscondit, sicut eos filius excæcauit Ioan. 9. 39. *In indi-*

Euangelium,  
quo sensu  
Christus  
nonnullis  
abscondit.

Q cium



eum ego in hunc mundum ueni, ut qui non vident, uideant, & qui uident, cæci fiant.

16. Ita pater.) *καὶ ὁ πατήρ, ἡ πατήρ*: quod Hieronymus. hoc sensu interpretatur, quasi Christus dicere uoluerit, mactē pater, perge ita facere, quemadmodum cepisti. Alii, ita pater, factum est, quia sic placitum fuit ante te, quasi non alia eius rei, quam Dei uoluntas, qua eos reprobaue- rat, causā reddatur, ut, qui nullam, præter Dei uoluntatem, reprobratio- nis causam esse uolunt. In quo er- rore omnes nostri temporis hæreti- ci pertinacissimè uersantur. Sed quo- modo, & quam ob causam Deus il- lis absconderit, uersu superiore expo- suimus. Ego igitur sic interpretor. Ita pater, supple, confiteor, ex supe- riore oratione, quasi dicat, etiam at- que etiam pater gratias tibi ago, quod sic facere uolueris, ut cum sapientes Euangelium recipere noluerint, par- uulis non sis designatus reuelare. So- let enim Christus hac phrasi, quod ante dixerat, repetere, & magis ac magis confirmare, sicut cum Latini dicunt, etiam atque etiam, aut enim- uero, ut Lucæ 12. 5. ostendam autem uobis, quem timeatis: timeo eum, qui postquam occiderit, habet potestatem mittere in Gehennam. Ita dico uobis, hunc, timeo.

Quoniam sic fuit placitum ante te.) Hebraïsimus, quia ita tibi uisum est.

27. Omnia mihi tradita sunt.) Qua ra- tione hæc cum superioribus hereant, facile non apparet. Plerique uete- res interpretes putant ideo hæc di- xisse Christum, ne paullo ante tan- quam minor gratias patri egisse vi- deretur, ut Hilarius, Athanasius in oration. de æterna substan. filij, & spiritus sancti cum Deo, contra Sa- bellij gregales, Chrysostomus, Euthy- mius, & Theophylactus hoc loco. Po- tius credo ideo dixisse, ut rationem redderet eorum, quæ ver. 28. 29. 30. di- cturus erat, uenite ad me. Itaque non sunt cum precedentibus, sed cum se- quentibus copulanda.

Omnia.) Hieronymus, & Beda

omnia, interpretantur omnes homi- nes, qui ueniunt ad patrem, ut Io- annes 6. 39. Hæc est uoluntas eius, qui misit me patris, ut oēs, quod dedit mihi, non perdam ex eo, & cap. 18. 9. quos de- disti mihi, non perdi ex eis quemquam. Hilarius uero, & Euthymius, illa, quæ sola nota sunt patri, quæque ad naturam diuinam pertinent, ut Ioann. 16. 15. Omnia, quæcunque ha- bet pater, mea sunt, propterea dixi, quia de meo accipiet. Irenæus uero libro 4. capitulo. 37. & Tertullin 4. libro con- tra Marc. omnia, quæ per ipsum fa- cta sunt, interpretantur. Auctor im- perfect. omnia regna cœlestium, ter- restrium, & infernorum. Chry- sostomus, omnis potestas miracula faciendi. Quæ omnia uera quidem sunt, sed non uidentur ad hunc lo- cum aptè hære. Itaque malim per omnia omnem potestatem guber- nandi, seruandique homines intel- ligere, ut infra capit. 28. 18. Data est mihi omnis potestas in cœlo, & in terra. Inuita enim homines, ut ad se ue- niant, quia potestatem habet ser- uandi eos, uenite ad me omnes, qui labo- ratis, & onerati estis, et ego reficiam uos. Potest quæri, qua ratione loquatur Christus, ut Deusne, an homo? Theo- phylactus, & ut uidetur etiam Hi- larius, & Euthymius, ut Deum loqui putant, sed tantum significare se una cum natura diuina omnia à pa- tre accepisse, quemadmodum si pul- chri patris pariter pulcher dicat fi- lius se omnem pulchritudinem à patre suo habuisse: nec enim pro- pterea minorem se illo esse signifi- cabit. Itaque nihil Ariani ex hoc loco contra Christi diuinitatem ar- gumentari possunt. Fuisse enima solitos obicere, Cyrillus libro 10. thesaur. capitulo 10. auctor est. Au- ctor uero imperfecti, ut hominem loqui dicit, quod cum superiore, nostra interpretatione magis con- uenit: nam, ut homo, hominum caput est. Quanquam uerba illa apud auctorem operis imperfecti adiecta ab aliquo fuisse suspicor, ut eius errorem emendaret. Sa-  
pe

Locus con-  
tra Arianos  
explicatus.



pe enim animaduerti omnes ferè locos, vbi auctor ille de Christi diuinitate agit, simili ratione esse vi-  
tiosos.

*Et nemo nouit filium, nisi pater.*)

Chrysostomus, ualde probo sententiam, qui ἀπὸ τοῦ οὐνοῦ ex membro sequenti intelligendum putat, aut, cui uoluerit pater reuelare, vt cap. 16. 17. *Beatus es Simon Bariona, quia caro, & sanguis non reuelauit tibi: sed pater meus, qui in celis est, & Ioan. 6. 44. nemo potest venire ad me, nisi pater, qui misit me, traxerit eum.* Alioquin hæc verba frustra addita esse uiderentur. Nunc autem ideo addita esse apparet, ne quis miretur, si Scribæ & Pharisei Euangelio non credant: non enim possunt filium cognoscere, nisi pater, qui solus eum nouit, reuelauerit: nec ad eum uenire, nisi pater eos traxerit. Trahit autem uolentes, non trahit, qui noluit. Quod autem dicit neminem filium nosse, nisi patrem: & patrem neminem, nisi filium: non de natura solum diuina, sed etiam de patris consiliis, & filii officiis intelligendum esse uidetur. Nemo enim nouit patris consilia, quæ ratione uelit homines seruire, nisi filius, & nemo nouit filii officium, cuius causa in hunc mundum uenit, nisi pater. Hic enim sensus ad id, quod agitur, magis est accommodatus, *venite ad me omnes, qui laboratis, & onerati estis, & ego reficiam uos.*

28. *Qui laboratis.*) οἱ κοπιῶντες, qui lassi, qui fatigati estis. Quæ re? peccatis degrauiati, ut Chrysostomus, Hieronymus, Augustinus, serm. 11. de uerbis Domini secundum Matth. & Euthymius, interpretantur. *Lassus* (inquit ille) *sumus in uia iniquitatis*, Sapient. 5. 7. *iniquitates meæ supergressæ sunt caput meum, & sicut onus graue grauata sunt super me.* Psalm. 37. 5. Alii ad graue legis iugum putant alludere, in quibus Hilarius est, & Theophylactus, quasi iugo legis Euangelium iugum opponatur. *Iugum enim meum suauis est, & onus meum leue.* Quod mihi non displicet, mo-

do peccata non excludantur, quæ lex aggrauabat potius, quàm alleuabat. Eo enim uidetur in primis spectasse Christus.

29. *Tollite iugum meum.* Euangelium Hilar. & Beda.

*Et discite a me, quia mitis sum, & humilis corde.*) Omnes fere auctores ita interpretati sunt, vt sensus sit, discite meo exemplo mites, & humiles esse, vt Chrysostomus homilia 39. & Augustinus sermo. 10. de uerbis Domini secundum Matth. cuius illa est a concionatoribus decantata sententia, *Discite a me non miracula facere, non omnia uisibilia, & inuisibilia creare, sed quoniam mitis sum, & humilis corde.* Vera omnino sententia: non propria tamen interpretatio. Vult enim probare Christus iugum suum suauis esse, & onus suum leue. Itaque uerus mihi uidetur esse sensus, quem auctor imperfecti animaduertit, *Discite a me*, id est sublato iugo meo experimini me mitem esse, & humilem corde. Inuitat enim ut ad se ueniant, quod non tyrannus, sed benignus, & mansuetus Dominus sit: nec uult sibi credere, sed sublato iugo experi.

30. *Iugum enim meum suauis est.*) ἡπιὸς lene uocat iugum epitheto moribus suis accommodato. ἡπιὸς enim, bonus, probus, benignus, suauis, non tam ad res, quàm ad personas, & mores pertinet, quasi dicat, iugum meum non est iugum hominis crudelis, quale solent huius mundi reges suis populis imponere, sed benigni, suauis, & clementis patris. Excitat in commentariis huius loci quæstionem Hieronymus, quomodo Euangelicum iugum suauis, & onus leue esse dicat, cum multò grauius, quàm legale esse uideatur. In lege homicidium, in Euangelio uerbum Raca: in lege adulterium, in Euangelio mulieris ad concupiscendum aspectus hominem damnat, cap. 5. 22. 28. Respondeo quattuor de causis dici leuius. Prima est, quod in Euangelio non sint, nisi necessaria ad salutem præcepta, quæ natura ipsa docet, quæ uero vno

Q 2 uerbo



Inzum Eui  
gelij leuius  
iugo legis  
4. ob causas

uerbo continentur; *omnia quaecunq;  
vultis, ut faciant vobis homines, & vos  
facite illis*, cap. 7. 12. ut hoc loco docet  
Hilarius. In lege autem Moſis infinita  
erat praeceptorum multitudo, quae  
non ideo data fuerat, quod ad ſalutem  
natura ſua eſſent neceſſaria, ſed ut ſeu-  
riore diſciplina rudem populum exer-  
cent. Quo ſpectauit Petrus Act. 15. 10.  
*Quid tentatis Deum, impunere iugum ſu-  
per ceruices diſcipulorum, quod neque pa-  
tres noſtri, neque nos portare potuimus.*  
Secunda, quod ſublata ſupplicia illa  
grauiffima, quae lex comminabatur,  
dentem pro dente, oculum pro oculo. Lex  
enim iram operabatur Roman. 4. 15. ſpi-  
ritus legis ſpiritus erat timoris, & ſer-  
uitutis Rom. 8. 15. *non enim accepiſtis  
ſpiritum ſeruitutis iterum in timore, ſed  
accepiſtis ſpiritum adoptionis filiorum  
Dei.* Spiritus Euangelij ſpiritus eſt ca-

ritatis, benignitatis, & manſuetudinis.  
Itaque uolentes aliquando diſcipulos  
ignem de coelo deuocare, ut Samarita-  
nos, qui Chriſtum recipere noluerat,  
abſumeret, *neſcitis*, inquit, *cuius ſpi-  
ritus eſtis*. Tertia, quia in lege omnia ut  
ſciebant, quae res leuiſſimas grauiffimas  
reddit; In Euangelio omnia caritate,  
& uoluntate fiunt, & nihil graue, ac dif-  
ficile uolenti. *Hae* (inquit Ioannes)  
*eſt caritas Dei, ut mandata eius cuſto-  
diamus, & mandata eius grauiora non  
ſunt, quoniam omne, quod natum eſt ex  
Deo, vincit mundum.* 1. Ioann. 5. 3. 4.  
quam rationem Hieronymus reddit.  
Quarta, quia lex onerabat, non iuu-  
bat: in Euangelio autem una cum one-  
re ſpiritus datur, qui adiuuat infirmi-  
tatem noſtram, ut Auguſtinus reſpon-  
det. ſerm. 9. de uerbis Domini ſecun-  
dum Matthaeum.

Luc. 9. 55

Exo. 21. 14.

## CAPV T XII.

Marc. 2. d.  
23.  
Luc. 6. 33.

1



1. Reg. 21.  
2. 4.  
Num. 28.  
b 9.  
Leu. 24. b. 8  
Oſe. 6. c. 6.

Mat. 3. 4. 1  
Luc. 6. a 6.  
Deut 22.  
2. 4.

Nullo tempore abiit Ieſus per ſata ſabba-  
to: diſcipuli autem eius eſurientes cepe-  
runt vellere ſpicas, & manducare. 2. Pha-  
riſaei autem videntes, dixerunt ei: Ecce di-  
ſcipuli tui faciunt, quod non licet facere  
ſabbatis. 3. At ille dixit eis: Non legiſtis,  
quid fecerit Dauid, quando eſuriſt, & qui cum eo erant: 4. quo  
modo intrauit in domum Dei, & panes propoſitionis comedit,  
quos non licebat ei edere, neq; his, qui cū eo erant, niſi ſolis ſa-  
cerdotibus? 5. Aut non legiſtis in lege, quia ſabbatis ſacerdo-  
tes in tēplo ſabbatum violant, & ſine crimine ſunt? 6. Dico au-  
tem vobis, quia templo maior eſt hic. 7. Si autem ſciretis, quid  
eſt: Miſericordiam volo, & non ſacrificium: nunquam condem-  
naſſetis innocentes: 8. Dominus n eſt filius hominis etiam ſab-  
bati. 9. Et cum inde tranſiſſet, venit in ſynagogam eorum. 10.  
Et ecce homo manum habens aridam, & interrogabant eum,  
dicentes: Si licet ſabbatis curare? vt accuſarent eum. 11. Ipſe  
autem dixit illis: Quis erit ex vobis homo, qui habeat ouem  
vnā, & ſi ceciderit hae ſabbatis in foueam, nonne tenebit, &  
leuabit eam? 12. Quanto magis melior eſt homo oue? Itaque  
licet ſabbatis benefacere. 13. Tunc ait homini: Extende ma-

num



hum tuam . Et extendit , & restituta est sanitati, sicut altera.  
 14. Exeuntes autem Pharisei , consilium faciebant aduersus  
 eum, quomodo perderent eum. 15. Iesus autem sciens recessit  
 inde, & secuti sunt eum multi, & curauit eos omnes: 16. &  
 praecepit eis, ne manifestum eum facerent. 17. Vt adimplere-  
 tur, quod dictum est per Isaiam prophetam, dicentem. 18. Ec-  
 ce puer meus, quem elegi, dilectus meus, in quo bene compla-  
 cuit animae meae. Ponam spiritum meum super eum, & iudi-  
 cium gentibus nuntiabit. 19. Non contendit, neque clamabit,  
 neque audiet aliquis in plateis uocem eius: 20. arundinem  
 quassatam non confringet, & linum fumigans non extinguet, do-  
 nec eijciat ad uictoriam iudicium: 21. & in nomine eius Gen-  
 tes sperabunt. 22. Tunc oblatus est ei daemonium habens, cæ-  
 cus, & mutus, & curauit eum ita, ut loqueretur, & uideret. 23. Et  
 stupebant omnes turbæ, & dicebant: Nunquid hic est filius Da-  
 uid? 24. Pharisei autem audientes, dixerunt: Hic non eijcit dæ-  
 mones nisi in Beelzebub principe dæmoniorum. 25. Iesus au-  
 tem sciens cogitationes eorum, dixit eis: Omne regnū diuisum  
 contra se, desolabitur: & omnis ciuitas, uel domus diuisa contra  
 se, non stabit. 26. Et si satanas satanam eijcit, aduersus se diui-  
 sus est: quomodo ergo stabit regnum eius? 27. Et si ego in  
 Beelzebub eijcio dæmones, filij uestri in quo eijciunt? Ideo ipsi  
 iudices uestri erunt. 28. Si autem ego in spiritu Dei eijcio dæ-  
 mones, igitur peruenit in uos regnum Dei. 29. aut quomodo  
 potest quisquam intrare in domum fortis, & uasa eius diripere,  
 nisi prius allegauerit fortem? & tunc domum illius diripiet.  
 30. Qui non est mecum, contra me est: & qui non congre-  
 gat mecum, spargit. 31. Ideo dico uobis: Omne peccatum, &  
 blasphemia remittetur hominibus, spiritus autem blasphemiae  
 non remittetur. 32. Et quicumque dixerit uerbum contra fi-  
 lium hominis, remittetur ei: qui autem dixerit contra Spiritum  
 sanctum, non remittetur ei neque in hoc sæculo, neque in futuro.  
 33. Aut facite arborem bonam, & fructum eius bonum, aut faci-  
 te arborem malam, & fructum eius malum: siquidem ex fructu ar-  
 bor agnoscitur. 34. Progenies uiperarum, quomodo potestis  
 bona loqui, cum sitis mali? ex abundantia enim cordis os loqui-  
 tur. 35. Bonus homo de bono thesauro profert bona: & ma-  
 lus homo de malo thesauro profert mala. 36. Dico autem uo-  
 bis, quoniam omne uerbum otiosum, quod locuti fuerint homi-  
 nes, reddent rationem de eo in die iudicii. 37. Ex uerbis enim  
 tuis iustificaberis, & ex uerbis tuis condemnaberis. 38. Tunc  
 responderunt ei quidam de Scribis & Phariseis, dicentes: Magi

Isa. 42. 1. 2.

Marc. 3. 22.

Luc. 11. 16.

14.

Sup. 9. d. 34.

Luc. 11. 17.

Mar. 3. d. 28.

Luc. 11. 17.

Lu. 6. 45.

Inf. 16. 2. 14.

Q 3 ster,



ster, uolumus à te signum uidere. 39. Qui respondens ait illis :  
Luc. 11. c. Generatio mala, & adultera signum quærit: & signum non dabi-  
29. tur ei, nisi signum Ionæ prophetæ. 40. Sicut enim fuit Ionas in  
1. Cor. 1. d. ventre ceti tribus diebus, & tribus noctibus; sic erit Filius homi-  
22. nis in corde terræ tribus diebus, & tribus noctibus. 41. Viri Nini  
Ioan. 2. a. 2. uitæ surgent in iudicio cum generatione ista, & condemnabunt  
Ioan. 3. b. 5. eam: quia pœnitentiam egerunt in prædicatione Ionæ. Et ecce  
3. Reg. 10. plus quàm Ionas hic. 42. Regina ausfri surget in iudicio cum ge-  
2. 10. neratione ista, & condemnabit eam: quia uenit à finibus terræ  
2. Paral. 6. audire sapientiam Salomonis, & ecce plus quàm Salomon hic.  
2. 1. 43. Cum autem immundus spiritus exierit ab homine, ambulat  
Luc. 11. c. per loca arida, quærens requiem, & non inuenit. 44. Tunc dicit:  
24. Reuertar in domum meam, unde exiui. Et ueniens inuenit eam  
3. Petr. 2. d. vacantem, scopis mundatam, & ornatam. 45. Tunc uadit, & assu-  
20. mit septem alios spiritus secum nequiores se, & intrantes habi-  
Marc. 3. d. tant ibi: & fiunt nouissima hominis illius peiora prioribus. Sic  
31. erit & generationi huic pessimæ. 46. Adhuc eo loquente ad tur-  
Luc. 6. c. 20. bas, ecce mater eius, & fratres stabant foris, quærentes loqui ei.  
 47. Dixit autem ei quidam: Ecce mater tua, & fratres tui foris  
 stant quærentes te. 48. At ipse respondens dicenti sibi, ait: Quæ  
 est mater mea, & qui sunt fratres mei? 49. Et extendens manum  
 in discipulos suos, dixit: Ecce mater mea, & fratres mei. 50. Qui  
 cunque enim fecerit voluntatem Patris mei, qui in cœlis est: ipse  
 meus frater, & soror, & mater est.

## C A P V T XII.



**A** B I I T Iesús per sata  
 sabbato. ) Nihil ef-  
 set hoc loco difficul-  
 tatis, si solus Mat-  
 theus hanc narra-  
 set historiam. Nūc  
 autem quia Lucas c. 6. 1. eandem recen-  
 sens dicit id in sabbato *ἡ δὲ ἑπομένη*  
 secundo primo accidisse; intelligi hic  
 locus non potest, nisi ille Lucæ intelli-  
 gatur, quem non uideo satis apud in-  
 terpretes explicatum. Ponam, ut so-  
 leo in rebus difficilioribus, aliorum  
 primū opinionēs, deinde meam  
 adiungam. Multi putant sabbatum  
*ἡ δὲ ἑπομένη* secundo primum ap-  
 pellari solitum fuisse octauum diem  
 eorum festorum, quæ per octo dies cō-  
 tinuos agebantur, quale erat festum

azimorum, & tabernaculorum. Octa-  
 uus. n. dies eodem ritu, ceremoniæq;  
 quo primus celebrabatur Leuit. 23.  
 36. 39. & Num. 29. 35. secundo uerò  
 primū appellatum, quod, cum primo  
 celebratē par esset, secundus tamen  
 ab eo esset loco. Illud ergo, de quo  
 Mattheus hic, & Lucas illic agit, fuisse  
 diem octauū azimorum, sic Epiphanius  
 hæret. 51. & pleriq; recentiores.  
 Alij primum diem azimorum ita uo-  
 catum, quod secundus esset a Pascha,  
 ut Euthym. & Isidor. apud D. Thomā  
 Alij fuisse sabbatum, quod proximè  
 sequebatur festum aliquod, quod in  
 feriā sextam incidisset, ut Theoph. &  
 Chrys. hom. 40. Alij secundū aliquod,  
 id est minus festum, quale neomeniæ.  
 Alij geminū sabbatum, sabbatum  
 ordina-

De sabbato  
 secundo pri-  
 mo questio.



ordinarium, quod septimo quoque die recurrit, & festum aliquod, quod in idem sabbatum incidisset, omne. 2. festum sabbatum vocabatur. Mihi quædā uidentur certa esse principia, ex quibus eius loci explicatio necessario colligenda sit. Primum est, Lucam, cum sabbatum illud vocauit secundo primum, non aliud quod est pluribus, quæ secundo prima dicerentur, sed unum certum sabbatum significare uoluisse, quod solum ex omnibus secundoprimum appellaretur. Voluit. n. Lucas diem certum describere, ut melius occasio calumnie Pharisæorum intelligeretur. Ex quo omnes illæ interpretationes refelluntur, quæ unum è multis fuisse uolunt: ut Euthymij, Isidori, Chrysostomi, & Theophylacti. Secundum est, fuisse illud sabbatum eo tempore, quo segetes maturæ erant, sed teneræ, & necdum messæ: alioqui discipuli non uellissent, & confricassent spicas. Ex quo refellitur Epiphaniij sententia, & eorum omnium, qui sabbatum secundoprimum diem aliquam azymorum interpretantur: nec. n. die decimoquinto, aut vigesimo Martij spicæ maturæ esse potuerunt. Quod. n. quidam adnotarunt in Palestina. eo tempore propter vehementem calorem segetes solitas maturescere: fictum esse arbitror. Nam nec illi probare possunt: & nos possumus scriptura, experientiaque refutare. Ioannes. n. testatur tempore passionis Christi frigus fuisse, & se homines ad ignem calefecisse: & festum primitiuorum celebrabatur quinquagesimo die post Pascha, celebrabatur autem simul atque prima falx in messem mittebatur, Deut. 16. 9. non ergo poterant in festo azymorum, id est quinquaginta ante diebus segetes esse maturæ. Experientia uero docet non solum in Palestina, sed neque in multo calidioribus Africæ regionibus segetes tam citò maturescere. Ex quo etiam sequitur non potuisse sabbatum illud esse in festo, ut alij putant, tabernaculorum, quod mense septimo celebrabatur Leuit. 23. 34. quia iam segetes collectæ erant. Tertium est, quod ex Hebræorum accipimus traditione, ut ca. 26.

dicturi sumus, post exiliū Babylonicū nunquā Iudæos unū festum posttridie alterius celebrasse, ne populus duos cōtinuos dies quiescere cogeretur. Unde eorum refutatur opinio, qui sabbatum secundo primū vocari putant, quod festum aliquod proximè sequeretur. Sequitur ergo sabbatum secundoprimum non potuisse esse, nisi festum Pentecostes, aut, quod idē erat, primitiuorū, quia nō nisi unum erat, quale diximus D. Lucam proprio nomine designare uoluisse: & in illud tempus incurrerat, quo & segetes maturæ erant, & nondū messæ, & ad idipsum significandum celebrabatur. Reliquū est querere, cur secundoprimum appelletur. Nihil compertū habeo; quorundam tñ coniectura probabilissima mihi uidetur, ideo ita vocari, quod, cū tria essent præter sabbatum prima. i. præcipua festa, azymorum, primitiuorum, & tabernaculorum, (omnia quippe alia, ut neomenig multo erant minora) inter illa festum primitiuorum, & loco, & celebritate secundum esset à primo. Obiciunt quidam in omnibus festis excepto sabbato licuisse cibos parare Exod. 12. 16. Ita que non potuisse Phariseos accusare discipulos, quod spicas confricarent. Respondeo non accusasse, propterea, quod parabant cibos, sed propterea, quod spicas colligerant, quasi quodammodo meterent, quod in nullo festo die facere licebat. Deinde potuisse illos immerito, ut solebant, discipulos accusare. Et quidem Iren. lib. 4. c. 20. scribit non fuisse prohibitum in sabbato, & festis spicas vellere, sed metere. Sed responsio Christi ostendit fecisse discipulos, quod alioqui in eo festo facere non licuisset, nisi necessitas eos, ut Dauidem: & Domini presertim, qui templo maior erat, ut sacerdotes, excusasset. Potest etiam obici Græcè numerum esse pluriū ἐν τοῖς σάββατις in sabbatis, quod occasionem nonnullis præbuit, ut existimarent non unum tantum festum, sed duo, aut plura significari, quæ aut eodem die, aut unum posttridie alterius celebrarentur. Facilis responsio pluralem numerum pro singulari Hebræorum more positum esse, quo nō multa

4 sabbata,



sabbata, sed unum è multis sabbatis significatur, vt ver. 5. & 10.

2. *Pharisei autem videntes dixerunt* 41.) Luc. c. 6. 2. scribit phariseos non Christo, sed discipulis dixisse, cur facerent, quod illis in Sabbato facere non liceret. Responderi potest, aut vtrisque, primùm discipulis, deinde Christo dixisse, aut Christo tantum qui respondit. Sed Lucam ideo dicere discipulis dixisse, quia quod magistro dixerunt, non solum de discipulis, sed etiam discipulis ipsis dixisse videbantur. Adnotauit in hunc locum D. Thomas non accusasse Phariseos discipulos, quod ex agro alieno spicas colligerent; quia id lege permissum erat. Deut. 2 5. 2 5. *Si intraueris segetem amici tui, franges spicas, & manu contues; falce autem non metes.*

3. *Non legistis.*) Obijcit opinione scientiæ legis inflatis legis ignorantiam, vt Euthymius adnotauit.

*Et qui cum eo erant.*) 1. Reg. c. 21. 1. dicitur solus fuisse Dauid, itaque non videntur hæc verba cum historia, ad quā alludunt, conuenire. Rudent quidam fuisse quidem solum, cum in sacerdotis domum ingressus est, sed aliquos habuisse comiter, qui illum alio loco operirentur, sicut ipse sacerdoti dixit: *nā, & pueris meis condixi in illū, & illū locum, ver. 2.* Alij habuisse etiā tum comites secum, sed sacerdotem, vt ait eo loco Lyranus, rogasse, cur solus esset: non quod solus esset, sed quod cū multis militibus cinctus esse solet, paucos tunc haberet, sicut regem dicimus ire solum, cum eum pauci sequuntur. Vtramq; opinionē alij refutant, propterea, q̄ scriptura disertē dicat illum fuisse solum, & postea, quā inde discessit, solum etiam ad regē Achis adiisse. Illū verò, cum dixit *se pueris suis in illū, & illū locum condixisse*, officioso vsū fuisse mēdacio, vt fugam dissimularer, Christum autē hoc loco non ex veritate, & opinione sua, sed ex verbis Dauidis locutum esse. Horum ego opinio nem etiam refello, q̄ non solum Dauidem, sed Christum penē ipsum mendacij arguere uideatur, & quod Christus apud Marcum c. 2. 26. & Lucam 6. 6. 4.

dicat Dauidem ex panibus propositionis comedisse, & dedisse ijs, qui cum ipso erant: quod non video quo modo, si nemo cum illo erat, interpretari possint. Eorum ergo probo sententiam, qui existimant neminem cum eo fuisse, cum panes accepit, sed aliquos alio loco socios habuisse, quibus ex panibus dederit.

4. *Quomodo intrauit in domum Dei.*) Nondū fuisse templum, nemo nescit, nec ibi arcam fuisse legimus, quæ toto illo tempore in Silo fuisse dicitur 1. Reg. 1. 24. & 3. 21. & 4. 3. quæ domus Dei appellabatur, sed est vero simile, aut potius necessariū fuisse ibi tabernaculum, vbi panes propositionis de more ponebantur, erat. n. Nobe, vbi erat Achimelech, qui Dauidi panes dedit, ciuitas sacerdotum. 1. reg. 22. 9. Quod autem Mar. c. 2. 26. dicit sub Abiathar sacerdote id contigisse, alia est quæstio, quæ commodius illic, quā hic disputabitur.

*Et panes propositionis comedit.*) Hebraei panes propositionis duobus modis vocant פַּנֵּי חֶלֶם panem, vt ita dicam, facierum, quia in tabernaculo, vbi Dñs habitabat, seni ex vna, & seni ex altera parte, quasi ante duas eius facies, proponebantur. (Hebrei. n. duas facies in hoīe, sicut nos duas genas, faciunt) & חֶמֶץ חֶלֶם panē ordinatio- nis, aut dispositionis, quia certo, vt dixi ordine, certoque tempore disponebantur. Adadueri autē hoc secūdo modo, non nisi in libris Par. & Esdr. vocari, qui post exilium Babylonicū scripti sunt 1. Par. 9. 32. & 23. 29. & 2. Esdr. 10. 33. Sept. interpretes tribus modis vterūt. Aliqñ ἀρτους ἐν ὁπλίς quasi dicas panes faciales, vt Exod. 25. 30. Aliqñ ἀρτους τοῦ προσώπου vt 2. Esdr. 10. 33. id est panes faciei. Fere sp̄ ἀρτε τὸν προσέσωσ panes ppositionis, vt Exo. 35. 13. & 40. 21. & 1. Re. 21. 6. & 3. Re. 7. 48. & 1. Par. 32. & 23. 29. & 2. Par. 4. 19. Latinus interps sp̄ panes ppositionis appellat.

5. *Aut non legistis in lege.*) Leuit. 24. 8. & Num. 28. 29. *Quia sabbatis.*) Per singula sabbata, Sacerdotes in templo.) Omnia, vt Chrysost. & Euthym. obseruauerunt, emphasim habent. Paucis enim verbis



expressit omnia, quæ ad exempli exag-  
gerationem pertinebant. I. e. gem præ-  
cipientem; personas sacerdotum, qui ma-  
ximè debebant sabbatum colere; lo-  
cum, in templo; ubi maximè coli oportebat;  
tempus, in sabbatis, quæ maxi-  
mè observationem requirebant: rem,  
sabbatum violant, quod plus est, quàm  
si dixisset, non observant. Violasse au-  
tem sacerdotes sabbatum dicit, non  
quod verè violarent: sed quod ea facer-  
ent, quæ, nisi Dei cultus excusaret, fa-  
cere non licuisset. Nempe victimas ma-  
trabant, pelles detrahebant, intestina  
lauabant, ligna findebant, ignem ascen-  
debant; pueros circumcidebant, ut Hie-  
ron. Chrysost. & Euthy. exponunt. Cõ  
firmatur ex hoc loco nostrorum Theo-  
logorum de festorum celebratione sē-  
tentia, non violari festum, cum ea in  
festo fiunt, quæ ad eius celebrationem  
pertinent, nec alio tempore fieri pos-  
sunt, ut cum pulsantur campanæ, ferū-  
tur cruces, mundatur aliquando tem-  
plum, & si quid eius est modi. Multò  
verò minus, cum ea fiunt, quæ ad salu-  
tem animarum necessaria sunt: de hoc  
enim propriè hoc loco agebatur. Hoc  
est, quod maximè Apostolos excusa-  
bat, quod in predicando, & faciendis mi-  
raculis adeo, ut ait Marcus, fuissent oc-  
cupati, ut nec parare cibum, nec capere  
posset. Hoc est *miserecordiam uolo, non  
sacrificium*. Hoc enim sensu Christus  
inducit, quasi dicat, melius esse, ut Apo-  
stoli animas hominum, quàm sabbat-  
um seruent.

6. *Templo maior est hic.* De hoc lo-  
co. De quo autem loquatur, non con-  
sentiunt interpretes. Quidam ex hære-  
ticis salutem hominum significari pu-  
tant, quæ templo præponatur: mini-  
mè bono, ut mihi videtur iudicio. Hic  
ronymus locum, in quo Christus erat.  
Cum enim Deus esset, ubicumq; erat,  
templum erat. Sed non dubito, quin  
se ipsum templum appellauerit, quia  
in ipso habitabat *omnis plenitudo diui-  
nitatis corporaliter* ad Colossen. 2. 9. si-  
cut versic. 41. de se ipse dicit, *Ecce plus  
quàm Ionas hic.* & versic. 42. *Ecce plus  
quàm Salomon hic.* & infra ver. 8. *domi-  
nus est filius hominis etiam sabbati.*

Atque ita Euthymius, & Theophyla-  
ctus interpretantur.

7. *Si autem sciretis, quid est.* Quor-  
sum hoc prophetae testimonium Chri-  
stus inducat ver. 5. exposuimus, ipsum  
verò testimonium c. 13.

8. *Dominus est filius hominis etiam  
sabbati.* Probat se, & templo esse  
maiores, & in sabbati observatione  
dispensare posse, quia *dominus est etiam  
sabbati*, & unusquisque potest de re  
sua, quod velit facere. Marc. capi-  
tulo 2. 27. scribit dixisse, *sabbatum  
propter hominem factum est; non homo  
propter sabbatum*. Vtrumque ergo  
dixit, & quod Matthæus narrat, ut  
probaret se templo esse maiores, quia  
templum sabbato seruiebat, ipse au-  
tem dominus erat sabbati, & quod  
Marcus, ut probaret hominum salu-  
tem sabbathi observationi esse præfe-  
rendam.

9. *Et cum transisset inde.* Scribit Lu-  
cas capit. 6. 6. id altero die sabbati con-  
tigisse. Quod ex hoc etiam loco ma-  
nifestum est. Venit enim in Synago-  
gam eorum: Synagoga vero die sab-  
bati congregabatur. Et propterea  
interrogarunt eum, an liceret in sab-  
bato curare, quia sabbatum erat ver.  
10. August. lib. 2. de cons. Euang. c. 35.  
& Euthym.

*In synagogam eorum.* Qui preceden-  
te die sabbati discipulos, quod spicas  
vellarent, accusauerant. Non enim mi-  
nus quærebat Christus occasionem,  
ut iniuste accusaretur, quàm illi ut ac-  
cusarent: ut ex eorum accusatione  
ansam caperet eos docendi, atque  
obiurgandi.

10. *Et interrogabant eum.* Marcus c.  
3. 4. & Lucas cap. 6. 9. dicunt Christum  
Pharisæos interrogasse. August. lib. 2.  
de consens. Euang. ca. 35. & Theophy-  
lact. hoc loco respondent Pharisæos  
prius Christum; deinde Christum  
Pharisæos interrogasse. Sed facilius re-  
sponsio est Marcum, & Lucam non di-  
cere Christum interrogasse Pharisæos,  
utrum liceret in sabbato curare: sed  
utrum liceret bene facere, an male.  
Itaque non eadem est quæstio, quàm Pha-  
risæis Christus, & Christo Pharisæi

propo-

Opera dic-  
bus festis li-  
ceta,



proposuerunt: sed Pharisei prius interrogarunt Christum, num liceret in sabbato curare: Christus, ut eorum malignitatem coargueret, immutata paululum quaestione interrogauit Phariseos, an liceret in sabbato benefacere, an male; ut uerbis ipsis quaestionis eos pungeret, & puer faceret.

12. *Quanto magis melior.*) Phrasin La-  
tinis inusitata, quamuis nonnulli au-  
ctores Ecclesiastici mille ab hinc annis  
ita locuti sint. Graeci ea utuntur, ut su-  
pra capit. 6. 26. οὐχ ὑμεῖς μᾶλλον δια-  
φέρετε αὐτῶν; quod noster interpres  
revertens Graeca phrasin conuertit, nonne  
uos magis plurius estis illis? altero com-  
paratio redundante. Itaque suspicor  
hoc etiam loco pro πόσω οὐ διαφέρει  
nostrum interpretem legisse πόσω οὐ  
μᾶλλον διαφέρει.

*Itaque licet sabbatis benefacere.*)  
Non concludit licere curare, ut Phari-  
saei interrogauerant, sed licere benefa-  
cere, sicut ipse interrogauerat Phari-  
saeos apud Marc. capitulo 3. 4. & Luc.  
cap. 6. 9. Habet etiam maiorem effica-  
citatem generalis sententia, & uerbum  
ipsum benefaciendi, sub quo includi-  
tur etiam curare, quia curare est bene-  
facere.

15. *Iesus autem sciens.*) Nemine in-  
dicante, sicut eorum uidebat cogitatio-  
nes infra uersicu. 25. & supra capitu-  
lo 9. 4. & Luc. 5. 22. & 6. 8. & 9. 47. &  
11. 17.

Christus cur  
fugit Phari-  
saeos.

*Secessit.*) Ad mare, ut explicat Mar-  
cus cap. 3. 7. fugit, sicut Apostolos fu-  
gere docuerat cap. 10. 23. Fugit autem  
non metu: aut impotentia resistendi;  
sed quia nondum uenerat hora eius,  
ut in causis similibus Ioannes ait c. 7.  
30. & 8. 26. & 13. 1. & 16. 21. Resistere  
autem, & si poterat, nolebat: quia cum  
fuga cauere posset, non erat necessa-  
rium, & ne arundinem quassatam con-  
fringeret, infra uersicu. 20. & curauit eos  
omnes. Non omnes, qui sequebantur:  
sed omnes, qui aegroti erant, & curari  
uoluerunt. Tantum enim significare  
uoluit Euangelista Christum non ma-  
lignè ac parcè: sed prolixè ac liberali-  
ter in omnes, qui fidem habebant, &

aegroti erant, sine ullo discrimine per-  
sonarum sanitatis beneficium con-  
tulisse.

16. *Et praecepit eis.*) Marc. 13. 12. di-  
cit demoniis praecepisse, ne se manife-  
starent, quia clamabant, *Tu es filius  
Dei.* Quia ergo demonia in homini-  
bus erant, Matthaeus dixit homini-  
bus eum praecepisse. Cur autem pre-  
ceperit, supra disputauimus capitu-  
lo 9. 30.

17. *Ut adimpleretur.*) Quorsum  
Euangelista hoc Isai. c. 42. 1. testimo-  
nium proponat, aut quomodo imple-  
tum esse dicat, non satis apparet. Sunt  
qui putent propterea proposuisse, quod  
Christus prohibuerit miracula sua  
diuulgari, ne Phariseorum aemulatio  
magis exacerbaretur; nolebat enim  
arundinem quassatam confringere.  
Alij referunt ad fugam: ideo fugisse,  
ne resistendo confringeret arundinem  
quassatam, id est minus mansuetudi-  
nis ostenderet, quam de illo propheta  
praedicauerat, Chrysostom. homil. 4. 1.  
Vtrumque probabile; sed illud meo  
iudicio probabilius hoc testimonium  
ad uer. 15. referri. Reddit enim cau-  
sam, cur omnes curauerit, quia quem-  
admodum propheta praedixerat: adeo  
benignus, & mansuetus erat, ut nemo  
in plateis uocem eius audiret: adeo  
uero misericors, ut omnes sana-  
ret, neminem lederet, ac ne arun-  
dinem quidem quassatam confrin-  
geret, & linum fumigans non ex-  
tingueret.

18. *Ecce.*) Demonstrat spiritu pro-  
phético, quem postea Ioannes digito  
demonstrauit, *Ecce agnus Dei, ecce qui  
tollit peccata mundi.* Ioan. 1. 29. & quæ  
pater missa de caelo uoce post baptis-  
mum ostendit, *hic est filius meus dile-  
ctus,* supra c. 3. 17.

*Puer meus.*) עבדו seruus meus. Ser-  
uum autem uocat, ut hominem, quia  
formam serui accepit, & habitum inuen-  
tus est, ut homo Phil. 2. 7. sicut Isai. 43.  
10. & Zacha. 3. 8. nec illum ipsum ho-  
minem Christum eodem modo, quo  
alios uulgariter seruum appellat; sed  
per excellentiam, & honoris sui cau-  
sa, quasi gloriatur Deus, quod inter  
homi-



homines talem habeat seruum: ut in eo sibi placeat anima ipsius, & , vt possit ei proprium Dei officium committere , totam Ecclesiam gubernandi , & quod maximum est , regnum suum perditum recuperandi , vt indicat D. Paulus 1. Cor. 15. 24. Sic, si minora licet maioribus comparare, Moyses Deus seruum suum solebat appellare, Num. 12. 7. 8. Tob Tob 1. 8. & 2. 3. *Considerasti seruum meum Tob, quod non sit ei similis in terra* . Septuaginta interpretes apud Isaiam nomen *Iacob* , praeposuerunt, vt Christus Deus seruum uocare videretur , vel quia alijs locis ira legebant, vt ca. 41. 8. 9. & 44. 1. 2. Obseruauimus in Idiomatis, foliis Septuaginta , cum sententia aliquid videtur absurdi continere, addere, aut derahere, aut mutare aliquid , vt absurditatem tollerent.

*Quem elegi.)* vt hominem. Nam in  
ter omnes homines illum assumpsit  
(loquor enim veterum Theologoru  
more) & Deum fecit, Psal. 44. 3. 8.  
*Speciosus forma pre filiis hominum, dif-*  
*fusa est gratia in labijs tuis , propterea*  
*unxit te Deus Deus tuus oleo lætitiæ pre*  
*confortibus tuis,* & Psal. 2. 6. *Ego autem*  
*constitutus sum rex ab eo super Sion*  
*montem sanctum eius, predicans præcep-*  
*tum eius.* In hoc enim elegi, vt esset  
rex, & verbum eius, qui ipse uerbum  
eius erat, predicaret.

*Dilectus meus.*) Septuaginta addiderunt, *Israel*, sicut paullo ante Jacob *ἰσραὴλ ὁ ἐκλεκτός μου*, quia ita ca. 41. 8. legerant, *tu Israel serue meus, Jacob, quem dilexi.*

*In quo bene complacuit.)* Vide expli-  
cationem c. 3. 17.

Ponam spiritum meum.) Noui hareticorum interpretes, ad baptismum hoc referunt, quod in Christum recens baptizatum Spiritus sanctus descenderit c. 3. 1. 6. Alii, quia erat, & sapientia proficiebat; Luc. 2. 52. Spiritum super illum positum dicunt. Certius est de ipsa eius conceptione interpretari, in qua Spiritus sancto impletus erat Isai. 11. 2. nec enim Ioanne peior erat, de quo angelus dixerat, & *Spiri-*

tu sancto replebitur adhuc ex utero  
matris sue Luc. i. 15.

*Iudicium gentibus nunciabit. )* proferet, id est legislator erit, legem Euangelicam, non, ut Moyses, suam soli Iudeis, sed omnibus gentibus dabit, Psal. 9. 21. *Confitue Domine legislatores super eos, ut sciant gentes, quoniam homines sunt.* Aut gentes omnes iudicabit, quia pater omne iudicium dedit filio Ioan. 5. 22.

*Non contendet.)* Hæc uerba neque apud Hebræos, nec apud Septuaginta in Isaia leguntur : sed est uero similis Euangelistam explicatio in causa addidisse. Significat. n. Propheta Christū sine cōtentione, sine clamoribus, qui be forum perstrepere cōsueuit, quiete, placideque iudicaturum. Hoc enim est, quod ipse dixit capitulo 11. 29. *Tollite iugum meum super uos, & discite a me, quia mitis sum, & humilis corde.* Toro denique hoc Isaia testimonio nihil aliud, quàm Christi mansuetudo declaratur, ut apud Zachar. 9. 9. & Matth. 21. 5. Ioan. 12. 15. *dicite filie Siō, Ecce rex tuus uenit tibi manus uinctus.*

*Non clamabit.*) Hebraice additur  
וְשֵׁי לֹא יִשְׁמַע לָהֶם non tollet, potest autem intel-  
ligi, ut ait Hieron. וְשֵׁי facies id est,  
non habebit in iudicando ullam ra-  
tionem personarum, sic enim Hebræi  
dicunt, quod Greci πρόσωπον λαμβά-  
νειν personā accipere. Vel וְשֵׁי nocem  
suam, ut interpretatur R. Salom. id est  
non uociferabitur.

Donec eijciat ad uictoriam iudiciū. )

Locus est, ut mihi uideatur difficilior,  
quam plerisque interpretibus uisus  
est. Primum apud Isaiam sic legitur  
בארץ קנה רצון לא ישכור ופשתה כחה  
ויצא משפם: לא ויכה ולא ידוך עד ישים  
ולחורתו אים ויחלו. לא ויכבה לאמת  
Arundinē quasatam non conte-  
ret, & linum fumigans nō exstinguet, ad  
veritatem proferet iudicium, non turba-  
bitur, nec animo frangetur, donec ponas  
in terra iudicium & in lege eius insule  
sperabunt: id est adeo quiete, & attentē  
ambulabit, ut etiam si super arundinē  
iam quasatam, qua nihil fragilius es-  
se potest, pedem ponat, eam non con-  
stingat, & si super stuppam non om-  
nino



nino ardentem, sed tantum fumigantem, non exstinguat. Apparet enim fuisse prouerbum, quo summa incenditis lenitas significabatur, sicut Galili, & Hispani de similibus hominibus dicere solent, etiam si super paumentum, ouis stratum ambularet, nullum frangeret. Per incesum autem, & ambulationem omnes uitae actiones intelliguntur ex Hebraeorum idiomate. Significatur ergo Christum omnibus in rebus incredibili mansuetudine, ac lenitate usurum fuisse. Euangelista ceteris uerbis praetermissus tantum haec posuit, *donec eiciant ad uictoriam iudicium, & in nomine eius gentes sperabunt*. Quae ipsa, etsi aliquo modo iis, quae apud prophetam leguntur, uidentur esse similia, eadem tamen non sunt. Hiero. in commentariis ad cum Isaiae locum, & in epistola ad Algasiam q. 2. existimat in scriptorum uitio accidisse, quod ego nullo modo mihi persuadeo. Quin Hebraicum illud, quod nunc habemus, Euangelium, nusquam mihi quam hoc loco magis suspectum est, quod omnia & eadem, quae apud Isaiaem uerba sunt, recitet. Nimis enim affectata fides merito suspecta est. Non solet Matthaeus, cum testimonia ex prophetis adducit, uerba numerare. Iste, qui, ut Matthaeus esse uideretur, numerauit, hoc est apud me consecutus, ut minime Matthaeus esse uideatur. Manifestum est, idque omnes, praeter Hieronymum, interpretes sentiunt, haec uerba Euangelistae *donec eiciant ad uictoriam iudicium*, illis Isaiae uerbis respondere *וְכָל הָעָם יִשְׁפָּטוּ בְּיִשְׁרָאֵל*, ad ueritatem proferet iudicium, id est omnia, dum iudicabit, ad uerum examinabit, uerum pronuntiabit iudicium. Cur autem Euangelista pro proferet, dixerit *ἐκβάλλει* eiiciet, quod Septuaginta dixerunt *ἐπιτίθει* inferet, non ita magni refert. Potuit enim Mattheus Hebraice dicere *וְכָל הָעָם יִשְׁפָּטוּ*, proferet, ut est apud prophetam, & Graecus interpret uertere *ἐκβάλλειν*, quia id etiam potest Hebraicum uerbum significare. Nec enim assentior iis, qui id ab Euangelista, ut maiorem uim adderet uer-

bo certo consilio factum putant, tantumquam uoluerit declarare, etiam ui compulsum Christum homines, ut uerum iudicium subeant: non enim de Christi seueritate, sed de mansuetudine, & mititate agitur. Illud longe difficilius, quomodo pro *וְכָל הָעָם* ad ueritatem, dixerit Euangelista *ἐἰς τὸν κόσμον* ad uictoriam. Quod enim omnes dicunt, non uerba, sed sensum exprimere uoluisse, fateor mihi satisfacere non posse. Nam nec idem uidetur esse sensus, & ut idem esset, tamen hic obscurior certe, quam ille est, & non est uero simile Euangelistam dilucidiorē prophetā sententiam alia obscuriore sententia exposuisse. Itaque cogor meam lectori coniecturam indicare, doctioribus uero iudicandam relinquere. Suspicatur fueram aliquando Matthaeum non pura, & antiqua Hebraeorum lingua, sed corrupta illa ex Caldaica, & Syriaca, quae Christi tempore in usu erat, Euangelium scripsisse, & pro *וְכָל הָעָם* dixisse *וְכָל הָעָם* aut *וְכָל הָעָם*, quod & ueritatem, puritatem, innocentiam, & uictoriam significat; interpretem uero Graecum non ueritatem, ut est apud Isaiaem, sed uictoriam, alteram uocabuli significationem secutum conuertisse. Consului cum haec scriberem, Syriacum Euangelium, comperique recte me diuinasse: nam *וְכָל הָעָם* scriptum inueni, quod & ad innocentiam, & ueritatem, & ad uictoriam potest significare.

21. *Et in nomine eius gentes sperabunt.* Duobus uerbis Matthaeus hic uidetur a propheta discrepare. Primum, quod *וְכָל הָעָם* in lege eius, dicat, in nomine eius. Hic etiam omnes dicunt eandem esse sententiam. Quod etsi non satis intelligo, quia omnium tamen opinio est, refutare nolo. Tantum dico, quod in lectionibus ueteris, ac noui Testamenti adnotaui, magnam mihi apud Septuaginta uitiati loci suspicionem esse. Nam pro *וְכָל הָעָם* in lege eius, non credo eos uertisse *ἐν τῷ ὀνόματι αὐτοῦ*, in nomine eius, sicut nunc legimus, sed *ἐν τῷ νόμῳ αὐτοῦ*, in lege eius, ut legit Hebraice, Nominum autem militum.

Pseudo-  
euangelium  
Hebraicum  
Matthaei.



Virgil. ius  
Eclog. 1.

multitudinem erroris fuisse causam, ut amanuenses pro *νόμος, νόμος* scripserint. Similem enim errorem in iisdem duobus vocabulis alijs etiam locis obseruauimus. Matthæi igitur Grecus interpres Septuaginta secutus pro lege nomen posuit. Deinde discrepat, quod pro *οἱ ἄνθρωποι* insulis, dicat *ἐθνῶν* gentes. Sed hoc discrimen leue admodum est. Insulas enim propheta remotissimas quasque gentes appellauit, quia insulæ à continente remotæ sunt, sicut poeta dixit, & *τοιοῦτοι* diuisos orbe Britannos: ut apud eundem prophetam c. 49. 1. *audite insule, & attendite*, & 51. 5. *me insulæ expectabunt*, & 60. 9. & 66. 19. *mittam ad insulas longè ad eos, qui non audierunt de me*.

22. Tunc.) Cum è synagoga egressus esset, Auctor imperfect. & Remig. vel non significatur certum, & designatum tempus, ut putat Euthymius. Quamquam Marcus ca. 3. 20. videtur dicere id accidisse, simul atque egressus è synagoga in domum uenit. Monendus mihi lector est, non esse hanc illam historiam, quæ à Luca c. 11. 14. narratur, ut plerique interpretes putant. Nam de eo demonio cap. 9. 32. Matthæus scripsit, & nos hanc illic opinionem probauimus.

Cæcus & mutus.) Dubium, utrum natura, aut morbo, ut sentire Hieronymus uidetur, an demonis maleficio, ut Chrysost. & Theophyl. cæcus & mutus fuerit. Credibilis tamen est demonem auditum, & uisum illi ita ligasse, ut neque audire, nec videre posset: indicat enim Euangelista sola eum demonis eiectione auditum, uisumque recuperasse, quasi prius nulla causa, quod minus audiret, videretque, nisi demon, impediuiisset.

23. Nunquid hic est filius David? Id est Messias ille toties promissus, tam diu expectatus, qui ex genere Davidis futurus creditur. Vide, quæ diximus c. 1. 2.

24. In Beelzebub.) tanquam diaboli minister, magicis artibus. Vide c. 9. 34. & 10. 25.

Exorcista  
gudgorum

27. Filij vestri.) Plerique recentiores interpretes existimant Exorci-

stas illos Iudæorum significari, quorum anem quandam à Salomone traditam fuisse lib. 8. antiquit. ca. 2. Iosephus scripsit: & de quibus Lucas in Actis Apostolorum c. 19. 13. mentionem fecit. Filios autem Phariseorum appellari, quod Iudæi essent, ut illi, & aliqui aliquando eorum filij. Argumentum verò esse, cur potius me, quàm filios vestros dicitis in Beelzebub eiicere demonia, cum utrique eiiciamus, cur de me male, cum idem faciamus: de illis bene iudicatis? Veteres de Apostolis hoc dictum putant, Hilarius, Chrysost. homi. 42. Auctor imperfect. 29. Hierony. Theophy. & Euthym. ad quorum sententiam libentius accedo, nisi quod plus Christum, quàm illi dicunt, arbitror significare uoluisset. Apostoli enim in nomine Christi demonia eiiciebant Luc. 10. 17. argumentatur ergo, *Filij vestri*, id est Apostoli, qui ex populo uestro sunt, in quo demonia eiiciunt? nonne in nomine meo? si ergo illi non in nomine Beelzebub, sed in nomine meo demonia eiiciunt, quomodo dicitis me in nomine Beelzebub eiicere? Nam si illi in meo nomine eiiciunt, maior ego demonibus sum, cuius nomine, virtuteque pelluntur: non ergo in nomine Beelzebub ego eiicio: nam si Apostoli mea uirtute eiiciunt, quod negare non potestis, multò magis ego, cuius est uirtus.

Ideo iudices vestri erunt.) Quia sedebunt super duodecim sedes iudicantes duodecim tribus Israel. cap. 19. 28. Hieron. Quamquam ego de alio iudicio ago, quod Theologi comparationis vocant. Iudices enim eorum erunt, quia in illo ultimo iudicio apparebit Apostolos in nomine Christi demonia eiicisse, quod cum vidissent, & credidissent Pharisei, tamen Christum ipsum, quam multo magis credere debeant proptia uirtute demones eiicere, in Beelzebub eiicere dixerunt: sicut versicu. 41. & 42. ait, *Viri Ninive surgent in iudicio cum generatione ista, & condemnabunt eam, & Regina Austri surget in iudicio cum generatione ista, & condemnabit eam, quia re-*

Iudicium  
comparatio  
nis,

nisi



*nit à finibus terra audire sapientium Sa-  
lomonis.*

28. *Peruenit in vos regnum Dei.*) Se ipsum, & aduentum suum regnū Dei vocat, quia initium fuit regni Dei, & aditum nobis ad illud patefecit, Hieron. Chrysosto. & Theophy. argumentum hoc est, si autem in spiritu Dei, ut superiore argumento probatum est, eicio demonia, ergo verum est, quod & ego, & Apostoli mei, & Ioannes predicamus appropinquasse, & venisse regnum. Dei. Nam Spiritus sanctus, qui miracula per nos operatur, nostram predicationem veram esse testatur.

29. *Aut quomodo potest quisquam.)* Facilis sensus, quomodo possum ego diabolum de possessione sua deturbare, id est ex hominibus eicere, nisi fortior sim illo? Nemo enim in domum fortis intrare potest, & illam spoliare, nisi fortior, & superior illo sit, ut possit prius eum armis suis exuere. Fortem vocat *חֲזָק* quem Septuaginta gigante[m] solent vertere: domum autem fortis vocat arcem, quae à gigante custoditur. Fortem intelligit diabolum, quia non est potestas super terram, quae comparetur ei. Iob. 41. 24. *Non est nobis colluctatio,* inquit D. Paulus, *aduersus carnem, & sanguinem, sed aduersus principes & potestates, aduersus mundi rectores* Ephes. 6. 12. Domum eius intelligit mundum, in quo, antequam Christus ueniret, dominabatur, quem, ut significat superioribus verbis D. Paulus, suo regebat arbitrio. Vasa autem eius, non arma, ut multi interpretantur, sed spolia & suppellectilem: prius enim ligat, deinde vasa eius, id est, suppellectilem domus eius diripit, & Lucas c. 11. 22. arma ab spolijs separauit. Suppellectilem autem diaboli vocat miseris animas, quas sub captiuitate detinebat, quasque Christus illi eripuit, & ascendens in altum captiuam duxit captiuitatem, Psal. 67. 19. & Ephes. 4. 8.

39. *Qui non est mecum, contra me est.)* Primum querendum, de quo Christus loquatur. Hilar. ca. 12. Chrysosto. hom. 42. Hieronym. Auctor imperfe-

Beda, Euthym. Theophyl. de diabolo loqui existimant, quasi sensus sit, tantum abest, ut diabolus amicus mihi sit, eiusque nomine demones eiciam, ut maxime mihi sit aduersarius. Melior mihi altera videtur interpretatio, quam etiam Chrysosto. & Theophy. asserunt, ut de Phariseis hoc dictum sit. Quorsum autem ita de illis Christus loquatur, non satis comperit apud interpretes inuenio. Videtur tamen mihi Phariseorum hypocritis reprehendere uoluissse, qui cum fingerent se Christo non aduersari, sed tantum gloriam Dei, & legis obseruationem asserere, maxime tamen illi aduersabantur. Hoc colligitur ex ver. 33. *aut facite arborem bonam, & fructum eius bonum, aut facite arborem malam, & fructum eius malum.* Volebant Pharisei in causa Christi iudices haberi: ad se enim pertinere de religione ac miraculis indicare: ideo indifferentes videri uolebant, quasi nec pro Christo, nec contra Christum essent, cum maxime illi essent inimici: ut suam inuidiam simulata boni iudicis persona occultarent. Hanc illis Christus personam detrahit. Ne, inquit, erretis, & ne alios fallatis: etiam si, quod simulatis vos non esse pro me, neque contra me, uerum esset: tamen ob id ipsum essetis reprehendendi, quia, *qui non est mecum, contra me est.* Quid ergo attinet dissimulare? minor erit culpa, si uos mihi palam aduersarios esse profiteamini: *aut facite arborem bonam, & fructum eius bonum, aut arborem malam, & fructum eius malum.* Quomodo autem haec sententia vera sit, *qui non est mecum, contra me est, & qui non colligit mecum, spargit,* aut quomodo cum illa conueniat, quae apud Lucam est c. 9. 50. *qui non est aduersus uos, pro uobis est,* dubitare lector potest. Sunt, qui ad solos referant Phariseos: quasi non uniuersae, sed in illis tantum uera sit: in alijs uero, quae apud Lucam est, locum habeat, *qui non est contra uos, pro uobis est.* Non probonam etiam propter solos Phariseos hoc dictum est, non illis tamen solis uerum est: sed in omnibus, in quibus eadem



eadem reperitur ratio. Debebāt Phariſæi, quia legis ſcientiam profitebantur, primi omnium Chriſtum recipere, ac pro illo eſſe, qui autem pro illo eſſe debebat, & pro illo non erat, contra illum erat. Non poteſt rex de ijs, qui ad regnum ſuum non pertinent, dicere, *qui non eſt mecum, contra me eſt*, de ſuis autem ſubditis poteſt. Non ſolum enim, qui regem ſui impugnat; ſed etiam, qui pro eo, cum debet, ac neceſſe eſt, non propugnat, læſe maiſtatis reus eſt. Omnes ergo, qui Chriſtum recipere debebant, ſive Phariſæi, ſive alij, ſi non recipiebant, contra illum erant. Debebant autem omnes cum primis Iudæi. Nam Gentiles, qui eum nec uiderant, neque audiuerant, ſi non erant contra illum, pro illo erant. Nihil enim aliud apud Lucam ſignificat, niſi eos, qui pro ſe eſſe non debeant, ſi contra ſe non ſint, eſſe pro ſe. Nam, qui Chriſtum non perſequitur, quamuis nondum ad illum venerit, tamen non longè abeſt à regno cœlorum, & ut perueniat, aliquem uidetur feciſſe gradum. Quamquam ille, de quo eo loco Chriſtus loquebatur, uerè pro illo erat, quia dæmonia in nomine eius eiiciebat, ſed loquitur ex ſuorum diſcipulorū opinione, qui non putabant pro ſe eſſe, niſi, qui ſecum, non doctrina, ſed pedibus ambularent. *Vidimus*, inquiunt, *quendam in nomine tuo eiicientem dæmonia, qui non ſequitur nobiſcum, & prohibemus illum. Nolite*, inquit Chriſtus, *prohibere, qui enim non eſt contra uos, id eſt, qui eadem, quæ uos, docet, ac facit, etiam ſi, quia uos non ſequitur, pro uobis eſſe non uideatur, pro uobis eſt*, quia doctrinam, factaque ueſtra confirmat.

31. *Ideo dico uobis.*) Cauſalis diſtinctio non refertur ad ea, quæ proximè præceſſerūt, ſed ad uer. 24. *Hic nō eijcit dæmones, niſi in Beelzebub principe dæmoniorum*, ut conſtat ex Marc. 3. 30. *quoniam*, inquit, *dicebant, ſpiritum inmundum habet.*

*Spiritus autem blaſphemia non remittetur.*) id eſt, blaſphemia contra Spiritum ſanctum, ut explicatur uerſic. ſe-

quenti, & Marc. 3. 29. & Lucæ 12. 10. Exiſtit ex hoc loco maxima quaſtio, ut D. quidem Auguſt. nullam in ſcriptura maiorem eſſe putet ſer. 11. de uerb. Dom. Quaſtionis duæ partes ſunt, altera, quod ſit peccatum contra Spiritum ſanctum, altera quomodo nec in hoc ſæculo, nec in futuro remittatur. Primum, quæ certa ſunt, ponamus, non diſputemus. Certum eſt peccatum in Spiritum ſanctum non dici, quod contra Spiritus ſancti perſonam eſt, ut rectè D. Auguſt. adinuenit, nam nullum peccatum magis contra Spiritus ſancti perſonam eſſe poterat, quàm Eunomianorum, qui Spiritus ſancti diuinitatem negabant, tamen inter peccata in Spiritum ſanctum non numerabatur, quotidie enim Eunomiani, ut ait Chryſoſt. ad eccleſiam uenientes recipiuntur, & illud, cuius cauſe hæc a Chriſto ſententia pronuntiata eſt, non contra perſonam Spiritus ſancti, ſed contra Chriſti perſonam erat, dicebant enim eum ſpiritum immundum habere, & in Beelzebub principe dæmoniorum eiicere dæmonia. Illud etiam certum, peccatum in Spiritum ſanctum non ſemper omnium peccatorum eſſe grauiſſimum, nec propterea non remitti in hoc ſæculo, nec in futuro, q̄ carearis maius ſit. Nam Sadducæi, qui Spiritum ſanctum eſſe negabant, & athei, quibus hodie plenus eſt orbis, haud paullo magis peccant, quam qui dubitant, in dæmonia a malo, an a bono ſpiritu eiiciantur. Certum etiā, quod idem adnotauit Auguſtin. non de omni peccati in Spiritum ſanctum genere Chriſtum hic agere, ſed de eo tantum, quod in contumeliſis conſiſtit uerbis, hoc enim blaſphemie nomen ſignificat, hoc ſtatim uerſ. 32. explicatur, *quicumque dixerit uerbum.* Tameſi quinque diuerſis in locis diuerſas opiniones ſecutus eſt. Alias dicit peccatum in Spiritum ſanctum eſſe ſinalem, quam uocant impœnitentiam, ut lib. de fide ad Petrum cap. 3. & lib. de uera & falſa pœnitentia cap. 4. & ſer. 11. de uerbis Domini. Alias in Spiritum ſanctum peccare, qui in

Quodnam  
in Spiritum  
ſanctum pec-  
catū appel-  
letur. prima  
quaſtio.

Eccle-



Ecclesia remitti peccata non credens contemnit tantam diuini muneris largitatem, & in hac obstinatione mentis diem claudit extremum, ut Enchir. c. 83. Alias per malitiam, & inuidiam fraternam oppugnat caritatem post acceptam gratiam Spiritus sancti, ut lib. 1. de sermone Domini in monte. Alias peccatum in Spiritum sanctum esse desperationem indulgentiæ Dei, in commentarijs inchoatis in epist. ad Romanos, quem Bacchiarius eiusdem auctor ætatis in epistola de recipiendis lapsis secutus est. Ex quibus nulla blasphemia est, nec sunt uerba, sed facta. Alias proprius ad ueritatem, scienter opera Spiritus sancti damoni tribuere, ut in qq. ex utroque Test. q. 102. Vnde vulgaris Theologorum opinio nata, sex peccati in Spiritum sanctum genera ponentium, finalem impenitentiam, desperationem, obstinationem in malo, scienter ueritatem impugnare, præsumptionem, & fraternæ caritatis inuidiam. Nouatiani uerò peccatum in Spiritum sanctum interpretabantur Christum negare, ut suū confirmarent errorem, eos, qui Christum negassent, non esse ad poenitentiam recipiendos, ut auctor Augustinus est q. 102. ex utroque Test. Alij etiam, ut opinor, Nouatiani, omne graue peccatum, quale homicidium, & adulterium post baptismum commissum peccatum in Spiritum sanctum appellabant, ut idem refert Augustinus sermo. 11. de uerbis Domini, quod & Originem & Theognostū uetustiores auctores apte docuisse scribit in hom. ad hunc locum Athanasius. Alij negare Christi diuinitatem, sicut Pharisei negare uidebantur, ut Hilarius can. 12. & Ambr. libro 7. in Lucam. Alij negare in baptismo, & Eucharistia, cæterisque Ecclesiasticis sacramentis per gratiam Spiritus sancti peccata remitti, ut Beda in hunc locum. Alij generalius hæreticum esse, esse peccatū in Spiritum sanctum, ut Philastrius interpretatur in hæresi Rhetorij. Molestum fortasse lectori est tot audire sententias: re-

citauit tamen, quia semper existimauit in rebus grauioribus partem esse aliquam eruditionis, quid boni senserint auctores, non ignorare. Nec omnes tamen, quas inueni, commemorauit, sed quæ magnos habent auctores, qui hoc digni sunt honore, ut etiam aliena dicentes attentè, ac reuerenter audiantur. Verus sensus non aliunde, quam ex hoc ipso loco eruendus. Videmus, quæ occasione hoc Christus dixerit, quia dicebant Pharisei eum in Beelzebub eijcere dæmonia, manifesta Spiritus sancti opera damoni tribuentes, hoc ergo est peccare in Spiritum sanctum. Animaduertimus etiam Christum non dicere, quicumque dixerit uerbum in patrem, neque, quicumque dixerit uerbum in filium, sed *quicumque dixerit uerbum in filium hominis*, ex quo intelligimus illum de se, non tanquam de Deo, sed tanquam de homine loqui, eumque in filium hominis uerbum dicere, qui humana deceptus specie, aut offensus infirmitate de illo infra illius dignitatem sentit, ac loquitur, ideoque ueniam meretur, quia peccati excusationem, aliquam habet, qui uerò manifesta Spiritus sancti opera damoni tribuit, non meretur, quia nullam potest peccato excusationem obtinere. Vnde altera questionis pars faciliè intelligitur, cur peccatum in Spiritum sanctum nunquam remittatur, non utiq; propterea quod remitti non possit, tenenda enim est regula fidei, quæ nullum peccatum esse docet, quod a Deo remitti non possit, neque propterea, quod nunquam remittatur, credibile enim est aliquos etiā ex illis, qui tunc Christum dicebant in Beelzebub eijcere dæmonia, postea resipuisse, sed propterea quod, qui in Spiritum sanctum peccant, nullam peccati excusationem habeant, ideoque natura sua ueniam non mereantur. In alijs enim plerisque peccatis aut ignorantia, aut infirmitas, si non omnino, aliqua saltem ex parte culpa excusat. *Misericordiam*, inquit D. Paulus 1. Tim. 1. 13. *consecutus sum, quia ignorans feci, & ipse cogno-*

Peccatū in  
spiritū san-  
ctum quo-  
modo non  
remittitur,  
quærit,



*ut figmentum nostrum, recordatus est, quoniam pulvis sumus. Psalm. 102. 14. Spiritus uadens, & non rediens Psalm. 77.*

39. At in peccato in Spiritum sanctum nihil eiusmodi, quod culpam eleuare possit, reperitur. Hæc est uera huius loci interpretatio, non quidem mea: sed Athanasii in homil. in hæc uerba, Paciani episto. 1. Anastasii q. 68. in script. Basilii interro. 273. in reg. breuior. Ambrosii libro 2. de pœnit. cap. 4. Hieron. in commentar. Quanquam ex iis alii, cur peccatum in Spiritum sanctum non remittatur, alias rationes afferunt; in eo tamen consentiunt, peccatum in Spiritum sanctum id esse, quod explicauimus. Eodem ferre redit, quod Chrysost. ait, ideo dici nunquam remitti, quia difficilius remittitur. Sed melius, ut diximus, alii, quia natura sua, cum excusationem nullam habeat, remitti non potest, sicut alio loco Christus dixit, impossibile esse, ut diues in regnum cœlorum intret, non quod Deo, sed quod natura sua impossibile sit. At omnia peccata mortalia, dicit aliqui, eiusmodi sunt, ut ueniam natura sua non mereantur, cur enim, quæ mortalia non sunt, uenialia dicuntur, nisi quia ueniam merentur? Si igitur illa ideo uenialia sunt, quia merentur, hæc, quæ uenialia nō sunt, non merentur. Respondeo nullum peccatum mortale natura sua ueniam mereri, sed alia, si cum hoc comparentur, quia aliquam excusationem præ se ferunt, digna uideri uenia. Idcirco hoc solum esse, quod nunquam natura sua remitti possit, sicut multi sunt alii, præter diuites, qui suis uitiis in regnum cœlorum intrare non possunt, sed ideo de solis hoc diuitibus dictum est; quia plus habent diuitiis onusti, atque grauati, impedimenti. Hinc sequitur, quamuis Christus de sola blasphemia, id est contumeliosis in Spiritum sanctum uerbis loquatur, eius tamen sententiam, non in blasphemia solum, sed in omnibus omnino peccatis, in quibus eadem est ratio, ueram esse. Quale est, si quis non uerbo, sed facto, aut animi

cogitatione Spiritus sancti opera damni tribuat. In hoc genere nostri temporis hæretici peccant, miracula, quæ in Ecclesia Catholica fiunt, illaque maximè, quibus per exorcismos, & Eucharistiam demones expelluntur, aut non credentes, aut magiam interpretantes. Nam, ut Pharisæi Christum, ita illi Christi corpus, quod est Ecclesia, persequuntur, nec credunt, quæ facit, uera esse miracula. Multi hoc loco hæretici refutantur, Eunomiani, qui Spiritus sancti negabant diuinitatem, quos Ambr. libr. 1. de Spiritu sancto c. 3. inde refellit, quod omnis blasphemia hominibus remittatur, blasphemia autem in Spiritum sanctum non remittatur: Sabelliani, qui tres in Deo personas confundeant, cum hic persona Filii, & Spiritus sancti adeo distinguantur, ut, qui in illum peccat, ueniam obtineat, qui in hunc, non obtineat. Calvinistæ & Lutherani, quos necdum natos Augustinus lib. 21. de ciuit. capit. 24. & lib. 6. contra Iulian. capit. 5. & Grego. libr. 4. Dialog. cap. 39. & Beda in commentariis huius loci, & Bernard. sermon. 66. in Cantica refutarunt, hi enim ex hoc loco purgatorium probauerunt, ex eo, quod dicitur uer. 32. *Qui dixerint uerbum in Spiritu sanctu, non remittetur ei, nec in hoc seculo, nec in futuro*, colligentes, aliqua in futuro seculo peccata remitti. At ridet isti; quid tum? etiam Pharisæi dicta, factaque Christi ridebant. Dicunt phrasim esse, quæ nihil aliud significatur, quàm peccatum in Spiritum sanctum nunquam remitti, id à Marco declarari cap. 3. 29. qui pro hoc seculo, & futuro, uno uerbo dicat *in æternum*. Non ignoramus phrasim esse, quæ idem ualeat, quod *in æternum*, sed dicimus *æternum* illud, quod significatur, duas habere partes, hoc seculum, & futurum, & quod Marcus uniuerse dixit, id Matthæum per partes distribute dixisse, quod nunquam eum facturum fuisse contendimus, nisi ad utramque partem, & præsens seculum, & futurum peccatorum remissio pertineret. Ineptum enim esse, qui

Hæretici nostræ ætatis contra Spiritum sanctum peccant.

Spiritus sancti diuinitas,

Personæ Trinitatis distinctæ.

Purgatorium contra Lutheranos, & Calvinistas proba. ut.

Mat. 19. 231

R ita



ita loquatur, non ducam uxorem, nec in hac uita, nec in futura, cum in futura uxores duci non possint. Si non credunt, proferant nobis aliquod ex sacris literis exemplum, ubi eadem phrasia in rebus, quæ ad vnum tantum sæculum pertinent, vsurpetur, & vincant, si proferre non possunt, hæresim suam agnoscant, & fateantur. Rogat aliquis, quod & hæretici Sadduceorum & Phariseorum more, id est non credentes, sed iridentes, nec ut credant, sed ut calumnientur, rogare solent, quomodo peccata illa, præsertim grauissima, quibus in filium hominis blasphematur, in futuro sæculo remittantur: cum nostra sententia quisquis mortali obstrictus peccato vitam finit, non temporalibus Purgatorii, sed æternis inferni pœnis cōdemnetur. Itaq; si in hoc sæculo peccata illi remissa sunt, in altero non remittuntur, quia peccata non habet, quæ remittantur, si remissa non sunt, remitti in futuro sæculo non possunt, quia clausa est remissionis ianua. Facilis est, & expedita solutio; in futuro sæculo remitti peccata dicuntur, non quod culpa, sed quod pena remittatur culpa prius in hoc sæculo remissa. Scio aliam esse istorum hæresim, quod culpam retenta pœna remitti posse negent. Sed iam imperitus, & inconsideratus error est, ut non vnius, aut alterius hominis, sed totius humani generis exemplo refutetur. Omnes enim homines peccati originalis per baptismum remissa culpa grauissimas, atq; diuturnas tota uita pœnas luunt, famem, sitim, morbos, mortem, quas peccati originalis pœnas esse & scriptura testatur, & ipsi non negant.

33. *Aut facite.*) Hæc verba ad diuersas res, ac personas a diuersis auctoribus referuntur. Hilarius, Chrysostomus, Euthymius & Theophylactus referunt ad Christum, ut sensus sit, cur aliter de me, aliter de meis operibus iudicaris? quomodo possum ego, si, ut uos putatis, peccator sum, & spiritum immundum habeo, bona opera facere, quale est, demones ab hominibus expellere, cecos, surdos, mutos, leprosos

curare, mortuos suscitare? Aut ergo facite me malum, & opera mea mala, aut me bonum, & opera mea bona. Hieronymus ad diabolum, quasi dicat, dicitis me in Beelzebub eicere demonia, quomodo potest diabolus arbor mala bonum fructum facere qualis est demonum expulsio: *aut ergo facite arborem bonam, & fructum eius bonum, aut arborem malam, & fructum eius malum.* Beda ad utrumque, arborem bonam ad Christum, ad diabolum malam, tanquam sensus sit, quomodo possum ego, qui sum arbor bona, facere fructus malos, id est opera diaboli, qui est arbor mala? aut dicit me esse bonum, & opera mea bona, aut me esse malum, & opera mea mala. Ambrosius lib. 2. de penitentia c. 4. arborem bonam Ecclesiam, malam Iudæorum Synagogam: fructus malos ipsos Phariseos interpretatur, ut si dicat non potest mala mater Synagoga bonos filios generare. Verus sensus mihi videtur esse, quem multis locis D. Augustinus exposuit, lib. 2. de sermone Domini in monte: lib. 2. de actis cum Felice Manichæo c. 4. lib. 1. contra literas Peril. cap. 6. & serm. 12. de verbis Domini, arborem & bonam & malam ipsos Phariseos appellari. Reprehendit enim Christus eorum hypocritismum, quod cum bona arbor videri vellent, malos tamen fructus facerent, aut quod cum mala arbor essent, bonos videri vellent fructus facere, iubetque aut aperte malos, aut aperte bonos esse. Potest hæc sententia illi, quæ verbi proximo sequitur, videri contraria, *quomodo potestis bona loqui, cum sitis mali?* Itemque illi, quæ est ca. 7. 18. *non potest arbor bona malos fructus facere, neque arbor mala bonos fructus facere,* sed bene intellecta contraria non est. Non enim dicuntur hoc loco Pharisei mali bona, aut boni mala opera facere, quod statim fieri non posse dicitur, *quomodo potestis bona loqui, cum sitis mali,* & in altero loco, *non potest arbor bona malos, nec mala bonos fructus facere,* sed notantur, quod cum mali sint, & videri velint boni, & sua opera, tanquam sancta, religiosaque probari.

34. Proge-

Culpa sine  
pena remit  
titur.



34. *Progenies viperarum.*) Hæc sententia supra explicata a nobis est capitulo 3.7.

*Quomodo potestis.*) Non negat absoluit, & omnino posse: multi enim mali cum sint, bona loquuntur; sed dicit, quod naturale, quod usitatum, quod diuturnum est. Ita enim natura comparatum: ita moribus hominum consuetum est, ut mali mala, boni bona loquantur; ex abundantia enim cordis os loquitur. Si quando secus sit, id, & præter naturam, & præter consuetudinem accedit, & diuturnum esse non potest.

Mat. 12. 34.

Quale uerbo est otiosum.

36. *Omne verbum otiosum.*) Construo Hebraica, qua nominatiuus reducat. Duo hic queri possunt, quorsum hoc a Christo dictum sit, & quid uerbi otiosi appellatur. Omnes, quos legisse memini, auctores putant argumentum a minori ad maius esse; perinde ac si dicat: si de minimo uerbo otioso; quanto magis de blasphemo, quale uestrum est, quo dicitis me in Beelzebub eijcere demonia, ratio in die iudicii reddenda erit. Verbum autem otiosum appellari, quod nullam, aut audientem affert. Hieron. Chrysostom. homil. 43. Basilin. regulis breuior. inter. 23. Ambrosius in Psal. 38. Gregorius homil. 6. in Euang. Beda in comment. Solus Theoph. & Euthym. calumniatorium, & falsum interpretantur, quod aliquos etiam uetustiores auctores dixisse Chrysostomus affirmat. Suspicio ego Hebraice scriptum fuisse *otiosus*, quod & frustra, & mendax; atque calumniatorium significare potest, ut Exod. 20. 7. Græci autem interpretem vertisse otiosum, id est frustra dictum: alios interpretatos altera nominis significatione, mendax, falsum, calumniatorium, quod magis videtur ad locum adherere; quia Pharisei non otiose modo, sed etiam calumniose, & mendaciter de Christo loquebantur. Sed ueterum auctorum sententiam, quam coniecturam meam eamque obscuram, & incertam amplecti malo: eo etiam magis, quod videatur Christus aliquo exaggerationis gene-

re uti, & noui aliquid, atque admirandi dicere uoluisse: de uerbis autem calumniatoriis, deque falsis criminariis in die iudicii reddendam esse rationem, neque nouum, neque admirabile uideri poterat.

37. *Ex uerbis enim tuis.*) Apparet hoc fuisse prouerbum. Et quidē ille phylact. scripture testimonium esse dicit. Forte illud, quod legimus apud Iob capitu. 15. 6. *Condemnabit te os tuum, & non ego, & labia tua respondunt tibi.* Quod autem ait, *ex uerbis tuis condemnaberis*, non ita intelligendum, quasi sola uerba, aut condemnatura, aut iustificatura unumquemque sint: multis enim aliis aut iustificabimur, aut condemnabimur argumentis: sed ita ut ad iustificandos, vel condemnandos multos, qui bene aut male loquuti sunt, sola ipsorum uerba sufficiant; sicut princeps ille sacerdotum in dissimili prorsus Christi causa dixit cap. 26. 65. *quid adhuc egemus testibus?* Ecce audistis blasphemiam. Nam ut ille Christum ex uno uerbo, quo se filium Dei esse significauerat, condemnandum sine alio testimonio iudicauit: ita ipse ex illo solo uerbo, quo Christum blasphemasse dixit, etiam si aliud non haberet peccatum, damnari posset. Nemo igitur nobis infantes obiciat, qui prius moriantur, quam loqui possint. De iis enim agitur, qui bene, maleque loqui potuerunt; & bene maleque locuti sunt. Sæpius enim est adeo accurate omnium rerum in iudicio reddendam esse rationem, ut vel in minimo uerbo satis Deus argumenti, ut homines uel iustificet, uel condemnet, sic deprehensus. Ridiculus est omnino Caluinus, qui hoc loco rider nos, quod hinc hominem non sola fide, sed uerbis etiam, & operibus bonis iustificari colligamus. Quis enim hinc colligit? quis Catholicorum mediocriter doctus ignorat, non hic de iustificatione, qua iusti efficiuntur: sed de iudicis agi sententia, qua sumptis ex uerbis nostris argumento iusti declaramur? Non hoc uti solemus loco: satis habemus multas, & satis manifestas

Ridiculus Caluinus in harm.

R 2 sta



Error Calui  
ni de iustifi-  
catione per  
fidē, & im-  
putatiua iu-  
stitiā, refelli-  
tur.

Rom. 10. 10

Filij alieni  
in scriptura

ita testimonia, quibus eius hæresim re-  
fellamus. Quamquam ne iste quidem  
locus, si diligentius excutitur, atque  
versetur, inutilis nobis contra illum  
erit. Primum eodem modo ex uer-  
bis iustificandi dicimur, atque dam-  
nandi. Damnari autem non est de-  
clarari nos pro iniustis habitos fuisse:  
sed fuisse reuera iniustos: ergo è con-  
trario iustificari non est declarari ha-  
bitos fuisse pro iustis, sed fuisse reue-  
ra iustos. Vbi ergo est figmentum  
imputatiuæ iustitiæ? Deinde, cum ex  
verbis nostris condemnatur, declara-  
mur verbis ipsis, quibus male locuti  
sumus, iniusti facti fuisse. Nam pro-  
fecto Pharisei, qui Christum dicebant  
habere spiritum immundum, etiam si  
fuissent ante iustissimi, illo solo uerbo  
facti fuissent iniusti. Ergo cum ex  
verbis iustificamur, declaramur ver-  
bis ipsis, quibus bene, pieque locuti  
sumus, facti fuisse iusti. *Ore enim con-  
fessio fit ad salutem*; nec quicquam  
ad salutem, præter unam iustitiam, ali-  
quid ualet.

39. *Generatio mala, & adultera.*)  
Generationem uocat Hebraico idio-  
mate genus hominum: adulteram ue-  
rò degenerem, quæ à maioribus suis  
degenerauit, Hebraei בְּנֵי זָרָא filios alie-  
nos, id est degeneres, adulterinos uo-  
care solent, ut Psal. 17. 46. *Filij alieni men-  
titi sunt mihi, filij alieni inueterati  
sunt*, id est degeneres facti, sicut plan-  
tæ, quæ uetustate degenerant, & Psal.  
143. 7. *Libera me de aquis multis, & de  
manu filiorum alienorum.*

Et *signum non dabitur ei.*) Ab omni  
bus queritur, quomodo dicat Chri-  
stus, signum non dabitur ei, cum tam  
multa postea ab eo miracula facta sint.  
Respondent Chrysost. & Euthy. non  
fuisse illis facta, qui obstinati erant: sed  
alijs, qui fructum erant ex illis perce-  
pturi. Alij facta quidem fuisse, sed non  
qualia illi postulabant: quærebant enim  
signum de cælo, ut Marc. cap. 8. 11. &  
Luc. capitu. 11. 16. declarant, id est, ut  
Hieron. ait, uel in morem Eliæ ignem  
de sublimi uenire, uel in similitudinē  
Samuelis tempore æstiuo contra natu-  
ram loci mugire tonitrua. Alij meo

iudicio simplicius, & ad rem, de qua a-  
gitur, magis accommodatè, non esse  
dandum illis signum, id est illis peten-  
tibus, atque rogantibus, quia malo ani-  
mo, & tentandi causa quærebant. Hæc  
enim ratio est, cur Deus aliorum sæpe  
rogatu signa dederit, Ezechiae Isa. 38.  
22. Gedeonis Iudic. 6. 17. 36. horum ue-  
rò rogatu non dederit, quia illi bono,  
hi malo animo petierunt. Quod, ut  
Chrysostomus obseruauit, ex uerbis  
etiam ipsis eorum apparet: non enim  
rogant, sed quodammodo imperant,  
*volumus a te signum videre.*

*Nisi signum Ione prophete.*) Non in-  
uenio, qui uerum sensum huius loci,  
meo quidem iudicio, præter Hilarium  
attigerit. Nec enim, ut omnes inter-  
pretantur, sensum esse arbitror, non  
aliud ad faciendum fidem diuinitatis  
sue Christum esse daturum signum,  
quam, quod sit, sicut Ionas, post  
tres dies, resurrecturus. Qui enim  
ita interpretantur, rationem reddere  
non possunt, cur Ione potius signum,  
cum tam multa sint, quam aliud nomi-  
nauerit. Poterat Eliæ signum pro-  
mittere, qui igneo in cælum curru  
sublatus est: nec enim minus ascensu  
in cælum suo, quam resurrectione  
sua diuinitatem probare potuisset.  
At ne quæstionem quidem interpre-  
tes, quos legerim, attigerunt. Quæ  
facile tamen occurrit, & adeo est ne-  
cessaria, ut totus hic locus sine eius ex-  
plicatione intelligi non possit. Non  
ergo loquitur Christus de signo ad  
persuadendum, sed de signo ad con-  
demnandum; utiturque eleganti uer-  
bi ambiguitate, ut in multis alijs lo-  
cis obseruauimus capitulo 10. 39. *qui  
inuenit animam suam, perdet eam, &c.*  
8. 22. *dimitte mortuos sepelire mortuos  
suos.* Sic hoc loco Phariseos ambigui-  
tate deludit. Cum enim ad creden-  
dum signum petant: responderi non  
esse dandum illis signum, quale pe-  
tunt, ut credant, sed quale non pe-  
tunt, ut condemnentur. Signum au-  
tem, id est argumentum, quo condem-  
nabuntur, est, quod cum Ninivita homi-  
nes Gentiles, & barbari, nulla sci-  
entia legis ex cultu ad unum uerbum Ione  
homi-



hominis peregrini, & illis ignoti crediderint, & singularem egerint poenitentiam, illi tot Christi auditis exhortationibus, tot visis miraculis, non modo non crediderint, sed demonium eum habere dictauerint. Hoc est, quod dicit ver. 41. *Viri Niniuite surgēt in iudicio cū generatione ista.* Illud huic interpretationi contrariū videri potest, quod statim, quasi explicans, quo sensu signum Iona: propheta appellauerit dicit, *sicut enim fuit Iona in vētre ceti tribus diebus, & trib. noctibus, sic erit filius hominis &c.* Respondeo hac explicatione nihil aliud Christum docere voluisse, quā se esse Iudæis, quod Iona fuerat Niniuitis, eō etiam maiorem, quod maius est mortuum resurgere, quam euomi deuoratum, & tamen Niniuitas Iona: credidisse, Iudæos sibi non credere.

40. *Sic erit filius hominis.* Cur filius hominis appelleretur, diximus c. 8. 20.

*In corde terræ.* Beda, & Euthymius cor terræ sepulchrum intelligunt, quæ hodie est Calvinistarum interpretatio. Hoc interest, quod illi bono, ut mortem significarent, hi malo intellexerunt animo, ut suum illum alterum errorem confirmarent, Christum ad inferos non descendisse.

Nos nō solum sepulchrum, sed etiam infernum significari contendimus, quod uerē Christus descenderit, ut in omni semper Ecclesia, tanquam pars fidei Catholice, creditum est. Id primum ex ipsa phrasi probare possumus. Nam *in corde*, pro in medio, dicunt Hebræi, quia in medio animalis cor est Psalm. 45. 3. *propterea non timebimus, dum turbabitur terra, et transferentur montes in cor maris.* Infernus verò, non sepulchrum in medio terræ est. Deinde, quid causæ est, cur de nemine alio dictum sit, in corde terræ fuisse, cum tam multi de sepulchro fuerint, si cor terræ sepulchrum significat? Cur nemo, præter Christum, dicitur non solum in sepulchrum, sed & inferiores, id est infimas partes terræ descendisse ad Eph. 4. 9. nisi quia non solum in sepulchrū

corpore, sed etiam in infernum anima descendit? Denique *ist, qui in carcere erant*, hoc est in medio terræ prædicauit I. Petri 3. 19. quod certè non in sepulchro fecit, sed in inferno. Nā Theodori hæretici in eum locū interpretatio tam est inepta, ut non timeamus, ne cui persuaderi possit, & eam eo loco, si Deus iuuerit, refutabimus.

*Tribus diebus, & tribus noctibus,* Ple-  
risque hic locus multo, quam est, difficilior uideri solet. Nec enim Christus tres, sed vnam, aut, ut plurimum, duas noctes in sepulchro fuisse creditur, feria enim sexta sepultus ante diem Dominicum, quæ prima sabbati uocabatur, resurrexit capitulo 28. I. Marc. 16. 2. & Ioann. 20. 1. Nec satisfacit illis, quod ab omnibus uetustis auctoribus dictum est, Augustin. epistola 49. quæst. 6. Hieronym. hoc loco & in commentarijs in 2. cap. Iona: Beda, & Theophylacto, synecdochen esse, quæ pro toto pars ponitur, nam neque Christum tres integras noctes, nec partem trium noctium in sepulchro iacuisse. Cur non intelligant, causa est, quod a diebus noctes disiungant, cum sint potius cum illis coniungendæ; Quod enim dies, & noctes distinctè nominauerit, non ideo fecit, ut uidentur existimare, ut tres integros dies, & tres integras noctes, sed ut tres naturales dies significaret, & eos ab usualibus, ut uocant, diebus distingueret: hæc enim phrasi diem, & noctem solent Hebræi naturalem diem, qui uiginti quatuor horarum est, declarare Genes. 7. 4. 12. Exod. 24. 18. & 34. 28. Deuter. 9. 9. 11. 18. 25. & 10. 10. & 1. reg. 30. 12. & 3. reg. 19. 8. Fingamus ergo dixisse tribus diebus naturalibus, nemo dubitaret per synecdochem intelligendum tribus diebus fuisse, quia trium dierum per aliquam partem fuit, partem. s. sextæ feriæ, totum sabbatum, & partem primæ feriæ. Cum enim Iudæi a uespere diem inchoarēt, nox sabbati in die Dominico, qui tertius est, numeratur. Cur ergo eodem modo dubitant intelligere, quia tribus diebus, & tribus noctibus di-

Quomodo  
Christus  
tres dies, &  
noctes in se-  
pulchro fue-  
rit.

Descensus  
Christi ad  
inferos pro-  
batur cōtra  
Caluinistas.

Cor in scri-  
ptura pro  
medio,

R 3 xir,



xir, cum nihil aliud his uerbis uoluerit, quam tres naturales dies significare?

41. *Viri Niniuitæ.*) Quod quidam ex hæreticis dicit interpret, quia de signo Ionæ prophete mentionem Christus fecerat, in mentem illi uenisse, ut de Niniuitis loqueretur, nimis ineptum, ac ridiculum est. Deidebiturenim, si rogetur, qua occasione Regina illa Saba uenerit in mentem, cum de Salomone mentionem non fecisset. Ergo, ut diximus, explicatio hæc est signi Ionæ prophete. Sed, quia exemplum Reginae Saba simile esse uidebatur, hoc cum illo coniunxit.

*Surgent.*) non ad iudicandum, ut omnes, quos legi, interpretantur, recentiores præterit Theologi, qui hoc de iudicio, ut uocant, comparationis, exponunt. Nec enim iudicis est surgere, sed sedere, *Sedebitis*, inquit, *super duodecim sedes indicantes duodecim tribus Israel*, ca. 19. 28. sed surgent ad accusandum: accusatoris enim est surgere. Eodemque modo intelligendum, quod statim sequitur, *& condemnabunt eam*. Non enim iudicando, sed accusando condemnabunt. Nam & accusator condemnasse reum dicitur, cum in iudicio ita conuicit, ut ob eius accusationem condemnaretur. Accusabunt autem, & condemnabunt non uerbis, sed exemplo, quia cum Ionæ ipsi crediderint, Iudæi Christo non crediderunt. Itaque non surgent, sed ut ceteri stabunt: loquitur tamen Christus accommodatè ad consuetudinem fori. Alio sensu solent dicere Hebræi, in iudicio surgere, id est intrepidum stare, bene causam suam defendere, causa non cadere, ut Psal. 1. 5. *Ideo non resurgent impij in iudicio*. Quod Latini uno uerbo dicunt stare, *Cum pulcherrime*, inquit ille, *in senatu staretis*. a

Cic. li. i. epist.

42. *Regina Austri.* Meridionalis, quæ in Meridie dominabatur, periphrasis est Reginae Sabæ. 3. reg. 10. 1. 4. 10. 13. & 2. par. 9. 1. 9. unde constat longè illam, lateque imperium habuisse, non enim aliqui tota

mundi Meridionali plaga, sed ab eadem ciuitate, in qua regiam habebat, ut scriptura alijs locis facere solet, appellasset. Quod a Christo certo consilio factum arbitror, ut eius Reginae maiestatem, amplitudinemque declararet. Pertinebat enim ad rem, ut Reginae Sabæ potentia declararetur, quò magis eius commendaretur factum; quòd tanta Regina tam longè uenerit, ut Salomonis sapientiam audiret. Notanda enim uis, quæ in singulis inest uerbis, & tacita quadam inter Christum, & Salomonem, inter Iudæos, & Reginam antithesis, Regina, femina, barbara, potentissima, a finibus terræ uenit, ut audiret sapientiam Salomonis, hominis mortalis, cæterorum similis, ut audiret sapientiam humanam utique, non diuinam, non ut miracula uideret, quæ nulla fecisse Salomonem legimus. Iudæi, Pharisei, uiri non solum docti, sed doctores legis uenientem ad se dominum, filium Dei, & diuinæ sapientiae thesauro ore fundentem, in audinaque coram illis miracula facientem contemnunt. Non opus est lectorem mediocriter doctum admonere, Saba, ubi hæc dicitur in scriptura fuisse Regina, non illam Orientalem fuisse, unde Sabæi thure nobiles disti sunt populi, sed alteram Meridionalem in Æthiopia ciuitatem regiam, de qua Isaias c. 43. 2. quæ postea Cambyse sororis suæ nomine Merocem appellauit. Auctor Iosephus lib. 2. antiquit. c. 10. Strabo. lib. 16.

43. *Cum autem immundus spiritus.*) Lucas capitu. 11. 24. hoc ante ea, quæ supra Matthæus dixit, narrauit, sed cum exposuerimus quorsum hoc Christus dixerit, apparebit non Lucam, sed Matthæum rerum gestarum ordinem tenuisse. Ideo, ut opinor, Christus hoc dixit, ut doceret peiores esse Iudæos, quam si nunquam Dei legem, & cognitionem accepissent. Cum enim per legem diabolus quodammodo ab illis eiectus esset, quia edocti per legem sunt Deo uni ac uero, non idolis, non diabolo seruare, contempta Dei gratia digni facti

Duplex Sabæ in scriptura,



At sunt, ut septem in eos pro uno immundo spiritu, spiritus ingrederentur. Huc tota tendit parabola, ut Hilarius, Hieronym. & Beda exposuerunt. Quamquam Chrysostomus, & Theophylactus longius à sensu discedentes de excidio urbis Ierosolymitanæ interpretantur; quasi Christus dicere voluerit Iudæos ab exilio Babylonico liberatos, & re-staurato priore templo multo grauius excidium, exiliumque passuros esse, quod oblatam per se Dei gratiam fastidiosè, arroganterque contempnissent. Hoc, inquam, etsi verum est, tamen longius abest à sensu. Nec enim dubito, quin voluerit Christus rationem reddere, cur Pharisei non crederent; quod septem dæmonibus, id est in reprobum sensum, ob contemptam Dei gratiam traditi essent. Solet enim Christus incredulitatis eorum similem alijs locis rationem reddere. *Omnis, inquit, plantatio, quam non plantauit pater meus, eradicabitur* cap. 15. 13. & *nemo potest uenire ad me, nisi pater, qui misit me, traxerit eum* Ioann. 6. 44. & *Qui ex Deo est, uerba Dei audit: propterea vos non auditis, quia ex Deo non estis* Ioan. 8. 47.

*Amibulas per loca arida.* ) Hoc ad allegoriam plerique referunt, quasi loca arida Gentiles appelleret, & eos omnes, qui Dei cognitione culti non sunt, in quibus non contentus spiritus immundus commorari, quod eos sibi iam obstrictos teneat: eos querit, qui, cum scientiam Dei habuerint, contempserunt: maius lucrum ratus vnum ex illis peruertere, quàm in alijs multis pro suo arbitrio dominari. Ego Christum de diabolo, tanquam de homine, loqui existimo: solent enim homines domo sua pulsi huc illuc per sola, deser-taque loca vagari, ut sedes sibi quaerant, quas commodas non intuen-tes in priorem domum reuertuntur, eamque vacuum, & à nouo habitato-re paratam, ornataque reperien-tes, multo in ea commodius, quàm antequam ea expellerentur, habi-tant. Quod autem ait versicu. 45.

*Tunc vadit, & assumit septem alios spi-ritus secum nequiores se*, nihil aliud si-gnificat, quàm eos, qui optimi sunt, si quando contempta diuina gratia, mali fiant, pessimos fieri solere; qua-si pro uno spiritu immundo, qui prius, quàm boni fierent, in illis erat: septem in illos ingrediantur. Septem autem Hebræorum consuetudine pro multis posuit, certum numerum pro incerto. Cuius rei, quia multa, no-taque sunt exempla, non recense-mus. In eo etiam de spiritibus im-mundis, tanquam de hominibus lo-quitur: quod dicat unum alios ad commodam habitationem inuitare. Propterea enim vocat, non ut se, ne iterum expellatur, eorum præsidio defendat, ut Chrysostomus, multique alij exposuerunt. Summa est, diabo-lum in ijs, qui boni aliquando fue-runt, & mali fiunt, libentius, & quo-dammodo commodius habitare, quia domus ornamenta, id est my-steriorum cognitio, excultum scien-tia diuinarum rerum ingenium, & si qua sunt eiusmodi, quæ Deo para-ta fuerant, illi seruiunt. Sic fiunt po-steriora eorum peiora prioribus.

Experimur hoc quotidie. Nulli pe-iores sunt hæretici, quàm qui, cum boni aliquando Catholici fuissent: diuinam aspernati gratiam, & Ca-tholicæ fidei simplicitatem, quasi ci-bum leuissimum fastidientes, ut in-xta ollas carnum sederent, hæretici facti sunt, id est in Egyptum, vnde per fidem exierant, perditâ fide re-dierant. Nulli peiores Catholici, quàm qui, cum aliquando religiosissimi fuif-sent, non bene tenuerunt, quod ha-bebant. Vt uerissimè dixerit Augusti-

Inter hære-ticos p. 61. mimonachi apostata.

Epist. 137.

R 4

46. Ecce



Quinam fra-  
tres Christi.

46. *Ecce mater eius, & frater.* ) Fratres Christi quidam filios Ioseph ex Beata Maria Christi matre interpretati sunt, quos nato iam Christo peperisset. Quæ fuit hæresis Heluidij satis superque à D. Hieronymo scripto aduersus illum libro refutata. Alij filios Ioseph ex alia vxore, quam antequam Dei matrem duxisset, habuisset. In qua opinione omnes pœnæ auctores Græci fuerunt, ideoque opus non est singulos nominare: monere modò lectorem uolui, ut, cum Græcos legit, istud caueat. In eadem est sententia ex Latinis Hilarius, & Ambrosius, qui plerisque in rebus Græcos imitabantur auctores. Hos non miror: recentissimos quosdam, & doctos, & Catholicos miror eam opinionem tenuisse. Vera sententia est, quam Hieronymus validissime probauit, fratres Christi consobrinos, & cognatos eius appellari, quales erant Iacobus minor, Iose, Iudas, & Simon, ut explicatur ca. 13. 55. Filios fuisse sororis Mariæ Virginis, quæ & ipsa Maria uocabatur, Iacobum quidem, & Iose constat. Nam Mariam Cleophae filiâ, Alphai autem vxorem Ioannes uocat sororem matris Domini c. 19. 25. Eandem verò Matthæus cap. 27. 56. & Marcus. 15. 40. Mariam Iacobi, & Iose matrem appellant. Quod enim eam Gregorius Nyssen. oratione 2. de resurrectione Christi matrem fuisse dicit, admittendum non est. Solitos consobrinos, & cognatos fratres appellari ex multis locis manifestum est. Mam Lot, quem filium Aiam fratris Abraham fuisse scriptura testatur, Abrahami frater vocatus est Genes. 13. 8. & Laban, cum frater esset matris Iacob Genes. 28. 2. Iacob frater appellatur Genes. 29. 15. Hoc ergo sensu illi, quos supra nominauimus, fratres Domini vocantur. Maior, ac difficilior quæstio est, cur eò venerint, & tempore minimè opportuno cum Christo loqui uoluerint, ut non dubitauerint eum conuocantem interpellare, & misso nuntio euocare foras, ut ait Marc. 6. 3. 31. Idem Marcus eius rei causam

Frater i scri-  
ptura pro co-  
sobrino.

insinuat; sed causam eiusmodi, ut neque hanc quæstionem tollat, & aliam multò maiorem gignere videatur. Dicebant enim, inquit, ver. 21. *quoniam in furorem versus est.* Marci locum, si eò nos Deus peruenire uolet, ibi explanabimus; interim fingamus id de Christo dictum esse, non dicit Euangelista eum in furorem uersum, sed eius fratres id dixisse. Eos autem ex animo dixisse credendum non est: sed, ut eo prætextu de manibus eum Phariseorum liberarent; odotati enim fuerant, ut uero simile est, ipsorum consilium, quod de perdendo Christo conceperant, ut supra Matthæus dixit versic. 14. Credibile enim est consanguineos de eius salute fuisse sollicitos. Ideo ergo uenerant, ideo eius matrem, quò plus eum mouerent, adduxerant: ideo interpellant: ideo importuni sunt, quia timent, ne periculosum sit expectare, ne forte in ipsa concione à Phariseis apprehendatur. Itaque, quod Tertullianus in lib. de carne Christi; Chrysostomus, & Theophylactus dicunt, eos ambitione quadam impulsos uenisse, ut ostenderent se eius esse cognatos, & aliquam in eum auctoritatem habere, à ueritate alienum est. Illud nullo modo ferendum, quod in eandem culpam omnis immunem culpæ Christi matrem inuoluant. Quod utrumque libenter Caluinista, & Lutherani hæretici sunt imitati; multa etiam de suo addentes acerbiora. Nempe museis, ut Gregorius ait Nazianzenus, similes sunt. quæ per corpus discurrentes, quod sanum est, prætereunt, quod ulcerosum, ac purulentum exsugunt. Sic isti, quæ à ueteribus auctoribus pie sapienterque dicta sunt, omnino contemnunt; si quid illis minus consideratum excidit; id excipiunt, id unum laudat. Scio scripsisse Ioannem cap. 7. 5. *neque enim fratres eius credebant in eum.* Sed aliud est in eum non credere, aliud ambiciosos esse; nec hoc ex illo colligitur. Si quid autem ex eo, quod in eum nondum credebant, colligi potest, potius contrarium potest, nulla eos ambitione a Christum

Hæretici in  
libris Patris  
legedis mu-  
scis similes.

B. Virgo, &  
Apostoli cō-  
tra hæreti-  
cos, nostris  
seculi defen-  
duntur.



stū venisse, quæ enim ambitionis materia erat, si in eum non credebant? Adde, quod Ioannes non significat fratres eius nullo prorsus modo in eum credidisse: sed non tam perfecte credidisse, quàm postea tot uisus miraculis credere; quomodo enim, si non credebant, Apostoli erant? quemadmodum idem alio loco Ioannes dixit capitulo secundo, 11. *Et crediderunt in eum discipuli eius*, non quod ante non credidissent, sed quod magis tunc viso miraculo credidissent. Denique non est rationi consentaneum peius de Beata Virgine, & Apostolis sentire ac loqui, quàm de quouis homine loqui, atque sentire bono viro licet: qui nullius factum quantamcunque speciem peccati habeat, quamdiu bene interpretari potest, reprehendit. Apostolorum hoc loco ambitio nullo scripturæ testimonio, nulla vero simili coniectura probari potest. Quæ igitur est ista æquitas, peius de Apostolis sine vilo argumento, quàm de ceteris hominibus cogitare? Simile est, quod Auctor imperfecti hom. 30. diuinavit, Apostolos Christi cognatos a diabolo instigatos fuisse, ut eo venirent, ut homines, qui Christi diuinitatem credere incipiebant, uisus eius cognatis purum hominem crederent.

*Stabant foris.*) Hoc etiam hæretici, immerito arrogantia tribuunt, quia si non sint dignati in domum ingredi, & verbum Dei cum alijs audire, cum aperte Lucas dicat, ideo ingressos non esse, quia præ turba ingredi non potuerunt. Intolerabilis audacia non solum sine scriptura, sed etiam contra scripturam male de Apostolis iudicare.

47. *Dixit autem ei quidam.*) Marcus cap. 3. 3c. ait, miserunt ad eum vocantes eum. Itaque hunc, qui Christo matrem fratresque eius adesse renunciauit, ab Apostolis summis fuisse, cum ipsi ingredi non possent, credendum est. Quod autem Matthæus vnum, Marcus, & Lucas plures illi renuntiassè dicunt, facile soluitur, vnum prius, multos deinde, ut fieri solet, cum nondum exiret, renuntiassè.

48. *Quæ est mater mea.*) Illud primū tenendum, quod Epiphanius hæres. 42. Chryso. & Hiero. in hunc locum adnotarunt, non ideo hoc dixissè Christum, ut matrem, fratresque negaret, & iuxta Marcionem, ut ait Hierony. & Manichæum, qui hoc abutebantur loco, de phantasmate natus putaretur. Cur autem tam asperè responderit, & ab omnibus auctoribus quæsitum est, & non eadem ab omnibus cautā reddita. Hiero. putat eum, qui illi matrem, & fratres eius adesse renuntiauerat, malo id animo fecissè, ut experiretur, an parentis, & consanguineorum affectu tangeretur, ideoque illi, tanquam insidiatori, asperius respondissè: sed iam ex Marc. cap. 3. 3c. probauimus illum non tentandi, sed obediendi causa iussu a fratribus Domini eorum illi aduentum renuntiassè. Epiphanius autem hæres. 42. & Chryso. propterea quod importunè eum interpellabant. Ambr. melius in c. 8. Luc. nec inquit, iniuriosè refutantur parentes: sed religio flores copulæ mētium docentur esse, quæ corporum. In eandem sententiam Hilarius scribit, *Formam*, inquit, *se ipsum vniuersis agendi, sentiendiq; constituens propinquitatum omnium ius, atq; nomē iam non de conditione nascendi; sed de Ecclesiæ communionē retinendum.* Idem rursus Ambrosius eundem in locum, *Moralis* (inquit) *magister, qui se ceteris præbet exemplum, atque ipse præceptor, ipse etiam suorum executor est præceptorum. Præscripturus. n. ceteris, quoniam qui non reliquerit patrem, aut matrem suam, non est filio Dei dignus. Sententiæ huic primus ipse se subiecit, non quod maternæ refuset pietatis obsequia, (ipsius. n. præceptum est, qui nō honorauerit patrē, & matrem, morte moriatur) sed quia paternis se mysterijs amplius, quàm maternis affectibus debere cognoscat.* Itaq; docere homines uoluit possè unumquēlibet, & fratrem, & matrem esse ipsius. Nec carnales parentes negat: sed spirituales præfert: sicut cum Luca 11. 27. 28. mulieri dicenti, *beatus uenter, qui te portauit, & ubera, quæ suxisti;* respondit, *quinimmo beati, qui audiū uerbum Dei, & custodiunt illud;* non negās beatum

Quo Christus  
matrē,  
& fratres  
neget.



tum uentrem, sed mentem beatiorem affirmans, quæ audit uerbum Dei, & custodit illud: nec alios matri; sed matrem matri præferens, matrem audientem, & custodientem uerbum Dei, matri in utero gestanti, atque lactanti. Ideo. n. mater Christi omnium hominum beatissima fuit, quia plusquam omnes homines uerbum Dei audiuit, & credidit. *Beata* (inquit illa) *quæ credidisti, quoniam perficietur ea, quæ dicta sunt tibi*

*à Domino*, Luc. 1. 45. Similiter hoc loco nec matrem, nec fratres suos negat, nec alios illis, sed matrem matri, fratres fratribus anteponit. Nam, etsi uirgo corpore uerè eius mater, & Iacobus, Iosè, Iudas, & Simon consanguinitate uerè eius fratres erant, tamen multò perfectius, & maiore cum merito mente, & illa mater, & illi fratres erant: quia faciebant uoluntatem patris eius, qui in cœlis est.

## C A P V T XIII.

I



N illo die exiens Iesus de domo, sedebat secus mare. 2. Et congregatæ sunt ad eum turbæ multæ ita ut in nauiculam ascendēs sederet: & omnis turba stabat in littore, 3. & locutus est eis multa in parabolis, dicens: Ecce exijt, qui seminat, seminare. 4. Et dum seminat, quædam ceciderunt secus uiam, & uenerunt uolucres cœli, & comederunt ea. 5. Alia autem ceciderunt in petrosa, ubi non habebant terram multam: & continuo exorta sunt, quia non habebant altitudinem terræ. 6. Sole autē orto & stauerunt: & quia non habebant radicem, aruerunt. 7. Alia autem ceciderunt in spinas: & creuerunt spinæ, & suffocauerunt ea. 8. Alia autem ceciderunt in terram bonam: & dabant fructum aliud centesimum, aliud sexagesimum, aliud trigesimum. 9. Qui habet aures audiendi, audiat. 10. Et accedentes discipuli dixerunt ei: Quare in parabolis loqueris eis? 11. Qui respondens, ait illis: Quia uobis datum est nosse mysteria regni cœlorum. illis autem non est datum. 12. Qui enim habet, dabitur ei, & abundabit: qui autē non habet, & quod habet, auferetur ab eo. 13. Ideo in parabolis loquor eis: quia uidentes non uident, & audientes non audiunt, neque intelligunt. 14. Et adimpletur in eis prophætia Isaia dicentis: Auditum audietis, & non intelligetis, & uidentes uidebitis, & non uidebitis. 15. Incrassatum est enim corpusculi huius, & auribus grauitè audierunt, & oculos suos clauferunt: nequando videant oculis, & auribus audiāt, & corde intelligant, & conuertantur, & sanem eos. 16. Vestri autem beati oculi, quia uident, & aures uestræ, quia audiunt. 17. Amen quippe dico uobis quia multi prophætæ & iusticij cupierunt uidere, quæ uidetis, & non uiderunt: & audire, quæ auditis, & non audierunt. 18. Vos ergo audite parabolam seminantis. 19. Omnis qui audit

Mat. 4. a. 1.  
Luc. 8. a. 4.

Inf. 25. c. 29

Isa. 6 c. 9.  
Mat. 4. b. 14.  
Lu. 8. c. 10.  
Ioan. 12. f.  
40.  
Act. 28 f. 26  
Ro. 11. b. 8.  
Lu. 8. c. 11.  
Luc. 10. d.  
24.



audire verbum regni, & nō intelligit, venit malus, & rapit, qđ seminatum est in corde eius; hic est, qui secus viam seminatus est. 20. Qui autem super petrosa seminatus est, hic est, qui verbum audit, & continuo cum gaudio accipit illud. 21. non habet autem in se radicem, sed est temporalis, facta autem tribulatione & persecutione propter verbū, continuo scandalizatur. 22. Qui autem seminatus est in spinis, hic est, qui verbū audit, & sollicitudo seculi istius, & fallacia diuitiarum suffocat verbum & sine fructu efficitur. 23. Qui vero in terram bonam seminatus est, hic est qui audit verbum & intelligit, & fructum affert, & facit aliud quidem centesimū, aliud autem sexagesimum, aliud vero trigessimū. 24. Aliam parabolam proposuit illis, dicens: Simile factum est regnum cœlorum homini, qui seminavit bonum semen in agro suo. 25. cum autem dormirent homines, venit inimicus eius et supereminavit zizania in medio tritici, & abiit. 26. Cum autem creuisset herba, & fructum fecisset, tunc apparuerunt, & zizania. 27. Accedentes autem serui patrisfamilias, dixerunt ei: Domine, nonne bonū semen seminasti in agro tuo? Vnde ergo habet zizania? 28. Et ait illis: Inimicus homo hoc fecit: Serui autē dixerunt ei, Vis, imus, & colligimus ea? 29. Et ait: Non, ne forte colligentes zizania, eradicetis simul cū eis, & triticum. 30. Sinite vtraque crescere vsque ad messē, & in tempore messis dicam messoribus: Colligite primum zizania, & alligate ea in fasciculos ad comburendum, triticum autē congregate in horreū meū. 31. Aliam parabolam proposuit eis dicens: Simile est regnum cœlorum grano sinapis, qđ accipiens homo seminauit in agro suo: 32. quod minimū quidē est oībus seminibus: cum autem creuerit, maius est omnibus oleribus, & fit arbor, ita volucres cœli veniant, & habitent in ramis eius. 33. Aliam parabolā locutus est eis. Simile est regnum cœlorum fermento, qđ acceptum mulier abscondit in farinæ satis tribus, donec fermentatum est totum. 34. Hæc omnia locutus est Iesus in parabolis ad turbas & sine parabolis non loquebatur eis. 35. vt impleretur quod dictum erat per Prophetā dicentem: Aperiā in parabolis os meum, eruſtabo abscondita a constitutione mūdi. 36. Tunc, dimissis turbis, venit in domum, & acceſſerunt ad eum discipuli eius, dicentes: Edissere nobis parabolam zizaniorum agri. 37. Qui respōdens ait illis: Qui seminat bonum semē, est Filius hominis. 38. Ager autem, est mundus. Bonum vero semen, hi sunt filii regni. Zizania autem filij sunt nequam. 39. Inimicus autē, qui seminauit ea, est diabolus. Messis uero, consum-

Marc. 4. c.  
24.

Marc. 4. d.  
30.  
Luc. 13. 6.  
18.

Luc. 13. c.  
21.

Ps. 77. a. 2.  
Marc. 4. d.  
32.

Apoc. 19. c.

matio



matio sæculi est. Messores aut, angeli sunt. 40. Sicut ergo colliguntur zizania, & igni comburuntur, sic erit in consummatione sæculi 41. mittet filius hoīs angelos suos, & colligent de regno eius oīa scandala, & eos, qui faciunt iniquitatem: 42. & mittent eos in caminum ignis ibi erit fletus, & stridor dentiū. 43. Tunc iusti fulgebunt sicut sol in regno Patris eorum. Qui habet aures audiendi audiat. 44. Simile est regnum cœlorum thesauro abscondito in agro: quem qui inuenit homo, abscondit, & præ gaudio illius vadit, & uendit uniuersa, q̄ habet, & emit agrū illū. 45. Iterum simile est regnum cœlorum homini negotiatori, quærenti bonas margaritas 46. Inuenta autem una pretiosa margarita, abiit, & vendidit oīa, quæ habuit, & emit eam 47. Iterum simile est regnum cœlorum sagenæ missæ in mare, & ex omni genere piscium congreganti. 48. quam, cum impleta esset, educentes, & secus littus sedentes, elegerūt bonos in uasa, malos autem foras miserunt. 49. Sic erit in consummatione sæculi: exhibunt angeli, & separabunt malos de medio iustorum, 50. & mittent eos in caminum ignis: ibi erit fletus, & stridor dentium. 51. Intellexistis hæc omnia? Dicunt ei: Etiam 52. At illis: ideo omnis scriba doctus in regno cœlorum, similis est homini patrisfamilias, qui profert de thesauro suo noua, & uetera. 53. Et factum est, cum consummasset Iesus parabolas istas, transiit inde. 54. Et veniēs in patriā suā, docebat eos in synagogis eorum, ita ut mirarentur, & dicerent; Vnde huic sapientia hæc, & uirtutes? 55. Nōne hic est fabri filius? Nōne mater eius dicitur Maria, & fratres eius, Iacobus, & Ioseph, & Simō, & Iudas. 56. & sorores eius, nōne oēs apud nos sūt? Vnde ergo huic oīa ista? 57. Et scandalizabātur in eo. Iesus aut dixit eis. Non est propheta sine honore nisi in patria sua, & in domo sua. 58. Et non fecit ibi uirtutes multas propter incredulitatem illorum.

Sep. 3. b. 7.  
Dan. 12. a.  
3.

Mar. 6. a. 1.  
Lu. 4. c. 16.  
Io. 6. a. 42.

## IN CAPVT XIII.



**I**n illo die. Quo i domo concionante illo tanta hominum multitudo concurrerat, ut domus eos capere nō posset, ideoq; fratres eius foris starent, quia ingredi non poterant, supra ca. 12. 46. & Lu. 8. 19. Idcirco domo exiit, & ad mare contendit, ut latiore in locum concionem educeret, quemadmodum Ethymius adnotauit.

2. Et congregata sunt ad eum turbæ. Ideo hoc narrat Euangelista, ut concionis, & parabolarum, quas narraturus est, occasionem exponat; ideo enim concionem habuit Christus, & parabolas multas, illam præsertim de semine in diuersam terram cadente proposuit, quia turbam magnam auditorum vidit, in quibus & ipse sciebat, & erat per se vero simile alios vie, alios petrosis locis, alios spinosis, alios bonæ terræ similes esse.

Ita



*Ita ut in nauculum ascendēs federet.)* in nauiculam ascendit, vel, ne à multitudi-  
tudine opprimeretur, & audiri non posset, vel, ut Chrysostomus, & Theophylactus existimant, ut omnes auditores ante conspectum suum, & in se intentos haberet. Nam Hilarij, & Hieronymi allegoriam, etsi bella omnino est, tamen quia est allegoria, prætermitto.

In pro per  
in scriptura.  
Aggzi i. 3.  
& 2. 2. Parabola quid sit,

3. *In parabolis.* Per parabolas, in pro per, ex Hebræorum lingua, apud quos in idem valet, quod per, ut in manu prophetæ, id est per manum prophetæ. Parabole Græcis sunt Latinis similitudines, Hebræis מִתְּנֵה עֲנִיגְמָה, sermo qui aliud sonat, aliud significat, obscuris rerum similitudinibus inuolutus. Nomen est apud Ecclesiasticos auctores adeo visitatum, ut quemadmodum in nonnullis superiorum seculorum scriptoribus obseruavi, omne verbum parabola appellauerint: unde Italici & Galli parolæ, Hispanis palabras, quasi parabola facta est. Cur autem non aperte, & explicatè, sed per parabolas Christus hoc loco locutus sit, ipse infra explicabit ver. 13.

*Qui seminat.)* Periphrasis agricolæ δὲ σπείρων seminans, id est seminator, qui seminare solet.

4. *Et dum seminat.)* καὶ ἐν τῷ σπείρειν, & in seminando, id est dum seminare. Reliqua vsque ad versum. 9. explicabuntur ver. 19.

10. *Qui habet aures.)* Excitat auditorum studium, ut diligenter parabole significationem inquirent, vide cap. 11. 15.

11. *Quia vobis datum est.)* Commouetur hic de prædestinatione, & reprobatione difficilis quæstio, de qua ego, antequam nostræ de ea re Theologicæ scholæ excant: non libenter, quasi ex itinere, dico sententiam. Tantum attingam, quæ ad eos locos, de quibus agitur, explanandos, necessaria mihi esse videbuntur. Duo hic queri possunt, alterum, cur Apostolis datum: alterum, cur alijs non datum. Catholici, qui Diui Augustini de prædesti-

natione sententiam sequuntur, ideo Apostolis datum esse docent, quia prædestinati: ideo alijs non datum, quia reprobari erant: hoc enim loco inter alios: ut sententiam de prædestinatione, & reprobatione suam probaret, usus est Augustinus in lib. de prædestinatione Sanctorum cap. 8. & 16. lib. de bono perseverantiæ cap. 8. 9. 11. & lib. de gratia & lib. arbitr. cap. 23. & lib. de corrept. & gratia cap. 4. 6. 7. 8. De Augustini ut dixi, opinione non disputo, de huius loci interpretatione disputo, & multos graues, antiquos, doctos, secutus auctores affimo non eam fuisse causam, cur Apostolis datum sit mysteria regni cælorum cognoscere, quod prædestinati; nec eam, cur alijs datum non sit, quod reprobari essent: sed quod Apostoli digni essent, alii indigni, ut Hila. Chrys. ho. 46. Hieron. Auctor operis imperfecti, Beda, Theoph. Euthy. existimant. Primum non omnes. Apostoli prædestinati erant: nam certè Iudas non erat prædestinatus, & tamen omnibus datum est nosse mysteria regni cælorum: omnibus enim Christus parabolam explicauit: non ergo ideo datum, quia prædestinati erant. Contra verò non omnes, qui erant in turba præter Apostolos reprobari erant. Quis enim id credat. Omnibus tamen negatum est non igitur ideo illis non datum, quia reprobari erant. Præterea etsi, cur datum sit Apostolis, aperte explicatum non est: tamen, cur alijs datum non sit, explicatum est, quia videntes non uidebant, & audientes non audiebant, id est, quia cum credere nollent, atque intelligere, indignierant, quibus mysteria regni cælorum explicarentur, ver. 13. propterea ergo Apostolis datum, quia dignierant, quia intelligere, quia credere uolebant, quia quasauerant, ut ait Marcus cap. 4. 10. Qua ratione credendum est Christum his dedisse, & illis negasse, nisi qua postea Apostoli eius uoluntatem, & exemplum secuti gentibus dederunt, Iudeis negauerunt? Act. 13. 46.

trā sententiam D. Augustini de prædestinatione explicatus.

robis



Ca. 21. 431

*vobis (inquiunt) oportebat primum loqui  
 verbum Dei, sed quia repellitis illud, &  
 indignos iudicatis aeterna vite ecce con-  
 uertimus ad gentes.* Qua ratione credi-  
 mus Christum his dedisse, illis negas-  
 se, nisi qua alio loco dicit, *auferetur a  
 vobis regnum Dei, & dabitur genti facien-  
 ti fructus eius?* Cur enim illis ablatum,  
 nisi quia fructus eius non faciebant?  
 Cur his datum, nisi quia sciebantur  
 esse facturi? Illud vero, quod Calui-  
 nus dicit, verba Christi obscura non  
 fuisse, sed auditores cecos, ideoque in-  
 telligere non potuisse, non solum fal-  
 so, sed etiam imperite ac ridicule di-  
 ctum est. Nam Apostoli profecto ca-  
 ci non erant, & tamen sensum para-  
 bolæ, donec illis Christus exposuit,  
 non intellexerunt. Sed scio quid Cal-  
 uinus velit, & dicere non audeat, si-  
 bi ac suis omne verbum Dei facile, &  
 perspicuum esse, quia oculos, id est Spi-  
 ritum sanctum habent: Apostolis diffi-  
 cile, quia cæci erant, & Geneuensi care-  
 bant spiritu.

12. *Qui eum habet, dabitur ei.* Pro-  
 uerbialem fuisse locutionem inde col-  
 ligitur, quod alijs etiam locis in ean-  
 dem sententiam à Christo repetatur,  
 ut infra c. 25. 29. Simile apud Hispa-  
 nos proverbium est, quo significatur  
 diuitibus omnes dare, pauperibus au-  
 ferre. Sensus autem est, ita plerumque  
 fieri solere, ut ei, qui plus habet, plus  
 detur, quia plus meretur: ei, qui non  
 habet, etiam si quid reliquum illi est,  
 auferatur; quia indignus est, ut ha-  
 beat. Id parabola illa de talentis cap.  
 25. 28. aptissime explicatum est: ubi  
 propterea illi, qui quinque habebat ta-  
 lenta: aliud in super datum est, quia il-  
 lud bene negotiando, & alia quinque  
 talenta lucrando meruerat; propte-  
 rea verò alteri unum, quod solum ha-  
 bebatur, talentum, auferitur, quia illud  
 in sudarium inuoluerat, & dum non  
 multiplicauit, indignum se, qui habe-  
 ret, effecit. Id etiam, vel ex nostris mo-  
 ribus discere possumus, si pecuniam  
 negotiandi causa daturi sumus, illi  
 potius mercatori damus, quem bene  
 negotiando diuitem factum scimus;  
 & quod plus pecuniæ habet, plus illi

pecuniæ concedimus. Contra illi,  
 quem sua negligentia pauperem vi-  
 demus, non solum nihil damus, sed si  
 quid illi dederamus, id etiam, ne for-  
 te perdat, repetimus. Capite 25. 29. &  
 1 uca 8. 18. non dicitur, & id quod ha-  
 bet, auferetur ab eo; sed, *id quod vide-  
 tur habere, aut quod putat se habere.*  
 Quod occasionem multis præbuit  
 hunc locum ex illis interpretandi,  
 quasi non sit ablatum Iudæis, quod  
 re vera habebant; sed quod sibi habe-  
 re videbantur. Quod si uerum esset,  
 nihil illis uerè esset ablatum. Nec. n.  
 uerè auferitur, quod uerè non habe-  
 tur. At Christus aliquid uerè auferri  
 significat, alioqui nulla esset poena.  
 Videmus autem illum hoc Iudæis,  
 tanquam poenam, comminari, &c.  
 25. 29. talentum, quod negligens ille  
 seruus non solum habere videbatur:  
 sed habebat, auferri iubet, & alteri da-  
 ri. Cur ergo dicit, *quod videbatur ha-  
 bere?* vel quia dixerat, *non habent au-  
 feretur,* & poterat aliquis dubitare,  
 quomodo non habenti auferri pos-  
 set, dixit non quod habebat, sed *quod  
 habere videbatur.* Vel, ut ait D. August.  
 quia perinde habebat, ac si non habe-  
 ret, cum eo non uteretur, non dici-  
 tur habere, sed habere uideri. Quid  
 ergo Iudæis, quod habebant, ablatum  
 esse, quia oblata Euangelij gratia uti-  
 noluerunt? Respondent Hiero. Chry-  
 sosto. & Auctor operis imperfecti ab-  
 latam illis esse ipsam quodammodo na-  
 turam, id est naturalem cognitionem,  
 quia excæcati sunt, ita ut ne illa qui-  
 dem; quæ duce natura intelliguntur,  
 intelligerent. Quis enim philosophus  
 si tot Christi, ac tanta miracula, oculis  
 suis perspexisset; non credidisset  
 aliquam in eo fuisse diuinitatem?  
 Apostolis ergo gratiam ad intelligen-  
 da diuina mysteria iam habentibus,  
 eaque bene utentibus maior in super  
 gratia ad maiora mysteria compre-  
 hendenda data est: illis neque habentibus,  
 neque recipere oblata uolentibus  
 natura quodammodo ipsa ere-  
 pia est. Ex hoc loco nostra de meri-  
 tis sententia aptissime potest, ut mihi  
 uidetur, explicari. Nam qui gratiam  
 Dei

Probat  
 doctrina Ec-  
 clesie de me-  
 ritis.



Dei non habet, nihil omnino mereri potest, nisi, ut etiam aliquid sibi ex ipsiis rebus naturalibus auferatur. Qui autem habet, eaque bene utitur, quod plus habet, & melius utitur, eod plus gratiae meretur, eod plus accipit, & quod plus accipit, eod dignior fit, ut plus etiam accipiat. Ita semper quod ait Christus, uerum est, *qui enim habet, dabitur ei, & abundabit, qui autem non habet, & quod habet, auferetur ab eo.*

12. *Idem in parabolis loquere eis, quia uidentes non uident.* Id est, cum miracula certissimè eorum, quae dico, argumenta oculis suis uideant, & auribus audiant, nec intelligere, nec credere uolunt. In poenam ergo incredulitatis obscure illis loquitur, quia dum, quae perspicue, ac dilucide illis dicebantur, intelligere noluerunt, illud meruere, ut ita illis loqueretur, ut etiam si uellent, intelligere non possent. Sic solet Deus iustissimo iudicio, iis, qui oblatum uerbum suum repudiarent, prorsus auferre, seruat enim ipse in primis praeceptum suum. *nolite dare sanctum canibus, neque mittatis margaritas uestras ante porcos, ut dixit cap. 13. Sic minatur apud Amos illis, qui rot prophetis credere noluerant c. 8. 1. mittam famem in terram, non famem panis, neque sitim aquae, sed audiendi uerbum Domini.* Cur ergo illis Christus parabolis proponebat, cum intelligi ab illis nollet? Rectissime hom. 46. Chrysostomus respondet, ideo noluisse eos intelligere, ut intelligerent. Excitatur enim auditorum studium, & inquirendi diligentia, cum ea audiunt, quae non intelligunt, & habere tamen magnarum rerum significationem animaduertunt. Ita fit, ut pena illis in emendationem euadat, nisi poena ipsa etiam abutatur. Huius loci si qua erat difficultas, explanata est. Alia uenit ex Marco, qui c. 4. 12. ait Christum dixisse, *propterea in parabolis loquor, ut uidentes non uideant, & audientes non intelligant, ne quando conuertantur, & dimittatur eis peccata.* Quod enim dicit, *ut uidentes non uideant, & audientes non intelligant,* iam ex Chrysostomi sententia expli-

catur est. Quod autem adiungit, *ne quando dimittantur illis peccata,* nec ratione, nec alia explicari uidetur posse quam ut Christus eos conuertere, & saluos esse nolit. Eodem tamen modo Chrysostomus responderet, sic noluisse Christum Iudaeos conuertere, & peccata illis remitti, sicut intelligere noluit, quae dicebat, non in perpetuum, sed ad tempus clausit illis salutis ianuam, ut passarent, qui cum aperta esset, ingredi noluerant. Nisi enim in uerba. Noluit tunc male conuertere, ut, cum se derelictos uiderent, melius conuerterentur. Noluit tunc peccata illis dimittere, ut uexati malis debitum agnoscerent, & commodiore illis tpe, maiori que cum fructu dimitterentur. Aliiter Euthymius in illum Marci locum scribens haec uerba *ne quando conuertantur, & dimittantur eis peccata,* non coniungit cum uerbo *in parabolis loquor,* quasi propterea Christus in parabolis loqueretur, ne illis peccata conuersis remitterentur, sed refert ad uerba illa, *ut uidentes non uideant, & audientes non intelligant,* ut sensus sit propterea nolle eos uidere, & intelligere, ne conuertantur, & peccata illis remittantur, sicut de impio & perdito homine dixit Dauid, *noluit intelligere, ut bene ageret;* id est ne bene ageret. Ac uerò apud Isaiam prophetam; ad quem his uerbis Christus alludit, hic sensus est, ut uer. 13. explicabimus. Sed quocumque tandem modo hic locus intelligatur, certè non ita intelligitur, ut significetur Christum nolle, ut conuertantur, & peccata illis remittantur. Ille enim nobis, quae non ambiguae, sed ceræ, non obscurae, sed dilucidae sunt, fixae debent esse sententiae, uelle Deum omnes homines saluos fieri, nolle quanquam perire, nolere mortem peccatoris, sed magis, ut

Psal. 35. 4.

1. Tim. 2. 4.  
Eze. 18. 23.

32.

12. *Et adimpleverunt in eis.* In eis adimpletur, quod de uetere populo dictum erat, *audiu audietis, & non intelligitis;* in me uerò quod de Deo, *excaca-*

Domine

Cur parabolis  
Christus  
proponeret.



Domine cor populi huius.

*Audiu audietis, & non intelligetis.)* Quæ hic per futura tempora dicuntur, apud Isaiam c. 6. 9. in Hebræo per imperatiua dicta sunt. *Audiendo audite, & ne intelligatis, & uident uide, & ne uideatis.* Septuaginta uero existimantes imperatiua, ut sæpe apud Hebræos fieri solet, pro futuris poni, per futura conuerterunt, quos hic siue Matth. siue Matthæi Græcus, Latinusque interpres secutus est. Vterque sensus bene, conuenienterque loco hæret. Nam si per futurum legamus, nõ quid eos Deus facere uelit, sed quid ipsi facturi sint, significatur. Si per imperandi modum, sensus uerus est, & elegans, sed difficilior, quia uidetur illis Deus imperare, ut audiant, & non intelligant. Sed hæc etiam phrasi, quamuis imperando loqui uideatur, tamen non imperat, neque quid ipse uelit, sed quid illi sint facturi, declarat. quemadmodum Galli seruo perditio solent dicere, caue ne uir bonus sis, non imperando, non uolendo, ut bonus uir non sit, sed declarando se scire eum bonum uirum nõquam futurum. Sic loquitur Christus infra c. 23. 32. *& uos implete mensuram patrum uestrorum.* Imperare enim uidetur, quod non imperat, sed declarat eos esse facturos. Nec enim concessio est, ut plerique putant, sicut, *I, sequere Italiam uentis*, sed modus loquendi Hebræis familiaris longè plus habens energiæ.

15. *Incrassatum est enim.)* Quod hic per præteritum dictum est, apud Isaiam mandandi modus est *ושן* *incrassa*, *impingua cor populi huius*, Similiter quod sequitur, *& auribus grauiter audierunt, & oculos suos clauferunt*, Hebræice est *והאזן* *auris eorum*, *aggraua*, & *ושן* *oculos eorum* caligine offunde, id est *excæca*, ut illic D. Hieronymus uertit, Septuaginta uero iisdem uerbis conuerterunt, quibus hic Euangelista usus est, ut uero simile sit, quod in præfatione ad quatuor Euangelistas dixisse memini, sæpe Græcum Matthæi interpretum testimonia, quæ ex uetere ci-

tantur Testamento, non ut sunt in Hebræo, sed ut in Septuaginta interpretibus conuersa transulit. Cur autem ita Sept. conuerterint, in libro Hebraicarum lectionum rationem reddimus. Nempe hæc tria uerba *ושן הכבד* alijs punctis leguntur, quàm nunc leguntur ab Hebræis. Nunc enim legimus *ושן* *impingua*, *incrassa*: illi legerunt *ושן* *impinguat* *um est*, *incrassatum est*, nunc legimus *הכבד* *aggraua*, illi legerunt *הכבד* *aggrauatum est*, quod per periphrasim explicarunt, *תוֹסֵף אֶת־הַבָּרָאִהוּת* *auribus grauiter audierunt*, nunc legimus *ושן* *caligare fac*, illi legerunt *ושן* *oculus eorum caligine offusus est*, & p. periphrasim *וְהָאֵינֶם מֵרְאוּ* *oculis suis caligauerunt*. Verio Septuaginta quæ aut Euangelista, aut eius interpres hoc loco secutus est, multo meliorem habet sensum, quia Deus ipse loquitur, non propheta; Deus autem non dixisset, *impingua cor populi huius, & aures eorum aggraua*: Cui enim dixisset, cum nemo præter ipsum, aut excæcare, cor aut illuminare possit? Deinde, quia iam cor populi impinguatatum erat, iam aures aggrauatæ, iam oculi excæcati, propterea enim dixerat, *audiendo audite, & nolite intelligere*, quia sciebat adeo excæcatos esse, ut etiam si audirent, intellecturi non essent. Non ergo nunc iubet Deus, aut propheta orat, ut excæcentur, qui cæci iam erant, sed reddit rationem, cur intellecturi non essent, quia cæci erant. Itaque superuacaneum hoc loco est, quomodo Deus excæcare, & indurare dicatur, disputare; de ea re in epistola ad Rom. cap. 9. Deo iuuante differemus.

16. *Vestri autem beati oculi.)* Videri potest huic sententiæ illa esse contraria, *Quia uidisti me Thoma credidisti, beati qui non uiderunt, & crediderunt*. Nam propheta illi, & iusti, quibus Apostolos Christus anrefert, eo fuisse uidetur Apostolis beatiore, quod non uidentes crediderunt. Facilis erit solutio, si spectemus, quid hic, quid illic Christus agat. Hic Aposto-

10. 20. 29



Ios prophetis beatiores dicit, quia cum utrique crediderint, tamen quæ credebant, & uidere optabant, illi uiderunt, hi non uiderunt. Et erat merito in beatitudine ponendum filium Dei tam diu expectatum, tam ad liberandos à tyrannide diaboli homines necessarium uidere illis contigisse. Hoc enim sensu Simeon ille, qui

**Luc. 2. 29.** redemptionem Israelis expectabat, cum Christum in ulnas excepisset, dixit, *Nunc dimittis seruum tuum Domine, secundum uerbum tuum in pace, quia uiderunt oculi mei salutare tuum.* Cum autem dixit, *beati qui non uiderunt, &*

**Io. 10. 29.** *crediderunt, illos, qui non uidentes credunt, illis præfert, qui oculis fidem merientes, non credunt, nisi quod uident.* Sunt, qui, ut has sententias concilient, hunc locum non de oculis corporeis: sed de oculis mentis interpretentur, ut Hieronymus, & Chrysostomus, sed non est istud necessarium, præterquam quod de solis oculis mentis intelligi non potest, quibus prophetæ, & iusti Christum uenturum uiderunt. *Abraham, inquit, exultauit, ut uideret diem meum, uidit, & gaudis est.* Ioan. 8. 56. & non est dubium uoluisse Christum Apostolos prophetis anteferre, quod, quæ prophetæ longè, illi prope: quæ prophetæ obscure, illi perspicue: quæ prophetæ spiritu, illi oculis etiam uidissent, manibusq; tenuissent, sicut Ioannes ait 1. epistola c. 1. 1. *Quod uidimus oculis nostris, qd̄ perspeximus, & manus nostræ contrectauerunt de uerbo uitæ, testamur, & annunciamus uobis, & Petrus epist. 2. 1. 13. 19. & hanc, inquit, uocem nos audiuimus de cælo allatam, cum essemus cū illo in monte sancto, & habemus firmiorem propheticum sermonem.* Atq; hoc sensu Theophylactus, & Euthymius exponunt.

**17. Multi prophetæ, & iusti.** Nominat nobilissimas quasque personas, quæq; dignissime fuisse uidebantur, quæ Christum uiderent, nec tamen uidere potuerant, quod magis gratiam & felicitatem Apostolis à Deo concessam commendat. Quod etiam spectat, quod Lucas c. 10. 24. ad prophe-

tas non iustos, sed reges adiungit. Credibile. n. est Christus ea tria personarum genera præstantissima nominasse, prophetas, iustos, & reges, sed Matthæum reges. Lucam iustos prætermisisse. Quod autem Hiero. & Euth. adnotauerunt non dixisse Christum omnes prophetas, sed multi, quod aliqui ex illis uiderint, ut Abraham, qui exultauit, ut uideret diem Christi, uidit, & gaudis est, uerisimile non esse arbitror, quin multos pro omnibus posuit Apostolis, qui pauci erant, opponeret, ut Rom. 5. 19. multisq; aliis locis factum uidemus. Nam ne ipse quidem Abraham ita Christum uidit, quemadmodum Apostoli uiderunt.

**18. Vos ergo.** Vos qui uidistis, quæ multi prophetæ, & iusti uoluerunt uidere, & non uiderunt, & audistis, quæ uoluerunt audire, & non audierunt, uos quibus datum est nosse mysteria regni cælorum, cum cæteris datum non sit, ut dixit uer. 11.

**Audite.** Intelligite parabola significationem: iam enim parabolam audiuerant. Marcus cap. 4. 13. indicat Apostolos à Christo subreprehensos, quod parabolam non intellexissent, cum primum audierunt, *Nescitis parabolam hanc, & quomodo omnes parabolas cognoscitis?* quasi dicat, si hanc, quæ omnium facillima est, non intelligitis, quomodo omnes alias, quæ difficiliore sunt, intelligitis? sicut infra capit. 15. 16. *adhuc & uos sine intellectu estis?* Reprehendit ergo, non quod intellectu res esset facilis, quis enim nostrum, si audisset, nemine interpretante intelligere potuisset? sed quod, cum tam diu cum ipso uersati fuissent, & deberent magistri esse propter tempus, præceptore in iis rebus, quas ipsi aliis explicare deberent, indigerent. Ut alio loco, *Tanto tempore uobiscum sum, & non cognouistis me* Ioan. 14. 9.

**19. Ois qui audit uerbum regni.** Euāg. *Et non intelligit.* Non recondit aliter in animo, non fœuet, non meditantur, & quasi terra cordis sui tegit.

S

Nam



Nam non intelligere, non semper culpa est: hic autem culpa notatur. Sic ergo hoc loco accipitur intelligere, quemadmodum Plal. 40. 1. *Beatus, qui intelligit super egenum, & pauperem*, id est, qui curam illius habet, qui illum fouet, qui regit, qui nutrit; redundat nominatiuus *omnis* ex Hebraeorum idiomate.

*Veniit malus.*) ὁ πονηρὸς malignus, diabolus, vt c. 6. 13. & aliis locis, quos illic adnotauimus.

*Hic est, qui secus viam seminatus est.*) Verba hac occasionem multis prae-buerunt longam texendi disputationem, quomodo ille, qui audit, & non intelligit, secus viam seminatus dicatur, cum non ipse, sed granum seminatum sit. Nam, dum seminat, aliud cecidit secus viam, aliud in petrosa, versu 4. Res non est, vt mihi videtur, adeo difficilis, vt tam longis indigeat commentariis. Seminari dicitur, & semen quod iacitur, & ager, in quem iacitur. Nam & saepe inde dicuntur agri ipsi, qui feruntur. Ergo qui audit verbum regni, & non intelligit, secus viam seminatus dicitur, non vt semen, sed vt ager, & terra, quae secus viam dura est, praetercun-tium calcata vestigiis. Eodem modo, quod ver. 20. 22. & 23. dicitur, intelligendum est. Seminatore Christus se ipsum uocat, semen uerbum Euangelicum: agrum mundum, diuersam in eodem agro terram, aliam secus viam, aliam petrosam, aliam spinis coopertam, aliam bonam, homines diuersos, volucres, daemones, qui id quaerant, ne quod bonum semen in nostris animis foueatur. Eos, qui audiunt, & non intelligunt calcatae uiae comparat, quia, vt semen, quod in viam cadit, nulla tegitur terra, sed aui-bus expositum manet: sic uerbum Dei, quod in aures corporis incidit, in animum verò non descendit, quasi nulla terra rectum, facile à diabolo diripitur.

20. *Qui autem super petrosa semina-tus est.*) Semen excipit. Vide superio-rem versum.

*Et continuo cum gaudio accipit illud.*)

Intelligit, recondit, cordis terra te-git, opponit enim hunc illi, qui cum audiat, non intelligit, versu praece-dente. Cum gaudio autem dixit, ut significaret hominis leuitatem. Nul-li enim minus constantes auditores es-se solent, quàm, qui initio maximè videntur ardere. Id etiam in religio-ne saepe vsu venit. Qui citò veniunt, citò abeunt, hoc est, quod sequi-tur.

21. *Nō habet, autem in se radicem.*) Constantiam non habet aliè impres-sum Dei verbum, quia non habet terram multam, id est magnam, pro-fundamque, vt ita dicam, volun-tatem. Ideo semina, quae in eam ce-ciderunt, continuo exorta sunt, quia non habebant terram multam, vt di-xit ver. 5. Nam semen, quod so-la terrae superficie tegitur, citius ex-oritur, sed citius etiam aestuante sole, & adultis radicibus arescit. Quod in ter-ram altè descendit, serò nascitur, diu virescit. Vtriusque rei eadem est cau-sa, quia terram habet multam, quae quo minus citò enascatur, & appareat, impedit, natum ex imo misso humore nutrit.

*Continuo scandalizatur.*) Cadit, id est fidem deserit, hoc enim verbum significat. Triā terrae genera distin-xit, quae nullo modo arata est, ut uia, & nullam, ut ita dicam, terram habet, quae paucam habet, quae multam for-tasse bonam, sed spinis opertam, quas, si non haberet, vberem esset fru-ctum redditura. Hoc est, quod ait.

22. *Qui autem seminatus est.*) Vide versum 19.

*In spinis.*) Qui in terram quidem multam, ac bonam, sed spinis plenam semen excipit.

*Hic est, qui uerbum Dei audit.*) Plus, quàm dicit, significat. Intelligendum enim est, qui audit, & intelligit, ut de superiore dixit, cum gaudio accipit il-lud. Hunc enim illi praepōnit, tan-quam proprius ad eos, qui multiplicè fructum ferunt, accedat. Nascitur ete-nim in illo uerbum, sed sollicitudo saeculi istius, & fallacia diuitiarum illud



illud suffocat, efficitque, ut fructum non ferat. Solitudinem huius seculi vno verbo vocavit, quicquid in illo præter regnum Dei, magno studio homines querunt, honorum ambitionem, negotia, lites, & quidquid à querendo regno Dei hominem tardat. In quibus & diuinæ comprehenduntur, sed eas propterea nominatim expressit, quia maxima pars hominum quasi publico eas studio confectantur. Fallaces verò appellat, & quia fugaces, & instabiles sunt, & quia homines fallunt. Hebraica enim est phrasis, fallacia diuitiarum, pro fallacibus diuitiis, ut corpus mortis huius, pro corpore hoc mortali Rom. 7. 24.

23. *Qui verò in terram bonam seminatus est.* Quemadmodum eorum, qui fructum non ferunt, tria fecit generata, ut notavit Hieronymus, tria eorum, qui fructum ferunt, genera distinguit, quibus omnes unius, atque alterius generis homines comprehendit. Bonam autem terram appellat non solum, quæ natura sua bona est: sed quæ bene culta, quæ subacta, quæ purgata est. Nam, & quæ secus viam est, bona est, sed arata non est: & quæ spinis operata, bona fortasse, sed inculta. Illa absolutè bona dicitur, quæ & natura pinguis, & diligentia bene culta est. Sic exemplum magis in homines convenit. Quorum eadem, id est bona per se natura est, bona per se voluntas: sed eam alij, aut non colendo viam similem: aut non aliter arando petrosam: aut non sarrendo spinosam faciunt.

*Hic est, qui audit verbum, & intelligit.* Meditatur exercet, ut sup. ver. 19.

*Et facit aliud quidè centesimū.* *ὁ μὲν ἐκατὸν, ὁ δὲ ἑξήκοντα, ὁ δὲ τριάκοντα.* Hoc quidem centum, hoc autem sexaginta, hoc vero triginta. Sed Græcè nomina, ut Grammatici vocant, numeralia ordinalia posita sunt pro numeralibus distributivis, ut constat ex sensu: voluit enim dicere singulas menturas, alias centenarum, alias sexagenarum, alia tricenas asserre. Iatinus verò interpret pro centenarum, sexagenarum, tri-

centarum, centesimorum, sexagesimorum, trigessimorum dixit: non satis vilitatè, quam aliqui non mali auctores ita locuti sunt. Fructum vocat, aut opera bona, quæ fidei, & verbi Dei fructus esse solent, ut, auferetur a vobis regnum Dei, & dabitur genti facienti fructus eius c. 21. 43. aut, quod magis credo, vitam æternam, ut 2. Cor. 9. 6. qui parce seminat parce & metet, & qui seminat in benedictionibus, de benedictionibus & metet, & ibidè ver. 10. Qui autem ministrat semen seminanti, & panem ad manducandum præstabit, & multiplicabit semen vestrum, & augebit incrementa frugum iustitiæ vestræ, & ad Gal. 6. 7. 8. Qui enim seminaverit homo, hæc et metet. Qui seminat in carne, de carne et metet corruptionem, qui autem seminat in spiritu, de spiritu & metet vitam æternam, & Iacob. 3. 18. fructus autem iustitiæ in pace seminantur facientibus pacem. Itaque duo ex hoc loco Caluinistarum, & Lutheranorum errores refelluntur. Alter, quod nos vitam æternam mereri negant: fructus. n. non solum terre qualitatè, sed etiam coelestis diligentia respondet. Immo secundum diuinam gratiam unusquisque se ipsum, ut ait Augustinus, bonam, vel malam terram facit. Alter, quod omnium beatorum premium æquale faciunt, cum videamus alios centesimorum, alios sexagesimorum, alios trigessimorum fructum asserre, prout nimirum quisque terram colit. Lucas c. 8. 15. addit, & fructum asserunt in patientia, quod non ideo dixisse arbitror Christum, quod quicunque volunt in illo piè vivere, persecutionem patientur 2. ad Tim. 5. 12. ut in quibusdam novorum hæreticorum commentariis lego: sed quia, qui perseveraverit usque in finem, hic salvus erit sup. c. 10. 22. alludit enim Christus de semine, & eius fructu agens ad patientiam agricolarum, quoniam debet in spe, qui arat, arare, & qui triuratur, in spe fructus percipiendi. 1. Cor. 9. 10. Deinde, quia voluit hos illis opponere, qui continuo exorti sunt, quia terram nullam non habebant supra ver. 5. Illi enim fructum non ferunt: hi sero quidem & diu, patienterque expectatum, sed ita

Merita bonorum (peccatum contra hæreticos.

Li. 2. 1. ser. Domini in monte, & serm. 12. de verbis Domini.

In quale beatorum premium contra hæreticos.



in harm.

Fructus cen-  
tesimus, &  
sexagesim<sup>us</sup>  
martyrum,  
virg<sup>in</sup>ū, &  
monachorū  
ex Patribus  
contra Cal-  
uinum.

mem eo vberiore ferunt. Ridet Cal-  
uinus omnes ueteres interpretes haud  
paullo, vt opinor, ipso meliores,  
quod centesimum fructum alij ad  
virgines, sexagesimum ad uiduas,  
trigesimum ad coniuges referant, vt  
Hieronymus in hunc locum, & lib.  
contra Iovinianum primo, & in  
apologia ad Pammachium: & Atha-  
nasilus in epistola ad Ammun. Alij cen-  
tesimum ad martyres, sexagesimum  
ad virgines, trigesimum ad viduas,  
vt idem refert Hieronymus. Alij cen-  
tesimum ad martyres, sexagesimum  
ad virgines, trigesimum ad coniuges,  
vt Augustinus lib. 1. qq. Euang. q. 9.  
Alij centesimum ad martyres, sexa-  
gesimum ad eos, qui bona propter  
Christum contemnentes vendunt vni-  
uersa, quæ habent, & dant ea pau-  
peribus: trigesimum ad eos, qui con-  
tenti sunt præceptorum obseruatione,  
ut Auctor imperfecti hom. 3. 1. Alij  
centesimum ad anachoritas, sexage-  
simum ad cenobitas, trigesimum ad  
coniuges, ut hoc loco Theophy. Cal-  
uinus nullus in sua Ecclesia habere  
vult gradus, omnes apud illum, sicut  
apud eiusdem hæresis auctorem Io-  
vinianum, æquales sunt, omnes san-  
cti, omnes perfecti. Non ignorabant  
isti auctores, qui à Caluino ridentur,  
non propterea Christum hæc tria ge-  
nera distinxisse, vt virgines, viduas,  
coniuges: aut martyres, virgines, vi-  
duas significaret: sed parabolam ad  
mores nostros, alij aliter, omnes vi-  
litter accommodarunt. Sciebant Chri-  
sto illud tantum fuisse propositum,  
vt doceret omne semen, quod in bo-  
nam terram cadit, adeo multiplicari,  
vt, quod minimum ferret fructum,  
trigesimum ferret, quantum non ni-  
si optima, & benè culta terra ferre  
solet: quod maximum, centesimum,  
quod medioerem, sexagesimum.  
Nam etiam August. subtiliter de his nu-  
meris, ut solet, disputat, tamen non  
tam interpretando, quam concio-  
nando facit. Caluinus dum non con-  
cionatur, sed interpretatur, absurde  
& turpiter errat, quia, quod cum pri-  
mis Christus significare voluit, negat

vllam meritorum, vllam fructuum, at-  
que præmiorum esse differentiam.

24. *Simile est regnum celorum homi-  
ni.*) Non oqus est disputare, quid per  
regnum celorum significetur. Ma-  
nifestum enim est Euangelium signi-  
ficari. Quod autem non semini, sed  
homini seminanti simile dicatur c.  
11. 16. explicatum à nobis est. Nihil  
enim aliud voluit Christus dicere, quā  
perinde se Euangelium habere, atque  
si quis in agro suo bonum semen se-  
minauerit, & aliquis eius inimicus su-  
perseminet malum.

25. *Cum autem dormirent homines.*)  
Id est omnes, quem Hebraismus sepe  
iam adnotauimus, ut c. 5. 13. Galli dice-  
rent, cum totus mundus dormiret.  
Tres in primis res hac parabola Chri-  
stus voluit significare. Primum, in Ec-  
clesia non solum bonum semen, id est  
homines bonos, sed etiam malum, id  
est homines malos esse: deinde, se non  
esse mali seminis auctorem, sed boni;  
malum a diabolo seminatum: postre-  
mò malum semen, quod seminatum a  
diabolo est, se patienter usque ad mes-  
sem latitaturum esse: nec statim euulsu-  
rum.

26. *Et fructum fecisset.*) Spicam  
protulisset, grana genuisset: unde po-  
tissimum bona, & mala herba dignos-  
ceit: messis enim nondum uenerat.  
parabolam Christus ipse exponit uers.  
37. Ipse est, qui seminat; eius ager  
mundus; bonum semen filij regni, id  
est boni, qui regni celorum hæredes  
sunt, aut Evangelica doctrina, quæ  
bonos eos facit: zizania, filij nequam  
oī y' oī tē wōmpōi maligni, id est dia-  
boli, vt uer. 19. Dicuntur autem fi-  
lij diaboli, qui eius opera imitantur,  
ut Ioan. 8. 34. *Vox ex patre diabolo  
estis, & desideria patris vestri vultis  
facere,* & 1. Ioan. 3. 8. *qui facit pec-  
catum ex diabolo est quia ab initio dia-  
bolus peccat.* Reliqua perspicua sunt.  
Qui sunt homines, quibus dormienti-  
bus zizania diabolus seminauit, qui  
serui, qui accesserunt ad dominum, re-  
gaueruntq; uellet ne, ut zizania euelle-  
rent, Christus non explicat, ideo, ut  
opinor, quia ista ad parabola signifi-  
cationem,

Meritorum  
inæqualitas



Non omnia  
in parabolis  
ad rem per-  
tinent,

Sententia  
Ecclesie de  
punien-  
dis hereticis de-  
scenditur.

2.2. qu. 10.  
ar. 8. ad 1. &  
qu. 11. ar. 3.  
ad 3.

tionem, quam Christus sibi proposue-  
rat, non pertinebat. Multa. n. in para-  
bolis non ad significandum, sed ad  
implendam narrationem adhiben-  
tur, non quasi parabole partes, sed  
quasi emblemata, non quia necessa-  
ria sunt, sed quia fieri solent. Omnes  
tamen ueteres interpretes homines  
dormientes Episcopos, & eos, qui  
regenda Ecclesia curam habent, in-  
terpretantur, quod, & si mulus non  
placere uideo, utinam uerum non es-  
set, quanquam non ignoro Christum  
tantum significare uoluisse diabolum  
occulte, & nemine aduertente ziza-  
nia teminasse, seruos autem qui do-  
minum rogant, uelit ne, ut zizania  
euellant, ardentibus aliquos Ecclesie  
ministros esse qui & hereticos, & ma-  
los Catholicos bono quodam, & pio  
religionis studio de medio tolli uel-  
lent. Sunt, qui hoc loco abutantur, ut  
proberent, aut non puniendos, aut non  
occidendos hereticos. Quid qui fa-  
ciunt, de se ipsi mihi uidentur esse so-  
liciti. Primum quidem non de solis  
agitur hereticis, sed de omnibus fi-  
liis diaboli, qui filijs regni opponun-  
tur, inter quos precipua quidem spe-  
cies heretici sunt, totum autem ge-  
nus non sunt. Itaque, qui hereticos  
tollendos esse negant, multo magis  
fures, multo magis homicidas tollen-  
dos esse negare debent. Tanto enim  
perniciosiores heretici, quam fures,  
& homicidæ sunt, quanto maius est  
scelus animas furari, atque occidere,  
quam corpora. Ideo ergo ueteres fe-  
re omnes auctores, ut Chrysost. Hie-  
ronym. & August. de hereticis inter-  
pretantur, non quia soli, sed quia ma-  
ximè zizania sunt. Praterea, ut soli  
heretici intelligantur, tamen non  
absolutè patrefamilias prohibet euelli  
zizania, sed ne forte simul & triti-  
cum eradicetur, tunc ergo ex senten-  
tia, & uoluntate illius, euellenda non  
sunt, cum periculum est, ne & triticum  
eradicetur, ut rectè D. August. lib. 3.  
contra epistol. Parmeniani caput. 2. &  
Diuus Thomas maximus Theolo-  
gus obseruauit, cum ergo periculum  
non est, ne simul triticum eradice-

tur, sed periculum potius est, ne si non  
euellantur, triticum laedant, quid o-  
pus est messem expectare? maturè  
euellenda sunt, maturè comburenda.  
Praterea, cur periculum est, ne si-  
mul cum zizanijs triticum euella-  
tur, aut cur iubet patrefamilias mes-  
sem expectare, nisi quia ante mes-  
sem dignosci, & separari a tritico  
non possunt? Cum ergo & digno-  
sci possunt, & separari utique sepa-  
randa sunt, utique comburenda. *Præ-  
monet Dominus* (inquit Hiero.) *ne, ubi  
quid ambiguum est, citò sententiam pro-  
feramus, sed deo iudici terminum reserue-  
mus, ut cum dies iudicij uenerit, ille non  
suspicionem criminis, sed manifestum rea-  
tum de sanctorum ceteris eijciat.* Caluini-  
stas, & Lutheranos, quis non cognouit?  
quis hereticos esse non uidet, qui  
vix ullam antiquam hæresim non re-  
nouarunt? Nullus unquam profecto  
hereticus fuit, nullus hereticus esse  
potest, si illi heretici non sunt. At sunt  
quiescentes; qui unquam fuisse turbulen-  
tiores? qui unquam tot excitarunt  
bella? qui unquam tanta usi crudeli-  
tate tantum humani sanguinis effu-  
derunt. Neque uerò hæc ideo dico,  
quod non malim eos conuerti, quam  
occidi, sed tantum principes, aut  
quia principes ista lecturi non sunt,  
eos, qui principes monere possunt,  
admoneo, non licere illis istas, quas  
vocant, conscientiarum libertates ni-  
miam nostro tempore usitatas hæ-  
reticis dare, nisi prius Ecclesia,  
aut is, qui Ecclesie caput est Ro-  
manus Pontifex Christi persona,  
& tanquam patrefamilias iudicaue-  
rit non posse euelli zizania, nisi si-  
mul & triticum euellatur, & è re  
Ecclesie esse, ut usque ad messem  
permittantur utraque crescere.  
Huius enim rei non principes,  
qui patrisfamilias serui sunt, sed  
ipsius patrisfamilias, id est Ecclesie  
gubernationis iudicium esse debet.  
Nec debent principes patrisfamili-  
as rogare, ut sinat utraque cres-  
cere usque ad messem; sed an uelit,  
ut eant, & euellant zizania. Ita  
eos affectos, atque paratos esse oportet,

Caluini-  
& Luthera-  
ni maxime  
heretici.

Contra li-  
bertatem  
conscientiarum.



ret, ut a patrefamilias coerceri potius opus sit, quam incitari.

31. *Simile est.*) Tertiam eiusdem generis parabolam ponit, adhuc enim de semente, id est de initio loquitur Euangelij. Per primam declarauit diuersum Euangelij effectum prout in bonam, uel in malam terram cadit, cum seminatur. Per secundam, quomodo superfeminato de diabolico malo semine adulteretur. Per hanc, quantam bonum Euangelij semen habeat uim, & ex quam paruo initio in quam admirandam magnitudinem excreseat. Non dubito, quin regnum coelorum in hac parabola, sicut in precedentibus, Euangelium significet, aut, quod idem est, fidem, doctrinam Euangelicam, uerbum Dei, quemadmodum Ambrosius in capit. 13. Lucae, Chrysostomus homil. 47. Theophylactus, Euthymius, Hieronymus, Beda, & Augustinus sermon. 31. & 33. de sanctis interpretantur. Etsi Hilarius Christum ipsum regnum coelorum, & granum sinapis, alij uero Ecclesiam uocari putant. Omnia, quod ad sensum attinet, eodem redeunt. Nam & Christus lapis sine manibus excisus in montem magnum factus esse dicitur, Dan. 2. 35. & Euangelium paulo post uers. 33. fermento comparatur, quia occultam crescendi uim habet, & Ecclesia luna in scripturis sacris uocari solet, quae initio tenuis & exigua, in dies crescit, quoad plena sit. Sic enim Ecclesia initio quidem exigua & obscura fuit, incipientibus (inquit) a Ierusalem Luc. 24. 47. semper increseat, donec totum compleat orbem; hoc enim de Christo uere dici potuit, qui dominaturus est a mari usque ad mare, & a flumine usque ad terminos orbis terrarum. Psal. 71. 8. Diuus Augustinus non alio magis argumento Donatistas in uno Africae angulo, sicut nunc Caluinista Geneva Ecclesiam Catholicam concludentes refellit, quam quod non possit Ecclesia post tot annos tam angustis terminis definiri. Ecclesia, in-

Psal. 88. 18.  
Cant. 6. 9.

Ecclesia Catholica per totum orbem haretis in angulo,

quit, luna similis est, si quis nouam Lunam primo, & secundo die non uideret, dignus est uenia, qui autem iam plenam non uideret, caecus est. Quod propterea dixi, quia multo magis contra Caluinistas nunc, quam contra Donatistas tunc ualere arbitror. Si enim Augustinus Donatistas, quia quadringentis post Christum annis Ecclesiam non uidebant, caecos appellat: quo nomine Caluinistas, qui mille quingentis octoginta post annis non solum non uident, sed ne uideri quidem posse dicunt, appellasset?

*Grano sinapis.*) Augustinus ser. 31. 33. de Sanctis, propter ardorem regnum coelorum grano sinapis comparari putat, quod multi alij non tam docendo, quam concionando secuti sunt. Nec enim dubium est, quin propterea grano sinapis simile dicatur esse, quod, cum initio paruum sit, in ingentem magnitudinem excreseat, ut ex sequenti uersu intelligitur.

32. *Quod minimum quidem est omnibus seminibus.*) Siue Hieron. siue alius quis fuit interpres, qui hoc modo conuerteret, credendus est non ignorantia, sed certo potius consilio solacismo usus esse. Quod & Septuaginta interpretes multis in locis simili de causa fecisse in eorum Idiomatis adnotauimus. Quod enim Graece per comparatiuum dictum est, μικρότερον πάντων τῶν σπερμάτων, minus omnibus seminibus, uim habet superlatiui. Solent enim frequenter Graeci comparatiuis pro superlatiuis, uti ut cum Apostoli dicuntur inter se disputasse, quis eorum esset maior, id est, quis maximus. Voluit igitur interpres comparatiuum in superlatiuum uertere, ut uerum sensum exprimere, & tamen comparatiui constructionem retinere, ut non superlatiuum, sed comparatiuum Graece esse indicaret. Quo autem modo granum sinapis minimum omnium seminum esse dicatur cum alia minutiora, ut papaueris semen, esse constet, frustra mihi uidentur nonnulli interpretes disputare. Nec enim minimum omnium dicitur, quod

Luc. 9. 46.  
& 22. 24.

Granum se-



sinapis inter  
Hebræorum  
proverbia,

quod omnium omnino minimum, sed quod ex omnium minimis unum sit. In proverbialibus enim sententiis, qualem istam apud Hebræos fuisse credendum est: ut, cum aliquid ualde paruum esse significabatur, grano sinapis simile esse diceretur: cum ea comparatione non uno tantum loco, sed pluribus Christus utatur: ut cum dicit, *si habueritis fidem, sicut granum sinapis* capit. 17. 20. in huiusmodi, inquam, sententijs non solemus philosophice, & subtiliter, sed populariter, & ex vulgi opinione loqui. Vulgus autem inter usitata semina granum sinapis, aut minimum putat, aut uerè in minimis numerat: quemadmodum Matth. cap. 5. 29. quadrantem pro minima moneta dixit, *non exies*, inquit, *inde donec soluas nouissimum quadrantem*, non quod minima esset, sed quod ex minimis: nam certè minutum altera parte minus erat. Itaque Lucas, ut idem significaret, non dixit, *donec soluas nouissimum quadrantem*, sed, *nouissimum minutum* capit. 12. 59. Quomodo arbor fiat, cum herba sit, nonnulli etiam quaerunt, ac disputant, qui sinapi, ut opinor, non uiderunt. In calidioribus locis longè supra humanam staturam assurgit: ut ubi copia est, sylua esse videatur. Vidi ego sepe in Hispania sinapi loco lignorum magnos furnos ad coquendum panem calciferi. Amant uerè aues granum: itaque, cum feruente aestate maturuit, in eius ramis, ut semen edant, insidere solent: quas, etiamsi multae sint, possunt infracti sustinere. Hoc est, quod dicit, *ita ut volucres celi veniant, & habitent in ramis eius*. Habitare dixit pro sedere, sicut e contrario sedere sepe ponitur pro habitare propter Hebraicum uerbum *שָׁבַע* quod utrunque significat. Quare non debuerunt noui quidam interpretes uertere *κατασκινώου* nidulari, cum nec uerbum id propriè significet: nec sententia ueritas respondeat. Nam ego, qui magnas aliquando sinapis siluas uidi, insidentes sepe aues uidi, nidos non uidi. Quid per aues celi significetur, opus non est quaerere, quia non

ideo de auihus mentionem Christus fecit, ut aliquid indicaret noui mysterij: sed ut arbuscula magnitudinem, firmitatemque declararet, quae insidentes aues sustinere possit. Itaque non est, ut soleo dicere, pars parabola: sed emblemata. Si quis tamen contendat aliquid præterea significare, non repugno: sed potius doceo conuenienter litteris sacris reges, & principes, eoque omnes, qui, ut loquitur D. Paulus, in sublimitate constituti sunt, significare posse, qui in Euangelio, & Ecclesia sustentantur, & ut solet Chrysostomus dicere, signum crucis gestat in frontibus. Nam & apud Danielem capitulo 4. 9. uolucres, quae in ramis magnae illius arboris erant, quid aliud quam principes, & reges significabant, qui quasi sub Nabuchodonosoris umbra uiuebant? Olim Ecclesia in Republi. erat, nunc Respub. est in Ecclesia.

Respublica  
in Ecclesia.

33. *Aliam parabolam.*) Proponit aliam, & in alio genere parabolam, sed idem significantem, regni celorum ex paruo initio maximum incrementum esse sumptum. Diuersas habet fermentum proprietates. Corruptio quaedam est massae nimis calefactae. Et quia conceptum in se calorem habet, uim etiam continet ea, quibus immiscetur, augendi. Propter priorem proprietatem in malam partem poni solet, ut 16. 6. *caute a fermento phariseorum, & Sadduceorum*, & 1. Corinth. 5. 6. *Modicum fermentum totam massam corrumpit*, & 7. *Expurgate vetus fermentum, ut sitis noua conspersio*. Propter secundam ponitur in bonum, illique regnum celorum comparatur; quod sicut fermentum, cum modicum sit, in magnam massam immixtum totam peruadit, & multo, quam erat, maiorem reddit: ita uerbum Dei uno loco seminatum totum peruaserit terrarum orbem: ita Ecclesia initio minima, breui tempore longè lateque in omnes terrae partes propagata sit. *Operuit montes umbra eius; & arbuscula eius celos Dei, extendit palmites suos usque ad mare, & usque ad flumen propaggines eius*, Psal. 79. 12.

S 4 Quid

Erasmus, &  
Beza.



*Quod acceptum mulier.)* Quod mulierem potius, quam virum dixit, nullam aliam causam fuisse arbitror, quam quod pungere magis muliebri, quam virile officium sit; etsi eos non reprehendo, qui concionantes potius, quam scripturam enarrantes, mulierem diuinam sapientiam interpretantur. Mulier ergo, aut pars necessaria parabola non est, sed ideo nominata, quod id plerumque mulieres facere soleant, aut, si pars est, Evangelicum doctorem significat, qui uerbum Dei in animos auditorum, quasi fermentum in massam infundit. Nec enim sexus, sed officium spectari debet.

*Abcondit.)* Miscuit, ita confudit, ut non appareret, quasi abscondisset.

*In farinae sata tria.)* **ΠΝΔ** satum vocant Hebraei genus quoddam mensurae rerum liquidarum, quae, ut ait Iosephus libro nono, antiquit. capitu. 2. & Hieronym. hoc loco, modium Italicum, & dimidium continebat. Tria sata faciebant Ephii. Auctam fuisse mensuram post Babylonicum exilium tradunt Hebraei in libr. משכא. Sunt, qui nostra aetate de Hebraeorum mensuris scripserint; ad eos lectorem mitimus: nos de Evangelio, non de mensuris agimus. Cur tria sata potius, quam plura, aut pauciora nominauerit, Chrysostomus, & Euthymius respondent tria pro omnibus posuisse, quasi diceret, quantumcumque farinae fermentare velit, non nisi paululum fermenti miscere. Alij dicunt ideo dixisse tria, quod tria sata efficerent unum Ephii, & solerent plerumque mulieres unum farinae Ephii pungere, ac coquere, ut fecit Sara Genes. 18. 6. Potius credo ideo tria posuisse, quod Ephii tria sata contineret, eaque esset usitatissima mensura: sicut apud Hispanos, quam *fanecam*, apud Gallos, quem *butseau*, vocant.

34. *Et sine parabolis non loquebatur eis.)* Tunc, & in ea concione, de qua agitur: nam & ante, & post multas alias parabolis proposuit, ut cap. 20. & 22. & 25. ut Chrysostomus homil. 48.

Euthymius, Theophylact. exponunt. Vide quae diximus supra ver. 11. Marcus c. 4. 3. addit *prout poterant audire*, quod quidam interpretantur, accommodas sese ad auditorum captum, sensu menti Christi penitus contrario: non enim, ut melius intelligeretur; sed, ut non intelligerent, in parabolis loquebatur, ut ver. 13. & 14. explicatum est. Quod ergo ait Marcus *prout poterant*, nihil aliud significat, quam Christum obscure locutum esse, ut qui posset capere, caperet, ut ipse explicat alio loco, cum similem parabolam proposuisset, infra c. 19. 12. vel ut Euthymius locum illi Marci interpretatur, *prout poterant*, id est, prout digni erant: non enim erant digni, ut illis Christus aperiret, & sine parabolis loqueretur, ut ver. 13. significauit.

35. *Ut adimpleretur.)* Ut hoc loco non significat causam, quam ob rem Christus per parabolis locutus sit: non enim ideo per parabolis loquebatur, ut Davidis dictum adimpleret, sed quia auditores indigni erant, quibus aperte loqueretur ut ver. 11. 12. & 13. explicatum est. Nec vult Evangelista docere Davidis prophetiam proprie a Christo impleta fuisse. Non enim erat prophetia: sed rerum praeteritarum historia, de qua David agebat: neque nomen **חידות**, quo David usus est, hoc genus parabolarum significat eo loco, quibus hic Christus utebatur, quamuis utriusque genus Hebraei **חידות**, id est parabolarum appellent: nam hic Evangelista uocat parabolis obscuras, & similitudinibus adumbratas locutiones: illic David Psal. 77. 2. cum dicit, *aperiam in parabolis*, aut *in parabolis os meum*, uocat **חידות** parabolis breues, & acutas sententias, quas **ἀπορρήματα** Graeci nominant. Sed Evangelista, ut solet, quod a David alio sensu dictum erat, non ad eundem, sed ad similem sensum accommodauit. ut c. 2. 15. 17. explicauimus.

37. *Qui seminat.)* Haec, quae sequuntur usque ad uersum 42. supra ver. 24. & 25. exposita sunt.

41. *Omnia scandala.)* Scandala uocant eos, per quos scandala uenerant, id est zizania, & filios diaboli.

Es



*Et eos, qui faciunt iniquitatem.*) Hebraismus *וְעוֹשֵׂי רָעָה*, & omnes qui iniquitatem exercenti. & ut ita dicam. iniquitatis artem faciunt: magis enim habitus, quam actus Hebraica phrasi significatur.

42. *In caminum ignis.*) In Gehēnam ignis, ut cap. 5. 22. 29. 30. & 19. 28. & in fra c. 18. 9.

*Ibi eris sctus.*) Hac explicata sunt cap. 8. 12.

43. *Tunc.*) Cum scandala sublata erunt: cum zizania separata, quæ impediunt; quo minus triticum appareat: cum paleæ euentilatae fuerint, quæ triticum tegebant, quo minus effulgeret, ut in parabola aræ declaratur supra c. 3. 12. & Luc. 3. 17. Fulgor gloriæ significat, ut in Christi transfiguratione apparet c. 17. 2. Itaque beati soli, lunæ, & stellis comparari solent, ut ibidem, *Et splendor facies eius sicut sol.* Et Danielis 12. 3. *Qui autem docti fuerint, id est, qui bene sapienter quæ uitam suam gubernarint; hos enim scriptura vocare solet וְעוֹשֵׂי רָעָה habentes intellectum, sicut Galli, non eos, qui docti sunt, sed eos, qui moderati, sapientes appellant: hi ergo (inquit Daniel) fulgebunt, quasi splendor firmamenti, & qui ad iustitiam erudiunt plurimos, quasi stellæ, in perpetuas æternitates, & 1. Cor. 15. 41. 42. alia claritas solis, alia claritas lunæ, alia claritas stellarum; stella enim ab stella differt in claritate: sic erit resurrectio mortuorum.*

*Qui habet aures)* Significat id quod dixerat, auditorum maxime interesse. Vide c. 11. 15.

46. *Simile est)* Hanc parabolam non iam omnibus auditoribus. sed solis domi Apostolis propositam à Christo fuisse non nulli putant: ut colligitur ex ver. 36. Euthymius hoc loco: ego vero similis esse arbitror ante dictam fuisse unā cum superioribus. Sed quia Apostoli non omnium parabolarum, sed zizaniarum, postquam domum redierunt, explicationem petiuerunt, Euangelistam post zizaniarum parabolam narrasse, quomodo domum rediisset, & parabolam Apostoli sibi explicari postulassent.

Idemque de omnibus, quæ hoc capite sequuntur, dicendum est. Hactenus quattuor parabolis feminantis, grani sinapis, boni feminis, & mali: & fermenti duas regni cælorum proprietates declarauit, quo modo diuersum habeat in diuersis hominibus effectum: & quo modo ex paruo initio magnum sumat incrementum: nunc pretium exponit. ut doceat quanti illud homines facere debeant, & quanta querere diligentia. Regnum cælorum hoc loco eodem modo, quo in superioribus parabolis pro fide, Euangelio, Evangelica doctrina accipiendum existimo, ut Ambros. ser. 2. in Psal. 118. Euthymius, & Theophyl. Etsi sunt, qui regnum cælorum Christum uocari putent, ut Irenæus lib. 4. c. 43. Hilarius, Athanas. q. 54. si tamen illius quæstiones sunt, Hiero. in comment. & Vigilii lib. 3. de incarnatione. Sunt, qui vetus & nouum testamentum, ut August. libr. 1. qq. Euang. c. 13. & Beda, quod & Hieronymus approbat.

*Thesauro.)* Rei, quæ æstimari non potest. Qui enim tantum habent pecunie, ut numerari non possit, eos thesaurum habere dicimus. Ita D. Paulus 1. Cor. 2. 9. *neque oculus uidit, neque auris audiuit, neque in cor hominis ascendit, quæ preparauit Deus his, qui diligunt illum.*

*Abseondito.)* Quia à seculo non erat auditum Isa. 64. 4. & 1. Cor. 2. 7. *sed loquimur Dei sapientiam in mysterio, quæ abscondita est, quam prædestinauit Deus ante secula in gloriam nostram.*

*Quem, qui inuenit homo.)* Quisquis inuenit; hominem pro quolibet homine, & pro nota vniuersali apud Hebræos poni saepe monuimus.

*Abseondit.)* Hoc non est necesse ad rem per parabolam significatam accommodare, quia, ut soleo dicere, non pars parabole, sed emblemata est: nec dicitur, ut aliquid significet: sed ut parabolam impleat, & quia fieri solet, ut, qui thesaurum inuenit, si statim tollere non possit, illum abseondat, ne, dum abit, ut fodiendi instrumenta querat, alius eripiat: quanquam Hiero

nym.



ym. & Beda eum, qui regnum cœlorum inuenit, in corde suo dicunt abscondere, id est fouere, seruare, ne effluat. si quid significat, illud tantum mihi videtur significare eum, qui regnum cœlorum, id est Euangelium inuenerit, occasionem tenere, ne elabatur, oportere, & omnem continuo adhibere diligentiam, vt illud obtineat. Hoc est abscondere: non, ne alius inueniat, sed ne ipse perdat. Nam etsi, qui thesaurum inuenit, ideo abscondit, ne alius inueniat, quia si alius inuenerit, ipse perdet: non est in eo similis parabola regno cœlorum, quod non ideo alius perdet, quia alius inuenit: ab omnibus enim & patitur inueniri, & aequaliter potest possideri. Quamquam ita etiam aliquando scriptura loquatur, quasi vnus accipere non possit, nisi alius amittat. *Fracti, inquit, sunt rami, vt ego inserat Roman. 11. 19. & tene quod habes, ut nemo accipiat coronam tuam* Apocalyp. 3. 11. sed id accommodatè ad ramos arborum, & coronam regum dictum est: quia neque nouus surculus ex arborem inferi potest, nisi verus frangatur ramus: neque vnus coronam præripere, nisi alius amiserit.

*Præ gaudio illius) inueniri.*

*Vendit uniuersa, quæ habet.)* Non significat emendum Euangelium, gratis enim, inquit, accepistis, gratis date cap. 10. 8. sed significat tantum aestimandum, vt qui inuenerit, nihil non, vt illud obtineat, facere debeat: etiam si omnia bona uendenda, etiam si perdenda, etiam si infamia subeunda, etiam si amittenda vita. Cæterum bona potius, quam vitam, & honorem, aut aliud, si quid homines habent, nominauit, ut accommodatè ad hominum consuetudinem loqueretur, qui, vt thesaurum habeant, omnia sua bona solent uendere. Denique nihil aliud hæc parabola significatur, qua quod alio loco alijs dicit verbis, *Qui amat patrem, aut matrem plus quam me, non est me dignus: & qui amat filium, aut filiam supra me, non est me dignus* ca. 10. 37. Res enim omnium carissimas nominauit, quas qui, cum opus est, pro-

pter regnum cœlorum non abiicit, indignus, qui illud obtineat, iudicatur.

45. *Simile est regnum cœlorum homini negotiatori.)* Non homini, sed margaritæ regnum cœlorum simile est, sicut in præcedente parabola non homini inuenienti, sed thesauro inuenito comparatum est: sed sensus est, idem accidere in inueniendo, acquirendoque regnum cœlorum, atque si quis mercator bonas quærens margaritas, una pretiosa inuenta, abeat, vendatque, ut illam emat, uniuersa, quæ habet, ut supra explicauimus, cap. 17. 16. 17. Nos uero homini negotiatori similes esse debemus, qui, cum regnum cœlorum inuenerimus, nullis sumptibus, nullis laboribus, nullis omnino rei, ut illud habeamus, debemus parcere. Hæc enim parabola eandem prorsus, atque præcedens, significationem habet: sola differt materia. Bonas, καλούς, pulchras; in hoc enim genere mercium, quæ pulchræ sunt, eadem bonæ.

*Margaritas.)* Speciem uidetur unam pro toto genere posuisse: id est margaritam pro omni lapide pretioso. Margarita enim, aut alio genere margaritarum tantum, ut opinor, illam speciem unionis significat, quæ in conchylijs inuenitur, quam omnes fere in Europa nationes *perlam* appellant. Quamquam fieri potest, ut propterea margaritam potius, quam unionem, quod totum genus est, aut unam aliquam aliam unionis speciem nominauerit, quod fere inter omnes pretiosos lapides, margarita pretiosissimus habeatur, quemadmodum pretiosorum lapidum mercatorem ex præstantissima specie margaritarum appellamus mercatorem.

47. *Simile est.)* Credibile mihi uidetur hanc parabolam post illam superiorem de bono semine, & zizanijs à Christo propositam fuisse uersic. 43. Sed Euangelistam narrationis ordinem non tenuisse, quia eandem prorsus habet significationem, & videmus reliquas, quæ eiusdem erant significationis, fuisse coniunctas: ut parabo



Fides sola  
ad salutem  
nō sufficit.

Augustinus  
accertimus  
Lutherano  
rum et Cal  
uinistarum  
refutator.

parabolam grani sinapis cum parabola fermenti uer. 31. & 33. & parabolam thesauri absconditi cum parabola pretioſe margaritæ uerſi. 44. & 45. Hoc autem loco regno cœlorum, aut Euangelium, ut in ſuperioribus parabolis, aut, quod eodem redit, Eccleſiam poſſumus intelligere. Vtrum uis intelligamus, magnum hinc contra nouos hæreticos argumentum ſumamus. Nam ſi Euangelium intelligimus, ſignificat Chriſtus non omnes, qui Euangelium, id eſt fidem recipiunt, ſaluos futuros, ſed eos tantum, qui boni fuerint piſces, id eſt, qui non ſolam fidem, ſed bona etiam opera habuerint, omnes enim piſces, id eſt omnes Chriſtiani, omnes fideles, ſed illi mali, hi boni ſunt: contra quam iſtorum hæreſis docet omnes, qui fidem habuerint, ſaluos futuros eſſe. Si regnum cœlorum Eccleſiam interpretemur, non iam nos, ſed D. pro nobis contra illos Auguſti. argumentabitur, qui Donatiſtas ueteres iſtis noui ſimiles hæreticos, qui in Eccleſia ſolos, ſicut iſti, bonos eſſe dicebant, non alie frequentius, nō alio fortius argumento refellit, quàm q̃ Eccleſia ſagenæ miſſæ in mare, & ex omni genere piſcium congreganti comparatur. Soleo dicere D. Auguſtinum nullum hæreticorum genus tam frenuè, atque Donatiſtas reſuſcitari, & illos tot libros, quos aduerſus illos compoſuit, non tam contra illos, quam contra longè poſt futuros Lutheranos, & Caluinistas compoſuiſſe, tantum opus eſſe, ut qui eos legit, pro Donatiſtarum, Caluinistarum, aut Lutheranorum nomen ponat.

52. Ideo.) Cuius rei Chriſtus, cum dicit, *ideo*, cauſam reddat, facile non eſt dicere. Sunt, qui ad hunc modum exponant, *ideo*, quia intellexiſtis, ſubintelligendum, dico uobis, *omnis Scriba doctus*, & reliqua. Rogauerat enim diſcipulos, *intellexiſtis hæc omnia?* & reſponderant, *etiam Domine*. Quia ergo intellexiſtis, illud etiam addo, *omnis Scriba doctus*, &c. Sunt qui hoc modo, *ideo*, ſupple, rogauit, quia *omnis Scri*

*ba doctus proferet de theſauro ſuo noua, & uetera*. Euthymius putat *ſi δὲ τὸ το*, nō cauſam hoc loco, ſed affirmationē ſignificare, quaſi dicat, utique *omnis Scriba doctus proferet de theſauro ſuo noua, & uetera*. Mihi Auguſtini ſententia lib. qq. in Matth. capi. 16. omnium maxime placet: Comparauerat Chriſtus regnum cœlorum theſauro abscondito in agro, rogauerat diſcipulos, num intellexiſſent, reſponderant, *etiam*, adiicit, *ideo*, id eſt quandoquidem regnum cœlorum theſauro ſimile eſt, debet omnis Scriba doctus & noua, & uetera ex illo proferre.

*Scriba*.) Doctor legis peritus, ut expoſuiſimus c. 2. 4. Euangelicum doctorem legali nomine Scribam appellat. Euthymius exiſtimat Chriſtum ſe ipſum Scribam uocare, ſed uero ſimilius eſt generalem eſſe ſententiam, qua Apoſtoliſ Euangelici doctoris officium declarat.

*Doctus in regno cœlorū*.) *μαθητὰς τοῦ ἐν τῇ βασιλείᾳ τῶν οὐρανῶν*, eruditus in regno cœlorum. Non aſſentior iis, qui putant hoc loco *eis* pro *ἐν* poſitum eſſe; eſſi non ignoro ſæpe eas duas particulas alteram pro altera poni ſolere. Magis enim uidetur conuenire, ut uertamus in regnum cœlorum, id eſt ad regnum cœlorū, quàm in regno cœlorum, cum de iis agatur, qui ad prædicandum regnum cœlorum edoctrini ſunt. Noſter interpres uidetur legiſſe *ἐν τῇ βασιλείᾳ τῶν οὐρανῶν* in regnum cœlorū, niſi ſi quis malit dicere in Latina uerſione, *in regno* in regnū corruptè legi, ſed debet alicuius ueteris codicis auctoritate uitium probare.

*Similis eſt homini patriſamilias*.) Quia ſicut patriſamilias officium eſt domum ſuam corporali cibo, ita Euangelici doctoris populum Chriſtianum ſpirituſuali nutrire 1. Cor. 3. 2. *tanquā paruulis in Chriſto lac uobis potum dedi, non eſcam*.

*De theſauro ſuo*.) De penu, ab uſus eſt nomine theſauri ad ſignificandum quidquid reſpoſitum, ac reconditum eſt.

*Noua & uetera*.) omnia ciborum genera.



Adagium  
Hebræorum  
noua & ue-  
tera profer-  
re.

genera, ut familiam suam, aut inuita-  
tos conuiuas alar: id est, qui non par-  
tē, non misere, sed liberaliter omni  
ciborum varietate pro personarum  
& temporum qualitate familiam  
suam alit. Noua & uetera proferre,  
etsi mihi simile in scripturis exem-  
plum non occurrit, Hebraico pro-  
uerbio dictum videtur, cui simile illud  
Gallicum est, *uiride, & sicum*. Si-  
gnificantur hac parte parabole Euan-  
gel cum doctorem omni diuinæ scien-  
tiæ: omni exemplorum, omni simili-  
tudinum genere instructū esse opor-  
tere, ut omnes pro suo quemque ca-  
ptu docere possit. Antiqui fere om-  
nes auctores *noua, & uetera* nouum,  
& uetus Testamentum intellexerunt,  
Hilarius, Chrysostomus, Hierony-  
mus, Beda, Theophylactus, & Euthy-  
mius in hunc locum, & Augustinus  
libr. qq. in Matth. ca. 16. quos immeri-  
to noui hæreticorum interpretes re-  
prehendunt. Cum enim sensum esse  
faceantur oportere doctorem Euan-  
gelicum ab omni doctrinæ genere  
paratum esse: vnde eam melius, quam  
ex nouo, & ueteri Testamento pro-  
ferre potest? Noluerunt enim magni  
illi auctores dicere Christum uetus,  
& nouum, quod nondum erat, Testa-  
mentum significare uoluisse, sed quod  
generaliter Christus de omni doctri-  
næ copia dixerat, id illi ad nouum, &  
uetus Testamentum aptē, atque pru-  
denter accommodarunt.

Caluinus  
in harmon.

Triplex  
Christi pa-  
tria.

54. *Et ueniens in patriam suam.* ca.  
9. 1. tres Christum patrias habuisse  
diximus Bethlehem, in qua natus:  
Nazareth, in qua educatus: Caphar-  
naum, in qua frequenter uersatus fuit.  
Hoc loco Nazareth omnes, quos le-  
gerim, interpretes intelligunt, Hiero-  
nymus, Chrysostomus, Euthy. Theo-  
phylactus. Quod etiam ex Luca pro-  
bati potest c. 4. 16. *uenit*, (inquit) *Na-  
zareth, ubi erat nutritus*. Eādem enim  
illic a Luca, atque hic a Matthæo hi-  
storiam narrari ne dubitandum qui-  
dem esse arbitror. Id etiam ex hoc lo-  
co colligitur, quia ciuibus eius vr-  
bis, de qua hic agitur Christi fratres  
dominatum notos fuisse constat, uer-

55. & 56. & non autem fuissent, uel  
in Bethlehem, ubi tantum natus, uel  
in Capharnaum, ubi tantum ad tēpus  
commoratus fuerat, sed in Nazareth,  
ubi cognatos B. Mariæ, atque Ioseph  
fuisse apparet. Deinde, quia, ut Chry-  
sostomus argumentatur, in Capharna-  
um multa Christus miracula fecerat  
cap. 11. 23. In Bethlehem nullum fe-  
cisse legimus, in hac, quæ eius hoc lo-  
co vocatur patria, nec multa, nec nul-  
lum, sed pauca fecit, ut constat ex uer-  
sic. 58. & ex Marco cap. 6. 5. erat ergo  
Nazareth.

*Et docebat eos in synagoga.* in ipso  
rum synagoga: pluralis enim nume-  
rus positus esse uidetur pro singula-  
ri. Nec enim in paruo oppido mul-  
tas fuisse synagogas credendum est.  
Nisi forte pluralis numerus hunc ha-  
bet sensum, *docebat eos in synagoga*, id  
est per singula sabbata in synagoga,  
ut nomen synagogæ hoc in loco non  
locum, sed conuentum significet: ut  
apud Græcos ἐκκλησία, apud Latinos  
concio. Marcus ca. 6. 2. *Et facto sabbato  
capit in synagoga docere*. Lucas cap.  
4. 16. *& intravit secundum consuetudi-  
nem suam die sabbati in synagoga, &  
surrexit legere*. Totam historiam copio-  
sius, & distinctius narrat Lucas, surre-  
xisse ad legendum, quod uolentis in  
synagoga aliquid docere signum erat,  
ut eo loco explicabimus, traditum il-  
li librum Isaie propheta, quem, cum  
aperuisset, legisse locum illum, qui est  
cap. 61. 1. *spiritus Domini super me, euangeli-  
zare pauperibus misit me*, quo lecto  
librum complicuisse, ac resedis-  
se, dixisseque *hodie hæc prophetia impleta est  
in auribus uestris*, cumque eorum in-  
credulitatem coarguisset, quod se ci-  
uem suum, & prophetam non recipe-  
rent, repletos fuisse ira, & eiecisse eum  
extra ciuitatem, ut ex monte, supra  
quem eorum urbs ædificata erat, præ-  
cipitem darent.

*Vnde huic sapientia?* Sciebant uti-  
que eum litteras non didicisse, ut di-  
cunt Ioann. 7. 15. *quomodo hic litteras  
scit, cum non didicerit?* Itaque credibile  
est eos sapientiam, & miracula, quæ  
in eo uidebant, malis artibus tribu-  
isse.



se. Cū enim omnes Euangelistæ dicant eos ipsius doctrinam admiratos fuisse, simul etiā scandalizatos dicunt: non potuerunt autem, cū admirarentur, scandalizari, nisi credidissent, quæ dicebat, atq; faciebat, diaboli opera dicere, ac facere, ut illi, qui dicebant, in *principe demoniorum eijcit demonia* cap. 9. 34. & 12. 24.

*Et uirtutes.*) Miracula: fecerat ergo coram illis Christus aliqua miracula: ut narrat Marcus capitulo 6. 5. sed pauca, ut ait Matthæus infra uersu 58.

Ioseph quæ  
lis faber,

In cap. 1. &  
13 Matth.

Christus an  
fabilem ar-  
tem exer-  
cuit,

55. *Nonne hic est fabri filius?*) Ioseph fabrum fuisse ex hoc loco manifestum est, eius enim filius Christus putabatur Luce 3. 23. Qualis autem faber & incertum, & sciri non necessarium. Sunt, qui ferrarium fuisse putent, ut Hilarius, & Ambrosius 3. libro in Lucam, & Beda in 3. caput Marci. Sunt, qui aurificæ, ut Hugo. Sunt, qui murariū, quod idem etiam Hugo uidetur approbare. Sunt, qui lignariū, ut Chrysostomus apud D. Thomam in 1. cap. Matthæi, & ipse D. Thomas in commentar. Quæ publica nunc opinio est, & antiquissimam fuisse constat, ut ex lib. de infantia Saluatoris, licet apocrypho, colligitur, ubi miraculum in lignaria Ioseph officina a Christo factum narratur, & ex historia Sozom. libro 6. capit. 2. ubi narrat Christianum quendam a Gentili per derisum interrogatum, quid faceret filius fabri, respondisse, feretrum Iuliano Imperatori fabricare, & ex Auctore imperfecti homil. 32. Marcus cap. 6. 3. fabrum Christum ipsum uocatum dicit: siue quod utrumque Nazarethani dixerint, siue quod ex communi loquendi cōsuetudine filius fabri faber etiam uocaretur. Itaque, quod a nonnullis non malis auctoribus dictum est Christum, ante quā prædicare inciperet, fabilem artem exercuisse, ualde mihi uidetur esse probabile: sicut & Iyrano uisum est: quid enim totos triginta annos in Nazareth egisset? quamquam D. Augustinus libro secundo de consensu Euangelistar. cap. 42. ideo fabrum uocatum dicit: quod, cum fa-

bri putaretur filius, faber etiam esse crederetur.

56. *Et fratres eius.*) Hæc a nobis explicata sunt supra c. 12. 46.

57. *Et scandalizabantur in eo.*) Impingebant in eum, tanquam in lapidem, & corruiebant. Hoc enim proprie est *σκανδαλίζω* scandalizari. Erat quippe *positus in ruinam*, & in resurrectionem multorum Luc. 2. 34. erat *credentibus lapis electus*, & *angularis* & *non credentibus autem petra scandalizans* & *lapis offensionis* 1. Petri 2. 8. Quomodo autem scandalizati fuerint in illo, diximus uer. 54.

58. *Et non fecit ibi uirtutes multas.*) Multa miracula sicut alibi: cum autem non multas fecisse dicit, aliquas fecisse indicat, ut & Marcus declarat cap. 6. 5. & non poterat ibi uirtutem ullam facere, nisi paucos infirmos impositis manibus curauit. Dicit autem non potuisse, non quod non potuerit, sed quod noluerit: dicimur enim aliquando facere non posse, quæ facere nolumus, ut de filiis Iacob dictum est Gen. 34. 4. *nec poterat ei quicquam pacifice loqui*, id est uolebant, & recte Gregorius Nazianzenus in quarra de Theologia oratione adnotauit. Noluit autem propter incredulitatem eorum: siue quia sciebat eos etiam conspectis miraculis non credituros: quemadmodum nec Pharisei crediderunt: siue quia indigni erant, quibus miracula plura fierent: qui male ea, quæ uiderant, interpretabantur, dicentes, *unde huic uirtutes?* Videmus Christum miracula facturum fidem eorum, quibus facturus erat, prius exigere, supra capit. 9. 28. Marc. 5. 36. & 9. 23. Luce 8. 50. quia minus meriti habet fides, quæ miracula sequitur, quā quæ præcedit, & indignus est, qui miracula uideat, quisquis non aliter, quā uisus miraculis credit. Propterea Christus coram incredulis miracula non facit. Eadem ratio est, cur etiam hodie, qui maxime miracula uidere uolunt, minime uideant: quia non credentes, sed de fide dubitantes uidere uolunt. Ita enim Herodes, qui, ut Lucas ait cap. 23. 8. longo

Cur Christi-  
stus apud i-  
credulos mi-  
racula non  
faciebat.



longo tempore aliquod Christi miraculum uidere uoluit, uidere non potuit, ut Gregorius libro 10. moral. cap. 17. notauit. Ita Phariseis signum a Christo uidere uolentibus, respondetur, generatio praua, & adultera si-

gnum querit, & signum non dabitur ei. cap. 12. 39. Videant ergo, qui miracula requirunt, quique, si non fiant, mirari solent; ne ipsorum culpa non fiant; & si uidere miracula uolunt, sine miraculis credant.

## C A P V T X I I I I.

I



In illo tempore audiuit Herodes tetrarcha famam Iesu: 2. & ait pueris suis: Hic est Ioannes Baptista: ipse surrexit a mortuis, & ideo uirtutes operantur in eo. 3. Herodes n. tenuit Ioannem, & alligauit eum: & posuit in carcerem propter Hero-

Mar. 6. b. 14.  
Luc. 9. a. 7.  
Mar. 6. c. 17.  
Luc. 3. d. 19.

Inf. 21. c. 26

diadem uxorem fratris sui. 4. Dicebat n. illi Ioannes: Non licet tibi habere eam. 5. Et uolens illum occidere, timuit populum: quia sicut prophetam eum habebant. 6. Die autem natalis Herodis saltauit filia Herodiadis in medio, & placuit Herodi. 7. Vnde cum iuramento pollicitus est ei dare quodcumque, postulasset ab eo. 8. At illa praeconita a matre sua, Da mihi, inquit, hic in disco caput Ioannis Baptistae. 9. Et contristatus est rex: propter iuramentum autem, & eos, qui pariter recumbebant, iussit dari. 10. Misitque, & decollauit Ioannem in carcere. 11. Et allatum est caput eius in disco, & datum est puellae, & attulit matri suae. 12. Et accedentes discipuli eius, tulerunt corpus eius, & sepelierunt illud: & uenientes nunciauerunt Iesu. 13. Quod cum audisset Iesus, secessit inde in punicula, in locum desertum seorsum: & cum audisset turbae, secutae sunt eum pedestres de ciuitatibus. 14. Et exiens uidit turbam multam, & misertus est eis, & curauit languidos eorum. 15. Vespere autem facto, accesserunt ad eum discipuli eius, dicentes: Desertus est locus, & hora iam praeteriit: dimitte turbas, ut euntes in castella, entiant sibi escas. 16. Iesus autem dixit eis: Non habent necesse ire: date illis vos manducare. 17. Responderunt ei: Non habemus hic nisi quinque panes, & duos pisces. 18. Qui ait eis: Afferte mihi illos huc. 19. Et cum iussisset turbam discumbere super foenum, acceptis quinque panibus, & duobus piscibus, aspiciens in caelum benedixit, & fregit, & dedit discipulis panes, discipuli autem turbis. 20. Et manducauerunt omnes, & saturati sunt. Et tulerunt reliquias, duodecim cophinos fragmentorum plenos. 21. Manducantium autem fuit numerus, quinque millia virorum, exceptis mulieribus, & paruulis. 22. Et

Luc. 9. b. 10.  
Mar. 6. d. 37.  
Ioan. 6. b. 9.

Mar. 6. f. 45.

statim



statim compulit Iesus discipulos ascendere in nauiculam, & p̄cedere eum trās fretum, donec dimitteret turbas. 23. Et dimissa turba, ascendit in montem solus orare. Vespere autem facto solus erat ibi. 24. nauicula autem in medio mari iacebat fluctibus: erat enim contrarius ventus. 25. Quarta autem uigilia noctis uenit ad eos ambulans super mare. 26. Et uidentes eum super mare ambulantem turbati sunt, dicentes: Quia phantasma est. Et p̄ timore clamauerunt. 27. Statimque Iesus locutus est eis, dicens: Habete fiduciam: ego sum, nolite timere. 28. Respondens autem Petrus dixit: Domine, si tu es, iube me ad te uenire super aquas. 29. At ipse ait ueni. Et descendens Petrus de nauicula, ambulabat super aquam, ut ueniret ad Iesum. 30. Videns uerò uentum ualidum, timuit, & cum cœpisset mergi, clamauit dicens: Domine, saluum me fac. 31. Et continuo Iesus extendens manum, apprehendit eum: & ait illi: Modicæ fidei, quare dubitasti? 32. Et cum ascendissent in nauiculam, cessauit uentus. 33. Qui autem in nauicula erant, uenerunt, & adorauerunt eum, dicentes: Vere filius Dei es. 34. Et cum transfretassent, uenerunt in terram Genesar. 35. Et cum cognouissent eum uiri loci illius, miserunt in uniuersam regionem illam, & obtulerunt ei omnes male habentes: 36. & rogabāt eum, ut uel simbram uestimenti eius tangerent. Et quicumq; tetigerunt, salui facti sunt.

1 can. 6. b. 9.  
10 a. 6. b. 17.

Mar. 6. g. 53

IN CAP. XIII.

**I**n illo tempore. Quidam tempus illud significari uolūt, quo Apostoli in sua legatione uersabātur, q̄ Marcus c. 6. 14. & Lucas ca. 7. 9. hanc historiam statim post Apostolorum missionem ponāt. Sed obstat, quod cum hæc acciderunt, Apostolos cum Christo fuisse cōstat in fra uer. 15. Itaque, ut D. August. lib. 2. de consens. Euang. ca. 45. existimat, iam Apostoli redierant.

**Audiuiz.** Querunt multi, qui fieri potuerit, ut non prius, audiret. Respondent Chrysostomus, & Theophylactus, res sanctas ac bonas sero ad aures principum peruenire. Verum id quidem, sed si aliquam curiositatis, aut periculi excitandi tumultus speciem habere uideantur, qualem Christi miracula nonnullam præbere poterant, si non religio, at certe curiositas, & ambitio quamprimū ad illos perfert. Itaque aliam, cur non dū Herodes audiisset, arbitror fuisse causam, quod mox Ioannis non multo post, quē Christus prædicare cœpit, acciderit. Nam cum iam in uinculis esset, ne eius quidem discipuli Christi miracula aut uidisse uidentur, aut audiuisse, propterea factis coram ipsis miraculis Christus illis dixit, *euētes renuntiate Ioanni, quē uidistis, & audistis.* c. 11. 4.

**Herodes.** Antipas, magni Herodis filius, quo regnante natus est Christus, quiq; infantes occidit. Vide quæ diximus c. 1. 22.

**Tetrarcha.** Galilææ, ut Lucas c. 3. 1. decla-

Qui Te-  
trarcha,



declarat. Cum regnum in quattuor partes soluebatur, & unicuique princeps vnus præficeretur, quattuor partes Tetrarchiæ, & principes Tetrarchæ à Græcis uocabantur, ut ueteres tradunt auctores. Postea factum, ut etiam plures, aut pauciores essent partes, eodem tamen nomine Tetrarchæ dicerentur, ut ex Strabone lib. 12. & ex Plinio lib. 5. c. 18. & 21. potest intelligi. Quomodo autem Iudæorum regnum, & in quot Tetrarchas diuisum fuerit, & quis cuique Tetrarcha præfectus ca. 2.21. satis exposuimus. Marcus ca. 6. 14. Herodē regem uocat, sicut & Matthæus infra ver. 9. non quod uerè rex esset, sed quod Tetrarchæ regia, aut regis simili uterentur potestate: namque Tetrarchias Cicero, & Plinius regna uocant, quemadmodum Matthæus cap. 2.22. Archelaum, cum nunquam uerè rex fuerit, regem appellauit.

2. Et ait pueris suis. famulis suis: nā est nomen πῶλις & filium, & famulum significare possit, tamen Herodem non legimus filios habuisse. Lucas ca. 9.7. 8.9. non ipsum Herodem, sed alios Herodi dixisse ait, & audiuit (inquit) Herodes Tetrarcha omnia, quæ fiebant ab eo, & hæsitabat, eo quod diceretur a quibusdam, quia Ioannes surrexit à mortuis, a quibusdam uerò, quia Elias apparuit, à quibusdam uerò, quia unus de antiquis prophetis surrexit. Et ait Herodes, Ioānem ego decollauī, quis est autē iste, de quo talia audio? Vbi duo sunt, in quibus uidetur a Matthæo Lucas dissentire. Primum, quod non Herodem, sed alios dixisse narret Ioannem a mortuis surrexisse. Deinde, quod videatur indicare Herodem non credidisse Ioannem esse, cum enim ipse decollasset; hic autem Herodes dicat, ver. 2. hic est Ioannes Baptista, ipse surrexit à mortuis, & ideo uirtutes operantur in eo. Chrysostomus, & Euthymius respondent, primum non Herodem, sed homines vulgò dictitasse Ioannem à mortuis surrexisse, tuncque Herodem non credidisse, sed hæsitasse, dixisseque, ut ait Lucas, Ioannem ego decollauī, quis est autē iste, de

quo talia audio? Postea uerò credidisse, & quasi alijs assentiendo dixisse, Ioānes Baptista ipse surrexit à mortuis, & ideo uirtutes operantur in eo, ut ait Matthæus. Idem Theophylactus uidetur iudicare, & Augustinus omnino probat lib. 2. de consensu Euangelist. c. 45. Eius rei aliquod ex hoc loco argumentum sumi potest, propterea enim, ut Euthymius ait non alijs, sed pueris suis dixit, Ioannes surrexit à mortuis, quod non auderet id palam, & coram alijs, etiam si crederet, confiteri. Fieri etiam potest, ut etiam si crederet, fingeret se non credere, ne assentiri populi opinioni uideretur, & eius erga Ioannem studium confirmare. Quod autem Augustinus, ait Matthæi hoc loco uerba per interrogationem legi posse, quod si fiat, eundem sensum atque uerba Lucæ habitura, & quod alij respondent Christum hoc loco non sua, sed aliorum locutum esse persona, minus probo.

Ipsē surrexit à mortuis. Sunt, qui non ueram, qua anima in idem redit corpus, sed Pharisaicam resurrectionem interpretentur, qua anima ex uno egressa corpore migrat in aliud. Pharisaeorum enim hæresim fuisse putant, quod ex Pythagoræorum doctrina μετεμίσχουσιν crederent. Quod ex Iosepho probant libro 2. de bello Iudaico cap. 7. & uerò Hieronymus indicat nonnullos solitos hoc loco Pythagoræorum errorem confirmare. Sed nullo modo mihi persuadeo de ea hic agi resurrectione, sed de ea potius, qua & homines, qui hunc rumorem disseminauerant, nonnullos a Christo suscitatos uiderant, & in ueteri Testamento mortuum illum ad tactum ossium Elisæi 4. reg. 13.21. & filium Sarephanae uiduæ 3. reg. 17. 22. & filium Sunamitis 4. reg. 4. 35. surrexisse aut legerant, aut audierant. Neque Iosephus eam opinionem, ut mihi uidetur, Phariseis tribuit, sed quam habent omnes fere Iudæi, non omnium mortuorum, sed tantum bonorum animas in sua quidem, sed meliora, & ideo quodammodo alia corpora in resurre-

Iudæorum  
opinio de resurrectione,



resurrectione redituus. Ioannem ergo Iudei, & quia uir erat sanctus, & quia iniuste occisus, facile credebant surrexisse, ut Herodis scelus vindicaret; Eliam uero veteri opinione, quā ut supra c. 11. 14. docuimus, Christus uidetur approbasse, quia propter Malachie cap. 4. 5. prophetiam imbuti erant, venturum Eliam. Propterea Ioannem, quia mortuus erat, surrexisse Eliam, qui non mortuus, sed raptus fuerat: non surrexisse dicunt, sed apparuisse. Infra capitulo 16. 14. ubi eadem de Christo hominum opinio recitatur. Ieremias etiam nominatur fortasse propter similitudinem spiritus, & libertatem homines reprehendendi, quam in Christo singularem, & minimè in aliis doctoribus usitaram uidebant, erat enim, inquit, docens eos, tanquam potestatem habens, & non sicut Scriba eorum, & Pharisei c. 7. 19.

*Ideo.*) Dubium, quam rationem reddat, cur suscitatus Ioannes miracula facere credatur; cum uiuens, ut ait Ioannes c. 10. 41. signum nullum fecerit, fortasse quod sanctiores resurgere homines crederent, quā morentur, aut quod à Deo maiore cum potestate ad puniendum Herodem missum putarent; nam & bella, & exilium, & alias calamitates, quæ Herodi postea contigerunt, uulgo inter Iudeos creditum est propter Ioannis necem accidisse, ut lib. 18. ant. cap. 10. Iosephus affirmat.

*Operatur i eo.*) ἐνεργῶσιν ἐν αὐτῷ. Sunt qui ἐνεργῶσιν patiēdi significatione positum putent, ut δόξιν pro δόκεισθαι, & apud Latinos lauare, p lauare, ut sit sensus, ideo uirtutes fiunt in illo, id est per illum, Hebraico idiomate. Alii actiue sumunt, sed uirtutes, non miracula, sed facultatem miracula faciendi intelligi uolunt, quasi dicat, ideo donum faciendorum miraculorum miracula in eo operatur. Alii à sensu longius abeunt uirtutes: angelos interpretantes, qui in Ioanne miracula ederent. Res mihi uidetur facilis, ἐνεργῶσιν nec passionem hoc loco, nec actionem transeuntem

significat, sed pro uerbo neutro positum est, idemque significat, quod apud Latinos uigere, apud philosophos in actu esse, quemadmodum apud Aristotelem usurpari solet; ut τὸ ἐνεργῶν opponat τῷ ἐν δυνάμει εἶναι. Sēsus ergo est Ioannē à mortuis suscitatum, propterea miracula in eo uigere, apparere, se se ostendere.

3. Propter Herodiadem uxorem Philippi.) Magna est hic inter Euangelistas, & Iosephum lib. 18. antiq. c. 6. 7. 9. omnino discordia, quam Hieronymus, caterique ueteres interpretes praterierunt, ex recentioribus autem etiam Iosephum citantibus pauci admodum attigerunt. Euangelistæ dicunt Herodiadem Philippi, Iosephus alterius Herodis Herodis huius fratris uxorem fuisse. Nam quod Caluinus dicit Iosephum Herodis fratris Herodis magni, huius autem Herodis, & Herodiadis patrni, & regis Chalcidis uxorem Herodiadem facere, puerilis est error, cum idem Iosephus c. 10. Herodem illum, cuius Herodiadem uxorem fuisse dicit: eius Herodis, qui eam a marito subduxit, germanum fratrem appeller. Ad quæstionē ergo quidam respondent, Philippum cognomento Herodem etiā uocatum fuisse; Euangelistas nomine, Iosephum cognomine eum appellasse, quod si probarent facillimam solutionem inuenissent. Alii Iosephum, aut ignorantia, aut obliuione lapsum dicunt, quod illi sæpe, accidisse uidetur. Ex duabus hisce solutionibus, quam probabiliorē iudicabit, lector eliget; modò illud teneat Iosephum ex Euangelistis, non ex Iosepho Euangelistas emendandos. Nam, ut fingamus non diuino, sed humano spiritu historiam composuisse, tamen, & quia plures sunt, & quia res, quæ suo acciderant tempore, conscripserunt, multò maiorem, quā Iosephus fidem, merentur. Altera hic inter auctores de Herodiade dissensio est. Iosephus Aristobuli Herodis, & Philippi ex Herode magno fratris filiam fuisse dicit, Hieronymus uero hoc loco, & Rufinus Eusebium

Caluini  
puerilis error.

De Herodiade  
disputatio,  
quæ  
fuerit.

T uertens



vertens libro 1. Ecclesiast. histor. cap. 23. & Beda, & Strabus filiam faciunt Aretæ Regis. Quæ in re non dubito, quin Rufinus primum, deinde Rufinum Hieronymus, Hieronymum Beda & Strabus secutus errauerit. Cum enim Eusebius Iosephum imitatus Herodis priorem uxorem Aretæ Regis filiam fuisse diceret. Rufinus existimans eum de secunda uxore Herodiade loqui, & Iosephum, Hegeſippumque non consulens, Herodiadis in uersione explicandi causa nomen addidit, dumque historiam uult explicare, uitiauit. Hieronym. non Græcè, ut poterat, ac solebat; sed Latine legens ex corrupto fonte errorem hausit; ex illo alii deriuarunt. Adeo facile alienorum errorum contagionem trahimus; dum aliena opera confidimus. In eo etiam Hieronym. Beda, & Strabus minimè sequendi, quæ dicant, non ipsum Herodem fratris uxorem usurpasse, sed Aretam Regem Arabum propter inimicitias, quas cum Philippo gerebat, filiam Herodiadem, quam illi nuptum dederat, abstulisse, & fratri eius, ac riuali Herodi tradidisse. Iosephus lib. 18. capitulo 9. & Hegeſippus lib. 2. capitulo 12. sic narrant historiam: Herodem, cum Romam iret, à fratre Herode (secundum Euangelistas) Philippo exceptum hospitio, dumque apud eum moraretur, eius uxorem Herodiadem subornasse ut sibi, postquam Roma rediisset, relicto fratre nuberet; ibique pactas inter eos fuisse nuptias. Itaque dubium non est, quod à multis tamen, tanquam dubium, in utramque partem disputatur, quin uiuente adhuc fratre Philippo eius uxorem Herodes usurpauit. Quanquam ueteres etiam de eare auctores uideo dissentire. Nam Hieronym. Beda, & Strabus uiuum adhuc Philippum fuisse putant. Tertul. uerò lib. aduersus Marcionem 4. Chrysoſt. Theophy. & Euthym. hoc loco mortuum. August. lib. de fide, & operibus c. 19. dubium esse existimat, neque sciri posse. Sed hi auctores Iosephum forte non legerant.

4. *Dicebat enim illi.*) Iosephus lib. 18. antiq. capit. 10. aliam causam reddit, cur Herodes Ioannem occiderit, quod nimirum timuerit, ut in magna erat apud populares suos gratia, ne ad seditionem populum excitaret. Vtrumque uerum esse credibile est, & Herodem Herodiadis insidiis, atque rogatu Ioannem occidisse, ut narrant Euangelistæ, & eum rumorem ad placandum populum disseminasse, Ioannem contra se populum ad seditionem conatum commouere, quem uulgi rumorem Iosephus secutus sit.

5. *Et uolens eum occidere.*) Marcus cap. 6. 19. 20. uidetur prorsus contrarium indicare. Herodiadem Ioanni, ut eum de medio tolleret, insidiatam; Herodem uerò, quia Ioannem reuerabatur, impediuisse, *Herodias* (inquit) *insidiabatur illi, & uolebat occidere eum, nec poterat.* Herodes enim metuebat Ioannem, sciens eum uirum iustum, & sanctum, & custodiebat eum, & audito eo multa faciebat, & libenter eum audiebat. Vnde colligitur Herodem non ideo Ioannem in carcerem coniecisse, ut illum occideret, sed potius, ut ab Herodiadis insidiis indemnem seruaret, placans hac ratione iram impotentis mulieris, & spe secuturæ necis deludens. Euthymius respondet credibile esse principio quidem solam Herodiadem Ioanni, ut siue per maritum, siue alio dolo eum interimeret, insidias tetendisse; Herodem autem, ut Marcus significat, obstitisse, postea uerò Herodiadis uisum precibus occidere uoluisset, sed timuisse populum, qui ut prophetam eum habebat, ut scribit Matthæus.

6. *Die autem natalis.*) Origenes homilia in Matthæum 14. Hieronymus & Beda obseruauerunt nullius iusti uiri, sed duorum tantum sceleratorum hominum Herodis, & Pharaonis natalem diem in scripturis celebrari. Caluinus tamen, quasi iurasset se omnibus in rebus hæreticum esse, hunc morem non solum excusari, sed etiam laudat. *Hac enim ratione gratias*

nos

Cur Herodes Ioannem interfecit,

Qui natalitia in scripturis celebrant,



Calurni ca-  
citas repre-  
hēditur cir-  
ca natalitia  
Sanctorum.

nos Deo agere, quod in lucem eius beneficio editi simus; & profiteri antea vitam inutiliter transegiſſe. Quis hereticum non agnoscat spiritum? Pharaonis, & Herodis natales dies celebrari vult; Petri & Pauli, immo matris Dei; immo Christi natalem celebrari prohibet. Vuentium natales, ubi ambitionis, & gloriæ plurimum est, agi laudat: mortuorum, qui Deo seruierunt, & eo iam securi fruuntur, ubi nulla ambitio, nulla humana gloria esse potest, natales agi uetat. Conuiuijs homines nequissimos in lucem editos fuisse Deo gratias agendas esse docet: orationibus, & laudibus homines sanctissimos, & de Ecclesia Christi optimè meritos natos esse, si quis Deo gratias agat, superstitiosum putat. Superiorem vitam inutiliter nobis effluxisse comestando, & porando agnoscere sanctum est: ieiunando & penitentiam agendo profanum, anile, Papisticum. Quid ita? quia ipse dixit.

*Saluante filia*) Salome ex Philippo priore marito genita, propterea non uocat Herodis filiam, sed Herodiadis. Videtur Hierodias hanc occasionem natalis diei Herodis obseruasse, eaque de causa filiam ad saltandum induxisse.

8. *Premonia*. *Ἰπποβίας δέσποια*, induita, instigata, impulsā: non enim admonitionem solam: sed persuasionem, incitationem, vim in super quandam significat. Strabus existimat totam tragediam ab Herode fuisse compositam, ne sponte sua, sed iuramenti coactus religione Ioannem videretur occidisse. Quod, quamuis peruersus fuerit, & callidus, verum esse non credo: multo enim meliores pretextus homo acutus querere, inuenireque potuisset, & quia, ut versu sequenti dicemus, verè videtur caput Ioannis puella petente doluisse, & quia valde illi probrosum erat rogatu saltantis puellæ uirum sanctum occidere, & non est uero simile hominem cautum, qui populum timebat, quique rationem minuendi querebat sceleris, non uo scelere augere uoluisset.

*Da mihi*) Marcus c. 6. 24. 25. addit, *quæ cum exisset dixit matri suæ, quid petam? at ille dixit, caput Ioannis Baptiste. Cumque introisset statim cum festinatione ad regem, petijt dicens: uolo, ut proutinus des mihi in disco caput Ioannis Baptiste.* 9. *Et contristatus est rex.*) Quare regem vocet, cum rex non esset, uide supra uer. 1. Contristatum autem non uerè, sed simulatè multi auctores putant, Hilarius, Hieronym. & Strabus, quia uer. 5. Euangelista dixit uoluisset Herodem Ioannem occidere, sed populum timuisse: quomodo enim uerè dolere potuit, si eum occidere uolebat? Magis tamen Chryso.

Euthym. & Theophyl. probo sententiam, qui uerè cum existimant doluisse. Nam et si eum occidere uolebat, tamen non poterat. quantumuis cæcus homo, non uidere turpe sibi, & ignominiosum apud populum futurum, quod tanti, tamque sancti, & admirandi prophetæ caput lacinie puellæ salutationis pramium concessisset. Scio Romanarum rerum scriptores tradere Romanum nescio quæ ducem mente accumbentem amice rogatu, quæ dicebat se nunquam hominem iugulari uidisse, continuo uinius ex proscriptis securi decussum caput ad mensam, ut amica uideret, afferri iussisse. Sed cum Herodè Euangelista contristatum fuisse dicat; non debemus, nisi probari possit, simulationem purare. Doluit ergo uerè, non quod Ioannem occideret, quem iam ante occidere uolebat: sed quod ea ratione occideret, quæ suis rationibus minime conueniret.

*Propter insurandum tamen.*) Et hoc uerè, ut puto, non simulatè. Tanta enim apud Iudæos religio erat iurandi, ut etiam, quæ contra fas iurata essent, non seruare, nefas ducerent, ut ex Iosue iuramento Gabaonitis præstito Iosue 9. 15. 18. 19. & Iephthe Iud. 11. 35. manifestum est. Quæ rectè ueteres auctores mouerunt non fuisse seruanda, Orig. hom. in Mat. 14. Chryso. hoc loco, Ambrosius lib. 1. de officijs c. 50. Hiero. in commenta. Quod Euthym. exemplo Davidis probatur.

Cic. de senect. Plu. or. in T. Q. Flaminio.

Iuramenta mala non seruanda.

T 2 Reg.



Reg. 25. 22. qui, cum iurasset se non relicturum vsque in diem crastinum in domo Nabal mingentem ad parietem; iniquum iuramentum admonitus, rogatusque ab Abigail non seruauit, de qua ea re gratias Deo egit ver. 32. 33. *Benedictus Dominus Deus Israel, qui misit hodie te in occursum meum: & benedictum eloquium tuum, & benedicta tu, quæ prohibuisti me hodie, ne irem ad sanguinem, & rescicerer me manu mea.*

10. *Mistique.*) carnificem vt c. 2. 16. vbi cum Hebraicum explicauimus. Marcus c. 6. 27. explicatè dixit, *sed misso confestim spiculate inussit afferri caput Ioannis in disco.* Hinc colligitur Herodem hoc conuiuium in arce Macheruntina celebrasse, quæ in finibus Galilææ, & Arabiæ erat. In ea enim arce scribit Iosephus lib. 18. c. 10. victum fuisse Ioannem. Constat autem ex hoc loco, & multo etiam magis ex Marco hoc conuiuium eodem loco, in quo Ioannes victus erat, celebratum fuisse.

11. *Et accedentes discipuli eius.*) Dubitari potest, quomodo discipuli Ioannis in carcerem ingredi potuerint. Nonnulli putant corpus Ioannis ignominiosè fuisse proiectum: quod nulla historia: nulla coniectura probare possunt. Alij aditum discipulis ad carcerem patuisse; nam ut ex cap. 11. 2. perspicuum est, uiuentem adhuc Ioannem, & victum visitabant. Hoc probabilius, illud etiam probabile potentibus discipulis corpus specie quadam humanitatis facile concessum, uolebat enim Herodes populi, quem, vt ait Euangelista, timebat, iram lenire. Hæreticorum interpretes hinc argumentantur non alium Sanctorum corporibus honorem deberi, quàm sepulture: quia discipuli Ioannis eius corpus: non, ut nos, reliquias seruauerunt: sed sepelierunt. Acuti sanè argumentatores: qui eadem ratione probare potuerunt, ne corpori quidem Christi, alium, quàm sepulture, honorem deberi, quia Ioseph eius discipulus non seruauit: sed sepeliuit caput. 27. 60. Atqui isti boni Ecclesiæ

reformatores, qui ideo sepulture honorem Sanctis tribui volunt: ne quis honor maior tribuatur; ne hunc quidem illis honorem tribuunt: mortuos mortui noctu sepeliunt: non ut honorentur, sed ne fœceant: non ut homines: sed ut asinos, ut canes. Ceterum benè est, quod non contingit illis, nisi hæreticos sepelire, qui digni non sunt, ut alia, quàm asini sepultura, ut scriptura de impio illo rege loquitur, sepeliantur.

13. *Quod cum audisset Iesus.*) Quid dicatur Iesus audiuisse, quamobrem inde secesserit, non satis inter interpretes constat. August. lib. 2. de consens. Euangelist. cap. 45. Euthymius, & Theophyl. ad mortem Ioannis referunt. Chrysost. verò homil. 30. quod etiam probat Euthym. ad id quod ver. 2. & apud Lucam cap. 9. 9. dictum est, Herodem dixisse, *Hic est Ioannes Baptistæ, ipse surrexit a mortuis, & ideo virtutes operantur in eo, & uoluisse Christum videre.* Augustini opinionem probabiliorē puto: sic enim hoc loco uerba hærent, ut relatiuum, quod, non ad alind, quàm ad Ioannis mortem, quam discipuli Christo nuntiarunt, referri possè videat, ver. 2. 13. *& accedentes discipuli eius tulerunt corpus, & sepelierunt illud, & uenientes nuntiauerunt Iesu.* Quod cum audisset Iesus, secessit inde. At iam diu Ioannes in uinculis fuerat ca. 11. 2. fuerat quidem iam diu in uinculis, sed non occisus.

*Secessit inde.*) Quare? illud certum, quod Hieronymus, & Chrysostomus admonuerunt, non metu: sed consilio, rationeque secessisse. Quo autem consilio, incertum est. Hieronymus, & Beda ideo secessisse putant, ne tyrannus homicidio homicidium cumlaret, quasi Christum etiam, si apprehendere potuisset, occisurus esset: noluisse enim Herodi peccandi materiam suppeditare: itaque sese subtraxisse, fecisseque quod Apostolis ipse præceperat, *cum vos persequerentur in ciuitate ista, fugite in aliam* capitulo 10. 23. Chrysostomus uerò, & Euthymius aliam afferunt causam, ne, si Herodis manus diuinitus, ut poterat, euaderet, Deum

Digressiuncula de reliquis sanctorum contra hæreticos.



Deum se esse declararet, quod volebat tam citò notum esse. Aliam Theophylactus, ut fugiendo non phantasma, ut Marcionistæ, & Manichæi putauerunt, sed uerum hominem, qui teneri, & occidi posset, se esse ostenderet. Veram ego causam fuisse arbitror, quam in simile exemplo Ioannes reddit c. 7. 30. *quia nondum uenerat hora eius.* Aliam etiam, cur secesserit Marcus rationem affert ca. 6. 31. q. discipuli ex sua legatione fatigati rediissent, & requiete indigerent, quam eo loco habere non poterant, ut propter hominum confluentium multitudinem cibum illis sumere non liceret. *Venite (inquit) seorsum in desertum locum, & requiescite pusillum.*

*In nauicula.* Cur non pedibus? ne, inquit Chrysostomus, turbæ eum sequerentur, quas fugere uolebat. Alij, quia lacus in ulteriorem ripam traiciendus erat. Quod ego nullo modo credo, quia dictis uerbis Lucas dicit c. 9. 10. uenisse eum in desertum locum, qui erat Bethsaidæ, Bethsaidam autem citra, non ultra lacum fuisse dubium non est, id est in Galilæa Herodis Tetrarchia, ubi tunc Christus uersabatur. Nam & Petrus, qui ex Bethsaidâ ciuitate erat Ioann. 1. 44. Galilæus erat Mat. 26. 72. 73. Nō ergo Christus totum lacum, sed solum aliquem, aut potius promontorium lacus traiecit, ut in alium remotum locum secederet. Cuius rei præter illud, quod ex Luca protulimus, certum etiā est argumentum, q. ut ait Matthæus, turbæ eum pedestres secutæ sunt. Nam quod nonnulli dicunt per aliquem potum transire potuisse, uel non agi de turbis, quæ in Galilæa erant, sed de ijs, quæ ultra ripam in regione Gerasæ norum habitabant, absurdum est. Etenim nec tantus lacus, quantum Plinius, Straboque describunt, ponte iungi potuit, nec in Iordane ipso, qui in lacum influebat, pontem ullum præter pontem Tiberiadis fuisse, qui longè distabat, legimus, & turba, quæ in ulteriore ripa erat, expectare uenientem Christum potuit, sequi non potuit. Simile est, quod iidem dicunt, Bethsaidæ desertum apud Lucam appellari,

non quod prope Bethsaidam esset, quod ultra lacum è regione Bethsaidæ, aut quod Bethsaidæ esset, utrumque enim sine ulla ratione dictum est. Solus Ioannes cap. 6. 1. uideri potest horum auctorum sententiam iuuare, quod dicat Christum abiisse trans mare Galilææ, quod est Tiberiadis, traiecit ergo ultra mare. Respondeo sensum esse eum uenisse in eum locum, qui vulgò ultra mare Galilææ uocabatur, non quod Christus ultra mare esset, sed quod Iudæis ex Ægypto uenientibus ultra mare fuerat, unde perpetuò nomen retinuit, ut cap. 4. 15. multis probauimus exemplis. At quomodo Christus ultra mare uenisse dicitur, cum ultra mare esset? Respondeo, quia ex uno loco in alium transit, qui propriè ultra mare uocabatur, quod quisque ca. 4. 15. legit, minime mirum putabit. Nam & illic, qui loquebatur, propheta illum ipsum locum, ubi ipse erat, trans Iordanem uocat, cum illi non trans, sed citra Iordanem esset. Traiecit ergo Christus partem tantum aliquam lacus circum aliquod promontorium, qua ratione factum est, cum turbæ terra sequerentur, ut prius ad locum, quod appulit, quam ille peruenirent, ut ait Mar. c. 6. 33. quia etsi plerumque citius mari, quam terra itur, tamen Christus promontorium circuibat, turbæ recta tendebant uia.

14. *Et exiens uidit turbam.* Exiens è nauis, quia, ut ait Marcus, turbæ eum præuenerant. Hieronymus & Euthymus & ex recentioribus multi interpretantur, exiens à deserto, quia Lucas cap. 9. 11. dicit, *& excepit illos,* quasi obuiam illis exieret, & Ioann. ca. 6. 3. *Subijt ergo in montem, & ibi sedebat cum discipulis suis.* Quod ego ne probabile quidem esse arbitror, cum Marcus aperte dicat turbas eum præuenisse. Nam quod ait Lucas, Christum excepisse illos, non significat obuiam iuisse, *& excepit,* inquit, *eos & loquebatur illis de regno Dei.* Quod & Marcus exposuit, *& exiens uidit turbam multam, & miseratus est super eos, quia erant sicut*



*ues in habentes pastorem, & capit eos docere multa.*

*15. Accesserunt ad eum discipuli eius.* Videtur Leontius relatiuum eius ad Ioannem referre, de quo paullo supra mentio facta fuerat, quasi discipuli Ioannis fuerint, qui ad Christum accedentes rogauerint, ut turbam dimitteret. Hinc enim manifestum esse dicitur iam tum Ioannis discipulos mortuo præceptore adhæsisse Christo. Sed ex Luca cap. 9. 12. perspicuum est eos, qui hoc Christo proposuere, duo decim Apostolos fuisse. Ioann. 6. 6. videtur factum aliter narrare, ait enim Christum Philippo dixisse, *unde ememus panes, ut manducet hi?* ut hoc autem (inquit) dicebat tentans eum, ipse enim sciebat, quid esset facturum. Facilis coniectura, primum discipulos Christo subiecisse, ut Matthæus ait, uti turbas dimitteret, deinde Christum, ut narrat Ioannes, tentandi causa Philippum interrogasse, unde ememus panes, ut manducet hi? ut Chrysostomus, Leontius, & Theophylactus interpretantur. Duplex autem apud Ioannem quaestio, cur Christus discipulos, & cur Philippum potius quam alium interrogauerit. Ad priorem Ioannes ipse uidetur respondere, non interrogasse, ut disceret, sciebat enim, quid esset facturum, sed ut tentaret. At hoc ipsum quaeritur, cur tentare uoluerit? Amphylochius existimat quamuis minime ignorantem, ad modum tamen ignorantis interrogasse, ut se ad auditorum opinionem, & infirmitatem accommodaret: Augustinus, Beda, & Rupertus, non ut ipse fidem discipuli cognosceret, quam nequaquam ignorabat, sed ut illi suam incredulitatem ostenderet. Cyrillus Græcus, nam Latinum à quibusdam alienis scriptis autem lectorem moneo nunquam a me citari, ideo putat interrogasse, ut magis miraculum, quod facturum erat, illustriaret. Ex eius enim interrogatione consecutum fuisse, ut Philippus responderet ducentos denarios non sufficere, ut panes emerent, & Andreas, esse quidem illic quinque panes, & duos pisces, sed quid ad tantam ho-

minum multitudinem? Quod ergo plures panes Philippus, & Andreas necessarios esse declararunt, cō maius postea miraculum apparuisse, Chrysostomus, Theophylactus, Ammonius, Theodorus Heracleotes, & Mopsuest. voluisse Christum interrogando, ac respondendo vltro, citroque discipulorum excitare fidem, eosque ad considerandum futurum miraculum attentiores reddere. Si enim de improviso hac cum discipulis disputatione non antegressa, miraculum edidisset, minus fuisset animaduersum, cum & hominum multitudo, & fames, & paucitas panum minus fuisset disputando perispecta. Ad posterioriorem quaestionem idem Chrysostomus, Theophylactus, Theodorus Mops. & Leontius respondent, propterea Philippum potius, quam alium interrogasse, quia ille maxime omnium fide indigebat, eum enim fuisse, qui quasi in fide vacillans dixit, *Ostende nobis patrem, & sufficit nobis* Ioann. 14. 8. Addit Ioannes dixisse Andream fratrem Petri, *Est puer unus hic, qui habet quinque panes ordeaceos, & duos pisces, sed hæc quid sunt inter tantos?* Quod Theodorus Mops. Leontius, & Ammonius ideo dixisse putant, ne uideretur uelle sibi referuare. Notant uero Chrysostom. Cyrillus, Theodorus Heracleotes, Leontius, & Theophyl. aliquantò plus fidei Andream, quam Philippum ostendisse, uideri enim tpe aliqua futuri miraculi dixisse hæc, scientem Eliseum panem aliquando multiplicasse, perfectam tamen non habuisse fidem, cum dicat, *sed hæc quid sunt inter tantos?* quasi crederet posse quidem Christum multiplicare panes, sed ex pluribus plures, ex paucioribus pauciores posse facere. Mihi probabilius uidetur, Andream, cum hæc dixit, nihil de miraculo cogitasse. Docet nos Christus, ut ait Leontius, & Theodorus Mops. hoc exemplo nunquam in rebus angustis desperare, sed in ipso semper confidere, qui panem nostrum, si quem habemus, augere, si non habemus, ex nihilo creare possit. Chrysostom. verò

&



Caluinista  
Apostolis  
infeli.

& Theophy. ex hoc loco Manichæos refellunt, qui panem ab alio, nescio quo, malo Deo factum esse delirabāt. Nec enim Christus multiplicare potuisset, si ab alio, quàm a se, & patre suo fuisset factus. Adnotauit Euthymius Christum data opera usque ad seruum dici tempus sermonem traxisse, ut necessitas eius, quod postea fecit, miraculi nota esset. Non decet cuiusdam magni nominis Caluinistæ interpretationem silentio præterire. Scribit Euangelicus Doctor Apostolos non caritate: sed radio Christo suggestisse, ut turbas dimitteret, ut se labore, fastidioque liberarent. Profecto hoc Caluinistæ non fecissent. Hoc enim voluit bonus iste Doctor significare se, suosque Ministros plus quàm Apostolos habere caritatis. Huiusmodi est hæreticorum spiritus; dolent, & si quomodo possunt, negant Apostolos fuisse sanctos, ut ipsi Apostolis meliores esse videantur, nec intelligunt omnium hominum sceleratissimos Apostolos esse oportuisse: ut noui isti Apostoli eorum similes videri possent.

Apostolorū  
pauperes cō  
tra Caluini  
stas.

16. *Date illis vos manducare.*) Ioan. ca. 6. 7. narrat respondisse Philippum, ducentorum denariorum panes non sufficiunt eis, ut unusquisque modicum quid accipiat, Vnde colligit quidam hæreticorum interpretes Christum, & Apostolos ducentos denarios, id est uiginti fere aureos coronatos habuisse. Nec enim monachis nostris mendicantibus, sed Caluinianis Ministris similes erant, nummati, coniugati, cōpti, elegantes. Quod ex eodem spiritu atque illud, quod paullo ante commemorauimus, profectum est, maligno, peruerso, hæretico, diabolico, & præterea cæco: quis enim non videt præterea Philippum dixisse ducentos denarios non sufficere, quod nec eos haberent, nec habere possent? Argumentatur enim non posse se tantam hominum multitudinem pascere, quod ne ducenti quidem denarii satis sint, cum ipsi ne vnum quidem for tasse denarium haberent. Si enim habuissent, iussisset utiq; Christus in pa-

nes expendi, nec miraculo opus fuisset. Quamto melius Theodorus Heracleota ex hoc loco uoluntariā Christi, & discipulorum eius paupertatem probat, qui ne ad emendos quidem cibos sibi necessarios satis habuerint pecunie. Eius verba propter Caluinistas huc adscribā, τῶν συνόντων αὐτῷ τὸ ἀριθμῆσαι καὶ τὴν ἐκείνων πτωχείαν ἐπιδείκνυσιν, ὅτι ὅσον εἶν τὸ πρὸς ταῦτα ἀναγκαῖον ἔχοντων τροφὰς. Notat Leontius propiterea non dixisse, ego illis cibum dabo, sed *date* uos illis manducare, ne arrogantem de se loqui, & miraculum iactare videretur.

17. *Non habemus hic nisi quinque panes.*) Ioan. cap. 6. 8. ait, *Dicit ei vnus ex discipulis eius Andreas frater Simonis Petri, est puer vnus hic, qui habet quinque panes ordeaceos, & duos pisces sed hæc quid sunt inter tantos?* Dubitant autem interpretes, an panes illi Apostolorum essent, quos illis puer portaret; an puer, ut venderet, attulerit. Chrysostomus homil. 50. Leontius, & Cyrillus, & Theophylact<sup>us</sup> Apostolorum fuisse putant: Euthymius, & ut videtur, Cyrillus, cui magis assentior, venales. Nam quod Apostoli dicunt, *non habemus hic nisi quinque panes, & duos pisces*, non significant fuisse ipsorum: sed totam, quanta quanta erat, hominum multitudinem non nisi quinque panes, & duos pisces habuisse.

*Qui ait eis, afferte mihi illos huc.*) Tuber sibi panes afferri, inquit Chrysostomus, & Leontius, ut ostendat se esse se, qui totum nutrit terrarum orbem: neque ex hora ulla, aut tempore pendere: sed quocunque tempore, & ex quacunque materia posse, quotquot velit, panes facere. Non dicit Euangelista discipulos paruissse, sed ex sequentibus satis intelligitur. Quare Chrysostomus, Theophylact. Euthymius, Cyrillus, & Leontius egregium nobis documentum dari docent, ut hospitibus, & egenis etiam, quæ nobis necessaria sunt, liberaliter largiamur, fore, ut hac ratione panis nobis creseat.



19. Et cum inisset turbam discumbere) Marcus 6. 39. praecepit illis, ut accumbere facerent omnes secundum contubernia super viride fenum; fenum enim copiosum erat, quia, ut Leontius, & Theophylactus adnotarunt, primum erat ver, cum proximum esset Pascha, ut ait Ioannes cap. 6. 4. Lucas cap. 9. 14. facite eos discumbere per convivia quinquagenos. Quod multis de causis vero simile est Christum fecisse, ut numerus hominum ex distributione magis appareret, eaque ratione miraculi magnitudo constaret, ut sine confusione Apostoli omnibus ex panibus, & piscibus darent: ut omnes nemine praeterito suo, quisque ordine portionem acciperet. Aliam Cyrillus, & Leontius in commentariis, & nescio quis alius sine nomine in Graeca citans catena, sed mysticam afferunt causam, tanquam bestias super fenum accumbere iussisse, quinque enim illos panes ordeaceos quinque legis Mosaeicae libros significasse, quibus Iudei tanquam ordeo, sine villo delicato gustu, sine sensu, tanquam animalia bruta, vescerentur. In quam sententiam multa quoque Rupertus scribit. Cyrillus vero reprehensionem esse putat, quasi dicat Christus, O tardi homines, & hebetes ad intelligendam uirtutem meam, facite eos discumbere, ut non uerbis, sed factis doceam uos, quid possim facere. Idemque in Graecorum catena scribit Apollinarius.

In cod. Vatic. ms.

In comm. & catena Graec. cod. Vatic.

Aspiciens in caelum.) Ut ostenderet se a patre unam cum diuinitate vim faciendorum miraculorum accepisse, Hilarius, Chrysostomus, Euthymius, Theophylactus, ut idem nos facere doceret, ut iidem dicunt auctores, Leontius, & Ammonius: ut ostenderet unde nobis omnibus in rebus petendum auxilium, Hieronymus, & Beda: ut ostenderet se contrarium non esse Deo, ut idem Ammonius, & Leontius tradunt: ut usque ad passionem, tanquam homo Deum orans, principem huius mundi lateret, quam causam solus reddit Ammonius. Aliam quoque Leontius rationem affert, ne patre se maiorem facere videretur,

de quo dictum a Iudeis fuerat, Numquid poterit Deus parare mensam in deserto? Adnotauit etiam Chrysostomus, Leontius, & Euthymius Christum non quotiescunque miracula fecit, in caelum suspexisse: sed aliquando, ut hoc loco, & in Iazari suscitatione Ioan. 11. 41. & in oratione, qua patrem rogauit, ut se clarificaret. Ioan. 17. 1. ne si semper faceret, uideretur non sua, sed aliena auctoritate miracula facere: si nunquam, patrem suum non recognoscere.

Benedixit.) Calvinistae interpretantur, gratias egit quia quod Matthaeus, Marcus c. 6. 41. & Lucas c. 9. 16. dicunt *εὐλόγησεν, benedixit*, Ioannes cap. 6. 11. dixit καὶ εὐχαρισήσας, & cum gratias egisset, & quod hic Matthaeus, & Marcus dicunt *εὐλόγησεν, benedixit*; idem Matthaeus cap. 15. 36. & Marcus c. 8. 6. narrantes alterum miraculum de septem panibus dicit καὶ εὐχαρισήσας ἐλάσας, & gratias agens fregit. Rursus, quod Matthaeus capit. 26. 26. & Marcus 14. 22. de sacramento corporis Christi loquentes dicunt *εὐλόγησας, benedixit, & fregit*, Lucas cap. 22. 19. & D. Paulus 1. Corinth. 11. 24. dicunt, *εὐχαρισήσας gratias egit, & fregit*. Ex quibus locis omnibus illud perspicuum est idem esse *εὐλογεῖν* benedicere, & *εὐχαρισεῖν* gratias agere: sed probandum haec utique erat *εὐλογεῖν* benedicere, accipi pro *εὐχαρισεῖν* gratias agere, non potius e contrario *εὐχαρισεῖν* gratias agere pro *εὐλογεῖν*, benedicere, quod nec probare conati sunt, nec si maxime conentur, probare possunt. Nos contra *εὐχαρισεῖν* gratias agere, poni pro *εὐλογεῖν* benedicere facile probamus. Primum, quia gratiarum actio his in locis nihil, benedictio autem maxime ad rem pertinebat. Volebat enim Christus panem multiplicare, nondum multiplicarat; non ergo patri gratias agebat, quod multiplicasset; sed panem benedicebat, ut multiplicaretur. Deinde, quia si gratias egisset, patri utique, non panem egisset: aut panem ipsum benedixisse dicitur Iud. 9. 16. *εὐλόγησεν αὐτοὺς benedixit illis*,

Psalm. 77. 19. Cur Christi miracula facturus in celum oculos tollit?

De benedictione panis contra Calvinistas.

Benedictio panis, & calicis in Eucharistia quomodo accipiendae.



Non ergo εὐλογεῖν benedicere accipitur pro εὐχαριστεῖν gratias agere, sed e contrario εὐχαριστεῖν gratias agere, pro εὐλογεῖν benedicere. Interpretatur illi εὐλόγησεν αὐτοὺς Benedixit illis id est gratias super illos egit, quam illi interpretationem nullo exemplo probare possunt; nos ex ipsa Grammatica refutare possumus: si enim Euangelista id dicere voluisset, non dixisset εὐλόγησεν αὐτοὺς benedixit illis, sed εὐλόγησεν ἐν αὐτοῖς benedixit in illis, aut ἐπ' αὐτοῖς super illos: at & Lucas dicit εὐλόγησεν αὐτοὺς Benedixit illis, & D. Paulus 1. Cor. 10. 16. τὸ ποτήριον τῆς εὐλογίας, ὃ εὐλογοῦμεν calix benedictionis, cui benedicimus: ipsum enim benedicimus calicem. Simile est, quod idem Diuus Paulus ait 1. Timoth. 4. 5. cibum, quem sumimus, per verbum Dei sanctificari; accedit ergo aliquid cibo ex eo, quod benedicatur. Benedictio igitur, & ad Deum, tanquam ad auctorem, a quo petitur, dirigitur, & ad panem, tanquam ad materiam benedictioni subiectam, quod non fieret, si benedictio pro gratiarum actione sumeretur. Præterea, quid cause est, cur Christum non legamus panem benedixisse, nisi cum in melius mutare, aut multiplicare uoluit, cum quotidie sumeret cibum, nisi quia per benedictionem aliquam panibus, ut crescerent, & multiplicarentur, uir utem imprefit, quemadmodum, cum primos parentes benedixit Genes. 1. 28. *crescite, & multiplicamini, & replete terram.* Cum ergo Christus suspexit in cælum, & panes benedixit, patrem orauit, ut suam in panes, qua multiplicarentur, benedictionem infunderet. Et cum dicitur apud Ioannem εὐχαριστεῖν non significatur egisse gratias: sed gratiam patris in panes, ut multiplicarentur, inuocasse: argumentum est, quod veteres auctores Græci Ecclesiastici transiunt hoc uerbo usi sint, vocant enim panem Eucharistiæ εὐχαριστέοντα, ut Iustinus 2. apolog. pro Christianis, & Irenæus lib. 4. c. 34.

*Et dedit discipulis suis.* ) Ut percos

quodammodo tanquam ministros, miraculum fieret; quod, ut Hieronymus, & Beda scribit, significat populum Christianum per Apostolos fuisse pascendum; vel ut testes certiores miraculi essent, quod suis manibus tetigissent, quemadmodum ait Leontius, & Euthym. uel, ut aliis in memoria defigerent, quod suis ipsi manibus contrectassent, ut uult Theophylact. Videtur mihi uoluisse Christus miraculi gloriam à se in Apostolos quodammodo transferre. Vbi multiplicari panes fuerint, utrum in manibus Christi, an in manibus Apostolorum; an in manibus, aut in ore sumentium Hilarius dubitat. Illud mihi certum pene uidetur non fuisse in manibus, aut ore sumentium multiplicatos, quemadmodum noui heretici docent Eucharistiam non esse corpus Christi, nisi in ore sumentium. Sibi enim quodammodo hominis satiari miraculum tribuissent, Hieronymus in manibus Christi, Chrysostomus, Leontius, & Euthymius in manibus Apostolorum multiplicatos fuisse putant. Vtrumque probabile; sed illud, ut mihi uidetur probabilius, primum in manibus Christi, qui primus miraculi auctor erat, multiplicatos; frangendo enim multiplicasse credebile est, & duodecim cophinos impleuisse, quos Apostoli duodecim ad suum quisque ordinem ferrent, sicut Sareptana illa uidua 3. Regum 17. 14. 15. 16. & illa altera de vxoribus prophetarum 4. Reg. 4. 5. 6. hauriendo oleum multiplicauit: deinde uero in Apostolorum manibus, aut in ipsis cophinis creuisset, ita ut quantum ex corbis, ut discumbentibus darent, detraherent: tantum diuinitus accresceret: sicut in lecytho illius uidae factum est, ut quantum hauriebat, tantum rursus emanaret, ita ut lecythus, ut ait scriptura, non sit imminutus. Inde factum est, ut Apostoli duodecim plenos cophinos, id est, quantum à Christo acceperant, tantum collegerint.

20. *Et comederunt omnes.* ) Triahic ad miraculi euidenciam, & probationem dicit Euangelista. Primum

Multiplicatio panum in manibus Christi & Apostolorum tacta.



mum omnes comedis: secundum sa-  
 turatos fuisse: Quod propterea Euan-  
 gelistam dixisse I. eontius, Chrysosto-  
 mus, & Theophylactus putant, ut mi-  
 raculi veritatem ab ipsis, qui comede-  
 runt, probatam fuisse demonstraret,  
 cum prius esurientes re ipsa, & non  
 opinione sola saturati fuerint. ter-  
 tium superfuisse duodecim cophinos.  
 Duodecim autem cophinos superasse  
 propterea Hieronymus, Chrysosto-  
 mus, & Theophylactus, & Euthymius  
 existimant, quia duodecim erant Apo-  
 stoli, ut etiam Iudas, inquit Chrysosto-  
 mus, cophinum suum ferret. Cau-  
 sam ego eam, quam superiore versu  
 indicaui, fuisse suspicor, quod prius  
 Apostoli duodecim a Christo plenos  
 cophinos accepissent, & decebat ut bo-  
 ni beneficiorum Dei dispensatores  
 tantum redderent, quantum accepis-  
 sent. Quod autem non integrorum  
 panum, sed fragmentorum duodecim  
 cophinos superare voluerit, eadem ra-  
 tione Chrysostomus factum existi-  
 mat: si enim integri superfuissent pa-  
 nes, imaginatum miraculum uideri  
 poterat: cum autem fragmenta super-  
 fuissent, manifestum erat turbam ex  
 panibus verè comedis: Querit Chry-  
 sostomus, quam ob rem ex piscibus ni-  
 hil superfuerit, cum post resurrectionem  
 ita legamus multiplicasse pisces,  
 ut permulti superauerint Ioan. 21. 11.  
 Nihil respondent aliud significare vo-  
 luisse Christum, quod nunc ex subie-  
 cta materia pisces multiplicasset, non  
 impotentia ulla sua factum fuisse, cum  
 postea sine ulla materia tam multos  
 procreauerit pisces, ut saturatis disci-  
 pulis multi superfuerint. Rectè, si il-  
 lud prius, quam hoc, fecisset. Sim-  
 plicius dixerim, primum non constare,  
 an nihil ex piscibus superfuerit: quin  
 ego multum superfuisse credo, quam-  
 vis nec id Evangelista dixerit, neque  
 Christus piscium fragmenta iusserit  
 colligi, satis esse ratus ad miraculi de-  
 monstrationem, ut panum fragmen-  
 ta colligerentur. Deinde, ut nihil  
 superfuerit ex piscibus, ideo non su-  
 perfuisse, quia satis erat ad proban-  
 dum miraculum, ut uel panes, vel pi-

sces superessent. Voluit autem panes  
 potius, quam pisces superare: quia ci-  
 bus est omnium vtitatissimus, & in  
 quo maxime poterat apparere, quid  
 in eo genere posset facere. Valer hoc  
 ipsum ad mores: vult Deus panes, id  
 est res necessarias abundè nobis sup-  
 petere: pisces uerò, id est delicias mi-  
 nimè redundare.

21. *Quinque millia hominum.* J. G.  
 ὡς εἰ πεντακισχίλιοι, quasi quinque  
 millia, quemadmodum etiam apud  
 Marcum cap. 6. 44. & apud Ioan. cap. 6.  
 10. legitur. Noster interpres neq; hic,  
 neque apud Marcum legitur: apud Ioan-  
 nem autem legitur. Quod attinet ad  
 sententiam, nihil interest. Solent  
 enim auctores sacri perfectum nume-  
 rum ponere, etiam si paullo minor,  
 aut aut maior sit. Duo etiam hic sunt,  
 quæ propterea narrat Euangelista, ut  
 miraculi commendat magnitudinem;  
 quod quinque hominum millia fue-  
 rint, & quod mulieres, & pueros non  
 numerauerit: quorum non quidem  
 tantum, quantum unorum, quia lon-  
 go itinere venerant: sed magnum ta-  
 men fuisse numerum, credendum est,  
 siue quia religiosiores, siue quia curio-  
 siores uiris feminae sunt. Notant Leon-  
 tius, Cyrillus, & Ammonius apud Ioan-  
 nem in Græcorum catena citati, pro-  
 pterea Evangelistas solos uiros, non  
 mulieres numerasse; ut Iudeorū con-  
 suetudine seruirent, qui solos numera-  
 bant uiros, quemadmodum fecisse le-  
 gimus Moysen. Id quoque morale est  
 se, nihil apud Deum recenseri, & ullo  
 in numero esse, nisi quod uirile sit, at-  
 que perfectum.

22. *Et statim compulsi.* Ioannes ca-  
 p. 16. contra uidetur dicere discipulos  
 non iussu quidem Christi, qui sese ab  
 eorum oculis subtraxerat, sed pro-  
 prio consilio, cum eum eodem in lo-  
 co utque ad uesperum expectassent, vi-  
 dissentque non redire, conscendisse na-  
 uim, ut nauigaret in Capharnaum, ibi  
 que eum quaerent. Vtrumque factū  
 esse credendum est, & Christum, an-  
 tequam se subduceret, præcepisse eis,  
 ut nauigarent in Capharnaum, & ip-  
 sos usque ad noctem expectasse spe-  
 rantes

Allegoria  
 moralis,

In cod. Va-  
 tic. ms.

In lib. Nu-  
 mc.  
 Allegoria  
 moralis,



vantes reditum: aut è contrario prius compulisse discipulos naucm ascendere, seque precedere prætextu dimittendæ turbæ, quibus profectis ipsum in montem relicta turba fugisse, ut oraret. Sed Ioannem hoc secundum narrasse: primum præterisse.

Quare uerò compulerit, ut se relicto prænauigarent, duæ ex Euangelistis cause colliguntur; altera ex Matthæo uersu sequenti, quia uolebat solus orare, ideoq; præmissis discipulis: & relicta turba in montem solus ascendit.

Altera ex Ioanne c. 6. 15. ubi propterea dicit solum in montem fugisse, quia sciebat fore, ut turba ueniret, ut se raperet, ac regem faceret. Volebat enim expeditus esse, & à tota turba, & ab Apostolis, ut cum periculū immineret, momento temporis, ut postea fecisse credendum est, per aera permeans discipulos consequeretur. Videtur etiam ea ratione sequenti miraculo occasionem præbere uoluisse, nisi enim Apostolos præmisisset, neque laborassent illi fortassis in remigando, neque super mare ipse ambulasset, neque Petrum iussisset ambulare, quæ omnia miracula uno facta sunt tempore. Aliam Chrysostomus, & Theophylactus afferunt causam, ut fragmenta panum, quæ superfluerant, secum portarent, ac soli inter se præteritum miraculum recognouerent. Compulisse autem eos dicit Euangelista, quia credibile est illos ab eo discedere noluisse, ut Hierony. Chrysostomus, Theophylactus adnotarunt. Ad uerò nō eorum solum erga Christum amor, sed communi etiam humanitati repugnare uidebatur, ut discipuli magistrum solum inter homines ignotos, & quidem citra mare relinquerent, cum ipsi essent ultra mare nauigaturi, sed obediunt tamen, quia sciunt, nihil esse, quod Christus facere non possit.

Et præcedere eum transierunt. In regionem Gerasenorum, quæ ultra lacum erat, ut constat ex uersu 34. Itaque nunc nō solum partem unam lacus, aut promontorium, ut ante ad nauigant, sed totum penitus lacum tra-

iecerunt. Voluit enim Christus è Galilæa fugere, & in oppositam Gerasenorum regionem uenire, & ut Herodis insidias uitaret, & ut eorum declinaret studium, qui sibi eum regem facere uolebant. Videri potest contrarium, quod Ioannes scribit c. 6. 17. Venisse discipulos trans mare in Capharnaū. Neq; satisficit, quod Augustinus lib. 2. de consensu Euang. c. 48. respondet, Gerasareth, quod eos Matthæus uenisse dicit, esse prope Capharnaum, quo Ioannes dicit appulisse. Repugnat enim Geographia, ex qua manifestum est Gerasareth in altera opposita lacus parte esse. Idq; ex superiore c. 8. 28. & 9. 1. colligitur, si duo illi inter se loci conferantur. Constat ex Ioanne & discipulos, & Christum prius uenisse Capharnaū, ibiq; præclaram illam de corpore, & sanguine suo disputationem habuisse, quàm toto c. 6. Ioannes describit. Constat miraculum hoc in mari factum tunc accidisse, cum discipuli ex eo loco, ubi panes Christus multiplicauerat, in Capharnaum noctu nauigarent. Deinde ex Capharnaum in Gerasenorum regionem ultra lacum nauigasse. Ioannes ergo, quia uolebat disputationem illam de corpore, & sanguine narrare, reliquit profectionem in regionem Gerasenorum. Matthæus uerò, & Marcus, cum uellent solum miraculum in mari factum exponere, & quo modo iterum Christus in terram Gerasenorum traiecesset, quæ autem in Capharnaum acciderat, præterire, ita narrant historiam, ut significare uideantur miraculum illud maris tunc accidisse, cum in Gerasenorum terram discipuli nauigarent. Eadē enim fuit nauigatio, nisi quod aliquantisper in Capharnaū commorati sunt, dum de corpore, & sanguine suo Christus differebat.

Ascendit in montem solus orare. Bis in montem ascendisse constat ex Ioanne: primum simul ut in desertum locum uenit c. 6. 3. subiit ergo in montē Iesus, & ibi sedebat cum discipulis suis. Deinde post factum miraculum, & postea quā Apostolos dimisisset, ibidem



dem uer. 15. Iesus ergo cum cognouisset, quia uenturi erant, ut caperent eum, & facerent eum regem, fugit iterum in montem ipse solus. Prius fugerat, ut lateret: nunc fugit, ut oret.

4. noctis uigiliae,

25. Quarta autem uigilia noctis) Vltima, quae matutina dicebatur, Exod. 14. 24. & 1. Reg. 11. 11. In quattuor partes militari arte distributam fuisse noctem, quae quattuor uigiliae, quod uigiles quater mutarentur, vocatae fuerint, nemo nescit, & in scripturis saepe etiam indicatur, Iud. 7. 11. 19. Thre. 2. 19. Luc. 1. 8. & 12. 38. Triplicem igitur faciendi miraculi occasionem Christus expectauit, ut discipuli essent in medio mari, ubi nullum humanum auxilium expectare poterant, ut uentus contrarius esset, & naui magnis fluctibus iactaretur, & vltima noctis uigilia ueniret, ut discipulorum fide, patientiamque probaret, simul ut miraculi necessitatem Apostoli cognoscerent: nec enim solebat sine necessitate, eaq. cognita, atque perspecta miracula facere. Haec ferè eadem Leon- tius obseruauit, habetasque, ut idem ille monet, utile documentum, non debere mirari nos, si, cum rebus aduersis conflictamur, non continuo diuinum nobis auxilium adesse uideatur, uelle Deum nostram prius patientiam experiri, certamenque nostrum, quasi spectatorem, contemplant in ultima uigilia, id est cum in extremum periculum adducti sumus. Idem Cyrillus scribit Alexandrinus Io. 6. 17.

Quo Christus super aquas ambulauit contra Caluini stas,

Ambulans supra mare) Calvinus timens, ne corpus Christi in sacramento Eucharistiae posse esse uideatur, nullum uult in eo miraculum esse factum, non ex utero uirginis integra uirginitate prodixisse; non, ante, quam lapis remoueretur, exiisse de sepulchro; non clausis ad discipulos ingressum ianuis; non factum inuisibilem per medium eorum, qui prehendere volebant, euasisse; non super liquidas undas ambulasse. Denique, ut unam defenderet haeresim, necesse illi fuit multas, & inauditas haereses excogitare. Dicit Christum non effectum, ut graue suum corpus in liqui-

dis aquis non mergeretur, sed aquas ita solidasse, ut graue sustinerent corpus. Non audet homo impius, quod sentit palam dicere, sed eius tamen sententia est, Christum id facere non potuisse. Nec enim alia de causa fecisse negat, nisi quia potuisse facere non credit. Isto sanè modo & barbarae gentes propè glaciale mare habitantes super mare ambulant, super mare currunt, super mare carpenta quadrigis ducunt. Isto modo maius illa, de qua poeta scribit, miraculum fecit.

Virgil. 7. Aeneid.

Quae mare per medium fluctu suspensa iumentis.

Ferret iter, celeres nec tingeret equore plantas

Isto modo nec Petrus mergi potuit, nec timere. Solidum enim erat mare. Sed nescio, utrum ineptius sit ista dicere, an refutare. Tantum admonere lectorem uolo, nè Hieronymi non bene intellecta sententia fallatur. Cum enim dicit hoc loco, Tu praecipe, & illico solidabuntur undae, non significat uerè fuisse solidatas, sed perinde corpus sustinuisse, atque si solidae, & concretae fuissent, addit enim, et leue fuit corpus, quod per se graue est, cum nec aquae solidatae fuerint, ne corpus leue factum; sed effectum, ut graue corpus in liquidis, ac molli- bus aquis non mergeretur. Eodemque modo intelligendum, quod hoc loco Leon- tius scribit, ὡς θεὸς δὲ ὑπὲρ πάντων αὐτῶν ἡ θάλασσα, καὶ αὐτοὶ πᾶσι ἐπὶ τοῦ ὕδατος. Hoc enim miraculum fuit. Atque hoc sensu ueteres auctores Iustinus q. 117. & D. Aug. ser. de tempore. 159. Ambr. lib. 1. de interpellat. Iob. c. 4. interpretantur.

In comment. codicis Vatican. ms.

26. Et uidentes eum supra mare ambulantem turbati sunt. Hic etiam Calu- nus Apostolis, ut sibi uideretur, maior de Apostolis in mare periclitantibus, atque turbatis securus iudicat. Crassi stuporis, & brutae ignorantiae fuisse dicit, quod Apostoli turbati fuerint, neque Christum super mare ambulantem agnouerint. Alius non minus, sed non tam celebris haereticus in- gratitudinem, & incredulitatem uocat.

Apostolorum defensio contra Calu- ni proteruiam.



cat. Apponam Hilarij verba, vt appareat, quid inter hæreticum, & Christianum spiritum interfit. *Et quia de Antichristi consuetudine ad omnem tentationum nonitatem solliciti erant, etiam ad Domini aduentum falsas rerum imagines, & subrepentia oculis figmenta metuentes.* Si hoc Calvinus fecisset, cum illi primùm hæresis venit in mentem; si, cum diabolus illi in Christi speciem transfiguratus apparuit, timuisset, hæreticus non fuisset. De re loquamur, si crassi erroris, & brutæ fuit ignorantie, quòd Apostoli ad aspectum Christi super mare ambulantis turbati sunt; crassi etiam stuporis, & brutæ ignorantie fuit, quòd sanctissima Christi mater ad aspectum, & salutationem angeli turbata est, Lu. 1. 29. Pœnitit me hoc exemplum posuisse verentem, ne isti, vt sunt pij, facile concedant. Rogabo tamen eos, si tam crassus Apostolorum stupor, si tam brutæ ignorantia, si tam non ferenda ingratiudo, & incredulitas fuit, quid est, quòd Christus, qui leuioribus eos in rebus solet reprehendere, hic non reprehendit? quid est, quòd reprehendit Petrum, quòd timuerit: non reprehendit Apostolos, quòd turbati fuerint? Illud etiam rogabo, quid est, quòd Christus Apostolos non reprehendit, isti reprehendunt: nisi quia isti Antichristi sunt? Nimis fortassis virgeo, sed licet Apostolorum causam agenti adhuc virgere. Quid isti fortes hæretici fecissent, si fuissent in naui, & in medijs tenebris aliquem super mare ambulantem vidissent præsertim, cum non tredant Christum, nisi conglaciato mari id facere potuissent? Opinor, non trepidassent: quia neque Christum, neque spectrum esse credidissent: sed fuco oculos falli: sic enim solent miracula, quæ in Ecclesia fiunt, interpretari. At dicit Marcus capitu. 6. 52. Apostolos non intellexisse de panibus, quia erat cor eorum obæcatum; facile fuisset bonis uiris id in meliorem partem interpretari. Non enim significat ita cor eorum obæcatum fuisse, vt paullo ante factum miraculum, quod omnes turbæ intel-

lexerant, non intellexerint, sed adeo fuisse attonitos, & obtupestactos, vt non potuerint cogitare eum, qui paulo ante panes multiplicauerat, ambulare super mare potuisse: vt solet subitus horror aut eripere, aut impedire rationem.

*Quia phantasma est.*) spectrum, & visum uocant Latini, quidquid corpora apparet forma, quod corpus non sit, siue Angelus, siue dæmon, siue alius spiritus sit. Eiusmodi spectra aliquando videri vulgaris opinio erat, vt colligitur ex I uca capitulo 24. 37. & ex Actis Apostol. capitulo 12. 15. Et quia aut nocuisse multis, aut nocere posse credebantur, Apostoli timuerunt.

28. *Si tu es.*) Hic etiam omnes hæretici Petrum multis modis reprehendunt, & quia dixit, *si*, quali in fide dubitauerit, & quia uoluit solus dimissis aliis ad Christum ire, quod alius hæreticus stultum feruorem, alius arrogantiam fuisse dicit. Hic quoque Hilarij, & Hieronymi uerba subscribam, vt, quid inter nostros, & hæreticorum interpretes sit discriminis, prudens lector cognoscat. *Et hoc*, inquit Hilarius, *in Petro considerandum est, fide cum cæteros anteijssse.* Hilarius singulari, & excellenti Petri fidei, isti infidelitati, stultitiæ, & arrogantiae tribuunt, quòd ad Christum super mare ire uoluerit. Hieronymus autem sic scribit. *In omnibus locis ardentissime fidei inuenitur Petrus*, quòd cum multis probasset exemplis, addidit, *Eodem igitur fidei ardore, quo semper, nunc quoque cæteris tacentibus credit se posse facere per uoluntatem magistri, quod illi poterant per naturam.* Satis nobis erat Hilarium, & Hieronymum omnibus Calvinistarum interpretibus opponere, sed magistrum Christum audiamus. Ille quidem certè Petri desiderium, & petitionem non reprehendit: sed potius concedendo probauit, non concessurus profectò, si arroganter, si sine fide petuisset, qui ab omnibus, quibus miracula faciebat, fidem exigebat. Neque reprehensionem prætermisisset, si cum repre-

Petrus defenditur contra Calvinistas.



hensione dignum iudicasset. Reprehendit enim paullo post, cum, propterea quod timuit, reprehensione dignum iudicauit. Cum ergo dicit *si tu es*, non dubitat de fide, sed de facto. Credebat enim posse Christum efficere, ut ipse quoque super aquas ambularet, quod Calvinistae non credunt, sed dubitabat, an Christus esset, qui loquebatur, an aliquis spiritus, qui se Christum esse fingeret, quia sciebat aliquando Satanam se in angelum lucis transfigurare: & volebat probare spiritus, an ex Deo essent, quod Calvinistae non faciunt. Si enim de fide, ut ait Theophylactus, dubitasset, non dixisset, *iube me ad te venire super aquas*, volens loquentis verba factis probare. Sciebat enim posse quidem angelum, & malum, & bonum sumpta humani corporis forma ambulare super aquas, & Christi uocem imitari: sed aliis, ut idem facerent, prestare non posse.

2. Cor. 11. 14

1. Ioan. 4. 1.

Petrus defenditur contra Calvinianam perulantiam.

19. *Veni.*) Ideo Christus Petro, quod petit, concedit, ut se esse doceat, quod experiri Petrus volebat. Calvinus dignam suo, id est haeretico spiritu rationem reddit, ut inquit eius stultitiam experientia ipsa redargueret, cum in medijs fluctibus mergeretur. Itaque stultitia uocat, quod Petrus crediderit posse se iubente Christo super aquas ambulare. Quod recitare opus fuit, ut haeticus ab omnibus spiritus cognoscatur, refutare opus non est. Refellit Hieronymus hoc loco Marcionistarum, & Manichaeorum errorem, qui Christum ex eo probabant non verum, sed phantasticum corpus habuisse, quod super aquas ambulauerit. Petrus enim auctore Christo idem fecit, qui uerum tamen, non phantasticum corpus habebat. Fuerunt, ut ait in lib. de baptismo Tertullianus, qui dicerent Apostolos non alium baptismum recepisse, quam quod fuerint in hac tempestate undis maris aspersi. Quibus his verbis respondet, *aliud est aspergi, vel intercepti uolentia maris, aliud tingi a disciplina religionis.*

30. *Videns uero uentum validum immisit.*) Hic etiam haetici inuehuntur

in Petrum, nec ea, qua Christus usus est, reprehensione contenti, seueriore in illum censuram stringunt. Non considerantes humanum esse presentibus periculis commoueri. *humana*, inquit Chrysostomus Petrum excusans, *haec conditio est, ut difficilioribus non nunquam superatis succumbat in minoribus.* Quod etiam Elias sub Iezabel, & Moyses in Aegypto passus est. Plus etiam excusat Theophylactus, non omnino, inquit, dubitauit, qui clamauit, *Domine saluum me fac.*

Homil. 52.

31. *Modice fidei.*) Magna quidem erat, & singularis fides Petri, qui, quod Christus faciebat, se quoque eo iuuante facere posse credebat, qui se in mare ambulaturus miserat super aquas, sed praesenti periculo humano timore correptus est. Si Apostolo Petro, inquit Hieronymus, de cuius fide, & ardore mentis supra diximus, qui confidenter rogauerat Saluatorem dicens, *Domine iube me venire ad te super aquas*, quia paululum timuit, dicitur, *modice fidei quare dubitasti? quid nobis dicendum est, qui huius modice fidei, ne minimam quidem habemus portiunculam?* Dubitari potest, quia ob rem Christus permiserit aut mergi: aut timere. Respondet Chrysost. & Theoph. ne tanto miraculo superbiat. Hieronymus uero his verbis, *Ardebat animi fides, sed humana fragilitas in profundum irabebat.* Paululum ergo relinquitur reuersioni, ut augeatur fides, & intelligat se non facilitate postulationis, sed potentia Domini conseruatum.

32. *Et cum ascendissent.*) Christus, & Petrus. Ioannes cap. 6. uidetur significare Christum in nauim non ascendisse. *Voluerunt*, inquit, *accipere eum in nauim, & statim nauis fuit ad terram.* Respondent Chrysostomus, & Theophylactus uoluisse Apostolos Christum in nauim excipere, cum uero tunc noluisse, sed una cum Petro magno spatio, ut eius confirmaret fidem, super aquas ambulare: cum uero prope terram essent in nauim ascendisse. Mihi non uidetur Ioannes significare uoluisse non ascendisse Christum in nauim, sed non fuisse opus, ut ascenderet.



deret, quia momento nauis ad terram appulsa est. Quinque ergo uno tempore miracula facta sunt, Christus per aerem, ut opinor, raptus, a postolos confectus est: super mare ambulauit, ut Petrus ambulare, effecit: uentum & tempestatem compescuit: nauim, simul atque in eam ascendit, momento ad terram appulit.

33. *Qui autem in nauicula erant.*) Chrysostomus, & alij fere omnes interpretes Apostolos intelligunt. Alij nauitas, & uectores, quos credibile est fuisse nonnullos. His magis assentior, quia quod sequitur, *venerunt, & adorauerunt eum dicentes uerè filius Dei es*, parum mihi uidetur Apostolis conuenire, qui iam dudum credebant eum filium esse Dei. Itaque quod Ioannes ait ca. 6. 22. non introisse Christum cum illis in nauim, sed solos discipulos abiisse, non est intelligendum solos discipulos abiisse, ita ut nemo præter illos fuerit in nauis, sed solos discipulos, id est sine Christo.

Christus si  
filius Dei na-  
turalis, non  
adoptiuus.

*Venerunt.*) Postquam ad terram appulissent, ut indicat Marcus cap. 6. 54.

*Verè filius Dei es.*) Non adoptione, sed natura: non ut uirum iustum, sed ut uerum Deum consentiant. Eo nimirum modo, quo Pharisei filium Dei esse negabant pro eodem accipientes filium Dei, atque Deum esse, Ioan. 10. 33. *de bono opere non lapidamus te, sed quia tu cum homo sis, facis te ipsum Deum*, cum non se Deum, sed filium Dei esse dixisset, & Ioan. 19. 7. *nos legem habemus, & secundum legem nostram debet mori, quia filium Dei se fecit*, & Matth. 27. 40. *si filius Dei es, descende de Cruce*. Hæc enim omnia non de adoptione, de qua dubium non erat, sed de natura intelliguntur. Nam Christum esse filium Dei, id est uirum iustum nemo dubitabat, neque si quis se eo modo filium Dei esse diceret, lege puniendus erat. Itaque ualet contra Arianos hic locus. Adnotauit etiam Chrysostomus Christum eos, qui se filium Dei appellabant, non reprehendisse, sed eorum potius opinionem multis coram factis miraculis confirmasse.

34. *Venerunt in terram Genesar*) Quæ

uina lacum erat, & unde lacus nomen acceperat, uide sup. ver. 22. & ca. 8. 28.

35. *Et cum cognouissent eum.*) Rumore, inquit Hieronymus, non facie. Sed & facie multos eum cognouisse credibile est, quia iam ante ibi fuerat, & duos daemoniacos curauerat, ca. 8. 28. Quod autem dicunt nonnulli non eodem die, quo Christus eò appulit hæc, quæ narrat Euangelista, accidisse, sed postquam eius aduentus fama percrebruisse, Euangelistam uerò res diuersis gestis diebus copulasse, non est incredibile. Illud mirum uideri potest, cur nunc Genesareni tanta auditate Christum excipiant, cum non multo ante de suis eum finibus eiecissent ca. 8. 34. Facilis, responsio creuetur miraculorum eius fama, creuerat, ut ait Chrysostomus, eorum fides. Hoc Christus non ignorabat. Itaque qui prius sciens eos non esse maturos ad recipiendum Euangelium, inde discessit, nunc maturos esse sciens quasi ad messem redijt.

36. *Et rogabant eum, ut uel fimbriam uestimenti eius tangerent.*) Quorum fidem Euangelista, ut singularem, laudans declarat, eos Caluinus homo religiosus, quasi supersticiosos accusat, quod ad tactum uestis Christi gratiam restringere uideantur. Licet enim illi, cui hæresarchæ esse licuit, quæ Euangelista laudant, reprehendere. Non ergo significatur, ille nouus propheta somniat, Genesarenos ad tactum fimbriæ Christi gratiam restrinxisse: sed tantam eorum fuisse fidem, ut crederent uel solo fimbriæ eius tactu omnia morborum genera curari posse. Hoc enim sensu narrat Euangelista rogasse illos, ut uel fimbriam uestimenti eius tangerent. An autem hæc uera, & eximia fides, an superstitio fuerit, melius, ut opinor, Christus factis, quæm Caluinus uerbis declarabit. *Quicumque, inquit Euangelista, tetigerunt, salui facti sunt.* Miracula fidei, non superstitionis respectu fieri solent. Sed uerèdum est, ne Christum etiam Caluinus reprehendat, quod Genesarenorum superstitionem factis miraculis confirmasse uideatur, & nos in similem errorem sanctorum

In homon  
Caluini per  
uicacia rep  
henditur.

Reliquiarum  
ueneratio.



storum reliquias uenerandi induxisse. Hoc enim, si auderet, homo impudens diceret. Neque potest dicere, quod alibi eum dixisse memini, non esse hoc imitandum, quod non ordinarium, sed extraordinarium sit exemplum. Ordinarium. n. profecto est, quod quotiescunque fit, miraculum sequitur. Hic, quicumque tetigerunt, salui facti sunt, c. 9. 20. 21. hamorrhoyssa tetigit, & curata est. Quid ergo est ordinariū, si hoc non est? Adijciam, quod ualde Calui

no doleat. Chrysostomus scribit hoc loco nos non solam fimbriam, sed totum Christi corpus in Eucharistia apud nos habere, si illi, qui fimbriam tangebant, sanabantur, quanto magis nos, si Christi corpus tangamus? Chrysostomi sententiam multis experientia miraculis confirmauit. Narrat Gregorius Naz. in oratione funebri pro sorore sua Gorgonia eam tactu Eucharistiae à grauissimo morbo fuisse curatam.

Morborum  
curatio per  
Eucharistiam.

## C A P V T XV.

Marc. 7. 3. 1. I.



Vnc accesserunt ad eum ab Ierosolymis Scribae, & Pharisei, dicentes: 2. Quare discipuli tui transgrediuntur traditionem seniorum, non enim lauant manus suas, cum panem manducant. 3. Ipse autem respondens ait illis: Quare & uos transgredimini mandatum Dei

propter traditionem uestram? Nam Deus dixit: 4. Honora patrem, & matrem, & Qui maledixerit patri, uel matri, morte moriatur. 5. Vos autem dicitis: Quicumque dixerit patri, uel matri, Munus quodcumque est ex me, tibi proderit. 6. & non honorificabit patrem suum; aut matrem suam, & irritum fecistis mandatum Dei propter traditionem uestram. 7. Hypocritae, bene prophetauit de uobis Isaias, dicens: 8. Populus hic labijs me honorat: cor autem eorum longè est à me. 9. Sine causa autem colunt me, docentes doctrinas, & mandata hominum. 10. Et conuocatis ad se turbis, dixit eis: Audite, & intelligite. 11. Non quod intrat in os, coinquinat hominem: sed quod procedit ex ore, hoc coinquinat hominem. 12. Tunc accedentes discipuli eius, dixerunt ei: Scis quia Pharisei audito uerbo hoc, scandalizati sunt? 13. At ille respondens ait: Omnis plantatio, quam non plantauit Pater meus caelestis, eradicabitur. 14. Sinite illos: caeci sunt, & duces caecorum. Cecus autem si caeco ducatum praestet, ambo in foueam cadunt. 15. Respondens autem Petrus dixit ei: Ediffere nobis parabolam istam. 16. At illic dixit: Adhuc & uos sine intellectu estis? 17. Non intelligitis, quia omne, quod in os intrat, in ventrem uadit, & in secessum emittitur? 18. Quae autem procedunt de ore, de corde exeunt, & ea conquinant hominem: 19. de corde enim exeunt cogitationes malae, homicidia, adul-

teria,

Exo. 20. ca. 12.  
Deut. 5. b. 16.  
Eph. 6. a. 2.  
Exo. 21. ca. 16.  
Leu. 20. b. 9.  
Prou. 20. c. 20.  
Mat. 7. a. 6.

Io. 15. a. 2.  
Luc. 6. f. 39.  
Mat. 7. e. 17.



teria, fornicationes, furta, falsa testimonia, blasphemie: & hæc sunt, quæ coinquinant hominem. Non lotis autem manibus manducare, non coinquinat hominem. 21. Et egressus inde Iesus secessit in partes Tyri, & Sidonis. 22. Et ecce mulier Chananæ a finibus illis egressa clamauit, dicens ei: Miserere mei Domine fili David: filia mea male a dæmonio uexatur. 23. Qui non respondet ei verbum. Et accedentes discipuli eius rogabant eum dicentes: Dimitte eam: quia clamat post nos. 24. Ipse autem respondens ait: Non summissus nisi ad oves, quæ perierunt domus Israel. 25. At illa venit, & adorauit eum, dicens: Domine, adiuua me. 26. Qui respondens ait: Non est bonum sumere panem filiorum, & mittere canibus. 27. At illa dixit: Etiam Domine: nam & catelli edunt de micis, quæ cadunt de mensa dominorum suorum. 28. Tunc respondens Iesus, ait illi: O mulier, magna est fides tua: fiat tibi sicut vis. Et sanata est filia eius ex illa hora. 29. Et cum transisset inde Iesus, venit secus mare Galilææ: & ascendens in montem, sedebat ibi. 30. Et accesserunt ad eum turbæ multæ, habentes secum mutos, cæcos, claudos, debiles, & alios multos, & proiecerunt eos ad pedes eius. & curauit eos: 31. ita ut turbæ mirarentur uidentes mutos loquentes; claudos ambulantes; cæcos uidentes, & magnificabant Deum Israel. 32. Iesus autem, conuocatis discipulis suis dixit: Misereor turbæ, quia triduo iam perseverant mecum, & non habent, quod manducent & dimittere eos ieiunos nolo, ne deficient in uia. 33. Et dicunt ei discipuli: Vnde ergo nobis in deserto panes tantos, ut saturemus turbam tantam? 34. Et ait illis Iesus. Quot habetis panes? At illi dixerunt: Septem, & paucos pisciculos. 35. Et præcepit turbæ, ut discumberent super terram. 36. Et accipiens septem panes, & pisces, & gratias agens fregit, & dedit discipulis suis, & discipuli dederunt populo. 37. Et comederunt omnes & saturati sunt. Et quod superfuit de fragmentis, tulerunt septem sportas plenas. 38. Erant autem, qui manducauerunt, quattuor millia hominum, extra paruulos & mulieres. 39. Et dimissa turba, ascendit in nauiculam, & uenit in fines Magedan.

Marc. 7. c.  
25.Sup. 10. a. 6.  
10. 10. a. 3.

Ista. 35. b. 5.

Mar. 3. a. 1.



## IN CAPVT XV.



**D**icitur (V. N. C.) Cum tot fecisset miracula, Chrysof. homil. 52. Io. c. 7. uidetur docere Christum, cū hoc accidit, iam in Galiliam rediisse. Post hæc inquit, ambulabat Iesus in Galilæa non enim uolebat in Iudæa ambulare, quia querebant eum Iudæi interficere.

Ab Ierosolymis. Per omnes tribus, inquit Chrysostomus, & Euthymius, & I. contritus, erant Scribæ, & Pharisei dispersi, sed omnia arrogantissimi erant Ierosolymitani, quod in principe habitarent ciuitate, & omnium sapientissimi haberentur. Melius dixissent, per omnes ciuitates, aut per omnia loca, ut Theophylactus dicit, quam per omnes tribus, quia tribus tunc non erant nisi duæ, quæ solæ ex Babylonico redierant exilio. De Scribis, & Phariseis uide, quæ diximus c. 2. 4. Quod quidam dicunt hos à concilio Ierosolymitano Scribarum, & Phariseorum, ut Christum tentarent, missos fuisse, credibile, & eorum ingenio, atque consuetudini rectè conuenit. Nam & cap. 22. 16. discipulos suos cum Herodianis eodem animo ad Christum miserunt.

2. Quare discipuli tui. Marcus ca. 7. 2. ex præfenti discipulorum facto accusationis materiam arripuisse narrat, & cum uidissent, inquit, quosdam ex discipulis eius communibus manibus, id est non lotis manducare panes utiuperauerunt.

Transgrediuntur traditionem seniorum. Non dicunt, inquit Chrysostomus homil. 52. legem transgredidi, quia nihil de ea re lex præcipiebat, sed traditionem seniorum, quam Marcus ca. 7. 3. 4. copiosius declarat Pharisei, inquit, & Iudæi, nisi crebrò lauerint manus, nō māducant re nentes traditionem seniorum, & à foro, nisi baptizentur, non comedunt, & alia

multa sūt quæ tradita sunt illis seruare baptisina calicum, & urceorum, & aeramentorum, & lektorum. Extat Hebraice liber מדרש non multo ante Christum à quibusdam Scribis editus, ubi eiusmodi traditiones, & præcepta ad seruandam accuratè legem perscripta sunt. Quia multa erant, quorum iactu secundum legem homines inquinabantur, ne quid eiusmodi imprudentes fortasse retigissent, constituerunt Scribæ, ut crebrò etiam inter prandendum, lauarent, quicunque uellent bene, diligenterq; legem obseruare. Quod uidetur etiā ex Ioanne colligi cap. 2. 6. Nam in illo nuptiarum conuiuio, ad quas Christus inuitatus fuit, dicuntur sex hydræ posita fuisse secundum purificationem Iudæorum. Non uocant traditionem suam, quamuis ipsorum, id est Scribarum, & Phariseorum esset, sed seniorum, ut & maiorum auctoritate, & traditionum antiquitate Christum, eiusque discipulos grauent inuidia. Nec dicunt, quare tu non lauas manus, cum credibile sit, non magis Christum, quàm discipulos lauare solitum, sed quare discipuli tui, aut quia non sunt ausi illum accusare, aut quia discipulos accusantes mordacius eum accusare uidebantur, sicut cap. 9. 14. non dicunt, quare tu non ieiunas, sed quare discipuli tui non ieiunant.

3. Quare & uos. Nihil de traditione lauandi manus dicit, ne, si laudaret, approbare, si non laudaret, uituperare uideretur, & sine necessitate in inuidiam incurreret, ut Chrysostomus & Euthymius adnotant.

4. Honora patrem, & matrem. Verum est, quod hoc loco Hieronymus scribit, & ab eo mutuatus est Beda, honorem in scripturis non tam salutationibus, & officiis deferendis, quam elemosynis, ac munerum oblatione sentiri, ut I. Tim. 5. 3. Viduas honora, quæ uerè uiduæ sunt; id est Ecclesiasticis

Vnde fides Hebraeorum Iosepho,

Traditionū auctoritas,

Honorare in scriptura interdū idem, quod alere,



cis elemosynis a te, & eodem capite ver. 17. *qui bene presunt, presbyteri duplici honore digni habeantur, maxime qui laborant in verbo, & doctrina*; id est maiore premio, quam ceteri. Id etiam ex hoc loco colligitur: nam honori parentum opponit dicere illis, *munus, quodcunque est ex me, tibi proderit*, id est nihil illis dare. Multo etiam clarius ex Marco c. 7. 12. *& ultra non dimittis eum quidquam facere patri suo aut matri*. Facere ergo aliquid patri suo, & matri, id est illos iuuare est illos honorare.

*Qui maledixerint.*) Non citat Christus totam legem, nec vnam, sed duas. Nam *honora patrem tuum, & matrem ut sis longæuus super terram, quam Dominus Deus tuus dabit tibi*, est Exod. 20. 12. sed posteriora omisit verba, quia ad rem non pertinebant. *Qui maledixerit patri suo, aut matri morietur*, est c. 21. 16. quod quam ob rem Christus adiecerit, cum hic non de uerbis: sed de rebus agatur, merito potest dubitari. Chrysostom. ideo putat addidisse, ut doceret, quanti apud Deum sit præceptum parentes honorandi, quando, qui solo eos verbo laedit, capite punitur. Beda uerò existimat, sicut in priore membro *honorandi* uerbum non eum, qui in uerbis: sed eum qui in rebus consistit, honorem significat: ita uerbum *maledicendi*, non iniuriam, quæ uerbis, sed; quæ factis fit negando parentibus debitum auxilium, significare. Sed manifestum est ex usu legis *maledicendi* uerbum propriè accipi debere. Itaque probabiliter est Chrysostomi sententia.

5. *Munus, quodcunque est ex me, tibi proderit.*) Quia perdifficilis locus est, feret æquo animo lector, ut omnes bonorum auctorum interpretationes referamus. Primum quidem non eodem modo ab omnibus legitur: sed quidam ita legunt, ut plena; alij ita ut eclipica, id est defectiua sit oratio. Qui plenam, & perfectam orationem esse putant, sic legunt, atque interpretantur; *Quicunque dixerit, id est quilibet dicere poterit, munus,*

*quodcunque est ex me, tibi proderit*, id est quod Deo offero, tibi etiam prodest, quemadmodum si tibi darem.

Ita Hugo inter alias, quas ponit expositiones, & nonnulli recentiores interpretes. Quam interpretationem Græca uerba recipere non possunt, quia non est *εἰς* unusquisque, sed *ὅς* & *ὅς* quisquis, quod aliquid requirit sibi respondens, *Qui* deficientem orationem esse dicunt, alij uno tantum loco, quia illud *quicunque* nihil habet, quod sibi respondeant, ut eius natura postulat; alij duobus, & eo, quem modo diximus; & quia in nomine, *munus*, substantiuum uerbum desiderari putant, ut sit sensus, *munus est*, id est Deo consecratum, quidquid ex meis bonis tibi prodesse poterat. Ergo quidam iam olim sic interpretati sunt, ut refert Chrysostom. Nihil tibi debeo, sed si quid tibi ex rebus meis emolumenti prouenit, id *munus est*, id est non debito, sed dono tibi do. Alii sic. *Munus, quodcunque est ex me tibi proderit* & per interrogationem, aut admirationem legentes, q. d. minime, ut citat Diuus Thomas in catena. Alii *quicunque dixerit, munus (est) quodcunque ex me tibi proderit*, id est quidquid ex rebus meis prodesse tibi poterat, iam est a me Deo consecratum. Quem ad sensum Chrysostomus, Euthymius, & Theophylactus interpretantur. Nisi quod Theophylactus dicit Scribas & Phariseos solitos filijs persuadere, ut omnia bona sua templo offerrent, ut si quid postea parentes peterent, responderent se dare non posse, quia omnia iam erant Deo consecrata. Quod Iudæis hominibus auarissimis persuaderi potuisse credibile non est, præterquam quod, si id fecissent, ne ipsi quidem bonis suis uti potuissent. Chrysostomus uerò & Euthym. putant mentiri solitos filios dicentes se, quod parentes petebant, Deo obtulisse; ne illis darent: atque ita duplici impietate, & Deum, & parentes simul fraudasse. Quod etsi fortasse credibile est fecisse aliquos, tamen credibile non est Scribarum, & Phari-



factorum consilio fecisse, quia nulla erat causa, neque auaritia, neque religionis species, quam ob rem id Scribae, & Pharisei persuadere conarentur: sed multiplex, ut diximus, impietas. Christus autem reprehendit, quod Scribae & Pharisei populum facere docebant: & est per se vero simile nihileos, qui videri religiosissimi volebant, nisi religionis specie docuisset. Hieronymus duas affert expositiones: una est haec, *vos autem dicitis, quicumque uoluerit, quod parentibus daturus erat, Deo offerre, immunitus erit.* Quae interpretatio non satis cum Christi verbis congruit: altera, *quidquid Deo oblaturus eram, in tuos, o pater, cibos consumo.* Quod & Beda sequitur. Sed non est credendum hoc Scribas, & Phariseos dicere docuisse; hoc enim non erat, non honorare parentes; sed queri, quod fraudato Deo eos honorarent; cum Christus ideo Scribas & Phariseos accuset, quod potius praetextu honorandi Deum parentes docerent non honorare; sicut statim sequitur, *et non honorificabit patrem suum, aut matrem suam.* Augustinus autem lib. 1. qq. Euangelic. cap. 16. sic exponit, *Quicumque dixerit*, id est dicere poterit patri suo, *munus quodcumque est ex me*, id est quod pro me Deo offerre consueuisti, *tibi prodest*, id est tibi habere, pro te offerre, non pro me, ego iam aratorem habeo, ut, cum uolueris, pro me ipse offeram. Quae interpretatio, praeterquam quod uerbis coartate insidet; etiam si bene cum uerbis conueniret, ad rem non esset. Non enim Scribae, & Pharisei docebant, ne parentes pro filiis offerrent. Alii ad hunc modum, *munus, quodcumque est ex me, tibi proderit*; id est, an, si tibi dem, quod Deo consecrare destinavi, prodesse tibi poterit? minime, quin potius obesser, quia rebus sacris abutere, Hugo. Quod non omnino male conuenit, uisi quod interrogatio ista in nullis, quod sciam, legitur libris; & non videtur admodum uero simile Scribas, & Phariseos per interrogationem pra-

cepta sua tradidisse. Paulus Burgensis homo suo tempore doctissimus, nostro non indoctus ex lib. תורתך id est, de uotis, qui inter Thalmudicos habetur, Iudaeorum traditionem fuisse docet, ut quisquis uellet vel generaliter, & absolute, vel specialiter respectu huius, vel illius, aut omnia, aut quaedam ex suis bonis deuouere, ita ut illi, cuius respectu deuota essent, illis uti non liceret. Sed non video, quomodo illud, *Tibi proderit*, possit interpretari. Vir quidam nostro tempore multarum sanè literarum, & singularis diligentiae similem quandam ex alio traditionum libro, in quem se incidisse dicit, interpretationem profert: duo fuisse inter alia apud Iudaeos ex traditione uotorum genera; alterum priuatae continentiae quo sibi quisque cibo, aut potu interdiceret; alterum, quo quis adhibito iururando negabat se alterum adiuturum siue patrem, siue fratrem, siue quempiam aliud. Id appellari תורתך uotum utilitatis. Vouendi formam fuisse תורתך דאן דאן uoueo si, cui adiungebatur uoti materia; Grauiissimum vouendi genus fuisse, cum iuramentum adhibebatur: adhibebatur autem aut per templum, aut per altare, aut per munus, quod super altare erat, ut Christus indicat cap. 23. 16. Sic ergo interpretatur, ac uerba distinguit δῶρον, ὃ ἐάν ἐξ ἐμοῦ ἀφελῇθης, Munus, si in me iuraberis, id est, iuro per munus, fore, ut nunquam a me iuueris. Quae interpretatio, quia ex Iudaeorum traditionibus, de quibus hic Christus agit, de prompta est, mirifice mihi placeret, nisi una tantum obstat syllaba, δ, quae, non inuenio, qua ratione cum hac possit expositione conuenire. Neque credendum praeterea est Scribas, & Phariseos praecipisse, ut quisquam iuraret se parentes non iuuaturum, & illa uerba, *Quicumque dixerit*, & illa, *et non honorificabit patrem suum*, nescio quomodo possit hic auctor interpretari. Itaque dum aut istam melius intelligo, aut aliam meliorem inuenio, Strabi, Hugonis, & Iyriani opinionem probo.



probo. Qui ad hunc modum interpretantur, *Munus quodcunque ex me proficiscetur*, (id est, quodcunque obtulero Deo) *tibi proderit*, perinde ac si tibi dedissem, & praeſtat ergo Deo offerre, quam tibi dare. Cum hac enim interpretatione recte omnis sententia, & uerba omnia conueniunt, & ex Marco ca. 7. 11. 12. ualde confirmatur, *Vos autem dicitis, si dixerit homo patri, aut matri, Corbam, quod est donum, quodcunque ex me tibi profuerit, et ultra non dimittitis eum quicquam facere patri suo, aut matri*, Cum enim dicit, *ultra non dimittitis quicquam facere patri suo aut matri*, aperte indicat dicendo *munus, quodcunque est ex me, tibi proderit*, aliquid fecisse, aut se facturum promississe, tantum abest, ut per ea uerba iurauerit nihil se patri, aut matri boni facturum. Iubet ergo patrem filius ex Scribarum, & Phariseorum traditione esse contentum, ut pro se, & illo offerat sacrificium, & nihil amplius requirat. Ii autem, pro quibus sacrificium offerebatur, sacrificio, nisi holocaustum esset, uesciebantur. Itaque hac etiam ratione pater minus quidem, quam oportebat, sed tamen quoquo modo iuuabatur. Reliquum est uidere, quomodo implenda sit oratio. Duo loci sunt uacui; primum ille *quicunque*, quem recte omnes fere interpretes sic explendum putant, culpa uacabit, innocens erit, praeccepto de honorandis parentibus satisfaciens. Deinde ille *δὲ ἐὰν ἐξ ἐμοῦ donum quodcunque ex me*, quem noster interpretis addito uerbo substantiuo, *est*, satis impleuit, sed clarius esset, si diceremus, quodcunque ex me proficiscetur, aut profectum fuerit.

*Et non honorificabis patrem suum, aut matrem.*) Quidam haec non Scribarum & Phariseorum, sed Christi uerba esse putant, sicut illa apud Marcum cap. 7. 10. & *ultra non dimittitis quicquam facere patri suo, aut matri*; ut sit sensus, sic fit uobis auctoribus, ut nemo honorificet patrem suum, aut matrem. Sed non dubito, quin Scribarum, & Phariseorum uerba sint. Itaque sensus est, *quicunque dixerit patri suo, aut*

*matri, munus, quodcunque est ex me tibi proderit*, culpa uacabit, & poterit non honorare alia in re patrem suum, aut matrem, uel etiam non alia in re honorauerit patrem suum, aut matrem.

7. *Hypocrite.*) Dubium non est Scribas, & Phariseos hypocritas fuisse, sed dubium esse potest, quam ob rem Christus hoc loco hypocritas uocet, cum non de hypocritis, sed de peruersa agatur doctrina. Respondet Euthymius, quia, cum diligentissimi legis obseruatores uideri uellent, legem tamen propter traditiones suas transgrediebantur.

*Bene prophetauit de uobis.*) Non loquebatur Isaias de Scribis tantum, & Phariseis, sed de toto populo Iudaorum, & non de eo, qui futurus erat, sed de eo, qui tunc erat. Itaque non sunt proprie uaticinantis uerba, sed accusantis. Accommodat tamen Christus ad Scribas, & Phariseos, quasi dicat adeo id, quod Isaias de toto populo Iudaorum, qui tunc erat, accusando dixerat, in Scribas, & Phariseos conuenire, ut non praesentem accusasse populum, sed de futuris Scribis, & Phariseis prophetaſſe uideatur, ut supra c. 13. 35.

8. *Populus hic.*) Graece legitur, *Appropinquat mihi populus hic ore suo, & labijs me honorat, cor autem eorum longe abest a me*, sicut apud Isaiam capit. 29. 13. Septuaginta uerterunt, nisi quod apud Septuaginta non est, *ὁμοῦτι αὐτῶν*, ut hoc loco, sed *αὐτῶν*, nec *τιμῶν*, sed *τιμῶσι*, nulla tamen iniuria sententiae. Appropinquare Deo est, Deum colere, ut Ps. 148. 14. *hymnus omnibus sanctis eius, filiis Israel, populo appropinquanti sibi*, id est, qui illum colit, appropinquantes enim uocat, quos proximis uerbis sanctos appellauerat, sicut è contrario longe esse a Deo est, illum non colere. Sensus ergo est, populus hic labijs colit me, corde non colit. Noster interpret priora uerba non legit, neque quicquam, quod sciam, Latinus, aut Graecus auctor pra-



ter recentiores Euthymium, & Theophylactum, & est uero simile Christum ex Haica tantum decerpisse, quae pertinebant ad causam, de qua agebatur. Agebatur autem de honore.

9. *Sine causa autem*) Hebraice apud prophetam non est, sine causa, sed *אתי ואתי יראתם* & est timor eorum aduersus me, id est me timent, colunt me, nam apud Hebraeos timere Deum est Deum colere, qui autem non, ut Deus docet, sed pro suo arbitrio Deum colit, frustra, & sine fructu colit. Itaque Septuaginta sententiam explicandi causa addiderunt *μὲν* frustra, & *אתי ואתי יראתם* timor aduersus me, uertunt, *σέβοντάς με*, colunt me, quos Matthaeus secutus est.

*Docentes doctrinas mandata hominum.*) Doctrinas quae non sunt Dei, sed hominum mandata, sic humanas uocat traditiones, quae praeceptis Dei contrariae sunt. *פסוק אנשים שלמה* praecepta hominum docta, id est, ab hominibus inuenta, ac tradita. Septuaginta sicut & Latinus interpretes legerunt, ut opinor, alijs punctis *שלמה* doctrinam, uertunt addita explicationis causa coniunctione *διδασκοντες ἐντάλματα ἀνθρώπων, καὶ διδασκαλίας*, docentes praecepta hominum, & doctrinas. Euangelista uerba transposuit, nisi fortasse scriptorum negligentia transposita sunt, quemadmodum multis in locis factum fuisse in lectionibus ueteris, nouique Testamenti adnotauimus. Clamant hoc loco Caluinistae noui haeretici hanc in nos sententiam conuenire, qui humanis traditionibus, plus quam Dei uerbo tribuamus, stupidi nimirum homines, neque, quid sit uerbum Dei, neque, quid humanae traditiones, intelligunt. Nam & uerbum Dei scripto definiunt, & omnes non in sacris litteris scriptas traditiones humanas appellant. Quod utrumque non modo falso, sed etiam absurde, & imperite dictum est. Nam, quae Diuus Paulus 2. ad Thes. 2. 13. seruari iubet, uerbum Dei erant, sed scripta non erant, & haec ipsa, quae nunc scri-

pta sunt, ante quam scriberentur, Dei uerbum erant, seruanda erant, credenda erant, scripta non erant. Traditionum igitur tria sunt genera, primum earum, quas Deus ipse tradidit, sed nemo scripsit, Ecclesia tamen semper obseruauit, & ad nos uia uoce transmisit, qualis est, ut baptizentur infantes, quod Caluinistae faciunt, sed nullo uerbi testimonio probare possunt, etsi nobis proprie, quia probare possumus, traditio non est. Has ego non modo humanas sed ne Ecclesiasticas quidem traditiones appellauerim, quia licet per Ecclesiam traditae, non ab Ecclesia, sed a Deo constitutae sunt, sicut scripturam sacram, licet ab Ecclesia conseruata & tradita sit, nemo Ecclesiasticam traditionem appellat. Secundum earum, quas Ecclesia non solum tradidit, sed etiam instituit, qualis est Dominicae diei obseruatio, & Quadragesima ieiunium, à carnibus certis diebus abstinere. Quas, qui humanas uocat traditiones, uehementer errat, & quid Ecclesia sit ignorat. Nec enim hominibus, sed Spiritus sancto Ecclesiam gubernante auctore instituta sunt, sicut uehementer erraret, quisquis decretum illud Apostolorum Act. 15. 20. ut Christiani à sanguine, & suffocato abstinerent, humanam uocaret traditionem. *Visum enim est*, inquiunt uers. 28. *Spiritus sancto, & nobis* At qui illud non diuinum, sed ecclesiasticum praeceptum erat, omnis enim congregata Ecclesia definierat. Quare quidquid postea Ecclesia eodem modo congregata definiuit, Eodem loco habendum est. Nec enim Spiritus sanctus minus Ecclesiae, quam Apostolis & promissus, & exhibitus fuit: quin etiam magis, quia Apostolis non propter ipsos, sed propter Ecclesiam, Ecclesiae non propter Apostolos, sed propter ipsam datus est, ut eam doceret omnem ueritatem, & cum ea maneret usque ad consummationem saeculi. Itaque non minus nunc Ecclesiam gubernat, quam tunc Apostolos gubernabat. Tertium genus est earum, quae

Traditionū  
tria genera,

Ioan. 1. 8.

Ecclesiasticae  
traditiones  
humanae  
non sunt,

Traditionū  
defensio contra  
Caluinistas,

Quae proprie  
traditiones  
humanae,

neque



neque à Deo, neque ab Ecclesia: sed aut à Rep. aut à priuatis hominibus instituta sunt: earumque duo sunt genera, alterum earum, quæ nec præceptis, nec consilijs Dei contrariæ sunt: alterum earum, quæ sunt contrariæ: de prioribus Christus hic non agit: sed tota potius scriptura docet, ut eas obseruemus, si ab ijs, qui auctori- tatem habent, institutæ sint, quia debemus illis non solum propter iram: sed etiam propter conscientiam obedire Roman. 13. 5. Tanquam agit de ijs, quæ, nisi præceptum Dei uioletur, seruari non possunt; quales erant illæ Scribarum, & Phariseorum, de quibus dicit uer. 6. & irritum fecistis mandatum Dei propter traditionem re- stram.

21. Non quod intrat in os coinquinat hominem. Non dixit, inquit Chrysostomus, cibos non coinquinare, cissi intelligebat: sed quod intrat per os, quod de fordibus illorum manuum, de quibus agebatur, intelligi poterat: ne si cibos diceret, vehementer offenderentur: in tanta enim religione ciborum delectus habebatur, ut etiam post resurrectionem Petrus illis uti recusauerit, Act. 10. 14. Omnibus in locis Caluinistarum peruersitatem, & ignorantiam mirari soleo, hoc autem loco vsque adeo eorum stupiditatem, & cecitatem miror, ut omni prorsus sensu carere mihi uideantur: solum gustum excipio, quem delicatum sanè habent, & subtiliter inter carnem, & pisces discernentem: cuius cuiusdam optimi patroni maiore, quàm religioni cura defendunt. Valde appositæ inquit Caluinus aduersum nos hunc locum citare posse. Quid ita?

Quia putatis, inquit, quod intrat per os hominem coinquinare. Allucinaris Rabbi. Nam eos, qui id sentiunt, aut Iudæos, ut Scribas illos, & Phariseos, contra quos Christus disputabat: aut hæreticos similes tui, ut Ananias eos esse existimamus. Nec alio modo, quam Christus sensit, & docuit, sentimus ipsi, atque docemus. Quod facile, si hunc locum excutiamus,

atque versemus, apparebit. Quid. n. Christus dicit? quod intrat per os, non coinquinat hominem. Fingam me contra Christum disputare, ut sensus appareat, & isti, si oculos habent, videant. Si, quod intrat per os, non coinquinat hominem: ebrietas ergo non coinquinat hominem: nam vinum, ut opinor, per os intrat. Si, quod intrat per os, non coinquinat hominem, intemperantia cibi non coinquinat: nam & cibus per os intrat. Respondebunt, ut arbitror, si bene responderint, quod intrat per os, non coinquinare hominem natura sua, quia omnis creatura Dei bona est. 1. Timoth. 4. 4. sed intemperantem animum, qui plus cibi, aut potus sumit, quàm ratio præscribit, hominem coinquinare. Ita prius est, nos, quæ idem dicimus, quod intrat per os, non coinquinare hominem: scimus enim omnem creaturam Dei bonam, sed inobedientem animum, qui contra Ecclesiæ præceptum, cui Deus obedire iussit, cibum sumit, hominem inquinare. At Ecclesia non potest, inquit, bonos natura sua cibos prohibere. Id nunc videamus. Sanguis, & pullus columbinus suffocatus bonus sanè natura sua cibus est. Ecclesia tamen prohibuit illis uti Act. 15. 20. Caro bonus natura sua cibus est, atqui D. Paulus carne sibi interdicit in æternum, ne fratrem scandalizet, ita ut si vescatur, non cibi natura, sed caritatis defectu inquinari se putet 1. Cor. 8. 13. Omnis creatura Dei bona est, tamen si quis ægrotus medico prohibente, & certum vitæ periculum prædicente vino utatur, quis dubitet eum non quidem vini natura, sed inobediente inquinari voluntate? Potest ergo non iam dico Ecclesia, sed medicus hos, vel illos cibos, hunc, uel illum ægrotis potum prohibere. Qui ieiunium indicit, cibum utique certo tempore prohibet: atqui non modo Ecclesiæ Catholica, sed Caluinistarum etiam Satanica synagoga, cum aliqua molienda proditio est. cum rex insidijs apperendus, cum de regno deturbandus, cum cru-

V 4 delissi.

De delectu  
ciboru con-  
tra Caluini-  
stas,

Caluinista-  
rum ieiunia  
tumultu,  
& belloru  
præludia.



delissima, & sceleratissima bella mouenda, cum plurimus innocentium fundendus est sanguis, ieiunium indit. Quid ergo? potuit Ecclesia Apostolorum tempore sanguinem, & suffocatum tum, cum minime prohiberi debere videbantur, id est, cum abroganda, non confirmanda vetus lex erat, prohibere, ut straius abrogaretur: & non poterit nunc meliore de causa, vt caro dometur, certis diebus carnem delicatissimum cibum prohibere? Potuit Diuus Paulus, ne vel minimum fratrem offenderet, carnem sibi in perpetuum prohibere: & non poterit Ecclesia, ne nos caro nostra peius offendat, non iam in perpetuum, sed ad breue tempus carnem nobis prohibere? Potest melius propter salutem corporis: non poterit Ecclesia propter salutem animæ? Potest hæreticorum synagoga, vt male agat: non poterit Dei Ecclesia, ne male agat? Legant Augustinum, qui Manichæis hoc ipsum, quod illi obijciunt Catholicis, obijcientibus lib. 30. contra Faustum ca. 5. ita respondet, *Christiani non heretici, sed catholici edomandi corpori causa propter animam ab irrationabilibus motibus amplius huiusmodi credant, non quod illa esse immunda credant, non solum à carnibus verum à quibusdam etiam terræ fructibus abstinent, vel semper sicut pauci, vel certis diebus, atque temporibus sicut per Quadragesimam ferre omnes.* Hæc nostra sententia est: nos illi Catholici sumus, Catholice illi hæretici.

*Sed quod procedit.* Nec omne, quod procedit ex ore, coinquinat hominem: nec omne, quod coinquinat, ex ore procedit. Nam laudes Dei ex ore procedunt, & non coinquinant: sed potius iustificat hominem, & male, nefarieque cogitationes, quas solus apud se animus uersat, hominem inquinant, ex ore verò non procedunt. Sed sensus est, ea, quæ coinquinant hominem & per os intrant, aut exeunt, non ideo coinquinant, quia intrant, sed quia exeunt, & non, quia exeunt tantum ex ore, nam & cibus aliquando ex ore per vomitum red-

ditus exit, sed quia ex inquinato corde procedunt. Itaque ipse cibus, & potus, qui aut immoderate, aut contra Ecclesiæ præceptum sumptus est, non intrando, sed exeundo coinquinat. Exit autem, cum intemperans, & inobediens animus prodit in opus, & cibum, & potum aut immodicum, aut contra Ecclesiæ mandatum non solum vult sumere: sed sumit, & in os mittit. Intrando ergo cibus exit: & non quia intrat, sed quia exit, hominem inquinat. Cur igitur Christus hoc tam obscure dictum addidit? Puto voluisse eum antithesi intrandi, & procedendi uti, & fortasse alludere ad calumniatoriam Scribarum & Phariseorum interrogationem, ut oblique ostenderet non suos discipulos malum illorum sordibus: sed ipsos malignis, & calumniatorijs uerbis inquinari.

12. *Scandalizati sunt.* Quia uidebatur, vt indicat Chrysostomus, contra cibum delectum lege præscriptum loqui, legemque ipsam abrogare.

13. *Omnis plantatio.* Plantationem vocat plantam ipsam. Plantam autem multi, bonique auctores doctrinam interpretantur, vt Theophilus Alexandrinus epist. 1. Paschali, Hilar. Theophyl. & Euthy. in commentarijs. Alij, homines bonam, aut malam habentes voluntatem plantas bonas, vel malas esse, vt Athanasius in epist. de Synod. Ariminensi. & Seleucien. Hiero. hoc loco, Prosper lib. 1. de uocatione gent. ca. 2. Augustinus lib. 1. qq. Euang. c. 17. Beda. Alij utrumque & homines, & doctrinam, vt Chrysostomus. Non dubito, quin homines ipsos, id est Scribas, & Phariseos plantam Christus appelleret, sicut versus sequenti cæcos, & duces cæcorum appellauit.

Nos aliquando bonæ, aliquando malæ plantæ sumus: Deus nos bonas plantas facit, nos ipsi facimus malas Iere. 2. 21. *Ego plantavi te vineam electam omne semen uerum; quomodo conuersa es mihi in prauum vinea aliena?* Sensus ergo est eos, qui, cum plantati sint à Deo vineæ electæ, in vineam prauam versi sunt, aut, qui se ipsi vineam prauam ab initio plantauerunt, diu vigere, & fructum

ferre



ferre non posse: itaque excindendos esse, & in ignem aeternum mittendos, ut supra de arbore mala dixit capitulo tertio, 10. & 7. 19. In hanc sententiam Origenes homilia prima, in Ieremiam, & Hieronymus exponunt. Itaque nihil aliud uoluit Christus dicere, quam illos, tanquam homines perditos, & profigatos esse dimittendos, quia non spiritum Dei, sed sensum, traditionesque sequebantur, ideoque Christi uerba spiritus plena capere non poterant: sicut statim dicit, ver. 14. *scitis illos, cæci sunt, & duces cæcorum*, & ut Ioan. 6. 44. *nemo potest venire ad me, nisi pater, qui misit me, traxerit eum*. Quidam interpretes noui ad prædestinationem, & reprobationem referunt: quod ne D. quidem Augustinus fecit; nec ego illis assentiri possum; excusaret enim potius illos Christus, quam accusaret, si diceret dimittendos esse, quia reprobari erant, nec aliter, quam faciebant, poterant facere, & fortasse non omnes illi reprobari erant, fortasse aliqui postea ex illis crediderunt. Certè eum Christus reprobatos fuisse non dixerit, temerarium est dicere. Dimittendos ergo non tanquam reprobos: sed tanquam cecos esse dicit. Possunt autem, qui cæci sunt, illuminari: nam & alij multi cæci erant, & illuminati sunt: & eradicandos esse intelligit non absolute: sed si non conuertantur, si arbor bona esse noluerint, ut supra dixit cap. 12. 33. *facis arborem bonam, & fructum eius bonum*, & sicut paterfamilias diu expectauit, ut ficus illa, quam in uinea sua plantatam habebat, fructum ferret, id est bona fieret Luc. 13. 7.

14. *Cæcus autem si cæco ducatum præstet, ambo in foueam cadunt*. Cæci sunt omnes hæreticorum doctores, & cæcorum duces. Hinc ergo colligitur non solum magistros, sed etiam, quicquid sequuntur in foueam cadere: nec ignorantia excusari posse.

15. *Respondens autem*.) Hebraismus respondere, pro exordij ad loquendum, ut 6. 11. 25.

*Petrus*.) Petrus, inquit Chrysostomus, ut omnium ardentissimus solet ceteros antecere. Existimat autem Theophylactus Petrum rectè, quæ Christus dixerat, intellexisse: sed ignorantiam simulasse, quia sciebat contra legem esse, & non audebat apertè dicere, cupiebat, ut Christus magis explicaret, ne auditores offenderentur. Hieronymus, & Euthymius, reuera non intellexisse, sed putasse parabolam esse: quæ non erat, eo magis, ut ait Euthymius quod, ut scribit Marcus capitulo septimo, 16. eodem hoc loco epiphonemate, quo in fine parabolarum vii solebat, vius est, *Si quis habet aures audiendi, audiat*; Petrum quidem non intellexisse ex Christi responso manifestum est, adhuc, & nos sine intellectu estis? Quod autem parabolam vocauerit, non continuò sequitur eum existimasse proprie esse parabolam; potuit enim propter obscuritatem, quam sermo Christi cum parabolis communem habebat, parabolam appellare. Marcus scribit capitulo 7. 17. non Petrum, sed discipulos id interrogasse, cum in domum Christus introisset. Euthymius respondet Petrum exorsum, alios deinde secutos esse. Malo dicere esse syllepsin, qua quod unus interrogauit, omnes dicuntur interrogasse, aut quia ille vnus nomine omnium interrogauit, quod est valde probabile, cum non dicat, edissere mihi, sed edisserere nobis parabolam hanc; aut quia, si pro se tantum interrogauit, solet scriptura per hanc figuram plures ponere pro vno, cum omnes eiusdem sunt generis, sicut hic omnes, ut Petrus, discipuli erant, ut capitu. 26. 8. Matheus scribit effuso vnguento indignatos fuisse discipulos, cum ex Ioan. 12. 4. manifestum sit solum Iudam indignatum fuisse, & capitu. 27. 44. Iatrones, qui cum Christo crucifixi erant, blasphemasse dicuntur, cum ex Luca capitu. 23. 39. 40. unum tantum blasphemasse constet, ab altero verò non blasphemante Christum, sed contumace fuisse reprehensum.

Nec

Syllepsis  
scripturæ fa-  
miliaris.



Nec obstat, quod Christus nō de uno, sed de pluribus loquens statim dicit, *Ahuc & uos sine intellectu estis?* Nam & Matth. 26. 10. & Marc. 14. 6. cū solus Iudas contra illam mulierem, quę ynguentum effuderat, murmurasset, Christus de pluribus loquens dixit, *finire eam, & quid molesti estis huic mulieri?*

17. *Non intelligitis.*) Scribit Hieronymus profanos nescio quos homines Christum, tanquam philosophiæ ignarum, accusasse, quod dixerit, quid quid per os sumitur, in secessum abire, cum aliquid remaneat, quo hominis corpus alatur. Id scilicet Christus nesciebat, quod nemo scit. Loquitur igitur non philosophice, non subtiliter: sed populariter; nam quia minimum remanet, ita loquitur, quasi nihil significet remanere. Quanquam si & ipsi voluerimus argumentari, nihil probabimus remanere, quia, quod remanet, non iam cibus: sed substantia humani corporis est. Sed ista tanquam futilia relinquamus. Illud quæri dignum est, quale hoc sit argumentum, quo vitur Christus. Quod intrat per os primum in uentrem, deinde in secessum vadit, nō ergo coquinat hominem. Non enim apparet, quomodo conclusio ex antecedente colligatur. Respondeo Christum ponere, tanquam per se notum, hoc principium, nihil posse hominem coquinare, nisi cor hominis, quod fons totius hominis est, aut quod in eo de hæret, uel ex eo procedit, ut vers. 18. & 19. declarat, *quæ autem de ore procedunt, de corde exeunt & ea coquinant hominem.* Ex eo ergo, quod cibus non exit ex corde, nec in eo hæret, sed in ventrem abit, & in secessum emittitur, recte colligit non posse hominem inquinare.

18. *Quæ autem procedunt de ore.*) De ore dicit procedere non solum uerba, quanquam ea maxime proprie ex ore procedunt, sed etiam facta, & quidquid in actum exit, quia omnia opera in corde primum concipiuntur, unde non videntur, nisi per os exire posse, quod unicum cor-

dis foramen est: & quia ita plerumque naturaliter fit, ut primum, quæ faciuri sumus, animo concipiamus, deinde eloquamur ore, ad extremum perficiamus. Itaque opera per uerba ex corde procedunt. Fit quidem aliquando, ut nihil loquentes faciamus, sed Christus non spectauit, nisi quod plerumque fieri sciebat. Ideo dicit, quod sequitur.

19. *De corde exeunt cogitationes.*) Exeunt, quia inde manant, quamuis non semper in uerba erumpant, aut facta.

*Homicidia, adulteria.*) Hæc, & quæ sequuntur, eo modo ex ore procedunt, quo superiore uersu explicauimus.

21. *In partes Tyri, & Sidonis.*) Duxerant, & Gentiles, & maritimæ ciuitates, uicinæ quæ Galilææ Septentriones uersus ut capitulo 11. 21. exposuimus. Non satis competum uidetur esse, an in regionem ipsam Gentilium ingressus sit Christus, quanquam id fere omnes putant interpretes; an solum uenerit in fines Galilææ, & Phœnicie, ubi Tyrus, & Sidon sitæ erant. Nam una quidem ex parte non uidetur uero simile Christum fuisse, quod Apostolos facere prohibuerat cap. 10. 5. *in uiam gentium ne abieritis;* præsertim cum Christus solos Iudeos, Apostoli etiam gentes aliquando docaturi essent. Alia ex parte Marcus cap. 7. 25. uidetur significare in ipsam Gentilium regionem ingressum esse. Et inde, inquit, *surgens abiit in fines Tyri, & Sidonis, & ingressus in domum neminem uoluit scire, & non potuit latere.* Sed ne ex hoc quidem loco satis colligitur. Nam quod idem Marcus dicit vers. 31. uenisse *per Sidonem ad mare Galilææ,* uitiōse legitur *per Sidonem,* ut multi interpretes adnotauerunt. Itaque potius credo ingressum non fuisse in terram Gentilium. Cur autem eo uenerit, quæri potest. Marcus cap. 7. 24. uidetur indicare ideo uenisse, ut latere, & neminem, inquit, *uoluit scire, & non potuit latere.* Unde satis manifestum est, eum, cum eo uenisset, latere uoluisse: an autem ideo uenerit,



nerit ut lateret, incertum. Chrysostomus homi. 33. existimat ideo uenisse, quia paullo ante legis ceremonias, ciborumque observationes abrogasse uidebantur, uoluissetque ad Gentiles ueniendo docere, non esse iam Iudaeum, & Graecum, ut Petrus simul atque uidit linteum omnium animalium genere plenum, quo edoctus est, nullam iam ciborum differentiam adhibendam esse, iussus est ad Cornelium hominem Gentilem ire Act. 10. 19. 20. Alii ideo se eo recepisse, quia Iudaei eius doctrinam recipere noluerant, sicut Paulus, & Barnabas dixerunt Act. 13. 46. *uobis oportebat primum loqui uerbum Dei sed quia repellitis illud, & indignos uos iudicatis aeternae uita, ecce conuertimur ad gentes.* Ita Hieronymus, Beda, & Theophylactus, nisi quod Theophylactus non existimat, docendi causa uenisse, sed, ut opinor, latendi: Euthymius uero quiescendi.

22. *Et ecce mulier Chananaea.* Marc. ca. 7. 16. uocat Syrophoenissam, quod nihil Matthaeo repugnat. Nam ipsi Tyrii, & Sidonii Syrophoenices erant. Vnam enim partem Syriae fuisse Phoeniciam Plin. libr. 5. c. 12. & 20. & Strabo libr. 6. auctores sunt. Phoeniciam autem eam fuisse oriam, ubi Tyrus, & Sidon erat, iidem docent. Vocati sunt composito nomine Syrophoenices, quod Syrii Phoeniciam occupassent, ut plerique putant, sicut Gallograeci, & Celiberi dicti sunt, aut, quod alii dicunt, ego quoque probabilius esse arbitror, quia alii erant Phoenices, qui non in Syria, sed in Africa habitabant, qui Libyophoenices, id est Phoenices Libyae habitatores, sicut illi Syrophoenices, id est Phoenices habitatores Syriae dicti sunt. Inde Africani Poenorum, quasi Phoenicum, aut Phoenorum nomen acceperunt. Solent enim Meridionales, & Occidentales gentes ex littera Ph. qua mirum in modum Orientales delectantur, aspirationem tollere, sicut pro Philistinis, Palaestinos dicimus. Inde Punica lingua manauit, quam Hebraicae confinem fuisse Hieronymus, & Augustinus saepe testantur. Difficilius

dictum est, cur eam mulierem Matthaeus Chananaeam appellauerit. Sunt qui putent eam ciuem fuisse canae maioris, quae urbs in Phoenicia erat, contermina tribui Aser, Iosue 19. 28. quod mihi non displicet. Nam quod quidam obiciunt illam Canam apud Iosue scribi per p id est per c. nostrum non aspiratum, apud Mattheum uero mulierem Chananaeam per aspirationem appellari, parum me admodum mouet, passim enim solent Septuaginta, & Euangelistae, dum Graece scribunt, Hebraicas litteras permutare. Iuuat etiam hanc opinionem, quod eam Canam in finibus Phoeniciae, & Galilee fuisse constet, & ea mulier a finibus illis egressa dicatur. Quamquam communis sententia probabilis est, uocatam esse Chananaeam, uel quia Phoenices ex terra Chanaan ingredientibus Hebraeis eiectioni fuerant, uel, ut alii volunt, quia posterii erant Cham filii Noe, cuius primogenitus filius Sidon uocabatur. Genes. 10. 17, quem urbis Sidonis fundatorem fuisse ferunt. Quamquam scriptores profani alium eius urbis auctorem fuisse tradunt. Adnotauit Chrysostomus ideo Euangelistam Chananaeam fuisse expressisse, quod admirabilior eius fides appareret, habebantur enim Chananaei apud Iudaeos omnium gentium maxime impii. Eodem consilio Marcus expressit fuisse *ἐλλυλίσσα* Graecam, id est Gentilem, ut noster ueritatis interpres, solent enim omnes Gentiles in sacris litteris noui Testamenti Graeci uocari, & Iudaeis opponi, quamuis neque lingua, neque genere Graeci sint, Act. 9. 29. & 18. 4. Rom. 1. 16. & 2. 9. 10. & 3. 9. & 10. 12. 1. Cor. 1. 22. 26. Gal. 3. 28. *Miserere mei.* Mei dicit, ut magis Christum moueat quam si diceret, filiae meae. Aut ut Chrysostomus, Theophylactus, & Euthymius putant, quia eius filia sine sensu iacebat, ipsa uero utriusque, & suum, & filiae sentiebat dolorem.

*Fili David.* Cur ita Christus ab illa potissimum, qui aliquid ab eo beneficium postulabant, appellaretur, diximus

In scriptura Graeci & Gentilibus.



mus c. 1. 2. Hanc autem mulierem, si Iudaea non erat, credendum est propter Iudaeorum viciniam, aut de prophetis, quibus Christus filius Davidis futurus dicebatur, inaudiuisse aliquid, aut cognovisse certe ita vulgo à Iudeis, qui in illum crederent, appellari.

23. *Qui non respondit ei verbum.* Ne sibi, inquiunt Hieronymus, & Beda, contrarius esse videretur, quia c. 10. 5. discipulis dixerat *in viam gentium ne abieritis*, sicut responderet versu sequenti, *non sum missus nisi ad oves, quae perierunt domus Israel.* Mihi ob alias etiam duas causas videtur tacuisse, & ut mulieris fidem, constantiamque probaret, aut aliis potius, ut ait Chrysostomus, patefaceret. Magnae enim fidei, & singularis fuit contemptam, & ne verbo quidem dignam iudicantem perseverare, & ut ostenderet se non iponte, sed quodam modo iniuriam, & importunis mulieris precibus coactum miraculorum gratiam gentibus impertiri, cum non esset missus, nisi ad oves, quae perierant domus Israel.

*Dimittit eam*) Concedendo quod petit, rogabant enim pro illa, ut ait Euthymius, & est vero simile ab ipsa muliere, ut pro se rogarent fuisse rogatos. Nec enim Christo faciunt iniuriam, ut Calvinistae delirant, qui ad Christum per Sanctos adeunt.

*Quia clamat post nos.*) Hoc mihi videntur dicere, concede illi, quod petit, saltem propter improbitatem, ut tu ipse in illa parabola amici intempesta nocte panes ab amico petentis docuisti, Luc. 11. 8. quod Hieronymus dicit, ideo Apostolos pro ea rogasse, ut molestia liberarentur, duriusculè dictum videtur. Marcus ca. 7. 25. dicit eam in domum, ubi Christus erat, ingressam ad pedes eius procidisse, quod videtur huic loco esse contrarium, ubi significatur eam Christum per viam euntem secutam esse, & à reigo clamasse. Aug. Justinus lib. 2. de consensu Evangel. ca. 49. respondet primum in domum ingressam, ubi erat Christus, & ad eius pedes procidisse, dixit

seque *miserere mei*, ut ait Marcus. Christum verò nullo reddito responso domo exiisse eamque secutam fuisse, & post eum clamasse, ut ait Matthaeus. Hoc ex Marco facile colligitur, qui narrat Christum, simul atque in eam regionem venit in domum ingressum, latereque voluisse, nec potuisse tamen, venisse enim statim mulierem Syrophoenissam, & ad eius pedes procidisse. Itaque, quod alii dicunt, prius hanc mulierem euntem per viam Christum secutam fuisse, & ponè clamasse, discipulosque dixisse, *dimittite illam, quia clamat post nos*, tunc in domum ingressum, ut illi secreto in loco concederet, quod perebat, eamque ad eius pedes accidisse, nequaquam probabo.

24. *Non sum missus, nisi ad oves, quae perierunt domus Israel.* Absurdissimus est, & maxime impius, Christoque ingratus Calvinistarum error Christum non omnium hominum causa venisse, aut mortuum fuisse, sed praedestinatorum solum, quem alio copiosius loco refutabimus. Nam ex hoc quidem loco errorem suum confirmare non possunt, cum dicat se non propter praedestinos, verum propter solos Iudaeos missum fuisse. Quin hinc nos refutare possumus: dicit enim se propter solos Iudaeos missum esse, cum non omnes praedestinati, sed maxima pars reprobati essent, non ergo propter solos praedestinos missus est. Dicit ergo se non esse missum, nisi ad oves, quae perierant domus Israel, aut quia primum ad eas venerat, sicut Paulus dicit, *nobis oportebat primum loqui verbum Dei*, Act. 13. 46. ut ait Ambrosius in Psal. 43. & Gaudentius tractatu 7. in Exodum, & Cyrillus Alex. libr. 5. in Itaiā, & Hieronymus, & Beda in commentariis, aut quia non venerat, ut praesentiam suam, praedicationem, & miraculorum gratiam exhiberet, nisi Iudaeis, gentibus enim non ipse per se, sed per Apostolos suos, & praedicaturus Evangelium, & miracula facturus erat, ideoque à D. Paulo minister circumcisionis appellatur Rom.

Cōtra Calvini-  
unitas,  
quod Chri-  
stus nō pro  
solis prae-  
destinatis est  
mortuus,  
sed pro omni-  
bus.

Sanctorum  
intercessio  
& invocatio.



Cur Chri-  
stus solis iu-  
dæis panem di-  
cauit.

Rom. 15. 8. ut Hilarius, & Augustinus tractatu in Ioan. 3. 1. & 47. existimant. Ideo Iudeos uocat oues, ut supra expli-  
cauimus cap. 10. 6. Gentiles canes uer-  
26. Cur, autem noluerit præsentiam suam alijs gentibus, quàm Iudæis exhi-  
bere, facilis est ratio, quia ut ait Augu-  
tract. in Ioan. 31. solis Iudæis propter  
fidem Abrahamæ promissio uenturi Mes-  
sæ facta erat, ut cap. 1. 1. disputauimus.  
Itaque neque in regionem Tyri, & Sy-  
donis uenit, ut prædicaret, aut ut mira-  
cula faceret, sed potius, ut laceret, si co-  
tamen uenit, ut uer. 21. differuimus:  
neque hoc miraculum, quasi ex insti-  
tuto, & suscepto consilio: sed quasi præ-  
cibus, & importunitate mulieris co-  
actus fecit, ut diximus uer. 23. & tan-  
quam panem cani non dedit, sed pro-  
iecit, aut ne proiecit quidem, sed illi  
excidit, ut mica de mensa ut uer. 27. ex-  
ponemus.

26. *Non est bonum.* καλόν honestū,  
decens, conueniens.

*Sumere.*) Eripere.

*Panem.*) Panem uocat gratiam mi-  
raculorum, de qua agebatur, & gene-  
raliter gratiam Euangelicam, quæ so-  
lis quodammodo Iudæis, quibus ex  
fœdere Abrahamæ promissa erat, debe-  
batur.

*Filiorum.*) Iudæos filios appellat,  
quia illis ipse loco patris erat, sicut  
Exod. 4. 22. uocat filium suum primo-  
genitum Israel.

*Et mittere.*) καὶ βαλεῖν proijcere, in  
ipso enim proijcendi uerbo uis est,  
quæ significatur, non esse delicatum fi-  
liorum panem tam male collocandum,  
quasi non ratione, & consilio distri-  
bueretur, sed proijceretur temere. Ha-  
bent canes panem suum minus deli-  
catum, quàm filij, res naturales, sol,  
Luna, pluuia, & cetera idem genus ca-  
num, id est Gentilium panis sunt, quæ  
providentia quidem Dei: sed genera-  
li, minusque accurata dispensantur, &  
omnibus in commune, sicut porcis  
glandes, proijciuntur. Euangelica gra-  
tia, quæ supra naturam est, panis est  
filiorum non proijciendus temere, sed  
maiore consilio, rationeque distri-  
buendus.

*canibus.*) Canes filijs opponit,  
quia quamuis utrorumque paterfami-  
lias curam habeat: tamen filiorum in  
primis, multoque maiorem, quàm ca-  
num habet. Credibile est consueuisse  
Iudæos omnes alias gentes καὶ ἄλλοις ca-  
nes appellare, sicut Graeci uocabant  
barbaros. Nam ex illis, ut opinor, cum  
in Hispania essent, Hispani didicerunt  
Mahumetanos, & Æthiopes canes ap-  
pellare. Illud certè constat homines  
uillissimos per contemptum ita uocari  
consueuisse ut 2. Reg. 3. 8. & 16. 9. &  
4. Reg. 8. 13. Marc. capitulo 7. 27. ait  
dixisse Christum, *sine prius saturari  
filios*, quibus uerbis spem aliquam mu-  
lieri dedisse uidebatur, fore, ut aliquan-  
do illi concederet, quod perebat: scie-  
bat utique non saturandos filios, sed  
panem cælestem oblatum contem-  
ptim reiecturos: sed mysterium est:  
neque, quod culpa Iudæorum acci-  
dit, sed quod diuino consilio, & ex-  
cedere cū Abrahamo inito fieri debuit,  
explicauit.

27. *Etiā Domine.*) Omnes fere  
interpretes obseruauerunt *καὶ ἐτιὰμ* nō  
esse contradicentis, sed approban-  
tis: sed non facile apparet, quo-  
modo mulier Chanaana argumen-  
tetur, & qua ratione conueniat par-  
ticula causalis. *Nam & catelli.* Si  
enim concedit uerum esse, quod Chri-  
stus dixerat, non esse bonum su-  
mere panem filiorum, & canibus proij-  
cere: non potuit colligere catellos co-  
medere de micis, etsi re uera come-  
dunt: & si id dicere uolebat, potius  
debuisset dicere: *sed*, quàm *nam*.  
*Etiā Domine, sed tamen catelli come-  
dunt de micis, quæ cadunt de mensa  
dominorum suorum*, id est quamuis  
non sit bonum sumere panem filio-  
rum, & illis dare, tamen permit-  
tunt domini eos de micis, quæ de  
mensa cadunt, comedere. Qui pro-  
pius mihi uidentur sensum attingisse,  
sic exponunt, *etiam Domine*, nam ca-  
telli quidem non comedunt ex pane  
filiorum, sed ex micis. Quod multis  
tamen de causis mihi non placet, pri-  
mum quia in hac interpretatione  
multa necessario, & coactè supplenda  
sunt,

Canes a Iu-  
dæis Genti-  
les appella-  
ti.



sunt, ut hac, nam catelli quidem non comedunt ex pane filiorum: sed comedunt ex micis, quæ cadunt, quod vno verbo dicere potuisset, *Etiā Domine*, sed tamen catelli comedunt de micis. Deinde, quia hac ratione perit omnis acrimonia, & omnis argutia, & subtilitas disputationis, quæ tanta tamen fuit, ut quodammodo coegerit exclamare Christum, o mulier magna est fides tua. Sic igitur interpretor, vocauerat Christus Chananaeam canem, arripuit mulier ex verbo contumelioso, ut Chrysostomus adnotauit, argumentum, & subtiliter causam suam probat. *Etiā Domine*, id est sum sanæ canis, nam & catelli comedunt de micis, quæ cadunt de mensa dominorum suorum, itaque si canis sum, de micis saltem edere debeo. Ergo idem ualer hoc loco, *etiam*, atque quod vulgò disputantes dicere solemus, cum aduersarius aliquid dicit, quod maxime nobis aduersari putat, nos autem existimamus causam nostram maxime iuuare, indeque argumentamur; Hoc est, quod volo, me esse canem, nam & catelli comedunt de micis, quæ cadunt de mensa dominorum suorum. Hilariter putat esse uim in nomine diminutiuo, *catelli*, quasi Christus canem appellauerit, ipsa minus se, quam canem, nempe catellam esse fateatur. Sed ubique & uersu 26. & hic diminutiuum est, *τα νεώπια catelli*, & in eo ipso gratia est, & subtilitas argumenti, quod idem prorsus uerbum, quo Christus usus fuerat, mulier arripit, quamuis noster interpret illic canes, hic catellos uerterit. Si qua in vis est, hæc potius est, ut Christus non dixerit *κύες* canes, sed *νεώπια* catellos, ut pusillos, & nullius utilitatis, ac pretij canes significare, quibus multo minus, quam magnis illis, qui aliquid utilitatis afferunt, filiorum panis proijciendus est: mulier uero non, ut se minus, quam canem esse confiteretur: sed ut melius, & ut vulgò dicunt, ad hominem argumentaretur, eodem uia sit uerbo. *De micis.* ) Micas uocat minora, &

minus frequentia miracula, ut Theophylactus adnotauit, quasi dicat, non peto a te, ut passim hic, sicut apud Iudeos miracula facias, ut cecos cures, mortuos exsuscites: sed unum tantum, & minus natura sua difficile, ut demonem a filia mea expellas.

*Quæ cadunt.* ) Respondet hoc uerbū illi, quo Christus usus fuerat, *βαλῆναι* proijcere, illique opponitur, quasi dicat, non rogo, ut ex professo, ut apud Iudeos, miraculum facias, sed ut obiter: non quasi dederis, ac ne proieceris quidem, sed quasi tibi exciderit, quem admodum solent ex mensa diuitum micas cadere.

*De mensa.* ) Mensam uocat gratiarum omnium, ut ita dicam, copiam, quæ erat in Christo: sicut mensa diuitum omnium ciborum genere referta esse solet. *In ipso enim inhabitat omnis plenitudo diuinitatis corporaliter, & de plenitudine eius nos omnes accepimus.*

Colos. 2. 9.  
Ioan. 1. 16

*Dominorum suorum.* ) Dominos suos, inquit Chrysostomus, Iudeos uocat, quos Christus filios appellauerat, quod magnæ tribuit humilitati. Potius Christum ipsum Dominum uocare credo: sed loquitur pluraliter propter canes, quorum suum quisque dominum habet.

28. *O mulier magna est fides tua.* ) Vox admirantis. Observatione autem dignum est, nullius hominis fidem nisi Gentilium admiratum fuisse Christum, ut huius mulieris, & illius Centurionis capitu. 8. 10. Maior enim Gentilium, quam Iudeorum fides. Quo autem modo admiratio in Christum cadere poterit, illic disputauimus.

32. *conuocatis discipulis suis.* ) Ut sua, ut indicat Hieronymus, consilia cum illis communicaret. Videtur etiam mihi uoluisse Christus eorum explorare fidem, & futuri miraculi occasionem capere, ut discipulorum confessione constaret, non esse panem, unde tanta turba pasci posset. Semper enim obseruamus Christum nunquam sine magna, compertaque necessitate miracula fecisse. Quam etiam ob rem triduum, antequam sequens mira-



miraculum faceret, expectauit, ut si quid ciborum secum alioqui tulissent, consumeretur quemadmodum Chrysostomus, & Euthymius monuerunt. Idem etiam Chrysostomus, & post Theophylactus adnotarunt non suggestisse nunc discipulos Christo, ut turbas dimitteret, ut in pagos irent, & cibos emerent, quemadmodum fecerant cap. 14. 15. quod iam aliquantum fide profecissent, & quod viderent omnes alacres esse, & audiendi auditate famem non sentire.

Caluini,  
inepta argu-  
tia contra  
ieiunium.

*Quia triduo iam perseuerant mecum.* Sunt, qui putent totum triduum, aut omnes, aut plerisque fuisse ieiunos, quod magnus ieiunij magister Caluinus non uirtuti, sed acri subtiliori tribuendum existimat, nos enim crasso sub aere natos tam diuturnum ieiunium ferre non posse. Quasi uero, quod subtilior aer est, non eo edaciores homines reddat. Sed non uult, ut opinor, Gallos prætextu crassi aeris ieiunare. Legimus non solum apud Orientales, sed etiam apud Eutropeos multo longiora ieiunia: tamen ex hoc loco aut omnes, aut aliquos per triduum ieiunasse colligi non potest. Tantum colligitur tunc, cum hæc Christus dixit, fuisse ieiunos, quia dicit, & dimittere eos ieiunos nolo, consumpserant enim, ut ait Euthymius, quid quid secum attulerant cibi. Quæ sequuntur usque ad

uersum 38. supra exposuimus cap. 14. a uersu. 15. usque ad 21.

29. *In fines.* Quidam Græci codices legunt *eis tē tē* in montes, parū emendatū pro *tē tē*, in terminos.

*Magedan.* Marcus c. 8. 10. dicit uenisse in partes *Dalmanutha*. Quam credibile est uitiosam esse lectionem, legendumque, ut hoc loco, *Magedan*, quemadmodum Hieronymus in lib. de locis Hebraicis legit, & ut Augustinus lib. 2. de consens. Euang. cap. 51. & Beda Marc. 8. restantur plerique tuo tempore codices habuisse. Argumentum nonnullum est, quod *Dalmanutha* alibi in scriptura non legitur, nec apud ullum, quod sciam, profanum auctorem reperitur: *Mageda* autem, aut, ut Græcè hoc loco est, *Magdala* lib. 1. Reg. c. 17. 20. legamus, quamuis incertum sit utrum unus, idemque sit locus. Tamen si legamus *Dalmanutha*, nullam propterea existimandum est esse repugnantiam, nam aut, ut aiunt Augustinus, & Beda sub diuerso nomine idem locus significatur, aut ut alij coniiciunt, alterum regionis, alterum urbis nomen est, aut utrumque urbis, sed utraque urbs uicina erat, ita ut, qui in fines ueniret, in fines etiam alterius uenisse diceretur, sicut supra uers. 21. dicitur uenisse Christus in partes Tyri & Sidonis.

## CAP V T XVI.



**I**T accesserunt ad eum Pharisei, & Sadducei tentantes & rogauerunt eum, ut signum de celo ostenderet eis. 2. At ille respondens, ait illis: Facto uespere dicitis: Serenum erit, rubicundum est enim cælum. 3. Et mane Hodie tempestas, rutilat enim triste cælum. 4. Faciem ergo cæli diiudicare nostis: signa autem temporum non potestis scire? Generatio mala & adultera signum quærit, & signum non dabitur ei, nisi signum Ionæ prophetæ. Et reliquit illis, abiit. Et cum uenissent discipuli eius trans fretum, obliti sunt panes accipere. 6. Qui dixit illis: Intuemini, & caute a fermento Phariseorum, & Sadduceorum. 7. At illi cogitabant intra

Mat. 16. 12;  
Luc. 12. 5.  
54.

Sup. 12. g. 39  
Ionæ 2.

Mar. 8. b. 14  
Luc. 12. a. 1



intra se dicentes: Quia panes non accepimus. 8. Sciens autem  
 Iesus, dixit: Quid cogitatis intra uos modicæ fidei, quia panes  
 non habetis? 9. Nondum intelligitis, neque recordamini quin-  
 que panum in quinque millia hominum & quot cophinos sum-  
 plistis? 10. neque septem panum in quattuor millia hominum,  
 & quot sportas simplistis? 11. Quare non intelligitis, quia non  
 de pane dixi vobis: Cauete à fermento Phariseorum, & Saddu-  
 cæorum? 12. Tunc intellexerunt, quia non dixerit cauendum à  
 fermento panum, sed à doctrina Phariseorum, & Sadducæorum.  
 13. Venit autem Iesus in partes Cæsareæ Philippi: & interroga-  
 bat discipulos suos, dicens: Quem dicunt homines esse Filium ho-  
 minis? 14. At illi dixerunt: Alij Ioannem Baptistam: alij autem  
 Eliam: alij verò Ieremiam, aut unum ex prophetis. 15. Dicit il-  
 lis Iesus: Vos autem quem me esse dicitis? 16. Respondens Si-  
 mon Petrus dixit: Tu es Christus filius Dei uiui. 17. Respon-  
 dens autem Iesus, dixit ei: Beatus es Simon Bar Iona: quia caro,  
 & sanguis non reuelauit tibi, sed Pater meus qui in cælis est. 18.  
 Et ego dico tibi, quia tu es Petrus & super hanc petram ædifica-  
 bo Ecclesiam meam, & portæ inferi non præualebunt aduersus  
 eam. 19. Et tibi dabo claues regni cælorum. Et quodcunque  
 ligaueris super terram, erit ligatum & in cælis: & quodcunque  
 solueris super terram, erit solutum & in cælis. 20. Tunc præ-  
 cepit discipulis suis, ut nemini diceret, quia ipse esset Iesus Chri-  
 stus. 21. Exinde cæpit Iesus ostendere discipulis suis, quia oport-  
 teret eum ire Ierosolymam, & multa pati a senioribus, & Scri-  
 bis, & principibus sacerdotum, & occidi, & tertia die resurgere.  
 22. Et assumens eum Petrus, cæpit increpare illum dicens: Ab-  
 sit à te, Domine, non erit tibi hoc. 23. Qui conuersus, dixit Pe-  
 tro: Vade post me satana, scandalum es mihi: quia non sapies ea,  
 quæ Dei sunt sed ea, quæ hominum. 24. Tunc Iesus dixit disci-  
 pulis suis: Si quis vult post me uenire, abneget semetipsum & tol-  
 lat crucem suam, & sequatur me. 25. Qui enim uoluerit animam  
 suam saluam facere, perdet eam: qui autem perdidit animam  
 suam propter me inueniet eam. 26. Quid enim prodest homi-  
 ni, si mundum uniuersum lucretur; animæ uerò suæ detrimentum  
 patiat? Aut quam dabit homo commutationem pro anima  
 sua? 27. Filius enim hominis uenturus est in gloria patris sui  
 cum angelis suis: & tunc reddet unicuique secundum opera ei-  
 us Amen dico uobis sunt quidam de hic stantibus qui non gu-  
 stabunt mortem, donec uideant Filium hominis uenientem in regno suo.

IN





RES primos uersus huius capitis, aut etiam quatuor indicat Hieronymus in plerisque codicibus non haberi.

Omnes tamen & Graeci, & Latini auctores legunt, & apud Marcum c. 8. 11. leguntur; nec uero simile est utroque in loco additos fuisse. Potest aliquem mouere, quod c. 12. 38. eadem iam Euangelista narrasset. Sed nihil uerat saepe Scribas, & Phariseos non eosdem, sed alias alios eadem interrogasse. Præterquam quod illic Scribae, & Pharisei; hic Pharisei, & Sadducei interrogasse dicuntur, & illic non eadem causa Christum conuenisse, sed in media cum Christo disputatione respondisse, uolumus à te signum uideri, hic accessisse dicuntur, quasi eam ob causam ad Christum uenerint, ut signum ab eo de celo peterent.

1. Pharisei, & Sadducei. De Phariseorum, & Sadduceorum sectis ca. 3. 7. disputamus. Notandum hic tantum est, quomodo duæ maximè contrariæ hereticorum sectæ Pharisei, & Sadducei inter se conueniant, ut Christum impugnent. Pharisei enim, & Sadducei immortales inter se inimicitias gerebant, ut non modo ex Iosepho, sed etiam ex Luca Act. 23. 6. intelligitur. Sic olim Pilatus, & Herodes, cum inimici essent, ut Christum iriderent, amici facti sunt Luc. 23. 12. Sic nunc Lutherani, & Calvinistæ heretici maximè inter se contrarii aduersus Ecclesiam Catholicam, id est, corpus Christi conspirare solent. Semper enim Christus, ut ait Tertullianus, inter duos latrones crucifigitur.

Ut signum de celo ostenderet eis. Hæc exposuimus c. 12. 38.

2. Facto uespere. Quia signum de celo petierant, ex cœlestibus signis probat non debere eos de celo signum petere. Vespertinum ruborem serenitatis, matutinum pluriæ signum esse longa experientia omnes homines docuit, nec opus est de ea

re longius philosophari.

3. Faciem ergo cali. Græcè legitur ὁρατε τὸ μὲν πρόσωπον τοῦ οὐρανοῦ γινώσκετε, Hypocrite faciem celi cognoscitis, quod & Lucas legit c. 12. 54. Vocat autem hypocritas hoc loco, ut ait Euthymius, quia sapientes uideri uolebant, cum essent insipientissimi, quales hodie sunt Calvinistæ, qui sibi omnium mortalium sapientissimi uidentur, cum omnium, meo iudicio, insipientissimi sint. Quæ enim maior insipientia, quàm homines, qui Christiani dici, uiderique uolunt, sapientiam incredulitate metiri? Nos enim, qui simplices, qui tardi, qui fatui, & insipientes habemur, si nihil, nisi, quod humana ratio persuadet, crederemus, sapientissimi apud illos haberemur. Tota huius loci difficultas in eo est, qua ratione Christus argumentationem concludat. Quidam sine interrogatione legentes, ut Chrysostomus, & Theophylactus ad hunc modum argumentum explicant. Faciem quidem celi cognoscere potestis, signa autem temporum (aduentus mei) cognoscere non potestis: non enim primus meus aduentus ex cœlestibus signis Solis, ac Lunæ, sed ex prophetiis, & miraculis, quæ facio, cognosci debet. Non uenit regnum Dei cum obseruatione, sed regnum Dei intra uos est. Luc. 17. 20. 21. Alij per interrogationem, ut Hilarius, Hieronymus, Beda, & Euthymius. Si faciæ celi cognoscitis, id est signa serenitatis & pluriæ, quod difficilius est, & incertius, quomodo signa temporum aduentus mei, quæ tot prophetiis consignata, tot à me miraculis comprobata sunt, cognoscere nescitis? confirmat hanc interpretationem Luc. c. 11. 56. Hypocrite faciem cali, & terre noster probare, hoc autem tempus quomodo non probatis? Nā cū illis turbis, hic Phariseis, & Sadduceis loquitur, credibile rati est eodem utrobique modo Christum argumentum à maiore scili-

Caluinistæ sibi sapientes reuera insipientissimi. Calvinistæ sapientiam incredulitate metuntur.

Heretici inter se dissidentes aduersus Ecclesiam conspiciant,



scilicet ad minus, quod alii à minore ad maius uocant. Vtrique interpretatio probabilis.

4. *Generatio*.) Hæc à nobis cap. 12. 34. explicata sunt.

5. *Et cum uenissent discipuli eius*.) Cum soluerent ut uenirent, tunc enim, cum proficiscerentur, obliti sunt panes secum accipere. Quærit Hieronymus quomodo obliti potuerint, cum paullo ante c. 15. 37. septem sportas plenas facto miraculo collegerint? Respondere eos panes secum tulisse, sed, cum discederent, oblitos fuisse eos accipere. Vero similis mihi uidetur septem illas sportas discipulos, aut suapte sponte, aut iussu Christi in pauperes distribuisse. Itaq; obliti sunt panes accipere, id est emere. Illud Hieronymo concedere nō possum, ea quæ sequuntur in ipso mari inter nauigandum accidisse, quia diserte scribit Lucas cap. 12. 1. multis circumstantibus turbis, ita ut se se conculcarent, cepisse Christum discipulis dicere, *attendite à fermento Phariseorum*.

*Transfretum*.) In Bethsaidam, ut ait Marcus c. 8. 22.

6. *Qui dixit illis*.) *ὁ δὲ ἐν ποτὶς ἔειπεν αὐτοῖς*, Iesus autem dixit illis. Noster interpret aut pro *ὁ δὲ ἐν ποτὶς* legit, *ὁ δὲ*, aut antecedens per relatiuum expressit, quod sapissime solet in ueteri præsertim Testamento facere, ut in Idiomaticis obseruauimus.

*Intuemini*.) *ὁρᾶτε*, uidete. Aliud enim est uidere, quàm intueri, sicut apud Græcos, aliud *θελεῖν* quàm *ὁρᾶν*, uidet enim aliquando, quia non intuetur, hoc autem sensu Latini uidere dicunt, non intueri, id est animum aduenire. Noster interpret catachresis usus est, quæ & Græce de eadem re loquens utitur Marcus ca. 8. 15. *ὁρᾶτε, θέτε ἀπὸ τῆς ζύμης, uidete, & cauete à fermento*.

*A fermento*.) Hilarius, & Hieronymus legis obseruationem fermentum uocari putant. Qued non conuenit cum eo, quod postea Christus dicit c. 23. 2. *Super cathedram Moysi sederunt Scribæ, & Pharisei, omnia ergo, quæcunque dixerint uobis, facite*. Iubet enim

Mosis doctrinam obseruari. Potius ergo ea Phariseorum, & Sadduceorum doctrina intelligitur, quæ hæretici erant, legemque corrumpebant, & quæ cap. 15. 3. 5. 6. Christus reprehenderat. Nā de doctrina intelligendum ex uer. 12. perspicuum est. Quanquam, quod Lucas dicit cap. 12. 1. *Attendite à fermento Phariseorum, quod est hypocrisis*, contrarium uideri potest. Respondere possumus, quod & Beda uidetur indicare ipsam Phariseorum, & Sadduceorum doctrinam hypocrisim appellasse, quia aliud docebant, aliud faciebant, aut quia omnium doctrina ad hypocrisim spectabat. Maior est quæstio, quo modo Christus hoc loco iubeat ab eorum doctrina cauere, cum ca. 23. 2. doceat facere, quæcunque dicunt. Respondeo illic agere de Scribis, & Phariseis super cathedram Moysi sedentibus; id est Moysi legem explicantibus, quod dum faciunt, ipsis credendum est; hic autem non de lege Moysi, sed de proprio eorum fermento, id est de hæretica doctrina, à qua cauere iubet. Nemo tamen colligat audiendos esse hæreticorum magistros, & cum sacris litteris consentanea docent, sequendos, cum sua miscent, refellendos; quod multi hoc tempore, qui Catholici uideri uolunt, dicere solent. Illi enim, quibus hoc Christus dicebat, alios tunc preceptores non habebant; & illi ipsi nondum exauctorati erant; nondum tanquam hæretici declarati. Nunc autem cum tot Catholicos doctores habeamus; cum Lutherani, & Caluini stæ à Deo, & Ecclesia, tanquam perniciosissimi hæretici declarati sint, non magis etiam, cum uera dicunt, audiendi sunt, quàm diabolus, cum Christum filium Dei esse confitetur. Non magis debet homo Catholicus hæreticum, quàm mulier pudica impudicum amatorem etiam honesta loquentem audire.

*Phariseorum, et Sadduceorum*.) Marcus c. 8. 15. addit *& Herodis*, aut, ut in aliis codicibus legitur, *Herodianorum*. Vnde manifestum est aliquam etiam Hero-

Hæretici ne quidem, cū uera dicūt, audiendi.



Quinam  
Herodiani.

Herodianorum, aut Herodis sectam fuisse. De sectis enim hic agitur, cum Sadducei nominentur, quos certum est hereticos, aut plus etiam, quam hereticos fuisse, & ex uer. 12. appareat agi de falsa corruptaque doctrina. Vter autem Herodes fuerit eius sectæ auctor, magnusue ille Antipatri filius, qui ultimus regnavit: an Herodes Antipas eius filius Galilææ Tetrarcha, & quam doctrinam inuenerit, incertum est: nihil enim de ea re, quod sciam, aut in sacris litteris, aut in profanis auctoribus legitur. Nisi quod coniectura ex ijs, quæ de Herode rege Iosephus scribit impensè Romanis studente, suspicor eum auctorem huius fuisse sectæ, ex gradatione verò ipsa, qua utitur Euangelista, qui Herodem ultimo loco ponit, eius sectam nihil aliud fuisse, quam meram hypocrisis, qua se ad omnem religionem regnandi causa accommodabat: quales nunc sunt, quos politicos appellamus, homines aut nullam religionem habentes, aut omnem religionem simulant. Sed de hac re c. 22. 16. plura dicemus.

Contra religionem simulant.

7. *At illi cogitabant.*) Non solum quoinodo Christi uerba intelligerentur, sed etiam quid acturi essent, cum panes non accepissent. Hoc enim est διαλογίζεσθαι disceptabant, id est, consultabant, sollicitique erant. Propterea eos Christus reprehendit, quod non recordarentur duorum tam insignium miraculorum, quibus paucis panibus paullo ante tot hominum millia satiauerat.

8. *Sciens autem Iesus.*) Eorum cogitationes. Præcedentium miraculorum obliuionem, ut ait Chrysostomus, declarandis ipsorum cogitationibus, id est nouo miraculo illis exhibeat.

9. *Quinque panum in quinque millia hominum.*) Græcè τοὺς πέντε ἄρτους τῶν πεντακισχιλίων quinque illos panes quinque millium (hominum) id est, qui in quinque millia hominum distributi sunt Eodem modo versu sequenti.

10. *Neque septem panum, & quatuor millium hominum.*) Γοὺδὲ τοῦ ἐπτά

ἄρτους τῶν τετρακισχιλίων neque septem illos panes quattuor millium (hominum) id est, qui in quattuor hominum millia multiplicati sunt. Noster scilicet interpret sententiam, non uerba, aut Grammaticam vertit.

Duplex Casarea,

12. *In partes Casaræ Philippi.*) Duas fuisse Casareas nemo nescit. Alteram veterem, quæ antea Stratonis turris vocabatur, ab Herode autem rege amplificata, multisque uisendis operibus exornata ad promerendam gratiā Augusti Cæsaris, Casarea appellata est, ut auctor est Iosephus libr. 1. de bello Iudaico ca. 16. & libr. 15. ant. c. 13. & Hieronymus hoc loco. Ea autem, ut iidem auctores docent, ad litus maris Mediterranei inter Doram, & Ioppem sita erat. Alteram recentior in Phœnicia ad radicem montis Libani, unde Iordanis fluuius erumpebat, quæ prius Paneas dicebatur, quam Philippos Herodis magni filius, & Trachonitidis regionis Tetrarcha Luc. 5. 1. 2. auctam, ornatamque in honorem Tiberij Cæsaris Casaream etiam uocari iussit, postea rex Agrippa, ut Neroni adularetur, Neroniadem appellauit, ut Iosephus scribit lib. 20. ant. ca. 8. Quod in commentarijs ad hunc locum Hieronymus dicit nunc Paneadem uocari, non est, ut opinor, obliuione dictum historiæ: sed est uero simile eius tempore delero fucato illo, & adulatorio nomine Casarea, uetus Paneadis uocabulum recepisse. Casarea ergo Philippi dicta est, quia à Philippo Tetrarcha sic fuerat appellata, & ut ab altera Herodis Casarea distingueretur.

*Et interrogabat discipulos.*) Marc. 8. 27. scribit hoc in uia accidisse, Lucas uero cap. 9. 18. cum solus esset orans. Euthymius respondet simul iter fecisse, & orasse, quod ut uerum sit, tamen uero simile non est, simul orasse, & discipulos interrogasse, longumque cum illis sermonem ultrò citroque contulisse. Probabilius quod dicit Augustinus lib. 2. de consen. Evangel. c. 53. in ipsa uia antequam ad locum, quod tendebat, perueniret, scilicet in aliquem ad orandum locum à uia

X 2 diuer-



diuertisse; finita autem oratione cœpisse pergere, atque tunc discipulos interrogasse, quem se homines esse diceret. Itaque, quod Lucas ait, cum solus oraret, ἐν τῷ εἶναι αὐτὸν προσευχόμενον κατὰ μόνας, sic interpretatur, postquam solus orasset, sicut Hispani eadem prorsus phrasi dicunt, in faciendo orationem, id est simul atque orationem fecisset: potestque Hebraismus esse, quo in aliquando idem valet, quod postquam, ut Psalm. 125. 1. *In conuertendo Dominus captiuitatem Sion*, id est postquam conuertit, aut cum conuertisset. Fingamus eo loco Latinum interpretem uertisse, cum conuerteret Dominus. sicut hoc loco si milē phrasim ἐν τῷ εἶναι αὐτὸν προσευχόμενον κατὰ μόνας vertit, cum esset solus orans, non dubium esset ex Hebraismo, quin deberemus interpretari, postquam conuertisset: ergo & hic interpretabimur, postquam fuisset solus orans id est postquam solus orasset.

*Quem dicunt.*) Multi Latini codices, & Græci plerique habent, *quem me dicunt homines esse filium hominis* ? Triplex enim lectio reperitur. Prima, *quem dicunt homines esse filium hominis* ? Secunda, *quem me dicunt homines esse filium hominis* ? Tertia, *quem me dicunt homines esse* ? Primo modo omnes fere codices Latini, & omnes auctores legunt. Secundo modo Epiphanius in Ancorato, Theophylactus, & ut videtur, etiam Hilarius. Tercio Chrysostomus homi. 55. Non dubito primam lectionem, quæ vulgaris, & communis est, multo esse meliorem; eorumque coniecturam valde probo, qui existimant primum ita scriptum fuisse, *quem dicunt homines esse filium hominis* ? aliquem deinde Græcum, ut moneret Christum de se loqui ad marginem apposuisse, *me*, postea aliquem alium correctionem esse putasse, itaque in contextum transfulisse, cœptumque esse legi, *quem me dicunt homines esse filium hominis* ? postremo alium, cum alterutrum redundare iudicaret, sustulisse *filium hominis*, quod erat obscurius, reliquisse, *me*, quod erat clarius. Scio quo

modo multi, qui utrumque legunt interpretentur, aut sine interrogatione per appositionem: aut per interrogationem hoc modo, *quem dicunt homines esse filium hominis* ? quod utrumque absurdum mihi videtur, secundum absurdius. Non enim solet se Christus honorificè, sed humiliter filium hominis appellare, nec aliter quam de se per tertiam personam loquens. Cuius rei tot sunt exempla, quoties se filium hominis appellat. Notanda etiam antithesis. Christus rogat, *quem dicunt homines esse filium hominis* ? Petrus respondet, *tu es filius Dei viui*. Vnde apparet legendum hoc loco esse, *filium hominis*, ut antithesis constet. Videtur. n. Christus data opera contemptissimo vocabulo se *filium hominis* appellasse, ut discipulorum fidem exploraret, occasionemque præberet illis, quod sentiebant, etiam si nihil de ipso supra hominem sentirent, liberè dicendi. Quare, quod hæreticus quidam interpret. Græcum articulum exprimens uertit, *quem dicunt homines esse illum, filium hominis*: putidum iudico. Non enim Christus, ut se Messiam illum à prophetis prædictum: sed contrario prorsus consilio, ut se maxime abijceret, & quasi humi prostratus sententiam exciperet, *filium hominis* dixit.

*homines*) Vulgò, quem Hebraismus sæpe iam exposuimus ut cap. 5. 13. & Lucas ipse explicat. Nam quod dicit Matthæus, *quem dicunt homines esse filium hominis*; ille dicit cap. 9. 18. *quem me dicunt esse turbæ* ? Nec est contrarium, quod hic dicat dixisse Christum, *quem dicunt homines esse filium hominis*, illic uerò, *quem me esse dicunt* ? Matthæus enim, ut probauimus, uerba; Lucas sententiam, expositionemque recitauit.

14. *Alij Ioannem Baptistam.*) Cur alij Ioannem Baptistam, alij Eliam, alij Ieremiam esse existimauerint, diximus supra c. 11. 4. & 14. 2. Quod autem quidam ex Iosepho Ben. Gorionis afferunt, ut probent Ieremiam esse venturum, apocryphum est: sicut totus ille auctor fabulosissimus.

manus  
Maldonati

Beza in an  
not.

Iosephus  
Ben Gorio-  
nis fabulo-  
sus,

25. 705



15. *Pos autem, quem me esse dicitis.*)

Manifesta antithesis est, *uos autem*. Putat Hieronymus Christum Apostolos tanquam plusquam homines hominibus opposuisse. Prudens inquit, *lector attende, quod ex consequentibus, textuque sermonis Apostoli nequaquam homines, sed dii appellantur. Cum enim dixisset, quem dicunt homines esse filium hominis, subiecit, vos autem quem me esse dicitis?* Ego non hominibus tanquam deos: sed uulgò tanquam homines non vulgares opponi credo, quod & Chrysostomus indicat, *uos*, inquit, *qui mecum semper uersantes, plura me fecisse uidistis, qui meo nomine complures uirtutes ipsi quoque fecistis, quem me esse dicitis?*

Petri prima  
Cus,

16. *Respondens Petrus.*) Cur potius Petrus, quam alij, responderit, multas rationes ueteres auctores afferunt. Prima est, quod Petrus omnium fuerit princeps, ut Chrysostomus ait homil. 55. Secunda, quod ardentioris fuerit fidei, ut Hilarius, & Hiero. in c. 14. 28. docuerunt. Tertia, quod quasi os Apostolorum fuerit, qui pro omnibus loqui soleat, quemadmodum D. Chrysostomus, hoc loco, & D. Aug. solent appellare, nam & Ioan. 6. 68. Cum Christus omnibus discipulis dixisset, *nunquid & uos uultis abire?* Petrus respondit, *ad quem ibimus? uerba eterne uite habes.* An autem in hoc loco pro se tantum, an pro omnibus responderit uers. 18. dicemus.

Christus fili-  
us natura-  
lis, non ado-  
ptiuus.

*Tu es filius Dei uiui.*) Filium Dei vocat natura, non adoptione. Adoptione enim omnes confitebantur filium esse Dei, quandoquidem uirum iustum, & prophetam putabant. Certissimum autem argumentum est, quod Petrus Christum filium Dei uiui appellans Ioanni, Eliae, Hieremie, & prophetis opponat, quos certum est filios Dei fuisse adoptione. Christum ergo non adoptione, sed natura filium Dei appellat. Itaque recte ueteres auctores ex hoc loco Christi diuinitatem probauerunt, ut Hilarius in commentarijs, & libr. 6. de Trinitate, & Athanasius sermon. 3. contra Arianos, & in epistol. de sententia Dionysii Ale-

Christi diui-  
nitas.

xand. contra Arianos.

*Viui.*) Deum uiuum appellat scripturarum more, ut ab idolis distinguatur, quæ res mortuæ sunt, ut Hiero. Beda, Euthy. annotauerunt. D. Basil. in hom. de poenitentia legit filium Dei excelsi. Rectè autem notauit Theophyl. adiectum fuisse articulum Græcum nomini filij, ut significaretur non qualiscunque, sed unicus ille, & naturalis filius.

17. *Simō.*) Ita prius uocabatur. c. 10. 2. *Bar-iona.*) Bar-iona dictum est per contractionem pro Bar-Iohanna, quod Chaldaicè filium Iohannis significat, quemadmodum Ioann. 21. 15. appellatur, Simili contractione usus est Lucas c. 3. 30.

*Quia caro & sanguis.*) Carnem, & sanguinem uocat homines carne & sanguine constantes, Opponit. n. homines Deo, *sed pater meus*, inquit, *qui in calis est*, ut ad Galat. 1. 16. Continuo non acquieui carni, & sanguini, & Ioan. 1. 13. *Qui non ex uoluntate carnis, neque ex uoluntate uiri, sed ex Deo nati sunt.* Ita solet scriptura homines carnalia sapientes appellare, & Deo, aut diuina sapientibus opponere, ut 1. ad Cor. 15. 50. *caro & sanguis regnum Dei non possidebunt.* Ita etiam sapientia & prudentia carnis appellatur Roman. 8. 6. 7.

18. *Et ego.*) Elegans antithesis, Græcè etiā efficacior, *καγὼ δὲ*. Sed & ego dico tibi, quasi dicat, tu, qui homo es, filium Dei uiui me esse dixisti, ego uerò, qui filius Dei uiui sum, dico te esse Petrum, id est uicarium meum, quem filium Dei esse confessus es. Nā Ecclesiam meam, quæ super me ædificata est, super te etiam, tanquam super secundarium quoddam fundamentum ædificabo.

*Tu es Petrus.*) Sunt, qui putent nondum antea Petrum uocatum fuisse, sed nomen tantum illi fuisse promissum Ioan. 1. 41. *Tu*, inquit, *uocaberis Cephas*. Probabilius tamen, quod libr. 2. de consens. Euangel. dicit Augustin. iam inde a principio uocationis suæ sic appellatum, ut Marci 3. 16. & Lucæ 6. 14. manifestum est.

X 3 Itaque



Itaque cum Christus illi dixit Ioann. 1. 42. *Tu uocaberis Cephas*, nomen illi imposuit, quasi diceret deinceps non uocaberis Simon, sed Cephas, id est Petrus, sicut Deus Abrahamo per futurum etiam loquens nomen imposuit Genes. 7. 5. *nec ultra inquit, uocabitur nomen tuum Abram, sed appellaberis Abraham, quia patrem multarum gentium constituit.*

Et super hanc petram edificabo Ecclesiam meam. Sunt inter ueteres auctores, qui interpretentur super hanc petram, id est super hanc fidem, aut super hanc fidei confessionem, quam me filium Dei uiui esse dixisti, ut Hil. libr. 6. de Trinitate, & Gregorius Nyssenus in lib. contra Iudeos, & Chrysostom. homil. 5. in hunc locum, & orat. 2. aduersus Iudeos, & Cyrillus Alexandrin. dial. 4. de Trinitate, auctor commentationum in epistol. D. Pauli, qui Ambrosio tribuuntur, in ca. 4. epistolae ad Galat. Longius etiam a sensu recedens D. Augustin. interpretatur tracta. in Ioann. 27. & 124. & sermon. 13. de uerbis domini secund. Matth. *Super hanc petram*, id est super me ipsum, quia petra erat Christus 1. Corinth. 10. 4. Et quia *fundamentum aliud nemo potest ponere, praeter id quod positum est, quod est Christus Iesus.* 1. Corinth. 3. 11. Origenes uero tractat. in Matth. *super hanc petram*, id est super omnes homines eandem fidem habentes. Quas interpretationes aliter, quam praeseferunt, intelligendas Caluinista multo audius, quam veritatem amplexi sunt: ne, si Ecclesiam super Petrum aedificatam fuisse fateantur, Romanum Pontificem caput, aut fundamentum Ecclesiae cogantur eadem ratione confiteri. Ceteros auctores paullo post interpretabimur. Nunc nihil magis a sensu Christi alienum cogitari potuit, quam ut dicere uoluerit super seipsum, aut super aliam rem quam super Petrum, fundaturum Ecclesiam. Primum, quis non uidet pronomen demonstratiuum hanc positum esse loco relatiui, perinde ac si dixisset, tu es Petra, super quam quam aedificabo Ecclesiam meam?

Ecclesia super Petrum aedificata contra Caluinum.

Petrus enim, & petra idem sunt. Nam quod Caluinus dicit non sine causa Euangelistam orationem uariasse, cumque dixisset *Tu es Petrus*, secundo loco non dixisset super Petrum sed *super hanc petram*, ut aliam petram, quam Petrum significaret, puerile, & ridiculum est. Nec enim Matth. Graeca, sed Hebraica, aut Chaldaica, & Syriaca lingua, ut in praefatione probauimus, Euangelium scripsit. Quibus linguis ista generis differentia, quae Graece, & Latine est inter Petrum, & petram non reperitur, sed uno, eodemque nomine siue Hebraice, siue Syriace Christus dixit *tu es Petrus*, & *super hanc petram edificabo Ecclesiam meam*. Quemadmodum si Latine Petrus non Petrus, sed petra uocaretur, & Christus dixisset, tu es Petra, & super hanc petram edificabo Ecclesiam meam, nemo profecto sancti mentis intelligere potuisset aliam petram, aut alium hominem, quam Petrum ipsum demonstrare; super illum ergo Ecclesiam Christus aedificauit. Dubitabit aliquis, cur si non Matthaeus, Matthaei tamen Graecos interpretes illam nominum, & generis distinctionem adhibuerit. Respondeo in promptu rationem esse, quia quamuis Graece petra & πέτρος, genere masculino, & πέτρα, foemino dicatur, tamen Petrus, quia uir erat, non petra foemino, sed Petrus masculino nomine uocandus erat. Secundo autem loco, ubi de aedificij fundamento agebatur, non Petrum, sed petram dixit, quamuis idem utrumque nomen significaret, quia in eiusmodi aedificijs nomen petrae foemininum magis est usitatum, πέτρος enim & Atticum, & rarum est. Praeterea cui dubium est Christum his uerbis aliquid magnum, & singulare tanquam fidei confessionis primum Petro concedere, aut promittere uoluisse? quid autem concessisset, si tantum illi dedisset nomen, ut Petrus uocaretur? imò ne nomen quidem dedisset, nam, ut paullo ante probauimus, iam Petrus appellabatur; his ergo uerbis,



Petri prima  
sus,

*his, & super hanc petram edificabo Ecclesiam meam*, significat hanc se illi eximiam, & singularem dignitatem concessurum, ut super eum Ecclesiam suam edificaret, id est eum Ecclesie caput constitueret, suumque in ea Vicarium faceret. Deinde ex verbis consequentibus, *& tibi dabo claves regni celorum*, perspicuum est hæc etiam verba, de quibus disputamus, ad Petrum pertinere; absurdum enim est tam paucis verbis rerum, aut personarum mutationem fieri. Quemadmodum ergo dicit, *tibi dabo claves regni celorum*, ita dicit, *super hanc petram*, id est super te, edificabo Ecclesiam meam. Idem enim diuersis verbis, diuersisque metaphoris illi concedit, ut ipsius in Ecclesia Vicarius sit, quam dignitatem prius fundamenti, cum dicit *& super hanc petram edificabo Ecclesiam meam*, deinde principis, aut capitis in Ecclesia sua, cum quasi ciuitatis claves tradidit, metaphora declarat: sicut ipse Christus & fundamentum, & caput Ecclesie est, quibus duobus nominibus, atque metaphoris non duæ, sed una, eademque res significatur. Quæret aliquis, cur ergo Christus non aperte, & uno verbo dixit *super te edificabo Ecclesiam meam*? Responso est facilis, ne locutionis gratia, & energia periret, quæ in eo consistebat, ut cum de Ecclesia Christus, tanquam de edificio aliquo ageret, accommodatè ad ædificium loqueretur: non fuisset autem accommodatè locutus, si dixisset, *super te edificabo Ecclesiam meam*, quia ædificia non super homines, sed super petras fundari solent: quod & D. Hieronymus admonet. Præterea, si sensus esset *super hanc petram*, id est super hanc fidem, aut super meipsum *edificabo Ecclesiam meam*, maxime propter aduersariorum rationem, qui existimant Petrum non pro se tantum, sed pro omnibus Apostolis respondisse, *Tu es Christus filius Dei viui*, quod factor nonnullos etiam auctores veteres putasse Chrysost. Hieron. hoc loco, & August. sermone 13. de verbis: Do-

mini secundum Matth. Sed hos auctores paullo post reuerenter interpretabimur. Nunc Calvinistarum opinionem refutamus. Si enim pro omnibus Petrus loquebatur, cur non omnibus a Christo dictum est, *Beati estis*, quia caro & sanguis non reuelauit uobis, &c. Cur non omnibus mutata nomina sunt? Cur non omnibus dictum, *uobis dabo claves regni celorum*? Deinde cum omnes Christus interrogasset, cur non omnes responderunt? præsertim cum paullo ante interrogante eo, quem se homines esse dicerent, non solus Petrus, sed omnes, aut quicumque uoluerunt, responderint, alii Ioannem Baptistam, alii Eliam, alii Hieremiam, aut unum ex prophetis: melius ergo omnes alii senserunt auctores Petrum pro se uno respondisse, non quod alii idem non crederent, ac dicturi etiam fuissent, nisi Petrus præuenisset, sed quod Petrus maiore fide in confessionem primus eruperit. Atque hoc tantum indicare auctores illi uoluerunt, qui dixerunt illum pro omnibus respondisse, quique eum os Apostolorum appellauerunt. Ad hæc conueniebat utique, ut quem admodum Christus Apostolos duodecim ad duodecim Patriarcharum similitudinem elegerat: ita unum ueluti Abrahamum eligeret, qui propter maiorem fidem omnium caput, & ut Abrahamum veteris, ita ille Euangelicæ Ecclesie fundamentum esset: patet enim in utroque sunt omnia, fide Abrahamus excelluit, & Petrus: nomen Abrahamo, quia pater multarum gentium futurus erat mutatum est Gen. 17. 5. & Petro, quia omnium Christianorum futurus erat pater, & caput. Illa etiam unica ratio, ob quam heretici Ecclesiam super Petrum fundatam fuisse negant, quod non potuerit aliud fundamentum poni præter id, quod positum est, quod est Christus Iesus 1. Cor. 3. 11. falsa omnino est. Nam idem D. Paulus ad Ephes. 2. 20. Apostolos, & Prophetas Ecclesie fundamentum appellat *super ædificati*, inquit, *super fundamentum Apostolorum, & prophetarum*. Nam quod



fidem hæretici exponunt, *super fundamentum Apostolorum, & prophetarum*, id est super eorum fidem, atque doctrinam peruersa omnino interpretatio est. Addit enim Apostolus, *ipso summo angulari lapide Christo Iesu. Qui* bus verbis significat in Ecclesia, sicut in cæterorum ædificiorum fundamentis multos esse lapides: primum & maximum, atque angularem Christum, quo alij omnes inniuntur: secundarios verò Apostolos, & Prophetas, qui & ipsi quidem super primum fundati sint: sed tamen aliorum Christianorum sunt fundamentum, quod D. Ioan. in Apocalypsi ca. 21. 14. disertis verbis, & nullam iam hæreticorum interpretationem recipientibus explicauit, & *murus*, inquit, *ciuitatis* (de Ecclesia loquens) *habens fundamenta duodecim, & in ipsis duodecim nomina duodecim Apostolorum agni*. Cur ergo D. Paulus non potius dixit nos super Christum, quam super Apostolos, & Prophetas ædificatos? Præptum est respondere, quia nos longius à Christo, quam ab Apostolis & Prophetis in Ecclesiæ ædificio positi sumus.

Testimonia  
Petrum pro  
primatu  
Petræ,

Christus enim primo loco primus lapis, & angularis: super Christum Apostoli & Prophetæ: super Apostolos, & Prophetas nos ædificati sumus. Denique ipsum ipsum Petrum Ecclesiæ ædificatam fuisse omnes prorsus, præter hæreticos, ueteres auctores docuerunt. Quorum sententias etsi alij diligenter inuestigatas recitarunt, tamen quia res est hoc tempore maximi momenti, non præteribo; locos solum indicabo, verba ipsa si quis desiderabit, apud auctores leget. Ita ergo Clemens Romanus in epistola ad Iacobum; ita Hippolytus in libro de con summatione mundi, ita Dionysius in epistola ad Timotheum: ita Tertull. in libro de præscriptionibus, & in libro de pudicitia: ita Cyprianus in epist. ad Iubaianum, & in epist. ad Cornelium: ita Origenes homi. 5. in Exodum: ita Epiphanius in Anchora 10: ita Gregorius Nazianzen. in orat. de moderatione in disputationibus seruanda: ita Basilii in hom. de pœ-

nitentia, & lib. 2. aduersus Eunomium: ita Ambrosius sermone 47. de fide Petri, & serm. 68. de natali Petri & Pauli, & in hymno, qui in Ecclesia decantatur.

*Hoc ipsa petra Ecclesiæ  
canente cul pam diluit,*

quem hymnum à D. Ambrosio fuisse compositum testatur Augustin. ita Hiero. in epist. ad Marcellam aduersus Montanum, & lib. 1. contra Iouinianum; ita auctor commentario. in epist. D. Pauli, qui vulgò Ambrosio tribuuntur, ad Galat. 2. ita Leo serm. 2. de Petro, & Paulo, & in epistol. ad Episcopum Viennensem, & in epist. ad Geminianum, ita totum Calcedonenfè Concilium: ita Iuuenius: ita Psellus apud Theodorum lib. 3. in Cantica: ita denique illi ipsi auctores senserunt, qui contra sensisse perhibentur. Nam idem Hilarius eodem libro 6. de Trinitate, ubi dicit Christum super fidem Petri Ecclesiam ædificasse, his verbis, & scribit, & *post sacramenti confessionem Beatus Simon ædificationi Ecclesiæ subiactus, & clauis regni cælestis accipiens*. Et in commentarijs in Psal. 131. *Tanta*, inquit, *ei religio fuit pro humani generis salute patiens, ut Petrum primum Dei confessorum Ecclesiæ fundamentum, cælestis regni ianitorum, & in terreno iudicio iudicem cæli Satana conuictio nuncuparet, & canone 16. in Matth. O in nuncupatione noui nominis felix Ecclesiæ fundamentum, digna q; ædificatione illius petra, quæ infernas leges: & tartari portas, & omnia mortis claustra dissoluere, & Chryso. hom. in psalm. 50. audi denique, quid Petrus dixerit Christus columnæ, & fundamentum fidei, qui ob robur confessionis uocatus est Petrus dicente Domino, Tu es Petrus & super hanc petram ædificabo Ecclesiam meam, & Cyrillus lib. 2. in Ioan. c. 12. 2. tu es Simon filius Iona, tu uocaberis Cyprianus, uocabulo ipso commode significans, quod in eo tanquam in petra, lapideq; firmissimo suam esset edificaturus Ecclesiā, & Aug. serm. 49. de verbis Dñi secundum Ioann. dicit, inquit, Petrus, in quo uero format Ecclesiam, Petre amas me, & lib. 1. retractationum ca. 21. aliorum*

Lib. 1. Re  
tract. c. 21,

Lib. 3. hist.  
Euang.

aucto-



auctorum, qui Ecclesiam super Petrum fundatam dixerant sententiam non im-  
probat. Ex quo apparet hos aucto-  
res, qui *super hanc petram*, id est super  
hanc fidem exponendum esse dixerunt,  
aliter quam haeretici intelligunt, in-  
terpretandos esse. Commodissima au-  
tem interpretatio mihi videtur, si di-  
camus eos dicere voluisse super fidem,  
& confessionem Petri Ecclesiam aedifi-  
catam, id est super Petrum propter fi-  
dem, & confessionem, quemadmo-  
dum, & omnes alij senserunt aucto-  
res. Huiusmodi enim phrasibus vul-  
go etiam utimur, ut dicamus in unius  
hominis fide fundatam esse republ.  
id est in uno homine propter ipsius  
fidem. Quemadmodum D. Ambr. in  
libro de Resurrectionis fide dixit su-  
per aquas non Petri corpus, sed fidem  
ambulasse: quia non corpus, sed fides  
effecit, ut super aquas ambularet. Cer-  
te ex ipsorum uerbis manifestum est  
eos, quod nunc haeretici negant, ne-  
gare noluisse Petrum esse fundamen-  
tum Ecclesiae. Dicit aliquis, si omnes  
alij non solum Apostoli, sed etiam  
Prophetae, ut ait D. Paulus, fundamen-  
tum Ecclesiae sunt, quid his uerbis sin-  
gulariter Petro concessum est, *tu es  
Petrus, & super hanc petram aedifico  
Ecclesiam meam*? Respondeo hoc illi  
concessum esse, ut inter omnes Pro-  
phetas, & Apostolos primum post  
Christum Ecclesiae fundamentum sit,  
& locum illius absentis teneat. Nam  
his verbis aliquid uni Petro singulare  
concessum esse satis a nobis supra pro-  
batum est. Cum autem alij etiam fun-  
damentum sint, nihil aliud concedi  
potuit, quam ut secundus post Chri-  
stum fundamenti lapis esset, & eo mo-  
do, quo Christus, id est ita, ut in eo non  
vna tantum pars, sed tota Ecclesia ni-  
teretur. Hoc interest, quod Christus  
sua, Petrus Christi uirtute fundamen-  
tum est, & Christus nullo alio, Petrus  
vero alio, id est Christo nititur fun-  
damento.

*Ecclesiam meam.*) Ecclesiam Chri-  
stus suam uocat indicans se Deum ef-  
fe, & dominum Ecclesiae, ut recte Theo-  
phylactus annotauit.

*Et portas inferi.*) Per portas inferi  
omnem diaboli potentiam significari  
dubium non est: illud uero dubium  
quare per portas potentia significetur:  
& quare non proprio nomine poten-  
tiam, sed metaphoricè portas Christus  
appellauerit, utrumque facile conijci-  
tur. Ioquebatur de Ecclesia, tanquam  
de ciuitate aliqua Christus. Solent au-  
tem munitissima pars urbium esse por-  
tae, ut Psal. 147. 13. *Quoniam conforta-  
uit seras portarum tuarum, benedixit  
filijs tuis in te*; & quia urbes plerumque  
per portas expugnari consueuerunt,  
ut Gen. 22. 17. & 24. 60. *& possidebit  
semen tuum portas inimicorum suorum*,  
id est hostium suorum urbes expugna-  
bit, & Iudic. 5. 8. *noua bella elegit domi-  
nus, & portas hostium ipse subuerit*, &  
3. Reg. 8. 37. *si afflixerit cum inimicus  
eius portas obsidens*. Propterea ergo  
diaboli potentiam, non potetiam, sed  
portas inferi appellauit. At cur inferi  
dixit, & non potius diaboli, qui Eccle-  
siae hostis est, sicut Moyses dixit *posside-  
bit semen tuum portas inimicorum suo-  
rum*? Id etiam facile, quia sicut de Ec-  
clesia, ita etiam de inferno, ubi diabo-  
lus dominatur, tanquam de urbe ali-  
qua loquitur, sicut Psal. 106. 16. *Qui  
contriuit portas areas, & reles ferreos  
confregit*. Hae enim duae illae sunt ciui-  
tates, altera Dei, diaboli altera, de qui-  
bus D. Aug. suos scripsit libros.

*Non preualebunt.*) οὐ κατισχύουσιν  
id est non vincent, aut non superabunt.  
Quorum uerborum sensus non vide-  
tur mihi esse, quem omnes, praeter Hi-  
larium, quos legisse memini, auctores  
putant. Omnes enim existimant sensum ef-  
fe fore, ut diaboli potentia Ecclesiam  
quidem exerceat, nunquam uero uin-  
cat, nunquam opprimat. Quae senten-  
tia, etsi vera est, tamen est parua, & lo-  
cum, ac uerba Christi non implet. Ma-  
ius enim quiddam videtur Christus signi-  
ficare uoluisse. Nec enim scilicet porte uin-  
cere, sed resistere: itaque non potuit of-  
fendendi, sed defendendi uis per por-  
tas significari. Sensus igitur, nisi fallor, est  
fore, ut Ecclesia super petram a Christo  
fundata omnem diaboli potentiam expu-  
gnet, ita ut nulla arte, nullis uiribus  
possit

Quid p por-  
tas inferi in-  
telligendū.



possit resistere. Hoc enim multo maius est, & verbis magis cōsentaneum, portas enim inferi non prauallituras aduersus Ecclesiam, Hebraica phrasid est *לֹא יִשְׁלַח ה' אֶת הַמָּוֶת* non poterunt aduersus illam, id est non poterunt illi resistere. Hunc sensum Hilarius secutum apparet, quæ (Ecclesia scilicet) infernas leges, & Tarrari portas, & omnia mortis claustra dissolueret. Veteres auctores per portas inferi, id est diaboli potentiam, alij hæreses, ut Epiphanius in Anchorato: alij uitia, ut Ambrosius in libro de bono mortis ca. 12. & in commentariis in cap. 9. Lucæ. alij vtrumque, ut Origenes tractat. 1. in Matth. Hieronymus, & Beda: alij blasphemias hæreticorum, & eorum aduersus Ecclesiam persecutiones, ut Euthymius: alij omnes Ecclesiæ persecutores, ut Theophylactus intelligunt. Præstat non restringere sententiam, sed generaliter omnem diaboli potentiam interpretari.

*Aduersus illam.*) Origenes tract. 1. in Matth. & Chrysostomus homil. 55. putat relatum uel ad petram, uel ad Ecclesiam referri posse: sed non dubito, quin ad Ecclesiam referatur, quod & iidem auctores probabilius, & alij omnes verum putant, quauquam propterea significat Christus portas inferi aduersus Ecclesiam non prauallituras, quia supra petram adificata est, sicut supra capitulo 7. 24. 25. dixit, *Omni qui audis uerba hæc, & facit ea, assemblabitur uiro sapienti qui adificauit domum suam super petram, & descendit pluuia, & uenerunt flumina, & stauerunt uenti, & irruerunt in domum illam, & non cecidit; fundata enim erat super petram.* Nisi quod illic significatur domum illam pluuiæ, fluminibus, & uentis restituisse: hic uero Ecclesiam non solum inferno restitutam, sed illum etiam expugnatam esse, quia super firmam petram fundata est. Agitur enim de Ecclesia, & inferno, tanquam de duabus, ut iam monuimus, urbibus, aut arcibus inter se uicinis, atque pugnantibus: quarum, quæ melius fundata est atque munita, alteram expugnat.

19. *Et tibi dabo clauēs.*) Clauēs per metaphoram appellatur potestas aperiendi, atque claudendi regni cœlorum, ut Lucæ 11. 52. *Uæ uobis legisperitis, qui tulistis clauem scientiæ, ipsi non introiistis, & eos qui introibant, prohibuistis.* Quam potestatem alia statim metaphorâ ligandi, atque soluendi declarat. In quo autem hæc potestas consistat, de eo inter nos, & nouos hæreticos Lutheranos, & Calvinistas hoc tempore disputatur. Illi enim non alia ratione homines cœlum aperire, ligare, & soluere, peccata aut remittere, aut retinere putant, quam docendo, aut remissa iam esse, aut fore, ut, si quis Euangelio crediderit, illi remittantur. Noua, inaudita, & prorsus absurda sententia. Isto enim modo nihil aliud Christus Petro concessis clauibus regni cœlorum dedit, quam quod ante illum Scribæ, & Pharisei etiam habebant, capitulo 23. 2. *Super cathedram Moysi sederunt Scribæ, & Pharisei, omnia ergo, quæcunque dixerint uobis, seruate, & facite,* & Lucæ 11. 52. *Uæ uobis, qui tulistis clauem scientiæ.* At iam satis a nobis probatum est Christum non solum plus, quam Scribis, & Phariseis: sed plus etiam, quam ceteris Apostolis Petro dare uoluisset, aliquid ergo per clauium potestatem supra docendi potestatem significatur. Præterea docendi potestatem non solum Christus Apostolis, sed Septuaginta etiam duobus discipulis dedit in capitulo 10. 1. uer. 1. clauēs autem, & ligandi, atque soluendi potestatem solum Apostolis: non ergo eadem est clauium, ligandi, & soluendi, quæ docendi potestas. Præterea docendi potestatem iam Christus Apostolis dederat capitulo 10. 7. Clauium autem, & ligandi, soluendique potestatem non dederat: non est igitur eadem. Nam quod Calvinus dicit isto loco non dedisse Christum Apostolis generalem ubique, sed specialem ad tempus in solis Iudæorum urbibus docendi potestatem, & falsum est, & si uerum esset, nihil efficeret. Iam enim eo loco probauimus generalem docendi facultatem etiam tunc Apostolis fuisse

De clauib', & potestate ligandi, & soluendi cōtra hæreticos.

com-



concessam, sed vsum ad tempus fuisse restrictum, ne in viam gentium abirent, quia non conueniebat prius gentibus Euangelium, quam Iudæis quibus promissum fuerat, prædicari. Et ut fingamus specialem tantum potestatem illis datam fuisse, quid ad presentem questionem? Certè si idem est docere, atque remittere peccata, ubique, & quodocunque docere poterant, poterant, & peccata remittere: at uideamus potestatem illis docendi tunc datam fuisse, potestatem uerò remittendi peccata datam non fuisse: distincta igitur potestas est. Videmus etiam hoc loco, ubi clauces conceduntur, & ligandi, atque soluendi peccata facultas datur, nullam de docendo mentionem fieri: contra uerò c. 28. 19. & Marci 16. 15. ubi iubentur Apostoli omni creaturæ Euangelium prædicare, nullam mentionem de clauibus, nullam de ligando, & soluendo factam esse. Nam, quod Ioannes ait. c. 20. 22. 23. Christum, cum Apostolos mitteret, dixisse, *Accipite Spiritum sanctum, quorum remiseritis peccata, remittuntur eis*, etsi sub idem dictum est tempus, non tanquam idem dictum est: propterea enim, ut alia multa, Ioannes, tanquam ab aliis prætermissa Euangelistis commemorat. Illud etiam non minimum est argumentum, quod potestatem remittendi peccata alia Christus ceremonia, quam docendi potestatem Apostolis dedit. Nam cum potestatem peccata remittendi dedit, dicitur in Apostolos insufflasse, dixisseque, *Accipite Spiritum sanctum*. Cum autem docendi facultatem dedit, neque insufflasse, neque Spiritum sanctum dedisse dicitur: diuersa igitur docendi, atque peccata remittendi potestas est. Ad hæc, si non aliter homines hominibus peccata remittunt, quicunque alium docebit, etiam si mulier sit, peccata remitter, quod & inauditum, & absurdissimum est. Præterea si docere est soluere, id est peccata remittere, non doceret erit ligare, id est peccata retinere. Itaque omnes homines, qui non docent, li-

gandi, id est peccata retinendi potestatem habent. Quod quid absurdius? Præterea, si docere esset soluere, & non docere ligare, non dedisset Christus Apostolis ligandi potestatem, cum eos iussit docere omnem creaturam, id est (si istorum sententia uera est) omnes homines soluere, neminem ligare. Quotum igitur ligandi potestas, si nemo ligandus erat? sequitur etiam ex istorum sententia Christi falsam esse sententiam. Nam si soluere est docere, non quæcunque Apostoli soluerunt super terram: soluta fuerunt & in cælo, quot enim homines bene docuerunt, quibus non credentibus peccata in cælo soluta non sunt? Immo quot etiam crediderunt, & bene docti, beneque credentes damnati sunt? Scio aliam esse istorum hæresim, neminem bene credentem damnari posse, sed istud monstrum alio loco debellamus. Denique quos in scriptura ligatos fuisse legimus, nec docendo, nec non docendo ligati sunt. Ligauit Paulus Corinthios illum 1. Cor. 5. 5. Ligauit hereticos illos 1. Tim. 1. 20. non docendo, sed Satanæ tradendo, cum bene ante docuisset, sicut nunc ipsos hereticos, quibus cum disputamus, Ecclesia catholica excommunicando, id est Satanæ tradendo ligat. Exemplo uerò ligandi, quæ Calvinus proponit, risu mihi legenti mouent: Paulus, inquit, & Barnabas Iudæos ligauerunt Actuum 13. 46. cum dixerunt, *Vobis oportebat primum loqui uerbum Dei, sed quia repellitis illud, et indignos uos iudicatis æternæ uitæ, ecce conuertimur ad gentes*. Et Actuum. 18. 6. cum prædicante D. Paulo Iudæi qui Corinthi erant, credere nolissent, *contradistentibus, inquit, eis, et blasphemantibus excutens uestimenta sua dixit ad eos, sanguis uester super caput uestrum, mundus ego ex hoc ad gentes uado*. Quis enim istas non rideat ineptias? testificet D. Paulus excutiendo uestem homines ligauit. Fallor, nisi cum Christus Apostolos iussit in eos, qui se non recepissent, puluerem etiam pedum suorum

Exempla Calvinii ridicula.



suorum excutere, ex Caluini sententia ligandis illis dedit potestatem. Si aliud argumentum non esset, sua iste error nouitate refelleretur. Cui enim antequam isti nascerentur, aut potius heretici fierent, venerant in mentem? Fuerunt Nouatiani heretici istorum similes, qui clauium potestatem Ecclesiae non datam negaret: sed ad certorum tantum peccatorum remissionem restringerent: argumentabantur, ut ait Ambrosius libro de poenitentia c. 2. non posse hominem peccata remittere: sed tam subiles non fuerunt, ut istam Caluinistarum rationem, qua non Apostoli tantum, sed omnes etiam mulieres in religione mediocriter instituta facile peccata remittant, excogitarent. Quomodo senserint omnes, qui post Christum fuerunt, Catholici auctores peccata per clauis Ecclesiae remitti, prolatis eorum testimoniis explicandum esset, si quis eorum aliter quam per poenitentiae sacramentum id fieri dixisset: sed ubi nemo contradicit, opus non est testibus. Verba tantum Tertulliani libr. de poenitentia ponam. *Presbiteris aduolui, & caris Dei adgeniculari, omnibus fratribus legationes deprecationis suae iniungere, haec omnia ex omologesis ut poenitentiam commender, de periculi timore dominum honoret, ut in peccatore ipsa pronuncians pro Dei indignatione fungatur, & temporali afflictatione aeterna supplicia non dicam frustretur, sed expungat.* hac ratione, non docendo peccata remittebatur. Ponam & Cypriani in sermone de lapsis: *Confiteantur singuli queso, fratres, delictum suum, dum adhuc, qui deliquit in saeculo est, dum admitti eius confessio potest, dum satisfactio & remissio facta per sacerdotem apud hominem grata est, & alio loco reprehendens eos, qui cum publica peccata commisissent, confessi non erant; Quanto inquit, & fide maiores, & timore meliores sunt, qui quamuis nullo sacrificij aut libelli scelere constrikti, quoniam tamen de hoc uel cogitarunt, hoc ipsum apud sacerdotes dolenter, & simpliciter confitentur.* Itaque confessione, & poenitentia, non doctrina peccata remittuntur.

In eodem ser.  
paulo sup.

Haecenus vnus est haereticorum de hoc loco error refutatus. Secundus est, quod negent aliquid his verbis Petro datum esse, quod non omnibus pariter Apostolis datum sit, id nunc refutandum est, non de illis disputando uerbis *super hanc petram edificabo Ecclesiam meam*, de quibus satis supra disputauimus, probauimusque hoc singulariter fuisse Petro concessum, ut Ecclesia super illum aedificaretur. De his uerbis nunc agimus *sibi dabo clauis regni Celorum.* Quibus ego uerbis contra haereticorum, & nonnullorum Catholicorum opinionem Ecclesiae principatum Petro datum esse contendo, non quod Catholici illi datum negent, sed quod non hic, sed ilis praecedentibus uerbis *super hanc petram edificabo Ecclesiam meam*, datum putent, clauis uero non singulariter Petro, sed omnibus communiter Apostolis fuisse collatas. Ego uero, ut iam diu in Theologicis scholis docuisse memini, utrisque uerbis eundem arbitror Ecclesiae principatum Petro fuisse concessum. Primum enim hoc phrasidis significat. Solent enim domus, aut urbis clauis penes eum esse, qui in domo, vel ciuitate princeps est. Itaque per clauis in scriptura principatus significatur, ut apud Isaiam c. 22. 22. *Et dabo clauem domus Dauid super humerum eius, & aperiet, & non erit, qui claudat, & claudet, & non erit, qui aperiat,* id est supremam illi in regno Dauid potestatem dabo. Super humerum autem dixit, cum clauis non super humerum, sed in zona gestari soleant, duas, ut saepe in scriptura fieri solet, confundens metaphoras idem significantes, alteram clauium, alteram sceptri, quarum utraque summum declarat imperium: quia ergo sceptrum super humerum gestari solet, dixit se clauis domus Dauid super humerum eius positurum, sicut apud eundem Isaiam c. 9. 6. *cuius principatus super humerum eius.* Eodem sensu dicitur Christus Apoc. 1. 18. habere clauis mortis & inferni, id est dominus esse uitae & mortis, & c. 3. 7. habere clauem Dauid, qui

Per clauis principatus in scriptura significatur.



Petro soli  
supremi cla-  
uium pote-  
stas concef-  
sa.

Fundamen-  
tum casuū  
referuatorū  
summo Po-  
tiffici.

Est caput  
et de dō  
auctoritatis  
lib.

he. 2. 1. 1. 1.  
Fundamentum

qui aperiat, & nemo claudat: qui clau-  
dat, & nemo aperiat. Hoc igitur  
sensu clauē Petro datæ sunt, id est su-  
prema secundum Christum in Eccle-  
sia potestas, ut claudat, & nemo ape-  
riat; aperiat, & nemo claudat: id est,  
ut quæ soluerit, nemo ligare: quæ li-  
gauerit, nemo soluere possit. Vnde  
potestas Romani Pontificis ad refer-  
uandos, quos vocant, casus efficacissi-  
mè probatur. Id etiam inde colligo,  
quod soli Petro hoc loco dicatur,  
*sibi dabo clauē regni celorum*, & ita di-  
catur, tanquam aliis dandæ non ef-  
fent, quia solus respondit *Tu es filius  
Dei uiui*, sicut soli dictum est, *super  
hanc petram ædificabo Ecclesiam meam*.  
Diuersis enim metaphoris altera fun-  
damenti, altera clauium unus idem-  
que principatus significatur, & una  
alterius explicatio est. Non nego cæ-  
teros Apostolos suas etiam clauē, id  
est ligandi, soluendique potestatem  
habuisse, quemadmodum omnes ve-  
teres auctores docent, dicentes clauē  
omnibus datas fuisse: sed nego hās,  
de quibus hic agitur, clauē habuisse,  
& nego eas, quas habuerunt, qualque  
omnes semper Catholici verè qui-  
dem, sed alio tamen sensu clauē ap-  
pellarunt, in sacris usquam litteris cla-  
uē vocari. Firmissimum etiam est ar-  
gumentum, quod cum Christus aliis  
Apostolis infra capitu. 18. 18. & Ioan.  
20. 23. ligandi, soluendique potesta-  
tem dedit, nullam de clauibus men-  
tionem fecit. Solus ergo Petrus eas  
clauē habuit, quibus ita aperiēbatur,  
ut nemo clauderet: ita claudēbatur,  
ut nemo aperiret; sicut in domo  
etiam si aut omnes, aut multi suas ha-  
beant clauē, solus tamen dominus,  
& domi omnes, & secretas habet, qui-  
bus cum vult, ita claudit, ut nemo ape-  
rire: ita aperit, ut nemo possit clau-  
dere. Notauit hoc ipsum Origenes tra-  
ctat. in Matth. 1. Sed veram, solidam-  
que sententiam nimis subtiliter pro-  
bando perdidit. Ait enim plus Pe-  
tro, quam cæteris Apostolis concef-  
sum fuisse. Hoc bene. Probat, quia cæ-  
teris Apostolis dictum est, *Quæcun-*  
*que solueritis super terram, erunt solu-*

*ta & in celo*. Petro verò, *quodcun-*  
*que solueritis super terram erit solu-*  
*tum & in celis*, quasi Petrus in omni-  
bus celis, alij Apostoli in uno soluē-  
di potestatem acceperint. Hoc nimis  
subtiliter. Tertius Calvinistarum hoc  
loco error est, hanc potestatem, quæ Pe-  
tro data est, eius successoribus non itē  
datam esse. Itaque quamuis conceda-  
tur Petrum Ecclesiæ principatum ha-  
buisse: inde tamen probari non posse  
eundem principatum eius habere suc-  
cessores, & quidem id ipsum in lib. de  
pudicitia Tertul. dicere uidetur, hanc  
potestatem soli Petro *personaliter*, ut  
eius vtar verbo, fuisse concessam. Sed  
bene est, quod id Tertul. non Catholi-  
cus sed hæreticus dixit, cum iam ab Ec-  
clesia ad Montanistarum castra trans-  
fugisset. Admonet enim Hieronym.  
in libro de scriptoribus Ecclesiasticis li-  
brum illum de pudicitia a Tertulliano  
aduersus Ecclesiam fuisse cōscriptum:  
confirmat ergo magnopere opinio-  
nem nostram, quod nemo id unquā,  
nisi hæreticus, id est Calvinistarum si-  
milis dixerit. Nam & Montanistæ Cal-  
uinistarum in hoc similes erant, quod  
& illi se Spiritum sanctum habere fate-  
rentur, ut ex eodem Tertulliani libro  
statim apparet. Probauimus idem per  
clauē, & per petram, super quam Ec-  
clesiam Christus ædificauit, significa-  
ri. Quis tam sit amens, ut credat Chri-  
stum Ecclesiam immortalē super mor-  
talem hominem ædificasse, quo mor-  
tuo Ecclesiam corruere necessē esset?  
Non ergo super solum Petrum, sed  
super illum, & super omnes eius suc-  
cessores Ecclesiam fundauit: qui quo-  
niam defuncti nunquam sunt, Eccle-  
sia nō corruet. Idem de clauibus idem,  
ut diximus, significantibus dicendum  
est. Præterea quorsum Christus soli  
Petro, non autem eius successoribus  
daret? Constituēbat enim Ecclesiam,  
instituēbat officia, quæ vel impruden-  
tissimus quisq; nō in personarum ho-  
norem, sed in eiusdem Ecclesiæ utili-  
tatem instituisset. Tandiu igitur erūt,  
quandiu Ecclesia ipsa duratura, maxi-  
meque illud, quod, ut omnium maxi-  
mum, ita omnium erat maximè ne-  
cessa.

Potestas cla-  
uium petro  
pro se, &  
successori-  
bus data cō-  
tra Calui-  
num.



Romani Pontifices Petri Successores.

Sap. 5. 21.

cessarium principis Ecclesiae, qui eius fundamentum futurus erat. Itaque, ut alia officia minora in posteros transferenda non essent, tamen hoc transmitti ad successores necesse erat, atque ita omnes ueteres auctores docuerunt. Quartus etiam est error, quod negant Romanum Pontificem esse Petri successorem: nec enim aut Petrum unquam Romae fuisse; aut, si fuisset, propterea colligi posse quicumque Romanus sit Pontifex, eius esse continuū successorem. Hunc errorem, quia locus proprius non est, non hic aliter refutabimus, quam ut iubeamus illos contra totum terrarum orbem pugnare. Nemo enim ante illos neque Catholicus, neque haereticus auctor fuit, qui non affirmaverit, & Petrum Romae mortuum, & Romanos Pontifices eius successores esse. *Pugnabit ergo, ut ait sapiens, pro illo orbis terrarum contra insensatos.* Quintus error est, quod putant necessarium esse, ut Romani Pontifices Petro doctrina, & moribus similes sint, ut eius successores dici possint, qua ratione necesse etiam erat, ut Matthias Iudae cui successit, similis esset, quod dici sine risu non potest. Necesse etiam erat, ut Iudas alijs similis esset Apostolis, ut eandem atque illi, Apostoli dignitatem retineret. At Apostolus esse nō desijt etiam tunc, cum fur esset, & loculos haberet, etiam tunc cum in mensa discumbens de vendendo Christo cogitaret, etiam tunc cum uendidisset, antequam suspensus creparet medius, ut significat Petrus Actuum 1. 18. Quemadmodum ergo Matthias, quia in Iudae locum electus est, quamuis multo illo melior, uerus successor eius fuit: ita Iudas, si in Matthiae locum electus fuisset, quamuis multo illo peior, eius fuisset, tamen successor. Fingamus Romanum aliquem Pontificem talem esse, qualem isti in suis concionibus solent pingere: fingamus esse Iudam: successor tamen Petri esse non desinit.

*Et quodcumque ligaueris.*) Hæc etiā metaphora est, qua idem, quod duabus superioribus, significatur, supre-

mam remittendi, aut retinendi peccata potestatem Petrum habuisse; nec enim eodem sensu, quo Petro, atque alijs Apostolis dictum interpretor, *quodcumque solueris super terram, erit solutum & in calis*; etiam uideo omnes auctores præter Origenem in eadem fuisse sententia: sed eo sensu, quo super solum Petrum Ecclesia ædificata est, quo soli datæ sunt clauces, ut ita liget, ut nemo soluere: ita soluat, ut nemo ligare possit. Quod iisdem argumentis probari potest, quibus supra probauimus Ecclesiam super Petrum ædificatam, solumque clauces, id est Ecclesiae principatum datum esse. Quæri autem solet in quo ligandi, & soluendi potestas sita sit. D. Thomas in commentarijs tres de ea re errores uitandos esse monet. Primus est eorum, qui arroganter uidentur existimasse posse sacerdotes quemlibet pro suo arbitrio ligare, aut soluere, & quicquid iure, uel iniuria fecerint, ratum in cælo futurum esse. Et uerò si quis in sola uerba animum figat, id uidebuntur præ se ferre, *quodcumque*, inquit, *ligaueris super terram, erit ligatum, & in calis, & quodcumque solueris super terram erit solutum & in calis.* At non ita est. Tantum enim uoluit Christus Petro imprimis, deinde cæteris Apostolis uices suas in terris dare, ut facerent, quod ipse, si in terris esset, facturus erat, & eodem modo, quo facturus erat, ut ligandos ligarent, soluendos soluerent. Hoc tantum excepto, quod Christus propria, Apostoli aliena, id est Christi uirtute ligaturi erant, aut soluturi. Ex eo ergo ipso, quod suas illis uices tradidit, intelligit debere eos, non pro ipso, sed pro suo ipsius iudicio uel soluere, uel ligare: ita ut, quemadmodum rectè Cyprianus ait, iudicauero Christo nemo præiudicet. Hoc est, quod Theologi dicunt, clauem non errante. Secundus error est, ligare aut soluere nihil aliud esse, quam homines, aut iam a Deo ligatos, aut iam solutos declarare, sicut in ueteri lege sacerdotes leprosos neque faciebant, neque curabant: sed aut uerè leprosos, aut uerè a lepra

In quo ligandi & soluendi potestas sita.

Epist. 52. ad Antonianum



lepra curatos declarabant, quemadmodum uidetur hoc loco Hieronymus docere, ex quo nonnulli Theologi eandem hauserunt opinionem, ut Rabanus, quem D. Thomas citat, & quidam de schola posteriores, quos Caluinistae, ut solent scabrosa confectari, libenter secuti sunt. Sed hic error ex hoc ipso loco refutatur. Si enim non aliter sacerdotes, aut peccata soluerent, aut ligarent, non dixisset Christus, *quaecunque solueritis super terram, erunt soluta & in caelis*: sed quaecunque soluta erunt in caelis, solueris super terram. Cum autem e contrario dicat quaecunque solueris super terram, erunt soluta & in caelis, apertissime significat prius ab Apostolis super terram, quam à Deo in caelis esse soluenda. Atque hoc fuit munus Apostolis dignum Christi personam referentibus, ut quemadmodum cum Christus ipse in terris uersabatur, quaecunque solvebat super terram, solvebantur à patre, & in caelis, ita eo in caelum recepto quidquid Apostoli super terram soluerent, & ab eo in caelis solueretur. Nec uero existimo aliam fuisse Hieronymi sententiam, aut eum hunc errorem confirmare: sed illum tantum priorem, de quo iam diximus, refutare uoluisse. Tertius error est, cum in peccato sint duo, culpa, & reatus poenae aeternae, ab utroque hominem per contritionem absolui aeterna poena in temporalem commutata, sacerdotes uero, cum absolunt nihil aliud facere, quam aliquid de illa ipsa temporali poena minuere. Hoc etiam facile refellitur, dicit enim Christus apud Ioannem, *Quorum remiseritis peccata, remittuntur eis, & quorum retinueritis, retenta sunt*; Sacerdotes igitur non a poena solum, sed a culpa etiam absolunt. Nec id magis mirum uideri debet per sacramentum poenitentiae, quam per sacramentum Baptismi posse facere sacerdotes, quemadmodum D. Ambrosius aduersus Nouatianos disputans libro 1. de poenitentia cap. 2. docuit. Potest obijci sacerdotibus, cum ligant, non facere homines peccatores, sed declarare;

ergo & cum absolunt, non facere iustos, sed iustos iam esse, & a peccatis absolutos restitui. Respondeo non bene sequi, quia potestas ligandi, & soluendi non est propter iustos, sed propter peccatores. Apostolis data. Nam eos, qui iusti, id est soluti sunt, Deus ligari non uult. Eos autem qui peccatores id est, ligati sunt, solui cupit, si digni; uel ligari, si indigni sint: propterea non possunt sacerdotes eodem modo ligare, atque soluere, sed soluunt uere soluendo, ligant non soluendo, id est quemadmodum Ioannes loquitur, non faciendo, sed retinendo peccata.

*Super terram.* ) Sunt qui colligant ex hoc loco Ecclesiae potestatem ad ligandum, atque soluendum ad mortuos non pertinere, quia super terram, id est, sub Ecclesiae iurisdictione non sunt, ut ait Strabus auctor glossae, quae uocant, ordinariae, quod, an uerum sit, non est hic locus subtiliter disputandi, tantum dico ex hoc loco colligi non posse, illud enim *super terram*, non est ad eos, qui ligantur, aut soluntur, sed ad eos, qui ligant, uel solunt, referendum; quasi dicat Christus, quicquid uos super terram habitantes solueritis, aut ligaueritis, solutum, uel ligatum erit à Deo, qui habitat in caelis, aut breuius, quidquid solutum, uel ligatum fuerit a uobis hominibus, solutum, & ligatum erit à Deo. Nam per terram homines, per caelos Deus significatur, estque elegans antithesis, quae propter summam distantiam, quae inter caelum & terram est, potestas Apostolis data commendatur. Quemadmodum si quis princeps alicui diceret, quidquid uel apud Indos egeris, ratum habebo, indicans quantopere illi confidat, & quam amplam illi concedat potestatem. Minus enim solemus habere ratum, quod nostro nomine per alium fit, nobis procul absentibus, quam quod praesentibus, aut prope commorantibus nobis fit. Solent enim serui, quod longius dominus abest, eò maiori, uel licentia, sicut parabola illa Euangelica significatur Matthaei



potestas clau-  
ium etiā  
in mortuos  
extenditur.

Cypr. epist.  
66.

Confessionis  
auricularis  
assensio.

Confessionis  
auricularis  
præceptum.

24. 48. 49. vbi malus ille seruus Regis ait, *moram facit dominus meus venire, & caput percutere conseruos suos, & manducare, & bibere cum vtriusque.* Duo tamen certa, fixaque esse debent, alterum, Ecclesiam potestatem habere etiam mortuos excommunicandi, id est, ius priuandi suffragijs, quod ex D. Cypriano, & Augustino semper factum fuisse constat; alterum, hanc Ecclesiam habere potestatem, ut eos, qui in purgatorio sunt, suffragijs suis liberare possit. Porro hic locus est, ex quo Confessionis Ecclesiastica vsus apertissime probatur. Nam non potuit hæc potestas Apostolis data sine peccatorum cognitione exerceri; nec peccata, quia plerumque occulta sunt, sine propria eius, qui peccauit, confessione cognosci. Itaque ex hoc loco omnes ueteres auctores confessionis, ac poenitentiae usum collegerunt, ut Cyprianus in sermone de lapsis, Athanasius homilia in illa uerba, Ite in castrum, quod contra nos est, Basilius in epistola ad Amphilochoium. Addo etiam, Christum his uerbis non solum potestatem absoluedi Apostolis tradidisse, sed etiam confitendi præceptum omnibus dedisse Christianis. Sensus enim est, non solum fore, ut, quicquid Apostoli soluerint in terra & ipse soluat in caelo, sed præterea significat, nihil se soluturum, aut ligaturum in caelo, nisi quod eius Apostoli, aut eorum successores aut soluerint, aut ligauerint super terram. Dat enim illis suam ipsius potestatem, ut pro se Ecclesiam gubernent. Itaque quicumque peccatorum solutione indigebunt, uult, ut ad Apostolos, uel eorum successores, tanquam, ad seipsum, si in terris esset, ueniant, & ab illis peccata confessi solutionem petant. Quemadmodum si ille in terris uideretur, neminem a peccatis absolueret, nisi sua prius peccata confiteretur: sed ille, quia Deus, sine Sacramento, Apostoli, quia homines erant, non nisi per Sacramentum, tanquam Christi manum, soluere poterant. Hoc tale est, quemadmodum si quis princeps aliquem pro se in longinquam pro-

uinciam gubernatorem mittens illi diceret, quidquid egeris, probatum habebis, eo ipso eius prouinciae hominibus præceptum daret, ut quicumque aliquid litis haberent, ad illum tanquam ad seipsum uenirent, & coram illo causas suas agerent: non quod se potestate sua spoliauerit, quinimodum possit & ipse, cum uelit, causas cognoscere, & de rebus omnibus iudicare: sed quod ordinaria potestatis usum in gubernatorem transulerit, extraordinaria sibi reseruauerit. Sic intelligo Christum ordinariam suam potestatem in Apostolos transulisse, extraordinariam sibi reseruasse. Ordinaria enim remedia in Ecclesia ad remittenda peccata sunt ab eo instituta Sacramenta, sine quibus homines peccata remittere non possunt, Christus potest, sed extraordinarie, & multo rarius facit, quam per Sacramenta. Noluit igitur homines extraordinarijs remedijs remissionis peccatorum confidere, quæ & rara sunt, & incerta: sed ordinaria, &, ut ita dicam, uisibilia Sacramentorum querere remedia. Quare sicut Baptismi, & Eucharistiae, ita Confessionis, & Poenitentiae præceptum dedit.

20. *Vt nemini dicerent.* Cur Christus tam saepe uenerit vulgari, quæ faciebat, quæque ipsum Deum esse declarabant diximus ca. 8. 4. c. 9. 30. cur autem hoc loco id uenerit, Marcus cap. 8. 30. & Luc. in c. 9. 22. & hoc ipso loco Matth. ver. sequenti docent. Omnes enim hi tres Euangelistæ narrant Christum statim atque Petrus illum filium Dei uideri confessus esset, exponere cepisse, quomodo Ierosolymis multa passurus, ac moriturus esset, ex qua narrationis consequentia colligitur, ideo noluisse, ut Apostoli se filium Dei esse promulgarent, ne qui id audiissent, si post eum morientem uidissent, infirmitate carnis eius offensi fidem perderent. Nam eo in cruce pendente nonnullos ex ijs, qui eum filium Dei esse audiuerant, dixisse legimus, *si filius Dei es, descende de cruce*, infra ca. 27. 40. Noluit ergo Christus, ut quæ se moriente paucis accidit, omnibus



bus accideret. Hanc rationem Chrysostom. Hiero. & Beda afferunt. Duplex autem occurrit quaestio, altera cur supra cap. 16. 7. miserit Apostolos regnum Dei predicare, quod nihil aliud erat, quam aduentus filii. Altera cur ipse tam saepe, aut se filium Dei, aut Deum patrem suum appellauerit, si nolebat, ut se filium esse Dei homines scirent. Haereticus interpres, qui missionem illam temporalem tantum fuisse responderet, nihil mihi ad rem videretur respondere. Quid enim refert, aut temporalem, aut perpetuam missionem fuisse, si aduentum filii Dei praedicabatur? Origenes tract. 1. in Matth. responderet Apostolos, non Christum, sed regnum Dei praedicasse. Hieron. e contrario praedicasse quidem Christum, sed non Iesum, id est docuisse illum uirum esse iustum, prophetam, inaudita miracula facientem, Messiam à Deo promissum, sed non docuisse illum esse filium Dei uiui, id est uerum & naturalem Deum, qualem nunc Petrus confessus est, quia id ne ipsi quidem tunc Apostoli fortassis intelligebant: hoc autem loco prohibuisse, ne se Iesum Christum esse dicerent, ut in plerisque legitur ex pluribus, neque, ut nonnulli putant, abundat. Nam Iesus Dei, quia seruatore[m] significat: Christus hominis nomen est. Placet mihi hanc ratio, quemadmodum & Ambrosio in c. 9. Luce, & Euthymio uideo placuisse. Illud certum nunquam Christum ante passionem suam Apostolis precepisse, ut se filium Dei esse praedicarent; ipse uero nunquam satis aperte se filium esse Dei in publico declarauit, quia, cum aliquando offensi nonnulli essent, quod Deum patrem suum appellassent, eorum opinionem ambiguitate nominis ludihcauit, *nonne, inquit, scriptum est in lege uestra, ego dixi Dicitis uos, si illos dixit Deos, ad quos sermo Dei factus est, quæ pater sanctificauit, & misit in mundum, uos dicitis, quia blasphematis, quia dixi filius Dei sum?* Ioan. 10. 34. 35. 36.

21. Exinde. Interpretatio Hieronymi est, Exinde, id est, cum pas-

sus fuero. Sed manifestum est indicare Euangelistam uoluisse Christum ex eo tempore, quo Petrus illum filium Dei esse confessus fuerat, coepisse de futura sua morte uerba facere, & non semel, sed saepius Apostolos monere, quod futurum erat, quasi dicat ex eo tempore non tenuit Christus secretam futuram passionem suam, sed palam, aperteque de ea loquebatur. Potest quæri, cur ex eo tempore potius, quam ante. Causa in promptu est, quam & Chrysostomus, & Euthymius, & Theophylactus indicant, quia ante nondum satis ab Apostolis, tanquam filius Dei naturalis, aut cognitus, aut publica confessione pronuntiatus fuerat, & uerendum erat, ne si de future mortis suæ ignominia mentionem faceret, offenderentur, & aut discederent, aut à cursu fidei retardarentur. At cur postea? Eadem nimirum de causa, quia cum se filium Dei confessi fuissent, idonei uidebantur, ut future mortis illis mysterium explicaretur. Atque adeo necessarium erat, ut id fieret, ne postea, si non praemoniti patientem Christum uiderent, de eius diuinitate dubitarent, quemadmodum Theophylactus obseruauit. Idem enim alibi in simili fecit causa Ioannis 16. 1. *Hec locutus sum uobis, ut non scandalizemini, absque synagoga facient uos.* Aliam etiam alii rationem afferunt, ut discipulos suos Christus futuro exemplo suo ad patientiam praemuniret, quemadmodum ex uersu 24. colligitur *si quis, inquit, uult post me uenire, abneget semetipsum, & tollat crucem suam, & sequatur me.* Ita Petrus epistola 1. capitul. 2. 21. inquit, *Christus passus est pro uobis, uobis relinquens exemplum, ut sequamini uestigia eius.*

Oportet. Non absolute, sedposito patris decreto, quo hominum genus per mortem filii sui constituerat liberare, pari, morique eum oportebat. Quo sensu ipse apud Lucam dixit capitul. 24. 46. *sic scriptum est,*



est, & sic oportebat Christum pati, & resurgere à mortuis tertia die.

22. Et assumens eum) καὶ προσλαμβάνειν vos, quod omnes interpretantur segregans, aut subducens eum, quasi ausus non fuerit coram aliis Christum increpare. Ita Chrysostomus, Hieronymus, Beda, & Euthymius. Ego semper existimaui phrasim esse Hebraicā similem Gallicæ, qua, cum significare Galli uolunt aliquem erga alium increpatione usum fuisse, solent dicere *il le uons aprie*, sensusq. conuenit optimè, sed non audeo affirmare uerum esse, quia non possum idoneis exemplis usum phrasim Hebraicæ confirmare, quanquam obseruaui in Numeris capitul. 16. 1. uerbum קָח id est accipere positum esse pro loqui, aut alloqui incipere, sicut hoc ipsum uerbum παραλαμβάνειν, infra ca. 20. 17. קָח קָרַי & accepit Core, quod Septuaginta uerterunt καὶ ἐλάλησε κορέ, & locutus est Core, quibus hæc interpretatio non placet, illa fortasse placebit, mihi certè non displicet παραλαμβάνειν, aut προσλαμβάνειν, i. assumere, vel accipere sæpe in Apostolicis scriptis significare misereri, ut ad Romanos 14. 1. *infirmum autem in fide προσλαμβάνετε*, assume, id est misere mini, & ca. 15. 7. propter quod inquit, προσλάβετε ἀλλήλους, assumite, aut, ut noster uertit interpret, *su scipite inuicem*, id est mutua alii in alios utimini misericordia. Hic etiam sensus bene congruit, ut Petrus audita futura Christi passione commiseratione commotus, hoc est assumens eum ceperit dehortari. Quem sensum uidetur Hieronymus secutus esse, assumens, inquit, illum in affectum suum.

Capit increpare.) Non reprehendit, sed amici consulenti more, ut Beda & Euthymius annotarunt. Nam quod Caluinistarum interpretes insolentibus uerbis Petrum reprehendunt, quasi stultè uoluerit Christum à morte, ex qua salus nostra pendebat, reuocare, suo illi more faciunt. Petri fidem eleuant, ut plus ipsi, quam ille, fidei haberi ui-

deantur, sed si isti fidelissimi homines illic fuissent, uix fortasse quicquam credidissent, & si ex eorum ingenio licet facere coniecturam, qui omnibus in rebus aut sensum, aut cum se maximè humo attollunt, rationem; non fidem sequi solent, Christum, ut opinor, irrisissent. Alia modestia de Petro Chrysostomus, & Hieronymus hoc loco loquuntur. Nimirum quemadmodum paullo ante ver. 16. Christum filium Dei uiui esse dicens maiorem, quàm ceteri Apostoli, fidem ostendit, ita nunc illum maiorem erga eundem Christum amorem demonstrare.

Abst à te Domine.) Non potuit noster interpret melius uertere, quod Græcè est ἰλεώς σοι, id est propitius tibi, ad uerbum, ubi alii subintelligendum putant, sis, alij, sit Deus, ego neutrum. Non enim dubito, quin Græcus Matthæi interpretes ex Septuaginta eam phrasim fuerit mutuatus. Solent autem Septuaginta duobus in locis uertere ἰλεώς σοι, propitius tibi, aut cum Hebraicè est בָּרַךְ אֱלֹהֵינוּ pax uobis, ut Genes. 43. 22. aut cum est הָלַךְ prohibito, id est abst, ut 1. Reg. 14. 45. & 20. 2. 9. uox ergo abominantis est, & ne id eueniat, quod dictum est, deprecantis.

23. Qui conuersus.) Id est respiciens, ut Marcus cap. 8. 33. exponit, *qui conuersus*, inquit, & uidens discipulos suos *comminatus est Petro*. Fortasse Hebraismus est, quo contraria responsio significatur, quasi dicat Euangelista Petrum obiurgasse Christum quod pati uellet; Christum uerò è contrario obiurgasse Petrum, quod se pati noller, ut Psalmo 70. 20. *Quantas ostendisti mihi tribulationes multas & malas & conuersus uiuificasti me, & de abyssi terra iterum reduxisti me*; illud enim *conuersus* iterationem, & uicem contrariam significat, quemadmodum si diceret, tu me prius occidisti, idèque me postea è contrario uiuificasti, & Psal. 84. 7. *Deus tu conuersus uiuificabis nos, & plebs tua letabitur in te*, i. quemadmodum tu prius nos occidisti, ita nunc idè è contrario uiuificabis.

Vade

Petri singularis amor erga Christum,

Petri defensio contra Caluinistas,



*Vade post me.*) *לך אחרי*, Hebraica phrasī proprie significat sequere me, quemadmodum & Hilarius interpretatur. Quasi dicat potius debere sequi imitariq; passionem meam, quā me ab ea reuocare. Simili etiam sententia Origenes tract. 1. in Matth. & Hieron. in commentariis interpretantur, *vade post me*, id est sequere potius meā sententiam, quā tuam, quemadmodum & D. Aug. ser. 13. de verbis Domini secundum Matth. videtur intellexisse. Verit. n. *redi post me*. Sed hoc loco dubium non est, quin oratio sit facessere iubentis, quemadmodum Satanā idē Christus dixit c. 4. 10. *vade post me Satanā*. Nam quod superiores auctores annotarūt, diabolo non dixisse *vade post me*, sed tantum *vade*; Petro autem dixisse *post me*, nō satis est firmū, & quia idem significat *vade*, & *vade post me*, & quia etiam c. 4. 10. quemadmodum illic annotauimus in multis Græcis codicibus legitur *ὁ πῖσαρς post me*.

Quo sensu  
Petr⁹ a Chri-  
sto Satanās  
vocalus.

*Satanā.*) D. Hilarius veritus est existimare Satanā nomē Petro tributum. Itaq; sic verba distinguit *vade post me*, ut hactenus cū Petro Christus loquatur, deinde quasi ad diabolum, qui eā Petro opinionē suggereret, ut ipsum, ne moreretur, impediret, conuersus dicat *Satan scandalum es mihi*. Quod eo magis miror, quod idem Hilarius in comment. in Psal. 131. Petrum ipsum dicat Satanam appellatum. Neque de eo alius quisquam dubitauit. Merito admirari aliquis potest, quod & D. August. serm. 13. de verbis Domini secundum Matth. admiratur, cur Christus tam breui interuallo eūdem Petrum & beatum, & Satanam appellauit. Respondet Hieron. nondum Ecclesiam super illum adificatam fuisse: propterea errasse: propterea Satanam vocari potuisse. Respondent August. & Theophy. beatum, cum non caro & sanguis, sed pater, qui in coelis est, illi reuelauit: Satanam, cum non ea, quæ Dei, sed quæ hominum erāt, sapiebat, vocatum fuisse: Impudentes nostri temporis hæretici sunt, qui in hunc solum titulum Romanum Pontificem Petro successisse dicunt. Si, inquiunt, Petrus

Romanus  
Pontifex ab  
hæreticorū  
cōuicio vin-  
dicatur.

Christus Satanam appellauit, quo nomine Romanum Pontificem appellauisset? Respondeo, *Tues Petrus, & super hanc petram edificabo Ecclesiam meam*. Rogoque uicissim eos, si Petrum Apostolorum principem Satanam appellauit, quo nomine Lutherum, quo Caluinum non hæreticos tantum, sed perniciosissimos hæresiar-chas appellasset? Non ergo Petrum Satanam, quasi proprio diaboli, sed quasi cōmuni aduersarij nomine uocauit, quia sibi pro omnibus hominibus mori uolenti aduersabatur. At cur tam acriter reprehendit? non tā quod Petri culpa, si qua tamen fuit, quā quod rei, de qua agebatur, magnitudo merebatur.

24. *Tunc.*) Ante quā Petrum reprehenderet, ut mihi videtur ex Luca colligi, qui hæc verba ante Petri reprehensionem posuit c. 9. 23. quamuis Chrysostomo, & Theophylacto secus videatur.

*Discipulis.*) Lucas ait, dicebat autem ad omnes, & Marc. cap. 8. 34. & conuocata turba cum discipulis suis dixit eis, quam Euangelistarum dissensionem duobus modis interpretor, aut Christum presentibus turbis, & quasi testibus aduocatis id dixisse solis Apostolis: aut præcipue Apostolis dictum uoluisse: turbam uero, quæ aderat, quod Apostolis dicebatur, sibi dictum putasse.

*Si quis uult.*) Rectè Chrysostomus, Euthymius, & Theophylactus admonuerunt liberum ex his uerbis arbitrium confirmari.

*Abnegat semetipsum.*) Quid sit seipsum abnegare, variè interpretes expouunt. Hieronymus, & Beda hoc loco, & Gregorius homil. 10. in Ezechielem existimant nihil aliud esse seipsum abnegare, quā ueterem hominem exuere, induere nouum. *Tunc*, inquit, Beda, nos abnegamus, cum uitamur, quod per uetustatem fuimus, & annitimur quod per nouitatem uocamur. Sed manifestum est hoc loco non de moribus, sed de mortibus agi, ut uer. 25. declaratur. *Qui uoluerit animam suam saluam facere, perdet eam, qui au-*

Y 2 tem



zem perdidit animam suā propter me, inueniet eam. Melius Chrysostomus, quid nos ipsos abnegare ex aliorū abnegatione admonet intelligendum. Alios abnegare est illos contemnere, atque deferere, nullam eorum habere rationem, nullam curā, pro nihilo eorum vitam ducere. Hoc idem est se ipsum abnegare, nullam sui habere rationem: vitam suam, cum opus est, pro Christo contemnere, vt uer. 25. declaratur. Vocat enim seipsum non animam, sed uitam corporis, quā contemnere oportet, ut anima uiuat: quia qui uoluerit animam suam, id est uitā corporis saluā facere, perdet eam, id est uitā animae vt c. 10. 38. 39. explicauimus.

26. *Anima uero suae detrimentum patitur.* τὴν δὲ ψυχὴν δὲ τὸ ὂν μὲν ἴδιον, id est anima uero sua multetur, metaphora de foro sumpta, in quo si quis de possessione aliqua, quantumuis locupletis, & de uita litigaret, nihil lucraretur, si possessionem quidem obtineret, sed uitam perderet. Nam & hoc loco de iudicio agitur: sequitur enim statim uer. 27. *filius enim hominis uenturus est in gloria patris cum angelis suis, & tunc reddet unicuique secundum opera sua.*

*Aut quam dabit commutationem.* ἐν τῇ ἀνταπόδοσιν, compensationem pro anima sua, id est pro uita sua: metaphora etiam est, aut a iudicio, aut a bello sumpta: nam & in iudicio aliquando, qui capite dominatus est, pecuniae magnitudine uitā redimit, aut quia uita corporis quoquo modo pecunia aestimari potest: aut quia pecunia iudices corrumpuntur: aut pro aeterna animae uita nulla in Dei iudicio pecunia, nulla compensationem dari potest, neque Deus, qui iudex futurus est, corrumpi muneribus. Et in bello solent homines, cum uicti sunt, uitam pretio a uictoribus emere: sed in iudicio uitam animae emere nō potuerunt. Quam enim commutationem dabunt pro anima sua? Iudit ergo Christus nominis ambiguitate, & tacite a uita corporis ad animae uitam argumentatur. Vtramque enim nomen animae significat, sicut uer. precedenti, & c. 10. 38. 39. quasi dicat quemadmo-

dum pro uita corporis in bello, uictus iudicio nullam satis dignam compensationem quisquam dare potest: ita & multo etiam minus pro uita animae. Quod autem dicit homo, Hebraismus est pro quisquam. Sic n. solēt Sept. uertere ubi est Hebraice שׂוּא id est uir, qui pro quisquam apud illos ponitur, vt Iudic. 2. 21. & 4. 20. Ruth 3. 3. & 1. Reg. 17. 25. & 24. 20. & 4. Reg. 18. 11.

27. *Filius enim hominis.* Putat D. Hiero. hoc ad consolandos discipulos Christum dixisse: potius credo propterea addidisse hoc, quia de animae commutatione mentionem fecerat, quae ex forensi iudicio translata fuerat. Probat enim his uerbis nullam pro anima commutationem dari posse, quia non quilibet iudex, sed filius hominis ad iudicandum uenturus est: neque quolibet modo, sed in gloria patris sui, & cū angelis suis uenturus est, ita ut bonorum nostrorum non indigeat. Cur autē filius hominis appellet, diximus c. 8. 20.

*In gloria patris sui.* In pro eum ex Hebraeorum idiomate; gloriam autem nō suam, sed patris sui uocat: vel quia, est ipsius erat, pater tamen illi uia cū natura dederat, vel, vt Chrysostomus, & Euthym. existimant, vt significet illam sibi communem esse cum patre. Nam & angelos statim non patris, sed suos uocat. Qui autem angelorum dominus erat, uerus Deus erat, communemque cum patre habebat gloriam: sed dicitur in gloria uenturus, quasi tunc in gloria non esset: quia quamuis eandem tunc gloriam haberet, tamen tunc occultabat, postea ostēsurus erat.

*Et tunc reddet unicuique.* Hae uerba c. 10. 41. exposuimus.

28. *Sunt quidam de his stantibus.* id est ex ijs, qui hic adsunt, vt c. 6. 3. docuimus stanti uerbum in sacris literis non semper statum corporis, sed aliquando solam praesentiam significare, sicut & Hispani stare pro adesse solent dicere.

*Qui non gustabunt mortem.* Id est nō morietur: Hebraismus, qualis apud Luc. c. 9. 27. Ioa. c. 2. 52. & apud D. Paulum ad Hebr. 2. 9. quamuis Hebraei potius soleāt dicere שׂוּא רָאָה videre mortem,



tem, quam gustare Psal. 88. 49. *Quis est homo, qui uiuet, & non uidebit mortem.* Caterum quia uidere apud Hebræos significat experiri, quod apud Græcos melius dicitur *γεύεσθαι* gustare, quàm uidere, solent ita loqui scriptores Ecclesiastici. Hoc Ambro. in cap. 9. Lucæ de morte animæ intelligendum putat, quasi dicat Christus nonnullos illic esse, qui condemnandi non erunt, cum filius hominis uenerit: aut qui peccaturi amplius non sunt, donec filium hominis uenientem uideant: quod coactum admodum est.

Ioannes E-  
uangelista  
an mor-  
tuis,

In regno suo.) Quid Christus hoc loco per regnum suum intelligat interpretum sententiæ mirum in modum uariant. Nonnulli de ultimo iudicio interpretantur, de quo ver. præcedenti dixerat, *filius enim hominis uenturus est in gloria patris sui*, idque uidetur esse ualde consequens, sed quomodo aliqui ex ijs, qui astabant, usque ad diem iudicii morituri non essent, id non satis est consequens. Quidam de Ioanne Euangelista id dictum uolunt, quem credunt mortuum non esse, quod apud alium auctorem, quàm apud Strabum non inuenio, neque scripturæ consentaneum est; ipse enim Ioannes uidetur cap. 21. 23. hanc de se vulgo conceptam opinionem refutare. Alij de tempore illo, quod post Christi resurrectionem fuit, interpretantur: id enim, quia tunc gloriosus resurrexit, regnum Dei uocari solet, ut infra c. 26. 29. Et Marci 14. 25. & Lucæ 22. 29. 30. quod plerisque nouis interpretibus placuisse video: mihi uero nullo modo placet, & quia id Christus regnum Dei, quia iam diabolus uictus erat, sed non regnum suum, quia nondum in gloria sua uenerat, appellare solet, & quia, si id diceret, nihil diceret. Quid enim magni erat nonnullos ex discipulis suis morituros non esse, prius quàm ipsum resurgentem uiderent, cum non nonnulli, sed omnes uiderint: hoc enim loco cum dicit, *sunt quidem de hic stansibus*, minime

obscure significat non omnes discipulos, sed paucos tantum, & electos eosque singulari priuilegio regnum illud suum, de quo loquebatur, prius quàm morerentur, uiuros esse. Itaque uera est omnium ueterum auctorum interpretatio, Origenis tractat. 3. in Matth. Hilarij canone 16. Chrysostomi, Hieronymi, Bedæ, Theophylacti, & Euthymij in commentarijs Ambr. in ca. 9. Lucæ, August. in caput 2. epist. ad Galatas, Remigij apud D. Thomam regnum Dei Christi transfigurationem appellari, quam non omnes, sed solus Petrus, Iacobus, & Ioannes, ante quàm morerentur, uidere meruerunt, quod uel ex eo probari potest, quòd statim omnes Euangelistæ subiungant sex post diebus Christum coram tribus illis Apostolis fuisse transfiguratum: præterquam quòd si nec de tempore iudicii, nec de tempore resurrectionis, ut probatum est, intelligi potest, necesse est, ut de transfiguratione intelligatur. Nam quod Bedæ, & Gregorius apud D. Thomam de Euangelij, Ecclesiæque propagatione interpretantur, alienum uidetur. Vocat ergo Christus transfigurationem regnum suum, non quia propriè regnum, sed quia futuri regni imago erat. Potest autem merito dubitari, cur Christus, tanquam magni aliquid dicat, nonnullos ex circumstantibus morituros non esse, antequam ipsius uiderent regnum, si per regnum suum transfigurationem intelligebat, quæ sexto post die facta est, quo tempore non solum tres illi, qui uiderunt, sed omnes etiam Apostoli superstites erant. Respondeo id ad futurum longè post regnum esse referendum, de quo ver. prædicandi locutus fuerat, *filius enim hominis uenturus est in gloria patris sui*, ante cuius regni uisionem non mori magnum profectò quiddam erat: sed illud ipsum regnum tres illi Apostoli non in ipso; sed in figura, non præsens, sed per transennam ostensum uiderunt.



## C A P V T X V I I.

Mar. 9. a. 1.  
Lu. 9. d. 28.



2. Pet. 1. d.  
17.  
Sup. 3. d. 17.

Marc. 9. b.  
11.  
Mat. 4. b. 5.  
Sup. 11. b.  
14.  
Sup. 14. a. 9.  
Marc. 9. ca.  
17.  
Luc. 9. c. 38

Lu. 17. b. 6.

**T** post dies sex assumpsit Iesus Petrum, & Iacobum & Ioannem fratrem eius, & ducit illos in montem excelsum seorsum: 2. & transfiguratus est ante eos. Et resplenduit facies eius sicut sol: uestimenta autem eius facta sunt alba sicut nix. 3. Et ecce apparuerunt illis Moyses & Elias cum eo loquentes. 4. Respondens autem Petrus, dixit ad Iesum: Domine bonum est nos hic esse: si uis, faciamus hic tria tabernacula, tibi unum, Moysi unum, & Eliae unum. 5. Adhuc eo loquente, ecce nubes lucida obrubrauit eos. Et ecce uox de nube, dicens: Hic est Filius meus dilectus, in quo mihi bene complacui: ipsum audite. 6. Et audientes discipuli ceciderunt in faciem suam, & timuerunt ualde. 7. Et accessit Iesus, & retigit eos: dixitque eis: Surgite, & nolite timere. 8. Leuantes autem oculos suos neminem uiderunt, nisi solum Iesum. 9. Et descendantibus illis de monte, praecepit eis Iesus, dicens: Nemini dixeritis uisionem, donec Filius hominis a mortuis resurgat. 10. Et interrogauerunt eum discipuli, dicentes: Quid ergo Scribae dicunt, quod Elias oporteat primum uenire? 11. At ille respondens, ait eis: Elias quidem venturus est, & restituet omnia. 12. dico autem uobis, quia Elias iam uenit, & non cognouerunt eum, sed fecerunt in eo quaecumque uoluerunt. Sic & Filius hominis passurus est ab eis. 13. Tunc intellexerunt discipuli, quia de Ioanne Baptista dixisset eis. 14. Et cum uenisset ad turbam, accessit ad eum homo genibus prouolutus ante eum, dicens: Domine, miserere filio meo, quia lunaticus est, & male patitur: nam saepe cadit in ignem, & crebro in aquam. 15. & obtuli eum discipulis tuis, & non potuerunt curare eum: 16. Respondens autem Iesus, ait: O generatio incredula, & peruersa, quousque ero uobiscum? usquequo patiar uos? Afferte huc illum ad me. 17. Et increpauit illum Iesus, & exiit ab eo daemonium, & curatus est puer ex illa hora. 18. Tunc accesserunt discipuli ad Iesum secreto, & dixerunt: Quare nos non potuimus eicere illum? 19. Dixit illis Iesus: Propter incredulitatem uestram. Amen quippe dico uobis, si habueritis fidem, sicut granum sinapis, dicetis monti huic, Transi hinc illuc, & transibit & nihil impossibile erit uobis. 20. Hoc autem genus non eicitur nisi per orationem, & ieiunium. 21. Conuersantibus autem



Marc. 9. c. 31.  
Luc. 9. c. 44.  
Inf. 20. c. 18.

autem eis in Galilæa, dixit illis Iesus: Filius hominis tradendus est in manus hominum: 22. & occident eum, & tertia die resurget. Et contristati sunt uehementer. 23. Et cum venissent Capharnaum, accesserunt, qui didrachma accipiebant, ad Petrum & dixerunt ei: Magister uester non soluit didrachma? 24. Ait. Etiam. Et cum iuasset in domum, præuenit eum Iesus, dicens: Quid tibi uidetur Simon? Reges terræ, à quibus accipiunt tributum uel censum? à filiis suis, an ab alienis? 25. Et ille dixit: Ab alienis. Dixit illi Iesus: Ergo liberi sunt filij. 26. Vt autem non scandalizemus eos, uade ad mare, & mitte hamum: & eum piscem, qui primus ascenderit, tolle: & aperto ore eius, inuenies staterem: illum sumens, da eis pro me, & te.

## IN CAPVT XVII.

**I**ST dies sex.) Idem tempus ponit Marcus c. 9. 2. Lucas uero c. 9. 28. post octo fere dies id factum dicit, quod Hier. Chri. Be da, Theophyl. Euthy. hoc loco, & August. lib. 2. de consensu Euang. c. 56. ita soluunt: Matthæum, & Marcum eum diem, quo superiora gesta fuerant non numerasse, Lucam uero numerasse. Po test & alio modo solui Lucam non præcisè, sed confusè notasse tempus, ideoque dixisse fere.

*Assumpsit.*) Multa hic queri possunt. Primò, cur Christus transfigurari uoluerit, ad quam quæstionem Hilarius, & Chrysost. & Euthy. respondent id fecisse, ut discipulos mentione futuræ mortis suæ mœrentes consolatur. Theophylactus uero, ut probaret, quod superiore capite uer. 27. dixerat, se in gloria patris sui uenturum esse: quod utrumque probabilius est, quàm quod hæreticorum interpretes dicunt, uoluisse ostendere se non inuitum, sed sponte sua moriturum, cum tantam haberet gloriam.

Cur Christus coram paucis istis tribus Apostolis transfiguratus, Ratio ex uer. 9. facile colligitur, ubi præcipit tribus illis Apostolis, qui ipsius gloriam conspiciati fuerant,

ut nemini uisionem illam dicerent, donec filius hominis à mortuis resurgeret. Noluit ergo Christus gloriam suam euulgari ob eas causas, quas illic explicabimus. Tertia est, cur tribus, non pluribus, non paucioribus gloriam suam ostenderit? Ideo, ut opinor, quia uolebat futuræ suæ gloriæ testes aliquos existare: in ore autem duorum, aut trium testium stabit omne uerbum Deuter. 19. 15. & Matth. 18. 16. Adde, quod ita accidit, ut tres haberet discipulos secretorum suorum maximè capaces; hos enim tres ad res magis secretas solebat adhibere, ut apparet ex Marco c. 14. 33. Quarta, cur his potius, quàm alijs ostenderit, cuius rei una modo exposita est ratio. Alia uero est, quod Petrus & primus Apostolorum esset, & maxime ipsum amaret: Ioannem uero ipse amaret maxime; Iacobus autè post Petrum ex primis esset, & fide ardentissimus. Itaque primus omnium ab Herode pro Christo occisus est Act. 13. 2. quam rationem Origenes tractatu 3. in Matthæum, Ambrosius in c. 9. Lucæ, August. in cap. 2. epistolæ ad Galatas, Hieronymus, Theophylactus, & Euthymius in commentariis reddunt. In eo autem Ambrosius, & Augustin. memoria sunt lapsi, quod existimauerint hunc Iacobum fratrem

Y 4 illum



illum Domini fuisse: cum Euangelista fratrem illum Ioannis Zebedaei filium fuisse dicant.

Cur Christi  
in monte, &  
in quo mo-  
te transfigu-  
ratus.

*In montem excelsum.*) Quis hic mons fuerit Euangelista non dicit, neque vltius, quod sciam satis antiquus, & grauis auctor; vulgo tamen iamdiu inuoluit opinio eum fuisse Tabor, quem D. Hieronymus in locis Hebraicis in medio Galilaeae campo esse dicit mira rotunditate sublimem. Siue is, siue alius mons fuerit, quæri videtur posse, cur, ut gloriam suam demonstraret, in montem ascenderit: ratio vna eius rei ex Luca c. 9. 28. colligitur, dicit enim ascendisse, ut oraret; solebat autem Christus orandi causa in montem ascendere, ubi & solitudo maior est, & coeli cōspectus liberior, ut Marci 6. 46. & Lucæ 6. 12. Quod autem Luc. dicit ascendisse, ut oraret, non ita intelligendum arbitror, quasi ea tantum ascenderit causa: sed quia solebat in omnibus maioribus rebus orationem præmittere, ante quam gloriam suam ostenderet, orauit, & est vero simile, cum ab Apostolis discederet, non dixisse se transfigurationis, sed orationis causa in montem ascendere, ne remanentibus inuidiae occasionem relinqueret. Accedit, quod plerumque Dei gloria in montibus, qui caelo propinquiores sunt, & ab hominibus remotiores, non in ualibus ostenditur: sic enim Mosi in monte Sina Dei maiestas apparuit Exod. 19. 11. & erat illa res, ut ait Hila. figura transfigurationis.

Caluinus in  
harm. & Be-  
za in Matt.

Lib. 9. hist.  
31.  
1. 6. Inst. c. 2.  
in Nerone  
6. 21.

2. *Et transfiguratus est.* Putridè mihi videtur hæreticus quidam interpretes transulisse, & transformatus est, cum Græcum verbum *μετεμορφεύσθαι* non magis transformari, quam transfigurari significet, & transformandi verbum nec magis vsitatum, quam transfigurandi Latinis sit, quò sepe Plinius, Quintilianus, & Suetonius vtuntur & periculosam includat ambiguitatem. Potest enim & ad externam figuram, & ad essentialem, quam vocant, formam referri, cum manifestum sit, ut Hiero. admonet, Christum non corporis sui naturam, sed externam tñ specie, figuramque mutauisse.

*Sicut nix.*) Omnia fere Græcorum exemplaria legunt, *ὡς τὸ χιὼν* sicut lux: nostrum interpretem legisse constat *ὡς χιὼν* sicut nix, quemadmodum & in nonnullis Græcis codicibus legitur: eamque lectionem omnino probandam existimo. & quia Marcus c. 9. 3. ita etiam scribit, & quia Hilarius, & omnes ueteres auctores ita legunt; & quia comparatio similior, & magis est vsitata; non enim, quæ alba sunt, solemus luminis, sed niui comparare: splendida luminis comparamus; beatorum autem gloria albis vestibus significari solet, ut Apocalypsis cap. 1. 14. & 3. 4. 5. 18. & 4. 4. & 6. 11. & 7. 9. 13. & 19. 14. Fuerunt nostro tempore uiri eruditissimi duo, qui existimauerunt Apostolos in transfiguratione Christi uidisse diuinitatem. In quam sententiam, & plurimos auctores ueteres, & Ecclesiasticum hymnum, quasi ita sentiat Ecclesia, proferre solent.

Vulgata edi-  
tio defendi-  
tur.

Apostoli di-  
uinitatem in  
Christi nã  
figuratione  
non videntur  
Prudentius  
in hymno  
de Epiphania,

*Illustre quidam cernimus,  
Quod nesciat finem pati,  
Sublime, celsum, interminum,  
Antiquius caelo, & Chao.*

Minimè tamen illis assentior, neque vllum ueterem auctorem ita sensisse credo, & ita sentire periculosum esse arbitror. Nam omnes illi, qui citantur ueteres auctores, nihil aliud dicere uoluerunt, quam Apostolos Christi diuinitatem, id est diuinitatis signum oculis conspexisse. Argumentabantur enim aduersus Arianos, ut Christi diuinitatem inde probarent, & in illo ipso hymno, quem proferunt, Ecclesiastico id etiam explicatur.

*Quicumque Christum queritis,  
Oculos in altum tollite.  
Illic licebit visere  
Signum perennis gloriæ.*

Non igitur Christus diuinitatem suam quæ corporeis oculis uideri non potuit, sed diuinitatis speciem, & corporis gloriam ostendit, quemadmodum & hoc loco Hieronymus indicat, & D. Tho. in Theologiæ Summa subtiliter explicauit, quam legere, qui subtiliora desiderant, Theologi debent.

3. *Moses*

3 p. 943.  
ar. 1. ad 2.



Cur Moy-  
ses, & Elias  
in transfigu-  
ratione ap-  
paruerunt.

3. *Moyſes, & Elias*) Cur uoluerit  
Chriſtus aliquos ex alio mundo ſue  
transfigurationis teſtes adeſſe, merito  
queri poteſt. Hilarius reſponder, ut  
reſurrectionis fides ſuſcitato Moyſe  
confirmaretur: ceterum non de reſur-  
rectione, ſed de futuro Chriſti regno  
quaſtio erat. Itaque duabus de cauſis  
interuiſſe arbitror: altera, ne res Apo-  
ſtoliſ ſicta videretur: altera, ut futurum  
Chriſti regnum ad uiuum representa-  
retur, ſub cuius aduentum duos teſtes  
mittendos eſſe teſtatur Ioānes in Apo-  
calypſi capitulo 11. 3. Cur autem hos  
potius duos, quā alios uoluerit adeſ-  
ſe, omnes veteres auctores hanc cau-  
ſam fuiſſe putant, ut per Moyſem lex,  
per Eliam Prophetæ ſignificarentur,  
legemque, & Prophetas in Chriſtum  
tendere, in eoque terminari docere-  
mur, Tertullian. libro aduerſus Mar-  
cionem 4. hinc Marcioniſtas reſellens  
Chriſtum legi, & Prophetis non eſſe  
contrarium, Hilar. Chryſoſtom. Hiero-  
nym. Beda, & Euthym. hoc loco,  
& Ambroſ. in capitulo 9. Lucæ, & Au-  
guſt. in libro de quinque hereſibus ca-  
pitulo ſeptimo. Alias idem Chryſoſt.  
& Euthym. rationes adferunt, quia  
multa uirque, & Moyſes, & Elias mi-  
racula fecerat, & quia alij dicebant  
Chriſtum eſſe Eliam, alij unum ex an-  
tiquis Prophetis, Moyſes autem anti-  
quiſſimus fuit, & ut oſtenderet uitæ, &  
mortis ſe dominum eſſe, qui & adhuc  
uiuentem Eliam, & iā mortuum Moy-  
ſem teſtes excitaret. Simile eſt, quod  
Hieronymus dicit, Scribis, & Phari-  
ſæis ſignum de cælo petentibus, & de  
cælo Elia deuocato, & de inferno ſu-  
ſcitato Moyſe ſignum dare uoluiſſe.  
Alij, ut Moyſis manſuetudinem, Eliæ-  
que zelum diſcipuli imitarentur, ut  
Euthymius exponit, Tertull. autem  
in libro aduerſus Praxeam putat im-  
pletum eſſe, quod Deus promiſerat in  
Numeris capitulo 12. 8. ſe cum Moy-  
ſe ore ad os locuturum eſſe. Veriſſi-  
mam ego cauſam, cur Moyſes, & Elias  
apparuerint, eſſe arbitror, quam do-  
ctus quidam noſtri tēporis interpres  
indicaui, quod uoluerit Chriſtus fu-  
turi aduentus ſui imaginem repreſen-

tare: ante ſecundum autem eius aduen-  
tum Moyſes, & Elias uenturi ſint,  
quemadmodum ex Apocalypſi ca. 11.  
3. 4. 5. 6. haud obſcurè colligitur, & da-  
bo, inquit, duobus teſtibus meis, & pro-  
pheterabunt diebus mille ducentis ſexa-  
gintra amiſſi ſaccis, hi ſunt due oliuæ,  
& duo candelabra in conſpectu domini  
ſtantes, & ſi quis eos nocere uoluerit,  
ignis exiet de ore eorum, & deuorabit in-  
imicos eorum, & ſi quis uoluerit eos lede-  
re, ſic oportet eum occidi. Hi habent po-  
teſtatem claudendi cælum, ne pluuiæ die-  
bus prophetiæ ipſorum, quibus uerbis  
Elias: & poteſtatem habent ſuper aquas  
conuertendi eas in ſanguinem, & percu-  
tere terram omni plaga, quotieſcunque  
uoluerit, quibus uerbis Moyſes apertè  
deſcribitur. Solet quaeri, an uerè ap-  
paruerint. Ita quidem omnes, quos  
ego quidem legi, auctores ſentiunt.  
Strabum, & D. Thomam excipio: quo-  
rum ille in commentarijs in capitulo  
nono Lucæ exiſtimat non uerè ipſos,  
ſed ipſorum imagines apparuiſſe: hic  
uerò in commentarijs ad hunc locum  
Eliam quidem, quia mortuus nō erat,  
uerè aduiſſe; Moyſem autem, quia  
mortuus erat, nō uerum, & integrum;  
ſed eius tantum animam non pro-  
prio, ſed alieno aliquo aſſumpto cor-  
pore apparuiſſe. Probabilius, quod  
omnes alij ſentiunt auctores, utrum-  
que uerum, utrumque integrum fuiſ-  
ſe. Nec enim conueniebat, ut men-  
dacio ueritas probaretur, & erat ratio-  
ni contentaneum, ut quemadmodum  
Chriſtus non falſam, & adumbratam,  
ſed ueram, & expreſſam gloriam oſtē-  
debat: ſic non falſis, & imaginarijs, ſed  
ueris confirmaretur teſtibus. Quæ-  
ritur etiam a quibuſſā, quomodo Apo-  
ſtoli Moyſem, & Eliam, quos nun-  
quam uiderant, cognoscere potue-  
runt. Reſpondet Euthymius in anti-  
quis Hebræorum libris eorum for-  
mas fuiſſe deſcriptas. uel ex traditio-  
ne cognitum uulgò fuiſſe, qua fuiſ-  
ſent forma. Theophylaſtus uerò ex  
colloquijs, quæ inter ſe miſcebant, ab  
Apoſtoliſ cognitos fuiſſe putat: nam  
foraſſe, inquit, Moyſes dicebat, Tu  
es, cuius ego paſſionem occiſo agno,  
&

Moyſes in  
uero corpo-  
re in Trans-  
figuratione  
apparuit.



& celebrato Pascha praefigurauit. Elias vero, Tu es, cuius ego resurrectionem suscitato viduae filio significauit. Scribit quidem Lucas cap. 9. 30. 31. sermones illos inter se aliquos misuisse, non de his tamen rebus, sed dicebant inquit, *excessum eius, quem completurus erat in Hierusalem*, ideo, ut opinor, ut quod Christus de sua futura morte paullo ante praedixerat, confirmarent, & Apostoli offendi desinerent. Fieri etiam potest, quod alij dicunt, ut interna Dei inspiratione cognouerint. Narrat idem Lucas Petrum, & qui cum eo erant grauatos fuisse somno, quem Chrysostom. non uerum somnum, sed stuporem interpretatur, quod uero valde simile est, quomodo enim in tanta gloria dormirent? Nisi fortasse interim, dum Christus orabat, dormire coeperint, quemadmodum passionis tempore fecerunt ca. 26. 40. 43. idque diuino permisso, ut interim, & Moyses, & Elias uenirent, & sese Christus transfigureret. Quod & Lucas indicat dicens, *& euigilantes uiderunt maiestatem eius, & duos uiros, qui stabant cum illo.*

4. Respondens. ) Hebraismus est respondere pro loqui, ut saepe iam explicauimus.

Faciamus hic tria tabernacula. ) de se, & alijs Apostolis mentionem non facit, de solo Christo, Moysse, & Elia sollicitus. Dubitatur a quibusdam, cur tabernacula facere uoluerit, & in eo loco manere. Respondent Chrysostomus, Theophylactus, & Euthymius metu Iudaeorum id cogitasse, atque dixisse, ne Christus, quemadmodum paullo ante dixerat, in eorum manus traderetur: quasi in summo monte latere posset, & si opus esset, a Moysse, & Elia defendi, quorum alter Aegyptios, & Amalechitas: alter duos aut tres Centuriones cum ipsorum militibus deuocato caelitus igne consumpserat. Sed haec cogitatio uix Peno uidetur digna. Vera igitur causa fuit, quam Petrus ipse indicat dicens, *bonum est nos hic esse.* ) Bonum enim non utile, aut tutum, ut auctores illi interpretantur, sed iucundum uocat,

quemadmodum Galli dicunt, *il fait beau estre icy.* Placuerat enim illi gloriosus ille Christi, Moyses, & Elia statutus, in quo eos permansuros credebatur, si semper in monte commorarentur. Aliam uidetur causam capitulo. 9. 33. 1. ucas indicare: ait enim Petrum hoc dixisse, cum uidisset Moysen, & Eliam discessisse, quasi eos discedere doleret, uelletque ibi semper manere. Marcus capit. 9. 6. & Lucas cap. 9. 33. annotant Petrum nescisse, quid diceret: unde Caluinus more suo occasione arripit Petrum imprudenter accusandi, quasi Moysen, & Eliam Christi collegas illicque pares facere uoluerit: quod ne in mentem quidem illi uenit: neque propterea Euangelistae dixerunt illum, quid diceret, nesciuisse, quod quicquam contra fidem locutus sit, sed quod rude, & quasi puerile desiderium magni amoris signum declarauerit, non considerans illis, qui tam gloriosi essent, opus non esse tabernaculis. Non autem considerauit, quia propter gloriae magnitudinem, quam conspexerat, obstupescens erat: *erant enim*, inquit Marcus, *timore exterriti.* Iuuat uidere quanto uerius, quantoque meliore spiritu D. Ambr. quam Caluinus Petri factum interpretetur. Is in capitulo. 9. I uca his uerbis scribit, *Bonum est, inquit, nos hic esse. Hinc & ille, Dissolui, & cum Christo esse multo melius. Nec laudasse contentus non solum affectu, sed etiam factum deuotione praestantior ad exaedificanda tabernacula tria impiger operarius communis obsequij ministerium pollicetur. Et quamuis nesciret quid diceret, tamen pollicebatur officium: in quo non inconsulta petulantia, sed praematura deuotio fructum pietatis accumulat. Nam quod ignorabat, conditionis fuit: quod promittebat, deuotionis.*

5. Ecce nubes lucida. ) In nube sole re Dei maiestatem ostendi innumeris locis patet. Exodi 16. 10. & 19. 9. 16. & 24. 15. 16. & 33. 9. 10. & 34. 5. & 40. 32. 33. 34. 36. Unde & Dauid dicit Psalm. 103. 3. *Qui ponis nubem ascensum tuum, qui ambulat super pennas ventorum;* & Christus ad demonstrandam maiestatem

Caluinus in  
harm.  
Petrus ad-  
uersus Cal-  
uini petulan-  
tiam defen-  
ditur,

Phil. 1. 23;



statem suam dicitur ad iudicium in nubibus coeli venturus esse, infra cap. 24. 30. 26. 64. Cur id fiat facilius coniectura est; nubes res est coelestis: declaratur ergo per nubem diuina maiestas, ut uerus Deus, qui loquitur, ecclesie dominator, non falsus, non terrenus esse significetur. Atque hac fuit causa, cur hoc loco nubes descenderit, ut vox illa, quae audita est; *Hic est filius meus dilectus*, non alius, quam Dei esse crederetur, quemadmodum Euthymius animaduertit. Illa etiam fortassis, quam reddit Ambrosius ut Apostoli Dei loquentis maiestatem interposita nube ferre possent: nam eandem ob causam Moysi per nubem locutum legimus. Annotarunt Chrysostomus & Theophylactus hanc nubem lucidam fuisse, non qualis in veteri testamento esse solebat, caliginosam: quia Deus non ad terrendum, sed ad docendum descendebat. Laudo allegoriae subtilitatem, sed potius propter rem lucidam fuisse credo, ut rei, quae agebatur id est Christi gloriae, transfigurationique conueniret.

*Etece nox de caelo dicens.*) Recte Chrysostomus. obseruauit hanc vocem, postquam Moyses & Elias discesserunt, emissam fuisse, ut dubium non esset non ad alium, quam ad solū Christum esse referendam.

*Hic est filius meus.* Ambrosius & Hieronymus. existimant in pronomine *hic* emphasim esse, quasi dicat, non Moyses, non Elias, sed hic est filius meus. Idem haeticorum interpretes, sed peruerso animo dicunt, ut Petrum, quasi Moysen, & Eliam Christo aequantem carpant. Ego emphasim quidem in eo pronomine, sed aliam esse arbitror. Neque enim Apostoli dubitabant non Moysen, non Eliam, sed Christum filium esse Dei uiui, cum paullo ante, cum nondum Christi gloriam uidissent, id Petrus confessus esset. Itaque non opus erat, ut Christus à Moysè, & Elià coelesti uoce discerneretur. Hac igitur est emphasis, *hic*, id est quem fulgentem, ut solem, quem gloriosum uidistis, est filius meus. Non enim hac vox ad do-

centos discipulos Christum esse filiū Dei missa est, sed ad docendum, qualis uenturus esset, & confirmandum, quod cap. 16. 27. Christus dixerat *filius enim hominis uenturus est in gloria patris sui*, & ad comprobandam Petri confessionem uerbi. 16. *Tu es Christus filius Dei uiui*, ut aliis futuri regni Christi certior esset testis, quem admodum ipse testatur. 2. epist. c. 1. 18. *Et hanc uocem nos audimus de caelo ad latam cum essemus cum ipso, in monte sancto.* Hunc locum supra tractauimus cap. 3. 17.

*Ipsam audite.*) Constat, aut esse indicat Christum legislatorem, cui obediendum sit. Audire enim hoc loco Haebreorum more significat obedire. Sic Psalm. 2. 6. *Ego autem constitutus sum rex ab eo super Sion montem sanctum eius, praedicans praeceptum eius*, Tertull. libr. 4. contra Marcionem ad hunc modum interpretatur, *ipsam audite*, id est, non Moysen, neque Eliam, quasi hoc loco lex, & Prophetae abrogatae sint. Calvinistae uero haec uerba in memoria figenda esse mouent, ne alium, quam ipsum Christum audiamus. Boni sane consilarii, quorum consilium utinam diligentius sequeremur, ne ullos unquam haeticos audiremus: nullum enim illi auditorem haberent.

6. *Ceciderunt in faciem suam.*) Ineptè quidam Calvinistarum interpretes exponit Apostolos audita uoce in terram adorabundos cecidisse; id enim Hebraicam phrasim significare *הֵשָׁתַחֲוּ עַל פְּנֵיהֶם* cedere in faciem. Quod, ut plerumque uerum sit, semper tamen uerum non est. Nam 1. Reg. 17. 49. *Goliath. in faciem cecidisse* dicitur non adorans, sed moriens, & Daniel cap. 8. 17. & 10. 9. etiam dicitur *in faciem cecidisse* non adorabundus, sed uisione perterritus, & obstupescens. In hunc autem locum ea phrasim conuenire non potest, quia statim Euangelista uerbum declarat, quare ceciderunt. *Et timuerunt*, inquit, *valde, & accessit Iesus, & tetigit eos, dixitque eis, Surgite, & nolite timere.* Vnde manifestum est eos exanimes, aut semianimes fuisse,

Cal. in h. r.

Beza in an-  
not.



Gen. 3. 10.

se, propterea enim dicitur eos Christus tetigisse, sicut solemus, ut ad se redeant, exanimis tangere. Timore ergo, non veneratione ceciderunt. At quare timebant? Quis loquentem Deum non timeat? *Vocem tuam*, inquit, *audui*, & *timui*, & *vox Domini in virtute*, *vox Domini in magnificentia*, *vox Domini confringentis cedros*, *vox domini intercurrentis flammam ignis*; *vox domini concutientis desertum* Psalm. 28. 4. 5. 7. *Leo rugiet, quis non timebit?* id est, si rugierit Amos. 3. 8.

9. *Et descendentes illis de monte praecepit eis.* Alterum relatiuum abundat ex Hebraeorum idiomate. Latine dicendum erat, & descendentes illis de monte praecepit.

*Nemini dixeritis uisionem hanc.* Hunc locum supra cap. 16. 20. explicauimus. Probabile est, quod Hieronymus & Beda indicant prohibuisse, ne in populum euulgarent: nihil enim incommodi sequi poterat, si id alii Apostoli scirent, & illud commodi, ut magis in fide confirmarentur, ut autem omnis populus sciret, id sequabatur incommodi, ut c. 16. 20. exposuimus, ut qui eius audiissent gloriam, si postea confixum viderent, quasi falsa gloria fama decepti fuissent, a fide deficerent, ut Chrysostomus. Euthymus. Hieronymus. Beda, & Theophylactus putant. Probabilius tamen, & Evangelistis magis consentaneum uidetur nec ceteros quidem Apostolos scire voluisse, dicit enim Marcus cap. 9. 10. verbum apud se tres illos Apostolos continuisse, & Lucas capit. 9. 36. *Et ipsi, inquit, tacuerunt, & nemini dixerunt in illis diebus quicquam ex his, quae uiderant.*

*Donec filius hominis a mortuis resurgat.* Cur non ante dici uoluerit, supra exposuimus. Cur autem postea uoluerit sciri, in promptu ratio est, quia illud incommodum, quod ante sequebatur, tunc sequi non poterat, & quia tunc totis uelis Euangelium erat praedicandum.

10. *Quid ergo Scribae dicunt.* Quosum hoc Apostoli interrogent, difficultate non caret. Calvinistarum in-

terpretes maligne, & impie interpretantur propterea hoc Apostolos dixisse, quia non credebant Christum esse Messiam, de suo, ut opinor, ingenio Apostolos iudicantes. Hieronymus quia putabant eum iam in gloria uenisse, cum eum transfiguratum uidissent, & tamen Eliam discessisse. Ego ex proximis Christi uerbis *donec filius hominis a mortuis resurgat*, occasio nem eos sumpsisse arbitror id interrogandi. Quia enim dixerat *donec a mortuis resurgat*, se cito moriturum significauerat, siquidem indicabat post eius resurrectionem Apostolos adhuc superstitibus dicturos esse, qui diu aetate iam grandes uiuere non poterant. Ergo non intelligentes resurrectionis mysterium, ut docent Evangelistae, existimabant Christum antequam moreretur in gloria illa, de qua locutus fuerat, uenturum esse, ut redderet unicuique secundum opera sua. Nam uenturum esse post mortem animo comprehendere non poterant. Quia igitur putabant Christi aduentum instare, uidebantque Eliam nondum uenisse, eo saltem modo, quo uenturus esse dicebatur, ut cor patrum ad filios, & cor filiorum ad patres reuocaret, omniaque restitueret. (nam in transfiguratione non tam uenisse, quam apparuisse uidebatur) interrogant quomodo Scribae dicant ante eius aduentum Eliam esse uenturum. Non erat ea priuata Scribarum opinio, sed omni Iudaeorum populo communis. Verum, quia Scribae legis doctores erant, eamque traditionem, ut uero simile est, populo solebant explicare, illis eam attribuunt: quemadmodum si quis apud nos de plebe dicat: quomodo hoc, uel illud Concionatores dicant, cum id non Concionatores modo, sed Christiani omnes, & scriptura ipsa dicat, sed illiterati homines, qui scripturam non legunt, omnia solent Doctoribus, aut Concionatoribus attribuire.

11. *Elias quidem uenit.* Tempus praesens ex uulgari loquendi more pro futuro positum est, aut potius pro infini-



De Elia ante diē iudicij uenturo contra Caluinistas,

infinito cum uerbo debitum significante, quasi dicat, Elias quidem venire debet, aut Eliam quidem venire oportet. Sicut infra ver. 24. *magister vester non soluit didrachmas* id est, non ne debet soluere? & Ioann. 21. 23. *exiit sermo inter fratres, quod discipulus ille non moritur*, id est moriturus non esset, aut mori non deberet. Christus affirmat Eliam venturum esse: Caluinista tamen, ut sibi videntur, sapientiores Christo non credunt: nosque, quia id credimus, simplices putant: & quod ait Christus Eliam venturum esse, de Ioanne intelligendum esse dicunt: quemadmodum idē Christus ver. sequenti uidetur exponere. ferant tamen aequo animo, qui se spiritum Dei habere putant, simplicitatem nostram, ut scripturæ potius quam ipsorum sapientiæ fidem habeamus. Primum quidem Christus non dicit Eliam iam uenisse, sed venturum esse: nam quod ver. sequenti iam uenisse dicit, nō de eo Elia, quem hic venturum dicit, sed de Ioanne Baptista loquitur, qui in spiritu, & virtute Eliæ iam venerat: & ex eo ipso, quod de Ioanne per præteritum, de Elia per futurum, aut per præsens loco futuri positum tempus loquitur, colligere debuerunt, voluisse Christum docere præter Ioannem, qui in spiritu Eliæ iam venerat, ipsum verum Eliam venturum esse: Deinde, quia addit, *& restituet omnia*, quod Ioannes non fecit. Nam quod isti interpretantur Ioannem omnia restituisse, quia Christum prædicauit, qui omnia restituit, ineptum est. Nam isto quidem modo omnes, qui Christum prædicauerunt, omnia restituerunt. At manifestum est Christum Eliam aliis omnibus opponere, quasi solus pest ipsum omnia restituerit. Quod autem dicit eum omnia restitutum, non male quidem exponunt, quasi paraphrasis sit verborum Malachiae. cap. 4. 6. *& conuerter cor patrum ad filios, & cor filiorum ad patres eorum*. Etsi ego alium potius arbitror esse sensum, ut Elias omnia dicatur restitutus esse: partim quia multa ipse per se resti-

tuit: partim, multoque magis, quia signum restitutionis omnium, id est consummationis sæculi futurus est, quod in Ioannem conuenire non potest. Præterea Malachiae testimonium apertum est cap. 4. 5. *Eccce ego mittam vobis Eliam Prophetam; ante quam ueniat dies Domini magnus, & horribilis*. Manifestum enim est Prophetam de die iudicij magno, & horribili loqui, ante quem Elias venturus promittitur: non ergo de Ioanne, sed de vero Elia id est intelligendum. Præterea auctor Ecclesiastici cap. 48. 10. de Elia ipso loquens, & ad Malachiam testimonium alludens, *qui inscriptus inquit, est in indicij temporum lenire iracundiam Domini, conciliare cor patris ad filium, & restituere tribus Iacob*. Quem admodum & hoc loco Christus dixit, *& restituet omnia*. At liber, inquit Caluinista, non est canonicus. Id hæretice, & sine ratione dicunt: sed fingamus ita esse, certe ex eo intelligitur antiquissima traditio, quam Christus ipsidem verbis confirmauerit, verum Eliam venturum esse. Præterea Ioannes in Apocalypsi capit. 11. 3. 6. tam aperte scribit Moysen & Eliam esse uenturos, ut nemo non solum sine temeritate, sed nec sine impudentia negare possit, & dabo, inquit, *duobus testibus meis & prophetabunt diebus mille ducentis sexaginta annis*. Quos qui futuri sunt, statim describit, *hi habent potestatem claudendi calum, ne pluat, diebus prophetie ipsorum*. Quis non uidet Eliam? & potestatem habent super aquas, conuertendi eas in sanguinem, & percutere terram omni plaga quotiescunque voluerint. Quis non uidet Moysen quasi digiro demonstrari? Accedit, quod ut uer. 3. docimus, hæc ratio potissima fuit, cur Moyses, & Elias potius, quam alij ex Prophetis Domini transfigurationi inter fuerunt, quia uoluit Christus futurum suum aduentum tribus illis Apostolis ante oculos ponere, & quia in secundo aduentu suo Moyses, & Elias sunt præmittendi, ut eius uiam, quemadmodum in priori aduentu Ioannes fecit, præparent, adesse eos uoluit.

Moyses & Elias ante diem iudicij uenturi.



voluit. Denique hæc omnium veterum auctorum opinio fuit; de Elia quidem constantissima, ac nemine dissentiente, quemadmodum supra ca. 2. 4. probauimus: de Moyse minus constans: nam secundum secundi aduentus domini testem alii Moysen, alii Enoch futurum esse tradiderunt. Obiciunt Calvinistæ, quod uersu sequenti Christus dicit, *Elias iam uenit, & non cognouerunt eum*, & uers. 13. *tunc intellexerunt discipuli, quia de Ioanne Baptista dixisset eis*. Respondeo nos non ignorare Christum de Ioanne Baptista locutum fuisse, & Ioannem uenisse in spiritu, & uirtute Elia, ut Angelus, apud Lucam cap. 1. 17. testatus est: sed affirmamus Christum non negare propterea, sed disertis potius uerbis confirmare etiam Eliam ante secundum aduentum suum esse venturum. Cum autem dixit *Elias iam uenit*, tantum uoluit significare, quod attinet ad effectum, id est ad signum prioris aduentus, & ad penitentia prædicationem, quod utrumque in secundo aduentu Elias facturus est: eum iam uenisse, quia in priori aduentu Ioannes utrumque præstiterat, quia sicut de secundo aduentu Malachias dixit, *Ecce ego mitto Eliam Prophetam*; Sic de priori aduentu, & de Ioanne Baptista dixerat cap. 3. 1. *Ecce ego mitto angelum meum ante faciem tuam, qui preparabit uiam tuam ante te*. Voluit ergo Christus dicere non per id stare, quo minus Iudæi crederent: sed quia peruersi, & obstinati erant. Elias enim ille, qui ante primum aduentum promissus fuerat, id est Ioannes iam uenerat. Quemadmodum cap. 11. 14. dixit, *Et si uultis credere, ipse est Elias*.

15. *Quia lunaticus est*.) Marcus ca. 9. 17. mutum, & uers. 25. surdum fuisse dicit. Lucas uero c. 9. 36. demoniacum fuisse declarat. Vnde sequitur non fuisse, ut nonnulli putant, naturalem: sed à damone inuestum morbum. Cur ergo lunaticus appellatur? Quidam utrumque fuisse existimant, & natura, aut morbo lunaticum, & à damone vexatū. Vero similis, quod

Chrysostomus scribit hom. 58. neque natura, neque morbo, sed daemone arte, ac vexatione lunaticum fuisse: nam quem Marcus surdum, & mutum spiritum, quem Lucas demoniacum, Matthæus lunaticum appellauit. Quæ uero ob rem quosdam demon lunaticos faciat, multas diuersi auctores rationes adferunt, Origenes tractatu 4. in Matthæum, Chrysostomus homil. 58. Hieronymus in commentariis in cap. 4. Matth. uers. 24. ut Lunam Dei creaturam infamet, quasi morborum causa sit. Quod non tam mirabile est, quam hereticorum putant interpretes. Experientia enim docet, quanto studio persuadere daemones conentur nonnullas creaturas plus, quam illis natura concessit, habere uirtutis. Beda uero, & Euthymius, ut creatorem ipsum in inuidiam, & odium adducant, hominesque illum blasphemant. Non est etiam illa improbabilis coniectura id aliquando dissimulandi, & latendi causa demonem facere. Lucas uidetur indicare demonem in hoc adolescente non perpetuo manere solum, sed aliquando exire, aliquando redire: quod & Christus apud Marcum cap. 9. 25. uidetur significare, cum dicit daemoni, *exi ab eo, & amplius ne intro eas in eum*.

16. *Et obtuli eum discipulis tuis, & non potuerunt curare eum*.) Vero simile est hunc hominem, dum Christus cum tribus discipulis in monte uersaretur, filium suum reliquis discipulis obtulisse, ut Hilarius annotauit, illud duriusculè addens, quemadmodum olim populum, dum Moyses in monte maneret: ita nunc discipulos dum Christus in monte uersaretur, fidem perdidisse. Nam, ut minorem, quam debebant, fidem habuerint, ut Christus uers. 20. uidetur significare: fidem tamen certè non perdidit. Simile quidam uidetur Chrysostomus indicare dicens propterea discipulos demonem illum eicere non potuisse, quia Apostolorum columna non aderam, sed fidem eos perdidisse non dicit. Totam historiam Marcus capi.

Cur demon lunaticos faciat,

Caluin. in harm.



et aperit, & copiosius scribit, cum Christus ex monte descendisset, inuenisse discipulos, & scribas magna circumfusa turba disputantes, interrogasseque eos, quidnam id esset, de quo inter se disceptarent: tunc unum ex turba respondisse, uers. 17. & 18. *Magister autuli filium meum ad te habet spiritum mutum, qui ubicunque eum apprehenderit, alludit illi, & spumat, & stridet dentibus, & ardet, & dixit discipulis tuis, ut eijcerent illum, & non potuerunt.* Ex qua narrationis serie colligi videtur posse scribas de ea ipsa re cum Christi discipulis disceptasse exprobrantes, quod demonem illum eijcere non potuissent, ac fortasse dicentes inanem esse, & delusoriam potestatem, quam se à Christo ad pellendos demones, aliaque miracula patrandi iactarent accepisse. Putant autem Chrysostom. Hieronym. Theophyl. & Beda hunc hominem tacite apud Christum eius discipulos accusasse. Id de homine Iudæo facile credi potest, sed benignius interpretari possumus eum, non ut discipulos accusaret, sed, ut demonis malignitatem, malique grauitatem exaggeraret, dixisse eos eijcere non potuisse.

17. *O generatio incredula.*) Omnes fere auctores existimant Christum hoc non de discipulis, sed de patre adolescente, & de toto Iudæorum genere dixisse, ut Hilarius, Chrysost. Hieronym. Beda, Strabus, Theophyl. & D. Thom. in commentarijs. Quod valde probabile est; Ait enim Marc. capit. 9. 19. *ὁ δὲ ἀποκριθεὶς αὐτῷ, Ἦν αὐτὸς, id est Christus, respondens ei, id est patri adolescenti, dixit, O generatio incredula.* Itaque patrem ipsum adolescentis, & ceteros illius similes Iudæos generationem appellauit. Argumentum etiam non nimium est, quod ibidem uer. 22. pater adolescentis Christo dicat, *sed si quid potes, adiua nos*, quasi de Christi potestate dubitaret, & quod uer. 23. Christus respondeat, *si potes credere, omnia possibilia sunt credenti*, quemadmodum Chrysostom. & Theophyl. obseruauerunt. Quidam tamen solis discipulis dictum

putant, ut Origenes tracta. 4. in Mattheum: alij ad utrosque, & ad discipulos, & ad ceteros Iudæos referunt, ut Irenæus. Monuerunt Hiero. Beda, Strabus, & D. Thom. hæc uerba non esse indignantis, sed uitia reprehendentis.

*Vsquequo ero uobiscum?*) Chrysostom. Euthymio, & Theophylacto, non assentior, qui existimant Christum his uerbis significasse se moriendi teneri desiderio, ut à Iudæorum prauitate liberaretur; potius enim credo uerba esse salutem Iudæorum desiderantis, & magistri de discipulorum moribus, & tarditate querentis, sicut Apostolis dixit Ioann. 14. 9. *Tanto tempore uobiscum sum, & non cognouistis me: Philippe &c.*

18. *Et increpauit.*) Græcè ἐπετίμησεν αὐτῷ, id est interpretauit. Vtrumque enim, & increpare, & imperare, & comminari significat, quemadmodum Græcus auctor Euthymius, & in uerborum proprietatibus obseruandis diligentissimus hoc loco, & supra cap. 16. 22. adnotauit. Imperandi autem significatio magis, quam increpandi conuenit in hunc locum; quod Marcus explicauit dicens Christum imperasse demoni dicendo, *ego præcipio tibi, exi ab eo.* Itaque quod Hieron. Beda, & Theophyl. dubitant, quod pronomen illud referatur, ad demonem, an ad adolescentem, sine causa dubitant: nam & ex eo Marci loco, & ex eodem capite uer. 21. & ex Luca cap. 9. 42. perspicuum est non ad adolescentem, sed ad demonem esse referendum.

20. *Propter incredulitatem uestram.*) Ante patris adolescentis, omniumque Iudæorum incredulitatem publicè reprehenderat: nunc Apostolorum incredulitatem non publicè, sed priuatim, ut eorum auctoritati consulat, reprehendit. Incredulitatem autem, ut ego quidem interpretor, non infidelitatem, aut minimam etiam fidem: magnam enim Apostolos habuisse credendum est: sed fidem minorem, quam habere Apostolos tam diu cum Christo uersatos tot tantisque uisus mira-



miraculis oportebat. Propterea enim eos Christus reprehendit. Credibile etiam est, quod Chrysostomus, Hieronymus, Beda, Strabus, Theophylactus, & D. Thom. existimant Apostolos non solum propter suam, sed etiam propter parentis adolescentuli incredulitatem demonem expellere non potuisse; quod ex Marco colligitur, ubi Christus patri dicit, *si potes credere, omnia possibilia sunt credenti*, quasi indicans propter eius incredulitatem non potuisse Apostolos prius eij cere.

Contra Calvinisticam  
miraculorum  
fidem.

*Si habueritis fidem.*) Chrysostomus, & Euthymius fidem miraculorum non eam, qua Christiani sumus, intelligunt: itemque nostri temporis haeretici, quorum errorem miror, nonnullos doctos etiam & Catholicos interpretes, dum parum caute haeticorum scripta legunt, imprudenter secutos esse. Nolo in eodem errore Chrysostomum, & Theophylactum ponere, quia scio eos tam bono, quam haeticos malo animo idem dixisse; haeticos, ut multas fides, cum nullam haberent, fabricarentur; Chrysostomum uero, & Theophylactum, ut discipulorum culpam elearent, ne viderentur illam ipsam fidem, qua Christiani sumus, non habuisse. Calvinistarum errorem capitulum 9. 2. copiose, & nisi fallor, efficaciter refutauimus. Idem quoque ex huius loci circumstantiis refutari potest. Primum, quia minimè dubium est, quin Christus, dum hoc dicit, Apostolos reprehendat, & eorum incredulitatem accuset, quemadmodum Marci 16. 14. eorum incredulitatem dicitur exprobrasse, *quia ijs, qui uiderant eum resurrexisse, non crediderant*. Nemo autem reprehendi potest, quod fidem miraculorum non habeat. Est enim donum Dei, non ex humana, sed ex diuina solim pendens uoluntate: quod non ijs, qui uolunt, quemadmodum ea fides, qua Christiani sumus; sed ijs, quibus Deus uult, concedi solet; ijs etiam aliquando, qui Christianam

non habent fidem, quemadmodum prophetia, & aliorum miraculorum dona, sicut supra capitulum 7. 22. differuimus: quare non magis reprehendi Apostoli, potuerunt, quod fidem miraculorum non haberent, ut singamus aliquam esse distinctam miraculorum fidem, quam quod non haberent donum prophetiae. Præterea eodem modo patris adolescentis, quo Apostolorum incredulitatem Christus reprehendit. Incredulitas autem illa, quam in patre reprehendebat, non miraculorum, sed Christianae fidei opponebatur, quia de Christi diuinitate, potentiaque dubitatur; ergo & in Apostolis non fidei miraculorum, sed Christianae defectum reprehendit. Deinde quia hoc non solum reprehendendo, sed etiam exhortando Christus dicit, ut statim sequitur, *si habueritis fidem, sicut granum sinapis*, Nemo autem quemquam exhortatur, ut donum miraculorum habeat, sicut neque, ut habeat prophetiam, aut linguarum donum, quia id non in nostra situm est potestate. Denique manifestum est de eadem fide Christum loqui, de qua 1. ad Corinth. 13. 2. loquitur D. Paulus; ad hunc enim locum alludit, *si habuero*, inquit, *omnem fidem, ita ut montes transferam, charitatem autem non habuero, nihil sum*. D. autem Paulum non de fide miraculorum (quamquam de ea etiam Calvinistae eum locum interpretantur) sed de Christiana, quæ una ex tribus Theologicis virtutibus est, loqui ex uersu 13. perspicuum est, *nunc, inquit, manent, fides, spes, charitas, tria hæc, maior autem horum est charitas*.

*Sicut granum sinapis.*) Omnes fere, & ueteres, & noui auctores, ut Origenes tracta. in Matthæum 4. Hieronymus, Beda, & Strabus, alicubi etiam D. Augustinus fidem hic non magnitudine, sed efficacia, & acrimonia comparari putant: quasi dicat Christus, si habueritis fidem tam ardentem, tam uehementem, tam efficacem, quam granum sinapis est, *dicetis*



*dicetis monti huic, transi hinc illuc, & transibit.* Quod etsi à multis summissimè auctoribus probatum est, difficultate non caret. Primum, quia non solemus res ardentes, & efficaces: sed paruas grano sinapis comparare ut supra cap. 13. 31. 32. *Simile est regnum celorum grano sinapis, quod minimum est omnibus seminibus.* Res uerò ardentes, & efficaces igni potius, quàm grano sinapis comparari solent: sicut Euangelium comparatur Luc. 12. 49. *Ignem ueni mittere in terram.* Deinde quia si propter acrimoniam, & ardorem grano sinapis fides comparatur, non fuit necesse dicere, *si habueritis fidem, sicut granum sinapis*; sed si habueritis fidem, sicut sinapi ut natura, & effectus; non exiguitas significaretur. Cum autem non sinapi, sed granum sinapis dictum sit; manifestum est non uim, & naturam: sed paruitatem significaram fuisse, Præterea non obcura antithesis est inter granum sinapis, & montem: illam rem minimam, hanc maximam. Voluit enim Christus dicere vel minimam fidem, quale granum sinapis est, vel maximum montem posse transferre: de fidei igitur magnitudine, aut paruitate, non de efficacia agitur. Non quod non etiam efficacitatis inde colligatur, sed quod non efficacia, sed exiguitate grano sinapis fides conferatur. Accedit quod, etsi videri potest exiguum, magnum tamen apud me argumentum est, quia ex Christi ingenio, & maiestate sumitur. Si dicere uoluisset, si habueritis fidem tam ardentem, quàm granum sinapis, dicetis monti huic transi hinc illuc, & transibit, sensus quidem uerus esset, sed uulgaris, humilis, abiectus, inefficax, & magnitudinis ingenii Christi minimè dignus. Quid enim gratiæ, aut acuminis habet, si habueritis, ardentem fidem, montes transferetis? scimus enim ignem propter ardorem solere magna pondera propellere. Minimam autem fidem, id est grano sinapis similem ingentem montem posse

se transferre, id & gratiam propter antithesim, & acumen propter insperatam sententiam habet. Contrahat me aliquorum antiquissimorum auctorum iudicium, quos testatur Hieronymus ita sensisse. Itaque quod Origenes, Hieronymus, Beda, & Strabus existimant, hic non minimam, sed maximam potius fidem grano sinapis comparari, quàm D. Paulus omnem, id est totam, integram, & perfectam fidem appellet, sententiæ huius loci mihi videtur esse contrarium. Video, quod obici mihi possit, quidquæ omnes, qui contra sentiunt, auctores mouerit. Certum est D. Paulum 1. ad Corint. 13. 2. adhuc locum alludere uoluisset, atqui non de minima, sed de maxima fide loquitur, *si habueris, inquit, omnem fidem, ita ut montes transferas.* Respondeo eundem fidem diuerso respectu, & à Christo minimam, & à D. Paulo maximam appellari; minimam quidem à Christo ad eam, quam Apostolos tam diu cum ipso uersatos habere oportebat, non enim significat Apostolos ne minimam quidem habere fidem, quippe magnam habebant, qui ipsum paulo ante filium Dei confessi fuerant, sed reprehendentis more utitur hyperbole, & exaggeratione, quasi dicat, si minimam fidem habueritis, id est tantam, quantam habere debetis, non maiorem, diceretis monti huic, transi hinc, & transiret. Quem admodum homini alioqui ingenioso, minus tamen, quod dicimus intelligenti obiurgantes dicere solemus, si uel minimum habere ingenium, hoc intelligeres. Non enim significamus eum ne minimum quidem ingenii habere, sed minus habere, quàm, ut hoc intelligeret, oporteret, hoc ergo sensu Christus minimam fidem appellauit. D. autem Paulus eandem fidem comparatione eius, quàm aut ipse, aut alii uulgo habebant, maximam uocat, quia nemo dum eo peruenisse uidebatur fidei, ut montes uerbo transferre posset. Hinc intelligitur necessarium non esse, ut omnis, qui minimam

Z

fidem



Apostoli  
an montes  
translule-  
rint.

Gregorius  
Neocæsari-  
sis mōtem  
trāsferens.

Regula mi-  
raculorum  
Dei gloria.

fidem habet, transferat montes. Neque verò omnis, qui maximam habet. Nam Apostolos si non tunc, at certe postea tantam illam fidem, quantam in illis tunc Christus desiderabat, ut montes transferre possent, habuisse credendum est. Nec tamen montem illos ullum transtulisse legimus. Etsi, quod Chrysostom. Euthym. & Theophylactus scribunt, probabile esse non nego eos, id aliquando fortasse fecisse: sed sacris literis mandatum non esse; quia nec omnia Christi miracula, ut ait D. Ioannes, scripta sunt. Recte iidem auctores dicunt, si non Apostolos, Apostolicos tamen viros id præstulisse alludentes, ut opinor, ad notam Neocæsariensis Gregorii historiam, qui, ut Eusebius libro 7. capit. 23. auctor est, ut Ecclesia quædam adificaretur montem, qui obstabat, in alium locum transposuit. Cur autem id Apostoli non fecerint, prudenter iidem auctores respondent, quia necesse non fuit. Nec enim Apostoli, sicut nec Christus, omnia, quæ potuerunt, sed quæ oportebat, quæque necesse erat facere, fecerunt: necessitatis autem regula Dei gloria est; ea cum possunt, miracula facienda, cum non possunt, prætermittenda sunt. Hier. & Beda in commentariis, & D. Aug. lib. 1. quæst. Euang. cap. 29. allegorice explicarunt qui superbiam humanam, quam Apostoli transtulerunt, atque superarunt, per montem intelligunt.

*Et nihil impossibile erit vobis.*) Non docet, quid illis, sed quid fidei possibile sicut Marci 9. 23. *Si potes credere, omnia possibilia sunt credenti.* Fides enim quasi Dei manus est, quicquid Deus potest, fides potest, & ij, qui fidem habent, possunt, quia non suis, sed Dei manibus operantur. Nec propterea sequitur, ut annotat D. Thom. eos esse, dicique posse omnipotentes, omnipotens enim dicitur non quilibet quis omnia potest, sed quisque suapte natura, & uirtute potest, qualis solus est Deus.

21. *Hoc autem genus.*) Athana-

sus in libr. de uirginitate, Chrysostomus Euthym. & D. Thom. in huius loci commentariis existimant non unum aliquod certum, sed omne demoniorum genus significari, quod eiusmodi sunt omnes, ut non nisi per orationem, & ieiunium expelli possint. Verum multa demonia Apostoli non oratione, & ieiunio: sed nominis Christi inuocatione pepulerant, Lucæ 10. 17. *etiam demonia subiiciuntur nobis in nomine tuo.* loquitur ergo Christus de certo aliquo demoniorum genere, in quo expellendo plus sit, quam in aliis, difficultatis: ita ut orationem etiam, atque ieiunium oporteat adhibere.

Quod autem id genus sit, incertum: Hieronym. hoc loco, & Leo sermon. 2. de ieiunio septimi mensis existimant nequissimum demoniorum genus significari. Alii antiquissimum id est, quod diu hominem possederit, quasi ut difficilius est diu inueteratos, quam recentes curare morbos, ita etiam sit difficilius eos demones, qui diu, quam qui breui tempore in homine fuerint, expellere. Ideo putant interrogasse Christum apud Marcum cap. 9. 21. quantum temporis esset, ex quo illi accidisset. Mihi obstinatissimum, & ferocissimum genus demonum uidetur indicari: loquitur enim Christus de demone tanquam de aliquo hoste arcem custodiente, qui, quo ferocior, & obstinatiores, eo difficilius pelli potest, sicut Lucæ 11. 21. *Cum fortis armatus custodit atrium suum, in pace sunt omnia, quæ possidet.* Hoc mihi colligi ex effectu uidetur: fecerat hic demon adolescentem illum lunaticum, mutum, & surdum, quales obstinatissimi homines esse solent, cerebri phantastici, superbi, qui nihil rogantibus respondeant, precibus surdi. Disputauimus de hac re capit. 9. 12. ubi ex hoc loco diuersa demonum esse genera docuimus.

*Nisi in oratione, & ieiunio.*) Errant hæreticorum interpretes existimantes orationem, & ieiunium non nisi tanquam cotes, quibus fides acuitur, de-

Qui demones ieiunio & oratione pellendi,

Ieiunij, & orationis vis ad efficiendos de-



mones con-  
tra Caluini-  
stas,

desiderari: sola enim fide demonem pelli, ceteraque fieri miracula. Quod si uerum esset, sufficiebat superior illa sententia, vers. 20. *Si habueritis fidem sicut granum sinapis, dicetis monti huic, transi hinc, & transibit.* Nunc autem manifestum est Christum fidem, orationem, & ieiunium, tanquam tria distincta remedia, proposuisse. Fa-teor & oratione fidem, & ieiunio orationem excitari, sed non propterea neque orationis, neque ieiunij vlla sunt partes. Similis eorundem error est, ieiunium nihil habere meriti, quod iam olim similis ipsorum haereticus Iovinianus dixerat, quem Hieronymus confutauit. Quid ergo ad pellendum demonem ieiunium ualet? Nam quid fides, quid oratio ualeat, obscurum non est. Respondeo, quid ualet crapula ad allucinandum, ac detinendum demonem? Quemadmodum ergo crapula delectatur, ita ieiunium ferre non potest. Fides credendo, oratio petendo, ieiunium tacendo, sed flagellando, & vrendo demonem pellit. Quemadmodum hostes non solum tormentis, aut iaculis, sed etiam fame pelluntur. Dubium inter interpretes est, uter nam orare, ac ieiunare debeat, is ne, qui demonem pellit, an is, a quo pellitur: sunt enim, qui putent Christum significare eum, a quo pellendus demon est, ieiunare debere. Alii utrumque, ut Chrysostomus Euthymius, & Theophylactus. Non dubito utriusque ieiunium, orationemque iuuare: sed Christus de eo tantum, qui demonem expellit, mihi uidetur loqui: docet enim Apostolos, quemadmodum hoc demoniorum genus eijcere debeant.

22. *Conuersantibus autem illis in Galilea.* ἀνασπερσθέντων δὲ αὐτῶν, vel conuersantibus, vel reuerentibus. Ambiguum enim est. Sed melius credo nostrum interpretem conuersantibus reddidisse, quia iam diu Christus in Galilea versabatur: neque Euangelistae postea dixerunt eum exiisse. Nam ex Phenicia, quod supra Mat-

thaeus. capitu. 15. dixerat iuisse, iam diu redierat: & constans opinio est eum in Galilea fuisse transfiguratum; ergo sensus est, cum adhuc in Galilea versarentur, antequam inde exirent. Postea enim exiuerunt, ut in Iudaeam venirent, & Lazarum Christus suscitaret. Ioan. 11. 14. 15.

24. *Accesserunt, qui didrachma accipiebant, ad Petrum* Chrysostom. Hieronym. Beda, Theophylactus. & Euthym. existimant propter miraculorum Christi magnitudinem reuerentiae causa aulos non fuisse ad Christum accedere. Quod probabilius uidetur esse, quam quod iidem probabile etiam esse putant, eos fortasse malitiose ad Petrum potius, quam ad Christum accessisse, ut ex eo facilius elicerent, num Christus tributum Caesari solueret; ut, si negaret, occasionem caperent accusandi. Cur autem ad Petrum potius, quam ad alium discipulum accesserunt, versu.

27. dicemus Didrachmum autem argenteae monetae genus erat idem prorsus valens, atque duo Hispanica Regalia, duo Italici Iulij, decem solidi Gallici hoc quidem tempore. Nam Regale Hispanicum drachmam unam argenti pendit: & didrachmum duas, ut nomen indicat, drachmas continebat: sicut tridrachmum tres, tetradrachmum quattuor, id est solum Hebraicum. Siclus enim Iudaeorum tantum pendebat, quantum quattuor Hispanica Regalia, & quantum Francus Gallicus, quem Henricus tertius his annis cudidit. Quod autem tributum id fuerit, non omnibus couenit. Hilarius existimat illud fuisse, quod Exo. 30. 13. singuli Iudaei soluere singulis annis in templum iussi sunt, hoc, inquit, dabit omnis, qui transiit ad nomen, dimidium sicle mensuram templi. Siclus viginti obolos habet. Media pars sicle offerretur domino. Et quidē pōdus, & pretium recte conuenit; nam, ut diximus, tetradrachmum, id est quattuor drachmae siculum efficiebant: vnde sequitur didrachmū, id est duas drachmas dimidium sicle effecisse, quod singuli Iudaei maiores viginti

Quid didrachma, ann. 1478 & didrachma.

Quid siclus. Quale tributū fuit qd' Iudaei Christi tempore soluebant.

Z 2 singu-



singulis annis pendere iubentur. Ex eo autem Exodi loco Lyranus opinio a multis iam refutata aperte conuincitur. Putat enim didrachmum solidum fuisse Gallicum, id est duodecim, ut ipse vocat, paruos Turonicos; cum Moyses dicat siclum viginti obolos habuisse: constat autem obolum vnum idem fuisse, atque solidum Gallicum. Nam, ut diximus, ex ipso pondere certum est Francum vnum, vnum siclum pependisse, sicut quattuor Hispanica Regalia, & Francum viginti solidos, sicut siclum viginti obolos habere. Itaque didrachmum, quod Lyranus vnum tantum solidum habuisse putat, decem solidos habebat. Plura de hac re non dicimus, quia multi de ea auctores copiose, diligenterque tractauerunt: tantum pretium pecuniae ad usum nostri temporis accommodauimus. Quod ideo dicimus, ne quis miretur, si apud alios legerit didrachmum septem solidos, apud nos decem habere. Tunc enim Hispanicum Regale, quae drachma argentea est; tribus solidis cum semisse aestimabatur, nunc aestimatur quinque. Chrysostomus verò, Euthymius, & Theophylactus existimant hoc fuisse tributum, quod Iudaei iussi sunt Domino dare Numerorum 3. 46. 47. propter eos primogenitos, quibus cetera tribus Leuiticam excedebant. Quod ne probabile quidem est. Illud enim tributum non nisi semel, & non nisi a primogenitis, & non nisi a ducentis septuaginta tribus solutum est, quibus tunc inuenta sunt reliquae tribus Leuitarum tribum superare. Itaque multo verior est Hieronymi, & Bedae sententia, qui existimant hoc uectigal illud esse, quod Augustus Iudaeis imposuit, cum iussit, ut uniuersus orbis describeretur, Lucae 2. 1. vero similis eius rei coniectura est, quod Vespasianus expugnatis postea Hierosolymis tantum Iudaeis tributi imposuerit, quantum ante templo soluebant, ut Iosephus libro 7. de bello Iudaico

cap. 26. auctor est, & est credibile Vespasianum illud ipsum tributum, quod Augustus imperauerat, & a quo sese Iudaei rebellando eximerant, illis vbi cunque, ut ait Iosephus, terrarum essent, reposuisse. Aque hoc fortasse dicere Hilarius uoluit Christum illud soluisse tributum, quod Iudaei templo soluebant, quasi non Caesari, sed patri suo soluerit.

25. *Etiā.*) Respondent Petrus affirmanter, antequam consulat Christum. Vnde colligitur, aut metu eum ita respondisse, ne si negare, aut dubitare videretur, publicanos offenderet, quasi Christus ex eorum numero esset, qui, ut postea accusatus est, negabant tributum dari Caesari, aut quia de Christi uoluntate non dubitabat, aut quia sciebat Christum aliis annis solum soluere, quod multo est probabilius. Cum enim publicani interrogant *Magister noster non soluit didrachma?* sensus est, non solet soluere? est enim uerbum non actiōnem, sed consuetudinem significans, qualia in scriptura multa notauimus. Vnum satis erit exemplum Ioannis 4. 9. *non conuincuntur Iudaei Samaritanis*, id est non solent uti. Petrus autem respondet *etiam* confirmans Christum solum soluere. Cur ergo Euangelistae huius tantum anni solutionis meminerunt? ut miraculum, quod propter solutionem factum est, exponerent.

*Reges terrae.*) Quod Christus Petrum praeuenit, eiusque cogitationem nouit, magnum per seipsum miraculum fuit. Videtur autem Christus non conuenienter Petrum interrogare, *Reges terrae, à quibus accipiunt tributum, vel consum, à filiis, an ab alienis?* quia uidetur indicare aut se terreni Regis esse filium, & quidem Caesaris, siquidem ea ratione probare vult se non debere Caesari soluere tributum; aut tributum illud non Caesari, sed Deo, cuius ipse filius erat, datum fuisse. Respondeo eum a minori ad maius argumentari, ut D. Chrysostomus annotauit, quasi dicat, si filij Regis terreni illi tributum non debent;

ergo

Bedae 1.  
de asse.

Luc 23. 27



Christus ut  
homo, an tri-  
butum sol-  
uere debuit

ego, qui Dei Regis Regum filius sum, nulli Regi debeo. Potuit etiam alludere ad originem illius tributi, quod perebatur, quæ, ut diximus, ea fuit, ut templo, id est Deo solueretur, quem admodum Hilarius, & Theophylactus existimant. Disputant nonnulli, an reuera Christus, tanquam non de tributum debuerit? Respondent debuisse, quia D. Paulus testatur illum per omnia nobis, excepto peccato, similem factum fuisse, & hoc loco, non tanquam hominem; sed tanquam Deum argumentari se à tributo liberum esse. Id, an dici possit, doctiores viderint; ego quidem non dixerim. Obijci potest, quod Christus non de se tantum, sed etiam de Petro loqui uideatur, & quod dicat plurali numero liberos esse filios, & quod paullo post addat, *ut autem non scandalizemus eos.* Priori ratione non moueor, quia certum est Christum de se, tanquam de naturali Dei filio, locutum esse; qualis Petrus non erat. Itaque non potuit eum filiorum nomine comprehendere, sed locutus pluraliter est, quia de omnibus generaliter Regum filijs loquebatur. Secunda magis moueor, quare uidetur mihi Christus significare uoluisset nec se, nec discipulos suos tributum debere, se, quia filius Dei erat, discipulos suos, quia ipsius familiares, & domestici censebantur. Et non solum Regum filijs, sed eorum etiam domestici à tributis liberi sunt. Quod autem quidam disputant, utrum omnes Christiani, quia filij adoptione Dei, aut quia quodammodo Christi familiares sunt, tributis soluti sint, ne locum quidem ullum dubitationis habere puto. Nam etsi Christiani adoptione filij sunt Dei, Christusque nomen gerunt, tamen eius domestici, ut Apostoli non sunt & D. Paulus ad Roman. 13. 7. Christianos iubet suum cuique reddere, cui honorem, honorem; cui tributum, tributum. Neque Diuus Augustinus, qui in eam sententiam citari solet lib. 1. qq. Evangelicarum ca. 23. ita sensit. Maiore probabilitate potuissent Hieronym. allegare, qui ita ad hunc

locum scripsit, *Ille pro nobis crucem sustinuit, & tributa reddidit; nos pro illius honore tributa non reddimus, et quia si filij Regis à uectigalibus immunes sumus.* Sed aut allegorice loquitur, quod tributum, ut ante solebamus, diabolo non soluamus, aut de solis agit Ecclesiasticis, qui ipsius tempore Christianis iam Imperatoribus à uectigalibus immunes erant.

27. *Ut autem non scandalizemus eos.* Non fuisset datum, sed acceptum, ut Theologi uocant, scandalum, sed id ipsum, cum facile posset, uitare uoluit. Itaque, quod Theologi vulgo dicunt scandalum datum, non acceptum esse uitandum, non est pro certa, ac perpetua regula accipiendum. Nam & Christus hoc loco, & Diuus Paulus ad Romanos 14. 21. & 1. ad Corinth. 8. 13. etiam scandalum acceptum fugiendum putauerunt; cum idem Christus supra caput. 15. 14. uitare noluerit, sed contemnendum putauerit, *Sinite, inquit, illos, cæci sunt, & duces cæcorum.* Quemadmodum Chrysostomus, & Euthymius annotarunt. Idem respondent id Christum pro ratione temporis, & aliarum circumstantiarum fecisse. Illic enim gloria Dei postulabat, ut propter Phariseorum scandalum a docenda ueritate non desisteret: eadem gloria hic postulabat, ut, cum facilem posset soluere tributum, publicanos non offenderet, & maleuolis Iudæis criminandi occasionem non daret. Nam & cum semper tributum soluisset, tamen accusatus est postea, quod tributa Cæsari soluere prohiberet, Lucæ 23. 2. Idemque nobis faciendum esse monent.

*Et cū piscem, qui primus ascenderit.)* Magnum hoc fuisse miraculum certum est: sed merito Hiero. dubitat, in quare fuerit, utrum in eo, quod sciuerit Christus, quis esset ille piscis, qui in ore staterem haberet; an in eo, quod sciuerit illum primum omnium ascensurum esse: an quod fecerit ipse, ut ille primus ascenderet; an quod in eo, qui primus ascendit, staterem ipse solo uerbo formauerit. Quod postre-

Z 3 mum

Duplex scā-  
dalum.

Scandalum  
passiuū quō  
uitandum.

Christiani,  
an a tributo  
liberi.



num mihi uidetur probabilius, quia non solent pisces, si quando staterem, aut aliam pecuniam deglutiunt, eam in ore habere, sed in ventre. Itaque ille piscis, si staterem illum ipse accepisset: non in ore, sed in uentre habuisset. Nam quod nonnulli dixerunt, quemadmodum Theophylactus recitat, staterem illum, non pecuniam fuisse, sed margaritam, quam pisces habere solent, simile uero non est: quia nec margarita in ore, sed in uentre, nec in piscibus, qui reti capiuntur, sed in solis conchylijs, quæ urinatores à scopulis maris manibus auellunt, reperiri solent.

*Quid stater.* Staterem) Stater apud Græcos idem erat, atque siclus apud Iudæos, eademque est & Hebraici, & Græci nominis origo, utrumque enim pondus significat. Itaque idem erat stater, & tetradrachmum, id est duo didrachma propterea iubet Christus pro se, & pro Petro staterem dare, quia unusquisque didrachmum, id est dimidium sicli pendere debebat.

*Pro me & te*) Quare pro Petro potius, quam pro alijs Apostolis dari tributum iusserit, solet hic disputari. Chrysost. & Euthym. respondent tributum illud à solis primogenitis fuisse soluendum; Petrum autem primogenitum fuisse. Quæ opinio præterquam quod uersu præcedenti refutata est, ex eo etiam refutari potest, quod inter alios etiam Apostolos aliquos fuisse primogenitos credendum est.

*Petri primatus,* Melior est altera illa ratio, quam iidem auctores, & Hiero. adferunt, propterea Christum pro se & Petro soluuisse quod Apostolorum caput esset. Scio hanc rationem nostris hæreticis non placere, sed multò profecto est, quàm illa, quam ipsi adferunt, probabilior, ideo Petro soluuisse Christum, quod in eius diuersaretur domo. Nam ca. 8.

14. apertè probauimus Petrum in Capharnaum domum non habuisse. Alij existimant solum Petrum cum Christo tunc fuisse, cum de alijs discipulis mentio non fiat: aut propterea pro illo soluuisse, quia illum tantum Publicani adierant. Inepti uero hic Hæretici sunt, qui hinc Romani Pontificis Primatum refellunt, & Ecclesie immunitatem tollunt, quod Petrus tributum soluerit. Nam ista quidem ratione nec Christus quidem Ecclesie caput esset: soluit enim tributum. at soluit, cum non deberet: nec Petrus, ut ante probauimus, debebat. Et non cōsiderant Petrum, si nunc inter Christianos Reges in uiuis esset, Ecclesiamque gubernaret, soluturum non fuisse. Alia à ueteribus auctoribus questio proponitur: quare Christus, cum loculos haberet, & mulieres religiose, quæ illum ex Iudæa sequebantur, necessaria ei suppeditarent, non ex suis loculis, sed ex pisce tributum soluit? Ratio, quam Hieronymus reddit noluisse Christum bonæ pauperum in tributum conuertere, a paucis probata est. Nam, quæ in loculis erant, ad omnia necessaria mittebantur, & tributum soluere, quando ita Christus volebat, unum erat ex necessarijs. Chrysost. & Euthy. putant Christum ostendere uoluisse se, etiam si tributum solueret, & terræ & maris dominum esse, quandoquidem ex mari ipse tributum acciperet. Magis altera ratio, quam iidem reddunt, mihi placet: ita Christum tributum soluere uoluisse, ut nec publicanos offenderet, nec suum perderet priuilegium, dum non ex suo, sed ex inuento solueret. Quamquam ego ueram suspicor esse rationem, quod tunc alij discipuli, qui loculos gestabant, non adessent, & cum nollet publicanos offendere, ad soluendum tributum miraculum fecerit.

Hæreticorū inep̃tiā contra immunitatē Ecclesiæ a tributo,





In illa hora accesserunt discipuli ad Iesum, dicentes: Quis putas maior est in regno celorum? 2. Et aduocans Iesus paruulum, statuit eum in medio eorum, 3. & dixit: Amen dico uobis, nisi conuersi fueritis, & efficiamini sicut paruuli, non intrabitis in regnum celorum. 4. Quicumque ergo humiliauerit se sicut paruulus iste, hic est maior in regno celorum. 5. Et qui susceperit unum paruulum talem in nomine meo, me suscipit. 6. qui autem scandalizauerit unum de pusillis istis, qui in me credunt, expedit ei ut suspendatur mola asinaria in collo eius, & demergatur in profundum maris. 7. Væ mundo à scandalis. Necessè est enim ut veniant scandala: veruntamen væ homini illi, per quem scandalum venit. 8. Si autem manus tua, vel pes tuus scandalizat te: abscinde eum, & proijce abs te: bonum tibi est ad vitam ingredi debilem, vel claudum, quàm duas manus, vel duos pedes habentem mitti in ignem æternum. 9. Et si oculus tuus scandalizat te, erue eum, & proijce abs te: bonum tibi est cū vno oculo in vitam intrare, quàm duos oculos habentem mitti in gehennam ignis. 10. Videte ne contemnatis vnum ex his pusillis: dico enim vobis, quia angeli eorum in cælis semper vident faciē patris mei, qui in cælis est. 11. Venit enim filius hominis saluare, quod perierat. 12. Quid vobis videtur? si fuerint alicui centum oves, & errauerit vna ex eis: nonne relinquit nonagintanouē in montibus, & vadit quærere eam, quæ errauit? 13. & si contigerit, ut inueniat eam: amen dico vobis, quia gaudet super eam magis quàm super nonagintanouē, quæ non errauerunt. 14. Sic non est volūtas ante patrem vestrum, qui in celis est, ut pereat vnus de pusillis istis. 15. Si autem peccauerit in te frater tuus, vade, & corripe eū inter te, & ipsum solū, si te audierit, lucratus eris fratrem tuum. 16. si autem te non audierit, adhibe tecum adhuc vnum, vel duos, ut in ore duorum, vel trium testium stet omne verbum. 17. Quòd si non audierit eos: dic ecclesiæ: si autem ecclesiam non audierit; sit tibi sicut ethnicus, & publicanus. 18. Amen dico vobis, quæcunque alligaueritis super terram, erunt ligata & in cælo: & quæcunque solueritis super terram, erunt soluta & in cælo. 19. Iterum dico vobis, quia si duo ex vobis consenserint super terram, de omni re quamcunque petierint, fiet illis a patre meo, qui in cælis est. 20. Vbi enim sunt

Mar. 9. c. 34.  
Luc. 9. f. 46.  
Inf. 19. b. 14.  
1. Cor. 14. d. 29.

Mar. 9. f. 42.  
Luc. 17. a. 1.  
Sup. 6. c. 30.  
Mar. 9. g. 43.

Ps. 33. a. 8.  
Luc. 19. b. 19.  
Luc. 15. a. 4.

Luc. 17. a. 3.  
Leu. 19. d. 17.  
Eccle. 19. b. 13.  
Iac. 5. d. 19.  
Deut. 19. b. 15.  
2. Cor. 13. a. 1.  
Hebr. 10. c. 28.  
Io. 8. c. 17.  
2. Thes. 3. d. 14.



1 Cor. 5. b. 3  
10. 20. c. 23.  
Luc. 17. a. 4.

duo, vel tres congregati in nomine meo, ibi sum in medio eorum. 21. Tunc accedens Petrus ad eum, dixit: Domine quoties peccabit in me frater meus, & dimittam ei? vsq; septies? 22. Dicit illi Iesus: Non dico tibi vsque septies: sed vsque septuagies septies. 23. Ideo assimilatum est regnum celorum homini regi, qui voluit rationem ponere cum seruis suis. 24. Et cum cepisset rationem ponere, oblatus est ei vnus, qui debebat ei decem millia talenta. 25. Cum autem non haberet vnde redderet, iussit eum dominus eius venundari, & vxorem eius, & filios, & omnia, quæ habebat, & reddi. 26. Procidens autem seruus ille, orabat eum, dicens: Patientiam habe in me, & omnia reddam tibi. 27. Misertus autem dominus serui illius, dimisit eum, & debitum dimisit ei. 28. Egressus autem seruus ille inuenit vnum de conseruis suis, qui debebat ei centum denarios: & tenens suffocabat eum, dicens: Redde, quod debes. 29. Et procidens conseruus eius, rogabat eum, dicens: Patiēti am habe in me, & omnia reddam tibi. 30. Ille autem noluit: sed abiit, & misit eum in carcerem, donec redderet debitum. 31. Videntes autem conserui eius, quæ fiebant, contristati sunt valde: & venerunt, & narrauerunt domino suo omnia, quæ facta fuerant. 32. Tunc vocauit illum dominus suus, & ait illi: Serue nequam, omne debitum dimisi tibi quoniam rogasti me. 33. nonne ergo oportuit, & te miseri fereri conserui tui, sicut & ego tui misertus sum? 34. Et iratus dominus eius tradidit eum tortoribus, quoadusque redderet vniuersum debitum. 35. Sic & Pater meus cœlestis faciet vobis, si non remiseritis vnusquisque fratri suo de cordibus vestris.

## IN CAPVT XVIII.

**I**n illa hora.) Sub idē tempus, Hebraismus est frequenter vsurpatus. Marc. c. 9. 33. Christum eos præuenisse dicit, rogasseque, quid in uia tractauissent, tractauerant autē, quis eorum esset maior. Lucas verò c. 9. 46. vidisse cogitationes eorum, & non quidem interrogasse, sed acersitō puero dixisse, quicumque susceperit puerum istum in nomine meo, me suscipit, & qui susceperit me, suscipit eum, qui me misit. Nā qui minor est inter uos omnes, hic maior est. De qua specie discordiæ nihil dixit hunc locū tractans li. 2. de cons. Euangel. c. 61. Aug. Respon-

dent Chrys. & Euthym. Apostolos de ea re non semel: sed saepe contēdisse. Primum in uia: deinde domi, cum Petrum vidissent in tributi solutione sibi fuisse prælatus: postremò cum interrogati a Christo fuissent, quid in uia tractauissent. Primum ergo Christus Apostolos, quid tractauissent, interrogauit: tunc verò Apostoli vidētes suas cogitationes, contentionesque patefactas, Christum interrogauerunt, quod interrogare prius non audebant, quis eorum esset maior. Disputatur hoc loco, qua occasione id Apostoli rogauerint. Hiero. Beda, & Euthy. existimant occasionem fuisse, quod vidissent Christum pro se, ac Petro soluere tributū. Quod non



nonnulli ideo non probant, quia ex Marc. ca. 9. 33. constat eos in uia, antequam venirent Capharnaum, & tributum solueretur, ea de re cogitasse: sed iam diximus ex Chrys. & Euthym. eos sepe, & diuersis de causis in eam venisse cogitationem. Itaque tributum pro Petro datum non illis eam cogitationem ingenerauit, sed genitrix auxit. Alias etiam prius occasiones habere potuerunt, quod vidissent Petrum cum duobus aliis in montem cum Christo ascendisse, illi datas fuisse clauis regni celorum c. 16. 19. ut idem Chrys. & Euthym. scribunt. Alij aliam reddunt causam, quae mihi non displicet, quod audiuisset Christum de mortua sua saepe mentionem facere, quasi proxima iam esset, & cogitarent, quis eo mortuo eius quodammodo haeres, id est eius Vicarius, futurus esset. Id enim consuetudini, ac moribus hominum valde consentaneum est, qui moriturus de successione cogitantes astare solent, & idem videmus Apostolos instante Christi passione fecisse Luc. 22. 24.

*Quis putas. 1. 18. 2. 21. 3. 23. 4. 26. 5. 29. 6. 32. 7. 35. 8. 38. 9. 41. 10. 44. 11. 47. 12. 50. 13. 53. 14. 56. 15. 59. 16. 62. 17. 65. 18. 68. 19. 71. 20. 74. 21. 77. 22. 80. 23. 83. 24. 86. 25. 89. 26. 92. 27. 95. 28. 98. 29. 101. 30. 104. 31. 107. 32. 110. 33. 113. 34. 116. 35. 119. 36. 122. 37. 125. 38. 128. 39. 131. 40. 134. 41. 137. 42. 140. 43. 143. 44. 146. 45. 149. 46. 152. 47. 155. 48. 158. 49. 161. 50. 164. 51. 167. 52. 170. 53. 173. 54. 176. 55. 179. 56. 182. 57. 185. 58. 188. 59. 191. 60. 194. 61. 197. 62. 200. 63. 203. 64. 206. 65. 209. 66. 212. 67. 215. 68. 218. 69. 221. 70. 224. 71. 227. 72. 230. 73. 233. 74. 236. 75. 239. 76. 242. 77. 245. 78. 248. 79. 251. 80. 254. 81. 257. 82. 260. 83. 263. 84. 266. 85. 269. 86. 272. 87. 275. 88. 278. 89. 281. 90. 284. 91. 287. 92. 290. 93. 293. 94. 296. 95. 299. 96. 302. 97. 305. 98. 308. 99. 311. 100. 314. 101. 317. 102. 320. 103. 323. 104. 326. 105. 329. 106. 332. 107. 335. 108. 338. 109. 341. 110. 344. 111. 347. 112. 350. 113. 353. 114. 356. 115. 359. 116. 362. 117. 365. 118. 368. 119. 371. 120. 374. 121. 377. 122. 380. 123. 383. 124. 386. 125. 389. 126. 392. 127. 395. 128. 398. 129. 401. 130. 404. 131. 407. 132. 410. 133. 413. 134. 416. 135. 419. 136. 422. 137. 425. 138. 428. 139. 431. 140. 434. 141. 437. 142. 440. 143. 443. 144. 446. 145. 449. 146. 452. 147. 455. 148. 458. 149. 461. 150. 464. 151. 467. 152. 470. 153. 473. 154. 476. 155. 479. 156. 482. 157. 485. 158. 488. 159. 491. 160. 494. 161. 497. 162. 500. 163. 503. 164. 506. 165. 509. 166. 512. 167. 515. 168. 518. 169. 521. 170. 524. 171. 527. 172. 530. 173. 533. 174. 536. 175. 539. 176. 542. 177. 545. 178. 548. 179. 551. 180. 554. 181. 557. 182. 560. 183. 563. 184. 566. 185. 569. 186. 572. 187. 575. 188. 578. 189. 581. 190. 584. 191. 587. 192. 590. 193. 593. 194. 596. 195. 599. 196. 602. 197. 605. 198. 608. 199. 611. 200. 614. 201. 617. 202. 620. 203. 623. 204. 626. 205. 629. 206. 632. 207. 635. 208. 638. 209. 641. 210. 644. 211. 647. 212. 650. 213. 653. 214. 656. 215. 659. 216. 662. 217. 665. 218. 668. 219. 671. 220. 674. 221. 677. 222. 680. 223. 683. 224. 686. 225. 689. 226. 692. 227. 695. 228. 698. 229. 701. 230. 704. 231. 707. 232. 710. 233. 713. 234. 716. 235. 719. 236. 722. 237. 725. 238. 728. 239. 731. 240. 734. 241. 737. 242. 740. 243. 743. 244. 746. 245. 749. 246. 752. 247. 755. 248. 758. 249. 761. 250. 764. 251. 767. 252. 770. 253. 773. 254. 776. 255. 779. 256. 782. 257. 785. 258. 788. 259. 791. 260. 794. 261. 797. 262. 800. 263. 803. 264. 806. 265. 809. 266. 812. 267. 815. 268. 818. 269. 821. 270. 824. 271. 827. 272. 830. 273. 833. 274. 836. 275. 839. 276. 842. 277. 845. 278. 848. 279. 851. 280. 854. 281. 857. 282. 860. 283. 863. 284. 866. 285. 869. 286. 872. 287. 875. 288. 878. 289. 881. 290. 884. 291. 887. 292. 890. 293. 893. 294. 896. 295. 899. 296. 902. 297. 905. 298. 908. 299. 911. 300. 914. 301. 917. 302. 920. 303. 923. 304. 926. 305. 929. 306. 932. 307. 935. 308. 938. 309. 941. 310. 944. 311. 947. 312. 950. 313. 953. 314. 956. 315. 959. 316. 962. 317. 965. 318. 968. 319. 971. 320. 974. 321. 977. 322. 980. 323. 983. 324. 986. 325. 989. 326. 992. 327. 995. 328. 998. 329. 1001. 330. 1004. 331. 1007. 332. 1010. 333. 1013. 334. 1016. 335. 1019. 336. 1022. 337. 1025. 338. 1028. 339. 1031. 340. 1034. 341. 1037. 342. 1040. 343. 1043. 344. 1046. 345. 1049. 346. 1052. 347. 1055. 348. 1058. 349. 1061. 350. 1064. 351. 1067. 352. 1070. 353. 1073. 354. 1076. 355. 1079. 356. 1082. 357. 1085. 358. 1088. 359. 1091. 360. 1094. 361. 1097. 362. 1100. 363. 1103. 364. 1106. 365. 1109. 366. 1112. 367. 1115. 368. 1118. 369. 1121. 370. 1124. 371. 1127. 372. 1130. 373. 1133. 374. 1136. 375. 1139. 376. 1142. 377. 1145. 378. 1148. 379. 1151. 380. 1154. 381. 1157. 382. 1160. 383. 1163. 384. 1166. 385. 1169. 386. 1172. 387. 1175. 388. 1178. 389. 1181. 390. 1184. 391. 1187. 392. 1190. 393. 1193. 394. 1196. 395. 1199. 396. 1202. 397. 1205. 398. 1208. 399. 1211. 400. 1214. 401. 1217. 402. 1220. 403. 1223. 404. 1226. 405. 1229. 406. 1232. 407. 1235. 408. 1238. 409. 1241. 410. 1244. 411. 1247. 412. 1250. 413. 1253. 414. 1256. 415. 1259. 416. 1262. 417. 1265. 418. 1268. 419. 1271. 420. 1274. 421. 1277. 422. 1280. 423. 1283. 424. 1286. 425. 1289. 426. 1292. 427. 1295. 428. 1298. 429. 1301. 430. 1304. 431. 1307. 432. 1310. 433. 1313. 434. 1316. 435. 1319. 436. 1322. 437. 1325. 438. 1328. 439. 1331. 440. 1334. 441. 1337. 442. 1340. 443. 1343. 444. 1346. 445. 1349. 446. 1352. 447. 1355. 448. 1358. 449. 1361. 450. 1364. 451. 1367. 452. 1370. 453. 1373. 454. 1376. 455. 1379. 456. 1382. 457. 1385. 458. 1388. 459. 1391. 460. 1394. 461. 1397. 462. 1400. 463. 1403. 464. 1406. 465. 1409. 466. 1412. 467. 1415. 468. 1418. 469. 1421. 470. 1424. 471. 1427. 472. 1430. 473. 1433. 474. 1436. 475. 1439. 476. 1442. 477. 1445. 478. 1448. 479. 1451. 480. 1454. 481. 1457. 482. 1460. 483. 1463. 484. 1466. 485. 1469. 486. 1472. 487. 1475. 488. 1478. 489. 1481. 490. 1484. 491. 1487. 492. 1490. 493. 1493. 494. 1496. 495. 1499. 496. 1502. 497. 1505. 498. 1508. 499. 1511. 500. 1514. 501. 1517. 502. 1520. 503. 1523. 504. 1526. 505. 1529. 506. 1532. 507. 1535. 508. 1538. 509. 1541. 510. 1544. 511. 1547. 512. 1550. 513. 1553. 514. 1556. 515. 1559. 516. 1562. 517. 1565. 518. 1568. 519. 1571. 520. 1574. 521. 1577. 522. 1580. 523. 1583. 524. 1586. 525. 1589. 526. 1592. 527. 1595. 528. 1598. 529. 1601. 530. 1604. 531. 1607. 532. 1610. 533. 1613. 534. 1616. 535. 1619. 536. 1622. 537. 1625. 538. 1628. 539. 1631. 540. 1634. 541. 1637. 542. 1640. 543. 1643. 544. 1646. 545. 1649. 546. 1652. 547. 1655. 548. 1658. 549. 1661. 550. 1664. 551. 1667. 552. 1670. 553. 1673. 554. 1676. 555. 1679. 556. 1682. 557. 1685. 558. 1688. 559. 1691. 560. 1694. 561. 1697. 562. 1700. 563. 1703. 564. 1706. 565. 1709. 566. 1712. 567. 1715. 568. 1718. 569. 1721. 570. 1724. 571. 1727. 572. 1730. 573. 1733. 574. 1736. 575. 1739. 576. 1742. 577. 1745. 578. 1748. 579. 1751. 580. 1754. 581. 1757. 582. 1760. 583. 1763. 584. 1766. 585. 1769. 586. 1772. 587. 1775. 588. 1778. 589. 1781. 590. 1784. 591. 1787. 592. 1790. 593. 1793. 594. 1796. 595. 1799. 596. 1802. 597. 1805. 598. 1808. 599. 1811. 600. 1814. 601. 1817. 602. 1820. 603. 1823. 604. 1826. 605. 1829. 606. 1832. 607. 1835. 608. 1838. 609. 1841. 610. 1844. 611. 1847. 612. 1850. 613. 1853. 614. 1856. 615. 1859. 616. 1862. 617. 1865. 618. 1868. 619. 1871. 620. 1874. 621. 1877. 622. 1880. 623. 1883. 624. 1886. 625. 1889. 626. 1892. 627. 1895. 628. 1898. 629. 1901. 630. 1904. 631. 1907. 632. 1910. 633. 1913. 634. 1916. 635. 1919. 636. 1922. 637. 1925. 638. 1928. 639. 1931. 640. 1934. 641. 1937. 642. 1940. 643. 1943. 644. 1946. 645. 1949. 646. 1952. 647. 1955. 648. 1958. 649. 1961. 650. 1964. 651. 1967. 652. 1970. 653. 1973. 654. 1976. 655. 1979. 656. 1982. 657. 1985. 658. 1988. 659. 1991. 660. 1994. 661. 1997. 662. 2000. 663. 2003. 664. 2006. 665. 2009. 666. 2012. 667. 2015. 668. 2018. 669. 2021. 670. 2024. 671. 2027. 672. 2030. 673. 2033. 674. 2036. 675. 2039. 676. 2042. 677. 2045. 678. 2048. 679. 2051. 680. 2054. 681. 2057. 682. 2060. 683. 2063. 684. 2066. 685. 2069. 686. 2072. 687. 2075. 688. 2078. 689. 2081. 690. 2084. 691. 2087. 692. 2090. 693. 2093. 694. 2096. 695. 2099. 696. 2102. 697. 2105. 698. 2108. 699. 2111. 700. 2114. 701. 2117. 702. 2120. 703. 2123. 704. 2126. 705. 2129. 706. 2132. 707. 2135. 708. 2138. 709. 2141. 710. 2144. 711. 2147. 712. 2150. 713. 2153. 714. 2156. 715. 2159. 716. 2162. 717. 2165. 718. 2168. 719. 2171. 720. 2174. 721. 2177. 722. 2180. 723. 2183. 724. 2186. 725. 2189. 726. 2192. 727. 2195. 728. 2198. 729. 2201. 730. 2204. 731. 2207. 732. 2210. 733. 2213. 734. 2216. 735. 2219. 736. 2222. 737. 2225. 738. 2228. 739. 2231. 740. 2234. 741. 2237. 742. 2240. 743. 2243. 744. 2246. 745. 2249. 746. 2252. 747. 2255. 748. 2258. 749. 2261. 750. 2264. 751. 2267. 752. 2270. 753. 2273. 754. 2276. 755. 2279. 756. 2282. 757. 2285. 758. 2288. 759. 2291. 760. 2294. 761. 2297. 762. 2300. 763. 2303. 764. 2306. 765. 2309. 766. 2312. 767. 2315. 768. 2318. 769. 2321. 770. 2324. 771. 2327. 772. 2330. 773. 2333. 774. 2336. 775. 2339. 776. 2342. 777. 2345. 778. 2348. 779. 2351. 780. 2354. 781. 2357. 782. 2360. 783. 2363. 784. 2366. 785. 2369. 786. 2372. 787. 2375. 788. 2378. 789. 2381. 790. 2384. 791. 2387. 792. 2390. 793. 2393. 794. 2396. 795. 2399. 796. 2402. 797. 2405. 798. 2408. 799. 2411. 800. 2414. 801. 2417. 802. 2420. 803. 2423. 804. 2426. 805. 2429. 806. 2432. 807. 2435. 808. 2438. 809. 2441. 810. 2444. 811. 2447. 812. 2450. 813. 2453. 814. 2456. 815. 2459. 816. 2462. 817. 2465. 818. 2468. 819. 2471. 820. 2474. 821. 2477. 822. 2480. 823. 2483. 824. 2486. 825. 2489. 826. 2492. 827. 2495. 828. 2498. 829. 2501. 830. 2504. 831. 2507. 832. 2510. 833. 2513. 834. 2516. 835. 2519. 836. 2522. 837. 2525. 838. 2528. 839. 2531. 840. 2534. 841. 2537. 842. 2540. 843. 2543. 844. 2546. 845. 2549. 846. 2552. 847. 2555. 848. 2558. 849. 2561. 850. 2564. 851. 2567. 852. 2570. 853. 2573. 854. 2576. 855. 2579. 856. 2582. 857. 2585. 858. 2588. 859. 2591. 860. 2594. 861. 2597. 862. 2600. 863. 2603. 864. 2606. 865. 2609. 866. 2612. 867. 2615. 868. 2618. 869. 2621. 870. 2624. 871. 2627. 872. 2630. 873. 2633. 874. 2636. 875. 2639. 876. 2642. 877. 2645. 878. 2648. 879. 2651. 880. 2654. 881. 2657. 882. 2660. 883. 2663. 884. 2666. 885. 2669. 886. 2672. 887. 2675. 888. 2678. 889. 2681. 890. 2684. 891. 2687. 892. 2690. 893. 2693. 894. 2696. 895. 2699. 896. 2702. 897. 2705. 898. 2708. 899. 2711. 900. 2714. 901. 2717. 902. 2720. 903. 2723. 904. 2726. 905. 2729. 906. 2732. 907. 2735. 908. 2738. 909. 2741. 910. 2744. 911. 2747. 912. 2750. 913. 2753. 914. 2756. 915. 2759. 916. 2762. 917. 2765. 918. 2768. 919. 2771. 920. 2774. 921. 2777. 922. 2780. 923. 2783. 924. 2786. 925. 2789. 926. 2792. 927. 2795. 928. 2798. 929. 2801. 930. 2804. 931. 2807. 932. 2810. 933. 2813. 934. 2816. 935. 2819. 936. 2822. 937. 2825. 938. 2828. 939. 2831. 940. 2834. 941. 2837. 942. 2840. 943. 2843. 944. 2846. 945. 2849. 946. 2852. 947. 2855. 948. 2858. 949. 2861. 950. 2864. 951. 2867. 952. 2870. 953. 2873. 954. 2876. 955. 2879. 956. 2882. 957. 2885. 958. 2888. 959. 2891. 960. 2894. 961. 2897. 962. 2900. 963. 2903. 964. 2906. 965. 2909. 966. 2912. 967. 2915. 968. 2918. 969. 2921. 970. 2924. 971. 2927. 972. 2930. 973. 2933. 974. 2936. 975. 2939. 976. 2942. 977. 2945. 978. 2948. 979. 2951. 980. 2954. 981. 2957. 982. 2960. 983. 2963. 984. 2966. 985. 2969. 986. 2972. 987. 2975. 988. 2978. 989. 2981. 990. 2984. 991. 2987. 992. 2990. 993. 2993. 994. 2996. 995. 2999. 1000. 3003. 1001. 3006. 1002. 3009. 1003. 3012. 1004. 3015. 1005. 3018. 1006. 3021. 1007. 3024. 1008. 3027. 1009. 3030. 1010. 3033. 1011. 3036. 1012. 3039. 1013. 3042. 1014. 3045. 1015. 3048. 1016. 3051. 1017. 3054. 1018. 3057. 1019. 3060. 1020. 3063. 1021. 3066. 1022. 3069. 1023. 3072. 1024. 3075. 1025. 3078. 1026. 3081. 1027. 3084. 1028. 3087. 1029. 3090. 1030. 3093. 1031. 3096. 1032. 3099. 1033. 3102. 1034. 3105. 1035. 3108. 1036. 3111. 1037. 3114. 1038. 3117. 1039. 3120. 1040. 3123. 1041. 3126. 1042. 3129. 1043. 3132. 1044. 3135. 1045. 3138. 1046. 3141. 1047. 3144. 1048. 3147. 1049. 3150. 1050. 3153. 1051. 3156. 1052. 3159. 1053. 3162. 1054. 3165. 1055. 3168. 1056. 3171. 1057. 3174. 1058. 3177. 1059. 3180. 1060. 3183. 1061. 3186. 1062. 3189. 1063. 3192. 1064. 3195. 1065. 3198. 1066. 3201. 1067. 3204. 1068. 3207. 1069. 3210. 1070. 3213. 1071. 3216. 1072. 3219. 1073. 3222. 1074. 3225. 1075. 3228. 1076. 3231. 1077. 3234. 1078. 3237. 1079. 3240. 1080. 3243. 1081. 3246. 1082. 3249. 1083. 3252. 1084. 3255. 1085. 3258. 1086. 3261. 1087. 3264. 1088. 3267. 1089. 3270. 1090. 3273. 1091. 3276. 1092. 3279. 1093. 3282. 1094. 3285. 1095. 3288. 1096. 3291. 1097. 3294. 1098. 3297. 1099. 3300. 1100. 3303. 1101. 3306. 1102. 3309. 1103. 3312. 1104. 3315. 1105. 3318. 1106. 3321. 1107. 3324. 1108. 3327. 1109. 3330. 1110. 3333. 1111. 3336. 1112. 3339. 1113. 3342. 1114. 3345. 1115. 3348. 1116. 3351.*



tur quid illis sit necessarium, ut si non habent, comparent: si habent; conferuent. Quod autem dicit, *nisi efficiamini*, non significat eos tales non esse, sed alludit ad eorum ætatem, qui cum grandes iam essent, deberent pueri fieri, sicut Ioannis 3.3. Nicodemo dixit, *Nisi quis renatus fuerit denuo, non potest videre regnum Dei*. At Christus Apostolorum ambitionem reprehendit. Fateor; sed non continuo sequitur eam ambitionem fuisse tantam, ut mortale peccatum esset, & ab ingressu regni celorum impediret: potuit enim esse veniale: & eiusmodi fuisse pium, & religiosum est credere. Denique aut ista, aut alia meliori ratione excusandi Apostoli sunt, ut Chrysostom. excusat; non accusandi, ut facere Hæretici solent. Iubet nos Christus non omnibus in rebus: sed in simplicitate, humilitate, innocentia similes esse pueris, sicut D. Paulus 1. ad Corint. 14. 20. *Nolite pueri effici sensibus, sed malitia paruuli estote*, quemadmodum Clemens Alexandrinus libro 1. pedagog. capit. 5. & D. Ambr. serm. 10. interpretantur.

5. *Et qui susceperit unum paruulum salem.*) Quorsum hæc Christus dicat dubitare lector potest: sed id facile ex præcedentibus, & consequentibus intelligitur. Vult probare eum maiorem, qui minimo similior est: quia si bi puer simillimus est, & ipsius personam gerit: id autem probat, quia qui puerum suscipit, ipsum suscipit: suscipere verò non est solum, ut quidam interpretantur, domo eum excipere, sed quouis benevolentia genere profectui, & uno uerbo benefacere, sicut in iudicio dicturus est, *quamdiu uni de his fratribus meis minimis fecistis, mihi fecistis* capit. 25. 40. Marcus, & Lucas hoc solum narrant dixisse Christum, cætera, quæ Matthæus scribit, prætermittunt. Ideo, ut opinor, quia hæc summa rei erat.

6. *Qui autem scandalizauerit.*) Argumentum est a contrario, ut Chrysostomus, & Theophylactus monuerunt: scandalizare autem hoc loco non significat, ut aliàs, malum præbere exem-

plum: sed iniuria aliquem afficere, quemadmodum Chrysostomus, Euthym. & D. Thom. animaduertunt. Quod ex antithesi manifestum est. Suscipere enim paruulos, & scandalizare inter se opponuntur. Suscipere, ut diximus, est benefacere, ergo scandalizare malefacere, id est afficere iniuria. Paruulos verò hic appellat non iam ætate; qualis ille erat, quem in exemplum proposuerat: sed moribus: quia addit, *qui in me credunt*. ij enim sunt, quibus iniuria plerumque fieri solet, quod homines simplices, & abiecti habeantur.

*Mola asinaria.*) Plerique molam asinariam uocare putant inferiorem molam, quæ Græcè *ὄνος*, id est asinus dicitur, & superiore maior esse solet. Perspicuum enim est Christum prægrandem molam significare uoluisse. Id mihi propterea non placet, quia Christus non Græcè, sed Syriacè loquebatur, ubi ea nominis ambiguitas locum non habet. Itaque Hilarij canone 18. & Ambrosij serm. 10. interpretationem sequor, asinariam molam uocatam esse, quam asinus ad multas res commolendas circumagere solet. Quæ ideo asinaria dicta est, ut a trusatili, id est ab ea, quam homines vi brachiorum circumferunt, distingueretur. Eam autem Christus proposuit, quia multo maior, quam trusatilis esse solet. Adnotat Hieronymus hoc inter veteres Iudæos usitatum fuisse supplicium, sicut nunc homines nefarios, ac detestabiles sepultura indignos iudicantes in flumen mergimus. Forte Christus ad superbiam, contra quam loquebatur, alludit, sicut cap. 11. 23. dixit, *Es tu capharnaum, nunquid usque in cælum exaltaberis? usque in infernum descendes*. Quod autem D. August. lib. 1. qq. Euangelicarum cap. 24. molam asinariam peccatorum pòdus, quo homines deprimuntur, esse dicit, allegoricum est.

7. *Va mundo à scandalis.*) Ita Græcè locutus est, quemadmodum, si Latine diceremus, magnum mundo periculum a scandalis imminet. Mundum autem nonnulli eos intelligunt, qui

Mola asinaria.



scandali auctores sunt, quasi eorum Christus uicem doleat, non enim, qui patiuntur, sed qui faciunt scandala, miseri sunt. Magis Hylario, Chrysostomo, Euthymio, & Theophylacto subscribo, mundum uocari eos, qui in mundo sunt, quos paullo ante paruulos appellauerat, & de quibus dixerat, *qui autem scandalizauerit unum de pusillis istis*. Quia enim de eorum scandalo mentionem fecerat, addit multa illis scandala imminere. In eo Chrysostomo, Euthymio, & Theophylacto non assentior, quod existiment ideo hoc dixisse Christum, ut eos, qui scandalizandi erant, reprehenderat, quemadmodum paullo ante eos, qui scandalum erant praebituri, reprehenderat. Non enim solum scandalizare, sed etiam scandalizari peccatum esse, quia infirmitatis est. Caterum, ut aliquando scandalizari peccatum sit, ut cum Phariſei Christi miraculis scandalizabantur, ea interpretatio apta non est, quia, ut ex iisdem auctoribus uersu precedenti docuimus, scandalizare hoc loco non significat scandalum praebere, sed iniuriam facere. Pari autem iniuriam nulla culpa, sed magna virtus est. Itaque non reprehendens, sed miserans Christus dicit, *Ve mundo a scandalis. Necessse est enim, ut ueniant scandala*. Necessse esse dicit, non absolute, sed hominum peruersitate considerata, ut Chrysostomus, Beda, Euthymius obscure licet, uidentur indicare. Illud etiam Chrysostomus, ac Euthymius admo-  
nent, non quia Christus praedixit, scandala uentura esse, sed quia uentura erant, Christum praedixisse. Obiciet aliquis aduersariam illam particulam, *Veruntamen ueni homini illi, per quem scandalum uenit*, indicare hunc esse sensum, quamuis necessarium sit scandala uenire, non propterea, qui scandalum fecerit, culpa uacare. Respondeo non eum, sed similem esse sensum. Quamuis alioqui scandalum uenturum esset, non propterea, qui illud facit, culpa carere. Quemadmodum quamuis Saul moriturus erat, non idcirco, qui illum occidit, culpa uacauit.

*Veruntamen ueni homini illi.*) Multi ueteres auctores hominem illum Iudam uocari putauerunt, ut Philastrius in haeresi eorum, qui Iude prodicionem laudabant, & D. Hierony. & Beda in huius loci commentariis, & Ambrosius, aut, ut ego arbitror, Remigius in commentariis in c. 11. 1. epistolae ad Cor. sed manifestum est generalem esse sententiam.

8. *Si autem manus tua.*) Docet quanto studio scandala vitare debeamus, usque adeo ut manus abscindenda, oculi, si scandalizauerit, erudendus sit. Hanc sententiam, totumque hunc uersum, atque sequentem cap. 5. 29. 30. exposuimus.

10. *Angeli eorum.*) Probat non esse paruulos offendendos, aut contemnendos, cum Deo tantae sint cura, ut apud eum angelos habeant, a quibus custodiatur. Ex hoc loco, & aliis nonnullis communis opinio de angelis custodibus nata est, primum quidem ex scripturis constat singulis regnis, atque prouinciis etiam infidelium singulos angelos esse praepositos, Danielis 10. 13. 20. Quod & ueteres auctores fere omnes, maximèq. Romanus Clemens lib. 2. recognitionum & Clemens alter Alexandrinus lib. 6. Stromatum, Chrysostomus ho. 61. in Matthaeum, & Theodorus oratione 10. in Daniele colligunt ex Deuteronomio c. 32. 8. *constituit terminos populorum iuxta numerum filiorum Israel* secuti Septuaginta versionem, qui pro filiis Israel angelos Dei reddiderunt, quasi sensus esset unicuique prouinciae, ac populo unum angelum esse praefectum. Illud etiam constat Apoc. 2. 8. 12. 18. & 3. 1. 7. & 14. unicuique Ecclesiae unum angelum a quo quodammodo gubernetur datum esse, ut Hilarius in Psalmum 124. & Gregorius Nazianzenus in oratione habita coram centum quinquaginta Episcopis, & Hierony. in c. 1. Ecclesiast. & auctor commentariorum in epistolas ad Corinth. qui falso Hieronymo tribuuntur epistola 1. c. 11. Illud etiam non perperua traditione solum, sed plusquam probabilibus scripturae testimoniis  
semper

De angelis  
custodibus  
digressio.

Angelum  
custodem  
regni  
habere.

Angelum  
custodem  
Ecclesiae  
habere.

Angelum  
custodem  
singuli  
homines  
habere.



semper est creditum, singulos Christianos singulos angelos bonos habere, quorum curæ commissi sint. Sic enim hoc loco Christus loquitur, quasi de re comperta, & quasi cum certum sit singulos homines angelum aliquem habere, paruulorum, id est iustorum angelos aliorum angelis præferat. Idem ex Genesi c. 48. 16. colligitur. *Angelus, inquit Iacob, qui eruit me de cunctis malis, benedicat pueris istis, et innocetur super eos nomen meum, nomina quoque patrum meorum.* Et Actorū 12. 15. ex communi proculdubio opinione de Petro, cum è carcere ab angelo nimirum suo liberatus esset, foreq; notæ domus intempesta nocte pullaret, dictum est non Petrum, sed angelum eius esse. Hactenus omnes veteres auctores consentiunt, Iustinus questione 30. earum, quas gentes Christianis proponebant, Lactantius lib. 2. c. 15. & Basilus in Psalmum 33. & 58. & in c. 8. Esaiæ, & in lib. 3. contra Eunomium de Spiritu sancto, Chrysostomus hoc loco, & Auctor operis imperfecti hom. 40. & Hiero. in c. 66. Isaiæ, & in commentariis huius loci, & Theodorus lib. 5. diuinorum decretorum, & erat. 10. in Daniele, & Isidorus lib. 1. de summo bono c. 12. & Origenes quamplurimis in locis, de cuius singulari sententia postea dicemus. Longius Theologi quidam nec mali, neque recentissimi progressi sunt, ut etiam Christum Angelum custodē habuisse dixerint, de quo Lucæ 22. 43. dictum est, *apparuit autem illi angelus de celo confortans eum.* Sed hoc & paradoxum est, & Christo uero Deo minime dignum. Habet quidem angelos, à quibus sibi ministraretur, nō à quibus custodiatur. Caluinistæ tamen, ut sapientissimi suo iudicio sunt, nihil credunt, tantum dicunt omnes angelos omnium hominum esse custodes, quia ut ait D. Paulus ad Hebræos 1. 14. *Omnes sunt administratorii spiritus in ministerium missi propter eos, qui hereditatem capiunt salutis.* Sed sinamus eos sua uti impudentia. De eo à nonnullis dubitatum est, an omnibus hominibus, etiam non

Christianis, dati sint angeli. Origenes enim tractatu in Matthæum 6. & Auctor imperfecti homil. 5. videntur existimasse solis baptizatis datos esse. Sed & omnium aliorum auctorum contraria sententia est, & ea ex scriptura, & ratione refutatur. Nam si infideli Græcorum; & Persarum regno angelus præfectus est, & singulis etiam Græcis, & Persis hominibus aliquem datum esse angelum credendum est: maiorem enim hominum, quàm regnorum Deus curam habet. Et nō solum Christianorum, sed omnium omnino hominum salutē quaerit, in qua procuranda angelorum utitur ministerio, quia omnes administratorii sunt spiritus propter eos, qui hereditatem capiunt salutis. Illud etiam apud auctores minus est certum, an singuli homines non solum unum, à quo defendantur, sed etiam malum, à quo impugnentur, angelum habeant. Sed tamen & hoc ipsum antiquissima traditione non Christianorum modò; sed etiam Hebræorum traditum est, ut scribit Rabbi Moses lib. 3. More c. 25. Quam traditionem ex antiquo libro Pastoris, & ex epistola Barnabæ, quam olim inter Christianos in magna auctoritate fuisse legimus, veteres auctores probare solent, ut Origenes hom. 10. in Lucam, & lib. 3. de principiis c. 7. & Cassianus collatione 8. c. 17. & collat. 13. c. 12. & Beda in c. 12. Act. Apostolorum. Confirmant eandem traditionē Gregorius Nyssenus in uita Moysis, & Auctor imperfecti homil. 5. in Matthæum. Potest aliquod eius rei uestigium in scriptura notari, nam D. Paulus datum sibi dicit angelum Satanæ, qui se colaphizet. Quod etsi aliis modis intelligi potest, potest & hoc: & credibile est diabolum daemoniorum principem in administratione regni sui Deum imitari, & quemadmodum Deus singulis hominibus singulos angelos præponit, ita cum opponere singulos demones. Videtur autem Christus, cum dicit, *Angeli eorum semper uident faciem patris mei,* aliquid singulare paruulorum angelis attribuire, quasi ceteri

Angelū custodē etiā infideles habent,

Verū sin-  
guli homi-  
nes malum  
angelū ha-  
beāt, à quo  
impugnetur,

Angelū custodē Christus non habuit,

2. Cor. 12.  
7.



Origenes er-  
ror de ange-  
lis custodi-  
bus,

ceteri minores sint, & quasi illi faciem Dei videant, alii non videant. Et quidem Origenes homil. in Lucam 3. hinc suum confirmat errorem, quasi angeli etiam beati propter negligentiam custodiendorum hominum suam aliquando beatitudinem amittant, quasi sensus sit aliorum hominum angelos aliquando videre faciem Dei, aliquando non videre; quia aliquando homines bene, aliquando male custodiunt; paruulorum autem angelos semper videre, quia bene semper custodiunt. Cum ergo paruuli diligentius, quam ceteri homines ab angelis custodiantur, offendendos, contemnendosue non esse. Chrysostom. etiam existimat aliquid singulare paruulorum angelis tribui, & non omnes faciem Dei videre, sed eos, qui supremi ordinis sunt, significarique hoc loco paruulorum curam supremis angelis commissam esse. Credo ego certe aliquid discriminis inter paruulorum, & ceterorum hominum angelos indicari; sed nec illud, quod Origenes, nec illud, quod Chrysost. putat: sed maiores esse paruulorum, quam aliorum hominum angelos. Quod ne quis miretur, intelligat hoc loco paruulos non pueros, sed homines iustos appellari, quorum Deum curam maiorem, quam aliorum hominum habere tota scriptura testatur. Maiores autem, & honorabiliiores esse paruulorum, quam aliorum hominum angelos ex effectu probat, quia semper vident faciem Dei: non quod alij angeli non videant; sed quod ea phrasi Hebraei significant Deo aliquem esse propinquum, & familiarem. Sumpta enim est ex aule consuetudine metaphora, ubi quod quis honoratior est, eo propinquior est regi, eoque frequentius in eius conspectu versari solet. Ita loquitur regina Saba de seruis Salomonis 3. Regum 10. 8. *Beati viri tui, & beati serui tui hi, qui stant coram te semper, & audiunt sapientiam tuam.* Notauit Gregorius, & Diuus Bernardus sermone quinto, de dedicatione Ecclesiae colligi ex hoc loco posse, quod

omnes postea Theologi docuerunt, angelos, quocunque eunt, suam secum beatitudinem ferre, id est semper faciem Dei videre. Faciem autem Dei per metaphoram Christus appellauit splendorem essentiae diuinæ, sicut facies, aut potius vultus hominis est, in quo persona tota resplendet.

11. *Venit enim filius hominis saluare, quod perierat.* Secundum hoc est argumentum, quo probat Christus contemnendos non esse paruulos, quandoquidem propter eorum salutem filius hominis venit. Simile argumentum apud Diuum Paulum legimus primo ad Corinthios 8. 11. *& peribit infirmus in tua conscientia frater, propter quem Christus mortuus est?* Loquitur autem Christus ex hominum opinione, qui existimant eos, qui maxime iusti sunt, quia abiectos, & humiles vident, maxime esse peccatores, sicut Pharisei ceco illi, qui à Christo curatus fuerat, dixerunt Ioannis 9. 34. *in peccatis natus es totus, & tu doces nos?* Nec cum hoc Christus dicit, *in-* dicat ceteros homines non perisse: sed tantum significat se propter peccatores venisse. Ita ut, si quis peccator non esset, propter eum venturus non fuisset, quem admodum capitulo nono, 12. dixit *non est opus valentibus medicus, sed male habentibus;* ubi copiosius totum hunc locum explicauimus.

12. *Si fuerint centum oues.* Tertium est argumentum, quo bonus pastor, exemplo pastorem probat plures se facere paruulorum, id est eorum, qui peccatores habentur, quam aliorum hominum salutem. Nec quicquam in hac parabola difficile est; nec enim, ut paulo ante diximus, significatur aliquos fuisse homines, qui non errauerunt; sed tantum propter eos, qui errauerunt, Christum venisse. De eo autem inter interpretes magna disceptatio est, quæ il-

li. 2. moral.  
634



læ 99. sint oues, quæ non errauerunt. Vetustissimi auctores angelos bonos dixerunt esse. Oues enim Dei esse omnes creaturas rationales ex quibus aliæ, id est homines errauerint; aliæ, id est angeli non errauerint. Ita sensisse videtur Irenæus libro tertio, capitulo 21. & 39. & Origenes homilia secunda in Genesim, & homilia 7. in Iosue, & Cyrillus Hierosolymitanus catechesi 15. & Hilarius hoc loco, & Ambrosius in Apologia Davidis capitulo quinto, & Gregorius homil. 34. in Euangelia, & Theophylactus. Cuius opinionis, & hoc loco Hieronymus meminit. & Athanasius quæst. 2. Sed dubium non est, quid de solis hominibus Christus loquatur, nisi, quod absurdissimum est, cum Origene dicamus etiam propter angelos, qui peccauerunt, aduenisse. Sensus igitur est, non quidem eum reliquisse nonaginta nouem oues, quæ non errauerunt, ut unam, quæ sola errauerat, quæret: sed tanti vel unius hominis salutem facere, ut si tantum centum essent homines, quorum unus tantum errauisset, nonaginta nouem relicturus esset, ut illum unum quæret: quemadmodum boni pastores facere solent. Magnum ipsius erga nos charitatis indicium, magnum argumentum ad eorum refellendam opinionem, qui etiam si homines non peccassent, Christum uenturum fuisse docere solent. Itaque uersu 14. non concludit Christus sic, se nonaginta nouem oues, quæ non errauerant, ut unam, quæ errauerat, quæret, reliquisse; sed sic non est uoluntas ante patrem uestrum, qui in cælis est, ut pereat unus de pusillis istis.

Christus nō  
uenisset, si  
Adam non  
peccasset.

14. Sic. Id est sicut pastor ille non patitur uel minimam ex suo grege ouem perire: sed magis eius, quæ periit, quam earum, quæ non perierunt, salutem amat; sic non est uoluntas patris uestri, ut uel minimus ex istis pereat. Intellegitur enim comparatio, sicut in proposita parabola, quæ latet in una illa syllaba, sic, quasi dicat, sic minus uult Deus perire minimos istos, quàm maximos illos. Idem altera parabola

la filij periti apud Lucam capitu. 15. 24. 32. declaratur. Quod autem dicit ante patrem uestrum, Hebraismus est ex regum edictis sumptus, quæ ab eorum conspectu, ut firma habeantur, dicuntur prodissse. Loquitur enim de diuina uoluntate, tanquam de aliquo decreto. Ante patrem autem uestrum, potius, quam ante meum dixisse arbitror, ut accomodatè ad id, de quo agebat, loqueretur: agebat uero de Dei erga homines amore, & misericordia, quod utrumque patris est proprium.

15. Si autem peccauerit in te frater tuus. Fratrem generaliter uocat omnem Christianum: de aliis enim non agit, ut constat ex uersu 17. dic Ecclesiæ, & si Ecclesiam non audieris, sit tibi sicut Ethnicus, & publicanus. Nam Ethnicum, & publicanum fratri opponit; & Ecclesia de ijs non iudicat, qui foris sunt 1. ad Corinth. 5. 12. propriè tamen illum, quem uersu 16. pusillum appellauit, nunc fratrem uocat, docetque eum, si quid forte peccauerit, non seuerè, & tanquam hostem: sed misericorditer, & tanquam fratrem esse tractandum, sicut eum filius hominis tractat, qui uenit, ut saluaret, quod perierat.

In te. Quidam hæreticorum interpretes exponunt priuatim, & te solo sciente: tunc enim priuatim, secretèque eum, qui peccauit, esse corrigendum. Nam eos, qui publicè peccant, publicè arguendos docet D. Paulus 1. ad Timotheum 5. 20. Deberent interpretationem aliquo exemplo probare, in te idem esse, atque priuatim. Potuissent dicere Hebraismum esse, qualem Psalmi 50. 6. legimus tibi soli peccauit, id est secretò, reque solo sciente: sed repugnat huic interpretationi D. Lucas cap. 17. 3. Si peccauerit, inquit, in te frater tuus, increpa illum: si penitentiam egerit, dimitte illi. Loquitur ergo Christus non de eo, qui secretò, sed de eo, qui contra nos peccat. Repugnat & Petri interrogatio infra uers. 21. quoties peccabit in me frater meus, & dimittam ei? De quibus autem peccatis hoc intelligendum sit, meritò qua-

ri



ri potest: quia quædam eiusmodi uidentur esse, ut non sit, qui peccat, priuatim corrigendus. Origenes tractatu in Matthæum 6. de solis uenialibus siue contra nos, siue contra Deum factis interpretatur. Hilarius, Chrysostomus, Hieronymus, Ambrosius in cap. 17. i. uer, Augustinus sermone 16. de uerbis Domini secundum Matthæum, Theophylact. & Euthymius de moralibus, sed de his tantum, quæ contra nos, non de ijs, quæ contra Deum fiunt, nam ea non esse dissimulanda. Credo ego de omni peccatorum genere siue contra nos, siue contra Deum agi. Spectandum enim est Christi consilium, ut peccantem non acerbè accuseremus, sed benignè corrigamus. Dixit autem, *si peccauerit in te*, quia tunc acerbè, tunc acerbè, tunc deserti reprehenses est solemus, cum eos, qui contra nos peccauerunt, obiurgamus. Et uoluit sapientissimè Christus ibi nobis frænum iniicere, ubi maximum periculum erat, ne præceptis ageremur: tamen ex una peccatorum specie totum genus intelligendum est, nisi si quid aliunde obstat, quo minus fraterna correctio sit adhibenda. Dubitari potest, cur non dixerit, *si peccauerit in te frater tuus*, dimitte illi, sicut alijs locis dicere solet cap. 5. 23. 24. *Si offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, &c.* 6. 14. *si enim dimiseris hominibus peccata eorum, dimittet & uobis pater uester celestis delicta uestra.* Respondeo in hac affirmatione, *corripe eum inter te, & ipsum*, tacitam negationem delitescere, perinde enim est, ac si dicat, si peccauerit frater tuus, ne continuo eum accuses, ne continuo eum ad Ecclesiæ iudicium deferas: prius peccatum corrippe. An autem omnis, in quem peccatur, uel qui peccatum alterius nouit, & an in omni peccati genere eum, qui peccauit, corrigere debeat, ex Theologorum regula iudicandum est, quæ ex uerbis Christi colligitur, *si, inquit, te audieris, lucratus eris fratrem tuum.* Cum er-

go spes est spiritualis lucri, corrigendus est frater, cum non est, aut accusandus coram Ecclesia, si fructus speretur, aut Domino relinquendus, si non speretur.

16. *Adhibe tecum adhuc unum, uel duos.* Dubium, cur testes post primam admonitionem adhiberi uelit. Quidam propterea inquirunt, ut seuerior sit reprehensio, & pudere eum, qui peccauit, propter præsentiam testium incipiat. Alij, ut constet testibus eum, qui corrigit, tuo sanctum officio, ut Euthym. Alij, ut si se non correxerit, is, qui admonet, testes habeat, ut eum coram Ecclesia possit accusare, quem admodum multi noui interpretes exponunt. Alij, ut qui corrigit, facilius ei, qui peccauit, persuadeat eum peccauisse, cum id non ipse solus, sed duo etiam, aut tres testes affirmant, ut Chrysostomus, Augustinus sermone illo 16. de uerbis domini, & Theophylactus interpretantur. Hoc probabilius. In hanc enim sententiam legis testimonia ex Deuteronomio Christus inducit, *in ore duorum, uel trium testium stabit omne uerbum.* Hoc tantum interest, quod in Deuteronomio Deus terrere ea lege uoluit ca. 17. 6. & 19. 15. ne quis uno tantum teste, sed, ut minimum, duobus, uel tribus condemnaretur. hic autem Christus dicere uoluit duos, uel tres testes ad faciendam fidem satis esse. Vtrum autem duo, uel tres testes simul, an separatim, primum unus, deinde secundus, aut duo, postremo tertius, aut tres adhiberi debeant, non satis est explicatum. Et quidem Hieronymus, primum unum, deinde alterum, postremo tertium adhibendum putat. Sed ex fine, cur adhibendi sunt, & ex sententia Deuteronomij, quam Christus in probationem citat, perspicuum est, non esse separatim, sed simul, uel duos, uel tres testes, ut minimum, adhibendos. Non enim in ore unius, sed in ore duorum, uel trium stabit omne uerbum.

15. *Quod si non audierit eos, dic Ecclesiæ.* Id est, si ne illis quidem crediderit, tunc tibi licebit ad Ecclesiæ iudicium

Correctio  
fraterna  
quibus, &  
quò adhi-  
benda.



Caluin. in  
harm. & Be  
za in an-  
not.

iudicium fratrem deferre: audire enim hoc loco pro obedire ponitur ex Hebraismo, ut saepe alias. Quidam ex haereticorum interpretibus nomine Ecclesiae hoc loco prorsus absurde Iudaeorum Synagogam intelligunt. Nam nusquam Synagoga in nouo Testamento Ecclesia uocatur, quemadmodum D. Augustin. in epistolam ad Roman. & in Psalmum 81. obseruauit, & statim uersu sequenti de ea Ecclesia loquens, cur peccatorem deferendum esse dixerit, *quaeunque*, inquit, *alligaueritis super terram, erunt ligata & in caelo*: potestas autem ligandi, atque soluendi non Iudaeorum Synagoga, sed Christianorum Ecclesia data est: deinde, cum id Christus non Iudaeis, sed Apostolis dicat, dubitare non possumus de Ecclesia, non de Synagoga dictum esse. Alij ex eodem haereticorum grege Ecclesiam quidem Christianam intelligunt: sed omnem Christianorum multitudinem interpretantur. Id etiam absurdum; & quia omni multitudini dici non potest, & quia, si posset, nihil inuaret; quid enim imperij artifices, quid foeminae peccatori facerent? Deinde quia illi proculdubio Ecclesiae dici uoluit, cui statim dixit, *quaeunque alligaueritis super terram, erunt ligata & in caelo*: hoc autem non omni multitudini, sed solis Apostolis, cum quibus Christus loquebatur, & ijs, qui in eorum locum successuri erant, dictum est. Præterea quia ne apud ipsos quidem Iudaeos omnis populi multitudo: sed soli seniores & Archisynagogi excommunicare consueuerant, ut nonnulli etiam eorundem haereticorum interpretes annotauerunt. Denique perpetuus usus Ecclesiae, docet huiusmodi homines non ad totam multitudinem, sed ad eos, qui ligandi, & soluendi potestatem habent, esse deferendos: qui, quia Ecclesiae gubernatores sunt, & totius Ecclesiae personam representant, Ecclesia uocantur: quemadmodum D. Chrysost. & Euthym. monuerunt. Sic enim & magistratus, qui rempublicam gerunt, Respublica uocantur, & quod

ab illis fit, à Republica factum esse dicitur. Quod ergo D. Paulus 1. ad Corinth. 5. .4. dicit, *ego quidem absens corpore, praesens autem spiritu iam iudicauit ut praesens, in nomine Domini nostri Iesu Christi congregatis uobis tradere huiusmodi Satanæ*, & quod ex Tertull. in Apologetico nonnulli proferunt solitum fuisse, ut in Christianorum congregationibus de peccatoribus iudicaretur, nihil hunc inuauit errorem. Illud enim solum inde colligitur coram multitudine, sed non à tota multitudine iudicia exerceri consueuisse. Nam & D. Paulus disertè dicit se, non autem totam Corinthiorum Ecclesiam scelestum illum hominem Satanæ tradidisse. Alter haereticorum interpres, qui hoc loco pro Ecclesia Rempub. uertit, ridendus est, non refutandus. Quamquam istae ridiculae ineptiae periculose sunt, quae Ecclesiam in Rempublicam, & ut dicam clarius, in politicam hominum nihil credentium congregationem uertunt. Colligitur ex hoc loco Ecclesiam uisibilem esse, quam nostri etiam haeretici inuisibilem, aut potius nullam nobis faciunt. Quia enim Ecclesiae iudicium reformidant, uideri posse nolunt.

Sebastianus  
Castilio,

Ecclesia uisibilis.

*Sic tibi sicut Ethnicus, & publicanus.* Alludit ad consuetudinem Iudeorum, qui ab Ethnicorum, & publicanorum, quos pro publicis peccatoribus habebant, consuetudine abstinebant. Itaque sensus est, eos, qui Ecclesiae iudicio non obediunt, non aliter quam, si Ethnicici essent, esse uitandos. Quod duabus de causis fieri iubet Christus; & ut qui eiusmodi sunt, cum se alienatos ab Ecclesia uiderint, resipiscant, ut ait D. Paulus 1. ad Cor. 5. 5. ut spiritus saluus fiat, & ne, qui sani sunt, eo in consortio contagione trahant, ut eodem loco uersu 11. indicat D. Paulus cum huiusmodi nec cibum sumere, & ad Tit. 3. 10. *haereticum hominem post unā, & secundam correctionem deuota, scilicet, quia subuersus est, qui eiusmodi est.* Et D. 1o. 2. ep. ver. 10. 11. *si quis uenit ad vos, et hanc doctrinam non adfert, nolite recipere eum in domum, nec aue ei dixeritis.*

Qui



Caluinista  
uitandi.

Qui enim dicit ei aue, communicat operi  
bus eius malignis. Eiusmodi sunt om-  
nes, quos excommunicauit Ecclesia:  
excommunicatorum uero maxime he-  
retici; hereticorum maxime Caluini-  
stæ, quorum sermo, ut cancer, multo  
magis serpit, quam eorum, de quibus  
id 2. ad Timoth. 2. 17. dixit Diuus  
Paulus.

18. *Quæcumq. alligaueritis.*) Orige-  
nes, & Theophylactus, & Anastasius  
q. 2. in scripturam, nescio etiam an  
Chrysostomus (obscure enim dicit) hæc ver-  
ba ad omnes prorsus Christianos  
existimant pertinere decepti, ut opi-  
nor, contextu, consecutioneq; uerbo-  
rum: quia enim dixerat Christus paulo  
ante, *si peccaueris in te frater tuus*,  
& nunc dicit, *quæcumq. alligaueris su-  
per terram, erunt ligata et in celo, & quæ-  
cumq. solueris super terram, erunt solu-  
ta et in celo*, putauerunt hæc uerba  
ad eos solos, contra quos peccatum  
est, pertinere, quasi sententia sit, si il-  
lis iniuriam remiseris. Deus etiam  
remittet, si non remiseris, non re-  
mittet. Eundem errorem Caluinista-  
rum interpretes hausisse non conten-  
ti maiore auxerunt errore, quasi nul-  
lam Christus Apostolis potestatem,  
ac nec Petro quidem ipsi dederit, quam  
non omnibus Christianis concesserit.  
Sic quidam eorum, qui apud eos  
doctissimi habentur, in hunc locum  
scribunt. Veteres illi auctores, etsi in  
interpretatione huius loci magis al-  
legorice, quam proprie locuti sunt,  
quasi unusquisq. possit alteri, dum il-  
li parcat, peccata soluere, tamen Apo-  
stolis singularem proprie ligandi,  
atque soluendi potestatem datam fuisse  
non negauerunt, sed docuerunt. Fa-  
cile error uterque refutatur; perspi-  
cuum enim est Christum eum, contra  
quem peccatum est, testes, & Eccle-  
siam distinguere: & soli Ecclesie dice-  
re, *quæcumq. alligaueris super terram  
erunt ligata et in celo*. Deinde cum di-  
cit, *si Ecclesiam non audieris, sit tibi sicut  
Ethnicus & publicanus*, quis non uidet  
Ecclesiam ab eo, qui ad Ecclesiam pec-  
catorem detulit, distinguere, sensum-  
que esse, Ecclesie liganti, non obe-

diuerit, sit tibi, contra quem pec-  
cauit, quique eum detulit, tanquam  
Ethnicus & publicanus? alius ergo  
est, qui iniuriam accipit, alius qui li-  
gat, & soluit. Illa maior quaestio, an  
de sola externa, & ut ita dicam poli-  
tica Ecclesie potestate hic agatur, ut  
quidam nescio an satis Catholici ui-  
dentur existimare. Dubium non  
est, quin & de externa, & de interna  
ligandi potestate Christus loquatur,  
cum dicat, *Quæcumq. alligaueris  
super terram, erunt ligata et in celo, &  
quæcumq. solueris super terram, erunt  
soluta et in celo*, id est apud Deum;  
quod enim apud Deum ligatur, &  
soluitur, non solum extrinsecus, &  
hominum opinione, sed etiam in-  
trinsecus, & re uera ligatur, & solu-  
tur. Adde, quod, qui aliter interpre-  
tantur, Christi consilium non in-  
telligunt: uoluit enim Ecclesie tribu-  
nal ultimum esse, ad quod essent pec-  
catores, cum aliud non esset emenda-  
tionis remedium, deferendi. Ideo-  
que summam illi tribuit potestatem;  
summam autem non tribuisset, si  
maiores illi non dedisset, quam om-  
nis Respublica iure suo habet, ut ho-  
mines perniciosos mittat in exi-  
lium, quod in Ecclesia est excom-  
municare. Quid autem sit ligare,  
& soluere, & quomodo hinc Con-  
fessionis præceptum necessariò col-  
ligatur capit. 16. 19. exposuimus. Il-  
lic, quæ hic desiderabuntur, peten-  
da erunt. Poterit aliquis obijcere  
ex hoc loco colligi, aut non agi hic,  
nisi de externa excommunicandi po-  
testate, non autem de potestate ab-  
soluendi in Sacramento Pœnitentia-  
e; aut, si de Sacramento Pœnitentia-  
e agitur, aliud è contrario sequi,  
neminem posse, qui sacerdos non sit  
excommunicare: quod Ecclesie usui  
falsum esse conuincitur. Respondeo  
proprie de Sacramento Pœnitentia-  
e Christum agere, & excommunican-  
di potestatem partem esse potestatis  
per Sacramentum Pœnitentia-  
e ligandi, atque soluendi. Nam quisquis  
auditum pœnitentem non absol-  
uit, priuatim quodammodo excom-  
municat,

Potestas ex-  
communi-  
candi Eccle-  
siae tradita.



municat, quia Sacramentorum perceptione eum priuat, quamuis quia ea excommunicatio secreta est, excommunicatio uocari non solet, Qui autem, cum sacerdotes non sint excommunicant, alia id ratione faciunt, nempe quia Superiores sunt, & Ecclesiasticam habent iurisdictionem, publicum peccatorem & Sacramentorum participatione, & ecclesiae suffragiis priuant. Itaque communi usu excommunicatio uocatur.

19. *Iterum dico uobis.*) Non uidetur prima specie bene haec uerba cum superioribus coherere. Hilarius Chrysostomus, Hieronymus, Euthymius, & Theophilactus eo pertinere putant, ut Christus concordiam, de qua loqui coeperat, cum dixit, *si peccauerit in te frater tuus, corripe eum inter te, & ipsum*, magis commendaret, dicens tantum ualere concordiam, ut quotiescunque duo ad aliquid à Deo petendum conspirauissent, obtenturi essent. Potius existimo Christum à minori ad maius argumentari uoluissè, si quicquid duo petierint, Deus illis concedit, quanto magis Ecclesiae iudicium ratum habebit? Quod & Diuus Gregorius lib. 7. registri epist. 110. uidetur indicasse. Atque hoc est, quod dicit, *Iterum dico uobis*, quasi dicat, non solum quicquid ligaueritis super terram, erunt ligata & in caelo, sed, quod amplius est, etiam uobis promitto fore, ut quicquid duo de uobis communi consensu petierint, consequantur. At non agebatur de oratione, dicit aliquis, sed de ligandi, soluendique potestate; quorsum ergo de oratione subiecit, *si duo ex uobis consenserint super terram de omni re, quaecumque petierint, fiet illis à patre meo*? Respondeo, propterea id subiecisse, ut ostenderet fore, ut Deus nunquam eos in iudicando, id est in ligando, atque soluendo errare paterentur, si suo nomine à patre petierint, fiet illis, sicut Ioannes 14. 13. & 16. 13. *Amen, amen dico uobis, si quid petieritis patrem in nomine meo, dabit uobis.* Sunt, qui putant pro

pterea Christum de oratione haec addidisse, quia intelligebat Apostolos, & quicumque ligandi, & soluendi haberent potestatem, nunquam ea nisi praemissa oratione uisuros esse, qua oratione peterent, ut Deus sibi gratiam daret rectè, iustèque iudicandi. Quod mihi non displicet.

*Si duo ex uobis.*) Haec uerba miris modis exposita sunt. Origenes tractatu in Matthaeum 6. ad virum, & uxorem refert, qui ut ait Diuus Paulus si ab usu coniugii orationis causa abstinerent consenserint, quicquid petierint, impetrabunt. Alii ad animam; & corpus, ut eodem loco idem Origenes, & Athanasius, quaestione 61. & Ambrosius, in institutione uirginis cap. 2. & in caput 14. Lucae, Hieronymus, Beda, & Theophylactus in commentarijs, quasi quicquid sine ullo malo affectu, id est carne aduersus spiritum non repugnante, facillè sint consecuturi: sed hoc ipse Hieronymus allegoricum esse fatetur. Alii referunt ad solos Apostolos, ut Chrysostomus, & Euthymius. Alii ad reprehensum, & reprehendentem ut Anastasius quaestione 74. Alii ad omnes Christianos: quia sequitur, *ubi sunt duo, uel tres congregati in nomine meo, ibi sum in medio eorum*, quia generalis uidetur esse sententia.

*Super terram.* propterea addidit *super terram*, ut caelo terram opponeret, significaretque eos, quauis in terra essent, longeque a caelo distarent, ibi tamen, cum orarent, exaudientos esse, quemadmodum similem sententiam c. 16. 19. explicauimus.

*De omni re.*) Etiam si generaliter, & uniuersè loquatur, non adeo generaliter intelligenda sententia est, ut existimemus fore, ut quicquid petierimus siue bonum, siue malum siue honestum, siue inhonestum. siue impetraturi. Ponit enim tantam rem certam, quod & apud uiros bonos, quasi naturae lege positum est, non nisi honesta petenda esse; quod autem dicit *de omni re*, non ideo dicit, ut bona, & mala: sed ut parua, & magna, ut facilia, & difficilia



tilia comprehendat. Cur autem non semper, quod petimus, obtineamus, & quibus conditionibus huiusmodi promissiones intelligendæ sint, c. 7. 7. docuimus.

20. *Ubi enim sunt duo vel tres congregati in nomine meo.* Confirmatio est aut superioris uersus, qua rationem reddit, cur, quidquid duo consentientes petierint, impetraturi sint, quia ipse nimirum in medio eorum est, & quasi ipsorum ore pro illis loquitur: aut uersus 19. qua probat fore, ut, quidquid ligauerint super terram, sit ligatum & in cælo, & quicquid soluerint super terram, sit solutum & in cælo, quia ipse in medio eorum est pro illis ligans, aut soluens. Hilarij, Chrysostomi, & Theophylacti interpretatio coacta est, qui congregari nihil aliud esse putant, quàm, quod paullo ante dixi, consentire, id est amicitia propter Christum coniungi. Cum enim Christus dicat *ibi sum in medio eorum*, perspicuum est cum de cætu, & confessu agere, in quo se tanquam iudicem medium sedere significat. Alludit autem, ut opinor, ad ludæorum consuetudinem, qui in congregationibus, id est synagogis iudicium exercebant. Difficilius dictu est, quid sit in nomine Christi congregari. Alij enim in nomine Christi, id est propter Christum interpretantur, ita ut qui congregantur, nihil aliud, quàm Christum, & gloriam eius, quærant, ut Chrysostomus, & Euthymius. Alij inuocato nomine Christi, quod & uidetur melius conuenire, quod de oratione agebatur. Hæretici uerbo Dei omnia metiuntur, cum omnia contra uerbum Dei dicant: In nomine, inquit, Christi congregari, est secundum uerbum Dei ad decernendum aliquid ex solis scripturis conuenire. Sed istæ uerbi Dei iactationes iam nos mouere desierunt, scientes idem dicere omnes hæreticos consueuisse. Mihi accommodatè ad id, de quo agitur, & ad consuetudinem locutionis nomine Christi congregari nihil aliud uidetur ef-

se, quàm eius auctoritate, eiusque personam gerentes conuenire, sicut Diuus Paulus 1. ad Corinth. 5. 4. dicit se in nomine Christi, id est, Christi auctoritate, atque uirtute, ut statim declarat, Corinthium illum Satana tradidisse: & sicut Apostolos legimus in nomine Christi baptizasse, & miracula fecisse. Itaque cum ij, qui auctoritatem in Ecclesia iudicandi habent, ad iudicandum conueniunt, eo ipso in nomine Christi dicuntur conuenire. Neque necesse est, ut nihil aliud, quàm Christum quærant: quotus enim quisque id faceret? Præterquàm quod nunquam constare posset, utrū, qui congregati essent, in nomine Christi conuenissent. Quis enim præter Deum hominum cognoscit uoluntates? Quod autem hæretici ex eo iudicandum esse dicunt, utrū in nomine Christi conuenierint, si nihil nisi ex uerbo Dei constituerint, peruerso faciunt iudicio. Non enim, quia nihil nisi ex uerbo Dei decernunt, in nomine Christi conueniunt: sed quia in nomine Christi conueniunt, nihil nisi ex uerbo Dei possunt decernere. Prius enim in nomine Christi conueniunt, quàm aliquid decernant. Et qui in Christi nomine non conueniunt, possunt aliquando ex uerbo Dei omnia decernere. Itaque incertam nobis hæresim, & fallacem regulam tradunt, quæ si uera esset, nunquam sciri posset, an aliquod Concilium in nomine Christi conuenisset. Nam ad examinandum, utrū aliquid non ex uerbo Dei decreuisset, alio Concilio opus esset: & ad examinandum, an illud alterum aliquid dixisset præter uerbum Dei, rursus opus altero; sic nusquam fides nostra gradum figeret.

*Ibi sum in medio eorum*) Quod Origenes, Chrysostomus, & Euthymius annotarunt non dixisse Christum *ibi* ero; sed *ibi sum*, ut ostenderet se iā esse præsentem, haud scio, quàm probabile. Illud potius explicandum, quid sit Christum esse *in medio eorum*. Hilarius ita uidetur exponere, quasi nihil aliud sit, quàm in illis per gratiam habita-

A a 2 1c.

Quid in nomine Christi congregati,

Calvinus in hanc.

Fallax hæresicorum regula ad uerum cognoscendum Concilium.



re. Sed isto modo in omnib. iustis est, quamvis cōgregati non sint: Christū uerō aliter se in medio cōgregatorū, quā in medio aliorum, qui congregati non sunt, esse significat. Alij interpretantur esse in medio eorum, id est, p illis petere, pro illis orare. Ego non solum auxilium: sed etiam auctoritatem significari arbitror, quasi dicat, ego in medio eorum, tanquam supremus iudex sedeo, eorum sententiam confirmans, quam in meo nomine pronunciant, sicut Dauid dixit Ps. 8. 1. *Deus stetit in synagoga Deorum*, id est iudicum, in medio autem Deos dyndicat. Solet hoc testimonium ad probandam Conciliorum auctoritatem adduci, quod nō hec etici modo, sed nonnulli etiam Catholici, fieri posse negant, quia & de oratione, non de decernendi potestate, & de duorum uel trium, non de iusti Concilij congregatione agebatur. Hi licet ingeniosi homines sunt, sentire tamē vim argumenti non videntur, quod à minori ad maius inde deducitur. Si. n. cum duo, uel tres Ecclesiastici iudices in nomine Christi ad iudicandum de re aliquando non magna conueniūt, Christus affirmat se in medio eorū esse, quomodo non erit, cum non duo, uel tres non de re parua, sed de fide, de religione, de hominum salute, de totius Ecclesie gubernatione omnes Ecclesie iudices. i. Episcopi conueniunt? Vt D. Greg. lib. 7. registri c. 1. 10. argumētatur. Obijciat aliquis, ergo & Prouincialium, ut uocant, Conciliorum ex hoc loco eodem modo, atq; Generalium probatur auctoritas. Nā & in illis non duo, uel tres, sed multi Episcopi congregantur. Concedo id ita esse, modo Prouincialia Concilia in Christi nomine congregantur: tūc autem in eius nomine congregantur, cū eius auctoritate conueniunt: tunc eius auctoritate conueniunt, cum Romani Pontificis eius Vicarij auctoritate cōuocantur, & confirmantur, sine qua quia cōgregari non possunt, nec Christi nomine cōuenire possunt, ideoq; non negamus, cum in Christi nomine non conueniunt, errare posse.

21. Tunc accedens Petrus. Quid Pe-

trum mouerit, ut hanc Christo questionē proponeret, non satis apparet. Hiero. occasionem fuisse putat, quod Christus dixisset ver. 15. *si peccaueris in te frater tuus, uadi, corripe eum inter te, & ipsum*; merito. n. dubitasse Petrū, quoties peccanti contra se fratri iniuriam remittere oporteret. At Christus non de iniuriæ remissione: sed de fraternæ correptione locut⁹ fuerat, Chrysost. & Euthy. existimant Petrū, quasi gloriabundū, & misericordiae opinionem captaturum hoc interrogasse: putasse. n. se magni aliquid dicere, q sepius peccanti fratri uel dubitando esse diceret remittendum. Mihi ex verbis Christi Luc. 17. 4. occasionem interrogationis uidetur accepisse, & si sepius, inquit, in die peccaueris in te, & sepius in die conuersus fueris ad te dicens, pāniser me, dimitte illi. Nā hac uerba quāuis Matth. silentio præterierit, credibile tamen est tunc dixisse Christū, cum dixit, *si peccaueris in te frater tuus, corripe illum inter te, & ipsum*. hæc. n. cū illis Lucas copulauit. Quāquā D. Aug. alio tempore ea, quæ Lucas narrat dicta fuisse putat. 2. lib. de conf. Euang. c. 61. sed præstat credere Euangelistam alio loco, & alio ordine narraſſe: quā Christum alio tenore dixisse.

Vsq; sepius. Quod Christus infinite dixerat, Petrus definite intellexit. Septies enim, id est quotiescūq; peccauisset, fratri offensionem esse remittendam Christus significauerat. Nam septenarium numerū pro infinito, atque incerto poni solere notū est. Pro. uer. 24. 16. *Septies in die cades iustus, & resurget*, i. quotiescūq; ceciderit, resurget, quia dominus eum non deseret.

22. Non dico tibi usque sepius, sed usque septuagies septies. Numerum infinitū in denariū conuersum, & per eundē multiplicatū magis infinitū reddidit. Quāquā re ipsa idē est, usq; sepius, & usque septuagies septies cum uterq; numerus numeri negationem, id est innumerabilitatē significet, quemadmodū si diceret, non solū dico tibi, ut innumerabilibus uicibus nimirū fratri remittas: sed etiam innumerabiliter innumerabilibus. In quam sententiam

Confirmatur Conciliorum auctoritas.

Conciliōrum Prouincialium quænam auctoritas.

Septenarius numerus in scriptura indefinitus.



tiam Chrysostomus, & Euthymius interpretantur. Quemadmodum Genes. 4. 24. Deus dixit, *septuplum ultio dabitur de Cain, de Lamech uero septuagies septies*, ad quem locum indicat Hilarius hic Christum allusisse, ut quemadmodum poena, ita & uenia in infinitum extenderetur, quia *ubi abundauit dilectum, superabundauit & gratia* Rom. 5. 20. Id, ut Hieronymus, & Beda annotauerunt, de fratre septuagies septies contra nos eodem die peccante intelligendum est, quod peripicuum est ex Luca, si, inquit, *septies in die peccauerit in te, & septies conuersus fuerit dicens, paenitet me, dimitte illi*. Qua sententia non docentur sacerdotes absolutionem sepe peccantibus temere dare, sed docentur offensi semper ad ignoscendum parati esse. Illud uidetur habere difficultatem, quomodo Christus apud Lucam dicat, *si conuersus fuerit, dimitte illi*, quasi significet non debere nimirum remittere, nisi prius eum, qui nos offendit, poenituerit. Quod omni scripturae prorsus contrarium est: certissima enim est regula. *Dimittite nobis debita nostra, sicut & nos dimittimus debitoribus nostris: & si non dimiseritis hominibus, nec pater uester dimittet uobis peccata uestra*. supra c. 6. 12. 15. Quod quidam nobilissimus haereticorum interpres respondet, duobus modis nos offensas remittere, aut ignoscendo, aut de eo, qui nos offendit, bonam habendo estimationem, nouam commentum est. Nam bonam opinionem habere idem esse, quod iniuriam remittere, quis unquam cogitauit? Duobus ergo modis iniuriam remittimus, & dum ei, a quo sumus offensi, non male uolumus, quod semper, etiam si eum non poeniteat, facere debemus, ut Deus nobis nostra debita dimittat: aut dum eum non accusamus. Nam non accusare, non deferre, non puniendum curare, parcere est. Atque hoc modo intelligendum est, quod Christus significat, non debere nos peccanti fratri parcere, nisi eum prius poeniteat. Hoc n. agebat, ut diceret, non esse fratrem ad ecclesiam deferen-

dum, nisi prius priuatim, deinde coram duobus, uel tribus testibus admonitus, obstinatus in peccato perseuerasset.

23. Ideo.) Potius dicendum fuisse uidetur, quia, quam ideo: sed aut *ἵνα τοῦτο* ponitur *ἵνα*, id est propterea, pro, quia; sicut aliquando apud Hebraeos *כִּי* pro *ἵνα*, aut est subintelligendum ideo haec dici, quia simile est regnum caelorum homini regi: aut, ideo dico uobis simile esse regnum caelorum homini regi, id est regi cuidam, quem Hebraismum multis iam locis adnotauimus. Quod autem dicit simile esse regnum caelorum homini regi, perinde est, ac si diceret idem in regno caelorum accidere, atque si aliquis rex rationem cum seruis suis ponere cepisset, quemadmodum ca. 11. 6. exposuimus: nec n. regnum caelorum, id est Ecclesia: sed qui regni caelorum dominus est, regi comparatur. Quid sibi tota uelit parabola, ex uersu; 5. colligitur nempe Deum nobis peccata non esse remissurum, nisi nos fratribus offensas remittamus, cum potius non illis, quam nobis Deum remittere equum sit, nam nos homines sumus similes illis, ille Deus dissimilis nobis, peccata contra Deum nostra, & innumerabilia, & infinita gratia, peccata contra nos fratrum & pauca, & plerumque leuia. Sunt autem in hac parabola, ut in omnibus alijs, quemadmodum saepe monuimus, quaedam necessaria, & tanquam proprie parabole partes: quaedam, quasi emblemata, & ad ornatum parabola, & expletionem adiecta. Necessariae igitur huius parabola partes sunt Rex; duo serui, alter, cui dominus debitum dimisit, alter, cui alius seruus dimittere debitum noluit: deinde debitum decem millium talentorum, quod alter seruus regi debebat, & debitum centum denariorum, quod alter seruus debebat alteri. Emblemata autem sunt, primum, quod uersu 25. dicitur regi iussisse uxorem, & liberos eius, qui decem millia talenta debebat, uenundari, hoc enim non est ita ad rem, de qua agitur, accommodandum, quasi significetur fore, ut uxor pro-

Hebraismus,

In parabola quaedam necessaria, quaedam ad ornatu addita.

Caluinus in harm.

Duobus modis iniuria remittitur.



ter maritum, liberi propter parrem cōdemnentur, sed aut ad ornatum hæc sunt, aut eò tantum ualent, ut grauissima poena significetur, qualis est ea, qua secundum leges ciuiles non solū is, qui peccauit, sed eius etiam uxor, & liberi condemnantur: quod & apud Hebræos usitatum fuisse ex 4. Regum. 4. 1. manifestum. Emblemata etiam est, quod uersu 31. dicitur, *videntes autem conserui, quæ fiebant, cōuirsati sunt ualde, & nesciunt, et narrauerunt domino suo*. Non enim significatur Sanctos, id est seruos Dei eos accusare, qui fratribus suis iniurias non remittunt, sed ideo additum est, quia ita inter homines fieri solet, ut alij serui alios apud dominum accusent.

24. *Decem millia talenta.*) Talentorum uaria fuisse genera nemo nescit Christum de eo loqui credibile est, qd̄ apud Iudæos erat usitatum, quodque sexcentos aureos nummos ualuisse creditur, ut diligentes harum rerum scriptores tradiderunt. Itaque decem millia talentorum summam sexagies centum millium aureorum nostrorum efficiunt. Nihil refert uerum talenti pretium ad iustum aestimare: illud refert, ut intelligamus ingentem hoc loco pecunie summam significari. Ingens autem erit summa, si uel minimo pretio talentum aestimetur.

28. *Centum denarios.*) Denarium in ueteri testamento non legimus, fuisse tamen moneta[m] apud Iudæos post Babylonicum exilium, quæ 727 denarius sumpto ex Latinis nomine uocaretur, Chaldaus Paraphrastes 4. Reg. 5. 5. & Elias Thesbit. auctores sunt. Alij Hebræi tradunt alium apud eos au-

reum, alium argenteum fuisse denarium. Argenteum, qui probabilissime loquuntur, sex obolos habuisse dicunt Atticos, id est quinque Gallicos solidos, aut Regale unum Hispanicum, hoc enim recte conuenit cum eo, quod capitulo 2c. 2. dicitur conuenisse patre familias cum operarijs ex denario, ut in uinea sua laborarent. Itaque centum denarij paullo plus, quam octo aureos nostros efficiebant, quæ minima erat summa, ut propterea seruus debitoris suum suffocaret. Quidquid denarius ualuerit, illud centum ualde exiguum debitum significari.

32. *Quousque redderet.*) Id est semper, ut Chrysostomus, Euthymius, & Theophylactus interpretantur: non enim significatur fore, ut, qui damnati sunt, poenas aliquando persoluant, & quasi reddito debito liberentur, qui Origenistarum error fuit: sed fore, ut nunquam liberentur, nisi poenas persoluant, quas, quia persolvere nunquam poterunt, nunquam liberabuntur. Nec significatur Deum remissa iam peccata propter sequens peccatum in questionem reuocare, atque punire: sed hoc tantum, quod Christus agebat, Deum ijs, qui fratribus suis peccata non remiserunt, peccata non remissurum. Quamquam, quod optimus Theologus D. Th. dixit remissa peccata nouo peccato superueniente propter ingratitudinem quodammodo puniri, uerū est, non quod iam remissa puniantur, sed quod, si remissa non essent, sequens peccatum minus grauius puniretur, quia minus fuisset ingratus is, cui priora peccata remissa non essent, si aliud peccatum addidisset.

Pœnarum  
inferni nul-  
lus finis.

3 p. q. 88.  
ar. 1. & 3.

## C A P V T XIX.

I



factum est, cum consummasset Iesus sermones istos, migravit à Galilæa, & uenit in fines Iudææ trans Iordanem, 2. & secutæ sunt eum turba multæ, & curauit eos ibi. 3. Et accesserunt ad eum Pharisæi tentantes eum, & dicentes: Si licet homini dimittere uxore[m] suā quacumque ex causa? 4. Qui respondens, ait eis: Non legistis quia

Mar. 10. a. 1

Mar. 10. a. 2

Gen. 1. d. 27



quia. qui fecit hominem ab initio, masculum, & feminam fecit eos? & dixit: 5. Propter hoc dimittet homo patrem, & matrem, & adhærebit uxori suæ, & erunt duo in carne vna. 6. itaque iam non sunt duo, sed vna caro. Quod ergo Deus coniunxit, homo non separet. 7. Dicunt illi: Quid ergo Moyses mandauit dare libellum repudiij, & dimittere? 8. Ait illis: Quoniam Moyses ad duritiam cordis uestri permisit vobis dimittere uxores vestras: ab initio autem non fuit sic. 9. Dico autem vobis, quia, quicumque dimiserit uxorem suam, nisi ob fornicationem & aliam duxerit, mœchatur; & qui dimissam duxerit, mœchatur. 10. Dicunt ei discipuli eius: Si ita est causa hominis cum uxore, non expedit nubere. 11. Qui dixit illis: Non omnes capiunt verbum istud, sed quibus datum est. 12. Sunt enim eunuchi, qui de matris vtero sic nati sunt: & sunt eunuchi qui facti sunt ab hominibus: & sunt eunuchi, qui se ipsos castrauerunt propter regnum cœlorum. Qui potest capere capiat. 13. Tunc oblatis sunt ei paruuli, vt manus eis imponeret, & oraret. Discipuli autem increpabant eos. 14. Iesus vero ait eis; Sinite paruulos, & nolite eos prohibere ad me venire: talium est enim regnum cœlorum. 15. Et cum imposuisset eis manus, abiit inde. 16. Et ecce vnus accedens, ait illi: Magister bone, quid boni faciam, vt habeam vitam æternam? 17. Qui dixit ei: Quid me interrogas de bono? Vnus est bonus, Deus. Si autem vis ad vitam ingredi, serua mandata. 18. Dicit illi: Quæ? Iesus autem dixit: Non homicidium facies: Non adulterabis: Non facies furtum: Non falsum testimonium dices: 19. Honora patrem tuum, & matrem tuam, & diliges proximum tuum sicut te ipsum. 20. Dicit illi adolescens: Omnia hæc custodiui à iuuentute mea, quid adhuc mihi deest? 21. Ait illi Iesus: Si vis perfectus esse vade, vende, quæ habes, & da pauperibus, & habebis thesaurum in cœlo: & veni, sequere me. 22. Cum audisset autem adolescens verbū, abiit tristis: erat enim habens multas possessiones. 23. Iesus autem dixit discipulis suis: Amen dico vobis, quia diues difficile intrabit in regnum cœlorum. 24. Et iterum dico vobis: Facilius est camelum per foramen acus transire, quàm diuitem intrare in regnum cœlorum. 25. Auditis autem his, discipuli mirabantur valde, dicentes: Quis ergo poterit saluus esse? 26. Aspiciens autem Iesus, dixit illis: Apud homines hoc impossibile est; apud Deum autem omnia possible sunt. 27. Tunc respondens Petrus, dixit ei: Ecce nos reliquimus omnia, & secuti sumus te: quid ergo erit nobis? 28. Ie-

Gen. 2. d. 21.  
Eph. 5. g. 31.  
1. Cor. 6. d.  
16.  
Deu. 24. a. 1.  
Sup. 5. c. 32.  
Mac. 10. b.  
11.  
Luc. 16. d. 88.  
1. Cor. 7. b.  
18.

Mar. 10. b.  
13.  
Luc. 18. c. 15.  
Sup. 18. a. 3.  
Mar. 16. b.  
17.  
Luc. 18. d. 16.  
Exod. 20. c.  
13.



Inf. 26. b.  
16.  
Mat. 10. d.  
31.  
Luc. 13. f. 40  
& 18. c.

ius autem dixit illis: Amen dico vobis, quod vos qui secuti estis me, in regeneratione cum sederit filius hominis in sede maiestatis suae, sedebitis & vos super sedes duodecim iudicantes de duodecim tribus Israel 29. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit. 30. \* Multi autem erunt primi nouissimi, & nouissimi primi.

## IN CAPVT XIX.

**G**ratia consummasset istos sermones istos.) Hæc uerba duobus modis posse videntur intelligi, vel cum hæc fecisset, vel cum hæc dixisset, ut omnes interpretantur. Significatur autem parabola, quæ extremo capite superiore exposita est.

*Migrauit à Galilæa.*) Hilarius legit in Galileam sensu contrario. Sed minime dubium est Christum in Galilæa tunc fuisse; itaque non in Galilæam, sed à Galilæa migrare potuit. Præterquam quod Lucas dicit, ideo migrauisse, ut ueniret in Ierusalem c. 9. 51. Quare, quod Hilarius existimat non in Iudæam, sed in fines Iudææ venisse Christum, ne probabile quidem est. Quæritur ab interpretibus utrum eadem sit historia, quæ hic à Matthæo, & quæ à Marco cap. 16. 1. & à Luca 9. 51. & Ioannes capit. 7. 1. 2. narratur. A Matthæo, & Marco eandem omnes narrari cōcedunt, de alijs duobus Euangelistis dubitatur: quia uterque multa postea commemorat, quæ post hunc Christi in Iudæam aduentum fieri non potuerunt. Ego de Luca non dubito: quin eandem narret historiam. Primum, quia hæc Christi in Iudæam profectio nem vltimam fuisse constat: tum quia aliam post hanc Euangelista non narrat: tum quia id Christus ca. 16. 2. & c. 17. 22. indicauit dicens se ascensurum in Hierusalem, ibique passurum, quasi de

proxima morte sua loqueretur. Iudas autem de vltima etiam loquitur, factum est autem dum complerentur dies assumptionis eius, & ipse faciens suam firmavit, ut iret in Hierusalem. Quod ergo multa postea idem Lucas commemorat, quæ ante hanc profectioem facta fuerant, mirum videri non debet, cum passim videamus Euangelistas rerum gestarum ordinem non tenere. De Ioanne idem nonnulli putant eandem historiam recitare, quod ego persuadere mihi non possum. Primum, quia apud Ioannem eodem cap. 7. versu. 6. Christus dicit tempus suum nondum venisse: hic autem apud Matthæum contrarium iam bis significauit, instare tempus passionis suæ. Deinde quia apud Ioannem versu 9. & 10. Christus dicitur solus in Iudæam ascendisse, cum hic dicantur non solum discipuli, sed multa etiam turba illuc secuta fuisse. Postremo, quia profectio illa, de qua ibi loquitur Ioannes, vltima non fuit, cum idem postea cap. 11. 7. dicat Christum ut Lazarum suscitaret, in Iudæam iterum venisse.

*Et uenit in fines Iudææ.*) Hilarius, ut paullo ante diximus, existimat Christum in Iudæam ingressum non fuisse, sed ad solos Iudææ, & Galilææ fines peruenisse: idemque Chrysostomus, & Euthymius arbitrantur. Quidam è contrario prius Hierosolymam uenisse putant: deinde ex Hierosolyma in fines Iudææ, & Galilææ rediisse.



fedisse: nulla, ut mihi videtur, probabili ratione, cum ita iam narret Euangelista, ut non obscure declaret eum ex Galilæa in fines Iudææ recta venisse, nullasque eum turbas securas esse. Venit ergo in fines Iudææ, ut Hierosolymam ueniret: sed fecit Euangelista eius loci mentionem, ut circumstantiam loci, ubi miraculum, quod narraturus erat, factum fuerat, explicaret, & curauit, inquit, eos ibi.

*Trans Iordanem.*) Vtraque, & Iudæa, & Galilæa non trans, sed citra Iordanem erat: sed dicitur esse trans Iordanem uenientibus ab Aegypto in terram Chanaan: quemadmodum c. 4. 15. exposuimus.

2. *Et curauit eos ibi.*) Non significat omnes, qui secuti fuerant: sed omnes, qui agrotabant, nec eos ipsos fortassis omnes: sed eos tantum, qui digni erant, curatos fuisse: sicut cap. 14. 4. Marcus cap. 10. scribit Christum eos, qui se secuti fuerant, ibi docuisse, quod Matthæus pratermisit: sed quamuis Marcus non dixisset, ex Christi consuetudine poterat intelligi, qui uix sine doctrina miracula faciebat. Coniungebat enim semper facta cum uerbis, ut Chrysostomus, & Euthymius adnotauerunt.

*Ibi.*) id est in finibus Galilææ, & Iudææ: noluit enim, ut Galilæi, qui se secuti fuerant, extra patriam suam egredierentur, aut, ut Auctor imperfecti homil. 32. indicauit, ne Iudæi, ut calumniatores erant, dicerent ipsum iactantiae causa magnam post se hominum multitudinem trahere.

3. *Et acceperunt.*) Non satis expressum est, an eodem in loco ad Christum acceperint Pharisei: est tamen probabilius, quia id narrationis consecutio, & apud Matthæum, & apud Marcum uidetur indicare. Atque ita Chrysostomus, & Theophylactus existimant.

*Quacunque ex causa.*) Non dixerunt an liceat uxorem dimittere aliqua ex causa, sed quacunque ex causa. Nam aliqua de causa licere non dubitabant, ut Origenes tractatu in Matthæum 7. Hierony. & Beda obserua-

uerunt. Dubitatur a quibusdam, qua occasione hanc Pharisei questionem proposuerint. Nonnulli occasionem fuisse putant, quod Christus cap. 11. 13. dixisset, *Propheta, & lex usque ad Ioannem*, quali legem iam abrogatam significaret, uolueruntque Pharisei experiri num id, dum ad questionem responderet, fateretur. Hæc causa, & nimis remota, & parum propria mihi videtur, & quia iam diu Christus id prädixerat, & quia, ut id experirentur multas alias de lege questione proponere potuerunt. Theoph. hanc questionis causam reddit, quod Christus cap. 5. 32. dixisset, *Ego autem dico uobis, quia omnis, qui dimiserit uxorem suam, excepta fornicationis causa, facit eam mathari*, & qui dimissam duxerit, maritatur. Auctor imperfecti homil. 32. quia homines carnales erant, de nuptiis eos interrogasse, quemadmodum, qui ualudinarij sunt, semper loquuntur de medicina. Probabile etiam est, quod alij dicunt, fortasse eam questionem fuisse tunc inter Iudæos agitatam, ut illa etiam erat, quam eadem de causa Christo proposuerunt, utrum liceret tributum dare Cæsari c. 12. 17. Solent enim alio tempore alias urgere questiones. Digna etiam Phariseorum ingenio coniectura est, propterea eos hanc potius questionem, quam aliam proposuisse, quod cum omnes attingeret, inuidia plena esset.

4. *Non legistis.*) Respondet Christus exprobrans illis legis, cuius scientia iactabant, ignorantiam ut ca. 12. 3. 5. etiam fecerat, ibique Euthymius obseruauit. Marcus scribit Christum eos interrogasse, *quid uobis præcepit Moyses?* quod uidetur huic loco esse contrarium. Respondet Augustinus lib. 2. de consensu Euangelist. cap. 62. Marcum non uerba Christi, sed uoluntatem exprimere uoluisse. Credibile etiam est utrumque, & quod Marcus narret, Christum dixisse, sed prius interrogasse Phariseos, *quid uobis præcepit Moyses?* eos uero respondisse Moysen permisisse uxorem libello repudij dato dimittere. Tunc subie-



subiectiſſe Chriſtum, quod Matthæus ſcribit, *Non legiſtis, quod, qui fecit ab initio, masculum, & feminam fecit eos, &c.* Deinde Pharifæos iterum obieciſſe, quod ait Matthæus ver. 7. *quid ergo Moſes mandauit dare libellum repudiij, & dimittere?* Non reſpondet Chriſtus ad quaſtionem directè: ſed producens ſcripturæ testimoniū, facit, ut Deus, aut Moſes, cuius Pharifæi doctrinam glorioſè ſectabantur, pro ſe tacitè reſpondeant, ut Chryſoſtomus, & Euthymius animaduertunt, illud etiam notantes, ex factis, & ex uerbis Dei Chriſtum ad quaſtionem reſpōdiſſe: ex factis, cum dicit, *non legiſtis, quia qui fecit hominem ab initio, masculum, & feminam fecit eos?* ex uerbis, cum dicit uerſu 5. *& dixit, propter hoc relinquet homo patrem, & matrem, & adheret uxori ſuæ.*

*Qui fecit* (ὁ ποιήσας, idest creator.

*Masculum, & feminam fecit eos.)*

Quærendum hoc loco eſt, in quo huius argumenti uis poſita ſit. Quidam in ſexu ſitam eſſe uolunt, quaſi ex diuerſo ſexu Chriſtus argumētetur non debere unum uirum, niſi unam habere uxorem, quod ex utroque, quaſi ex duabus imperfectis partibus, ut Plato quodam loco ſcribit, unus perfectus homo fiat. Quam interpretationem D. Auguſtinus 14. de ciuitate ca. 21. ſecutus uidetur. Omnes alii interpretes non in ſexu, ſed in numero uini eſſe putant, quaſi Chriſtus ita argumentetur, ſi Deus uoluiffet unum uirum plures habere uxores, nō unam tantum: ſed plures feminas initio feciſſet. Ita Chryſoſtomus, Hierony. Auctor imperfecti, Beda, Theophylactus, Euthymius, Strabus. Videt ergo aliquando a quodam Caluiniſtarum Miniſtro de hac quaſtione compoſitum librum, anliceret unum uirum plures uxores, non unam quidem poſt aliam: ſed eodem tempore habere: erat autem ſcriptus per dialogum, in quo, qui non licere dicebat, ita defendebat cauſam, ut facilè eum appareret prauaricari, & quaſi ſponte uictum ſuccumbere. Adduxerat hunc locum, ut probaret non licere, reſpon-

debat nihil hinc colligi poſſe, quod non idem poſſet concludi de omnibus animalibus, quæ initio non niſi mas, & femina facta ſunt. Hanc reſponſionem bellus ille Miniſter exiſtimabat reſutari non poſſe, eò nimis impudentiæ progreſſi ſunt, ut non ſolum caſtitaſis uotum: ſed ipſam etiam caſtitaſem tollant: nec una contenti uxore plures habere uolunt. Paria illis, ut merebantur, uxores fecerunt. Scio enim eas aliquando diſputaſſe, & ut audio, quaſtionem ad Miniſtros retuliſſe, an uni etiam uxori liceret plures habere uiros. Ergo ſatis Chriſtianis eſſe debet Chriſtum hoc argumento uſum fuiſſe, ut neceſſarium credatur; præterquam quod in aliis generibus animantium non conſtat unum tantum marem, unamque feminam Deum initio condidiſſe. Poſſet aliquis obicere fidem argumentum ualere poſſe, ut probeur ne mortua quidem priore uxore aliā ducere licere. Reſpondeo ideo non ualere, quia prima, & ſecunda vna reputantur; quia vna item caro eſt.

5. *Et dixit.*) Deus; de eo enim loquebatur. Dubitat Hilarius, quomodo Chriſtus dicat hoc Deum dixiſſe, cum nō Deus, ſed Adamus dixerit Gen. 2. 24. Reſpondent Auguſtinus lib. 9. de Geſeſi ad literam c. 11. 19. & Theophylactus, & Euthymius in commentariis Adamum, tanquam Prophetam, ſpiritu Dei hoc dixiſſe, Deumque ore ipſius locutum fuiſſe.

*Propter hoc dimittet homo.*) hominē poſuit Latinus pro uiro, ſicut Græcus ἀνδρα γυναικα pro ἀνδρα, quemadmodum, & infra uerſu 10.

*Patrem, & matrem.*) Admirabilis eſt, & minimè probabilis Hugonis, & quorundam recentium auctorum interpretatio, quam & Diui Auguſtini eſſe putant, ſenſum eſſe *propter hoc relinquet homo patrem, & matrem, & adheret uxori ſuæ*, id eſt cum omnibus præter patrem, & matrem coniugium poterit copulare. Quomodo enim uir patrem ſuum in uxorem acciperet? de ſolo enim ui-

ro

In Cōiuiuo  
vel de amo  
re.

Miniſtri  
Caluiniſtæ  
polygamiā  
introducen  
tes.



ro sermonem esse manifestum est, etiam si idem sit de vxore per consequentiam intelligendum. Alii interpretantur *relinquet patrem, & adheret uxori suae*, id est magis uxorem suam amabit, quam patrem, & matrem, sicut lib. 3. Esdræ cap. 4. 25. dicitur; sed etsi hoc fortasse uerum est, non est ad locum accommodatum: ubi non de amore, sed de cohabitatione, & de matrimonij uinculo agitur. Itaque sensum esse arbitror *relinquet patrem, & matrem*, id est discedet à parentibus, ut cum vxore habiet, quemadmodum usus ipse interpretatur. Solent enim liberi vsque ad nuptias cum parentibus habitare, post nuptias à parentum domo discedere, & vir vxorem, uxor uirum sequi, quemadmodum eodem lib. 3. Esdræ cap. 4. 20. dictum est, *homo patrem suum relinquit, qui nutritiū illam, & suam regionem, et ad mulierem se coniungit.*

Et adheret uxori suae. ) Monuit Chrysostom. tria hec loco esse, quæ magnam uim habeant. Primum relinquere patrem, & matrem: secundum adherere, id est non quoquo modo coniungi, sed penitus adglutinari uxori suæ, hoc enim Latine est adherere, Græcè *κολληθῆναι*, Hebraicè *דבק*: tertium *et erunt duo in carne una.*

Et erunt duo in carne una. ) *ἕν σὰρκα μίαν*, in carnem unam *אחד בשר* ad carnem unam, id est, ut sint una caro, ut explicatur uersu sequenti, sicut Gen. 2. 7. factus esse dicitur Adam in animam uiuentem, id est homo uiuens, & uersu 22. *edificauit dominus, Deus coſtam, quam tulerat de Adam in mulierem*, id est ut esset mulier. Quo modo autem uir, & mulier dicantur vna esse caro, de eo disputatur. Hieronymus & Beda, ut D. Thom. in Cate-na, & in commentariis ad hunc locū interpretatur, ad liberos referunt, quia ex viro, & uxore genitus filius una utriusque communis est caro. Alii ad corporum coniunctionem, quemadmodum D. Paulus. 1. ad Cor. 9. 16. uidetur interpretari, *qui adheret meretrici, unum corpus efficitur.* Alii ad

amorem mutuum, de quo D. Paulus ad Ephes. 5. 28. *ita & uiri debent diligere uxores suas, ut corpora sua. Qui uxorem suam diligit, se ipsum diligit.* Alii ad potestatem, quam uir in uxorem, uxor in uirum habet, tanquam in propriam carnem, ut D. Paul. 1. ad Cor. 7. 4. dicit. Alii, quorum ego sententiā maximè probo, unam carnem esse interpretantur esse unum hominem; carnem enim ab Hebræis pro toto homine poni notum est. Significat ergo Christus uirum, & uxorem non duos esse homines, sed unum, uxorem ueluti corpus, uirum ueluti spiritum, & animam esse. Itaque non magis debere uirum ab uxore, quam animam a corpore separari.

6. Itaque iam non sunt duo, sed una caro. id est, non iam duo sunt homines, sed unus.

Quod ergo Deus coniunxit, homo nō separet. ) Non dixit, quos Deus coniunxit: sed quod Deus coniunxit, ut non tamquam de duobus, sed tanquam de uno corpore loqueretur, quia paullo ante dixerat, *Itaque iam non sunt duo, sed una caro.* Notauit D. Chrysostom. Christum ex lege naturali: & diuina matrimonij uinculum probauisse. Naturalis consistit in facto, quod Deus uni uiro unam fecerit mulierem; diuina in uerbis, quibus Deus præcepit, ut homo relinqueret patrem & matrem, & adhereret uxori suæ, quibus uerbis uidetur Deus uxorem uiro inseparabiliter copulasse, ut air sapiens Prouerbiorum 19. 14. *Domus, et diuitie dantur à parentibus, à Domino autem proprie uxori prudens.*

7. Quid ergo Moyses mandauit. ) Marcus cap. 10. 4. non dicit Phariseos respondisse, Moysen mandasse, sed permisisse. E contrario uerò Matthæus dicit Christum dixisse, Moysen non mandasse, sed permisisse; Marcus autem scribit dixisse Christum, *quid uobis præcepit Moyses?* Hæc quæstio ex iis, quæ paullo supra diximus: facile soluitur. Primum enim credibile est Christum interrogasse eos, quid de ea re Moyses præcepisset; illos uerò respondisse Moysen permisisse uxorem dimitt-

Vir, & uxor quomodo una caro in scriptura.



mittere: tunc Christum matrimonii originem explicasse, & scripturæ testimonium produxisse, ut probaret non esse dimittendam: iterum Pharisæos obiecit, quomodo Moyses mandasset uxorem dimittere, utentes mandandi, non permittendi uerbo, ut argumentationi uim adicerent; Christum uerò respondisse, non iam præcipiendi, sed permittendi usum uerbo, ad duritiem cordis uestri permittit nobis Moyses. Atque hoc modo nulla inter Euangelistas dissensio est.

Permissio  
in Deo con-  
tra Calui-  
nistas,

8. *Ad duritiem cordis uestri permittit nobis Moyses.* Corrigit Christus Pharisæorum uerbum: illi dixerant *mandauit*: Christus dicit *permittit*. Ex quo uel uno loco, si alii non essent, Calvinistarum error confutaretur, qui in Deo nullā permissionē agnoscunt, & Theologorum distinctionem inter uoluntatem Dei absolutam, & permittentem ridere solent. Nam quod hoc loco Moyses permisisse dicitur, Deus utique permittit: nihil enim Moyses agebat, nisi ex diuino præcepto. Cur ergo dixit Moysē potius, quā Deum permisisse, cum ē contrario uersu s. non Moysē, neque Adamum, sed Deum dixisse dixerit, *propter hoc relinquet homo patrem, & matrem*? Respondeo uoluisse Christum & argumento, & responsioni uim adaugere, ideo, cum argumentabatur non licere uxorem dimittere, non dixit aut Adamum, aut Moysē, sed Deum dixisse, *propter hoc relinquet homo patrem, & matrem*, quamuis ea uerba & Adamus pronunciauerit, & Moyses scripserit: cum autem responderet Pharisæorum argumento, non uult dicere Deum, sed Moysē permisisse; quanquam Deus etiam permiserat. Ita intelligendi sunt multi auctores, qui ita hunc locum interpretantur, quasi Christus significauerit non Deum, sed Moysē hoc permisisse, & quasi Deum, quem ipse citauerat, Moysi, quem citauerant Pharisæi, opponere uoluerit, ut Hiero. Beda, Strabus, D. Thomas, Hugo. Multæ hoc loco quæstiones sunt. Prima, quibus de causis in ueteri lege uxorem

dimittere licuerit. Tertul. 4. aduersus Marcionem libro non nisi ob fornicationem, ut nunc existimar, licuisset; sic enim interpretatur, quod in Deuteronomio ca. 24. 1. scriptum est, *si acceperit homo uxorem, & habuerit eam, & non inuenerit gratiam ante oculos eius propter aliquam faditatem*, id est propter fornicationem; hoc tantum interesse, quod tunc dimissa propter fornicationem uxore aliam ducere licebat, modò non licet. Orige. Chrysostom. hoc loco, & omnes alii auctores, quos legisse memini, non solum ob fornicationem, sed multis etiam aliis de causis licuisse putant. idque est multo meo iudicio probabilius. Primum, quia, si ob solam fornicationem licuisset, nullus Pharisæorum quæstioni locus fuisset; nimis enim impudenter interrogassent, an quacunque ex causa uxorem dimittere liceret, si sola fornicationis causa licuisset. Cum autem interrogent, an quacunque ex causa liceat; haud dubium est, quin certi sint multis de causis licere. Id etiam intelligitur ex Christi responso: sic enim respondit, ut uoluerit Moyses permissionem restringere, ut cum ante multis de causis liceret, iam non nisi ob fornicationem liceat. Probatur etiam ex uerbis Deuteronomii. Cum enim dicit; *si non inueneris gratiam ante oculos eius propter aliquam faditatem, scribet libellum repudij, & dabit in manu illius, & dimittet eam de domo sua*, perspicuum est non loqui de fornicatione, propter quam non dimittebatur uxor, sed lapidabatur. Deinde quia in libello repudij significabatur mulierem adulterium non commisisse: ea enim potissimum de causa iussus est dari, ut mulieris honos saluus esset, possetque alteri uiro, si uellet, nubere. Non ergo ob fornicationem tantum, sed alias etiam ob causas dimittebatur. Quæ autem causæ fuerint, incertum. Iulianus in commentariis in cap. 24. Deuteronomii duas recitat opiniones: alteram, licuisse propter omnem rem turpem, ut propter contagiosos morbos, uel aliquid simile, quod ma-

Causæ;  
in ueteri le-  
ge uxor di-  
mittebatur,

timo.



Quomodo  
Iudæis per-  
missa vxor-  
um dimis-  
sio.  
4.d.33.q.2.  
ar.2. qu.2.

trimonij coniunctionem præcessisset: alteram, licuisse etiam ob omnes causas matrimonio contrarias, etiam si matrimonio superuenissent, ut si mulier uenefica esset, aut liberorum interfecitrix, quod & Origenes tractatu 7. in Matthæum uidetur approbare: quamuis de lege Euangelica potius, quam Mosaica loquatur. Secunda quaestio est, quo sensu Iudæis permissum fuerit uxorem dimittere, an ita, ut dimittendo non peccarent: an ita ut peccarent quidem, sed lege non punirentur. Notauit insignis Theologus D. Thomas quattuor modis permissi aliquid: aut quod bonum est, sed non præceptum, ut uendere omnia, & dare pauperibus, permissum esse dicitur, quia bonum est, & non imperatum: aut quia minus bonum est, cuius maius bonum non est præceptum: sicut dicitur matrimonium esse permissum, quia uirginitas, quæ maius est bonum, non est præcepta: aut quia malum est: sed non impeditur, sicut Deus dicitur omnia peccata permittere: quia, cum impedire possit, impedire non uult: aut quia malum quidem est, sed lege non punitur, sicut permisit Deus Iudæis cum alienigenis usuram exercere, quia non statuit in lege aduersus eos, qui eam exercerent, ullam penam. Alio etiam modo permissi dicitur, quod, cum malum sit, dum ab eo, qui dispensandi potestatem habet, fieri permittitur, malum esse desinit, quemadmodum permissum fuit Osee Prophete filios fornicationis suscipere, Osee 1. 2. Quidam ergo uxorem dimittere, aut hoc postremo modo; aut tanquam minus bonum existimant permissum fuisse Iudæis certis de causis uxores dimittere. Alij non tanquam minus bonum: sed tanquam minus malum, ita ut peccarent quidem uxorem dimittendo, sed non punirentur. Vtrumque probabile est, & bonos utraque opinio auctores habet: prior Auctorem imperfecti, & D. Thom. posterior Tertullianum libr. de monogamia, Origenem tractatu 7. in Matthæum, Chromatinum in commenta-

rijs in c. Matth. 5. Hieronym. Bedam, Euthy. & Theophylactum hoc loco, nisi male intelligendo fallor. Mihi durum uidetur dictu Iudæos post tam amplam, & luculentam Dei permissionem dimittendis uxoribus peccauisse: præsertim cum, antequam Christus explicaret, non satis ex uerbis Deuteronomij compertum esse posset, utrum permissio, an præceptum esset: & ut constaret esse permissionem, certè non constabat tanquam rem malam permissi, quod satis esse uidebatur ut, qui ea uterentur, culpa vacarent. Quod autem ex hoc loco obijci potest, quod Christus dicat ad duritiem cordis eorum hoc fuisse permissum, facile etiam solui potest: potuit enim propter duritiem cordis permissi, ita tamen, ut peccatum esse desineret. Tertia quaestio est, quibus ceremonijs, & cautionibus libellus repudij dari solet. Ab Hebræis decem recitantur. Prima erat, ut uxor nusquam discederet, nisi uolente marito, hoc enim ipsum in libello repudij exprimebatur. Secunda erat, ut libellus, quemadmodum dicitur in Deuteronomio, in manu vxoris tradere-tur. Tertia erat, ut scriberentur, ut minimum, nomina duorum testium. Quarta, ut exprimerentur tres generationes viri, & tres mulieris, ut paullo post ex libelli forma intelligeretur. Quinta ut scriberetur libellus litteris rotundis, distinctis, atque perspicuis; ita ut una aliam non attingeret, ne quod scripturæ uitiū irreperet. Sexta, ut si inter scribendum aliqua attramenti guttula in chartam decideret, libellus auctoritatem non haberet, aliusque denuo scriberetur. Septima ut in libello nullum rasuræ vestigium appareret, ne suspectus esset uitiū. Octaua, ut charta longior esset, quam latior. Nona, ut omnes testes, qui aderant suum quisque sigillum adhiberent. Decima, ut maritus diceret, *Accipe libellum repudij, & esto à me abiecta, & cuicumque uiro permissa.* Forma autem libelli repudij erat hæc, *Ego Rabbi. N. filius Rabbi. N. filij Rabbi. N. filij Rabbi. N. die 1. mensis 2. an- ni.*

Ceremonia  
libelli repu-  
dij apud Iu-  
dæos.



Formula li  
belii repu-  
dij apud lu-  
dæos,

ni N. a creatione mundi in tali loco ex  
animi mei consensu, & sine ulla coactio-  
ne repudiau N. filiam Rabbi N. filij  
Rabbi N. filij Rabbi N. & dedi illi li-  
bellum repudij in manu, schedam abscis-  
sionis, & signaculum diuisionis, ut sit a  
me abiecta, & abeat quocunque uelit,  
& nemo possit illi prohibere iuxta con-  
stitutiones Moyſi, & Israel.

9. Dico autem uobis. ) Marcus c. 10.

10. scribit hoc Christum felis discipu-  
lis dixisse, cum se iam domum rece-  
pissent. Respondet Euthymius, quod  
probabile videtur, bis hoc dixisse  
Christum; primum omnibus in com-  
mune, ut Matthæus significat, deinde  
priuatim discipulis domi, & quidem  
vero simile est, quod Matthæus uersu  
10. ait dixisse Christo discipulos, si  
ita est causa hominis cum uxore, non ex-  
pedit nubere, non publicè coram om-  
nibus: sed priuatim, & secreto in loco  
dixisse, sicut proponere solebant sepa-  
ratim, cum aliquid de eius concioni-  
bus dubitabant. Tunc ergo interro-  
gatus a discipulis Christus eadem uer-  
ba iterauit, quamuis Matthæus non  
narrat, addiditque, quod de Eunuchis  
narrat Matthæus, tacet Marcus. Diffi-  
cilis hic locus est, & magnam nobis  
cum hæreticis controuersie materiam  
præbuit. Summa quæstionis est, in  
quod hic Christus dicit licere fornicationis  
causâ uxorem dimittere, ita in-  
telligendum sit, ut & dimittens, & di-  
missa possit secundas inire nuptias.

Tres de hac re opiniones inuenio.  
Prima est utrique licere, & dimitten-  
zi, & dimissæ, & innocenti, & fonti:  
in quo errore non solum Lutherani,  
& Calvinistæ: sed scriptores etiam qui-  
dam Catholici uersantur. Secunda  
est innocenti licere, reo non licere:  
quemadmodum ex Calvinistis non-  
nulli aliorum hæresim temperantes di-  
xerunt, ut minus ipsi hæretici uide-  
rentur. Legimus nonnullos aucto-  
res ueteres in ea fuisse sententia, Ter-  
tullianum libro quarto contra Mar-  
cionem, Ambrosium, aut, ut ego ar-  
bitror, Remigium in commentariis  
in priorem epistolam ad Corinth. ca. 7.

Commenta-  
rij in episto-

nam cos commentarios Ambrosij nō

esse, qui & illos, & Ambrosij legit scri-  
pta, dubitare non potest. Scribit etiam  
Origenes hoc loco quosdam sua æta-  
te Catholicos Antistites permisisse  
iis, quorum uxores adulterium ad-  
misissent, ut illis dimissis, ducerent al-  
lias, idemque in Concilio Eliberino  
concessum fuit, si Gratianus fideliter  
recitat 31. q. 1. cap. si qua mulier, & in  
Concilio 1. Aurelianensi ca. 10. Ter-  
tia est, quam semper Ecclesia secuta  
est, & ultimo Tridentino Concilio ita  
est nostro tempore confirmata, ut ne-  
mini iam Catholico dubitare liceat,  
Christum ita permisisse adulterâ ux-  
orem dimittere, ut nec uxori liceat alii  
nubere uiro, neque uiro aliam ux-  
orem ducere, quamdiu uixerit uterque.  
Quam ego sententiam non solum  
propter Ecclesiæ diffinitionem, quæ  
sola homini Christiano satis esse de-  
bet: sed etiam propter argumentorum,  
quibus probari potest, momen-  
ta adeo ueram iudico, ut mirari satis  
non possim inuentos esse, qui aliter  
fenserint. Primum hac sententia an-  
tiquiores, plures, meliores habet au-  
ctores. In Canone 47. Apostolorum  
absolutè, & generaliter excommu-  
nicatur is, qui uxore dimissa aliam  
duxerit, non adhibita exceptione, nisi  
fornicationis causa dimisisset, quæ ad-  
hibita profectò fuisset, si cum ea de  
causa dimissa esset, aliam ducere lice-  
ret. Idem Euaristus epistola 2. &  
Clemens Alexandrin. libro secundo  
Stromatum sine ulla exceptione do-  
cent, & Origenes tractatu 7. in Mat-  
thæum Episcopos illos, qui suo tem-  
pore mittebant, tanquam rerum  
Ecclesiasticarum imperitos reprehendit,  
sic sentit Chrysost. homil. in Mat-  
thæum 17. & Hieronym. hoc loco, &  
in epitaphio Fabiole, & Innocentius  
primus in epistola ad Exuperiū Tho-  
losanum Episcopum ca. 4. & D. Augu-  
stinus duobus de hac re scriptis libris  
de adulterinis coniugiis ad Pollentiū,  
& Isidorus libro secundo de officijs c.  
19. & Beda melior auctor, quam Re-  
migius in commentariis in capitu. 10.  
Marci. Sic iam olim definiuit Conci-  
lium Mileuitanum canone 17. & Cō-  
cilium

Iam ad Cō-  
rin. nō sunt  
Ambrosij,



Canon Con-  
cilij Eliberi-  
ni de diuor-  
tio explica-  
tus,

cilium Africanum, si tamen diuer-  
sum est canone 69. & Forolientē ca-  
none 10. & Nannetensē canone 12.  
Itaque decreta illa Concilij Eliberi-  
ni, & Aurelianensis, quæ in contra-  
riam partem adduximus, aut apocry-  
pha sunt, & spuria, aut ita intelligen-  
da, ut marito, qui ob adulterium u-  
xorem dimisit, liceat alteram ducere,  
non quidem uiuente, sed mortua  
priorē. Dicit aliquis, quid opus e-  
rat, ut id permitteretur, cum dubium  
non esset, quin illi liceret? Respondeo  
id expressum fuisse ad declarandam  
differentiam inter maritum, & uxorem  
adulteram, quæ loco pœnitent-  
iæ iubebatur aliquando etiam mari-  
to mortuo à nuptijs abstinere, ne  
quis ergo idem de marito intellige-  
ret, explicatum est, ut maritus, si uel-  
let, aliam duceret: sed intelligendum  
ex communi lege Ecclesiastica, mor-  
tua priorē. Præterea ex ea ratione,  
quæ hoc loco Christus, usus est, aut ni-  
hil probatur, aut hæc sententia pro-  
batur, primum argumentatur Deum  
non plures, sed unam tantum fœmi-  
nam uni fecisse uiro, inde colligit non  
debere plures habere: id est unam di-  
mittere, & aliam ducere, quæ ratio  
idem omnino ualeat, ut probetur etiam  
propter fornicationem uxore dimis-  
sa aliam ducere non licere: nec enim  
refert, quæ de causâ dimissa sit, cum  
eadem semper aliam non ducendi  
causâ maneat, quod uni uiro una tan-  
tū fœmina facta sit. Præterea quia  
Christus non solum multas illas cau-  
sas, quibus Iudæi uxores dimittebant,  
ad unam fornicationem reuocauit,  
sed etiam libellum repudij omnino  
sustulit, quem non nisi propter Iu-  
dæorum duritiem concessum fuisse  
dicit. Post Christum autem inter Chri-  
stianos nunquam auditum est libel-  
lum repudij datum fuisse. Atqui idem  
erat libellum repudij dare, & posse  
uiro aliam uxorem ducere, uxorem  
alij uiro nubere, ergo hanc iterū ux-  
orem ducendi, & iterum nubendi po-  
testatem sublato libello repudij sustu-  
lit Christus, quæ una ratio, si alia de-  
esset, satis superque hanc sententiam

corroboraret. Deinde si dimissa ob  
fornicationem uxori alij uiro nube-  
re liceret, sequeretur, quod absurdissi-  
mum est, melioris esse conditionis  
mulierem, quæ ob adulterium, quàm  
quæ ob morbum, aut aliqua alia de  
causâ citra culpam dimissa sit, cum  
adulteræ uiuente adhuc priorē mari-  
to alias nuptias inire liceret, alteri  
non liceret. Deinde dubium non est,  
quin propterea Christus concesserit  
uxorem adulteram dimittere, ne co-  
gerentur mariti cum adultera dolo-  
ris plenam uitam agere, cum uxor ip-  
sa indignam se adulterando reddi-  
disset, ut cum ea maritus habitaret,  
hæc autem ratio non eò usque perti-  
net, ut marito aliam uxorem ducere  
licere possit: satis enim est, ut liceat  
priorē liberari. Itaque, quod hereti-  
ci solent obijcere, nihil Christum ma-  
ritis concessisse, si non aliter uxores  
adulteras dimittere concessit, quam  
ut sine uxore manerent, ineptum est,  
& hominum pluris carnem, quam ho-  
norem, uitæque tranquillitatem esti-  
mantium. Viri enim boni pro ma-  
gno ducunt beneficio, quod sibi li-  
ceat mala carere uxore, quamuis a-  
liam ducere non liceat, imo hoc ip-  
sum, quod non liceat alteram ducere,  
qui prudentiores sunt, beneficij  
loco habent: quemadmodum qui nau-  
fragium semel fecerunt, quod sibi ite-  
rum mare tentare non liceat. Maius  
bonum est non posse malam uxorem  
inuenire, quàm inuenire aliquam bo-  
nam posse. Malam autem non inue-  
nire non potest, nisi qui uxorem du-  
cere non potest. Illa etiam ratio, quam  
Hieronymus affert, multum habet  
ponderis, si maritis liceret dimissis  
adulteris uxoribus alias ducere, quo-  
tidie, qui nouas uxores appeterent,  
contra priores adulteria confingerent,  
ut illis repudiatis alias haberet.  
Itaque non restrinxisset Christus ue-  
teris legis disciplinam, sed tralaxas-  
set. Nam ne in ueteri quidē lege huic  
mutandarum uxorū libidini tan-  
tum loci erat, cum adultera non di-  
mitteretur, sed occideretur. Ista ue-  
rò ratione, quàm heretici commi-  
niscun-



niscuntur, licentiam Christus maritis praeuisset uxores quotidie mutandi: quàm enim facile est, si quis animum attendat, aut uerum in uxore adulterium, aut probabile deprehendere quàm facile fingere? Profus mihi spiritum Christi non cognoscere, eiusque mentem non intelligere uidentur ij, qui ad hunc modum eius uerba interpretantur. Quis enim non uidet Christum, cum uelit Euangelicam disciplinam maximè restringere, & matrimonij uinculum indissolubile esse docere, non solum non debuisse potestatem facere maritis dimissis adulteris uxoribus alias ducendis: sed frænum potius illis injicere, ut si nolent uxore carere, adulteras paterentur, & corrigere conarentur, non repudiare? Voluntas enim Christi erat, ut maritus etiam adulteram uxorem non dimitteret: sed ut eius dolori consuleret: permisit, non praecepit, ut dimittere, si uellet, posset. Illud etiam, quod Hieronymus obseruauit, hanc sententiam magnopere confirmat, quod Christus non dixerit, si dimissa nupserit, mœchatur: sed, *qui dimissam duxerit, mœchatur*. Cuius rei non alia potuit esse causa, quam quod Christus de uxore etiam propter fornicationem dimissa loqueretur, de qua, quia iam adultera erat, noluit dicere mœchatur, quia nihil noui dixisset: sed dixit fore, ut quicumque eam duceret, mœcharetur, ut significaret nec dimissa licere alteri uiro nubere, neque alteri uiro uxorem eam ducere. Ad hæc dubitandum non est, quin oporteat hunc locum ex alijs scripturæ locis, in quibus de eadem re agitur, explicare, in alijs autem locis semper absolute dicitur non licere uxori dimissæ nubere, ut apud eundem Matthæum supra c. 5. 32. *Ego autem dico uobis, quia quicumque dimiserit uxorem suam, excepta fornicationis causam, facit eam mœcham, & qui dimissam duxerit, adulterat*; quo loco probauimus illud uerbum, *qui dimissam duxerit, adulterat*, sine exceptione intelligendum esse. Præterea Marcus, & Lucas hanc ipsam narrantes histo-

riam sine ulla exceptione dixerunt, quicumque dimissam duxerit, mœcham. Marcus c. 10. 11. *quicumque dimiserit uxorem suam, & aliam duxerit, adulterium committit super eam*, ubi non potest excogitari alia causa, cur Matthæus exceperit fornicationem, Marcus uerò non exceperit, nisi quia Matthæus uoluit explicare aliquando licere uxorem dimittere, si nimirum adultera sit, Marcus autem docere uoluit nunquam licere aliam uxorem ducere, etiam si prior propter adulterium dimissa sit. Illud etiam in uerbis Marci obseruatione dignum est, quod dicat *adulterium committit super eam*, id est contra eam: Hebraismus enim est, quia *super* utrumque signi significat, & *super*, & *contra*, quod ideo Marcus dixit, ut indicaret non magis marito licere dimissam uxorem adultera alteram ducere, quàm uxore contra ipsum adulterium comittente contra illam adulterium committere, non enim licet in hoc genere facere paria. Lucas uerò cap. 16. 18. generaliter etiam dixit *Omnis, qui dimittit uxorem suam, & alteram ducit, mœchatur, & qui dimissam à uiro ducit, mœchatur*. Fingamus Matthæum Euangelium non scripsisse, profectò ex uerbis Marci, & Lucæ alium sensum elicere non possemus, quàm nunquam licere marito, quacunque de causa uxorem dimisset, alteram ducere, nunquam licere uxori, quacunque de causa dimissa esset, alteri nubere, nec ullus dubitationi locus esset. Nunc Matthæus scripsit, sed scripsit obscure, ita ut de eius sensu, atque interpretatione inter nos, & hæreticos disceptetur, quis non intelligit hominis esse prudentis Matthæi obscurum locum ex Marci, & Lucæ perspicuis uerbis interpretari? scripsit post Matthæum ut creditur Marcus, & Lucas: credibile profectò est eos, quod obscure Matthæus dixerat, perspicue, & sine ulla ambiguitate dicere uoluisse: dixerunt autem nunquam uiro dimissam uxorem alteram ducere licere: hoc igitur tenendum, quod sine ambiguitate, & quasi interpreta-

tionis



tionis loco dictum est. Matthæi autem testimoniū est aliorum duorum Euangelistarum explicatione intelligendum. Contra facere: quemadmodum heretici faciunt, aut nullius, aut peruersi, & distorti iudicii est. Scripsit etiam post Matthæum D. Paulus epistolam ad Romanos, & ad Cor. In utraque hanc questionem tractat; nunquam adhibet exceptionem, sed ad Rom. 7. 3. generaliter dicit, *igitur uiuente uiro uocabitur adultera, si fuerit cum alio uiro, si autem mortuus fuerit uir eius, liberata est à lege uiri, ut non sit adultera, si fuerit cum alio uiro.* & 1. ad Cor. 7. 10. 11. *ipsi autem, qui matrimonio iuncti sunt, precipio non ego, sed Dominus uxorem à uiro non discedere; quod si discesserit, manere inuptam, aut uiro suo reconciliari.* Explicat D. Paulus Christi sententiam, de qua hoc loco disputamus; quis dubitat exceptionem adhibiturum fuisse, si ulla fuisset exceptio, qua dimissa uxori nubere alteri uiro liceret. Nunc autē generaliter, uniuersè, & absolute dicit, ut maneat inupta, aut uiro suo reconcilietur. Igitur autem de uxore propter adulterium à uiro discedente, qua sola causa discedere licebat; alioqui non reliquisset D. Paulus in eius potestate, ut separata à uiro, sed inupta maneret, aut ut uiro suo reconciliaretur, sed diuersis uerbis praecepisset, ut rediret ad uirum, cum illi non liceret ob aliam causam, quam ob adulterium à uiro separata uiuere. Ergo illam ipsam mulierem, quæ à uiro ob adulterium discesserat; iubet non ex sua, sed ex Christi sententia aut inuptam uiuere, aut priori uiro reconciliari. Denique si sensus huius loci esset, quem esse heretici putant, ut uerba Matthæi coniuncta intelligantur, *quicumque dimiserit uxorem suam, nisi ob fornicationem, & aliam duxerit, mœchatur, et qui dimissam duxerit, mœchatur*: quasi sententia sit, qui dimiserit uxorem suam ob aliam causam, quàm ob fornicationem, & aliam duxerit, mœchatur; si uero ob fornicationem dimiserit, & aliam duxerit, non mœchatur, &

quicumque ob aliam causam, quàm ob fornicationem dimissam duxerit, mœchatur; qui autem ob fornicationem dimissam duxerit, non mœchatur: Si hic inquam esset sensus, sequeretur imperfectam esse sententiam: Christus tantum dicit, *qui dimiserit uxorem suam, nisi ob fornicationem, & aliam duxerit, mœchatur*, quod hereticorum iudicio intelligitur, si ob aliam causam dimiserit, sed alteram non duxerit: hoc enim Christus non explicauit, quod in primis explicandum erat. Nostra autem interpretatio perfecta, & absoluta sententia est. Nam si ob aliam causam, quàm ob fornicationem dimiserit, quamuis aliam non duxerit, mœchatur, quia uxorem suam mœchari facit, ut capitul. 5. 32. explicatur. Si autem ob fornicationem dimiserit, & alteram duxerit, etiam mœchatur; non quia adulteram dimisit, sed quia alteram duxit. Itaque uerbum *mœchatur* hoc loco & ad eum, qui ob aliam causam, quàm ob fornicationem uxorem dimisit, & ad eum, qui, cum ob fornicationem dimiserit, alteram duxerit, referendum est, tanquam si diceret, quicumque dimiserit uxorem suam, nisi ob fornicationem, mœchatur, id est facit eam mœchari, & quicumque alteram duxerit (quacumque de causa priore dimissa) mœchatur, id est adulterium contra priorem uxorem committit, ut Marcus interpretatur. Obijciat aliquis, si hic esset sensus, debuisset Euangelista dicere, quicumque dimiserit uxorem suam, nisi ob fornicationem, & qui aliam duxerit, mœchatur: non autem dixisse, & qui aliam duxerit, sed *& aliam duxerit*. Respondeo ex Hebreorum consuetudine ἀπὸ τοῦ ῥητός relatiuum præcedens esse repetendum, cætera, quæ ad huius loci interpretationem desiderari possunt, supra c. 5. 31. explicata à nobis sunt.

(*io. Si ita est.*) Ambrosius in exhortatione ad uirgines, Hieronym. Chrysost. & Euthym. hoc loco istud

B b

ita



*ita est* ad hunc modum intelligunt, *si ita est*, ut non liceat uiro, nisi adulterii causa, uxorem dimittere. Gregorius uero Nazian. in oratione, qua edidit hanc uerba, Phariseorum uerba esse dicit, aut errore memorie, aut, quod magis credo, significans Apostolos ea ex Phariseorum consuetudine, & sensu dixisse. Mihi sensus hic uidetur esse, *si ita est*, ut etiam ob adulterium uxore dimissa aliam ducere non liceat, non expedit nubere. Credibile enim est, quod magis nouum erat, magisque difficile magis Apostolos commouisse. Quod autem uxore etiam adulterij causa dimissa, aliam ducere non liceret, multo magis nouum, atque difficile uideri poterat, quam quod non ob aliam causam, quam ob adulterium uxorem dimittere liceret. Præsertim cum etiam nunc in quaestione uerferetur, an in ueteri lege alia de causa, quam adulterij dimitti posset.

*causa.*) *ἡ ἀντὶς*, negotium, aut ius coniugale, quasi dicat, si ita inter uirum & uxorem se habet res, aut si hoc iure, si hac lege uir uxorem ducit, ut ea etiam adulterij causa dimissa aliam ducere non possit, præstat nullam uxorem ducere. Theophylact. auctor est quosdam ad hunc modum exposuisse, *si ita est causa hominis cum uxore*, id est si propter uxorem dimissam uir reus factus est, uxorem ducere non expedit. Græcum enim uerbum *ἀντὶς*, reatū propriè significat.

*Hominis.*) hominem Latinus posuit pro uiro, sicut Græcus *ἀντὶς τοῦ* pro *ἀνδρός*, ut supra uersu quemadmodum apparet ex antithesi, *cum uxore*.

*Non expedit nubere.*) *Nubere*, dixit Latinus interpres pro uxorem ducere contra consuetudinem Latini sermonis, Græci uerbi ambiguitatem secutus; quia *γαμῆσαι* utrumque significat, & uxorem ducere, & nubere. Hoc autem loco non nubere, sed uxorem ducere significat, quia non de uxore, sed de uiro agitur, neque de uxorum, sed de uirosum condicione Apostoli querebantur, *si ita*, in-

quiunt, *est causa hominis cum uxore*. Itaque nouorum hereticorum uersio nem non probo, qui hoc loco pro *γαμῆσαι*, matrimonium contrahere trāstulerint: non enim generaliter de matrimonio, id est de ducendo uxorem, & de nubendo, sed de uirosum condicione in ducendis uxoribus agitur. Calvinus, ut solet, non solum hoc loco falsus interpres, sed impius etiam, & aduersus Apostolos blasphemus est, uocat enim illos stultos, ingratos, impios; homo scilicet pius, quia existimauit Apostolos hoc ideo dixisse, quod homines omnino carnales essent, & nuptiarum multitudine infatigabiles, tam longè nimirum ab eorum mente, quam ab eorum sanctitate distabat. Tantum enim abest, ut propterea id Apostoli dixerint, ut contrario omnino animo fuerint. Nam eum Christus dixisset adulterum esse, qui etiam ob adulterium uxore dimissa alteram duceret, collegerunt, quod res erat, quodque Christus responso suo comprobauit, non expedit omnino uxorem ducere: quandoquidem adeo usitatum esset adulteriam, ut uix inuenienda uxor esset, quæ futura non esset adultera, quæ dimissa manendum uiro sine uxore esset. Itaque præstare ab initio usque ad finem uitæ sine uxore manere, & matrimonij molestiis, & adulteræ uxoris zelotypia liberum esse.

11. *Non omnes capiunt uerbum hoc.*) Non assentior iis interpretibus, qui existimant Christum neque approbare, neque improbare Apostolorum dictum, quod uxorem ducere non expedit; probat enim, & maximè quidem probat, uulque eos eò perfectionis adducere, ut, quod uerbis dixerant, moribus, ac rebus præstent. Et, ut solemus uulgò dicere, indicat eos plus dixisse, quam intelligebant. Quod autem dicit *non omnes capiunt uerbum hoc*, ita fere omnes exponunt, tanquam si sensus esset, non omnes, quod dicitis, præstare, possunt, id est uxore carere; quia non omnes castitatis donum habent, sed quibus datum est: quemadmodum D. Paulus 2. ad

*Impietas  
Caluini cō-  
tra Aposto-  
los.*



ad Corin. 6. 13. iubet dilatarī Corin-  
thios, ut maiorum Dei donorum ca-  
paces sint. Itaque *non capere* hoc loco  
significat non esse capacem tantæ vir-  
tutis, ut sine uxore uiuere quis possit.  
Hunc sensum Origen. tractatu in  
Matthæum 7. Gregorius Nazianz. o-  
ratione in hæc uerba, & Ambros. in  
exhortatione ad uirgines secuti sunt.  
Quam interpretationem adduci non  
possum, ut sequar; quia cum Christus  
uerfus, sequenti dicit, *qui potest capere*,  
*capiat*, minimè dubium est, quin *cape-  
re* dicat pro intelligere, ut eo loco  
probabimus: ergo & hic, cum dicit  
*non omnes capiunt*, sensus est non om-  
nes intelligunt, non omnes animo  
comprehendunt. Accedit, quòd ad-  
ditur, *verbum hoc*, quod etsi aliquan-  
do rem omnem significat, tamen na-  
tura sua non accipitur, nisi pro ser-  
mone: nec debemus aliter, nisi ali-  
quid nos cogat, interpretari: hic ni-  
hil cogit: sermonem autem capere,  
nihil aliud est, quàm intelligere. Sen-  
sus igitur est, non omnes hoc uer-  
bum intelligunt: atque ita Epi-  
phanus, quem huius expositionis  
auctorem habeo aduersus Manichæ-  
os hæresi 66. interpretatur. Accedit,  
quòd ita Christus loqui consuevit,  
ut Ioannis. 8. 37. *Quæritis me interfice-  
re, quia sermo meus non capitur in uobis.*  
Poterit aliquis obijcere, quod sequi-  
tur, *sed quibus datum est*: unde colligi  
uidetur posse non de intelligen-  
tia, sed de castitatis dono agi. Re-  
spondeo etiam intelligerem donum  
esse Dei ut idem Christus apud Ioan-  
nem c. 6. 44. declarat, *nemo potest ue-  
nire ad me, nisi pater, qui misit me, traxe-  
rit eum*; agebat enim contra eos, qui  
ea, quæ dicebat, propterea non cre-  
debant, quia non intelligebant. Ita-  
que necesse non est hoc loco de casti-  
tatis dono disputare: sed quia om-  
nes interpretes disputant: & quia no-  
lo quemquam meis interpretationi-  
bus addictum esse, & quia hoc testi-  
monio hæretici impudenter abutun-  
tur, dicam obiter, quid ueteres sen-  
serint auctores. Gregorius Nazianz. in  
oratione ad hunc locum, & Chrysost.

homil. 64. in Matthæum donum ca-  
stitatis nihil aliud esse uidentur exi-  
stimare, quàm propensionem quan-  
dam naturalem, qua alij alijs ad casti-  
tatem magis apti, ad libidinem mi-  
nus procliuēs sunt: ita ut non diffi-  
culter uxore careant. Alij omnes au-  
ctores præter naturalem propensio-  
nem, aut etiam contra illam diuinam  
gratiam esse putant: sed ijdem docent  
omnibus uolentibus, petentibus, &  
obtinere conantibus eam dari, quem-  
admodum Origenes tractatu 7. in  
Matth. & D. Ambros. lib. 3. de uirgi-  
nibus, & Auctor imperfecti homi. 32.  
Hieronym. Beda, Theophylact. & Eu-  
thym. solus D. August. docere solet  
non omnibus, sed quibusdam tantum  
donum illud conferri, sed tamen ex  
ijs, quæ D. Augustin. adnotauit, in  
lib. de continentia c. 1. ipsius opinio  
refutari, aliorum probari potest. Mo-  
nuit D. Paulum 1. ad Cor. 7. 7. cum  
dixit, *unusquisque proprium donum ha-  
bet ex Deo, alius quidem sic, alius autem  
sic*, nō solum de uirginitate, sed etiam  
de matrimonio locutum esse. Donum  
autem matrimonij omnibus uolen-  
tibus datur, ergo & donum uirgini-  
tatis, & castitatis: hoc tantum inter-  
est, quòd difficilius hoc, quàm illud  
obtinetur, maioremque conatum re-  
quirit. Abusi hoc loco sunt Mani-  
chæi, ut probarent diuersas esse in ho-  
minibus naturas, alios ita factos, ut  
uxore carere non possent; alios ita,  
ut non possint habere, ut Hieronym.  
hoc loco indicat, & Philastrius in hæ-  
resi Abstinentium: sed hoc opus non  
est refutare. Abutuntur & Lutherani,  
& Caluinistæ, ut probent impios  
esse (sic enim loquuntur) qui non cer-  
ti de dono Dei continentiam profi-  
tentur: non enim omnes habere. A-  
pud illos non solum non omnes, sed  
nemo prorsus habet; certè non appa-  
ret. Hactenus enim hominem Luthe-  
ranum, aut Caluinistam perpetuam  
seruasse uirginitatem monstrum in-  
auditum est. Non ergo id hæretici  
agunt, quod agere se simulant, ut  
Dei gratiam commendent, dum eam  
non omnibus, sed quibusdam tan-

Quid casti-  
tatis donū.  
Donū casti-  
tatis omni-  
bus offer-  
tur.

De castita-  
tis dono cō-  
tra hæreti-  
cos nostræ  
ætatis.

Lutheranus  
aut Caluini-  
sta uirginita-  
tem colens  
monstrum  
inauditum.



tum dari dicunt; sed illud potius, ut omnes homines ab Evangelica perfectione, & puritate ad suas reuocent sordes, malintque homines adulteros esse, quam uirgines. Cur enim eos, qui uirginitatem proficiuntur; impios appellant: eos uero, qui adulterijs omnia permiscunt, nunquam impios appellauerunt? Pudet me recitare, quod primum eorum magistrum Lutherum dicere, proterique non puduit, non uxore magis posse

Lutheri turpe dictum contra castitatem. I. de uita coniugali, & in epist. ad Volfangum Reissemb.

virum sine uxore, quam sine cibo, ac potu uiuere; utrumque enim rem esse naturalem, & necessariam. Epitulum illum, qui sola uoluptate beatitudinem aestimabat, nihil iam Epitulum dixisse legimus: & porci. si loqui scirent, dicere non auderent.

Dicebat olim simile quiddam Actius rem Veneream *uicet* necessitatem appellans, ut auctor est aduersus illum scribens Epiphanius. Hoc si ita est, satis apparet non solum non omnibus: sed nemini prorsus hoc a Deo donum dari, ut sine uxore uiuat. Nam & quidam ex eodem porcorum grege, magnus tamen apud illos habitus doctor, Catholicis dicentibus hanc seruandam castitatis gratiam, et si certo nescimus nos habere, tamen posse orationibus obtineri: responderet perinde esse, ac si profiteremur nunquam nos cibum, & potum sumpturos esse, dicentes a Deo nos precibus impetraturos, ut sine cibo, potuque uiueremus.

Abstrusa sententia ex doctrina Hereticorum contra castitatem.

Constat igitur horum doctorum hanc esse sententiam nos non magis sine uxore, quam sine cibo, & potu uiuere posse. Vnde sequitur, primum neminem debere sine matrimonio uiuere uelle, aut ex periri, ne Deum tentare uideatur. Itaque quod Christus uer. 12. dicit esse Eunuchos quosdam, qui se castrauerunt propter regnum celorum, istorum opinione locum non habet: nemo enim se propter regnum castrare potest magis, quam cibo, & potu carere. Deinde licere maritis, si eorum uxores aegrotae sunt, longiore praesertim tempore, aut alias uxores ducere, aut alias mulieres

inire: quemadmodum si quis omni ni cibo, potuque careat, licet undecunque poterit arripere, & uitam sustentare. Tertio loco sequitur, si maritus, aut uxor diu absit, etiam si in uiuis sit, licere alteri coniugi alias adire nuptias: quo enim modo tam diu sine cibo, & potu uiuet? Hoc postremum Caluiniste absurdum esse non ducunt: sed usu potius probant, & in quodam eorum Conciliabulo decretum est licere uxori, si maritus, nescio quam diu absuerit, alteri nubere. Haec est Caluinistarum doctrina, quam expedit in vulgus indicari, in lucemque proferri, ut omnes eorum impietatem cognoscant.

Vide etiam statuta ciuitatis Gebennensis.

12. *Sunt enim Eunuchi.* Non satis apparet, quorsum hanc Eunuchorum distinctionem Christus subiecerit. Quidam ex haeticorum interpretibus putant uoluisse declarare, quod paulo ante dixerat, quibusnam datum sit, ut capiant uerbum hoc. Maior uero magister Caluinus ita exponit, quasi praecedentibus uerbis Christus dicere uoluerit omnes necessarii debere uxorem ducere, nisi impij esse uellent, exceptis ijs, quibus Deus reuelauerit posse coelibes uiuere: qui autem illi sint, qui a matrimonij obligatione sint immunes, nunc Christum his uerbis declarare. Itaque Caluini sententia uxorem ducere non solum natura sua necessarium est: sed diuinum etiam preceptum: uxorem autem non ducere non consilium, sed Dei dispensatione esse putat. *Audiat haec aether*, audiant omnes, & horreant. Quanto meliore spiritu, & iudicio Chrysost. existimauit Christum his uerbis docere noluisset possibile esse, quod tunc vulgo (nunc a Caluinistis impossibile) putabatur posse aliquos, imo quicumque conarentur: gratia enim omnibus praestata est: tam caste uiuere, quam si Eunuchi essent: propterea enim Christus non quocunque modo: sed explicatis tribus Eunuchorum generibus, Apostolorum dictum confirmauit, non expedire uxorem ducere, idque hanc diffi-



difficile fieri posse, si quis seipsum propter regnum celorum castrare uellet, id est carnem non secare, sed domare. Proponit ergo, ut ait Hilarius Eunuchorum genera, quosdam à natura, quosdam ab hominibus, quosdam a se ipsis factos; quorum primi & culpa, & merito careant: secundi culpam, si suo consensu exfecti sint: tertij meritum habeant.

Calvinus re-  
fellit cir-  
ca donum  
continentiæ.

*Qui seipso.*) Duplex in hoc uerbo vis est: altera, qua liberum arbitrium significatur, quo se quisque Dei adiuvante gratia castrare potest, id est castum efficere, quemadmodum Chrysostom. annotavit: nam & castrandi verbum inde a Latinis dictum arbitror: altera, qua significatur id non sine carnis repugnantia fieri, ut Gregorius Nazianzenus observavit: Itaque, quod Calvinistæ dicunt, ridiculum est. Primum, neminem debere continentiam experiri, nisi certus sit se à Deo continentie donum habere: secundò, quisquis continentie donum habet, certò scire se habere: quemadmodum, qui fidem habet, certò se habere novit. Hæc enim & falsa sunt, & inter se pugnant. Nam cum, qui continentie donum habet, certò scire se habere, tam falsum & hæreticum est, quàm quod Calvinistæ docent, eum, qui gratiam Dei habet, certò scire se eam habere. Nam donum continentie gratia quadam est. Et exemplum fidei, quod afferunt, est falsum, & si uerum esset, tamen esset ineptum: falsum quidem, quia, qui fidem habet, non scit, sed credit se fidem habere, ipsa enim fide, non alia cognitione id novit: per fidem autem non scimus, sed credimus, & quisquis fidem scientiam appellat, fidem perdit, quia ex divina, & Christiana fide humanam facit: ineptum autem, quia etiam si, quisquis fidem habet, necessariò sciret se habere, non continuò sequeretur quisquis donum habet continentie, id etiam scire, quia fides cognitio quadam est, donum autem continentie non est cognitio: Itaque perinde isti boni Theologi argumentantur, atque si

dicerent, quisquis uisum habet, certò scit se uisum habere; ergo quisquis bonum sanguinem habet, certò scit se bonum sanguinem habere. Pugnantia autem dicunt, quia nemo, nisi experiendo scire potest, an castitatis donum habeat, experiri autem, ut isti uolunt, non prius debet, quàm de dono castitatis certus sit.

*Propter regnum celorum*) Hæretici exponunt *propter regnum celorum*, id est propter Euangelium, ut illi nimirum seruiant. Timent enim, ne ex hoc loco meritum colligamus. Sed ista eorum ratione soli Ecclesie Doctores, id est Episcopi, & presbyteri castrare sese deberent, quos illi imprimis coniugatos esse uolunt, & quidem hætenus nullum apud eos Ministrum nouimus, qui etiam isto modo, id est, ut Euangelio licet falso, seruiret, sese castrauerit. Sensus ergo est *propter regnum celorum*, id est ad regnum celorum promerendum, ut Origenes, Hilarius, Chrysostom. Auctor imperfecti, & Euthymius interpretantur. Generaliter enim de omnibus, non de solis Apostolis, & Euangelij Doctoribus loquitur Christus. Splent dicere Calvinistæ calibatum non magis esse meritorium, quàm ieiunium, quòd per se nec bonum, nec malum est: sed quatenus ad orandum conducit. Exemplum arripio, si ieiunium per se nec bonum, nec malum est, ergo intemperantia, cui ieiunium opponitur, nec bona, nec mala est. Atqui intemperantia per se est mala, ieiunium igitur per se est bonum, & coelibatus, quandoquidem eandem utriusque rationem esse putant. Et ut per se hæc bona non sint, non sequitur meritoria non esse; non enim solum meremur, dum ea facimus, quæ per se bona sunt; sed etiam, dum ea, quæ ad id, quod per se bonum est, aliquid iuvant. Cuius rei in hoc ipso capite manifestum est argumentum. Nam omnes diuitias abijcere, sicut eas retinere, per se nec bonum, nec malum est: tamen propter regnum celorum eas abijcere non solum alicuius, sed etiam

Calvinistæ  
contradi-  
ctionis ar-  
guuntur.

Meritum;

Coelibatus  
meritorius  
apud Deum  
contra Cal-  
uinistas.



singularis, & excellentis meriti esse ex singulari pramio perspicuum est, vos inquit, qui reliquistis omnia, & secuti estis me, sedebitis super sedes duodecim indicantes duodecim tribus Israel, infra versu. 27. & 28.

*Qui potest capere capiat.*) Caluinus suam secutus impietatem ad hunc modum exponit, ut Christus docere uoluerit minimè spernendum esse coniugij usum, nisi caeca temeritate nos in exitium uelimus precipites dare. Nam discipulis, inquit, quos uidebat sine iudicio ruere, manum iniicere oportuit. Itaque bonus iste Euangelicæ perfectionis interpres non putat Christum, quod Apostoli dixerant, approbare: sed reprehendere, eosque temerarios, ac cæcos fuisse significat, quod existimauerint bonum esse uxorem non ducere. Hæc autem uerba *qui potest capere, capiat*, non exhortantis, sed prohibentis esse interpretatur, quasi dicat Christus, uos existimatis bonum esse uxore carere: ego autem uero, ne quisquam id facere tenter, nisi certus sit se id capere posse, id est sine uxore uiuere. Ipse, ut opinor, diabolus, si commentarios scripsisset, non potuisset peiore spiritu, & sensu Christi sensui magis contrario uerba eius interpretari. Quis enim nō uidet uoluisse Christum homines ad castitatem, & cælibis uitæ perfectionem quasi proposito pramio cohortari? Caluini uerbis uerba Hieronymi opponamus, ut quemadmodum dicere soleo, quid inter Catholicum, & hæreticum spiritum intersit ex comparatione lector agnoscat. Hic contra Iovinianum, id est contra patrem

Caluini diabolica interpretatio.

Iovinianus Caluini patens.

Caluini lib. 1. scribit, *Proponit d. yovianus præmium inuitat ad cursum, tenet in manu uirginitatis branium, ostendit purissimum fontem, & clamat, qui sitit, ueniat ad me, & bibat, qui potest capere, capiat.* Ergo, ut concedamus capienti uerbum hoc loco non pro intelligere, sed pro apprehendere, & obtinere possum esse, quemadmodum Hieronymus, Chrysost. Theophylact. & Euthym. existimant; tamen inde potius sequeretur non prohibentis,

sed exhortantis esse uerba: loquitur enim Christus quemadmodum Hieronym. indicat, tanquam agonothea præmium manu tenens, & in stadio currentes clara uoce cohortatur, *qui potest capere, capiat*, quibus uerbis non significat non omnes posse capere: sed alludit ad stadium, unde metaphoræ sumpta est, in quo omnes quidem currunt: sed unus accipit brauium. 1. ad Cor. 9. 24. Nos autem iam supra monuimus *capere*, hoc loco idem significare atque intelligere: nihil enim aliud uoluit Christus dicere, quàm quod alias, cum de re aliqua egit graui, dicere consuevit, *qui habet aures, audiendi audiat*, ut supra. ca. 11. 15. & c. 13. 9. 43. & Marci 4. 9. 23. & 7. 16. & Lucæ 8. 8.

13. *Tunc.*) Post hæc, non enim constat, an statim post superiora hoc factum sit: nam Lucas multa in medio narrat, & nolumus sententiam plus iusto restringere. Quanquam Auditor imperfecti non dubitat statim interpretari.

*Oblati sunt ei paruuli.*) Ex I. uoc. cap. 18. 15. perspicuum est non solum pueros paruulos fuisse, sed etiam infantes *προσέφερον αὐτῷ τὰ βρέφη* & offerebant illi infantes. Nimirum cum uideret populus omnes adulos, qui ad Christum accedebant, magnis aut sanctorum, aut aliarum rerum cumulari beneficijs, cepit & illi infantes offerre; ut quatenus ea ferebat aras, beneficiorum Christi participes fierent. Non enim, ut sanarentur, sicut adulti: sed, ut spiritualem aliquam gratiam perciperent, illi offerebantur, ut statim explicat Euangelista.

*Ut eis manus imponeret, & oraret.*) Id est, ut impositis super eis manibus, eis benediceret, beneque precaretur. Hebræorum consuetudinem fuisse, ut qui maiores erant, & aliqua pollebant diuina gratia, manuum impositione inferioribus benedicerent, constat ex Genesi 48. 14. 15. hæc ergo ratione adducti parentes infantes ad Christum afferebant, ut impositis manibus, illis benediceret. Vnde Ecclesiastica consuetudine nata



Mos acci-  
piendi bene-  
dictionē ab  
episcopis &  
sacerdotib.

nata est, ut laici, ac praesertim pueri a sacerdotibus, & Episcopis etiam extra Ecclesiam benedicantur, quam consuetudinem Auctor imperfecti commendat.

*Discipuli autem increpabant eos.*) Id est prohibebant, ut Euthym. interpre-  
tatur: id enim significat etiam uerbum  
ἐπιτιμᾶν, ut supra alio loco monui-  
mus. Dubium quare discipuli paren-  
tes prohibuerint ad Christum accede-  
re, & illi infantes offerre. Chrysosto.  
Auctor imperfecti, Euthym. & Theo-  
phyl. ideo prohibuisse putant, quod  
eam aetatem indignam iudicarent, ut  
ad Christum accederent: quasi Christi  
minueretur dignitas, si in benedicen-  
dis pueris occuparetur. Itaque tan-  
quam de honore, & dignitate magi-  
stri solliciti, pueros arcebant. Proba-  
bilis hoc est, quam quod Hierony.  
& Beda dicunt: non quod nollent eis  
saluatoris & manu, & uoce benedici,  
sed quod necdum habentes plenissi-  
mam fidem putarent eum hominum  
offerentium importunitate lassari.  
Nam quod Christus subiecit, *fini-  
te paruulos uenire ad me: talium est  
enim regnum calorum*, Chrysostomo  
videtur interpretationem con-  
firmare.

14. *Sinite paruulos uenire ad me.*)  
Paruulos uocat, & per aetatem infan-  
tes, & per simplicitatem morum adul-  
tos, ut statim explicat dicens *talium  
est regnum celorum*. Propterea enim  
non dixit horum, sed *talium est regnum  
celorum*, ut non solum aetate pueros:  
sed etiam moribus pueris similes cō-  
prehēderet, ut Origenes, Hieronym.  
Augustin. libro primo de peccatorum  
meritis cap. 19. Beda, Theophylact. &  
Euthym. monuerunt. Quod Lucas  
magis expressit capitu. 18. 17. addens,  
*Amen dico uobis, quicumque non accepe-  
rit regnum Dei sicut puer, non intrabit*

Caluinista  
probare nō  
possunt in-  
fantium ba-  
ptismū con-  
tra Anaba-  
ptistas.  
10. 3. 3.

*in illud*. Non habent aliud Caluini-  
sta testimonium, quo infantes bap-  
tizandos esse probent, quam quod Chri-  
stus dicat *sinite paruulos uenire ad me*.  
Nam illud fortissimum, & apertissi-  
mum, quo semper Ecclesia, ut infan-  
tes baptizaret, adducta est, *nisi quis re-*

*natus fuerit ex aqua, & Spiritu san-  
cto, non potest introire in regnum Dei*,  
illi non de baptismo, sed de do-  
ctrina interpretantur: ita fit, ut dum  
haeretici esse uolunt, & Ecclesiae Ca-  
tholicae resistere, seipsos exarment,  
& Anabaptistis, qui infantes bap-  
tizandos esse negant, resistere non  
possint. Nam etsi ex hoc loco aliquid  
argumenti colligitur: quemadmo-  
dum, & D. Bernardus epist. 240. collig-  
it: tamen non adeo firmum est, ut  
tam certi, tamque necessarij ad salu-  
tem dogmatis fundamentum esse  
possit.

15. *Et cum imposuisset eis manus.*) Di-  
xerat Euāgelista uer. 13. oblatos Chri-  
sto fuisse pueros, ut manus illis impo-  
neret, & oraret: dicit nunc manus illis  
imposuisse, sed orasse non dicit, cuius  
rei causam Origen. fuisse putat, quod  
Christus manus imposuerit, non au-  
tem orauerit: quia infantes imposi-  
tionis manuum capaces erant: ora-  
tionis, quam intelligere non poterāt,  
non erant; opinio minimè probabi-  
lis. Nam opus non erat, ut infantes  
orationem intelligerent, ut eius par-  
ticipes esse possent; quemadmodum  
nunc opus non est, ut uerba, quibus  
baptismus confertur, intelligant, ut  
baptismi fructum percipiant, & in ma-  
nuum impositione oratio etiam com-  
prehenditur. Nec enim sola manuum  
impositio sine oratione, ac benedictio-  
ne unquam adhibebatur, & Marcus  
cap. 16. 16. expressit, & complexans eos,  
& imponens manus super illos benedi-  
cebat eos.

16. *Et ecce vnus.*) *Εἷς vnus* pro τὸς  
quidam positum est; sicut & Galli lo-  
qui solent, Lucas ca. 18. 18. principem  
fuisse scribit, id est primum, ut in-  
terpretor, uirum: quia ut ait Mat-  
thaeus uersu 22. diues admodum erat.  
Videntur multi ueteres auctores hūc  
adolecentem cum illo legisperito, de  
quo Lucas scribit capitu. 10. 25. lapsi  
memoria confudisse; nam & hunc le-  
gisperitum fuisse dicunt, ut Hierony.  
Ambros. in capit. 18. 1. uer. & Cyril-  
lus Alexandrin. 2. lib. Thesauri cap. 1.  
Melius D. Basilius in homil. contra

B b 4 diuites



Canon Cō-  
cilij Eliberi  
ni de diuo-  
rio explica-  
tus.

diuites auaros non solum non putat legisperitum fuisse: sed legisperito il-  
li de quo Lucas scripsit, opponit, quod  
ille tentandi causa, hic discendi ad Chri-  
stum accesserit. Et uero si legisperi-  
tus fuisset, id potius expressissent Euā-  
gelistae, quam alias circumstantias, quas  
videmus eos magno studio declaraf-  
se, ut quod princeps fuerit, quod di-  
ues, quod adolescens. Putant iidem  
auctores, tum etiam Epiphanius in  
Anchorato, & haeresi 69. hunc etiam  
adolefcentem non bono, ac simplici,  
sed tentandi animo ad Christum adijf-  
se, quam opinionem, & D. Basil. in eo  
loco, quem paullo ante annotauim-  
us, & Chrysostom. & Euthym. in  
huius loci commentariis merito mihi  
videntur, magnisque commentariis  
refutare: Primum quia, ut Marcus  
capitu. 12. 17. declarat, ualde reueren-  
ter, & suppliciter genua subinde fig-  
gens ad Christum accessit, quod su-  
perbi illi, & insati Scribae, & Pharisei,  
qui tentaturi Christum adibant, face-  
re non solebant. Deinde quia quo-  
ries aliquis tentandi causa Christum  
interrogat, Euangelistae solent ex pri-  
mere: de hoc uero adolescente nihil  
tale significarunt. Tertio, quia ro-  
gat, quid adhuc sibi desit, ut ad uitam  
aeternam peruenire possit. Quarto,  
quia, cum Christus illi dixisset, *vade,  
& vende, quae habes, & da pauperibus*,  
tristis discessit: nulla autem tristi-  
tiae causa fuisset, si malo simula-  
toque animo Christum interrogas-  
set. Itaque multo melius hinc Chry-  
sostom. quàm Hieronym. ad proban-  
dam suam opinionem argumenta-  
tur. Addo ego, quod, qui tentandi  
causa Christum interrogabant, non  
solebant de seipsis, suaeque salute: sed  
de lege, deque rebus controuersis, &  
curiosis quaestione proponere, ut,  
an liceat tributum dare Caesari: an li-  
ceat quaecunque ex causa uxorem di-  
mittere; quod sit maximum legis  
mandatum, cuius illa mulier in resur-  
rectione futura sit uxor, quae, dum  
uiuere, septem fratres maritos ha-  
buisset. Hic autem adolescens non  
curiosa, non subtilia, non superua-

canca rogat: sed sibi necessaria, quid  
boni faciam, ut habeam uitam aeter-  
nam?

*Magister bone.* Vtitur honorifica  
praefatione ad capiendam Christi be-  
neuolentiam. Alii Christum Rabbi, id  
est magistrum aliquid interrogaturi  
appellabant, ille, ut maiorem animi  
propositionem ostenderet, magistrum  
bonum appellauit.

17. *Quid me interrogas de bono?*  
Græce in omnibus fere libris est, *τί  
με λέγεις ἀγαθόν*, Quid me dicis bo-  
num? nemo bonus: nisi unus Deus:  
atque ita legit Orig. tractatu in Mat-  
thæum 7. Hilarius, Chrysost. Auctor  
imperfecti in hunc locum, & Gauden-  
tius tractatu 7. in Exodum. Noster in-  
terpres legit *τί με ἐρωτᾷς περὶ ἀγα-  
θῆς*, Quid me interrogas de bono? quem-  
admodum in nonnullis etiam nunc  
Græcis codicibus legitur, & ut Hiero-  
nym. hoc loco, & D. August. lib. 1. de  
Trinitate cap. 13. legunt. Orig. utiam-  
que lectionem ponit. Verum eorum  
coniecturam nequaquam probo, qui  
utroque modo Christum dixisse pu-  
tant, prius quidem, *Quid me dicis bo-  
num?* quia dixerat adolescens *magi-  
ster bone*: deinde *quid me interrogas  
de bono?* si ita legamus, non significat,  
quid me interrogas, quid boni factu-  
rus sis? sed, quid me interrogas bo-  
num appellans?

*Vnus est bonus Deus.* Obiciebant  
Ariani Catholicis hunc locum, ut pro-  
barent Christum non esse Deum, quod  
videtur his verbis a bonitate, diuini-  
tateque seipsum excludere, ut scribit  
Epiphanius aduersus Arianos haere-  
si 69. & Cyrillus Alexandrin. libro se-  
cundo thesauri capitulo primo, & D.  
Basilus in epistola ad Amphilochoiū,  
& D. Ambros. in commentariis in ca-  
p. 18. Lucæ, & D. Augustinus libro ter-  
tio contra Maximum Arianorum  
Episcopum capitu. 23. Omnes respon-  
dent Christum non negare se bonum  
esse, ac Deum. Nam & homines, &  
Angelos, & multa alia præter Deum  
suo quodam modo bona esse mani-  
festum est, & multis scriptura exem-  
plis probat Epiphanius. sed dicit nomi-  
nem

Locus con-  
tra Arianos  
pro diuini-  
tate Christi  
explicatus.



nem bonum esse præter Deum, eodem modo, quo Deus bonus est, id est per se. & natura sua: quemadmodum dixit Dignus Paulus 1. ad Timotheum 6. 16. solum Deum habere immortalitatem, cum & Angelos, & animos nostros immortales esse constet: quia nemo præter Deum natura sua: id est non alterius participatione immortalis est: quemadmodum in questionibus Christianis propositis Iustinus explicauit. Itaque etsi Christus Deus non fuisset, bonus tamen fuisset: & quemadmodum se à bonitate non excludit dicendo *unus est bonus, Deus*, ita non excludit a diuinitate: quinimò his uerbis, ut paullo post explicabimus, maxime indicat se esse Deum. Cur ergo ita Christus adolescenti respondit? Ratio, quam Caluinus affert, inepta est, & ad Arianorum errorem accedit, ut, inquit ostenderet suam doctrinam a Deo profectam esse. Nam neque id Christus uoluit ostendere, sed potius dicere se esse Deum: & si uoluisset, non bene ea ratione ostendere potuisset. Alij uoluisse Christum adolescentem illum, quasi nimium operibus legis confidentem, ab illis auellere, & ad fidem in se adducere: quod facit, dum indicat se non solum magistrum bonum, sed etiam bonum Deum esse: ita Origenes uidetur significare tractatu in Matthæum 8. ita certe Epiphanius, aduersus Arianos, & Cyrillus libro 2. Thesauri cap. 1. interpretantur. Quod dicunt Christum uoluisse significare se esse Deum, vehementer probò: quod dicunt adolescentem in operibus legi confidisse, & ab illis eum Christum uoluisse reuocare, non probò: nec illi mihi uidentur bene probare. Vera igitur causa, cur ita Christus responderit, ea mihi uidetur esse, quam Auctor imperfecti homil. 13. Hieronymus in commentarijs, Gaudens tractatu. 7. in Exodusum, August. lib. 1. de Trinitate cap. 13. & lib. 3. contra Maximinum c. 23. Beda, Theophylactus, & Euthymius, hoc loco afferunt, quod adolescens ille, etsi bonam, non tamen satis ma-

gnam, atque perfectam de Christo habebat opinionem. Manifestum enim est conatum illi fuisse quàm magnificatissimis titulis Christum ornare, ut eius iniret gratiam: & uideretur tamen non nisi magistrum bonum appellasse, quasi nihil de illo supra sentiret. Nam si Deum esse credidisset, aut Deum suum, aut certe Dominum appellasset: uoluit ergo Christus sciens eum bono animo de sua salute consulere eius adiuuare fidem, atque perficere, eoque interrogando perducere, ut se non tantum magistrum bonum, sed Deum etiam bonum esse crederet: propterea ex eius ore uerbum arripuit, ut doceret tantum illi opus esse, ut ea, quæ dixerat, bene intelligeret. Vocauerat Christum magistrum bonum, docet illum Christus neminem bonum esse, præter Deum, ut probet se Deum esse, si bonus est, quemadmodum ille ipse nesciens, quid diceret, confessus erat. Fateor ambiguitatem in uerbo esse: nam aliter magister bonus, aliter Deus, bonus appellatur: sed hæc ipsa ambiguitas gratiam argumentationi affert: sic enim Christus argumentatur, quasi non intelligat, quid inter magistrum bonum, & Deum bonum intersit. Annotauimus alijs locis solitum fuisse Christum ambiguitate uerborum ludere, ut supra c. 8. 22. *Dimittite mortuos, & pelire mortuos suos*. Queret aliquis, cur Christus non eodem modo alijs responderit, quos credibile est aliquando aut similibus, aut iisdem titulis usos fuisse. Ratio mihi uidetur esse quod hic adolescens ita eum magistrum bonum appellauerit, quasi existimaret aliquem ei titulum tribuere singularem, quem alij tribuere non solebant: uoluit ergo Christus eius opinionem arripere, docereque non satis magnum sibi titulum tribuisse, se enim non solum magistrum bonum, sed Deum etiam bonum esse.

*Si autem uis ad uitam ingredi, serua maledicta.* Perniciosissima, & menti Christi oïno contraria est interpretatio Caluini, sic. n. exponit, quasi Christus bonum illi & simplicem adolescentem deludere uoluerit; quæadmodum si quis interrogati quæ-

Caluinus  
arianizat

Caluinus re  
prehenditur



via Romam iretur, extremos Indos ostenderet. Sic enim putat Christum respondisse, *si uis ad uitam ingredi, serua mandata*, non quod mandatorum obseruatio uitae aeternae uia esset, sed potius diuerticulum, quo a uita aeterna homines aberrarent: iuuenem enim illum obseruatione legalium preceptorum inflatum fuisse, atque confisum, quae tantum abest, ut homines ad uitam aeternam duceret, ut ab ea potius retardaret. Duplex error: alter, quem iam refutauimus, quod existimet illum adolescentem in legalium preceptorum obseruatione confidisse, nec enim confidebat, qui praeter illa quarebat aliquid, quod faciendo in uitam aeternam ingrederetur: alter, quod putet Christum de legalibus agere praecipitis: de quibus enim agat, statim ipsemet exponit, *non homicidium facies &c.* quae praecipita non legalia, sed Euangelica sunt: quisquis autem legalia esse putat, legem ignorat: si enim legalia fuissent, una cum ipsa lege fuissent abrogata; tantum uero abest, ut abrogata fuerint, ut tunc coeperint maxime uigere, cum coepit lex maxime mori; ut Christus. c. 5. explicauit. Legalia igitur ea tantum, quae cum lege perierunt, ut Circumcisio, ceteraque caeremoniae, ac sacramenta. Verum uitae aeternae uiam Christus ostendit, a qua longissime Calvinus aberrauit. Nam nec uiam illam legis adolescens ignorabat; nec eam Christus ostendisset, qui ideo uenerat ut ea abolita nouam homines uiam doceret; uelutque nolit Calvinus merita hinc bonorum operum apertissime probantur, nec enim mandata ideo tantum uia uitae aeternae uocantur, quod per ea, sed etiam quod propter ea ad uitam aeternam homines ueniunt, ut c. 2. 5. 24. 35. manifestum est, *Venite benedicti patris mei, possidere paratum uobis regnum a constitutione mundi.* *Esuriui enim, & dedistis mihi manducare. sitiui, & dedistis mihi bibere: hospes eram, & collegistis me: nudus, & operuistis me.* Neque haec Christi sententia, ut Calvinus putat, nobis aduersatur; quasi hinc colligatur nulla alia pre-

cepta, praeter decem Decalogi, nullaeque traditiones esse ad salutem necessarias: eodem enim argumento colligeret ad salutem necessarium non fuisse, ut Christiani Apostolorum constitutiones obseruarent, & a sanguine, suffocatoque abstinerent Actorum 15. 20. eodem argumento colligeret nulla esse in Euangelio necessaria sacramenta: nec enim in Decalogo continentur. Melius obijcere potuisset: si mandatorum obseruatio, ut Christus significat, ad salutem satis est, fidem non esse necessariam. Respondeo Christum tantum respondisse ad quaestionem adolescentis, *quid boni faciam, ut habeam uitam aeternam?* propterea non docet, quid credere debeat: sed quid facere: inter ea autem, quae ad consequendam uitam aeternam facienda erant, sola mandatorum obseruatio sufficebat, in quibus & parentum, & Ecclesiae mandata, traditionesque comprehenduntur. Nam cum in quarto praecipito iubemur parentes honorare, iubemur illis obedire: cum autem illis iubemur obedire, iubemur obedire omnibus, qui parentum nobis loco esse debent, quales Reges sunt, & magistratus, multo uero magis Ecclesiae, quin potius ex hoc loco maximum aduersus Calvinistas sumitur argumentum, ut probetur male eos colligere sola nos fide iustificari, & sanctos fieri, quia sola aliquando fides inter iustificationis causas nominatur. Nam quemadmodum hic cum sola mandatorum obseruatio causa salutis esse dicitur, non excluditur fides: sed tantum significatur inter ea, quae facienda sunt, satis esse mandata seruare, ita, cum sola fides inter iustificationis, & salutis nostrae causas nominatur, opera non excluduntur, sed tantum ostenditur inter ea, quae non facienda, sed cognoscenda sunt, satis esse credere, fidemque nobis, licet obscuram, & quodammodo caecam cognitionem instar omnis scientiae, omniumque doctrinarum esse oportere.

19. *Que?*) Hieronimus, qui hunc adole-

Merita bonorum operum.



adolefcentem tentandi causa venisse putat, non simpliciter, sed fraudulenter interrogasse dicit, quæ nam essent illa mandata; quasi dissimulauerit scire se, quod maximè putabat scire; sed hanc opinionem uersu 16. refutauimus, & ex ipso uerborum contextu perspicuum est, eum propterea interrogasse, quoniam ea mandata essent, quod ad Christum tantum ad nouum aliquem, & maximum magistrum uenisset, ut aliquid ab eo supra legem disceret, nam legis mandata non solum sciebat: sed etiam obseruauerat, ut uersu 10. probabimus. Interrogat ergo, quæ? putas fore, ut Christus aliqua, præter legem, præcepta sibi tradat.

*Non homicidium facies.*) Proponit illis Christus præcepta Decalogi non omnia, sed secundæ tantum tabulæ, nec ea quidem ordine, sed prout sese offerebant: nec enim id agebat, ut totum Decalogum memoriter, & ad uerbum recitaret: sed ut sententiam proponeret. Potest queri, cur primæ tantum tabulæ mentionem non fecerit? Respondet Euthymius, propterea quod primæ tabulæ obseruatio in occulto, id est in animo lateat: secundæ autem tabulæ manifesta sunt opera, non occidere, non mœchari &c. Non probo rationem, nec enim Christus adolefcentem arguere, ut quidam putant, sed ut nos supra probauimus, docere uoluit, nec docere, quomodo bonus esse uideretur sed quomodo bonus ac iustus esset; nec enim hypocritam, sed Christianum facere uolebat. Vera mihi uidetur fuisse ratio, quod quicumque secundam tabulam obseruat, & primam obseruet; quemadmodum Diuus Paulus ait ad Romanos 13. 9. 10. *Nam non adulterabis, non occides, non furaberis, non falsum testimonium dices, non concupisces, & si quod est aliud mandatum, in hoc uerbo instauratur, Diliges proximum tuum sicut teipsum: plenitudo ergo legis est dilectio.* Propterea & Christus hic, & Diuus Paulus illic uolentes mandatorum obseruationem proponere secundæ tantum

tabulæ meminerunt. Dicit aliquis eadem ratione, ac multo etiam maiore primam tantum tabulam proponere debuisset, quia & qui primam obseruat, secundam obseruat: qui enim Deum diligit, omnia, quæ Deus præcipit, facit; estque prima tabula multo breuior, quam secunda, ut eò magis uideatur, tanquam omnium præceptorum summa proponi debuisset. Respondeo isthac omnia uera esse: sed tamen facilius esse proximum diligere, quam Deum, ut Diuus Ioannes 1. epistola capit. 4. 20. argumentatur, *qui enim non diligit fratrem suum, quem uidet; Deum, quem non uidet, quomodo potest diligere?* Solum ergo scriptura sacra ad obseruationem nos mandatorum Dei per secundam tabulam, tanquam per magis facilem, magis planam, magis, nobis non tam uiam deducere.

19. *Diliges proximum tuum sicut teipsum.*) Nimis audax Origenis tractatu in Matthæum 8. coniectura est hæc uerba aliquo esse addita, propterea quod apud alios Euangelistas non legantur. Præstabat existimare ab aliis prætermisâ, quemadmodum solent non omnia semper dicta, factaque Christi commemorare. Est ergo, quasi breuis complexio, quæ omnia, quæ Christus recitauerat, uno uerbo comprehenduntur, quali & Diuus Paulus ad Roman. 13. 9. 10. & ad Galat. 5. 14. usus est. Nec enim unum est præceptum, sed omnium præceptorum summa ex Leuitico c. 19. 18.

20. *Omnia hæc custodisti à iuuentute mea.*) Hilarius canone in Matthæum 19. Auctor imperfecti homil. 33. Ambrosius in commentariis in cap. 1. Lucæ 18. Diuus Augustin. epistola 89. Hieronymus, & Beda hoc loco, & nonnulli, ut opinor, Græci, quorum Theophylactus opinionem recitat, existimarunt hunc adolefcentem, cum dixit se omnia mandata à iuuentute sua seruauisse, fuisse mentitum. Multo magis Diui Basilii homilia contra diuites auaros, & Chrysostomi, atque Euthymii probobant.



Calvinus  
reprehendi  
tur,

bo sententiam, eum dixisse, quod res erat; nec enim sine causa narrat Marcus cap. 10. 21. Christum hoc audito eum dilexisse, quod profecto non fecisset, si simulator fuisset, quod Christum omnia scientem latere non potuit. Quod autem Calvinus responderet dilexisse eum, sicut diligit Deus res omnes naturales, quia natura sua bonæ sunt, ridiculum est. Nam isto quidem modo non solum omnes homines, sed omnes etiam demones diligit. Perspicuum autem est Evangelistam aliquem Christi erga hunc adolescentem propter mandatorum observationem singularem amorem significare voluisse: quo amore non solum non alios peccatores, sed ne illum quidem ipsum, antequam id audivisset, prosequeretur, non quod id prius ignoraret, aut quod non prius eum diligeret, sed quod ostenderet se more hominum ex eius responso, quod ante ignoraret didicisse, & quem ante non diligebat, diligere coepisse. Quod ad confirmationem sententiæ nostræ satis est. Magis etiam ridiculum, quod idem Calvinus Catholicis ex hoc loco colligentibus peccatorem posse se per bona opera, & mandatorum observationem ad iustificationem disponere, ea enim bona, quæ facit, antequam iustificetur, suo quodammodo Deo grata esse, ac ut Theologi uocant, meritoria de congruo, respondet eodem modo ranas, & culices mereri, qui ea, quæ faciunt, naturaliter bona sunt, eaque Deus amat. Iam enim docuimus Christum hunc adolescentem non tantum propter naturalem bonitatem, sicut omnes communiter homines, sed propriè propter mandatorum observationem, quæ naturalis non est, singulariter amasse.

Meritum de  
congruo,

21. Si uis perfectus esse, uade, uende omnia, quæ habes, et da pauperibus.) Peruersa etiam hoc loco, & maligna interpretatio Caluini, qui existimat Christum non serio, & ut perfectionis consilium dare, sed cautè, ut adolescentis hypocrisim detegeret, hoc illi dixisse. Quia enim, inquit,

mentitus est, dicens se mandata omnia obseruasse, uoluit Christus, ut palam omnes intelligerent non ita esse, proponens illi unum tantum præceptum, ex quo, an proximum diligeret, appareret, ut uenderet omnia, & daret pauperibus, sciens eum facturum non esse, atque ita eius mendacium, deprehendendum. Multi sunt hic eius errores: primus est, quod illum adolescentem mentitum putet, quem superiore uersu refutauimus. Hic dignus erat uenia, nec error appellandus, quia multi, ut diximus, & graues auctores in eadem fuerunt opinione: nisi illi Catholico, Calvinus hæretico animo dixisset, non, ut aliquid eorum auctoritati tribueret, quos si sciivisset ita sensivisset, contrarium fortasse, ut sollet, dicturus fuisset, sed ut Evangelica consilia, quæ illi & probarunt maximè, & secuti sunt, non solum ipse non sequeretur, sed etiam refutaret, & quantum in se esset, penitus tolleretur. Secundus est, quod nullum prorsus consilium esse putet, & hoc ipsum, quod Christus adolescenti dixit, ut sua omnia venderet, & daret pauperibus, seque sequeretur, non consilium, sed præceptum esse dicat, quod ante illum nemo cogitauerat. Est genus quoddam Pelagianorum, qui olim docere uidebantur neminem saluum esse posse, nisi omnia uenderet, & daret pauperibus, quasi non consilium, sed præceptum hoc esset, non tam ab Augustino epistola 89. paucis uerbis refutati sunt, quam, ut insani, ab omnibus irrisi. Et uerò quis non uidet consilium illud esse, quod cum bonum sit, imperatum tamen non est, alioquin & perpetuam seruare uirginitatem præceptum esset, quia bonum esse Diuus Paulus testatur. At hoc Calvinus, ut opinor, non concedet. Nam si præceptum est, seruari ergo ab omnibus debet, & qui non seruant, salui esse non possunt. Itaque eò Calvinus suo errore ducatur necesse est, ut affirmet, quod olim Eustathiani in Concilio Gangrensi condemnati affirmam.

Errorum  
multi Caluini  
refelluntur,

Paupertatis  
consilium  
contra Caluini  
uinum de-  
fenditur,

1. Cor. 7. 1,



firmabant, neminem, qui uxorem haberet, saluum esse posse, & quod stulti illi Pelagiani dicebant, neminem posse ad uitam eternam peruenire, nisi omnia venderet, & pauperibus daret. Deinde quis tam obtusus est, ut non animaduertat, quàm exquisitis studio se verbis præcepta Christus, consiliaque distinguat? Cum de præceptis loquitur, non dicit, si vis perfectus esse, serua mandata, sed si vis ad vitam ingredi: cum verò de consilio, non dicit si vis ad vitam ingredi, sed si vis perfectus esse. Præterea mandatorum obseruationi, tanquam premium, proponit vitam eternam, si vis, inquit, ad vitam ingredi, serua mandata; obseruationi verò consiliorum non uitæ eternæ, sed thesaurum in celo, id est uitæ eternæ maiores diuitias pollicetur. Et non solum beatum esse, sed beatorum principem, & iudicem, sedebitis, inquit, & vos super sedes duodecim iudicantes duodecim tribus Israel. Non possum ego melioribus verbis, quàm August. serm. 61. de tempore, aut probare, aut explicare Euangelica consilia: Aliud, inquit, est consilium, aliud præceptum. Consilium datur, ut virginitas conseruetur, ut a vino, & carnibus abstineatur, ut vendantur omnia, & pauperibus erogentur: præceptum verò datur, ut iustitia custodiatur, ut omnis homo diuertat a malo, & faciat bonum. Denique de Virginitate dicitur, qui potest capere, capiat: de iustitia verò non dicitur, qui potest facere, faciat, sed omnis arbor, quæ non facit fructum bonum excindetur, et in ignem mittetur. Consilium qui libenter audierit, & fecerit, maiorem habebit gloriam; præceptum qui non impleuerit, nisi patientia subuenerit, penam euadere non poterit. Et rursus in lib. de sancta Virginitate c. 14. Præcepto, inquit, quisquis non obtemperat, reus est, & debitor pænæ. Proinde quia uxorem ducere, vel nubere peccatum non est: si autem peccatum esse præcepto ueraretur, propterea præceptum Domini de uirginibus nullum est, sed quoniam deuitatis remissionis peccatis adenda est uita æterna, in qua est quædam egregia gloria, non omnibus in æternum uiseturis, sed quibus-

dam illi tribuenda, cui consequenda parum est liberatum esse a peccatis, nisi aliud ipsi liberatori uoueat, quod non sit criminis non uouisse; sed uouisse, ac red didisse sit laudis. Consiliū, inquit, do tan quam misericordiam consecutus a Deo, ut fidelis essem. & eiusdem libri ca. 30. Nec enim sicut non machaberis, non occides: ita dici potest non nubes; illa exiguntur, ista offeruntur. Si sunt ista, laudantur: nisi sunt illa, damnantur, in illis dominus debitum imperat uobis: in hoc autem, si quid amplius supererogaueritis, in redeundo reddet uobis. Et sermo. 18. de uerbis Apostoli, Quid iubes, ne adulterare simus? hoc præcipis; amando te plus facimus, quàm iubes. De Virginitate, ait Apostolus, præceptū Domini non habeo. Ergo quare hoc faciunt. Consilium autem do. Illæ autem mentes, quibus terrenæ nuptiæ uiluerunt, quæ terrenos amplexus non desiderauerunt, usque adeo acceptauerunt præceptum, ut non recusarent consilium. Eant Caluinistæ, & negent ullum esse consilium, dicant opera supererogationis Sophistarum esse commentum. Nos enim Christum, & D. Paulum consiliorum ac præceptorum doctores atque assertores; Christi uerò ac Diui Pauli D. Augustinum, omnesque omnino ueteres auctores interpretes habemus. Caluinistæ, quia Euangelica consilia seruare nolunt, esse non credunt, aut se credere dissimulant, & obijciunt illud tritum, quod Christus ait apud Lucam, cum feceritis omnia, quæ præcepta sunt uobis, dicite serui inutiles sumus c. 17. 10. Illum locum in cōmētariis in Lucam, si Dominus inuenit, explicabimus: nūc tantum dicimus illum Caluinistis aduersari maximè: primum, quia docent neminem omnia præcepta seruare posse: Christus autem ostendit nos posse seruare, cum dicit, cum feceritis omnia, quæ præcepta sunt uobis. Deinde quia ex illis ipsis uerbis colligitur posse nos ultra præcepta aliquid facere. Hunc. n. tota spectabat parabola, ut doceret Christus eū, qui non facit, nisi quæ sibi præcepta sunt, non maiorem gloriæ occasionē habere, quàm seruum, qui dño suo tantū mī-

1. Cor. 7. 23

1. Cor. 7. 23

Supererogationis opera.

Caluini obiectio contra opera supererogationis diluitur.

Præcepta Dei omnia seruari possunt contra Caluinum.

Luculenta descriptio consilii, & præcepti ex D. Augustino. Virginitatis consilium.



nistravit. Indicat ergo tunc gloriari nos posse, cum ultra præcepta aliquid etiā boni fecerimus: facere igitur possumus. Expressum est exemplum in D. Paulo, præceperat Christus, ut Evangelium prædicaret: non præceperat: sed tanquam consilium in medio reliquerat, ut qui Evangelium prædicarent, de Evangelio non uiuerent, dicit se, si Evangelium prædicauerit, nullam gloriam habere: necessitatem enim, id est præceptum sibi incumbere: gloriam autem suam esse, ut *Euangelium prædicans sine sumptu ponat Euangelium* 1. ad Corint. 9. 15. 16. 18. Obijcit etiam Caluinus, quod Abrahamus Genesis 17. 1. a Deo dictum sit, *Ambula coram me, & esto perfectus*, cū illi non consilia, sed præcepta seruanda traderentur, quasi inde sequatur Euangelicā perfectionem non in consiliorum, sed in præceptorum obseruatione sitam esse. Respondeo puerilis esse ignorantia nescire inter legalem, aut naturalem, & Euangelicam perfectionē distinguere. Terminus error est, quod existimet satius esse bona sua retinere, & paulatim ex illis pauperes iuuare, quā simul illis erogare. Hoc quidem non præceptum, sed consiliū, est. non tamen Christi: sed hominum auarorum, qui hoc solent prætextu diuitias suas retinere, eundemque Vigilantij olim errorem fuisse: aduersus illum Hieron. scribit, idemque in lib. de Ecclesiasticis dogmatibus c. 71. Gennadius indicauit. Non Caluinus, non Vigilantius, sed Christus est, qui adolescenti consilium dedit, ut si perfectus esse uellet, non post longas inducias, sed statim: nec paulatim, sed simul omnia, quæ haberet, venderet, ac pauperibus daret, seque nudum nudus quoque sequeretur.

*Et habebis thesaurum.*) Valde risi, cum apud magnum quendam hæreticorum interpretem hanc expositionē legerem, ne, inquit, putaret sibi deperdita esse bona, si illa pauperibus daret, adiunxit præcepti huius utilitatem. Per imitationem autem loquitur ob id, quod hic adolescens non simpliciter bona sua, sed thesauri loco possi-

debat. Quasi dicat putas te thesaurum habere, quia diues es, maiorem habebis in cælo, si me audieris. Quæ omnia propterea hæreticus iste dicit, ne merita bonorum operum, quæ hinc manifestissime colliguntur, colligi posse videantur; propterea paucis verbis multos errores complexus est; quod præceptum uocet, quod consilium est; quod propterea putet Christum uitam eternam thesaurum appellasse, ut ad adolescentis opinionem alluderet, qui magnum se habere thesaurum arbitraretur; quod nolit sensum esse propter relicta, & pauperibus data bona thesaurum in cælo illum habiturum, ne merita concedere uideatur. Primum errorem satis paullo ante refutauimus. Secundum non magnopere opus est refutare, quia quisquis aliquid habet iudicij, facile reprehendet, & ridebit. Quis enim tam hebes est, ut non animaduertat uoluisse Christum ad mercatorum consuetudinem alludere, qui vno loco minorem pecuniæ summam dare solent, ut in alio longè distante maiorem recipiant? Propterea ergo uitam æternam thesaurum appellauit, quod hic bona reponantur, ut illic aucta inueniantur: sicut solet quotidie crescere thesaurus, cum aliquo reconditur: quemadmodum ca. 6. 12. Christus dixit *thesaurizate uobis thesauros in cælo, ubi neque arugo, neque tinea demolitur, & ubi fures non effodiunt, neque furantur*. Agebat autem de elemosyna, sicut hoc loco, significatque eum, qui dat elemosynam, quasi in cælum thesaurum transmittere, sicut Salomon dixit Proverbiorum 19. 17. *faneratur domino, qui miseretur pauperis*. Ex illo ergo superiori loco, non ex hæreticorum interpretatione hic est intelligendus. Præterea quis non animaduertit uoluisse Christum hominem diuitem, & ut uero simile est, deditum lucro spe maioris lucri, quæ eiusmodi homines capi solent, ad regnum cælorum allicere? quasi dicat: etiam si multa habeas bona: multo tamen plura, maioraque recipies.

si

Melius omnia simul dare pauperibus quā paulatim contra Caluinū

Auctor libri de Ecclesiasticis dogm. Gennadius,



si ea pauperibus dederis. Itaque tantū abest, ut uoluerit Christus ad thesaurum, quem se adolescens habere arbitraretur alludere, ut potius uoluerit significare illum nihil habere, si ea, quæ habebat, cum regni cœlorum diuitijs compararentur: illum enim, ut diues sit, tamen thesaurum non habere, quem non nisi Reges, nec illi quidem omnes habent: in cœlo autem thesaurum habiturum. Thesaurum ergo regni cœlorum opibus adolescentis non æquiparat, sed opponit: quemadmodum si quis exiguis possessionibus ingentes totius mundi opes opponat. Præterea illud Christus significat eum maiorem in cœlo gloriam habiturum, si Euangelica consilia, quàm si sola præcepta secutus fuerit. Nam qui præcepta sola sequuntur singuli singulos tantum denarios accipiunt, ut sequenti cap. uersu 9. & 10. explicatur: illum autem, si præter præcepta, quæ iam seruauerat, hoc etiam consilium amplexus fuerit, ut omnia sua bona pauperibus tribuat: non tantum denarium: sed ingentem etiam thesaurum accepturum esse. Atque hinc etiam tertius error refutatur: ex hoc enim sensu, quem proprium, ac genuinum esse constat, manifestum est homines per eleemosynas, & proinde per omnia opera bona uitam æternam promereri. Idem enim, imo maius quiddam hoc loco significatur, quam apud Lucam c. 16. 9. *facite uobis amicos de mōnā iniquitatis, ut cum defeceritis, recipiāt uos in æterna. tabernacula.* Nam & illic de eleemosynis agitur, & facere sibi amicos nihil aliud est, quam eorum amicitiam, gratiamque promereri. Atque hoc sensu omnes ueteres doctores interpretantur. Cyprian. lib. de opere & eleemosynæ negotiatorem cœlestis gratiæ, & comparatorem salutis æternæ distractis omnibus rebus suis pretiosam margaritam, hoc est uitam æternam Christi cruore pretiosam de quantitate patrimonij sui dicit debere mercari, & Hilarius, *lactura*, inquit *terrenæ substantiæ cœlorum opes emende sunt*, & Chrysostom. homil. in Matthæum 64.

nam quoniā magna illi cura de pecunijs erat, & quādoquidem ipsum cunctis denudari rebus consulebat, ut ostendat non amissurum bona sua: sed tãtò plura, maioraq; inuenturum, quantò terra cœlum præstabilius est, retributionis præstatiā thesaurum appellauit, & simul stabilitatem, atque incorruptibilitatem præmij, ut fieri poterat, humano uerbo significatè expressit. Ad eundem modum Chromatius in commentariis in capit. 6. Matthæi.

*Et ueni, sequere me.*) Tria Christus adolescenti faciendā præscripsit; ut omnia bona sua uenderet; ut confectam pecuniam pauperibus daret; ut se sequeretur, quod ultimum omnium summa erat. Nam & Socrates, ut ait Hieronymus, & alij multi Philosophi diuitias contempserunt, sed quia Christum secuti non sunt, nihil illis profuit. Quomodo autem Christus intelligat *sequere me*, minus certum est, quàm vulgò uidetur existimari. Clemens Alexandr. libr. Stromatum 4. Hieronymus hoc loco, alijque nonnulli interpretes de Christi imitatione dictum intelligunt, quod & ex Marco 10. 21. uidetur confirmari, ubi in quibusdam Græcis codicibus legitur *ἀπὸς τὸν σταυρὸν tollens crucem*: sed uerbum illud *ueni* indicat Christum non de imitatione solum, sed de corporali etiam comitatu agere, inuitareque eum, ut se sequatur quæ admodum Apostoli, & familiares discipuli sequerentur. Quod autem Marcus ait *tollens crucem*, si eam lectionem admittimus, contrarium huic interpretationi non est. Nam Apostoli, & discipuli maximè crucem ferebant, qui Christum non animo tantum: uerum etiam pedibus proximi sequebantur.

22. *Abijt tristis.*) Hæretici interpretantur propterea tristem abiisse, quia victus, atque confusus conscientia sua fuerat; quod mandata non seruauisset: quemadmodum se paullo ante iactauerat: sed hanc interpretationem iam uersu 20. refutauimus. Tristis ergo abiijt, quia, cum mandata seruauisset, non existimabat quicquam sibi tam



tam arduum, quàm Christus dixit, ad consequendam perfectionem superesse, ut uendenda sibi omnia bona essent, & pauperibus distribuenda. Denique rationem, cur tristis discesserit, expressit Euangelista, *erat enim habens multas possessiones*. Facilius enim est pauca, quàm multa bona relinquere.

23. *Dives.*) Marcus cap. 10. 23. & Lucas 18. 24. pro diuite dicunt, qui pecunias habet, non quantacunque, sed magnas pecunias intelligentes: de diuitibus enim Christus ut Matthæus explicauit, loquebatur.

*Difficile intrabis in regnum celorum.*) Marcus scribit Christum circumspexisse, dixisseque, *quàm difficile, qui pecunias habent, in regnum Dei introibunt*: quod utrumque ad sententiæ commendationem, & exaggerationem pertinet. Circumspexisse enim ad postulandam attentionem rem maximè necessariam dicturus uideatur, & eadem de causâ usus admiratione, *O quàm difficile, qui pecunias habent, in regnum Dei introibunt*. Potest dubitare lector, quortum hoc de adolescente Christus dicat, & quorsum Apostolis, cum adolescentem non à præceptorum obseruatione, nec a regni celorum ingressu, sed à sola Euangelicæ perfectionis consecutione diuitiæ retardauerint. Responsio est facilis, Christum ex adolescente, qui propter diuitias à consilij Euangelicis dereritus fuerat, occasionem accepisse de diuitibus in uniuerso genere disputandi, quomodo à uita æterna propter diuitias retardentur.

24. *Et iterum dico uobis.*) Marcus capit. 10. 24. scribit, antequàm hoc Christus diceret, discipulos miratos fuisse; unde horum uerborum sensus colligendus est, quia enim Apostoli mirabantur, quasi nimis dura esset, ac seuera sententiâ, respondit Christus eam etiam, atque etiam exaggerans, & seueriorem reddens, atque hoc est, quod ait, *Iterum dico uobis*, quasi dicat, non so-

lùm, quod modo dixi, uerum est, sed amplius etiam uobis dico *facilius esse camelum per foramen acus transire, quàm diuitem intrare in regnum celorum*.

*Facilius est camelum.*) Absurditas, ut uidebatur, aut potius admirabilitas huius sententiæ in causâ fuit, ut quidam cameli nomine nauticum funem, quo anchoræ alligantur intelligerent: quasi absurdum esset camelum prægrandem, & deformem belluam per foramen acus introire: funis autem cum acu analogiam aliquam haberet, quia solet filum, aut funiculus per foramen acus induci, & auctore Suidâ Græcum nomen κάμυνος id etiam significat. Sic Theophylactus interpretatur, & nonnulli alij, ut opinor, Græci, ut refert Euthymius. Alij prius in urbe Ierosolymitana portam quandam fuisse fingunt, quæ foramen acus appellaretur, adeo humilem, ut cameli per eam, nisi exonerati, ingredi non possent. Isti interpretes non animaduertunt, quo absurdior uideatur, eò ueriores oportere esse sententiâ: propterea enim Christus dixit *facilius esse camelum introire per foramen acus, quàm diuitem in regnum celorum*, quia camelum per foramen acus introire maximè absurdum, & impossibile erat, & uolebat significare maximè absurdum, & impossibile esse, ut diues in regnum celorum introiret, sicut paullo post uersu 26. hoc inquit, *apud homines impossibile est, apud Deum autem omnia possibilia sunt*. Itaque qua ratione moti sunt, ne camelum animal intelligerent, ea maximè moueri debuerunt, ut animal interpretarentur, quemadmodum Origenes, Hilarius, Chrysostomus, Hieronymus, Auctor imperfecti, Iuuenius libro 3. histor. Euang. Sedulius libro 4. carminum interpretantur. Syrus etiam interpretis uertit *أيسر*, quod non potest, nisi camelum animal significare. Erat autem hæc proverbialis uulgò locutio, qua cum aliquid significabatur, impossibile esse dicebatur *facilius camelum per foramen acus introire posse, quàm id fieri*.

Quid per camelum Christus intelligat,

Proverbum apud Iudeos, *facilius est camelum, &c.*



heri, quemadmodum & Thalmudistae saepe loquuntur, ut multi iam uiri docti annotauerunt. Est autem hyperbole, & exaggeratio, qualis in eiusmodi prouerbiis esse solet. Itaque disputare quomodo difficilius sit diuitem in regnum caelorum, quam camelum per foramen acus introire, inanis est operae: cum sententiae summam esse constet ualde esse difficile diuitem in regnum caelorum introire, nec sit necesse, ut difficilius sit, quam ut camelus per foramen acus introeat, quia, ut diximus, prouerbia- lis hyperbole est. Illud maioris, ut arbitror, est operae praetij inuestigare, cur potius de diuitiis, quam de aliis rebus hoc dictum sit, cum multae sint aliae, quae hominis salutem magis impediunt, ut ambitio, libido, iracundia. Ratio, ut ego quidem existimo, est; quia ceterae res, etsi aliquos magis, tamen plerisque minus impediunt, diuitiae uero fere omnes retardant, quia omnes auaritia student, à minore usque ad maiorem Isaiae 56. 11. & Ieremiae 6. 13. & 8. 10. & de ipsius Euangelii praedicatoribus loquens Diuus Paulus ad Philip. 2. 21. dixit omnes, quae sua sunt, quauerunt, non quae Iesu sunt Christi.

25. *Quis ergo poterit saluus esse?* Quasi dicant, cum omnes diuitiis incumbant, & diues in regnum caelorum introire non possit, quis saluus esse poterit? Marcus capit. 10. 26. ait Apostolos hoc dixisse *πρὸς ἑαυτοὺς* inter se ipsos, id est tacite, ita ut ipsi soli audire possent, quod ideo notandum putauimus, quia ex eo uer. 26. intelligendus est.

26. *Aspiciens.* Propterea, ut arbitror, Christus discipulos aspexit, ut indicaret, se eorum cognouisse cogitationes, sermonesque, quamuis secretos, intellexisse; eo enim pertinet, quod Marcus, ut paulo ante annotauimus, scripsit Apostolos hos inter se tantum sermones mullasse.

*Apud homines hoc impossibile est.* Omnes Euangelistae in eo conueniunt, ut prior loco doceant difficile esse diuitem intrare in regnum caelorum:

secundo loco dicant impossibile esse. Quod magnum est argumentum eos non sententiam tantum; sed verba etiam Christi recitasse, Christumque uoluisse sententiam suam magis, ac magis exaggerando confirmare. Primum. n. simpliciter dixit difficile esse diuitem in regnum caelorum introire: secundo loco dixit facilius esse camelum introire per foramen acus. Tertio impossibile omnino esse, sed apud homines, non apud Deum.

27. *Tunc respondens Petrus.* Id est verba facere exorsus, eo Hebraising, quo, ut saepe notauimus, respondere dicitur, quicumque loquitur, quamuis nemini interroganti, aut loquenti respondeat. Quamquam hoc loco Petrus uideri potest Christo prius locuto respondisse.

*Ecce nos reliquimus omnia.* Caussam, cur hoc Petrus interrogauerit, nonnulli fuisse putant, quod Christus adolescens dixisset, *uade, & uide, quae habes, & da pauperibus, & ueni, sequere me:* Petrus uero de se, deque aliis Apostolis dubitauerit, quale essent primum habituri, quia, etsi sua omnia reliquerant, tamen nec uiderant, nec pauperibus dederant; ita ut non uiderentur Christi satisfecisse consilio, nec digni esse, ut primum adolescenti in caelo thesaurum consequeretur. Secus, ut mihi uis, potius apparet uoluisse Petrum significare se, aliosque Apostolos fecisse iam, quod Christus ab adolescente illo postulauerat, quemadmodum Orig. Hiero. & Chrys. existimant. Cur ergo dubitabat, quod erit nobis? cur non credebat se, ceterosque Apostolos thesaurum in caelo habituros: quia thesaurum Christus ideo adolescens primum rat, quia possessiones multas relicturus erat: Apostoli uero paucas, & exiguas, aut et nullas reliquerant, ideo thesaurum in caelo sperare non auderet: sed quia aliquem in caelo gradum sperant, interrogant, qualis, quousque futurus sit. Nec illud probo, quod interpretes illi absolute, & sine exceptione pronuntiant Apostolos bona sua non uendidisse, nec dedisse pauperibus. Na etsi id in scriptura expressum non est, tamen est credibile, & Apostolorum uirtuti, perfectionique consentaneum.

Apostolibus  
na sua pau-  
peribus de-  
derunt.



neum aut omnes, aut aliquos uel omnia, uel aliqua ex iis, quæ habebant, vendidisse, ac dedisse pauperibus: qui uerò non uendiderunt, propinquis suis, quia uerè pauperes erant, reliquisse, idque ex Petri interrogatione haud improbabili coniectura colligitur; cum enim rogat, ecce nos reliquimus omnia: quid ergo eris nobis, quā uis non dicat uendidimus, & pauperibus dedimus, intelligi tamen uult, quia significat se omnia fecisse, quæ Christus ab adolescente postulabat. Quemadmodum uersu sequenti Christus respondit, Amen dico uobis, quod uos, qui secuti estis me. Quamuis non dicat eos sua omnia reliquisse, intelligitur tamen. Dicit aliquis, quomodo Petrus, & reliqui Apostoli fecerant, quod ab adolescente Christus requirebat, siquidem pauca quadam, & uilia reliquerant: ille autem possessiones multas, quas habebat, relinquere iubebatur. Respondet alicubi D. Gregorius, & eius uerbis Bernardus in declamatione in hæc uerba, *Multū deseruit, qui uoluntatem habendi dereliquit. A sequentibus tāta relicta sunt, quāta à non sequentibus desiderari potuerunt.*

28. *Vos q̄ secuti estis me*) Non dicit reliquistis omnia, sed dicendo, quod maius erat, quod erat minus, intelligit, ut D. Hiero. indicauit.

In regeneratione.) Diuus Hilarius, & Auctor imperfecti homil. 33. regenerationem baptismum interpretantur. Sic enim apud Diuum Paulum appellari ad Titum 3. 5. aut tempus, quo baptismus frequentandus erat post Christi resurrectionem, quasi dicat fore, ut Apostoli, cum Ecclesia florere cœperit, in magna sint, sicut ipse, auctoritate. Sed manifestum est regenerationem hoc loco extremum iudicium appellari, siue quia tunc totus mundus renouandus est, & quodammodo regenerandus, ut ait Ioan. in Apocal. c. 21. 1. *Vidi calum nouum, & terram nouam, & uer. Ecce noua facio omnia, & D. Petrus in secunda epistola cap. 3. 13. nouos uerò calos, & nouam terram secundum promissa ipsius*

*expectamus, & Isaias cap. 65. 17. Ecce ego creo calos nouos, & terram nouam, & c. 66. 21. sicut cœli noui, & terra noua, quæ ego facio stare coram me, dicit Dominus, sic stabit semen uestrum, & nomen uestrum, & Diuus Paulus ad Romanos 8. 21. Ipsa creatura liberabitur à seruitute corruptionis in libertatē gloriæ filiorum Dei: siue quia tunc mortalitatem exuit, induti uerò immortalitatem regnandi quodammodo homines sumus, ut Diuus Paulus ait 2. ad Corinth. 5. 4. nam &, qui sumus in hoc tabernaculo, ingemiscimus grauati, eo q̄ nolumus expoliari, sed superuēsi, ut absorbeamur, quod mortale est, à uita, & ad Philippenf. 3. 21. reformabit corpus humilitatis nostrę configuratum corpori claritatis suę. Sic Diuus Augustinus libro 3. contra duas epistolas Pelagianorum cap. 3. & libro 4. cap. 11. & libro 2. contra Iulianum, & Gregorius libro 4. moralium cap. 23. Theophylactus, & Euthymius in commentariis, & Diuus Bernardus in declamatione, quā in hunc locum scripsit, & Gaudentius in præfatione in Exodum.*

Cū federis filius hominis.) Diuus Hilarius, & Auctor imperfecti, qui per regenerationem baptismi uigorem, & gloriam intelligunt, sedere filium hominis interpretantur non in tribunali ad iudicandum: sed ad dexteram patris, ubi paullo post resurrectionem in cœlum ascendens sedere cœpit. Chrysostomus uerò, Euthymius, & Theophylactus, etsi id de iudicio interpretantur: tamen non existimant ullam sedem neque Christi, neque Apostolorum, sed solam gloriam, maiestatemque significari, in qua Christus, & secundum illum Apostoli apparituri sunt. Non agi hic de Christi ad dexteram patris sessione manifestum est, omnesque præter Hilarium, & Auctorem imperfecti interpretes dicunt, cū de iudicio Christus loquatur, *sedebitis inquit, & nos iudicantes duodecim tribus Israel: quales autem & Christi, & Apostolorum futura sit sedes, nec*

Sedes Christi, & Apostolorum in iudicio,

ccr-

Homil. 5.  
in Euang.

Regenera-  
tio in scri-  
ptura in-  
terdum ex-  
tremum iu-  
dicium si-  
gnificat,



quales futu- certum est, & est fortasse curiosum in-  
 12, quire, & aliquid definire uelle teme-  
 rarium: sed temerarium non est con-  
 iecturas, quod nos ducunt, probabiliter  
 sequi. Hanc igitur ego secutus, &  
 Christi, & Apostolorum sedes nubes  
 futuras arbitror, quia ubique scriptu-  
 ram video dicere Christum in nube  
 venturum, ut infra cap. 24. 30. & 26.  
 64. & Apocalypsis 1. 7. & est vero si-  
 mile in eadem nube, qua uenturus  
 est, sessurus esse. Id etiam ex alio  
 loco Apocalip. colligitur cap. 14. 14.  
*& uidi, & ecce nubem candidam, &  
 super nubem sedentem similem filio  
 hominis habentem in capite suo coro-  
 nam auream, & in manu sua falcem  
 acutam.* De Christo enim loquitur  
 Ioann. cum filium hominis appellet,  
 & de extremo iudicio, ut falx in manu  
 sedentis declarat. Apostolorum au-  
 tem sedes futuras esse similes indicat  
 hoc loco Christus, *sedebitis*, inquit,  
*& vos super sedes duodecim*; quasi  
 dicat, sicut ego, ita & uos sedebitis.

Quomodo  
 Apostolorum  
 duodecim  
 sedes intel-  
 ligenda.

De numero sedium dubitari potest,  
 quomodo duodecim futuras esse di-  
 cat, cum constet Iudam unum & duo-  
 decim Apostolis sessurum non esse.  
 Itaque si undecim tantum sedebunt,  
 tantum undecim erunt sedes. Si prae-  
 ter undecim Apostolos, qui sessuri  
 sunt, etiam Paulus, & Barnabas, qui  
 postea ad Apostolatam extraordina-  
 rie uocati fuerunt, sedebunt, non  
 duodecim, sed tredecim erunt sedes.  
 Respondent Diuus Augustinus libro  
 20. de ciuitate capitulo quinto, & Be-  
 da in commentarijs ad hunc locum  
 numerum certum, & finitum pro in-  
 certo, & infinito positum esse, quasi di-  
 cat, *sedebitis unusquisque super se-  
 dem suam.* Sed quia duodecim erant  
 Apostoli, quibus cum loquebatur, di-  
 xit, super duodecim sedes, quasi etiam  
 Iudas sessurus esset: non quod puta-  
 ret esse sessurum: sed quod si in offi-  
 cio persistisset, sicut alij sessurus fuisset:  
 quemadmodum Diuus Chryso-  
 stomus annotauit. Loquitur enim  
 Christus, ut Theologi dicunt, secun-  
 dum praesentem iustitiam, & non tam  
 de personis, quam de personarum sta-

tu: quasi dicat Apostolorum officium  
 hoc habere propositum premium, ut  
 qui eo bene functus fuerit, super se-  
 dem in iudicio sessurus sit, & ceteros  
 iudicaturus.

*Iudicantes.*) Non displicet interpre-  
 tatio Hieronymi, etsi nonnulli displi-  
 cere video, qui iudicare hoc loco acci-  
 pit pro condemnare. Quo autem mo-  
 do iudicaturi Apostoli sint, vix nobis  
 compertum esse potest: quemadmo-  
 dum magni quidam Theologi dixe-  
 runt. Communis multorum opinio  
 est eos non aliter, quam per compara-  
 tionem iudicaturus, quia illis creden-  
 tibus ceteri Iudaei credere noluerunt,  
 quemadmodum uiri Niniuitae surgent  
 in iudicio contra generationem hanc,  
 quia in praedicatione Ionae poeniten-  
 tiam egerunt: haec autem generatio  
 Christo praedicante noluit agere poe-  
 nitentiam, & Regina Austri dicitur  
 Iudaeos condemnatura, quia *uenit a fi-  
 nibus terre audire sapientiam Salomo-  
 nis, & ecce plusquam Salomon hic c. 12.  
 41. 42.* sic Hiero. Auctor imperf. & alij  
 plerique interpretantur. Nonnulli ue-  
 ro Theologi, quia plus Apostolis hoc  
 loco, quam Niniuitis, & reginae Austri  
 Christus videtur promittere uoluisse,  
 dixerunt Apostolos iudicaturus non  
 per comparisonem solum: sed tamquam  
 ministros, & quasi praefatos Christi  
 eius sententiam promulgantes. Alij  
 iudicaturus esse tanquam Christi con-  
 siliarios, sicut ij, qui iudici assident, di-  
 cuntur etiam iudicare. Quod eo mihi  
 minus placet, quod ab haeticorum  
 interpretibus profectum uideo, & *quis  
 consiliarius eius fuit?* mihi illud cer-  
 tum uidetur esse Apostolos non per  
 comparisonem tantum, sed modo ali-  
 quo honorificentiore esse iudicaturus,  
 quia per comparisonem non solum  
 iusti omnes: sed multi etiam peccato-  
 res, & iniusti magis iniustos iudica-  
 bunt, sicut Niniuitae Iudaeos, & ma-  
 nifestum est aliquid hic Apostolis  
 tribui, quod non solum iniustis, sed ne-  
 iustis quidem omnibus concessum sit.  
 Quis autem ille honorificentior mo-  
 dus sit, mea haec est opinio, quam ne-  
 minem sequi cogo: Apostolos iudi-

Quo Apo-  
 stoli iudica-  
 bunt,

Rom. 11. 34

C c 2 catu-



turos, tanquam doctores, tanquam testes accusantes quodāmodo eos, qui sibi Euangelium prædicantibus, & salutis uiam docentibus credere noluerunt: condemnabunt enim eos cōuincientes eorū incredulitatem, dicentesq; fecisse se, ut illi crederēt, & salui essent, quicquid potuerūt. Quemadmodum de Moyse Christus dicit Ioānis 5. 45. *nolite putare, quia ego accusaturus sum vos apud patrem, est, qui accusat vos Moyses.* Moysen enim dicit eos accusare, non quod verbis accuset: sed quod nec illi credere, nec eius legem seruare uoluerunt. Idem de Apostolis dicit, quia sicut Moyses veteris Testamenti legislator, & doctor, ita Apostoli noui doctores fuerunt. Quod ergo illic dicit accusare, hic dicit iudicare. Ergo & Moyses, dicit aliquis, sedebit super sedem, & duodecim tribus iudicabit: fortasse, quid enim absurdum est? tamen non sequitur necessarium, quia Christus hūc honorem non omni doctori cōcedit; sed illis, qui relictis omnibus rebus se propter Euangelium pauperes secuti sunt. Quid ergo, an soli Apostoli sedebunt? Origenes tractatu in Matth. 8. D. August. lib. 20. de ciuitate cap. 5. Cyrilli Alexandrini in commentariis in e. 60. Isaie opinionem probabilem esse non nego, eamque secutus sum aliquando, omnes, qui idem fecerint, id est propter Euangelium bona sua vendiderint, & pauperibus dederint, eundem esse honorem habituros. Sed mihi uidetur esse hic honor promissus non solum, quia Euangelij doctores: sed quia primi fuerunt, per quos promulgatum est Euangelium, quemadmodum non omnes, qui ueterem legem docuerunt: sed solus, qui primus docuit.

*Duodecim tribus Israel.* ) Similis huic oritur quaestio, cur duodecim tantum tribus Apostoli dicantur iudicaturi: cum tredecim essent tribus si Leuitica etiam numeretur, quæ haud dubie est iudicanda, & non solum Iudæis: sed etiam gentibus Euangelium prædicaretur, ex quibus multi obstinati non crediderunt. His etiam August. & Beda respondent, numerum centum

pro incerto positum. Id probo: rationem quia afferunt, non probo, quia, inquiunt, duodenarius numerus perfectionem uniuersitatemq; significat: quasi sensus sit uniuersos homines iudicatuos. Cur enim potius duodenario, quā septenario, aut denario usus est numero, qui & ipsi uniuersitatem solent significare? Causam ergo fuisse arbitror, quod Christus accommodatē ad eos, quibuscum loquebatur, & ad eos, de quibus loquebatur, locutus sit. Loquebatur cum Apostolis, qui duodecim erant: loquebatur de Iudæis inter quos erat, & ad quos in primis uenerat, & cum quibus uolebat Apostolos comparare: quasi si eos illis præferret, omnibus præferret. Iudæorum autem, cū tredecim re quidem ipsa erant tribus, tamē quia Leuitica quasi exempta ex numero erat, & Deo primogenitorum loco data, non numerabatur: quasi non iam ad homines: sed ad Deum pertineret: ideoque duodecim tantum tribus solebant nominari. Intelligit ergo Christus non solum duodecim Apostolos, sed etiam tredecim Paulo, & Barnaba numeratis, excluso uero Iudæ esse iudicatuos non solum duodecim tribus: sed omnes gentes, quibus Euangelium prædicauerunt. Alia etiam est ratio, cur duodecim tribus nominauerit: quia gentes, quæ Euangelio crediderunt, quasi in populum Iudaicum inserte sunt, & ueluti ciuitate donatæ, ut non iam gentes, sed Iudæi. i. cōfiteutes, credentesq; appellarētur in duodecim trib. coaptatæ, sicut disputat D. Paul. ad Rom. 11. 17. 19. & 24. cum *olester*, inquit, *esset*, i. Gentilis, *inseparatus est in illis*, i. in populo Iudaicū, & rursus, *fracti sunt rami*, ut ego *inseparar*, i. Iudæi non credentes Gentiles reputati sunt: ego Gentilis cū essem, credendo Iudæus factus sum. Hæc eadē est causa, cur D. Io. in Apoc. omnium prædestinatorum numerū ad duodecim tribus Israel reuocauerit: Ex *tribus*, inquit, *Iudæ duodecim millia signati*, & c. 7. 5. & in portis celestis Ierusalem, quæ c. 21. 12. describit, nota duodecim tribuum Israel scripta se uidisse dixerit. Itaq; Theoph. & Euthy. non probo &

Cur in scriptura 12. tantum tribus nominentur, cum reuera essent 13.

Apostoli omnes tunc Iudæos, & Gētiles iudicabunt.

100.



sententiam, qui existimant Apostolos solos esse Iudaeos iudicatu-  
ros.

29. *Et omnis, qui reliquerit.*) Chryso-  
stom. Auctor imperfecti, & Theophy-  
lactus putant hanc sententiam, ut  
omnes, qui idem fecerunt, eundem  
honorem recipiant. Origenes uero,  
cuius opinionem probabiliorē ar-  
bitror, existimat Christum de alio  
inferiori hominum gradu differere  
voluisse. Dixerat ante de ijs, qui om-  
nia sua bona uendidissent, dedissent-  
que pauperibus, seque pauperes facti  
secuti essent: dicit nunc de ijs, qui  
non omnia quidam sua aut uendide-  
rint, aut pauperibus dederint, aut se  
in similitudinem Apostolorum secu-  
ti fuerint, sed tamen propter se ali-  
quid reliquerint, aut patrem, aut ma-  
trem, aut fratres, aut sorores, aut  
uxorem, aut liberos, aut domum, aut  
agrum; illis enim non tantum quid-  
dem, quantum Apostolis honorem  
pollicetur: sed magnum tamen prae-  
mium promittit, fore, ut centuplum  
accipiant, & uitam aeternam possi-  
deant. De uxore, quomodo propter  
Christum relinquere possit, nonnulli  
dubitant, quia dissolui non potest  
matrimonium. Respondet Chryso-  
stom. & Euthymius ita dictum esse.  
*qui reliquerit uxorem, centuplum acci-  
piet, &c.* sicut dictum est c. 10. 39. & 16.  
25. *qui perdidit animam suam propter  
me, inueniet eam.* Non ergo uult Chri-  
stus matrimonium dissolui: sed uult  
se uxori praeferi, & si uxor uirum  
impediat, quo minus Christum se-  
quatur, uxorem relinquere non matri-  
monio dissoluto; sed facto diuortio.  
Vult, ut maritus potius uxorem,  
quam Christum perdat; uult spiritua-  
lia carnalibus anteponi, ut Fulgen-  
tius epistola 2. de statu uiduali inter-  
pretatur. Quamquam, & de matrimo-  
nii inter gentes dissolutione inter-  
pretari possumus, quorum alter si fa-  
ctus Christianus sit, alterque fieri Chri-  
stianus nolit, neque cum Christiano si-  
ne religionis iniuria habitare, Christia-  
nus potest non Christianum dissoluto  
matrimonio derelinquere, ut 1. ad  
Cor. 7. 15. docet D. Paul. sed generalis

sententia ad unam speciem restringi non debet.

*Centuplum accipiet.*) Id est infinitis  
partibus plura, ac meliora; sicut di-  
xit D. Paul. ad Rom. 8. 18. *non sunt con-  
digna passionibus huius temporis ad futura  
gloriam, qua reuelabitur in nobis.* Nu-  
merus ergo finitus pro infinito posi-  
tus est, ut constat ex Luca c. 18. 30. qui  
non centuplum, sed multo plura accep-  
turum dixit. Idem Lucas, & Marcus c.  
10. 30. addiderunt, *nunc in tempore hoc,*  
quod uerbum, ut ait Hier. Millenarijs  
antiquis haereticis occasionem prae-  
buit suum errorem confirmandi, futu-  
ros post resurrectionem mille annos,  
quibus iusti pro singulis rebus, quas in  
hac uita reliquissent, centenae essent  
accepturi, quos Hieronymus ita refellit.  
*Non intelligentes, inquit, quod si in car-  
nis digna sit re promissa, in uxoribus appa-  
reat turpitudine, ut, qui unam pro domino  
dimiserit, centum recipiat in futuro.* Ita-  
que idem Hieron. & eum secutus Be-  
da, bonaque pars posteriorum interpre-  
tatum sensum esse putant fore, *ut qui car-  
nalia, ut Hieron. uerbis utar pro saluato-  
re dimiserit, spiritualia recipiat, quae com-  
paratione, & merito sui ita erunt quasi si  
paruo numero centenarius numerus com-  
paretur.* Quibus repugnat, quod Mar-  
cus dicit non solum centuplum in hoc  
saeculo accepturum, sed etiam expli-  
cat, quibus in rebus accepturus sit,  
*domos inquit, & fratres, & sorores, &  
matres, & filios, & agros.* Propterea O-  
rigenes, Auctor imperfecti Theophyl. &  
Euthy. interpretantur centuplum in  
hoc saeculo accepturum, quia omnia  
inter Christianos communia quodam  
modo charitas facit; omnes enim ui-  
ros fratres esse, omnes feminas sorores,  
omnia bona communia, ut inter  
primos Christianos fuisse legimus A-  
ctor. 4. 35. At quomodo communes u-  
xores, quae inter Christianos maxime  
sunt propriae? Quemquam dici potest  
charitates omnes uxore coes esse, quia ita  
omnes Christianos in Domino, sicut ui-  
ros suos diligunt. Sed ego tamen aliter inter-  
pretor centuplum recepturum & domos,  
& fratres, & matres, & filios, &c. non  
quod ista recepturus sit, sed Christum,  
qui ei instar est omniū, quique nobis, & pa-

Numerus  
finitus in  
scriptura  
pro indefini-  
to.  
Cetera Chi-  
liastas,



ter, & mater, & frater, & soror; & vxor, & liberi, & domus, & possessio esse debet, sicut ipsemet docuit cap. 12. 49. 50. *Ecce mater mea, & fratres mei, quicumque enim fecerit uoluntatem patris mei, qui in celis est, ipse meus frater, & soror, & mater est.* Adnotauit D. Bernardus in declaratione in hunc locum hoc Christum Apostolis non dixisse, propterea quod domos, & agros, quos non habebant, non reliquissent. At certe patrem, & retia, quae habebant, reliquerant, & ad primum uerbum uocantem Christum secuti fuerant cap. 4. 22. Propterea ergo hoc illis non dixit, quia maiora fecerant, illisque maiora promiserat, *sed. biis*, inquit, *& uos super sedes duodecim, &c.*

30. *Multi autem erunt nouissimi primi.* Non apparet quorsum hoc Christus adiunxerit. Chrysostomus & Euthymius, existimant ideo addidisse, ut homines ad sequendam Euangelicam perfectionem proposito singulari premio magis accenderet. Aliam etiam nobis causam suspicari licet, ne Apostoli nimia securitate confiderent, propterea quod omnium primi uocati fuissent, sed sic currebant, non quasi incertum, sic pugnarent, non quasi aere uerberantes: sed castigarent corpus suum, & in seruitutem redigerent, ne, cum alijs praedicarent, ipsi reprobi efficerentur, ut de se ait D. Paulus 1. ad Corinth. 9. 26. 27. Quae autem esset horum uerborum sententia, nemo dubitare posset, nisi eam, ut solent, haereticorum interpretes, peruerterent, dicentes prauidisse Christum futuros multos, id est omnes Catholicos, qui operibus bonis confiderent, illisque existimarent se uitam aeternam promereri, ideoque primos inter Christianos se esse ducerent; in iudicio autem omnium ultimi futuri essent, id est a regno caelorum penitus excludendi, ar-

roganter enim Petrum meritis confisum dixisse, *Ecce nos reliquimus omnia.* Non erat dignus tam absurdus error, confutatione: sed expedit, ut lector haereticorum interpretum peruersitatem intelligat. Primum cum Christus dicit, *erunt primi nouissimi*, manifestum est non appellare primos eos, qui aut opinione sua, aut dignitate, & meritis primi sunt: sed qui primi uocati fuerunt, & ad uineam domini uenerunt, ut subiecta statim parabola declarat cap. 16. Isti autem boni interpretes primos uocari putant, qui aut meritis primi sint, aut primi sibi esse uideantur, perinde prorsus atque si nigrum album interpretentur. Deinde istorum opinione omnes *primerunt nouissimi, nouissimi*, id est omnes a regno caelorum excludetur, quia omnes, qui putant se uitam aeternam mereri, primi sunt, & omnes a regno caelorum excludetur, at Christus non dicit omnes, sed *multi erunt primi nouissimi*, indicans aliquos, qui primi fuerunt, primos etiam, cum denarius solueretur, futuros esse. Itaque non potuerunt isti quicquam dicere magis Christi menti, & consilio contrarium: denique Christus non dicit multos primos futuros, nullos in regno caelorum, id est excludendos esse: sed futuros nouissimos, id est minores multis, qui post illos uenerunt. I. o qui tur enim de ijs, qui omnes denarium acceperunt, sed qui ultimi uenerunt primo loco, ut sequenti parabola declaratur. Nam quod Basilius putat in reg. breuior. inter. 2. 5. cum dictum est cap. seq. 14. *Operario illi quarenti, Tolle, quod tuum est, & uade*, iussu esse in infernum ire, merito nemini, quod sciam, probatum est; sed scilicet apud Calvinistas istud est egregium scripturae interpretem esse Apostolos accusare, Christi mentem torquere, sensumque peruertere.

Caluinista-  
rum prae-  
posita inter-  
pretatio con-  
tra doctrinam  
Ecclesiae  
de meritis  
operum.

Caluinista  
Apostolorum  
importuna  
accusatio.

CAP.





Imile est regnum celorum homini patrifamilias, qui exijt primo mane conducere operarios in vineam suam. 2. Conuentione autem facta cum operariis ex denario diurno, misit eos in vineam suam. 3. Et egressus circa horam tertiam, vidit alios stantes in foro otiosos, 4. & dixit illis: Ite & vos in vineam meam, & quod iustum fuerit, dabo vobis. 5. Illi autem abierunt. Iterum autem exijt circa sextam, & nonam horam: & fecit similiter. 6. Circa vndecimam vero exijt, & inuenit alios stantes, & dicit illis: Quid hic statis tota die otiosi? 7. Dicunt ei: Quia nemo nos conduxit. Dicit illis: Ite & vos in vineam meam. 8. Cum sero autem factum esset, dicit Dominus vinee procuratori suo: Voca operarios, & redde illis mercedem, incipiens a nouissimis vsque ad primos. 9. Cum venissent ergo, qui circa vndecimam horam venerant, acceperunt singulos denarios. 10. Venientes autem & primi, arbitrati sunt, quod plus essent accepturi: acceperunt autem & ipsi singulos denarios. 11. Et accipientes murmurabant aduersus patrefamilias, 12. dicentes. Hi nouissimi vna hora fecerunt, & pares illos nobis fecisti, qui portauimus pondus diei, & aestus. 13. At ille respondens vni eorum, dixit: Amice non facio tibi iniuriam: nonne ex denario conuenisti mecum? 14. Tolle quod tuum est, & vade: volo autem & huic nouissimo dare si cut & tibi. 15. Aut non licet mihi, quod volo, facere? an oculus tuus nequam est, quia ego bonus sum? 16. Sic erunt nouissimi primi, & primi nouissimi multi enim sunt vocati pauci vero electi. 17. Et ascendens Iesus Ierosolymam, assumpsit duodecim discipulos secreto, & ait illis: 18. Ecce ascendimus Ierosolymam, & filius hominis tradetur principibus sacerdotum, & Scribis, & condemnabunt eum morte. 19. & tradent eum Gentibus ad illudendum, & flagellandum, & crucifigendum, & tertia die resurget. 20. Tunc accessit ad eum mater filiorum Zebedei cum filiis suis, adorans, & petens aliquid ab eo. 21. Qui dixit ei: Quid vis? Ait illi: Dic, vt sedeant hi duo filij mei, vnus ad dexteram tuam, & vnus ad sinistram in regno tuo. 22. Respondens autem Iesus, dixit: Nescitis quid petatis. Potestis bibere calicem, quem ego bibiturus sum? Dicunt ei: Possumus. 23. Ait illis: Calicem quidem meum bibetis; sedere autem ad dexteram meam vel sinistram non est meum dare vobis, sed quibus para-

Sup. 19. d. 30  
Mar. 10. d. 35  
Luc. 13. 131  
Mar. 10. d. 31  
Luc. 18. 6.  
Mar. 10. e. 35



Mat. 10. e. 41  
Luc. 22. c.  
25.

Phil. 2. a. 7.

Mar. 10. g. 46  
Luc. 28. f. 35.

tum est à Patre meo. 24. Et audientes decem, indignati sunt de duobus fratribus. 25. Iesus autem vocauit eos ad se, & ait: Scitis quia principes gentium dominantur eorum: & qui maiores sunt, potestatem exercēt in eos. 26. Nō ita erit inter vos; sed qui cunque voluerit inter vos, maior fieri, sit uester minister: 27. & qui voluerit inter vos primus esse, erit uester seruus. 28. sicut filius hominis non venit ministrari, sed ministrare, & dare animam suam, redemptionem pro multis. 29. Et egredientibus illis ab Iericho, secuta est eum turba multa. 30. & ecce duo cæci sedentes secus uiam, audierunt, quia Iesus transiret: & clamauerunt, dicentes: Domine miserere nostri, fili Dauid. 31. Turba autem increpabat eos ut tacerent: At illi magis clamabant, dicentes, Domine, miserere nostri, fili Dauid. 32. Et stetit Iesus, & uocauit eos, & ait: Quid uultis, ut faciam uobis? 33. Dicunt illi: Domine, ut aperiatur oculi nostri. 34. Misertus autem eorum Iesus, tetigit oculos eorum. Et confestim uiderunt, & secuti sunt eum.

## IN CAPVT XX.



*Simile est regnum celorum homini patrifamilias.* Id est ita se habet regnum celorum, quemadmodum si quis paterfamilias exiret primo mane conducere operarios in vineam suam. Non. n. regnum celorum homini comparat, sed domui patrisfamilias, homines operarios, & negotium negotio simile esse dicit, i. quod accidit in regno celorum & quod accidit in uinea patrisfamilias; quemadmodum c. 11. 16. ex Hugone explicauimus, qui id optime omnium, & nescio an primus adnotauit. Regnum autem celorum hoc loco, aut solam militantem Ecclesiam, ut plerique, aut militantem simul, & triumphantem, ut nonnulli, interpretari possumus. Nam in militante operarii conducuntur, in triumphante denarius soluitur. Tota parabola, quæ usque ad uersum 16. extenditur, facilis est: duo tantum in illa sunt, quæ difficultatem habent: alterum, quod tota spectet parabola, id est quorum proposita sit: alterum, quæ sint eius partes necessariæ, &

ueluti propriæ, quæ ad sensum aliquid conferant, & quō intelligēde. Hæc igitur duo nunc explicabimus, & necesse non erit usque ad uersum 16. ut soleamus, uerba percurrere. Hæretici cum uariis modis exponant quorsum tota parabola tēdat, & quis sit, ut ipsi loquuntur, illius scopus, nemo eorum scopum attingit. Nonnulli dicunt nihil aliud Christum declarare uoluisse, quod equalem futuram omnium beatorum gloriam, quia non pro merito, sed gratis dabitur, quæ admodum nō uersu 10. significari, ubi eundem omnes operarii denarium accipiunt. Credo istos non tam certo animi sensu hoc dixisse, quod metu, ne, si nō dicerent, omnes ex hoc loco, ut uerba præferunt, merita probarent, & uoluerunt ueritatem impudētia præuenire. Bene est, quod ista interpretatio magistri Caluini non placuit. Quam ideo, ut opinor, non placuit, ut p̄uicaciorē adhiberet, & suū de reprobatione errorem confirmaret, quasi nihil aliud probare Christus uoluerit, quam Deum posse, & solere reprobare pro suo arbitrio, quos uult. Sunt etiā inter Catholicos, qui

Caluini  
blasphemus



De reprob.  
sententia.

qui huc tantum spectare parabolam putent, ut probet Christus Deū præter omnium opinionem alijs plus, alijs minus, quam sperabant daturum esse. Mihi non videtur alio interprete, quam ipso Euangelista opus esse. Dixerat capitu. præcedenti extremo, *multi autem erunt primi nouissimi, & nouissimi primi*, adicit statim parabolam: ergo hoc est, quod tota parabola significare, ac probare uoluit multos, qui primi fuisset nouissimos; multos, qui nouissimi, primos futuros esse. Id etiam ex conclusione parabolæ versu 16. perspicuum est, ubi concludendo eadem repetit uerba, sic, inquit, *erunt nouissimi primi, & primi nouissimi*. Firmat hanc opinionem, quod in Græcis codicibus, & nonnullis etiam manuscriptis Latinis initio capitis causalis particula ponatur ad hunc modum, *simile enim est regnum celorum homini patrifamilias*; unde perspicitur Christum per hanc parabolam præcedentem illam sententiam probare uoluisse, *multi erunt primi nouissimi, & nouissimi primi*. Itaque non debuit caput hoc 20. a præcedente distingui, ne inchoata abruptetur sententia, sed uersu potius sequenti 17. ubi nouum argumentum Christus orditur. Veruntamen quisquis primus capita distinxit, hoc non animaduertit. Non opus esset hac tam bene confirmata sententia hæreticorum interpretationem refutare: nisi publice interesset Ecclesiæ, ut eorum ignorantiam simul, & malignitatem omnes cognoscerent. Tantum abest, ut docere Christus uoluerit, quod illi fingunt, equalem omnium beatorum futuram gloriam, quia non meritis: sed gratis datur: ut contrarium omnino probare uoluerit non omnium gloriam æqualem futuram esse: quia non gratis, sed meritis datur: quod autem datur meritis, non æqualiter omnibus: sed alijs plus, alijs minus pro cuiusque meritis datur. Id ita esse primum ex propositione, ad quam probandam inducta parabola est, planè intelligitur. Propositio uero est, *multi autem erunt primi nouissimi, &*

Doctrina de  
meritis, &  
inæqualitate  
premio-  
rum contra  
Caluinistas  
confirma-  
tur.

*nouissimi primi*. Ibi autem de meritis, & premijs agebat: unde eius propositionis occasio sumpta est. Dixerat enim Christus adolescenti, *si vis perfectus esse, uade, uende omnia, quæ habes, & da pauperibus, & ueni, sequere me*, hoc meritum est, & habebis thesaurum in calo, hoc præmium est. Dixerat Petrus, *ecce nos reliquimus omnia, & secuti sumus te, quid ergo erit nobis?* præmium utique pro meritis postulat. Responderat Christus, *Amen dico uobis, quod uos, qui secuti estis me, in regeneratione cum sederit filius hominis in sede maiestatis suæ, sedebitis, & uos super sedes duodecim iudicantes duodecim tribus Israel*, præmium utique promittit. Adiunxit & generalem sententiam, *quicumque reliquerit domum, uel fratres, &c.* & hoc meritum est, *centuplum accipiet, & uitam æternam possidebit*, & hoc præmium. Adiecit continenter, *multi autem erunt primi nouissimi, & nouissimi primi*, significat ergo propterea multos primos nouissimos futuros esse, quia quamuis primi uenerunt ad uineam, minus tamen laborauerunt, ideoque minorem mercedem meruerunt. Deinde ipsum initium parabolæ hæreticos refellit, *exiit, inquit, primo mane conducere operarios: operarius enim est, qui propter mercedem, quam labore suo meretur, laborat, & conducere uerbum iustitiæ, id est meriti, & mercedis est. Conducimus enim pacta pro meritis mercede; & uersu 21. conuentione autem, inquit, facta cum operarijs ex denario diurno, misit eos in uineam suam. Conuentionem ex denario facere iustitia utique est, non solum gratia. Præterea uersu 4. Ite, inquit, & uos in uineam meam, & quod iustum fuerit, dabo uobis, non potuit profecto apertius meriti, & mercedis iustitiam declarare. Atqui hic, ut postea dicemus, minus, quam primis operarijs promittit, cum quibus ex denario diurno conuentionem fecerat. Propterea non denarium, sed quod iustum fuerit, illis promittit.*

Ad



Ad hæc versu 13. 14. operario de mercede conquerenti Oeconomus respondet, *Amice non facio tibi iniuriam, tolle, quod tuum est, & uade.* Quid est, *non facio tibi iniuriam*, nisi, quod iustum erat, tibi dedi? Quid est *tolle*, quod tuum est, nisi, tolle, quod iustum est, tolle, quod tibi debetur; tolle, quod meruisti, & uade? Fingamus nullam esse ad probandam hanc sententiam coniecturam, tota ipsa parabola probaret, tota perpetuum esset argumentum: comparat enim Deum patrisfamilias, homines operariis, Ecclesiam vineæ, gloriam denario diurno: quemadmodum ergo operarij in vinea laborantes denarium diurnum propriè, uereque merentur: ita qui in Ecclesia Dei laborant, uerè merentur vitam æternam. Finis ergo parabola est mercedem uitæ æternæ non tæpori, quo quis laborauit: sed labori, & operi, quod fecit, respondere. Sæpe enim fieri, ut aliquis una hora tantum labore, quantum alius toto die, ideoque æqualem mercedem, id est eundem denarium accepturum esse, eodem plane sensu, quo Sapiens dixit capitulo 4. 13. *Consummatus in breui expleuit tempora multa*, id est cum breui tempore uir iustus uixerit, tantum fecit boni, quantum multi, qui longo tempore uixerunt: propterea non debere quemquam antiquitate uocationis suæ gloriari: *erunt enim multi primi nouissimi, & nouissimi primi.* Potest aliquis obijcere, cur ergo idem omnibus denarius datus est, quo uidetur æqualitas gloriæ significari? Respondeo, quia Christus tantum uolebat probare plus aliquè breuiori tempore, quam alium longiore laborare. Cur ergo non plus denario dedit ijs, qui undecima hora uenerunt, siquidem nouissimi primi futuri erant? Respondeo eos in eo fuisse cæteris prælatos, quod, cum nouissimi uenissent, primi ornatum denarium acceperunt. Eandem igitur acceperunt denarium, quia tantum una hora, quantum cæteri tota die laborauerant: primi autem acceperunt, quia hoc ipsum egregiè fuit laudis, qua

primum locum inter eos, quibus merces soluebatur, meruerunt, quod tantum una hora, quantum alij multis laborassent. Nam æquale opus æqualem mercedem, maior diligentia, & breuius tempus primum locum meruit. Obijci etiam potest, quod versu 14. dicitur, *uolo autem, & huic nouissimo dare, sicut tibi, & versu 15. aut non licet mihi, quod uolo, facere?* quibus uerbis uidetur significari denarium non ex merito, & iustitia: sed ex sola patrisfamilias uoluntate datum esse. Respondeo non eam fuisse causam, cur paterfamilias ita responderit: sed quia uoluit personæ decorum seruare: non conueniebat autem personæ patrisfamilias, ut uili operario declararet, cur tantum nouissimis, quantum primis daret: sed tanquam dominum dicere sic uolo, sic iubeo. Nam & prudentes domini seruis rationem quærentibus, cur hoc, vel illud iubeant, etiam si intimam habeant cõsiliorum suorum rationem: non solent tamen rationem reddere, sed pro ratione suam exponere uoluntatem, cur iubes? quia uolo. Adde quod noluit prudens paterfamilias conquerentem operarium pudore suffundere, quod utique fecisset, si rationem illi exposuisset, cur tantum nouissimis, quantum primis daret, quia tantum nimirum, quantum illi laborauissent. Hoc enim fuisset eius, & aliorum, qui primi uenerant, negligentiam obliquè subnotare, quod & Chrysostom. obseruauit. Pertinet ad hunc locum, quod appositè Theophylact. in commentariis in epistolam ad Roman. capitulo nono, 19. annotauit, solere Deum, cum agit cum hominibus non malignis, & indocilibus, factorum suorum rationem reddere: cum autem agit cum malignis, & querulis, suam solam allegare uoluntatem, quia digni non sunt, ut rationem illis Deus reddat. Huius rei in scriptura infinita sunt exempla, quorum nonnulla Theophylact. recitat, hoc autem unum est: nam quia iste operarius præter rationem, & malignè



gnē querebatur, non aliter illi paterfamilias responderet, quā tollē, quod innum est, & uade. nolo autem & huic nouissimo dare, sicut tibi; & an non licet mihi, quod nolo, facere? Cū tamen præcedenti capite, cū Christus cum Apostolis, & aliis docilioribus ageret, causam explicauerit, cur aliis minus, aliis maius detur præmium. Nam seruantibus tantum mandata proposuit uitam æternam versu 17. vendenti autem omnia, quæ haberet, & pauperibus darii, & sequē Apostolorum more sequenti promisit thesaurum in cælo, id est maiorem, & excellentiorem gloriam versu 21. maiorem adhuc Apostolis, quia non solum omnia reliquissent, sed Euangelii etiam primi promulgatores futuri essent, & debiti, inquit, & uos super sedes duodecim iudicātes tribus Israel, versu 28. Minorem uerò, qui pauciora reliquissent, Qui reliquerit, inquit, domum, aut fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet & uitam æternam possidebit versu 29. Hactenus exposuimus, quis huius parabole finis esset, in quem omnis eius sententia dirigeretur. Reliqua altera difficultas est, quæ sint eius propriæ partes, ac necessariae, & quid quæque significet. Nam, ut sæpe monuimus, & hoc loco Chrysostom. doceat, in omni parabola sunt quædam, quasi propria eius membra, atque necessaria, sine quibus stare sententia non possit: alia quasi adiuncta, & ut ego uocare, solēo, emblemata uel ad explicandam, uel ad ornandam parabole narrationem. In hac ergo parabola octo ego partes necessarias esse arbitror. Prima est paterfamilias, qui ad uineam suam operarios conduxit. Hunc plerique Deum interpretantur, cuius uinea est, & de quo Christus dicit pater meus agricola est Ioan. 15. 1. & ut altera parabola declarat cap. sequenti uersu 28. & 33. & Marc. 12. 1. & Luc. 13. 6. & sicut Deus apud Prophetas populum suum uineam suam passim appellat, ut Isaia 3. 14. & 5. 1. 2.

3. 4. 5. 7. & 27. 2. & 32. 12. & Iere. 2. 21. & 12. 10. & Ezechielis 17. 6. 7. 8. & Ioelis 1. 7. 12. Sic Irenæus interpretatur libr. 4. capit. 70. & Athanasius aut quisquis Auctor est, quæst. 52. & Gregorius homilia 19. in Euangelia, & Beda in commentariis ad hunc locum. Alii Christum intelligunt, qui semper in hunc mundum, quasi in forum exierit, ut in uineam suam conduceret operarios: eum enim fuisse, qui olim Patriarchis apparebat, & Prophetis loquebatur. Ita Hilarius canone in Matthæ. 20. & Auctor imperfecti homilia 34. & Theophylact. hoc loco. Vtrumque probabile. Secunda parabole pars est dies, cuius mane paterfamilias in forum exiuit, & cuius uespere mercedem operariis soluit: hanc igitur diem plerique putant totum significare tempus, quod inter initium, & finem mundi interiectum est, ut Irenæus libro 4. cap. 70. Origenes tractatu in Matthæum 10. Hilarius canone 20. Optat. Mileuit. lib. 5. contra Parmenianum, Auctor imperfecti homilia 34. Gregorius homilia 19. in Euangelia, Beda hoc loco; quam opinionem illud confirmat, quod certum sit per uesperam tempus ultimi iudicii significari, quo unicuique denarius, id est merces secundum opera reddendus est: sic ergo uespera eius dici, quia tempus ultimi iudicii: mane erit mundi initium. Totus uerò dies, quicquid interiacet temporis. Alii non totum hoc sæculum, sed tempus, quod est à primo aduentu Christi ad secundum, diem de quo hic agitur, esse putant, ut Athanasius quæstione 52. Alii uniuscuiusque hominis ætatem eius esse diem, ut Christus significat cū dicit, ambulate, dum lucem habetis Ioan. 12. 35. & me oportet operari opera eius, qui misit me, donec dies est; uenit nox quando nemo potest operari cap. 9. 4. noctem cuiusque motrem appellat: sic Hieronymus, & Chrysostomus intelligunt, & eam sententiam magis etiam; quam alteram Origenes uidetur approbare. Ego quidem certè magis probo, quia, ut



ut paullo post dicturi sumus, non refert ad consilium Christi, qua quisque mundi aetate: sed qua aetatis suae parte uocatus sit. Tertia pars est vinea, quam nonnulli iustitiam, & mandata Dei interpretantur, qua, ut colant homines, uocantur, ut Irenaeus libro. 4. cap. 70. Chrysostomus, Auctor imperfecti, & Euthymius hoc loco. Alij totum mundum, ut Athanasius quaestione illa 51. Alii cuiusque animam, quam iubetur excolere, ut Theophylactus. Alii Ecclesiam, ut Origenes, & Gregorius homilia in Euangelia 19. hoc postremum probabilius. Quarta pars est hora prima, tertia, sexta, nona, & undecima, quid quaeque significat. Auctores, qui totum diem uniuersam mundi aetatem interpretantur, horam primam fuisse dicunt ab Adam usque ad Noe, tertiam à Noe usque ad Abraham: sextam ab Abrahamo usque ad Moysen: nonam à Moysen usque ad Christum; undecimam à Christo usque ad finem mundi, quod uidetur aludere D. Ioann. cum dicit nouissimam horam esse 1. epist. cap. 2. 18. sic Hilarius, Auctor imperfecti, Gregorius, Beda, & Theophylactus, quam opinionem, & Hieronymus recitat; sed non probat. Alii diuersas horas diuersas cuiusque hominis aetates esse intelligunt, primam horam esse infantiam, tertiam pubertatem, sextam aetatem uirilem, nonam aetatem in senectutem inclinatam, undecimam decrepitam. Nam nonnulli à prima infantia, & ab utero matris uocari solent, ut Samuel, Ieremias, Ioannes Baptista: alii aliis aetatibus. Sic D. Basilus in regulis breuioribus interrogatione 224. D. Hieronymus, Beda, & Euthymius hoc loco, & Fulgentius epistola 7. quam opinionem & Theophylactus probat. Ego non dubito, quin diuersae horae non diuersas mundi, sed diuersas cuiusque hominis aetates significant, quia, ut diximus, huc tota spectat parabola, ut Christus doceat alios plus minori tempore, quam alios maiore laborare: ut autem hoc probeat, nihil refert, qua

mundi aetate, sed quo aetatis suae tempore quisque uocetur. Quae autem sit prima, quae tertia, quae sexta, quae nona, quae undecima hora, non arbitror esse subtiliter inquirendum, ne nimis sententia restringi videatur. Nam quod Christus diuersas horas nominauerit, id ad parabola significationem necessarium est, quia docere uolebat plus alios breuiori tempore, quam alios longiore laborare. Quod autem, has quinque horas nominauerit, id non necessarium, sed ex consuetudine fecit, & ut parabolam ornaret. Solebant enim ueteres Iudaei, sicut & multae aliae gentes, totum diem à solis ortu usque ad occasum in duodecim aequales partes distribuere, quas horas appellabant, sicut Christus apud Ioannem c. 11. 9. dicit *nonne duodecim sunt horae diei*? quae eodem die aequales erant, diuersis uero diebus inaequales: sicut omnes inter se dies inaequales sunt. Itaque prima hora erat diei, qua sol oriebatur, tertia media inter solis ortum, atque meridiem utrinque aequaliter distans, sexta meridies, nona media inter meridiem, & solis occasum tribus utrinque horis distans. Undecima, una hora ante solis occasum. Diuidebant rursum totum diem in quatuor partes, quarum unaquaeque tribus constabat horis, sicut noctem in quatuor uigilias distribuiebant, quarum unaquaeque tres horas continebat. Haec est causa, cur frequentius in scriptura hora prima, tertia, sexta, & nona, quam caeterae diei horae nominentur, quia praecipuas diei partes efficiebant: propterea etiam eas Christus hoc loco nominauit, ut quicquid noui mysterii significaret, nisi quod iam diximus, alios prius, alios posterius à Deo uocari. Cur ergo, dicit aliquis, non quatuor, sed quinque horas nominauit? in promptu est responsio, quia uoluit initium primae, quartae partis diei, & finem ultimae explicare, ut doceret alios initio uitae suae, alios sub finem uitae uocari. Quinta pars est forum, in quod paterfamilias dicitur exiisse, ut

*Diuisio diei in duodecim horas, & quatuor partes apud ueteres ordinaria.*

con.



conduceret operarios: per quod recte Origenes & auctor imperfecti intelligunt totum mundum, qui extra Ecclesiam est, in quo homines toti sunt, aut otiosi, aut saecularibus negotijs occupati, & inde in Ecclesiam, tanquam in vineam, vocantur. Sexta pars est denarius, qui idem omnibus datus, quo non est dubium salutem, ac vitam aeternam significari, in eoque auctores omnes consentiunt. Solus Diuus Basilus in brevioribus regulis interrogatione 255. ita uidetur interpretari, quasi denarius premium aliquod huius vitae significet, quo etiam, qui damnantur, donari soleant; sic enim, ut diximus, exponit illud, quod versu 15. dicitur, *tolle, quod tuum est, & vade*, quasi operarius ille accepto temporaliali quo premio, quod meruerat, in infernum mittatur. Sed id iam diximus non magnam speciem habere probabilitatis. Potest dubitari, cur denario potius, quam alteri pecuniae generi vitam aeternam comparauerit. Respondet Irenaeus libro quarto, capitulo 70. propterea quod denarius imaginem regis haberet, & qui salui erunt, conformes fient imagini filij Dei, ut Diuus Paulus ad Romanos octauo, 29. *& reformabit corpus humilitatis nostrae configuratum corpori claritatis suae* Philipenses tertio, vigesimoprimum. Et quidem hoc scitum, sed allegoricum: nec aliam ego causam fuisse arbitror, cur potius denarium, quam aliam pecuniam nominauerit, quam, ut accommodatè ad consuetudinem loqueretur. Est autem credibile vltimam tunc operariorum in singulos dies mercedem fuisse denarium, qui, ut capitulo 18. 28. diximus, quinque aut sex obolos, id est Gallicos solidos continebat. Querit Chrysostomus, quid causae fuerit, cur paterfamilias cum solis illis, quos primo mane conduxit, ex denario conuentionem fecerit; cum alijs autem

conuentionem non fecerit: sed tantum dixerit; *& quod iustum fuerit, dabo vobis*. Credo etiam in ea re vulgarem consuetudinem secutum esse Christum; non enim solemus certam mercedem pangere, nisi ijs operarijs, quos mane conducimus, vt toto laborent die; si qui serius veniunt, quasi nihil eo die lucraturi sint, nihil certi pollicemur: tantum promittimus aliquid nos illis duros esse: hoc est, quod ait, *& quod iustum fuerit, dabo vobis*. Querit etiam idem, & Euthym. cur Deus non omnes statim primo mane vocet. Respondent omnes vocari, sed non omnes venire velle, quod & Origenes indicat: argumentum est eius rei, quod pater familias, quotquot in foro inuenit, conduxerit; omnes ergo primo mane Deus vocat: quemadmodum & per Prophetam dicit, *Locus sum ad vos mane confurgens, & loquens, & non audistis* Ieremiae 7. 13. & rursus *mane confurgens contestatus sum, & dixit, audite vocem meam, & non audierunt, nec inclinauerunt aurem suam* Ieremia 11. 7. 8. & iterum, *Ego autem locus sum ad vos de mane confurgens, & loquens, & non obedistis mihi* Ieremia 35. 14. Quam ob rem, quod operarii illi responderunt versu 7. *quia nemo nos conduxit*, excusationis causa non verè dictum esse Chrysostomus putat, quod valde mihi probabile uidetur. Solet enim Christus in parabolis personarum mores exprimere: mos autem pigrorum, & desidum est ad hunc modum sese semper excusare: quemadmodum si robustum adolescentem mendicantem quis roget, cur non laborando potius, quam mendicando victum quaret: promptus, & affirmans respondet, nihil aliud optare se, sed herum non inuenire: quem ideo non inuenit, quia non quaret, quia laborare non vult. Cur ergo paterfamilias eos non reprehendit, quod se mentiente excusent? Respondet Chrysostom. noluisse eos accusare, & tristitia afficere, ut facilius alliceret. Facilius responsio erit patrefamilias-

cui



et si Deum significabat, hominem tamen fuisse, non Deum. Itaque scire non potuit, an operarij mentirentur: Christus autem narrauit, quæ verisimile erat, & operarios excusationis causa dixisse, & patremfamilias respondisse. Septima pars est, vespera diei, quando denarius soluitur, qua nemo dubitat finem mundi, & ultimi iudicii tempus declarari. Illud videtur non conuenire, quod supra diximus diem non totum hoc seculum, sed uniuscuiusque hominis ætatem significare: quod si verum est, non potest vespera finis mundi, sed mors uniuscuiusque esse. Respondeo hæc, quamuis diuersa esse videantur, in idem redire; quia enim usque ad finem mundi aliqui homines erunt, & uniuscuiusque vita dies est, uniuscuiusque mors vespera, ultima vespera erit finis mundi, cum omnes, qui adhuc uiuent, simul morientur, aut rapiuntur in æra cum Christo, ut Diuus Paulus ait 1. ad Thessalonicen. 4. 17. Octaua pars est, quod patremfamilias iubeat in soluenda mercede ab ijs, qui ultimi uenerant, incipere, hoc ad parabole significationem maximè pertinet. Significatio autem facilis est; præferuntur enim nouissimi, & fiunt primi, quia tantum vna hora, quantum alij toto die laborauerunt: quem admodum initio explicauimus. Nam quod Chrysostom. indicat, propterea id præcepisse patremfamilias, ut declararet se ijs, qui una tantum hora laborauerat, non ex debito, sed ex liberalitate sua dare denarium, uerbis ipsius patremfamilias contrarium est, *Ite, inquit, & vos in vineam meam, & quod iustum fuerit, dabo vobis.* Sic enim dixit non solum ijs, quos hora tertia uersu 4. sed etiam ijs, quos hora undecima, id est una hora ante solis occasum conduxit uersu 7. ut in Græcis codicibus legitur, & si non legeretur, ex uersu 4. esset intelligendum. Hæc sunt, quæ in hac parabola necessariam habent significationem. Cætera emblemata sunt, & circumstantiæ non necessariæ, quas

quisquis discutere uoluerit, nullum faciet operæpretium: quale est quod quinque horæ diei nominatur, quod quidam in foro otiosi inuenti sunt, quod conducti non fuerint, quod paterfamilias procuratorem dicatur habuisse: nec enim in regno cælorum, de quo parabola proposita est, querendum esse arbitror, quis sit procurator, quanquam Christus uideri possit, qui mercedem soluet, quemadmodum scribit Isaias cap. 40. 10. & 62. 11. & Ioannes in Apocalypsi cap. 22. 12. *Ecce venio cito, & merces mea mecum est, reddere unicuique secundum opera sua.* Quanquam Irenæus libro 4. cap. 70. Spiritum sanctum dispensatorem huius esse dicit, qui diuidit singulis dona, sicut uult, ut Diuus Paulus ait 1. ad Corinth. 12. 11. Emblemata etiam est, quod denarius potius, quam aliud pecuniæ genus proponitur, & quod, qui primi uenerant, accepto denario murmurauerunt: nec enim significatur aliquos ex ijs, qui uitam æternam accepturi sunt, murmuraturos esse, propterea quod alij in ea gloriam accipiant: nec enim in cælo ulla est murmuratio: sed aut nihil significatur, tantumque eam ob causam id narratum est, quod ita in similibus causis fieri soleat, & ut narrationis decorum seruaretur, aut significaretur, ut Chrysostom. ait, adeo magnam mercedem multos, qui ultimi uenerunt, accepturos, ut si fieri posset, ut beati murmurarent, ob mercedis magnitudinem murmuraturi essent. Simile quod uersu 14. & 15. dicitur *Volo autem huic nouissimo dare, sicut & tibi, & an non licet mihi in meis facere, quod volo?* sic enim Græcè legitur, & ad hunc modum Latinam uersionem corrigendam puto. Quibus uerbis, ut supra disputauimus, non indicatur Deum pro sua tantum uoluntate, nullaque habita iustitiæ ratione uitam nobis æternam daturum esse: sed dicitur, quia credibile est ita responsurum fuisse patremfamilias, si alij operarij sine ulla causa murmurauissent: aut, si quam hoc haber significationem,



nem, illud tantum significat non debere Deum quam ob rem alijs plus, alius minus mercedis dederit, rationem nobis reddere. Hæc ut diximus, & si quæ sunt alia generis eiusdem, si quis ad aliquid significandum volet subtiliter trahere, non solum operam perdet, sed in periculum etiam incurrit multa aut fallâ, aut ridicula, aut certè aliena comminiscendi: quisquis enim, quod non est, querit, aliquando sibi fingit, quod illud, quod querit, esse uideatur, & mauult falsum incurrit, quam nihil. Franandum autem humanum ingenium est, ne sua subtilitate intemperanter, & in rebus superuacaneis abutatur.

16. *Multii enim sunt uocati, pauci uerò electi.* ) Mirum uideri potest, cur hanc sententiam Christus adiunxerit, cum minimè præcedenti congrue re uideatur. In superiore enim parabola de ijs tantum dictum est, qui omnes salui futuri sunt, omnes enim denarium, id est uitam æternam acceperunt: hic autem agit de ijs, qui cum uocati fuerint, non omnes sunt salui, sed plerique damnantur. Hoc uix apud ullum interpretem explicatum inuenio: sed ita tamen existimo uoluisse Christum ex una specialique sententia aliam, & generalem concludere. Probauerat per parabolam non omnes æqualem mercedem recepturos esse: sed futuros multos primos nouissimos, multos nouissimos primos esse, quia non omnes, qui uocati ueniunt ad uineam, eadem diligentia laborant, concludit nunc generalius non omnes, qui uocati sunt, mercedem accepturos, quia plerique uocati uenire nolunt: quemadmodum supra ex Origene, Chrysostomi, & Euthymij sententia declarauimus. Sic Christus in præcedenti capitulo 23. ex occasione unius adolescentis, qui diuitijs suis impeditus Euangelica consilia sequi noluerat, generalem sententiam de omnibus diuitibus, & non iam de consiliorum, sed de præceptorum obseruatione concludit difficile esse diuitem in regnum

cælorum introire. Non ergo significatur non omnes esse uocatos, omnes enim uocat, qui ideo uenit in hunc mundum, ut peccatores uocaret ad poenitentiam capit. 9. 13. Omnes enim peccatores erant, omnes uocauit, qui uult omnes homines saluos fieri, & ad agnitionem ueritatis uenire 1. ad Timoth. 2. 4. omnes uocauit, qui pro omnibus mortuus est. Cur ergo non dicit omnes: sed multos uocatos esse? quia omnes multi sunt, & uoluit multos paucis opponere, non omnes nullis, sicut D. Paulus ad Roman. 5. 19. Sicut, inquit, per inobedientiam unius homines peccatores constituti sunt multi: ita & per unius obedientiam iusti constituentur multi. Nam per unius homines inobedientiam non solum multi, sed etiam omnes peccatores constituti fuerant, sicut idem Paulus paullo ante uersu 12. dixerat, & ita in omnes homines mors pertrāsyt, & uersu 18. igitur sicut per unius delictum in omnes homines in condemnationem: sic & per unius iustitiam in omnes homines in iustificationem: propterea ergo dixit paullo post per unius hominis inobedientiam multos esse peccatores constitutos, ut multos opponeret uni, & non solum sententia, sed etiam orationi elegantiam adhiberet. Eodem modo hoc loco dicit Christus multos uocatos, paucos electos, per multos, omnes intelligens. Id ex altera parabola nuptiarum, quam cap. 22. proponit, perspicuum est, ubi non solum omnes ad nuptias uocati, sicut & claudi, cæci, & quotquot in plateis erant, sed compulsi etiam intrare. Et tamen eodem modo parabolam concludit multi sunt uocati, pauci uerò electi, ubi certum est multos non omnibus, sed paucis opponere. Omnes enim uocati fuerant.

17. *Et ascendens* ) Multis locis in uetere testamento Rabbiorum commentum refutauimus, qui putant Ierusalem altissimum totius orbis terrarum locum esse, ideoque ire in Ierusalem ascendere esse, quod undique eò ascendatur. Nam si de loco, situque loquun-

Scriptura sæpe multos dicit pro omnibus,



Ascendere  
apud He-  
braeos ire si-  
gnificat.

loquuntur, nullus est in rotundo terra corpore altero altior: si de monte, multi sunt longè etiam altiores. Solet ergo scriptura dicere ascendere in Ierusalem, uel quia una eius pars in monte Sion posita erat, uel quia Hebraei, & multò magis Chaldaei, & Syri, quorum lingua Christus loquebatur ascendere dicunt pro ire. Marcus capit. 10. 32. sic narrat, *Erant autem in uia ascendentes Ierosolymam, & præcedebat eos Iesus, & stupebant, & sequentes timebant.* Vbi & Christi ad mortem euntis alacritas, & Apostolorum admiratio, timorque significatur. Mirabantur Christum tam erecto, fidentique animo Ierosolymam ire, ubi se multa passurum sæpe dixerat ca. 16. 21. & 17. 12. timebant illi, ac sibi. Præcedebat autem Christus, ut uiam Apostolis ad crucem ostenderet, doceretque, quàm prompti, cum opus esset, obire mortem deberent, sicut D. Paulus uerus Christi discipulus dicebat Act. 21. 13. *Ego enim non solum alligari, sed & mori in Ierusalem paratus sum propter nomen Domini Iesu*, quemadmodum Orig. obseruauit.

*Assumpsit.*) Segregauit ut c. 16. 22. noluit enim discipulis coram omnibus dicere, ne res euulgata aut impediretur, aut mors ab ipso uideretur procurata. Possimus etiam interpretari *παρὰ δὲ*, aggressus est eos alloqui. Hoc enim uerbum etiam significat, ut illic docuimus, & ea significatio rectè conuenit in hunc locum.

18. *Ecce.*) Videtur hæc particula hoc loco tempus iam instans indicare.

19. *Et tradent eum gentibus.*) Pilato, & cæteris Romanis. Est autem antithesis inter Iudæos, & gentes, quasi inter amicos, & hostes: quasi dicat, non erunt contenti Iudæi filium hominis ipsi per se supplicijs afficere; sed hostibus eum tradent, ut grauius etiam cruciatur, & interficiatur. Illis enim non licebat interficere quemquam Ioann. 18. 31. scribit Lucas c. 13. 34. & *ipsi nihil horum intellexerunt.* Quod non ita intelligen-

dum est, quasi Christi uerba non intellexerint, quibus significauerat se ad mortem progredi, sed ita ut mortis eius mysterium non comprehenderint; neque cognouerint mortem suam Christum salutem uniuerso hominū generi allaturum, quemadmodum prudenter D. Chrysostomus animaduertit. Si enim uerba non intellexissent, nec mirati fuissent Christum euntem, neque mortis periculum timuissent, ut Mar. scribit capit. 10. 32. Potest aliquis dubitare, cur hæc Christus Ierosolymæ appropinquans Apostolis dixerit. Respondet Chrysostomus, ut eos ad patientiam, & animi constantiam præmuniret: quia etiam de causâ sæpe eos ante præmunierat ut c. 16. 21. & c. 17. 12.

20. *Tunc*) Id est, cum uideret eius mortem instare: ambit enim ueluti morituri hominis hereditatem. Accedendi namque ad Christum, & honoris primum filijs suis locum in regno petendi occasio fuit, quod paulo ante de proxima sua morte locutus esset Christus, ut Hieron. Beda, & Euthym. obseruauerunt.

*Mater filiorum Zebedæi.*) Salome, ut annotat Auctor imperfecti, & ut ex Matth. Marique comparatione colligitur. Nam quam Matthæus ca. 27. 56. vocat matrem filiorum Zebedæi, Marcus cap. 15. 40. appellat Salomem. Qui fuerint filij Zebedæi inter Apostolos, supra dixit Euangelista cap. 10. 3. Marcus cap. 10. 35. scribit ipsos filios Zebedæi ad Christum accessisse, dixisseque, *Magister, uolumus, ut quodcumque petierimus, facias nobis*, quod etsi uidetur esse, non est tamen contrarium, quia dixisse dicuntur quod per matrem suam, non per se dixerunt, ut August. lib. 2. de consensu Euangelistarum c. 64. & Chrysost. homilia. 66. respondent. Simile exemplum habuimus supra ca. 8. 5. ubi Matth. dicit Centurionem quendam ad Christum accessisse, rogasseque, ut seruum suum paralyticum sanaret, cum Lucas c. 7. 3. non ipsum Centurionem: sed per amicos suos accessisse, rogasseque dixerit. Dubium an Apo-

Apo-



Excusan-  
tur filii Ze-  
bedei, corū  
que mater.

Apostoli matrem sollicitauerint, at-  
que suaserint, ut hunc sibi à Christo  
honorem peteret, quasi facilius mu-  
lier, & ut multi existimant, Christo  
cognata (sororem enim beatæ Vir-  
ginis fuisse credunt) esset, quicquid  
peteret, impetratura, & filii pudor-  
em, atque aliorum Apostolorum  
inuidiam effugerent; quasi non ipsi,  
sed pro ipsis mater, ut ceteris præ-  
ponerentur, petiisset. Sic multi sen-  
tiunt auctores August. lib. 2. de con-  
sensu Evangelistarum c. 64. Chrysost.  
Auctor imperfecti, Theophylact. Euthym.  
hoc loco, & Gregorius hom. in  
Euangelia 27. Alii matrem per se  
pro filiis sollicitam nullius eorum im-  
pulsu petiuisse credunt, ut Hilarius  
canone in Matthæ. uigesimo, &  
Ambrosio libro 5. de fide capit. 3. quod  
ualde mihi probabile uidetur no-  
lenti de Apostolis male iudicare.  
Nam aliorum auctorum argumen-  
tum, quo matrem à filiis submissam  
probant, quod non illi, sed filiis  
Christus respondeat uersu 21. *nescitis  
quid petatis*, & rursus *potestis bibere  
calicem quem ego bibimus* sum? faci-  
le solui potest; propterea illis respon-  
disse, non quod illi per matrem, sed  
quod pro illis mater petiisset. Pla-  
cet etiam mihi pietas Ambrosii, at-  
que Hieronymi, qui matrem ipsam  
excusant. Ambrosius quidem his ver-  
bis *Considerate*, inquit, *quæ cum filiis,  
& pro filiis petat, mater est utique, cui  
pro filiorum honore sollicita immoderatio  
quidem; sed tamen ignoscenda mensura  
notorum est. Atque mater ætate longæ-  
ua, studio religiosa, solatio destituta, quæ  
tunc temporis quando uel inuanda, uel  
alida foret ualida prolis auxilio, abesse  
sibi liberos patiebatur, & uoluptati sup-  
mercedem sequentium Christum prætu-  
lerit filiorum. At paullo infra, *Es si er-  
ror*, inquit, *est, pietatis tamen error est*:  
*nescitis enim materna uiscera patientiæ,  
et si non auara: tamen uenerabilis cupi-  
ditas, quæ non pecunie est auida, sed gra-  
tiæ, & inuerecunda petitiō, quæ non si-  
bi, sed liberis consulebat. Matrem consi-  
derate, matrem cogitate. Hierony. autē  
sic postulat mater filiorum Zebedei erro-**

*re muliebri, & pietatis affectu nesciens,  
quid peteret*. quin etiam inter eos au-  
ctores, qui filios matrem subornasse  
dicunt, Auctor imperfecti sic eos ex-  
cusat, quod nihil temporale, nihil  
carnale, nihil ambitiosum: sed solam  
spiritualem perfectionem postulaue-  
runt: quod & de matre dicit Ambr.  
si peccandum est, præstat in hanc par-  
tem cum tam bonis auctoribus, quam  
cum hæreticis in contrariam pecca-  
re semper Apostolos accusantibus.

*Adorans. προσκυνοῦσα* Inclinans  
se, aut genua flectens quod eò pertine-  
bat, ut Christi sibi gratiam, beneco-  
lentiamque conciliaret.

*Et petens aliquid.*) Aliquid hoc lo-  
co non diminutionem, sed incremē-  
tum potius uidetur significare, quasi  
dicat petens magnum quiddam ab  
eo; sic enim Græci loquuntur *εἰς αὐτὸν*  
esse aliquid, id est esse magnum; si-  
cut & Galli solent dicere, uidetur si-  
bi aliquid esse, id est magnus esse uir,  
quemadmodum Paulus loquitur A-  
ctorum. 23. 7. *Adolescens hunc per-  
duc ad Tribunal: habet enim aliquid  
indicare illi, id est rem magni momen-  
ti.* Hanc ob causam, ut opinor, expo-  
suit Euangelista illam adorabundam  
acceffisse, ut indicaret uoluisse ma-  
gnum aliquid postulare. At cur non  
statim dixit, quid postulauerit? quia  
uoluit rem, ut gesta erat, exponere: il-  
la autem initio non declarauit quid  
uellet petere, sed generaliter rogauit  
Christū, ut quicquid peteret, sibi con-  
cederet, ut intelligitur ex Marco c. 10.  
35. *Nolumus, ut quodcūque petierimus,  
facias nobis.* Illa enim uerba, ut paullo  
ante docuimus, quamuis filiis Mar-  
cus attribuat, non à filiis, sed à matre  
dicta sunt. Accessit ergo supplicandu-  
da mulier, dixitque, *uolo*; aut *rogo*,  
ut quicquid petiero, mihi concedas;  
solent enim, qui aliquid uolunt pete-  
re, & an impetraturi sint, dubitant,  
nō statim, quid sibi dari uelint, decla-  
rare, ne si declarauerint, sibi negentur;  
sed generaliter, atque confuse dicere  
quiddam habeo, quod te rogem, sed  
uelim mihi prius te facturum promit-  
tas; quemadmodum mater Salomo-

Hæretici  
nullam oc-  
casionē ac-  
cusandi A-  
postolos p-  
teemittunt,

D d nis



uis li. 3. Regum c. 2. 20. filium rogat  
Petitionē unam paruulam ego deprecor  
à te, rogo, ne confundas faciem meam.

21. Quid uultis) Mater, inquit Hieronymus, postulat, & Dominus discipulis loquitur intelligens preces eius ex filiorū descendere uoluntate. Sed iam diximus potius filiis, non matri respondere, quia etsi non eorum impulsu, tamen pro eis mater postulauerat.

Dic.) Hebraismus pro iube, statne: sicut c. 8. 8. tantum dic uerbo, & sanabitur puer meus.

Hebraismus.

Vi sedeant.) Nonnulli auctores, in quibus Euthym. existimant motam fuisse eam mulierem, ut hoc peteret, ex uerbis Christi capit. 19. 28. Sedebitis & uos super sedes duodecim. Cum enim intellexisset omnes Apostolos in regno Dei circum Christum seduros esse, optabat, ut duo filij sui proximi illi assiderent, alter ad dexteram, alter ad sinistram. Putat etiam Euthymius Petrum timuisse, quem uidebat omnibus in rebus ceteris Apostolis anteponi.

22. Nescitis quid petatis.) Plerique ita interpretantur, quasi propterea dicat eos nescire, quid petant; quia non spiritualia: sed carnalia petebant, quasi Christus more regum temporaliter esset regnaturus, & principes uiros habiturus aliquos, qui sibi assiderent: quorum eo quisque esset honoratior, quo propius se sederet. Alii diuerso penitus sensu non carnalia, sed spiritualia petuisse; tamen propterea Christum dixisse nescitis, quid petatis, quia rem maiorem, melioremque petebant, quam existimabant, quemadmodum Chrysost. Euthymius & Theophyl. expouunt. Alii bonum quidem, & spirituale eos petuisse, ut ceteris Apostolis uirtute, ac meritis antecellerent: sed non eo ordine, quo debebant, quia petebant ante uictoriam triumphum, ut exponit Auctor imperfecti, quam interpretationem uidentur illa uerba confirmare potestis bibere calicē, quē ego bibiturus sum? quasi uiam illis demonstret, qua ad dexteram, & sinistram suam pogerentur.

Nescitis ergo quid petatis, quia, etsi quod petitis, bonum est, tamen non intelligitis triumphum ante uictoriam nec dari posse, nec promitti. Alij, bonum quidem petitis, sed non bene intellectum; putatis enim occupari precibus posse, cum eiusmodi sit, ut non petentibus, sed merentibus dari possit: Omnes istae interpretationes probabiles: probabilissima postrema.

Potestis bibere calicem, quē ego bibiturus sum? ) Haereticorum interpretes, qui hoc ad calicem Eucharistiae referendum existimant, omnino mihi uidentur delirare: quis enim calicem illum bibere non potest? Dubium igitur non est, quin Christus passionem suam, & mortem calicem appelleret, ut c. 26. 39 & Marc. 14. 36. & Luc. 22. 42. & Ioann. 18. 11. Cur autem passio, ac mors calix appelletur, minus compertum. Chrys. Euthym. & Theophylact. ideo uocari putant calicem, quod eam Christus non minus libenter obierit, quam si poculum uini biberet. Parum conueniens Christo metaphora, praeterquam quod ista ratione sola Christi mors, non aliorum, calix appellaretur. Credo ergo metaphoram ex antiqua consuetudine ductam, qua solebat damnatis ad mortem poculum venenum plenum porrigi, ut ea ratione uitam finirent, quemadmodum Athenis Societati ab Arcopagitris datum legimus, inde factum, ut mors ipsa, & supplicium calix, siue poculum appellaretur, ut Psal. 115. uersu 13. Calicem salutariis accipiam, et nomen Domini inuocabo, id est mortem libens, & nomen domini inuocans subibo, ut hoc loco Origenes, & Hieronymus interpretantur. Sequitur etiam, pretiosa in conspectu Domini mors sanctorum eius. Scio aliam etiam esse in scripturis metaphoram calicis ex uetere deductam more, quo inter Iudaeos patrum familias, aut quisquis in conuiuio honoratissimus erat, uinum pro suo arbitrio temperabat, & unicuique conuiciae alij plus, alij minus distribuebat: Itaque alius melior, alius peior

Delira haereticorum interpretatio.

Cur calix mors in scriptura appellatur.

Diog. Laert. lib. 2.



ior portio contingebat. Qua ratione factum est, ut vniuscuiusque hominis fors, quæ a Deo immittitur siue bona, siue mala, calix appelletur: bona ut Psalm. 15. 5. *Dominus pars hereditatis meæ, & calicis*, & Psalm. 22. 5. *Impinguasti in oleo caput meum, & calix meus inebrians, quàm præclarus est?* Mala ut Psalm. 10. 7. *Pluet super peccatores laqueos, ignis, sulphur, & spiritus procellarum pars calicis eorum*, & Psalm. 74. 9. *Hunc humiliat, & hunc exaltat, quia calix in manu Domini vini meri plenus mixto, & inclinavit ex hoc in hoc, veruntamen fex eius non est exinanita.* & Isaia 51. 17. *Elevare, elevare, consurge Ierusalem, quia bibisti de manu Domini calicem ire eius, & que ad fundum calicis soporis bibisti, & potastisque ad feces.* Simile est exemplum apud Ieremiam capitulo 25. 15. & capitu. 51. 7. & Threnorum 4. capitu. 2. & apud Ezechielem capitu. 23. 31. 32. 33. Marcus capitulo 10. 38. ait addidisse Christum, & baptismo, quo ego baptizor baptizari: quod alia metaphora significat: nam & baptisimus pro passione, & morte poni solet, ut Lucæ 12. 50. *baptismo habeo baptizari, & quomodo coarctor*, & 1. ad Corinth. 15. 29. *quid facient, qui baptizantur pro mortuis?* id est, qui pro defendenda mortuorum resurrectione appetunt mortem. Vade factum, ut & martyrium baptismus appelleretur. Metaphora, ut opinor sumpta est ab ijs, qui, ut moriantur, in mare submerguntur. Græcè enim baptizari idem est, arque submergi. Itaque quod Origenes, Chrysostomus Theophylact. dicunt propterea Christum mortem suam baptismum appellauisse, quod sicut per mortem, sic & per baptismum peccatorum expiatio facienda esset, non probo: minus etiam, quod Auctor imperfecti dicit metaphoram a lana rubeo colore tincta sumptam esse: sic enim Christi mortem sanguine fuisse rubeam. Quod autem Christus rogat Apostolos, an possent calicem bibere, quem ipse bibiturus esset, non ignarus ro-

gat: sed hominum more, qui triumphum petentem rogare solent, an possint hostes debellare. Ostendit autem illis viam, qua ad eum honorem, quæ petunt, peruenire possint; ostendit verò & verbis, & exemplo, verbis, cum rogat, *potestis bibere calicem*, exemplo cum dicit, *quem ego bibiturus sum?* præcedit enim, tanquam bonus dux ad pugnam inuitans, ut ait Auctor imperfecti. Sic Diuus Paulus ad Philipenses 2. 5. 6. 7. 8. 9. *hoc enim sentite in vobis, quod & in Christo Iesu, qui, cum in forma Dei esset, non rapinam arbitratus est esse se æqualem Deo, sed semetipsum exinanivit formam serui accipiens, in similitudinem hominum factus, & habitum inuentus ut homo; humiliavit semetipsum factus obediens usque ad mortem, mortem autem crucis: propter quod & Deus exaltavit illum: & ad rom. 8. 17. Si autem filij, & heredes: heredes quidem Dei, coheredes autem Christi, si tamen compatimur, ut & conglorificemur, & 2. ad Timoth. 2. 5. non coronabitur, nisi qui legitime certauerit, & versu 12. Si sustinebimus, & conregnabimus.*

Possimus.) Multi auctores existimant, quemadmodum temerè, & ambitiosè honorem perierant: ita quoque temerè, ambitiosèque respondisse se posse calicem bibere, ut Chrysostomus, Theophylactus, & Euthymius. Alij, quemadmodum paullo ante, quod nesciebant, postulauerant: ita nunc, quod non intelligebant, promississe, non quod non intelligerent Christum de morte locutum fuisse: sed quod nescirent, quid esset mori, & dulce bellum inexpertis, ut Auctor imperfecti interpretatur. Malo ego credere nec temerè, nec inscienter: sed amanter, & verè respondisse se paratos esse, ut pro Christo morerentur, ut postea exitus docuit. Nam quod hæreticus nobis objicit interpret paullo post initio pugne omnes Apostolos diffugisse, facile excusari potest, propterea fugisse, quod nihil Christum iam comprehensum iuuare pos-

D d 2 sent,

Baptismus  
in scriptura  
pro morte  
& martyrio

Caluinus in  
harm.  
Apostoli cō  
tra Calumū  
defendūtur.



sent, quod & Caluinus, vterat homo prudens, facturus, vt opinor, fuisset. Et tamen Ioannem alterum ex duobus filiis Zebadei vsque ad crucem legimus secutum fuisse Christum.

23. *Calicem quidem meum bibetis.*) Disputant Origenes, Hieronymus, & Chrysostomus quomodo filij Zebadei calicem biberint: cum Iacobum quidem ab Herode occisum legamus Actorum 12. 2. Ioannem vero occisum non legamus: quin ne mortuum quidem esse aliqui putant, vt refert Euthymius. Respondent iidem auctores, & Beda Ioannis exilium loco martyrij fuisse, & quod Romae in oleum feruens iniectus fuerit, ut Tertullianus in libro de praescriptionibus aduersus haereticos auctor est. Itaque non uoluntatem martyrio: sed martyrium uoluntati defuisse. Potest facilius meo quidem iudicio responderi, cum Christus dicit, *calicem quidem meum bibetis*, non praedicere fore, vt pro se oppetant mortem: sed tantum significare hoc se illis posse concedere, ut calicem suum bibant: vt autem ad dexteram, & sinistram suam sedent, concedere non posse, nisi quibus paratum est a patre suo; videtur enim haec duo inter se opponere: concedere, vt calicem bibant, & dare, vt ad dexteram, vel sinistram sedent.

Locus contra Arianos pro diuinitate filij explicatus.

*Sedere autem ad dexteram meam, & sinistram non est meum dare vobis; sed quibus paratum est a patre meo.* Hoc loco frequenter Arianos vfos fuisse legimus, vt Christi auctoritatem probarent minorem esse, quam patris, vt auctor est Epiphanius haeresi 69. & Idacius Clarius cap. 14. & Ambrosius lib. 5. de fide cap. 3. & Augustinus libro 1. de Trinitate cap. 12. & Cyrillus lib. 10. Theophrasti capit. 5. cui obiectioni tribus modis iidem auctores responderunt. Quidam eorum dicebant hoc Christum non tanquam Deum, sed tanquam hominem, vt multa alia dixisse, quale est illud, *Pater maior me est.* Ioanni. 14. 28. Ita D. Augustinus. Alij, ut Ambr. pronomen illud *meum*, cum Christus di-

cit, *non est meum dare vobis*, non potestatem, sed officium significare. Itaque non indicat Christus se id facere non posse, sed non esse officij sui, ut id faciat, quia non uenerat in hunc mundum, vt coronas daret, sed ut inuicaret ad pugnam. Hoc est dictum subtiliter, & verè, sed non uidetur proprius esse verborum sensus. Proprius est ille, quem idem Ambrosius, Epiphanius, & Cyrillus in locis, & Chrysostomus homilia 66. & D. Hieronymus in commentariis ad hunc locum exposuerunt, Christum non negare suae potestatis, atque officij esse concedere, ut aliquis ad dexteram, vel sinistram suam sedeat: sed tantum negare non esse suae potestatis, & officij illis dare, sed solis his, quibus a patre suo paratum esset. Summa est non fieri comparisonem inter Christum, & patrem, vt Ariani putabant, quasi pater possit, filius uero non possit: sed comparisonem fieri inter personas, quibus huiusmodi honor dari potest, quod non omnibus, sed quibus a patre paratum est, concedi possit. Haec est vis eius pronominis *vobis*, quasi dicat, *non est meum dare vobis*, propterea quod petitis, aut propterea quod cognati mei estis, *non est meum dare vobis*, qui nondum meruistis, sed *quibus paratum est a patre meo*, id est, qui meruerint, & vt Remigius apud D. Thom. interpretatur, non est meum dare superbis, & ambiosis, quales vos estis: sed humilibus, quibus paratum est a patre meo, quod Chrysostomus, Euthymius, & Theophylactus accommodato admodum exemplo declarauerunt. Si quis, inquiunt, rex auream coronam ei, qui in stadio currando ceteros uinceret, proposuisset, eamque manu teneret; aliquis uero ex his, qui non solum non uicissent, sed ne cucurrissent quidem, coronam ab eo peteret, rectè responderet, currere quidem poteris, coronam autem non est meum dare tibi, sed quibus paratum est, id est uincenibus: non enim significaret se dare non posse, cum ipsius sit: sed dare non debere, nisi uincenibus, quibus eam destinasset. Alio

excm.



Exemplo Cyrillus utitur; si quis à iusto aliquo iudice aliquid peteret iniusti, meritò responderet, non possum hoc facere, non quòd non posset; sed quòd non debeat. Hinc sequitur, quàm necessarium sit pronomen illud uobis ad implendam, exprimendamque sententiam, quod in plerisque Græcis codicibus non legitur; nec ullus, quod sciam, Græcus auctor, & antiquus legit, nec inter Latinos Dignus Augustinus libr. 1. de Trinitate. c. 12. Satis enim est ueterem legisse interpretem, legisse Hieronymum, & Ambrosium, & sententiam requirere. Quanquam si non legatur, non propterea mutatur sensus. Nam Chrysostomus, Cyrillus, Theophylactus, & Euthymius, qui non legerunt, in eandem tamen sententiam interpretantur. Rectè uerò doctus quidam, & pius nostri temporis interpret obseruauit, si non legatur pronomen uobis, Græcam dictionem ἀλλὰ sed pro ἐν nisi, accipi debere, ut apud Marcum ca. 9. 8. & 2. ad Cor. 2. 5. ut sit sensus, sedere autem ad dexteram meam, & sinistram non est meum dare, nisi quibus paratum est à patre meo. His autem uerbis tantum abest, ut significet Christus non suum esse officium præmia distribuere, ut potius officij sui esse declaret. Cum enim dicit non esse suum omnibus dare, sed merentibus, & dignis iudicem se, præmiarumque distributorem futurum esse indicat, ut apud Ioannem cap. 5. 22. Pater non iudicat quemquam, sed omne iudicium dedit filio, & apud Lucam ca. 22. 29. 30. Ego dispono uobis, sicut disposuit mihi pater meus regnum, ut edatis, & bibatis super mensam meam in regno meo, & sedeat super thronos iudicantes duodecim tribus Israel, sicut & c. præcedenti uer. 28. Apostolis promisit fore, ut sederent super sedes duodecim, quasi ipse hoc illis concessurus esset. Cur ergo, dicit aliquis, adiunxit, sed quibus paratum est à patre meo, quasi sibi patrem opponat. Respondeo non sine causa non dixisse, non est meum dare uobis, sed patris mei; sed dixisse, non est meum dare uobis, sed quibus

paratum est à patre meo, ne significaret se quidem dare non posse, patrem posse, sed se dare alijs non posse, quam quibus à patre suo paratum esset, ut rectè D. Chrysostomus annotauit. Nam Auctor imperfecti, qui homil. 35. ita exponit, non est meum dare uobis, sed patris, quia suspectus est hæresis Arianae, hoc loco audiendus non est. Cur ergo dixit, quibus paratum est à patre meo potius, quàm quibus paratum est à me, quasi plus patri, quàm sibi auctoritatis tribuat? Facilis responsio, id per usitatam in sacris litteris attributionem factum esse, in quibus, etsi omnia opera externa, ut Theologi dicunt, tribus personis communia sint, tamen quædam uni, quædam alteri personæ, tanquam propria soleant attribui, ut potentia, & prouidentia patri, sapientia filio; gratia ac dona Spiritui sancto. Quia ergo paratum esse est esse prædestinatum; prædestinatio autem est genus quoddam prouidentia; patri potius, quàm filio tribuitur; nec enim, legimus in scriptura filium aut Spiritum sanctum, sed solum patrem quenquam prædestinasse.

Sed quibus paratum est.) Mira Chrysostomi interpretatio, quam & Theophylactus refert, & probat, quibus paratum est, id est nullis, quasi nemo, neque homo, neque angelus ed peruenire possit, ut ad dexteram, uel sinistram Christi sedeat, qui, ut ait Dignus Paulus ad Ephes. 1. 20. 21. Constitutus est ad dexteram patris in celestibus super omnem principatum, & potestatem, & uirtutem, & dominationem, & omne nomen, quod nominatur non solum in hoc seculo, sed etiam in futuro. Mirabilis etiam Hilarij, quibus paratum est à patre meo, id est Moyli, & Elia: quorum alter ad dexteram, alter ad sinistram meam sessuri sunt. Mirabilis Euthymij, quibus paratum est, id est Petro, & Paulo, qui plus omnibus laborabunt. Manifestum enim est nullos certos homines Christum iudicare uoluisse, nec personas, sed merita notare.

24. Et audientes decem, indignati sunt de duobus fratribus.) Auctor imp

Dd 3 festi,

Auctor imperfecti operis in Matth. Ariani-  
zat,

Prouidentia  
& prædestinatio per attributionem  
patri que  
dicitur.,



fecti, & Euthym. non minoris ambitionis fuisse putant, quod decem indignati sint, quam quod duo primum locum postulauerint. Pie tamen eos Chrysost. excusat, quod non dum Spiritus sanctus in ipsos effusus fuisset, quo postea omnia huiusmodi humana uitia purgata sint.

25. *Vocauit eos ad se.*) Apparet duos filios Zebedæi cum matre sua separatim, & clam, ne alij discipuli intelligerent, ad Christum adijisse, primumque ab eo honoris locum postulasse: ceteros tamen Apostolos subaudisse sermones, aut ex Christi uerbis fecisse coniecturam, quod duo filij Zebedæi à Christo petuissent, cepisseque inter se murmurare. Vocat ergo eos. Christus, & docet se coram cogitationes, sermonesque, quamuis tacitos, cognouisse, & sicut aliorum petitionem, ita ipsorum indignationem corrigit.

*Sciis.*) Perinde est, ac si dicat, an nescitis hoc, quod facitis, proprium esse ambitionis principum, nec omnium quidem, sed gentium, apud quas non uirtus, non iustitia, non dignitas, sed ambitio, sed uis, sed tyrannis, regna, & principatus obtinet, & ubi principes, non quæ suis populis, sed quæ sibi utilia & honorifica sunt, querunt? ut uidetur Euthymius interpretari. Non ergo reges, ac principes de medio tollit, quemadmodum multi nostro tempore hæretici ex hoc loco collegerunt, cum D. Paulus ad Rom. 13. 1. & ad Titum 3. 1. & D. Petrus epistola 1. 2. 13. 14. omnem magistratum, & potestatem à Deo esse doceant, illique, etiamsi malus sit, obediendum esse. Multo uero minus Ecclesiasticam tollit auctoritatem, quæ & D. Petrus Actorum 5. 5. 10. etiam Anania, & Saphira interficiendis seuerè usus est, & D. Paul. 1. ad Corint. 5. 5. & 1. ad Timot. 1. 20. in hominibus perniciosi Satanae tradendis, quamque Timotheo commendat c. 4. versu 12. *Nemo adolescentiam, inquit, tuam contemnat.* Tantum monet non dehere Apostolos, qui ad Ecclesiæ gubernationem

vocati sunt, Gentilium principum ambitionem, & tyrannidem imitari, propterea non quoslibet, sed Gentium principes nominauit, qui magis ambitiosi, crudelisque solebant esse, quam Iudæorum, qui & dabantur à Deo, & eius timore, religioneque in officio continebantur. Quem admodum Petrus 1. epistola cap. 5. 3. admonet eos, qui Ecclesiam gubernant, ne in clerum dominantur. Denique tales esse Apostolos uult, qualem se D. Paulus describit 2. epistola ad Cor. c. 12. 14. 15. *Non enim quero, quæ uestra sunt, sed uos: nec enim debent filij parentibus thesaurizare; sed parentes filiis. Ego autem libentissimè impendam, & superimpendar ipse pro animabus uestris, licet plus uos diligens minus diligar.*

*Dominantur eorum.*) In eas. Noster interpretes & Græcismum, & Hebraismum secutus est. Græcismum, quod eorum dixerit pro in eos. Hebraismum, quod non Grammaticum, sed naturale secutus sit genus.

28. *Et dare animam suam redemptionem pro multis.*) Declarat, quid debeant boni Ecclesiæ pastores facere; bonus enim pastor ponit animam suam pro ouibus suis, Ioannis 10. 11. 14. Collegerunt ex hoc loco Augustini tempore quidam hæretici, quos Prædestinatianos antiquitas appellauit, idemque nostro tempore Calvinistæ dicere coguntur, si suum de reprobatione errorem tueri uolunt, Christum non pro omnibus natum, non pro omnibus mortuum esse; sed pro solis, qui salui futuri erant, prædestinati, ut Arnobius, uel quisquis alius auctor fuit eorum commentariorum in Psalmos, qui falsò Arnobio tribuuntur Psalmo 146. & Faustus lib. 2. de libero arbitrio c. 14. & 16. In eodem errore Lotharii tempore fuit Godeschalcus in Gallia, ut in libro aduersus Prædestinatianos Hincmarus Rhemensis Episcopus scribit, &, ut uidetur, Remigius Lugdunensis in lib. contra tres epistolas trium Episcoporum Gallia. Quod & ex alijs locis similibus comprobant, ut infra

c. 26.

Error Prædestinatianorum copiose refutatus.

Commentarij in Psalmos falsò Arnobio imscripti.

Refellit error hæreticorum nostri sæculi omnem principatum, & potestatem Ecclesiasticam, tum sæcularem tollentium.



c. 26. 28. hic est sanguis meus noui testamenti, qui pro multis effundetur in remissionem peccatorum, & ad Hebræos 9. 28. Sic & Christus semel oblatus ad multorum exhaurienda peccata. Qui error non solum absurdus est, sed maximo Christi beneficio, & liberalissimæ charitati maximè etiam ingratus, aliisque perspicuis scripturæ testimonijs refutatur. Quid enim apertius, quàm quod dicit Diuus Paulus 1. ad Timot. 2. 6. qui dedit redemptionem semetipsum pro omnibus, & 2. ad Cor. 5. 14. 15. Si unus pro omnibus mortuus est, ergo omnes mortui sunt, & pro omnibus mortuus est Christus, ut & qui uiuunt, iam non sibi uiuant, sed ei, qui pro ipsis mortuus est, & resurrexit. Cur ergo Christus hoc loco, sicut & apud Marcum capit. 10. 45. non dixit se uenisse, ut daret animam suam in redemptionem pro omnibus, sed pro multis? Cur dixit sanguinem suum pro multis effundi? Cur dixit D. Paulus cum ad multorum exhaurienda peccata oblatum esse? Probabilis est responsio quorundam omnes multorum nomine significatos, quia πολλοὺς multos Græci vocant non tam nomine numerali, quàm infinito: quemadmodum Latini omnes hominès multitudinem appellant. Sed magis credo uoluisse Christum non uoluntatem suam, sed mortis suæ fructum declarare. Nam si eius quidem uoluntatē spectes, pro omnibus hominibus nemine excepto mortuus est, ut illis scripturæ testimonijs, quæ paulo superius adduximus, declaratur. Si spectes fructū, nō ad omnes peruenit: sed ad multos, quia non omnes percipere uoluerūt: sicut uidemus Christum aliquādo pro omnibus hominibus etiam reprobis orare, ut pro ijs, qui se crucifixerāt Lucæ 23. 34. ut declaret uelle se, idque optare omnes saluos fieri; aliquando non orare, nisi pro prædestinatis, ut apud Ioannem cap. 17. 9. Non pro mundo rogo, sed pro ijs, quos dedisti mihi. Ad hūc modum Hierony. hunc locum interpretatur.

Multi in  
scriptura p  
omnibus.

29. Et egredientibus illis ab Iericho.)  
Erat Iericho in uia, cum ex Galilæa

Ierosolymam propter flumini Iordānem ueniebatur.

30. Et ecce duo cæci.) Dubium, an eadem sit historia, quæ hic a Matth. & quæ a Marco c. 10. 46. & a Luc. cap. 18. 35. narratur, qui tres prope Iericho cecos Christum curasse scribunt. Sunt, qui tres diuersas historias esse putent, ut Euthymius, quia Matth. duos cecos fuisse dicit, Mar. & Luc. unum, & Mar. narrat cecum illum, quem curatū fuisse dicit, uestimentum suum proiecit, ut profileret ad Christum, quod alij nonarrant. Alii duas historias esse credūt, ut D. Aug. li. 2. de cōsen. Euāg. c. 65. & li. 2. qq. Euāgel. q. 48. & Beda, Strabus, & Lyranus hoc loco. Nā eam, quam Matt. & Mar. scribunt unam esse: quā autem Luc. esse diuersam, quia Matth. & Mar. scribunt id factum esse cum Christus ab Iericho egredereetur: Luc. uerò, cū appropinquaret, quod uideatur adeo esse contrariū, ut nō uideatur idē miraculum esse posse. Magis asfentior Theophylacto, qui unā tantū historiam a trib. Euangelistis narrari putat. Omnia. n. sunt adeo similia, ut non uideantur diuersa esse posse miracula. Oēs dicunt id accidisse in ea profectioe ultima, qua Christus, ut moreretur, uenit ex Galilæa in Ierusalē: oēs in eodem loco prope Iericho: oēs cecum, aut cecos, qui curati sunt, sedisse iuxta uia, qua Christus præteribat: oēs clamasse iisdem uerbis, Iesu fili David miserere mei: oēs a turba iussos fuisse tacere: oēs uehementius clamasse: oēs fletisse: Christū, & cecos ad se uocasse: oēs rogasse cecos, quid uultis, & faciam uobis? Non poterunt profectō in diuersis historiis tam similia esse tā multa. Quod ergo Matth. duos: Marcus uerò, & Lucas unum tantum commemorant cecum, rectē D. Aug. ridet duos quidē fuisse, ut Matth. scribit: sed ex iis unum nobiliorem, & uulgō magis celebrē, ideoque illius tm Marcū, & Iucam fecisse mentionem. Cōfirmat hanc coniecturā Mar. exprimens nomen cæci, & patris ipsius, quasi homo esset uulgō oib. notus, uocat quippe Patrem filium Timei. Simile exemplū uidimus supra c. 8. 28. ubi Matt. scribit

D d 4 duos



duos a Christo demoniacos in regio-  
ne Gerasenorum curatos fuisse, cum Mar.  
c. 5. 2. & Luc. c. 8. 27. unus tantum me-  
minerint. Difficilior nodus est, quod  
Matt. ver. sup. & Marc. c. 10. 46. dicat id  
contingisse, cum Christus ab Iericho egre-  
deretur; Luc. verò c. 18. 35. cum appro-  
pinquaret: neque quorundam interpre-  
tationem uerba Græci recipiunt: quæ  
exponunt, cum appropinquaret, i. cum  
inde discedens adhuc esset prope: est. n.  
Græcè, ἐν τῷ ἐγγίζειν αὐτὸν εἰς Ἱερὶ-  
χὸ cum appropinquaret in Iericho. i.  
ut ingrederetur in Iericho. Itaq; ma-  
gis eorum probo cōiecturam, qui exi-  
stimant cæcum illum nobiliorem, de  
quo Marc. & Luc. scribunt, tum cum Chri-  
stus ad urbem appropinquaret, sedisse  
secus uiam, & ad prætereuntem Chri-  
stum acclamasse, *Iesu fili David misere-  
re mei*; Christum uerò tunc curare eum  
noluisset, ut paullo post duos simul cu-  
raret. Cæcum ergo iterum in uiam obse-  
disse, quia seiebat exiturum Christum, &  
iterum una cum altero cæco iisdem cla-  
masse uerbis, atq; tunc uocatos a Chri-  
sto fuisse, atq; curatos, & quia nō om-

nia narrant Euangelistæ Matth. & Mar-  
cum dixisse id factum fuisse, cum Chri-  
stus egrederetur, Luc. cum appropin-  
quaret. Illud uerò, quod ait Marcus ce-  
cum, cum uidisset se a Christo uocari,  
abiecta veste accurrisse, quodq; Mat-  
thæus dicit Christum cæcorum oculos teti-  
gisse, quod alij Euangelistæ non di-  
cunt, minime difficile, cum sæpe unus  
Euangelista unam facti circūstantiam  
declaret, quam alij præterierunt.

*Fili David.*) Id est Messia. Cur ita  
Christus appellaretur ab ijs præter-  
tim, qui aliquod ab eo beneficium po-  
stulabant, diximus in præfatione.

31. *Turbæ autem increpabat eos, ut  
tacerent.*) Nō inuide atq; malignè: sed  
amater, & officiosè id piā turbam fecit  
se credendum est, ne homines abiectioni  
Christo obstrepēdo molesti essent, ut  
Auctor imperfecti, & Euthy. existimāt.

34. *Tetigit oculos eorum.*) Cur teti-  
gerit supra ca. 8. 3. exposuimus, Marc.  
verò, & Luc. addunt subiunxisse Chri-  
stum, *fides tua te saluum fecit*, quod  
quemadmodum sit intelligendū ca. 9.  
2. copiosè disputauimus.

## I N C A P V T X X I.

Mat. 11. 2. 1  
Luc. 19. c. 20



T cum appropinquassent Ierosolymis, & venissent  
Bethphage ad Mōtē oliueti: tūc Iesu misit duos  
discipulos. 2. dicēs eis: Ite in castellū, qđ contra  
uos est, & statim inuenietis asinā alligatā, & pul-  
lum cum easoluite, & adducite mihi, 3. & si quis

vobis aliquid dixerit, dicite quia Dñs his opus habet: & cōfe-  
ssim dimittet eos, 4. Hoc aut totum factū est, ut adimpleretur,  
qđ dictum est per Prophetam dicētem, 5. Dicite filiæ Sion: Ec-  
ce rex tuus venit tibi mansuetus, sedēs super asinam, & pullū fi-  
liū subiugalis, 6. Euntes aut discipuli fecerūt, sicut præcepit eis  
Iesus 7. Et adduxerunt asinā, & pullū: & imposuerunt sup eos  
uestimenta sua, & eum desuper sedere fecerunt, 8. Plurima autē  
turba strauerūt uestimēta sua in uia: alij aut egdebāt ramos de  
arborib. & sternebant in uia, 9. turbæ aut, quæ præcedebant, &  
q̄ sequebantur, clamabant, dicentes: Hosanna filio David: bene-  
dictus, qui uenit in nomine Dñi: hosanna in altissimis, 10. Et cum  
intraisset Ierosolymā, cōmota est uniuersa ciuitas, dicens: Quis  
est hic? 11. Populi autē dicebāt: Hic est Iesus Propheta a Naza-  
reth Galileæ, 12. Et intrauit Iesus in tēplū Dei, & eiciebat om-  
nes

Isa. 62. d. 11  
Zach. 9. b. 9

Jo. 12. b. 15.

Ps. 117. d. 26  
Mat. 11. b. 9

Lut. 19. g. 38

Jo. 2. c. 14.



nes vendentes, & ementes in templo, & mēfas numulariorū, &  
 cathedras vēdētiū colūbas euerūt. 13. & dicit eis: Scriptū est:  
 Domus mea domus orationis vocabitur: vos autē fecistis illam  
 spelūcā latronū. 14. Et accesserūt ad eū cæci, & claudī in tēplo:  
 & sanauit eos. 15. Vidētes autē principes sacerdotū, & Scribæ  
 mirabilia, quæ fecit, & pueros clamātes in tēplo, & dicētes: Ho-  
 sanna filio Dauid: indignati sūt. 16. & dixerūt ei: Audis quid isti  
 dicūt? Iesus autē dixit eis: Vtique nūquā legistis: Quia ex ore in-  
 fantiū, & lactētū perfecisti laudē? 17. Et relicti illis, abiit foras  
 extra Ciuitatē in Bethaniā: ibique māsit. 18. Mane autē reuertēs  
 in Ciuitatē, esuriit. 19. Et vidēs ficū arborē vnam secus viā, venit  
 ad eā: & nihil inuenit in ea nisi folia tantū, & ait illi: Nunquam  
 ex te fructus nascatur ī sēpiternū: Et arefacta est cōtinuo ficul-  
 nea. 20. Et vidētes discipuli, mirati sūt, dicētes: Quō continuo  
 aruit? 21. Respōdēs autē Iesus, ait eis: Amē dico vobis, si habue-  
 ritis fidē, & nō hesitaueritis, nō solū de ficulnea facietis, sed &  
 si monti huic dixeritis, Tolle, & iacta te in mare, fiet. 22. Et oīa  
 quęcūque petieritis in oratione credentes, accipietis. 23. Et cū  
 venisset in tēplū, accesserūt ad eū docētē, principes sacerdotū,  
 & seniores populi, dicētes: In qua potestate hæc facis? Et quis  
 tibi dedit hāc potestatē? 24. Respondens Iesus, dixit eis: Inter-  
 rogabo vos & ego vñū sermōnē: quē si dixeritis mihi, & ego vo-  
 bis dicā in qua potestate hæc facio. 25. Baptismus Ioānis vnde  
 erat? ē cēlo, an ex hominibus? At illi cogitabāt inter se dicētes:  
 26. Si dixerimus, ē cēlo, dicet nobis: Quare ergo nō credidistis  
 illi? Si autē dixerimus ex hominibus, timemus turbā: omnes n.  
 habebāt Ioannē sicut Prophetā. 27. Et respōdentes Iesu, dixe-  
 rūt: Nescimus. Ait illis ipse: Nec ego dico vobis, in qua potesta-  
 te hæc facio. 28. Quid autē vobis videtur? Homo quidā habebat  
 duos filios, & accedēs ad primū, dixit: Fili, vade hodie, opare ī  
 vinea mea. 29. Ille autē respōdēs, ait: Nolo. Postea autē, penitētia  
 motus, abiit. 30. Accedens autē ad alterū, dixit similiter. At ille  
 respōdēs, ait: Eo, domine, & nō iuit. 31. quis ex duobus fecit vo-  
 luntatē patris? Dicunt ei: Primus: Dicit illis Iesus: Amē dico vo-  
 bis, quia publicani & meretrices præcedēt vos in regnū Dei. 32.  
 Venit n. ad vos Ioannes in uia iustitiæ, & non credidistis ei; pu-  
 blicani autē, & meretrices crediderūt ei: vos autē vidētes nec pe-  
 nitentiā habuistis postea, ut crederetis ei. 33. Aliā parabolā au-  
 dite: Homo erat paterfamilias, q. plātauit vineā, & sepē circūde-  
 dit ei, & fodit ī ea torcular, & edificauit turri, & locauit eā agri-  
 colis, & peregre pfectus est. 34. Cū autē tps fructuū appropin-  
 quas

Deut. 14. c.

25.

Iſa. 56. c. 7.

Ierem. 7. b. 11.

Pſal. 8. b. 3.

Mat. 11. c. 13.

Mar. 11. c. 29.

Sup. 7. a. 7.

1. lo. 3. d. 22.

Mar. n. d. 24.

Luc. 20. a. 2.

Sup. 14. a. 5.

Mar. 12. a. 1.

Luc. 20. h. 9.

Iſai. 5. a. b.

Ier. 2. d. 21.



quasset, misit seruos suos ad agricolas, vt acciperet fructus eius. 35. agricolæ, apprehensis seruis eius, aliū ceciderunt, aliū occiderunt, alium verò lapidauerunt. 36. Iterum misit alios seruos plures prioribus, & fecerunt illis similiter. 37. Nouissimè autem misit ad eos filium suum, dicens: Verebuntur filium meum. 38. Agricola autem uidentes filium, dixerunt intra se: Hic est hæres, venite, occidamus eum, & habebimus hæreditatem eius. 39. Et apprehensum eum eiecerunt extra vineam, & occiderunt. 40. Cum ergo venerit Dominus vineæ, quid faciet agricolis illis? 41. Aiunt illi: Malos male perdet: & vineam suam locabit alijs agricolis, qui reddat ei fructum temporibus suis. 42. Dicit illis Iesus: Nunquam legistis in Scripturis: Lapidem, quem reprobauerunt ædificantes, hic factus est in caput anguli? A Domino factum est istud, & est mirabile in oculis nostris: 43. ideo dico uobis, quia auferetur à vobis regnum Dei, & dabitur genti facienti fructus eius. 44. Et qui ceciderit super lapidem istum, confringetur: super quem vero ceciderit, conteret eum. 45. Et cum audissent principes sacerdotum, et Pharisei parabolas eius, cognouerunt, quòd de ipsis diceret. 46. Et quærentes eum tenere, timuerunt turbas: quoniam sicut Prophetam eum habebant.

## IN CAPVT XXI.



**D**um appropinquasset Ierosolymis, & venisset Bethphage. Erat Bethphage ad radicem montis Oliueti, quem proximum Ierosolymæ fuisse constat ex Luca cap. 21. 37. Marcus cap. 11. 1. ait cum appropinquarent Ierosolymæ, & Bethaniam, Lucas verò c. 19. 29. factum est, cum appropinquasset ad Bethphage, & Bethaniam, ex quibus uerbis intelligitur Bethaniam, & Bethphage aqua liter fere ab Ierosolyma remotas fuisse, quandoquidem quod Mattheus dixit cum appropinquassent Bethphage: Marcus dixit cum appropinquarent Bethaniam. Quod autem colligunt quidam Bethaniam longius abfuisse ab Ierusalem, quàm Bethphage, propterea quòd ex Ioanne c. 12. 1. manifestum sit Christum die sabbati præcedenti in Bethania fuisse, ibique cœnasse, & noctem egisse; Matth. verò significat iam, ex Bethania discessisse cum appro-

pinquasset Bethphage, & discipulos ad soluendam asinam mitteret: itaque Lucam præpostero ordine nomen Bethphage, & Bethaniam posuisse, cum deberet priori loco Bethaniam, quæ paulo longius distabat, posteriore Bethphage nominare: quemadmodum & Marcus prius Ierusalem, quàm Bethaniam: hoc inquam non magna nititur coniectura: nam si qua maior erat Bethania distantia, quàm Bethphage, non nisi perexigua esse potuit cum ex Ioanne c. 11. 18. compertum sit Bethaniam ab Ierusalem quindécim stadia abfuisse, quæ mille octingentos septuaginta, aut circiter passus efficiebant; in Actis uerò Apostolorum c. 1. 12. dicitur Bethphage distare ab Ierusalem sabbati iter, id est quantum Iudeis die sabbati progredi licebat: licebat autem, ut Origenes ait, mille passus: ut alij, bis mille conficere. Quod eo est probabilius, quòd Christus cum Ierosolymis esset, solebat sub noctem ire in montem



rem Oliueti, ut ait Lucas ca. 21. 37. & c. A uero simile eum ad domum Mariæ sororis Lazari itasse, quæ in Bethania erat, ut apparet ex Ioanne cap. 12. 11.

*Misit duos discipulos.*) Quid duo illi fuerint discipuli, prudentis est interpretis non inquirere, prudentis lektoris libenter ignorare, cum Euangelistæ non expresserint, expressuri utique, si quid nostra interesse iudicasset. Quamquam non ignoro magnos auctores non inquisuisse modo: sed quodammodo etiam definiuisse: nam Hilarius, Auctor imperfecti, Beda, Strabus, & Auctor historiæ, quàm Scholasticam uocant, Petrum, & Philippum fuisse credunt, Origenes, & Theophylactus, Petrum & Paulum misisse, ut opinor; nec enim ignorare poterant nondum Paulum tum Apostolum fuisse. Itaque non tam Petrum, & Paulum missos fuisse, quàm Petrum, & Paulum per eos, qui missi fuerunt, significatos diceret uoluerunt; quia ad soluendam asinam, & pullum missi sunt, & asina, ut illi putant, populum Iudeorum, pullus Gentilem significabat, & Petrus ad Iudaicum, Paulus ad Gentilem populum mittendus erat.

2. *In castellum.*) *eis τὸν κάστρον* in pagum, aut in uicium. Lyranum ualde miror cetera bonum auctorem, castellum hoc loco Ierosolymitanam uillam exposuisse, & in nominis diminutione parum consideratè luisse, quasi per contemptum non castrum: sed castellum Christus appellauerit, cum non solum Græca lingua, quam non penitus ignorabat, sed uia etiam ipsa, qua Christus iter habebat docere potuerit locum, in quem Apostoli missi sunt, aliquanto spatio ab Ierusalem distitum fuisse.

*Quod contra uos est.* E regione, sicut Latinus Poeta dixit, *Italiam contra*, & Galli solent dicere ecce contra te est, id est ante te. Nam quorundam interpretatio, qui contra, id est aduersus uos exponunt, aut allegorica est, aut parum apta.

*Asinam & pullum.*) Marcus, Lucas,

& Ioannes, solius pulli meminerunt. Matth. asinam etiam nominauit, & ut rem totam narraret, sicut erat, & ut ostenderet uerè impletam fuisse Zachariæ prophetiam, quæ non solum de pullo: sed etiam de asina loqui uidebatur, aut intelligi certe poterat, & fortasse etiam, ut nominata asina indicaret adeo iuuenem fuisse pullum; ut neminem dum vexisset, sicut Mar. c. 11. 2. & Luc. cap. 19. 36. explicarunt, *super quem nemo adhuc hominum sedit*, non enim solent pulli ab asinabus separari, donec onera gestare incipiant. Ceteri uero Euangelistæ ideo de solo pullo mentionem fecerunt, quia super solum pullum Christus infedit. Quod Auctor scholasticæ historiæ & Lyranus dicunt asinam, & pullum nullum certum habuisse dominum: sed in usum pauperum expositos fuisse, ut quisquis illis indigeret, ueretur nec debuerunt sine alicuius boni auctoris testimonio affirmare, & non uiderunt Euangelistis esse contrarium, scribit enim Lucas c. 19. 33. *soluentibus autem illis pullum, dixerunt domini eius ad illos, quid soluitis pullum?*

3. *Continuò dimittet.*) Quam intellexerunt Christum dimissurum. quasi sensus sit, fiet, ut Christus simulatque iumentis usus fuerit, ea remittat, ut interpretatur Auctor imperfecti homil. 37. sed ex Marco c. 11. 6. manifestum est id non ad Christum, sed dominum pulli esse referendum, quasi dicat, simul atque dixeritis dominum opus illis habere, dimittet uobis eos.

4. *Hoc autem factum est, ut adimpleretur, quod dictum est per Prophetam.*) Dictionis, ut, duplex sensus esse potest; alter, ut non causam, sed consequentiam significet: quemadmodum c. 2. 15. explicauimus, quasi dicat ita factum esse, ut impleretur, quod dictum fuerat per Prophetam: alter, ut causam finalem declararet, quasi uelit Euangelista significare, propterea uoluisse Christum asina uectum ingredi in Ierusalem, ut prophetiam Zachariæ sibi conuenire declararet, hoc mihi magis probatur. Nā ut Chryso.

&c

Virg. 1. Aeneid.



& Auctor imperfecti hoc loco disputant, non est existimandum temere Christum, & sine ulla significatione mysterii uoluisse tunc asino insidentem urbem inire, cum nunquam ita in eandem urbem ingressus ante fuisset. Potissimum ergo eius consilii causam fuisse arbitror, ut cogerentur Iudaei ex prophetiae testimonio ipsum tanquam suum Regem & Messiam agnoscere. Quis enim alius Iudaorum rex, ut Chryso. argumentatur, asino uictus in Ierusalem ingressus ulquam est, de quo Prophetae uaticinium possit intelligi? Aliam eius rei causam Chryso. assert, ut Apostolis, & nobis omnibus humilitatis exemplum praeberet. Tertiam Auctor imperfecti, ut Iudaorum inuidiam concitaret, quasi eo facto regem se Iudaorum fuisse profiteretur, ut cum tempus moriendi iam esset, illos in se irritaret, ut se traderent morti, cum alias antequam moriendi tempus appropinquaret, eorum manibus efugere soleret, ut Luc. 4. 29. & 30. uideretur etiam Christus regni sui speciem, quod in humilitate consistebat, ante oculos ponere uoluisse.

5. *Dicite filiae Sion.*) Haec uerba apud Zachariam non sunt, ex quo sumptum est testimonium, quod sequitur: sed aut Euangelista explicandi causa proposuit aut ex Zacharia, & Isaia ca. 62. 11. testimonium confluxit, qui idem praedicans his utitur verbis, *Dicite filiae Sion, ecce Saluator tuus uenit.* Apud Zachariam c. 9. sic legitur, *Exulta satis filia Sion, iubila filia Ierusalem, ecce rex tuus ueniet tibi iustus, & Saluator, ipse pauper, & ascendens super asinam, & super pullum filium asinae, quemadmodum Hiero. uertit Matth. nec omnia prophetiae uerba recitauit, quia, ut post dicemus, necessaria non erant: neq. Hebraicam lectionem, sed uersionem Septuaginta interpretum, ut in multis aliis locis, secutus est.*

*Filiae Sion.*) Et Hebraismus est, & synecdoche. Hebraismus, quod ciuitatem filiam appelleret: quod in sacris literis est frequentissimum, & a nonnullis Graecis Poetis usurpatum, a

Latinis imitatione quadam, & similitudine acceptum, qui urbes foeminarum nomine appellare solent: & synecdoche, quia ex parte totum intelligitur. Sion enim mons erat, in quo una tantum pars urbis erat collocata. Solet autem tota urbs propterea ex eo monte nominari, quia ibi erat regia. Ioannes c. 12. 15. paullo aliter hoc testimonium citat, *Noli timere filia Sion.* Sensum nimirum, non uerba secutus est. Nam quod Propheta dicit, *Exulta, ille dicit, noli timere:* non enim timet, qui exultat.

*Ecce rex tuus.*) Videtur diu expectatum Messiam, quasi iam prope aduentantem, & ante oculos positum digito demonstrare: quem admodum cum diu aliquem expectamus, & in uiam, qua uenturus est, intentos habemus oculos, ut uideamus utrum appareat, qui primus illum uenientem prospicit, dicere solet, ecce uenit: hanc uim habet illud *ecce*, & illud *uenit*. Na etsi propheta futuro usus est tempore, dubium non est, quin pro Hebraicae linguae proprietate futurum pro praesenti positum sit, quod intelligentes Septuaginta per tempus praesens transtulerunt, ut & Matth. fecit.

*Venit tibi.*) Sic iungenda sunt uerba, ut ex Hebraico contextu perspicuum est. Significat enim Propheta filiae Sion suum regem uenire, id est, quem per multa saecula expectauerat, significat: etiam proprie ad filiam Sion, id est ad populum Iudaicum missum esse, quia non uenerat, nisi ad oues, quae perierant domus Israel; ut dicit c. 15. 24. hoc ergo est *uenit tibi*. Itaque qui pronomen *tibi* cum sequentibus copulant, quasi sensus sit tibi mansuetus, non iratus, non elatus, non crudelis, etsi bene saltant, extra chorum tamen saltant.

*Mansuetus.*) Hebraice est *anani* pauper, sed Septuaginta conuerterunt *anani* mansuetus, quia, ut opinor, legerunt *anani*, eosque Euangelista secutus est, nulla sententiae Prophetae iniuria. Nam &, qui pauperes sunt, mansueti, ac mites esse solet, & utrumque nomen apud Hebraeos ab eo dem.



dem verbo originem trahit.

*Sedens super asinam, et pullum.* Vulgaris hoc loco quaestio, quomodo Christus super asinam, & pullum sedere potuerit. Nonnulli auctores existimantes id literaliter intelligi non posse, ad allegoriam confugendum esse dixerunt, ut Hieronymus, & Beda. Alij supra utrumque sedisse non simul, sed prius super asinam, deinde supra pullum, idque mysterij declarandi causa; asinam enim populum Iudaicum, in quo prius insederit pullum Gentilem, in quem relicto Iudaico se transtulerit. Ita Theophylactus, Strabus, Remigius, Divus Thomas, & Hugo. Contra Iuanus prius supra pullum, deinde supra asinam sedisse: quia pullus indomitus erat, & pari sessorem noluerat. Et quidem verba Evangelistae videntur praeseferre Christum sedisse super utrumque, & quia propterea viderat asinam a pullo distinctum esse etiam in testimonio Prophetae, in quo Hebraicum nomen אֲשֵׁן & asinum, & asinam significare poterat, & poterat: & quia uersu 7. scribit Apostolos super utrumque vestes suas posuisse, ut Christus insideret. Ex alijs tamen Evangelistis perspicuum est non nisi super pullum Christum sedisse, & quia asinae ne mentionem quidem ullam fecerunt, & quia Marcus, & Lucas, indicant mysterij alicuius causa non solum non super asinam: sed ne super asinum quidem domitum sedere uoluisse; uerum super pullum super quem nemo hominum federat, siue populum Gentilem adhuc rudem, & indomitum significare uoluerit, siue non decuerit sedere Christum super asinum, super quem alij homines insederant, siue, ut nonnulli auctores uolunt, in ea etiam re uirtutem suam uoluerit declarare, quod indomitus pullus sibi obediret. Itaque superest nunc alia quaestio: quomodo Matth. super utrumque sedisse non solum indicare: sed plane dicere uideatur. Nobilis cuiusdam Caluinistarum interpretis ridicula mihi uidetur esse sententia, qui

Gallica phrasi Evangelistam dixisse putat super asinam, & pullum Christum sedisse, quemadmodum Galli uulgo dicunt ire duobus equis, non quod qui ita ire dicitur, sedeat super utrumque, sed quod in comitatu suo duos equos habeat. Recte fortasse coniecisset, si Matthaeus natus fuisset in Gallia, praeterquam quod, ut ea phrasis in hunc locum conueniret, oportebat, ut aliquis alius federet super asinam: nec enim calo, & lixa, qui uno uehitur equo, & duos alios capistro trahit, tribus equis ire dicitur. Melius alij existimant hoc loco Graecum uocabulum ὄνος, quamuis & asinam, & asinum significet: tamen non asinam, sed asinum fuisse uertendum, ut non duos, sed unus tantum significaretur: tanquam diceret Evangelista sedens super asinum, & super pullum filium subiugalis repetitione apud Hebraeos uisitata, qua idem diuersis nominibus significatur. Iuuat interpretationem Hebraici sermonis consuetudo, qua nomen אֲשֵׁן, quod est apud prophetam, asinum fere ubique, uix unquam asinam significat. Est in hac sententia Graecus auctor Euthymius, eaque ualde mihi aliquando placuit: sed animaduerti postea ita Evangelistam loqui, ut dubium non sit uoluisse significare Christum super asinam, & pullum sedisse: nec enim sine causa nomen, quod apud Prophetam ambiguum erat, ut & pro asino, & pro asina accipi posset, sine ambiguitate asinam uertit, praesertim cum neque Iohnathas Chaldaeus Paraphastes neque Septuaginta interpretes ita uertissent. Nec dubium est, quin noster interpretes melius hoc loco asinam, quam asinum uerterit, cum ex ipso contextu manifestum sit Christum uer. 2. de asina, & pullo eius locutum fuisse, ubi Graecum participium *sedεμεν* generis foemini oem ambiguitatem tollit. Eorum ego probo iniam, qui Evangelistam per synecdochem, aut syllepsin locutum fuisse dicunt, quae de una re pluri loquuntur numero, ut cum dicit Apostoli obessum unguentum murmurasse, cum solum

Christus soli  
asinę pullo  
insedit, synecdoche &  
syllepsis in  
scriptura nota,  
randa,

Beza in an-  
not. reprehē-  
ditur,



solum Iudam murmurasse constet, & ut dicuntur latrones, qui cum Christo crucifixi erant, blasphemasse, cum alius Euangelista declararet non blasphemasse nisi alterum. Suspicio tamen Euangelistam certo consilio & non asinum, sed asinam conuertisse, & ita fuisse locutum, ut Christum super utrumque sedisse dicere uideretur: ut si quis forte testimonium prophetiae ad hunc modum intelligebat, ut putaret uenturum regem super asinam simul, & pullum eius sessurum esse, nihil calumniari posset, quo minus prophetia impleta esse in Christo uideretur. Cur ergo Apostoli non solum super pullum, sed etiam super asinam uestes suas dicuntur posuisse uersu 7. Respondet Euthymius, quia nesciebant utrum super asinam, an super pullum Christus sedere uellet. Quod probabile non est, quia cum Marcus, & Lucas dicant Christum dixisse iis, quos ad soluendum pullum mittebat, *inuenietis pullum, super quem nemo adhuc hominum sedit*, non poterat Apostoli ignorare Christum non super asinam: sed super pullum sedere uelle. Itaque facilius quaestionem soluemus, si dicamus similem illis esse syllepsim.

7. *Et eum super sedere fecerunt.* Græcè ἐπὶ τῷ ἄσυν super ea, quod uel ad asinam, & pullum, uel ad τὰ ἰμάτια uestimenta referri potest: ut Euthym. & Theophylactus uolunt.

8. *Plurima autem turba.* Turbam hanc eam fuisse, quæ Christum iter Ierosolymam uersus facientem miraculorum cassâ sequebatur, apparet ex Ioanne c. 12. 12. uidentur autem Apostoli initium fecisse huius rei, ut indicat Lucas c. 19. 37. *Cum appropinquaret, inquit, ad descensum montis Oliueti, cæperunt omnes turbae discipulorum gaudere laudare Deum uoce magna.*

9. *Hosanna filio David.* Multa a Græcis, & Latinis auctoribus magnis alloqui, & grauius de hoc nomine dicta sunt, quæ cognita, compertaque ueritate superfluum fuerit commemorare. Quædam obiter attingamus. Nonnulli nihil significare uidentur

existimasse, sed interiectionem tantum esse gaudentis, & obsecrantis, ut August. tractatu in Ioan. 51. deceptus, ut opinior, ab aliquo Hebræo aut non bene, quæ sibi dixerat, intelliges. Nam forte dixerat, quod uerum est, ultimam eius dictionis syllabam *na* obsecrantis interiectionem esse: ille uero non intelligens totam dictionem nihil aliud, quam interiectionem esse existimauit. Reprehendit Hieronym. in epistola ad Damasum Diuum Hilarium, quod dixerit scribens in hunc locum *Hosanna* redemptionem domus David significare, quod idem ab Hilario, ut arbitror, mutuatus in commentariis in caput Lucæ 19. dixit Ambrosius, immerito fortasse, ut paullo post docuimus, uterque reprehensus. Alii *Hosanna* hymnum, ac laudem significare dicunt, ut Euthymius, hoc loco. Alii ramos: quos Iudæi in festo tabernaculorum gestantes clamare solebant *Hosanna, Hosanna*, ut uir quidam nostro tempore in litteris Hebræicis singulariter doctus ex Hebræorum commentariis obseruauit. Nam quia gestantes ramos solebant canere *Hosanna* factum esse dicitur Hebræi, ut *Hosanna* ipsi uocarentur rami. Itaque ea consuetudine excitatam turbam ramos arborum defregisse, & clamasse *Hosanna filio David*, quasi dicat, præcidite, & date ramos filio David, ut nescio quis dixit *manibus date lilia plenis*. Placuit hæc sententia nostro tempore quamplurimis, quo non nisi noua, & inaudita placere solent, mihi fortasse, quia non satis intelligo, nullo modo placet. Primum, quia, ut paullo infra dicemus, persuadere mihi non possum turbam illam consuetudine festi tabernaculorum inductam fuisse, ut Christo ramos præferret, quod commune nihil esset Christo cum ramis tabernaculorum, qui ideo tantum gestabantur, ut tempus illud, quo sub tabernaculis Iudæi fuerunt, in memoriam reuocaretur; & non est credendum turbam illam, præsertim ducibus Apostolis, remere, ac sine sensu ramos præcidisse.

Verâ

Virgil. 6.  
Aeneid.

De Hosanna  
opinionēs  
variæ.



Vera de Ho-  
fanna sen-  
tentia,

Vera igitur est Hieronymi hoc loco & in epistola ad Damasum sententia *Hofanna* חוֹפְנָה, aut חוֹפְנָה nihil hic aliud significare, quam saluum fac obsecro, sumptumque esse ex Psalmo 117. versu 25. Dubium tamen, ad quē, tanquam personam agentem, & ad quem, tanquam ad patientem, referenda sunt uerba. Omnes, quos equidem uiderim, ueteres interpretes ad Christum referunt, tanquam ad personam agentem; ad turbam tanquam ad patientem, quasi dicat serua nos o fili Dauid. Sic Irenaeus lib. 4. cap. 24. Origenes tractatu in Matth. 15. Hilarius canone 21. Ambrosius in caput 19. Lucae Hieronymus, & Beda in commentarijs in hunc locum. Atque hoc Hilarius, & Ambrosius, indicare uoluerunt, cum dixerunt *Hofanna* redemptionem domus Dauid significare, ut ex praecedentibus, atque sequentibus eorum uerbis apparet, quasi dicerent turbam illam, quae clamabat *Hofanna*, id est serua obsecro, professam hac uoce fuisse Christum tanquam domus Dauid redemptorem uenisse. Huic sententiae multa repugnant, primum, quod non uideatur turba tunc tantam de Christo opinionem habuisse, ut uerum Deum, ac redemptorem esse crederet: alia uero ex parte non ignorabat carmen illud *Hofanna* non nisi uero Deo cani solere. Deinde quia, quod statim sequitur, *Benedictus, qui uenit in nomine Domini* non ad Christum, tanquam ad personam agentem, sed tanquam ad patientem refertur, non enim orabant, ut Christus sibi benediceret, sed ut ille à Deo benediceretur. Praeterea quia in Psalmo, unde desumpta sunt uerba, *Hofanna* non refertur ad *qui uenit in nomine Domini*, sed ad Deum, & non est credendum, turbam, multo uero minus Apostolos, qui praecinebant, alio sensu, quam à Dauide dicta fuerant, haec uerba recitasse. Adde, quod Grammatica non conuenit: quis enim sensus est salua nos filio Dauid? Etsi non ignoro nonnullos auctores legere fili Dauid, in quibus est Irenaeus: sed con-

stans est omnium Graecorum codicum, & Latinorum magis emendatorum consensus, qui non filii Dauid, sed filio Dauid legunt. Denique si hanc interpretationem sequamur, non uideo qua ratione id, quod statim sequitur, intelligere possumus *Hofanna* in altissimis. Quis enim sensus esset, saluos fac nos, o fili Dauid, in altissimis? Quod ergo recentiores quidam interpretes ante me dixerunt, ualde probō, haec uerba ad Deum, tanquam ad personam agentem; ad Christum, tanquam ad patientem referri oportere: precatur enim turba Deum, ut nouum regem, diuque desideratum seruet, ac prosperet sicut Psal. 44. 4. 5. de eodem Christo loquens dixit Dauid, *Accingere gladio tuo super femur tuum potentissime, Intende, prospere procede, & regna*. Solemus enim nouis regibus regnum, aut urbem regiam ineuntibus fausta precantes acclamare, uiuat rex: quod & Iudaeos solitos facere multis exemplis compertum est 1. Regum 10. 24. 3. Regum 1. 25. 39. 4. Regum 11. 12. 2. Paralipomenon 23. 11. quod ergo turba clamat *Hofanna*, perinde est, ac si dicat, uiuat rex: quod autem ramos praefert, consuetudine triumphantium, & gaudentium uidetur facere: solebant enim Iudaei, sicut & caeterae gentes, in praeciorum laetitia ramos arborum ferre, ut apparet ex 1. Machabeorum lib. cap. 13. 51. Itaque minimè assentior ijs, qui existimant turbam illam consuetudine quadam festi tabernaculorum ramos arripuisse. Nam in tabernaculorum festo non laetitia, sed recordationis causa ramos praeferebant: hanc autem turbam triumphantium, & laetitia gestientium more praetulisse manifestum est, praeterquam quod, qui hoc dicunt, mysterium etiam illius singularis facti uidentur abolere. Ego non dubito, quin turba non caeco, & inconsiderato impetu consuetudinis, sed aut prudenti consilio aut, quod similis est uero, diuino quodam instinctu id fecerit, ut omnes intelligerent, quod Dauid de futuro Messia praedixerat, impletum in Christo.



Christo. Certum huius rei argumentum est, quod uers. 15. etiam infantes iisdem uerbis dicantur acclamasse, quod neque consuetudine, neque humano consilio; sed solo diuino afflatu facere potuerunt. Ideo non clamant, uiuat rex; sed loco eius consuetudine acclamationis *Hosanna*. Dicer aliquis neque cum hac interpretatione Græcam, Latinamque constructionem conuenire, nisi, cum precaretur Deum turba, ut Christum seruaret, non diceret *Hosanna* filio Dauid: sed filium Dauid. Bene iam a nonnullis interpretibus responsum est, Hebraicam esse constructionem, quam & Græcus, & Latinus interpret secutus est. Hebraei enim uerbum *יְהוָה* non solum cum quarto, sed & cum tertio casu copulare solent, ut Deut. 22. 27. Ios. 10. 6. Iudic. 7. 2. 1. Reg. 25. 26. Psal. 43. 4. Psal. 85. 6.

*Benedictus qui uenit.*) Id est prosper sit eius aduentus, sicut paulo ante ex Psal. 44. recitauimus, *Intende; prosperè procede, & regna.*

*In nomine Domini.*) In nomine Domini uenire dicitur non solum, ut plerisque interpretibus uisum est, quia à Deo missus ueniebat: sed etiam quia personam gerebat Dei, qui per eum populum suum uisitabat. Marc. 6. 11. 10. addidit *benedictum, quod uenit regnū patris nostri Dauid. Hosanna in excelsis.* Repetitio est ex uehementi affectu profecta. Legimus in nonnullis antiquis Concilijs, & in quibusdam prophanis etiam historijs obseruatum fuisse, quorū una, eademque uox à turba Imperatori acclamante repereretur; ex numero enim repetitionum affectus estimabatur. Quod autem dicit *Hosanna in altissimis*, qui optime uidentur hactenus interpretari, sic exponunt; quasi Græce intelligatur pronomen, *ὁ*, qui est in altissimis, cuius eclipsis exemplum profertur ex Psalmo 147. 1. Hoc mihi nimis durum, & inusitatum uidetur. Itaque potius credo præpositionem Græcam *ἐν* positam esse pro *ἐκ* ex, sicut Hebraicè *מִן* pro *מֵן* Exod. 12. 43. & Leuitici 8. 32. & 2. Paralipomenon

16. 6. & illo ipso Psalmo, quem alij citant 147. *Laudate Dominum de excelsis, laudate eum in excelsis*, id est de excelsis, sicut ante dixerat *de cælis*: repetitionem enim esse manifestum est, & Hebraicum, & Septuaginta interpretes Græcè, & Hieronymus Latine imitatus est, quem etiam imitati sunt hoc loco, & in altissimis dixerunt pro de altissimis: rogant enim Deum, ut de cælo, hoc est cœlitus, diuinitus, mirabiliter nouum regem seruet. Hinc intelligitur, quomodo, quod Lucas scribit capitul. 19. 38. turbam acclamasse *pax in cælo, & gloria in excelsis*. non sit alteri eiusdem Lucæ sententiæ contrarium capit. 2. 14. *Gloria in altissimis Deo, & in terra pax hominibus*. Nam illic Angeli gloriam Deo pacem hominibus annuntiabant: hic turbæ & gloriam, & pacem Christo in excelsis, id est ab excelsis, & à Deo precantur, nam, & apud Lucam *ἐν* ponitur pro *ἐκ* in pro de.

10. *Commota est uniuersa ciuitas.*) Non est credendum singulos ciues fuisse commotos: sed uniuersa ciuitas commota fuisse dicitur, quia & maior pars, & qui auctoritate primi erant, ut Scribæ, & Pharisei, & sacerdotes commoti sunt, quemadmodum ca. 2. 3. dixit Euangelista Magorum aduentu uniuersam Ierosolimam fuisse turbatam. Commota autem ciuitas non gaudio, non admiratione, non metu: sed inuidia, & maligna quadam indignatione, quod uideret Christo tantum honorem tribui, ut ex uerbis sequentibus intelligitur, sicut monuit Euthym.

*Quis est hic?*) Non ignorabant, quis esset Christus, cum eum per tres iam annos cognouissent; sed sensus est, quantus hic est, ut tantum honoris mereatur? sicut dicebant Nazareni ca. 13. 55. *Nonne hic est fabri filius?*

11. *Populi autem.*) *ὁ δὲ ὄχλος*, Turba, quæ aliunde secuta cum fuerat, nō autem Ierosolymitanus populus. Oponit. n. iusticam turbam, quæ Christum secuta fuerat, Ierosolymitanis ciuibus, quod hi per contemptum, & inuidiam dicerent, *Quis est hic?* illa per fidem



*Fidem responderet: hic est Iesus Propheta à Nazareth.* Cum autē Prophetā uocat, non qualemcūq. sed Messī illū iā olim promissum, diuque expectatum intelligit, ut ex superiore acclamatione percipitur: propterea. n. dixerat *Hosanna filio David, & Benedictus, qui uenit in nomine Domini.* Nō .n. regis solum: sed etiā Prophetę nōi Messias promissus erat, ut Deut. 18. 15. *Prophetam de gēte tua, et de fratribus tuis sicut me, suscitabit ubi Dominus Deus tuus ipsum audies;* quod Petrus Act. 3. 22. & Steph. 7. 37. de Christo interpretantur.

**Triplex  
Christi pa-  
cia.**

*A Nazareth.* ) Triplicem patriam Christū habuisse, Bethlehem, in qua natus, Nazareth, in qua educatus, Capharnaum, in qua plerumque uersatus est. c. 9. 1. exposuimus.

*12. Et intrauit Iesus in templū Dei.)* Non satis cōpertum est, quā Christus in templū intrauerit. Sunt, qui dicant eū rectā uia asino insidentem per mediā urbem progressum, & in templum intrasse. Alii nō eo die, quo in urbem ingressus est, sed post ridie, quēadmodum vñ narrasse Marcus c. 11. 15. Matthaeum autē per anticipationem dixisse Christū in templum ingressum esse. Alii ē contrario eadē die, qua in urbē ingressus est, in templū ē ingressum; Marcum uerō non seruasse ordinem narrationis, sed per recapitulationem, quod pracedēti die gestum erat, sequēti narrasse. Ita sentit D. Aug. lib. 2. de consensu Euangelistarum c. 68. quod ex ver. 17. confirmat, *et relictis illis abiit foras extra ciuitatem*, quibus uerbis indicat Euangelista Christū, ante quam ex urbe exiret, ut iret Bethaniā, disputationē, q̄ Matthaeus, & Marcus narrant, cum sacerdotibus habuisse: quāuis Marcus eā non narret, nisi secundo die, cum Christus Bethania Ierosolymā rediisset. Alii, ut Matthaeum, Marcumque conciliant, utroque die Christum in templū ingressum fuisse dicunt: quod probabile quidem est, quia quotiescūque Ierosolymis Christus erat, templum, frequentabat, sed est dictum abs te; quia Euangelistae non de quocumque Christi in tem-

plum ingressu; sed de eo tantum loqui uoluerunt, quo ea, quae loquuntur, gesta sunt, ut pueri, qui in templo erant, acclamarent *Hosanna filio David*, & sacerdotes Christum interrogarent, utrū ea, q̄ dicerentur, audiret? Ea autē non secundo, sed primo die accidisse probabile est, cū pueri adhuc clamarent *Hosanna*, quod primo potius, quā secundo die fecisse credendum est. Itaque Diui Augustini sententia multo mihi uidetur probabilior. Scribit etiam Ioannes capitul. 2. 14. 15. similem historiam, sed uero simile est, quod Chrysostomus, Augustinus, & Euthymius existimant, similem esse non eandem, bisq. Christum ē templo uidentes, & ementes eiecisse. Cum autem in templum dicitur ingressus, prima pars templi intelligenda est, quae atrium, & porticus Salomonis appellabatur, ubi docere, & ambulare solebat Christus Ioannis 10. 23. Is enim locus patebat omnibus Actorum. 3. 11. & 5. 12. nam in reliquis duas templi partes, non nisi sacerdotes ingrediebantur, ut ait D. Paul. ad Hebraeos 9. 6. & 7. In atrio ergo templi, & uidentes, & ementes uersabantur.

*Vendentes.* ) Non possumus hunc loco melius, quā Hieronymi uerbis interpretari, Et hoc, inquit *primò sciendum, quod iuxta mandata legis augustissimo in toto orbe Domini templo, & de cunctis pane regionibus Iudaeorum illuc populo cōfluente innumerabiles immolabantur hostie, maximè festis diebus taurorum, arietū, hircorum pauperibus, ne absq. sacrificio essent, pullos columbarū, et turtures offerētibz, accidebat plerumq. ut, qui de longi uenerant, non haberent uictimas, ex cogitatione igitur sacerdotes, quomodo praeda de populo facerēt, & oīa animalia, quibus opus erat, ad sacrificia uendebant, ut & uenderē non habentibus & ipsi rursum empta susciperent. Hanc sycopham eorum crebra uenientium inopia dissipabat, qui indigebant, sumptibus, & non solum hostias non habebant sed ne unde emerent quiddam aues: & uilia munuscula. Posuerunt itaque & nummularios, qui m-*

Ec in am



tuam sub cautione darent pecuniam, sed  
 Leu. 25. 36. quia erat lege præceptum, ut nemo usuras  
 Deute. 23. acciperet, et prodesse non poterat pecunia  
 19. feneratoria, quæ commodi nihil haberet, et  
 interdum sortem perderet, excogitauerunt  
 & aliam technam, ut prouinnumularijs  
 colybiſtas facerent, cuius uerbi proprietatem  
 Latina lingua non exprimit. Colyba  
 dicuntur apud eos, quæ nos appellamus  
 iragemata, uel nilia munuscula, uerbi  
 gratia fruxi ciceris, uuarumque passaru,  
 et poma diuersi generis. Igitur quia usu  
 ras accipere non poterant colybiſte, qui  
 pecuniam feneratori erant prouisuris acci  
 piebant uarias species, ut quod nummo  
 non licebat, in his rebus exigere, quæ  
 nummis coeuntur. Cætera mihi pla  
 cent: illuc tantum certum non est, quod  
 Hiero. refert, eam consuetudinem à  
 sacerdotibus introductam esse.

Contra E  
 piscopos Si  
 moniacos.

Et cathedras uendentium columbas  
 euerit. (Diuus Hieronymus. hoc loco  
 & Ambrosius, in ca. 19. Lucæ non pu  
 tant posse hoc ad uerbum intelligi,  
 absurdum existimantes columbarum  
 uenditores, tanquam doctores legis  
 cathedras habuisse. Itaque ad mysticū  
 sensum confugiunt, uenditores co  
 lumbarum Episcopos esse, qui dona  
 Spiritus sancti pecunia uendunt; hi  
 enim in Ecclesiis cathedras habent,  
 quam allegoriam & cæteri omnes ue  
 teres interpretes secuti sunt: sed non  
 sublato tamen literalis sensu. Igitur  
 uenditores columbarum cathedras,  
 in quibus sederent, habuisse creden  
 dum est, non quales legis doctores:  
 sed quales eiusmodi rerum in foro  
 uenditores habere solent. Cur ergo  
 dicet, aliquis, non potius dicitur num  
 mulariorum, quam columbas ven  
 dentium cathedras euerisse, cum  
 nummularij potius, quam columba  
 rum uenditores cathedras habere  
 soleant? Respondeo uoluisse Euan  
 gelistam dicere, quod erat maius: præ  
 termittit, quod minus: in nummu  
 lariis autem maius erat eorum men  
 sas una cum pecunia, quam eorum  
 cathedras euerire: propterea men  
 sas non cathedras dixit euerisse. Me  
 ritò mirantur multi, quomodo num  
 mularij, & reliquum hominum ge

nus auarissimum Christo non restite  
 rint. Rectè Hieronymus respondet, 10. 11. 43.  
 Plerique arbitrantur maximum esse signo  
 rum, quod & Lazarus suscitatus est, 96.  
 quod cæcus ex utero lumen acceperis, &  
 ad Iordanem uox audita sit patris, quod  
 transfiguratus in monte gloriâ ostendit  
 triumphantis. Mihi inter omnia signa,  
 quæ fecit, hoc uidetur mirabilius esse,  
 quod unus homo, & illo tempore contem  
 ptibilis, & in tantum uilis, ut postea cruci  
 figeretur, Scribis, & Phariseis contra se  
 sequentibus, & uidentibus lucra sua de  
 strui, potuerit ad unius flagelli uerbera  
 tantam eijcere multitudinem, mensas  
 subuertere, & cathedras confringere, &  
 alia facere, quæ infinitus non fecisset ex  
 citus. Igneum enim quiddam, atque syde  
 reum radiabat ex oculis eius, et diuinitas  
 maiestas lucebat in facie.

13. Scriptum est.) Quod Ieremias de  
 hominibus sui temporis dixerat, ad  
 nummularios & uenditores colum  
 barum accommodat. Simile exem  
 plum notauimus supra cap. 15. 8. ubi  
 non interpretatur prophetam, sed ad  
 personas similes accommodat.

16. Ex ore infantium.) Dubium, an  
 qui clamabant, infantes omnino fue  
 rint, an pueri iam grandiuſculi, qui  
 cum turbam clamantem audiuissent,  
 Hosanna filio David, eandem cantio  
 nem, ut ea solet ætas, imitati sunt. Hi  
 larius, Auctor imperfecti, & Strabus  
 pueros quidem, sed non infantes  
 fuisse putant. Chrysostomus, Euthy  
 mius, & Theophylactus infantes:  
 quod ego multo magis probo, &  
 quia id Christi gloriæ magis augeat  
 & quia uerba id significant, & quia  
 eo sensu dicere uidetur Christus, si  
 cut apud Lucam cap. 19. 40. de eadem  
 re loquens dixisse dicitur si hi tace  
 rint, lapides clamabunt.

Perfecisti laudem ueruptis dicitur,  
 id est, perfectam laudem consecutus es.  
 Eodem sensu dixit David דָּוִדִּי fun  
 dasti laudem, id est stabilem, perpe  
 tuam, & immortalem laudem tibi  
 comparasti. Quid apud Dauidem sen  
 sus sit, in commentariis in Psalmum  
 8. 3. explicabimus. Dauidem se per  
 τέλει in infantem, & lactentem ap  
 pellasse,

10. 11. 43.  
 96.  
 Matt. 3. 17.  
 Marc. d. 9.  
 1. 2.  
 Maximum  
 Christi mi  
 raculū Hie  
 ronymi sen  
 tentia.

Psalmorum  
 locus expli  
 catus,



pellasse, ex cuius ore gratias pro de-  
uicto Goliath agentis magnam Deus  
laudem consecutus esset, ut statim se-  
quitur, *vt destruas inimicum, & vlti-  
orem*, id est, quia inimicum, & vltorem  
destruxisti: hunc. n. sensum Hebraica  
verba recipiunt. Obseruandū est Chri-  
stum se in huius accommodatione  
sententiæ Deum declarare. Nā quod  
Deo Dauid dixerat, sibi dictum esse  
interpretatur.

17. *Et relictis illis.* Principibus sa-  
cerdotum, & Scribis, de quibus uer-  
su. 15. dictum erat. Quo autem consi-  
lio eos reliquerit, variæ sunt senten-  
tiæ. Euangelista quidem ita uidetur  
scribere, ut Christum significet certa  
aliqua, & non leui de causa eos reli-  
quisse. Alioquin non erat, quod dice-  
ret, *Et relictis illis abiit foras*: satis erat  
vt scriberet eum se in Bethaniam re-  
cepisse, quod ibi haberet hospitium:  
cum autem dicit *Et relictis illis*, signi-  
ficare videtur eorum causa discessis-  
se. Ergo Chrysostom. Auctor imperfe-  
cti. & Euthymius, propterea eos reli-  
quisse dicunt, ne ab illis ante tempus  
comprehenderetur, Theophylactus,  
verò, quod eius præsentia, atque collo-  
quiis indigni essent. Vtrumque pro-  
babilius, quàm quod Hieronymus,  
Beda, & Strabus existimant, non alia  
de causa discessisse, quàm quod, pau-  
per cum esset, hospitium in tanta ci-  
uitate non inueniret. Nec enim cre-  
dibile est neminem fuisse, cum tam  
multi iam in eum credidissent, qui do-  
mo uellet recipere.

18. *Esuriit.* Sunt, qui existiment nō  
esuriisse verè, cum matutinum esset  
tempus: sed, vt occasionem acciperet  
edendi miraculi, esurire finxisse. vt  
sentit Euthymius, nescio etiam: an  
Augustinus lib. 2. quæstionum Euan-  
gelicarum quæstione 51. Id est valde  
probabile. Nam, ut postea dicemus,  
etiam finxit in ficu se fructum quæ-  
rere, cum non ignoraret fructum nō  
habere. Certè si uerè esuriit, rectè mi-  
hi uidetur Chrysostomus existimare  
non naturalem fuisse famem: sed uo-  
luntariam, & sponte accersitam. ut  
causam haberet miraculum edendi,

quemadmodum cap. 8. 24. docuimus  
tempestatem illam, quæ ipso cum di-  
scipulis nauigante sequi cepit, non  
naturalem: sed eius studio, & uolunta-  
te excitatam fuisse, ut occasionem ha-  
beret uentis, marique imperandi, &  
ostendendi potestatem, ac diuinita-  
tem suam.

19. *Et nihil inuenit in ea.* Fructum,  
in ficu Christū non inuenisse non est  
mirū, cum, ut scribit Marcus c. 11. 13.  
ficorum tempus non esset: erat enim  
dies mensis Martij yndecimus, ut ex  
Euangelistis apertè colligitur: quasi-  
uuisse mirum est. Quod hæreticorum  
scribit interpretes Christum quæsiuisse  
in arbore fructum, quod nondum co-  
gnouisset, quænam arbor esset, putat.  
setque, cum longè vidisset, aliquā aliā  
arborem esse ex iis, quæ tūc maturum  
fructum haberet, ridiculum est. Nam  
neque, quæ esset arbor, Christus igno-  
rare potuit, neque ullam arborem eo  
tempore maturum fructū habere po-  
tuisse. Et vt fingamus quemadmodū  
hæreticus dicit, Christum arbore non  
cognouisse: cur illi maledixit, cum fi-  
cum esse uideret, quæ nondum matu-  
ros deberet habere fructus? Sciens er-  
go, & prudēs Christus ad arborem di-  
uertit, neque ignorans esse ficum, ne-  
que fructum non habere: sed fingens  
se querere more hominum, quod se  
sciebat inuenturum non esse: sicut, ut  
miraculi occasionem caperet, ut Au-  
gust. lib. 2. quæstionum Euangelicarū  
quæst. 51. & Chrysostom. & Euthym.  
in hunc locum scribentes existimant,  
siue, ut ego arbitror, ut mysterium, de  
quo paullo post dicemus, declararet.  
Altera quæstio est, cur arbori maledi-  
xerit, eamque arefecerit, quasi punire  
vellet, quod fructum nō haberet, cum  
habere non deberet eo tempore, quæ-  
admodum Marc. quasi arborem excu-  
sans dixit, *non enim erat tempus fico-  
rum*. Id ego non iræ impetu, qui in  
Christum cadere non poterat, non pe-  
næ inferendæ causā, quam nec ar-  
bor merebatur, nec poterat sentire, si  
mereretur: sed solo mysterio factum  
credo: quemadmodum Orige. tracta-  
tu in Matthæum 17. Hilar. & Hieron.

Caluinus in  
harm,

Cur Christ⁹  
ficum arefe-  
cit.

Ee 2 putant.



putant. Myſterium autē fuit, q̄, cū Synagoga arbor eſſet, a Deo i vinea ſua plantata, fructumque in ea ſepe queſiuiſſet, nūq̄ inueniſſet vllum: quemadmodum apud Iſaiam dicit c. 5. 2. *Expectaui, vt faceret vnas, & feci labruſcas* & ut per aliā apud Lucā parabolā declaratur c. 13. 6. *Arborem*, inquit, *ſci habebat quidā plantatā in vinea ſua, & venit querens fructū in illa, & nō inuenit; dixit autē ad cultorē vineę, Ecco anni tres ſunt ex quo venio querens fructū in ficulnea hac, et nō inuenio: ſuccide ergo illam, vt quid etiā terram occupat?* ita Chriſtus arefecit, ideſt legem veterem & Synagogā, quia bonorum operum fructus non ferebat, abrogauit: hoc eſt, q̄ alia parabola paulo poſt docet cuius cōcluſio eſt verſu 43. *Auferetur a vobis regnū Dei, & dabitur gēti faciēti fructus eius*: indicat. n. p. p. gentibus dandū, quia fructus facturæ erāt: propterea Iudæis auferendū; quia fructus non fecerant: ſed filiū potius dñi ſui, & heredē vnicū occiderant. At vī per arborē ſignificari nōdum fuiſſet tēpus, vt Synagoga fructus afferret: *nō enim erat tempus ficorum*. Rñdeo nō eius rei cauſa arefactū fuiſſe ficum: ſed rātū voluiſſe Chriſtum factū illo ſine vllis verbis declarare ſe Synagogam arefacturū, quia fructū non afferebat; quemadmodū arbor illa fructum non habebat; in eo igitur tñ, q̄ Chriſtus docere voluit, ficus Synagoga ſimilis eſſe debet, q̄ neutra fructum habebat. In eo verò, q̄ Chriſtus dicere noluit, ſimilis eſſe non debet, ut quemadmodum tēpus non erat, vt ficus haberet fructum: ita tempus nondum eſſet, ut Synagoga bona opera faceret: eſſi ſcio aliter Hieronymum interpretari; hoc. n. inter arbores, & homines intereſt; quod arbores natura ſua non niſi certo quodam anni tempore fructus ferre debent; homines verò debent toto vitæ ſuæ tempore benefacere. Tota uita nobis eſt cſtas, tota debet eſſe frugifera; nec quicquam nōs præter voluntatem noſtrā ſteriles facit.

20. *Et uidentes Diſcipuli*) Die ſequēti, qui tertius fuit ab eo, quo Ieroſo-

ſymam Chriſtus ingreſſus fuerat, cū iterum Ieroſolyma Bethaniam reuerterentur, vt apparet ex Marco.

21. *Et non beſitaueritis*.) *ἔγω μὴ δίσταμι* & nō diſceptaueritis, vt ſolēt, q̄ dubitant apud ſe in vitæque partē argumētari. Ita Act. 10. 20. & Ro. 4. 20.

*Non ſolum de ficulnea*.) *οὐ μόνον τὸ τῆς ficulnῆς*, nō ſolū q̄ in ficu factū eſt.

24. *Interrogabo et ego vos*) Nō rñdet Chriſt⁹ ad q̄ſtionē ſacerdotū, ne audita veritate magis irritetur, ſed alia propoſita q̄ōne vult, vt eā ſoluētes ipſi ſibi rñdeāt. Nam nō poterāt rñdere baptiſmū Ioānis ex cōlo eſſe, quia omnium teſtimonio conuicti fuiſſent cōfiteri Chriſtum non humanā, ſed diuinā poteſtate facere, quē faciebat, quia Ioannes de illo teſtimonium præbuerat. Ecce *Agnus Dei, ecce qui tollis peccata mūdi*, Io. 1. 29. Baptiſmum autem Ioannis vocat Chriſtus non ſolum baptiſmum, quo hoīes aqua baptizabatur, ſed oēm eius profeſſionem, oē inſtitutum, oēm p̄dicationem, atque doctrinam; quemadmodum noīe circūciſionis tota lex Moyſis intelligebatur, vt ait Paulus ad Gala. 3. 3. *Teſtificor autem v̄rſus omni homini circūcidenti ſe, quoniā debitor eſt v̄niuerſe legis faciēde*.

27. *Nec ego dico vobis*.) Non reſpondet, nec ego ſcio, ſicut illi dixerant, *nescimus*, quemadmodum ſermonis cōſequentia poſtulare videbatur, quia id verē reſpondere non poterat, ſed reſpondet, *nec ego dico vobis*. Itaque particula illa *nec*, quæ ſimilitudinem ſignificare ſolet, non ſignificat hoc loco ſimilitudinem eius, quod dicitur, id eſt *nescimus*; ſed eius, quod intelligitur, aut, quod conſequitur, quod nimirum non dixerunt Chriſto, vnde eſſet Ioannis baptiſmus: nec Chriſtus dixerat illis, in qua poteſtate faceret, quæ faciebat.

28. *Homo quidā habebat duos filios*.)

Noluerāt ſacerdotes ad Chriſti q̄ſtionē rñdere, ne reſpondētes Chriſti auctoritatem aſſerere cogerentur, cum non ignorarent tamen Ioannis baptiſmum ex Deo, non ex hominibus fuiſſe. Quod ergo illi reſpondere noluerāt, Chriſtus nunc propoſita docet

para-



parabola diuinum fuisse Ioannis baptisimum, eosque penitus inexcusabiles, quod cum publicani, & meretrices Ioanni crediderint, & ad eius prædicationem egerint poenitentiam, ipsi nec illi credere, nec poenitentiam agere uoluerint. Parabola, quæ usque ad uersum 32. extenditur, facilis est. Homo, qui duos habebat filios, non dubium, quin Deus sit. Magis dubium, qui duo sint filii. Mirum quanto consensu ueteres interpretes duos filios populos duos Gentilem, & Iudaicum fuisse dixerint: quorum prior a Deo per naturalem legem iussus in uinea sua laborare responderit se nolle, quia ne legem quidem naturæ seruare uoluit, postea ductus poenitentia in uineam uenerit, id est non solum naturalem: sed Euangelicam etiam legem receperit, atque seruauerit. Contra Iudaicus iussus a Deo in uineam ire, id est legem seruare, respondit se iurū esse, *Cuncta*, inquit, *que locutus est Dominus faciemus*, postea non iuit, id est non fecit, quia in lege præcepta fuerant. Ita Origenes tractatu in Matth. 18. & Athanasius quæstione 39. Chrysostom. Auctor imperfecti, Hieronym. Beda, & Euthymius, hoc loco. Cæterum probabile est ex uersu. 31. ubi parabola concluditur duos filios duo hominum Iudeorum genera significare: primum plebem, & publicanos, meretrices, & peccatores, qui iussi a Deo in uinea sua laborare, id est obseruare legem, non uerbis, sed factis se nolle responderunt, quia non obseruauerunt: postea uero Ioannis exemplo, & prædicatione commoti ducti poenitentia non solum ueterem legem seruauerunt: sed Euangelicam etiam receperunt, secundum sacerdotes, Scribas, & Phariseos, qui in uinea iussi laborare se responderunt ituros esse, id est legis obseruationem, & quidem seueram, atque perfectam profitebantur: sed reuera non ierunt, quia legem minimè seruauerunt: neque Ioanni, de quo Propheta locuti fuerunt, crediderunt, ut Christus ipse uersu 31. & 32. declarat, quod etsi facile est, tamen

solus, quod sciam, inter ueteres auctores Auctor imperfecti animaduertit. Credibile tamen est, & ne ab omnibus antiquis auctoribus discedamus, pium existimare etiam huc Christum respexisse, ut Gentilem, & Iudaicum populum obscure, & oblique significaret. Nam publicani, & meretrices Gentilium, sacerdotes uero, Scribæ, & Pharisei Iudeorum expressa imago esse uidebantur, & uidemus alio loco Christum simili duorum filiorum parabola Gentilem, & Iudaicum populum significare uoluisset Luce 15. 20.

31. *Publicani, & meretrices præcedite uos in regnum Dei.* ) Videtur Christus his uerbis indicare etiam sacerdotes, quibuscum loquebatur, in regnum Dei ingressuros esse; quemadmodum & Origenes interpretatur, quasi Christus significet non eos quidem ipsos, cum quibus agebat, sed alios tamen sacerdotes sub finem mundi, cum ut ait Diuus Paulus, plenitudo gentium intrauerit, conuertendos esse, & in regnum Dei ingressuros. At non id mihi uidetur indicare Christus uoluisset: sed potius sacerdotes in regnum Dei ingressuros non esse. Dicit autem publicanos, & meretrices præcedere, non quod illi sequantur: sed quod, cum legis doctores essent, præcedere deberent, & non solum non præcedent, sed ne sequantur quidem quemadmodum cap. 8. 11. 12. dixit, *Multi ab Oriente, & Occidente uenient, & recumbent cum Abraham, & Isaac, in regno celorum; filij autem regni eicientur in tenebras exteriores.* Adde, quod nisi fallor, sensus huius loci est, præcedunt uos in regno celorum, id est uiam uobis ostendunt, exemplum uobis præbent, sicut uersu sequenti explicatur, *Vos autem uidentes nec poenitentiam habuistis postea, ut crederetis ei:* id est cum uideretis publicanorum, & meretricum exemplum, qui Ioanni credebant, & poenitentiam agebant, ne eorum quidem exemplo prouocari, aut credere, aut poenitentiam agere uoluistis; pro-

E c 3 pierca,

Exod. 19. 8.

Ro. 11. 24.



pterea, ut opinor, non dixit ἐν τῇ βασιλείᾳ τοῦ θεοῦ, in regno Dei, sed εἰς τὴν βασιλείαν τοῦ θεοῦ, in regnum Dei.

31. *Veni enim ad uos Ioannes.*) Nūc respondet, quod sacerdotes respondere noluerunt, docetque Ioannem à Deo missum fuisse, proinde eius baptismum non humano, sed diuino cō filio institutum.

*In uia iustitiæ.*) Hebraismus est, אֲדָרָךְ id est, per modum iustitiæ, iustitiam prae se ferens habitu, & moribus uiri iusti. Videtur enim Christus non tam de uera, interna, que iustitia, (cui in Ioanne uerissima fuerat), quam de ea, quae sacerdotum opinione sola iustitia esse uidebatur, posita in solis rebus externis in habitu, in ieiunio, & alijs eiusmodi, quae fuerunt in Ioanne singulares, & sicut c. 11. 18. dixit *uenit enim Ioannes, neque manducans, neque bibens, et dicunt, demonium habet.* Cum ergo eam iustitiam Ioannes prae se ferret, quam sacerdotes aut solam, aut maximam esse iudicabant, excusationem nullam habebant, quam obrem illi non credidissent.

*Videntes.*) Publicanos, & meretrices credere, ut paullo ante exposuimus, & Euthymius, hoc loco interpretatur.

*Nec penitentiam habuistis, ut credere uis ei.*) Duo Christus in sacerdotibus reprehendit, incredulitatem, qua nuntio Ioanne non crediderunt, & pertinaciam, atque obstinationem, qua postea quam uidissent etiam publicanos, & meretrices credidisse, credere noluerunt: hoc est, quod dicit, *nec penitentiam habuistis postea*, id est nec postquam eorum exemplum uidissetis, sententiam mutare uoluistis.

33. *Aliam parabolam audite.*) Matthaeus Christum introducit iisdem sacerdotibus parabolam proponentem: Lucas uero c. 20. 9. plebi, *capit*, inquit *dicere ad plebem parabolam hanc.* Facile a multis ea quaestio soluta est Christum sacerdotibus in primis, cum quibus disputabat, parabolam proposuisse, sed quia circumfusa, & audiente

plebe proposuit, Lucas scripsit ad plebem dixisse. Ceterum, quod in omnium parabolarum explicatione solemus, i. hoc loco memoria repetendum, ea, quae quasi necessaria, & propria parabola membra sunt ab ijs, quae sunt adiuncta, & ut ita dicam, accidentia diligenter distingui oportere. In hac igitur parabola, quae usque ad uersum 42. tractatur, sex mihi partes propriae esse uidentur, ac necessariae. Prima est, homo quidam, qui uineam plantauit, per quem nemo dubitat Deum significari. Secunda est, uinea, quam plantauit, quam Athanasius quaestione 49. mundum, quem Deus condidit, interpretatur. Irenaeus uero lib. 4. ca. 7. c. uniuersum hominum genus, quod si ita est, qui erunt coloni, quibus eam Deus locasse dicitur? Itaque melius alij omnes auctores uineam Ecclesiam interpretantur, in qua uoluit Deus homines laborare. Vltima in scripturis metaphora est, ut Psalmus 79. 9. *Vineam de Aegypto transfulsi, eieci sti gentes & plantasti eam.* Similis metaphora est apud Iaiam ca. 5. 7. & apud Ieremiam ca. 2. 21. & c. 12. 10. & apud Ioelem c. 1. 7. plantasse autem uineam dicitur Deus, cum legem dedit, quia notitiam sui peream in animis hominum quodammodo plantauit, ut D. August. ait sermone de uerbis Domini 59. Tertia est, quod sepe circumdederit, quod torcular in ea, & turrim aedificauerit, quae tria unam tantum, ut mihi uidetur, partem efficiunt, nihil enim aliud his tribus rebus significatur, quam Deum fecisse Ecclesiae suae, quicquid facere debuit, ut bene & custodiri, & coli posset, quemadmodum dicit apud Esa. cap. 5. 4. *Quid est, quod debui ultra facere uineae meae, & non feci ei?* Proposuit. n. Christus ea, quae domini uineam facere solent, ut coloni nihil ab illis desiderare possint, quominus uineam bene colant, & partos fructus reddant. Solent autem, qui uineam plantant, primum sepe cingere, ne aut bestiae, aut fures possint irruere. Deinde torcular ad colligendam, premendamque vindemiam aedificare. Postremo turrim



rim partim ad ornamentum, partim ut ex ea vinitor speculetur, ne quis in vineam inuadat. Et scio omnes ueteres auctores existimare hac tria suam quodque habere significationē. Nam sepem plerique Dei tutelam, & angelorum custodiam interpretantur, ut Origen. tractatu in Matthæum 19. Ambro. in c. Lucæ. 20. Auctor imperfecti, & Hiero. hoc loco: sicut Psalm. 79. 13. dicitur, *Vt quid destruxisti maceriam eius, & vindemiant eam omnes, qui pretergrediuntur uiam?* maceriam enim eius Deus destruxisse dicitur, quia auxilium, quo eam protegere solebat, atque tueri, retraxit, & ab ea quodammodo discessit, ut dicitur versu 15. *Deus virtutum conuertere, respice de caelo, & vide, & visita vineam istam.* Alij sepem nomen Abraham, Isaac, & Iacob, quo Iudæi a cæteris Gentilibus distinguebantur, esse dicunt, ut Hilarius. canone 22. Alij legē atque præcepta, quibus Iudæi, quasi certis limitibus concludebantur, ne quicquid liberet, facerent, ut Irenæus lib. 4. c. 70. & Auctor imperfecti hom. 40. Torcular verò plerique interpretantur altare, quod victimarum sanguine, quasi multo redundabat, ut Origenes, Hierony. Beda, Euthym. & Theophylactus: alij Prophetarum spiritum, qui quasi mustum feruebat, ut Irenæus loco paullo ante notato, Hilarius. Ambro. quam interpretationem & Hierony. approbat: alij Ecclesiam, ut Auctor imperfecti: alij baptismum, ut Athanasius quæstione 49. quod minime omnium probabile est, cū Christus non de Ecclesia Euangelica, sed de Iudæorum loquitur Synagoga, in qua aut baptismus non erat, aut non poterat per torcular significari. Turrim autem plerique interpretantur templum Ierosolymitanum, ut Origen. Hieronym. Beda, Theophylactus Euthym. alij urbem ipsam Ierosolymitanam, quæ una ex parte in monte sita erat, ut Irenæus: alij legis altitudinem, ut Ambros. c. 20. Lucæ, Auctor imperfecti, & Hieronymus, hoc loco. Quarta pars sunt coloni, quibus vinea locata fuisse dicitur. Per

colonos autem multi auctores solos sacerdotes, Scribas, & Phariseos intelligunt, qui colendæ vineæ, id est populum docendi munus susceperant ut Origen. Hilarius, Auctor imperfecti, Euthym. & Theophylactus, quorum opinionem confirmat, quod Christus cum solis sacerdotibus disputabat, & in eos parabolam proponebat, & quod reliquis Iudæorum populus non tam coloni, quam vinea fuisse uideatur. Ex parabole tamen conclusionē, quæ ponitur versu 43. intelligitur colonos non solos sacerdotes, sed tantam Iudæorum gentem uocatos fuisse, quia concludit Christus vineam Iudæis auferendam & alijs colonis, id est gentibus elocandam, *Auferetur, inquit, à uobis regnum Dei: & dabitur genti facienti fructus eius.* Atque hoc modo Ambrosius interpretatur: Locasse autem Deus colonis vineam suam dicitur, quia in ea laborantibus mercedem certam vitæ æternæ promissit: quemadmodum alia etiam vineæ parabola c. præcedenti declaratum est. Itaque vel ex solo locationis verbo, infamiant licet hæretici, bonorum operum merita probantur. Quinta pars sunt serui, quos dominus vineæ diuerso tempore, ut fructus colligerent, diuersos misisse dicitur, per quos omnes auctores consentiunt, & ex uerbis Christi manifestum est ueteres Prophetas significari. Quomodo autē alij occisi, alij lapidati sint, si quis ignorat, epistola ad Hebræos c. 11. & Hieronymi in hunc locum legat commentarios. Sexta est filius, quem dominus uineæ ad extremum misit. Eum esse Christum, ne illi quidem sacerdotes, in quos iactata parabola est, ignorare potuerunt. Hæc propriam habent, & necessariam significationem: cætera, quæ in parabola videmus, adiectitia sunt, & ad significationem trahi non debent, ne quid violenti, aut absurdi dicamus, & dum nimis mulgemus, sanguinem eliciamus: cuiusmodi sunt sepes, torcular, turris, ut supra explicauimus, domini peregre abitns.

Ec 4 quan-

Merita bonorum operum.



quanquam per eam domini peregrinacionem Chrysostomus Theophylactus, & Euthymius diuturnam Dei erga Iudaeos patientiam significari volunt. Hieronymus, verò, & Beda liberum illis arbitrium relictum esse, ut, si uellent, laborarent: si nollent, non laborarent; quemadmodum eiusmodi seruis absente Domino, aut laborare, aut cessare liberum esse solet. Mihi, ut dixi, non uidetur hæc pars certam, necessariamque habere significationem: sed ad explendam, ornandamque parabolam adiecta. Si quis tamen significationem aliquam eliciendam esse contendit, illa mihi maxime placet, quam Origenes tractatu in Matthaeum 19. & Theophylactus elucuerunt, dominum uineam, id est Deum peregrinacionem profectum esse, quia, cum Iudæis in monte Sina apparuisset, ut uineam illis suam locaret, id est, ut legem daret, & fœdus cum illis de ea seruanda sanciret, postea apparere desijt, quasi peregrinacione discessisset. Adiectum etiam est, quod in parabola dicitur tempus fructuum appropinquasse: quasi non semper tempus fuerit fructuum: aut quasi non semper Deus a Iudæis bonorum operum fructus exegerit. Non enim ita est: sed, ut diximus supra uersu 19 semper fructuum tempus fuit. Deinde, quod dicitur, *uerbuntur filium meum*; peccatum enim id ideo dictum est, quod ad parabolæ significationem necessarium esset: sed quod esset uero simile id dominum uineam, cum filium suum mitteret, dictum fuisse. Chrysostomus, Euthymius, & Theophylactus legunt forte *uerbuntur filium meum*: quemadmodum & apud Lucam cap. 20. 13. legitur. Quod ideo dixisse putant, ut indicaret dominus uineam, quid coloni facere deberent, non quod ignoraret non reuerituros filium suum esse: & ne se Dei prædicatione coactos fuisse dicerent. Sed non dubito ista omnia, tanquam de homine, non tanquam de Deo dicta esse. Homo autem non potuit scire fore, ut coloni filium suum occiderent; potius debuit credere fore, ut reuerterentur.

41. *Adiunt illi, malos male perdet.*) Marcus cap. 12. 9. & Lucas cap. 20. 16. hæc uerba non à sacerdotibus: sed a Christo dicta fuisse tradunt. E contrario uero Lucas scribit sacerdotes respondisse, *absit*, quasi quod Christus dixerat, negarent, & abominarentur. Diuus Augustinus libro 2. de consensu Euangelistarum cap. 70. respondet hæc uerba, ut ait Matthaeus à sacerdotibus dicta fuisse: sed quia uera erant, &, quicquid uerum est, à ueritate proficiscitur: ueritas autem erat Christus, adeo duos Euangelistas Christo illa tribuisse. coactum hoc uidetur. Itaque probabilius est, quod Chrysostomus, & Euthymius, respondent, hæc uerba, ut Matthaeus scribit, primum a sacerdotibus dicta: Christum uero & confirmasse, & explicasse, ita ut sacerdotes intelligerent illum contra se loqui, uelleque significare fore, ut Deus illos, tanquam malos colonos, disperderet, & uineam suam aliis agricolis elocaret: propterea Marcum, & Lucam illa Christo tribuisse: tunc autem respondisse sacerdotes, quod Lucas ait, *absit*.

42. *Nunquam legis.*) Exprobat sacerdotibus legis scientiam proficientibus legis ignoracionem, ut supra per. 16. & c. 12. 3. & 5. & c. 19. 4. confirmat Christus alia metaphora, & scripturæ testimonio euenturum esse, quod sacerdotes abominati fuerant dicentes, *absit*. Itaque nisi Lucas id expressisset, hic locus non satis eum præcedentibus hære uideretur. Nunc autem, ut D. Augustinus lib. 2. de consensu Euangelistarum c. 70. animaduertit, recte hæret. Nam quia sacerdotes dixerant *absit*, negantes id euenturum, quod Christus comminabatur, Deum illos male perditurum: probat id euenturum, quia lapis, quem ipsi edificantes reprobauerunt, factus est in caput anguli, & qui ceciderit super eum, confringetur: super quem autem lapis ceciderit, conteret eum. Mutauit Christus subito metaphorā: quemadmodum alijs locis eum fecisse animaduertimus. Nam Ecclesiam, quam



quàm prius vineæ comparauerat, nunc comparat edificio, quia Dei ædificatio est, ut ait D. Paulus 1. ad Cor. 3. 9. & 2. ad Cor. 13. 10. & ad Ephes. 2. 21. & 4. 12. & quos prius colonos, nunc ædificantes: quem prius filium, nunc lapidem appellat, ut Hierony. & Euthym. annotauerunt. Christum lapidem uocari usitata in scripturis metaphora est, Isaia 28. 16. *Ecce ego mittam in fundamentis Sion lapidem, lapidem probatum, angularem, pretiosum, in fundamento fundatum*: & Danielis 2. 34. Christus est lapis ille, qui de monte sine manibus abscessus fuisse dicitur, & Zachariae ca. 3. 9. *Ecce lapis, quem dedi toram Iesu, super lapidem unum septem oculi sunt*. Dicitur autem Christus lapis Ecclesiae respectu, quia firmum eius fundamentum est, ut declarat D. Paulus 1. ad Cor. 3. 11. & ad Ephes. 2. 20. nec dubium est, quin Dauid Psalmo illo 117. 22. unde hoc testimonium sumptum est, de Christo locutus fuerit, cum lapidem appellauerit, quod ne ipsi quidem sacerdotes Christi aduersarii diffiteri potuerunt.

Hebraismus.

*Lapidem, quem reprobauerunt.*) Hebraismus est, quem Septuaginta frequentissime imitari solent, ut Gen. 31. 16. cum etiam Graecus Matthaei interpretes, & Graeci Latini secutus est, *lapidem, quem reprobaauerunt*, pro lapis, quem reprobauerunt: nam Latini vix ita loquuntur.

Hebraismus.

*Aedificantes.*) Hic etiam Hebraismus est, quo participium praesens ponitur pro nomine uerbalis officium significante, id est aedificatores, architecti, ut supra cap. 19. 4. annotauimus: quos autem Christus, & ante Christum Dauid aedificantes appellauerit, non consentiunt interpretes. Nam quidam solos sacerdotes ita uocari putant, ut Chrysostom. Euthym. & Theophylact. quia illi quasi architecti erant veteris Synagoga, qui cum aedificabant, id est docebant: aedificare enim, docere est, ut Ieremias 1. 10. ad Rom. 15. 20. 1. ad Corinthios 3. 10. ad Gal. 2. 18. ad Ephes. 2. 20. sicut D. Paulus se Euangelij architectum appellat 1. ad Corinthios 3. 10. Ita videtur hunc lo-

cum D. Petrus exponere Act. 4. 11. *Hic est lapis, qui reprobatus est a nobis aedificantibus, qui factus est in caput anguli*. Alij aedificantes omnes Iudaeos generaliter uocari dicunt, quia omnes, quamuis non singuli Christum reiecerunt: hoc enim est, quod dicere reprobauerunt, id est quasi inutilem, & ad aedificum ineptum abiecerunt, ut dicunt impij Sapientiae 2. 12. *Circumueniamus istum, quoniam inutilis est nobis, & contrarius est operibus nostris, & impropere nobis peccata legis, & infamat in nos peccata disciplinae nostrae*.

*Hic factus est in caput anguli.*) Id est caput anguli. Hebraismus quales multos supra notauimus cap. 19. 5. Caput autem anguli, id est lapis in edificio angulum efficiens tribus de causis appellatur Christus. Primum, quia est firmissimus totius aedificij lapis, qui totum continet, atque sustentat: qui sensus a D. Petro declaratur Act. 4. 11. cum dicit, *Hic est lapis, qui reprobatus est a nobis aedificantibus, qui factus est in caput anguli*, id est primus, optimus. opponit enim caput anguli reprobationis: sicut honorem iniurie, ut Isaias appellauit lapidem pretiosum, id est qui honoratissimo in loco positus est. Eodem sensu D. Paulus explicauit ad Ephes. 2. 20. *Super aedificati supra fundamentum Apostolorum, & Prophetarum ipso summo angulari lapide Iesu Christo*: angularis enim interpretatur summum, ac primum, quo totum nectitur aedificum. Secundo, quia est lapis offensionis multis. Solent enim angulares lapides extra aedificum extare. Itaque qui minus cauti sunt, dum praetereunt, ad angulum offendunt: sicut Iudaei ad Christum, tanquam ad angulum offenderunt. Hunc sensum disertis uerbis D. Petrus explicauit 1. epist. c. 2. 78. *Vobis igitur honor credentibus, non credentibus autem lapis, quem reprobauerunt aedificantes, hic factus est in caput anguli, & lapis offensionis, & petra scandalizans, qui offendunt in uerbo, nec credunt, in quo positi sunt*: eundem etiam sensum videtur D. Paulus secutus esse ad

Cur Christus lapis angularis in scriptura appellatur.

Rom.



Rom. 9. 32. 33. Tertiò, quia diuersos populos Iudaicum, & Gentilem inter se necit, faciens utraque unum, & *medium parietem maceriae soluens*, ut ait Diuus Paulus ad Ephes. 2. 14. quam interpretationem omnes fere ueteres auctores secuti sunt, ut Origen. tractatum in Matthæum 19. Hilar. canone 22. Augustinus in Psalmum 88. & 99. & tractatu in Ioannem 9. & sermone 18. & 49. de verbis Domini, & Hieronym. Theophylact. Beda, & Euthym. hoc loco omnes tres sensus uidetur Christus colligere uoluisse: primum, quia significat se a Iudæis reprobaturum maiore in honore apud gentes futurum esse: secundum, quia significat fore, ut Iudæi ad eum impingant, & confringantur: ut statim declarat, *qui ceciderit super lapidem istum, confringetur*: tertium, quia indicat se hoc facturum lucris, ut ab uno populo reiectus pro uno duos habeat, id est tanquam angularis lapidis duos parietes coniungat, atque connectat.

Hebraism' notandus.

*A Domino factum est istud.*) ἐγὲν ἐκ τοῦ κυρίου facta est hæc. Hebraismus, quia, ut omnes sciunt, apud Hebræos scemininum genus pro neutro poni solet, quod sæpe & Septuaginta, & Latinus interpres imitantur, ut Pl. 26. 4. *unam peti a Domino, hanc requiram*, id est unum. A Domino autem factum esse dicitur, quia a solo Domino non humano consilio factum est, ut non credentibus Iudæis crederent gentes, & ut abscessis ramis oleastri furculi in bonæ oliuæ truncum infererentur, ut copiosè, & subtiliter in epistola ad Rom. capitu. 11. disputat D. Paulus.

*Et est mirabile in oculis nostris.*) Hic etiam est Hebraismus esse mirabile in oculis, id est mirabile videri: merito autem Iudæi, quorum persona apud Dauidem hoc dictum est, mirabile sibi uideri dicunt, ut gratia Christi non solum Iudæi, sed multo etiam largius malignè a Iudæis repudiata gentibus detur, cum hoc mysterium ne ipse quidem Petrus iam princeps Apostolorum factus intelligeret Acto-

rum 10. 14. nec intelligere potuisset, nisi demisso cælitus linteo omne animalium genus continente edoctus fuisset.

43. *Auferetur a uobis regnum Dei.*) Hæc est parabole conclusio, qua significatur abolendam Synagogam, & Dei Ecclesiam, quæ regnum Dei hic appellatur, & supra per uineam fuerat significata, ad gentes transferendam: quemadmodum Actorum 13. 46. Paulus, & Barnabas Iudæis dixerunt, *Vobis oportebat primum loqui uerbum Dei; sed quoniam repellitis illud, & indignos uos iudicatis æternæ uitæ, ecce conuertimur ad gentes.* Quod Origenes annotauit prius de uinea dictum esse versu 33. locatam fuisse agricolis: nunc autem non locari: sed dari gentibus: quasi prius Iudæis propter merita promissa mercede locata sit: postea gentibus gratis data, subtile potius, quam uerum est. Nam neque Iudæi magis, quam gentes, ut illis uinea locaretur, meruerunt: neque gentibus minus, quam Iudæis, si bene uineam coluerint, merces promissa est, ergo dari hoc loco, aut transferri, aut locari significat, ut ante.

*Faciens fructus eius.*) Id est, quos, ut proferret, uinea plantata est, & ad quos colligendos missi fuerant a domino serui versu 34. 36. 37. Cum autem dicitur, *& dabitur genti facienti fructus eius*, non quidem meritum, sed causa tamen significatur, quam ob rem gentibus danda sit, quia fructus eius facturæ sunt, id est bene eam culturæ, & fructus domino reddituræ: oblique uerò notatur Iudæorum culpa, cuius causa illis auferatur, quia nimirum fructus eius non faciebant, quod an ad quæstionem de prædestinatione, & reprobatione aliquid lucis afferat, iudicent docti certè Diuus Paulus eodem modo dicit ad Roman. 11. 19. 20. *fracti sunt rami, propter incredulitatem fracti sunt, tu autem fide stas.*

44. *Et qui ceciderit super lapidem istum, confringetur.*) Illud hoc loco manifestum est Christum duplicem pœnā, alteram minorem, alteram maiorem signi-



Calvinus  
in harg.

significare noluisse, quemdam modum, qui super magnum lapidem cadit, ledit quidem se, & membra sepe confringit, sed multo minus, quam si lapis super eum de superiore loco caderet, eum enim prorsus comminueret. Illud dubium, quid sit super lapidem cadere, quid lapidem cadere super aliquem. Hæreticorum interpretes cadere super lapidem esse dicit Christum tyrannorum more, quasi superiores illo simus, uelle opprimere. In preteritum modo, qui in Christum non credunt, & illum tamen non persequuntur, hac sententia non comprehenderentur, & minimè dubium est, quin de medio sit sumpta metaphora; cum autem aliquis super lapidem cadit, non ideo cadit, ut illum opprimat, atque confringat. Denique quis dubitat super lapidem cadere esse ad Christum tanquam ad lapidem offendere? propterea enim lapis offensionis, & petra scandali uocatus est Isaia 8. 14. & 1. Petri 2. 7. 8. Auctor imperfecti, Hieronymus, & Beda existimant eos, qui in Christum credunt, sed tamen peccant, & illum offendunt, super lapidem cadere: quia puniuntur quidem, sed leuius, super eos uero, qui in Christum non credunt, lapidem cadere, id est grauius puniri. Chrysostomus, Augustinus sermone 40. de uerbis Domini, Euthymius, & Theophylactus uidentur sentire cadere super lapidem esse non credere in Christum, qui mihi uidetur proprius esse sensus: quia cadere super Christum

eadem sententia dictum est, qua Christus lapis offensionis appellatur: Christus autem ideo uocatur lapis offensionis, quia multi eius miracula uidentes, quibus, ut in eum crederent, adduci debuerunt, tantum abest, ut crederent, ut ea potius de causa calumniati eum sint. Hoc ergo est cadere super lapidem, idque mihi uidentur D. Paulus ad Romanos. 9. 33. & D. Petrus 1. epistola cap. 2. 7. 8. prorsus expressisse, *Non credentibus*, inquit, *factus est in caput anguli, & lapis offensionis, & petra scandali*. Non credere ergo est super lapidem cadere. Quid autem sit lapidem cadere super aliquem, id est obscurius. Chrysostomus, Euthymius, & Theophylactus dicunt nihil aliud esse, quam Christum illi iratum esse, sed uix quicquam hac metaphora similitudinis haberet. Melius, ut mihi uidetur, Augustinus sermone de uerbis Domini 40. lapidem cadere super aliquem esse Christum de caelo ad eum iudicandum, & condemnandum uenire. Itaque perinde est, ac si Christus dicat, miserum quidem esse etiam in hac uita, quilibet in se non credit, hoc est super lapidem cadere, miseriores futurum in altera uita, cum ipse eum condemnauerit, hoc est, cum super eum lapis ceciderit, eodem prorsus modo, quo D. Ioan. in Apocalypsi capitulum secundum, 11. 20. 6. 14. & 21. 8. mortem primam, & secundam, quasi duas penas, alteram minorem, alteram maiorem distinguit.

## CAPVT XXII.

Luc. 14. d.  
6.  
Apoc 19. b.  
9.



**I** Respondens Iesus, dixit iterum in parabolis eis. dicens. 2. Simile factum est regnum celorum homini regi, qui fecit nuptias filio suo 3 Et misit seruos suos uocare inuitatos ad nuptias, & nolebant uenire. 4. Iterum misit alios seruos dicens: Dicite inuitatis: Ecce prædium meum parauit tauri mei, & altaria occisa sunt & omnia parata: uenite ad nuptias. 5. Illi autem neglexerunt, & abierunt, alius in villam suam alius uero ad negotiationem suam: 6.

reliqui



reliqui vero tenuerunt seruos eius, & contumeliis affectos occiderunt. 7. Rex autem cum audisset, iratus est, & missis exercitibus suis, perdidit homicidas illos, & ciuitatem illorum succedit. 8. Tunc ait seruis suis: Nuptiæ quidē paratæ sunt, sed qui inuitati erant, non fuerunt digni. 9. ite ergo ad exitus uiarum, & quoscūq; inueneritis, uocate ad nuptias. 10. Et egressi serui eius in vias congregauerunt omnes, quos inuenerunt, malos & bonos: & impletæ sunt nuptiæ discumbentium. 11. Intrauit autem rex, ut uideret discumbentes, & uidit ibi hominem non uestitum ueste nuptiali. 12. Et ait illi: Amice, quomodo huc intrasti non habes uestem nuptialem? At ille obmutuit. 13. Tunc dixit rex ministris: Ligatis manibus, & pedibus eius, mittite eum in tenebras exteriores: ibi erit fletus, & stridor dentium. 14. Multi enim sunt uocati, pauci uero electi. 15. Tunc abeuntes Pharisei consilium inierunt, ut caperent eum in sermone. 16. Et mittunt ei discipulos suos cum Herodianis dicentes: Magister, scimus quia uerax es, & uia Dei in veritate doces, & non est tibi cura de aliquo: non enim respicis personam hominum. 17. dic ergo nobis quid tibi uideatur, licet census dare Cæsari, an non? 18. Cognita autem Iesus nequitia eorum ait: Quid me tentatis hypocritæ? 19. ostendite mihi numisma census. At illi obtulerunt ei denarium. 20. Et ait illis Iesus: Cuius est imago hæc, & superscriptio? 21. Dicunt ei: Cæsaris. Tunc ait illis. Reddite ergo quæ sunt Cæsaris, Cæsari, & quæ sunt Dei, Deo. 22. Et audientes mirati sunt, & relicto eo abierunt. 23. In illo die accesserunt ad eum Sadducei, qui dicunt non esse resurrectionem, & interrogauerunt eum. 24. dicentes Magister, Moyses dixit: Si quis mortuus fuerit non habens filium, ut ducat frater eius uxorem illius, & suscitetur semen fratri suo. 25. Erant autem apud nos septem fratres, & primus uxore ducta, defunctus est, & non habens semen, reliquit uxorem suam fratri suo. 26. Similiter secundus, & tertius usque ad septimum. 27. Nouissime autem omnium, & mulier defuncta est. 28. In resurrectione ergo cuius erit de septem uxor? omnes enim habuerunt eam. 29. Respondens autem Iesus: ait illis Erratis nescientes scripturas, neque uirtutem Dei. 30. In resurrectione enim neque nubent, neque nubentur, sed erunt sicut angeli Dei in celo. 31. De resurrectione autem mortuorum non legistis quod dictum est à Deo dicente uobis. 32. Ego sum Deus Abraham, & Deus Isaac, & Deus Iacob? Non est Deus mortuorum, sed uiuentium. 33. Et audientes turbæ mirabantur in doctrina eius. 34. Pharisei autem audientes quod filium imposuisset Sadduceis, conuenerunt in unum: 35. & interrogauit

Sup. 8. b. 12.  
& 13. f.  
42. Inf. 25.  
c. 30.  
Marc. 12.  
b. 13.  
Luc. 20.  
d. 20.

Rom. 13.  
c. 7.

Marc. 12.  
b. 15.  
Luc. 20.  
d. 28.  
Act. 23.  
b. 6.  
Deut. 25.  
b. 6.

Exod. 3.  
b. 6.  
Marc. 12.  
c. 28.  
Luc. 10.  
c. 27.



Deut. 6. 2. 5. rogauit eum vnus ex eis legis doctor, tentans eum, 36. Magister, quod est mandatum magnum in Lege? 37. Ait illi Iesus: Diliges Dominum Deum tuum ex toto corde tuo, & in tota anima tua, & in tota mente tua, 38. Hoc est maximum, & primum mandatum, 39. Secundum autem simile est huic: Diliges proximum tuum, sicut teipsum, 40. In his duobus mandatis vniuersa lex pendet, & Prophetæ, 41. Congregatis autem Pharisæis, interrogauit eos Iesus, 42. dicens: quid vobis videtur de Christo? cuius filius est? Dicunt ei: David, 43. Ait illis: Quomodo ergo David in spiritu vocat eum Dominum, dicens 44. Dixit Dominus Domino meo: sede a dextris meis, donec ponam inimicos tuos scabellum pedum tuorum? 45. Si ergo David vocat eum Dominum, quomodo filius eius est? 46. & nemo poterat ei respondere verbum: neque ausus fuit quisquam ex illa die eum amplius interrogare.

Leu. 19. d.  
18.  
Mar. 12. d.  
31.  
Luc. 20. d.  
41.  
Psal. 109.  
84.

## CAPVT XXII.



*Respondens Iesus.)*  
Aggressus iterū loqui. Respondere pro loqui: aut aggredi dicere, ut sæpe ex Hebræorum

Idiomate explicauimus.

2. *Simile factum est.)* Similis apud Lucam c. 14. 16. parabola est. An autem eadē sit, inter interpretes disceptatur. Quidam multis adducti argumētis diuersam esse putant: quia, qui nuptias fecit filio suo, hic est rex, illic non est; quia hic prandium, illic cēna; quia hic multi serui, & sepe ad uocandos inuitatos mittuntur, illic unus, & semel tantum: hic nō excusant se, sed venire negligunt inuitati; illic alius excusat, quod villam emerit, & necesse habeat exire, ac uidere illam; alius quod iuga bouum emerit quinque, & eat probare illa: alius quod uxorem duxerit, & uenire non possit: hic serui occiduntur: illic non occiduntur: hic mittitur a domino vineæ exercitus, qui colonos occidat; illic non mittitur: hic intrat rex in cēnaculum, ut discumbentes uideat, & inuenit hominem non habentem nuptialem uestem, iubetque ligari, & in tenebras exteriores mitti: illic nihil tale factum dicitur. In hac sententiā sunt

D. Aug. lib. 2. de consensu Euangelistarum c. 70. & Greg. hom. in Euang. 38. Strabus, & D. Thomas. Alij eādem esse existimant, ut existimare videtur Irenæus lib. 4. ca. 70. & 76. quia conuiuium hoc nuptiale, quod factum fuisse dicitur, nūc prandium, ut Matthæus: nūc cēnam, ut Lucas appellat. Itemq; Theophyl. hoc loco, eamque sententiam etiam Gregorius probabilem putat: ego alteram probabiliorē: quia & reliqua omnia, quæ hic a Matthæo, illic a Luca narrantur, similia sunt, & quæ dissimilia uidentur, adeo sunt leuia, ut nos ab hac sententiā dimouere non debeant. Etenim quod hic rex appelletur, illic non appelletur, quod hic prandium, illic cēna dicatur, nihil est. Nam quod & Gregor. ipse respondit, quia ueteres usque ad horam nonnam prandere non solebant, prandium apud eos cēnam uocatā fuisse, hoc fortasse certum nō est: sed uno uerbo omnia argumēta contraria solui possunt, Euangelistas, cum non solum eādem parabolam, sed eum eandem etiā narrent historiam, nec omnia narrare, nec iisdem uerbis, sed eadem sententiā uti solere. Quod & hoc loco accidisse credendum est. Illud magis mouere lectorem potest, quod Lucas hanc parabolam



abolam alio tempore, ac loco a Christo propositam fuisse dicat, cum Christus in domo cuiusdam principis Pharisæorum cœnaret, cumque quidam ex discumbentibus dixisset, *beatus, qui manducat panem in regno Dei*. Sed & hæc obiectio facile potest dilui, aut Lucam, aut Matthæum ordinem temporis, ut sæpe Euangelistis accidit, secutum non esse: probabilius autem est Lucam rem suo loco, & tempore narrasse; Matthæum verò propterea in hunc locum distulisse, quia præcedenti parabolæ affinis erat, & non fuit illi curæ historiam, ut gesta erat, texere: sed Christi doctrinam exponere, ideoque ea, quæ similem habent significationem, atque doctrinam, eodem loco posuit.

*Homini regi.*) Id est, idem accidit in regno cælorum, atque si quis rex nuptias fecisset filio suo, ut c. 21. 26. explicauimus: nec enim regnum cælorum, id est Ecclesia homini regi: sed cœnaculo, vbi conuiuium celebratur, simile est. Videndum in primis est, quò tota spectat parabola: deinde quæ sunt eius, ut solemus dicere, propriæ partes, atque necessariae, quæ ad sententiam aliquid faciant. Duo mihi Christus uidetur significare voluisse: alterum multos ad regnum cælorum, id est ad Ecclesiam uocari, paucos venire, ut concludit versu 14. *Muli sunt vocati, pauci verò electi*: alterum non omnes, qui ad Ecclesiam vocati ueniunt, saluos fieri, id est dignos esse cœlesti conuiuium, quia aliqui nuptialem uestem non habent, ut significat uersu 11. Dirigit autem parabolam in Iudæos, qui inuitati venire noluerunt, ideoque gentes eorum loco uocate sunt. Partes autem parabolæ, quæ necessariam habent significationem, septem mihi uidentur esse. Prima est homo rex, qua minime dubium est Deum significari. Quòd autem non homo quilibet, sed rex fuisse dicitur: partim ad declarandam diuinam maiestatem, partim ad explicandam conuiuii magnificentiam dictum fuisse arbitror. Secunda pars sunt nuptiæ, id est con-

uiuium. Nam toto hoc capite nuptiarum conuiuium Euangelista nuptias appellat. Conuiuium autem quidam dixerunt cœlestem gloriam, ac beatam uitam significare, quæ sæpe in scripturis per conuiuium declarari solet. Vnde illud est Psalmo 16. 15. *Satiabor, cū apparuerit gloria tua*, & illud Apocalypsis 19. 9. *Beati, qui ad cœnam nuptiarum agni uocati sunt*, & illud Lucæ 14. 15. *Beatus, qui manducabit panem in regno Dei*, & c. 22. 29. 30. *Ego dispono uobis, sicut disposuit mihi pater meus regnum, ut edatis, & bibatis super mensam meam in regno meo*. Sic Hilarius canone in Matthæum 22. Alij conuiuium gratiæ affluentiam, quæ in Ecclesia uenientibus datur: aut uerbum Dei, quo pascuntur, esse dicunt. Nam, & uerbum Dei cibo comparari solet, ut apud D. Paulum *tāquam paruulis in Christo lac uobis potum dedi* 1. ad Cor. 3. 2. *& facti estis, quibus lacte opus sit*, ad Hebræos 5. 12. Simile est, quod apud Amos cap. 8. 11. minatur Deus se in terram famem missurum, non famem panis; sed famem uerbi Dei. Sic Origenes tractatu in Matthæum 20. sic Auctor imperfecti, & Euthymius hoc loco. Tertia pars est filius regis, cuius nuptiæ celebratæ sunt, quem manifestum est esse Christum, qui sæpe solet sponsus appellari, ut supra capit. 9. 15. & infra per alteram parabolam c. 25. 1. & Ioannis 3. 29. & Apocalypsis 19. 7. 9. quæ sit eius sponsa minus compertum est. Quidam uniuscuiusque animam dicunt, ut Theophylactus, Auctor imperfecti homil. 41. Alij Ecclesiam, ut Origenes tractatu 20. in Matthæum, Hilarius canone 22. Hieronym. in commentarijs, & Gregorius homilia 38. in Euangelia. Hoc probabilius, quia etiam D. Ioan. in Apocalypsi c. 21. 2. Ecclesiam sponsam Christi appellat, *Vidi, inquit, sanctam ciuitatem Ierusalem nouam descendentem de cælo à Deo paratam, sicut sponsam ornata* viro suo, & versu 9. *Veni, & ostendam tibi sponsam uxorem agni*. Similiter cum D. Paulus ad Ephesios 5. 25. exhortatur uiros, ut uxores suas diligant, si-

cut



Ecclesia  
Christi spon-  
sa quando  
facta,

aut Christus dilexit Ecclesiam, haud obscure significat Ecclesiam uxorem esse Christi; itemque cum uersu 31. 32. dicit *Propter hoc relinquet homo patrem & matrem, & adhaerebit uxori suae, & erunt duo in carne una; Sacramentum hoc magnum est; ego autem dico in Christo, & in Ecclesia*, Christum sponsum, Ecclesiam sponfam eius facit. Variant auctores quandonam huiusmodi inter Christum, & Ecclesiam nuptiae celebratae sunt. Nonnulli enim post resurrectionem celebratas esse dicunt; sed homines ad futuras nuptias inuitari. Ita Origenes, & Hilarius. Et uero in parabola illa, quae infra cap. 25. 1. proponitur de sponso ad nuptias media nocte ueniente, haud dubium, quin tempus resurrectionis, & ultimus Christi aduentus significetur. Ioann. etiam in Apocalypsi cap. 19. 9. de ijs agit nuptijs, quae non in terra; sed in caelo post resurrectionis tempus celebrandae sunt. Alij tunc celebratas dicunt, cum filius Dei homo factus est, tunc enim Ecclesiam sibi, tanquam sponfam copulauit. Ita Gregorius hom. illa, quam saepe citauimus, in Euangelia 38. Vtrumque uerum est. Nam saepe, ut alio loco diximus, Christi nuptiae celebratae sunt. Primum, cum homo factus est, quae ueluti sponsalia fuerunt, deinde celebrabuntur, cum reddet sibi gloriosam Ecclesiam, non habentem maculam, aut rugam; quod tunc proprie fiet, cum eam sibi ab omni mundatam macula in caelo copulabit. Ad utrasque nuptias homines inuitati sunt; ad priores, ut ad Ecclesiam ueniant, & Dei uerbo pascantur; ad posteriores, ut salui fiant, & manducent, & bibant super mensam Christi in regno Dei. Quarta pars, sunt inuitati, quos Ambrosius in commentarijs in caput Lucae 14. Gentiles, Iudaeos, & haereticos esse dicit. Alij omnes auctores solos Iudaeos interpretantur, & quidem minime obscurum est contra illos potissimum parabolam Christum proposuisse, ut significaret Iudaeos inuitatos ad regnum caelorum uenire noluisse; Gentiles uero ue-

nisse. An autem de omnibus Iudaeis, an de ijs solum, qui post Christi incarnationem uixerunt, id sit intelligendum, de eo dubitari potest. Nam Hilarius eos tantum inuitatos fuisse dicit, quos Christus ipse factus iam homo, aut Apostoli, eorumque successores uocauerunt. Origenes uero tractatu in Matthaeum 20. & Athanasius q. 45. Hieron. Beda, Euthym. & Theophyl. in commentarijs, Gregorius in homil. illa, quam diximus 38. de omnibus Iudaeis etiam, qui ante Christi incarnationem fuerunt, intelligendum putant. Id probabilius, quia illi proculdubio fuerunt, qui seruos a rege missos, id est ueteres prophetas contumelijs affectos occiderunt. At quomodo illi a Christi aduentu tam remoti inuitari ad eius nuptias potuerunt? Respondeo ad futuras nuptias inuitatos fuisse, ut in uenturum crederent Christum, & interim uerbo legis, atque prophetarum pascerentur, quorum praecepta si seruarent, ad ultimas illas, id est caelestes, ad quas & nos, qui in primis uersamur, inuitamur, nuptias peruenirent: & ut ait Gregorius, & eos qui ante incarnationem Christi, & eos, qui post incarnationem fuerunt, Deus inuitauit, quia *incarnationem unigeniti, & per prophetas dixit futuram, & per Apostolos nuntiavit factam*. Quinta pars sunt serui. Hieronym. indicat in multis codicibus singulari numero seruum legi, quemadmodum apud Lucam: sed & nostri codices legunt seruos, & eam lectionem, ut plenior sit, uidetur sententia postulare. Qui fuerint serui, quos Deus ad inuitandos primum Iudaeos misit, non est difficile; tamen non omnino auctores consentiunt. Hilarius enim solos Apostolos fuisse dicit. Alij omnes auctores, ut Origenes, Chrysost. Auctor imperfecti. Hieronym. Gregorius, & Beda, & prophetas, & Apostolos. Nam primum prophetae missi sunt, & contumelijs affecti, atque occisi: postea missi Apostoli in plateas, & exitus uiarum, ut omnes non Iudaeos tantum, sed etiam Gentiles inui-

Homil. 38.  
in Euang.



inuitarent. Quærit Theophyl. & quis  
quis fuit Auctor operis imperfecti,  
quomodo uocati sunt, qui inuitati  
iam fuerant: aut quomodo inuitati  
fuerunt, antequam uocarentur, cum  
inuitati, & uocati idem esse uidean-  
tur. Respondet Theoph. probabiliter  
per legem naturalem inuitatos fuisse,  
ut bene, pieque uiuerent, postea per  
prophetas, ut uenirent, uocatos. Me-  
lius tamen per legem Moysis, inuita-  
tos dixisset. Nam per naturalem le-  
gem non tantum Iudæi, uerum om-  
nes etiam homines inuitantur. Nec  
enim in eo parabola rei subiecta si-  
milis est, quod prius homines inui-  
tati postea uocati fuisse dicantur; sed  
locutus est Christus ex consuetudi-  
ne, & dixit, non quod à Deo erga  
Iudæos factum erat; sed quod vulgò  
ab hominibus solebat fieri: sic autem  
fieri solet, ut homines ad conuiuium  
prius inuientur, rogenturque; de-  
inde, cum tempus ueniendi est, uo-  
centur. Sexta pars est, quod rex,  
dum conuiuium celebraretur, ingres-  
sus in cœnaculum dicatur. Ingre-  
di in cœnaculum, & discumbentes  
despicere interpretatur Auctor im-  
perfecti, Deum homines tentare,  
ut appareat, quantum quisque uir-  
tutis habeat, & an loco, quem in  
Ecclesia, tenet, dignus sit. Melius  
Hieronymus, & Beda intrare in cœ-  
naculum Deum intelligunt ad iudi-  
cium uenire, & eos, qui uestem  
nuptialem habent, retinere; eos, qui  
non habent, excludere. Nam agi hic  
de ultimo iudicio ex eo perspicuum  
est, quod ille, qui uestem nuptialem  
non habebat, ligatis manibus, & pe-  
dibus mittitur in tenebras exterior-  
es, ubi est fletus, & stridor dentium,  
quod in ultimo iudicio propriè fiet.  
Videmus enim idem per hanc para-  
bolam, & per illam alteram zizanio-  
rum capitulum 13. 4. & per illam  
sagænæ missæ in mare, & ex omni  
genere piscium congregantis signifi-  
cari. Dubitari tamen lector poterit,  
quomodo rex dicatur in cœnaculum  
ingredi, cum non rex ipse, sed filius  
regis, id est Christus ad iudicandum

uenturus sit. Respondeo regem uen-  
turum esse, quia filius pro eo ueniet,  
*omne enim iudicium dedit filio*, Ioan-  
nis 5. 22. Septima pars est ille, qui  
non habet uestem nuptialem. Quid  
enim per nuptialem uestem significetur,  
uarijs sententijs auctores dissi-  
dent. Irenæus lib. 4. cap. 70. & Hilarius  
in hunc locum uestem nuptialem Spi-  
ritum sanctum interpretantur; sicut  
Christus loquitur apud Iucam ca. 14.  
45. *Vos autem sedete in ciuitate, quoad-  
usque induamini uirtute ex alto*. Augu-  
stinus uerò libr. 22. contra Faustum  
ca. 9. Christi gloriam esse dicit, quam  
quisquis quærit, nuptiali indutus est  
ueste, quisquis autem non Christi,  
sed suam in Ecclesia gloriam quæ-  
rit, uestem nuptialem non habet,  
quia non Christi, sed sua ipsius gestat  
insignia. Existimauit, ut apparet,  
D. Augustin. uestem nuptialem appel-  
lari certam aliquam, & insignem uestem,  
qualem sponsus ipse gestaret;  
sicut uidemus regis pueros certi, at-  
que insignis coloris habere uestes,  
qui regius color appellatur, & quo  
regis esse pueri cognoscuntur. Ve-  
rum hanc consuetudinem aut apud  
Iudæos, aut apud aliam aliquam fuisse  
gentem legere non memini. Itaque  
nuptialem uestem uocari puto nō cer-  
tam, & insignem, quasi eandem, aut  
similem omnes gererent inuitati, sed  
pretiosiore, atque splendidiorem  
quotidiana, qualem solent homines,  
cum ad nuptias inuitantur, induere,  
ut sponsum honorent, & conuiuium  
condecorent, atque eiusmodi uestem  
ille, qui foras eiectus est, non habebat,  
ideoque in tenebras exteriores mit-  
titur, quia temerariè fuit impuden-  
tiæ ad conuiuium, ubi omnes pre-  
tiosa ueste induti erant, sordidum,  
atque pannosum uenire. Sed quid  
peream uestem significetur, id quæ-  
rimus. Caluinistarum interpretes nu-  
ptialem uestem fidem esse dicunt: om-  
nia enim fides illis sunt, cum nulla il-  
lis sit fides. Neque considerant homi-  
nes ualde, ut sibi uidentur, acuti in-  
uitatum illum, non nisi per fidem  
uenire, aut in cœnaculum, id est in  
Eccle-

Caluinista-  
rum de fide  
expositio re-  
prehendatur.



Ecclesiam ingredi potuisse. Venire enim est credere. Nam illi, qui inuitati non uenerunt, propterea non uenisse dicuntur, quia credere noluerunt. Itaque habebat quidem ille fidem, sed uestem nuptialem non habebat; non ergo nuptialis vestis fides est. Vera & propria est Tertulliani libro de resurrect. carnis. Origenis, Chrysost. Auctoris imperfecti, Ambros. sermon. 14. de natali Domini, Hieronymi, Gregorii, Theophylacti, & Euthymii sententia uestem nuptialem charitatem, bona opera, & uitam fidei Christianae respondentem significare, resque bellissime, aptissimeque conuenit. Nam ut, qui ad nuptias inuitati sunt, uestem loco illo dignam gestare debent, ita qui ad Ecclesiam per fidem inuitati ueniunt, uitam agere debent fide dignam, & homine Christiano, & uidemus in scripturis bonam uitam per uestem significari, ut in Apocalypsi ca. 3. 17. 18. *Dicis, quod dives sum, & locupletatus, & nullus eger, & nescis, quia tu es miser, & miserabilis, & pauper, & cecus, & nudus. Suadeo tibi emere à me aurum ignitum probatum, ut locuples fias, et uestimentis albis induaris, ut non appareat confusio nuditatis tue, & ad Ephes. 4. 24. Induite nouum hominem, qui secundum Deum creatus est in iustitia, & sancta Elirate veritatis, & ad Colos. 3. 9. 10. Expoliantes uos uetere hominem cum actibus suis, & induentes nouum eum, qui renouatur in agnitionem secundum imaginem eius, qui creauit illum.* Itaque dent nobis hanc ueniam Calvinistae, ut ex hoc loco probemus solam fidem ad salutem satis non esse, quando ille qui in conuiuio erat, fidem habebat: sed quia uestem nuptialem, id est bona opera non habebat, in tenebras exteriores eiectus est. Dicit aliquis, quomodo, si fidem habebat, extra caenaculum, id est extra Ecclesiam eiectus est: quasi malit rex homines fidem non habere, quam fidem habere sine operibus. Facilis solutio, haec ad diem iudicii esse referenda, cum Deus eos, qui fidem sine bonis operibus habuerint, extra conuiuium, id est extra

celum eiciet, non quod ante in caelo essent: sed quod cum essent in Ecclesia, in caelo esse uidebantur: quia si cum fide opera coniunxissent, in celum translati essent. Cetera, quae in parabola dicuntur, adiectitia sunt, & ad ornamentum, & narrationis complementum appositae: quale illud est, quod uersu 4. dicitur, *tauri mei, & altilia occisa sunt*, quod nihil aliud significat, quam omnia parata esse, Deum homines expectare, praesto omnibus esse eius gratiam, non stare per illum, quominus homines ab impietate sua conuertantur, sed tauros, & altilia nominauit; quia ea erant, quae in splendidis conuiuiis solebant dari. Tauros enim uitulos, aut iuuenos appellauit, qui nec castrati essent, nec aratra traxissent, quos in deliciis apud Iudaeos fuisse ex multis scripturae locis intelligimus Genesis 18. 7. 1. Regum 28. 24. homo etiam ille, cuius perditus filius redierat, apud Luc. c. 15. 23. uitulum saginatum occidi iussit. Haec uera est significatio, etsi non ignoro multos ueteres auctores necessariam parabolaem partem existimare, & propriam, atque distinctam habere significationem. Nam Greg. per tauros patres ueteris Testamenti, per altilia patres noui, qui uberiori acceperunt gratiam, & quasi spiritualiter signati fuerunt, putat intelligendos. Theophylact. per tauros ipsum uetus Testamentum, per altilia nouum intelligit. Hieronymus, & Euthym. melius, nihil aliud, quam conuiuii opparam copiam significari. Adiectum etiam complementi, aut ornamenti causa est, quod uersu 5. dicitur, *alium in uillam suam, alium ad negotiationem suam abiisse, & quod Lucas dicit alium dixisse, iuga bouum emi quinque, alium, uxorem duxi*, haec enim omnia tantum significat ideo inuitatos uenire noluisse, quia temporalia spiritualibus anteposuerunt: neque separatim querendum est, quid unumquodque eorum per se significet, ne, dum quaerimus, plusquam oportet, aliquid, quod non oportet, inueniamus. Si quis tamen huiusmodi delectatur sedulitate, Origenem hoc loco, & Ambrosium in commentariis in caput Lucae 14.

F f legere,

Locus insignis contra Calvinistas, quod sola fides ad salutem non sufficiat.



legere poterit, & multa, qualia quaerit, inueniet. Præterea illud adiectum, quod uersu 7. scriptum est, regem misisse exercitum suum, ut homicidas illos perderet, nihil aliud significare arbitror, quam Deum de iis, qui uocati uenire noluerunt, graues penas sumpturum esse. Quamquam quod Chrysostom. Auctor imperfecti, & Euthym. existimant Romanorum exercitum significari, qui sub Tito, & Vespasiano Iudæos pene interecione deleuit, probabile. Probabilius etiam, quod Hieronym. & Gregorius scribunt exercitum Dei angelos esse malos, per quos Deus homines punit, iuxta illud Psalmi 77. 49. *Immissiones per angelos malos*. Simile est, quod serui, qui secundo loco mittuntur, uersu 9. iubetur in exitus uiarum, & in sepes ire, & omnes ad nuptias uocare, & ut ait Lucas, intrare compellere. Nam per uiarum exitus, & per sepes, nihil aliud significatur, quam non esse adhibendum ullum discrimen loci, sed eundem in mundum uniuersum, & Euangelium omni creaturae prædicandum, ut Christus postea dixit c. 28. 19. & Marc. 16. 15. Quamquam Gregorius uiarum exitus actionum nostrarum uitia esse dicit: quia scriptura actiones nostras uias appellat: allegoria nonnihil coacta: Item, quod Lucas ait, ut pauperes, debiles, cæcos, & claudos in conuiuium introducant, tantum hoc significat nullam gentis, nullam personarum habendam esse rationem: sed omnes equaliter ad Euangelium conuocandos, propterea autem Christus pauperes, debiles, cæcos, & claudos potius, quam aliud hominum genus nominat, quia eiusmodi homines uocari non solent, ut intelligeremus ab Euangelico conuiuium neminem excludendum. Quod autem dicit *compelle intrare*, non significat ad fidem cogendos esse homines, sed adeo rogandos, adeo incitandos, ut quodammodo compelli uideantur; denique & illud adiectitium est, quod uersu 13. iubetur illi, qui uentem nuptialem non habebat, mani-

bus, & pedibus illigari, quod tantum significat eos, qui damnandi sunt, ita damnandos, ut sententiae executioni resistere non magis possint, quam si manibus, & pedibus ligati essent.

13. *In tenebras exteriores*, De tenebris exterioribus cap. 8. 12. disputauimus.

14. *Multi sunt uocati, pauci uero electi*. Hæc est parabola conclusio, in qua illud uidetur aliquid habere difficultatis, quod cum ex iis, qui uocati fuerant, unus tantum eiectus sit, Christus concludat, *multi sunt uocati, pauci uero electi*. Non enim pauci, sed omnes, uno tantum excepto, electi sunt. Respondet D. Augustin. in libro contra Donatistas post collationem 20. illum unum, qui eiectus fuit, omnium reproborum, qui multo plures, quam electi sunt, personam sustinuisse, ideo conclusisse Christum, *multi sunt uocati, pauci uero electi*. Verum potius existimo hanc conclusionem non ad proxima uerba, sed ad totam superiorem parabolam esse referendam, in qua uidemus multos fuisse uocatos; paucos uenisse, & ex illis ipsis, qui uenerunt, non omnes electos esse. Cur ergo unus tantum eiecitur, cum ex iis, qui in conuiuium, id est in Ecclesiam ingrediuntur, non unus tantum, sed maior pars eiciendi sint, id est condemnandi, ut alio loco Christus indicauit, *Intrate per angustam portam, quam angusta porta & arcta est uia, quæ ducit ad uitam, & pauci sunt, qui inueniunt eam*, supra c. 7. 13. 14. & *si iustus uix saluabitur, impius, & peccator, ubi parebunt?* Petri 4. 18. Non difficile responderi potest Christum parabolam non contra Gentiles, sed contra Iudæos proposuisse, qui primo loco inuitati non tantum uenire noluerunt, sed seruos etiam regis, qui se inuitabant, contumeliis affectos occiderunt, de illis ergo conclusit, *multi sunt uocati, pauci uero electi*. Voluit deinde, quasi obiter etiam docere eos, qui uenissent, siue Iudæi essent, siue Gentiles non debere sibi confidere, propterea quod in conuiuium ingressi essent, posse enim



enim eijs, si uestem nuptialem non habuerint: hoc ut probaret, satis fuit, dicere unum ex discumbentibus, quia uestem nuptialem non habebat, eieci- tum esse. At cum plures eieci di sint, quam retinendi, quare non dixit plures eieci tos fuisse, paucos retentos? quia non id agebat: sed illud tantum, ut probaret multos uocari, paucos eligi.

**De Herodianis copiosa disputatio.** 16. *Et mittunt ei discipulos suos cum Herodianis.* De Herodianis, qui nam fuerint, non nihil diximus capit. 12.

14. hic, quia proprius est locus, paulo copiosius dicendum est. Sunt ergo, qui existimant Herodianos Gentiles fuisse, fortasse eos, qui sub Herodis dirione erant, ut Auctor imperfe- si homilia 42. minima, ut mihi uideatur, probabilitate. Cur enim Gen- tiles, qui Iudaeos contemnebant, He- rodis Iudaeorum regis, aut certe Iu- daei nomen sibi quasi honorificum, arrogassent? Alij eos dixerunt ita vo- catos, qui Herodem Antipam Iudaeo- rum regem pro Christo nabuissent, ut Theophyl. & Euthym. hoc loco, & Philastrius in haeres. Herodianorum. Itaque miror D. Hieron. scribere ni- hil se de hac re vnquam legisse, cum Philastrius paullo ante eius uixerit aetatem. Alij Herodis milites Hero- dianos uocatos fuisse dicunt, ut idem Hieronymus, & Chrysostomus. Pro- babilis esset opinio, si nomen tantum notaremus. Nam & Caesaris milites Caesarianos uocatos legimus: sed obstat, quod iam Herodes rex mor- tuus erat: itaque milites habere non poterat: alter uero Herodes eius fi- lius non in Iudaea: sed in Galilaea do- minabatur, aut Romanis potius ser- uiebat. Quare eius milites, ut singa- mus Herodianos uocatos fuisse, Ie- rosolymae esse non potuerunt. Alij eos ita uocatos uolunt, qui negabant tributum a Iudeis Caesari solu- dum: hanc enim paullo ante Christi aduentum auctore Iuda quodam Ga- lilaeo extirpasse sectam colligitur ex Actis Apostolorum capitulo 5. 37. & aperte scribit Iosephus libro antiqui- tatum 18. capitu. 1. fuisse autem Hero-

dianos appellatos, quod illis rex He- rodes faueret, ut Iudaeorum iniret gratiam, seque non uerum modo Iu- daeum, sed Iudaicae etiam libertatis uindictam esse declararet. Hoc mihi minimè probabile uidetur esse: aut enim Herodem ego non noui: aut ijs, qui tributum Caesari negabant, minimè fauisset homo Romanæ po- testatis, à qua regnum acceperat, a- dulator, quique non solum regnum suum, ut multis locis Iosephus tra- dit, uerum suam etiam familiam, suosque liberos ad Caesaris uolunta- tem, nutumque gubernabat. Due ergo opiniones mihi uidentur esse probabiles: altera, quae huic opposi- ta est, eorum, qui existimant eos He- rodianos appellatos fuisse, qui Caesa- ri tributum soluendum esse contem- debant; ita uero uocatos, quod He- rodes Caesari impensè faueret, & ut Iosephus ait, Caesaris tributis in Iu- daea quodam modo praesert. Ita Ori- genes tractatu in Matthaeum 21. & Hieronym. in commentariis sentit, & ut uidetur, Cyrillus Alexandri- nus lib. 2. in Eisaia capitu. 11. scribit enim Herodianos publicanos fuisse, qui tributa colligebant. Hae opinio eo est probabilior, quod uero simile est Phariseos, qui Iudaicam libera- tem maximè defendebant, & Hero- di, ut ait Iosephus, aduersabantur, finxisse se huius quaestionis, quae in- ter ipsos, & Herodianos agitabatur, iudicem constituisse Christum, quò magis malignitatem suam occulta- rent, ostenderentq; se non tentandi, sed controuersiae finiendae causa, eum interrogare, cum ideo quaestionem proponerent, ut in inuidiam Chri- stum adducerent. Nam si respondis- set tributum Caesari soluendum non esse, laesa maiestatis arguissent, ut po- stea fecerunt Lucae 23. 2. *Hunc inueni- mus subvertentem gentem nostram, & prohibentem tributa dare Caesari:* si sol- uendum esse dixisset, non uideretur esse Christus, & promissus Iudaeo- rum rex, qui tantum abesset, ut eos, quemadmodum sperabant, à tribu- tis liberaret, ut Gentilium potius

Ff 2 tyrann.



tyrannis fecerit tributarios. Confirmatur ex Luca hac coniectura, qui eos simulatores appellat, tum etiam ex uerbis Christi uersu 18. *Quid me tentatis hypocritae?* Altera opinio est eorum, qui suspicantur aliquam Herodianam, id est aulicam fuisse sectam eorum, qui Herodi regi adulabantur, cui, modò regnum suum conseruaret, omnis religio bona erat, quales hodie sunt, quos vulgò politicos appellamus. Sed hac sententia eò minus, quàm superior, probabilis est, quod nec ullum ueterem, & grauem habet auctorem, nec ullis probabilibus coniecturis confirmari potest. Hoc tantum habet probabilitatis, & illi nihil repugnat, quodque uideantur Euangelistae de Herodianis, tanquam de aliqua secta religionis loqui, qualis Phariseorum, & Sadducæorum erat. Cum illis enim coniungunt.

19. *At illi offendunt ei denarium*) Hoc loco de Romano denario agi ex eo intelligitur, quò Cæsaris imaginem, atque inscriptionem impressam haberet, quam Iudæi, ut rem maxime execrabilem in sua moneta nequaquam impressissent. De denario autem Romano, etsi variæ sententiæ sunt, illis assentior, qui denarium argenteum drachmæ Atticæ æqualem pondere fuisse dicunt. Argenti autem drachma Hispanicum Regale, id est quinque Gallicos solidos pendit. Vnde quæstio existit, quomodo denarius census appelleretur, quasi singuli homines singulos tantum denarios pendere solerent, cum uideamur Christum c. 17. 27. pro se, & pro Petro statere, id est quattuor drachmas argenti, & quod idem est quattuor denarios soluissse. Respondent quidam diuersum hoc ab illo fuisse tributum, quod nulla ratione mihi uidetur probari posse, & posse ijs refutari, quibus illo loco docuitus Romanos nullum aliud tributum Iudæis imperasse, quàm quod prius templo per singula capita soluebant: soluebant autem, ut illic diximus, dimidium sici, id est duos

denarios Romanos argenteos: nam morem fuisse Romanis ijs gentibus, quas debellabant, non aliam pecuniam, quàm argenteam imperare libro 33. c. 3. scribit Plinius. Probabilius alij respondent duos denarios singulos Iudæos Romano Imperatori solitos fuisse soluere: diuisam enim fuisse monetam in duas partes commoditatis causâ.

23. *In illa die*) Non omnino certum est, an eadem fuerit dies, quâ Christus a Phariseis, & Herodianis testatus fuerit: potest enim Hebraismus esse, quo pro tempore dies dicitur, ut sensus sit, sub idem tempus, sed tamen probabilius est, quod Origenes, & Auctor imperfecti sentiunt eandem fuisse diem, quia & Matthæus hoc loco & Marcus c. 12. 19. & Lucas c. 20. 27. ita hanc historiam cum præcedentibus coniungunt, ut eadem prorsus die accidisse uideatur.

*Accesserunt ad eum Sadducæi*) De Sadducæorum secta, qualis fuerit, & unde habuerit originem, scripsimus c. 3. 7. Illud hoc loco prætermittendum non est fuisse illos Caluinistarum simillimos, homines in primis incredulos: nihil enim, quod supra naturam esse uideretur, credere uolebant, & propterea mortuorum non credebant resurrectionem: irrisores, ut uel ex hoc loco manifestum est, ubi Christum ipsum interrogantes, ut mortuorum resurrectionem irriderent, ridiculam etiam questionem proposuerunt. Nunquam ego historiam hanc lego, quin mihi Caluinistam aliquem cum homine Catholico, & simplici disputantem audire uidear, Christus, inquit, dixit, *Omne, quod intrat in os, in ventrem vadit, & in secessum emittitur*: ergo si corpus Christi in Eucharistia est, & in os intrat, in ventrem vadit, & in secessum emittitur, & alia similia, quæ homines isti, ut scriptura vocat, *irrisores*, id est impij, qui & Deum, & homines rideant, dicere solent. Bene est, quòd docuit nos eis Christus respondere uersu 29. *erratis nescientes scripturas, neque uirtutem Dei. Natus*

Caluinista  
Sadducæorum  
similis

Caluinista  
rum ridicu-  
lum argu-  
mentum con-  
tra Eucharis-  
tiam.  
Mat. 15. 17.  
Psal. 1. 19

quic

Quid dena-  
rius Roma-  
nus,



Heretici in  
ter se diffi-  
dentes ad-  
uersus Ec-  
clesiam con-  
ueniunt.

Quicquid isti religiosi homines fin-  
gant, non alia ratione corpus Chri-  
sti in Eucharistia esse negant, quam  
qua Sadducei mortuorum negabant  
resurrectionem, quia naturæ uim uide-  
bant fieri non posse, & Dei uirtutem,  
id est potentiam ignorabant: sed de  
hac re cap. 26. dicturi sumus. Illud et-  
iam animaduertendum est, quomo-  
do tres sectæ inter se maxime con-  
trariæ, & quæ capitales fere gerebant  
inimicitias. Pharisei, Herodiani, &  
Sadducei ad arguendum, atque irri-  
dendum Christum bene conueniant:  
eadem prorsus ratione, qua hodie  
Lutherani, Calvinistæ, & Anabaptis-  
tæ, & cætera portenta, quæ nostra  
tulit ætas, quamuis inter se de re-  
ligione digladiantur, & alij alijs hæ-  
retici sunt, alij alios supplicio ignis  
afficiant; tamen ad persequendum  
Christum, id est Ecclesiam rectè con-  
sentiant.

24. *Moses dixit, si quis mortuus fue-  
rit.* De hac lege quomodo intelligen-  
da esset c. 1. 16. differuimus.

Homil. 71.

Erroris Cal-  
uinistarum,  
quæ causæ

Astor. 8. 34

29. *Erratis nescientes scripturas.* Quia  
Scripturam Sadducei allegauerant,  
respondet Christus eos scripturas non  
intelligere, ut Chrysostomus annota-  
uit: duas autem Christus erroris cau-  
sas affert; alteram, quod scripturas  
non intelligant; alteram, quod Dei  
uirtutem, & potentiam ignorent, ut  
apertius Marcus scribit cap. 12. 24. Vi-  
detur Christus Calvinistis planè re-  
spondere, qui ipsdem duabus de cau-  
sis errare solent, quod neque scriptu-  
ras intelligant, quarum cognitione  
maximè gloriantur, & quod fidei  
Christiana dogmata non Dei uirtu-  
te, sed ingenio suo meriantur. Lecti-  
tant illi scripturas, & quo melius in-  
telligant patrio sermone lectitant,  
nosque grauitè accusant, quod eas  
nec ab omnibus, nec vulgari lingua  
legi permitamus: sed non propterea  
melius intelligunt, quæ extra Ecce-  
siam legi quidem possunt, intelligi nō  
possunt: quomodo enim Eunuchus il-  
le reginæ Candacis homo prophæ-  
tus Isaiam legens intellexisset, nisi  
illi Philippus Ecclesiæ doctor sensum

explicasset? quasi uerò Sadducei non  
vulgari etiā lingua, & diligentius, quā  
Caluinistæ scripturam lectitarent. He-  
retici tamen, sicut Calvinistæ, erant.

30. *In resurrectione enim.* Id est  
post resurrectionem. Hebraismus e-  
nim est, ut, *In conuertendo dominus ca-  
ptiuitatem Sion*, id est postquam con-  
uerit Psalmo 125. 1. aut resurrectio  
uocatur tempus, quod post resurre-  
ctionem consequuturum est, ut supra  
uer. 28. sicut totum tempus, quo cir-  
cuncisionis lex uiguit, circuncisio uo-  
catur ad Rom. 4. 10.

Hebrais-  
mus notabī  
154.

*Non nubent, neque nubentur.* He-  
braismus simul, & Græcismus est:  
Hebraismus, quia tertia persona plu-  
ralis ponitur pro uerbo impersonali  
passiuo, ut in quibusdam uerbis apud  
Latinos, dicunt, pro dicitur, sic nu-  
bent, pro nubetur. Græcismus autem,  
quem Latinus interpret Latinitate  
noluit resoluerè, aliquo fortasse consi-  
lio: nam quia Græcū uerbum *γαμέω*  
utrumque significat, & nubere, quod  
fœminatum, & uxorem ducere, quod  
uirorum est, & eodem uerbo utrum-  
que dixit, Græcum interpretem imita-  
ri Latinus uoluit: quod ea atate barba-  
rum, ut opinor, non putabatur: sic e-  
nim & Tertullianus in libro de resur-  
rectione carnis, & Rufinus in exposi-  
tione Symboli Apostolorum locuti  
sunt, & Hieronym. ipse, quamuis ui-  
deatur dicere, se non ita uenisse, tamē  
declarat noluisse corrigere. Sensus con-  
stat, post resurrectionem neque uiros  
uxores ducturos esse: neque fœminas  
nupturas, & uno uerbo non esse futu-  
ras nuptias.

*Sed sicut angeli Dei* Non com-  
parat beatos angelis omnibus in re-  
bus, sed in ea tantum, qua de ageba-  
tur, quod nuptias iniri non essent,  
ut Hieronym. annotauit: quia nimi-  
um immortales erant, ideoque op-  
us illis non erat nuptijs, quæ non  
ni ad propagandum, & perpetuar-  
dum mortale hominum genus insti-  
tutæ sunt, quam rationem Lucas ex-  
plicauit c. 20. 35. 36. *Qui, inquit, di-  
gni habebuntur sæculo, illo et resurrectione  
ex mortuis, neque nubent, neque ducunt*

Ff 3 700.



uxores, neque ultra mori poterunt, *æquales enim angelis sunt.* Animaduertimus omnes tres Euangelistas Matthæum, Marcum, & Lucam præfenti tempore ufos esse, æquales angelis sunt, cum ante futuro essent ufi, non nubent, neque nubentur. Nam quod Euthymius existimat uerbum, *sunt*, non esse ad homines, sed ad angelos referendum, tanquam sensus sit; sed æquales erunt angelis, qui in cælo sunt, facile ex Marco refutatur. Ergo potius credendum uoluisse Christum futurum illum beatissimum statum ante oculos ponere, ideoque tanquã de re præfenti locutum esse. Non abs re Auctor imperfecti quærit, quid sit, quod, cum Christus de ieiunijs, & eleemosynis, alijsque uirtutibus spiritalibus locutus est, non comparauerit homines angelis, cum autem de caritate, comparauerit. Respondet, quod uerum est, nullam tam angelicam esse uirtutem, quam puritatem.

3. *Ego sum Deus Abraham.* Difficile hoc loco est intelligere, quomodo Christus ex hoc testimonio efficaciter argumentetur. Difficultas autem duabus in rebus sita est. Prima, quod ex eo, quod Deus dixerit, *Ego sum Deus Abraham, Deus Isaac, & Deus Iacob*, non uideatur bene colligi Abraham, Isaac, & Iacob adhuc uiuere: potuit enim eorum Deus appellari, non quatenus erat: sed quia aliquando fuerat: sicut Iacobus, & Ioannes dicuntur filij Zebedæi cum Zebedæus mortuus iam esset, & nemo mortui, sed uiui hominis filius sit: quia sensus est eos fuisse aliquando illius filios. Altera est, quod etiam si probetur Abraham, Isaac, & Iacob animas uiuere, non continuo probatur eos resurrecturos esse. Ad priorum questionem quidam respondent argumentum uim in eo esse, quod Deus non dicat, ego fui, aut ego eram, sed *Ego sum Deus Abraham, Deus Isaac, & Deus Iacob*, ita Chrysostomus, Euthymius, & Theophylactus. At potest obijci posse hoc etiam sic intelligi, *Ego sum Deus Abraham*, id est, ergo sum Deus ille, qui fuit Deus

Abraham, dum Abraham uiueret. Alij respondent Deum uocari Deum alicuius, esse, ab eo cognosci & coli, sicut uocatur Deus Elias, & Deus Danielis, id est quem Elias, & Daniel colebant. Hinc ergo colligitur Abraham, Isaac, & Iacob extinctos omnino non esse, quia Deus eorum Deus uocabatur, id est ab illis colebatur. Alij existimant argumenti uim in hoc esse, quod quamuis eo sensu Deus Abraham, Isaac, & Iacob, uocari posset, quia aliquando eorum fuisset, tamen credibile non sit Deum dignum esse eorum, qui mortui iam essent, Deum appellari. Hoc etiam tenui pender coniectura. Semper ego existimaui aliquem altiorum latere sensum, quem vulgus non intelligeret. Quod Chrysostomus, Theophylactus, & Euthymius dixerunt, uerum esse arbitror, sed non satis. Nam in eo proculdubio argumenti uis est, quod Deus non dixerit, ego fui, aut ego eram; sed *Ego sum Deus Abraham, Deus Isaac, & Deus Iacob*; sed credo sensum esse, ego sum, qui fœdus percussi cum Abraham, Isaac, & Iacob de eorum propaganda posteritate, ideoque seruare uolo, quia adhuc illi uiuunt, & precibus me quotidie sollicitant, ut ipsorum filios ab Aegyptiorum captiuitate liberem. Solemus enim fœdera non mortuis seruare, sed uiuis, quia non inter mortuos, sed inter uiuos ferri solent. Video, quid responderi possit, si quis subtilitates quærat: sed considerandum est uoluisse Christum non omnino necessarium, sed tam probabile argumentum asserre, quam ad coarguendos Sadduceos satis esset. Nam & hac ratione eorum impudentiam, & arrogantiam compressit, quod cum scripturam iridentes adduxissent, quasi Christus expedire se ab ea quaestione non posset, quam proponebant, docuerit eos adeo obrutos, & indoctos esse, ut nec ad minimum quidem argumentum ex eodem Moyse ad probandam resurrectionem adductum respondere possent.

Eodem

Cassitas, uir  
tus angeli-  
ca.



Contra Cal-  
uinistas scri-  
pturarū co-  
gnitionē ia-  
ctantes,

Eodem modo Calvinistæ aliquando refutandi, atque irridendi sunt, apud quos & mulierculæ gloriari solēt melius se scripturas sacras, quàm Ecclesiæ Catholicæ Doctores, Ambrosium, Augustinum, Hieronymum intelligere. Proferendus enim illis aliquis locus est, ut interpretentur, quem cum intelligere non possint, suam ignorantiam, atque superbiam, aut confiteri, aut agnoscere cogantur. Alterius quaestionis non ita difficilis explicatio est. Nam Sadducei, ut Origines, Hieronymus, & Auctor imperfecti annotauerunt, propterea futuram negabant resurrectionem, quod animas immortales esse non crederent, idque ex Actis Apostolorum capitulum 23. 8. perspicuum est. Itaque probata testimonio noto animarum immortalitatis, & resurrectionis illis probatur. Adde quod olim non solum inter Iudæos: sed inter omnes etiam fere Philosophos hæduæ quaestiones, altera de immortalitate animarum, altera de corporum resurrectione adeo copulatæ, iugataque fuerunt, ut pro una eademque haberentur. Itaque videmus auctorem secundi libri Machabæorum capitulum 12. 43. ex animarum immortalitate resurrectionem probare, idemque in prima epistola ad Corinth. toto capitu. 15. facit Diuus Paulus, ubi omnia fere argumenta, quibus resurrectionem probat, tantum ad probandam animarum immortalitatem valent: sed quia nemo resurrectionem negabat, nisi qui animas credebat extinguī, eadem argumenta resurrectionem probant.

*Non est Deus mortuorum, sed uiuentium.* Abraham, Isaac, & Iacob, mortui iam erant: sed negat Christus eo modo mortuos esse, quo Sadducei existimabant, id est, ita ut eorum animæ essent extinctæ. Nam eo sensu, quo nos mortuos solemus appellare eos, quorum animæ sunt a corporibus separatæ, Deus non solum uiuentium; sed etiam mortuorum dominus dicitur ad Rom. 14. 8.

9. ut Chrysost. admonuit. Lucas addit quiddam, quod argumentum non augere, sed minuire videtur: *omnes enim, inquit, uiuunt ei.* Si enim illi uiuunt, etiam qui extincti sunt, illi uiuunt, ideoque non sequitur Abraham, Isaac, & Iacob extinctos non esse, quemadmodum Christus probare uoluit. Respondeo Christum, cum addidit, *omnes enim uiuunt ei*, tantum rationem reddere uoluisse, cur Abraham, Isaac, & Iacob, qui mortui erant, uiuentes appellasset, quia nimirum omnes non solum, qui corpore uiuunt: sed etiam, qui mortui sunt, Deo uiuunt: non tantum, quia eorum animæ uiuunt: sed etiam quia efficere Deus potest, ut in sua corpora reuertantur, & eo modo uiuant, quo ante uiuebant, sicut cap. 9. 24. dixit, *Non est mortua puella, sed dormit*, uel nobis mortui sunt, Deo uiuunt, quia nos sola uidemus corpora: corpora autem mortua sunt: Deus uidet animas, animæ uerò uiuunt. Solet a multis quæri, quid causæ fuerit, cur cum tam multa, tamque perspicua in scripturis sacris de futura resurrectione testimonia sint, non ea potius Christus adduxerit. Respondent Origines tractatu in Matthæum 21. Hieronymus, & Beda Sadduceos non recepisse alios scripturæ sacre libros, quàm quinque Moysi: ideoque ex Moysi libris eos Christum arguere uoluisse. Erant etiam in hac re Calvinistarum similes, qui eos rejiciunt libros, quibus conuinci haresim suam uident. Et uerò Calvinum hoc loco dicere non puduit ita Sadduceos Prophetarum libros reiecisse, sicut librum Ecclesiastici, & Machabæorum libros ipsi rejiciunt.

35. *Unus ex eis legis doctor.* Lucas ca. 20. 39. 40. dicit quendam ex Scribis confutatis a Christo Sadducæis subiecisse, *Magister, bene dixisti, & amplius inquit, non audebant eum quicquam interrogare*, quod apparet non ad Phariseos, & Scribas, qui inde potius, ut ait Matthæus, occasionem Christi iterum tentandi acceperunt, ut se Sadducæis doctiores esse ostenderent;

If 4 sed

Caluinistæ  
libros scri-  
pturæ rei-  
ciunt sibi co-  
trarios.



sed ad Sadduceos esse referendum. Quem autē hoc loco Matthaeus legis doctorem, Marc. 12. 28. Scribam appellat: unde intelligimus quamvis Pharisaeorum, & Scribarū dīnērta essent officia, aliquando tamen eundem, & Pharisaeum, & Scribam fuisse. Nam hunc legis doctorem, de quo Mathaeus loquitur, Pharisaeum fuisse ex versu 34. manifestum est.

36. *Quod est mandatum magnum in lege.* Id est maximum omnium mandatorum, positū pro superlatiuo posito ex Hebraeorum idiomate, ut ex Marco c. 12. 28. 29. apparet.

Postius apud Hebraeos, p. superlatiuo.

37. *Diliges dominum Deum tuum.* ) Marcus c. 12. 29. prius ponit, *Andi Israel, Dominus Deus tuus Deus unus est:* quorum uerborum solum initium Matthaeus hic proposuit, quod apud Moysen utrumque mandatum eodem loco sit, eodemque referatur; primum enim est, ut unum tantum credamus Deum: deinde, ut eum ex toto corde diligamus, quia qui plures credit, amorem diuidit, nec unum ex toto corde diligit: nemo enim duobus dominis seruire potest.

sup. 6. 24.

38. *Ex toto corde tuo, & in tota anima tua.* ) Sunt, qui hac nimis subtiliter meo iudicio distinguunt. Mihi omnia unū hoc uidentur significare, ut Deū, quantum possumus, diligamus, & omnia, quae habemus, illi impendamus, quod, D. Aug. lib. 1. de doctrina Christiana c. 22. his verbis exposuit. *Cū ait toto corde, tota anima, tota mente, nullam uitae nostrae partem reliquit, quae vacare debeat, et quasi locum dare, ut alia re uelut frui sed quicquid aliud diligendum reueris in animum, illuc rapiatur, quo totius dilectionis impetus currit.* Denique quae diuersis uerbis in Deuter. c. 6. 5. dicuntur, uno continentur verbo, quod Lucas c. 10. 27. posuit, *Diliges Dominum Deum tuum ex omnibus uiribus tuis.* Terret haec exaggeratio Calvinum, & impossibilia hominib. Deū praecepere mētur; *Ex hoc, inquit, compendio apparet Deum in legis praeceptis non respicere, quid possint homines; sed quid debeant; quod nescio utrum maiore impietate, an ignorantia dictum*

Calvini impropia interpretatio reprehenditur. In harmon.

fit. Nam impietatis quidem summa est dicere impossibilia nobis Deū praecepisse, quod tamen ferendum fortasse esset, si tamen praecepisset, ac non etiam ab ijs, qui impossibilia non fecerunt, & grauitimas, & sempiternas penas exigeret: quis. n. hoc uel homo maximē impius dicere potuit, nisi Calvinus, quod omnes impietate homines superauit ignorantia uero fuit cetera non uideret, quo modo ipse sibi repugnaret, cū diceret neminem hoc praeceptum seruare posse. Quis. n. sensus est, *Diliges Dominum Deum tuum, ex toto corde, nisi ut Deum, quantum possumus, diligamus?* possumus ergo praeceptū hoc seruare, quia quātum possumus, Deū diligere utique possumus: deinde concludens nos Dei praecepta seruare nō posse, quomodo intelligit sine gratia Dei, an cum gratia? si sine gratia, quid nobiscum disputat, qui idem prorsus dicimus? si cum gratia, nō iam nobis: sed Deo facit iniuriam, cuius gratia, atque uirtuti limites ponit. D. quidem Paulus ad Phil. 4. 13. omnia se posse dicit, in eo qui se confortat, & David Psal. 17. 30. *In Deo, inquit, meo transgrediar murum.* Sed de hac quaestione copiosius alio dicemus loco.

Mandata Dei impossibilia non sunt.

39. *Diliges proximum tuum, sicut te ipsum.* Haec duo maxima totius legis praecepta Christus esse dicit, cū distincta ab alijs praecepta non sint: sed eorum compend. Nam cū praecepta in duabus tabulis scripta essent, in prioribus, quae ad Deum, in posterioribus, quae ad proximum diligendum pertinebant, prioribus tabulae compend. erat, *Diliges Dominum Deum tuum ex toto corde tuo;* posterioribus uero, *diliges proximum tuum, sicut te ipsum,* quomodo ergo, dicit alijs, omnium mandatorum maximū Christus esse dicit, si distincta mandata nō sūt? perinde enim uidetur esse, ac si diceret omnia mandata esse maxima. Respondet deo nihil aliud Christum significare, quam omnia mandata huc tendere, ut Deum diligamus ex toto corde, & proximum, sicut nos ipsos, quemadmodum dixit Paulus ad Romanos 13. 10. dixit, *plenitudo legis, est dilectio,* & sicut idem Christus concludit

uersu



versu 10. In his duobus mādatis vniuer-  
sa lex pender, & Prophetæ: quomodo  
autem intelligendum sit, diliges proxi-  
mum tuum, sicut teipsum duabus ex re-  
bus pender, altera, ut sciamus, quis  
dicatur proximus, altera, quid signifi-  
cet dictio illa, sicut. Quis proximus  
habendus sit, Christus apud Lucam

Proximus  
omnis ho-  
mo,

Quo dilige-  
mus proxi-  
mum,

Lib. 1. de ue-  
ra reli. c. 46.  
li. 50. hom.  
33. epist. ad  
Macedo.

10. 30. integra parabola explicauit;  
omnem hominem proximum esse.  
Quid autem significet particula, sicut,  
facile non est dicere. Nam quidam  
materiam notare putant, quasi iubeamur  
omnia proximo velle, quæ nobis  
velimus: alij qualiter, & mo-  
dum, ut sensus sit eo modo, id est pro-  
pter Deum proximum nobis esse di-  
ligendum. quo ipsi nos diligere debe-  
mus: alij affectum, ut eo affectu, cona-  
tuque proximum diligamus, quo nos  
ipsum diligimus. Omnia arbitror si-  
cut una syllaba comprehendere. Nec  
nimis dubito, quin Deus voluerit, ut &  
proximo omnia, quæ nobis opta-  
mus, optaremus, & eum propter  
Deum, sicut nos ipsos, & eo affectu,  
quo nos ipsos diligereamus, sed illud  
dubium est, quemadmodum alicubi.  
Diuus Augustinus disputauit, quo-  
modo proximo ea, quæ nobis veli-  
mus, velle iubeamur, cum scire ipsi  
nobis mala velimus, diuitias, hono-  
res, voluptates, & quomodo eum, si-  
cut nos ipsos diligere. cum nos ip-  
sos, aut male, aut plusquam oportet,  
scire diligamus. Respondeo hoc tan-  
quam certum statui, nos non nisi bo-  
na nobis velle debere, & non aliter  
nos ipsos, quam propter Deum ama-  
turos esse, cum Deum ex toto corde,  
ex tota anima, ex totis uiribus dili-  
gere iubeamur: quod si facimus, non  
possumus nos diligere aliter, quam  
oportet, propterea iubemur proxi-  
mum eodem modo diligere. Obij-  
ciat aliquis, etiam ex primo præcep-  
to Deum ex toto corde diligendi  
consequi, ut proximum, & summo  
affectu, & propter Deum diligamus:  
quare opus non erat, ut eum, sicut  
nos ipsos, diligere iuberemur: Fa-  
cilis responsio minus naturalem  
proximi, quam nostri amorem

nobis esse, & se quemque maxime  
amare, propterea hanc nobis diligen-  
di proximi datam esse regulam, ut  
eum, sicut nos ipsos, diligereamus.  
Nam cuiusdam docti alioqui Theo-  
logi sententiam minime probo, qui  
putat hoc loco de charitatis dilectione  
non agi.

41. congregatis autem Phariseis.)  
Marcus cap. 12. 35. scribit hanc qua-  
stionem Christum proposuisse, dum  
in templo doceret: sed facilius est so-  
lutio in templo fuisse Phariseos con-  
gregatos. Marcus, & Lucas non di-  
cunt Christum Phariseos interrogasse:  
sed concionantem dixisse, quomodo  
dicunt Scribæ Christum filium esse Da-  
uid: sed, ut ait D. Augustinus. lib. 2. de  
consensu Euangelistarum ca. 74. hoc  
nihil interest. Nam Matthæus posuit  
& interrogationem, & obiectionem  
Christi, Quid vobis, inquit, uidetur de  
Christo, cuius filius est? Dicunt ei, Da-  
uid: aut illis, quomodo ergo David in spi-  
ritu vocat eum Dominum? Alij verò  
duo Euangelistæ non interrogatio-  
nem: sed obiectionem solam posue-  
runt, & quia non dixerant Christum  
Phariseos, & Scribas interrogasse,  
non dicunt quomodo vos dicitis;  
sed quomodo dicunt Scribæ, quod au-  
tem dicunt, quomodo dicunt Scribæ,  
cum id non Scribæ, sed scriptura di-  
ceret cap. 17. 10. declarauimus; dice-  
bantur enim Scribæ ea dicere, quæ  
in scriptura non omnino erant expref-  
sa, quia scripturam interpretantes id  
dicere docebant.

42. Dicunt ei, David.) Quo Christus  
filius David vocaretur, diximus c. 11.

43. Quomodo ergo David in spiritu.)  
Id est cum Dei spiritu plenus esset, cum  
non suo, qui falli, mentiriq; poterat;  
sed Dei spiritu, qui nec falli, nec men-  
tiri poterat loqueretur. Hebraismus  
est, qualis Psalmis 30. 23. & Psal. 115. 2.  
Ego dixi in excessu meo.

44. Dixit Dominus Domino meo.)  
Hoc testimonium in commentarijs  
in psalmum 109. exposuimus, &  
Iudæorum cauilationes refutauimus,  
quæ duæ potissimum sunt: Al-  
tera, psalmum hunc non à Davide:  
sed

Hebraismus,



sed aut à Melchisedec, vt recitat in eius loci commentarijs Rabbi Abraham, aut ab Eliezer seruo Abraham, aut ab aliquo ex ijs, qui tempore Dauid Psalmos scribebant, fuisse compositum, vt putat Aben. Ezra: Altera non de Christo, sed aut de Abrahamo, vt communis hodie est Iudeorum error, aut de Dauide, vt Aben Ezra, & Rabbi Dauid existimant, aut de Ezechia Iudæorum rege intelligendum, vt post Christi tempora Iudeos exposuisse ex Iustino in Tryphone, & ex Tertulliano libro 3. contra Marcionem discimus. Vtramque, vt dixi, cauillationem multis illic argumentis refutauimus, & ex hoc manifestè vtraque coarguitur. Nam si apud veteres Iudeos Christi tempore certum non fuisset, & hunc

Psalmum à Dauide compositum & de Christo intelligendum esse, facile alterutrum Scribæ & Pharisei, qui posterioribus Iudeis multo doctiores erant, vtique respondissent. Nunc autem recentiores Iudæi patrum suorum silentio apertè condemnantur.

45. Si ergo Dauid vocat eum Dominum, quomodo filius eius est? Loquitur Christus ex Phariseorum opinione, qui Christum purum hominem futurum existimabant: cum scriptura non solum hominem, sed etiam Deum futurum prædiceret. Non ergo concludit Christi argumentum, non esse filium Dauid: sed esse plusquam filium Dauid, id est filium Dei, ac verum Deum, ideoque Dauidem Dominum ipsum appellasse.

C A P V T X X I I I.

I



Vnc Iesus locutus est ad turbas, & ad discipulos suos, 2. dicens: Super cathedram Moysi federunt Scribæ & Pharisei. 3. Omnia ergo quæcumque dixerint vobis, seruare, & facite: secundum opera uerò eorum nolite facere: dicunt enim, & non

2. Esd. 8. 2. 4

faciunt. 4. Alligant enim onera grauiora, & importabilia, & imponunt in humeros hominum: digito autem suo nolunt ea mouere. 5. Omnia uero opera sua faciunt, ut uideantur ab hominibus: dilatant enim phylacteria sua, & magnificant fimbrias. 6. Amant autem primos recubitus in cœnis, & primas cathedras in synagogis, 7. & salutationes in foro, & vocari ab hominibus Rabbi. 8. Vos autem nolite vocari Rabbi. vnus est enim Magister vester, omnes autem vos fratres estis. 9. Et patrem nolite vocare vobis super terram: vnus est enim Pater vester: qui in cœlis est. 10. Nec vocemini magistri: quia Magister vester vnus est, Christus. 11. Qui maior est vestrum, erit minister vester. 12. Qui autem se exaltauerit, humiliabitur: & qui se humiliauerit, exaltabitur. 13. Væ autem vobis Scribæ, & Pharisei hypocritæ: qui clauditis regnum cœlorum ante homines: vos enim non intratis, nec introeuntes finitis intrare. 14. Væ vobis Scribæ, & Pharisei hypocritæ: quia comeditis domos viduarum, orationes longas orantes: propter hoc amplius accipietis iudicium. 15. Væ vobis Scribæ & Pharisei hypocritæ: quia circuitis mare, & aridam, vt faciatis vnum proscelytum:

&



& cum fuerit factus, facitis eum filium gehennę duplo quā uos.  
 16. Vē uobis duces cæci, qui dicitis; Quicumque iurauerit per  
 templum, nihil est; qui autem iurauerit in auro templi, debet.  
 17. Stulti, & cæci: Quid enim maius est, aurum, an templum,  
 quod sanctificat aurum? 18. Et quicumque iurauerit in altari,  
 nihil est: quicumque autem iurauerit in dono, quod est super il-  
 lud, debet. 19. Cæci: Quid enim maius est, donum, an altare,  
 quod sanctificat donum? 20. Qui ergo iurat in altari, iurat in  
 eo, & in omnibus, quæ super illud sunt. 21. & quicumque iura-  
 uerit in templo, iurat in illo. & in eo, qui habitat in ipso: 22. &  
 qui iurat in cœlo, iurat in throno Dei, & in eo, qui sedet super  
 eum. 23. Væ uobis Scribæ, & Pharisei hypocritæ: qui decimatis  
 mentham, & anethum, & cuminum, & reliquistis, quæ grauiora  
 sunt legis, iudicium, & misericordiam, & fidem. Hæc oportuit  
 facere, & illa non omittere. 24. Duces cæci, excolantes culi-  
 ceni camelum autem glutientes. 25. Væ uobis Scribæ & Pha-  
 risei hypocritæ, quia mundatis, quod de foris est calicis & pa-  
 ropisdidis: intus autem pleni estis rapina & immunditia. 26. Pha-  
 riseæ cæce, munda prius, quod intus est calicis, & paropisdidis, ut  
 fiat id, quod de foris est, mundum. 27. Væ uobis Scribæ, & Phari-  
 sei hypocritæ, quia similes estis sepulchris dealbatis, quæ a foris  
 parent hominibus speciosa, intus vero plena sunt ossibus mor-  
 tuorum, & omni spurcitia: 28. sic & vos a foris quidem paretis ho-  
 minibus iusti: intus autem pleni estis hypocrisi, & iniquitate.  
 29. Væ uobis Scribæ & Pharisei hypocritæ, qui edificatis sepul-  
 chra prophetarum, & ornatis monumenta iustorum, 30. & dicitis:  
 Si fuissetis in diebus patrum nostrorum, non essemus so-  
 cii eorum in sanguine prophetarum. 31. Itaque testimonio estis  
 uobismetipsis, quia filii estis eorum, qui prophetas occiderunt.  
 32. Et vos implete mensuram patrum uestrorum. 33. Serpen-  
 tes genimina viperarum, quomodo fugietis à iudicio gehennę?  
 34. Ideo ecce ego mitto ad uos prophetas, & sapientes, & scri-  
 bas, & ex illis occidetis, & crucifigetur, & ex eis flagellabitis in  
 synagogis uestris, & persequemini de ciuitate in ciuitatem:  
 35. ut ueniat super uos omnis sanguis iustus, qui effusus est su-  
 per terram, à sanguine Abel iusti usque ad sanguinem Zacha-  
 riæ, filii Barachiæ, quem occidistis inter templum & altare.  
 36. Amen dico uobis, uenient hæc omnia super generationem  
 istam. 37. Ierusalem Ierusalem, quæ occidis prophetas, & la-  
 pidas eos, qui ad te missi sunt, quoties uolui congregare filios  
 tuos, quemadmodum gallina congregat pullos suos sub alas,  
 &

Luc. ii. f.  
42.

Sup. 3. b. 7.

Gen. 4. b. 8.  
Heb. 11. 2.  
4.  
2. Par. 24.  
E. 22.  
Luc. 13. 2.  
34.







& Phariseorum hypocrisim arguere; non autem arguisset, nisi dixisset eos aliter viuere, aliter docere. Altera, quod toto capite acerbè eos esset reprehensus, & conueniebat aliquantulum eos prius laudare, ne omnia ex affectu, ac sine iudicio improbare videretur.

4. *Alligant enim onera graua.* Metaphora a sarcinis sumpta est, quæ, ut in iumenta, aut in hominum humeros imponantur, atque portentur, ligari solent. Vocat autem onera, non ceremonias, vt Chrysostomus existimat, quia, vt diximus, nondum Christus abrogat legem, de quibus D. Petrus in Actis Apostolorum ca. 15. 10. dixit, *Neque patres nostri, neque nos portare potuimus*; sed onera uocat proprias Scribarum, & Phariseorum traditiones, aut leges scripturæ contrarias, aut non certe necessarias, quales illæ sunt, quas versu 16. 17. & deinceps reprehendit, ut Origenes, & Theophylact. exponunt.

*Digitum autem suo.* Digitum humeris opponit Solemus onerata iumenta non solo digito, sed utraque manu, & toto fæpe corpore iuuare: illi miseros homines, quos suis ineptijs onera uerant, ne minimum quidem digito subleuabant, id est nec exemplo suo in citabant ad onera ferenda, nec in suis traditionibus dispensabant, cū in Dei lege sæpe dispensarent, hoc est *digito autem suo nolunt ea mouere.*

3. *Dilatant enim.* G. dē autem, sed ponitur pro *quod* enim, ut alibi sæpe, quemadmodum noster vertit interpretes, multo melius, quàm qui vertendum esse dicunt, autem, reddit enim causam non eorum, quæ uersu præcedenti dixerat, sed proximorum uerborum, *Omnia uero opera sua faciant, ut videantur ab hominibus.* Quod probat duobus minimarum rerum exemplis, phylacteriorum, & fimbriarum, quasi uelit ex rebus minimis maximas intelligi, & vt in prouerbio est, ex ungue leonem cognosci. Nam qui in fimbrijs, & phylacterijs gloriam ceptabant, quid in rebus maioribus facili erant?

*Phylacteria sua.* Phylacteria, ut Origenes, Chrysostom. Hierony. & Euthym. scribunt membranulæ erant, in quibus legis præcepta scripta erant, eas Scribæ, & Pharisei circum caput, & circum brachia gestabant, ut perpetuò Dei legem ante oculos haberent, sic intelligentes, quod Deus per Moysem præceperat Deuter. 6. 8. & *ligabis ea, quasi signum in manu tua, eruntque, & mouebuntur inter oculos tuos.* Hoc Hieron. suo etiam tempore ab Indis, Persis, & Babylonijs factitatum fuisse dicit: dicta sunt autem a Grecis *φυλακτήρια*, phylacteria, id est conseruatoria, quod ad conseruandā legis memoriam instituta essent: fimbriæ autē vocabantur fila quadā non texta, quæ ex infima ora vestis depēdeant, quæ ab Hebræis uocantur *מַשְׁבָּרִים* Num. 15. 38. vt Rabbi Dauid interpretatur, & *מִשְׁבָּרִים* Deuter. 22. 12. vnde & Hispani, ut opinor *Guedizas* vocauerunt. Fimbrias hyacinthino colore Iudeos gestare duobus illis locis, quos modò posuimus, Deus præceperat, ut legis recordarentur. Eas ergo Scribæ, & Pharisei præ cæteris Iudeis magnificabant, id est maiores, quàm cæteri, faciebant. Scribit Hieronym. solitos etiam fuisse acutissimis spinis interficere, quibus & cum ambularent, & cum sederent, compungerentur, eoque dolore diuinam legem in mentem reuocarent. Nescio, quàm certum hoc sit, facile tamen Hieronymo credo non dicturo, nisi ab Hebræis, aut a bono aliquo auctore didicisset. Potest meritò lector querere, quare Scribæ, & Pharisei ambitionis causa fimbrias, ac phylacteria dilatabant. Respondent quidam, ut plura legis præcepta in phylacterijs inscribi possent. At, vt id de phylacterijs dici possit, de fimbrijs certè dici non potest, in quibus præcepta non scribebantur: uero similis, quod indicat Theophylactus, ideo dilataste, vt longius conspicerentur, & legis obseruatores esse viderentur, aut, vt videtur sentire Chrysost. ut legem diligentius, quàm cæteros Iudæos se seruare declararent.

Phylacteria  
Iudeorum,

Fimbriæ  
Iudeorum,

Caluimus  
in harm,



8. *Vos autē nolite vocari Rabbi.* Ab hoc loco usque ad uersum 13. & una est, & facilis sententia, ne Phariseorum mores discipuli imitentur, non prohibet patrem, aut magistrum uel uocari, uel uocare in terris absolute: sed comparatē ad Deum, & ad Phariseos, de quibus loquebatur. Ad Deū quidem, ut comparatione illius neminem putemus neque patrem, neque preceptorem esse posse, & ne istos honoris, & amoris titulos illius honori, amorique præferamus. Ad Phariseos uerò, ne eo modo, quo illi, id est ambitiosē, gloriosēque aut præceptores, aut patres appellemur, alioque appellemus; ut illi appellabant, qui dicebant, *Ego quidem sum Pauli, ego autem Apollos*, ut suo quisque magistro gloriaretur 1. ad Cor. 3. 4. alioqui dubium non est, quin patres, & magistros & uocari, & uocare nobis liceat.

13. *Ve autē uobis.* Hic uersus apud Chrysost. Euthym. & Theophylact. & apud Auctorem operis imperfecti est 14. & 13. positus est hoc loco. Inuehitur mira Christi acrimonia in Scribas, & Phariseos usque ad finem capitis, eorum præsertim hypocrisis accusans, non ullo quidem iracundiæ impotentis impetu, aut maledicentia, sed certo iudicio, atque consilio, ut paullo post moriturus miseram plebem commonefaceret, ne Scribarum, & Phariseorum fūco capta falleretur. Dubium, an omnia, quæ Christus hoc capite in Scribas & Phariseos dicit, eodem loco, ac tempore ab illo dicta sint. Nam Lucas c. 11. 39. 42. 52. multa ex iis narrat, quasi alio tempore dicta fuerint, & D. quidem Augustinus lib. 2. de consensu Evangelistarum c. 75. duos, ut eius utar uerbis, sermones esse putat: alterum, quæ Matthæus; alterum, quem Lucas recitauit, bisque eadem dixisse Christum. Sed mihi probabilius uidetur semel dixisse hæc omnia, eodemque tempore, ut apparet ex Luca, sed Matthæum idcirco omnia in hunc locum contulisse, quod similis essent argumenti, & non id ageret, ut historiam ordine

seruato temporum texeret, sed ut Christi doctrinam exponeret, quod c. præcedenti uersu 2. in re simili fecisse animaduertimus.

*Quia clauditis regnum celorum* Lucas c. 11. 52. paullo aliter dicit, *quia tulistis clauem scientiæ*, quæ uerba maiore habent emphasim. Significat enim Scribas, & Phariseos ita sibi legis scientiam usurpasse, ut existimarent neminem, nisi ipsis uiam indicantibus, in cælum ire posse: sumpta enim a dominis cedium metaphora est, qui cum neminem ingredi, aut egredi, nisi iussu suo, uolunt, clauem totius domus accipiunt, claudere autem Scribæ, & Pharisei regnum celorum dicuntur, quia persuadebant hominibus neminem, nisi ipsis aperientibus, id est docentibus intrare posse, quo suafu omnes, quas uolebant, traditiones, quasi grauius onera populo imponebant. Quod autem dicit *ante homines*, Hebraismus est אדם נכח, ante facies hominum, id est occcludendo illis ianuam ante oculos, qua phrasi significatur eos impedire multos, qui iam iam ad cœli ianuam appropinquarent, & nisi illi obstarent, ingressuri essent, ut etiam Chrysostomus uidit, & proximis uerbis indicatur, *Vos non intratis, nec introeuntes*, id est eos, qui introire uolunt, *finis intrare*. Quid autem sit ipsos non intrare, neque alios ingredi permittere, duobus modis ab antiquis auctoribus explicatur. Origenes, Hilarius, Auctor imperfecti, Hieronymus, & Beda ideo dictum putant, quod nec ipsi in Christum crederent, & ne alii crederent, impedirent, quam interpretationem idcirco non probo, quia ut uer. 3. diximus, Christus hic de legis obseruatione agit, quare magis placet Chrysostomi sententia, ideo Scribas, & Phariseos in regnum celorum non intrasse, quia Dei præcepta non obseruabant, ideo aliis, quominus intrarent, obstitisse, quia eos inutilibus, & intolerabilibus traditionibus onerabant, quas, cum ipse populus seruare non posset, nec in regnum celorum Phariseorum, qui-



quidem opinione ingrediebatur. Nec enim propterea saluus esse non poterat, quod Phariseorum non seruaret traditiones, sed loquitur Christus ex Phariseorum opinione, atque doctrina. Hic sensus ex ijs, quæ dicuntur, uersu 16. & deinceps facile colligitur.

14. *Quia comeditis domos uiduarum.*) Nonnulli putant Diuum Hieronymum, & Origenem, quia hunc uersum non explicant, non legisse, & quod in octauo Euangeliorum, canone, quo solus Marcus, Lucasque conueniunt, positus sit: leuis coniectura, quæ potius in canonem, quam in Euangelium ualere debuit; præsertim cum omnes, & Latini, & Græci, & Syriaci codices legant: esse autem hos duos uersus hunc, atque præcedentem apud auctores Græcos transpositos supra monuimus. *Domos uiduarum* Scribæ, & Pharisei, id est facultates dicuntur deuorare, quæ autem ratione id facerent, non satis expressum. Quidam ideo eos deuorasse dicunt, quia consolationis causa uiduarum domos frequentabant, & conuiuijs pro officij dignitate ab illis excipiebantur, quibus facultates suas consumebant, sic Euthym. Alij, quia dum sanctitatem simulabant, uiduæ ad eos, ut se ipsorum precibus commendarent, tanquam ad uiros sanctos uentitabant, & eorum orationes pretio emebant: hoc probabilius, quia statim sequitur, *longas orationes orantes*, quasi causa significetur, quare uiduarum domos deuorarent quod longas suas orationes uenderent. Sed uiduas potius, quam alias personas duabus, ut opinor, de causis nominauit, & quia religiosiores esse solent, & multo facilius sanctitatis simulatione capiuntur, & quia maius erat scelus uiduarum, quæ potius iuuandæ, alendæque erant, quam aliarum minùs miserabilium personarum substantiam deuorare, ut Chrysostom. & Euthym. annotarunt.

*Longas orationes orantes.*) Græcè *ἡγὲν προσέειπον μακρὰ προσευχόμενοι*, & præ textu, aut occasione longa orantes,

id est prolixè. Noster interpretes nec legit *ἡγὲν* neque *προσέειπον*: & quidem copulatiuam coniunctionem tollendam puto, quia nec sententia requirit, & respuit, nomen autem *προσέειπον* rectè conuenit, & uero simile mihi uideretur etiam legisse nostrum interpretem, sed sensum, non uerba reddidisse. Occasionem autem, si id nomen legatur, interpretor aucupium, quo sacerdotes, & Pharisei prolixè orantes utebantur, ut mulierculari captrarent facultates, quemadmodum sumitur apud Diuum Paulum ad Philippenfes 1. 8. cum dicit, *Quid enim dum omni modo, siue per occasionem, siue per ueritatem Christus annuntietur?*

*Propter hoc amplius accipietis iudicium.*) Id est duplo maius, quam cæteri, ut uersu sequenti explicabimus, quia bis nimirum peccatis, & dum uiduarum facultates consumitis, & dum id sanctitatis simulatione facitis, ut Chrysostom. & Auctor imperfecti annotauerunt. Iudicium scripturæ more, & Hebræorum idiomate condemnationem appellat. Quod hereticorum quidam interpretes uertit, auferetis grauius iudicium, minus proprium mihi uidetur. Noster interpretes Græcum secutus est, Græcus Hebraïsmum, quo *ἡγὲν* & accipere significat, & ferre, hoc autem loco pro ferre positum est.

15. *Circumitis mare, & aridam.*) Id est nihil non facitis, ut unum profelytum efficiatis. uidetur speciem habere prouerbij; quale illud apud Latinos est, omnem lapidem mouere, & apud Græcos, omnem mouere funem. *Aridam* Hebraïsmi imitatione terram appellauit, ut Genes. 1. 10. quemadmodum & Græci nonnunquam auctores appellant. Interpretatio est Chrysostomi, & Euthymij in hunc locum non Scribarum, & Phariseorum diligentiam, sed rei difficultatem declarari, quasi sensus sit, uæ uobis Scribis, & Phariseis, qui morum uestrorum prauitate adeo à legis diuinæ studio alienigenas auertitis, ut adeo difficile sit uel unum tantum ex illis ad ueram religionem adducere.

Iudicij pro  
condemna-  
tione in scri-  
ptura.

Aridam scri-  
ptura, terra.

ut



ut opus uobis sit mare, & aridam circuire: sed manifestum est non rei difficultatem, sed Scribarum, & Phariseorum studium, ambitionemque significare, qui magna sollicitudine Gentiles ad Iudaicam religionem pertrahere conabantur, uel ambitionis causa, ut populum Dei augere uiderentur, & sua sanctitate, doctrinaque gubernare, quemadmodum nonnulli interpretes existimant; aut, ut Auctor imperfecti putat, ut aucto Iudaeorum numero, sacrificiorum quoque numerus crederetur, maiusque ad ipsos lucrū perueniret. Vtrumque de Scribis, & Phariseis credi potest. Profelytos appellabant Græcè eos, qui ex Gentilium superstitione ad Iudaeorum religionem uenerant, quos Hebræi *עַמִּיטָא* uocare solent, & Christiani neophytos appellabant 1. ad Tim. 3. 6.

Qui profelyti.

Hebraismus,

Et cum factus fuerit, factus illum filium gehennæ. Notus est Hebraismus, quo filius gehennæ dicitur, qui gehenna dignus est, sicut filius mortis, qui morte dignus 1. Reg. 20. 31. de gehenna autem cap. 5. diximus.

Duplo quam uos. *διπλότερον ὑμῶν*, ad uerbum, duplicius, quam uos; Id est uos quidem duplici condemnatione, supplicioque digni estis, illum autem plusquam duplici dignum facitis. Quomodo autem Scribæ, & Pharisei duplici poena digni essent, versu præcedenti explicauimus, qui dupliciter peccabant, & auaritia, & sanctitatis simulatione. Quare uerò peiores profelytos suos facerent, non satis constat, cum uix illis peiores esse possent. Auctor imperfecti existimat propterea profelytos maiore, quam Phariseos supplicio dignos fuisse, quod quidem grauius peccarent non credentes in Christum relicta iam idololatria, quam si nunquam reliquissent. Chrysostom. uerò Phariseos studiosè conatos esse eos, quos ab idololatria reuocassent, peiores facere, quam se. Melius idem Auctor imperfecti, & Euthym. ita esse natura comparatum, ut uitia potius quam uirtutes imitemur, & in rebus malis à discipulis magistri facile superentur.

16. *Duces cæci.*) Duces uocat, non quod ueri duces essent, sed aut propter officium, quia docendi munere fungebantur, aut ex eorum opinione qui se aliorum duces profitebantur, quemadmodum idola ex Gentilium opinione scriptura solet Deos appellare, & Pseudoprophetas Prophetarum nomine sæpe uocat.

Quicumque iurauerit per templum. *ἐν τῷ ναῷ*, in templo, id est per templum, ut in sequentibus ex Hebræorum idiomate pro in, & pro per.

Hebraismus,

Nihil est, id est, non debet, non est reus, ut statim dicit: quod, ut quidam volunt, non absolute, sed comparatè intelligendum est, nec enim est uero simile tam impudentes fuisse Phariseos, ut docerent iurare per templum nullum esse peccatum; sed minus esse, quam per aurum templi iurare, etsi ut ca. 5. 21. 34. diximus, multi ueteres auctores ita senserint. *Euthym.* iuramentum uotum interpretatur, aut iusiurandum, quo aliquis promittebat se templo aliquid oblaturum esse. Id enim iuramentum propterea Scribæ, & Pharisei, quorum multi sacerdotes erant, magis debebant obligare, quam si quis per templum iurauisset, id est se templum adificaturum, quia, quæ templo offerebantur, in ipsorum lucrum redundabant, aliud uerò templum nemo poterat adificare. Coacta, & minimè probabilis interpretatio. Hieronymus uerò, Theophylactus, & D. Thom. sic interpretantur, si quis in contentione, seu in aliquo iurgio, uel in causâ ambiguo iurasset in templo, & postea conuictus esset mendacij, non tenebatur criminis reus: si autem iurasset in auro, & pecunia, quæ in templo sacerdotibus offerebatur, statim id, in quo iurauerat, cogebatur exsoluere. Rursum si quis iurasset in altari, periurij reum nemo retinebat, si autem peierasset in oblationibus, hoc est in hostijs, in uictimis, & similiter in cæteris, quæ offerebantur Deo super altare, hæc studiosissimè repetebatur. Itaque hi auctores auaritiæ eius traditionis originem fuisse putant.

Quod



Quod autem aurum templi intelligendum sit, dubium etiam est. Nam Theophylact. aurum illud intelligit, quo templum intus uestitum erat. Euthym. verò uasa, candelabra, ceteramque auream templi suppellectilem. Hierony. & Beda omnem templi pecuniam, quod est probabilius.

17. *Quid enim.*) Particula causalis. **Hebraism.** hoc loco otiosa uidetur esse: nullius enim rei causam reddere uidetur: sed Hebraismus est, quo solent Hebraei non rei, de qua loquuntur, sed verbi, quo vsi sunt, aliquando rationem reddere: quemadmodum in Idiomaticis annotauimus. Exemplum est 1. Paralip. 5. 1. & infra vers. 19. Reddit ergo Christus rationem, cur Phariseos & ceteros appellauerit, quod nimium non uideant templum maius esse, quàm aurum. Argumentatur autem ex illo naturali, quod est apud Aristotelem, axioma, *propter quod unumquodque tale, & illud magis.* Nā aurum, quod in templo est, non est sanctum, nisi quia templum sanctum est, templum igitur magis sanctum.

L. r. poster.  
cap. 2.

22. *Et quicumque iurat in celo.*) Quæ ad huius loci explicationem pertinent, c. 5. 34. dicta sunt.

23. *Et reliquistis.*) Quidam tempus præteritum, quod Græce est, per præsens uertendum putant, & relinquitis, sicut præsentis tempore dixit, *deiciatis mentem, & anethum*: sed melius noster interpretes non solum, quia propius Græcum uerbum secutus est: sed etiam, quia sententiam melius expressit, significat enim hoc loco tempus illud præteritum Scribas, & Phariseos Dei grauiora præcepta iam diu non minus, quàm si abrogata essent, obliuioni dedisse.

*Iudicium.*) Exponit, quæ sunt illa grauiora legis præcepta, quæ iam diu reliquerant, nempe iudicium, quo unicuique ius suum redditur, erant enim Scribæ & Pharisei in multis causis Iudeorum iudices, ut cap. 5. 22. diximus, & nihil magis scriptura detestatur, quàm peruersa, & corrupta iudicia, ut Deuteronomii. 16. 19. Isa. 1. 23. Michæ. 3. 11. & 7. 3.

*Misericordiam.*) Misericordiam uocat charitatem in proximum, quam Deus omnibus rebus anteponit, hoc enim est *Misericordiam uolo, & non sacrificium* Osee 6. 6. & supra c. 9. 13. hoc est, quod tantopere commendat apud Michæam c. 6. 8. *Indicabo tibi, o homo, quid sit bonum, & quid Dominus requirat a te, utique facere iudicium, et diligere misericordiam, & sollicitum ambulare cum Deo tuo,* & apud Zachariam c. 7. 9. *Hac ait Dominus exercituum dicens, iudicium uerum iudicate, & misericordiam & miserationem facite unusquisque cum fratre suo.*

*Et fidem*) Fidem appellat non diuinam illam, qua in Deum credimus, **Cic. 1. Offi.** sed illā humanam, qua inter nos pacta conuenta seruamus, quæ dictorum factorumque constantia definitur, quæ Deus Leuit. c. 6. 2. 4. 5. diligenter seruari uoluit. *Anima,* inquit, *quæ peccauerit, & contempto Domino negauerit proximo suo depositum, quod fidei eius creditum fuerat, uel ui aliquid extorserit, uel calumniam fecerit, reddet omnia quæ per fraudē uoluit obtinere, integra, & quintum in super partem domino, cui damnum intulerat, pro peccato autē suo offeret arietem immaculatum de grege,*

24. *Excolites culicē, camelū autē glusientes.*) Solet in calidioribus regionibus multos culices, uinū habere, ut necesse sepe sit, qui uolunt bibere, uinū prius excolare, ut culices tollant. Inde sumpta translatio. Camelum autem ex more patriæ pro re maxima posuit, ut supra c. 19. 24. Apparet autem fuisse prouerbum, quale illud fuisse diximus ibi *facilius est camelum per foramen acus transire.*

25. *Quod de foris est calicis, & paropsidis.*) *ἡ τοῦ ἔξωθεν τοῦ ποτηρίου*, exteriori calicis, & paropsidis partem, aut, quod a Græcis uerbis propriè abest, quod extra calicem, & paropsidem est. Calicem uocat poculum, paropsidem parinam, quā cibus sumitur, ut apud Pollucem, & Athenæum. Notum est carmen ueteris poetæ, *quàm multa, magnaque paropside canat* Lucas catinum appellauit, quod aut idem, aut simile uas est.

G g Intus



Iuuenalis  
sat. 3.

Proverbiū  
Hebræorū.

*Intus autem.*) Id est, quæ intus sunt, intelligitur enim 72. Calicem, & paropsidem uocat ipsum hominem, quæ extra calicem, & paropsidem sunt, sordes corporis, quæ sunt intra, sordes animæ. Significat ergo eos de corpore lauando, atque mundando nimis esse sollicitos, de ablucendis animæ sordibus nimis negligentes. Videtur hoc etiam fuisse proverbiū, quo significabatur aliquem minis necessaria nimis curare, magis necessaria negligere: quemadmodum si quis uas, quo potum, aut cibum sumeret, extrinsecus mundaret, intrinsecus non munda-  
et.

26. *Ut fiat, & id, quod de foris est, mundum.*) Queritur quomodo, mundatis iis, quæ intus sunt, ea, quæ extra sunt, munda fiant, cum nihil obstat uideatur, quin possit aliquis mundo esse animo, sordido uero corpore. dicitur id, quod de foris est, mundum fieri, cum interiora mundata sunt, quia non magis inquinat, quàm si immundum esset. Nō enim, quod intrat in os, eo inquinat hominem c. 15. 11. & omnia munda mundis ad Titum. 1. 15.

29. *Qui edificatis sepulchra Prophetarum, & ornatis monumenta iustorum.*) Eodem Prophetas, & iustos uidetur appellare, ut aliis locis annotauimus & ex Ioanne c. 9. 17. docuimus, sicut sepulchra, & monumenta idem sunt, est enim ex Hebræorum idiomate eiusdem sententiæ aliis uerbis uariata repetitio; edificabant autem Prophetarum sepulchra cum uetustate collapsa essent, ut Hilarius exponit. Constat ex hoc loco Prophetarum, & iustorum sepulchra in honore apud Iudæos habita fuisse. Quod autem ea Scribæ, & Pharisei collapsa redintegrarent, non uituperatione, sed laudabilem erat, ut Origenes tractatu in Matthæum 26. Chrysostomus & Euthymius admonuerunt; nec propterea eos Christus reprehendit, sed quia cum eorum edificarent sepulchra, maiora ipsi patrarent homicidia, quàm qui prophetas illos, quorum sepulchra edificabant, occide-  
rant.

Sepulchro-  
rum honor.

31. *Itaque testimonio estis uobis malis ipsis, quia filii estis eorum, qui Prophetas occiderunt.*) Bene hoc loco concludit Christus ex eo, quod dicebant Scribæ & Pharisei, *Si fuissetis in diebus patrum nostrorum non essemus socii eorum in sanguine Prophetarum*, eos testari his ipsis uerbis esse se eorum filios, qui Prophetas occiderunt, sed paulo aliter argumentum recitat Lucas cap. 11. 48. *profecto*, inquit, *testificamini, quod consentitis operibus patrum uestrorum, quoniam ipsi quidem eos occiderunt, uos autem edificatis eorum sepulchra.* Credibile est utrumque Christum dixisse: sed alterum Matthæum, alterum Lucam recitasse. Superest uidere quomodo apud Lucam bene Christus concludat eos testificari se operibus patrum suorum consentire. Non uidetur mihi ex animi sententia Christus id concludere uoluissse, sed tantum propositum illi fuisse illud ipsum argumentum, quod ad probandam sanctitatem suam Scribæ, & Pharisei afferiebant, ad probandam eorum nequitiam in eodem retorquere, quasi commune esset, ut Reithores uocant, quod in utramque partem æque valeret. Qui enim sepulchra prophetarum edificabant, uideri poterant aut idecirco facere, ut eos honorarent, aut ut magis quodammodo occiderent, id est eorum memoriam unā cum corporibus sepelirent, quemadmodum solent latrones, quos occiderunt, non humanitate, sed alio homicidii genere, ne reperiantur, sepelire. Scribæ & Pharisei priori sensu, Christus posteriori argumentabatur, non quod indicaret eos eo animo sepulchra prophetarum edificare, ut patrum suorum homicidiis consentirent, sed quod factum ipsum in eam etiam partem non minus, quàm in contrariam posset aliquis interpretari.

32. *Et uos implere mensuram patrum uestrorum.*) Id est occidere eos prophetas, quos illi, quia nondum erant, occidere non potuerunt. Intelligit autem seipsum, & eos, quos uenit 34. se missurum dicit. Hoc enim



enim est implere mensuram patrum suorum, eorum scelera, atque homicidia maioribus homicidiis, sceleribusque cumulare. Adnotarunt Chrysostomus, Theophylactus, & Euthymius, Christum his uerbis, etiamsi imperare uideatur, non imperare, sed quod futurum erat, prædicere: quem admodum Ioann. 13. 27. dixit Iudæ, *Quod facis, fac citius*. Facilius dici potuit concessionem esse, qualis illa apud poetam est. *I, sequere Italiam ventis*.

Virg. 4. Aeneid,

33. *Serpentes genimina viperarum.*) Hunc locum c. 3. 7. explanauimus. Sensus est, cum uiperarum filii sitis, quid potestis esse, nisi uiperæ? non enim solent filij parentibus meliores esse, peiores solent.

*Quomodo fugitis iudicio gehennæ.*) Id est, quomodo potestis salui esse, cum uiperæ sitis? quod non ideo dicit, quia fieri non possit, ut poenitentia agant, & salui sint, sed quod eiusmodi homines, qui tam diuturnum scelus suorum callum obdixerunt, raro poenitentiam agere, & salui esse soleant, aut quod adeo obdurati in malum essent, ut averti ab eo posse non uiderentur.

34. *Ideo.*) Non reddit causam, cur prophetas, Sapientes, & Scribas missurus sit: neque enim propter Scribarum, & Phariseorum nequitiam missurus erat, sed reddit causam, cur eos essent occisuri, quia nimirum serpentes erant & genimina uiperarum: serpentium autem, & uiperarum proprium est homines occidere, Lucas capitulo 11. 49. aliter dicit, *propterea*, inquit, *& sapientia Dei dixit, mittam ad illos prophetas & Apostolos, & ex illis occident, & persequentur*, ubi uidetur alicuius prophetae testimonium allegare, cum nihil hodie tale in scriptura legamus. Credibile est ita Christum, ut Lucas narrat, locutum esse, nec dixisse, *Ecce ego mitto*, ut ait Matthæus, sed, *sapientia Dei dixit, mittam ad illos, &c.* ne, si diceret, *ego mitto*, Deum se facere uideretur, cuius proprium est mittere prophetas: sed Matthæum sensum, non uerba re-

citasse. Idem enim est sapientia Dei mittit, & ego mittam, quia ipse Dei sapientia erat, & ex ambiguitate uerbi inuidiam euitauit. Itaque noluit ullum ullius ueteris prophetae citare testimonium, sed quasi ipse Dei uoluntatem interpretaretur, futuraque nuntiaret, sicut ueteres prophetae solebant dicere, *hæc dicit Dominus*, ita ille dicit *sapientia Dei dixit*, id est decreuit, Hebraismus.

Dicere ad  
pud He-  
bræos, pro  
decretis.

*Prophetas, & Sapientes, & Scribas.*) Lucas dixit prophetas, & Apostolos; unde constat Christum Apostolos suos, & Scribas, & prophetas appellasse, ut accommodatè ad Iudæorum consuetudinem loqueretur, apud quos legis doctores Scribae uocabantur, solet enim ita aliquando Christus loqui, ut cap. 13. 52. Diuus Paulus 1. ad Cor. 1. 20. *ubi Sapiens, ubi Scriba, ubi conquisitor huius sæculi*.

35. *Ut ueniat super uos.*) Rectè Euthym. annotauit particulam *ut* hoc in loco non causam, sed euentum significare. Hebraica autem phrasus est alicuius sanguinem super aliquem, aut super eius caput uenire, id est homicidij penas dare, ut infra capite 27. 24. *Sanguis eius super nos, & super filios nostros*, id est nos, & filij nostri culpam præstabimus, & si quid in hoc peccati est, poenas libenter luemus. Similis phrasus Leuitici 20. 9. 13. Iosue 2. 19. 2. Reg. 1. 16. quemadmodum Latini dicebant, si quid mali fieri, mihi & capiti meo. Seneca lib. 4. de beneficijs cap. 31.

Hebraismus.

*A sanguine Abel iusti, usque ad sanguinem Zachariæ filij Barachie, quem occidistis inter templum, & altare.*) Manifestum est uoluisse Christum dicere eos dauros poenas ob mortem omnium prophetarum, quicumque unquam occisi a Iudæis fuerant Numerat autem Abel inter prophetas, quia suo sacrificio uidetur Christi sacrificium prædixisse, ut indicat Diuus Paulus ad Hebræos 11. 4. cum dicit, Abel fide plurimam hostiam obtulisse. Enumerat enim inter illos, qui a Iudæis occisi fuerant, cum ab illis occisus non sit, quia Cain, a quo occisus

Gg 2 est,



De Zacharia  
B. rachig  
filio.

est, omnium homicidarum caput fuit; & quamuis non fuerit natura Iudaorum pater, fuit imitatione. Itaque illius filij esse Iudaei significantur eodem modo, quo dicuntur filij esse diaboli, Ioan. 8. 44. Ita Iudas dixit ver. 11. *Pater illius, qui in viam Cain abierunt.* Ita Auctor imperfecti exposuit. Vulgaris hoc loco de Zacharia quaestio est, de quo, cum multi fuerint, Christus loquatur. Nonnulli auctores existimant de Zacharia Ioannis Baptiste patre loqui, veterem narrantes traditionem quae in nonnullis apocryphis libris legebatur, hodieque in nescio quo, ut uocatur, Protoeangelio Iacobi legitur, fuisse in templo Ierosolymitano separatum locum, in quo solae virginis considerent. Virginem verò Mariam Christi matrem post felicem partum in templum ingressam uoluisse inter uirgines, ut solebat, locum habere, prohibitam a sacerdotibus, quod filium peperisset, defensam a Zacharia, qui virginem sciebat, ea de causa a ceteris sacerdotibus inter templum, & altare occisum esse. Ita Origenes tractatu in Matthaeum 16. & D. Basiliius homilia de humana Christi generatione, Theophyl. & Euthym. hoc loco simile quiddam refert de Gnosticis Epiphanius in eorum haeresi. Quae traditio, si ex bonis libris probaretur, hunc locum valde congruenter explicaret. Fuit enim Zacharias pater Ioannis ultimus prophetarum, & perspicuum est uoluisse Christum significare Scribas, & Phariseos daturos esse penas sanguinis omnium prophetarum, qui occisi essent, a primo usque ad ultimum. Nomen tantum patris Barachiae non conueniret. Nec enim illius Zachariae patrem Barachiam vocatum legimus. Alij putant Christum loqui de illo Zacharia, qui ex duodecim minoribus prophetis unus est. Is enim c. 1. filius Barachiae fuisse dicitur, quam opinionem Orig. Chrysost. & Hiero. referunt, Strabus verò secutus est. Alij hunc fuisse Zachariam illum filium Ioiadae sacerdotis, qui 2. Paralip. 24. 21. inter templum, & altare occisus commemoratur, quae & Hieronymi, & Bedae, & om-

nium fere posteriorum interpretum opinio est, eò ceteris probabilior, quod solum illum Zachariam in scripturis inter templum, & altare occisum legamus, & est uerò simile Christum notam historiam, & sacris testamenti litteris commemorasse. Illud tantum non conuenit, quod Zacharias ille in scriptura non Barachia, sed Ioiada filius appellatur: cui obiectioni duobus modis interpretes respondent. Primum, ut Hieronymus ait, Christum non ad uocem nominis, sed ad significationem respexisse. Barachias enim Hebraice benedictum Domini significat, id est hominem iustum, & diuina abundantem gratia, qualem Ioiadam sacerdotem fuisse scriptura tota testatur. Alij Ioiadam binomium fuisse putant, si nique Ioiadam nomine, & Barachiam cognomento appellatum. Coniectura probabilis est, quod D. Hiero. asseret se in eo Euangelio, quo Nazarenus utebantur, pro filio Barachiae filium Ioiadae legisse. Alia lectori obiectione potest occurrere, quod Zacharias ille non fuerit omnium prophetarum ultimus, qualem uidetur Christus significare uoluisse. Nam & multi postea fuerunt, & Ioannes Baptista ultimus occisus. Facilis solutio est, uoluisse Christum de illis tantum agere prophetis, quorum cedes sacris esset litteris consignata, ne Scribae & Pharisei a patribus suis occisos fuisse negare possent: inter eos autem quos in sacris litteris occisos legimus, Zacharias ille Ioiadae filius ultimus fuit. Alia hoc loco quaestio moueri solet, quomodo Christus minetur omnium ueterum prophetarum sanguinem super Scribas, & Phariseos uenturum esse, cum ipsi eos non occidissent, & non debeat filius patris iniquitatem portare, Ezech. 18. 19. Quidam respondent omnium Iudaeorum ueluti unam esse congregationem, & quasi Rempublicam. Videmus autem in Republica, quae maiores fecerint, posteris tribui, ut Amalechitis, quia filiis Israel ex Aegypto reuerentibus transitum per regionem suam concedere noluerunt, Exod. 17. 8. 9. delendi esse dicuntur, quod factum non



non est, nisi annis post plus quadringentis, cum nemo eorum uiueret, qui peccauerant i. Regum 15.6.7. Ita ergo Phariseos sacerdotes, & Scribas pœnas exsolutores sanguinis prophetarum, non quod ipsi occidissent, sed quod cum eorum Republica, eorumque maiores occidissent, & ipsi occidisse putabantur. Ita Hieronymus, & Beda. Alij dicunt sepe filios pro patribus pœnas dare, cum eorum mores imitantur, ut Deus comminatur Exodi 20.5. *Ego sum Deus zelotes uisitans iniquitates patrum in filiis usque in tertiam, & quartam generationem.* Alij filios etiam, cum patrum suorum peccata sequuntur, pro illis non puniri, sed propterea dici puniri pro illis, quia cum eorum exemplo non resipuerint, maiores pœnas luunt, sic Chrysostom. Theophylact. & Euthym. interpretantur. Ego de illa questione, utrum filij pro patribus aliquando pœnas soluant, necesse non arbitror hoc loco disputare, cum sine eius explicatione possit intelligi, & ea questio Exodi 20.5. a nobis tractata sit. Credo autem hoc loco Christum humano, uulgarique more loqui uoluisse. Neque aliud quicquam significasse, quam Scribas, & Phariseos tam graues pro suis homicidijs pœnas daturos esse, ut patrum etiam suorum homicidia portare uiderentur: non quod portauerint, sed quod seuerius puniti fuerint, nullamque meruerint misericordiam, sic enim solemus loqui de aliquo, qui etiam multas fecisset cœdes, & punitus non fuisset, ad extremum nouo homicidio perpetrato deprehensus, atque suspensus est, omnia simul extoluit, non quod exsoluerit sigillatim omnia, aut quod maiores pœnas dederit, quam quas pro ultima cœde merebatur, sed quod sine misericordia punitus sit, & tantas soluerit pœnas, quantas maximas potuit. Hunc esse sensum hoc loco euentus docuit, ut constat ex uersu 38. *relinquetur uobis domo uestra deserta, & ex toto capite sequenti.* In illo autem excidio Scribae, & Pharisei uix poterunt

maiores, quàm dedere, pœnas dare, quod qui Iosephum legerit, facile concedet. Sed si nullum alium prophetam, nullum Christi discipulum, uerum solum Christum ipsum occidissent, multo grauioribus pœnis dignerant. Itaque tantum abest, ut pro patribus suis pœnas luere, ut ne pro se quidem ipsis satis dignas pœnas luere potuerint: sed, ut diximus, dicuntur sanguinis omnium prophetarum pœnas soluisse, quia, quàm maximas poterant, exsoluerunt.

36. *Amen amen dico uobis, uenient hæc omnia super generationem istam.* Et asseuerationis particula *Amen*, & eius repetitione, & totius iteratione sententiæ confirmat, quod ante dixerat, ne quis inanem fuisse putaret comminationem. Generationem autem istam uocat totum Iudeorum genus, super quos ea, quæ dixerat, uentura erant. Notus Hebraismus *717* generatio, id est genus.

Generatio  
pro genere,

37. *Quoties nolui congregare filios tuos, sicut gallina congregat pullos suos sub alis, & noluiisti.* Semper iudicauit uolentiam esse interpretationem, quam sepe Diuus Augustinus adhibet in hunc locum, *nolui*, inquit, *congregare, & noluiisti*, id est etiam nolente te congregaui. Sensus enim est facilis, quem præter illum omnes prorsus auctores ueteres secuti sunt, Deum Iudeos ad meliorem mentem uocasse, & uenire noluisse, sicut superiore parabola capit. præcedenti uersu 3. declaratum est, & ut per Salomonem Proverbiorum 1. 24. dixit, *uocaui, & renuistis, extendi manum meam, & non fuit, qui aspiceret, & Isaiæ 65. 1. uocaui, & non respondistis locutus sum, & non audistis, & faciebatis malum in oculis meis, & quæ nolui, elegistis, & cap. 66. 4. uocaui, & non erat, qui responderet, locutus sum, & non audierunt, & Ieremiæ 7. 13. Locutus sum ad uos mane consurgens, & loquens, & non audistis, & uocaui uos, & non respondistis.* Idem enim est uocasse, & congregare noluisse, idem est non

Gg 3 re.



respondisse, & noluisse congregari.  
 38. *Ecce relinquitur uobis domus uestra deserta.*) Particula *Ecce*, propinquum tempus uidetur indicare, ut multis alijs locis, quos cap. 2. 1. notauimus. Domum autem eorum aut urbem appellat, ut Beda existimat, quia eorum erat habitatio, quæque paullo post uastanda erat, sicut Deus olim apud Isaiam simili comminatione usus dixerat capitulo. 5. 5. *Ostendam uobis, quid ego faciam uinea mea, auferam sepem, & eris in direptionem; diruam maceriam eius, & erit in conculcationem:* aut, quod est probabilius, templum, quemadmodum Hieronymus, Theophylactus, & Euthymius interpretantur, quia quemadmodum olim, ita etiam tunc adeo in templo suo Iudæi confidebant, ut tutissimum in eo praesidium habere uiderentur Ieremiæ 7. 4. *Nolite confidere in uerbis mendacij dicentes, templum Domini est, templum Domini templum Domini est.* Nam & tunc Ieremiæ paullo anteq̃ a Chaldeis inuadere tur, simili Deum comminatione usum legimus Ieremiæ 12. 7. *Reliqui domum meam, dimisi hereditatem meam.* Nam quod Ambrosius in commentarijs in Psalmum 95. per domum Iudeorum Synagogam intelligit, aut minus probabile, aut allegoricum est.  
 39. *Dico enim uobis.*) Reddit causam, cur deferenda eorum domus esset, quia ipse nimirum, a quo tanquam a ueritate figura implebatur, paullo post erat ex hoc mundo discessurus. Itaque sicut domus habitatoribus uacua ruere solent, ita templum eo discedente diruendum erat.

*Donec dicatis, benedictus qui uenit in nomine Domini.*) Secundum Christi aduentum significari omnes consentiunt auctores. Quomodo autem Iudæi in secundo aduentu dicturi sint

de Christo, *Benedictus qui uenit in nomine Domini*, de eo differunt. Multi ex antiquissimis, ut recitat Auctor imperfecti, in quorum ipse sententia est, dixerunt multos ex Iudæis sub finem mundi in Christum credituros atque eos dicturos esse, *Benedictus, qui uenit in nomine Domini*. Hieron. hunc sensum esse putat, non uidebitis me, donec confiteamini, id est nisi confiteamini me esse eum, qui uenit in nomine domini. Euthymius, & Theophylactus, & ut uidetur etiam Chrysostomus reuera Iudæos in secundo Christi aduentu dicturos esse putant *Benedictus qui uenit in nomine Domini*, inuitos tamen, atque coactos. Ego inuitos quidem eos dicturos puto, animo tamen non ore. Sic enim nihil loqui uideretur Christus, quemadmodum si rex alicui se pro rege non agnoscenti diceret, suspendam te, & tunc dices, me esse regem, non enim significat eum uerbis dicturum, sed te ipsa experturum esse. Quemadmodum Zacharia 12. 10. & Ioan. 19. 37. *Et uidebunt, in quem transixerunt*, quod enim illic dicit, *uidebunt*, hic dicit, *dicetis*. Alludit autem, ut opinor Christus; ad id, quod paullo ante acciderat cap. 21. 16. ubi cum pueri in templo clamaret, *Hosanna filio David*, sacerdotes, & Scribae indignantes dixerunt, *audis, quid isti dicunt?* quasi blasphemare eos putarent quod Christo canerent, *Hosanna filio David*. Prædicat ergo Christus uenturum tempus, quo tempore etiam idem dicere cogantur. Annotarunt Chrysost. & Theophylactus, & Euthymius, illud aduerbium *amodo*, id est ab hoc tempore non punctum temporis, sed passionis tempus significare, post quod, etsi Apostoli, & nonnulli alij discipuli eum iam suscitatum uiderunt, Iudæi, de quibus loquebatur, non uiderunt.





**E**gressus Iesus de templo, ibat. Et accesserunt discipuli eius, ut ostenderet ei edificationes templi. 2. Ipse autem respondens dixit illis: Videtis hec omnia? Amen dico vobis, non relinquetur hic lapis super lapidem qui non destruatur. 3. Sedente autem eo super Montem oliueti, accesserunt ad eum discipuli secreto, dicentes: Dic nobis, quando hec erunt? & quod signum aduentus tui, & consummationis seculi? 4. Et respondens Iesus, dixit eis: Videte, ne quis vos seducat, 5. multi enim venient in nomine meo, dicentes: Ego sum Christus: & multos seducent. 6. Audituri enim estis prelia, & opifiones preliorum. Vide- te ne turbemini; oportet enim hec fieri, sed nondum est finis. 7. confurget enim gens in gentem, & regnum in regnum, & erunt pestilentie, & fames, & terræ motus per loca. 8. hec autem omnia initia sunt dolorum. 9. Tunc tradent vos in tribulationem, & occident vos: & eritis odio omnibus gentibus propter nomen meum. 10. Et tunc scandalizabuntur multi, & inuicem tradent, & odio habebunt inuicem. 11. Et multi pseudoprophetae surgent, & seducent multos. 12. Et quoniam abundauit iniquitas, refrigescet charitas multorum. 13. qui autem perseuerauerit vsque in finem, hic saluus erit. Et prædicabitur hoc Euangelium regni in vniuerso orbe, in testimonium omnibus gentibus: & tunc veniet consummatio. 15. Cum ergo videritis abominationem desolationis, quæ dicta est à Daniele propheta stantem in loco sancto, qui legit, intelligat: 16. tunc qui in Iudæa sunt, fugiant ad montes: 17. & qui in ierusalem, non descendant tollere aliquid de domo sua: 18. & qui in agro, non reuertatur tollere tunicam suam. 19. Væ autem prægnantibus, & nutriendis in illis diebus. 20. Orate autem, ut non fiat fuga vestra in hyeme, vel sabbato. 21. erit enim tunc tribulatio magna, qualis non fuit ab initio mundi vsque modo, neque fiet. 22. Et nisi breuiati fuissent dies illi, non fieret salua omnis caro; sed propter electos breuiabuntur dies illi. 23. Tunc si quis vobis dixerit: Ecce hic est Christus, aut illic; nolite credere. 24. Surgent enim pseudochristi, & pseudoprophetae: & dabunt signa magna, & prodigia, ita ut in errorem inducantur (si fieri potest) etiam electi. 25. Ecce prædixi vobis. 26. Si ergo dixerint vobis, Ecce in

Gg 4 deser-

Mar. 13. a. r.  
Luc. 21. b. 5.

Lu. 19. g. 44

Eph. 5. b. 6.  
Col. 2. d. 18.Io. 15. c. 20.  
& 16. a. 2.  
Sup. 10. c. 17  
Lu. 21. c. 11.

Mar. 13. b. 14

Luc. 21. d. 20  
Dan. 9. g. 27  
Act. 1. b. 12.Mar. 13. c. 21  
Luc. 17. c. 23  
1. Cor. 13. 10.



deserto est, nolite exire: ecce in penetralibus, nolite credere.  
 27. Sicut enim fulgur exit ab oriente, & paret usque in Occi-  
 dentem: ita erit & aduentus Filij hominis. 28. Vbicunque  
 fuerit corpus, illic congregabuntur & aquilæ. 29. Statim au-  
 tem post tribulationem dierum illorum sol obscurabitur, & lu-  
 na non dabit lumen suum & stellæ cadent de cælo, & virtutes  
 cælorum commouebuntur: 30. & tunc parebit signum Filij  
 hominis in cælo: & tunc plangent omnes tribus terræ: & vide-  
 bunt Filium hominis venientem in nubibus cæli cum virtute  
 multa, & maiestate. 31. Et mittet angelos suos cum tuba, &  
 voce magna: & congregabunt electos eius a quattuor ventis, &  
 summis cælorum usque ad terminos eorum. 32. Ab arbore  
 autem fici discite parabolam; cum iam ramus eius tener fuerit  
 & folia nata, scitis quia prope est æstas: ita & vos cum videritis  
 hæc omnia, scitote, quia prope est inianis. 34. Amen dico  
 vobis, quia non præteribit generatio hæc, donec omnia hæc  
 fiant. 35. Cælum, & terra transibunt, verba autem mea non  
 præteribunt. 36. De die autem alia, & hora nemo scit, neque  
 angeli cælorum, nisi solus Pater. 37. Sicut autem in diebus  
 Noe, ita erit & aduentus Filij hominis. 38. sicut enim erant  
 in diebus ante diluuium comedentes & bibentes, nubetes & nu-  
 ptui tradentes, usque ad eum diem, quo intrauit Noe in arcam  
 39. & non cognouerunt, donec venit diluuium, & tulit omnes:  
 ita erit & aduentus Filij hominis. 40. Tunc duo erunt in agro:  
 vnus assumetur, & vnus relinquetur. 41. duæ molentes in mo-  
 la: vna assumetur, & vna relinquetur. 42. Vigilate ergo, quia  
 nescitis, qua hora Dominus vestester venturus sit. 43. Illud autem  
 scitote quoniam si sciret paterfamilias, qua hora fur venturus  
 esset, vigilaret vtrique, & non sineret perfodi domum suam.  
 44. Ideo & vos estote parati: quia qua nescitis hora Filius ho-  
 minis venturus est. 45. Quis putas, est fidelis seruus, & pru-  
 den, quem constituit dominus suus super familiam suam ut det  
 illis cibum in tempore? 46. Beatus ille seruus, quem cum ve-  
 nerit dominus eius, inuenerit sic facientem. 47. Amen dico  
 vobis, quoniam super omnia bona sua constituet eum. 48. Si  
 autem dixerit malus seruus ille in corde suo: Moram facit do-  
 minus meus venire: 49. & coeperit percutere conseruos suos,  
 manducet autem & bibat cum ebriosis: 50. veniet dominus  
 serui illius in die, qua non sperat, & hora, qua ignorat: 51. &  
 diuidet eum. partemque eius ponet cum hypocritis: illic erit  
 fletus, & stridor dentium.



## CAPVT XXIV.



**E**gressus Iesus de templo (bat.) G. καὶ ἐξελθὼν ἐκ τοῦ ἱεροῦ ἐπορεύετο ἀπὸ τοῦ ἱεροῦ. & egressus Iesus abibat de templo. Noster interpretres videtur legisse καὶ ἐξελθὼν ἐκ τοῦ ἱεροῦ ἐπορεύετο meliore sensu. Nam egressus Iesus ibat in templo, vt Græcè legitur. tautologia videtur esse. Adde quod nonnulli etiam codices Græci eandem, quam noster interpretes secutus est, lectionem habent.

*Accesserunt.* Marcus capit. 13. 1. vnum tantum discipulum accessisse dicit. Euthymius existimat omnes discipulos prius de templi pulchritudine, & structura inter se collocutos ad Christum accessisse, vt Matthæus ait: unum autem ex illis pro omnibus dixisse, *Magister aspice, quales lapides*, vt ait Marcus. Potest & per syllepsim Matthæus locutus esse, qui discipulos accessisse dicit, quia vnus discipulus accessit, sicut capit. 16. 8. d. cit indignatos fuisse discipulos unguenti effusione, murmurantesque dixisse, *vt quid perdis hæc*, cum ex Ioanne ca. 12. 4. solum Iudam indignatum, ac murmurasse constet, & sicut cap. 27. 4. scribit latrones, qui cum Christo crucifixi erant, improperasse illi, cum iucas c. 23. 3. vnum tantum latronem blasphemasse dicat.

Syllepsis  
scripturæ fa-  
miliaris.

*Vt ostenderent illi edificationes.* Structuras templi. Est valde uero simile, quod Orig. Hilarius, Chrysost. Theophylact. & Euthym. annotauerunt motos fuisse discipulos, ut Christo templi structuram ostenderent, verbis, quæ capite precedenti uersu 38. audierant, *Ecce relinquetur uobis domus uestra deserta*, aut, ut quidam putant, admiratione, quasi fieri non posset, vt tantum, taleque templum vastaretur, aut, vt alij ex illis, quos nominamus, auctores existimant, egoque probabilius iudico, commiseratione, quasi tam pulchrum, & admirandum

templum vastari ferendum non esset, itaque videntur, ut ait Origenes, demonstrata templi structura, atque pulchritudine Christum ad commiserationem flectere uoluisse, ut laram sententiam de eius demolitione reuocaret. Fuerat templum illud ab Herode de integro miro opere ædificatum, longitudine centum cubitorum, altitudinem totidem, & amplius uiginti, lapidibus candidis, atque firmissimis, longitudine uiginti quinque cubitorum, latitudine duodecim, altitudine octo, vt Iosephus scribit libro 15. antiquitatum capitulo 14. hoc est, quod Christo dicunt apud Marcum ca. 13. 1. *aspice quales lapides, & quales structura.*

2. *Videtis hæc omnia.* *ὃν βλέπετε* nonne uideris? Noster interpretes videtur negationem non legisse: & quidem sensus est melior: significat enim Christus, ut etiam, atque etiam structuram templi considerent, quo magis euerionem admirentur: nō enim relinquetur lapis super lapidem, quod etsi per exaggerationem dictum uideri potest, ut ingens tantum ruina, & vastatio declararetur, qualem Iosephus libro septimo de bello Iudaico capitulo nono, & decimo, describit: tamen non est passa diuina providentia, ut existimare quisquam posset Christum uel in uno lapide per hyperbolem loquendo fuisse mentitum. Scribunt Chrysostomus oratione secunda, & tertia aduersus Iudæos, & Gregorius Nazianzenus oratione secunda contra Iulianum, & Theodoretus libro tertio historię Ecclesiasticę capitulo 20. Iulianum Apostatam, dum imperaret, Iudæis concessisse, ut Ierosolymitanum templum restaurarent: id Iudæos incredibili alacritate conatos facere, effodisse fundamenta ueteris templi, ut noua reponerent, ignem ex imis fundamentis exsiluisse, multosque consumpsisse ex ijs, qui ædificabant: ita Iudæos suis manibus Christi prædictionem

Templi uictimi mirabilis structura.

Iulianum Apostatam ac Iudæorum conatus irritum in reuocando templo.



compleuiffet. Vetus enim templum, si quid supererat, ita diruerunt, ut lapis supra lapidem non remaneret: nouū uerò ne inchoare quidem diuinitus prohibiti potuerunt.

3. *Sedente autem eo.*) Hoc die quarto, postquam cum ramis, & acclamationibus in urbē ingressus esset Christus, accidisse inter omnes conuenit. Ex Euangelistarum collatione facile colligitur. Nam eodem die in Bethaniam secessit: secundo uerò ex Bethania rediens ficui maledixit: tertio uerò die cum iterum ex Bethania reuerteretur, discipuli arefactam uiderunt ficum Marci 11. 13. 14. 21. Eodem autem tertio die ex Ierusalem in Bethaniam de more rediisse, ut ibi noctem ageret, ex Luca capitulo 21. 37. intelligitur. Itaque die quarto Bethaniae fuit, & quia nullus Euangelista narrat eum ante diem quintum, quo Pascha celebrauit, Ierosolymam reuertisse, & quia Matth. capitulo 26. 6. scribit eum fuisse in domo Simonis leprosi duobus diebus ante Pascha; Bethaniam autem fuisse ad radicem Montis oliuarum diximus capitulo 21. 1. Quare credibile est Christum, cum in montem, qui paullo plus mille passibus ab urbe distabat, ascendisset, ex eo urbem, ac templum contemplatum esse, & aliquid de futura eius calamitate praedixisse, quod occasionem discipulis praeberet interrogandi, *dic nobis, quando haec erunt?* id ex Marco obscura licet coniectura colligitur capitulo 13. 3. *Et cum sederet*, inquit, *in Monte oliuarum contra templum*, in dicans eum prospexisse, & contemplatum fuisse templum, & de eo aliquid dixisse.

*Accesserunt ad eum discipuli.*) Marcus scribit quattuor tantum accessisse, Petrum, Iacobum, Ioannem, & Andream: itaque dubium est, an, quod Euangelista dicit, secretò accessisse, intelligendum sit illos quattuor secretò ab alijs discipulis ad Christum adiisse, atque eum interrogasse, an, ut Euthymius existimat, accessisse omnes, sed secretò ab alijs hominibus, ut non nisi discipuli essent. Illud prius pro-

babilius uidetur. Propterea enim uidetur Marcus eorum, qui accesserunt nomina expressisse, & est credibile quattuor illos discipulos, qui Christo omnium erant familiarissimi, & secretioribus mysteriis interesse soliti, solos uoluisse de re maxima Christum interrogare, existimantes facilius eum sibi solis, quam omnibus in commune discipulis dicturum esse. Erat enim de templi excidio periculosum loqui, quemadmodum Stephanus in Actis Apostolorum capitulo sexto 14. obiectum est, *Audiuimus eum dicentem, quoniam Iesus Nazarenus hic destruet locum istum.* Quid autem discipulos moueret, ut id interrogarent, incertum: credi potest naturali eos studio, quo omnes homines teneri solent, futura, maximeque ea, quae se, patriamque suam attingunt, sciendi adductos fuisse: sed Auctor imperfecti in meliorem partem interpretatur eos desiderio, quo tenebantur, Christo in regno caelorum fruendi, de mundi fine interrogasse, quasi nimium illis tardare uideretur.

*Quando haec erunt, & quod signum aduentus tui, & consummationis saeculi?*) Tria interrogant, quando ea mala, quae praedixerat, urbi ac templo euentura essent; quod signum ipsius aduentum esset praecessurum: quod mundi consummationem, ut Hilarius, Hieronymus, & Strabus adnotarunt, quod, qui multis refellunt uerbis, nihil mihi agere uidetur. Nam quod Christi aduentus, & mundi finis eodem tempore futurus sit, quid quæto obstat, quo minus distinet de utroque Apostoli doceri uelint? Vtique & templi vastationem, ut paullo post dicemus, eodem etiam tempore futuram putabant: nemo tamen negat de templi euerfione, & de Christi aduentu diuersas esse quaestiones.

5. *Multi enim uenient in nomine meo.*) Haud dubium est, quin Apostoli statim post templi excidium Christi aduentum, & mundi finem futurum putauerint: sed an Christus de excidio Iero-



Ierosolymitano, an de aduentu suo, & mundi fine respondeat, id & dubium, & obiectum est. Verustiores auctores omnia referunt ad finem mundi, ut Irenaeus libro 5. cap. 25. & Hilarius hoc loco; & Gregorius hom. 1. in Euang. Alii hac, quae dicuntur usque ad uersum 23. de solo Ierosolymitano excidio intelligi uolunt, ut Chrysostomus, Theophylactus, & Euthym. media mihi placet sententia, quam & Augustini epistola 80. & Hieronymi ac Bedae hoc loco esse uideo, Christum confusum de utraque respondisse, sicut confusum Apostoli interrogauerant. Quod certo eum consilio, atque diuino fecisse arbitror, ne quis posset finem mundi cognoscere. Existimabant Apostoli hac esse coniuncta, finem templi, & finem mundi: noluit Christus hunc illis errorem eripere, ne post templi euersionem in longum expectatione porrigentes securi essent, diligentis tamen, atque prudentis lectoris est, quae de Ierosolymitano excidio, & quae de mundi fine dicuntur, subtili coniectura distinguere. Hac ergo, quae nunc Christus dicit, ad utrumque uidentur pertinere: nam & ante Ierosolymitanum excidium multi Pseudochristi extiterunt, & ante finem mundi multos futuros Ioannes in Apocalypsi testatur; quare cum generaliter sententia intelligi possit, restringenda non est, ne Spiritui sancto, quo Christus loquebatur, limites praefigamus. Scribit Lucas in Actis Apostolorum cap. 5. 36. existisse Theodam quendam, qui Iudaorum populum conturbauerit, dicentem se esse aliquem, id est magnum prophetam. Eius historiam Iosephus libro 20. antiquitatum c. 4. commemorat, itemque de alijs seductoribus cap. 12. & libro 2. de bello Iudaico cap. 12. scribit multa. Hieronymus Simonem magum inter eos numerat, qui falso Christi nomine uenerunt, quia uirtus Dei magna uocabatur. Actuum 8. 10. Huiusmodi nugatores infirma Iudaorum multitudo sequuta est, diuino plane iudicio, ut qui Christo

vero Dei filio non crediderant, seductores crederent, sicut Christus praedixerat Ioan. 5. 43. Ego ueni in nomine patris mei, & non accepistis me, si alius uenerit in nomine suo, illum accipietis, & ut ait D. Paulus 2. ad Thes. 2. 10. 11. Eo quid charitatem ueritatis non receperunt, ut salui fierent, ideo mittet illis Deus operationem erroris, ut credant mendacio.

6. Audiri enim estis: ) μελλήετε. δὲ ἀκούετε audiri autem estis: sed δὲ autem, positum est pro γάρ enim, ut c. 23. 5. Itaque melius noster interpres, quam multi recentiores, reddidit: reddit enim Christus causam eius, quod sequitur, uidete. ne turbemini, quasi dicat, propterea moneo uos, ne turbemini, quia praelia, & opinionum praeflorum audiri estis, πολέμους, καὶ ἀπορίας πολέμους bella, & auditiones bellorum ad uerbum, id est bellorum rumores. Hebraismus ἤκουσεν audiri, id est rumor. Quidam nimis subtiliter hac duo distinguere uidentur, in quibus Origenes, & Euthymius, quorum ille allegorice hac praelia interpretatur ea, quae in urbe Ierosolymitana commissa sunt; rumores uero bellorum, quae in alijs Iudae ciuitatibus gererantur. Si quid interest, malim hoc modo distinguere, ut praelia sint praesentia, rumores praeflorum futurorum, ut sit sensus eos, ut suis oculis multa iam praesentia uisuros bella, & suis auribus alia iam instare audiueros, & bellum ex bello, malum ex malo oriturum esse.

Oportet enim hac fieri. Non oportet absolute, sed oportet posita hominum malitia, posito Dei decreto, quo constituerat punire Iudaeos, sicut supra dixit c. 18. 7. Necessum est, ut ueniant scandala, & ut D. Paulus 1. ad Corin. 11. 19. Oportet haereses esse. Hac de bellis Iudaicis, quae urbis excidium praecesserunt, quaeque à Iosepho libro 20. antiquitatum, & totis septem libris de bello Iudaico describuntur, plerique intelligunt, ut Hilarius, Chrysostomus, Auctor imperfecti; Euthymius, Theophylactus, Beda. Alii de bellis Antichristi, quae

ante



ante finem mundi futura sunt, ut Hieronymus. Vtrumque possumus probabiliter intelligere, cum alterum ex historiis, & certo iam euentu; alterum ex Ioannis Apocalypsi proberetur, & non est, ut ante dixi, cum generaliter intelligi potest, in angustiam arctanda sententia.

*Sed nondum est finis.*) Quidam mundi finem intelligunt, ut Hieronymus, & Theophylactus. Alii finem Ierusalem, ut Euthymius.

7. *Consurget enim gens in gentem.*) Haec etiam communiter, & de tempore Ierosolymitani excidii, & de tempore Antichristi intelligit Augustinus epistola 80. cuius sententiam eorum opinioni praefero, qui ad solum Ierosolymitanum excidium restringunt, ut Chrysostomus, Euthymius, & Theophylactus. Exempla huius praedictionis multa; qui uolet, leget apud Iosephum libr. 20. antiquitatum c. 7. 8. & 15. & lib. 2. de bello Iudaico capitulo 11. 12. 14. 19. 20. 21. & 25. & apud Hegesippum lib. 2. cap. 11. & 14. & 16. & 17.

*Et erunt pestilentiae, & fames.*) *καὶ ἔσονται λοιμοὶ καὶ λιμοί*, fames, & pestilentiae transpositis uerbis, quae uel in Graecis, uel Latinis codicibus facile transponi poterunt: facilius tamen in Graecis propter magnam utriusque nominis similitudinem, probabilius autem est ita legendum, ut legitur Graece, quia Graecum proverbium est *πείρα λιμὲν λοιμὸς*, post famem pestis. Est autem Graece paronomasia, quae Latine exprimi non potest. Famem quidem ante Ierosolymitanum excidium praecessisse ex Actis Apostolorum cap. 11. 28. colligitur, & Iosephus tradit lib. 20. antiquitatum c. 2.

8. *Hec autem omnia initia sunt dolorum.*) Id est, parua mala, si cum iis, quae postea secutura sunt, conferantur. Metaphora à mulieribus parturientibus sumpta est, quae initio nuntios quosdam in tantis partus dolores sentiunt, exiguos tamen, si cum iis cruciatibus comparentur, quos erumpente infante experiuntur. Solec scriptura frequenter futurarum

calamitarum dolorem hac metaphora declarare, ut Psalmo 47. 7. *Ibi dolores, ut parturientis*, & Isaia 13. 7. 8. *Propter hoc omnes manus dissoluentur. & omne cor hominis contabescet, & conuertetur. Torsiones, & dolores tenebunt, quasi parturiens dolebit unusquisque ad proximum suum stupebit, facies conturbabitur uultus eorum*, & cap. 21. 3. *Propterea repleti sunt lumbi mei dolore, angustia possedit me, sicut angustia parturientis*. Similia exempla in prophetis passim leguntur Ieremiae 4. 31. & 6. 24. & 13. 21. & 22. 23. & 30. 6. & 48. 41. & 49. 22. 24. & Ezechielis 30. 16. & Osee 13. 13. & Michae 4. 9. 10, *comprehendet te dolor, sicut parturientem, dolo, & satage filia Sion, quasi parturiens*.

12. *Et quoniam abundabit iniquitas, refrigescet charitas.*) Sensus est, tantam futuram esse omnium fere hominum in Christi discipulos seuitiam, & crudelitatem (hanc enim iniquitatem uocat) ut qui aliquam alioqui charitatem habebant, qua Apostolos, ceterosque Christianos excipere solebant, atque iuuare, exercere non audeant, hoc est charitatem refrigerare, quia uix quisquam repiciens duserat etiam inter Christianos, qui Christianos, iuuare uellet, ne & ipse Christianus esse uideretur, exemplum est apud D. Paulum in 2. epistola ad Timotheum. capitulum 4. 16. *In prima*, inquit, *mea defensione nemo mihi affuit, sed omnes me dereliquerunt, non illis imputetur*.

14. *Et praedicabitur hoc Euangelium regni in uniuerso orbe.*) Hinc colligit Hieronymus, & Beda non agi hoc loco, & superioribus uerbis de templi, & urbis uastatione, sed de fine mundi, quia dicitur prius Euangelium in uniuerso terrarum orbe praedicandum, quod ante Ierosolymitanum excidium neque factum fuisse constat, neque fieri potuisse. Chrysostomus tamen & Theophylactus in sua sententia persistunt, ut haec omnia de solo Ierosolymitano excidio intelligantur, quos multi recentiores interpretes secuti sunt. Argumento uero, quod obicitur,



Euangelium  
an predica-  
tum, toto or-  
be terrarum  
prioribus sa-  
culis,

obiicitur, respondent etiam ante tem-  
pli questionem Euangelium fuisse to-  
to terrarum orbe praedicatum, ut tes-  
tatur D. Paulus in epistola ad Roma-  
nos cap. 1. 8. *Fides, inquit, vestra an-  
nunciatur in vniuerso mundo, & cap. 10.  
18. Nunquid non audierunt? & quidem  
in omnem terram exiit sonus eorum, &  
in fines orbis terra verba eorum.* At cer-  
te in multis orbis terrarum partibus  
Euangelium praedicatum non erat,  
cum & patrum nostrorum memoria  
reperita sit quarta pars orbis multo  
ceteris maior, vbi nulla Euangelij  
notitia vquam fuerat: & D. August.  
epistola 80. testatur multas suo tem-  
pore in Africa fuisse gentes, quae Eu-  
angelium neque acceperant, neque  
audierant. Vera ista sunt: sed facile  
a multis responderetur hyperbolicam  
esse D. Pauli correctionem, qua dicit  
Euangelium in toto orbe predica-  
tum, quia in plerisque locis predica-  
tum erat: eodemque modo Chri-  
stum hoc loco locutum esse. Nam  
cum Ierosolyma vastata est, vix vlla  
erat regio ex ijs, quae ad illud usque  
tempus reperta fuerant, vbi Euange-  
lium non insonuisset. *Et praedicabitur.* Sunt qui putent  
particulam & hoc loco aduersariae  
vim habere, quod in simili coniun-  
ctione Hebraica, est vtriusque  
quasi dicat, quamuis haec omnia e-  
uentura sint, tamen mihi oblabunt,  
quo minus Euangelium toto terra-  
rum orbe nuncietur: ipsum enim si-  
bi per gladios, per ignes viam faciet,  
quemadmodum Theophyl. & Euthy-  
m. videntur exposuisse. Mihi sen-  
sus uidetur esse, quamuis calamita-  
tes illae, quas Christus opposuerat,  
Ierosolymitani exidij tempore eue-  
nerint: tamen existimandum non  
esse finem mundi propterea instare.  
Prius enim Euangelium toto terra-  
rum orbe praedicari oportere, ut cla-  
rius dixit Marcus c. 13. 10. *Et in om-  
nes gentes primum oportet praedicari Eu-  
angelium, id est, priusquam veniat  
mundi consummatio, ut Auctor im-  
perfecti interpretatur, Euangelium  
autem regni vocat, quo regnum coelo*

rum nunciatur appropinquare, vt c. 3.  
2. & c. 4. 17. & c. 10. Cur autem ita voce-  
tur, illic exposuimus.

*In testimonium omnibus gentibus.* Ineptum est haeticorum interpreta-  
tio, id est ut sit lex omnibus genti-  
bus: legem enim in scripturis testi-  
monium appellari vt, *Mirabilia testi-  
monia tua domine:* quod, ut verum sit,  
ad hunc tamen locum apte non haer-  
ret, vbi Christus significare voluit i-  
deo Euangelium omnibus esse genti-  
bus praedicandum, ne quis veritatis  
ignorantiam posset praetextare, quo-  
minus saluus fieret, eaque res in eos,  
qui Euangelium non recepissent, aut  
receptum non seruauissent, in suprema  
iudicio testimonio esset, quo con-  
uicti condemnarentur, ut Chrysost.  
Hieronym. Beda, & Euthym. expo-  
nunt, similemque sententiam cap. 8.  
4. & c. 10. 18. exposuimus.

*Et tunc veniet consummatio.* Chry-  
sost. & Theophyl. Ierosolymitanam  
consummationem, id est vastationem  
intelligunt. Hieronym. & Beda, om-  
nesque vetustiores auctores consum-  
mationem mundi, quod mihi vide-  
tur esse probabilius. Credibile enim  
est Christum ad ea, quae Apostoli in-  
terrogauerant, respondisse. Interro-  
gauerant autem, quod signum esset  
consummat. oris uelut 3. respondet  
praedicandum Euangelium per om-  
nes partes orbis terrarum: atque tunc  
futuram consummationem. Intelli-  
git ergo consummationem saeculi,  
de qua Apostoli interrogauerunt. Ce-  
terum non uidetur sensus esse, quem-  
admodum Hieronymus existimat,  
Euangelij per totum terrarum orbem  
praedicationem certum esse signum  
instantis mundi consummationis:  
nec enim certum ullum habemus si-  
gnum, & istud est nimis Christi sen-  
tentiam arctare. Sed sensus, ut opi-  
nor, est, consummationem mundi  
non ante futuram, quam Euangelium  
per omnes orbis oras praedicatum sit.  
Hoc enim certum, Euangelium prius  
omnibus gentibus praedicandum: il-  
lud incertum, an simul atque predica-  
tum fuerit, finiendus sit mundus.

13. Cum

Haeticorum  
interpreta-  
tio reprehen-  
ditur. Psal. 118.  
129.

Euangelij  
praedicatio  
per totum  
orbem quo  
modo signum  
finis mundi.



15. *Cum videritis abominationem.*)

Etiā hoc ad finem mundi Irenæus refert lib. 5. c. 25. & Hilarius, & Auctor imperfecti hoc loco: quam opinionem Hieronymus, & Beda, etsi non omnino sequuntur, improbare non audent: & uerò simile quiddam Antichristi tempore futurum esse apud Danielem cap. 12. 11. legimur, & D. Paulus significat 25. ad Thessa. 2. 4. cum dicit Antichristum in templo Dei, quasi Deus sit, sessurum esse. Sed hoc loco, quamvis fortasse ad tempus Antichristi Christus etiam inspexerit, tamen de Ierosolymitana vastatione eum locutum esse dubitare non possumus, neque quisquam, præter eos, quos ante nominauimus, grauis auctor dubitauit. Refert aliquid ad explanationem huius loci scire, unde hoc testimonium sumptum sit: duobus enim in locis de futura abominatione locutus est Daniel cap. 9. 27. & cap. 12. 11. Errare Caluinus dicit eos, qui ex novo capit. sumptum existimant: errare ego dico eum, quod ex 12. cap. sumptum esse putet: nam, ut in eius loci commentarijs demonstrauius, Daniel cap. 12. non de Antiocho, aut de Tito, & Vespasiano: sed de Antichristo vaticinatur, & cap. 9. ita futuram in templo abominationem cum Christi morte coniungit, ut dubium esse non possit, quin de templi vastatione loquatur, quæ minimo interuallo Christi mortem secuta est. Maior quaestio, quæ illa sit abominatio, de qua loquitur Christus. Auctores illi, quos diximus ad Antichristi tempora ista retulisse, Antichristum ipsum abominationem vocari putant; quod, ut D. Paul. ait, in templo, quasi Deus sessurus sit, idemque profanaturus. Hieronym. præter hanc duas recitat opiniones, quas æquè probabiles uidetur existimare: altera est abominationem uocari statuam Cæsaris: quam Pilatus in templo posuerat: altera statuam Adriani, quæ postea posita est. Neutrum mihi uidetur esse probabile. Nam statuam Cæsaris Pilatus in templo non posuit

sed in urbem solum induxit, idque clam intempesta nocte, & in vexillis militaribus: deinde non stetit, nisi ad paucos dies. Nam Pilatus victus Iudæorum precibus vexilla subduxit, ut Iosephus libr. 18. antiquitatum c. 5. & lib. 2. de bello Iudaico ca. 8. mihi auctor est. Adde quod cum hoc Christus dixit, iam id factum fuerat. Itaque non potuit eam statuat abominationem appellare. Minus & statuam Adriani, qui longe post Ierosolymitanum vixit excidiū. Loquitur enim Christus de abominatione, quæ futuri excidij signum futura erat. Alij ipsum Romanorum exercitum, qui Ierosolymam obsedit, abominationem vocatum putant: quemadmodum Origenes tractatu 29. eamque opinionē plerique recentiores interpretes complexi sunt non sine magna, ut uidetur, probabilitate. Nam quod Christus hoc loco dicit, *Cum uideritis abominationem*, apud Lucam c. 21. 20. dicit, *Cum uideritis circumdari ab exercitu Ierusalem, tunc scisote, quia appropinquauit desolatio eius*. Persuadere tamen mihi non possum Romanorum exercitum abominationem hic appellari. Verū, quia Christus addit *stantem in loco sancto*, &c, ut Marcus ait c. 13. 14. *stantem, ubi non debet*, quæ periphrasi minimè dubito Ierosolymitanum templum significari, quemadmodum Daniel expresso dixit nomine: Romanorum autem exercitus in templo non stetit, nisi excisa iam, & uastata vrbe, cum uictor, ut Iosephus ait, Tito duce templum incendit: itaque non poterat futura templi, urbisque euerisionis signum esse, & cum dicit *stantem*, statuam aliquam uidetur indicare: uero simile uidetur esse Christum utrumque dixisse, & *cum uideritis abominationem*, ut ait Matthæus, & *cum uideritis circumdari Ierusalem ab exercitu*, ut ait Lucas, quorum alterum Matthæus, alterum Lucas prætermiserit, quemadmodum uidetur D. Augustinus libro 1. de consensu Euangelistarum cap. 77. sentire. Certè ita sentit Euthymius. Alij de seditione illa hoc

Caluinus reprehenditur

Abominatio desolationis quid sit.

2. Thes. 2. 4.



hoc interpretantur, quæ sub Floro præfide Zelotæ auctoribus (ita enim seditionis duces uocabantur) inter Iudæos excitata est: ita ut Zelotæ in templum sese receperint, illudque contaminauerint, ut Iosephus libr. 6. de bello Iudaico capit. 1. describit. Et quidem seditio ante Ierosolymitanam uastationem contigit, sed, ut eam credam abominationem appellatam, adduci non possum. Chrysostomus, Euthymius, & Theophylactus Titi Imperatoris imaginem in templo positam fuisse dicunt, eamque abominationem appellari. Sed, ut id probent, nullum, quod sciam, uicinum eorum temporum auctorem habent: nihil enim de ea re, qui interfuerat, Iosephus scripsit. In re prorsus incerta pro uero, quod uero similis uideretur, habeo, abominationem desolationis ipsam appellari desolationem, phrasimque esse Hebræorum, qua abominatio desolationis dicitur, id est abominabilis, & horrenda desolatio, sicut D. Paulus 2. ad Thessal. 2. 11. simili Hebræismo *operationem erroris* dixit, id est operantem, & efficacem errorem homines in exitium trahentem. Vnum illud est, quod huic interpretationi obstare uidetur, quod Christus de futuræ uastationis signo agat, cuius uastatio ipsa signum esse non potuit. Respondéo non fuisse Christo propositum, ut his uerbis doceret, quando vastandum templum esset. Id enim illis alijs uerbis, quæ Lucas recitat, indicauit, *Cum uideritis circumdari ab exercitu Ierusalem, scitote, quia appropinquauit desolatio eius*: sed tantum monere uoluit, ut cum uiderent abominandam illam urbem, templique desolationem, intelligerent Danielis prophetiam impleri esse, sublatum esse sacrificium, actumque prorsus de populo Iudaico, ita ut non amplius, quemadmodum post Babylonium exilium acciderat, urbs, templumque edificaretur, non amplius instaurarentur sacrificia, sed abrogata esse pœnitentis legem: sicut Daniel prædixerat, *Et eris in templo abomina-*

*tio desolationis, & usque ad consummationem, & finem perseverabit desolatio.* Itaque Euangelistæ uerba non ita coniungo, quemadmodum a plerisque interpretibus iungi solere uideo *Cum uideritis abominationem desolationis, &c. Tunc qui in Iudæa sunt fugiant ad montes*: sed totam sententiam hoc uersu concludo, neque ex sequenti suspendo, *Cum uideritis abominationem desolationis stare in loco sancto, quæ dicta est a Daniele*, quemadmodum & Euthymius interpretatur. Nam quod nonnulli hæc uerba Euangelistæ esse putant, & parenthesi claudunt, probare non possum.

16. *Tunc.*) Omnes interpretantur, *tunc*, cum uideritis abominationem desolationis. Ego conuenienter superioris uersus interpretationi hoc *tunc* non ad proxima uerba, sed ad omnia, quæ a uersu 6. dicta sunt, referendum esse arbitror, quasi dicat, cum audieritis prælia, & opiniones præliorum, & cœtera, quæ dixi, futuræ uastationis signa uideritis, qui in Iudæa sunt, fugiant ad montes. Quibus uerbis Iudaici populi interitum denunciat, ad montes autem iubet fugere ex vulgari fugientium consuetudine, quia ad montes plerumque, & loca inaccessa sese recipiunt; ut Genesis 19. 17. sic angeli dixerunt Lot, *in monte saluum te fac*, cum ex Sodomorum urbe fugere iuberent, quod fortassis Christus alludit. Loquitur enim cum discipulis, & hominibus pijs, quos uult, sicut Lot Sodomorum, ita Ierosolymorum uastationem effugere. Scribit Eusebius lib. 3. historię Ecclesiasticę cap. 5. Christianos, qui imminente Ierosolymitana calamitate in urbe erant, diuinitus admonitos, ut inde aufugerent. Nam cœteri Iudæi, qui non solum in Christum non crediderant, sed eum etiamnum persequebantur, non modo admoniti non sunt, uerum ex omni potius Iudæa partim metus, partim festi Paschalis causa in urbem adducti, in eaque conclusi, ut quasi uictimæ mactarentur, ut idem Eusebius annotauit. Cœtera, quæ sequun-

tur



tur usque ad uersum 19. nihil aliud significat, quam ingens, ac subitum malum futurum esse, adeoque non esse fugientibus neccendas ullas moras, etiam ut res maxime necessarias expediant, hoc est, qui in tecto fuerit, non descendat tollere aliquid de domo sua & qui in agro, non reuertatur tollere iumentum suum. Tecta domorum in Palaestina fuisse supernè plana ca. 10. 20. docuimus; quia ergo super tecta Iudaei coenare solebant, & ambulare, monet Christus, ut si quis forte, cum futura calamitas ingruerit, super tectum fuerit, ne descendat in inferiorem domum, etiam, ut pecuniam, aut aliquid ad fugam necessarium assumat: sed aut salui, aut reptatione, aut alia, quacunque possit, celerissima ratione sese eripiat, quemadmodum iussus est Lot, cum ex Sodomis fugeret, retro non respicere, id est nullam moram interponere. Soleritque Deus per prophetas de magnis loqui calamitatibus, ut apud Ieremiam c. 46. 5. *Quid igitur uidi ipsos pauidos, & terga uertentes, fortes eorum casos, fugerunt conciti, nec respexerunt; terror undique, ait dominus, & cap. 48. 6. fugite, saluate animas uestras, & eritis, quasi myrica in deserto, & cap. 49. 8. fugite, & terga uertite, descendite in uoraginem habitatores Dedan, quoniam perditionem Esau adduxi super eum tempus uisitationis, & Zacharia 2. 6. 7. 0 fugite de terra Aquilonis, dicit dominus, quoniam in qua: uor uentis cali dispersi uos, dicit Dominus. 0 Sion fuge, quae habitas apud filiam Babylonis. Itaque, quod Hilarius existimauit hunc locum litteralem sensum habere non posse, interpretis est amantis allegoriam.*

19. *Ne autem praegnantibus, & nutriendis in illis diebus.* Origenes hoc sensu praegnantibus, & nutriendis uae denunciari putat, quia tanta hostium crudelitas futura erat, ut ne praegnantibus quidem, ac nutriendis uae denunciari parcerent: hac enim ratione alij etiam locis hostium securitatem exaggeratam legimus, ut 4. Reg. 8. 17. *Sic, quae facturus sis filiis Israel mala, ciuitates eorum munias igne*

*succendes, & iuuenes eorum interficies gladio, paruulos eorum elides, et praegnantem diuides, quod ca. 15. 16. completum legitur & Amos 1. 13. Super tribus sceleribus filiorum Ammon, & super quatuor non conuertam eum, eo quod dissecueris praegnares Galaad ad dilandum terminum suum. Theophylactus uero id, quod in obsidione Ierosolymitana accidisse lib. 7. de bello Iudaico cap. 8. Iosephus scribit, denunciari existimare fore, ut nutriendas mulieres filios suos edere cogerentur. Melius Hilarius, Chrysostomus, Hieronymus, Auctor imperfecti, Euthymius, Beda, & ipse quoque Theophylactus. *Ne praegnantibus, & nutriendis* dici putant, quia illae ueteri, haec lactentium infantum onere grauatae fugere non poterunt, ut statim dicit, *Orate, ut non fiat fuga uestra in hyeme, uel sabbato.* Potuit Christus claudos, mutilos, inualidos, aliosque parum expeditos ad fugam homines nominare: sed uidentur mihi praegnantibus, & nutriendis, non propterea solum, quod impedire essent, nominare uoluisse, sed quod in maximis delictis, maximeque securitate essent. Solent enim in maxima securitate nuptijs, ac liberis operam dare, quasi dicat, uae illis qui in maximis delictis, & securitate uersabuntur, & cum calamitas inuaserit, fugere non poterunt.*

20. *Orate autem ut non fiat fuga uestra in hyeme, uel sabbato.* Eadem hoc ratione dicit, quae paullo ante dixit, *ne praegnantibus, & nutriendis*, quia sicut duo illa foeminarum genera, ita duo haec tempora hyems, & sabbatum minime ad fugam apta sunt; hyems, quia frigore horrida, quia luctuosa, quia pluuiosa est; sabbatum, quia religione Iudaei prohibebantur ultra mille, aut, ut alij uolunt, bis mille passus procedere. Ita Augustinus lib. 1. quaestionum Euangelicarum cap. 37. Hieronymus, Auctor imperfecti, Chrysostomus, Theophylactus, Euthymius, Beda, & Gregorius homilia 12. in Euangelia interpretantur. Obijciunt Chrysostomus, Euthymius, & Theophylactus uideri hac ratione Christi



Christum sabbati obseruationem commendare, quam aut iam abrogauerat, aut excidij Ierosolymitani tempore abrogatam uolebat. Respondent illum cum Iudæis ex ipsorum consuetudine, & opinione loqui, qui etsi non debebant prædicato iam Euangelio, sabbatum tamen obseruari erant: bis reprehendendi, & quia superstitione tenebatur, & quia ea impediti montem effugere non poterant.

23. *Tunc.*) Hæc dictio nō idem, de quo ante Christus locutus erat, nec proximum significat tempus, sed quicquid inter Ierosolymitanam euerisionem, & mundi finem temporis interiacet, quemadmodum Chrysostom. Hieronym. Auctor imperfecti, Theophyl. & Euthym. admonuerunt. Sic cap. 3. 1. Euangelista dicit *In diebus illis uenit Ioannes Baptista prædicans in deserto Iudææ*, cum triginta post annis uenisset. Transiit ergo Christus à fine, & excidio Iudæorum ad finem mundi; fuit enim Ierosolymitana illa uastatio, quasi figura quadam, & imago uastationis, ac finis mundi. Nam, ut uulgo dici solet, quod sit in circulo, sit in celo. Sæpe mihi multorum Calvinistarum imperitia, aut potius fatuitas commiserationem mouit, qui se hoc solo testimonio ab Ecclesia Catholica discessisse affirmabant, quod dicere soleamus, *Ecce hic est Christus in Eucharistia ecce illic est in altari, ecce illic in custodia, id est in penetralibus*, & Christus dicat, *nolite credere*. Digna hæreticis infamia, digna Deo prouidentia, ut qui se ingeniosissimos esse putant, tam stolidi sint, ut huiusmodi testimoniis moueri se de sua religione sinant. Non est refutatione dignus error, risu deludi poterat, nisi habenda esset imperitorum ratio. Primum, quis non uidet nihil aliud Christum dicere uoluisse, quam se promissum Messiam iam uenisse, nec alium expectandum: propterea si quis uobis dixerit de alio quouis, qui post se uenerit, seque Christum esse mentiarur, *Ecce hic est Christus*, aut *Ecce illic cre-*

dendum non esse? non enim est, nisi vnus Christus, qui iam uenit. Deinde quis non uidet loqui eum de homine aliquo, qui oculis cernatur, qui diligit demonstretur, qui miracula faciat? *Dabunt*, inquit, *signa magna, & prodigia, ita ut in errorem inducantur, si fieri potest, etiam electi*. Aliquos iam eiusmodi uenisse scribit Eusebius libr. 4. historię Ecclesiasticę capitulo 6. multos etiam uenturos Ioannes in Apocalypsi prædixit, multos quotidie uenire magno nostro malo experimur: huiusmodi enim omnes hæretici sunt: maximeq; Calviniani, qui tantum Genęuę, aut, ubi eorum hæresis uiget, Christum esse dicunt, de his monet nos Christus, *nolite credere*, quia sicut quisquis post ipsum se Christum mentiturus erat, non Christus futurus erat, sed Antichristus: ita omne corpus mystici cum Christi, præter corpus ipsius, quod est Ecclesia; quantumcunque se Ecclesiam esse mentiretur, non Ecclesia, sed synagoga Satanae, id est nō Christi, sed Antichristi corpus futurum erat. De hæreticis igitur, non de Eucharistia, aut de seipso loquitur Christus, quemadmodum & Auctor imperfecti annotauit.

24. *Et dabunt signa magna, & prodigia.*) De falsorum Prophetarum miraculis, an uera sint. c. 7. 22. disputauimus. Ridiculi uerò hoc loco hæretici sunt, qui nos falsos Prophetas esse dicunt, quod miracula faciamus. Tam stulti enim sunt, ut ex hac Christi sententia colligant omnes, qui miracula faciunt, falsos esse prophetas, qua ratione non Apostolos modò, verum Christum etiam ipsum falsum fuisse Prophetam probare possent: non id dicit Christus, omnes, qui miracula facuri erant, pro falsis prophetis habendos esse: sed non omnes continuo pro ueris habendos: neque credendum illis esse, qui alium prædicarent Christum, quantumuis magna miracula facientibus, non enim eundem prædicat Christum, qui non eandem Ecclesiam prædicat: Ecclesia enim Christi cor-

H h  
pus

Redargui-  
tur Calui-  
nistarū fa-  
tuitas con-  
tra Eucha-  
ristiam.

Caluirus  
in harrn.

Quomodo  
miracula  
facientibus  
credendum.



pus est: monet ergo nos Christus, ut Calvinistis, & ceteris haeticis, etiam si miracula faciant, nequaquam credamus. Quam igitur insani sunt, qui illis nullum facientibus miraculum credunt?

Prædestina-  
tionis certi-  
tudo.

*¶ In errorem inducantur, si fieri potest, etiam electi.* Cum dicit, *si fieri potest*, indicat fieri non posse. Non potest autem posita diuina prædestinatione, ut Theologi disputant; ex hoc loco prædestinationis firmitatem, & ut uocant, certitudinem colligentes. Loquitur Christus non de quouis, sed de finali, ut ita dicam, errore. Nam sepe electi in errorem induci possunt: sed in errore mori non possunt, quia *septies in die cadet iustus, & resurget.* Prou. 24. 16. quod Lucas c. 17. 20. 21. scribit Christum Phariseis, interrogatum respondisse, *non uenit regnum Dei cum observatione, neq; dicent. Ecce hic, aut ecce illic*, nec idem est, neq; contrarium illis enim tantum uoluit dicere aduentum suum adeo subitū futurum esse, ut non possit ex cælestibus signis præsentiri, quemadmodū pluuia, aliaq. tempestates futurae cognoscuntur, itaque non debere homines cælum obseruare, sed animum pietate, & uirtute excolere, *ecce enim regnum cælorum intra uos est.* Hic uero illa externa signa proposuit, quæ etiam electorum animos nisi moniti prius essent, tentare poterant.

26. *Si ergo dixerint uobis, ecce in deserto est, nolite exire, ecce in penetralibus, nolite credere.* Proposuit duo pro oibus loca contraria, desertū, & penetralia, id est conclaue, & intimam maximeque reconditam domus partem, ut significaret, quacunque ratione, quocumque habitu, quocumque loco alius Christus ueniret, credendum illi non esse. Ultra de deserto, & penetralibus quærere, sobrii non est interpretis.

Caluinista  
Euangelii  
suū fulguri  
comparan-  
tes reprehē-  
duntur,

27. *Sicut enim fulgur exit ab Oriente.* Calvinista de suo hoc Euangelio interpretantur, quod momento temporis totum terræ orbem ab Oriente usque ad Occidentem occupauerit, nec enim insani homines, quid

Christus dicat, sed quid errori suo conueniat, spectant. Christus secundum aduentum suum fulguri comparat, quod quemadmodum fulgur subito, & inexpectatum emicare solet, neque quisquam obseruare potest, quo puncto temporis sit à nubibus erupturum, sic ipse subito, & cum minime putabimus, ueniet, & sicut fulgur vno momento ab Oriente usque ad Occidentem elucet, sic ipse ueniet adeo splendidus, & illustris, ut nemo eum non videat. Ita, inquit: erit & aduentus filii hominis, ut Hilarius. Hieronym. Chrysostom. Auctor impesfecti, & Euthym. interpretantur. In eo tamen Calvinistarum Euangelium fulguri simile esse non nego, quod, ut fulgur subito, & cum antea nunquam apparuisset, erumpit, ita nouum hoc Euangelium inauditum ante, & inexpectatum apparuerit, & ut fulgur momento temporis euanesceat, ita male fundata hæresis breui tempore collabitur.

28. *Vbiq; fuerit corpus.* τὸ πᾶσι τοῖς. cadauer, quod metaphora, qua Christus ugitur, magis conuenit. D. Ambrosius in commentariis in Psalmum 48. ruinam uertit, sicut & ueterem interpretem aliquando pro cadauere ruinam conuertisse Psalm. 109. 6. annotauimus. Aquilas, sicut & uultures solere ad cadauera volare notum est, & apud Hebræos uidetur fuisse proverbium, quemadmodum colligitur ex Iob. cap. 39. 33. *Vbiq; inquit, cadauer fuerit, statim adest aquila.* Christus ergo se ipsum cadaueri comparat, sicut ante in eadem sententia fulguri comparauerat, & significat fore, ut, cum uenerit, latere non possit, sicut cadauer aquilam non latet: sed vbiq; fuerit, naturali quidem sensu illud inuenit. Qui autem sint, quos aquilas comparat, id incertum est. Irenæus lib. 4. cap. 28. & Beda hoc loco beatos, qui in Christo fruuntur, quique ante iudicii tempus finituri sunt, aquilas uocari putant, quod altissime uolauerint, & Christum sequantur, quocumque eat, & cum eo ad iudicium uenturi sint. Hilarius

Hebræorū  
proverbiū,



Hilarius vero, & Auctor imperfecti eos sanctos intelligunt aquilas appellari, qui, cum Christus venerit, uiui reperientur, quique, ut ait D. Paulus 1. ad Thessal. 4. 17. rapiuntur cum illis, qui de cælo venerint, in aera. Chrysost. & Euthym. angelos, & sanctos martyres, quibus Christus comitatus veniet: intelligunt. Alij omnes homines, ut Theophylact. & Beda: hoc mihi uidetur probabilius: significat enim Christus omnes homines ad locum, ubi ipse fuerit, ut iudicentur, conuolatuos esse, sicut aquilæ ad cadauera conuolare solent, itaque uelint, nolint, illum uidebunt.

Quomodo  
Sol ante diē  
Iudicij ob-  
scurebitur,

29. Sol obscurabitur.) An uerè obscurandus sit sol, nō satis certum est: sed ex meo iudicio probabilius, quemadmodum, & Origenes, & Hilarius uidentur existimare. Quomodo autem obscurandus sit, alia est quæstio. Putat Origenes mundum incendio conflagraturum, tantamque fumi copiam futuram esse, ut sol obscuretur. Alij existimant præ gloria, & splendore aduenientis Christi fore, ut sol ipse obscurari uideatur, sicut stellæ apparente sole obscurantur: ita Hilarius, Chrysostom. Hierony. Theophylact. & Euthymius ut Isai. 24. 23. *Erubescet luna, & confundetur sol, cum regnauerit Dominus exercituum in monte Sion, & in Ierusalem, & in conspectu senum suorum fuerit glorificatus.* Non nulli Theologi obiectioni nubis obscurandum esse, ut plerique hæreticorum interpretes non reuera obscurandum esse: sed homines adeo stupefactos fore, ut solem ipsum uidere non uideantur, solent enim Præphetæ in similibus calamitatibus dicere obscurandum esse solem, ut Isaias c. 13. 9. 10. *Ecce dies domini ueniet crudelis, & indignationis plenus, & iræ, furorisque adponendum terram in solitudinem, & peccatores eius conuerendos de ea, quoniam stellæ cæli, & splendor earum non expandent lumen suum, obtenebratus est sol in ortu suo, & luna non splendet in lumine suo, & c. 34. 4. & tabescet omnis militia cæli, & omnis militia eorum defluet, sicut defluit folium de vi-*

nea, & Jerem. 15. 9. & Amos 8. 9. *Occidit ei sol, cum adhuc esset dies, confusa est, & erubuit, & Ezech. 32. 7. 8. & operiam, cum extinctus fueris, cælos, & nigrescere faciam stellæ eius, solem nube tegam, & luna non dabit lumen suum, omnia luminaria cæli mergere faciam super te, & Joelis 2. 10. A facie eius contremuit terra moti sunt cæli, sol, & luna obtenebrati sunt, & stellæ retraxerunt splendorem suum, & ver. 30. 31. Et dabo, prodigia in cælo, & in terra, sanguinem, & ignem, & vaporem fumi, sol conuertetur in tenebras, & luna in sanguine, an sequamur ueniat dies Domini magnus, & horribilis, & c. 3. 14. 15. Iuxta est dies Domini in ualle concisionis, Sol et Luna obtenebrati sunt, & stellæ retraxerunt splendorem suum. Mihi nō opinione hominum, non rei ullius oppositu, sed uerè uidetur obscurandus esse, ut initio dixi, & ut Auctor imperfecti operis affirmat. Primum, quia eodem modo in Christi aduentu, atque in eius morte, obscurandum esse credendum est: in eius autem morte uerè obscuratum fuisse legimus: deinde quia alia quauis ratione obscurari parum uidetur esse, & constat Christum magnum aliquid, & nunquam ante uisum dicere noluisse, fore, ut se ad iudicium ueniente Sol ipse, & stellæ omnes contremiscant, & quasi metu percussæ splendorem retrahant, sicut solent homines timore perterriti in intima sanguinem trahere, & extrinsecus expellescere: hac enim ratione Sol patiente Christo obscuratus est, quasi moriente Deo exhorresceret.*

Et stellæ cadent de cælo.) Eadem de stellarum casu quæstio est, an uerè casuræ sunt. Origenes tractatu in Matthæum 30. scribit non casuras in terram re ipsa, sed amissuras lumen, & quod terrestre in illis fuerit, in terram casurum, hoc Platoniam olet scholam. D. Hieron. eodem modo casuras dicit, quo Solem obscurandum esse putat, quia Christi splendore nō lucebant; idemque existimat Beda. Nonnulli ueteres etiam auctores nō ueras stellæ, sed demones, quibus plenus est aer, quique stellarum no-

Stellæ quomodo ante diem iudicij casuræ.

H h 2 mine



mine intelliguntur, casuros dixerunt. Alij ex recentioribus presertim Theologis non veras stellas: sed eas, quas cinitas uocant: quæ in aere constantur, casuras dicunt. Multorum opinio est non verè casuras, sed fore, ut, quia non lucebunt, cadere videantur: quod mihi ego nullo modo persuadere possum; dixisset enim Christus, sicut de Sole, & Luna dixerat fore, ut non lucerent: nunc autem, cum dicit fore, ut cadat. maius profecto aliquid significare uoluit. Itaque Chrysostomo, & Euthymio libenter assentior, qui verè stellas casuras putant: magis enim Christo id affirmanti, quàm Aristoteli neganti fieri posse, credendum esse arbitror.

*Et uirtutes calorum commouebuntur.*) Recentiores interpretes fere omnes uirtutes calorum stellas uocari putant, sicut militia cæli uocari solent. At stellas cæli dixerat casuras esse, quod plus erat, quàm commoueri; quare credendum non est hoc loco de stellis loqui. Veteres auctores, ut Origenes, Chrysost. Beda, Euthym. Theophylact. angelos calorum uirtutes appellari dicunt, quemadmodum in solemni Ecclesiæ hymno uocantur cæli, calorumque uirtutes; sensum itaque esse fore, ut angeli ipsi obstupescant, & quasi attoniti commoueantur. Ego semper existimaui uirtutes calorum hoc loco uocari, quos Iob alia metaphora cardines cæli uocat capitulo 22. 14. & Moyses in Deuteronomio capitulo 30. 4. & sicut dicuntur cardines terræ, 1. Regum 2. 8. & Proverbiorum 8. 26. & cardines maris Iob 36. 30. qua metaphora nihil aliud, quàm firmamentum, & robur significatur, quod ipsum uirtutis nomen declarat. Itaque docet Christus cardines ipsos, & quasi fundamenta cæli præ timore commouenda esse, sicut ait Diuus Petrus 2. epistola cap. 3. 10. *Adueniet autem dies Domini, ut fur, in quo cali magno impetu transierint: hoc est uirtutes calorum commouebuntur; elementa uero calore soluentur; terra autem, & quæ in ipsa sunt opera, exurentur.*

Cardinis nomen in scriptura,

30. *Tunc parebit signum filij hominis.*) Quod signum filij hominis uocet, auctoribus inter se non conuenit. Origenes uirtutem, & gloriam, quam sibi Christus in cruce comparauit, signum filij hominis uocari putat, quasi sensus sit, omnes uiuros esse Christum tanta cum gloria, atque maiestate uenientem, ut dubitare non possint eum uerum esse iudicem. Ad eundem fere modum Hieronym. & Beda uictoria Christi vexillum intelligi posse putant. Auctor uero imperfecti passionis signa, ut flagellorum uibices, clauorum cicatrices signum filij hominis uocari dicit. Communis fuit semper opinio crucem signum filij hominis appellari, eamque in cælo, aut in aere Christo ueniente quasi eius uexillum, apparituram esse.

Crucis apparitio Christo ad iudicium ueniente.

Ita Chrysost. Hieron. Beda, Euthym. & Theophyl. quod ego maximè probabile esse iudico. Loquitur enim Christus de signo filij hominis, tanquam de certo aliquo, & noto uexillo, quod aliud, quam crux esse non potest.

*Et tunc.*) Cum videbunt signum filij hominis: ipsa enim coniunctio uerborum latentem habet redditionem causæ, quasi significetur propterea omnes tribus terræ plancturas esse, quia uidentes signum filij hominis exterrebuntur.

*Plangent.*) Id est præ dolore, ac penitentia pectora manu tudent, nimis uidelicet serò.

*Omnes tribus terræ.*) Id est ex omnibus aliqui: non enim boni plangent: sed potius latabuntur, quia diligunt aduentum eius, ut ait D. Paulus 2. ad Timot. 4. 8.

*Et uidebunt filium hominis uenientem in nubibus cali.*) Id est acris descendet scilicet Christus, tanquam Deus, cuius proprium cum gloria simul, & maiestare, & terrore uenire Psal. 49. 3. *Deus manifestè ueniet, Deus noster, & non sibi bit.* Ignis in conspectu eius exardescet, & in circuitu eius tempestas ualida, & Pl. 103. 3. *Qui ponis nubem asistentium, qui ambulas super pennas ventorum, fuit Christus nube cunctus in cælum*



**Iam Actum** 1. 9. eodem ergo modo sicut Apostolis angelus dixit uersu 11. uenturus est.

31. *Ecce misit angelos suos.* Et cum angelos se missurum dicit, & cum suos uocat, Deum se esse declarat, hoc enim proprium Dei Psalm. 103. 4.

*Qui facit angelos tuos spiritus, & ministros tuos ignem urentem.*

*Cum tuba, & uoce magna.* Vbi que cum tuba Christus uenturus dicitur, ut 1. ad Cor. 15. 52. & 1. ad Thessal. 4. 16. non solum, quia tuba homines ad iudicium uocandi sunt, sed quia tuba regie maiestatis indicium est, canitur enim tubis ante reges, cum ad locum aliquem ueniunt. Qualis futura sit tuba, uera ne, an metaphorica, nec sciri potest, nec necesse est, sed est tamen probabile non ueram, sed metaphorice futuram esse, tubamque appellari uocem aliquam magnam, raucam, sonoram, horrendam, & tuba clangori similem, qualem se Ioannes in Apocalypsi capit. 1. 10. & capit. 4. 1. & capit. 9. 6. in illo ultimi iudicii spectaculo, quod uidit, audiuisse dicit. Itaque, quod Christus dicit

*cum tuba, & uoce magna*, perinde est, ac si dicat *cum tuba*, id est uoce magna, ut coniunctio, & quemadmodum multis alijs locis, exegetica sit. Iuuar, quod Græce est in plerisque codicibus, cum tuba uocis magna, quemadmodum legit Euthy. aut cum tuba magna, ut legit Chrysostom. non enim duas res, sed unam tantum Christus uoluit significare, sic Isaie dicitur c. 58. 1. *Clama, ne cesses, quasi tuba exalta uocem tuam.* Dubium etiam cuius, aut quid significans uox illa futura sit. Nam Ioan. ca. 5. 28. ipsius Christi uocem futuram esse indicat *audient*, inquit, *uocem filij Dei*, sicut & Joel dixit. c. 2. 11. *Et Dominus dedit uocem suam ante faciem exercitus sui, quia multa sunt nimis castra eius, quia fortia, & facientia uerbum eius.* Magnus enim dies Domini, & terribilis ualde, & quis sustinebit eum? Ioannes uero in Apocalypsi capit. 3. 6. & capit. 9. 1. 13. & capit. 11. 15. angelos in iudicio tuba canentes induit. D. autem Pau-

lus 1. ad Thess. 4. 16. uocem archangelicam futuram dicit. Itaque est uero simile, & Christum magna locuturum uoce, ut angelos suos mittat, & angelos, archangelos, ceterosque celestes spiritus in tuba similitudinem clamaturos. Nec existimandum est uocem ipsius Christi tubam appellari, quia dubium non est Christum ex hominum consuetudine, & more loqui; non solent autem reges; sed eorum ministri tuba clangere. Sunt, qui putent ex antiquis. Iudeorum conuentibus sumptam esse metaphoram, ad quos sono tubæ homines conuocabatur Numer. 10. 2. Isaie 27. 13. & supra ca. 6. 2. Vero simile id est: sed illud fortasse similius a bello tractam esse similitudinem; adhibetur enim tuba non solum ad conuocandum, sed etiam ad terrendum, ut apud Isaiam ca. 18. 3. *Omnes habitatores orbis, qui moramini in terra, cum eleuatum fuerit signum in montibus, uidebitis, & clangorem tubæ audietis, & Sophonie 1. 16. 17. Dies tubæ, et clangoris super ciuitates munitas, & super angulos excelsos, & tribulabo homines, & ambulabunt, ut cæci, quia Domino peccauerunt, & Zacharie 9. 14. Dominus Deus super eos uidebitur, & exibit, ut fulgur iaculus eius, & Dominus Deus in tuba canet, & uadet in turbine Austri.*

32. *Ab arbore autem fici discite parabola.* Id est accipite, audite similitudinem, quam uobis ex arbore fici propositurus sum, Lucas c. 21. 29. 30. & dixit illis similitudinem, uidete ficulneam, & omnes arbores, cum producunt iam ex se fructum, scitis quia prope est aestas. Credibile utrumque dixisse Christum.

33. *In Iannus.* Id est prope, ante pedes statim; Hebraica phrasis, qualis illa Genesis 4. 7. *nonne, si bene egeris, recipies: sin autem male, statim in foribus peccatum tuum aderit, & Iacobi 5. 9. Ecce iudex ante ianuam assistit, id est cito uenturus est.*

34. *Generatio hæc.* Recentiores hæreticorum interpretes, & nonnulli etiam Catholici, qui nimis eos auidere sequi solent, a tatem exponunt, quasi

H h 3 sensus

Christi diuinitas,

Cur ad diem iudicii tuba adhibetur.

Qualis ante diem iudicii futura tuba, & cuius,



ſenſus ſit, antequam ætas illa homi-  
num, qui tunc uiuebant, præteriret,  
futuram Ieroſolymitanam uariationem.  
Fuerunt etiam, qui ita expone-  
rent, antiquiſſimi olim auctores, ſed  
eos Origenes ſimplices appellat. Et  
verò hunc non eſſe ſenſum, cum aliū  
melioſorem oppoſuerimus, apparebit.  
Chryſoſt. Theophyl. Euthym. & Au-  
ctor operis imperfecti generationem  
hominum fidelium interpretantur,  
quaſi dicat Chriſtus, eſſi eiſmodi tam  
multæ, tamque magnæ calamitates  
venture ſunt; tamen Eccleſiam uſque  
ad finem mundi non perituram. Hie-  
ronym. uerò generationem omnium  
hominum intelligit, quaſi dicat priuſ-  
quam gentis humanum finiatur, ea  
omnia, quæ prædixerat, euentura eſ-  
ſe. Mihi generatio hoc loco totus mū-  
dus uidetur appellari, ſicut alibi crea-  
tura uocari ſolet, quia totus creatus,  
totus genitus eſt. Itaque uerus ſenſus  
uidetur eſſe adeo certa eſſe, quæ Chri-  
ſtus prædixerat, ut non ante finien-  
dus ſit mundus, quam euenerint. Id  
ex uerbis ſequentibus manifeſtè col-  
ligitur, *Cælum, inquit, & terra tranſi-  
bunt, uerba autem mea nō præteribunt.*  
Quare qui pro generatione ætatem  
tranſtulerunt, iniuriam fecere ſen-  
tentia.

35. *Cælum, & terra tranſibunt.* He-  
braiſmus, id eſt, peribunt ſecundum  
 præſentem ſtatum, *uerba autem mea*  
*non præteribunt*, id eſt non fallent, nō  
erunt falſa.

36. *De die autem illa, & hora nemo*  
*ſcit, nec angeli cælorum, niſi ſolus pater.*  
Non dubium, quin etiam filius homi-  
nis excludatur: quemadmodum Mar-  
cus capit. 13. 32. diſertis dixit uerbis,  
*neque ſilius, niſi pater.* Itaque grauis  
hoc loco Catholicis olim cum Ariani  
quæſtio fuit, dū hinc Ariani  
Chriſti diuinitatem refutare conaren-  
tur, quòd Chriſtus diem iudicii dice-  
retur ignorare. Nonnulli ueteres au-  
ctores teſtimonii difficultate preſſi  
eò confugerunt, ut locum uiniatum  
eſſe dicerent: nec legendum eſſe; *ne-  
que ſilius, niſi pater*, ut Hieronymus  
hoc loco, & Ambroſ. lib. 5. de fide cap.

8. Alij Chriſtum ignorare quidem  
diem iudicii, quamdiu in hac uita  
fuit, ſciuiſſe uerò ſimulatque ad pa-  
trem aſcendiſſet. Sic Origenes tracta-  
tu 30. in Matth. cum hæc Chriſtus di-  
cebat, eum diem iudicii ignorare ſci-  
bit, poſt reſurrectionem uerò ſci-  
uiſſe, quòd tunc rex, & iudex a patre  
conſtitutus ſit. Habiti ſunt Them-  
iſtiani cognomento Agnoetæ pro hæ-  
reticis, quòd docuerint Chriſtum  
diem iudicii ignorare, ut Damasce-  
nus in libro de hæreſibus auctor eſt.  
Verum illi, ut ex eodem Damasce.  
colligitur, ſimpliciter, & ſine ulla di-  
ſtinctione diuinæ, humanæque natu-  
ræ ignorantiam Chriſto tribuebant,  
quia credebant diuinitatem in hu-  
manitatem fuiſſe conuerſam. Maior  
pars antiquorum auctorum exiſtima-  
uit Chriſtum ignorare diem iudi-  
cii, non quòd reuera ignorauerit,  
ſed quòd fecerit, ut nos ignorare-  
mus, quòd nobis reuelare noluerit,  
quòd eius corpus, id eſt Eccleſia igno-  
rauerit, quòd ſe ſcire diſſimulauerit.  
Hæc enim omnia eodem redeunt, &  
ſolent ueteres auctores nunc hoc,  
nunc illo modo loqui. Ita ſentit Ori-  
genes tractatu in Matthæum 30. &  
Chryſoſtom. homil. 7. in Matthæum,  
& 14. in Marcum, & Auguſtin. lib. 83.  
quaſtionum quaſtione 61. & libr. 1.  
de Trinitate cap. 12. & libr. de Geneſi  
contra Manichæos ca. 2. & Greg. lib.  
8. regiſt. cap. 42. & Hieronym. Beda, &  
Theophylaſtus in huius loci commē-  
tarijs. Alij interpretati ſunt ignora-  
re diem iudicii, id eſt nondum exper-  
tum fuiſſe, ut Origenes eodem loco,  
& Epiphanius hæreſi 69. & Chryſoſt.  
in homilia de Trinitate. Alij dixerunt  
ſenſum eſſe, nec filius hominis ſcit,  
niſi pater ſciat: ſed quia pater ſcit, fi-  
lius etiam hominis ſcit, ut Euthymius  
Omnes iſtæ interpretationes mihi  
videntur eſſe non adeo accommoda-  
tæ. Nam illi, qui aut ſemper, aut ad  
tempus Chriſto ignorantiam tribue-  
runt, reiſcendi omnino ſunt, quia  
tota ſcriptura ſacra reſelluntur, illo-  
que maxime D. Pauli teſtimonio ad  
Coloſ. 2. 3. *in quo ſunt omnes theſauri*  
*ſapien-*

Vulgata edi-  
tio defendi-  
tur.

Chriſtus  
diem iudi-  
cij quomo-  
do ignorare  
dicitur.



*sapientie, & scientie absconditi.* Illa vero receptissima interpretatio eorum, qui existimant ideo Christum dici diem iudicii ignorare, quod nobis eum non reuelauerit, non admodum magna niti uidetur probabilitate, quia isto modo etiam pater ignoraret, quia nobis non reuelauit: quae etiam ratione illa altera Origenis, & Epiphaniij interpretatio refelli potest, ideo Christum ignorare diem iudicii, quia expertus non est. Nam neque pater expertus est. Multi veteres, & graues auctores, ut Athanasius sermone 4. contra Arianos, Ambros. lib. 5. de fide capitu. 8. Gregorius Nazianzenus oratione 4. de Theologia, auctor disputationis inter Arium, & Athanasium coram Probo, Theodoretus anathematismo 4. contra Cyrillum, Cyrillus libro 9. Thesauri cap. 4. Auctor imperfecti homilia 49. aperte docuerunt Christum, quatenus hominem, diem iudicii ignorauisse, atque id hoc loco dicere uoluisset. Quod etsi auditione prima horrendum uidetur esse, adhibita tamen interpretatione uerum habere potest sensum. Illud quidem in primis tenendum est Christum, tanquam Deum, nihil ignorare, potuisset illud praeterea, tanquam hominem, neque diem iudicii, neque quidquam aliud ignorasse: sed nodus hic est, quod cum dicimus, Christus, quatenus homo est, ignorat diem iudicii, dictio illa, quatenus, potest aut speciem, aut causam significare: si speciem, sensus erit Christum humano intellectu nescire diem iudicii, quod omnino falsum est; non enim sola diuina, sed etiam humana natura diem iudicii nouit, quia in ipsa humana natura, ut ait Diuus Paulus, Coloss. 2. 3. *Sunt omnes thesauri sapientie, & scientie absconditi;* si causam significat, sensus erit Christum ignorare, id est non scire diem iudicii, quia homo est: sed quia homo Deus: nam si homo tantum fuisset, quantumuis perfectus, quantumuis Deo gratus, non sciuisset illum; quemadmodum neque angeli sciunt, qui & perfectissimi, & amicissimi Deo sunt.

Non ergo negat Christus se etiam hominem diem iudicii scire: sed negat scire eo titulo, quod homo sit. Placuit aliquando mihi haec ad hunc modum explicata sententia, quia & veterum scriptorum auctoritatem tueri, & hunc locum apte explicare videbatur. Nam etsi sciebam obijci posse, hoc non uideri conuenienter a Christo, & accommodate ad id, quod agebat, dici potuisse, quia nihil referebat, quo titulo, quare ratione diem iudicii sciret: poterat enim, quomodocunque sciret, illum Apostolis reuelare, respodebatur illud tantum Christo propositum fuisse, ut Apostolorum cupiditatem, curiositatemque cohiberet, ne scire uellent, quae angeli nescirent. Sed animaduerto nunc non solum negare filium hominis diem iudicii scire, sed etiam affirmare solum patrem scire, quo uerbo non solum filium, sed etiam Spiritum sanctum uidetur excludere. Sed nisi fallor eodem modo Christus loquitur, quo supra cap. 20. 23. *Sedere autem ad dexteram, & sinistram, non est meum dare uobis, sed quibus paratum est a patre meo.* Itaque indicat, quod magis est, se non solum, ut hominem, sed etiam, ut Deum, modo quodam diem iudicii ignorare, non quod ignoret: sed quod non ipsius sit officium scire, sicut non dixit, quibus paratum est a me: sed a patre meo, non quod non etiam ab ipso paratum esset: sed quod regnum parare, id est praedestinare non ipsius, sed patris officium sit. Sic etiam patris est constituere, quando solendus sit mundus, quando dies iudicii futurus sit, hoc est, quod Apostolis dicit Act. 1. 7. *Non est uestrum nosse tempora, vel momenta, quae pater posuit in sua potestate.* Propterea solus ipse scire significatur. Atque hic nisi fallor, uerus est sensus.

37. *Sicut autem in diebus Noe.* ) *ὡς ἦν αἱ ἡμέραι τοῦ νῶε,* sicut dies Noe, sic erit aduentus filii hominis, id est, quod accidit tempore Noe, accidet tempore aduentus mei, ut sequentibus uerbis explicatur.

40. *Pater assumetur, & unus relinquetur.*)  
H h 4



quetur.) Id est vnus eligitur, & saluus erit: alter reprobabitur, & peribit, vt Hierony. & Theophylact. interpretantur, Lucas capit. 17. 34. idem narrat, quasi alio tempore, atque alia occasione dictum: sed, vt Euthym. existimat, credendum est Christum bis idem, atque diuerso tempore dixisse.

43. *Qua hora fur venturus esset.*) *ποῦα φυλάξῃς ὁ κλέπτης ἐρχέσθαι*, qua vigilia fur uenit: noster interpres aliis uerbis sensum expressit: quanquā arbitror non sine causa Christum potius dixisse, qua uigilia, quā qua hora: nimirum quia dixerat paullo ante *vigilate*, id est agite excubias more militum: alludit ergo ad eundem militarem morem, quo solent milites, ne ab hostibus improvisi opprimantur, totam noctem in quattuor distributam uigiliis excubare, nescientes qua uigilia hostis venturus sit. De uigiliis autem, & eorum more ca. 14. 25. a nobis dictum est. Quod autem Græcè est *uenis*, rectè noster interpres in futurum uerit *uenturus esset*, sicut infra uersu sequenti: id enim uerbum præsentis temporis aliquando significat, vt c. 17. 11. annotauimus.

45. *Vt det illis cibum in tempore.*) Id est, ut unicuique famulo demensum suum distribuatur. Lucas cap. 12. 42. dixit, *ut det illis in tempore triici mensuram* sensu eodem: alludit enim ad veterem famulorum morem, quibus, qui omnium fidelissimus erat, præponebatur, ut eos gubernaret, & pro cuiusque meritis cibum distribuere. Solebant autem raro usu pecuniæ pro mercede, vt se alerent, triticum accipere, prout quisque plus minusue laborauerat, quod usque ad nostram memoriam multis in locis factum est. Hoc est, quod dicit Mattheus, *ut det ijs cibum in tempore*, id est in aestate, & quod ait Lucas, *ut det illis in tempore triici mensuram*.

46. *Sic facientem.*) id est dantem illis cibum in tempore, attentum in officium suum: vnā enim speciem loco exempli pro toto genere posuit.

51. *Et diuidet eum.*) Hæreticorum interpretes, & nonnulli nouarum rerum amatores, & uertunt, & exponunt, dissecabit; putant enim ad nescio quem veterem Iudæorum morem Christum alludere, apud quos summum supplicium erat hominem medium dissecari, vt ex Daniele capitulo 13. 55. 59. & ex libro primo Regum capitulo 15. 33. colligi existimant. Apud Romanos quidem eius modi fuisse morem libro 20. capitulo Gellius scribit: apud Iudæos uero fuisse non credo, apud quos, ut capitulo 22. 23. diximus, quattuor tantum suppliciorum genera fuisse legimus, in quibus hoc non numeratur, præterquam quod, ut paullo post apparebit, non potest in hunc locum hic sensus conuenire. Alij ergo interpretantur *diuidet eum*, id est, priuabit promissis bonis, atque mercede, ut Hilarius hoc loco: alij priuabit eum gratia, quæ eum prius donauerat, ut Origenes, & Theophylact. Verus sensus est, quem Hieronymus, Euthymius, & Auctor imperfecti secuti sunt, *diuidet eum*, id est, eiiciet ex familia sua, separabit a famulorum suorum numero, sicut supra capitulo 22. 12. 13. iussit rex eum, qui uestem nuptialem non habebat, extra coenaculum eiici, & in tenebras exteriores mitti. Itaque duo supplicia notantur: alterum, quod ab officio, quo male functus fuerat, remoueatur: alterū, quod in ergastulum, ubi nequam serui sunt, torquendus tradatur. Loquitur enim Christus accommodatè ad id, quod malis seruis fieri solet, qui non prius medii dissecantur, deinde in custodiam cruciandi mittuntur (quæ enim ineptum hoc est?) sed prius remouentur ab officio, si quod habebant, honorifico; deinde cruciantur.

*Partemque eius ponet.*) Partē uocat Hebræorum more miseram conditionem, ut apud Iob c. 20. 29. *hæc est pars hominis impij a Deo, & hæreditas uerborum eius a Domino*, & c. 27. 13. *hæc est pars hominis impij apud Deum, & hæreditas uiolentorum*, & Psal. 10. 6. *ignis, & sulphur*.

Caluinus in  
harm.  
Erasmus in  
nouum Testam.

Partis not  
men in scrip  
tura,



*fulphur & spiritus procellarum, pars calicis eorum. Sic e contrario in bonam partem accipitur Psalmo 15. 5. Dominus pars hereditatis meae, & calicis mei, & Psal. 72. 26. Deus cordis mei, & pars mea Deus in eternum.*

*Cum hypocritis.* Hypocritas vocat seruos pigros, & negligentes, ut simili parabola declaratur capite sequenti uer. 26. & 30. hypocritas autem appellat, quia qui huiusmodi sunt, non

solent nisi presente domino laborare, & ut ait D. Paulus ad Ephes. 6. 6. ad oculum seruire, ut non tam boni sint serui, quam ut esse uideantur. Huiusmodi qui sunt, in ergastula mitti solent, atque torqueri: eo Christus alludit: significat autem infernum, qui pigrorum locus est, ut ex sequentibus apparet, *Illic erit fletus, & stridor dentium* de quo fletu, & stridore cap. 13. 42. a nobis dictum est.

C A P V T XXV.



**I** Vnc simile erit regnum celorum decem virginibus: quæ accipientes lâpades suas exierunt obuiam sponso & spôsa. 2. Quinque autem ex eis erant fatuæ, & quinque prudentes: 3. sed quinque fatuæ, acceptis lampadibus, non sumpserunt oleum secum: 4. prudentes vero acceperunt oleum in uasis suis cum lampadibus. 5. Moram autem faciente sponso, dormitauerunt omnes & dormierunt. 6. Media autem nocte clamor factus est; Ecce sponus venit, exite obuiam ei. 7. Tunc surrexerunt omnes virgines illæ, & ornauerunt lampades suas. 8. Fatuæ autem sapientibus dixerunt: Date nobis de oleo vestro: quia lampades nostræ extinguuntur. 9. Responderunt prudentes dicentes: Ne fortè non sufficiat nobis & vobis, ite potius ad vendentes, & emite vobis. 10. Dum autem irent emere, venit sponsus, & quæ paratæ erant, intrauerunt cum eo ad nuptias, & clausa est ianua. 11. Nouissimè vero veniunt & reliquæ virgines dicentes: Domine, Domine, aperi nobis. 12. At ille respondens, ait: Amen dico vobis, nescio vos. Vigilate itaque, quia nescitis diem, neque horam. 13. Sicut enim homo peregre proficiscens, vocauit seruos suos, & tradidit illis bona sua. 14. Et vni dedit quinque talenta: alij autem duo, alij vero vnum, vnicuique secundum propriam virtutem, & profectus est statim. 15. Abijt autem qui quinque talèra acceperat, & operatus est in eis & lucratus est alia quinq; 6. Similiter & qui duo acceperat, lucratus est alia duo. 17. Qui autè vnū acceperat, abiens fodit in terram, & abscondit pecuniam domini sui. 19. Post multum vero temporis venit dominus seruorū illorum, & posuit rationem cum eis. 20. Et accedens qui quinq; talèra acceperat, obtulit alia quinque talenta, dicens: Domine, quinque talèra tradidisti mihi, ecce alia quinque superlucratus sum.

Mar. 13. d. 35  
Luc. 19. b. 12



sum. 21. Ait illi dominus eius: Euge serue bone, & fidelis, quia super pauca fuisti fidelis, super multa te constituam, intra in gaudium domini tui. 22. Accessit autem & qui duo talenta acceperat & ait: Domine duo talenta tradidisti mihi, ecce alia duo lucratus sum. 23. Ait illi dominus eius: Euge serue bone & fidelis, quia super pauca fuisti fidelis, super multa te constituam, intra in gaudium domini tui. 24. Accedens autem & qui vnum talentum acceperat, ait: Domine, scio quia homo durus es, metis ubi non seminasti, & congregas ubi non sparsisti, 29. & timens abij, & abscondi talentum tuum in terra; ecce habes quod tuum est. 26. Respondens autem dominus eius, dixit ei: Serue male, & piger, sciebas quia meto ubi non semino, & congrego ubi non sparsi: 27. oportuit ergo te committere pecuniam meam numularijs, & veniens ego recepissem utique, quod meum est cum usura. 28. Tollite itaque ab eo talentum, & date ei, qui habet decem talenta. 29. omni enim habenti dabitur, & abundabit: ei autem, qui non habet, & quod videtur habere, auferetur ab eo. 30. Et inutilem seruum eijcite in tenebras exteriores: illic erit fletus, & stridor dentium. 31. Cum autem venerit filius hominis in maiestate sua, & omnes angeli cum eo, tunc sedebit super sedem maiestatis suae: 32. & congregabuntur ante eum omnes gentes, & separabit eos ab inuicem, sicut pastor segregat oves ab hœdis: 33. & statuet oves quidem à dextris suis, hœdos autem à sinistris. 34. Tunc dicet rex his, qui à dextris eius erunt: Venite benedicti Patris mei, possidete paratum vobis regnum à constitutione mundi. 35. Esuriui enim, & dedistis mihi manducare; sitiui, & dedistis mihi bibere: hospes eram, & collegistis me: 36. nudus, & cooperuistis me: infirmus, & visitastis me: in carcere eram, & venistis ad me. 37. Tunc respondebunt ei iusti, dicentes: Domine, quando te vidimus esuriientem, & pauius te: sitientem, & dedimus tibi potum? 38. quando autem te vidimus hospitem & collegimus te: aut nudum, & cooperuimus te? 39. aut quando te vidimus infirmum: aut in carcere, & venimus ad te? 40. Et respondens rex, dicet illis. Amē dico vobis, quamdiu fecistis vni ex his fratribus meis minimis, mihi fecistis. 41. Tunc dicet et his, qui à sinistris erunt: Discedite à me maledicti in ignem æternum, qui paratus est diabolo, & angelis eius. 42. esuriui enim, & non dedistis mihi potum: 43. hospes eram & non collegistis me: nudus, & non cooperuistis me: infirmus, & in carcere, & non visitastis me. 44. Tunc respondebunt ei & ipsi. dicentes: Domine; quan-

Sup. 13. b. 12.  
Mar. 4. c. 25.  
Luc. 8. c. 18.  
& 19. d. 26.

1sa. 58. b. 7.  
Eze. 18. b. 7.  
Ecc. 7. d. 38.

1sa. 5. c. 9.  
Sup. 7. d. 23.  
Luc. 13. f. 27



Ioan. 5. c.  
25.  
Dan. 12. a.  
2.

do te vidimus esurientem, aut sitientem, aut hospitem, aut nudum, aut infirmum aut in carcere, & non ministrauimus tibi? 45. Tunc respondebit illis dicens? Amē dico vobis: Quamdiu non fecistis vni de minoribus his, nec mihi fecistis 46. Et ibūt hi in supplicium æternum: iusti autem in uitam æternam.

## IN CAPVT XXV.

**I**N C.) Cum Dominus improuſus uenerit: pender enim ex ſuperiore capite ſentētia & aliis duabus parabolis, altera decem uirginum, altera talentorū, idem, quod præcedenti ſerui parabola, declarat.

*Simile erit.*) Id eſt tunc apparebit, quod nunc non apparet, dum boni malis in Eccleſia mixti ſunt, idem in regno cœlorum, id eſt in Eccleſia fieri, atque ſi decem uirgines lampades ſuas acciperent, ut ſponſo obuiam exirent, quemadmodum cap. 15. 16. explicauimus. Quod tota ſpectet parabola ex conſeſſione, quæ uerſu 13. ponitur, perſpicuum eſt, debere nos ſemper uigilare, ut capite præcedenti uerſu 42. dixerat, ſemper paratos eſſe, quia neſcimus, qua hora Dominus uenturus ſit, bonorum operum copiam in aduentum Chriſti præparare. Idem enim hoc capite, quod ſuperiore, proſequitur argumentum. Quindecim in tota parabola partes ſunt. Prima eſt, ſponſus; quem nemo dubitat eſſe Chriſtum, ut multis iam locis expoſuimus c. 9. 15. & c. 22. 2. Ad dicitur à noſtro interprete, & ſponſæ, quod in Græcis non codicibus non eſt, neque D. Baſilius in moralibus ca. 5. neque Chryſoſt. Theophylaſt. & Euthym. hunc locum tractantes legunt. Legit tamen proculdubio Latinus interpres, legit Origenes tractatu in Matth. 32. legit Hilarius canone 27. legit D. Auguſtinus epiſtola 120. & ut uidetur ſermone 22. de uerbis Domini ſecundum Matthæum, & lib. 83. quæſtionum quæſtione 59. le-

git & Syrus interpres, & legendum ego, ſi non neceſſario, tamen propter ueteres interpretes, & tot ueterum ſcriptorum auctoritatem exiſtimo. Neque, ut quidam putant, hæc lectio abhorret à ſententia, quod dicant non ſolere ſponſam obuiam ſponſo procedere: ſed domi eum operiri. Non enim dicitur hoc loco ſponſam ſponſo proceſſiſſe obuiam, quod inſolens fortasſe uideri poſſet, ſed dicitur uirgines ſponſæ, & ſponſo obui proceſſiſſe. Solet autem ſponſus ſponſam in domum ſuam ducere, unde & uxorem ducere dictum eſt. Conuenit, & res ſignificata. nam Chriſti ſponſam Eccleſiam eſſe ſæpe iam diximus, & altera parabola c. 22. 2. Euangelista declarauit. Triumphantem autem Eccleſiam, tanquam ſponſam, cum Chriſto ad iudicium uenturam eſſe Ioannes in Apocalypſi ca. 21. 2. teſtatur, uidi, inquit, ſanctam ciuitatem Ieruſalem nouam deſcendentem de cœlo à Deo paratam ſicut ſponſam ornata uiro ſuo. Secunda pars parabole ſunt decem uirgines, ubi triplex eſt quæſtio, prima, cur uirginibus, ſecunda, cur decem regnum cœlorum comparatur: terra, quid uirgines ſignificent. Origen. & Hieronym. propterea uirginibus potius quàm aliis regnum cœlorum comparatum eſſe dicunt, ut fidei integritas ſignificaretur, quæ corporis uirginitati ſimilis eſt; Chryſoſtomus uerò, Theophylaſtus, & Euthymius, quia uirginitas ſumma eſt uirtus, ut doceret Chriſtus neminem ſuis uirtutibus conſidere debere, quandoquidem ne omnes quidem uirgines, cum præſtantiſſima uirginitatis uirtute præditæ eſſent, ad nuptias,



prias, id est in cœlum ingressæ fuerunt. Alii nonnulli recentiores interpretes, quorum in hac re opinionem magis probo, non alia de causa uirginibus potius, quam aliis, regnum cœlorum comparatum fuisse putant, quam quod consuetudo esset, ut uirgines tædas præferentes sponsum domum deducerent; Decem autem comparatum fuisse Valentiniāni, & Gnostici propter decem hominis sensus, quinque corporeos, quinque incorporeos docuerunt, suam etiam hinc hæresim confirmantes, ut Terrullianus in libro de anima auctor est. Simile quiddam Auctor imperfecti dicere, videtur. Alii propter quinque sensus, qui, dum eis bene utimur, sapientes, dum male, insipientes sunt. Itaque decem efficiunt, ut scribit Hieronymus, & Beda in commentariis, & D. Augustinus epistola 120. cap. 33. & D. Gregorius homil. 12. in Euangelia. Probabilia hæc sunt, sed potius credo propterea denario numero parabolam fuisse propositam, ut omnium hominum multitudo, atque vniuersitas significaretur, quæ per hunc numerum declarari solet, ut Genes. 31. 7. 41. *immutasti mercedem meam decem uicibus*, id est sæpe, & Leuitici 26. 25. *postquam confregero baculum panis uestri, ita ut decem mulieres in uno clibano coquant panes, & reddat eos ad pondus*, & Numerorum 14. 12. *tentauerunt me iam per decem uices, nec obediunt uoci meæ*. Hic ergo decem uirginibus, id est multis regnum cœlorum simile esse dicitur. Per decem autem uirgines, omnes, quæ verè uirgines sunt, Chrysostomus, Theophylactus, Euthymius, Augustinus, & Gregorius iis locis, quos paullo supra designauimus, significari putant, nimis, ut mihi uidetur, coarctata sententia. Hilarius uerò, & Auctor imperfecti è contrario per decem uirgines omnes homines, & fideles, & infideles intelligunt, sententia plus iusto dilata. Origenes, & Hieronymus hoc loco, & ut uidetur, etiam Ambrosius sermone 14. in Psalm. 118. nec omnes homines, nec so-

las uirgines, sed omnes, solosque fideles intelligendos existimant. His assentior, quia manifestum est Christum loqui de his, qui omnes lampades suas acceperunt, quas, ut postea docuimus, non nisi fideles accipiunt. Lampas enim fides est, *lucerna*, inquit, *pedibus meis uerbum tuum*, deinde quia eò tota tendit parabola, ut doceat Christus solam fidem ad salutem sine bonis operibus satis non esse. Altera huius quæstionis pars erat, quid per quinque sapientes, quid per quinque fatuas significetur. Hilarius per quinque sapientes omnes fideles, per quinque fatuas omnes infideles intelligit. Auctor imperfecti, per quinque sapientes omnes spirituales homines, per quinque fatuas omnes carnales, uel per quinque sapientes omnes, quæ & corpore, & spiritu, ut ait D. Paulus, uirgines sunt per quinque fatuas eas, quæ corpore sunt uirgines, animo corruptæ. Chrysostomus, Theophylactus, & Euthymius, & ut uidetur, Ambrosius sermone 14. in Psalmum 118. per quinque sapientes omnes uirgines, quæ præter ueram animi, corporisque uirginitatem charitatem etiam, & misericordiam habent, eamque largiendis eleemosynis exercent: per quinque fatuas eas, quæ cum uirgines sint, misericordes tamen non sunt, hoc est oleum non habent in uasis suis, id est non dant eleemosynas. Augustinus epistola 120. & Gregorius homil. 12. in Euangelia, & Beda hoc loco per quinque sapientes omnes uirgines, quæ bonam, ut dicant, intentionem habent, & uirginitatis suæ laudem apud Deum, & non apud homines quærunt, per quinque autem fatuas eas uirgines, quæ humanam laudem, aut adularionem aucupantur. Origenes, Hilarius, Hieronymus, & Damascenus, aut quisquis historię, quæ eius nomine circumfertur, auctor fuit capit. 9. per quinque sapientes omnes homines intelligunt, qui cum fide bona opera habent: per quinque fatuas omnes, qui fidem quidem habent, opera

Psalm. 118.  
105.

1. Cor. 7.  
34.

Denarius  
in scriptura  
vniuersitatem  
significans.

non



non habent. Hac interpretatio non solum maximè: sed etiam, ut mihi videtur, solum probabilis est, quia, ut paullo post dicturi sumus, hoc maximè in parabola agitur solam fidem sine bonis operibus ad salutem non satis valere: Deinde quia idem & per præcedentes capit. 21. 45. & per sequentes parabolas infra versu 14. declaratur non satis esse credere, nisi etiam bonis operibus vigilemus, quia nescimus, qua hora Dominus venturus sit. Idem etiam altera parabola capit. 22. 2. declaratum est: ubi, quemadmodum hic fatuæ virgines; ita inuitatus ille, qui per fidem iam venerat, & in cœnaculum intrauerat, quia vestem nuptialem, id est bona opera non habebat, exclusus est. Tertia pars parabola sunt lampades, quas omnes virgines acceperunt, per quas Hilarius corpora interpretatur humana, in quibus diuinum animi lumen elucet. Chrysostomus, Theophylactus, Euthymius, Beda, Augustinus, & Gregorius in illis locis, quos ante notauimus, ipsam corporis virginis tatem lampadem vocari putant. Hieronymus corporis sensus. Idem Hieronymus, Hilarius, Origenes, & Auctor imperfecti fidem interpretantur. Hoc aptè ad parabola sensum adhaeret. Omnes enim fidem acceperunt, qua Christo excipiendo exierunt obuiam: sed non omnes cum illo ad nuptias ingressæ sunt, quia non omnes bona habebant opera. Quarta pars est oleum, quod sapientes accepisse, insipientes non accepisse dicuntur; quod Chrysostomus, Euthymius, Theophylactus, & Ambrosius eleemosynam, & misericordiam interpretantur, quæ aliquando in scriptura oleo comparatur. Augustinus verò, Gregorius, & Beda bonam intentionem, quæ apud Deum, non apud homines laudem virgines quærunt, de quo paullo ante dictum a nobis est. Vera est, solaque probabilis sententia Origenis, Hilarij, Auctoris imperfecti, & Damasceni, qui per oleum ope-

ra bona intelligunt: sine quibus fides non lucet, id est *mortua est* Iacob 2. 26. & quibus, si adsunt, fides ardet, lucet, ostenditur, *Ostende*, inquit, ver. 18. *mibi fidem tuam sine operibus, & ego ostendam tibi ex operibus fidem meam*. Hic dicunt virgines fatuæ ver. 8. *Date nobis de oleo vestro, quia lampades nostra extinguuntur*, non quod sine operibus statim extinguatur fides, sed quæ, cum per opera non lucet, extingui videatur, & non magis, quàm si omnino extincta esset, ad salutem valeant: vel, ut Auctor imperfecti interpretatur, quia ita comparatum natura est, ut quemadmodum fides bonis operibus fouetur, & conseruatur: ita sine illis elanguat, & paulatim extinguatur; sumere ergo oleum in lampadibus in parabola est bonorum operum copiam, & veluti thesaurum quandam in futurum Christi aduentum recondere, ut cap. 6. 20. Christus dixit, *Thesaurizate vobis thesaurum in calo, ubi neque arugo, neque tinea demolitur, & ubi fures non effodiunt*. Quinta pars sunt vasa, quæ Hilarius humana corpora esse dicit, quemadmodum D. Paulus 2. ad Cor. 4. 7. dixit, *habemus thesaurum in vasis fictilibus*. Melius animam aut conscientiam interpretabimur, quæ bonorum operum sedes, & receptaculum est. Sexta pars est, quod sponsus dicatur longam traxisse moram, quo minimè dubium est Christum significare voluisse longum restare tempus usque aduentum suum, ut falsam discipulis opinionem eriperet, qui existimabant eum statim post resurrectionem venturum esse, quemadmodum Chrysostomus obseruauit. Eodem modo Hieronymus, & Hilarius moram sponsi penitentiae tempus esse dicunt. Loquitur autem Christus accommodatè ad virgines, quæ sponsi aduentum expectabant, quibus quia statim, ut illæ spectabant, non venit, nimium morari videbatur. Sic enim natura fit, ut expectantibus omne tempus longissimum esse videatur; alioqui noluit Christus ex sententia sua significare longè aduentum suum adhuc abesse;

nam,



nam, ut Ioannes ait 1. epistola cap. 2. 18. *Novissima hora est*, neque conue-  
niebat ad parabola sententiam, ut do-  
ceret longè aduentum suum adhuc  
distare, ne homines, quos diligentes,  
vigilantes, atque parat os efficere vo-  
lebat, negligentes, desides, & securos  
efficeret. Septima pars est, quod om-  
nes uirgines dormitasse dicantur, at-  
que dormiisse, quod Hilarius, &  
Chrysost. hoc loco, & D. Augustinus  
epistola 120. c. 32. & D. Basilii in mo-  
ralibus capi. 5. interpretantur omnes  
uirgines mortuas esse, antequam Chri-  
stus ueniret. Auctor uerò imperfecti  
dormiuisse, id est negligentes fuisse,  
quod facillè probarem, nisi æquè sa-  
pientes, atque insipientes dormiui-  
se dicerentur. Itaque dormire inter-  
pretor desinere de aduentu Domini  
cogitare, & eum eo tempore, quo ue-  
nit, non expectare; quod & bonis, &  
malis accidet, & omnibus, qui diu-  
aliquem expectarunt, euenire solet,  
ut expectare eum desinant, & illis  
iam non expectantibus, aut con-  
cogitantibus, hoc est dormientibus, ue-  
niat. quod & temporis, quo sponsus  
uenit, id est mediæ noctis circumstan-  
tia declarat, quæ parabola octana  
pars est, quam qui ex consuetudine si-  
ne alia sententiæ significatione ad-  
ductam esse putant, quod solerent  
sponsi mediæ nocte ad domum spon-  
sæ uenire, quemadmodum hæretico-  
rum interpretes dicunt, sensum mi-  
hi non solum non assequi, sed etiam  
euertere uidentur, & inter se repu-  
gnantia coniungere. Si enim mediæ  
nocte, non ante, sponsi ueniebant,  
quomodo moram fecit, cum mediæ  
uox nondum esset? quomodo uisus  
est uirginibus nimium morari, cum  
scirent ante mediæ noctem uenire  
non debere? Fuerunt ueteres aucto-  
res, qui Christum mediæ nocte uentu-  
rum esse crederent, quod Chrysosto-  
mus, & Euthymius probabile putant,  
& hymno quodam Ecclesiastico con-  
firmari quodammodo uidetur. Eam  
Hieronymus Apostolicam traditio-  
nem uocat, ut in Pascha, ideo ante no-  
ctem mediæ populum dimittere

non liceat, quod Christus ea hora, si-  
cut olim in Ægypto, uenturus crede-  
retur, Iudæos etiam Messiam suū me-  
diæ nocte expectare. Sed in Christi sen-  
tentia hærendum, *nescitis diem, neque  
horam*. Quod ergo mediæ nocte uenit  
se dicitur sponsus, nihil aliud signifi-  
cat, quàm eo tempore uenisse, quo  
minimè expectabatur. Quis enim  
crederet mediæ nocte uenturum esse,  
cum omnes homines summa occupa-  
tæ quies, quemadmodum rectè Gre-  
gorius, Hilarius, Hieronymus, Augu-  
stinus eodem loco, Theophylactus, &  
Beda interpretantur? Nona pars est  
clamor, qui mediæ nocte factus est,  
*ecce sponsus uenit*. Hic proculdubio cla-  
mor ille est, qui capite præcedenti  
uersu 31. per tubam, & uocem ma-  
gnam significatus est, ut Origenes,  
Chrysostomus, Auctor imperfecti, Eu-  
thymius, Theophyl. Hierony. & Au-  
gusti. episto. 130. cap. 34. expolierunt.  
Decima pars est, quæ ponitur uersu  
7. *Tunc surrexerunt omnes uirgines ille,*  
*& ornauerunt lampades suas*, quod Hi-  
larius de corporum resurrectione,  
atque reformatione interpretatur.  
Melius eadem epistola D. Augustin.  
Auctor imperfecti, & Beda hoc loco  
exponunt auditore rumore aduentus  
Christi fore, ut omnes homines, qui  
quasi oppressi somno de illo non co-  
gitabant, ueluti expregiscantur: sicut  
D. Paulus dicit, *Hora est iam nos de  
somno surgere, nunc enim propior est no-  
stra salus, quàm cū credidimus*, ad Ro-  
man. 13. 11. Ornare uerò lampades  
suas est opera, quæ quis facit, ad red-  
dendam in iudicio eorum rationem  
in memoriam reuocare. Undecima  
est, quod uirgines fatuæ dicunt sa-  
pientibus, *Date nobis de oleo vestro,*  
*quia lampades nostræ extinguuntur*, qua-  
re dubium non est significari fore,  
ut homines, qui bona opera non ha-  
buerint nimis serò, cum iudicabun-  
tur, Sanctorum auxilium implorent,  
ut Auctor imperfecti interpretatur:  
quasi uelint se aliorum bonis ope-  
ribus tegere. Duodecima est, quod  
sapientes uirgines respondent, *Ne  
forte non sufficiat nobis, & uobis. ite po-*



stus ad uendentes, & emite uobis; ubi duo animaduersione digna sunt: alterum, quod sapientes uirgines negent insipientibus auxilium, non quod possint, dare non uelint: sed quod tam serò dare non possint, ut Chrysostomus, Euthymius, & Theophylactus exponunt, aut, quod probabilius est, quia, ut Auctor imperfecti ait, nemo erit in illo tam horrendo iudicio, qui sibi satis confidat, satisque bonorum operum habere uideatur, hoc enim uerba illa prae se ferunt, *ne forte non sufficiat nobis, & uobis*. Quibus uerbis neque Ecclesiae thesaurus, qui Sanctorum meritis constat, nec eorum in alios homines suffragia tolluntur, quasi unius bona opera iuuare non possint aliorum. Eadem enim ratione probaretur Sanctos etiam, dum uiuerent, alios uiuentes suis precibus iuuare non potuisse, quod omnibus scripturis sacris contrarium est, ex iisdem etiam discimus Sanctorum meritis mortuos adiuuari, hoc enim apud Lucam capit. 16. 9. Christus declarat, *Facite, inquit, uobis amicos de mammona iniquitatis, ut, cum defeceritis, recipiant uos in aeterna tabernacula*, sicut & aliorum fidem, atque laborem alij saepe prodesse, ex capit. 9. 2. multi, ut illic diximus, ueteres auctores recte collegerunt, *Videns, inquit, Iesus fidem eorum dixit paralytico, Confide fili remittuntur tibi peccata tua*. Quid ergo est, quod hoc loco significatur? Illud nimirum, tantum in iudicio illo extremo unumquemque ex proprijs operibus, non ex alienis esse iudicandum, ut D. Paulus dicit 2. ad Corinth. 5. 10. & unumquemque onus suum portaturum, ut ait ad Galat. 6. 5. Sic Diuus Augustinus epistola illa, quam saepe citauimus 120. exponit, atque ita intelligendum est, quod Hilarius, & Chrysostomus scribunt, declarari hoc loco neminem aliena opera iuuare. Alium est, quod fatuae uirgines ad uendentes mittuntur, ut oleum sibi emant, Vendentes Origenes, & Auctor imperfecti Ecclesiae Doctores interpre-

tantur, qui uerbum Dei non pretio sed salute, & fidei confessione uendunt, sicut D. Paulus ait, *non quaero, quae uestra sunt sed uos* 2. ad Corinth. 12. 14. & sicuteos, quos ad Euangelium duxerat, gaudium suum, & coronam uocat ad Philippens. 4. 1. Augustinus uerò, Gregorius, & Beda uendentes adulatorum intelligunt, qui falsarum laudum fumos uenditare solent, quasi per ironiam haec dicta sint, *Ite ad adultores, quorum laudationibus delectabimini, & uideamus, quid uobis eorum laudes prodesse possint*. Hieronymus in hunc mundum fatuas uirgines, id est homines bona opera non habentes, his uerbis remitti putat, ut bonorum operum oleum multo sibi labore comparent. Credo hanc partem parabola non esse: sed ornamentum ex consuetudine eius rei, quae aut poterat accidere, aut uerò similis erat, ad explendam narrationem adiectum, sicut & quod sapientes uirgines dicunt, *ne forte non sufficiat nobis & uobis*, utrumque enim non ad aliquid significandum, sed quia uero simile erat ad eum modum responsuras fuisse uirgines dixisse perhibentur. Itaque operapretium non facit, qui horum uerborum sensum non necessaria subtilitate disquirat, id ex uersu 10. intelligitur, ubi dicuntur uirgines fatuae ad emendum oleum abiisse nec enim ea re significari potest eos, qui bona opera non habuerunt, in hunc mundum ad ea emenda, id est comparanda esse remittendos. Unusquisque enim referet, prout ante diem illum gesserit in corpore siue bonum, siue malum ut 2. ad Corinth. 5. 10. docet Diuus Paulus: sed dictum id est, quia uero simile erat uirgines fatuas ad emendum oleum, cum ab alijs uirginibus illud accipere non possent, iuras fuisse, & oportuit Christum uerisimilem texere narrationem, quod si hoc aliquam significationem habet, illud tantum, ut mihi uidetur, significare potest, homines stultos, & improquidos nimis serò, & cum tem-

pus

Sanctorum  
merita mor-  
tuis utilia.



pus iam præterierit, bona uoluntarios opera comparare, & serò esse diligentes. Decimatercia pars est, quod sponfus dicatur uenisse interim; quod nemo dubitat Christi ad iudicium aduentum significare. Decimaquarta, quod quæ paratæ erant cum sponso ad nuptias, id est ad nuptiarum locum, & conuiuium intrauerint; quo uita beata declaratur, ut Apocalypsis 19. 7. *Gaudeamus, & exulemus, & demus gloriam Deo, quia uenerunt nuptiæ agni, & uxor eius præparauit se*, & uersu 9. *Et dixit mihi, scribe, beati qui ad cænam nuptiarum agni uocati sunt*. Decimaquinta est, quod ianua clausa fuisse dicitur, cum fatuæ uirgines redierunt; quod nihil aliud significat, quàm eas nimis serò bona opera facere uoluisset, cum tempus iam non esset operandi, sicut Christus dixit Ioannis 9. 4. *Venit nox, quando nemo potest operari*; neque ultra discutiendum est, quomodo fatuæ uirgines peracto iam nouissimo iudicio in cælum redierint, ianuamque pulsauerint, & Christum sollicitauerint precibus, ut sibi aditum aperiret. Hæc enim omnia, sicut & illa, quæ paullo ante diximus, non ad significandum; sed ad explendum, ornandumque parabolæ contextum adiecta sunt; neque quia id in cælo euenturum est, sed quia inter homines uerò simile erat euenturum fuisse, & ut ait Gregorius homilia in hæc uerba 12. illud tantum indicatur, *Ibi iam à Deo non posse mereri, quod petit, qui hic noluit audivere, quod iussit*.

Sciti in scriptura idem nonnunquam, quod approbare,

12. *Nescio uos*. ) Omnes & ueteres, & noui Theologi obseruauerunt sciendi uerbum hoc loco, & alijs consimilibus non cognitionem, sed affectum declarare, & ut uocant scientiam approbationis, quasi dicat Christus non approbo uos, non agnosco pro filiis meis, aut, ut ait Auditor imperfecti, non uideo in uobis signaculum spiritus mei, de quo 2. ad Cor. 1. 22. & ad Ephes. 1. 3. & 4. 30. loquitur D. Paulus.

14. *Sicut enim homo peregrè pro-*

*ficiscens*. ) Imperfecta, & pendens oratio. Nihil enim est: quod particulæ. *Sicut* respondeat, compleatque sententiam, ut Origen. tractatu in Matthæum 33. animaduertit. Itaque intelligendum aliquid necessàrio ut sic est regnum Dei, quemadmodum uersu 1. dixit, *Simile est regnum celorum decem uirginibus*. Similis oratio apud Marcum cap. 13. 34. Potest dubitari, num eadem hæc parabola sit, atque illa, quæ apud Lucam est cap. 19. 11. multa enim à Matthæo hic, & à Luca illic dicuntur dissimilia. Lucas & alio loco, & occasione alia propositam narrat, cum prandisset apud Zachæum Ierosolimam ueniens, antequàm asino insidens ingrederetur; Matthæus cum federet in Monte oliuarum tertio post celebrem illum ingressum die, ut cap. 24. 3. probauimus; Lucas decem, Matthæus tribus seruis dominum bona sua distribuissè, narrat, Lucas singulis seruis minas singulas dedisset, Matthæus uni quinque talenta, alteri duo, tertio unum; Lucas primum seruum una mina decem, secundum quinque lucrificissè; Matthæus primum quinque talentis alia quinque, secundum duobus quatuor; Lucas seruum illum pigrum minam suam in sudario ligatam habuissè; Matthæus in terram decondidisse. Quibus argumentis adductus Chrysostomus diuersas putat esse parabolas. Hieronymus tamen, & Ambrosius in commentarijs in capit. 19. Lucæ, unam faciunt. Hoc potius probo, & quia ab omnibus recentioribus etiam auctoribus eadem esse dicitur, a quibus nolo sine magnis argumentis dissentire: & quia uix uerò uidetur simile Christum tam breui temporis intervallo bis eandem parabolam diuersis uerbis proposuissè. Quod ergo Lucas alio loco, & tempore, quam Matthæus propositam fuisse indicat, nouum non est, ut Euangelistæ in loci, ac temporis circumstantijs discrepare uideantur, dum summæ rei gestæ, non ordinis, ac temporis rationem



nem habent. Credendum ergo hæc Christum, antequam Ierosolimam ingrederetur, dixisse, quia id Lucas dixit, Matthæus tacuit, non contradixit. In cæteris uero rebus, quibus videntur dissidere, non Christi uerba, sed totius parabolæ sensum explicare uoluerunt: sensus autem & apud Lucam, & apud Matthæum, licet uerba uariant: idem est: estque credibile Matthæum potius, quam Lucam Christi uerba retulisse, & quia præsens fuerat, & quia distinctius uidetur totam parabolam enarrare. Fortasse Lucas, quia Christus in præcedente parabola regnum celorum decem uirginibus comparauit eundem hic numerum usurpauit. Sed id ad sensum nihil refert. Vellem Augustinus in libris de consensu Euangelistarum suam de hac re sententiam exposuisset: sed questionem non proposuit. Videndum nunc est, quod parabolæ sensus spectet. Eodem, ut ait Euthymius, quod illa superior de fidei seruo, quem dominus longè abiens familiæ suæ dicitur præfuisse c. 24. 45. Eodem etiam, quod præcedens parabola decem uirginum: acceptam à Deo fidem, & gratiam diligentiam, bonisque operibus excolendam, atque augendam esse, ut de se 1. Corin. 15. 10. ait D. Paulus, *Et gratia eius in me uacua non fuit, sed abundantius illis omnibus laboraui.* Tum etiam unumquemque ex propriis operibus iudicandum uer. 21. & 23. Denique nos per gratiam à Deo acceptam eiusdem gratiæ accessionem mereri. Quæ partes parabola uideri possunt, duo decim sunt. Prima homo peregrè proficiscens, quo nemo dubitare potest Christum significari. Expressius Lucas capitulo 19. 11. *homo quidem nobilis abiit in regionem longinquam accipere sibi regnum.* Nobilem enim uocat, sed non regem, quia nondum regni possessionem acceperat, quæ accepta regem appellat: sicut & Matthæus nunc hominem, postea regem uer. 34. Secunda pars est, quod homo ille nobilis, id est Christus peregrè

dicatur proficisci, quod Chrysostom. & Theophyl. de incarnatione videntur interpretari, quasi peregrè profectus fuerit, cum è coelo in terram uenit, & peregrè abierit, cum à terra in celum rediit, non quod celum à terra longè distet, sed quod status ille Christi celestis, quo & ante in carnatione in forma Dei erat, & post ascensionem sedet ad dexteram patris, longissime ab eo distet, quo habitauit in nobis *habitu inuentus, ut homo*, aut potius *uerbis, & non homo, opprobrium hominum, & abiectio plebis.* Alii peregrè profectum dicunt, quia in celum ascendit, quod longè abest à terra, ut Origen. Auctor imperfecti. Hierony. Beda. Alii, quod non nisi longo post tempore uenturus esset, quemadmodum si multorum annorum peregrinationem suscepisset, ut Chrysostom. etiam indicauit. Hoc mihi magis placet. Nam loci distantia nihil, temporis uero longinquitas multum ad re pertinebat. Voluit enim dominus longa absentia seruorum suorum fidem diligentiamque experiri, ut capitul. 21. 33. & 24. 48. & supra hoc capite versu 5. Tertia sunt serui, quos maior pars ueterum auctorum Ecclesiæ Doctores interpretantur, quod illis Christus diueria talenta id est aliis maiorem, aliis minorem gratiam ad predicandum Euangelium, & ad exponendas scripturas sacras contulisse uideatur, ut Origenes tractatu in Matthæum 33. Chrysostomus, Hieronymus, Beda, Euthymius, & Theophylactus in commentariis, & Diuus Ambrosius in capit. Lucæ 19. & Casarius homilia uigesimasecunda. In hanc sententiam Iustinus in Tryphone hanc parabolam aut exposuit, aut accommodauit. Alii seruos omnes homines, saltem Christianos intelligunt, omnibus enim Deus talentum aliquod, id est gratiam aliquam dedit, qua negotiarentur: id est adiuncta sua diligentia, & eiusdem gratiæ incrementum, & uitam æternam mererentur. Sic Anastasius quaestione 84. & Theophilus Antiochenus libr. 1. Allegoria-

Philip. 2. 7.  
Psal. 21. 7.

li rum.



rum. Hanc ego interpretationem altera meliorem iudico, quia, ut ait Lucas, non solis Apostolis, qui Evangelii Doctores erant, sed omnibus, qui aderant, auditoribus parabolam Christus proposuit, & quia, ut saepe monere soleo, non est sine necessariis argumentis scripturae sententia restringenda.

*Vocant.*) Adnotarunt quidam novorum haeticorum interpretes hanc inuocandi verbo vim esse, ut significetur nullum Ecclesiae Doctorem, nisi legitime uocatum, Evangelium debere predicare. Iam docuimus non agi tantum de Doctoribus Itaque putilis est ista subtilitas, sed non est tamen, quamvis aduersariorum, consilium contemnendum: recte enim monent nos: ut eos, quia legitime uocati non sunt, non Ecclesiae Doctores, sed hereticos esse intelligamus. Quarta pars est, quod dicatur homo ille seruis suis bona sua tradidisse, quod vers. 15. & deinceps nomine talentorum explicatur. Itaque eadem pars parabola est, *tradidit eis bona sua*, & q. postea sequitur, *uni dedit quinque talenta, alij autem duo, alij uero unum*. Talenta ergo, & bona, quae Deus hominibus distribuit D. Ambrosius in commentariis in cap. 19. Lucae naturalem rationem esse dicit, quam qui diligenter excolit, dignus uideatur esse, ut eius naturae gratia insuper addatur, id est, ut plura illi committantur talenta. Hoc & nimis late patet, quia omnibus hominibus natura data est, cum Christus de solis fidelibus loqui uideatur, & non uideo, quomodo cum eo uerbo, quod sequitur uersu 15. coherere possit, *unicuique secundum propriam uirtutem*, nec enim natura, aut naturalis ratio unicuique secundum propriam uirtutem data est, cum nemo, antequam naturam haberet, uirtutem ullam habere posset. Alii bona, & diuersa talenta diuersa officia Ecclesiastica interpretantur, quale est Episcopi, Presbyteri, Diaconi, ut Auctor imperfecti homilia 53. Alii sensus, ut Hieronymus, & Beda, quorum interpre-

tatio eadem ratione, qua illa prima Diui Ambrosii refelli potest. Plurique talentum ipsum Euangelium, & uerbum Dei, quod Doctoribus exponendum, atque annuntiandum committitur, intelligunt, ut Iulianus in dialogo contra Tryphonem, Origenes tractatu in Matth. 35. Hilarius cano. 27. Chrysostomus, & Theophylactus in hunc locum. Alii generalius omnia gratiae, quam uocant, gratis dare genera per talenta diuersa intelligenda esse uolunt, ut Anastasius quaestione 84. Quae omnes interpretationes nimis mihi Christi sensum restringere uidentur. Itaque generaliter expono talenta omnia dona, quae à Deo hominibus dari solent, significare; inter quae gratia, quam uocant, gratum faciens, cuius superiores auctores non meminerunt, primum locum tenet. Eam Deus hominibus tribuit, ut adhibita sua ex parte diligentia multiplicent, & augeant, non ut in terram defodiant, id est otiosam esse sinant, quemadmodum de se dixit D. Paulus, *et gratia eius in me uacua non fuit* 1. ad Corinth. 15. 10. & sicut eodem monet Corinthios, dent operam, ne gratiam Dei frustra accepisse uideantur 2. ad Cor. 6. 1. Quinta pars parabola uideri potest numerus talentorum, quod alij quinque; alij duo, alij unum tantum data sint. Hoc enim Hieronymus, & Beda aliosque nonnullos impulit interpretes, ut subtiliter quaerent, quid per quinque, quid per duo, quid per unum significaretur, & ut alij per quinque talenta quinque sensus: per duo intellectum, & uoluntatem, per unum memoriam: alij per quinque talenta quinque legis libros: per duo uetus, nouumque Testamentum, per unum totam scripturam sacram interpretarentur, quod sententiae Christi uideretur esse contrarium, qui haud dubie plus per quinque, quam per duo, quam per unum significare uoluit, horum uero magnorum licet auctorum ratione, atque sententia plus



plus duo, quàm quinque significarent. Itaque hunc ego numerum nihil ad sensum parabola pertinere arbitror, quod ex Luca cap. 19. 13. manifestum est, qui non alii quinque, alii duo, alii unum talentum, sed singulis seruis singulas minas datas fuisse dicit. Quòd si numerus ad parabola sententiam pertineret, Lucas eum minime uariasset: mutasset enim Christi sententiam. Quia verò illud in parabola potissimum agebatur, ut doceret Christus alios homines cum gratia Dei diligentius, alios negligentius cooperari, hoc tantum Lucas expressit dicens, unum ex decem illis seruis una mina decem; alium quinque lucrificasse. Si quid numerus apud Matthaeum mysterii habet, hoc tantum habet, ut generaliter significetur, nec omnibus hominibus aequalia a Deo dona dari, nec aequaliter omnes cum acceptis cooperari donis. Quòd autem dicat quinque potius, quàm sex, duo potius, quàm tria, in eo nihil existimo esse mysterij. Quòd verò ait Christus talenta distributa esse *unicuique secundum propriam virtutem*, haud facile est interpretari Hilarius, Auctor imperfecti, & Theophylact. propriam cuiusque uirtutem fidem intelligere uidentur, quam prout quisque maiorem, aut minorem habet, maiorem, aut minorem a Deo accipit gratiam. Periculosa sententia, si intelligant nos fidem ex nobis ipsis habere; ut propria cuiusque uirtus dici possit. Nam, ut ait D. Paulus, *Dei donum est*. Fuit in eo Origenes, errorem, ut ex commentarijs in hunc locum apparet: fuit aliquando etiam D. Augustinus, ut ipse se reprehendens aduersus Pelagianos scribès sepe testatur; melius Hieronymus, & Beda uidentur interpretari *unicuique secundum propriam uirtutem*, id est prout se quisque ad recipiendam gratiam disponit: hoc enim Ecclesiasticum est dogma, licet haeretici repugnent, & omnino uerum: quamuis non ausim affirmare id Christum dicere uoluisse: In medio relinquo.

Eph. 2. 8.

Nam aut uera est interpretatio, aut simillima uera. Non existimauerim absurdum, si quis dixerit propriam cuiusque uirtutem naturam esse, quam etsi ex Deo, non ex nobis ipsis habemus, tamen nihil tam nostrum uocare possumus, & est ualde meo iudicio uero simile Deum in distribuendis donis suis naturae unius cuiusque rationem habere: quis enim dubitet Moyse propterea gubernandi spiritum, & gratiam potius, quàm aliis contulisse, quia natura sua prudentissimus, & ut scriptura testatur, omnium hominum mirissimus erat? Scio, & posse, & aliquando solere habuit Esaias adhibitis ex altari car bonibus eloquentes efficere. Scio & per asinam loqui: sed hoc rarum, illud usitatum est. Quamquam mea haec est sententia, non illa quidem omnino certa, sed ceteris, ut mihi uidetur probabilior, uerbum hoc, *unicuique secundum propriam uirtutem*, non ad aliquid in parabola significandum, sed ad explendam parabola narrationem ex consuetudine hominum, ex quibus parabola sumebatur, Christum adhibuisse; cuiusmodi exempla multam in superioribus parabolis adnotauimus, ut in hoc ipso capitulo. ver. 10. 11. & 12. Quia ergo solent homines bona sua seruis non temerè, & aequaliter: sed pro cuiusque uirtute, ac fide distribuere, dixit Christus hominem illum peregrè proficiscentem alii quinque, alii duo, alii unum talentum tradidisse, *unicuique secundum propriam uirtutem*, non quòd Deus secundum propriam cuiusque uirtutem gratiam distribuatur; in eo enim non est parabola ad rem significatam accommodanda: sed quòd id homines, de quibus Christus loquebatur, facere soleant: & ut sepe diximus, uoluit Christus in parabolis uero similia, & fieri solita narrare; etiamsi nihil ad finem parabola pertinerent. Sexta pars est, quod dicitur uersu uigesimo, *Domine quinque talenta tradidisti mihi, ecce alia quinque superlucratus sum*. Simi-

Num. 12. 3.

Esa. 6. 6.

Nu. 22. 28.

Ii 2 liter,



Alter, quod de eo, qui duo acceperat talenta, dicitur versu 22. alia duo lucratum esse; quid enim sit alia talenta superlucrari, variè veteres interpretes exponunt. Illi, quos diximus per talentum verbum Dei intellexisse, præterea etiam Anastasius plura talenta superlucrari interpretantur plures homines Christianos facere, sicut loquitur Diuus Paulus 1. ad Corinth. 9. 19. 20. *Nam, cum liber essem ex omnibus, omnium me seruum feci, ut plures lucrificarem, & factus sum Iudæis, tanquam Iudæus, ut Iudæos lucrarer; his, qui sub lege sunt, quasi sub lege essem, cum ipse non essem sub lege, ut eos, qui sub lege erant, lucrificarem.* Alij plura talenta superlucrari esse dicunt maiorem scripturarum, quæ sibi commissæ sunt, & diuinarum rerum notitiam sibi comparare, ut Hieronymus in commentariis. Alij fidei opera adiungere, ut Hilarius canone 27. Hæc omnia Christi sententiam nimis reddunt angustam: itaque Auctoris imperfecti mihi placet interpretatio, ut accepto talento plura talenta superlucrari sit accepta gratia bene utendo gratiæ accessionem mereri; hoc enim & Catholica docet Ecclesia, & aptè conuenit in hunc locum, ubi id Christus agebat, ut doceret eos, qui acceptis talentis bene, diligenterque negotiati essent, dignos esse, quibus plura talenta traderentur. Hoc enim est, quod ait versu 28. *Tollite itaque ab eo talentum, & date ei, qui habet decem talenta, & versu 29. Omni habenti dabitur, & abundabit.* Nisi forte magis placet plura talenta superlucrari hoc esse per acceptam gratiam plura bona opera perficere: unde illud consequatur, quod modo dicebamus, ut quod quisque plura bona opera facit, maiorem gratiæ accessionem mereatur; sicut illi, qui alia quinque talenta superlucratus fuerat, unum inutilem seruum datum est. Septima pars est versiculo 18. *Qui autem unum acceperat, abiens fodit in terram, & abscondit pecu-*

*niam domini sui.* Itaque videndum est, quid sit talentum in terram defodere. Duo mihi uidentur hac resignificari; nimia negotiandi negligentia, cui opponitur, quod postea huiusmodi seruo Dominus dicit versiculo vigesimo septimo, *Oportuit te committere pecuniam meam nummularijs;* nummularijs enim damus eam pecuniam, qua negotiari volumus: in terram defodimus eam, quam otiosam habemus: defodere ergo talentum est gratiam Dei, ut loquitur Diuus Paulus, in vacuum accepisse. Significatur deinde nimius quidam timor perdendi talenti. Vtrumque usu uenire solet his, qui nimio quodam metu vota, aut Evangelica consilia uiolandi dicunt se sola præceptorum obseruatione esse uelle contentos, ne dum consilia obseruare uolunt, ne præcepta quidem obseruent, id est, dum talentum ad negotiandum exponunt, non solum lucrum nullum faciant, sed sortem etiam perdant: nam plerumque, & lucrum perdunt, & sortem, & neque consilia obseruant Evangelica, neque præcepta: sicut seruus ille negligens causatus se austerum, & rigidum habere dominum, qui meteret, ubi non seminasset, ideoque talentum in terram defodiens non solum nullum fecit lucrum, sed talentum etiam, quod maximè volebat defodiendo seruare, perdidit. Auctor operis imperfecti talentum in terram defodere esse dicit acceptam gratiam obruere carnali uia; Ambrosius uero in commentarijs ad id caput Lucae rectam, naturalemque rationem obruere uoluptate. Sed hæc allegorica sunt. Ille, quem indicauius, nisi fallor, uerus est sensus; Lucas non dicit seruum illum negligentem acceptam minam in terram defodisse; sed sudario illigasse, eodem sensu. Vtraque enim metaphora, quamuis diuersa, idem significatur, gratiam, dum nimis timide seruare uolumus, otiosam reddi, & ad extremum amitti. Dubitant nonnulli, cur potius Christus dixerit seruum

2. Cor. 6.

Cōtra Euan-  
gelica con-  
silia inani  
metu non  
amplecten-  
tes,



num illum, qui unum, quam ceteros, qui plura acceperant talenta, in terram ea defodisse. Nihil fortassis in eo mysterij est, cum Lucas dicat singulos seruos minas singulas accepisse, si quid autem est, hoc esse arbitror, ut serui illius culpa, negligentiaque exaggeretur, qui cum minus accepisset, minore quoque labore & acceptum seruare, & eo negotiari potuit, quod cum non fecerit, dignus fuit, a quo illud ipsum, quod acceperat, unum talentum tolleretur. Quod non ita ad rem parabole subiectam accommodandum esse puto, ut significetur semper eos, qui minus à Deo gratiarum acceperunt, esse in eis excelsis negligentiores. Nec enim id perpetuo uerum est, sed ut significetur magis esse reprehendendos, qui cum minus oneris acceperint, minus diligenter, fortiterque tulerunt, & qui cum minus acceperint gratiæ, minus bene rationem reddiderunt, quia facilius est paruæ, quam magnæ pecuniæ rationem reddere. Octaua est ver. 19. *Post multum uero temporis uenit dominus seruorum illorum: quæ parte dubium non est secundum Christi aduentum significari, qui longo post tempore futurus erat. Nona est, quod eodem loco dicitur, & posuit rationem cum eis, quod nihil aliud significat, quam Christum in iudicio rationem acceptæ gratiæ ab omnibus, qui se eius seruos profiterentur, exacturum esse. Decima est ver. 21. *Ait illi dominus eius, Euge serue bone, & fidelis, quia in pauca fuisti fidelis super multa re constituam, quod idem & alteri seruo, qui duo talenta multiplicauerat uers. 23. dicit. Hac re docet Christus maiora se bonis seruis, quam ipsorum merita, præmia daturum esse, quia non sunt condignæ passionibus huius temporis ad futuram gloriam, quæ reuelabitur in nobis ad Roman. 8. 18. & nec oculis uidet, nec auris audit, nec in cor hominis ascendunt, quæ preparauit Dominus his, qui diligunt illum. Isaia 64. 4. & 1. ad Cor. 2. 9. ut Hieronymus obseruauit. Quid ergo? aliquid accepturi sumus præmij, quod meriti non fuerimus? mi-**

nime id quidem dico, omne enim, quod habituri sumus præmium, aut meriti erimus, aut præmium non erit; sed quia non ad æqualitatem iustitiæ, sed ad analogiam dantis, & accipientis aduertendum est, præmiū dicitur maius esse, quam meritum. Nota est Alexandri uetus historia, qui cum poetæ, ut opinor, propter compositum carmen uim magnam pecuniæ iussisset dari, illi quæ respondisset nimium hoc est poetæ, subiecit, at Alexandro non est nimium. Quod sequitur, *in gaudium Domini tui*, non est pars parabole distincta, sed explicatio superioris *super multa re constituam*. Hoc enim est super multa seruum constituere admittere illum ad gaudium domini sui, id est eiusdem regni eiusdem gloriæ, & eiusdem, quæ inde percipitur, lætitiæ participem efficere, quemadmodum, & de ipso Christo dictum est ad Philippen. 2. 7. 8. 9. *Exinanivit semetipsum formam serui accipiens, & habitu inueniuit, ut homo, factus obediens usque ad mortem, mortem autem crucis. Propter quod & Deus exaltauit illum; & sicut se Corinthiis dicit D. Paulus 2. ad Cor. 1. 7. *Spes nostra firma est pro uobis, scientes, quod sicut socij passionum estis, sic eritis, & consolationis, & 2. ad Timoth. 2. 12. si sustinebimus, & conregnabimus. Lucas cap. 19. 17. aliquanto aliter scribit, Euge bone serue, quia in modico fuisti fidelis, eris potestatem habens super decem ciuitates, quia una nimium mina decem lucrificerat, & rursus de altero seruo, qui una mina quinque lucratus fuerat, & in, inquit uers. 19. *Esto super quinque ciuitates, quod non est in specie, sed in genere ad rem significatam accommodandum; nec enim sensus est fore, ut in cælo homines aut ciuitatibus, aut ulli omnino officio præficiantur, sed hoc tantum fore, ut pro suis meritis præmia alij maiora accipiant, alij minora, sed ex consuetudine, aut Christus, aut Euangelista non uerba, sed sensum Christi exprimens dixit, Esto super decem ciuitates, quia de***

Quo sensu  
præmiū bo-  
norum ope-  
rum maius  
quàm meri-  
tum.



rege loquebatur, & regum consuetudo est benemeritos uiros gubernandis praeficere ciuitatibus. Vndecima pars est uers. 24. *Accedens autem, & quibulum talentum acceperat, ait, Domine scio, quia homo durus es, metis, ubi non seminasti, et congregas, ubi non sparsisti*, quam nonnulli auctores necessariam, & propriam parabola: partem facere uidentur, quod id Christus uers. 26. concedere uideatur. Itaque quidam interpretantur, *metis, ubi non seminasti*, id est, gentes sine lege iustificas, & iustitiam ab illis colligis, in quorum animis legis sementem non feceras, cuius interpretationis auctor est Hilarius. D. uero Hieronym. *metis, ubi non seminasti*, id est, non solum ab his, quibus aut Mosaicam, aut Euangelicam legem tradidisti; sed etiam a Philosophis, qui sine lege uiuunt, bona opera requiris. Ego hanc non arbitror partem esse parabola:, sed adiectitium quoddam supplementum ad explicandam uero similem narrationem; nec enim credibile est quemquam damnatum a Christo ita illi responsurum esse, sed fuit uero simile ita fuisse negligentem seruum Domini non traditae pecuniae rationem exigenti responsurum, ut in illum negligentiae suae culpam reijceret, & suam inertiam Domini seueritate excusaret. Quod ergo sequitur uers. 26. *Serue male, & piger sciebas, quia meto, ubi non semino, & congrego, ubi non sparsisti*, non ita accipiendum est, quasi quod malus seruus dixerat, bonus Dominus uerum esse fateatur, sed ita quasi non ex ueritate, sed ex serui, quocum dominus loquebatur, opinione dictum sit. Voluit enim illum proprijs uerbis coarguere, quemadmodum Lucas expressit c. 19. 22. *De ore tuo te iudico serue nequam*. Id Euthymius adnotauit. Duodecima est uers. 27. *oportuit ergo te committere pecuniam meam nummularijs*, quod sic quidam interpretantur, oportuit te uerbum Dei, quod tibi commissum fuerat, cum alijs etiam Ecclesiae doctoribus communicare, qui idem alios docere possent, qua communicatione fuisset multi-

plicatum, quemadmodum ad Timotheum scribit D. Paulus 2. epistola capit. 2. *Et que audisti a me per multos testes haec commenda fidelibus hominibus, qui idonei erunt & alios docere*. Ita Origenes, Hieronym. Beda, & Euthymius. Alij nummularios populum esse dicunt, & omnes, qui Euangelium audire possunt, quibus dum uerbum Dei explicatur, magis, ac magis crescit. Ad hunc modum Chrysostomus, Hilarius, Auctor imperfecti Theophylactus etiam, Hieronymus, & Beda sic interpretantur. Iam supra monuimus per taleum non solum uerbum Dei esse intelligendum, quapropter haec duae interpretationes, etsi aliqua ex parte uerae sunt, tamen plenae non sunt, atque perfectae. Itaque non existimo nimis subtiliter disquirendum esse, quid significet pecuniam committere nummularijs, neque enim ut arbitror, necessaria parabola: pars est: hoc tantum significat gratiam, quam a Deo acceperimus, omni studio, omni diligentia, omni arte multiplicandam, quemadmodum diligentes mercatores solent pecuniam, ne otiosa iaceat, nummularijs in faenus dare. Posuit autem Christus exemplum in re usitatissima, & in una specie, ex qua totum genus intelligeretur. Nec enim uult Deus, ut malis artibus gratiam multiplicemus, nec faenus, & usuram probat, sed negotiatoris diligentiam requirit; quemadmodum cum seruus illum laudat, qui Domino suo centum cados olei debebat, dixit, *Accipe cautionem tuam, & sede, cito scribe quinquaginta* Luc. 16. 6. cumque eius exemplo iubet nos facere amicos de mammona iniquitatis, non enim serui fraudem approbavit, sed industriam, atque prudentiam, qua uult nos etiam in diuinis rebus uti. Sunt qui duo uerba *serue male, & piger*, ita distinguant, ut malum, quia infidelis, pigrum, quia negligens fuerat, appellauerit, ut Origenes, Hieronym. Beda, & Auctor operis imperfecti. Decimatercia est eodem uersu, *ueniens ego recepissem utique, quod meum est, cum usura*. Usuram

Orige-



Origenes, Hilarius, Chrysostomus, Hieronymus, & omnes, quos supra diximus per talentum Dei verbum interpretari, auditorum fructum, & utilitatem intelligunt: accommodatè id quidem, sed angustè, quia ut docuimus, latius patet sententia. Melius Auctor imperfecti per vsuram gratiæ, & iustitiæ incrementum intelligit, quod accepta gratia bene, ac grauius utentibus semper accidit. Ex utraque interpretatione vna confici potest, quæ Christi sententiam exæquet, ut usuræ nomine quicquid utilitatis, aut illi, qui gratiam accipit: aut alijs, quibus per eam ministrat, intelligamus. Decima quarta est vers. 28. *Tollite itaque ab eo talentum:* quod Origenes sic exponit, quasi docendi gratia negligentibus doctoribus auferatur. Hoc etiam generaliter interpretor Dei dona ijs, qui non bene illis vtantur; tolli solere, quod & præcipue, & semper in gratia gratum faciente verum est, in alijs sæpe: nec enim semper docendi, & varicinandum donum, & alia eiusmodi generis continuè, si quis illis abutatur, auferuntur. Decima quinta videri potest, quod eodem loco dicitur: *& date ei, qui habet decem talenta;* sed hanc non existimo propriè partem esse parabola: nec enim eadem gratia, quæ uni tollitur, alteri datur: sed dictum id est, quia aut ita inter homines fieri solet, ut pecunia ab infideli, & negligenti seruo ablata, fideli, ac diligenti tradatur, aut quia uero simile erat id dominum facturum fuisse, quamuis non idem Deus faciat: non ergo significatur, quod Deus faciat, sed quod negligentes, quod diligentes homines mereantur. Potest lector aliquis dubitare, quomodo post iudicium rationes ponendæ sint. gratia alijs auferenda, alijs conferenda sit, non quidem eadem: id enim iam docuimus faciendum non esse: sed alia, atque alia. Respondeo aut id non pertinere ad finem propositæ parabola, nec esse ad sententiam accommodandum, aut si pertinet, non de ultimo, sed de quotidianis priuatique iudi-

cijs intelligendum: quamuis propriè parabola ad ultimum iudicium spectet. Iudicari enim quotidie homines Deus, & indignis gratiam auferre, dignis auget. Hæcenus exposita parabola est; sequitur parabola conclusio generali comprehensa sententia.

29. *Omni enim habenti dabitur, & abundabit.* Origenes ad hunc modum exponit, omni habenti ex se fidem dabitur gratia, quam ex se non habet: quem errorem, ut caueret, supra lectorem monuimus; eodem fere modo Auctor imperfecti, Hieronymus & Beda, nisi quod non dicunt fidem quemquam ex se habere. *Potest, inquit Hieronymus, & sic intelligi ei, qui fidem habet, & bonam in Domino voluntatem, etiam si quid minus in opere, ut homo habuerit, dabitur à bono iudice, qui autem fidem non habuerit, etiam ceteras virtutes, quas videbatur naturaliter possidere, perdet.* Hilarius uero, omni habenti Euangelium & lex etiam dabitur, non recipienti autem Euangelium, lex etiam auferetur. Ego utrumque accommodatè ad rem subiectam interpretandum esse arbitror. Agebatur de duobus seruis, quorum alter plus pecuniæ reddiderat, quam acceperat, alter tantundem: *Ecce, inquit, habes, quod tuum est;* significatur ergo non quidem generaliter omni habenti dari, & omni non habenti auferri: sed omni, qui plus habet gratiæ, quam acceperat, quia eam adhibita diligentia multiplicauit, maiorem quoque dari gratiæ, & omni, qui gratiam, quam accepit, non multiplicat: sed otiosam, & inutilem retinet, eam ipsam, quia habet, gratiam auferri, quia indignum se reddidit, ut haberet. Quæritur a quibusdam, cur non dixerit: & id quod habet, sed id, quod videtur habere. Respondet Hieronymus suam de fide interpretationem sequens, *Quidquid sine fide Christi est, non ei debet imputari qui male ea abusus est, sed illi, qui malo etiam seruo natura bonum tribuit.* Auctor uero imperfecti, quia fides, quæ sine bonis



H. Basil. 39.  
in Euang.

operibus est, uera fides non est: sed uidetur esse, quod idem alicubi Gregorius scripsit. sed nolunt dicere fidem sine operibus ueram fidem non esse; sed inutilem, inanem, mortuam, quemadmodum Diuus Iacobus appellauit. Veram ego rationem, cur Christus dixerit, *quod uidetur habere*, esse puto, quod seruus ille, qui pecuniam in terram defoderat, perinde pecuniam habebat, ac si non haberet, quia otiosa, & inutilis erat; significat ergo eos, qui similiter gratiam Dei habent, ita ut per eam nihil boni agere conentur, non tam habere, quam habere uideri gratiam. Dicat aliquis, si uere gratiam habet, qui sic habet, quomodo dixit paullo ante *non habent*? Iam diximus illud *non habenti* non esse ad acceptam gratiam referendum; sed ad gratiae incrementum, quod cum habere deberet, non habet: nam seruus ille talentum, quod acceperat, habebat; sed lucrum non habebat: de lucro ergo dictum est *non habenti*, de talento uero, quod habebat quidem, sed inutiliter, & non aliter, quam si non haberet, dictum est, quod sequitur, *quod uidetur habere, auferetur ab eo*.

30. *In tenebras exteriores.*) De tenebris exterioribus cap. 8. 12. a nobis dictum est.

31. *Cum uenerit filius hominis.*) Videtur explicatio haec esse parabola praecedentis; declarat enim Christus, quomodo in iudicio rationes cum seruis suis positurus sit, ut dixerat uer. 19. quemadmodum Auditor imperfecti adnotauit. Cur filius hominis Christus appelletur, diximus cap. 8. 20.

*In maiestate sua.*) Id est ostendens maiestatem suam, quam tunc, cum haec diceret, non ostendebat. Opponitur enim tacite praesenti futurum tempus, & primo aduentui secundum. Probabile, quod Chrysostomus, & Hieronymus existimant, propterea Christum de futura sua maiestate, & gloria mentionem intulisse, quia paullo post mortem erat aditurus, ut praesentem infirmitatem futura con-

pensaret gloria, & discipulorum animos, ne in fide autarent, ergeret; quod & aliis locis fecisse saepe supra obseruauimus.

*Et omnes angeli cum eo.*) Omnes angelos cum eo uenturos dicit, & ut declarat omnes illius esse, & ut futuram aduentus sui maiestatem ante oculos ponat; quemadmodum enim regem in publicum alicuius magnae rei causa procedentem omnes eius ministri prosequuntur: ita omnes angeli Christum ad iudicium ueniētem comitaturi sunt. Venient etiam omnes, ut putat Chrysostomus ut testes sint actionum eorum, qui iudicandi sunt, quia omnes sunt administratorij spiritus in ministerium missi propter eos, qui hereditatem capiunt salutis ad Hebraeos 1. 14.

*Tunc sedebit.*) Non significat ante non esse sessurum: sedet enim etiam nunc ad dexteram patris, quae sedes maiestatis est; sed tacita est antithesis inter tempus secundum aduentus, & primum, cum haec Christus dicebat: nondum enim sedebat in sede maiestatis suae. Nec loquitur de ueritate, sed de demonstratione maiestatis: uere enim etiam nunc sedet, sed homines non uident, tunc sedentem uidebunt: propterea dicit tunc sessurum esse. Hebraismus

*Super sedem maiestatis suae.*) *ὁ ἐξ ὑψοῦ* gloriae suae, Hebraismus pro super sede sua gloriosa, & illustri. Disputat Origenes tractatu in Matth. 34. qualis ea sedes futura sit; existimat autem per sedem, aut sanctorum perfectiones, atque uirtutes intelligendas, in quibus Christus sessurus dicitur, quia sanctis comitatus ueniet, ut in ipsis quodammodo insidere uideatur; pertinet autem hoc ad regiam maiestatem: solent enim imperatores aliquando principum humeris gestari. Eandem interpretationem Auditor imperfecti uidetur approbare, aut angelos, qui propterea Throni nominantur ad Coloss. 1. 16. quod super eos Deus sedeat, Psalm. 98. *Qui sedet super Cherubim, moueatur terra*, & Psalm. 79. 2. *Qui sedet super Cherubim manifestare coram Ephraim, Beniamin, & Manasse*.

Quid per se  
dem Christi  
iudicis intel-  
ligendum.



*Manasse.* Beda sedem maiestatis Christi ecclesiam interpretatur, quæ quasi tribunal eius est. Hæc omnia etsi speciem habent probabilitatis, plus habent allegoriæ, quam literalis interpretationis. Itaque in re proflus incerta, quod vero mihi videtur esse simillimum, sequor: Christum super nubem aliquam lucidam, & illustrem sessurum esse, & quia nube euectus in cælum est, Act. 1.9. & ver. 11. eodem modo modo dicitur esse venturus; quamuis id nō tam ad nubem, quam ad peritatem aduentus referri possit sciam; & quia ubique in nubibus cœli venturus dicitur, ut cap. 24.30. & 26.64. & quia per nubem videtur semper diuina maiestas declarari, vt cap. 17.5. & Exodi 16.10.

An omnes homines in iudicio generali intererunt.  
1. Thes. 4. 15.

2. Et congregabuntur ante eum omnes gentes. Hic etiam Origenes disputat, an omnes omnino gentes congregande sint, an illæ tantum, quæ tunc in uiuis fuerint, aut soli Christiani: & ij an omnes, an ij tantum, qui, ut ait D. Paulus, residui fuerint, & ille, & Euthymius, existimant solos congregandos esse Christianos, quia ceteri iam iudicati sunt, ut ait Diuus Ioan. capitu. 3.18. Beda quatuor hominum ordines esse dicit, alij enim, inquit, non iudicabuntur, sed indicabunt, ut Apostoli, quibus dictum est *Sedebitis, & nos super sedes duodecim indicantes duodecim tribus Israel*, cap. 19.28. & de quibus ait D. Paulus, *nescitis, quia angelos iudicabimus*, 1. ad Corinth. 6.3. alij qui iudicabuntur, non iudicabunt: salui tamē erunt, vt illi quibus dicitur, *Venite benedicti patris mei, possidete paratum vobis regnum a constitutione mundi: esurui enim, & dedistis mihi manducare: sitiui, & dedistis mihi bibere* infra ver. 34. 35. alij nec iudicabunt, nec iudicabuntur, sed peribunt: quales erunt omnes, qui extra Ecclesiam reperiuntur, de quibus dicitur Psalm. 1.3. *non resurgent impij in iudicio*: alij non iudicabunt, sed iudicabuntur, & iudicio condemnati peribunt, ut illi, quibus dicitur, *Discedite a me maledicti in ignem æternum, qui parati estis*

diabolo, & angelis eius: *Esuriui enim, & non dedistis mihi manducare* infra ver. 41. & 42. scriptura ubique omnes homines staturos esse dicit ante tribunal Christi, vt referat vnusquisque propria corporis prout gessit in corpore siue bonum, siue malum ad Roman. 14. 10. & 2. ad Corinth. 5. 10. Quod autem ait Diuus Ioan. *Qui non credit, iam iudicatus est*, recte Theologi interpretari solent, non opus est, ut eius causa in iudicio discutatur, & ut eorum uerbis utar, iam iudicatus est iudicio discussionis, quo minime indiget, sed nondum iudicatus iudicio approbationis. Denique sensus est, adeo mala est eius causa, ut opus non sit, ut in iudicium tractanda deferatur: cum enim non credat, se ipse condemnat, sicut de hæreticis dicit Diuus Paulus ad Titum 3. 11. *Subuersus est, qui eiusmodi est, & delinquit, cum sit proprio iudicio condemnatus*. Solent in schola a Theologis quædam obijci, primum, quod illa uerba, *Esuriui enim, & non dedistis mihi manducare*, & illa his contraria, *Esuriui, & dedistis mihi manducare*, non possunt ad omnes homines pertinere. Multi enim damnandi sunt, qui esurientem Christum non viderūt: cum illum penitus ignorarent, nec scirent pauperes eius personam gerere: deinde infantes, qui aut saluandi, aut damnandi sunt, nec propterea saluabuntur: quia Christum esurientem pauperum, nec propterea damnabuntur, quia non pauperum: non ergo in iudicium venturi sunt. Vna est huiusmodi ad omnes obiectiones, & expedita responsio, Christum unam speciem pro toto genere posuisse, sicut in exemplis facere consueuimus: nec enim omnibus, qui saluandi sunt, dicturus est, *Esuriui enim, & dedistis mihi manducare*, nec omnibus, qui damnandi, *Esuriui, & non dedistis mihi manducare*, sed quibusdam: hoc enim exemplo tantum docere uoluit, se neminem temerè aut saluaturum, aut damnaturum esse, sed iustissima de causa, eaque publicè, & coram homini-

Cap. 3. 18.  
iudiciū discussionis,  
& approbationis.



minibus declarata, quemadmodum in forensibus sententijs fieri solet; unde videtur Christus metaphoram sumere uoluisse. Ergo & infantes, & infideles omnes iudicabuntur: sed illis, cur aut saluentur, aut condemnentur, alia reddetur causa. Potest aliquis dubitare, cur potius dixerit congregabuntur omnes gentes, quam omnes homines: fortasse quia illud plus ponderis habebat: explicatur enim nomine omnium gentium non solum omnium hominum multitudo: sed etiam varietas, & faciebat ad iudicis maiestatem, ut explicaretur eum diuersarum gentium iudicem futurum esse.

Cur boni cum  
ouibus, ma-  
li cum hæ-  
dis compa-  
rati,

33. *Et statuet oves quidem a dextris suis, hædos autem a sinistris.* Minime dubium est bonos oves, malos hædos appellari, cur autem, id est dubium. Origenes, Euthymius, & Theophylactus bonos quidem oves, quia mites sunt: malos hircos, quia asperi, & per prærupta ascendentes, id est non recta, & plana incedentes uia, uocari putant. Hilarius uero, & Chrysostomus itemque Euthym. & Theophylactus bonos oves, quia utiles, & fructuosi: malos hircos, quia infructuosi sunt. Credo ego primum propterea Christum ouium, & hædorum metaphora usum fuisse, quia uersu præcedenti dixerat, *Et separabis eos ab inuicem, sicut pastor segregat oves ab hædis*; per oves autem bonos: per hædos malos intelligi uoluisse, quia oves hædis meliores sunt. Eademque de causa dicit se oves ad dexteram, hædos ad sinistram positurum esse, quia locus dexter sinistro honorificentior est, quemadmodum, & Hilarius indicauit, cuius sententiam magis probo, quam illam Origenis, Hieronymi, Bedæ, & Auctoris operis imperfecti, qui existimant propterea bonos ad dexteram, malos ad sinistram futuros esse, quod in scripturis sacris dextera bonum: sinistra malum significare soleat, ut Ecclesiastis 10. 2. *Cor sapientis in dextera eius, & cor stulti in sinistra illius*, id est, cor sapientis semper bonum, cor stulti semper ma-

lum cogitat. Solet quæri, ubi infantes futuri sint, qui sine baptismo ex hac uita decesserint, cum non sint propter opera, sed propter uitiosam originem condemnandi. Certus, & minime hæsitans respondeo ad sinistram futuros esse, sicut ad dexteram alios infantes, qui non propter bona opera, sed propter suscepti baptismi gratiam saluandi sunt. At in iudicio, ut ex sententia manifestum uidetur esse, non nisi de bonis, malisque operibus agetur. Id constanter nego: merita enim cuiusque ponderabuntur, quæ non semper in operibus: sed in solo aliquando animo, in sola gratia, in sola origine consistunt: sed, ut diximus, non fuit Christo propositum omnes causas, cur alij saluandi, alij damnandi essent, explicare: sed exemplum tantum in una specie proponere, ex quo alix etiam species, & causæ intelligerentur.

34. *Tunc dicit rex.* Non uocauerat se regem ante, sed hominem, & filium hominis, & apud Lucam hominem nobilem, qui peregrè profectus esset, ut regni capesseret possessionem, nunc uocat regem, quia de eo tempore loquitur, quo accepto iam regno rediturus est; tum etiam, quia ante nondum regiam descripserat maiestatem: nunc ea descripta merito se regem appellat.

*His qui à dextris eius erunt.* Incipit ab honorabilioribus morem hominum obseruans, aut, ut ait Auctor imperfecti, propterea ab his, qui a dextris futuri sunt, id est a bonis initium sumpturus est, quia propensior est ad saluandum, quam ad condemnandum.

*Venite.* Vocat eos ad se, quia uult regni sui participes facere, sicut dicit apud Ioannem capitulo 12. 26. *Si quis mihi ministrat, me sequatur: & ubi sum ego, illic & minister meus erit*; quia ergo ipse paterni regni possessionem ceperat, ad eandem possessionem seruos suos uocat, cum dicit *venite*; loquitur enim, quasi continuò in cœlum rediturus, uultque, ut se serui sequantur.

Infantes non  
baptizati in  
iudicio ad  
sinistram  
erunt.

Bene.



*Benedicti patris mei.*) Quidam sic interpretatur, quos pater meus multis beneficiis cumulauit, quia benedicere in scripturis beneficiis afficere significare solet: non probo, nec enim de præteritis beneficiis intelligi uidetur posse, quæ maiora fortasse multis eorum, qui damnandi sunt, collata fuerunt, sed referendum hoc est, nisi fallor, ad futuram gloriam, ad quam eos Christus inuitat. Itaque benedicti patris mei perinde est, ac si dicar dilecti à patre meo, & ab eo æterna uita donandi, ut supra cap. 21. 9. cum populus Christo diceret, *Benedictus, qui uenit in nomine Domini*, non acceptam prædicabat gratiam, sed futuram illi à Deo adprecabatur. Itaque eorum sententiam nequaquam probo, qui hoc ad prædestinationem reuocant, quasi tacite reddatur causa, cur salui fiant, quia nimirum benedicti patris, id est ab eo prædestinati sunt.

De merito  
contra Cal-  
uinum.

Rom. 8. 17.

*Possidete.* κληρονομήσατε, hæreditatem regni capite, quo uerbo Calvinistæ insolenter insultant, quasi hic omne nostrum meritum aboleatur. Si enim, inquit, hæreditas est, merces non est, neque labori, & merito, sed origini datur, quæ à filii Dei sumus, sicut autem filii, & heredes, ut nos D. Paulus argumentari docuit, filii autem per fidem sumus, fides eorum opinione hæresis est, ita omnis res concidit in nihilum. Vitam æternam in scripturis mercedem appellari negare non possunt supra cap. 5. 12. & cap. 6. 1. & cap. 10. 41. 42. & capitul. 20. 8. ubi de hac etiam re non nihil disputauimus: tum etiam 1. ad Corin. 3. 8. 14. & 9. 18. & Apocalypsis. 11. 18. & 22. 12. sed non deest hominibus ingeniose hæreticis responsio, mercedem appellari, non quod merces sit, sed quia sicut merces, post laborem datur, quamuis non propter laborem. Inscitia, si malignitate careret, miseranda: quia malignitati coniuncta est, irridenda. Si enim alius non esset locus, quam hic ipse, de quo disputamus, ex eo perspicuum esset uitam æternam non solum post opera, sed e-

tiam propter opera bonis dari, ideoque uerè, proprièque esse mercedem. Eodem enim modo, eodem contextu, iisdem uerbis, eodem sensu bonis dicitur, *Venite benedicti patris mei, possidete paratum uobis regnum à constitutione mundi; esuriui enim, & dedistis mihi manducare*, atque dicitur malis, *Ite maledicti in ignem æternum; esuriui enim, & non dedistis mihi manducare*, cum autem de malis agitur, manifestum est, non solum consequentiam, ut hæretici putant, sed ueram etiam causam significari; propterea enim damnantur, quia id uerè proprièque meruerunt Christum esuriem non pascetes: ergo & cum bonis dicitur, *Venite, possidete regnum: esuriui enim, & dedistis mihi manducare*: non solum consequentia, sed uera etiam causa, & meritum significatur. Sed ex aliis etiam locis clarius probari potest: propriè enim merces est, & hæretici ipsi consentunt, quæ non solum post laborem, sed etiam propter laborem datur, dari autem propter laborem ex eo cognoscimus, quod maiori labori maior detur, minori minor: at hoc eodem modo D. Paulus testatur dari uitam æternam 1. ad Cor. 3. 8. *unusquisque autem propriam mercedem accipiet secundum suum laborem*: loquitur autem de eo, qui plantat, & de eo, qui rigat; quid est ergo secundum suum laborem, nisi qui plus laborauit, maiorem, qui minus, minorem mercedem accipiet. Præterea cum Christus dicit supra cap. 10. 41. *qui recipit prophetam in nomine prophete mercedem prophete accipiet, & qui recipit iustum in nomine iusti, mercedem iusti accipiet*, quis sanæ mentis dubitare potest maiorem & minorem prophetæ, ac iusti mercedem distinguere uoluisse; prout maioris meriti est prophetam, quam iustum quemlibet hospitio recipere, quemadmodum eo loco probauimus? Cur ergo uita æterna hæreditas appellatur? Id nisi errore suo ceciissent, facile intelligere potuissent, nempe & merces, & hæreditas est, merces quia meritis, hæreditas quia

Cur uita  
æterna hæ-  
reditas ap-  
pellatur.

filijs



filij datur. Sed illud istos decipit, quod Deum hominum similem esse putauerunt, apud quos hereditates temerè, ac sine iudicio quibusvis filijs bonis, ac malis dari solent. Non ita Deus, qui dat regnum cœlorum solis filijs, quia soli meruerunt, & non solum, quia filij, sed quia digni sunt, ideoque non æqualem omnibus partem, sed maiorem melioribus, quod prudentis est patris facere. Scio Chrysostomum, Theophylactum, & Euthymium adnotasse in verbo *κληρονομήειν*, hanc uim inesse, ut significet non quoquo modo accipere, sed tanquam hereditarium, tanquam proprium, tanquam debitum; sed eos Caluinistas non esse ne Caluinus quidem ignorat, qui propterea quod liberum arbitrium, & bonorum operum merita asserere solent, sæpe Philosophos appellat.

Caluini  
scôma ad-  
uersus  
Chrysosto-  
mum,

*Paratum uobis regnum.*) Id est prædestinatum, ut cap. 20. 23. ubi pronomen *uobis* eandem uim, atque illic relatiuum *quibus* habere arbitror, ut sensus sit *uobis* id est merentibus, sicut illic *quibus paratum est à patre meo*, id est, ijs, qui illud meruerint, huc enim causalem particulam, quæ uersu sequenti ponitur, referendam esse quidam putant, *Esurini enim*, ut hæc sit sententia, possidere regnum, quod propterea uobis pater meus prædestinauit, quia *esurini, & dedistis mihi manducare*, ut Chrysostomus & Hieronymus interpretantur. Quod an uerum sit, non est hic locus disputandi; illud tantum dico uideri mihi Christum glorificationis potius, de qua agebat, quam prædestinationis causam reddere uoluisse, ut ex antitheto manifestum est, *Discedite in ignem æternum, qui paratus est diabolo, & angelis eius, Esurini enim, & non dedistis mihi manducare*. Hic enim cum eodem loquatur modo, non reddit causam, cur illis iam inde ab æternitate ignis paratus sit, sed cur in ignem mittantur. immo ne illis quidem, sed diabolo, & angelis eius ignem illum paratum fuisse dicit, quod, ut postea docebimus ratione non uacat. Eo-

dem ergo modo hic intelligenda sunt verba, *venite, possidete regnum, Esurini enim, & de distis mihi manducare*.

35. *Esurini enim.*) Paullo ante Caluini interpretationem refutauimus, qui particulam *γὰρ enim*, non causam, sed consequentiam significare dicit. Potest aliquis dubitare, an hæc ipsa verba, quæ hic ponuntur, Christus sit in iudicio pronuntiaturus. Legi enim nonnullos recentiores interpretes, qui negarent, quod nescio, an sine temeritate fieri possit. Illud ego uero simile esse arbitror, non hæc solum, sed alia etiam nonnulla, quæ aut Christus non dixit, aut Euangelista non expressit, in illo iudicio dicturum esse. Nec enim, ut supra disputauimus, omnes qui regnum cœlorum accepturi sunt, propterea sunt accepturi, quod esurientes pauperint Christum, & est credibile unicuique, cur eum ad regnum cœlorum admittat, rationem expositurum: hoc enim & ad iudicis officium, & ad beatorum gloriam pertinebit. Cur ergo de his tantum, quis esurientes pauperant, mentionem fecit? supra respondimus unam speciem loco exempli pro toto genere posuisse, ideo autem hanc potius, quam aliam bonorum operum speciem proposuit, quia nihil nobis magis commendatum esse uoluit, quam eam charitatem, quæ erga proximos esset, quæ ipsa, quamuis multa habeat species, in hac potissimum obseruatur, si esurientes pauperes alamus, quemadmodum Euthymius adnotauit.

Christus  
quæ uerba  
in iudicio  
sit pronun-  
taturus,

37. *Tunc respondebunt iusti, quando te uidimus esurientem?*) Putat Origenes, & Auctor imperfecti iustos hoc non obliuione, sed humilitate responduros esse, quasi non agnoscentes in se uirtutem illam charitatis, cuius causa a Christo laudati essent. Potius credo ideo ita responsuros, quod Christi uerba non intellexerint; non enim ignorare poterunt se aliquando pauperes Christi causa pauiisse, sed quia Christus non est dicturus, esurierint enim pauperes, & dedistis eis manducare, sed *esurini, & dedistis mihi*



*mihi manducare, & scient se nunquam Christum ipsum paulse, interrogabunt, quando te vidimus esurientem: Id constat ex Christi explicatione uersu 40.*

40. *Quādiu) εφ' οσόν. Quatenus fecisti uni de his fratribus meis minimis, mihi fecisti, id est, quod illis fecisti, mihi fecisti, sicut & uersu 45. loquitur.*

41. *Discedite a me.* Id est procul abite; nihil enim mihi uobiscum est, non noui uos, quemadmodum fatuis uirginibus dixit supra uer. 12.

*Maledicti.)* Obseruauit Origenes, & Chrysost. non dixisse maledicti patris mei, sicut iussis dixerat uer. 34. *Ueritate benedicti patris mei,* quia Deus nō maledictionis, sed benedictionis, non poenae, sed praemij auctor fuit non quod non etiam poenae auctor fuerit, sed quod praemia libenter, & ex animi propensione, penam inuitus quodam modo, ut iustitiae suae satis faceret, praeparauit.

*In ignem aeternū.)* Refellitur his uerbis antiquus Origenistarum error, qui poenas inferni sempiternas futuras esse negabant, aduersus quem Beda, & Theophylactus hoc loco disputant. Quamquam Origenes tractatu

Ignis inferni  
verus nō me-  
taphoricus.

34. hunc locum edisserens bene de poenarum aeternitate sentit. Disputatur a Theologis, an uerus ille sit ignis. Duo in ea re certa sunt; alterum, quod fides docet, uera esse supplicia, quae non cogitatione solum, sed sensu, tantuque percipiuntur: alterum minus certum, quia fides non docet, sed tamen omnium fere ueterum auctorum testimonijs confirmatum, ignem illū non eiusdem, atque nostrum esse cōdi-

tionis, quemadmodum Origenes homil. 9. ad diuersos, & tract. 34. in Matth. & Ambrosius in commentarijs in cap. 14. Lucae, & Hieronymus in c. 65. & 66. Isaiae, & Damascenus lib. 4. de fide cultimo trandunt. Inde tamē non sequitur uerum ignem non esse, quod etsi nonnulli negant, non uidetur sine temeritate negari posse, quia ubique scriptura poenas illas inferni ignem appellat: quae si metaphora, non ueritas esset, aliter aliquando uocarentur, minusque frequenter ignis dicerentur.

*Qui paratus est diabolo, & angelis eius.)* Non dixit, qui paratus est uobis, sicut de regno coelorum dixerat uer. 34. *Possidete paratum uobis regnū,* quia Deus omnes homines uult saluos fieri, & quia Deus mortem non fecit: *fecit enim hominem rectum, & ipse infinitis semisculis questionibus.* Regnum ergo coelorum ab omni aeternitate omnibus hominibus (si salui esse uellent) praeparauit: ignem autem aeternum non nisi necessitate, & quodammodo coactus, ut angelorum puniret audaciam: ita Origenes, Chrysost. Theophylactus, & Euthym. Eadem fortasse de causa non dixit, qui paratus est a constitutione mundi, sicut de regno coelorum dixerat eodem capit. uersu 54. quia nimirum regnum coelorum, quod sua sponte propter homines fecerat, à mundi constitutione praeparauerat, id est antequam homines ipsos faceret. Ignem uerò non nisi peccato coactus, ideo non à constitutione, sed post constitutionem mundi, & post peccatum illum praeparauit.

1. Tim. 2. 4.  
Sap. 1. 13.  
Eccl. 7. 39.



## IN CAP. XXVI.

Mar. 14. a. 1.  
Luc. 22. a. 1.

14



Jo. 11. a. 2.  
& 12. a. 31  
Mar. 14. a. 3

Mar. 14. b. 10  
Luc. 22. a. 3.

Mar. 14. b. 12  
Luc. 22. a. 7.

Mar. 14. b. 17  
Luc. 22. b. 15  
Jo. 13. b. 21.  
Fl. 40. c. 10.

I. Cor. 11. c.  
24.

**E**T factum est: cum consummasset Iesus sermones hos omnes, dixit discipulis suis. 2. Sciti, quia post biduum Pascha fiet, & Filius hominis tradetur, ut crucifigatur. 2. Tunc congregati sunt principes sacerdotum, & seniores populi in atrium principis sacerdotum, qui dicebatur Caiphas: 4 & consilium fecerunt, ut Iesum dolo tenerent, & occiderent. 5. Dicebant autem: Non in die festo, ne forte tumultus fieret in populo. 6. Cum autem Iesus esset in Bethania in domo Simonis leprosi, 7. accessit ad eum mulier habens alabastrum unguenti pretiosi, & effudit super caput ipsius tecumbentis. 8. Videntes autem discipuli, indignati sunt dicentes: Ut quid perditio hæc? 9 potuit enim istud venditari multo, & dari pauperibus. 10. Sciens autem Iesus, ait illis: Quid molesti estis huic mulieri? opus enim bonum operata est in me. 11. nam semper pauperes habetis vobiscum: me autem non semper habetis. 12. Mittens enim hæc unguentum hoc in corpus meum: ad sepeliendum me fecit. 13. Amen dico vobis, ubicumque predicatum fuerit hoc Euangelium in toto mundo, dicetur & quod hæc fecit in memoriam eius. 14. Tunc abiit unus de duodecim, qui dicebatur Iudas Iscariotes, ad principes sacerdotum; 15. & ait illis: Quid vultis mihi dare, & ego vobis eum tradam? At illi constituerunt ei triginta argenteos. 16. Et exinde quærebat opportunitatem, ut eum traderet. 17. Prima autem die Azymorum accesserunt discipuli ad Iesum, dicentes: Vbi vis paremus tibi comedere Pascha? 18. At Iesus dixit: Ite in civitatem ad quendam, & dicit ei: Magister dicit: Tempus meum prope est, apud te facio Pascha cum discipulis meis. 19. Et fecerunt discipuli, sicut constituit illis Iesus, & parauerunt Pascha. 20. Vespere autem facto, discumbebat cum duodecim discipulis suis. 21. Et edentibus illis, dixit: Amen dico vobis, quia unus vestrum me traditurus est. 22. Et contristati valde, ceperunt singuli dicere: Numquid ego sum Domine? 23. At ipse respondens, ait; Qui intingit mecum manum in paropside, hic me tradet. 34. Filius quidem hominis vadit, sicut scriptum est de illo: Vae autem homini illi, per quem Filius hominis tradetur: bonum erat ei, si natus non fuisset homo ille. 25. Respondens autem Iudas, qui tradidit eum, dixit; Nunquid ego sum Rabbi? Ait illi: Tu dixisti. 26. Connantibus autem eis, accepit Iesus panem, & benedixit, ac fre-

git



git, deditque discipulis suis, & ait: Accipite, & comedite: hoc est corpus meum. 27. Et accipiens calicem gratias egit: & dedit illis, dicens: Bibite ex hoc omnes. 28. Hic est enim sanguis meus novi testamenti qui pro multis effundetur in remissionem peccatorum. 29. Dico autem vobis: non bibam amodo de hoc genimine vitis usque in diem illum, cum illud bibam vobiscum novum in regno Patris mei. 30. Et hymno dicto, exierunt in Montem oliueti. 31. Tunc dicit illis Iesus: Omnes vos scandalum patimini in me, in ista nocte. Scriptum est enim: Percutiam pastorem, & dispergentur oves gregis. 32. Postquam autem surrexero, praece dam vos in Galilaeam. 33. Respondens autem Petrus, ait illi: Etsi omnes scandalizati fuerint in te, ego nunquam scandalizabor. 34. Ait illi Iesus: Amen dico tibi quia in hac nocte antequam gallus cantet, ter me negabis. 35. Ait illi Petrus: Etiam si oportuerit me mori tecum, non te negabo. Similiter & omnes discipuli dixerunt. 36. Tunc venit Iesus cum illis in villam, quae dicitur Gethsemani, & dixit discipulis suis: Sedete hic, donec vadam illuc, & orare. 37. Et assumpto Petro, & duobus filiis Zebedae, cepit contristari & moestus esse. 38. Tunc ait illis: Tristis est anima mea usque ad mortem: sustinete hic, & vigilate mecum. 39. Et progressus pusillum, procidit in faciem suam, orans, & dicens: Pater mi, si possibile est, transeat a me calix iste. uerumtamen non sicut ego volo, sed sicut tu. 40. Et venit ad discipulos suos, & inuenit eos dormientes, & dicit Petro: Sic non potuistis una hora vigilare mecum? 41. Vigilate, & orate, ut non intretis in temptationem. Spiritus quidem promptus est, caro autem infirma. 42. Iterum secundo abiit, & orauit, dicens: Pater mi, si non potest hic calix transire, nisi bibam illum, fiat voluntas tua. 43. Et venit iterum, & inuenit eos dormientes: erant enim oculi eorum grauati. 44. Et relictis illis, iterum abiit, & orauit tertio, eundem sermonem dicens. 45. Tunc venit ad discipulos suos, & dicit illis: Dormite iam, & requiescite: ecce appropinquauit hora, & Filius hominis tradetur in manus peccatorum. 46. Surgite eamus: ecce appropinquauit, qui me tradet. 47. Adhuc eo loquente, ecce Iudas vnus de duodecim venit, & cum eo turba multa cum gladijs, & fustibus: misit autem principibus sacerdotum, & senioribus populi. 48. Qui autem tradidit eum dedit illis signum, dicens: Quemcumque osculatus fuero, ipse est, tenete eum. 49. Et confestim accedens ad Iesum, dixit: Aue Rabbi. Et osculatus est eum. 50. Dixitque illi Iesus: Amice, ad quid venisti? Tunc accesserunt, & manus iniecerunt in Iesum, & tenuerunt eum. 51. Et ecce vnus ex his, qui

Mar. 14. ca.  
27.  
Ioan. 16. d.  
32.  
Zach. 13. c.  
7.  
Mar. 16. b. 7.  
Ioan. 13. d.  
38.  
Marc. 14. d.  
31.  
Luc. 22. d.  
39.

Marc. 14. c.  
43.  
Luc. 22. c.  
47.  
Ioan. 18. a. 2.



erant cum Iesu, extendens manū, exemit gladiū suū, & percutiens seruū principis sacerdotū amputauit auriculā eius. 52. Tunc ait illi Iesus: Conuerte gladiū tuū in locū suū: oēs enim qui acceperint gladiū, gladio peribunt. 53. An putas, quia non possum rogare patrē meū, & exhibebit mihi modo plusquam duodecim legiones angelorū. 54. Quō ergo implebuntur Scripturæ, quia sic oportet fieri? 55. In illa hora dixit Iesus turbis: Tanquā ad latronē existis cum gladijs, & fustibus cōprehendere me: quotidie apud uos sedebā docens in templo, & nō me tenuistis. 56. Hoc autē tunc factū est, ut adimplerentur Scripturæ prophetarū. Tunc discipuli oēs relicto eo, fugerunt. 57. At illi tenentes Iesum, duxerunt ad Caiphā principē sacerdotū, ubi Scribæ, & seniores cōuenerāt. 58. Petrus autē sequebatur eū a longe, usque in atrium principis sacerdotū. Et ingressus intro sedebat cū ministris, ut uideret finē. 59. Principes autē sacerdotum & omne concilium quarebāt falsum testimonium contra Iesum, ut eum morti traderent: 60. & non inuenerunt cū multi falsi testes accessissent. Nouissimē autē uenerunt duo falsi testes, 61. & dixerunt: Hic dixit, possum destruere tēplū Dei, & post triduū reedificare illud. 62. Et surgēs princeps sacerdotū, ait illi: Nihil respōdes ad ea, quæ isti aduersum te testificantur? 63. Iesus autē tacebat. Et princeps sacerdotū ait illi: Adiuro te per Deū uiuum, ut dicās nobis, si tu es Christus filius Dei. 64. Dicit illi Iesus: Tu dixisti. Verūtamen dico uobis, amodo uidebitis filiū hominis sedentē à dextris uirtutis Dei, & uenientē in nubibus cœli. 65. Tunc princeps sacerdotū scidit uestimēta sua, dicens: Blasphemaui: quod adhuc egemus testibus: ecce nūc audistis blasphemiam: 66. quid nobis uidetur? At illi respondētes dixerūt: Reus est mortis. 67. Tunc expuerūt in faciē eius, & colaphis eū ceciderunt, alij autē palmas in faciē eius dederunt, 68. dicentes: Prophetiza nobis Christe, quis est, qui te percussit? 69. Petrus uero sedebat foris in atrio: & accessit ad eū una ancilla, dicens: Et tu cū Iesu Galilæo eras. 70. At ille negauit corā omnibus, dicēs: Nescio, quid dicis. 71. Exeūte autē illo ianuā, uidit eum alia ancilla, & ait his, qui erāt ibi: Et hic erat cū Iesu Nazareno. 72. Et iterū negauit cū iuramēto: Quia nō noui hominē. 73. Et post pusillum accesserunt, qui stabāt, & dixerūt Petro: Vere & tu ex illis es: nam & loquela tua manifestum te facit. 74. Tunc cœpit detestari, & iurare, quia nō nouisset hominē. Et continuo gallus cantauit. 75. Et recordatus est Petrus uer-

bi



bi Iesu, quod dixerat: Prius quā gallus cantet, ter me negabis.  
Et egressus foras, fleuit amare.

## IN CAP. XXVI.

**F**actum est.) Chryso-  
stomus, & Theophy-  
lactus existimāt cō-  
tinationē esse, qua  
Euāgelista Christi  
passionē regno con-  
iūgit, de quo superiore capite dixerat,  
potius transitionem esse arbitror, qua  
explicato doctoris officio, officium re-  
demptoris aggregitū explicare.

Sermones hos omnes.) Sunt, qui eos  
intelligant sermones, quos proxi-  
mo capite de futuro iudicio Euan-  
gelista narravit, in quibus Hila-  
rius, Sunt qui non solum ad pro-  
ximum, sed etiam ad 24. capitul.  
hac referant, ubi de fine etiam  
mundi Christus disseruerat. Sunt  
qui ad omnia, quæ ab initio Euan-  
gelii vsque ad hunc locum Matthæ-  
us scripserat, pertinere putent, ut  
sermones non uerba tantum: sed  
etiam facta comprehendant, qua-  
si dicat, cum Christus hac omnia,  
quæ hæcenus exposui fecisset, ac  
docuisset, dixit discipulis suis, *sci-  
tis, quia post biduum Pascha fiet*, sic  
Beda, & cum sequutus Strabus.  
Hæc omnia probabilia sunt, sed il-  
lud ego magis probo, quod in  
commentarijs ad hunc locum Diuus  
Thomas animaduertit, Euangeli-  
stam omnem Christi doctrinam quā  
toto Euangelio ante exposuerat,  
comprehendere uoluisse, quasi di-  
ceret: cum Christus doctoris offi-  
cium explestet, cepit se ad redem-  
ptoris officium preparare, & eius  
rei discipulos admonere. Nam etsi  
apud Hebræos, verbum, res etiam  
significat, tamen, hoc loco nomi-  
ne sermonum uerba, factaque si-  
gnificari durius uidetur. Obserua-  
uit Origenes, propterea dixisse E-  
uangelistam, *hos omnes*, ne eos  
excluderet, quos postea Christus,  
& ante passionem, & post resurre-

ctionem habuit.

2. *Sciis quia post biduum.*) Dif-  
ficilis hic locus est, & multis qua-  
stionibus implicatus. Prima unde  
fere reliquæ pendent, quo die hoc  
Christus dixerit: inde enim intelli-  
gendum est, in quem diem inciderit  
Pascha: secunda quo die Christus  
Pascha celebrauerit: tertia quo die  
Iudei, quos indicat Ioannes non  
eodem die, quo Christum, cele-  
brasse: quarta si non eodem die ce-  
lebrarunt, utri legitimo, ac solem-  
ni die celebrauerint, Christusne, &  
eius discipuli, an Iudæi. De prima  
quæstione omnes fere conueniunt  
auctores Christum hac dixisse die  
duodecima mensis primi Hebræo-  
rum, qui noster est Martius, quia  
Pascha ad finem decimæ quartæ, &  
initium decimæ quintæ celebraba-  
tur Exodi 12. 6. 18. loquitur autem  
Christus de Pascha ex legis præscri-  
pto. Itaque quamuis Græcorum opi-  
nio, quæ falsa omnino est, uera  
esset, de qua in secunda quæstione di-  
cturi sumus, Christum uno die Pa-  
scha anticipasse, nihil impediret: lo-  
quitur enim Christus de eo Pascha,  
quod discipuli sciebant, ex lege post  
biduum futurum esse. Si autem Chri-  
stus Pascha suum anticipauit, disci-  
puli quando illud celebraturus esset,  
nesciebant; at dicit, *sciis, quia post bi-  
duum Pascha fiet*. Quis autem hebdo-  
madis dies fuerit, quo Christus hoc  
dixit, duabus ex rebus perspicuum  
est; primum ex die passionis: certum  
enim est Christum feria sexta pas-  
sum esse, quia Lucas capit. 23. 56.  
& Ioan. capit. 19. 31. restantur po-  
st die eius diei, quo Christus passus  
est, fuisse sabbatum, præterquam quod  
id omnis Ecclesiæ Catholicæ usus  
docet: hoc si ita est, necesse est, ut fe-  
ria tertia Christus hac diceret. Eodem  
enim die, quo agnū edir, id est Pascha  
cele-

K K



Christus  
quo die Hie-  
rosolymam  
ingressus.

celebrauit, mortuus etiam est, sed edit agnum hora noctis prima, id est initio diei decimae quintae, mortuus est hora fere sexta sequentis diei, ut uocant usualis, eiusdem autem diei naturalis: inter feriam autem tertiam, & sextam duo interiecti sunt dies, hoc est *post biduum Pascha fiet*. Deinde ex magnifico illo ingressu Christi in Hierusalem idem colligitur. Ingressus enim est primo die hebdomadis, qui nobis nunc Dominicus est, ut & Ecclesia docet, & ex Ioanne capit. 12. 1. intelligi potest, ubi scribit Christum ante sex dies Paschae Bethaniam uenisse, ubi Lazarus fuerat mortuus, versu autem 12. scribit in Hierusalem cum celebri illa pompa ingressum esse: ubi non leuis coniectura est, propterea die praecedente ingressum non fuisse, sed Bethaniae quiescere, quod sabbatum esset, quo die non potuisset turba ramos arborum praecidere. Si ergo dies sabbati sexta, ut ait Ioann. ante Pascha dies erat, Pascha fuit feria sexta sequentis hebdomadis, nam dies sabbati a feria sexta sequente sexta dies est. Cum autem Christus dixerit *post biduum Pascha fiet*, sequitur hoc eum dixisse feriam tertiam, quae Latine dies Martis appellatur. Series ergo actionum Christi a die sabbati, quo fuit Bethania, usque ad diem Paschae, qua mortuus est, ex Euangelistis huiusmodi colligitur: die sabbati Bethaniae cenauit Ioann. 12. 2. feria prima Hierosolymam ingressus est Ioannis 12. 12. eodem die Bethaniam rediit, ubi hospitium habebat Matthaei 21. 17. feria secunda iterum rediit Hierosolymam Matthaei 21. 18. & Marci 11. 13. atque tunc cum secus viam ficum uidisset, fructumque nullum inuenisset, illi maledixit: eodem rursus die Bethaniam ad hospitium reuertit Marci 11. 19. atque tunc, quia iam fortasse noctescebat, discipuli arefactam ficum videre non potuerunt: feria tertia mane iterum rediit in Hierusalem, quo tempore Petrus arefactam ficum animaduertit, quia clara iam dies erat Marci 11. 20. 27.

rursus eodem die credendum est esse Bethaniam rediisse, quia solebat, ut scribit Lucas c. 21. 37. singulis noctibus ab Hierusalem in Montem Oliueti secedere, ad cuius radicem Bethania sita erat. Postea Euangelistae non narrant eum Hierosolymam reuertisse usque ad feriam quintam sub noctem, cum Pascha celebrauit. Hoc ergo aut feria tertia sub finem diei, aut quarta sub initium noctis, quod & diei apud Hebraeos initium est, Christus dixit. Si ante finem feriae tertiae dixit, intelligendum erit, ut loquuntur exclusiue, quod ait *post biduum Pascha fiet*, si intra quartam, inclusiue.

In secunda quaestione fuerant, qui dicerent Christum eo anno Pascha non celebrauisse, ut Euthymius, & Theophylactus referunt ver. 20. ceteri uero Graeci a Latinis fere dissentiant. Veterum enim Graecorum opinio uideretur esse Christum die decimae tertiae mensis primi, qui Hebraeis erat Nisan, nobis Martius, id est uno die ante tempus a lege praescriptum Exodi 12. 6. Pascha celebrauisse, ut eius mors in ipsum diem Paschae, id est decimumquartum mensis primi incidere, ueritasque figura responderet, & uerus agnus eodem die, quo typicus occideretur. Mortuus enim est Christus postridie, quam cum discipulis agnum edit. Haec est Origenis opinio tractatu in Matthaeum 35. Chrysostomus & Theophylactus in c. Ioan. 18. 28. & Euthymius hoc loco Vnde recentiorum Graecorum natus est error, ut existiment Christum in cana illa postrema non azymo, sed fermentato pane usum fuisse, quod nondum dies azymorum esset, id est decimaquinta mensis primi postridie, quam agnus occideretur Exodi 12. 18. Eorum argumenta haec sunt. Primum, quod Ioan. c. 13. 1. dicat Christum ante diem festum Paschae cenam illam egisse. Secundum, quod ex eodem Ioanne c. 18. 28. manifestum sit Iudaeos, cum Christus condemnatus esset, nondum Pascha celebrauisse, & ipsi non introierunt in praetorium, ne non contaminarentur, sed ut mandu-

Quo die  
Christus  
Pascha ce-  
lebrauerit.

ceteris



*carent Pascha.* Tertium, quod idem Ioā. c. 19. 14. 31. affirmet Christum passum esse in parasceue Paschæ, i. pridie ante Pascha: dies autē Paschæ erat primus dies azymorum Exo. 12. 18. & Leu. 23. 6. itaque Christus cum pridie primæ diei azymorum cenam illam egerit, non potuit in ea azymis uti. Hæc opinionē in explicatione questionis quartæ paullo post refutabimus: nunc tantum dicimus absurdissimum esse dicere Christum Paschæ celebrationē anticipasse, qui omnem legem, quamdiu cum hominibus uersatus est, & seruandam esse docuit, & ad unguem seruauit: inauditum autem est quenquam ante constitutum a lege diem Paschæ celebrasse, ut etiam D. Thom. in comment. in c. 10. 18. obseruauit. Latini omnes consentiunt Christum die decima quarta primi mensis ad uesperū agnū comedisse, quemadmodum lex prescriberat: sed illud Græcos auctores, nonnullos etiam Latinos uidetur fecississe, quod sensum legis non animaduertunt, inchoabant Iudæi dies suos à solis occasu, sicut Græci, & Latini à nocte media alij à solis ortu. Iubebat lex Exo. 12. 6 & Leuit. 23. 5. ut agnus die decima quarta mensis primi ad uesperam, ut Hebraicè est *בין הערף* inter duas uesperas agnus comederetur. i. in confinio utriusque diei decimæ quartæ, & decimæ quintæ: solis. n. occasus finis erat decimæ quartæ, initium decimæ quintæ erat. Eadem quoque utriusque diei uespera dicebatur decimæ quartæ diei, quia eius finis, decimæ quintæ, quia eius noctis initium erat, atque hoc est inter duas uesperas, quemadmodum Galli simili phrasi dicunt, *entre chien, & loup*, non ut quosdam interpretari memini, qui duas uesperas, alteram præcedentis, alteram sequentis noctis initium intelligunt, quod aperte legi contrarium est, quia præcisè cauebatur, ut illo in puncto, quo diximus temporis agnus ederet, nec quicquam ex eo usque ad matutinum tempus remaneret Exo. 12. 10. & Leuit. 22. 30. nec, ut quidam hæreticorum interpretes exponit, qui unam uesperam finem decimæ quartæ diei, alteram, totam sequentis

diei noctem intelligendam esse dicit. Hinc factum est, ut aliquando dicatur Christus die decima quarta: aliquando decima quinta Pascha celebrasse, ut infra ver. 17. *Prima autem die azymorum accesserunt discipuli ad Iesum dicentes, ubi vis paremus tibi comedere Pascha?* & Marci 14. 12. *Et primo die azymorum, quando Pascha immolabant, dicunt ei discipuli, quò uis eamus, & paremus tibi, ut manduces Pascha?* & Luc. 22. 7. *Venit autem dies azymorum, in qua necesse erat occidi Pascha*, quibus omnibus locis die decima quinta primi mensis Paschæ, i. agnus Paschalis occidendus fuisse dicitur, cum Exo. 12. 6. Leu. 23. 5. die decima quarta occidi iubetur, nimirum, quia in utriusque diei confinio occidebatur, nunc die decima quarta, nunc decima quinta occidi dicitur, quo tempore usque in diem octauum fermentato pane uti non licebat Exo. 12. 15. Leuit. 23. 6. His locis, ut paullo ante apud Euangelistas adnotauimus, Græcorum error manifestissimè refellitur. Matthæus enim, Marcus, & Lucas disertis verbis scribunt eam diem, qua Christus agnum comedit, primam azymorum diem fuisse, quare non potuit Christus contra legem fermentato uti pane, quomodo autem Ioānes eum diem appelleret Parasceuem, & cur Iudæi non eadem nocte agnum ederunt, in quarta, ut diximus questione explicabimus. Nunc ex ijs, quæ diximus, apparet, cur idem Io. c. 13. dicat Christum ante diem festum Paschæ, cænam illam peregrisse, etiam si demus eum non de Iudæorum, sed de Christi Paschæ loqui, quod paullo post disputabimus: perinde. n. est, ac si dicat peregrisse die decima quarta ad uesperum, quo tempore non nisi azymo pane uti licebat, ut ex illis, quæ ante duximus, Exodi, & Leuitici testimoniis manifestum est. Itaque quod alij tres Euangelistæ die decima quinta, id est prima die azymorum factum fuisse dicunt, id Ioānes ante diem festum Paschæ, id est die decima quarta factum scribit, nulla utique repugnantia, sed usitata scripturæ consuetudine, qua agnus nunc die decima quarta, nunc decima

De azymo  
contra Græcos.

K k 2 quinta



quinta occidi dicitur: quia in utriusque veluti iactura occidebatur. Christum ergo in fine decimae quartae, & initio decimae quintae diei agnum edisse ex hac Matthaei, Marci, & Lucae, cum Ioanne collatione perspicuum est, tum et ex prioris quaestione explicatione. Si enim hoc die mensis primi duodecimae, ut probatum est, Christus dixerat, eum dixerit post biduum Pascha futurum, & haud dubie de suo et Pascha loqueretur, sequitur eum die decima quinta sub fine decimae quartae Paschae celebrasse.

Quo die Iu-  
dæi anno  
passionis  
Christi Pa-  
scha celebra-  
runt.

Tertia quaestio multo est difficilior tres enim sunt magnorum auctorum de ea sententiae, quae magna contentione defenduntur. Prima eorum, qui existimant Christum, & Iudaeos eodem die, & agnum comedisse, & diem festum Paschae celebrasse, cuius opinionis Alcuinum ueterem, bonumque Theologum D. Thom. auctorem facit, quem nostro tempore multi non haeretici modo, sed maxime etiam Catholici, doctique viri sequuti sunt: potest autem his potissimum argumentis confirmari. Primum, quod Matthaeus hoc c. v. 17. & Marcus c. 14. 12. & Lucas cap. 22. 7. scribant primam diem azymorum fuisse, cum discipuli Christum interrogarent, *ubi vis paremus tibi comedere Pascha?* primo autem azymorum die, & agnum occidi, atque edi, & festum Paschae celebrari lex praecipiebat, utrumque igitur Iudaei, sicut & Christus eo die fecerunt. Secundum, quod discipuli quasi omnium Iudaeorum consuetudinem sequuti eo die Pascha celebrantium Christum interrogauerunt, *ubi vis paremus tibi comedere Pascha.* Tertium, quod Marcus c. 14. 12. dicat fuisse primam diem azymorum, *quando Pascha immolabant*, & Lucas ca. 22. 7. *in qua necesse erat occidi Pascha.* eodem igitur die Iudaei omnes immolauerunt. Quartum, quod Christus iubeat infra versu 18. & apud Marcum c. 14. 14. discipulos certo cuidam homini dicere, *ubi est refectio mea, ubi Pascha cum discipulis meis manducem?* Vbi ita loquitur, quasi homo ille, & lege, & consuetudine certo sciat ea nocte omnes Iudaeos debere Paschalem esse agnum, ideoque

non recusaturum eum locum illi domi suae praeparare. Quintum, quod principes sacerdotum, & seniores populi dicant, *non in die festo, ne forte tumultus fieret in populo* versu 5. & Marci 14. 2. Itaque cum hoc dicebant, aut dies erat festus, aut adeo propinquus, ut ante illum Christum occidere non possent: inierunt autem hoc consilium, ut versu 3. dicemus, initio feriae quartae: ergo aut ipsa quarta, aut saltem quinta feria, qua Christus agnum comedit, dies festus Iudaeorum erat. Eodem ergo die, quo Christus, & agnum ederunt, & Pascha celebrant. Sextum quoque Ioannes c. 13. 1. aperte dicat Christum *ante festum diem Paschae*, id est, pridie Paschae agnum comedisse, sequens igitur dies Pascha Iudaeis erat: eodem ergo die, quo Christus, Paschalem agnum comederunt, & Pascha festum celebrant. Septimum, quod Ioannis c. 13. 29. scribat, *Quidam enim putabant, quia oculos habebat Iudas, quod dixisset ei Iesus, eme ea, quae opus sunt ad diem festum*; erat ergo aut idem, aut sequens dies Iudaeorum festus. Octauum, quod Matth. c. 27. 15. & Marc. c. 15. 6. & Luc. c. 23. 17. & Io. ca. 18. 39. dicant eo die, quo Christus crucifixus est, solum fuisse a Praefide Barabbam, quia die festo Paschae solebat Iudaeis unum aliquem unum, quem petiuisent, dimittere. Ille igitur ipse dies Pascha Iudaeorum erat. Nonum, quod non sit credibile Christum alio tempore, quam Iudaeos Pascha celebrasse, quod si fecisset eorum Praefide, quasi religionis reus accusatus esset: cum causas undique aduersus illum sacerdotes criminatio-num quaererent. Decimum, quod si praeter Iudaeorum morem ante solem nem, & usitatum diem Pascha celebrasset, & illum ipsum hospitem, apud quem cenauit, & omnes, qui factum nouissent, grauius offendisset, quemadmodum nunc si quis sine Episcopos, sine priuatus homo diem Paschae ante, aut post reliquum Christianum populum ageret, omnes offenderet. Undecimum, si non eodem die Iudaei, quo Christus egerunt Pascha, aut Christus diem praueinit, aut Iudaei



dei procrastinarunt; neutrum lex facere permittebat, quemadmodum D. Thomas in commentarijs in ca. 10 annis 19. confirmavit. Duodecimum, si Christus alio die, quam Iudæi Pascha celebrasset, mortuus esset, ueritas figuræ minime respondisset, non enim uerus agnus eodem die, quo typicus, occisus esset. Hactenus hæc sententia confirmari potest. Secunda aliorum est, qui non eodem die, sed uero Christum ante Iudæos Pascha egisse putant, in qua sententia Origenes tractatu in Matthæum 35. Chrysost. & Theophyl. in c. Ioann. 18. & Euth. hoc loco, & Nicephor. lib. 1. c. 28. sunt, præterquam quod existiment Christum legitimum diem præuenisse, qua de re quarta post questione differemus. Huic opinioni iamdiu Paulus Burgessius doctus, & diligens interpret magnam auctoritatis robur adhibuit. Potest autem & his argumentis comprobari. Primum, quod Ioannes c. 18. 28. dicat Iudæos, cum Christum coram Præsede accusarent, non ausos in prætorium introire, ne profanæ domus ingressu contaminati Pascha edere non possent, nondum igitur ederant: atqui ederat Christus nocte iam præcedente: non igitur eodem die Iudæi, quo Christus, sed postridie agnum ederunt, Paschaque celebrarunt. Hoc argumentum efficax, & apertum est, multosque in hanc sententiam auctores merito traxit. Respondent recentiores quidam, quod & Alcuinum iam olim respondisse apud D. Thomam lego, Pascha eo loco non agnū, sed azymos panes significare. Crederem, si ullo exemplo, aut auctoritate probaretur. Nunc autem nec illi probant, & alia ex parte ex lege colligitur necesse non fuisse, ut qui azymos panes ederent, mundi essent; nam nec lex de ea re quicquam statuit, nec id ulla Iudæorum traditione introductum credendum est omnibus Iudæis futurum intolerabile, cum tam multis, tam leuibus, tam passim occurrentibus rebus contaminarentur, ut uix se diem unum mundos seruare possent; dies autem azymorum se-

ptemessent, quo tempore quisquis fermentato ueretur pane, mortis reus erat: *septem, inquit, diebus azyma comedetis, in die primo non erit fermentum in domibus uestris, quicumque comederit fermentum, peribit anima illa de Israel à primo die usque ad septimum.* Exodi 12. 15. quod si contaminati azymo uesci non poterant, cum tam frequenter, tamque multis contaminarentur rebus, quot quotso homines quotidie etiam festis diebus damnandi fuissent? Alij respondent Pascha eo loco agnum significare, sed sentum esse, ut manducarent Pascha eadem nocte ante lucem, quia nondum nox illa, qua agnum occidi, edique oportebat præterierat; *Erat enim mane, inquit Euangelista, & non introierunt in prætorium, ut non contaminarentur, sed ut manducarent Pascha.* Hi auctores eodem uerbo, quo sententiam suam probare student, refutantur, uerbo inquam, illo *mane*, prohibebat enim lex non solum ne totus agnus, sed etiam ne quicquam ex illo usque ad mane remaneret Exodi 12. 10. quomodo ergo, si mane erat, totum illi agnum & occidere poterant, & comedere? Adde quod non tam mane esse poterat, ut clara iam dies non esset, nec enim simile uero est Iudæos, quantauis agitato rabie, ad Præsidem ante lucem & antequam de lecto surgeret reum adduxisse, ne cuius gratiam ad condemnandum Christum conciliare oportebat, eum importuno aduentu offenderent. Cur ergo Ioannes, diceret aliquis, quasi de industria uerbum illud, *mane*, posuit? ut significaret sequentem iam diem illucere cœpisse, itaque non restabat dies unus integer usque ad diem, quo Iudæi Pascha celebraturi erant, itaque si tunc contaminati fuissent, non satis habuissent temporis, ut sese mundarent. Oportebat enim uno saltem die immundum manere. Itaque stat firmum argumentum Iudæos postridie, quam Christum, Pascha celebrasse. Secundū est Io. 19. 4. *Erat autem parasceue Pasche hora quasi sexta;* Loquitur aut Ioā. de tē-

Kk 3 pore,



poie, quo Christus damnatus, & cruci affixus est, eumque ipsum diem Paschæ parascueum appellat id est pridie ante Pascha, nondum igitur Iudæi Pascha celebrant. Respondent nonnulli non esse sensum fuisse parascueum Paschæ, id est pridie Paschæ, sed fuisse parascueum sabbati, quæ inciderat, in diem Paschæ, quasi dicat, erat autem parascue diei Paschæ: id probant, primum, quod nusquam legamus Pascha parascueum ullam habuisse, neque opus fuerat, eum parascue nihil aliud esset, quam dies festum præcedens, quo festo non licebat, quæ ad uictum pertinebant, apparare, inde uocata a Græcis *παράσκειον* ab Hebræis *מִצְדֵּה* id est præparatio, quod in eo, quæ in diem sequentem necessaria essent, præpararentur: die autem Paschæ non prohibebat lex, sed potius concedebat, quæ ad uitam necessaria erant, præparare Exod. 12. 16. *Dies prima erit sancta, atque sollemnis, & dies septima eadē festiuitate uenerabilis. nihil operis facietis in eis, exceptis ijs, quæ ad uescendum pertinent.* Deinde, quod nusquam legamus parascueum, nisi sabbati, ut Matthæi 27. 62. & Lucæ 23. 54. *Et dies erat parascueus, & sabbatum illucescebat, & clarius Diuus Marcus c. 15. 41. & cum iam sero esset factum. quia erat parascue, quod est ante sabbatum* ὁ ἐστὶν παράσκειον, quasi explicans, quid significaret parascue, dixit esse παράσκειον id est, pridie sabbati. Hæc omnia uera ego esse concedo, sed illud non concedo idem esse apud Ioannem parascueum Paschæ, ac si dicat parascueum sabbati, quæ dies erat Paschæ, quæ locutio non minus dura, & absurda est, quam si, cum festum Diui Ioannis Baptistæ pridie festi corporis Christi celebratur, de eo die aliquis loquens uigiliam D. Ioannis appellaret, non quod festi D. Ioannis uigilia esset, sed quod uigilia corporis Christi, quæ in festum D. Ioannis incidisset, quis enim in loquentem non derideret? parascueum igitur Paschæ Ioannes appellauit, etiam si Pascha parascueum insti-

tuto suo non haberet, quia, ut quæstione quarta docebimus, eo anno Pascha Iudæorum in sabbatum incurrerat, & quia sabbatum habet parascueum, quod eo anno idem erat Pascha, optimo consilio Ioannes diem præcedentem, quo Christus mortuus est, parascueum Paschæ nominauit, ut uno uerbo lector intelligeret, diem sequentem, & sabbatum fuisse, quia parascueum habebat, & Pascha, quia eam ipsam parascueum Paschæ uocauit, quod nemo utriusque intelligere potuisset, si absolute dixisset fuisse parascueum. Peius etiam mihi uidentur respondere, qui nullius auctoritate codicis adducti locum emendant, & genitium *Paschæ* non legunt. Istud enim non est scripturam interpretari, sed delere. Tertium est, quod idem Ioannes eodem cap. 19. 31. dicat fuisse magnum diem illum sabbati, quasi non vulgare, sed sanctius, atque celebrius, quam cæteris annis, eo fuisset anno, sanctius autem esse non potuit, nisi si eodem die Paschæ festum celebratum est, hæc enim ratione uerè magnum fuit, quia & sabbatum, & Pascha. Respondent ij, quibus superior sententia magis placet, non uocasse D. Ioannem sabbatum illud magnum, quod eodem die Iudæi Pascha celebrarent, sed quod una ex diebus azymorum esset. Hi docti licet uiri non animaduertunt hoc nihil ad id, quod Ioannes probare uoluit, facere potuisse, reddebat enim rationem, cur Iudæi Pilatum rogauerint, ut Christus, & latronibus crura frangerentur, quo citius animam exhalarent, & ante diem sabbati de cruce tollerentur, quia nimirum die sabbati tolli non poterant, & manere suspensa minime decebat, multoque minus eod quod magnum erat, quæ ad rem dies azymorum nihil asseribat impedimenti, cum omnibus azymorum diebus, excepto primo, & ultimo, liceret laborare Exodi. 12. 16. Itaque nihil sanctitatis, nihil magnitudinis sabbato adhibebant. Sensus igitur est fuisse magnum diem illum sabbati, quia



& sabbatum, & Pascha erat, quorū neutro licebat aut corpora deponere, & sepelire, aut in cruce fixa relinquere, ne diei celeberrimi sanctitas mortuorum corporum presentia contaminaretur. Quartum est hoc capite apud Matth. versu 5. & Marci 14. 2. dicebant autem, non in die festo, ne forte tumultus fieret in populo, quibus uerbis ut in eius uerfus explanatione docebimus, noluerūt dicere, qui in eo concilio disceptabāt, Christi eodem usque in post Pascha esse differendam, quemadmodum ij auctores interpretantur, qui Iudaeos existimant eodem, quo Christū die egisse Pascha, sed potius uoluerūt, ut eius mores acceleraretur, antequam dies Paschae ueniret, qui ipsis post duos dies futurus erat: hoc enim eorum inuidie, & crudelitati magis consentaneū est. Sūt, qui dicant sensum esse, conadum, ut ea ipsa nocte ante lucem Christus occideretur, antequam dies Paschae illucesceret, qui & a Christo, & ab illis post die celebrandus erat. Sed hi nimis mihi uidentur properare, nondū enim Iudaei comprehendendi Christi rationem inuenerant. Alij putant diē differre uoluisse, sed inuenta proditoris Iudae opportunitate, qui Christum osculo & sine tumultu tradere posset, consilium mutauisse, & ipso die, quo Pascha celebrabant, & comprehendisse, & condemnasse. Neque hi uidentur considerare, quid Iudaei dicant, *ne forte tumultus fieret in populo*, qui quidem tumultus non tam ex Christi apprehensione, quam ex morte excitari poterat, itaque non poterat Iudae proditio eum impedire: non ergo propter inuentum, promptumque proditorem sententiam mutauerunt, nec tam illi Iudae, quam eorum Iudas opportunitate usus est, qui cum intellexisset eos de capiendo Christo consilia agitare, noluit homo auarus, & perfidus inuētis mercatoribus vendendi praepropris occasionem amittere. Quintum est Io. 13. 1. *Ante diē festum Paschae sciens Iesus, quia uenit hora eius, ut transeat ex hoc mundo ad patrem, cum dilexisset suos, qui erant in mundo in finem dilexit eos, & cena facta*, ubi dubium non

est Ioannem ante diem festum Paschae non quemlibet Pascha praecedentem diem, sed proximum, & pridianum appellare, illud autem dubium esse potest, utrum de Pascha, quod Christus, an de Pascha, quod Iudaei celebraturi erant, id sit intelligendum, sed multo est probabilius, ut supra indicauimus, Ioannem de Iudeorum Pascha loqui, cum agat de cena, quā Christus egit, & lotionem pedum, quae facta sunt initio eius diei, quo Christus Pascha celebravit, itaque non dixisset Ioannes ante diem festum Paschae, sed die festo Paschae, si de Christi Pascha loqueretur, sicut Matthaeus infra versu 17. & Marcus c. 14. 12. dixerunt, *prima autem die azymorum*, cum non de ipsa cena, id est Paschae celebratione, sed de eius preparatione loquerentur, quam pridie Paschae fieri oportebat. Deinde, quia uoluit Ioannes explicare, quibus rebus singularem illum amorem erga discipulos suos, de quo dicit, *in finem dilexit eos*, Christus ostenderit: ostendit autem nō esu agni Paschalis, quod singulis faciebat annis, sed lotionem pedum, & corporis, & sanguinis sui exhibitione, quod ante non fecerat. Hae autem duo, ut idem Ioannes exponit, peracta iam typica agni Paschalis cena facta sunt, itaque non nisi multa iam nocte, id est, die Paschae aliquantulum prouecto fieri potuerunt: quare non potuit uerē dicere ante diem festum Paschae facta fuisse. Nam quod quidā dicunt, diem festum accipi pro die, quē uocat artificiali ab ortu solis usque ad occasum, qui dies nōdum aduenerat, quia usitatum esse non uideo, non libenter admitto. Reliquum igitur est, ut Ioannes de Iudeorum Pascha loquatur, quod omnibus commune ac notum erat, & de quo solo poterat lector, quod dicebatur, intelligere. Sextum eodem cap. v. 29. discipuli putauerunt, cum Christus Iudae dixit *quod facis, fac citius*, significare uoluisse, *ut emeret ea, quae ad diem festum Paschae necessaria erant*, quod magis conuenit, si nondum Pascha illud, de quo Christus loquebatur, aduenerat, sed in proximo erat: illud autem, quod Christus



celebrauit, iam aduenerat: iam. n. cum hæc dixit, agnum ederat. Septimum, si eo die, quo Christus mortuus est, Paschaque celebrauerat, Iudæorum quoque Pascha fuisset, non licuisset Iosepho homini iusto, & ceteris, qui illi operam dederunt, Christum de cruce ponere, ac sepelire, cum sancte illi mulieres, ne ad monumentum quidē ire, & Christū vngere uoluerint propter diem sabbati, Lucæ 13. 56. Octauum, minus etiam credibile est principes sacerdotum, & seniores populi, qui se religionis conseruatores profitebantur, eaque potissimum de causa Christum accusabant, quod religionem uiolare videretur, in ipsa eius accusatione religionem uiolare uoluisset, quod profecto fecissent, si ipso die festo Paschæ omnium sanctissimo, & celeberrimo capitalem aduersus Christum causam egissent, cum nullo festo die causam ullam, uel leuissimam agere liceret. Fecerunt illi quidem nonnulla die sabbati, quæ parum licere uidebantur, sed multo minora, nempe Pilatum adierunt, rogantque ut sepulchrum custodiendum curaret, ne Christi discipuli furarentur, accesserunt etiam ipsi ad sepulchrum, & positis custodibus, adhibitoque sigillo munierunt, sed hæc omnia, ut dixi, leuiora erant, quam die festo Paschæ hominem, uel de media plebe, in iudicium rapere, accusare, cōdenare, cruci affigere. Denique si non Deum, tamen populum credibile est eos timuisse, ne facti indignitate concitatus, quod hominem die Paschæ ad mortem trahi videret, & cum hominem, quem maxima pars sanctissimū prophetam esse putabat, ipsos occideret: hoc enim timore dixerant, *non in die festo, ne forte tumultus fieret in populo*. Hanc igitur opinionem probabiliorem iudico, quia etsi fortasse pauciora, multo tamen certe fortiora habet argumenta, quæque multo difficilius, quam, quæ ad probandam alteram sententiam allata sunt, solui possunt. Nam quod primo loco obiectum est Matthæum uer. 17. Marcum c. 14. 12. Lucam c. 22. 7. eū diem, quo Christus agnum edit, primum diem azymorum

appellare, primum autem azymorum diem fuisse Pascha, non difficile soluitur: Euangelistas non ex Iudæorum traditione, de qua q. 4. dicimus, sed ex lege loquutos esse, secundum autem legem dies ille, quo Christus agnum comedit, uerum Pascha erat. Atque id fortasse tacite significare uoluerunt, cum tam diligenter tempus notauerunt, dixeruntque primum azymorum diem fuisse, non Iudæos, sed Christum legitimo tempore Pascha celebrasse. Quod si nobis contendere liberet, diceremus, cum discipuli Christū interrogarunt, ubi uellet Pascha præpararent, non fuisse primum azymorum diem etiam ex lege, quia nemo dubitare potest, quin id discipuli ante solis occasum die decimaquarta primi mensis interrogauerint, post solis enim occasum nimis sero interrogauissent, cum illo puncto temporis non parandum, sed edendum Pascha esset: dies autem decimaquarta non erat prima dies azymorum, sed quia prima azymorum dies aspectabat, dixerunt *prima autem die azymorum*, quasi dicant instante prima azymorum die, sicut ergo, cum nondum esset prima azymorum dies, id est Pascha Christi, dixerunt, *prima autem die azymorum*, ita cum nondum Iudæorum Pascha esset, id est prima ipsorum azymorum dies, quia tamen proxima erat, dicere potuerunt, primam azymorum diem fuisse, non. n. semper Euangeliste punctum tempus designant, sed aliquando more hominum uulgari, quod certum est, quemadmodum unus Euangelista hora sexta alius hora tertia Christū crucifixum fuisse dicit, quia inter tertiā & sextam crucifixus est. Quamquam non ideo hæc dicimus, quod uera esse existimemus, credimus. n. Euangelistas hoc loco de die azymorum, & Pascha Christi loquutos esse, sed ut doceamus, si alia ratione argumentum solui non posset, hæc posse. Secundum hoc modum solui potest, discipulos iam a Christo monitos fuisse, ipsam ante alios Iudæos eo die, quem lex prescriberet, Pascha celebrare decreuisse: iam. n. illis dixerat, *scitis, quia post biduum Pascha fiet*, quod ex Luca ca. 22. 7. 8. 9. clarius

appa-



apparet: venit autem dies azymorum. i. appropinquauit, in qua necesse erat occidi Pascha, & misit Petrum, & Ioannem dicentes: cuntes parate nobis Pascha, ut manducemus. At illi dixerunt, ubi vis paremus? Vnde perspicuum est, prius Christum discipulis iudicasse velle se die sequenti Pascha celebrare, quam eum discipuli rogarent, ubi preparari vellent: sed id alij Euangelistae pratermisserunt, Lucas exposuit. Ad tertium respondeo Euangelistas non de Iudæorum, sed de Christi, id est legitimo Pascha loqui, & illo ipso verbo, in qua necesse erat occidi Pascha. Lucam fortasse indicare voluisse Christum, etsi ante alios Iudæos, legitimo tamen tempore Pascha celebrasse, quo ex lege necesse erat occidi. Quod autem ait Marcus, primo die azymorum in quo Pascha immolabant, non de Iudæis, qui tunc erant, sed aut de antiquis, qui legem, non traditiones sequebantur, aut de Christo, & eius discipulis intelligendum est, quasi dicat primam azymorum diem fuisse, qua ueteres Iudæi Pascha celebrabant, aut qua Christus, & eius discipuli celebraturi erant. Ad quartum respondeo, quamuis Iudæi eo anno, ut postea dicemus, festum Paschæ vno die postposuerint: neminem tamen ignorare potuisse ex legis præcepto eo die, quo Christus egit, fuisse celebrandum: propterea hospitem illum mirari non potuisse, si Christus eo die celebraret: cum omnes scirent eum, non Phariseorum traditiones: sed legem Dei solitum sequi. Facilius etiam soluitur quintum; quod enim Iudæi dicunt, non in die festo, ne forte tumultus fieret in populo non est argumentum, diem iam fuisse festum, cum ista dicebant; nam ut uersu 73. docebimus, hæc ab illis duodecima, aut triadecima die mensis dicta sunt: & uerò sunt, qui putent sex ante Pascha diebus dicta fuisse: quare colligi inde non potest Iudæos eodem die, quo Christum, egisse Pascha: nam utrumque & Christi, & Iudæorum Pascha appropinquabat, neutrum adueniat. Sicut ergo si Iudæi eodem die, quo Christus

Pascha celebrassent, hoc dicere poterunt; ita si uno post die celebrarunt; tantum enim dicere uolebant expediendam diligenter, & cito rem esse, antequam dies festus adueniret: qui siue duobus, siue tribus, siue, ut alij uolunt, sex diebus abesset, propinquus tamen erat. Ad sextum respondendum est, cum Ioannes dicit *Ante diem festum Paschæ*, de Iudæorum Pascha loqui, pridie cuius Christus, cum agnum comedit, Paschaque suam celebrasset, illa singularis amoris argumenta, de quo loquitur, discipulis exhibuisse, ut paullo supra diximus. Septimum leue est, & a uobis paullo ante ad probandam contrariam sententiam ex eodem testimonio maius argumentum desumptum fuit. Octauum sic solui potest, Præsidem autem nunc ipso die Paschæ: sed pridie solitum fuisse uinctum unum absolueri, quem à se Iudæi postulassent, quod & nunc alicubi fit, & tunc factum fuisse uero simile est: aut non eo die, quo Christus crucifixus est, Barabbam dimisisse, sed sequenti, qui Pascha Iudæis erat: dictum autem ab Euangelistis esse tunc eum Iudæis dimisisse, quod tunc potestatem fecerit crastino eum die dimittendi. Ad nouum respondeo aut sacerdotes, qui Christum accusarant, ignorasse illum ea nocte agnum comedit, aut non ausos esse id crimine obicere, cum scirent Christum ex lege Pascha suam celebrasse. Ad decimum iam responsum est, propterea neminem offendi potuisse, quod omnes scirent secundum legem eo die, quo a Christo celebratum est, Pascha celebrandum fuisse. Ad undecimum questione quarta respondebimus, nec Christum tempus anticipasse, neque Iudæos distulisse: sed Christum secundum legem: Iudæos secundum traditiones suas egisse Pascha. Atque hac ratione postremum argumentum dissoluitur; cum enim secundum legem Christus Pascha celebraverit: & eadem die mortuus fuerit, recte ueritas figure respondit. Diximus tres in hac questione esse sententias. Itaque reliqua una est, de qua nullum inter-



interpretem mentionem fecisse uideo. Rupertus in commentariis in hunc locum existimat Iudæos partim eodem die, quo Christum, partim postridie egisse Pascha: eodem quidem die, quia eadem nocte, quam ille, agnum immolarunt, & comederunt: postridie, quia non illum, sed sequentem diem otio, ut festum, celebrarunt, ne duos continenter dies quiescere, ac cessare cogerentur: cum dies insequens sabbatum esset. Hoc credibile quidem uidetur esse, præsertim cum constet ex Ioanne eo die, quo Christus mortuus est, nondum Iudæos edisse agnum: itaque probabilius dicere potuisset diem quidem festum eundem, atque Christum Iudæos celebrasse: agnum uero Paschalem postridie comedisse, ut nonnulli etiam auctores uidentur existimare. Quarta nunc superest questio, quæ et si omnium difficillima erat, explicata tamen copiosè tertia facilis est. Quærebatur utrinam Christus, an Iudæi legitimo tempore Pascha celebrauerint, si non eodem die celebrarunt. Origenes tractatu 35. in Matth. Chrysost. & Theophylact. in ca. 18. Ioann. Euthym. in comment. in hunc locum putant Christum uno die tempus celebrandi Paschæ à lege præscriptum præuenisse, cuius rei Chrysostomus, & Theophylactus rationem reddunt, ut mortem suam in diem sequentem, qui Pascha erat, reseruaret. Fallor, nisi ista eadem ratione, quam adferunt, refellantur. Nam si Christus die Paschæ mori uoluit, ut typici agni figuram uerus agnus impleat, cum constet ex Euangelistis nocte præcedente, id est eodem die naturali secundum Iudæos illum egisse Pascha, sequitur eum non præuenisse tempus: sed die à lege constituto Pascha celebrasse. Nec, ut supra diximus, credibile ullo modo est Christum ante legitimum diem Paschæ peregrisse: cum omnibus in rebus usque ad finem uitæ, ut idem Chrysostomus docet, ad perfectum legem seruauerit, & nunquam licuerit tempus lege constitutum præuenire.

Christus &  
Iudæi an le-  
gitimo die  
Pascha cele-  
brarint,

Hanc denique opinionem cum suis argumentis satis quæstione prima refutauimus. Alij existimant Christum quidem, & legitimo tempore Pascha egisse: Iudæos uero in sequentem diem non alia de causa transtulisse, quam ne festi celebratione impediti, eo die Christum occidere non possent, quæ opinio August. & Hieronymi præclaris nominibus, uulgo commendatur: haud scio, quàm uerè, nec enim de ea re quicquam legere apud eos auctores memini. Id etiam D. Thom. in commentariis in capitu. 18. Ioannis doctè refellit, quod & lex, & consuetudo præciperet, ut si quis uno anno, quod aut immundus, aut impeditus esset, legitimo die non posset Pascha celebrare, mense sequenti die decimaquarta die mensis celebraret Num. 9. 10. 11. eam ergo probò sententiam, quam multi non probant, neque Christum tempus Paschæ anticipasse: neque Iudæos distulisse, & non eodem tamen die celebrasse, sed Christum legis præscriptum: Iudæos maiorum suorum traditiones sequutos esse. Probat Rupertus in commentariis huius loci, & post eum Paulus Burgensis copiosissime, diligentissimeque confirmat post exilium Babylonicum constitutum inter Iudæos fuisse, ut quotiescumque Pascha in feriam sextam incideret in sequentem diem sabbati transferetur, ne duo continenter dies festi consequerentur, quod populo graue erat, cum nec sepelire mortuos, nec alia eiusmodi etiam pia opera, & non magno opere laboriosa facere possent diebus festis. Eam traditionem multi iam productis Rabbiorum testimoniis probauerunt. Paulus uero Burgensis homo diligens, & fide dignus affirmat se cum Hebræo quodam eiusmodi rerum peritissimo ex Hebræorum Calendario ducto calculo comperrisse eo anno, quo Christus mortuus est, Pascha in feriam sextam incidisse; itaque Christus ipsa feria, sexta ut lege præceptum erat, & Pascha celebravit, & mortuus est. Iudæi uero, ut a maioribus constitutum



tum fuerat, die sequenti celebrant. Scio Rabbi Abraham in commentariis in capitul. Leuitici 23. scribere in Misne, & in Thalmud reperiri aliquando Pascha in feriam secundam, quartam, & sextam incurrere, sed nescio an propterea neger, cum in sextam feriam incurreret, solitum in sabbatum transferri, aut an tantum auctoritatis mereatur: ut eius gratia ab aliorum sententia discedere debeamus.

*Pascha fiet.*) Dies festus Paschæ celebrabitur, aut agnus immolabitur, utrumque enim Pascha significat. Quod autem Origenes adnotat propterea dixisse Christum, *Pascha fiet*, & non *Pascha erit*, quod illud Pascha, de quo loquebatur; usitatum non esset, sed singulare, & ante tempus anticipatum, quasi diceret, etiam si solenne tempus Paschæ non erit, tamen à me Pascha fiet, subtilis argutia est, & à nobis supra refutata, neque Græcè est, fiet, sed *γινεται* est, aut sit præfenti posito pro futuro, sicut statim dicit *παράδοτος* traditur pro tradetur, aut tradi oportet cuiusmodi exempla adnotauimus capitul. 17. 11. 24.

*Et filius hominis.*) Loquitur de se, ut solet, per tertiam personam. Cur autem filius hominis appelletur ca. 8. 20. exposuimus.

*Tradetur, ut crucifigatur.*) *παράδοτος* traditur pro tradetur, aut tradi oportet, ut paullo ante docuimus, à quo tradendus sit, non dicit. Origenes autem, & Diuus Thomas in commentariis monuerunt, & à Patre traditum esse Rom. 8. 32. *Qui proprio filio suo non pepercit, sed pro nobis omnibus tradidit illum*, & à seipso ad Galat. 2. 20. *Qui dilexit me, & tradidit semetipsum pro me*, & ad Ephes. 5. 2. *Christus dilexit nos, & tradidit semetipsum pro nobis*, & 25. *Vi ui diligite uxores uestras, sicut Christus dilexit Ecclesiam. & tradidit semetipsum pro ea* & à diabolo Ioan. 13. 2. & à Iuda Matth. 10. 4. & 16. 15. 16. & à Iudeis Matth. 27. 2. *Adduxerunt eum, & tradiderunt Pontio Pilato præfidi*, & Marci 15. 1. *Incipientes Iesum duxerunt*,

*& tradiderunt Pilato, & Ioan. 18. 35. Gens tua, & Pontifices tradiderunt te mihi*, & à Pilato militibus, ut crucifigeretur. Matth. 27. 26. *Tunc dimisit illis Barabam, Iesum autem flagellatum tradidit eis, ut crucifigeretur*. Diuerso tamen animo à diuersis traditum: à se, & à Patre, ut homines redimeret, à diabolo, ut redemptionem impediret, & traditores ad peccatum incitaret: à Iuda avaritia, à Iudeis inuidia, à Pilato timore, ne non satis amicus Cæsaris videretur. Hec placent, illud non placet, quod iidem auctores docent, propterea Christum infinite loquutum esse, nec expressisse, à quo tradendus esset, ut omnes qui tradituri erant comprehenderet, non enim de omnibus, sed aut de solis sacerdotibus, Scribis, & senioribus, aut de illis simul, & Iuda loqui arbitror, sic enim solet ut supra capitulo 16. 21. & capitul. 20. 19. Et uerbo illo *tradetur*, uidetur culpam, & reprehensionem indicare, quæ in Iuda, & sacerdotibus maxima fuit. Poterit aliquis dubitare, quorsum hoc Christus discipulis dixerit. Videtur suam diuinitatem probare uoluisset; indicat enim se futura scire, cum illi ipsi, qui tradituri erant, necdum scirent, quo tempore occisuri eum essent, & adhuc inter se altercarentur, non in die festo, ne forte tumultus fieret in populo.

*Ut crucifigatur.*) Poena tunc usitata, & à Romanis introducta, ut ca. 27. 35. explicabimus. Dicit tradendum esse, ut crucifigatur, quia in eum finem à Iudeis Pilato traditus est, clamantibus, *Crucifige, crucifige eum*; de illis enim præcipue, ut paullo ante diximus, loquitur Christus.

3. *Tunc.*) Quid hec aduerbio significetur, non omnibus conuenit. Sunt qui putent sex dies ante Pascha significari, quod eo tempore scribar Ioannes cap. 12. 10. 19. principes sacerdotum conuenisse, ut de occidendo Christo deliberarent, quod si ita est, aduerbium illud *tōte tunc* non præci se tempus illud, de quo Euangelista loquebatur, sed quod non longè ab-



erat, significabit, quasi dicerent, sub idem tempus probabilius est, quod vulgò credit Ecclesia, hoc Concilium biduo ante Pascha, id est, eodem tempore, qua Christus discipulis dicebat, *scitis, quia post biduum Pascha fiet* coactum fuisse: viderut enim Euangelista cum dixit *τότε tunc*, punctum temporis indicare voluisse; ut significaret eodem tempore, quo sacerdotes dicebant, non oporteret Christum in die festo occidere, Christum dixisse oportere, ut in die festo occideretur, ut appareret plus diuinum decretum, & Christi prædictionem, quam Iudæorum consilia ualuisse.

*Congregati sunt principes sacerdotum.* Eodem loco Matthæus indicat, & vnum sacerdotem principem fuisse, & multos, quod cap. 2. 4. explicabimus. Græcè additur, quod Latine non legitur *καὶ ὁ γραμματεὺς*, & Scribæ, quos uerisimile est Christum cum principibus sacerdotum, & senioribus populi coniunxisse: quemadmodum de eadem re loquens Marci 14. 1. & Luca 22. 2. coniunxit, & supra capit. 2. 4. Hi enim Iudæorum concilium conficiebant, principes sacerdotum, id est capita familiarum sacerdotalium cum summo sacerdote, qui simpliciter Princeps sacerdotum uocabatur; Scribæ, qui legisperiti erant: seniores populi, quasi tres Reipublicæ status, ut cap. 2. 4. probauimus.

Quid atrium.

*In atrium.* *εἰς τὸ αὐλὴν* in aulam, ad uerbum. Itaque sunt, qui interpretentur in palatium Principis sacerdotum, quod probabile esse non videatur clandestina consilia de homine sanctissimo occidendo in atrio, id est in ipso domus ingressu, & in loco aperto, ac iudiciali habita fuisse, & scribit Athenæus libro quinto, *τὴν αὐλὴν* Græcis regum palatii significare, sicut aula Latinis idem est, quod regia, & aulici, qui regiam frequentant. Noster interpretes fere semper atrium conuertit, ut hoc loco, & infra uersiculo 58. & 69. & Marci 14. 54. 56. & Luca 11. 21. & 22. 55. & 10.

18. 15. & Apocalyp. 11. 2. Multo melius, meo quidem iudicio, quam si palatium conuertisset; nam ex uersu 58. manifestum est locum illum, de quo Euangelista loquitur, quemque uocat *αὐλὴν* non totam fuisse domum, aut magnam aliquam domum aulam, sed locum apertum in ipso aditu domus, quem Latini cortem appellant, indeque Galli *Courr.*; Itali, & Hispani *Corte*. Atque enim eo loco Matthæus, *Petrus autem sequebatur eum à longè usque in atrium principis sacerdotum, & ingressus intro sedebat cum ministris, ut uideret finem*: clarius etiam uers 69. *Petrus uero sedebat foris in atrio*: atrium igitur erat foris, & Marci 14. 68. *& exiit foras ante atrium, & gallus cantauit*, & capitul. 15. 16. *Milites autem duxerunt eum in atrium prætorij*, id est, eduxerunt ab interiori domo, ubi Præses erat, in exteriorem cortem, ubi milites, & omnis populus promiscue solebat esse, ut purpura induto illuderent. Ex loco etiam Apocalypsi 11. 2. apparet *αὐλὴν* cortem domus fuisse.

*Qui dicebatur Caiphas.* Homo erat avarissimus, & perditus, qui qua ratione ad summum perueniret sacerdotum libro 18. Antiquitatum c. 3. & 6. Iosephus tradit.

*4. Et concilium fecerunt.* *καὶ ὁμοθυμαδὸν πάντες* unanimi consensu conciliū ceperunt.

*Ut Iesum dolo tenerent.* Clam & fraudulentè non aperta uia, quia timebant populum, ut Lucas cap. 2. 2. expressit.

*Et occiderent.* Huc omnia eorum consilia tendebant: sæpe enim ante occidere tentauerant, quo autem modo id deliberauerint, Ioannes capitulo 11. 47. 8. 9. 50. copiosius narrauit, *collegerunt ergo Pontifices, & Pharisei concilium, & dicebant, quid facimus?* quia hic homo multa signa facit, si dimittimus eum sic, omnes credent in eum, & uenient Romani, & tollent locum nostrum, & gentem: unus autem ex ipsis Caiphas nomine, cum esset Pontifex anni illius, dixit eis, uos nescitis quicquam, neque cogitatis, quia expedit, ut

unus



non moriatur homo pro populo, & non tota gens pereat. Quamquam hoc consilium diuersum ab hoc, quod Matth. narrat, fuisse arbitror: nam illud sex diebus ante Pascha habitum est, ut ex initio 12. cap. intelligitur, hoc autem duobus tantum, ut diximus, ante Pascha diebus. Descripserat iam olim sapiens hoc impiorum consilium Sap. 2. 12, 13, 14. *Circumueniamus ergo iustum, quoniam inutilis est nobis, & contrarius est operibus nostris, & improprie nobis peccata legis, & diffamat in nos peccata discipline nostrae. Pro mittit se scientiam Dei habere, & filium Dei se nominat, factus est nobis in iraductionem cogitationum nostrarum.*

5. Dicebant autem non in die festo.) Dubium utrum significare voluit ante, an post diem festum occidendum esse. Qui putant eodem die, quo Christum, Iudaeos Pascha celebrasse, sensum esse existimant non in die festo, id est, differatur usque in post diem festum: sed postea nactus Iudaeos Iudae ad perditionem parati occasionem consilium mutauisse, quod versu 2. refutauimus. Qui post die quam Christum Iudaeos Pascha celebrasse dicunt, melius explicare possunt non in die festo, id est ante diem festum occidatur, ut supra probauimus. Diem autem festum quidam omnes septem azymorum dies intelligunt, quia omnes festi duo quidem modo dicebantur. Alij, ut mihi uidetur, probabilius solum diem Paschae simul, & sabbathi, quibus diebus neminem accusare, condemnare, crucifigere licebat, ideoque merito timeri poterat, ne populus audaci, & nefario scelere incitatus tumultum moueret, quae ratio alijs azymorum diebus locum non habebat.

Ne forte tumultus fieret.) γέννηται: verba enim sunt Iudaeorum, non Euangelistae. Queri autem potest, cur timuerint, ne tumultus in populo excitaretur. illud salua pietate credi potest nullo eos bono animo idtinuisse, ne quis fortasse de populo in seditione periret, ne religio impediretur, sed ne sibi eriperetur

concurrente ad diem festum infinita undique hominum multitudine, ut Hieronymus, Beda, & Euthymius existimant. Vero simile enim erat in tanta multitudine futuros plures, qui in Christum credidissent, eumque ex sacerdotum manibus eripere conarentur. Credo ego ipsos sibi met timuisse, ne concitatus populus in se irrueret, atque interimeret, quod, quemadmodum ait Chrysostomus, & Theophylactus, laurus esse non uideretur, ut die Paschae, quo qui digni morte erant, absoluebantur, Christus innocentissimus ad mortem traheretur. Hoc enim metu saepe iam alias manus ab eo abstinebant Marci 11. 18. & c. 12. 12. & Lucae 20. 19. & 22. 1.

6. Cum autem Iesus esset in Bethania.) Vb. Bethania sua esset, & quantum à Hierosolyma distaret, supra docuimus. Incurrit autem in hunc locum vulgaris quaestio, & nostro praesertim tempore magnis scriptis voluminibus agitata, vane, an plures mulieres fuerint, quae viucentem adhuc Christum unxisse reperiuntur, ut hoc loco, & apud Marcum cap. 14. 3. & apud Lucam c. 7. 38. & apud Ioannem c. 12. 3. Melius in partes distributa quaestio explicabitur. Tres igitur in una quaest. sunt. Prima, an Simon ille, apud quem Christus apud Lucam praedixit, aut cenasse dicitur, idem fuerit, atque hic, quem Matth. & Marc. Simonem Leprosum uocant. Ioann. non nominat. Secunda, an eadem apud 4. Euang. fuerit mulier, quae unxit Christum. Tertia, si eadem fuit, an idem fuerit factum, id est, semelne, an saepius Christum unxit. Quod ad Simonem attinet, apud quem Christus canabatur, D. Augustinus libro 2. de consensu Euang. cap. 69. & Beda in commentarijs in cap. 7. Lucae, & Euthymius hoc loco putant duos fuisse Simones, alterum Phariseum apud Lucam, alterum Leprosum apud Mattheum, quem Marcus, & Ioannes non nominauerint. Eorum rationes sunt, quod factum illud, quod Lucas narrat, in Galilea accidisse

Simones an  
duo fuerint  
Christi ho-  
spites,

videa-



uideatur: hoc autem, quod narrat Matthæus, Bethania, id est prope Hierosolymam: deinde quod ille Phariseus, hic leprosus cognominetur. Possumus hic aliam adijcere rationem, credibile non esse Simonem hunc de quo Matthæus loquitur, fuisse Phariseum, cum hoc instante Christi passione acciderit, quo tempore omnis Phariseorum secta infensissima Christo erat: tantum abest, ut Phariseus conuiuium excepit. Chrysostomus uero homilia in Matthæum 81. & Ambrosius libro 6. in capit. 7. Lucæ eundem Simonem fuisse credunt, quod ego paullo probabilius esse arbitror. Primum, quod uterque eodem nomine Simon appellatur, quod etsi pluribus commune esse poterat, tamen aliquid est argumenti nomen idem. Deinde, quod, ut postea probabimus, eadem fuerit mulier, quæ & apud Lucam, & apud Matthæum Christum unxisse dicitur, quæ cum tam liberè, tam sæpe in domum Simonis ad unguendum Christum ingressa sit, est uero simile fuisse Simoni, eiusque domui familiarum, cumque Bethania habitaret, sequitur eundem fuisse Simonem; nam quod scribit Lucas: cum, quo loco acciderit, non exponat, & hospitem Christi Simonem uocet, quemadmodum & Matthæus, qui id in Bethania factum dicit, ibidem etiam accidisse credendum est. Præterea probabile est Simonem illum, de quo scribit Lucas, cum primum domo, & conuiuium Christum excepit, ita ab eo edoctum fuisse, ut illi postea familiaris fuerit, sæpeque postea Bethania iter habentem, aut hospitio, aut conuiuium honorauerit. De secunda quæstione contentiosius a multis discutitur. Origenes tractato in Matth. 36. probabile esse arbitratur quatuor diuersas apud quatuor Euangelistas fuisse mulieres, quæ unxerunt Christum, quod mihi ne disputabile quidem uideretur esse, cum manifestissimum sit Matthæum saltem, & Marcum, quasi eius abbreviatorem, idem eodem loco, eodem tempore factum

narrare: itaque de eadem loqui muliere: quare ut plures fuerint, non nisi tres esse potuerunt, una, de qua Lucas: altera, de qua Matthæus simul, & Marcus; tertia, de qua Ioannes scribit: atque hanc ipsam opinionem Origenes amplectitur, itemque Theophylactus in commentariis in cap. 7. Lucæ, & Euthymius hoc loco. Quorum nonnullæ etiam non omnino improbables coniecturæ sunt, quod illa de qua Lucas, peccatrix appellatur: hæc, de qua Matth. & Marcus, non peccatrix, sed prophetica potius fuisse significetur. *Quid, inquit, molesti estis huic mulieri? mittens enim hæc unguentum hoc in corpus meum ad sepeliendum me fecit.* uer. 10. 12. Præterea illa apud Lucam longo ante passionem tempore Christum unxit, ut ex his, quæ eo loco a Luca narratur, intelligitur: hæc, de qua Matth. & Marcus, duobus tantum ante mortem Christi diebus. *Scribit, quia post biduum Pascha fiet* uer. 2. Illa altera, de qua Ioannes, sex diebus ante Ioan. 12. 1. Alii duas fuisse putant, sed quæ fuerint, inter se dissentiunt. Hieronym. hoc loco, & Bernardus in sermone de Maria Magdalena unam illam fuisse putant, de qua scribit Lucas: alteram eandem de qua Matth. Marcus, & Ioannes: illam Lucæ ab hac fuisse diuersam. Ita probant, quod illa longè ante Pascha, & mortem Christi: hæc imminente morte unxit Christum: dein quod illa pedes tantum: hæc pedes, & caput unxit, ut postea explicabimus. Hanc uero, de qua Matthæus, Marcus, & Ioannes scribunt eandem, & unam esse ita docent, quod eodem tempore, eodem loco unxit Christum, Chrysostom. uero homilia 81. in Matthæum & 61. in Ioann. Leontius, & Theophylactus, in cap. Ioan. 11. 1. mulierem, de qua Lucas, Matthæus, & Marcus scribunt, eandem: Eam uero, de qua Ioannes, diuersam fuisse putant hoc, opinor, argumento, quod & Lucas, & Matthæus, & Marcus apud Simonem unxisse dicant, quem, ut diximus, eundem fuisse putat Chrysost.

De una,  
uel triplici  
Magdalena  
questio cele  
berrima.



sof. Ioannes uerò non apud Simonem, sed potius in domo Lazari, aut fororum eius unxisse indicet, cum dicat Martham ad mensam ministrasse capitul. 12. 2. Alij unam tantum, de qua quattuor Euangelistæ meminerunt, fuisse dicunt, ut August. lib. 2. de consensu Euangelistarum cap. 69. Gregorius homilia 35. in Euangelia, ut quidem uidetur, Beda hoc loco, & in cap. 7. Lucæ quod ego multo arbitrari esse probabilius. Primum, quod tacitus Ecclesiæ sensus in hanc partem inclinet. Deinde, quod Ioannes ca. 11. 2. uolens describere Mariam sororem Lazari, & Marthæ, *Maria autem*, inquit, *erat quæ unxit Dominum unguento, & extersit capillis suis pedes eius*: quæ descriptione minimè usus fuisset, si plures fuissent mulieres, quæ pedes Domini unxissent, nec enim lector, de qua ex multis loqueretur, intelligere potuisset. Omnia autem argumenta, etsi multa sunt, quibus plures fuisse probatur, minùs, quàm hoc unum, habent ponderis, nam quod illa de qua Lucas, loquitur, longo ante tempore Christi pedes unxerit, nõ eò ualet, ut probetur diuersam fuisse mulierem, sed factum diuersum: quod non solum concedimus, sed paullo etiam post probaturi sumus; quod autem illa pedes, hæc caput unxerit, aut nihil, aut idem probat, non semel eandem mulierem, sed bis unxisse. Adde, quod etsi Lucas non expressit, credibile est illam etiam Lucæ mulierem Christi caput unxisse, cum enim, ut postea docebimus, consuetudo regionis fuerit in conuiujs non pedes, sed caput ungere, credendum non est ipsam mulierem prætermisso capite, unde incipiendum erat, solos unxisse pedes. Et quidem apud Ioannem simile legimus exemplum. Nam cum ex Matthæo, & Marco constet eandem mulierem secundo instante Christi passionem eius caput unxisse, Ioannes non nisi pedes unxisse dicit; mirum, quia neminem putabat tam exigui fore iudicij, ut intelligeret pedes unxisse, non caput, nominarunt ergo Lucas, & Ioannes eam partem

corporis, quæ ungi non solebat, ut ex ea cætera, quæ ungi solebant, uncta etiam fuisse intelligerentur, & ut singularis charitatis, & studij erga Christum factum declararent, ideo eodem pertinet, quod dicunt capillis suis Christi pedes tersisse, id enim singulare erat, & insolitum fieri, hoc est, quod apud Lucam Christus Simoni obijcit capit. 7. 44. 46. *Intraui in domum tuam, oleo caput meum non unxisti; hæc autem unguento unxit pedes meos*, quasi dicat tu mihi caput non unxisti, quod ungi solet, hæc non solum caput, sed etiam pedes unxit, qui ungi non solent. Quod autem illa apud Lucam peccatrix appelletur, hæc uerò, de qua alij loquuntur Euangelistæ, non peccatrix, sed sancta fuisse videatur, non est argumentum fuisse diuersam, sed diuerso tempore diuersis fuisse moribus, ut recte D. Augustin. & Beda respondent. Cætera, si quæ sunt argumenta, in tertia quæstionis explicatione dissoluentur. Quærebatur ante, an idem fuerit factum. Qui plures dicunt fuisse mulieres, plura quoque facta fuisse dicant, necesse est: qui unam, unum fuisse dicant, necesse non est; sed plerique tamen dicunt. Alij unam fuisse, quæ ter unxerit, primum apud Lucam longè ante passionem: secundo apud Ioann. sex diebus ante Pascha: tertio apud Matthæum, & Marcum duobus tantum ante passionem diebus. Alij unam fuisse, quæ bis unxerit, primum apud Lucam longè ante, secundo apud Matthæum, Marcum, & Ioannem imminente Christi passione, ita sentit Ambrosius in c. 7. Lucæ, & August. lib. 2. de consensu Euangelistar. capit. 69. & Beda hoc loco, quam ego sententiam omnium probabilissimam esse arbitror. Vnam fuisse mulierem superiore quæstione probatum est, bis unxisse probandum nunc est, quod ipsæ ferre rationibus probari potest, quibus alij diuersas fuisse mulieres probare solent, quod tunc peccatrix fuerit, nunc sancta, tunc longè ante passionem, nunc instante passione. Adducit Alij, quod

Magdalena  
biline an se-  
pius Chri-  
stum unxe-  
rit.

tunc



tunc pedes tantum, nunc caput, quæ tunc peccatrix indigna esset, quæ Christi caput attingeret, quod Augustin. & Beda solent dicere, sed hoc paullo ante refutauimus: probandum etiam est non sepius, quam bis Christum unxisse, ut existimare diximus quosdam. Id autem sic ostenditur: si ter unxisset, aliud esset factum, quod Matthæus, & Marcus, aliud, quod Ioannes narrat: nam Matthæum, & Marcum idem narrare factum perspicuum est. At Ioannes non diuersum, sed idem factum narrat, quod ex multis circumstantiis apparet ex eodem loco Bethania, ex eodem unguenti genere nardo pistica preciosa, ex eadem Iudæ murmuracione, ex eadem defensione Christi, quis enim credat, si quattuor tantum diebus ante eundem murmuratorem Christus reprehendisset, tam citò in facto omnino simili, si tamen non eodem, iterum fuisse murmuraturum? Duo tantum sunt, quæ huic sententiæ non bene uidentur conuenire, alterum, quod Ioannes scribat id ante sex dies Paschæ accidisse, Matthæus, & Marcus biduo ante Pascha, sed Augustinus, & Beda rectè respondent Matthæum & Marcum per ἀνεκστασία, loquutos esse, quia non seruato ordine temporum; cum iam dixissent post biduum Pascha fieri resumpserunt, quæ sex diebus ante Pascha facta fuerant, quæque ipsi ante, quia necesse non erat, non narrauerant: nunc, quia necesse est, narrant, ut occasionem declarent, quam Iudas aucupatus est Christi uendendi, quod auarissimus esset homo, agreque ferret non quidem unguentum ex uase, sed unguenti precium ex manibus suis effluxisse, quod Ioannes magis exposuit ca. 12. uers. 6. *Dixit autem hoc, non quia de egenis pertinebat ad eum, sed quia fur erat, & oculos habens, ea, quæ mittebantur, portabat.* Alium iam a nobis explicatum est, quod apud Matthæum, & Marcum solum caput, apud Ioannem solos pedes ea mulier unxisse videatur; utrumque enim & caput, & pedes unxisse diximus, sed ut Au-

gustinus, ait sepeque apud Euangelistas usu uenit, Matthæus unam partem, Ioannes alteram exponit. Cuius rei ratio etiam aliqua, non improbabilis reddi potest; Ioannes non Christi passionem, sed totam historiam seruato ordine temporis exposcebat, uolebatque eius mulieris in Christum singularem charitatem explicare, propterea omissa capitis unctione, quæ vulgaris erat, pedes, quod erat rarum, unxisse dixit. Matthæus uerò, & Marcus non id agebant, ut mulieris singularem affectum commendarent, sed ut Iudæ declararent auaritiam, quæ eum ad uendendum Christum impulsisset, de qua uenditione, totoque passionis ordine dicere aggrediebantur, quam ad rem nihil attinebat dicere, utrum mulier caput, an pedes unxisset, ideo, quod fieri solebat, id tantum dixerunt, unxisse caput. Illud uerò, quod ad rem maxime pertinebat, diligentissime exposuerunt, unguentum magni fuisse precij, hoc enim Iudæ auaritiam, & cupiditatem accendit, quam illi uolebant explicare. Summa igitur est, eundem fuisse Simonem, apud quem Christus bis conuiuio exceptus est, quem multi credunt à Christo inter alios leprosos a lepra fuisse purgatum. Theophylactus uerò scribit non nullos existimare illum fuisse eundem, apud quem Christus ultimam cum discipulis cenam egit, sed hoc secundum uer. 18. refutabimus; unam item fuisse mulierem, eamque Iazari, & Marthæ sororem, quæ Maria Magdalena dicebatur, ut ex Ioanne cap. 11. 2. colligitur, & de qua Christus septem eiecerat daemonia Marci 16. 9.

*In domo Simonis Leprosi.* Rectè Hieronym. & Beda monuerunt credendum non esse tunc Simonem fuisse leprosum; nec enim Christus ad eum diuertisset, certe in ciuitate ille non habitasset, cum leprosi à ceterorum hominum consortio remouerentur: sed aliquando lepram habuisse, ex qua etiam iam curata leprosi nomen retinuisse. Diximus modo quorundam esse sententiam illum prius



prius à Christo curatum fuisse, quod eo est probabilius, quo plus ille caritatis erga Christum ostendit, quasi accepti beneficii memor. Illud autem mihi non uidetur esse necessarium cum aliquando fuisse leprosum poterat enim etiam si leprosus non esset, aut propter leprae similitudinem, aut propter aliquem ex maioribus suis, qui lepram habuisset, leprosus cognominari, sicut uidemus quosdam Rufos, quosdam Barbaros, quosdam Tonsos appellari, cum nec illi rufi, nec illi barbati, nec illi tonsi sint. Quæri potest, cur neque Matthæus, & Marcus Phariseum, neque Lucas leprosum appellauerit, id fortasse nullum habet operæ precium, sed coniectura aliqua est. Iucam, cum predicationis Christi initia narraret, personæ, à qua exceptus esset, qualitatem exponere uoluisse, ut indicaret etiam inter Phariseos fuisse, nonnullos, qui Christo operam darent, Matthæus autem, & Marcus, cum non id agerent, noluerunt Phariseum, quod cognomen illius non erat, sed nomen sectæ commune: at leprosum, quod eius cognomen erat, appellare.

Quid unguenti alabastrum.

7. Habens alabastrum unguenti.) Plerique alabastrum uas ex lapide alabaistro factum interpretantur, quo unguenta solebant asseruari, quod ex ea materia fieri solebant, quæ humorem unguenti diuissimè conseruaret, Pliniumque auctorem citant libro 13. cap. 2. & libro 35. capitul. 8. Repugnat quod ait Marcus c. 14. 3. & fracto alabaistro effudit super caput eius; quo enim modo tam facile confringere potuisset, si ex materia fuisset alabaistri? Sunt qui dicant prius unguentum effudisse, deinde fregisse uas, cum nihil iam in eo remanisset unguenti, quod mihi nullo modo probari potest: primum, quod Marcus ita loquatur, ut non obscure significet prius fregisse uas, deinde unguentum effudisse, atque ideo fregisse, ut unguentum effunderet, καὶ συντρίψας τὸ ἀλάβαστρον κατέχευεν αὐτοῦ κατὰ κεφαλῆς cum fregisset alabastrum

effudit illi super caput. Deinde quia ratio ipsa docet propterea fregisse uas, ut copiosius unguentum efflueret, nihilque in vase remaneret, ea enim ratione abundantem charitatem pia mulier ostendit, quod in unguendo Christo usque adeo unguento non pepercerit, ut uas etiam confregerit: ne quid etiam si uellet, retinere posset. Nam, effuso iam toto unguento quorsum obsecro uas confregisset? Seruasset potius, ut iterum in illud unguentum infunderet. Credo ergo esse probabilius ex alia fragili materia fuisse uas factum, sed alabastrum appellatum, aut quia ex alabaistro unguentaria uasa fieri solebant, ita ut, etiam si ex alia materia aliquando fierent, alabastrum dicerentur, aut quia ea erant forma, ut ansa carerent, qualibus etiam nunc myropolas, & pharmacopolas uti uidemus, id autem alabastrum nomen significat, ut Suidas adnotauit.

Pretiosus.) Baptismus grauis pretii, ut Latini etiam aliquando loquuntur, aut ut alii habent codices πολυτίμος magni pretii, quemadmodum apud Marcum c. 14. 3. & apud Ioannem capit. 12. 3. legitur. Nec enim ad solam unguenti qualitatem, sed etiam ad copiam referendum esse mihi uidetur, ut non solum sensus sit unguentum adeo fuisse bonum, ut etiam parum magni pretii esset, sed etiam tanta copia effusum fuisse, ut magni esset pretii: quemadmodum Iudas in hac re optimus interpretis dixit uersu. 9. Vt quid perditio hæc potuit istud unguentum uanundari multo: id Ioannes magis explicauit, dixit enim eam mulierem libiam unam unguenti effudisse. Hunc esse sensum, ut credam, moueor uerbis Marci, & Ioannis, qui utrumque dixerunt, unguentum & pretiosum fuisse, & pisticum, si ita tamen libeas interpretari, ut pisticum, probatum significet, de qua re paullo post differemus. Quod enim ad nardum, non ad unguentum epithetum illud referatur, aut nihil, aut parum interest. Marcus, & Ioannes ita dixerunt, unguenti nardi pistici, L l aut



De nardo.

aut ut Græcè est, pistica pretiosa, quod, quia huic loco Matthæi coniunctum est, explicare obiter libuit. Nardus quid sit, philosophi, & medici tradiderunt. Apud Plinium, & Dioscoridem, quicquid de ea re lector desiderabit, facile reperiet: illud ex sacris etiam litteris intelligimus miræ fragrantie fruticem fuisse Canticorum 1.12. *Dum esset rex in accubitu suo, nardus mea dedit odorem suum*, & capitulum 4.13.14. *Emissiones tuæ paradysus malorum Punicorum cum pomorum fructibus. Cypri cum nardo, nardus, & crocus, fistula, & cinnamomum cum uniuersis lignis Libani, myrrha, & aloë cum omnibus primis unguentis*. Nardum ergo pisticum ex loco *πισικῆ* nonnulli esse putant, ut D. Augustinus tract. 30. in Ioann. quod ideo à paucis receptum est, quod nullum eiusmodi apud Cosmographos locum legamus. Communis, ac magis recepta interpretatio est, quam paullo ante attigimus, pisticum uocari nardum, quasi fidem, probatam, non falsam, non adulterinam. *πιστις* enim fides est. Ita Euthymius, & Theophylactus in commentariis in capitulum Marci 14. Suam cuique licet sequi sententiam, sed hæc mihi non placet. Primum non *πισικῆ*, sed *πιστῆ* nardus appellanda erat, ut fidelis, ut probata esse significaretur. Deinde hoc ipsum nomen *πιστῆ* eo sensu nimis fuisset insolens, & inauditum: nec enim de rebus inanimis dictum usquam legisset nemini: præterea non nardus, sed unguentum potius pisticum appellatum fuisset, non enim nardus, sed unguentum myropolarum artificio, & avaritia corrumpi, & adulterari poterat: uidemus autem Euangelistas unguentum quidem pretiosum, nardum autem pisticum appellasse. Denique si idem esset unguentum pisticum, quod probatum, & optimum, idem etiam esset, quod pretiosum; at Euangelistæ distinguunt, quasi aliud pisticum, aliud pretiosum sit. Auctor ille, quisquis fuit, qui in Marcum commentarios scripsit, qui Hieronymi nomine honoratur, pisticum

Quid unguentum pisticum.

nardum interpretatur mysticum, quod unguentum illud Christi, ut ipse ait, sepulturam significaret. Quod nescio an Euangelistis uenerit in mentem. Propius accedit ad ueritatem, quod nonnulli suspicari sunt apud Marcum, & Ioannem pro pistica legendum esse spicata, atque Beda quidem hoc loco, & in commentariis in Marcum capitulum 14. ita & legit, & interpretatur, neque alterius lectionis mentionem facit, quasi in omnibus tunc codicibus ita legeretur. At sensus quidem ualde conueniret, si lectio constaret. Scribunt enim Plinius, & alii auctores medici, ut idem Beda adnotauit auctor multarum rerum sciens, & experiens, ex nardo duplex fieri unguentum solere: alterum ex foliis, alterum ex spicis, quas in summa parte frequentes habere dicitur, atque hoc secundum optimum esse, sed quia non iudico scripturam sine certis, firmitque coniecturis corrigendam, alia potuit sententia, quam alia lectio querenda nobis est. Non pudebit in re bona auctoris mali. Obseruauit scriptor quidam minime Catholicus ex Athenæo lib. 15. & ex Plinio lib. 15. capitulo 1. duos fuisse olim in usu unguentorum genera, alia crassa, & solidiora, quæ non facile funderentur, cuiusmodi hodie fere sunt omnia, quæ uulneribus adhibentur: alia liquida, & quasi potabilia, quæ ad fundendum apta essent: hoc ergo Euangelistas significare uoluisse unguentum liquidum fuisse, & quasi potabile, propterea fundi in caput, & pedes potuisse, dictum igitur est unguentum *πισικῆν ἀπὸ τοῦ πιστῆν*, quod est potare. Illud contra hanc interpretationem obijci uidetur posse, quod ille non animaduertit, hac ratione non nardum, sed unguentum pisticum appellandum fuisse: non enim nardus, sed unguentum liquidum erat. Facilis responsio nardum pro unguento ex nardo confecto positam esse, ac si dicerent unguenti nardini pistici pretiosi. Consuetudinem autem inter Iudeos,



deos, & Orientales nationes fuisse, ut in conuiuiis celebrioribus, qui inuitati erant, ungerentur capitulo sexto, 17. adnotauimus: huc enim Christus alludit, cum dixit: *Tu autem, cum ieiunas, unge caput tuum*, quasi dicat, finge te opparere conuiuium esse: hinc, quod hac eadem mulier, cum bis Christum unxerit, non nisi in conuiuium unxerit: sic illud quidam interpretantur, quod Psalmo vigesimo secundo, quinto, legimus: *Parasti in conspectu meo mensam, impinguasti in oleo caput meum*, & illud Psal. 140. 5. *Oleum autem peccatoris non impinguet caput meum*, perinde enim est, ac si diceret: malo apud iustum male tractari, quam apud impium bene.

8. *Videntes autem discipuli.* Eodem fere modo Marcus scribit capitulo 14. quarto. *Erant autem quidam indigne ferentes intra semetipsos*: itaque significare videntur duo hi Euangelistae aut omnes, aut plures Apostolos ob vnguenti effusionem murmurasse, & quidem Diuus Augustinus libro secundo de consensu Euangelist. capitulo 69. fieri putat potuisse, ut autore, & duce Iudae, murmuracionemque inchoante alij discipuli aut assensum praeberint, aut ipsi etiam murmurauerint: alio tamen animo, quam Iudas: illi pauperum caritate, iste auaritia. Non fuit hac interpretatione, quamuis paullo duriore, contentus Caluinus: sed plane omnes Apostolos murmurasse dicit: eosque homo prudentissimus stultos appellat. Ex Ioanne capitulo 12. 4. solum Iudam murmurasse manifestum est, ut Chrysostomus, Euthymius, & Theophylactus, Hieronymus, Augustinus, & Beda notauerunt. Quod ergo alij duo Euangelistae pluraliter sunt numero, per syllepsin fecerunt figuram non raro ab illis usurpata, ut multis iam locis obseruauimus, quemadmodum capitulo 14. 15. Martha dixit discipulos Christi interrogasse, unde emere possent panes, ut turbam illam quinque millium hominum exsaturarent, Ioannes uero capitulo 6. 7. exponit

solum Philippum id interrogasse. Clarissimum uero exemplum est, quod Matth. c. 27. 44. scribit latrones, qui cum Christo crucifixi erant, illi improperasse: *Si filius Dei es, salua te ipsum*, & nos, cum ex Luca ca. 23. 39. certum sit unum tantum latronem hoc fecisse, neque id, ut opinor, Caluinus negabit: nec enim tantam latroni, quantum Apostolis iniuriam uolet facere, de quibus peius fere ubique, quam de latronibus loqui solet.

9. *Potuit enim istud.* τοῦτο τὸ μυσ-  
terion hoc unguentum.

*Et dari pauperibus.* Ioannes c. 12. 6. exponit, quo animo id Iudas dixerit: *dixit autem hoc, non quia de egenis pertinebat ad eum, sed quia fur erat, & oculos habens, ea, quae mittebantur, portabat.* Eodem nimirum animo, quo Caluinistae nunc murmurare solent in Catholicis Ecclesijs uasa argentea, & aurea, aliamque preciosam esse suppellectilem: haec enim pauperibus potius tribuenda, his pauperes ornandos, qui templum Dei uiui sunt, quasi tunc templum Dei non fuerint: non igitur nos, sed Christus, & Ioannes illis respondeant.

10. *Sciens autem Iesus.* Intelligens Iudae uerba, cogitationesque perspicuens, quantumuis clam, & tacite loqueretur: uoluit enim Euangelista Christi diuinitatem insinuare, ut supra c. 9. 4. *Et cum uidisset Iesus cogitationes eorum, dixit, Vt quid cogitatis mala in cordibus uestris?* & ca. 12. 25. *Iesus autem sciens cogitationes eorum dixit eis, Omne regnum diuisum contra se, desolabitur.* Hac ratione expressit Marcus discipulos intra se agere tulisse, & murmurasse: quasi dicat non uerbis, sed animo id fecisse: nec enim sensus est, ut quidam haereticorum putant interpretes, τῶς ἐαυτοῦς, apud se, id est inter se alios cum aliis murmurasse, sed apud se, id est apud animum suum, quod ipsum solus, ut diximus, Iudas fecit, idque Christum fugere non potuit. Hoc ergo est, quod Matthaeus dicit, *sciens autem Iesus.*

12. *Ad sepeliendum me fecit.* Mortuorum corpora, antequam sepulture

Caluinus  
Apostolis  
insensu.

Stulta Cal-  
uinistarum  
obiectio co-  
tra templo-  
rum ornatu.

Christi diu-  
initas.

In hatmon.  
Apostoli co-  
tra Caluinu  
defenduntur.

Syllepsis  
Scripurae fa-  
miliaris.



mandaretur, solita fuisse apud Iudeos unguentis, & aromatibus condiri constat ex Genesi capitulo 30.2. 26. & ex Marco capitulo 16.1. & Luc. capit. 23. 56. & 24.1. & Ioan. capitulo 19.40. Significat ergo Christus mortem suam adeo esse propinquam, ut mulier illa, quasi diuinans paullo post sepeliendum in sepulturam unxerit, non quod illa de ea re fortasse quidquam cogitauerit, sed quod tam commodè unxerit, ut ea de causa unxisse uideatur: significat etiam fortasse eam propterea se nunc unxisse, quod futurum esset, ut post mortem ungere non posset, quemadmodum Marcus cap. 14.8. indicauit, *quod habuit, hoc fecit*, id est, quod potuit, & qua illi licuit, me ad sepeliendum de more unguentis condidit; *præuenit*, inquit, *ungere corpus meum in sepulturam*: Ita, aut simili certè ratione, quod Ioannes scribit capitulo 12.7. intelligendum est, *sine illam, ut in diem sepulture mee seruet illud*, quasi dicat: quia, quo tempore sepeliendus sum, unguentum non habebit (postea enim emerunt aromata) sine nunc eam unguentum hoc in diem illum seruare: seruauit autem, quia me nunc ungit, quod tunc factura erat, id clarius dictum est Græcè, *την πικρὴν αὐτὸ* seruauit illud, id est ita collocauit ungendo me, ut perdere non posset, quemadmodum si pecuniam seruasse dicas, qui ea fundum emerit, quia perdere eam non potest: sicut si secum circumtulisset, aut in arcula seruasset, perdere potuisset: expendendo igitur seruauit. Voluit Christus mulieris factum, quod necessarium alioqui esse non videbatur, usu, & consuetudine ungendi mortuos, pietateque erga se excusare, simulque illam murmuratori præferre, quod eum ille de se vendendo, illa de se ungendo, & quodam modo sepeliendo cogitaret, non quod ipsa fortassis id intelligeret, sed quod tacito quodam Sancti spiritus impulsu facere videretur, quare reprehendendum non esse factum, quod & per se pium, & mortuo necessarium esset, & ex Spiritus sancti in citatione proficeretur. Quærit à

quibusdā solere video: quid sit, quod Christus has delicias, à quibus tota eius uita, totaque doctrina tantopere abhorrebat, admiserit. Chrysostom. homilia 81. in hunc locum eiusmodi factum fuisse putat, ut si Christus consultus fuisset, ante admissurus, probaturusque non esset, factum tamen iam excusauerit. Id mihi non placet, & quia ita Christus defendere factum uidetur, ut etiam si ante consultus fuisset, approbaturus fuisse uideatur: & quia antequam mulier ungere inciperet, ignorare Christus non poterat, quid factura esset: nec illam tamen auerit, quia iam alias apud Lucam capitulo septimo, 38. ungi se ab eadem muliere permiserat, & factum non recusauit modò, sed etiam laudauit; eamque ob rem peccata mulieri dimisit. Admisit ergo Christus delicias, non quia deliciae, sed quia caritatis officia erant. Colligit ex hoc loco Caluinus non esse hoc factum ad exempli imitationem usurpandum, ut neglectis pauperibus in res alias pias bona nostra consumamus: quod factum non ordinarium fuerit, sed singulare. Dolet adhuc, ut opinor, illi unguentum illud effusum. Pauperes igitur semper habebimus nobiscum, qui negligendi non sunt, sed minus delicate, & honorificè tractandi, quam Christus. Neque singulare factum est, quod intra tres annos ab eadem muliere bis repetitum est, neque imitandum non est, quod caritatis, & pietatis, & semper multis à Christo laudibus celebratum. Alius ex aduerso hæreticus colligit licere hominibus pijs, & religiosis uti deliciis, quando Christus usus sit, hic se aliosque nouos Euangelij Ministros excusare, opinor, uoluit, delicati enim homines sunt. Nos duo colligamus, alterum, quamuis, quod pauperibus sit, Christus sibi factum putet, ut capitulo 25. 40. testatus est, *Quandis fecistis vni de his fratribus meis minimis, mihi fecistis*: magnum tamen inter ipsam Christi personam, & pauperum esse discrimen, maiorisq; esse meriti, ac pietatis Christum ipsum aut vestire,

Cur Christi  
ungi se per-  
miserit,

Custas, &  
ornatus re-  
plori a Cal-  
uinarum  
calunia vim  
dicatur,



Euangelii  
pro Euange-  
lica histo-  
ria.

vestire, aut alere, quam pauperes, ut etiam Theophylactus hoc loco notauit. Alterum est multa esse, quæ hæreticorum, & prophanorum hominum iudicio absurda, ac ridicula uideantur, Christi uero iudicio pia, & charitatis plena sint, qualia sunt ornamenta, quæ in Christi honorem instituta in Ecclesijs nostris hæretici ridet, quemadmodum solebant olim Gentiles deridere, quod idem Theophylactus indicauit.

13. *Amen dico uobis ubicumque prædicatum fuerit hoc Euangelium.* Hæc Euangelica historia: quod in præfatione ad quattuor Euangelistas monuimus singulare esse, nec enim alium locum, quam hunc, & illum Marci 14. 9. reperimus ubi nomen Euangelij pro Euangelica historia usurpetur.

*Dicetur & quod hæc fecit, in memoriam eius.* Ipsius mulieris, id est huius mulieris memoria, & laus, ubicumque Euangelium prædicatum fuerit, celebrabitur, omnes enim factum eius egregium collaudabunt. At mihi quidem unius Iudæ murationi, atque reprehensioni totius orbis terrarum iudicium, defensionem, & laudem opponere uidetur, quasi dicat, quod tu malignè reprehendis, omnes omnium sæculorum homines magnis laudibus celebrabunt. Nimirum hoc illud est, quod iam olim David Psalm. 111. 7. dixerat *In memoria æterna eris iustus ab auditione mala non timebit*, id est nemo de illo male loquetur, & Salomon Proverbiorum 10. 7. *Memoria iusti cum laudibus, & nomen impiorum putrescet.*

14. *Tunc abiit.* Auctores quidam aduerbium, *Tunc*, ad sex dies ante Pascha referri volunt, ut Chrysostomus, Theophylactus, & Euthymius, quo tempore mulier illa unxerat Christum, ut scribit Ioannes capitulo 12. 2. 3. Alij ad biduum ante Pascha, quo tempore diximus uersu 3. principes sacerdotum, & seniores populi in concilium conuenisse, ut de pendendo Christo deliberarent;

sic Beda, atque hæc magis in Ecclesia vulgata sententia est. Quamquam argumentum, quod a nonnullis, ut id probent, asserri uideo, quod Ecclesia olim consueuerit quarta feria ieiunare, quia eo die Christum Iudas vendiderit, me non mouet, nec enim eam ob causam, sed propter concilium, quod principes sacerdotum ad occidendum Christum eo die coegerant, uetus Ecclesia ieiunabat, ut Augustinus epist. 86. & Theophylactus in capit. Marci 14. docuerunt. Illud me magis mouet, quod Matth. scribit uersu 16. *Et exinde quærebat opportunitatem, ut eum traderet*, inde enim apparet aliquot ante Pascha diebus Iudam cum Iudæis de Christi uenditione conuenisse; quæ sola ratio impellit me, quo minus credam uenditionem ipsa nocte, qua Christus supream egit cœnam, aut non multo ante noctem factam fuisse, quia ante Christus non erat Hierosolymæ, sed Bethania, & non uidetur, esse credibile Iudam ex Bethania dimisso cum alijs Apostolis Christo ad tractandam uenditionem uenisse Hierosolymam, ne, dum Christum prodere volebat, consilium suum proderet, sed tamen quia Matth. & Marcus aperte dicunt ex eo die, quo Iudas pretium cum Iudæis constituerat, opportunitatem tradendi eius quæsiuisse, necesse est, ut credamus aliquot diebus ante Pascha constitutum fuisse pretium, quibus omnibus diebus opportunitatem quæsiuerit. Cæterum duobus diebus potius, quam sex id factum esse, ut magis est vulgò receptum, ita est probabilius, quia, ut supra diximus dup diuersa fuere concilia, illud, de quo Ioannes capit. 11. 47. 48. & capitulo 12. 19. & hoc de quo Matthæus hoc capit. uersu 3. & Marcus capitulo 14. L. scribunt. In concilio illo apud Ioann. constituerunt expedire, ut Christum occiderent, auctore summo sacerdote Caiapha: in hoc apud Matthæum, & Marcum non iam consultabant, an occidendus, sed quomodo occidendus esset: itaque certum inde sumitur

Ll 3 tur



in argumentum nondum illis dixisse Iudam, quod Matthæus scribit infra versu 15. *Quid uultis mihi dare, & ego uobis eum tradam?* Si enim dixisset non iam de modo præhendendi Christi in concilio disceptassent, sed conditionem a Iuda oblatam libenter accepissent, sicut Marcus cap. 14. 11. & Lucas cap. 22. 5. dixerunt principes sacerdotum audito Iuda gauisus fuisse, pactosque pecuniam illi dare. Probabile ergo est eodem die, quo principes sacerdotum secundum concilium coegerunt, ut de modo capiendi Christi deliberarent, Iudam cum id odoratus esset, ad eos uenisse, operamque suam promississe, ut auctores quidam vulgò tradunt.

*Vnus de duodecim.* ) Hoc ideo dixisse uidetur Euangelista, ut sceleris magnitudinem indicaret, quòd cum unus ex duodecim esset Apostolis, Christoque domesticus, quo tempore mulier, & externa, & non ita multo ante peccatrix singulari pietatis, & caritatis officio Christum prosequetur, ipse uendiderit ut Chrysostomus, Theophylactus, & Euthymius admonuerunt.

*Qui dicebatur Iscariotes.* ) Duo expressit nomina Iudæ, ne cæteris Apostolis faceret iniuriam, si non nominasset, reliquisset enim lectorem dubium, & de alijs, qui innocentes fuerant, suspicandi occasionem præbuisset, Iscariotis uerò, ut ab alio distinguere Iudam ipso etiam Apostolo, qui Iacobi cognominatus est Lucae sexto, 16. Ita Chrysostomus, Euthymius, & Theophylactus. Cur autem Iudas Iscariotes uocatus sit, capite decimo, 4. docuimus, Lucas capitulo uigesimo secundo, 3. scribit Satanam in Iudam intrasse, quòd non ita intelligendum est, quasi corpus eius occupauerit, ut solet Energumenos possidere; sed quod pessimam illi in animum cogitationem iniecerit Christi uendendi, ut Euthymius eo loco, & Didymus libro tertio, de Spiritu sancto exposuerunt, quod ipsum apparet ex Ioanne capitulo 13. 2. *cum*, inquit,

*Diabolus iam misisset in cor, ut traderet eum Iudas*, intrasse igitur Satanam in Iudam, quod ait Lucas, nihil aliud fuit, quàm immittere in cor eius, ut traderet Christum, quod ait Ioannes. Quid ergo? nonne ut furaretur, quæ in loculos mittebatur, & ut alia admitteret eiusmodi peccata, Diabolus illi in animum inspirabat? Inspirabat sanè, ut uero simile quidem est. Cur ergo tunc in illum intrasse non dicitur? Videtur mihi Lucas summam sceleris impietatem, felicitatemque insinuare uoluisse, quasi diceret apertius tam sceleratum fuisse facinus, ut non nisi Satana in illum intrante patrari potuisset, propterea non dicitur Satanam in illum intrasse, cum alia leuiora peccata committeret, quamuis incitante Satana committeret, sicut nos uulgo, cum aliquem peccantem humano, & vulgari modo uidemus, dicere solemus Diabolum eum decepisse, cum autem multa, & inaudita scelera patrare animaduertimus, Diabolum incarnatum appellamus, quia ea, nisi Diabolus esset, facere non posset. Hinc illa soluitur questio, cur, cum nunc dicat Lucas Satanam in Iudam intrasse, Ioannes capit. 13. 27. non nisi postquam in ultima cœna buccellam à Christo porrectam accepisset, intrasse dicat. Nec enim nunc, nec tunc, re ipsa intrauit, inspirando autem, & ad summum scelus incitando, & tunc intrauit: cum Iudæ persuasit, ut uenderet, & tunc, cum incitauit, ut uenditum traderet, sed Lucas ad uendendum, Ioannes ad tradendum intrasse dixit, quia maius erat scelus tradere, quàm uendere. Illud certè constat unum Euangelistam alteri non repugnare, ut Beda, & Euthymius Lucae 22. exposuerunt. Hinc nouorum Euangelistarum dementia deprehenditur, qui quod ueteres, uerique Euangelistæ auctore, impulsoque diabolo Iudam fecisse tradunt, auctore Deo fecisse dicunt. Eorum enim ubique decantata uerba sunt, non minùs Dei

*Cõtra Calvinistarum blasphemiam dicentium Iudæ traditionem Dei opus esse,*



Dei opus fuisse Iudæ prodicionem, quam confessionem Petri, hoc est, ut vno dicam verbo, Deum diabolum facere. Nos non auctore, non impellente, non incitante: sed permittente Deo Iudam Christum dicimus vendidisse. Stat enim Iacobi sententia, quæ falsa esse non potest, *Deus intentator malorum est*, c. 1. 13.

*Ad principes sacerdotum.*) Lucas c. 22. 4. addit *καὶ τοὺς στρατιῶτας* ad duces, quos paullo infra x. 52. idem Lucas distinguit a principibus sacerdotum, & senioribus populi, uocatque *στρατιῶτας τοῦ ἱεροῦ* duces templi, id est, præfectos, qui templo præerant, quosque uero simile est aliquos sub se ad custodiendum templum ex sacerdotibus milites habuisse: ideoque duces appellatos, nam alium tunc militarem magistratum Iudæi dura a Romanis seruitute pressi exercere non poterant.

De triginta  
argenteis lu  
da datis.

15. *At illi constituerunt ei triginta argenteos.*) Capit. 18. 28. de argenteis Iudæorum nummis disputauimus, variæque apud eos argenteorum genera fuisse diximus: denarium præsertim; & siclum: siclum autem, sicut omnia alia pondera, duplicem fuisse: prophanum, qui minor, sacrum, qui maior erat, nemo non nouit scriptura id sæpe indicante. Erant & apud Romanos, in quorum tunc Iudæi potestate uiuebant, nummi aliquot argentei: sed credendum est Matthæum hominem Hebræum, & Hebræicæ Euangelii scribentem, de Hebræica pecunia loquutum esse, dixisseque *δρακμα*: vocant autem Hebræi *δρακμα* ipsum infectum argentum, & percussum, & omnem pecuniam, cuiuscunque metalli sit, sicut Galli & metallum, & argenteam pecuniam, & non argenteam etiam, quia maior pars ex argento fieri solet, eodem nomine argentum appellant. Sed cum aliud quod numerale nomen adiungitur, neque metallum, neque omnis pecunia, sed genus aliquod argenteæ monete significatur. Ea autem erat duplex: denarius, quem etiam Hebræi *mutuati* Latinis nomen *דנר* uoca-

re solent, & siclus, quem, ut opinor, quia grauioris erat ponderis *לפס*, id est pondus appellauerunt. Illud autem obseruamus uix unquam, cum nomen *δρακμα* argentei pro argentea moneta ponitur, nisi monete genus exprimitur, aliud, quam siclum significare: itaque Chaldaus paraphraistes, ubicunque fere Hebræice est nomen *δρακμα* cum nomine numerali, siclum solet uertere, ut Genes. 37. 28. & 45. 22. & Iudicum 16. 5. & 17. 2. 4. 10. & 2. Regum 18. 11. 12. & 4. Regum 6. vigesimo quinto, & Isai. 7. 23. Alias uero, sicut noster Euangelista, solet uertere *ἀργύριος* argenteos, ut Iudicum 17. 4. 10. & Zachar. 11. 12. id etiam apparet ex Iosepho libro tertio antiquitatum capitulo nono, & libro nono, capitulo secundo, ubi quæ de argenteis libro 4. Regum capitulo 6. 25. scripta sunt, quæ ipsorum etiam auctores in libro *Misnaioth* tradiderunt, de siclis interpretatur. Constat ergo ex Hebræorum consuetudine argenteos, de quibus Matthæus loquitur, cum aliud monete genus non nominet, fuisse siclos. Siclum autem argenteum supra docuimus. Francum unum Gallicum, id est uiginti solidos argenteos pependisse. Obolus enim solidi Gallici æqualis erat, & siclum uiginti habuisse obolos multis scripturæ locis manifestum est, Exodi 30. 13. Leuit. 27. 25. Numer. 3. 47. & 18. 16. & Ezech. 45. 12. Erat enim siclus quadri-drachmus, una autem drachma, ut diximus, quinque solidos Gallicos, id est regalem unum Hispanicum continebat; itaque quatuor drachmæ uiginti continebant solidos, qui Francus Gallicus, & libra Turonensis appellatur; quod si ita est Christus triginta Francis Gallicis, id est decem nummis aureis solaribus uenditus est, ut nunc quidem aurei, cum hæc scribimus, æstima-  
An. 1578.

Ll 4 emptum



emptum fuisse scribit. Respondeo nunc fortasse emi non posse, cum multo cariores omnes res sunt: tunc verò, cum uiliores erant, potuisse: nam & Hieremiam capitulo 32. 9. agrum septem stateribus, & decem argenteis emisse legimus, quod multò minus erat pretium: nam stater quatuor habebat drachmas, ut capitu. 17. 27. docuimus. Itaque septemdecim francis Hieremias agrum emit, uix sex aureis nummis. Scriptor Scholasticæ, quam uocant, historie, & alij nonnulli vulgares auctores sine ullo testimonio, aut probabili coniectura tradiderunt, triginta hos argenteos trecentos fuisse denarios, non alio argumento, quàm quòd consentaneum ipsis uideretur, ne Iudas effusi unguenti damnum faceret: dixerat autem potuisse unguentum illud trecentis venire denarijs, quos cum furari non potuisset, ex Christi uenditione voluerit, quasi perdidisset, recuperare. Minus etiam probabiliter alij hos triginta argenteos triginta tantum denarios valuisse dicunt, quòd solet Iudas decimam partem eorum, quæ in loculos mittebantur, suffurari, & uoluerit ex uenditione Christi, quod ex trecentis denarijs, quibus unguentum abstinauerat, furatius erat, recipere. In sacrarum litterarum interpretatione, cum terra non habemus argumenta, probabilibus, & sagacibus coniecturis uti nobis licet; figmentis non licet, nec est vanitas scripturarum grauitati iungenda. Mouere aliquem potest, quòd Ioseph, qui Christi figura erat, viginti tantum argenteis uenditus fuerit Genesi 37. 28. Non in eo figura veritati similis est, quòd eodem pretio, sed quòd, ut Ioseph a fratribus suis, ita etiam Christus a discipulis, id est ab uno ipsorum uenditus fuerit; præcium æquale esse non oportebat: nec enim par fuit, ut Hierony. ait, tanti, quânti dominum, seruum venire. Itaque auctores quosdam vulgares miror scribere solere Ioseph triginta etiam argenteis uenditum fuisse, quòd ita in nonnullis corruptis

codicibus legerint, cum & Hebraei, & Septuaginta, & nostri quoque emendati codices uiginti tantum legant; idque Hieronymus hoc loco, & in questionibus in Genesim admo-  
neat. Suspicio mihi aliqua est ex Zacharia cap. 11. 12. uiginti in locum Genesim immigrasse, & appenderunt mercedem meam triginta argenteos. Sed Zachar. de Christo, non de Iosepho loquebatur.

17. *Prima autem die azymorum.*) Quæ in hunc locum dici poterat, partim uer. 2. à nobis dicta sunt, partim sequenti versu dicenda.

18. *Ite in ciuitatem.*) Duo hinc colligi possunt, alterum, Christum, cum hæc diceret, nō Hierosolymæ, sed aut Bethaniæ, ubi duobus præcedentibus diebus fuerat, aut in uia fuisse: nec enim dubium est, quin ciuitatem Hierosolymam intelligat, ad quam, cum discipulos mittat, nondum ipse perueniat: alterum est id, quòd præcedenti versu dictum est, *prima autem die azymorum*, non ita esse intelligendum, quasi dies iam azymorum esset, sed quasi iam appeteret, si enim azymorum dies inchoata fuisset, nimis serò ad parandum Pascha discipulos præmisisset, & uer. 20. indicat Euangelista nondum uesperam aduenisse, cum Christus discipulos misit; *Vespere autem facto discumbebat cum discipulis suis*, & Lucas cap. 22. 14. & cum facta esset hora, discubitis, quasi prius facta non fuisset, cum discipuli in urbem ad parandum Pascha uenerunt. Quos discipulos Christus præmiserit, Lucas exponit cap. 22. 8. *Et misit Petrum, & Ioannem dicens, Euntes parate nobis Pascha, ut manducemus.*

Ad quendam.) *πρὸς τὸν δεῖνα* ad certum quendam; significatur enim ea phrasi homo quidam certus, qui tamen non nominatur, sicut Hebraei dicunt, *אדם כזה*, quemadmodum D. Hieron. adnotauit, & Hispani ex Hebraeis, ut opinor, qui olim in Hispania frequentes erant, nomen mutati dicunt *fulano*, cum aliquem nō nominando designare uolunt, sicut Itali *yn coial*, Galli *yn quidam*. *Ytrum autem*

Hebraei  
mus.



rem hæc uerba Christi, an Euangelista sint, nonnulli dubitant; ego Euangelista esse non dubito, nec enim Christus dixisset, Ite ad quemdam, quod neque Hebræi, neque Græci, neque Latini ita loquantur, quemadmodum ridiculus esset, qui Gallicè diceret, *Alles uons en a un quidam*. Verum siue Christus hominem nominauerit, siue, ut paulo post probabimus, non nominauerit, sed certis designauerit indicijs, Euangelista nominare noluit, & tamen uoluit significare Christum discipulos non in incertum ad quemuis, sed ad certum quendam hominem, quem illis descriperat, præmisisse. Si autem, quod probabilius est, Christus hominem non nominauit, id ipsum Euangelista insinuate uoluit, cum dixit, dixisse Christum, *Ite ad quemdam*. Quod autem non nominauerit, ex descriptione, qua usus est, colligi potest, Marci 14. 13. 14. *Ite in ciuitatem, et occurret uobis homo lagena aquæ baiulans; sequimini eum, & quo cumque introierit, dicite domino domus, quia Magister dicit, ubi est refectio mea, & ibi Pascha cum discipulis meis manducet*; & Luca 22. 10. *Ecce in uirginitibus uobis in ciuitatem occurret uobis homo quidam amphoram aquæ portans, sequimini eum*. Si enim Christum hominem nominasset, quid ista descriptione opus erat? vno uerbo dixisset, ite ad Petrum, aut ad Paulū. At cur non nominauit? Hieronymus, & Beda respondent, ut nemine nominato, omnes homines inuitatos se, esse intelligerent, ut cum Christo nouum Pascha celebrarent. Origenes uerò tractatu in Matthæum 35. & Hilarius cap. 30. quod nondum Christianum nomen auctoritatem tunc, vsusque obtinisset, quod gerere eos oporteat, qui ad sacrum Christi corpus accedant. Hæc allegorica sunt. Diuus autem Ambrosius in cap. Luca 22. *Ideo, inquit sine nomine designatur, ut pauper, & ignobilis asstineatur*, quasi Christus non diuites, & nobiles: sed pauperes eligat, ut sua cum illis mysteria communicet. Repugnat, quod apud Marcum 14. 15. & apud Lucam

22. 12. Christus ait, *& ipse ostendet uobis canachulum magnum stratum*, quale homo pauper habere non potuit; stratum autem dicit, non quod paumentum aut lapidibus, aut lateribus stratum esset, sed quod aut taperibus vestitum, aut mensis paratis ad cœnandum ornatum, ut apparet ex Marco, apud quem in plerisque Græcis cōdicibus legitur *ἐσπομένην, & τοῦ ποῦ* stratum, paratum, quali secundum uerbum ad explicandum primum additū fuerit. Euthymius propterea Christum hominem illum non nominasse arbitratur, ne Iudas sciret apud quē Pascha celebraturus esset & insidias illi pararet. Magis mihi Chrysostomi coniectura placet hom. 82. propterea non nominasse, quod ignotus esset, si cut lib. 1. Reg. 6. 10. 3. Samuel Sauli dicit, *Cumque abieris inde, & ultra transieris, & ueneris ad quercum Tabor, inuenient te ibi tres uiri ascendentes ad Deum in Bethel, unus portans tres hædos, & alius tres tortas panis, & alius lagenam uini*. Tamen hæc omnino non placent, quia ex uerbis sequentibus apparet hominem non solum fuisse notum, sed etiam discipulum, & aliquo modo familiarem Christi. Magister, inquit, dicit, *tempus meum prope est*. Cum n. magistrū se appellari uult, discipulum esse indicat, & cum mortis suæ tēpus illi declarat, familiarem. Itaque probabilius esse arbitror propterea Christum hominem non nominasse, ut melius rebus, quam nomine describeret, eaque ratione clarius diuinitatem suam ostenderet, siue quod ignotus homo esset: si n. dixisset, ite ad Petrum, aut ad Paulū, nihil singulare supra ceteros homines ostendisset, cum autem dicit, *ingredientibus uobis in ciuitatem occurret uobis homo lagena aquæ baiulans*, declarat se futura præscire, & omnia esse diuino cōsilio ad mortem suam quodammodo præparata, ita ut Deus hominē illū ad fontē hauriendæ aquæ causa ideo misisse uideretur, ut discipulis occurreret, eosque in eam domū duceret, in qua omnia ad agendū Pascha parata essent, ne quid aut mortē Christi, aut Paschæ celebrationem retardare,



Quis fuit  
apud quem  
Christus Pa-  
scha celebra-  
uit,

tardare, & diuinum decretum impedire posset. Quis autem homo ille fuerit, curiosum est querere, tamen curiosum non est propositam ab alijs questionem ideo disputare, ut multorum curiositati ponatur modus. Multi enim auctores multa de hac re parum firmis coniecturis comprobata tradiderunt. Nicephorus libro 1. c. 28. hominem illum inquilinum adium Ioannis Euangelistę fuisse putat, quas eides a Caipha in monte Sion Ioannem emisse dicit datis amplis, quas in Galilęa habebat, facultatibus, idemque alios nonnullos auctores sentire asserit. Quo quęro argumēto? Theophylactus uero quosdam ait existimasse eum fuisse Simonem Leprosū, apud quem sex ante diebus Christus cęnasse dicitur, eumque patrem fuisse Lazari. Magis etiam alienum hoc est; Simon enim ille non Ierosolymę, sed Bethanię habitabat, Christus uero non Bethanię, sed Ierosolymę Pascha celebrauit. Refutabimus, quę speciem nullam habent ueritatis: sed quis homo ille fuerit, cogendi non sumus dicere: nec enim Euangelistis, qui eum nominare noluerunt sapientiores sumus, sed si sequamur, quod ueritatis ducit similitudo, probabile nobis uidetur esse Iudęum aliquem fuisse hominem diuitem, & nobilem, qui in Christum credidisset, illique esset familiaris, sed occultę tamen, qualeui Iosephum ab Arimathęa, & Nicodemum fuisse legimus Ioann. 19. 38, 39. Itaque si quis aliquem ex illis fuisse suspicetur, temerarium non iudicauerim, modō suspicetur, non affirmet: nam cęnaculum magnum, & bene ornatum ostendit nō plebeium fuisse hominem; quod Christus Magister illi appellatur, indicat fuisse discipulum, quod iubet illi dici, *tempus meum prope est*, declarat fuisse familiarem.

Magister dicit.) Videtur Christus hoc nō auctoritatem suam, cui nemo potest resistere, declarare uoluisset: quasi dicat, Deus dicit, sed Magistrum se potius, quā Deum, aut Do-

minum uocat, quia tanquam hominem hominibus loquebatur, sicut eadem usus auctoritate, cum discipulos ad soluendum pullum mitteret, dixit, *Si quis uobis aliquid dixerit, dicite, quia Dominus his opus habet, & confestim dimittet eos* supra c. 21. 3. Euentusque postea docuit, quantum hoc nomen momenti habuisset, quia simulatque Dominum discipuli nominarunt, domini pulli eos dimiserunt. Marci 116. & Luca 19. 33.

*Tempus meum prope est.*) Sunt, qui purent his uerbis Christum excusare uoluisset, quod ante aliorum Iudęorum tempus Pascha celebraret, quasi dicat se ad pręueniendum Paschę tempus imminentis mortis necessitate cogi. Probabile hoc est, & nostram de Paschę Christi ante alios Iudęos celebratione sententiam confirmat, sed illud etiam fortasse probabilius, Christum his uerbis amicitiam erga hominem illum, familiaritatem declarare uoluisset, quod ex hoc mundo abiturus ultimam apud eum cęnam, eamque non inuitatus, sed familiarissimorum amicorum more sponte sua agere uoluerit. Quod autem non dicit mors mea, sed *tempus meum prope est*, hanc uidetur habere vim ut Christus ostendat se nec temere, & casu, nec Iudęorum ui, aut arte eo tempore moriturum esse, sed quia tempus illud ad moriendum constitutum sibi a patre erat, hoc est tempus meum, id est, quod constitutum mihi est, uel quo mori decreui.

Apud te facio Pascha.) id est facere decreui, phrasis Hebręa usitata, ut apud Ioannem c. 21. 3. dicit eis Simon Petrus, *Vado piscari*, id est decreui, dicunt ei, *Venimus & nos tecum*, id est venire uolumus, qua phrasi etiam Latini aliquando uti solent, ut ad Seneam Seneca, *Si negas accepturum iniriā*, id est neminem illi tentaturum facere, omnib. relictis negocijs Stoicus fio. lib. 2 de tranquillitate uite.

Cum discipulis meis.) Hoc ideo Christus adijcere uidetur, ut patrem familias admoneret, tredecim hominum mensam parat. Vnde etiam coniectu-



et aliquā sumi potest hominem illum  
familiarem fuisse Christi, cum sciret,  
quod discipulos secum haberet.

20. *Vesperæ autem factæ.* ) Eodem modo Marcus scripsit. Propterea autem vespere tempus expiesserunt, ut indicarent Christum tempore à lege præscripto Pascha celebrasse; iubebat enim lex Exod. 12. 6. ut inter duas vespers agnus immolatus ederetur, id est inter occasum Solis decimæ quartæ diei & noctem decimæ quintæ, quæ admodum supra vers. 2. explicauimus. Dicitur Lucas eodem consilio dixit, & cum facta esset hora, id est cum sol occubisset. Nam qui ante Solis occasum Christum agnum edisse dicunt, bis errare mihi videntur, & quia contra legem loquuntur, quæ inter duas vespers agnum comessè præcipiebat cum azymo pane, qui ante Solis occasum inchoat, iam die decimæ quintæ, id est primæ azymorum die non edebatur. Desinde, quod cū uelint hac ratione efficere ut Christus eodem tempore mortuus sit, quo agnus comederetur, id est inter meridiem, & Solis occasum, efficiunt, ut non solum non eadem hora, sed ne eodem quidem die mortuus sit, nam si eorum opinione die decimæ quartæ inter meridiem, & occasum Solis agnus edebatur, cum Christus die decimæ quintæ mortuus sit, non eodem mortuus est die.

*Discumbebat, id est, iuxta, proprie-  
cumbebat, cuius verbi proprietate mo-  
ti auctores quidam sunt, ut existima-  
rent hoc non de agni igne, sed de eterna,  
quam ego iam agno. Christus egit,  
esse intelligendum, quia et si lex Exo-  
di 12. 11. differis verbis non precipie-  
bat, ut ludæi stantes agnum ederent,  
tamē colligebatur ex lege. Sic, inquit,  
comedetis illum, renes vestros accinge-  
tis & calcamenta vestra habebitis in  
pedibus, tenentes baculos in manibus, et  
comedetis fesinas, est enim Phase id  
est transitus Domini. Ita enim comede-  
ntes agnum describit, ut uix intel-  
ligi possint non stare, quorsum enim  
accincti renibus? quorsum calceati?  
quorsum innixi baculis? quorsum*

festinantes ad significandam transi-  
tus celeritatem esse iubentur, si non  
starent, qui unus habitus multo cla-  
rius, quam reliqua omnia festinati-  
onem præ se ferebat? Nemo enim ma-  
gis se festinare indicat, quam qui ne  
ad sumendum quidem necessarium  
cibum sedet. Sic videtur Euthymius  
interpretari, cui danda uenia est alio-  
rum ingredienti uestigiis, Caluino,  
& aliis hereticis interpretibus danda  
uideatur, qui cum magno sibi esse iu-  
dicio uidentur, non uidentur uer-  
borum continuatione pati non pos-  
se, ut de alia cena, quam de ea, qua  
agnus comederatur, intelligamus, *Et fecerunt*, inquit Euangelista ver-  
19. 20. *discipuli sicut constituit illis Ie-  
sus, & parauerunt Pascha. Vespere an-  
tem facto discumbebat cum duodecim di-  
scipulis suis.* Deinde Ioannes c. 13. 17.  
*Postquam ergo lauit pedes eorum, & ac-  
cepit uestimenta sua, cum recubuisse ve-  
rum, dixit eis.* Præterea: *Matthæus in-  
fra ver. 26. quasi die alia cena loquens*  
quam de ea, qua agnus eius erat: *ce-  
nantibus*, inquit, *eis accepit Iesus panē,*  
& Lucas c. 22. 14. *et cum iam facta esset*  
*hora, discubuit*, ubi certum est eum de  
eius agni loqui, propterea enim hora  
notatur, quia agnus certo, statoque  
tempore comedendus erat. De ce-  
na igitur agni dicit *ἀνέπεσε* recubuit,  
sicut hoc loco *Μαθηαί ξειτο*. Abiit  
dies etiam est, quod alii quidam hoc,  
& aliis nihilo grauioribus argumen-  
tis inducti, ut Theophylactus, & Eu-  
thymius referunt, putauerunt Chri-  
stum agnum eo anno non comedis-  
se, quod, cum omnes Euangelistæ tam  
apertè testentur eum Pascha mandu-  
casse, refutatione non indiget. Quod  
ergo Euangelistæ dicunt, Christum  
ad edendum agnum recubuisse, non  
ita accipiendum est, quasi re vera aut  
sederit, aut cubuerit, credendum enim  
est, ut Chrysostomus ait omnes eum  
legis ceremonias perfectissime ser-  
uasse, maximeque hanc ipsam, ut stans  
Paschalem agnum ederet, cum sciret  
olim stantes illum Iudæi comederunt,  
quia transitus Domini erat, ita nunc  
ipse ex hoc mundo transiurus esset

Cæterum

Calvinista-  
rum inter-  
pretatio re-  
iicitur,

1. *Chlorophyll*  
 2. *Chlorophyll*  
 3. *Chlorophyll*  
 4. *Chlorophyll*  
 5. *Chlorophyll*  
 6. *Chlorophyll*  
 7. *Chlorophyll*  
 8. *Chlorophyll*  
 9. *Chlorophyll*  
 10. *Chlorophyll*



Cæterum quia in omnibus prandis, æcenis Iudæi uetustiores accumbere solebant, (nam Christi tempore sedere solitos, non recumbere fuisse arbitror) factum est, ut mutata accumbendi consuetudine, nomen retineretur. Nam & hodie Latine mensæ dicimur accumbere, cum tamen sedeamus. Euangelistæ igitur, etsi uerbum recumbendi de medio sumptum usurparunt, noluerunt significare re uera Christum recubuisse, sed ad mentem accessisse, atque cœnasse.

Cum duodecim discipulis suis. Vide tur mihi Euangelistæ discipulorum numerum expressisse, cum quibus Christus agnum comedit, ut ea etiam in re significaret eum legis præscriptum obseruasse. Iubebat enim lex, ut paterfamilias cum tota familia sua agnum ederet Exod. 12. 3. 4. Christi autem familia discipuli erant. Chrysostomus ideo hoc ab Euangelistâ dictum esse iudicat, ut ostenderet Iudæum esse iudicem, ut ostenderet Iudæum etiam cum cæteris Apostolis accubuisse, eiusque impudentiam, & ingratitude declararet, de quo ueteres auctores inter se dissentiunt. Nā sunt, qui putant Iudam non solum nouorum Sacramentorum corporis, & sanguinis Domini perceptioni, sed nec edendo quidem agno interfuisse, ut Hilarius canon. in Matthæum 30. Iam enim, cum Christus agnum edit, discessisse existimat, ut cum principibus sacerdotum de eo tradendo, comprehendendoque traderet. Alii cœnæ agni interfuisse putant, Sacramentorum uero perceptioni non putant, quod asseranter scribit Clemens Apostolicarum Const. libro 1. c. 16. In qua sententia & Innocentius lib. 4. de myster. alt. ca. 13. uidetur esse. Argumenta, quibus probati potest, hæc sunt. Primum, quod Ioannes c. 13. 30. scribat Iudam simulatque bucellam à Christo porrectam accepit, exiisse: bucellam autem illam ante Sacramentorum distributionem datam illi à Christo fuisse, credendum est, cū corpus & sanguinem suum ultimo loco dederit, & ut ait Lucas capitul. 22. 20. postquam cœ-

nauit, & ut Ioannes c. 13. 2. cœna facta, non ergo corpus & sanguinem Christi Iudas accepit: Secundum, quod Christus de Sacramento sanguinis sui, ut uidetur loquens ver. 29. dixerit, *Nō bibam amodo de hoc genimine uisus usque in diem illum, cum illud bibam uobiscum nouum in regno patris mei*: cum Iuda autem in regno patris illud: postea non bibit, ergo nec ante biberat. Tertium, quod credibile non sit Christum fecisse, quod nos facere prohibuit, ut corpus & sanguinem suum homini sceleratissimo nulla facta poenitentia conferret, nam quod quidam respondere solent fuisse quidem Iudam peccatorem, sed non publicum, cuiusmodi hominibus Sacramenta negari non debeant, nescio quā uerum sit: iam enim Christus illum & datā bucellam ostenderat, & nomine prodiderat, *Tu dixisti* ver. 23. Itaque cum corpus, & sanguis Christi exhibita sunt, nemo Apostolorum ignorare poterat Iudam esse proditorem. Hac argumenta ita mouent me, ut facile hanc opinionem probaturus essem; nisi contraria plures haberet auctores, & magis uulgō probata esset. Fuerunt etiam, qui dicerent Iudam & cœnæ agni, & cœnæ communi, & perceptioni corporis, & sanguinis Christi fuisse præsentem, eaque percepisse, sed sanguinem quidem bibisse: corpus uero seruasse, ut ad principes sacerdotum deferret, illique per derisum ostenderet, quod Christus corpus suum appellasset, & quasi magnum quiddam discipulis suis tradidisset, quemadmodum Theophylactus hoc loco recitat. quod cum nulla probetur coniectura, non est refutandum. Omnes alii, quos legimus, auctores existimant Iudam toti interfuisse actioni, corpusque, & sanguinem Domini percepisse, Cyprianus libro de cœna Domini, Chrysostomus homilia in Matthæum 82. & homilia de prodit. Iudæ, D. Hieronymus hoc loco, Augustinus epistola 63. & tractatu in Ioan. 62. Auctor eorum commentariorum in Marcum, qui Hieronymo tribuntur, c. 14. Theodoritus in

Iudas an cū  
Christo ag-  
num com-  
ederit, &  
ab eo Eu-  
charistiam  
accepit.



In commentariis in cap. 11. prioris epistolae ad Cor. eo sermon. 7. de passione Domini. Potest & haec sententia ita probari: quod credibile non sit Iudam e mensa surrexisse, antequam omnia peracta essent, ut ad principes sacerdotum adiret, hac enim ratione proditorum suam, quam celare tantopere uolebat, prodidisset. Deinde, quod Lucas post datam a Christo Eucharistiam de Iuda, tanquam adhuc praesente Christum loquentem inducat c. 22. 20, 21. *Hic est calix noui Testamenti in sanguine meo, qui pro uobis fundetur. Verum tamen ecce manus tradentis me mecum est in mensa.* Ergo, quod ait Ioannes Iudam accepta buccella statim exiisse, aut ita intelligendum est ut Christus post datam Eucharistiam buccellam dederit, ut proditorem indicaret, aut ita ut aduerbium illud, *conitino*, quo Ioannes utitur, non temporis momentum, sed breuissimum significet interuallum; quanquam illud prius mihi magis placet: quia ita Ioannes uidetur loqui, ut indicet buccellae acceptionem causam fuisse, ut Iudas quasi irritatus quod se indicatum uideret, abcesserit. Itaque minus uero simile est eum acceptam buccella expectasse, quamuis breui tempore, & diuina sacramenta percipisse. Quod autem Christus dicit, *Nō bibam amodo de hoc genimine uitae, donec bibam illud uobiscum nouū*, non cogit nos, ut dicamus Iudam tunc non adfuisse; quia etsi cum eo postea non bibit, cum alijs bibit, quod satis fuit, ut dicere potuerit, *donec bibam uobiscum*: pronomen enim *uobiscum* ad maiorem partem refertur. Quæri etiam potest, & a nonnullis dubitatum uideo: an alij aliqui præter discipulos cum Christo accubuerint. Euthymius alios etiam nonnullos accubuisse putat, quamuis eos Euangelistæ non nominauerint, quod multis ego de causis probare non possum: & quia, ut supra uer. 2. docuimus, ceteri Iudæi non eodem die Pascha celebrarunt, & quia ita accuratè Euangelistæ

discipulorum nomen, aut numerum expresserunt, ut duo facere uoluisset uideantur, & significare omnes discipulos adfuisse, & indicare neminem adfuisse præter ipsos, & quia lex præcipiebat, ut una quæque familia suum agnum ederet, nec externus ullus admitteretur, nisi si familiarium numerus ad edendum integrum agnum satis non esset: tunc enim externos, quotquot ad esum agni necessarii essent, aduocari permittebat. Discipulorum autem numerus ad edendum agnum satis magnus erat.

22. *Vnus ex uobis.* Sine iniuria proditorem prodit, dū indicat se nosse eum, nec tamen nominat. Quæritur à multis auctoribus, cur hoc Christus dixerit. Respondet Chrysostomus, Hieronymus, Beda, Theophylactus, Euthymius, ut Iudæ poenitentiae occasio nem daret, illique ad respiciendum stimulum admoueret, cum uideret consilia sua Christum latere non potuisse. Videtur etiam mihi ideo dixisse, ut ostenderet se non inuitum non circumuentum, & nec opinantem, sed scientem, prudentem, uolentem mori, cum cognito proditore eius consilium inpedire posset, nec tamen uellet. At cur non nominauit? Possumus respondere id Christi benignitati consentaneum fuisse, ut proditoris etiam sui nomini, honori que parceret, contemtumque fuisse ostendisse non ignorare proditorem, nominare autem noluisse, quia ad id, quod ostendere uolebat, se scientiæ, ac uolentem mori, non erat necessarium. Hier. tamen paulo aliter respondet propterea Iudam non nominasse, ne eum irritaret. Origenes uerò propterea generaliter, non nominatim loquentum fuisse, ut percussis hac voce singulorum animis alij se vultu innocentem, Iudas proditorem ostenderet.

23. *Et contristati valde.* Mirum uideri potest, cur Apostoli, qui innocentes erant, contristati fuerint, quasi sibi quisque hoc dictum putaret. Nec enim ideo tantum tristati sunt, quod nefandam dolerent facinus, Christum a discipulo suo, quisquis ille esset,

traditum

Cur Christus proditorem Iudam non nominauit.



traditum iri; nam etsi credendum est ea etiam re uehementer doluisse, tamen Matthæus indicat ideo contritos fuisse, quod de se quisque dubitaret, ac sollicitus esset, & *aperunt*, inquit, *singuli dicere, nunquid ego sum Domine?* Origenes ergo, Chrysostomus, Euthymius, & Theophylactus, rationem hanc adferunt, quod etiam si se innocentes esse scirent, tamen magis Christi uerbis, quam conscientie suæ confidebant. *Beatus homo, qui semper est pauidus*, dicebat ille Prou. 28. 14. *Quæuebar omnia opera mea.* Io. 9. 28.

23. *Qui intingit.* Ioannes cap. 13. 24. Petrum Ioanni suggessisse scribit, ut Christum rogaret, quisnam proditor esset. Itaque credendum est factum utrumque, & singulos prius Apostolos interrogasse, *Nunquid ego sum Domine?* & cum eorum rogatu Christus proditorem nominare noluisset, Petrum, qui iniquiore, quam cæteri animo Christi iniurias ferre solebat, Ioannem rogasse, uti Christum interrogaret, quisnam ipsum proditor esset. Ex quo sequitur Christum his uerbis, *qui intingit mecum manum in paropside*, non omnino proditorem designasse: sed primum quidem generaliter dixisse, *Vnus uestrum me traditurus est*: secundo, cum singuli interrogarent, *numquid ego sum Domine?* paullo clarius respondisse, *qui intingit mecum manum in paropside*, id est, unus ex his, qui mecum in eadem paropside panem intingit: probabile enim est in magna mensa, ubi tredecim homines accumbant, diuersas fuisse patinas, diuersas paropsides, in quibus aut terni, aut quaterni panem intingerent: itaque indicat Christus unum ex illis, aut tribus, aut quatuor, aut quotquot tandem erant, qui in eadem secum paropside panem sciebant tingere, se esse traditurum. Denique cum ne hoc quidem indicio Apostoli, quis ille esset, intelligere potuissent, iterumque Petri rogatu a Ioanne interrogaretur, quisnam ille esset, respondit, *ille est, cui ego intinctum panem porrexero*, Io. 13. 26.

sed quia hoc in aurem Ioanni Chri-

stus dixerat, ita ut alij intelligere non possent, ad extremum ipse Iudas, ne tacendo crimen confiteri uideretur, interrogauit etiam, sicut alij prius interrogauerunt, *nunquid ego sum Rabbi?* cui Christus, *Tu dixisti* uer. 25. Quo dicto neque Iudas, neque ceteri, quos id audiuisse existimandum est proditorem ignorare potuerunt: atque tunc Iudas, cum se deprehensum uideret, discessisse credendum est: nam, antequam suo ipsius nomine prodideretur, dissimulare poterat: postea non potuit: sed quia hoc, simul atque buccellam à Christo datam accepisset, accidisse uero simile est, Ioannes dixit statim accepta buccella exiisse. Ad hunc modum mihi uidetur Euangelistarum dicta concilianda: etsi scio Origenem, Chrysostomum, Hieronymum, Euthym. & Theophylact. existimare his uerbis, *qui intingit mecum manum in paropside*, Iudas propriè designatum, & tantum non digito demonstratum fuisse, scribunt enim eò ipsum impudentiæ processisse, ut cum alij Apostoli uerecundia, reuerentiaque Magistri ab eius paropside abstinerent, solus manum in eundem catinum inieceret. Solus Chrysost. existimat Iudas non id impudentia, sed Christi rogatu fecisse, ut ea ratione alij intelligerent, quis esset proditor. Quorum interpretationem idcirco non probo, quod ea ratione non uideatur posse cum Matthæo Ioannes conuenire. Si enim his uerbis propriè fuerat Iudas demonstratus, quid opus erat, ut postea Petrus tam sollicitè per Ioannem rogaret, quisnam futurus esset proditor? quid opus erat, ut alia eum ratione Christus ostenderet dicens, *ille est, cui ego intinctum panem porrexero*? nā omnes iam Apostoli Christum dicentem audierant, *qui intingit mecum manum in paropside, hic me tradet*: cum id & a Christo dictum, & a Iuda factum esset, prius quam buccellam ille daret, hic acciperet, ut hic etiam sentire uidentur auctores. Tamen omnes Iudas esse nouerant, si solus in Christi paropside panem tingeat. Alii contra  
his



his uerbis nihilo magis, quàm ante proditorem ostensum fuisse dicunt: sensum enim esse, *qui intingit mecum manum in paropside*, id est unus ex his, qui mecum assident ad mensam, & communem mecum paropsidem habent, me traditurus est: assidebant autem omnes Apostoli, & in eandem paropsidem manum immitebant, itaque nihil aliud his uerbis significari putant, quàm quod Marcus dixit c. 14. 18. *vnus ex uobis tradet me, qui manducat mecum*, & Lucas c. 21. 21. *Ecce manus tradentis me mecum est in mensa*. Nō ergo uoluisset proditorem indicare, sed exaggerare scelus, quod cum in eadem mensa, in eadem patina cibum sumeret, se esset traditurus, sicut Dauid dixit Psal. 40. 10. *Qui edebat panes meos, magnificauit super me supplantationem*. Horum interpretatio non satis mihi uidetur cum uerbis Euangelistæ conuenire, dixisset enim potius, vnus ex his, qui intingit mecum panem in paropside, sicut dixerat uer. 21. *Vnus uestrum me traditurus est*; deinde quia nihilo magis, quàm ante, cum a singulis discipulis rogatus esset, quis se esset traditurus, traditorem designasse uero simile non est. Querunt nonnulli interpretes, quomodo inculcum, aut condimentum in paropside esset, cum lex iuberet, ut agnus assus non coctus comederetur Exodi 12. 8. Hoc unum fuit eorum argumentum, qui Christum eo anno agnum comedisse negauerunt, ut Theophylactus, & Euthym. auctores sunt. Nimis profecto leue, hoc enim non de cœna, qua agnum Christus comedit, sed de ea, quæ esō agno apponebatur, ut uersu 26. docebimus intelligendum est, in qua & assa, & cocta, & omnia ciborum, & condimentorum genera poni poterant, solus fermentatus panis prohibebatur, quia prima azymorum dies erat.

24. *Filius quidem hominis uadit*.) Ioquitur de se per tertiam, ut solet personam, seque filium hominis appellat, ut uersu 2. uide quæ capit. 8. 20. de ea re diximus. Opponit autem se Iudæ proditori, eiusque conditioni

suam antefert. Videbatur tunc Iudas melioris, quàm Christus conditionis esse. Christus uendebatur, ille uendebat; Christus ad mortem, ille ad lucrum ibat: Christus ab omnibus etiam discipulis suis paullo post deferendus, ille principibus sacerdotum, Scribis, & senioribus populi gratia, amicitiaque copulandus erat: itaq; hominum iudicio multo, quàm Christus felicius uideri poterat. Hanc opinionem refellit Christus, seque melioris conditionis, quàm illum paullo post futurum pradicat. Nam quod passurus, quodque moriturus sit, nec miserum, nec malum, nec inopinatum, nec uiolentum sibi esse, quin gratum, laudabile, officiosum, sponte susceptum, quippe qui ea ratione & patris obsequatur uoluntati decretumque exequatur, & Prophetarum de se scripta uaticinia effectu compleat, hoc est, *Et filius quidem hominis uadit, sicut scriptum est de illo*, Dan. 9. 26. *Et post hebdomadas sexaginta duas occidetur Christus, & non erit eius populus, qui eum negaturus est*. Quod dicit, *uadit*, hanc habet uim, ut indicet Christum se non ui ex hoc mundo expelli, sed sponte sua exire, nec tam mortem esse suam, quam migrationem, ut rectè Theophylactus adnotauit. Quod autem dicit, *sicut scriptum est*, ostendit non ex hominibus, sed ex diuino decreto, ac prædictione mortis suæ necessitatem prouenire. Comparat ergo finem suum cum fine Iudæ, quod ipse etsi ad mortem trahi uideatur, non trahatur, sed eat, eat autem non tam ad mortem, quàm ad gloriam: propterea enim *Deus exaltauit illum, & donauit illi nomen, quod est super omne nomen* ad Philipp. 2. 9. Iudam uerò, qui ad lucrum, & ad gratiam hominum colligendam ire uideretur, iturum ad laqueum, iturum ad sempiterna supplicia usque adeo grauius, ut melius illi futurum esset, si natus non fuisset. De quo uerbo nimis fortasse subtiliter quidam disputant, quomodo melius Iudæ fuisset natum non esse, cum non esse nullum, damnatum esse aliquod bo-

num.



num sit, aliquid enim est, qui damnatus est, omne autem quod est, quia est, bonum est. Hieronymus indicat existimasse aliquos Iudam fuisse, antequam nasceretur, Christumque certo consilio non dixisse melius fuisset homini illi, si nunquam fuisset, sed si natus non esset, quasi etiamsi non nasceretur, futurus fuisset, ideoque naturalia bona sine malis habiturus. Suspicio Diuum Hieronymum Origenistas notae uoluisse, qui omnes animas initio creatas fuisse crediderunt, & pro suo quamque merito aut expertem manere corporis, aut in corpus, tanquam in carcerem immittere. Et uero Origenes ipse ita hoc loco scribere uidetur, ut non longe ab ea sententia abhorreere uideatur. Eodem fere modo Euthymius interpretatur. Sed non sunt huiusmodi scripturae locutiones ad scholarum excutienda subtilitatem; sunt enim prouerbiales, & sumptae de vulgo, in quibus quiddam plerumque hyperbolicum esse solet, ut apud Iob capit. 3. 1. *Quare nō in vulua mortuus sum? egressus ex utero non statim perij?* & c. 10. 18. 19. *Quare de vulua eduxisti me? qui utinam consumptus essem ne oculus me uideret, fuisset quasi non essem, de uero translatus ad tumulum,* & cap. 3. 3. & Ieremias 20. 14. *Pereat dies in qua natus sum;* hæc enim omnia non tam deliberato animi iudicio, quam per quarimoniam, quæ mala sua amplificare solet, dicta sunt. Christus ergo ita de Iuda loquitur, quemadmodum credibile erat ipsum de se in supplicijs positum esse loquuturum. Erat autem credibile eum dicturum esse, utinam nunquam natus essem, melius mihi fuisset non nasci, quam ista pati: cum Iob, & Ieremias uir sanctissimi multo minora passi idem dixerint. Adde, quod Christus non dicit melius futurum fuisset, ut Iudas non nasceretur, sed melius futurum illi esse, id est, eius opinione, atque iudicio, quemadmodum multis res aduersas patientibus accidere uidemus, ut corruptio dolore iudicio mortem uitæ anteponant, cum du-

bium non sit melius esse uiuere, quam mori. Obijci hoc loco solet non minus Iudam, quam Christum diuinum decretum uendendo Christo exequutum fuisse, quare non magis, quam illum peccare potuisset. Respondent Chrysostomus, Euthymius, & Theophylactus, omnesque Catholici Theologi idem sentiunt, non fuisse a Deo decretum, & ut ita dicam, prædestinatum, ut Iudas Christum uenderet, sed fuisse præcognitum atque præuisum fore, ut uenderet, quod cum Deus ab omni cognouisset æternitate, decreuit, ut ea ratione Christus a Iuda uenditus moreretur, itaque Iudæ uenditionem Deus non prædestinauit, sed præuidit, non commisit, sed permisit. Caluinistæ qui neque permissionem in Deo ullam admittunt, & malum non boni priuationem, ut \* Augustinus, & \* Dionysius, omnesque ueteres, atque recentiores Theologi tradiderunt, sed naturam aliquam esse credunt, quamuis in omnes se partes uersare soleant, exuere se hoc laqueo non possunt. Docet quidem Calvinus uenditionem Iudæ non esse propriæ Dei opus appellandum, sed uerbis docet, re ipsa negat, quod in multis alijs, difficilioribusque quæstionibus solet facere. Eius enim doctrina, eius uerba sunt, Deum non esse omnipotentem, si peccata, ut nos dicimus, tantum permittat; nec enim omnium rerum auctor esset. Quid quæso hinc colligitur; nisi Deum omnipotentem non esse sententia Caluini, nisi & peccati auctor sit? Eius uerba sunt, *Non dubitauerim dicere diuinam prædestinationem, ac uoluntatem rerum necessitatem esse,* quod si uerum est, Deusque ut ille putat, Iudæ peccatum non solum præuidit, sed etiam prædestinauit, necessitatem Iudæ uendendi Christum imposuit, quod si uerum est, peccare Iudas non potuit. Eat, & impietatem suam uerbis illis adornet, quibus imperita discipulorum suorum turbæ fucū facit, etiamsi & Deus, & Iudas idem opus fecerint, Iudam peccasse, Deum non peccasse, quia Deus bo-

Iudas autem peccauit tradendo Christum a Patre traditum.

Impietas Caluini, & Caluinistarum traditione Iudæ Deo tribuentium refellitur. \* 3. Cōfess. c. 7 & alibi sæpe\*. li. de diuin. nominibus, c. 7.

Lib. 3. Instit. tu. c. 23.

no,

Prouerbiales, & hyperbolicæ scripturae locutiones,



no, ut homines reduceret, Iudas malo, & auaritia pleno animo faciebat. Quis enim illius ipsius mali animi Iudæ auctor fuit, nisi Deus, si sententia Caluini mala non solum permittit, sed etiam facit? At malum, fortassis dicer, in Iuda animum bono animo Deus ingenerauit. Quis nā bonus animus esse poterat, nisi ille, quo uolebat, ut Christus moreretur? atqui, ut Christus moreretur, malo animo Iudæ opus non erat: potuit enim Deus efficere, ut Iudas cum bono animo uenderet, ut Deo obediret: poterat efficere, ut Christus neque bono, neque malo animo uenditus moreretur. Malus igitur animus ex Iuda natus est, animus à Deo datus. Alia hic quaestio proponi solet, si melius futurum erat Iudæ, ut non nasceretur, cur eum Deus genuit? Respondent Chrysostomus & Euthym. non talem, qualis postea fuit, à Deo fuisse genitum. Deus enim bonum fecit, ipse se postea fecit proditorem, quem admodum de omnibus hominibus Salomon dicit in Ecclesiast. cap. 7. 30. Deum fecisse hominem rectum, ipsum se multis quaestionibus inuicuisse. Nullus humanae curiositatis modus est. Quærunt etiam alii, cur eum, cum eiusmodi futurum esse sciret, in Apostolum Christus elegerit, de ea re capite 10. 4. disputauimus, sed uno uerbo responderi potest, quia cum electus à Christo est, eiusmodi non erat: & solet sæpe Deus etiam in hominum electione non futura, sed presentia merita respicere, quod in Saule rege factum uidemus: bonum Deus elegit, malus ipse per se factus est, idemque de Salomone dici potest.

25. *Nunquid ego sum Rabbi?* Non rogat Iudas Christum, quasi ignarus, ut discat, quod sua ipsi conscientia ignorare non patiebatur, sed quasi callidus mercator, ut tentet, num Christus se eum esse sciat, qui eum esset traditurus, & quasi impudens dissimulator, ut dum, sicut ceteri de se quisque interrogauerat, num ipse esset, de se quoque ipse

interrogat, se non esse simulet: uidetur autem non sponte, sed coactus aliorum exemplo Christum rogare, num ipse sit, ideoque omnium ultimus rogat, & fortasse postquam aliquo modo eum Christus uerbis illis subindicasset, *Qui intingit mecum manū in paropside, hic me tradet*: prius enim illud, quam hoc Euangelista narrauit; ita certe Origenes, Chrysostomus & Beda senserunt. Notauit etiam Chrysostomus, Hieronymus, Euthymius, & Beda non dixisse Iudam, sicut ceteri dixerant, *Nunquid ego sum Domine? sed nunquid ego sum Rabbi?* quasi etiam tunc, cum maximè uolebat prodicionem suam dissimulare, superbia sua prodegeret, dum Christum minus, quam ceteri, honorifice compellat.

*Tu dixisti.* Modus est honestè, & minima cum offensione eius, quo cum loquimur, minimaque nostra arrogantia, quod interrogamur, concedendi, ut infra vers. 63. 64. *Adiuu te per Deum uiuum, ut dicas nobis, si tu es Christus filius Dei?* *Tu dixisti;* &c. cap. 27. 11. interrogatus à Pilato Christus, *Tu es Rex Iudæorum?* responderet, *Tu dicis.* Nam quod D. Augustinus lib. 3. de cons. Euang. cap. 1. putat Christum his uerbis, neque concedere, neque negare; consuetudini loquendi non conuenit. Itaque, ut supra monuimus credendum est hoc Iudæ à Christo dictum esse, postquam illi bucellam, de qua Ioannes scripsit, prorrexisset.

26. *Cenantibus autem eis.* *ἐσθίουσαν δὲ αὐτῶν* uescētibz, aut edētibz autem illis. Noster interpret sensum, non uerba conuertit. Cenabant enim, quia uespertinum erat tempus, & cibus, qui sub noctem sumitur, cēna uocatur. Eodem modo Marcus capite 14. 22. Græcè scripsit, ubi noster interpret non *cenantibus*, ut hic, sed *manducantibus illis* uertit: haud scio, quo consilio, crediderim tamen bono idem uerbum in eadem sententia aliter uertisse. Lucas cap. 22. 20. & D. Paulus 1. ad Corin. 11. 25. scribunt

M m

hoc



Lutherani  
& Caluini  
sua reprehē  
duntur Eucha  
ristiam  
cenā appel  
lantes.  
1. Cor. 11.  
20.

hoc factum esse postquam cenauit, unde duo nobis colligenda sunt, alterum verba Matthæi, & Marci, *ἐσθίου τὸν σῶμα αὐτοῦ, καὶ πίνετε τὸ αἷμα αὐτοῦ, καὶ μὴ καταλείψετε τὸν σῶμα αὐτοῦ, καὶ τὸ αἷμα αὐτοῦ*, aut *manducantibus autem illis* nō ita intelligenda esse, quasi durante adhuc cœna Christus id fecerit, sed statim, ut cœna peracta est, antequam surgerent, antequam mensæ, & ciborum reliquæ remouerentur. Alterum est ridiculam esse Calvinistarum, & Lutheranorum incitiam, qui quasi satis non haberent, si rebus, nisi etiam verbis heretici essent, noluerunt corporis, & sanguinis Christi sacramentum Eucharistiam, ut nos, sed cœnam appellare, ut se non solum religionis, sed etiam linguae reformatores profiterentur. Atqui nullus in sacris litteris locus est, ubi hoc sacramentum cœna uocetur, sed belli isti interpretes, quia D. Paulum dicentem audierunt, *iam non est dominicam cenam manducare*, nullo adhibito iudicio existimarunt illum Eucharistiam cœnam appellare, & hoc nomen, quasi orbem terrarum ad cœuiuium inuiriturum mirum in modum celebrarunt. Nefas enim illis uideatur aliter loqui. Non viderunt homines ceci, quod D. Lucas scribit cap. 22. 20. & quod D. Paulus eodem capit. 3. 25. Christum, *postquam cenauit*, calicem sui sanguinis accepisse: non viderunt Diuum Ioannem cap. 13. 4. dīfertis vrbis scribere Christum à cœna surrexisse, ut discipulorum lauaret pedes. Opinor, non surrexit, priusquam finita cœna esset, neque corpus, & sanguinem suum dedit, antequam lauaret, cum propterea lauerit, ut significaret mundos esse oportere, qui corpus, & sanguinem suum accepturi essent; hoc enim est, quod dicit versu 10. *Qui lotus est, non indiget nisi, ut pedes lauet*, hoc est, *et nos mundi estis, sed non omnes*, prius ergo cenauit, deinde pedes lauit, & ueste resumpta mensæ iterum accubuit, ut diuina sacramenta discipulis daret. Itaque cum tres eodem tempore actiones fuerint, quæ tres cœnæ uocari solent, prima, qua agnus eius est, quam nonnulli ce-

remonialem cenam appellant: secunda communis, & usitata, nam absoluta edendi agni religione, quia plerumque, qui cum ederant, saturati non fuerant, alia ponebatur cœna, ut ad saturitatem suam quisque cenaret; Tertia, qua Christus panem, & vinum in corpus, & sanguinem suum consecratum præbuit. Prima, an uspiam cœna uocetur, non satis memini; secundam, & Euangelistæ Lucas, & Ioannes, & D. Paulus cenam uocant. Tertia, nusquam in sacris quidem litteris cœna nominatur: nam D. Paulus *Dominicam cenam* non Eucharistiam, sed aut cœnam, aut fortasse prandium, quod aut ante, ut quidam putant; aut, ut ego arbitror, post Eucharistiæ perceptionem diuites Christiani imitatione Christi solebant pauperibus exhibere, qui antequam discipulis suis corpus, & sanguinem suum daret, ultimam cum illis, ut solent amici cum amicis longè ab illis discessuri, cœnam egit, qua singularem in illos charitatem demonstraui, hoc est: quod apud Lucam c. 22. 15. ait, *De desiderio desideravi hoc Pascha uobiscum manducare, antequam pariar*; reprehendit igitur D. Paulus, quod eam cœnam, quam Dominicam vocat, quæ ad Christi imitationem à Christianis exhibebatur: ad exercendam inter se charitatem, diuites non expectatis fastidiosè pauperibus agerent, ita ut cum pauperes uenirent, nihil, quod edere possent, reperirent, & alii esurirent, alij ebrii essent. Inde perspicuum est D. Paulum de ea loqui cœna, qua aliqui inebriabantur, alij esuriebant, quis autem credat quemquam sacramentorum perceptione inebriari solitum? Deinde cum ait, *nunquid domos non habetis ad manducandum, & bibendum? aut Ecclesiam Dei contemnitis, & confunditis eos, qui non habent?* ver. 22. clarissimè ostendit se non Eucharistiam cenam appellare, quam nunquam licuit cuiquam priuatim domus sue agere. Certè Calvinistæ non concedent id D. Paulum permissurum fuisse, quod ne ipsi quidem permitterent. Denique cum dicit, *aut confunditis*

Quæ apud  
D. Paulum  
Dominica  
cœna,



*is eos, qui non habent*, satis indicat se de ea cœna loqui, quam pauperes sibi parare non poterant: Eucharistiam autem parare nemo non poterat, ad quam non nisi buccella vna panis, & minimo vini haustu opus erat. Sensus ergo D. Pauli est, ut si adeo diuites esurirent, ut expectare prandii, aut cœnæ illius tempus non possent, domi suæ ederent, nisi in Ecclesia non expectatis pauperibus prandium aut cœnam illam anticiparent, contemnere eos uiderentur, & charitatis uinculum rumpere, quæ in communi illo conuiuio cernebatur: hoc erat non Dominicam cœnam manducare, id est non ad Christi imitationem, qui cum dominus esset, tamen non solus, sed cum duodecim discipulis suis recubuisse dicitur. Eodem sensu ueteres auctores cœnam Dominicam non Eucharistiam, sed cœnam illam, quem Christus, antequam corpus, & sanguinem suum daret, cum discipulis suis egit, uocare solent, ut Cyprian. & Bernard. qui conciones suas eo die habitas de cœnâ Domini uocant, qui tamen nefas ducunt hæreticorum more Eucharistiam cœnam appellare. Nos ergo & scripturis, & antiquis auctoribus congruenter Eucharistiam appellamus: quia eam Christus confecit, dicunt enim tum Euangeliste *ἐὐχαριστήσας* gratias egisse, aut benedixisse, Matthæus hoc uersu, & sequenti, & Marcus ca. 14. 22. 23. Lucas capit. 22. 17. 19. Paulus 1. ad Cor. 11. 14. & Iustinus in 2. Apologia pro Christianis, & Irenæus lib. 4. cap. 34. & 35. Deinde non solum scripturæ auctoritatem, & exempla maiorum, sed etiam rationem in eo sequimur: nam *ἐὐχαριστία*, & *ἐὐλογία*, quod idem est, ad hoc sacramentum maxime pertinet, cum aut per eam, aut non sine ea perficiatur: sicut Christi docemur exemplo, & solet ex una parte tota actio nominari. Calvinistæ uero sine scripturæ auctoritate, sine ueterum auctorum exemplo, sine ratione, nullo iudicio cœnam uocant, cum potius merenda, si post prandium, prandium, si ad meridiem, ien-

taculum, si mane sumunt, uocari deberet; nec enim necesse est, ut huius sacramenti celebrationem aut cœna præcedat, aut consequatur. Nam quod Christus ante cœnauerit, non ut nobis exemplum præberet, fecit: sed necessario, quia oportebat uetera sacramenta prius implere, quam nouum instituere, id est agnum Paschalem prius edere, quam corpus, & sanguinem suum dare: agnus autem non alio tempore, quam cœnæ edi poterat: & solebat esu iam agni cœna communis apponi: & ut consuetudinem obseruaret, & ut ex hac uita discessurus acta cum Apostolis cœna in finem eos diligeret: itaque reprehendenda non est, sed laudanda potius Ecclesia, quæ ea in re factum Christi non imitatur, quod nec ille fecerat, ut imitaremur: sed solis ieiunio corpus, & sanguinem Domini tradit, quod id multo plus habeat reuerentiæ, ut epistola 118. D. Augustinus scribit, eamque Apostolicam esse putat traditionem. Reprehendendi uero hæretici sunt, qui dum sine ullo iudicio Christi actionem imitari uolunt, etiam bene pransis, & bene cœnatis, foras etiam aliquando ebrijs, nulla reuerentia hoc conferunt sacramentum, nisi quod commode illis accidit, ut nihil aliud, quam panem, & uinum porrigant, quæ sine ullo honoris respectu, sine ulla religione sumi possunt.

Et benedixit.) *καὶ εὐλογήσας*, cum benedixisset, quo in uerbo ter minimum errant heretici: & quia uertunt, cum gratias egisset: ueriti ne Christus signo crucis usus esse uideatur, aut magica, ut illi uocant, incantatione, & quod hanc Christi benedictionem non ad panem quasi illi Christus benedixerit, sed ad uinum, quasi illi gratias egerit, referendam esse dicant, & quod eam benedictionem, aut, ut ipsi uolunt, gratiarum actionem singularem, & propriam huius sacramenti esse non putent, sed communem, & inter Iudeos usitatam: quæ Christus morem gestis usurpauerit: quod omnia eò tendunt, ne nos ulla

De uerbo benedicendi contra Calvinistas.

M m 2 in

Eucharistia  
nomen de-  
fenditur.



in hoc sacramento benedictione iure uti posse uideamur. Hi tres errores ordine refutandi nobis sunt: de uerbo quidem *εὐλογεῖν* benedicere, quo & Matth. hoc loco, & Marcus cap. 14. 22. de pane loquens usus est, non dubium, quin apud Euangelistas idē sit, quod *εὐχαρισεῖν*, quod proprie significat, gratias agere: nam quod hoc loco Matthæus, & Marcus c. 14. 22. dicunt *εὐλογήσας*, uers. sequēti de calice loquētes dicunt *εὐχαρισήσας*, cum gratias egisset, & quod Matt. & Marcus loquentes de pane dicunt *εὐλογήσας*, Lucas c. 22. 19. & D. Paul. ad Cor. 1. 1. 24. dicunt *εὐχαρισήσας*, & quod Matthæus cap. 15. 36. de septem panibus, & duobus piscibus scribens dicit *εὐχαρισήσας*, Marcus cap. 8. 6. de panibus dicit *εὐχαρισήσας*, de piscibus, *εὐλογήσας*, & quod Matthæus ca. 14. 19. & Marcus ca. 6. 41. & Lucas cap. 9. 16. de quinque panibus dicunt *εὐλόγησε*, Ioannes cap. 6. 11. dicit *εὐχαρισήσας*, & Diuus Paulus ad Cor. 14. 16. idē vocat *εὐλογία*, & *εὐχαρισία*, si, inquit, *benedixeris spiritu εὐὰν εὐλογίῃς πνεύματι* qui supplet locum idiotę, quo modo dicit, *Amen super tuam benedictionē, ἐπὶ τῇ σὴ εὐχαρισίᾳ*: Id quibusdam inde natum uideretur esse, quod apud Hebræos *ברך* & benedicere, & gratias agere significat, ut priori Paralip. 29. 20. Mihi id probabile uidetur: sed fortasse inde eorum uerborū in unam significationem confusio nata est; quod nunquam benedictio sine gratiarum actione esse toleret, ut apparet ex Marco cap. 6. 41. ubi Christus, ut quinque panibus, & duobus piscibus benediceret, in cælum suspexit dicitur, unde colligitur, gratias egisse patri in cælum oculos subleuans, & panibus benedixisse. Poterit lector obijcere, quod Ecclesia hæc duo uerba distinguere uideatur, & *elevatis oculis in cælum*, tibi gratias agens, benedixit, fregit, deditque discipulis suis, quasi utrumque fecerit Christus, & prius Patri gratias egerit, & postea pani benedixerit. Respondet Ecclesia non interpretari uerborum significationem: sed,

quod probabile est, sequi: probabile autem est utrumque fecisse Christum egisse gratias Patri, & pani benedixisse, quia uidemus in rebus minoribus, id est cum panibus & piscibus uellet, ut multiplicarentur, benedicere; egisse etiam utrumque Matthæi 14. 19. Marci 6. 41. Lucæ 9. 16. quemadmodum & oculus in cælum leuasse credibile est, quamuis id Euangelistæ non explicauerint, quia cum panibus, & piscibus benediceret, id fecit: qua opinione dicit Ecclesia, & *elevatis oculis in cælum*. Quæstio autem in eo uersatur, cum negari non possit unum uerbum pro altero accipi, utrum *εὐλογεῖν* benedicere ponatur pro *εὐχαρισεῖν* gratias agere: an è contrario. Calvinistæ *εὐλογεῖν* benedicere pro *εὐχαρισεῖν* gratias agere ponunt. Ego cōtra contendō *εὐχαρισεῖν* gratias agere pro *εὐλογεῖν* benedicere ab Euangelistis positum esse, quod non potest, nisi secundo errore refutato, commodè probari. Secundus autem error ex Paulo 1. ad Cor. 10. 16. manifestè coarguitur, *Calix*, inquit, *benedictionis*, cui benedicimus *εὐλογοῦμεν* ad uerbum, quem benedicimus, id est benedicens consecramus, quibus uerbis perspicuum est benedictionem subiectæ materiæ, id est pani, & calici da am fuisse. Deinde Lucas c. 9. 16. ait Christum accepisse panes, καὶ εὐλόγησεν αὐτούς, & benedixit illos, ergo ipsis panibus benedictionē Christus dedit: quare cum eodē modo Eucharistię panē, & calicem benedixerit, non ad Deū, sed ad panem, & uinum benedictio referenda est. Præterea D. Paulus 1. ad Tim. 4. 4. 5. ait cibum sanctificari per uerbum Dei, et oratione, & *εὐχαριστίαν* gratiarum actionem, ergo & uerbum Dei, & oratio, & gratiarum actio ad cibum refertur. Denique Euangelistarum contextus non patitur, ut aliter intelligamus, quam panem ipsum, & uinum à Christo fuisse benedictum, *Accipite*, inquit, *panem εὐλογήσας ἑλάσθε*, cum benedixisset, fregit, deditque discipulis suis, panē utique accepit, panē fregit: panē ergo benedixit. Solēt Calvinistæ inter-

Benedictio  
pro consecra-  
tione ab E-  
uangelistis  
vsurpata,



Libr. 4. hist.  
Euang.

Interpretari Christum benedixisse panes, & Diuū Paulum calicem, id est super illos gratias Deo egisse, ubi multa absurda sunt, primum, quod dicunt super illos gratias egisse, cum Euangelista dicat *εὐλόγησεν αὐτοὺς*, non *εὐλόγησεν αὐτοῖς*, id est benedixit illos, non benedixit illis, quis autem ita loqueretur, gratias egit panes, id est Deo super panes? deinde etiamsi dixisset *αὐτοῖς* illis, absurdum esset ita loqui, gratias egit panibus, id est Deo propter panes. Ista denique deliria ridenda sunt, non refutanda. Duo igitur constant, & *εὐχαριστῆν* gratias agere sumi pro *εὐλογεῖν* benedicere, quia ad panem, & uinum referatur, & non potest gratiarum actio ad res inanimatas, aut rationis expertes, sed ad animatas, & ratione præditas referri, nec enim dicimus gratias ago panem, aut equo, nisi fortasse iocantes, sed gratias ago Deo, aut homini, & benedictionem ad panem, & uinum esse referendam, neque ullus unquam auctor ante nouos quosdam Caluistas aliter intellexit. Itaque Iustus in secunda Apologia Eucharistiam uocat *εὐχαρισθησαν τροφὴν*, cibum gratiarum actione benedictum, aut consecratum, eodemque modo Irenæum lib. 4. capit. 4. & 35. loquutum Græce fuisse credendum est, cum Latinus interpres uerterit *panem, super quem gratia acta sunt*, & Cyprianus libro de cœna Domini, *Panis*, inquit, *iste substantialis, & calix benedictione solemni sacratu ad totius hominis uitâ salutemque proficit*, & Ambro. in libro de his, qui mysterijs initiantur ca. 9. & Iuuenius hunc locum interpretans, *palmis sibi frangere panem.*

*Diuisumque dehinc tradit, sanctumque precatus,*

*Id est prece sanctificans,*

*Discipulos docuit proprium se dedere corpus.*

Tertius superest, quod existiment non peculiarem, & propriam huius sacramenti, sed vulgarem, & inter Iudæos usitatam fuisse, quam Christus hoc loco dedit, benedictionem. Id sic refellitur primum; cum toties Christus ci-

bum sumpserit, quid est, quod Euangelistæ non scripserint eum benedixisse, aut gratias egisse, nisi cum aliquid singulare, & admirabile sua benedictione facturus erat? Ter tantum meminerunt Christum cibum benedixisse, primum apud Matthæum. c. 14. 19. & Marcum c. 6. 41. & Lucam cap. 9. 16. cum uoluit quinque illos panes multiplicare: secundo Matthæi 15. 36. & Marci 8. 6. cum uellet multiplicare septem alios panes: tertio hoc loco, cum uellet panem in corpus suum, uinum in sanguinem transfundere, nam quod apud Lucam cap. 24. 30. in Emaus panem benedixisse, fregisse, ac duobus discipulis dedisse dicitur, eiusdem est generis, quia, ut postea probaturi sumus, etiam tunc corpus suum dedit. Præterea cur, cum tres hæc, ut uulgo creditur, cœnæ fuerint, in cœna agni, & in cœna comuni, quæ postea apponebatur, Euangelistæ non dixerunt, aut benedixisse Christum, aut gratias egisse, cum Iudæi in cœna agni ea ceremonia potissimum uterentur, ut etiam Hebræi tradunt, cum autem de Eucharistia loquuntur, eam benedixisse dicunt? Deinde, cur omnes hoc tam accuratè narrarunt, quasi ad rem maximè pertineret? Denique cur sigillatim & de pane, & de calice narrarunt utrumque benedixisse, ut Matthæus & Marcus, aut ita certè scripserunt, ut facile intelligi posset utrumque benedixisse, ut cum Lucas ait c. 22. 20. *Similiter, & calicem postquam cœnauit?* cum enim dicit *similiter*, significat eodem modo calicem accepisse, ac benedixisse, quo acceperat, ac benedixerat panem.

*Ac fregit.* Et hæc uetus inter Iudæos fuisse dicitur ceremonia ut patrifamilias initio cœnæ, qua agnus edebatur, panem unum azymorum sumeret, & in duas partes diuideret, quarum alteram sub mappa abscederet, alteri sic benediceret, *Benedictus es Dñe Deus noster, rex uniuersi, qui educis panem de terra:* aut sic, *Benedictus es Dñe Deus noster, rex uniuersi in esu panis azymi*, ut ex eo libro Hebræorum, qui

M m 3 בל ב



in-  
scribitur, nonnulli tradide-  
runt. Sed nullo modo credendum  
est Christum nihil aliud, cum panem  
fregit, aut benedixit agere uoluisse,  
quam Iudaeorum ritum, obseruare,  
idem in esu agni faciendum erat  
Iudaeorum more, Christus non in esu  
agni, sed in noui sacramenti insti-  
tutione fecisse dicitur: aut si in esu a-  
gni fecit, ut credibile quidem est, id  
Euangelista, tanquam nihil ad rem  
pertineret, pratermisit. In nouo  
autem sacramento fecisse omnes dili-  
genter exposuerunt, noluit ergo Chri-  
stus ueterem Iudaeorum obseruare ce-  
rimoniam, sed nouam instituere, &  
aliquid multo magis admirandum  
efficere. Quamquam non negauerim  
fieri potuisse, ut Christus, quia esum  
agni in esum corporis sui, id est figu-  
ram in ueritatem mutare uolebat, si-  
mitem, non eandem cerimoniam be-  
nedicendi panem uoluerit usurpare,  
quod probabilis esset, si ritus ille  
panem azymum frangendi non Iu-  
daeorum traditione, sed legis praece-  
pto inductus fuisset. Certè non eodẽ  
modo panem hunc fregisse Christum  
inde apparet, quod omnes Euangeli-  
stae narrauerint eum fregisse, quasi a-  
lias frangere non solet, aut non eo-  
dem modo solet, & quia Lucas cap.  
24. 3. scribit duos illos discipulos in-  
fractione panis Christum cognouisse,  
quod utique non fecissent, si eodẽ  
modo, eodem ritu panem Christus  
fregisset, quo omnes patres familias  
frangere solebant, manifestum enim  
est Lucam significare fractionem pa-  
nis causam fuisse, quam ob rem à di-  
scipulis cognosceretur. Scio dici pos-  
se, quod & me aliquando docuisse  
memini, discipulos illos duos ui ac-  
cepti corporis Christi eum cogno-  
uisse, quasi Eucharistia oculos illis a-  
peruerit. Id etiam num mihi placet:  
sed si id admittatur miraculum, no-  
stra etiam sententia confirmabitur,  
singulari quadam ratione Christum,  
cum corpus suum daret, panem fre-  
gisse, quando tam diligenter ab Euan-  
gelistis id explicatur. Sunt qui putent  
eiusmodi fuisse panem, ut manibus

Christus  
quomodo,

facile frangeretur, quibus nequaquã  
assentior, quia panis azymus fuit, qui  
magis glutinosus est, & omnium dif-  
ficillime frangi potest, non ergo exi-  
stimandum est manu necessario pa-  
nem fuisse frangendum, potuit enim  
& cultro diuidi, sed Hebraeorum con-  
suetudo est, ut frangere panem dicat,  
non solum cum manu frangitur, sed  
etiam cum cultro scinditur, immo  
verò etiam cum non scinditur, sed tar-  
tū datur, quia dari raro solet, nisi  
prius aut frangatur, aut diuidatur:  
*frange*, inquit, *esurienti panem tuum*,  
id est diuide panem, quem habes cum  
pauperibus Isaia 58. 7. & *Paruuli pe-  
tuerunt panē, & non erat, qui frangeret  
eis*. Thren. 4. 4. unde & tota actio, di-  
stributioque huius sacramenti fractio  
panis appellata est Act. 2. 42. fecit igitur  
Christus duodecim ex pane par-  
tes, & singulis, singulas dedit, non ut  
quidam putant, uni ex illis, qui pro-  
ximo, proximos sequenti, & deinceps  
daret, hoc enim uerū sequenti refu-  
tabimus. In manus, an in os dede-  
rit, non constat, sed coniectura non  
lenis est in manus dedisse, primum  
quod dicat, *accipite*, quod ad manus  
potius, quam ad os pertinere solet,  
deinde, quia calicem in manus dedis-  
se uerū sequenti probauimus, & cre-  
dibile est eodem modo dedisse cor-  
pus; denique quia si in diuidendo pa-  
ne ueteris Iudaeorum consuetudinis  
rationem aliquam habuit, non est ue-  
ro simile Iudaeos diuitem panem in  
os ingerere consueuisse. Accedit, quod  
longo tempore etiam in Ecclesia usi-  
tatum fuit, ut sacrum Christi corpus  
in manus fidelibus traderetur, ut ex  
Tertulliano libro de spectaculis capit.  
de munere, ex Cyrillo Ierosolymita-  
no Cath. 5. mystagogica, ex Augu-  
stino sermon. 244. ex Chrysostomi. li. 3.  
de sacerdotio, ex Concilio 1. Tola-  
no colligimus. Meliore tamen consi-  
lio eadem postea Ecclesia non in ma-  
nus, sed in os sacramentum dare coe-  
pit, quod id & minus periculi, & mul-  
to plus haberet reuerentia; quemad-  
modum quamuis Christus coenatis  
corpus suum, & sanguinem dederit,

panem in  
Euchari-  
stia fregit.

Euchari-  
stia mani-  
bus accepta

Eccle.







tere prius Calvinista fieri, qui atheus esse uolet. Fuerat ille antea Calvinista, fuit postea atheus, & unicuique in sua arte credendum est. Verissima sententia, nam quisquis Calvinista est, si ea, quam ingressus est, incredulitatis uia ire pergat, ad nihil credendum perueniat necesse est. Hac a nobis non contumelia, sed admonitio, nis causa dicta sunt, ut si qui forte sunt eorum, qui non omnino obdurecunt, alieno admoniti periculo resipiscant, ostendoque haud ita longè posito precipitio pedem referant. Non solemus commentariorum fines egredi, & nunc si a uia paululum egressi sumus, at non aberrauimus, scientes enim fecimus, quia intelligimus quanti referat, quem quis ad intelligendam, interpretandamque scripturam animum afferat. Commentariorum itaque pars est hæc ipsa digressio.

De Eucharistia disputatio contra hereticos.

Io. 10. 30.

1. Io. 5. 7.

Io. 1. 14.

1. Cor. 15.

52.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Regula optima disputa-

ti de Eucharistia contra hereti-

cos.

Cum de Trinitate disputaretur, trium uerborum interpretatione omnis disceptatio vertabatur: Ego, & pater unum sumus, aut, Hires unum sunt. Cum de incarnatione, in aliorum trium explicatione, Verbum caro factum est. Cum de resurrectione in his tribus, Mortui resurgent incorrupti. Nunc, cum de Eucharistia igitur, in his item tribus, Hoc est corpus meum. Semper enim hæc quatuor mysteria coniungenda mihi uidentur, cum aduersus Calvinistas disputamus denique nobis faciendum, quod ij facere solent, qui dum in mare a piratis, aut in præcipitium a latronibus impelluntur, amplexantur impellentem, & arctè tenent, ut aut impellere desinat, aut in similem ruinam, & ipse trahatur. Quod de Eucharistia noui nobis heretici obiecerint, idem nos illis de Trinitate, idem de Incarnatione, idem de resurrectione mortuorum obieciemus, ut aut Eucharistiae mysterium labefactare desinant, aut illa simul labefactent, quod si fecerint, nemo non eorum temeritatem, & impietatem uideat. Ariani, Marcionistæ, Manichæi, Origenistæ multas in illis, quæ suprà posui-

mus, uerbis interpretationes comminiscabantur, ne ueram Ecclesiae interpretationem reciperent. Lutherani, & Calvinistæ, quia minus etiam illi resistere poterant ueritati, innumerabiles in hæc tria uerba. Hoc est corpus meum commenti sunt: quas ne recitandas quidem ducimus, quia omnes uerantur, eademque explicatione refutantur. In eo Calvinistæ, & Zuingliani omnes conveniunt, non propriam, sed figuratam esse loquutionem: cum figuram quarunt, alij in pane: alij in uerbo est; alij in corpore inueniunt. Itaque singula separatim uerba excutienda sunt.

Hoc.) Omnes, & Lutherani, & Calvinistæ pronomen hoc, pro pane positum esse dicunt, quia panem Christus in manus acceperat, & continuò dixit: hoc, id est, hic panis, est corpus meum. Vnde Lutherani colligunt, & panem in sacramento remanere, quia dixit, hoc, id est panis, & corpus Christi uerè esse, quia dixit, est corpus meum. Calvinistæ uerò panem quidem remanere, corpus uerò Christi non uerè inesse: quia non dixit, hic est corpus meum, sed, hoc, id est panis est corpus meum: quare cum panis corpus Christi uerè esse non possit, & uerè maneat, sequitur non esse corpus Christi, nisi figuratè, id est, corpus Christi significare. Vtrique hac una syllaba pariter refelluntur: Lutherani quidem, quia si hoc, accipitur pro pane, cum non dicat Christus, hic est corpus meum, sed hoc est corpus meum, necesse est, aut panem non remanere, si corpus Christi est, sed in illud transmutari, aut corpus Christi in sacramento non esse, si panis manet: fuerunt in eodem iā olim errore nonnulli ex discipulis Berengarii, quos similibus argumentis eius sæculi auctores refutarunt. Calvinistæ uerò refutabuntur, si probemus pronomen hoc pro pane accipi non posse. Id autem euidentissimis argumentis demonstratur. Primum, si Christus uoluit dicere, hoc, id est panis est corpus meum, quare uno uerbo non dixit clariùs, hic panis est corpus meum?

Id



Ad enim verborum continuatio postulabat, accepit panem, & cum benedixisset, fregit, deditque discipulis suis dicens, Hic panis est corpus meum. Deinde, cum tres Euangelistae Matthaeus, Marcus, & Lucas, & Apostolus Paulus 1. ad Corint. 11. 24. huius sacramenti institutionem exposuerunt, & soleant alijs in rebus verbis plerumque discrepare, dum alius obsecutus, alius clarius idem dicit, in hac re eodem omnes verbo usi sunt, *Hoc est corpus meum*. Cur nemo aut casu, aut consilio, ut sententiam Caluini magis explicaret, dixit hic est corpus meum, aut hic panis est corpus meum? Obijcient fortassis, quod in aliam sententiam solent dicere, Ioannem id explicasse cap. 6. 5. *Panis, quem ego dabo, caro mea est*, & D. Paulum 1. ad Corint. 10. 16. *Panis, quem frangimus, nonne participatio corporis Domini est*? & cap. 11. 25. *Quotiescumque enim manducabitis panem hunc & calicem bibetis*, & v. 28. *Probet autem se ipsum homo, & sic de pane illo edat*, & Lucam, qui in Actis cap. 2. 42. hoc sacramentum fractionem panis vocat. Possem respondere, quod plerique viri docti, & Catholici responderunt, panem uocari, non quod sit, sed aut quod fuerit, sicut serpens, in quem uirga Moysis conuersa fuerat, uirga uocatur Exodi 7. 12. aut quia speciem panis ut prius referat, sicut uocantur linguae, quae super Apostolos ceciderunt, Act 2. 3. non quod linguae essent, sed quod linguae speciem praeseferrent: eaque responsio satis esset: sed non cogitatur, meo quidem iudicio, ullam eiusmodi interpretationem quaerere. Nego etiam atque etiam illis in locis, qui obiecti sunt, nomen panis: aut pro pane, aut pro panis figura accipi: non enim panis, sed corpus Christi panis dicitur, quod ex loco Ioannis, unde caeteri explicandi sunt, perspicuum est, *panis*, inquit, *quem ego dabo*, cum enim dicit, *quem ego dabo*, clarissime ostendit se non de pane loqui, sed de carne sua, quae excellentiori quodammodo panis appelle-

Quomodo  
panis Eu-  
charistia in  
scriptura ap-  
pellatur.

tur. Opponit enim se Moysi, & carnem suam mannae: opponit etiam carnem suam, quam daturus nobis erat, ut eam ederemus, panibus illis quinque, quibus quinque hominum millia saturauerat, superantibus etiamnum duodecim fragmentorum cophinis uer. 12. 13. Cum enim Iudei Christum sequerentur, ut hunc illis panem saepe daret, ut ipse testatur ver. 26. *Amen amen dico uobis, quia uis me, non quia uidistis signa, sed quia manducauistis ex panibus. & saturati estis*, illis panibus, panem hunc, id est carnem suam opponit: non ergo vocat panem uerum panem, sed corpus suum, quod meliore quadam, & praestantiore ratione panis erat, sicut Ioan. 4. 13. 14. dicit Samaritanae, *Omnis, qui bibit ex hac aqua, sitiet iterum: qui autem biberit ex aqua, quam ego dabo ei, non sitiet in aeternum*, eo enim ipso, quod dicit, *quam ego dabo ei*, & quod eam aquam uerae aquae opponit apertissime ostendit se non loqui de uera aqua, sed de gratia sua, quae meliori quodammodo aqua uocatur. Itaque tantum abest, ut ex loco Ioannis Caluinista, aut Lutherani possint ullum contra nos argumentum desumere, ut inde potius nos possimus sententiam de transubstantiatione nostram confirmare, non enim solum significat Christus se meliorem panem, id est carnem suam daturum esse, sed etiam panem daturum non esse, sicut dederat illis, qui paulo ante saturati fuerat: illi enim panem hunc opponit: illum ergo non dedit, hunc dedit: ille in Eucharistia non est: hic, id est, caro eius, est. Ad eundem modum loci D. Pauli, & Lucae intelligendi sunt, quod cum ex loco Ioannis, tum ex ipsis etiam autoribus manifestum est, cum Paulus dicit, *panis, quem frangimus*, indicat se non de pane loqui, sed de corpore Christi, quod sicut Christus ipse, panem appellat. Illa enim desuper pro *quem frangimus* addita est ad distinctionem ueri, & naturalis panis, sicut apud Ioannem uerbum illud, *quem ego dabo*, & cum dicit, *quotiescumque manducabitis panem hunc*, & sic de pane illo edat, illa



illa adiuncta pronomina *hunc*, & illum ostendunt ipsum non de uero pane, sed de corpore Christi loqui, quod panem appellet, quemadmodum Christus dicit. *Qui biberit ex aqua, quam ego dabo*, relatiuū *quam* distinguit gratiam Christi a uera aqua: cum autem dicit Lucas frangi panem idem significat, quod D. Paulus. Dicit aliquis, corpus Christi non frangi, sed panem. Respondeo corpus Christi dici frangi, cum datur, quia nomine panis appellatum fuerat, & a Prophetis etiam significatum, & panis proprium est frangi, quamuis corpus ipsum vere non frangatur, sicut gratia Christi uerè non bibitur, & tamen loquens de ea Christus dicit, *qui biberit ex aqua, quam ego dabo ei*, nimirum quia gratiam suam aquam vocauerat, & aqua bibitur. Tertium argumentum quo probare possumus pronomen *hoc* non accipi pro pane est, quod, ut Latine, sic & Græcè diuersi, quàm panis generis sit, panis *ἄρτος* masculini, *τοῦτο* hoc neutrius, nō ergo ad panem referri potest, cum quo genere non conuenit. Dicent Calvinistæ pronomen illud Græcum *τοῦτο*, & Latinum, *hoc*, nō adiectiuum esse, sed substantiuum, quod & multi Catholici dixerunt, ideoque opus nō esse, ut cum pane genere conueniat, sed hūc esse sensum hoc, quod uobis do, est corpus meum, sed illud, quod dabat, erat panis. Primum hoc teneamus, pronomen *hoc* non distinctè accipi pro pane, sed argumentando obtinendum esse, ut pro illo sumatur. Deinde si substantiuum est, cur potius non sequamur interpretationem Christi, hoc, quod uobis do, est corpus meum, quàm Calvinistarum somnium, hoc, quod uobis do, est panis? Præterea, ut concedamus substantiuum esse, cur uulgarem potius Catholicorum explicationem, quæ naturæ pronominis multo magis conuenit, non sequamur, ut pronomen *hoc* neque pro pane, neque pro corpore Christi sumatur, sed tantum significet id, quod Christus daturus erat, & ut uocant, indiuiduum uagum sit. Quam

quam ego qui idem omnibus uiribus contendo adiectiuum esse, neque uulla ratione substantiuum esse posse, aut pro alia re, quàm pro corpore Christi accipi. Minime dubium est, quin eodem modo hoc pronomen sumendum sit, cum de pane Christus dicit, *τοῦτο ἐστὶ τὸ σῶμά μου*, hoc est corpus meum, & cum de sanguine dicit, *τοῦτο ἐστὶ τὸ αἷμά μου*, hic est sanguis meus, Cum autē de sanguine dicit *τοῦτο ἐστὶ τὸ αἷμά μου*, hic est sanguis meus pronomen non refertur ad uinum, sed ad sanguinem, quod ex Luca, & Paulo manifestum est, qui pronomen cum sequenti, non cum præcedenti coniunxerunt dicentes *τοῦτο τὸ ποτήριον* ergo & cum dicit, *hoc est corpus meum*, illud *hoc* non conuenit cum præcedenti pane, sed cum sequenti corpore, nec substantiuum, sed adiectiuum est, quia sicut illud cum sequenti *calix*, ita hoc cum sequenti *corpus*, ut adiectiuum cum substantiuo coniunctum est, ideoque non potest panē, sed corpus Christi demonstrare. Hoc Hieronymus, aut noster, quisquis fuit, uetus interpres rectissime uidit, quia non dixit loquens de sanguine, hoc est sanguis meus, quemadmodum dicendum illi erat, si pronomen *τοῦτο*, *hoc*, substantiuè positum esse putauisset, sed dixit *hic est sanguis meus* adiectiuè conuertens, quod D. Tho. prius doctus, subtilis, & circumspēctus interpres non animaduertit, eiusque uulgaris opinionis auctor extitit, pronomen, *hoc*, substantiuum, & indiuiduum uagum esse. ergo est, dicit aliquis, tautologia, uam si hoc accipitur pro corpore, perinde est, ac si Christus diceret, hoc corpus meum est corpus meum. Hoc argumēto ualde miror homines etiam doctos a recta sententiā dimotos fuisse, nec enim nouum est, sed usitatum, immo, ut Dialectici docent, necessarium, ut in omni uera propositione subiectū, & attributum pro eodem accipiantur, tamen non omnis propositio uera tautologica est, quia tautologia non in acceptione, quam Dialectici suppositionem uocant, sed in significatione



catione consistit, quando subiectum, & attributum non solum pro eodem accipitur, sed idem etiam significant, nec idem solum significant, sed eodem etiam modo; nam animal rationale est homo, non est tautologia, sed vera, recta, & prudenter enuntiata propositio: quamvis animal rationale, & homo & pro eodem accipiantur, & idem prorsus significant: quia idem quidem, sed non eodem modo significat: homo enim totam naturam: animal rationale eandem naturam, sed distinctè, & per partes declarat. Si quis diceret, animal rationale est animal rationale: homo est homo; is ineptam committeret tautologiam: Eodem modo si Christus dixisset, corpus meum est corpus meum, tautologia, vix fuisset: cum autem dicat, *hoc est corpus meum*, quamvis *hoc* pro ipso corpore Christi accipiat, idemque significet, tautologia non est, sed rectissima, & usitatissima locutio: quia idem non eodem modo significat, *corpus meum* significat corpus Christi distinctè, ac nominatim, *hoc* non nominatim, non distinctè, sed, ut ita dicam, mutè, quemadmodum Galli solent dicere, cum aliquis ita aduersus alium locutus est, ut non appellauerit, sed hominem descriperit, non nominauit illum, sed digito demonstrauit, quod perinde est, ac si nominasset: ita uulgò loquimur, *hic* est frater meus, ubi pronomen, *hic* nec pro alia re, quam pro fratre meo accipitur, nec aliud eo loco significat, quamvis non eodem modo; nam cum uoco fratrem meum, nomino: cum dico *hic*, non nomino, sed, quod idem ualeat, digito ostendo, si quis autem diceret, *hoc* est frater meus, virgis cadendus esset, quod præter consuetudinem Latini sermonis loqueretur. Nec minus absurdè Christus loquutus fuisset, si dixisset, *hoc est corpus meum* hoc substantiue posito, quamquam in corpore, quia idem genus est, absurditas non apparet in sanguine apparebit, si dicas, *hoc* est sanguis

meus, quis enim homo prudens ita loqueretur? Quanquam scio Cyprianum alicubi ita uertisse: sed sunt, qui locum corruptum putant. Ita scriptura loqui solet, *hic est filius meus dilectus*, *hic sanguis testamenti, quod mandauit ad uos Deus*, & multa similia. Dicit aliquis, cum pater dicit, *hic est filius meus*, illud, *hic*, accipi pro homine, quasi dicat, *hic* homo est filius meus: fieri fortasse potest. Quid autem dicit homo iste acutus de hac propositione, *hic* est homo, cum hominem ostendo? pro quo dicit pronomen *hic* positum esse, nisi pro homine? nec enim pro animali positum est, quasi dicam, hoc animal est homo, cum genus disceperet. Quam certum igitur, & perspicuum est in hac oratione, *hic* est homo, aut *hic* est panis, pronomen *hic* pro alia re, quam pro homine, & pro pane, qui loco attributi positus est, accipi non posse: tam certum, atque perspicuum est homini mediocriter docto Euangelistarum contextu Græcè legenti pronomen *τοῦτο* hoc, pro alia re, quam pro Christi corpore non poni, sic enim habet, uerf. 26. *λάβετε τὸν ἄρτον, καὶ ἐυλογήσατε ἐκκλησίαν, καὶ ἐδίδοτε τοῖς μαθηταῖς, καὶ ἔπε, λάβετε, φάγετε, τοῦτο ἐστὶ τὸ σῶμα μου.* Omnes ergo alias non solum hæreticorum, sed etiam quorundam Catholicorum in hoc pronomen interpretationes constantissimè reiicio, hanc unam firmissimè teneo, quæ ex Luca, & Paulo certissimis argumentis confirmatur, & Matthæi, & Marci Græco contextui sola consentanea est, & à nostro uetere interprete expressa, & quæ Catholicam de præsentia corporis Christi in Eucharistia sententiam maximè corroborat. Quod in scholis obicit solet, cum Christus pronomen illud pronuntiavit nondum eius corpus in sacramento fuisse, itaque non potuisse pronome illo demonstrari: rectè in eisdem scholis, ubi conflatum argumentum est, etiam dissoluitur, in eiusmodi propositionibus, quæ prædicæ sūt, & efficaces, hæc pronomina demonstrare solere, id quod nondum est, sed per

Matth. 8.  
17.  
Heb. 9. 20.  
Matth. 3.  
17. & 27. 5.



per ipsam orationem fit, eaque finita erit. Cum Deus ex limo terrae hominem finxit, recte, vereque dicere potuisset sumpto in manus limo, hic est homo, sicut Christus dixit, *hoc est corpus meum*, & cum ex costa mulierem fabricauit, sumpta costa dicere potuit, haec est mulier, quamuis, cum pronunciaisset pronomen *haec*, nondum fuisset mulier, nec significasset, si ita loquutus fuisset, limum esse hominem, & costam mulierem, sed limum in hominem, costam in mulierem conuerit. Ita cum Christus dicit accepto pane *hoc est corpus meum*, quamuis eius corpus nondum illic esset, tamen quia statim futurum erat, illud eo pronomine demonstrat, nec significat panem, quem acceperat esse corpus suum, sed mutari in corpus suum, quemadmodum si in Cana Galilaeae, cum aquam in uinum mutauit, ostensa aqua dixisset, *hoc est uinum*, nec illud *hoc* aquam, sed uinum ostenderet: nec sensus esset aquam esse uinum, aut uinum significare, sed illo uerbo in uinum esse conuersam. Quod exemplum eo magis est ad rem, de qua agimus accommodatum, quod ex alio simili Christi facto sumptum sit, & quod eo ueteres auctores ad probandam, explicandamque huius sacramenti fidem uti fuerint, ut Cyrillus Ierosolymitanus Cat. ch. 4. mystagogica.

Verbi substantiuum in scriptura non accipitur pro significat.  
1. Cor. 10.  
4.  
Exo. 12. 27

*Est.*) Ex his, quae de pronomine *hoc* dicta sunt, eorum error facile refellitur, qui putant uerbum, *est*, accipi, pro significat, quam ad rem nimia quadam diligentia multa de scripturis sacris exempla accumulare student. Petra, inquit, erat Christus. Agnus erat Pasche, & texta alia, quae passim iactare solent. Ego omnem istam exemplorum telam uno uerbo praecidam. Nego uerbum substantiuum, aut Latine, aut Graece, aut Hebraice, aut ulla prorsus in lingua, quam ego nouerim, aut in sacris litteris, aut apud alium ullum auctorem, etiam apud istos ipsos haereticos pro uerbo, significat, accipi solere, aut etiam posse, hominesque imperitissimos, qui

id dicant, esse affirmo. Nam in omnibus illis figuratis locutionibus, quae ab istis afferuntur, aut ab ullo homine afferri, uel excogitari possunt, si quae figura est, non heret in uerbo *est*, sed aut in subiecto, aut in praedicato: cum dico, agnus est Pascha, figura est in nomine Paschae, quod nomen sumitur non proprie pro transitu, sed pro agno, qui transitum significabat, cum ostensa Herculis imagine dico, hic est Hercules, figura non est in uerbo *est*, sed in nomine Herculis, quod cum uerum, & uiuum Herculem natura sua significet, hic pro Herculis figura positum sit, uerbum enim *est* semper substantiuum, aut, ut subtilis ille philosophus docuit, solam extremorum unionem significat, & isti, qui uerbo substantiuo figuram assignunt, ad Grammaticorum uerbera mittendi essent, qui cum multa uerborum simplicium, & compositorum figurarum genera esse dicant, nemo unquam eorum dixit in uerbo substantiuo figuram reperiri, sed aut in subiecto, aut in praedicato: aut in uerbis non substantiuis, ut ridet ager, luxuriat seges. Itaque uideamus, an in nomine corporis figura sit. Nam in aliis duobus uerbis certe non est.

Aristo. 1. de interpret.  
c. 3.

*Corpus meum* 2. ) In corpore, qui nullam non uidet esse figuram, haud scio, an ullos mentis oculos habeat, si enim in corpore figura est, non accipitur pro uero corpore Christi. At pro uero Christi corpore accipi ex adiunctis manifestum est. Apud Lucam capitulo 22. 19. *Hoc est corpus meum, quod pro uobis datur*. Primum non dixit, quod uobis datur, sicut dicendum erat, si figuratum dedisset corpus, sed *quod pro uobis datur*, dabat igitur illis aliquid, quod pro ipsis offerretur in peccatorum expiationem, qualis profecto figura corporis esse non poterat, solum enim uerum Christi corpus pro nobis datum est. Posset Caluinista aliquis dicere sensum esse *hoc est corpus meum*, id est figura corporis mei, quod pro uobis tradendum



ferendum est. Huic sensui repugnat, quod nullus Euangelista neque de corpore, neque de sanguine loquens futuro usus sit tempore: sed omnes tres Euangelistae, & praeterea Apostolus Paulus praesenti utantur, *quod pro vobis datur, qui pro vobis funditur.*

Quod si praesens pro futuro positum esset, aliquis profecto eorum futuro usus esset: nec enim casu eadem omnes figura usos esse credendum est.

Possumus etiam dicere, quod quidam etiam eorum iam dixerunt, aut tempus praesens accipi pro futuro, aut, si pro praesenti accipitur, sensum esse, *quod pro vobis datur*, id est dari incipit, & *pro vobis funditur*, id est, incipit fundi, quia initium iam passionis erat. Primum apparet haec esse commenta, & confugia hominum nescientium, quam in partem se conueriant, deinde utrumque commentum vno Diui Pauli uerbo refutatur, *τοῦτό μὲν ἐστὶ τὸ ὑπὲρ ὑμῶν κλυόμενον*, hoc est corpus meum, quod pro vobis frangitur, quod de corpore Christi in cruce dici non potuit, quia sacramentalem locutionem esse constat: hic enim oportebat Caluinistas sacramentalem locutionem recognoscere; non, ubi non est, fingere.

Diximus supra hoc eodem uersu corpus Christi dici frangi, quatenus sub panis specie, & sacramento est, quia panis frangitur; itaque extra sacramentum frangi non dicitur, ac ne in cruce quidem, ubi etiam Diuus Ioannes tanquam mysterium adnotauit la tronibus crura confecta fuisse, Christo non fuisse, quia scriptum erat Exo di 12. 46. *Os non cominuuetis ex eo*, Ioann. 19. 36. Deinde cum Diuus Lucas, & Paulus de calice loquuntur, ita scribunt, *τοῦτο τὸ ποτήριον ἢ χαινὴ διαθήκη ἐν τῷ αἵματί μου τὸ ὑπὲρ ὑμῶν ἐκχυρόμενον*, hoc est poculum nouum Testamentum in meo sanguine, quod pro uobis effunditur: sic enim uertere uolumus, ut ambiguitatem tolleremus, quae in nostra uersione est, in qua non apparet, utrum illud, *qui pro vobis effunditur*, ad calicem, an ad sanguinem

referatur. Graecè uerò dubium non est ad calicem esse referendum, quia sanguis est in tertio calu, *ἐν τῷ αἵματί μου τὸ ἐκχυρόμενον*, qui funditur; aut si id participio passiuo exprimi posset, *fusus*, in nominatiuo, quemadmodum si Latine uerteretur, hic est calix nouum Testamentum in meo sanguine pro uobis *fusus*; manifestum utique esset effusionem non ad nomen sanguinis, sed ad nomen calicis esse referendam. Quamquam calix effundi non dicitur, nisi quia, qui intus est, liquor effunditur: id tamen nihil refert, hoc nobis satis est, quod inde euidentissime probatur non agi de effusione sanguinis in cruce, sed in sacramento, cum calix pro nobis dicatur effundi, qui non in cruce, sed in sacramento *fusus* est. Quo autem sensu aut calix, aut sanguis Christi in sacramento fundi dicatur, uersu vigesimo octauo explicabimus. Praeterea qui hoc ad crucem referunt, uim, & artificium uerborum Christi non intelligunt. Acceperat Christus panem, benedixerat, fregerat, porrigebat Apostolis dicens, *Hoc est corpus meum*, addit, *quod pro uobis datur*, quis non uidet his extremis uerbis uim, pretium, & fructum eius rei, quam porrigebat, commendare uoluisse, & ut Comicus ille dixit, ornare munus uerbis; dabat enim corpus suum non apertum, sed sacramento celatum: poterant Apostoli existimare se solum panem accipere soli uentri profuturum, & minori, quam par erat, habere in pretio: Christus affirmat se non panem: sed corpus suum dare: & corpus suum, quod pro ipsis tunc oblatum remissionem illis peccatorum offerret. Non commendat fructum crucis, de qua non agebat, sed fructum sacramenti, de quo agebat. Obijciat aliquis, quod Matthaeus, & Marcus, cum de calice loquuntur, non dicunt *qui pro uobis effunditur*, sed *qui pro multis effundetur*, quasi non ad solos Apostolos, sed aut ad omnes, aut ad multos alios Christi-

Terent. in  
Eunucho.



fus verba dirigeret: quare non pos-  
 se Christum de solo Eucharistiæ fru-  
 ctu loqui, sed ad crucem potius eius  
 orationem pertinere. Hanc obie-  
 ctionem versu 28. omnino dilue-  
 mus, ubi probaturi sumus illud, *pro*  
*multis*, idem esse, atque *pro vobis*,  
 ut Lucas, & Paulus dixerunt: nam  
 & Apostoli, qui aderant, multi  
 erant, sed quia Iudæ, qui unus erat  
 ex illis, corpus & sanguis suus ni-  
 hil profuturus erat, aut ipse Chri-  
 stus, aut, quod ego magis credo,  
 Evangelistæ Matthæus, & Marcus,  
 ut id applicarent, non dixerunt *pro*  
*vobis*, ne omnes comprehendere vi-  
 derentur, sed *pro multis*, ut aliquis  
 exceptus significaretur. Præterea  
 quemadmodum de corpore omnes  
 Evangelistæ dicunt, *Hoc est corpus*  
*meum*: ita de calice Lucas, & Pau-  
 lus dicunt, *hic est calix*, apud Lucam  
 autem, & Paulum nomen calicis  
 non potest accipi figuratè, ergo apud  
 Evangelistas, & apud eundem Pau-  
 lum nomen corporis figuratè acci-  
 pi non potest. Quod autem nomen  
 calicis figuratè non accipiat, ex  
 eo, quod paullo ante adnotauimus,  
 manifestissimum est. Ipse enim ca-  
 lix dicitur fundi, ergo verus calix  
 est, sed quia dicit, *Hic est calix in*  
*meo sanguine*, quod perinde est, ac  
 si diceret, *Hic est calix sanguinis mei*,  
 idem est, quod Lucas, & Paulus di-  
 cunt, *Hic est calix in meo sanguine*,  
 & quod Matthæus, & Marcus dicunt,  
*Hic est meus sanguis*. Solent Calui-  
 nistæ hunc nobis locum passim obij-  
 cere, sed non poterant ullum moue-  
 re lapidem, qui maiorem super illos  
 ruinam traheret. Vociferantur, hanc  
 orationem, *Hic est calix*, constat fi-  
 guratam esse, ergo & illa, *Hoc est*  
*corpus meum*, figurata est. Nos con-  
 tra, hanc orationem *hic est calix* con-  
 stat figuratam non esse, ergo illa,  
*Hoc est corpus meum*, figurata non  
 est. Videndum quis opinionem suam  
 melius probeat. Ostendant illi, ubi  
 figura sit. In uerbo est? iam docui-  
 mus esse non posse; in nomine cali-  
 cis? ergo non accipitur pro uero cali-

ce, sed pro figura calicis quemadmo-  
 dum dicunt illi corpus non accipi pro  
 uero corpore, sed pro corporis figu-  
 ra. At hoc imperitè, absurdè, &  
 ridiculè dictum est: verum enim cali-  
 cem Christus porrexit. At dicunt fi-  
 guratè nomen calicis accipi, quia pro  
 sanguine ponitur: Hoc etiam absur-  
 dius est. Primum, quia perinde es-  
 set, ac si Christus diceret, hic calix id  
 est, meus sanguis, ut illi interpretan-  
 tur, est meum testamentum in meo  
 sanguine: quid ineptius dici potuit?  
 deinde, quia si figura in nomine cali-  
 cis esset, eadem utique esset, quam in  
 nomine corporis esse dicunt. At in  
 corpore hanc dicunt esse figuram, ut  
 nomen corporis pro figura corpo-  
 ris accipiat, ergo & in calice, si  
 qua figura est, hæc est, ut nomen  
 calicis pro figura calicis positum sit.  
 Denique si figura est in calice, cer-  
 tè in sanguine non est; quæ enim  
 esset absurditas, *Hic est calix sangui-  
 nis mei*, id est, figura calicis, figura  
 sanguinis mei? ad hunc enim mo-  
 dum eorum sententia oratio esset  
 necessariò resoluenda. Deinde si fi-  
 gura esset, ea esset, quam in illa sua  
 tam decantata oratione esse dicunt,  
*Petra autem erat Christus*; at in illa  
 aut nulla figura est, aut non est in  
 nomine Christi, sed in nomine pe-  
 træ, nec enim sensus est, ut omnes  
 Calvinistæ mira semper ignorantia  
 putauerunt, petram esse figuram  
 Christi, sed Christum esse petram,  
 transposita enina uerba sunt, *petra*  
*autem erat Christus*, pro Christus  
 autem erat petra: itaque nomen pe-  
 træ non subiectum, sed attributum  
 est, ut ex circumstantibus perspicuum  
 est, *bibebant autem de consequente eos*  
*petra* 1. ad Corinth. 10. 4. non conse-  
 quebatur autem eos uera petra; sed  
 Christus, petra enim immobilis ma-  
 nebat. Christus eos antecedebat, &  
 cibum illis, ac potum dabat, hoc est,  
*bibebant autem de consequente eos pe-  
 tra. petra autem erat Christus*, id est,  
 Christus erat petra illa, de qua bibe-  
 bant, quæque eos consequebatur. Cu-  
 ius transpositionis causa fuit, quod so-  
 leant



Hebrai-  
mus notabi-  
lis.

leant Hebraei ultimum uerbum præcedentis orationis initio sequentis ponere, In principio creauit Deus cælum & terram: terra autem erat inanis Genes. 1. 1. In principio erat uerbum, & uerbum erat apud Deum, & Deus erat uerbum, sic quia dixerat, bibebant de conſequenti eo petra, reperit nomen petra, petra autem erat Christus. Figura ergo si qua est, non est in nomine Christi, quod pro uero Christo, non pro eius figura positum est, sed est in nomine petra, quia Christus non uerè erat petra, sicut non uerè uitis, non uerè leo, sed similitudine quadam, quia Ecclesiæ fundamentum erat. Ea autem figura non est, quam in his uerbis, Hoc est corpus meum, Caluinistæ esse dicunt, id est, hoc est figura corporis mei: sensus enim esset, Christus erat figura petra, quod absurdissimum est: itaque concidit arx illa super hanc petram ædificata, qua omnes docti, indocti Caluinistæ sese defendere solebant. Deinde quis dubitat eodem modo hoc loco nomen corporis accipiendum esse, quo apud Ioannem capite 6. 51. nomen carnis accipitur: panis, quem ego dabo, caro mea est: certum enim est, quod illic promiserat, hic tradidisse, & nomen panis declarat, quod non accipitur pro corpore Christi, nisi quatenus sub specie panis datur: nam quod isti negant agi illo capite de Sacramento, tam impudenter negant, ut opus non sit hoc loco refutare, & est à multis uiris doctis integris etiam scriptis libris refutatum: & ipsi ex eodem capite nobis obijciunt illud, caro non prodest quicquam, quasi Christus agat de Sacramento. Illic autem nomen carnis non potest accipi, nisi pro uera carne, nec enim figura in carne, sed in pane est, neque uocat panem carnem suam, sed carnem suam panem, quasi dicat caro mea est panis ille, quem ego dabo. Opponit enim, ut diximus, panem illum uero, & naturali pani: ergo cum dicit. Hoc est corpus meum, nulla in corpore, figura est, sed nomen corporis

uerum significat corpus Christi. Et uerò si Christus dixisset, hic panis est corpus meum, ut illi, si non uerbis, sensu dixisse putant, tamen non possemus interpretari, ut illi interpretantur, hic panis est figura corporis mei, sed hic panis est uerum corpus meum, non tamen uerus panis, sicut apud Ioannem ita interpretentur necesse est. panis quem ego dabo, caro mea est, uera quidem caro, sed non uerus panis. Ad hæc si figuratè Christus his uerbis loquutus fuerat, mirum profectò est neminem Euangelistarum, aut D. Paulum, qui omnes eandem huius sacramenti institutionem narrauerunt, figuram exposuisse, maximeque cum scirent non multo ante tempore Capernaitas simili oratione offensos fuisse Ioan. 6. 60. & cum soleant Euangelistæ in rebus multo minoris momenti, quod aut figuratè, aut obscurè a se, uel ab alijs dictum est, explicare. Dixerat Christus Ioan. 2. 19. Soluite templum hoc, & in tribus diebus reedificabo illud. Figuratè corpus suum templum appellauerat, nec erat magnopere necessarium, ut id intelligeremus, explicauit tamen idem Ioannes. 5. 21. Ille autem dicebat de templo corporis sui. Dixerat Ioannis 12. 32. Si exaltatus fuero à terra, omnia traham ad meipsum, ubi nulla figura, sed obscuritas tantum in dicto erat, explicat tamen Ioannes 5. 33. Significans, inquit, quæ morte esset moriturus. Dixerat Matthæi 16. 6. Cauete à fermento Phariseorum, quod & obscurè, & figuratè dictum erat, Christus ipse explicat uersu. 11. 12. Quare nō intelligitis, quia nō de pane dixi uobis cauete à fermento Phariseorum, & Sadduceorum? Tunc intellexerunt, quia non dixerat, cauendum à fermento panum, sed à doctrina Phariseorum, & Sadduceorum. Dixerat apud Ioannem 15. 1. Ego sum uitis uera, exponit. 4. sicut palmes non potest ferre fructum à semetipso, nisi manserit in uita, sic nec nos, nisi in me manseritis. Appellauerat Diuus Paulus Ecclesiam corpus Christi ad Coloss. 1. 24. Adimpleo, quæ desunt passionum Christi.



*Non in carne mea pro corpore eius* : figura erat in corpore ; non enim pro uero, & naturali Christi corpore sumebatur, explicat statim *quod est Ecclesia*. Quis credat si similis hoc in nomine corporis figura esset, neminem ex quattuor Euangelistis, & uno Apostolo Paulo, aut casu, aut consilio explicaturum fuisse? Præterea cum Christus dixerit se Apostolis corpus suum dare, & solerent in rebus multo clarioribus dubitare, si aut obscure, aut per figuram dictæ essent, cur nemo eorum de hac locutione dubitauit? si figurata erat, cur nemo interrogauit Christum, quid sibi uellet? Dubitauerant de parabola seminis, & feminantis Matthæi 13. 3. explicat illis Christus etiam non interrogantibus uersu 18. Dubitauerant eodem capite v. 36. de parabola zizaniorum interrogant Christum, & ab eo interpretationem eliciunt uersu 1. Sanè si figuratè Christus loquutus fuisset, & figuram non explicasset, dubios, & multis erroribus expositos Apostolos reliquisset, præsertim cum hæc illius nouissima fere uerba fuerint, quæ oportebat esse quàm clarissima; quis enim prudens restator ultimam suam uoluntatem obscuris, aut figuratis declarat uerbis? Ad hæc locus D. Pauli 1. ad Corinth. 11. 27. manifestissimus est: *Itaque quicumque manducauerit panem hunc, & biberit calicem domini indigne, reus erit corporis, & sanguinis Domini* cur rei sunt, si uerum corpus, uerumque sanguinem non accipiunt? solent dicere Calvinistæ reos esse corporis, & sanguinis Domini, quia etiam si uerè non sumant, sumunt figuram, eamque iniuria afficiunt, aut in figura corporis, & sanguinis corpus ipsum, & sanguinem inhonestè, & irreuerenter tractant. Hoc a nobis fortasse dici posset, ab illis non posset, qui nec sacramentis ullam reuerentiam debere putant, & nos ridet, quòd dicamus eundem honorem imaginibus, atque rebus per imagines significatis tribuendum esse, & exemplum, quo

uti solent, aptum non est, si quis, inquit, regis sigillum in terram proijceret, aut perfringeret, reus læsæ maiestatis esset. Nam ponunt pro certo, quod probandum erat sacramenta esse sigilla, quod multis a nobis argumentis in scholis Theologicis refutatum est. Proponant igitur exemplum in regis imagine; an si quis erga eam minus se rectè habeat, læsæ maiestatis reus erit? sanè non erit, aut concedendum illis est, quod tantopore negant, etiam imaginibus rerum significatarum honorem exhibendum. D. Paulus, cur, qui indignè manducat, & bibit, reus sit corporis, & sanguinis Domini, rationem reddit, *non dijudicans*, inquit, v. 29. *corpus Domini*, præterea enim iudicium sibi manducat, & bibit, quia reus est corporis, & sanguinis Domini, præterea reus est corporis & sanguinis Domini, quia corpus Domini non dijudicat, id est, non alia reuerentia, quàm alium panem accipit: loquitur igitur de uero corpore, & sanguine Christi. Adde, quòd in scriptura tribus tantum modis corpus Christi dici reperiimus, primum propriè pro naturali, & uero corpore Christi: secundò metaphoricè pro Ecclesia ad Coloss. 1. 24. Terriò pro Euangelio, aut ueritate ueteribus figuris respondente ad Coloss. 2. 16. 17. *Nemo ergo nos iudicet in cibo, aut in potu, aut in parte diei festi, aut neomenia, aut sabbatorum, quæ sunt umbra futurorum: corpus autem Christi*, & plures acceptiones non inuenimus. Itaque hoc loco, cum neque pro Ecclesia, neque pro Euangelio sumatur, usus scripturæ docet nos pro uero, & naturali corpore esse sumendum. Res denique cuiusvis hominis errore non occupati iudicio relinquatur, si Christus uoluisset dicere se dare uerum corpus, & sanguinem suum utrùm clarius, apertius, explicatius, distinctius dicere potuisset, quàm dixit, *Hoc est corpus meum*, & *hic est sanguis meus*? cur ergo quòd clarissimè dictum est, ne credere cogamur

De imaginum ueneratione obiter contra hæreticos,

Corpus Christi in scriptura tribus modis accipitur,



gamur, figuris obsecramus? Argumē-  
tatur Caluinus cōtra alios sibi similes  
hæreticos, qui Christum solam figurā  
dedisse dicunt: Si Deus, inquit, nec fal-  
lere, nec mentiri potest, consequens est ip-  
sum omnia, quæ illis significat, vè ipsa im-  
piere, ac præstare: necesse est igitur nos  
in cana verè corpus, & sanguinem Chri-  
sti recipere, & in commentarijs, fru-  
stra inberet suos Dominus panem edere  
corpus suum esse affirmans, nisi effectus  
verè ad figurā accederet, etsi enim nihil  
illuc præter panē cernimus, non tamē fru-  
stratur nos, vel ludit, qui animas nostras  
suscipit carne sua alendas igitur, non si-  
gnō tantum monstratur, sed & ipsa quo-  
que exhibetur carnis Christi māducatio.  
Argumentatur inquam Caluinus ad-  
uersus Zuinglianos, quia Christus mē-  
tiri non potuit, aut nos fallere, atque  
deludere, non figuram solam, sed verū  
corpus, & sanguinem suum nobis da-  
re, & nos ex eius argumento contra il-  
lū argumentemur, Christus mentiri  
non potuit, aut nos fallere atque delu-  
dere, ergo cum dixit, accipite, & mā-  
ducate, hoc corpus meum, non solam Sa-  
cramentum, sed verum etiam corpus  
suum dedit, & rursum, quia non dicit  
hoc erit corpus meum, cum manduca-  
bitis, sed hoc est, sequitur sub illo Sacra-  
mento, quod dabat corpus suum dedisse.  
Diximus initio huius disputationis  
hoc mysterium non esse ab alijs  
Trinitatis, Incarnationis, & Resur-  
rectionis mysterijs se iungendum;  
nunc verò monstrandum est hoc eo-  
dem iure, & si fieri potest, etiam melio-  
re nos credere & sine vllis figuris in-  
terpretari, quam Caluinistæ cetera cre-  
dunt. Hic enim, vt probauimus, nul-  
lam illi figuram reperire possunt, in  
alijs mysterijs veteres hæretici reperie-  
bāt, & ex scripturis confirmabant: Ego  
& pater vnum sumus, interpretaban-  
tur Ariani vnum non natura, & essen-  
tia, sed concordia, consensioneque vo-  
luntatum; probabant scripturis mul-  
titudinis autem credentium erat cor v-  
num, & anima vna Acto. 4. 32. & vt om-  
nes vnum sint, sicut tu pater in me, &  
ego in te Ioan. 17. 11. Quid ad speciem  
tam probabile Caluinistæ ex scriptu-

ris proferre possunt, vt hanc oratio-  
nem, Hoc est corpus meum, figuratum  
esse doceant? Et verbum caro factum  
est, Marcionistæ, & Manichei per fi-  
guram exponebant idest similitudinē  
carnis acceptæ; id etiam scripturis pro-  
bare videbantur Rom. 8. 3. Deus filium  
suum mittēs in similitudinem carnis pec-  
cati de peccato damnauit peccatum, &  
ad Philip. 2. 6. 7. Qui cum in forma Dei  
esset, non rapinā arbitratus est esse se æ-  
qualem Deo, sed semetipsum exinaniuit  
formam serui accipiens, in similitudinem  
hominum factus, & habitu inuenius, vt  
homo. Quos triumphos agerent Calui-  
nistæ, quos contra nos clamores tol-  
lerent, si aliquē in sacris litteris locum  
reperirent, vbi Christus formā, aut si-  
militudinem corporis suis nobis de-  
disse diceretur? Mortuos resurrectu-  
ros esse figurat etiam Origenistæ in-  
telligebant, non quod eadem resurre-  
cturi essent carne, sed quod alia in-  
duendi, non vera, non corporea, sed  
coelesti, & spiritali, eodem planē  
modo, quo isti dicunt nos sumere qui-  
dem corpus Christi, sed spiritaliter.  
Probabant illi ex D. Paulo 1. ad Cori.  
15. 44. Seminatur corpus animale, sur-  
get corpus spirituale, & rursum, Caro &  
sanguis regnum Dei possidere non pos-  
sunt. Allegabant alij expressa, vt vide-  
batur, scripturæ testimonia, quibus  
futura resurrectio negari videretur  
Iob. 14. 12. Homo, cum dormierit, non re-  
surgit, donec atteratur cælum, non eni-  
gilabit, neque consurgit de somno suo, &  
Ps. 77. 39. Spiritus radens & nō rediēs,  
& Psal. 48. 11. sepulchra eorum domus eo-  
rum in æternum. Quid Caluinistæ face-  
rent, si aliquod scripture testimonium  
haberent, vt diceretur corpus Christi  
nobis non dari, sicut illis in locis dici  
videtur mortuos non esse resurrectu-  
ros? At his veterum hæreticorum testi-  
monijs rectè Catholici respondebant.  
Rectè quidem: sed rectius, & facilius  
non omnibus testimonijs, quæ Calui-  
nistæ ad probandam figuram suam af-  
ferre solēt, aut paullo post apparebit.  
Deniq; mirū est interpretationē istā  
Caluinistarū nemini post Apostolos  
in mente venisse, nisi Berengario, &  
Nn nescio

Ex Trini-  
tatis incar-  
nationis re-  
surrectionis  
mysterijs  
compa-  
ratione ve-  
ritas Eu-  
charistiae  
probatur.

Io. 10. 30.



Loci illu-  
stres Patrum  
antiquorum  
pro verita-  
te corporis  
Christi in  
Euchari-  
stia.

nescio an Bertramo, à nemine recep-  
tis, à tota statim Ecclesia condem-  
natis. Nos veterum patrum sententiā,  
interpretationemque leui profitemur,  
quod, ut appareat, non omnia (nec  
enim caperent commentarii) sed illu-  
stiora quaedam eorum testimonia  
proponemus. Iustinus Apologia 2.  
pro Christianis. Non, inquit, ut  
communem panem, nec ut communem  
potum hæc accipimus; sed quemadmodū  
per verbum Dei incarnatus Iesus Chri-  
stus servator noster & carnem, & san-  
guinem salutis nostræ causa habuit, sic  
& per orationem verbi ipsius, cibum, in  
quo gratiæ actæ sunt, & *εὐχαριστία* dicitur  
transmutatio. *τὸ πρῶτον* ex quo sanguis, & carnes nostræ  
per transmutationem mutantur, illius ip-  
sius incarnati Iesu & carnem, & sangui-  
nem esse edocui sumus, ita enim Aposto-  
lus in suis commentariis, quæ Evangelia  
vocantur, nobis tradiderunt. Ita docet  
Iustinus panem, & vinum in corpus,  
& sanguinem Christi conueni: sicut  
in carnem, & sanguinem nostrum cū  
edimus & bibimus, conueni solet. Cy-  
prianus in lib. de cena Dominica, Pa-  
nis iste, quem Dominus discipulis porri-  
gebat, non effigie, sed natura mutatus  
omnipotentia verbi factus est caro. So-  
leo ridere, cum Caluinitas hanc Cy-  
priani sententiam interpretantes au-  
dio, natura, inquit, mutatus, id est  
ulu, quia nunc est sacramentum, ante  
non erat. Scilicet ea mutatio tam dif-  
ficilis erat, ut omnipotentia uerbi, ut  
ait Cyprianus, opus esset. Cyrillus Je-  
rosolymitanus, Catech. 4. mystagogi-  
ca, Fecerat ex aqua vinum, quod est san-  
guini propinquum, in Cana Galilæe so-  
la voluntate, & non erit dignus cui cre-  
damus, quod vinum in sanguinem trans-  
mutauit? si enim ad nuptias corporeas  
inuitatus stupendum miraculum opera-  
tus est, an non multo magis corpus, &  
sanguinem suum filijs sponsi dedisse il-  
lum confitebimur? quare omni cum cer-  
titudine corpus, & sanguinem Christi su-  
mamus, nam sub specie panis datur ti-  
bi corpus, & sub specie vini tibi sanguis,  
ut sumpto corpore, & sanguine Christi  
efficiaris & comparticeps corporis, &  
sanguinis. Sic *χριστοσώπας, ἡ σῶμα*, id

est Christum in nobis ferimus, atque ita,  
ut Beatus Petrus dicit, diuine nature  
confortes efficiemur, & eadem Catech.  
4. sub finem. Qui videtur panis, non  
est panis, etiam si gustu ita appareat, sed  
corpus Christi, & quod videtur vinum,  
non est vinum, etiam si gustus id velit,  
sed sanguis Christi. Eusebius Emisenus  
hom. 1. de Pascha, Inuisibilis sacerdos  
visibiles creaturas in substantiam cor-  
poris, & sanguinis sui verbo suo secreta  
potestate conuertit, & rursum, Nec du-  
bitet quisquam primarias creaturas nu-  
m. potentia, præsentia maiestatis in Do-  
minici corporis transire posse naturam,  
cum ipsum hominem videat artificio cæ-  
lestis misericordiae, Christi corpus effe-  
ctum, & sub initium hom. Recedat om-  
ne infidelitatis ambiguum, quandoqui-  
dem, qui auctor est muneris, ipse testis est  
veritatis, Hilar. lib. 8. de Trinitate, De  
veritate carnis & sanguinis non relinquitur  
est ambigendi locus: nunc enim & ipse  
Dominus professione, & fide nostra vere  
caro est, & verè sanguis est, & hæc ac-  
cepta atque hausta id efficiunt ut et nos  
in Christo, & Christus in nobis sit. Anne  
hoc veritas non est? contingat his planè  
verum non esse, qui Christum Iesum ve-  
rum esse Deum negant: est ergo in nobis  
ipse per carnem, & sumus in eo, dum se-  
cum hoc, quod nos sumus, in Deo est. Et  
infra, Quod autem in nobis naturalis  
hec vnitas sit ipse testatur est. Qui edit  
carnem meam, et bibit sanguinem meum,  
in me manet, & ego in eo. D. Chrysost. 83.  
hom. in hunc locum. Credamus, in-  
quit, ubique Deo nec repugnemus ei, etiā  
si sensui, & cogitationi nostræ absur-  
dum esse videatur, quod dicit: superet  
& sensum & rationem nostram sermo ip-  
sius, quod in omnibus, & præcipuè in my-  
sterijs faciamus, non illa, quæ ante nos  
iacent, solummodo aspicientes, sed verba  
quoque eius tenentes, nam verbis eius  
falli non possumus, sensus verò noster de-  
ceptus facillime est: illa falsa esse nō pos-  
sunt, hic sæpius, atque sæpius fallitur. Quo-  
niam ergo ille dixit, hoc est corpus meum,  
nulla teneamur, ambiguitate, sed creda-  
mus, & oculis intellectus id est perspicia-  
mus. Hæc Chrysost. uerba & alia eiusmodi,  
quæ apud illum passim reperiri-  
tur.

Transsub-  
stantiatio.

Transsub-  
stantiatio.

Transsub-  
stantiatio.

Transsub-  
stantiatio.

Ioan. 5. 56.  
Sensus in  
Euchari-  
stia rebul-  
que fidei  
non sequi-  
tus.  
*ὁ μὲν γὰρ  
λόγος αὐ-  
τοῦ ἀπα-  
ράλυσ-  
τος, ὡς δὲ  
ἀσθενείας  
ἡ μὲν  
ἐν ἐκείνῃ  
τῇ ὥρᾳ*



**Hoc** Chry-  
stostomi  
peruersa  
hereticorū  
interpreta-  
tio ne vin-  
dicatus.

tur, cum adeo dilucidarint, ut nulla in-  
terpretatione obscurari possint, ta-  
men non puduit quendam hæretico-  
rum interpretem uerba, quæ statim  
sequuntur, suis adhuc locum com-  
mentariis inserere, quasi D. Chrysost.  
in eorum etiam esset intentia, Nihil  
inquit, sensibile traditum nobis a Chri-  
sto, sed rebus quidem sensibilibus, omnia  
verò, quæ tradidit, insensibilia sunt,  
Hinc enim bonus ille interpret colligit  
sententia Chrysostomi corpus Chri-  
sti non sumi a nobis, nisi spiritualiter.  
Atqui oportebat uidere hominem ac-  
curatum, quod proximis uerbis Chryso-  
stomus dixisset. Quoniam ergo ille di-  
xit, hoc est corpus meum, nulla teneamur  
ambiguitate, sed credamus, & oculis in-  
tellectus id perspicimus, nihil enim, in-  
quit, sensibile traditum nobis à Christo,  
id est, nihil sensu iudicandum, sed ocu-  
lis intellectus & fide comprehendendum.  
Docet ergo Chrysostomus asse-  
nos istos non debere tolo, ut faciunt,  
sensu de corpore Christi iudicare Am-  
brosius in lib. de his, qui mysterijs ini-

Transsub-  
stantiatio si-  
milis. Scri-  
ptura exē-  
plis proba-  
ta.

**Exo. 4. 3. 4**  
tura formauit, sed quod benedictio con-  
secrauit: maioremq; vim esse benedictio-  
nis, quā natura; quia benedictione enī  
ipsa natura mutatur, Virgam tenebat  
Moyse proiecit eam, & facta est serpens.  
Rursus apprehendit caudam serpentis, &  
in virgā naturā reuertitur. Vides igitur  
tur prophetica gratia bis mutatam esse  
naturā; & serpentis, & virgæ. Currebant

**Exo. 7. 20.**  
**& Pla. 77.**  
**44.**  
Ægypti flumina puro aquarum meatu,  
subito de fontiu uenis sanguis cepit eru-  
pere. Non erat potus in fluuijs, rursus ad  
propheta voces cruor cessauit fluminum,

**Exo. 14. 21**  
**22.**  
**Pl. 77. 13.**  
**Iol. 3. 13.**  
**Pl. 113. 3.**  
aquarum natura remeant. Circūclusus  
undiq; erat populus Hebræorū, hinc Æ-  
gyptijs vallatus, inde mari clausus. Vir-  
gam leuauit Moyse, separauit se aqua,  
& in murorū speciem congelauit, atq; in-  
ter vendas uia pedestris apparuit. Iorda-  
nis retrorsum conuersus contra naturā in  
sui fontis reuertitur exordiu. Nōne cla-  
ret naturā, vel maximorū fluctuū, nel

**Exo. 17. 7.**  
**Nu. 20. 11.**  
fluminalis cursus esse mutatā? Sitiebat po-  
pulus parū, tergit Moyses petrā, & a-  
qua de petra fluxit. Nūquid non præter  
naturā operata est gratia, ut aquā uome-  
ret petra, quā nō habebat natura? Ma-  
rath fluius amarissimus erat, ut sitiens  
populus bibere non posset. Misi lignū in  
aquā, & amaritudinē suā aquarū na-  
ra deposuit, quā infusa subito gratia re-  
perauit. Sub Eliseo propheta rui ex filijs  
prophetarum excussus est ferrū de secu-  
ri, et statim mersum est. Rogauit Eliseū,  
qui amiserat ferrum, misi etiam Eliseus  
lignum in aquā, & ferrū natauit; uirg;  
& hoc præter naturā factū esse agnoscimus.  
Gravior est. n. ferri species, quam a-  
quarū liquor. Aduertimus igitur maio-  
ris esse virtutis gratiā, quā naturā, &  
adhuc tamē prophetice benedictionis nu-  
meramus gratiā? Quod si tāu ualuit hu-  
mana benedictio, ut naturā conuerteret,  
quid dicimus de ipsa consecratione diui-  
na, ubi uerba ipsa Domini Saluatoris o-  
perantur? Nā sacramentū istud, quod ac-  
cipis Christi sermone conficitur. Quod si  
tantū ualuit sermo Elie, ut ignem de cæ-  
lo deponeret, non ualebit Christi sermo, ut  
species mutet elementorū? de totius mun-  
di operibus legisti. Quia ipse dixit, & fa-  
cta sunt, ipse mandauit, & creata sunt;  
sermo ergo Christi, qui potuit ex nihilo fa-  
cere, quod non erat, nō potest ea, quæ sūt  
in id mutare, quod non erant? Nō. n. mi-  
nus est: nouas rebus dare formas, quam  
mutare naturas. Sed quoad argumentis  
uiumur: suis uiamur exēplis, Incarnatio  
nisq; astruamus mysterij ueritatē. Nun-  
quid naturā xpus præcessit, cū Iesus Do-  
minus ex Maria nasceretur? si ordinem  
quærimus, uero nupta famina generare  
consequi. Liqueat igitur, quod præter na-  
turę ordinē uirgo genuit. & hoc, quod  
cōficimus, corpus ex uirgine est. Quid hic  
quæris naturā ordinē in Christi corpore,  
cū præter naturā sit ipse Dominus Iesus  
parius ex uirgine? uera uirg; cæuo Chri-  
sti, quæ crucifixa est, quæ sepulta est, ue-  
rē ergo carnis illius sacramentū est. Ipse  
clamat Dominus Iesus, Hoc est corpus  
meum: ante benedictionem uerborum ce-  
lestium alia specie nominatur, post conse-  
crationem corpus Christi significatur. Ip-  
se dicit sanguinem suum Ante consecra-  
tionem

**Exo. 15. 26**  
**Eccle. 38.**  
**3. 4. Reg. 6**  
**6.**

**4. Reg. 1. 10**  
**12.**  
**Pl. 148. 5.**

**Eucha-**  
**stia uer-**  
**tas per in-**  
**carnatio-**  
**ne pbat,**

**Matth. 26.**  
**26.**  
**Marc. 14.**  
**22.**  
**Lu. 22. 19.**  
**Cōsecra-**  
**tio Eucha-**  
**ristiæ.**



tionem aliud dicitur, post consecrationē sanguis nuncupatur. Et tu dicis, Amē, hoc est, verum est; quod os loquitur, mens interna fateatur, quod sermo sonat, affectus sentiat. Eadem lib. 4. de sacramentis c. 5. scribit. Vis scire, quia verbis celestibus consecratur? Accipe, quæ sunt verba. \* Dicit Sacerdos fac nobis, inquit, hanc oblationem a scriptam, rationabilem, acceptabilem, quod est figura corporis, & sanguinis Domini nostri Iesu Christi. Qui pridie, quam patere tur, in sanctis manibus suis accepit panem, respexit ad celum, ad te sancte Pater omnipotens eterne Deus, gratias agens, benedixit, fregit, fractumque Apostolis suis, & discipulis suis tradidit, dicens; Accipite, & edite ex hoc omnes; Hoc enim est corpus meum, quod pro multis cōfringetur. Similiter etiam calicem, postquam canatum est, pridie quam patere tur accepit, respicit ad celum, ad te sancte Pater omnipotens, eterne Deus gratias agens benedixit, Apostolis, & discipulis suis tradidit dicens. Accipite & bibite ex eo omnes, hic est enim sanguis meus. Vide omnia illa verba Evangelistica sunt usque ad accipite, siue corpus, siue sanguinem. Inde verba sunt Christi; Accipite, bibite ex eo omnes, hic est enim sanguis meus. Vide singula. Qui pridie, inquit, quam patere tur, in sanctis manibus suis, accepit panem. Ante quam consecratur panis est, ubi autem verba Christi accesserint, corpus est Christi. Denique audi dicentem; accipite & edite ex eo omnes, hoc est enim corpus meum. Et ante verba Christi, calix est vini, & aqua plenus. Vbi verba Christi operata fuerint, ibi sanguis efficitur, qui plebem redemit. Ergo videte quantis generibus potens est sermo Christi vniuersa conuertere. Deinde ipse Dominus Iesus testificatur nobis, quod corpus suū accipiamus, & sanguinem. Nūquid debemus de eius fide, & testificatione dubitare? Iam redi mecum ad expositionem meam. Magnū quidem, & venerabile, quod manna Induxit pluu e calo, sed intellige; quod est amplius, manna de calo, an corpus Christi? corpus Christi vti que, qui auctor est cali. Deinde manna qui manducauit, & mortuus est, qui manducauerit hoc corpus

fiet ei remissio peccatorū, & nō morietur in eternum. Ergo nō otiose, cum accipis, tu dicis, Amen; iam in spiritu confitens, quod accipias corpus Christi. Dicit tibi sacerdos corpus Christi, & tu dicis, Amē: hoc est, verū. Quod cōfiteretur lingua, te neat affectus. Greg. Nazianz. in ora. 2. in sanctum Pascha, Absq; confusione, & dubio comede corpus & sanguinē bibere, neque sermonibus qui de carne habentur, fidem deroges, neq; ob passionem offendaris, sed firmus, et constans, & stabilis, nec propter aduersariorū sermones fluctues. Greg. Nyssenus orat. Catec. c. 37. Recte nunc quoque credo Dei verbo sanctificatū panē in Dei verbis corpus transformari, & 1 eo term. c. de ieiunio septimi mensis, Dicente Domino, nisi manducaueritis carnem filij hominis, & biberitis eius sanguinem, non habebitis vitam in vobis, sic Dominica mensa communicare debetis, ut nihil prorū de veritate corporis Christi, & sanguinis ambigatis, & Cyrillus Alex. lib. 10. commentario rum in Ioan. c. 13. Vtrum quoniam nulla nos ratione humenitatis Christi posse ista attribuire arbitratū quoniam fide atq; dilectione, non carne illi coniungimur: age pauca de hoc dicamus, ac peruersē ab eo sacrarū litterarū sensum exponi ostendamus. Non tamen negamus rectā nos fide, caritateque syncera Christo spiritaliter cōiungi: sed nullam nobis cōiunctionis rationem secundum eam nem cū illo esse, id profecto pernegamus, idq; a diuinis scripturis omnino alienū dicimus. Quis n. dubitauit Christi etiam vitam esse, nos vero palmites, qui vitam inde nobis acquiritur? Audi Paulum dicentem, Quia oēs vnum corpus sumus in Christo. Quia cū multi sumus, vnum tamē in eo sumus. Omnes n. vno pane participamus. An fortassis putat ignotam nobis mystica benedictionis virtutem esse? Quia cum in nobis fiat, nonne corpora liter quoque facit communicatione carnis Christi Christum in nobis habitare? Cur n. membra fidelium membra Christi sunt? Nescitis, inquit, quia membra vestra membra sunt Christi: membra igitur Christi meritis facia membra absq; Saluator etiam; Qui manducat carnē meā, & bibit meū sanguinē, in me manet & ego

Io. 6. 37.

Significa-  
tio Amē.Transsub-  
stantiatio,  
Io. 6. 53.1. Cor. 10.  
17.1. Co. 6. 29.  
10. 6. 56.



Cyrilli il-  
litre exē-  
plum de v-  
nitione Chri-  
stianorum  
cum Chri-  
sto in Eu-  
charistia.  
Io. 6. 53.

Caluinista-  
rum argu-  
menta cō-  
tra Eucha-  
ristiā sol-  
vantur.

Et ego in eo. Vnde considerandum est, nō  
habitudine solū, quam per charitatem  
intelligitur Christum in nobis esse, verū  
etiam & participatione naturali. Nam  
quemadmodum si quis igne liquefactā  
ceram alie cera similiter liquefactā ita  
miscuerit, vt vnum quid ex vtriusq; factū  
videatur: sic communicatione corporis, et  
sanguinis Christi ipse in nobis est, & nos  
in ipso. Non poterat enim aliter corrupti-  
bilis hæc natura corporis ad incorrupti-  
bilitatem, & vitam trahi; nisi natura  
vite corpus ei coniungeretur. Non cre-  
dis mihi hæc dicens Christo (te obsecro) si  
dem præbe. Amen, amen, inquit, dico vo-  
bis, nisi manducaueritis carnem filij ho-  
minis, & biberitis sanguinem eius, non  
habebitis vitam in vobis. Non amo lon-  
gos commentarios, & qui alienis de-  
scriptis testimonijs in molē crescāt:  
sed locus hic adeo est ad ad informan-  
dam rectam fidem necessarius, vt non  
debuerim, tam illustria, tamque effica-  
cia grauissimorum auctorum testimo-  
nia prætermittere, vt intelligat lector  
nec aliter, quā omnes veteres aucto-  
res scripturam interpretari. Nunc Cal-  
uinistiarum argumenta diluenda no-  
bis sunt. Habent semper in ore, *Spiri-  
tus est, qui viuificat, caro nō prodest quic-  
quam* Ioan. 6. 63. Eius loci explicatio-  
nem ex commentarijs in Ioānem le-  
ctor petat, ne duobus locis cogamur  
eandem iterare; speramus enim fore, vt  
in omnes simul Euangelistas commē-  
taria simul exeant. Aliud argumen-  
tum solent ex his locis sumere, quibus  
videtur hoc Sacramentum etiam post  
consecrationem panis appellari, sed  
eos locos omnes paullo superius expli-  
cauimus. Tertium sumunt ex nomine  
calicis, in quo figuram esse volunt. Id  
etiam a nobis solutū est, & uer. sequen-  
ti omnino diluatur, ubi docturi sumus  
Christum verbis illis vsum non fuisse,  
sed diserte, & explicite dixisse, *Hic  
est sanguis meus*, vt Matthæus, & Mar-  
cus scribunt, itaque non est, quod ibi  
hæretici figuram querant: ubi etiam  
si reperirent, nihil probarent. Vnus  
reliquus locus est 1. ad Cor. 10. 3. 4. *Om-  
nes eandem escam spirituales manduca-  
uerunt, & omnes eundem potum spiritua-*

lem biberunt. Inde. n. colligunt nos, nō  
si spiritualiter Christi corpus non mā-  
ducare, & sanguinem eius bibere. Val-  
de mirarer, si hæretici non essent, tam  
parum istos habere oris, vt eum nobis  
locum obijcere non puderet. Quis. n.  
tam cæcus est, vt non videat sensum  
D. Pauli non esse veteres Hebræos eā-  
dem nobiscum spirituales escam, sed  
eandem ipsos inter se manducauissē?  
sed id ex fine capitis præcedentis ver-  
su 26. & 27. & initio huius 10. quod ci-  
tant vsque ad ver. 5. perspicuum est.  
Ego, inquit, sic pugno, non quasi aerem  
verberans, sed castigo corpus meum, &  
in seruitutem redigo, ne forte cum alijs  
predicaui, ipse reprobus efficiar; hæc  
erat propositio, quam sequenti capite  
confirmat, *Nolo enim vos ignorare, fra-  
tres, quoniam patres nostri omnes sub nu-  
be fuerunt, & omnes mare transierunt,  
& omnes in Moyse baptizati sunt in nu-  
be, & in mari, & omnes eandem escam  
spirituales manducauerunt, & omnes  
eundem potum spirituales biberunt, sed  
non in pluribus eorum beneplacitum est  
Deo, nam prostrati sunt in deserto, quasi  
dicat, quemadmodum maiores nostri,  
etsi iisdem inter se sacramentis vteren-  
tur, iisdem a Deo afficerentur benefi-  
cijs, non omnes salui fuerunt, sed mul-  
ti in deserto prostrati: ita ego, etsi ijs-  
dem vobiscum vtar sacramentis, secus  
esse non debeo, sed pauidus, vt sa-  
piens ille admonet, ne forte cum alijs  
predicaui, ipse reprobus efficiar.* Dein  
de ex initio eiusdem capitis id manife-  
stum est, *Nolo, inquit, vos ignorare fra-  
tres, quoniam patres nostri omnes sub nu-  
be fuerunt, & omnes mare transierunt.*  
Cum enim id dicit, non comparat eos  
nobiscum, qui sub nube nūquam fui-  
mus, sed sub sole iustitiz; sed comparat  
ipsos inter se; ergo & cum dicit, *Ean-  
dem escam spirituales manducauerunt  
& eundem potum spirituales biberunt.*  
Præterea cum dicit, *sed non in pluribus  
eorum beneplacitum est Deo*, ver. 5. ma-  
nifeste indicat se ante non eos nobi-  
scum, sed inter se comparauissē, inepta  
enim alioqui esset argumentatio: nā  
non potuit ita argumentari: eandem  
illi nobiscum spirituales escam man-

Pro. 28. 14.

N n 3 duca-



ducauerunt, & tamen non in pluribus eorum beneplacitum est Deo, ergo fieri potest, ut neque nos Deo placeamus: nec enim contra Christum D. Paulus argumentaretur, qui comparans panem illum, id est, carnem suam cum manna, quod veteres Iudaei manducauerunt, ait apud Ioannem ca. 6. 49. *sc. Patres uestri manducauerunt manna in deserto, & morui sunt, hic est panis, de caelo descendens, ut si quis ex ipso manducauerit, non moriatur.* Denique versu 6. addit D. Paulus, *haec autem in figura facta sunt nostri, ut non simus concupiscentes malorum;* ubi applicat, & accommodat ad nos, quae ante de Iudaeis dixerat, ergo ante de solis Iudaeis loquebatur. Non sum contentus telum hoc extorsisse hostibus, nisi retorsero. Inde igitur argumentor; Scriptura vocat escam spirituales, quam Hebraei manducauerunt, & potum spirituales quem biberunt, ut ab esca, potuque nostro discernat, nostram vero escam, & nostrum potum nusquam spirituales vocat: ergo illa spiritualiter tantum, nostra vero etiam re ipsa sumitur. Haec sunt aut omnia scripturae testimonia, quibus haeretici abutuntur, aut quae plus certe probabilitatis habere videbantur, quae qualia sint, vel mediocriter prudens lector iudicabit. Adferunt & rationes multas, sed dignandum non est illis respondere, praesertim in commentariis, ubi nihil praeter scripturas sonare debet, aut, si respondendum est, non hic, sed in scholis respondendum, ubi subtilius ista tractantur. Et satis nobis esse debet, si omnibus rationibus vno verbo respondeamus, nos Christianos, non Philosophos esse, rationes nostras esse verbum Dei, quod cum expressum, & luculentum habeamus, nihil moramur, quid naturalis ratio suadere videatur. Vnam tamen eorum rationem non praeteribo, quod maxime Theologicam esse putent. Haec, inquit, locutionem: *Hoc est corpus meum*, manifestum est esse sacramentalem; ergo sacramentaliter intelligenda est. Primum possem respondere, si sacramentalis locutio est; non verè, non realiter, non substantialiter

ut Caluinus docet, ac loquitur, sed solo sacramento, ut Zuingliani volunt, corpus, & sanguinem Christi nobis dari: sed breuius, expeditiusque respondendo, ignorare eos, quid sit locutio sacramentalis, putant enim eam esse, qua signum externum asseritur, res significata excluditur, hoc enim eorum principium est, si est sacramentum corporis Christi, corpus Christi non est praesens, ex illi enim rei significata praesentiam cum signo repugnare. Sed nos sacrarum litterarum exemplis refutamus. At ea veteris testamenti signum quoddam, & veluti sacramentum erat, quo diuina maiestas significabatur, doctore etiam Caluino: atqui maiestas diuina praesens erat. Columba illa, qua Spiritus sanctus in Christum descendit, haud dubium, quin eiusdem Spiritus sancti signum fuerit, & quasi Sacramentum. Quis dicat Spiritum sanctum non fuisse praesentem? Linguae ignea, quae super Apostolos ceciderunt Act. 2. 3. Spiritus sancti signum erant: significabant enim fore, ut Spiritus sanctus per Apostolos variis linguis loqueretur, atqui non erat absens Spiritus sanctus. Discant igitur, *hoc est corpus meum*, etiam si agatur de Sacramento, locutionem non esse sacramentalem. Erant enim in eo uehementer, ut homines, ut homines in litteris parum exercitati, quod quicquid de Sacramento dicitur, sacramentaliter dici putent. Nam cum de aqua baptismi dico, haec est aqua, non sacramentaliter, sed verè, proprieque loquor. Eodemque modo cum Christus dicit, *hoc est corpus meum*: sacramentalis locutio esset, si aqua diceretur esse regeneratio, si panis corpus Christi, si corpus Christi frangi, & dentibus teri, quemadmodum D. Chrysostomus locutus est; haec enim non possunt nisi Sacramento tenus intelligi, quia non corpus Christi proprie frangitur, sed Sacramentum.

27. *Et accipiens calicem gratias egit.* De verbo *ευχαριστειν* gratias agere ver. praecedenti disputauimus. Hoc tantum obseruandum est Christum separatim calicem, & panem benedixisse.

Quae proprie sacramentalis locutio.

signum, & sacramentum rei praesentis est. Mat. 3. 16.

Argumentum in Calvinistas reuertitur ex 5. Cor. 10. 2. 4.



bisse, quia omnes Euangelistae id expresserunt, aut certe indicarunt, ut cum Lucas, & Paulus dicunt *similiter & calicem, postquam canauit*, cum enim dicunt *similiter*, perinde est, ac si dicant, *similiter accepit, & similiter benedixit.*

Locus contra Hereticos explicatus pro communione laicorum sub vna specie.

*Bibite ex hoc omnes.*) Clamant hic aduersarij nostri, nos contra expressum Dei verbum, altera sacramentorum specie defraudare populum, cum Christus summo consilio, quasi praeuidens errorem nostrum, quod de corpore suo non dixerat, de sanguine dixerat, *bibite ex hoc omnes*. Cur ergo illi in fantibus sanguinem Christi non porrigunt? nam & illi aliqui sunt, praesertim cum eos baptizent, & eorum opinionone magis necessarium corpus, & sanguinem Christi sumere, quam baptizari; cum vnum illi locum, quo baptismi necessitas comprobatur, nisi quis renatus fuerit ex aqua, & Spiritu sancto non potest introire in regnum Dei Io. 3. 5. deludant, & de sacramento baptismi intelligendum non esse dicant. Cur non dant sanguinem Christi excommunicatis, si Christus neminem excipere iubet? Ergo non ideo Christus dixit, *Bibite ex hoc omnes*, cum calicem daret, cum id de corpore non dixisset, quod magis sanguinem suum, quam corpus commendare vellet, sed quod corpus singulis sigillatim porrexisset, calicem vero non singulis, sed vni, qui proximo, proximus sequenti, & deinceps daret. Quia ergo calicem vni tantum tradidit, ne videretur velle, ut ille solus biberet, dixit, *bibite ex hoc omnes*; ut Lucas cap. 22. 17. clariore verbo explicauit, *diuidite inter vos*, quod neminem in nostro praesertim tempore animaduertente memini, quo tempore hoc verbum incredibiles multis molestias attulerit. Lucas bis calicis meminit: primum dixit calicem Christum accepisse, egisseque gratias, ac dixisse, *Accipite, & diuidite inter vos*, sed non dixit eum dixisse, *hic est calix in sanguine meo*. Deinde v. 20. *similiter & calicem postquam canauit dicens, hic est calix nouum testamentum in sanguine meo.* Itaque Hieronymus, quem multi recē-

tiores interpretes secuti sunt, duos calices fuisse putat. Ego Augustino potius assentior lib. 3. de consensu Euangelistarum cap. 1. & Euthymio in huius loci commentarijs, vnum tantum fuisse calicem, de quo Lucas non seruata narrationis serie bis mentionem fecerit, primum per anticipationem, deinde suo loco.

28. *Hic est sanguis meus.*) Quae in horum verborum explicationem desiderari possunt, ver. 26. dicta sunt.

*Nouum testamentum.*) τὸ τῆς καινῆς διαθήκης sanguis, inquam, ille noui testamenti. διαθήκη proprie dispositionem significat; itaque ad omne foedus pertinet, cuius species vna est testatio vltimae voluntatis: sed ad testamentum, quo vltima voluntas declaratur, plerumque accommodatur, sicut disponendi verbum apud nostrum interpretem, dispone, inquit, domui tuae, quia morieris Isaia 38. 1. Hebraice תרצה, eadem significatione appellatur. D. Paulus in epistola ad Hebraeos c. 9. 16. 17. pro testamento interpretatur loquens, & de veteri, & de nouo testamento; ubi, inquit, testamentum est, διαθήκη, mors necesse est intercedat testatoris. Itaque nimis putidi Grammatici sunt Caluinistae, & Lutherani, qui vetus, & nouum foedus, quam vetus, & nouum Testamentum appellare malunt, Marcus ipsi dem quibus Matthaeus verbis scribit, *Hic est sanguis meus noui Testamenti*, Lucas vero capit. 22. fto. τοῦτο τὸ ποτήριον ἡ καινὴ διαθήκη ἐν τῷ αἵματι μου. *Hic calix nouum testamentum in meo sanguine.* Paulus autem 1. Cor. 11. 25. *hic calix nouum testamentum est in meo sanguine;* unde Haeretici dupliciter argumentantur, & quod Christus dicat *Hic est calix, & hic calix est nouum Testamentum*, quod utrumque necesse est figuratè dictum esse. De figura calicis ver. 26. satis diximus. De altera figura, deque toto sensu horum verborum nunc dicendum est. Nec multis opus est verbis. Nego Christum haec verba dixisse. Cum enim Matthaeus, qui aderat, & Marcus, qui ex Matthaeo didicerat, scribant Christum his verbis sanguinem suum tradidisse, *hic est san-*

Malè Caluinistae for-  
dus potius  
quam Te-  
stamentū  
vertunt.



guis meus noui testamenti, cumque utroque modo Christus dicere non potuerit, & hic est sanguis meus noui Testamenti, ut Matthaeus, & Marcus, & hic est calix nouum Testamentum in meo sanguine, ut Lucas, & Paulus scribunt, nisi forte inepta repetitione vti voluisset, & quum est credere Matthaei potius, & Marci, quam Lucae, & Pauli verbis Christum vsum fuisse. Deinde quia verba Matthaei, & Marci magis exprimunt, quod Christus agebat, id enim agebat, ut daret corpus, & sanguinem suum, quod autem sanguinem suum noui Testamenti appellauerit, id obiter & explicationis gratia dictum est, ut apud Matthaeum, & Marcum apparet; Lucas autem, & Paulus ita videntur loqui, ut si Christus id imprimis egisset, ut potius declararet se nouum testamentum, quam sanguinem suum dare; credendum igitur est verbis potius Matthaei, & Marci, quam Lucae, & Pauli vsum esse. Et ut fingamus ita dixisse, ut apud Lucam, & Paulum scriptum est; tamen nec sensus esset, quem haeretici esse putant, nec vllum inde ad confirmandum suum errorem argumentum posset sumere. Si enim Christus dixisset, hic est calix nouum Testamentum in meo sanguine, ut Lucae verba vertenda sunt, Hebraismo vsum fuisse in meo sanguine, id est, mei sanguinis, ut Matthaeus & Marcus, sine Hebraismo dixerunt. Cum ergo idem sit hic est calix in meo sanguine, & hic est calix sanguinis mei, fingamus hoc posteriori modo Christum dixisse, nulla profecto figura esset; nam hic est calix sanguinis mei nihil aliud significat, quam in hoc calice est sanguis meus, nec magis figurata oratio est, quam si dicas, haec est amphora vini, hoc est vas aquae. Videamus an in nomine Testamenti figura sit. Illi, qui ad figuras omnia reuocant, figuram esse contendunt, quia calix nouum Testamentum appellatur. Ego, qui non figuram, sed veritatem quaero, figuram nullam inuenio. Videmus enim in omnibus linguis nomen foederis multa significare, & res, de quibus foedus sancitur, & symbolum,

quo sancitur, ut percussio porcae apud veteres Romanos foedus erat. Itaque sine vlla figura vocabatur; & vetus testamentum non solum dicebatur, quod Deus ex vna, Hebraei ex altera parte facere debebant, sed etiam promissio ipsa diuina, ut saepe dicit, propter pactum, & sanguis ille, quo tanquam externo symbolo initium foedus erat, idque si ne vlla figura, quia haec omnia nomen significabat. Apud Lucam oratio sine verbo est, itaque dubitari potest, & a multis disputatur, ubi subintelligendum sit, Hic, inquit, calix nouum Testamentum in meo sanguine; duobus enim locis verbum poni potest; aut post pronomen, hic, hic est calix nouum Testamentum, ut, calix per appositionem nouum Testamentum appellatur, aut post nomen hic calix est nouum Testamentum in meo sanguine, quo sensu videtur dixisse Paulus verbo postposito, hic calix nouum Testamentum est in meo sanguine. Sed ego quidem non dubito, quin statim post pronomen hic verbum ponendum sit. Cum enim Matthaeus, & Marcus, ut diximus, non solum sententiam, sed verba etiam Christi recitauerint, ex illis Lucae, & Pauli verba non solum intelligenda, sed et ordinanda sunt. Præterquam quod, ut modo diximus, non erat Christo propositum, ut nouum Testamentum, sed ut sanguinem suum traderet. Itaque credendum non est dicere voluisse, hic calix est nouum Testamentum; sed hic est calix sanguinis mei, qui calix est nouum Testamentum. Quare adhuc etiam modum verba D. Pauli quamuis transposita sint, redigenda sunt. Scribit, hic calix nouum Testamentum est, id est hic est calix nouum Testamentum. Merito dubitabit aliquis, cur Lucas, & Paulus non dixerunt, hic est calix nouum Testamentum sanguinis mei, aut clarius, hic est calix sanguinis mei nouum Testamentum. Respondeo, Hebraismum esse in meo sanguine, id est, per meum sanguinem, quo propterea vsi sunt, quia calicem nouum Testamentum appellauerant, & melius dicitur nouum Testamentum per sanguinem, aut, quod idem est, in sanguine, quam.

4. Reg. 35.  
23.  
2. Paral.  
21. 7.



Cur san-  
guis noui  
Testamen-  
ti appella-  
tus.  
Sallustius  
in bello  
Carili.

quam sanguinis; sed quod ad sensum attinet, is est, quem Matthæus, & Marcus clarissimis verbis expresserunt, *hic est sanguis meus noui Testamenti*. Cur autem noui testamēti sanguinem suū Christus appellauerit, digna commen- tarijs questio est. Solebant omnes fe- re gentes victimarum sanguine sanc- re fœdera; aliquando & legimus soli- ros, qui aliquod inter se, quod sanctis- simum, & inuolabiliter esse vellent, fœ- dus stabiliunt, tractum ex proprijs ve- nis sanguinem bibendum; alterum al- teri tradidisse; quod & nostro tempo- re fieri solet. Hoc Christus fecit dato ad bibendum Apostolis sanguine suo nouum fœdus id est testamentum fan- cire voluit; duodecim enim, qui aderāt Apostoli omnis Ecclesiæ, cum qua fœ- dus inibat, personam representabant. Id ergo Christus voluit verbis etiam exprimeret. Præterea alludit ad veteris Testamenti institutionem, quod san- guine sacrificari vituli dedicatum fue- rat Exodi 24. 8. videtur etiam ad ver- ba ipsa Moysi alludere, qui sumpto, as- perloque sanguine in populum dixit, *hic est sanguis fœderis, quod mandauit ad vos Deus*. Opponit ergo se Moysi, sanguinem suum vitulorum sangui- ni Apostolos populo Iudæorum, asperitionem asperitioni, Testamen- tum Testamento. Aspererat Moyses Hebræorum populum extrinsecus vi- tulorum sanguine; asperit Christus Apostolos intrinsecus sanguine suo; hanc fortasse vim habere potest par- ticipium illud ἐκχυσόμενον, qui effun- ditur, id est, qui aspergitur. Nouum autem Testamentum appellat nouum pactum, quod non iam cum solis Iu- dæis, vt prius, sed cum omnibus om- nino gentibus, quæ Euangelium re- ceperint, confirmauit, ut omnis, qui credit in eum, non pereat, sed habeat vi- tam æternam, vt ait D. Ioannes. Al- ludit ergo ad nouum illud fœdus, quod Deus per prophetas sepe promi- terat Isaïæ 55. 21. Ierem. 31. 31. 32. 33. At- que hanc fortasse emphasim habet ar- ticulus ille Grecus apud Matthæum, & Marcum τοῦτο ἐστὶ τὸ αἷμα μου τὸ τῆς καινῆς διαθήκης. *Hic est sanguis meus*

noui illius Testamenti, id est, illius noui Testamenti, quod promissum erat, & de quo sæpe audiuitis. Vnde intel- ligitur, cur, cum de corpore loqueretur, nullam de nouo Testamēto men- tionem fecerit, cum autem de sangui- ne; fecerit, nimirum, quia sanguine fœdera sanciebantur; non vt existi- mat Origenes, quod eius sanguine re- dempti simus, nā & eius carne redem- pti sumus. Deinde colligitur Chri- stum ibi nouum Testamentum consti- tuisse, non in cruce, vt noui hæretici contendunt; non enim sensus est hic est sanguis, quo sancietur, sed quo sancitur nunc nouum Testamentum, & quidem, cum initur fœdus, partes præsentibus esse oportet, aliqua misce- re verba, aliquod dare symbolum, in cruce nihil eiusmodi factum est; Chri- stus desertus erat, & quasi capite mi- nutus; cum sola matre, & D. Ioan- ne loquutus est, sed de rebus tantum priuatis, non de publico fœdere lo- cutus est; hic omnia fecit, quæ ad fœ- deris celebritatem desiderari pote- rant; cum Apostolis, id est cum to- ta Ecclesia erat: in conuiuio vbi so- lent fœdera celebrari, sanguinem suum dedit, quo tanquam symbolo fœdera feriuntur, verba dixit, quibus se fœdus inire cum Ecclesia declarat, *hic est sanguis meus noui Testamenti*. Hic ergo nouum Testamentum con- stitutum est; vnde & illud rursus col- ligitur, cum tunc sacrificium obtulit se, sine quo iniri fœdera non pote- rant. Cum ergo sanguinem suum A- postolis tradidit dicens, *hic est sanguis meus noui Testamenti*, in possessionem noui Testamenti eos mittit. Colligi- tur etiam Christum verū destitisse san- guinem. Opponit enim sanguinem suum sanguini vitulorum, tanquam figuræ veritatem.

*Qui pro multis.*) Eodem vsus est Marcus: Lucas autem, & Paulus dixe- runt, *qui pro vobis*. Vtrumque simul dixisse vero simile non est, cum ad præsentia verba dirigeret, vtro au- tem modo dixerit, omnino non con- stat, sed coniectura ductus probabi- lissima affirmare audeo, potius di- xisse

Christus  
non in cru-  
ce, sed in  
Euchari-  
stia cele-  
bratione  
nouum Te-  
stamentum  
constituit.

6. 3. 16.



xisse hic est sanguis, qui pro vobis effunditur, quàm, qui pro multis. Primum, quia cum solis Apostolis loquebatur. Deinde, quia, ut supra diximus, munus illis commendabat, volebatque declarare, quid illis, quibus porrigebat sanguinem suum, profuturus esset; quare ex verbis Lucae, & D. Pauli, Marci verba exponenda sunt, ut idem sit, qui pro multis effunditur, & qui pro vobis effunditur, non ut Euthymius, & Theophylactus existimant, ut idem sit pro multis, atque pro omnibus. quos hic Calvinus peruerso omnino consilio sequutus est, si tamen legerat: nec enim nominat, cum alibi docere solear Christum non pro omnibus, sed pro solis praedestinatiis mortuum esse: nec sensus est, qui pro multis effunditur, id est praedestinatiis, ut multi etiam Catholici interpretes exponunt. Qui immo nec pro omnibus, qui adiant, significat sanguinem suum fundi: minus enim est pro multis, quàm pro vobis: nam perinde est, ac si dicat, Hic est sanguis meus, qui pro vobis, id est pro plerisque vestrum effunditur: itaque multos opponit omnibus, qui adierant. Cum ergo Christus dixisset, hic est sanguis meus, qui pro vobis effunditur, quia certum erat eum noluisse Iudaei etiam comprehendere, pro quo eius sanguis quoad effectum, & fructum attinet, non effundebatur, Matthaeus & Marcus, ut id explicarent, optimo consilio non verba, sed sensum referentes dixerunt, qui pro multis effunditur. Obijciat aliquis, Ecclesiam sentire, utrumque Christum dixisse, qui pro vobis, & pro multis effunditur. Respondeo Ecclesiam nihil definire, sed cum alij Euangelistae dixissent pro multis, alij pro vobis, ne in re dubia errare posset, utrumque coniunxisse.

Effunditur. ) qui effunditur, de cuius praesentis temporis vi versu 26. disputauimus, ubi etiam docuimus ad crucem referri non posse. Hoc loco videndum est, quo sensu Christus dixerit tunc sanguinem suum fundi. plerique putant sensum esse, qui funditur ad bibendum: nam & in men-

sa, cum ad bibendum vinum petimus, puero dicimus, funde vinum: ita ut alludat Christus ad verba Moysis Exodi. 24. 8. Conuenit cum hac opinione nomen calicis, qui ad bibendum fundi solet: nec enim alia ratio cogitari videtur posse, cur Lucas, & Paulus nomine calicis, quo Christus, ut diximus, vltus non fuerat, vsusint: nisi ut significarent, quem ad finem sanguis funderetur: nimirum, ut Apostoli biberent: bibimus enim calice. Magis eorum probio sententiam, qui interpretantur, funditur, id est offertur, sacrificatur. Primum, quia non dicit, qui vobis funditur, ut dicendum erat, si ad bibendum funderetur, sed qui pro vobis funditur, quod cum sacrificio optimè conuenit: sacrificium enim non hominibus, sed pro hominibus offertur. Deinde quia cum Christus tradens corpus suum etiam dixerit, Hoc est corpus meum, quod pro vobis datur, non potest alia fingi causa, cur Matthaeus, & Marcus id de solo dixerint sanguine, nisi quia existimarunt ad declarandam sacrificij naturam satis esse, si id de sanguine dicerent, in quo sacrificij vis maximè cernitur. Denique eodem sensu de corpore dictum est, quod pro vobis datur, & de sanguine, qui pro vobis funditur. At cum de corpore dicitur, quod pro vobis datur, non potest esse sensus, quod pro vobis datur ad edendum, sed quod pro vobis sacrificatur: ergo & cum de sanguine dicitur, quod pro vobis effunditur. Diceret aliquis nomen calicis, quo Lucas, & Paulus vsi sunt, huic interpretationi repugnare: dicitur enim apud illos non sanguis, sed calix effundi τὸ ποτήριον ἐκ πυλῶν νεκρῶν calix autem non effunditur ad sacrificandum, sed ad bibendum. Respondeo & alias gentes solitas fuisse victimarum sanguinem poculis exceptum sacrificare, quod proprie libare dicebatur.

Supponunt alij cultros, tepidumque cruorem

Suscipiunt pateris.

Inquit ille, cum de sacrificio quodam loqueretur, & Moyses ipse, cuius

Quomodo  
Christi sa-  
guis in Eu-  
charistia  
funditur.



his hic figuram Christus explebat, sanguinem vitulorum accepisse dicitur, haud dubie patera, deinde in populum dispersisse Exodi 24.6.7.

29. *Non bibam amodo*) οὐ μὴ πίνω ἀπὸ ἄρτι ἕως τέτε τοῦ γεννηματος τῆς ἀμπελῆς. de hac generatione, aut de hoc fructu vitis. Vetus interpres, vt Græcum uerbum exprimeret, Latinis inusitato uerbo usus est. Nō dubium, quin genimen vitis periphrasis uini sit; quamquam in scriptura parum usitata. Cur ea Christus usus fuerit, paulo post exponemus. Solet scriptura alia in eandem sententiam uti periphrasi, ut uinum *sanguinem* uine uocet Genesi. 49. 11. Deuter. 32. 14. Quid Christus uitis generationem hic appellet, magna est quaestio. Calvinistæ non dubitant, quin id, quod Apostolis porrexerat, uitis fructum, id est, uinum uocet; vt ubique panem, & uinum asserant, Christi corpus, & sanguinem excludant. Et quidem Origenes tractat. in Matthæum 30. & Cyprian. in epistola ad Cæciliū 68. & Chrysostom. homil. in hunc locum 83. & Epiphanius hæres. 47. contra Eucariās, Hieronym. in commentariis, Augustin. libr. 1. quaestio. Euan. gelicar. capit. 42. Beda, Euthym. & Theophylact. hoc loco ad sanguinem Christi referunt; sed alio tamen sensu, quam Calvinistæ. Nam Calvinistæ dicunt Christum id, quod Apostolis dederat, uinum appellasse, quia uinum erat; hi uerò auctores sanguinem suum uocasse uinum, sicut carnem suam apud Ioannem panem appellauerat, & per periphrasim generationem vitis, quia ipse erat uitis uera Ioann. 15. 1. Qui horum auctorum sententiam sequi uolet, meminerit hoc modo interpretari, ne Calvinistarum errori assensu esse videatur. Confirmari hæc interpretatio uidetur ex Matthæi, & Marci narratione, atque contextu, qui cum dixissent Christum accepisse calicem discipulis tradidisse, dixissetque *hic est sanguis meus*, addiderunt statim hæc uerba, *non bibam amodo de hoc genimine uitis*. Sed persuadere mihi non possum hæc

uerba ad sanguinem Christi esse referenda: Primum quia quod hic Matth. & Marcus de calice Christum dixisse scribunt, Lucas capit. 22. 15. 16. scribit etiam de Pascha, id est de agno dixisse, *Desiderio desiderauit hoc Pascha manducare uobiscum, antequam pasciatur, dico enim uobis quia ex hoc non manducabo illud, donec impleatur in regno Dei*; ergo hæc uerba, quæ Matthæus, & Marcus referunt Christum de calice dixisse, non de eo calice dixit, quo sanguinem suum dedit, sed de eo, qui in cena agni Paschalis, vt supra docuimus, à patrefamilias inter accubentes distribui solebat. Deinde quia non reddit Christus rationem, cur sanguinem suum dederit: nam dato sanguine aliam rationem reddiderat, *qui pro uobis effunditur*, sed reddit causam, cur desiderauerit eam coenam cum Apostolis agere, quia ultima futura erat, ut Lucas explicauit. Præterea dubium non est Christum consuetudo hominum more loquutum fuisse, qui ab amicis longè discessuri, ita solent dicere, non bibemus amplius simul; id autem non dixisset Christus de sanguine suo, qui etsi uerus erat, dabatur tamen sub cerimonia, atque sacramento, sed dixisset de uera, & iusta cena, cui magis uerba illa conueniebant. Denique, quod sequitur *donec bibam illud nouum in regno patris mei*, vt statim docebimus, non potest intelligi, nisi de cælo. in cælo autem non erat bibiturus sanguinem suum, non uerè, non metaphorice; uinum autem metaphorice bibiturus erat, Ego, inquit, *dispono uobis, sicut disposuit mihi pater regnum, ut edatis, & bibatis super mensam meam in regno meo*, Luce 22. 29. 30. Ergo non de sanguine suo, sed de uino dixit, *non bibam amodo de hoc genimine uitis*. Vnde colligo, quemadmodum supra diximus illos, qui apud Lucam duo videntur esse, calices non duos, sed vnum calicem esse, quemadmodum Augustinus, & Euthymius existimant; hoc uno ab illis dissentio, quod illi de illo ipso uino calice putent dixisse Christum primum quidem, *non bibam amodo*



*amodo de hoc genimino vitis*, non tamē dixisse. *hic est sanguis meus*, postea verō dixisse, *hic est sanguis meus*, sed non dixisse, *non bibam amodo*, &c. Ego contra non solum existimo Lucam per anticipationem ante tempus calicis meminisse, sed etiam in illa ipsa anticipatione narrasse eo loco, quod Christus, ante de alio calice dixerat, *non bibam amodo de hoc genimine vitis*. [Nisi forte dicamus unum, & eundem calicem fuisse, quo Christus in Paschali, & communi biberat cœna, & quo post sanguinem suum dedit, cumque primum in Paschali biberet cœna, ea uerba dixisse, *non bibam amodo de hoc genimine vitis*, nec exhaustisse calicem; sed aliquid in eo vini remansisse, quod postea in sanguinem suum consecratum Apostolis dederit; ideoque ita Evangelistas hæc uerba cum calice illo confudisse, ut de eo calice, quo sanguinem suum Apostolis dedit, nisi diligentius lector animum attendat, dicta fuisse videantur. Hoc mihi certum est de sanguine Christi dicta non esse. Matthæ. igitur, & Marcus non seruato, ut sæpe faciunt, narrationis ordine uerba, quæ ante calicis consecrationem Christus dixerat, post consecrationem posuerunt.

*Donec bibam illud nouum.*) Quidam interpretantur nouum, id est nouo modo, quod ipsum non ad vinum, sed ad Christum referunt, quasi dicat, donec renouatus, id est glorificatus illud bibam. Ita Chrysostom. Euthym. & Theophylact. quos plerique recentiores interpretes secuti sunt. Hic sensus aliquando etiam mihi placuit, modò non placet; & quia nimis dura locutio est, nouum, id est, nouo modo; maximeque, si ad diuersa, ut isti auctores volunt, referatur; & quia pronomen *illud* pati non uidetur, ut ita interpretemur, quod ad unum proculdubio referitur; itaque uinum ipsum nouum appellatur: nouum igitur dicitur, non quod nouo modo bibendum sit, sed quod alterius generis, id est præstantius, atque iucundius futurum sit, quale illud erit, quo omnes beati in cœlo inebriandi esse dicuntur: *Inebriabun-*

*tur*, inquit, *ab ubertate domus tue*. Psal. 35. 9. Solent enim Hebræi, quorum phrasim Christus sequutus est, quicquid præstantius est, atque suauius nouum appellare, *Cantate*, inquit, *Domino canticum nouum*. Psal. 95. 97. 149. 1. id est, iucundum.

*In regno patris mei.*) Quidam non mali interpretes, nec malo animo interpretantur regnum patris initium noui Testamenti, quod in ipsa cœna cepit, cum Christus corpus, & sanguinem suum noui Testamenti dedit, quod id faciunt, ut genimen illud vitis uinum, quod ante Christum biberat; nouum autem genimen, id est, nouum uinum Christi sanguis intelligatur. Pium studium, sed minimè necessarium. Nam regnum patris non posse de institutione noui Testamenti intelligi uerbum illud, quo Matthæus, & Marcus vsi sunt planum facit usque in diem illum, quo illud bibam uobiscum nouum in regno patris mei; dies enim ille non poterat eadem esse nox, minus etiam eadem hora, qua nouum Testamentum Christus instituturus erat, quin, ut postea docuimus, non quemuis diem, sed remotissimum demonstrat. Deinde, qui hoc dicunt, non uidentur animaduertere, quo consilio hoc Christus dixerit: non enim dubium est uoluisse eum spem discipulorum alere, & animos præcedentibus deiectionis uerbis, *non bibam amodo de hoc genimine vitis*, uerbis sequentibus excitare, *donec illud bibam uobiscum nouum in regno patris*, quo eodem consilio narrat Lucas dixisse eum postquam corpus, & sanguinem suum dederat, *Ego dispono uobis, sicut disposui mihi pater regnum, ut edatis, & bibatis super mensam meam in regno meo*. Ita enim Apostolos moriturus consolatur, quemadmodum si moriens pater filio flenti dicat se amplam illi hereditatem relinquere, non esse, quod mortem suam debeat. Hoc autem non de noui Testamenti institutione, sed de possessione uitæ beatæ dici potuit. Alii regnum patris Ecclesiam vocari putant, ut Hieronym. & Beda. Alij tempus illud quadraginta dierum, quibus post resurrectionem cum Apostolis

Nouum apud Hebræos, quod suauis, & excellens est, dicitur.



solis saepe edit, ac bibit, ut Chrysostomus. Theophylactus & Euthymius. sed hae duae interpretationes ipsam, quibus prima, argumentis refutari possunt. Nam dies ille non potest nisi longissimus, & postremum diem demonstrare, sicut dies iudicii *dies ille* vocari solet 1. ad Thessalon. 5. 4. & 2. ad Thessalon. 1. 10. & 2. ad Timotheum. 1. 12. 18. & 4. 8. Præterea illud etiam observatur in sacris litteris, quamvis regnum Dei aliquando pro Ecclesia, aliquando pro Evangelio accipitur, tamen regnum Patris nunquam, nisi celum, vocari; ideo, ut opinor, quod solus Pater nunquam videatur de caelo descendisse. Deinde illud etiam observo, quotiescunque de esu, & potu regni caelorum scriptura mentionem facit, regnum caelorum nec pro Ecclesia, nec pro Evangelio, sed pro vita beata poni solere, *Satiabor*, inquit, *cum apparuerit gloria tua*, & Matthaei. 8. 11. *Dico autem vobis, quod multi ab Oriente, & Occidente venient, & recumbent cum Abraham, & Isaac, & Iacob in regno caelorum*, Lucae. 14. 15. *hec cum dixisset, quidam de simul discumbentibus dixit illi, Beatus, qui manducabit panem in regno Dei*, & capitulo vigesimo secundo, vigesimo nono, 20. *Ego dispono vobis, sicut disposuit mihi pater regnum, ut edatis, & bibatis super mensam meam in regno meo*, & Apocalyp. 19. 9. *Beati, qui ad cenam nuptiarum agni vocati sunt*, quae omnia sine ulla dubitatione de caelesti, beataque vita intelliguntur, ergo & quod Christus hic dicit, *in regno patris mei*, cum de bibendo agat. Denique si regnum caelorum pro alia re, quam pro beatitudine sumatur, haud video, quomodo vinum illud novum convenienter exponi possit; nam si de sanguine Christi interpretemur, post resurrectionem bibisse non constat, aut si bibi, non potuit tam exiguum temporis momentum designare. Si de puro vino, post resurrectionem non novum, sed vetus bibit, nam illud novum, id est, novo modo iam refutamus. Cum vita autem beata novum vinum optime convenit, quia, ut diximus, Hebraeorum more no-

uum, id est praestans, suave, & iucundum appellatur, qualia veteres poetae nectar, & ambrosiam esse fabulabantur. Atque ad hunc modum Origenes tract. in hunc locum 35. & Gregorius Nazianzenus in oratione 2. in sanctum Pascha, & Beda, quamvis ipse quidem Beda allegoricè interpretetur. Obijcit quidam, cui primam interpretationem omnium, minimè probabilem sequuto hae nostra non placuit, credendum non esse Christum tam exiguo verborum intervallo, verbi significationem mutavisse, ut genimen vitis, nunc verum vinum, nunc metaphoricum, id est, beatae vitae suavitatem appellaret. Levis in re gravitatio, & quae non minus sui auctoris, quam nostram sententiam refutare potest; nam si, ut ille ait, vinum novum sanguinem suum Christus appellavit, verbi etiam mutavit significationem. Sanguis enim Christi non verum, sed metaphoricum vinum est. Tenendum ergo memoria, quod capit. 8. 22. adnotavimus, solere Christum in eadem oratione uno eodemque verbo ambigè uti, non solum si ne vitio, sed cum magna etiam orationis elegantia, & argutia, subtilitateque sententiae, *Dimittite*, inquit, *mortuos sepelire mortuos suos*, priori loco mortuos metaphoricè, posteriori vere mortuos appellat, & in illo exemplo, quod huic, de quo agimus, simillimum est Ioann. 4. 13. 14. *Omnis, qui biberit ex hac aqua, sitiet iterum, qui autem biberit ex aqua, quam ego dabo ei, non sitiet in aeternum*; primo loco aqua proprie, secundo metaphoricè usus est. Melius obijci posset, quod Christus dicat, *non bibam ex hoc, donec bibam illud*, nam cum dicit, *ex hoc*, & periphrasi describit, verum vinum demonstrat, & cum dicit, *donec bibam illud novum*, idem ipsum vinum intelligit, quia ad illud, *hoc*, illud, illud, refertur. Respondeo hac pronomina hoc loco nec individuum, neque speciem, sed totum genus, quod nomine vini siue proprie, siue metaphoricè continetur, demonstrare, sed ex circumstantiis intelligi pro-



pronomen *hoc* accipi pro vero vino, *illud*, pro metaphorico; perinde enim est, ac si diceret, non bibam deinceps vinum, donec bibam illud vobiscum nouum in regno patris. Alij obijciunt; quod Christus post resurrectionem, antequam ad caelum ascenderet, saepe cum Apostolis ederit, ac biberit, vt Petrus testatur Act. 10. 41. Primum possemus negare bibisse vinum, quia id scriptura non dicit, sed vt concedamus, quia probabile est, si non semper, aliquando bibisse; verba Christi humano, & consueti more intelligenda sunt; cumque dicit, *non bibam amodo de hoc genimine vitis*, tantum significat se postea non esurum, & bibiturum cum Apostolis, sicut antea; ibat enim ad mortem: edit quidem, & bibit cum Apostolis post resurrectionem; at non consueti more, vt naturae necessitati satisfaceret, sed obiter, raptim, & tantum, vt se resurrexisse demonstraret; edit, & bibit, & solet de de his rebus, quas alio modo, quam ante, post resurrectionem egit, ita loqui, quasi non egerit: inquit, *sunt verba, quae locutus sum vobis, cum adhuc essem vobiscum*, Luc. 24. 44. quasi tunc cum illis non esset; nempe quia ita cum illis erat, vt non nisi aliquando illis appareret, ceterum inuisibilis, non vt ante, ita vt semper cum illis esset, semper ab illis videretur, semper cum illis ederet, ac biberet. Eodem igitur modo, etsi post resurrectionem suam cum Apostolis aliquando edit, & bibit, tamen quia id non nisi veluti per transeuntem fecit, non ducit in numerum. Hinc ratio colligi potest, quam in hunc locum supra distulimus; quam ob rem Christus periphrasi vsus sit. Sunt, qui dicunt alludere voluisse ad consuetam gratiarum actionem Iudaeorum; quae his, vt ferunt, verbis concepta erat; *Benedictus sis tu Domine Rex mundi, qui das nobis fructum vitis*. Id nec omnino probo, nec reprobando; sed illud mihi videtur probabilius, Christum emphasis causa ita loquutum esse: plus enim est, & maiore cum exag-

geratione dicitur, non bibam ex fructu vitis, quam non bibam vinum, sicut magis exaggerare idem dicit, qui negat se quicquam, quod terra ferat, esurum esse, quam qui negat se cibum visum sumpturum, quamuis nullus cibus sit, quem terra non ferat, quia periphrasis illa, atque descriptio orationi vim addit.

30. *Et hymno dicto.*) *καὶ ὕμνον ᾄσαντες*, cum laudem Deo cecinissent; haec enim tria Graeca dictio complectitur. Itaque non solum Christus, sed etiam Apostoli hymnum dixerunt, vt Origenes, & Hilarius adnotant; quamuis Beda non considerans Graecum verbum à solo Christo dictum putet. An cecinerint, non satis constat; sed quia id verbum propriè significat, probabile est, & exemplum cantus Ecclesiastici esse potest. Certè Chrysostomus ad Missae sacrificium accommodat, inde colligens neminem debere ante gratiarum actionem, quae in fine fit, ab Ecclesia discedere. Sunt, qui putent Christum vsitatum aliquem Iudaeorum hymnum cecinisse. Nam Euangelistae quasi de vsitato hymno dicunt, *Et hymno dicto*. Paulus Burgenfis scribit Iudaeos loco gratiarum actionis septem Psalmos recitare solitos, id est à Psalmo centesimo duodecimo, cuius initium est, *Laudate pueri Dominum*, vsque ad Psalmum centesimum decimum octauum. Alij Christum nouum aliquem hymnum composuisse dicunt. Neutrum certum est; illud hoc probabilius: Iudaeos enim aliqua certa gratiarum actione vti solitos ideo credendum est, quod non solum eorum interpretes doceant, sed etiam praeceptum illis à Deo fuisse videamus. Deuteronomij 8. 10. *Cum comederis, & satiatus fueris, benedicas Domino Deo tuo pro terra optima, quam dedit tibi*.

*Exierunt.*) Ex domo, vbi coenauerant, aut etiam ex vrbe; vide dissertationem ea de re Ioannes 14. 31. & 18. 1. vbi & cui exierit, dicturi sumus. Diuus Ioannes inter sacramentorum exhibitionem, & egressum Christi,

Hymnus à Christo & Apostolis dictus cantus Ecclesiasticus est. Missa integra audienda.



fla. multa illis, & grauiſſima verba fe-  
ciſſe tradit, quæ à capitul. 13. 30. vſque  
ad initium capitul. 18. ſcribit, Lucas  
etiam alia nonnulla ponit, quæ Ioan-  
nes prætermiſit; factam fuiſſe conten-  
tionem inter Apoſtolos, qui eorum  
videretur eſſe maior, & reliqua, quæ  
capitul. 30. 25. a nobis explicata ſunt,  
& illa Luca. 22. 28. 29. 30. *Vos eſtis, qui  
permanſiſtis mecum in tentationib. meis,  
& ego diſpono vobis, ſicut diſpoſuit mi-  
hi pater regnum, vt edatis, & bibatis  
ſuper menſam meam in regno meo: vn-  
de colligitur, antequam Chriſtus exi-  
ret è domo, exiſſe Iudam, quia dicit,  
vos eſtis, qui permanſiſtis mecum in ten-  
tationibus meis, quaſi opponens, vn-  
decim Apoſtolos Iudæ, qui cum illo  
in tentatione non permanſerat, ſed  
potius magnificauit contra eum ſup-  
plantationem.*

*In Montem oliueti.*) Diſtabat Mons  
oliueti ab vrbe Ieroſolyma ſabbati  
iter, vt Lucas ſcribit. Act. 1. 12. id eſt  
mille paſſus, aut, vt alij volunt, bis  
mille. Certum eſt proximum fuiſſe lo-  
cum, cum Chriſtus poſt cenam eò ire  
potuerit: quamquam hortum Gethſe-  
mani, in quem iuiſſe dicitur, vero ſimi-  
le eſt non in ipſo monte, ſed citra ad  
radicem montis ſitum fuiſſe, cum no-  
men ipſum Hebraicum vallem pin-  
guem declararet.

31. *Omnes vos ſcandalum patiemini.*)  
Non ſignificat, vt multi interpretan-  
tur, fidem Apoſtolos perdituros, nec,  
vt alij dicunt, in fide vacillaturos eſ-  
ſe; aut negaturos Chriſtum, ſed de-  
ferturos, vt ex Petri reſponſione col-  
ligitur verſu 13. *Et ſi omnes ſcandali-  
zati fuerint in te, ego nunquam ſcanda-  
lizabor,* id eſt, etſi omnes te deſerant,  
ego non deſeram: fidem enim nemo  
eorum perdidit, ne Petrus quidem  
ipſe, qui negauit; etſi ſcio nonnul-  
los veteres auctores ita loqui ſolere,  
quaſi fidem perdiderit, non diſtin-  
guentes fidei confeſſionem à fide, &  
negationem Chriſti à fidei amiſſione,  
quæ longe diuerſa ſunt. Lucas capitulu.  
22. 31. ſoli Petro dixiſſe ait, *Simon, Si-  
mon, ecce Satanas expetuit vos, vt cri-  
braret ſicut triticum.* Deinde Mat-

thæus, & Marcus hæc ita narrant, qua-  
ſi Chriſtus ea dixerit, poſtquam de do-  
mo exiſſet. D. Auguſt. li. 3. de confeſ-  
ſu Euangel. c. 3. putat prius Chriſtum  
dixiſſe, quod Ioannes narrat c. 13. 33.  
*Quæritis me, & ſicut dixi Iudeis, quò  
ego vado, vos non poteſtis venire,* ea occa-  
ſione Petrum interrogaviſſe, quod idem  
Ioannes ſcribit ver. 26. *Domine quò va-  
dis,* Chriſtum reſponſiſſe, *Quò ego va-  
do, non poteſ me modò ſequi, ſequeris au-  
tem poſtea:* Petrum dixiſſe, *quare non  
poſſum te ſequi modò? animam meam pro  
te ponam.* Tunc Chriſtus, cum videret  
Petri confidentiam, & iactantia ſimile  
promiſſionem, dixiſſe, quod Lucas  
ſcribit, *Simon, Simon, ecce Satanas expe-  
tuit vos, vt cribraret.* Quod autè Mat-  
thæus & Marcus dicunt, *omnes vos ſcan-  
daluſ patiemini,* aut Chriſtus poſtquàm  
Petro priuatiſſe dixiſſet, quod ſcribit  
Lucas, ad omnes conuerſus omnibus  
dixit, aut quia, quod Petro dicebat,  
omnibus dicebat; Matthæus, & Mar-  
cus non verba, ſed ſenſum Chriſti re-  
tulerunt.

*In me.*) Hebraiſmus, id eſt propter  
me. Cum videbitis me indigna patien-  
tem, occaſionem mei deſerendi acci-  
pietis, hoc eſt, *ſcandaluſ patiemini in  
me.*

*Scriptum eſt enim.*) Accommodat Zach. 13.  
Zacharie teſtimonium ad ſe iure ſuo.  
7.  
Nam etſi ad veteres ſacerdotes perti-  
nebat, de illo tamen proprie dictum  
fuerat, vt ex præcedentibus, & ſequen-  
tibus prophetae verbis manifeſtum  
eſt. Accommodat autem, non vt  
doceat neceſſariò. euenturum eſſe, vt  
ſe Apoſtoli deſerant, eoſque à culpa  
euentus neceſſitas excuſet, ſed vt do-  
ceat, id ſibi nouum non fore; nam  
& ſe iam ſcire, & verò à propheta  
prædictum fuiſſe, *Percutiam paſtorem  
πατάξω.* Apud prophetam Hebrai-  
cè eſt *קח*, Septuaginta venterunt *πατάξω*  
*percutere.* Itaque facile adduceret  
hoc etiam loco *πατάξω* *percutiam*  
legendum eſſe *πατάξω* *percutere,* ne  
Euangeliste verba à verbis prophete  
diſſonare videantur, niſi viderem  
nonnullis etiam alijs verbis Euan-  
geliſtam a propheta diſcrepare. Ma-  
thæo ita.

Petrus fi-  
dem non  
amiſit ne-  
gādo Chri-  
ſtum.



Io inique dicere Evangelistam sententia spectasse, non verba. Quod ad sententiam autem attinet, idem est percute, & percutiam. Deus enim erat, qui pastorem pecuti iubebat, & quod per alium facit, ipse facit. Indicat ergo se esse, qui filium suum pecutit, sicut alibi dicitur eum pro nobis ad mortem tradidisse.

32. *Postquam autem resurrexero, predicam vos in Galilaeam.* Duobus verbis discipulorum animos recreat, & cum se resurrecturum affirmat, & cum eis in Galilea apparitum.

34. *Amen dico tibi, quia in hac nocte antequam gallus cantet, ter me negabis.* Marcus capit. 14. 30. scribit, *prinsquam gallus vocem bis dederit, ter me es negaturus*, unde nata quaestio est, quomodo intelligendum sit, quod Matth. dicit, hoc loco, & Lucas capit. 22. 34. & Ioannes capit. 13. 38. *antequam gallus cantet, ter me negabis*; an adverbum illud *ter* ad galli cantum, an ad Petri negationem referendum sit. D. Aug. lib. 3. de consensu Evang. capit. 2. putat hunc esse sensum, *antequam gallus cantet, ter me negare incipies*, quasi ante galli cantum negationes inceperit, sed non absoluerit. Dura interpretatio; nam ex contextu huius loci, & Luca capit. 22. 34. & ex Ioanne capit. 13. 38. manifestum est Christum dicere voluisse, antequam gallus cantaret, Petrum se ter esse negaturum; deinde perit Augustino illo modo interpretanti tota huius sententia Christi gratia; significat enim Petrum, antequam gallus cantet, id est brevissimo temporis intervallo non semel, non bis, sed ter esse negaturum. Ita intelligendum esse euentus docuit, & Evangelistae monuerunt, nam & Matthaeus infra vers. 74. 75. & Lucas ver. 60. 61. & Ioann. capit. 18. 27. postquam nam assent ter Petrum negavisse; addiderunt, *& continuo gallus cantavit, & recordatus est Petrus verbi Iesu, quod dixerat, prinsquam gallus cantet, ter me negabis*. Recte ergo

Quis galli cantus in scriptura, tum appellasse, non illum, quē ad me-

diam noctem edere solet gallus, sed eum, quem ante auroram, quod ille proprie, atque vritate gallicinium, aut galli cantus vocari soleat, quia primus cantus alio nomine media nox appellari potest. Tempus autem illud, quod auroram praecedit, & quo gallus cantat, nisi galli cantus appelleretur, alio vocabulo appellari non potest. Ita scriptura loqui solet, Tobiae 8. 11. *Et factum est circa pullo- rum cantum accersivi iussit Raguel ser- uos suos, & abierunt cum eo pariter, ut foderent sepulchrum* & Marc. ipse eapi. 13. 35. *vigilate ergo, ne scitis enim quan- do dominus domus veniet, sero, an me- dia nocte, an galli cantu, an mane*. Ergo ante aurora, quod proprie tempus galli cantus appellatur, Petrus ter Chri- sti negavit, ut Matthaeus, Lucas, & Ioan- nes scribunt, & quod idem est, ante- quam gallus bis cantaret, semel ad me- diam noctem, iterum ante auroram, ter Petrus negavit, ut scribit Marcus. Quæret aliquis, cur Marcus aliter de ea re, quam alij Evangelistae, scripse- rit. Probabile mihi videtur Marcum ex Petro, cuius discipulus erat intellexisse non solum, qua sententia, sed quibus etiam verbis sibi Christus praedixisset fore, ut ter eum ea nocte negaret; iisdemque verbis usum fuisse; eod autem vero similis est Christum Marci usum fuisse verbis, quod ea ma- iorem habeant efficacitatem. Oppo- nit enim Christus numerum nume- ro, quasi dicat, diligentior tu eris in me negando, quam gallus in cantando; nam antequam ille bis cantet, tu ter me negabis. Videmus namque totam Christi orationem emphaticam esse, *Amen dico tibi, hec enim emphasis est, in hac nocte, antequam gallus bis can- tet, tu ter me negabis*.

36. *In villam.* *ἐἰς ἡρώδην* quo eodem verbo Marcus usus est. Hortum fuisse constat ex Ioanne c. 18. 1. 26. in quem Christus orationis causa saepe irita- bat, ut idem ait Ioann. vers. 2. Iudam sciuisse eod solitum ire Christum, & Lu- cas capit. 1. 22. 39. *& egressus ibat secun- dum consuetudinem in Montem oliua- rum*, unde apparet Christum nō, ut se abscon-



absconderet, eò se recepisse, sed potius, ut facilius à Iuda, & militum cohorte inueniretur, ut eo loco Ioann. indicauit.

*Que dicitur Gethsemani.* ) Gethsemani potius, aut Gesemani dicendum esset, id est vallis, aut hortus octauus, aut pinguis; pinguis, quia fertilis erat; octauus, quia, ut quidam putant, cum circum Ierosolimam multæ amcenæ villæ essent, multique horti, ex distantia, qua ab vrbe abeant, nomina sortiebantur, ut alius primus, alius secundus hortus diceretur; ut apud Romanos primus, secundus, tertius ab vrbe lapis. Putat Cyrillus in commentarijs in capitulo 18. Ioann. aliquod fuisse mysterium, quod Christus se in hortum comprehendendus receperit, hortum scilicet illum symbolum fuisse paradisi; nos in paradiso à Diabolo captos fuisse, in eodem paradiso liberatos; comprehensio enim Christi initium fuit nostræ libertatis.

37. *Petro, & duobus filijs Zebedæi.* ) Iacobo, & Ioanne capitulo 10. 3. Cur aliquos secum assumpsit, non difficilis est ratio; voluit orationis suæ, doloris, & lethalis illius sudoris testes habere. Cur autem hos tres potius, quàm alios Hilarius, Chrysostomus, & Theophylactus, respondent, propterea quod hi ues gloriam, & maiestatem ipsius in transfiguratione viderant capitulo 17. 2. & verendum erat, ne alij, qui non uiderant, Christi infirmitate offenderentur. Simplicius responderi potest, ideo hos tres potius, quàm alios assumpsisse, quia plus illis contidebat, ideoque ad omnia secreta solebat adhibere, sicut ad transfigurationem adhibuerat.

*Cepit contristari, & mareus esse.* ) *ἤρξατο λυπεῖσθαι, καὶ ἀδυνατεῖν* tristari & anxio esse animo; est enim *ἀδυνατεῖν* ita vehementi obiecti discriminis metu angere, ut quodammodo exanimis, & attonitus sis. Euangelistæ verò Matthæus, & Marcus, qui hoc vti sunt verbo, solam magnitudinem tristitiæ Christi declarare voluerunt. Fecerunt olim, qui negarent veram in

Christo fuisse tristitiam, ut Chrysostomus hoc loco, & Ambrosius in comment. in capitulo 22. Lucæ indicant, & Damascenus de hæreticis quibusdam

In Christo  
quomodo  
tristitia,

scribit libro de hæresibus capitulo 84. Nescio an Hilarius in eo imprudenter fuerit errore; nimis enim illi congruenter videtur loqui, & hoc loco, & libro 10. de Trinitate, ubi planè affirmat nullum Christum dolorem sensitse, & in comment. in Psalm. 68. Euagrius libr. 4. histor. Ecclesi. capitulo 39. scribit simili in errore Iustinianum Imperatorem fuisse impatibilem fuisse Christum. Non possumus eius rei meliorem testem, quàm Christum ipsum de siderare, qui animam suam usque ad mortem tristem esse dicit. Alij contra, ut refert in comment. D. Thom. etiam secundum diuinitatem passionem, ac dolorem sensitse docuerunt; nimis stultè de diuinitate sentientes. Alij tristitiam istam Christi non passionem fuisse, sed pro passionem, id est non

*πάθος* ut Græci vocant, sed *προπάθεια*; hoc autem inter passionem, & propassionem interesse, quod nunc Theologi inter primos, & secundos, quos appellant motus, interesse dicunt, passionem esse, quæ animum aliqua ratione turbat, & aliquem, quamuis imperfectum uoluntatis consensum extorquet; propassionem, quæ hominem quidem mouet, & aut doloris, aut delectationis sensum aliquem affert, sed animum de quiete sua non deturbat. Ita Origenes, Hieronymus, & Beda existimant Christum fuisse tristatum, atque hanc eius uerbi uim esse *ἤρξατο* cepit, quasi cæperit quidam, sed non finierit, quia propassio usque ad passionem non peruenit. Potius credo uerbum illud hanc vim habere, ut significet Christum non coactum, cum periculum obiectum est, sed sponte quando uoluit, quantum uoluit, & quomodo uoluit, tristatum fuisse, quod ex alijs quoque circumstantijs apparet. Paulo ante cum esset cum undecim discipulis tristatus non fuerat, quia nolebat tristitiam suam omnibus notam esse, statim, ut ab illis digressus est, & cum tribus tantum familiaribus discipulis fuit, tri-

Passiones  
in Christo  
non fuerunt  
sed propas-  
siones,

O o flati



flari cepit, vt Euangelistæ adnotaue-  
runt iudicantes, quando voluit, & qua  
ratione voluit fuisse tristatum. Elegan-  
ter in hanc sententiā Augustinus scri-  
bit in comment. in Psalm. 87. *Hos hu-  
manæ infirmitatis affectus, sicut ipsam  
carnē infirmitatis humanæ, ac mortem  
carnis humanæ Dominus Iesus non con-  
ditionis necessitate, sed miserationis vo-  
luntate suscepit; vt transfiguraret in  
se corpus suum, quod est Ecclesia, cui ca-  
put esse dignatus est, hoc est membra sua  
in sanctis, & fidelibus fuit, vt si cui eo-  
rum inter humanas tentationes contri-  
stari, & dolere contingeret, non ideo se  
ab eius gratia putaret alienum & non es-  
se ista peccata, sed humanæ infirmitatis  
indicia, tanquam voci præmissæ cōcinens  
chorus; ita corpus eius ex ipso suo capite  
ad disceret.* Recte Damascenus scripsit  
libro 3. de fide orthodoxa capitul. 20.  
Hoc inter nostras, & Christi passiones  
interesse, quod nostræ voluntatis  
præueniant actionem; Christi sequan-  
tur, id est nos etiam nolentes pas-  
siones habere, Christum non nisi  
volentem habuisse; deinde quod no-  
stræ ex naturali necessitate, & pecca-  
to originali nascantur, Christi nec  
ex peccato, nec ex necessitate; sed ex  
miseriordia natæ sint: esuriuit enim  
pro nobis, sitiuit pro nobis, doluit  
pro nobis. Itaque quod quidam do-  
cti, vt Catholici interpretes docue-  
runt Christum conditione humanæ  
naturæ mortem extimuisse, interpreta-  
ri malo, quam refutare; potest enim  
sic intelligi, ut Christus non condi-  
tione, & necessitate naturæ dolue-  
rit, sed voluntate sua ita naturam in  
sua naturali conditione reliquerit, vt  
tantum doluerit, quantum, si pura na-  
tura humana fuisset, doluisset. Sub-  
tilius in scholis à Theologis disputa-  
tur, qui fieri potuerit, vt Christus,  
cum beatus fuerit, tristitiam habue-  
rit. Sunt, qui respondeant beatum  
fuisse superiore tantum animæ par-  
te; corpus enim illius nondum fuisse  
beatum, quia, vt pati posset, non-  
dum se in illud beatitudo effuderat;  
tristitiam autem fuisse in inferiore,  
parte, quæ in corpore est. At Chri-

Diffetētia  
passionum  
Christi &  
nostrarum  
ex Dama-  
sceno.

Christus  
quomodo  
tristitiam  
cum beati-  
tudine ha-  
buerit.

stus animam suam vsque ad mortem  
tristem esse affirmat, quo verbo, osten-  
dit omnes animæ suæ partes occu-  
passe, & paullo post dicit, *non sicut ego  
uolo, sed sicut tu*, & vt alius Euangeli-  
sta clarius dixit, *Non mea voluntas, sed  
tua fiat*: vbi haud, obscure significat  
se etiam voluntate, quæ superior ani-  
mæ pars est, fuisse tristatum, mortem-  
que refugisse. Et verò ex eo loco sex-  
ta synodus generalis, alique aucto-  
res veteres probauerunt duas fuisse  
in Christo voluntates, diuinam, &  
humanam. Itaque eorum subtilitas,  
qui voluntatem hic interpretantur  
partis sentientis appetitum, proban-  
da non est. Melius igitur alijs dispen-  
satione quadam factum fuisse, vt cum  
Christus beatus esset, tristitiam etiam  
in superiore animæ partem  
admisit; nam sicut beatitudinem  
suam cohibere potuit, ne deflueret  
in corpus, vt pati posset, ita preme-  
re eam potuit, & quodammodo oc-  
cultare, vt ad tempus tristitiæ cede-  
ret, quæ vna passionis suæ pars futu-  
ra erat. Queritur inter interpretes,  
quam ob causam Christus tristatus  
sit. Hilarius, Hieronym. & Beda non  
metu mortis, sed discipulorum com-  
miseratione, quod scandalum passu-  
ri essent, tristatum fuisse dicunt, at-  
que hoc esse, quod paullo post dicit,  
*tristis est anima mea vsque ad mortem*,  
quasi dicat, cum hora mortis veniet,  
non erit tristis, & quia scandalum præ-  
teritum fuerit. Hilarius verò nomi-  
natim propter Iudam, quod perditum  
se iret, tristatum putat. Bono  
animo hi auctores ita senserunt; ne  
Christum timidiorem, quam multi  
eius martyres fuerunt, facere viderentur,  
sed si id, quod paullo ante  
notauimus, teneatur, istud non erit  
necessarium, Christum verè quidem,  
sed spontè tamen, & liberè timuisse;  
hac enim ratione fit, vt etiam si plus  
pertimuisse mortem uideatur; quam  
multi eius martyres timuerunt, timi-  
dior illis dici non possit. Non enim  
timidus, sed fortissimus est, qui non  
nisi, quando vult, timet. Et ita om-  
nia docent Christum timuisse mor-  
tem



tem, vt negari salua scripturæ auctoritate non possit. At si voluntate sua timuit, cur timere voluit? Possem vno verbo respondere, si voluntate sua mortuus est, cur mori voluit? Vtique pro nobis, & pro nobis doluit; nam mortis præludia & dolor, & tristitia, & sanguineus sudorerant. Magnum ergo fuit, & cumularum Christi beneficium, quod mortem pro nobis non subitam, qualis eorum esse solet, qui nec opinantes securi feriuntur, sed cum omnibus suis circumstantijs coniunctam suscipere voluerit, cum dolore, cum flagellis, cum conuitijs, cum ignominia, & cum nonnullis rebus, quæ mortem comitari non solent, qualis sudor ille sanguinis fuit, vt verè posset dicere.

**Pla. 114. 3.** *Circumdederunt me dolores mortis, & pericula inferni inuenerunt me.* Paulo aliter Hieronym. Beda, Euthym. & Theophyl. in commentarijs, & August. in Psalm. 87. propterea timere, & tristari Christum voluisse, vt se verum hominem ostenderet, tum etiā, vt idem ait August. ne eius membra, id est fideles, si quando tristarentur, putarent id esse peccatum. At cur vehementius, quam alij hominis mortis metu tristari soleant, & tristatus videtur fuisse, eò quidem vsque, ut quemadmodum Lucas cap. 22. 44. scribit, guttæ sanguinis, aut, vt Græcè est, *θρόμβοι* grumi, id est magnæ sanguinis guttæ ex eius corpore in terram defluerent? Scribit Hilarius lib. 1. c. de Trinitate, & D. Hieronymus lib. 2. aduersus Pelagianos suo tempore id, quod Lucas de sanguine & de angelo, qui Christo oranti apparuisse dicitur, tradit in plerisque Græcis, & Latinis codicibus lectum non fuisse: sed potius credendum est à nonnullis id fuisse deletum, quam à quoquam adiunctum. Alij non delent verbum, sed sensum extenuant, quasi non re vera sanguinem Christus sudarit, sed prouerbiali forma dictum sit sudasse sanguinem, id est, vehementi timore correptum fuisse, sicut vulgò de his dicere solemus, qui valde anxij, & impediū sunt, guttas

eos sanguinis sudare. Ita Euthymius, & Theophylactus exponunt; sed Euangelista, cum dicat guttas sanguinis in terram defluxisse, non potuit profectò aliter intelligi, quam ita, vt verum sudauerit sanguinem.

Quod ergo sanguinem Christus sudauerit, etsi sunt, qui miraculo, ac præter naturam factum putent, tum etiam mysterio quodam, vt totum eius corpus, quod est Ecclesia, ipsius sanguine perfundi videretur, potius naturalem sudorem fuisse arbitrator, sed quia insolitus est, miraculo fuit similis, qualia omnia rara esse solent. Scribit tamen Aristoteles id fieri naturaliter posse, & aliquando contigisse. Et quidem ratio naturalis docet in hominibus præsertim raræ texturæ, delicateque constitutionis fieri id posse; cum enim sudor nihil aliud sit, quam pars sanguinis aquosa, quæ in venis est, cur quem admodum omnibus pars illa per sudorem effluit, non possit in paucissimis quibusdam, qui rarissimo sint corpore, & subtiliorem sanguinem habeant, sanguis ipse tenuior loco sudoris efluere, & quemadmodum videmus omnes subito correptos metu, sudare, ita Christum, qui delicatissima naturæ erat, non dicamus naturaliter apprehenso ignominiosissimo genere mortis sanguinem sudauisse? Audio de his, qui viderunt, aut cognouerunt ante annos duos Lutetiæ Parisiorum hominem robustum, & bene valentem audita in se capitali sententia sudore sanguineo fuisse perfusum. Maiore admiratione dignum est, quamobrem Christus tantopere mortem apprehendit, vt sanguinem sudaret. Respondet D. Thom. quia non solam mortem, sed mortis potissimum causam, id est, omnium hominum peccata animo concipiebat; in quam sententiam D. Ambrosius in commentarijs in capitulo 22. Lucæ piè sanè, & eleganter scripsit, *Minus contulerat mihi, nisi meum suscepisset affectum. Ergo pro me doluit, qui pro se nihil habuit, quod doleret, & sequestrata*

Quomodo  
Christus  
sanguine  
sudauerit,

Lib. 7. de  
hif. anima  
l. ca. 16. &  
li. 3. de par  
te. ani. c. 54.

2 p. 9. 46.  
ar. 6.

Quomodo  
Christus  
ita mortē  
apprehen  
dit, vt san  
guinem su  
dauit.

O o 2 delecta



delectatione diuinitatis aeterna sedio mea infirmitatis afficitur. Suscepit enim tristitiam meam, ut mihi suam letitiam largiretur, & vestigijs nostris descendit usque ad mortis ærumnam, ut nos suis vestigijs reuocaret ad vitam. Confidenter ergo tristitiam nomino, quia crucem prædico; nec enim speciem incarnationis suscepit, sed veritatem; debuit ergo, & dolorem suscipere, ut vinceret tristitiam, non excluderet. Nec enim habent fortitudinis laudem, qui stuporem magis viderunt, quam dolorem.

38. Tristis est anima mea usque ad mortem. *ἡ ψυχή μου*, tristitia vndique obfessus est animus meus, eodem omnino sensu, quo in persona Christi Dauid dixerat, *circumdederunt me dolores mortis*. Quod autem dicit usque ad mortem, Origenes, Hilarius, & Hic. tempus significare putant, quasi dicat, tristis est anima mea, sed tristitia hæc non durabit, nisi usque ad mortem. Aliena, ut mihi videtur interpretatio: nec enim Christus id agebat, ut tristitiæ magnitudinem minueret, sed, ut augeret; minuisset autem, si dixisset eam non nisi usque ad mortem duraturam. Aliam interpretationem memini apud auctorem quendam recentiorum legere *Tristis est anima mea usque ad mortem*, id est adeo tristis, ut tristitia ipsa moriem, mihi afferre videatur, quemadmodum vulgo dicere solemus, morior dolore, morior fame. Verus sensus est, quem Euthymius indicauit, *Tristis est anima mea usque ad mortem*, id est tam tristis, quam si iam morerer, sicut Dauid dixit, *Circumdederunt me dolores mortis*, id est tam magni, quam, qui in morte sentiuntur.

*Suffinebit hic.* *μείνατε* manete. Eodem verbo vltus est Marcus. Alios discipulos paullo ante non solum manere, sed etiam sedere iusserat ver. 36. hos manere, & vigilare, id est, in statione esse, excubias agere, quia propiores periculo erant, cuius volebat esse testes, sicut paullo post ver. 41. non solum manere, & vigilare, sed etiam orare iuberet.

39. Et progressus. Lucas, Et auul-  
sus est ab eis, quo verbo nescio, an ni-

mis argute significari quidam putent illum non libenter à tribus illis carissimis discipulis discessisse.

*Puillum.* Quatum puillum illud fuerit, Lucas 22. 41. ut Euthy. adnotauit expressit, quantum, inquit, iactus est lapidis. Quæri potest, cur secesserit a discipulis oraturus. Sequutus est, ut ait D. Thom. præceptum suum sup. c. 6. 6. Tu autem, cum oras, intra in cubiculum tuum, & claude ostium tuum, & ego etiam opinor, humanam consuetudinem, & veluti verecundiam sequutus est. Nam etiam si coram alijs orare nos non pudeat, multa tamen in oratione audientibus alijs loqui, multa exteriora interioris affectus, & ardoris signa ostendere pudet, quæ solos non pudet.

*Procidit.* Marcus in terram procidisse dicit, Lucas verò positus genibus orasse; unde intelligimus non fuisse omnino in terram prostratum, sed genua flexisse, ideoque Marcum dixisse procidisse in terram, quia, qui genua in terram ponit, in terram procidit.

*Pater, si possibile est.* Sciebat Christus absolute possibile esse Deo, sicut apud Marcum declarat, *Abba, Pater, omnia tibi possibilia sunt*, sed posito diuino decreto, quo constitutum erat, ut pro nobis moreretur, sciebat esse impossibile, ut calix ille à se transiret; cur ergo orabat, ut si fieri posset, calix transiret? Relinquebat naturam humanam patres suas agere, quemadmodum egisset, si neque cum diuinitate coniuncta fuisset, nec de diuino decreto quicquam sciuisset. Colligitur ex collatione Matthæi, & Marci, ut rectè D. August. libro 3. de consen. Evangelist. capitulo 4. obseruauit, idem valere, *si possibile est, & si vis*, nam de absoluta illa, quam vocant potestatem Christus non agebat, nec eam in dubium reuocabat, & quasi cautionis causa apud Marcum proficitur, *omnia tibi possibilia sunt*, cum enim addit, *sed non quod ego volo, sed quod tu indicat*, cum dixit, *si possibile est*, nihil aliud dicere voluisse, quam *si vis*, aut si rebus integris, si salua gloria tua velle potes. Refellit etiam ex Marco Calvinistarum error, qui putant

In comen-  
in hunc lo-  
cum,



Deus plu-  
ra potest  
facere, q̄  
vult con-  
tra Calui-  
num,

Li. 3. de cō-  
fess.  
Euang. ca.  
4.

Dixit volū-  
tates in  
Christo.

Christus  
voluntate  
humanam

tant Deum plura facere non posse, quam, quæ vult; nam etsi apud Matth. idem est, si possibile est, & si vis, apud Marcum idem non est, apud quem de Dei potestate Christus non dubitat, Omnia, inquit, vbi possibilis sunt. De voluntate autem dubitat, id est, quasi homo dubitans loquitur. Quod dicit, Pater, orationis initio aptum ad conciliandam gratiam exordium est, vt Hieronymus adnotauit; Marcus Chaldaicum, & Græcum copulauit uerbū, Abba, Pater; Græco Chaldaicum interpretans, quo Christus vsus fuisse creditur, quod & D. Paulus duobus locis fecit ad Roma. 8. 15. & ad Galatas 4. 6. quod D. August. mysterio aliquo factum putat, vt significaretur Deus & Iudæorum, & Gentilium pater esse.

*Transfert à me.)* παρελθέτω ἀπ' ἐμοῦ prætereat à me, aut, vt Latini loquuntur, prætereat me.

*Calix iste.)* Passio, mors ista terribilis. Cui calix appelleretur c. 20. 22. à nobis dictum est. Putant Hierony. & Beda ideo dixisse calix iste, vt Iudæorū calicem indicaret, id est eorum peccatum, atque interitum; non enim Christum mortem suam, sed Iudæorum penam timuisse. Sed supra probauimus uerè timuisse mortem, eamque fuisse deprecatum.

*Veruntamen non sicut ego volo, sed sicut tu.)* Aptè appositā moderatio: sic enim naturæ infirmitatem ostendit, vt vltra diuinæ voluntatis terminos non egrediaur. Colligitur ex hoc loco, vt ante attingimus, duas in Christo fuisse voluntates humanam, atque diuinam, vt in sexta synodo generali hoc ipso testimonio probatum est. Præterea non esse factum hoc contrarium sententiæ Diui Pauli ad Hebr. 5. 7. vbi dicit Christum exauditum fuisse pro sua reuerentia; nec enim hic, quamuis calix ab eo non transierit, non exauditus fuit, cum hac conditione orauerit, Si possibile est, id est, si vis: Pater autem nolebat. Dubitabit aliquis, quomodo Christum humana uoluntate mortem recusauerit, cum Deus vellet, vt

moreretur. Videtur enim contrariam diuinæ voluntati voluntatem habuisse, quod sine peccato fieri non potest, quia, vt Augustinus definit, peccatum est dictum, factum, vel concupitum contra legem Dei, diuinamque voluntatem. Paulo ante diximus Christum in hac oratione ita loquutum fuisse, vt si prorsus fuisset homo, cui neque diuina uoluntas cognita esset, neque satis esset fortitudinis ad mortem superandam; relinquebat enim naturam humanam, veluti solam, compressā diuinitate, vt plenius officio suo fungeretur. Inter homines autem non quisquis contra diuinam voluntatem aliquid vult, continuo peccat: sed qui vult, dicit, aut facit aliquid contra voluntatem Dei sibi cognitam, atque perspectam: nec enim peccamus, cum parentibus nostris longam vitam, bonamque ualitudinem à Deo petimus, sed peccaremus potius, si non peteremus, etsi voluntas Dei fortasse est, ut citò moriantur, quia ea voluntas nobis cognita non est, & altera cognita est, qua vult, vt parentes honoremus, & omnia illis optemus prospera. Quin etiam aliquando contra diuinam voluntatem nobis cognitam aliquid sine peccato licet velle, modò ea non sit præcepto declarata. mortuus est pater meus, dubitare non possum diuinā uoluntate mortuum esse; vellem tamen mortuum non esse, nec tamen pecco. Adde, quod hæc Christi uoluntas, qua mortem recusauit, non fuit plena, atque perfecta, sed, vt Theologi uocant, conditionalis; nec enim dicebat apud se, nolo mori, sed nollem mori, si fieri posset, quæ uoluntas peccatum non est adhibita honesta conditione.

40. *Et venit ad discipulos.)* Hæreticorum interpretes consolationis querendæ causā ad discipulos uenisse dicunt, parum pro dignitate Christi loquentes. Nam ut consolatione indigeret aliqua, discipulorum tamen consolatione non indigebat, quorū cognoscebat infirmitatē. Venit ergo, quia orationem iam finierat, & uolebat ter ali-

O o 3 quo

contrariā  
nō habuit  
diuinā.  
Li. 22. con-  
tra Faulū  
cap. 274



quo interuallo interposito orare; aut venit, vt discipulos excitaret, atque moneret, vt ex effectu colligitur.

*Et inuenit eos dormientes præ tristitia.* Solet enim mœror animi, sicut lacrymas exprimere, ita vapores in cerebrum excitare; vnde nascitur somnus: videmusque & infantes, postquam fleuerunt, altè dormire, & viros, cum in luctu sunt, opprimi somno.

*Sic? non potuisti.* Duplici interrogatione hæc verba legenda sunt, vt Euthy. animaduertit, vt altera ponatur post aduerbium, *Sic*, altera post sequentem orationem. Nec enim aduerbium, *sic* ad verbum, *potuisti*, applicandum est, sed ad superiora potius referendum, quæ vers. 35. Petrus primo loco deinde omnes alij similiter discipuli dixerant, *etiamsi oportuerit me mori tecum, non te nego*, quasi dicat Christus, Itane parati estis, vt pro me moriamini, & non potuistis vna hora vigilare mecum? Dicit autè hoc Christus soli Petro, quia ille se primus, & omnium maxime iactauerat, vt Hierony. Chrys. Beda, Theoph. & Euthy. obseruauerunt. Marcus nō omnibus, sed soli Petro, quæ sequuntur, dicta esse scribit, *Non potuisti vna hora vigilare mecum?* atque ita Christum dixisse vero simile est: sed quia, quod Petro dicebat, tanquam ceterorum duci, omnibus dicebat, Matthæus sensum non verba recitans omnibus dictum tradit. *Vna hora* *μία ὥρα* vnam horam, qua phrasi continuum, & integrum vnius horæ tempus significatur; non quod constet vnam integram horam Christum in oratione posuisse, sed quod voluerit breuissimum temporis spatium, integrum tamen significare. Hebraismus enim est, qua solet Hebraei momentum temporis, aut breuissimum quodque spatium horam *קוץ* appellare. Voluit enim Christus, vt discipulorum exaggeraret negligentiam, breuissimum tempus designare, quod Latine diceremus, non potuistis momentum temporis vigilare mecum? Nec propterea indicat se per vnum tantum momentum orauisse, sed lo-

quitur per exaggerationem.

*Mecum.* Incredibilem hæc dictio vim habet ad pungendos animos discipulorum, quasi dicat, me non solum vigilante, sed etiam orante, sudante, pugnante cum morte, vos, qui me dormiente pugnare debebatis, ne vigilare quidem momento temporis potuistis.

*4. Vigilate, & orate.* Nō iam mea, sed vestra causa, vers. 38. tantum dixerat, *Vigilate* nunc addit, *& orate*, indicans propius esse discrimen.

*Vt non intretis in tentationem.* Nō intrare in tentationem Hic. Beda, Euthy. & Theoph. & omnes, quos legisse memini, posteriores interpretes dicunt non esse in tentationem non incidere, sed eam superare. Ego potius credo, vt verba ipsa significant, non intrare in tentationem esse in eā non incurrere, hoc enim iubemur a Deo petere confij infirmitatis nostræ, non solum vt pericula superemus, sed etiam ne in pericula veniamus. Tutius est non pugnare, quam vincere. Hoc enim sensu oramus Deū ne nos inducat in tentationem, vt ca. 6. 13. exposuimus.

*Spiritus quidem promptus est, caro autem infirma.* Causa redditio est, quā obrem orare debeant, quia etiam animus, ac voluntas illis non desit; vires tamen desunt, nisi a Deo per orationem impetrent. Spiritum igitur hoc loco non Spiritum sanctum, non spiritum suum, sed discipulorum voluntatem vocat, sicut D. Paulus 1. ad Cor. 7. 34. cum dicit, *ut sit virgo sancta & corpore, & spiritu*, id est casta, & pura non solum corpore, sed etiam voluntate. Videitur autem ad superiorem illam discipulorum iactantiam alludere: magnos enim animos, magnos spiritus ostentauerant, cū singuli dixerant vers. 35. Petri uocē sequuti, *etiamsi oportuerit me mori tecum, nō te nego*. Non uult Christus animū illum improbare, atq; deicere, sed eo potius laudato infirmitatis carnis admonet, ut doceat quamuis magno, promptoque animo sint, oportere tamen orare eos, quia caro infirma est, sicut dixit D. Paulus 2.

Cor. 4.

Quid nō  
in rate in  
tatione.



Corin. 4. 7. nos gestare thesaurum in  
vasis fictilibus.

Hebrai- 42. Iterum secundò. ) πάλιν ἐκ δευ-  
mus. τέρη Rursus secundò, Tautologia vi-  
Psal. 34. 7. detur esse, nisi Hebraisimum intelli-  
gamus. Hebraei dixissent תשובה דיבור & re-  
dijt secundò & orauit, sicut, Tu conuer-  
sus uiuificabis nos, id est, iterum uiuifi-  
cabis, quem Hebraisimum multis iam  
locis explicauimus. Tantundem ergo  
duæ illæ dictiones valent, ac si alijs  
verbis dixisset, & reuersus secundò o-  
rauit.

43. Erant enim oculi eorum grauati.  
Aut grauati somno, quia multa iam  
erat nox, aut humore præ tristitia, vt  
Lucas indicauit.

Cur Chri- 44. Et orauit tertio. ) Subit hic statim  
stus ter o- animum dubitatio; cur ter Christus o-  
rauerit, rauit, non sæpius, non minis sæpe.  
Chrysost. Euthym. & Theophylact. re-  
spondent hunc numerum rei veritate,  
perfectionem, atque constantiam  
solere declarare, quod multis sacrarū  
litterarum exemplis verum esse intelli-  
ginus; vas illud plenum omnis gene-  
ris animalium, quod Petrus vidit, ter  
de celo demissum est Act. 10. 16. D.  
Paulus 2. Cor. 12. 8. ter dominum se  
rogasse dicit, vt spiritum illum Sata-  
næ à se tolleret; Petrus Christum ter  
negauit; Christus Petrum ter inter-  
rogauit, diligis me plus his? Ioannes  
12. 14. Eodem modo ter Christus o-  
rat, quia, quod ter fit, omnino, ac sæ-  
per fieri videtur; & docuerat ipse nos  
semper orare Lucæ 18. 1. In Hispani-  
cò proverbio optimè explicatur *A  
tres va la vencia*, quasi dicas non po-  
test videri verè vicisse, qui ter. non pu-  
gnauit.

Eundem sermonem dicens. ) Non est  
necesse, vt eadem verba, sed vt eadem  
sententiam Christum recitasse intelli-  
gamus, vt Euthym. indicauit. Quod  
enim Euangelista dicit *Eundem sermo-  
nem dicens*, perinde est, ac si dicat, in eā-  
dem sententiam orauisse, id est nihil  
noui petiuisse, sed quod ante petierat.  
Etsi suspicor Euangelistam cautè hæc  
verba addidisse, vt indicaret semper  
Christum verba illa, & conditionem,  
quam antea explicauerat, adhibuisse;

veruntamen non sicut ego volo, sed sicut  
tu, vt doceret Christum, quamuis ter  
oranisset, nunquam eius moderatio-  
nis oblitum fuisse, in qua tota oratio-  
nis laus consistebat; atque hoc est, *eun-  
dem sermonem dicens*. Lucas vnus tan-  
tum orationis mentionem fecit; ideo,  
vt opinor, quia quamuis ter Christus  
orauerit, tamen quia, vt ait Matthæus,  
eundem sermonem dixit, eadem fuit  
oratio; statimque narrat angelum ei  
apparuisse. Itaque non constat, qua in  
oratione apparuerit; nam quod qui-  
dam putant in singulis apparuisse, p-  
babile non est. Credendum, cum ideo  
missus fuerit, vt ad eius orationem re-  
sponderet, & Patris ad eum sententiā  
deferret, non nisi finita iam tertia ora-  
tione venisse; nec enim Christus, si ue-  
nisset prius, idem à Patre petere per-  
rexisset. Itaque quod Lucas ait Chri-  
stum venisse ad discipulos, & inuenis-  
se eos dormientes, postquam dixerat  
apparuisse angelum, per *ὅτε* *πρότε-  
ρον* intelligere necesse est. Prius enim  
de oratione verba facere coeperat, vn-  
de quicquid in oratione acciderat, eo-  
dem contextu narrare uoluit, quale  
fuit, quod angelus apparuisset. Qua-  
re & cum dicit adhuc eo loquente cū  
discipulis venisse turbam, & Iudam  
vnum de duodecim, non est ad proxi-  
ma verba referendum; Quid dormitis?  
*furgite, orate, ne intretis in temptationem;*  
non enim, cum ea verba Christus di-  
ceret, Iudas venit. Nā vt ex Mattheo,  
& Marco manifestum est, postquam  
ea dixit verba, bis ad orationem re-  
dijt, & cum tertio ad discipulos re-  
uertisset, non dixit, *vigilate, & orate,*  
sed *dormite iam, & requiescite* ver. se-  
quenti; atque tunc Iudas apparuit.  
Intelligendum igitur est, quod ait  
Lucas, *Adhuc eo loquente* non ea, quæ  
dixerat, sed ea, quæ tacuerat, id est,  
cum adhuc cum discipulis loqueretur,  
non tunc, sed postea. Veruntamen  
quia, sicut ex tribus orationibus, vnā,  
ita ex tribus Christi cum discipulis col-  
loquijs vnum fecit; ea quæ in tertio  
colloquio acciderunt, cum primo con-  
iungit.

45. Dormite iam, & requiescite. )

O o 4 D. Au.

Quādo an-  
gelus Chri-  
stum con-  
solari coe-  
pit.



D. August. lib. 3. de consen. Euang. ca. 4. & Beda hunc locum edisserens existimant hoc à Christo non ironice, sed serio dictum fuisse, quia apud Marcum 14. 41. dicit *sufficit*, quasi dicat, sufficit, quod hactenus vigilastis, nunc dormire potestis, & requiescere. Chrysost. vero, Euthym. & Theophylactus ironiam esse putant. Iubet enim eos dormire, & requiescere, quando minime dormiendum, & requiescendum erat, appropinquantibus hostibus. Videtur tanquam cum pueris Christus loqui, quibus, cum nobis prohibentibus, toto die ludant cum ad prandium venit, solemus dicere, ite, saltate, & ludite, qua concessione pungimus eos vehementer, quia dum concedimus illis ludere, cum ludere non possunt, nec volunt, exprobramus eos cum non deberet, ludere solere: ita Christus dicit, *Dormite iam, & requiescite*, quo tempore, etiam si maxime vellent, cernentibus hostibus dormire, ac requiescere non possent, exprobrans, quod antea, cum vigilare deberent, prohibente se dormiuerint.

Gentiles à  
Iudeis pec-  
catores ap-  
pellati,

In manus peccatorum.) Gentilium. Solebant enim Hebraei Gentiles absolute peccatores appellare, ut Lucas 2. 7. *Oportet filium hominis tradi in manus hominum peccatorum, & crucifigi*; & ad Gal. 2. 15. *Nos natura Iudaei, & non ex Gentibus peccatores*. Erat enim maior pars eorum, qui ad comprehendendum Christum veniebant, Romani milites, quia, ut ait Ioannes cap. 18. 3. Iudas militarem cohortem secum adduxit.

47. *Adhuc eo loquente*.) Omnes tres Euangelistae Matth. Marcus, & Lucas notauerunt adhuc Christo loquente venisse Iudam, eo, ut opinor, consilio, ut docerent veram fuisse Christi praedictionem, qua paullo ante dixerat, *Surgite, eamus, ecce appropinquavit, qui me tradet*. Id ipsum alijs verbis Ioannes dixit, c. 18. 4. *Iesus itaque sciens omnia, quae ventura erant super se, processit, & dixit eis, Quem queritis?*

Et ecce Iudas.) Primum, tanquam ducem nominat Iudam, quod & Marcus similiter fecit. Lucas vero alio con-

silio turbam prius, deinde Iudam nominavit, quod turba, ut vero simile est, prius apparuerit.

*Turba multa*.) Ita Marcus, & Lucas etiam scribunt. Ioannes vero c. 18. 3. *Cum accepisset Iudas cohortem*; unde sequitur omnis generis homines, ad capiendum Christum venisse, unum & duodecim discipulis, qui & eum viderat, & aliorum dux erat: sacerdotum, Scribarum, & seniorum servos; nam omnes Euangelistae declarant eum, cui Petrus auriculam abscidit, Pontificis fuisse servum: deinde milites, qui Gentiles erant. Cum armis venerunt, tanquam facinorosum aliquem hominem comprehensuri, aut eius timentes discipulos, cum facibus autem, quia tenebrae erant.

48. *Qui autem tradidit*.) ὁ δὲ παραδούς traditor, id est qui tradebat eum.

*Dedit illis signum*.) dederat ante. Dubitari potest, quid signo opus fuerit, cum tam notus Christus omnibus esset. Scribit Origenes hoc loco traditionem suo tempore fuisse, Christum duas habuisse facies, aliam naturalem, atque usitatam, qua omnes eum cognoscebant; alteram, quam assumebat aliquando, qualis illa fuit, quam in transfiguratione habuit. Melius Theophylactus hic maiorem partem eorum, qui ad comprehendendum Christum venerant, milites fuisse, id est Gentiles, qui Christum audire non solebant, ut homines alieni à Iudaeorum religione. Leontius vero in commentariis in decimo octavo capit. Ioannis versu quinto, putat Christum sua fecisse potestate, ut non solum milites, sed ne Iudas quidem ipse tam diu cum eo versatus ipsum agnosceret; idemque Theodorus Heracliota in Graecorum catena, Chrysostomus Cyrillus, & Theophylactus, in illo Ioannis loco docent. Nec enim tenebras in causa fuisse, nam propterea Euangelistam ante dixisse cum facibus, & laternis venisse milites, & iterum eundem Euangelistam adiecisse, *stabat autem, & Iudas, qui tradebat eum, cum ipsis*, quasi diceret, etsi Iudas, qui Christum indicaturus vene-



stat, cum illis esset; tamen cum non cognouerunt. Quamquam Theodorus Mopsuest. ideo putat Euangelistam dixisse Iudam cum illis fuisse, ut eius impudentiam, improbitatemque declararet, qui cum tantum miraculum viderit; à cæpro facinore non destiterit. At cur hoc potius signo, quam alio visus est? quia, ut opinor, ita signum dare volebat, qua re militibus Christum prodebat, eadem Christum prodicionem suam celaret: non celasset, si inusitatum dedisset signum. Eiat autem vsitatum, ut osculo se Iudæi, præsertim inferiores superiores salutarent, & quicumque magnum erga eos quos salutabant, amorem ostendere volebant Genesi. 29. 11. 13. & 33. 4. & 45. 15. & Exodi 4. 27. & 18. 7. quod & inter Christianos vsitatum fuit Act. 20. 37. Roman. 16. 16. 1. Corinthior. 16. 20. 2. Corinth. 13. 12. 1. Thessal. 5. 26. 1. Petri 5. 14. & longo post etiam tempore, ut ex Tertulliano libro de Oratione cognoscimus; hoc est, quod Christus apud Phariseum illum quæritur Lucæ 7. 45. *Intrauit in domum tuam, osculum mihi non dedisti*; putabat enim miser Iudas posse se Christo scelus suum occultare; nec enim verè in eum crediderat, sed, ut Hieronym. & Beda tradunt, omnia miracula illius, quæ videbat, magicis artibus facta esse arbitrabatur, quod Christus ipse indicat apud Ioann. capitul. 6. 64. *sed sunt quidam ex vobis, qui non credunt*. loquebatur autem cum Apostolis. Id verò propter Iudam dixisse Euangelista declarauit, addens, *sciebat enim ab initio Iesus, qui essent non credentes, & quis traditurus esset eum*. Origenes duas refert opiniones, cur hoc signo potius, quam alio Iudas Christum tradiderit? Alteram, quod adhuc eum reuereretur, nec omnem penitus pudorem exuisset; itaque quia alioqui osculaturus erat Christum, uoluit idem osculum, quod illi prebiturus erat, signum esse militibus; quam opinionem Leontius etiam refert, nec videtur improbare. Alteram, ne si alio inusitato vteretur signo, Christus prodicionem, & insidias intelligeret, & ut alias fe-

ceat, deberetur.

*Tene eum.*) Marcus 14. 44. ait addidisse Iudam, *& ducere eum*, nimirum timebat, ne si Christus euaderet & promissam pecuniam perderet, & magistrum, sciebat enim sepe illum, cum eum Iudæi tenere vellent, euasisset, ut Luca 4. 30. Ioan. 8. 59. ut Chrysostom. & Hieronym. adnotauit. Scribit Ioannes Iesum scientem omnia, quæ ventura erant super se, processisset, dixissetque, *Quem queritis?* Quibus duabus rebus indicauit Christum non solum fortè, hilarique animo sese hostibus obtulisse, sed etiam eos quodam modo provocasse. Itaque vox illa, *Quem queritis?* non fuit hominis metuentis, negaturique se eum esse, quem illi se querere respondissent, sed interitui, & lacerantis, ut Leontius adnotauit.

49. *Aue Rabbi.*) Et osculo, & verbis scelus conatur dissimulare; contra verò Christus ostendit se non ignorare, quo animo ueniat, cum versu sequenti eum interrogat, *Amice, ad quid venisti?* & cum apud Lucam 12. 48. dicit illi, *osculo filium hominis tradis?* E contrario verò illi ipsi quibus signum dabat, eo etiam dato Christum non cognouerunt; prius enim Iudam osculum illi dedisse arbitror, quam Christus, ut ait Ioannes, milites interrogaret. *Quem queritis?* unde colligitur eos nondum Christum cognouisse, idemque intelligitur ex eorum responso: nec enim responderunt, te ipsum querimus, sed *Iesum Nazarenum*, bisque oportuit Christum eos interrogare, antequam cognoscere possent; si enim prius eos Christus interrogasset, quod Iudas signum dedisset, opus non fuisse signo, cum bis iam Christus dixisset, *Ego sum*; atque ita videtur li. 3. de consensu. Euang. c. 5. sentire D. Aug.

50. *Amice ad quid venisti?*) Videtur Christus his verbis non solum declarare scire, quorsum uenerit Iudas; sed etiam verecundantem, cunctantemque proditoris sui excitare, ut animose se tradat, sicut, cum cenaret, illi dixerat Ioan. 13. 27. *quod facis, fac citius*, & ut is, qui securi percussit, carnifici dicere, solet,

Osculi consuetudo apud Iudeos & Christianos,



tolet, fac quod tui est officij. Porro credendum est prius Christum dixisse, quod Lucas 22. 48. scribit, *Osculo filium hominis tradis?* Deinde quod Matth. & Marcus dicunt *Amice ad quid venisti?* Postremo, quod Ioannes ait, *quem quaeritis?* lib. 3. de consensu Euangelist. ca. 5. D. Augusti. existimat, etsi contra Leontius sentit.

*Tunc.*) Non est hoc aduerbium ad proxima uerba referendum. *Amice ad quid venisti?* quasi simul atque ea dixerit Christus, milites in eum manus iniecerint, sed ad ea, quae Ioannes scribit c. 18. ver. 6. & 8. bis dixisse Christum ego sum, si ergo me quaeritis, finite hos abire. His enim verbis potestatem illis comprehendendi sui fecit, sine qua ligatas habebat manus.

51. *Et ecce vnus ex his, qui aderant.*) Vex tribus, quos Christus secum ad orationem succedens adduxerat, (Petrus enim vnus ex tribus illis fuerat) vel vnus ex vndecim discipulis, qui fortasse tunc cum Christo erant. Quanquam illud prius probabilius est, quia, cum Iudas cum militibus venit, cum solis illis tribus Christus loquebatur, vt Matthaeus, Marcus, & Lucas minimè obscure significant. Quis iste vnus fuerit, Ioannes. 18. 10. declarat fuisse Simonem Petrum, qui gladium eduxerat, & serui Pontificis auriculam amputauerit. Lucas 22. 49. omnes discipulos, qui aderant, ad resistendum, & armis pugnandum paratos fuisse indicat. Omnes enim Christum interrogasse ait, *Domine si percutimus in gladio?* nec enim fortassis intellexerat, quod paulo ante Christus dixerat apud eundem Lucam versic. 38. Qui Apostolis dicentibus *ecce duo gladij hic;* responderat, *satis est,* nec enim cum dixerat, *Qui non habet, vendat tunicam suam, & emat gladium,* significauerat armis sibi opus esse, aut ijs discipulos vti oportere, sed tantum significare voluit magnum periculum imminere, quod non soleat ab hominibus, nisi armis propulsi. Neque cum dicit, *satis est,* significat duobus illis gladijs hostibus esse resistendum, nec pluribus opus esse, sed dicit, *satis*

*est,* quia nec illis, nec alijs gladijs opus sibi erat. Cum igitur Christum omnes interrogassent, *si percutimus in gladio?* Petrus, antequam Christus responderet, Pontificis seruum percussit, quem, quia summi sacerdotis minister erat, uero simile est, & audaciorē ceteris fuisse heri sui auctoritate confisum, & infestiorē Christo domini sui inuidiam, & malevolentiam imitatum, itaque ceteri praeteriisse, primumque uoluisse Christum manus iniicere, propterea Petrum Christi responsum non expectasse, sed audacem hominem in Christum irruentem maiori audacia conatum fuisse repellere.

*Amputauit auriculam eius.*) Lucas, & Ioannes explicant dexteram auriculam fuisse, in quo multi mysterium fuisse arbitrantur: quod ego nec affirmare volo, neque negare, quia, ut saepe monuimus, non allegorias, sed litteralem, & proprium scripturae sensum quaerimus. An omnino auriculam illius serui Petrus absciderit, ita ut deciderit in terram, ex Euangelistis satis liquido colligi non potest, sed est probabilius prorsus eam amputasse, quia hoc scindendi, & amputandi verba, quibus Euangelistae utuntur, praeseferunt. Quanquam Lucas indicat non omnino fuisse decisam, quia non dicit Christum auriculam reposuisse, sed cum tetigisset auriculam eius, sanauit eum: itaque si quis ita senserit, non reprehendero.

52. *Omnes, qui acceperint gladium, gladio peribunt.*) Origenes ad hunc modum interpretatur: Omnes, qui bellorum, aut seditionum auctores fuerint, in eo ipso bello, quod excitauerint, extinguuntur, Hieronym. & Beda, gladio peribunt non corporali, sed spiritali, id est diuina uindicta, quae de illis, vel in hac, vel in altera uita poenas sumet. Euthymius uero de solis priuatim Iudaeis Christum loqui putat, quos significet propter mortem suam Romanorum gladio perituros esse. Sed quid hoc ad Petrum, qui gladium accepit? Igitur non significat Christus necessarium omnem, qui gladium



Iudiciū de-  
fēditur po-  
testas inne-  
candis fon-  
tibus.

Ro. 13. 4.

dium acceperint, gladio perituros ef-  
se; multi enim gladio non pereunt,  
sed tantum legem allegat, quæ iube-  
bat homicidam occidi Genes. 9. 6. *Qui  
cunque fuderit humanum sanguinem,  
funderis sanguis illius;* nec dicit, quam  
poenam necessario subituri sint, sed  
quam mereantur, ut indicant D. Au-  
gustinus in libro questionum uete-  
ris, & noui Testamenti capitul. 104. &  
Theophylactus hoc loco. Qui uerò  
ex his uerbis colligunt ne iudicibus  
quidem licet uti gladio, nimis inepti  
sunt, quorum hodie multis in locis he-  
retilis regnat, & uerbis D. Pauli facile  
refelluntur, qui eos à Deo potestatem  
habere affirmat, & non sine causâ gla-  
dium portare, quasi ipsum etiam gla-  
dium à Deo acceperint: ergo gladio  
non peribunt, si gladio suo utantur:  
quia non abutuntur, quia non ipsi ac-  
ceperunt, id est priuata auctoritate  
ultraparunt, sed datum à Deo suscepe-  
runt. Mirantur quidam quid causâ sit,  
cur Petrum Christus reprehenderit,  
cum uim uti repelleret, idque ut magi-  
strum defenderet, quod & naturali, &  
diuino, & humano iure licere credi-  
tur. D. Augustinus eo loco, quem mo-  
do notauimus, putat Petrum non fuisse  
reprehensum, quod serui Pontifi-  
cis auriculam abicidisset; id enim Chri-  
sti permissu fecisse existimat, atque  
hoc uerbum illud apud Lucam capit.  
22. uers. 51. significare, *Sinite usque  
huc,* quasi dicat susceit auriculam ser-  
ui Pontificis abicidisse. De cætero  
*mitte gladium in vaginam*, quod ait  
Ioann. capit. 18. uers. 11. quia *Omnes  
qui acceperint gladium, gladio peri-  
bunt*, ut hic dicit Matth. sed admonere  
tantum Petrum arbitrat, ne ultra  
pugnet. Veruntamen manifestum est  
Petri factum a Christo reprehendi, ut  
ne disputari quidem debeat. Cur ergo  
reprehenditur? Primum, quia il-  
la non erat defensio, quid enim unus  
homo contra cohortem unam fecis-  
set, nisi milites irritaret, ut crudelius  
tractarent Christum? Deinde, quia  
non expectato Christi responso gla-  
dio percusserat. Postremò, quia etiam  
si posset, non debuit tamen Christi

mortem impedire, sicut Christus ipse  
poterat duodecim legiones angelorū  
à Patre petere, qui se defenderent; sed  
maluit Patris parere uoluntati, & Pro-  
phetarum implere uat icinia, quam ra-  
tionem Christus hoc loco reddit uer.  
53. & 54. & apud Ioannem capitulo  
18. 11. *Calicem quem dedit tibi pater,  
non vis, ut bibam illum?* sicut simili de  
causâ Petrum reprehenderat cap. 16.  
23. *Vade post me Satana, scandalum  
es mihi, quia non sapiis, quæ Dei sunt, sed  
quæ hominum* quia uoluerat eum à su-  
scipienda morte dehortari. Cur ergo  
Christus generalem citat legem?  
Quia ubique exceptio locum non ha-  
bet, lex locum habet, & non habebat  
exceptio locum in Petro, qui bono  
quidem animo, sed quo loco, & quo  
tempore non debuit, gladium acce-  
pit. suo hic more Caluinus non so-  
lum Petrum, sed omnes etiam disci-  
pulos, quia ad defendendum Chri-  
stum paratos se esse ostenderant, ro-  
gauerantque, *Domine, si percutimus  
in gladio?* stultos, atque amentes ap-  
pellat.

§ 3. *An putas, quia non possum modo  
rogare Patrem?*) Duplex his uerbis  
Caluinistarum error confutatur, &  
Christum necessario mortuum esse,  
& Deum non posse plura, quam quæ  
actu uult, facere. Nam & Christus in-  
dicat se, si uoluisset duodecim angelo-  
rum legiones à Patre petere, potuisse  
non mori, & Deum duodecim legio-  
nes angelorum sibi mittere potuisse,  
nec tamen uoluisset. Dubitabit ali-  
quis, quomodo dicat Christus Patrem  
sibi non negaturum fuisse duodecim  
angelorum legiones, si ab eo petiuis-  
set, cum paullo ante, quod ab eo peti-  
uerat, ut calix à se transiret, nega-  
ssset. Respondeo Christum ex natu-  
ra ipsa rei, non consideratis circun-  
stantijs, locutum esse, quasi dice-  
ret, putasne, si non sciuissem decretum  
esse à Patre meo, ut morerer, non po-  
tuisset me duodecim legiones angelo-  
rum ab eo petere, eumque mihi datu-  
rum non fuisse?

*Duodecim legiones angelorum,*) Et res  
& dictio Romana est, qua etiam Euan-  
geliste

Caluini cō-  
tumelia in  
Apostolos  
Christus  
voluntarie  
mortuus  
cōtra Cal-  
uinistas,  
Deus plu-  
ra potest  
facere, quā  
uult facere  
cōtra Cal-  
uinistati



Libr. 2. de  
milit. c. 2.  
Lib. 46.

Duodena-  
rius nume-  
rus in scri-  
ptura pro  
omni

gelistæ Græcè loquentes vsi sunt, sicut multa alia Latina vocabula vsurpant. Nulla enim gens, præter Romanos, legionibus utebatur. Itaque credendum est ex Romanorum consuetudine, qui tunc in Iudæa dominabantur locutum fuisse. Apud Romanos autem, vt Vegetius, & D. Hieronymus scribunt legio sex millia hominum, continebat, aut, vt Polybius, communes legiones habebant quattuor millia ducentos pedites; Equites verò trecentos, in grauioribus autem bellis pedites quinque millia, Equites trecentos. Quicquid sit, hoc certum est voluisse Christum ingentem angelorum numerum significare. Op-ponit autem angelos hominibus, multos paucis, potentes impotentibus, & quorum vnus vna nocte centum octoginta quinque millia hominum occidit in exercitu Sennacherib 4. Regum 19. 35. Et mihi quidem vero simile videtur Christum angelos non militibus, sed discipulis opponere, qui vna cum Iuda duodecim erant, ac propterea duodecim non plures, nec pauciores legiones nominasse, vt indicaret posse se pro duodecim hominibus duodecim legiones habere, quorum vnaqueque sex angelorum millia continebat, aut aliquanto plures, si Vegetij sententia vera est. Nisi forte magis placet duodenarium numerum pro omni, & perfecto numero positum esse, vt, *Sedebitis, & vos super duodecim sedes iudicantes duodecim tribus Israel*, quemadmodum Augustinus, & Beda illum locum interpretantur supra capit. 19. 8. Colligit hinc Origenes Angelos bonos perpetuum contra angelos malos bellum gerere, ideo que cælestem militiam tam multis scriptura locis appellari. Mitui quidem frequenter à Deo, vt homines non solum ab angelis malis, sed ab alijs etiam hominibus tueantur, apparet 4. Regum 6. 17. vbi tanta angelorum multitudo in vnus Elisæi auxilium missa est, vt montem operiret, hoc est, quod ait David Psal. 33. 8. *Im-mittet angelos Domini in circuitu timen-tium eum, & eripiet eos*. Hebraicè נָחַם

castrametabitur angelus Domini in circuitu timentium eum, id est, angelorum castra in vnusculisque circuitu ponet, ne quis eum ledat, & Psalm. 90. 11. *Angelis suis mandauit de te, vt custodiant te in omnibus vijs tuis*. Mitui etiam aliquando, vt in bello pro nobis pugnent, constat ex Daniele cap. 10. 13. 20. 21. & 12. 1. Ex ea consuetudine loquutus est Christus.

54. *Quomodo ergo implebuntur scriptura, quia sic oportet fieri?* Et deficiens oratio est, & Hebraicum continens, intelligendum enim est, quo modo implebuntur scripturae, quæ dicunt, quia sic oportet fieri, & illud, quia, Hebraeorum more positum est pro infinitiuo; sic fieri oportere, vt Lucæ 24. 25. 29. *Et ipse dixit ad eos, o stulti, & tardi corde ad credendum in omnibus, quæ locuti sunt Prophetae, nonne hæc oportuit pati Christum, & ita intrare in gloriam suam?* Scriptura autem, & Prophetae, de quibus Christus loquitur, sunt Isaiæ 53. 10. *Dominus voluit contere eum in infirmitate; si posuerit pro peccato animam suam, videbit semen lögænum, & voluntas Domini in manu eius dirigetur*, & Danielis 9. 26. *Et post hebdomadas sexaginta duas occidetur Christus, & non erit eius populus, qui eum negaturus est*. Hoc autem ideo Christus dixit, vt ostenderet se non violentè ad mortem trahi, sed sponte ire, vt Patris decreto per Prophetas promulgato satisfaceret. Ioannes capitulo 18. 11. aliter Christum Petro respondisse scribit, *Calicem, quem dedit mihi Pater, non vis, vt bibam illum?* Itaque probabile est, quod Augustinus existimat libro 3. de consen. Euangel. c. 6. vtrumque Christum dixisse, primum, *Calicem, quem dedit mihi Pater, non vis, vt bibam illum*; deinde, *quomodo ergo implebuntur scripturae?* Videtur autem mihi Christus ambigüe nomine calicis hoc loco vsus esse; cū enim paullo ante dicebat, *si possibile est, transeat à me calix iste*, calicem rem acerbam, & horroris plenam appellauit. Hic rem potius iucundam, & suauem videtur appellare, hanc enim vim hæc habent verba, *Calix, quem dedit mihi pater*.

Hebrai-  
mus,



*ter, non vis, ut bibam illum?* quasi dicat, non potest non esse, & salutaris, & iucundissima ea potio, quam mihi carissimus Pater meus porrigit; nam ut capitulum 22. diximus, utramque in partem, & bonam, & malam, & pro re acerbam, & pro re iucunda calix accipitur, quia solet eodem calice aliquando amara, aliquando dulcis potio exhiberi; *Calix, inquit, meus inebrians, quam preclarus est?* id est quam dulcis, & suavis? Psal. 22. 5. loquitur quidem Christus utrobique de morte sua, eamque calicem appellat, sed in oratione, antequam Patris sententiam audiret, calicem, id est rem difficilem, & horribilem appellabat; nunc Patris cognita voluntate eandem mortem calicem, id est, rem si bi iucundissimam appellat. Nihil enim non dulce, nihil non suave est obedientie. Solus Lucas capitulum 22. 51. scribit, *sinite vsque huc*, id est, sinite, adhuc plura patienda mihi sunt, quemadmodum si Gallie diceret, *Laissez les encores faire*: vnde apparet, & omnes qui aderant discipulos pro Christo pugnare voluisse, & Christum respondisse omnibus; sed ad Petrum conuersum nominatim corripuisse, quod non expectato responso seruum Pontificis vulnerasset. Solus etiam Lucas narrat Christum serui illius auriculam tetigisse, atque sanasse; voluit nimirum Petri errorem emendare, simulque his, qui se comprehendebant, ostendere potuisse se ab illis defendere, qui abiciissam auriculam solo tactu sanare potuit; se enim esse, qui mortificat, & viuificat; deducit ad inferos, & reducit 1. Reg. 2. 6. Solus Ioannes seruo Pontificis Malcho nomen fuisse tradit c. 18. 10.

55. *Quotidie.* Marcus 14. 49. *Quotidie, inquit, eram apud vos in templo docens, & non me tenuistis, sed ut impleantur scripturae*; quibus verbis Christus indicat ijs, qui se comprehendebant, non eorum industria, aut viribus se ab illis capi, sed Patris voluntate, & scripturarum decreto. Si enim id eorum viribus, & studio fieret, saepe iam ante, cum quotidie federet in templo docens, comprehendissent; quod cum te-

tassent facere, non potuerunt Lucas 4. 30. & Ioannes 8. 59. Hoc est, quod apud Lucam ait 22. 53. *Hec est hora nostra, & potestas tenebrarum*, id est nunc potestis facere in me, quicquid libet, non quod potentiores sitis, sed quod hora venerit, qua à Patre decretum est, ut moriar.

55. *Tunc discipuli omnes relicto eo fugerunt.* Petrus quidem sequutus est eum, quamuis longo intervallo vers. 58. Itemque Ioannes, ut ipse testatur capitulum 18. 15. Itaque quod Matth. dicit, *omnes*; aut pro plerisque accipiendum est, ut Theophylactus, interpretatur: aut dicendum statim quidem omnes diffugisse, sed paullo post Petrum, & Ioannem rediisse, & Christum sequutos esse.

57. *Ad Caipham.* De Caipha supra versu 3. diximus. Ioannes 18. 13. ad Annam primum dictum fuisse scribit, atque ita quidem scribit, ut videatur multa, quae postea narrat, in domo Annae facta fuisse significare, ut primam Petri negationem; primam examinationem Christi de discipulis, & doctrinam; quendam ex adstantibus colaphum illi inpegisse. Vnde non solum in vulgus, sed in magnos etiam auctores D. Augustinum & alios opinio permanuit ea omnia, quae diximus, in domo Annae contigisse. Sed haec sententia ex tribus alijs Euangelistis manifestissime refutatur, qui summo consensu testantur tres Petri negationes in domo Caiphae Pontificis accidisse. Quin ex ipso D. Ioanne perspicuum est. Nam primam etiam negationem in domo Pontificis factam esse narrat, cum ipse, qui Pontifici notus erat, Petrum introduxisset. Annas autem non erat Pontifex, sed socer Caiphae, qui erat Pontifex anni illius, ut idem scribit Ioannes. Nam quod Lucas ca. 3. 2. ait Ioannem Baptistam sub principibus sacerdotum Anna, & Caipha coepisse poenitentiam praedicare, non ita intelligendum est, quasi eodem anno uterque; & Annas, & Caiphas Pontifices fuerint, non enim erat nisi vnus Pontifex; sed quia praecedenti anno Annas Pontifex fuerat, ut Iosephus

auctor



auctor est, & vtroque anno Ioannes poenitentiam prædicaui, dicitur sub Pontificibus Anna, & Caipha prædicasse. Sed D. Augustinum, & alios auctores fefellit, quod tacitam, & obsecram D. Ioannes transitionem non animaduertunt. Ita enim significat ab Anna ad Caipham tractum fuisse Christum, ut non nisi attentus lector obseruare possit, *Et adduxerunt*, inquit. vers. 13. 14. 15. *eum ad Annam primum* (erat enim socer Caiphæ, qui erat Pontifex anni illius.) *Erat autem Caiphas, qui consilium dederat Iudæis, quia expedit vnum hominem mori pro populo. Sequebatur autem Iesum Simo Petrus, & alius discipulus: Discipulus autem ille erat notus Pontifici, & introiuit cum Iesu in atrium Pontificis.* Nō dixit aperte ab Anna ad Caipham Christū ductum fuisse, sed satis, superque significat, cum dicit ductum fuisse ad Annā primum; indicat enim deinde ductum ad Caipham, & cum dicit discipulum illum, qui Pontifici notus erat, ingressum cum Christo in atrium Pontificis, cum paullo ante dixisset Caipham fuisse Pontificem. Cum ergo addit se introduxisse Petrum in atrium Pontificis, ibique ab ancilla ostiaria interrogatum, an ex discipulis Christi esset, negauisse, minimè dubium relinquit, quin & Petri negationes omnes, & cætera, quæ deinceps scribit, in domo Caiphæ Pontificis facta fuerint, illud etiam magis hos auctores in errorem impulit, quod Ioannes post multa vers. 24. dicat, *& misit eum Annas ligatum ad Caipham Pontificem*, quasi post primam Petri negationem, & alia, quæ iam facta narrauerat, Annas ad Caipham ligatum miserit; sed sunt, qui ea verba transposita esse putent, & de loco suo mora; debere enim esse post versum 13. *& adduxerunt eum ad Annam primum, erat enim socer Caiphæ, qui erat Pontifex anni illius, ut statim sequatur, et misit eum Annas ligatum ad Caipham.* ut quidem oratio, & sententia hac ratione rectissime cohereret, & Cyrillus hoc modo legit. Si hæc correctio non placet, dicendum necessariò est Ioan-

nem postea, cum in narranda prima Petri negatione occupatus fuisset, antequā apertè dixisset Christum ab Anna ad Caipham missum fuisse per epa nalepsim postea, quod prætermiserat, resumpsisse, *ἀπέστειλεν οὖν αὐτὸν ὁ ἄν- vas δεδεμένον πρὸς καὶάφην*, ut uertendum sit, *miserat autem eum Annas ligatum ad Caipham.* Sed illud prius mihi magis probatur - Cur ergo ad Annam duxerunt primum, si Pontifex non erat? Ioannes tacitus rationem reddit, quia erat socer Caiphæ, cuius, ut probabile est, consilio Caiphas plurimum utebatur, & est veto simile Annæ domum in via fuisse.

59. *Principes autem sacerdotum.* ) Græcè additur καὶ οἱ πρεσβύτεροι, & seniores.

60. *Et non inuenerūt.* ) καὶ οὐκ εὑρον, καὶ πολλῶν ἰευσυμαρτύρων προσελθόντων οὐχ εὑρον, & non inuenerunt, & quidem multis accedentibus falsis testibus non inuenerunt, quam repetitionem noster interpret, aut non legit, aut exprimendam non putauit: habet tamen aliquam vim. Quid autem testibus opus erat, cum vellent siue iure, siue iniuria Christum damnare? Volebant flagitio suo iuris speciem obtendere.

61. *Possū deſtruere templum Dei.* ) Cur hi duo falsi vocantur testes, cum verum testimonium dixisse videantur? Dixerat enim Christus se posse solum templum tribus diebus reedificare Io. 2. 19. Rectè Origenes, Chrysostomus, Hieronymus, Beda, Theophylactus, & Euthy. respondent, propterea falsos appellari, quia, quod Christus dixerat, & malo animo, & diuerso sensu, & alijs verbis recitauerunt. Christus non fuerat locutus de templo illo secundo Salomonis, sed de corpore suo, ut continuò Ioan. explicauit, nec dixerat, *possū deſtruere templum Dei*, etiam si poterat, sed dixerat, *Soluere templum hoc*, idest soluetis, aut si solueretis, & ego in tribus diebus excitabo illud, Hebraismus Magis etiam apud Marcum 14. 58. verba mutant, *nos audiuimus eum dicentem, ego dissol-*



*dissoluam templum hoc manufactum, & post iriduum aliud non manufactum edificabo.* Matthæus dixit hos falsos testes, qui hoc testificati sunt, duos fuisse. Alij Euangelistæ numerum non exprimunt. Duo autem propterea fuerunt, quia manu facti erant, id est à principibus sacerdotum, & senioribus subornati. Subornarunt autem duos, quia lex erat, *In ore duorum vel trium testimonium stabit omne verbum*, Deuter. 17. 6. & 19. 15. Sicut aduersus Stephanum in simili causa alios duos falsos testes iunxerunt Act. 6. 13. Addit Marcus, *& non erat conueniens testimonium illorum*, καὶ οὐδ' ἐστὶν ὁμαλὸν τὸν μαρτυρία αὐτῶν. Ac nec quidem eorum testimonium æquum erat, aut æquale, quod quidam interpretantur ipsos inter se testes non conuenisse, sicut videtur noster interpretes intellexisse; sed verba Græca alium sensum præ se ferunt, & nec sic quidem eorum testimonium æquale erat, id est sufficiens ad damnandum Christum. Hæc enim vim habet illud, & nec sic quidem id est, quamuis affirmarent se audiuisse Christum dicentem, *ego dissoluam templum hoc manufactum, & post iriduum aliud non manufactum edificabo*, non indicasse Pontifices posse propterea Christum ad mortem condemnari. Nam testes quidem inter se rectè conueniebant, cum eadem vterque verba, & eodem sensu recitaret. Cur ergo, dicit aliquis, Stephanus non de alio conuictus crimine lapidatus est? Act. 14. quia duo falsi testes dixerunt, *audivimus eum dicentem, quoniam Iesus Nazarenus hic destruet locum istum*. Respondeo multa in illis verbis, quæ duo illi falsi testes ex Stephano se audiuisse mentiti sunt, contineri, Iesum enim Deum esse confitebatur, quod Iudæis blasphemix erat, & iubebantur blasphemiam lapidibus obrui Leuit. 24. 16. Ibi præterea addebant testes dixisse eum, *& mutabit traditiones, quas tradidit nobis Moyses*.

62. *Et surgens Princeps sacerdotum.* Non debebat iudex surgere, sed sedere, sed non loquitur, tanquam iudex in tribunali sedens, sed tanquam sa-

cerdos in synagoga, ubi quisquis aut loquebatur, aut legebat, solebat surgere, ut apparet Luca 4. 16.

*Nihil respondes.* Quid opus response erat; cum testimonium, quod contra Christum afferebatur, ne ipsorum quidem sacerdotum iudicio, ut Marcus significat, sufficiens esse videretur? Loquitur ex affectu malus iudex, & Christi silentium, ex quo debuit testimonij colligere vanitatem, in culpæ argumentum trahit, quasi Christus ideo taceret, quod sibi male esset coniectus, & quod sibi ipsi leue testimonium esse videbatur, acri interrogatione exaggrat, quasi dicat, nihilne respondes, cum tam magna tibi crimina obijciantur?

63. *Adiuro te per Deum vivum.* ἐξορκίζω σε κατὰ τοῦ θεοῦ τοῦ ζώντος, quod proprie significat Dei nomine, & quasi mandato aliquem aut ad loquendum, aut ad faciendum obstringere; frequens eius rei apud Iudæos usus erat, ut ex sacris litteris intelligimus.

*Si tu es Christus filius Dei.* Quem admodum vulgò docere soles, quem admodum te nonnunquam appellas: ea enim de causa alias voluerant Iudæi Christum lapidare, quod se filium Dei esse significasset Ioan. 10. 31. Non agebatur de ea re, sed eo consilio Pontifex Christum interrogat, an filius Dei sit, quia tunc omnem occasionem quæreret eum condemnandi, toleretque Christus docere se filium esse Dei. Crediderat eum in iudicio interrogatum non esse negaturum, & non posse meliorem reperiri causam, ut ad mortem dampnaretur, quam si conuinceretur aliquando blasphemasse. Erat autem eorum iudicio magna blasphemiam, si quis se Dei filium appellasset, quia non poterat naturalis Dei filius esse, quin Deus esset. Itaque Iudæorum etiam iudicio Arianorum error confutatur. Lucas 22. 66. narrat hæc ipsa accidisse facto iam die; *Et factus, inquit, est dies, conuenerunt seniores plebis, & principes sacerdotum, & Scribæ & duxerunt illum in concilium suum dicentes, Si tu es Christus, dic nobis.*

Qua-



Quapropter sunt, qui putent diuersam esse historiam, bisque Christum de hac re interrogatum, primum à Pontifice ante mediam noctem, cum primum ad illum ductus est, deinde à toto concilio facto iam die, cum prius non satis aperte respondisse videretur, sed tantum, *tu dixisti*. August. lib. 3. de cons. Euang. ca. 7. magis assentior, qui eandem historiā esse dicit. Quis enim credat postea iterū de eadem re interrogatum fuisse Christum, cum ante tā diuersē respondisset, *Tu dixisti*, & ut Marcus ait, etiam clarius, *Ego sum*: & Pontifex tam bene intellexerit, ut sciderit vestimenta sua, ac dixerit, *Quid adhuc egemus testibus? Ecce nunc audistis blasphemiam*: Ergo quia Matthaeus tempus non notauit, Lucas notauit, cum factus esset dies, credendum est Matth. factum illud per anticipationē narrauisse, idque non sine causa, quia coeperat Christi examinationes in Iudeorum concilio exponere, & ea interrogatio vna examinatio fuit, ut deinde continua etiam oratione tres Petri negationes exponeret. Quod autem Matthaeus à Pontifice, Lucas ab omnibus interrogatum fuisse dicit, *Dic nobis, tu es Christus*, & Matthaeus adiuratum, quod non dicit Lucas, leue est; nam vel Pontifex primum, deinde omnes, qui in concilio erant, Christum interrogarunt, vel quia Pontifex omnium nomine interrogabat, Lucas à toto concilio interrogatum fuisse dicit. Adiurationem autem silentio praeterit, ut solent Euangelistae multa praeterire.

64. *Tu dixisti*. Hanc phrasim supra explicauimus ver. 25. eademque c. sequenti ver. 1. coram Pilato Christus vsus est. Marcus capitul. 14. 62. clarius scribit respondisse Christum *Ego sum*, quia sensus idem est, unde intelligitur non significari, quod August. putat, *Tu dixisti*, id est, non ego, quasi non affirmat se Christum esse. Lucas capit. 22. 67. aliter Christum respondisse ait, *Si vobis dixero, non credetis, si autem & interrogauero, non respondebitis mihi, neque dimittetis*. Vero simile igitur est Christum bis ea de re interrogatum

fuisse, primum simpliciter, & sine adiuratione, atque respondisse, quod Lucas ait, *si dixero vobis, non credetis*. Dein de adiuratum à Pontifice, atque tūc respondisse, quod Matthaeus, & Marcus scribunt, *Tu dixisti, ego sum*, aut, *quia ego sum*, Hebraica phrasi. Vtrumque enim dixisse credibile est. Rēdet autem non solum, quātū interrogatur, sed plus ēt quā interrogatur, quia de summo rei capite agebatur, an ipse esset Christus filius Dei, quo nullo modo cōueniebat eo loco aut negare, aut dissimulare, sed liberē potius profiteri, cum ea de causa in hunc mundum venisset, ut tanquam filius Dei pro filiis Adami moreretur. Addit ergo, *Veruntamen dico vobis, amodo videbitis filium hominis sedentem à dextris virtutis Dei, & venientem in nubibus caeli*. Illud, *veruntamen*, non habet apud Mattheū cui respondeat, & pro suo officio aduersetur, cum aduersatiua, ut vocāt, particula sit. Itaque vī mihi aduersari verbis, quae non expressit Euangelista, sed intelligēda reliquit, expressit autem Lucas, *Si dixero vobis, non credetis mihi: veruntamen à modo videbitis filium hominis sedentem à dextris virtutis Dei, & venientem in nubibus caeli*, quasi dicat, quid opus est, ut vobis respondeam, cū credituri non sitis? Melius est, ut rebi, quā ut verbis fidem vobis faciam; veniet ergo tps, quo tpe filium hominis videatis sedentem à dextris virtutis Dei, & venientem in nubibus caeli, & velitis nolitis credere cogamini, q̄ nunc mihi dicenti non creditis sicut alio loco dixit, *si mihi non creditis, propter opera ipsa credite* Ioann. 14. 10. 11. Solet .n. Christus incredulos Iudeos ad resurrectionē suam, & ad diem iudicii mittere, ut supra c. 12. & 39. & c. 16. 4. *Generatio prava, & adultera signū quærit, & signum non dabitur ei, nisi signum Ionæ Prophete, & Apoc. 1. 7. Ecce venit cum nubibus, et videbit eū omnis oculus, & qui eum pupugerunt, & plangent se super eum omnes tribus terræ. Quod autē dicit à mō, Græcè, ἀπ' ἀπτι, non significat statim post illud tps, quo loquebatur, eos visuros filiū hominis sedentē à dextris virtutis Dei. Loquit. n. de die iudicii,*



iudicij, quo die in nubibus celi uenturus est supra capitul. 19. 28. & c. 24. 30. sed significat Iudaeos non esse uisuros se ab eo tempore, id est à morte sua, do nec videant eum sedentem à dextris virtutis Dei, & ueniētem in nubibus coeli, quasi per negationem dicat, deinceps non uidebitis me habitu rei, ut nunc uideris, sed habitu filij Dei sedentem à dextris virtutis Dei, & ueniētem in nubibus coeli. Tacite igitur primo aduentui secundum opponit. At quo modo à dextris virtutis Dei sedentem uisuri erant, qui Deum ipsum uisuri non erant? nempe uisuri erant Christum tanta cum maiestate ueniētem, ut facile intelligerent eum in meliore, ut ita dicam, diuinitatis parte locatum esse, hoc est, sedere à dextris virtutis Dei, maxime diuinitatem ostendere. A dextris autem uirtutis Dei, Hebraismus est, pro, ad potentem dexteram Dei. Quomodo autem in nubibus coeli uenturus sit c. 19. 28. & c. 14. 30. docuimus.

Iudaei quādo ueltes scindere soliti.  
Iliad. 7. 5.  
22. Aeneid.

65. Scidis vestimenta sua.) Multarum gentium consuetudo fuit in luctu, & indignatione uestem discindere, ut etiam ex Homero, & Virgilio manifestum est, Iudaei autem duabus potissimum in rebus vestimenta scindebant, in luctu, ut Gen. 37. 29. 34. & 44. 13. & Num. 14. 6. & Iudicum 11. 35. & 1. Regū 4. 12. & 2. Reg. 1. 11. & 13. 19. Deinde cum aliquam contra Deum blasphemiam audiebant sicut 4. Reg. 19. 1. rex Ezechias auditis blasphemis, quas legati Sennacherib contra Deū iactauerant, uestimenta scidisse dicitur, & Thalmutistae tradunt, ut nonnulli adnotauerunt, in libro de Magistratibus tractatu de quadruplici morte Iudaeorum traditionem fuisse, ut audita blasphemiam uestimenta scinderent. Putabant autem magnam esse blasphemiam, quod Christus se filium Dei esse profiteretur; itaque clamat Pontifex blasphemauit ἡ γὰρ contumeliose, & impie aduersus Deum locutus est; hoc enim & Hebraicum uerbum ἡ γὰρ, & Graecum βλασφημῆν proprie significat, facit autem contra iuris ordinem summus sacerdos, quod iudex

cum sit, accensoris partes suscipiat, & accusatores iudices faciat.

66. Reus est mortis.) Iubeat lex, ut qui blasphemasset, lapidaretur Leui. 24. 16. propterea & hoc loco reus mortis esse dicunt, & alias, cum se filium Dei appellasset, uoluerunt lapidare Ioan. 10. 31.

67. Tunc expuerunt in faciem eius.) Istud Tunc non significat tempus illud, quo Christus confessus est se filium Dei esse, & quo Iudaei clamauerunt reus est mortis, sed tempus potius praecedens, aut confusae totum tempus illius noctis, constat enim ex Luca capitul. 22. 66. interrogationem illam Pontificis, & Christi responsionē factam esse lucente iam die, & haec, quae nunc Matthaeus narrat, facta fuisse de nocte, dum Christus in domo Pontificis uinctus tenebatur, eumque Petrus negabat.

Alij autem palmas in faciem eius derunt. ὅτι δὲ ἐπὶ πλάγισται fustibus, aut bacillis ceciderunt, uel forte crepidis, quibus Iudaei plurimum utebantur. παρὶς enim unde uerbum παρὶς ductum est, & uirgam, aut fustem, & crepidum significat, & est uero simile Iudaeos contumeliae causa crepidis faciem Christi cecidisse. Marcus, & Lucas scribunt faciem prius Christo uelauisse. Ioannes autem prius quendam ex adstantibus alapam illi impigisse, quod Pontifici respondisset, quid me interrogas? in: interroga eos, qui me audierunt, quid locutus sim; quasi parum reuerenter cum Pontifice loqueretur, sic, inquit, respondes Pontifici? Christū autem respondisse, si male locutus sum, testimonium perhibe de malo, si autem bene quid me caedis?

68. Prophetiza nobis.) Quia uulgò insignis Prophetia habebatur c. 21. 1. 46. & ipse filium Dei se confessus fuerat uers. 64. per irrisionem obuelatis oculis eum exdentes interrogant. Prophetiza nobis, quis est, qui te percussit? si cut, cum in cruce penderet, dicebant si rex Israel est, descendat nunc de cruce, & credimus ei c. 27. 12.

69. Petrus uero sedebat foris in atrio.) Quomodo Petrus in atrio.

Pp

uicis



tificis ingressus fuerit, c. 18. 16. Ioan. exponit, *Petrus, inquit, stabat ad ostiū foris; sexinis ergo discipulus alius, qui erat notus Pontifici, & dixit ostiariæ, & introduxit Petrum* Matthæus tantum dixerat ingressum fuisse vers. 58. Quomodo autem nunc dicat eum sedisse foris in atrio, difficile non est; Cū in atrio erat, & intus erat, & foris: intus, quia intra ambitum ædium, & ultra primam ianuam, foris, quia non erat in interiori domo, sed in atrio, & sub dio, ubi præsidarii milites, & Pontificis, sacerdotum, & seniorum famuli erant.

*Et accessit ad eum una ancilla* ) Ioan. declarat ancillam ostiariam fuisse, quæ ostium illi aperuerat. Lucas verò ait ad ignem tunc sedisse, idemque ait Marcus, erat enim ignis accensus in atrio, ut in præsidij militibus esse solet, ut omnes circumstare possent, & calefieri. Itaque ex Evangelistarum collatione colligitur Petrum à Ioanne in atrium Pontificis introductum, & ab ancilla, quæ ostium illi aperuerat, recognitum ad ignem, qui in atrio erat, cum alijs accessisse; ancillam verò primum tacuisse, quia fortasse non satis certa erat, an bene Petrum cognouisset; cum autem sæpe in eum intuita esset, meliusque agnouisset, accessisse ad eum ad ignem sedentem, dixisseque *Et tu cum Iesu Galileo eras*. Vocat Iesum Galileum ignominia causa, sicut, qui iniquo erga eum erant animo, solebat appellare, & quia, cum in Galilea plurimum uersaretur, Galileus fortasse esse credebatur, & quia omnes fere eius discipuli Galilæi erant, ut Ioannes 7. 41. Sic Iulianus Apostata, & Christus, & Christianos omnes Galileos appellabat, ut lib. 3. hist. Eccl. cap. 12. auctor est Socrates. Ioannes capitul. 18. 17. non scribit ancillam dixisse Petro, *Et tu cum Iesu Galileo eras*; sed interrogasse eum, *Nunquid & tu ex discipulis es hominis istius?* Lucas verò 22. 56. *Quem cum vidisset ancilla quædam sedentem ad lumen, & eum fuisse intuita, dixit, & hic cum illo erat*. Ita que credendum est omnia hæc ancillam dixisse; primum dixisse, *Petro*

quasi dubitando, *Nunquid & tu ex discipulis es hominis istius?* ut ait Ioan. De inde affirmando eidem dixisse, *Et tu cum Iesu Galileo eras*, ut ait Matth. Postremo ad circumstantes conuersam dixisse, & hic cum illo erat, ut ait Iucas.

70. *At ille negauit coram omnibus dicens, nescio, quid dicis.* ) Quod coram omnibus Euangelista Petrum negasse dicit, aut ideo fecit, ut circumstantiā declararet, quæ crimen augetur, aut ut hystoria fidem faciat, ne Apostolorum principem falso accusare videatur, quasi omnes, qui aderant, pro testibus adducens. Quod autem dicit Petrus, *nescio quid dicis*, secuta negationis emphasim habet, quasi dicat, non solum non sum, quem me esse dicis, sed tantum absim, ut sim, ut ne intelligam quidē, quid dicas; sic enim solemus respondere, cum ab eo crimine, quod nobis obijciatur, longissimè nos abesse significamus, non intelligo, quid dicas, nescio, quid dicis. Ioannes scribit Petrum respondisse, *non sum*; Iucas, *non noui illum*; Marcus neque scio, neque noui, quid dicas οὐκ οἶδα, οὐδὲ ἐπίστανται, τί σου λέγεις neque noui eum, neque scio, quid tu dicas. Credibile est hæc omnia exaggerandi causa Petrum dixisse. Primum simpliciter, *non sum*, ut ait Ioannes, cum ancilla quasi dubitando interrogauisset, *Nunquid & tu ex discipulis es hominis istius?* ut idem Ioannes scribit. Deinde cum ancilla instaret, & diceret affirmanter, quod Matthæus ait, *& tu cum Iesu Galileo eras*, Petrum respondisse, *neque noui illum, neque scio, quid dicas*, ut Matth. Marcus, & Iucas scribunt.

71. *Egrediente autem illo ianuam.* ) ἐξελθόντα δὲ αὐτὸν εἰς τὴν πύλαν. Egressum autem eum in vestibulum Marcus ait, *& exiit foras ante atrium, & gallus cantauit*, quod ad sententiam, idem est; nam vestibulum ante atrium erat, sicut in amplis ædibus esse solet, & notauit Marcus gallum statim cantasse, quia solus dixerat, *antequam gallus vocem bis dederit; iter me negaturus es*; vnde colligitur circiter mediam fuisse noctem; eo enim tempore galli primum



animum cantare solet. Ioannes vero hanc secundam Petri negationem factam fuisse dicit, cum Petrus ad ignem calefaceret se. Vnde colligimus Petrum, simulatque Christum primum negauisset, quia fortasse à circumstantibus vexabatur, quasi Christi discipulus esset, aut quia alia causa ab atrio in vestibulum exiisset, deinde, ut rem dissimularet, ne fuga, quod sibi obijciebatur, confiteri uideretur, ad ignem rediisset, & ut ait Lucas, *post pusillum*, id est, non longo interiecto temporis spacio, iterum negauisset. Illud autem *pusillum*, quod Lucas ait, necesse est tres, ut minimum horas intelligamus, quia idem Lucas scribit inter secundam, & tertiam negationem spacium fuisse quasi horæ vnius, & omnes Euangelistæ dicunt statim post tertiam negationem gallum cantasse; vnde colligimus tertiam negationem factam fuisse circiter horam quartam matutinam, id est paullo ante auroram, quo tempore gallus cantare solet. Erat enim æquinoctium, quare à media nocte, quo tempore Petrus primum negauerat, vsque ad ortum solis sex fuerunt horæ; itaque secundum galli cantum vero simile est incidisse in horam quartam matutinam, & cum inter secundam, & tertiam negationem fuerit vna hora, sequitur secundam negationem accidisse circiter horam tertiam, ac proinde tres fere horas inter primam, & secundam negationem intercessisse. Ex Ioanne etiam colligimus, quomodo participium, *ἐξελθόντα*, quo Matth. vtiitur, interpretari debeamus, nimirum postquam exiisset, ut subintelligatur, quod ait Ioannes, & ad ignem rediisset. Cum enim exiret in vestibulum, vidit eum alia ancilla, & recognouit; sicut cum in atrium ingrederetur, ostiaria viderat, atque cognouerat. Ea ergo ancilla, quæ ex euntem viderat, cum iam Petrus ad ignem rediisset, accessit, & dixit ijs, quibus erant, & hic erat cum Iesu Nazareno, ut ait Matthæ. Lucas non dicit ancillam fuisse, sed potius indicat fuisse

virum, & post pusillum, inquit alius videns eum dixit, & su de illis, Marcus verò ita loquitur, quasi eandem ancillam, quæ ante Petrum interrogauerat, fuisse indicet, καὶ ἡ παρὰ δίσκου ἰδοῦσα αὐτὸν πάλιν ἤρξατο λέγειν τοῖς παρεσχηκόσιν rursus autem cum vidisset eum ancilla, cepit dicere circumstantibus. Ioannes autem scribit multos fuisse, qui in hac secunda negatione Petrum interrogarunt, Dixerunt ergo ei, nunquid & tu ex discipulis eius es? quas Euangelistarum sententias, cum conciliare non possent, quidam in eum errorem (sic enim audacter appello) induci sunt, ut Petrum sæpius, quam ter Christum negasse dicerent, & nonnulli quidem septies. Satius erat ignorantiam confiteri suam, quàm & Petro, & quattuor Euangelistis, & Christo etiam ipsi facere iniuriam. Nam & Christus non quater, non quinquies, non septies, sed tantum Petrum negaturum prædixerat, dicturus vtiq; negaturum sæpius, si sæpius fuisset negaturus, cum, ut eo loco docuimus, maxime voluerit Petro inconstantiam, & metum exaggerare; propterea enim dixit, ut Marcus scribit capitul. 14. versic. 30. priusquam gallus vocem bis dederit, ter me es negaturus; & omnes Euangelistæ tres Petri negationes exposuerunt, plures nemo; quod mirandum profecto esset, si sæpius, quam ter Petrus negauisset. Rursus omnes Euangelistæ notauerunt post tertiam negationem gallum cantasse, & quasi negandi finem fecisse. Petrum enim galli admonitum voce verba Domini recordatum, & culpam suam, cum foras exiisset, lacrymis abluisset; & Petri crimen augere nostrum non est; hæretici, ut solent, augent, qui & Petro, & eius successoribus infesto animo sunt. Magis miror tam leuibus coniecturis in re tam graui, & contra Euangelistarum, & contra Christi testimonium hos auctores à recepta omnibus faculis, per totam Ecclesiam sententia discessisse; prima est, quod Ioannes primam negationem in domo An-

Contra eos, qui asserunt Petrum sæpius Christum negasse quam ter,



nae contigisse scribere videatur; alij autem Euangelistae tres praeterea negationes in domo Caiphae factas fuisse narrent. Iam enim docuimus versicul. 57. negationem illam primam, de qua Ioannes scribat, & cetera, quae eodem loco narant, non in Anna, sed in Caiphae domo accidisse. Secunda, quod Marcus videatur scribere Petrum ab eadem rursus ancilla interrogatum, iterum negauisse, ut paullo ante indicauimus; quod si ita est, cum Matthaeus aperte dicat aliam ancillam, fuisse, diuersae fuerunt negationes. Sed Marcus non dicit eandem ancillam fuisse, nec verò significat; nam cum dicit *ἡ ἀνδράσκει*, articulus ille *ἡ* non sumitur relatiue, quasi ad ancillam ostiariam, de qua ante locutus fuerat, referatur; & cum dicit *ἡ ἰερὴ*, non significat ab eadem iterum ancilla interrogatum fuisse Petrum, sed ab ancilla quadam, scilicet alia iterum interrogatum, sicut ab altera prius interrogatus fuerat, quemadmodum disertis verbis Matthaeus scribit. Tertia vero coniectura nihilo firmior est, quod Lucas videatur dicere non ab ancilla, sed à viro quopiam Petrum interrogatum negauisse: cum enim dicit, *ἄλλος τις αὐτὸν εἶπεν*, non significat distinctè fuisse virum, sed fuisse alium hominem, sicut Petrus vocat versicul. sequenti, *ἄνθρωπος, ὃς οὐκ οἶδεν*; cum ergo Lucas ait nesciit, aut exprimere vellet, vtrum vir, an foemina fuisset, qui Petrum secundo interrogasset, dixit communiter alium quendam interrogasse, nimirum *ἄνθρωπος* hominem, qui & de viro, & de foemina communiter dicitur. Vtrum autem vir, an foemina fuerit, ex Matthaeo, & Marco colligendum erat, qui nominatim dicunt ancillam, quendam fuisse. Quarta eorum coniectura est, quam superius attingimus, quod Ioannes secundam Petri negationem exponens à multis interrogatum fuisse dicat, num & ipse ex discipulis Christi esset. Itaque

cum praeter tres illas negationes, quas Matthaeus explicauit, quattuor alias apud alios Euangelistas sibi reperire videantur, unam apud Ioannem in domo Annae, alteram apud eundem Ioannem, cum Petrus à multis interrogaretur, tertiam apud Marcum, cum ab eadem interrogaretur ancilla, quartam apud Lucam, cum à viro quodam, septem fuisse colligunt. Alias tres refutauimus, superest illa, quam ex Ioanne secundo loco colligunt, quae multo minori negotio refutari potest. Primum Ioannes non dicit multos fuisse, qui Petrum interrogarunt: tantum dicit, *ἔτι πολλοὶ αὐτὸν εἶπον*, dixerunt ergo ei, id est, dictum est ei; Hebraismus enim est, quo solent Hebraei verbum impersonale passiuum per tertiam personam pluralem exprimere sine supposito, ut amant, id est, amatur, quod quamuis ab vno tantum fiat, verum est, sicut in quibusdam verbis Latini etiam faciunt, *perhibent, ferunt, dicunt*, pro perhibetur, fertur, dicitur. Ergo quamuis vnus tantum ancilla Petro dixisset, nunquid & tu ex discipulis eius es? verè potius Ioannes scribere, dixerunt ergo ei. Deinde, credibile est primum ancillam coepisse dicere, Nunquid & tu ex discipulis eius es? deinde eos, qui aderant, sermonem prosequutos, sed non propterea putandum est diuersas fuisse negationes.

*Et hic erat cum Iesu Nazareno.* ¶ Marcus ait ancillam dixisse circumstantibus, *hic ex illis est*. Lucas verò, & tu de illis es. Ioannes autem, nunquid, & tu ex discipulis eius es? Omnia ancillam dixisse credendum est. Primum, nunquid, & tu ex discipulis eius es? ut ait Ioannes; & cum Petrus negasset, affirmanter addidisse, & tu de illis es, ut ait Lucas; deinde ad eos, qui aderant, conuersam dixisse, & hic de illis est, ut ait Marcus; nam cum Iesu Nazareno erat, ut ait Matthaeus.

72. *Et iterum negauit cum iuramento.* ¶ Auger Petrus crimen. Primum enim non iurauerat, sed negauerat. Nunc & negat, & iurat. Lucas scribit dixisse, & homo non sum. Io. autè non sum, quale, credi-



credibile est prius simpliciter dixisse *non sum*, ut ait Ioannes, deinde cum aut ancilla, aut ij, qui aderant, instarent, addidisse, quod ait Lucas, *o homo, non sum*, postremo, cum adhuc urgerent, dixisse, *non novi hominum*, ut ait Matthaeus.

73. *Et post pusillum.*) Post vnius horae spacium, ut Lucas exponit.

*Accesserunt, qui stabant.*) Sic etiam Marcus dicit. Lucas vero, *Alius quidam affirmabat dicens*, verè hic cum illo erat. Ioann. declarat fuisse cognatū eius, cuius Petrus auriculam absciderat, qui affirmaret se Petrum in hortu cum Christo vidisse. Credendum est cognato illo seruo Pontificis incipiente alios secutos fuisse.

*Nam & loquela tua manifestum te facit.*) Marcus, & Lucas, *Nam & Galilaus est.* Quomodo Galilei, cum Hebreo sermone vterentur, ex lingua cognosci poterint Hierony. his verbis exponit, quod vnaquaeque provincia, et regio habeat proprietates suas, & vernaculum loquendi sonum vitare non possit; sicut videmus Ephraeos non potuisse aliorum Hebraeorū more schibboleth pronunciare, sed pro schibboleth dixisse sibboleth, quod multis causa fuit mortis Iudicum 12. 6. & sicut in Gallia videmus, cum omnes provinciae Gallicè loquantur, Aquitanos, Arvernos, Neustrios à Parisijs facillime dignosci.

74. *Tunc cepit detestari*) κατὰ τὰ βιβλία execrari, quod vel ad Christum, vel ad ipsum Petrum referri potest, ut aut Christum, aut se ipsum execratus fuerit; sed quia neutrum constat, malo rem dubiam in meliorem partem interpretari, credereque Petrum se ipsum execratum, id est diris, ut Latini loquuntur, deuouisse, quod species execrabilis iuramenti est; qualis illa, qua male assueri Galli videntur, *Le diable m'emporte, si je le cognois.*

*Et iurare, quia non nouisset hominē.*) Creuit semper cum tentatione culpa. In prima negatione primum dixerat *non sum*, deinde *non novi illum*, postremo, *nescio, quid dicas*. In secunda adhibuit iuramentum. In tertia execratio-

nem, eamque vero simile est saepe ingeminasse; hanc enim vim habere videtur verbum illud *cepi detestari*, quasi saepe, & multis modis execratus fuerit, sicut Galli dicunt de homine, qui saepe, & multis modis iurat, *Il a commencé à iurer.* Marcus etiam scribit Petrum execratione usum fuisse; Lucas, & Ioannes simpliciter dicunt eū negauisse, hanc circumstantiā omittentes.

*Et continuo gallus cantauit.*) Lucas, adhuc eo loquente gallus cantauit, quae temporis circumstantia tā diligenter expressa eō pertinet, ut appareat Christi praedictionem veram fuisse, *antequam gallus canteret, ter me negabis* ver. 34. Omnes Euangelistae notauerunt eodem consilio eandem circumstantiam, sed Lucas magis expressit.

75. *Et recordatus est Petrus verbi Iesu.*) Mirū, cur ante recordatus nō fuerit, cum ante ad mediā noctē post primam negationē gallus cantasset; fortasse galli vocem non audiuerat, aut quia semel tantum cantauerat, sperabat se non iterum negaturū, aut, quod omnium verissimum est, nō solo galli cantu; sed multo maxime Christi respectu admonitus est, ut significat Lucas c. 22. 61. *Et conuersus Dominus respexit Petrum, & recordatus est Petrus verbi Domini.* Ita Chryso. in hunc locum, & Ambrosius lib. 10. commen. in Lucam, Denique, quos Iesus respicit, plorāt delictum. Negauit primò Petrus, & non fletit, quia non respexerat Dominus. Negauit secundo, non fletit, quia adhuc non respexerat Dominus. Negauit tertio & respexit Iesus, & ille amarissime fletit. Et I eo sermone 3. de Passione Domini, *Respexit ergo Dominus Petrum, et inter calumnias sacerdotum, inter falsitates testium, inter cedentium, & conspuentium iniurias constitutus illis turbatum discipulum conuenit oculis, quibus eum prauiderat esse turbandum, & in illis conuersa est veritatis inspectio, & biberat cordis facienda correctio, quasi quaedam illi vox Domini insonaret, ac diceret. Quid habes Petre & quid in tua conscientiam recedis? ad me conuertere, in me confide; me sequere, meae passionis hoc tempus est, nondū tui venit hora suppli-*



27. Quid metuis, quod etiam ipse superabis? Non te confundat infirmitas, quam recepi; ego de tuo fui trepidus; tu de meo esto securus. Tria in his Petri negationibus observanda sunt. Primum, non contigisse post ea omnia, quæ Matthæus narravit, antequam de illis dicere aggrediretur, cū vna pars eorum, quæ ante dixit, acciderit oratio iam dic, ut quod Christus è Pontifice rogatus fuerit, utrum ipse esset Christus, ut constat ex Luca 22. 66. cū manifestum sit tres Petri negationes diuersissimis eius noctis horis accidisse; Matthæus ergo, & Marcus, quia narrare cœperant, quæ erga Christum ea nocte facta fuerant, eam totam historiam prius abfoluere voluerunt, quàm Petri negationes inciperent recitare; ideoque negationes Petri simul vltimo loco potuerunt. Lucas è diuerso, quia de prima Petri negatione dicere cœperat, omnes simul explicare voluit, priusquam narraret, quæ Christo facta essent; solus Ioannes negationes Petri cum historia Christi permiscuit. Secundo loco cauendus vulgaris error est eorum, qui putant fidem Petrum perdidisse; nec enim fidem perdidit, sed negauit, quod aliud esse Theologi dicunt, quemadmodum & Prudentius ait in libro Calthemerin.

*Fleuit negator denique  
Ex ore prolapsum nefas,  
Cum mens maneret innocens,  
Animusque seruaret fidem.*

Petrus vere & cum mendacio Christum negauit.

Tertio loco altera huic opposita sententia fugienda est, multos licet, & bonos auctores habeat, Petrum, cum Christum negauit, aut non peccasse, aut certe mentitum non fuisse, sed salua veritate ambigē locutum, ut Hilarius, & Ambrosius scribunt. Nec enim, inquit, mentiebatur, qui eum hominem se nosse negabat, quem Deum cognoscebat. Quos, ut opinor, auctores his verbis Hieronymus notat, Scio quosdam pio affectu erga Apostolum Petrum locum hunc ita interpretatos, ut dicerent Petrum non Deum negasse, sed hominem, & esse sensum nescio hominem, quia scio Deum. Hoc quàm frivolum sit, prudens lector intelligit; sic defendunt Apostolum, ut Deum mendacii rei faciant. Si enim iste non negauit, ergo mentitus Dominus, qui dixerat, Amen dico tibi, quia hac nocte antequam galus cantet ter me negabis. Cerne, quid dicat, me negabis, non hominem. Quamquam possumus Hilarium, & Ambrosium ab errore benigna interpretatione liberare, ut non negent & negauisse, & peccasse, & mentitum fuisse Petrum, sed tantum ita locutum dicant, ut ex verbis eius aliquis verus sensus elici possit, quia dixerat non noui hominem, quod interpretari possemus, non noui tanquam solum hominem, sed tanquam Deum.

Et egressus foras fleuit amare. Non potuit, ut aiunt Hieronymus, & Beda in atrio Pontificis agere poenitentiam, foras illi egrediendum fuit. Fecisset constantius, & fortius, si quo loco peccauerat, eodem poenitentiam egisset, & coram quibus Christum se nosse negauerat, coram eisdem confessus fuisset, ut negationis damnum repararet. Sed ita natura comparatum est, ut ibi pudeat agere poenitentiam, ubi peccare non pudit. Quamquam Petrus non tam infirmitate fortasse, quàm Christi verecundia egressus est foras, quod eius conspectum, quem negauerat, sustinere non posset. Quamquam tandem ratione egressus sit, magnum poenitentiae præbuit exemplum, recteque de illo libro 10. comment. in Lucam scribit Ambrosius. Etiam lapsus sanctorum utilis est. Nihil mihi nocuit, quod negauit Petrus: profuit, quod emendauit. Didici cauere colloquia perfidorum. Petrus inter Iudeos negauit. Salomon contubernio Gentili deceptus errauit. Fleuit igitur amare Petrus ut lacrymis culpam ablueret, & ut Clemens Romanus scripsit, tam altè in eius animo eius delicti dolor sedet, ut toto uitæ suæ tempore, quoties gallum cantantem audiret, procidens in genua lacrymas funderet, & peccati sui peteret ueniam. Tenere non possum me, quin insignem nouorum hæreticorum impudentiam traducam, qui, ut probent nullam in nobis esse pro pecca-

Excusatur Hilarius, & Ambrosius circa Petri negationem.

Petri poenitentia ob Christi negationem.



Explicatur locus Ambrosij vulgò ab hæreticis corruptè citatus contra satisfactionem.

peccatis satisfactionem, Ambrosij in 22. capit. Lucæ uerba proferunt, *Lacrymas eius lego, satisfactionem non lego;* quod testimonium ne Caluinum quidem, qui omnium doctissimus uideri uoluit, citare puduit. Recitabo totum Ambrosij locum, ut istorum impudentiam, & malignitatem lector perspiciat. *Petrus inquit doluit, & fletit, quia errauit, ut homo; Non inuenio, quid dixerit, inuenio, quod fletit; lacryma eius lego, satisfactionem non lego, sed quod defendi non potest, abluí potest. Lauant lacryma delictum, quod uoce pudor est confiteri, & uenia fletus consulunt, & uerecunde lacryma sine horrore culpam loquuntur; lacryma crimen sine offensione uerecundia confitentur, lacryma ueniam non postulant, sed merentur. Inueni, cur tacuit Petrus, ne tam ci-*

*to uenia petitio plus offenderet. Ante flendum est, quam petendum. Bona lacryma, quæ lauans culpam.* Quibus uerbis clariùs potuit Ambrosius dicere Petrum pro peccato satisfecisse, quam, *lauant lacryma delictum; quam, lacryma ueniam postulant, sed merentur; quæ bone lacryma, quæ lauans culpam?* Ergo cum dicit *lacryma eius lego, satisfactionem non lego;* satisfactionem excusationem, & purgationem appellat, & ut vulgò loquuntur, sui ipsius iustificationem. Significat igitur Petrum non excusasse culpam, sed fletuisse. Hoc est, quod ait. *Nō inuenio, quid dixerit, inuenio quod fleuerit.* Sed isti boni Theologi, qui aut aut nihil, aut solam Grammaticam sciunt, ne Grammaticam quidem apud D. Ambrosium intellexerunt.

## IN CAPVT XXVII.

**I**N ANTE autem facto, consilium inierunt omnes principes sacerdotum, & seniores populi aduersus Iesum, ut eum morti traderent. 2. Et uinctum adduxerunt eum, & tradiderunt Pontio Pilato præfidi. 3. Tunc uidens Iudas, qui eum tradidit, quod damnatus esset; pœnitentia ductus, retulit triginta argenteos principibus sacerdotum, & senioribus. 4. dicens: Peccaui tradens sanguinem iustum. At illi dixerunt: Quid ad nos? tu uideris. 5. Et proiectis argenteis in templo, recessit: & abiens laqueo se suspedit. 6. Principes autem sacerdotum, acceptis argenteis, dixerunt: Non licet eos mittere in corbonam: quia pretium sanguinis est. 7. Consilio autem inito, emerunt ex illis agrum figuli, in sepulturam peregrinorum. 8. Propter hoc uocatus est ager ille, Haceldama, hoc est, ager sanguinis, usque in hodiernū diē. 9. Tunc impletum est, quod dictum est per Ieremiam prophetam, dicentem: Et acceperunt triginta argenteos pretium appretiati, quem appretiauerunt a filiis Israel: 10. & dederunt eos in agrum figuli, sicut constituit mihi Dominus. 11. Iesus autem stetit ante præsidem, & interrogauit eum præses, dicens: Tu es Rex Iudæorum? Dicit illi Iesus: Tu dicis. 12. Et cum accusaretur a principibus sacerdotum, & senioribus, nihil respondit. 13. Tunc dicit illi Pilatus: Non audis, quanta aduersum te dicunt testimonia? 14. Et non respondit ei ad ullum uerbum, ita ut miraretur præses vehementer. 15. Per diem autem solemnem con-

Mar. 15. a.  
16.  
Luc. 23. a.  
1.  
Ioan. 18. c.  
28.

Act. 1. ca.  
19.

Act. 1. cap.  
18.  
Zach. 11. c.  
12.

Mar. 15. a.  
2.  
Luc. 23. a.  
3.  
Ioan. 18. f.  
28.



fuenerat præses populo dimittere vnum vincum, quem voluissent. 16. habebat aut tunc vincum insignem, qui dicebatur Barabbas. 17. Congregatis ergo illis, dixit Pilatus: Quem vultis dimitte tam vobis: Barabbam, an Iesum qui dicitur Christus? 18. Sciebat enim quod per invidiam tradidissent eum. 19. Sedente aut illo pro tribunali, misit ad eum uxor eius, dicens: Nihil tibi, & iusto illi, multa enim passa sum hodie per visum propter eum. 20. Principes aut sacerdotum, & seniores persuaserunt populis, ut peterent Barabbam, Iesum vero perderent. 21. Respondens aut præses, ait illis: Quæ vultis vobis de duobus dimitti? At illi dixerunt: Barabbam. 22. Dicit illis Pilatus: Quid igitur faciam de Iesu, qui dicitur Christus? 23. Dicunt omnes: Crucifigatur. Ait illi, præses: Quid enim mali fecit? At illi magis clamabant dicentes: Crucifigatur. 24. Videns aut Pilatus, quia nihil proficeret, sed magis tumultus fieret: accepta aqua, lavit manus coram populo, dicens: Innocens ego sum à sanguine iusti huius: vos videritis. 25. Et respondens uniuersus populus, dixit: Sanguis eius super nos, & super filios nostros. 26. Tunc dimisit illis Barabbam: Iesum aut flagellatum tradidit eis, ut crucifigeretur. 27. Tunc milites præsidis suscipientes Iesum in prætorium congregauerunt ad eum uniuersam cohortem. 28. & exeuntes eum, chlamydem coccineam circumdederunt ei, 29. & plectentes coronam de spinis, posuerunt super caput eius, & arundinem in dextera eius. Et genu flexo ante eum, illudebant ei, dicentes: Ave Rex Iudæorum. 30. Et expuentes in eum, acceperunt arundinem, & percutiebant caput eius. 31. Et postquam illuserunt ei, exuerunt eum chlamyde, & induerunt eum vestimentis eius, & duxerunt eum, ut crucifigerent. 32. Exeuntes aut inuenerunt hominem Cyrenæum, nomine Simonem: hunc angariauerunt, ut tolleret crucem eius. 33. Et venerunt in locum, qui dicitur Golgotha, quod est Calvarie locus. 34. Et dederunt ei vinum bibere cum felle mistum. Et cum gustasset, noluit bibere. 35. Postquam aut crucifixerunt eum, diuiserunt vestimenta eius, sortem mittentes: ut impleretur, quod dictum est per Prophetam dicentem: Diuiserunt sibi vestimenta mea, & super vestimentam meam miserunt sortem. 36. Et sedentes seruabant eum. 37. Et imposuerunt super caput eius causam ipsius scriptam: HIC EST IESUS REX IUDÆORVM. 38. Tunc crucifixi sunt cum eo duo latrones: vnus à dextris, & vnus à sinistris. 39. Prætereuntes autem blasphemabant eum mouentes capita sua, 40. & dicentes: Vah qui destruis templum Dei, & in triduo illud reedificas: salua te metipsum: si filius Dei es, descende de cruce. 41.

Similiter



Similiter & principes sacerdotum illudentes cum Scribis, & se-  
 nioribus dicebant: 42. Alios saluos fecit, se ipsum non post sal-  
 uum facere: si rex Israel est, descendat nunc de cruce, & credi-  
 mus ei: 43. confidit in Deo: liberet nunc, si uult eum: dixit enim:  
 Quia filius Dei sum. 44. Idipsum autem & latrones, qui crucifi-  
 xi erant cum eo, improperebant ei. 45. A sexta autem hora te-  
 nebrae factae sunt super uniuersam terram usque ad horam nonam.  
 46. Et circa horam nonam clamauit Iesus voce magna, dicens:  
 Eli, Eli, lamma sabactani? hoc est Deus meus, Deus meus, ut quid  
 dereliquisti me? 47. Quidam autem illic stantes, & audientes, dice-  
 bant: Eliam uocat iste. 48. Et continuo currens unus ex eis acce-  
 ptam spongiam impleuit aceto, & imposuit arundini, & dabat  
 ei bibere. 49. Ceteri uero dicebant: Sine videamus, an ueniat E-  
 lias liberans eum. 50. Iesus autem iterum clamans voce magna,  
 emisit spiritum. 51. Et ecce uelum templi scissum est in duas par-  
 tes a summo usque deorsum, & terra mota est, & petrae scissae  
 sunt, 52 & monumenta aperta sunt: & multa corpora sanctorum,  
 qui dormierant, surrexerunt. 53. Et exeuntes de monumentis  
 post resurrectionem eius, uenerunt in sanctam ciuitatem, & ap-  
 paruerunt multis. 54. Centurio autem, & qui cum eo erant, cu-  
 stodientes Iesum, viso terrae motu, & his, quae fiebant, timuerunt  
 valde, dicentes: Verè Filius Dei erat iste. 55. Erant autem ibi  
 mulieres multae a longe, quae secutae erant Iesum a Galilaea, mi-  
 nistrantes ei: 56. inter quas erat Maria Magdalene, & Maria Ia-  
 cobi, & Ioseph mater, & mater filiorum Zebedei. 57. Cum autem  
 sero factum esset, uenit quidam homo diues ab Arimathaea, no-  
 mine Ioseph, qui & ipse discipulus erat Iesu. 58. hic accessit ad  
 Pilatum, & petijt corpus Iesu. Tunc Pilatus iussit reddi corpus.  
 59. Et accepto corpore, Ioseph inuoluit illud in sindone munda  
 60 & posuit illud in monumento suo nouo, quod exciderat  
 in petra. Et aduoluit saxum magnum ad ostium monumenti, &  
 abiit. 61. Erat autem ibi Maria Magdalene, & altera Maria seden-  
 tes contra sepulchrum. 62. Altera autem die, quae est post Parasce-  
 uen, conuenerunt principes sacerdotum, & Pharisei ad Pilatum.  
 63. dicentes: Domine recordati sumus, quia seductor ille dixit  
 adhuc uiuens: Post tres dies resurgam. 64. Iube ergo custodiri  
 sepulchrum usque in diem tertium: ne forte ueniant discipuli eius,  
 & furentur eum, & dicant plebi: Surrexit a mortuis: & erit no-  
 uissimus error prioris. 65. Ait illis Pilatus: Habetis custo-  
 diam, ite, custodite, sicut scitis. 66. Illi autem abeuntes, munie-  
 runt sepulchrum, signantes lapidem, cum custodibus.



## IN CAPVT XXVII.



*ANE autem facto.)*  
 Marcus, confestim  
 mane, Lucas, & ut  
 factus est dies.

*Consilium inierunt.)*  
 Lucas, conuenerunt

Credibile enim est primum illud concilium fuisse dissolutum. Nec enim est vero simile sacerdotes, Scribas, & seniores populi quantauis contra Christum rabie incitatos per totam noctem sine ulla requie congregatos fuisse. Itaque, quæ Matthæus supra narrauit cap. 26. versic. 62. usque ad 67. in hoc concilio matutino facta sunt, ut ex Luca manifestum est, quia quemadmodum capi. 26. 67. probauimus, eadem est apud Matthæum, & Lucam historia.

*Omnes principes sacerdotum & seniores populi.)* Marcus, & Lucas addunt, & Scribæ; hæc enim, ut sæpe diximus, tria hominum genera Iudeorum concilium efficiebant. Quomodo autem multi principes sacerdotum fuisse dicatur c. 2. 4. declarauimus.

*Ut eum morti traderent.)* Nonne iam dixerant capi. superiore versic. 66. *Reus est mortis?* Paulo ante monuimus illa verba hoc loco, & in hoc concilio dicta fuisse, sed Matthæus per anacephalatosim dixit *concilium inierunt*, quia interposita historia de Petri negationibus intermiserat narrationem. Non erant uisa falsa testimonia, quæ aduersus Christum producta fuerant, satis idonea, ut Christus morti traderetur, quemadmodum Marcus capitul. 14. 56. indicauit, ideo cum viderent diem illucescere, & nullam se habere satis sufficientem accusationem, quàm ad Pilatum deferrent, concilium iterum vocant, ut deliberent, quid possint coram Praside Christo obijcere, quod morte dignum esse uideatur, ideoque rogant, an ipse sit Christus, ut capitul. præcedenti versicu. 63. Matth. scripsit; hoc enim Christum credebant non negaturum, & Prasidi capitale videri poterat, quia cum om-

nium Iudeorum opinio esset Christum futurum regem, & populum à tyrannide liberaturum, quisquis se Christum esse dicebat, regem profitebatur, quia re nihil criminolius Romanis imperium in Iudæos obtinentibus videri poterat.

*3. Et vinctum.)* *χρὶς δὲ ἠσπῶντες αὐτὸν,* & cum eum vinxissent, ut etiam Marcus scribit capitul. 15. 1. Iam ante vinctus fuerat, cum comprehenderetur, ut ait Ioannes capitul. 18. 12. sed aut fuerat relaxatus, cum in domo Pontificis teneretur, unde fugere non posset credebatur, aut tenebatur quidem ligatus, sed non manibus vinctis, cum autem vellent eum à domo Caiphe in domum Pilati traducere, iterum vinxerunt.

*Et tradiderunt Pontio Pilato præfidi.)* Quare Præsidi tradiderunt, & non ipsi occiderunt, siue iure, siue rabie, dubitari potest. Chrysostom. existimat propterea Pilato tradidisse, quod dies esset festus, quo die ipsis quamquam condemnare non licebat, sed capitul. superiore versic. 2. satis probauimus non fuisse diem illum Iudæis festum. Theophylactus verò ideo Pilato traditum fuisse putat, quod affectati regni accusaretur, quæ res ad Pilatum Romanum Præsidem spectare videbatur. Vera causa ex Ioanne colligitur capitulo. 18. 31. ubi Iudæi dicunt sibi non licere quemquam occidere, siue omnino non licuerit, sublata illis à Romanis omni de capitalibus causis iudicandi potestate, ut omnes fere sentiunt auctores; siue, ut nonnulli existimant, quod non licuerit illis quemquam crucifigere; sed aut lapidare, aut strangulare, aut vire, aut gladio iugulare, ut capitul. 5. 22. docuimus; ex quo penarum genere crux non erat, quæ à Romanis in Iudæam fuerat introducta. Volebant autem non quoquo modo Christum occidi, sed cruce occidi, quod omnium ignominiosissimum mortis genus erat. Obijciat aliquis Stephanum ab illis lapidatum

Añ. 7



Act. 7. 58. quare non omnis in capitibus causis potestas crepta Iudæis erat. Facile responderi potest, illud mortis genus Iudæis non fuisse prohibitum; quare & Christum ipsum alius voluerant lapidare Ioan. 10. 31. Si autem, quod probabilius est, omnis omnino occidendi potestas ablata illis erat, respondendum est, ut nonnulli responderunt interpretes, impetu, non iudicio id factum fuisse, ut & Stephanum lapidauerint, & Christum lapidare voluerint. Porro quomodo Pontius Pilatus Præses fuerit, ex Iosepho intelligitur. Diximus capit. 14. 1. magni Herodis regnum post eius mortem in Tetrarchias fuisse diuisum, ut ex Luca capit. 3. 1. colligitur, quarum una Iudæa fuit, quam Arche laus magni Herodis filius annos decem, partim regis specie, partim Tetrarchæ auctoritate gubernauit. Post id tempus accusatus, apud Augustum Imperatorem est, quod tria Iudæorum millia, qui in templum confugerant, ipso Paschæ die trucidasset, quodque tyrannidem in Iudæos exercebat, & sacerdotum, quibus vellet, auferret; quibus vellet, daret; itaque Viennam Galliæ urbem relegatus est, ut Iosephus libro 17. antiquitatum, cap. 19. & libro 18. cap. 1. testatur. Sic Iudæa in prouinciam Romanorum redacta est, & per Præsides, sicut aliæ prouinciæ, cœpta gubernari. Ex quibus Pilatus sextus fuit, ut Iosephus scribit libro antiquitatum 18. capit. 4. Putat Theophylus. Pontium Pilatum vocatum fuisse, quod ex Ponto esset nimis leui nominis coniectura; nam & apud Romanos Pontios fuisse legimus.

3. Tunc videns Iudas, qui eum tradidit, quod damnatus esset. Sunt, qui interpretentur, quod ipsemet Iudas damnatus esset, quasi dicat Euangelista. Tunc videns Iudas nullam sibi spem salutis superesse, retulit triginta argenteos, & desperans laqueo se suspēdit. Sed hæc opinio facile ex Euangelistæ contextu refutatur, qui ita narrationem texuit, ut non obscure indicaret hoc esse ad Christum referendū,

quod cum eum Iudas vide ret damnatum esse, triginta argenteos retulit. Difficilior quæstio est, de qua Christi damnatione hoc, quod solus Matth. narrat, sit intelligendum. Sunt, qui putent de damnatione per Pontium Pilatum facta versic. 26. intelligi oportere: sed Mattheum per anticipationem ante narrauisse, quod & Iuuenius Poeta Christianus existimauit, multique recentiores interpretes assentiuntur, quia dicitur Iudas triginta argenteos ad sacerdotes retulisse, quos cum accipere noluisent, in templum proiecerit. Vnde colligitur in templo tunc fuisse sacerdotes, ubi antequam Christus à Pilato condemnaretur, esse non ponerunt, cum in accusando Christo tantopere essent occupati. Tenuis coniectura; nec enim omnes sacerdotes, sed soli principes sacerdotum, id est sacerdotalium familiarum capita Christum accusabant, ut versic. 1. Euangelista significauit; itaque poterant alij omnes sacerdotes, qui principes non erant, in templo esse. Et verò probabile non est templi ministeria, quæ per sacerdotes perficiebantur, dum Christus apud Pilatum accusabatur, cessauisse. Difficilior obiectio esse potest, quod principibus sacerdotum Iudas dicatur argenteos retulisse. Veruntamen potuit ad principes sacerdotum. qui non in templo, sed aut in domo Caiphæ, aut in Prætorio erant, argenteos referre, quos cum accipere noluisent, in templum proiecit, proiectos verò, qui in templo erant, sacerdotes accepisse atque seruasse vero simile est, donec principes sacerdotum consilium postea inierunt, quid de illis fieri oporteret, ut ver. 6. & 7. Matth. scribit. Ergo quod dicit Euangelista, videns Iudas, quod damnatus esset, ita intelligendum est, videns Christum Iudæorum præiudicio condemnatum, qui omnes vna voce clamauerant. reus est mortis cap. 26. 66. Videns Christum à Iudæis ad Pilatum trahi, quod nequaquam fecissent, nisi omnino deliberassent non prius desistere, quàm ad crucem

Lib. 4. E.  
uang. hist.

con-



condemnaretur, retulit triginta argenteos. Principes enim sacerdotum dicitur Christum morti tradidisse, quia Pilato ad mortem condemnandum tradiderunt, ut scribit Lucas capitul. 24. 20. Quomodo enim tradiderunt summi sacerdotes & Pontifices nostri in damnationem mortis, & crucifixerunt eum. Hinc colligitur Iudam, cum Christum vendidit, neque eo vendidisse animo, ut occideretur, neque putasse fore, ut condemnaretur ad mortem, quemadmodum Theophyl. & non nulli recentiores interpretes admonuerunt. In hoc sacerdotibus, Scribis, & senioribus aliquanto melior, quod quamuis auaritia, & infidelitate magistrum vendidisset, de morte tamen eius non cogitasset.

De Iudæ  
penitentiâ

Penitentia ductus.) Origenes, & Hieron. ita de hac Iudæ penitentiâ loquuntur, ut eam laudare videantur. Hinc enim Manichæorum refellunt errorem, qui duas, alteram bonam, alteram malam, naturas introducebant. Ceterum non intelligunt, ut opinor, bonam omnino fuisse, sed aliquid habuisse boni, quod quamuis peccatum non emendauerit, cognovit tamen, atque confessus est, & se fecisse doluit. Hoc propriè Græcum verbum significat, quod Matthæus v. 23. est μεταμελνέω de peccato dolens, & anxius; hoc enim inter μεταμελνέω, & μετανοέω interese nonnulli obseruauerunt, quod μεταμελνέω sit patratum peccatum agnoscere, atque dolere, μετανοέω non solū dolere, sed emendare; hoc Petrus, illud Iudas fecit, ideo non dicitur μετανοέω, aut μετανοήν, sed μεταμελνέω. Rectè Leo sermon. 5. de Passione Domini. Merito, sicut & Propheta prædixerat, oratio eius facta est in peccatum, quoniam consummato scelere tam peruersa impij conuersio fuit, ut etiam penitendo peccaret, & Ambrosius libro 10. comment. in Lucam, Et si cassa est penitentia proditoris, quia peccauit in Spiritum sanctum, est tamen ullus in scelere pudor culpam agnoscere. Et quamuis ille non absoluitur, Iudeorum tamen impudentia confutatur, quos cū

professio redarguat venditoris, scelesti tamen sibi vendicant iura contractus, & exortos reatus se esse credunt, dum dicunt quid ad nos? tu videbis. Amentes planè, qui putant solui se magis auctoris scelere, quàm teneri. Scribunt Origenes, & Theophylactus voluisse Iudam, cum Christi iam mortē impedire non posset, eundem moriendo preuenire, ut in altera illi occurreret vita, & veniam ab eo sui sceleris obtineret. Quod etsi fabulæ simile est, tamen illud habet utilitatis, quod inde intelligimus Origenis arate doctrinam de Purgatorio, & peccatorum post hanc vitam remissione fuisse uulgarem.

Purgatorium,

4. Peccanti tradens sanguinem iustum.) Id est iustum hominem ad mortem; etsi Iudas Christum Deum esse non credebat, ut supra docuimus, & Leo sermo. 1. de Passione Domini scribit, hominem tamen iustum, & innocentem confitetur. Voluit Deus, ut ab omni hominum genere contra sacerdotum, & seniorum peruersitatem sue innocentie testimonium Christus haberet, etiam ab ipso iudice Pilato, etiā ab eius uxore, etiam à proditore, qui eum uendiderat.

Quid ad nos? Hominum obsecatorum vox est, & ut paullo ante ex Ambrosio citauimus, amentium, qui putant solui se magis auctoris scelere, quàm teneri. In pecuniarijs, inquit, causis refuso pretio ius soluitur. Hi pretium recipiunt, & sacrilegium persequuntur, ac pertinacibus studijs suæ sibi vindicant sanguinis actionem, cum refunderet venditor sacrilegij mercedem.

5. Et proiecitis argenteis in templo.) Visus sibi est Iudas, cum in templo argenteos proijceret, sacerdotibus dare, & initum venditionis contractum rescindere.

Abiens laqueo se suspendit.) ἀπὸ τοῦ ζατο, laqueo praefocatus est. Act. 1. 18. ait Petrus de Iudā loquens, καὶ πρῶτος γενόμενος ἐλάκυσσε μέσον, ad verbum, & princeps factus crepuit medium, quod non satis videtur cum Matthæo coherere. Itaque sunt, qui dicant prius se Iudam, ut Matth. ait, laqueo suspendisse, sed inclinatam

De morte  
Iudæ,



natam fuisse arborem, itaq; ita superuixisse, postea verò hydiope fuisse mortuum, cum medius crepuisset, ut ait Petrus; sic Theophylactus. Alij cum de laqueo penderet à prætereuntibus agnitum fuisse, atque depositum, vixisseque postea aliquantisper secreto in loco, dein præcitem ex eo loco edito cecidisse, inflatumque crepuisse medium; sic Euthymius. Alij rupto laqueo superuixisse, ac postea crepuisse medium, ut Oecumenius in commentarijs in Acta Apostolorum capitulo 1. ex Papia vetustissimo auctore recitat, & auctor scholasticæ, quam vocant, historiæ, tanquam vulgarem opinionem refert. Probabilius est, quod alij suspicantur, primum quidem se ex loco edito laqueo suspendisse, seque inde præcitem egisse, sicut solent, qui laqueo suspenduntur in loco de superiori loco deiçi, & præcites dari, ut citius strangulentur, postea verò aut rupto laqueo cecidisse, ac effudisse viscera, aut cum penderet ita intrinuisse, ut non quidem statim, sed aliquanto post tempore medius crepuerit; nam omnes, qui suspenduntur, vehementer inflari solent. Dubium, an statim, ut retulit argenteos, se suspenderit. Sunt qui dicant non nisi post Christi resurrectionem id eum fecisse, cum audisset surrexisse Christum, quod minimè sperabat: tunc enim abiecta omni spe salutis, quod humani generis redemptorem vendidisset, laqueo sibi vitam eripuisse, ut historiæ scholasticæ auctor scribit. Sed cum id non probetur, & Evangelista rem ita narret, ut statim proicctis in templum argenteis ad laqueum indicet cucurrisse, hoc potius credendum. Nimis curiosa questio est, qua ex arbore se suspenderit, cum ex Evangelista ne illud quidem conficit, an ex vlla se omnino suspenderit arbore; sed tamen video opinionem quandam incerto auctore vulgari, vulgo arborem ficum fuisse, quemadmodum & Hebræi tradunt eam, unde Adam, & Eva vetitum decerpserunt fructum, fuisse ficum.

An ex arbore & ex qua pepen-  
git Iudas.

Hanc, quæ nunc vulgi est, antiquam etiam, & magnorum olim auctorum opinionem fuisse ex Iuuenio Poeta perspicuum est.

*Exorsusque suas laqueo sibi sume  
re panas.*

*Informem rapuit ficus de vertice  
mortem.*

6. *Principes autem sacerdotum accipis argenteis.* Cur non accipiunt, cū paullo ante accipere nolissent? Quia ante ipsis Iudas dabat, quasi ut infectū faceret, quod factum erat, ideo accipere noluerunt, ne venditionem rescindere viderentur, cogerenturque Christum illi reddere, sicut ille reddebat argenteos: nunc autem accipiunt, quia eos in templum proiecerat, quæ autē in templum proiciebatur, templo, Deo que videbantur offerri, quas oblationes, cum sacerdotes asservarent, & triginta argenteos proicctos collegerūt.

*Non licet nobis mittere in corbonam.* דקריב Hebræis est offerre. Inde nomen דקריב ductum est, quod propriè oblationem significat, frequens in literis sacris, Levitici 1. 2. 3. & 2. 5. 7. & 6. 20. & Num. 7. 13. & 28. 2. Aliquando accipitur pro iuramento, quod per דקריב id est templi oblationes fiebat, quemadmodum Iudæi aliquando iurabant, ut constat ex superiore ca. 23. 16. 18. Auctor est Iosephus lib. 1. contra Appionem. Atque hoc fortassè modo apud Marcum c. 7. 11. accipi potest. Deinde translatum nomen est, ut locum ipsum, ubi templi oblationes recodebantur, id est sacrum ætærium significaret, ut Iosephus lib. 2. de bello Iudaico capitulo 8. scribit, sicut Greci γαζοφυλακίον appellant 4. Reg. 12. 9. 10. Marci 12. 41. 43. Lucæ 21. 1. Ioan. 8. 20. sunt qui interpretentur *mittere*, pro remittere, quod ex istiment triginta illos argenteos ex sacro gazophylacio à sacerdotibus elatos fuisse, ut emerent Christum, in qua sententia Iuuenius est, habetque non minimam probabilitatem: solebant enim publici sumptus, qui ad templi causam, religionemque pertinebant, ex sacris fieri thesauris, cuiusmodi sacerdotes causam esse arbitrabantur, ut

Chri.



Christus, qui se Dei filium profitebatur, occideretur.

Hebraice  
maus,

Quia pretium sanguinis est.) Hebreorum idiomate sanguis ponitur pro morte. Addere debuerunt iusti, quemadmodum Iudas paullo ante confectus fuerat, sed nesciunt homines errore cæci aut vera sentire, aut loqui. Prohibebantur Iudæi turpe lacrum in templum offerre Deuteronym. 23. 18. Non offeres mercedem prostibuli, nec pretium canis in domo Domini Dei tui: quicquid illud est, quod uoueris, quia abominatio est utrumque apud Dominum Deum tuum; unde per analogiam colligebant nec pretium sanguinis Deo esse offerendum, aut quod maioris stultitiæ erat, mittendum in gazophylacium. Nam oblationem Deo faciam, cum argenteos acceperant, approbauerant. Itaque plus reuerentiæ homines infanti gazophylacio, quam Deo tribuendum esse iudicabant.

8. Consilio autem inito.) Non est credendum hoc continuo factum esse, sed postquam crucifixus esset Christus, ac fortasse post Paschæ diem festum. Nam toto illo die in accusando, & crucifigendo Christo occupati fuerant. Die autem insequenti in Paschæ celebratione, quo tempore contractus inire non licebat. Sed Matthæus, quia de re latius à Iuda argenteis loqui cœperat, totam narrationem finire voluit, docereque, quid de illis actum esset. Caterum, quod de inito consilio, & empto dicit agro, per anticipationem dictum esse intelligendum est.

Emerunt ex illis agrum figuli.) Cur agrum figuli Matt. appellet, incertum. Poruit sic vocari, vel quia alicuius figuli erat, vel quia ex eo figuli ad fingenda vasa terram effodiebant, aut quia in eum testarum fragmenta proieciebant, ita ut cultura inutilis esset, solisque mortuis sepeliendis commodus esse posset. Quacunque tandem ratione sic appelletur, illud certum, notum eo nomine vulgò fuisse agrum, & quia Euangelista, tanquam de notissimo agro dicit, Eme-

runt ex illis agrum figuli, & quia Græcum illi articulum adiungit τὸν ἀγρὸν, qui rem notam demonstrat, quemadmodum Clericorum pratum apud Parisienses.

In sepulturam peregrinorum.) Solebant ciues Ierosolymitani, aut in publico loco, aut in suo quisque fundo proprium habere sepulcrum, ubi omnes, qui eiusdem essent familia, sepelirentur. Magnum enim illis solatium mortis videbatur, si in patrum suorum sepulcris sepelirentur, ut ex multis librorum Regum locis manifestum est. Qui autem peregrini erant, cum patria sepulcra in urbe non haberent, difficile sepulturam reperiebant. In hoc bonum publicum sancti illi sacerdotum principes oblatam templo pecuniam impenderunt, quod res Deo sacra non nisi in pium opus consumenda videretur: sic Origenes interpretatur. Alij putant peregrinos hic Gentiles appellari, qui aliquando aut habitabant Ierosolymæ, aut eò ventitabant: si verò inibi mori contingeret, locum, ubi sepelirentur, non habebant; nefas enim Iudæis videbatur, non solum in vita, sed etiam post mortem cum Gentilibus habitare.

8. Propter hoc vocatus est ager ille Acheldema, id est ager sanguinis usque in hodiernum diem.) Nimirum diuino consilio factum est, ut qua ratione sacerdotes impietatem suam una cum illa pecunia obruere, & quasi sepelire voluerunt, sempiterno monimento in omnem posteritatis memoriam transfunderint, ut quoties ager ille Acheldema, id est, ager sanguinis vulgò diceretur, toties sceleris eorum memoria renouaretur, ut Chrysostom. Euthym. & Theophylactus adnotarunt. Acheldema Syriacum verbum est, quia tunc lingua Iudæi loquebantur, & agrum sanguinis significat, sic appellatum, quod pretio sanguinis emptus esset. Caterum Syriacum verbum apud Matth. Græcè non legitur, sed eius tantum periphrasis ager sanguinis, neque Chrysostom. hoc loco, & Eusebius libro 10. de demonstr. Evangelica c. 4. hunc locum edisserens legit. Itaque

Sepulcrorum ritus apud Iudæos.



que sunt, qui putent ex Actis Apostolorum capit. 1. 19. ubi eo verbo Petrus usus est, aliquem in hunc locum illud transtulisse, non omnino improbabilis coniectura.

9. *Tunc impletum est, quod dictum est per Ieremiam prophetam.* Magna hic, & vetus quaestio est, quomodo Matthaeus Ieremiam citet, apud quem hoc testimonium non reperitur, cum apud Zachariam 11. 13. potius reperitur. Omnes & veteres, & recentiores interpretes in huius difficultatis explicatione magnopere laborauerunt. Sunt, qui putent hoc testimonium Ieremiae quidem esse, non ex his, quos nunc habemus, sed ex his, qui perierint, eius libris a Matthaeo desumptum. Multa enim veteres scripsisse prophetas, quae non extant ex libris Regum, & Paralipom. multis locis apparet, nominatim vero Ieremiam alios praeter eos, quos habemus, scripsisse libros auctor librorum Machabaeorum libro 2. capite 2. 1. testis est. Sunt, qui suspicentur in his etiam prophetijs Ieremiae, quas nunc habemus, scriptum hoc fuisse, sed à Iudaeis postea maligne deletum, ut Eusebius etiam arbitratu libro 10. de demonstrat. Euang. capite 4. Sunt, qui ex libris quidem Ieremiae, sed apocryphis sumptum esse dicant; nam & Apostolos ex eiusmodi libris testimonia aliquando proferre, sicut D. Paulus 2. ad Timot. 3. 8. quod dicit de Ianne, & Mambre ex apocryphis libris sumptum esse creditur. In hac opinione Origenes est, eamque videtur Hieronymus confirmare affirmans Hebraeorum quandam apocryphum Ieremiae librum sibi legendum tradidisse, ubi hoc testimonium ad verbum reperiatur. Sunt qui Evangelistam memoria lapsum existiment, cumque pro Zachariae nomine nomen illi Ieremiae occurrisset, id scripsisse; postea vero etiam vel ipsum per se, vel aliorum monitu, quos adhuc eo vivente eius Euangelium legisse credendum est, & Ieremiae pro Zachariae nomen positum animadvertisse,

emendare tamen noluisse, quod id ipsum Spiritu sancto instigante factum crediderit, qui cum idem omnium prophetarum ore locutus esset, non referret, quid à quo propheta dictum sit, singulorum enim prophetarum dicta omnium esse communia, ita ut, quod ab vno dictum est, ab omnibus dictum esse censeatur. Ita Augustinus libro 3. de cons. Euang. capitul. 7. & Beda in comment. quorum opinionem nullo prorsus modo probandam existimo. Nam Evangelistas memoria aliquando lapsos esse, etsi scio dixisse aliquos, doctos, & Catholicos auctores, existimasseque nihil propterea de scripturae auctoritate minui, haud equidem intelligo, quomodo id & Spiritu sancto dictante, & salva scripturae fide, quae summa, & firmissima esse debet, fieri poterit, & dicere propterea *Ieremiam* pro Zacharia citari potuisse, quod idem per omnes Prophetas spiritus locutus sit, violenta mihi videtur interpretatio. Sunt, qui scriptorum errore nomen similitudine occasionem dante *Ieremie* nomen pro Zachariae scriptum fuisse arbitrentur, ut Origenes, & Eusebius referunt, & improbare non videntur. At quae obsecro inter *Ieremie* & Zachariae nomina similitudo est? Sunt qui Zachariam binominem fuisse conijciant, & Ieremiam etiam appellatum; sed probanda coniectura erat. Sunt qui capitul. 32. vers. 9. *Ieremie* citari putent, ubi Ieremias agrum emisse dicitur, quod Augustinus etiam approbat. At nihil huic testimonio cum illo Ieremiae praeter nomen agri commune est: nihil illuc de figulo, nihil de pretio appretiari, quem appretiauerunt à filiis Israel; nec emit Ieremias agrum triginta argenteis, sed septem decem, decem nimirum argenteis, & septem stateribus. Sunt, qui Ieremie prophetiam citari existiment, non quidem scriptam, sed per traditionem acceptam, ut illud, quod apud Lucam ca. 13. 4. de turri in Siloe Christus citavit. Hoc probarem, si nihil esset, quod dicere possem probabilius. Rem mihi attin-

Non est vltimo modo dicendum Evangelistas memoria esse lapsos.

gere



gere videntur, qui existimant Euangelistam nullius prophetae nomen potuisse, sed tantum dixisse. *Tunc impletum est, quod dictum est per prophetam*, ut multis alijs locis dicere consuevit capitul. 1. 22. capitul. 5. 15. 23. & 13. 35. & 21. 4. & hoc ipso capite uers. 35. scriptorem uero aliquem, cum putaret Ieremiam citari testimonium, eius nomen ad marginem accipisse postea aliquem alium in contextum inseruisse. Confirmat hanc coniecturam, quod in Syriaco Euangelio Ieremie nomen non legatur. quodque Augusti. lib. 3. de conf. Euang. capit. 7. scribit suo tempore in multis Latinis etiam codicibus lectum non fuisse. Obijcit contra hanc opinionem Augustinus nihil fuisse cause, cur Ieremie nomen adderetur, fuisse autem, cur potius delegeretur, quod Ieremias falso citari videri posset, mirum est, cum eodem loco dicat satis esse caute, cur hoc testimonium Ieremie tribuatur, quod Ieremias capitul. 32. 9. emerit agrum, negare nunc eam ipsam causam satis esse potuisse, ut aliquis putans Euangelistam ad illum Ieremie locum allusisse, nomen Ieremie ad marginem adnotauerit, alius in contextum transtulerit. Potuit & alia esse causa, cur Ieremie nomen ascriberetur, quod hoc testimonium Zacharie apud Septuaginta interpretes adeo ab Hebraica discrepet ueritate, ut nihil prorsus habere simile uideatur, ita ut agnosci à Græcis lectoribus non potuerit, à quibus uero simile est Ieremie nomen additum fuisse. Quod attinet ad testimonij interpretationem, Euangelista, ut sæpe solet, nec uerba, nec personas expressit contentus sensum exprimere, & quod nolebat, ostendere impletam fuisse prophetiam.

*Et acceperunt triginta argenteos* ) καὶ ἄλαβον τὰ τριάκοντα ἀργύρια, Hebr. וְקִבְּלוּ עָלָיו שְׁלֹשָׁים כֶּסֶף, Et accepi triginta argenteos. Propheta dixerat prima persona, ut declararet se fecisse, quod illi Dominus precepisset. Euangelista sensu eodem per tertiam personam reddidit, ut ostenderet id per sacerdotem impletum fuisse, quorum in ea, p-

pheta personam gerebat, quamquam & ἄλαβον apud Græcos prima persona singularis esse potest.

*Pretium appretiasi.* τὸ τιμὴ τοῦ τιμημένου. Hoc apud prophetam & paulo ante, & alijs uerbis dictum erat קָרָה אֶדְרָה decus pretij, aut pretium estimationis. Euangelista uidetur non legisse קָרָה pretij, aut estimationis, sed קָרָה aestimari τιμημένον, quod Latinus interpretes vertit, appretiasi.

*Quem appretiauerunt à filiis Israel.* ὃν ἐτίμησαν οὗτοι ἀπὸ υἱῶν Ἰσραὴλ, ὅς ἐστιν יִשְׂרָאֵל וְקָרָה אֶדְרָה, quo aestimatus sum ab illis. Euangelista mutata prima persona singulari in tertiam pluralem, & voce passiva in actiuam eandem sententiam reddidit, quem aestimauerunt à filiis Israel, id est ij, qui erant ex filiis Israel. Intellegitur enim relatiuū, ὅς, sicut apud Hebræos קָרָה, ut in Idiomatis Hebræorum adnotauimus; simile est exemplum in libro Iudith capitul. 8. 17.

*10. Et dederunt eos in agrum figuli.* καὶ ἔδωκαν αὐτὰ εἰς τὸν ἀγρὸν τοῦ κεραμέως, וְקָרָה אֶדְרָה אֶל הוּא בֵּית אֲרִיָּה וְקָרָה אֶל הוּא, & proieci ipsum (argentum, aut pretium) in domum Domini ad figulum, id est, ut ex eo ager à figulo emeretur, ut Euangelista optimus interpretes exponit. Itaque Rabbi Dauid Kimhi, & alijs Hebræis in eius Zacharie loci explicatione credendum non est, qui putant מִן in, mutato pro מִצְרָה thesauro scriptum esse וְקָרָה figulum, ut sit sensus, proieci illud in domum Domini ad thesaurum, aut ad thesaurarium, id est, ut in thesauro sacro reponeretur. Si apud Euangelistam προἔδωκαν dederunt legamus ἔδωκα dedi, Græcum uerbum cum Hebræico persona conueniet. Apud prophetam nomen agri non est, sed quia in figuli, nomine quodam modo continebatur, quia sensus, ut diximus, est, proieci ad figulum, id est, ut à figulo ager emeretur, Euangelista, quasi prophete interpretes, agri nomen, quod latebat, expressit, εἰς τὸν ἀγρὸν τοῦ κεραμέως, in agrum figuli.

*Sicut constituit mihi Dominus.* Hæc uerba apud prophetam non reperiuntur;



raus; sententiam tamen, & rem ipsam reperimus: Dixerat enim propheta sibi à Domino præceptum esse, ut triginta argenteos projiceret ad statuarium, id est figulum: dixit postea se proiecis- se. Itaque fecit, sicut constituerat illi Dominus. Hoc etiam si propheta ver- bis non dixit, quia re ipsa faciendo di- xerat, Matthæus etiam explicauit, ut doceret id non casu, aut humana volū- tate, sed Dei iussu factum esse: quomob- rem sacerdotes diuina providentia, at- que impulsu ex triginta argenteis a- grum illum emisit figuli.

11. *Iesus autem stetit ante Præsidentem.* Ioann. cap. 18. 18. scribit Christum in prætorium adductum esse. Iudæos ve- rò non aulos introire, ne contamina- rentur, ut Pascha manducare possent: propterea Pilatum foras ad eos exiis- se, interrogasseque, *quam accusationem afferis aduersus hominem hunc?* quod ita ab eo dictum apparet, ut significa- ret se Christum innocentem existima- re, quasi dixerit, quid huic homini iu- sto obijci potest? propterea Iudæi ita respondent, quasi ea interrogatione iniuriam sibi factam arbitrentur, *si non esset hic malefactor, non tibi tradi- dissemus eum*, post quæ verba ea collo- canda sunt, quæ capit. 23. 2. scribit Lu- cas; *Ceperunt autem illum accusare dicentes hunc inuenimus subuertentē gē- tē nostram, & prohibentem tributa dare Cæsari & dicentem se Christum regem esse.* Tunc ponenda sunt Ioannis ver- ba ver. 31. Dixit ergo eis Pilatus, *Ac- cipite eum vos, & secundum legem ve- stram iudicate eum*, Apparet enim om- nibus modis conatum fuisse Præsi- dem de Christo non iudicare. Dixe- runt ergo ei Iudæi, *Nobis non licet interficere quemquam*, quod ver. 2. ex- posuimus. Addit Ioann. ideo hoc fa- ctum esse, ut impleretur sermo Iesu, quem dixerat, significans, qua morte es- set moriturus, nempe sermo ille, quem Matthæus recitat capit. 20. 18. 19. *Ece ascendimus Ierosolymam, & filius hominis tradetur principibus sacerdotū, & Scribis, & condemnabunt eum mor- te, & tradent eum gentibus ad illuden- dum, & flagellandum, & crucifigen-*

*dum.* Significat ergo Ioannes pro- pterea Iudæos potestate sibi à Præside facta uti noluisse, quod secundum le- gem neminem crucifigere liceret, quo maxime genere mortis Christum tol- lere cupiebant, & Christus ipse se mo- riturum prædixerat, aut intellexerunt Pilatum ironice locutum fuisse. Non ergo Iudæorū virtute, sed potius cru- delitate, & diuino consilio, quo decre- tum fuerat, ut Christus crucifigeretur factum esse Ioann. significat, ut Iudæi Christum secundum legem suam no- luerint iudicare. Post hæc, ut ait Ioan- nes Præsides in Prætorium ingressus est, & foris manentibus Iudæis Christum ad se vocauit; rogauitque, quod illic Ioannes & hic Matthæus scribit, *Tu es rex Iudæorum?* non rogat Præsides, ni- si de regno, & tributo, quod in eadem regni causa continebatur. Si enim rex erat, dubitari non poterat, quin tribu- ta Cæsari danda esse negaret, hæc enim duo inter alia Iudæi obiecerant Chri- sto, quæ Præsidentem mouere maxime poterant, quod se regem faceret, & tri- buta Cæsari danda non esse diceret; quæ ipsorummet testimonio refelli poterant, à quibus interrogatus ali- quando Christus, vtrum liceret cen- sum dare Cæsari, responderat *Reddite quæ sunt Cæsaris, Cæsari: & quæ sunt Dei, Deo.* capit. 22. 17. 21. Testes quo- que Romani erant, aut Iudæi publica- ni, qui Cæsaris vectigal colligebant, Christum non solum soluendum Cæ- sari, tributum docuisse, sed ipsum quo- que solium soluere. c. 17. 27. Sed obij- ciant nihilominus repugnante consci- entia odiosum crimē, quod scirent eodē veri- similius Præsidi videri posse, quod Hero- dianorum tunc secta uigeret, qui cre- duntur in ea fuisse sententia, ut diceret non liceret Iudæis regi alienigenæ tri- buta pendere, ut c. 22. 16. docuimus.

*Tu dixisti.* Ante hæc uerba ponen- da sunt ea, quæ scribit Ioan. ca. 18. 34. *Tu es Rex Iudæorum?* Respondit Ie- sus, *A temetipso hoc dicis an alij tibi di- xerunt de me?* quibus verbis vñ Christus Pilati conscientiam pungere, quasi dice- ret, tu utiq; scis me Iudæorum regem non esse; sed ista, quæ rogas, Iudæorū

Qq postu-



postulatione rogas. Respondit Pilatus, *nunquid ergo Iudæus sum, gens tua & Pontifices tradiderunt te mihi, quid fecisti?* Sensit se Pilatus à Christo perstrictum esse, ideo iracunde videtur respondere se non suapte sponte interrogasse: nec enim Iudæum esse, sed iudicis officio fungi, qui eum sibi ex Iudæis traditum non possit non de rebus obiectis interrogare. Respondit Iesus, *Regnum meum non est de hoc mundo; si ex hoc mundo esset regnum meum, ministri mei utique decertarent, ut non traderet Iudæis; nunc autem regnum meum non est hinc.* Itaq; horum verborum occasione à multis de regno Christi disputatur, verene rex fuerit. Sunt qui quodammodo inuitum facere velint regem, hæreticos que eos putent, qui temporalem etiam regem fuisse negant, cum ipse in iudicio interrogatus palam responderit, *Regnum meum non est de hoc mundo*, id est, non est mundanum, non est terrenum, non est temporale; sed celeste, & spirituale, regnum suum non solum beatorum societatem, sed fidelium etiam in terris congregationem, id est Ecclesiam appellans, quæ etsi in hoc mundo est, tamen de hoc mundo non est, & quia non ex terra, sed ex cælo originem habet, cum eius caput Christus, à quo congregata, & formata est, de cælo descendit, cum fides, quæ eius forma est, & caritas, quæ eius vinculum, & spes, quæ præmia illi promittit, de cælo dentur, sicut Christus apud Ioannem capitulo 8. 23. ait, *uos de deorsum estis; ego de supernis sum: vos de mundo hoc estis; ego non sum de hoc mundo: & rursus c. 15. 19. si de mundo fuissetis, mundus, quod suum erat diligeret; quia uerò de mundo non estis; & quia eius cõuersatio in cælo est, neq; putat se hic habere ciuitatem permanentem, sed à Domino peregrinari ad Phil. 3. 10. Tota igitur quaestio ad hunc modum expedienda est, Christum, quatenus Deus est, non solum spiritualem, sed etiam temporalem totius mundi & superioris, & inferioris regem esse: propterea enim habet in vestimento & in femore suo scriptum Rex regum, & Do-*

minus dominantium. Apocal. 19. 16. vt ostendar se non vi, non tyrannide, nõ electione, non adoptione, sed natura, quæ per femur significatur regem esse: quia natura & non rapinam arbitrans est se esse æqualem Deo. Propterea iubet Abraham seruum suum, super femur suum manum ponere, vt eum per Deum cæli adiuret, quod ex eius femore nasciturus esset Christus. Genes. 24. 2. Illud etiam certum est Christum, quia homo est, regem esse spiritualem totius Ecclesie: hoc enim est regnum, quod sanguine suo patri acquisiuit, quodque illi post finem mundi redditurus est 1. Cor. 15. 24. Hoc est regnum illud, de quo scribit David Psalm. 2. 6. *Ego autem constitutus sum rex ab eo*, quod spirituale esse, nõ temporale statim declarat, *super Sion montem sanctum eius, prædicans præceptum eius*, nam & Sion illa spiritualiter intelligenda est, ut tract. in Ioann. 115. D. Aug. adnotauit: prædicare præceptum Dei non temporalis, sed spiritualis regis officium est. Hoc est regnum, de quo eodem Psalmo paullo post dicitur, *& dabo tibi gentes hæreditatem tuam, & possessionem tuam terminos terre*, quia Ecclesia toto terrarum orbe diffundenda erat, & à mari usque ad mare propaganda. Hoc regnum est, de quo Christus post resurrectionem dicit, *Data est mihi omnis potestas in cælo, & in terra* Matthæi 28. 18, quæ potestas, qualis fuerit, statim exponit, ver. 19. *Euntes ergo docete omnes gentes baptizantes eos in nomine Patris, & Filij, & Spiritus sancti*: quæ partes non temporalis, sed spiritualis regis sunt: ideoq; sicut in regno temporali solus rex condendarum legum potestatem habet; ita Christus in Ecclesia solus potuit sacramenta constituere, que, sicut in republica leges; ita in spirituali Christi regno peccatorum remedia sunt. Quæ verò parte Christus homo erat, non erat vniuersi orbis terrarum temporalis rex, vt & Augustinus eo loco, quem modo nominauimus, & omnes boni Theologi sentiunt. Aut enim naturali, aut diuino, aut humano iure rex esset. Naturali non erat,

Phil. 2. 6.

Instituere sacramenta solus est Christi.



Regnū Iu-  
dæ an hu-  
mano iu-  
re Christi  
erat.

erat, quia regis filius non erat, quod est naturale esse regem: diuino non erat, quia omnia sacrarum litterarum testimonia, quæ de eius loquuntur regno, de spirituali regno, ut Augustinus ait, intelliguntur: humano non erat, quia non fuerat orbis terrarum consensu rex electus, & cum Iudæi vellent eum rapere, ut regem facerent, aufugit Ioannes. 6. 15. De regno Iudææ dubitari potest, an humano iure ad Christum pertineret, quia in re illud constat eum ex regio sanguine à Davide usque procreatum, & Matth. capitul. 1. eius genealogiam per reges deducens docere voluit. An autem ad illum ius regium perueniret, si rex esse voluisset, meo quidem iudicio, non satis constat, quia nescimus, an ex regum genere alius fuerit eo propinquior, ad quem regnum, si ad ius hereditarium reuocandum fuisset, pertineret. Probat Christus apud Ioannes capitul. 18. 36. regnum suum non esse de hoc mundo, id est mundanum, quia si mandatum esset, mundanos etiam, qui pro se pugnarent, ministros haberet. Tantum verò aberat, ut haberet, aut habere vellet, ut Petrum unum ex discipulis suis, qui seruum Pontificis vulnerarat, ut se defenderet & grauius reprehenderit, iussitque gladium in vaginam remittere, suosque ministros non terrenos, sed celestes, id est angelos esse significauerit. An putas, quia non possum modo rogare patrem meum, & exhibebis mihi modopius quam duodecim legiones angelorum? capitul. 26. 53. hac occasione Pilatus intulit, ergo rex es tu? Tunc respondit Christus, quod hic Matth. scribit, Tu dixisti, quia pharisei non ambigunt, ut D. Augustinus & nonnulli alij putant, sed modestè respondet se regem esse, ut supra c. 26. 25. 64.

12. Et cum accusaretur à principibus sacerdotum, & senioribus, nihil respondit? Ante hanc partem historię illa collocanda est, quam Lucas capit. 23. 4. scribit, Pilatum postquam Christum interrogasset, an ipse rex esset, ut ait Ioannes 18. 38. ad Iudæos, qui extra Prætorium expectabant, exiisse;

dixisseque, Ego nullam inuenio in eo causam, id est nullam culpam.

13. Tunc dicit ei Pilatus, non audis, quanta aduersum te dicunt testimonia? Hac testimonia, quæ tunc aduersus Christum dicebantur, Matthæus, non scripsit, Lucas autem scribit vers. 5. & 7. At illi inualescebant dicentes, comino uis populum docens per uniuersam Iudæam incipiens à Galilæa usque huc, & ut cognouit, quod de Herodis potestate esset, remisit eum ad Herodem, qui & ipse Ierosolymis erat illis diebus. Herodè autem viso Christo gauisum esse, quod multa de eo prius audiuerat, cuperetque aliquod eius signum videre, & multa Christum interrogasse, Christum verò nihil respondisse, sacerdotes & Scribas constanter eum apud Herodem accusasse; Herodem cum nihil Christus responderet eum contempsisse, & veste alba per opprobrium indutum ad Pilatum remisisse, factis amicis Pilatum, & Herodem ex eodie, cum ante inimici essent; cum Christus ad Pilatum remissus esset, Pilatum conuocatis principibus sacerdotum, & magistratibus, atque plebi dixisse, vers. 14. 15. 16. Obtrulisti mihi hunc hominem, quasi auertentem populum, & ecce ego coram uobis interrogans nullam causam inueni in homine isto, ex his, in quibus eum accusatis: Sed neque Herodes; nam remisit nos ad illud, & ecce nihil dignum morti actum est ei. Emendatum ergo illud dimittam, & si deus oſtendat, & non castigatum dimittam, quod aut de verbis, aut de verberibus potest intelligi. Ad hanc Pilati uocem uero simile est coepisse Iudæos vehementius instare, & accusare Christum, quamuis Euangelistæ non dicant, atque tunc Pilatum dixisse, quod hoc loco Matth. ait, Non audis, quanta aduersum te dicunt testimonia?

14. Et non respondit ei ad ullum uerbum, ita ut miraretur Præses uolenter. Mirum, cur Christus tam obstinatum coram iudice silentium tenuerit, præsertim cum paullo ante interrogatus respondisset. Cur autem responderit, in promptu ratio est, causæ iugulum petebatur, an ipse rex esset,

Q. 2 id est,



Cur Chri-  
stus coram  
Pilato sil-  
uerit,

id est Christus quod negare nequa-  
quam oportebat, cum in mundum  
ea reueneret, ut se Christum filium  
Dei vni esse doceret. Cur autem  
nunc taceat, multae rationes reddi  
possunt. Primam, quae per contra-  
rium colligitur, quia nunc non de  
summa res, sed de commotione popu-  
li; de doctrina, & alijs huiusmodi re-  
bus agebatur, quas cum in omnium  
eculis egisset, nemo poterat ignora-  
re, ita ut opus non esset, ut ipse re-  
ponderet, sicut prius Pontifici respon-  
derat Ioann. 18. 20. Ego palam locutus  
sum mundo: ego semper docui in synago-  
ga, & in templo, quo omnes Iudaei conueni-  
unt, & in occulto locutus sum nihil, quid  
me interrogas: interroga eos, qui audie-  
runt, quid locutus sum ipsis, ecce hi sciunt,  
quae dixerim ego. Secundam rationem  
Ambrosius in commentarijs in Lu-  
cam, Chrysostomus, & Euthymius  
hoc loco reddunt, quod sciret Chri-  
stus Iudaeos sibi, etsi responderet, cre-  
dituros non esse, ut illis apud Lucam  
dixerat c. 22. 67. Tertiam affert Theo-  
phylactus, ne si respondisset, irritaretur  
Iudaeorum rabies, & eorum culpa  
maior foret. Quartam Hieronymus,  
& Beda, ne si respondisset, criminaque  
dilueret, dimitteretur, & crucis fru-  
ctus, id est salus nostra periret. Quin-  
tam Ambrosius, quod defensione non  
indigeret. Accusatur, inquit, Domi-  
nus, & taceret, & bene taceret, qui defen-  
sione non indiget. Ambiant defendi, qui ti-  
ment vinci. Non ergo accusationem tace-  
do confirmat, sed despiciit non refellendo.  
Denique prophetiam ipso Christi silē-  
tio impleri oportebat, quasi agnus  
coram tondeute se obmutesceret, & non a-  
periet os suum Isaia. 53. 7.

15. Per diem autem solennem. Per  
diem Paschae, qui πασχα ἐστὶν solen-  
nis appellatur, ut Ioann. exponitur  
cap. 18. 39. An hoc privilegium Iudaei  
à Romanis Iudaeam in Prouinciā re-  
digentibus nouum obtinuerint, an,  
cum antiqua consuetudo eorum esset,  
Romani illis aut ipsorum rogatu, aut  
sua liberalitate concesserint, incertum est.  
Sed tamen probabilius veterem fuisse

se Iudaeorum traditionem, ut in me-  
moriā liberati ex Aegypto populi  
vinctum vnum eo die à carcere libe-  
rarent.

16. Habebat autem tunc vinctum in-  
signem, qui dicebatur Barabbas. ἐπὶ ὧν  
ἄνδρ' id est insignem, ac nobilem appel-  
lat vinctum, non virtute, sed scelere, &  
improbitate. Marcus 15. 7. qualis  
fuerit magis declarat, Erat autem qui  
dicebatur Barabbas, qui cum seditiosis  
erat vinctus, qui in seditione fecerat ho-  
micideum, & Lucas 23. 19. Qui erat pro-  
pter seditionem quandam factum in ci-  
uitate, & homicideum missus in carcerē,  
Ioannes cap. 18. latronem fuisse dicit  
ἀνδρ' eo ut opinor sensu, quo Latini  
latrones vocant eos, qui publicas obli-  
dent vias, & praetercuntes trucidatos  
expoliant.

17. Quem vultis dimittam vobis Ba-  
rabbam, an Iesum, qui dicitur Chri-  
stus? Multis indicijs manifestum est  
omnem occasionem absoluendi Chri-  
sti Pilatum quasivisse. Primum simu-  
larque ad se Christus adductus est, Iu-  
daeos interrogat, Quam accusationem  
affertis aduersus hominem hunc? Ioan-  
nis 18. 29. quod, ut supra explicauimus,  
perinde valet, ac si dicat, quid ho-  
mini huic iusto, & innocenti obijcere  
potestis? Deinde interrogato intra  
Praetorium Christo ad Iudaeos exiit:  
dixitque, nihil inuenio causae in hoc ho-  
mine. Lucae 23. 4. Ioannis 18. 38. Prae-  
terea cum audisset tantum per totam  
Galilaeam docuisse Christum, occasio-  
nem libenter arripuit, ut Galilaum esse  
se interpretaretur, eumque ad Hero-  
dem adlegaret Lucae 23. 7. Cum remissus  
ab Herode esset, iterum dimittere  
tentauit, dicens se nihil in eo culpae de-  
prehendere, neque Herodem, ad  
quem missus à se fuerat, prehensisse.  
Cum hoc Iudaeorum iras non mi-  
rigaret, castigare voluit, id est, aut ver-  
bis corripere, aut flagellis cedere, casti-  
garumque dimittere Lucae 23. 16. Nunc  
religionem Iudeis ante oculos ponit,  
ut saltem solennis festi respectu, sicut  
alii facinorosi homines dimitti solent,  
Christus, contra quem nihil facinorosus,  
nihil culpa probatum esset, dimitte-

etur.



retur. Alio etiam utitur artificio, nec solum Christum, nec cum multis, sed cum vno Barabba homine omnium sceleratissimo proponit, ut Iudei Christum, nisi omnino cæci, aut iniquissimi sint, eligere cogantur.

Quis enim cogitasset Barabbam hominem homicidam, seditiosum, latronem publicum Christo, cui nihil obiectum mali erat, nihil certè probatum, fuisse anteponendum? Sed Iudeorum odium, atque nequitia Pilati hominis profani opinionem superauit. Post hæc etiam dimittere Christum conatus est; cum enim virent Iudei, *Tolle, tolle, crucifige eum*, respondit, *Regem uestrum crucifigam?* Ioannis 19. 15. quasi ipsorum consuleret honori, quibus ignominiosum videri poterat eorum regem, quamuis grauis reum sceleris, fuisse crucifixum. Solent reges securi percuti, non in Crucem agi. Multo uerò maxime cum ad eum vxor nuncium misisset, caueret, ne quid sibi cum iusto illo esset, & cum ex Iudeis audiisset filium Dei se facere, Ioannis 19. 7. Prius enim religione, vt videtur, & equitate, post etiam metu absolueret conatus est. Hæc omnia ideo Euangelistas narrasse credendum est, vt intelligeremus, quam inique Christus damnatus esset, quem prophanus etiam, & iniquus Iudex sola pietate, & equitate motus tam saepe dimittere tentauit. Deinde, vt ex Pilati, & Iudeorum comparatione incredibilis Iudeorum iniquitas, atque perversitas cognosceretur. Tum etiam, vt ex ratione condemnationis per importunitatem extortæ à Iudice omnibus modis repugnante appareret Christum non tam ab hominibus, quam à Patre ad Crucem tractum fuisse.

19. *Sedente autem eo pro tribunali.* Id est valde opportunè, cum iam ad ferendam sententiam paratus esset, vt res non casu, sed diuino consilio facta videretur. Ea enim re Matth. qui hoc solus narrat, hanc circumstantiam expressit.

*Misit ad eum vxor eius dicens, nihil tibi, & iusto illi.* Id est ne te eius ne-

gotio immisceas, ne cum condemnas. Iustum, & vulgari opinione, & viso suo admonita Christum appellat. Addit hoc verbum nuncio, vt facilius, vel religione, vel metu marito persuadeat; nam etsi credendum est piam fuisse mulierem, & in Christum aut ante, aut tunc primum per quietem edoctam credidisse, tamen uero simile etiam est aliquem in ea humanum quidem, sed non malum affectum fuisse, timuisseque ne quid mali marito suo, si hominem iustum condemnasset, eveniret.

*Multa enim passa sum hodie per visum propter eum.* Id est multa somniaui, quæ me anxiam, sollicitamque red diderunt. Quid somniauerit, quia Euangelista non docet, temerarij est interpretis diuinare velle. Hoc tantum ex eius ad maritum misso nuncio colligere nobis licet, eam per somnium & Christum innocentem filiumque Dei esse cognouisse, & ea prospexisse mala, quæ ab eius nece Ierolymitanæ ciuitati erant euentura, quibus ne maritus mortis eius auctor inuolueretur, verebatur. Disputatur à nonnullis, quale id fuerit somnium.

Quattuor enim genera ab ijs, qui de ea rescripserunt, tradi solent. Naturale, quod corporis constitutio, & natura gignit, alia enim biliosi, alia sanguinei, alia melancholici somnare solent. Morale, quod ex cuiusque studijs, actionibus, cogitationibus, & moribus nascitur: sic enim comparatum est, vt quæ aut agimus, aut vehementer cogitamus, & cupimus ea somniemus. Itaque merito Plato alia etiam Philosophi, & hominis sapientis, quam ceterorum hominum somnia esse oportere arbitrabatur. Diuinum, quod à Deo, aut per angelos, aut sine vilo angelo frequenter immittitur, cuius in sacris literis, & multa, & nota sunt exempla, vt cap. 2. 13. differuimus. Diabolicum, quod à diabolo immittitur, cuiusmodi maior pars eorum, quæ obscena sunt, vulgò esse creduntur. Huius mulieris somnium naturale fuisse nemo, quod sciam, dixit, neque vlla cum probabilitate dici potest. Morale fuisse nonnulli, aut

Somniorum quattuor genera.

In Thez. seu de scien.

Quale fuit somnium vxoris Pilati,

Qq 3 putant,



putant, aut non negant, quasi mulier ideo de Christo ea nocte somniauerit, quod sciret eius inter Iudæos causam agitari. Opinio non vulgaris modo, sed vetus etiam fuit, ut ex Ignatio epist. 5. ad Philipp. & Bedæ ad hunc locum commentarijs, ex auctore scholasticæ, ut appellant, historiæ intelligimus diabolicum hoc fuisse somnium. Diabolus enim tunc cepisse Christi diuinitatem cognoscere, & mysterium mortis eius, qua hominum genus liberaturus erat, intelligere: quare conatum per mulierem eius impedire mortem. Sententia meo quidem iudicio, quamuis bonos habeat auctores, minimè probabilis: nam diabolus Christi diuinitatem prius cognouisse capit. 4. ex Euangelistarum testimonijs probatum à nobis est: & si impedire Christi mortem volebat, cur non potius Iudæorum animos, qui totius Tragediæ auctores erant, quàm alienigenæ mulieris, cuius sexus etiam, quæ veræ diuinationes sunt, somnia creduntur, huiusmodi in somnijs territabat? A Deo igitur illi immisum est somnium, ut Origenes, Hilarius, Leo serm. 11. de passione, Chrysostom. Hiero. Euthy. & Theop. in hunc locum existimant. Quærun quidem, cur non potius Pilato huiusmodi somnium Deus iniecerit. Chrysostom. Theophylact. & Euthymius duas huius rei rationes afferunt, vel quod indignus fuerit, cui id Deus reuelaret, vel quod minus illi à Iudæis creditum fuisset, tanquam homini suspecto, aut corrupto iudici, qui ad dimittendum Christum somnia confingeret. Voluit, ut ego arbitror, Deus, si de diuinis nobis consilijs licet coniecturam facere, ita condemnari Christum, ut tamen omnibus modis, omnis generis personarum sententijs, omnium elementorum veluti sensu eius innocentia testata esset. propièrè non solum Iudæi multi, qui in Christum credebant, non solum iudex, qui sententiam in eius causa laturus erat, non solum eius vxor mulier ante prophana, & testis minime suspecta, non solum Centurio, &

milites, qui paullo ante crucifixo Christo conuicia dictabant, sed obscuratus sol, scissæ petrae, diruptum uelut templi, concussa terra, Christi innocentia, atque diuinitati testimonium præbuerunt. Saluam eam fuisse mulierem propter somnium illud, quod de Christo habuit, probabiliter Origenes, Chryso. & Theophyl. existimant.

Vxor Pilati salua.

23. *Quid enim mali fecit?* Eodè modo, atque iisdem verbis Marcus scribit c. 15. 14. & Lucas 23. 22. *τί γὰρ κακὸν ἐποίησεν* causalis particula, γὰρ, enim difficilem orationem reddit, quia non apparet, cuius rei causa reddatur. Clamabant Iudæi, *crucifige, crucifige eum* Respondet Pilatus, *quid enim mali fecit?* Itaque existimare aliquis possit particulam γὰρ, positam esse pro, *ouò*, igitur, quali dicar, si vultis, ut crucifigatur, quid igitur mali fecit? id est, reddite causam, cur crucifigendus sit. Ego nō his, quæ dicuntur, sed his, quæ tacentur, & intelliguntur respondere arbitror: nec enim omnia Euangelista recitauit: sed ut Ioannes scribit, Pilatus clamantibus Iudæis, *tolle tolle, crucifige eum* prius respondit, *regem vestrum crucifigam?* quasi dicar, nō crucifigam, *quid enim mali fecit?* simile exemplum supra adnotauimus cap. 26. 64. ubi docuimus particulam *veruntamen* non respondere ijs, quæ exprimuntur, sed ijs, quæ intelliguntur, quæque ab alio Euangelista Luca expressa sunt: Lucas addit dixisse Pilatum hoc loco, *corripiam ergo illum: παύσεις οὖν δὲ τὴν*, aut castigabo verbis, aut cædam flagris. Quāquam ex Ioanne, ut paullo post dicemus, flagellatum fuisse appareat. Post hæc enim quæ Matthæus, & Marcus hoc loco similiter narrant, scribit verberibus caesum, spinis coronatum, purpura indutum, & ad Iudæos productum fuisse, dicente Pilato, *Eccæ homo*, ut vel miserabili spectaculo feroces Iudæorum animi placarentur Ioan. 19. 1. 2. 3. 5. Sed Matth. & Marcus, quia de Christi condemnatione agere cœperant, ne narrationis filum rumperent, ista proposuerunt infra ver. 26. 27. 28. 29. ut D. Aug. lib. 3. de confen. Euang. c. 9. existimat. Quāquam



quam Hilar. Matt. & Marcum rectum narrationis ordinem tenuisse putat. Sunt etiam, qui bis Christum flagellatum arbitrentur, primum hoc loco ad mitigandos Iudeorum animos, ut eo contenti supplicio absolui permitterent, ut scribit Ioan. Deinde cum iam condemnatus esset, quod Romanorum, ut Hierony. ait, esset consuetudo, ut ne minem, nisi prius flagellatum, crucifigerent. Quod de Iudeorum crudelitate facile credi potest, sed ex Euangelistarum historia probari non potest. Quamquam Beda in ea videtur esse sententia.

24. *Tunc Pilatus videns, quod nihil proficeret, sed magis tumultus fieret.*

Non excusat Pilatum, sed Christum, dum docet Praesidem non villo idoneo testimonio, non ullo probato crimine sed solo popularis seditionis metu Christum damnauisse, & ita damnauisse, ut damnando etiam absoluerit.

*Accepta aqua lauis manus coram populo.* Sunt qui existiment non solum Iudeorum fuisse ceremoniam, ut iudices reum mortis iudicaturi aqua manus abluerent, ut Deut. 21. 6. traditum est; sed aliarum gentium consuetudinem, ut ex Triclinio Sophoclis interprete confirmant, & ex illo Virgilij carmine,

2. Aen.

*Me bello e tanto digressum, & caede recenti,*

*Attrectare nefas, donec me flumine vino.*

*Abluero.* Fuerit sane mos aliarum gentium, Romanorum certe non fuit, ut etiam Origenes adnotauit, & ex Romanorum historijs manifestum est. Potius ergo credo Pilatum, quamuis Romanum hominem, in causa tamen hominis Iudaei, & apud Iudeos Iudeorum ceremonia suam innocentiam testari voluisse. Sciebat Iudeos manuum ablutione innocentiam significare, ut ex illo, quem paullo ante signauimus, Deut. loco perspicuum est, & ex Psal. 25. 6. *Lauabo inter innocentes manus meas,* sed non abluuntur tam graue crimen aqua, recteque de Pilato serm. 8. de Passione scripsit Leo, *Nec purgant contaminatum animum manus lotae, nec in*

*asperfis aqua digitis expiatur, quod famulante impia mente committitur. Excessit quidem Pilati culpam facinus Iudeorum, qui illum nomine Caesaris terrum, & inuidiosis vocibus increpatum ad effectum sui celeris impulerunt, sed nec ipse euasit reatum, qui cooperatus seditionis reliquit iudicium proprium, & in crimen transiit alienum.*

*Innocens ego sum a sanguine iusti huius.* Declarat verbis, quod ablutione aquae significabat: & antequam Christum condemnaret, absoluit, dum iustum esse testatur: se vero ipsum condemnare, quem iustum esse affirmat, eum condemnare: mentitur ergo, cum dicit, *Innocens ego sum*; nec enim condemnato iusto innocens esse poterat.

25. *Sanguis eius super nos, & super filios nostros.* Id est, nos, & filij nostri, si qua in eo culpa est, prestabimus: nos poenam luemus; phrasia Hebraica Leuit. 20. 9. 12. 16. Ios. 2. 19. 2. Reg. 1. 16. Ezec. 33. 4. Osee 12. 14. Similem apud Senecam obseruare memini.

26. *Flagellatum tradidit, ut crucifigeretur.* Flagellatum ante, ut ver. 23. explicauimus. Quale flagellatum fuerit, minime constare potest, & inanis curiositatis est querere; vulgo ex spinis fuisse creditur. Euth. ex funiculis, aut loris fuisse coijcit. Probabilius est fuisse uirgas, quibus Romani utebantur, propterea enim lictores ante Consules uirgas ferebant.

27. *Tunc milites Praesidis,* Istud tunc non significat consecutionem, & rerum, quae narrantur, contextum, sed totum illud tempus, quo Christi passio durauit. Haec enim quae Matth. dicit tunc facta fuisse, ante fuisse facta ver. 23. ex Ioan. probauimus. Itaque tunc idem ualeat, atque sub idem tempus, id est paullo ante.

*Suscipientes Iesum in Praetorium.* Id est in locum, ubi Praetoris tribunal erat, qui Praetorium appellabatur. Qualis fuerit locus. Marcus ca. 15. 16. exponit, milites autem duxerunt eum in atrium Praetorii. Erat ergo tribunal Praetoris in atrio aliquo, aut atrio vicinum, ut eo, qui causas habebant, conuenire possent. Cur milites in eum locum

Q9 4 Christum

Hebraismus.

Christus quibus uirgis caesus.



Christum deduxerunt, ex euentu licet facere coniecturam, uoluisse eos Christum in tribunali, quasi regem, irrisionis causa collocare. Videmus enim & coronam illi, tanquam Regi, imposuisse, & induisse purpuram, & pro sceptro arundinem dedisse. Reliquum erat, ut in tribunali quasi in throno collocaretur. Hec autem omnia, quae milites fecisse legimus, Pilati iussu ex Ioanne colligimus, Tunc, inquit, apprehendit Pilatus Iesum, & flagellauit, & milites plectentes coronam de spinis imposuerunt capiti eius, Ioannes. 19. 1. 2.

*Congregauerunt ad eum uniuersam cohortem.* quasi ad regem, ut magis irriterent.

28. *Et exeuntes eum.* καὶ ἐξελθόντες αὐτὸν cum exiissent eum veste sua.

*Chlamydem coccineam circumdederunt ei.* Purpuream, ut Marcus cap. 15. 17. & 10. 19. 2. exponunt. Nemo nescit purpuram proprium habitum fuisse regum, non apud Romanos solum, sed apud alias etiam gentes. Itaque, quos volebant reges sibi proximos esse ijs pro magno beneficio concedebant, ut purpura uiliceret 3. Eldr. 3. 6. 1. Machab. 10. 1. c. & 11. 58. & 14. 47. 44.

29. *Plectentes coronam de spinis.* Spi nas in coronam modum concinnantes, atque vincientes Christi capiti imposuerunt coronam, ut regi, de spinis, ut condemnato imponunt, significant non verum, sed ridiculum, & miserabilem esse regem. Eodem pertinet, quod arundinem in dexteram eius pro sceptro ponunt.

32. *Exeuntes autem.* Cum ex urbe exirent, aut statim egressi urbe. Nō. n. dixit Graecè ἐξελθόντες per aoristum, sed ἐξέρχόμενοι exeuntes, ut significaret in ipsa urbis porta hominem illum Cyrenensem offendisse.

*Inuenerunt hominem Cyrenaeum.* Cyrenaeus appellabatur, vel quia Cyrene natus, vel quia inde oriundus erat, erat autem Cyrene & urbs regionis Decapoleos in Syria caput, & totius Decapoleos regia, quae ex principe urbe Cyrene uocabatur 4. Reg. 16. 9. Legat, qui uolet Plinium libr. 5. c. 5. & Strabonem libro 17. & Melam libro 1. & Am-

mianum Marcellinum libro 22. In ea urbe, atque regione Iudaeos etiam fuisse ex Actis Apostolorum capitulo secundo. 10. colligimus. Quamquam incertum est, Iudaeusne, an Gentilis Simon ille Cyrenaeus fuerit. Veteres enim auctores Hilarius, Ambro. Beda, & Leo sermo. 8. de passione Gentilem fuisse putant, in eo ipso mysterium ponentes, quasi significatum ea re sit fore, ut non credentibus Iudaeis, Gentiles Christi crucem amplecterentur. Ceterum, quia Marcus 15. 21. dicit patrem fuisse Alexandri, & Rufi, probabilius fortasse uideri potest fuisse Iudaeum; nominat enim eos quasi vulgo notos, aut, ut nonnulli suspicatur, quasi Christi discipulos.

*Hunc angariauerunt.* Quid esset angariare capitul. 5. 41. docuimus. Ioann. 19. 17. scribit Christum crucem suam baiulasse, quod facile cum Matthae. & Marci sententia conciliari potest, si dicamus principio milites Christo crucem imposuisse, eamque per totam Ierosolymitanam urbem gestasse; in exitu uero urbis angariatum Simonem Cyrenaeum, ut eam usque ad locum, ubi crucifigendus erat, portaret; ut Origenes tractat. in Matthae. 35. Athanasius in sermon. de Passione, & Cruce Domini, Augustin. libro 3. de consensu Euangelist. capitulo. 10. Hieronymus, Beda, Euthym. & Theophylactus existimant. Videtur consuetudo fuisse, ut qui crucifigendi erant, suam quisque portaret crucem. Itaque propterea initio imposita Christo est. Cur autem postea conductus Simon fuerit, ut eam gestaret, Euangelistae non indicant, sed uero similis quorundam est coniectura, adeo & uigilia, & flagris fatigatum fuisse Christum, ut portare ultra non posset. Nam quamuis, ut Deus portet omnia verbo virtutis suae, naturam tamen humanam perinde, ut si Deus non esset, pati permittebat. Sunt qui putent Iudaeorum studio id factum esse adeo Christi mortem accelerantium, ut quia Christus cruce grauis festinare, quantum ipsi volebant, non posse videbatur, robustum conduxerint hominem, qui crucem porta-

Ad Heb. 1. 2.



portaret. Fortasse & mysterio id factum est, vt Christus initio quidem crucem suam gestaret, vt veterē Isaac impleret figuram, qui ligna, quibus sacrificaretur, humeris suis portauerat Genes. 22. 6. vt Chrysost. hom. 84. in Ioan. & Aug. tract. in Ioan. 117. & Theodorus in Imparibili interpretatur: postea vero portaret Simon, vt re ipsa doceret, quod verbis ante docuerat cap. 16. 34. *Si quis vult post me venire, abneget semetipsum, & tollat crucem suam, & sequatur me.* Ita

Allegoria  
Simonis  
et uicē Chri-  
sti portan-  
tis.

Ambrosius lib. in Lucam. 10. *Bonus ordo nostri profectus est, vt prius crucis sue trophæum ipse erigeret, deinde martyribus traderet erigendum.* Narrat hoc loco Lucas 23. 27. secutas fuisse Christum mulieres, magnamque populi multitudinem, quæ plangebant, & lamentabantur eum. Mulieres quæ fuerint vers. 36. Matth. exponit, reliquam vero multitudinem populi confluisse vero simile est, quam solam in Christum credidisse principes sacerdotum discitabant Ioan. 7. 49. Narrat præterea Lucas ver. 28. 29. conuersum ad mulieres Christum dixisse, *filie Ierusalem*, id est, o mulieres Ierosolymitanæ: phrasis Hebraica, qualis illa Galilæorum est, qua Parisienses ciues filios Parisienses vocare solent: *nolite flere super me, sed super vos ipsas flete*, id est, nolite flere propter me, sed propter vos; alter Hebraismus *super me*, id est propter me; *quoniam ecce venient dies*: cum dicit ecce, appropinquare tempus significat, quasi iam ante oculos sit: hanc enim plerumque eius particula vim esse diximus cap. 2. 1. Itaque non dubium, quin proximū excidium Ierosolymitanum designet, quod sub Tito, & Vespasiano factum est quo tempore cum Iudæi omnes, tum maxime mulieres adeo miserabilem calamitatem expertæ sunt, vt nonnullæ, quemadmodum Iosephus scribit, suos edere infantes coactæ sint. Dicit hoc Christus mulieribus potius, quam viris, & quia credendum est mulieres potius, quam viros in ea populi multitudine, quæ Christum sequebatur, lamentatas fuisse, atque

Lib. 7. de bello iud. cap. 8.

planxisse, vt muliebri ingenium est, & quia maiorem ille, quam viri miseriam in illa Ierosolymitana clade experturæ erant. Verat autem propter se flere, indicans secum minime male agi, qui vt Patris obsequeretur voluntati, hominesque a diaboli tyrannide liberaret, non trahe- retur vi, sed sponte iret ad mortem paullo post ad dexteram Patris exaltandus, & nomen accepturus, quod est super omne nomen. Iubet autem eas propter se ipsas flere, quod ipsæ essent mortis suæ poenas luituræ, cuius causa Ierosolymitanum excidium immineret; non quod illæ ipsæ, quæ tunc flebant, mulieres Ierosolymitanam illam calamitatem subituræ essent, quæ fortasse omnes ante id temporis de vita decesserunt: sed quia Ierosolymitanæ mulieres, quæ tunc futuræ erant, tot, tantæque mala passuræ essent, vt dicerent, *beate steriles, & ventres, qui non genuerunt*. Nam etsi cum illis personis loquitur, tamen non de illis ipsis personis, sed de toto personarum genere, quod dicit intelligendum est, vt capitulo 3. 11. *Ego quidem baptizo vos in aqua in penitentiam, qui autem post me venturus est, & ipse vos baptizabit in Spiritu sancto, & igni*, non enim indicat eos ipsos, & quibus cum loquebatur, à Christo fuisse baptizandos, qui nunquam fortasse baptizati sunt; sed Iudæos quales illi erant Spiritu sancto, & igne baptizandos; *Beate steriles & ventres, qui non genuerunt, & vbera, quæ non lactauerunt*. Muliebriem lamentationem describit, quæ in rebus aduersis constitutæ magis de filiis suis, quam de se sollicitæ eos quasi sui oblitæ lamentari solent. Itaque vt extremam calamitatem Dauid de seribeet Plalmo 77. 63. dixit, *Iuvenes eorum comedit ignis, & virgines eorum non sunt lamentatæ*. Alia ratione, sed simili eius calamitatis magnitudinem supra cap. 24. 19. declarauit, *Et autem pregnantibus, & nutriendis in illis diebus*, quod & eiusmodi mulieres impeditæ ad fugam futuræ essent, & duplicem

In cōmē-  
in hunc lo-  
cum.

In cōmē-  
in hunc lo-  
cum.



duplicem dolorem pro se, proque suis infantibus percipere; *Tunc incipient dicere montibus, Cadite super nos, & collibus, operite nos.* Vox est hominum extrema patientium mala, qui mori vellent, nec possunt dolorisque magnitudine superati montibus clamant, ut super se cadant, & vel miserabili morte praesentibus malis eripiant. Eadem phrasi apud Isaiam capitul. 2. 19. & apud Osee capitul. 10. 8. & in Apocalyp. capitul. 6. 16. extrema miseria declaratur; *Quia si in viridi haec faciunt, in arido quid fiet?* Comparat se ligno viridi, Iudaeos arido, quia quemadmodum lignum viride ad incendium minime aptum est, aridum aptissimum, ita ipse ad supplicium minime aptus, id est minime dignus, Iudaei vero aptissimi, id est dignissimi erant, si non ob aliud ob hoc certe ipsum, quod Christum, quem pro Servatore suo recipere debuerunt, morti traderent. Quod hoc loco Christus lignum aridum vocat, D. Paulus ad Rom. 9. 22. alia metaphora *vasa ire apta in interitum* appellat, id est, vasa adeo fragilia, ut quouis contactu conterantur, quibus eos vult homines significari, qui cumulates peccata peccatis adeo maturi ad pernam sint, ut nisi infinita Dei misericordia sustentaret, dehiscens eos terra consumeret. Prophetæ eiusmodi homines stipulam, iram verò Dei flammam comparare solent, Isai. 5. 24. & 33. 11. & 47. 14. & Abdiæ 1. 18. & Malach. 4. 1. Argumentatur Christus à minori ad maius; Si Deus mihi innocentem non pepercit, sed pro aliis me tam gravia supplicia subire iussit, quomodo his parcat, qui me ad crucem adegerint? Simili D. Petrus argumento usus est 1. epist. cap. 4. 17. 18. *Tempus est, ut incipiat iudicium à domo Dei; si autem primum à nobis, quis finis eorum, qui non credunt Dei Evangelio? & si iustus vix saluabitur; impius, & peccator ubi paribunt?*

33. Et venerunt in locum, qui dicitur Golgotha, quod est Calvaria locus. Hebraei caput גולגתא appellant, quod rotundum sit. Syri, & Chaldaei vna-

ius adiectione lineta גולגתא Golgotha. Sic enim legendum est, sed scriptorum vitio vnam detractam litteram fuisse arbitror, errorem deinde temporis longinquitate confirmatum. Cur ita locus ille vocatus fuerit, satis compertum non est. Antiqua, & multorum veterum scriptorum auctoritate nobilis opinio est, ideo Golgotha, id est Calvariam, aut cranium appellatum, quod ibi Adam primi hominis caput repertum esset. Vetus enim traditio quadam inuoluit, eo loco Adamum fuisse sepultum, ut Origenes tract. in Matth. 33. Cyprianus serm. de resurrectione, Athanasius in serm. de passione, & cruce Christi in eam sententiam Hebraeorum magistros auctores proferens, quod etiam facit Ambrosius lib. commentariorum in Lucam 10. In eadem sententia Diuus Basilium est in comment. in capit. 5. Isaiæ, & Epiphanius haeresi 46. & in Anchorato, & Chrysostom. homil. in Ioann. 84. & D. Augustin. serm. 71. de tempore, & lib. 16. de Civitate capitul. 32. & Paulina, & Eustochium doctæ mulieres in epist. ad Marcellam, quæ apud Hieronymum extat. Quam opinionem D. Hieron. in commentariis ad hunc locum merito fortasse, sed minus meo quidem iudicio probabili argumento refellit, quod scriptura, inquit, doceat Iosue 14. 15. Adamum non iuxta montem Sion, & Ierosolymitanam urbem, quæ Iebus prius appellabatur, sed in Hebron inquit, Iosue, ante vocabatur Cariat harbe, Adam maximus ibi inter Enacim situs est. nomē enim Adam eo loco non est propriū, sed appellativum, quod mirum non est Hieronymum virum quidem maximum, sed aliud agentem præterisse. Alij à forma monticuli humano similis capiti, ubi locus ille situs erat, Calvariam appellatum putaverunt, ut Cyrillus Ierosolym. Cath. communi 13. auctor est; sed eam opinionem idē Cyrillus ex topographia refellit, Nec enim, inquit, eo loco, qui Calvaria dicebatur, mons ullus est. Existimat verò idem

Adam sepultus in monte Calvaria.



idem Cyrillus locum illum propheticè Caluariam, id est, caput dictum esse, quod ibi Christus caput nostrum moriturus esset. Hieronymi, & Bedę sententiam magis probo, ideo cum locum Caluariam, aut cranium nominatum, quod ibi facinorosi homines decollarentur, ideoque humanis capitibus plenus esset. Nam qui cruci eodem loco affigebantur, cum animam egissent, tolli ad sepulturam solebant: qui vero securi feriebantur, vt Hieronym. putat, insepulti manebant,

Vinū myr-  
rhatū qua-  
le fuerit, &  
vinum fel-  
le mistum.

44. Et dederunt ei vinum bibere cum felle mistum.) Marcus 15. 23. Myrrhatum vinum Christo porrectum fuisse dicit, quod auctores alij alia ratione conciliant. Augusti. libr. 3. de conf. Euang. cap. 11. myrrhatum, vt ait Marcus, vinum fuisse putat non felle infectum, sed Matth. felle mistum appellasse, quod amarum esset, & solemus quicquid amarum est, aut fel, aut felle mistum appellare. Putat etiam idem Augustin. quem Beda, & Strabus imitantur, probabile esse vinum & myrrha, & felle simul fuisse permistum, & Matthæum fellis, non myrrhæ: Marcum myrrhæ, non fellis meminisse. Euthymius autem existimat duplex Christo uinum a diuersis hominibus, ab alijs myrrha, ab alijs felle mixtum exhibitum fuisse. Sunt, qui à pijs mulieribus, quæ Christum lamentantes sequebantur, prius vinum myrrha commistum datum fuisse, quod tormenta, & cruciatus futuri dari solebat, vt conditi vini ardore alienatis sensibus dolorem aut nullum, aut minorem caperent. Sunt, qui hunc potum, & illum quem Lucas capitul. 3. 36. & Ioannes capitul. 19. 29. Christo iam crucifixo, & extremum penè spiritum emittenti datum fuisse tradunt, vnum, eundemque fuisse dicant, cuius sententię primus Chrysostom. auctor fuit, secutus Euthymius. Sed ex diuersa apud Euangelistas narrationis serie perspicuum est fuisse diuersum. Nam Matth. & Marcus non obscure significant, antequam in crucem tolleretur, myr-

rhatum illi uinum datum fuisse, quo crucis dolorem minùs sentiret. Lucas vero, & Ioannes non solum iam crucifixo, sed etiam extremum exhalanti spiritum, cum omnes iam cruciatus perpassus esset, illum alium potum porrectum fuisse tradunt. Deinde Matthæus, & Marcus vinum fuisse dicunt, Lucas, & Ioannes acetum; nam quod in codicibus Græcis hoc etiam loco ὀξύς, id est, acetum legitur, quamuis & Origenes, & Chrysost. & Euthymius, & Hieronymus, & quod amplius est, Syrus interpres ita legisse videantur, tamen vitiosam esse lectionem ex Marco manifestum est, apud quem eadem historiam enarrantem nemo unquam nisi vinum legit. Certissimum autem argumentum est, quod idem Matth. paullo post ver. 48. de illo ipso potu, quem Lucas, & Ioannes morientem iam Christo datum fuisse dicunt, loquens, *Et continuo, inquit, currens vnus ex eis accepit spongiam impleuit aceto, & imposuit arundini, & dabat ei bibere.* Potū illum sine vlla ambiguitate ab eo, de quo hoc loco agit, omnino distinguens; hic vinum, illic acetum; hic antequam crucifigeretur, illic crucifixo; hic vase, vt credendum est, illic spongia, & arundine; hic non petenti, illic petenti Christo, dicentique vt ait Ioannes, *Sitio*, datum esse. Noster certè interpres, non acetum hoc loco, sed vinum legit, sicut & Hilarius, & Ambrosius in com. in Lucas, & Augusti. libr. 3. de conf. Euang. capitul. 11. & Iuuenius, & Sedulius legunt, & vt ego quidem opinor, etiam Hieronymus. Nam in comment. non aceti, sed vini mentionem facit. Sed aliquis improbè doctus ex uitiatō codice in Matthæi contextum, qui cum Hieronymi commentarijs est, expuncto uino acetum intrusit. Certè Hilarius, Ambrosius hunc, & illum, de quo idem Matth. post uersu 48. & Lucas, atque Ioannes scribunt, diuersos potes fuisse putant, neque de ea re quemquam, qui attentè Euangelistas legerit, dubitare posse arbitror.

Lib 4 hist.  
Euang.  
Li 5. Car-  
minum.



*Et cum gustasset, noluit bibere.*) Marcus scribit non accepisse, quod, cum dissonare videatur, minimè dissonat. Matthaeus enim accepisse indicat, id est gustasse, Marcus non accepisse, id est non bibisse, quemadmodum Divus Augustinus eo, quem paullo ante notauimus, loco interpretatur. Cur gustatum vinum bibere noluerit, coniectura locus est. Puto, ne contemnere datum de more vinum videretur, gustare voluisse, ut autem ostenderet se ad ferendos crucis dolores eo medicamento non indigere, noluisse bibere. Nam & nos, cum minimè sitimus, ad bibendum ab amicis inuitati, ut benevolentiae officium agnoscamus, oblatum gustamus vinum; ut autem temperantiae satis faciamus, gustatum non bibimus. Hoc duplici potu, quem Christo datum docuimus, impleta Davidis prophetia est Psalm. 68. 22. *Dederunt in escam meam fel, & in siti mea potuerunt me aceto.* Nam primum vinum illi cum felle, aut myrrha mistum, quae propter amaritudinem, ut diximus, fel appellatur, deinde acetum datum est: at Propheta fel non potum, sed in escam datum dicit. Sana quidem, sed quia de felle tantum loquebatur, quod si alio liquore dilutum non sit, magis cibi, quam potius similitudinem habet, escam potius, quam potum appellauit. Eo fortasse consilio Matthaeus. quamvis fortasse seiret vinum illud non vero felle, sed metaphorico, id est amara myrrha dilutum fuisse, felle tamen mistum fuisse dixit, ut Davidis prophetiam impletam fuisse vno obiter verbo doceret. Quare nonnullis solet, cur hoc mortis genere Christus mori uoluerit. Eius rei, qui multas rationes videre uolet, Gregorium Nyssenum in oratione de Resurrectione Christi, & D. Thomam in comment. huius loci legat. Mihi vna D. Pauli ratio satis est. Voluit Christus ignominiosissimum genus mortis pro nobis subire, ut ea etiam ratione & se ipsum demitteret, & suam erga nos caritatem declararet, & humilitatis nobis exem-

Cum Christus crucifigi voluit,

plum relinqueret, Humiliavit, inquit, semetipsum factus obediens usque ad mortem, mortem autem crucis, ad Philip. 2. 8. Et Petrus 1. epist. c. 1. 21. In hoc enim vocati estis, quia & Christus passus est pro nobis, vobis relinquens exemplum, ut sequamini vestigia eius.

35. Postquam autem crucifixerunt eum, diuiserunt vestimenta eius.) Lucas 23. 4. scribit Christum, dum crucifigeretur, pro crucifigentibus his uerbis orasset, *Pater dimitte illis, non enim sciunt, quid faciunt.* quibus uerbis haud obscure indicat se etiam pro illis ipsis, à quibus crucifigebatur, mortem obire; unde & vetus Praedestinatorum, de quo alio diximus loco, & nouus Calvinistarum error confutatur, qui Christum pro solis praedestinaris mortuum fuisse docent.

Sortem mittentes.) Marcus capitul. 15. 24. *Diuiserunt vestimenta eius mittentes sortem super eis, quis quid tolleretur.* Lucas 23. 34. *diuidentes uero vestimenta eius miserunt sortes.* Itaque tres Euangelistae Matthaeus, Marcus, & Lucas maxime uero Marcus ita scribunt, quasi omnes Christi vestes sortibus distributae fuerint, neque aliter profecto intelligere possemus, nisi rem distinctius explicasset Ioannes capitul. 19. 23. 24. *Milites ergo, cum crucifixissent eum, acceperunt vestimenta eius, & fecerunt quattuor partes, unicuique militi partem, & tunicam; erat autem tunica inconsutilis: desuper contexta per totum.* Dixerunt ergo ad inuicem non scindamus eam, sed sortiamur de illa, cuius sit. Vnde perspicuum est non omnes Christi vestes, sed solam tunicam sortitione distributam fuisse, quae admodum Euthymius obseruauit. Sunt qui ex Luca quinque tunicas Christum habuisse colligant, sed ex Ioanne manifeste colligitur unam tantum habuisse. Dicit enim milites vestimenta Christi, & tunicam distribuisse, quasi ceteris vestimentis tunicam opponens, quod Euthymius acutè uidit. Quae autem fuerit tunica, quae cetera vestimenta, compertum non est; coniectura tamen aliquid, quod si mile uero sit, consequi possumus; tunicam.

Christus non pro solis praedestinaris mortuus contra Caluinum,

De Christi vestibus,



eam fuisse eam, quæ post interulam (si ea tamen Christus utebatur) corpori proxime adhaerebat, totumque tegebat hominem; nullum enim vestis genus est, quod vero similis sit futura caruisse. Cæteras verò vestes, & superiorem togam, cuius loco purpura Christum milites induerant verticuli. 28. & caligas, cæteraque indumenta, quibus tenues etiam homines uti solebant, intelligenda esse arbitror. Vulgaris est opinio probabilitate non carens, tunicam illam inconsuetam à matre Christo adhuc puero factam fuisse, quam opinionem Euthymius tanquam vetustiore & recitat, & approbat. Dubitare lector poterit, an latronum etiam vestes à militibus diuise fuerint; nihil enim de ea re Euangelistæ scriptum reliquerunt. Non dubito, quin consuetudo eadem apud Iudæos, & Romanos fuerit, quam nunc apud omnes gentes esse videmus, ut eorum, qui capite puniuntur, vestes carnifex tollat. Quare & latronum vestes à militibus, qui carnificum munere fungebantur, distributas fuisse credendum est, sed nimirum Euangelistæ, quia nec latronum, sed Christi historiam narrabant, & in vestium latronum distributione nullum sciebant fuisse mysterium, sola enim consuetudine fuisse diuisas, diuisionem autem vestium Christi, non consuetudine solum; sed etiam mysterio factam fuisse, ut Davidis impleretur prophetia Psalm. 21. 19. *Diuiserunt vestimenta mea sibi, & super vestem meam miserunt sortem*, de vestium latronum diuisione mentionem non fecerunt, de distributione, sortitioneque vestium Christi fecerunt. Hac de causa adiecit statim Matthæus, ut impleatur, quod dictum est per prophetam dicentem, *diuiserunt vestimenta mea sibi, & super vestem meam miserunt sortem*. Quamquam hæc verba in antiquis Græcorum codicibus non inuenio, nec ea Origenes, & Euthym. legunt. At legit vique noster interpret, legit Syriacus, & credibile est à Matthæo scripta fuisse, qui inter omnes

Euangelistas studiosissimè veteres prophetias à Christo impletas fuisse ubique ostendere conatur.

37. *Et imposuerunt super caput eius causam ipsius scriptam.* Id est affixerunt in ea crucis parte, quæ super Christi caput eminebat. Vtrum tabella aliqua ligno crucis affixa, an in ipso crucis ligno titulus ille scriptus fuerit certum non est; sed & uulgò creditur, & est multo probabilius fuisse tabellam, & quia vix in ipso crucis ligno tam multa uerba tribus linguis, tam magnis characteribus, ut à prætercuntibus legi possent, scribi potuerunt, & quia nemo est, qui homini cruci affixi eiufmodi titulum positurus non scriberet in tabella, & quia veteres historici tradunt titulum illum à cruce separatim ab Helena Constantini matre fuisse repertum, Ruffin. libro primo. Histori. Ecclesi. capitul. 7. Non solet quæri, & quæri tamen posse uideo, an etiam latronibus positi tituli fuerint. Probabile mihi uidetur suum quemque titulum etiam habuisse, morem enim fuisse vsitatum, ut his, qui in crucem agebantur, causâ mortis super crucem poneretur, eoque instituto Christo etiam superpositum fuisse titulum. Nam quod Ambrosius in oratione de obitu, & vita Theodosij, & alij nonnulli scriptores antiqui tradunt, crucem Christi, cum ab Helena inuenta est, ex titulo ab alijs discretam fuisse, minimè repugnat: potuit enim titulo discerni, non quod illa haberet, aliæ non haberent, sed quod titulo crucis Christi scriptum esset, *Hic est Iesus Nazarenus Rex Iudæorum*. Ex quibus verbis perspicuum erat eam Christi fuisse crucem.

*Hic est Iesus Rex Iudæorum.* Marc. cap. 15. 26. hæc tantum in titulo ponit verba, *Rex Iudæorum*. I. uero ca. 23. 38. *Hic est Rex Iudæorum*. I. c. 19. 19. *Iesus Nazarenus Rex Iudæorum*. Itaque cum oēs Euangelistæ tituli sententiam expresserint, nemo tamen eorum videtur omnia tituli verba potuisse. Ex omnibus autem hæc fuisse verba colligere nobis licet. *Hic est Iesus Nazarenus Rex Iudæorum*. Iussu Pilati cum titulum

De titulo  
Crucis.



lum Christo impositum fuisse Ioannes docet, siue recepto posuerit more, quod iudicis, qui reum damnauerat, esset damnationis causam posito super caput damnati titulo exponere, siue priuato in solo Christo consilio id fecerit, cum alijs, qui cruci affigebantur, non soleret titulus poni, ut quia Christi causa iustissima erat, immeritoque damnatus fuerat, publico illo elogio purgaret sese, ut merito Christum damnasse videretur, quod regnum contra Caesaris fidem affectasset. Quocumque suo consilio Pilatus id fecerit, diuino impulsu consilio fecisse ex Ioanne 19.21.22. manifestum est, ut Iudex etiam ipse, qui Christum damnauerat, illo ipso titulo, quo merito damnasse declarare uoluit, immerito damnasse declararet, & Christum verum Iudaeorum Regem, id est, Messiam esse testaretur. Nam cum Iudaei, qui titulum legerant, Pilatum rogauissent, ne scriberet. *Hic est Iesus Nazarenus Rex Iudaeorum*, sed, *Hic est Iesus Nazarenus*, qui se Regem Iudaeorum fecit, respondit, *Quod scripsi, scripsi*, id est, quod à me scriptum est, mutare non possum, quasi diuina teneretur manu, quapropter, ut ea uerba scriberet, impulsus fuerat. Non dubito, quin Pilatus his uerbis, *Hic est Iesus Nazarenus Rex Iudaeorum*, nihil aliud significare uoluerit, quam, quod scribi Iudaei postulabant, *Hic est Iesus Nazarenus*, qui se Iudaeorum Regem fecit. Sed diuina effecit prouidentia, ut id illis diceret; uerbis, quibus Christus uerus Rex Iudaeorum esse significaretur. Extorsit Deus ab inuito iudice ueritatem.

38 *Tunc crucifixi sunt cum eo duo latrones, unus à dextris, & unus à sinistris.* Cur cum latronibus crucifixus fuerit, Marcus capitul. 15. 28. unam reddit causam, ut Isaia impleretur prophetia capitul. 53. 12. *& cum iniquis reputatus est.* Sed haec causa Deum mouit, Pilatum uero non mouit, qui de implendis prophetijs homo prophanus non cogitabat. Itaque alia, quae Pilatum impulerit, causa quae

renda est. Puto eum iniquitatis suae uelamentum quarere uoluisse: si enim solum Christum egisset in crucem, im probis Iudaeorum precibus non iure id fecisse credi posuisset; cum autem una cum alijs crucifixus, & quidem cum huiusmodi hominibus, quos nemo posset merito damnatos esse dubitare, fore existimauit, ut quemadmodum poenae, ita etiam culpae similitudine Christus una cum latronibus damnatus esse videretur. Non dissimile uero est Iudaeos etiam sollicitasse, ut cum latronibus crucifigeretur, ut ignominiosior eius esset mors. Cur autem medius inter duos latrones Christus positus fuerit, & humano Iudaeorum, & diuino consilio factum esse arbitror. Iudaeorum quidem, ut ostenderent Christum facinorosorum hominum caput, & quasi ducem esse; propterea in medio crucifigendum curant, ut eo contumeliosi honoris genere Christi ignominiam magis augeant. Solent enim latronum duces cum socijs comprehensi, & in medio eorum, & sublimiore loco suspendi. Diuino autem, ut uita in medio peccatorum poneretur, ut qui eam uellet, acciperet. Mysterium euentus declarauit, ex duobus latronibus, inter quos crucifixus Christus erat, alter credidit, alter blasphemauit. Omnes ad se peccatores uocat, qui in medio omnium crucifixus est, *Ecce ego*, inquit, *si ex altissimis fuero à terra, omnia traham ad meipsum.* Ioann. 12. 32. Traxit ad se omnia non effectum, sed uoluntate: nam utrumque latronem, quasi unum dextera, alterum sinistra manu prehensens trahere ad se uoluit, sed unum traxit, alterum non traxit, quia duci se unus passus est; alter non est. Inuenit & Tertullianus aliud in hoc loco mysterium, *semper*, inquit, *Christus inter duos latrones crucifigitur*, Christum Ecclesiam, & Christi doctrinam appellans, quemadmodum Christus ipse aliquando uocat *Saule, Saule, quid me persequeris?* Act. 4. cum non Christum Saulus, quem ex iudeum credebat, sed eius Ecclesiam, doctrinamque persequeretur.

Cur Christus inter duos latrones crucifixus.



**Ecclesiæ  
doctrina  
inter duos  
errores me-  
dia.**

persequeretur. Sic plerumque accide-  
re videmus, quemadmodum Tertul-  
lianus ait, ut inter duos contrarios  
hæreticos Ecclesia crucifigatur. Do-  
cebant Ebionitæ Christum solum fuisse  
Deum; hominis verò solam spe-  
ciem habuisse, Ecclesia in medio est,  
& utrumque coniungit, Christum, &  
verum Deum & verum hominem ef-  
se docens. Docebant Sabelliani Pa-  
trem, Filium, & Spiritum sanctum  
non vnam solam naturam, sed vnam  
etiam esse personam; docebant Ari-  
ani Patrem, Filium, Spiritum sanctum  
non tres tantum personas, sed tres  
etiam esse naturas: in medio Ecclesia  
est, vnam naturam, tres personas esse  
docens. Docebant Nestoriani in  
Christo non duas tantum naturas,  
sed personas etiam esse duas; doce-  
bant Eurychiani & vnam esse perso-  
nam, & naturam vnam: in medio Ec-  
clesia est, quæ vnam personam, duas  
naturas esse docet. Docebant Mani-  
chei, hodieque Lutherani, & Calui-  
niani docent nullam in homine esse  
arbitrii libertatem, omnia aut natura,  
aut diuina effici gratia: docebant Pe-  
lagiani tam forte, tam robustum in  
nobis esse liberum arbitrium, ut gra-  
tia Dei non egeamus; Ecclesia in me-  
dio est, docetque & liberum in nobis  
arbitrium esse, & diuina tamen indi-  
gere gratia.

39. *Prætereuntes autem blasphema-  
bant.*) Prætereuntes dixit pro omni-  
bus, qui præteribant, ut doceret non  
ab vno, vel à paucis, sed ab omnibus  
vulgò iactata in crucifixum Christum  
fuisse conuicia.

**Motio ca-  
pitis in  
scriptura.**

*Mouentes capita sua.*) Inter Iudeos  
mouere caput aliquando commiserati-  
onis, aut admirationis cum commi-  
seratione coniuncta, aliquando verò  
irrisionis signum erat. Commiserati-  
onis apud Iob cap. 16. 4. *Consolaber  
& ego vos sermonibus, & mouerem ca-  
put meum super vos, & cap. 42. 11. vene-  
runt autem ad eum omnes fratres sui,  
& vniuersæ sorores sue, & cuncti, qui  
nouerant eum prius, et comederunt cum  
eo panem in domo eius, & mouerunt su-  
per eum caput, & consolati sunt eum, id*

est, fleuerunt cum flete, ut admonet  
D. Paulus, & Ecclesiastici 12. 18. 19. *In* Ro. 12. 15.  
*oculis suis lachrymatur inimicus, &  
quasi adiuuans suffoliet plantas suas,  
caput suum mouebit, & plaudet manu,  
id est, dolore se, & miseratione com-  
moueri simulabit, & Ieremia 18. 16.  
Ve siet terra eorum in desolationem,  
& in solum sempiternum. Omnis, qui  
præterierit per eam, obstupescet, & moue-  
bit caput suum. Irisionis verò, 4. Reg.  
19. 21. *Isaie 37. 22. spreuit te, & subsan-  
navit te virgo filia Sion, post te caput  
mouit filia Ierusalem, id est, inrisit te, &  
ut Galli dicunt Il t'a fait la nique, &  
David Psal. 21. 8. hanc ipsam Iudeo-  
rum aduersus Christum motionem  
capitis longè præmonstrans, Omnes  
videntes me deriserunt me, locuti sunt la-  
bis, & mouerunt caput. Totus enim  
ille Psalmus de Christo patiente in-  
telligendus est, ut Christus ipse indi-  
cat vers. 46. eius exordium usurpans,  
& Psal. 108. 25. *Et ego factus sum op-  
probrium illis, viderunt me, & mouerunt  
capita sua, id est inijicientes in me o-  
culos deriserunt. Et Ecclesiast. 13. 8. In  
nouissimo deridebit te, & postea videns  
derelinquet te, & caput suum mouebit  
ad te, id est contra te, & Thren. 2. 15.  
Plauserunt super te manibus omnes irā  
ferentes per viam, sibilauerunt, & mo-  
uerunt caput suum super filiam Ierusa-  
lem.***

42. *Si Rex Israel est, descendat nunc  
de cruce.*) Non erat regis de cruce de-  
scendere, qui nihilo robustior, ni-  
hilo faciendis miraculis insignior cæ-  
teris hominibus sit necesse est, sed ac-  
commodatè ad rem, de qua ageba-  
tur, hæc verba intelligenda sunt. Eum  
enim regem intelligebant, qui Mes-  
sias esset, & filius Dei, qualem se Chri-  
stus professus fuerat, ut apparet ex  
Marco c. 15. 32. *Christus Rex Israel de-  
scendat nunc de cruce, & ex Lu. 23. 35.  
Alios saluos fecit, se saluum faciat, se  
hic est Christus Dei electus,*

43. *Confidit in Deo, liberet eum, se  
vult.*) Ostendunt sacerdotes excra-  
tem suam, quod contra se ipsos scri-  
pturam proferant; nam hæc verba,  
quibus, ut Christo conuiciarentur, vsi  
sunt,



sunt, apud Dauidem Psal. 21. 9. quem  
torum de Christo scriptum esse dixi-  
mus, impiorum hominum sunt, qui  
non diuinam solum prouidentiam,  
sed Deum etiam ipsum de medio tol-  
lebant, iustumque, & Dei colentem  
Dauidem irridebant, quod in aduer-  
sis rebus Deo confideret; *Confidit*,  
inquiunt, *in Deo liberet eum, quoniam*  
*vult eum*, id est, quoniam amauit eum,  
scilicet Deus, quasi dicant, liberet ip-  
sum Deus, quem amauit. Itaque eod-  
em modo intelligendum est quod  
concise hoc loco dicitur, *liberet eum*,  
*si vult*, id est, si eum amat. Hebrais-  
mus enim est *ויל* velle id est amare.  
in Grecis codicibus magis expressa sen-  
tentia est, *ῥυτὰς δὲ αὐτὸν αὐτὸν*, *εὐθέλει*  
*αὐτὸν*, liberet nunc eum, si vult eum, id  
est, si amat eum eodem Hebraismo ser-  
nato, nam *ῥυτὰς αὐτὸν* Greci non di-  
cunt. Efficiunt etiam imprudentes sa-  
cerdotes, dum irridere Christum vo-  
lunt, ut sua ipsorum irrisione verum  
Christum eum esse probent, dum Da-  
uidis de illo prædictam prophetiam  
implent: nam etsi de se ipso ea ver-  
ba David scripserat, quasi sibi ab ad-  
uersarijs suis dicerentur, minimè ta-  
men dubium est, quin sua persona,  
quod Christo euentum esset, signi-  
ficauerit.

44. *Id ipsum autem.* Id est eadem  
verba, aut alijs verbis eadem conui-  
cia, *si tu es Christus, saluum fac temet-*  
*ipsum, & nos*, ut Lucas 23. 39. expli-  
cauit.

*Et latrones, qui crucifixi erant cum*  
*eo* Eodem numero, & iisdem verbis  
Marcus scribit. Lucas verò vnum tan-  
tum latronem hæc conuitia in Chri-  
stum iactasse dicit. Multi itaque anti-  
qui, magnique auctores putauerunt  
initio quidem vtrumque latronem  
huiusmodi conuitia Christo dixisse,  
postea verò alterum & miraculis, quæ  
patientie Christo fiebant, & singulari  
eius patientia, & mansuetudine ani-  
maduersis in Christum credidisse, & la-  
tronem alterum conuiciari pergen-  
tem reprehendisse. Origenes, Athan-  
fermo. contra omnes hæreses, Hila-  
rius, Chrysostom. Theophyl. & Eu-

thym. hoc loco, & Iuuenius in Poë-  
matio, quod & Ambrosius, & Hiero-  
nym. & Beda probabile esse putant.  
Probabilior tamen aliorum senten-  
tia est, vnum tantum fuisse latro-  
nem, qui conuicijs in Christum vsus  
fuerit, ut Cyprian. scilicet de pass. Domi-  
ni, Cyril. Ierosol. Catech. communi 13.  
August. lib. 3. de conf. Euang. c. 16. Am-  
bro. in com. in Lucam, Hiero. in com.  
in hunc locum, Leo serm. 2. de passio-  
ne, Greg. l. 27. in Iob capit. 16. existi-  
mant. Quomodo autem Matthæus,  
& Marcus plurali numero latrones  
blasphemasse dicant, haud difficile.  
Hier. Aug. & Ambros. interpretantur  
esse syllepsim, quæ de vno plurali nu-  
mero loqui solemus: quod Ambr. &  
August. multis scripturarum probant  
exemplis. Psal. 2. 1. *Adstiterunt reges*  
*terre, & principes conuenerunt in vnu*  
*aduersus Dominum, & aduersus Chri-*  
*stum eius*, cum vnus tantum rex He-  
iodes, ut Petrus Act. 4. 26. 27. interpre-  
tatur, aduersus Christum conuene-  
rit. Et ad Hebr. 11. 33. 34. *Per fidem*  
*vicerunt regna, operati sunt iusti-*  
*tiam, adepti sunt repromissiones: obtura-*  
*uerunt ora leonum, exstinxerunt impe-*  
*tum ignis*, cum solus Daniel ora leonum  
obturauerit, & ver. 37. *lapidati*, inquit,  
*sunt, secti sunt, tentati sunt, in occasi-*  
*one gladij mortui sunt, circumierunt in*  
*melotis, in pellibus caprinis, egentes, an-*  
*gustati, afflicti*, cum solus Iſaias sectus  
fuerit. Obseruauit Euthym. eo consi-  
lio Evangelistas narrauisse etiam la-  
trones conuitia in Christum iactas-  
se, ut quæ, quantasque contumelias  
passus fuisset, & melius intelligere-  
mus, eum non solum principes sacer-  
dotum, & cæteri, qui eum in eum  
vsque locum adduxerant, sed latro-  
nes etiam, qui eiusdem pœnæ socij  
erant, quique, ut erga se, ita erga il-  
lum commiseratione commoueri de-  
buerant, conuitijs eum affecerint.  
Iudæos eos fuisse latrones verò simi-  
le est, & ex alterius confessione, qui  
tanquam Christum à Iudæis expecta-  
tum etiam in cruce pendentem exce-  
pit, & ex alterius conuicio, quod Iu-  
dæorum more, eademque incredu-  
litate

Lib. 4. hist.  
Euang.

Syllepsis  
in scriptu-  
ra notan-  
da.



itate ingerit. Scribit Lucas 23. 40. respondisse alterum latronem, & eum qui blasphemabat reprehendisse, *Neque tu*, inquit, *times Deum* οὐδὲ φοβῇ οὐ τὸν θεόν: quæ pauca uerba varie inter se iuncta varias possunt interpretationes admittere. Primam, si sic iungantur, nec times Deum, ut illud, nec, referatur ad, times, id est, non solum non anias, & reuereris Deum, sed ne times quidem, quem admodum recentiores quidam interpretes exponunt, quorum sententia minimè subscribo, quia non dubito, quin bonus ille, & fidelis latro peruersum illum latronem cum Iudæis voluerit comparare, quæ comparatio in illa dictione *nec* obscure delitescit, quasi dicat, non solum isti, qui pœna carent, sed nec tu, qui in eadem es pœna, Deum times. Secundam si sic, nec Deum tu times, ut sit sensus non solum homines, sed nec Deum quidem times, ut alij nonnulli explicant, quorum sententiam idcirco non probo, quia nec ingeniosa, neque ad rem accommodata est. Nullam enim hoc loco emphasim habebat, ut fidelis latro diceret, non solum homines, sed ne Deum quidem times. Itaque dubium mihi non est, quin ad hunc modum coniungenda sint verba, *neque tu times Deum*, etiam si Græce transposita sint οὐδὲ φοβῇ οὐ τὸν θεόν, quod rectè noster interpret intelligens transpositis verbis translationem illam paullo obscuriorem dissoluit. Sensus ergo est, non solum isti, qui cum nihil pœnæ patiantur, nulla pœnarum istius hominis miseratione commouentur, quin potius merus Dei obliui, contumelias in eum iaciunt, sed ne tu quidem, qui cum eadem afficiaris pœna, non conuitiari, sed miserari debuisti, *Deum times*, sed eius potius, sicut ceteri, timoris obliui afflicto afflictionem addis. Hoc est *neque tu times Deum, qui in eadem damnatione es*, aut quod in eadem damnatione es, ut noster vertit interpret *ὅτι ἐν τῷ αὐτοῦ κριματί ἐστι*, quæ verba obscura etiam sunt. Quibusdam nquis inter-

pretibus valde noua quædam placuit interpretatio, *ὅτι ἐν τῷ αὐτοῦ κριματί ἐστι*, id est, quia in ipsa damnatione es, quasi dicat, cum animam iam agas, & in supremo supplicio verferis, Deum times. Quam interpretationem uerba Græca pati non possunt: non enim dixisset Euangelista *ὅτι ἐν τῷ αὐτοῦ κριματί ἐστι*, sed *ὅτι ἐν αὐτῷ τῷ κριματί ἐστι*, sicut enim Græci loquuntur. Significat ergo Græca uerba non ipsam damnationem, sed eandem damnationem. Ceterum qui eadem damnatio non nisi per comparationem dicitur, alia ex hoc verbo difficultas existit, cum qua damnatione, id est cum qua pœna (pœnam enim damnationem, aut ut Græcè est, *κριμα* iudicium appellari manifestum est) latronis damnatio comparatur. Quidam cum Iudæorum damnatione comparari putant, tantum sensus sit, *neque tu times Deum*, magis quam isti Iudæi, cum eadem, quæ illi pœna, propter contumelias in Christum iactatas dignus sis. Quæ explicatio, nostra, quam paulo ante exposuimus, opinione uideatur confirmari; diximus enim latronem verbis illis, *neque tu*, cum Iudæis collatum fuisse. Alij comparationem cum alterius latronis pœna fieri existimant, quasi dicat, cum eadem, quæ ego pariaris, tamen non magis, quam ceteri Deum times. Hanc interpretationem ideo rejicio, quia abs re est. Credo ergo inter latronis, & Christi pœnam fieri comparationem, ut sensus sit, cum in eadem, qua Christus pœna verferis, & quod plus est tu quidem merito, ille verò immerito, tamen neque pœnæ societas, nec eius te mouet inuocetia, ut eius misereare. Hinc enim sensus rectè in hunc locum cadit 41. *Et nos quidem iuste hic verò nihil mali gessit*. Præcedentis sententiæ correctio est. Dixerat alterum latronem in eadem in qua Christum, pœna esse; videri poterat in eadem etiam culpa Christum esse significare corrigit exponendo sententiam, *et nos quidem iuste hic autem nihil mali gessit*. Prudenter se cū altero

R r latrone



latrone connumerat, ut modestior, & melior sit reprehensio; nec enim videri poterat alterum nimis acerbè, alpe-  
reque reprehendere, qui se se vna cum illo reprehendebat, nihil mali gessit, οὐδὲν ἄτοπον. Non placet mihi no-  
ua versio, quorundam, qui ἄτοπον in-  
solens transferunt. Nam etsi id Græ-  
cum uerbum aliquando significat, ta-  
men hoc loco aliud significet necesse  
est: quia insolens dicitur quicquid no-  
uum, & inusitatum est, quamuis ma-  
lum non sit, & manifestum est hoc lo-  
co non pro re inusitata, sed pro mala  
verbum ἄτοπον positum esse, cum  
latro dicere voluerit Christum om-  
ni vacare culpa. Melius per peri-  
phrasim eius dictionis vis explicari  
potuit οὐδὲν ἄτοπον nihil, quod ui-  
rum bonum non deceat, quibus uer-  
bis indicare latro ille uoluit non so-  
lum nullum magnum scelus, sed nul-  
lum etiam uel leuissimum peccatum  
in Christo esse. Nihil enim vlla repre-  
hensione dignum egisse hoc est ἄτο-  
πον 42. & dicebat ad Iesum, Domine  
memento mei, cum ueneris in regnum  
tuum, ἐν τῇ βασιλείᾳ σου in regno  
tuo. Itaque non est sensus, cum vene-  
ris ad regnandum, sed cum ueneris  
iam regnans, cum ueneris non ad ac-  
quirendum regnum, sed regno iam  
acquisito, quemadmodum uenturus  
ad iudicium est. Breuis, sed plena sen-  
tentia confessio. Paucis enim uerbis,  
& regem, & Deum Christum confite-  
tur; regem, cum dicit, cum ueneris in re-  
gnum tuum: Deum, cum dominum vo-  
cat, & eum ita regem facit, ut condona-  
re peccata possit. Memento, inquit, mei.  
Et hic eum resurrecturum indicat; nec  
enim rogasset, quem animam exha-  
lantem videbat, ut sui, cum in regnum  
suum uenisset, memor esset, nisi & re-  
surrecturum, & post resurrectionem  
regnaturum credidisset. Quæ confes-  
sio, cum ipsa per se admirabilissima  
est, tum consideratis temporis, loci, &  
personarum circumstantiis admirabi-  
lior, ut Chrysostomus homil. 2. de cruce,  
& latrone, & Leo sermo. 2. de passio-  
ne adnotauerunt. Quæ, inquit, Leo,  
istam fidem exhortatio persuasit? Quæ

doctrina imbuit? Quis prædicator at-  
tendit? Non uidet. prius a cæla mira-  
cula, cessauerat tunc languentium cura-  
tio, cæcorum illuminatio, uiuificatio mor-  
tuum; ea ipsa, quæ mox erant geren-  
da, non aduerant, & tamen Dominum  
confiteatur & regem, quem uidet suppli-  
cij sui esse consortem, memento mei. Mo-  
desta postulatio; nec enim petit, ut se  
participem regni sui faciat, aut ut ali-  
quem honorationem in eo, quam cæ-  
teris, locum tribuat, non ut ad dexte-  
ram, vel ad sinistram eius sedeat,  
quemadmodum uxor Zebedæi pro fi-  
lijs suis postulauerat capitul. 20. 21.  
sed tantum dicit, memento mei, quasi di-  
cat ne me excludas, ne habeas pecca-  
torum meorum rationem, sed pro  
tua misericordia, & benignitate uel  
ad ultimum me locum admitte. Re-  
ctè ex hoc loco D. Augustin. libro 6. Purgato-  
rium probauit; uidebat enim latro se  
paullo post moriturum esse, & orauit  
tamen Christum, ut sui post mortem  
memor esset, id est peccata sibi condona-  
ret: credebatur ergo Iudeorum in-  
structus religione etiam post mor-  
tem peccata remitti, quod alibi, quam  
in purgatorio fieri non potest. 43. Et  
dixit illi Iesus. Amen dico tibi, hodie me-  
cum eris in paradiso. Tria hunc locum  
uerba difficile reddunt, Hodie, in pa-  
radiso, Mecum. Ad uerbum hodie, qui-  
dam, cum sententiam intelligere non  
possent, ad præterita retulerunt, qua-  
si dicat Christus, Amen dico tibi ho-  
die, non hodie mecum eris in para-  
diso, quemadmodum Theophyla-  
tus recitat. At insipida & eneruis  
sententia esset; quam enim empha-  
sim habuisset? Amen dico tibi ho-  
die, potius uique dixisset, Amen di-  
co tibi nunc. Alij meo quidem iudi-  
cio etiam absurdius, illud hodie ad  
extremum iudicium extendunt, tan-  
quam dixerit Christus, Amen dico tibi  
hodie mecum eris in paradiso, id est,  
post resurrectionem, & ultimum iu-  
dicium. In qua tamen sententia non-  
nulli minimè mali Auctores fuisse ui-  
dentur ex his, qui sanctorum animas  
ante supremum iudicium beatas fo-  
re non

Purgato-  
rium con-  
firmatur.



re nō crediderunt, quorum magnus numerus fuit. Hoc si diceret Christus voluisset, non bene latronis respondisset precibus. Nam etsi tantum illi, quantum petierat, concessisset, ut tunc, cum in suum regnum ueniret, sui memor esset, tamen perspicuum est ex Christi oratione plus eum latroni, quam petierat, concedere voluisse. Petierat latro *memeto mei*, id est dimitte mihi peccata mea; respondet Christus, *mecum eris in paradiso*, id est, non solum tibi peccata remittam, sed optimo te loco collocabo, hoc est in paradysum inducam, idque tecum, quasi dicat, iuxta me, ubi ego ero, ut alio loco dicit, *ubi ego sum, illic & minister meus sit* Ioannes 12. 26. Petierat latro non ut statim, sed ut cum in suum regnū ueniret, recordaretur sui, respondet Christus, *hodie tecum eris in paradiso*, non tam longē differam preces tuas, quod post multa secula tibi dari posuias, hodie donabo. Illud ego, *hodie*, illi latronis verbo, *cum ueneris in regnum tuum* responderet. Quod minor interpretes non obseruasse. Solus Augustinus in libro contra Felicianum capitulum 115. uidetur animaduertisse. Hoc ergo est *hodie*. In paradiso autem diuersissimis sententijs, & veteres, & recentiores auctores interpretantur. Alij in paradiso, id est in caelo, ut Cyrillus Ierosolym. Catech. communium 13. Gregorius Nyssenus sermone de Resurrectione Domini, Chrysostomus hom. 2. de cruce, & latrone, & D. Augustinus tractatu in Ioannis 111. Si roges, quomodo eo die latro in caelo cum Christo esse potuerit, cum Christus non nisi post quadraginta dies in caelum ascenderit; respondent partim nonnulli horum auctorum, partim ij, qui eorum completuntur opinionem; Christum, quatenus Deus est, ubique esse, ideoque & in caelo eo die fuisse. Magnorum licet auctorum sententia sit, probari mihi non potest, quia oculis ipsis cernere mihi videor voluisse Christum significare non solum latronem, sed sanctam ipsam eo die in eo paradiso

futurum fuisse, ubi tunc, cum hæc dicebar, non esset. Est enim in hac sententia & tacita quædam personarum similitudo, & locorum antithesis, quasi dicat, sicut nunc tecum in eadem pœna es, ita tecum hodie in eodem eris paradiso. Alij exponunt in paradiso, id est, in loco Ade, ubi terrestris fuit paradysus, ut Theophylactus, & Euthym. Sed hi auctores solam paradisi vocem sequuti Christum post mortem una cum latrone in Mesopotamiam sine causa deducunt, aut ubicunque tandem paradysus ille fuit. Quid acturus eo Christus se post mortem contulisset? aut quid latroni dedisset beneficij, quod eo in loco posuisset, ubi nihil esset nunc percepturus voluptatis, paradiso iam deserto, atque vastato? Sunt, qui putent nullum certum designari locum, sed paradysum appellari, ubicunque Christus sit, & vnde cumque Deus videatur: quia ergo anima latronis Christum sequutura erat, Deū que eo die visura, in paradiso cum eo futura esse dicitur. Multi recentiores interpretes magno fauore hæc sententiam prosequuntur, eiusque auctores Augustinum, & Bedam citant, quàm verè ipsi viderint. Interpretationem certè cuiuscunque auctoris sit, approbare non possum, & quia Christus de eo, ut diximus loquebatur paradiso, ubi tunc ipse non erat. Si autem paradysus nihil aliud est, quàm locus, vnde videtur Deus, cum in cruce penderet, in paradiso erat; Deum enim uidebat, & ut omnes Theologi consentiunt, numquam beatus esse desijt. Valde me iudicium meum fallit, nisi paradysus hoc loco Abrahæ sinus appelletur, ubi viri sancti, interim, dum celi aditus patefieret, detinebantur: ille enim locus pro paradiso, & requietis loco habebatur. In eum enim, tanquam in locum voluptatis, aut certè quietis, mortuus Lazarus ab angelis deportatus esse dicitur Luca 16. 22. Ergo quia in eum locum eodem die Christus descensurus erat, ut sese sanctis illis patribus ostenderet, & spiritibus,

R r 2 bus,



bus, qui ibi detinebantur Euangelium prædicaret, ut Petrus 1. epistola capitul. 3. 19. docet, & ut inde rediens captiuam duceret captiuitatem, ut Ephes. 4. 8. Diuus Paulus interpretatur: ad eum locum latroni promittit se eum eadem die deducturum. Minus mihi hæc sententia placeret, si mea tantum esset. Nunc verò aut vehementer fallor, aut in eadem sententia multi fuerunt auctores. Iustinus quæst. 76. ad orthodoxos, Athanasius in epistola ad Epictetum, Augustinus, lib. 12. de Genesi ad litteram capitul. 34. Prudentius in hymno in exequijs defunctorum.

*Sed dum resolubile corpus  
Reuocat Deus, atque reformatur  
Quam regione iubebis  
Animam requiescere puram  
Gremio senis abdiu sancti  
Recubabit, ut est Eleazar,  
Quem floribus undique septum  
Dives procul aspicit ardens.  
Sequitur tua dicti a redemptor,  
Quibus a ira morte triumphans,  
Tua per refugia mandas*

Socium crucis ire latronem. Hinc per spicuum est, quomodo tertium illud verbum *Mecum* intelligendum sit, id est, ubi ego etiam ero, quod ego iturus sum. Rideo cum in hunc locum commentarios hereticorum lego. Hinc, inquiunt, colligitur non esse purgatorium, & nunquam culpam sine pœnæ remissione remitti, cum latroni y trabue simul remissa fuerit, nec post mortem ad purgatorium relegatus, sed ad paradysum deductus sit. Scilicet tã stupidi sunt, ut ex vno exemplo generalem legem colligant. Latroni non fuit purgatorium, ergo nemini est; latroni remissa culpa, & pœna remissa est; nemini ergo cum culpa remittitur, pœna retinetur. Isto sanè modo neque paradysus, neque infernus esset. Nam non dico alteri latroni, qui cum hoc crucifixus erat, sed infinitis etiam hominibus, qui damnati sunt, paradysus non est; an colligemus, nemini ergo? Non solum huic latroni, de quo agimus, sed etiam Apostolis, multisque alijs beatis infernus non

est, nemini ergo est? Vtinam eorum vera esset sententia; infinitis enim, quibus à Deo punimur, malis careremus. Quis negat morbos, miseras huius vitæ, mortem ipsam originalis peccati pœnam esse? Atqui remissa originalis peccati culpa, pœna istæ retinentur. Quis ignorat Dauidi adulterij culpa remissa, retentam fuisse aliquam pœnam? 2. Reg. 12. 13. 14. Dixitque Nathan ad Dauid: Dominus quoque transiit peccatum tuum; non morieris; verumtamen quoniam blasphemare fecisti inimicos nomen Domini, propter verbum hoc filius, qui natus est ubi, morte morietur. Ad hunc locum pertinent, quæ scribit Ioann. ca. 19. 25. 26. 27. Stabant autem iuxta crucem Iesus mater eius, & soror matris eius Mariæ Cleopha, & Maria Magdalene, de quibus ver. 36. dicemus. Cum vidisset ergo Iesus matrem, & discipulum stantem, quem diligebat, dicit matri suæ, Mulier ecce filius tuus; Mulierem, ut opinor, non matrem appellat, ut desertam, & viduam significet; cum autem dicit, ecce filius tuus, non commendat illi discipulum, sed ipsam discipulo, quasi dicat non omnino te desertam derelinquo: iste discipulus meas erga te implebit vices, teque consolabitur, tuebitur, & egentem alet. Deinde dicit discipulo, Ecce mater tua; contrario sensu propter personarum differetiam hæc verba intelligenda sunt. Nunc enim non discipulum matri, sed matrem discipulo commendat, quasi dicat, hanc deinceps loco habebis matris, eam coles, eam solabere, eam defendes, eam ales.

45. A sexta autem hora. Existit hoc loco difficilis questio de hora, qua Christus crucifixus fuit. Nam Marcus capitul. 15. 25. hora tertia crucifixum fuisse dicit. Erat, inquit, hora tertia, & crucifixerunt eum, unde colligit quidam cum tenebræ factæ sunt, per tres iam horas Christum in cruce pendisse; nec enim quod Marcus scribit, Matthæo contrarium est, qui quamuis non exponat, qua hora Christus crucifixus fuerit, cum tamen dicit hora sexta post uestimentorum distributionem, post Iudæorum in-

Remissa  
culpa sæpe  
remanet  
pœna.

De hora  
qua Christus  
crucifixus

Christi

Purgatorium  
contra  
hereticos  
defenditur



Christum iam crucifixum blasphemias, post Christi, & latronis colloquium factas fuisse tenebras, non obscure indicat eum: ante horam sextam fuisse crucifixum repugnare autem Marco Ioannes videtur, qui hora circiter sexta Christum à Pilato damnatum dicit capitul. 19. 14. *Erat, inquit, parasceue Pascha, hora quasi sexta.* Itaque non solum terra, ut ait Marcus, sed ne sexta quidem hora, qua Matth. tenebras eo iam crucifixo factas fuisse dicit, crucifigi potuit, cum tam multa inter damnationem, & crucem facta fuerint. Ductus à militibus in pretorium Christus, flagellatus, coronatus spinis, indutus purpura, multis modis illusus, deinde ad locum Calvarie lentè, ut homo tantopere fatigatus, & crucem portans progredi poterat, ductus est, quæ omnia vix vna integra hora fieri potuerunt. Hunc nodum duobus modis soluit Augustinus tractat. in Ioann. 116. & libro 5. de confect. Evangelist. capitulo decimo tertio, Primum, hora tertia, ut ait Marcus Christum non milium manibus, sed Iudæorum linguis fuisse crucifixum; tertia enim hora Iudæos apud Pilatum clamasse, *Crucifige, Crucifige.* Non potest meo iudicio hæc interpretatio cum Evangelistarum verbis coherere; Marcum enim non de illa metaphorica linguarum, sed de vera Christi crucifixe loqui ex eo manifestum est, quod continenter dicat eum crucifixum, & eius vestimenta diuisa. Deinde quia iam ante dixerat, versicu. 14. clamasse coram Pilato Iudæos, *Crucifige eum.* Quid illic nunc in mentem venisset, ut iterum diceret Christum Iudæorum linguis crucifixum? Denique ex Matthæo, & Marco, & Luca perspicuum est, Christum ante horam sextam fuisse crucifixum, quia omnes hi tres Evangelistæ scribunt eo iam crucifixo factas fuisse tenebras. Itaque non potuit hora sexta crucifigi, multo etiam minus à Pilato condemnari. Quare si alteruter Evangelista Marcus, aut Ioannes in-

terpretandus est, potius interpretandus est Ioannes; cuius sententia minus videtur posse cum cæterorum Evangelistarum sententia convenire: Altera D. Augustini solutio est, Christum hora sexta non diei, sed noctis, ut ait Ioannes, condemnatum fuisse: hora verò tertia non noctis, sed diei, ut ait Marcus, fuisse crucifixum; nec enim dixisse Ioannem hora sexta diei, aut absolute hora sexta, sed cum adiectione hora sexta Parasceues, erat, inquit, *Parasceue Pascha hora quasi sexta.* Parasceue autem erat non solum dies, sed etiam nox, aut, ut D. putat Augustinus, nox potius quàm dies. Hæc interpretatio vel ipsi Augustino minus quàm altera, probabilis visa est: & verò facilius etiam, quàm altera, refutari potest. Docuimus supra, & ex Luca capitul. 22. 66. certum est prius diem illaxisse, quàm Christum ad Pilatum duceretur: ergo etiam si simulatque coram Pilato stetit, damnatus fuisset, non potuisset hora noctis sexta damnari. Adde quòd multa ante damnationem, postquam ad Pilatum ductus est, intercesserunt; multis Pilatus tergiversationibus conatus est Christum absolueri: examinavit eum diligenter, an ipse rex Iudæorum esset; misit ad Herodem, remisit Herodes, flagellis remissum cecidit. Sunt qui coniecturam faciant apud Marcum scriptorum culpa vitiarum esse numerum, & pro *ἑκτῆς* sexta, scriptum esse *τρίτης* tertia; facilem enim, & lubricam per notas, quibus apud Græcos numeri scribi solent, erroris viam fuisse. Scribunt sex hæc notæ, tria verò hæc; facile fuit propter notarum similitudinem unam pro altera ponere. Nimis audax semper mihi hæc coniectura visa est, & quia non alio nititur argumento, quàm quòd, qui ea videntur, non possint huius loci difficultatem explicare, & non debemus, ut scripturam interpretemur, corrumpere. Deinde, quia, ut vera coniectura esset, locus tamen non explicaretur. Pingamus enim dicere Marcum hora sexta crucifixum fuisse Christum, quomodo hora sexta

R 3 cruci-



crucifigi potuit, cum Ioannes dicat horam sextam fuisse condemnatum, & inter condemnationem, & crucifixionem necesse sit una, ut minimum, hora intercesserit? Quomodo Matthæus, & Lucas, ipse etiam Marcus scribunt horam sextam, cum multo ante crucifixus fuisset Christus, tenebras fuisse factas? Adde quod ipse Marcus postea ver. 33. scribat, *γενομένης δὲ οἰπας ἑκτῆς, facta autem hora sexta*, cum ante dixisset horam tertiam crucifixum, horam sextam illi horæ, qua crucifixus fuerat, opponens, hanc enim vim habet participium illud, *γενομένης facta*, quasi prius facta non esset, & aduersatiua particula *δὲ autem* per quam eam horam illi, qua dixerat Christum fuisse crucifixum, opponit. Itaque si quis Euangelista locus corrigendus esset, Ioannis potius locus, ut nonnulli etiam putant, corrigendus videtur, ut pro hora sexta apud illum tertiam legamus. Sed & hoc est scripturam non corrigere, sed vitare, & eadem manebit questio, quomodo potuerit Christus hora tertia damnari, cum dicat Marcus hora tertia fuisse crucifixum, cum una, ut minimum, hora post damnationem crucifixus fuerit, necesse sit. Res erat facilis, & ab ipso etiam Iyrano iam explicata, nisi multa interpretes, dum nimis diligentes, & subtiles esse volunt, difficilem reddidissent. Diximus capitulo uigesimo, tertio, Hebræos diem in duodecim horas, quas Astronomi vsuales, & inæquales uocant, distribuissse; duodecim rursus horas in quattuor partes, sicut & horas noctis diuidebant, nisi quod quattuor illæ noctis partes proprium habebant nomen militare, ut *φυλακὰς* custodiæ, aut uigiliæ dicerentur, quàm militis, qui excubias noctu agebant, ternas singuli horas uigilabant. Quattuor autem partes diei, quarum singulæ tribus constabant horis, quia proprio carebant nomine, à fine præcedentis partis diei nomen accipiebant. Itaque totum trium horarum spatium, quod in ære Solis ortum, & horam diei tertiæ

interiectum erat, ab hora tertia, quæ ultima erat, hora tertia vocabatur, si quis propriè, vereque loqueretur. Obtrinit autem apud eos, ut apparet consuetudo, quod uidemus apud nos etiam obtrinuissse, ut horæ sequentes ex præcedentibus nomen acciperent, sicut nos postquam meridianæ horæ signum datum est, usque ad horam primam, aut certè usque ad maiorem horæ partem meridianam horam appellamus, cum propriè non meridiana, sed prima pomeridiana sit: nam meridiana ea est, quæ ab undecima inchoatur, & duodecima finitur. Itaque aliquando dicimus de spatio loquentes, quod inter undecimam est, esse horam undecimam, aliquando esse duodecimam, nunc à principio, nunc à fine nomen accipientes. Eadem profus consuetudine Marcus, & Ioannes loquuti sunt. Nam quia Christus, & damnatus, & crucifixus fuit eo temporis spatio, quod est inter finem horæ tertiæ, quod idem sextæ initium erat, & finem sextæ, quod erat initium nonæ, Ioannes ex fine spatium illud appellans uocauit horam sextam, Marcus ex initio uocauit tertiam: sed quia non est uero simile Ioannem sextam horam uocaturum fuisse, nisi spatium illud ad finem sextæ inclinatum fuisset, sicut non solemus horam primam pomeridianam appellare, nisi cum meridiana, & semis transacta est; credendum est Christum post horam decimam, & semis, si nostro more horas numeremus, damnatum fuisse; respondebat enim hora tertia nonæ nostræ, sexta duodecimæ, tertia, & semis erat decima, & semis: eo ergo tempore damnatus est Christus, ideo Ioannes scribit horam quasi sextam, damnatum esse, post unam circiter horam nostram, id est horam undecimam, & semis crucifixus est, quam Marcus horam tertiam appellat; quia totum illud spatium horarum ab hora tertia usque ad sextam hora tertia uocabatur. Itaque per dimidiatam horam crucifixus iam fuerat Christus, cum tenebræ factæ sunt



sunt, qua dimidia hora parte & uestimenta à militibus distributa, & conuicia à Iudæis in Christum iactata, & latroni paradisi promissus est. Vnde sequitur veram non esse quorundam opinionem, qui docent Christum per sex horas, id est a nona matutina vsque ad tertiam pomeridianam in cruce viuum pependisse? Non potuit enim hac ratione, quam exposuimus, plus quattuor horis viuus in cruce pendere, cum post horam vndecimam crucifixus fuerit; hora nona, id est tertia pomeridiana, aut paulo post expirauerit, vt constat ex versu 46. & 50. Notarunt Origenes, & Theophylactus Christum ea hora crucifixum fuisse, qua Adamus peccauerat, qui circa meridiem peccasse traditur. Alij qua hora Adamus è paradiso eiectus fuerat, eadem Christum paradisi oclusam ianuam moriendo referasse, Beda, & Theophylactus. Crucifixum etiam dicit sexta hora Lucas 23. 44. *Erat autem fere hora sexta*, non quod non esset sexta, sed aut quod satis non esset certus, num hora sexta completa iam esset, aut certo noluerit affirmare. Adiecit, *fere*, vt solemus, cum tempus describimus, & non regni refert præcisè temporis punctum notare. Horam enim fuisse sextam, & Matth. hoc loco, & Marcus 15. 33. affirmant, *περὶ ὥρας δὲ ὀψας ἔκταν*, *facta autem hora sexta*. Exprimunt autem tres Euangelistæ sextam horam id est meridianam, quod maius miraculum appareat, tunc cum maxime Sol medio cæli cursu digeret, tenebras fuisse factas; sicut Amos dixerat capitul. 8. 9. *Occidet Sol in meridie*. Contraria enim videntur esse, ideoque magis mirabilia, Solem in meridie esse, & occidere. Eo etiam consilio, vt opinor, sextam horam Euangelistæ notauerunt, ne quis tam illud miraculum, & meridianam luce clarius obscurare conaretur dicens non veras fuisse tenebras, sed quia aut matutinum, aut vespertinum erat tempus, alicuius grandioris nubis obiectu visas fuisse tenebras, quæ veræ tenebræ non erant.

*Tenebræ factæ sunt.*) Non arbitror tam densas, tamque obscuras fuisse tenebras, quam media nocte, neque Sole, neque Luna lucente esse solent: sed quales obscurato plena eclipsi Sole fieri videmus. Nam neque Christi mater, & Ioānes discesserunt, neque milites, & cæteri qui aderant, quos non Christi amor, vt discipulum, & matrem, iuxta crucem retinebat. Mirum enim profectò fuisset, si cum per tres integras horas tam densas quam noctis vidissent tenebras, non discessissent. Qua ratione tenebræ illæ factæ fuerint, quia Euangelistæ non exponunt, certo scire non possumus: coniecturis, quod vero simillimum uideatur, consequi possumus. Nonnulli naturalem Solis eclipsim fuisse dixerunt, vt miraculi magnitudinem eleuarent: homines scilicet Christianæ religionis inimici, vt Origenes, & Hieronym. hoc loco referunt, à quibus facile est eorum impietas, inscitiaque refutata. Erat Paschæ tempus, quod nunquam nisi in diem 15. Lune primi mensis incidebat, cum plenissima Luna esset: Solis autem eclipsi, quæ inæqualitate curtus naturalis astrorum fit, non potest nisi noua fieri Luna. Tunc enim cum Sole coniungitur, & inter ipsum, & aspectum nostrum interposita eius nobis lumen aufert. Alij per eclipsim quidem Solis factas fuisse tenebras, non quidem naturalem, sed supra naturam. Cum enim Luna à Sole dimidia cæli parte distaret, vt solet, cum plena est, iubente Deo cessasse retro, & ad Solis locum rediisse, eumque obscurasse, quemadmodum perente Ezechia rege Solem decem gradibus contrario cursu recurrisse legimus Isai. 38. 8. Hæc sententia auctore Origene, & Dionysio Areopagita in epistola ad Polycarp. vbi se, cum in Aegypto tunc esset, una cum Apolliphane familiari suo eam eclipsim præter naturæ legem factam notauisse scribit, fere apud omnes iam Catholicos obtinuit; & est ipsa per se sine vilo etiam auctore valde probabilis. Illud tantum videtur repu-

Quomodo  
Solis eclipsi  
in passionem  
Christi facta ē.

R r 4 gnare,



gnare, quod, ut paullo post dicturi sumus, tenebrae illae non nisi in Iudaea factae sunt. Itaque non potuerunt in Aegypto loco tam longè dislito apparere. Sed hanc ipsam objectionem postea dissoluimus. Alij tamen auctores per radiorum subtractionem solem obscuratum fuisse putant, quasi puderet eum tantum videre scelus, ut Hieronymus interpretatur. Alij per nubium densarum oppositionem factas arbitrantur tenebras, quemadmodum in Aegypto olim per nebulas factas fuisse legimus, ita ut Aegyptij non viderent, Hebraei viderent Exodi 10. 22. 23. Ita Origenes sentit, & ut videtur, Chrysostomus homil. in Matth. 89. & Theophylactus, & Euthym. in comment. Quare factae fuerint, non est abs re quaerere. Quidam ad significandam Iudaeorum cecitatem factas fuisse dicunt, ut Leo ser. 10. de Passione. Sed his, inquit, vocibus vestris stultis, atque blasphemis reddunt omnia elementa responsum, & nam in vos sententiam ferunt. Caelum, terra, sol, syderaque indignos vos sua ministerio protestantur, terribili motu, in solitoque defectu tenebras mundo vestra cecitas ostendunt. Alij in tanti sceleris detestationem obturatum fuisse solem, ut Hieronymus scribit, *Videtur*, inquit, *mihi clarissimum lumen mundi, hoc est, luminare maius retraxisse radios suos, ne aut pendente videret hominem, aut impij blasphemantes sua luce fruerentur.* Quam etiam ratione indicavit Leo. Alij ad significandum Christum iustitiae solem occubuisse, *Occidet*, inquit Amos capitul. 8. 9. *sol in meridie*, sic Cyrillus Hierosolymit. Catechesi communi 13. Alij ad declarandam diuinam iram, ut nonnulli recentiores putant interpretes, quorum opinionem eo probabiliorum censeo, quod scripturarum phrasi consentanea sit. Solet enim scriptura diuinam in homines iram solis obscuracione declarare, quod homines diuinam experti iram, atque seueritatem usque adeo attoniti esse soleant, ut solem ipsum videre non uideantur, sicut &

vulgo, cum magnam alicui poenam comminamur, dicere solemus, *efficiam ut in meridie stellas videas*, id est ut nox tibi esse videatur, quia plenae lacrymarum oculis solem cernere non poteris. Sic Ierem. 15. 9. *Infirmata est, quae peperit septem, defecit anima eius, occidit ei sol, cum adhuc esset dies, confusa est, & erubuit, & Ezechiel. 32. 7. 8. cum Deus Pharaoni, Aegyptioque magnam calamitatem minaretur, Operiam, inquit, cum extinctus fueris, celos, & nigrescere faciam stellas eius, solem nube tegam, & luna non dabit lumen suum; omnia luminaria celi merere faciam super te, & dabo tenebras super terram tuam, dicit dominus Deus, & Ioelis 2. 10. A facie eius, id est, propter iram eius, contremuit terra, moti sunt caeli, sol, & luna obtenebrati sunt, stellae retraxerunt splendorem suum, & ver. 30. & 31. Dabo prodigia in caelo, & in terra, sanguinem, & ignem, & vaporem fumi; sol conuertetur in tenebras, & luna in sanguinem, antequam veniat dies Domini magnus, & horribilis, & capitul. 3. 14. 15. 16. Populi, populi in valle concisionis, quia iuxta est dies Domini in valle concisionis, sol, & luna obtenebrati sunt, & stellae retraxerunt splendorem suum. Et Dominus de Sion rugiet, & de Hierusalem dabit vocem suam, & movebuntur caeli, & terra. Illud etiam, quod paullo ante posuimus, Amos 8. 9. *Occidet sol in meridie*, de diuina ira dictum est. Alij ad expergefaciendos Iudaeos obscuratum existimant fuisse solem, ut miraculi magnitudine commoti Christum agnoscerent; non improbo; sed tamen mihi ea potissimum de causa & tenebrae, & caetera miracula, quae Christo moriente contigerunt, facta fuisse videntur, ut Christi testarentur diuinitatem. Nam, ut supra me dixisse memini, ita Deus filium suum damnari, ita mori voluit, ut in ipsa damnatione, in ipsa crucis ignominia, in ipsa morte eius non solum innocentia, sed etiam diuinitas maxime eluceret, ne forte si absque miraculis mortuus fuisset, purus homo crederetur; eo etiam magis, quod cruci affixus finiret vitam, ne inde*



inde descenderet, clamantibus Iudeis, *Si filius Dei es, descende de Cruce, & credimus.* Cruci ergo sapientissimo Dei consilio multa, magnaue miracula opponuntur, ut fides, quæ crucis ignominia infirmari poterat, miraculorum multitudine, magnitudineque roboraretur. Alia in hunc locum superest, questio, quàm latè tenebræ ille diffusæ fuerint. Matthæus *super uniuersam terram* factas fuisse dicit, idemque Marcus 15. 53. & Lucas 23. 44. alijs licet verbis confirmant. Itaque multi boni auctores, ut Chrysostomus, Euthymus, & Theophyl. toto terrarum orbe tenebras illas fuisse putant, idque confirmant, quòd in epistola ad Polycarpum Dionysius scribit se, in Ægypto cum esset, eas vidisse. Magis Origenis probò sententiam, qui super solam Iudæam factas existimat, & quia propter solos Iudæos, eosque vbi Euangelium Christus prædicauerat, factæ sunt, ut eius diuinitas, ut paulo ante diximus, doctrinaque confirmaretur, & quia vero simile non est neminem ex tam multis Græcorum, & Latinorum historicis rem tam mirabilem, tam uniuersam memorie produrum fuisse, si toto terrarum orbe facta, cognitaque fuisset. Addo ego ne fieri quidem potuisse, ut per uniuersam terram, id est, per totum penitus terrarum orbem hora sexta tenebræ fierent, cum in media orbis terrarum parte nox tunc fuerit, & in plebisque alijs partibus vbi dies erat, hora certè sexta, id est meridiana esse non potuerit, cum diuersis in locis diuerso tempore merides sit; & manifestum est Euangelistas, non solum miraculum narrare voluisse, quòd tenebræ factæ fuerint, sed ita narrare voluisse, ut hora sexta, id est meridiana, cum maius miraculum erat, factum fuisse declararent. In his ergo locis, vbi merides non erat, miraculum illud factum non est. Quo ergo modo tres Euangelistæ super uniuersam terram tenebras illas factas fuisse dicunt? Rectè Origenes respondet uniuersalem illam particulam *uni*

*uersam*, aut totam accommodatè ad locum, de quo agebatur, intelligendam esse. Gerebatur res in Iudæa, *super uniuersam ergo terram*, id est super uniuersam Iudæam tenebræ factæ sunt, sicut libro 3. Regum capitul. 18. 10. Abdias seruus regis Achab, qui ad quærendum Eliam missus erat, inuento dicit, *Viuat Dominus Deus tuus, quia non est gens, aut regnum, quòd non miserit Dominus meus te requirere*: cum dubium non sit Achab non ad omnia regna, sed in omnes regni sui partes nuncios misisse. Luc. 2. 1. *Factum est autem in diebus illis, exijt edictum à Cæsare Augusto, ut describeretur uniuersus orbis*, Non enim totus omnino orbis, cuius Dominus non erat, sed illæ orbis partes, quibus Romanum imperium terminabatur, à Cæsare descriptæ sunt. Putat etiam Origenes in huiusmodi locutionibus aliquid hyperboles esse, quæadmodum, cum vulgò dicimus, per totum mundum quæsiui te, id est multis in locis quæsiui te; ut nihi aliud Euangelistæ dicere voluerint, cum tenebras per uniuersam terram factas fuisse dixerunt, quàm tenebras longè lateque fuisse factas. Quæ ergo ratione fieri potuit, ut in Ægypto Dionysius tenebras videret? nec enim aut epistola illius auctoritatem, aut auctoris testimonium reiiciendum esse iudicamus. Opinor per integram lunæ oppositionem tenebras illas factas fuisse; ideoque in Iudæa, vbi plena erat eclipsis, magnas etià fuisse tenebras; in alijs verò locis, vbi luna non totum occultabat solem, minores fuisse, prout alius magis, alius minus ab Hierosolyma distabat: ideoque in Ægypto Dionysium eclipsim videre potuisse, magnas verò illas tenebras, quæ in Iudæa fuerunt, non potuisse, quanquàm ille magnas etiam tenebras vidisset testat; sed magnas, ut arbitror, vocat, cum alijs, quæ in solis defectu fieri solent, comparando. At cur harum ipsarum tenebrarum, quæ in Iudæa factæ sunt, nemo aut Græcus, aut Latinus scriptor meminit? immò verò meminit.



nit. Nā Origenes Phlegontem Chro-  
nicorum scriptorem citat, qui de ea  
eclipsi mentionem fecit.

46. Et circa horam nonam.) Que ter-  
tiæ nostræ pomeridianæ respondebat  
vt superiore versu, & 20. 3. exposui-  
mus.

*Clamavit Iesus uoce magna.) excla-*  
*mauit;* vtraque enim ratione clamo-  
ris magnitudinem Marcus expressit,  
& addita verbo præpositione epitasin  
significante, & adhibito epitheto *uoce*  
*magna;* hoc est, quod D. Paulus ad He-  
bræos 5. 6. scribit, *qui in diebus carnis*  
*sue preces, supplicationesque ad eum,*  
*qui possit illum saluum facere à morte,*  
*cum clamore valido, & lachrymis offe-*  
*rens exaudiens est pro sua reuerentia.*

Quod tam valida voce moribundus  
iam Christus exclamauerit, supra hu-  
manam naturam est. Solet enim non  
solum morientes, sed timentes etiam  
mortem vox in primis deficere. Chri-  
stus, qui etsi, quia homo erat, morieba-  
tur, tamen quia Deus erat, supra ho-  
minem magna moriens voce clamare  
potuit. Cur fecerit, existimandum  
non est causa, mysterioque uacare.

Origenes putat ideo magna exclama-  
se voce, vt ostenderet magna in mor-  
te sua esse mysteria, non omnino im-  
probabiliter, si rem totam in allego-  
riam non cōuertisset: existimat enim  
magnam fuisse uocem non quod va-  
lida, & sonora fuerit, sed quod plena  
doctrinæ, atque mysterij; omnes e-  
nim Christi uocem magnam esse. Eu-  
thym. magna Christum voce claman-  
do existimat indicare uoluisse verè se  
pati. At ea ratione potius ostendit  
se non pati, cum tam validus, tam  
integer esse videretur, ut tanta voce  
clamare possit. Potius ergo credo id  
circo magna uoce clamasse, vt om-  
nes, qui aderant, Psalms uerba re-  
cognoscerent, & se eum esse intelli-  
gerent Christum, de quo ea scripta fuis-  
sent, *Eli, Eli lamma sabaethani?* Mar-  
cus 15. 34. *Eloi, Eloi,* eadem sententia  
paullulum inflexo uerbo, eodem ta-  
men Hebraico. Vtroque enim mo-  
do Hebræi dicunt, Deus meus, & *Eli,*  
& *Eloi,* vtro autem modo dixerit

Christus, difficilis non est coniectu-  
ra, cum enim Psalms 21. uerba reci-  
taret, credendum est non *Eloi*, aut  
*Eloai*, sed *Eli* dixisse, quemadmo-  
dum in Psalms scriptum est. Acce-  
dit quod, qui aderant, existimaue-  
runt Eliam inuocare, quod non tam  
facile existimare potuissent, si dixisset  
*Eloi*, quam si dixit, *Eli lamma saba-*  
*ethani,* למת עובדתי, Syriacè dictum est,  
qua tunc lingua Iudæi loquebantur,  
Hebraicè עובדתי. Dauidis quidem  
uerba sunt querentis apud Deum,  
quod ab eo in rebus aduersis desertus  
videretur. Hoc est, quod statim se-  
quitur, רחוק מושועתי דברי שאנתי, lon-  
gè à salute mea uerba rugitus mei, id est  
longè abest, vt querela apud te meae  
vllam mihi salutem, & liberationem  
afferant, quod Hebraici nominis si-  
militudine Septuaginta interpretes  
verterunt μακρὰν ἀπὸ τῆς σωτηρίας  
μου οἱ λόγοι παραπτωμάτων μου, lon-  
gè à salute mea uerba delictorum meo-  
rum, id est, ego clamo pro salute mea,  
peccata verò mea contra meam sala-  
tem ad te clamant, ita vt ab ea longè  
absum. Caterum quia totus Psalms  
de Christo scriptus est, vt ex ver. 17.  
perspicitur, *Foderunt manus meas, &*  
*pedes meos, dinumerauerunt omnia ossa*  
*mea.* & rursus ex ver. 19. *diuiserunt uesti-*  
*menta mea sibi, et super uestem meam*  
*miserunt sortem,* quæ in alium, quam  
in Christum conuenire non possunt,  
dubium non est, quin, cum Dauid  
hæc diceret, prospiceret ad Christum.  
Propterea ergo moriens Christus eius  
Psalmi exordium vsurpauit, vt doce-  
ret se eum esse Christum, de quo to-  
tus ille Psalms loqueretur. Sed alia  
hinc oritur quaestio quomodo Chri-  
stus se à Deo derelictum verè dicere  
potuerit. Occludendæ hoc loco aures  
sunt hæreticorum blasphemiarum, quorū  
magister Caluinus desperationis vocē  
hanc fuisse dicit, inipium errorem im-  
pio etiam errore cōfirmans, oportuiss-  
se Christum, in quem ira Dei homini-  
bus debita effundebatur, omnes dam-  
natorū experiri penas, inter quas vna  
est nullam sperare salutem. Nā Chri-  
stum de salute sua desperasse non so-  
lum

Blasphemia Calui-  
ni Christo  
in Cruce  
desperatio-  
nem tri-  
buentis.

Clamor  
Christi in  
Cruce mi-  
sericordiosus,

Cur Chri-  
stus in Cru-  
ce clama-  
uit,



lum impium, sed horrendum etiam auditu est; & ipso Christi morientis facto refutatur. *In manus, inquit, tuas commendo spiritum meum* Luc. 23. 46. quo enim modo spiritum suum in manus patris commendabat, à quo nullam salutem sperare coeperat? Neque vero necesse erat, neque potuit omnes damnatorum poenas experiri, ut diuinam placaret iram, alioqui & blasphemare eum oportuisset, & cetera facere, quæ damnati faciunt, quæ etsi faciunt libenter, poenæ tamen peccatorum sunt. Quia ne illud quidē fuit necessarium, ut Christus tam magnā subiret penam, quam multi pro Christo martyres subierunt. Non enim magnitudo poenæ, quæ quantacūq; fuisset, cum peccatorum nostrorum multitudine, magnitudineque conferri non poterat, sed cenditio personæ placauit Deum. Quicquid enim Deus pareretur, tantum erat, ut quam uis irato Deo satisfaceret. Facessat igitur ista blasphemia: satis blasphemiarum à Iudæis in cruce pendens Christus accepit: opus non est, ut ab hæreticis interpretibus ad dexteram iam Patris sedens plures accipiat. Veteres igitur auctores, etsi alia ratione alij hunc locum explicauerunt, id conati sunt omnes, ut suam Christo gloriam assererent. Receptissima apud illud interpretatio fuit, Christum hæc verba non sua, sed nostra, id est, omnium peccatorum persona pronuntiasse. Cum enim hic locus ad confirmandum errorem suum ab Arianis obijceretur, tantum abfuisse, ut Christus fuisset Deus, ut se etiam à Deo derelictum clamauiisset: Catholici auctores respondebant, non pro se, sed pro nobis clamauiisse, quos cum à Deo desertos, ab eoque alienatos videret, in eius gratiam reponere volebat. Sic Athanasius orat. 1. & 2. contra Arianos, & serm. 3. & 4. aduersus eosdem, & in lib. Quod Deus de Deo sit verbum, & Gregorius Nazianzenus oratio. 4. de Theolog. & Cyrill. Alexandrinus in lib. de fide ad Reginas, & August. in comment. in Psal. 21. & Leo serm. 16. de passione, & Ioann. Damasc. libro 3.

de fide cap. 24. & Euthym. in huius loci commen. exponunt. *Inde est, inquit Leo, quod caput nostrum Dominus Iesus Christus omnia se corporis sui membra transformant, quod olim in Psalmo eructauerat, id in supplicio crucis sub Redemptorum suorum uoce clamabat, Deus, Deus meus respice in me, quare me reliquisti?* Hanc interpretationem ex his, quæ continuò sequuntur, verbis August. confirmat, *longe à salute mea verba delictorum meorum*, quæ in nos, non in Christum conuenire possunt. Alij derelictum se à Patre dixisse putant, quod, cum in forma Dei esset, Patris decreto exinanisset semetipsum, formamq; serui accipisset in similitudinem hominum factus, & habitu inuentus, ut homo: quasi eum tot, itaque expertum supplicia quodāmodo poenituerit factum fuisse hominē. Ad hunc modum Origenes, non admodum, ut mihi videtur probabiliter. Mihi aliorum sententia magis placet, qui Christum hæc verba, tanquam hominem, pro se ipso dixisse putant, sicut dixerat, *Pater, si possibile est, transeat à me calix iste*, Cum enim & homo, & Deus esset, tamen, ut illo loco diximus, ita Deus hominem, quasi diuinitatem suam cohibens pati permittebat, ut si purus esset homo. Itaque et si Deus sit, tamē, ut purus homo orat, ut purus homo se à Deo derelictum quaeritur, non quod se à Deo derelictum putaret, in cuius manus paullo post spiritum suum commendauit, sed quod ita se pati videret, quemadmodum si ab eo derelictus fuisset. Quam ob rem & hominis à Deo derelicti more clamat, *Deus, Deus, meus, quare me dereliquisti?* ut hominis extrema patientis supplicia, & à Deo derelicti personam exprimat. In hanc sententiam Tertullianus in lib. aduersus Praxeam Hilarius canone in Matthæum 33. Epiphanius hæresi 69. Cyrillus lib. 10. Thesauri ca. 2. Ambr. lib. 10. comment. in Lucam, & lib. 1. de fide c. 6. & Hierony. hoc loco interpretantur. Ceterum Hilarius, & Ambrosius, & Ambrosij, caute, prudenterque legendi sunt, ita enim exponunt, quasi moriente Christo

Locus Hilarij, & Ambrosij declaratus

fio



sto diuinitas sit ab eius anima, & à corpore separata. *Clamauit*, inquit; *homo diuinitatis separatione moriturus*. Benignè bonos auctores interpretari decet, vt non putauerint diuinitatem ab anima, & corpore Christi verè fuisse seiunctam, sed ita eum passum, ita fuisse mortuum, vt si seiuncta ab eo diuinitas fuisset.

47. *Quidam autem illic stātes, & audientes, dicebant Eliam vocasse.* (Dubbium, qui fuerint illi, quidam illic stātes, qui Eliam à Christo vocari putauerunt. Theophylactus existimat fuisse Iudæos non illos quidam sacerdotes, Scribas, & Phariseos, ceterosque, qui scripturarum scientiam, aut habebant, aut profitebātur: sed imperitum vulgus, quod cum scripturas, & litteras ignoraret, Eliam à Christo vocari existimauit. Alij doctos fuisse Iudæos, aut sacerdotes, aut Scribas, & Phariseos, qui non lingua aut scripturarum ignoratione, sed procacitate quadam, & nominis *Eli*, & *Elie*, similitudine irridendi captantes occasionem dixerint, *Eliam vocat* isse. Quam sententiam Hieronymus & Beda reſerunt, nec omnino improbant. Alij Romanos milites fuisse arbitrantur, q̄ siue Hebraicæ ignoratione linguæ, vt Hieronymus, Beda, Strabus, & Euthymius existimant, siue irridendi licentia dixerint *Eliam vocat*. Quo animo id fecerint, iudicare non audeo: affirmare Romanos milites fuisse audeo, quia Matthæus, & Marcus eos ipsos, qui dixerant, *Eliam vocat* isse, aut ex illis certè aliquem acetum statim obulisse Christo indicant Lucas verò capitulo 23. 36. & Ioann. capitulo 19. 29. eos, qui acetum Christo porrexerunt, milites fuisse dicunt.

48. *Et continuo currens vnus ex eis accepit spongiam impleuit aceto.* (Matthæus hoc loco, & Marcus c. 15. 36. ita historiam texere videntur, vt indicent propterea vnum ex militibus accurſisse, vt acetum Christo porrigeret, quod Eliam inuocare vitus esset. Quæ non satis inter se videntur coherere: quid enim aceto cum Elia?

Ioannes rem magis explicat, *Postea* inquit, *sciens Iesus, quia omnia iam consummata sunt*, id est se passum esse, quæ partis decreto pari oportebat, nihilque superesse, nisi vt illi animam redderet, vt consumaretur, inquit, *scriptura, dixit, Sitio*, id est vt impleteretur Dauidis prophetia Psal. 68. 21. *In siti mea potauerunt me aceto, dixit. Sitio*, id est, declarauit situm suam, de qua Dauid loquutus fuerat, tempusque iam esse indicauit, vt sibi acetum potandum porrigeretur Ioann. 19. 28. 29. Mirum videri lectori potest, quomodo eo in loco acetum ad manum fuerit, vt Christo daretur. Ioannes scribit *vas ergo erat positum aceto plenum*. Sed de illo ipso vase, quorsum illic positum fuerit, dubitari potest. Non dubito, quin de more ibi positum fuerit, quod hominibus crucifixis, aut cruci affigendis acetum dari solet. Cur autem daretur, de eo dissentiant interpretes; Theophylactus, quem omnes recentiores sequuti sunt, ideo crucifixis acetum dari solitum fuisse putant, vt citius morerentur, & à cruciatibus liberarentur. Potius credo solitum fuisse dari, vt recrearetur, si quis metu mortis, antequàm in crucem sublatus esset, exanimaretur. In hunc enim vsum & capite plectendis, & his, quibus secta vena trahitur sanguis, etiam hodierno die dari solet. Quia autem Christus in Cruce sublimis pendebar, nec acetum in ipso vase bibendum dari poterat, spongia aceto madefacta, & arundini imposita datum est. Pro arundine hyssopum Ioannes dixit. Itaque nonnulli arundinem, aut calamum ex hyssopo fuisse putauerunt; quemadmodum Euthymius in c. Ioan. 19. interpretatur: nam etsi apud nos hyssopus humilis est herba, tamen in Iudæa regione calida in arbutculum excreſcere: quod nec ipsum per se mihi probabile videtur, cum neque Plinius, neque Dioscorides neque quisquam eorum, qui de plantis scripserunt hyssopum villo in loco tantæ magnitudinis nasci dixerint, vt ex ea calamus fieri possit; & auctor librorum Regum contrarium omnino

Cui acetum datum crucifixis.



omnino docet. Nam libr. 3. capit. 43. dicit Salomonem de omnibus plantis disputasse à cedro, quæ est in Libano vsque ad hyssopum, quæ egreditur de pariete, ubi manifestum est hyssopum pro minima herba positam esse, quæ maximis cedris Libani opponitur, tantum abest, ut in ea Iudæa arbuscula fuerit. Probabilior Theophylacti sententia est, arundinem à Ioanne propter aliquam summorum foliorum similitudinem hyssopum appellatam, sed neque istam ipsam similitudinem video. Sunt qui exponant spongiam hyssopo, ut ait Ioannes, circumpositam fuisse, id est arundini hyssopi herba circumligatam, ut hyssopo, non tertius, sed sextus casus sit, quo instrumentum significatur. Suspicio ego Ioannem noluisse dicere spongiam hyssopo circumpositam, tanquam calamo, quo acetum Christo porrigeretur: sed tanquam medicamento, quod una cum aceto exanimatis dari solet. Scribit enim Galenus hyssopum aceto mixtum exanimatis animum reddere. Ergo primum quidem hyssopum arundini milites circumligarunt, deinde hyssopo spongiam circumposuerunt, quemadmodum Ioannes scribit, ut Christus hyssopi succum una cum aceto exligeret.

49. *Ceteri autem dicebant.* ) Marcus capit. 15. 36. non ceteros, sed illum ipsum qui acetum daturus accurrerat, hæc dixisse scribit. *Sinite videamus, an veniat Elias ad deponendum eum.* Itaque nonnulli interpretes Marci locum vitiatum esse putant, & pro λέγων ἀπετε legendum οἱ δὲ λοιποὶ ἐλεγον, ἀπετε, ceteri autem dicebant: sine, ut ait Matthæus ut hæc verba οἱ δὲ λοιποὶ apud Marcum exciderint, & pro ἐλεγον scriptum fuerit λέγων, pro ἀπετε ἀπετε, quam correctionem Syriaci interpretis auctoritate probant, qui ad hunc modum reddit, dicebant autem, sinite videamus, an Elias veniat, deinde nonnullorum Græcorum codicum suffragio, qui ad eundem modum apud Marcum legunt: postremo, quia videmus Marcum Christi passionem non eadem modo sententia, sed ipsidem, etiā,

quibus Matthæum, fere ubique verbis scribere. Non ausim tantum sine maioribus argumentis scripturam emendare, quam qui interpretantur, proverbium illud observare debent, ne moveas lineam. Certè D. Augustin. libro 3. de consensu Evangelistarum capit. 17. Marci locum tractans ita legit, ut nos hodie legimus; etsi minor eum nodum non satis soluisse, neque correctio ista ad conciliandos Evangelistas necessaria mihi videtur esse. Nam hæc Matthæi verba, *Ceteri vero dicebant, Sinite, videamus, an veniat Elias liberans eum*, non sunt, ut ego quidem opinor ad ea, quæ versu 48. sed ad ea, quæ 47. dicta sunt, referenda. Nec enim ceteros opponit illi, qui currens acceptam spongiam implevit aceto, sed illis, qui dicebant, *Eliam vocat iste*; quasi dicat Evangelista, quidam dicebant, *Eliam vocat iste*; ceteri vero dicebant, *Sinite, videamus, an veniat Elias liberans eum*. Inter quos ceteros illum ipsum fuisse credendum est, qui currens acceptam spongiam implevit aceto, ut ait Marcus. At non dicunt, *sinite*, sed *sine*, quasi cum illo, qui ad dandum acetum currebat, loquerentur. Respondeo Hebraicam esse phrasim, quæ etiam, cum de multis Hebræi loquuntur, dicunt *הנה סנה*, *sine*, Marcus autem quia unum nominatim, quasi cum ceteris loquentem id dixisse narrat, non dicit dixisse; *sine*, sed *sinite, videamus, an veniat Elias liberans eum*. Quid hoc ad acetum? hinc mea confirmatur opinio eos, qui hæc dixerunt, neque illi, qui acetum porrigere volebat, sed omnibus in comuni dixisse, *Sinite, videamus, an veniat Elias*, neque acetum ideo solitum fuisse dari, ut citius qui crucifixi erant, morerentur, sed ut animam potius relumerent. Nam quia morientem Christum videbant, Eliamque ut putabant, aut se putare simulabant, inuocantem, vitam eius dato ad recreandum animam aceto, producere voluerunt, ne, antequam Eliam ueniret, moteretur, & ut experirent, utrum Eliam cum liberaret. Propterea unus, ut diximus, ex illis ipsis, qui dicebant, *Sinite, videamus, an veniat Elias liberans eum*, ad querendum acetum, quod illi daret, accurrit. Cur Eliam

editio vulgata defenditur.

Hebraismus.

finxe-



finxerint se venturum ex istinare, causa esse potuit, quod recepta vulgò inter Iudæos esset opinio, eaque vera, ante Christi aduentum Eliam venturum esse. Qua de re cap. 11. 14. & 17. 10. 14. disputauimus. Ergo etsi, qui hæc dicebant, Romani erant milites; tamen, cùm inter Iudæos viuerent, eorum de venturo Elia opinionem cognitam habebant; ex eaque loquebantur.

50. *Iesus autem iterum clamans voce magna.* Iam ante Christus voce magna clamauerat ver. 46. Propterea dicit, iterum clamauiße. Marcus cap. 15. 37. *Iesus autem emissâ voce magna expirauit.* Indicat in exprimenda magna

Cur Christus spiritum emissurus voce magna clamauit.

Christi voce Euangelistarum diligentia aliquid in ea re fuisse mysterij. Ita que otiosum non erit eius rei rationem quærere. Multas, easque probabiles veteres auctores reddunt. Origenes tractatu in Matthæum 35. vt ostenderet Christus se non timidè, sed confidenter, & securè mori; vt qui sciret se post mortem ad patris dexteram collocandum, & nomen accepturum, quodd est super omne nomen. Cyrillus Hierosolym. Catechis. 13. & Chrysom. hom. 89. Hieron. Euthy. & Theophy. in commen. vt ostenderet se non infirmitate, non vllanaturæ necessitate, sed voluntate sua mori, cùm tam valida voce clamando moreretur. Idem Euthym. Et usque ad extremum spiritum, quemadmodum tota vita fecerat, clara profiteretur voce se Patri suo esse concordem, cum suum in eius manus spiritum commenderet. Nonnulli idcirco magna voce morientem clamasse dicunt; vt omnes intelligerent, quo usque se propter peccata hominum demississet, cuius sententiæ in c. 23. I uca auctor Ambrosius. Videtur mihi, sicut cæteris, quæ tunc acciderunt, miraculis, ita vocis quoque magnitudine diuinitatē suam declarare voluisse, vt qui supra humanam naturam in ipso extremo spiritu tam magna clamaret voce, plus esse, quàm homo crederetur. Confirmat hanc rationem, qui consequutus est, euentus. Nā, vt ait Marc. 15. 39.

*Videns Centurio, qui ex aduerso stabat, quia sic clamans expirasset, ait uerè hic homo filius Dei erat.* Quid magna illa voce clamans Christus dixerit Lucas 23. 46. solus expressit, *Pater in manus tuas commendo spiritum meum.* Spiritum animam vocare manifestum est; commendat igitur animam suam in manus Patris, non eo sensu, quo pij homines morientes, eademque verba recitantes animam suam in manus Dei commendare solent, nec eo, quo Stephanus primus martyr, cum lapidibus peteretur dixit, *Domine Iesu suscipe spiritum meum* Act. 7. 59. Homines. n. animam suam Deo commendant, vt eam non damnet, sed vitæ æternæ participem faciat; sicut solent, qui in capitali causa rei aguntur, vitam suam iudicibus commendare. Non sic Christus, qui sciebat se damnari non posse, nullumque habere peccatum, quod sibi à Patre remitti precaretur; sed commendat illi animam suam, ne eam relinquat in inferno, quod descensura erat; & ne det *sanctum suum uidere corruptionem*, vt de ipso Christo loquens Dauid dixerat Psal. 15. 10. vno igitur vt dicam verbo tanquam paullo post reperitur, interim dum mortuus per triduum, quæ apud inferos agenda sibi erant, agit, animam suam in manibus Patris quedammodo deponit, hoc est, *commendo spiritum meum*; quemadmodum si quis tridui facturus iter familiari, cui confideret, amico, quod domi suæ charissimum haberet, custodiendum interim daret, dicens hoc tibi commendo. In hanc sententiam Tertull. in lib. contra Praxeā, & Ambr. in c. 23. Luca hæc Christi uerba interpretantur. Sumpsit autem ea Christus ex Psal. 30. 6. & ad se, quod de se ipso Dauid dixerat, paululum immutato sensu accommodauit. Nam Dauid non animam suam sed vitam suam, quam per spiritum significauit, Deo commendauerat. Christus autem spiritum suum animam suam vocat, & apud Dauidem oratio conditionalis est, quasi dicat, quotiescunque, aut, si vitam meam in manus tuas commendauero, etiam si

in



in extremo verser vite periculo, *redemisti*, id est redimes *me Deus veritatis*, id est fidelis, qui quemadmodum mihi promissisti te mihi semper affuturum, ita facies. Hoc autem loco, non conditionalis, sed absoluta oratio est.

*Emisit spiritum.* Hoc etiam verbum non coactam, sed voluntariam Christi mortem significat, ut Ambro. Hieron. & Beda notauerunt. Et hoc dicto, inquit Ambro. *tradidit spiritum*, & *bene tradidit*, qui non iniustus amisit. Denique *Matthaeus* ait, *emisit spiritum*; quod enim emittitur, voluntarium est, quod amittitur, necessarium. Eodem pertinet, quod ait Io. 19. 30. *Et inclinato capite tradidit spiritum*; significat enim Christum non infirmitate, sed voluntate inclinasse caput, quasi spiritum leniter posuissimum. Non ergo intelligendum est Christum in ipso illo magno clamore spiritum emisisse; prius. n. clamasse credendum est, ut Matthaeus, & Marcus scribunt, deinde inclinasse caput, & spiritum tradidisse, ut ait Ioannes, id apud Matthaeum hoc loco ambiguum non est, qui aoristo usus est tempore, *καὶ ἔκλυσε τὸ πνεῦμα*, cum clamasset voce magna emisit spiritum. Magis ambiguum dixit Marcus *ἐκέλευσε τὸ πνεῦμα*, *emittens vocem magnam*, sed ex Matthaeo interpretari necesse est, *emittens*, i. cū emisisset. Putat Euthy. Christum inter clamorem, & spiritus emissionem matrem, ut narrat Ioannes, discipulo commendasse. Sed ex ipso Ioanne contrarium apparet, qui multo ante matrem discipulo commendatam fuisse commemorauerat. Scribit autem idem Ioannes, quod pertinet ad hunc locum, Christum antequam caput inclinaret, & spiritum emitteret dixisse, *Consummatum est*, quo verbo mirum, quam ineptè Lutherani, & Calviniani passim abutantur, ut Eucharistiae sacrificium, & omnem nostram satisfactionem tollant, quasi Christus dicere voluerit omnia iam sacrificia esse finita, nullumque deinceps offerendum, omnem satisfactionem, omnem sanctificationem nostram esse perfectam. Atqui Christus neque de sacrificij satisfactione, sed de passio-

ne sua loquebatur: significauitque consummatum esse, id est finitum, quicquid passurus erat; nihil iam sibi superesse, nisi ut animam poneret, quam non alia ratione, quam ut moreretur, sumpserat, neque alia ratione, sumptam retinebat. Accommodatè. n. ad locum, ad tempus, ad rem subiectam haec verba interpretanda sunt. Erat passionis tempus, pēdebat in cruce Christus, per tulerat omnia, quae laturus erat pro nobis supplicia, dicit, *consummatum est*, id est nihil iam mihi patiendum superest, quemadmodum si aegroti, cui a Chirurgo membra secatur, finita sectione, ut eum consoletur aliquis dicat, actum est, id est, quicquid doloris patiendum erat, iam passus es, nihil est reliquum. Denique nihil aliud significare Christus voluit, quam quod D. Paulus interpretatur Ro. 6. 9. *Christus resurgens ex mortuis, iam non moritur, mors illi ultra non dominatur.* Et ut fingamus de sacrificijs, & figuris veteris legis locutum esse Christum, quae admodum non distheor multos etiam veteres auctores interpretari, tanquam sensus sit, *consummatum est* id est, omnes prophetiae, omnes figurae veteris legis impletae sunt, quod & scisso templi velo, ut versu sequenti docebimus, significatum est: tamen quid hoc ad tollendum Eucharistiae sacrificium? quid ad tollendam bonorum operum satisfactionem? Nam illi ipsi auctores veteres, qui hanc interpretationem sequuti sunt, & Eucharistiae sacrificium, & satisfactionem bonorum operum, crediderunt. Sed isti otiosi homines, ut nihil agant, Christi verbum interpretantur, *consummatum est*, id est, nihil iam ad salutem hominum aut mihi, illis faciendum reliquum est. Cur ergo credimus? cur baptizamur? cur Eucharistiam sumimus? cur bona à nobis opera etiam post Christi mortem exiguntur? cum illo vno verbo *consummatum est*, salui possimus? Apage ista deliria. Alia vis in eo latet verbo, quod isti acuti, ut sibi videntur, homines non viderunt. Indicat Christus, se tunc, non ante, non post mori voluisse: non enim naturae lege, sed voluntate

Inepta ratio hzereticorum contra sacrificium Missae, & satisfactionem bonorum operum.



tate sua, & officij causa mori, vt Patris voluntari, decretoque satisfaciatur. Cui enim ante non satisfecisset, mori noluit, cum iam a se satisfactum esset, etiam si natura, vt diutius viueret, postularet, tamen ne perfunctus iam officio frustra, vel paucas horas viuere videretur, mori voluit. Hoc est *consummaturum est*, quasi dicat, tempus est, vt animam ponam. Hinc factum est, vt Pilatus mysterium non intelligens cum Christum iam mortuum esse intelligeret, miraretur, Marci 15.44. Minime igitur his assentior, qui & in commentarijs suis, & in concionibus docere solent Christum propterea quod maiora per totam noctem quam latrones, supplicia pertulisset, citius, quam illos, fuisse mortuum. Hi enim auctores, vt Christi passionem augeant, mysterium imminuunt.

51. *Et ecce.*) Recte D. August. lib. 3. de consensu Euang. cap. 19. obseruauit, istud, *Ecce*, significare velum templi statim atque Christus spiritum emisit, fuisse discissum, ita vt mors Christi scissi veli causa fuisse demonstretur. Itaque quod Lucas 23.45. veli scissionem cum tenebris, quae uiuente adhuc Christo factae sunt iunxerit, per anticipationem historiae fecisse credendum est.

Quid scissum templi velum significauit.

*Velum templi scissum est in duas partes à summo vsque deorsum.*) Ad eundem modum scribit Marcus 15. 39. quod & scissum fuisse velum, & in duas partes scissum, & à summo vsque ad imum tam diligenter comme morant, magni alicuius mysterij indicium est. Maior pars antiquorum interpretum hoc fuisse mysterium tradiderunt, vt significaretur vetera sacramenta, atque figuras, quae vix doctissimus quisque legis intelligebat, fuisse scisso velo patefacta, vt omnes in ipsum Sanctum Sanctorum, quod velo separabatur, id est, in ipsa veteris legis penetralia, occultissimaeque mysteria intueri possent; quae enim antiquis Hebraeis in figura contingebant, nos ablato velo, & vt ait. 2. Cori. 3.18. D. Paulus *reuelata facie* contemplanur. Huius interpretationis Ori-

genem tractatu in Matth. 36. Ambro. lib. 10. in Lucam, Hieronym. in comment. ad hunc locum, Cyrillum Alexand. lib. 10. in Ioan. 4. 37. Teodoretum orat. 9. in Daniele, D. August. in Plal. 64. & 70. & lib. 12. contra Faustum ca. 11. & ser. 4. de verbis Domini secundum Io. & Theophylum Antiochenum lib. 1. Allegor. in Euangel. & Leonem serm. 10. de pass. & Sedulium huc locum carmine reddentem auctores inuenio. Alij Synagogae abrogationem, & veluti dissolutionem significaram fuisse putant: vt idem August. ser. de tempore 114. & Casarius hom. 4. de Pascha. Alij ipsam Christi passionem finitam esse, carnem enim Christi per velum templi significari, veli discissione aut fractionem carnis, aut animae à carne separationem, vt Cyril. Hierosol. Catech. 13. & Theodorit. dial. 1. Impatibili videntur exponere. Alij velum, quasi vestem fuisse templi, & quemadmodum Iudaei in luctu vestem scindere solebant, ita templum moriente Christo lugentis modo vestem suam discidisse. Ita Euthymius, & Sedulius hunc locum exprimens.

*Illud omnis templum maioris culmina templi,*

*Procubuisse videtur ritu plagarum alumnorum,*

*Saucia discisso nudauit peiora velo.*

5. Lib. Carminum, Alij Iudaici populi in diuersas partes diuisionem, dissipationemque significari crediderunt, vt Hilar. canon. in Matth. 33. Alij templum illud, quod ad illud vsque tempus sanctum fuerat, deinceps profanum fore, vt Theophyl. Alij *propalatam esse sanctorum viam*, ad Hebr. 9. 8. ait D. Paulus, i. apertam nobis ianuam celi esse, quae ante Christi mortem occlusa fuerat, licetque omnibus, qui velint, ingredi. Nam velum illud templi ideo oppositum ne quis praeter summum Sacerdotum, idque semel in anno & non sine sanguine in sancta sanctorum ingrederetur, celi figuram fuisse, idem D. Pau. eod. c. ver. 24. & 25. auctor est. Itaque haec interpretatio, & illa, quam primo loco posuimus, pluresque auctores habere diximus, mihi magis placet.

*Et terra mora est, & terra scisse sunt.*) Quid terrae motus in runque



passione  
Christi si-  
gnificaue-  
rit,

Terræ mo-  
tus in scri-  
ptura ludi-  
cium iux-  
ta Dei,

numque scissione idem, quod in scisso  
velo, mysterium recognoscere. Myste-  
rium tamen aliquod esse credendum  
est. Puto Christi diuinitatem his dua-  
bus rebus declaratam. Solet enim di-  
uina præsentia, atque maiestas terræ  
motu, & petrarum concussione signi-  
ficari, vt Psalm. 67. 8. 9. *Deus cum egre-  
dereris in conspectu populi tui, cum per-  
transires in deserto, terra mota est; ete-  
nim celi dissilauerunt à facie Dei Si-  
naï, à facie Dei Israel.* & Psalm. 97. 7. 8. 9.  
*moueatur mare & plenitudo eius, orbis  
terrarum, & qui habitant in eo, à facie  
Domini, quoniam uenit iudicare terram.*  
& Psalm. 98. 1. *Dominus regnauit, ira-  
scuntur populi, qui sedet super Cherubin,  
moueatur terra.* & Psalm. 113. 6. 7. *mon-  
tes exultastis, sicut arietes, & colles, si-  
cut agni ouium, à facie Domini mota est  
terra, à facie Dei Iacob, & Ioelis 2. 10.  
à facie eius contremuit terra, moti sunt  
celi.* Potest & diuina ira, quæ ludæis  
imminebat, significari. Nam & ira  
Dei motu terræ significari solet, vt  
Ioelis 3. 16. *Dominus de Sion rugiet, &  
de Ierusalem dabit vocem suam, & mo-  
nebuntur celi, & terra, & Aggæi 1. 22.  
23. Ego monebo cælum pariter, & terrā,  
& subuertam solum regnorum, & con-  
teram fortitudinem regni gentium, &  
subuertam quadrigam, & ascensorem  
eius, & Psalm. 45. 7. Conturbata sunt gen-  
tes, & inclinata sunt regna, dedit vocē  
suam, mota est terra.* Idem de hoc terre  
motu, quod supra versu 45. de tene-  
bris quaesitum est, quaeri potest, quā  
latè patuerit. Origenes in sola Iudæa,  
sicut, & tenebras, factum fuisse putat,  
Auctor verò librorum de mirabilibus  
sacrae scripturae, qui August. falsò tri-  
buuntur, lib. 2. ca. 3. longius peruenisse  
scribit, & in Thracia undecim vrbes  
corruisse. Nescio quam sit simile ueri  
in Thracia, ubi innocentes homines  
erant, undecim corruisse urbes, in Iu-  
dæa verò, ubi scelus patrabatur, nul-  
lam corruisse.

51. *Et monumenta aperta sunt.*  
Non satis liquidò ex Euangelistis col-  
ligi potest, quo tempore monumen-  
ta aperta fuerint. Chrysost. hoc loco  
inueniente adhuc Christo aperta fuisse

putat: eos enim, qui resurrexerunt,  
Christum fuisse ad inferos euntem co-  
mitatos. Id non videtur verbis Euan-  
gelistæ consentaneum, qui quamuis  
non explicet, an statim post Christi  
mortem monumenta fuerint patefa-  
cta: tamen post eius mortem patefacta  
fuisse minimè obscure indicat. Theo-  
phylact. statim post Christi mortem  
aperta fuisse putat, sicut statim scissum  
est velum, mota est terra, ruptæ sunt  
petræ. Atque hæc quidem verba vi-  
dentur præ se ferre. Illud tantum ob-  
stat, quòd, cum monumenta non fue-  
rint aperta, nisi vt mortui resurge-  
rent, aut vt resurrexisse testarentur,  
& mortui illi non resurrexerint, nisi  
vt sua resurrectione Christi resurre-  
ctionem confirmarent, supernacale-  
neum videtur fuisse ante Christi re-  
surrectionem resurgere. Quid enim in-  
terim egissent? Deinde, quòd valde sit  
vero simile Christum eos, qui resurre-  
xerunt, apud inferos adhuc commorā-  
tes, sicut ceteros, qui illic erant, visita-  
se, eosque inde secum abduxisse, ut se-  
cum etiam resurgente resurgerent.  
Denique quòd versu sequenti idem  
Matthæus scribat, *Et exeuntes de mo-  
numentis post resurrectionem eius vene-  
runt in sanctam ciuitatem,* ubi sic iun-  
gi verba videntur, vt, qui resurrexe-  
runt, non nisi post Christi resurrectio-  
nem dicantur resurrexisse. Itaque his  
adductis argumentis Origenes, Hie-  
ron. & Beda non nisi post resurrectio-  
nem Christi resurrexisse eos existimant,  
nisi quòd Hiero. & Beda monumenta  
statim post Christi mortē aperta fuis-  
se dicunt; quāuis mortui non nisi post  
Christi resurrectionem resurrexerint.  
At quorsum statim aperta sepulchra,  
si resurrecturi statim non erant mor-  
tui? Malo igitur credere, neque monu-  
menta ante Christi resurrectionem  
aperta fuisse, neque resurrexisse mor-  
tuos; sed Matthæum, cum cepisset ea  
miracula, quæ moriente Christo cōti-  
gerant, commemorare, hoc et cū ceteris  
copulasse cuius causa, sicut & cetero-  
rum, Christi mors fuerat. Cur mortui  
illi resurrexerint, meritò quaeri po-  
test; sed ratio non est difficilis. Voluit  
ST Chri-



Cur cum  
Christo  
multi re-  
surrexerit.

Christus resurrectionis suae habere so-  
cios, qui eiusdem essent testes. Si solus  
resurrexisset, phantasma esse credi po-  
terat; cum alios secum, qui simul re-  
surrexerant, adduxerit, facile proba-  
uit se resurgere potuisse, qui alios su-  
scitauerat. Propterea dicuntur illi,  
qui resurrexerant, multis in ciuitate  
apparuisse. Fuit etiam hoc singula-  
ris charitatis argumentum. Solus mo-  
ri voluit, qui non solus resurrexit.  
Nam latrones illi, qui cum eo crucifi-  
xi fuerant, non à Christo, sed à suis  
ipforum sceleribus fuerant crucifixi.  
Qui autem cum eo suscitati sunt, ab  
eo suscitati sunt. Mors eius resurre-  
ctionis nostrae causa est, mortis nostrae  
causa ipsi nobis sumus. Quare etiam  
solet, ut illi, qui tunc cum Christo  
resurrexerunt, mortui iterum sint.  
Theophyla mortuos postea fuisse cre-  
dit. Magis aliorum recentiorum in-  
terpretum opinionem probor, qui non  
iterum mortuos, sed cum Christo in  
caelum euectos fuisse dicunt. Quid e-  
nim inter viuos egissent, qui diuinæ  
iam gloriae gustum acceperant? peio-  
ris profecto conditionis fuissent, quā  
si nunquam fuissent exsuscitati, si à si-  
nu Abraham, ubi in loco quietis erant,  
ad turbulentam vitam fuissent reuo-  
cati, ut in ea diu manerent, iterum  
morituri. Quid quod in sinu illo A-  
brahae, ubi eos fuisse credendum est,  
eum eos Euangelista sanctos appel-  
let, certi salutis suae erant; in hac vi-  
ta certi esse non poterant, cum ite-  
rum peccare possent. Adde quod si ite-  
rum morituri surrexissent, non multis,  
ut ait Euangelista, sed vulgo omnibus  
apparuisset: & quemadmodum ante  
quam morerentur, inter homines hu-  
mano more versati fuissent, ut Laza-  
rus à Christo suscitatus versatus est.  
Nunc autem, cum dicat Euangelista ap-  
paruisse multis, minimè obscure indi-  
cat non omnibus communiter appar-  
uisse, sed quibus oportebat Christi re-  
surrectionem cōfirmare; quemadmo-  
dum & ipse Christus, quia non iterum  
moriturus, sed paullo post rediturus  
in caelum resurrexerat, neque omni-  
bus, sed solis Apostolis, & alijs fidelib.

visus est, & ut ait Petrus Act. 10. 41. *in  
sibus praordinatis à Deo*, neque quem  
admodum ante mortem suam cum ip-  
sis Apostolis quotidie, & humano  
more versatus est, sed nunc apparebat,  
nunc disparebat.

53. *Venerunt in sanctam ciuitatem.*  
Hierosolymam sanctam ciuitatem ap-  
pellat, non quod tunc sancta esset, cū  
fuisset recentis Christi caede cōtamina-  
ta, sed quia prius propter templum, &  
sancta sanctorum, quae in eo erant,  
sancta dicebatur, ut Hiero. & Beda in-  
terprentur, quemadmodum, & Mat-  
thaeus, postquam Christi discipulus fa-  
ctus est, gaude publicanus fuerat, pu-  
blicanus etiā appellatur, supra c. 10. 3.  
*Et apparuerunt multis.* Cur non  
omnibus, & cur his multis appa-  
rerint, docuimus ver. superiore.

54. *Centurio autem, qui cum eo  
erant, custodientes Iesum, viso terra mo-  
tu, & his, quae fiebant, timuerunt valde  
dicentes, uerè filius Dei erat iste.* Mar-  
cus 15. 39. aliam rationem timoris af-  
fert. *nidens, inquit, Centurio, qui ex ad-  
uerso stabat, quia sic clamans expiraf-  
set, ait, uerè hic homo filius Dei erat.* V-  
trumque Centurionem nouisse credē-  
dum est validum: morientis Christi  
clamorem, & factas in uniuersa regio-  
ne tenebras, & motum subitum terre,  
& cetera miracula, quae omnia Lucas  
33. 47. vno comprehendit verbo, *ui-  
dens autem Centurio, quod factum fue-  
rat, glorificauit Deum dicens, uerè hic ho-  
mo iustus erat.* Cur Centurio, & mili-  
tes tantopere timuerint, non est dif-  
ficile cogitare. Verebantur, ne diuina  
in ipsos, qui scelerae necis ministri  
fuerant, vindicta conuerteretur, cum  
Christum Dei esse filium agnosceret,  
quem credebant non esse filij sui mor-  
tem inultam praeiurum. Lucas di-  
cit Centurionem glorificasse Deum,  
id est veritatem fuisse cōfessum, Chri-  
stum Dei esse filium. Hoc enim He-  
braica significat phrasis, glorificare  
Deum, aut dare gloriam Deo vel no-  
stram culpam, vel eius gloriam, maie-  
statemque recognoscere ita, Ioan-  
nis 9. 24. *noceuerunt ergo Pharisaei  
rursus hominem, qui fuerat cecus.*

Cur Hiero-  
salem san-  
cta ciuitas  
appellata.

Dare glo-  
riam Deo  
Hebraica  
phrasis est  
veritatem  
confiteri.



*Et dixerunt ei: da gloriam Deo, id est cōfiteri veritatem, nos scimus, quia hic homo peccator est, & Iosue 7. 19. ait: Iosue Achan, qui sumperat de anathemate, fili mi, da gloriam Domino Deo Israel, & confitere, atque indica mihi, quid feceris, ne abscondas.*

*(Verè filius Dei erat iste.)* Sic etiam Marcus; Lucas verò, *verè hic homo iustus erat*, quod duobus modis libr. 3. de consensu Euang. c. 20. explicat August. aut utrumque Centurionem dixisse, & Christum hominem esse iustum, & filium fuisse Dei, quorum alterum Matthæus, & Marcus, alterum Lucas recitauerit: aut ut Lucas explicare voluerit, quo sensu Centurio Christum filium Dei, ut Matthæus, & Marcus scribunt, appellauisset, nempe non quasi naturalem Dei filium esse crederet, sed eo modo, quo omnes homines iusti filij Dei vocabantur. Ego dixi *Dij estis, & filij excelsi omnes* Psalm. 81. 6. Probabilis Augustini sententia est, sed ego potius credo Centurionem utrumque dixisse, & hominem iustum, pro Dei filio posuisse. Non enim vulgari more hominem iustum Christum appellauit, cū ea miracula in aliorum iustorum more fierent, sed iustum uocauit, quemadmodum Christus ab ijs, qui in eum credebant, appellabatur. Verè ergo Centurionem arbitror in Christum credidisse multitudine, magnitudineque commotum miraculorum. Scribit præterea Lucas capi. 23. 48. omnes turbæ eorum, qui simul aderant ad spectaculum, & videbant, quæ fiebant, percussentes pectora sua rediisse, quasi culpam suam agnoscerent, & innocentis mortis vindictam abominarentur.

*55. Erant autem ibi mulieres multe à longe* Idem Marcus scribit; Lucas vero, uers. 49. *stabant autem omnes notæ eius à longe*, quod uniuersè intelligi non potest, cum omnes ferè discipuli, qui maxime ei notæ erant, diffugissent, ut capit. 26. 56. Matth. dixit. Sed quia notæ mulieres ibi erant, & præterea ex discipulis solus Ioannes, quantum quidem licet ex Euangeli-

starum historia intelligere Ioann. 49. 26. Lucas dixit omnes notos eius ibi fuisse, non significans, ut opinor, ibi fuisse omnes, sed omnes, qui ibi erant, fuisse longè; neque, quod Ioannes ait capit. 19. 25. iuxta crucem matrem Christi, & eius discipulum fuisse, contrarium est. Nam & iuxta crucem, longè erant; iuxta, quia tam prope ut & patientem videre Christum, & secum loquentem exaudire possent; longè, quia non tam prope crucem erant, quam erant milites, qui Christum custodiebant, & cætera Iudeorum turba, quæ conuicia in eum iactabat. Quod ergo Matthæus dicit, *à longè*, non significat à longè eas venisse mulieres, quæ prope crucem erant; id enim paulo post dicit, *quæ secutæ erant Iesum à Galilæa*, sed fuisse longè à cruce, & ut Græcè est *μακρόθεν θεωρούσαι*, procul spectantes.

*Quæ sequuntur erant Iesum à Galilæa ministrantes ei.* Tribus rebus piarum mulierum studium Euangelista declarat; primum quod ibi essent, ubi Apostoli, qui se cum eo morituros iactauerant, esse non audebant; deinde quod à Galilæa usque relictis domibus, & patria Christum sequutæ fuerint: postremò quod Christo ministrarent, quod duobus modis intelligendum est, & quia illi seruiabant, & quia de facultatibus suis necessaria suppeditabant, ut capit. 8. 3. Lucas tradit. Videtur Deus, quia viri fideles decrant, mulieres, quæ & mortis, & sepulture Christi testes essent, excitare voluisse. Nec enim Apostoli postea verè resurrexissent Christum testari potuissent, nisi fuissent, qui verè mortuum, verè fuisse sepultum testari possent. Mors, & sepultura Christi mulierum, resurrectio Apostolorum fide, atque testimonio probata est.

*56. Inter quas erat* Cū multo plures essent, ut ex Luca colligitur, tres tantum Matthæus nominat, & quia cæteris notiores erant, & in omni erga Christum officio diligentiores, & quia tres illæ alijs abeuntibus af-

St 2 Que



que ad sepulture finem persevera-  
runt, ut idem Evangelista ver. 61. in-  
dicat. Christi matrem excipimus, qua  
nulla notior, nulla officiosior fuit:  
quam ideo Christi sepulture non in-  
terfuisse credimus, quod eam Ioan-  
nes, cui fuerat à Christo adhuc vivente  
commendata, eo mortuo, ne dolore  
conficeretur, abduxisset.

*Maria Magdalena.* Soror Lazari,  
& Marthæ Ioann. 11. 5. ut recepta apud  
omnes fert opinio, etsi sunt, qui  
eam Galileam fuisse dicant, ut ex Lu-  
cæ cap. 8. 4. colligunt, neque cum La-  
zaro quicquam habuisse, de qua Chri-  
stus septem eiecerat demonia Lucæ  
8. 2.

*Et Maria Iacobi & Ioseph mater . .*  
G. 100. Ioseph; sic enim Iacobi frater ap-  
pellabatur. Describit mulierem ex  
filijs, qui notiores erant; de his autem  
c. 12. 46. & cap. 10. 3. copiosè diximus.  
Hæc erat soror matris Domini, ut  
ibidem docuimus, & c. 19. 25. Ioannes  
exponit. Stabant, inquit, iuxta crucem  
Iesu mater eius, & soror matris eius  
*Maria Cleopha.* Maria enim Cleopha,  
& Maria Iacobi, & Ioseph eadem erat.  
Sed Cleopha à viro, Iacobi, & Ioseph  
à filijs appellabatur, quemadmodum  
à nobis his locis, quos paullo ante de-  
signauimus, probatum est. Hic Iaco-  
bus erat Apostolus, qui & minor, &  
frater Domini, & Iacobus Alphæi ap-  
pellabatur, auctor epistolæ, quam nunc  
habemus, & primus Hierosolymo-  
rum Episcopus, ut ca. 10. 3. docuimus.  
Nam Cleopha Iacobi patri cognomen-  
tum erat Alphæus.

*Et mater filiorum Zebedæi.* Hæc a-  
lio nomine Salome vocabatur, Marc.  
15. 40. In hunc locum inferenda sunt  
quæ Ioan. à cæteris Euangelistis præter-  
missa c. 19. à ver. 31. vsque ad 37. expo-  
nit, Iudæi ergo quoniam Parasceue erat  
ut non remaneret in cruce corpora sab-  
bato, erat enim magnus dies illæ sabbæ,  
si rogauerunt Pilatum ut frangerentur  
eorum crura, & tollerentur. De Parasce-  
ue, & de magno illo die sabbati c. 26. 2.  
disputauimus. Quod autem Iudæi no-  
lint corpora die sabbati in cruce ma-  
nere, ridicula, & putida religionis si-

mulatio est. Non ducebant religio-  
ni innoxentem Christum cruci ge-  
re, & ipso die Paschæ Pilatum adire,  
milites ab eo petere, sepulcrum mu-  
nere, lapidem obsignare; ducunt mor-  
tuorum corpora in cruce relinquere.  
Addit Ioannes, *venerunt ergo mili-  
tes & primi quidem frangerunt crura, &  
alterius, qui crucifixus est cum eo.* Appa-  
ret morem fuisse, ut crucifixis, quò-  
citius morerentur, aliquando frange-  
rentur crura. Nec enim factum hoc  
singulare fuisse credendum est. Vix  
enim ausi fuissent Iudæi à Fratre po-  
stulare. Et videmus apud Gallos si-  
mile quiddam fieri his, qui confrin-  
guntur in rota, quorum nonnullis  
beneficij loco, ut citius moriantur,  
& à cruciatibus liberentur, ferrea vir-  
ga pectus obrunditur, ut statim exa-  
nimentur. Sequitur apud Ioannem,  
*Ad Iesum autem cum uenissent, ut viderent  
eum iam mortuum, non frangerunt  
eius crura, sed unus militum lancea la-  
tus eius aperuit, & continuo exiit san-  
guis, & aqua.* Quod miles Christi la-  
tus aperuerit, & sua petulantia, & di-  
uino consilio fecisse credendum est.  
Petulantia quidem sua, quasi ferret  
indignè Christum iam breui tempo-  
re mortuum esse, & sese cruciatibus,  
& Iudæorum ac militum contume-  
lijs, & irrisoribus eripuisse; ideoque  
cum videret viuo se illudere non pos-  
se, illudit mortuo: diuino autem con-  
silio, ut inde sanguis, & aqua deflue-  
ret, humanæ salutis symbola, quem-  
admodum omnes veteres auctores in-  
terpretantur. Nam & Christi sangui-  
ne redempti sumus, & aqua baptis-  
mi, cum qua eius quodammodo mi-  
scetur sanguis, abluimur; & per san-  
guinem Eucharistia, qua alimur, per  
aquam baptismus, quo nascimur, duo  
præcipua salutis nostræ sacramenta si-  
gnificantur. Ideo Christus per aquam,  
& sanguinem venisse dicitur. 1. Io-  
ann. 5. 6. & tres esse testes, qui de Chri-  
sto in terris testimonium perhibeant,  
spiritum, aquam, & sanguinem;  
spiritum, qui super eum descendit,  
eumque filium Dei esse testificatus  
est, ver. 8. 10. aquam, & sanguinè, quæ

Crucifixe-  
gium cru-  
cifixorum

Maria  
Cleopha,  
Iacobi, &  
Ioseph ea-  
dem. Iaco-  
bus frater  
Domini,

Mysteri-  
um  
sanguinis,  
& aquæ de-  
latere Chri-  
sti manan-  
tis,



ex eius mortui latere profluxerunt. Quod, cum humanum non esset, Christum non solum hominem, sed Deum etiam fuisse declarauit. Copiose hæc Cyrillus Ierosolymitanus edisserit in 13. Catechesi, *Primum Moyses, inquit, mutauit flumen in sanguinem; & Iesus postremo aquam emisit de latere una cum sanguine, fortasse propter duas cedes, alteram iudicantis, alteram vero clamantium; aut propter credentes, & non credentes. Pilatus enim dixit, Innocens sum, & aqua lauit manus; Clamantes autem dicebant, Sanguis eius super nos. Erant igitur hæc duo de latere, fortassis iudicantis aqua, clamantibus vero sanguis. Ac rursus aliter intelligendum, Iudeis quidem sanguis, Christianis vero aqua; illis quidem, tanquam insidiatoribus, ex sanguine condemnatio; tibi vero nunc credenti per aquam salus. Nil enim temere factum est. Assignarunt enarratores patres nostri, & aliam eius rei causam. Cum enim duplex sit baptismi salutaris virtus, ut est in Euangelis, una quidem, qua baptizatis donatur per aquam; altera vero sanctorum martyrum in persecutionibus per proprium sanguinem, exiuit de latere salutaris sanguis, & aqua propter eam, quæ esset futura, Christi confessio, & in baptismo & in testimonio martyrum confirmans gratia. Est & alia lateris huius causa. Mulier fuerat prima ductrix peccati, quæ de latere creata est. Sed Iesus, qui venit, ut viris simul, ac mulieribus conferret reconciliationem; aperuit latus pro mulieribus, ut solueret peccatum. Itaque profana est, & diuino aduersa consilio interpretatio Caluini, qui, quod sanguis, & aqua ex latere Christi manauerit, naturale fuisse dicit. Ioannes ipse rem supra naturam fuisse significauit, Et qui vidit, inquit, testimonium perhibuit, & verum est testimonium eius. Quia enim res incredibilis videri poterat, confirmat se vidisse, & vera narrare. Quod autem Christo crura fracta non fuerint, mysterio Ioannes factum interpretatur, ut impleatur scriptura, Exodi. 12. 46. *Os non comminuetis ex eo.* Quod etsi proprie de agno Pasche dictum erat, tamen quia agnus*

Sanguis, &  
aqua ex  
Christi late-  
re mira-  
culose flu-  
xerunt co-  
tra Calui-  
num,

ille Christi erat figura, quod de agno dictum fuerat, de Christo dictum Ioannes intelligit. Rursus aliam scripturam impletam dicit Zachar. 12. 10. *Videbunt, in quem transfixerunt,* quæ quidem scriptura non omnino impleta tunc fuit, sed impleri coepta. Tunc enim in Christum transfixerunt, quæ una prophetiæ pars erat, in die autem iudicii videbunt, in quem transfixerunt; ut idem Ioannes Apoc. 1. 7. interpretatur.

57. Cum autem sero factum esset.) Serum vocat, non vespertum, sed tempus diei ad vespertum inclinatum; si enim vespere fuisset, non licuisset hominibus iustos Christum de cruce ponere, & sepelire, quia sabbati otium, atque observatio à vespere incipiebat: propterea ergo, antequam vespere esset, & sabbatum inciperet, Christi corpus sepelire festinarunt, ne si uenisset sabbatum, sepelire non licuisset, ut Marcus, & Lucas exponit; Et cum iam sero esset factum, inquit Marcus 15. 42. quia erat Parasceue, quod est ante sabbatum, venit Ioseph ab Arimathea, &c. Lucas vero 23. 54. & dies erat Parasceues, & sabbatum illucescebat, id est, appropinquabat. Itaque quod Græce Matthæus dicit *ὁ ἡμέτερος ἡμέρας*, verti clariori sententia potest, cum sero fieret, quod Latini dicerent inclinatio iam ad occasum die.

Venit quidam homo diues.) Abs te re videri poterat, quod Euangelista hominem diuitum fuisse diceret, sed consilio non caruit. Voluit tacite ratione reddere, cur ausus fuerit corpus Christi à Praside petere: & cur tam facile petita impetraverit, quia homo diues erat. Cuiusmodi homines apud Prasides, & iudices gratiosi esse solent, ut August. lib. 3. de consensu Euangel. c. 22. animaduertit, & Marcus uno verbo significauit, Et audacter, inquit, ver. 43. introiuit ad Pilatum, & petiit corpus Iesu.

Ab Arimathea.) Arimatheam Iudæorum ciuitatem fuisse Lucas scribit capitu. 23. 51. Ea ciuitas & Ruma, & Remptis auctore Eusebio appellatur. Erat autem in tribu Iudæ Iu-

Sf 3 dic.



dic. 9. 41. & 4. reg. 23. 36.

*Nomine Ioseph.*) Ad fidem historiae facit, quod viri nomen exprimit.

*Qui & ipse discipulus erat Iesu.*) Reddit occulte causam, cur officium sepulturae Christo exhibuerit. Ioannes ca. 19. 38. ita discipulum Christi fuisse dicit, ut occultus tamen esset propter metum Iudeorum, Marcus nobilem decurionem appellat, qui & ipse, inquit, erat expectans regnum Dei, ἐν στήμῳ βουλευτῆς, nobilis consiliarius, ut etiam D. Hieron. interpretatur. Eodem modo vocat Lucas 23. 51. additque eum non consensisse consilio, & actibus Iudeorum, unde facile colligitur non solum consiliarium eum fuisse, sed illi etiam interfuisse consilio, quo Iudaei de capiendis, & crucifigendo Christo deliberauerant, neque in eorum voluisse ire sententiam.

98. *Hic accessit ad Pilatum.*) Antequam sabbatum veniret, ut Marcus 15. 42. & Lucas 23. 54. significant. Non licebat damnatorum corpora sine iudicis facultate deponere, aut sepelire l. 1. ff. de cadau. pun. Ideo Ioseph a Praefide corpus Christi postulavit.

*Tunc Pilatus iussit reddi corpus.*) Marcus 15. 44. scribit miratum fuisse Pilatum, cum audiret tam cito mortuum esse Christum, accessitumque ad se Centurionem interrogasse, num verè mortuus esset, cumque mortuum iam esse cognouisset, corpus eius concessisse Iosepho. Probabile est fraudè timuisse Pilatum, ne forte Ioseph Christi discipulus, quamvis occultus, Christi tanquam iam mortui, cum ad huc viueret, corpus petiuisset, ut specie exhibendae sepulturae, & à cruce eum, & à morte liberaret. Omnia diuino facta consilio, ut iudex ipse, qui Christum condemnauerat, verè mortuum fuisse ex Centurionis, & aliorum, qui crucifixum custodiebant, testimonio cognosceret, deque eius morte testari posset, ne quis postea diceret non verè surrexisse, qui verè non fuisset mortuus, sed viuis adhuc de cruce sublatus, & in sepulchrum inclusus. Miratur fortasse aliquis non Apostolos, non ceteros, qui se palam Christi di-

scipulos profitebantur, sed Iosephum, qui occultus discipulus erat, & Nicodemum, quem Iosepho ea in re adiunxerat, fuisse c. 19. 39. Ioannes scribit, qui & ipse occultus discipulus erat, venerat enim ad Christum noctu propter Iudeorum metum Ioan. 3. 2. & 7. 50. hoc sepulturae officium Christo exhibuisse. Respondet Ambro. lib. in Lucam 1. c. Quid sibi etiam vult, quod non Apostoli, sed Ioseph, & Nicodemus Christum sepeliant, unus iustus, & constans, alter, in quo dolus non erat? Talis enim Christi est sepultura, quae fraudem, iniquitatemque non habeat. Obstruitur igitur tergiversandi locus, & domestico Iudaei testimonio rejiciuntur. Nam si Apostoli sepelissent, dicerent vique non sepulchrum, quem raptum esse dixerunt.

59. *Inuoluit illud in syndone munda.*) Minime dubium est, quin Ioseph honoris causa, non qualicumque syndone, sed munda Christum inuoluit, quam Marcus, 15. 46. eum emisse dicit, ut non solum mundam, sed etiam nouam fuisse ostendat. Quamquam veteres auctores non immerito diuini consilij mysterium in eo facto cognouerunt, oportuisse Christi corpus quod mundissimum erat, & syndone inuolui munda, & in nouo sepulchro reponi.

60. *Et posuit in monumento suo nouo, quod exciderat in peira.*) Et haec ad Christi honorem pertinent, ideoque tam diligenter ea Euangelistae exposuerunt. Nam quod Christum Iosephus non in quolibet, sed in suo ipsius monumento condiderit, ipsius enim fuisse monumentum Matt. indicat, cum dixit, quod exciderat, quod in eo monumento, quod non à maioribus, sed ab ipso sibi factum fuisset, & quod non lapidum structura fabricarum, sed in rupe excidium esset, honoris fuit. Non enim solent in huiusmodi sepulchris, nisi viri magni & nobiles sepeliri. Lucas non solum nouum monumentum fuisse dixit, sed addidit, 23. 53. in quo nondum quisquam positus fuerat. Ioannes verò. 19. 40. quod ceteri non narrunt, explicauit aromatibus. Et Iosephum Christi corpus condidisse, sicut mos, inquit,

Honor sepulchrae Christi exhibitus.



quit, est Iudeis sepelire. Morem fuisse dicit, non quod omnes etiam de plebe homines, sed quod primarij viri ita se pelirentur. Videmus ergo Iosephum, & Nicodemum nihil prorsus honoris prætermisisse, quod Christi sepultura non adhiberent. Atqui mortuum tunc corpus erat. Quid viuo facturi erant? In hoc etiam mysterium esse aliquid veteres auctores tradiderunt; oportuisse Christi sepulcrum matris vtero simile esse, in quo nemo alius positus esset; oportuisse Christum & mundè concipi, & mundè sepeliri. Pertinent etiam hæc ad probandam resurrectionis fidem, vt Beda, Theophy. & Euth. adnotarunt. Nam si nouum non fuisset sepulcrum, dicere Iudæi potuissent non Christum, sed alium, qui eodem loco sepultus fuisset, resurrexisse. Si diuersis structum lapidibus, discipulos suffossis lapidibus Christum furatos fuisse, quod, cum in rupe excisum esset, dicere non potuerunt, vt Hier. & Beda obseruauerunt. Eodem spectat, quod statim Euangelista, Et aduoluit saxum magnum ad ostium monumenti, ne quis causari posset Christum, cum mortuum nondum esset, remoto lapide è sepulcro euasisse, aut discipulos aperto monumento, cum facile aperiri posset, furatos fuisse corpus, vt Origenes indicauit. Describit hoc loco Beda Christi monumentum ex eorum fide, qui suo tempore religionis causa Hierosolymam ibant.

Descriptio  
sepulchri  
Christi ex  
Beda.

De monumento, inquit, Domini ferunt, qui nostræ ætatis tempore de Hierosolymis venire, quod domus fuerit rotunda, de sub iacente rupe excisa, tanta altitudinis, ut intro consistens homo vix manu extensa culmen possit attingere, quæ habet introitum ab oriente, cui lapis ille magnus aduolutus, atque impositus est, in cuius monumenti parte Aquilonali sepulcrum ipsum, hoc est locus Domini corporis de eadem petra factus est, septem habens pedes longitudinis, trium vero palmarum mensura cætero pauimento altius emittens. Qui videlicet locus, non desuper, sed à latere meridiano per rotum patulus est, vnde corpus inferebatur, color autem eiusdem monumenti, ac loculi rubicun-

do, & albo dicitur esse permixtus.

61. Erant autem ibi Maria Magdalene. Vide versum 56.

Et altera Maria. Mater Iacobi, & Ioseph, de qua versu 56. dictum est; eam enim de hoc loco alterius Mariæ nomine intelligendam esse ex Marco 15. 47. perspicuum est. Solet ita Matthæus loqui, vt cum Marias nominat, Magdalene primo loco nomen exprimat, alteram autem Mariam dicat Iacobi, & Ioseph matrem intelligens, vt cap. 28. 1. Quid illic, cum Christus sepeliretur, hæc mulieres agerent, ex Marco 15. 47. & 16. 1. & ex Luca 23. 55. colligitur: nempe obseruabant, vbi Christi corpus poneretur, vt elapso sabbati die redirent, & illud vngerent.

62. Altera autem die, quæ est post Pasca. Id est die sabbati, quo eo anno Iudæi Pascha etiam celebrabant, vt à nobis c. 26. 2. probatum est.

Conuenerunt principes sacerdotum, & Pharisei ad Pilatum. Qui in sabbati nimis etiam superstitiosa obseruatione totam religionem ponere videbatur, Christi odio obsecrati sabbatum violant: nec enim licebat illis aut legi, aut ipsorum traditionibus die sabbati, eodemque Pascha adire iudicem, milites petere, ad monumentum armatos ducere, sepulchrum obsignare.

83. Recordati sumus. Maluit suam negligentiam, & obliuionem accusare, quam videri in custodiendo homine iam mortuo minus esse seduli. Dicunt enim quasi prius recordati non fuissent, Recordati sumus, ne Pilatus mirari possit, eos initio militarem custodiam non petiuisse, nunc eam sepulto iam Christo postulare.

Quia seductor ille dixit adhuc viuis. Sic Christum appellabant, quod ipsorum iudicio seduceret populum, sicut nunc heretici Catholicos, quia veritatem docent, seductores uocant. Ioan. 7. 12. murmur, inquit, multum erat in turba de eo; quidam enim dicebant, quia bonus est; alij autem dicebant (Scriba scilicet, sacerdotes, & Pharisei) non seducit turbas.

Post tres dies resurgam. Non dixerat Christus se post tres dies, sed reuiua-

Catholici  
ab Hereticis  
exemplum  
Christi  
seductores  
appellantur.

sf 4 die



die resurrecturum esse, supra cap. 16. 21. & 20. 19. Itaque placet mihi eorum sententia, qui hoc loco *post tres dies*; pro intra tres dies, aut, vt Latine dicimus, tertio post die interpretantur. Sic enim intelligendum esse ex eo manifestum est, quod, si sacerdotes, & Pharisei aliter intelligerent, id est, Christum non nisi post tres transactos dies resurrecturum dixisse, non erat, quod timerent, ne forte spatio illotrium dierum discipuli eum furarentur. Nec enim eos ante diem à Christo dictam eum furaturos esse credendum erat. Deinde non solum tribus illis diebus, sed multis etiam post sepulchrum custodiri curauissent, cum, qui post tertium diem resurrecturum dicebat, non significaret statim post tertium diem, sed non ante tertium diem esse resurrecturum, atque eodem modo, quod apud Marcum 8. 31. Christus dicit, intelligendum est, *Oportet filium hominis pati multa, & reprobari à senioribus, & à summis sacerdotibus, & Scribis, & occidi, & post tres dies resurgere.*

64. Iube ergo custodiri sepulchrum usque in diem tertium.) Quomodo paullo ante cum dixerunt Christum dixisse, *post tres dies resurgam*, illud post non significabat tres dies transactos esse oportere, antequàm resurgeret; ita hic, cum dicunt, *usque in diem tertium*, illud usque non significat initium, vt solet, sed finem tertij diei, quasi dicant, iube custodiri sepulchrum, donec tertius dies transactus sit.

Ne forte veniant discipuli eius.) *μὴ ποτε*, quod quidam non satis congruo, vt mihi videtur, sensu vertunt, ne quando: cum enim vtrumque dictio significet, magis conuenit in hunc locum *ne forte*, quàm ne quando; cum non dubitarent sacerdotes, & Pharisei de tempore, sed de facto. Sciebant etenim discipulos, si furaturi corpus Christi erant, intra tres illos dies fuisse furaturos; ceterum, an furaturi essent, dubitabant, quod explicant, *ne forte veniant discipuli eius.*

*Et furantur eum.*) G. additur *πυκτός*

noctu, quod & ad participium *ἐλθόντες*, venientes, & ad uerbum *κλέψουσιν* furantur eum referri potest; vt aut sensus sit, ne forte noctu venientes, aut ne forte noctu furantur; quanquam eodem tempore, & venturos, & furaturos crederent; nihil interest, quo modo verba iungantur.

*Et dicant plebi, surrexit à mortuis.)*

Quasi dicant; nobis & hominibus elegantibus, atque eruditus id dicere non audebunt minime credituris, sed imperitæ multitudini, quæ facile omnibus rumoribus fidem habet. Solebant enim Iudæi dicere, quod de nobis nunc hæretici iactant, Christo non nisi rudes, & imperitos homines credere Ioann. 7. 47. 48. 49. Responderrunt ergo eis (Pharisei) *nunquid & nos seducti estis? nunquid ex principibus aliquis credidit in eum, aut ex Phariseis? sed turba hæc, quæ non nouit legem, maledicti sunt.*

*Et erit nouissimus error peior priore.)*

Priorem errorem uocant, quod Christus adhuc viuens multis persuasisset factis, vt illi interpretabantur; diabolica virtute miraculis se filium esse Dei: nouissimum verò, si discipuli populo persuadeant à mortuis eum surrexisset, quem ideo priori peiorem fore dicunt, quod in posteriori prior etiam contineretur error. Nam si homines sibi persuasissent à mortuis Christum surrexisset, quod omnium difficillimum erat, facilius omnia, quæ viuens docuerat, vera esse credidissent.

65. Habetis custodiam.) Quidam milites, qui templum custodiebant, intelligunt; fuisse enim aliquos, qui templum etiam armati custodirent, ne qua vis inferretur, ex eo intelligitur quod inter alios templi ministros *σπατηγός*, id est Dux etiam connumeratur Lucæ 22. 4. 52. Putant ergo Pilatum respondere, *habetis custodiam*, quasi dicat, quid opus est, vt militarem custodiam à me petatis, cum vos etiam milites habeatis, qui sepulcrum custodire possint? Probare non possum interpretationem. Quid enim opus erat, vt sacerdotes à Præfide

Hæreticorum obiectio Iudæica, solos rudes Catholicos esse,

LI  
85



milites ipsi quos adhibere possent, habuissent. Aut ergo non habebant, aut si habebant, ut diximus, in templo, ita custodiendo templo additi erant, ut alium in usum adhiberi non possent. Præterea si de Iudæis militibus, qui templum custodiebant, Pilatus loquutus fuisset, cum dixit, *habetis custodiam*, certum utique esset, & indubitarum eos milites, qui sepulcrum custodierunt, non solum Iudæos, sed etiam ex sacerdotali genere fuisse. Nec enim alij custodiendi templi curam habebant. Quid ergo opus fuisset, ut post resurrectionem principes sacerdotum militibus, & Iudæis, & sacerdotibus copiosam, ut ait Matthæus cap. 28. 12. pecuniam pollicerentur, ut mentirentur Christi discipulos dormientibus se venisse, ac de sepulcro sustulisse corpus? sponte enim sua mentiri fuissent. Alij Græcū verbum *ἐγερτε*, ita interpretantur, quasi imperandi modus sit, habere custodiam, quod nihilo mihi magis placet. Præsentis ergo temporis indicandi modi verbum est, quo Pilatus non imperat, non dicit eos custodiam habere, sed concedit, ut habeant, quasi dicat, quicquid ego militum habeo, in vestra est potestate, *Ite custodite sicut scitis*; quod rectè carmine Iuuenius expressit.

Lib. 4. Eui-  
ge. hist.

*Et Pilatus ad hæc, miles permittitur, inquit,*

*Servate, ut nultis, corpus tellure sepulchrum.*

66. Illi autem abeuntes munierunt sepulcrum. Militibus. Idem enim verbum est *ἀπαλίζεσθαι*, quo paullo ante & sacerdotes ver. 64. cum a Pilato peterent, ut sepulcrum custodiretur, & Pilatus ver. 65. cum responderet, *Ite, custodite sicut scitis*, vsi sunt. Itaque sic verba iungenda sunt, quæ hyperbato sunt separata; Illi autem abeuntes munierunt sepulcrum signantes lapidem

cum custodibus, ut extrema versus verba primis copulenter, munierunt sepulchrum cum custodibus signantes lapide *σφραγίζαντες τὸν λίθον*, cum ante lapidem obsignassent; aliquid mirum annulo, aut alio quo sigillo eos signasse credendum est, ne aut dormientibus militibus discipuli aperire possent, quin furtum ex sigilli uiolatione deprehenderetur, aut ne milites ipsi pecunia à discipulis corrupti corpus illis traderent, quemadmodum Darius locum leonum, in quem Daniel coniectus fuerat, annulo suo obsignasse dicitur Daniel. 6. 17. ne aut alij dicerent se Danielem furtim liberasse; aut alij in lacum ingressi eum occiderent, & à leonibus occisum euulgarent. Admirabilis in obscuranda Christi diuinitate, & gloria sacerdotum sedulitas. Admirabilior diuina prouidentia, quæ ipsorum diligentia, atque artificio ad eam illustrandam usa est. Timebant sacerdotes, ne plebi discipuli persuaderent Christum, sicut dixerat, resurrexisse; adhibent ea de causa custodes, illi ipsi non iam plebi, sed ipsis, à quibus adhibiti fuerant, sacerdotibus, & Phariseis Christum resurrexisse testati sunt cap. sequenti ver. 11. Obsignauerunt sepulcri lapidem, ne quis corpus furari posset, ille ipse tam diligenter obsignatus lapis fidem fecit Christi corpus non vi, non fraude de sepulchro sublatum fuisse, sed diuina virtute suscitatum. Nihil clausum, nihil obsignatum est Deo, sed comprehendam, inquit, sapientes in astutia eorum Iob. 5. 13. & 1. Corint. 3. 19. Rectè dixit Hilarius, metus domus furandi corporis, & sepulchri custodia, atque obsignatio similitudo, atque infidelitatis resumonium est, quod signare sepulcrum eius noluerint, cuius præcepto conspexissent de sepulchro mortuorum suscitatum.



## CAPVT XXVIII.

Mar. 16. b.  
6.  
Ioan. 20.  
6. 11.



**V**ESPERE autem sabbati, quæ luceſcit in prima ſabbati, venit Maria Magdalenæ, & altera Maria videre ſepulcrum. 2. Et ecce terra motus factus eſt magnus. Angelus enim Domini deſcendit de cælo: & accedens reuoluit lapidem, & ſedebat ſuper eum: 3. erat autem aſpectus eius ſicut fulgur, & veſtimentum eius ſicut nix. 4. Præ timore autem eius exterriti ſunt cuſtodes, & facti ſunt velut mortui. 5. Reſpondens autem angelus dixit mulieribus: Nolite timere vos: ſcio enim, quòd Ieſum, qui crucifixus eſt, quæritis: non eſt hic: ſurrexit enim, ſicut dixit. Venite, & videte locum, ubi poſitus erat Dominus. 7. Et cito euntes dicite diſcipulis eius quia ſurrexit: & ecce præcedit vos in Galilæam: ibi eum videbitis, ecce prædixi vobis. 8. Et exierunt cito de monumento cum timore, & gaudio magno, currentes nunciare diſcipulis eius. 9. Et ecce Ieſus occurrit illis, dicens: Auetæ. Illæ autem acceſſerunt, & tenuerunt pedes eius, & adorauerunt eum. 10. Tunc ait illis Ieſus: Nolite timere. Ite, nunciate fratribus meis, vt eant in Galilæam, ibi me videbunt. 11. Quæ cum abiſſent, ecce quidam de cuſtodibus venerunt in ciuitatem, & nunciauerunt principibus ſacerdotum omnia, quæ facta fuerant. 12. Et congregati cum ſenioribus conſilio accepto, pecuniam copioſam dederunt militibus. 13. dicentes: Dicite, quia diſcipuli eius nocte venerunt, & furati ſunt eum, nobis dormientibus. 14. Et ſi hoc auditum fuerit à præſide, nos ſuadebimus ei, & ſecuros vos faciemus. 15. At illi accepta pecunia, fecerunt ſicut erant edocti. Et diuulgatum eſt verbum iſtud apud Iudeos, vſque in hodiernum diem. 16. Vndecim autem diſcipuli abierunt in Galilæam in montem, ubi conſtituerat illis Ieſus. 17. Et videntes eum adorauerunt: quidam autem dubitauerunt. 18. Et accedens Ieſus locutus eſt eis, dicens: Data eſt mihi omnis poteſtas in cælo & in terra. 19. euntes ergo docete omnes gentes: baptizantes eos in nomine Patris, & Filij, & Spiritus ſancti: 20. docentes eos ſeruare omnia, quæcunque mandauì vobis: & ecce ego vobiſcum ſum omnibus diebus, vſque ad conſummationem ſæculi.

Mar. 16. d.  
15.



## IN CAPVT XXVIII.

**V**ESPERE autem sabba-  
ti, quæ luceſcit in prima  
ſabbati. Hic locus ideo  
omnium interpretū ſen-  
tentia diffiſſimus iudicatur, quod  
& ipſa per ſe uerba obſcura ſint, & ne  
que alij Euangeliftæ cum Matthæo,  
neque ipſe ſecum Matthæus, neque in  
ter ſe alij, neque Marcus ipſe ſecum cō-  
uenire uideantur. Scribit Matth. ut vi-  
detur mulieres veſpere ſabbati ad ſe-  
pulcrum veniſſe. Scribit Marcus 16. 2.  
transacto iam veniſſe ſabbato, *valde*,  
inquit, *mane orto iam ſole*. Scribit Lu-  
cas 24. 1. *valde diluculo* veniſſe. Scribit  
Ioānes 20. 1. veniſſe *mane*, cum adhuc  
*effent tenebræ*; ita ut tres alij Euangeli-  
ſtæ Matthæo repugnare uideantur,  
tūc etiam ipſe ſibi; cum enim dixiſ-  
ſet mulieres veſpere ſabbati ad ſepul-  
crum veniſſe, eodem loco dicit, *quæ lu-  
ceſcit in prima ſabbati*, indicans matu-  
tinum fuiſſe tempus. Cæteri verò in-  
ter ſe Euangeliftæ ideo videntur diſ-  
ſentire, quod cum Marcus dicat *orto  
iam ſole*, ad ſepulcrum veniſſe, Lucas  
dicat: *valde diluculo*, & paulo infra  
ver. 22. *ante lucem*, quod idem Ioan-  
nes dicit, *cum adhuc tenebræ effent*. Pu-  
gnare etiam ſecum ipſe videtur Mar-  
cus, quod cum dicat *valde mane* ad mo-  
numentum veniſſe mulieres, ſtatim  
addat *orto iam ſole*. Nec enim valde  
venerunt mane, quæ orto iam ſole ve-  
nerunt. Quæ inter Matthæum & cæte-  
ros Euangeliftas videtur eſſe diſſen-  
ſio, ſic à nonnullis explicatur auctori-  
bus, ut dicant eadem mulieres, non  
ſemel, ſed bis, aut etiam ſæpius excitante,  
ſollicitanteque ſingulari in Chri-  
ſtum ſtudio ad ſepulcrum veniſſe. In  
qua ſententia & Hieronym. in com-  
ment. & Dionyſi. Alexand. in epiſtol.  
ad Baſilidem fuiſſe video. Alij quater  
veniſſe putant, *veſpere*, ut Matthæus  
ait, *mane cum adhuc tenebræ effent*, ut  
ait Ioannes, profundo adhuc dilucu-  
lo ſeu *valde diluculo*, ut ſcribit Lucas,  
& *orto iam ſole*, ut dicit Marcus. Itaque

quattuor Euangeliftas quattuor di-  
uerſa tempora, quibus mulieres ad ſe-  
pulcrum venerunt, deſcripſiſſe. Atha-  
naſius quaſtion. 90. At ita Matthæus,  
Marcus, & Lucas loqui videntur, ut  
aduentum illum ad monumentum  
mulierum matutinum primum fuiſſe  
ſignificent, & id ſumus verſu 3. copio-  
ſe probaturi. Alij alias putant fuiſſe  
mulieres, quæ, ut Matthæus ait, *veſpe-  
re ſabbati* ad monumentum vene-  
runt, alias, quæ, ut idem dicit, lu-  
ceſcente iam prima ſabbati, & quia  
obiſci poterat vnam earum, quas  
veſperi, & earum, quas mane ad ſe-  
pulcrum Matthæus veniſſe indicat,  
ab eodem Matthæo Magdalenam ap-  
pellari, quemadmodum & ab alijs tri-  
bus Euangeliftis appellatur, quæ ma-  
ne veniſſe dicitur; duas fecerunt  
Magdalenas, quarum altera veſpere,  
altera mane venerit. Sic Ambro. libr.  
10. comment. in capit. Lucæ 24. quæ-  
ſtionem explicat, & Eufebius, & alij  
apud Athanaſium. Cæterum vnam  
tantum fuiſſe Magdalenam, & con-  
ſtans omnium opinio eſt, & ex Mat-  
thæo capitul. 27. 56. & ex Marco capit.  
15. 40. & 16. 1. & ex Luca capitul. 8. 2. 3.  
& capitul. 24. 10. & ex Ioanne capitul.  
20. 1. & ex omnibus omnino locis, ubi  
apud Euangeliftas de Magdalena ſit  
mentio perſpicuum eſt, ubique enim  
ita Mariam Magdalenam appellant,  
ut eo cognomento ab omnibus alijs  
diſtinguant, quæ Mariæ vocabantur.  
Quod ſi alia fuiſſet Magdalena, ali-  
quid aliud diſtinctionis cauſa adhi-  
buiſſent, nimirum Martha, aut Laza-  
ri ſororem appellaſſent. Rationem  
autem quæ in hanc ſententiam impu-  
lit Ambroſium verſic. 9. diſſoluemus.  
Alij ſic exponunt, ut dicant & eaſdem  
fuiſſe mulieres, & ſemel tantum ad ſe-  
pulcrum veniſſe, ea ſaltem nocte, quæ  
ſabbatum conſequuta eſt. Nam utrum  
orto iam die bis, an ſemel tantum ve-  
nerint, alia quaſtio eſt, de qua ſumus  
verſic. 3. diſputaturi. Cæterum veſpere  
quidem

Vna tan-  
tum Mag-  
dalena.



quidem venire cœpisse putant, mane peruenisse, non quod totam noctem in tam exiguo itinere consumpserint, sed quod vesperi venire cœpisse videantur; quia tunc, ut mane venirent, aromata parauerunt. Veniebant ergo vesperi, quia se ad veniendum accingebant ea comparantes, quæ ad vngendum Christum erant necessaria Marc. 16. 1. & Luc. 23. 56. sic Beda, & Strabus, & Rabanus apud D. Thomam, & Rupertus in comment. in capitu. Ioannis 20. & hoc loco Lyranus, quibus ideo, ut assentiar, adduci non possum, quod illa mihi interpretatio *venierunt*, id est, quæ ad veniendum necessaria erant, comparauerunt, violentia prorsus esse videatur. Quis enim vel eorum, qui ad hunc modum interpretantur, ad hunc modum loquutus fuisset? Alij vesperam à Matthæo totam noctem appellatam fuisse existimant, ut Dionysii. Alexand. in epistola illa, quam citauimus ad Basilidem, Gregor. Nyss. in orator. 2. de resurrectione. Cyrillus Alexand. libro 12. in Ioann. Augusti. libr. 3. de consensu Euangel. capit. 24. Euthym. Theophylact. & D. Thom. quin, etiam Ambrosii. libro. in Lucam 10. hanc probat interpretationem. Ego verò ita probo, ut ceteras aut nihil, aut parum admodum existimem habere probabilitatis. Nec enim dubium est, quin idem Matthæus, quod ceteri Euangelistæ, dicere voluerit, maximeque Marcus, qui eius quodammodo est interpres. Ceteri verò Euangelistæ nulla de vesperæ facta mentione mulieres mane ad monumentum venisse dicunt. Idem ergo dicere Matthæus voluit. Quare cum vesperam sabbati uocat, non vespertinum tempus, quod inter diem, & noctem est, sed totam noctem intelligit, in cuius extrema parte, id est mane iam lucescente, mulieres ad sepulcrum venisse dicit. Minus hoc mirum uidetur, si Hebræorum phrasim, quam etiam D. Thom. adnotauit, intelligatur. Solent Hebræi non solum vespertinum tempus, sed totam etiam noctem *ערב* vesperam appellare,

Hebraismus notandus,

re, cuius rei primum Genesi. caput multa exempla suppeditabit, & factum inquit est *vespere*, & mane dies *tertius*, & factum est *vespere*, & mane dies *secundus*. Solent quidam hanc interpretationem propterea refutare, quod Matthæus non simpliciter vesperam, sed vesperam sabbati fuisse dicat. Vespera autem sabbati pars sabbati sit, necesse est, sicut & mane sabbati. At nox, quæ sabbatum consequuta est, pars sabbati non erat, vespera igitur sabbati vocari non potuit. Miratum sum quorundam interpresum legens commentarios, viros iudicio, & eruditione præstantes tam leui ratione à vero Matthæi sensu discessisse. Primum animaduertere debuerunt Matthæum non dixisse *ἐσπέρας δὲ σαββάτων* vespera autem sabbati, sed *ὁ δὲ δὲ σαββάτων* ad verbum serò sabbatorum, aut tardè sabbatorum, si ita liceret Latine loqui. Admonuit autem Gregorius Nyssenus homo, & lingua, & natione Græcus, & eum, ut opinor, secutus Ambrosius hanc phrasim apud Græcos propriè significare, transacto iam sabbato longo intervallo, sic enim Græcos loqui solere *ὁ δὲ τοῦ καίρου παραγέγονας*, seriùs, quam pro opportuno tempore venisti, aut longè post opportunum tempus aduenisti, & *ὁ δὲ τῆς ὀρας*, transacta longè hora, & *ὁ δὲ τῆς ἡμέρας*, longè seriùs, quam opus erat, eodem ergo sensu Matthæum dixisse *ὁ δὲ σαββάτων* serò sabbati, id est multo ante transacto sabbato, quia inter sabbatum, & tempus matutinum, quod notare volebat, tota iam nox intercesserat. Quod si Matthæus vesperam sabbati appellasset, tamen non continuò sequeretur partem fuisse sabbati. Solent enim scriptura ita frequenter loqui, ut vesperam alicuius diei vocet, cuius pars non sit, sed eum consequatur. Ecce *kalenda*, inquit David, *sums crastino*, & ego ex more sedere soleo *intra regem ad rescendum*. Dimitte ergo me, ut abscondar in agro usque ad vesperam diei *tertiæ*. Reg. 20. 5. vesperam diei *tertiæ* sequentem noctem appellans.



lans. Cum enim rex noctu cœnaret, significabat se cum eo non cœnaturū, & Exod. 12. 6. 18. *Et seruabitis eum usque ad quartam decimam diem mensis huius, immolabitque eum vniuersa multitudo filiorum Israel ad vesperam*, ubi manifestum est vespeream vocari decimam quartam diei noctem subsequenter, quæ non decimæ quartæ, sed decimæ quintæ diei pars erat; cum agnus non decima quarta, sed decima quinta, id est inchoata iam die Paschæ, & azymorum festo immolaretur. Simile Leuiti. 13. 5. & Num. 9. 3. 5. 11. exemplum est. Vnde constat, nullam inter Matth. & ceteros Euangelistas esse discordiam; eademque ratione intelligitur à seipso Matthæum non dissentire. Nec enim vespertinum simul, & matutinum tempus, sed solum, ut diximus, matutinum significauit. Illud mouere lectorem potest, quomodo si nox erat, lucescere, dicatur. Sunt qui ita Hebræos loqui solitos putent, quod noctis initio lucernæ in domibus accederentur, idque ex Thalmutistarum probant traditionibus, à qua sententia non procul Hieronym. abhorret. Alij phrasim Hebræorum esse putant, quæ lucescere tempus dicitur, cum incipit, transata ex die significatione, quia tunc incipit dies esse, cum incipit illucescere. Phrasim Hebræorum esse rectè dicunt, & ex Luca 23. 54. perspicuum est, & *dies*, inquit, *erat Parasceues, & sabbatum illucebat*, id est, apperebat, appropinquabat; id est, apperebat, appropinquabat; de eo enim tempore loquebatur, quo Christus sepultus fuerat: fuerat autem sepultus die Parasceues, id est, ante sabbatum, inclinato iam ad occasum die. Atque tum dicit sabbatum illuxisse, id est, incepisse, aut appropinquasse. Ceterum quo minus, & hanc & superiorem interpretationem probemus, non loquutionis insolentia, sed historię veritas impedit. Probauimus Matthæum, sicut & alios omnes Euangelistas, non vespertinum, sed matutinum tempus notare voluisse, nihil ergo ad hunc

locum lucernarum ex Thalmutis pertinet accensio, nihil Hebraismus: propriè enim & Græcè Matthæus, aut Matthæi interpres loquutus est. Voluit namque significare diem lucescere cepisse. Alij interpretantur vespeream, id est noctem illucescere cepisse in prima sabbati, quia in diem sequentem inclinata erat, quemadmodum si è contrario diem noctescere dicamus: non quod dies noctescere possit, sed quod nox iam appropinquet, & dies quodammodo in noctem conuertatur, & ut Iuuenus carmine dixit.

*Syderam noctis venturo cedere soli* Li. 4. hist. Incipiunt, cumuli matres tunc visere Euang. septum

Concurrunt. Ad hunc ferè modum Augustin. Euthym. & Theophylact. à quibus ego non tota sententia, sed sola sententiæ explicatione dissentio. Putant illi noctem hoc loco dici lucescere, ergo non noctem, sed diem lucescere Matthæum dixisse arbitror; neutrum neque noctis, neque diei nomen est, sed *ὅτι σαββάτων τῇ ἐπιδοσχέσει εἰς μίαν σαββάτων*, serò autem sabbati, ea, quæ lucescit in vnam sabbati, ubi cum in illo articulo τῇ aut noctem, aut diem intelligi necesse sit, Græcorum consuetudo potestular, ut diem potius, quàm noctem intelligamus, ut supra capitul. 6. 34. & Ioann. 1. 35. & 12. 12. & Act. 4. 3. 5. & 20. 7. & Iacob. 4. 14. Neque nemini articulum illum absolute positum legere, ubi nox intelligeretur. Hac etiam ratione mollior, & minus coacta sententia est. Nam diem illucescere, & res, & loquutio est naturalis: noctem illucescere, ut dici possit, minus tamen vltate, & non nisi per figuram dici potest. Potest contra hanc interpretationem obijci, quod à nemine tamen obiectionem uideo, tautologiam videri, aut minus concinnam saltem orationem, ut dies in primam sabbati lucescere dicatur, cum per primam sabbati dies etiam, & quidem eadem dies, quæ lucescere dicitur, intelligatur. Absurdum id videri posset, si diei nomen exprimeretur, cum autem expressum non sit, non magis absurdum est, quàm

Hebraismus.



quàm si dicamus de diei Domini-  
cæ mane loquentes, diem in Domi-  
nicam illucescere. Nam & per Domi-  
nicam diem intelligimus, sed quia  
dies non exprimitur, & sensus est, diē  
Dominicam illucescere, tautologia  
non est.

*In prima sabbati.* ) εἰς μίαν σαββα-  
των, in vnam sabbatorum, magis ex-  
pressa sententia. Significatur etiam  
præpositione in cum quarto coniun-  
cta casu motus, atque progressus no-  
ctis in diem. Sicut etiam fortassis noster  
verterat interpres, sed facile fuit scri-  
ptorum incuria in fine dictionis v-  
nam M. perire litteram. Notum est  
apud Hebræos sabbatum, & totam  
hebdomadam, & septimum hebdo-  
madis diem appellari; cumque totam  
significat hebdomadam, primum heb-  
domadis diem primam sabbati, secun-  
dum, secundam sabbati, eodemque  
modo sequentes dies appellari, vt Lu-  
cæ 18. 12. Act. 20. 7. 1. Corinthio. 16. 2.  
Adnotauerunt autem quidem; cum  
septimus tantum significatur dies,  
σαββατον sabbatum singulari nu-  
mero, cum tota hebdomas σαββατα  
plurali dici solere, vt hoc loco, & apud  
Marcum capitul. 16. 2. & Luc. 24. 1. &  
Ioann. 20. 1. 19. & Act. 20. 7. & 1. Co-  
rinthio. 16. 2. Id perpetuum non est.  
Nam Marci 16. 9. legimus *prima σαβ-  
βάτης sabbati*, cum tota hebdomas si-  
gnificetur, & è contrario Act. 13. 14.  
τῇ ἡμέρᾳ τῶν σαββάτων, *die sabbato-  
rum*, cum septima tantum significetur  
dies. Porro vnam sabbati pro pri-  
ma sabbati Hebræorum idiomate di-  
ctum esse, tam est vulgare, ut difficilio-  
ra spectantem indicare pigeat. *Factum*  
inquit, *est vespere, & mane dies unus*,  
id est, primus Genes. 1. 5. Noster inter-  
pres Hebraismum in Latinitatem sol-  
uit, cum Marci 16. 2. & Lucæ 24. 1. &  
Ioann. 20. 1. retinuerit. Solet id facere,  
sive quo alio consilio, sive sola verten-  
di varietate delectatus. Primum autem  
sabbati diem nostram fuisse Domini  
cam neminem ignorare arbitror, quæ,  
& quia in ea creatus; & quia postea re-  
demptus resurgente Christo mundus  
fuit, loco sabbati Iudæorum cepta sunt

celebrari: & quod & Gaudentius tra-  
ctatu in Exodum 1. & Sedulius hoc lo-  
co dixit,

*Ceperat interea post tristitia sabbata* Lib. 3. cæc.  
*salix.*

*Irradiare dies, culmen qui nominis  
alii*

*A domino dominante trahit, primus-  
que uidere*

*Promeruit nasci mundum, atque re-  
surgere Christum.*

Videndum nunc est, quomodo cæ-  
teri inter se Euangelistæ in temporis,  
quo mulieres ad sepulcrum uenerunt,  
descriptione conueniant. Maxima in-  
ter Marcum, & Ioannem uidetur esse  
dissensio; Marcus enim dicit *orto iam  
sole*, mulieres ad monumentum ve-  
nisse; Ioannes, *cum adhuc tenebræ es-  
sent*; quod idem Lucas 24. 22. alijs scri-  
bit verbis, *ante lucem* uenisse. Sunt  
qui Marci locum corrigant, & pro  
*ἀνατείλαντος τοῦ ἡλίου*, *orto iam so-  
le*, addita negatione, sensuque in con-  
trarium mutato legendum putent, *οὐκ  
ἐστὶ ἀνατείλαντος τοῦ ἡλίου*, nondum  
orto sole, non alia moti coniectura,  
quàm quod in nonnullis Græcis co-  
dicibus legatur *ἐστὶ ἀνατείλαντος τοῦ  
ἡλίου* adhuc orto sole; & quod ita libr.  
10. de demonstr. capit. 8. legat Euse-  
bius; & facile fuerit syllabam unā *οὐκ*  
excidere; nimis tenuis coniectura, &  
frustra ex Eusebio petita, cum nemo  
fere ueterum Auditorum aliter, quàm  
Eusebius legat: ipsum nostrum inter-  
pretem ita legisse perspicuum est, &  
Dionysius Alexandrinus in epistola  
ad Basilidem, & D. Augustin. libr. 3. de  
consensu Euangel. capit. 24. & Rupert-  
us in capitul. 20. Ioan. & Lyranus in  
comment. in cap. Marci 16. ita legunt.  
Esset quidem aptissima sententia si ne-  
gatio, ut isti auctores uolūt, legeretur,  
sed, ut sæpe admonemus, non est tam  
obscuris indicijs scriptura, quæ sanctis-  
sima nobis esse debet, corrigenda. Ma-  
lo, licet minus ingeniosam, uulgarem  
interpretationem sequi, ut mulieres  
*ualde mane*, ut ait Marcus, &, *adhuc te-  
nebræ essent*, ut Ioannes dixit, do-  
mo egressæ fuerint, orto uero iam  
sole, ad monumentum peruenerant.  
Nam

Sabbatum  
apud He-  
bræos in-  
terdū pro  
tota heb-  
domada,

Vnus apud  
Hebræos  
pro primo



Nam etsi non magno ab vrbe distabat spatio, tamen mulieribus satis magnum erat, vt cum adhuc tenebræ essent, egressæ domo non nisi orto iam sole peruenirent; quemadmodum Diony. in illa, quam sæpe citauimus, epistola interpretatur: aut vt orto id est, oriente iam sole ad sepulcrum peruenirent. Oriri enim sol dicitur, non solum reum solare corpus supra terram apparet, sed etiam cum eius radij noctis tenebras dispulerunt; vt Augustinus, Euthym. Beda, Theophy. & Lyranus exponunt. Quæ interpretatio melior etiam erit, & probabilior, si legamus, oriente iam sole, vt Augustinus, & Theophylactus legunt, siue ita Græcum aoristum interpretantes ἀνατέλλαντος, id est, ἀνατέλλοντος, siue Græcè non ἀνατέλλαντος legerint, sed ἀνατέλλοντος, quemadmodum ego facilius emendare auiam, quam vt negationem οὐκ intercidisse dicam. Nam neque sententia tantopere mutatur, & facilius fuit scriptorent Græcum, ἀνατέλλαντος pro ἀνατέλλοντος scribere, quam integram prætermittere dictionem, eo præsertim in loco, vbi ea sublata nemini non absurdus sensus, & proximis verbis repugnans videretur. Quod si ad huc legamus modum, nulla inter Euangelistas repugnantia est. Nam idem est oriente iam sole, & nondum orto sole. Tamen quamuis nihil aliud repugnet, mihi nō facile persuaserim mulieres, antequam illucesceret, ad sepulcrum peruenisse. Vix enim muliebris animus tam audax esse potuit, vt obsecura adhuc nocte sepulcrum inuideret, & in illud ingrederetur. Itaque etiam si Marcus non dixisset, orto iam sole, & Ioannem dicentem, cum adhuc tenebræ essent, & Lucam dicentem ante lucem mulieres ad monumentum venisse, ita intelligendos existimarem, vt non tempus, quo ad sepulcrum peruenirent, sed quo egressæ domo fuerant, notare voluissent. Hinc etiam intelligitur, quomodo ipse sibi Marcus non repugnet, cum enim dixit valde mane, designauit tempus, quo domo discesserant; cum dixit orto; aut orien-

te iam sole, tempus, quo ad sepulcrum peruenirent, indicauit.

*Veni Maria Magdalena, & altera Maria.* De Maria Magdalena diximus superiore capituli. vers. 56. Alteram autem Mariam vocat uxorem Cleophae matrem Iacobi minoris, & Ioseph, vt capitul. 2. 61. quemadmodum ex Marco capit. 16. 1. perspicuum est. Nominat etiam Marcus Salomem quæ mater erat filiorum Zebedæi. Lucas capitul. 24. 10. multo etiam plures. Erat, inquit, Maria Magdalene, & Iohanna. Erat autem Iohanna uxor Cuse procuratoris Herodis, vt idem Lucas capitul. 8. 3. docuerat, & Maria Iacobi, & ceteræ, quæ cum eis erant, id est, quæ cum eo uenerant de Galilea, vt dixerat cap. 23. 55. Itaque sunt, qui putent etiam Beatam Virginem Christi matrem ad sepulcrum cum hisce mulieribus venisse, vt Gregor. Nyssenus orat. 2. de resur. & Sedulius hunc locum explicans,

*Hoc luminis ortu*

*Virgo parens, aliaque simul cum manere matres*

*Messii aromatica noctu venere geminas*

*Ad tumulum.* Et verò nemini Beatam Virginem pietate, & studio erga Christum concessisse ne dubitari quidem potest, sed venisse cum alijs mulieribus ad monumentum, haud ita facile mihi persuadeo. Videmus neminem Euangelistarum de ea mentionem fecisse, quam profecto non prætermisissent, si cū ceteris venisset. Videmus omnes Euangelistas Magdalenam, tamquam omnium mulierum, quæ ad sepulcrum venerat, nobilissimam, & velut aliarum ducem primo loco nominasse. Atqui sacram utique Virginem, si cum illis venisset, Magdalene anteposuisset. Dixit Ioannes Mariam Christi matrem, & Mariam Cleophae, & Mariam Magdalenam iuxta crucem fuisse; Mariam Christi matrem ante omnes posuit. Idem nempe ceteri hoc loco fecissent Euangelistæ, si cum ceteris mulieribus mater Christi ad monumentum venisset. Illud etiam mihi videtur incredibile, quod idem Gregorius

An Christi mater ad sepulcrum cum mulieribus venierit. Lib. 5. carminum.



sius scribit Matthæum, cum alteram Mariam dicit, B. Virginem Christi matrem intelligere; cum, quæ illa sit altera Maria, ex Marco, ut diximus, satis appareat. Ioannes solam Magdalenam venisse scribit, ea, ut opinor, ratione, quod Magdalena dux cæterarum fuerit, omniumque nobilissima, & quod sola cum angelis colloquia miscuerit, quæ volebat Ioannes enarrare. Alij Euangelistæ non omnes eodem numero, sed omnes tamē plures vnā commemorarunt, quia propositum illis fuit docere mulieres tres primas fuisse testes resurrectionis Christi, & oportebat duos, ut minimum, testes numerare, quia in

Deut. 17. ore duorum, vel trium testium stabit omne verbum. Propterea Matthæus duas, Marcus tres, Lucas plures numeravit.

*Videre sepulcrum.*) Marcus capitul. 16. 1. ut Christum vngerent, venisse dicit, idemque indicat Lucas 24. 1. *portantes, inquit, quæ parauerant, aromatizata.* Ioannes aduentus causam non exposuit: unde etiam nonnulli auctores occasionem acceperunt, ut existimarent bis mulieres ad sepulcrum venisse, primum, non ut Christum vngerent, sed, ut ait Matthæus, ut sepulcrum viderent, deinde ut vngerent. In quibus est Dionys. Alexan. & Hieron. hoc loco, & questio. 6. ad Hedibian. Sed hanc opinionem & supra refutauimus, & infra versu tertio pluribus argumentis refutaturi sumus. Cur ergo Matthæus dixit ad videndum sepulcrum venisse? Non utique ut indicaret, ad videndum tantum sepulcrum, non ad vngendum Christi venisse corpus, sed ut indicaret venisse quidem ad vngendum, sed dubitantes tamen, an possent vngere, quia sciebant monumentum magno clausum fuisse lapide. Itaque sollicitè de ea re in via inter se dicebant, *quis reuoluet nobis lapidem ab ostio monumenti?* Marc. 16. 3. Significauit ergo Matthæus venisse eas, ut viderent sepulcrum, num ita clausum, & munitum esset, ut ingredi possent, & ingressæ vngerent Christum.

3. *Et ecce terræ motus factus est magnus.*) Dicitio ecce indicat terræ motum euntibus, aut appropinquantibus ad sepulcrum mulieribus factum esse. Hac enim vis eius est, ut c. 2. 1. docuimus. Cur terræ motus factus fuerit, haud obscurè indicat Euangelista, quia angelus descenderat de cælo; ut enim causali particula, *Angelus enim Domini descendit.* Cur autem descendente angelo factus fuerit, id quia nullus indicat Euangelista, in questione vocari potest. Probabilis est ratio, quam Chrysostomus homi. in Matthæum 90. Euthy. & Theophylactus in comment. afferunt, ut concussa terra custodes, qui dormiebant, excitarentur, & resurrectionis Christi cogitarent esse testes. In eo Chrysostomus non assentior, quod etiam mulieres excitatas putet; dormiuisse enim graui oppressas somno. Quis enim hoc de earum diligentia & charitate credat? nescit dormire amor. Credo ego ob eam etiā causam factum fuisse terræ motum, ut & custodes, & mulieres intelligerent eos, qui splendenti vestitu iuxta sepulcrum apparuerunt, non homines fuisse, sed angelos, id est celestes, atque diuinos nuntios. Motum enim terræ Dei præsentiam, aut alicuius, qui Dei personam repræsentet, significare capit. 27. 51. multis scripturarum exemplis demonstrauimus. Ut ergo & custodes, & mulieres angelis fidem haberent, oportebat, ut terræ concussione, non solo splendore angelos esse cognoscerent. Potuit & alia terræ motus esse causa, ut intelligerent custodes Christum non furto sublatum, nec humana, sed diuina virtute, qua ille ipse terræ motus fiebat, resurrexisse.

*Angelus enim Domini descendit de celo.*) Ἄγγελος γὰρ κυρίου καταβὰς ἐξ οὐρανοῦ προσελθὼν ἀπεκύλισε τὸν λίθον, angelus enim Domini, cum descendisset de cælo, & accessisset (ad sepulcrum) reuoluerat lapidem. Vna causa, cur de cælo angelus descendisset, explicatur, ut lapidē à monumento reuolueret. Alij cōiecturæ nostræ relinquunt. Chryso. in hom. in Ps. 2. ues præterea ratio.

Cur terræ motus factus est in Christi resurrectione.

Angelus cur ad Christi sepulcrum descendit.



rationes affert. Primam, vt angeli ostenderent Deum illic fuisse sepulcrum, cum ad sepulcrum, tanquam in celo, vbi Deus habitat, assisterent. Secundam, vt mulieres docerent vetē Christum resurrexisse, monerentque, vt id Apostolis quamprimum renūciarent: quod si ab angelis edoctæ non fuissent, minimè credidissent, cū constet ex Ioanne, etiam postquam ab illis doctæ fuerant, non satis credidisse, sed existimasse potiùs furto ab aliquo fuisse sublatum. Tertiam, vt omnes fraudes, & machinationes anteuertent, nec Iudæi, cum audissent Christum resurrexisse, alium pro eo in eodem sepulcro supponerent, vt non resurrexisse videretur. Cur autem lapidem angelus remouerit, de eo nobiscum hæretici disputant. Vna enim eorum pars (nam alij quamuis insani, sanioris tamen iudicii sunt) propterea lapidem ab angelo reuolutū fuisse putant, vt Christus resurgeret, & a sepulcro exiret, quod & Hilarius can. in Matthæum 33. dicere videtur. *Angelus, inquit, Domini de calo descendens, & lapidem reuoluens, & sepulcro assidens misericordie Dei patris insigne est resurgenti filio ab inferis virtutum celestium ministeria mittenti; sic enim legendum arbitror, vbi mysteria leguntur, quod vix vllum habet sensum; & Leo episto. 83. ad Monachos Palæstini nos, Dicant igitur isti phantasmatici Christiani, quæ substantia Saluatoris affixa sit ligno, quæ iacuerit in sepulcro; & reuoluto monumenti lapide, quæ tertia die caro surrexerit.* At ex verbis Euāgelistarum manifestum est prius Christum resurrexisse, quàm angelus à monumento lapidem reuoluisset. Nam Matthæus apertè dicit terræ motum propter angelī descensum fuisse factum, & ecce, inquit, *terra motus factus est magnus; Angelus enim Domini descendit de calo, & accedens reuoluit lapidem.* Quod si Christus nondum resurrexerat, non propter angelī descensum, sed propter Christi resurrectionem factum dixisset. Propterea Marcus c. 16. 3. 4. non vt Christus resurgeret, sed vt mulieres ingrederen-

tur, & vacuum corpore sepulcrum videre possent, lapidem ab angelo reuolutū fuisse significat, *Et dicebant, inquit, ad inuicem, quis reuoluet nobis lapidem ab ostio monumenti? & respicientes viderunt reuolutum lapidem:* quasi dicat, opportunè venisse angelos, & mulieribus de remouendo lapide sollicitis, antequam ad sepulcrum accederet, lapidem reuoluisset. Denique qua hora Christus resurrexerit, nemo vnquam mortaliū, vt Hier. quæstione 6. ad Hedibiam, & Greg. Nyssenus orat. 2. de resurrectione, & Euth. hoc loco docet, scire potuit. Quæ autem hora lapis a monumento amotus fuerit, ex omnibus Euangelistis compertum est. Cū enim terræ motus, vt ait Matthæus, propter angelī descensum factus fuerit, factus autem fuerit mulieribus iā ad sepulcrum appropinquantibus, vt particula illa, ecce, significari diximus; Angelus autē, vt idem Matthæus scribit, lapidē reuoluerit, sequitur appropinquantibus iam mulieribus reuolutum fuisse. Quæ autem hora appropinquaerint, omnes Euangelistæ exprimunt; diluculo enim, cum adhuc essent tenebræ, vt ait Ioannes, domo profectæ ad sepulcrum, vt ait Marcus, orto, aut oriente iam sole peruenerunt, tūc ergo lapis reuolutus est; non est igitur reuolutus, vt de sepulcro Christus exiret, neque ante nouos istos hæreticos id quisquam cogitauit. Nam omnes veteres interpretes docuerunt, quod & Euangelistæ planè docent, lapidem nō propter Christum, sed propter mulieres fuisse reuolutum, vt ad Hedibiam Hiero. scribit, & alij, quos paulo post citaturi sumus. Nec aliter Hilarius, aut Leo senserunt. Nam, quod dicit Hilarius Deum resurgenti filio celestium virtutum ministeria misisse, nō significat misisse angelos, qui eum resurgētem adiunarent, quasi sine eorum auxilio exire de sepulcro, non potuisset: sed misisse ut testes, atque præcones resurrectionis eius essent; quemadmodum in Christi tentatione non venerunt angeli, dū à diabolo tentaretur, ne inuandī cā venisse videretur, sed postquā tentatus est, post

T t vido.

Lapis cur  
ab Ange-  
lo reuolu-  
tus contra  
Caluini-  
stas,

Locus Hi-  
larij emē-  
datus,

Loci Phila-  
rij, & Leo-  
nis expli-  
cati,



victoriam venerunt, vt triumphum  
 agerent, & victorem Dominum reco-  
 gnoscerēt. Quod autem dicit Leo, &  
*reuelo tibi monumenti lapide, quæ tertia*  
*die caro surrexerit, non intelligendum*  
 est, quasi ablatius ille *reuelo lapide*  
 causam, sed quasi signum, effectumq;  
 & argumentum significet, tanquam  
 dicat, quæ caro fuit illa, quæ tertia die  
 resurrexit, vt reuelo monumenti la-  
 pide probatum est. Sic enim intelligē-  
 dum esse, vel ex eo manifestum est, q̃  
 statim de re simili loquens addat, *q̃*  
*uale corpus Iesus discipulorum visui*  
*clausis ad eos ostijs ingressus intuleris.*  
 Ita enim egressum de sepulcro Chris-  
 tum, sicut ingressum ad discipulos  
 fuisse credebatur, vt omnes alij aucto-  
 res, quos paullo post citaturi sumus,  
 crediderunt. Alia ratione hæretici ni-  
 tuntur hunc locum deuitare, ne fateri  
 cogantur posse Christum, qui ē sepul-  
 cro non reuelato lapide exiit, in  
 Eucharistia quoque Sacramento vna  
 cum magnitudine panis esse, Cessisse  
 egredienti Dōmō lapidem dicunt,  
 & ad mollis matēriæ modum locum

Christus e  
sepulcro p  
lapidis pe  
netrationē  
egressus.

Christi corpori dedisse. At unde id probant? Nos lapide nondum remoto, exiisse perspicimus Euangelistarum verbis comprobamus; illi emolliri fuisse lapidem, & quasi aquam, aut aërem solido Christi corpori cessisse nullo vltimo Euangelistæ verbo, nulla coëctura, nullo boni auctoris testimonio probare possunt; solo metu consciendæ veritatis probant, teste valde suspecto, quique facillimè corruptipitur, nisi id concefferint, & corpus Christi in Eucharistia esse posse concedere cogantur. Docent omnes veteres auctores Christus eodem modo; quo de viro matris egressus fuerat, & è sepulchro euasisse, & ad discipulos ingressū fuisse, id est, ita vt corpore suo matris corpus, sepulcri lapidem, domus; vbi discipulierant, fores nec aperiret, nec rumperet, nec quod simile rupturæ est, emolliret, sed penetraret. Iustinus martyr. questione ad orthodox. 117. Chrysost. hom. 2. de Ioan. Baptista, Grego, Nazianz. in Traged. de Christo patiente, Hiero. q. 6. ad Hedibū, Augu-

ferm. de tempore 138. & 159. Euthy-  
mius in commentar.

*Es sedebas super eum.)* Sedebat super lapidem angelus, quasi mulierum aduentum expectans, & quasi indicans se, qui lapidem reuoluisset; sedebat. n. super opus suum. *Quomodo autem sedere hic dicatur,* cum apud Lucam stātes introducantur angeli, & quis lapis ille fuerit, super quem angelus sedebat, ver. frequenti didici sumus.

3. *Eras autem apertus eius sicut fulgur, & vestimentum eius sicut nix.*) Omnes Euangelistæ in solitum angeli habitum studiosè descriperunt; omnium verò diligentissime Matthæus. Marcus capitul. 1. §. 5. & viderunt, inquit, iuvenem sedentem in dextris cooperatum stola candida, & Lucas 24.4. Ecce duo viri flecterunt secus illas in veste fulgenti. Io. 1. §. 10. 12. & vidit duos Angelos in albis sedentes, unum ad caput, & unum ad pedes, ubi posuim fuerat corpus. Nō vacat tanta diligentia mysterio, cuius & aliud indicium est. Sa pe legimus angelos vitato hominum habitu, ita vt homines esse crederentur, hominibus apparuisse Gene. 16.7. & 18. 1.2. & 19.1. & 32.24. & Ios. 5.13. & Iud. 1.4. & Dani. 8. 16. & Zach. 2.1. & Tob. 5.5.6. & 12.15. Hic autem nouo vestitu, noua specie, nouo splendore angelividentur. Minimè difficilis coniectura est, ideo missi hic angeli fuerant, vt cœlestis diuinaque auctoritate resurrectionis Domini fidem facerent. Oportebat ea venire specie, vt nemo eos angelos esse dubitare posset. Cum ergo necesse non sit, vt angeli esse cognoscantur, quin potius interesse, vt non cognoscantur, communi hominum forma mittuntur, sicut ab Abraham Gen. 18.1. & ad 1. Ios. Gen. 19. 1. & ad Tobia filium Tob. 5.7. missi sunt; cum autem visit, vt angeli esse cognoscantur, speciem humana illustriorem præferunt, vt Act. 1. 10. Quam rationem Cyrillus affert lib. in Ioan. 12. ca. 46. Gregorius verò homilia in Euang. 20. & Beda in huius loci Comment. aliam quoq; rationē reddunt, cur splendenti habitu angeli apparuerint, nempe vt resurgentis Christi gloriam,



Cur Ange-  
li iuuenili  
forma ap-  
parent.  
Celest. hic  
sarc. 6. 15.

riam, & gaudium de ea nostrum demonstrarent. Eodem pertinet, quod Marcus iuuenem vocat, nunquam. n. angeli alia, quam iuuenili forma uideri solent, ut eorum *nunquam senescens, & semper vicens vs vitalis*, ut ait Dionysius, & *immortalitas*, significetur. Porro Matthæus, & Ioannes angelos; Marcus, & Lucas homines appellant, illi, quod erant, hi, quod primo aspectu uidebantur, declarantes. Multæ verò hoc loco propter eam, quæ inter Euangelistas uidetur esse, discordiam difficiles quæstiones sunt. Prima, quomodo Matthæus, & Marcus vnum: Lucas, & Ioannes duos angelos fuisse dicant. Secunda, quomodo Matthæus dicat angelum sedisse super lapidem, quem reuoluerat, qui utique extra monumentum erat, ita ut angelum ipsum extra monumentum fuisse necesse sit. Marcus verò 16. 5. & Ioann. 20. 12. intra monumentum: ille iuuenem, hic duos angelos visos fuisse dicant. Tertia, quomodo Matthæus, & Marcus angelum sedisse scribant, cum Lucas dicat, stantes angelos à mulieribus visos fuisse. Quarta, quomodo Matthæus, Marcus, & Lucas plures mulieres. Ioan. verò solam Magdalenam angelos uidisse narret. Quinta, quomodo Ioan. scribat Magdalenam, cum primum ad sepulcrum venisset, lapidem reuolutum inuenisse, angelum verò non uidisse, nisi postquam redierat, & discipulis Christi resurrectionem annuntiauerat, cum Matthæus, Marcus, & Lucas non solum, cum primum uenerunt, uidisse angelum, sed ab eo etiam iussas fuisse ire, & discipulis annuntiare dicant. Ad primam quæstionem, qui D. Augusti. lib. 3. de conf. Euang. capitu. 24. opinionem sequuti existimant bis mulieres, non quidem vespere, & mane, ut Hieronym. ait, sed orto iam die sepulcrum venisse, facile, nescio an etiam verè, respondent, cum primum uenerunt, uidisse unum, cum secundo uidisse duos. Alii primū quidem, antequam in sepulcrum ingrederentur, vnum uidisse angelum, deinde in sepulcrum ingressas, aut unum alterum, ut indicat Marcus, aut duos, ut

Lucas, & Ioannes scribunt, intus uidisse, quemadmodum Theophy. in comment. in c. Luc. 24. & hoc loco D. Tho. interpretantur. Nolo aliorum iudicio præferri meum. Itaque licebit per me lectori sequi in re minimè comperta, quod simillimum esse vero iudicabit. Tum ego quidē tria hoc loco animaduerto magno multorum interpretum recepta consensu, quæ persuadere mihi non possum. Primum est, mulieres bis ad monumentum venisse Christi. Secundum, cum primum uenerūt, aut nullum, aut unum tantum uidisse angelum. Tertium, vnum extra monumentum alterum intra, aut unū extra, duos intra uidisse: quæ tria, quæ ex illis uideo omnium, quas proposuimus, quæstionum explicationem magna parte pèdere, operæ præmium me facturum arbitror, si reseruero. Atque primū, & secundum, quæ ita copulata sunt, ut distrahi non possunt, simul sunt, & cōib. argumentis refellenda. Primum quidem, cum Matthæus, Marcus, & Lucas mulieres ad Christi sepulcrum venisse dicunt, dubium profecto non est, quin de primo earum loquantur aduentu. Propterea. n. dixerunt summo venisse mane, ut indicarent, venisse, cū primum & p. sabbatum, & persequentem sabbatum noctem venire licuit, quasi totā in somnes noctē egerint, ipsi illud expectantes matutinum, ut ad sepulcrum properarent. Atqui tunc, cum mane uenerūt, dicunt eas uidisse angelos; nisi uelimus apertam eorum uerbis uim afferre. Deinde nemo, qui attentè Euangelistas legerit, dubitare poterit, quin mulieres angelorum monitu Petro, & Ioanni Christi resurrectionem annuntiauerint; illos uerò & mulierum testimonio, & audito angelorum viso excitos ad sepulcrum accurrisse, ut ipsi sibi oculis suis fidem facerent. Scribit enim disertis uerbis Marcus c. 16. 7. angelum mulieribus dixisse, *ite, dicite discipulis eius, & Petro*, ergo prius uiderunt angelum, quam Petro renuntiarent, & quam Petrus, & Ioannes ad sepulcrum uenirent. Quid enim opus erat iubere, ut Petro dicerent resurrexisse Christum, si ipse iam uenerat, &

T t 2 vacuum



vacuum corpore sepulcrum oculi suis viderat. Qui autem existimat bis ad sepulcrum venisse mulieres, & cum primum venerunt, nullum vidisse angelum, illud etiam dicunt, aut dicant necesse est, prius Petrum, & Ioannem ad sepulcrum venisse, quam mulieres vllum viderent angelum, quemadmodum videtur indicare Ioannes, cuius narratione moti in hanc sententiam impulsus sunt. Hoc autem disertis Marci verbis omnino repugnat. Præterea nequaquam obscure Matthæus iudicat eodem tempore, & milites, & mulieres vidisse angelum ver. 4. *pre timore autem eius exterriti sunt custodes, & facti sunt velut mortui.* Manifestum autem est milites, antequam Petrus, & Ioannes ad sepulcrum venirent, & angelum vidisse, & externos discessisse. Nec enim Petrus, & Ioannes tam audacter ad sepulcrum venissent, nisi ex mulieribus cognovissent iam milites discessisse. Nam mulieres, cum adhuc a militibus sepulcrum custodiretur, venire ausas mirum non est. Solum militaris furor in viros accendi, mulieribus parcere. Scribit præterea Lucas cap. 24. 13. eo ipso die, cum duo ex discipulis irent in Emaus, Christum se illis adiuvisse comitem, eosque dixisse ver. 21. 22. 23. *Nos autem sperabamus, quia ipse esset redempturus Israel, & nunc super hæc omnia tertia dies est hodie, quod hæc facta sunt; sed & mulieres quædam ex nostris terruerunt nos, & quæ ante lucem fuerunt ad monumentum, & non inuento corpore eius viderunt dicentes se etiam visionem angelorum vidisse, qui dicunt eum vivere, & abierunt quidam ex nostris ad monumentum, & ita inveniunt, sicut mulieres dixerunt.* Minime dubium est, quin cum dicit, *abierunt quidam ex nostris ad monumentum*, Petrum, & Ioannem intelligat. Atqui prius dixerat mulieres visionem angelorum vidisse, eamque & Petro, & cæteris discipulis narrasse. Ad hæc aliorum etiam gravissimorum interpretum auctoritas accedit, qui cum primum mulieres ad sepulcrum venerunt, angelos vidisse putant, in quibus Gregorius Nyssenus est. oratio. 2. de

Christi resurrectione. Cum ergo, qui bis mulieres ad monumentum venisse dicunt, non alia ratione dicant, quam ne Ioanni, qui videtur significare mulieres, cum primum venerunt, Angelum non vidisse, repugnare videantur, cumque probatum sit, ut opinor, a nobis sit, cum primum venerunt, vidisse angelos, nulla illis reliqua ratio est, quam obrem bis dicant ad sepulcrum venisse mulieres. Nam locum Ioannis ita paullo post explicaturi sumus, ut nulla propterea appareat, repugnantia. Constat ergo & semel tantum venisse mulieres, & tunc eum primum venerunt, vidisse angelos. Tertium facilius est retutare. Marc. 16. 4. 5. *Et respicientes, inquit, viderunt revolutum lapidem, & introeuntes in monumentum viderunt iuvenem sedentem in dextris, dicturus nimirum erat Marcus alterum angelum extra monumentum vidisse, si aliquem alium extra vidissent, velut ergo creditur Matthæus indicare. Accedit, quod & eum, quem Matthæus & cum, quem Marcus a mulieribus visum fuisse dicunt, ex iisdem, quibus ad mulieres visum est verbis, eundem fuisse manifestum est, utique enim, dicit, nolite timere vos: scio, quod Iesum, qui crucifixus est, queritis. Cum ergo ille, de quo Matthæus, & ille, de quo Marcus scribit, idem fuerit angelus, & Marcus, cum a mulieribus intra monumentum perspicuis verbis visum fuisse dicat: Matthæus vero extra visum fuisse non dicat, sed tantum super eum, quem a sepulcro dimoverat, sedisse lapidem, sequitur non extra monumentum, quod Matthæus non dicit, sed intra, quod Marcus dicit, visum fuisse. Maximeque cum cæteri etiam Evangelistæ Luc. 24. 4. & Io. 20. 12. non foris, sed intus dicant duos illos angelos visos, Scio quid plerisque, ut aliter sentiant, interpretes moveat Scribit Matthe. ver. 3. *Angelus enim Domini descendit de celo, & accedens revolvit lapidem, & sedebat super eum, aperte significans super illū ipsum lapidē, quē revolvebat, sedisse angelū. Illū autē lapidē nō intra, sed extra monumentum fuisse colligit ex* Marco*



Marco 16. 3. *Quis, inquit, mulieres, reuoluet nobis lapidem ab ostio monumenti?* in ostio igitur, id est foris lapis erat. Quod si super eum sedens à mulieribus uisus est Angelus, extra monumentum uisus est. Miror neminem, quod sciam, interpretem obseruasse, duos in monumento fuisse lapides, & utrumque fuisse ab angelo reuolutum. Nam & D. Aug. lib. 3. de consensu Euangelistarum capitu. 24. suspicatur monumentum Christi non solum continuisse sepulcrum, sed ædificium fuisse, quam ipse materiam appellat, ut uero simile, est concameratum foris ostium habens, quā introitus esset, intus uero sepulcrum, ubi corpus reponeretur, quod alio clauderetur lapide. Eiusmodi autem fuisse Christi sepulcrum, quale August. animo fin xerat, & Beda in ca. 27. Matt. & Brocardus, & omnes qui uiderunt, uno ore confirmant. Duo igitur erant lapides, alter foris, quo totius monumenti ostium clauderetur, alter intus, quo clauderetur sepulcrum, utrumque angeli reuoluerant, primum, ut mulieres ingredi possent; secundum, ut uacuum sepulcrum uiderent. Angelus ergo non super primum, sed super secundum sedebat. Si enim super primum sedisset, primo aspectu mulieres terruisset, neque aulæ fuissent in monumentum introire. Et conueniebat non super primum, sed super secundum sedere lapidem, & ut ostenderet se ideo sepulcri lapidem amouisse, ut mulieres uacuum sepulcrum uiderent, & ut ipso quodammodo digito locum, ubi Christus positus fuerat, uacuum demonstraret. Sicut uersic. 6. dicit, *Surrexit enim, sicut dixit, Venite, uidete locum, ubi positus erat Dominus.* Cum ergo Matthæus dicit angelum remouisse lapidem, utrumque lapidem intelligit: Cum dicit sedisse super eum, secundum intelligit, qui intra monumentum erat. Nam cum super utrumque sedere non posset, necesse est, aut super primum, aut super secundum sedere. Matthæus super primum sedisse non dicit, Marcus, Lu-

cas. & Ioannes super secundum sedisse manifeste dicunt, cum dicant sedisse intus, ergo & Matthæus cum dicit sedisse super eum, secundum lapidem intelligit, unde sequitur etiam secundum Matthæum angelum non foris, sed intus à mulieribus uisum esse. Obijciat aliquis, quod Matthæus uersic. 6. scribat dixisse mulieribus angelum, *uenite, uidete locum, ubi positus erat, Dominus*, quasi eas nodum in monumentum ingressas, ad ingrediendum inuitet. Scio etiam hoc multos interpretes fecisse, quod existimarunt mulieres his uerbis ad ingrediendum in monumentum, inuitatas esse, cum non ad ingrediendum, sed ad ueniendum, id est ad accedendum, & uidendum sepulcrum inuitentur. Nec enim dicit angelus introire, sed *uenite*. Erant enim iam intra monumentum, ut Marcus & Lucas disertissime scribunt. Cum enim ad monumentum uenissent, & præter opinionem primum lapidem, de quo in uia sollicitæ fuerant, remotum inuenissent, audacter ingressæ sunt, cum intus essent, & angelum super sepulcri lapidem sedentem uidissent, ob stupefactæ resisterunt, non audentes ad sepulcrum accedere. Angelus uero primum iubet timorem ponere, *Nolite, inquit, timere vos scio, quia Iesum, qui crucifixus est, queritis; surrexit, non est hic.* Deinde inuitat ad accedendum, uidendumque sepulcrum. *Venite, uidete locum, ubi positus erat Dominus.* Obijci etiam potest, quod Lucas 24. 2. 3. 4. scribat, *Et inuenerunt lapidem reuolutum à monumento, & ingressæ non inuenerunt corpus Domini Iesu; & factum, est dum mente consternata essent de isto, ecce duo uiri steterunt secus illas in ueste fulgenti, ubi indicat prius mulieres non solum in monumentum ingressas fuisse, sed ad sepulcrum etiam, quod intus erat, accessisse, idque uidisse uacuum, quā aut ab angelo inuitarentur, aut ullum uiderent angelum.* Respondeo Lucam per anticipationem locutum esse: quia enim eo properabat animo, ut narraret mulieres Christum in sepulcro non inuenisse, quia iam resurrexerat, id dixit, antequam commemoraret angelos

T t 3 gelos

Duo lapides i ostio monumenti Christi.

In deseriptione uerbis Hierusalem, & locorum terræ sanctæ.



gelos ab illis visos, eorumque testimo-  
nio Christi fuisse confirmatam resur-  
rectionem. Hinc primæ simul, & secun-  
dæ quæstionis earum quinque, quas  
supra posuimus, explicatio colligitur.  
Primæ, duos fuisse quidem angelos  
quemadmodum Lucas, Ioannesque cõ-  
memorant, sed quia vnum tantum  
cum mulieribus loquutum fuisse cre-  
dendum est (nec n. necesse erat, vt al-  
ter, cum non nisi eadem dicere posset,  
loqueretur) Matthæus, & Marcus, qui-  
bus propositum erat, quid mulieribus  
angeli dixissent, recitare, vnius tantum  
meminerunt, sicut è contrario, cum  
mulieres ad monumentum venis-  
sent, quia vna pro omnibus Magdale-  
na, & cum angelis, & cum Christo lo-  
quuta est, eius tantum Ioannes men-  
tionem fecit. Lucas verò, & Ioannes  
indicare volentes angelorum testimo-  
nio Christi resurrectionem probatam  
fuisse, testium numerum vt exprime-  
rent, necesse fuit. Conueniebat enim  
duos saltem angelos fuisse testes, vt in  
ore duorum, vel trium testium staret  
omne verbum: & videmus in simili  
causa ascendente in cœlum Christo duos  
etiam candidis vestibus angelos appa-  
ruisse, qui eum, & ad cœlum ue, & eodẽ  
modo rediturum esse testificarentur  
Act. 1. 10. Repugnare huic interpreta-  
tioni videtur illud, quod 1. 24. 5. scri-  
bit angelos mulieribus dixisse, *Quid  
queritis viuentem cum mortuis?* & 1. 28.  
20. 12. angelos dixisse Magdalene, *mu-  
lier, quid ploras?* facilis solutio, esse syl-  
leptim, quia quod unus fecit, totum ge-  
nus fecisse dicitur, qualam supra c. 27.  
44. exposuimus, & multis scripturarũ  
exemplis confirmauimus, vbi latro-  
nes conuicia in Christũ iactasse dicun-  
tur, quæ vnus latro iactauerat, & ut a-  
pud D. Paulum Heb. 11. 33. 37. prophe-  
tæ facti fuisse, cum vnus factus fuerit  
Isaias: ora leonũ obturasse, cum solus  
obturauerit Daniel. Angeli ergo a-  
pud Lucam, & Ioannem cum mulieri-  
bus loquuti dicuntur, quia aliter eorũ  
cum illis loquutus est. Secundæ uerò  
explicatio quæstionis ipsa iam per se  
manifesta est. Probauius enim ange-  
lum, de quo Matthæus loquitur, non

extra super primum, sed intra monu-  
mentum super secundum sedisse lapi-  
dem. Itaque nulla ea in re inter Mat-  
thæum, & Marcum, ceterosque Euan-  
gelistas dissensio est. Tertia quæstio et-  
iam à multis difficilis iudicatur, admodũ  
facilis mihi uidetur esse, quia in vnus  
propriate uerbi tota res uertitur.  
Quærebatur, quo Matthæus, Marcus,  
& Ioannes sedisse angelos, Lucas uerò  
fuisse dicat. d. Aug. & qui eum sequen-  
ti putant alium de quo Matthæus, &  
Marcus, & alios, de quibus Lucas, & Io-  
annes loquuntur, fuisse angelos, facillẽ  
sibi uidentur respondere, illum sedisse,  
hunc fuisse. Quid ergo Ioanni fac-  
ient, qui de illis ipsis duobus angelis,  
de quibus Lucas scribit, loquens, sedisse  
dicit, cum eos Lucas fuisse dicat?  
Alij prius sedisse, ut Matthæus, Mar-  
cus, & Ioannes scribunt, dein, ut cum  
mulieribus loquerentur surrexissent, ste-  
tissentque, ut ait Lucas. Distinctio meo  
quidem iudicio minime necessaria, cũ  
facilius possimus explicata uerbi pro-  
priate, quod Lucas fuisse angelos  
dicit, interpretari. Diximus c. 6. 5. stan-  
di uerbum, & Latine, & Græcè nõ sem-  
per rectum corporis habitum, sed so-  
lam aliquando præsentiam, solam ali-  
quando quietẽ significare. Stare enim  
dicitur non solum, qui rectus est; sed  
etiam, qui præsens est, et si sedeat: exem-  
pla sunt sup. c. 16. 28. *Amen dico uobis,  
sunt quidam de hic stantibus,* id est ex  
his, qui adsunt, qui præsentia sunt, qui  
non gustabunt mortem, donec uideant fi-  
lium hominis venientem in regno suo, &  
Marci 11. 25, cũ inquit, *stabitis ad orã-  
dum dimittere, si quid habetis aduersus  
aliquem.* non n. iubet, ut recti orẽt, sed  
ut stet, id est, ut quieti orẽt, aut ut stet,  
id est curam Deo sese, quodammodo si-  
stāt & representent; quia orare Deum  
alloqui est, & Lucæ 7. 37. 38. *Et ecce mu-  
lier, quæ erat in ciuitate peccatrix, vt co-  
gnouit, quod accubisset in domo Phari-  
sæi, attulit alabastrum unguenti, & stans  
retro secus pedes eius lacrymis cepit riga-  
re pedes eius, & capillis capitis sui terge-  
bat, & osculabatur pedes eius.* nõ enim  
erecta erat, sed ad Christi pedes pro-  
uoluta, cum eos lacrymis ligaret, ca-  
pillis

Stare in  
scriptura  
quid sæpe  
significet.

Syllepsis  
scripturæ  
familiaris,



pillis tergere, vngeret, oscularetur rufus capitul. 18. 11. *Phariseus stans hæc apud se orabat*, nec enim stetit credendum est, cum oraret, hominem præsertim professum hypocrisim, & Ioan. 1. 26. *Ego baptizo vos in aqua, medius autem vestrum stetit, quem vos nescitis*. id est, inter vos est, præsens ubi adest. Quarta questio altera proposita consimili questione soluitur. Queritur, cur Ioannes solam Magdalenam angelos vidisse dicat, cum ceteri Euangelistæ plures dicant, quæ viderunt, fuisse mulieres? Quæro similiter ego, cur Ioannes solam Magdalenam ad monumentum venisse dicat, cum ceteri Euangelistæ plures mulieres uenisse dixerint? Non fuit Euangelistis propositum omnia penitus connumerare. Plures iuxta crucem Christi mulieres erant: multi etiam viri, ut Lucas capitul. 23. 49. indicauit, Matthæus capitul. 27. 55. tres tantum nominauit mulieres, quæ cæteris, & notiores, & diligentiores erant, uirum nullum. Eadem ratione Ioannes, & solam Magdalenam ad monumentum uenisse dixit, & solam vidisse angelos, quia haud dubium est quin Magdalena præcipuas eius officij egerit partes, & omnium aliarum fuerit nobilissima. Quod vel ex eo intelligitur, quod ceteri etiam Euangelistæ cum plures nominant, eam semper primo loco ponunt, ut Matthæus capitul. 27. 56. 61. & hoc capitul. 3. 1. & Marcus ca. 15. 40. & 16. 1. Quinta quaestio reliqua est, quæ in solius Ioannis explicatione versatur, quæque omnium fere aliarum difficultatē peperit. quomodo Ioannes significare uideatur Magdalenam, cum primum ad sepulchrum venit, neque angelum, neque Dominum uidisse, sed statim, ut lapidem reuolutum uidit, recurrisset, & Petro, Ioannique nuntiasse, *Tulerunt Dominum meum de monumento, & nescimus ubi posuerunt eum*, post verò significat rediisse, & angelos, Christum que uidisse. Tam perspicue hæc Ioannes dicere plerisque interpretibus visus est, ut ex eo alios Euangelistas, qui contrarium dicere videbantur, explicandos putauerint. Tam perspicue mi-

hi alij Euangelistæ contrarium dicere videntur, ut ex illis Ioannem explicandum putem. Nam si non sententiæ perspicuitate, certe numero uincant, æquum est. Quis autem credat tres Euangelistas, quasi communicato consilio conspirasse, ut obscure loquerentur. Facilius creditu est vnum Euangelistam, quam plures obscure locutum esse. Magdalenam, & reliquas mulieres semel tantum ad monumentum venisse, & antequam Petro, & Ioanni nuntiarent, uidisse angelos, firmissimis a nobis argumentis paullo ante probatum est. Quo ergo modo Ioannes interpretandus? Non seruauit, ut Euangelistis sæpe contigit, in historia a narratione rerum gestarum ordinem, & quæ simul gesta fuerant, non simul, sed alia prius, alia posterius commemorauit, simul & Magdalena venerat, & angelos viderat: prius uenisse, & lapidem uidisse reuolutum, post angelos uidisse, narrat. Quod probabilius uidebitur, sicut huius ipsius non seruati ordinis causam aliquam non improbabilem reperimus. Putat Gregor. Nyss. oratio. de resurrectione. 2. Magdalenam Petro, & Ioanni nihil de angelis, quos uiderat, dicere uoluisset, quod se delusam crediderit, nec ueros fuisse angelos, propterea non dixisse Christum resurrexisse, sed *ulerunt Dominum meum de monumento, & nescimus ubi posuerunt eum*. Ego cum Ioannem lego, perspicere mihi videor eum omnibus prætermisissis rebus eo properare uoluisset, ut exponeret, quomodo ipse, & Petrus continuo ad primum Magdalene uerbum ad uidendum sepulchrum cucurrisset. Itaque & angelorum & Christi ommissa uisione, suam, & Petri ad monumentum festinationem exponit, non ulla quidem gloriæ cupiditate, quæ ab eo tam procul aberat, ut ne nomē quidem suum exprimere uoluerit, sed studio probandæ resurrectionis Christo, ut quamprimum se, & Petrum oculos eius fuisse testes declararet, maiorque historię ipsius haberetur fides. At non solum Ioann. dicit aliquis, sed neque ipsa quidem Magdalena Petro, Ioannique

T. 4 narrauit



narravit se angelos, & Christum vidisse, quin indicat non vidisse, cum dicit, *tulerunt Dominum meum de monumento, & nescimus, ubi posuerunt eum*; si enim angelum iam vidisset, & ab eo de Christi resurrectione fuisset edocta, dixisset utique resurrexisset Christum: non de monumento sublatum fuisse, idque & angelorum visione, & testimonio confirmasset; dixisset, quod multo plus ad faciendam fidem poteris erat habiturum, se Christum ipsum vidisse. Quid si propterea Petro, & Ioanni se angelos, & Dominum vidisse non dixit, quod illi simulque primum audierunt verbum non expectatis pluribus ad sepulcrum cucurrerunt? Quid si prudenter noluit illis angelorum, & domini visionem exponere, sed ita narrare factum, quasi sublatum solum de sepulcro Christum putaret, ut eos & ad visendum sepulcrum, & ad quaerendum Christum magis accenderet, credens fore, ut si ad monumentum iret, & angelos, sicut ipsa, & Christi uideret nec suo illis testimonio iam opus esset? Obstare videtur, quod Lu. c. 24. 23. scribat, mulieres discipulis narrasse se etiam ad sepulcrum vidisse angelos, & quosdam ex discipulis, id est Petrum, & Ioannem ad sepulcrum cucurrisse, sed non dissimile vero est initio mulieres nihil de visis angelis, & Christo dicere uoluisse, neque de ipsa Christi resurrectione quicquam affirmare, sed quasi futo sublatum existimarent, tantum dixisse, *tulerunt Dominum meum, nescio, ubi posuerunt eum*; ut quemadmodum diximus, ad visendum sepulchrum discipulos excitarent, quod ad excitandum Petrum, & Ioannem ceteris ardentiores satis fuit, ad excitandos, & persuadendos reliquos satis non fuit ideo egressis iam Petro, & Ioanne, ut ceteris discipulis fidem faceret, rem totam clarius exposuisse, narrasseque se, & angelos, & Christum vidisse. Hoc enim Christus apud Marcum capitulo. 16. 14. illis exprobrauit, quod *ipsi, qui viderant eum resurrexisse, non crediderunt*. Hæc interpretatio, & ipsa per se credibilis est, & ab ipsis, qui credere noluerint, refutari non potest; hæc

enim ratione Euangelistæ inter se omnes maxime conveniunt. Ioannes ergo suum, & Petri ad sepulcrum adventum primum narrare voluit. Quod cum fecisset, rediret per anacephalotum ad exponendam angelorum, & Christi visionem ver. 11. *Maria autem stabat ad monumentum foris plorans, dum ergo fletet inclinavit se, et prospexit in monumentum, & vidit duos angelos in albis*. Quod autem dicit inclinasse se, cum Marcus, & Lucas in monumentum introiisse dicant, contrarium non est; utrumque enim fecit, & introiit, & inclinavit se, ut sepulcrum videret; aut inclinando se intrauit, cum non pedes, sed caput, & corpus intra monumentum immisisset, ut sepulcrum videre posset.

4. *Pre timore autem eius.* Angeli, de quo proxime loquebatur. Quaquam & terræ motus terribis fuisse custodes credendum est; sed quia res naturalis videri poterat, multo magis angeli conspectu terribi sunt. Quo autem modo angelos uiderint, cum ipsi foris, angeli, ut diximus, intra sepulcrum essent, non sine causa queri potest. Credibile est angelos cum primum venerunt, & primum ab ostio monumenti lapidem removerunt, etiam foris ostendisse sese, ut custodes viderent, ac terrentur, cum eodem etiam ob causam venissent, ut custodes Christi resurrectionis testes uel inuitos esse cogerent. Credibile etiam custodes, postquam remotum uiderunt lapidem, ingressos intus, antequam mulieres accederent, ut uiderent, num Christi corpus in sepulchro esset, quod custodia, ac fidei suæ commissum fuerat, atque tunc intus sedentes vidisse angelos.

*Et facti sunt velut mortui.* Exanimæ præ timore, quod & Danieli, cum angelum uidisset, accidisse legimus cap. 10. 8. *Et non remansit inquit, in me fortitudo, sed & species mea immutata est in me, & emarcui, neque habui quicquam virium*. Timuerunt autem custodes non humano tantum timore, ne à se quasi Christi custodibus eius corpus repeteretur, quod cum reddere non possent, quasi aut negligenter

Angeli  
pater  
autem  
mi, e  
ma li  
ment



# In Marci. Cap. XXVIII. 665

getia sua discipuli furati essent, aut ipsi pecunia corrupti illis tradidissent, poenas luerent; sed multo etiam maxime diuino, ne cum viderent Christi resurrectionem diuinitus accidisse, eiusque diuinitatem confirmasse, diuinitus etiam aut immisso fulmine, aut debilitate terra ab eo punirentur, ut qui Iudaeorum sceleri operam praestitissent: quemadmodum Pilatus, cum audisset eum filium esse Dei, condemnare timuit, & absolueri quæsiuit occasionem Ioann. 19. 8. Timuerunt etiam viso angelo mulieres versu 8. & Marci 16. 6. 8. & Lucæ 24. 5. sed nullus Euangelista indicat tantum eorum, quantus militum fuit, fuisse timorem, ut exanimis fierent. Contra verò Lucas verecundum potius timorem, quam vilius periculi metum fuisse significat. Cum, inquit, timent, & declinarent vultum in terram. Vultum enim in terram declinare non tam fuit timoris, quam verecundiae. Et verò quis insolito, & supra humanum angelorum viso non timeat? Timuit Daniel capitul. 10. 8. 16. Timuit Zacharias Luc. 1. 12. Timuit ipsa Maria virgo Luc. 1. 29. Sed aliter boni, quam mali timent. Auger enim malis mala conscientia timorem. Timent mali, ut nequam serui, ne poenas dent, timent boni, ut filij, ne coram angelis minus reuerentes esse videantur, & quia non potest humana infirmitas diuinum ferre cōspectum. Timent milites, & exanimantur. Timent mulieres, sed non exanimantur, quia, ut D. Antonius, quemadmodum in Comment. refert D. Thom. & D. Hieronymus hoc loco dicit, eum bonus angelus bonis hominibus apparet, etiam si initio inausitato aspectu timorem iniiciat, ad extremum consolationem, & animi tranquillitatem relinquit. Mulieres ergo, non milites angelus timentes consolatur, ver. sequenti. *Nolite*, inquit, *time* *re* *vos*, ut D. Hieronymus, & poeta Iuuenius adnotauerunt. Hæc enim vim habet pronomen illud, *vos*, ut statim dicatur sumus.

Angelis ap-  
parētib;  
aliter bo-  
ni, aliter  
mali ti-  
ment.

5. Respondens autem angelus. Id est exorsus verba facere; sæpe enim hunc iam Hebraismum exposuimus, quoniam & respondere significat, & loqui incipere, ut supra cap. 11. 25. & cap. 22. 1.

*Nolite timere vos.* quasi dicat, milites timeant, qui malo huc animo, quasi Christi resurrectionem impedituri venerunt; vos, quæ nō ut impediatis, sed ut pieratis illi, & charitatis officia exhibeatis, venistis, nullam timendi causam habetis. Hæc est vis illius pronominis *vos*, quasi illas militibus opponat, ut Cyrillus Hierosolymitanus Catech. 14. Chrysost. homil. 90. Gregor. homil. in Euangel. 21. Beda, Euthymius & Theophyl. adnotauerunt, *Paveant*, inquit Gregorius, *illi, qui non amant aduentum supernorum ciuium; perime* *cant*, qui carnalibus desiderijs pressi ad eorum se societatem perungere posse desperant, *vos autem, cur perime* *scitis, quæ vestros cōcines videtis?*

Scio enim, quod Iesum, qui crucifixus est, queritis. Reddit causam, cur time-re non debeant, quod non malo, sed bono, ac pio venerint animo, ut Christi corpus quaerent, & religiosum illi vñctionis officium exhiberent: id quæ se scire confirmat, ne forte, quamvis bona sint conscientia, tamen propterea aliquid à se mali timeant, quod nesciens quæ de causâ uenerint, aut ad furandum corpus, aut ad aliquid aliud agendum mali uenisse suspicari possit. Quod autem Christum, & Iesum proprio appellat nomine, & crucifixum fuisse dicit, ad faciendam etiam pertinet fidem, ut ostendat se recte Christum nosse, nec ignorare eum, & crucifixum, & mortuum, & eo loco sepultum fuisse; scire tamen se eum resurrexisse. Apud Marcum 16. 6. *Iesum Nazarenum crucifixum* angelus Christum appellat, pluribus verbis Christum describens, quod eodem pertinet. Sed Matth. Nazarenū verbum prætermisit. Lucas c. 24. 5. alia angelorum recitat verba, *Quid* *in* *qui* *uit*, *queritis uiuentem cum mortuis?* Ioannes rursus alia cap. 20. 13. *Mulier* *quid* *plorat?* omnia dixisse angelos creden-



credendum est. Primum mulieres coepisse plorare, cum sepulchri ostium apertum vidissent, existimantes Christi corpus sublatum fuisse. Atque hoc est, quod scribit Ioannes, *Maria autem stabat foris plorans* unam nominans, omnes intelligens: mox plorantes in monumentum ingressæ esse, angelosque illis dixisse, *Quid ploratis?* & de sola Magdalena loquens, ait Ioannes, Magdalenam unam pro omnibus respondisse, *quia tulerunt Dominum meum*, ut idem scribit Ioannes; tunc subiicisse angelum, qui pro se, & altero angelo loquebatur, *Nolite timere vos; scio enim, quod Iesum, qui crucifixus est, queritis viventem cum mortuis*; quasi amicis verbis earum incredulitatem subprehen- dat. Si enim Christi verbis, quibus adhuc vivens se tertia die resurrecturum affirmaverat, fidem habuissent, non quærerent viventem cum mortuis, sed eum vivere pro certo sibi persuasisse. Ad extremum subiicisse, quod etiam Matthæus, Marcus, & Lucas scribunt, *non est hic, surrexit*, eaque iussisse ad Apostolos ire, & Christi illis resurrectionem annunciare, ut iidem tres narrant Euangelistæ.

6. *Non est hic; surrexit enim.*) Non satis fuit dicere *non est hic*; poterat enim illic non esse, nec tamen surrexisse, quia inde translatus, aut furto sublatu; propterea addit, *surrexit enim*; quasi dicat, ideo non est hic, non quod translatus, ut vos putatis, aut furto sublatu sit, sed quia surrexit. Quod ne novum, & incredibile videatur, addit, *Sicut dixit*, confirmans ex verbis Christi ipsius resurrectionem, & earum incredulitatem tacite notans, tanquam dicat, si Christo credidissetis dicentem se tertia resurrecturum die, supra capit. 16. 21. & 17. 23. & 20. 29. & 26. 32. facile nunc sine meo etiam testimonio eum surrexisse crederetis.

*Venite, videte locum, ubi positus erat Dominus.*) Quod & suo, & Christi testimonio probaverat, nunc experientia confirmat, & ipso visu niti-

tur fidem facere, *venite*, inquit, *videte locum, ubi positus erat Dominus*; Dominum cum vocat, Deum confite- tur. Quis enim præter Deum angelorum Dominus est? Videatur de industria ipsæ, uti verbis, quibus auctore Ioanne, Magdalena usâ fuerat. Illa dixerat *tulerunt Dominum meum*; ille dicit, *Venite, videte locum, ubi positus erat Dominus*, non solum suum, sed omnium & hominum, & angelorum Dominum vocans. Hoc enim indicat, cum absolute, & sine ulla adiectione Dominum appellat. Distulimus certo consilio in hunc locum quæstionem illam, quam hora Christus surrexerit, quod hoc primum loco mentio de eius resurrectione facta sit. Noctæ illa, quæ inter sabbatum, & primam hebdomadis diem, quam nos Dominicam appellamus, intercessit, surrexisse, quod ego quidem sciam, nemo non dixit. Illud etiam apud omnes fere auctores constare video, non ante mediam noctem surrexisse, etsi non defuerunt, qui propter Matthæi verba, *vespere autem sabbati*, vers. 1. vespere, id est noctis initio surrexisse dixerunt, ut Dionysius Alexandrin. in epistola ad Basilidem auctor est. Ea opinio neque fidem inuenit, & eorum verborum, quibus adducti sunt eius auctores, explicatione, supra est a nobis refutata. Media surrexisse nocte, sicut media etiam nocte natus creditur, multorum opinio fuit, qui, ut idem scribit Dionysius, propterea quadragesimæ ieiunium media ante diem Paschæ nocte soluebant, quod & in Synodo Constantinopolitana in Trullo habita, ut fieret, decretum est can. 89. ut Balsamon in comment. Ad Dionys. scribit: idque est totius fere etiam Ecclesiæ vetere consuetudine confirmatum, quæ sacrum illud de resurrectione, quod nunc die sabbati hora aliquando decima celebramus, ad mediam noctem celebrabat. Alij sub auro ram circiter galli cantum surrexisse crediderunt. In quam sententiâ Gregorius Nyssenus ora. 2. de resurrect.

Qua hora  
Christus re-  
surrexit.

magis



magis inclinat. Romanos etiam ea hora, quasi tunc Christum resurrexisse crederent, solitos fuisse soluere ieiunium Dionysius auctor est. Euthym. etiam affirmat eam omnium sanctorum patrum opinionem fuisse, quam & ipse, ut probabilior, sequitur. Certissimum est, quod & Gregorius Nyssenus in ea, quam paulo ante diximus, oratione, & Hieronymus quaest. 6. ad Hedibiam, & Euthymius hoc loco monent, qua hora Christus resurrexit, neminem scire posse mortaliū solum scire ipsum, qui ut voluit, & quando voluit, resurrexerit. Ceterum si, cum certa desint argumenta, aliquis coniecturis locus est, & in rebus incertis, quod simillimum vero est, dum verum ipsum appareat, pro vero tenendum sub auroram resurrexisse credendum est. Cum enim angeli ideo de celo descenderint, ut eum resurrexisse testarentur; probabile est statim, ut surrexit, descendisse, ne si interim milites, aut ipsi, qui occluserant, sacerdotes sepulcrum aperuissent, & corpus non inuenissent, furto sublatum putarent, idque non iam data pecunia, sed gratis rati se vera dicere divulgarent; angelos autem sub auroram venisse ex eo manifestum est, quod ad eorum aduentum mota sit terra. Terrae autem motus mulieribus ad sepulcrum appropinquantibus, ut ait Marcus, oriente iam sole factus est. Tunc ergo Christus resurrexit, aut non multo certe ante resurrexerat. Sed hanc opinionem tantum probabilitatis habere volumus, quantum ea coniectura, qua à nobis probata est, habere iudicabitur.

7. *Et citò euntes.* ) Citò ire iubet, & ut quamprimum, qui ob Christi mortem tristes erant, latissimo resurrectionis nuncio recreentur, & ut nutans eorum, antequam penitus cadat, fides sustineatur. Marcus capit. 16. 7. angelum sic dixisse ait, *Ite, dicite discipulis eius, & Petro;* Petro nominatim dici iubet, ne quia ter Christum negando peccauerat, exclusus esse ab eo beneficio videretur, ut Gregor. ho-

mil. 21. in Euangel. & Euthym. docuerunt.

*Quia surrexit*) Eum surrexisse; Secus eum Hebraisimū explicauimus.

*Et ecce praecedet vos in Galileam.* ) dicat angelus Christum iam in Galileam discessisse, aut quod ita putasset, aut quod sciret eo animo Christum fuisse, cum resurrexit, ut iret in Galileam, & se illic discipulis ostenderet: nisi malimus praesens tempus Hebraeorum more pro futuro positum esse, quasi dicat, ecce praecedet vos in Galileam, quantumcumque festinetis, sciebat enim Christum momento temporis huc illuc volitare. Ignorabat, ut videtur, angelus, quod paulo post futurum erat, Christum se mulieribus in urbem redeuntibus ostensurum esse. Facit etiam hoc ad accendendum discipulorum studium, ut cum audierint Christum iam, ut in Galileam praecedat, discessisse, magis eo festinarent, & sequi non pigeret, si praere pigebat. Mira humana infirmitas est, mira inconstantia; multo erat facilius Christum in Galileam euntem, & quidem iam suscitatū, atque gloriosum, quam in crucem infirmum, & ignominiae plenum sequi. Atqui illud omnes polliciti erant cap. 26. 35. ne hoc quidem praestiterunt. Nam cum haec a mulieribus discipulis narrata essent, *visa sunt ante illos sicut deliramentum verba illa*, ut cap. 24. 11. Luc. scribit. Duplex in hunc locum incidit quaestio. Altera, cur in Galilea potius, quam in Iudaea Christus se Apostolis ostendere voluerit. Altera, cur contra quam decreuerat, ac dixerat, in Iudaea se prius, quam in Galileam iret, ostenderit. Priorem quaestionem plerique ad hunc modum explicant, ideo in Galilea discipulis apparere voluisse, ut liberius cum illis agere, eosque docere posset: In Iudaea enim sacerdotum, & Phariseorum metus impedire discipulos poterat, ut Chrysostom. homil. 90. & Euthymius exponunt, idemque in comment. in ca. 24. Luce indicant Ambros. Alij propterea in Galilea apperere voluisse, quod cum diutius

Cur Christus Apostolis se in Galilea ostendere voluerit.



diutius ibi Euangelium prædicasset, plures ibi discipulos haberet, quos veller omnes eadem opera confirmare. Hieronymus, & Beda aliam, sed allegoricam rationem reddunt, Galilæam iuxta nomen suum omnium vitiorum volutabrum significare, ideoque oportuisse Christi præsentia illustrari, vt Isai. capit. 9. 1. 2. quod supra cap. 4. 15. Matthæus ad Christi etiam prædicationem accommodauit, longæ ante dixerat, *Terra Zabulon, & terra Nephthali via maris trans Iordanem, & Galilæa gentium, populus qui ambulabat in tenebris, vidit lucem magnam*, At cur non statim edo contendit? quæ secunda quæstio erat. Quoniam vidit cunctantes adhuc, & dubitantes Apostolos, nec ituros fuisse in Galilæam, nisi prius fe illis, vt eorum corroboraret fidem, Hierosolymæ demonstrasset, vt indicat Ambrosius: non ergo sefellit fidem suam, sed superauit, quia plus præstitit, quàm pollicitus erat. Promiserat se in Galilæa discipulis apparituum, apparet etiam Hierosolymæ, vt Gregor. Nyssen. scribit.

*Ecce prædixi vobis.)* Hæc verba eò  
pertinent; vt, cum in Galilæa Chri-  
stum discipuli viderint, credant non  
phantasia, non spiritum, sed ipsissi-  
mum esse Christum, cum experti fue-  
rint angelum verè prædixisse, ideo-  
que non potuisse, nisi diuinitus lo-  
cutum esse. Quare & Christum esse,  
quem videant, credere oportere, cum  
ab eodem angelo fore, vt eum viderent,  
prædictum fuisset. Sic Samuel,  
vt Sauli persuadeat ea, quæ illi præ-  
dixerat, futura esse, quædam alia  
prædixit, quæ eodem die Saul exper-  
turus erat, vt ea cæteris fidem facerent.  
*Cum aberis, inquit, hodie à me, in-  
uenies duos viros iuxta sepulchrum Ra-  
chel in finibus Benjamin in meridie, di-  
centque tibi, innerta sunt asina, ad quas  
iterat perquirendas. 1. reg. 14. c. 2.* Eodem  
modo Christus Ioan. 14. 29. & nunc,  
inquit, dixi vobis, priùs quàm fiat; ut,  
cum factum fuerit, credatis., Marcus 16.  
7. paulo aliter dicit *angelos etiam* & ipse  
scitè dixi vobis, vt angelus non sè, sed

Christum hoc prædixisse dicat, allu-  
dens ad verba Christi, quæ paulo an-  
te mortem discipulis dixerat, & post-  
quam resurrexero, præcedam vos in Ga-  
lileam Matth. 26. 32. fortassis hoc loco  
pro ἔστω, dixi, ἔστω legendum  
est: facilis enim & Græcè vnus litte-  
ræ mutatione, & Latinè vnus detra-  
ctione lapsus esse potuit, & si ita lega-  
tur, nulla inter Mattheum: & Marcum  
discordia erit: sed facile corrigere non  
audeo.

8. Et exierunt citò de monumento *cum timore, & gaudio magno.* Quod citò exierint, & Angelorum luffu, qui verſu præcedenti illis dixerant, *citò euntes dicite* diſcipulis eius, & timore ſimul, gaudioque fecerunt. Vtrumque enim feſtinare homines cogit. Cur ſimul timuerint, ſimul gauſe ſint, facilius eſt, vt facta ex ſe quiſque, ſi eo loco fuiſet, coniectura diiudicet, quàm, vt nos verbis explicemus. Timebant, quia angelos viderant, & cæleſtis, diuinæque nature conſpectum, quia ferre non poteſt, humana natura reformidat. Gaudebant, quia audiverant Chriſtum reſurrexiſſe. Marcus ait 16. 8. *at illæ exenſes fugerunt de monumento: inuaſerat enim eas tremor, & pavor, & nemini quicquam dixerunt; timebant enim.* Quod autem dicit, nemini quicquam præ timore dixiſſe mulieres, non ita intelligendum eſt, quaſi nemini proſus, ne ipſis quidem Apoſtoliſ, quæ viderant, dixerint; nam ex Luca capitulo 24. 11. 22. maniſeſtum eſt, eas diſcipuliſ, dixiſſe ſe in monumento viſiſſe angelos: ſed ſignificat Marcus eas in via adeo mutas fuiſſe, vt neque ijs, qui occurrebant, neque ipſæ inter ſe aliæ alijs quidquam dicerent, ſicut timore correpti homines facere ſolent.

9. *Et ecce Iesus occurrit illis.*) Non  
fatis cum his verbis convenire videntur,  
quæ Marcus, & Ioannes scribunt.  
Marcus 16.9. ait, *Surgens autem Iesus*  
*mane prima sabbati apparuit primo Ma-*  
*ria Magdalena, de qua eiecerat septem*  
*dæmonia,* quasi Christus nec alijs tunc  
mulieribus apparuerit, nec Magdale-  
na ipsi



ne ipsi ad discipulos eunti, sed alias. Ioannes verò cap. 20. 13. 14. 15. 16. 17. eum dixisse Magdalenam sterilem extra monumentum plorantem, cumque se in monumentum inclinasset, vidisse angelos, qui eam interrogauerint, *Mulier quid ploras? dicit, inquit, eis, quia tulerunt Dominum meum, & nescio, ubi posuerunt eum. Hæc cum dixisset, conuersa est retrorsum, & uidit Iesum stantem, & non sciebat, quia Iesus est. Dicit ei Iesus, Mulier, quid ploras? quem quæris? illa existimans, quia hortulanus esset, dicit ei, Domine, si tu sustulisti eum, dicito mihi, ubi posuisti eum, & ego eum tollam. Dicit ei Iesus, Maria. Conuersa illa dicit ei, Rabboni, quod dicitur Magister, dicit ei Iesus, noli me tangere, nondum enim ascendi ad patrem meum. Vade autem ad fratres meos, & dic eis, Ascendo ad Patrem meum, & Patrem vestrum. Quod attingit ad Marcum, minor est difficultas, cum enim illi propositum esset dicere Christum mulieribus apparuisse, prætermisiss omnibus circumstantiis dixit eadem die surrexisse Christum, non de resurrectione, sed ut ita dicam, de resurrectione loquens, quasi prius sedisset, & Magdalenæ apparuisset. Surgere enim Hebraica phrasi dicitur, qui aliquid operis agreditur, etiam si verè non surgat, ut cepit populus manducare, & bibere, & surrexerunt ludere, id est, incesperunt, & supra cap. 24. 11. multi Pseudoprophetae surgent, id est existent, aut se demonstrare incipient, & versu 24. surgent enim Pseudochristi. Non enim Martiris docere voluit, quia hora Christus surrexisset, quod, ut vers. 6. docuimus, incertum omnino est, sed quia hora Christus mulieribus apparuisset. Quod autem solum nominet Magdalenam, aut ideo fecit, quod soli prius Magdalenæ apparuerit, ut paulo infra disputaturi sumus, aut quod cum omnibus simul mulieribus apparuerit, tamen cum sola prius Magdalena locutus fuerit. Verba Ioannis plus habent difficultatis. Sunt igitur, qui existiment, bis se Christum mulieribus demonstrasse.*

Primum soli Magdalenæ adhuc iuxta sepulcrum hærenti, & retro respicienti, ut Ioann. dicere videtur. Deinde omnibus mulieribus, quæ ad sepulcrum venerant, ut discipulis nunciarent redeuntibus. Nam cum omnes in monumento essent, digressis, ut abirent, alijs Magdalenam adhuc plorantem iuxta sepulcrum restituisse, cumque respexisset retro, vidisse Christum, ab eo interrogatam, quid ploraret, aut quid quæreret, hortulanum ratam respondisse, Domine, si tu sustulisti eum, dicito mihi, & ego eum tollam, Christum respondisse nomine eam appellante, Maria, & cætera, quæ Ioannes narrat tunc accidisse, mox Magdalenam profectam, inde cæteras, quæ præibant, mulieres curriculo consequutam, cumque una cum illis pergeret, Christum illis iterum simul euntibus apparuisse, ut hoc loco Matthæus scribit. Sic D. August. libro 3. de consensu Euang. cap. 24. & Seuerus apud D. Thomam in comment. Alij duas quidem, sed aliter factas apparitiones fuisse putant. prius enim Magdalenam solam ad monumentum venisse, atque tunc illi quemadmodum scribit Ioannes, visum fuisse Christum; deinde unam cum cæteris mulieribus ad monumentum rediisse, & cum inde rursus ad Apostolos reuerterentur, Christum illis in via, ut ait Matth. occurrisse. His Gregor. Nyssenus auctor est. Vtramque opinionem, quia bonos habet auctores, non tam probare cogor, quam non refutare. Sed nescio, quomodo mihi insedit animo, ut vix mihi persuadere possim, aut Magdalenam bis ad monumentum venisse, aut bis illi apparuisse Christum. Quid enim cogit nos ita sentire, cum Matthæus aperte significare videatur, & omnes simul mulieres ad sepulcrum venisse, & omnes simul rediisse, & omnibus redeuntibus occurrisse Christum? Nam quod Marcus ait visum fuisse primum Magdalenæ, facillimè interpretari possumus, ut Magdalenam non cæteris mulieribus, sed Apostolis opponat; ut sensus sit,

non

surgere in  
scriptura  
quomodo  
interdum  
accipitur.  
Exo. 32. 7.



non quidem prius Magdalena, quam ceteris mulieribus, sed prius illi, quam Apostolis apparuisse. Nam. vt versu 16. dicturi sumus, merito à Catholicis creditur, quamuis scriptum non sit, Christum primum omnium matri suae apparuisse. Quare non potest esse sensus primum apparuisse Magdalena, id est inter omnes mulieres primum ab ea visum fuisse. Quod autem Marcus solam nominet Magdalenam, nec mirum est, cum Ioannes nullam aliam nec ad sepulchrum venientem, neque reuertentem, neque Christum videntem nominauerit, & constet ex alijs Euangelistis, & alias cum ea ad sepulchrum venisse, & reuertentes vidisse Christum. Et cur solam nominauerit Marcus, paullo ante rationem exposuimus, quod cum ea primum loqui coeperit, & fortasse inter omnes, quae simul ibant, prima Christum viderit Magdalena. Quod autem Ioannes scribit, etsi difficiliter videtur, haud multo difficiliter explicare possumus. Primum, quod dicit Magdalenam ad sepulchrum stantem, atque plorantem conuersam vidisse Christum, sic intelligi potest, vt conuersam dicat, non respicientem, sed redeuntem. Nam etsi contrarium videri potest, quod hortulanum Christum esse putauerit, quod non putasset, nisi in orto, vbi sepulchrum erat, vidisset, id ipsum ita intelligi potest, vt dicamus Christum reuertentibus quidem iam mulieribus, sed nondum hortum egressis, aut egressis quidem, sed quasi ad hortum euntem Christum apparuisse, aut ea apparuisse forma, vt facile hortulanus esse credi posset, ideo hortulanum existimasse. Quod autem Christum illam interrogasse dicit, *quid ploras?* credendum est, etiam, cum reuerterentur, omnes, maximeque Magdalenam plorauisse, quia, vt Gregorius Nyssenus ait, & ex hoc ipso Ioannis loco perspicuum est. Magdalena etiam affirmanti angelo resurrexisse Christum, non satis credidit. Nam postquam id angelus affirmauit, adhuc plorat, quasi non resur-

non

rexisset, sed furto sublatum fuisse crederet; adducit, *Domine, si tu susculisti eum, dicito mihi*; adhuc dicit Apostolis, *Tulerunt Dominum de monumento, & nescimus, vbi posuerunt eum.* Ioann. 20. 2. cum enim haec dicit, iam angelum vidisse vers. 3. copiose probauimus. Quod autem solam Ioannes nominat Magdalenam, minus etiam mirum est, quam quod eam Marcus solam nominauerit, cum Marcus non eam solam, sed cum ea alias mulieres ad monumentum venisse dixisset. Ioannes autem solam venisse docuit. Non auderem dissentientibus tot interpretibus hanc sequi sententiam, nisi praclarum haberem auctorem D. Athanasium in oratione de Christi incarnat.

*Auete.* (שלום לכן) Pax vobis, sic enim Hebraei salutare solent quamuis Graeci interpretes vertant *non perire auete*. Videntur autem Hebraei ea salutationis forma, cum alias, tum maxime, cum eos, quos salutant, non timere, sed bono animo esse iubent, vt Gen. 43. 23. & Iudic. 6. 23. & 19. 20. quod in hunc locum apte conuenit; quia enim timoris plenas mulieres videbat, hac ratione salutatur, Pax vobis, quasi dicat, bono estote animo, non aduersarius, sed amicus vobis venio, quae admodum versu sequenti illis dicit, *nolite timere.*

*Ille autem accesserunt, & tenuerunt pedes eius.* Ioannes 20. 17. indicat Magdalenam pedes Christi non tetigisse; prohibitam enim à Christo dicente, *noli me tangere; nondum enim ascendi ad patrem meum.* Si eadem, vt ego existimo, haec fuit visio, de qua Matthaeus, & illa, de qua Ioannes scribit, non difficile potest ea, quae inter Euangelistas videtur esse, repugnantia conciliari. Ioannes enim non dicit Magdalenam pedes Christi non tetigisse, sed Christum dixisse, *Noli me tangere.* At qui fortasse, cum hoc Christus diceret, iam tetigerat, vt nonnulli etiam interpretes existimant; fortasse Christo etiam prohibente tetigit, vt res importuna, & pertinax est amor. Simile enim su-

pra



pre cap. 6. 30. 31. legimus exemplum, cum Christus cæcos curasset, illisque præcepisset dicens *videte ne quis sciat, Illi*, inquit Evangelista, *exiuntes diffamauerunt eum in tota terra illa*. Obedientiæ enim, & pietatis genus esse putauerunt Christo in hac re non obedire. At solam Ioannes Magdalenam prohibitam fuisse dicit, ne tangeret Christum. Quid si omnes prohibitæ sint, sed Ioannes, quia de sola Magdalena loquebatur, sicut solam ad sepulcrum venisse dixerat, solam vidisse Christum, ita solam prohibitam tangere fuisse dicit? At ceteri Evangelistæ, qui de alijs loquuntur non dicunt eas fuisse prohibitæ: nec Magdalenam prohibitam dicunt: quemadmodum ergo id, quod in Magdalena factum fuisse constat, prætermiserunt, ita id ipsum, quod in alijs mulieribus eadem ratione factum esse probabile est, prætermittere potuerunt. Quia non quid Christi fieri veruisset, sed quid factum esset; non Christi voluntatem, sed mulierum in Christum amorem declarare voluerunt. Quod si, ut plerique putant, hæc ab illa, de qua Ioannes scribit, diuersa fuit visio; non quidem eadem, sed similis tamen oritur questio, cur illic Magdalenam Christus se tangere prohibuerit: hic eandem Magdalenam, & ceteras mulieres non prohibuerit. Quid si & hic prohibuit, sed id Evangelistæ prætermiserunt? Ioannes, quia hanc visionem, si diuersa fuit non narrauit; ceteri, quia quamuis narrauerint, tamen ut modo diximus, non quid Christus videret, sed quid mulieres fecissent, declarare voluerunt. Itaque & omnes prohiberi, & omnes tangere, licet neutrum expressum sit, tamen potuerunt; hinc siue omnes, siue aliquæ tetigerint, siue omnes, siue aliquæ prohibitæ fuerint, duæ tamen adhuc questiones manent, cur aut omnes, aut aliquæ tetigerint; omnes certe tangere voluerunt; & cur Christus, aut omnes, aut solam certe Magdalenam prohibuerit, aut voluerit saltem prohibe-

re. Ad priorem questionem natura ipsa responderet. Quis enim Christianus suscitatum ante se videns Christum, non subito perfusus gaudio in eius amplexum corruisset. Muliebris autem modestiæ, & verecundiæ fuit non corpus amplexari, sed pedes, ut Theophylactus, & Euthymius docuerunt. Erat porro inter Iudeos reuerentiæ, & adorationis genus, præsertim mulierum erga viros, pedes tangere: sicut Exodi 4. 25. Sephora mariti pedes tetigit, quasi deprecabunda, & 4. Reg. 4. 27. mulier illa Sunamitis, cum ad Elisum venisset, eius pedes tetigit, orans, ut veniret, & filium suum mortuum suscitaret. Quæ admodum apud Græcos adoraturi genua tangebant;

*καὶ πρὸς ταποῖς αὐτοῦ καθέζετο, καὶ ἔβλεγε τοὺς πόδας,*

Genus venerationis in scriptura pedestæ gere,

Homer. Iliad. 4.

inquit Græcus ille Poeta: de qua consuetudine, & eius origine multa Plinius libro 11. capitul. 45. nescio quam verè, philosophatur. Eum certe morem diu in Ecclesia viguisse, ut qui Episcopos salutant, eorum genua manu tangerent, ex nonnullis veterum Conciliorum decretis intelligimus. Sic ergo Magdalena reuerentiæ causâ Luc. 7. 38. Christi pedes tenuit; sic omnes hoc loco mulieres pedes eius adoraturæ tenuerunt, quod explicans Evangelista addit statim, *& adorauerunt eum*: propterea ergo tetigerunt, ut adorarent. Altera tangendi causâ esse potuit, ut experirentur, num verus esset Christus, an spiritus aliquis, qui falsâ ipsas Christi specie deluderet, ut Theophyl. multos auctores existimasse dicit. Potuerunt id facere mulieres non sine exemplo; nam & Apostoli, ut ait Lucas capitul. 24. 37. cum primum uidissent Christum, putauerunt se spiritum videre. Cur ergo Christus, aut omnes, aut solam saltem prohibuit Magdalenam, ne se tangeret? Ab ipso Christo ratio eius rei addita est: *non dum enim*, inquit, *ascendi ad patrem meum*; sed ea ipsa ratio difficiliorem questionem reddit. Quid enim sibi vult, *noli me tangere*; *non dum enim ascendi*



*ascendi ad patrem meum?* quasi postquam ad patrem ascendisset, cum tactura esset, quemadmodum saepe D. August. argumentatur. Atqui propterea tangere eum posse, ac debere uidebatur, quia nondum ascenderat ad patrem: si enim ascendisset, nec deberet, nec posset tangere. Quidam non omnino se tangi Christum prohibuisse existimant, sed eo modo, quo Magdalena tangere uidebatur, quasi hominem, qui eodem modo, quo ante mortem familiariter esset inter homines uersaturus, & sese omnibus tangendum praeberetur; cum non ita cum illis, sicut ante, uersaturus esset, sed mortis spiritus, qui nec uidetur, nec tangitur, sed aliquando apparet, aliquando abit. Sic Iustinus martyr quaest. ad Orthodox. 48. & Cyrillus lib. 12. in Ioannem capit. 50. vnde dicit eam in Ecclesiam manasse disciplinam, ut spiritu sanctificari mysterijs clamare solitum esset, Sancta Sanctis; sicut Christus antequam ascenderet, & Spiritum sanctum in Apostolos mitteret, non est passus se à mulieribus tangi. Nam si Apostolis se tangendum praeberet, *Palpate*, inquit, & *videte*, si Thomam iussit in latus suum, & in locum clauorum digitum inferre, fecit necessarium, ut eorum incredulitati tactu mederetur, sicut ante mortem suam aegrotos tactu curare consueuerat. Ingeniosa interpretatio, sed quomodo hanc ratio, *nondum enim ascendi ad patrem meum?* Alij propterea prohibitam Magdalenam tangere, quia indigna erat, ut Christum tangeret, quae de eius resurrectione etiam testificante angelo dubitabat, & uiuentem cum mortuis adhuc quarebat Chrysost. homilia de Ioanne Baptista, Ambros. serm. 57. & in Psalm. 46. & libro comment. in Lucam vigesimo, Hieronymus, quaest. 5. ad Hedibiam, & in epistola ad Paulam de obitu Blesillae, August. epistola 58. Alij mysterio factum putant: per Magdalenam enim gentium Ecclesiam significari, quae non ante credidit, quod est Christum tangere, quam ad Patrem ascendisset, ut Di-

uus August. tractat. in Ioann. 26. & 121. interpretatur. Mysterium aliquod esse ut concedamus; tamen solum esse mysterium, nec aliam subesse causam, concedere non possumus. Aliam idem D. Augustinus iisdem duobus locis, & epistola 222. & libro 4. de Trinit. capit. 3. interpretationem affert, quam ipsius uerbis hic recitabo. *Sic*, inquit, *in se uoluit credi Iesus, hoc est, sic se spiritualiter tangi, quod ipse, & Pater unum sint. Eius quippe intus quodammodo ascendit ad Patrem, qui sic in eo profecit, ut patri agnoscat equalem; aliter non recte tangitur, hoc est, non recte in eum creditur; nondum enim ascendo ad patrem meum; ibi me tanges, quando me credideris patri non imparem Deum.* Sequitur Fulgentius Augustinum, discipulus preceptorem lib. 2. ad Thrasymundum. Ad eundem fere modum Chrysostomus homil. 5. de resurrectione interpretatur, *Noli*, inquit, *me tangere; non debes tangere, sed credere.* Caluinus sine ulla coniectura dicit Christum hac uerba non dixisse, nisi postquam Magdalena non solum eius pedes tetigerat, sed nimium etiam tetigerat, & contrectauerat: quasi Christus non tactum, sed nimium, & importunum tactum prohibeat. At quid cum nimio tactu quod sequitur, *nondum enim ascendi ad patrem meum?* Nec tacitus praeteribo, quod Caluinus Magdalenae pietatem, & religionem superstitionem appellat, & studium erga Christum stultum feruorem vocat: quod vel scribere horruissem, nisi iudicissem Ecclesiae publice interesset: ut quae admodum haeretici de sanctis uiris, ac mulieribus loqui soleant, Catholici sciant, & ex ipsorum uerbis de eorum doctrina, & religione iudicent. Ad rem ut redeam, propterea nulla mihi ex superioribus placet interpretatio, quod cum nulla earum ratio, quam Christus reddit, conuenire possit, *nondum enim ascendi ad patrem meum?* Ita quae quaerenda alia explicatio est, cum qua haec ratio recte conuenit. Ego quidem simplicius, nullum licet auctorem habens, & minus ingeniose inter-

Ex tract.  
121. in Io.  
sumpta  
sunt,

Caluini  
conuiciu  
in Magda  
lenam.

Tac p  
Cristu  
mulier  
qui Apo  
stolis po  
relucta  
nem ap  
paruit,



interpretari soleo, voluisse Magdalenam ita Christum tangere, quasi cum amplius non uisuram, & quasi timeret, ne statim abiret, aut ad Patrem ascenderet, & occasionem eum amplectendi, & adorandi habitura non esset. Adhuc eius sensum Christus respondet, *noli me tangere, nondum enim ascendi ad Patrem meum*, quasi dicat, satis habebis temporis, ut me saepe tangas, antequam ad Patrem ascendam, nunc noli me tangere, noli ad pedes meos harere, sed cito abi ad fratres meos, & dic, ut eant in Galileam, ubi me videbunt. Huic interpretationi nihil aliud uidetur ob stare, quam quod Christus non dicat, *nondum ascendam*, aut *nondum ascendo*, sed *nondum ascendi ad Patrem meum*. In promptu responsio est, ita uulgo loqui solemus, *nondum discessi*, cum significare uolumus nos non tam cito discessuros, sed satis adhuc esse temporis, ut cum amico, qui nos interpellare uult, colloqui possimus. Docuimus etiam alijs in locis saepe uerba non naturalem, & proprium actum, sed agendi voluntatem, & decretum significare, *nado piscari*, inquit Petrus Ioann. 21. 3. id est, decreui ire ad piscandum, cum enim hoc dicebat, *nondum ibat*. Respondent alij, *uenimus & nos tecum*, id est uenire uolumus, *nondum enim ueniebant*. Eodem modo à Christo dictum est, *nondum ascendi*, id est, *nondum ascendere decreui ad Patrem meum*. Si ergo Christus omnes mulieres se tangere prohibuit, hoc sensu prohibuit: si solam Magdalenam, ideo solam prohibuit, qui sola hoc modo, & hoc animo tangebatur, ideo se à discipulis tangi non prohibet, sed eos potius ad tangendum inuitat, *Palpate*, inquit, & *uidete, quia spiritus carnis, & ossa non habet* Luc. 24. 39. &

Cur prius Christus mulieribus, quàm Apostolis post resurrectionem apparuit, in latius meum, & noli esse incredulus, sed fidelis. Ioann. 20. 27. Cur prius Christus à mulieribus, quàm à uiris, & quidem Apostolis uisus fuerit, quari inter interpretes solet. Eius rei una

statim ratio lectoris animo etiam non querentis occurrit, priores Christum videre mulieres, quia priores quasi uerunt: digna fuit ea mercede earum diligentia. Ille, inquit, Cyprianus in sermone de resurrectione, *primæ uiderunt, & cognouerunt, quæ ardentius dilexerunt, quæ deuotius quæsierunt*, & Hieronymus, *Quæ sit querebant, quæ ita currebant, merebantur obuium habere Dominum resurgentem, & primum audire Aueti ut maledictum Eue mulieris in mulieribus subuerteretur*. At cur mulieres potius, quàm uiri priores, quæsierunt? Mulierum studium & pietatem cum Apostolorum studio & pietate comparare nostrum non est, ut dicamus propterea mulieres, non Apostolos Christum ad monumentum venientes quæsiuisse, quod plus in eum studij, & pietatis haberet, hoc Deo iudicium relinquamus, aliam nos rationem; quæ in manifestio est, afferre possumus; propterea mulieres Christum quæsierunt, quia eius corpus ungere uolebant. Ungere autem mortuos, sicut lauare, & inuoluere non tam uirorum, quàm mulierum erat officium. Non ergo mulieres Christum, sed corpus Christi quærebant, propterea ab angelis reprehenduntur. *Quid queritis uiuentem cum mortuis?* Luc. 24. 5. Tamen quia hoc ipsum piium officium fuit, remuneratione non caruit, ut primæ Christum uiderent. Alia quoque potuit esse causa, cur Christus mulieribus prius quàm uiris uoluerit apparere. Persuerant mulieres digressis hac illac discipulis non solum usque ad Christi mortem, sed etiam usque ad finem sepulture Luc. 23. 55. Itaque mulieres resurrectionis eius testes esse poterant, quæ & mortis sepulture eius testes fuerant. Sciebat etiam Christus facilius mulieres, quàm Apostolos uiso se credituras esse, ut est ingenium mulierum ad credendum magis propensum, & facile, quàm uirorum. Euentus id docuit, Apostolos enim etiam uiso Christo dubitasse legimus infra uers. 17. & Luca 24. 38. 39. mulieres uiso quidem, & audito angelo dubitasse



ex Ioanne colligimus, viso autē Christo dubitasse nullo ex Euangelista colligimus. Voluit ergo Christus per mulieres de sua iam resurrectione persuasas Apostolos ad credendum paulatim preparare. Alias Hilarius, & Ambrosius, sed allegoricas rationes asserunt. Querunt alij, cur non ipse Christus prius, quam angeli mulieribus apparuerit? In promptu ratio est, quā minime cum Christum esse credidissent, nisi prius ab angelo de eius resurrectione edoctae fuissent.

10. *Tunc ait illis Iesus, nolite time-  
re.*) Vero simile est mulieres ad pedes Christi, quamuis vna ex parte repentino perfusas gaudio, quod eum ante se uiderent, alia tamen ex parte tremebundas accessisse, & num phantasma esset dubitantes, antequam proprius cognoscerent, & loquentem audirent, propterea dicit illis, *nolite time-  
re.*

*Ne renunciate.*) Idem eas facere, quod angeli, iubet, ut angelorum visionem veram fuisse confirmet; ita Christo angelis, angelis Christus mutuam operā praeftiterunt.

*Fratribus meis.*) Quidam fratres a Christo eius cognatos vocatos putant, ut supra cap. 12. 46. 47. melius omnes discipulos intelligemus, ut dixerat angelus uer. 7. *Cito euntes dicite discipulis eius*, quemadmodum effectus etiā declarauit; mulieres enim non solis Christi cognatis, sed omnibus etiam Apostolis eius nunciauerunt resurrectionem infra uer. 16. & Luc. 24. 10. & Ioan. 20. 18. vocat autem omnes discipulos fratres, quod, sicut ipse, quamuis alio genere, quam ipse, Dei filij essent, quia eius faciebant voluntatem, sicut dixerat cal. 12. 49. 50. *Quae est mater mea, & qui sunt fratres mei? & extendens manum in discipulos suos dicit.*

*Hoc mater mea, & fratres mei; quicumque enim fecerit voluntatem patris mei, qui in caelis est ipse meus frater, et soror, & mater est.* Narrabo, inquit, nomen tuum fratribus meis Psal. 21. 23. ut ad Hebraeos 1. 12. exponit D. Paulus. Hoc loco peropportune Apostolos fratres appellauit, & ut se Christum ef-

se ostenderet, qui eos iam, cum in media concione esset, digito demonstratos fratres suos esse dixerat, & ut blanda fratrum appellatione deiectos mentu eorum animos alleuaret, & ad se uisendum inuiteret.

*Ut eant in Galileam.*) Vide quae uer. 7. dicta sunt; sciebat Christus Apostolos solo mulierum testimonio in Galileam ituros non esse, sed facit, quod in se est, & quia expediebat, ut eō irent, seque ibi primum uiderent; ire nihilominus iubet, multa iam eiusmodi obseruauimus exempla, ubi Christus non id, quod faciendum, sed quod fieri oportere sciebat, fieri iubet.

11. *Quae cum abiissent.*) Ut Apostolis, quemadmodum Christus, & angeli iusserant, renunciarent.

*Ece quidam de custodibus.*) Indicat non omnes custodes uenisse ad principes sacerdotum. Cur autem non omnes uenerint, diuersae coniecturae sunt; aut quod ceteri animo perterriti nihil aliud haberent cure, quam ut fugerent, & quasi male functi officij poenas daturi delitescerent, aut quod ausi non fuerint id nunciare sacerdotibus non credituris, sed in ipsos potius culpam, calumniamque coniecturis, quasi prauiaricati essent, pecuniaque Christi corpus discipulis vendidissent, & miraculi figmento scelus velare conarentur; aut quod qui ad sacerdotes uenerant, omnium nomine uenerint, ut poeta Iuuenius interpretatur, idque ex uer. 12. colligitur; non enim illis tantum, qui uenerunt, sed illis etiam, qui non uenerunt, ut mentirentur, pecunia data est. Sunt, qui putent spe eliciendae a sacerdotibus pecuniae milites, illis, quae uiderant, renunciaffe, scientes quamuis auarissimi essent, tamen usque adeo esse aduersus Christum animatos, & tantopere timere, ne resurrexisset crederetur, ut facile diuinarent fore, ut pecuniam sibi ad celandam eius resurrectionem darent. Non facile hoc credo; nec enim se capitis periculo exposuissent spe tam incerta; uenerunt ergo, non ut pecuniam

Li. 4. Hist.  
Euangel.

Can.  
Matth.  
Lib. 5



cuniam emungerent, sed vt officij sui rationem redderent, ne fortassis apud Præsidentem tanquam deserti officij rei agerentur.

12. *Et congregati cum senioribus.*) Scribas etiam intelligit, his enim personarum generibus Iudæorum concilium constabat, vt ca. 1. 4. docuimus. De testanda sacerdotum cōtra cognitionem veritatem indurata malitia, cum auarissimi sint, mendacium tamen, & damnationem suam emunt. Sed non potest pecunia veritas vinci. Nam illos ipsos, qui ad mentiendum empti fuerant, milites credendum est & gloriosam Christi resurrectionem, & sacerdotum, qui, vt eam obscurarent, pecuniam dederunt, facinus inter familiares suos enulgasse.

14. *Et si hoc auditum fuerit à Præsidente,* ἐπὶ τοῦ ἡγεμόνος, apud Præsidentem, aut coram Præsidente, id est si fama ad Præsidentem peruenerit, hoc enim significat ἐπὶ, vt 1. ad Timotheum 6. 13. ἐπὶ ποντίου πλάτου apud Pontium Pilatum, aut sub Pontio Pilato, vt non steruerit interpres, quasi legarit, ὑπὸ. Fortasse & hoc loco, π. ἐπὶ legit ἀπὸ, quod aliquando, vt alijs locis obseruauimus, cum persona agente in verbis passiuus copulatur; Ideoque vertit à Præsidente. poterant milites meritis à Præsidente timere, ne ab illo tanquam negligentes, aut prauaricatores punirentur. Contra hoc periculum tuam illis sacerdotes vicissim mentiendi operā pollicentur: futurum, vt ipsorum mendacium suo etiam superaddito mendacio Præsidenti persuadeant, atque confirmant: Præsidentem sibi milites defendentibus, qui eos maxime accusare debere videbatur, facile crediturum. Emittit, inquit Hilarius, à custodibus, qui omnia hæc viderant argento, resurrectionis silentium, & mendacium furti. Militum autem mendacium subtiliter & eleganter his versibus Sedulius coarguit.

*Fare improbe custos.*

*Responde scelerata cohors, si Christus, vt audes*

*Dicere, concluso furtim produciens ab antro*

*Sopitos latuit, cuius iacet intus amicus?*

*Cuius ad exuias sedet angelus? an ne beati*

*Corporis ablato velocius esset putauit*

*Soluere contextum, quam deuotare ligatum?*

*Cum mora sit furtis contraria? cautius ergo*

*Cum Domino potuere magis sua linthea tolli.*

*Mentita est vox vana sibi, tamen ista figuram*

*Res habet egregiam, Iudæis constat ademptum.*

*Quem nos deuoto portamus pectore Christum.*

15. *Et divulgatum est verbum istud apud Iudæos usque in hodiernum diem.*) Nempe Christum à discipulis furto fuisse sublatum, vt Chrysost. hom. 91. in Matth. Euthym. in commet. Seuerus, & Rabanus apud D. Thomam exponunt. Neque qui aliter interpretetur inuenio, etsi nihil absurdi esse video, si hoc ad id, quod Euangelista dixerat, referatur, hoc ipsum vel inter ipsos Iudæos divulgatum fuisse, milites data a sacerdotibus pecunia corruptos dixisse, atque divulgasse discipulos se dormientibus furatos fuisse corpus; neque huic interpretationi quidquam ad probabilitatem deesse præter bonum auctorem video. Ceterum eo per se probabilius, quod, vt hoc diceret, quam, vt illud, quod omnes interpretes dixisse putant, plus causa. Euangelista videtur habuisse. Magis enim conueniebat historię, vt diceret sacerdotum fraudem ne apud ipsos quidē Iudæos latuisse, ne quis existimaret se illis falsum obiecisse crimen; quam vt diceret Iudæos credidisse Christum à discipulis furto sublatum, quod vt exponeret, historia minime postulabat.

16. *Vndecim autem discipuli.*) Iudas enim aut iam sese laqueo præfocauerat, vt omnium; fere auctorum fert opinio, aut certe spe omni salutis abiecta laqueum cogitabat neque ausus fuerat, postquam Christum vendidisset, ad Apostolorum redire.

V u 2 con-

Can. 33. in Matth.

Lib. 5. car.



confortium. Oportebat enim Davidis impleri prophetiam *fiat habitatio eius deserta, & episcopatum eius accipiat alius* Psalm. 68. 26. ut Petrus Act. 1. 20. interpretantur. Videat, si velit lector, quae à nobis cap. 27. 5. dicta sunt.

*Abierunt in Galileam.*) Non statim, sed post octo, ut minimum, dies, ut D. Aug. li. 3. de consensu Euang. capitu. 25. ex Euangelistarum historia probat. Multa enim Matth. praetermittit, quae ut alij testantur Euangelista, per octo dies Apostolis adhuc Hierosolymae conuenientibus facta sunt. Quae, ut, quo ordine acciderint, intelligantur, alienum non erit ab hoc loco quibus, & quo tempore Christus post resurrectionem apparuerit, obiter explicare. Primum quidem matri suae apparuisse, non quod Euangelista factum dicant; sed quod fieri deuerit, credendum est. Nec eorum mihi placet diligentia, qui in hac opinione in animis fere omnium Catholicorum iam inhaerente refutanda multum operae consumunt. Secundò eodem die, quo resurrexit, apparuit Magdalenae, aut soli, ut Diuus Augustinus, & plerique interpretes putant, aut, ut nos sumus interpretati, una cum alijs mulieribus, quae ad sepulcrum simul venerant Ioann. 20. 12. Tertiò, ut maior pars sentit auctorum, omnibus mulieribus, quae ad monumentum venerant, simul redeuntibus apparuit, quod eodem etiam die factum est. Quartò eodem quoque die Petro creditur apparuisse; aut soli, ut putat Leo nonus in libr. contra Michaellem Constant. ca. 15. aut, ut uero simile est, etiam Ioanni, cum à sepulcro rediissent, ut colligitur ex Luca 24. 34. *surrexit Dominus uerè, & apparuit Simoni, & ex D. Paulo 1. Corin. 15. 3. 4. tradidit enim nobis in primis, quod & accepi; quoniam Christus mortuus est secundum scripturas, & quia sepultus est, & quia resurrexit tertia die secundum scripturas, & quia uisus est Cepha.* Quintò eodem rursus die uisus est duobus illis discipulis euntibus E-

mauentem Luc. 24. 13. Sextò eodem die sub uesperum decem discipulis absente Thoma Hierosolymae domi congregatis apparuit Ioannes 10. 19. unde sequitur eodem uespere, & cum duobus illis discipulis Emanuti conuasse, ut Lucas scribit, & Hierosolymae decem discipulis apparuisse. Mòre enim spiritus magna locorum spatia momento temporis permeabat. Haec sex apparitiones eodem die, quo Christus resurrexit, acciderunt. Septimò octo post dies undecim simul Apostolis praesente iam Thoma in eadem urbe Hierosolymorum apparuit Ioannes 20. 26. etsi Hieronymus in monte illo Galilaeae, de quo Matthaeus loquitur, hanc apparitionem factam putat, minus, ut mihi uidetur, probabiliter. Octauò septem discipulis, Petro, Thoma, duobus filiis Zebedaei, Nathanaeli, & alijs duobus, quos Euangelista non nominant, piscantibus in mari Galilaeae uisus est Ioann. 21. 1. Quare, quod ibidem Ioann. dicit uerè, *4. hoc iam tertiò manifestatus est Iesus discipulis suis, cum resurrexisset à mortuis*, non sic intelligendum est, quasi tertantum primis uisus fuisset, cum sapius iam apparuisse, ut probauimus, manifestum sit: sed aut, ut Diuus Augustinus interpretatur libro tertio, de consensu Euangelist. capitu. 25. ut illud aduerbium *tertiò* non ad numerum apparitionum, quasi tertio tunc apparuerit, sed ad numerum dierum, quibus apparuit, referatur. Hac enim ratione tertio tunc apparuit. Primo enim die, quo resurrexerat, sexies apparuerat. Octo post diebus iterum, nunc piscantibus discipulis tertio apparuit. Aut, ut ego intelligi posse puto, ut Ioan. non de quavis apparitione, sed de publica; & generali loquatur, quae Christus aut omnibus simul discipulis, aut plerisque omnibus uisus est. Nam etsi priuatim matri suae, Magdalenae, Petro, duobus discipulis euntibus Emauentem apparuerat, tamen omnibus aut plerisque simul discipulis non nisi bis ante apparuerat: primum eodem die, quo

Christus  
primū B.  
Virgini  
post resur-  
rectionem  
apparuit.



quod resurrexerat absente Thoma : secundo octo diebus post Thoma iam presente : tertio hoc loco, cum septem discipuli in mari Tiberiadis piscarentur. Nono apparuit omnibus simul discipulis in monte Galilææ, ut hoc loco Mattheus ait. Atque hoc, ut Chrysostomus existimat, ultima fuit ante ascensionem apparitio, cui Augustinus decimam addit eam, qua discipulis in celum ascendens visus est. Ex D. Paulo 1. Corinth. 16. 6. 7. aliæ duæ apparitiones colligi posse mihi videntur. Deinde, inquit, visus est, plus quam quingentis fratribus simul, ex quibus multi manent usque adhuc, quidam autem dormierunt. Deinde visus est Iacobo. Quibus si eam etiam addamus, qua D. Paulus post ascensionem in celum sibi *εἰσαχθὲν* ultimo tanquam avertino visum esse dicit, tredecim omnino Christi apparitiones reperimus.

In montem, ubi constituerat illis Dominus. ) Nihil de monte Christum mulieribus dixisse tradunt Evangelistæ, neque constat an id mulieribus, an Apostolis dixerit, dixisse tamen aliquando ex hoc loco perspicuum est, aut ante montem, cum illis dixit, postquam autem resurrexero, præcedam vos in Galilæam, supra capitulo 26. 32. ut putat Euthymius. aut post resurrectionem, cum Hierosolymæ discipulis apparuit, ut quidam existimant. Cur in montem discipulos ire iusserit, non difficile suspicari possumus, volebat cum illis liberè, & sine arbitris loqui, quod quoties volebat facere, in montem eos seducebat, ut apparet supra capitulo 14. 23. & 15. 29. & 17. 1. ut Euthymius admonuit. Quis ille fuerit mons, certum non est. Hoc tantum constat fuisse iuxta mare Tiberiadis, qui & lacus Genesareth, & mare Galilææ appellabatur cap. 14. 25. & 15. 29. Nam ex monte, ubi discipuli erant, ad mare illud quasi propinquum piscatum ibant, ut constat ex Ioanne capitulo vigesimoprimum, secundo. Quapropter eorum opinio, qui putant eum fuisse montem, unde postea Christus in celum euectus est, vera esse non potest, quia, hic, ut Mat-

thæus scribit, in Galilæa erat, ille autem, unde in celum ascendit, mille, aut, ut alij volunt, bis mille passus ab urbe Hierosolyma distabat, ut ex Actis capit. 1. 12. probatur. Alij eum montem fuisse existimant, in quo Christus transfiguratus fuerat, quem plerique Tabernum appellant, qua de re diximus supra cap. 17. 2.

17. Et videntes eum adorauerunt. Id est adhibita extrinsecus adoratione crediderunt, confessique sunt non solum Christum, sed verum etiam esse Deum, cum de eius iam resurrectione dubitare non possent. Dubitationi enim adorationem opponit, dum statim addat quidam autem dubitauerunt. Quibus in verbis queri solet, quomodo discipuli post tot tamque apertas visiones dubitauerint. Nonnulli non ex undecim discipulis, sed ex aliorum numero, qui discipuli etiam appellabantur, eos, qui dubitauerunt, fuisse putant, cum cum post resurrectionem nunquam vidissent, in qua sententia Theophylactus est. Alij de illis ipsis Apostolis, qui Christum adorauerunt, dictum existimant, quidam autem dubitauerunt, non quod eodem loco ac tempore, & adorauerint, & dubitauerint, sed quod illi ipsi, qui nunc in monte adorauerunt, prius Hierosolymæ dubitassent. Quam etiam interpretationem refert, & approbat Theophylactus. Sed dubium non est, quin Evangelista non solum tempus à tempore, locum a loco, sed personas etiam à personis distinguere voluerit, alios fuisse, qui crediderunt & adorauerunt, alios, qui dubitauerunt. Manifestum enim est non omnes dubitasse. Non ergo eosdem & dubitasse, & adorasse intelligit. Alij interpretantur nonnullos ex Apostolis simul atque in monte viderunt Christum, adorabundos procidisse, alios cunctatos esse, ac substituisse, non quidem de Christi resurrectione, & divinitate dubitantes, sed an ille, quem videbant, quemque alias post resurrectionem sæpe viderant, Christus esset. In hac sententia, ui-

V u 3 dentur



dentur esse Chrysost. homil. in Mat. th. 91. & Gregorius Nyssenus orat. 2. de resurrectione, & Iulianus, & Euthym. in comment. Alij, quod Matthaeus dicit, *quidam autem dubitauerunt* non ad hanc visionem, quae in monte Galilaeae acciderat, sed ad eam, quae Hierosolymae acciderat, cum Thomas dubitauit, & cum alij discipuli spiritum se videre putauerunt. Luc. 24. 37. & Ioannis 20. 25. 27. referendum existimant, voluisse enim studentem breuitati Matthaeum omnes visiones, quibus Christus discipulis apparuerat, vna complecti, & quidquid in illis notatu dignum acciderat, indicare. Acciderat autem, ut nonnulli discipuli, maximeque Thomas dubitaret, ideo ergo dixit, *quidam autem dubitauerunt*, non quidem tunc in monte Galilaeae, sed prius Hierosolymae. Dicit aliquis Hierosolymae non solum Thomam, & nonnullos alios, sed omnes omnino discipulos dubitasse, putasseque spiritum se videre. Luc. 24. 37. Respondent, qui hanc sequuntur interpretationem, valde, ut mihi videtur probabiliter Lucam communiter dixisse discipulos existimasse se spiritum videre, non quod omnes existimauerint, sed quod aliqui, sicut dixit supra Matthaeus capit. 27. 44. latrones in Christum crucifixum iecisse conuicia, quia vnus latro iecerat. Haec mihi placet sententia, ut Bedae etiam & Theophylacti placuisse video.

18 *Et accedens Iesus.*) Sunt, qui putant, haec non tunc, sed postea in vltima demonstratione, qua se Christus discipulis ostendit, cum vellet in caelum ascendere, accidisse, quod valde mihi probabile videtur. Multa enim capit. 21. a versu 15. vsque ad finem narrat Ioannes à ceteris Euangelistis praetermissa, quae post montis Galilaeae apparitionem, & antequam haec fierent, quae nunc Matthaeus scribit, contigerunt. Quod Petrum Christus ter interrogauerit, *Simon diligis me plus his?* quod illi pascendarum ouium suarum curam dederit, quod qua morte moriturus esset, significa-

uerit, quod Petrus de Ioanne dixerit, *hic autem quid?* Christus responderit, *Sic enim volo manere, donec veniam, quid ad te: tu me sequere;* quod exierit, *sermo inter fratres, quod discipulus ille non moritur;* quae omnia in comment. in Ioannem Deo adiuvante explicaturi sumus.

*Data est mihi omnis potestas in caelo, & in terra.*) Quod antequam Apostolis potestatem Euangelij praedicandi tradat, datam sibi in caelo, & in terra omnem potestatem dicit, eod spectat, ut doceat se nihil sibi temere arrogare, nihil illis dare, quod non habeat, & ut vulgo loquuntur, suas illis quodammodo litteras patentes ostendit quibus constet, quae eos auctoritate Apostolos creet, & tantam illis concedat potestatem. Illud durius videri potest, quod sibi datam omnem potestatem dicat, cum eam ipse per se habeat. Non praeteribant hoc negliger Arriani, sed contra Christi diuinitatem inter alia scripturae testimonia hoc etiam Catholicis obieiebant, quasi Deus esse non posset, cui potestas non innata, sed data esset, ut Athanasius in orat. contra Arrianos quod Deus ex Deo sit verbum, & Cyrillus libro 2. in Ioannem capitulo 73. auctores sunt. Duobus modis ueteres illi patres respondebant. Primum datam sibi omnem potestatem dixisse Christum, quia, cum homo factus est, eam cum natura humana accepisset, ut nobiscum communicaret. Itaque non tam sibi, quam nobis datam esse significare. Sic Athanasius. Deinde accepisse quidem potestatem, quatenus homo erat, quam, quatenus erat Deus, naturaliter habebat. Sic Gregor. Nyssenus, & Cyrillus Alexandrinus. Poterant sine ulla absurditate concedere etiam, quatenus Deus erat, potestatem omnem, sicut & naturam ipsam diuinam à Patre per aeternam generationem accepisse, ut iidem auctores illud interpretari solent. *Omnia mihi tradita sunt à Patre meo* Luc. 11. 22. Haec omnia uere quidem dicuntur, sed non satis meo quidem iudicio

Locus praediuitate filij contra Arrianos explicat.



dicio ad huius rei explicationem accommodat. loquitur enim hic non de qualibet potestate, sed de ea, quam Apostolis dabat, id est, de potestate regni sui spiritualis acquirendi, colligendique, quam ad rem Apostolos mittebat. Et ita loquitur, quasi eam potestatem ante resurrectionem non habuerit, ut alio loco idem Athanasius annotauit. Nam tanquam de re noua dicit, *data est tibi omnis potestas, euntes ergo docete, &c.* Non ergo de ea loquitur potestate, quam ut Deus, nec de ea, quam ut homo, sed de ea, quam ut redemptor hominum habebat, quemque per mortem, & resurrectionem suam sibi comparauerat. Quia enim omnes homines suo sanguine redemerat, ius habebat eos in regnum suum congregandi, & veluti subditos suos efficiendi. De ea ergo loquitur potestate, de qua illi Psal. 2. 8. *Pater dictum est, Dabo tibi gentes hereditatem tuam, & possessionem tuam terminos terre, de qua Psal. 109. 1. Sede a dextris meis, donec ponam inimicos tuos scabellum pedum tuorum, & de qua per Esaiam cap. 45. 6. 8. 9. Ecce dedi te in lucem gentium, ut sis salus mea usque ad extremum terra. Hec dicit Dominus in tempore placis exaudiente, & in die salutis auxiliatus sum tui. & seruauit te, & dedi te in sedus populi, ut suscitares terram, & possideres hereditates dissipatas. ut diceres his, qui vin-  
Eti sunt, exite, & his, qui in tenebris, reuelamini. De ea loquitur potestate, de qua Daniel capit. 7. 1. 4. *Aspicebam in visione noctis, & ecce cum nubibus caeli, quasi filius hominis veniebat, & usque ad antiquum dierum peruenit, & in conspectu eius obdormierunt eum; dedit ei potestatem, & honorem, & regnum, & omnes populi tribus, & lingua seruiens ei: potestas eius potestas aeterna, quae non auferetur, & regnum eius, quod non corrumpetur.* De ea denique loquitur potestate, de qua apud Ioannem cap. 16. 13. dicit *Confidite, ego vici mundum.* Hanc sibi potestatem per mortem, & resurrectionem suam datam esse dicit, quia eam meruit, propter quod, inquit, *exaltauit illum, & dedit illi nomen, quod**

*est super omnem nomen, ut nomine Iesu omnem genu flexatur caelestium, terrestrium, & infernorum. hoc est, Data est omnis potestas in caelo, & in terra, qua potestate ad propagandos regni sui fines Apostolos mittit, ut rectissime mihi videtur lib. 3. aduersus Eutychem. Virgilius interpretari. Quod autem dicit in caelo & in terra, propterea dicit. ut ubique se, quemadmodum significat D. Paulus, regnandi potestatem habere dicat, sed ex hoc eius regno quadam pars, id est ea quae in caelo erat, iam penitus acquisita, & pacata erat; altera, quae in terris, spirituali bello acquirenda, quam ad rem Apostolos mittebat.*

19. *Fuentes.* Intelligit in vniuersam terram, sicut dixerat, *data est tibi omnis potestas in caelo, & in terra;* ipse enim in celum, id est in vnam partem regni sui, quae iam pacata erat, ut in folio suo ad dexteram patris sederet, ascendebat, Apostolos in alteram partem, id est in omnem terram mittebat, ut ad se omnes homines reuocarent. Id Marcus 16. 15. apertius dixit, *Euntes inquit, in mundum vniuersum.* Opponit autem vniuersam terram Iudaeorum terminis, quibus ante capitulum 10. 3. Apostolorum legationem definiuerat, *In viam inquit gentium ne eueritis, & in ciuitates Samaritanorum ne intraueritis.* Tunc enim quasi hereditario iure Iudaeorum rex esset, ad solos Iudaeos Apostolos mittebat; nunc per mortem, & resurrectionem suam in omnes homines regnandi acquisitione iure in totum orbem terrarum mittit, declarans nunc per mortem suam disruptam fuisse mactiam, qua regnum suum intra Iudaeorum fines septimum continebatur, ut ait D. Paulus ad Ephes. 2. 14. idcircoque longius nunc esse regni sui limites proferendos a mari usque ad mare, & a flumine usque ad terminos orbis terrarum Psal. 72. 8. nec alios regni, id est Ecclesiae fuisse, quam orbis terrae fines futuros esse: prius in Iudaea tantum notum fuisse Deum Psal. 72. 2. nunc ubique cognoscendum, populum, inquit, quem non cognoui, seruiunt mihi in auditu auris obe-

Philip. 2.  
9. 10.



diuit mihi Pl. 17. 44. 45. *Quæserunt me, qui ante non interrogabant, inuenerunt, qui non quæserunt me* Isaia 65. 1. & *vocabo non plebem meam plebem meam* Osée 2. 23. ad Romanos 9. 25. Ergo quandoquidem a me missi estis, cui *data est omnis potestas in celo, & in terra*, & à me vobiscum communicata: hanc enim emphasim habet hoc loco particula *ergo*. *Docete*, non humanam sapientiam, quia nihil est regno meo magis aduersum; *stultitia enim est apud Deum* 1. Cor. 3. 19. sed diuinā, quæ apud homines stultitia est; docete crucem meam, *Iudeis quidem scandalum; gentibus autem stultitiam*; *ipsis autem vocatis Iudeis, ac Grecis Dei virtutem*; & *Dei sapientiam* 1. Cor. 1. 23. Moreus ca. 16. 16. quod docturi essent exponit, *predicare*, inquit, *Euangelium omni creature*. Hoc verbo non solum nunc Anabaptistæ, eo insanius hæreticorum genus, quo magis sibi sapere videtur, sed etiam nonnulli antiqui, boniq; auctores abusi sunt, vt Tertullian. in lib. de baptismo, & Nicetas in comment. in orat. Gregorij Nazian. in sanctum baptisma, vt probarent baptismum infantibus, nisi mortis periculum immineret, dandum non esse, quod Christus eos, qui baptizandi sunt, prius doceri iubeat, & infantes doceri non possint. Non animaduertunt Christum hoc loco non vestire baptizari eos, qui doceri non possunt, sed tantum iubere omnes, qui prius docti fuerint, baptizari. Reliquos verò, qui nondum doctrinæ capaces sunt, si saluos esse velimus, baptizari oportere non hic, sed alio loco docuit Ioann. 3. 5. *nisi quis renatus fuerit ex aqua, & Spiritu sancto, non potest introire in regnum Dei*. Quapropter Calvinus, & eius hæresis sectatores, qui eum Ioannis locum non de baptismi sacramento, sed de fidei regeneratione intelligendum esse contendunt, nullo scripturæ testimonio satis efficaci probare possunt infantes baptizari oportere. Et quidem cum Calvinus de pseudobaptismo aduersus Anabaptistas librum lego, ridere soleo, videreque mihi videor homi-

nem hæreticum, dum suis, non Ecclesiæ armis aduersus alios hæreticos pugnare vult, turpiter in pugna succumbentem. Et absurdius, & insolentius eodem verbo Calvinistarum interpretes abutuntur, neque Romanum Pontificem, neque vllum alium Ecclesiæ Catholice Episcopum Apostolorum successorem dici posse, cum Apostoli ad docendum missi sint, ipsi non doceant. Quid Calvinistarum Ministri? an Apostolorum successores sunt? at illi quidem docent, sed, vt omnes faciunt hæretici, Apostolis contraria docent. Ceterum, vt de doctrinæ genere nihil dicamus, quod nostrum omni antiquitate probatum, ipsorum omni antiquitate damnatum est, de hoc solum disputemus loco. Obijciunt illi nobis, quod Episcopi nostri non doceant. Obijciamus illis nos, quod illi quidem doceant, sed ad docendum missi non fuerint, quemadmodum Apostoli missi sunt; *data est mihi*, inquit, *omnis potestas in celo, & in terra: Euntes ergo docete*. Multo facilius nos probare possumus Episcopos nostros docere, quam illi se à Christo ad docendum missos esse. Nam non solum Episcopi nostri, sed ipsi etiam imperiti sacerdotes, quos isti Molossi canes, canes mutos, & non valentes latrare, vocare solent, etiamsi nullum dicant verbum, melius tamen, quam illi docent, dum venientes Calvinistas & ceteros hæreticos insolentem, nouamque doctrinam afferentes digito demonstrant.

*Baptizantes eos in nomine Patris, & Filij, & Spiritus sancti*) Doctrinæ baptismi coniungit sacramentum, non, vt Calvinus delirat, tanquam acceptæ iam gratiæ sigillum, sed tanquam doctrinæ fideique signaculum atque professionem. *βαπτίζω*, Grecis aqua mergere, lauare, ablucere, & vt Tertullianus solet vertere, tingere significat. Itaque ipsa verbi proprietate sacramenti materia declaratur, aqua baptismum confici debere, quemadmodum Christus ipse apud Ioan. ca. 3. 5. magis expressit, *nisi, inquit, quis renatus fue-*

Locus contra Calvinistas de missione Doctorum & pastorum explicatus.

Hoc explicatus a baptismo contra Anabaptistas.

Aqua baptismi materia necessaria.



*vis ex aqua, & Spiritu sancto.* Constat etiam Apostolos nunquam aliter, quam aqua baptizasse; propterea enim inter Christi, & Ioannis discipulos emulatio nata est, quod Christi discipuli, sicut Ioannes faciebat, aqua baptizarent, Ioannes 3. 26. Philippus etiam Eunuchum illum Candacis reginae ita proculdubio instituerat debere eos, qui in Christum credidissent, aqua baptizari. Cum enim ad aquam quandam peruenissent, ecce, inquit, Eunuchus, *aqua, quis prohibet me baptizari?* Act. 8. 36. & c. 10. 46. 47. respondit Petrus, *nunquid aquam quis prohibere potest, ut non baptizentur hi, qui Spiritum sanctum acceperunt sicut & nos?* Id ex figuris etiam per Apostolos declaratis manifestum est. Scribit Paulus 1. Corint. 10. 2. Patres veteris testamenti in mari baptizatos esse. Scribit D. Petrus 1. epist. cap. 3. 21. sicut in diluuium per aquam octo animae liberatae sunt; ita nunc similis formae baptismum multos homines liberare. Unde colligitur, quemadmodum mare, & diluuium aqua constabat, ita baptismum aqua perfici debere. Hinc Selenici, & Hennici haeresis refutatur, qui, ut lib. de haeresibus ad Quoduult Deum cap. 59. auctor est Aug. sine aqua baptizandum putabant, quod ubique cum Ioannis baptismus cum baptismo Christi comparatur, ille aqua, hic Spiritu sancto, & igne perfici dicitur, Ego, inquit, baptizo vos in aqua in penitentiam, qui autem post me venturus est, fortior me est, cuius non sum dignus calceamenta portare, ipse vos baptizabit in Spiritu sancto, & igni Matth. 3. 11. Marci 1. Luc. 3. 16. Ioannes 1. 26. 33. Act. 1. 16. Audiui ego meis auribus Calvinianum Ministrum similia dicentem nostramque ridentem, ut ille vocat, simplicitatem, & ignorantiam, quod crederemus baptismum necessario debere aqua constare. Non enim, inquit, magis aqua, quam igne constare debet, cum pluribus locis Christus igne, quam aqua baptizaturus dicitur. Sic isti boni doctores scripturam interpretantur. Cum ergo Christi baptismus baptismum Ioannis op-

ponitur, & Ioan. aqua, Christus igne, & Spiritu sancto baptizare dicitur, non est sensus Christum aqua baptizaturum non esse, sed non sola aqua baptizaturum, ut Ioannes baptizabat, sed praeter aquam, quae extrinsecus adhibetur, Spiritum sanctum intrinsecus effusum esse, qui immixtae specie linguarum igne significetur, ut die Pentecostes factum est, quemadmodum Damascenus lib. 4. de fide orth. e. 10. interpretatur. Quare ex his locis tantum abest, ut colligatur baptismum aqua constare non oportere, ut aliter potius Calvinistarum error inde manifestissime refutetur, quod inter Ioannis & Christi baptismum nihil discriminis esse dicant, sed contra hunc errorem c. 3. 11. copiose disputauimus. Forma quoque baptismi praescribitur his verbis. Nam licet ex hoc loco, si quis subtiliter, & pertinaciter tergiverfari velit, satis aperte probari non possit hanc, qua utimur, baptismi formam esse oportere, Ego te baptizo in nomine Patris, & Filij, & Spiritus sancti: tamen Ecclesiae traditione verborum sensum interpretante probatur. Sic enim semper Ecclesiam baptizasse inde perspicuum est, quod quicunque alia vti sunt forma, ab Ecclesia damnati sunt. Excommunicantur can. Apol. 49. omnes Episcopi, & presbyteri, qui aliter, quam in nomine Patris, & Filij, & Spiritus sancti baptizauerint. Iudicati sunt Marcionistae ueram non dare baptismum, quod hac forma non vterentur apud Irenaeum lib. 1. c. 13. & apud Epiphanium haeres. 34. Propterea Calvinistarum baptismus in Concilio niceno capit. 19. damnatus est, quia hac verborum forma non utebantur, ut ex Concilio 6. Carthag. can. 19. & ex Innoc. 1. epistola 22. cap. 5. colligitur. Hac ergo ratione omnes argutiae, quibus horum verborum sensus deludi potest, refellendae sunt, ut si quis dicat sensum non esse baptizantes eos in nomine Patris, & Filij, & Spiritus sancti, id est inuocato, aut appellato nomine Patris, & Filij, & Spiritus sancti, sed baptizantes eos auctoritate Patris, & Filij, & Spiritus sancti: quemadmodum

De forma  
& verbis  
baptismi



modum multis locis baptismum in nomine Christi datum legimus, non quod, qui baptizabat, diceret, Ego te baptizo in nomine Christi, sed quod Christi auctoritate baptizaret, ut alio loco dicturi sumus: præterea si quis dicat, non sequi ex hoc loco debere eum, qui baptizat, dicere, Ego te baptizo in nomine Patris, & Filij, & Spiritus sancti; id enim Christus non dicit, sed satis esse, si aquam fundat, & dicat, in nomine Patris, & Filij, & Spiritus sancti; denique si quis argumentetur posse hæc verba per dissolutionem intelligi, ut sensus sit, baptizantes eos in nomine Patris, uel Filij, uel Spiritus sancti, quam interpretationem videtur euentus probare posse, saepe enim in nomine solius Christi datum ab Apostolis fuisse baptismum, multi graues Auctores sunt, istas, inquam, omnes subtilitates vna Ecclesia traditio optima sacrarum litterarum interpres omnino dissipat. Neque enim disputamus, quomodo hæc verba intelligi possunt, sed quomodo debeant. Debent autem eo intelligi sensu, quo à Christo dicta sunt, non quem sibi quisque animo finxerit. Hoc autem à Christo sensu dicta fuisse, ut Apostoli cum baptizarent, dicerent, *Ego te baptizo in nomine Patris, & Filij, & Spiritus sancti*, visu, & traditione constat Ecclesie, quæ his semper, aut idem significantibus verbis baptizauit. Quomodo autem Apostoli aliquando in nomine Christi baptizasse dicantur Act. 2. 38. loco magis ideo disputabimus. Potest merito queri, cur Christus voluerit hac forma dari baptismum. Multæ rationes eius rei afferri possunt. Prima ut declararet, unde uim baptismus haberet, nimirum ex Patre, qui filium suum misit, ut pro hominibus moreretur; ex Filio, qui baptismum instituit, & suo quodammodo sanguine irrigauit, & fertilem, uberem, efficacem effecit; ex Spiritu sancto, qui sicut aqua extrinsecus corpora, ita ipse intrinsecus animos sanctificando lauat. Secunda, ne, qui baptizabantur, humanum tantum aliquid se recipere pu-

tarent, & non solum homines dicendo, *Ego sum Pauli, ego Apollo.* 1. Corinthi. 1. 12. sed Deum ipsum quodammodo diuiderent dicentes, *Ego sum Patris, Ego sum Filij, Ego sum Spiritus sancti*, si in vnus tantum personæ nomine baptizarentur. Terriam rationem Fulgentius adducit in libro de fide orthodoxa ad Donatum, ut homines eundem regenerationis suæ Auctorem esse intelligerent, qui generationis Auctor fuerat, Patrem, Filium, & Spiritum sanctum. Sensus ergo uerborum est, baptizantes eos non uestro nomine, sed nomine Patris, & Filij, & Spiritus sancti, id est declarantes, atque testantes id quod facitis non uestra, sed Dei Patris, & Filij, & Spiritus sancti persona facere, ne uester, sed dei baptismus esse credatur, sicut de baptismo Ioannis innumeris locis scribit Augustinus, propterea Ioannis baptismum uocatum fuisse, quod suo nomine, atque persona, licet aut iussu, aut instinctu Dei, non autem Dei persona baptizaret. Itaque hæc uerba, *in nomine Patris, & Filij, & Spiritus sancti*, non tantum ad uerbum baptizantes, sed etiam ad eos, qui baptizant, referenda sunt. Porro ex hoc loco recte ueteres Auctores Trinitatis mysterium probauerunt; hinc ab illis Sabelliani refutati, qui ex hoc etiam loco suum errorem confirmare conabantur, Patrem, & Filium, & Spiritum sanctum unam tantum esse personam, quod Christus non dixerit baptizantes eos in nominibus, sed in nomine Patris, & Filij, & Spiritus sancti. Refellit eos D. Basilius epistol. 64. hinc potius colligi tres esse personas, vnam naturam, quia cum Pater, Filius, & Spiritus sanctus, ut tres distinctæ personæ nominentur, unum tamen illis diuinitatis nomen, una auctoritas sit. Hinc alij aduersus Arrianos Patris, Filij, & Spiritus sancti diuinitatem, æqualitatemque probauerunt, nec enim nos in nomine ullius creaturæ baptizari. Sic Athanas. sermo. 3. contra Arrianos, & in orato. de æterna substantia Filij, & Spiritus sancti contra Sabellij

Libr. 6. de  
Bapt. contra  
Donatistas c. 9.  
19. 11. &c.

Cur Christus  
baptis-  
mum da-  
ri voluerit  
in nomi-  
ne Patris,  
& Filij, &  
Spiritus sa-  
cti.



Sabellij gregales, & in orat. in hoc dictum, *Omnia mihi tradita sunt à Patre meo* Luc. 10. 22. & in disputat. contra Arrium in Concilio Niceno habita & in epistola ad Serapionem contra eos, qui dicebant spiritum sanctum esse creaturam, & in professione regulæ Catholicæ & Hilarius libro 2. de Trinitate, & Gregorius Nazianz. in oratione habita coram centum quinquaginta Episcopis, & oratione 5. de Theolog. & Ambros. libro 1. de Spiritu sancto, cap. 14. & Didymus libro 2. de Spiritu sancto, & Theodoret. lib. 5. hæreticarum fabularum ca. de Spiritu sancto, & Fulgent. in lib. contra obiectiones Arrianorum, & libr. de fide orthodoxa ad Donatum, & libro de incarnatione, & gratia Domini nostri Iesu Christi cap. 9. Marcus addit ad hæc verba cap. 16. 16. 17. *Qui crediderit, & baptizatus fuerit, saluus erit: qui uero non crediderit, condemnabitur. Signa autem eos, qui crediderint, hæc sequentur: In nomine meo demonia eiciet. &c.* utraque re baptismi effectum significans. Saluos enim nos facit non sola fides, sed etiam baptismus, ut D. Petrus scribit 1. epist. 3. 21. Quod autem dicit, *signa autem eos, qui crediderint, hæc sequentur*, nō solum, qui crediderint, intelligit, sed etiam, qui baptizati fuerint. Nam qui credebant antequam baptizarentur, huiusmodi miracula facere non solebant; cuius rei in Actis Apost. cap. 19. 6. illustrissimum exemplum est. Nec ita intelligendum quasi omnes, qui baptizarentur, hæc miracula facturi essent; quia multi facturi erant, & ij non solum suo, sed aliorum etiam nomine, & commodò facturi, ut & sua, & ipsorum fides corroboraretur, generaliter loquitur, *Signa autem eos, qui crediderint, hæc sequentur*. Neque semper ea signa sequutura esse intelligit, sed eum ad fidei confirmationem erit necessarium, quasi dicat, eorum, qui crediderint, fides miraculis confirmabitur. Sed finem illum Euangelij Marci copiosius in eius comment. explicabimus.

20. Docentes eos seruare omnia, que

cunq̃ue mandauimus uobis. ) Post fidem, & baptismum præceptorum obseruationem adiungit, indicans, neque fidem, neque baptismum ad salutem satis esse, nisi Dei etiam præcepta seruemus, ut hoc loco Theophylactus obseruauit.

*Et ecce ego uobiscum sum.* ) Mittit ad docendum, quasi ad pugnam cum uniuerso terrarum orbe suscipiendam, Apostolos; uerendum erat, ne tanti operis mole, & futurorum periculorum præuisione desponderent animos. Iubet eos forti animo esse, & contra omnia pericula confidenter obistere, se illis affuturum esse, & quidem non serò, sed opportunè. Hanc vim habent duæ illæ dictiones, *Ecce, & ego*. Nam ecce præfens, & opportunum significat tempus, quasi dicat, simulatque opus erit, uobis adero improuisus, & ut in prouerbio est Deus è machina. Dictio autem *ego* significat eum, qui eos ex omnibus periculis liberare possit: quemadmodum si pugnantī militi dux dicat, bono, fortique animo esto, ecce ego tibi opem fero, ut Io. 16. 33. discipulis dicit, *confidite, ego uici mundum*. Ego igitur uobiscum sum, qui mundum uici, contra quem uos pugnaturi estis; ego uobiscum sum, contra quem princeps huius mundi non habet quicquam Io. 14. 30. ego uobiscum sum, cui pater promissit fore, ut poneret omnes inimicos meos scabellum pedum meorum Psal. 109. 2. Variant veterum auctorum de huius loci interpretatione sententiæ. quidam Christum non de humana, sed de diuina natura loqui putant, quā ubique præfens est, ut D. Aug. tract. in Io. 60. & Fulg. libr. 3. contra Thrasymundum, & libro de Incarnatione, & gratia Domini nostri Iesu Christi cap. 9. At aliquid minus generale Apostolis Christum promittere manifestum est. Aliter enim cum illis, quā cum ceteris rebus, quāque cum ceteris hominibus se futurū significat. Alij ergo de diuina prouidentia interpretati sunt, per quē deus, hominibus magis, quā rebus mutis, & inter homines iustis adesse dicitur.

Itaque



Itaque significare Christum se, etiam si discedat, tamen cum illis futurum esse, quia Spiritum sanctum suo loco missurus erat, ut eos omnem veritatem doceret, ut eos dirigeret, ac guber-  
naret, quemadmodum Ioann. 14. 18. dixerat. *non relinquam vos orphanos*. Ad hunc modum Cyrill. Alexan. lib. 7. de Trinitate, & Saluianus li. 2. de ve-  
ro iudicio, & prouidentia Dei, & Leo epi. 3. 1. & 92. interpretantur. Quae om-  
nia vera quidem sunt; ceterum non tantum, quid uerum sit, sed quid ad sensum huius loci maxime accommo-  
datum, querimus. Fateor Christum, quatenus Deus est, ubique esse, sed aliam hic praesentiam suam Apostolis pollicetur; fateor Christum missum Spi-  
ritu sancto Ecclesiam usque ad consum-  
mationem seculi gubernaturum, idque ex hoc loco colligi non nego, quemad-  
modum illi, quos modo nominauimus, auctores recte collegerunt, sed non querimus, quid ex eo, quod Christus dixit colligatur. sed quid dicere volue-  
rit. Optime mihi Cryst. hom. in Mat-  
th. 9. 1. D. Hieron. in epist. ad Dama-  
sum, Prosper lib. 2. de uocatione gen-  
tium c. 2. Beda, & Euthy. hoc loco ui-  
dentur exposuisse, ut Christus non so-  
lum de diuina, sed de humana etiam praesentia loquatur; non quod quatenus homo est, corpore cum Apostolis fu-  
turus esset praesens, sed quod fauorem, & auxilium suum praesentiam appel-  
let, quod non solum, quatenus Deus, sed etiam, quatenus homo, Apostolis praestiturus erat. Dicitur enim cum il-  
lis futurus esse, quia auxilio illis om-  
nibus in reb. futurus erat; sicut Deus dicitur cum Ioseph fuisse, & cum eo in foueam descendisse, quia illi etiam in carcere opem tulit. *videtur*, inquit, *istum dereliquit, sed a peccatoribus li-  
berauit eum, descenditque cum eo in fo-  
neam, & Act. 7. 9. Et Patriarcha amu-  
lantes Ioseph reuiderunt in Aegyptum, & erat Deus cum eo*, & ut Psal. 13. 20. dicitur, *Multa tribulationes iustorum, & de omnibus his liberabis eos Domi-  
nus*; & ut 2. epist. ad Timo. 3. 11. scribit D. Paulus Deum se ex omnibus perse-  
quentibus ei iuuasse, & ut Christus cu-

Sap. 10. 33.

Stephano fuit, cum lapidaretur, quia cum in celo stantem, & quasi manum porrigentem, auxiliumque ferentem Stephanus uidit Act. 7. 56. & quemadmodum Deus Ieremiae prophetae offi-  
cium recusanti dicit, *Ne timeas a facie eorum, quia tecum ego sum, ut eruam te*, dicit Dominus. Iere. 1. 8. & ut Ezechiel dicit c. 3. 8. 9. *Ecce dedi faciem tuam ualē-  
tiorē facieb. eorum, & frontem tuā dū-  
riorem frontibus eorum, ut adamantem, & ut silicem dedi faciem tuā, ne timeat eos, neque metuas a facie eorum*, id est, fortes quidem illi sunt, sed ego te fortiorem faciam, hoc est, Ecce ego uobiscum sum usque ad consummationem seculi, missis enim ad pugnam auxilium pro-  
mittit, & ut ait Prosper, cum sicut oues introieritis in medium luporum, nolite de-  
vestra infirmitate trepidare, sed de mea potestate confidite, qui vos usque ad con-  
summationem seculi in omni hoc opere non derelinquam; non ad hoc ut nihil pa-  
tiamini, sed quod multo maius est, praesti-  
turus, ut nulla sententiarum crudelitate superemini. In mea enim potestate praedi-  
cabitur, & per me fiet, ut inter contradic-  
centes, inter furentes Abrahā filij de la-  
pidibus suscitentur, ego insinuabo, quod docui; ego faciam, quod promisi. Denique quemadmodum cum ad praedicandū Iudaeis Euangelium Apostolos mitte-  
ret, praesentiam illis & auxilium Spiritus sancti promisit c. 10. 19. 20. *Cum autem tradent uos, nolite cogitare, quomodo, aut quid loquamini, non enim uos estis, qui loquimini, sed spiritus patris ue-  
stri, qui loquitur in uobis*; ita nūc ad docendas omnes gentes missis suam praesentiam, ac auxilium pollicetur. *Usque ad consummationem seculi.* )  
Indicat se non cum solis Apostolis, sed cum omnibus, qui in eorum locū successuri erant, loqui, quos etiam Apostolos futuros esse significat. Nec enim undecim illi, quibus cum loquebatur, usque ad consummationem seculi uicturi erant, ut D. Augu. lib. 6. de Genesi ad litteram ca. 8. & Theophyl. in huius loci comment. annotauerunt. Melius, quā Hieronymus, qui his verbis significari putat Apostolos usque ad consummationem seculi uictu-

Li. 2. de vo-  
cat.  
Gentium,  
c. 12.  
Matt. 10.  
16.

ROS



Significa-  
tio parti-  
cularum  
vsq; & do-  
nec in feri-  
ptura,

ros esse, quia etiam si corpore mortui  
sunt, semper animo viuunt. Caterum  
non promittit Christus se illis in coe-  
lo, ubi opus non est, sed in terra, in pul-  
uere, in arena, in certamine affutu-  
rum. Illud D. Hieronymus aduersus  
Heluidum, & Gregorius Nazian. orat.  
4. de Theologia recte monuerunt, pre-  
positionem illam *usque* non exclude-  
re tempus, quod post consummatio-  
nem seculi futurum est, quasi signifi-  
ficet Christus post seculi consumma-  
tionem se cum illis futurum non esse.  
Qua de re cap. 1. & 5. disputauimus. At-  
que hac ratione inepte quaedam recen-  
tiorum Hebraeorum argutiae refellun-  
tur. Non enim dicunt, nisi quod du-  
bium esse poterat. Dubium non erat,  
quin post consummationem seculi  
Christus cum Apostolis suis in regno  
suo futurus esset; an autem in certami-

ne cum illis futurus esset, de eo pote-  
rat dubitari, sicut Psal. 109. 1. Pater di-  
cit filio, *Sede a dextris meis, Donec po-  
nam inimicos tuos scabellum pedum tuo-  
rum*, non enim significat, postquam  
eius inimici subiecti fuerint, ad dexte-  
ram Patris sessurum non esse: quin  
tunc magis quodammodo sedebit, quia  
magis eius gloria, maiestasque demon-  
strabitur. Quamquam si ea interpreta-  
tio, quam modo adhibuimus uera est,  
nihil absurdi sequitur, si dicamus ea di-  
ctione *usque* sequens tempus excludi.  
Nam eo modo, quo se Christus cum  
Apostolis usque ad consummationem  
seculi futurum dicit, id est pugna-  
tes adiuuando, post seculi consummato-  
nem quia non pugnabunt, sed regna-  
bunt, cum illis non erit. Erit autem alio  
modo, quia edent, & bibent super me-  
sam eius in regno ipsius Luc. 22. 30.



SANCTVM



SANCTVM  
IESV CHRISTI  
EVANGELIVM  
SECUNDVM MARCVM.

## CAPVT PRIMVM.

Matth. 3. I  
a. 1.  
Malac. 3.  
a. 1.  
Isa. 40. a. 3.  
Io. 1. c. 15.  
Euc. 3. a. 4.



**I**NITIVM Euangelij Iesu Christi, Filij Dei.  
2. Sicut scriptum est in Isaia propheta: Ecce  
ego mitto angelum meum ante faciem tuā  
qui preparabit viam tuam ante te. 3. Vox cla-  
mantis in deserto: Parate viam Domini, re-  
ctas facite semitas eius. 4. Fuit Ioannes in de-

serto baptizans, & prädicans baptismum pœnitentiæ in remis-  
sionem peccatorum. 5. Et egrediebatur ad eum omnis Iudææ  
regio, & Ierosolymitæ vniuersi, & baptizantur ab illo in Iorda-  
nis flumine, confitentes peccata sua. 6. Et erat Ioannes vestitus  
pilis cameli, & zona pellicea circa lumbos eius, & locustas, & mel  
siluestre edebat. Et prädicabat dicens: 7. Venit fortior me post  
me: cuius non sum dignus procumbens soluere corrigiam cal-  
ceamentorum eius. 8. Ego baptizaui vos aqua, ille vero baptiza-  
bit vos Spiritu sancto. 9. Et factum est: in diebus illis venit Ie-  
sus à Nazareth Galilææ: & baptizatus est à Ioanne in Iordane.  
10. Et statim ascendens de aqua, vidit cœlos apertos, & Spiri-  
tum tanquā columbam descendentē, & manentē in ipso. 11. Et  
vox facta est de cœlis: Tu es filius meus dilectus, in te compla-  
cui. 12. Et statim Spiritus expulit eum in desertum. 13. Et erat  
in deserto quadraginta diebus, & quadraginta noctibus: & ten-  
tabatur à Satana: eratq; cum bestiis, & angeli ministrabant il-  
li. 14. Postquā autem traditus est Ioannes, venit Iesus in Gali-  
læam, prädicans Euangelium regni Dei, 15. & dicens. Quoniā  
impletum est tempus, & appropinquauit regnū Dei: pœnitemi-  
ni, & credite Euangelio. 16. Et præteriens secus Mare Galilææ,  
vidit Simonem, & Andreā fratrē eius, mittentes retia in mare,  
(erant enim piscatores.) 17. & dixit eis Iesus: Venite post me, &  
faciam



faciam vos fieri piscatores hominum. 18. Et protinus relictis re-  
tibus, secuti eum 19. Et progressus inde pusillum, vidit Iacobū  
Zebedæi, & Ioannem fratrem eius, & ipsos componentes retia  
in naui: 20. & statim vocauit illos. Et relicto patre suo Zebedeo  
in naui cum mercenarijs, secuti sunt eum. 21. Et ingrediuntur  
Capharnaum: & statim sabbatis ingressus in synagogam, doce-  
bat eos. 12. Et stupebant super doctrina eius: erat enim docens  
eos, quasi potestatem habens, & non sicut Scribæ. 23. Et erat  
in synagoga eorū homo in spiritu immūdo: & exclamauit, 24.  
dicens: Quid nobis, & tibi Iesu Nazarene: venisti perdere nos?  
scio qui sis, Sanctus Dei. 25. Et comminatus est ei Iesus, dicens:  
Obmutesce, & exi de homine. 26. Et discerpens eū spiritus im-  
mundus, & exclamās voce magna exijt ab eo. 27. Et mirati sunt  
omnes, ita vt conquirerent inter se dicentes: Quidnam est hoc?  
quānam doctrina hæc noua? quia in potestate etiam spiritibus  
immundis imperat, & obediunt ei. 28. Et processit rumor eius  
statim in omnem regionem Galilææ. 29. Et protinus egredien-  
tes de synagoga, venerūt in domū Simonis, & Andreæ cū Iaco-  
bo, & Ioanne. 30. Decumbebat autem focus Simonis febrici-  
tans: & statim dicunt ei de illa. 31. Et accedens eleuauit eam ap-  
prehenso manu eius: & continuo dimisit eam febris, & ministra-  
bat eis. 32. Vespere autē facto cū occidisset sol, afferebāt ad eū  
omnes male habentes, & dæmonia habentes: 33. & erat omnis  
ciuitas cōgregata ad ianuā. 34. Et curauit multos, qui vexaban-  
tur varijs languoribus, & dæmonia multa eiiciebat, & non sine-  
bat ea loqui, quoniam sciebant eū. 35. Et diluculo valde surgēs,  
egressus abiit in desertum locum, ibique orabat. 36. Et prose-  
cutus est eum Simon, & qui cum illo erant. 37. Et cum inuenis-  
sent eū, dixerunt ei: Quia omnes quærūt te. 38. Et ait illis: Ea-  
mus in proximos vicos, & ciuitates, vt & ibi prædicē: ad hoc. n.  
veni. 39. Et erat prædicans in synagogis eorum, & in omni Ga-  
lilæa, & dæmonia eiiciens. 40. Et venit ad eum leprosus depre-  
cās eū: & genu flexo dixit ei: Si vis, potes me mūdare. 41. Iesus  
autem misertus eius, extendit manum suam: & tangens eū, ait  
illi: Volo: Mundare. 42. Et cum dixisset, statim discessit ab eo  
lepra, & mundatus est. 43. Et comminatus est ei, statimque eie-  
cit illū: 44. & dicit ei: Vide nemini dixeris: sed vade, ostende te  
principi sacerdotū, & offer pro emūdatione tua, quæ præcepit  
Mōyses in testimoniū illis. 45. At ille egressus cepit prædicare, &  
diffamare sermonē, ita vt iā nō posset manifeste introire in ciui-  
tatē, sed foris in desertis locis esset, & cōueniebāt ad eū vndiq;.

Matth. 4.  
b. 13.  
Lu. 4. c. 31.  
Matth. 7.  
d. 281  
Lu. 5. c. 32

Matth. 9.  
b. 14.  
Lu. 6. f. 42.

Lu. 4. f. 42.

Matth. 8.  
a. 2.  
Luc. 15. c.  
12.

Lu. 14. a. 34



## INCAPVT I.

**M**

ULTA sunt necessa-  
rio à quattuor Euan-  
gelistis eandem scriben-  
tibus historiam com-  
muniter dicta, & à no-  
bis in commentarijs in

Matthæu explicata; quæ si in singulis  
reperere vellemus, laborem nobis ac-  
cumularem non necessarium, lecto-  
ri verò docto præferim, & delicato fa-  
stidium pareremus intolerabile. Quæ  
si vt fieri à nonnullis solet, quoties  
commune aliquid, & iam à me expo-  
situm occurreret, eo, vbi exposuissem,  
lectorem mitterem; minus mihi la-  
boris, minus illi fastidij esset; non ef-  
fet tamen nihil. Vtrumque fere deu-  
tabimus, si mecum ille conueniat, ut  
quoties in posteriore aliquo Euan-  
gelista aliquem prioris locum idem di-  
centis ad marginem notatum uiderit,  
eo se sponte sua conferat, etiam à me  
non missus, si copiosorem fortasse  
desiderabit explicationem. Id in  
Marco potissimum accidet, qui Mat-  
thæi Euangelium iisdem plerumque  
sententijs, iisdem sæpe verbis, paucis  
additis, paucis detractis in compendium  
videtur redeiisse; vt nemo mirari  
debeat, si multo in Marco, quam in  
cæteris breuius erimus. Debet pruden-  
s lector in lucro verborum bre-  
uitatem ponere, modò nihil illi  
pereat de lucro sententiæ. Nos qui-  
dem certè in maximo ponimus, ne  
tempus rebus impendendum necessa-  
rijs, in non necessarijs consumamus.  
prope finem uitæ, longe finem operis  
intuentes.

*Euangelium secundum Marcum.*  
Quæ sit horum verborum vis, & cu-  
ius sint auctoris, ipsiusue Euangeli-  
stæ, an alterius cuiuspiam, qui suum  
cuique Euangelistæ titulum adiece-  
rit, in Matthæi titulo disputauimus.  
De Marco, quia minus, quam ceteri  
Euangelistæ notus fuit, nonnulli di-  
cendum. Et quidem, quæ ad Euan-  
gelij scripionem pertinebant, in com-

muni ad quattuor Euangelistas præ-  
fatione ante Matthæum posita à no-  
bis dicta sunt. De homine nunc agi-  
mus, quis cuiusque fuerit, & quid ege-  
rit in vita memorabile. Filium fuisse  
Mariæ cuius Ierosolymitanæ, eius ad  
cuius domum Petrum vinculis ab  
angelo solutum Lucas Act. 12. 12.  
de nocte venisse tradit, Græcus Scho-  
liastes Act. 12. 12. & Dorothæus in Sy-  
nopsi, & Theophy: & Euthy. in com-  
ment. huius loci auctores sunt, & opi-  
nionem ipsa nominis similitudo nul-  
lo etiam Auctore probabilem facit.  
*Considerans*, inquit Lucas, *uenit ad do-*  
*rum Mariæ matris Ioannis, qui cogno-*  
*minatus est Marcus, ubierant multi cõ-*  
*gregati, & orantes.* Quod etiam ma-  
trem ex filio describit, & indicat eum  
& Christianum, & matre nobiliorem  
fuisse, qualem Marcum cum sanctita-  
tis opinione, tum Euangelij prædica-  
tione, scriptioneque fuisse constat.  
Dissentit tamen, vt videtur Euseb. li-  
bro historia Eccles. 7. capitu. 20. Ioan-  
nem hunc cognomento Marcum a-  
lium, quam Euangelistam fuisse signi-  
ficans. Cui sententiæ illud fauet, quod  
Paulus Act. 16. 37 aliquid in eo fuis-  
se indicet culpe, quam ob rem in con-  
sortium admittendus non esset; quod  
de Euangelista sine certis credere  
coniecturis haud scio, an satis propen-  
si ad pietatem sit ingenij. Ac mirum  
profecto est, si proprium illi Ioannes  
nomen erat, à nemine Auctore vete-  
re Ioannem appellatum. Cum ergo  
scriptura priorem illum, quasi pro-  
prio, & vsitato nomine Ioannem,  
posteriorem hunc & eadem scriptu-  
ra, cum de eo certè loquitur, & om-  
nes Auctores antiqui Marcum appel-  
lent, diuersos fuisse credendum est.  
Hæc mihi magis placet opinio, & au-  
ctorem grauiorem Eusebium, & pro-  
babiliores coniecturas habens. Nam  
nominum quidem similitudo, illa,  
quam alij auctores secuti in contra-  
riam sententiam abierunt, nihil  
maior,

De Marco  
Euangeli-  
sta, quis,  
cuiusque  
fuerit,



maior, quàm dissimilitudo est. Etenim, ut ambo Marci similes, ita Joannis nomine dissimiles sunt. Et potuit Marcus ille alter, cui Joanni nomen erat, alia ratione nobilis esse, ut non ex eo mater cognosceretur; sicut Alexander ille, & Ruffus Simonis Cyrenensis filij, ex quibus Marcus capitul. 13. 21. describit patrem. Constantior, veroque similior omnium fere auctorum sententia est hunc eum fuisse Marcum, de quo Petrus 1. epistol. capitul. 5. 13. scribit filium suum vocans; aut quòd eum paterno, singularique amore prosequeretur, aut quòd eum in Christo genuisset. Discipulum enim fuisse Petri Iren. libr. 3. capitul. 1. Euseb. libr. 2. histor. Ecclesiast. capitul. 14. Epiphani. haeresi 51. Chrysostom. homil. 39. in Matthaeum, & Hieronymus in vita Marci tradunt, atque comitem in Euangelij predicatione fuisse eius omnes affirmant. Ab eo etiam baptizatum fuisse in sermone de Marco Evangelista apud Petrum Damianum lego. Meretur aliquam fidem non minus auctor, & id confirmat, quòd Petrus filium appelleret suum, ut solemus, quos baptizamus, appellare, quemadmodum & baptizatus ipse ad Tit. 3. 5. regeneratio vocatur. Caeterum non convenit, quòd Origen. in libro de recta in Deum fide, & Epiphani. haeresi 51. & Dorothei in Synopsi scribunt eum vnum ex septuaginta duobus fuisse discipulis. Addit Epiphani. vnum ex illis fuisse, qui audito sermone de edenda carne, bibendoque sanguine Christi ab eo offensi discessissent à Petro uerò ad Christum reuocatum. Verum exiis Auctoribus, qui Petrum de Marco hoc Evangelista loqui putant, ij, qui eum Mariae Ierosolymitanæ filium fuisse dicunt, eundem esse, de quo Lucas Actorum 12. 12. 25. & 15. 37. 39. & Paulus ad Colos. 4. 10. & 2. ad Timorh. 4. 11. Loquitur, arbitrantur, consobrinumque fuisse Barnabæ. Nam Ioannes ille, cui Marcus cognomen fuit, Barnabæ consobrinus erat, ut ad Colos. 4. 10.

scribit Paulus: alij negant, aut certe non affirmant. Auctor Comment. in Marcum, qui Hieronymo tribuitur, Leuitici fuisse generis tradit. Vellem testimonio, aut argumento aliquo probasset: nunc autem ex sola eius Auctoritate fides pendet, quæ eo minor est, quòd ignotus est auctor, & ut apparet, non vetustissimus. A Petro in Ægyptum prædicandi Euangelij causa missum fuisse, & Alexandrinum constitutum Episcopum nemo non dicit Auctorem. Eius verò honoris declinandi causa pollicem sibi præcidisse apud multos vulgò circumfertur auctores; sed grauem ego, & antiquum eius historiae Auctorem quærens nullum inuenio. Et non est, quòd Origeni, & alijs quibusdam se ipsos religionis etiam causa minuendis vitio datur, Euangelistæ sine certis testibus tribuendum. Nam quòd Lyranus respondet id eum diuino tactum spiritu fecisse, quòd de Sansone, & Razia credit Augustinus, in Marco credibile non est. Cum enim ab ipso Spiritu sancto ad Episcopatum vocaretur, quomodo potuit ab eodem spiritu, ut Episcopatum fugeret, ad inferendas sibi manus impelli? Alexandria ita Christianorum formasse mores ut eos indicans Philo de Therapeutis, id est supplicibus, aut contemplatoribus librum scripserit, ut mirabiliter genus illud laudaret uiræ Euseb. libro 2. histor. Ecclesiast. capit. 5. & 16. & Hieronymus in vita Marci, Dorothei in Synopsi, & Theophylactus Auctores sunt. Octauo Neronis anno Alexandriae mortuum scribit Hieronymus. Dorotheus uerò sub imperio Traiani Aprilis mense rudente collo iniecit à loco, cui Bucolus nomen est, usque ad locum, qui angelorum dicitur, tractum, igne crematum, & in Bucolo sepultum. Quod tota Ecclesiastica refertur historia, quæ pro comperto tradit, nullum præter Ioannem Apostolum, aut Euangelistam Traiani imperium attigisse.

1. *Initium Euangelij.* Euangelij nomen, quot modis diceretur, in com-

XX muni

Marcus  
Alexandri-  
nus Epi-  
scopus.  
Fabula de  
Marco si-  
bi pollicis  
scindente,  
refellitur.

Quo tem-  
pore Mar-  
cus mor-  
tuis.



muni ad quattuor Euangelistas præfatione diximus. Hoc loco quidam Euangelicam historiam interpretantur, eiusque exordium, *ἀρχὴν initium*, à Marco vocari putant, quasi dicat, Exordium Euangelij, id est historiae Euangelicæ, quam scribo, à Ioannis Baptiste prædicatione summam, sicut de illo in Isaia Propheta capitul. 40. 3. scriptum est, *Vox clamantis in deserto, parate vias Domini*. Alij pro lege Euangelica, nouoque Testamento, quod Christus ianciebat atque predicabat sumi existimant; quasi indicare Marcus voluerit eundem Ioannem finem veteris, initium vero fuisse noui Testamenti, sicut in Malachia Propheta capitul. 3. scriptum est, *Ecce ego mitto angelum meum ante faciem tuam, qui preparabit viam tuam ante te*. Sic Chilo. hom. 1. in Marcum, & Theophylactus & Euthymius in commentarijs. Vera quidem sententia, sed quod ad loci interpretationem attinet, non id, ut opinor, Marcus agebat, sed ut doceret, unde lex Euangelicæ; sed unde Christi prædicationis initium habuisset. Nam si id egisset, non Isaie, & Malachie, sed Ieremie potius prouidisset testimonium capit. 31. 31. *Ecce dies venient, dicit Dominus, & feriam domui Israel, & domui Iuda fœdus nouum, non fœdum pactum, quod pepigi cum patribus eorum in die, qua apprehendi manum eorum, ut educerem eos de terra Aegypti*. Recentiores ferè omnes interpretes hunc libri titulum esse docent absolute positum, & ex sequentibus minimè pendentem, quasi diceret Marcus, Sequitur, aut incipit Euangelium filij Dei, sicut rudioribus, & minus literatis faculis mos fuit libros inscribere, & quemadmodum Matthæus simili ratione Euangelium suum inscripsit, *Liber generationis Iesu Christi*. Illam ego interpretationem magis probo, ut non libri titulus, sed prædicationis Christi principium significetur, quasi dicat Euangelista, Christi prædicationis tale habuit initium, quale prophetae venturi Messie prædicationem habituræ esse prædixerant. Primum, quia, si

hic titulus esset libri, non bene verba, quæ sequuntur, cohererent. Quis enim sensus, *Initium Euangelij Iesu Christi*, id est, incipit liber Euangelij Iesu Christi, *sicut scriptum est*? Nec enim prophetae Marcum scripturum Euangelium atque hunc illi titulum daturum, sed Christum uenturum, & Euangelium prædicaturum prædixerant. Neque verò dici potest illud verbum, *sicut scriptum est*, non ad initium, sed ad Euangelij nomen esse referendum, atque ita verba, sententiæque coherere; quasi sensus sit, *Initium Euangelij*, id est prædicationis Christi, de qua prædicatione scriptum est, *Ecce ego mitto angelum meum ante te*. Id enim, quod sequitur, *ante te*, indicat hæc verba non solum ad Euangelij, sed etiam ad initij nomen referri oportere. Idem enim est *initium*, & *ante te*. Præterea, quia, etsi Hebræi ex principio libri titulum toti libro dare solent, ut ex Genesi perspicuum est, tamen ad hunc modum libros ordiri non solent, Initium libri Genesis, aut Initium Exodi. Dixisset ergo Marcus, liber Euangelij Iesu Christi, si eam consuetudinem sequi uoluisset, quemadmodum Matthæus, dixit, *Liber generationis Iesu Christi*; aut simplicius, Euangelium Iesu Christi, sicut dixit Isaïas, *Visto Isaïa filij Amos*, & Ieremias, *Verba Ieremie prophetae*, & Ioannes in Apocalypsi, *Apocalypsis Iesu Christi*. Sensus ergo est, *Initium Euangelij*, id est prædicationis Euangelicæ Iesu Christi, fuit. Hoc enim verbum, aut aliquod simile intellegendum est.

*Sicut scriptum est in Isaia propheta.*) Matthæus à Christi generatione, Lucas à generatione Ioannis Baptiste suum exorsit sunt Euangelium Ioannes multo altius à diuinitatis æternitate, Marcus breuius sumpsit exordium. Nam omiſſa æternitate, omiſſa humanæ nature, & Ioannis, & Christi generatione, omiſſa adoratione Magorum, omiſſa fuga in Aegyptum, omiſſo reditu, omiſſis denique omnibus, quæ Christus vsque ad annum Tiberij 15, ætatis uerò suæ tricesimum,



sum, ut auctor est Lucas ca. 3. r. 23. aut fecit, aut passus est, a sola orsus est prædicatione, quasi sibi proposuisset solam Christi doctrinam, & miracula doctrinam confirmantia explicare; Itaque trium tantum annorum Christi textit historiam. Quæritur à multis eius consilij ratio. Credo ergo probabilissimam hanc esse, Matthæum, quia promissiones Abrahamo de semine, in quo essent omnes gentes benedicendæ, & de futuro regno Christi ex Davidis familia nascituri in Christo completas fuisse ostendere volebat, ut eum omnes promissum esse Messiam intelligerent, ab Abrahamo, & Davide exordium petiuisse, ut Matthæi. 1. r. 17. ex Hieronymo, & alijs docuimus auctoribus. Marcum verò sciantem breuitatem alia idem ratione afficere voluisse, docendo tale fuisse Christi prædicationis initium, quale propheta prædixissent futurum esse Messiam, ut eum Messiam esse constaret, quam rationem Beda in commentarijs reddit. Cæpit autem à prædicatione, & breuitatis, ut opinor, causa, & quia non tam historiam de tota vita Christi, quàm compendium de eius doctrina, atque miraculis quibus confirmata doctrina esset, scribere volebat. Ab anno autem Christi tricesimo cæpit, quia tunc Christus propriè cæpit facere, atque docere. Nam quod annos natus duodecim sedens inter doctores disputauerit Luca 2. 47. singulare, & extraordinarium factum fuit, quasi futuri Euangelij præludium, neque enim id aperte, & passim faciebat, quasi doctoris professus officium, sed quasi vnus aliquis de plebe puer, ut scientiæ suæ exhibitio documento auditorum in se animos excitaret, & erigeret in expectationem sui: Baptizatus verò non ira, sed publicè, in templo, & quasi vnus de magistris in Synagogis doctorem se ferebat. Ego inquit *palam locutus sum*, Ioannis 18. 20. & *Quotidie, inquit apud vos sedebam docens in templo*, Matthæi 26. 55. & *Ego semper docui in Synagoga in templo, quo omnes Iudæi conueniunt*, Ioannis 18. 20.

*Iesu Christi.*) De his duobus Christi nominibus diximus apud Matthæum cap. 1. r. neque his duobus verbis, ut multi existimant, materia; sed auctor Euangelij notatur. Non enim sensus est, Initium Euangelij, in quo de Christo agitur, sed quod Christus attulit, docuit, prædicauit.

*Filius Dei.*) Cur potius filium Dei, quam filium Davidis, quemadmodum Matthæus, appellauerit, vulgaris est quæstio. Ad quam in commentarijs Beda respondet, voluisse Euangelistam, ut à minoribus ad maiora erigeremur, dum ex Matthæo Christum hominis, ex Marco Dei filium disceremus. Ratio probabilis, sed existimo ego omnibus Euangelistis propositum fuisse, ut Christi docerent diuinitatem; sed cum ad eandem intenderent metam, diuersis carceribus egressi sunt. Matthæus, & Lucas ab humana exoritur generatione diuinitatem humili sumpto principio paulatim, & accommodatè ad Iudæorum ingenium insinuarunt, dum ex natalibus, modoque mirabili nascenti Christum eum esse probauerunt, qui per prophetas promissus à Iudæis expectandus erat populi Redemptor. Idem Ioannes facit, dum de æternitate differit. Marcus, dum ostendit esse eum, ante quem Pater angelum se, qui eius pararet viam, missurum promiserat.

*Sicut scriptum est.*) Sunt, qui hæc verba non cum præcedentibus, sed cum sequentibus iungant: Quod fere omnes faciunt, aut facere certè debent, qui prima illa verba, *Initium Euangelij, Iesu Christi*, libri titulum esse putant, ut sit oratio præpostera hunc habens sensum: fuit Ioannes in deserto prædicans, sicut scriptum est in Isaia propheta *Vox clamantis in deserto*. Sed nõ dubito cum verbis præcedentibus esse copulanda, quemadmodum paullo ante demonstraui, & nunc ex alterius interpretationis absurditate magis affirmatur. Nam si ad sequentia referatur, oratio præpostera, insolens, & durissima erit, qua nec Euangelista uti solet, neque quisquam homo non

XX 2 omni-



omnino barbarus videretur : præter  
quàm quòd non erat Euangelistæ  
consilium in Ioanne, sed in Christo  
consistere, eiusque, ut diximus, probare  
diuinitatem. Itaque credendum  
non est propter Ioannem, sed pro-  
pter Christum prophetarum testimo-  
nium attulisse, ut ostenderet Christum  
esse eum, ante cuius faciem Deus se  
angelum suum missurum dixerit, ut  
paulo superius ex Irenæo lib. 3. ca. 18.  
& ex Bedæ in hunc locum commen-  
tarijs adnotauimus. Sensus ergo est,  
*Initium Euangelij*, id est Euangelicæ  
predicationis Iesu Christi fuit, aut ita  
se habuit, sicut scriptum est in *Isaia pro-  
pheta*. Exiit enim Ioannes in deserto  
baptizans, & predicans, baptismum  
penitentiae, ut hoc loco Euthym. indi-  
cauit. Quare post illa verba, *Initium  
Euangelij Iesu Christi filij Dei* punctum  
index finitæ periodi esse non debet,  
quemadmodum ab ijs ponitur, qui  
hunc libri titulum esse putant: sed vir-  
gula, quæ ostendat ex consequentibus  
pendere sententiam.

In *Isaia propheta*. In plerisque nunc  
Græcis codicibus legitur *ἐν τοῖς ἀπο-  
κρίσις*, in prophetis, atque ad hunc  
modum Irenæus libro 3. capitulo 1.  
& 18. & Theophylact. & Euthym.  
hoc loco legunt. Multo meliorem  
lectionem esse arbitror, quam in vul-  
gata habemus editione: *Sicut scriptum  
est in Isaia propheta*. Primum, quia  
omnes Latini codices ita habent: de-  
inde quia non omnes Græci aliter ha-  
bent: quin ex Hieronymo constat li-  
bro de optimo genere interpretandi  
ea ætate omnes etiam codices Græ-  
cos ita legisse, quemadmodum nunc  
Latini omnes legunt. Cum enim  
questionem proposuisset, quo modo  
hoc loco legeretur, *sicut scriptum est  
in Isaia propheta*, Ecce ego misit ange-  
lum meum, quod non in *Isaia*, sed in  
Malachia scribitur nouissimo duode-  
cim prophetarum, non respondit Græ-  
cæ legi, sicut scriptum est in prophetis:  
sed *Solut*, inquit, hanc questionem  
imperita præsumptio, & ego erroris ve-  
riam deprecabor, quasi solui non possit.  
Præterea quia & Syriacus interpre-

ita legit. Deinde, quòd nulli pro-  
sus auctores Latini legant in prophe-  
tis. Nam Irenæus Latinus, qui lib. 3.  
capi. 11. semel tantum ita legit, eodem  
capite, & capit. 18. legit in *Isaia pro-  
pheta*, ut facile intelligi possit, cum in  
prophetis legit, aut lapsum fuisse memo-  
ria, aut sententiam, non verba recita-  
re voluisse. Contra verò auctores  
antiqui Græci ita etiam legunt, ut  
Chrysostom. aut quisquis auctor est  
hom. 1. in Marcum: & alij eo vetu-  
stiores, ut alicubi testatur Epiphanius.  
Denique credibilis est aliquem, cum  
videret duorum prophetarum testi-  
monia citari, ut Porphyrij obiectioni  
responderet, qui, ut Chrysostomi  
& Hieronym. tradunt, hunc Chris-  
tiani locum obiectabat, ut Euange-  
listarum argueret ignorantiam: pro  
*Isaia* scripsisse in prophetis: quàm con-  
tra pro prophetis scripsisse aliquem in  
*Isaia*. Matthæus quidem, & Lucas  
de eadem re loquentes non dicunt in  
prophetis, sed in *Isaia*: sed in prom-  
ptu ratio est, non duorum propheta-  
rum, sed vnius tantum *Isaia* testi-  
monium afferebant: itaque nolumus ar-  
gumentum ex illis sumere. Tantum  
obstat, quòd cum duorum hic prophe-  
tarum testimonium Marcus inducat,  
non videatur esse credibile alterum  
tantum eorum nominasse. Quidam,  
quibus auctor Lyræus est, sanè non  
malus, nimis meo iudicio subtiliter,  
& philosophicè respondent, solum  
nominatum *Isaiam*, quia eius vltima  
sunt verba, & solent res ex fine no-  
men accipere. Alij Augustinum se-  
cuti, quia & per *Isaiam*, & per Mala-  
chiam idem loquebatur Deus, nihil fuisse  
discriminis, aut vtrumque, aut alterum  
tantum nominare, cum idem  
semper Deus citeretur auctor. Hanc in-  
terpretationem cur sequi non solea-  
mus, in commentarijs in Matthæum  
capitulo 27. 9. diximus. Mea igitur,  
si quid ualeat, est sententia, Marcum  
solum *Isaiam* citare voluisse: *Vox  
clamantis in deserto*, ut probaret, quod  
paulo ante dixerat, *Initium Evan-  
gelij Iesu Christi*. Vox enim illa in  
*deserto clamantis* initium fuit Euange-  
lij,

Vulgata  
editio de-  
fenditur.



hij; sed quia intelligi non poterat, id à propheta de Ioanne dictum fuisse, nisi ex Malachia, adiunxit quasi explicationem Malachie testimonium vnum ex utroque contexens, & solum Isaiam Auctorem faciens, quia pars præcipua, & in qua tota consistebat vis probationis, quamque potissimum euangelista producere volebat, Isaiæ erat.

2. *Ecce ego mitto.*) Malachie testimonium Matthæi 11. 10. Isaiæ vero Matthæi 3. 3. exposuimus.

9. *Venit Iesus à Nazareth Galilee.*) Oppido, ubi Christus post reditum ab Ægypto usque ad annum ætatis suæ circiter tricesimum nutritus fuerat, ut colligitur ex Matthæo c. 2. 23. & ex Lucâ c. 4. 23. & ca. 4. 16. Addit *Galilee*, non distinctionis, sed descriptionis, & declarationis causa. Nec enim alia Nazareth extra Galileam erat. Magis Marcus, quam Matthæus locum expressit. Matthæus enim tantum dixit venisse Christum à Galilæa, Marcus ipsum Galilææ oppidum, unde venerat, indicauit, Euthymius.

Edictio vul-  
gata de-  
scendit.

11. *In te complacui.* *ἐν σοὶ ἐὼς ὀκνησά* in quo mihi complacui, ut Chrysostomus homil. 3. & Euthymius legunt. In textu quoque Græco Romani Theophylacti eodem modo legitur, quamvis in commentariis, quomodo ipse legerit, non apparet. Latini codices fere omnes habent *in te complacui*, atque ita Græce credo nostrum legisse interpretem, multoque meliorem esse lectionem. Primo, quia non dixerat, *Hic est filius meus dilectus*, ut Matthæus. Quod si dixisset, consequens esse videretur, ut diceret, *in quo mihi complacui*; sed dixit, *Tu es filius meus dilectus*. Itaque magis consentaneum rationi est, ut eandem secundam personam alloquens dicat *in te complacui*. Deinde quia Lucas capitul. 3. 21. qui eodem modo, quo Marcus dixerat, *Tu es filius meus dilectus*, eodem modo dicit hic, *ἐν σοὶ ἐὼς ὀκνησά*, *In te complacui*. Demum facilis scriptoris lapsus fuit, ut pro *σοὶ* scripserit *ἐν*. Sed duplex hinc oritur quæstio altera, quomodo discrepent Euangelistæ, pa-

tris verba recitantes, dum alius scribit dixisse uoce illa de cælo missa, *Hic est filius dilectus*, in quo mihi bene complacui; alij dixisse, *Tu es filius meus dilectus*, in te complacui, altera cum utroque modo vox illa cælestis dicere non potuerit, utronam modo dixerit. Priori & sepe iam respondimus, & nunc breuiter respondemus, non semper Euangelistis propositum fuisse Christi verba, sed sensum recitare, sensus autem idem est, siue dicas, *Tu es filius meus dilectus*, in te mihi complacui, siue eodem demonstrato Christo, *Hic est filius dilectus*, in quo mihi bene complacui. Vtrobique enim significatur Christum filium esse dilectum Dei, quod maxime docere Euangelistæ volebat. De posteriore uero quæstione Matth. 3. 17. copiose diximus.

12. *Et statim.*) Quod Marcus dicit statim, Matth. capitul. 4. 1. dicit *Tunc* *Tunc*, inquit, *Iesus ductus est in desertum*, id est simulatque baptizatus fuit, & spiritus sanctus descendit super eum. Expressius locutus est Marcus. Videntur Euangelistæ aliquid mysterij indicare uoluisse, quod tanto studio declarauerint statim post baptismum Christum in desertum secessisse. Fortasse spiritus sancti, qui super eum descenderat, efficacitatem ostendere uoluerunt, qui ubicunque est, aliquid boni agit, nec moras patitur, sicut Actorum 2. 4. in missione spiritus sancti manifestius apparuit; *Repleti sunt*, inquit, *omnes spiritu sancto, & ceperunt loqui*. Aut fortasse Christus diligentiam in exequendis mandatis Patris, quod simul ut à Patre missa de cælo uoce, & à Ioanne intento digito Euangelij auctor, doctorque est declaratur, sese ad pugnam accinxerit, sese collegerit, ac receperit in solitudinem, ut cum diabolo principe mundi huius singulari certamine pugnaret, eoque victo mundus à se totus facile vinceretur, ponerenturque inimici eius scabellum pedum eius. *Nunc*, inquit, *iudicium est mundi, nunc princeps huius mundi eiecietur foras*, Ioannis 12. 31. & 14. 30. *Venit princeps huius mundi, & in me non habet quicquam &*

XX 3 posset



posset securus dicere, *Confidite, ego vici mundum*, Ioannis 16. 33. Fortasse etiam diaboli diligentia notatur, qui simul vt in Christo Spiritum sanctum descendente vidit, qua solet, inuidia in eum imperum facere conatus est, explorareque, num vox illa, quæ Cælo missa erat, uera esset. Cui Christus, ne hostem timere videretur, in solitudinem obuiam processit. Quod autem Ioannes dicit capit. 1. 19. *altera die vidit Ioannes Iesum venientem ad se*, nemo putet huic loco esse contrarium, quasi non statim Christus, ut ait Marcus, in desertum secesserit, cum eum altera die Ioannes venientem ad se uiderit. Loquitur enim Ioannes de Christo non iam baptizato, sed ad baptismum veniente. Maiorem repugnantiam habet spectem, quod eodem loco vers. 5. & 36. idem Ioannes dicit, *altera die tñ ē παύριον*, postidie, iterum stabat, Ioannes & ex discipulis eius duo, & respiciens Iesum ambulante dicit, *ecce Agnus Dei*; hoc enim post baptismum accidisse constat. Duobus modis hic nodus solui potest, aut absum fuisse Ioannem proprietate verbi *τñ ē παύριον*, & postidie dixisse pro altera die, ut noster uertit interpret intelligens fortasse non esse sententiam ad proximè insequentem, sed ad alteram quampiam diem referendum: aut aduerbium *statim* hoc loco non momentum, sed breue temporis intervallum significat, ut illud, *immo*, apud Matthæum cap. 4. 1. quod multis iam locis adnotauimus. Hoc enim tantum Euangelista docere voluerunt, Christum statim post baptismum, id est antequam prædicare, aut miracula facere cœpisset, a liamve actionem publicam aggederetur, se in solitudinem recepisse: non quod ē vestigio se recepit. Quin verisimile est, per aliquem saltem diem Christum iam baptizatum apud Ioannem mansisse, vt pluribus de se hominibus diuersis diebus ad baptismum ventitantibus testimonium perhiberet.

*Spiritus*. ) Sanctus, qui descenderat

super eum, & vt ait Ioannes c. 1. 33. super eum manserat, quemadmodum Chrysostomus. hoc loco Euthy. & Theophylact. in commentarijs in c. 4. Matthæi adnotauerunt. Hoc enim spiritus plenus Christus, vt ait Lucas capit. 4. 1. agebatur, quemadmodum de ijs, qui non natura, vt Christus, sed adoptione filij Dei sunt, dicit D. Paulus, *quicumque spiritum Dei aguntur, ij sunt filij Dei* ad Romanos 8. 14. Indicant ergo Euangelistæ Spiritum sanctum non ita in Christum descendisse, ut eum tantum ostenderit, statimque discesserit, sed ita in eo mansisse, ut statim cœperit eum agere & omnibus deinceps rebus gubernare. Si quis longiore de hoc spiritu disputationem desiderat, legat, quæ scripsimus Matthæi 4. 1.

*Expulit*. ) ἐκβάλλει, expellit, aut eicit Matthæi 4. 1. ἀνῆλθεν ὑπὸ τοῦ πνεύματος διέβητο ab spiritu. Lucas c. 4. 1. καὶ ἦγεντο ἐν τῷ πνεύματι εἰς τὴν ἔρημον, & agebatur in spiritu in deserto. Eodem sensu tres Euangelistæ loquuntur, sed Marcus aliquanto efficacius, & quia plus est ἐκβάλλειν, quam ἀγειν, & quia præsens tempus maiore habet uim, remque magis ante oculos ponit.

*Et erat in deserto* ) καὶ ἦν ἐκεῖ ἐν τῇ ἐρήμῳ, & erat ibi in deserto. Quod Marcus imperfecto utitur, tēporis continuationem significat, ostendit enim totos dies quadraginta Christum in deserto uersatum fuisse, ita ut ab eo non discesserit, quod nullus alius tam aperte expressit Euangelista, nā Matthæus, & Lucas tantum dicunt quadraginta diebus ieiunasse; sic enim apud Lucam distinguenda sunt uerba, *Et agebatur in spiritu in deserto diebus quadraginta*, id est, ut illic esset quadraginta dies; πειραζόμενος, tentatus a diabolo, id est, vt a diabolo tentaretur, aut, vt dicit Marcus interpret *tentabatur a diabolo*. Eodem hoc ipsum pertinet, quod ait, *quadraginta diebus & quadraginta noctibus*. Quamquam hæc vltima uerba, *Et quadraginta noctibus*, neq; hoc loco Græcè leguntur, nec apud Lucam c. 4. 2. & videntur.



De Christi  
in de-  
sertum eū  
se contra  
hæreticos.

videntur ab aliquo ex Matthæo capi.  
4.2. huc fuisse translata, Noiant hoc  
loco diligenter hæreticorum interpre-  
tes hanc Christi in desertum secessio-  
nem exempli fuisse singularis: semel  
enim tantum secessisse, sicut & Eliam.  
3. Regum 19. 3. 4. veriti, ne Christi fa-  
ctum ad probandum monachorum  
institutum afferamus. Primum qui-  
dem errant, quod putent Christum se-  
mel tantum solitudinem petiuisse. Pe-  
tiuit enim quoties aut ab Euangelij  
prædicatione vacauerat, aut aliquid  
magnum aggredi volebat, vt Matth. 5.  
1. & 14. 23. & 15. 29. & 17. 1. & Marci 3.  
13. & 6. 46. & 9. 2. & Luce 6. 12. & 9. 28.  
perspicuum est. Itaque non singulare  
factum, sed consuetudo fuit. *Erat*, in-  
quit Lucas cap. 21. 37. *diebus docens in  
templo, noctibus vero exiens morabatur  
in monte, qui vocatur Oliueti.* Non er-  
go semel in vita, sed singulis fere no-  
ctibus, id est dimidia temporis parte  
Christus, vt ita dicam, monachus erat.  
Rursus idem Lucas ca. 22. 39. *Et egres-  
sus*, inquit, *ibat secundum consuetudi-  
nem in montem Oliuetum.* Et ut finga-  
mus semel tantum per quadraginta il-  
los dies in solitudinem abiisse, cur ne-  
minem unquam istorum Euangelii-  
corum hominum, vel semel tantum,  
non dico per quadraginta, sed per v-  
num tantum diem (nisi fortasse volu-  
ptatis, non orationis causa) in solitu-  
dinem secedere videmus? sed huiusmo-  
di hæreticorum interpretamenta, quæ  
illi ne nobis Christi, & Ioannis solitu-  
do, habitus, ieiunium, ciborumque  
delectus ad virtutis culturam seruire  
possint, comminiscuntur, 3. & 4. cap.  
Matthæi multis argumentis refuta-  
uimus.

*Et tentabatur a Satana.*) Quod Hie-  
ronymus, aut quisquis auctor est com-  
mentariorum in Marcum, & Beda ex  
hoc verbo colligunt Christum non  
ter tantum, vt scribit Matthæus cap.  
4. 2. sed frequenter, aut continenter  
potius per totos quadraginta dies fuis-  
se tentatum, probabile natura sua est;  
sed certò, ex hoc loco colligi non po-  
test. Nec enim necesse est, vt tentus sit,  
perpetuò per quadraginta illos dies

tentatum fuisse, sed in illis aliquoties  
fuisse tentatum: præsertim si Græca se-  
quamus verba, atque distinctionem,  
*καὶ ἦν ἐκεῖ ἐν τῇ ἐρήμῳ ἡμέρας τεσ-  
σάρακοντα, πειράζομενος ὑπὸ τοῦ σα-  
τανᾶς.* Erat tibi in deserto quadragin-  
ta dies, tentatur à Satanas.

*Eratque cum bestiis.*) Inter bestias,  
& quidam feras, & venenatas, hoc e-  
nim Græcum verbum *θηρίων*, signifi-  
cat. Quibus verbis tantum voluit Eua-  
gelista summam declarare solitudinem,  
ubi solæ feræ bestię uerfarentur, que-  
que nemo mortalium penetraret,  
ut Theophylact. & Euthym. indica-  
uerunt.

*Et angeli ministrabant illi.*) Beda ita  
exponit, quasi angeli toto illo tempo-  
re, quo Christus in deserto fuit, illi mi-  
nistraverint. *Inter bestias*, inquit, *mora-  
batur, vt homo, sed ministerio utitur an-  
gelico, vt Deus.* Caterum ex Matthæo  
capitul. 4. 11. manifestum est, non nisi  
peracta iam omni tentatione, parta-  
que uictoria angelos accessisse. Nam  
prius quidem, ut illo loco differui-  
mus, paratos ad ministerium angelos  
Christus prohibuerat; & ne à diabo-  
lo ex angelorum famulatu, sicut prin-  
ceps ex comitatu ministrorum, dux  
ex militibus sequentibus, atque paren-  
tibus cognosceretur; & ut diabolus  
aggredi solum auderet, quem angelis  
cinctum, uel spectare temuisset, & ut  
solus cum solo pugnaret, ne uictoria  
alij, quam sibi, ferri posset accepta, so-  
lusque uere diceret, *Ego vinci mundum*  
Ioannis 16. 33. & *corcular calcavi so-  
lus, & de gentibus non est vir mecum.*  
Isa. 61. 1.

14. *Postquam autem traditus est Ioa-  
nes, venit Iesus in Galilæam.*) Marcus  
hoc loco, & Matthæus cap. 4. 12. & Lu-  
cas cap. 4. 14. ita de ista Christi fuga lo-  
quuntur, ut indicent eam statim post  
quadraginta illos in solitudine, ac-  
tos dies contigisse. Ioannes uero ca-  
pit. 4. 43. ita ut longè post factam esse si-  
gnificare uideatur; non solum quia  
prius & uocatos Apostolos, & ba-  
ptismum per eos administratum, quæ  
causa Phariseis fuit inuidiæ, Christo  
uerò ad declinandam eorum inui-



diāmin Galilæam secēdendi, prædicatam in Iudæa à Christo Euangelium, & facta scribit miracula. Hæc enim omnia per anticipationem dicta intelligi possent; sed etiam quia aperte docet Christum tunc in Galilæam euntem discipulis suis fuisse comitatum. Hæc quæstio ex altera maximam partem quæstione pender; num reditus ille in Galilæam Christi, de quo Ioannes loquitur, idem sit, atque hic, de quo tres alij scribunt Evangelistæ. Nam si idem est, haud dubium, quin non statim Ioannes traditus, nec statim post reditum à solitudine in Galilæam Christus discesserit, quia id ex Ioanne apertissime colligitur. Sin autem non est, dubium adhuc manet, an aliquanto tempore nondum vocatis Apostolis in Iudæa Christus prædicauerit, antequam discesserit in Galilæam, an statim discesserit, sicut trium Evangelistarum indicat series. D. Augusti. lib. 2. de consensu Evangelistæ. cap. 17. & Beda hoc loco, & Matthæi 4. 12. eundem reditum esse putant, sed Beda prius Christum in Galilæam iisse dicit, cum ibi Apostolos sibi aggregauit: quem reditum Evangelistæ prætermiserint, quamuis ex eorum etiam historia aliqua ratione colligatur. Vellem pateretur ratio, ut tam bonis assentiret auctoribus. Sed animaduerto, & planè perspicio in eo reditu, de quo Ioannes loquitur, iam Apostolos fuisse vocatos, in eo, de quo alij tres agunt Evangelistæ, nondum vocatos fuisse, quia ita reditum eum in Galilæam describunt, ut non obsecutè significant nondum Christum Apostolos habuisse, sed eos, cum in Galilæam venisset, conuocasse. Manet adhuc quæstio, an Ioannes aut interim, dū Christus in deserto erat, aut statim postquam à deserto reuertitur, traditus fuerit, statimque se Christus in Galilæam receperit, antequam inciperet in Iudæa prædicare. Ioann. capit. 3. 22. 23. 24. omnem nobis dubitationem tollit, quia clarissimis scribit verbis per aliquantum tempus utrumque, & Christum, & Ioannem

simul prædicasse, baptizasseque. Prius enim prædicare in Iudæa coepit, discipulosque collegit, qui eius nomine baptizarent, quam irret in Galilæam & adeo quidem collegit multos, ut Ioannis discipuli inuidere viderentur Ioānis 3. 26. Et venerunt ad Ioannem, & dixerunt ei Rabbi, qui erat tecum trans Iordanem, cui testimonium præbisti, ecce hic baptizat, & omnes veniunt ad eum. Cur ergo Matthæus, Marcus, & Lucas de illa prima Evangelij prædicatione mentionem non fecerunt? Ratio nobis, cum ab illis exposita non fuerit, constare non potest; sed est tamen probabilis, & non difficilis coniectura, ideoque prætermisisse, quia priuata quodammodo fuit viuentis adhuc, & prædicantis Ioanne; fuit enim tempus illud, quo Christus simul, ac Ioannes prædicauerunt, quasi legis, & Evangelij, id est noctis, & diei crepusculum quoddam, quo etsi lucebat aliquo modo Euangelium, quasi sol quidam, nondum tamen omnino ortum erat; ortum est Ioanne mortuo, id est lege abeunte, & orientis solis luce dissipata. Postquam Christus Apostolos sibi aggregauit, id est familiam asciuit, ministrosque creauit Evangelij, tunc primum putant Evangelistæ Matthæus, Marcus, & Lucas propriè coepisse Euangelium prædicare, quia non iam solus, & quasi homo priuatus sed, & per se ipse quasi publicus Apostolorum dux, atque magister; & per Apostolos in diuersa loca missos prædicabat, quasi velis passis Euangelij. Hinc intelligitur bis Christum simili de causa ex Iudæa in Galilæam profugisse. Primum ob traditum in vincula Ioannem, ut Matthæus, & Marcus exponunt. Nam Lucas nulla de Ioannis vinculis facta mentione solam Christi in Galilæam secessionem explicauit. Deinde, cum ex Galilæa collectis iam Apostolis in Iudæam reuertisset, tantumque ibi discipulorum numerum prædicando, baptizandoque congregasset, ut Pharisei magis ab eo, quam à Ioanne timere inciperent; tunc enim, ut eorum vitaret inuidiam



addiam, rursus se in Galileam recepit, Ioannis 4. 1. 3. *ut ergo cognouit Iesus, quia audierunt Pharisei, quod Iesus plures discipulos facit, quam Ioannes, reliquit Iudeam, & abiit iterum in Galileam.* Atque hoc fortassis est, quod Ioannes dicit iterum in Galileam abiisse, indicans antea iterum iisse. Quamquam non ignoro posse illud iterum ad aduentum ex Galilea Christi referri, quasi sensus sit, non quidem iterum prius in Galileam iisse, sed rediisse in Galileam, unde ante venerat. Hunc enim Hebraismum alias exposuimus. Hæret in illis verbis aliquis minus exercitatus lector poterit, *ut ergo cognouit Iesus, quia audierunt Pharisei, quod Iesus plures discipulos facit, & baptizat, quam Ioannes.* Quo enim modo dicere poterant Iesum plures, quam Ioannem discipulos facere, si de eo loquebantur tempore, quo Ioannes iam erat mortuus? Nam ante primam Christi in Galileam profectiorem Ioannes in uinctula coniectus, & securi percussus fuerat. Placet, quod à doctis iam nonnullis interpretibus obseruatum est, sensum esse, Iesum plures tunc fecisse discipulos, non quam eodem tempore, sed quam ante, dum uiueret Ioannes, faceret. Cur autem in Galileam potius, quam alium in locum accesserit, cum plus in Galilea periculi esse uideretur, ubi, qui Ioannem occiderat, Herodes dominabatur, Matthæi 4. 12. differuimus.

*Predicans Euangelium regni Dei.)* Hæc, & quæ sequuntur, copiosius à nobis Matthæi 4. 17. 23. explicata sunt. Nunc aliqua tantum illic non dicta carpemus.

*15. Quoniam impletum est tempus.)* Aduentus Christi, & regni cælorum à prophetis præscriptum, maximeque à Patriarcha Iacob Genes. 49. 10. & à Daniele capitul. 9. 24. Sic D. Paulus ad Galat. 4. 4. *ubi venit plenitudo temporis, misit Deus filium suum, factum ex muliere, factum sub lege, ut eos, qui sub lege erant, redimeret.* Euthym.

*Pœnitementini.)* *ut tunc poenitentiam agite, ut solet uertere idem in-*

terpres Matthæi 3. 2. & 4. 17. & 11. 20. 21. & 12. 41. Et infra apud eundem hunc Euangelistam cap. 6. 12. & Lucæ 11. 32. & 13. 3. 5. & 15. 7. 10. & 16. 30. & 17. 3. Quid autem causa fuerit, cur hoc loco, itemque Actor. 3. 19. idem uerbum, rediderit, *pœnitementini*, malo fateri nescire me, quam ignorantia, aut temeritatis antiquum, & prudentem interpreterm arguere. Quod autem hoc loco Theophylactus obseruat, alio sensu Ioannem, alio Christum prædicasse, *pœnitentiam agite*, illum, ut à peccatis, hunc, ut à lege ad Euangelium homines reuocaret, non existimo satis esse firmum. Nam & Ioannis consilium, atque officium erat homines à lege sensim anellere, & ad Christum traducere: & Christus quidem certè, qui peccatorum redemptor uenerat, à peccatis magis, quam à legis obseruatione homines reuocare conabatur. Quo uerò modo doceret alios legem spernere, quam ipse, quamdiu in hoc uersatus est mudo, ut ait Chrysostomus, perfectissime seruauit.

*16. Secus mare Galilee.)* Stagnum Genesareth. Lucæ 5. 1. Quod propter magnitudinem mare vocabatur, ut constat hoc loco, & Matthæi 4. 18.

*Vidit Simonem, & Andream.)* Luca narrat, cum multæ essent nauiculae, in eam Christum ascendisse, quæ Simonis erat. Volebat enim piscatorem suæ ipsius nauis, suis quodammodo piscari retibus. Quæ hic de Apostolorum uocatione dicantur, apud Matthæum c. 4. 18. exposuimus.

*Mittentes retia in mare.)* Eodem modo Matthæus capit. 4. 18. Lucas uerò paullo aliter cap. 5. 2. *Piscatores autem descenderant, & lauabant retia,* sed eos, qui lauabāt, alios fuisse quam hos, qui in mare retia mittebant, credendum est. Erant enim multi, quorum alij piscandi causa retia in mare iacebant, ut Matthæus, & Marcus affirmant; alij lacerata, aut soluta resciebant, ut ait Marcus, infra vers. 19. Matthæus c. 4. 21. alij, ut dicit Lucas, lauabant.

*21. Et ingrediuntur Capharnaum.)* Matthæus capit. 4. 13. antequam discipulos Christus deligeret, simulque



in Galileam venit, Capharnaum ingressum scribit ibique com moratum. Illa enim quasi Euangelij sedes fuit, quod ibi Christus frequentissime verfaretur, atque predicaret, usque eo, ut eius vocaretur ciuitas, Matthaei 9. 1. postea atque iam Apostolis scribit totam docendo, & miracula faciendo Galileam obijisse, in ut in Syriam usque eius manaret fama Matthaei 4. 23. 24. Quae omnia Marcus praeteriit, & ad id quod praecipuum erat, sibi propositum properauit. Quod ergo dicit Capharnaum ingressum esse, postea factum fuisse intelligendum esse, cum ad lustrandam Galileam rediisset.

*Et statim.* Id est primo sabbati die, simulatque licuit, cum primum congregata Synagoga fuit. Indicat Euangelista in predicando Euangelio diligentiam, & ardorem Christi, qui nullam loci, nullam temporis occasionem, qua docere posset, praeter labi pateretur.

*Sabbatis.* Per singulos dies Sabbati, quibus ad legendam legem Moysis Iudaei in synagogam conueniebant. Hanc enim de causa plurali numero Euangelistam vultum fuisse arbitror, ut singulos sabbati dies significaret, quemadmodum aliquando Hebraei faciunt Psalm. 62. 7. *In matutinis meditabor in te.* id est singulis matutinis, singulis diebus mane, aut ut Hebraice מַשְׁמֶרֶת in custodijs, aut vigilijs, quasi dicat per singulas noctis vigilijs, quibus milites ad agendas excubias solent insurgere, & ego ad meditandum in te surgo. Voluit igitur Euangelista docere nullam Christum, ut paullo ante diximus, iuuandi homines, nec loci, nec temporis occasionem praetermissue, ideo locum, tempusque notauit. Locum Capharnaum, urbem maritimam, frequentem, publicanorum, aliorumque negotiariorum plenam, eoque magis corruptam moribus, quales plerumque eiusmodi vrbes ad matrem suam esse solent; tempus diem sabbati, quo solebant Iudaei in synagogam ad audiendam legem, sicut nunc Christiani in

templa festis diebus conuenire, vtriusque hoc ipso loco colligitur, ut ex Luca capitulo 4. 16. 3. & 13. 10. & Actuum 13. 14. 27. 42. 44. & 15. 21. & 17. 2. & 18. 4. & 20. 7. Hinc etiam apparet verum non esse, quod a recentioribus quibusdam, doctis licet interpretibus, notatum est, cum nomen *sabbati*, singulari numero ab Euangelistis ponitur, diem sabbati, qui hebdomadis ultimus est dies significare; cum autem plurali *sabbata*, omnes hebdomadis dies comprehendere, quod multis alijs exemplis Matthaei 28. 1. refutauimus.

*Ingressus in synagogam docebat eos.* Liebat omnibus, qui in synagogis erant, surgere ac dicere, si quid occurreret, ut intelligitur ex Luca cap. 4. 16. 17. & Actuum 13. 15. 16. Ad quam consuetudinem videtur D. Paulus 1. ad Corinthios 14. 30. alluisse. Matth. cap. 4. 23. magis generaliter narrat historiam, Christum in Galilearum synagogis docuisse.

*Et stupebant super doctrina eius.* Idem Lucas narrat capitulo 4. 32. Matthaeus vero cap. 7. 28. alias etiam Christus docente populum admiratum scribit, ubi, quae ad hunc pertinent locum, exposuimus.

*Erat enim docens tanquam potestatem habens.* Si nihil aliud Euangelista dixisset, satis intelligi posset Christum Scribis, Phariseis, ceterisque Iudaorum Doctoribus opponere voluisse: nunc autem Matthaeus capit. 7. 29. & Marcus antithesim addiderunt.

*Et non sicut Scribae.* Quod Scribas non absolute, sed Scribas eorum vocat, Matth. 7. 29. emphasim etiam habet, quasi dicat, non sicut Scribae, quos ipsi magnificare solebant, ac libenter audire. Multis autem in rebus auctoritas illa, & potestas, quae apparebat in Christo, in Scribis desiderabatur, consistebat. Primum quod Christus, tanquam legislator; Scribae tanquam legis interpretes, & non admodum quidem peniti loquerentur. Hoc indicant modi illi dicendi à Christo tam frequenter usurpati, *Audistis,*

Christi auctoritas in docendo vnde.

quia

Epist. 6. 2.  
Lucil.

Mat. 5. 29  
Mat. 12.  
Luc. 4. 32



quia dictum est antiquis, Ego autem dico vobis Matthæi. 51. 27. 28. 32. 32. 34. 39. 44. Ita Chrysostom. homil. 5. in Marcum, & 26. in Matthæum, & Auctor imperfecti homi. 2. & Beda hoc loco, Theophyl. & Euthym. in cap. 7. Matthæi. Deinde, quod Christus ita loqueretur, ut ostenderet nihil se, nisi salutem hominum, non gratiam, non bona querere, ut discipulus eius, & imitator dicebat D. Paulus 1. Corint. 12. 14. Non quero, quæ vestra sunt, sed vos & ad Gal. 1. 10. modò enim hominibus suadeo, an Deo? an quero hominibus placere? si adhuc hominibus placerem, Christi seruus non essem. Hoc enim, qui faciunt, liberè, & tanquam auctoritatem habentes loqui solent. Contra Scriba, & Pharisei gratiam, opesque aucupabantur, sicut illis obiicit Christus infra capitul. 12. 40. & Matthæi 23. 14. Vae vobis Scribae, & Pharisei hypocrisis, quia conditis domos viduarum, orationes longas orantes, & Lucæ 20. 47. qui denotant domos viduarum simulantes longam orationem, Theoph. hoc loco, & Euthy. Matthæi 7. Postremo, quod faceret ipse, quod docebat, quare nihil omnino est, quod plus orationi ponderis, & auctoritatis afferat, plus ad commouendos animos incitamenti. Longum (inquit Seneca) ad virtutem per præcepta breue, & efficax per exempla iter est, Sic Gregorius libr. 23. in Iob capitul. 7. & 8. & Theophylactus Matthæi, 7. cum imperio, inquit, Gregorius dicitur quod prius agitur, quam dicatur, Nam doctrinæ subtrahit fiduciam quando conscientia præpedit linguam, unde etiam de Domino scriptum est; Præ enim docens, sicut potestatem habens, non sicut Scriba & Pharisei. Singulariter namque, & principaliter solus ex potestate bona loquutus est, quia ex infirmitate mala nulla commisit. Sunt, qui putet eam significari potestatem, quæ cum doctrina miracula coniungebat, quod Scribae, & Pharisei facere non poterant. Et hoc probabile est, nam & infra versic. 27. hac de causa Christi doctrinam auditores admirati dicuntur: quæ nam doctrina hæc noua: quia in potestate etiam spiritus

bus immundis imperat, & obediunt ei? hæc enim potestas faciebat, ut Christus confidenter loqueretur, ut infra capitul. 2. 8. 9. & Matthæi. 9. 4. 5. 6. 7. & Lucæ 5. 22. 23. quid ista cogitatis in cordibus vestris? Quid est facilius dicere paralitico. Dimittuntur tibi peccata tua, an dicere. Surge, tolle grabatum tuum, et ambula: ut autem sciatis, quia filius hominis habet potestatem in terra dimittendi peccata, ait paralitico, tibi dico surge, tolle lectum tuum, & vade in domum tuam, & surrexit, & abiit in domum suam.

23. Et erat in synagoga eorum.) Locum Euangelista designauit, sicut & Lucas capitul. 4. 33. ut non solum loci ratione, quod ipsum ad faciendam fidem historie momenti quam plurimum habere solet; sed multitudine etiam innumerabili testium, & testium quidem inimicorum miraculum comprobarent. Nam & in synagoga actum est, quod Iuda omnes solebāt conuenire, Iohannis 18. 28. & presentibus Scribis, & Phariseis Christi hostibus, qui quasi synagoge duces erāt, factum est.

Homo in spiritu immundo.) Id est spiritum immundum habens. Phrasid Hebraica, & Latinis etiam nonnunquam usurpata; nam & illi dicunt, esse in armis, id est in armatum. Cur autem demon spiritus immundus appelletur, diximus Matthæi 10. 1. & 12. 43. Scribit Matthæus capitul. 4. 4. cum totam Christum Galilæam prædicans obiisset, & miraculorum eius increbrasset fama, oblatos illi fuisse, quacumque irer; agrotos omnes, & quæ demonibus vexabantur, ut ab eo curarentur. Itaque sunt, qui dicant hunc, de quo Marcus loquitur, demoniacum vnum ex illis fuisse, quos Matthæus dicit ad Christum adductos, qui non forte in synagogam venerit, sed a parentibus, aut amicis adductus sit. Probabile, non certum.

Et clamauit dicens.) Idem Lucas narrat e. 4. 33. quod ideo, ut opinor, præterire noluerunt, ut indicarent demonis de Christo testimoniū non obsecutum, sed vique adeo clarum fuisse,

ut

Hebraicus.

Epist. 6. ad  
Lucil.

Mat. 5. 29.  
Mat. 1. 12.  
Luc. 4. 32.



ut neminem ex omni, quæ congregata tunc erat, synagoga latere posset, clara enim uoce clamasse. Vtrum autem clamauerit, ante quam à Christo exire iuberetur, vel quia maiorem, quam ante ab eius præsentia dolorem sensit, ut Chrysostom. hom. 5. videtur dicere, vel quia cognito Christo timere cepit, ne se pelleret, sicut alios daemones pelleret solebat; an potius iussus iam, & coactus exire, incertum; sed hoc tamen secundum probabilius, quia credibile valde est eum dolore quodam motum, quod sibi discedendum esse videret, querentem clamauisse.

24. *Quid nobis, & tibi Iesu Nazarene?* Loquitur unus pro omnibus daemonibus, quasi indicans Christum omnibus bellum indixisse; aut pro omnibus, qui in eo homine erant. plures enim in eo fuisse credibile est daemones, sicut in illo altero infra capitulo 5.9. & Luca 8.30. & in Magdala Luca 8.2. ut videntur Chrysostomus, & Euthymius interpretari. Quod autem dicit. *Quid nobis, & tibi?* non est sensus, quid nobis tecum commune? quid simile est? sicut dixit D. Paulus 2. Corinthio. 6.14. 15. *Quæ enim participatio iustitiæ cum iniquitate, aut quæ societas luci ad tenebras?* Quæ autem conuentio Christi ad Beeliam? Hoc enim si dixisset, magis culpam suam aggrauasset, quam cruciatum deprecatus esset, cum nihil se boni commune habere cum Christo confiteretur. Neque ille, nisi fallor, quem omnes fere interpretes sequi video, verus sensus est. *Quid nobis tecum rei est?* aliquid enim illis cum illo erat, cum eius essent creaturæ, idque ipsi & certo scirent, & haud obscure confiterentur. Sanctum Dei, id est verum Deum appellantes. Et ut non esset, aut id ipsi non cognoscerent, tamen plus quidam mihi hoc loco se videtur phrasi significari. *Quid nobis, & tibi?* id est, quid nos tibi mali facimus, quod bellum contra nos geris? quod nos torques? non te, qui sanctus es Dei, sed peccatores vexamus, & quasi nostri sunt

nus, ad interitum trahere conamur. Sic vulgò solemus loqui, cum pugnantibus nobis cum aliquo aliquis nobis non inimicus superuenit, ut illum succumbentem defendat. Quid mihi, & tibi est? id est, quid tibi ego mali facio? facesse hinc, sineque me cum aduersario meo pugnare. Hoc eodem sensu dixit David filius Saruie? *Quid mihi, & vobis filij Saruie?* id est, Quid vobis mali feci, quod mea semper consilia turbatis? 2. Regum 16. 10. Hanc interpretationem confirmat uerbum illud, quod sequitur, *scio, quod sis Sanctus Dei*, quasi dicat nihil contra te molimur, scimus te extra peccatorum hominum aleam positum esse, scimus nos in solos peccatores ius habere. Quod autem proprio nomine, & cognomine Iesum Nazarenum Christum appellat, eo pertinet, ut probet, quod statim dicit, se cum probè cognoscere. Obseruauit Ambrosius libr. commentariorum in Lucam 5. primum omnium daemonem Nazareni cognomentum Christo tribuisse, ut ostenderet se melius eum cognoscere, quam homines, ut est gloriæ cupidus, & amator, inuentorque nouitatum. Sed similis videtur uero ita fuisse prius vocatum vulgò, daemonemque usitatum illi nomen tribuisse.

*Veniisti.* In quibusdam Latinis exemplaribus additur, *ante tempus*, quod aut ab scriptore aliquo ex Mattheo capit. 8.29. huc translatum; aut ab interprete potius aliquo expositionis causâ ad marginem positum, deinde ab aliquopiam existimante non expositionem, sed correctionem esse, in textum inductum credibile est, si meliora consulam exemplaria.

*Perdere nos.* Quidam perdere interpretantur auferre nobis, quam habemus in homines potestatem, ut Euthymius, & Theophy. alij torquere, & in infernū mittere. Hoc magis placet, ut Matthei 8.29. exposuimus, quia quod hoc loco Marcus & Lucas ca. 4. 34. dicunt *ἀπολέταιν* perdere, dicit Mattheus. *βασανίσαι* torquere, & quia Luc. 8.31. rogant



rogant demones Christum, ne se in abyssum ire iubeat, sed in porcos ingredi permittat.

*Scio quis sis.* G. *ὁ δὲ αὐτὸς εἶπεν*, non nite, quis sis. Tertullianus lib. 4. contra Marcionem, & libro aduersus Praxeam legit, *scio, quis sis*, nullo discrimine sententiae, verborum admodum exiguu. Nisi fortasse in illis locis vitium est; facile enim litera vna sequenti praefertim simili potuit inter transcribendum excideret. Quatenus demones Christum cognouerint apud Mattheum cap. 4. disputauiamus. Itaque eorum non probō sententiam, qui existimant demones Christum non cognouisse, sed aduantes, & quantum in se erat, mentientes hoc dixisse Christo, ne se torqueret. Non enim demones soli, quos facile possemus credere fuisse mentitos, affirmant se Christum cognoscere, sed ipsi etiam Euangelistae, qui mentiri certe Spiritu sancto mouente non poterunt, docent eos verē cognouisse; Marcus infra ver. 34. *Et non sinebat ea loqui, quoniam sciebant eum*, & Lucas c. 4. 41. *Exibant autem à multis demonia clamantia, & dicentia, quia tu es filius Dei*, & increpans non sinebat ea loqui, quia sciebant ipsum esse Christum. Habeo etiam huius sententiae auctores multos, quos apud Mattheum cap. 4. nominauimus. De cognitione ergo demonis non dubito, de confessione dubitari potest, num coacta nouis cruciatibus expressa fuerit, an voluntaria. Beda coactam putat. *Non*, inquit, *voluntatis est ea confessio, quam premium sequitur confitendi, sed necessitate extorsio, quae cogit inuitos confiteri.* In re dubia magis in alteram partem animus inclinat, fuisse voluntariam, non tamen ex charitate, sed ex proprio amore, & metu poenae profectam; nec enim simile veri est Christū qui confitentem demonem, veraque dicentem silere iussit, ad confitendum auctis cruciatibus impulsisse.

*Sanctus Dei.* Putat Chrysostomus, aut qui eius nomen praefert homi. in hunc locum 5. demones hoc loco nā lignē Christum non sanctum Deum,

sed sanctum Dei appellauisse, ut non Deum, sed hominem confiterentur. Melius Euthy. & Theoph. adnotauerunt non dixisse *ἁγιος Sanctus*, sed *ὁ ἁγιος*, addito articulo emphatico, Sanctus ille, vt ostenderent se non eo sensu sanctum eum appellare, quo prophetae sancti vocabantur; sed quod Deus ipse, quasi proprio nomine, nominabatur Sanctus. Sic enim solent Hebraei Deum *וְיָ* Sanctum absolute, & sine vlla adiectione vocare, Isaia 1. 4. & 31. 1. & 37. 23. & 40. 25. & Danielis 4. 10. 20. Quod aut non dicunt sanctum Deum, sed Sanctum Dei, perinde est, ac si dicant, sanctum Dei filium, qui vnice sanctus est; sicut apud Lucam cap. 1. 35. *Quod nascetur ex te sanctum, vocabitur filius Dei*, & infra cap. 3. 22. quod isti dicunt Sanctum Dei, alij demones dicunt, Filium Dei.

25. *Et comminatus est ei.* *καὶ ἐπετίμησεν*, adiunctis minis, & increpationibus praecipit, vt Tertullianus li. 4. contra Marcionem interpretatur, aut os illi obstruxit, vt ait Euthy. quemadmodum infra c. 3. 12. & 4. 39. & 8. 30. 33. & 9. 25. Videtur Marcus hoc verbo delectatus. quid proprie significet, apud Mattheum c. 6. 22. & 17. 18. & 19. 13. & 20. 31. ex Euthy. docuimus. Verum quid sit causa, nescio, quam ob rem noster interpres apud Mattheum semper increpare, apud Marcum fere semper comminari vertit, nisi quia non idem fortasse fuit interpres, vt in Idomatis ex nonnullis coniecturis indicauimus.

*Obmutesce.* Cur tacere iubeat, cum loquendo eius magis gloriam illustrare videatur, dubitare aliquis potest. Tertulli. propterea id fecisse putat in lib. contra Marcionem 4. vt ostenderet se eius inimicum esse, qui noller eū eo verba miscere. Alij, quia Euam lingua sua fefellerat, lingua puniunt esse, ne loqueretur; ita Beda. Sunt etiam, qui ad declinandas à se Phariseorum calumnias id fecisse putant, ne dicerent si sibi à diabolo testimonium perhiberi pateretur, illum eū demonibus consuetudine habere, quem

Demonū  
confessio  
an coacta.



quemadmodum Matthæi 12. 24. illi obiecerunt. Tertullianus aliam rationem affert. quam & Chrysostom. & Euthym. hoc loco probant, noluisse Christum à patre mendacij veritatis accipere testimonium. Videtur mihi voluisse Christus non intempestive, & temere obtrudere diuinitatem suam, sed sensim, ac paulatim eam hominibus insinuare, prout eorum ingenium, fidesque patiebatur. Ita videmus non solum demonibus, sed Apostolis etiam suis, & quidem omnium Apostolorum familiarissimis præcepisse, ne diuinitatem suam, cuius speciem perspexerant, cuiquam declararent Matthæi 17. 9. Volebat enim fugere hominum inuidiam. Quod ergo ab Apostolis dici noluit, multo minus conueniebat, ut à demonibus dici vellet.

*Et exi de homine*) Quasi dicat, non quero istam gloriam, quam mihi tribuis, sed hoc quero, ut ab homine exeas. *Non quero gloriam meam: est, qui querat & inducat* Ioannis 8. 50. sed ut homines à tua tyrannide liberem, captiuam ducam captiuitatem Psal. 67. 19. & Ephes. 4. 8.

26. *Et discerpens eum*) Quare tunc potius, quam ante hominem discerperit, quem possidebat, non immerito queri potest. Respondet Theophylactus: ut astantes intelligerent, quanto homo ille malo liberatus esset. Sed hæc ratio ad Christum potius, quam ad demonem pertinet. Non enim demonis, sed Christi id erat consilium, ut collati in eum hominem ab ipso beneficii magnitudo constaret. Chrysostom. homil. 5. veram reddit causam, quia videbat demon sibi discedendum esse, voluit dolore quodam, & rabie, quo tempore licebat, quantum poterat homini nocere; idem nunc, ut ait Gregorius homil. 12. in Ezechielem, solet facere. Mox, inquit, ut animus, qui prius in terrena sapuerat, amare celestia cepit, antiquus aduersarius acrioris ei, quam consueuerat tentationes admovent, ita ut plerumque sic resistentem animam tenet, sicut ante nunquam tentauerat,

quando possidebat. Vnde & demoniacus, qui à Domino sanatur, ab exeunte demone discerpitur. Quod autem dicit hominem discerpisse, non significat vltum illi abstulisse membrum: sed torfisse, atque cruciasse vehementius. Græcum uerbum *καταρτίειν* proprie significat lacerare, aut laniare, quod D. August. lib. 4. de consensu Evangelistarum ca. 2. & Beda hoc loco vertunt connexans eum, id est contorquens, & crucians. Itaque non est huic loco contrarium, quod scribit Lucas cap. 35. nihil illi nocuisse, id est nullam corporis eius partem debilitasse, sed in medium proiecisse, ut idē Augustinus, & Beda, tum etiam Euthym. monuerunt.

*Et clamans voce magna.*) Præ dolore, uel coactus à Christo, ut omnes intelligerent eum non casu, aut sponte sua, sed inuitum, & à maiore coactum exire potestate. Quid illa voce demon dixerit, & sciri non potest, & ociosa curiositas est querere. Euthy. voces nihil, nisi dolorem significantes, fuisse dicit, quales apud nos sunt interiectiones quædam, idēq; Evangelistam non expressisse, quid clamās, & exiens demon ille dixerit.

27. *Et mirati sunt omnes.*) *ἐθαύμασαν* præ timore obstupefacti sunt; simili verbo Lucas vsus est ca. 4. 36. & factus, inquit, est paupor in omnibus, *δαίμονες*, stupor. Græcum uerbum non qualemcunq; sed religiosum metum cum admiratione coniunctum proprie significat, ut ex illa Plutarchi sententia intelligi potest, *δεισὶν δὲ μὴ οὐκ ἔστι τὸ φοβέσθαι*: timuerunt ergo illi, & admirati sunt Christum, aliquid in illo diuinitatis cognoscētes.

*Quanam doctrina.*) Doctrinam vocant, non id solum, quod Christus docebat, sed potestatem eiiciendi demones cum doctrina coniunctam, quia doctrina ea confirmabatur potestate, ut statim declarat, *Quia in potestate etiam spiritibus immundis imperat, & obediunt ei*, Lucas c. 4. 36. paruo discrimine re narrat. Quod est, inquit, hoc uerbum, quia in potestate, & uirtute imperat immundis spiritibus, & exeunt? Verbum

Lisi. de sua  
perstis.



bam doctrinam vocat, sicut nunc, quidquid Deus docuit, Dei verbum appellamus: sensus ergo est, quæ est ista doctrina tam efficax, ut eam, qui tradit, solo verbo demones eijciat?

*Nova.*) Nouam appellant, quia non erant soliti in suis Scribis, & Phariseis similem doctrinæ coniunctam videre potestatem. Nec interrogant dubitantes, aut improbantes, sicut Arcopagita illi Actorum 17. 19. 20. *Quæ est hac noua, quæ à te dicitur, doctrina?* noua enim quædam infers auribus nostris: sed interrogant admirantes, collaudantesque. Solebant, inquit Chrysostomus. & Iudeorum Exorcistæ demones eijcere, sed non illo, quo Christus, imperio, *Exi ab homine*. Ideo non suos Exorcistas, sed Christum admirabantur.

28. *Ex processit.*) ἐξῆλθεν, exijt, eua sit.

*Rumor eius.*) ἀκοὴ αὐτοῦ, auditus eius, id est fama, Hebraismus πυγῶν, sicut apud Lucam capit. 4. 37. verit interpret, quod Euangelista dixerat, ἦ γὰρ.

29. *Et protinus.*) εὐθέως, statim, ut supra vers. 10. 12. 18. sed delectatur, ut saepe diximus, varietate noster interpret: hoc autem loco hanc habet vim, ut indicet miraculis nullo temporis spatio interiecto miracula maiora successisse. Quæ sequuntur vsque ad versum 33. apud Matthæum cap. 8. 14. exposuimus.

32. *Vespere autem facto, cum occidisset sol.*) Cur potius post solis occasum, quam ante ægroti ad Christum gestati fuerint, non obscura coniectura est, eamque Theophyl. & Euthymius indicauerunt, nempe sabbati dies erat, ut constet ex superiori vers. 21. quo die non licebat ante solis occasum laborare.

33. *Et erat omnis ciuitas.*) Ciues omnes Capernaïtæ.

*Congregata ad ianuam.*) Domus Petri, ubi Christus erat. Duabus de causis hoc videtur expressisse Marcus, quod alij Euangelistæ prætermiserunt. Altera, ut indicaret eius miracu-

li, quod narrauerat, & eorum, quæ har-  
raturus erat, multos fuisse testes. Altera, ut summum audiendi Christi, eiusque miracula videndi Capernaïtarum studium prioribus iam miraculis excitatum declararet. Fortasse etiam significare voluit, quanta esset hominum multitudo suos cuiusque ægrotos offerentium. Sequitur enim, *Et curauit multos*. Eorum opinionem, qui putant solos ægrotos per synecdochen totam ciuitatem appellari, probare non possum. Non enim tantam fuisse multitudinem ægrotorum credendum est, ut vna eos domus non caperet, & ad ianuam esse cogerentur.

34. *Et curauit multos.*) Non significat multos ex ægrotis, qui afferebantur, curasse, alios non curasse: omnes enim curauit, ut ait Matthæus c. 8. 16. & Lucas c. 4. 30. Sed significat illos omnes, qui curati sunt, magno fuisse numero, quod illustrius fuisse miraculum intelligamus, maioremque vim habere, quod multos curatos dicit, quam si certum, quamuis magnum numerum, designasset. Dum enim in certum ponit numerum, eumque magnum fuisse dicit, fuisse quodammodo indicat innumerabilem. Eodem modo intelligendus Lucas est c. 4. 41. quodq; hoc loco continuo subiicitur, *Et demonia multa eijciebat*. Omnia enim eijciebat ex ijs, qui ad se adducebantur, sed ea omnia erant multa. Sic Euthymius, & Theophyl. Aliam Theophyl. interpretationem affert, sed minus, ut mihi videtur, propriam; Non omnes, qui adducebantur, sed eorū multos curatos fuisse, quia non omnes credebant, & nolebat Christus non credentes in se curare. Cæterum ut hoc verum esse concedatur, quod in vniuersum tamen verum non est, ut exemplum illud docet Malchi serui Pontificis, cui non credenti Christus abicissam restituit auriculam Lucæ 22. 51. tamen ad Christi gloriam pertinebat neminem ex ijs, qui sibi offerebatur, ægrotis incuratum relinquere, ne quis malignè interpretaretur, quod quosdam non curaret, non ipsorum culpa.



xulpa, sed eius infirmitate fieri. Et nō legimus Christum vllum sibi ad curandum oblatum aegrotum non curauisse.

*Et non sinebat ea loqui.*) Cur tacere daemonia iusserit Christus, Marcus hoc loco, & Lucas cap. 4. 41. rationem reddunt, quoniam sciebant eum esse Christum; sed hac ipsa ratio difficilio rem, quam si nulla reddita fuisset, questionem facit. Propterea enim, vt prima quidem specie videtur, oportebat sinere loqui ea, quia eum cognoscebant, & veritatem, quam sciebant, suo testimonio confirmabant. At propterea ea loqui nolebat, quia suam diuinitatem nolebat tam aperte, & tam citō declarari, vt Phariseorum fugeret inuidiam. Itaq; eorum interpretariōnem, qui existimant propterea Christum ea loqui prohibuisse, quia noluit veritati a mendacio testimonium perhiberi, sicut Psal. 49. 16. *Deus peccatori dicit, quare tu enarras insitias meas, & assumis testamentum meum per os tuum?* bonos licet, & graues auctores habeat Chryso. Bedam, Theophy. Euthym. minus tamen probo, vt supra vers. 25. docuimus. Quo enim modo ratio, quā ab Euāgelistis redditur, conuenit? *Quoniam sciebant eum.*

35. *Et diluculo valde.* *ἔξω τῶν πόλεων ἔφυγον λαόν, & mane, cum multa adhuc esset nox. Quibus verbis videntur esse contraria, quā apud Lucā legimus c. 4. 42. Facta autem die egressus ibat in desertum locum.* Quod ita nonnulli interpretantur, vt Christus, quemadmodum Marcus ait, mane discesserit, cum multa adhuc esset nox: orto vero iam die, vt ait Lucas, in desertum peruenerit locum, quemadmodum similem apud Matthaeum ca. 28. 1. questionem a quibusdā illic explicari diximus: non placet interpretatio: non enim dicit Lucas orto iam die in desertum venisse, sed orto iam die egressum domo. Melius, vt mihi videtur, Euthymius Lucam auroram diem appellasse, quia diei initium est; quam eandem Marcus multam vocauit noctem, quia obscurae adhuc tenebrae erant. Ratio verō ipsa discessus Christi

si docet eum ante lucem discessisse. Discessit enim, quantum quidem coniecturis consequi possumus, vt multitudinem fugeret, & in deserto latitaret; oportebat ergo ante lucem, ne videretur, aut cognosceretur, discedere, vt cum adhuc infans fugit in Aegyptum Matthaei 2. 14. de nocte fugit.

*Egressus abiit in desertum locum.*) Subit statim animus dubitatio, quā ob rem Christus continuō post tot miracula in solitudinem abiit. Et vna quidem huius rei causa ab Euāgelista videtur indicari, *Ibi que orabat.* inquit, quasi insinuans propterea discessisse, vt oraret; sed altera fuisse causa vero simillima videtur, quam Euthy. & Theoph. hoc loco reddunt, vt fugeret humanam laudem, nosque, vt idem faceremus, exemplo doceretur. Idem enim eum fecisse alias post magna miracula legimus Matthaei 14. 23.

*Ibi que orabat.*) Hæc, vt diximus, altera in solitudinem discedendi causa fuit, vt semotus a turba hominū oraret, vt Matthaei 14. 23. & 26. 36. & infra apud hunc Euāgelistam ca. 6. 45. & Lucæ 5. 16. & 6. 12. & 9. 28. Non quod ipse oratione indigeret, sed vt doceret nos post res prosperas a nobis gestas, post miracula, si id nobis concedatur, facta, non debere efferi animo, sed orare, & Deo, si quid egimus boni, acceptum referre, vt Euthymius in commentariis, & Ambrosius in libro in Lucam 5. docuerunt. Dominus, inquit Ambrosius, orasse pretermittitur, non vique propter suffragium, sed propter exemplum. Imitandi enim speciem dedit, non precandi ambitum requisit.

36. *Et prosequutus est illum Simon, & qui cum illo erant.*) Petrus, & ceteri Apostoli, ac discipuli, quorum ille princeps, & quasi dux omnibus in rebus erat, ideoque solus nominatur. Lucæ c. 4. 41. non Apostolos, sed turbam hominum fuisse dicit, illam scilicet, quæ pridie eius diei cōcionante Christo ad ianuam erat, supra vers. 33. Vtrumque, vt ait Euthy. factum fuisse credendum est, & Apostolos venisse, quem-



quemadmodum ait Marcus, vt magi-  
strum requirerent, & turbam miracu-  
lorum magnitudine commotam, vt  
eum retinerent, ne aliò abiret, vt Lu-  
cas declarat, & vers. sequenti indicat  
Marcus, aut auiditate plura miracula  
videndi.

37. *Omnes querunt te.* Turbæ illæ  
Capernaitarum, quas scribit Lucas ca.  
4. 42. ad eum venisse, vt ipsum retine-  
rent.

38. *Famus in proximos vicos, & ciui-  
tates.* Respondit tacite ad id, quod Ap-  
ostoli, non quidem dixerunt, sed vt  
credibile est, optarūt, & insinuarunt,  
debere eum reuerti Capernaum, quia  
omnes Capernaitæ quærebant eum,  
& non esse contemnenda eorum stu-  
dia sed morem gerendum eorum pie-  
tati: delectari frequentia, & applausu au-  
ditorum oportere. Quibus ille non tā  
frequētiā, & celebratē, quā ne-  
cessitatem spectandam esse: Caperna-  
tis, si uelint credere, satis pradicatum,  
satis miraculorum factum esse; alias  
etiam ciuitates, quæ nondum Euange-  
lium audiuiſſent, docendas esse. Nem-  
pe non debent concionatores plau-  
sum, sed animarum salutem querere:  
& ibi, non vbi maiorem frequētiā,  
sed vbi maiorem uident fructum, con-  
cionari malle.

*Ad hoc enim veni.* Lucas c. 4. 43. exi  
quo discrimine, quia ideo missus sum,  
quemadmodum dicit apud Ioannem  
cap. 2. c. 21. *Sicut misit me Pater. & ego  
mitto vos.* Significat ergo his verbis, se  
non ad otium, aut ad querendam glo-  
riam, captandumque hominum plau-  
sum, sed ad pradicandum (Euangelium,  
ad omnes docendos, ac seruandos ho-  
mines venisse, sicut Lucæ 2. 49. matri  
respondit, *Nesciebatis, quia in his, quæ  
Patris mei sunt, oportet me esse:* & Ioan-  
nis 4. 32. 34. *Ego cibum habeo manduca-  
re, quem vos nescitis. Meus cibus est, vt  
faciam voluntatem eius, qui misit me.*

30. *Et erat pradicans.* *ἔτι ἢ κηρύτ-  
των* verbum imperfectum continua-  
tionem, & consuetudinem indicat, vt  
cum supra vers. 13. dixit, *Et erat in de-  
ferio quadraginta diebus, & quadragin-  
ta noctibus.* Non enim semel, neque

vno loco, sed sæpius, ac pluribus in lo-  
cis pradicauit.

*In synagogis eorum.* Per singulas  
synagogas, quem Hebraismum supra  
declarauiſmus ver. 21. Alius etiam hic  
est Hebraismus, quo relatiuum non  
expresso, sed intellecto antecedente  
positum est. Pradicabat autem in syna-  
gogis, quia ibi Iudæorum schola erat,  
quò omnes Iudæi doctrinæ causa con-  
ueniebant, ut supra ver. 21. dictum est.  
Matthæus cap. 4. 23. pretermiſſis alijs,  
quæ Marcus narrauit facta in Caphar-  
naum, aut certè nonnullis hoc tantum  
dixit, Christum in Galilæorum syna-  
gogis pradicasse.

40. *Et venit ad eum leproſus.* Non  
quidem statim, sed post multa, quæ  
Marcus prermittit, Matthæus narrat  
tribus fere capitibus 5. 6. 7. Huius autē  
miraculi explicationem quere in com-  
mentarijs in Matthæum c. 8. 2. 3. 3.

*Ad ille egressus.* Inde discedens, vbi  
curatus fuerat, *ἔπι πρὸς τὸν λαόν*  
*κηρύσσειν τοὺς λόγους*, cepit pradicare mul-  
ta, id est multa in laudem Christi dice-  
re, a quo sanatus erat. Fandē vñ Græ-  
cum verbum *κηρύσσειν* habet, quā La-  
tinum pradicare. Vtrumque enim si-  
gnificat laudes publicè dicere.

*Et diffamare.* 45. *διεφώνησεν*, No-  
ſter interpres, vt uerbum uerbo redde-  
ret, minus Latine loquutus est. Nam,  
ut apud Matthæum c. 9. 31. adnotaui-  
mus, nunquam apud Latinos diffamā-  
di uerbum in bonam sumitur partem.

*Sermonem.* Id est id, quod acciderat  
Hebraica phraſi, ut apud Lucam cap.  
2. 15. *Transseamus vsque Bethlehem,*  
*& videamus hoc verbum, quod factum  
est,* id est rem hanc. Notum enim  
est apud Hebræos, omnem rem, om-  
ne factum, omne euentum *דבר* ver-  
bum appellari; sed apud Lucam no-  
ſter interpres *verbum*, hic *sermonē* uer-  
tit, quo consilio conijcere non pos-  
sum, nisi fortasse, quia apud Lucam  
*τὸ πρῶτον*, hic *τὸν λόγον* legit, & putauit  
aliquid interesse. An culpa in hoc le-  
ſo aliqua fuerit, quòd prohibēte Chri-  
ſto miraculum euulgauerit, Mart. 6. in  
simili cœcorum illorum causā disputa-  
uimus, unde & de hoc leproſo peca-  
uimus, unde & de hoc leproſo peca-

Y y dum

Hebrai-  
mus,

Conciona-  
toribus fru-  
ctus, non  
plausus q-  
æendus.

Diffamā-  
di uerbum  
in bonam  
partem.

Verbū p-  
te apud He-  
bræos.



dum iudicium est. Hoc tantum dicimus, si culpa fuit aliqua, dignam fuisse veniam, si minus obediente, aut prudenti potius, grato tamen, & amante animo contractam.

*Ita ut iam non posset manifeste.*

Quia concitata iam auditione tanti miraculi multitudo, eum audiendi, videndique avida obtinebat, & uolebat, ut diximus ver. 35. applaudentem fugere multitudinem. Non significatur hoc loco, non potuisse omnino manifeste in urbem ingredi, poterat enim profecto, qui multo maiora poterat; sed noluisse, ut hominum frequentia deiraret. Nam ut alibi diximus, aliquando in scriptura posse, pro vel, non posse, pro nolle ponitur, quod Gregor. Nazian. orat. 4. de theologia multis docet exemplis. Dixit

Possesse i scri-  
ptura in-  
terdum pro  
velle,

autem manifeste, ut iudicaret eum occulte, & de improviso, cum minime eius aduentus expectaretur, in urbem aliquando ingressum fuisse ut colligitur ex initio capitis sequentis.

*Sed foris in desertis locis esset, & conueniebant ad eum undique.* Declarat simul & Christi moderationem hominum multitudinem auerantis, & singulare Christum audiendi populi studium, qui ut eum audiret, in desertis, & remota ab urbe loca procedebat. Vide tur Evangelista ad illa exempla alludere voluisse, quae à Matthaeo c. 14. 13. & 15. 30. & à Luca c. 9. 11. & à Ioanne c. 6. narrantur, ubi multa hominum milia, quae Christum in solitudinem secedentem conseruata fuerant, bis paucis panibus dicuntur saturata.

## CAPUT II.

Matth. 9.  
21.  
Luc. 5. d.  
18.



Iterum intrauit Capharnaum post dies, 2. & auditum est, quod in domo esset. & conueniunt multi, ita ut non caperet neque ad ianuam, & loquebatur eis verbum. 3. Et venerunt ad eum ferentes paralyticum, quia quattuor portabatur. 4. Et cum non

possent offerre eum illi propter turbam, nudauerunt tectum ubi erat; & patreficientes submiserunt grabatum, in quo paralyticus iacebat. 5. Cum autem vidisset Iesus fidem illorum, ait paralytico: Fili, dimittuntur tibi peccata tua. 6. Erant autem illic quidam de Scribis sedentes, & cogitantes in cordibus suis: 7. Quid hic sic loquitur? blasphematur. Quis potest dimittere peccata, nisi solus Deus? 8. Quo statim cognito Iesus spiritu suo, quia sic cogitarent intra se, dicit illis: Quid ista cogitatis in cordibus uestris? 9. Quid est facilius dicere paralytico: Dimittuntur tibi peccata: an dicere: Surge, tolle grabatum tuum, & ambula? 10. Ut autem sciatis, quia Filius hominis habet potestatem in terra dimittendi peccata, (ait paralytico) 11. tibi dico: Surge, tolle grabatum tuum, & vade in domum tuam. 12. Et statim surrexit ille: & sublati grabato, abiit coram omnibus, ita ut mirarentur omnes & honorificarent Deum dicentes: Quia nunquam sic vidimus. 13. Et egressus est rursus ad mare: omnisque turba veniebat ad eum, & docebat eos. 14. Et cum praeteriret, vidit Levi Alphai sedentem ad telonium,

& ait

Iob. 14. a.  
4.  
Ista. 43. d.  
25.



& ait illi: Sequere me. Et surgens secutus est eum. 15. Et factum est, cum accumberet in domo illius, multi publicani, & peccatores simul discumbabant cum Iesu, & discipuli eius: erant enim multi, qui & sequebantur eum. 16. Et Scribæ, & Pharisei videntes, quia manducaret cum publicanis, & peccatoribus, dicebant discipuli eius: Quare cum publicanis, & peccatoribus manducat, & bibit Magister vester? 17. Hoc auditus Iesus ait illis: Non necesse habent sani medici, sed qui male habent: non enim veni vocare iustos, sed peccatores. 18. Et erant discipuli Ioannis, & Pharisei ieiunantes: & veniunt, & dicunt illi: Quare discipuli Ioannis, & Phariseorum ieiunant, tui autem discipuli non ieiunant? 19. Et ait illis Iesus: Nunquid possunt filii nuptiarum quamdiu sponsus cum illis est, ieiunare? Quanto tempore habent secum sponsum non possunt ieiunare. 20. Venient autem dies, cum auferetur ab eis sponus: & tunc ieiunabunt in illis diebus. 21. Nemo assumentum panni rudis assuit vestimento veteri: alioquin aufert supplementum novum a veteri, & maior scissura fit. 22. Et nemo mittit vinum novum in utres veteres: alioquin dirumpet vinum utres, & vinum effundetur, & utres peribunt: sed vinum novum in utres novos mitti debet. 23. Et factum est iterum cum Dominus sabbatis ambularet per sata, & discipuli eius ceperunt progredi, & vellere spicas. 24. Pharisei autem dicebant ei: Ecce quid faciunt sabbatis, quod non licet? 25. Et ait illis: Nunquam legistis quid fecerit David, quando necessitatem habuit, & esurijt ipse, & qui cum eo erant? 26. quomodo introiit in domum Dei sub Abiathar principe sacerdotum, & panes propositionis manducavit quos non licebat manducare nisi sacerdotibus, & dedit eis qui cum eo erant? 27. Et dicebat ei: Sabbatum propter hominem factum est, & non homo propter sabbatum. 28. Itaque Dominus est filius hominis, etiâ sabbati.

Matth. 9.  
a 9.  
Luc. 5. fol.  
27.

1. Timoth. 3.  
c. 15.

Matth. 9.  
b. 15.  
Luc. 5. fol.  
35.

Matth. 12.  
a 2.  
Lu. 6. a. 10.

1. Reg. 21.  
b 6.

Leu. 24. b.  
9.

## IN CAPVT II.

**E**T iterum intravit Capharnaum. de nocte occultum intrasse, ut vitaret populi concursum, ex verbis sequentibus colligi potest, & auditum est, quod in domo esset, quasi dicat, quia clam vrbē ingressus fuerat, nemo sciebat ibi esse præter discipulos, qui eum sequuti fuerant, sed manavit in civitatem fama. Capite etiam superiore ver. 45. Evangelista dixerat Christum non potuisse manifeste in vrbes ingredi. Credibile autem est ideo rediisse. Christum Capharnaum, ut sequentis occasione miraculi Evangelio iam imbutos civium illorum animos confirmaret. Quos, quia præcipua erat

Y y 2 civitas,



ciuitas, magni referebat esse constan-  
tes.

Vulgata  
editio de-  
fenditur.

Post dies ) Multa vetera Latinorum  
nonnulla etiam Graecorum exempla  
legunt, post dies octo, facilius qui-  
dem, ut videtur sensu, & à multis inter  
pretibus comprobato, sed minus, ut o-  
pinor, vero. Certum enim est Chri-  
stum post dies aliquot rediisse, post  
dies autem octo rediisse certum non est,  
& non debemus infinitam Euangeli-  
stae sententiam sine certis argumentis  
diffinire. Adde, & minime dubius affir-  
mo non potuisse Christum statim post  
dies octo redire Capharnaum. Nam  
postquam ex ea urbe discesserat, in mul-  
tis Galilaeorum synagogis praedicaue-  
rat, ut ca. superiori ver. 39. dixit Euan-  
gelista: & non poterat in synagogis  
nisi diebus sabbati praedicare, quibus  
solis synagoga congregabatur, ut eo-  
dem capite ver. 21. docuimus. Multa  
ergo sabbata inter discessum Christi à  
Capharnaum, & eodem reditum inter-  
cesserint necesse est. Itaque non po-  
tuit post octo statim dies redire. Grae-  
ci etiam auctores Theophylact. & Eu-  
thym. non legunt octo, & suspicio mi-  
hi nonnulla est aliquem ex istaman-  
tem alteram lectionem nullum habere  
sensum (ut etiamnum aliqui putant  
interpretes) addito numero, ut locum  
corrigeret, corrupisse. Errandi causa  
fuit, quod phrasia Hebraica non intel-  
ligeretur. Solent autem Hebraei ita lo-  
qui מחר מחר Post dies, id est multis  
post diebus, quibus sensus hunc in lo-  
cum mirifice congruit.

Et auditum est, quod esset in domo. )  
Quomodo auditum fuerit, non est dif-  
ficilis coniectura, domesticum ali-  
quem, vel familiarem eius domus,  
ubi Christus diuersabatur, foras indi-  
casse. Eam autem domum Petri fuisse  
dubium non est, quia ibi, cum Chri-  
stus in ea erat urbe, solebat habitare,  
ut indicant Euangelista capite praece-  
denti ver. 29. Quomodo verò Petrus  
domum habuerit, apud Matthaeum c.  
8. 14. disputauimus. Tantum hic ob-  
seruandum est, non posse quocunque  
se abdat, latere virtutem. Non potest,  
inquit, ciuitas abscondi supra montem

postea Matthaei 5. 24.

2. Et conuenerunt, ) *ἔτι ἐν τοῖς οὐνίχ  
ἡμέραις*, & statim congregati sunt, ut  
etiam Theophyl. & Euthy. legunt. Sen-  
sus etiam est melior, quia maiorē ha-  
bet, emphasim. Voluit enim Euangeli-  
sta studium populi ad conueniendū,  
diligentiamque significare, quae particu-  
la illa, statim, maxime declaratur; dili-  
gentiae enim fuit statim conuenire.

Ita ut non caperent neque ad ianuam. )  
*ὥστε μὴ ἐντὶ τῆς πόλεως μὴ δὲ τὰ πρὸς τὴν  
πύλιν*, ut non caderent (eos loca, quae ad  
ianuam (erant) sic Graeca phrasia vesti-  
bulum Euangelista descripsit: quod ip-  
sum dicit multitudinem, quae extra  
domū erat, capere non potuisset. Sunt  
qui putent nostrum etiam interpretē  
ita veritatis, ut non caperent, nec quae  
ad ianuam, id est ea loca, quae ad ian-  
uam sunt, sed olim, eum diphthongi  
non scriberentur, aliquem ex, nec quae  
ad ianuam, fecisse, neque ad ianuam, ut  
nunc in omnibus Latinis codicibus  
legitur. Aestimant alij coniecturam,  
ego neque refutare, neque probare au-  
deo. Aliqui Latini codices pro ca-  
perent, legunt, caperet, sed hoc uerbum  
ex Graeco articulo, qui pluralis est nu-  
meri, facile corrigitur. Quod tantum  
hominum multitudinem conuenisse  
dicit, causa non caret. Voluit hac prae-  
fatione insinuare miraculum, quod  
narraturus statim erat, non in occulto,  
in oculis totius ciuitatis factum  
fuisse, ut quam plurimos eius rei tes-  
tes habere indicaret. Eodem spectat,  
quod ait Lucas cap. 5. 17. non solum  
ciues Capharnaitas, sed Scribas etiam,  
& Phariseos, qui venerant ex omni ca-  
stello Galilaeae, & Iudaeae, & Ierusalem,  
fuisse praesentis, qui cum inimici essent  
Christi, non solum praesentia, sed etiam  
incredulitate, & reprehensione sua ma-  
gis illustre miraculum reddiderunt.  
Cum enim dixissent, quid hic sic loqui-  
tur blasphemat. Qui potest dimittere pec-  
cata nisi solus Deus? ver. 7. Christus su-  
pra inde occasione, ut, inquit, ver. 10.  
& 11. sciat, quia filius hominis habet po-  
testatem in terra dimittere peccata, ait  
paralytico. Tibi dico surge, tolle grabatū  
tuum, & vado in domum tuam.

3. Et



Hebrai-  
mus.

3. *Et veniunt ad eum ferentes paralyticum.*) Quidam, qui paralyticum ferebant, aut ut magis exprimatur phrasim, latrores quidam paralytici. Non enim est participium, sed nomen participiale, qualia sunt, quæ apud Hebræos participia habitus appellantur. *Παραφέροντες* ferentes, id est iatores, qui ferre solent: qualem Hebraismus esse diximus Matthæi 13. 3. *Exijt, qui seminat, seminare semen suum*, ὁ σπείρων seminans, id est seminator. Vocat autem *ferentes paralyticum*, ut ego quidē arbitror, non eos modò, qui gestabant sed omnes, qui comitabantur, parentes, cognatos, amicos, qui eū ad Christum afferebant. Nam gestantes postea distinguit; *Qui à quattuor*, inquit, *portabatur*, & natura sua verissime est paralyticum, si alicuius erat conditionis, non à suis, sed ab inferioribus, aut famulis, aut conductis hominibus fuisse portatum.

*Qui à quattuor portabatur.*) Non temere Euāgelista portantium numerum designauit, quamuis nobis ratio minus constet. Beda vel ad quattuor Euāgelia, vel ad quattuor virtutes, quas morales vocant, quibus quasi gradibus ad Christum venit, hunc numerum pertinere putat. Vera, sed allegorica sententia. Voluit, nisi me coniectura fallit, Marcus morbi gravitatem indicare, ut maius miraculum appareret, adeo fuisse paralyticum illum omnibus dissolutum membris, atque totius corporis impotentem, ut non ab uno, aut altero, sed à quattuor hominibus gestari necesse fuerit.

Hebrai-  
mus.

4. *Et cum non possent offerre eum illi pre turba.*) *καὶ ὅτι οὐκ ἔμενοι προσεγγίσαι αὐτῷ*, & cum non possent appropinquare illi. Noster interpret melius mihi videtur verum reddidisse sensum, quam alij quidam, qui se eius emendatores profitentur. Intellexit enim, quod res erat, Euāgelistā verbum *προσεγγίσαι* Hebræorum more posuisse loco coniugationis *הגישו*. Eodem enim modo Hebræi à verbo *קרב* quod idem est, quod *ἐγγίζειν*, appropinquare, mutata coniugatione dicunt *הקריבו* appropinquare facere,

re, id est offerre.

*Nudauerunt tectum.*) *ἀπεστέγασαν τὸ στέγν*, detexerūt tectum. est enim elegans prosonomia. Quæ sequuntur vsque ad versum 13. apud Matthæum c. 9. 1. & 2. explicauimus.

13. *Et egressus est rursus ad mare.*) Quod egressus fuerit, solus dicit Marcus, cum Matthæus, & Lucas eandem narrauerint historiam. Quod autem dicit *rursus* indicat iam prius ad mare fuisse, ut dixerat ca. 1. 16. ed. n. respicit hoc verbum. Qua verò de causa egressus eò fuerit, non satis constat; colligitur tamen ex ijs, quæ statim addit Euāgelista, *Et docebat eos*. Ideo exijt ad mare, ut ibi doceret, ut Beda etiā animaduertit. Nam etsi prius dixerat omnem ciuitatem ad ianuam domus fuisse c. 1. 33. tamen dubium non est, quin Synecdoche vsus fuerit, qua maior pars pro toto sumatur, fuisseque multos diuites, præsertim negotiatores, & mercaturæ causa iuxta mare habitantes, & suo quisque intenti lucro ad audiendum Christū non venissent. Eos nūc Christus quaerit, ut & eos doceat. admirabili planè consilio quærentes se auditores fugit, non quærentes quaerit. *Inueniunt*, inquit, *qui non quaerunt me*. Itā. 6. 3. Idem facere Christi concionatores debent. Altera ex effectū causa colligitur. Volebat Matthæū piscari, ideoque ad mare tendit. Teophy. & Euthy. plausus, laudesque facti miraculæ fuisse purant, ideoque à frequentia populi secessisse. At verò si fugere frequentiam voluisset, ad solitudinem utique nō ad mare, vbi maximam hominum multitudinem negotiationis causa fuisse credendum est, sese contulisset.

14. *Et cum præteriret.*) Voluit Euāgelista hoc verbo, ut videtur, significare Christum non quasi suscepto consilio Matthæū quæsiuisse, sed prætereūtem, cum eum forte ad mensam sedentem vidisset, quasi ex itinere vocasse. Nempe ut intelligeremus illum non ex longa consuetudine, sed primo statim intuitu, eoq; per transennam hominem penitus cognouisse, præuidisseque, qualis, quātusque futurus esset.

Yy 3 Vidit.



*Vidit Levi Alphaei.*) Græca fere omnia, & Latina etiam multa exemplaria pro *Levi*, legunt *Leuin*, nullo discrimine sententiæ. De his autem nominibus *Levi*, & *Alphaei*, & de cognomento *Matthæi*: quæ post uocationem Apostolus ille, & Euangelista dictus est, uidenda sunt, quæ apud eundem Matthæum diximus c. 9. 9.

15. *Est factum est cum acumberet in domo eius.*) Indicant hæc uerba Matthæum alibi domum, ubi habitaret, alibi telonium, ubi uestigalia colligeret, habuisse: domum intra urbem, telonium ad litus maris, quo uestigales merces apportabantur. Nam ex telonio, unde vocatus est, sequutus Christum in domum venit, ubique magnū Christo conuiuium exhibuit, ut ait Lucas c. 5. 29.

*Erant enim multi, qui & sequebantur eum.*) Hoc solus dixit Marcus, ut efficacitatem, fructumque predicationis Christi declararet, quæ moti multi etiam publicani, & peccatores eum tanquam magistrum discipuli sectarentur. Hanc vim habet particula illa, &, quasi dicat publicanos, & peccatores multos non solum libenter audiuisse Christum, &, quæ ab eo dicerentur, credidisse, sed sequutos etiam fuisse, eum, quoquo pergeret. Peccatores autem vocat, non eo sensu quo omnes homines & sunt, & uocari solent: sed eo, quo Iudæi solos Gentiles, aut Gentilium similes publicanos, qui negotia Caesaris agebant, ut apud Matthæum diximus appellabant. Hinc colligitur, quamuis solus Matthæus ex publicanis ad Apostolatam vocatus sit, aliquos tamen credibile esse in aliorum discipulorum numerum, ac fortasse etiam septuaginta duorum electos fuisse: de quibus mentionem Euangelistæ non fecerint, sicut qui fuerint septuaginta illi duo discipuli, non declararūt. Vide plura apud Matthæum c. 9. 10.

Vulgata  
editio defenditur.

17. *Non necesse habent sani medico.*) Aliqui offensi, ut arbitror solecismo, credentesque fieri non potuisse, ut eo usus esset interpres, locum corrigere voluerunt, pro medico, medicum re-

ponentes. Sed nescio, an locum corrigentes deprauauerint. Malo credere magis fidelem, quam elegantem interpretem, ut verbum de verbo redderet, & ut Græcam exprimeret phrasim, Latinam etiam Grammaticam neglexisse, οὐ χρείαν ἔχουσιν οἱ ἰχθύοντες ἰατροῦ, non necessitatem habent valentes medici, ut conuertamur ad verbum. Sed quia necessitatem habere medici Latini non dicunt, opus autem habere non quidem illi antiquiores, melioresque, sed posteriores quidam, ut nunc omnes fere dicunt, pro opus habere, dixit necesse habere medico.

18. *Et erant discipuli Ioannis, & Phariseorum ieiunantes.*) Duplicem hæc verba sensum habere possunt, vel tunc cum hoc accedit Ioannis, & Phariseorum discipulos re ipsa ieiunasse. quod per eos dies, aut sponte sua, aut veteris aliqua traditione, quales habebant multas Pharisei, ieiunium sibi aliquod indixissent, vel non quidem tunc, sed tamen alias frequenter etiam cum lex non præciperet, aut traditione, aut uoluntario consilio solitos ieiunare, ut non actum, sed consuetudinem uerba significent, ut apud Matthæum c. 17. 24. adnotauimus in illis uerbis, *Magister vesper non soluit didrachma*, id est nonne solet soluere? Verumque probabilis. Si priorem sequamur sensum, credendum erit Phariseos ex præsentis temporis circumstantia calumnix occasionem accepisse, quod eo tempore, quo ipsi homines inter Iudæos religiosissimi ieiunabāt, Christus & eius discipuli, qui sanctitatem quandam maiorem profiterentur, non ieiunarent. Si posteriorem, ex præsentis magnificentia conuiuii. fuit enim, ut ait Lucas, magnum: quasi plus uelint dicere, quam dicant, se ac discipulos Ioannis ieiunare solitos, & fame, sitique domare corpora: Christum uero, eiusque discipulos non modo non ieiunare, sed dare etiam operam opiparis, lautique conuiuii, ingurgitare sese, atque inebriare. Hoc enim indicant, cum dicunt uers. 16. *Quare cum publicanis, & peccatoribus manducant.*



*manducat, & bibit magister vester?* id est, comestatur, & potatur, ut apud Matthæum c. 9. 11. declarauimus: apud quæ cætera, quæ sequuntur usque ad uers. 23. uideri poterunt.

23. *Et factum est iterum.* (Græcè non legitur, *iterum*, neque Theoph. & Euthy. legere uidentur, certè non exponunt. Legunt tamen Latini codices, quos uiderim, omnes, & conuenit apte lectio sententiæ. Non autem significat id ipsum, quod statim sequitur, Apostolos die sabbati spicas uellisse, iterum prius factum fuisse; sed Phariseos aliam iterum ex spicis occasionem cepisse calumniandi, quemadmodum calumniati prius fuerant uers. 6. cum paralyticus curaretur. Quæ sequuntur usque ad uersum 27. ex comment. in Matthæum c. 12. 1. intelliguntur.

27. *Sabbatum factum est, & non homo propter sabbatū.* Cum Matthæus nonnulla dixerit, quæ à Marco prætermissa sunt, qualle illud, quod est cap. 12. 5. *Aut non legistis in lege quia sabbatis sacerdotes in templo sabbatum uolant, & sine crimine sunt?* & uers. 7. *Si autem sciretis, quid est misericordiam uolo, & non sacrificium, nunquam condemnassetis innocentes;* hoc tamen, quod Marcus dicit, ipse prætermisit, sicut & Lucas c. 6. 5. Sensus autem est non fuisse sabbatum institutum, ut homo periret, sed ut & animo, & corpore sanus esset: animo quidem, quia institutio sabbati inter alias causas ad colendam religionem, & profitendam fidem facti a Deo mundi facta fuerat Exodi 20. 11. & Deuter. 14. quæ si ritè fierent, ad salutem animæ pertinebant; corpore uero, quia altera institutionis sabbati causa fuit, ut hominum corpora assiduo sex dierum labore fatigata requiescerent, ut ipsæ ex locis manifestum est. Itaque non homo propter sabbatum, sed sabbatum propter hominem factum fuit. Vnde sequitur ita obseruandum fuisse, ut neque animi, neque corporis salutem noceret, atque hac ratione à uiris sanctis obseruatum legimus. Nam & sacerdotes in templo propter animarum salutem diebus sabbati uictimas

sacrificandi causa occidebant, & sabbatum non uiolabant. Hoc est, quod apud Matthæum ca. 12. 5. Christus dicit, *aut non legistis in lege, quia sabbatis sacerdotes in templo sabbatum uolant, & sine crimine sunt?* Quod dicit sabbatum uiolant, non significat sacerdotes id faciundo re uerā uiolasse sabbata, sed uiolasse, si præcepti tantum uerba considerentur, quemadmodum Pharisei, quibuscum disputabat, considerare uidebantur. Violabant ergo sabbatum, & non uiolabant. Violabant, si præcepti uerba, non uiolabant, si sensum consideres, & quia sensus, non uerba consideranda, erant, re quidem uerā minimè uiolabant. Hoc est, quod dicit, *Et sine crimine sunt?* si enim sabbatum uerè uiolassent, sine crimine non fuissent. Corporis uero seruandi, tuedique causa Iosue virum sanctum legimus die sabbati armatum Hebræorum exercitum circum muros Ierichū tis circumduxisse, Ios. 6. 1 5. 16. Machabæos, ne uictoriæ occasio elaberetur, seque hostibus inermes, & minimè repugnantes traderent trucidandos, die sabbati prælium commississe. 1. Machabæorum 2. 41.

28. *Itaque Dominus est filius hominis, etiam sabbati.* Hoc apud Matthæum cap. 12. 5. explicatum est. Tantum hoc loco exponendum, quomodo Marcus hoc dictum à Christo refert, cum Pharisei Apostolos ob uulsas spicas reprehendissent: Matthæus uero, cum Christus in synagoga illā, qui manum habebat aridam, curauisset. Bis hoc dixisse Christum credendum est, ut apud Matthæum citatis probauimus auctoribus. Illud difficilior, & magis huius loci proprium est, quomodo hac sententia ex superiore colligatur. Non enim si non homo propter sabbatum, sed sabbatum propter hominem factum est, continuo sequitur Dominum esse filium hominis, et sabbati. Et tñ Marcus, aut apud Marcū Christus, cū dicit, *Itaque*, hoc ex illo colligere uidetur. Quidam sic respondent Christum eo ipso, quod filius hominis, id est omnium hominum caput erat, habuisse omnium rerum quæ ad

Yy 4 salu.

Cur Tabba  
tem insti-  
tutum.



salutem hominum pertinerent, potestatem; quare cum sabbatum propter hominem factum esset, etiam sabbati iure suo Dominum fuisse. Non displicet, sed simplicius fortasse, & breuius dici potest particulam illam *omnes itaque*, non illatiuam, sed completiuam esse, quasi dicat, denique Dominus est filius hominis, etiam sabbati. Id est, si sacerdotes & duces belli in sabbati obser-

uatione dispensare potuerunt, multo magis filius hominis poterit, qui auctor sabbati fuit, pot. n. princeps, qui legē tulit, non interpretari modo, sed et abrogare. Hoc est, quod apud Matth. c. 12. 6. Christus dicit *Quia templo maior est hic*, & versu 42. *Ecce plusquam Salomon hic*. Voluit etiam fortassis obscure insinuare se, ut postea fecit, Iudaeorum sabbatum abrogaturum.

## CAPVT III.

Matth. 12.  
a. 9.  
Luc. 6. b.  
16.



**I**ntrouit iterum in synagogam: & erat ibi homo habens manum aridam. 2. Et obseruabant eum, si sabbatis curaret, ut accusarent illum. 3. Et ait homini habenti manum aridam. Surge in medium. 4. Et dicit eis: Licet sabbatis bene-

facere, an male? animam saluam facere, an perdere? At illi tacebant. 5. Et circumspiciens eos cum ira, contristatus super cecitate cordis eorum, dicit homini: Extende manum tuam. Et

Matth. 12.  
b. 14.

extendit, & restituta est manus illi. 6. Exeuntes autem Pharisaei, statim cum Herodianis consilium faciebant aduersus eum, quomodo eum perderent. 7. Iesus autem cum discipulis suis secessit ad mare: & multa turba a Galilæa, & Iudæa secuta est eum, 8 & ab Ierosolymis, & ab Idumæa, & trans Iordanem: & qui circa Tyrum, & Sidonem, multitudo magna, audientes, quæ faciebat, venerunt ad eum. 9. Et dixit discipulis suis, ut nauicula sibi deseruiret propter turbam, ne comprimerent eum. 10. multos enim sanabat, ita ut irruerent in eum, ut illum tangerent, quotquot habebant plagas. 11. Et spiritus immundi, cum illum uidebant, procidebant ei: & clamabant dicentes: 12. Tu es filius Dei: Et vehementer comminabatur eis, ne manifesta-

Matth. 10.  
a. 1.  
Luc. 6. b.  
13.

rent illum: 13. Et ascendens in montem vocauit ad se, quos uoluit ipse: & venerunt ad eum. 14. Et fecit, ut essent duodecim cum illo: & ut mitteret eos prædicare. 15. Et dedit illis potestatem curandi infirmitates, & eiiciendi dæmonia. 16. Et imposuit Simoni nomen Petrus: 17. & Iacobum Zebedæi, & Iohannem fratrem Iacobi, & imposuit eis nomina Boanerges, quod est, Filij tonitru: 18. & Andream, & Philippum, & Bartholomæum, & Matthæum, & Thomam, & Iacobum Alphæi, & Thaddæum, & Simonem Cananæum, 19. & Iudam Iscario-

tem,



tem qui & tradidit illum, vigesimo, Et veniunt ad domum: & conuenit iterum turba, ita vt non possent neque panem manducare. 21. Et cum audissent sui, exierunt tenere eum: dicebat enim: Quoniam in furorem versus est. 22. Et Scribae, qui ab Ierosolymis descenderant, dicebant: Quoniam Beelzebub habet, & quia in principe dæmoniorum eijcit dæmonia. 23. Et conuocatis eis in parabolis dicebat illis: Quomodo potest satanas satanam eijcere? 24. Et si regnum in se diuidatur, non potest regnum illud stare. 25. Et si domus super semetipsam dispertiat, non potest domus illa stare. 26. Et si satanas consurrexerit in semetipsum, dispertitus est, & non poterit stare, sed finem habet. 27. Nemo potest vasa fortis ingressus in domum diripere, nisi prius fortem alliget, & tunc domum eius diripiet. 28. Amen dico vobis, quoniam omnia dimittentur filijs hominum peccata, & blasphemiae, quibus blasphemauerint: 29. qui autem blasphemauerit in Spiritum sanctum, non habebit remissionem in æternum, sed reus erit æterni delicti. 30. Quoniam dicebant: Spiritum immundum habet. 31. Et veniunt mater eius & fratres: & foris stantes miserunt ad eum vocantes eum, 32. & sedebat circa eum turba: & dicunt ei: Ecce mater tua, & fratres tui foris quærunt te. 33. Et respondens eis, ait: Quæ est mater mea, & fratres mei? 34. Et circumspiciens eos, qui in circuitu eius sedebant, ait: Ecce mater mea, & fratres mei. 35. Qui enim fecerit voluntatem Dei, hic frater meus, & soror mea, & mater est.

Mat. 9. 34.

Mat. 12. 31.  
Luc. 12. b.  
10.  
10. 5. d. 56  
Mat. 12. d. 46.  
Lu. 8. c. 19.

## CAP V T III.

**I**ntrouit iterum in synagoga. Dicit iterum introisse, quia prius narrauerat in synagoga Capernaïtarum docuisse capitulo primo, 21. Postea enim dixit ex solitudine, in quam se receperat cap. 1. 35. in Capernaum iterum rediisse capitulo secundo, primo. Nam & hoc miraculum, quod sequitur, in Capernaïtarum synagoga factum fuisse, & ex Matthæo c. 12. 9. & ex narratione Marci consequentia colligitur.

Ingressus autem est in synagoga, quia sabbatum erat, quo die, vt diximus c. 1. 23. synagoga congregabatur. Erat autem sabbatum proximum post illud, quod secundo primum Lucas cap. 6. 1. vocauit, vt ex eodem Luca cap. ver. 6. intelligi potest. Itaque sabbato secundo primo accidit, quod de uellentibus spicas Apostolis dictum est superiore capite, vers. 2. vt constat ex Luca cap. 6. vers. 1. sequenti autem sabbato, quod nunc de habente manum aridam narrat Marcus, vt ex eodem Luca capitulo 6. 6. manifestum.



festum est. De sabbato autem illo secundo primo, quodnam id fuerit, apud Matthæum capitul. 12. 1. differuimus.

*Et erat ibi homo habens manum aridam.*) Aut à Phariseis eo inductus, quasi muscipula ad capiendum Christum (credi enim potest, quidquid alienum non est ab eorum ingenio) aut qui de more, sicut alij Iudæi, in synagogam uenisset, quia sabbati dies erat, nihil de curatione sua cogitans: aut, quod similis ueri est, qui eo animo, causaque uenerat, ut à Christo, quem pro sua consuetudine in synagogam die sabbati uetiturum credebat, sanaretur.

*Habens manum aridam.*) Lucas ca. 6. 6. manum dexteram fuisse dicit, qđ & ad fidem historię, dum uera fuerit manus exponit, & si non ad miraculi, ad beneficij certe accepti magnitudinem pertinet: quod eo maius fuit, quo magis homini dextera, quam sinistra manus erat necessaria. Quę sequuntur usque ad uersum 7. Matthæi 12. 9. 10. 12. 13. 14. expoliui mus.

7. *Iesus autem cum discipulis suis secessit.*) Cur secesserit Matthæus exponit cap. 12. 15. *Iesus, inquit, sciens recessit inde,* id est, cum Phariseorum, & Herodianorum de se perdendo consilia, de quibus Euangelista paullo ante loquutus fuerat, cognouisset: Voluit dare locum irę, ut admonet Diuus Paulus ad Roma. 12. 19. sicut alias eum fecisse legimus, cum à Iudæis ad perniciem quaeretur Matthæi 2. 14. cum adhuc infans quaeretur ab Herode, fugit in Ægyptum Matthæi 4. 12. cum cognouisset in uincula coniectum Ioannem, fugit in Galilæam, Lucę. 2. 29. 30. cum ciues ipsius Nazareni uellent eum ex monte precipitem agere, per medium eorum transiens euasit, Ioannis 8. 19. cum Iudęi, ut in eum conijcerent, lapides accepissent: abscondit sese, & Ioannis 12. 36. timens iterum Ierosolymitanam turbam iterum sese abscondit. Quę loca Tertulliano, Athanasio, & Augustino, ut scriberent de fuga in per-

secutione, copiosam materiam præbuerunt.

*Et multa turba à Galilæa, & Iudæa.*) à Galilæa ubi Christus erat, & à Iudæa, unde eo uenerat, & ubi ante prædicauerat, audita uerò Ioannis comprehensione fugerat cap. 1. 14. Inde ergo aliqui cum discipuli in Galilæam uenientem sequuti fuerant, sicut paulo ante mortem ex Galilæa in Iudæam redeuntem religiosa, & pie aliquę mulieres sequuta: sunt Matthæi 27. 55. & Lucę 23. 55.

8. *Et ab Ierosolymis.*) Distinguit Ierosolymam à Iudæa, quamuis ipsa in Iudæa esset, atque adeo eius caput: quia magis mirum erat inde, quàm ex reliquis Iudææ partibus uenisse aliquos, cum ciuitas esset Christo omnium inimicissima; plenaque Doctorum, ut in ea quin essent, non existimarent se Christi indigere institutione, atque disciplina. Sed nimirum miraculorum magnitudo inuitos etiam trahebat inimicos.

*Et ab Idumæa.*) Hoc etiam eadem causa additum est, quia magis mirum erat Idumæos homines Gentiles, & perpetuos Iudæorum hostes, quam Iudæos, atque Galilæos ad audiendum uenisse Christum. Nota inimicitia inter Idumæos & Iudæos causata est. Trahebant Idumæi originem ab Esau, qui, quod rufi colore esset, Edom cognomento dictus est Genę. 25. 25. Et cum fratre Iacob, ex quo Iudæi prognati erant, ob præreptam sibi ab eo benedictionem gessit inimicitias Genę. 27. 37. 41. Itaque & ob eam causam hereditarium, & ob negantium Iudęis ex Ægypto reuerentibus transitum Numer. 20. 14. & nouis postea auctum iniurijs, & Dei etiam præcepto perpetuum inter illos erat solum, ut propheta sæpe testantur, Mum. 24. 18. Psalm. 136. 7. Isaię 21. 11. & 34. 5. & Ieremię 49. 7. & Thren. 4. 22. & Ezechiel. 25. 13. 14. & 32. 29. & 36. 5. & Amos 1. 11. & Abdię 1. 1. Quibus de causis, simulque quod longius Idumæa distaret (erat enim ad Austrum versus Ægyptum) mirum uideri poterat inde usque Idumæos ad Christum

Fuga in p  
secutione.



Christum audiendum venisse, sed impleuerat totam Syriam fama miraculorum Christi, & omnes ad se homines alliciebat Matthæi 4. 24. & maior gratia, quam naturæ vis erat. Nempe hoc est, quod apud Matthæum ca. 8. 11. 12. dicebat Christus, *multi ab Oriente & Occidente venient, & recumbent cum Abraham, & Isaac, & Iacob in regno calorum; filij autem regni ejicientur in tenebras exteriores.*

*Et trans Iordanem.* καὶ πέραν τοῦ ἰορδάνου. Intelligitur ἀπὸ τοῦ προpositio, ἀπὸ & a trans Iordanem, id est ab ea regione, quæ trans Iordanem dicebatur, sicut Itali omnem regionem, quæ ultra Alpes est Transmontanam vocant: non quod verè ea regio trans Iordanem Iudæis, & Galilæis esset, quæ admodum video Euthymius, & multos alios interpretes existimare: (citra enimerat) quemadmodum Matthæi 4. 5. demonstravimus, sed quia, ut illic diximus, venientibus ab Aegypto Iudæis ultra Iordanem erat, datum tunc à venientibus nomen semper retinuit: sicut Itali etiam cum in Gallia, vel Germania sunt, eam ipsam regionem, quemadmodum cum in Italia erant, Transmontanam vocant, cum tunc illis non trans, sed citra montes sit.

*Et qui circa Tyrum, & Sidonem.* Dux nobiles vrbes Tyrus, & Sidon Occidentales fere Iudæis, a Gentilibus habitata, ut colligitur ex Matth. cap. 11. 21. & ex Luca cap. 10. 13. Non dicit Evangelista Tyrios, & Sidonios venisse, Gentiles enim erant; sed eos, qui iuxta Tyrum, & Sidonem habitabant, id est, Decapolitas, quia & ipsi Galilæi erant, sed propter Gentilium vicinitatem minùs religiosi. Erat enim Decapolis in finibus Tyriorum, & Sidoniorum, ut ex cap. 7. 31. intelligitur. Sunt tamen qui Græcam phrasin οἱ πρὸς τὴν καὶ σιδῶνα ipsos Tyrios atque Sidonios significare putent, sicut Theophyl. & Euthym. interpretantur, nec admodum ego dissentio, quia etsi verba potius vicinos Tyriorum, atque Sidoniorum, quam Tyrios ipsos, Sidoniosque significant,

tamen maior, pleniorque sententia est, si Tyrii ipsi, atque Sidonii significentur. Magis enim mirum est Tyrios, ac Sidonios homines omnino Gentiles, quam eorum vicinos Galilæos ad audiendum Christum venisse.

*Audientes, quæ faciebat.* Causam exponit facti tanti undique concursus, veniebant, inquit, omnes miraculorum eius commoti fama.

9. E dixit discipulis suis. ) Præcedit, Hebraismus, ut ipse dixit, & facta sunt Psal. 148. 5. id est mandavit, ut sequenti repetitione exponitur, *Ipse mandavit, & creata sunt.* & Matthæi 8. 8. *tantum dic verbo, & sanabitur puer meus,* id est, iube.

*Ut navicula sibi deserviret.* Sibi nimium soli cum aliquot discipulis suis, ne si omnes, qui vellent, ut illum vel tangerent, vel audirent, vel etiam viderent in communem cum illo navem ascenderent, ipsum opprimerent. Loquitur enim quasi purus homo timide, & cautè, cum Deus esset: προσκαρτερεῖν, quo verbo hic Evangelista utitur Græco, plus esse videtur, quam deservire, nempe, proprium, atque individuum esset. Itaque videtur significare, ut non tantum nunc, sed quotiescumque trajicere vellet stagnum propriam haberet navem. Naviculam autè προῖον diminutivum nomine vocavit, quia, cum solus vellet trajicere, parva tantum scapha opus erat.

10. Multos enim sanabat. ) Ne videretur Christus sine causa nimiam hominum multitudinem timuisse, ideoque propriam voluisse habere naviculam, rationem reddit Evangelista, cur fierent tanti ad eum concursus, quia multos, inquit, sanabat, & sanabat quidem; qui vel tantum eius vestimenta tetigissent, ut clariùs exponit infra capit. 6. 56. Cum autem dicit sanasse multos, non indicat aliquos ægrotos, qui se illi offerrent, aut non potuisse, aut noluisse sanare, sed tantum significat eos, quos sanabat, fuisse multos, ut in simili loco explicavimus supra c. 1. 34.

Quot-



Morbi flagella Dei.

*Quotquot habebant plagas.*) *uasi- yas*, flagella, plagas vocat omne genus morbi, quia morbi plerique Dei flagella sunt, ut Theophylactus admonuit. Exempla sunt in scriptura huius rei multa Ioannis s. 14. Exodi 15. 26. Leuit. 26. 16. 21. Deuter. 7. 15. & 28. 27. 60. & 2. Reg. 24. 13. & 4. Reg. 5. 27. 2. Paral. 21. 18.

11. *Et spiritus immundi, cum illum videbant, procidebant ei.*) Beda hæc uerba non solum ad eos, qui a demoniis vexabantur, sed ad eos etiam, qui plagas habebant, ut verb. præcedenti dictum est, referenda esse existimat. Nō probo sententiam; nam illi, qui habebant plagas, suum iam uerbum habuerunt, ita, inquit, *ut irruerent in eum, ut illum tangerent, quotquot habebant plagas.* Itaque necesse est, ut hoc uerbum *procidebant ei* proprium eorum sit, qui immundos spiritus habebant. Adde quod, si hoc uerbum ad alios referretur, etiam, quod proximè sequitur, ad eosdem referendum esset, *Et clamabant dicentes, tu es filius Dei:* quod nemo, ut opinor, probabile iudicabit. Hunc enim clamorem solum demonum fuisse constat timentium, ne se Christus expelleret, magisque cruciaret. Qua autem ratione demones Christo prociderent, dignum scitu est. Nempe non religione ulla, uel charitate, quasi uerè Christum adorare uellent: sed timore, quasi supplicium suum & confessione oris, & subiectione corporis deprecantur, ut rectè idem Beda, & Theophylactus. adnotauerunt.

Quomodo demones ante Christum procidebant.

De diuinitate Christi contra Arianos.

12. *Tu es filius Dei.*) Huius uersus explicationem quare supra cap. 1. 24. 25. Ex hoc autem loco constat verum esse, quod illic diximus, idem esse sanctum Dei, & filium Dei. Nam quem illic demones sanctum Dei, hic filium Dei appellauerunt. Amplificauit mirifice hunc locum aduersus Arianos Auctores ueteres, demones plus fidei, quàm illos habuisse; qui, quod illi negarent, confiterentur, Christum uerum, ac naturalem filium esse Dei. Nec enim dubium est, quin alia ratione Christum filium Dei,

quàm prophetas, virosque sanctos appellauerint. Nam uirum ullum sanctum filium Dei dæmonem appellasse non legimus. Python ille paulum, & Silam, ut sanctissimos esse viros indicaret, seruos Dei altissimi uocauit; filios Dei non uocauit Acto. 16. 17. contra uero Christum nusquam feruum Dei demones uocant, filium Dei &, quod idem esse docuimus, sanctum Dei uocant. Non ergo filium Dei adoptiuum, quales non modò Paulus, & Silas, uerum nos etiam omnes gratia Dei sumus; sed naturalem, ac uerum Dei filium esse confessi sunt. Si autem naturalis Dei filius est, uerus Deus est. Qua de re plura in Theologicis de Trinitate scholis disseruimus: satis nunc est ad Athanasium in lib. de natura humana uerbi, & ad Bedam in comment. in hunc locum lectorem mittere.

*Et uehementer comminabatur eis.*) Adiunctis minis præcipiebat, ne se manifestum facerent, uide capitu. primo, 25.

13. *Et ascendens in montem.*) Orandi causa in montem ascendisse ex Luca c. 6. 12. manifestum est, ut sæpe alias facere solebat: Apostoles autem eligendi causa ascendisse manifestum non est, quamquam, quia fieri conueniebat, conuenit etiam credere factum esse. Matthæus, quod de Apostolorum electione sequitur, prius narrat, quàm miraculum sanati hominis, qui manum habebat aridam, & quàm quod supra scripsit Marcus & uersu septimo usque ad hunc locum & cap. 2. 23. de discipulis spicas die sabbati uellentibus, quamuis ex Marco hoc loco, & ex Luca cap. 6. 13. post illa hoc factum esse constet. Itaque ut Matthæi 10. 1. docuimus, credendum est Mattheum, quod post factum erat, prius per anticipationem narrauisse; siue cerro aliquo, nobis tamen incognito consilio, siue quia id forte memoriæ occurrit prius, quod gestum erat posterius.

*Vocauit ad se, quos uoluit ipse.*) Vocasse ad se dicit, quasi cum illo prius non fuissent. Caterum credibile est,

Quæ d  
ctū in  
candis  
postol  
Christi  
habui



est, cum in montem vnâ cum discipulis ascendisset, suaduxisse sese ab illis in aliquem solum locum, ut illic solus oraret, quemadmodum eum alias fecisse legimus Matthæi 26.36. & Luca 9.18.

Quæ delectu in uocandis Apostolis Christus habuit.

*Quos voluit.*) Ex discipulis nimirum suis, qui ipsum in montem secudentem sequuti fuerant. Nam turba in montem non ascenderat, sed in campestri loco eius reditum expectabat, vt colligitur ex Luca capitulo 6. 17. Prius igitur ex turba hominum magno numero, dein ex discipulis ipse paruo Apostolos elegit: sicut Ecclesia nunc ex innumera plebe presbyteros multos, ex presbyteris Episcopos paucos assumit. Dedit enim formam Christus eos eligendi, vt Chrysostomus, & Theophylact. indicauerunt. Quod autem dicit, *quos voluit ipse*, & ambitionem, & meritum Apostolorum excludit, & Christi potestatem, atque auctoritatem affirmat. Cum enim dicit, *quos voluit ipse*, significat, non qui ambierunt, si quis fortasse ambiit, sed tantum quos Christus voluit electos esse. *Neque quisquam sumit sibi honorem*, inquit Diuus Paulus, *sed qui vocatur à Deo tanquam Aaron* Hebræor. 5.4. Hoc modo idem Paulus se ad Apostolatum vocatum indicat, cum non solum non ambi- ret, sed odio etiam prosequeretur Roma. 1.1. & 1. Corint. 1.1. Hoc est, quod Christus postea Apostolis dixit, *Non vos me elegistis, sed ego elegi vos* Ioannis 15.16. Indicat etiam non qui meruerunt, sed quos Christus vocare voluit, eos ad Apostolatus munus uocatos esse; non quod simus sufficientes (dicebat de se vlmo loco uocatus Paulus) cogitare aliquid ex nobis, quasi ex nobis sed sufficientia nostra ex Deo est 2. Corint. 3.5. sic Ephesio. 1.1. vocat se Apostolorum *per voluntatem Dei*, id est non suis meritis, sed diuinâ electum voluntate. Hoc autem cum dicitur, meritum quidem excluditur, naturæ verò habilitas non excluditur, quemadmodum & Euthymius, & Theophylact. in commentarijs adnotarunt. Nec enim dubito

fecisse Christum, quod prudentissimus profecto quisque fecisset, vt, quam quisque aptus ad id esset muneris, consideraret. Non nego, quod docti hic quidam interpretes docuerunt, hoc inter nos, & Christum esse discriminis, quod nos aptos eligamus, non faciamus ministros; ille, vt diuus Paulus de se testatur, etiam ineptos, postquam elegit, aptos faciat, tantum dico credere me aliquam eum naturæ cuiusque habere rationem, Nam & nos discipulos ad docendum ineptos eligimus aliquando, vt eos docendo aptos efficiamus, tamen cum æquæ omnes inepti, indoctique sint, magis ingeniosos, & hauriendæ, quam tradituri sumus, disciplina: capaciores eligimus: Christi verò potestas asseritur, quia significatur eum non iussu, aut precibus alterius, nulla coactum lege, sed sola sua libera voluntate Apostolos elegisse. Ceterum, quemadmodum paulo ante dicebamus ita Apostolorum meritum his verbis excludi, vt naturæ habilitas non excluderetur, sic credendum est ita asseri Christi his verbis potestatem, ut consilium, ratio, atque prudentia non negetur. Neque enim indicatur ita eum illos potius, quam alios Apostolos sua voluntate elegisse, vt nihil ad eligendum præter voluntatem, neque consilij, neque rationis adhibuerit. Nam quemadmodum hos potius, quam illos; ita hoc potius, quam illo numero sua elegit voluntate; atqui cur duodecim, non plures, neque pauciores elegerit, omnes veteres Auctores, vt apud Mattheum caput. 10.4. docuimus, non solum aliquam præter uoluntatem, sed multas etiam fuisse rationes tradiderunt.

Deus quos ad aliquod munus eligat, aptos facit. Colos. 1. 12.

*Et venerunt ad eum.*) Apostolorum indicatur obedientia, qui statim vocati uenerint, cum, quam ob causam vocarentur, ignorarent, itaque cogitari de Apostolatu non poterant. Significatur, & liberum uenientium arbitrium, ut multi recitiores interpretes notauerunt: neque enim dixisset Euangelista uocatos uenisse, nisi

&



& non venire potuissent.

14. *Et fecit, ut essent duodecim cum illo.* Verba vitio, ut opinor, scribentium transposita, ad hunc enim modum legendum est, & fecit duodecim, ut essent cum illo, quemadmodum & Græcè legitur, & nostrum vertisse interpretem credendum est, καὶ ἐποίησεν δώδεκα, ἵνα ᾧσιν μετ' αὐτοῦ, Sentus autem est multo facilior, ac melior, fecit duodecim (Apostolos) cur autem fecerit, duas Euangelistæ exponit causas. Vna hæc est, ut essent, inquit, cum illo; id est ipsi tanquam familiares, & domestici semper adessent; altera, ut eos, inquit, mitteret predicare. Quapropter, & Apostolos, ut ait Lucas, nominavit, id est missos, non sicut tabellarii, aut nuntii, sed sicut legati mittuntur, propterea non solum nuntiandi, id est Euangelij prædicandi, sed etiam baptizandi, remittendi peccata, atque multa faciendi potestatem dedit, quod proprium legatorum est. Dicit autem, ut mitteres eos predicare, non statim, sed cum tempus esset; neque statim misit, ut constet ex Marco cap. 6. 7. & ex Luca cap. 9. 1. sed prius eos instruxit longo illo, & diuino sermone, quem Matthæus toto capite 5. & 6. & 7. & Lucas cap. 6. 20. narrant. Quare autem duodecim elegerit Matthæi 20. 5. dictum à nobis est.

*Et dedit illis.* non statim, sed postea, cum eos ad prædicandum emisit cap. 6. 7. & Luca 9. 1. & Matthæi 10. 1. seu hoc per anticipationem Marcus dixit, quia de eorum missione mentionem fecerat, in qua ea Apostolis potestas data est. Græca alium multo clariorem habent sensum, καὶ ἐχεν ἐξουσίαν δεσμεύειν τὰς νόσους, καὶ ἐκβάλλειν τὰ δαιμόνια, & habere potestatem sanandi morbos, & eiiciendi dæmonia, id est, ut mitteret eos prædicare habentes hanc potestatem curandi morbos, & eiiciendi dæmonia. Itaque hæc verba, sicut duo proxime præcedentia, ut essent cum illo, & ut mitteret eos predicare, referenda sunt ad verbum illud primum, fecit duodecim.

16. *Et imposuit Simoni nomen Petrus.* An tunc imposuerit, an potius initio, cum ab Andrea fratre suo ad Christum adductus esset Ioannis 1. 41. 42. an postea cum Apostolos ad prædicandum misit infra cap. 6. 7. & Matthæi 10. 1. & Luca 9. 1. an cum super illum fundare vellet Ecclesiam Matthæi 16. 18. apud Matthæum capit. 10. 2. disputauimus.

17. *Et Iacobum Zebedæi, & Ioannem fratrem Iacobi, & imposuit eis nomina.* Videtur Latine, & Græcè hic esse sollicitissimus, nisi in superiori versu ἀπὸ κοινῶν aliquid, quod non exprimitur intelligatur nempe fecit, id est elegit Apostolum Simonem, & imposuit Simoni nomen Petrus, deinde sequatur, & Iacobum Zebedæi, tupples fecit, id est elegit Apostolum.

*Boanerges.* non dubito verum esse, quod in commentarijs in cap. 1. Danielis Hierony. indicat, ignoratione peregrinæ linguæ adeo corruptum a notarijs, defluxumque hoc nomen esse, ut vix in eo primæ originis vestigium vllum appareat. Putat ille בני רעם Bene raam factum esse Boanerges. Non ut viri quidam docti existimant בני רעם Bene reem filij tonitru. Nam nec id Hieronymus dicit, & haud scio an verè dici possit, cum Hebraicè tonitru non בני רעם, sed בני רעם raam appelletur. Alij quoque propius ad Boanerges, id est ad vitiatum nomen accedere videantur, & probabiliorem scriptorum errorem faciant, nominum similitudine בני רעם legendum existimant, id est filij tumultus. Nam quamuis בני רעם non tonitru, sed tumultum significet, tamen, quia tonitru tumultus quidam vehemens est, tumultum pro tonitru poni, ideoque Euangelistam interpretarum esse filios tonitru. Nam & Homerum Iouem illum suum ὀνείβετον altitrememtem, id est altitonantem appellasse, quia & tonitru fremitus est. Probarem si inuenirem בני רעם apud Hebræos tumultum significare, quod nusquam inuenio. Nam etsi בני רעם raasch significat congregare, conuenire, tumultuari, tamen בני רעם regesch non tumultus.



tumultum, sed congregationem significat, & scimus auctores Græcos Hebraicam litteram *γ* in Græcam *γ* & *ι*ono, & figura similem solere mutare, cuius rei in Septuaginta interpretum Idiomatis ex Genes. capit. 25.4. & 36.2.5.10.14. exempla notauimus: vnde non difficile mutari potuit. Cur Christus Simonem Cepham, id est Petrum appellauerit, in promptu ratio est, & ab ipso Christo non obscure significatur Mattha. 16.18. quia super ipsum fundaturus erat Ecclesiam. Cur autem Iacobum, & Ioannem filios tonitruui vocari voluerit, ex euentu coniectura sumpta est. Futuri erant secundum Petrum Christo familiarissimi, & Euangelij eius ardentissimi praecones. Itaque videmus solitum eos vnâ cum Petro, ad res secretiores, maioresque adhibere, ad transfigurationem infra cap. 9.2. & Matthæi 17.1. & Lucæ 9.28. & ad orationem hori infra cap. 14.33. & ad suscitacionem mortuae puellæ filiae Archisynagogi c. 5.37. Petro igitur, tanquam duci, & Iacobo, & Ioanni, tanquam duobus eius significis, noua dedit nomina, quia insigniores Euangelij prædicatione futuri erant. Reliqua, quæ ad hunc, & ad sequentem versum spectant, apud Matth. cap. 10.4. exposita à nobis sunt.

20. *Et veniunt ad domum.* Petri, vt opinor, domum intelligit in Capernaum, vbi Christus cum in eam veniebat urbem, solebat diuersari cap. 1.28. & cap. 2.1. nam in eadem videtur adhuc versari vrbem, cum ingressum in eam fuisse cap. 2.1. Marcus dixerit: egressum ex ea nondum dixerit. Etsi Euthymius & aliam urbem, & aliam fidelis alicuius domum fuisse putat.

*Ita vt non posset, neque panem manducare.* Nota Hebræorum phrasid est, qua panis pro omni ponitur cibo, & panem sumere, & cibum sumere. Quidam hæc uerba ad solam turbam, qui Christum audiebat, referunt, quasi dicat Euangelista adeo fuisse audiendi Christum auidam, adeo in eius prædicationem intentam,

vt sumendi cibi obliuisceretur. Beda ad utrosque, & ad Christum, & eius discipulos, & ad auditores refert, vt in illis docendi, in his audiendi commendetur studium. Potius credo ad solum Christum & Apostolos referri oportere. Nam relatiuum illud *αὐτοῦ*, quod Græcè est, uix potest ad alios quam ad eos respicere, de quibus dixerat uers. 23. *καὶ ἐρχονται εἰς οἶκον, & veniunt ad domum.* Illi autem, qui in domum venisse dicuntur, non auditores, sed Christus, & Apostoli erant. Nam de auditoribus post dicit, & conuenit statim turba.

21. *Et cum audissent* G. καὶ ἀκούσαντες οἱ παρ' αὐτοῦ, & cum audissent ij, qui ab ipso erant, id est, qui ad eum pertinebant, Græca phrasid. Qui autem ij fuerint, incertum. Auctor commentariorum, qui Hieronymo inscribuntur, Apostolos fuisse arbitratum. Improbabilis opinio. Nam & Apostoli intus cum Christo erant; ij autem, qui tenere Christum volebant, aliunde venerant, vt eum quærent; neque credendum est Apostolos, aut dixisse, aut cogitasse vnquam Christum infanire, quemadmodum isti dixerunt. Alij, qui ab ipso erant, interpretantur, qui erant ex eius patria, ciues ac populares eius, vt Theophylactus placet. Nimis hoc generale est, & nescio, an vero simile sit tantam illis de Christo fuisse curam, ut custodire vellent, cum non multo ante ex monte præcipitare eum voluissent. Lucæ 4.29. Alij Christi domesticos fuisse intelligunt, vt Euthymius. Plurimum opinio est, quam Beda, idemque Euthymius, & Theophylactus sequuntur, intelligendos esse Christi cognatos, quod, ut videtur, & ex verborum proprietate, & ex uers. 31. confirmatur. Nam & Græca phrasid cognatos propriè significat, & videtur Euangelista rem ita narrare, vt eosdem fuisse indicet eos, qui ad tenendum venerunt Christum, & eos, qui ad fores domus stabant, volentes eum conuenire: illi autem, qui ad fores stabant, vt Euangelista declarat, Christi cognati erant, ergo & hi,



hi, qui ad eum tenendum venerunt. Illud tantum huic interpretationi videtur aduersari, quod isti, qui ad tenendum venerunt Christum, dixisse dicuntur eum in furorem conuersum esse; illi autem, qui ad fores astabant, eius mater Beata Virgo, & fratres erant, & creditur nefas esse Bearam Virginem aut dixisse, aut existimasse Christum fuisse furiosum. Hoc non me mouet, ut ab hac sententia, quae tam multorum auctorum est, facili descedam. Existimandum enim est Euangelistam per syllepsin loquutum fuisse, figuram in sacris litteris usitaram, qua quod vnus e multis fecit, dicuntur fecisse multi, Matthaeus cap. 26. 8. scribit discipulos ob effusum in Christi caput vnguentum indignatos murmurasse, cum constet ex Ioanne 12. 4. 5. solum indignatum fuisse, & murmurasse Iudam. Idem Matthaeus ca. 27. 44. scribit latrones, qui vna cum Christo crucifixi erant, blasphemasse, cum ex Luca cap. 23. 39. manifestum sit non blasphemasse, nisi vnum. Itaque non solum necesse non est, ut quia dixit Euangelista Christi cognatos dixisse eum in furorem versum esse, intelligamus id etiam eius dixisse matrem, sed ne plures quidem vno dixisse. Satis enim est, ut vnus cognatus diceret, ut verè Euangelista dicere potuerit id cognatos dixisse.

Syllepsis  
in scriptu  
ra frequens.

Iustinian.  
lib. 1. inst.  
tit. de Cu-  
rator. Var-  
ro de re ru-  
sti. l. 1. c. 2.  
Cice. 2. de  
Inuent.

*Exierunt tenere eum.*) Ut vincirent, & domi in custodia tenerent. Erat apud Romanos lex, ut, si quis in insaniam incideret, victus cognatis suis traderetur, neque alia afficeretur poena. Similem si non legem, consuetudinem tamen apud Iudaeos fuisse putandum est, qua vsi cognati voluerint Christum, ut eius vitae consulerent, praeipere Phariseorum inuidiae.

*Dicebant enim.*) Aut apud se animo, & cogitatione, aut etiam verbis, Vtrumque enim Hebraeorum phrasis, quam Marcus imitari solet, significare potest.  $\text{אמר}$  dicere apud Hebraeos non solum dicere verbis, sed etiam animo cogitare est, ut Psal.

118. 57. *dixi custodire legem tuam;* id est, cogitavi, decreui, statui apud me. Sed probabilis est verbis etiam hoc illos dixisse, cum rationem iis, qui aderant, & audiebant, reddere voluerint, quare Christum tenere vellet, quia *in furorem*, inquebant, versus est.

*Quoniam in furorem versus est.*) Huc locum difficiliorem pietas facit; quia enim animus horret non solum credere, sed cogitare etiam Christi cognatos, aut dixisse, aut existimasse eum esse furiosum, pio quodam studio nonnulli relictis verborum proprietate alias, quae minus à pietate abhorreere viderentur, interpretatiunculas quaesierunt. Nescio an, dum pius quarerent, falsas inuenerint. Quidam igitur eorum illud Graecum verbum  $\epsilon\chi\epsilon\sigma\eta$ , quod nosser interpretes reddidit, *in furorem versus est*, vertunt, excessit, abiit, euasit; id namque aliquando significat, quasi dicant, quod concionetur Christus, quod daemones eiiciat, quod tantam hominum turbam commoueat, se inuitis facere; inscijs enim se domo exiisse. Cuius interpretationis & Euthymius videtur fecisse mentionem. Mihi nescio quid habere videtur insulsi. Mirime enim speciosius hic erat praetextus, ut probarent velle se tenere eum, quod ipsis inuitis domo excessisset; neque enim ante eum domi inuium coerebant. Alij subtilius, nescio an melius, haec verba non ad Christi cognatos, sed ad turbam referunt, de qua versu precedenti dictum erat, & verbum  $\epsilon\chi\epsilon\sigma\eta$ , eodem modo, quo superiores auctores, exponunt; id est abiit, excessit, quasi cum Christi cognati audientem turbam rogarent, ut si iliceret eum conuenire, aut ut eum ad se vocarent, turba responderit, abiit, non est hic. Quod autem Euangelista plurali vtitur verbo, non difficile respondent nomen *turba* collectiuum esse, posseque plurale verbum admittere. Id ego non moror: illud moror, quomodo potuerit respondere turba, non est hic, abiit, cum cognati Christum, & turbam audien-

tem



tem viderent, quippe quam alloquerentur, & ipsum prædicantem Christum, sicut alij, qui ad ostium erant, audiverunt. Deinde cuius rei causam reddet particula illa, *enim*, cum Evangelista dicit, *Dicebant enim, quoniam in furorem versus est?* Haud dubium, quin illius præcedentis verbi reddatur causa, *Exierunt tenere eum*; propterea. n. volebant eum tenere, quia, ut dicebant, in furorem versus erat; non ergo turba, quæ Christum audiebat, sed Christi cognati, qui ut eum tenerent, venerant, hoc dixerunt. Omnes denique interpretationes istæ, quæ non tam rationem veram sequuntur, quam apparentem absurditatem fugiunt, hoc vno per se refelluntur, si illam, quæ his auctoribus esse videtur absurditas, non esse demonstratur. Id autem iam demonstravimus, cum docuimus esse syllabum, neque esse necessarium, ut aut Christi mater, aut omnes fratres, siue cognati: sed ut unus tantum, id eorum dixerit. Itaque recte nosse veritatem interpretis, *in furorem versus est*, quemadmodum omnes boni auctores Hiero. Beda, Euthymius, Theophyl. interpretantur. Nec quorundam moderationem probo, qui, ut sententia mitior esse videatur, pro *in furorem, versus est*, vertunt, mente alienatus est, aut in mentis excessum incidit. Nam præterquam quod alienatus esse mente haud multo est mitius, quam in furorem versus esse, verbum illud præcedens, *Exierunt tenere eum*, indicat cognatos noluisse dicere Christum in excessum mentis incidisse, se verè esse furiosum. Non enim, qui in mentis excessum inciderebant, ut propheta, & viri alij tan-

ti divina passi, sed insani, & furiosi tenebantur, vinciebanturque. Pertinet ad hunc locum, ut lector intelligat, verè ne putaverint Christi cognati eum furere: an id dixerint contra sententiam, ut eum ex periculo, quod illi immineret putabant, hac furoris simulatione subduceret. Hieronymus, Beda, Theophylactus, Euthymius, & omnes, quos me legisse memini, vetustiores auctores, non simulationem, sed sententiam fuisse existimant. Quibus libenter equidem eorum ductus auctoritate subscribo: quanquam nihil absurdi esse video, si fuisse dicamus simulationem. Nam nec Evangelista dicit, putabant, sed *dicebant, quoniam in furorem versus est*; & si eorum volumus existimationi consulere, res est eiusmodi, ut leuoris fuisse culpæ videatur, id fingere, quam credere. Alia ad explanationem huius loci perfectam reliqua est questio, quæ ob rem cognati tenere Christum voluerint, præsertim, si non credebant eum insanire, sed se credere simulabant. In proximo est ratio, si credebant, ut illi: si simulabant, ut sibi pariter, atque illi consulerent. Nam si verè furiosus fuisset, aut lege, ut diximus, aut consuetudine à cognatis vincendus, alendusque erat: si furiosus verè non erat, sed esse fingebatur, timebant cognati, ne quid sibi, atque illi, aut ob odio incensis Pharisæis, aut à concitata tumultuosa multitudine periculi crearetur, ut multi recentiores interpretes adnotauerunt. Quæ sequitur usque ad finem capituli, apud Matthæum, qui eadem capite nono, & duodecimo, copiosius narrat, exposuimus.

## CAPVT IV.

Mat. 13. 3.  
Lc. 8. 4.



T iterum cœpit docere ad mare: & congregata est ad eum turba multa, ita ut nauim ascendens sederet in mari, & omnis turba circa mare super terram erat: secunda, & docebat eos in parabolis multa, & dicebat illis in doctrina sua: tertia. Audite: ecce exijt seminans ad seminandum. 4. Et dum seminat, aliud cecidit circa viam, & venerunt

Zz uolu-



v. lucres celi & comederunt illud 5. Aliud vero cecidit super  
petr. scilicet ubi non habuit terram multam: & statim exortum est,  
quoniam non habebat altitudinem terrae: 6. & quando exortus  
est sol, exsternuit: & eo quod non habebat radicem, exaruit. 7. Et  
aliud cecidit in spinas: & ascenderunt spinæ, & suffocauerunt il-  
lud, & fructum non dedit 8. Et aliud cecidit in terram bonam:  
& dabat fructum ascendentem, & crescentem, & afferebat unum  
triginta, unum sexaginta, & unum centum. 9. Et dicebat: Qui ha-  
bet aures audiendi, audiat. 10. Et cum esset singularis, interro-  
gauerunt eum hi, qui cum eo erant duodecim, parabolam. 11. Et  
dicebatur eis: Vobis datum est nosse mysterium regni Dei illis au-  
tem qui foris sunt, in parabolis omnia fiunt: 12. ut videtes videant,  
& non videant & audientes audiant, & non intelligant: nequa-  
do conuertantur, & dimittantur eis peccata. 13. Et ait illis: Ne-  
scitis parabolam hanc? & quomodo omnes parabolas cogno-  
scetis? 14. Qui seminat verbum seminat. 15. Hi autem sunt, qui  
circa viam, ubi seminatur verbum, & cum audierint, confestim ve-  
nit satanas, & aufert verbum, quod seminatum est in cordibus eo-  
rum. 16. Et hi sunt similiter, qui super petrosa seminantur: qui  
cum audierint verbum, statim cum gaudio accipiunt illud: 17. &  
non habent radicem in se, sed temporales sunt: deinde orta tribu-  
latione & persecutione propter verbum, confestim scandalizantur. 18. Et alij sunt, qui in spinis seminantur: hi sunt, qui verbum  
audiunt, 19. & ærumnae sæculi, & deceptio diuitiarum, & circa  
reliqua concupiscentiarum introeuntes suffocant verbum, & sine  
fructu efficitur. Vigesimo: Et hi sunt, qui super terram bonam se-  
minati sunt, qui audiunt verbum, & suscipiunt, & fructificant,  
unum triginta, unum sexaginta, & unum centum. Vigesimo pri-  
mo: Et dicebat illis: Numquid venit lucerna, ut sub modio ponat-  
ur, aut sub lecto? nonne, ut super candelabrum ponatur? Vige-  
simo secundo: Non est enim aliquid absconditum, quod non ma-  
nifestetur: nec factum est occultum, sed, ut in palam veniat. 23. Si quis  
habet aures audiendi, audiat. 24. Et dicebat illis: Videte quid  
audiatis. In qua mensura mensi fueritis, remetietur vobis, & adij-  
cietur vobis. 25. Qui enim habet, dabitur illi: & qui non habet  
etiam quod habet, auferetur ab eo. 26. Et dicebat: Sic est regnum  
Dei, quemadmodum si homo iaciat sementem in terram, 27. & dor-  
miat, & exurgat nocte, & die, & semine germinet, & increseat dum  
nescit ille 28. Vltro enim terra fructificat, primum herbam deinde spi-  
cam, deinde plenum frumentum in spica. 29. Et cum produxerit fru-  
ctus, statim mittit falcem, quoniam adest messis. 30. Et dicebat: Cui  
assimi.

Isa. 6. c. 9.  
Mat. 13. b.  
14.  
Io. 12. fol.  
40. Ac. 28.  
f. 26.  
Rom. 11.  
b. 8.

1. Tim. 6.  
c. 17.

Mat. 5. b.  
15.  
Luc. 8. ca.  
16. & 11. c.  
33.  
Mat. 10. c.  
26.  
Lu. 8. c. 17.  
Mat. 7. ar.  
2.  
Lu. 7. f. 28.  
Mat. 13. b.  
12. & 25.  
c. 29.  
Lu. 8. c. 18.  
& 19. d. 26.

Chr-  
liger  
zelus  
mas  
di.



assimilabimus regnum Dei? aut cui parabola comparabimus illud? 31. Sicut granum sinapis, quod cum seminatum fuerit in terra, minus est omnibus seminibus, quæ sunt in terra: 32. & cum seminatum fuerit, ascendit, & fit maius omnibus oleribus, & facit ramos magnos, ita ut possint sub umbra eius aves cæli habitare. 33. Et talibus multis parabolis loquebatur eis verbum, pro ut poterant audire: 34. sine parabola autem non loquebatur eis, seorsum autem discipulis suis differebat omnia. 35. Et ait illis in illa die, cum sero esset factum: Transeamus contra. 36. Et dimittentes turbam, assumunt eum, ita ut erat in naui: & aliæ naues erant cum illo. 37. Et facta est procella magna venti, & fluctus mittebat in naum, ita ut impleretur naus. 38. Et erat ipse in puppi super cervical dormiens: & excitant eum, & dicunt illi: Magister, non ad te pertinet, quia perimus? 39. Et exurgens comminatus est vento, & dixit mari: Tace, obmutescere. Et cessavit ventus: & facta est tranquillitas magna. 40. Et ait illis: Quid timidi estis? necdum habetis fidem? Et timuerunt timore magno, & dicebant ad alterutrum: Quis, putas, est iste, quia & ventus & mare obediunt ei?

Mat. 13. c.  
34.

Mat. 8. c.  
23.  
Luc. 8. ca.  
22.

## CAPVT IV.

**T**ertium capit docere ad mare. Dicit, iterum, quia iam ante bis eum ad mare iussit dixerat, haud dubium, quin, ut ibi predicaret, quod magna in eum locum propter mercaturam hominum multitudo conflueret c. 1. 16. & c. 2. 13. Vt demus Christum terræ, marique Euangelium præpagare, & sicut mercatores lucrum, ita animas quærere: & postquam priuatim domi prædicauit, proinde in publicum, ut omnes doctrinæ suæ participes faciat. Idem fecerat supra c. 2. Idem se D. Paulus eius imitator fecisse dicit Actor. 20. 20. Quomodo nihil subtraxerim vobis vilium, quominus annuntiarem vobis, & docerem vos publice, & per domos. Factum enim hoc est eodem prioris die, quo domi tanta audiente multitudine concionatus fuerat, quemadmodum adnotauit Beda, & ex Matthæo c. 13. 1. potest facile præbui, quæ res magis euā Christi

Christi diligentia & zelus animas lucrā di,

si in quærenda salute hominum diligentiam commendat.

*Et congregata est ad eum turba multa.* Vt supra c. 2. 13. & c. 3. 7. 20. Quocumque enim ibat, magna eum turba sequebatur, ita ut ne sumere quidem cibum posset c. 3. 20. & nauigari ne à turba comprimeretur, se paratam necessesse fuerit nauiculam habere ibid. ver. 9.

*Ita ut nauim ascenderet.* Sicut c. 3. 9. ne à turba comprimeretur, necessarium illi fuit propriam habere nauiculam, ita nunc propter multitudinem hominum confluentium aliorum super alios, & aliorum alios proculecantium necesse fuit, ut relictis ad litus illis in nauim ascenderet, ut inde liberius doceret. Hoc enim significat, quod ait Euangelista, *ut nauim ascendens sederet in mari.* Itaque ratio, quam Theophyl. & Euthy. adferunt, quomobrem in nauim ascenderit, nempe, inquit, ut omnes auditores ante conspectum haberet, neminem ponere, mi

Zz 2 hi



hi non placet, quia nec id Euangelista significat, neque, ut opinor, Christus curabat.

*Sederet in mari.* (In naui erat, quasi pro rostris dicturus esset. Quae sequuntur usque ad versum 21. apud Matthaeum c. 13. explicata sunt. Si quid esset discriminis, aut in verbis, aut in ordine narrationis deprehenderit, recorderetur, quod saepe diximus Evangelistas non verba, sed sententias diverso saepe ordine recitare.

8. *Ascendentem, & crescentem.* *ἀναβαίνοντα, & αὐξανοντα.* Ascendentem vocat latrā, & luxuriam segetē. Et dabit *καὶ ἐδίδε.* & dabit, pro *ἐδωκε* dedit, imperfectum pro perfecto Graeca phrasi.

*Vnum triginta, & unum sexaginta, & unum centum.* Eodem modo Graece *ἐν τριάκοντα, καὶ ἐν ἑξήκοντα, καὶ ἐν ἑκατὼν*, pro, Alia singula tricena, alia singula sexagena, alia singula cetera. Hebraismus. Nam Graece dicendum fuit, *τοῦτο μὲν τριάκοντα πλάτιον, τοῦτο δὲ ἑξήκοντα πλάτιον, καὶ τοῦτο ἑκατὼν πλάτιον.* Matth. contrario hac narrat ordine, sed, ut paullo ante diximus, Euangelistae sanctae veritatis, non ordinis serie servare studuerunt. Si quis roget utro modo putandum sit dixisse Christum *vnum triginta, & unum sexaginta, & unum centum*, ut ait Marcus; an aliud centesimum, aliud sexagesimum aliud tricesimum, ut ait Matth. numerandi ordine commutato: respondebo nihil esse certi, sed, si quis coniecturae locus est, existimare me hoc potius modo, quo Marcus narrat, eum dixisse, quia est omnibus hominibus naturale, ut res, de qua loquuntur, exaggerantes, crescente utantur oratione: exaggerabat autem Christus, & crevit apud Marcum oratio, decrevit apud Matthaeum.

21. *Nunquid venit lucerna.* Aliqui Graeci codices legunt, *καίεται* accenditur; plures tamen *ἐρρεται* ut Theophyl. & Euthym. legunt, & Lactantius, quos legi, omnes. Suspicio aliquem Graecum explanationis causa ad marginem posuisse *καίεται* accenditur, quasi venire lucernam esset accendi, alium vero quæpiam non explanationem, sed correctionem esse

existimantem, quod erat in textu deletum se, quod erat in margine, in textu intrusisse, aut quod esset probabilius, aliquem ex Matthaeo c. 13. ubi haec ipsa similitudo proponitur, & legitur *καίεται* huc translulisse. Iuvit errorem, quod lucernae magis accendi quam venire proprium esse videtur. Sed venire, ut Euthym. interpretatur, positum est pro inferri, sicut solent ingruente nocte in cubiculum inferri lucernae. Et habet etiam maiorem vim venire, aut inferri, quam accendi: nam accendi quidem alia etiam de causa lucerna potest, inferri autem in cubiculum, aut in aulam non solet, nisi ut ijs, qui ubi sunt, lumen praebeat; non autem, ut sub lecto, aut sub modio ponatur. Putat quidam nostrum interpretem pro *καίεται* legisse *ἵκεται*, venit. Probabilis coniectura, si in quibus Graecis codicibus non est *ἵκεται*, esset *καίεται* nunc autem in quibus non est *ἵκεται* in ijs omnibus est *ἐρρεται*. Maior est confutatio, quo Marcus, & Lucas c. 8. 16. hoc loco Christum haec similitudine usum fuisse narrent, cum Matthaeo c. 5. 15. alio loco eum haec dixisse scribat, in illo nimirum tam celebri sermone, *Beati pauperes spiritu.* Facilis solutio. Credibile est, ut illic diximus, Christum haec similitudine, quasi proverbio vulgo trito, non semel, & uno loco, sed saepe, ac pluribus usum fuisse. Illud magis ad rem pertinet, ut exponamus, quorsum Christus hoc loco eam posuerit, cum de semine ageretur, cum quo non videtur lucerna quicquam habere cōne. Hieron. aut quisquis eorum commentariorum auctor est, quibus Hieronymi nomen inscribitur, & Beda in huius loci commentarijs in eandem sententiam hic, atque apud Matthaeum proponi existimant, ut moneat Apostolos Christum, ne verbum Dei occultent, sed palam praedicent. Quia enim dixerat ver. 11. *Vobis datum est nosse mysterium regni Dei, illis autem qui foris sunt, in parabolis omnia fiunt*, docet nunc debere eos parabolam, cuius à se explanatione audiuisent, ceteris et explicare; nec. n. sibi tantum sed alijs etiam doctos à se fuisse, nunquid enim *venit lucerna, ut sub modio ponatur, aut sub lecto?* Probabilis opinio,



nio, sed non uidetur Christus id agere, ut Apostolos ad prædicandum exhortetur, sed ut omnes, qui audiunt verbum Dei, ad illud fide excipiendū, condendum animo, meditandum, ut fructum ferat, aliud tricennum, aliud sexagennum, aliud centenum. Alij, quia de semine, & eius fructu, de bona, & mala terra Christus loquutus fuerat, exhortari nunc auditores putant, ut bona terra sint, quæ acceptum uerbi Dei semen, non mortuum, atque infructuosum apud se retineat, sed letè germinet, fructumque reddat, aliud tricesimum, aliud sexagesimum, aliud centesimum. *Nunquid enim venit lucerna, ut sub modo ponatur*, id est non seminatur per prædicationem Euangelij uerbum Dei, ut mortuum, & inutile maneat in auditorum animis, sed ut germinet, & bonorum operum fructus ferat. Quæ interpretatio eo uidetur probabilior, quod cum præcedenti parabola magis conuenit, eamque uidetur D. Thomas, Chrysostom. tribuere. Quanquam idem Chrysostom. apud eundem D. Thomam, & Theop. & ut uidetur, Euthy. in commentarijs putant Christum ad uerbum illud respicere uers. 10. *Vobis datum est nosse mysterium regni Dei*, sed alio sensu, quam Hieronym. & Beda, existimant enim reddere rationem Christum quamobrem illis uelit parabolam exponere, quia *non venit lucerna, ut ponatur sub modio, sed super candelabrum ut luceat omnibus, qui in domo sunt*; quasi dicat se non ideo parabolam proposuisse, ut non intelligeretur, sed ut intelligeretur potius ab omnibus; quod autem ab alijs non sit intellecta, neque eam ipsis explicare uelit, eorum esse culpam, qui nolint credere, & non uult eam explicare nisi credituris, quales erant Apostoli. Hanc ego existimo veram esse interpretationem, ut uers. 23. clarius apparebit. Cur autem dicat, *ut sub modo ponatur, aut sub lecto potius, quam sub alia aliqua re*, apud Matth. c. 5. 15. 16. declarauimus; cetera uero, quæ hic desiderari possunt, apud eundem Matthæum c. 13. 15. disseruimus.

22. *Non est enim aliquid absconditum quod non manifestetur nec factum est occultum, quod non ueniat in palam.* Eandem sententiam scribit Lucas cap. 8. 17. Christum post illam superiorem de lucerna pronunciasse. Matthæus uero cap. 10. 26. alio etiam loco eum dixisse narrat, cum discipulos ad patientiam exhortaretur, ut æquo ferrent animo, si male in hoc mundo audirent; venturam diem, qua, qualis quisque fuerit, appareat; nihil enim occultum, quod non reueletur. Pro uerbum inter Iudæos usitatum fuisse, ut apud Matthæum diximus, ex repetitione frequenti manifestum est; sæpe enim id Christum usurpasse constat. Et quidem quorsum apud Matthæum usurpauerit, satis ex his, quæ modo diximus intelligitur; quorsum hoc loco apud Marcum, & illo apud Lucam usurpet, non satis apparet. Qui superiorem sententiam de lucerna, quæ sub modio non ponitur, de uerbi Dei prædicatione intelligunt, hoc modo hanc cum illa connectunt, ut iubeat Christus Apostolos parabolæ, quam à se audierant, explicationem apud se non premere, atque occultare, sed edere in uulgus, & communicare cum alijs; nihil enim esse occultum, quod reuelandum non sit, Ita Hieronym. & Beda. Inuant hanc expositionem Græca uerba, quæ non uidentur generalem, sed specialem de sola parabola seminantis continere sententiam, οὐ γὰρ ἐστὶ τὸ κρυπτόν, ὃ ἐὰν μὴ φανερωθῇ, οὐδὲ ἐγγενὲς τὸ ἀπόκρυπτον, ἀλλὰ ἵνα εἰς φανερόν ἐλθῃ, non enim est (parabola, quam proposui) occultum aliquid, quod manifestum fieri non possit, nec factum est (quasi de industria) absconditum, adeo ut in apertum uenire non debeat. Quasi dicat hoc, quod uobis exposui, non ideo exposui, ut occultum teneretis, sed, ut prædicaretis palam. Qui uero superiorem sententiam ad parabolam seminis restringunt, ut Chrysostomus, Theophylactus, & Euthymius, ita ut in illa rationem reddiderit, cur Apostolis parabolam explicare uellet, eundem rei cau-



ſam his verbis reddi putant, quaſi dicat, quod vobis dixi, nihil eſt occultum, quod reuelari non debeat. Placet hæc interpretatio. Quæ ſi vera eſt, oportet, vt dictio illa *ἀλλὰ* ſed accipiatur pro *niſi*, ſicut alijs in locis accipi docuimus. Qui ſuperiorem ſententiam ad mores referunt, eodem etiam hanc exiſtimant eſſe referendam, vt dicat Chriſtus, date operam, vt tanquam lucerna ſupra candelabrum poſita bonorum operum exemplo omnibus hominibus præluceatis; nihil enim occultum, quod non manifeſtetur, id eſt quantumcumque vitia veſtra celaueritis, cognoscuntur: ſicut alio loco, dixit ex fructibus Euangelij prædicatores eſſe cognoscendos; neque enim colligi de ſpinis vuas, aut de tribulis ficus Matthæi 7. decimoſexto, itaque perinde eſt, quod hoc loco Chriſtus dicit, ac ſi diceret, ſi vultis ſancti haberi, operibus ſanctitatem oſtendite, neque enim poteritis, niſi opera veſtra bona fuerint, diu ſanctitatem ſimulare; nihil enim occultum, quod non manifeſtetur, quemadmodum de fide Iacobus dicit capit. 2. 18. *Tu fidem habes; & ego opera habeo; oſtende mihi fidem tuam ſine operibus, & ego oſtendam tibi ex operibus fidem meam.* Specioſa interpretatio, & non prorsus probabilitate carens, ſed ſuperiorem magis probo. Illud certum, eodem quidem ſenſu, uſu tamen aut contrario, aut diuerſo hoc prouerbum à Chriſto hic, & apud Matthæum uſurpari; illic, vt Apoſtolos animaret ad perpetiendas iniurias, hic, vt cauſam illis redderet, cur parabolam illis exponere voluerit, vel vt omnem illis, ſi vltimam ſequamur interpretationem, ſpem adimeret ſimulationis.

24. *Videte, quid audiat.* Id eſt, attendite, conſiderate etiam, atque etiam, quod a me auditis, auditorive eſtis. Euthymius. Idem hoc eſt, atque quod ſuperiore verſu dixit, *Si quis habet aures audiendi, audiat*, quod Matthæi 11. declarauimus.

*In qua menſura menſi fueritis, reme-*

*tiatur vobis.*) Et hæc ſententia apud Matthæum capit. 7. 2. explicata eſt. Duo tantum hoc loco exponenda ſunt; alterum, quomodo Marcus hoc loco hanc a Chriſto ſententiam poſt parabolam illam ſeminis pronuntiatam fuiſſe dicat, cum Matthæus parabolam illam ponat ca. 13. hanc autem ſententiam cap. 7. in ſermone illo celeberrimo à Chriſto habito, cum ex monte deſcendiſſe. Alterum, quomodo hanc ſententiam ad rem propoſitam Chriſtus hoc loco accommodarit; neque enim cum præcedenti parabola ſeminis in diuerſam terram incidentis coherere videtur. Prior quaſtio minus difficilis eſt; nam neque illa fortassis, quæ à Matthæo capit. 5. & 6. & 7. deſcribitur, vna fuit concio: & ſi vna fuit, potuit Chriſtus eandem ſepe repetere ſententiam. Quod ſi ſemel tantum dixit (quod, cum ſinguli Euangeliftæ ſemel tantum referant, videtur eſſe probabile) non fuit neceſſarium, vt omnes Euangeliftæ eo loco recitarent, quo à Chriſto dicta fuit; neque enim ſuo quoque referunt loco, vt non ſine aliqua fortassis lectoris ſatietate ſæpe monemus. Mihi tamen multo uidetur eſſe probabilius bis ſaltem hoc prouerbum, (nam, vt apud Matthæum diximus, vulgare inter Iudæos prouerbum erat) à Chriſto, neque in eandem ſemper ſententiam uſurpatum fuiſſe. Quorſum apud Matthæum eo Chriſtus uſus fuerit, illic expoſuimus, & ex præcedentibus non eſt difficile conijcere. Dixerat, *nolite indicare, vt non indicemini; in quo enim iudicio indicaueritis, indicabimini: & in qua menſura menſi fueritis, remetietur vobis.* quam dubium non eſt præcedentis ſententiæ eſſe repetitionem. Itaque idem eſt in quo iudicio indicaueritis, indicabimini: & in qua menſura menſi fueritis, remetietur vobis. Quorſum uerò hoc loco idem prouerbum uſurpauerit, facile non eſt dictu. Fortaſſe requirendum non eſt, vt hæc ſententia cum ſuperiore parabola cohareat, quia, vt diximus, fieri poteſt, vt Marcus alio loco, quàm quo eſt à Chriſto

Hæbreorū  
proverbio  
rum.



Christo dicta, recitauerit; neque enim illi cura fuit, vt Christi facta, dictaque eodem ordine, quo ab illo facta, dictaque fuerunt, recenseret, sed vt summam quandam factorum, dictorumque Christi commemoraret: aut si eodem loco posuit, quo à Christo pronuntiata fuerat, fortasse non semper Christus ipse certum in concionando, nectendisque sententijs seruauit ordinem; sed multas saepe parabolas res diuersas significantes nullo fere ordine alias super alias accumulabat, vt ex Matthæo cap. 13. manifestum est. Non ergo debet prudens lector anxio laborare studio, ut hæc cum præcedentibus aptè coniungat, ne dum, vt accomodet, nimis flectit, fortasse frangat. Potest tamen cum præcedentibus hære, quamuis non eodem modo omnes interpretes accommodauerint. Omnis in eo versatur quaestio, quid hoc loco Christus vocauerit mensuram, qua nos metimur, quid eam, qua remeretur nobis. Multi generaliter hoc intelligunt pro mensura meritorum huius uitæ pramiorum, vel suppliciorum in altera uita reddendam esse mensuram, ut Origenes tractatu in Matthæum 2. *Nec dubito veram esse sententiam, neque omnino male videtur cum superioribus conuenire.* Agebatur enim de semine, & de terra fructum proficiente, qui fructus haud dubiè bona sunt opera, & sequitur, *qua mensura mensi fueritis, remeretur vobis*, tanquam dicat, quantum attuleritis fructus bonorum operum, tantum vobis mercedis dabitur: eodem prorsus modo, eodemque sensu, quo ad Galat. 6. 7. dixit D. Paulus, *quis seminauerit homo, hæc & metet.* Alij hoc non de Deo, sed de alijs hominibus interpretantur, vt nihil aliud sit, *qua mensura mensi fueritis, remeretur vobis*, quam si diceret, *Omnia quaecunque vultis, vt faciant vobis homines & vos facite illis*, vt dixit Christus Matthæi 7. 12. Ita Cyprianus li. de Oratione Dominica & libr. 1. ad Quirin. Beda, sicut superiora, ita etiam hanc sententiam ad Euangelij

prædicationem pertinere putat, quasi dicat Christus, si diligenter hæc, quæ à me auditis, alijs prædicaueritis, dabit vobis Deus eandem mensuram mercedem vitæ æternæ, & præterea adijciat aliorum in hac vita mysteriorum intelligentiam: sicut dixit Diuus Paulus 1. Cor. 3. 8. *Vnusquisque autem propriam mercedem accipiet secundum suum laborem;* & Christus in fra c. 10. 29. 30. *Amon dico vobis, nemo est, qui reliquerit domum, aut fratres, aut sorores, aut patrem, aut matrem, aut filios, aut agros propter me, & propter Euangelium, qui non accipiet centies tantum nunc in tempore hoc, domos, & fratres, & sorores, & matres, & filios, & agros cum persecutionibus, & in seculo futuro vitam æternam.* Alij, vt Chrysostomus apud Diuum Thomam; Theophylactus, & Euthymius mensuram, quam nos damus, attentionem, quam in audiendo verbo Dei adhibemus, esse dicunt: mensura verò, qua nobis remeretur, vtilitatem, quam ex verbo Dei percipimus attentioni nostræ respondentem, quasi dicat Christus, quantum adhibueritis ad audiendum Dei verbum attentionis, tantum inde vtilitatis referetis. Si de audienda Philosophia, aliæ naturali ageretur disciplina, vera mihi hæc interpretatio videretur. In illis enim doctrinis attentioni, atque diligentie vtilitas responderet. At in diuinis audiendis mysterijs, in quibus gratia plus quam natura valet, saepe fit, vt qui plus attentionis adhibuerunt, minus referant fructus, quia attentio non ex fide, credendique desiderio, sed ex intelligendi curiositate nascebatur. Hieronymi mihi sententia magis placeat, mensuram, qua nos metimur, fidem esse nostram, mensuram, qua remeretur nobis, esse mysteriorum intelligentiam, quæ nobis præter fidem adijcitur, tanquam corollarium, & mensura bona cogitata, & superfluens, sicut de eadem re loquens Lucas dixit c. 6. 38. *Nisi enim credideritis, non intelligetis*, quemadmodum ex Isaia citare solebant auctores veteres. Atque hoc modo hæc cum superioribus



bus sententia nestenda est. Hortatus fuerat Apostolos suos Christus, ut audiendi aures haberent, ver. 23. id est, ut ita verbum Dei audirent, ut crederent, & ut viderent, quid audirent ver. 24. id est, ut sine mentis effluere verbum Dei, sed auditum fide conciperent, conceptum fouerent. Addit forte, ut in qua mensura quisque mensus fuerit, remetiatui ei, hoc est, ut quantum habuerit fidei, tantum illi superaddatur intelligentiæ. *Qui enim habet, dabitur illi, & qui non habet, etiam, quod habet, auferetur ab eo*, id est habenti fidem, dabitur intelligentia mysteriorum supernaturalis: non habenti autem fidem, naturalis etiam auferetur intelligentia, quam habebat, quia aut excecabitur, ita ut videns non videat, & audiens non intelligat, aut tam obscure mysteria illi diuina proponantur, ut etiam si maxime velit, intelligere non possit. Hunc verum esse huius loci sensum ex Matthæo ca. 13. 13. perspicuum est, ubi hac ipsa de re Matthæus scribens ait dixisse Apostolis Christum, v. 11. 12. 13. *Vobis datum est uelisse mysteria regni celorum, illis autem non est datum. Qui enim habet, dabitur ei, & abundabit; qui autem non habet, & quod habet, auferetur ab eo: ideo in parabolis loquor eis, quia videntes non vident, & audientes non audiunt, ne quod intelligunt.* Quid habebant Apostoli, nisi fidem? quid non habebant alij auditores, nisi fidem? Fides ergo est ea mensura, qua Apostoli menti sunt, intelligentia parabolarum, atque mysteriorum est ea mensura, qua Christus illis remensuratus est. Id etiam ex hoc ipso loco Martini confirmari potest. Sic enim has duas sententias inter se copulat, ut obscurum non sit sequentem præcedentis esse repetitionem. Idem ergo est, *qua mensura mensi fueritis, remetietur vobis; & qui habet, dabitur illi, qui non habet, etiam quod habet, auferetur ab eo*. Quare cum id, quod quisque habet, ut probabimus, fides sit, quod illi datur, intelligentia: sequitur mensuram, qua metimur, fidem esse nostram; mensuram, qua remetitur

nobis, mysteriorum esse, quæ nobis propter fidem datur, intelligentiam.

25. *Qui enim habet, dabitur illi, & qui non habet, etiam quod habet, auferetur ab eo.* Et hoc prouerbiū apud Iudæos videtur fuisse: nam sepe etiam à Christo est usurpatum non solum hoc loco, sed etiam Matthæi 13. 12. & 25. 29. & Luc. 8. 18. & 19. 26. Quis sit eius sensus, duobus illis apud Matthæum locis explicauimus. Hic illud tantum desideratur, ut intelligamus, quomodo sit ad huius loci sententiam applicandum. Id ex vers. præcedenti intelligendum est. Cum enim hac sententia illius sit, ut diximus, repetitio, quemadmodum illa, ita etiam hoc cum parabola superiore hæret. Quo autem modo illa hæreat, docuimus ver. præcedenti.

26. *Et dicebat, sic est regnum Dei.* Aliam proponit parabolam, quæ à Matthæo prætermissa est. An eodem loco, eodemque tempore proposita fuerit, non satis constat: quod enim Euangelista eodem loco recenscat, non satis, ut sepe diximus, argumenti est, quia potuit, ut facit aliquando, quæ diuersis locis, atque temporibus à Christo dicta fuerant, eodem loco, & quasi eodem dicta tempore recitare. Sed tamen probabilius est hoc eodem loco, ac tempore, quo præcedens iacti in terram feminis, propositam fuisse; præsertim cum utraque affinis sit, utraque de semente agat: & sciamus Christum eandem rem diuersis sepe parabolis eodem tempore inuoluere solere, ut ex Matthæo c. 13. perspicuum est. Quod ad sensum parabolæ atinet, ex singulis partibus colligendus est. Itaque quid singula significant, explicandum. Regnum Dei Ecclesiam vocari manifestum est, ut apud Marthæum cap. 13. 47. 52. & Chryso. Hier. & Beda tradiderunt. Sementem prædicationem esse verbi Dei, obscurum non est, & iidem docet auctores. Agrum quis dubiter auditores esse, qui in superiore parabola terra bona, aut mala vocati sunt? etsi Euthy. agrum Christum inter-

Hebræorū  
Prouerbiū.



interpretatur. Homo qui sementem fecit, Christus est, aut quisque eius nomine prädicat Euangelium. Messis est mors, aut generalis omnium, quæ appropinquante fine mundi futura est, aut priuata cuiusque. Messor est Deus, falx verbum Dei, quo Deus iubet hunc, vel illum hominem demeti, hoc est mori, vt Theophy. interpretatur. Totius parabolæ finis est, vt doceat Christus tantam esse vim, & efficacitatem verbi Dei, vt si in bonam incidat terram, quemadmodum superiore parabola docuerat, etiam si is, qui iecit, nihil aliud agar, per se ipsum germinet, crescat, & fructum ferat.

27. *Et dormiat, & exurgat nocte, & die.* Id est quiescat, postquam sementem fecit, functus iam officio: non iam dies, ac noctes vigilans, vt solebat, tempore sementis, sed die surgens, & nocte dormiens, tanquam homo iam solutus curis, & otiosus. Sic ego quidem interpretor referens verbum illud *Exurgat* ad seminantem, & ad diem; sicut verbum *Dormiat* ad eundem seminantem, & ad noctem, quemadmodum Chryso. apud D. Tho. Euthy. & Theophy. in commentarijs referunt; nisi quod eorum, vt postea dicam parabolæ ad rem significatam applicationem non probabo. Itaque Hieronymi, Bedæ, & Strabii sententia minimè mihi placet, qui hoc verbum ad semen referunt, quasi semen dicatur nocte, ac die surgere, id est crescere. Si enim id dicere voluisset, nõ dixisset *ἐγείρεται* sed *ἀναστρέφεται* vt supra ver. 8. Deinde statim sequitur, *& semen germinet, & crescat*, quasi semen germinare, & crescere aliud sit, quàm quod dictum erat, *nocte, & die exurgat*. Denique exurgere die, ac nocte semen minus propriè dicitur; quàm hominem nocte dormire, die surgere. Itaq; non debet post verbum illud *dormiat*, punctum esse, finis quæ sententia, quemadmodum ab his ponitur auctoribus; sed post hæc verba, *nocte, & die* punctum ponendum est, deinde versus 27. inchoandus. Sed cum per seminantem, vt diximus,

Christus intelligatur, quærunt rursum interpretes, quomodo Christus dormire dicatur, quomodo surgere. Quidam per mortem dormuisse, per resurrectionem exsurrexisse dicunt. Alij, in quibus Theophylactus, & Euthymius dormire Christum cum nos tentari sinit; exurgere cum tentatione liberat, sicut in nauis eo dormiente orta tempestas est, eo vigilante sedata, infra ver. 38. & Matthei 8. & 25. Lucae 8. 24. Et quidem frequens in scriptura metaphora est, vt cum Deus opem fert, exurgere dicatur Psal. 3. 8. *Exurge Domine, saluum me fac*, & Psal. 43. 24. 27. *Exurge, quare obdormis Domine: exurge, & ne repellas in finem. Exurge Domine, adiuua nos & libera nos propter nomen tuum*. Innumera sunt huiusmodi. Non placet tamen interpretatio, quia non dubium, quin sensus generalis parabolæ sit, nihil iam agente eo, qui sementem fecerat, mandatum terræ semen sponte sua germinare, & fructum ferre. Quod si exurgere interpretemur opem ferre, sensus vnus partis sensui totius parabolæ contrarius erit. Non enim nihil erga nos, id est erga seminatum agrum Christus agit, cum nobis opitulatur, ne nobis conceptum Dei semen diabolus eripiat. Quapropter, quod apud Matthæum c. 13. & 25. ex Chryso. & Damasceno docuimus, obseruandum hoc loco est, non semper esse singulas parabolarum partes ad rem, de qua agitur, quæque per parabolam significatur, accommodandas. Nam alia in parabolis ponuntur tanquam necessaria earum partes, in quibus parabolæ sententia consistit: alia tanquam accessiones, tanquam accidentia, tanquam ornamenta, & quasi emblemata parabolæ, quæ partim ad explendâ partim ad ornandam narrationem adhibentur. Quæ ut discernantur, parabolæ semper finis spectari debet, & ad eum singulæ parabolæ partes examinâde: quæ ad eum finem aliquid habent significationis, necessariae parabolæ partes sunt, quæ non habent, non necessariae. Hæc igitur pars, qua dicitur ille, qui semetem fecerat, nocte dormire, die.



die vigilare, non est necessaria parabola, si singula spectemus uerba; necessaria autem est, si generalem sententiam consideremus. Neque enim voluit Christus dicere, neque ita semper res euenit, esse necessarium, ut qui semen in terram iecit, postea dormiat, & exurgat, ut semen germinet. Quare non est sollicitè querendum, quando Christus dormierit, quando vigilarit. Sed uoluit hac periphrasi otium à labore, & animi securitatem declarare, & ex hypothesi loqui, quasi dicat, etiam si qui semen iecit, dormiat, & exurgat, id est, nihil agat, semen tamen germinabit. Itaque non dicitur dormire, & exurgere, qui uerè dormit, & surgit, sed qui nihil agit circa semen iam in terram iactum, Quare si qui sementem fecit, statim moriatur, etiam si nec dormiat propriè, neque exurgat die, ac nocte, tamen dormire dicitur, & exurgere, quia nihil iam in semen agit. Atque hoc sensu hæc necessaria parabola pars est. Voluit enim docere Christus uerbum Dei semel prædicatum etiam nihil eo, qui prædicauit, agente præterea, per se crescere, fructusque proferre. Quid ergo? dicit aliquis, uoluitne docere Christus Euangelij prædicatores, ut iacto uerbi Dei semine nihil agerent? minimè uerò; nam exhortandi etiam, atque etiam animandi, & confirmandi, qui uerbum Dei audiuerunt, sunt, ut teneant, quod habent, ne alius eorum coronam accipiat, neue diabolus semen eripiat, quemadmodum fecisse legimus D. Paulum Act. 15. 41. & 18. 23. Sed, ut diximus, loquitur ex hypothesi, quasi dicat, etiam si, qui seminauit, nihil agat, semen tamen crescit. Nec ita intelligenda generalis sententia est, quasi nunquam aliter fiat; nam & flumini semen unde parabola sumpta est, in sterilem, & aridam terram iactum, sæpe non nascitur, nisi agricola rigetur diligentia. Idem omnino in spirituali uerbi Dei accidit semine, ut à concionatore in aridos, aut infirmos auditorum animos infusum, nisi assidua eiusdem concionatoris opera rigetur,

atque excolatur, minimè crescat. Sed nimirum parabola sumitur ex eo, quod non semper fit, sed plerumque fieri solet. De Christo, dubitare lector potest, quomodo in eum parabola conueniat, cum ille præcipuus uerbi Dei seminator sit, qui si, postquam seminauit, nihil agat, si gratia sua auditoris animum, quasi agrum non irriget, non dico aliquando, sed dico nunquam uerbum Dei germinabit, nunquam fructum feret. Accidit quodammodo, ut idem Christus & homo seminans, & Deus incrementum dans, unus simul esset. Quia homo est, seminat, sicut & Apostoli seminauerunt; quia Deus est, dat incrementum gratia sua, quasi perpetua pluuia animum irrigans. Fingamus (si tamen vel fingere fas est) Christum non esse Deum, etiam si postquam Dei uerbum seminasset, nihil circa illud ageret, ipsum per se cresceret. Cum enim dicitur uerbum Dei in sua, atque natura per se crescere, non excluditur diuina gratia, sine qua non dico fructum ferre, non crescere, non nasci, sed ne seminari quidem potest; sed excluditur sequens eius, qui seminauit, labor atque diligentia. Nam & triticum, quod parabola materiam suppeditauit, nasci, aut fructum ferre non potest, nisi cœlesti rigetur pluuia, pluuia qua uerbum Dei rigari oportet, Dei gratia est. Eadem ratione existimandum est uerbum Dei fide conceptum, eius, qui audiuit, conatum, & operam non excludere. Nam nisi ille conceptum uerbum retinere; & quantum in ipso est, excolere conetur, nullum in eo proferet fructum: haud certè aliter, quam si terra, que semen accipit, nihil agat, non semen contegat, non foueat, non calefaciat. Videtur Christus in proponenda hac parabola non eo spectasse tantum, ut doceret tantam vim esse uerbi Dei, ut per se nasceretur, uerum etiam, ut Apostolis omnem gloriam occationem tolleretur, dum alijs uerbis dicit, quod clariùs dixit postea D. Paulus, *Neque qui plantat est aliquid, neque qui rigat, sed qui incrementum dat Deus.* 1. Corinth. 3. 7.



28. *Pro loco enim terra fructificat, primum herbam, deinde spicam, deinde plenum frumentum in spica.* Per catachresim dixit fructificare herbam, & spicam: nam nec herba, neque spica proprie sunt fructus, sed fructus appellantur, quia iacto in terram semine generantur, sicut ex arboribus veri solent fructus generari. Solum plenum, ut vocat, frumentum verus est fructus, quod propterea plenum frumentum appellat, quasi perfectum, atque formatum, simileque illi, quod seminatum fuerat. Hanc etiam existimo parabole accessione esse, neque esse necessario ad verbi Dei prädicationem, & incrementum accommodandam, quasi verbum Dei prius herbam, deinde spicam, ad extremum fructum in nobis perfectum ferat, quamquam si quis accommodare velit, non reprehendam, quin auctores, quos sequi possit, indicabo, Bedam in huius locis commentariis, & Gregorium magnum lib. 22. moralium c. 14. & homil. in Ezech. 15. *Semen germinat, inquit Greg. & crescit, dum nescit, ille, quia dum adhuc metiri incrementa sua non valet, semel concepta virtus ad perfectum ducitur. Et utro terra fructificat, quia praeueniente se gratia mens hominis spontaneè ad perfectum boni operis assurgit. Sed haec eadem terra primum herbam, deinde spicam, deinde plenum frumentum producit in spica. Herbam quippe producere est inchoationis bonae adhuc teneritudinem habere. Ad spicam vero herba pervenit, cum se virtus animo concepta ad perfectum boni operis pertrahit. Plenum verò frumentum in spica fructificat, quando iam in tantum virtus proficit, ut esse robusti, & perfecti operis possit.*

29. *Et cum produxerit fructus.* Quidam Latini codices legunt, *cum se produxerit fructus*, Plures verò, *cum ex se produxerit fructus*, quemadmodum Hieron. Gregorius, & Beda legunt. Græcè legitur ὅταν παραδῷ ὁ καρπὸς cū produxerit, aut reddiderit fructus. Est autem fructus nominativus singularis, quæ res & Græcè, & Latine sensum obsecutionem facit, & non satis, ut videtur, congruentem, nisi verbū παραδῷ

præter Grammaticas leges, & Græcæ linguæ consuetudinem passivè interpretemur, cum productus fuerit fructus quamvis actuum verbū sit, quem admodum & Euthy. exponere videtur. Theophy. verò ita interpretatur, quasi verbum παραδῷ significet, cum redderit, & καρπὸς fructus pro messe sumatur, sentusque sit, cum tempus messis redderit. Sic. n. Græcè exponit ὅταν παραδῷ τὸ θέρος. Quæ interpretatio magis etiā mihi, quam altera illa Euthy. probatur. Nam aliud est fructum productum esse, aliud esse ad messem maturum: productum esse iam paullo ante dixerat. Itaque credendum est nunc aliquid aliud maius dicere voluisse, quodque messi propinquius esset: quod est frumentum esse maturum. Quare idē Euthy. non contentus expositione illā superiore aliam adhibet, meo quidem iudicio meliorem, cū fructus maturuerit. Ego ad hunc etiam modum exponi posse arbitror, cū fructus reddiderit (sub.) fructum, ut fructus accipiat non pro eo, qui natus est, sed pro eo, qui seminatus fuerat, qui & fructus appellatur, quia alterius seminis fructus fuerat, & reddere alium dicitur fructum, quia ex se alium producit.

*Statim mittit falcem.* Verbum sine supposito, more Hebræorum, qui solent nomina verbalia in ipsis verbis virtute contenta sepe non exprimere, sed intelligenda relinquere. Quamquā hoc loco, qui seminavit, ex superioribus repeti potest, ut ille, qui seminavit, deinde dormiuit, & exurrexit, matura iam segete falcem immittat, quæ admodum Greg. lib. 22. & in Iob c. 14. & homil. in Ezechielem 15. interpretatur. Messoris hoc loco nomine Deū intelligi, falcis eius verbum significari supra ex Theoph. diximus.

30. *Et dicebat, cui assimilabimus.* Hæc parabola usque ad ver. 33. apud Matthæum c. 13. 31. exposita est. Idem autem ea Christus, quod præcedenti, docere voluit incredibilem vim esse verbi Dei, quæ sicut granum sinapis parvo initio ad magnum perveniat incrementum.

33. Et

Hebraismus.



33. *Et talibus multis parabolis loquebatur eis.*) Profitebatur Marcus se non omnes parabolas, quas Christus tunc, aliasq; proposuit, recitare. Et verò Mattheus plures hoc ipso loco recitat, ut illam zizaniorum c. 13. 24. & illam fermenti, quae idem, atq; haec duae, quas hic Marcus recenset, alia similitudine significat Matthaei 13. 31. 33. illam absconditi in agro thesauri ibidem ver. 44. illam hominis negotiatoris querentis bonas margaritas ver. 45. illam sagenam missam in mare, & ex omni genere piscium congregantis ver. 47. Ac ne illud quidem sciamus, an Matthaeus, qui plures, quam ceteri Evangelistae parabolas recitavit, omnes recitavit. Nam quemadmodum Marcum, & Lucam multas praetermisisse manifestum est, ita illum praetermisisse aliquas est verisimile. Hoc est, quod Marcus dicit, & talibus multis parabolis loquebatur eis, indicans alias non loquas, quas ipse non commemoraverit, Christum proposuisse.

*Prout poterant audire.*) Pleriq; hunc putant esse sensum, ut dicat Evangelista Christum se ad auditorium imbecillitatem accommodasse, ideoque parabolis, & similitudinibus usum fuisse, ut homines ingenio tardi, & non satis divinis rebus comprehendendis idonei facilius quae dicebantur, intelligerent. Ita non solum maior pars recentiorum interpretum, sed ex illis magnis, atq; antiquis Chrysostomus. hom. in Matthaeum 45. & Theophylactus in huius loci commentariis. Sed non dubito graves praesertim sequutus auctores Clementem Alexandrinum 1. Strom. Ambrosium in Psal. 43. Hieronymum aut quisquis est, & Bedam scribentem in hunc locum, quibus & Euthymius accodere videtur, sensum esse omnino contrarium, ideo Christum hoc quidem locum parabolis usum fuisse, non ut auditores melius intelligerent, sed ut, qui credere volebant discreti, aperteq; loquenti, loquentem per parabolas, & obscure, etiam si maxime vellent, intelligere non possent. Nam & Christus ipse supra ver. 12. & Matthaei 13. 11. 13. hanc, cur parabolis uteretur, rationem reddidit, ut videntes non viderent, & audientes non

audirent neq; intelligerent. In hanc sententiam testimonium profert Isa. c. 6. 9. *audiu audietis, & non intelligetis, & videntes videbitis, & non videbitis.* In hac sententia supra ver. 25. ut Matthaei 13. 12. proverbium illud induxit, *Qui habet, dabitur ei, & qui non habet, etiam quod habet auferetur ab eo,* id est volenti intelligere, & credere sine parabolis perspicue loquor, ut magis ac magis intelligat: nolentibus autem credere, & intelligere adeo obscure, & parabolice loquar, ut, etiam si velint, non intelligant, & hoc idem nomen ipsum parabolae confirmat, quod in sacris quidem litteris idem est, quod Hebraei *מְתַנְּחִין*, Graeci *ἀντιρρητικόν*, id est obscura, & involuta propositio, qualis illa fuit, quam Samson Philisthaeis proposuit Iudicum 14. 12. Idem ergo est prout poterant audire, ac si diceret, pro ut dignerentur.

34. *Sine parabolis autem non loquebatur eis.*) Nihil unquam Christum Iudaeis sine parabolis loquutum esse, ut nescio quos olim haereticos Tertullianus lib. de Resurrectione dixisse indicat, nec verisimile est, & multis exemplis refutatur. Multa nam Evangelistae, ubi nulla parabola est, ab eo dicta commemorant: multa lector apud Matthaeum cap. 5. 6. & 7. exempla reperiet. Probat etiam ex Luca c. 18. 1. subtili sane coniectura Tertullianus, quia non notaretur, cum parabolam loquebatur, si ita semper loquebatur. Existimat hanc esse vim in illa coniunctione, & ut significet Christum, cum multa prius sine parabolis loquutus fuisset, & in parabolis coepisse loqui. Itaque manifestum est hanc generalem per se sententiam aliqua esse restringendam interpretatione. Tertullianus illo loco quem ante designavimus, ita restringit, ut de Iudaeis tantum intelligatur, quasi Iudaeis semper per parabolas, alij verò aliquando sine parabolis loquutus fuerit. Beda, & Bedam sequutus Strabus ad hunc modum scribunt, non hoc ita dictum est, inquit, quasi nullum apertum ad turbas sermone fecerit, sed per solas parabolas loquutus eis fuerit, verum ita potius, quia nullus

Christus non semper per parabolas loquutus.



nullus facile sermo eius inuenitur, in quo non aliquid parabolarum sit intermixtum. Alij, ut mihi uidetur, melius alijs quidem multa, tunc autem nihil sine parabolis loquutum fuisse.

*Seorsum autem.* Seorsum, ne alijs, qui digni non erant, intelligerent, & non habentibus, etiam quod habebant, tolleretur, supra ver. 25.

*Differbat omnia.* Etiam hæc generalis sententia restringenda est, non enim omnia omnino differbat, sed quæ non intelligebant, aut quæ interrogabant, ut Theophyl. annotauit, & ex Matthæo cap. 13. 36. colligitur.

35. *Et ait illi in illa die.* Quæ diebus iam concionatus fuerat, primum in domo Petri, deinde ad mare. Vide versum primum.

*Transseamus contra.* Traiiciamus stagnum Genesareth, quod mare, ut sæpe diximus, propter magnitudinem vocabatur, & eamus in regionem Gerasenorum, quæ aduerso est ultra stagnum, *ἡ δὲ ἀπὸ τοῦ εἰς τὸ πέλαγος*, transseamus in vltiorē ripā, aut regionē. Quæ regionē ex Matt. c. 8. 28. & ex Luca c. 8. 26. Gerasenorū fuisse constat.

36. *Et dimittetes turbam.* καὶ ἀπέχεσθαι τὴν ὄχλον, & relinquentes turbam scilicet ad ripam, ubi erat, ut concionantem de nauī Christum audiret, supra ver. 1. Voluit Euangelista significare turbam, quæ in littorē erat, non fuisse sequutam Christum, quia naues non habebat, & voluisse Christum ea occasione se ab illis subducere, ut etiā Genesarenis prædicaret, ac miracula faceret. Volebat etiam solos discipulos eius miraculi, quod paulo post sedāda tēpestas maris facturus erat, ad esse testes, ut Theophyl. existimat. Quāquam hoc postremū probabile nō est, quia, ut paulo post dicturi sumus, alijs et nō nulli, qui in alijs erant nauibus, Christūque sequebant, videre miraculū, ad mirantesque dicere, *quis putas est iste quia uentus, & mare obediunt ei* ver. 40.

*Assumunt eum ita, ut erat in nauī.* Verbum sine supposito Hebræorum more, intelliguntur autem nauitæ, aut discipuli, qui assumpsisse dicuntur eū, non quod manibus acceperint, ut il-

lum in nauim imponent, iam enim in nauī erat, sed quod eum transvehendum nauī susceperint, sicut nauitæ vectores, & hospites peregrinos accipere dicuntur. Quod autem dicit, *ita ut erat in nauī*, ridiculè quidam hereticorum interpretes exponit, ita, inquit, ut iacebat, capite in cervical inclinato, ut dicitur, ver. 38. At tunc cum è portu soluit, non iacebat, sed sedebat, quæ admodum concionatus fuerat, ut dixit Euangelista ver. 1. Itaque melius Euthy. ita, *ut erat in nauī* interpretatur, ita ut sedebat. Veruntamen ne hoc quidem ipsum mihi probatur. Neque enim uoluit Euangelista habitum corporis, quo Christus in nauī erat, significare, qui nihil ad rem prorsus pertinebat; sed illud significare uoluit, non fuisse necessarium, ut illum nauitæ, aut discipuli in nauim inducerent ad traiiciendum, quia iam in nauī erat, ut uer. 1. dictum fuerat.

*Et aliæ naues erant cum illo.* Sequebantur illum nauiculæ aliæ, quæ cum ea, in qua ipse sedebat, ad litus erant, siue piscatorie, siue aliæ. Quod ideo uidetur Euangelista dixisse, ut indicaret non solos discipulos, sed alios etiam multos eius miraculi, quod in mari fecit, fuisse testes, quo plus fidei adhiæretur historiæ, contra quā Theophylactum existimare diximus. Neque enim illi, qui uersu 40 & apud Matthæum capitul. 8. 27. dixerant, *quis putas est iste, quia uentus, & mare obediunt ei* discipuli esse potuerūt. Non enim discipuli, aut, quis Christus esset, aut quanta in faciendis miraculis potestate polleret, dubitassent. Aliam Euthy. rationem affert, ut appareret non casu, naturalis causa, sed Christi prouidentia tempestatem illā fuisse ortam, ut Christus edendi miraculi materiam haberet, cum omnes uiderent non alias naues, in quibus alijs nauigabant, sed eam solā, in qua Christus erat, tēpestas iactari, quemadmodum Beda, & Strabus factum fuisse putant. Sed hanc opinionem apud Matthæum c. 8. 27. refutauimus, ubi & cetera, quæ usque ad finem huius capituli sequuntur, explanauimus.



## CAPVT V.

Matth 8.  
d 28.  
Luc. 8. d.  
3c.



**I**T venerunt trans fretum maris in regionem  
Gerasenorum. 2. Et exeūti ei de naui, statim  
occurrit de monumētis homo in spiritu im  
mūdo, 3. qui domicilium habebat in monu  
mentis, & neque catenis iam quisquam po  
terat eum ligare: 4. quoniam sæpe compedi  
bus & catenis vinctus, dirupisset catenas, & compedes commi  
nuisset, & nemo poterat eum domare. 5. & semper die, ac nocte  
in monumentis, & in montibus erat, clamans, & cōcidens se la  
pidibus. 6. Videns aut Iesum à longe cucurrit, & adorauit eū:  
7. & clamans voce magna dixit: Quid mihi, & tibi, Iesu fili Dei  
altissimi? adiuro te per Deū, ne me torqueas. 8. Dicebat enim il  
li: Exi spiritus immūde ab homine. 9. Et interrogabat eū: Quod  
tibi nomen est? Et dicit ei: Legio mihi nō mē est, quia multi su  
mus. 10. Et deprecabatur eū multum, ne se expelleret extra re  
gionē. 11. Erat aut ibi circa montē grex porcorū magnus, pa  
scens. 12. Et deprecabantur eū spiritus, dicentes: Mitte nos in  
porcos, vt in eos introeamus. 13. Et cōcessit eis statim Iesus. Et  
exeuntes spiritus immūdi introierūt in porcos: & magno impe  
tu grex præcipitatus est in mare ad duo millia, & suffocati sunt  
in mari. 14. Qui autem pascebant eos, fugerunt, & nunciauerūt  
in ciuitatem, & in agros. Et egressi sunt videre quid esset factū:  
15. & ueniunt ad Iesum: & vident illum, qui à damonio vexaba  
tur, sedentem, vestitum, & sanæ mentis, & timuerunt. 16. Et nar  
rauerunt illis, qui viderant, qualiter factum esset ei, qui damo  
niū habuerat, & de porcis. 17. Et rogare cœperunt eū vt disce  
deret de finibus eorum. 18. Cumque ascenderet nauim, cœpit il  
lum deprecari, qui à damonio vexatus fuerat, vt esset cum illo,  
19. & non admisit eum, sed ait illi: Vade in domum tuam ad  
tuos, & annuncia illis quanta tibi Dominus fecerit, & misertus  
sit tui. 20. Et abiit, & cœpit prædicare in Decapoli quanta sibi  
fecisset Iesus: & omnes mirabantur. 21. Et cum trāscendisset Ie  
sus in navi rursus trans fretum, conuenit turba multa ad eum,  
& erat circa mare. 22. Et venit quidam de archisynagogis no  
mine Iairus: & uidens eum, procidit ad pedes eius, 23. & depre  
cabatur eum multum, dicens: Quoniam filia mea in extre  
mis est, Veni, impone manum super eam, vt salua sit, & viuat.  
24. Et abiit cum illo, & sequebatur eum turba multa, & cōpri  
me bant

Matth 9.  
c. 18.  
Luc. 8. f. 42.



mebant eum 25. Et mulier, quæ erat in profluvio sanguinis an-  
 nis duo decim, 26. & fuerat multa perpeffa à compluribus me-  
 dicis: & erogauerat omnia sua, nec quidquam profecerat, sed  
 magis deterius habebat: 27. cum audisset de Iesu, venit in tur-  
 ba retro, & tetigit vestimentum eius: 28. dicebat enim: Quia  
 si vel vestimentum eius tetigero, salua ero. 29. Et confestim  
 ficcatus est fons sanguinis eius: & sensit corpore, quia sanata  
 esset à plaga 30. Et statim Iesus in semetipso cognoscens vir-  
 tutem, quæ exierat de illo, conuersus ad turbam aiebat: Quis  
 tetigit vestimenta mea? 31. Et dicebant ei discipuli sui: V. des  
 turbam comprimentem te, & dicis: Quis me tetigit? 32. Et  
 circumspiciebat videre eam, quæ hoc fecerat. 33. Mulier vero  
 timens & tremens, sciens quod factum esset in se, venit, & pro-  
 cedit ante eum, & dixit ei omnem veritatem. 34. Ille autem di-  
 xit ei: Filia, fides tua te saluam fecit: vade in pace & esto sana a  
 plaga tua. 35. Adhuc eo loquente, veniunt ab archisynagogo,  
 dicentes: Quia filia tua mortua est; quid ultra vexas Magistrum?  
 36. Iesus autem audito verbo, quod dicebatur, ait archisyna-  
 gogo: Noli timere: tantummodo crede. 37. Et non admisit  
 quemquam sequi, nisi Petrum, & Iacobum, & Ioānem fratrem  
 Iacobi. 38. Et veniunt in domum archisynagogi, & videt tu-  
 multum, & flentes, & eiulantes tumultum. 39. Et ingressus, ait  
 illis: Quid turbamini, & ploratis? puella non est mortua, sed  
 dormit. 40. Et irridebant eum. Ipse vero eiectionibus omni-  
 bus as-  
 sumit patrem, & matrem puellæ, & qui secum erant, & ingre-  
 ditur vbi puella erat iacens. 41. Et tenens manum puellæ, ait  
 illi: Talitha cumi, quod est interpretatum: Puella (dico tibi) sur-  
 ge. 42. & cōfestim surrexit puella, & ambulabat: erat aut anno-  
 rū duodecim: & obstupuerūt stupore magno. 43. Et præcepit  
 illis vehementer, vt nemo id sciret: & dixit dari illi māducare.

Lu. 7. g. 50.

## IN CAPVT V.

**T**enerunt transfe-  
 rum maris.) G. eis  
 τὸ πέδον τῆ θα-  
 λάσσης, in vltimo-  
 rem (ripam) maris.  
 In regionem Gera-  
 senorum.) εἰς γόρραν τῶν γερσενῶν  
 in regionem Gadarenorum. Matth.  
 cap. 8. 28. εἰς τὴν γόρραν τῶν γερσεν-  
 ῶν, in regionem Gergesénorum.

Qua qua ratione inter se non discre-  
 pent, apud Matthæum diximus, apud  
 quem cap. 8. ac 9. totum hoc caput ex-  
 plicatum est; verba tamen quædam,  
 quæ propria sunt Marci, obiter adno-  
 tamus.

18. Cumque ascenderet in nauim.)  
 Cum vellet ascendere, antequam ascē-  
 disset, vt in Galilæam remearet. Ti-  
 mebat enim, ne beneficij, quod acce-  
 perat,



perat, auctore priuaretur. Faciebat id grato animo, ut Euthym. existimat, quasi Christum, velut obsequiosus minister, sequi vellet: aut, ut idem Euthym. & Theophyl. etiam docent, timebat homo sauitiam demonum expertus, ne, qui praesente Christo ex se exierant daemones, absente reuertentur. Vtrumque probabile. Simul etiam, quod Gregorius lib. 6. moral. cap. 17. & lib. 16. capit. 12. & Beda hoc loco indicat, quanquam morale potius, quam litterale est, quia gustaretur, quam suavis Dominus esset, videbaturque apud se dicere, *mibi autem adherere Deo bonum est.* Psal. 72. 28. Illud, quod sciam, nemo notauit, voluit se hominem illum non quoquo modo, sed tanquam ex numero discipulorum vnum sequi Christum. Si enim non tanquam discipulus, sed quemadmodum turba Christum sequebatur, cum sequi voluisset, eius iniussu facere potuisset, sicut multi alij faciebant discipulus autem illius esse, nisi eo approbante, admiuentemque non poterat.

*Et non, admisit eum.* Magis mirum, cur Christus sequi se volentem non admisit, quam cur ille sequi Christum voluerit. Huius rei vnam hoc loco Christus ipse rationem indicat, quod magis conuenire ad Dei gloriam videretur, ut homo ille, qui tantum acceperat beneficium, in patriam suam reuenteretur, suisque ciuibz tanquam oculatus testis virtutum Christi eius Euangelium praedicaret, factoque in se confirmaret miraculo. Aliam reddit Ambrosius lib. in Lucam 8. ut iactantiam Christus effugeret, cui tribui ab aliquo maligne potuisset, si hominem a se curatum, quasi testem facti a se miraculi, circumtulisset. Gregorius etiam aliam li. 6. moralium c. 17. & li. 16. c. 12. ut magis ea ratione eius augeretur meritum. *Amant, inquit, adhuc dilatio imponitur, ut ex dilati amoris desiderio meritum retributionis assequatur.* Theophyl. & Euthym. ut ostenderet Christus se, quem praesens a demonibus liberauerat, etiam absentem tutari posse.

*Et annuncia illis, quanta tibi Domi-*

*nus fecerit.* Alijs solet Christus praecipere, ne miracula, quae in se fecisset, euulgarent, Matthaei 8. 4. & 9. 30. & in hoc ipse capite ver. 43. Scimus, & illis locis, quos modo notauimus, copiose docuimus causam, cur Christus alijs prohibuerit, ne quid dicerent, fuisse, quia nolebat inuidiam sibi Pharisaeorum concitari: ex contrario ergo effectus contraria causa colligenda est, non fuisse in Decapoli, ubi ille, qui a demonibus liberatus erat, beneficium praedicare iuebatur, eiusmodi periculum, ideoque non prohiberi, sed incitari, ut publice diceret, quod sibi fecisset Christus. Alia vero ex parte, cum Decapolitae Tyrijs, Sidonisque vicini semgentiles essent, preparandi, alliciendique ad fidem erat praedicatione miraculi.

*Quanta tibi Dominus fecerit.* Quasi dicat, ne sis ingratus, sed praedica acceptum a Deo beneficium. Animaduertunt Theophylact. & Euthym. non dixisse Christum, quanta tibi ego fecerim, sed *quanta tibi Dominus fecerit*, quae ipse fecisset, singulari exemplo modestiae in Patre referentem. Etsi fortasse de se ipso per tertiam, ut saepe solet, personam loquutus est, sequi Dominum appellauit, ut infra c. 11. 3. & Matthaei 21. 3. & Lucae 19. 31. *Dicite, quia Dominus id est ego, his opus habet.* Et vero si loquendi consuetudinem consideremus Christiani, Patrem potius Deum, quam Dominum; se potius Dominum, quam Deum vocare solet.

20. *Et abiit, et cepit praedicare in Decapoli, quanta sibi fecisset Iesus, et omnes mirabantur.* Multa paucis verbis indicat Marc. Primum eius qui curatus fuerat, obedientiam, cum dicit, *Abiit, et cepit praedicare*, quasi dicat fecisse, quod Christus illi mandauerat. Deinde de Decapolitam fuisse illum, de qua regione diximus apud Matthaeum c. 4. 25. Tertio loco gratum eius erga Christum animum meritam illi laudem tribuentis. Cum enim Christus illi dixisset, *Annuncia quanta tibi Dominus fecerit*, ille non dicit, quanta sibi Dominus, sed quanta sibi fecisset Iesus, accepti a se beneficij non solum agnoscens, sed etiam nominans, atque laudans auctorem,



morem, ut Theophy. & Euthy. obser-  
uauerunt. Quamquam hæc uerba for-  
tasse non illius, qui curatus fuerat,  
sed Euangelista sunt, quid alter dixit-  
set, quidq. fecisset, non eisdem verbis  
commemorantis. Fructum etiam E-  
uangelista prædicationis eius homi-  
nis ostendit, cum concludit, Et omnes  
mirabantur, ista enim admiratio fidei  
fructus, aut initium erat: & uidetur  
non admiratio sola, qualis nos, rerum  
etiam, quas non probamus, tenere so-  
let, sed admirationi coniuncta lauda-  
tio significari, quemadmodum, quos  
immodicis efferimus laudibus, ad-

mirari dicimur.

21. Et cum transcendisset Iesus in na-  
ui rursus. Rursum dicit, non quod  
ante uerum transcendisset, sed quod  
inde uenisset, quasi dicat, cum rediis-  
set unde uenerat, id est in Galileam,  
& in urbem Capharnaum. Hoc est,  
quod dicit transietum eis τὸ πέραν.  
Tamen in sap. diximus inter Gali-  
laam, & Gadarenorum, aut Gerase-  
norum regionem signum illud,  
quod Genezareth uocabatur interie-  
ctum fuisse. Cætera, quæ usque ad fi-  
nem capitis scribit Marcus, Matthæi  
c. 9. Exposuimus.

## CAPVT VI.



Egreßus inde, abiit in patriam suam: & se-  
bantur eum discipuli sui. 2. & facto sabbato  
cepit in synagoga docere: & multi audie-  
tes admirabantur in doctrina eius, dicentes  
Vnde huic hæc omnia? & quæ est sapientia, quæ da-  
ta est illi: & uirtutes tales, quæ per manus eius  
efficiuntur. 3. Nonne hic est faber filius Mariæ, frater Iacob, & Io-  
seph, & Iudæ, & Simonis? nonne & sorores eius hic nobiscum sunt?  
& scandalizabant in illo. 4. Et dicebat illis Iesus, quia non est pro-  
pheta sine honore nisi in patria sua, & in domo sua & in cogna-  
tione sua. 5. Et non poterat ibi uirtutem ullam facere, nisi paucos in-  
firmos impositis manibus curauit. 6. & mirabatur populus in incredu-  
litate eorum, & circuibat castella in circuitu docens. 7. Et uocauit  
duodecim, & cepit eos mittere binos, & dabat illis potestatem spi-  
rituum immundorum. 8. Et precepit eis, ne quid tollerent in uia, nisi uirgam  
rati: non peram, non panem neque in zona. 9. sed calceatos solum salsis,  
& ne induerentur duabus tunicis. 10. Et dicebat eis: Quocumque  
introrieritis in domum, illic manete, donec exeatis inde: 11. qui-  
cunque non receperint uos, nec audierint uos, exeuntes inde, excu-  
rite puluerem de pedibus uestris in testimonium illis. 12. Et exeuntes  
prædicabant, ut penitentiam agerent: 13. & demonia multa eiicie-  
bant, & ungebant oleo multos egros, & sanabant. 14. Et audiuit rex  
Herodes (manifestum enim factum est nomen eius) & dicebat, Quia  
Ioannes Baptista resurrexit a mortuis: & propterea uirtutes ope-  
rantur in illo. 15. Alii autem dicebant, Quia Elias est. Alii uero di-  
cebant: Quia propheta est, quasi unus ex prophetis. 16. Quo au-  
dito Herodes ait: Quæ ego decollavi Ioannem, hic a mortuis  
resurrexit. 17. Ipse enim Herodes misit, ac tenuit Ioannem, et uin-

Mat. 13. g.  
51.  
Lu. 4. c. 16.  
Io. 4. f. 44.

Io. 6. c. 42.

Mat. 13. g.

57.

Luc. 4. d.

24.

Io. 4. f. 44.

Mat. 10. a.

1.

Sup. 3. b. 14.

Luc. 9. a. 1.

Act. 12. b.

8.

Mat. 10. b.

14.

Luc. 9. a. 5.

Act. 13. g.

31.

& 18. a. b.

Iac. 5. d. 14.

Mat. 14. a.

12.

Luc. 9. a. 7.

Lu. 3. d. 19.

Aaa xit



Luc. 18. ca.  
16.

Matt. 14. d.  
11.  
Lu. 9. b. 10.  
Mat. 9. d.  
16. & 14.  
c. 14.

Lu. 9. b. 12.  
104. 6. a. 9.

xit eū in carcere pp Herodiadē vxorē Philippi fratris sui, quia  
duxerat eā 18. Dicebat. n. Ioānes Herodi: Non licet tibi habe  
re uxorē fratris tui. 19. Herodias aut insidiabatur illi: & volebat  
occidere eū, nec poterat. 20. Herodes n. metuebat Ioānē, ciēs  
eū virū iustū & sanctū: & custodiebat eum, & audito eō multa  
faciebat, & libēter eū audiebat. 21. Et cū dies opportunus ac  
cidisset, Herodes natalis sui cenā fecit principibus, & tribunis,  
& primis Galilee. 22. cūque introisset filia ipsius Herodiadis, &  
saltasset, & placuisset Herodi, simulq; recubētib; rex ait puell  
le: Pete a me qd uis, & dabo tibi: 23. & iurauit illi: Quia qd qd  
petieris, dabo tibi, licet dimidiū regni mei. 24. Quā cū exisset,  
dixit matri suę: Quid petā? At illa dixit: Caput Io. Baptiste. 25.  
Cūque introisset statim cū festinatione ad regē, petiuit, dicēs:  
Volo ut protinus des mihi in disco caput Ioānis Baptiste. 26.  
Et contristatus est rex pp iusiurandū, & pp simul discubentes  
noluit eā cōtristare: 27. sed misso spiculatore pcepit afferrī ca  
put eius i disco. Et decollauit eū in carcere 28. & attulit caput  
eius in disco: & dedit illud puellę, & puella dedit matri suę. 29.  
Quo audito, discipuli eius venerunt, & tulerunt corpus eius;  
& posuerūt illud in monumēto 30. Et cōueniētes Apostoli ad  
Iesū, renunciauerunt ei oīa, quę egerant, & docuerant. 31. Et  
ait illis: Venite seorsū in desertū locū, & requiescite pusillū. Er  
rant. n. quī veniebant, & redibant multi: & nec spatiū mandu  
candi habebāt. 32. Et ascendentes in nauim, abierunt in deser  
tū locū seorsū. 33. Et viderunt eos abeuntes, & cognouerunt  
multi, & pedestres de oībus ciuitatibus concurrerunt illuc, &  
præuenerunt eos. 34. Et exiens uidit turbam multā Iesus, & mi  
sertus est super eos, quia erant sicut oues non habentes pasto  
rē, & cepit illos docere multa 35. Et cū iā hora multa fieret,  
acceserunt discipuli eius, dicentes: Desertus est locus hic, & iā  
hora præterit. 36. dimitte illos, ut euntes in proximas villas, &  
vicos, emant sibi cibos, quos manducant. 37. Et respondens ait  
illis: Date illis uos manducare Et dixerant ei. Euntes emamus:  
ducentis denariis panes. & dabimus illis manducare. 38. Et di  
xit eis: Quot panes habetis? ite, & videte. Et cū cognouissēt, di  
xit Quinq; & duos pisces 39. Et præcepit illis, vt accūbere fa  
cerent omnes secundū cōtubernia super viride scēnum 40. Et  
discubuerunt in partes p centenos, & quinquagenos. 41. Et ac  
ceptis quinq; panibus, & duobus piscibus, intuens in celū be  
nedixit, & fregit panes, & dedit discipulis suis, vt ponerēt ante  
eos: & duos Pisces diuisit omnibus 42. Et manducauerūt om.

nes,

Tripl  
Christ  
ia.



mes, & saturati sunt. 43. Et sustulerunt reliquias fragmentorum duodecim cophinos plenos, & de piscibus. 44. Erant autem qui mādūcauerunt quinque millia uirorum. 45. Et statim coegit discipulos suos ascendere nauim, vt prederent eum trans fretū ab Bethsaidam, dum ipse dimitteret populum. 46. Et cū dimississet eos, abiit in montem orare. 47. Et cum sero esset, erat nauis in medio mari, & ipse solus in terra. 48. Et videns eos laborantes in remigando, (erat enim ventus contrarius eis) & circa quartam uigiliam noctis uenit ad eos ambulans supra mare: & volebat preterire eos. 49. At illi, vt viderunt eum ambulante supra mare, putauerunt phantasma esse, & exclamauerunt. 50. Omnes enim viderunt eū, & conturbati sunt. Et statim locutus est cum eis, & dixit eis: Confidite ego sum, nolite timere. 51. Et ascendit ad illos in nauim, & cessauit uētus. Et plus magis intra se stupebant. 52. non enim intellexerunt de panibus: erat enim cor eorum obcæcatum. 53. Et cum transfretassent, uenerunt in terrā Genesareth, & applicuerunt. 54. Cūque egressi essent de nauī, continuo cognouerunt eum: 55. & percurrentes vniuersā regionem illā, cōperunt in grabatis eos, qui se male habebant, circumferre, ubi audiebant eum esse. 56. Et quocumque introibat in vicos, vel in villas, aut ciuitates, in plateis ponebant infirmos, & deprecabantur eū, vt vel fimbriam vestimenti eius tangerent, & quotquot tangebant eum, salui fiebant.

Mat. 14. c. 23

Mat. 14. d. 34.

## IN CAPVT VI.

Triplex  
Christi pa-  
tria.

**E**gressus inde. ) Ex domo Archisynagogi, vbi eius filiā tulerat. c. 5. 41. aut ex Capernaum, vbi Archisynagogi domum fuisse credibile est, & ex Matthaio c. 9. 23. colligitur.

Abijt in patriā suā. ) In Nazareth, vbi educatus fuerat. Diximus Matthei 9. ex scriptura, & bonorum auctorum obseruatione triplicem Christo fuisse patriam, Bethlehem natiuitatis, Nazareth educationis, Capernaum commorationis & predicationis. Hoc loco neque Bethlehem, quæ nusquam, ut opinor, in scripturis eius vocatur patria, neque Capernaum, quia ibi erat, cum dicitur in patriam abiisse, sed solā Nazareth intelligere debemus, ubi

eius fratres, & sorores erant, vt dicitur infra uer. 3. & Matthei c. 13. 55. Ita Iuuenius, & Beda intelligunt melius, vt mihi videtur, quam Origenes in c. 13. Matthei, & Hilarius can. in Matth. 14. qui totam Indæam Christi patriam hoc loco vocari putant.

Et sequebantur eum discipuli sui. ) Hoc propterea uidetur Euangelista dicere, ut rationem reddat, quomodo potuerit Christus Apostolos inde ad predicandum Euangelium in Indæam mittere, quia nimirum sequuti eum fuerant in patriam euntem.

2. Et facta sabbato. ) Cum dies sabbati venisset, quo solebant Iudæi in synagogam congregari, uide supra cap. 1. 21. Queritur a quibusdam, quam obrem uoluerit Christus in patriam suam ire, & in synagogis ibi docere,

Aaa 2 Cum



cum sciret, neque doctrinam suam, neque miracula ibi recipienda, ut in traditio Euangelista uer. 3. 4. 5. Respondeat Theoph. & Euthy. ne ullam gentilibus, ac popularibus suis excusationis relinqueret occasionem, dicturis fortasse, si ad eos Christus non uenisset, futurum fuisse, ut si uenissent crederent.

Hebraismus.

*Admirabantur in doctrina eius.* Id est, admirabantur eius doctrinam: Hebraeorum phasis, qui pro accusatio ablatiuo cum praepositione *in*, uti solent, ut Psal. 36. 1. *Noli emulari malignantibus*, id est malignantes. Quae sequuntur usque ad uer. 5. apud Matthaeum c. 13. 54. 55. 56. exposita sunt.

5. *Et non poterat ibi uirtutem ullam facere* Miracula uirtutes appellari, quod faciens maxime Dei uirtus, & potestas ostendatur nemo nescit, & Matthaei 7. 22. docuimus. Quod autem dicit Euangelista non potuisse Christum in patria sua miraculum ullum facere, id uidentur horre aures, quasi non potuerit Christus omnia, quae uellet, & ubi uellet, facere. Hic locus ex Gregorio Nazianzeno oratione 4. de Theologia optime intelligitur. Inter alios modos, quibus docet non posse, aut impossibile esse in sacris literis dici solere, unus est, cum id facere non posse dicimur, quod facere nolumus, quemadmodum Gen. 37. 4. fratres Ioseph dicuntur non potuisse fratri suo ullum uerbum pacifice loqui, quia oderant illum, id est noluisse, & ut Christus ait Ioannis 7. 7. *non potest mundus odisse nos*, id est non non, cum uos mundani sitis. Hoc modo Christus dicitur non potuisse in patria sua miracula facere, id est noluisse propter eorum hominum incredulitatem, quam ut exegerat Euangelista, maluit dicere non potuisse, quam noluisse, ut indicaret Christum impeditum quodammodo fuisse incredulitate hominum, quo minus posset facere miracula, nec per illum, sed per auditores stetit, quo minus ea faceret. Nam cum duo ad miracula facienda, non quidem necessarii, sed tamen conuenienter requi-

rantur, potentia in faciente, fides in patiente, cum alterutrum eorum deest, dicuntur miracula fieri non posse, ut ex eodem Gregorio Theop. & Euthymius adnotauerunt. Dicitur etiam, ut idem Gregorius docet, fieri non posse, quod fieri non expedit, ut Matthaei 9. 15. *Nunquid possunt filii sponsi luge-re, quamdiu cum illis est sponsus? id est non conuenit, non decet, ut lugeant, ut ieiunent.* Hoc etiam modo hic locus potest intelligi, ut dicatur Christus non posse facere miracula, quia non expediebat, non erat iustum, ut faceret, quod admodum si quis iudex homini aliquid a se iniustum postulanti respondeat, non possum tibi concedere. Hoc enim modo ipse Christus alio loco significat non posse se filijs Zebedaei concedere, ut alter ad dexteram, alter ad sinistram suam sederet, quia iustum non erat, quo tempore id postulabant, sedere, inquit, *ad dexteram meam, vel sinistram, non est meum dare uobis* infra cap. 16. 40. & Matthaei 20. 23. Sic hoc loco dicitur miracula facere non potuisse, quia æquum non erat, ut ingratum, & indignis hominibus ea faceret, ut Theophy. interpretatur. Voluit enim Christus eam tenere regulam, quam discipulis suis Matthaei 7. 6. ipse tradiderat, *Nolite inquit sanctum dare canibus, neque mittatis margaritas vestras ante porcos, ne forte conculcent eas pedibus suis, & conuersi discurrant uos.* Notauit Origenes in caput Matthaei 13. Mattheum, & Marcum ita dixisse, non posse Christum in patria sua facere miracula, ut simul tamen docuerit fecisse aliqua, dum ille ait, *Et non fecit ibi uirtutes multas*, indicans paucas quidem fecisse, sed tamen aliquas: hic autem, *nisi paucos infirmos impositis manibus curauit*: nimirum, ut intelligeremus, qui aliqua ibi fecit miracula, plura facere potuisse, si eius regionis homines meruissent. Existimant Beda, & Theoph. ideo Christum apud incredulos plura miracula facere noluisse, ut illis parceret, ne si plura fecisset, non credentes inexcusabiles omnino essent, quod tam multis, tamque magnis uisus miraculis credere noluisset.

Multo

Non posse  
in scriptura  
uarijs mo-  
dis accipitur



Lib. 3. hist.  
Evang.

Paulo mihi uideretur probabilius iustitia id potius, quam misericordia fecisse Christum, ut miraculis indignos miraculorum puniret priuatione: sicut non credentibus aperte, & sine ulla parabola loquenti loco pœnæ in parabolis loquebatur, ut uidentes non uiderent, & audientes non audirent, neque intelligerent Matthæi 13. 13. Hæc rationem reddit Iuencus.

Talibus indignans pressit sua munera Christus.

Nisi paucos infirmos imposuiss. manus curauit. Nisi posuit noster interpretes, pro tantum, sicut etiam Græcè est *ἐπὶ τῶν χειρῶν*. Correctio hæc est superioris sententiæ, ne quis existimaret impotentem fuisse Christum, ac ne uolentem quidem miracula facere potuisse, ut paulo ante ex Origene monuimus. Videtur Euangelista singulis uerbis miracula ibi facta extenuare uoluisse, & cum ægrotos, qui curati sunt, paucos, & cum non solo uerbo, sed impositis manibus, quasi ui curatos fuisse dicit. Neque enim dubium est, qui magis uirtutem suam Christus ostenderet, cum solo uerbo, quam, cum manum impositione sanabat, ut ex illo uno Centurionis exemplo perspicitur Matthæi 8. 8.

Et mirabatur propter incredulitatem eorum. Suspicio hæc uerba, Propter incredulitatem eorum, non esse conuulgenda cum proximo uerbo, *mirabatur*, sed cum precedentibus, & non poterat ibi uirtutem ullam facere, ut uerbum, *mirabatur* parenthesi legatur, sensusque sit, & non poterat ibi uirtutem ullam facere propter incredulitatem eorum, ideoque mirabatur. Sic enim apud Matthæum cap. 13. 58. uerba iunguntur, *et non fecit ibi uirtutes multas propter incredulitatem eorum*. Et si Euangelista dicere uoluisset Christum eorum incredulitatem miratum fuisse, non dixisset *ἐθαύμαζε διὰ τὴν ἀπιστίαν*, sed *ἐθαύμαζε τὴν ἀπιστίαν αὐτῶν*. Quo autem modo Christus, Deus cum esset, mirari potuerit Matthæi 8. 10. docuimus. Videtur Lucas c. 4. 22. quidam dicere huic loco cō-

trarium, & omnes, inquit, testimonium illi dabāt, & mirabātur in uerbis gratiæ, quæ procedebant de ore ipsius, quod uideretur, nisi acredientibus, fieri non potuisse. Ceterum admiratio illa, & testimonium non erat fidei, sed scientiæ, neque enim testimonium illi dabant, quod promissus esset Christus, sed quod bene, doctèque, & eloquenter in synagoga doceret; quod eo magis admirabantur, quod putarent eum filium esse fabri, & scirent litteras non didicisse, sicut Iudæi eadem de causa mirari dicuntur Ioannis 7. 15. Et mirabantur Iudæi dicentes, Quomodo hic litteras scit, cum non didicerit? Hoc ipsum colligitur ex Luca, nam cum dixisset Nazarenos Christi doctrinam miratos fuisse, addit etiam dixisse eos, *nonne hic est filius Ioseph?* quasi propterea mirarentur, quod quem filium Ioseph esse arbitrabantur, tam doctè, tamque disertè loqui uiderent, cum scirent nunquam litteris studuisse. Alia quædam à Marco, & Matthæo prætermittit Lucas uer. 23. 24. ut Christus dixerit, *Vtique dicetis mihi hanc similitudinem. Medice cura teipsum, quanta audiuimus facta in Capharnaû, fac & hic in patria tua; Amē dico uobis, quia nemo Propheta acceptus est in patria sua:* & Eliam non fuisse missum in patriam suam, sed in Sarepta ad mulierem uiduam. Et multos fuisse leprosos in Israhel sub Elisæo Propheta, neminemque eorum, nisi Naaman Syri mundatum fuisse: omnes in synagoga ira impletos fuisse, surrexisseque, & extra ciuitatem illum eiecisse, atque in montem duxisse, ut inde præcipitaret, quæ, cum ad eum perueniemus locum, si Deus iuuerit, explicabimus.

Et circuibat castella in circuitu docēs. Relicta ciuitate patria ingrata sua concionabundus omnes circum pagos obijt non loci, sed utilitatis hominum rationem habens. Vtile, ut Theophyl. admonuit, concionatoribus documentum, ut non tam frequentiam ciuitatum, quam indigentium uerbi Dei prædicatione, illudque auidè recipientium salutem quarant; quales plerumque rustici, & simplices

Aaa 3 homi-



homines sunt. Fecit Christus, quod ipse discipulis suis faciendum praeceperat Matth. 10. 14. *Quicumque non receperit uos, neque audierit sermones uestros, exeuntes foras de domo, uel ciuitate excutite puluerem de pedibus uestris, & ver. 23. Cum autem persequerentur uos in ciuitate ista fugite in aliam.*

7. *Et uocauit duodecim*) Quos iam Apostolos designauerat capit. 3. 13. illic uocauit, ut Apostolos faceret, hic, ut ad praedicandum mitteret. Vocauit autem nunc ad se, ut eos instrueret in uiam, illisque potestatem daret eijcendi daemones, aliaque miracula faciendi. Nec enim ante hanc illis dederat potestatem, ut capit. 3. 15. docuimus. Ad hoc usque tempus Christus solus praedicauerat, & quasi Euangelij campum proscederat, nunc matura iam messe messores mittit; ut ait ill. s. Ioannis 4. 38. *Ego misi uos metere, quod uos non laborastis: alij laborauerunt, & uos in labores eorum introitis.* Caetera, quae sequuntur usque ad uersum 2. apud Matthaeum capit. 10. explicauimus.

12. *Et exeuntes praedicabant, ut poenitentiam agerent.*) Verbum sine supposito ex Hebraeorum idiomate, ut saepe monuimus intelliguntur autem illi, quibus Apostoli praedicabant, illis enim dicebant, ut agerent poenitentiam. Docet his uerbis Euangelista fecisse Apostolos, quod a Christo facere iussi fuerant, simul etiam, quae praedicationis materia fuerit, exponit. Haec enim ubique siue Ioannes primus, siue Christus post, siue postremo Apostoli praedicant. Prima uox est Euangelij, ut homines poenitentiam agant, regnum enim caelorum appropinquare Matthaei 3. 2. & 4. 17. & supra capit. 1. 4. Neque materiam, formamque praedicandi a Christo praescriptam Apostoli mutauerunt, quod Christus apud Matthaeum ca. 10. 7. eos mittentes dicat, *Euntes praedicate dicentes, quia appropinquauit regnum caelorum, & Luca 9. 2. Et misi illos praedicare regnum Dei, & sanare infirmos.* Vtrumque enim praedicantes dicebant, & poenitentiam agere, & appropin-

quare regnum Dei, sicut dicebat Ioannes Matthaei 3. 2. Sed unus Euangelista partem unam, alij aliam recitauerunt. Voluit Christus & ipse uti, & ut Apostoli ac discipuli sui eodem exordio, formaque eadem Euangelij praedicandi, qua Ioannes usus fuerat, uterentur, ut confirmaret se esse eum, cuius praecursor ille fuisset. Nam & apud Lucam capit. 10. 9. cum Septuaginta duos ad praedicandum discipulos mittit, eandem illis praedicationis praescribit formam, *dicite, inquit, appropinquauit in uos regnum Dei.*

13. *Et ungebant oleo multos egros, & sanabant.*) Multi Latini codices corrupte legunt, *sanabantur*, nonnulli corruptius, *sanabat*, ut oleum sanasse egros intelligatur, quod etsi uerum est, hoc tamen loco non dicitur. Graece est *ἐθεράπευον, sanabant*, ut ad Apostolos referatur, quanquam fieri potest, ut noster interpres legerit *ἐθεράπευον, sanabantur*. Quod autem Apostoli dicitur unxisse, & sanasse multos, non sic intelligendum est, quasi aliquos unxerint, & sanare tentauerint, quos non sanauerint, sed tantum significatur eos, quos unxerunt, atque sanarunt, fuisse multos, ut supra ca. 1. 34. & c. 3. 10. simile loquendi modum exposuimus. Vellem hoc loco, soli mihi essent haeretici refellendi, liberi in solos incurerem. Nunc autem nonnullos ex nostris auctoribus in haeticorum castris recognoscens timeo, ne dum in haeticos tela conficio, aliquem forte Catholicum feriam. Mitto illos paullo uetustiores, quos prohibet reuerentia nominare, quosque aetas nondum nouas experta haereticas excusat, Quid atinebat uigente iam Lutherianorum, & Calvinianorum haeresi Catholicos, doctosque viros dicere, scriptisque mandare oleum istud ab Apostolis non tantumquam sacramentum ad sanandos animos, sed tanquam medicamentum ad curanda corpora adhibuit fuisse, neque hic de sacramento, quod nunc Catholica utitur Ecclesia extrema unctionis agi? Quod idem Lutherani, & Calviniani docent. At non nega-

Prolixa disputatio de  
Extrema unctione.

Poenitentia  
materia  
praedicationis.



Negamus (inquiunt) nos esse sacramentum. Vbi ergo sacramentum est, si hic non est? aut cur hic non sit, si alibi? Enimvero qui hic de sacramento extremæ unctionis agi negat, ad tollendum hoc omnino sacramentum, aut malignè, si hæreticus: aut imprudenter, si Catholicus est, gradum facit. Quid enim aliud est sacramentum concedentibus etiam hæreticis, nisi externa ceremonia a Christo instituta, tanquam ordinarium remedium salutis animæ? Hæc nimirum externa erat ceremonia, quæ extrinsecus adhibebatur. Nam sicut visibilis aqua iis, qui baptizantur: ita visibile oleum aegrotis infundebatur. Negant aliqui fuisse ceremoniam, quam vis res fuerit visibilis, & externa, quod solum medicamentum esse putent, medicamentum autem, quamvis visibile sit, ceremonia non sit. Hoc primo loco refutandum. Quæro igitur, si medicamentum tantum erat, cur ad omne morborum genus adhibebatur? nec enim eadem omnibus curandis morbis medicina opportuna est, sed plerumque, quæ uni prodest, alteri nocet, & ut ipsi inter se morbi contrarii sunt, ita oportet remedia morborum esse contraria. Deinde quorsum Apostoli medicamentis usi fuissent? nec enim medicinam, sed Evangelium proficiebantur: missique a Christo erant potestate donati miracula faciendi, quibus, quam prædicabant, doctrinam confirmarent. An miracula ita facere conveniebat, ut quam maxime, & quam illustrissima, an ita ut ne miracula quidem esse viderentur? Si oleo ad curandos aegrotos viebantur, videri profecto poterant, aut nullo miraculo, sed medica arte, aut multo certe minore miraculo curare. Non ergo ad sananda solum corpora, sed ad curandos sacramento potissimum animos aegrotos ungebant. Aiunt fuisse quidem medicamentum, non naturale tamen, sed divinum, quod impressa quadam a Christo uirtute morbos curaret, ideoque miraculi speciem non minuisse: adhibuit enim fuisse, tan-

quam signum sanitatis corporis, ut significaretur, quemadmodum solent a medicis corpora oleo recreari, ita ab Apostolis a morbis curata fuisse uirtute, gratiaque diuina, quæ solet in sacris saepe literis olei nomine declarari. Quid eiusmodi opus erat signo, cum sequuta statim sanitas fidem faceret? quam poterat quidem oleum non agere, sed abrogare, existimantibus hominibus, qui oleo adhibito aegrotos sanari uiderent, non uirtute ulla diuina, sed naturali olei proprietate curari. Non solemus ad significanda, quæ oculis cernimus, uisignis. Non utebantur oleo, inquiunt, Apostoli, ut sanitatem miraculo conferri significarent, sed ut declararent non sua, sed Christi uirtute sanare morbos. Illud etiam dicitur absurdè: nam neque oleum id potest significare, aliena uirtute curationem fieri, & potest significare contrarium, neque propria, neque aliena, sed naturali ipsius olei uirtute fieri. Deinde si ea de causa oleo Apostoli usi fuissent, non solum in curandis morbis, sed in omnibus prorsus perficiendis miraculis usi fuissent. Nec enim minus conueniebat, ut alia miracula, quam morborum curationes ostenderent se non sua, sed Christi uirtute facere. Et si utrumque ostendere conueniebat, melius id poterant verbis ostendere, declarareque, quam oleo, quemadmodum fecisse legimus Petrum Act. 3. 6. *Argentum, & aurum non est mihi, quod autem habeo, hoc tibi do. In nomine Iesu Nazareni surge, & ambula.* & Paulum Act. 16. 18. *Præcipio tibi in nomine Iesu Christi exire ab ea.* Præterea si hanc ob causam Apostoli oleum adhibebant, cur alij Christiani, atque discipuli, qui Christi etiam uirtute morbos curabant, non adhibebant? Neque enim soli Apostoli, ut & scriptura 1. ad Corinth. 12. 9. & experientia docet, curationis donum habuerunt: qui solos Apostolos oleo usos fuisse legimus. Cur ergo, rogabit aliquis, nulli Christum aegrotum adhibito oleo curasse legimus, Apostolos legimus, nisi quia



ideo Apostoli oleo utebantur, ut significarent se non sua, sed Christi potestatem curare morbos? Ista quidem ratione, ne baptismus quidem sacramentum erit, sed alienæ symbolum potestatis. Nam neque Christum quæquam aqua legimus baptizasse, quin legimus non eum, sed Apostolos baptizasse Ioannis 4. 2. Non ergo sacramentum erat, sed ceremonia. Videamus nunc, an a Christo instituta fuerit. Primum quis credat Apostolos non iussos a Christo ceremoniam ullam in faciendis præsertim miraculis usurpasse: ubi poterat eorum remanentem non sequutus effectus arguere? Deinde quis non uidet uoluisse hoc loco docere Marcum fecisse Apostolos in illa sua legatione quod a Christo iussi fuerant? Inter alia autem quæ eos fecisse scribit, ait agrotos unxisse oleo, id ergo, ut facerent a Christo illis præscriptum fuerat. Denique si Christi institutio non fuisset, nunquam Iacobus cap. 5. tam assuetanter præcepisset, ut id a presbyteris Apostolorum in hoc officium successoribus obseruaretur, *infirmatur* (inquit) *ver. 14. quis in uobis? inducat presbyteros Ecclesie & orent super eum ungentes eum oleo in nomine Domini.* Non negant hoc hæretici, neque Catholicorum, quod sciam, quicquam: sed negant ideo hanc unctionem institutam fuisse, ut esset sacramentum, nam & manus agrotis iussit imponi Marci 16. 18. & ipse imponere solebat, ut supra uer. 5. & cap. 5. 23. 41. & infra cap. 8. 23. 25. & Matthæi 9. 18. 25. Hoc ad tertiam partem diffinitionis pertinet, an ita instituta fuerit a Christo, ut esset ordinaria animæ medicina. Minimè, inquit Calvinus, sed ut quamdiu in Ecclesia duraret curationis donum, eius symbolum, & comes esset. Cur ergo, ut ante diximus, non omnes qui donum habebant curationis, ea utebantur ceremonia? Cur Apostoli ipsi non in omnibus curandis agrotis usi sunt? Nam claudum quidem illum, quem Petrus ad portam templi sanauit, oleo non unxit *Actorum 3. 6. Cur mortuos quos lu-*

scitabant, non ungebant? Nam rectè Petrus puellam illam, quam *Actor. 9. 40.* nec Paulus illum adolescentem quem exanimatum suscitauit *Actorum 20. 10.* unxisse dicitur. Cur denique Iacobus ea ceremonia non omnes, sed Ecclesie presbyteros uti iubet, si a Christo non ideo instituta erat, ut uerum sacramentum, & ordinarium animæ remedium esset? Imposuerat Christus agrotis manus, oleo eos non unxerat: iubet Iacobus presbyteros agrotos ungere, manus imponere non iubet. Cur quaeso, nisi quia manuum impositio sacramentum non erat, sed externa quadam ceremonia ad tempus usurpata: unctio uero sacramentum erat, quod a solis oportebat presbyteris administrari? Nam quod hæretici solent dicere presbyteros apud Iacobum non sacerdotes, sed seniores populi uocari, & futile per se est, & multis a nobis locis refutatum, & ex illo ipso Iacobi loco, ut longius non habeamus, refelli potest. Cur enim, cum de unctione loquitur a solis presbyteris fieri iubet: cum uero de oratione, omnes omnino alios pro aliis orare præcipit, uer. 16. nisi quia presbyteros sacerdotes intelligebat, a quibus solis poterat unctionis sacramentum administrari? Habet, & spirituales promissionem, id est animæ curationem annexam, quod maxime solent in sacramentis hæretici requirere. *Et si in peccatis fuerit* (inquit Iacobus) *uer. 15. remittentur ei.* Itaque rectè Chrysostom. libro tertio de sacerdotio ex eo loco probat habere sacerdotes potestatem per sacramenta peccata remittendi. Nec uero ullum fuit unquam ab Apostolis seculum, quo non pro uero sacramento habitum fuerit, ut ex eodem Chrysostomi loco, & ex Innocentio 1. epistola ad Decentium Eugubinum Episcopum cap. 8. & ex Bedæ hoc loco, & in commentariis cap. 5. Iacobi, tum etiam ex multis ueterum Conciliorum decretis perspicuum est. At nunc, inquiunt nonnulli, nondum Apostoli sacerdotes erant, & non poterat sacramentum ab aliis dari, quam sacerdotibus, &

illi



illi ipsi non baptizatos tantum, nec solum, moribundos agrotos, sed omne agrotorum genus carcos, mutos, debiles, & claudos ungebant: sacramentum autem unctionis nec nondum baptizatis, nec alijs, quam moribundis dari poterat. Miror Catholicos, & doctos auctores tam leui ratione in re tanti momenti a uera, communicque sententia dissidere, & Christo legis auctori legem imponere. Potuit enim, qui legem tulit, pro suo arbitrio lege uti. Nam, & ut soli sacerdotes baptizent, nisi aliud necessitas postulet, preceptum est Christi, qui solos iussit Apostolos baptizare, & ex illis ipsis vnus D. Paulus affirmat se non ad baptizandum, sed ad euangelizandum missum esse 1. Cor. 1. 17. & legimus tamen Apostolos, an requam sacerdotes facti essent, baptizasse Ioannis 4. 2. Hæc dicimus non necessario, si enim velimus summo iure, vnde isti auctores probant nondum tunc Apostolos fuisse sacerdotes? Scio vulgarem esse sententiam, sed incertam tamen esse. Qua ratione doceant Apostolos, aut nondum baptizatos, aut omnis generis agrotos vnxisse sine vilo discrimine, cum nullo id scriptura exemplo probare possint, & nos exemplis possimus probare contrarium? Nam certe Petrus claudum illum non unxit, quem ad portam templi sedentem curauit Act. 3. 6.

14. *Et audiunt rex Herodes.* Nomen, & famam Iesu, ut statim explicat Euangelista, manifestum enim factum est nomen eius, & Matthæus c. 14. 1. & Lucas c. 9. 7. Tota hæc historia, quæ vsque ad vers. 30. narratur, apud Matthæum exposita est.

36. *Et conuenientes.* ἡγεμονίζοντες, & congregantur iterum ad Christum, si euerant, antequam ad prædicandum mitterentur. Propterea enim dicit congregatos fuisse, quia prius ver. 7. dixerat binos fuisse, hæc illuc in varias Iudeæ partes ad prædicandum dissipatos.

*Renuntiauerunt ei omnia, quæ egerat,*

*& docuerant.* Narrauerunt ei, & quæ docuissent, & quæ miracula fecissent. Verbum enim *τοῖς* facere absolute posuit, pro facere miracula, ut Lucæ 9. 7. & Act. 1. 1. Præceperat illis Christus, ut docerent, & doctrinam miraculis confirmarent supra vers. 7. & Matthæi 16. 7. 8. & Lucæ 9. 2. utriusque rei reuerentes rationem illi reddunt. Quam ob causam incertum. Plerique tamen ideo factum putant, quod equum fuerit, ut illi, a quo missi fuerant, rationem suæ redderent legationis. Datum etiam concionatoribus exemplum, ut si quid concionando boni egerint, id acceptum referant Christo. Hieron. Strabus, Theoph. Id quidem certe, & ut illi facerent, æquum fuit, & ut nos eos fecisse credamus, quia facere debuerunt, magis æquum est. Sed aliam etiam suspicor fuisse causam, si licet ex exemplo coniecturam facere. Redibant a legatione sua gaudij, animique pleni, quod res ex voto successisset, inque in Domino quidem gloriantes, sed gloriantes tamen nidentur quæque docuissent, quæque fecissent miracula Christo renuntiare, quemadmodum & septuaginta illi duo apud Lucam ca. 10. 17. Existimat Beda Apostolos non solum, quæ ipsi fecissent, docuissentque, verum etiam, quæ Ioannes passus fuisset, quasi ignoranti Christo renuntiasse, deceptus, ut opinor, uerbis Matthæi ca. 14. 12. *Et accedentes discipuli eius tulerunt corpus eius & sepelierunt illud, & renuntiauerunt Iesu* Non enim dicit Matthæus Christi discipulos, sed Ioannis de eius illi morte renuntiasse, quod idem ex Luca manifestum est: præterquam quod Ioannes multo ante fuerat occisus, quam ad prædicandum Apostoli mitterentur, ut apud Matthæum c. 14. 12. disputauiamus. Itaque non poterant a prædicatione reuertentes, quasi rem nouam mortem Ioannis Christo renuntiare. Quæ reliqua sunt usque ad finem huius capituli, apud Matthæum declarauimus.

Cap. 14

CAPVT



## CAPVT VI

Mat. 15, 2



Hic. 29, d. 17

Ex. 20, c. 12.

Deu. 6, b. 16.

Eph. 6, a. 2.

Exo. 21, c. 16

Leu. 20, b. 9

Pro. 20, c. 20

Mat. 15, b. 10

Gen. 6, a. 5.

**D**T conueniunt ad eum Pharisei, & quidam de Scribis, venientes ab Ierosolymis. 2. Et cum vidissent quosdam ex discipulis eius communibus manibus, id est non lotis, manducare panes, vituperauerunt. 3. Pharisei enim & omnes Iudaei, nisi crebro lauerint manus, non manducant, tenentes traditionem seniorum: 4. & a foro nisi baptizentur, non comedunt: & alia multa sunt, quae tradita sunt illis seruare, baptismata calicum, & vrceorum, & aeramentorum, & lectorum: 5. & interrogabant eum Pharisei, & Scribae: Quare discipuli tui non ambulant iuxta traditionem seniorum, sed communibus manibus manducant panem? 6. At ille respondens, dixit eis: Bene, prophetauit Iesaias de vobis hypocritis, sicut scriptum est: Populus hic labijs me honorat, cor autem eorum longe est a me. 7. in vanum autem me colunt docentes doctrinas, & praecepta hominum. 8. Relinquentes enim mandatum Dei, tenetis traditionem hominum, baptismata vrceorum, & calicum: & alia similia his facitis multa. 9. Et dicebat illis: Bene irritum facitis praeceptum Dei, ut traditionem vestram seruetis. 10. Moyses enim dixit: Honora patrem tuum, & matrem tuam. Et Qui maledixerit patri, vel matri, morte moriatur. 11. Vos autem dicitis: Si dixerit homo patri, aut matri, Corban (quod est nonum) quodcunque ex me, tibi profuerit: 12. & ultra non dimittis eum quidquam facere patri suo, aut matri, 13. rescindentes verbum Dei per traditionem vestram, quam tradidisti: & similia huiusmodi multa facitis. 14. Et aduocans iterum turbam, dicebat illis: Audite me omnes, & intelligite. 15. Nihil est extra hominem & introiens in eum, quod possit eum coinquinare sed quae de homine procedunt illa sunt, quae communicant hominem. 16. Si quis habet aures audiendi, audiat. 17. Et cum introisset in domum a turba, interrogabant eum discipuli eius parabolam. 18. Et ait illi: Sic & vos imprudentes estis? Non intelligitis quia omne extrinsecus introiens in hominem, non potest eum communicare: 19. quia non intrat in cor eius, sed in ventrem vadit, & in secessum exit, purgans omnes escas? 20. Dicebat autem, quoniam quae de homine exeunt, illa communicant hominem. 21. Abintus enim de corde hominum malae cogitationes procedunt, adulteria, fornicationes, homicidia, 22. furta, auaritia, nequitia, dolus, impudicitia, oculus malus, blasphemia superbia, stultitia. 23. Omnia haec mala abintus procedunt, & communi-



municant hominem, 24. Et inde surgens abiit in fines Tyri, & Sidonis, & ingressus domum, nemine voluit scire, & non potuit latere. 25. Mulier enim statim ut audiuit de eo, cuius filia habebat spiritum immundum, intrauit, & procidit ad pedes eius. 26. Erat enim mulier Gentilis, Syrophœnissa genere. Et rogabat eum ut dæmonium eiiceret de filia eius: 27. Qui dixit illi: Sine prius saturari filios: nō est enim bonum sumere panem filiorum, & mittere canibus. 28. At illa respondit, & dixit illi: Vti que Domine, nam & canelli comedunt sub mensa de micis puerorum. 29. Et ait illi: Propter hunc sermonem vade: exijt dæmonium à filia tua. 30. Et cum abiisset domum suam, & inuenit puellam iacentem supra lectum, & dæmonium exiisse. 31. Et iterum exiens de finibus Tyri venit per Sidonē ad mare Galilææ inter medios fines Decapoleos. 32. Et adducunt ei surdum, & mutum, & deprecabantur eum, ut imponat illi manum. 33. Et apprehendens eum de turba seorsum misit digitos suos in aures eius, & expuens tetigit linguam eius: 34. & suspiciens in celū ingemuit, & ait illi: Ephphetha, quod est adaperire. 35. Et statim apertæ sunt aures eius, & solutū est vinculum linguæ eius, & loquebatur recte. 36. Et præcepit illis, ne cui dicerent: Quanto autē eis præcipiebat, tanto magis plus prædicabant: 37. & eo amplius admirabantur, dicentes, Bene omnia fecit: & surdos fecit audire, & mutos loqui.

Mat. 15. 6.  
14.Mat. 9. d.  
32.  
Luc. 11. b.  
14.

## IN CAP V T VII.

**E**T cōueniunt ad eum. ) καὶ συνέβησαν πρὸς αὐτόν, & congregantur ad eum. Non eodem modo, quo Apostolos congregatos fuisse dixerant c. 6. 30. Nā illi gratificabūdi ad Christum conuenerant, isti calumniabundi, quasi manu facta conspirantes illum c. reuoluant.

Venientes ab Ierosolymis. ) Hoc autē alterutra, aut vtrique fortasse de causa uidetur. Euangelista notauisse, aut ut Phariseorum, & Scribarum in calūnianda doctrina, vtrique Christi studiū, diligentiamque declararet, qui ut eū caprati alicunde occasione accusare possent, à Hierosolymis vsque in Galilæam venerant, (si ea tamen de causa venerunt, neq; enim possumus de eorum animis iudicare) aut ut rationem

tacite redderet, cur illi potius Pharisæi, & Scribæ, quam qui in Galilæa erant, ausi fuerint Christum reprehendere: quia cum Hierosolymitani esset vnde omnis legis, & traditionum scientia petebatur, plus sibi auctoritatis, liberatiusque præsumebant. Hec historia copiosius à Marco, quàm à Mattheo narratur, à Luca verò prorsus prætermittitur.

Cap. 15.  
initio.

2. Et cum uidissent quosdam ex discipulis eius. ) Quid si omnes id facientes uidissent? Non debuerunt, quod omnes discipuli faciebant, uitio uertere magistro, quanto minus, quod non omnes, sed aliqui faciebant? etsi non arbitror ideo Euangelistam dixisse quosdam, ut indicaret non omnes, sed aliquos tantum Christi discipulos solitos fuisse illotis velsi manibus, sed potius, ut innueret non oēs, sed

sed.



sed aliquos tantum à Phariseis uisos fuisse ita uescentes, idque satis fuisse hominibus ad calumniandum paratis, ut inde occasionem arriperet non solum discipulos omnes, sed ipsum etiam Christum accusandi. Nec enim credendum est alios Christi discipulos illam Phariseorum de lauan-  
dis manibus traditionem consueuisse seruare, cum dum iam uersari cum Christo ignorare non possent, quàm esset inanis.

Commune  
in scriptu-  
ra.

*communibus manibus, id est non lotis.* Quia phrasim erat Hebraica, & Græcis auribus peregrina, timens Græcè scribens Euangelista, ne non satis intelligeretur, exposuit. Communia uocant Hebraei, quæ sancta, & munda non sunt, quod liceat ea ab omnibus communiter, & Iudæis, & Gentilibus, & mundis, & immundis contrectari. Et si mirum uideri potest magis in nouo, quàm in ueteri Testamento, & magis Græcè, quàm Hebraicè, aut Syriacè loquentes auctores sacros ea uerbi phrasim. Quia ergo Pharisei in lotionem manuum non solum corporis mundiciem, uerum animi etiam sanctitatem consistere putabant, illotas manus communes, id est pollutas, prophanas, minimeque sanctas appellabant. Illotas autem non quocunque modo manus reprehendunt, neque enim uero simile est Apostolos tam rusticis fuisse moribus, ut sordidis omnino manibus cibum sumerent, sed eas tantum, quæ non ex maiorum ritu, religionèque lotæ essent non solum à sordibus, sed ab omni etiam contactu prophanarum rerum, quales erant multæ ex lege Moysi, & Phariseorum traditionibus innumerabiles. Ritus autem erat, ut Theophylact. adnotauit, ut ad cubitum usque lauarentur.

*Manducare panes.* Notum omnem apud Hebræos cibum *panem* appellari. Plurali autem, ut mihi uideatur, uis sunt numero, ut non actum unum, sed quotidianam consuetudinem significarent quasi dicerent, non semel tantum necessitate aliqua com-

pulsos, sed semper eos illotis manibus uesci solere.

*Visuperauerunt.* (ἐξέυλατρο, incusauerunt. Potest hoc uel ad discipulos referri, ut Theophylact. refert, quasi non Christum Pharisei, sed eius discipulos accusauerint, uel ad Christum. Mihi, & Christum, & discipulos uidetur accusasse, nam etsi non dicunt, quare tu communibus manibus panem maducas? sed quare discipuli uisuperauerunt? tam Christum in discipulis potius, quàm discipulos ipsos accusare uoluerunt, quasi ab eo docti essent maiorum suorum contemnere traditiones. Neque enim aduersus discipulos, sed aduersus Christum odium ipsos, & inuidia stimulat.

3. *Pharisei enim, & omnes Iudæi.* Reddit causam reprehensionis, & Pharisei Iudæi erant, itaque satis esse potuit Iudæos dicere, ut etiam Pharisei intelligerentur, sed ideo, ut opinor, distinxit, ut Phariseos, quibus primum locum dedit, primos eius traditionis auctores, aut eius præceptos obseruatores fuisse significaret. *Nisi crebris lauerint manus, non manducant.* Quid? nonne satis erat semel initio prandii lauare? erat consuetudo superstitione Phariseorum induta, sæpe etiam inter prandendum lauare manus, ne quem forte cibum, remue aliam præscripto legis immundam tetigissent, ut nonnulli tradunt auctores, & ex hydriis in nuptiali illo conuiuio ad eum paratis usum colligi potest Ioannis 2.6.

*Tenentes traditiones seniorum.* Quas Hebræi *מנהגים* Greci *θευτεράσεις* uocant: quasque Scriba, & Pharisei composuerant, quarum extat inter Iudæos liber præceptumque, ut summa seruetur diligentia.

*Et à foro, nisi batizentur, non comedunt.* (ὅτι ἀπὸ ἀγορῆς, & à foro, intelligitur participium ἐλθόντες uenientes. Ideo autem ex foro potius, quàm aliunde redeuntes lauabant; quia in foro omne genus homines uersabantur, Iudæi, Gentiles; mundi immundique. Quidam adnotauerunt ideo Euangelistam usum fuisse Græcè uerbo

Citato  
15.

Iudæorum  
traditiones

Inde scribit  
locum ubi  
se sancta



bo βαπτίζομαι, non ὡς πτεροδά, ut significaret totos se consueuisse, cum ex foro redibant, in aquam immergere, ne quid in corpore immunditie remaneret: id enim Græco baptizandi verbo declarari, magis non improbo, quàm probo.

Baptismata calicum, & urceorum, & eramentorum, & lestorum.) Omnia nimirum, quæ contestationi prandentes erant, ne eorū attestacione, si forte immunda essent, cōtaminarentur, prius eluebant. Itaque lectos ἁλῖνες hoc loco non eos, in quibus dormiebant, sed eos, in quibus ad mensam accumbebant, intelligo, quos Latini totos appellabant. Reliqua, quæ usque ad uersum 31. scribit Marcus, apud Matthæum explicata sunt.

31. *Exierum exiens de finibus Tyri.*) Dixerat supra uersu 24. Christum se in fines Tyri, & Sidonis contulisse, ideo dicit *iterum*, non quòd iterum egressus esset, iterum redisset, sed quòd *iterum*, ut sæpe diximus pro rursus accipiat, neque refertur ad uerbum *exiens*, sed ad nomen *Tyri*, tanquam si Latine dicas, & exiens ab iisdem finibus Tyri.

*Venit per Sidonem.*) Sic omnes fere Latini codices, & interpretes legunt, ut Hieronymus: Græci fere omnes, & Syriacus ad hunc modum, *Exierum exiens a finibus Tyri, & Sidonis uenit ad mare Galilææ*. Quam lectionem id circo magis probo, quia sensum meliorem habet. Primum quidem credendum non est Christum in urbes Gentilium ingressum fuisse, qui non nisi ad oues, quæ perierant domus Israel, se missum dixerat Matthæi 15. 24. quique Apostolis præceperat, *in uiam gentium ne abieritis* Matthæi 10. 5. & supra uersu 24. non dixit Marcus in Tyrum, & Sydonem, sed in fines Tyri, & Sydonis abiisse. Nec nunc dicit eum a Tyro, & Sydōne. Sed de finibus Tyri, & Sidonis redisset. Etsi non ignoro Theophylact. Euthym. & nonnullos auctores alios contra sentire, & Brocardum scriptorem non indiligentem ita loca quædam ad Tyri, & Sidonis portas, ubi Chri-

stus miracula fecerit, designare, ut nō obscure significet eum in urbes ipsas Tyri, atque Sidonis ingressum fuisse. Habeo sententiæ meæ auctores plures, atque grauiores, quos apud Matthæum c. 15. 21. nominauimus.

*Ad mare Galilææ.*) Ad stagnum Genesareth, de quo supra cap. 1. 16. & cap. 2. 13. & cap. 3. 7. & cap. 4. 1. 39. 41. & cap. 5. 1. 21.

*Inter medios fines Decapoleos.*) Iter habens.

32. *Et adducunt ei surdum, & mutum.*)

Non est hæc eadem historia, atque illa, quæ a Matthæo cap. 9. 32. & a Luca 11. 14. narratur, ut apud Matthæum disputauimus. Ille enim mutus demonium habebat, hic non habebat, & si Theophyl. & Euthym. hunc etiam demonium habuisse putant, sed id scilicet Euangelista non tacuisset, quod ad commendationem minisciuli maxime pertinebat. Nec eo sensu hæc ceremonia, tam baptizat, utitur Ecclesiæ, quasi existimet ea Christum ceremoniam demonem eiecisse, aut ipsa ex ratione uelit eijceret, sed ut doceat nō dum baptizatum hominem ad uerbum Dei surdum, ac mutum esse, debereque, & eius ad audiendum aures aperiri, & ad profuturam fidem linguam eius solui, atque ita eos, qui baptizantur, Ecclesiæ a susceptoribus offerri, sicut hic mutus, ac surdus Christo a cognatis, aut amicis oblatu est, præsertim infantes, qui neque per se loqui, neque ad Christum, nisi ab alijs afferantur, uenire possunt. Nam & hic ideo ab alijs ad Christum adductus dicitur, quia nec uenire per se ad eum, quem ignorabat, neque loqui pro se poterat, & quo maxime indigebat, sanitatis beneficium postulare. Videtur non omnino fuisse mutus, sed impedire ad loquendum linguæ, quia Græcè *μωρανδρος*, id est ægrè, ac difficile loquens appellatur. Et aliquando, & audierat melius, & liberius loquutus fuerat, siquidem linguam didicerat, quæ simul, ut sanatus est, loqui cepit: nisi credere uelimus, & eam partem unam fuisse miraculi, ut non modo impedita solueretur lingua,

Citato cap. 15.

Inde script. locorū test. 22 sanctæ.



qua, sed sermonis etiam cognitio conferretur. Id etiam videtur Marcus ver. 35. subindicare, cum dicit loquutum fuisse rectè, veluti insinuans loqui quidem ante, sed non rectè loqui potuisse.

*Et deprecabantur eum.*) Sic etiam Greg. legit homil. in Ezechielem 10. Græcè tamen est παρακαλοῦσιν αὐτόν, deprecantur eum: atque ita etiam legendum esse Latine docet ea, quam temporum consequentiam Grammatici vocant. Alioqui dicendum fuit, *et deprecabantur eum, ut imponeret illi manum.*

Curatio ægrotorū per impositionem manuum,

*Ut imponat illi manum.*) Manus illi a Christo imponi postulabant, aut quod scirent eum manuum impositione alios multos ægrotos curauisse supra cap. 1. 31. & 5. 41. & 6. 5. & infra cap. 8. 23. 25. & Matthæi 8. 3. 15. & 9. 25. & 19. 15. & Luca 13. 13. aut quia vetus erat prophetarum, & sanctorū virorum consuetudo, ut impositis sanarent manibus, quod ne Gentiles quidem ignorabant, ut Naaman ille Syrus in iudicio est 4. Reg. 1. 11. *Irauit Naaman recedebat dicens, Puerbam, quod egredereetur ad me, et stans innocaret nomen Domini Dei sui, et tangeret manu sua locum lepræ, et curaret me.* Hac ducti consuetudine alij etiam idem, ut faceret, Christum rogauerunt supra c. 5. 23. & Matthæi 9. 18. & 19. 13. & infra c. 8. 22.

33. *Et apprehendens eum a turba seorsum.*) Nemini, ut arbitror, hunc locum legenti non statim occurrit dubitatio, quam ob rem mutum illum Christus curandi causa a turba semouerit, cum eius potius gloria postularet videretur, ut coram quamplurimis testibus miraculum faceret. Huius rei Hieronym. & Beda causam hanc afferunt, quod qui a Christo curari uolunt, recedere a tumultu hominum debeant. Rectè, sed allegoricè. Chrysostom. apud Diuum Thomam, Theophylactus, & Euthym. ut fugeret ipse, & nobis fugiendi iactantiam daret exemplum: Nunquam enim coram alijs, nisi propter ipsorum utilitatem, miracula facere solebat. Alij, quod

eos, qui tunc aderant, indignos, qui miraculum uiderent, iudicauerit. At uiderunt statim effectum. Alij, ut surdum, mutum quæ curaturus remouit ab hominum cœtu melius oraret: orasse enim ex uersu 34. manifestum est. Credo ego eodem consilio Christum eum a turba hominum semouisse, quo paullo post uersu 36. præcepit illi, cæterisque, qui illum adduxerunt, *ne cui dicerent.* Quod ipsum, qua ratione fecerit, illic exponemus.

*Et misit digitos suos in auriculas eius.*) Duabus Christus in hoc miraculo faciendo ceremoniis non quidem necessariò, sed certo tamen consilio usus est. Neque enim dubium est, ut Chrysostom. ait, quin potuerit, & sine digiti contactu, & sine salua curare. Quo autem consilio utrumque facere uoluerit, non curiosè queri solet. Recepta apud bonos auctores sententia est, digito Christi Spiritum sanctum, salua diuinam sapientiam significari. Nam cum Lucas capitulo undecimo, 20. dicat Christum dixisse, *si in digito Dei eicio demonia*, Matthæus capitulo duodecimo, 28. dicit eum dixisse, *si in spiritu Dei eicio demonia*. Itaque digitus Dei, & spiritus Dei una res sunt: & diuinam sapientiam a Christo in nos, sicut ex capite saluam deriuari. Ita Gregorius homilia in Ezechielem 10. Hieronym. Beda, & Strabus in commentariis. Alij, ut qui hominem totum initio manu sua formauerat, totum per peccatum deformatum eadem, qua formauerat, manu reformaret. Chrysostom. apud D. Thom. Quorsum ergo salua? Melius Euthym. & Theophy. ut ostenderet omnes corporis sui partes propter coniunctam diuinitatem fuisse salutiferas. Hanc ego rationem probo: nec enim alio consilio uidetur Christus digitos hoc loco in aures surdi, saluam in os muti immisisse, quàm quo solebat toto a grotantib. corpore man⁹ imponere, ut corporis sui efficitate declararet, cuius cōtactu omnes curaret morbos: ut ex Cyrillo Alexandrino apud Matthæum annotauimus.

Vide



Videtur etiam voluisse Christus non semper aequaliter suam diuinitatem potentiamque declarare, quod non semper, etiam si nos causa lateat, conuenire indicaret. Aliquando solo uerbo daemones eiicit, mortuos exsuscitat, ostendens se omnino esse Deum: aliquando tactu, salua, luto sanat aegrotos, accommodans quodammodo potentiam suam ad modum agendi causarum naturalium, & ad sensum, & consuetudinem hominum. Quia ergo, qui surdi sunt, uidentur re aliqua obstratas habere aures, mittit digitum in aures surdi, quasi clausas, & obstratas terebraturus, aut impedimentum, quod in illis erat, ablaturus digito. Et quia, qui muti sunt, uidentur linguam nimia siccitate habere linguam, palatoque adhaerentem ideoque loqui non posse sicut propheta ille dixit, *lingua mea adhaesit faucibus meis*. Psalm. 21. 16. & alio loco, *adhaereat lingua mea faucibus meis*, id est mutus siam si non meminero tui, id est nisi laudes tuas praedicauero Psalm. 136. 6. mittit saliuam in os muti, quasi eius linguam humectaturus, saliuam autem potius, quam humorem alium, quod humana saliuam multos ad morbos medicamentum esse, quod saliuam humectari lingua, & mobilis, uolubilisque fieri soleat, nam & qui humidiores sunt cerebro, quia plus saluae habent, solutiorem uidemus habere linguam. Itaque quem admodum per metaphoram surdae aures clausae, & muta lingua ligata dicitur, ita & per metaphoram Christus digitum in aures surdi, saliuam in os muti immisit. Hoc tantum interest, quod illa metaphoram in uerbis, haec in factis consistit. Putat Euthym. Christum duos digitos in duas surdi aures misisse, unum dexterae manus in aurem dextram, alium sinistrae in sinistram, propterea ut opinor, quod Euangelista plurali usus sit numero. Duos quidem in duas aures digitos immisisse probabile est, quia utrique auri audiendi restituit facultatem; dexterae uero manus

digitum in dextram, sinistrae in sinistram misisse nulla ratio est, & est ratio aliqua contraria, quia cum Christus aduersus staret surdo, necesse erat, ut dextrum eius latus surdi sinistro, sinistrum dextro lateri responderet. Nisi dicamus, quod nulla potest coniectura probari, transuersa in figuram crucis posuisse brachia, quod Patriarcham Iacobum filijs Ioseph benedicentem fecisse legimus Genes. 48. 14.

*Et expuens tetigit linguam eius* (ubi *expuas*, & cum expuisset, tetigit (sub salina) linguam eius. Non est credibile in os muti inspuisse, sed cum prius expuisset, sumptam deinde saliuam digito super muti linguam imposuisse, idque ex Graecorum uerborum proprietate colligitur. Alias etiam legimus Christum saliuam curasse caecos, ut infra cap. 8. 23. & Ioannes 9. 6. quibus in locis ea de re dicemus.

34. *Et suspiciens in caelum ingemuit*, Vtrumque, & quod in caelum suspexerit, & quod ingemuerit orantis fuit, ut Greg. homilia in Ezechielem 10. Beda, & Theophylactus existimant. Quamquam Chrysostomus apud D. Thom. & Euthymius in commentarijs gemitum illum dolentis fuisse putant humanam conditionem, atque miseriam, quod ita hominibus daemones illuderet. Vtrumque probabile est, ut & Theophylasto uidetur. Minimè opuserat Christo, ut oraret, & aegrotis a patre gemitu etiam edito sanitatem peteret, quam poterat per se ipse dare: sed tamen uidemus cum, cum miracula quadam faceret, orare solitum, ut Ioannis 11. 41. 42. 43. eius rei causa quadam apud Ioannem à Christo ipso redditur, *Pater, inquit, gratias ago tibi quoniam audisti me; ego autem sciebam, quia semper me audis, sed propter populum, qui circumstant, dixi, ut credant, quia tu me misisti*. Ergo propterea nunc Christus, si ex uno exemplo facere coniecturam licet, facturus miraculum Patrem orat, ut qui aderant, intelligerent se ab eo missum esse. Aliam rationem Gregorius homilia

10. in



10. in Ezechielē, Beda, Strabus, Theophyl. & Euthy. in commentarijs afferunt, ut nobis, ut idem faceremus, exemplum praeberet. *Qui suspiciens, inquit Greg. in caelum ingemuit, non quod ipse necessarium gemitum haberet, qui dabat, qđ postulabat, sed nos ad eū gemere, qui cēlo presidet; docuit, ut aures nostrae per dona sancti spiritus aperiri, et lingua per saluam oris, id est per scientiam diuinę locutionis, solui debeat ad uerba predicationis. Allegoricę.*

*Ephphetha* (אֶפְפֶּתָה) Ethpethach Chaldaicus est imperatiuus passiuę significationis, Latine *aperire*, aut *aperius esto*, sicut dixit leproso. Munda re, id est mundus esto, supra c. 1. 4. 1. & Mat. 8. 3. & Luca 5. 13. Eodem loco utrumque Christus ostendit, ut obseruauit Beda, & seuerum esse Deum, qui imperando curaret morbos, & a patre tamen omnem accepisse potestatem, qui curaturus precaretur illum. Querunt quidam, quam ob causam Euangelista Chaldaicum uerbum, quo Christus usus est, retinuerit. Mirum, quā hoc loco ineptus sit quidam hereticorum interpres, qui minime apud eos ineptus iudicatur. *Ideo, inquit fecit, ut indicaret nullam in uerbo curandi uim fuisse, nosque superstitionis accusat, quod in certis quibusdam uerbis uim esse aliquam existimemus.* Fallor, nisi insanit. Si enim sanus fuisset, intellexisset, ut profectō se contrarium sua illa ratione concludere debuisset. Si enim nulla in uerbo uis erat, quid opus era t, ut Euangelista illud ipsum, quod Christus pronuntiauerat uerbum, & eadem, qua ille pronuntiauerat, lingua recenseret, nisi ut doceret, quo ueluti instrumento ram insignē Christus miraculum fecisset, quoque, qui eius personam gerunt, similibus in rebus uti debeant? Nam & gladium, quo rex aliquis hostem deuicerit, diligenter eius posterius conseruant, eoque, quoties possunt, libenter uti solent. Sed hæc non ideo disputamus, quod uera esse existimemus, sed ut istos rideamus irrisores. Non ita uim esse putamus implicatam uerbis, ut

si alterius linguae uerbo idem significante sententia eadem proferatur, nō sit uim eandem habiturum. Quin & baptismum, & alia omnia sacramenta quacunque tandem lingua eodem modo sensu conferantur, idem efficere docemus: negamus tamen, quod isti magnam Christo facientes iniuriam irrisores dicunt, nullam eius uerba uim habere, nec solum aliquam, sed etiam infinitam habere credimus, uerbo enim eius *cali firmati sunt, et spiritus oris eius omnis uirtus eorum.* Et si eius salua uim aliquam habuit, ut impediram hominis muti solueret linguam, cum, ut Theophyl. ait, tantum sit corporis excrementum, multo profectō maiorem eius uerbum habuisse credendum est, quod voluntatis eius, qua omnia perficit, instrumentum erat. *Domine, dicebat ille, non sum dignus, ut intres sub testamentum, sed tantum dic uerbo, & sanabitur puer meus* Matthæ. 8. 8. Verum enim uero plus fidei Gentilis ille Centurio, quam isti, qui solam fidem prædicant, habebat. Sed eam uim nos non in sono, non in Gracis, aut Chaldaicis litteris, sed in significatione, qua Christi uoluntas declaratur, collocamus. Scimus, quid Augustinus dixerit, *Nō quia dicitur, sed quia creditur non sonus transiens, sed uirtus manens.* Cur ergo Euangelista Chaldaicum uerbum retinere uoluit? ut maiorem, quemadmodum ego quidem arbitror, historiae fidem conciliaret, & quod plus auctoritatis, plus maiestatis, plus uenerationis ipsum à Christo Chaldaice pronuntiatum uerbum habere uideretur. Tanquam si nos Platonis aliquam sententiam proferentes non Latinis eam, sed Græcis ipsdem omnino, quibus ille usus sit, uerbis recitemus, haud dubium, quin & augeamus fidem, & orationi plus auctoritatis, grauitatisque adhibeamus.

35. *Et statim aperte sunt aures eius, & solutum est uinculum linguae eius, & loquebatur recte.* Exponit his uerbis & celeritatem, & perfectionem editi miraculi. Celeritatem quidem, quod

Psal. 12. 6.

Tract. 35.  
in Ioann.

Verba Christi, quibus sanabat vim sanandi habebat, ut salua,



ad vnum Christi uerbum non vlla interposita mora, sed statim consequutus effectus sit. Nimirum ille ipse dixerat Ephphetha, qui olim dixerat, & facta sunt: mandauerat, & creata sunt psal. 32. 9. Perfectionem uero cum dicit *loquebatur recte*, id est perfecte curatus est, non sicut ij, qui medicina arte curantur, in quibus solent plerumque aliquae praeerit morbi reliquiae remanere. Quod dicit de loquendi, id etiam de audiendi facultate intelligendum est, sed loquutum potius fuisse, quam audisse recte illum dixit, ut alluderet ad id, quod dixerat ver. 32. ubi eum *μογιλάλον*, aegre, ac difficile loquentem appellauerat, quasi dicat non iam difficile, impediturque, ut ante loquebatur, sed recte, atque expedite loquutum fuisse. Dicit autem apertas fuisse aures, & linguam solum vinculum metaphoricè loquens quasi clausae aures, ligata lingua eius fuerit, quod surdi aures clausas, muti ligatam linguam habere videntur.

36. Et praecepit illis, ne cui dicerent.) Non solum ei, qui curatus fuerat, sed iis etiam, qui eum ad Christum adduxerant, quia miraculo interfuerant praecepit, ne quid dicerent. Quod, quo consilio fecerit, multis iam locis differuimus supra cap. 1. 44. & 5. 43. & Matthaei 8. 4 & 9. 30.

Quanto autem eis praeceperat, tanto magis plus predicabat.) Graecismus est, quem maluit noster interpretes ad verbum exprimere, quam Latine loqui; *ὅσον δὲ αὐτοῖς αὐτοῖς διεσέλατο, μάλλον περίσσοτερον ἐκήρυσσον*, quo magis ille ipsis praeceperat, tanto illi magis praedicabant. Idem aliis ab eo curatis accidit Matthaei. 9. 30. 31. & supra

ca. 1. 44. 45. Vbi an aliqua in illis, qui prohibente Christo eius miracula predicabant, culpa fuerit, disputauimus. Hos hoc loco recte quidē Theophyl. excusat. D. Aug. lib. 4. de consensu Euangelistarum c. 4. & Beda in huius loci cōmentariis videtur existimare non sermō Christum prohibuisse, ne quid dicerent, sed potius, ut magis ad dicendum incitaret: nitimur enim in verum. Et ut aliis exemplū in ipsis praeberet, debere eos a se non prohibitos ipsius miracula omnibus enarrare, cum illi, qui prohibiti erant, tam diligenter narrauissent. Difficile creditu est. Cur ergo prohibebat, si sciebat id non esse facturos? Cur nobis praecepta tradit, quae nos non obseruatuos nouit? Facit ille, quod debet, quoque in se est, quamuis non ignoret nos, quod debemus, quodque in nobis est, minime facturos.

Cur Deus praecepta hominibus dat, quae scit non obseruatuos.

37. Et eo amplius admirabantur.) Hoc non solum ad eos, qui ad Christum surdum, & mutum adduxerant, sed etiam ad eos, qui ab eis, quid factū fuisset, audiebant, referri potest. Est enim quasi applausus, & acclamatio ea, quae audiebant approbantium. Id est ex Matth. c. 9. 33. simili apparet Exēplo, *Eiektō inquit, demonio loquutus est mutus. & mirata sunt turba dicentes, Nusquam apparuit sic in Israel.*

38. Bene omnia fecit.) Quasi dicant, nihil in eo reprehendi potest, quēadmodū Pharisei reprehendere conātur: nihil enim facit, quod bonum non sit, quodque non in maximum hominum redundet beneficiū: quod distribute exponunt, Et surdos fecit audire, & mutos loqui, G. ποιεῖ facit, id est facere solet.

## CAPVT VIII.

**I**N diebus illis iterum cum turba multa esset, nec haberent, quod manducarent, conuocatis discipulis ait illis: 2. Misereor super turbam, quia ecce iam triduo sustinet me, nec habent, quod manducet: 3. & si dimiserō eos ieiunos in domum suā, deficient in viā; quidam enim ex eis de longe uenerūt. 4. Et responderunt ei discipuli sui: vnde illos quis poterit hic saturare panibus

Matth. 15 d. 32.

Bbb



panibus in solitudine? 5. Et interrogauit eos: Quot panes habetis? Qui dixerunt: Septem. 6. Et præcepit turbæ discubere super terram. Et accipiens septem panes, gratias agens fregit, & dabat discipulis suis, ut apponerent, & apposuerunt turbæ. 7. Et habebat pisciculos paucos: & ipsos benedixit, & iussit apponi. 8. Et manducauerunt, & saturati sunt, & sustulerunt, quod superauerat de fragmentis, septem sportas. 9. Erant autem, qui manducauerant quasi quattuor millia: & dimisit eos. 10. Et statim ascendens nauim cum discipulis suis, venit in partes Dalmanutha. 11. Et exierunt Pharisei, & cæperunt conquirere cum eo, quærentes ab illo signum de cælo, tentantes eum. 12. Et ingemiscens spiritu, ait; Quid generatio ista signum quærit? Amen dico vobis, si dabitur generationi istæ signum. 13. Et dimittens eos, ascendit iterum nauim, & abiit transfretum. 14. Et obliui sunt panes sumere, & nisi unum panem non habebant secum in naui. 15. Et præcipiebat eis, dicens: Videte & caute a fermento Phariseorum, & fermento Herodis. 16. Et cogitabant ad alterutrum, dicentes: Quia panes non habemus. 17. Quo cognito, ait illis Iesus: Quid cogitatis, quia panes non habetis? nondum cognoscitis, nec intelligitis? adhuc cæcatum habetis cor vestrum? 18. oculos habentes non videtis? & aures habentes non auditis, Nec recordamini, 19. quando quinque panes fregi in quinque millia: quot cophinos fragmentorum plenos sustulistis? Dicunt ei: Duodecim. 20. Quando & septem panes in quattuor millia: quod sportas fragmentorum tulistis? Et dicunt ei: Septem. 21. Et dicebat eis: Quomodo nondum intelligitis? 22. Et veniunt Bethsaidam, & adducunt ei cæcum, & rogabant eum, ut illum tangeret. 23. Et apprehensa manu cæci, eduxit eum extra vicum: & expuens in oculos eius impositis manibus suis, interrogauit eum, si quid videret. 24. Et aspiciens, ait: Video homines velut arbores ambulantes. 25. Deinde iterum imposuit manus super oculos eius: & cepit videre, & restitutus est ita ut clare videret omnia. 26. Et misit illum in domum suam, dicens: Vade in domum tuam, & si in vicum introieris, nemini dixeris. 27. Et egressus est Iesus, & discipuli eius in Castella Cæsareæ Philippi, & in uia interrogabat discipulos suos, dicens eis: Quæ me dicunt esse homines. 28. Qui responderunt illi, dicentes: Ioannem Baptistam, alii Eliam, alii vero quasi unum de prophetis. 29. Tunc dicit illis. Vos vero quem me esse dicitis? Respondens Petrus, ait ei: Tu es Christus. 30. Et comminatus est eis, ne cui dicerent de illo. 31. Et cepit docere eos, quoniam oportet filium hominis pati mul-

Matth. 16,  
art. 1.  
Luc. 11. g.  
34.

Mat. 16. a.  
5.

Sup. 6. f. 41.  
Io. 6. b. 11.

Matth. 16. b.  
13.

Luc. 9. c. 15.



ta, & reprobari a senioribus, & summis sacerdotibus, et Scribis, & occidi; & post tres dies resurgere. 32. Et palam uerbum loquebatur. Et apprehēdens eum Petrus, cepit increpare eum. 33. Qui conuersus, & uidens, discipulos suos, cōminatus est Petro, dicens: Vade retro me satana, quoniam non sapis quæ Dei sunt, sed quæ sunt hominum. 34. Et conuocata turba cū discipulis suis, dixit eis: Si quis uult me sequi, deneget semetipsū: & tollet crucem suam, & sequatur me. 35. Qui enim uoluerit animam suam saluam facere, perdet eam: qui autem perdidit animam suam propter me, & Euangelium, saluam faciet eam. 36. Quid enim proderit homini, si lucretur mundum totum: & detrimentum animæ suæ faciat? 37. Aut quid dabit homo commutationis pro anima sua? 38. Qui enim me confusus fuerit, & uerba mea in generatione ista adultera & peccatrice: & filius hominis confundetur eum, cum uenerit in gloria patris sui cum angelis sanctis. 39. Et dicebat illis: Amen dico uobis, quia sunt quidam de hic stantibus, qui non gustabunt mortem, donec videant regnum Dei ueniens in uirtute.

Mat. i. d. 38  
& 15. d. 24.

Luc. 9. c. 22  
& 14. f. 27.  
& 17. g. 33.

Ioan. 12. d. 25.

Matth. 10. d. 33.

Luc. 9. c. 26.  
& 12. b. 9.

Matth. 16. d. 27.

Luc. 9. c. 27

## IN CAPVT VIII.

**I**n diebus illis. Sub idem tēpus, quod de industria dicere uidetur Euangelista, ne quis existimet certum diem notare uoluisse; aut significare ea, quæ sequuntur eodem omnino die, quo ea quæ superiore capite dicta sunt, accidisse. Non enim eodem die, sed trium dierum spatio hæc illaque facta sunt, ut constat ex uersu 2. & ex Matt. c. 16. 32. fuerat enim Christus per tres illos dies ibi, & miraculum illud, quod in fine superioris capitis narrauit Marcus, & multa alia, quæ a Marco prætermissa Matthæus commemorauit, fecerat: quibus uidendis illa quattuor millium hominum intenturba, oblita cibi, oblita potus, totum illud triduum cum Christo transegerat. Quæ autem sequuntur usque ad uersum 22. uide apud Matthæum c. 15. 32. & c. 16. 5.

22. *Et ueniunt Bethsaidam.* Bethsaidam ciuitas erat Petri, Andreæ, & Philippi, & ut Chrysostomus homil. 9. in hunc locum existimat, etiam Iaco-

bi, & Ioannis. Eam Brocardus diligens terræ sanctæ obseruator 1. p. ca. 5. §. 6. ita describit, *A Nephthalim tribus leucis in angulo maris Galilee, ut idem curnari incipit, ab Aquilone contra Austrum sita est Bethsaidam ciuitas Petri, Andreæ, & Philippi.*

*Et adducunt ei cæcum.* Verbum sine suppositio ex Hebraismo, quem tam multis iam locis indicauimus. Intelligitur autem participium, quod natura sua latet in uerbo, *adducunt ei*, sub. adducentes. Chrysost. homil. 9. existimat Apostolos intelligendos, qui mutum illum, & surdum ad Christum adduxerint. Minus probabiliter.

*Et rogabant eum, ut illum tangeret.* Aut non satis habebant fidei, qui existimabant, Christum, nisi tangendo, curare non posse, ut Theophyl. interpretatur: aut consuetudine ducebatur, quod scirent cōsueuisse Christum ijs, quos curabat, manus imponere de qua consuetudine diximus superiore capite uer. 31.

23. *Et apprehensa manu cæci eduxit eum extra vicum.* propter ciuium Bethsaiditarum incredulitatem, ut

Bbb 2 Theo.



Theophyl. & Euthy. arbitrantur, qui cum multa alia Christi miracula uiderent, credere noluerant, quemadmodum illis Matthæi 21. exprobrat Christus, *Vae tibi Corozaim, uae tibi Bethsaida, quia si in Tyro, & Sidone facta essent uirtutes, quæ facta sunt in uobis, olim in cilicio, & cinere penitentiam egissent.* Potius credo ea ratione eum extra uicem seduxisse, quæ supra c. 7. 33. mutum illum, & surdum, ut curaret à turba semouit: inde igitur causa petenda est.

*Et exuens in oculos eius.* Huius etiā rei causam capite præcedente uersu 33. exposuimus. Hoc tantum addendum, quod sicut illic saluam suam Christus immisit in os muti, quia salua humectatur, moueturque lingua ita solemus lippientes, & caligantes oculos salua mundare; ideo ergo salua eum curauit, quæ non quia humana, sed quia Christi, id est Dei salua erat, cæcum sanauit.

*Impositis manibus.* Putant Chrysostom. homil. in Marcum 9. manus super cæci oculos Christum posuisse, & antequam amoueret, interrogasse, nunquid uideret: in eoque miraculum fuisse, quod cum Christus manus super eius oculos positas haberet, quibus uel perspicacissimus hominis uisus impediri poterat, uideret tamen. Quod non magis mihi probabile uidetur, quàm opus illud esse Chrysostomi, quod est ingenio, eruditione, ac pietate non caret, genio tamen, stylo, sublimitate, & iudicio Chrysostomi caret, & quidem D. Thom. cum Chrysostomum citat in Marcum, nunquam hoc, sed aliud, quod nos non habere dolendum est citare solet. Aut ergo manus non super oculos cæci posuit, aut quod similis uero est, cum eas super oculos posuisset, indeque remouisset, interrogauit, ecquid uideret. Ita illud participium ἐπιθεῖς positum est pro ἐπιθεῖσας, cum posuisset.

24. *Videō homines uelut arbores ambulans.* Ambulantes ad homines referendum, ut ex uerborum Græcorum constructione perspicitur, quasi

dicat homines, quos ambulantes uideo, non homines, sed arbores mihi uidentur. Quare declarauit se uidere quidem aliquid, cum ante nihil uideret. Imperfectè tamen uidere, cum inter homines, & arbores distinguere non possit, quemadmodum qui procul hominem uident, quia molent corporis uident, lineamenta autem non discernunt, nesciunt utrum arbor, uel homo sit. Ita Beda. Mirum, cur non statim cæcus iste perfectè curatus fuerit, sicut tolebant egroti alijs a Christo curari. Chrysostom. apud D. Thom. Theophylact. & Euthym. totam in cæco eius rei causam esse putant, quod nondum perfectè crederet. August. uero apud Strabum (nam alibi, quod sciam, non habemus) & Chrysostom. ille quisquis fuit, cuius extant in hunc locum homilie, mysterium esse dicunt, quod ille cæcus primum imperfectam, cum solam legem: deinde perfectam cum Euangelium cognouit, scientiam habuerit. Hæc allegorica sunt, sicut illa, quæ a Hieronym. & Beda afferuntur, quæ nos quidem probamus, sed aliud querentes non amplectimur. Verisimile mihi uidetur in utroque fuisse causam, & in Christo, & in cæco. Nam perfectè credentem perfectè curare noluisse, quia Christi benignitate indignum, & ab eius consuetudine alienum est, credi non debet: & cum posset imperfectè credentem, si uoluisset, perfectè curare: uoluit tamen suam potentiam ad illius fidem moderari, quod, & in Petro super mare ambulante fecisse legimus, qui cum perfectè credebatur, firmis super mare uestigijs incedebat, cum dubitabat, mergebatur Matthæi 14. 30. fortasse etiam uoluit, ut cæcus beneficium, quod accipiebat, sanitatis, dum paulatim sibi conferebatur, pluris faceret.

26. *Et misit illum in domum suam.* Quare miserit, ex uerbis sequentibus intelligitur, ne si in proximam iret urbem, quæ in Bethsaida dicebatur, aut huc illuc uagaretur, miraculum euulgaret. Cur autem

ne

Homilia in  
Marcum fal  
so Chryso  
stomo ascri  
pta.



nemini dicere miraculum voluerit, non fuit noua, atque priuata, sed communis cum multis alijs miraculis causa supra c. 5. 43. & Matthæi 8. 4. & 9. 30. Inde peti debet.

Et si in vicum introieris. Vicum uocat Bethsaidam, quamuis Ioannes cap. 1. 44. ciuitatem appelleret, quia exiguam instar uicinerat. Quasi dicat, si necesse fuerit te, ut domum tuam redeas, per Bethsaidam transire, nemini ibi dixeris. Hinc apparet non fuisse cecum illum Bethsaiditam. Colligitur etiam minus uoluisse Christum, ut Bethsaiditæ miraculum illud scirent, quam alij. Non enim prohibet cecum domi suæ, & apud suos ciues, sed Bethsaiditæ narrare miraculum, quod Bethsaiditas indigne iudicauerit, qui ullum miraculum uiderent, qui tot conspecta miracula contempsissent, ut paulo ante ex Euthym. & Theophylacto dicebamus. Illud in Theophylacti commentario non probo, quod existimet misericordia quadam erga Bethsaiditas id fecisse Christum, ne si miraculum uidissent nec credidissent, grauiore poenas luarent. Quam opinionem cap. 6. 5. loco simili refutauimus. Omnia, quæ reliqua sunt in hoc capite, exposuimus in Matthæi commentarijs.

38. Qui enim me confusus fuerit. Co dices non nulli Latini pro confusus confessus legunt, errore ex Græcis uerbis manifesto, & inde, ut opinor, nato, quod confusus non satis congruentem, & perspicuum sentum habere uideretur. G. ἐπεὶ ἐμολ, in me. Sensus est, quem pudebit mei coram hominibus, eius me etiam pudebit coram Deo, qui erubuerit me confiteri coram hominibus, & ego cum confiteri erubescam. Noster interpres, dum

Græca uerba imitando conatur exprimere, minus Latine loquitur, sicut, & Marcus magis Hebraice, quam Græce loquutus fuerat. Hebræi dicunt כבודו confundere aliquem, id est negare illi, quod uult, quodque petit. Confundi Christum est erubescere confiteri illum fugere eius crucem, & ignominiam, deserere eius doctrinam propter persecutionem, aut pudorem, quod D. Paulus uno uerbo dixit, erubescere Euangelium Romanorum 1. 16. Quod autem dixit Paulus Euangelium, dicit Christus uerba mea, id est doctrinam meam.

In generatione hac adultera, & peccatrice. Coram hominibus istis spuris & peccatoribus. Opponit hominibus erubescantibus se filium hominis, id est Deum, rursus opponit hominibus, coram quibus erubescunt, Angelos, coram quibus Christus eos erubescit, opponit peccatoribus sanctos. Adulteram autem generationem uocat Hebraica phrasi filios Dei degeneres, qui cum Deo patri suo similes esse deberent, dissimilissimi sunt, quales spurij, & adulterini filij esse solent. Hebræi uocant בני זר בני filios alienos, id est dissimiles, ac degeneres, ut Psal. 17. 46. Filij alieni mentiti sunt mihi, filij alieni inueterati sunt, & claudicauerunt a semitis suis, & Psal. 143. 7. Emitte manum tuam de alto, eripe me, & libera me de aquis multis, et de manu filiorum alienorum. Eadem phrasi D. Paulus usus est Hebr. 12. 8. quod si extra disciplinam es, cuius participes facti sunt omnes, ergo adulteri, & non filij es. Hac etiam sententia apud Matth. capit. 10. 23. declarata est, nisi quod alijs a Matthæo uerbis, & ut alio dicta loco recitatur. Sed est uero simile non semel eam dixisse Christum.



## CAPVT IX.



**I**post dies sex assumit Iesus Petrum, & Iacobum, & Ioannem : & ducit illos in montem excelsum seorsum solos, & transfiguratus est coram ipsis. 2 Et uestimenta eius facta sunt splendentia, & candida nimis, uelut nix, qualia fullo non potest super terram candida fa-

cere. 3. Et apparuit illis Elias cum Moyse : & erant loquentes cum Iesu. 4. Et respondens Petrus, ait Iesu : Rabbi, bonum est nos hic esse : & faciamus tria tabernacula, tibi unum & Moyse unum, & Eliae unum. 5. Non enim sciebat, quid diceret : erant enim timore exterriti. 6. & facta est nubes obumbrans eos : & venit uox de nube, dicens : Hic est filius meus charissimus : audite illum. 7. Et statim circumspicientes, neminem amplius uiderunt, nisi Iesum tantum secum. 8. Et descendentibus illis de monte, precepit illis ne cuiquam quæ uidissent, narrarent : nisi cum Filius hominis à mortuis resurrexerit. 9. Et uerbum continuerunt apud se : conquirentes quid esset : Cum à mortuis resurrexerit. 10. Et interrogabant eum dicentes : Quid ergo dicunt Pharisei, & Scribæ, quia Eliam oportet uenire primum ?

11. Qui respondens, ait illis : Elias cum uenerit primo, restituet omnia : & quomodo scriptum est in filium hominis, ut multa patiatur & contemnatur. 12. Sed dico uobis quia & Elias uenit (& fecerunt illi quæcumque uoluerunt) sicut scriptum est de eo. 13. Et ueniens ad discipulos suos, uidit turbam magnam circa eos, & Scribas conquirentes cum illis. 14. Et confestim omnis populus uidens Iesum, stupefactus est, & expauerunt, & accurrentes salutabant eum. 15. Et interrogauit eos : Quid inter uos conquiritis ? 16. Et respondens unus de turba, dixit : Magister, attuli filium meum ad te habentem spiritum mutum : 17. qui ubicumque eum apprehenderit, allidit illum, & spumat, & stridet dentibus, & arescit : & dixi discipulis tuis ut eijcerent illum, & non potuerunt. 18. Qui respondens eis, dixit : O generatio incredula, quamdiu apud uos ero ? quamdiu uos patiar ? afferte illum ad me. 19. Et attulerunt eum. Et cum uidisset eum, statim spiritus conturbauit illum : & elisus in terram, volutabatur spumans. 20. Et interrogauit patrem eius : Quantum temporis est ex quo ei hoc accidit ? At ille ait : Ab infantia : 21. & frequenter eum in ignem, & in aquas misit ut eum perderet. sed si quid potes, adiuua nos misertus nostri. 22. Iesus autem ait illi : Si potes credere, omnia possibilia sunt credenti.

Matth. 17.  
ar. 1.  
Luc. 9. d. 28.

Matth. 17.  
b. 9.

Matth. 4. b. 5.  
II. 53. a. 5.

Matth. 17.  
b. 12.

Luc 9. cap.  
38.



denti: 23. Et continuo exclamans pater pueri, cum lacrymis  
 aiebat: Credo, Domine: adiuua incredulitatem meam. 24.  
 Et cum uideret Iesus concurrentem turbam, comminatus est  
 spiritui immundo, dicens illi: Surde, & mute spiritus, ego prae-  
 cipio tibi, exi ab eo: & amplius ne introeas in eum. 25. Et ex-  
 clamans, & multum discerpens eum, exijt ab eo, & factus est  
 sicut mortuus, ita ut multi dicerent: Quia mortuus est. 26.  
 Iesus autem tenens manum eius, eleuauit eum, & surrexit. 27.  
 Et cum introisset in domum, discipuli eius secreto interroga-  
 bant eum: Quare nos non potuimus eicere eum? 28. Et dixit  
 illis: Hoc genus in nullo potest exire, nisi in oratione, & ieiunio. 29. Et inde profecti praetergrediebantur Galilaeam: nec  
 volebat quemquam scire. 30. Docebat autem discipulos suos, Mat. 17. d.  
22.  
Leu. 9. c. 12.  
 & dicebat illis: Quoniam filius hominis tradetur in manus ho-  
 minum, & occident eum, & occisus tertia die resurget. 31. At  
 illi ignorabant verbum: & timebant interrogare eum. 32. Et  
 venerunt Capharnaum. Qui cum domi essent, interrogabat  
 eos: Quid in via tractabatis? 33. At illi tacebant. siquidem  
 in via inter se disputauerant, quis eorum maior esset. 34. Et re-  
 fidēs vocauit duodecim, & ait illis: Si quis vult primus esse, erit  
 omnium nouissimus, & omnium minister. 35. Et accipiens pue-  
 rum, statuit eum in medio eorum: quem cum complexus esset,  
 ait illi: 36. Quisquis vnum ex huiusmodi pueris receperit in  
 nomine meo, me recipit: & quicumque me susceperit, non me  
 suscipit. sed eum qui misit me. 37. Respondit illi Ioannes, di-  
 cens: Magister, vidimus quemdam in nomine tuo eicientem  
 daemonia, qui non sequitur nos, & prohibuimus eum. 38. Je-  
 sus autem ait: Nolite prohibere eum, nemo est enim qui faciat  
 virtutem in nomine meo, & possit cito male loqui de me. 39.  
 qui enim non est aduersum vos, pro vobis est. 40. Quisquis  
 enim potum dederit vobis calicem aquae in nomine meo, quia Luc 9. f. 49.  
1 Cor. 12. a. 3  
Mat. 1. d.  
42.  
 Christi estis: amen dico vobis, non perdet mercedem suam. 41.  
 Et quisquis scandalizauerit vnum ex his pusillis credentibus in  
 me; bonum est ei magis si circumdaretur mola asinaria collo-  
 eius, & in mare mitteretur. 42. Et si scandalizauerit te manus  
 tua abscinde illam; bonum est tibi debilem introire in vitam,  
 quam duas manus habentem ire in gehēnam, in ignem inextin-  
 guibilem. 43. vbi vermis eorum non moritur, & ignis non extin-  
 guitur. 44. Et si pes tuus te scandalizat, amputa illum: bonum  
 est tibi claudum introire in vitam aeternam, quam duos pedes  
 habentem mitti in gehennam ignis inextinguibilis: 45. vbi ver- Mat. 18. a. 6.  
Luc. 17. a. 2.  
Mat. 5. d. 30  
& 18. art. 6.  
Luc. 17. a. 2.







παύλος αὐτοῦ, docebat enim discipulos suos. Quasi reddatur causa, cur neminem scire uoluerit, ne id, de quo loquebatur, intelligeret. Mihi idcirco non placet, quod si id Marcus dicere uoluisset, non satis idoneam rationem reddidisset. Nam quod discipulis tunc Christus dicebat, uno dixit verbo, aut plurimum tribus, fore, ut filius hominis in manus peccatorum traderetur, ut occideretur, ut tertia die resurgeret; idque cum in uia soli essent, dixit, ubi nemo prater Apostolos audire poterat: & si domi dixit, poterat Apostolos ad se uocare, ut illis solis secretum committeret, quemadmodum paullo post ver. 3. in causa simili fecisse dicitur. Quid ergo opus erat ea de causa suum per Galilaeam celare transitum? Propterea igitur, ut ego quidem arbitror, noluit transitum suum per Galilaeam sciri, quia passionis tempus appropinquabat, uolebatque patiendi causa contendere Ierosolimam, uerbaturque, ne, si agnitus in Galilaea fuisset, omnes ad eum undique, ut solebant, incolae concurrerent, & aut habendis concionibus, aut demonibus eiiciendis, aut curandis agrotis sese detinerent. Illud solum huic uideretur ob stare sententiae, quod Euangelista non dicat, Ibat enim Ierosolimam, ut pateretur, sed docebat autem discipulos suos, & dicebat illis, quoniam filius hominis tradetur in manus hominum, & occident eum, & occisus tertia die resurget. Potest non difficile respondere, quod attinerat id, quod confirmare uolebat Euangelista, idem esse, docebat enim discipulos suos, & dicebat illis, quoniam filius hominis tradetur in manus hominum, atque si diceret, Ibat enim Ierosolimam ad mortem; sed quia simul ad moriendum ibat, simul id Apostolis declarabat, uoluit compendiosa utus breuitate unum dicendo utrumque significare. Itaque etsi iam bis id ipsum Apostolis indicauerat supra uersu decimo, & Matthaei decimoseptimo, nono, & Lucae nono, 22. tamen alio modo, & alia de causa nunc dicit; tunc, ut ad futurae

passionis patientiam Apostolos prepararet: nunc, ut significaret iam tempus adesse, sequi ad mortem Ierosolimam ire.

31. Docebat autem discipulos suos. & dicebat illis. Quam autem ob rem id illis dixerit, varia multi coniiciunt. Beda, & Theophylactus, ut ketis tristitia miseretur, Apostoli gestientes miraculis factis, infert illis Christus mentionem mortis. Euthymius in commentariis in capitulo decimoseptimo Matthaei, quia paulo ante discipuli alij in transfiguratione, alij in faciendis miraculis Christi perspexerant gloriam, atque maiestatem, nec ullo tempore magis idonei esse poterant, ut mortem Christi sine offensione, aut dubitatione in fide audirent, confirmati iam cognita, & per transfigurationem, & per miracula eius diuinitate. Aliam rationem Ambrosius, libro septimo, commentariorum in Lucam affert, fortasse, inquit, ideo hoc addidit, quia sciebat Dominus difficile passioni, & resurrectioni etiam discipulos credituros. Et ideo passionis, & resurrectionis suae assertorem se esse maluit, ut ex facto fides, non ex auditis discordia nasceretur. Mihi Theophylactus, ratio probatur, ideo hoc Apostolis dixisse Christum, ut ostenderet se non coactum, sed uolentem moriturum, qui morti obuiam procederet. Aliam praeterea causam fuisse suspicor, ut Apostolos in fide, patientiaque confirmaret, ne si improvisi, & non ante moniti morientem uidissent Christum,

1. Mar. 13. 2.  
1.  
Luc. 9. 2. 4.



stum, aut minus patienter mortē eius ferrent, aut de eius dubitarent diuinitate. Eadem opinor causa statim post mortem resurrectionem adiecit, ut quem resurrecturum sciebant, eū moriturum esse non mirarentur. Idem supra fecit uer. 10. & apud Matthæum cap. 17. 23.

*Quoniam filius hominis.*) Loquitur de se per tertiam personam, ut saepe solet. Sententia autem hæc apud Matthæum explicata est.

32. *At illi ignorabant uerbum.*) Nō intelligebāt, quod ipsis dicebat Christus. Quo ergo modo cōtristati sunt, ut ait Matthæus ca. 17. 23. Respondet eo loco Euthymius intellexisse quidem, quod de morte dixerat, discipulos: sed non intellexisse Luc. 9. 44. 45. *filius hominis futurum est, ut tradatur in manus hominum. At illi ignorabant uerbum istud, & erat uelatum ante eos, ut non sentirent illud.* Beda existimat non credidisse eos eum esse moriturum, quod minimè mori uellent, & quæ non optamus, non facile credimus. Hæc, inquit, ignoratio discipulorum non tam de tarditate ingenij eorum, quàm de amore nascitur Saluatoris, qui carnales adhuc, et mysterij crucis ignari, quem Deum uerum cognouerant, moriturum credere nequibant.

At non poterant contristari ob futuram mortem, si non credebant. Melius alij, intellexisse quidem uerba, non intellexisse mysteria, quomodo per mortem suam Christus homines esset a peccatis suis liberaturus. Mihi tamen non solum mysterium mortis videntur ignorasse, sed illud etiam, quomodo moriturus esset, cum tam saepe, maximeq; paullo ante tam prope regnū suum esse dixisset, ut essent nonnulli ex ijs, qui aderant, qui morturi non essent, nisi illud prius uiderent, nondum intelligentes regnum illius non eo uiuente, sed moriente, resurgenteque venturum esse. Intellexerunt ergo, quid & moriendi, & resurgendi uerbum significaret, eumque, & moriturum, & resurrecturum credebant, ideoque, ut ait Matthæus, contristati sunt. Nam et si futuræ resurrectio-

nis fides mortis dolorem alleuabat, tamen maluissent non mori eū, quàm mortuum per resurrectionem recuperare. Hoc ergo erat, quod non intelligebant, quomodo hæc uerba, quibus se Christus ad moriendum dicebat ire, cum illis conuenirent, quibus tam saepe dixerat regnum suum appropinquare, atque ideo dicuntur ignorasse uerbum.

33. *Et uenerunt Capharnaum.*) Paullo aliter Matthæus capitulo 17. 24. & capitulo 18. 1. & Lucas capitulo 9. 46. hæc narrant, si quid inter eos discrepantiæ uidetur esse, apud Matthæum explanauimus. Ex tribus Euangelistis colligi potest hoc modo, atque ordine rem accidisse. Cum adhuc essent in uia ut hic, & sequenti uersu scribit Marcus, intrauerat in eos cogitatio, quis eorum esset maior, ut Lucas ait capitulo 9. 46. Cum autem uenissent Capharnaum, & in domum introissent, ut opinor, Petri, ubi cum in ea erat urbe, consueuerat diuersari capitulo capitulo 1. 29. & capitulo 2. 1. & cap. 3. 20. cum in domum, inquam, introissent, accesserunt, qui didrachma petebant Matthæi 17. 24. Postea uocatos ad se discipulos interrogauit Christus, quid in uia inter se tractassent, ut hoc loco Marcus scribit: nam quod dicit uer. 33. *& residens uocauit duodecim, & ait illis, si quis uult primus esse, erit omnium nouissimus* per recapitulationem dictū intelligo: prius enim, quàm hoc illis diceret, ad se eos uocasse credendum est, ut quid in uia tractassent, interrogaret: non enim minus erat necessarium, ut priuatim de ea re interrogarentur, quam, ut priuatim docerentur. Illi autem respondere cunctabantur scientes ambitiosam fuisse quæstionem, ut uersu sequenti indicat Marcus, ob eam enim causam, cum id maxime scire cuperent, nō audebant Christum interrogare, ut Lucas inquit. Itaque Christus eos interrogando præuenit. Interrogati igitur a Christo, quid in uia disputassent, quāuis initio uerecundia respondere recu-sauerint, inuitati a Christo responderunt inter ipsos quæstionem fuisse, quisnam

Hebræorum  
Prouerbia 4



quisnam eorum maior in regno cœlorum futurus esset; simulque, ut quæstionē sibi solueret, Christum rogauerunt: atque hoc est, quod cap. 18. 1. scribit Matthæus, discipulos ad Christum accessisse, inter rogasseque. *Quis putas, maior est in regno cœlorum?* Tunc Christus, ut non verbis solum, sed rebus etiam repræsentandis efficacius Apostolos edoceret, quem morem multos Prophetas legimus tenuisse, puerum aduocauit, eumque in medio statuit Apostolorum, ut Matthæus, & Marcus tradunt, ut æquē scilicet ab omnibus conspiceretur, & ut ait Lucas, eum iuxta se posuit, quia & ipsum Christum in medio fuisse discipulorum credendum est, quod quidam existimant non in medio, sed inter Apostolos constituisse puerum, esseque phrasim Hebraicam, qua in medio idem sit, quod inter. Minus ad sensum huius loci accommodatum est, ubi videtur Christus de industria spectaculum, & exemplum humilitatis omnibus Apostolis in medio conspiciendum proponere voluisse. Tūc Christus puerum amplexatus ut Lucas & Marcus scribunt, aut ut Græcè legitur ἐν αγκυλαῖς αὐτοῦ, sumēs in vlnas. Sūt qui putant Christum non tunc, cum voluit puerum ostendere, sed ante, cum vellent eum in medium adducere, in vlnas accepisse, quod propterea accepisse credendum sit, ut eum constitueret in medio, sed i mihi sententiam huius loci videntur enervare, cuius vis, ut paulo post exponemus, in eo magna ex parte coarsuit, quod constitutum iam in medio puerum, & circumspēctum ab omnibus ad amplexum assumpsit, ut re ipsa declararet, quanto amore mores illos puerorum humilitatis, & simplicitatis plenos prosequeretur. Nam quod dicunt adeo paruum fuisse puerum, ut nisi in vlnas sublarus esset, venire ad Christum non potuisset, minimē probabilis coniectura est, cum Matthæus dicat Christum puerum ad se uocasse, quod utique non fecisset: si venire non poterat. Fateor ergo tam paruum fuisse pue-

rum, ut in vlnas tolli posset, negotium paruum fuisse, ut pedibus ad Christum venire non posset. Cum ergo puerum Christus in amplexum teneret, discipulis dixit, quod scribit Matthæus c. 18. 3. *Amen dico vobis, nisi conuersi fueritis, & efficiamini sicut paruuli, non intrabitis in regnū cœlorum*, cuiusque rei causam reddidit, quam Marcus, vers. 37. & Lucas ver. 48. exposuerunt, quia *quisquis unum ex huiusmodi pueris receperit in nomine meo, me recipit, & quicumque me susceperit, non me suscipit sed eum qui misit me.*

34. *At illi tacebant.*) Non audebant respondere præ pudore, ut Euthymius ait, quia ambiciosa uidebatur esse questio: siquidem in uia disputauerant, quis eorū maior est, id est futurus esset in regno cœlorum. Non enim de præsentia agebant statu, sed de futuro, cum regnum uenisset Christi, in eo enim cupere uidebatur quā proximū Christo tenere locum, ut filii Zebedæi postulauerant infra c. 10. 37. & Matth. 20. 11. Sed in eo errare uidebantur, quod regnum illud Christi in hac uita sperarent fore, diuersosque in eo, sicut in aliis humanis regnis, dignitatis gradus animo præciperent. Quid autem questio illa sibi uelut, quis eorum in regno cœlorum maior futurus esset, & unde originem habuisset, apud Matth. c. 18. 1. 2. docuimus.

35. *Et residens.*) *καὶ καθίσας*, & sedēs. nimirum quasi de tribunali iudicaturus, quasi docturus Apostolos rē seriā, maximeque necessariam, quæ non obiter, non stando ut ille dicit, *pede in uno*, sed sedendo otiosē, accuratē, & suscepto consilio explicanda erat, solebat Christus ad docendum sedere, ut supra capitul. 4. 1. & Matthæi 5. 1. & 13. 2.

*Vocauit duodecim.*) Ne alii audirēt: uolebat enim eorum ambitionem reprehendere. Itaque non est existimandum ex illis, qui de principatu disputauerant, non omnes, sed solos Apostolos ad se uocauisse, ut prima uerborum species uidetur ostendere, sed cum soli duodecim Apostoli ea

Horatius l. 1.  
sermonibus  
Satyra 4.



de re egissent, eos solos ad se uocasse. Verum quia dixerat in domum venisse, ubi plures fuisse alios, præter Apostolos credendum est, dixit Marcus vocasse duodecim, id est ab aliis, qui in domo erant, ad se segregasse, ut occultam ipsorum culpam occultè quoque coargueret.

*Si quis nult primus esse, erit omnium nouissimus.* Erit, pro sit, aut fiat, positum est Hebræorum idiomate. Docet, quia ratione consequi possit, quod quisque eorum tantopere optare videbatur, ut primis in regno celorum esset, contraria scilicet omnino ei, quam sequebantur, si non de primo, sed de ultimo potius loco contenderent, certissimam, rectissimamque uiam esse ad altissimum gradum humilitatem, & sicut Cyprianus scribit in libro de zelo, & huiore, *amputauit omnem emulationem responso suo, omnem causam & materiam mordacis inuidie eruit, & abscidit.* Discipulo Christi zelare non licet, non licet inuidere, exaltationis apud nos non potest esse contentio, de humilitate ad summa crescimus didicimus unde placeamus. Et Beda, *Curat inquit, desiderium gloria humilitatis contentione sanaret.* In eandem sententiam scribit Theophylactus. Hæreticorum interpretationem, qui colligere ex hoc loco solent nullum fuisse Petrum inter Apostolos principatum, apud Matthæum refutauimus. Nec enim agi hic de prima in gubernanda Ecclesia dignitate, eui eo etiam sensu hunc locum alicubi apud Leonem Magnum legi memini, sed de primo loco in regno Dei, quem non qui primus in potestate, sed qui primus meritis præferim humilitatis esset, consequentur dicitur. Quamquam ratio etiam Euangelii postulat, ut qui primus in Ecclesia dignitate est, idem & humilitate sit maximus, eoque primum in regno celorum locum obtineat. Quo sensu idem apud Matthæum Christus, c. 20. 25. 26. Apostolos docet, ut quo quisque maior esse uelit, minor fiat. Nam quo quisque humilitate magis excellit, eo magis est dignus, ut ad maiorem in Ecclesia au-

toritatem euehatur, & quo in maiore quisque auctoritate est, eo se demittere ad humilitatem magis debet, ut quo quisque in Ecclesia, eo etiam in regno celorum maior sit, & terrenis cœlestia respondeant.

36. *Accipiens puerum.* Exemplum humilitatis, atque simplicitatis repræsentato puero ante oculos ponit. Nihil enim humilius, nihil simplici, nihil dum de honore, nihil dum de fraude cogitante. Et hæc apud Matthæum copiosius explicauimus.

*Quem cum complexus esset.* *ἐνταυθα λιάμενος*, cum in ulnas cum accepisset. Ideo complexus puerum est, ut ipsa demonstraret, quantopere sibi humilitas, simplicitasque placeret. Nā dum puerum complectitur, humilitatem ipsam, simplicitatemque complectitur, & solemus artissimè complecti, quæ maximè probamus. *Quod autem complectitur puerum, significat* (inquit Beda) *humiles suo dignos esse complexu, & dilectione.* Idem Christum capite sequenti. vers. 16. eodemque cōsilio fecisse legimus. Nam cum pueri illi offerrentur, eosque quasi Christi indignos aspectu discipuli prohiberent, non contentus dicere vers. 4. *finite paruulos uenire ad me, talium enim est regnum Dei*, eos etiam amplexatus est, ut ostenderet singulari se eos amore prosequi.

37. *Quisquis unum ex huiusmodi pueris suscepit in nomine meo.* Ponit rationem loco conclusionis, quæ apud Matthæum hæc est, *Amen dico uobis, nisi conuersi fueritis, & efficiamini sicut paruuli, nō intrabitis in regnum celorum.* Quam conclusionem hac apud Marcum quamuis minimè explicata ratione probat, nemo in regnum Dei, nisi Deo similis factus introire potest, *non enim intrabit in eam ciuitas.* ut ait Ioannes, *aliquid coinquinatum.* Non potestis Deo similes esse, nisi illud suscipiatis, id est seruiatis ei, non potestis illum suscipere, nisi suscipiatis me, qui ab illo missus sum: non potestis me suscipere, nisi huius mo-

Apoc. 21.  
27.

di

Primatus  
Petri defen-  
ditur cōtra  
hæreticos.  
Epif. 55. ad  
Bulcheriā  
Augustinam  
de ambitu  
Anatolii.

Primatus  
Petri defen-  
ditur cōtra  
hæreticos.



si pueros in nomine meo suscipiatis, eorumque similes efficiamini, ergo nisi conuersi fueritis, & efficiamini, sicut paruuli isti, non intrabitis in regnum celorum. Hæc etiam ideo leuiter tantum attingimus, quia apud Matthæum explicauimus.

38. Respondit illi Ioannes. Quomodo ista cum superioribus hæreant, non apparet. Sunt qui putent ideo Ioannem hoc subiecisse, quod cum tantopere audiuisset puerorum exemplo humilitatem à Christo commendari, verius fuerit, ne superbe ipsi fecissent, quod illum, qui eius nomine demones eiciebat, prohibuissent. Huius quidam sententiæ Theophylactum auctorem faciunt, etsi nihil apud eum simile reperio. Alij, quia Christus dixerat, *In nomine meo*, occasionem Ioannem arripuisse, ut non quasi culpam deprecans, sed quasi dubitans, num bene fecissent, aut non idem in posterum facere deberent, Christo, quod factum erat, exponerent. Alij quasi Ioannes ex contrario collegerit non fuisse illum in nomine Christi recipiendum, quia etsi nomine Christi demones eiciebat, illum tamen in Apostolorum consortio non sequebatur. Non videtur mihi intelligi posse, quomodo cum præcedentibus ista conueniant, nisi prius, quo animo a Ioanne dicta fuerint, intelligatur, de eius autem animo difficile est, & fortasse periculosum iudicare, sed si rationem, quæ ducere videtur, sequi licet, glorians potius, quam aut dubitans, aut culpam deprecans hoc videtur mihi dixisse; glorians inquam, non in se, sed in Domino, quasi Apostoli, quorum nomine loquebatur, bene functi fuissent officio, quod illum prohibuissent, non tam suæ, quam Christi consulentes auctoritati, ne quis, cui eam Christus non fecisset potestatem, in eius nomine, quasi auctoritatem furatus, demones pelleret, sicut septuaginta duo illi discipuli gloriabantur Lucæ 10. 17. Itaque non arbitror esse querendum, quorsum id Ioannes dixerit: neque enim post superiorem, ut ego opinor,

dixit historiam, sed aliò quo loco: nec alia fortassis occasione, quam quod recens id factum esset; quæ eadem ratione septuaginta illi discipuli apud Christum gloriari sunt, quod sibi in eius nomine etiam demonia subiecta fuissent, quia recens id erat; redibant enim a legatione suâ, in qua demones sibi subiecerant. Cæterum Marcus, & Lucas, quia de Christi nomine mentionem fecerant, & hanc Ioannis orationem, ubi de Christi nomine similiter agebatur, interfuerunt, idque de ver. 41. & 42. iudicandum. Quod ergo Marcus, & Lucas dicunt respondisse Ioannem, non sic accipiendum est quasi ad ea, quæ fuerant à Christo dicta, responderit, sed, ut sæpe docuimus, Hebræorum phrasim est, quæ πρὸς respondere significat etiam aggredi ad loquendum, ut Matth. 11. 25. & 22. 1.

*Vidimus quendam in nomine tuo eicientem demonia, qui non sequitur nos.*

Quæri hoc loco conuenit, quo modo demones, qui Christum non sequebatur, in Christi nomine posset eicere? Possumus intelligere non eiecisse demones verè, sed eicere professum, atque conatum fuisse, atque ita illud significare, *Eicientem demonia*. Alijs enim locis docuimus, exemplisque demonstrauimus, uerba nonnunquam non effectum, sed affectum, conatumque significare: nolo tamen omnibus dissentientibus auctoribus id primus dicere. Potuit neque corpore, neque animo, id est fide, doctrinaque sequutus Christum demones pelleret, ut Christi etiam testimonio docemur Matthæi 7. 22. & August. libro quarto de consensu Euangelist. capitulo quintio, Beda, & Theophylact. hoc loco sentiunt. Potuit multo facilius fide, non corpore Christum sequutus, ut Ambrosius libro commentariorum in Lucam 7. & Euthymius, existimant illum fecisse. Sed oritur ex huius explicatione quæstio altera quæstio, quomodo ille, siue ex discipulis fuerit Christi, siue non, potuerit demones pelleret, cum solis Apostolis eam Christus potestatem tradidisset,

supra



supra capitulo tertio, 15. Dederat quidem hanc potestatem solis Apostolis publicè, & quasi solemnè quodam ritu, sed nullam sibi ipse legem indixerat, quominus aliis quibuscunque uellet, dare posset, permitteretque, ut quisque eius nomine certa fide, aut nulla etiam aliquando fide demones eiicere conaretur, verè etiam eiiceret, quo magis nominis sui vis, & auctoritas cognosceretur, ut Theophylactus adnotauit: quemadmodum, & sacramentis gratiam nobis promissit, sed, ut Theologi decent, non alligauit. Quin & illis septuaginta duobus discipulis non constat, cum ad prædicandum mitteret, eiiciendorum demonum dedisse potestatem: eiecerunt tamen, atque eo forsasse magis, quod demones eiicissent, potius, quam quod alia miracula fecissent, gloriati sunt, quo minus eam a Christo expressam uerbis potestatem acceperant. Denique etsi promulgatum nondum erat, omnium tamen credentium erat priuilegium, ut possent demones expellere infra capitulo 16. 17. *Signa autem eos, qui crediderint, hæc sequentur, In nomine meo demonia eiicient.* Sed quia id & ardore fiebat fidei, & congregandæ, firmandæque Ecclesiæ causâ concessum fuerat; quamdiu & ardor viguit fidei, & Ecclesia ut confirmaretur, miraculis eguit, omnes, qui ueram habebant fidem, demones conati eiicere solebant, ut ex Iustino, Tertulliano, & Lactantio cognoscimus.

*Qui non sequitur nos.*) Dubium, quo sensu hoc dicat Ioannes, ut superius attigimus, utrum intelligat illum neque corpore, neque fide, quemadmodum Augustinum, Bedam, atque Theophylactum, sentire diximus: an fide quidem: sed non corpore, ut Ambrosius, & Euthymius, existimant, Christum sequutum fuisse. Probabilior mihi Ambrosij, & Euthymij sententia uidetur. Quæ inde etiam confirmatur, quod non dicat Ioannes Christo, qui non sequitur, sed *Qui non sequitur nos*, quasi uoluerit dicere Christi quidem doctrinam, si-

demque sequutum, sed tamen ex ipsorum non fuisse Collegio, quibus solis eam Christus dedisset auctoritatem. Eodem pertinet, quod Christus non respondeat uer. 40. *Qui non est contra me, pro me est, sed, Qui non est aduersum nos, pro nobis est*, quasi significet satis esse, quod ille doctrinam sequatur Euangelicam, quamuis ex ipsorum consortio non sit, neque enim propterea pro aduersario habendum esse. Quæri potest, ac etiam a nonnullis solet, num ille peccauerit, quod iniussus a Christo tentauerit eius nomine demones eiicere. Calvinus hæreticorum interpretes non dubitat, quem Christus absoluisse uidetur, condemnare: nimiam enim audaciam fuisse existimat, quod id facere conatus fuerit, quod proprium Apostolorum erat. Quemadmodum Actorum 8. 18. Simon ille magus uidens per impositionem manuum Apostolorum dari Spiritum sanctum, uoluit eam ab Apostolis emere potestatem, & capitulo 19. 13. 14. septem illi filii Sceuæ Iudæi in nomine Christi tentarunt Apostolorum imitatione demones pellere. Melior Euthym. & aliorum sententia est, bono illum animo fecisse, cum uideret Apostolos, quorum fidem, doctrinamque sequebatur, idem efficere: magnumque huius sententiæ argumentum est, quod Christus eum uetuerit prohiberi, quod non fecisset, si culpa aliqua sua illud usurpasset munus. Successus etiam ipse eius animum probat: nam etsi dubium non est, quin possint etiam homines iniqui, & nefarii demones exigere, haud scio, an credendum sit in illis initiis, id fuisse Christum permitturum, ne quis interpretari posset magnum non esse, si Christus id faceret, quod alii etiam homines ab eius doctrina, & moribus alieni facerent.

*Et prohibuimus eum.*) Quo animo Apostoli illum prohibuerint, nihil possumus, nisi obscuris suspicari magis, quam scire coniecturis. Hæreticorum interpretes duce, ut solent, Caluino haud paullo melius de se, quam

Calvinus reprehenditur.

Apostoli contra hæreticos defenduntur.



quàm de Apostolis sentientes, inconsideratè eos temere, superbè, inuidè fecisse docent. Inconsideratè quidem, ac temere: quia inconsulto fecerunt, Christo superbè, & inuidè: quia eiiciendorum demonum potestatem patrem habere noluerunt, sicut Ioannis discipulos quantumvis sanctos, emulatione tamen quadam stimulatòs fuisse legimus, quod uiderent Christum plures discipulos facere, baptizareque, quàm Ioannem Ioannis 3. 26. meliore omnino spiritu Theophylactus, & Beda Apostolorum animum interpretantur, non inuidia, sed potius charitate prohibuisse. At reprehunduntur à Christo. Reprehenditur quidem factum, animus non reprehenditur. Credamus sanè, ut æquum est, bono fecisse animo: tamen qua ratione prohibuit? cum enim rectè, ut diximus, se facere putauerint, necesse est iusta aliqua ducti ratione fecerint, ea quæ fuerit, queritur, quia eos non sequebatur, hanc enim ipsi rationem reddunt. Sed de hoc ipso dubitatur, quare hac ratione, quod ipsos non sequeretur, prohibuerint. Non inuidebant, opinor, illi eiicendi demones potestatem, sed cum scirent solis sibi eam Christum auctoritatem tradidisse, uolebant eius cõseruare disciplinam, neque pati, ut quisquam præter illam etiam, quod bonum per se esset, faceret. Ideo glorianter, ut diximus, factum Christo narrant. Prohibuimus eum, quod minimè profectò fecissent, si sua, non Christi causa prohibuissent.

39. *Iesus autem ait.*) Autem aduersatiua particula indicat Christum aliter, quàm sperabant Apostoli, respondisse. Sperabant illi fore, ut quod narrabant, tanquam egregiè factum, laudaretur, à Christo, quod tamen reprehensum est.

*Nolite prohibere.*) In posterum: tunc enim iam prohibuerant, sed tamen iubet deinceps, si ea uti uelit potestate, non prohiberi. Vult Christus non solum per Apostolos, sed per quoscunque etiam alios discipulos

doctrinam suam corroborari miraculis. Quo prorsus spiritu D. Paulus ad Philip. 1. 18. dicebat *Quid enim? dum omni modo, siue per occasionem, siue per ueritatem Christus annuntietur? & in hoc gaudeo, sed & gaudebo* Et Moyses Num. 11. 29. cum nuntiatum illi esset, nescio quos alios in exercitu prophetare *Quis, inquit, tribuat, ut omnis populus propheta, et det eis Dominus spiritum suum?* Idem nos facere Salomon præcipit, Prouerbiolorum 3. 27. *Noli prohibere benefacere eum, qui potest, si uales, & ipse benefac.*

*Nemo est enim, qui faciat uirtutem in nomine meo, & possit citò malè loqui de me.*) Virtutem pro miraculo poni nemo nescit. Male de Christo loqui, ut opinor, est in illum blasphemare, quemadmodum qui in illum non credebant, solebant facere Plus insinuarè Christus uoluit, quam uerbis expressit. Nemo potest in nomine meo, miracula facere, qui non meam agnoscit potestatem, meque Christum esse confiteatur, sed pro, *Qui non confiteatur me, per tapinosin dixit, qui possit citò malè loqui de me.* In proprium ratio est, quisquis in nomine Christi miracula facit, ipsa experitur re, quanta sit Christi potestas, cuius solo nomine à se ipso etiam fortasse non credente miracula fiant. Itaque non potest non citò credere. Sic ego interpretor, etsi paulo aliter Theophylactus & Euthym. quos, cum possum, libenter auctores sequor, interpretari scio, non posse eum, qui nomine Christi miracula facit, tanto ab eo obligatum beneficio malè de ipso loqui. Citò taxò posuim est propter aduersariis facile, quasi dicat difficile est, aut vix fieri potest, ut quisquam in nomine meo demones eiiciat, & me blasphemet. Reddit ergo causam Christus, cur illum prohibere Apostoli non debeant, quia cum in suo nomine demones eiiceret, verissimè esse eum in se credere, hoc enim est non posse malè de ipso loqui. Euthymius aliquanto aliter, quia si fortasse nunc non credit, spes est fore, ut citò credat.

AC. 2<sup>a</sup>



40. Qui enim non est aduersum uos, pro uobis est. ) Quidam Latini codices legunt, *Qui non est aduersum uos, pro nobis est*, vitiosè, ut ego quidem arbitror. Apparet enim Christum Apostolis ipsorummet uerbis respondere uoluisse. Dixerat Apostoli, *Vidimus quendam in nomine tuo eicientem demonia, qui non sequitur nos*, respondet Christus, *noli prohibere, qui non est aduersum uos, pro nobis est*. Duas Christus causas, cur ille prohiberi non debeat, reddere uidetur, alteram ex gloria sua, cui magis consentaneum erat, ut quamplurimi ipsius nomine miracula facerent, *Nemo, inquit, est, qui faciat uirtutem in nomine meo, & possit citò male loqui de me*: alteram ex Apostolorum utilitate, *qui non est aduersum uos, pro uobis est*. Quomodo autem hæc sit intelligenda sententia, & quomodo illi non repugnet, quæ contrarijs apud Matthæum uerbis est capitulo 12. 30. *Qui nō est mecum, contra me est, & qui non colligit mecum, spargit*, illic declarauimus.

41. Quisquis enim potum dederit uobis calicem aquæ frigide in nomine meo, quia Christi estis, amen dico uobis non perdet mercedem suam. ) In hac etiam sententia cum præcedentibus apud copulanda magno interpretes studio laborant. Nonnulli sic existimant coniungendam, ut tertia sit ratio, qua probet Christus eum, qui suo nomine demones eiiciebat, prohibendum non esse, Quia enim dixerat, *nemo est qui faciat uirtutem in nomine meo, & possit citò male loqui de me*, addere nunc quod amplius est, non solum illum recte facere, qui suo nomine tantum præstet hominibus beneficium, sed etiam si quis potum uobis porrigat in nomine meo calicem aquæ frigide, adeo bene facere, ut pro re etiam minima non sit mercedem suam amissurus. Alij hortari Christum Apostolos, ut gloriam sibi non quaerent: nec enim opus esse, cum tantum apud Deum sint, ut quisquis illis yel calicem aquæ frigide dederit, mercedem sit suam habiturus. Beda, & Strabus sic, quia uers. 37. dixerat,

*Quisquis unum ex huiusmodi pueris receperit in nomine meo, me recipet*, ne quis paupertatem suam excusare posset quo minus Apostolos reciperet, addidisse, *Quisquis enim potum dederit uobis calicem aquæ frigide, non perdet mercedem suam*. Theophylactus uerò, Non solum gratum mihi est, quod ille in nomine meo demones eiiciat, sed si quis etiam, quod minus est, faciat, ut potum uobis in nomine meo porrigat, calicem aquæ frigide, adeo gratum est, ut mercede quantumuis exigua opus non sit caritutum. Probabiliter isthæc omnia dicta sunt; sed tamen suspicor frustra quari in dissoluto corpore functionem. Neque enim hoc loco Christum id dixisse arbitror. Primum, quia ut ex ipsa opinionum uarietate manifestum est, non bene cum superioribus sententijs coherebat, & non est credendum Christum parum congruenter, & apud locutum fuisse. Deinde quod Matthæus capit. 10. 41. alio loco hoc a Christo dictum referat, cum ad prædicandum Apostolos mitteret, doceretque, qualia sibi hospitia eligere deberent. *Qui, inquit, 40. 41. 42. recipit uos, me recipit, & qui recipit Prophetam in nomine Prophetæ, mercedem Prophetæ accipiet, et quicumque potum dederit uni ex minimis istis calicem aquæ frigide tantum in nomine discipuli, amen dico uobis, non perdet mercedem suam*. Cum hoc loco hæc sententia non hæreat, apud Matthæum uerò hæreat, quis dubitet non hic, sed illic fuisse à Christo pronuntiatam? Aliquod etiam argumentum est, quod Marcus sententiam illam, quæ istam apud Matthæum antecedit, alibi non referat; nam si retulisset, hanc proculdubio cum illa, ut Matthæus fecit, copulasset. Cur ergo, dicit aliquis, alio loco Marcus recensuit? Respondeo, quia uers. 37. simile quiddam commemorauerat. *Quisquis unum ex huiusmodi pueris receperit in nomine meo, me recipit*. Quæ autem sit horum uerborum uis, atque sententia, apud Matthæum dictum est.

42. Et quisquis scandalizauerit unum)

Hæc



Hæc etiam coniungi debent cum iis, quæ ver. 37. dicta sunt. Sunt enim illis antithera, ut apud Matthæum manifestum est. Marcus uerò non seruato ordine narrationis inter hæc duo, quæ iuncta esse debuerunt, longo hyperbato, hiatuque sententiæ multa interfecit, quæ, quia loco posita non sunt, minus facile intelliguntur, & hominum ubi non est, coherentiam quærentium exercent ingenia. Cætera usque ad uersum. 44. Ex Matthæi commentariis intelligi possunt.

Matth. 18.  
6. 3.

44. *Vbi vermis eorum non moritur, & ignis non exstinguitur.* Verba sunt Iſc. 66. 14. quæ Christus eodem sensu, quo à Propheta dicta fuerant, aptè ad id, de quo agebat, accommodauit. Nā ut deus Iſaiam de strage, quam Deus in hostibus Iudæorum facturum erat, agere, quia dixerat Deus paulo ante, *Et egredientur, & videbunt cadauera uiuorum, qui præuicati sunt in me*, tamē negare non possumus longius ad infernas, perpetuasque damnatorum pœnas prospexisse, cum dicat uermē eorum non mori, & ignem non exstingui: quæ in belli occidionem cōperere non possunt, ubi non solum ille, qui nō exstinguitur, sed ne ullus quidem alius est ignis, & uermis, qui in cadaueribus gignitur, breuiter admodum est uitæ. Agit ergo de sempiternis damnatorum pœnis, sed agit ex cladibus, quæ in bello fieri solent, assumpta metaphora, quia cum hominibus loquebatur, qui bellum uiderant, infernum non uiderant. Ita uerò tē auget, ut ex illis pœnis, quas uiderant, maximis alias etiam maximis illis maiores animo concipiant. Hoc est, *Vermis eorum non moritur*, cum ille, qui occisorum in bello corpora depascit, breui tempore moriatur. Hoc, est, *ignis eorum non exstinguitur*, cum illi, qui ferio in bello interimuntur, aut nullo crementur igne, aut eo certē crementur, qui eorum corporibus facile consumptis statim exstingui soleat. Hanc uim in utroque membro pronomen illud habet *uermis eorum, & ignis eorum*, quasi dicat Deus, uermis non istorum, qui in

bello cadunt, sed eorum, qui in inferno torquebuntur, non moritur: & ignis, non istorum, quorum cadauera honoris causā cremantur, sed eorum, qui in inferno flammis cruciabuntur, non exstinguitur. Solent Propheta ex pœnis hominibus magis notis maiores illas, & minus notas inferni pœnas adumbrare, ut idem Iſaias facit capitulo 30. 33. *Preparata est enim ab heri Tophet à rege preparata, profunda, & dilatata, nutrimenta eius ignis & ligna multas: flatus Domini sicut torrens sulphuris succedens eam, & capitulo 4. 9. 10. conuertentur torrentes eius in picem, & humus eius in sulphur, & erit terra eius in picem ardentem. Nocte, & die non exstinguetur, in sempiternum ascendet fumus eius, & Malach. capitulo 4. 1. Ecce enim dies ueniet succensa quasi caminus, & erunt omnes superbi, & omnes facientes impietatem stipula, & inflammabit eos dies uenient, dicit Dominus exercituum. Dicit autem, Egredientur (iusti) & uidebunt, aludens ad bellicam cladem, unde sumpta metaphora fuerat, solent enim ciues, cum prope urbem suam commissio prælio delecti sunt hostes, exire uide ut occisorum videant stragem. Simul etiam significauit beatos damnatorum supplicia uisuros esse, & quod Dei iustitia in illis exerceatur, gauisuros. *Letabitur, inquit, iustus, cum uiderit uindictam manus suas lauant in sanguine peccatoris* Psalm. 57. 11. Vermem hoc loco metaphoricè intelligendum esse pro damnatorum cruciatu, nemini dubium est, etsi memini Chrysost. & Theophil. uerum esse in damnatis vermem, qui eorum atrodat corpora, alicubi sentire, quo magis miror Theophylactus hoc loco utrumque, & vermem, & ignem metaphoricè accipiendum putare, quemadmodum, & alios auctores exisimasse scribit Euthymius: Errare tamen, mihi uidentur, qui ex metaphoricō verme metaphoricum etiam ignem colligunt. Quin ex hoc ipso loco contrariū colligere debuerant.*

Ccc Cūm

Vermis inferni metaphoricus.



Ignis infer-  
ni uerus, nō  
metaphori-  
cus.

Cū enim Deus ex bello metapho-  
ram sumeret, quorsum addidit, *Et  
ignis eorum non exstinguetur*, quod ex  
bello sumptum non est, nisi quia me-  
taphoricum vermem, ignem uerū,  
non metaphoricum significare uo-  
luit? Nec ijs assentior, Catholicis li-  
cet interpretibus, & doctis, qui ver-  
mem ad animam, ignem ad corpus  
pertinere putant, quasi vermis con-  
scientiam significet, damnatorum  
animos remordentem, ignis uerum  
illum ignem corpora excruciantem.  
Nam, & igne non solum corpora, sed  
etiam animas torqueri credimus, &  
vermis non solum animarum, sed  
multo etiam magis corporum est,  
ex quibus gignitur, atque nutritur,  
Et indicat hec sententia damnatorum  
animas nullam aliam præter con-  
scientiæ dolorem sentire poenam,  
quod præter hæreticos, nescio quos,  
olim nemo dixit. Vermis igitur, &  
igne neque poenas diuersas, neque  
diuersarum hominis partium, sed to-  
tius hominis penam vnam eandem,  
totamque significauit. Vnum enim,  
& idem supplicium ignis verè, ver-  
mis metaphoricè dictum est. Itaque  
particulam illam, *Et*, non tam copu-  
latiuam, quàm exegeticam esse arbi-  
tror. Solus Marcus hanc Isaiæ senten-  
tiam posuit ab aliis prætermisam Eu-  
angelistis, & quidem ter posuit quo-  
ties scilicet de igne Gehennæ men-  
tionem fecit, ut hic, & vers. 45. &  
48. toties enim eam Christum inge-  
minasse credendum est, ut celebri  
Propheta testimonio rem, fidemq;  
exaggeraret. Similis sententia Ecclef.  
7. 19. *Vindicta carnis impij ignis, & ver-  
mis.*

49. *Omnis enim igne salietur, & om-  
nis uictima sale salietur.* Huius ob-  
scuritas loci magnam interpretatio-  
num peperit uarietatem. Perdam o-  
peræ pretium, si omnes uoluerō re-  
censere: meliores referam, quæque  
magis idoneos auctores habent. Dua-  
bus in rebus obscuritas cernitur, &  
qua occasione, & quo sensu hæc a  
Christo sint dicta, sed adeo inter se  
coniuncta sunt, ut diuelli non possint

Receptissima sententia est, quoniam  
de eruendo oculo, de abscindendis  
pedibus, ac manibus, si nos offen-  
derent, locutus fuerat, docere nunc  
id, si Deo placere uelimus, esse neces-  
sarium: oportere enim tanquam ui-  
ctimam igne, & sale saliri, id est hu-  
iusmodi purgati poenis, ut maiores  
deitemus, quæ quia securi ignis, au-  
rum, & argentum, ita isti homines  
probant, ignis appellantur. Ita Be-  
da, & Theophyl. & Strabus, & na-  
mo non recentiorum interpretum.  
Quam interpretationem, quia tot  
tamque bonos auctores habet, repre-  
hendere non audeo: tantum dico  
meo quidem iudicio, quod admo-  
dum est exiguum, quadrare non  
posse. Quanto enim, quamque dif-  
ficili circuitu vsus esset Christus, si  
ut id significaret, ita loquutus fuisset?  
Alij quia de igne inferni men-  
tionem fecerat, subiecisse omnes ho-  
mines igne saliendo, id est aut pro-  
bandos, aut torquendos esse, ut ait  
D. Paulus 1. Corin. 3. 13. *Vniuscuius-  
que opus quale sit, ignis probabit.* Alii  
causam reddi, quare ignis ille non  
moriatur, quia scilicet, qui eo tor-  
quentur, eodem quasi saliantur, i-  
deoque incorrupti in perpetuis cru-  
ciatibus conseruantur. Nolo hæc mul-  
tis refutare uerbis persuasus fore, ut  
cum veram horum uerborum senten-  
tiam indicauerimus, omnes aliæ per-  
te refellantur explicationes. Dicerē  
confidentius sententiam meam, si  
alium eius aliquem præter me aucto-  
rem reperissem: nunc autem ea dicam  
lege, ut nolim lectori præiudicatum  
tradere, sed indicandum. Ego qui-  
dem mihi ita persuadeo Christum de  
illis tantum loqui, de quibus dixe-  
rat, *vermis eorum non moritur, & ignis  
non exstinguitur.* Nam cum id dixisset,  
generalem, aut de omnibus homini-  
bus thesim ponere, quæ doceret om-  
nes esse igne aut cruciandos, aut pur-  
gandos, aut minus generalem de so-  
lis bonis, quæ significaret eos rebus  
aduersis, quasi igne probari oportere,  
equidem non uideo, quæ oratio-  
nis sententiaue consequentia potue-  
rit,



rit. Sententia uero ipsa, uerbaque postulabat, ut cum de damnatorum egisset poenis, de iisdem consequentibus etiam uerbis loqueretur. Loquitur autem dicens, *Omnis enim igne salietur*, id est unusquisque eorum quorum *vermis non moritur, & ignis non extinguitur*. Reddit quippe causam, quare igne eorum dixerit, quasi in igne futuri sint, quia, inquit, omnes illi igne salietur, id est condientur, torrebunturque ueluti carnes, quae ad esum igne assantur. Non ergo per particulam illam, *enim*, causa redditur, cur ignis extinguendus non sit, sed cur illorum ignis fuerit appellatus. Nam qui priori etiam loco uictimam intelligendam esse putant, quasi dicat, *omnis uictima igne salietur*. Graeca non legerunt, quae cum diuersi sint generis, istam non patiuntur ambiguitatem, *πᾶς γὰρ ἄλις θήσεται, καὶ πᾶσα θυσία ἀλὶ ἄλις θήσεται*. Recte quidem, dicit aliquis, si dixisset, omnis enim igne cremabitur, aut torrebitur, aut cruciabitur, aut simile quidpiam. *Salietur* autem quorsum? quid enim saliri cum igne commune habet? Respondent quidam hoc habere, quod utrumque, & ignis, & sal humores exsiccat. At quid hoc ad rem? neque enim de siccandis humoribus, quod medicamentum potius, quam supplicium esset, sed de cruciandis hominibus agebatur. Respondent alij siccatis humoribus res conseruari, & diuturniores fieri, uoluisse, quae his Christum uerbis ratione reddere, quare dixisset non esse extinguendum ignem eorum. Qualis uero ista fuisset ratio? Neque enim propterea ignis non extinguitur, quia humores siccant: sed ideo potius extinguitur, quia subiectae materiae humore consumpto, alimento carens nutriri non potest. Voluit, inquit alij, rationem afferre, quamobrem, cum igne damnati cruciantur, non consumantur, quia nimirum saliri sunt, & quae salita sunt, facile conseruantur, saliri autem sunt igne. Quod quamuis uerum sit, tamen non dixerat igne damnatos non consumi, & si id dixisset, eius rei causam aliam magis, ut opinor propria

attulisset. Sunt qui philosophentur eorum, quae saliantur alia solo sale, alia sale simul, & igne saliri, ut carnes, quae asperso sale supposito igne torrentur. His similes esse damnatos. Vbi ergo sal eorum est, quo dicantur aspersi? Qui autem de omnibus hominibus, aut de bonis saltem omnibus agi putant, respondet propterea dixisse igne saliri, quod ignem pro afflictione posuerit, quia homines quasi mordaci sale ad redundantes humores exsicandos purgantur. Sed eam opinionem supra refutauimus, docuimusque de solis agi damnatis. Quid ergo? Voluit, nisi fallor, Christus de damnatis, tanquam de occisis uictimis metaphoricè loqui. Solent enim, qui a Deo aut in hac, aut in altera uita temporali, aut sempiterna morte puniuntur, uictimae vocari, quod tanquam ligatae uictimae, quae sacrificanti resistere non possunt, a Deo ad declarandam ipsius gloriam, atque iustitiam, quodammodo trucidantur. *Isaia 34.6. Gladius Domini repletus est sanguine, incrassatus est adipe, de sanguine agnorum, & hircorum, de sanguine medullarum arietum, uictima enim Domini in Bosra, & interfectio magna in terra Edom, & Ier. 12.3. Et tu Domine nosse me, uidisti me, & probasti cor meum tecum, congrega eos, quasi gregem ad uictimam, & sanctifica eos in die occisionis, & c. 46.10. Dies autem ille Domini Dei exercituum, dies ultionis, ut sumat vindictam de inimicis suis, deuorabit gladius, & saturabitur, & inebriabitur sanguine eorum. Uictima enim Domini Dei exercituum in terra Aquilonis iuxta flumen Euphratem, Et c. 51.40. Deducam eos, sicut agnos ad uictimam, quasi arietes cum haedis, & Ezech. 21.9.10. Loquere gladius, gladius exacutus est, & limatus, ut cedat uictimas, exacutus est, ut splendeat, limatus est, & c. 39.17. Dic omni uolucris, & uniuersis auibus, cunctisque bestiis agri, Conuenite, properate, concurrite undique ad uictimam meam, quam ego immolo uobis, uictimam grandem super montes Israel, ut comedatis carnem, & bibatis sanguinem. Quia ergo Christus Isaiae testimonium adduxerat, in*



quo, aut de occisione bellica, aut de damnatis, ut diximus, sumpta ex occisione bellica metaphora agebatur, & qui in bello a Deo occiduntur, eius vi-ctimæ uocantur, perstitit in metaphora Prophetis admodum usitata, & de damnatis, tanquam de uictimis loquutus est, & quia, ut lex præcipiebat, Leuit. 2. 13: omnis uictima salienda erat, dixit etiam damnatos esse saliendo: veruntamen eorum salem non esse futurum istum, quo alias uictimas saliri lex præcipiebat, sed pro sale futurum illis ignem, cuius perpetuis cruciatibus torquerentur. Quod autem addit, *Et omnis uictima sale salietur*, dubium non est ad Leuitici legem alludere. Illud tamen non negligeret observandum, coniunctionem illam, & ex Hebræorum idiomate non tam copulatiuam hoc loco, quam copulatiuam esse, quasi dicat, Sicut omnis uictima, quemadmodum lege præscribitur, sale salietur, ita omnis damnatus salietur igne. Cuius locutionis exempla multa lectori in literis sacris, maxime in Proverbijs Salomonis occurrunt c. 25. 3. *Cælum sursum, & terra deorsum, & cor regum inscrutabile*. id est sicut cælum sursum, terra deorsum inscrutabilis est, ita etiam cor regis, & ver. 23. *uentus Aquilo dissipat pluuias, & facies tristis dissipat linguam detrahentem*, id est sicut uentus Aquilo dissipat pluuiam, ita facies tristis dissipat linguam detrahentem, & ver. 25. *Aqua frigida animæ sitienti, & nuntius bonus de terra longinqua*, id est sicut aqua frigida homini sitienti, ita bonus nuntius, qui de terra longinqua uenturus expectatur, incundus est. Nam quod in his exemplis non prius cum posteriori; sed cum priori

posterius comparari videatur, nihil refert, cum reciproca ubique similitudo sit.

50. *Bonum est sal*. Abhorre hanc sententia a superiore videtur. Dicit Augustinus, lib. 4. de consensu Evangelistarum cap. 6. cum ver. 39. coniunxit, quasi Christus docere velit Apostolos debere illum, qui suo nomine demones eiiciebat, tolerare prudenter, atque patienter. Vtrumque enim, & prudentiam, & pacem sale significari. Theophylactus uero, quia de sale Christus loquutus fuerat, docere nunc Apostolos, ut salem habeant, id est doctrinam, & Spiritus gratiam, quæ vim habeat restringendi, quemadmodum sal, id est homines a uitijs cohibendi. Euthymius, quia inter se Apostoli contenderant, monere Christum eos, ut salem, id est charitatem, & pacem inter se habeant. Mihi suspicio est Christum non hoc, sed alio loco hanc dixisse sententiam, cum multo ante Apostolos exhortaretur, ut bono omnibus essent exemplo, quo etiam loco eam Matthæus recitauit, cap. 5. 13. *Vos, inquit, estis sal terræ: quod si sal euanueris in quo salietur?* Sed nimis multa alia, alieno loco posuit, non alia occasione, quàm quod talis mentionem intulisset, quæ admodum solemus in subitis colloquijs unius occasione uerbi in alios labi sermones. Idem Lucas fecit capitulo decimoquarto, trigésimoquarto: Nisi Gregorij sententia placeat, qui sensum hunc esse putat, ne habeatis illum damnatorum, id est ignem: sed illum, quo uictimæ condiuntur, id est prudentiam, charitatem, & pacem, quæ per illum significantur.





**E**t inde exurgens uenit in fines Iudææ ultra Iordanem: & conueniunt iterum turbæ ad eum: & sicut consueuerat, iterum docebat illos. 2. Et accedentes Pharisei interrogabant eum: Si licet viro uxorem dimittere: tentantes eum. 3. At ille respondens, dixit eis: Quid vobis præcepit Moyses? 4. Qui dixerunt: Moyses permisit libellum repudiij scribere, & dimittere. 5. Quibus respondens Iesus, ait: Ad duritiam cordis uestri scripsit vobis præceptum istud. 6. ab initio autem creaturæ masculinum, & fœminam fecit eos Deus. 7. Propter hoc relinquet homo patrem suum, & matrem, & adhærebit ad uxorem suam. 8. & erunt duo in carne una. Itaque iam non sunt duo, sed una caro. 9. Quod ergo Deus coniunxit, homo non separet. 10. Et in domo iterum discipuli eius de eodem interrogauerunt eum. 11. Et ait illis: Quicumque dimiserit uxorem suam, & aliam duxerit, adulterium committit super eam. 12. Et si uxor dimiserit virum suum, & alij nupserit, mœchatur. 13. Et offerebant illi paruulos, ut tangeret illos. Discipuli autem comminabantur offerentibus. 14. Quos cum videret Iesus, indigne tulit, & ait illis: Sinite paruulos venire ad me, & ne prohibueritis eos: talium enim est regnum Dei. 15. Amen dico vobis: Quisquis non receperit regnum Dei velut paruulus, non intrabit in illud. 16. Et complexans eos, & imponens manus super illos, benedicebat eos. 17. Et cum egressus esset in viam, procurrens quidam genu flexo ante eum, rogabat eum: Magister bone, quid faciam, ut vitam æternam percipiam? 18. Iesus autem dixit ei: Quid me dicis bonum? Nemo bonus, nisi vnus Deus. 19. Præcepta nosti: Ne adulteres, Ne occidas, Ne fureris, Ne falsum testimonium dixeris, Ne fraudem feceris, Honora patrem tuum & matrem. 20. At ille respondens, ait illi: Magister, hæc omnia obseruaui a iuuentute mea. 21. Iesus autem intuitus eum, dilexit eum, & dixit ei: Vnum tibi deest: uade quæcunque habes vende, & da pauperibus, & habebis thesaurum in cælo: & ueni, sequere me. 22. Qui contristatus in uerbo, abiit mœrens: erat enim habens multas possessiones. 23. Et circumspiciens Iesus, ait discipulis suis: Quam difficile qui pecunias habent, in regnum Dei introibunt. 24. Discipuli autem obstupescabant in uerbis eius. At Iesus rursus respondens ait illis: Filioli, quam difficile est confidentes in pecunijs in regnum Dei introire: Facilius est camelum per foramen acus transire, quam diuitem intrare.

Ccc 3 intrare

Matth. 19. 2.

Deut. 24. 1.

Gen. 1. d. 27.

Gen. 2. d. 24.

Matth. 19. 2.

1. Cor. 6. d. 4.

16.

Eph. 5. 8. 31.

1. Cor. 7. 29.

10.

Matth. 19. d. 16.

16.

Luc. 18. d. 18.

Exo. 20. c. 1.



intrare in regnum Dei. 26. Qui magis admirabantur, dicentes ad semetipsos: Et quis potest saluus fieri? vigesimo septimo: Et intuens illos Iesus, ait: Apud homines impossibile est, sed non apud Deum: omnia enimabilia sunt apud Deum. vigesimo octavo: Et cepit ei Petrus dicere: Ecce nos dimisimus omnia, & secuti sumus te. vigesimo nono: Respondens Iesus, ait: Amen dico vobis: Nemo est qui reliquerit domum, aut fratres, aut sorores, aut patrem, aut matrem, aut filios, aut agros propter me, & propter Evangelium. trigesimo: qui non accipiat centies tantum, nunc in tempore hoc: domos, & fratres, & sorores, & matres, & filios, & agros cum persecutionibus, & in seculo futuro vitam eternam. 31. Multi autem erunt primi nouissimi, & nouissimi primi. 32. & Erant autem in via ascendentes Ierosolymam, & precedebat illos Iesus, & stupebant: & sequentes timebant. Et assumens iterum duodecim, cepit illis dicere, quae essent ei euentura. 33. Quia ecce ascendimus Ierosolymam, & Filius hominis tradetur principibus sacerdotum, & Scribis, & senioribus, & damnabunt eum morte, & tradent eum gentibus. 34. & illudent ei, & conspuent eum, & flagellabunt eum, & interficient eum: & tertia die resurget. 35. Et accedunt ad eum Iacobus, & Ioannes filij Zebedaei, dicentes: Magister, volumus, ut quodcumque petierimus, facias nobis. 36. At ille dixit eis: Quid vultis, ut faciam vobis? 37. Et dixerunt: Da nobis: ut vnus ad dexteram tuam, & alius ad sinistram tuam sedeamus in gloria tua. 38. Iesus autem ait eis: Nescitis, quid petatis: potestis bibere calicem, quem ego bibo: aut baptismum, quo ego baptizor, baptizari? 39. At illi dixerunt ei: Possumus. Iesus autem ait eis: Calicem quidem, quem ego bibo, bibetis, & baptismum, quo ego baptizor, baptizabimini. 40. sedere autem ad dexteram meam, vel ad sinistram, non est meum dare vobis, sed quibus paratum est. 41. Et audientes decem ceperunt indignari de Iacobo, & Ioanne. 42. Iesus autem vocans eos, ait illis: Scitis, quia hi, qui videntur principari gentibus, dominantur eis: & principes eorum potestatem habent ipsorum. 43. Non ita est autem in vobis, sed quicumque voluerit fieri maior, erit vester minister. 44. & quicumque voluerit in vobis primus esse, erit omnium seruus. 45. Nam & Filius hominis non venit, ut ministraretur ei, sed ut ministraret, & daret animam suam redemptionem pro multis. 46. Et veniunt Ierico: & proficiente eo de Ierico, & discipulis eius, & plurima multitudo, filius Timaei Bartimaeus caecus sedebat iuxta viam mendicans. 47. Qui cum audisset quia Iesus Nazarenus est, cepit clamare, & dicere: Iesu fili David, miserere mei. 48. Et comminabantur ei multi

Matth. 19. d  
27.  
Luc. 18. c.  
28.

Matth. 19. d  
30.  
Luc. 18. f.  
31.

Mat. 20. c.  
20.

Luc. 12. c.  
25.

Matth. 20. d  
29.  
Luc. 18. f. 35



multi ut taceret. At ille multo magis clamabat: Fili Dauid miserere mei. 49. Et stans Iesus praecepit illum vocari. Et vocant caecum dicentes ei: Animum qui oratio esto: surge, vocat te. 50. Qui proiecto vestimento suo exiliens, venit ad eum. 51. Et respondens Iesus dixit illi: Quid tibi vis faciam? Caecus autem dixit ei: Rabboni, ut videam. 52. Iesus autem ait illi; Vade: fides tua te saluum fecit. Et confestim vidit: & sequebatur eum in via.

## CAPVT X.

**E**T inde exurgens.) Ex domo Petri, quae erat in Capharnaum. In eam enim ingressus cap. 9. 33. sermones illos habuit, qui ab eo loco usque ad finem superioris capitis narrati sunt. Porro totum hoc caput apud Matthaeum cap. 19. & 20. expositum est. Quaedam tantum, quae propria sunt Marci, carptim explicabimus.

Et venit in fines Iudae ultra Iordanem.) Non erant ulli fines Iudae, nisi ultra Iordanem; sed finem ultra Iordanem uocat eos, quibus Iudaea Iordanem uersus terminabatur. Quo autem sensu regio ultra, aut trans Iordanem uocaretur, Matthaei 4. 15. 25. & supra cap. 3. 8. docuimus. Cur non statim recta se uia contulerit Ierosolymam, hanc Theophylactus, causam fuisse arbitratur, quod uoluerit prius populum illum docere, qui propter Iordanem habitabat.

Et conueniunt iterum turbae ad eum.) Videtur loqui de turbis, quae ad famam aduentus eius confluerint ex Iudaea. Matthaeus tamen indicat secutas eum fuisse a Galilea cap. 19. 2. Vtrinque concurrisse credendum est. Vide reliqua apud Matthaeum usque ad uersum. 32.

32. Erant autem in via ascendentes Ierosolymam.) Ierosolymam uersus; nondum enim prope Ierosolymam erat, & die sabbati ante sex dies Paschae Bethanie requieuerat Ioannis 12. 1. Ascendere autem dicitur non simpliciter, ire, uel quia Ierosolyma supra Sion montem sita erat, ut Hebraeorum interpretes uolunt: uel

quia, ut ego arbitror, Hebraeis nomen ascendere saepe est simpliciter, ire.

Et praecebat illos Iesus.) Ut ostenderet, opinor, uolentem ad mortem progredi, non inuitum trahi, ut etiam Theophylactus adnotauit, & ex sequenti antitheto, Et sequentes, inquit, timebant, propterea ergo ille praecebat, quia non timebat, sed querebat mortem.

Et stupebant.) *Ἐθαυροῦντο* quo uerbo non quilibet stupor, sed ille, qui ex ingenti metu proficitur, proprie significatur, ut statim explicatur, Et sequentes, inquit, timebant, id est timide sequebantur. Cur autem timebant, facilis suspicio est, & Beda his uerbis exponit, Ideo Ierosolymam tendentes discipuli cum Domino stupebant, & timebant, quia meminerant sermonis eius, quo se passurum multa a summis sacerdotibus, & Scribis, & occidendum praedixerat esse, metuētes ne uel ipsi cum eo occiderentur, uel saltem ille, cuius uita, & magisterio gaudebant, inimicorum manibus occumberet.

41. Scitis, quia hi, qui uidentur principari gentibus.) *οἱ δοκῶντες ἀρχεῖν τῶν ἐθνῶν* qui uidentur gentibus imperare, id est qui dominatione in gentes clari sunt hominum opinione: uerbum enim *δοκῶντες*, qui uidentur non arbitror hoc loco significare eos non dominari, sed uideri dominari. Illi quippe maxime omnium dominantur, qui tyrannidem exercent, idque uoluit etiam Christus indicare. Sed significat famam, & opinionem, quasi dicat, qui imperandi opinione maxime excellunt, aut qui optime uidentur gubernare, ut 1. Corint.



18. *ἡ τις δοκεῖ σοφός εἶναι ἐν ὑμῖν* si quis uidetur inter uos sapiens esse, id est, si quis sapiens habetur, & ca. 14. 37. *ἡ τις δοκεῖ προφητὴς εἶναι ἢ πνευματικός*, Si quis uidetur propheta esse, aut spiritalis, & ad Gal. 2. 2. 6. 9.

*Dominantur eorum.*) κατακυριεύουσιν αὐτῶν, dominationem, & tyrannidem in eos exercent, quasi imperium tyrannide merientes, existimantesque eo melius imperare quemque, quo se uerius in suos subditos, quasi in capta bello mācipia dominantur. Vana sunt, quæ hoc loco hæretici disputant, Episcopos Ecclesiæ Catholicæ Apostolorum successores esse non posse, cum dominantur, & Apostolos Christus dominari prohibuerit. Nec. n. negat Christus aut Apostolum unū in alios, aut omnes in alios, qui Apostoli non essent, habere potestatem. Ostendit se eam habere D. Paulus, & quidē posse durius in subditos agere, si uelit 2. Cor. 13. 10. Indicat se uirga etiam, id est magna seueritate uti posse 1. Cor. 4. 21. Quin ex hoc ipso loco rectē colligitur Apostolos aut habuisse tunc,

aut habituros fuisse postea eam potestatem. Si. n. neque habebant, nec erāt postea habituri, quorsum illis hoc exemplum, quod ad ipsos minimē pertinebat, proposuisset? Quorsum illis modum ea utendi potestate, quam nunquam habituri erant, tradidisset? Non ergo potestatem negat, sed inter usum secularis, & Ecclesiasticæ potestatis discrimen ponit, quod seculares magistratus plerumque ambitione, & dominandi cupiditate potestatem exercent, Ecclesiastici humiliter, modestē & ut ait Petrus, non dominantes in cleris, sed forma facti gregis 1. epist. c. 5. 3. Recte Leo epist. 55. *Et ille uerē erit magnus, qui fuerit totius ambitionis alienus, dicente Domino, Quicumque uoluerit inter uos maior fieri, sit uester minor: & quicumque uoluerit inter uos primus esse, erit uester seruus, sicut filius hominis non uenit ministrari, sed ministrare. Et tamen hæc illis tunc infirmabantur, qui de pusillo uolebant crescere, & de infimis ad summa transire. Vide, quæ de hac re deque toto reliquo capite apud Matthæum diximus.*

Matt. 20. 26.

27. 28.

Marci 10.

43. 44. 45.

Matt. 20. 27.

29.

Refellitur  
Caluini calumnia  
contra Episcoporum  
auctoritatem.

# C A P V T X I.

Mat. 21. 3. 1.  
Lu. 19. c. 29



**I** T cum appropinquarent Ierosolymæ, & Bethaniam ad Montem oliuarum mittit, duos ex discipulis suis, 2. & ait illis: Ite in castellum, quod contra uos est, & statim introeuntes illuc, inuenietis pullū ligatum, super quē nemo adhuc hominum sedit: soluite illum, & adducite. 3. Et si quis uobis dixerit: Quid facitis: dicite, quia Domino necessarius est; & continuo illum dimittet huc. 4. Et abeuntes inuenerunt pullum ligatum ante ianuam foris in biuio; & soluunt eum. 5. Et quidam de illic stantibus dicebant illis: Quid facitis solucentes pullum? 6. Qui dixerunt eis, sicut præceperat illis Iesus, & dimiserunt eis. 7. Et duxerunt pullum ad Iesum: & imponunt illi uestimenta sua, & sedit super eum. 8. Multi autem uestimenta sua strauerunt in uia: alij autem frondes cædebant de arboribus, & sternebant in uia. 9. Et qui præibant, & qui sequebantur, clamabant, dicentes Hosanna. Decimo: Benedictus, qui uenit in nomine Domini: benedictum quod uenit regnum patris nostri David: Hosanna

Jo. 12. b. 14.

Mat. 21. b. 9

Lu. 19. g. 38.



Hosanna in excelsis. 1. Et introiuit Ierosolymam in templum: & circumspexit omnibus, cum iam vespera esset hora, exijt in Bethaniam cum duodecim. 2. Et alia die cum exirent a Bethania, esurit. 3. Cumq; vidisset a longe ficum habentem folia, venit, si quid forte inueniret in ea, & cum venisset ad eam nihil inuenit præter folia: non enim erat tempus ficorum. 4. Et respondens dixit ei; Iam non amplius in æternum ex te fructum quicquam manducet. Et audiebant discipuli eius. 5. Et veniunt Ierosolymam. Et cum introisset in templum, cepit eijcere vendentes & ementes in templo: & mensas numulariorum, & cathedras vendentium colubas euertit. 6. & non sinebat, ut quisquã trãsserret vas per templum: 7. & docebat, dicens ei: Nonne scriptum est: Quia domus mea, domus orationis vocabitur omnibus gentibus? Vos autem fecistis eam speluncam latronum. 8. Quo audito principes sacerdotum, & Scribæ quærebãt, quomodo eum perderent: timebant enim eum, quoniã vniuersa turba admirabatur super doctrinam eius. 9. Et cum vespera facta esset egrediebatur de ciuitate. 20. Et cum mane transirent, viderunt ficum aridam factam a radicibus. 21. Et recordatus Petrus, dixit ei: Rabbi, ecce ficus, cui maledixisti, aruit. 22. Et respondens Iesus ait illis; Habete fidem Dei. 23. amen dico vobis, quia quicumque dixerit huic mōti; Tollere, & mittere in mare, & nō hesitauerit in corde suo, sed crediderit, quia quodcumque dixerit, fiat, fiet ei. 24. Propterea dico vobis, omnia quęcumque orãtes petitis, credite quia accipietis, & euenient vobis. 25. Et cū stabitis ad orandum, dimittite si quid habetis aduersus aliquem: ut & Pater vester, qui in celis est, dimittat vobis peccata vestra. 26. Quod si vos non dimiseritis: nec Pater vester, qui in celis est, dimittet vobis peccata vestra. 27. Et veniunt rursus Ierosolymam. Et cum ambularet in templo, accedunt ad eum summi sacerdotes, & Scribæ & seniores: 28. & dicunt ei: In qua potestate hæc facis? & quis dedit tibi hanc potestatem, ut ista facias? 29. Iesus autem respondens, ait illis; Interrogabo vos, & ego vnum verbum, et respondete mihi: & dicam vobis in qua potestate hæc faciam. 30. Baptismus Ioannis, de cælo erat, an ex hominibus? Respondete mihi. 31. At illi cogitabant secum, dicētes: Si dixerimus, De cælo, dicet, Quare ergo non credidistis ei? 32. Si dixerimus, Ex hominibus, timeamus populum, omnes enim habebat Ioannem, quia vere propheta esset. 33. Et respondentes dicunt Iesu; Nescimus. Et respondens Iesus ait illis; Neque ego dico vobis, in qua potestate hæc faciam.

Ps. 117. d. 25.  
Mat. 21. b. 10  
Mat. 21. b. 19

Is. 56. c. 7.  
Ier. 7. b. 11.

Mat. 7. a. 7.  
& 21. c. 22.

Luc. 11. b. 9.  
Mal. 6. b. 14  
& 18. d. 35.

Luc. 20. a. 3.



## IN CAPVT XI.



**E**t cum appropinquarent Ierosolyma. ) Ad duo millia passuum, ut constat Ioannis 11. 18. & Actorum 1. 12. Accidit autem hoc sex diebus ante ultimum illud Pascha, quod Christus celebravit, aut quinto potius die, ut colligitur ex Ioanne. ca. 12. 1. Nam die sexto ante Pascha, qui sabbatum erat, Bethanix requieuit Christus, ubi Coena illa exhibita illi est accumbente Lazaro, eiusque sorore Martha ministrante. Sequenti vero die, qui Dominico nostro respondebat, inde profectus, alioque infidens Hierosolymam ingressus est.

Et Bethania. ) εἰς Βηθανίαν, καὶ Βηθανίαν, in Bethphage, & Bethaniam, ut apud Matthaeum capitulo 21. 1. & apud Lucam capit. 19. 29. etsi Beda, & Strabus non legunt Bethphage. Quae sequuntur usque ad uer. 18. ex comment. in Matthaeum cap. 21. 1. 2. 19. intelliguntur.

18. Quo audito. ) Quasi & facto, & oratione Christi estimulati essent, ut consilia de eius morte agerent, Euthym. καὶ ἤκουσαν οἱ γραμματεῖς καὶ ἀρχιερεῖς, & cum audissent Scribae, & Principes sacerdotum.

Timebant enim eum, quoniam universa turba admirabatur super doctrinam eius. ) Timebant, unde latari eos oportebat, quod universus populus admirans eum sequeretur. Timebant, ne ipsi desererentur, suamque auctoritatem, quae ut ait Iosephus, maxima apud omnes erat, amitterent. Quae etiam ratione apud Ioannem cap. 11. 47. 48. cum vidissent miraculorum, quae faciebat, multitudinem, dicuntur timuisse, Collegervnt, inquit Ioannes, Pontifices et Pharisei concilium, & dicebant, Quid facimus, quia hic homo multa signa facit? Si dimittimus eum sic, omnes credent in eum, & venient Romani, & tollent nostrum locum, & gentem. Aut timebant eum, id est non audebant ma-

nus in eum iniicere metu plebis, quae eum universa sequebatur, ut apud Lucam c. 19. 47. 48. Principes autem sacerdotum, & Scribae, & Principes plebis querebant eum perdere, & non inveniunt, quid facerent illi, omnis enim populus suspensus erat, audiens eum.

19. Et cum vespere facta esset, egrediebatur de civitate. ) Verbum egrediebatur non solum actum, sed consuetudinem etiam significat. Solebat enim singulis diebus vespere Bethaniam secedere, ubi hospitium habebat, mane vero redire Ierosolymam, ut in templo doceret, ut colligitur ex Luca cap. 21. 37. & 22. 39. quod fecit tribus continenter diebus, Dominico, Lunae, Martis: die vero Mercurij, & Iouis Bethaniae sese continuit, usque ad vespertum, quo ut Pascha celebraret, ac pateretur, Ierosolymam rediit.

25. Et cum stabitis ad orandum. ) καὶ ὁ τὰς σήκντε προσευχόμενοι, cum steteritis orantes, id est ad orandum. Opinionem eorum, qui existimant consuetudinem Iudaeis fuisse, ut stantes orarent, apud Matthaeum c. 6. 5. refutamus. Hoc loco proprie significat stare coram Deo, ut constat ex Matth. cap. 5. 23. 24. Vbi aliis verbis idem dicitur, si offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo. Hoc ergo est stare ad orandum, aut ad offerendum, esse ante altare, esse ante Deum. Pronuntiata etiam a Christo fuit haec sententia Matthaei 6. 14. Hanc fortasse Marcus suo hic loco non posuit, sed cum de oratione mentionem fecisset, adiunxit etiam hoc, quo ad orationem maxime pertinebat, ut videret Hieronymum. aut quisquis auctor ille est, existimare. Etsi est ualde credibile hanc Christum sententiam non semel, nec uno tantum loco, sed saepius, ac pluribus repetiuisse. δὲς καὶ τὰς ἐπαπαλαῖν δὲ τὸ καλῶς εἶχον, inquit ille apud Platonem. Itaque non contentus

Ms. is. Iudaic. antiq. c. 2.

Dialog. de legib.



tentus Christus id iam bis apud Matthæum c. 5. 24. & c. 6. 14. verbis docuisse, proposita etiam ea de re parabola in animis fixit Matth. 18. 21. Quibus locis, quid hæc sibi uellet sententia declarauimus.

*Sed quid habetis aduersus aliquem.*) Animaduertat lector alio sensu dici hic, habere aliquid aduersus aliquem, & apud Matthæum c. 5. 24. Nam illic

est iniuriam fecisse, hic accepisse. Vterque enim, & qui fecit, & qui accepit iniuriam, dicitur aliquid aduersus alterum habere, quia uicissim uterque alterum odit. Sed qui fecit, timer, qui accepit iniuriam, cupit, quaritque vindictam. Reliqua usque ad finem capitis ex Matthæis commentariis intelliguntur.

Matt. 21.  
23.

## CAP V T XII.

I



**I**T capit illis in parabolis loqui: Vineā pastinauit homo, & circumdedit sepem & fodit lacū, & ædificauit turrim & locauit eā agricolis, & peregre profectus est. 2. Et misit ad agricolas in tempore seruū, ut ab agricolis acciperet de fructu vineæ 3. Qui apprehensum eū ceciderūt, & dimiserunt vacuum. 4. Et iterum misit ad illos aliū seruū, & illum in capite vulnerauerunt, & contumeliis affecerūt. 5. Et rursū aliū misit, & illum occiderunt, & plures alios: quosdam cædentes, alios vero occidentes. 6. Adhuc ergo vnum habens filium charissimū & illū misit ad eos nouissimū, dicens; Quia reuerentur filiū meū. 7. Coloni aut dixerūt ad inuicē: Hic est heres: venite, occidamus eū: & nostra erit hereditas. 8. Et apprehendentes eū, occiderunt: & eiecerunt extra vineā. 9. Quid ergo faciet Dominus vineæ? Veniet, & perdet colonos, & dabit vineā alijs. 10. Nec scripturam hanc legistis: Lapidē, quē reprobauerūt ædificantes, hic factus est in caput anguli: 11. A Domino factū est istud, & est mirabile in oculis nostris? 12. Et quærebant eū tenere: & timuerūt turbā. cognouerunt enim, quoniam ad eos parabolam hanc dixerit. Et relicto eo abierunt. 13. Et mittunt ad eū quosdam ex Phariseis, & Herodianis, ut eum caperent in verbo. 14. Qui venientes dicunt ei: Magister, scimus quia verax es, & non curas quemquā: nec enim vides in faciem hominū, sed in veritate viā Dei doces. licet dari tributū Cæsari, an non dabimus? 15. Qui sciens versutiam illorum, ait illis: Quid me tentatis? afferte mihi denariū, ut videā. 16. At illi attulerūt ei. Et ait illis; Cuius est imago hæc, & inscriptio? Dicunt ei: Cæsaris. 17. Respondens autem Iesus dixit illis: Reddite igitur, quæ sunt Cæsaris, Cæsari; & quæ sunt Dei, Deo. Et mirabantur super eo. 18. Et venerunt ad eum Sadducæi, qui dicunt resurrectionē non esse, & interrogabant eū di-

centes:

Matt. 21.  
d. 33.  
Luc. 10. d.  
33.  
Lu. 20. b. 9.  
1. s. ar. 1.  
1er. 2. d. 21.

Psalm. 117. d.  
21.  
1. s. 28. d. 16.  
Act. 4. b. 11.  
Ro. 9. g. 33.  
1. Pet. 2. 2.  
8.  
Matt. 21. d.  
42.  
Mat. 22. b.  
15.  
Luc. 20. d.  
20.

Ro. 13. c. 7.  
Matt. 22. c.  
21.  
Luc. 20. d.  
27.



Deut. 25.  
b. 5.

Exod. 3. b.

6.

Matt. 22.

d. 32.

Matth. 22.

d. 34.

Deu. 6. a. 7.

Leuit. 19.

d. 18.

Matth. 22.

d. 39.

Rom. 13. c.

9.

Galat. 5. c.

14.

Iac. 2. b. 8.

Matt. 22. d.

42.

Luc. 20. g.

41.

Psal. 109.

art. i.

Matt. 22.

art. b.

Luc. 11. f.

43. &amp; 20.

g. 46.

Luc. 21. ar.

1.

cētes. 19. Magister, Moyses nobis scripsit, ut si cuius frater mortuus fuerit, & dimiserit uxorem, & filios nō reliquerit, accipiat frater eius uxore ipsius, & resuscitet semen fratri suo. 20. Septē ergo fratres erant, & primus accepit uxore, & mortuus est non relicto semine. 21. Et secundus accepit eam, & mortuus est, & nec ille reliquit semen. Et tertius similiter. 22. Et acceperunt eā similiter septem, & non reliquerunt semen. Nouissima omnium defuncta est, & mulier. 23. In resurrectione ergo cū resurrexerint, cuius de his erit uxor? septem. n. habuerunt eam uxorem. 24. Et respondens Iesus, ait illis: Nonne ideo erratis, non scientes Scripturas, neque virtutem Dei? 25. Cum. n. a mortuis resurrexerint, neq; nubēt neq; nubētur, sed sunt sicut angeli in celis. 26. De mortuis aut, q̄ resurgāt, nō legistis in libro Moyfi, super rubū quomodo dixerit illi Deus, inquit: Ego sum Deus Abraham, & Deus Isaac, & Deus Iacob? 27. Non est Deus mortuorum, sed uiuorum. Vos ergo multū erratis. 28. Et accessit vnus de Scribis, qui audierat illos conquirentes, & videns quoniā bene illis responderit, interrogauit eū, qđ esset primū omnium mandatū. 29. Iesus autē respondit ei: Quia primū omnium mandatū est: Audi Israel, Dominus Deus tuus, Deus vnus est: 30 & diliges Dominū Deū tuū ex toto corde tuo, & ex tota anima tua, & ex tota mente tua, & ex tota uirtute tua. Hoc est primū mandatū. 31. Secundum autem simile est illi: Diliges proximum tuum tanquam te ipsum. Maius horum aliud mandatū non est. 32. Et ait illi Scriba: Bene Magister, in veritate dixisti, quia vnus est Deus, & nō est alius prater eum. 33. Et, ut diligatur ex toto corde, & ex toto intellectu, & ex tota anima, & ex tota fortitudine: & diligere proximū tanquam seipsum, maius est omnibus holocaustis, & sacrificiis. 34. Iesus autem videns, quod sapienter responderet; dixit illi: Non est longe à regno Dei. Et nemo iam audebat eum interrogare. 35. Et respondens Iesus dicebat, docens in templo: Quomodo dicunt Scribæ Christum filium esse Dauid: 36. Ipse enim Dauid dicit in Spiritu scto: Dixit Dominus Domino meo, sede à dextris meis, donec ponam inimicos tuos scabellum pedum tuorum. 37. Ipse ergo Dauid dicit eum Dominum & vnde est filius eius? Et multa turba eum libenter audiuit. 38. Et dicebat eis in doctrina sua; Cauete à Scribis, qui uolunt in stolis ambulare, & salutari in foro. 39. & in primis cathedris sedere in synagogis, & primos discubitus in cœnis: 40. qui deuorant domos uiduarum sub obtentu proluxę orationis; hi accipiēt prolixius

Gazophy  
cium.Lib. 3. n. 1.  
longe a  
lib. 1. ca. 11.  
Ca. lib. 2.  
de Offi. Li.  
nus. 1. d.  
Vila. 10.



**H**uius iudicium. 41. Et sedens Iesus contra gazophylacium, aspiciebat, quomodo turba iactaret æs in gazophylacium, & multi diuites iactabant multa. 42. Cum venisset autem uidua vna pauper, misit duo minuta, quod est quadrans, 43. & conuocans discipulos suos, ait illis; Amen dico vobis, quoniam vidua hæc pauper p'us omnibus misit, qui miserunt in gazophylacium. 44. Omnes enim ex eo, quod abundabat illis, miserunt; hæc vero de penuria sua omnia, quæ habuit, misit totum victum suum.

## IN CAPVT XII.

**E**t cepit illis in parabolis loqui. In parabolis Christum locutum fuisse dicit, cum vnam tantum illius parabolam recitet, indicans se alias prætermittere. Et uerò ita est: nam Matthæus c. 21. 28. & 22. 1. duas præter hæc parabolas ponit a Christo tunc dictas: alteram illam hominis duos habentis filios, quorum alter iussus a patre in vineam laboratum ire respondit se iturum, nec iit; alter cum se iturum negauisset, iit c. 21. 28. 29. alteram illam regis, qui cū fecerat nuptias filio suo, misit seruum, qui inuitatos uocaret: qui alio alij prætextu uenire noluerunt. Totum uerò hoc caput usque ad uersu. 41. in Matth. cap. 21. & 22. & 23. tractatum est.

Gazophylacium.

41. Et sedens Iesus contra gazophylacium. Quid gazophylacii nomen significet, quidque in templo esset, uix iam quæquam arbitror ignorare: dicendum tamen, ut lectoris minus etiam docti rationem aliquam habeamus. Gaza uocabulum è regione Persarum, a Latinis tamen auctoribus usurpatum regiam pecuniam, siue thesaurum, ut Curtius, & Mela scribunt, propriè declarat: inde factum, ut omne diuitiarum genus gaza diceretur. *Omni Macedonum gaza, quæ fuit maxima*, inquit ille, *positus est Paulus*. *φυλάκειν* uerò Græcis seruari est. Hinc *γὰζοφυλάκειον* gazophylacium dictum est, quasi locus ubi

templi thesaurus condebatur, qui quia ex oblationibus potissimum constabat, ab Hebræis *אֲבִרְכָּה* offerendo dictum est. Erat autem in templo eiusmodi locus duplex, ut hoc etiam loco Beda obseruauit, ut in sacris litteris facillè colligitur: alter in quem pecunia, alter in quem res aliæ maioris molis a populo conijciebantur. Ille arca erat, quales nunc in templis uidemus 4. reg. 12. 9. 10. hic aula, aut locus aliquis eiusmodi amplius, & multarum rerum capax 2. Esdræ 10. 37. 38. & Ioann. 8. 20. Christus hic è regione gazophylacii prioris, id est arce sedisse dicitur. Quod utrum forte lassitudine, an certo potius consilio fecerit, incertum. Sed fieri ex euentu coniectura potest nihil nisi de industria fecisse, idque uerbum, quo statim utitur, Græcum indicat *ἐθεάπερ* aspiciebat, considerabat, quasi in hoc sedisset, ut eos, qui dona in gazophylacium conijciebāt, contemplaretur, & aliquid inde doctrinæ ad discipulos derivaret.

Quomodo turba iactaret æs in gazophylacium. Videtur consultò uetus interpretes idem uerbum *ἐλάλει* uariè uertisse, ut indicaret diuerso sensu a Christo dictum fuisse. Nam his bis uertit, iactare, cum de turba loquitur, quæ ostentationis causa ita in gazophylacium mittebat æs, ut iactaret, maiore sonitu doni magnitudinē declarans. Versu autem sequenti cum de uidua loquitur, quæ duo iecit minuta, non dixit iactasse, sed misisse, siue



sive ut pecunie exiguitate, sive ut modum cauendi modestum, & ab omnium ostentatione significaret.

*Et multi iactabant multa*.) Non est sensus uarios uaria, alios alia, atque ita multos multa iactasse: sed multos uenisse, quorum singuli iactauerint multam, magnamque pecuniam.

42. *Cum uenisset autem uidua una pauper.*) Singula uerba emphatica sunt, & quod uiduam, & quod unam, & quod pauperum uocat. Nam & quia pauper magis ea, quam in gazophylacium mittebat, pecunia indigebat. Vnam igitur multis, uiduam pauperemque diuitibus opponit: duo uero minuta multa, magna que pecunia, quæ a diuitibus iactabatur.

*Misit duo minuta, quod est quadrans*.) Quid fuerit quadrans Matthæi 5. 26. docuimus. Dubium autem uidetur esse, utrum horum uerborum sensus sit, unamquodque minutum, an simul utrumque esse quadrantem. Euthym. singula minuta singulos quadrantes fuisse putat, quæ opinio ualidissima uidetur posse ratione confirmari; nam quod Matthæus 5. 26. dixit. *Non exies inde, donec reddas nouissimum quadrantem*, Lucas c. 12. § 9. dicit, *donec reddas nouissimum minutum*, quasi quadrans, & minutum idem sint. Sed Euthymij opinionem apud Matthæum copiose refutauimus, & rationem istam dissoluimus. Itaque multo est probabilius, quod Hieron. sentit Matthæi 5. duo simul minuta unum fuisse quadrantem. Voluit enim Christus minimam monetam minuti nomine significare. Quantum autem uidua ista in gazophylacium misit, misso quadrante, ex Matthæi intelliges commentario.

43. *Et conuocans discipulos suos.*) Lucas c. 21. 3. non declarauit discipulos a Christo uocatos fuisse. Marcus id expressit indicans, ut opinor aliquid in eo fuisse mysterij, certè consilij.

Noluit, fortasse uiduam, ut inuidiam uitaret, laudare publice, omnique populo preferre: aut non existimauit alios, quam discipulos suos idoneos quibus id exponeretur, auditores esse.

*Amen dico uobis quoniam uidua hæc pauper plus omnibus misit, qui miserunt in gazophylacium.*) Plus misisse dicitur uidua, non si muneris per se magnitudinem sed si uiduæ, si pauperis inopiam, charitatemque consideres: quia uiduæ, & pauperi plus duo minuta erant, quam diuiti permulta; & maioris erat charitatis uiduam duo illa, quibus uitam suam sustentatura erat, dare minuta, quam diuitem grandedem pecuniam in Dei thesaurum inferre. Hoc est, quod uer. sequenti dicitur.

44. *Omnes enim ex eo, quod abundabat illis, miserunt.*) ex rebus, quæ ipsis non erant necessaria, & eas quidem non omnes, sed ex illis aliquid.

*Hæc uero de penuria sua.*) Penuriam opponit abundantia. Vocat autem penuriam non id, quod non habebat, ut nomen propriè significat, uerum id, quod habebat quidem, sed ita habebat ut ne ad sustentandam quidem uitam suam satis esset, ut statim explicat, cum dicit *totum uictum suum*. Obseruet diligens lector non uituperari eos, qui magnam templo pecuniam offerebant, sed uiduam illis minorem offerentem pecuniam propter maiorem charitatem anteferrî: neque improbari, sed laudari a Christo oblationes eas, quæ in ministerium, ornatumque templi offeruntur, & ut ait Lucas c. 21. 4. *in munera Dei*: quas non quidam hæretici in sacrificia, & ornamenta templi fieri nolunt: ad gerenda uero contra Catholicos principes bella, eosque de regnorum suorum possessione turbandos ipsi in suis templis; in suis concionibus ita faciunt, ut ea plerumque illis habendarum concionum causa sit.

Defenduntur contra hæreticos oblationes templis factæ.

Quid quadrans.



## CAPVT XIII.

**E**T cum egrederetur de templo, ait illi vnus ex  
discipulis suis: Magister, aspice quales lapides,  
& quales structura: 2. Et respondens Iesus, ait  
illi: Vides has omnes magnas ædificationes?  
Non relinquetur lapis super lapidem, qui non  
destruatur. 3. Et cum sederet in Monte oliuarum contra tem-  
plum, interrogabant eum separatim Petrus, & Iacobus, & Ioan-  
nes, & Andreas: 4. Dic nobis quando ista fient? & quod signum  
erit, quando hæc omnia incipient consummari? 5. Et respondens  
Iesus cœpit dicere illis: Videte ne quis vos seducat: 6. multi, n.  
uenient in nomine meo dicentes, quia ego sum: & multos sedu-  
cent. 7. Cum audieritis autem bella, & opiniones bellorum, ne  
timueritis: oportet, n. hæc fieri: sed nondum finis. 8. Exurget enim  
gens contra gentem, & regnum super regnum, & erunt terræ motus  
per loca, & fames. Initium dolorum hæc. 9. Videte autem uosmetip-  
sos. Tradent, n. vos in concilijs: & in synagogis uapulabitis, & an-  
te præfides, & reges stabitis propter me, in testimonium illis. 10.  
Et in omnes gentes primum oportet prædicare Euangelium. 11. Et cum  
duxerint uos tradentes, nolite præcogitare, quid loquamini: sed  
quod datum uobis fuerit in illa hora: id loquimini. non, n. uos estis  
loquentes, sed Spiritus sanctus. 12. Tradet autem frater fratrem in  
mortem, & pater filium: & cõsurgent filij in parentes, & morte affi-  
cient eos. 13. Et eritis odio omnibus propter nomen meum. Qui  
autem sustinuerit in fine, hic saluus erit. 14. Cum autem uideritis a-  
bominationem desolationis stantem, ubi non debet, qui legit, intelli-  
gat: tunc qui in Iudæa sunt, fugiant in montes: 15. & qui super te-  
ctum, ne descendant in domum, nec introeat, ut tollat quid de do-  
mo sua: 16. & qui in agro erit, non reuertatur retro tollere uesti-  
mentum suum. 17. Vae autem prægnantibus, & nutrientibus  
in illis diebus. 18. Orate uero, ut hyeme non fiant. 19. Erunt  
enim dies illi tribulationes tales, quales non fuerunt ab initio  
creaturæ quam condidit Deus usque nunc, neque fient. 20. Et  
nisi breuiasset Dominus dies, non fuisset salua omnis caro: sed  
propter electos, quos elegit, breuiauit dies. 21. Et tunc si quis  
uobis dixerit: Ecce hic est Christus, ecce illic, ne credideritis. 22.  
Exurgent enim pseudochristi, & pseudoprophetæ, & da-  
bunt signa, & portenta ad seducendos, si fieri potest, etiam ele-  
ctos. 23. Vos ergo uidete: ecce prædixi uobis omnia. 24. Sed  
in illis diebus post tribulationem illam sol contenebrabitur, &  
luna non dabit splendorem suum: 25. Et stellæ cœli erunt de-  
cidentes:

Matth. 24. a  
1.  
Luc. 19. g.  
44. & 21. b.  
54.

Eph. 5. b. 6.  
2. Theff. 2. a  
3.  
24. b

Matth. 10. b  
19.  
Luc. 12. b.  
11. & 21. d.  
14.

Dan. 9. g. 27  
Matth. 24. b  
16.  
Luc. 21. d.  
21.

Mat. 24. b.  
23.  
Luc. 21. b. 8

Ezech. 32.  
b. 7.

Is. 13. b. 10.



cidentes, & uirtutes, quæ in celis sunt, mouebuntur. 26 Et tunc uidebunt filium hominis uenientem in nubibus cum uirtute multa, & gloria. 27. Et tunc mittet angelos suos, & congregabit electos suos à quattuor uentis, à summo terræ usque ad summum cœli. 28. A ficu autem discite parabolam. Cum iam ramus eius tener fuerit, & nata fuerint folia, cognoscitis, quia in proximo sit æstas: 29. sic & uos cum uideritis hæc fieri, scitote, quod in proximo sit in ostijs. 30. Amen dico uobis, quoniam nō transibit generatio hæc, donec omnia ista fiant. 31. Cœlum, & terra transibunt, uerba autem mea non transibunt. 32. De die autem illo, & hora nemo scit, neque angeli in cœlo, neque Filius, nisi Pater. 33. Videte, uigilate. & orate: nescitis enim quando tempus sit. 34. Sicut homo, qui peregre profectus reliquit domum suam, & dedit seruis suis potestatem cuiusque operis, & ianitori præcepit ut uigilet. 35. Vigilate ergo, (nescitis enim quando dominus domus ueniat: sero an media nocte, an galli cantu, an mane) 36 ne cum uenerit repente, inueniat uos dormientes. 37. Quod autem uobis dico, omnibus dico: Vigilate.

Matth. 24.  
d. 42.

## IN CAP. XIII.



**E**cum egredietur de templo. Videtur discipulus ille, quisquis fuit, qui templi Christi structuram ostendit, tempus, locumque, ut illi templi pulchritudinem demonstraret, idoneum quæsiuisse, si forte commouere eum ad commiserationem posset, totique urbi Ierosolymitanæ, saltem propter templi amplitudinem, & religionē parceret: quod res prorsus indigna, atque inhumana uideretur, ut tantum, tamque elegans templum euerteretur. Nam, ut apud Mattheum cap. 24. 1. diximus, occasio huius historie uidetur fuisse, quod Christus paullo ante urbis euersionem, excidiumque minatus fuisset, ut constat ex Luca cap. 19. 43. 44. obseruauerunt ergo discipuli tempus, & locum, cum egredietur de templo, ut templi illi magnitudinem, elegantiamque prope conspiciendam proponerent. Sed quem hominum peccata ad iram, uindictamque pro-

uocabant, placare saxa non poterant. Simile quiddam Iudæis uerustioribus acciderat, ut sperarent se templi respectu seruatum iri; quibus Deus apud Hieremiam capit. 7. 4. responderet, *Nolite confidere in uerbis mendacij dicentes, Templum Domini, templum Domini, templum Domini est.*

Ait illi unus ex discipulis suis. Mattheus c. 24. 1. *Accesserunt discipuli eius, ut ostenderent ei edificationes templi.* Lucas uero c. 21. 5. *Et quibusdam discipulis, quod bonis lapidibus, & donis ornatum esset.* Verisimile ipsos prius inter se discipulos, ut Lucas indicat, colloquutos, deinde unum aliquem eorum nomine omnium rogasse Christum, ut lapides templi, structuramque consideraret, ideo Marcum dixisse unum. Mattheum uero significasse plures fuisse, qui id interrogauerint, nisi malimus syllepsim esse dicere, de qua figura sæpè diximus, & caput totum epistolæ ad Hebræos 11. exemplis plenum est.

Ma-



*Magister aspice, quales lapides, et quales structure.*) Et si dicit *ide*, vide, non tam aspicere, aut videre, quam considerare rogat templi magnificentiam, quam in Matthæo ca. 24. 1. ex Iosepho descripsimus, ubi exposuimus, quæ usque ad ver. 11. reliqua sunt.

11. *Et cum duxerint uos.*) Hæc Matthæus c. 10. 19. & Lucas c. 12. 11. alia occasione, alioque tempore, ac loco à Christo dicta referunt, cum Apostolos ad prædicandum inter Iudeos mitteret Euangelium. Itaque suspicor Marcum non suo posuisse loco,

nec alia de causa hoc dixisse, quam quod ver. 9. paullo ante de re simili sermo fuerat, *Videte vosmetipsos, tradent enim uos in concilijs, & in synagogis vapulabitis, & ante præfides, & reges stabitis propter me in testimonium illis, & voluit similia, aut quia simul alterum ex altero in mentem venerunt, aut quia sententiam unam confutare videbantur, copulare. Nisi bis fortasse Christus hanc sententiam, ut alias multos, repetiuit. Totum reliquum caput Matthæi 10. 19. & 24. 15. satis expositum est.*

## CAPUT XIII.

**R**AT autem Pascha & Azyma post bíduū: & quærebāt sūmi sacerdotes, & Scribæ quo modo eū dolo tenerēt, & occiderēt. 2. Dicebant autem; Non in die festo: ne fortè tumultus fieret in populo 3. Et cū esset Bethaniæ in domo Simonis leprosi & recūberet: venit mulier habens alabastrum vnguenti nardi spicati pretiosi, & fracto alabaastro, effudit super caput eius. 4. Erāt aut quidā indigne ferentes intra semetipsos, & dicentes: Ut quid perditio ista vnguenti facta est? 5. Poterat n. vnguentum istud vānundari plus quam trecentis denariis? & dari pauperibus. Et fremebant in eam. 6. Iesus autem dixit: Sinite eam: quid illi molesti estis? Bonum opus operata est in me. 7. semper enim pauperes habetis vobiscum, & cum volueritis, potestis illis benefacere: me autem non semper habetis. 8. Quod habuit hæc, fecit; præuenit vngere corpus meum in sepulturā. 9. Amen dico vobis; Vbicunque prædicatum fuerit Euangelium istud in vniuerso mundo, & qđ fecit hæc, narrabitur in memoria eius. 10. Et Iudas Iscariotes vnus de duodecim abiit ad summos sacerdotes, ut proderet eum illis. 11. Qui audietes gauiſi sunt, & promiserūt ei pecuniam se duros. Et quærebat quo modo illū opportune traderet. 12. Et primo die Azymorum quædo Pascha immolabāt, dicūt ei discipuli; Quo vis eamus, & paremus tibi, ut māduces Pascha? 13. Et mittit duos ex discipulis suis, & dicit eis; Ite in ciuitatē, & occurret vobis homo lagenā aquæ baiulās sequimini eū. 14. & quocumq; introierit, dicite domino domus quæ magister dicit; Vbi est refectio mea. ubi Pascha cū discipulis meis manducet? 15. Et ipse vobis demonstrabit cenaculum grande stratū: & illuc parate nobis. 16. Et abierūt discipu-

Matth. 26.

22.

Luc. 22. 14.

Matth. 26.

25.

Ioan. 12. 3.

1.

Matth. 26.

b. 14.

Marc. 26. b.

16.

Luc. 22. 2. 6.

D d d

li



li eius, & venerūt in ciuitatē: & inuenerunt sicut dixerat illis. &  
 & parauerunt Pascha 17. Vespere autē facto, uenit cum duode-  
 cim. 18. Et discumbentibus eis & manducantibus, ait IESVS:  
 Amen dico uobis, quia vnus ex uobis tradet me, qui māducat  
 mecū. 19. At illi ceperunt contristari, & dicere ei singulatim:  
 Nunquid ego? 20. Qui ait illis: Vnus ex duodecim, qui intingit  
 mecum manum in catino. 21. Et Filius quidem hominis vadit si-  
 cut scriptum est de eo: vā autē hōi illi, per quē Filius hominis  
 tradet: bonū erat ei, si non esset natus homo ille. 22. Et mandu-  
 cantibus illis, accepit Iesus panē, & benedicēs fregit, & dedit  
 eis, & ait: Sumite, hoc est corpus meū. 23. Et accepto calice, grā-  
 tias agens dedit eis: & biberunt ex illo oēs. 24. Et ait illis: Hic  
 est sanguis meus noui testamēti, qui pro multis effundetur. 25.  
 Amē dico vobis, quia iā non bibā de hoc genimine vitis vsque  
 in diē illū, cū illud bibā nouū in regno Dei. 26. Et hymno dicto  
 exierūt in Montē oliuarū: 27. Et ait eis Iesus: Oēs scandaliza-  
 bimini in me in nocte ista: quia scriptum est: Percutiā pastorē,  
 & dispergentur oues. 28. Sed postquā resurrexero, præcedam  
 uos in Galilæā. 29. Petrus autē ait illi: Et si omnes scandalizati  
 fuerint in te, sed nō ego. 30. Et ait illi Iesus: Amē dico tibi, quia  
 tu hodie in nocte hac, priusquā gallus vocē bis dederit, ter me  
 es negaturus. 31. At ille amplius loquebatur: Et si oportuerit  
 me simul cōmori tibi, nō te negabo: Similiter autē, & oēs dice-  
 bāt. 32. Et veniunt in prædiū, cui nomē Gethsemani. Et ait di-  
 scipulis suis: Sedete hic, donec orem. 33. Et assumit Petrū, & Ia-  
 cobū, & Ioannē secū, & cepit pauere, & tædere. 34. Et ait illis:  
 Tristis est anima mea usque ad mortē: sustinete hic, & vigilate,  
 35. Et cum processisset paululum, procidit super terrā, & ora-  
 bat, ut si fieri posset, transiret ab eo hora. 36. & dixit: Abba pa-  
 ter, oīa tibi possibilia sunt, transfer calicem hunc à me, sed non  
 quod ego volo, sed quod tu. 37. Et venit, & inuenit eos dormiē-  
 tes. Et ait Petro: Simon, dormis? non potuisti vna hora vi-  
 gilare? 38. Vigilate, & orate, ut non intretis in tentationem  
 Spiritus quidem promptus est: caro vero infirma. 39. Et iterum  
 abiens orauit eundem sermonem dicens: 40. Et reuersus, de-  
 nuo inuenit eos dormientes, (erant enim oculi eorum grauati)  
 & ignorabant quid responderent ei. 41. Et venit tertio, &  
 ait illis: Dormite iam, & requiescite. Sufficit: venit hora: ecce  
 Filius hominis tradetur in manus peccatorū; 42. Surgite, ca-  
 mus. ecce qui me tradet, prope est. 43. Et, adhuc eo loquen-  
 te, venit Iudas Iscariotes vnus de duodecim, & cū eo turba mul-



ra cum gladijs, & lignis, à summis sacerdotibus, & Scribis, & se-  
 nioribus. 44. Dederat autem traditor eius signum eis, dicens:  
 Quemcumque osculatus fuero, ipse est, tenete eum, & ducite cau-  
 te. 45. Et cum venisset, statim accedens ad eum, ait: Ave Rab-  
 bi: & osculatus est eum. 46. At illi manus iniecerunt in eum, &  
 tenuerunt eum. 47. Vnus autem quidam de circumstantibus edu-  
 cens gladium, percussit seruū summi sacerdotis: & amputauit il-  
 li auriculam. 48. Et respondens Iesus, ait illis: Tāquam ad latro-  
 nem existis cum gladijs, & lignis comprehendere me? 49. quoti-  
 die erā apud vos in templo doceens, & non me tenuistis. Sed, vt  
 impleantur Scripturę. 50. Tunc discipulis eius relinquentes eum,  
 omnes fugerunt. 51. Adolescens autem quidam sequebatur eum  
 amictus sindone super nudo: & tenuerunt eum. 52. At ille reiecta  
 sindone, nudus profugit ab eis. 53. Et adduxerūt Iesum ad sum-  
 mum sacerdotem: & conuenerunt omnes sacerdotes, & Scribę  
 & seniores. 54. Petrus autem à longe secutus est eum vsque intro  
 in atrium summi sacerdotis: & sedebat cum ministris ad ignem  
 & calefaciebat se. 55. Summi vero sacerdotes, & omne conciliū  
 querebant aduersus Iesum testimonium, vt eum morti traderēt,  
 nec inueniebant. 56. Multi enim testimonium falsum dicebant  
 aduersus eum: & conuenientia testimonia non erant. 57. Et qui-  
 dam surgentes, falsum testimonium ferebant aduersus eum, di-  
 centes: 58. Quoniam nos audiuius eum dicentem: Ego dissol-  
 nam templum hoc manu factum, & per tridū aliud non manu  
 factum ædificabo. 59. Et non erat conueniens testimonium illo-  
 rum. 60. Et exurgēs summus sacerdos in medium, interrogauit  
 Iesum, dicens: Non respondes quidquā ad ea, quę tibi obijciū-  
 tur ab his? 61. Ille autem tacebat, & nihil respondit. Rursū sum-  
 mus sacerdos interrogabat eum, & dixit ei: Tu es Christus filius  
 Dei benedicti? 62. Iesus autē dixit illi: Ego sum, & videbitis Fi-  
 lium hominis sedentem à dextris virtutis Dei, & venientem cum  
 nubibus cęli. 73. Summus autem sacerdos scindens vestimenta  
 sua, ait: Quid adhuc desideramus testes? 64. Audistis blasphemiam:  
 quid vobis videtur? Qui omnes condemnauerunt eum ef-  
 se reum mortis. 65. Et ceperunt quidam conspuere eum, & vela-  
 re faciē eius, & colaphis eum cedere, & dicere ei: Prophetiza:  
 & ministri alapis eum cædebāt. 66. Et cum esset Petrus in atrio  
 deorsum venit vna ex ancillis summi sacerdotis: 67. & cū vidisset  
 Petrum calefacientem se, aspiciens illum, ait: Et tu cum Iesu  
 Nazareno eras. 68. At ille negauit, dicēs: Neque scio, neque no-  
 ui quid dicas. Et exijt foras ante atrium, & gallus cantauit. 69.

Mat. 26. 47.  
 Lu. 22. c. 57.  
 102, 11, a, 39

Mat. 26. 46.

Mat. 26. f. 57.  
 Lu. 22. f. 54.  
 10. 18 c. 13  
 Mat. 26. f. 59.

10. 2. d. 17.

Mat. 24. c. 30.

Mat. 26. g. 69.  
 Lu. 22. f. 55  
 10. 18 c. 17.  
 Mat. 26. g. 17.

Ddd 2 Rursus



Lu. 22. g. 58  
Io. 18. c. 25.  
Matt. 26. g.  
75.  
Io. 13. a. 38.

Rursus autem cum vidisset illum ancilla, cepit dicere circumstantibus: Quia hic ex illis est. 70. Ac ille iterum negavit. Et post paululum rursus, qui astabant, dicebant Petro: Vere ex illis es: nam & Galilæus es. 71. Ille autem cepit anathematizare: & iurare: Quia nescio hominem istum, quem dicitis. 72. Et statim gallus iterum cantavit. Et recordatus est Petrus verbi, quod dixerat ei Iesus: Prius quam gallus cantet bis, ter me negabis. Et cepit flere.

## IN CAPVT XIV.

**E**rat autem Pascha, & azyma post biduum. Coniuncte hæc legi debent; nec enim sensus est fuisse tunc Pascha, cum ea, quæ superiore capite dicta sunt, acciderunt: azymum vero post biduum futurum fuisse; sed utriusque & Pascha, & azyma fuisse futura post biduum. Eodem enim non solum die, sed etiam momento utrumque inchoabatur, ut apud Matthæum c. 26. 2. disputauimus. Acciderunt, quæ superiore capite dicta sunt, die hebdomadis tertio, qui Martis appellatur; die vero Iouis post solis occasum Pascha, & azymum fuit, ut multis verbis probauimus in Matthæo: eo enim die sub vesperum egressus Christus è templo, & vrbe Hierosolymitana Bethaniam rediit, ut singulis noctibus facere solebat. Vide, quæ supra diximus cap. 11. 19. Quæ omnia apud Matthæum cap. 26. copiose à nobis disputata, & explicata sunt. Prætermisit Marcus multa ad doctrinam, moreque pertinentia, quæ die illo hebdomadis tertio, quasi appropinquante morte cænarum quiddam canens Christus disseruit, quæ à Matthæo toto 25. capite narrantur. Omnia, quæ sequuntur usque ad ver. 51. apud Matth. c. 26. explicata sunt.

51. *Adolescens autem quidam sequebatur eum amictus sindone super nudo* Quis iste fuerit adolescens, non solum diffinire temerarium, sed etiam querere nimium curiosum dicerem, nisi bonos uiderem auctores utrumque fecisse. Epiph. har. 78. & Hieron. aut quicumque alius est auctor in comment. in Psal. 37. Iacobum fuisse

se fratrem Domini cognomento fratrem existimant: eamque sententiam Theophyl. hoc loco, & aliorum fuisse dicit, & ipse probabilem iudicat. Tenuissima, ut mihi uidetur, coniectura Epiphanius, & Theophylact. adducti sunt, quod Iacobus ille sacerdotali prognatus genere lincis uteretur. Nam, ut omittam sacerdotale genus, quod nescio, quam certis argumentis probari possit, non fuisse utique sacerdos sola indutus sindone, quod & contra consuetudinem, & contra honestatem fuisset. Neque video, quomodo hæc opinio cum altera eiusdem Epiphanius opinione cohereat. Docet enim eodem loco Iacobum illum Domini fratrem omnium, qui fratres Domini vocati sunt, maximè fuisse natum: quæ igitur ratione à Marcocoadolescens vocari potuit? Alij Ioannem fuisse Euangelistam, qui adolescens tunc fuisse creditur, & ex longo, quod postea uixit tempore, non difficile probatur. In hac sententia Chrysostomus est in comment. in Psal. 13. & Ambrosius in Psal. 36. & Gregor. lib. 14. Mor. c. 24. & Beda hunc locum edisserens, & Scholastica auctor historia, solo, ut opinor, ætatis argumento: quo quemlibet eorum, qui id tempus eiusdem ætatis credere possumus fuisse.

At credendum profecto non est Ioannem sola tectum fuisse sindone: minus etiam credendum relicta sindone fuisse eum, qui iam liberè Christum secutus, & in domum summi Sacerdotis ingressus aditum etiam Petro dicitur præbuisse Ioannis 18. 15. 16. Elias Creiænsis in comment. in orationem Greg. Naz. 11. contra Arianos, utramque



que sententiam pariter refert, pariter probat Theophylactus in commentar. huius loci aliquem ex ea domo, ubi Christus ea nocte coenauerat, fuisse credit. Quod etsi satis probari non potest, tamen eo ipso probabilius est, quod non potest ullis argumentis refutari. Quisquis fuerit, adolescentem aliquem Christi studiosum fuisse credendum est, qui audito tumultu, & Christum esse suspicatus, qui uinctus duceretur, cuius rei aliquem forte rumorem inaudierat, cum iam in lecto esset, exilierit, & arrepta sindone, qua se tegebat, procurrebat in publicum, ne uestiendo se moram faceret. Quod Christi studiosus fuerit, duo sunt argumenta, alterum, quod Marcus signate dixisse uideatur illum non turbam militum, sed Christum secutum fuisse, alterum, quod milites eum quasi Christi sectatorem, defensorumque prehendere uoluerint. Quo autem animo Christum secutus fuerit, compertum esse non potest, sed tamen, cum eum Christi studiosum fuisse constet, est uero simile, aut illum defendere, si posset, aut exitum saltem rei, si non posset, uidere uoluisse.

Quid Sindon.

*Amictus sindone super nudo.*) Sola uestis sindone super nudum corpus coniecta. Sindon autem non erat, ut opinor, lineum, quemadmodum vulgus existimat, nullam uestis habens formam, quod Italice, & Gallice *linzolum*, quasi linteolum, Hispanice *sauana*, Punico, ut arbitror, nomine uocatur, sed erat genus uestis, quamuis lineæ tamen calidæ, & id uel ex hoc loco intelligitur, ubi iuuenis ille dicitur fuisse *περιβεβλημένος* *amictus*, & ex Polluce qui *περιβόλαιον* uocat, & ex Poeta illo, qui dixit.

Martial. li. 4. Epigram. 29.

*Ridebis uentos hoc munere lectus, & imbres,*  
*Nec sic in Tyria sindone tutus eris.*  
Itaque apparet indumentum fuisse aliquod simile pelliceæ uesti, quo homines aduersus uim frigoris uterentur, quales sunt, quas Hispani *chamaras* appellant, aut *Bernios*, id est Hiber-

nica uestes, quibus in Hispania solæ mulieres, in multis Galliarum partibus, & in Hibernia tota uiri inferioris conditionis in magnis frigoribus utuntur, habent autem magis pallij, aut tegetis, quam uestis speciem. Ea igitur arrepta in subito casu, partim ut totum tegeret corpus, partim pellendi frigoris causa, quia, ut ait Ioannes c. 18. *frigus erat*, iuuenis ille ad tumultum occurrit.

*Et tenuerunt eum.*) Apprehenderunt ueste, ut simul cum Christo, tanquam eius sectatorem ducerent: aut tenere conati sunt; neque enim tenuerunt, cum aufugerit, ut uerbum non effectum, sed affectum, conarumque declararet, ut multis alijs in locis adnotauimus.

52. *At ille relicta sindone nudus profugit ab eis.*) Ita Hiero. etiam, & Beda legunt, & si Græcè *καταλιπὼν* legitur, id est *relicta sindone*. Sindonem reliquit, aut quia sindone à militibus tenebatur, & fugere, nisi ea in ipsorum manibus relicta, non poterat, quem admodum fecit Ioseph pallio a lasciuia illa muliere prehensus Genes. 39. 12. aut quia cum conarentur eum apprehendere, sindonem, quod expeditior fugeret, abiecerit. Caritatis erat, quod Christum sequebatur, infirmitatis uero fuit, quod eo deserto profugerit, ut ait Beda. *Quisquis uero fuit, maiorem in se, quam in cæteris amorem Domini permansisse comprobatur, qui illis iam fugientibus ipse donec ab hostibus comprehenderetur, uinculo caritatis adstrictus eum prosequi non omisit. Quamuis necdum perfectam habuerit caritatem, qui a comitatu Saluatoris uel tentus fugere potuerit. Cætera placent, illud tantum dicere non ausim adolescentem illum maiorem, quam Apostolos caritatem habuisse. Videretur hanc historiam ideo narrasse Marcus, ut quanta militum licentia, & sauitia fuisset, declararet, qui non solum in Christum, sed in eos etiam, qui ipsum sequerentur, uoluerint suam exercere crudelitatem.*

61. *Rursum summus sacerdos interrogabat eum.*) Adiurans eum per Deum *niui*, ut ait Matthæus ca. 26. 63.

Ddd 3 Cum



cum enim humana inter se testimo-  
nia non conuenirent, neque ad con-  
demnandum Christum etiam ini-  
quo iudici satis idonea esse uideren-  
tur; ad diuinum confugit, & iureiu-  
rando compellere conatur Christum  
aliquid, quod morte dignum uidea-  
tur, confiteri: neque interrogat, an

populum turbarit, an falsa docherit,  
an templi fuerit minatus excidium,  
sed an esset filius Dei, quod sciebat ip-  
sum non negaturum. Cumque se esse  
respondet, non quaerit, an ita sit, sed an  
ticipata sententia condemnat, quasi  
blasphemum, tanquam non de iure,  
sed de facto solo dubitaretur.

## CAPVT XV.

Matth. 27.

2.1.

Luc. 22. g.

66.

Ioan. 18. c.

28.

Matth. 27.

b. 12.

Luc. 23. 3. 6.

Ioan. 18. f.

33.



**I** T confestim, mane consilium facientes summi  
sacerdotes cum senioribus, & Scribis, & uni-  
uerso concilio uincientes Iesum duxerunt, &  
tradiderunt Pilato. 2. Et interrogauit eum  
Pilatus: Tu es rex Iudæorum? At ille respon-  
dens, ait illi: Tu dicis. 3. Et accusabant eum summi sacerdo-  
tes in multis. 4. Pilatus autem rursus interrogauit eum, di-  
cens: Non respondes quidquam? vide in quantis te accusant.  
5. Iesus autem amplius nihil respondit, ita ut miraretur Pila-  
tus. 6. Per diem autem festum solebat dimittere illis unum ex  
uinctis, quemcumque petissent. 7. Erat autem qui dicebatur Ba-  
rabbas, qui cum seditiosis erat uinctus, qui in seditione fece-  
rat homicidium. 8. Et cum ascendisset turba, coepit rogare, si-  
cut semper faciebat illis. 9. Pilatus autem respondit eis, & di-  
xit: Vultis dimittam uobis regem Iudæorum? 10. Sciebat eni-  
nim, quod per inuidiam tradidissent eum summi sacerdotes.  
11 Pontifices autem concitauerunt turbam, ut magis Ba-  
bam dimitteret eis. 12. Pilatus autem iterum respondens, ait il-  
lis: Quid ergo vultis faciā regi Iudæorū? 13. At illi iterū clama-  
uerūt: Crucifige eum. 14. Pilatus uero dicebat illis: Quid enim  
mali fecit? At illi magis clamabant: Crucifige eū. 15. Pilatus au-  
tem uolens populo satisfacere, dimisit illis Barabbā, & tradidit  
Iesum flagellis caesum, ut crucifigeretur. 16. Milites autem  
duxerunt eum in atrium prætōrij, & conuocant totam co-  
hortem, 17. & induunt eum purpura, & imponunt ei ple-  
ctentes spineam coronam. 18. Et coeperunt salutare eum:  
Aue rex Iudæorum. 19. Et percutiebant caput eius a un-  
dine: & conspuebant eum, & ponentes genua, adorabant  
eum. 20. Et postquam illuserunt ei, exuerunt illum purpura,  
& induerunt eum uestimentis suis: & educunt illum, ut cruci-  
figerent eum. 21. Et angariauerunt prætoreuntem quempiam,  
Simonem Cyrenæum venientem de villa, patrem Alexandri,  
& Rufi, ut tolleretur crucem eius. 22. Et perducunt il-  
lum

Matth. 27. c.

22.

Luc. 23. b.

14.

Ioan. 18. g.

39. &amp; 19. a.

2.

Matth. 27.

d. 28.

Ioan. 19. a. 2

Matth. 27.

d. 32.

Luc. 23. d.

26.



lum in Golgotha locum: quod est interpretatum Caluariæ locus. 23. Et dabant ei bibere myrrhatum vinum: & non accepit. 34. Et crucifigentes eum, diuiserunt vestimenta eius, mittentes sortem super eis, quis quid tolleret. 25. Erat autem hora tertia; & crucifixerunt eum. 26. Et erat titulus causæ eius inscriptus; REX IVDÆORVM. 27. Et cum eo crucifigunt duos latrones: vnum a dextris, & alium à sinistris eius. 28. Et impleta est scriptura, quæ dicit: Et cum iniquis reputatus est. 29. Et prætereuntes blasphemabant eum, mouentes capita sua & dicentes; Vah qui destruis templum Dei, & in tribus diebus reedificas: 30. saluum fac te ipsum descendens de cruce. 31. Similiter & summi Sacerdotes illudentes, ad alterutrum cum Scribis dicebant: Alios saluos fecit, seipsum non potest saluum facere. 32. Christus rex Israel descendat nunc de cruce, vt videamus, & credamus. Et qui cum eo crucifixi erant, conuitiabantur ei. 33. Et facta hora sexta, tenebræ factæ sunt per totam terram vsque in horam nonam. 34. Et hora nona exclamauit Iesus voce magna, dicens: Eloi, Eloi, lama sabactani? quod est interpretatum: Deus meus, Deus meus, vt quid dereliquisti me? 35. Et quidam de circumstantibus audientes dicebant: Ecce Eliam vocat. 36. Currens autem vnus, & implens spongiam aceto, circumponensque calamo, potum dabat ei, dicens; Sinite, videamus si veniat Elias ad deponendum eum. 37. Iesus autem emissâ voce magna expirauit. 37. Et velum templi scissum est in duo, à summo vsque deorsum. 39. Videns autem Centurio, qui ex aduerso stabat, quia sic clamans expirasset, ait; Vere hic homo Filius Dei erat. 40. Erant autem & mulieres de longe aspicientes; inter quas erat Maria Magdalena, & Maria Iacobi minoris, & Ioseph mater, & Salome: 41. & cum esset in Galilæa, sequebantur eum, & ministrabant ei, & aliæ multæ quæ simul cum eo ascenderant Ierosolymam. 42. Et cum iam sero esset factum (quia erat parasceue, quod est ante sabbatum) 43. venit Ioseph ab Arimathæa nobilis decurio, qui & ipse erat expectans regnum Dei, & audacter introiuit ad Pilatum, & petijt corpus Iesu. 44. Pilatus autem mirabatur si iam obiisset. Et accersito centurione interrogauit eum si iam mortuus esset. 45. Et cū cognouisset a centurione, donauit corpus Ioseph. 56. Ioseph autem mercatus sindonem, & deponens eum inuoluit sindone, & posuit eum in monumento, quod erat excisum de petra & aduoluit lapidem ad ostium monumenti. 47. Maria autem Magdalene, & Maria Ioseph aspiciebant vbi poneretur.

Mat. 27. 2.  
33.  
Lu 23. c. 33.  
Io. 19. d. 17.

If. 53. d. 12.  
Io. 2. a. 19.

Psal. 22. a. 1.  
Matt. 27. c.  
46.

Mat. 27. f. 55  
Luc. 8. a. 2.

Matt. 27. g.  
57.  
Lu. 23. g. 59  
Io. 19. g. 38.



## IN CAPVT XV.

**E***T confestim mane.)* Vtrumque hoc uerbū eō pertinet, ut indicet Euangelista, quanta uis fuerint Principes sacerdotum, Scribæ, & Pharisei diligentia, ut Christum condemnarent. Porro nihil in toto hoc capitulo est, quod non sit in capite Matthæi vigesimo septimo copiosè, distinctèque explicatum.

## CAPVT XVI.

**I***T* cum trāisset sabbatū, Maria Magdalene, & Maria Iacobi, & Salome emerūt aromata ut venientes ungerēt Iesum. 1. Et valde mane una sabbatorū, veniunt ad monumentum orto iam sole 3. Et dicebant ad inuicem; Quis reuoluet nobis lapidē ab ostio monumenti? Et respicientes uiderūt reuolutū lapidē. Erat quippe magnus valde 5. Et introeuntes in monumentū uiderūt iuuenem sedentem in dextris, coopertum stola cādida, & obstupuerunt 6. Qui dicit illis; Nolite expauescere; Iesum quæritis Nazarenum crucifixum: surrexit, non est hic, ecce locus, ubi posuerūt eū. 7. Sed ite, dicite discipulis eius, & Petro, quia præcedit vos in Galileam: ibi eum uidebitis, sicut dixit uobis 8. At illæ exeuntes, fugerunt de monumento: inuaserat. n. eas tremor & pavor: & nemini quidquam dixerūt: timebant. n. 9. Surgens autem mane, prima sabbati, apparuit primo Mariæ Magdalene, de qua eiecerat septem dēmonia. 10. Illa vadens nunciauit his, qui cū eo fuerant, lugentibus, & flentibus. 11. Et illi audientes, quia uiuere, & uisus esset ab ea, non crediderunt. 12. Post hæc autē duobus ex his ambulanti bus ostensus est in alia effigie, euntibus in villam: 13. & illi euntes nunciauerunt ceteris; nec illis crediderūt. 14. Nouissime recumbentibus illis undecim apparuit: & exprobrauit incredulitatem eorū & duritiam cordis; quia ijs, qui uiderant eum resurrexisse, non crediderunt. 15. Et dixit eis: Eūtes in mundum uniuersum prædicate Euangelium omni creaturæ. 16. Qui crediderit, & baptizatus fuerit, saluus erit; qui uero non crediderit, condemnabitur. 17. Signa autem eos, qui crediderint, hæc sequētur: In nomine meo dēmonia eiicient; linguis loquentur nouis: 18. serpentes tollent: & si mortiferum quid biberint, non eis nocebit: super egros manus imponent, & bene habebunt. 19. Et Dominus quidem Iesus postquam locutus est eis, assumptus est in cælum, & sedet à dextris Dei. 20. Illi autem profecti prædicauerunt ubique Domino cooperante, & sermonem confirmante, sequentibus signis.

IN



## IN CAPVT XVI.

**E**t cum transisset sabbatum.) Vehementer miror unum ex omni antiquitate Hieronymum quæstione 3. ad Hedibiam meminisse totum hoc caput Marci in multis codicibus non reperiri, & a nonnullis de eo auctoribus dubitari. Magis etiam miror non maiore Hieronymum studio eius auctoritatem asseruisse, cum nulla prorsus coniectura sit vlla ex parte probabilis fuisse ad Marci Euangelium adiectum. Nam quod nonnulli repugnantiam, quæ inter Marcum hoc loco, & Matthæum c. 28. videatur esse, causam putant eius modi suspicioni præbuisse, absurda prorsus est ratio. Isto enim modo, & vltimum caput Lucæ, & penultimum Ioannis inducere deberemus; maior enim inter illos, & Matthæum, quam inter Matthæum, & Marcum apparet repugnantia, dubitare igitur de huius capitis auctoritate non licet, præsertim Concilio Tridentino non solum libros omnes, quos nunc habemus in canone, sed singulorum etiam librorum singulas partes approbante. Neque quisquam antiquus, & Catholicus scriptor est, qui huius capitis, tanquam veræ, legitimæque scripturæ testimonium uti recusauerit. Vltus est Irenæus libro 3. aduersus hæreses ca. 11. & quidem ita usus, ut aperte dixerit hunc Euangelij finem, qui est ver. 19. *Et Dominus quidem Iesus postquam locutus est eis, assumptus est in calum, & principium illud capitis 1. uersu primo. Initium Euangelij Iesu Christi, ab eodem Marco fuisse conscriptum.*

*Et cum transisset sabbatum.* Id est, simul atque sabbatum transijt, statim post solis occasum, quo sabbati festum terminabatur. Nam cum summo statim mane diei sequentis ad sepulchrum cum aromatibus venerint, ut dicitur ver. 2. & Lucæ 24. 1. & Ioannis 20. 1. Et non potuerint multa nocte, aut tã-

to mane aromata emere, necesse est, ut emerint die sabbati post solis occasum transacto iam festo, cum emere, aut uendere licebat. Id etiam non obscure colligitur ex Luca cap. 23. 56. *Et reuerentes parauerunt aromata, & ynghenta, & sabbato quidem siluerunt secundum mandatum.* Quin etiam ex hoc ipso loco colligitur: non enim quasi de eodem, sed quasi diuerso Marcus tempore loquitur, cum prius dicit mulieres, cum transisset sabbatum, aromata emisse, ut ueniētes ungerent Iesum: & cum ver. 2. nouam inchoans sententiam dicit, *Et valde mane una sabbatorum veniunt ad monumentum,* quasi vesperi aromata emerint, mane ad monumentum uenerint. Quæ scribit Marcus vsque ad uersum 12. apud Matthæum capit. 28. explicata sunt.

12. *Post hæc autem duobus ex his ambulantis.*) Hoc a Matthæo scriptum non est, a Luca uero c. 24. 13. copiosius scribitur, quam a Marco, quare apud Lucam potius, quam hoc loco explicandum est, ubi & Euthymij refellimus opinionem, qui alios hos fuisse discipulos, quam duos illos, de quibus Lucas scribit, existimat.

14. *Novissime.*) Suat, qui existimant Marcum hoc loco agere de die, quo Christus uidentibus Apostolis in celum ascendit, in quibus Augustinus est libro tertio de consensu Euangelistarum capitulo 25. & Gregor. homil. in Euangelia 29. & Beda hunc locum exponens, ideoque Marcum dicere *novissime*. Hanc opinionem apud Matthæum capitulo 28. refutauimus, & Augustinus ipse non satis firmus in ea fuit, neque Græcè est *ὅσπρον*, postremo, sed *ὅσπρον*, postea, ut Hieronymus. uertit libro secundo contra Pelagian. Alij, ut Euthym. hoc loco, existimant hoc eodem die, quo Christus resurrexerat, contigisse. Hanc enim esse apparitionem illam, de qua Ioannes scribit capitulo vigesimo, ver. 19. Duos enim discipulos, de quibus

Ddd 5 uersu



uersu. 12. 13. dictum est, ad Apostolos uenisse, illisque nuntiasse se Christum uidisse, eos uero non credidisse tunc uenisse Christum, & incredulitatem illis exprobrasse. Hæc opinio ideo uera esse non potest, quia falsâ nititur basi, hos duos discipulos alios fuisse, quàm, de quibus cap. 24. 13. Lucas agit. Possêt quidem disputari etiam si iidem hi, atque illi fuerint, utrum illi prius, an Christus ad discipulos uenerint. Nam Lucas c. 24. 33 34. ita uidetur loqui, ut indicet prius duos illos discipulos uenisse, quam Christum. Sed de ea questione eo apud Lucam loco disputabimus.

*Recubentibus illis undecim apparuit* ) Hieronymi. lib. 2. contra Pelagianos scribit totam hanc periodum, & aliam quandam, quam nunc in nostris libris non habemus, in quibusdam exemplaribus maxime Græcis reperiri, quasi non in omnibus, sed in paucis quibusdam reperiretur. *In quibusdam*, inquit, *exemplaribus*. & maxime in Græcis codicibus iuxta Marcum in fine eius Euangelij scribitur, *Postea cum accubissent undecim, apparuit eis Iesus, & exprobrauit incredulitatem, & duritiam cordis eorum, quia hi, qui uiderant eum resurgentem, non crediderunt. & illi satisfaciebant dicentes, Seculum istud iniquitatis, & incredulitatis substantia est, quæ non finit per immundos spiritus veram Dei apprehendi uirtutem: idcirco iam nunc reuêla iustitiam tuam.* Admirabile planè est, atque diuinum Ecclesiæ iudicium, quæ priorem huius periodi partem retinuit, posteriorem reiecit: nemo enim est in literis sacris exercitatus, qui non facile odoretur priorem esse legitimam, posteriorem notham atque adiectitiam, quæque uerem Manichæorum, aut Montanistarum errorem oleat. Neque Lucas, nec Ioannes narrant recubuisse discipulos, cum illis Christus apparuit, & sunt, qui existiment non fuisse ad mensam, cum multa iam esset nox, & Græcum uerbum *ἀνακειμένοις* interpretentur confidentibus, quibus quia hæretici sunt, etiam simulpro proba-

biliora dicerent, minimè crederem. Recumbebant igitur ad mensam, neque enim alio sensu id in scriptura uerbum legi memini, nec uidetur sine ratione Marcus id exprimere uoluisse, quod leue alioqui, & parum ad rem pertinens uideri poterat, fortasse, ut indicaret eo Christum, uenisse tempore, quo tempore, quia cenabant, omnes simul erant: aut, ut cum paratum inuenisset cibum, coram discipulis sumeret, & suam illis resurrectionem edendo, bibendoque probaret, ut Petrus argumentatur Actuum 10. 41. Nam quod hæreticorum adducit interpretes dixisse Christum, cum adhuc discipuli hæsitarent, *habetis hic aliquid, quod manducetis* Lucas 24. 41. & Ioannis 21. 5. 13. non animaduertit aliam illam fuisse apparitionem, quam illic Lucas narrat, nempe illam, qua Christus eodem, quo resurrexit die, postquam duobus illis discipulis euntibus in Emaus uisus fuerat, rediens Ierosolymam apparuit, cum Thomas non adesset Ioannis 20. 6. 24. certum huius sententiæ argumentum est, quod in secunda apparitione, quæ octauo post die contigit, discipuli non dubitarunt assueti iam Christum uidere, in illa autem apparitione, quam scribit Lucas, non solum uiso, sed ostendente etiam manus suas Christo, ut idem Lucas testatur, dubitauerunt. Itaque non potest hæc, & illa, quæ apud Lucam est, cadê esse apparitio. Undecim discipulos fuisse dicere, quia Iudas deerat, qui se iam laqueo suspenderat, aut certe cum Apostolis post traditum Christum non uersabatur. De quâ re Matthæi 27. 5. & 28. 16. disputauimus. Thomas uero qui ante dies octo cum discipulis non erat, cum se illis Christus ostenderat, nunc erat, ideoque erant undecim Io. 20. 26. Scio D. Ang. li. 3. de cōsensu Euangelistarum, c. 25. & in Comment. Beadam existimare decem tantum fuisse discipulos, qui propterea undecim appellerentur, quia totus tunc Apostolorum numerus mortuo iam Iuda undecimerat, & quamuis unus abesset Thomas, maiorem tamen numeri

cuius

Caluinus  
in hanc,



eius partem totius nomen numeri retinuisse. Non inficior potuisse maiorem partem numeri totius numeri nomen vindicare, tamen non arbitror esse necessarium ad eas angustias adducere, quia cum Euthymio, & aliis nonnullis interpretibus probabilius esse credo uere undecim tunc congregatos fuisse discipulos, cum hac apparitio illa fuerit, quae octavo post resurrectionem die facta fuit praesente iam Thoma Ioannis 20. 26. 27. ut paulo ante demonstrauimus.

*Et exprobrant incredulitatem eorum.)* Quo modo tunc exprobrauit, cum iam ante credidissent? Augustinus libro 3. de consensu Euangelistarum c. 25. & Gregorius hom. 29. in Euangelia, & Beda hunc locum explicans, quia existimant hoc accidisse, quo die Christus in caelum assumptus est, respondent non propterea tunc incredulitatem illis exprobrauisse, quod tunc non crederent, sed quoniam, ut verbis utar Augustini iam erat ab eis ascensus in caelum, hoc eis illo die maxime exprobrare noluisse, quia his qui uiderant eum resurrexisse, non crediderant, antequam ipsi eum uiderent, cum utique post ascensionem suam praedicantibus illis Euangelium etiam gentes, quod non uiderunt, fuerant creditur. Post illam quippe exprobrationem secutus ait idem Marcus vers. 15. & dixit eis, Euntes in mundum uniuersum praedicare Euangelium omni creaturae, qui crediderit, & baptizatus fuerit, saluus erit, qui uero non crediderit, condemnabitur. Hoc ergo praedicaturi, quoniam qui non crediderit, condemnabitur, cum id utique non crediderit, quod non uiderat, nonne ipsi primitus fuerant obiurgandi, quod ante quam Dominum uiderent, non crediderunt eis, qui prius apparuissent? Euthymio. uero, qui duos illos discipulos, quibus Marcus versu 12. Christum apparuisse dicit, alios, quam duos illos, de quibus scribit Luc. c. 24. 13. fuisse dicit, putat propterea exprobrasse discipulorum incredulitatem Christum, quod his duobus discipulis se cum uidisse affirmantibus, non credidissent; ideoque solum

Marcum exprobratam narrasse incredulitatem, quod eorum duorum discipulorum solus meminisset. Hanc opinionem supra uersu 12. refellimus, & apud Lucam pluribus sumus uerbis refutaturi. Quod igitur ad huius loci quaestionem attinet, syllepsim esse credo, quia discipulorum incredulitas reprehensa fuisse dicitur, quia unus discipuli Thomae incredulitas reprehensa est, ut apparet ex Ioanne c. 20. 27. 29. de qua figura uidere lector poterit, quae in Matthaeum scripsimus c. 26. 8.

*Quia hi, qui uiderant.)* id est Mariae Magdalenae, & ceteris mulieribus. quae Christum primae uiderant, discipulisque nuntiauerant Matth. vi. 28. 8. 9. & supra versu 9. 10. 11. & Luc. 24. 9. 10. & Ioannis 20. 2. & Petro, & Ioanni, qui idem uiderant, atque nuntiauerant Ioannis 20. 4. & duobus illis discipulis, quibus in Emaus euntibus apparuit Luc. 24. 35. ut Augustinus libro 3. de consensu Euangelistarum ca. 25. & Euthymio. exponunt. Si ea, quae paulo ante de reprehensa discipulorum incredulitate diximus, uera sunt; haec etiam mihi uidentur per syllepsim intelligenda esse, & solius Thomae hoc loco incredulitatem reprehendi, quod reliquis decem Apostolis se Christum uidisse confirmantibus, postquam ad eos decem congregatos uenerat, Ioannis 20. 19. credere noluerat.

*15 Et dixit eis.)* Non tunc cum illis recumbentibus apparuit, & eorum exprobrauit incredulitatem, sed postea: cum in monte Galilaeae essent Matth. 28. 16. 17. 18.

*Euntes in mundum uniuersum.)* Sunt qui existiment iustos esse Apostolos à Christo uniuersum terrarum orbem peragraré, quod minime mihi uidetur esse probabile: Sciebat enim Christus id eos facere non posse, & non est credendum, quod facere non poterant, illis praecipisse. Deinde quod hic praecipitur, non solum cunctis, sed singulis etiam Apostolis praecipitum est: singulos autem totum terrarum orbem peragraré non potuisse, opinor,

Syllepsis notanda,

Uirt. Euangelium per totum terrarum orbem ab Apostolis praedicatum sit,

Lecco cita.  
10.



opinor, nemo dubitabit. Docuit etiam euentus non ita fuisse hoc præceptum intelligendum, ut aut singuli, aut simul cuncti uniuersum terrarum orbem obirent, neque enim id reipsa præstiterunt, cum non solum Origenes tractatu in Matthæum 28. sed etiam Augustinus epistola 80. ne ætare quidem sua, id est quadringentis post Christum annis, non dico ab Apostolis, sed ne ab ullo quidē Christiano doctore ex tam multis Apostolorum successoribus multis in locis Euangelium prædicatum fuisse doceant. Quod nostra memoria experientia compertum est, multis longa & inuitata navigatione patet factis terris, in quibus nulla notitia, nulla memoria erat Euangelij: itaque quod ad Romanos 10. 18. scribit D. Paulus, *sed dico numquid non audierunt? Et quidem in omnem terram exiuit sonus eorum, & in fines orbis terre uerba eorum*, per hyperbolen de his tantum gentibus, de quibus Apostolus loquebatur, id est de Asianis, & Europæis intelligendum est. Quod cum sit, dicendum non est id Christum Apostolis præcepisse, quod eos non fecisse constat. Tantum ergo uoluit Christus terminos ad illud usque tempus legi, Euangelioque prefixos reuellere, & non alios Euangelij, quam orbis terrarum fines ponere. Nam & lex intra Iudæam terminabatur, *Natus in Iudæa Deus in, Israel magnum nomen eius.* Psalm. 75. 2. & ante, cum ad prædicandum Euangelium Christus misisset Apostolos, extra Iudæam excedere uetuerat, Matthæi 10. 5. *In uiam gentium ne abieritis, & in ciuitates Samaritanorum ne introieritis.* Hos nunc remouet terminos, & exiguis regni Iudæorum angustiis totius orbis amplitudinem opponit, quasi dicat, euntes non iam in Iudæam solum, ut prius sed in mundum uniuersum prædicare, Rupta enim est iam per mortem, & resurrectionem meam legis maceria, quæ intra Iudææ fines continebatur, Ephes. 2. 14. experti iam sumus quantum apud Iudæos proficiamus: auferatur igitur ab illis re-

gnum Dei, & detur gentibus facientibus fructum eius Matthæi 21. 43. Ergo hæc uerba etsi affirmatione constant, non tam per affirmationem, quam per negationem intelligenda sunt, quasi dicat Christus, Ite quocunque uolueritis, quocunque potueritis, ut Euangelium longè late, que diffundatis, nullos iam uobis locorum fines præscribo.

*Prædicate Euangelium omni creaturæ.* Hæc Apostolica legationis materia est, ut prædicent Euangelium. Omnem creaturam hominem intelligi dubitari non potest, neque enim, ut ait Gregorius homilia in Euangelia 29. & libro 7. in Iob. capit. 8. & Beda in huius loci commentarijs, *euangelium, uel insensatis rebus, uel brutis animalibus fuerat prædicandum.* Quamquam ratio, quam hi duo afferunt auctores, nescio, an satis sit congrua, quod homo omnem in se quodammodo creaturam contineat. Malim dicere attributionem esse, qua nomen generis uni tantum speciei accommodatur, sicut Hispani solos infantes creaturas uocant. Melius idem Gregorius libro quinto, in librum 1. Regum capit. 14. & Beda notauerunt propterea homines hoc loco creaturas uocatos esse, ut nemo excipi à tam generali uocabulo posset intelligi. Itaque *ἅπασαν* creatura pro generatione, aut genere posita uidetur. Nam quod Marcus dicit, *Prædicate euangelium omni creaturæ*, Matthæus c. 28. 19. dicit, *Docete omnes gentes.* Opponit ergo omnem creaturam, id est, omnes gentes vni Iudæorum genti, alludens ad id, quod dixerat Matthæi 10. 5. *In uiam gentium ne abieritis*, quasi editū illud rescindat.

*Qui crediderit, & baptizatus fuerit, saluus erit.* Prætermittit Marcus, quod Matthæus dixit, *Baptizantes eos in nomine Patris, et Filij, et Spiritus sancti.* Cur baptismum cū doctrina, fide, que coniungat, illo apud Matth. loco disserrimus. Est baptismus quasi publica fidei professio, & corde creditur ad iustitiam, ore autem confessio fit ad salutem Rom. 10. 10. Proponit credentibus, & ba.



Sola fides  
ad salutem  
non sufficit.

& baptizatis premium, non credentibus supplicium, ut eos magis alliciat: id autem Apostolis dicit, ut alijs prædicent, quòd eos facilius ad Euangelium trahant. Mirum, quàm multæ hæreses ex his paucis uerbis natae sint. Primum totam fidem ad salutem satis esse, quando sola hic à Christo exigatur videatur. Nouorum quidem hæreticorum, sed non nouus error. Nam & Irenæus Marcionistas in eo fuisse indicat, & Tertullianus, aut eisdem, aut alijs, quos hæreticos, qui idem dixerint, notat; & Augustinus ad eam hæresim opprimendam totum de fide, & operibus librum scripsit. Qui error, præterquam, quòd est tam absurdus, ut refelli disputando non debeat: tota scriptura sacra, quanta est, propriè uerò 2. capit. epistolæ Iacobi penitus refutatur, ubi & nos sumus, si vitam Dominus, otiumque concesserit, refutaturi. Secundo, non posse quemquam, nisi atate iam adulta, & disciplinæ capace baptizari, cum baptizari ij tantum, qui crediderint, iubeantur, & infantes, qui doceri non possunt, nec credere possint; *fides enim ex auditu, auditus autem per uerbum CHRISTI* Roman. 10. 17. In qua hæresi non solum nunc Anabaptistæ omnes sunt, sed & nonnulli olim Catholici, Tertullianus in libro de baptismo, & Nicetas in commentarijs in orationem Gregorij Nazianzenii in sanctum baptismum non longè ab ea abfuerunt, ut in Matthæo capitulo 28. 19. diximus, ubi & hunc errorem satis refutauimus. Tertio, baptismum non esse ad salutem necessarium, quod Calviniani ex sequentibus uerbis colligunt, quia cum dicat Christus, *qui uerò non crediderit, condemnabitur*, non addit alterum membrum, & qui baptizatus non fuerit, quod ut adderetur, & orationis consequentia postulare, & auditoris aures expectare uidebantur. Et hic antiquus est error; neque enim tam ingeniosi isti sunt, quàm uideri uolunt. Non inueniunt ipsi hæreses suas, sed ab alijs olim hæreticis inuentas, & ab Ecclesia damnatas renouarunt. Hic ergo

Baptismi  
necessitas  
contra Cal-  
uinistas.

(inquit Tertullianus in libro de baptismo hunc locum tractans) *sceleratissimi illi prouocant quaestiones. Adeo dicunt; baptismus non est necessarius, quibus fides satis est.* Non ergo propterea Christus secundum membrum non reperit, quòd baptismus ad salutem necessarius non esset. Quibus enim uerbis eius necessitas clarius doceri potuit, quàm quibus Ioannis 3. 3. Christus dixit, *nisi quis renatus fuerit ex aqua, & Spiritu sancto, non potest introire in regnum Dei?* Non agitur, inquit illi, de baptismo. Vbi igitur agitur? aut unde illi contra alios hæreticos Anabaptistas probare possunt debere infantes baptizari? sed hunc secundum errorem illic de baptismo non agi, quia in illo hæretico, illic refellemus. Fingamus tantum dixisse Christum, *Qui crediderit, & baptizatus fuerit, saluus erit*: neque secundam sententiæ partem addidisse, quis non uideret non solum fidei, sed etiam baptismi salutem tribui, cum pariter idem, & eodem modo de utroque dicatur, *Qui crediderit, & baptizatus fuerit, saluus erit?* Adde quòd non dixit, *Qui crediderit, & qui baptizatus fuerit, saluus erit*, quòd si dixisset, uideri poterat significasse alterutrum, aut fidem solum, aut baptismum solum ad salutem satis esse, quia per disunctionem dictum intelligi poterat: sed dixit, *Qui crediderit, & baptizatus fuerit, saluus erit*; quod cum per disunctionem intelligi non possit, utrumque adeo ad salutem necessarium esse significatur, ut si alterum, siue fides, siue baptismus desit, nemo saluus esse possit. Cum ergo uerba sequentia nihil prioribus detrahant, non potest ea esse ratio, cur Christus secundum membrum non reperierit, quòd baptismus non esset necessarius. Nam si in priorē sententiæ parte baptismus salutis causa esse dicitur, & in posteriori defectus baptismi condemnationis causa esse significabitur. Cum idem Christus dicit Matthæi 19. 17. *Si uis ad uitam ingredi, serua mādāta*, rectè colligitur eum, qui mādāta non

serua-



seruauerit, ad uitam ingredi non pos-  
se, ergo & cum dicit, *Qui crediderit, &  
baptizatus fuerit, saluus erit*, rectè col-  
ligetur, ergo qui non crediderit, vel  
baptizatus non fuerit, condemnabi-  
tur. Certè Diuus Petrus prima epist.  
capitulo 3. 21. non magis nos nunc  
sine baptismate indicat saluos esse pos-  
se, quam olim tempore diluuij extra  
arcam Noe quisquam potuit esse su-  
perstes. Et verò quid attinebat Eu-  
auchum illum Reginae Candicis tam  
propere uix leuiter in curru institutū  
baptizari, simul atque aqua inuenta  
est, si baptismus ad salutē necessariū  
non erat Act. 8. 36. nonne poterat ex-  
pectare tantisper ut honestiore loco,  
commodiore tempore baptismum ac-  
ciperet? Quid cū os ille carceris una  
nocte a Paulo, & Barnaba cum tota fa-  
milia institutus continuo baptizatus  
est, quasi de ipsius uita, saluteque age-  
retur, si in tempus aliud baptismū dif-  
ferret? Act. 16. 33. Quæ ergo fuit cau-  
sa, si ea non fuit, quare Christus secun-  
dum membrum non reperiuit? Ali-  
quam certè fuisse credendum est, sed  
cū ea, ut probauimus, causa non fue-  
rit, alia querenda. Quidam hanc red-  
dunt, quòd etsi utrumque & fides, &  
baptismus necessarium est, magis ta-  
mē necessaria fides, quā baptismus,  
quia nunquam omnino sine fide quis-  
quam saluus esse potest, quia, ut ait  
D. Paulus Hebræorum 11. 6. *sine fi-  
de impossibile est placere Deo*; sine ba-  
ptismo autem aliquando potest: puta  
si credens, & baptizari cupiens, bap-  
tizari non potuit, si antequā bap-  
tizetur, pro Christo uitam effundat.

10. 15. 13. *Maiores enim dilectionem nemo habet,  
quā ut animam suam ponat quis pro  
amicis suis.* Ita Algerus respondet li-  
bro tertio de sacramento cap. 3. & D.  
Bernardus epistola 77. uera quidem  
sunt ista, sed non facile mihi persuade-  
re possum eò spectasse Christum. Id  
fortasse dixisset, si de martyrio, aut de  
Spiritus sancti efficacia, id est si de  
baptismo, ut uocant, sanguinis, aut fla-  
minis, non de baptismi aquæ necessi-  
tate loqueretur, ut ea ratione ostende-  
ret tantam martyrij, tantam Spiritus

sancti esse uirtutem, ut is etiam, qui ba-  
ptizari non posset aqua, solo marty-  
rio, & sola Spiritus sancti caritate in  
cordibus nostris effusa salutem conse-  
queretur. Nunc autem, cū de ne-  
cessitate baptismi agat, exaggerare eā  
debuir, non diminuer. Alij, quia  
fides quasi genus, baptismus, quasi spe-  
cies est, & sublato genere speciem tol-  
li necesse est, satis fuisse dicere, *qui  
non crediderit*, quia qui non credit,  
non baptizatur, cū fides precedat,  
baptismus sequatur. Verum id qui-  
dem, sed tamen quid si quis credat, &  
non baptizetur, quid illi futurum est?  
id enim dictū necessarium erat, & ta-  
men dictū non est. Credo igitur  
ego, idque magis asseuerarem, si me-  
liorem, quā me auctorem haberem,  
non fuisse prætermisum, ut putatur,  
secundum illud membrum, Et qui  
baptizatus non fuerit. Nam licet uer-  
bis expressum non sit, sensu tamē est,  
quia cū paullo ante baptismus unā  
cum fide coniunctus fuerit, & cum ne-  
gatione fidei negatio baptismi ἀπὸ  
νομοῦ est intelligenda. Qui non cre-  
diderit, & baptizatus non fuerit, con-  
demnabitur. Solet quæri, quomodo  
ista tam generalis sententia uera sit,  
*Qui crediderit, & baptizatus fuerit,  
saluus erit*, cū multi, qui & credide-  
rint, & baptizati fuerint, condemnentur.  
Negant id quidem hæretici Cal-  
uinistæ, qui putant neminem, qui ue-  
ram fidem habeat, damnari posse: sed  
hæc hæresis partim est iam paullo an-  
te a nobis refutata, cū docuimus nō  
solam fidem, sed etiam baptismum ad  
salutem esse necessarium, & ad Ro-  
man. 4. magis refutauimus. Nunc  
ponamus quod uerum est, multos, &  
uerè credentes, & ritè baptizatos sæpe  
damnari. Legat de hac re cautè Gre-  
gorium homil. in Euangelia 29. & Be-  
dam in commentariis ad hunc locum,  
quisquis errare non uolet. Fortasse,  
inquit Gregorius, *unusquisque apud  
semetipsum dicat, Ego iam credidi, sal-  
uus ero. Verum dicit, si fidem operibus  
tenet. Vera enim fides est, quæ in hoc  
quod rebus dicit, moribus non contradi-  
cit. Hinc est enim, quod de quibusdam  
falsis*

Locus Gre-  
gorij, & Be-  
da explicatus.



ad Tit. 1.  
16.  
Epist. 1. 2.

Cap. 2. 17.  
19.

ad Gal. 5.  
6.  
Regula scri-  
pturæ admo-  
dum obser-  
uanda.

falsis fidelibus Paulus dicit. Qui confi-  
tentur se nosse Deum, factis aut negat.  
Hinc Iohannes ait, qui dicit se nosse Deum,  
& mandata eius non custodit, mendax  
est. Quod cum ita sit fides nostræ veritatē  
in uitæ nostræ consideratione debemus  
agnoscere. Tūc enim veraciter fideles su-  
mus, si quod verbis promittimus, operibus  
complemus. Quibus verbis non signifi-  
cant veram fidem non habere, qui o-  
pera non habet, sed mortuam habere,  
ut Iacobus ait, inutilem, & ad sa-  
lutem haud multo magis conducen-  
tem, quam fidem da monum, qui cre-  
dunt, & contremiscunt. Itaque veram  
fidem hi auctere uocant non eam,  
quæ, si naturam spectes, fides uera  
est: sed eam quæ non solum vera, sed  
fructuosa etiam est, tunc enim effica-  
citer credimus, cum fides in nobis per  
caritatem operatur. Tenenda igitur  
hoc loco illa, quam multis locis tra-  
didimus, regula est, Generales senten-  
tias plerumque esse subintellectis, si  
non exprimentur, certis quibusdam  
conditionibus intelligendas, Omnis,  
inquit Iohes. ca. 2. 32. qui inuocauerit no-  
men Domini, saluus erit, cum dicat Chri-  
stus Matthæi. 7. 21. Nō omnis, qui dicit  
mihi Domine, Domine, intrabis in regnū  
eulorum. Dicit rursus Christus eodem  
capite ver. 8. Omnis, qui petit, accipit, di-  
cit Iacobus c. 4. 3. Petit, & non accipi-  
tis. Reddit causam, Eō, inquit, quod  
male petatis, ut in concupiscentiis vestris  
insumatis. Vnde colligimus genera-  
les illas promissiones ita intelligen-  
das, Omnis, qui inuocauerit nomē Domi-  
ni, saluus erit, si reliqua, quæ debet, fa-  
ciat, id est non stabit per Dominum,  
aut per eius nomen, quod ad saluan-  
dum satis est per se potens, quod mi-  
nus saluus sit. Et omnis, qui petit acci-  
pit, intelligendum esse, si bene petat,  
ut Iacobus Apostolus interpretatur,  
id est, nunquam per Deum, sed per ip-  
sum stat, quod minus accipiat, quia  
aut iniusta, aut iusta iniuste petit. Ad  
eundem modū, quod hoc loco Chri-  
stus dicit, intelligendum, Qui credide-  
rit, & baptizatus fuerit, saluus erit, nō  
solum si verē, sed etiam si bene credi-  
derit, ac baptizatus fuerit. Bene autem

credit, & baptizatus est, qui opera, quæ  
fides ab eo, & baptismus exigit, facit,  
atque hoc est, quod paullo ante ciui-  
tus D. Gregorius dicere uoluit. Tunc  
inquit, veraciter fideles sumus, si quod  
uerbis promittimus, operibus cōplemus.  
In die quippe baptismatis omnibus nos  
antiqui hostis operibus, atque omnibus  
pompis abrenuntiare promissimus. Eo-  
dem modo interpretatur D. Augusti-  
nus serm. 11. de verbis Domini secun-  
dum Matth. Qui crediderit, & baptiza-  
tus fuerit, saluus erit, non utique intelli-  
gimus eo modo credentem, quo & demo-  
nes credunt, & contremiscunt, nec in eo  
numero baptizatos, in quo Simō Magus  
baptizari potuit, sed saluus esse non po-  
tuit: sed quosdam intuebatur in ea sci-  
licet fide constitutos, quæ Apostolo di-  
stinguente per dilectionem operatur. Si-  
militer exponit Eut.

17. Signa autem eos, qui crediderint,  
hec sequentur. Non possum melius hu-  
ius loci difficultatem indicare, quam  
positis verbis D. Bernardi sermone  
primo de Ascensione, Nec minor, in-  
quit, fortasse uidebitur ipsis quoque reli-  
giosis ex hoc verbo prouenire desperatio,  
quam ex uerbo priore vane spei data se-  
cularibus occasio uideretur. Quis enim  
ea, quæ in presenti loco scripta sunt, signa  
videtur habere credulitatis, sine qua ne-  
mo poterit saluari, quoniam qui nō cre-  
diderit, cōdemnabitur? Et sine fide impos-  
sibile est placere Deo? Respondet eodē  
loco Bernardus, Nec difficile arbitror  
nosse, quemadmodum intelligi signa pos-  
sint presentia, ut sint indubitata signa  
credulitatis. Primum enim opus fidei per  
dilectionem operantis cordis compunctio  
est, in qua sine dubio eiciuntur demonia,  
cum eradicantur e corde peccata. Exinde  
qui in Christum credunt, linguis loquū-  
tur nouis, cum iam recedant vetera de ore  
eorum, nec de cetero uocata propterea  
tum lingua loquuntur declinantium in  
verba malitiæ ad excusandas excusatio-  
nes in peccatis. Vere ista dicta sunt, sed  
dubium non est Christum non de  
istis loqui signis. Ergo quemadmo-  
dum superiorem illam, generalemq;  
sententiam, Qui crediderit, & baptiza-  
tus fuerit, saluus erit, adhibitis certis  
condi-

Hebr. 11. 6.

1. sal. 1. 40.



Quomodo  
Christianis  
potestas da-  
ta miracu-  
lorum.

conditionibus intelligendani esse dicebamus: si etiam hac non absolute, & vniuersè, sed cum nonnullis interpretationibus intelligenda est. Eæ autem sunt, quinque. Prima est hic non de actu faciendi miracula, sed de potestate agi. Certum enim est non omnes, qui crediderunt, & baptizati sunt, re ipsa miracula fecisse, omnes tamen illis saltem initiis facere potuisse vero simile est. Credidit certe Ioannes Baptista, & quamuis scriptura non dicat, tamen baptizatus, sicut & Apostoli fuisse creditur, *signum tamen fecit nullum* Ioannis 20. 41. Secunda est non esse hoc necessarium de singulis hominibus intelligendum. Cum enim hoc donum faciendi miracula non propter priuatam cuiusque, sed propter communem Ecclesie utilitatem concessum fuerit, valde vero simile est non singulis Christianis fuisse datum, sed his tantum, à quibus conueniebat ad propagandam, & stabilendam fidem hac fieri miracula. Quid enim necesse erat, ut singula etiam mulierculæ miracula facerent, cum id aliis vtile non esset, ipsis vero perniciosum esse posset. Tertia est, non de omni tempore, sed de eo tantum hoc esse intelligendum, quo ad eum finem, propter quem ea potestas concedebatur, id est ad fidei propagationem, confirmationemque erant miracula necessaria, fuerunt autem necessaria, antequam fides propagata satis, & roborata esset. ut rectè Gregorius homil. 29. & Beda respondent, *Nunquid nam fratres mei, quia ista signa non facitis, minime creditis? sed hæc necessaria in exordio Ecclesie fuerunt. Vt enim ad fidem crederet multitudo credentium, miraculis fuerat nutrienda: quia & nos, cum arbuta plantamus, tamdiu eis aquam infundimus, quousque ea in terra iam coa-luisse videamus: & si semel radicem fixerint, irrigatio cessabit.* Simile quiddam in lib. de vera religione ca. 15. scribit Augustinus. Cum enim Ecclesia Catholica per totum orbem diffusa, atque fundata sit, nec miracula illa in nostra tempora durare permisa sunt, ne animus se-

per visibilia quæreret, & eorum consuetudine fregisceret genus humanum, quorū nouitati flagrauit, & libro de utilitate credendi contra Manich. c. 16. *Facta igitur sunt illa miracula opportunissime. ut in multitudine credentium congregata, atque propagata, in ipsos mores utiliter conuerteretur auctoritas.* Neque uero existimandum est iam in credentibus omnino faciendorum miraculorum extinctam esse potestatem, ut multis verbis de hac questione differens lib. 22. de ciuitate Dei ca. 8. multis D. August. probat exemplis. Quod ibi, quod sermone 7. de sanctis in Episcopatu suo, quod se etiam præsentem, atque inspectantem ad sancti Stephani Protomartyris reliquias duorum annorum spatio narrat facta esse miracula? Quarta est, non esse hoc ita intelligendum, quasi quicumque dono isto faciendi miracula à Deo ornatus est, ista omnia, aut faciat, aut facere possit, quæ hic à Christo credentes consequutura commemorantur, sed ita, ut alia alii facere possint, ita Apostolo Paulo interpretante 1. Cor. 12. 2. *Diuisiones gratiarum sunt, idem autem spiritus: & diuisiones ministracionum sunt, idem autem Dominus: et diuisiones operationum sunt, idem vero Deus, qui operatur omnia in omnibus. Vnicuique autem datur manifestatio spiritus ad utilitatem, alij quidem per spiritum datur sermo sapientiæ, alij sermo scientiæ secūdum eundem spiritum, alij fides in eodem spiritu, alij gratiæ sanitatum in vno spiritu, alij operatio uirtutum, alij prophetia, alij discretio spirituum alij genera linguarum, alij interpretatio sermonum.* Viguit quidem initio tantopere miraculorum usus, ut rari admodum Christiani essent, qui omnia non facerent. Duo maxime fere omnibus communia erant, alterum loqui linguis, ut apparet Actuum 2. 4. & 10. 46. & 19. 6. Quamquam etiam tunc linguarum donum proprium fuisse quorundam docet D. Pau. 1. Cor. 12. 10. & 14. 2. 4. 5. alterum demones eicere, ut ex Iust. Tert. & 1. actant. alibi docuimus. Quinta est, hoc ipsum, quod exposuimus miraculorum donum non fuisse



tim, ut quisque credebatur, atque baptizabatur, fuisse consecutum; per impositionem enim manuum, id est, per Confirmationem, quia Spiritus sanctus effundebatur potius, quam per baptismum id recipiebatur. Exemplum est Actor. 19. 6. Quare aperte significabatur baptismum per Confirmationem quodammodo perfici, quod a Pontifice quodam Romano dictum non impudenter solum, sed etiam indocte \* haeretici vident.

Confirmatio-  
tionis sacra-  
mentum.

S. Vrb. 1.

Epist. 2. ad

omnes fide-

les S. Mel-

chiade epi-

ad Episc.

Hisp. de co-

secr. dist. 5.

\* Calu. 4.

inst. c. 19.

19. Et Dominus quidem Iesus, postquam locutus est eis.) Hæc non statim acciderunt post superiorem Christi apparitionem in ver. 14. ut D. Augustinus libro tertio de consensu Evangelistarum cap. 25. & Gregor. homilia 29. in Evangelia, & Beda videntur existimare, de quorum opinione supra ver. 14. disceimus: sed acciderunt triginta duobus diebus post. Nam apparitio illa, ut diximus, facta fuerat octavo post resurrectionem, die Ioan. 20. 26. uersarius autem est cum Apostolis Christus post resurrectionem dies quadraginta Actor. 5. 3. Deinde apparitio illa facta est Ierosoly. ut scribit Io. capit. 20. 26. postea discipuli ierunt in Galileam in montem, in quem præmiserat eos Christus, Matth. 28. 16. Iterum vero rediit cum discipulis in Iudæam, quia uolebat eos Ierosoly. mæ Spiritus sancti aduentum expectare, indeque ordiri Evangelij prædicationem Lucæ 24. 49. & Actor. 1. 4. Quadagesimo autem post resurrectionem die eduxit eos foras in Bethaniam in Montem Oliueti, atque in cælum cernentibus illis euectus est Lucæ 24. 50. & Actor. 1. 12. Quæ omnia, quia ex literis sacris colliguntur auctore alio non est opus: monuit tamen hoc ipsum Euthym. Postquam locutus est, inquit, non hæc solum, sed & omnia uerba, quotquot eis locutus est, à die resurrectionis suæ, donec compleretur quadraginta dies, in quibus apparebat discipulis, & conversabatur cum eis.

Assumptus est in cælum.) Assumptus dicitur, non quasi non sua ipse uirtute in cælum ascenderit: sed sicut dicitur

ex mortuis a Patre suscitatus Actor. 2. 24. & 3. 15. & 4. 10. & 5. 30. & 10. 40. & 13. 30. 54. 37. & 17. 31. & Rom. 4. 24. & 8. 11. & 10. 9. & 1. Corinth. 15. 15. & 2. Corinth. 4. 14. & ad Galat. 1. 1. & ad Colos. sen. 2. 12. quamuis ipse se certe suscitauerit, *et crucifixus est*, ut ait D. Paulus *ex infirmitate, sed uiuit ex uirtute Dei*, 2. Corinth. 13. 4. & mortificatus quidem carne, uiuificatus autem spiritu 1. Petri 3. 18. Quemadmodum ergo suscitatus a Patre per attributionem dicitur, quia suscitare mortuos magne potentie est, & potentia Patri tribuitur; & ita assumptus scilicet a Patre per eandem attributionem dicitur.

Quo autem modo assumptus in cælum fuerit, fufius explicat Lucas Actorum 1. 4. 9. ubi, & nos copiosius sumus, si Deus uolet, explicaturi. Hic de sola ad dexteram Patris sessi. de qua solus scribit Marcus, dicendum est.

Et sedet a dextris Dei.) Quomodo Christus ad dexteram Dei sedeat, Cyrillus Catech. 1. inexplicabilem putat esse quæst. Tria sunt, in quibus difficultas tota consistit, quid sit sedere, quid ad dexteram Dei, qua ratione, tamquam Deus, an tamquam homo ad dexteram Patris sedere dicatur Christus. Ridiculi nonnulli ex nouis hæreticis sunt, qui sedere hoc loco certum quendam humani corporis positum significare putant. Non enim sedere in cælo dicitur Christus propter habitum corporis, quem si spectemus, stare magis crediderim, quam sedere, non solum quia stantem Stephanus se uidisse dicitur, cum indicare uellet se eum eodem prorsus, quo erat habitu, conspexisse Act. 7. 55. sed etiam quia stare perfecti, atque ualentis sedere, aut iacere infirmi, languidi, aut lasi est; neque enim nisi aut quiescendi, aut cibi somnue capiendi, aut alius necessitatis causa sedemus, iacemusue. Stare naturalis homini habitus est, qualem, & in Christo, & in beatis omnibus esse probabile uidetur. Quid ergo sit Christum in cælo sedere, aptissime explicat D. Paulus 1. Corinth. 15. 25. Nam, quod Dauid Psal. 109. 1. dixerat

Christus, &  
beati in cæ-  
lo stant po-  
tius, quam  
sedent.

sede



Quid Chri-  
sti ad dex-  
tram Patris  
sedere.

*sede a dextris meis, donec ponam inimi-  
cos tuos scabellum pedum tuorum; ipse  
dicit. Oportet eum regnare, donec ponat  
omnes inimicos eius sub pedibus eius. Se-  
dere igitur regnare est, Ecclesiamque  
gubernare, eadem phrasi, qua dicere  
solemus GREGORIVM XIII.  
nunc Romæ sedere. Sic Sedulius Poe-  
ta interpretatus est,*

Lib. 5. Car-  
min.

*Aethereas euectus abis sublimis  
in auras,*

*Et dextram subit ipse Patris, mun-  
dumque gubernat.*

Credo tamen non solum Christi re-  
gnum, sed quietem etiam significari,  
quasi post longum huius uitæ labo-  
rem, post passionem, post pugnam se-  
dere, ac quiescere, quasi rex in suo  
throno dicatur alta fruens pace. Id  
multis scriptura locis indicat, in quib.  
Christi passioni, atque laboribus sessio-  
nem opponit Matth. 26. 64. Marc. 14.  
62. Luc. 22. 69. Acto. 2. 34. 36. & 5. 30.  
31. Rom. 8. 34. Ephes. 1. 20. Hebr. 1. 13.  
& 12. 2. *Aspicientes in auctorem fidei,*  
*& consummatorem Iesum, qui propo-  
siti sibi gaudio sustinuit crucem confu-  
sione contempta, atque in dextera sedis  
Dei seder.* Habeo huius interpretatio-  
nis auctorem Ambr. serm. 60. *Secun-  
dum, inquit, consuetudinem nostram il-  
li confessus offertur, qui aliquo opere per-  
fecto victor adueniens honoris gratia  
promeretur, ut sedeat. Ita ergo, & homo  
Iesus Christus passione sua diabolum su-  
perans, resurrectione sua inferna rese-  
rans, tanquam perfecto opere ad calos  
victor adueniens, audit a Patre, sede ad  
dexteram meam.*

Quid intel-  
legendū per  
Dei dex-  
tram, ad  
quam Chri-  
stus sedet.

Dextera autem Dei, quid signifi-  
cet, maior est quaestio. Qui certum in  
caelo locum dextræ nomine designa-  
ri putant, quod nonnulli ex huius tē-  
poris hæreticis faciunt, audiendi non  
sunt, quia adeo sūt absurdi, ut ab aliis  
eiusdem sectæ paullo doctioribus hæ-  
reticis irrideantur. Neque enim Pa-  
ter dexteram, sinistramue manum ha-  
bet, sed totus ubique est. Itaque, &  
cum Christus in terris est, ut certè est  
in Eucharistia, & vt fuit cum a Paulo  
visus est Actorum 9. 4. 5. ad dexteram  
etiam sedet Patris: nam & ad iudicium

ad dexteram Dei sedens uenturus di-  
citur supra cap. 14. 62. & Matt. 26. 64.  
quod fieri non posset, si certus, fixus-  
que dextræ nomine locus intellige-  
retur, & eum errorem D. August. in li-  
bro de fide, & symbolo cap. 7. & libro  
de agone Christiano capit. 26. refuta-  
uit. Metaphoricè igitur dexteram su-  
mi necesse est: sed de ea ipsa metapho-  
ra disputatur. Ariani, ut auctor est Ba-  
silus lib. de Spiritu sancto cap. 6. dexte-  
ram Patris interpretabantur supre-  
mum inter creaturas locum, quod ex  
Paulo ad Ephes. 1. 20. 21. probabant,  
*Suscitans illum a mortuis, & consti-  
tuens ad dexteram suam in caelestibus  
supra omnem principatum, & potesta-  
tem, & uirtutem, & dominationem,  
& omne nomen, quod nominatur non  
solum in hoc seculo, sed etiam in fu-  
turo, & quod nos etiam confestim  
cum illo dicamur ad Ephes. 2. 6. Cæte-  
rum perspicuum est. D. Pauli testimo-  
nium ad Hebr. 1. 13. ubi Christum an-  
gelis tãquam creatorem creaturis op-  
ponens, *Ad quem, inquit, angelorum  
dixit aliquando, sede à dextris meis?*  
Omnium fere ueterum auctorum opi-  
nio est per dexteram Patris gloriæ, ho-  
noris, maiestatis, potentia, rerumque  
omnium equalitatè designari A than.  
orat. 2. contra Arian. Basilij libro de  
Spiritu sancto capitulo sexto, August.  
libro de agone Christi. capitulo 26. &  
libro de fide, & symbolo capitulo se-  
primo a qua sententia nolim temere  
discedere. Cæterum valde meus in  
eam opinionem animus inclinatur, ut  
existimem per dexteram non solum  
æqualitatem, sed quiddam etiam equa-  
litate maius significari, non quod fi-  
lius quidquam maius, quam Pater ha-  
beat: scio enim omnibus rebus aqua-  
les esse: sed quod maiorem præ se, si  
officij functionem consideremus, di-  
gnitatem ferat, cum ad dexteram, id  
est regali in sede sit Ecclesiam inde gu-  
bernans, donec Pater ponat inimi-  
cos eius scabellum pedum eius: sicut  
in iudicio non habebit quidem re ip-  
sa maiorem, quàm Pater honorè, non  
maiorem potestatem, sed maiorem  
tamen ostendet, ac præ se ferret, quia  
ipse*



ipse non Pater Iudicis officium uisibiliter exercebit: *Omne enim iudicium Pater dedit filio* Ioannis 5. 22. Moueor cōsuetudine loquendi, unde sine dubio metaphora ista ad dexteram Patris sedendi traducta est. Cum tres simul sedent omnium more gentium, qui honoratissimus est, sedet in medio. Cum autem sedent duo, qui honoratior est, sedet ad dexteram. Exemplum est libr. 3. Regum capit. 2. 19. ubi cum Berthabee mater Salomonis Regis eum inuiserit, iussit Salomon ad dexteram suam alterum poni thronum, in eoque sedere matrem, ut eam superiorem agnosceret. Animaduerto autem in literis sacris nusquam Spiritum sanctū, sed solum Patrem, & Filium dici sedere, quod sedere, ut dixi, gubernare sit, & non Spiritus sanctus, sed Pater, & Filius dicantur gubernare, gubernare, inquam, extrinsecus, nam intrinsecus quidem animos hominum regere Spiritus sancti proprium est. Cum ergo solus Pater, & Filius sedeant, & Filius ad dexteram Patris sedere dicatur, significatur honoratiore quodam modo esse loco, non quod re ipsa maior sit, sed quod cum Regis officium exerceat, maiorem præ se ferat dignitatem. Ceterum neque ipse hanc sententiam uiris præsertim doctis repugnantibus tueri velim, neque lectorem mea ductum auctoritate sequi, cum neminem, qui id doceat, auctorem inueniam, & qui neget inueniam Ambros. sermon. 60. sciamque D. Athan. etiam Spiritum sanctum ad dexteram Patris in sede collocare; proponere tantum nolui, & in medio relinquere ab alijs me doctioribus iudicandam. Tertia quaestio pars nihilo magis est facilis. Nam si Christus, qua Deus est, ad Patris dexteram, id est æqualitatem sedere dicitur, antequam in cœlum ascenderet, sedebat, quia æqualis erat: si qua homo, ne post ascensionem quidem sedet, quia æqualis Patri esse non potest. Quod si propter unionem cum diuinitate, quam uocant hypostaticam, ad Dei æqualitatem homo ille euectus esse dicitur, ante ascensionem

euectus erat, quia antequam erat unitus. Hanc ob causam Cyrillus Catechesi. 14. hanc quaestionem incomprehensibilem esse dixit. Ac ille quidem non, ut hominem, sed ut Deum ad Patris dexteram sedere putat, semperque sedisse, nec, cur prius nunquam ante sedere dicatur, rationem ullam reddit. Sic etiam Athan. orat. 2. contra Arian. Basilii lib. de Spiritu sancto capit. 6. Damasc. lib. 4. cap. 2. Cyril. Alexandr. Alij ut hominem sedere dicunt, Epiph. in Ancor. & Ambros. libr. 2. de fide cap. 4. Vtrumque mihi uidetur uerum esse; nam cum sedere proprium corporis sit, non dubium, quin Christus ratione corporis, humanæque naturæ sedere ad dexteram dicatur Patris, non quod uerè sedeat, ut paullo supra docuimus, sed quod ea metaphora, qua sedere dicitur, à corpore sit sumpta. Rursus cum sedere ad dexteram Patris sit æqualem cum illo gloriam, æqualem habere maiestatem, & eam gloriæ, maiestatisque æqualitatem, nisi propter hypostaticam cum diuinitate conjunctionem corpus non habeat, sit, ut propter diuinam naturam, qua patri æqualis est, sedere ad eius dexteram dicatur Christus. Humana natura dat Christo, ut sedeat, diuina, ut ad dexteram sedeat. Cur ergo ante quàm ad cœlum ascenderet, sedere ad dexteram Patris non dicebatur, cum iam esset humana & diuinæ coniuncta naturæ, & diuina æqualem cum Patre gloriam haberet? Primum, quia ita Christo uolente nondum eius humana natura glorificata erat. Deinde quia Christus ipse, ut Deus etsi æqualem cum Patre habebat maiestatem, extrinsecus tamen non ostendebat, adhuc uermis, & non homo, adhuc formam gerens serui, adhuc laborans, adhuc patiens, adhuc pugnans; & non tēdetur dum pugnatur. Stantem enim, ut ille dixit, mori oportet Imperatorem. Seditur post pugnam, sedetur post uictoriam, sedet, qui triumphat; sedet, qui regnat. Non prætermittendum, quod Irenæus lib. 3. c. 11. obseruauit, propterea Marcum de sessione Christi ad dexteram Patris egisse ab alijs

Lib. 1. in Io  
an. cap. 22.

Psalm. 21. 7.  
Philip. 2. 7

Vespasianus ex Diocle  
ne in fine  
uitæ eius  
dem.

Christus an  
ad dexteram  
Patris ut  
homo se  
deat.



alijs Euangelistis prætermiffa, ut ostenderet impleram in eo fuisse David prophetiam Psalm. 109. 1. *Dixit Dominus Domino meo, sede à dextris meis.*

20. *Illi autem profecti prædicaverunt.*) Non statim, sed decem post diebus, cum Spiritus sanctus in eos effusus est. Sic enim illis Christus præceperat Luca 24. 49. & Actor. 1. 4. sed quia Marcus narrauerat, quomodo Christus iussisset eos ire in mundum uniuersum vers. 15. Voluit docere ita Apostolos fecisse, quemadmodum à Christo iussu fuerant, ut Gregorius homil. in Euangelia 29. & Beda in commentarijs adnotarunt.

*Predicauerunt ubique.*) Id est non solum inter Iudeos, sed etiam inter Gentiles, ubicumque potuerunt, nullam ullius loci, ullius nationis habitationem, uide supra versu. 15.

Liberū ar-  
bitrium.


*Domino cooperante.*) Conatus eorum adiuuante. Negant Caluinistæ, & Lutherani nos cum Deo coopera-

ri, atqui scriptura non solum nos Deo 1. Corinth. 3. 9. sed quod multo maius est Deum nostri coadiutorem, & cooperatorem esse docet. Nos cum scriptura loquimur, cum scriptura sentimus; hæretici, qui nouo sensu, noua utuntur lingua, barbari nobis sunt.

*Et sermonem confirmante sequentibus signis.*) Efficiendo, ut miracula per eos fierent, quibus Euangelicum uerbum, quod prædicauerant, confirmaretur. Facit Marcus Deum miraculorum auctorem, quia etiam Apostoli ea uere faciebant, tamen ea potestas non illis à natura, sed singulari à Deo dono concessa erat: ideo autem hoc uidetur Euangelista dixisse, ut ostenderet uera fuisse, quæ Christus promiserat. vers. 17. c. 6. 7. ut Greg. hom. 29. in Euangelia, & Beda obseruauerunt: *Quid in his,* inquit Gregorius, *considerandum est, quid memorie commendandum, nisi quod præceptum obedientiæ, obedientiam uero signa sequuta sunt?*

F I N I S.







005267015



